


100. 17.



APA 308





D I V I
T H O M A E
A Q U I N A T I S
D O C T O R I S A N G E L I C I
O R D I N I S P R A E D I C A T O R U M
O P E R A .

EDITIO ALTERA VENETA
ad plurima exempla comparata , & emendata.

A C C E D U N T

Vita, seu Elogium eius a IACOBO ECHARDO diligentissime concinnatum,
& BERNARDI MARIAE DE RUBEIS in singula Opera
Admonitiones prævia.

T O M U S Q U I N T U S

complectens auream Catenam in LUCÆ,
& IOANNIS EVANGELIA.



V E N E T I I S

M D C C X L V I .

Cudebat IOSEPH BETTINELLI
EX PRIVILEGIO EXCELLENTISSIMI SENATUS.





A D L E C T O R E M
T Y P O G R A P H U S .



Riticas animadversiones in Auream Divi Thomæ Catenam super quatuor Evangelistas, typis editas, Lector humanissime, habes omnes in superiore editionis nostræ Tomo, qui continuam eiusdem Doctoris Angelici complectitur Expositionem in *Evangelium Matthæi*, & in *Evangelium Marci*. Tomus alter prodit in lucem, quo pars altera Expositionis in reliqua Evangelia duo *Lucæ* & *Ioannis* exhibetur. In votis erat ut simul aliquod opusculum prodiret ab Auctore Animad-

versionum elucubratum, quo fin minus Thomæ Opera, Vita
eius resque gestæ illustrarentur : votisque factum satis, habita
facultate Dissertationem recudendi, quam anno 1724. typis de-
derat contra adsertum Benedictinum Aquinatis Monachatum,
meliori nunc ordine digestam, pluribusque additamentis locuple-
tatam. Curas nostras, Humanissime Lector, ut Operum S. Tho-
mæ editionem criticis animadversionibus ac eruditis opusculis
munitam habeas & auctam, æqui bonique consule.



(V.)

F. IO. FRAN. BERNARDI MARIAE

D E R U B E I S

ADVERSUS MONACHATUM BENEDICTINUM


DIVI THOMAE AQUINATIS

Apud Casinenses antequam ad Dominicanum
Prædicatorum Ordinem se transferret,

D I S S E R T A T I O.

C A P U T I.

Inter Monachos Benedictinos, solemnæ religionis voto obnoxium plures annos egisse Divum Thomam, propugnat cuiusdam Historiæ Disquisitionis Auctor. Eadem iam dudum fuerat Angeli de Nuce sententia. Obscure loquuti sunt Costantius Caetanus, & Marcus Antonius Scipio. Nonnisi Oblatum ac Novitium fuisse Thomam Casini, censet Ioannes Caramuel: vel etiam seculari dumtaxat veste indutum, sanctis moribus imbuendum, non abnuvit Erasmus Gattula.

L  Ypis Lugdunensibus, revera Venetiis, anno 1724. in lucem prodit *Historia Disquisitio*, suppresso nomine Auctoris, *De Monachatu Benedictino Divi Thomæ Aquinatis apud Casinenses, antequam ad Dominicanum Prædicatorum Ordinem se transferret*. Doctissimo Viro, qui magna virtutis, & eruditionis opinione florebat, opellam aliudicavit communis fama: ipsumque proprio nomine appellat Marianus Armellini in Bibliotheca Benedictino-Casinenſi, Aſſiſi anno 1731. impressa, in Elogio Angeli de Nuce. Nolim ego celeberrimi viri iam pridem vita functi turbare pios manes: satiusque mihi erit, Auctorem Disquisitionis Historiæ, vel Disquisitorem deinceps vocare, quisquis ille fuerit. Spargi in vulgus, manibusque teri vix cøperat elucidratio, ad faciem faciendum aptissima, cum edita typis Andrææ Mercurii Veneti Responsio paucos post dies opposita eſt, quæ benevolo Lectorum animo iudicioque ut exciperetur, per sese splendida causæ merita, quam tutandam susceperam, effecerunt. Titulus erat: *De Fabula Monachatus Benedictini Divi Thomæ Aquinatis: Responsio ad Historicam Disquisitionem hęc.*

Elapſo fere decennio, lucem vidit *Historia Abbatiæ Casinensis*, Venetiis anno 1733. excuſa apud Sebastianum Coletum: in qua Doctissimus Auctor Erasmus Gattula Parte II. num. v. & in Addendis, idem pertractat argumentum, preſto quidem contractoque calamo, sed eo robore omni quod rei conditio ferre poterat. Utriusque superioris Dissertationis altum priore loco silentium: ac leviuſcula ſolummodo in Addendis mentio *Historiæ Disquisitionis* ab Anonymo vulgatæ; ut quæ pridem collegerat Gattula de Monachatu Divi Thomæ, ex Opusculo Angeli de Nuce, de quo dicendum infra, dubio procul deſumpta, typis edidiſſe videatur, quin Anonymi Disquisitionem, meamque voluerit novo inſumpto labore vocare ad examen. Quæ vero protulit ipſe, diligentius ego expendi omnia: pronumque mihi fuit ut Opusculum ſecundis curis reſicerem, novis auctum argumentis, pluribusque animadvertionibus locupletatum, quo ſolius Divi Thomæ Monachatus magis magisque innotefceret.

Ad

Ad ipsam quæstionem accedo. Auctoris *Historicæ Disquisitionis* consilium, ac sententiam, verbis eius iam refero. „Quod hic demonstrandum (ait ille capite 1. num. 1.) aggredior, est: primo Thomam Aquinatem anno ætatis suæ quinto ad Cœnobium Casinense a parentibus missum esse, non piis dumtaxat moribus primisque litterarum rudimentis inter alios nobiles pueros informandum; sed Deo sub Divi Benedicti Monastica disciplina oblatum, ac velut in Monachum consecratum pro iure patriæ potestatis, ut iam tum religioso instituto adstrictus nunquam redire posset ad sæculum; sed potius adultam tandem ætatem adeptus, oblationem de se a parentibus factam, ratam haberet, vitamque Monasticam ibidem expresse solemniterque profiteretur: quod & ille pubertatem ingressus, pro illius ævi more, & ex sacris Ecclesiæ legibus executioni demandavit; eo plane modo quo Divus Placidus, Bonifacius Moguntinus Episcopus, Hildebrandus in Sede Pontificia Gregorius VII. nuncupatus, septennes Deo sub Divi Benedicti regula a parentibus suis oblatus; Divus Maurus duodennis, Godefridus, Petrus Diaconus, Venerabilis Beda quinquennes; alique bene multi a prima pueritia, Monastico instituto ex parentum voto adstricti & obligati, ut nec inde redire ad sæculum possent; puberes tandem facti, egressique ex ephebis, sacra vota quibus olim ex patriâ potestates damnati fuerant, solemniter exsolverunt.“

Hic non sinit ille: promissa largius effundens, ultra progreditur: „Alterum (inquies) quod hic demonstrare instituo, est: ex illo primo sponte fluit, istud est: Thomam Aquinatem, non anno, ut fingitur, vitæ nono vel decimo e Monachorum Casinensium cura & educatione revocatum, ad Scholam Neapolitanam auditorem sæcularem & laicum a parentibus missum esse; unde ille sui postmodum iuris factus, relicto sæculo, ad Dominicanos accesserit: sed contra potius annos circiter quindecim natum, emissaque professione, veri iam nominis Monachum Abbatis sui iussu atque mandato, Neapolim contendisse, altioribus ibi studiis sub suorum tamen Monachorum disciplina perpoliendum; unde ille nonnisi post annos circiter octo (*ætatis anno 23.*) victus cultusque asperioris, arctiorisque paupertatis studio succensus, ad surgentem Prædicatorum Ordinem se transtulerit; non relicto tunc primum sæculo, cui diu antea cucullum induens valedixerat, sed nova religiosæ vitæ ratione suscepta.“

Hinc vitæ gestorumque Thomæ chronographiam sic digerit, digestamque proponit. „Anno 1220. die 16. Aprilis nascitur Divus Thomas in Castro Roccasica, patre Landulfo Comite Aquinate, matre Theodora Theatis Comitis filia.“

„Anno 1225. ætatis 5. ad Casinense Monasterium mittitur a parentibus, oblatum Deo atque dicatum sub regula Sancti Benedicti.“

„Anno 1235. ætatis 15. Monasticam ibidem professionem emitit: ac tum ad altiora studia Neapolim ab Abbate mittitur, sub Benedictinorum Magistrorum disciplina.“

„Anno 1239. ætatis 19. Casinensi Monasterio a Friderico II. Imperatore expulso, & in munitionem converso, cum cæteris Monachis eiicitur.“

„Anno 1243. ætatis 23. relicto Benedictinis, ad Dominicanos Prædicatores accedit, parentibus repugnantibus, ac filium repentibus.“

II. Hæc primum *Historicæ Disquisitionis* Auctori non infidet opinatio: imo laudat ille capite vi. num. iv. adiutorem eiusdem, acerrimumque propugnatorem, Angelum de Nuce Casinensis Congregationis alumnum, Archiepiscopum Rossanensem, cuius sunt Notæ eruditissimæ in chronicon Casinense. „Thomam Aquinatem (inquit) Religiosa professione Monachum, e Benedictinis Casinensibus ad Dominicanos transiisse, in Academica collatione Romæ defenderat ille (Angelus de Nuce) in Aula Augustissimæ Christianæ Svecorum Reginæ, quo eruditorum omnium natio convenire consueverat. Quod cum monstri pene instaret ab adstanti-

„bus

bus exceptum esset, eorumque supercilia mentesque admiratione suspendisset; is ad redimendam dictorum fidem, Dissertationem scripto consignavit, cui titulum dedit: *Divum Thomam Monachum fuisse Benedictinum, ostenditur*. Cuius exemplum ante annos triginta (anno circiter 1695.) Romæ cum essem, ab Eminentissimo Cardinali de Noris mecum humanissime communicatum & vidi, & legi. "Haud ullus dubito, & exscriptam Dissertationem illam fuisse; ac pene eandem cum *Historica Disquisitione*, quod attinet ad præcipua controversiæ & capita, & argumenta, dici posse.

Hanc Erasmus Gattula in Historia Abbatiz Casinensis Parte II. num. 5. laudat *Dissertationem de Monachatu Santi Thomæ, Eruditissimi Archiepiscopi Angeli de Nuce*: quam manuscriptam vidit ac legit, compendioque contractam ibidem profert. Calculos ita subducit, ut natus fuerit Thomas initio saltem anni 1215. ante diem septimam Martii: anno 1230. pro illorum temporum more, puer quinquennis, Monachus Casinensis evaserit: confederit Neapoli anno 1239. ubi studia scientiarum perficeret, Casino cum reliquis Monachis in exilium actus violentia Friderici Imperatoris: Dominicano demum Ordini nomen dederit anno 1243. aut initio anni 1244. cum annum ætatis ageret decimumnonum, aut vicissimum: hinc vero septem circiter annis Casini manserit ad annum ætatis usque decimumtertium, ac annis pariter septem Neapoli diversatus fuerit in Benedictino S. Severini, vel S. Demetrii Monasterio, minime vero in Sæcularium domo. Iam vides, eadem esse controversiæ capita, chronographia excepta, eademque argumenta, quæ Angelus de Nuce in sua Dissertatione Ms. posuerat, quæ Auctor Historiæ Disquisitionis enarrat politiore adhibito stylo, ac meliore fortasse methodo servata.

III. Oblationem Thomæ Deo factam Casini a parentibus, veluti certam habet ac indubitatam Marcus-Antonius Scipio, Placentinus patria, Benedictini Cœnobii sub titulo S. Sixti ibidem alumnus, in Elogiis Abbatum Monasterii Casinensis, quæ Neapoli apud Octavium Beltramum anno 1640. f. ac iterum anno 1643. apud Iacobum Gassarum in 4. prodierunt: de professione vero Monastica voto solemnè emissâ satis obscure loquitur. In Appendice ad Landulphum Abbatem LVI. sic ait: Landulpho secundum iam suæ administrationis annum agenti Divum Thomam ipsius nepotem quinquennem Parentes educandum obtulere, eo prorsus modo quo Terrullus olim & Equitius, Romanorum nobilissimi, liberos suos Placidum & Maurum Divo Benedicto religiosa disciplina imbuedos tradiderunt. Nec enim apud Casinum moris erat (quidquid alibi secus in nostris etiam Cœnobiis sancte & laudabiliter fieri consuevisset) ut Nobilium Virorum filii ad Monachorum scholas admitterentur, nisi quibus ex parentum spontanea oblatione statutum esset, ubi adolevisset, religiosi status professionem emittere. "Causas affert, quibus permoti Comites Aquinates fortasse constituerint, puerulum Thomam in Cœnobia Casini offerre Deo sub regula S. Benedicti: ac nihilominus eo ipsum in loco diutius non mansisse, neque adhæsisse ordini Benedictino, sponte fateretur. "Quod si Thomas (inquit) diu inter Monachos educatus, nostro tamen Ordini non adhæsit, id vero nemini mirum videri debet: nam præterquamquod bellum atrox, quod inter Pontificem Romanum & Federicum Imperatorem exarserat, cum toti Campaniæ, tum nominatim Casinati Sodalitio maxime calamitosum, tam eidem Thomæ, quam cæteris Monachis attulit alio demigrandi necessitatem; parentum insuper consilia & machinationes de Casinati Abbatia cum illi suboluisset, ab omni semper honorum spe atque ambitu alienissimo, cogitationes suas ad aliud vitæ genus amplectendum convertit, in quo posset dignitatum insignia, & titulos omnes facilius ac probabilius in omnem vitam declinare."

Obscuriora quoque pauca verba scripserat eodem circiter tempore Constantinus Caietanus Siculus, Ordinis Benedictini vir illustris, in Epistola Nuncupatoria ad Patres Societatis, quæ præfixa legitur Opusculo de Religiosa S. Ignatii sive Enneconis,

nis, *Fundatoris Societatis Iesu, per Patres Benedictinos institutione*, Venetiis edito anno 1641. apud Christophorum Thomasinum. Ait ille: Omitto nunc ceremonias ritusque Benedictinos, quos sacer hic ordo *Predicatorum*, mei amantissimus, quotidie frequentare non cessat: præterquamquod Angelicum illud Ecclesiæ lumen, Thomas Aquinas, Doctoribus Benedictinis non abs re adscribendus venit. Huiusce operis vices narrat omnes laudatus Marianus Armellinus: mihi vero sat fuerit animadvertere, Constantinum Caietanum ab Annalium Ecclesiasticorum parente ad Annum ccccxciv. num. 77. & 78. inter illos notari, qui perperam *Sanctissimo Patriarchæ Benedicto* quos non genuit, alienos partus supponunt; qui nimio eiusdem Ordinis, sub quo proficiuntur amore, nonnullos fama illustres Viros, eiusdem fuisse regulæ professores, imprudenter & inconsiderate nimis affirmant; qui veritatis candorem non illustriant, sed obscurant: & nullum habentes delectum, quoscunque repererunt doctrina vel sanctitate claros, eosdem sub *Sancti Benedicti regula* constituunt professores.

IV. Sunt alii vero clarissimi Viri ex Ordine Benedictino, qui apud Casinenses oblatum ac Novitium fuisse Thomam arbitrantur, minime vero solemnem professionem emissam, aut oblatione de se a parentibus facta voto firmata, Monachum veri nominis: imo sunt etiam qui eo sancto in loco moribus & litteris duntaxat imbuendum, in veste seculari traditum, non admodum repugnant. Priorem sententiam disertissimis profert Ioannes Caramuel in Theologia Regulari Tomo I. Libro VI. Disp. xxxix. num. 445. ubi hæc habet: *Attamen infantes sic devoti a parentibus, sine nota aliqua, imo laudabiliter, cum ad ætatem pubertatis veniebant, poterant Religionem illam deserere, & reverti ad seculum, aut transire ad aliam Religionem, si iudicabant convenientius. Sic Divus Thomas studiorum causa legitime potuit, imo debuit discedere, non obstante parentum oblatione Monasterium devotos pueros potuit dimittere vel ante, vel post pubertatis annos, ut etiam quoslibet Novitios. Videatur Sylvester Verb. Religio 2. q. 10. & 13. ubi expendit circa oblationem huiusmodi curiosas aliquot difficultates.*

At ipsa demum argumenta, quæ Scriptores alios Benedictinos induxere, ut a parentibus crederent Deo oblatum devotumque Thomam Casini sub regula S. Benedicti, haud multo videtur Erasmus Gattula habuisse in pretio; utpote qui, eadem omnia postquam exhibuit, proque virili instauravit, puerulum denique Thomam eo in Cænobio, moribus litterisque imbuendum in veste seculari duntaxat, traditum fuisse, ultro permittit. Verba eius refero, quæ loco prius citato in calce habentur: *Sive tamen, iniquitatis, quo tempore Casini moram traxit, Monachorum habitum Sanctus Thomas induerit, quod verisimillimum esse non pauci opinantur: sive in laicali permanserit, perinde nobis est. Neque enim parum gloriæ Casinensibus accedit, quod Sancti huius in moribus optimi fuerint institutores, atque ipsum in Grammaticalibus, Logicis, & Philosophicis erudverint. Itaque memorandus fuit in hac nostra Historia: ne tamen ideo Casini Monachum se Deo devotisse, asserimus. Hæc varia sunt Scriptorum placita, quæ diligentiore examine versat Dissertatio, quam aggredior.*

C A P U T II.

*Argumenta, quæ videntur evincere, quinquennem Thomam a parentibus Deo oblatum apud Casinenses. Ritus oblationis huiusmodi, si qua fuit, Monachatum eiusdem, aut solemnem professionem non probat. Neque illum suadent, quæ decentia argumenta vocantur. Adhuc impuberem Thomam, Abbate cedente iuri si quod acquisiverat, ad sæculum rediisse in scholis Neapolitanis informandum litte-
ris, satis indicant Historiæ.*

I. **O** Blatum a parentibus Casini Thomam, quinque natum annos, Deo sub regula S. Benedicti, pro certo Disquisitor habet: capiturque admiratione, si qui sint qui rem hanc in dubium advocare potuerint. Rem hanc ante tradiderant Angelus de Nuce, Marcus-Antonius Scipio, & Ioannes Caramuel: eandemque post omnes crambem recoxit Erasmus Gattula. Scriptorum ex Prædicatorum ordine, aliorumque testimonio proferuntur, qui Thomæ synchroni fuerunt, vel suppres, ipsiusque vitam ac gesta scripserant, ac testes iurati adhibentur in Processu Canonizationis eiusdem. Guillelmum de Tocco primum assert Disquisitor capite III. Historiæ Disquisitionis num. 1. „ corævum, ut inquit, Aquinati nostro scriptorem, eius-
que sodalem: qui capite 1. Vitæ ab illo descriptæ, rei fidem locupletissimam facit: Landolphus Comes Aquinas, & Theodora Theatis Comitissæ filia, parentes eius
(inquit) sic enutrit (domi) libenter Deo offerunt, & quinquennem ad Monasterium (Casini) per nutricem cum bona societate transmittunt, in quo instrueretur sanctis moribus, divinis illuminationibus (illuminationibus) præparandus. En tibi oblatum Deo puerum Thomam, & quidem quinquennem adhuc, atque tenellum. “
Hanc Vitam exhibent Bollandi continuatores ad diem VII. Martii. Guillelmum de Tocco minus proprie *sodalem Aquinatis* vocat ille: utpote qui se duntaxat vidisse ipsum scribentem, & audivisse prædicantem & legentem, narrat in Actis inquisitionis anno 1319. institutæ num. LVIII. apud eisdem Bollandistas.

„ Non longo sequitur intervallo Ptolomæus Lucensis, Episcopus Torcellanus, quippe qui Divi Thomæ tum Romæ tum Neapoli discipulus fuisse dicitur Libro XXII. Historiæ Ecclesiasticæ, quæ Ms. exstat in Bibliotheca Vaticana, in quamque sæpissimè laudat Oloricus Raynaldus in Annalibus. Capite XIX. *Hic Thomas in sua pueritia, inquit, nutritus fuit in Abbatia Montis Casini, qui sunt Monachi nigri: & secundum morem Nobilium illius patriæ, ut patet de Beatis Mauro & Placido.* En tibi rursum nutritum in Casinensi Monasterio Thomam puerum, in eum sane modum quo nobiles
„ pueri Maurus & Placidus, quos nemo negat sub Monastica Divi Benedicti disciplina Deo dicatos atque devotos, primam illic ætatem exegisse. “ Ptolomæi Lucensis Historiam Ecclesiasticam ex duobus Mss. codicibus Ambrosiano, & Patavino vulgavit doctissimus Muratorius anno 1727. inter Rerum Italicarum Scriptores Tomo XI. Quæ verba profert Disquisitor, habentur citati Libri XXII. capite vicessimo. Mirus vero accurate dictum, Ptolomæum non longo sequi intervallo Guillelmum de Tocco: cui potius ipse præmittendus fuerat. Non Libro XXII. sed XXIII. Historiæ Ecclesiasticæ testatur ille capite VIII. se confessionem Doctoris nostri sæpius audivisse, cum ipso multo tempore conversatum esse familiari ministerio, ac ipsius auditorem fuisse.

„ Suffragatur S. Antoninus, Archiepiscopus Florentinus, tertia Parte Chronici Titulo 23. cap. VII. §. 1. Completo, inquit, ætatis sue quinquennio, parentes eius puerum Deo offerunt; & cum decenti comitatu, tamquam alterum Samuelem ad Heli, ad Monasterium Montis Casini ex Ordine S. Benedicti mittunt, moribus & litteris imbuedum; ne tam præclarum vitæ speculum conversatio secularis aliquoties inhiçeret cum mundanis, En tibi pariter ad Casinense Monasterium missum Thomam, non sæculo
S. Th. Oper. Tom. V. b „ mun-

„ mundoque relictum, sed oblatum Deo, perinde ac Samuelem, quem pia mater
 „ necdum conceptum Deo voverat atque addixerat. “

His addit extranea testimonia duo, Bartholomæi de Capua, Logothetæ & Proto-
 notarii Regni Siciliæ; ac Boni, Solitarii cuiusdam, qui faultum Theodoræ Comitissæ
 proxime parituræ vaticinium denunciavit. Primus „ testis acceptus, omni exce-
 „ ptione maior, in Processu Canonizationis Sancti Thomæ, quem apud Bollandum
 „ in Actis Sanctorum legere est, ad diem VII. Martii capite IX. num. 76.
 „ ubi hoc ipsum inter cetera Divi Thomæ gesta, interposito etiam sacramento con-
 „ testatur: *Pater origine nobilis atque potens Monachavit dñum Fr. Thomam puerum,*
 „ *disponens eum Abbatia præficere Casinensi.* Quid hoc autem est, *Monachavit*, nisi
 „ *Monachum fecit!*... Quid etiam illud alterum, *disponens eum Abbatia præfice-*
 „ *re Casinensi?* nisi eo ritu Monachatum iam tunc fuisse puerulum Thomam, &
 „ Monasticæ vitæ additum, unde illi ad Casinensem Abbatiam, aliquando prome-
 „ ritis obtinendam, aditus fieret.

„ Hinc illud Eremitæ cuiusdam, pietate & sanctitate illustris, cui nomen Bono,
 „ vaticinium Theodoræ Comitissæ proxime parituræ denunciatum, (quod refert
 „ Guillelmus de Tocco capite 1. num. 2.) *Paries filium, quem vocabis Thomam:*
 „ *Et tu & vir tuus cogitabit. eum facere Monachum in Monasterio Montis Casini, in*
 „ *quo corpus B. Benedicti quiescit: habentes spem ad magnos ipsius Monasterii reditus*
 „ *pervenire per illius Filii vestri apicem & pralaturam.* Sed Deus de illo aliter ordi-
 „ nabit, quia erit *Frater Ordinis Predicatorum &c.* Quis ergo non videat, Parentes
 „ sic affectos, & ad amplissimos Abbatie reditus inhiantes, id egisse reipia quod in
 „ Processu Canonizationis testatus est Regni Siciliæ Protonotarius, *Thomam puerum*
 „ *monachasse?* Non aliter enim filii sui in suscepto Monastico instituto firmitatem,
 „ stabilitatem, atque constantiam sibi poterant adpromittere, qua sola posset ad
 „ optatam Pralaturam pervenire. “

Hæc eadem argumenta habet omnia Erasmus Gattula loco citato: eademque si-
 ne dubio pridem adhibuerat Angelus de Nuce in sua Dissertatione, quam Disquisi-
 tor adversarius, & ipse Gattula laudant manuscriptam, videruntque, & exscripserunt.
 Quomodo vero pueri a parentibus Deo offerrentur in Monasterio, Sanctissimus Pa-
 triarcha Benedictus explicat in Regula capite LIX. hisce verbis: *Si quis forte de*
 „ *Nobilibus offert filium suum Deo in Monasterio, si ipse puer minori ætate est, parentes*
 „ *eius faciant petitionem, quam supradiximus: & cum oblatione ipsam petitionem & ma-*
 „ *num pueri involvant in palla altaris, & sic eum offerant.* Quo loco Disquisitoris ani-
 „ mæ versionem non prætermitto: „ Nec quemquam, (*inquientis,*) fore arbitror, qui
 „ Thomam vere propriæque Deo oblatum a parentibus neget, quod per alios (ma-
 „ trimeque *nutricem*) ad Casinensem Monasterium missus ab iis fuerit. Quasi vero
 „ legatione quoque fieri oblatio non posset: cum & Othlonum perinde quinquen-
 „ nem a parente, missa legatione, oblatum Deo legamus in Vita S. Bonifacii Ca-
 „ pite 11. *Ab ægrotante patre per legatos idoneos ad Monasterium directus est.* “ Quam
 „ egregie miscet omnia, Edmundus Martene in Commentario ad caput LIX. Regu-
 „ læ sic habet: *Poterant tamen parentes per alios, filios suos offerre, ut patet ex Othlo-*
 „ *no in Vita S. Bonifacii capite 11.* Non Othlonum, sed Bonifacium per alios, quam
 „ per parentes, oblatum Deo, notat Martene, probatque ex Othlono in eiusdem Bo-
 „ nifacii Vita: sed ipsum Othlonum, missa legatione, Deo oblatum intellexit Disqui-
 „ sitor, probatque (perperam scilicet) ex Vita S. Bonifacii. Huiusce Vitam ab Oth-
 „ lono concinnatam ediderunt Canisius, Serrarius, Mabillonius Sæculo III. Benedicti-
 „ no. Capite 11. citato hæc habentur verba: *Pater, qui solus erat impedimento, repen-*
 „ *tina infirmitate correptus, pristinam mentis pertinaciam deposuit, puerumque per legatos*
 „ *idoneos ad Monasterium ... direxit.* Quod aliis monumentis & exemplis evincit lau-
 „ datus Martene.

Petitionis prædictæ, ac oblationis formulam exhibeo, quam erutam ex MS. codicē

ce Casinensi describit Gattula loco citato, protulitque Disquisitor ex Angeli de Nuce Dissertatione. Nempe: „ Ego N. Princeps, vel Comes in Dei omnipotentis nomine hunc filium meum N. coram Domino N. Abbate, & cuncta congregatione huius sancti loci, trado in hoc Monasterio S. Confessoris Christi Benedicti, cuius corpus hic continetur, coram testibus cum oblatione atque petitione, in hoc sancto Coenobio regulariter permanfurum, & cum ceteris gratanti animo militaturum; ita ut ab hac die non liceat illi collum excutere de subigo regulæ, sed magis studeat eius instituta servare: & ut hæc mea traditio inconcussa permaneat, promitto sub iureiurando coram Deo & Sanctis eius, numquam per me, numquam per suffectam personam, nec quolibet modo facultatem exeundi de hoc Monasterio me illi tribuere. Ad firmamentum huius meæ petitionis, manu propria eam subter firmavi, & idoneis testibus affirmare curavi. Ego N. subscripsi &c. “

II. Hunc oblationis puerorum impuberum, oblatique Thomæ quinquennis ritum adsumit Disquisitor, veluti principium inconcussam, ex quo impositam Aquinati obligationem numquam redeundi ad sæculum, deque se factam a parentibus oblationem ratam habendi, vitamque profitendi Monasticam apud Casinenses colligat, ac evincat. Eius verba dedi capite superiore num. 1. sed hoc etiam loco repetenda sunt, ut quas vires argumentum habeat, quod ipse *demonstrationem* vocat, quisque deprehendat. Ait ergo capite 1. num. 1. sibi esse *demonstrandum*: „ Thomam Aquinatem, anno ætatis suæ quinto, ad Coenobium Casinense a parentibus missum esse, non piis dumtaxat moribus primisque litterarum rudimentis inter alios nobiles pueros informandum; sed Deo sub Divi Benedicti Monastica disciplina *oblatus*, ac velut in Monachum consecratum pro iure patriæ potestatis; ut iam tunc religioso instituto adstrictus, *numquam redire posset ad sæculum*; sed potius adultam ætatem adeptus, oblationem de se a parentibus factam *ratam haberet*, vitamque Monasticam ibidem expresse *solemniterque profiteretur*: quod & ille pubertatem tandem ingressus, *pro illius avi more, & ex sacris Ecclesiæ legibus executioni demandavit*. “

Fidem hoc loco datam ut liberet (hoc enim opus, hic labor) ritum illum oblationis puerorum olim ex præscripto regulæ S. Benedicti frequentari solitum, eisdemque impositam tum non redeundi ad sæculum, tum indepti pubertatis tempore Monasticam vitam profitendi obligationem, integro capite 11. *explicat, asserit, vindicat*, qua exemplis, qua Pontificum recriptis, qua decretis Conciliorum, qua Monachorum constitutionibus, qua clarissimorum Virorum suffragio. Quibus lato calamo enarratis, Caput suum denique tertium his verbis exorditur: „ Quid nunc si Thomam ostendero, ex tenellis illis pueris unum, qui Deo sub Divi Benedicti Regula a prima pueritia vovebatur? Annon Benedictino instituto iam tum additus, ac plane obstrictus habendus erit, *ut non ultra redire posset ad sæculum*? “ Ita porro se rem habuisse, contendit ille, Scriptorum testimoniis in medium prolati, quæ superiore numero 1. descripta sunt. *Demonstrationem* habes, quam magnifice iactat Disquisitor.

At hunc Disquisitori explicanti, asserenti, & vindicanti ritum, repugnat nemo. Ritum illum olim frequentissimum, quo pueri sic oblato, ubi pubem indepti essent, ad exsolvendum parentum votum tenerentur, nec Monasticæ professionis ingum excutere possent, sed expressam tunc professionem emittere deberent, vel potius Monasticam obligationem pridem inductam ratam habere, probare, ac roborare tenerentur, extra dubitationis aleam posuerunt Hugo Menardus in Regulam S. Benedicti, Ioannes Mabillonius Præfat. II. in Sæculum IV. & Præfat. I. in Sæculum VI. ord. S. Benedicti, & inter Analecta, Edmundus Martenius in Commentario ad Caput 1. x. Regulæ S. Benedicti, & Ludovicus Thomasinus Parte I. Vet. & Novæ Ecclesiæ Disciplinæ Libro III. capp. 271. 2711. & 27111. Si quæ videntur dis-

seculates ritum illum impetere, ex iure naturæ, ac divino; & civili desumptæ; excutiant omnes ac elidunt clarissimi laudati Scriptores, quibus addo Petrum Gilbertum in Corpore Iuris Canonici Tomo II. in Tractatu postea de Ecclesia Titulo XIV. sect. IV. Illud erat Disquisitionis caput, an ævo Divi Thomæ *mos ille vigeret*, quo pueri oblati *numquam redire possent ad seculum*? An *Sacra Ecclesia leges* adhuc obtineret, quibus Thomas adstrictus oblationem de se factam, si qua fuit, *adultam tandem etatem adeptus, ratam haberet*? An pro sui ævi more, & ex sacris Ecclesiæ legibus ita fuerit tenellus Thomas Deo oblatus in Cœnobio Casinensi, ut pubes iam factus vitam adhuc Monasticam ibidem expressè solemniterque profiteri teneretur? Hunc morem, has Ecclesiæ leges pronum erat inficiari, ævo Divi Thomæ viguisse: neque sane id evincunt documenta illa superiorum sæculorum, quæ solum larga manu profudit Disquisitor, ut fucum faceret; Gregorii nempe II. Romani Pontificis Rescriptum ad Bonifacium Moguntinum Episcopum, Concilii Toletani quarti & decimi decreta, Isidori, Bernardi, Lantfranci suffragia; aliaque demum Bedæ, Placidi, Mauri, Bonifatii Moguntini, Hildebrandi exempla, quæ sola proferat ille, quorumve recentius Hildebrandi exemplum ad medium spectat undecimum ævæ christianæ sæculum.

Contra namque liquet omnibus, ritum eundem, sæculo XII. cadente, quoad eam præcipuam partem, qua pueris obligatio imponebatur, ne a parentibus oblatus Deo sub Monastica disciplina, *redire nunquam*, cum ad annos pubertatis pervenissent, *ad seculum possent*, relaxatam fuisse, ac ævo Divi Thomæ in desuetudinem abiisse. Novum ius istud invexisse dicitur Clemens III. cuius hæc verba sunt capite, *Cum virum, de Regularibus: Utrum ea, quæ infra discretionis annos a parentibus Monasterio tradita, habitum Religionis induens benedictionem accepit, & exiens postmodum se cuidam multiscopulavit, ad Monasterium redire cogatur. Consultationi tuæ taliter respondemus, quod cum iuxta Concilii Toletani (IV.) censuram, Monachum aut paternam devotio, aut propria professio faciat; quidquid eorum fuerit allegatum tenebit, revertendi ad seculum aditu penitus interdicto. Non enim videtur illa, Monasticæ professionis a se posse iugum excutere, cum eam non constet evidenter contradixisse, cum benedictionem accepit, quam nonnisi in ætate discretionis recipiunt quæ velantur. Ubi filiorum, quos paterna devotio Monasteriis obtulit, requiritur præsumiturque ratibabitio in ætate adulta. Ab anno 1188. rexit Ecclesiam Clemens III. ad annum 1191. quo temporis intervallo Decretalis illa scripta fuit. Luculentiora sunt Cælestini III. qui Clementi successit, verba eodem Tit. de Regularibus cap. *Cum simus*. Nempe, *si dilectus puer ad annos discretionis pervenerit, & habitum retinere noluerit monachalem: si ad hoc induci nequiverit, non est ullatenus compellendus: quia tunc libitum sibi erit eum dimittere, & bona paterna quæ ipsi ex successione proveniunt, postulare. Cælestini vestigia premens Innocentius III. anno 1198. suffectus, aliquanto etiam disertiorem rem definit apud Thomassinum Parte I. citata Libro III. capite LIX. num. V. *Cum cautum, inquit, reperitur in canone, ut minoris ætatis filius, qui oblatus Monasterio fuerint, suspicenter habitum vel tonsuram, si a Prælati suis anno quintodecimo requisiti, se in assumptæ Religionis proposito consenserint permansuros, penitendi licentia præcludatur: alioquin eis non admittatur ad seculum redeundi facultas, ne contra præstare Deo servitia videantur. Hæc habentur in Epistola CXVI. Libri quintodecimi apud Baluzium. Ac demum ne actum agere videar, remque notissimam, qua de agunt laudati omnes Scriptores, vano labore exponam, satis hoc loco fuerit cum Ioanne Mabillonio concludere in Obiervationibus de oblatione puerorum in Monasteriis inter Analecta: Sæculo demum duodecimo in desuetudinem penitus abiisse capisse hanc puerorum oblationem, eiusque obligationem sublatam esse decreto Clementis Papæ III. cap. Cum simus. Cælestinum III. allegare voluerat Vir doctissimus: exciditque calamo Clemens III.***

Rem igitur impossibilem tentat Disquisitor, dum nimia confidentia sibi *demonstrat*.

strandum proponit: Thomam puerulum Monachis Casinenſibus traditam, iam tunc religioſo inſtituto adſtrictum, nunquam redire potuiſſe ad ſaeculum, pro illius ævi moribus, & ex ſacris Eccleſiæ legibus: ac perperam ſane, vanoque conatu, ad id probandum, explicare, aſſerere, vindicare aggreſſus eſt ritum illum tum puerorum oblationem, tum eorum non reſiliendi obligationem complectentem, uti ſaeculis ſuperioribus uſa receptum, ita Divi Thomæ ætate quoad illam impoſitæ pueris non reſiliendi obligationis partem ſine dubio ſublato obſoletumque. Fuerit namque in Monafterio Caſinenſi a parentibus oblatus Thomas quinquennis pro patria poteſtate: ut ritus ille, cum ævo illius prædicta exſoluta fuerit non reſiliendi obligatione, adſumi nonniſi imprudenter veluti principium poteſt, ex quo Monaſtica profeſſio voto ſolemni roborata colligatur. Abit ergo in auras magnifica illa Diſquiſitoris demonſtratio, quæ uni prædicto ritui innititur, ut inde evincat; oblatus Thomam redire ad ſaeculum non potuiſſe. Probandum illi fuerat, Thomam Caſini apud Benediſtinos manſiſſe ad annos uſque pueritatis: ipſumque in adulta ætate, cum ex ſacris Eccleſiæ legibus ævo ſuo vigentibus potiretur facultate reſiliendi ac redeundi ad ſaeculum, ratam nihilominus oblationem de ſe factam habuiſſe, emiſiſſetque ſolemnia vota. Neutrum probat ille.

III. Non adeo vero in Hiſtoria Monaſtica hoſpes erat, quin agnoſceret tandem, nullam fuiſſe pro ævi more, quo degebat Thomas, obligationem, qua ille, ſi oblatus umquam exiſtiſſet, redire nunquam poſſet ad ſaeculum. Hinc ſecum ipſe pugnat manifeſte. „ Duo in priſco illo ritu (inquit capite III. num. 3.) ſecernenda „ veniunt, oblatio ſcilicet ipſa puerorum Deo ex voto parentum fieri ſolita; tum „ obligatio pueris ipſis impoſita, in ſuſceptæ Monaſticæ vitæ inſtituto remanendi „ votaſque ſolemnia dum ad ætatem adultam venirent, expreſſe atque ex publica „ formula nuncupandi. Secundum hoc penitus ſuſtulit Clemens III. cap. Cum ſinus, „ de Regularibus: pueriſque licentiam ſecit, ut cum pubertatem attingerent, abie- „ cto cucullo, redire ad ſaeculum poſſent, patrimonium repetere, ac etiam matri- „ monio iungi. „ Quis umquam credidiſſet, dici potuiſſe a Diſquiſitore: ævo Divi Thomæ pueros oblatus redire ad ſaeculum potuiſſe; qui ſibi demonſtrandam propoſuerat, Thomam Monachis traditum iam tunc religioſo inſtituto adſtrictum, nunquam redire potuiſſe ad ſaeculum? Utrumque tamen ſcribit ille diſertiſſime. Animadverte rursus, caput illud, Cum ſinus, quod habetur in Titulo de Regularibus, attribui Clementi tertio, ſphalmate ſcilicet, quod e calamo Doctiſſimi Mabillonii ex- ciderat, ut adnotavimus, non correcto, ſed adoptato.

Hinc relicto ſtricti iuris argumento, quod in præſidium ſuæ cauſæ adhiberi non poterat, alia quærit Capite IV. ſolius præſumptionis momenta. Veriſimilimum eſſe ait, piſſimum Thomam, qualem etiam a prima ætate in Monafterio ſeſe præbuerat adhuc impubes, voluiſſe oblationem de ſe factam implere, non irritam facere: ad quod cum ſi minus ius ſtrictum, at certe pietas, religio, cultuſque Deo debitus obligabant. „ Clemens autem (Cæleſtinus) huius nominis tertius (eius verba ſunt capite „ IV. citato num. I.) obligationem dumtaxat ſuſtulerat ſtricti iuris, & fori, ut ita „ dicam, externi; ne (quod priſci ferebant Canones) oblato Deo, devotique a pa- „ rentibus pueri, proſiteri demum ſolemniter cogerentur: obligationem tamen ex re- „ ligione ac pietate natam minime ſuſtulerat. Quid enim filium vere pium ac reli- „ gioſum magis deceat, quam conceptum de ſe parentum votum implere, non irri- „ tum facere? niſi grave obſit impedimentum, quod nullum in Thoma adoleſcente „ ſanctiſſimo, & aceticæ vitæ candidato religioſiſſimo deprehendimus: quem potius „ ad id ex religioſa inſtitutione propenſiſſimum, egregieque factum habemus. Eum „ itaque, ex quo pubertatem ingreſſus eſt, parentum votum impleviſſe, ſequæ vo- „ tis Monaſticis ſolemniter obſtrinxiffe, iulte pro eius pietate ac religione præſumi- „ tur. „ Quid? quod, Thoma ipſo iudice, probari poſſe contendit, adhuc etiam poſt Clementis III. vel potius Cæleſtini III. Reſcriptum, obligationem niſi ſecius man- ſiſſe

fisse ex decencia, ut aiunt, ex pietate, ex religione natam. „ Nam Quodlib. IV. Art. „ *xxiii.* de hac ipsa puerorum oblatione, ac traditione ex parentum voto suis ad- „ huc temporibus frequentata sermonem habens, *teneri* pueros docet utique *ex pie-* „ *tate atque decencia*, factam illam de seipsis oblationem, cum ad annos pubertatis „ pervenerint, ratam habere, atque ita solenniter profiteri : illudque Gregorii II. „ Romani Pontificis oraculum in didi sui probationem assert, suoque accomodat „ instituto *utrum liceat pueris intra septa Monasterii traditis in infantie annis, post-* „ *quam pubertatis impleverint annos, egredi, & matrimonio copulari, hoc omnino de-* „ *vitamus* Quidni ergo Thomam Aquinatem, ab ipsa infantia piissimum reli- „ giosissimumque, cum iam quinquennis Deo fuisset oblatum, idem fecisse pu- „ berem existimemus, quod ille sin minus stricto iure, ac saltem ex pietate ac reli- „ gione faciendum existimabat? “

Antequam novum istud *presumptionis, verisimilitudinis, ac decencie* argumentum „ discuto ac elido, nonnulla mihi sunt proponenda animadversione dignissima. Ac pri- „ mo quid illud est, Romanos Pontifices, obligationem pueris pridem impositam non „ redeundi ad saculum, dum annos pubertatis attingerent, ex eorum oblatione or- „ tam, relaxantes & auferentes, abutuisse illam *in foro, ut ita dicam, externo*? Imo „ vere factam illis in foro conscientie facultatem, monasticum habitum exuendi, ac „ redeundi ad saculum, eorumdem Pontificum iam citata verba omnino declarant. „ Quid etiam illud est, obligationem *ex religione & pietate natam*, minime sublatam „ fuisse, propterea quod filium vere pium ac religiosum nihil *magis deceret*, quam conce- „ ptum de se parentum votum implere? Nempe sus deque nuncientur omnia. Veram „ obligationem *religio ac pietas* inferre possunt : ac veri nominis obligationem assert „ nullam sola *decencia*. Oblati pueri porro, cum in ipso foro conscientie exsoluti fue- „ rint obligatione non redeundi ad saculum in adulta etate ; verè alicui obli- „ gationi *ex religione ac pietate nata* adhuc illos obnoxios, nemo sapiens dicat. „ Id vero *decuisse* si contendas : decenciam hanc omnem reponam ego, eorumdem „ cum adoleverint, subditam esse libero consensui & arbitrio ; integra eisdem facta a „ Pontificibus, novo iure inducto, facultate resiliendi, vel non resiliendi, prout sibi „ expediens, re maturius considerata, visum fuerit.

Divi Thomæ præterea doctrina manifeste abutitur Disquisitor, dum ea fulciri con- „ tendit distinctionem illam duplicis debiti, ac duplicis obligationis, tum *stricti iuris, &* „ *fori externi*, tum *decencie, pietatis, ac religionis*; illamque priorem sublatam scribit „ ævo Divi Thomæ, ac posteriori obnoxios adhuc fuisse pueros illos, qui a parenti- „ bus Deo offerebantur. Integrum attente lege citatum Articulum Divi Thomæ § in „ eoque ne verbum quidem ullum invenias, quod illud *pietatis, religionis, decencie* „ debitum indicet. Probandum adsumperat S. Doctor : *pueros etiam infra annos pu-* „ *bertatis in religionem recipi, non esse secundum se malum, imo expediens & fru-* „ *suosum*. Positam confirmat propositionem Veteris ac Novi Testamenti scripturis. „ Tum differentiam quandam hac in re observandam esse monet, hisque verbis de- „ clarat, quæ Disquisitor spectasse videtur : *Nam pueri ante annos pubertatis ex natu-* „ *rali iure sunt sub cura parentum, propter hoc quod patiuntur discretionis defectum, se-* „ *cundum quem possint bene regere seipsum* : *& ideo in hac etate possunt quidem religioni* „ *tradi, si a parentibus offerantur* : *& erit rata traditio, præcipue si, cum ad annos pu-* „ *bertatis pervenerint, ratam habuerint paternam oblationem*. Quibus docet ille, pueros „ quidem a parentibus offerri posse, ac firmam tum deum eorum fore traditionem, „ cum pueri pubertatem adepti ratam fecerint parentum oblationem : sed *pietatis, re-* „ *ligionis, decencie* debitum, quo illi tenerentur oblationem de se factam non irritam „ facere, video nullum. Cur ergo Gregorii II. Romani Pontificis rescripto, debitum „ & obligationem sonante, utitur Sanctus Doctor? Nempe cum istud duo complecta- „ tur, & oblationem impuberum pro iure patriæ potestatis, & puerorum debitum „ non resiliendi ; & hoc iam pridem relaxatum sublarumque fuerat, illa vero in usu „ adhuc

adhuc erat: illud propterea in sui dicti probationem adsumere poterat Angelicus Præceptor, suoque instituto accommodare. Unde & alia subiicit Patrum testimonia, quibus id unum probatur: *expediens esse & fructuosum ut pueri infra annos pubertatis in Religionem recipiantur.*

Iam vero fateor ego, quod norunt omnes, ritum illum oblationis puerorum, ea tamen obligatione multatum, qua in annis etiam pubertatis obstringebantur non resiliire, ævo Divi Thomæ viguisse. Hac de re nulla cum Disquisitore controversia, quam diligentissime exponunt sæpe laudati Scriptores, & confirmant exemplis: imo vel hodieque oblationem illam in usum revocari posse, admonent Thomassinus Parte I. Libro III. citato capite LVIII. num. 5. & 6. Franciscus Suarius Tomo III. de Religione Libro V. cap. 1. & 11. Prosper Fagnanus Part. II. Libri III. Decretalium Cap. *Si quis*, & Cap. *Cum virum*, de Regularibus. Ad huiusce ritus, eo quo Divi Thomæ ætate vigeat modo, ac hodieque in usum revocari posset, splendidiorem expositionem, addendum est: nec parentibus, qui puerum Deo semel obtulerint, integrum amplius esse, ut ipsum revocent: neque filio impuberi ante annos pubertatis, adhuc patriæ subiecto potestati, licere egressum moliri e Monasterio, vestemque deponere quam induit pro iure parentum. Ita sane tenet docetque, communem sententiam declarans, laudatus Suarius loco citato capite 1. num. 13.

„ Interrogabit aliquis; *inquiens*, quidnam operetur hæc oblatio facta filii alicui Religioni? Communis responsio est, oblationem hanc tria operari. Unum est, ut talis licite possit a Religione recipi, ac retineri. Secundum est, ut pater non possit amplius uti patria potestate ad revocandum filium, quia iam cessit iuri suo; & quantum in se est, donationem filii Religioni fecit, quam ipsa acceptavit. Tertium est, ut neque ipse filius sua voluntate egredi possit ante annos pubertatis: quia in illa ætate, non tam sua, quam patris voluntate regendus est: pater autem voluntatem suam in Religionem transtulit. “

Atqui vero fieri poterat (quod postremo loco animadvertendum est) ut prædicti pueri pro parentum potestate oblato Deo in aliquo Cœnobio, abicere cucullam possent, & redire ad sæculum infra pubertatis annos, ipso videlicet Monasterio, aut Monasterii Abbate seu Prælato cedente iuri quod acquisiverat. Rem per sese notam exponit Suarius loco citato: *Et ideo*, inquit, *sine Religionis consensu exire non potest* (puer oblatus) *infra illam ætatem, quamvis ab ipsa Religione posset expelli etiam ante pubertatem, si ita sibi expedire censuerit, quia pro nullo tempore se obligavit ad retinendum illum.* Paria sunt Ioannis Caramuelis verba, quæ capite 1. num. 4. allata sunt: *Monasterium devotos pueros potuit dimittere vel ante, vel post pubertatis annos.* Silvestrum laudat, cuius hæc demum refero V. Religio 2. q. 11. *Advertendum est, quod nec pater, nec tutor, nec magister, nec quicumque alius custos, potest impuberem de Religione extrahere propria autoritate, sive ex voto, sive sine voto intraverit: sed auctoritate habentis potestatem in Monasterio.*

Quibus præmissis, iam dare hoc loco liceat, Thomæ Aquinatis parentes pro iure patriæ potestatis ipsum Casini obtulisse Deo sub regula sancti Benedicti. Demus etiam atque fateamur, eosdem Thomæ parentes, si quidem ipsum Deo per oblationem devoverint, non amplius ipsum revocare potuisse: neque ipsi Thomæ infra pubertatis annos egredi Monasterio sua voluntate licuisse. At contingere tamen potuit (quod inficiari nequit Disquisitor) ipsius Thomæ egressus e Monasterio; sive demum ille pubertatem adeptus, pro facultate novo iure inducta, expediens iudicaverit, ad sæculum remeare; sive ut e Monasterio egrederetur infra etiam pubertatis annos, iterumque rediret in patriam potestatem, expediens duxerit Casinensis Cœnobii Abbas. Neutrum contigisse, validis argumentis demonstrandum foret, ut Monachus Divi Thomæ, aut religiosa voto solemniter ab ipso nuncupata professio evinceretur.

Ad præsumptiones, & ad argumenta decentiæ confugit Disquisitor, ut Aquinatem, puber-

pubertatis annos adeptum; ostendat oblationem a parentibus de se factam votis nuncupatis raram habuisse: ac si certum compertumque foret, sub Monastica Benedictinorum disciplina ipsum ad pubertatem usque versatum esse, neque dimissum e Cœnobio infra pubertatis annos, iuri cedente Abbate, si quod in illum acquisiverat. Ad argumenta *presumptionis ac decentie* quod attinet, ea demum ad id unum rediguntur omnia: *Filium vere pium ac religiosum nihil magis decere, quam conceptum de se parentum votum implere, non irritum facere, nisi grave obstitit impedimentum, quod nullum in Thoma adolescente sanctissimo, & asceticæ vitæ candidato religiosissimo deprehenditur*; ac sane de piissimo tunc & religiosissimo adolescente opinari nefas esse, cum abiecto cucullo ad sæculum rediisse. Nimirum exiles quis non videat huiusmodi præsumptiones & coniecturas? Solidiores, melioresque præsto forent, quæ decentissimas rationes exhiberent, quibus adolescens Thomas permotus, expediens iudicaverit, Casinensi Monasterio egredi, ac redire ad sæculum, supremi Numinis illustrationibus præparandus, quod aliter de ipso ordinaverat, quia erit *Frater Ordinis Predicatorum*, ut prophetice prædictum fuerat. Quidni etiam, cum eidem parentum consilia & machinationes de Casinati Abbazia suboluisse, ab omni semper honorum spe atque ambitu alienissimo, ut ait Marcus-Antonius Scipio, abicere cucullum, voluerit, cogitationesque suas ad aliud vitæ genus amplectendum convertere, in quo posset dignitatum insignia ac titulos omnes facilius ac probabilius in omnem vitam declinare? Ipse demum Caramuel audiendus est: *Sic Divus Thomas, iniquens, studiorum causa legitime potuit, imo debuit discedere, non obstante parentum oblatione: quia Angelica illa mens Magistris suis doctior debebat publicis Universitatibus esse admirationi, & mundo magisterio: quæ si in Casinensi Monasterio mansisset, fuisset minus culta, & quasi abscondita: careretque Ecclesia excellentissimis libris, quos perpetuo choro additus scribere non potuisset. Est ratio manifesta, quia licet Casinenses pro tempore haberent doctissimos viros, Doctoris tanti ingenium indigebat expeditione tempore. Propter ea iusse & legitime ipsi a Casinensibus persuasum reor, ut excoleret ingenium Neapoli, & transfret ad Predicadores, ubi melius Deo, Ecclesie, & populo servire posset. Monasterium devotos pueros potuit dimittere, vel ante vel post pubertatis annos, ut etiam quolibet Novitios.*

IV. Reque ipsa dimissum e Cœnobio Thomam, iuri suo cedente Abbate, dimissumque infra pubertatis annos, Historica documenta: demum non desunt, quæ factis indicare videntur. Testem assero Guillelmum de Tocco, cuius hæc verba sunt in eiusdem Vita capite 1. *Abbas autem prædicti Monasterii providus, cum adverteret in puero tam certa & matura futuræ perfectionis indicia... advocato Domino Landulpho, patre prædicti pueri, ei consuluit ut puer mitteretur Neapolim ad studendum, ubi studens inciperet addiscere, quæ Deus tot indiciis cæperat demonstrare: unde puer de utriusque parentis consilio, Neapolim mittitur. Quid ultra requiritur? Si quod in puerulum Thomam ex oblatione parentum ius acquisiverat Abbas Casinensis, ultro cedit ille, carere consentiens tam claro puero, ut eiusdem in scientiis profectui consuleret: consilioque suo patrem permovit, ut omni, si qua teneretur, difficultate summotâ, filium de Cœnobio dimissum reciperet, mitteretque Neapolim ad studendum. Id contigisse vero infra pubertatis Thomæ annos, prædicta Guillelmi verba, quæve præmiserat, prius evincunt. Ait enim: „*Parvulus* (Thomas Casini ex-
„ceptus) a nobilium puerorum consortio se frequentius absentabat: habens in ma-
„nu chartulam, continentem in scripturis prima aditcentium puerilia rudimenta.
„Erat autem prædictus puer, non verbis garrulus, sed meditari intra se incipiens ta-
„citurnus... ut iam in eo novitia ætas ostenderet, quæ postmodum provecia monstraret.
„Abbas autem prædicti Monasterii &c..“ Quibus plura dantur indicia tenellæ æ-
tatis eo toto tempore, quo Casini moram traxit Thomas, quoque Casino discessit, ac Neapolim profectus est. Habemus parvulum Thomam sub Monachis institutori-
bus morum sanctitate in dies crescere; iam primis additcentium puerilibus rudimen-
tis*

tis apprimè instructum apparere; ac in *novitia illius ætate* fulgentissima Sanctitatis ac Scientiæ futuræ signa micare. Habemus etiam, providum Abbatem, animadvertentem in *puero* tam certa futuræ perfectionis indicia, Landulfo patri *predicli pueri* consilium dedisse, ut Neapolim mitteretur idem *puer* Thomas. Quæ sane omnia egressum Thomæ e Cœnobio Casinensi in tenella ætate infra pubertatis annosegregie probant.

Satis vero de hac chronographiæ parte, de qua infra sermo redibit. Adde, Neapolim missum Thomam sæculares frequentasse scholas, ac sæculares audivisse Magistros; ipsumque tum denique sæculo valedixisse, cum Prædicatorum ordinem ingressus est (quæ duo capitibus sequentibus demonstranda mihi sunt:) conspectamque sine dubio rem habes, qua de agimus, ex oblatione Divi Thomæ a parentibus facta, quam hoc loco damus Disquisitioni indulgentes, Monachatum eius aut Monasticam professionem voto solemnè emissam nullo modo probari ac evinci posse.

C A P U T III.

Argumentis, quæ pro Divi Thomæ oblatione asseruntur, traditum damtaxat ipsum Casinatibus, tamquam nobilem sæcularem puerum, moribus, & litteris instruendum, evincitur. Petri Damiani sententia perperam opponitur. Sæcularium puerorum Scholis non obstant Monachorum mores, & consuetudines. De habitu disferitur, quem Casini gestare Thomas potuerit.

I. **O**blationem Thomæ pueruli, Casini a parentibus Deo factam sub regala S. Benedicti, veluti demonstratam putat Disquisitor, positamque extra dubium omne, Scriptorum testimonio allato, quorum verba miror (inquit capite III. num. 1.) non satis a recentioribus ponderari, ut rem per sese patentissimam deprehendant. Verba illa, quæ pariter Angelus de Nuce & Erastinus Cattula adhibent, quæve M. Antonius Scipio, & Ioannes Caramuel spectasse videntur, iterum sub oculis pono; Guillelmi de Tocco iniquitatis: *Puerum sic enutritum libenter Deo offerunt, & quinquennem ad Monasterium Casini per nutricem cum bona societate transmittunt, in quo instrueretur sanctis moribus, divinis illustrationibus præparandus; Ptolomæi de Luca, qui hæc habet: Hic Thomas in sua pueritia nutritus fuit in Abbazia Montis Casini, quæ sunt Monachi nigri: & secundum morem nobilium illius patriæ, ut patet de Beatis Mauro & Placido; Sancti Antonini sic habentis: Completo ætatis suæ quinquennio, parentes eius puerum Deo offerunt, & cum decenti comitatu, tamquam alterum Samuelem ad Heli, ad Monasterium Montis Casini ex Ordine S. Benedicti mittunt, moribus & litteris imbuendum, ne tam præclarum vitæ speculum conversatio sæcularis aliquæ sceleret cum mundanis; Bartholomæi demum de Capua: Pater origine nobilis atque potens, iniquitatis, monachavit dictum Fratrem Thomam, disponens eum Abbatias præficere Casinensi.*

Hæc libuit capite superiore, ut Auctori Historicæ Disquisitionis indulgeremus, de vera oblatione intelligere, qua facultas erepta foret, parentibus quidem oblatum Thomam revocandi, ac ipsi oblato puero pro sua voluntate infra pubertatis annos ad sæculum redeundi. Qua gratis etiam admissa oblatione, negaverit puto nemo, Disquisitionis argumentum, quod ex eo ritu desumebatur pro Monachatu Benedictino Sancti Thomæ, nullius nihilominus momenti esse, ac in auras abire: sive Thomas ipse pubem adeptus, expediens iudicaverit, cucullum abicere, Casino discedere, cogitationesque suas ad aliud vitæ genus amplectendum convertere: sive Casinensis Abbas fuerit ille, qui iuri cesserit quod in ipsum acquisiverat, eoque inira

pubertatis annos carere valuerit , ut meliora charismata eidem procuraret . Quid nunc vero, si ostendero, Thomæ nostri educationem in Casinensi Cœnobio ita describi a priscis illis laudatis Scriptoribus, ut nulla appareat oblati pueri disciplina, sed solum sæcularis illustrioris familiæ ephebi in moribus litterisque informatio? Res ita se habet.

Quæ verba allegati Scriptores habent, aut neglecta a Disquisitore, aut prætermissa, diligentius expendenda sunt, ac proferenda. Guillelmus de Tocco ait loco citato num. 5. *Puerulum Thomam, quem a parentibus Deo oblatum dixerat, capisse in dicto Monasterio sub disciplina Magistrî diligentius educari: puerulum ipsum a nobilium puerorum consortio, qui ibidem nutriebantur in moribus, ut moris erat patrie, se frequentius absentare consuevisse: deque profectu eius in moribus litterisque instructam Matrem, ad gaudium mirari de pueri, conferentem in corde suo, & sperantem impleri in filio, quæ prædicta fuerant spiritu prænunciante divino per Bonum Eremitam.* Ait etiam Ptolomæus Lucensis: *Puerum Thomam nutritum fuisse in Abbatia Montis Casini, secundum morem nobilium illius patriæ, ut patet de Beato Mauro & Placido: ibidemque in sua pueritia in Logicalibus & Naturalibus optime profecisse, habentem secum semper Magistrum specialem, more Nobilium regionis.* Paria scribit S. Antoninus: *Thomam puerulum oblatum Casini, aliorum puerorum nobilium, qui ibi nutriebantur, puerilia devotasse consortia: seque sequestrasse ab eis cum poterat, in ea litterarum rudimenta incumbentem, quibus instruebatur.* Ait demum Bartholomæus de Capua: *Fratrem Thomam crescentem Casini in vita, moribus, & scientia, ac virtuosum & exemplarem hominibus, missum fuisse Neapolim.*

Digna sunt animadversione illa verba, quæ prisci laudati Scriptores habent, nutritum in Abbatia Casinensi Thomam fuisse, secundum morem Nobilium illius patriæ: alios ibidem existisse Nobiles pueros, qui nutriebantur in moribus, ut moris erat patriæ: habuisse Thomam specialem Magistrum, more Nobilium regionis. Cuique præiudiciis vacuo nil hæc significant aliud, nisi morem apud Casinates vigentem, nobilissimos pueros illius patriæ & regionis, utique sæculares, moribus & litteris imbuendi. Quid enim opus erat morem patriæ & morem regionis exprimere, si de more pueros oblatos recipiendi, eoque informandi institutis Monasticis sermo fuisset, qui ceteris etiam Monachorum Cœnobiis alia qualibet in regione sitis communis erat; quive Casini, non pro more patriæ & religionis, sed ex statuto Regulæ S. Benedicti capite LIX. inscripto, *De filiis nobilium vel pauperum qui offeruntur, & ex antiqua Monachorum consuetudine in usu erat?*

Prætermitti non debent illa Ptolomæi Lucensis verba, *Habens semper secum specialem Magistrum, more nobilium*: quæ de iuniorum Monachorum, oblatorumque puerorum Magistro nemo intelligat; sed de quodam veluti Cameræ præfecto, sive custode, Thomæ educationi specialiter præsidente: non ex Religionis ac Monasticæ disciplinæ præscripto, sed more nobilium regionis; quo id obtinuisse intelligimus, ut si qui pueri nobiles illius patriæ & regionis tradebantur Casinatibus informandi moribus & litteris, specialem hi Magistrum, custodem, præfectum haberent, qui eorum educationi invigilaret. Legere quidem est apud Martene de antiquis Monachorum Ritibus Libro V. capite v. plures educationi puerorum oblatorum deputatos fuisse Magistros; sequiorem locum tenentes alios: quidni ergo ex his alter (inquit) Thomæ educationi specialiter deputatus fuerit? Attentiore mente expende verba a Martenio ibidem num. 5. relata, tuaque difficultas evanescet. Nempe, *Pueri autem, qui sunt in Conventu nostro, non ultra senarium protrahunt: & eorum Magistri si non plures, tamen nunquam sunt pauciores.* Ideo vero tot habent Magistros, aut eo amplius, quoniam non licet alium unquam assumi pro Magistro præter eos qui deputati sunt. Cellarius tamen, Granetarius, Hospitarius, Eleemosynarius, Camerarius, si viderint quod opus sit, possunt esse Magistri sine licentia, & intrare scholas eorum. Quo in loco viderit nemo specialem illum Magistrum, quem se-

cum

cum semper puerulus Thomas habebat; ipsumque datum eidem in custodiam, non ex legum statuto, sed more nobilium regionis.

Quid est etiam illud Guillelmi de Tocco, & S. Antonini: a Nobilium puerorum consortio, qui ibidem nutriebantur in moribus, se frequentius abstantabat? Satis intelligimus, de consortio impuberum oblatorum, quos numquam fugisset, minime fuisse Thomam: sed ut Familiae illustrioris puerum, aliorum consortium pro libertate frequentius evitasse, ut orationibus litterarumque studio liberius vacaret. Eo vel maxime quidem, quod puerorum oblatores disciplinam, quam loco citato describit Martenius, diligenter observanti colligere liceat, pueros oblatos simul pietatis & religionis officia exercere debuisse, simul litteris & scientiis vacasse, simul ivisse quocumque ire opus erat, ac nequidem ad naturæ necessaria officia sine socio & Magistro ire, ipsis umquam permisum esse. Quæ deinde educatio Thomæ in Casinenfi Cœnobio ita a cœvis illis laudatis Scriptoribus enarratur, ut ipsum quidem christianis moribus informatum esse appareat, litterarumque rudimentis imbutum: at monastica disciplina, quæ nocturnas diurnasque preces, ieiunia, flagellationes, ac id genus alia plura complectitur, videatur nulla.

De Thomæ filii profectu in moribus litterisque cum certior redderetur Mater eius; nimio gaudio exultat ipsa, teste Guillelmo de Tocco: sperabatque impleri in filio suo, quæ prædicta fuerant, spiritu prænunciante divino. Prædixerat quippe Solitarius quidam, Bonus nomine: Gaude Domina, inquit, quia es prægnans, & paries filium quem vocabis Thomam: & tu & vir tuus cogitabitis eum facere Monachum in Monasterio Montis Casini ... habentes spem ad magnos ipsius Monasterii reditus pervenire per ipsius filii vestri apicem & prælaturam: sed Deus de ipsa aliter ordinabit, quia erit Frater Ordinis Prædicatorum, tanta claritatis in scientia, & sanctitatis in vita, quod in mundo sibi similis suo tempore non poterit inveniri. Parentum cogitationes reditibus Casinensium inhiantes, simulque spes Matris implendum aliquando fore, quod sibi divino spiritu prænunciante prædictum fuerat, optime conciliantur, si Thomam intelligamus nobilem sæcularem puerum Casinatibus traditum, & moribus imbuedum. At quæ prudens fuisset spes Matris de prophetiæ adimplerione, quam ipsa, quantum in ea erat, impedire curasset, si Filium Deo inter oblatos pueros Casini devovisset?

Hæc vero omnia cum tam accurate præci illi Thomæ Vitæ Scriptores enarraverint, sponte fluit: eo etiam naturali ac pervio sensu, quem hodieque de pueris, qui Religiosi instituti Viris instruendi traduntur, usurparemus, Thomam illos dixisse oblatum Deo a parentibus, eundemque a Patre, disponente eum Abbatiæ præficere Casinenfi, monachatum fuisse; quod nempe in Monasterio nutriendus traditus est, ibidem moribus christianis & litteris imbuendus: eo etiam parentum consilio, ut puer erga Monachos Magistros affectus, Monasticam vitam adultior factus eligeret, ac tandem Abbatiæ præfecturam, cuius reditibus inhiabat Landulfus, aliquando pro meritis obtineret. Quo denique sensu eundem Thomam ab eisdem comparatum Samuëli, Mauro, Plácido, par est intelligere; ut nempe comparatio dumtaxat instituat quoad familiæ splendorem, ortus nobilitatem, ac ætatem tenellam, qua Thomam, sicut illos, in domo Dei, in Monachorum Cœnobio sub Sanctissimis Præceptoribus tradere parentes voluerunt, moribus christianis & litteris informandum. Paucis verbis hoc idem ante propofuerat argumentum Iacobus Echardus in Vita & Elogio ipsius Thomæ: quod pluribus additis animadversionibus nos illustravimus.

II. At cœpto pergit Auctor Disquisitionis Historicæ, inficiaturque confidenter, Numinum etiam fide invocata, Thomam infantulum, sæcularem tamen, ad externas dumtaxat Casinenfis Monasterii scholas fuisse missum, ut ingenii cultum dumtaxat caperet, moreque christianos nobilissimo puero congruentes sub tantis institutoribus addiceret. At Numinum fides, quam invocat ille, satis non est eluendo argu-

gumento, quod protulimus. Peccat imo contra æquissimas Criticorum leges; quæ præscribitur, nonnisi omnibus expensis, quæ narrant Historici, de illorum sententia iudicium proferendum; cum verba tamen illa *oblationis Thomæ a parentibus Deo factæ* dumtaxat expendere Disquisitor; cætera neglexerit aut prætermiserit omnia, quæ satis evincunt de vero proprioque ritu oblationis puerorum haud illos cogitasse. Reponit ille capite 111. num. 1. Thomam quinquennem ex puerorum Deo sub regula Divi Benedicti oblatorum numero dicendum esse: „ cum nullæ Casini, nisi „ pro oblatis Deo pueris (quorum illic copia erat) scholæ essent, iuxta Conventus „ Aquilgranenſis decretum num. 45. *Ut schola in Monasterio non habeatur, nisi eorum „ qui oblati sunt.* Unde & Beatus Petrus Damiani Epistola xvii. Libro II. quæ est „ ad Desiderium Abbatem & Cardinalem, eidem gratulatur, quod Casinum cum „ venisset, scholas ibi puerorum non invenisset, utique externorum & secularium: „ *Inter ceteros autem virtutum flores, quos in illo agro pleno, cui benedixit Dominus, „ reperi, fateor hoc mihi non mediocriter placuit, quod ibi Scholas puerorum, qui sepe „ rigorem sanctitatis erant, non inveni.* “ Mortem obiit Petrus Damiani anno æræ christiænæ 1072.

Tenere proſus puerorum sæcularium scholas Casino abigere studet Disquisitor, Petri Damiani sententia, & Aquilgranenſi decreto in probationem adductis; cum illum intellexerint Viri clarissimi, scholas puerorum oblatorum in Cœnobio Casinenſi negare; ac istud scholas confirmet puerorum sæcularium, non intra claustra Monachorum positas, sed Monasteriis adiunctas: ut propterea eiſdem monumentis evinci queat, Monachorum mores & consuetudines non obſtare, quominus parvulus Thomas Casinatibus traditus fuerit, moribus & primis litterarum rudimentis imbuendus; non ut oblatum Deo sub regula S. Benedicti, sed ut illustrioris familiæ ſecularis puer. A sententia Damiani incipio, eamque de scholis puerorum oblatorum Doctissimi Viri intelligunt. Ludovicus Thomassinus Parte II. Libro I. capite 11. num. 8. Scholas a Petro Damiani non inventas in Cœnobio Casinenſi intelligere videtur scholas puerorum, externorum utique & ſecularium: at Parte I. Libro III. cap. lviii. num. 1. & 2. verba Damiani interpretatus fuerat de Scholis impuberum, *quibus in ſola ſpem Monaſticae profeſſionis inſtituiſſe accuſabatur.* Eadem est expoſitio Mabillo- nii in Obſervationibus de oblatione puerorum in Monasteriis inter Analec- ta, & Præſatione I. in Sæculum VI. Ord. S. Benedicti §. v. num. 36. & Edmundi Martene in Commentatio ad caput lxx. Regulæ.

Sed ita scholas in Damiani ſententia accipi debere, eius verba poſtulare videntur, ſi exhibeantur omnia, & expendantur. Ait enim Epistola citata, vel in Opusculo xxxvi. capite xvi. Tomo III. *Inter ceteros autem virtutum flores, quos in illo agro pleno, cui benedixit Dominus, reperi; fateor, hoc mihi non mediocriter placuit, quod ibi scholas puerorum, qui ſepe rigorem ſanctitatis erant, non inveni: ſed omnes, aut ſenes, cum quibus utique Nobilis vir ſedebat in portis Eccleſiæ; aut iuveniliſ vivendi decore lætantes, qui nimirum ut filii Prophetarum, idonei ſunt ad Eliam per deſerta que- rendum; aut certe adoleſcentiæ adhuc flore vernantes, qui iuxta Apoſtolum Ioannem vice- re malignum.* Ubi animadverſione dignum, scholas illorum puerorum Casini non invenisse Petrum Damiani, qui ſepe rigorem ſanctitatis erant. Sed hoc plane malum ex oblatiſ pueris timendum erat, aut propter corporis adhuc tenelli imbecillitatem diſciplinæ Monaſticae rigorem ſuſtinere non valentibus, aut pro ætatis ingenio pè- culantibus plerumque & tumultuoſis. Numerat deinde, quos ibi invenit: *aut ſenes ſcilicet, aut iuveniliſ vivendi decore lætantes, aut certe adhuc adoleſcentiæ flore vernan- tes.* Video Monachos iam canos; iuvenes etiam, ſed profeſſos; adoleſcentes tan- dem, qui Novitii dicuntur in Conſtitutionibus Monachorum, iuſta in ætate tiroci- nium ponentes: nullos video tenellos pueros, & impuberes oblatos, qui cucullum geſtantes Monaſtica diſciplina inſtituerentur.

Quidni demum ſcholas puerorum oblatorum clauſas fuiſſe Casini ea ætate, nar-

ret Petrus Damiani, quas etiam non ferebat, sustulitque aliorum Coenobiorum usus? Rem differunt certissimis documentis Mabillonius & Martenius locis citatis. Martenii verba referre liceat: „S. Udalricus in Præfatione ad Consuetudines Cluniacenses, quam VVillelmo Hirsaugiensi Abbati nuncupat, eundem laudat, quod lege lata providisset, ne pueri admitterentur propter abusum nonnullorum, qui non tam devotionis, quam sublevandæ familiæ gratia, hos in Monasteria intrudabant: *ut opus sit, inquit, præfatis secularibus alium sibi nidum providere, ubi ponant pullos suos abortivos, velut exheredatos.* De qua re addit paullo post: *Sentiat quisque quod voluerit: ego certus sum, illam te radicem funditus extirpasset, ex qua sola præcipue omnia Monasteria sunt destructa, quæ destructa sunt vel in Teutonica, vel in Romana lingua.* Idem quoque animadverterat Guigo, Cartusæ Maioris Prior quintus, uti ipse testatur in Statutis capite xxvii. *Pueros sive adolescentulos non recipimus, quia per eos Monasteriis multa contigisse dolemus, & magna spiritualia simul & corporalia pericula formidantes.* Unde etiam Petrus Damiani ad Casinensem scribens: *Inter cæteros, inquit, virtutum flores &c.*“

Quæ omnia Petri Damiani sensum, quem exposuimus, mirifice confirmant. Hinc mos ille Casinensium Monachorum a Damiano propositus commendatusque non obstat, quominus puerulus Thomas traditus eisdem fuerit, piis dumtaxat moribus ac primis litterarum rudimentis, non relicto sæculo, imbuendus: scholas imo puerorum oblatorum, Casinum invensum, cum non invenerit ille, hoc subinde inspecto more, si ad ævum Divi Thomæ protendi debeat, deque Thomæ quidpiam probare velit Disquisitor, telum quod ipse vibrat, contra ipsum torquendum est; ac iure potiore colligendum, in numero puerorum oblatorum non fuisse Aquinatein.

Quamquam non is ego sum, qui huic argumento hæream; & ex more illo, quem Petrus Damiani anno 1063. ut notat Baronius ad eundem annum num. 2. observavit Casini, de more ibidem vigente ævo pueruli Thomæ, iudicium ferre velim. Quin non me fugit, in viâ fuisse eo sancto in loco, ut pueri reciperentur, tum paullo ante dictum annum 1063. ut patet de Landenulpho, de quo agit Petrus Diaconus, eiusdem Crenobii Monachus, Libro de Viris illustribus Casinensibus capite xl. Tomo XXI. Biblioth. PP. Lugdun. & apud Muratorum Tomo VI. Scriptorum Italiæ: tum postea sæculo duodecimo, quo Roboas, Petrus, Raynaldus, Gelasius ab eodem Scriptore *parvuli oblati* dicuntur; deque ipso Petro Diacono legimus: *quinquennem ipsum sub Girardo Abbate Beato Benedicto oblatum fuisse a Patre.* Satis est ergo, Damiani sententia haud confici, puerorum secularium scholas Casini clausas fuisse, uti pro ævo etiam Divi Thomæ perperam arguebat Disquisitor; quamquam præterea morem non recipiendi pueros oblatos, de quo idem loquitur Damianus, non diu apud Casinates viguisse, libentissime fateor.

III. Felicius ne fuerit Disquisitoris interpretatio, qua Conventus Aquigranensis decretum, *ut Schola in Monasterio non habeatur, nisi eorum qui oblati sunt*, intelligendum putat de puerorum secularium scholis, a Monachorum Coenobiis omnino eliminatis? Iudicium ferat peritissimus Mabillonius. Sic habet ille Præfatione I. in Sæculum III. Ordinis S. Benedicti §. iv. num. 11. „Quia vero pueris Deo consecratis non conveniebat, ut secularium collegio committerentur, alii ab aliis divisi sunt in duas turmas, & *Scholæ interiores & exteriores* constitutæ. Certe Abbatibus nostri in Concilio Aquigranensi anno 817. statuerunt capite xlv. *ut Schola in Monasterio non habeatur nisi eorum qui oblati sunt*: non quo pueri seculares ab scholis nostris excluderentur, sed quo diversis ordinis pueri divisi in scholis non uno audirent præceptores. Quo magis mirari subit securitatem cuiusdam recentioris Scriptoris, qui eo capite existimat Monachos ab docendis externis pueris removeri iussu & auctoritate Principis: cum statutum istud ab ipsis Ordinibus præfatis conditum in eo consistat, ut ne pueri Monachi secularia cum pueris secularibus discerent; ea scilicet nimirum sententia, qua veterant capite xlii.

„ut nullus plebeius seu clericus secularis in Monasterio ad habitandum recipiatur, nisi
 „voluerit fieri Monachus. Erant ergo, ut dixi, in Cœnobiis nostris scholæ interiores
 „seu claustrales pro Monachis; exteriores seu canonice pro secularibus. Huius dis-
 „criminis auctorem habemus imprimis Ekkehardum in Vita S. Notkeri capite VII.
 „Traduntur post breve tempus Marcello Scholæ claustri cum Beato Notkero Balbulo,
 „& ceteris Monachis habitus pueris: exteriores vero, idest Canonice, Isoni cum Sa-
 „lomone & eius comparibus. Paria docet idem Doctissimus Mabillonius in Tra-
 „ctatu de Studiis Monast. cap. 11. quod inscribitur de Academiis, seu Collegiis, quæ
 „singulis temporibus in Cœnobiis Ordinis Benedictini floruerunt: eademque habet Nebri-
 „dus a Mundalhem, Canonicus Regularis apud S. Mariam Leopoldinam in Austria,
 „in Antiquario Monastico Epistola 62.

Ex Chronico Centulensi Thomassinus Parte II. Libro I. capite xcvi. num.
 12. hæc profert: *In hoc Cœnobia Duces, Comites, filii Ducum, filii Comitum, filii
 etiam Regum educabantur.* Quod adeo disertum pro re, quæ de agimus, testimonium
 existimavit laudatus Thomassinus, ut asserere non dubitaverit: *Decretum Aquisgra-*
nense (quod minus attentus intellexerat de scholis puerorum secularium a Mona-
 steriis prius eliminandis) *in usu vocatum non fuisse, aut non ubique vocatum, aut*
denique in desuetudinem abiisse. Hinc demum de scholarum huiusmodi fortuna ac
 vicibus Mabillonius paucis omnia complectitur, quæ desiderari umquam possunt, lo-
 co posterius citato: „Relatæ Academiæ perseverarunt, inquit, ac perpetuo
 „durarunt in nostris Cœnobiis, tametsi variis vicissitudinibus, ordinisque alterationi-
 „bus iugiter subiectæ: modo namque effluerunt, modo pene aruerunt, modo de-
 „mum repullularunt, iuxta maiorem nempe vel minorem regularis disciplinæ vi-
 „gorem.“ Hinc vero si quis Damiani locum, quem supra expendimus, intelligen-
 dum contendat de interioribus Monachorum scholis, e quibus pueri sæculares eiekti
 fuerint, per me licet. Satis est, exteriores, ut appellantur, scholas perseverasse apud
 Monachos: quas ævo Divi Thomæ viguisse Casini, in eisque ipsum Thomam mori-
 bus & litteris educatum esse, luculento testimonio produnt Scriptores vitæ eius,
 qui perhibent, *Nobiles pueros Casini nutritos fuisse in moribus, ut moris erat patrie;*
ipsumque puerulum Thomam ibidem nutritum fuisse secundum morem Nobilium illius
patrie, & in logicalibus & naturalibus optime profectis.

IV. Quamquam & illud postremo loco addere ac cumulum liceat, *morem illum*
patriæ & regionis, quem ævo Divi Thomæ vigentem toties inculcant, dataque ope-
 ra proponunt attentice mente considerandum laudati Scriptores, in eo fortasse po-
 situm fuisse, ut Monachi Casinates ita sæculares *nobilium* Familiarum illius patriæ
ac regionis pueros exciperent moribus & litteris imbuendos, ut eos sive intra, sive
 extra Monasterii septa enutrent; eosque modesta & humili, vel etiam Monastica
 veste, devotionis & pietatis causa, induere consuecerent; quidni rursum Monasticis
 institutis, quæ sæculari eorum statui ac tenellæ ætati congruere poterant, eo fine
 consilioque informarent, ut ad Monasticam professionem capefendam allicerentur:
 quin eisdem tamen haberent inter pueros vere oblatos, ac Monasterio devotos,
 quibus resiliendi habitumque deponendi facultas adempta erat: ac integra demum
 eorum parentibus potestate remanente, puerulos suos, cum eis placeret, e Monaste-
 rio revocandi? Morem similem Casini, vel in Monasterio Sanctæ Mariæ de Alba-
 neta, aliiique Neapolitanis aliorum Ordinum in Cœnobiis, hodieque vigere, cer-
 tiorem me fecere gravissimi Viri.

Remotiora eiusdem consuetudinis exempla sæpe laudatus Thomassinus assert Par-
 te I. Libro III. capite LIX. num. 6. „Carolus VI. Rex Galliarum filiam quin-
 „quennem obtulit Monasterio Pixiacensi anno 1393. Repræsentata sunt puellæ re-
 „ligionis vota, & instituta regulæ: cumque illa se iis obsecuturam spondidisset,
 „statim a Priorissa exuta est regis vestibus, & religiosis induta... Aliquantis post
 „annis, nempe anno 1405. (ætatis eius duodecimo) Rex Pixiacum venit, & Fi-
 „lia

liæ coniugium proposuit, in quod ipse hortatu Principum regii sanguinis sui consenserat. Puella, quæ necdum velum religionis induerat, respondit se irrevocabili voto fidem suam obligasse cælesti sponso &c. " Ubi reginæ puellæ oblatio quædam a Rege patre facta satis apparet: quæ tamen nec ipsam potestati Monasterii integre addicebat, neque patri ademerat arbitrium eandem revocandi e Monasterio. Sola educatio, aut institutio videtur in veste religiosa; cui tamen, divino Spiritu afflante, votum adiecerat Filia Regis, quo fidem suam cælesti sponso obligaverat. Iam ante scripserat idem Auctor: „ placuisse Beato Ludovico Galliarum Regi, idque testamento quoque decrevisse, ut duo quos in Orientali expeditione suscepserat, Liberi in Monasteriis enutrentur: alter apud Dominicanos, apud Franciscanos alter, ut ita suavissime illicerentur ad religiosum institutum: ut illic sacris institutis ac litteris instruerentur, & ad amorem religionis salubriter inducerentur: desiderans toto corde, ut documentis salutaribus informati, Domino inspirante, loco & tempore ipsas Religiones intrarent. " Hæc habet verba Gautridus de Bello-loco in Vita Sancti Regis apud Continuatores Bollandi ad diem xxv. Augusti, capite 11. num. 16. ubi & Filios nominat, alterum Joannem, & Petrum alterum. Hæc vero Sancti Ludovici præservida vota morem indicant tunc etiam vigentem apud Fratres Minores & Prædicatores, puerulos excipiendi, quos induerent religiosa veste, piisque institutis ac litteris informarent, ac ita suavissime illicerent ad religiosum institutum.

Similis fuerit mos ille nobilium regionis & patriæ, quos Monachi Casinates in tennella ætate exciperent imbuedos, ac Monastica veste induerent, ævo Divi Thomæ vigentem: perque me licet, si quispiam contendat, Casini gestasse ipsum Monasticam vestem, non ex ritu veræ propriæque oblationis de ipso a parentibus factæ, sed ex pia quadam invecita consuetudine, ut sic enutriti pueruli, Domino inspirante, loco & tempore Monasticum institutum profiterentur. Hinc etiam pervium sensum denique habes, quo puerulum Thomam Casini oblatum dicere potuerint Scriptores Vitæ eius; & quo scripserit Logotheta, parentes eiusdem monachavisse ipsum. Ad gravioriam sermo procedat.

C A P U T IV.

Ante pubertatis annos Casino discedit Thomas, a parentibus de consilio Abbatis revocatus. Neapolim mittitur ad scholas seculares. Eiusdem familiaritas, & consuetudo cum Fratribus Ordinis Prædicatorum.

I. E Rasmus Gattula, qui loco citato constituerat, natum esse Thomam initio salutem anni 1225. ante diem septimam Martii, ipsumque anno 1230. pro illorum temporum more, puerum quinquennem, Monachum Casinensem effectum; egressum eius e Cœnobio Casinensi ad annum Christi 1239. ac ætatis Thomæ quartumdecimum expletum refert, causamque egressionis putat Friderici II. Imperatoris violentiam. Verba sunt: „ Illud quidem credimus, Sanctum Thomam Neapolim anno 1239. confedissee, ubi studia sua omnia perficeret, Casino cum reliquis Monachis in exilium actum violentia Federici Imperatoris, de quo hæc ait Richardus a S. Germano (ad eundem annum:) *Mense Aprilis Monasterium Casinense, Imperatore mandante, servientibus & aliis ad custodiam necessariis communitur, quibusdam Monachis ex eo exclusis &c.* Et inferius: *Eodem Mense Iunii iterum alii, qui remanserant, Monachi de Monasterio excluduntur, quibus simul cum primis exclusis moram apud Vallem-luci provisum est, paucis admodum in Monasterio remanentibus.* Paulloque post: *Eodem Iulii Mense tertia sic exclusio Monachorum de Monasterio Casinensi, quorum quidam apud Vallem-luci, quidam apud S. Petrum Monasterii, & quidam* „ mo-

moram facere in parentum domibus elegerunt: & in ipso Monasterio nonnisi octo tantum Monachi ad celebrandum in eo divina officia remanserunt &c. Ante id certe tempus nulla iusta causa Sancto puero fuerat reiliendi a parentum oblatione iureiurando firmata, nam eo tempore redire ad sæculum poterat quatuordecim iam annorum pubes. Ea tamen ætate, fuisse ab eodem exacta apud Casinates studia Grammaticæ, Logicæ, Philosophiæ, testatur Ptolomæus Lucensis. “

Longe diversam chronographiam statuit Disquisitor: sed in eo convenit, quod summum controversiæ caput est. Thomam contendit anno 1220. natum, anno 1225. oblatum Casini a parentibus Deo, anno 1235. post emissam Monasticam professionem missum Neapolim anno ætatis eius quintodecimo: eiectionemque Casino cum cæteris Monachis anno 1239. ætatis decimonono. Quæ verba eius sunt capite 111. num. 5. refero: „ Nec facile concesserim ego, Thomam decennem, ut vulgo dicitur, e Monte Casino Neapolim ad altiora studia contendisse: sed ætate aliquanto pro-
 „ veltiorem ac puberem, imo iam expresse sollemniterque profectum; cum ille in
 „ Monte Casino, quo puerulus missus fuerat, in *logicalibus*, & *naturalibus discipli-*
 „ *nis optime profecisse* dicatur apud Ptolomæum Lucensem. Quis enim tantus in
 „ decenni puero profectus esse potuisset? &c. “

Hæc pro genio asserentes, Gattulam, & Disquisitorem, paucis verbis, at luculentissimis refellit Guillelmus de Tocco in Thomæ Vita capite 1. Abbas autem prædicti Monasterii providus, inquit, cum adverteret in puero tam certa & matura futuræ perfectionis indicia, & clara iam prænuncia semina futuræ Scripturarum; advocato Domino Landulpho, patre prædicti pueri, providè ei consuluit, ut puer mitteretur Neapolim ad studendum; ubi studens inciperet addiscere, quæ Deus tot indicibus inciprat demonstrare. Unde puer de utriusque parentis consilio Neapolim mittitur, ut sub Magistri Martini in Grammaticalibus & Logicalibus, & Magistri Petri de Hybernia Ruditi in Naturalibus edoceretur: in quorum scholis tam luculentis capis esse ingenii & perspicacis intelligentiæ, ut &c. Quo loco de violentia a Friderico Imperatore inlata Monachis Casinensibus, deque Monachorum Casino eiectione mentio nulla, nullum velligium: imo ratio tota Thomæ egressus ex eo sancto loco adducitur ea, quod cum in puero mirabilem præcocem in scientiis profectum adverteret Abbas, consilio suo apud parentes eius effecit, ut mitteretur Neapolim, ibidem in scholis diligentius pro ingenii acumine, seracitate, ac velocitate excolendus.

Nondum vero pubem tum adeptum esse Aquinatem, satis indicant ac evincunt animadversa in puero futuræ perfectionis indicia, data Landulpho patri prædicti pueri consilia ut mitteretur Neapolim, eiusdemque pueri Neapolitanum iter. Anquidem annorum juvenem, profectumque Monachum toties puerum appellasset Guillelmus de Tocco? Sed hunc Abbatem, sub quo Casini moribus & litteris informabatur Thomas, fuisse Landulphum Senebaldum, temporum ratio postulat; cum illum narret Richardus de Sancto Germano in Chronico, Abbatæ Casinensis præfecturam suscepisse anno 1227. mortemque obiisse anno 1236. Mense Iulii in Festo Sanctorum Nazarii & Celsi. Hinc vero conciliare par est, Landulphum Abbatem, qui Thomam puerulum exceperat Casini litteris & moribus imbuendum, illum ipsum fuisse, qui cum nobilissimum Thomæ ingenium advertisset, parentibus consilium dederit, ut ipse Neapolim mitteretur. Missus ergo fuerit ille anno 1235. aut ineunte anno 1236. quo natus erat ipse decem vel undecim annos; nam eius natalitia illiganda esse cum anno æræ Christianæ 1225. aut insequente, infra dicendum est. At in Monte Casino, inquit Disquisitor, antequam inde diiceret, in *Logicalibus* & *naturalibus disciplinis optime profecisse* dicitur apud Ptolomæum Lucensem: quis vero tantus in decenni puero profectus esse potuisset, quæ tanta Philosophicarum rerum peritiæ, ut patres eius institutioni procurandæ magistros ac præceptores Casini non haberet? Ptolomæi scilicet verba plus nimio exaggerat ille. Idem Auctor, & Guillelmus de Tocco invicem conferendi sunt, ut legitimus sensus habeatur. Ait ille, puerum Thomam

miss-

missum esse Neapolim, ut *grammaticalia & logicalia* addiceret sub disciplina Magistri Martini, & *naturalia* seu Philosophica sub Magistro Petro de Hybernia. Unde Ptolomæus Lucensis, Thomæ Casini degentis profectum narrans, intelligendus est non tam de *optimo profectu in logicalibus & naturalibus disciplinis*, qua late patet spectatis; quam potius in primis earumdem *rudimentis*, ut refert Guillelmus. Utriusque Scriptoris inita concordia, vim erit totam argumentum ex verbis laudati Guillelmi depromptum, quæ Thomam adhuc *puerum & impubere* representant, cum ille Casino Neapolim missus est. Ac sane quænam miratio fuisset illa Abbatis Casinensis de profectu Thomæ in scientiis, si pubertatis annos iam tum indeptus esset, ac ætatem quindecim annorum attigisset?

Sed etiam Casino a parentibus revocatum puerum Thomam, verba suadent Guillelmi: *Abbas autem prædicti Monasterii providus* ... inquit, *advocato Domino Landulpho patre prædicti pueri, provide ei consuluit, ut puer mitteretur Neapolim ad studendum* Unde *puer de utriusque parentis consilio Neapolim mittitur*. Itaque de puero Thoma, deque studiis eius non audet Abbas pleno iure, ut de Monacho suo, statuere (Iacobi Echardi animadversio est:) at Landulphum patrem advocat, monetque ut si filio suo consultum velit, mittat Neapolim, aptiores in ea urbe, quam in Monasterio, præceptores naturum. Neapolim vadit ille, non cum litteris, aut ex præscripto Abbatis; sed *ex consilio*, seu deliberatione, ac imperio parentis utriusque; quin ipsum, ex quo semel Casino egressus est, utpote nihil ad se attinentem, curaverint deinceps Abbas vel Monachi. Hunc planum ac pervium verborum Guillelmi sensum amplector, & adprobo: quæ paulo aliter intelligenda capite 11. num. 3. proposueram, ut si Thomas quidem Casini oblatum Deo a parentibus fuerit, iuri cedere, si quod in ipsum acquisiverat, voluerit Abbas. Sed hæc agendi ratio in Abbate, si Disquisitorem audis, ad *solius urbanitatis officia* referenda est.

II. Hinc Monastica intelligit ille scholas, quas Neapoli adibat Thomas, ac Monachos Præceptores quos audiebat. Verba eius sunt capite 111. num. 4. „ Ecquid „ quæso vetat, puerum Thomam, cucullatum licet ac tonsum, e Monte Casino „ Neapolim ad altiora studia missum esse, ut & hic Monachus candidatus, sub „ Monachorum pariter disciplina, suscepta Casini studia proficeretur? Cum & il- „ lic Benedictini Ordinis Monasteria tunc essent, Sancti scilicet Severini, & Sancti „ Demetrii: quod ultimum iuris tunc erat Cœnobii Casinensis... Aliunde etiam ve- „ rissimilis sit, Martinum illum & Petrum Hibernum, quos Neapoli præceptores „ habuisse dicitur Thomas iunior, Benedictini Ordinis Monachos existitisse; uti Con- „ stantinus Abbas Caietanus, & Bucelinus in Martyrologio Benedictino contendunt. „ Imo de hoc ultimo liquet plane: non alius quippe est ille Petrus Hibernus, quam „ Petrus de Donis, patria Ultoniensis, quæ Hiberniæ regio est; quem ex Casinensis „ Abbatæ tabulis constat, Monachum S. Severini tunc fuisse. Nomen enim, & „ patria conveniunt apprimè. “

Hæc de re disserentem quoque Gattulam audire præstat. „ Incertum, ait ille, „ an Neapoli manserit in Monasterio S. Severini Ordinis nostri, vel S. Demetrii, quod „ Casinatus suberat. Quamquam probi sancti adolescentis mores suadent, in uno „ ex his Monasteriis, non in sæcularium domo commoratum. Verissimile etiam est, „ Neapoli Benedictinos præceptores audivisse: nam anno 1240. (*Mense Novembris*, „ apud Richardum de S. Germano) regno exulare compulsi sunt, iussa Federici se- „ cundi, Fratres Ordinis Prædicatorum & S. Francisci: atque Neapolitana Academia „ Erasimum Casinatem Monachum ad docendum ibidem sacram Theologiam per lit- „ teras acceffit (quas recitat ibidem num. 6.) Ex quo etiam constat, haud studio- „ rum causa missum Neapolim Sanctum Thomam. “

Constat imo, S. Thomam studiorum causa Neapolim missum esse, luculentissimo Guillelmi de Tocco testimonio: *Provide ei consuluit Abbas, inquit, ut puer mitteretur Neapolim ad studendum* Unde *puer de utriusque parentis consilio Neapolim* S. Th. Oper. Tom. V.

mittitur, ubi sub Magistri Martini in Grammaticalibus & Logicalibus, & Magistri Petri de Hybernia studii in Naturalibus edoceretur. Ad rem non attinet, Fratres Minores ac Prædicatores anno 1240. regno exulare iussu Friderici secundi compulsos esse; quamquam Richardus addit loco citato: non omnes exilio pulsos, *duobus tantum relictis, qui sint de Regno nativi, in singulis quibusque illorum domibus, ad custodiam earundem.* Pro incerto demum habet Gattula (quod animadversione dignum est) an Neapoli manserit Thomas in Monasterio S. Severini Ordinis Benedictini, vel S. Demetrii, quod Casinatibus suberat. Mansisse vero, conicit ille, conicit Disquisitor, præiudicio occupati de oblatione Thomæ Casini a parentibus Deo facta, deque Monastica professione voto solemniter ab illo firmata: quæ duo pluribus iam argumentis refutata sunt, ac validioribus deinceps refutabuntur.

Scholas interim, quas Neapoli adibat Thomas, dum perquiro, sæculares illæ occurrunt, quas Fridericus II. Imperator ea in urbe aperuerat, ut bonas litteras aut ereptas, aut iacentes restitueret & excitaret, Thomæ pueri ac adolescentis ætate florentes. De his verba faciens Richardus de S. Germano in Chronico ad annum M.CC.XXIV. scribit: Imperatore *Mense Julio pro reformando studio Neapolitano ubique per Regnum mississe litteras generales: illas sortasse, quæ Libro III. Epistolarum Petri de Vinea, eiusdem Imperatoris Cancellarii, recensentur numero XI. & sequentibus.* Sunt illæ, quæ invitavit *Scholares ad studium Neapolitanum, in eisque inter alia legimus: Is primis quod in Civitate prædicta Doctores & Magistri erunt in qualibet facultate. Scholares autem, undecumque venerint, secure veniant morando, stando, & redeundo, tam in personis quam in rebus nullam sentientes in aliquo lesionem.* Inter facultates prædictas locum etiam habuisse artem grammaticam, colligitur ex epistola num. 13. posita, qua *Iustituario Terræ Laboris* significatur, ne occasione edicti imperialis *Magistri molestiam* inferat, qui per terras iurisdictionis eius *pueras in artis grammaticæ primitiis & rudimentis edocent*, altioribus studiis, ac reconditiore artis grammaticæ eruditione Neapolitano studio reservatis. Scribit etiam Richardus de S. Germano ad annum M.CC.XXXIV. *studium idem Neapolitanum, quod elanguere ac pene aruisse videbatur ob dissidia Sacerdotum inter & Imperium oborta, denuo ab Imperatore instaurata.* Verba sunt: *Studium, quod Neapoli per Imperatorem statutum fuerat, quod extitit, turbatione inter Ecclesiam & imperium secuta, penitus dissolutum, per Imperatorem Neapoli reformatum.*

In his ergo scholis sese Thomas exercebat Neapoli degens: ad easque ut mitteretur, consilium dedit Cœnobii Casinensis Abbas, ac voluerunt parentes eius, ut angelicum ingenium, quod in pueritia præmonstraverat, illudque rudimentis artis Grammaticæ, Logicæ, ac Philosophiæ excultum Casini fuerat, altiore penitiorisque huiusmodi artium & facultatum eruditionem in tam celebri Academia assequeretur. Tempora sane conveniunt, cum studium illud Neapolitanum anno 1234. instauraverit Fridericus Imperator, Casinoque Thomas anno insequente vel 1236. revocatus fuerit. Scholas etiam istas manifeste indicant, quæ narrat Guillelmus de Tocco de iuvene Thoma in Scholis Neapolitanis auditore. Scribit nempe: *festinum profectum Thomæ in scientiis Magistros & alios in admirationem rapuisse: famam eius per Scholas volitasse: & quemdam Fratrem Ordinis Prædicatorum, presati iuvenis admirandam scientiam considerantem, de ipsius doctrina & sanctitate visionem accepisse.* Quibus ita se rem habuisse evincitur, ut Thomas publicas illas & sæculares adiret scholas; de mirabili propterea ipsius profectu in scientiis invicem verba facerent, qui in eisdem auditores erant, ac ipsi etiam Magistri; sicque fama eius per scholas volitaret; Fratres etiam Prædicatores, qui ibidem Sacras Doctrinas tradebant, præclarissimum iuvenis ingenium admirari potuerint. Bene cohererent omnia. Thomam vero si Monachum facias, in privata Monachorum Schola sese exercerent, nihil est horum quod de illo dici queat.

Neque solum scholas hic habeo sæculares & publicas, quas adiret Thomas altiori-

tioribus studiis exornandus. easdemque a prisco Vitæ eius Scriptore satis indicatas: verum etiam sæculares fuisse præceptores eius, Martinum & Petrum Hibernum, non levi coniectura colligi ex eo potest, quod illos Guillelmus de Tocco titulo dumtaxat *Magistri* exornet; non Fratres, non Monachos appellet. Fratribus Minoribus ac Prædicatoribus, qui in Neapolitana Academia Theologicas disciplinas tradebant, e Regno exulare iussis anno 1240. ad publicum illud Gymnasium invitavit Erasmus Monachum Doctores & Scholares litteris datis, quæ Monasticam eius professionem expriment: *Honestissimo & peritissimo Viro* (inquietans apud Gattulam loco citato) *Magistro Erasmo, Monacho Cassinensi, Theologie professori, Universitas Doctorum & Scholarium Neapolitani studii salutem &c.*

At coniecturis non hæream ego, quæ Magistrum & Doctorem, quo Thomas in Philosophicis disciplinis addiscendis utebatur, mihi videor invenisse; non *Petrum de Donis Ultoniensem* Benedictini instituti professorem, aut alium quemvis Monachum, Monachorum privatæ scholæ præsidem; sed *Petrum de Hibernia*, in publicis illis & sæcularibus a Friderico secundo scholis institutis Doctorem eximium. Is ille *Petrus de Hibernia* est, ad quem inter Epistolas Petri de Vineis Libro tertio inscripta legitur decima, *Magistro Petro de Hybernia*. Imperatoris nomine data est, qua constat: illum ad studium Neapolitanum regendum advocatum fuisse, ac plurimum auri unciarum mercede pacta pro summa eiusdem Imperatoris munificentia conductum. Epistolæ verba hæc sunt: *Te igitur, quem antiquæ fidei præscripta sinceritas, & præstata dudum felicitis recordationis Domino Patri nostro grata servitia nobis efficaciter commendant: de cuius etiam experta scientia, probitate cognita, & doctrina probata, in conspectu nostro iam pluries multorum testimonia claruerunt: ad celebranda communis studii eiusdem festiva solemnia, hilariter proximis invitandum. Fidelitati tuæ præcipiendo mandantes, quatenus de favore & gratia nostra securus, ad Civitatem ipsam ob reverentiam Maiestatis nostræ, personaliter relicturus, accedas. Et ut certam concipias de nostræ gratiæ liberalitatis fiduciam, firmiter te tenere volumus, quod in adventu tuo, in signum secundioris auspicii, de valore annuo 12. unciarum auri tibi faciat nostra munificentia providere. Quid est ergo ultra, ut de Scholis Neapolitanis, quas frequentabat Thomas, deque Magistris eius quæramus? Magister adest *Petrus de Hibernia*; nomen enim, & patria, & tempora conveniunt apprimè; qui cum in Scholis publicis & sæcularibus moderator esset, scholas etiam sæculares & publicas adiisse Thomam compertum est.*

III. Thomæ Neapoli degentis profectum in scientiis attestantem habemus allatis iam verbis Guillelmum de Tocco. Testis accedit Bartholomæus de Capua Logotheta in Processu Canonizationis cap. 1x. num. 76. *Missus*, inquit, *ad Neapolitanum studium, in grammaticislibus & logicislibus omnes antecedeat, conferendo & disputando.* Sed christianis etiam, piisque moribus maxime proficiebat: *cogitabatque commissum sibi talentum naturalis ingenii* (verba sunt laudati Guillelmi) *dono gratiæ spiritus, per transitum ad aliquem Ordinem augmentare.* Frequenti utebatur Fratrum Ordinis Prædicatorum consuetudine: duosque præsertim eximios viros Bartholomæus de Capua memorat, *Fratrem Ioannem de Caiatia, qui erat homo magnæ auctoritatis, multum familiarem dicto Fratri Thomæ; & Fratrem Ioannem de S. Iuliano, hominem magnæ vi- tæ & humilitatis.*

Divinæ vocationis, qua se pertractum ad Ordinem Prædicatorum sentiebat, consilium reddidit laudatum Fratrem Ioannem de S. Iuliano: qui & *iuvonem a Deo sibi destinatum* optimis consiliis adiuvit, & *ad ingressum prædicti Ordinis mente dispositum inclinavit.* Verba sunt Guillelmi de Tocco, quæ verborum Bartholomæi de Capua, dicebatur notorie, inquietis, *Fratrem Thomam de Aquino receptum fuisse in Ordine Prædicatorum a Fratre Ioanne de S. Iuliano, legitimum sensum declarant, adolescentem Thomam consiliis eius ad Ordinem adductum: constat quippe, Fratrem Thomam Agni de Lentino, qui tum Conventus Priorem agebat, eum veste in-*

d 2

duisse,

duisse, ut habet Bernardus Guidonis. Quæ demum omnia, si attentiore mente expendantur, notum fit competumque, haud ita facile Thomæ inveniri convenire potuisse, si Neapoli frocum gestasset, litterisque ac scientiis in Benedictino Cœnobio, tamquam Monachus recens professus, operam dedisset.

C A P U T V.

Thomas tum sæculo demum valedixit, cum Fratrum Prædicatorum Ordini nomen dedit. Disquisitoris mala fides, & oſecrantia.

I. **A**D illud piissimi adolescentis Thomæ præclarum facinus, cum Ordinem Prædicatorum amplexus est, iam senno devenit: quo vel uno in bona luce posito, cuncta micant omnia fulgentissime, quæ hætenus enarravimus. Non enim negaverit Disquisitor, si Thomam validissimis argumentis probavero, tum demum sæculum reliquisse, cum Ordini Fratrum Prædicatorum nomen dedit, uno ictu Monachatum eiusdem concidi: eaque omnia cadere ac ruere, quæ narrat de Thomâ cucullato, ac Monastico instituto sacra emissa professione obnoxio, sive Casini sive Neapoli degente.

Sed ita est, degisse Thomam in sæculo, donec divina favento gratia, quæ illum Dominicani Ordinis professorem, antequam nasceretur, prænunciaverat, Frater Prædicator effectus est. Rem testatur disertissime Guillelmus de Tocco, Scriptor vitæ eius; primo quidem illis verbis. „ Cogitans prædictus juvenis, quod poterat sibi esse, se damnable, si commissum ei talentum naturalis ingenii, dono gratiæ spiritus augmentatum, sub terra velut ludario *neglectioris vitæ* absconderet, quod poterat *per transitum ad aliquem Ordinem* augmentare, ductus est ad Fratrum Prædicatorum Ordinem, *diu cordis desiderio affectatum*, “ Hæcne quæso convenirent Casinensi Monacho a multis annis professo? Cogitat vero Thomas, *per transitum ad aliquem Ordinem* sibi doctrinæ augmentum parare: igitur satis est indicio, nullum Ordinem hætenus ingressum ipsum fuisse. Timebat ille, ingenii talentum *abscondere sub neglectioris vitæ* statu: igitur Monasticam vitam non erat amplexus. Quis enim credit, humillimum Thomam, si Monastico instituto additus esset, Monasticam vitam exultimare potuisse *vitam neglectiorem*? Aut cur timendum illi fuerat, ut commissum sibi talentum *absconderet* in Ordine Benedictino, in quo præcesserant tot præclarissimi Viri, sanctitate & sapientia præstantes; & ex quo Erasimum Monachum illis pene diebus ad tradendum publice Theologiam evocaverat Neapolitana *Doctorem & Scholarium Universitatis*? Denique cum Thomæ cordi esset, *per transitum ad aliquem Ordinem*, otium excutere *vitæ neglectioris*; ductusque fuerit ad Ordinem Fratrum Prædicatorum, *diu cordis desiderio affectatum*: quis inde non colligat, turp demum sæculum reliquisse Thomam, cum inter Fratres Prædicatores, eorum induta veste, cooptatus est?

Novum suppeditat eiusdem rei momentum laudatus Guillelmus, qui Thomæ ingressum in Ordinem Prædicatorum cum narrasset, statim hæc subiicit: *De cuius ingressu admirati sum nobiles civitatis, quod tam nobilis juvenis parentum domum deserere.* Commentario opus non est, sed animo præiudicii vacuo, ut noverint omnes, quotquot hæc legerint, Thomam sæcularem vitam egisse Neapoli; ac tum demum parentum domum, & bonâ omnia quibus eius familia perillustres & potens abundabat, *deseruisse*, cum lesum pauperem sequi maluit in Ordine Prædicatorum, eumque amplexus est. Rem confirmat S. Antoninus Parte III. Chronici Titulo xxiii. capite vii. §. 1. inquit: *Cæpit secum Thomas, Domino agente, disponere, sæculum relinquere, & Ordinem Prædicatorum introire.* Cæcus esto, qui sæcularem Thomæ statum, antequam Dominicano Ordini nomen daret, hisce verbis descriptum non intelligit.

Pergu

Pergit narrare Guillelmus, motas in Thomam Dominicanam vestem indutum persecutiones, captum etiam & in carcerem domesticum intratum, gravissimas demum a Fratribus inflatas iniurias: ac inter alia, *dilaniatum ab ipsis habitum prædicti Ordinis Dominicani, ut præ verecundia dilaniatum deponeret; & alium indueret, qui placeret ei.* Quomodo, inquit ego, Monacho a multis annis professio, qualem fuisse Thomam, cum hæc contigerunt, contendit Disquisitor, facultatem fecissent Fratres irati, ut una veste Dominicana deposita, *alium indueret habitum, qui placeret ei?* Sed hæc evincunt, sæcularem fuisse Thomam, donec vestem Dominicanam induit: quam subinde ab ipso indutam in frustra considerunt præ ira Fratres; aliumque habitum, aut Monachalem, aut Ecclesiasticum, aut laicum obtulere, ut uno habitu Prædicatorum excepto, quemcumque mallet, minis & iniuriis cedens, tandem adsumeret.

Hæc narranti Guillelmo testis accedit Bartholomæus de Capua, auditus & iuratus in Processu Canonizationis capite ix. num. 76. ubi testatur, se inter alia audivisse a F. Joanne de Caiatia, & a F. Joanne de S. Iuliano, qui cum Thoma vivente familiaritatem habuerunt, *& ex quodam communi preloquio, factum esse, ut favore & potentia disti Patris (Landulphi scilicet) idem Frater Thomas captus, fuerit in Castro paterno detentus... & licet idem suus genitor sibi Monachales, vel Laicales vestes offerret, eas nunquam recipere voluit.* Quæ verba sæcularem Thomæ vitam, antequam Dominicano Ordini adstringeretur, clarissime representant. Quo se ab his expedit modo Disquisitor, referendum est. Ait scilicet capite v. num. 3. „Hinc observamus, parentem eius Landulphum Comitem, cum illum e Castro Aquependentis ad se adductum, domestico carceri adduxit, & Dominicanas quas ille recens induerat, vestes in frustra concidit, *Monachales induendas obtulisse:* quod laudarus supra Bartholomæus de Capua, Regni Siciliæ Protonotarius, testis in processu Canonizationis auditus, iuramento testatus est. „Ubi animadvertit, solas *Monachales vestes* ab illo exponi: *laicales* vero etiam *oblatus*, ut testatur Logotheta, silentio præmi. Hinc sequitur ille, hanc efformare demonstrationem: *Non levis est*, inquit, *suscepti a nobis argumenti probatio, ne dixerim, demonstratio: qua etenim libertate, quo iure Monachales vestes induendas obtulisset pater, si eas nunquam antea filius induisset?* At neque demonstratio est, neque probatio etiam levis, Monasticas antea gestasse Thomam vestes, ex quo induendas illas obrulerit Pater. Eas namque cur obrulerit, patet: ut si quas regularis instituti vestes induere Filius vellet, præ Dominicanis eligeret Monachales, quas etiam animo destinaverat eidem, cum ipsum Casinensibus Monachis tradidit moribus & litteris informandum.

At verba rursum Logothetæ, si omnia adnotentur, non levem probationem, sed clarissimam demonstrationem suppeditant, non qua Monachus Thomæ, antequam ad Prædicatorum Ordinem se transferret, ut putat Disquisitor, ulla ratione evincatur, sed qua Monachus idem profigitur: Thomamque tum demum sæculo valedixisse, cum Prædicatorum Ordinem ingressus est, ostendatur. Non solum enim Thomæ in carcere detento *Monachales vestes obtulit* pater, sed etiam *laicales*: qua igitur libertate, quo iure *laicales vestes* induendas obtulisset filio, si antea in læculo non existens, sed Monachus a multis annis professus, vestem Dominicanam induisset?

II. Malam fidem Disquisitoris in afferendis Scriptorum testimoniis quis non admittet? Paret etiam oscitantia eius, ut mitius agam: quem sane oportet, præscos illos Thomæ vitæ scriptores, qui tam clara, tam distincta sæcularis status, in quo versabatur ille, cum Dominicanæ Familiæ adscriptus fuit; testimonia proferunt, aut vidisse numquam, aut oscitanter legisse. Nihilominus sic ille Disquisitionem suam exorditur capite i. num. 1. „Divum Thomam, Scholarum Angelum, antequam Dominicano Prædicatorum Ordini nomen daret, Benedictinum Monachorum institutum apud Casinenses professum esse, ibidemque per aliquot annos Monachum

„ solennibus votis obstrictum subfistisse; iis certe paradoxum videbitur inan-
ditum, qui priscos vitæ eius Historicos leviter tantum ac defunctorie læstita-
runt. “ Imo paradoxum inauditum maxime videtur iis, qui diligentissime Tho-
mæ acta a priscis Historicis conscripta expenderunt: & quam aliis affingit Disquisi-
tor, ipse reum se prodit incuriæ, maximæque socordæ.

Sed ipse sibi repugnans, hac de re siluisse priscos illos Historicos, fatetur capite
viii. ubi num. 1. difficultati, quæ fumitur ex eorum silentio, respondet in hæc
verba: „ Nihil in Historica concertatione roboris habere abutivum argumentum:
„ quive de Divi Thomæ Monachatu siluere prisci Scriptores Dominicani, non id-
„ circo negasse, aut commentitium esse suo illo silentio docuisse. “ Verum patet
quammximè, priscos Historicos Dominicanos de Monachatu Thomæ nedum non
siluisse; sed etiam ea narrasse, quæ illum omnino profligant: quod est eundem aper-
tissime negare. Siluisse-ne dicendus est Guillelmus de Tocco, qui refert: tum no-
lentem Thomam talentum ingenii abscondere sub neglectioris vite statu, quod poterat
per transitum ad aliquem Ordinem augmentare, ductum esse ad Fratrum Predicatorum
Ordinem, diu cordis desiderio affectatum; tum nobiles Civitatis de ingressu illius in Or-
dinem admiratos esse, quod tam nobilis juvenis parentum domum deseruisset; tum de-
um germanos Fratres iratos vestem Dominicanam recens indutam in frustra conci-
disse, ut præ verecundia dilaniatum habitum deponeret, & alium indueret, qui place-
ret ei? Non siluit, hæc scribens Guillelmus: sed acsi Monachatus Thomæ vel tum
ab aliquo fabulatore obtusus esset, apertissime illum inficiatur. Silet-ne præterea
Antoninus, qui narrat: *cæpisse secum Thomam, Domino agente, disponere, sæculum
relinquere, & Ordinem Predicatorum introire?* Silet-ne tandem Bartholomæus de Ca-
pua, dum iuramento testatur, Landolphum patrem Thomæ, ut vestem istè Domi-
nicanam deponeret, ei obtulisse Monachales, vel laicales vestes, quas nunquam con-
stantissimus adolescens recipere voluit? Si hæc pro silentio, & pro nihilo habenda
sunt, libeat diem noctem dicere: nihilque erit ab Historicis, licet clare, licet di-
serte dictum, quod pro non dicto habeatur.

Sed invitos tamen Deos patiaturs Disquisitor, non ante Dominicanas vestes indu-
tas a Thoma contendit ille, quam exuerit Monasticas, in oblatione de se a paren-
tibus Deo facta Casini primum adsumptas, ac deinceps ob Monasticæ professionis
votum firmatum strictiori iure retentas. Tabulas Casinenses in argumentum asserit,
„ Richardus a S. Germano, inquit, Monachus ea ætate Casinensis, cuius Chronici
„ fragmenta laudat sæpe numero Odericus Raynaldus in Annalibus Ecclesiasticis ad
„ sæculum decimumtertium; eiectionem Monachorum suorum referens, dum Fre-
„ dericus II. Imperator Monasterium in munitionem convertit, paulo ante quam
„ Thomas Aquinas, relicto Casino, Predicatorum Ordinem adiisse creditur; illud
„ inter cætera notat maxime, Monachorum aliquos suis sedibus eiectos ac disturba-
„ tos Benedictinum cucullum exuisse. Anno, inquit, 1239. Mense iulii, tertia sit ex-
„ clusio Monachorum de Monasterio Casinensi: & in ipso Monasterio, nonnisi octo tantum
„ Monachi, ad celebranda divina officia remanserunt, quorum nomina sunt hæc &c....
„ Eiectionem Cenobite, alii ad Monasterium Vallis Lucis se recepimus, alii apud com-
„ sanguineos, alii habitum reliquerunt: non utique facti apostatæ (absit a Viris Re-
„ ligiosisimis tantum nefas, quod nec si forte fuisset, Richardus a S. Germano in
„ sui Ordinis dedecus prodidisset) sed in alios ordines convolantes. “

Antequam refero argumentum, quod inde Disquisitor exprimit, animadverto:
Richardum de S. Germano perperam dici Monachum ea ætate Casinensem: ac mirum
esse, editum eiusdem Chronicon a Ferdinando Ughello anno 1647. in Italiæ Sa-
cræ Tomo III. iterumque recusum Tomo X. editionis Venetæ anno 1722. non vi-
disse Disquisitorem. In Proæmio sic ait ipse Chronista: *Ego Richardus de S. Germano
Notarius. Et infra: Quoniam ergo Regni filius ego sum, qui legerit non me causetur de-
restando, si Regni gesta scribo.* Casinensis Monachatus eius vestigium nullum, vola
nulla:

nulla: nec ipsum inter Casinates Monachos recenset Gattula; ipsumque *Notarium*, non Monachum, appellant Nicolaus Toppius in Bibliotheca Neapolitana, & Guillelmus Cave in Historia litteraria, qui suo ingenio addit, adnotante Muratorio, ipsum fuisse *Regis Siciliæ Secretarium*.

Iam vero sic argumentum efformat Disquisitor: „ Quidni quæso de Divo Thoma Aquinate, tacito nomine, locutum illic Ricardum (cum ait, ex cieclis Monachis *altos habitum reliquisse*, non utique factos apostatas, sed ad alios religioſos Ordines convolantes) existinemus, quem præ ceteris Casino exclusum oportuit, dum ea Monachorum eieclio ex Frederici Imperatoris iussu facta est, tamquam filium Comitis Aquinatis, quem Cæsar maxime oderat, quod contra ipsum Pontificis partes secutus fuisset? Sed sunt hæc, inquis, meræ coniecturæ ad arbitrium factæ. “ Siste Disquisitor: non meras hæc tuas inquit coniecturas esse ad arbitrium factas, sed malam insuper fidem noto Scriptorum loca depravantem. Richardi de S. Germano Chronicon editum proſtat anno 1647. & 1722. apud Ferdinandum Ughellum in Italia Sacra, & anno 1725. apud Muratorium Tomo VII. Scriptorum Italiæ, & apud Erasumum Gattula anno 1734. in Accessionibus ad Historiam Abbatia Casinenſis Parte II. quibus omnibus in editionibus illa verba, ex quibus argumentum promissum, desiderantur, *Alii habitum reliquerunt*. Integrum ac genuinum accipe textum: *Eodem Mense (Julii) tertia fit exclusio Monachorum de Monasterio Casinensi; quorum quidam apud Vallem-Lucis (Vallem-luci) quidam apud S. Petrum Monasterii, & quidam moram facere in parentum domibus elegerunt: & in ipso Monasterio, nonnisi octo tantum Monachi, ad celebrandum in eo divina officia remanserunt, quorum nomina sunt hæc &c.* Iam ergo delenda verba sunt, quæ vel mala fide Disquisitor addidit, vel ab alio adiecta per summam officiantiam transcripsit, ipso Richardi Chronico nec lecto, nec viso: quæve inde sumitur coniectura, tametsi ad arbitrium facta, evanescit.

Quæ rursus abit in auras, canente fabulam Disquisitore, cum ait: *Thomam præ ceteris Casino exclusum oportuit, dum ea Monachorum eieclio ex Frederici Imperatoris iussu facta est, tamquam filium Comitis Aquinatis, quem Cæsar maxime oderat, quod contra ipsum Pontificis partes secutus fuisset*. Verum enimvero Comites Aquini eo anno 1239. & inſequente, & anno 1243. quo vellem Dominicanam induit Thomas, ac deinceps ad usque Lugdunenſe Concilium Oecumenicum anno 1245. celebratum, Friderici partes secutos esse, Historiæ produnt. Richardus de S. Germano ad annum 1239. adnotat: *Mense Martii.. Thomam de Aquino, Accerrarum Comitem, vocatum ad Imperatorem in Lombardiam profectum esse*. Editione utor quam Gattula correxit & emendavit. Hæc rursus habet ad annum 1240. *Mense Junii, Imperator cum exercitu suo, quem da Regno collegerat, venit ad S. Germanum, ubi per sex dies moram protrahens, e vestigio per Aquinum transitum faciens, & secum ducentes Pandulphum Dominum Aquini, apud insulam Pontis Solerati posuit castra sua*. Narrat etiam Guillelmus de Tocco, Thomam recens indutum vellem Dominicanam, captum fuisse a Fratribus germanis, qui erant cum Frederico Imperatore in Castro Aquæ-pendens Tusciæ regionis: quæ nempe anno 1243. vel inſequente acciderunt. Ac demum ex his Thomæ fratribus, alterum vocat Reginaldum Ptolomæus Lucensis Libro XXII. Hist. Eccl. capite, xx. inter Maiores in curia Frederici. Luculentissime hæc evincunt, Imperatoris partibus hoc tempore adhæsisse Comites Aquinates. Adnotat vero idem Ptolomæus, prædictum Reginaldum postea ab ipso Imperatore fuisse interfectum: Comitumque de Aquino progeniem in parte a Friderico destruatam, quia fideles erant Ecclesiæ: eandemque prævaluisse demum tempore Caroli; quæ contingere non poterunt nisi post Concilium Lugdunenſe anno 1245. celebratum, in quo anathematis fulmine percussus est Imperator. Paucis ergo in Disquisitoris verbis commenta plura putidissima innotescunt: quibus superſtructa, quænam fuerit conie-

coniectura eius de Monastica veste, quam Thomas tum demum exuerit, cum meliora charismata quærens, Ordinem Prædicatorum ingressus est?

C A P U T VI.

Thomæ Aquinati, iam vestem Dominicam induto, Casinensem Abbatiam ab Innocentio quarto Summo Pontifice oblatam, referunt Thomas de Cantimprato, & Ptolomæus Lucensis. Hac narratio diligentius expenditur. Monachatus Thomæ iterum profigitur.

I. **T**homa de Cantimprato, & Ptolomæo Lucensi in testes advocatis, quos sequuntur & exscribunt Paulus Langius in Chronico Citizenſi ad annum MCCLXIII. & Leander Albertus Libro III. de Viris illustribus, *rem singularem plane & observatione dignam* refert Disquisitor. capite v. de Abbatia Casinenſi in gratiam parentum Thomæ Aquinati oblata a Romano Pontifice: indeque Monachatum Thomæ sibi videtur probare & evincere posse: *Quid sibi vult, inquit, ea Divi Thomæ Prædicatoribus recenter adiuncti in Abbatem Casinensem electio, si Benedictinus, & quidem expresse professus, reipsa non erat?* Addit Pontificum Romanorum decreta, Innocentii III. & Gregori IX. quæ cautum est, ne Monachis præficerentur Abbates extranei, ut magis Thomæ Monachatum pro viribus colligat, & confirmet.

Utriusque Scriptoris verba sub oculis primum ponenda sunt: invicem præterea conferenda, ac nonnullis detergenda mendis; quo demum fiat, rem hanc singularem & observatione dignam, prout eam præci narrat Historici, minime Thomæ Monachatum confirmare, sed evertere. Thomas de Cantimprato Lib. I. de Apibus capite xx. §. ix. editionis Georgii Colvenerii, Duaci 1627. hæc habet: „Cum „quidam Nobilis adolescens, de Romanorum partibus, Thomas de Aquino nomi- „ne, hæc & his similia (de quibus antea disseruerat) vereretur, intravit Ordinem „Fratrum Prædicatorum Bononiæ. Qui cum Domino ibidem in magno fervore & „alacritate spiritus deserviret, invidit Diabolus, & instigavit parentes eius, & ma- „xime duos Fratres illius potentissimos & feroces, qui obtinuerunt a Papa, ut ad „Curiam per litteras Apostolicas citaretur. Qui ut comparuit, iustus est habitum „Ordinis deponere, & dignitatibus Ecclesiasticis insigniri. Quod cum sperneret mi- „ra constantia, fortim a suis Fratribus raptus est, & in carcerem clam detrusus. „Iniurias Thomæ inlatas postmodum narrat: Fratresque tandem ab Imperatore, ne „Fratrem male haberent, cohibitos. Quibus recensitis, pergit narrare: „Nec diu Sa- „tan distulit insidias adolescenti spargere. Instinctu enim Fratrum suorum caria- „lium, & amicorum quos habebant in Curia, per litteras Apostolicas, iterum man- „datus est Frater Thomas. Venienti autem, mox a Papa præcipitur, ut regimen „Abbatie Casinensis susceperet. Renuit ergo præclarissimus adolescens, nec ordinem „vel habitum suum deferere ulla ratione consensit. Cui cum Papa concederet, *ut „in ordine, & habitu suo præesset officio;* noluit ille; & clam prolapsus a Curia fu- „git, & in Coloniam Agrippinam venit. „Hæc ille, qui ævo Divi Thomæ vi- „tam agebat, mortemque videtur obiisse annocirciter 1272. vel etiam postea. Hunc „facit Disquisitor *Episcopum suffraganeum Cameracensem:* quam illi tamen dignitatem „adimit Jacobus Echardus in eisdem Elogio. Dionysius Sammarthanus Tomo III. „Galliæ Christianæ, de Nicolao III. Cameracensi Episcopo agens, qui sedem illam „rexit ab anno 1234. & anno 1272. adhuc in vivis erat, hæc habet: *Sub hoc Præ- „sula Thomas Cantimpratenſis ... consecratus sub titulo mendicato Episcopi Lusentini, mu- „nia pastoralia & Episcopalia obivit vice ipsius.* Rem ego in medio relinquo.

Sequitur Ptolomæus Lucensis, cuius hæc verba sunt Libro XXII. Hist. Eccl. ca-
pite

pite xxi. non xxix. De carcere eductum Thomam, statim animalia sunt parata ad ipsum deducendum Romam. Inde vadit Coloniam ad Fratrem Albertum, ubi multo tempore fuit: & ibidem existens, oblata fuit eidem Abbatia Montis Casini per Alexandrum gratia parentum, quia erant expulsi de Regno: & recusavit. Quo loco emendandum annotat Echardus vel Ptolomæum, vel potius eius Notarium, qui Alexandrum IV. scripsit pro Innocentio IV. Pauli Langii, & Leandri Alberti verba præterco, qui sequiore ætate floruerunt, exscripserantque Ptolomæum, & Cantipratensem.

II. Menda plura, quibus hæc narratio scatet, advertere primum liceat; quæve aut vera, aut verisimilia non sunt, aut dubia indicare. Negaverit nemo, a veritate abluere Thomam de Cantimprato, dum narrat 1. Aquinatem de Romanorum partibus venisse Bononiam. 2. Dominicanam vestem Bononiæ indutum, ibidem aliquamdiu substitisse. 3. in Curiam semel & iterum per litteras Apostolicas vocatum, eoque profectum esse. 4. Dignitatibus Ecclesiasticis a Pontifice oblati insigniri nolentem, tunc a Fratribus furtim raptum, & in carcerem detrusum. 5. e Curia demum secunda vice clam prolapsam, Coloniam Agrippinam petiisse. Probatus nemo Vi æ Thomæ præficus Historicus, aut Ptolomæus Lucensis, aut Guillelmus de Tocco, aut Bernardus Guidonis, aut adhibiti testes in Processu canonizationis, quidpiam simile narrante: hominique Brabantio longe dissito, hæc narranti ex incerta fama, parcendum est.

Sed neque paria sunt & consona, imo longe diversa ac repugnantia, quæ referunt Cantipratenfis, & Ptolomæus. Scribit iste, Thomæ Colonie existenti Abbatiam Casinensem oblatam fuisse: narrat ille, id factum, antequam idem Thomas Coloniam proficisceretur. Ait etiam Ptolomæus, Abbatiam eidem longe a Curia Pontificia dissito per Innocentium oblatam: ait vero Cantimpratanus, Thomam in Cutham advocatum, ibidemque existentem, illam sibi oblatam respuisse. Quod semel demum contigisse, narrat alter: bis, alter.

Hæc fortasse videri cuipiam poterunt totidem argumenta, quæis narratio illa de Abbatia Casinenfi Thomæ oblata in dubium vocari possit, ac etiam explodi. Non is vero ego sum, qui id contendam. Ea tantum in illius facti examine mens mihi fuit, ut a fabellis adiunctis detergeretur: ipsamque Abbatiam revera Thomæ oblatam si quis putet, iuxta fidem utriusque Scriptoris, per me licet. Oblationis factæ tempus, quantum ferunt probabiliores coniecturæ, inquirendum est. Quod ut præstem, præmitto partem chronographiæ gestorum Sancti Thomæ, quam Iacobus Echardus, diligentissime synchronis Scriptoris collatis, digessit. Sic habet ille in Vita, vel elogio ipsius: „ Anno 1243. Ordinem Prædicatorum Neapoli in Sancti Do-
 „ minici Cœnobio amplectitur ... Aquapendente ex itinere transiens, a germanis suis
 „ ibidem in aula & exercitu Frederici Imperatoris militantibus, e manibus Socio-
 „ rum vi eripitur: quæ circa septembrem videntur evenisse (qua de re capite po-
 „ stremo agendum mihi est.) Anno 1244. postquam per annum circiter detentus
 „ esset, per fenestram dimissus ac sodalibus restitutus est. Neapolim, indeque Ro-
 „ mam abque dilatione ad Magistrum Ordinis adducitur. Is erat Venerabilis Fra-
 „ ter Ioannes Theutonicus, qui juvenem Thomam terrissime amplexus, Parisios, ac
 „ vix ibi commoratus, recta Coloniam sub Alberto Magno tum maxime flore e-
 „ rudiendum secum ducit. Anno 1245. Albertus Magnus, Parisiis ad legendas sen-
 „ tentias assignatur: & cum eo juvenem Thomas ad studium illud mittitur. Ambo
 „ eo venisse videntur circa Octobrem, quo fieri solebat scholarum instauratio. . . .
 „ Anno 1248. finito cursu, ambo, Magister, & Discipulus, Coloniam reversi sunt:
 „ cumque ibi eo anno in Comitibus Ordinis Parisiis ad Pentecostem 7. Junii coacti,
 „ studium generale positum fuisset; in eo deinceps Albertus Regentis sanctus est
 „ officio, Thomas vero sub eo iuxta leges Ordinis Philosophiam, Scripturam Sa-
 „ cram, Sententias interpretatus est ac legit Anno 1252. vel Colonie iisdem
 „ defudens lectionibus perstitit: vel si quis Parisios ivisse contendat, sacras litteras

„ interpretaturus, ut Lector Biblicus (sic enim vocabant, qui primus erat ad Magisterium gradus) *versus Septembrem* missus fuerit. Certum enim est, *anno tantum 1253.* in inflatione Scholarum *versus Octobrem*, lectionem Sententiarum „ Parisiis ut Baccalaureum aggressum esse. “

Porro oblata Thomæ Abbatum Casinensem *anno 1243. Fratribus Predicatoribus recenter adiuncto*, Dilectissimi *certum* est: in eandemque intentionem olim ego ferebar. Re maturius discussa, id eo tempore factum pernego. Ptolomæus Lucensis oblata narrat Abbatiam Thomæ, *gratia parentum, quia erant expulsi de Regno:* atqui illo anno 1243. & sequentibus ad annum usque 1245. gratos Imperatori Frederico fuisse Comites Aquini, in eiusque aula versatos esse, proque ipso militasse, probatissimis testibus adductis, Richardo de S. Germano, Gulielmo de Tocco, Ptolomæo Lucensi, demonstravimus capite superiore num. 2. in calce. Ad hæc, Abbatiam Casinensem *anno 1239. Mense Februarii*, teste Richardo de S. Germano, regendam suscepit Stephanus de Curvario: rexitque illam *annis novem*, ut habet Series ms. Abbatum Casinensium, qua utitur Erasmus Gattula in sua Abbatie Casinensis Historia Parte II. num. 2. Regimen ergo eiusdem Stephani de Curvario ad annum usque 1248. circiter protenditur: adeoque prædictam Abbatiam anno 1243. aut insequente Thomæ offerre, & conferre valuisse Innocentium Pontificem, non ita facile dictu. Notum vero illud est compertumque, germanos Thomæ Fratres illos fuisse, qui eidem captivo defuncto, multique exagitato iniuriis, Dominicana veste in frustra concilia, *Monachos vestes* induendas obtulere, teste Bartholomæo de Capua: quæ fortasse res ita spargi potuit in vulgus, ut etiam diceretur Abbatiam Casinensem eidem obtulisse summus Pontifex. Ita vero vulgari fama delatam rem, diligentiore neglecta perquisitione, scriptis mandavit Thomas de Cantimprato.

Ab Imperatore diris devoto in Concilio Lugdunensi, quod anno 1245. celebratum est, inter plures, qui partibus eius adhæserant, Aquini Comites descere. Hinc ille percitus ira, *Reginaldum Thomæ nostri fratrem interfecit.* Ptolomæo Lucensi teste, Comitumque Aquini perillustrem progeniem expulit Regno. Interim Thomas Parisiis debebat sub disciplina Alberti Magni, remigravitque Coloniam Agrippinam anno 1248. cum eodem suo Magistro, ubi subsistit aliquot annos. Hoc tempore *Colonie existenti* Thomæ, laudato Ptolomæo si credimus, *oblata fuit Abbatia Montis Casini* per Innocentium Papam, *gratia parentum, quia erant expulsi de Regno.* Haud sane repugnant Monumenta Casinensia. Post Abbatem Stephanum de Curvario, qui anno 1248. fato concessit mortalitatis, *densissima deinceps tenebræ offunduntur* (inquit Gattula loco citato) ac *incerta ad Abbatum electionem, finemque cognoscendum via est.* Post ipsum Stephanum numerat Nicolaum Abbatem Casinensem: cuius tamen nulla mentio in memorata manuscripta serie. Nomen eiusdem occurrit in Tabulis anno 1251. confectis: diciturque *Dominus Nicolaus Dei gratia venerabilis Casinensis electus*: sed quando electus, ait Gattula, vel quousque rexerit, incertum. Quidni ergo coniici potest, hoc tempore Casinensem Abbatiam ab Innocentio Pontifice, *gratia parentum*, fuisse Thomæ oblata?

III. Sua igitur, si lubeat, huic historiae veritas constet; at eiusdem adnotatorem primum, Thomam de Cantimprato, causæ qua de ago, adversum non habeo, sed potius patronum dilectissimum. Illud imprimis animadverto, quod ait: *Quendam Nobilem adolescentem de Romanorum partibus Bononiam venisse*, ut vestem Dominicānam indueret; quæ verba nonnisi iuvenem sæcularem sub oculis ponunt. Quid est illud alterum: Thomam in Curiam vocatum, *iussu esse, ut habitum Ordinis deponeret, & dignitatibus Ecclesiasticis insigniretur*; nisi tunc illum minime fuisse Monachum professum, sed Dominicanum Novitium duntaxat, qui veste Ordinis deposita, dignitatibus Ecclesiasticis quibuscumque posset insigniri? Quid est etiam silentium illud pristinæ Monachalis professionis, qua Thomæ persuadere potuisset Pontifex, ut libentius ac facilius regimen Abbatie Casinensis adsumeret; nisi eloquentissimum argumentum, eius Monachatus abnuntivum? Quid demum illud est: Tho-

mæ

mæ nec Ordinem, nec habitum suum deferere volenti, facultatem fœcisse Pontificem, ut in Ordine ac habitu suo præfset officio; nisi alterius Ordinis & instituti numquam illum fuisse, nec cucullum Monasticum gestasse umquam?

Sed inquit Disquisitor: Thomæ fratres, & Innocentium Pontificem latere non potuisse, quam districte, quam sancte paucis ante annis Innocentius III. & Gregorius IX. voluissent, ne Monachis præfcerentur Abbates extranei, quique expresse hoc ipso in Ordine professi non essent. Ac certe ita socordem & inertem dixerit nemo Innocentium, ut quæ certissime noverat proximorum Decessorum statuta, revellere vellet. Citat vero Caput, Cum ad nostrum, & Caput, Cum in Magistrum, de Electione. Hæc Romanorum Pontificum rescripta diligentius hoc loco expendere non vacat: quorum alterum electionem Abbatis irritam facit, qui incontinenti Monachus effectus, & Abbas electus a Monachis fuerat, rudis adhuc minimeque instructus in regula Monachali: alterum eligi vetat in Abbates, qui ordinem regularem professi non sunt. An vero denegatam Monachis facultatem, adimere sibi pro rerum & temporum circumstantiis voluerint Pontifices? Adde, Casinensem Abbatiam in casu nostro erigi in Commendam potuisse: quamquam non melatet, quod adnotat Thomafinus Parte II Libro III. capite xix. tertiodécimo sæculo Abbatiarum commendas haud facile occurrere: Nihilominus ex Prologio Lucensi Libro XXII. Hist. Eccles. capite xxxix. patet: Clementem quartum Summum Pontificem, qui obiit anno 1268. voluisse conferre Thomæ nostro de Aquino Archiepiscopatum Neapolitanum, & etiam Abbatiam S. Petri ad aram dîsti loci. Illam fuisse Ordinis S. Augustini extra muros Neapolitanos, adnotat Lubinus in Notitia Abbatiarum Italiæ.

Utut hæc se habeant, de facto sermo est, quod narrant Cantimpratani, & Prologæus Lucensis: neque inribus & Pontificum statutis confici potest, factum non fuisse quod factum fuit. Negari enim nullo modo potest, si vera narraverint illi, Abbatem extraneum præfectum Casinatibus fuisse ab Innocentio Pontifice, dum illis præficiendum curavit Thomam, ea servata conditione, ut in ordine & habitu suo, scilicet Dominicano, præfset officio. Nec socordem vero, nec inertem Innocentium dixerit, qui Decessorum statuta, quæ noverat, revellere poterat, ac forte voluit, ut Comitibus Aquinatis, optime tunc de Apostolica Sede meritis gratificaretur; Thomam, licet Dominicæ, Abbatie Casinensi præficiendo, eo sane tempore quo insigne Monasterium illud maxime bellis quassatum erat, ac in arcem & munitionem convertum, neque multum eas ob causas regulari disciplina florebat: id affore sperans, ut illud sub tanti Viri præfectura, cuius familia potens erat, in pristinum decorem redigeretur. Iam vero patet, ex hac Abbatie Casinensis oblatione nil extundi posse, quod Monachatum Thomæ suadeat: quem potius everti Cantimpratani testimonio, qui primus rem hanc litteris mandavit, compertissimum est.

C A P U T VII.

Erbetti Malaspina, Monastico instituto addicentis Thomam, pluribus elevatur, eliditurque testimonium. Alia translationis Corporis eius expenduntur, quæ Monachatum eiusdem evertunt.

Erbettum Malaspinam advocat Disquisitor capite vii. testem Benedictini Monachatus Doctoris Angelici, non adeo in ferendo testimonio diminutum, ut abundet potius, abeatque in extremum nulla ratione ferendum. „ Illi enim usque adeo persuasum erat (de novo teste, quem sæpius Sacchetti appellat, loqui pergit.) „ Thomam Aquinatem Monasticum Benedictinorum institutum initio professum esse, ac tum ad Prædicatores convolasse, ut cum Florentiæ degens, ex publica fama invidivisset, Thomam Aquinatem, summum illum Theologorum apicem,

„ sub vitæ finem ad Cisterciensē Folsæ-novæ Monasterium divertisse, illicque intor-
 „ Monachorum brachia extremum clausisse diem; externa illa rerum specie delu-
 „ sus, existimaverit ad pristinum institutum morti proximum rediisse, resumptoque
 „ cucullo Monachum obuisse. “

„ Iachettum ipsum inducit hæc patrio idiomate pronunciantem capite cccxiii.
 „ Audiat ad Historiam Ricordani Malaspinæ patrui sui, ad annum 1286. (1284.)
 „ ubi Caroli primi Andegavensis Siciliæ Regis res gestas exequitur. *Dal (del) det-
 „ to Carlo rimase Carlo secondo. Principe (Prenze) Conte di Salerno: ed ebbe (ed era
 „ bello del corpo e grazioso, ed ebbe) più figliuoli della sua donna, figliuola creda (e
 „ reda) del Rè di Ungheria. Il primo suo figliuolo fu Carlo Martello, che poi fu Rè d'
 „ Ungheria: il secondo (e l' secondo) fu Lodovico, che si fece frate della povera vita,
 „ e mai entrò (e mai non entrò) avvegnachè l'abbino appropriato a loro: sicome i
 „ Frati Predicatori Tomaso d'Aquino, il quale inanzi che fosse Frate Predicatore, fu
 „ Monacho: e quando venne a morte, ch' infermò in cammino (a cammino) rimordendo
 „ la coscienza, si fece portare alla Badia, donde era (d'ond'era) prima stato Monacho,
 „ e Monacho morì, e Monachi anno il corpo suo. Veram lectionem restitutam habes
 „ ex Operis editione, quæ prostat apud Muratorium Tomo VIII. Scriptorum Italiæ.
 „ Textum vero sic latine reddit ipse Disquisitor: *Carolo prædicto superles fuit Carolus
 „ secundus, Salerni Princeps. Is ex Hungariæ Regis filia & vere, quam uxorem habuit,
 „ complures sustulit filios: quorum primus fuit Carolus Martellus, postea Rex Hungariæ:
 „ alter Ludovicus, qui Fratrum pauperum, seu Minorum, insuato se devotus: eorum
 „ tamen claustra nunquam ingressus est, quamvis illum iidem sibi vindicent: quemadmo-
 „ dum & Predicatores Thomam Aquinatem, qui antequam ad Predicatores transfret,
 „ Monachus fuerat; & ad extremum cum in itinere morbo premeretur, religione tatus,
 „ in Canobium ubi prius Monachus exsisterat, portari se veluit, ibique Monachus mor-
 „ tuus est: cuiusque corpus obtinent Monachi.**

Hæc Iachetti verba monet Disquisitor, non exstare in exemplaribus cufis, quæ
 Florentiæ primum anno 1568. prodierunt. Non exstant (addo ego) neque in eiu-
 dem loci alia editione, quæ anno 1718. iterum curata est. Exstant nihilominus
 (pergit ille) in pervertuto Codice Ms. olim apud Petrum Iunium Ugolini filium
 Patricium Florentinum adscrvato: quod testatur (inquit) illusterrimus Præsul An-
 gelus de Nuce Archiepiscopus Rossanensis in Opusculo ea de re adornato. Patet quam
 maxime, Disertationem Angeli de Nuce desloratam a Disquisitore fuisse. Eadem
 verba addit Erasmus Gattula in Addendis, legi in Codicibus mss. duobus Bibliothecæ
 Strozianæ, certiorē se reddentibus amicis Florentinis: quamvis tamen iis ver-
 bis (verba sunt eius animadversione digna) *usus non sim, nec sim usurus, ad meam
 se sententiam probandam.* Quæ denique verba ex citato Codice Ms. penes Marchionem
 Giugni Civem Florentinum suppleta leguntur in Editione, quæ inter Scriptores Ita-
 liæ a Doctissimo Muratorio collectos habetur Tomo VIII.

Monachatum Thomæ hoc adleri monumento, quod allatum est, negari nequit:
 fides eius expendenda, an satis idonea ad illum persuadendum? Id ego inficias eo.
 Ad primum abs re non erit, si admonuero, Ioannem Villanum, qui res eiusdem
 ævi in sua Historia, iisdem pene verbis Malaspinarum Ricordani, & Iachetti, so-
 let recensere, nullam ibi mentionem Thomæ eiusque Monachatus ingerere, quam-
 quam & ipsum liberiore calamo scripserit, nemo nescit. En illius verba Libro VII.
 capite xciv. in editionibus Veneta 1537. Florentina 1587. & Mediolanensi in Mu-
 ratoriana Scriptorum Italiæ Collectione Tomo XIII. *Del detto Carlo non rimase al-
 „ tra reda, che Carlo secondo Prenze di Salerno, di cui avevo fatto menzione: e questo
 „ Prenze Carlo era del corpo bellissimo, grazioso, & largo ... & hebbe più figliuoli de-
 „ la Prencessa sua moglie, figliuola & reda del Rè d' Ungheria. Il primo fu Carlo Mar-
 „ tello, che fu poi Rè d' Ungheria; il secondo fue Luis, che si vendeo Frate Minore, e
 „ poi fu Vescovo di Tolosa &c.* Ubi Malaspinæ irrisio de Fratribus Minoribus, Ludo-
 vicum Caroli secundi Filium sibi veluti suum vendicantibus, omiſsa est, nulla-
 que ingesta

ingesta mentio Thomæ Aquinatis, eiusque Monachus: quod est forte indicio, rem hanc uti manifestam fabellam ab eodem Villano reiectam fuisse, ac silentio preflam. Eo vel maxime quod Aquinatis apothecium narrans ad annum 1323. Libro IX. capite cxcvii. inter cælestes relatum fuisse scribit *Fratrem Thomam de Aquino Ordinis Sancti Dominici, Philosophie ac Theologie Magistrum, eximium in omni scientiarum genere virum*: additque, quod sama forebat, veneno sublatum sanctissimum virum, quod propinandum iusserit Carolus primus Siciliæ Rex; cæteris prætermittis commentis, quæ scripto reliquerat Malaspina. Historiam suam perduxit Ioannes Villanus ad annum ulque 1348.

At ipsa Iachetti narratio penitus expendenda est, in qua tot ille peccata patravit, ut mirum esset, Thomæ Monachatum vere narraſſe. Ait 1. Fratres Minores *vendicare sibi* voluisse Ludovicum Caroli secundi filium Tolosanum Episcopum; sibi ipsi apertissime repugnans, cum etiam narret, se Fratrum pauperum seu Minorum instituto devovisse Ludovicum, *si fece Frate della povera vita*: unde Ludovicum Minorum instituto addictum cur sibi non vendicarent Fratres Minores? Bollandi Continuatores adi ad diem 19. Augusti; compertumque erit, non prius ipsum in insulas Tolosanæ consensisse, quam in verba regulamque S. Francisci solemnem professione, annuente Ioanne XXII. summo Pontifice, iurasset. Hæc vero facis superque sunt, ut illum sibi veluti suum vendicent Fratres Minores.

Quid est illud, quod etiam Fratres Prædicatores sibi Thomam Aquinatem vendicaverint, *l'abbino appropriato a loro*? Iuvenem ergo, quem prophetica vaticinia, nondum natum, prænuñciaverant, *quod erit Frater Ordinis Prædicatorum*; qui Neapoli Dominicanam vestem induit, ac Ordini nomen dedit, ipsum expiciente Thomam Agni de Lentino Cœnobii S. Dominici Priore; qui per annum & amplius plurimas tulit a parentibus ac fratribus inlatas iniurias, ut Dominicanæ deposita veste aut Monachalem aut sæcularem indueret, hisque recusatis constantissime retinuit illam; qui duos & triginta annos Prædicatorum ordinem professus est, illustravitque sanctis moribus, ac litteris, editisque operibus: hunc iuvenem, inquam, virumque eximium sibi vendicaverunt, si Malaspinae fides, suamque fecerunt, cum suis non esset. nimium audaces Fratres Prædicatores! Ne putidissimum infani capitis commentum.

Sed ipsum, ait, cum in itinere morbo premeretur, portari se voluisse in Monachorum Cœnobium, *ubi primum Monachus degerat*. Nemo vero nescit, non Casini, ubi moribus & litteris imbutus fuit, sed Fosse-novæ apud Cisterciensium hospitio exceptum fuisse. Addit etiam, *conscientiæ stimulis tactum*, voluisse in Cœnobio Monachorum diem ultimum claudere: ac si conscientiæ stimulis agi debuisset is qui etiamsi Monachus antea exstitisset, rite tamen & ex iuris formulis, ac aliorum prævio exemplo, Ordinem religionis commutasse dicendus esset. At verissimas alias causas aperit Ptolomæus Lucensis, quæ Thomam impulerunt, ut cum morbo premeretur, ad Monachos Fosse-novæ declinaret: quod nempe nullus præsto erat vicinis in locis Conventus Ordinis Prædicatorum: eiusque consanguinei Domini de Ceccano in eo Monachorum Cisterciensium Cœnobio conveniens hospitium imperarunt, ubi vir Sanctissimus sanitati suæ consulere. In Annalibus, quæ prostant Tomo XXV. Biblioth. Patrum, & Tomo XI. inter Scriptores Italiæ, hæc habentur ad annum 1374. *Thomas recedens de Neapoli, & veniens in Campaniam in domo Dominorum de Ceccano apud Dominum Annibaldum, qui neptem suam habebat uxorem, graviter infirmatur continuo. Unde coactus aegritudine, & ad instantiam dilectæ suæ neptis declinavit ad Monasterium Fosse-novæ, ibidemque mortuus est. Paria sunt, quæ ab eodem scripta legimus Libro XXIII. Hist. Eccl. capite viiii. Veniens in Campaniam, inquit, ibidem graviter infirmatur. Et quia prope locum illum nullus Conventus Ordinis Prædicatorum habebatur, declinavit ad unam solemnem Abbatiam, quæ dicitur Fosse-nova, & quæ Ordinis erat Cisterciensis, in qua sui consanguinei Domini de Ceccano erant patroni. Quis ergo tam bonus, qui Iachetto credat, uno*

verbo narranti, aut potius occasione, ut poterat, arrepta, effutienti, Thomam conscientię stimulis actum ad Monachos accessisse, ut Monachus tandem e vita migraret? Illos imo numquam vidisset, neque ad eos declinare cogitasset, nisi necessitate compulsus, ut testatur Ptolomęus, quod in vicinia nullum erat, ubi exiperetur. Fratrum sui Ordinis Monasterium; & consanguineorum adstrictis humanitate, qui locum eidem in Monachorum Cęnobio procuraverant, eo adire constituit, ut viribus tandem relictis iter suum ad Concilium Lugdunense prosequeretur. Haud vero inficias iverim, & ipsum Thomam in eo potius Cęnobio, quam in seculari consanguineorum domo, sanitati consulere voluisse; nullis attemen conscientię stimulis actum, sed pro Viri religiosissimi indole, religiosas domos secularibus preferentis. Id sanctę attestatum habeo a Nicolao Abbate Monasterii Fossę-novę, qui in Processu Canonizationis capite 11. num. 8. sic ait: *Dum dictus: F. Thomas vocatus iret ad Concilium Lugdunense, & transiit per Campaniam, infirmatus fuit in Castro Magentie cuiusdam Domini Anibaldi de Ceccano; & cum ipsa infirmitate gravaretur, dixit (ut audivi a pluribus:) Si Dominus voluerit me visitare, melius est quod reperiar in domo Religiosorum, quam in domibus secularium; & ex tunc causa devotionis fecit se portare ad Monasterium Fossę-novę. Quod ergo ex devotione, ex pietate factum fuit, ut testis in processu Canonizationis iuratus perhibet; ex conscientię stimulis factum narrat in sua Historia Florentinus Malaspina.*

Pergit ultra, & ait, Thomam obiisse Monachum: quo nihil magis a veritate abhorret, cum spiritum emiserit inter Fratrum suorum Dominicani instituti, quos in via comites habebat, amplexus; factaque apud Frarrem Rainaldum de Priverno eiusdem Ordinis generali exomologesi. Hęc sane omnia, quę Iachetti commenta evertunt, narrat discretissime Guillelmus de Tocco, his verbis: *Post hoc cum prædictus Doctor fuisset aliquibus remediis confortatus, ut videretur sibi quod posset iter incipere proficisci versus Romam; iuxta Monasterium Fossę-novę transiens, invitatus ab Abbate & Monachis, volens ibi aliquibus diebus vires resumere, prædictum Monasterium est ingressus (eius etiam Neptę agente, Ptolomęo teste, ut Monachos benevolos hospites experiretur.) Qui cum primo ingressus fuisset Ecclesiam, claustrum postea intravit... & talis spiritus prophetię dixit, pluribus audientibus Monachis & sui Ordinis Fratribus, & præcipue suo Socio, cui consueverat similia revelare: Frater Raynaldus, hæc requies mea &c. Post quod propheticum dictum, de suo obitu Fratribus sui Ordinis præcipue lamentantibus, postus fuit Doctor in Camera Abbatis &c. Post devotum sepulture officium, Frater Raynaldus de Piperno... prædicavit; & dixit: Ego istius Doctoris totius vite exterioris & conscientię testis sum, & frequenter audivi meritum eius tam evidens, & nunc generalem eius confessionem audivi &c. Effutientem quis modo ferat. Iachettum Malaspinam, Monachum obiisse Thomam in Cęnobio Fossę-novę.*

Fabulam claudit ille: eiusque fato functi, inquires, corpus obtinent Monachi; ac si eiusdem, veluti cuiusdam Monachi, sibi corpus deberi, contendissent Cistercienses. Sibi ius istud, quod Malaspina commentus est, non arrogaret Fossanovani: factumque sine dubio vi & violecia consanguineorum Thomę Dominorum de Ceccano, ne corpus eius transferrent Fratres Prædicatores. Rem testatam reliquit Ptolomęus in Annalibus loco citato: *Voluerunt autem Fratres eius, inquires, corpus transferre: sed Domina (Neptis Thomę) non permisit pro dilectione & devotione, quam ad ipsum gerebat: sicque fecit occultari per Monachos.* Paria scribit in Historia Ecclesiastica: *Tradunt autem Historię, quod ibidem multis miraculis claruit, & multis indicis Deus suam sanctitatem ostendit: propter quam causam sui Consanguinei, cum sint potentiores de Campania, non permisit, corpus inde transferri; imo cum audissent, quod Fratres sui Ordinis hoc attentabant, corpus ipsius occultaverunt.*

Tot ergo deturpatam mendaciis putidisque commentis Iachetti sententiam, quę non nisi Scriptoris, Thomę gesta, quę scirent omnes, supine ignorantis, factus esse potest; mirum est allegari a Disquisitore potuisse, ut præconceptę opinioni de

Mona.

Monachatu Thomæ fidem conciliaret? Prudentior Erasmus Gattula professus est: *Is Iachetti verbis*, inquit, *usus non sum, nec sum usus ad meam sententiam probandam*. Vel ex ipsa tamen tot mendis scatente Iachetti narratione id saltem colligendum esse, ait Disquisitor: *Monachatum Thomæ tunc temporis compertissimum fuisse*; de quo propterea anam ille arripuit cætera confingendi. Undenam Disquisitor habet, tunc temporis compertissimum fuisse Monachatum Thomæ, silentibus synchronis aliis probatissimis Scriptoribus, imo apertissime abnuentibus? Nonne potius Iachettus, qui vel pro genio finxit, vel ignoranter scripsit, Monachum obisse Thomam, atque tunc conscientizæ stimulis portari se voluisse ad Cœnobium Fossæ-novæ, in eodemque Cœnobio posuisse tirocinium Monachatus, aut pari licentia finxerit, aut pari ignorantia scripserit, Monachum ipsum fuisse? *Id nemo dixerit*, reponit ille, *nisi qui Iachettum mortalium imprudentissimum simul, & impudentissimum finxerit*. Summam imprudentiam, repono ego, & impudentiam quis non agnoscat in eo, qui paucis in verbis tot alia mendacia de Ludovico Tolosano & Fratribus Minoribus, de Divo Thomæ & Fratribus Prædicatoribus liberrime venditat? Una illa, si placeat, excusatio fuerit: Scriptori ad calumniam prono fucum fecisse habitam a puerulo Thoma in Cœnobio Casinensi educationem; parentum eius consilium, quod ferebatur, ut Monachus evaderet; adhibitas quoque violentias ut vestem Dominicanam exueret, adsumeretque Monachales vestes; ac fortasse Casinensem Abbatiam demum oblatam eidem a Romano Pontifice. Hæc Iachettum, cum minus attente expendere, fortasse deceperint, ac permoverint, ut Monachum Thomam faceret.

II. At hunc denique Monachatum evidentissime evertunt, quotquot acta sunt in causa translationis corporis S. Thomæ, quæ anno 1368. contigit. Historiam scripsit Raimundus Hugonis, illius ætatis auctor: eamque ex pervetusto Ms. autographo, apud Fratres Prædicatorum Tolosæ adservato, ediderunt Continuatores Bollandi ad diem 7. Martii. Nemo nescit namque, Monachos Cistercienses Fossanovanos, apud quos diem ultimum clausit maximus Ecclesiæ Doctor, eiusque corpus conditum fuit, de sacris lippis sibi postmodum ereptis graviter doluisse, ac provocacione ad Romanum Pontificem interpolata, nihil non præterisse, ut illa sibi restituerentur. Si Monasticam institutionem aliquando Thomas amplexus esset; si conscientizæ stimulus actus, ad Monachos cum morbo premeretur, portari se voluisset, ut extremam saltem vitæ periodum apud Monachos viveret; si Monachus tandem, velut eiurato Prædicatorum ordine, mortem obiit: summa sine dubio ratio Cisterciensibus præsto fuisset, quam adversus Fratres Prædicatorum opponerent, ac Urbano V. Pontifici Maximo ad causæ defensionem adducerent, ut pro votis tandem, quod optabant felicissime consequerentur. Sed hoc momento, quo nihil aptius, nihil solidius, nihil gravius adferri umquam potuisset, causam suam non peroraverunt illi; nullam iniecere mentionem de Monachatu Divi Thomæ, sive puerili, sive adolescentis, sive morbo extremo laborantis; unaque furti accusatione intentata, sibi sacrum thesaurum ablatum restitui postulaverunt.

En verba, in causæ argumenta omnia, quæ, laudato Raimundo referente capite 11. nomine Abbatis, Iacobus de Sena, *Advocatus Fiscalis*, coram Pontifice Romano, apud quem lis agebatur, brevi sententia proposuit, inquit: *quod Magister Generalis Ordinis Prædicatorum, Elias nomine, intraverat Conventum Fossæ-novæ, & fregerat Campanile, & commiserat sacrilegium, & fecerat furtum*. Furtum etiam sacri depositi, nihilque præterea aliud, Eliæ obiecit Urbanus V. qui Monachis favebat: *Tu furatus es*, inquit, *Corpus Sancti Thomæ*? Cui summa fidentia respondit ille: *Sanctissime Pater, caro & frater noster est*; nempe ut subiicit Historicus, *voluit dicere, quod quis rem propriam non furatur*. Quis credat, meliori mente, meliorique consilio non acturos fuisse causam suam Fossanovanos, e Monachatu S. Thomæ argumento desumpto, si Monachum eundem & primis & postremis vitæ annis scivissent? Cur Monachum Thomam non adserit Pontifex, eiusque Monachatum non opponit, ut ex parte saltem Eliæ responsum elideret, qui sancti Doctoris corpus, tamquam rem

pro-

propriam, sibi ac Ordini Prædicatorum restitutum, ne Monachis extraneis reddere cogeretur, iura omnia sibi favere declamans, obtestabatur?

Neque semel tam altum mirabileque silentium in Pontifice, in Monachis de Monachatu Thomæ admirari subit; cum eiusdem mentio nulla injecta unquam fuerit, tamen si ferret occasio, ac ipsius ratio causæ postulare videretur. Prædicatorum votis parum faventem Urbanum, subratumque respondiisse illis, narrat idem Raimundus capite 111. *se iussitiam velle facere in hac causa*. Iussitiam, aut æquitatis quædam species erat, ut corpus Thomæ, si aliquando fuisset Monachus, eoque magis si Monachus obire voluisset stimulis conscientie ætus, ipsi Monachi Fossanovani, apud quos fato sanctus mortalitatis fuerat, servarent. At nihil huiusmodi in Pontificis mentem venit, qui solum dumtaxat animo versans, *Decretale illud, De latoribus quod dicitur prædonum fore restituendum, volebat observari*: & Eliæ subiciienti, honores maximos a Fratribus suis Prædicatoribus Thomæ Sanctissimo exhibendos esse, id unum respondit: Numquid non Ordo meus S. Benedicti est potentissimus, & Ordo tuus quasi nullus ad honorandum dictum Sanctum? Melius ergo videtur, quod apud Monachos nostros ipse remaneat. Quam apte Monachatum memorasset Pontifex, quem juvenis Thomas aliquando professus fuisset: sed qui nullus erat, non obiecerunt Monachatum eius Cistercienses Fossanovani, sibi corpus ereptum restitui postulantes; nec obiecit Summus Pontifex, qui Monachis primum favebat, subratulque fuerat Fratribus Prædicatoribus.

C A P U T VIII.

Additamenti ad vetustum Casinense Martyrologium fides non est idonea, qua Monachatus Thomæ suaderi queat. Nonnulla, quæ feruntur eiusdem Monachatus indicia, levitatis & falsi convicta, ac depulsa.

I. **N**imium dolet Disquisitor, clarissimi Casinensis Monasterii Tabulas, quippe quod Friderici secundi Imperatoris ira ac furore expilatum illud fuit, perturbatum, ac pene devastatum, ad nos usque non pervenisse, quæ maxime patefacerent, qua fuerit vitæ conditione Thomas quandiu Casini subtitit, quodve illic tenuerit institutum. *Equid aliud vero* (ait ille capite vi. num. 1.) *ultra sperandum in rebus alta caligine mersis, & forte non sine industria occultatis*. Mirum est, Monachatum Thomæ inter alta caligine mersas res numerari, quem gravissimis argumentis ac certis etiam demonstrationibus in apicem se tulisse, frequentius gloriatur Disquisitor. *Age tamen*, (pergit ille) *& si quis inde radii emicet, excipiamus*. Radium potro, quem exciperet, sibi videre emicantem visus est in aliquibus Richardi de S. Germano verbis ad annum 1239. quibus *tertia Monachorum exclusio reseretur de Monasterio Casinensi*. Locum expendimus capite v. num. 2. quem mala fide interpolatum demonstravimus: ipsamque præterea interpolationem nihil exhibere omnino, quod Monachatu Divi Thomæ faveat, ostendimus.

At *exstat etiamnum hodie* (inquit) *Casini optime notæ documentum anni circiter 1380. quod Virum sanctum ex Benedictino instituto ad Dominicanum transisse, disertissime notat*. Iam ergo dolorem suum cohibere Disquisitor debuisset de Tabulis Casinensibus expilatis, deque rebus propterea alta caligine mersis, cum vel uno documento *optime notæ*, quod etiamnum hodie adservatur, Monachatus Thomæ *disertissime* notetur. Illud est, quod Ioannes Mabillonius in Museo Italico publici iuris factio anno 1687. memorat ac in lucem profert Parte I. pag. 123. „Ex Martyrologio veteri discimus, inquires, Thomam Aquinatæ Casini Monachum fuisse, antequam ad Dominicanorum Religionem convolare. Ita enim de eo Nonis Martiis, secunda quidem manu, sed ante annos 300. (scilicet circa annum Christi 1380.) adscriptum legitur: *Nonis Martii, apud Fossam-urvam, Natalis S. Thomæ*

Confessoris, viri eruditissimi: qui oriundus de Aquino, primo Casinensis Monachus factus, postmodum in Ordine Beati Dominici Prædicator effectus, sua multiplici & fructuosa doctrina illuminebat valde Ecclesiam sanctam Dei. " Quis contra mutire (Disquisitor clamat) quis hincere audeat?"

Cur vero hincere non liceat contra Monachum, eidemque fidem denegare, qui sæculo integro, ipso adnotante Mabillonio, ab obitu Thomæ, qui anno 1274. accidit, interpolabat vetustum Martyrologium, sæculo undecimo scriptum, si Erasmo Gattulæ credimus? Sed vel ea ætas a Mabillonio constituta satis scriptori (verba sunt Disquisitoris capite vi: citato num. 3.) conciliat auctoritatis, ut in factis de quo nunc queritur, fidem integram faciat: cum eo in loco scripserit ille: ubi ex publicis Tabulis rescire facile potuit, quæ fuerit Thomæ fortuna, Casini dum degeret adolescens. Publicas Monachatus Thomæ tabulas exstitisse Casini anno circiter 1380. quo Monachus ille scribebat, adserit modo Disquisitor, qui paullo antea dolebat periisse illas in expilatione Cœnobii Casinensis, quæ contigit Frederico II. Imperatore in Religiosissimos Monachos furentem, anno scilicet 1239. ac deinceps usque ad annum 1250 quo mortem obiit ille. At vetustiora quæ lustrare poterit monumenta bonus ille Monachus, si quæ supersunt, & ad nos pervenerunt, ab Auctoribus conscripta, qui Thomam viderunt, & cum eo versati sunt, aut eidem ætate proximi fuerunt, oppositam tradunt manifeste. Ptolomæum Lucensem intelligo, & Guillelmum de Tocco, & Bartholomæum de Capua, Logothetam Regni Siciliæ, & Thomam Cantimpratensem, quos Monachatum Thomæ pluribus evertere, ostensum est. Adde testes in Processu canonizationis vocatos & iuratos, qui plurimi sunt, non ex Ordine Prædicatorum dumtaxat, sed Monachos, & laicos; qui cum de Thomæ gestis testimonium perhibeant, eiusque vitæ circumstantias, quocumque modo noverint eas, etiam minutissimas patefaciant, Monachatum eius aut alto silentio premunt, aut certe profligant. Quæ hæcenus differuimus, recolere & expendere.

Fuerit ergo tam bonus Ioannes Mabillonius, cui tantum debet litteraria Respublica, quantum vix alteri; qui prædicti Additamenti ad Casinense Martyrologium allegata fide, addiscendum proponit in Musæo Italico: Thomam Aquinatem Casini Monachum fuisse, antequam ad Dominicanorum Religionem convolare? Retinet ea Vir doctissimus, quæ prædicto in Additamento legerat: quorum tamen se vadem ipsum dare, hæc puto. Rem assero præterea animadversione dignam. Thomas dicitur in illa marginali adnotatione, primo Casinensis Monachus factus: indeque addiscendum scribit Mabillonius, Thomam Aquinatem Casini Monachum fuisse; quæ sine dubio verba, in obvio proprioque sensu accepta, Monachatum exhibent, quem solemnem emissio voto Casini professus fuerit, aut certe ratum renovato voto habuerit sanctus Thomas. At probe senserat Mabillonius, nemini fore Monachatum Divi Thomæ persuadendum: unde proprio marginalis illius notæ relicto sensu, maluit eam cautiorem effectus intelligere de sola Thomæ inter Monachos educatione, eiusque pueruli Divo Benedicto a parentibus facta oblatione, in Prædicatione Partis primæ ad Sæculum sextum Benedictinum, quod Parisiis anno 1701. publicam lucem vidit. Verba eius hæc sunt num. 36. Attamen pueros in Casinensi Monasterio sæculo xiii. educatos fuisse, probat exemplum S. Thomæ Aquinatis, quem a puero Monasticum illic habitum induisse, sacri eiusdem loci Martyrologium testatur. Sed neque hanc pueri Thomæ educationem Casini in habitu Monastico verisimilem esse, latiore iam calamo offendimus capite 111. Aut ergo Thomam Auctor Additamenti ad Casinense Martyrologium, Monachum dixit, hoc est, in eo Cœnobio nutritum, moribus & litteris a Monachis informatum: aut minus prudens simplicem illam Thomæ educationem, quæ cuique notissima erat, ut inde Casinatum gloriam quodammodo augeret, pro vero oblationis ritu vendidit, accepitque pro Monastica professione.

II. Externa quædam huiusce demum Monachatus proferit capite vii. num. 4. indicia Disquisitor, quibus olim se maxime excusatum profertur, ut Benedictinum Divi Thomæ Monachatum, de industria forte a nonnullis occultatum, inquireret, veterique

chartasvolvendo retereget. Evolvit scilicet, quæ sua in Dissertatione Manuscripta iam antea collegerat Angelus de Nuce, nihilque aliud præterea, quod grave aliquid afferret momentum. „ Movit me primum (inquit) quod Parisiis olim in Maiori Conventu Divi Iacobi, ubi maximam vitæ partem Divus Thomas exegit, a plerisque Magistris & antiqui moris Viris acceperim, ex prisca Maiorum traditione haberi communiterque teneri, Doctorem Angelicum sub alba Dominicanorum veste Benedictinum schema, seu scapulare nigrum gestare solitum fuisse: quod idem a Viro Doctissimo, eodemque eximie probitatis Magistro, Iulio Merco apud Mediolanum Fidei Quæsitore, acceperim profitemur laudatus hic sæpe. Vir summus Angelus de Nuce Archiepiscopus Rossanensis. „ Reposueram ego in Præfatione opusculi, quod anno 1724. typis editum est, inani proflus coniectura hanc Benedictini schematis gestationem pro Monachatu asserri posse; cum pietatis causa schema illud nigrum (quod cuiusque instituti religiosi hominibus licitum esset) sub veste sui Ordinis alba gestare Thomæ potuerit, ut coheret maxime Sanctissimum Patriarcham Benedictum, in cuius Calineni Cœnobio primas litteras didicit, moribusque christianis imbutus est. Hæc satis nobis fuerant. Ampliora legimus in Compendio Opusculi nostri, quod recensitum habetur in Trevoltinis Eruditorum Diariis, anno 1725. Mense Ianuario, Articulo x. Hæc legimus gallice scripta: *Au reste on croit devoir avertir ici, qu'on a pris soin de s'informer de la vérité d'un fait allégué par le même Auteur, en faveur du Monachisme prétendu de Saint Thomas. Ce fait est, que c'est une tradition constante dans la Maison des Dominicains de la rue Saint Jacques, que le Saint Docteur, qui y a passé la plus grande partie de sa vie, avoit coutume de porter sous son habit blanc le scapulaire noir de l'Ordre de Saint Benoît. On s'est enquis du fait dans la Maison même, où il a été répondu unanimement, & en particulier par un Père très-ancien dans l'Ordre, & qui demeure dans la dite Maison depuis 52. ans, qu'on n'y avoit jamais entendu parler de cette prétendue tradition, & qu'on ne la pouvoit regarder que comme un fait aussi fabuleux, que le Monachisme du Saint Thomas dans l'Ordre de Saint Benoît.* Quæ latine redita, hæc fere sunt: „ Monitos Lectores volumus, dedisse nos operam, ut de traditione gestati a Thoma sub alba Dominicana veste schematis Benedictini, quæ constantissima adseritur promanasse ad nos usque in Maiori Parisino S. Iacobi Cœnobio, certiores efficeremur. Responsum communi voce dederunt Patres illi, maximeque testatus est vir annosus, qui ab annis duobus & quinquaginta fixam in Cœnobio sedem habet, hanc apud illos minime vigere traditionem, neque se solum audivisse unquam quidpiam tale attestantem: remergo illam cum Divi Thomæ Benedictino Monachatu inter fabulas amandari tuto posse. „ Hæc eadem habentur italicè conversâ, ac edita Venetiis apud Aloysium Pavinum Tomo XLII. Operis inscripti *Giornale de' Letterati Oltramontani*.

Aliud profert indicium Disquisitor: „ Illud me quoque, inquit, non mediocriter movit, quod plenissimum rerum Benedictinarum cognitionem in Doctore Angelico deprehenderim; singularem in Benedictinis ritibus, regulis, institutis, moribus explicandis diligentiam, qualem ne in explicandis quidem Dominicanis invenias; flagrantissimum denique studium, quo Benedictina quæque, cæteris ferme neglectis, non nata modo, sed & quæsitâ de industria occasione descendit, ut orare pro domo sua Cicero videatur &c. „ Exaggerationis plurimum hæc Disquisitoris verba habent, solidi nihil quod Monachatum Thomæ indicet, Pars quidem fuerit summæ peritiæ rerum omnium, qua clarebat Vir Sanctissimus, rituum notitia & regularum, & institutionum, atque morum ad Benedictinos Monachos attentum: at eam facillime comparare sibi poterat (quod & cuique Monasticæ disciplinæ diligenti indagatori pervium esset) ex regulæ S. Benedicti aliorumque statutorum Calinenium lectione. Plura quoque eiusdem Calinenis disciplinæ capita didicerit ille, cum Casini degeret, tamen puerulus sæcularis moribus & literis imbuendus, nobili tamen ingenio præditus expeditoque ad ea quæque observanda, in qui-

(XLIII.)

quibus Monachi exercebantur. At quænam demum tam intima, tam recondita fuerint illa Monastica instituta, quæ nonnisi Monachus potuerit scire? Docet ille Opuſ. xvii. capite xi. & II. 2. q. clxxxix. art. ii. ad 1. concedi in Regula B. Benedicti probationis annum nuper ad Religionem converſis; & art. v. Beato Benedicto Nobiles dare ſuos filios omnipotenti Deo nutriendos coepiſſe; & I. 2. q. xiii. art. v. ad 3. ſi Præſatus aliquid impoſſibile præceperit, tentandum eſſe a ſubdiſtis iuxta Beatum Benedictum; & alibi, B. Benedictum mandare, quod venientibus ad Religionem non ſit facilis præbendus ingreſſus; & quodl. i. art. xx. ad 2. Monachos ex voto obligari ad ſervandam regulam Beati Benedicti: ſed comedere carnes non eſſe contra votum Monachi, niſi quando comederet ex inobedientia, vel ex contemptu. Hæc, & ſimilia ſunt, quæ a Thoma ſciri non potuiſſe, niſi Monastiæ fuiſſet obnoxius profeſſioni, dixerit nemo prudens:

An memorari inter Monachatus indicia debeat conſuetudo & amicitia cum Benedictinis, quam ſanctiſſime coluit Sanctus Thomas toto vitæ ſuæ tempore? Hanc Eraſmus Gattula loco citato ob oculos ponit: Tabulaſque reſert, quibus Bernardus Abbas anno 1270. facultatem Fratribus Prædicatoribus facit, Domum & Eccleſiam erigendi in oppido S. Germani, ob honorem Dei, & Ven. Viri Fratris Thomæ de Aquino ac Religioſi Viri Fratris Troiani de eodem Prædicatorum Ordine, cariſſimorum amicorum noſtrorum, promerente dilectione. Hæc ſi Monachatus indicia haberi debeant, Monachus olim fuerit, ut video, non ſolum Thomas Aquinas, ſed etiam Frater Troianus, quos cariſſimos amicos vocat Bernardus Abbas. Abeant hæc vero, non Monachatus indicia, ſed commenta ad fucum faciendum quaſita.

C A P U T IX.

Chronographia geſtorum Sancti Thomæ a Diſquiſitore aliſque poſita expenditur: eademque reformatur. Poſtremum contra Monachatum eiſdem argumentum.

I. S Actis in propatulo poſitam Monachatus Divi Thomæ fabellam puto: ac diſſertis etiam maniſeſtiſque documentis oſtenſum, Angelicum Doctorem Caſini ab ineunte ætate moribus & litteris veluti nobilem puerum ſæcularem inſormatum eſſe; pubertate nondum adeptæ, Neapolim cum publicas ſæcularesque ſcholas a parentibus miſſum; ac ſæculo valedixiſſe tum demum, cum Dominicanum Prædicatorum Ordinem ingreſſus eſt. Rerum huiusmodi chronographiam hoc loco diligenter opera ut expendam, ſuadent plura: ut res eaſdem ſuis temporibus illigatas quiſque percipiat; quæ etiam poſita eſt ab Auctore Diſquiſitionis hiſtoricæ chronographia, ut minus accuratæ, proſpiciatur; ac demum novo ac poſtremo validiſſimo argumento quæ contra Monachatum Thomæ diſſeruiſimus, confirmantur.

Quatuor potiſſimum anni ſunt, qui diligentius, quo ad fieri poterit, & expendi debent, & deſignari. 1. annus æræ chriſtianæ, quo Thomas Dominicano Prædicatorum Ordini nomen dedit, de quo non multum cum Adverſario diſſidium erit. 2. annus ætatis, quem natus erat, cum diem ſupremum clauſit in Cœnobio Foſſenovæ. 3. annus Chriſti, quo in lucem datus eſt. 4. annus ætatis, quo Dominicanam veſtem induit: quos ita digeſſiſſe ac ordinariſſe mihi videtur Diſquiſitor, ut cauſæ ſuſceptæ favere voluerit, non veritati. Methodus vero, quæ a certioribus aut probabilioribus procedendum præſcribit ad incerta minusque nota, cogit ut ordine quodam perturbato annos ætatis Thomæ, ac annos æræ chriſtianæ cum quibus illigari illi debeant, perquiramus.

Contentit Diſquiſitor capite iv. num. 2. non ante annum æræ chriſtianæ 1243. aut etiam 1244. ſi poſſe Divi Thomæ ingreſſum in Prædicatorum Ordinem. Huiuſce anni quem inquirimus, notam quamdam aſſerunt Ptolomæus Lucenſis, & Guillelmus de Tocco. Ait ille Libro XXII. Hiſt. Eccl. capite xx. Thomam, Dominicanam ve-

Re indutum, versus Perusum venientem, in Tuscia ad quoddam Imperatoris Castrum, quod Aquapendente vocatur, ibidem Fredericum invenisse: eoque, Imperatore dissimulante, a Reginaldo fratre suo captum, missumque in Campaniam ad quoddam Castrum vocatum S. Iohannis. Aquapendente, latine *Acula*, seu *Aquila*, urbs est Tusciae in Ditione Pontificia in agro Urbevetano. Hanc Frederici Imperatoris Aculae commorationem, cum Thomas captus est, memorat etiam Guillelmus de Tocco capite 11. num. 8. & 9. Exceptum illum Neapoli in Ordine Prædicatorum refert, ductumque Terracenam, inde Anagninam in Campania, & usque Romam ad Conventum S. Sabinae: Theodorum matrem in furias actam, quod filium Dominicano Ordini recens adscriptum videre non potuit, nuncium direxisse ad Filios suos, qui erant cum Frederico Imperatore in Castro Aquapendentis Tusciae regionis: ipsosque de re admonitos, accepta licentia Imperatoris, Fratrem suum iuxta eiusdem fontis irrigua quiescentem cepisse.

Quo anno Acula moraretur Imperator, perquirendum. Eius ergo gesta, & Innocentii quarti paucis referenda sunt ex Chronico Richardi de S. Germano, & ex Vita eiusdem Pontificis a Nicolao de Curbio scripta. Innocentius IV. electus est Anagninae anno 1243. die 23. Iunii. Legatos ad ipsum mittit Imperator, qui Melphi morabatur in Regno Neapolitano, *Mense Julio*: eodemque Mense civitas Viterbii in Tuscia venit ad mandatum Ecclesie. Obsidione cinctam illam ab Imperatore *Mense Septembris*, adnotat Richardus: id factum circa Festum omnium Sanctorum, labente scilicet Mense Octobri, refert Nicolaus a Curbio, Anagnina discessit Pontifex xvii. Kal. Novembris, adnotante laudato Nicolao de Curbio, cuius dumtaxat fide deinceps usuri sumus, Chronico desinente Richardi de S. Germano, idest die 16. Octobris: exceptusque Romæ fuit xvii. Kal. Decembris, seu die 15. Novembris. Viterbii obsidionem urbis Fredericus duobus mensibus & dimidio: quo tempore de pace constituenda per Legatos egit Pontifex cum Imperatore. Sed iterato legatos ad ipsum misit ad Aquapendentem. Aculam venisse Fredericus dicendus est post duos menses cum dimidio obsidionis Viterbii: quæ cum inceperit circa Festum omnium Sanctorum anni 1243. nonnisi Mense Ianuario incepto anni 1244. mittere Legatos ad ipsum Innocentius potuit ad Aquapendentem. Itaque Thomas a Fratribus, qui erant cum Frederico Imperatore in Castro Aquapendentis, capi potuit incunte Ianuario eiusdem anni 1244. ac potuit ipse anno superiore extremis diebus mensis Decembris vestem inducere Dominicanam.

Utrumque anno incepto 1244. contigisse si quispiam contendat, repugnare non licet: cum adhuc Aculae perstitisse Imperatorem mense Martio, & Aprilis huius anni, diserte Nicolaus de Curbio attestetur. Ait quippe, missos ab Imperatore Legatos, pollicitos esse nomine ipsius promptam obedientiam in die cene Domini anni 1244. nempe die 31. Martii, cum eo anno Sanctum Pascha in diem tertiam Aprilis incideret: sed mandata Pontificis de restituendis Ecclesie terris a Frederico contempta, qui adhuc apud Aquapendentem persequebatur. Interim Pontifex, tutum cogitans locum, ubi fortius machinas Imperatoris eluderet, die septima Iunii egreditur urbe profectusque est ad Civitatem Castellanam. Nuncios ad illum direxit Imperator, qui apud Interamnum tunc erat. Prædicta in Civitate, cum dierum 19. spatio perstitisset Pontifex, discessit: ac in die præcedente Vigiliam Apostolorum Petri & Pauli, scilicet die 27. Iunii Sutrium devenit, ac demum Civitatem vetulam: indeque solvit ianuam. Cum his egregie consonant, quæ de Thoma carcere mancipato narrat Guillelmus de Tocco. Refert ille num. 9. sanctissimi juvenis matrem, cum non posset ipsum inducere ad prædictum habitum deponendum, fecisse ipsum custodiri sub bona custodia usque ad rediitum filiorum. Iacturam nobilissimi adolescentis dolebant Fratres Prædicatorum: accesseruntque ad summum Christi Vicarium Innocentium Papam quartum, qui tunc erat in Tuscia. Annum 1244. satis puto indicatum, mensisque Iunium, quo Innocentium in civitate Castellana diversatum esse, iam adnotavimus. Mandavit Pontifex prædicto Imperatori, qui erat in regione propinqua (qui nempe apud Interamnum tunc erat)

erat) quod faceret de raptoribus dignam vindictam. Iussu eius capti sunt *Fratres Thomæ germani*: contra quos querelas urgere noluerunt Dominicani, maxime cum audissent, prædictum iuvenem constanter tenere habitum, etiam in carcere custoditum. Haud breve tempus post capturam Thomæ elapsum, hæc satis denotant. Iamvero *Fratres* eius post reditum, qui post Iunium mensem anni 1244. accidere debuit, gravius in-pugnarunt ipsum. Inlatas iniurias narrat Historicus num. 10. factumque describit num. 11. de lasciva puella titione fugata, quem de camino acceperat castissimus ad-olescens. Hinc Bollandistæ colligunt, hunc tunc fuisse, adeoque vel annum 1244. cadentem, vel ineuntem 1245. At ipsum denique fere per duos annos custoditum, ex-cepunt Dominicani Fratres per fenestram demissum: quod incompletum biennium eodem anno 1245. ineunte, vel, adulto desinit. Biennium aio incompletum, quod ita desinit sæpe laudatus Logotheta: *plusquam per annum exstitit arde detrusus*. Quæ cum ita demum se habeant, explosa illorum sententia est, qui Thomæ in-gresum in Ordinem Prædicatorum ad annum 1237. referunt. Malvendam consule in Annalibus.

Ad annum eiusdem emortualem sermo procedat. Hæc habet Disquisitor capite 1. in Chronographia: *Anno 1274. ætatis 54. moritur in Monasterio Fossæ-novæ Ordinis Cisterciensis*. Annum æræ christianæ annotatum definiunt omnes, & addunt septi-mam diem Martii: sed positum annum ætatis præci omnes inficiantur, qui scribunt, Thomam, ut summum annos quinquaginta natum, vitam mortali migravisse. Pro-tomæus de Luca Libro XXIII. Hist. Eccl. capite x. ait: *Obiisse Thomam quinquage-simo vitæ sue anno: alios vero dicere, quadagesimo octavo*. In editione Mediolanensi in Muratoriana Scriptorum Italici collectione, mendum irrepit, posito anno XLIV. pro XLVIII. Primum numerum, inchoatum tamen dumtaxat, sequuntur Guillelmus de Tocco, & S. Antoninus; ille: *Ut quadagesimum nonum annum suæ vitæ per-ficiens, quinquagesimo inchoaret æternæ gloriæ iubilæum*; hic vero: *Obdormivit in Domi-no ... ætatis sue anno quinquagesimo inchoato*. Alterum quadraginta & octo anno-rum refert Frater Iacobus de Viterbio, Augustinianus & Archiepiscopus Neapolitanus, in Processu Canonizationis Divi Thomæ num. 83. *Non est verisimile secundum humanum ingenium, quod tot ac tanta potuerit scribere tam brevi tempore, sicut vi-xit idem Frater Thomas, qui in quadagesimo octavo anno finisse dicitur communiter dies suos*. Utcumque ætatis annum emortualem indicare possunt notæ aliæ chro-nologicæ apud Ptolomæum Libro XXII. capite xx. inquentem: *Cum autem iam esset sexdecim annorum, habitum Fratrum prædicatorum assumpsit: & in eo in pura innocen-tia vixit triginta duobus annis vel circa*. Anni sexdecim & triginta duo sunt anni quadraginta octo: sed anni sexdecim completi, ac triginta duo vel circa, putares ac triginta sunt anni quadraginta novem, vel etiam quinquaginta inchoati. Qua tamen de chronographia adhuc infra dicendum. Mirum vero illud est, tam con-siderenter scribere Disquisitorem potuisse: *Divum Thomam anno ætatis sue quinquage-simo quarto diem ultimum obiisse* contra veterum omnium Scriptorum fidem.

Id vero, invitis etiam diis, dicere debuerat, quod Thomam anno æræ christia-næ 1274. die 7. Martii certissime defunctum, natum facit *anno eiusdem æræ 1220. die 16. Aprilis*. Auctorum quos laudavimus synchronos & suppare, fide & aucto-ritate conficitur, Thomam in lucem editum fuisse anno 1225. aut 1226. aut etiam 1227. numquam anno 1220. Certum quidem natalem annum iidem Scriptores non designant, de uno vel altero anno inter se dissidentes: at pro certo explorato-que nobis relinquunt, minime Thomam anno 1220. natum esse.

Quo ergo iure, qua fide id asserat Disquisitor? Inquit ille capite IV. num. 2. *il-lud longe certius esse, meliorumque Scriptorum suffragio comprobatur, Thomam anno 1220. natum*. Quæ sunt, quæso, certitudinis istius longe præstantiora documenta? Qui-nam Scriptores illi meliores, quorum suffragio natum Thomam anno 1220. tam cer-to adscribit? Laudat nempe solos *Leandrum Albertum, Abrahamum Brovium, & Vin-centium Fontanum*. Clarissimos Viros istos omni laude, & commendatione dignos cen-

censeo: nihilominus in re, qua de agimus, nemo sapiens *meliores* iis iudicaverit; qui a me laudati sunt; eorumque fidem & auctoritatem minus idoneam non habuerit, qua natalis Thomæ annus constitui tuto queat annus æræ vulgaris millesimus ducentessimus & vicesimus. Guillelmus enim de Tocco, ac Ptolomæus Lucensis eodem ævo cum Thoma vixerunt; Frater Iacobus de Viterbio in Processu Canonizationis testis laudatur a Bartholomæo de Capua; & S. Antoninus anno 1389. natus, florebat ante medium sæculum quintumdecimum: Leander vero Albertus, Bзовio & Fontana antiquior, ducentis & amplius annis post obitum Divi Thomæ, anno scilicet 1479. natus est. Favent etiam posito annorum calculo antiquissimi testes plures, quorum laudatus Iacobus de Viterbio *communem* vocem famamque refert de anno ætatis quadragesimo octavo Divi Thomæ, cum obiit: unum vero potuisset, ac debuisset Leandrum Albertum laudare Disquisitor; quod scilicet Vincen- tius Fontana in Monumentis Dominicanis ad annum M. CC. XX. unius Abrahami Bзовii fide nititur; & Bзовius ad annum M. CC. LXIV. unum memorat Leandrum. Liceat ergo mihi concludere, longe certius esse, meliorumque Scriptorum suffragio comprobatum, Thomæ natalem annum retrahi non posse ab anno æræ christianæ aut 1225. aut insequente, aut 1227.

Qui vitæ eius numerant annos quinquaginta inceptos, illigant natalem annum cum anno Christi 1225. ante diem septimam Martii. Hunc referunt ad Christi annum 1227. qui Thomam vixisse putant octo & quadraginta annos, eodemque inchoatos. Quod si Doct. or sanctissimus annum ætatis 49. inceperit, cum mortem obiit (ac fortasse probabilior hæc est chronographia) emilus in lucem anno 1226. ineunte, vel superiore 1225. cadente dicendus est. Annorum 48. quos Thomas vixerit, & quidem inchoatos, adhefisse calculo Ptolomæus Lucensis videtur, qui tradit, eundem in Ordine Prædicatorum exceptum, cum iam esset *sexdecim annorum*; quæ verba sextumdecimum annum completum, ac labentem decimumseptimum satis indicant. Cæteroque vero sanctum adolescentem iam attigisse decimum octavum ætatis annum, evincit chronographia quæ probabilior videtur. Adversantur in speciem documenta nonnulla, quibus dicitur Thomas infra pubertatis annos Prædicatorum Ordini nomen dedisse. Sic enim testatur Bartholomæus de Capua in Processu Canonizationis num. 76. *Statim*, inquit, cum ad annos discretionis pervenit, multum anticipando, nondum pubes adhuc, intravit præfatum Ordinem Prædicatorum. Sic etiam legitur in Litteris Canonizationis a Ioanne XXII. datis anno 1323. *Dum adhuc infra pubertatis annos existeret, Ordinis Prædicatorum habitum suscepit*. Sic demum S. Antoninus Parte III. Titulo XXIII. capite VII. §. 2. *Ordinem Prædicatorum infra annos pubertatis existens, ingreditur*.

Quæ verba si rigidiore sensu intelligi debent; ac si annum ætatis Thomæ quartumdecimum designant, plura convellunt in eius Historia certissima: nempe in Ordinem Prædicatorum ingressum illum esse tempore Innocentii quarti Romani Pontificis, adeoque anno 1243. definente, vel ineunte 1244. ac annos demum ætatis quinquaginta attigisse, vel quadraginta & octo complexis, cum mortem obiit. Atenim Ptolomæus Lucensis Libro XXII. Hist. Eccl. capite XXII. diferte testatur, Thomam tempore Innocentii Ordinem intravisse. Narrant etiam Guillelmus de Tocco & S. Antoninus, Dominicanos Fratres adiisse *Summum Christi Vicarium Innocentium quartum* contra raptores Thomæ Dominicanam vestem induti. Quod eo tempore contigisse, narrant omnes, Guillelmus de Tocco, S. Antoninus, & Ptolomæus Lucensis, cum germani fratres ipsius Thomæ, debebant apud Fridericum Imperatorem in *Castro Aquapendentis*, idest anno cadente 1243. vel insequentis initio. Hinc Scriptores superius allatos ita intelligendos monent Bollandistæ in Notis ad caput IX. Processus Canonizationis, ut videantur voluisse dicere, Thomam adhuc *iuvensem imberbem fuisse*. Ad hæc, adnotat Paulus Zachias Libro I. Quæst. Medico-legal. Titulo I. q. VI. num. 64. & seqq. *Legibus plenam pubertatem constitui in decimo octavo anno*. Ipse demum Thomas Malvenda in Annalibus ad annum 1237. qui nimum pro-

proclivem se præbet ad ingressum Thomæ in Ordinem Prædicatorum *infra pubertatis annos* constituendum, ipsumque referendum ad tempora Gregorii noni, difficultates gravissimas perferens quæ contra militant: easque non alia via solvi posse admonet, nisi *asseramus* (inquit) *ut quidam voluere, S. Thomam natum septemdecim annos* (quos ego completos intelligo) *Ordinem Prædicatorum ingressum esse.*

II. Quorsum vero tam diligenter discussa Divi Thomæ gestorum chronographia, veterum testimonio digesta, & comprobata? Ut postremo nimirum argumento validissimo ea profligetur, quæ de Monachatu Thomæ narrat Disquisitor. Ait ille: *Monasticam professionem Casini, a Thoma emissam anno 1235. ætatis 15.* At anno Christi 1235. natus erat Thomas aut decimum, aut undecimum dumtaxat ætatis annum; cum ipsum nemo Veterum aut asserat, aut indicet, emissum in lucem ante annum 1225. Pergit ille, & ait: *Anno 1239. ætatis 19. expulso Casinensi Monasterio a Friderico II. Imperatore, eiecitur Thomam cum cæteris Monachis.* Non eo anno, violentia Imperatoris, e Monasterio Casinensi eiecitum, sed adhuc puerulum a parentibus revocatum, ut in scholis Neapolitanis felicius excoleret divinum ingenium, apertissime testatur Guillelmus de Tocco. Ingressum eiusdem in Ordinem Prædicatorum refert *ad annum Christi 1243. 9. ætatis viceagesimum tertium.* Nempe adversos habet Veteres omnes, qui Thomam produnt Dominicano Prædicatorum Ordini dedisse nomen, invenem adhuc imberbem, cum annum ætatis ageret, ut summum, decimum octavum. Obiit denique eius *cum anno ætatis quinquagesimo quarto* il ligat, repugnantibus synchronis omnibus testibus, ac invitis etiam diis. At hæc omnia in præconceptæ fabellæ gratiam dici, singularemque ac mirabilem in chronographiam redigi a Disquisitore debuerunt: cui ego demum subiectam Tabellam oppono, in qua annis ætatis Divi Thomæ, eiusque gestis quæ ad præsentem attinent Disquisitionem, iuxta meliorum præcorumque eius Vitæ Scriptorum fidem & auctoritatem coordinatis, uno conspectu quisque noverit, nullum superesse locum, cui Monachatus Thomæ, eiusdemque professio voto solemnî firmata affigi possit. Nempe:

Anno 1226. ut probabilior fert chronographia veterum fide comprobata, nascitur Divus Thomas, Patre Landulpho Comite Aquinate, Matre Theodora, Theætis Comitissæ filia.

Anno 1231. ætatis quinquennio forte expleto, Casinum mittitur a parentibus, ubi cum Monachis præerat Landulphus Senebaldus; moribus & litteris informandus, more Nobilium patriæ & regionis.

Anno 1235. aut 1236. ineunte, ætatis anno decimo, vel undecimo inchoato, Abbate suadente, Casino revocatur a parentibus, & Neapolim mittitur ad publicas & sæculares Scholas, anno 1224. a Friderico Imperatore institutas, ab eodemque anno 1234. instauratas.

Anno 1243. cadente, vel ineunte 1244. cum annus ætatis eius laberetur decimus octavus, Ordinem Prædicatorum Neapoli in S. Dominici Cœnobio amplectitur.

Anno 1248. vel postea oblata eidem fuit Abbatia Casinensis, si tamen umquam oblata dici debeat, ea conditione, ut in Ordine & habitu suo præset officio.

Anno 1274. ætatis quadragesimo nono incepto, ut probabilius videtur, cum iter ageret ad Lugdunensæ Concilium, morbo correptus, & in Cœnobio Monachorum Cisterciensium Folsæ-novæ hospitio exceptus, ingravescenti morbo cedit, ac moritur placidissime in osculo Domini.

I N D E X

C A P I T U M.

C A P U T I.

Inter Monachos Benediclinos, ſolemni Religioſiſſimo voto elinxiſſimum, plures annos egſiſſe Divum Thomam, propugnatiſſe Hiſtorica Diſquiſitionis Auſtor. Eodem iam dudum fuerat Angeli de Nuce ſententia. Obſcure lecuti ſunt Conſtantineſis Galetanus, & Marcus-Antonius Scipio. Nonniſi oblatum ac Novitium fuiſſe Thomam Caſini, conſeſſe Ioannes Caramuel: vel etiam ſeculari dumtaxat veſte indutum, ſanctiſſis moribus imbutum, non abſnuſſe Erasmus Gattula.

C A P U T II.

Argumenta, qua videntur evincere, quinquennem Thomam a parentibus Deo oblatum apud Caſinenſes. Ritui oblationis huiusmodi, ſi qua fuit, Monachatum eiſdem aut ſolemniſſimam profeſſionem non probat. Neque illum ſuadent, qua decentia argumenta vocantur. Adhuc impubere Thomam, Abbate cedenteſſuri, ſi quod acquiſſerant, ad ſeculum rediſſe in Scholis Neapolitanis informandum litteris, ſatis indicant Hiſtoria.

C A P U T III.

Argumentis, qua pre Divi Thomae oblatione aſſeruntur, traditum dumtaxat ipſum Conſuetudinis, tamquam nobilem ſecularem puram, moribus, & litteris inſtruendum, evincitur. Damiani ſententia perperam opponitur. ſecularium puerorum ſcholis non obſtant Monachorum mores, & conſuetudines. De habitu diſſeritur, quem Caſini geſſere Thomae patuerit.

C A P U T IV.

Ante pubereſcentis annos Caſino diſcedit Thomae, a parentibus de conſilio Abbatis revocatus.

Neapolim mittitur ad ſcholas ſeculares. Eiuſdem familiaritas, & conſuetudo cum Fratribus Ordinis Prædicatorum.

C A P U T V.

Thomae tum ſeculo demum valedixit, cum Fratrum Prædicatorum Ordini nomen dedit. Diſquiſitionis mala fides, & oſtenduntur.

C A P U T VI.

Thoma Aquinati, iam veſtito Dominicanæ indute, Caſinenſem Abbatiam ab Innocentio quarto Summo Pontifice oblatam, reſerunt Thomae de Cantimprate, & Ptolemaeus Luccenſis. Hac narratio diligentius expenditur. Monachatus Thoma iterum preſtigatur.

C A P U T VII.

Lachetti Maſſina, Monachiſtico inſtituto addiſcentis Thomam, pluribus elevatur, eliditurque teſtificationem. Alia tranſlationis Corporis eius expenduntur, qua Monachatum eiſdem evertunt.

C A P U T VIII.

Additamenti ad vetuſtum Caſinenſe Martyrologium fides non eſt idonea, qua Monachatus Thoma ſuaderiqueat. Nonnulla, qua ſeruntur eiſdem Monachatus indicia, levitatis & falſi convulſa, ac depulſa.

C A P U T IX.

Chronographia geſſerunt Sancti Thomae, a Diſquiſitione aliique poſtea expenditur: eademque reſeratur. Poſtremum contra Monachatum eiſdem argumentum.

D I V I
T H O M A E
A Q U I N A T I S
D O C T O R I S A N G E L I C I
S U P E R L U C A E E V A N G E L I U M
C A T E N A .

P R A E F A T I O .

Induam caelos tenebris, & sacco ponam operimentum eorum. Dominus dedit mihi linguam eruditam, ut sciam sustentare eum qui lapsus est, verbo. Erigit mane, mane erigit mihi aurem, ut audiam quasi magistrum. Esa. l. 3.



GLOSSA (1). Inter cetera incarnationis Christi mysteria, quæ Esaias Propheeta diligenter, & aperte prænuntiat, dicit: *Induam caelos tenebris* &c. ex quibus verbis accipere possumus Evangelii secundum Lucam materiam, modum scribendi, finem, & conditionem scriptoris. AUGUSTINUS de Con. Evan. (Lib. I. cap. 11.) Lucas enim circa sacerdotalem Domini stirpem, atque personam magis occupatus videtur: unde per vitulum significatus est, propter maximam victimam sacerdotis. AMBROSIVS (præfatione in Lucam.) Vitulus enim sacerdotalis est victima; unde bene congruit vitulo hic Evangelii liber, qui a sacerdotibus inchoavit, & consummavit in vitulo, qui omnium peccata suscipiens, pro totius mundi vita est immolatus; & ipsam vituli immolationem Lucas stylo quodam plenius diffudit. GLOSSA *. Quia igitur passionem Christi principaliter exponere Lucas intendit, huius Evangelii materia significari potest in eo quod dicitur: *Induam caelos tenebris*, & *sacco ponam operimentum eorum*: nam ad litteram in passione Christi tenebræ factæ sunt, & in discipulis fides obscurata est. HIERONYMUS super Esaiam (cap. lxxi.) Et Christus despectus erat, & ignobilis quando pendeat in cruce, & absconditus est vultus eius, atque despectus, ut humano corpore divina potentia celaretur. HIERONYMUS (de Viris illustribus.) Sermo autem Lucæ tam in Evangelio quam in Actibus Apostolorum compertus est, & sæculari redolet eloquentia: unde subditur: *Dominus dedit mihi linguam eruditam*. AMBROSIVS (præfatione in Lucam.) Nam licet Scripsit. A ptura

(1) In quatuor editionibus omittitur index Glossæ.

E X E D I T I O N E P. N I C O L A I .

* Quod ex Glossa subiungitur non occurrit in illa quæ nunc extat; & quod ex Hieronymo sine indice Socii, parum sumptum est ex Tract. de Viris illust. vel Scripturibus Eccles. in Luca, parvo ex eius Comment. In Esa. lxxi. super illud, *Vade, & dices populo huic*.

ptura divina mundanae evacuet sapientiae disciplinam, quod maiore fucata verborum ambitu, quam rerum ratione subnixae sit; tamen si quis in Scripturis divinis etiam illa quae imitanda illi putant, quærat, inveniet: sanctus enim Lucas velut quemdam historicum ordinem tenuit, & plura nobis gestorum Domini miracula revelavit; ita tamen ut omnes sapientiae virtutes Evangelii ipsius complecteretur historia. Quid enim præcellentius ad sapientiam naturalem, quam quod Spiritum sanctum creatorem etiam dominicæ incarnationis extitisse referavit? Docet moralia in eodem Libro, quemadmodum scilicet amare inimicum debeam; docet etiam rationalia, cum lego quoniam qui fidelis est in minimo, & in magno fidelis est. EUSEBIUS in ecclesiastica Historia (Lib. III. cap. xv.) Is ergo genere quidem Antiochenus, arte medicus, secundum hanc medicinam quam ex Apostolorum vel societate, vel traditione suscepit, duos nobis medicinales libros, quibus non corpora, sed animæ curentur explicuit: unde sequitur: *Ut sciam sustentare eum qui lapsus est verbo*. Hieronymus super Ezechiæ (cap. l.) Dicit enim se a Domino accepisse sermonem, (1) quomodo lapsus, errantemque populum sustentet, & revocet ad salutem. GRÆCUS (2) Expositor. Cum autem Lucas bonæ indolis esset, & capacitatis strenuæ, (3) Græcorum scientiam consecutus est: Grammaticam siquidem, atque Poësim adeptus perfecte, Rethoricam autem, & persuadendi leporem assuevit ad plenum, neque Philosophiæ muneribus caruit; (4) denique & medicinam acquirit: & quoniam naturæ velocitate satis de humana gustaverat sapientia, ad altiorum convolat. Accelerat igitur ad Iudæam, & visibiliter, & verbo tenus Christum adit. Cumque veritatem cognosceret, verus efficitur Christi discipulus, plurimum magistro commoratus. GLOSSA. Unde subditur, *Erigit manus*, quasi a iuventute ad sæcularem sapientiam; *mane erigit mihi aurem* ad divinam, *ut audiam quasi magistrum*, scilicet ipsum Christum. EUSEBIUS in eccles. Histor. (Lib. III. cap. xv.) Tradunt autem, quod Evangelium suum ex Pauli ore conscripserit, sicut & Marcus quæ ex Petri ore fuerant prædicata conscripsit. CHRYSOSTOMUS super Matthæum (hom. xv.) Uterque autem eorum magistram imitatus est; hic quidem Paulum super flumina fluentem, ille autem Petrum breviloquio studentem. AUGUSTINUS de Consen. Evang. (Lib. IV. cap. viii.) Eo autem tempore scripserunt quo non solum ab Ecclesia Christi, verum etiam ab ipsis adhuc in carne manentibus Apostolis probari meruerunt. Et hæc processualiter dicta sufficiant.

(1) *Id.* quoniam. (2) *Nicolaï legio* exposuit. (3) *Id.* & Græcorum. (4) *Id.* deinde.

IESU CHRISTI EVANGELIUM SECUNDUM LUCAM.

C A P U T I.

QUoniam quidem multi conati sunt ordinare narrationem, quæ in nobis completæ sunt rerum, sicut tradiderunt nobis qui ab initio ipsi viderunt, & ministri fuerunt sermonis: visum est & mihi, affectu a principio omnia diligenter, ex ordine tibi scribere, optime Theophile, ut cognoscas eorum verborum, de quibus eruditus es, veritatem.

(a) Fuit in diebus Herodis Regis Iudzæ sacerdos quidam, nomine Zacharias de vice Abia, & uxor illius de filiabus Aaron, & nomen eius Elisabeth. Erant autem iusti ambo ante Deum, incedentes in omnibus mandatis, & iustificationibus Domini sine querela. Et non erat illis filius, eo quod esset Elisabeth sterilis, & ambo processissent in diebus suis.

(b) Factum est autem cum sacerdotio fungeretur Zacharias in ordine vicis suæ ante Deum secundum consuetudinem sacerdotii, sorte exiit ut incensum poneret, ingressus in templum Domini. Et omnis multitudo populi erat orans foris hora incensi.

(c) Apparuit autem illi Angelus Domini stans a dextris altaris incensi: & Zacharias turbatus est videns, & timor irruit super eum. Ait autem ad illum Angelus: Ne timeas Zacharia, quoniam exaudita est deprecatio tua; & uxor tua Elisabeth pariet tibi filium, & vocabis nomen eius Ioannem; & erit gaudium tibi, & exultatio; & multi in eius nativitate gaudebunt.

(d) Erit enim magnus coram Domino, & vinum, & scieram non bibet. Et Spiritu sancto replebitur adhuc ex utero matris suæ, & multos filiorum Israel convertet ad Dominum Deum ipsorum. Et ipse præcedet ante illum in spiritu & virtute Eliæ, ut convertat corda patrum in filios, & incredulos ad prudentiam iustorum, parare Domino plebem perfectam.

(e) Et dixit Zacharias ad Angelum: Unde hoc sciam? Ego enim sum senex, & uxor mea processit in diebus suis. Et respondens Angelus dixit ei: Ego sum Gabriel, qui sto ante Deum, & missus sum loqui ad te, & hæc tibi evangelizare. Et ecce eris tacens, & non poteris loqui usque in diem quo hæc fiant, pro eo quod non credidisti verbis meis, quæ implebuntur in tempore suo. Et erat plebs expectans Zachariam, & mirabantur, quod tardaret ipse in templo. Egressus autem non poterat loqui ad illos: & cognoverunt, quod visionem vidisset in templo: & ipse erat innuens illis, & permanens mutus.

(f) Et factum est, ut impleri sunt dies officii eius, abiit in domum suam. Post hos autem dies concepit Elisabeth uxor eius, & occultabat se mensibus quinque, dicens: Quia sic fecit mihi Dominus in diebus quibus respexit auferre opprobrium meum inter homines.

(g) In mense autem sexto missus est Angelus Gabriel a Deo in civitatem Galilææ cui nomen Nazareth, ad Virginem desponsatam viro, cui nomen erat Ioseph de domo David, & nomen virginis Maria.

(h) Et ingressus Angelus ad eam, dixit: Ave gratia plena: Dominus tecum: benedicta tu in mulieribus. Quæ cum audisset, turbata est in sermone eius, & cogitabat qualis esset ista salutatio.

(i) Et ait Angelus ei: Ne timeas Maria: invenisti enim gratiam apud Deum: Ecce concipies in utero, & paries filium, & vocabis nomen eius Iesum. Hic erit magnus, & Filius Altissimi vocabitur. Et dabit illi Dominus Deus sedem David patris eius, & regnabit in domo Iacob in æternum, & regni eius non erit finis.

(k) Dixit autem Maria ad Angelum: Quomodo fiet istud, quoniam virum non cognosco? Et respondens Angelus dixit ei: Spiritus sanctus superveniet in te, & virtus Altissimi obumbrabit tibi; ideoque & quod nascetur ex te sanctum, vocabitur Filius Dei.

(l) Et ecce Elisabeth cognata tua, & ipsa concepit filium in senectute sua; & hic mensis est sextus illi, quæ vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum. Et discessit ab illa Angelus.

(m) Exurgens autem Maria in diebus illis, abiit in montana cum festinatione in civitatem Iuda, & intravit in domum Zachariæ, & salutavit Elisabeth. Et factum est ut audivit salutationem Mariæ Elisabeth, exultavit infans in utero eius; & repleta est Spiritu sancto Elisabeth, & exclamavit voce magna, & dixit: Benedicta tu inter mulieres, & benedictus fructus ventris tui. Et unde hoc mihi ut veniat mater Domini mei ad me? Ecce enim ut facta est vox salutationis tuæ in auribus meis, exultavit in gaudio infans in utero meo. Et beata quæ credidisti: quoniam perficientur ea quæ dicta sunt tibi a Domino.

(n) Et ait Maria: Magnificat anima mea Dominum.

(o) Et exultavit spiritus meus in Deo salutari meo.

(p) Quia respexit humilitatem ancillæ suæ: ecce enim ex hęc beatam medicent omnes generationes.

(q) Quia fecit mihi magna qui potens est, & sanctum nomen eius.

(r) Et misericordia eius a progenie in progenies, timentibus eum.

(s) Fecit potentiam in brachio suo, dispersit superbos mente cordis sui.

(t) Deposuit potentes de sede, & exaltavit humiles.

(u) Esurgentes implevit bonis, & divites dimisit inanes.

(x) Suscepit Israel puerum suum, recordatus misericordiæ suæ: sicut locutus est ad patres nostros, Abraham, & semini eius in sæcula.

(y) Mansit autem Maria cum illa quasi mensibus tribus, & reversa est in domum suam.

(z) Elisabeth autem impletum est tempus pariendi, & peperit filium. Et audierunt vicini, & cognati eius quia magnificavit Dominus misericordiam suam cum illa; & congratulabantur ei.

(aa) Et factum est, in die octavo venerunt circumcidere puerum, & vocabant eum nomine patris sui Zachariam. Et respondens mater eius dixit: Nequaquam; sed vocabitur Ioannes. Et dixerunt ad illam: Quia nemo est in cognatione tua qui vocetur hoc nomine. Innuebant autem patri eius, quem vellet vocari eum. Et postulans pugillarem scripsit, dicens: Ioannes est nomen eius. Et mirati sunt universi. Apertum est autem illico os eius, & lingua eius, & loquebatur benedicens Deum.

(bb) Et factus est timor super omnes vicinos eorum, & super omnia montana Iudæ divulgabantur omnia verba hæc: & posuerunt omnes qui audierant in corde suo, dicentes: Quis pater puer iste erit? Etenim manus Domini erat cum illo.

(cc) Et Zacharias pater eius repletus est Spiritu sancto, & prophetavit dicens: Benedictus Dominus Deus Israel, quia visitavit, & fecit redemptionem plebis suæ.

(dd) Et erexit cornu salutis nobis in domo David pueri sui.

(ee) Sic-

(ee) Sicut locutus est per os sanctorum, qui a sæculo sunt, Prophetarum eius.

(ff) Salutem ex inimicis nostris, & de manu omnium qui oderunt nos.

(gg) Ad faciendam misericordiam cum patribus nostris, & memorari testamenti sui sancti. Iusiurandum quod iuravit ad Abraham patrem nostrum, daturum se nobis.

(hh) Ut sine timore de manu inimicorum nostrorum liberati, serviamus illi.

(ii) In sanctitate, & iustitia coram ipso, omnibus diebus nostris.

(kk) Et tu puer Propheta Altissimi vocaberis: præbis enim ante faciem Domini parare vias eius.

(ll) Ad dandam scientiam salutis plebi eius, in remissionem peccatorum eorum.

(mm) Per viscera misericordiae Dei nostri, in quibus visitavit nos oriens ex alto.

(nn) Illuminare his qui in tenebris, & in umbra mortis sedent, ad dirigendos pedes nostros in viam pacis.

(oo) Puer autem crescebat, & confortabatur spiritu, & erat in desertis usque ad diem ostensionis suae ad Israel.

EUSEBIUS in ecclesiastica Historia (Lib. III. cap. iv.) Lucas in initio Evangelii sui, causam cur scripserit indicavit, videlicet quoniam multi alii temere præsumperant enarrare res quæ sibi magis erant ad liquidum compertæ: & hoc est quod dicit: *Quoniam quidem multi conati sunt ordinare narrationem verum*, AMBROSIVS (cir. pri. exp. proc. in Lucam.) Nam sicut multi in Iudæorum populo divino infusi Spiritu prophetaverunt, alii autem pseudoprophetae erant potius quam Prophetae; sic & nunc in novo testamento multi Evangelia scribere conati sunt, quæ boni nummularii non probantur: & aliud quidem fertur Evangelium quod duodecim scripserisse dicuntur: ausus est etiam Basilides Evangelium scribere: fertur aliud secundum Thomam, & aliud secundum Mattheum. BEDA (ibid.) Multos ergo eos non tam numerositate quam hæreseos multifariae diversitate (1) commendat, qui non Spiritus sancti munere (2) donati, sed vacuo labore conati, magis or-

dinauerunt narrationem, quam historiae texuerunt veritatem. AMBROSIVS (ubi sup. paulo a princ.) Qui enim conatus est ordinare, suo labore conatus est, nec implevit suo conatu: (3) sine conatu sunt enim donationes, & gratia Dei, quæ ubi se infuderit, rigare confluxit, ut non egeat, sed redundet scriptoris ingenium: & ideo bene dicit: *Rerum quæ in nobis completa sunt*, vel quæ in nobis redundant: quod enim redundat, nulli deficit; & de completo nemo dubitat, cum fidem effectus astruat, exitus prodit. b ORIGENES (hom. 1. in Lucam.) Dicit autem, *Rerum*, quia non secundum phantasia, iuxta hæreticos, exercuit Iesus carnalem ipsius adventum; sed cum veritas ellet, revera negotium profectus est. c Affectum autem suum indicat ex hoc quod ait: *Quæ in nobis completa sunt*, id est, quæ in nobis manifestissime sunt ostensæ: (4) id enim quod Græce legitur *πεπληροφωρισεν* peplophorimenon, uno verbo Latinus sermo nō explicat: certa enim

(1) P. Nicolai, forte melius, pauli connumerat. (2) Al. donantur. (3) Al. emittitur sine conatu.

(4) In duabus Venetiis exemplis, altero an. 1523. altero vero an. 1584. & in Antwerpensi an. 1569. desunt sequentia usque ad certa cuius fide: P. Nicolai autem sic legit intra parenthesim (prout fert Græcum *πεπληροφωρισεν*, quod uno verbo Latinus sermo non explicat.)

EX EDITIONE P. NICOLAI.

* Non sic expresse Eusebius, aut his expresse verbis, etiam æquivalente sensu. b TITUS Hostiensis in prologo. Lucæ. c ORIGENES hom. 1. in Lucam. Hæc simul cum prædictis quæ sunt in Tito (ut habentur Tom. II. Bibliothecæ PP. Græcorum) editiones alij sub unius Origenis nomine confundebat: omitterantque appendicem de Græca voce *πεπληροφωρισεν*, quam reponimus, quia editio Anversipensis eam habet: & Romana insuper, an. 1570. & Veneta Nicolini, paulo alio tamcn verbis, ut in sensu videri est: sed hæc editiones, ut alias notavimus, non consuluit P. Nicolai.

enim fide, & ratione cognoverat, neque in aliquo fluctuabat. CHRYSOSTOMUS ^a. Evangelista autem non solum testimonio contentus est proprio, sed ad Apostolos totum refert, inde robur venatur sermoni; & ideo subdit: *Sicut tradiderunt nobis qui ab initio ipsi viderunt.* EUSEBIUS in eccle. Histor. (Lib. III. cap. iv.) Certus est quod veritate, vel Paulo exponente, vel aliis Apostoli qui ab initio ipsi viderant, vel sibi tradiderant, consecutus sit. CHRYSOSTOMUS ^b. Dicit autem, *Viderunt*, quia hoc maxime robur nanciscitur credulitatis, quod addicitur ab his qui præsentialiter viderunt. ORIGENES (hom. 1. in Lucam.) Palam est autem quod cuiusdam doctrina: (1) finis est in ipsa doctrina, sicut Geometriæ; alterius vero doctrina: finis in opere computatur, sicut Medicinæ: & ita est in sermone Dei. Et ideo postquam significaverat scientiam ex hoc quod dixerat, *Ipsi viderunt*, demonstrat opera ex hoc quod sequitur, *Et ministri fuerunt sermonis*, vel verbi. AMBROSIVS (in expl. procem. in Lucam.) Nam (2) congruit ista locutio, ut maius mysterium Verbi, quam auditum esse credamus; sed quia non prolativum verbum, sed substantiale significatur, non vulgare verbum, sed cælesse intelligamus, cui Apostoli ministrarunt. CYRILLUS ^c. Quod autem dicit, huius Verbi visores fuisse Apostolos, concordat cum Ioanne, qui dicit cap. 1. „Verbum caro factum est, & habitavit in nobis, & vidimus gloriam eius.“ Verbum namque mediante carne visibile factum est. AMBROSIVS (ubi supra.) Non solum autem secundum corpus viderunt Dominum, sed etiam secundum Verbum. Viderunt enim Verbum, qui cum Moysè, & Elia viderunt gloriam Verbi; alii non viderunt, qui corpus tantummodo videre potuerunt. ORIGENES (ut supra.) Et in Exodo quidem scriptum est cap. xx. „Populus videbat vocem Domini“; ni: „vox autem auditur potius quam videtur. Sed propterea ita scriptum est, ut offenderetur nobis alijs videri oculis vocem Domini, quibus illi aspiciunt qui merentur.

Porro in Evangelio non vox cernitur, sed sermo, qui voce præstantior est. THEOPHYLACTUS ^d. Ex hoc enim manifeste innuitur quod Lucas non fuit discipulus ab initio, sed procellu temporis; alii autem fuerunt discipuli ab initio, ut Petrus, & filii Zebedæi. BEDA (in prolog. Evangelii Lucæ.) Et tamen Matthæus quoque, & Ioannes in multis quæ scriberent, ab his qui infantiam, pueritiam, genealogiamque eius scire, & gestis interesse potuerant, audire opus habebant. ORIGENES (ubi supra.) Deinde facultatem scribendi replicat: quoniam ex quæ scripsit, non rumore cognoverit, sed ab initio fuerit ipse (3) consecutus: unde sequitur: *Visum est & mihi, assertum a principio omnia diligenter, ex ordine tibi scribere, optima Theophile.* AMBROSIVS (in expl. procem. in Lucam.) Cum dicit, *Visum est & mihi*, non negat Deo visum: a Deo enim præparatur voluntas hominum. Prolixiorum autem hunc Evangelii librum quam ceteros esse nemo dubitaverit; & ideo non ea quæ falsa sunt, sed quæ vera, sibi vendicat: & ideo dicit: *Asseruto quidem omnia visum est scribere: non omnia, sed ex omnibus: quia quæ fecit Iesus si scribantur omnia, nec ipsum mundum capere arbitror.* Consulto autem quæ ab alijs sunt scripta præterit, ut proprijs quibusdam singuli Evangeliorum libri mysteriorum, gestorumque miraculis eminerent. THEOPHYLACTUS (ubi supra.) Scribit autem ad Theophilum virum inclytum, fortassis & principem, quia quod dicit *Κρατίς*, Cratiste, id est optime, sive strenue, non dicebatur nisi principibus, & præsidibus; sicut & Paulus Festo prædicti dixit Act. xxvi. „Cratiste (hoc est optime, vel strenue) Feste.“ BEDA (ibidem paulo ante fin.) Theophilus autem interpretatur amans Deum, vel amatus a Deo. Quisquis ergo amat Deum, sive a Deo se desiderat amari, ad se scriptum putet Evangelium, & ut sibi datum munus, sibi quæ commedatam pignus conservet. Non autem novorum quorumlibet eidem Theophilo, & velut ignotorum ratio pandenda; sed

(1) *Al. est esse.* (2) *P. Niceta legit: Non congruit ista locutio, ut magis ministerium verbi visum quam auditum esse credamus; sed quia &c.* (3) *Al. subiectus.*

EX EDITIONE P. NICOLAI.

^a In Catena Græcorum PP. ^b Ubi supra. ^c Non occurrit nisi citatum in Catena Græcorum PP. sed aliquid simile Lib. X. in Iulianum; ut nec elis Commentarius in Lucam extat, quem tamen citat S. Thomas in 11. 11. q. 67. ar. 1. ^d Prefat. in Lucam.

sed eorum de quibus eruditus est, verborum promittitur veritas exprimens, cum subditur: *Ut cognoscas eorum verborum de quibus eruditus es, veritatem*, scilicet, ut quod ordine a Domino gestum, dictumve sit, agnoscere queas. CHRYSOSTOMUS a. Vel aliter. Ut certitudinem habeas, & securus existas, quæ auditu perceperas, propiciens in scriptura. THEOPHYLACTUS (in prolog. Evangel. Lucæ.) Plerumque enim cum sine scripto aliquid dicitur, calumniantur illud quasi falsum; cum vero quis quæ dicit scripserit, tunc magis credimus: (1) quia nisi putaret vera, non scriberet. CHRYSOSTOMUS. Vel aliter. Totum Evangelicæ prædicationis duo continet: conditionem eorum qui ante (2) eum Evangelium scripserant, puta Matthæi, & Marci, & rursum cur & ipse scribere proposuit. Cum vero dixisset, *Conati sunt*, vocabulum (3) protulit potens applicari & ad præsumptuose aggredientes materiam, & ad honeste pertractantes illam: duabus (4) enim additionibus dubiam sententiam certificat: primo quidem quia dixit: *Quæ in nobis complata sunt verum*; secundo quia dixit: *Sicut tradiderunt nobis qui ab initio ipsi viderunt*. Simul autem hoc quod dico, *Tradiderunt*, indicare mihi videtur quod & ipsi moneantur propagare: velut enim illi tradiderunt, ipsos quoque oportebit accipientes seriatim ad invicem promulgare. Nondum autem commendantibus scripturæ quæ tradita fuerint, contigebat inconvenientia plurima provenire diuturnitate temporis: (5) unde merito quæ de primis visoribus verbi, & ministris verbi acceperant, in scriptis universo mundo traditionem præstiterunt, & calumnias propellentes, & oblivionem destruentes, & ex ipsa traditione integritatem accommodantes.

(a) CHRYSOSTOMUS b. Evangelicæ narrationis exordium a Zacharia sumit, & nativitate Ioannis, mirum ante (6) mirum

edifferens, minus ante maius: nam quoniam virgo paritura erat, præparavit gratia ut vetus prius conciperet. Declarat autem tempus, cum dicit, *Fuit in diebus Herodis*; & adiciit dignitatem, cum subdit, *Regis Iudææ*. Alius autem Herodes fuit qui Ioannem occidit; sed ille tetrarcha fuit, hic autem Rex. (7) EUTHYMIUS. Rex, inquam, ille qui infantes occidit, patrilis Herodis, qui præcursores interemit. BEDA (cap. 11. in Lucam al. a princ.) Tempus autem Herodis alienigenæ Regis dominico attestatur adventui: prædictum namque fuerat Gen. xlix. quia „ non deficiet „ princeps de Iuda, neque dux de femore „ eius, donec veniat qui mittendus est. „ Ex quo enim patres ex Aegypto exierunt, suæ gentis iudicibus usque ad Samuelem Prophetam, ac deinde Regibus usque ad transmigrationem Babylonis regebantur; post reditum vero Babylonis (8) Pontifices eorum summam gerebant, usque ad Hircanum Regem simul & Pontificem, quo ab Herode interempto, Iudææ Regnum ipsi Herodiæ alienigenæ iussu Augusti Cæsaris traditur gubernandum; cuius trigesimo primo anno, iuxta prophetiam supradictam, qui mittendus erat adventit. AMBROSIVS (super *Fuit in diebus Herodis*.) Docet autem nos divina Scriptura non solum mores in his qui prædicabiles sunt, sed etiam parentes oportere laudari, ut veluti transmissa immaculatæ puritatis hereditas, in his quos volumus laudare, præcellat. Non solum igitur a parentibus, sed etiam a maioribus sancti Ioannis nobilitas propagatur, non seculari potestate sublimis, sed religionis successione venerabilis. Plena est igitur laudatio, quæ genus, mores, officium, factum, iudicium comprehendit. Officium in sacerdotio: unde dicit: *Sacerdos quidam nomine Zacharias*. BEDA in hom. (in iv. S. Ioan. Baptiste.) De sacerdotali enim prophætia Ioannes ortus est, ut eo potentius (9) imi-

(1) Al. quasi. (2) Al. deest cum. (3) Al. omittitur protulit. (4) Al. desideratur enim. (5) Al. ante merito nitique de primis visoribus verbi. & ministris ubi acceperunt ydæc. (6) Al. deest hic mirum. (7) In duabus Venetiis editionibus supra citatis, in eadem Antverpiensi, & in ea quam adrianus P. Nicolai, Herbipoli eduxit, deest hæc Euthymii sententia. (8) Al. per pontifices rerum summa gerebatur. (9) P. Nicolai corrigis immutationem.

EX EDITIONE P. NICOLAI.

a Ubi supra: minus expresse quam hic, sed expressius fere tum ex Tito Boëthio, tum ex Theophylacto colligitur quia & illa fortasse in hunc eundem Lucæ locum, sicut & sequentia, & Chrysostomus ipsemet scripsit, sed explorare neutra licet: nam quod in Lucam quidem celebres quosdam Commentarios ediderit, ex Euthymio & Suida restatur Possessum in Apparatu qui tales iam non extant, sed eos existisse tunc oportuit cum hæc scriberet S. Thomas: quod prænotandum fuit, ac & deinceps attendatur cum in reliquis huius Operis parte nonbantur, aliquæ quæ apud illum non occurrunt. b In Catena Græcorum pp. ex homilisti in Ioannem. Colligitur ex hom. xxv. vel in cod. Græco xxvi. æquivalenter quo ad priorem partem, sed expressius quo ad posteriorem.

imitationem sacerdotii præconizaret, quo ipsum ad sacerdotale genus pertinere claresceret. AMBROSIVS (Lucæ 1. par. a princ.) Genus autem comprehendit in maioribus: unde sequitur, *De vice Abia*, idest nobilis inter familias. BEDA (cap. 11. in Lucam ubi sup.) Erant enim principes sanctuarii, idest summi sacerdotes, tam de filiis Eleazar, quam de filiis Ithamar, quorum vices secundum ministeria sua, ut ingrederentur domum Dei, vigintiquatuor sortibus David distinxit; in quibus familiæ Abia, de qua Zacharias orsus est, sortis contigit octava. Non autem frustra primus novi testamenti præcio in octavæ sortis iure nascitur: quia licet septenario sæpe numero propter sabbatum vetus testamentum, sic novum aliquotiens per octonarium propter sacramentum dominicæ, vel nostræ resurrectionis exprimitur. THEOPHYLACTUS (Luc. 1. aliq. a princ.) Volens etiam ostendere, quod (1) ab utroque parente legaliter ex sacerdotali genere erat, subdit: *Et uxer illius de filiabus Aaron, & nomen eius Elisabeth*. Non enim permittebatur de alia tribu uxorem accipere, sed de sua. Elisabeth interpretatur (2) Dei requies, Zacharias vero memoria Domini. BEDA in homil. (in vig. S. Ioan. Baptiste.) Iustus enim parentibus Ioannes est genitus, ut eo confidens iustitiæ præcepta populus daret, qui hæc ipsa non quasi novitia didicisset, sed velut hereditario iure a progenitoribus accepta servaret; unde sequitur: *Erant autem ambo iusti ante Deum*. AMBROSIVS (Luc. 1. in titulo de laude par.) Et sic mores in æquitate comprehendit. Bene autem dicit, *Ante Deum*: fieri enim potest ut aliquis affectata bonitate populari iustus videatur mihi, iustus autem ante Deum non sit, si iustitia non ex mentis simplicitate formetur, sed adulatione simuletur. Perspecta igitur laus est ante Deum iustum esse: solus enim perfectior est qui ab eo probatur quinon potest falli. Factum autem comprehendit in mandato, in iustificatione iudicium: unde sequitur: *Incedentes in omnibus mandatis, & iustificationibus Domini*. Cum enim mandatis cælestibus obedimus, in mandatis Domini incedimus; cum congrue iudicamus, tenere Domini

iustificationes videmus. Providere autem oportet bona non solum coram Deo, sed etiam coram hominibus: unde sequitur, *Sine querela*: nulla enim querela est ubi & mentis bonitas concordat, & facti, & plerumque iustitia durior hominum querelam excitat. ORIGENES (homil. 11. in Lucam.) Potest etiam aliquid iustum iniuste fieri, ut si iustitiæ causa quis pauperi elargiatur; quod non est sine querela.

Sequitur: *Et non erat illis filius, eo quod esset sterilis Elisabeth, & ambo processissent in diebus suis*. CHRYSOSTOMUS 4. Non solum autem Elisabeth erat sterilis, sed & Patriarcharum coniuges, Sara, Rebecca, Rachel; quod dedecus erat antiquis: non enim possumus dicere quod peccati effectus esset sterilitas, quia cuncti iusti, cuncti virtuos. Hæc autem fuit sterilitatis causa, ut cum videris virginem parientem Dominum, nonis incredulum, exercitans mentem tuam in alio sterilius. THEOPHYLACTUS (Luc. 1. super id quod Elisabeth sterilis.) Et ut etiam tu addideres quod lex Dei multiplicationem filiorum non appetit corporalem, sed magis spiritualement. Processerant autem ambo, non secundum corpus, sed secundum spiritum, ascensiones in corde ponentes, & vitam suam ut diem, & non ut noctem habentes, quasi in die honeste ambulantes.

(b) BEDA (super Factum est autem, cum sacerdotio fungeretur.) Per Moysen Dominus unum constituit summum Sacerdotem, cui mortuo unum succedere iussit; & hoc usque ad David tempora servatum est, a quo plures fieri Domino agente decretum est: unde nunc Zacharias in ordine vicis suæ sacerdotio functus esse asseritur cum dicitur: *Factum est autem cum sacerdotio fungeretur Zacharias in ordine vicis suæ ante Deum, secundum consuetudinem sacerdotalem, forte exiit ut incensum pueret ingressus in templum Domini*. AMBROSIVS (Lucæ 1. in tit. de ingressu Zach. in temp.) Videtur autem hic Zacharias summus designari Sacerdos: quia semel in anno solus summus Sacerdos in secundo sanctuario intrabat, non sine sanguine, quem offerret pro se, & pro populi delictis. BEDA (Lucæ 1. super illud, *Sor-*

(1) In prædictis quatuor exemplis desit ab utroque parente. (2) Al. omittitur Dei.

EX EDITIONE P. NICOLAI.

4 In Catena Græcorum PP. ex homiliis in Genesim. Colligitur ea hom. xlix. plenius quam his, ut & plenius in Catena Græcorum.

re exiit ut incensum poneret.) Non autem nunc nova forte electus est, cum incensum esset adolendum, sed prisca forte, cum ex ordine sui pontificatus in vicem Abia succederet. Sequitur: *Et omnis multitudo populi erat orans foris hora incensi.* Incensum in sancta sanctorum a pontifice deferri, expectante foris templum omni populo, decimo die primi mensis est iustum, & hanc diem expiationis, sive propitiationis vocari; cuius diei mysterium Apostolus ad Hebræos pandens, Iesum ostendit pontificem esse verum, qui in sanguine proprio cæli secreta subiit, ut propitius nobis faceret Patrem, & interpellaret pro peccatis eorum qui adhuc præ foribus orantes expectant. AMBROSIVS (titulo de ingressu Zach. in templ.) Hic est autem ille Iesus Sacerdos qui adhuc forte quaeritur, quia verus adhuc ignoratur: qui enim forte eligitur, humano iudicio non comprehenditur. Ille igitur quaerebatur, & aliis figurabatur, verus in æternum Sacerdos, qui non hostiarum cruore, sed proprio Patrem Deum generi reconciliaret humano: & tunc quidem vices erant, nunc autem est perpetuitas.

(c) CHRYSOSTOMUS a. Ingressus Zacharias in templum ut preces terret pro cunctis ad Deum, & quasi Dei & hominum mediator, & vidit Angelum intus stantem: unde dicitur: *Apparuit autem illi Angelus Domini stans a dextris altaris incensi.* AMBROSIVS (Lucæ 1. in titulo de apparit. Angel. in prin.) Bene apparuisse dicitur ei qui eum repente conspexit; & hoc specialiter aut de Angelis, aut de Deo Scriptura divina tenere consuevit, ut quod non potest prævideri, apparere dicatur. Non enim similitudo sensibilia videntur, & is cuius involuntate situm est videri, & cuius naturæ est non videri. ORIGENES (hom. 111.) Et hoc tantum in præsentis sæculi dicimus, sed & in futuro cum migraverimus a mundo, non omnibus vel Deus, vel Angeli apparebunt; sed ille tantum videbit qui mundum habuit cor. Locus autem nec nocere poterit quemquam, nec iuvare. CHRYSOSTOMUS c. Manifeste autem apparuit,

S. Th. Oper. Tom. V.

non in somnis: eo quod nimis arduum annuntiabatur, unde manifestiori, & mirabili visione egebat. DAMASCENUS (Lib. II. de Fide orth. cap. 111.) Tamen Angeli non ut sunt, hominibus patefunt, sed transfigurati, prout possunt vires aspicere in quodcumque iusserit Dominus. BASILIUS d. Dicit autem, *Altaris incensi*, eo quod altare erat deputatum ad holocausta. AMBROSIVS (in titulo de appar. Angel. in Lucam.) Non immerito autem Angelus videtur in templo, quia veri Sacerdotis annuntiabatur iam adventus, & cæleste sacrificium parabatur, in quo Angeli ministrarent: non enim dubites assistere Angelum quando Christus immolatur. Apparuit autem a dextris altaris incensi, quia divinae insignie misericordiae deferrebat. „Do-
„ minus enim a dextris est mihi, ne com-
„ movear: „Psalm. xv. CHRYSOSTOMUS e. Non potest autem homo, quantumcumque sit iustus, absque timore cernere Angelum: unde & nunc Zacharias aspectum non tolerans præsentiae Angeli, nec fulgorem illum valens sustinere, turbatur: & hoc est quod subditur: *Et Zacharias turbatus est videns.* Sic ut autem auriga perterritus, loraque dimittente, corrumpit equi præcipites, totaque quadriga pervertitur; sic accidere consuevit animæ quoties ab aliquo stupore, vel solitudine deprimitur: unde & hic subditur: *Et timor irruit super eum.* ORIGENES (hom. 4.) Nova quippe facies humanis se obtutibus præbens turbat mentem, animumque (1) confternat: unde Angelus sciens hanc humanam esse naturam, primum perturbationi medetur: nam sequitur: *At autem ad illum Angelus: Ne timeas Zacharia.* ATHANASIVS in Vita Antonii. Unde non difficilis est bonorum spirituum, malorumque discretio: si enim post timorem successerit gaudium, a Domino venisse sciamus auxilium, quia securitas animæ præsentis maiestatis indicium est; si autem incussa formido permanserit, hostis est qui videtur. f Non solum autem trepidantem rescillat, sed etiam novo lætificat nuntio, subdens: *Quoniam exaudita est deprecatio tua, & nunc tua*

B

El-

(1) id. confervat.

EX EDITIONE P. NICOLAI.

a Hom. 2. de incomprehensibili Dei natura. b Refertur in Caten Græcorum PP. sine indice hom. plenius quam hic. c In Catena Græcorum ubi supra, hom. 19. in Matth. d In Catena Græcorum ubi supra. Quod hic notatur ex Basilio, Theophylactus habet. e Hom. 11. de incomprehensibili Dei natura ubi supra. Refertur in Catena Græcorum PP. plenius quam hic, & pluribus aliis interiectis. f ORIGENES ubi supra.

Elisabeth pariet tibi filium. AUGUSTINUS de Quæst. Evan. (Lib. II. in prin.) Ubi primo hoc attendendum est, quia non est verisimile ut cum pro peccatis populi, vel salute, vel redemptione sacrificium ille offerret, potuerit publicis votis relictis (1) homo senex, uxorem habens, pro accipiendis filiis orare præsertim: nam nemo orat accipere quod accepturum esse desperat. Usque adeo autem ille iam se habiturum filios desperabat, ut hoc Angelo promittenti non crederet. Ergo quod ei dicitur, *Exaudita est deprecatio tua*, pro populo intelligendum est; cuius populi quoniam salus, & redemptio, & peccatorum abolitio per Christum futura erat, adhuc nuntiatur Zachariæ nasciturus filius, quia præcursor Christi designabatur. CHRYSOSTOMUS a. Vel quod exaudita sit eius deprecatio, probat per hoc quod gignendus erat ei filius, clamans: „Ecce Agnus Dei, qui tollit peccata mundi.“ Ioan. 1. THEOPHYLACTUS (super *Quoniam exaudita est oratio tua.*) Quasi ipso dicente, Unde erit mihi hoc manifestum? ait Angelus: Ex hoc quod Elisabeth pariet (2) tibi filium, credes quod peccata populo sunt remissa. AMBROSIVS (in titulo deurbatione Zachariæ.) Vel aliter. Plena semper, & redundantia sunt divina beneficia, non eriguo confusa munere, sed (3) ubi bonorum coarservata congestu, ut hic, (4) ubi primum precatonis fructus promittitur, deinde sterilis partus uxoris: cuius nomen prænuntiat subdens: *Et vocabis nomen eius Ioannem.* BEDA (super *Et vocabis.*) Singularis meriti indicium datur, quoties hominibus Deo vel imponitur nomen, vel nuntiatur. CHRYSOSTOMUS super Ioannem b. Illud quoque oportet exprimere, quoniam in quibus ab ipsa teneritate infantie virtus refulgere debebat, a principio divinitus sumebant nomina; his vero qui postea debebant excrescere, nomen postea imponebatur. BEDA (ubi supra.) Ioannes ergo interpretatur In quo est gratia, vel Domini gratia: quo nomine declaratur primo parentibus eius gratiam, quibus decrepitis nasceretur filius, esse donatam; deinde ipsi Ioanni, qui magnus coram Domino erat futurus; postremo etiam filiis Israel, quos ad Dominum erat

conversurus: unde sequitur: *Et erigandium tibi, & exultatio.* (5) ORIGENES (ubi supra.) Quando enim iustus oritur in mundo, ministri natiuitatis eius lætantur; quando vero ille nascitur qui quasi ad poenas, & ergastulum relegatur, ministri conſternatur, & concidit. AMBROSIVS (ubi supra.) Sanctus autem non solum parentum gratia, sed etiam (6) salus est plurimorum: unde sequitur: *Et multi in natiuitate eius gaudebunt.* Admonemur hoc loco, sanctorum generatione lætari; admonentur parentes gratias agere: non enim mediocre munus est Dei, dare liberos, propagatores generis, successionis heredes.

(d) AMBROSIVS (ubi supra.) Post læticiam plurimorum, magnitudo virtutis promittitur cum dicitur: *Erit enim magnus coram Domino.* Non corporis, sed animæ magnitudinem declaravit: est coram Domino magnitudo animæ, magnitudo virtutis. THEOPHYLACTUS (super *Erit magnus.*) Multi namque magni dicuntur, sed coram hominibus, non coram Deo, sicut hypocritæ: ita etiam & parentes Ioannis iusti coram Domino didi sunt. AMBROSIVS (ubi supra ante med.) Deinde non fines aliquis propagavit imperii, non triumphos bellici certaminis (7) reportavit; sed, quod est amplius, prædicans in deserto, delicias hominum, corporisque lasciviam magna animi virtute depreflit: unde sequitur: *Et vinum, & siceram non bibit.* BEDA (super *Vinum, & siceram non bibit.*) Siceram interpretatur ebrietas; quo vocabulo Hebræi omne quod inebriare potest populum, sive de frugibus, sive de qualibet alia materia confectum, significant. Proprium vero in lege Nazaræorum erat, vino, & sicerâ tempore obsecrationis abstinere: unde Ioannes. ceterique tales, ut semper Nazaræi, id est sancti, manere possint, semper his abstinere satagunt: non enim decet vino, in quo est luxuria, inebriari eum qui multo Spiritus sancti desiderat impleri: unde reſcitur vini ebrietas tollitur, Spiritus gratia cumulat.

Sequitur autem: *Et Spiritu sancto replebitur adhuc ex utero matris sue.* AMBROSIVS (eodem titulo in med.) Cui Spiritus sanctus infunditur, magnarum est plenitudo vir-

(1) P. Nicolai habet homo senex uxorem habens animum, pro accipiendis filiis orare; præsertim vero quia nemo orat accipere dec. (2) Al. deſt tibi filium. (3) Al. verbis. (4) Al. emittit ubi. (5) Al. CHRYSOSTOMUS. (6) Al. solus. (7) Al. reprobativ.

virtutum. Siquidem sanctus Ioannes antequam nasceretur, matris adhuc in utero positus, Spiritus accepti gratiam designavit, cum in utero parentis exiliens Domini evangelizavit adventum. Alius est spiritus vitæ huius, alius gratiæ: ille nascendo sumit exordium, moriendo defecit; ille non ætatis coercetur, non obitu extinguitur, non alvo matris excluditur. **GRÆCUS A.** Quod autem erit opus Ioannis, quidve per Spiritum sanctum peraget, ostendit subdens: *Et multos filiorum Israel convertet ad Dominum Deum ipsorum.* **ORIGENES** (hom. iv. in Luc.) Ioannes quidem plurimos convertit; Domini autem opus est ut omnes ad Deum Patrem convertat. **BEDA** (super *Et multos filiorum Israel convertet.*) Cum autem Ioannes, qui Christo testimonium perhibens, in eius fide populos baptizabat, dicitur filios Israel ad Dominum Deum ipsorum convertisse, patet Christum Dominum Deum esse Israel: unde desinant Arriani Christum Dominum Deum esse negare: erubescant Photiniani Christo ex Virgine principium dare: cessent Manichæi alium populi Israel, atque alium Christianorum Deum credere. **AMBROSIIUS** (eodem titulo a med.) Non autem egemus testimonio, quod plurimorum sanctus Ioannes corda convertit, in quo nobis propheticæ Scripturæ, & evangelicæ suffragantur: „Vox enim clamantis in deserto, Parate vobis Domino:“ *Esa. xl.* non enim de se, sed de Domino prædicabat prænuntius Christi; & ideo sequitur: *Et ipse præcedet ante illum in spiritu, & virtute Elias.* Bene præcedet ante illum, qui prænuntius natus, prænuntius mortuus est. Bene etiam iungitur, *in spiritu, & virtute Elias.* **ORIGENES** (hom. iv. in Lucam.) Non dicit in anima Eliæ, sed in spiritu, & in virtute: spiritus enim qui fuerat in Elia, venit in Ioannem, & similiter virtus eius. **AMBROSIIUS** (eod. titulo a med.) Numquam enim sine virtute spiritus, vel sine spiritu virtus; & ideo in spiritu, & virtute, quia sanctus Elias & virtutem habuit magnam, & gratiam: virtutem ut ad fidem animos populorum a perfidia retorqueret, virtutem abstinentiæ, atque patientiæ, &

spiritum prophetandi. In deserto Elias, in deserto Ioannes: ille Achab Regis gratiam non quaerivit, hic sprevit Herodis; ille Iordanem divisit, hic ad lavacrum salutæ convertit; (1) hic prioris, ille sequentis Domini præcursor adventus. **BEDA** (ubi supra.) Quod autem de Elia per Malachiam prædictum est, hoc per Angelum de Ioanne dicitur, cum subditur: *Ut convertat corda patrum in filios; spirituales antiquorum sanctorum scientiam populis prædicando infundens; & incredulos ad prudentiam inferum;* quæ est non de legis operibus iustitiam præsumere, sed ex fide salutem quaerere. **GRÆCUS B.** Vel aliter. Parentes Ioannis, & Apostolorum Iudei fuerunt; sed tamen contra Evangelium eis superbia, & infidelitate sæviebant. Itaque tamquam benigni filii Ioannes prius, & Apostoli consequenter eis veritatem monstrabant, in propriam iustitiam, & prudentiam eos attrahentes: sic etiam Elias reliquias Hebræorum (2) convertet ad Apostolorum veritatem. **BEDA** (ibidem.) Quia vero Zachariam pro plebe supplicitem dixerat exauditum, subiungit: *Parare Domino plebem perfectam:* in quo docet quo ordine plebs easem salvati, & perfici debeat ad prædicationem scilicet Ioannis pœnitendo, & credendo in Christum. **THEOPHYLACTUS** (super *Ut pararet Domino.*) Vel aliter. Ioannes plebem paravit, non incredulam, sed perfectam, id est præparatam ad suscipiendum Christum. **ORIGENES** (hom. iv.) Sacramentum autem Ioannis usque nunc expletur in mundo: quicumque enim crediturus est in Iesum Christum, antea spiritus, & virtus Ioannis ad animam illius venit, (3) & præparat Domino populum perfectum.

(c) **CHRYSOSTOMUS c.** Habito respectu Zacharias ad propriam ætatem, quin etiam coniugis sterilitate conspecta, diffusus est: unde dicitur: *Et dixit Zacharias ad Angelum: Unde hoc sciam?* quasi dicat: Quomodo hoc fiet? Et causam dubitationis subdit: *Ego enim sum senex, & uxor mea processit in diebus suis;* quasi dicat: Aetate intempesta, natura inepta, ego generans debilis, terra

B 2 sic-

(1) *A.* ille prioris, hic sequentis. (2) *A.* convertit. (3) *A.* & præparavit.

EX EDITIONE P. NICOLAI.

* **SIMEON** in Catena Græcorum PP. prænotatur: annon ille Simeon Theologus qui præter quædam alia scripta Commentationes edidisse dicitur, ut apud Possiveum in Apparatu videre est? b Hæc etiam, ut supra, Simeonis nomine in Catena Græcorum PP. paulo aliis verbis indicantur; sed nomine Severi Antiocheni expressius. c De incomprehensibili Dei natura, ut supra.

sterilis. Non autem censetur propter hoc dignus esse venia sacerdos, dum seriem rerum exposulat: quodcumque enim Deus aliquid indicat, oportet in hunc suscipere: nam super huiusmodi disceptare contumacis est animæ: unde sequitur: *Et respondens Angelus dixit ei: Ego sum Gabriel, qui asto ante Deum.* BEDA (super *Respondens Angelus*.) Quasi dicat: Si homo talia signa promitteret, impune signum flagitare liceret; at cum Angelus promittat, iam dubitare non decet.

Sequitur: *Et missus sum loqui ad te, & hac tibi evangelizare.* CHRYSOSTOMUS a. Ut cum audias me a Deo missum fore, nihil humanum æstimes ex his quæ tibi dicuntur: neque enim ex me loquor, sed mitentis relata denuntio: hæc est enim nuntiandi bonitas, ut nihil ex se referat. BEDA (super *Ego sum Gabriel*.) Ubi notandum est, quod Angelus se & ante Deum stare, & ad evangelizandum Zachariæ missum esse testatur. GREGORIUS in (hom. xxxiv. in Evang. a. med.) Quia & cum ad nos veniunt Angeli, sic exterius implent ministerium, ut tamen nunquam interius desint per contemplationem: quia etsi circumscriptus est angelicus spiritus, summus tamen Spiritus, qui Deus est, circumscriptus non est: Angeli itaque etiam missi ante ipsum sunt: quia quomodolibet missi veniant, intra ipsum currunt. BEDA (super *Et ecce eris tacens*.) Dat autem ei signum quod rogatur, ut (1) qui discedendo locutus est, iam tacendo credere dicat: unde sequitur: *Et ecce eris tacens, & non poteris loqui.* CHRYSOSTOMUS b. Ut a vi generativa ad organa vocalia vincula transierantur. Nec intuitu sacerdotii ei parcitur: sed ob hoc plebatur amplius: quia circa fidem ceteris præesse debbat. THEOPHYLAOTUS (ibidem.) Sed quia verbum (1) *νεῦναι* Kophos, quod etiam infra subiungitur, potest tam surdum quam mutum significare, bene ait: *Eris surdus, & non poteris loqui.* Convenienter enim hæc duo passus est: tamquam enim inobediens surditatem incurrit, & tamquam contradictor taciturnitatem. CHRYSOSTOMUS. Dicit autem, *Et ecce*, quasi dicat, in hoc instanti. Sed considera muse-

rationem Domini in hoc quod sequitur: *Usque in diem qui hæc sunt*: quasi dicat: Cum per eventus rerum quod dico (3) ostendero, & noveris te iure punitum; tunc te de poena eripiam. Et causam poenæ ostendit cum subditur: *Pro eo quod non credidisti verbis meis, quæ implebantur in tempore meo; non attendens virtutem eius qui misit me, cui ego assiso.* Si autem is qui erga nativitatem mortalem incredulus erat punitur; qualiter qui cælestem, & ineffabilem calumniatur, vitabit ultionem? GRAECUS c. Dum autem hæc intrinsecus agerentur, dilatio temporis admirari cogeat expectantem forissecus multitudinem: unde sequitur: *Et eras plebs expectans Zachariam, & mirabatur quod tardaret ipse in templo.* Cumque per diversa vagaretur suspicio, quilibet dicebat ad libitum, donec Zacharias egrediens docuit silendo quod latendo perpeius est: unde sequitur: *Egressus autem non poterat loqui ad illos: & cognoverunt quod visionem vidisset in templo.* THEOPHYLAOTUS (super *Et iminebat illis*.) Iminebat autem populo Zacharias forte causam taciturnitatis interroganti, quam loqui non valens, per nutum declarabat: unde sequitur: *Et ipse erat inmens illis, & permansit mutus.* AMBROSIIUS (titulo de incredulitate Zach. & punitione eius.) Est autem (4) mutus quidam sine verbo corporalis actus, indicare moliens, nec exprimens voluntatem.

(f) BEDA (super *Ut implati sunt dies officii eius*.) Vicis suæ tempore pontifices templi tantum officiis mancipati, non solum a complexu uxorum, sed ab ipso quoque hominum suarum abstinebant ingressu: unde dicitur: *Et factum est ut implati sunt dies officii eius, abiit in domum suam.* Quia enim tunc sacerdotalis ex stirpe Aaron successio quærebatur, necessario tempus substituendæ soboli procurabatur. At quia nunc non carnalis successio, sed profectio spiritualis inquiritur, sacerdotibus, ut semper altari queant assidere, semper castitas observanda præcipitur. Sequitur: *Post hos autem dies concepit Elisabeth uxor eius: post dies scilicet officii Zachariæ completos.* Gesta sunt autem hæc mense septembri, octavo calendæ octo-

(1) *Al.* quod. (2) *Al.* quod iugi animo haberetur, potest etiam surdum significare. P. Nicolai legio quod in Græco habetur (*νεῦναι*) potest etiam surdum dē. (3) *Al.* ostendo. (4) *Al.* mutus quidem sine verbo corporales actus indicare moliens, nec exprimens eius voluntatem.

EX EDITIONE P. NICOLAI.

a Ut supra. b Ibidem, & sic infra. c Vel Antipater Bostrensis in Catena Græcorum PP.

octobris quando oportebat Iudæos ieiunium Icenopeiæ celebrare, imminente æquinoctio, in quo incipit nox esse maior quam dies: quia Christum oportet crescere, Iohannem autem minui. Nec frustra tunc dies ieiuniorum erant: quia per Iohannem erat hominibus afflictio poenitentiae prædicanda.

Sequitur: *Et occultabat se mensibus quinque.* AMBROSIVS (Luc. 1. titulo de conceptione Iohannis, a princ.) Quæ causa occultationis nisi pudor? Sunt enim quædam tempora præscripta coniugio, quando dare operam procreandis liberis sit decorum, dum anni vigent, dum suscipiendorum liberorum spes est. At ubi & matura ævi senectus successerit, & ætas est regendis liberis habilior quam creandis, pudor est legitimi licet (1) coitus gestare indicia, & gravari alienæ ætatis onere, & tumescere alvum non sui temporis fructu. Pudebat ergo eam propter ætatem: unde intelligi potest causa, quia iam non conveniebant inter se concubitu coniugali: neque enim ea quæ senilem non erubesceret coitum, erubesceret partum; hæc tamen erubescit onus parentis, quamdiu nescit mysterium religionis. Sed quæ occultabat se, quia conceperat filium, iactare se cepit, quia generabat Prophetam. ORIGENES * (hom. vi. in Lucam, para. prin.) Et ideodicit, *Mensibus quinque;* idest, donec Maria conciperet, & fetus eius exultans cum gaudio prophetaret. AMBROSIVS (eodem titulo a med.) Et quamvis partus sui erubesceret ætatem, rursus caruisse se gaudebat opprobrio, dicens: *Quia sic fecit mihi Dominus.* CHRYSOSTOMUS b. Scilicet solvit sterilitatem, donum supra naturam concessit, & petra infructuosa spicas virentes produxit: abstulit dedecus dum genitricem fecit: unde sequitur: *In diebus quibus respexit auferre opprobrium meum inter homines.* AMBROSIVS (ubi sup. inter med. & finem.) Pudor enim est feminis nuptiarum præmia non habere, quibus hæc sola est causa nubendi. CHRYSOSTOMUS c. Dupliciter igitur gaudet, dum & a nota sterilitatis ipsam eripuit Dominus, & quoniam illustre partum enixa est. Non enim ut in ceteris gignentium solus concubitus intervenit, sed gratia cælestis huius ortus fuit exordium.

BEDA (non remote a fine cap. 11. in Lucam.) Mystice autem per Zachariam sacerdotium Iudæorum, per Elisabeth potest lex ipsa designari; quæ sacerdotum doctrinis exercitata spirituales Deo filios gignere debebat, sed non valebat: quia neminem ad perfectionem adduxit lex. Erant ambo iusti, quia bona est lex, & sacerdotum pro illo tempore sanctum: ambo procellerant in diebus suis, quia adveniente Christo iam incurvantur ad senium. Ingreditur Zacharias templum, quia sacerdotum est intrare in sanctuarium mysteriorum cælestium; foris erat multitudo, quia mystica penetrare nequit. Dum altari thymiamia imponit, nasciturum Iohannem agnoscit: quia dum doctores flamma divinæ lectionis ardent, gratiam Dei per Iesum prodituram reperiunt; & hoc per Angelum, quia lex per Angelos ordinata est. AMBROSIVS (titulo de incred. & punitione Zachariæ.) In uno autem vox totius plebis obmutuit, quia in uno totus ad Deum loquebatur populus: transiit enim ad nos Dei verbum, & in nobis non tacet. Mutus est qui non intelligit legem. Cur enim tibi magis videatur mutus esse qui (2) sermonem quam qui mysterium nescit? Innuenti similis est populus Iudæorum, qui actuum suorum præstare non potest rationem. BEDA (ubi sup. cir. finem.) Et tamen Elisabeth concipit Iohannem, quia interiora legis sacramentis Christi abundant: conceptum quinque mensibus occultat, quia Moyses quinque libris mysteria Christi designat; seu quia Christi dispensatio in quinque mundi ætatibus per sanctorum dicta, vel facta figuratur.

(g) BEDA (in fine.) Quia Christi incarnatio vel sexta ætate sæculi futura, vel ad impletionem legis erat profutura, recte sexto mense concepti Iohannis missus ad Mariam Angelus nasciturum nuntiat Salvatorem: unde dicitur: *In mense autem sexto.* Mensem sextum martium intellige, cuius vigesima quinta die Dominus noster & conceptus traditur, & passus, sicut & vigesima quinta die mensis decembris natus. Quod si vel hoc die, ut nonnulli arbitrantur, æquinoctium vernale, vel illo solstitium brumale fieri credamus; convenit cum lucis incremento concipi, vel nasci eum

„ qui

(1) M. fetus. (2) M. somnium. P. Nihil parit Ruum.

EX EDITIONE P. NICOLAI.

* In Catena Græcorum PP. b Vel Origenes, ut supra. c Hom. de Anna, vel in. Annam, ex Catena Græcorum PP.

„ qui illuminat omnem hominem venientem in hunc mundum : “ Ioan. 1. At si quis ante dominicæ nativitatis, & conceptionis tempus considerat lucem vel crescere, vel tenebras superare convicerit dicimus & nos, quia Ioannes ante faciem adventus eius regnum cælorum evangelizabat. BASILIUS A. Adeunt autem nos cælestes spiritus, non quasi ex seipsis, sed ex eo quod divinæ sapientiæ decorem conspicunt : unde sequitur : *Missus est Angelus Gabriel a Deo.* GREGORIUS in hom. (xxxiv. in Evan.) Ad Mariam enim Virginem non quilibet Angelus, sed Gabriel Archangelus mittitur : ad hoc quippe ministerium luminum Angelum venire dignum fuerat, qui summum omnium nuntiabat : qui idcirco privato nomine censebatur, ut signetur per vocabulum in operatione quid valeat. Gabriel enim Dei sortitudo nominatur, per Dei ergo sortitudinem nuntiandus erat qui virtutum Dominus & potens in prælio ad debellandas potestates aereas veniebat. GLOSSA (interlinearis.) Additur autem & locus quo mittitur cum subditur : *In civitate Galilee cui nomen Nazareth.* Nazareth enim, idest Sanctus sanctorum, nuntiabatur venturus. BEDA in hom. (annuntiationis B. Mariæ : est vii. hom. de Sandis.) Aptum autem humanæ restorationis principium, ut Angelus a Deo mitteretur ad Virginem partu consecrandam divino : quia prima perditionis humanæ fuit causa, cum serpens a diabolo mittebatur ad mulierem spiritu superbæ decipiendam : unde sequitur, *Ad Virginem.* AUGUSTINUS de sancta Virginitate (cap. v.) Illum enim solum virginitas decenter parere potuit qui in sua nativitate parem habere non potuit. Oportebat enim caput nostrum propter insigne miraculum secundum corpus nasci de virgine, (1) quod significaret membra sua de virgine (2) Ecclesia secundum spiritum nascitura. HIERONYMUS in sermone Assum. 6 (ali. a princ.) Et bene Angelus ad virginem mittitur, quia semper est Angelis cognata virginitas. Profecto in carne præter carnem vivere, non terrena vita est, sed cælestis.

CHRYSOSTOMUS super Matth. (hom. iv.) Non autem Angelus post partum annuntiat Virgini, ne nimium exinde turbaretur : & ideo ante conceptionem illam alloquitur, non in somnis, immo visibiliter assistit : nam quasi magnam valde relationem accipiens egebat ante rei eventum visione solemnī. AMBROSIVS (Lib. II. in Lucam par. a princ.) Bene autem utrumque posuit Scriptura, ut & desponsata esset, & virgo : (1) virgo, ut experts virilis consortii videretur, desponsata, ne temerari virginis aduretur infamia, cui gravis alvus corruptelæ videretur insigne præterire. Maluit autem Dominus aliquos de suo ortu quam de matris pudore dubitare : sciebat enim teneram esse virginis verecundiam, & lubricam famam pudoris ; nec putavit ortus sui fidem matris iniuriis astringendam. (4) Servatur itaque sanctæ Mariæ sicut pudore integra, ita & inviolabilis opinione virginitas : nec deicit sinistra virginibus opinione viventibus velamen exultationis relinqui, quod infamata mater quoque Domini videretur. Quid autem Iudæis, quid Herodi posset ascribi, si natum viderentur ex adulterio persecuti? Quemadmodum autem ipse diceret Matth. v. „ Non veni legem solvere, sed adimplere ; “ si videretur cepisse a legis iniuria, cum partus innuptæ lege damnetur? Quid quoque etiam fides Mariæ verbis maior adfiscitur, & mendaciæ causa remouetur? Videretur enim culpam obumbrare voluisse mendacio innupta prægnans. Causam autem mentiendi desponsata non habuit, cum coniugii præmium, & gratia nuptiarum partus sit seminarum. Non mediocris quoque causa est ut virginitas Mariæ salteret principem mundi, qui cum desponsatam viro cerneret, partum non potuit habere suspectum. ORIGENES (hom. vi. in Lucam.) Si enim non habuisset sponsum, statim cogitatio tacita diabolum surrepisset, quomodo quæ non accubuit cum viro, prægnans esset. Debet iste conceptus esse divinus, debet aliquid humana natura esse sublimius. AMBROSIVS (Lib. II. in Lucam cap. 1. cir.med.) Sed tamen magis (5) sefel.

lit

(1) Al. quando. (2) Al. etiam. (3) In quatuor hanc citatis exemplis hic interpretatur sequitur enim, *Desponsata viro.* (4) Al. sequitur. (5) Al. cælestis.

EX EDITIONE P. NICOLAI.

* In Esai. cap. vi. seu vii. v. 6. Habetur quidem inter Opera Hieronymi Tom. ult. quasi scriptus ad Paulum, & Euthochium, a verbis illis incipiens, *Circa me* ; sed in ipsa inscriptione notatur Sophronii potius esse, ut etiam annotat Possevinus in Apparat. Tom. I. ubi de Hieronymi scriptis. Quod hic tamen citatur, habet expresse Chrysologus serm. cxlii. qui est iv. de *Annuntiatione*.

lit principes sæculi: dæmonum enim malitia facile etiam occulta deprehendit; at vero qui sæcularibus vanitatibus occupantur, scire divina non possunt. Quin etiam locupletior testis pudoris maritus adhibetur, qui posset & delere iniuriam, & vindicare opprobrium, si non agnosceret sacramentum: de quo subditur: *Cui nomen erat Ioseph de domo David.* BEDA in hom. (Annunt. sup. Ad Virginem desponsatam.) Quod non tantum ad Ioseph, sed etiam pertinet ad Mariam. Legis namque erat præceptum ut de sua quique tribu, aut familia acciperet uxorem.

Sequitur: *Et nomen Virginis Maria.* BEDA super Lucam (super *Et nomen Virginis.*) Maria Hebraice stella maris, Syriace vero domina vocatur; & merito: quia & totius mundi Dominum, & lucem sæculis meruit generare perennem.

(h) AMBROSIVS (Lib. II. in Lucam in cap. de salutatione.) Disce virginem moribus: sola in penetralibus, quam nemo virorum videret, solus Angelus reperiret: unde dicitur: *Et ingressus Angelus ad eam.* Et ne quo degeneri depravetur assatu, ab Angelo salutatur. GRAECUS a. Contra vocem prius editam mulieri dirigitur nunc sermo ad Virginem. In illa doloribus partus est causa peccati punita, in hac per gaudium mæsticia pellitur: unde iucunditatem non absurde prægnuntiat Angelus Virgini, dicens, *Ave.* Quod autem digna cognosceretur sponsalium, attestatur cum dicit, *Gratia plena:* quasi enim quædam arbra, aut dos sponsi ostenditur, quod secunda sit gratia. Horum enim quæ dicit, hæc sunt sponsæ, alia sponsi. HIERONYMUS b in sermone de Assum. (inter prin. & med.) Et (1) bene *gratia plena:* quia ceteris per partes præstatur; Mariæ vero simul se totam infudit gratiæ plenitudo. Vere *gratia plena*, per quam largus Spiritus sancti imbre superflua est omnis creatura. Iam autem erat cum Virgine qui ad Virginem mittebat Angelum, & præcessit nuntium suum Dominus; nec teneri potuit locis qui omnibus habetur in locis:

unde sequitur, *Dominus tecum.* AUGUSTINUS in Ser. de Nativ. c. Magis quam mecum: ipse enim in tuo est corde, intus sit utero, adimplet mentem, adimplet ventrem. GRAECUS d. Hoc autem est totum legationis complementum. Dei enim Verbum ut sponsus supra rationem unionem efficiens, tamquam ipse germinans, idemque germinatus, totam naturam humanam sibi ipsi conformavit. Ultimum vero ponitur tamquam perfectissimum, & compendiosum: *Benedicta tu in mulieribus:* una scilicet præ cunctis mulieribus: (2) ut etiam benedicantur in te mulieres, sicut mares in Filio; sed magis uterque in utriusque. Velut enim (3) per unam seminam & unum marem peccatum simul, ac tristitia intravit; sic & nunc per unam & unum benedictio revocata est, & læticia, & ad singulos est profusa. AMBROSIVS (de sal. Ange.) Disce autem virginem a vereduna, quia pavebat: nam sequitur: *Qua cum audisset, turbata est in sermone eius.* Trepidare virginum est, & ad omnes ingressus viri pavere, omnes viri assatus vereri. Disce, virgo, verborum vitare lasciviam: Maria etiam salutationem Angeli verebatur. GRAECUS e. Cum assueta foret his visionibus, Evangelista non visioni, sed relatiuis turbationem attribuit, dicens: *Turbata est in sermone eius.* Attende autem virginis (4) & pudicam, & prudentem & animam simul, & vocem. Audita læticia dictum examinavit, & neque manifeste oblitit per incredulitatem, nec statim paret ex levitate; Evæ levitatem evitans simul, & durtitiam Zachariæ: unde sequitur: *Et cogitabat qualis esset ista salutatio:* non conceptio, nam adhuc ignorabat immensitatem mysterii, sed salutatio: numquid libidinosa, ut a viro ad virginem; an divina, dum Dei faceret mentionem dicens, *Dominus tecum?* AMBROSIVS (Lib. II. in Lucam de salut. Mariæ.) Benedictionis etiam novam formulam mirabatur, quæ nusquam est ante comperta: soli Mariæ hoc servabatur. ORIGENES (hom. vi.) Si enim scivisset Maria ad alium quempiam fin-

(1) *Al.* Et bene gratia ceteris per partes præstatur &c. (2) *Al.* vel etiam. (3) *Al.* per unam, & marem peccatum &c. (4) *Apud P. Nicæni* & pudicitiam, & prudentiam.

EX EDITIONE P. NICOLAI.

a Idest Gregorius Nissenus orat. in Christi Nativitatem. b Iam notatum est Hieronymi non esse; rursus autem habetur hæc appendix in eodem sermone Chrysologi, ubi alia notavimus haberi, acmpe calixt. non ea tamen serie qua hic, sed aliis etiam interiectis. c Serm. xiv. Quod subiungitur ex Augustino. d de Tempore serm. xviii. vel xxv. in appendice de diversis, ubi notatur quoque non esse Augustini.

e Vel Geometet in Cetera Græcorum. f Vel iterum Geometet ibid.

milem factum esse sermonem, utpote quæ habebat legis scientiam, numquam eam, (1) quasi peregrina, talis salutatio exterruisset.

(i) BEDA (cap. 111. super Lucam.)

Quia salutatione insolita virginem turbatam viderat, quasi familiaris notam vocans ex nomine, ne timere debeat iubet: unde dicitur: *Et ait ei Angelus: Ne timeas Maria.* GRAECUS a. Quasi dicat: Non accessi decepturus, immo deceptionis abolitionem depromere; non veni prædaturus inviolabilem tuam virginitatem, sed conditori puritatis, & custodi contubernia referat; non sum serpentis minister, sed perimentis serpentem legatus; sponsalium traditor, non insidiarum molitor. Sic ergo nequaquam distrahentibus ipsam considerationibus vexari permittit, ne diluicaretur infidus minister negotii. CHRYSOSTOMUS b. Qui autem apud Deum meretur gratiam, non habet quid timeat: unde sequitur: *Invenisti enim gratiam apud Deum.* Qualiter autem illam quisque reperiet, nisi humilitate meditante? Humilibus enim dat Deus gratiam.

GRAECUS e. Invenit enim gratiam Virgo coram Deo, quia splendore pudicitie propriam exornans animam, gratum Deo se habitaculum præparavit; nec solum cælibatui inviolabilem conservavit, sed etiam immaculatam conscientiam custodivit. ORIGENES d (homil. vi.) Inveniant enim plures gratiam ante eam: & ideo subdit quod proprium est, dicens: *Eccce concipies in utero.* GRAECUS e. Quod dicitur *ecce*

(2) celeritatem, & præsentiam denotat, insinuans cum eius verbo celebratam esse conceptionem. Dicit autem, *Concipies in utero*, ut demonstret, Dominum ab ipso utero virginali, & de nostra substantia carnem suscipere. Venit enim divinum Verbum emundaturum naturam humanam, & partum, & nostræ generationis primordia; & ideo sine peccato, & humano semine, per singula sicut nos in carne concipitur, & novem mensium spatio gestatur in utero. GREGORIUS Nilenus f. Sed quoniam contingit specialiter divinum concipi spiritum, & spiritum parere salutarem, secun-

dum Prophetam, ideo addidit, *Et paries filium.* AMBROSIVS. Non autem omnes sunt sicut Maria, ut dum de Spiritu sancto concipiunt, Verbum pariant: sunt autem quæ abortivum excludunt Verbum antequam pariant; sunt quæ in utero Christum habeant, sed nondum formaverint.

GREGORIUS Nilenus g. Cum autem expectatio partus mulieribus timorem incutiat, sedat timoris metum dulcis partus relatio, cum subditur: *Et vocabis nomen eius Iesum*: Salvatoris enim adventus est cuiuslibet timoris propulsi.

BEDA (cap. 111. super Lucam.) Iesus autem Salvator, sive Salutaris interpretatur. GRAECUS h. Dicit autem, *Tu vocabis*, non pater: patre enim caret quantum ad inferiorem generationem, sicut & matre respectu supernæ.

CYRILLUS i. Hoc autem nomen de novo fuit Verbo impositum, natiuitati congruens carnis, secundum illud propheticum: „Vocabitur tibi nomen novum quod os Domini

„ nominavit: „ *Esai LXI.* GRAECUS k.

Verum quia hoc nomen commune est sibi cum successore Moyse, idcirco innuens Angelus quod non erit secundum illius similitudinem, subiungit: *Hic erit magnus.* AMBROSIVS (Lib. II. in Lucam tit. de Mart. turb. consol.) Dicitur enim quidem etiam de Ioanne quia erit magnus; sed ille quasi homo magnus, hic quasi Deus magnus. Late enim funditur Dei virtus, late cælestis substantiæ magnitudo porrigitur: non loco clauditur, non opinione comprehenditur, non æstimatione concluditur, non ætate variatur.

ORIGENES (homil. vi. in Lucam.) Vide ergo magnitudinem Salvatoris quomodo in toto orbe diffusa sit: ascende in cælos, quomodo cælestia repleverit; descende cogitatione ad abyssos, & vide eum illuc descendisse: si hoc videris, pariter intueberis opere completum *Hic erit magnus.*

GRAECUS l. Neque carnis assumptionis deitatis derogat celsitudini; immo potius humanitatis humilitas sublimatur: unde sequitur: *Et Filius Altissimi vocabitur.* Non utique tu impones vocabulum, sed ipse vocabitur: a quo nisi a consubstantiali genitore? „ Nullus enim Filium novit nisi Pater: „

Marth.

(1) αλ. quasi peregrina salutatio &c. (2) αλ. concipiesrateq.

EX EDITIONE P. NICOLAI.

a Nempe Photius in Catena Græcorum PP. b In Catena Græcorum PP. c Vel Photius, ut supra. d Eius nomine in Catena Græcorum PP. sine indice notatur, sed in Theophylacto tantum occurrit, & in Tito Boetio, ex quo & Gloſſa notat. e Vel Geometer in Catena Græcorum PP. f Vel iterum Geometer ibid. g In orat. in dieu nralem Christi. h Vel Geometer, ut supra. i Lib. de Fide in Iesum Christum ad Theodosium post medium. k Vel rursus Geometer, ut supra. l Vel Photius, ut supra.

Matth. xi. Penes quem vero infallibilis est noticia geniti, (1) is verus interpret est erga impositionem congruam nominis: propter quod dicit: „Hic est Filius meus dilectus: „ibid. xvii. ab æternofquidem est, quamvis nunc ad nostram doctrinam nomen eius patuerit. Et ideo ait, *Vocabitur*, non *Fiet*, vel *Generabitur*: nam & ante sæcula fuerat confubstantialis Patri. Hunc ergo concipies, huius materis efficiaris, hunc virginalis cella concludet, cuius cæleste spatium capax non exitit. **CHRYSOSTOMUS** a. Cæterum siquidem enorme quibusdam videtur, Deum habitare corpus; nonne sol, cuius est corpus sensibile, quocumque radios mittit, non læditur in propria puritate? Multo ergo magis iustitiæ sol ex utero virginali mundissimum corpus assumens, non tantum contaminatus non est, immo etiam ipsam matrem sanctiorem ostendit. **GRAECUS** b. Et ut Virginem redderet memorem Prophetarum, subdit: *Et dabit illi Dominus Deus sedem David patris eius*: ut noscat liquido quoniam qui nasciturus est ab ea, ipse est Christus, quem illi promiserunt ex David femine nasciturum. **CYRILLUS** c. Non tamen ex Ioseph est editum corpus Christi mundissimum, secundum enim unam lineam cognationis profuixerant Ioseph, & Virgo, ex qua formam humanitatis Unigenitus sumpsit. **BASILIVS** d. Non autem in materiali sede David sedit Dominus, translato Iudaico regno ad Herodem; sed sedem appellat David, in qua resedit Dominus, indissolubile regnum: unde sequitur. *Et regnabit in domo Iacob in æternum*. **CHRYSOSTOMUS** e. Dicit autem ad præsens domum Iacob eos qui de numero Iudeorum crediderunt in illum: ut enim Paulus dicit Rom. ix. „non omnes „qui ex Israel sunt, hi sunt Israelitæ; sed „qui sunt filii promissionis, computantur in „semine. „**BEDA** (1cap. iii. in Lucam super illud, *Regnabit*.) Vel domum Iacob totam Ecclesiam dicit, quæ vel de bona radice nata, vel cum oleaster esset, merito tamen fidei in bonam est inserta olivam. **GRAECUS** f. Nullius autem est in æter-

S. Th. Oper. Tom. V.

num regnare, nisi Dei solius: quo fit ut et si propter incarnationem dicatur David sedem accipere, tamen idem ipse inquantum Deus Rex æternus agnoscitur. Sequitur: *Et regni eius non erit finis*: non solum inquantum Deus est, sed etiam in eo quod homo: & in præfenti quidem habet regnum multorum, finaliter vero universorum, cum ei omnia subiciantur. **BEDA** (ubi supra super *Dabit illi Dominus Deus sedem*.) Omittit ergo Nestorius dicere hominem tantum ex Virgine natum, & hunc a Verbo Dei non in unitatem personæ esse receptum: Angelus enim qui ait eundem ipsum Patrem habere David, quem Filium Altissimi vocari prænuntiat, in duobus naturis unam Christi personam demonstrat. Non autem ideo futuri temporis verbis Angelus utitur, quia secundum hæreticos Christus ante Mariam non fuerit, sed quia secundum eamdem personam hominem Deo idem Filii nomen sortitur.

(k) **AMBROSIVS** (Lib. II. in Luc. tit. de Mariæ interrog.) Neque non credere Angelo Maria debuit, neque tam temere usurpare divina: unde dicitur: *Dixit autem Maria ad Angelum, Quomodo fiet istud?* Temperatior est ista responsio quam verba sacerdotis. Hæc ait, *Quomodo fiet istud?* ille respondit, *Unde hoc sciam?* Negat ille se credere, & quasi fidei adhuc alium querit auctorem; ista se facere profetur, nec dubitat esse faciendum, quod quomodo fiat inquirat. Legerat Maria Esai. vii. „Ecce „concepit in utero, & pariet filium: „ideo credidit futurum; sed quomodo fieret ante non legerat: non enim quemadmodum fieret vel Prophetæ tanto fuerat revelatum: tantum enim mysterium non hominis fuit, sed Angeli ore promendum. **GRECORIVS** Nillessen g. Attende etiam munda Virginis vocem: partum annuntiat Angelus; ipsa vero virginitati innititur, præstantiorem incorruptibilitatem angelica visione diiudicans: unde dicit: *Quoniam virum non cognosco*. **BASILIVS** h. Cognatio multifarie dicitur: dicitur enim cognitio nostri conditoris sapientia, ac magnalium suorum noticia, nec non mandatorum custodia, &

C quæ

(1) *Al.* nec verus.

EX EDITIONE P. NICOLAI.

a In Catena Græcorum PP. b Vel Severus Antiochenus in Catena Græcorum. c In Catena Græcorum PP. ex eius Libris contra Iulianum, nempe Lib. VIII. d Ad Amphyllochium: est epistola ecelest. in edit. Græco-latina; sed, in edit. Latina tantum ponitur 1. inter excerptas ex variis. e Hom. vii. in Marth. f Vel Geometer in Catena Græcorum PP. ubi supra. g Oratione in diem natalem Christi, ut iam supra. h In Cat. Græc. PP. ubi supra epist. cccci. quæ inscribitur Amphyllochius.

quæ fit apud eum appropinquatio, & copula nuptialis, ut hic accipitur. GREGORIUS Nilfenus a. Hæc igitur Mariæ verba indicium sunt eorum quæ tractabat in mentis arcano: nam si causa copulæ conjugalis Ioseph deipsonari voluisset, cur admiratione ducta est dum sibi narratur conceptio? cum nimirum ipsa præstolaretur ad tempus mater effici iuxta legis naturam. Verum quia oblatum corpus Deo quasi quoddam ex sacris inviolabile reservari decebat, ideo dicit: *Quoniam virum non cognosco*; quasi dicat: Etsi sis Angelus, tamen quod virum cognoscam ex impossibilibus cernitur: qualiter igitur mater ero carens coniuge? Ioseph (1) siquidem in sponsum agnovi. GRAECUS b. Sed considera qualiter Virgini solvit dubium Angelus, ac explanat in temeratum concubium, & ineffabile parum: sequitur enim: *Et respondens Angelus dixit ei: Spiritus sanctus superveniet in te*. CHRYSOSTOMUS c. Quali dicat: Non quæras ordinem naturalem ubi naturam transcendunt, & superant quæ tractantur. (2) Dicit: *Quomodo fiet istud, quoniam virum non cognosco*? quinimmo eo ipso continget quod es coniugis inexperta: nam si virum experta fuisses, non digna censereris hoc mysterio: non quia prolantum sit coniugium, sed quia virginitas potior. Decebat enim communem omnium Dominum, & in nativitate nobiscum participare, & ab ea disceperare: quod enim ex utero nasceretur, habuit commune nobiscum; quod autem absque concubitu nasceretur, plus a nobis obtinuit. d Quam beatum corpus, illud quod ob exuberantem munditiam Virginis Mariæ, ut videtur, donum animæ ad seipsum allexit! In singulis enim ceteris vix utique anima sincera sancti Spiritus impetrabit præsentiam; sed nunc caro receptaculum efficitur Spiritus. GREGORIUS Nilfenus. Tabulas enim nostræ naturæ quas culpa confregerat, denuo verus legislator de terra nostra sibi dolavit, absque concubitu divinitatis suæ corpus susceptibile creans, quod divinus digitus sculpsit, scilicet Spiritus superveniens Virgini. CHRYSOSTO-

MUS. Insuper & *virtus Altissimi obumbrabit tibi*. Altissimi Regis virtus Christus est, qui per adventum Spiritus sancti formatur in Virgine. GREGORIUS XVIII. Moral. (super illud Job xviii. „Tolle eam „ventus urgens:“ cap. xii. in nov. exmp.) Per obumbrationis enim vocabulum, incarnandi Dei utraque natura significatur: umbra enim a lumine formatur, & corpore; Dominus autem per di. ininitatem lumen est: quia ergo lumen incorporeum in eius erat utero corporandum, recte ei dicitur: *Virtus Altissimi obumbrabit tibi*, id est, corpus in te humanitatis accipiet incorporeum lumen divinitatis: hoc enim Mariæ dicitur propter mentis refrigerium cælitus datum. BEDA (cap. iii. in Lucam, super illud „Et virtus Altissimi.“) Non ergo virili, quod non cognoscat, semine, sed Spiritus sancti, quo impletis, opere concipies: concupiscentiæ in te non erit æstus, ubi umbram faciet Spiritus sanctus. GREGORIUS Nilfenus e. Vel dicit, *Obumbrabit tibi*: quia sicut corporis umbra præcedentem charactere conformatur, ita indicia deitatis Filii ex virtute generandi patebunt. Sicut enim in nobis quædam vivifica virtus in materia corporali conspicitur quæ homo formatur, sic in Virgine Altissimi virtus per vivificantem Spiritum pariter corpori inlitam materiam carnis ex virgine corpore ad formandum novum hominem assumpsit: unde sequitur: *Ideoque & quod nasceretur ex te sanctum*. ATHANASIUS (in epist. ad Episcopus.) Profitemur enim quoniam naturæ humanæ assumptum (3) ex Maria corpus verissimum extitit, & idem secundum naturam corpori nostro: foror namque nostra Maria est, cum omnes ab Adam descendimus. BASILIUS (Lib. de Spi. sanct. cap. v.) Unde & Paulus dicit Galat. iv. quoniam misit Deus Filium suum natum non per mulierem, sed ex muliere. Nam hoc quod dico, Per mulierem, (4) transitur poterat indicare nativitatē lententiam; quod autem dicitur, Ex muliere, manifestat communionem naturæ geniti respectu parentis. GREGORIUS XVIII. Moral. cap. xxxiv. (super illud Job xxxviii.

„Non

(1) *Al.* quidem. (2) *Al.* Dicit. (3) *Al.* ex materia. (4) *P. Nicolai* habet transitoriam.

EX EDITIONE P. NICOLAI.

a Ut supra. b Idem Geometæ in Catena Græcorum PP. ubi supra. c Hom. xlix. in Gen. d GREGORIUS Nilfenus orat. in diem natalem Christi, ubi supra. e Eius nomine prætermisso, prius ista confundebantur ac si uniformiter ex Chrysostomo essent, & pro ultima tantum appendice Gregorius Nilfenus notabatur. f In diem natalem Christi, ut supra, quo ad priorem tantum appendicem; sed alia posterior appendix non occurrat.

Non adæquabitur ei copazion: "cap. xxvii. in nov. exem.) Ad distinctionem autem nostræ sanctitatis, Iesus singulariter sanctus nasciturus asseritur: nos quippe etiam sancti efficiamur, non tamen nascimur, quia ipsa naturæ corruptibilis cognatione constringimur; ille autem solus veraciter sanctus (1) natus est qui ex coniunctione carnalis copulæ conceptus non est; qui non, sicut hæreticus desipit, alter in humanitate, alter in deitate est; (2) ut purus homo conceptus, atque editus, & post per meritum ut Deus esset acceptus: sed nuntiante Angelo, & adveniente Spiritu, mox Verbum in utero, mox intra uterum (3) Verbum caro: unde sequitur: *Vocabitur Filius Dei.* (4) a THEOPHYLACTUS. Vide quomodo sanctam Trinitatem declaravit, non solum Spiritum sanctum commemorans, sed & virtutem, idest Filium, & Altissimum, scilicet Patrem.

(1) CHRYSOSTOMUS b. Quoniam præcedens dictum superabat Virginis mentem, ad humiliora declinavit sermonem, per sensibilia ipsi suadens: unde dicit: *Et ecce Elisabeth cognata tua.* Animadvertit Gabrielis industriam: non memoravit eam Saræ, vel Rebecca, vel Rachelis, quia antiquiora erant exempla; sed imminens factum inducit, ut eius mentem corroboret, & ob hoc & ætatem commemoravit, cum dicit: *Et ipsa concepit filium in senectute sua: & descitum naturæ,* sequitur enim: *Et hic mensis est sextus illi qua vocatur sterilis.* Non enim a principio conceptus Elisabeth statim annuntiavit, sed actio sex mensium spatio, ut tumor ventris peribeat argumentum. GREGORIUS Nazianzenus c. Sed (5) quæret aliquis: Qualiter ad David Christum refertur? Siquidem Maria de sanguine manavit Aaron, cuius cognatam Angelus Elisabeth asseruit. Sed hoc nutu superno contigit, dum Spiritum sanctum commemorat, virtutem, & Altissimum: Trinitas enim indivisibilis est.

secretur. Legitur etiam in Exodo, quoniam Aaron primus secundum legem sacerdos duxit ex tribu Iudæ coniugem Elisabeth filiam Aminadab; & attende sacratissimam Spiritus administrationem, dum & hanc Zachariæ coniugem statuit Elisabeth vocari, reducens nos ad illam Elisabeth quam duxerat Aaron. BEDA (cap. xii. in Lucam super *Et ecce Elisabeth.*) Sic ergo, ne virgo se parere posse diffidat, accipit exemplum sterilis anus parituræ, ut discat omnia Deo possibile (6) esse, etiam quæ naturæ (7) ordinem videntur esse contraria: unde sequitur: *Quia non erit impossibile apud Deum omne verbum.* CHRYSOSTOMUS d. Ipse namque cum sit naturæ Dominus, cuncta potest cum velit, qui cuncta peragit, & disponit, vitæ, mortisque lora gubernans. AUGUSTINUS contra Faustum (Lib. XXVI. cap. v.) Quisquis autem dicit: Si omnipotens Deus est, faciat ut ea quæ facta sunt, facta non fuerint: non percipit sedicere, ut ea quæ vera sunt, eo ipso quod vera sunt, falsa sint. Potest enim facere quod aliquid non sit quod erat; velut cum aliquem qui cepit esse nascendo, faciat non esse moriendo. Quis autem dicat ut id quod iam non est, faciat non esse? Quicquid enim præteritum est, iam non est; si de ipso fieri aliquid potest, adhuc est de quo fiat. Et si est, quomodo præteritum est? Non ergo est quod vere diximus fuisse: sed ideo verum est illud fuisse, quia in nostra sententia verum est, non in ea re quæ iam non est: hanc autem sententiam Deus falsam facere non potest. Omnipotentem autem Deum non ita dicimus ac si eum etiam mori posse credamus. Ille plane omnipotens vere solus dicitur qui vere est, (8) & a quo solo est quicquid aliquo modo est. AMEROSIUS (Lib. II. in Luc. tit. de assensu Mariæ, & conceptione.) Vide autem humilitatem Virginis, vide devotionem: sequitur enim: *Dixit autem Maria: Ecce ancilla Domini.* Ancillam se dicit quæ mater eligatur,

C 2

(1) *M. asseritur natus.* (2) *P. Nicolai legit non purus.* (3) *M. desit Verbum.* (4) *In quatuor variis exemplis sic legitur.* GRAECUS. Tu autem attende qualiter Virgini Angelus totam Trinitatem edidit, dum Spiritum sanctum commemorat, virtutem, & Altissimum: Trinitas enim indivisibilis est. (5) *M. quærit.* (6) *M. desideratur esse.* (7) *M. ordine.* (8) *M. etiam a quo.*

EX EDITIONE P. NICOLAI.

a GRAECUS cum illis quæ sequuntur in superioribus notis, sive Victor Antiochenus, præter quem tale aliquid habet Titus Boërsius ubi supra Tom. II. Biblioth. Græcorum FF. quin & Theophylactus, quem edidit Auserpius nosse. b Hom. xlix. in Genesim. c In Catena Græcorum FF. ex carminibus eius. Colligitur ex xxxviii. quod inscribitur de *Genealogia Christi*; sed ex Tito Boërsii præterea, & ex Theophylacto idem colligi potest. d In Catena Græcorum FF. ut supra.

tur, (1) nec repente exaltata promissio est. Mitem enim humilemque paritura, humilitatem debuit etiam ipsa praeferre: simul etiam ancillam se dicendo, nullam sibi praerogativam tantae gratiae vendicavit, quin faceret quod iuberetur: unde sequitur: *Fiat mihi secundum verbum tuum*. Habes obsequium, vide votum. *Eccae ancilla Domini*, apparatus officii est: *fiat mihi secundum verbum tuum*, conceptus est voti. EUSEBIUS *a*. Alius aliud quiddam in praesenti sermone Virginis extollet apicibus; hic quidem constanter, hic obedientiae promptitudinem; alius quod non allecta est tam splendidis, & arduis per magnum Archangelum promissis pollicitis; alius quod non excessit modum in dando infantiam, sed aequaliter cavet & Evae virginitatem, & Zachariae inobedientiam: mihi autem humilitatis profunditas non minus conspicitur admiranda. GREGORIUS XVIII. Moral. (super illud Iob. "Non adaequabitur ei rationem") cap. XXVII. in nov. exem. Per ineffabile namque sacramentum (2) concepto sancto partu inviolabili secundum veritatem utriusque naturae, eadem Virgo ancilla Domini fuit, & mater. BEDA. Accepto autem Virginis consensu, mox Angelus caelestis repetit: unde sequitur: *Et discessit ab illa Angelus*. EUSEBIUS *b*. Non solum impetrans quod optabat, sed stupens in virginea forma, & virtutis plenitudine.

(3) AMBROSIIUS (Lib. II. in Luc. tit. de habitu Mariae in montana.) Angelus cum abscondita nuntiaret, ut fides astrueretur exemplo, feminae sterilis conceptum Virgini nuntiavit. Ubi hoc audivit Maria, non quasi incredula de oraculo, nec quasi incerta de nuntio, nec quasi dubitans de exemplo; sed quasi laeta pro voto, religiosa pro officio, festiva praegaudio in montana perrexit: unde dicitur: *Exurgens autem Maria in diebus illis abiit in montana*. Quo enim iam Deo plena nisi ad superiora cum festinatione confunderetur? ORIGENES (hom. VII. in Luc.) Iesus enim, qui in utero illius erat, festinabat adhuc in ventre matris Ioannem positum sanctificare: unde sequi-

tur, *Cum festinatione*. AMBROSIIUS (ubi supra.) Nescit tarda molimina Spiritus sancti gratia. Discite virginēs (3) non circumcuriare per alienas aedes, non demorari in plateis, non aliquos in publico miscere sermones. THEOPHYLACTUS (super illud, *Abiit in montana*.) Propter hoc abiit in montana, quia Zacharias in montanis habitabat: unde sequitur: *In civitatem Iuda, & intraivit in domum Zachariae*. AMBROSIIUS (eodem tit.) Discite vos sanctae mulieres sedulitatem quam praegnantibus debeatis exhibere cognatis. Mariam autem, quae sola in intempestis penetralibus versabatur, non apud virginitatis pudor, non a studio asperitas montium, non ab officio prolixitas itineris retardavit. Discite etiam virginēs humilitatem Mariae: venit propinqua ad proximam, iunior ad seniores; nec solum venit, sed & prior salutavit: unde sequitur: *Et salutavit Elisabeth*. Decet enim ut quanto castior virgo, tanto humilior sit, novitque deferre senioribus. Sit magistra humilitatis in qua est professio castitatis. Est etiam causa pietatis: quia superior venit ad inferiorem, ut interior adjuvetur, Maria ad Elisabeth, Christus ad Ioannem. CHRYSOSTOMUS super Matth. (hom. IV.) Vel aliter celabrae quae supra dicta sunt in se Virgo, nec cuiquam hominum pandit: non enim credebatur ab aliis posse fidem adhiberi mirandis rebus immo magis putabat se pati convicia, si diceret, quali volens scelus proprium palliare. GRAECUS *c*. Ad solam autem refugit Elisabeth: licenim consueverat propter cognitionem, & propter ceteram huiusmodi coniunctionem. AMBROSIIUS (ubi supra.) Cito autem (4) adventus Mariae, & praesentiae dominicae beneficia declarantur: nam sequitur: *Et factum est, ut audivit salutationem Maria Elisabeth, exultavit infans in utero eius*. Vide distinctionem, singulorumque verborum proprietates. Vocem prior Elisabeth audivit, sed Ioannes prior gratiam sensit; illa naturae ordine audivit, iste exultavit ratione mysterii; illa Mariae, iste Domini sensit adventum. GRAECUS *d*. Propheta enim parente acutius videt, & audit, salu-

(1) *M*, nec repentina exaltata promissione est. (2) *P. Nicolai* legit conceptu sancto, & partu inviolabili. (3) *In quatuor exemplis citatis desit non circumcuriare per alienas aedes*. (4) *M*, eventus.

EX EDITIONE P. NICOLAI.

a Vel Geometer in Catena Graecorum PP. ubi scilicet Eusebio immediate subiungitur; indeque factum ut pro altero notetur alter. *b* Vel Geometer ubi supra. *c* Nativum Geometer, ut supra. *d* Vel Geometer ubi supra.

lutatque prophetatum; sed quoniam verbis non poterat, saltat in utero; quod maximum exiit in gaudio. Quis umquam novit tripudium natiuitate antiquius? Insinuavit gratia quæ naturæ ignota extiterant; reclusus ventre miles agnovit Dominum, ac Regem oriturum, ventris tegmine non obstante mystice visioni: inspicit enim non palpebris, sed spiritu. ORIGENES *a* (homil. vii. in Lucam ante med.) Non autem antea repletus fuerat Spiritu donec assisteret quæ Christum gerebat in utero; tunc autem & Spiritu erat plenus, & resultabat in parente: unde sequitur: *Et repleta est Spiritu sancto Elisabeth*. Non autem dubium est quin quæ tunc repleta est Spiritu sancto, propter filium sit repleta. AMBROSIVS. Illa autem quæ se occultaverat, & conceperat filium, iactare se cœpit, quia gerebat Prophetam, & quæ erubescere ante, benedicti: unde sequitur: *Et exclamavit voce magna, & dixit: Benedicta tu inter mulieres*. Magna voce clamavit, ubi Domini sensit adventum, quia reliquorum credidit partum. ORIGENES *b*. Dicit autem, *Benedicta tu inter mulieres*: nulla enim umquam tante fuit gratiæ participes, aut esse poterit: unius enim divini germinis parens est unica. BEDA (cap. iiii. in Lucam super *Benedicta tu*.) Eadem autem voce ab Elisabeth qua a Gabriele benedicitur, quatenus & Angelis, & hominibus veneranda monstratur. THEOPHYLACTUS (super *Et benedictus*.) Quia vero aliæ sanctæ mulieres fuerunt, quæ tamen genuerunt filios peccato inquinatos, subiungit: *Et benedictus fructus ventris tui*. Vel aliter intelligitur. Dixerat: *Benedicta tu inter mulieres*: deinde, quasi interrogante aliquo, quare, (1) subiungit: *Et benedictus fructus ventris tui*; sicut dicitur in Psalmocxvii., *Benedictus qui venit in nomine Domini, Deus Dominus, & illuxit nobis*. "Consequitur enim sacra Scriptura & pro quia recipere. ORIGENES (ubi supra.) Fructum autem ventris Dei genitricis Domi-

num dixit: quia nequaquam ex viro, sed ex sola Maria processit: nam qui semen sumptum a patribus, fructus eorum existunt. GRAECUS *c*. Solus ergo hic fructus benedictus: quia abique viro, & abique peccato productus. BEDA (super *Benedicta tu in mulieribus*.) Ille est fructus, qui David promittitur Psal. cxxxi., *De fructu ventris tui ponam super sedem tuam*. (2) d SEVERUS. In qua parte emergit Eutychie redargutio, dum fructus ventris Christi asseritur. Omnis enim fructus est eiusdem naturæ cum planta: unde & Virginem relinquunt eiusdem fuisse naturæ cum secundo Adam, qui tollit peccata mundi. Sed & qui phantasticam opinionem de carne Christi confingunt, in vero Dei genitricis partu erubescant: nam ipse fructus ex ipsa substantia procedit arboris. Ubi sunt etiam dicentes, quasi per aequiductum Christum transiit per Virginem? Advertant ex dictis Elisabeth, quam replevit Spiritus, Christum fructum fuisse ventris.

Sequitur: *Unde hoc mihi ut veniat mater Domini mei ad me?* AMBROSIVS (Lib. II. in Lucam de benedictione Mariæ ab Elisabeth.) Non quasi ignorans dicit: scit enim esse sancti Spiritus gratiam, & operationem, ut mater Domini matrem Prophetæ ad profectum sui pignoris saluter; sed quasi non humani hoc meriti, sed divini gratiæ munus esse cognoscat, ita dicit, *Unde hoc mihi*; hoc est, qua iustitia, quibus factis, pro quibus meritis? ORIGENES *e*. Convenit autem hoc dicens cum filio: nam & Ioannes indignum se sentiebat adventu Christi ad ipsum. Matrem autem Domini nuncupat adhuc virginem existentem, præoccupans eventum ex dicto prophetico. Divina autem promissio duxerat Mariam ad Elisabeth, ut Ioannis testimonium ab utero perveniret ad Dominum: ex tunc enim Ioannes Dominus in Prophetam constituit: unde sequitur: *Eccenim, ut facta est vox salutationis tuæ in auribus meis, exultavit infans in utero meo*. AUCU-

(1) P. Nicolai habet subiungit causam. (2) M. EUSEBIUS.

EX EDITIONE P. NICOLAI.

a In Catena Græcorum PP. Colligitur ex hom. vii. æquivalenter, non expresse, sed expressus Titus Boetius. *b* Ut supra, in Catena Græcorum PP. Quod etiam ex Origene subiungitur, est ex eodem Tito, nec iterum ex Origene inter Opera quæ nunc exant colligi potest, ut nec alia quæ sequitur appendix, ubi de fructu ventris. *c* Vel Geometre ubi supra. *d* EUSEBIUS. Pro Eusebio, quem Glossa quoque citat, Seretum notat editio Antverpiensis, & sic etiam in Catena Græcorum PP. indicatur, non Severus Alexandrinus, qui potius Eutychieanus fuit, ut apud Polleminum in Apparatu videre est, sed ut ab initio Carena illa vocat, Aniochenus, cuius tamen abibi non invenio mentionem. *e* In Catena Græcorum PP. ubi supra.



CUSTINUS ad Dardanum (epi. lvi. paul. a med.) Hoc autem ut diceret, sicut Evangelista prælocutus est, repleta est Spiritu sancto, quo proculdubio revelante cognovit quid illa exultatio (1) significasset; idest, infantis illius venisse matrem, cuius ipse præcursor, & demonstrator esset futurus. Potuit ergo esse illa significatio reitantiæ a maioribus cognoscendæ, non a parvulo cognitiæ: non enim dixit, Exultavit in fide inians in utero meo, sed *Exultavit in gaudio*. Videmus autem exultationem non solum parvulorum, sed etiam pecorum: non utique de aliqua fide, vel religione, vel quacumque rationabili cognitione venientem. Sed hæc inusitata, & nova extitit, quia in utero, & eius adventu quæ omnium Salvatorem fuerat paritura. Idco hæc exultatio, & tamquam matri Domini reddita refultatatio, sicut solent miracula fieri, facta est divinitus in infante, non humanitus ab infante; quamquam etiam si uique adeo in illo puero est acceleratus usus rationis, & voluntatis ut intra viscera materna iam posset agnoscere, credere, & consentire, etiam hoc in miraculis habendum divinæ potentiae, non ad humanæ trahendum exemplar naturæ. ORIGENES a. Venerat autem mater Domini visura Elisabeth miraculosum conceptum b quem retulerat Angelus, ut per hoc sequatur credulitas potioris ad Virginem manaturi: & ad hanc fidem facit sermo Elisabeth dicentis: *Et beata qua credidisti, quoniam perficitur ea qua dicta sunt tibi a Domino*. AMBROSIVS (ubi sup. eod. titulo.) Vides minime dubitasse Mariam; sed credidisse; & ideo fructum fidei consecutum. BEDA (super *Beata qua credidisti*.) Nec mirum, si Dominus redempturus mundum, operationem suam inchoavit a matre, ut per quam salus omnibus parabatur, eadem prima fructum salutis hauriret ex pignore. AMBROSIVS (eod. titulo.) Sed & vos beati qui audivistis, & credidistis: quæcumque enim crediderit anima, & concipit, & generat Dei verbum, & opera eius agnoscit. BEDA (super *Exurgens Maria alit.*) Omnis autem anima quæ verbum Dei mente concepit, virtutum statim celsa ca-

mina gressu confendit amoris, quatenus civitatem Iuda, idest confessionis, & laudis arcem, penetrare, & usque ad perfectionem fidei, spei, & caritatis, qualiterque in ea mensibus valeat commorari. GREGORIUS super Ezech. (hom. 1. parum ante med.) Simul & de præterito, & de præsentis, & de futuro per prophetiæ Spiritum tacta est, quæ & eam promissionibus Angeli credidisse cognovit, & matrem nominans, quia Redemptorem humani generis in utero portaret, intellexit; (2) & cum omnia perficienda prædiceret, quid etiam de futuro sequeretur aspexit.

(n) AMBROSIVS (in titulo de bened. Mar. ab Elis.) Sicut peccatum a mulieribus coepit, ita & bona a mulieribus inchoantur: unde non otiosum videtur quod & ante Ioannem Elisabeth prophetizat, & Maria ante Domini generationem. Sequitur autem ut Mariæ quo persona melior, eo prophetia sit plenior. BASILIUS c. Virgo enim intentione sublimi, ac speculatione profunda immensitatem contemplans mysterii, quasi profundius gradiens, magnificat Deum: unde dicitur: *Et ait Maria: Magnificat anima mea Dominum*. GRAECUS d. Quasidiceret: Mirabilia quæ Deus prænuntiavit, in meo corpore exercebit; sed anima mea infructuosa apud Deum non erit. Convenit autem mihi & voluntatis fructum asferre: nam quantum amplo doceor miraculo, tantum teneor glorificare in me mirabilia operantem. ORIGENES (homil. viii. in Luc.) Si autem Dominus nec augmentum, nec detrimentum recipere potest: quid est quod Maria loquitur: *Magnificat anima mea Dominum*? Sed si considerem Dominum Salvatorem imaginem esse invisibilis Dei, & animam factam ad eius imaginem, ut sit imago imaginis; tunc videbo quoniam, in exemplo eorum qui solent imagines pingere, quando magnificaverint animam meam opere, cogitatione, sermone, tunc imago Dei grandis efficitur, & ipse Dominus, cuius imago est in anima mea, magnificatur.

(o) BASILIUS e. Primus Spiritus fructus est pax, & gaudium. Quia ergo Virgo sancta totam sibi hauerat Spiritus gratiam

(1) *M.* significasset infantis enim illius &c. (2) *M.* etiam.

EX EDITIONE P. NICOLAI.

a Ut supra. b Inter Otioris Opera quæ nunc exant publice, non occurrit hic locus, cui aliquid simile Theophrastus habet, alii tamen velius. c In Cætera Græcorum, ex illis expost. in Palm. d Nempe Athanasius in Carena Græcorum PP. e In Palm. xxxiii.

tiam, merito subiungit: *Et exultavit spiritus meus in Desolatori meo.* Idem animam dicit & spiritum. Confecta autem in Scripturis exultationis prolatio insinuat alacrem quemdam, & iocolum habitum animæ in his qui digni sunt. Proinde Virgo exultat in Domino ineffabili cordis tripudio, & consolatione in strepitu honesti affectus.

Sequitur: *In Deo salutari meo.* BEDA (super *Exultavit spiritus meus in Deo.*)

Quia eiusdem Iesu, idest Salvatoris, spiritus Virginis æterna divinitate lætatur, cuius caro temporali conceptione fetatur.

AMBROSIVS (super *Magnificat anima mea Dominum.*) Magnificat ergo anima Mariæ Dominum & exultat spiritus eius in Deo: eo quod anima & spiritu Patri, Filioque devota, unum Deum, per quem omnia, pio veneratur affectu. Sit autem in singulis Mariæ anima, ut magnificet Dominum, sit in singulis spiritus Mariæ, ut exultet in Domino. Si secundum carnem una mater est Christi, secundum fidem tamen omnium fructus est Christus: omnis enim anima accipit Dei verbum; si tamen immaculata, (1) & immanis a vitis sit, & intemerato castimoniam pudore custodiat. THEOPHYLACTUS. Ille autem Deum magnificat qui digne sequitur Christum, & dum Christianus vocatur, Christi non minuit dignitatem, magna, & cælestia operando; & tunc spiritus eius, idest spirituale christa, exultat, idest proficiet, & non mortificabitur. BASILIUS a. Si quando vero lux in cor suum irreperit, & ad Deum diligendum, & contemnenda corporea per illam obscurat, & brevem imaginem perfectam percepit iustorum conscientiam, absque ulla difficultate consequetur in Domino gaudium. ORIGENES (hom. viii. in Luc. cir. med.) Prius autem anima magnificat Dominum, ut postea exultet in Deo: nisi enim antea crediderimus, exultare non possumus.

(p) GRAECUS Expositor b. Causam manifestat cur se magnificare Deum deceat, ac exultare in illo, dicens: *Quia respexit humilitatem ancilla sua*; quasi diceret: Ipse providit, non ego expectavi: humilibus erani contenta. Nunc autem ad ineffabile consilium eligor, & exaltor de terra ad sidera. AUGUSTINUS in ser. (ii.) de Assumpt. c. O vera humilitas, quæ Deum hominibus peperit, vitam mortalibus edidit, cælos innovavit, mundum purificavit, paradisiim aperuit, & hominum animas liberavit. Facta est Mariæ humilitas scala cælestis, per quam Deus descendit ad terras. Quid enim est dicere, *Respexit*, nisi approbavit? Multi enim videntur in conspectu hominum humiles esse, sed eorum humilitas a Domino non respicitur. Si enim veraciter humiles essent, (2) Deumque ab hominibus non se laudari vellet; non in hoc mundo, sed in Deo spiritus eorum exultaret. ORIGENES (hom. viii.) Sed quid humile, atque deiectum (3) habebat quæ Dei Filium gestabat in utero? Sed considera quoniam humilitas in Scripturis una de virtutibus prædicatur, quæ (4) a Philosophis *αὐτοψία* atyphia, sive *μωροσύνη*; metrioris dicitur. Sed & nos eam possumus appellare quodam circuitu, cum aliquis non est inflatus, sed ipse se deiecit. BEDA (super *Quia respexit humilitatem.*) Cuius autem humilitas respicitur, recte beata ab omnibus cognominatur: unde sequitur: *Ece enim ex hoc beatam me dicent omnes generationes.* ATHANASIUS d. Si enim, secundum Prophetam, beati sunt qui habent semen in Sion, & proximos in Hierusalem; quantum debet esse præconium divinæ ac sacrosanctæ Virginis Mariæ, quæ secundum carnem Verbi genitrix est effecta? GRAECUS e. Non autem se beatam appellat inaniter vexata gloria: unde enim (5) focus in ipsa superbiæ, quæ se ancillam Domini nuncupavit? Sed sacro tacta Spiritu quæ futura sunt præcivit. BEDA (ubi supra.) Decebat enim ut sicut per superbiæ primi parentis mors in mundum intravit, ita per humilitatem Mariæ vitæ introitus videretur. THEOPHYLACTUS (super *Beatam me dicent omnes.*) Et ideo dicit, *Omnes generationes*.

(p) GRAECUS Expositor b. Causam manifestat cur se magnificare Deum deceat, ac exultare in illo, dicens: *Quia respexit hu-*

ilitatem ancilla sua; quasi diceret: Ipse providit, non ego expectavi: humilibus erani contenta. Nunc autem ad ineffabile consilium eligor, & exaltor de terra ad sidera. AUGUSTINUS in ser. (ii.) de Assumpt. c. O vera humilitas, quæ Deum hominibus peperit, vitam mortalibus edidit, cælos innovavit, mundum purificavit, paradisiim aperuit, & hominum animas liberavit. Facta est Mariæ humilitas scala cælestis, per quam Deus descendit ad terras. Quid enim est dicere, *Respexit*, nisi approbavit? Multi enim videntur in conspectu hominum humiles esse, sed eorum humilitas a Domino non respicitur. Si enim veraciter humiles essent, (2) Deumque ab hominibus non se laudari vellet; non in hoc mundo, sed in Deo spiritus eorum exultaret. ORIGENES (hom. viii.) Sed quid humile, atque deiectum (3) habebat quæ Dei Filium gestabat in utero? Sed considera quoniam humilitas in Scripturis una de virtutibus prædicatur, quæ (4) a Philosophis *αὐτοψία* atyphia, sive *μωροσύνη*; metrioris dicitur. Sed & nos eam possumus appellare quodam circuitu, cum aliquis non est inflatus, sed ipse se deiecit. BEDA (super *Quia respexit humilitatem.*) Cuius autem humilitas respicitur, recte beata ab omnibus cognominatur: unde sequitur: *Ece enim ex hoc beatam me dicent omnes generationes.* ATHANASIUS d. Si enim, secundum Prophetam, beati sunt qui habent semen in Sion, & proximos in Hierusalem; quantum debet esse præconium divinæ ac sacrosanctæ Virginis Mariæ, quæ secundum carnem Verbi genitrix est effecta? GRAECUS e. Non autem se beatam appellat inaniter vexata gloria: unde enim (5) focus in ipsa superbiæ, quæ se ancillam Domini nuncupavit? Sed sacro tacta Spiritu quæ futura sunt præcivit. BEDA (ubi supra.) Decebat enim ut sicut per superbiæ primi parentis mors in mundum intravit, ita per humilitatem Mariæ vitæ introitus videretur. THEOPHYLACTUS (super *Beatam me dicent omnes.*) Et ideo dicit, *Omnes generationes*.

(1) *Al.* & immanis a vitis intereata castimoniam pudoris custodiat. (2) *Al.* deinde. (3) *Al.* deest habebat. (4) *Al.* a Philosophis modestia dicitur. (5) *Al.* focus. *Apud P. Nicolai locus.*

EX EDITIONE P. NICOLAI.

a Ut supra. b Vel Iſidorus in Catena Græcorum PP. c Scilicet ab his verbis incipiente, *Adest nobis*, prout editio Basilensis habet; sed quam ab Augustino longe abest, cum præter ipsam *αὐτοψίαν* invenerat, non Ambrosium solum, sed Iſidorum citet. Fulberti esse censura insinuat ibidem, sed nec inter Sermones ex Fulbertio relatos Tom. IX. Bibliothecæ Patrum refertur, ut nec inter sermones Idelphontii, qui de *Assumptione* novem scripsi sunt, & quorum unus, nempe tertius, a similibus verbis incipit. d In Catena Græcorum PP. e Vel Metaphraſtes in Catena Græcorum PP.

rationes, non solum Elifabeth, sed etiam omnes credentium nationes.

(q) THEOPHYLACTUS (super his verbis.) Offendit Virgo non per suam virtutem se beatam prædicandam; sed causam assignat, dicens: *Quia fecit mihi magna qui potens est.* a Quæ tibi magna fecit? Credo ut creatura ederes creatorem, famula Dominum generares; ut pertè mundum Deus redimeret, per te illuminaret, per te ad vitam revocaret. TITUS b. Quomodo vero magna, nisi quod manens illibata concipio, superans nutu Dei naturam? Digna reputata sum (i) sine viro, non quomodo-cumque genitrix effici, sed nigeniti Salvatoris. BEDA (super *Quia fecit mihi magna.*) Respicit autem hoc ad initium carminis, ubi dictum est: *Magnificat anima mea Dominum*: sola enim anima illa cui Dominus magna facere dignatur, dignis eum præconiis magnificare potest. TITUS c. Dicit autem, *Qui potens est*, ut si quis diffidat in conceptionis negotio, dum virgo manens concepit, retorqueat miraculum ad potentiam operantis. Nec quia Unigenitus accessit ad seminam, ex hoc inquinatur: quia sanctum est nomen eius. BASILIUS d. Sanctum vero dicitur nomen Dei, non quia in syllabis quamdam significativam virtutem contineat, sed quia quomodolibet Dei speculatio sancta dignoscitur, & sincera. BEDA (ubi supra.) Singularis enim potentie culmine transcendit omnem creaturam, & ab universis quæ fecit lege segregatur; quod Græca locutione melius intelligitur: in quo ipsum verbum quod dicit *agion*, quasi extra terram esse significat.

(r) BEDA (super *Et misericordia eius.*) A specialibus se donis ad generalia Dei iudicia convertens, totius humani generis statum describit, subdicens: *Et misericordia eius a progenie in progenies timentibus eum*; quasi dicat: Non solum mihi fecit magna qui potens est, sed & in omni gente qui timet Deum acceptus est illi. ORIGENES (hom. viii. in Lucam par. a fin.) Misericordia enim Dei, non in hæc generatione, sed in sempiternum extenditur a generatione in

generationem. GRAECUS e. Et misericordia eius, quam habet in generationes generationum, ego concipio, ac ipse corpori animato coniungitur, nostram tradens salutem solius inuitu pietatis. Misericordiam autem non qualitercumque, sed his quos timor eius compescuit in qualibet natione: unde dicitur, *Timentibus eum*, qui scilicet pœnitentia ducti, ad fidem, & pœnitentiam convertuntur: nam qui obstinati sunt, incredulitatis vitio clauferunt sibi ianuam pietatis. THEOPHYLACTUS (super *Timentibus eum.*) Vel per hoc innuit, quod timentes misericordiam consequentur in generatione illa, idest in præfenti sæculo, & futura, idest in sæculo futuro; in hoc sæculo centuplum accipientes, in illo vero multo maiora.

(f) BEDA (super *Dispersit superbos.*) Humani generis statum describens, quid superbi, & quid humiles mereantur, offendit dicens: *Fecit potentiam in brachio suo*, idest in ipso Dei Filio: sicut enim tuum brachium est quo operaris, sic brachium Dei dictum est eius Verbum, per quod operatus est mundum. ORIGENES (homil. viii. in Lucam cir. fin.) Timentibus autem se fecit potentiam in brachio suo: quia licet infirmus ad Deum accesseris, si timeris eum, promissam virtutem consequeris. THEOPHYLACTUS. In brachio suo, scilicet eius Filio incarnato, *potentiam fecit*: quia natura devicta est, virgine pariente, & Deo humanato. GRAECUS f. Vel dicit, *Fecit pro faciet potentiam*, non ut dudum per Moysen contra Aegyptios, nec per Angelum, puta quando multa millia rebellium prostravit Assyriorum, nec quoquam alio mediante, nisi in proprio brachio triumphum docuit, intelligibiles hostes superando: unde sequitur: *Dispersit superbos mente cordis sui*, scilicet quamlibet mentem elatam, non parentem eius adventui; quin etiam aperuit, & vitiosas offendit superbas cogitationes eorum. CYRILLUS g. Magis autem proprie de dæmonum hostili caterva intellegendum sunt hæc: hos enim sævientes in terra dissipavit adveniens Dominus, & compedi-

tos

(i) *Al. emittitur sine.*

EX EDITIONE P. NICOLAI.

a AUGUSTINUS serm. de Assumpt. illo nimirum de quo supra: sed eius prætermisso indice prius ista constabantur cum appendice præcedenti quasi Theophylacti etiam essent. b Bostrensis, ut iam supra. c Ut supra. d In Psalm. xxxiii. verius finem. e Nempe Victor Presbyter in Catena Græcorum PP. ut supra. f Photius. g Tale aliquid in Catena Græcorum PP. sub nomine Cyilli Hierosolymitani, aliis tamen verbis.

tos ab eis obedientiae suae restituit. THEOPHYLACTUS (super *Dispersi superbes*.) Potest hoc etiam & de Iudaeis intelligi, quos in omnem dispersit regionem, sicut nunc dispersi sunt.

(t) BEDA (hoc loco.) Quod dixit, *Fecit potentiam in brachio suo*, & quod praemisit, *Et misericordia eius a progenie in progenie*, his versiculis per singula (1) continuata est annexendum: quia scilicet per omnes saeculi generationes & perire superbi, & humiles exaltari, pia, iustaque divinae potentiae dispensatione non cessant: unde dicitur: *Deposuit potentes de sede, & exaltavit humiles*. CYRILLUS a. Magna sapiebant daemones, & diabolus, Gentilium sapientes, pharisaei, & scribae; hos tamen deposuit, erexitque humiliter se sub potenti manu Dei, dans illis virtutem calcandi serpentes, & icipiones, omnemque potestatem inimici. Erant & quandoque Iudaei potestate superbi; sed prostravit hos incredulitas, ex Gentibus autem ignobiles, & humiles per fidem ad apicem conscenderunt. GRAECUS b. Deitatis enim tribunal noster intellectus esse cognoscitur; sed iniquae virtutes post transgressionem incubuerunt praecordiis protoplasti, tamquam in proprio solio. Ob hoc ergo venit Dominus, & spiritus iniquos eiecit a sedibus voluntatum, & prostratos a daemoniis exaltavit, eorum conscientias purgans, & eorum mentem statuens propriam sedem.

(u) GLOSSA c. Quia humana prosperitas praecipue in honoribus potentatum, & in abundantia divitiarum consistere videtur, post deiectionem potentium, & exaltationem humilium, de divitum (2) exinanitione, & pauperum repletionem mentionem facit dicens: *Esurientes implevit bonis, & divites dimisit inanes*. BASILIUS super Psal. d. Disponit quidem nos praeter verbum etiam quo ad sensibilia, edocens rerum mundanarum incertitudinem. Caduca siquidem sunt haec, sicut unda quae ab impetu ventorum hinc inde difunditur. Intellectualiter autem sumendo esuriebat genus humanum, exceptis Iudaeis; hos namque ditaverat legis tra-

Si Thom. Oper. Tom. V.

ditio, & sanctorum dogmata Prophetarum. Quia vero non humiliter haerent Verbo humanato, dimissi sunt inanes, nihil deferentes, non fidem, non scientiam; & spe bonorum privati sunt, & a terrena Hierusalem, & a vita futura exclusi. Quos vero de Gentibus fames, & sitis contriverat, cum haerissent Domino, repleti sunt spiritualibus bonis. GLOSSA e (ordinaria ex Beda.) Qui etiam aeterna totostudio quasi esurientes desiderant, saturabuntur, cum Christus apparuerit in gloria; sed qui terrenis gaudent, in fine totius beatitudinis inanes dimittentur.

(x) GLOSSA (ordinaria.) Post generalem divinae pietatis, & iustitiae commemorationem, ad singularem novae incarnationis dispensationem convertit verba, dicens: *Suscipis Israel puerum suum*: quasi medicus aegrum, visibilis inter homines factus, ut faceret Israel, id est videntem Deum, puerum suum. BEDA (super *Suscipis Israel*.) Obedientem scilicet, & humilem: nam qui contemnit humiliari, non potest salvari. BASILIUS f. Israel enim dicit non materialem, quem sola nobilitabat appellatio, sed spiritualement, qui nomen fidei retinebat, habens oculos tendentes ad Deum videndum per fidem. Potest etiam ad Israel carnalem hoc adaptari, cum ex eo infiniti crederent. Hoc autem fecit recordatus misericordiae suae: hoc enim implevit quod Abraham promissit dicens Gen. xxii. „Quoniam benedicentur in semine tuo omnes cognationes terrae. „ Huius ergo promissionis, Dei genitrix recordata dicebat: *Sicut locutus est ad patres nostros, Abraham, & semini eius in saecula*. Nam & Abraham dictum est Gen. xvii. „ Statuam pactum meum inter me & te, & inter semen tuum post te in generationibus tuis sedere semper, piterno, ut sim Deus tuus, & seminis tui post te. BEDA (cap. iii par. a fin.) Semen autem dicit non tam carne progenitos, quam fidei eius vestigia secutos, quibus adventus Salvatoris in saecula promissus est. GLOSSA (ordinaria.) Quia ipsa promissio hereditas nullo fine claudetur, & usque in finem saeculi credentes

D non

(1) P. Nicolai eversione coim. ta. (2) M. exinanitione.

EX EDITIONE P. NICOLAI.

a Nempe Alexandrinus in Catena Graecorum PP. ubi supra. b Vel Macharius in Catena Graecorum PP. Sic ibi tantum sunt adiunctio indicatur, sed Macharius Aegyptius est, ex cuius hom. 7. id colligitur post Opera Gregorii Neocaesariensis, seu Thaumaturgi. c Nihil tale in Glossa quae nunc existat. d AE- quivalentes, sed non istis verbis super illud Psalm. xxxiii. *Divites egressum, & esurierunt*. e Collateralis nempe, quae Beda nomen praefert, quamvis ex Beda sumpta non sit, nec alibi occurrat. f Vel Cyrillus in Catena.

non deerunt, & beatitudinis gloria erit perennis.

(y) AMBROSIVS (tit. de mora Mariæ cum Elisabeth.) Tandiu mansit Maria, quamdiu Elisabeth pariendi tempus impleret: unde dicitur: *Mansit autem Maria cum illa quasi mensibus tribus*. THEOPHYLACTVS (super *Mansit autem Maria cum illa*.) In sexto enim mense conceptionis Præcursoris venit Angelus ad Mariam; quæ mansit cum Elisabeth mensibus tribus; & sic novem menses implentur. AMBROSIVS (ubi supra.) Non autem sola familiaritas est causa quod diu mansit, sed etiam tanti (1) vasis profectus: nam si primo ingressu tantus (2) profectus exstitit ut ad salutacionem Mariæ exultaret infans in utero, repleteret Spiritu sancto mater infantis; quantum putamus usu tanti temporis sanctæ Mariæ addidisse præsentiam? Bene ergo inducitur exhibuisse officium, & mysticum numerum custodisse. BEDA (cap. III. cir. fin.) Anima enim casta quæ spiritualis verbi desiderium concipit, necesse est ut alta cælestis (3) exercitus iuga subcat, & quasi trium mensium dies ibidem demorata, (4) quousque fidei, & spei, & caritatis luce radietur, perseverare non desistat. THEOPHYLACTVS (super *Implentum est tempus*.) Quando vero Elisabeth paritura erat, Virgo recessit: unde sequitur: *Et reversa est in domum suam*; scilicet propter multitudinem quæ ad partum congregari debebat: inconveniens autem erat in talibus virginem esse præsentem. GRÆCIVS a. Mos enim est virginibus cedere quotiens prægnans parit. Ut autem propriam applicuit domum, alio quidem nullatenus abiit; ibi vero manebat ulterius, donec adesse partus horam cognovit, ibique Ioseph dubitans ab Angelo edocetur.

(z) AMBROSIVS (ubi supra.) Si diligenter advertas plenitudinis verbum, nusquam invenies positum nisi in generatione iuliorum: unde & nunc dicitur: *Elisabeth autem impletum est tempus pariendi*: plenitudinem enim habet iusti vita, inanes autem sunt dies impiorum. CHRYSOSTOMVS b. Idcirco autem Deus Elisabeth partum retardavit, ut gaudium augetur, &

famosiorem faceret mulierem: unde sequitur: *Et audierunt vicini, & cognati eius quia magnificavit Dominus misericordiam suam cum illa, & congratulabantur ei*. Nam qui sterilitatem eius cognoverat, testes divinæ gratiæ sunt effecti. Nemo autem vivo infante cum silentio discedebat; sed Deum, qui illum ex insperato concesserat, collaudabat. AMBROSIVS (tit. de ortu præcursoris Domini.) Habet enim sanctorum editio lætitiæ plurimorum, quoniam commune est bonum: iustitia enim communis est virtus; & ideo in ortu infli futuræ vitæ insignis præmittitur, & gratia secuturæ virtutis, exultatione vicinorum præfigurante, signatur.

(22) CHRYSOSTOMVS. Circumcisionis norma primo tradita est Abraham in signum distinctionis, ut genus Patriarchæ impermixtum conservetur, & sic promissa bona consequi valeant; ubi autem pacti consummatur negotium, appositum signum de medio tollitur: sic igitur & per Christum circumcisione cessante baptismus succedit; sed antea Ioannem circumcidi decebat: unde dicitur: *Et factum est, in die octavo venerunt circumcidere puerum*. Dixerat enim Dominus Gen. XVII. " Infans octo dierum circumcidatur in vobis. " Hanc autem temporis mensuram a divina clementia constitutam autumo duplici de causa: primo quidem ut in tenerissima ætate levius patiatur dolorem sectionis carnis; secundo ut ex ipsis operibus moneamur quoniam hoc agebatur in signum: tener enim puer minime discernit quæ circa ipsum sunt. Post circumcisionem autem nomen imponebatur: unde sequitur: *Et vocabant eum nomine patris sui Zachariam*. Hoc autem idem fiebat, quia prius oportet fumere signaculum Domini, & postea nomen humanum; vel quia nullus, nisi prius abiciat carnalia, quod significat circumcisio, dignus est quod in libro vitæ nomen eius scribatur. AMBROSIVS (tit. de nomine Præcurf.) Mire autem sanctus Evangelista præmittendum putavit quod plurimi infantem patris nomine Zachariam appellandum putarunt; ut advertas, matri non nomen alicuius displacuisse de genere, sed id sancto infusum Spiritu,

(1) *Al.* aucti profectio. (2) *Al.* progressus. (3) *Nicola* corrigi exercitiis. (4) *Al.* omittitur quousque.

EX EDITIONE P. NICOLAI.

a Vel Metaphrastes in Catena Græcorum. b In Catena Græcorum PP. ubi supra: quod etiam sequens Chrysostomi indicio est applicandum.

ritu, quod ab Angelo ante Zachariæ fuerat prænuntiatum. Et quidem ille mutus intimare vocabulum filii (1) nequivit uxori, sed per prophetiam Eliabæth didicit quod non didicerat a marito: unde sequitur: *Et respondens mater eius dixit: Nequaquam, sed vocabitur Ioannes.* Nec mireris, si nomen mulier quod non audivit asseruit, quando Spiritus ei sanctus, qui Angelo mandaverat, revelavit: neque poterat Domini ignorare prænuntium, qui prophetaverat Christum. Et bene sequitur: *Et dixerunt ad illam: Quia nemo est in cognatione tua qui vocetur hoc nomen:* ut intelligas nomen non generis esse, sed vatis. Zacharias quoque nutu interrogatur: unde sequitur: *Innebant autem patri eius quem vellet vocari eum.* Sed quia incredulitas ei aslatum eripuerat, & auditum, quod voce non poterat, manu, & litteris est locutus: unde sequitur: *Et postulans pugillarem scripsit dicens: Ioannes est nomen eius;* hoc est, non ei nos nomen imponimus quia iam a Deo nomen accepit. ORIGENES a (hom. ix. in Luc.) Zacharias quidem interpretatur memor Dei; Ioannes autem significat demonstrantem: ceterum & absentis memoria, & præsentis demonstratio est. Debebat autem Ioannes non memoriam Dei ut absentis exprimere, immo digito demonstrare præsentem, dicens: „Ecce Agnus Dei.“ Ioan. i. CHRYSOSTOMUS b. Quin etiam hoc nomen Ioannes gratia Dei interpretatur. Quod ergo, gratia divina favente, non natura, Eliabæth hunc filium cepit, beneficii memoriam in nomine pueri conscripserunt. THEOPHYLACTUS (hoc loco.) Quia vero cum muliere circa hoc nomen pueri pater mutus concordavit, sequitur: *Et mirati sunt universi:* nemo enim huius nominis erat in cognatione eorum, ut aliquis diceret, quod antea hoc ambobus cogitassent. GREGORIUS Nazianzenus c. Editus ergo Ioannes Zachariæ solvit silentium: unde sequitur: *Apertum est autem illico ei os, & lingua eius.* Absurdum enim erat ut cum vox Verbi progressa fuisset, pater maneret elinguis. AMEROSIUS (pat. at sup.) Merito etiam continuo resoluta

est lingua eius: quia quam vinxerat incredulitas, solvit fides. Credamus igitur & nos, ut lingua nostra, quæ incredulitatis vinculis est ligata, rationis voce solvatur: scribamus spiritu mysteria, si volumus loqui: scribamus prænuntium Christi, non in tabulis lapideis, sed in tabulis cordis carnalibus: etenim qui Ioannem loquitur, Christum prophetizat: sequitur enim: *Et loquebatur benedicens Deum.* BEDA (cap. xv. in Lucam inter prin. & medium.) Allegorice autem Ioannis celebrata nativitas, gratia novi testamenti est inchoata; cui vicini, & cognati nomen patris quam Ioannis imponere mallebant: quia Iudæi, qui ei legis observatione quasi affinitate iuncti erant, magis iusticiam quæ ex lege est sectari, quam fidei gratiam suscipere cupiebant. Sed Ioannis, hoc est gratiæ Dei, vocabulum, mater verbis, pater litteris nuntiare satagunt: quia & lex ipsa, Psalmique, (2) & Prophetæ aperti sententiarum vocibus gratiam Christi prædicant, & sacerdotum illud vetus (3) figuratis cæremoniis, ac sacrificiorum umbris eidem testimonium perhibet. Pulchre quoque Zacharias octavo die proles editæ loquitur: quia per Domini resurrectionem, quæ octava die, hoc est post septimum sabbati, facta est, occulta legalis sacerdotiarum arcana patuerunt.

(bb) THEOPHYLACTUS (hoc loco.) Sicut in taciturnitate Zachariæ miratus est populus, ita & cum locutus est: unde dicitur: *Et factus est timor super omnes vicinos eorum, & super omnia montana Iudæa divulgabantur omnia verba hæc:* ut propter hæc duo, magnum aliquid circa natum puerum universi existiment. Hæc autem omnia dispensative fiebant, ut qui testis esse Christi debebat, existeret fide dignus: unde sequitur: *Et posuerunt omnes qui audierant in corde suo, dicentes: Quis putat: puer iste erit?* BEDA (cap. xv. post med.) Præcurrentia enim signa præbent iter præcursori veritatis, & futurus Propheta præmissis commendatur auspiciis: unde sequitur: *Etenim magis Domini erat cum illo.* d. GLOSSA. Prodigia enim Deus in illo peragebat, quæ non faciebat

D 2

Ioan-

(1) *M.* nequit (2) *M.* prophetiz, (3) *M.* figurans.

EX EDITIONE P. NICOLAI.

a In Catena Græcorum PP. ubi supra. Nihil tale in Origene, qui potius in illa verba Ioan. i. Fuit homo missus a Deo, cui nomen erat Ioannes, notat quidem quod Zacharias idem sit ac memoria, sed quod Ioannes gratia sit a Deo; nec ullibi occurrit hæc interpretatio, qua dicitur significare demonstrantem. b Ut supra. c Orat. xxi. d GRAECUS, sive Metaphrastes in Catena Græcorum PP. Perperam autem pater hæc velut Glossæ dabatur, quæ in ea non erant, & sequentia ut ex innominato Græco, quæ sunt ipsius Glossæ, ac ex Beda potius colliguntur, paulo tamen aliter quam hic.

Ioannes, sed dextera divina. * GRÆCUS. Mystice autem tempore divinæ resurrectionis, prædicata gratia Christi, salubris timor non solum Iudæorum, qui erant vicini vel situ loci, vel scientia legis, sed etiam exterarum gentium corda concussit; nec tantum montana Iudææ, sed omnia mundi regni, mundanæque sapientiæ culmina Christi fama transcendit.

(cc) AMBROSIVS (titulo de prophetatione Zachariæ, in princ.) Bonus Deus, & facilius indulgere peccatis, non solum ablata restituit, sed etiam imperata concedit. Nemo ergo diffidat, nemo veterum consilios delictorum præmia divina desperet. Novit Deus mutare sententiam, si tu noveris emendare delictum: ille siquidem dudum mutatus prophetizat; unde dicitur: *Et Zacharias pater eius repletus est Spiritu sancto*. CHRYSOSTOMUS b. Scilicet operatione sancti Spiritus; nec quocumque modo gratiam Spiritus sancti nactus, sed ad plenum, & fugebat in eo Prophetiæ donum: unde sequitur, *Et prophetavit*. ORIGENES (homil. x.) Plenus autem Spiritu sancto Zacharias duas prophetias generaliter nuntiat; primam de Christo, alteram de Ioanne: quod manifeste de verbis illius probatur, in quibus quasi de præsentis, & quasi iam versaretur in mundo, loquitur de Ioanne; & primo de Salvatore, dicens: *Benedictus Dominus Deus Israel, quia visitavit, & fecit redemptionem plebi suæ*. CHRYSOSTOMUS c. Dum Deum benediceret Zacharias, visitationem dicit esse factam ab eo erga populum suum; sive materiales Israelitas quæ vix accipere, venit enim ad oves quæ perierant domus Israel; sive spirituales, idest fideles, qui digni fuerunt hac visitatione, efficacem erga se divinam provisionem facientes. BEDA (super *Visitavit, & fecit redemptionem*.) Visitavit autem Dominus plebem (i) suam quasi longa infirmitate tabelcentem, & quasi venditam sub peccato, unici Filii sui sanguine redemit: quod quia Zacharias proxime faciendum cognoverat, prophetico more quasi iam factum narrat. Dicit autem plebem suam, non quia veniens suam invenit, sed quia visitando suam fecit.

(i) *idest* suam.

(dd) THEOPHYLACTUS (hoc loco.) Videbatur Deus dormire, peccata multa respiciens; sed in novissimis incarnatus temporibus excitatus est, & contrivit demones, qui nos oderant: unde dicitur: *Et erexit cornu salutis nobis in domo David pueri sui*. ORIGENES (hom. x. par. a. prin.) Quia de femine David secundum carnem natus est Christus: unde dicitur: *Cornu salutis nobis in domo David*: sicut & alibi dictum est (Esa. v.) „Vinea facta est incor-“, nu, „idest in Iesu Christo. CHRYSOSTOMUS d. Cornu autem nominat potestatem, gloriam, & famam, metaphoricæ brutis animalibus illud accipiens, quibus loco muniminis, & gloriæ cornua Deus dedit. BEDA (cap. iv. super *Erexit cornu*.) Cornu etiam salutis regnum Salvatoris Christi vocatur. Oïa siquidem omnia carne involuta sunt: cornu excedit carnem: & id eo cornu salutis regnum Christi vocatur, quo mundus, & carnis gaudia superantur; in cuius figuram David, & Salmone cornu olei sunt in regni gloriam consecrati.

(ee) THEOPHYLACTUS (hoc loco.) Quod de domo David Christus nasceretur, Michæas mentionem facit dicens cap. v. „Et tu Bethlehem terra Iuda, nequaquam“, minima es: ex te enim exiet Dux, qui „regat populum meum Israel.“ Sed & omnes Prophetæ de incarnatione dixerunt: & ideo dicitur: *Sicut locutus est per os sanctorum prophetarum*. GRÆCUS e. Per quod innuit, Deum per illos esse locutum, & non esse humanum quod dixerunt. BEDA (super *Sicut locutus est*.) Dicit autem, *Qui a saculo sunt*: quia tota veteris testamenti Scriptura prophetice de Christo processit: nam & ipse pater Adam, & ceteri patrum, factis suis eius dispensationi testimonium reddunt.

(ff) BEDA (ubi supra.) Cum primo breviter præmisisset, *Erexit cornu salutis nobis*, continuo explanans quid dixerit, subdit: *Salutem ex inimicis nostris*, quasi dicat: *Erexit nobis cornu*, idest erexit nobis salutem ex inimicis nostris, & de manu omnium qui oderant nos. ORIGENES (homil. x.) Non autem putemus nunc de corporalibus inimicis dici,

EX EDITIONE P. NICOLAI.

* GLOSSA. b In Catena Græcorum PP. c Sine ullo nomine in Catena Græcorum PP. Indicitur post quendam quæ nomine Cyrilli Hierosolymitani prænotantur, & antequam quæ sub nomine Chrysostomi orat. de Anna subiunguntur; sed nihil tale utrobique occurrit. d Orat. de Anna, vel in Antiam ex Catena Græcorum PP. e Idem Victor Presbyter in Catena Græcorum PP. ubi supra.

dici, sed de spiritualibus. Venit enim Dominus Iesus Christus in prælio destruere omnes inimicos nostros, ut nos de eorum insidiis, & tentationibus liberos faceret.

(gg.) B E D A (super *Salutem ex inimicis nostris*.) Dixerat, Dominum, iuxta eloquia Prophetarum, in domo David nasciturum: dicit, eundem, (1) ad explendum testamentum quod Abraham disposuit, nos esse liberaturum: quia his præcipue Patriarchis de suo semine, vel congregatio Gentium, vel Christi est incarnatio promissa. Præmittitur autem David: quia Abraham sanctus Ecclesiæ cæteris est promissus; David autem, quod ex eo Christus nasciturus esset, audivit. Et ideo post id quod dicitur esse de David, subdit de Abraham, dicens: *Ad faciendam misericordiam cum patribus nostris*. ORIGENES (hom. x. in Lucam.) Ego puto quod in adventu Domini Salvatoris, & Abraham, & Isaac, & Jacob (1) fructi sunt misericordia Dei. Non est enim credibile ut qui prius viderunt diem illius, & lætati sunt, postea in adventu ipsius nihil utilitatis acciperent, cum scriptum sit *Glos. x.* „Pacem faciens, per sanguinem crucis suæ sive super terram, sive in cælis.“ THEOPHYLACTUS (hoc loco.) Christi etiam gratia se usque ad illos extendit qui mortui extiterunt: quia per eum resurgemus non solum nos, sed & qui fuerunt ante mortui. Fecit & misericordiam cum patribus nostris, secundum quod eorum spem, & desiderium implevit: unde sequitur: *Et memorari testamenti sui sancti*, illius scilicet de quo dicitur Gen. xxii. „Benedicens benedicam tibi, & multiplicabo te.“ Multiplicatus est enim Abraham in omnibus gentibus per imitationem fidei eius adoptatis in filios; sed etiam patres videntes suos filios talia beneficia recepisse, congaudent, & recipiunt misericordiam in seipsis: unde sequitur: *Iniurandum quod iuravit ad Abraham patrem nostrum daturum se nobis*. BASILIUS A. Nemo autem audiens quod iurasset Dominus Abraham, ad iurandum sit promptus: sicut enim furor de Deo dictus non significat passionem, sed punitionem; sic neque Deus iurat ut homo, sed verbum eius loco

iuramenti nobis ad veritatem exprimitur, immutabili sententia quod promissum est ap. probans.

(hb.) CHRYSOSTOMUS b. Quia eorum nobis cornu salutis ex domo David dixerat, ostendit quod per ipsum & gloriam participamus, & dispensa inimici vitavimus: unde dicit: *Ut sine timore de manu inimicorum nostrorum liberati serviamus illi*. Duo prædicta non facile reperiet aliquis sese comitantia: plures enim evitant pericula, sed vita gloriola privantur; sicut sceleris patratōres, qui de carcere ex indulgentia regia absoluntur: e contra gaudent (3) alii gloria, sed ob hanc periclitari coguntur; sicut milites bellicosi vitam inclytam amplectentes, securitate multoties caruerunt. Sed hoc cornu & salvat, & glorificat: salvat quidem eripiens a manibus hostium, non leviter, sed munifice, ut non sit ultra timendum: & hec est quod dicit, *Ut sine timore*. ORIGENES (hom. x. in Lucam.) Velaliter. Crebro de hostium manu aliqui liberantur, sed non absque timore: cum enim metus, & discrimen ante præcesserint, & sic de inimicorum manu quis eruat, liberatus est quidem, sed non sine timore: ideo dixit, quod Christi adventus sine timore nos a manibus hostium eripi fecit. Non enim eorum insidias sentimus, sed repente ab eis nos segregans eduxit ad fortis propriæ mansionem.

(ii) CHRYSOSTOMUS c. Glorificat Zacharias Dominum, quia fecit nos sibi servire cum plena fiducia, non carnaliter, ut Iudæi in sanguine victimarum, sed spiritaliter in bonis operibus: & hoc est quod dicit, *In sanctitate, & iustitia*: est enim sanctitas apta circa Deum æquitas; iustitia vero quæ est circa homines: puta quod aliquis reverenter exequatur divina, & quo ad homines laudabiliter converteretur. Dicit autem non coram hominibus, ut hypocritæ volentes hominibus placere, sed coram Deo, sicut hi quorum commendatio non est ab hominibus, sed a Deo; & hoc non semel, aut ad tempus, sed singulis diebus, & quoadiu vixerint: unde dicit: *Omnibus diebus nostris*. B E D A (cap. iv. super *In sanctitate, &*

(1) *Al.* ad exemplum testamenti. (2) *Al.* sancti sint. (3) *Al.* Angeli.

EX EDITIONE P. NICOLAI.

a In Catena Græcorum PP. ubi supra. Nihil tale in Basilio nunc occurrit; sed quiddam solum ad iurandi prohibitionem pertinens in Psalm. xiv super illud, *Qui iuravit &c.* ut & ad iræ significationem in Deo partim in Psalm. xxxix. partim in Psalm. xxxviii. partim in Esai. v. seu vii. v. In Catena Græcorum PP. ubi supra. c Ut supra.

(i) *in iustitia.*) Nam qui vel ante mortem ab eius servitio discedit, vel immunditia qualibet, sive iniustitia fidei suae sinceritatem commaculat, vel coram hominibus tantum, & non coram Deo, sanctus, & iustus (1) esse contendit, nondum perfecte de manu spiritualium inimicorum liberatus Domino servit, sed exemplo veterum Samaritanorum diis Gentium pariter, (2) & Domino servire conatur.

(kk) AMBROSIVS (tit. de prophetatione Zachariae.) Pulchre cum de Domino prophetaret, ad Prophetam suum verba convertit, ut hoc quoque beneficium esse Domini designaret, ne cum publica numeraret, sua quasi ingratus tacuille videretur: unde dicitur: *Et tu, puer, Propheta Altissimi vocaberis.* ORIGENES (homil. x. in Lucam.) Ideo reor Zachariam festinasse ut loqueretur ad puerum, quia sciebat eum post paululum in eremo moraturum, nec se eius posse habere praesentiam. AMBROSIVS (ubi supra.) Sed (3) fortasse aliqui quasi irrationabilem mentis excessum putent quod octo dierum infantem alloquitur; verum si tenemus superiora, intelligimus profecto quod (4) potuit vocem patris natus audire, qui Mariae salutationem antequam nascere audivit. Sciebat Prophetam alias esse aures Prophetarum, quae spiritu Dei, non corporis aetate referantur. Habetat intelligendi sensum qui exultandi habebat affectum. BEDA (cap. iv. super *Tu puer Propheta.*) Nisi forte putandus est Zacharias propter eos qui aderant potius instruendos futura sui filii munera, quae dudum per Angelum didicerat, mox ut loqui potuit, praedicare voluisse. Audiant Arriani, quod Christum quem Ioannes prophetando praebat, Altissimum vocat, sicut in Psalmo lxxxvi. dicitur: „Homo natus est in ea, & ipse fundavit eam Altissimus.“ CHRYSOSTOMVS a. Sicut autem Regibus commilitones sunt, qui eis viciniore existunt, sic Ioannes cum esset amicus sponsi, de prope eius adventum praecessit: & hoc est quod subditur: *Praebis enim ante faciem Domini parare vias eius.* Alii enim Prophetarum eminus Christi mysterium praedicaverant, hic vero propius praedica-

vit, ut & Christum videret, & eum ceteris indicaret. GREGORIUS XIX. Moral. (super illud Job xxviii. „Quis intelligit viam eius?“ cap. ii. in nov. exemp.) Quilibet autem praedicando a sordibus victiorum corda audientium mundat, venienti sapientiae ad cor viam praeparat.

(ll) THEOPHYLACTVS. Qualiter praecursor viam Domini praeparavit, exponit subdicens: *Ad dandum scientiam salutis plebi eius.* Salus Dominus Iesus est; data est autem plebi scientia salutis, idest Christi, a Ioanne, qui testimonium perhibebat de Christo. BEDA. (5) Quasi Iesu, idest Salvatore, nomen exponere, & diligentius commendare desiderans, salutis mentionem frequentat. Sed ne temporalem salutem promitti (6) putarent, subdit: *In remissionem peccatorum vestrum.* THEOPHYLACTVS. Non enim aliter cognitus esset Deus, nisi plebi peccata dimississet: Dei enim esset peccata dimittere. BEDA. Verum Iudaei non Christum suscipere, sed Antichristum malunt expedire: quia non intus a peccati dominio, sed foris ab humanae servitutis iugo cu piunt liberari.

(mm) THEOPHYLACTVS (hoc loco.) Quia Deus peccata nobis dimisit, non propter opera nostra, sed propter misericordiam suam; ideo convenienter addidit: *Per viscera misericordiae Dei nostri.* CHRYSOSTOMVS b. Quam quidem misericordiam non ipsimet inquirentes invenimus; sed de super nobis Deus aperuit: unde sequitur: *In quibus, scilicet misericordiae operibus, visitavit nos, assumpta carne, oriens ex alto.* GRAECVS e. In altis permanens, tamen in terrenis praesens, non divisionem patiens, neque circumscriptionem: quod intellectus noster comprehendere non potest, nec ulla serie verborum exprimere.

(nn) BEDA (super *Oriens ex alto.*) Recte Christus oriens vocatur, quia nobis ortum verae lucis aperuit: unde sequitur: *Illuminare his qui in tenebris, & in umbra mortis sedent.* CHRYSOSTOMVS d. Tenebras hic appellat non materiales, sed errorem, & a fide distantiam. BASILIUS e. Tenebrosa enim erat plebs gentilis, quae idolorum cultu

(1) *Al.* perducere tendit. (2) *Al.* & demonio. (3) *Al.* Sed miraris fortasse quod octo dierum infantem alloquitur &c. (4) *Al.* ponit. (5) *Al.* Qui enim Iesu. *Nicetas* Quasi enim. (6) *Al.* putares.

EX EDITIONE P. NICOLAI.

a In Carens Graecorum PP. ut supra. b Hom. xiv. in Matth. c Idem Severus in Carens Graecorum PP. d Hom. xiv. in Matth. ut supra. e In Esaiam cap. ii.

tu gravabatur, donec lux orta disperfit caliginem, & splendorem veritatis expandit. GREGORIUS IV. Moral. (cap. xx. super illud Job III. „Obscure eum umbra mortis“ cap. XVII. in nov. exemp.) Umbra vero mortis oblivio mentis accipitur: sicut enim mors hoc quod interfcit, agit ut non sit in vita, ita oblivio hoc quod intercipit agit ut non sit in memoria: unde Iudæorum populus, qui Dei oblitus fuerat, dicitur in umbra mortis sedere. Umbra etiam mortis mors carnis accipitur: quia sicut vera mors est qua anima separatur a Deo, ita umbra mortis est qua caro separatur ab anima: unde voce martyrum dicitur: „Operuit nos“ umbra mortis: „Psal. XLIII. Per umbram etiam mortis imitatio diaboli, qui mors in Apocalypsi dicitur, designatur: quia sicut umbra iuxta qualitatem corporis ducitur, ita actiones iniquorum de specie imitationis eius exprimuntur. CHRYSOSTOMUS a. Recte autem dicit, *Sedens*: non enim ambulabamus in tenebris, sed sedebamus. THEOPHYLACTUS (non remote a fin. Com.) Non solum autem oriens Dominus his qui in tenebris sedent illuminat, sed aliquid amplius facit: unde sequitur: *Ad dirigendos pedes nostros in viam pacis*. Via pacis est via iustitiæ, ad quam direxit pedes, id est affectus animarum nostrarum. GREGORIUS in hom. (XXXIII. in Evang.) Tunc enim gressus nostros in viam pacis dirigimus quando per illud actionum iter pergitur in quo ab auctoribus nostri gratia non discordemus. AMBROSIVS (tit. de proph. Zach. in med.) Simul (1) & illud adverte, quæ paucis Elisabeth, quam multis Zacharias prophetizet; & uterque sancto impletus Spiritu loquebatur; sed disciplina servatur, ut mulier discere magis quæ divina sunt studeat quam docere.

(OO) BEDA (cap. IV. in fin.) Prædicator patientiæ futurus, ut liberius auditores suos a mundi illecebris erudiendo sustollat, primævam in desertis transigit vitam: unde dicitur: *Puer autem crescebat*: THEOPHY-

LACTUS (parum a fine Com. in I. cap. Lucæ.) Secundum corporalem ætatem: & confortabatur spiritum: simul enim cum corpore spirituale donum crescebat, & spiritus operationes in eo magis ac magis ostendebantur. ORIGENS (hom. XI. in Lucam.) Vel crescebat spiritus, nec in eadem permanebat mensura qua cœperat; sed semper crescebat spiritus in eo, & semper voluntas eius ad meliora (1) tendens habebat profectus, & mens divinius aliquid contemplabatur. Exercebat se memoria, ut plura in thesauro suo recondere. Addit autem, *Et confortabatur*: infirma enim est humana natura: legimus enim Matthei. XXVI. „Caro“ autem infirma. „Confortanda est itaque spiritus: spiritus enim promptus est. Multi confortantur carne; athleta autem Dei spiritu roborandus est, ut sapientiam carnis elidat: unde recessit, fugiens tumultum urbium propter frequentiam: sequitur enim: *Et erat in desertis*: ubi purior aer est, cœlum apertius, & familiarior Deus: ut quia nondum baptisimi, & prædicationis tempus advenerat, vacaret orationibus, & cum Angelis conversaretur, appellaret Dominum, & illum audiret dicentem, Ecce adsum. THEOPHYLACTUS (cir. fin. Comm. in I. cap. Lucæ.) Vel erat in desertis ut extra multorum malitiam nutriretur, & ut neminem vereretur arguere: si enim fuisset in mundo, forte fuisset amicitia, & conversatione hominum depravatus: simul etiam ut esset fide dignus qui prædicaturus erat Christum. Occultabatur autem in desertis, donec placuit Deo ipsum Israelitico populo demonstrare: unde sequitur: *Uspice ad diem ostensionis suæ ad Israel*. AMBROSIVS (tit. de ortu Præcur. Domini, a medio illius.) Pulchre autem tempus quo fuit in utero Propheta describitur, ne Mariæ præsentia taceatur; sed tempus siletur infantie, eo quod præsentia matris Domini in utero roboratur qui infantie impedi-
menta nescivit.

(1) A. similiter & illud. (2) A. se tendens.

(a) **F**actum est autem in diebus illis, exiit edictum a Cæsare Augusto ut describeretur universus orbis. Hæc descriptio prima facta est a præfide Syriæ Cyrino. Et ibant omnes ut profiterentur singuli in suam civitatem. Ascendit autem & Ioseph a Galilæa de civitate Nazareth in Iudæam civitatem David, quæ vocatur Bethlehem, eo quod esset de domo, & familia David, ut profiteretur cum Maria desponsata sibi uxore prægnante.

(b) Factum est autem cum essent ibi, impleti sunt dies ut pareret: & peperit filium suum primogenitum, & pannis eum involvit, & reclinavit eum in præsepio, quia non erat eis locus in diverforio.

(c) Et pastores erant in regione eadem, vigilantes, & custodientes vigilias noctis super gregem suum. Et ecce Angelus Domini stetit iuxta illos, & claritas Dei circumfulsit illos; & timuerunt timore magno. Et dixit illis Angelus: Nolite timere: ecce enim evangelizo vobis gaudium magnum, quod erit omni populo: quia natus est vobis hodie Salvator, qui est Christus Dominus, in civitate David. Et hoc vobis signum: invenietis infantem pannis involutum, & positum in præsepio.

(d) Et subito facta est cum Angelo multitudo militiæ cælestis, laudantium Deum, & dicentium: Gloria in altissimis Deo, & in terra pax hominibus bonæ voluntatis.

(e) Et factum est ut discesserunt ab eis Angeli in cælum, pastores loquebantur ad invicem: Transeamus usque Bethlehem, & videamus hoc verbum quod factum est, quod fecit Dominus, & ostendit nobis. Et venerunt festinantes, & invenerunt Mariam, & Ioseph, & infantem positum in præsepio. Videntes autem cognoverunt de verbo quod dictum erat illis de puero hoc. Et omnes qui audierunt mirati sunt, & de his quæ dicta erant a pastoribus ad ipsos. Maria autem conservabat omnia verba hæc, conferens in corde suo. Et reversi sunt pastores, glorificantes, & laudantes Deum in omnibus quæ audierant, & viderant, sicut dictum est ad illos.

(f) Et postquam consummati sunt dies octo, ut circumcideretur puer, vocatum est nomen eius Iesus: quod vocatum est ab Angelo priusquam in utero conciperetur.

(g) Et postquam impleti sunt dies purificationis eius secundum legem Moyse, tulerunt illum in Hierusalem, ut sifterent eum Domino. sicut scriptum est in lege Domini: Quia omne masculinum adaperiens vulvam, sanctum Domino vocabitur: & ut darent hostiam, secundum quod dictum est in lege Domini, par turturum, aut duos pullos columbarum.

(h) Et ecce homo erat in Hierusalem cui nomen Simeon; & homo iste iustus, & timoratus expectans consolationem Israel, & Spiritus sanctus erat in eo. Et responsum acceperat a Spiritu sancto, non visurum se mortem, nisi prius videret Christum Domini. Et venit in spiritu in templum. Et cum inducerent puerum Iesum parentes eius, ut facerent secundum consuetudinem legis pro eo, & ipse accepit eum in ulnas suas.

(i) Et benedixit Deum, & dixit: Nunc dimittis servum tuum, Domine, secundum verbum tuum in pace: quia viderunt oculi mei salutare tuum, quod parasti ante faciem omnium populorum, lumen ad revelationem Gentium, & gloriam plebis tuæ Israel.

(k) Et erant pater eius, & mater eius mirantes super his quæ dicebantur de illo. Et benedixit illis Simeon, & dixit ad Mariam matrem eius: Ecce positus est hic in ruinam, & in resurrectionem multorum in Israel, & in signum, cui contra-

tra-

traditur: & tuam ipsius animam pertransibit gladius, ut revelentur ex multis cordibus cogitationes.

(l) Et erat Anna prophetissa filia Phanuel de tribu Aser: hæc processerat in diebus multis, & vixerat cum viro suo annis septem a virginitate sua; & hæc vidua usque ad annos octoginta quatuor, quæ non discedebat de templo, ieiuniis, & obsecrationibus serviens nocte ac die. Et hæc ipsa hora superveniens confitebatur Domino, & loquebatur de illo omnibus qui expectabant redemptionem Israel.

(m) Et ut perfecterunt omnia secundum legem Domini, reversi sunt in Galilæam in civitatem suam Nazareth. Puer autem crescebat, & confortabatur plenus sapientia, & gratia Dei erat in illo. Et ibant parentes eius per omnes annos in Hierusalem in die solemni paschæ.

(n) Et cum factus esset annorum duodecim, ascendentibus illis in Hierosolymam, secundum consuetudinem diei festi, consummatique diebus, cum redirent, remansit puer Iesus in Hierusalem, & non cognoverunt parentes eius. Existimantes autem illum esse in comitatu, venerunt iter diei, & requirebant eum inter cognatos, & notos. Et non inveniētes eum regressi sunt in Hierusalem, requirentes eum. Et factum est post triduum, invenerunt illum in templo sedentem in medio doctorum, audientem illos, & interrogantem eos. Stupebant autem omnes qui eum audiebant super prudentia, & responsis eius. Et videntes admirati sunt. Et dixit mater eius ad illum: Fili, quid fecisti, nobis sic? Ecce pater tuus, & ego dolentes quærebamus te. Et ait ad illos: Quid est quod me quærebatis? Nesciebatis quia in his quæ Patris mei sunt, oportet me esse? Et ipsi non intellexerunt verbum quod locutus est ad eos.

(o) Et descendit cum eis, & venit Nazareth, & erat subditus illis. Et mater eius conservabat omnia verba hæc conferens in corde suo. Et Iesus proficiebat sapientia, & ætate, & gratia apud Deum, & homines.

(a) **B**EDA (Lucæ 11. in prin. illius.)

Nasciturus in carne Dei Filius, sicut de virgine natus virginitatis sibi decus ostendit esse gratissimum; ita pacatissimo tempore sæculi procreatur, quia pacem quærere docuit, & pacis sectatores invifere dignatur. Nullum autem potuit magis esse pacis indicium quam una totum orbem descriptione concludi; cuius moderator Augustus, tanta duodecim annis circa tempus dominicæ nativitatē pace regnavit ut, bellis toto orbe sopitis, Prophetæ prælagium ad litteram videatur implevisse: undeciditur: *Factum est autem in diebus illis, exiit editum a Cæsare Augusto ut describeretur universus orbis.* GRÆCUS A. Tunc etiam nascitur Christus cum Principes Iudæorum defece- rant, & ad Romanos Principes translatus erat imperium, quibus Iudæi tributa solve- bant; & sic impletur prophetia prædicens, non deficere Ducem de Iuda, nec Prin- cipem de femoribus suis, donec veniat, qui mittendus est: "Gen. xlix. Iam vero Cæsare Augusto quadragesimum secun-

dum annum imperii peragente, exiit ab eo editum totum orbem conscribi ad tributa solvenda; quod cuidam Cyrino Cæsar commiserat, quem Iudææ, & Syriæ præsidem statuit: unde sequitur: *Hæc descriptio prima facta est a præside Syria Cyrino.* BEDA (super *hæc descriptio prima facta est.*) Signat hanc descriptionem vel primam esse earum quæ totum orbem concluderint, quia pleræque iam partes terrarum sæpe leguntur fuisse descriptæ; vel primo tunc cœpisse quando Cyrinus in Syriam missus est. AMBROSIVS (Lib. II. in tit. de ortu Salvatoris cir. fin.) Pulchre autem præsidis nomen addidit, ut seriem temporis designaret: nam si consules altribuntur tabulis emptionis, quanto magis redemptioni omnium debuit tempus ascribi? BEDA (Lucæ 11. super illud, *Ascendit Ioseph.*) Superna autem dispensatione professio census ita descripta est ut in suam quisque patriam ire iuberetur: secundum quod sequitur: *Et ibant omnes ut profiterentur singuli in civitatem suam:* quod ideo factum est, ut Dominus albi conce-

s. Tb. Oper. Tom. V.

E

ptus,

EX EDITIONE P. NICOLAI.

A Vol. Metaphrastes, & Alexander Monachus in Catena Græcorum PP.

ptus, alibi natus, infidiantis Herodis furorem facilius evaderet: unde sequitur: *Ascendit autem & Ioseph a Galilæa de civitate Nazareth in Iudæam.* CHRYSOSTOMUS a. Domino autem dirigente Augustus hoc edictum censur, ut Unigeniti præsentia famuletur: nam hoc edictum matrem attraher in patriam quam Prophetæ prædixerant, scilicet in Bethlehemiudæ: unde dicit: *Civitatem David qua vocatur Bethlehem.* GRÆCUS b. Ideo autem addidit, *Civitatem David*, ut promissionem ipsam David a Deo, (1) quod ex fructu ventris eius Rex perpetuus adveniret, esse completam annuntiet: unde sequitur: *Eo quod esset de domo & familia David.* Per hoc autem quod Ioseph erat de cognatione David, contentus fuit Evangelista ipsam quoque Virginem de cognatione David promulgare, cum lex divina præciperet coniugales copulas exeamdem prole contrahi: unde sequitur: *Cum Maria desponsata sibi uxore pregnant.* CYRILLUS d. Dicit autem eam fuisse desponsatam, innuens quod solis sponsalibus præcedentibus esset conceptio subsecuta: neque enim ex virili semine sancta Virgo concepit. GREGORIUS in hom. (viii. in Evang.) Mystice autem nascituro Domino mundus describitur: quia ille apparebat in carne qui electos suos ascriberet in æternitate. AMBROSIVS (Lib. II. in Luc. tit. de tempore ortus Salvatoris.) Et dum professio læcularis ostenditur, spiritualis implicatur, non terrarum Regi dicanda, sed cæli. Professio ista fidei, census animorum est: abolito enim synagoge censu vetusto, novus census Ecclesiæ paratur. Denique ut scias censum non Augusti esse, sed Christi, totus orbis profiteri iubetur. Quis autem poterat professionem totius orbis exigere, nisi qui totius orbis habebat imperium? Non enim Augusti, sed „ Domini est terra, & pleni-“ tudo eius: „ Psal. xxi. Qui etiam vocabulum Augusti perfectissime complevit, ut puta suos & augere desiderans, & augere sufficiens. THEOPHYLACTUS (in princ. Comm. in cap. 11. Lucæ.) Conveniens etiam erat ut per Christum cultus multorum deorum

deficeret, & unus Deus coleretur: unde unus Rex orbi imperasse describitur. ORIGENES (homil. xi. in Luc. circ. fin.) Diligentius autem intuenti sacramentum quoddam videtur figurari, quod in totius orbis professione describi oportuerit & Christum, ut cum omnibus scriptis sanctificaret omnes, & cum orbe relatus in censum communionem sui præberet orbi. BEDA (ubi supra.) Sicut autem nunc imperante Augusto, & præsidente Cyro, ibant singuli in suam civitatem, ut profiterentur censum; sic modo imperante Christo per doctores Ecclesiæ præsides, profiteri debemus censum iustitiæ. AMBROSIVS (in tit. de ortu Salvatoris.) Hæc est ergo prima professio mentium Domino, cui omnes profiterentur, non præconis evocatione, sed vatis dicentis Psal. xvi. „ Omnes gentes plaudite manibus. “ Denique ut sciant censum esse iustitiæ, veniunt ad eum Ioseph, & Maria, hoc est iustus, & virgo: ille qui verbum servaret, ista quæ pareret. BEDA (cap. v. in Luc.) Civitas nostra & patria est patria beata, ad quam crescentibus quotidie virtutibus ire debemus. Quotidie autem sancta Ecclesia suum comitata doctorem de rota mundanæ conversationis, quod Galilæa sonat, in civitatem Iudæ, scilicet confessionis, & laudis ascendens, (2) censum suæ devotionis Regi æterno perfolvit; quæ in exemplo beatæ Virginis Mariæ, concipit nos virgo de spiritu; quæ alii quidem desponsata ab alio tecundatur, dum præposito sibi Pontifici visibiliter iungitur, sed invisibilis Spiritus virtute cumulatur. (3) Unde & bene Ioseph audus interpretatur, indicans ipso nomine, quod instantia loquentis magistris nil valet, nisi augmentum superni iuvaminis, ut audiatur, acceperit.

(b) AMBROSIVS (ubi supra.) Breviter sanctus Lucas & quo modo, & quo tempore, & quo loco secundum carnem Christum natus sit, explicavit dicens: *Factum est autem cum essent ibi, impleti sunt dies ut pareret.* Quo modo quidem, quia nupta concepit, sed virgo generavit. GREGORIUS Nissenus d. Apparens enim ut homo non per omnia legis humanæ naturæ subiiceretur:

(1) *Al. omittitur quod.* (2) *Al. incensum.* (3) *In quatuor citatis exemplis omittitur Unde & bene Ioseph audus interpretatur.*

EX EDITIONE P. NICOLAI.

a In diem natalem Christi. b Vel Iseaxius contra hær. Lib. III. cap. xi. c In Carena Græcorum PP. ubi supra. d In Carena Græcorum: non eodem tempore, vel eadem serie, sed sparsim & per partes, nec ex eodem loco, sed in diem natalem Christi partim, & partim in Cant. orat. vel hom. 112.

tur: nam quod ex muliere nascitur, humilitatem redolet; virginitas vero, quæ ortui deservivit, ostendit quam transcendere hominem. Huius ergo iucunda portatio, ortus immaculatus, partus facilis, absque corruptela natiuitas, nec ex luxu incipiens, nec doloribus edita: quia namque ea quæ naturæ nostræ mortem per culpam inferuit, damnata est ut cum doloribus pareret, oportebat parentem vitæ cum gaudio partum perficere. Eo autem tempore per incorruptionem virginem ad vitam transmigrauit mortalium in quo diminui incipiunt tenebræ, & nocturna immensitas exuberantia radii desicere cogitur. Mors enim peccati finem pravitatis attigerat; sed de cetero tendit ad nihilum propter veræ lucis præsentiam, quæ radiis evangelicis totum orbem lustravit. BEDA (cap. v. in Lucam super *Ascendit & Ioseph*.) Eo etiam tempore dignatus est incarnari quæ mox natus censu Cæsaris ascriberetur, atque ob nostræ liberationem ipse servitio subderetur: unde etiam non solum propter iudicium regii (1) stemmatis, sed etiam propter nominis sacramentum Dominus in Bethlehem nascitur. GREGORIUS (homil. viii. in Evang.) Bethlehem quippe domus panis interpretatur: ipse namque est qui ait Ioan. vi. „Ego, sum panis vivus, qui de cælo descendi.“ Locus ergo in quo Dominus nascitur, domus panis antea vocabatur, quia futurum erat ut ibi ille per (2) naturam carnis appareret qui electorum mentes interna satietate reficeret. BEDA (cap. v. in Evang. Lucæ super *Impleti sunt dies*.) Sed & usque ad consummationem sæculi Dominus in Nazareth concipi, in Bethlehem nasci non destinit, cum quilibet audientium, verbi flore suscepto, (3) domum in se æterni panis efficit; quotidie in utero virginali, hoc est in animo credentium, per fidem concipitur, per baptismum gignitur.

Sequitur: *Et peperit filium suum primogenitum.* HIERONYMUS contra Helvidium (aliq. ante med.) Ex hoc Helvidius nicitur approbare, primogenitum dici non posse nisi eum qui habeat & fratres, sicut unigenitus ille vocatur qui parentibus sit solus filius. Nos autem ita diffinimus. Unigenitus est

primogenitus, non omnis primogenitus est unigenitus. Primogenitum non esse dicimus eum quem alii subsequuntur, sed ante quem nullus: alioquin si non est primogenitus nisi is quem sequantur & fratres, tamdiu sacerdotibus primogenita non debentur, quamdiu & alii fuerint procreati, ne forte partu postea non sequente, unigenitus sit, & non primogenitus. BEDA (cap. v. in Luc. super *Et pannis eum involvit*.) Est etiam unigenitus in substantia divinitatis, primogenitus susceptione humanitatis; primogenitus in gratia, unigenitus in natura. HIERONYMUS contra Helvidium (ante med.) Nulla autem ibi obstrictrix, nulla muliercularum sollicitudo intercessit. Ipsa pannis involvit infantem; ipsa mater, & obstrictrix fuit: unde sequitur: *Et pannis eum involvit.* BEDA (ubi supra.) Qui totum mundum vario vellit ornatu, pannis vilibus involvitur, ut nos stolam primam recipere valeamus. Per quem omnia facta sunt, (4) manus, pedesque astringitur, ut nostræ manus ad opus bonum (5) exercat, nostri sint pedes in viam pacis directi. GRÆCUS α. O Admirabilem coarctationem, & peregrinationem quam subit qui continet orbem! Ab initio captat penuriam, & eam in seipso decorat. β Nimirum voluisset venire, poterat movendo cælum, concutiendo terram, emittens fulmina; non autem sic processit: non enim perdere, sed salvare volebat, & ab ipsis primordiis humanam conculcare superbiam; atque ideo non tantum homo sit, sed etiam homo pauper, & pauperem matrem elegit, quæ caret his quibus natum infantem reclinet: sequitur enim: *Et reclinauit eum in præsepio.* BEDA (ubi supra.) Duri præsepis angustia continetur cui cælum sedes est, ut nos per cælestis regni gaudia dilateret. Qui panis est Angelorum, in præsepio reclinator, ut nos quasi sancta animalia carnis fuz frumento reficiat. CYRILLUS α. Reperit etiam hominem factum bestialem in anima: & ideo in præsepio loco pabuli ponitur, ut vitam bestialem mutantes, ad consonam homini perducamur scientiam, pertinentes non fenum, sed panem cælestem, vitæ corpus. BEDA (super *Reclinauit*.) Qui autem ad dexteram

E 2

Pa-

(1) α. schematis. (2) α. materiam. (3) α. domum verbi. (4) α. manus, pedesque cunis astringuntur. (5) α. exerceret, pedesque sint dec.

EX EDITIONE P. NICOLAI.

α Vel Metaphrastes in Catena Græcorum FF. β CHRYSOSTOMUS hom. in diem Christi natalem. ε in Catena Græcorum FF.

Patris sedet, in diversorio loco eget, ut nobis in domo Patris sui multas mansiones prae-
paret: unde sequitur: *Quia non erat ei locus in diversorio*. Nascitur non in parentum domo, sed in diversorio, & in via: quia per incarnationis mysterium via factus est, quae nos ad patriam, ubi veritate, & vita fruamur, adduceret. GREGORIUS in hom. (VIII. in Evang.) Et ut ostenderet quia per humanitatem quam assumpserat, quasi in alieno nascebatur, non secundum potestatem, sed secundum naturam. AMBROSIIUS (Lib. II. in Luc. tit. de nativitate Christi.) Propter te ergo infirmitas, in te potentia; propter te inopia, in seculentia: noli hoc aestimare quod cernis, sed quod redimeris agnosce. Plus, Domine Iesu, iniuriis tuis debeo quod redemptus sum, quam (1) opibus quod creatus (2) sum. Non prodesset nati, nisi etiam redimi profuisset.

(C) AMBROSIIUS (ibidem.) Videte quemadmodum divina (3) curia fidem astruat. Angelus Mariam, Angelus Ioseph, Angelus Pastores edocet, de quibus dicitur: *Et pastores erant in regione eadem, vigilantes, & custodientes vigilas noctis super gregem suum*. CHRYSOSTOMUS a. Ioseph quidem in somnis apparuit Angelus, pastoribus autem visibiliter quasi rudioribus: non autem Angelus iivit Hierosolymam, non requisivit scribas, & phariseos: erant enim corrupti, & prae invidia cruciabantur; sed hi erant sinceri, antiquam conversationem Patriarcharum, & Moyse colentes. Est autem semita quaedam ad Philosophiam perducens innocentia. BEDA in hom. (Evan. in aurora nativit. Domini b.) Nusquam autem intota veteris testamenti serie reperimus Angelos, qui tam sedulo apparere patribus, cum luce apparuisse. Sed hoc privilegium recte huic temporis est servatum quando exortum est in tenebris lumen rectis corde: unde sequitur: *Et claritas Dei circumfulsit illos*. AMBROSIIUS (tit. de nativitate Salvatoris.) Ex utero funditur, sed coruscet a caelo; terreno in diversorio jacet, sed caelesti lumine viget. GRAECUS e. Verum pavidi facti sunt in miraculo: unde sequitur: *Et timuerunt timore magno*. Sed Angelus, cum pavor ingruerit, fugat ipsum: unde sequitur: *Et dixit illis Angelus, Nolite timere*.

Non solum sedat terrorem, sed etiam alacritatem infundit: sequitur enim: *Eccenim evangelizo vobis gaudium magnum, quod erit omni populo*: non solum populo Iudaeorum, sed etiam omnibus. Causa autem gaudii ostenditur, novus, & admirabilis partus manifestatur ex ipsis nominibus: nam sequitur: *Quia natus est vobis hodie Salvator, qui est Christus Dominus*: quorum primum, idem Salvator est actionis; tertium autem, scilicet Dominus, maiestatis. CYRILLUS d. (de incarn. Unig. cap. i.) Sed id quod in medio ponitur, scilicet *Christus*, non naturam significat, sed hypostasim compositam. In Christo enim Salvatore unionem fore celebratam sciamus; non tamen figuralem, sicut olim in Regibus ex oleo, quali ex prophetica gratia, neque ad perfectionem aliquis negotii, iuxta illud Esaiæ xiv. "Hæc" dicit Dominus Christo meo Cyro: "qui quamquam esset idolatra, dictus est Christus, ut caelesti censura totam occuparet Babyloniorum provinciam. Fuit autem unctus Salvator Spiritu sancto humanitus in forma servi; ungens autem ut Deus Spiritu sancto credentes in eum. GRAECUS e. Huius autem nativitatis & tempus ostendit cum dicit, *hodie*, & locum cum subdit, *in civitate David*, & signa cum subiungit: *Et hoc vobis signum: invenietis infantem pannis involutum, & possum in praesepe*. Ecce pastoribus Angeli pastorem praecipuum praedicant, tamquam agnum in antro manifestatum, & editum. BEDA (super *Et hoc vobis signum*.) Crebris autem infantia Salvatoris & Angelorum praconiis, & Evangelistarum nobis est conculara testimoniis, ut nostris altius credibus quid pro nobis factum sit infigatur. Et notandum, quod signum nati Salvatoris datur, non Tyrio exceptum ostro, sed pannis squalescentibus involutum; non in ornatis auro stratoris, sed in praesepe invenendum. MAXIMUS in ser. Nativ. f. Sed si tibi panni fortassis vilescunt, Angelos collaudantes admirare: si praesepe despicias, erige parumper oculos, & novam in caelo stellam protestantem mundo nativitatem dominicam conuere: si credis vilia, crede mitifica: si de his quae humilitatis sunt dispuras, quae alta sunt, & caelestia venerare. GREGORIUS in hom. (VIII. in Evang. ante med.) Mystice autem quod vigilantibus pastoribus

An-

(1) Nicolai pontis operarius. (2) Al. amittitur sum. (3) P. Nicolai corrigi cura.

EX EDITIONE P. NICOLAI.

a In Catena Gregoriorum PP. b Inter homilias hieinales habetur. c Vel Geometer in Catena Gregoriorum pp. d In Catena Gregoriorum ubi supra. e Vel Geometer ubi supra. f Item. xv.

Angelus apparet, eosque claritas Dei circumfulsit, hoc est quod illi præ ceteris videre sublimia merentur qui fidelibus gregibus præfelle solliciti sciunt; dumque ipsi pie super gregem vigilant, divina super eos latius gratia coruscet. BEDA in hom. (Ev. quod canitur in aurora natalis Domini.) Significant enim mystice pastores isti gregum, doctores quoque, ac rectores fidelium animarum. Nox, cuius vigilias custodiebant super gregem suum, pericula temptationum indicat, a quibus se, suosque subiectos custodire non desistunt. Et bene nato Domino pastores super gregem vigilant: quia natus est qui dicit, Ioan. x. „Ego sum pastor bonus, nus;“ sed & tempus imminabat quo idem pastor oves suas, quæ dispersæ erant, ad vitæ pascua revocaret. ORIGENES (hom. xii.) Ceterum, si ad secretiorem oportet ascendere intellectum, dicam quodam fuisse pastores Angelos qui res humanas regerent; & cum horum unusquisque suam custodiam conservaret, venisse Angelum nato Domino, & annuatisse pastoribus quia verus esset pastor exortus. Angeli enim ante adventum Salvatoris, parum poterant commissis sibi utilitatis asserere: vix enim aliquis unus ex singulis gentibus credebat in Deum; nunc autem populi accedunt ad fidem Iesu.

(d) BEDA (cap. xii. in Lucam.) Ne parva unus Angeli videretur auctoritas, postquam unus sacramentum novæ nativitatis edocuit, statim multitudo cælestium agminum affuit: unde dicitur: *Et subito facta est cum Angelo multitudo militum cælestium*. Bene chorus adveniens Angelorum, militiæ cælestis vocabulum accipit, qui & duci illi in prælio qui ad debellandas aereas potestates apparuit, humiliter obsecundat, & ipse potestates easdem contrarias, ne mortales tantum tentare valeant quantum volunt, fortiter armis cælestibus perturbat. Quia vero Deus, & homo nascitur, hominibus pax, & Deo gloria canitur: unde iequitur: *Laudantium Deum, & dicentium: Gloria in altissimis Deo*. Uno Angelo, uno evangelizante nuntio natum in carne Deum, mox multitudo militiæ cælestis in laudem Creatoris prorumpit, ut & Christo devotionem impendat, & nos suo instruat exemplo, quoties

aliquis fratrum sacræ eruditionis verbum insonuerit, vel ipsi quoque pietatis sunt ad mentem reduxerimus, Deo statim laudes corde, ore, & opere (1) reddendas. CHRYSOSTOMUS. Et olim quidem Angeli ad puniendum mittebantur, puta ad Israelitas, ad David, ad Sodomitas, ad gemitus convallium; nunc e contra canunt in terra gratias agentes Deo, eo quod suum descensum ad homines eis referavit. GREGORIUS XXVIII. Mor. (cap. iv. in novis exemp., cap. vii. b.) Simul etiam laudant, quia redemptioni nostræ voces suæ exultationis accommodant; simul etiam quia dum nos conspiciunt recipi, suum gaudent numerum impleri. BEDA (cap. v. in Lucam parum a fin.) Optant etiam pacem hominibus cum subdunt: *Et in terra pax hominibus*: quia quos infirmos prius abiectione despexerant, nascente in carne Domino, iam socios venerantur. CYRILLUS. Hæc autem pax per Christum facta est: reconciliavit enim nos per se Deo, & Patri, culpam hostilem de medio auferens; duos populos in unum hominem pacificavit, ac cæciles, & terrenos in unum gregem composuit. BEDA (ubi supra.) Quibus autem hominibus pacem polcant, exponunt dicentes, *Bona voluntatis*, eis scilicet qui suscipiunt natum Christum: non enim est pax impiis, sed pax multa diligentibus nomen Dei. ORIGENES (hom. xiii.) Sed diligens lector inquirat quomodo Salvator dicat infra xii. *Non veni pacem mittere super terram*; & nunc Angeli de eius nativitate cantant, *In terra pax hominibus*. Sed hoc quod pax esse dicitur in hominibus bonæ voluntatis solvit questionem: pax enim quam non dat Dominus super terram, non est pax bonæ voluntatis. AUGUSTINUS XIII. de Trin. (cap. xiii.) Pertinet enim iustitia ad bonam voluntatem. CHRYSOSTOMUS. Aspice autem mirandum processum. Angelos ad nos deduxit prius, ac deinde duxit hominem ad superna: factum est cælum terra, cum terrena deberet recipere. ORIGENES (hom. xiii.) Mystice autem videbant Angeli, se opus quod eis creditum fuerat, implere non posse alique eo qui vere salvare poterat, & medicinam suam inferiorem esse quam hominum cura polcebat: unde sicut si veniat aliquis

(1) id. reddamus.

EX EDITIONE P. NICOLAI.

a In Catena Græcorum ubi supra. b Super illud Iob xxxviii. *Ubi eras cum me laudarent astra matutina*. c In Cat. Græcorum ff. ubi supra. d In Cat. Græcorum ubi supra.

aliquis (1) archiater qui habeat summam in medicina notitiam; & illi qui prius sanari nequiverant, cernentes (2) magistri manu putredines cessare vulnerum, non invideant, sed in laudes (3) archiatrum pompant, & Dei, qui sibi, ægrotantibus usque tantæ scientiæ hominem miserit; (4) sic multitudo Angelorum pro Christi adventu Deum laudat.

(e) **GRAECUS a.** Quæ visa sunt, & relata stuporem ingesserunt pastoribus, & sic ovilia sua omiserunt, & projecti sunt nocte Bethlehem, lucem indagantes Salvatoris: unde dicitur: *Et factum est ut discesserunt ab eis Angeli in calum, pastores loquebantur ad invicem: Transivimus usque Bethlehem, & videmus hoc pascuum quod factum est.* **BEDA** (cap. vi. in Lucam in princ.) Vere quasi vigilantes, non dixerunt, Videamus puerum, sed *verbum quod factum est*; idest, Verbum quod semper erat videamus quomodo pro nobis caro factum est: siquidem hoc ipsum Verbum Dominus est; sequitur (5) enim: *Quod fecit Dominus, & ostendit nobis*; idest, videamus quomodo Verbum ipsum sesececit, & ostenderit nobis carnem suam. **AMEROSTIUS** (Lib. II. in Lucam tit. de collo. past.) Vide quam singulariter Scriptura singulorum libretmomenta verborum: etenim cum caro Domini videtur, videtur Verbum, quod est Filius. Non mediocre fidei tibi hoc videatur exemplum, non vilis persona pastorum: simplicitas enim quaeritur, non ambitio desideratur. Sequitur: *Et venerunt festinantes*: nemo enim cum desidia Christum requirit. **ORIGENES** (hom. xiii. in Lucam par. a. fin.) Quia vero festinantes venerunt, & non pedetentim, ideo sequitur: *Et invenerunt Mariam*, quæ scilicet sudie Iesum in partu, & Ioseph, scilicet dispensatorem ortus dominici, & infantem possum in praesepio, scilicet ipsum Salvatorem. **BEDA** (super *Et cognoverunt de verbo.*) Est autem iusti ordinis ut honore digno celebrata Verbi incarnatione, ad ipsam quandoque Verbi gloriam intuemdam pertingatur: unde sequitur: *Videntes autem cognoverunt de verbo quod dictum erat illis de puero hoc.* **GRAECUS b.** Occulta scilicet fide fe-

licia relata contuentes; nec contentide veritate stupere, quæ primitus viderant, & perceperant Angelo nuntiante, non solum Mariæ, & Ioseph promebant, sed etiam ceteris; & quod est amplius, eorum mentibus infigebant: unde sequitur: *Et omnes qui audierunt, mirati sunt, & de his quæ dicebantur a pastoribus ad ipsos.* Quomodo enim non erat mirandum videre cælicolam in terrenis, & terram pace conciliari cælestibus, & ineffabilem illum infantulum numine quidem cælestia, humanitate vero terrestria connectentem ad invicem, & sui compagine sacrum mirandum præstantem? **GLOSSA** (ordinaria hoc loco.) Nec solum mirantur de incarnationis mysterio, sed etiam de tanta pastorum attestatione, qui fingere inaudita nescirent, sed simplici facundia vera prædicarent. **AMEROSTIUS** (Lib. II. in Lucam tit. de collo. past.) Nec contemnenda putes quasi vilia verba (6) pastorum: a pastoribus enim Maria colligit fidem: unde sequitur: *Maria autem conservabat omnia verba hæc, confersens in corde suo.* Discamus sanctæ Virginis in omnibus castitatem, quæ non minus ore pudica quam corpore, argumenta fidei conferebat in corde. **BEDA** in hom. (Evan. quod canitur in aurora nativitatis Domini.) Virginalis enim pudicitiae iura custodiens, secreta Christi quæ noverat, nemini divulgare volebat; sed conferebat ea quæ faciendi legerat cum his quæ iam facta cognovit, non ore promens, sed clausa in corde custodiens. **GRAECUS c.** Quicquid etiam ei reulerat Angelus, quicquid a pastoribus audierat, cuncta congeriebat in mente, & ad invicem comparans, unam in omnibus mater sapientiæ cernebat concordiam. Vere Deus erat qui natus erat ex ea. **ATHANASIUS d.** Singuli autem in Christi nativitate exultabant, non humanitus, sicut in puero nato soliti sunt homines congruere, sed in Christi præsentia, & lucis divinx fulgore: unde sequitur: *Es reversi sunt pastores glorificantes, & laudantes Deum in omnibus quæ audierant*; **BEDA** (cap. i. in Lucam paul. a. fine;) scilicet ab Angelis; & viderant, scilicet in Bethlehem, sicut dictum est ad illos; idest, in hoc glorioso-

(1) *Al. emittitur archiater.* (2) *Al. ad magistri manus.* (3) *Al. medici.* (4) *Al. deest sic.*
(5) *Al. desideratur enim.* (6) *Al. Prophetarum, a pastoribus, & Maria colligit fidem. Forte etiam Ne contemnenda putes quasi vilia verba pastorum, a pastoribus & Maria colligit fidem.*

EX EDITIONE P. NICOLAI.

a Geometres. b Idest Phorius in Cat. Græcorum PP. ut supra. c Vel Metaphrasēs in Cat. Græcorum PP. ut supra. d In Cat. Græcorum ut supra.

rificant quod non aliud venientes inveniant quam dictum est ad illos: *invenit dicitum est ad illos, gloriam Deo, laudemque referunt: etenim hoc illis facere dictum est ab Angelis, non quidem (1) verbo imperantibus, sed formam suae devotionis offerentibus, cum Deo in excelsis gloriam resonarent.* BEDA in hom. (ubi supra.) Mystice autem intellectualium pastores gregum, immo cuncti fideles, exemplo horum pastorum transeant cogitatione usque in Bethlehem, & incarnationem Christi dignis celebrent honoribus. Transeamus autem abiectionis concupiscentiis carnalibus toto mentis desiderio usque in Bethlehem supernam, id est domum panis vivi, ut quem illi in praesepio videre vagientem, nos in Patris folio mereamur videre regnantem. Non est autem tanta beatitudo cum desiderio, ac corpore quaerenda; sed alacritas sunt Christi sequenda vestigia. *Videntes autem cognoverunt.* Et nos quae dicta sunt de Salvatore nostro, plena dilectione festinemus amplecti, ut hoc in futuro perfectae cognitionis visu comprehendere valeamus. BEDA super Lucam (super illud, *Et venerunt festinantes.*) Domini etiam gregis pastores praecedentium patrum vitam, in qua panis vitae servatur, quasi Bethlehem portas contemplando subeunt, nihilque in hac alibi reperiunt quam virginalem Ecclesiae pulchritudinem, quasi Mariam, virilem spiritualium doctorum coetum, quasi Ioseph, & humilem Christi adventum Scripturae paginis sacrae insertum, quasi in praesepio positum Christum infantem. ORIGENES (hom. xiii.) Vel praesepe illud Israel erat, secundum illud Esaiæ 1. „Cognovit bos possessorem suum, & asinus praesepe domini sui.“ BEDA in homil. (ut supra.) Non celavere autem silentio pastores quae agnoverant: quia Ecclesiae pastores in hoc ordinati sunt, ut quae in Scripturis didicerunt, auditoribus ostendant. BEDA super Lucam (cap. vi.) Magistri etiam spiritualium gregum modo ceteris dormientibus contemplando caelestia subeunt, modo fidelium exempla quaerendo circumeunt, modo ad publicum pastoralis officii docendo revertuntur. BEDA in hom. (ut supra.) Unusquisque etiam qui privatus vivere creditur, pastoris officium tenet, si bonorum aduam, cogitationumque mun-

darum aggregans multitudinem, hanc iusto moderamine gubernare, Scripturarum passu nutrire, & contra daemonum insidias servare contendit.

(f) BEDA in hom. (Circumcisionis Domini cir. prin.) Expocita natiuitate dominica, subiungit Evangelista, atque ait: *Et postquam consummati sunt dies octo ut circumcideretur puer.* AMBROSIVS (Lib. II. in Luc. tit. de circumcisione Salvatoris.) Quis puer, nisi ille, de quo dictum est Esai. ix. „Puer natus est nobis, & filius datus est nobis.“ Gal. iv. „factus est enim sub lege, ut eos, qui sub lege erant lucrificeret.“ EPIPHANIVS (adversus haeres. xxx. a.) Dicunt autem Ebion, & Cerinbi sequeles: Sufficit discipulo, si sit sicut magister eius: circumcidit autem se Christus: tu ergo circumcidaris. Falluntur autem destruentes sua principia. Si enim fateretur Ebion Christum Deum caelitus descendentem oclavo die fuisse circumcisum, tunc praebere circumcisioni materiam argumenti; sed cum audum hunc asserit hominem, non puer est causa, ut circumcidatur, sicut nec infantes sunt suae circumcisionis auctores. Nos enim Deum ipsum fatemur caelitus descendentem, & in claustro virgineo moram debitam seculis protraxisse, quoadusque sibi ex utero virgineo humanitatis carnem perfecte componeret; (2) in qua circumcisus est veraciter, non apparet oclavo die, quatenus cum ad spirituale effectum figurae pervenerint, tam ab ipso, quam a suis discipulis divulgatur non ultra figurae, sed veritas. ORIGENES (hom. xiv. in Luc. cir. princ.) Sicut enim mortui sumus cum illo moriente, & consurreximus resurgenti; sic cum eo circumcisi sumus: unde nequaquam nunc indigemus circumcisione carnali. EPIPHANIVS (ubi supra.) Pluribus autem ex causis circumcisus est Christus. Et primo quidem ut ostendat carnis veritatem contra Manichaeum, & illos qui apparenter eum dicunt prodifile: deinde ut pateat quod nequaquam deitatis consubstantialitatem corpus existerit, ut fatur Apollinaris; neque caelitus detulit illud, ut asserit Valentinus: & ut confirmet circumcisionem, quam olim instituerat eius adventui servientem: quin etiam ut nulla sit Iudaeis excusatio: nam nisi circumcisus fuisset, obicere poterant quod non possent in-

cir-

(1) *Al. verbum.* (2) *Al. quia.*

EX EDITIONE P. NICOLAI.

¶ *f. xxi. aut xxvi. non eadem scie qua hic, sed quibusdam aliis interiectis.*

circumciscum Christum recipere. BEDA in hom. (de circumc. Domini.) Ut etiam nobis obediendi virtutem commendaret exemplo, & ut eos qui sub lege positilegis onera portare nequiverant, sua compassionem (1) iuaret, ut qui in similitudine carnis peccati advenit, remedium quo caro peccati confueverat mundari, non respuat. Idem enim salutiferæ curationis auxilium circumciscio in lege contra originalis peccati vulnus agebat quod nunc baptismus revelatæ gratiæ tempore conluevit; excepto quod regni cælestis ianuam nondum intrare poterant, (2) sed in sinu Abrahæ post mortem beata requie consolati supernæ pacis ingressum spe felici expectabant. ATHANASIUS *α* (in sermone super *Omnia mihi tradita sunt.*) Nihil enim aliud exprimebat circumciscio, nisi generationis vetustæ spoliacionem per hoc quod circumcidebatur pars corporis quæ corporalis nativitatis causa existit. Hoc autem tunc temporis agebatur in signum futuri per Christum baptismatis. Idcirco postquam venit signatum, cessavit figura; ubi namque tota vetustas tollitur per baptismum, superfluum est quod partis seculi præfiguratur. CYRILLUS *β*. Oclavo autem die consuetum erat carnalem celebrari circumciscionem: oclavo enim die Christus a mortuis resurrexit, & insinuavit nobis spiritualem circumciscionem, dicens Matth. ult. „Euntes, docete omnes gentes, baptizantes eos.“ BEDA (cap. vii. in Lucam.) In eius autem resurrectione præfigurata est utraque nostra resurrectio, & carnis, & spiritus: Christus enim circumciscus nostram naturam docuit & nunc per ipsum a vitiis labe purgandam, & in novissimo die a mortis peste restaurandam: & sicut Dominus oclava die, hoc est post septimum sabbati, resurrexit; ita & ipsi post sex huius sæculi ætates, & septimam sabbati animarum, quæ nunc interim in alia vita geritur, quasi oclavo tempore surgemus. CYRILLUS *γ*. Secundum legis præceptum eodem die impositionem nominis recipit: unde sequitur: *Vocatum est nomen eius Iesus*, quod interpretatur Salvator: editus enim fuit ad totius orbis salutem, quam sua circumciscione præfiguravit: secundum

quod Apostolus dicit Coloss. iii. „Circumcili estis circumciscione non manufacta in expoliacione corporis carnis,“ scilicet in circumciscione Christi. BEDA in hom. (ubi supra.) Sed & hoc quod eodem die fuit circumciscionis nomen accepit, ad imitationem priscæ observationis fecit: Abraham enim, qui primum circumciscionis sacramentum accepit, in die fuit circumciscionis (3) amplificacione nominis benedicti promeruit. ORIGENES (hom. xiv.) Nomen autem Iesu gloriosum, omnique cultu dignissimum, nomen quod est super omne nomen, non decuit primum ab hominibus appellari, neque ab eis afferri in mundum: unde signanter Evangelista subdit: *Quod vocatum est ab Angelo priusquam in utero conciperetur.* BEDA (super *Et vocatum est nomen eius.*) Huius autem nominis etiam electi in sua spiritali circumciscione participes existere gaudent, ut sicut a Christo Christiani, ita etiam a Salvatore Salvati vocentur: quod illis a Deo vocabulum non solum priusquam in utero Ecclesiæ per fidem conciperentur, sed etiam ante tempora sæcularia vocatum est.

(*γ*) CYRILLUS *δ*. Post circumciscionem rursus expeditur purgationis tempus: unde dicitur: *Et postquam impleti sunt dies purgationis eius secundum legem Moysi.* BEDA. Si legis ipsius verba diligentius inspexeris, profecto reperies quod ipsa Dei genitrix, sicut a commixtione virili, sic & a legali sit iure immunis. Non enim (4) omnis mulier pariens, sed ea quæ suscepto semine peperit, designatur immunda, ritumque legis docetur esse mandanda, ad distinctionem scilicet illius quæ virgo concepit, & peperit. Sed ut nos a legis vinculo solveremur, sicut Christus, ita & beata Maria legi est sponte subiecta. TITUS *ε*. Unde eleganter Evangelista protulit, quod completi sunt dies purgationis eius secundum legem: nam vera non incumbat necessitas Virgini sacræ ut dies purgationis eius expectaretur, quæ cum ex Spiritu sancto concepisset, carui coniugio.

Sequitur: *Tulerunt illum in Hierusalem, ut offerret eum Domino.* ATHANASIUS *ζ*. Sed quando paternis aspectibus latuit Dominus; aut quis locus excipitur ab eius imperio

(1) *α*. Iuarentur. (2) *α*. tamen, item tantum. (3) *α*. in amplificacione. (4) *α*. deest omnia.

EX &DITIONE P. NICOLAI.

α Lib. qui de *Sabbato & Circumcisione* inscribitur circa med. vel paulo post. *β* In Cat. Græc. PP. ut supra. Colligitur ex hom. vi. de paschalibus festis, non eadem serie qua hic, & ex Lib. III. Glaphyrorum super Gen. *γ* Ubi supra. *δ* Ubi supra. *ε* Postremus. *ζ* In Cat. Græc. PP. ubi supra.

perio, ut ibi existendo semotus a Patre sit, nisi afferat Hierosolymam, & introducat in templum? Sed forte causa nostribusmodi scripta sunt. Sicut enim non gratia sui homo factus est, & circumcilius in carne, sed ut nos per gratiam faceret deos, & ut spiritualiter circumcidamur; sic propter nos silitur Domino, ut discamus deo præsentare nosipos. BEDA. Post tricesimum autem & tertium circumcisionis diem Domino silitur, (1) mystice insinuans neminem nisi circumcilium vitis, dominicis dignum esse conspectibus, neminem nisi mortalitatis nexibus absolutum supernæ civitatis gaudia posse perfecte subire.

Sequitur: *Sicut scriptum est in lege Domini.* ORIGENES (hom. xiv.) Ubi sunt qui Deum legis negant a Christo fuisse in Evangelio prædicatum? An putandum est quod Filium suum bonus Deus sub lege inimici fecit, quam ipse non dederat? In lege enim Moyli scriptum est quod sequitur: *Quia omne masculinum adaperiens vulvum sanctum Domino vocabitur.* BEDA (super Omne masculinum adaperiens.) Quod dicit, *Adaperiens vulvum*, & hominis, & pecoris primogenitum significat; quod utrumque (2) sanctum Domino vocari, atque ideo sacerdotis esse, præceptum est; ita dumtaxat ut pro hominis primogenito pretium acciperet, & omne animal immundum redimi faceret. GREGORIUS Nissenus a. Hoc autem legis decretum in solo incarnato Deo singulariter, & ab aliis differenter impleri videtur: ipse namque solus ineffabiliter conceptus incomprehensibiliter editus, virginalem uterum aperuit, non ante a connubio referendum, servans & post partum mirabile inviolabiliter signaculum castitatis. AMBROSIVS (Lib. II. in Lucam tit. de circumcisione.) Non enim virilis coitus vulvæ virginis secreta referavit; sed immaculatum semen inviolabili utero Spiritus sanctus infudit. Qui ergo vulvum sanctificavit alienam, ut nasceretur Propheta, hic est qui aperuit matri suæ vulvum, ut immaculatus exiret. BEDA (ubi supra.) Quod ergo ait, *Adaperiens vulvum*, consuevit: nativitate more loquitur; non quod Dominus sacri ventris hospitium, quod ingressus sanctificaret, egressus devirginasse credendus sit. GREGORIUS Nissenus b. Solus autem hic par-

tus masculinus spiritualiter esse conspicitur qui nil de femineitate culpæ portavit: unde & Gabriel quasi hoc decretum ad ipsum solum pertinere memorans dicebat supra 1. *Quod ex te nascetur sanctum, vocabitur Filius Dei.* Et in ceteris quidem primogenitis sanctos illos vocari evangelica solertia statuit, tamquam oblatione divina sortitis huiusmodi nomen; at in totius primogenito creaturæ, quod nascitur sanctum pronuntiat Angelus, quali proprie sanctum exilens. AMBROSIVS (ubi supra.) Solus enim per omnia in natis de femina sanctus Dominus Iesus, qui terrenæ contagia corruptelæ immaculati partus novitate non fenlerit, & cælesti maiestate depulerit: nam si literam sequimur, quomodo sanctus omnis masculus, cum multis sceleratissimos fuisse non lateat? Sed ille sanctus (3) quem in figura futuri mysterii legis divinæ præscripta signabant; eo quod solus sanctæ Ecclesiæ virginis ad generandos populos aperiret genitale secretum. CYRILLUS c. O profunditas scientiarum sapientiæ, & scientiæ Dei! Offert hostias qui per singulas hostias honoratur cum Patre; figuras legis custodit veritas; qui legis est conditor sicut Deus, legem custodivit ut homo: unde sequitur: *Et ut darent hostiam, secundum quod dictum erat in lege Domini, per turturum, aut duos pullos columbarum.* BEDA in hom. (de purificatione Beatæ Mariæ.) Hostia autem hæc pauperum erat: præcepit quippe Dominus in lege ut qui possent agnum pro filio, aut filia, simul & turturum, sive columbam offerrent; qui vero non sufficiebant ad offerendum agnum duos iam turtures, vel duos columbæ pullos offerrent. Ergo Dominus cum dives esset, pauper fieri dignatus est, ut nos sua paupertate divitiarum suarum donaret esse participes. CYRILLUS d. Videndum autem quid hæc oblata insinuant. Nimirum loquacissima est turtur in avibus; at columba est animal mansuetum. Talis autem factus est erga nos Salvator, mansuetudinem perfecte colens, & ut turtur orbem allexit, replens hortum suum propriis melodis. Occidebatur ergo turtur, aut columba, ut ipse per figuras nobis pandatur passurus in carne pro vita mundi. BEDA in hom. (ubi supra.) Vel columba simpli-

F ci-

(1) *M.* mystice autem insinuans. (2) *M.* amittitur sanctum. (3) *M.* per quem figuram.

EX EDITIONE P. NICOLAI.

a In hom. de occursu Domini. b Ubi supra. c In Cat. Græc. PP. ex hom. xviii. d Ubi supra.

citatem, turtur indicat castitatem: quia & columba simplicitatis, & castitatis amator est turtur, ita ut si coniugem calu perdidit, non aliam quam quærere curet. Merito ergo turtur, & columba Domino offeruntur in hostiam: quia simplex, & pudica fidelium conversatio est illi iustitiæ sacrificium gratum. ATHANASIUS *a*. Ideo vero bina iussit offerri, quia homine consistente ex anima, & corpore, duplum a nobis polcit Deus, castitatem, & mansuetudinem, non solum corporis, sed etiam animæ: alioquin erit homo sceler, & hypocrisis, gerens in tegumentum occultæ malitiæ innocentiam apparentem. BEDA in hom. (ubi supra.) Cum vero utraque avis propter consuetudinem gemendi præsentem sanctorum luctus designet, in hoc tamen differunt quod turtur solivagus, columba autem gregatim volare conuevit; & ob id ille secretas orationum lacrymas, illa publicos Ecclesiæ conventus insinuat. BEDA super Lucam (cap. vii.) Vel columba, quæ gregatim volat, activæ vitæ frequentiam demonstrat; turtur qui singularitate gaudet, speculativæ vitæ (1) culmina denuntiatur. Et quia æque utraque conditori accepta est hostia, consulte Lucas utrum turtures, an pulli columbarum pro Domino sint oblato non dixit, ne unum alteri vivendi ordinem præferret, sed utrumque sequendum doceret.

(h) AMBROSIIUS (Lib. II. in Luc. titulo de Simone, & Anna, a medio.) Non solum ab Angelis, & Prophetis, a pastribus, & a parentibus, sed etiam a senioribus, & iustis generatio Domini accepit testimonium: unde dicitur: *Et ecce homo erat in Hierusalem cui nomen Simeon, & homo iste iustus, & timoratus.* BEDA (super *Ecco homo iustus & timoratus.*) Quia difficulter iustitia sine timore custoditur: non illum dico timorem qui temporalia sibi bona subtrahi perhorrebat, quem perfecta dilectio foras mittit; sed timorem Domini sanctum qui manet in sæcula, quo iustus Deum quanto ardentius diligit, tanto solertius offendere cavet. AMBROSIIUS (ubi supra.) Et bene iustus, non sui suam, sed populi gratiam requirebat: unde sequitur: *Et expectans consolationem Israel.* GREGORIUS Nissenus *b*. Non utique mundanam felicitatem

in consolationem Israel prudens Simeon expectabat, sed veram translationem ad veritatis decorem per separationem a legis umbra: habuerat namque per oracula quod visurus esset Christum Domini priusquam de sæculo prædicti transmigraret: unde sequitur: *Et Spiritus sanctus erat in eo, a quo scilicet iustificabatur.*

c Et responsum acceperat a Spiritu sancto, non visurum se mortem nisi prius videret Christum Domini. AMBROSIIUS (eodem titulo ante med.) Cupiebat ipse quidem corporeæ vinculis fragilitatis absolvi; sed expectabat videre promissum: sciebat enim quia beati oculi qui (2) eum viderent. GREGORIUS XXIII. Mor. (cap. III. super „Num., quid rugiet onager?“ cap. IV. in nov. exem.) In quo etiam discimus quanto desiderio ex plebe Israelitica sancti viri incarnationis eius mysterium videre cupierunt. BEDA (super *Responsum accepit.*) Videre autem mortem experiri eam significat; multumque felix mortem videbit carnis quicumque Christum Domini prius oculis carnis videre fategerit, conversationem habendo in caelesti Hierusalem, templi Dei limina frequentando, hoc est sanctorum, in quibus Deus habitat, exempla secundo. Eadem autem Spiritus gratia, qua olim venturum præcognoverat, & nunc venientem cognovit: unde sequitur: *Et venit in spiritu in templum.* ORIGENES (hom. xv. in Luc. cir. med.) Et tu si vis tenere Iesum, & amplexari manibus, omni labore nitere ut ducem habeas spiritum, veniasque ad templum Dei: sequitur enim: *Et cum inducerent puerum Iesum parentes eius, scilicet Maria mater, & Ioseph, qui putabatur pater, ut facerent secundum consuetudinem legis pro eo; & ipse accepit eum in ulnas suas.* GREGORIUS Nissenus *c*. Quam beatus ille sacer ad sacra introitus, per quem ad vitæ terminum maturavit! Beatæ manus quæ Verbum vitæ palparunt, & ulnæ quoque quas ad susceptionem paravit. BEDA (super *Et accepit eum in ulnas.*) Accipit autem iustus secundum legem puerum (3) Iesum in ulnas suas, ut significet iustitiam operum, quæ ex lege erat, per manus, & brachia figuratorum, humili quidem, sed salutaris fidei evangelicæ (4) gratia mutandum. Accipit senior infantem Christum, ut insinuet hoc

(1) *Al. calumnias.* (2) *Al. omittit eum.* (3) *Al. suum.* (4) *Al. gratia imitandum.*

EX EDITIONE P. NICOLAI.

a In Cat. Græc. ubi supra. *b* Orat. de occursu Domini. *c* Ubi supra.

hoc sæculum quasi senio iam defessum, ad infantiam, & innocentiam christianæ conversationis reditum.

(1) ORIGENES (hom. xv. in Luc. par. ante med.) Si ad tactum simbræ vestimenti mulier sanata est, quid putandum est de Simeone, qui in suas ulnas accepit infantem, & gaudebat videns parvulum a se gestari, qui venerat ad vindictam resoluendus, sciens neminem eum posse de clauetro corporis emittere cum spe futuræ vitæ, nisi is quem in brachiis continebat: unde dicitur: *Et benedixit Deum, & dixit: Nunc dimittis servum tuum Domine.* THEOPHYLAOTUS (in hoc loco.) Quod dicit, *Domine*, contentis est quod ipse mortis est, & vitæ domiquæ & sic puerum quem suscepit, Deum confitetur. ORIGENES (hom. xv.) Quasi dicat: Quamdiu Christum non tenebam, clausus eram, & de vinculis exire non poteram. BASILIUS (hom. de grat. actione.) Si autem voces iustorum inquiras, omnes super hoc mundo, & eius flebili moras ingemiscunt. " Heu mihi (dicit David Psal. xix.) quia incolatus meus prolongatus est. AMBROSIVS (titulo de Simeone, & Anna.) Videt ergo iustum velut corporeæ carcere molis inclusum velle dissolvere, ut incipiat esse eum Christo. Sed qui vult dimitti, veniat in templum, veniat in Hierusalem, expectet Christum Domini, accipiat in manibus Verbum Dei, & complectatur velut quibusdam fidei suæ brachiis: tunc dimittetur ut non videat mortem, qui viderit vitam. GRAECUS a. Simeon autem benedicebat Deum inter cetera, quod promissa sibi facta sortita erant efficaciter veritatem: nam consolationem Israel oculis propicere meruit, & manibus portare: & ideo dicit, *Secundum verbum tuum*; idest, cum finem obtinuerim promissorum. At ubi visibiliter sensu quod desiderabam, nunc solvis tuum servum, nec gustu mortis attonitum, nec hæsitacionis cogitationibus conturbatum; & ideo subdit, *In pace*. GREGORIUS Nissenus b. Quia postquam Christus culpam hostilem destruxit, nos quoque Patri reconciliavit, facta est translatio sanctorum in pacem. ORIGENES (hom. xv. in Luc.) Quis est autem qui de sæculo isto recedit in pacem, nisi is qui intelligit quod Deus erat in

Christo mundum reconcilians sibi; nihilque habet inimicum Deo, sed omnem pacem bonis in se operibus assumpsit? GRAECUS e. Fuerat autem sibi repositum non visum se mortem, nisi prius videret Christum Dominum; & ideo hoc impletum offendens subdit: *Quia viderunt oculi mei salutare tuum.* GREGORIUS Nissenus d. Beati oculi tui tam animæ, quam corporis; hi quidem visibiles Deum suspicientes, illi vero non solum quæ visa sunt attendentes, immo illuminati fulgore Spiritus Domini, Verbum in carne cognoscentes: salutare namque quod tuis oculis perceperis, ipse Iesus est, quod nomine salus declaratur. CYRILLUS e. Fuerat autem Christi mysterium quod patuit in ultimis temporibus sæculi præparatum ante mundi originem: unde sequitur: *Quod parasti ante faciem omnium populorum.* ATHANASIUS f. Scilicet confectam toti mundo per Christum salutem. Qualiter ergo supra dictum est, quod expectabat Israel consolationem? Eo quod scilicet tunc futuram esse consolationem Israel agnovit in spiritu cum (1) & omnibus populis paratum est salutem. GRAECUS g. Attende etiam sagacitatem digni, & venerandi senis: antequam dignus videretur beatæ visionis, præstolabatur solamea Israel; ut autem quod sperabat obtinuit, exclamat se vidisse salutem omnium populorum: adeo enim infantis ineffabile iubar illustravit cum ut processu temporis secutura mox sibi fierent nota. THEOPHYLAOTUS (super illud, *Ante faciem omnium populorum.*) Signanter autem dicit, *Ante faciem*, ut scilicet omnibus eius incarnatio appareret. Hoc autem salutare dicit esse Gentium lumen, & gloriam Israel: unde sequitur: *Lumen ad revelationem Gentium.* ATHANASIUS h. Gentes enim ante Christi adventum in ultimis tenebris erant constitutæ, cognitione divina privatæ. CYRILLUS i. Sed Christus adveniens factus est lux tenebrosus, & erraticis, quos diabolica manus pressit. Vocati sunt autem a Deo Patre ad noticiam Filii, qui est lux vera. ATHANASIUS k. Israel autem, lectus tenuiter, lege illuminabatur; & ideo non dicit, quod lumen illis protulerit, sed subdit: *Et gloriam plebis tuæ Israel*: memorans antiquam historiam, quod sicut olim Moyse Dominum

E 2 allo-

(1) Id. & in omnibus.

EX EDITIONE P. NICOLAI.

a Idem Photius in Cat. Crac. pp. ut supra. b Ubi supra. c Vel Photius ut supra. d Ut supra. e Ibidem. f Ubi supra. g Vel Photius ut supra. h Ubi supra. i Ibidem. k Ubi supra.

alloquendo gloriosam retulit faciem, sic & ipsi divinam humanitatis lucem pertingentes, vetus abiicientes velamen, in eandem imaginem transformarentur de gloria in gloriam. CYRILLUS. Nam etiam quidam eorum inobedientes fuerunt, tamen reliquiae salvæ factæ sunt, & per Christum pervenerunt ad gloriam. Harum primitiæ fuerunt divini Apostoli, quorum fulgores universum orbem illuminant. Fuit etiam Christus singulariter Israel gloria, quia secundum carnem ex eis processit; quamvis cunctis ut Deus præstet per sæcula benedictus. GREGORIUS Nissenus a. Et ideo signanter dixit, *Plēbitur*, quia non ab eis tantum est adoratus, sed insuper ex eis est secundum carnem natus. BEDA (super *Lumen ad revelationem Gentium*.) Et bene revelatio Gentium, Israelis gloriæ præfertur: quia „cum plenitudo Gentium introierit, tunc omnis Israel „salvus erit:“ Rom. x.

(k) GRÆCUS b. Transcendentium rerum notitia quoties in memoriam venerit, toties renovat in mente miraculum: unde dicitur: *Et erant pater eius, & mater mirantes super his quæ dicebantur de illo*. ORIGENES (hom. xvii.) Tam ab Angelo, quam a multitudine caelestis exercitus, nec non & a pastoribus, & ipso Simeone. BEDA. Patrem Salvatoris appellat, non quod vere pater fuerit ei, sed quod ad famam Mariæ conservandam pater sit ab omnibus æstimatus. AUGUSTINUS (De Confen. Evan. Lib. II. cap. 1.æ) Quamvis & eo modo pater illius valeat dici quo & vir Mariæ recte intelligitur sine commixtione carnis, ipsa copulatione coniugii; multo videlicet coniunctius quam si esset aliunde adoptatus. Neque enim propterea non (1) erat appellandus Ioseph Pater Christi, quia non eum concubendo genuerat, quandoquidem pater esset & ei quem non ex sua coniuge procreatum aliunde adoptasset. ORIGENES (hom. xvii.) Qui autem alius aliquid inquirat, potest dicere quoniam generationis ordo a David usque ad Ioseph deducitur; (2) & ne videretur frustra Ioseph nominari, quia pater non fuerat Salvatoris, ut generationis ordo haberet locum, pater

Domini appellatus est. GRÆCUS d. Laudibus autem divinis exhibitis, vertit se Simeon ad benedictionem adducientium puerum: unde legitur: *Et benedixit illis Simeon*. Benedictione igitur utrumque donat, occulorum vero prælagia dirigit tantum ad matrem; quatenus per communem benedictionem non privetur Ioseph similitudine patris, per ea vero quæ dicit matri scilicet a Ioseph, veram eam prædicet genitricem: unde legitur: *Et dixit ad matrem eius: Ecce posuit est hic in ruinam, & in resurrectionem multorum in Israel*. AMBROSIIUS (ubi supra.) Vide ubi rem in omnes gratiam Domini in generatione diffusam, & prophetiam incredulis negatam esse, non (3) iustis. Ecce & Simeon prophetizat, in ruinam, & resurrectionem multorum venisse Christum Iesum. ORIGENES (hom. xvii. in Lucam.) Qui simpliciter exponit, potest dicere, in ruinam cum venisse infidelium, & in resurrectionem credentium. CHRYSOSTOMUS e. Sicut enim lux, etsi oculos debiles turbet, lux est; hoc magis Salvator perseverat, etsi corrumpat plures: neque enim est eius officium destructio, sed eorum vesania. Quamobrem non solum ex salute bonorum, sed etiam ex malorum dissipatione virtus eius ostenditur: nam sol quoniam multum radiat, propterea visus debiles præcipue perturbat. GREGORIUS Nissenus f (homil. in Psal. x.) Attende autem distinctionis exquisitam prolationem: præparatio quippe salutis dicitur coram omni populo, sed casus, & sublevario plurium. Divinum enim propositum est salus, & deificatio singulorum; casus autem, & sublevario consistit in plurium intentione, credentium, & non credentium. Quod autem iacentes, & increduli subleventur, non est absurdum. ORIGENES (homil. xvii.) Qui autem curiosus interpret est, dicit nequaquam eum cadere qui ante non steterit. Da mihi igitur qui fuerit ille qui stetit, & in cuius ruinam Salvator advenit? GREGORIUS Nissenus (ibidem.) Sed per hoc designat ruinam ad infima, quasi non puniendus æqualiter ante incarnationis mysterium, & post datam dispensationem, & præ-

(1) *Al. omittitur erat*. (2) *Al. desideratur* &c. P. Nicolai legit quod quoniam considerationis ordo a David usque ad Ioseph deducitur, ne videretur. (3) *Al. iniunctis*.

EX EDITIONE P. NICOLAI.

a. Ubi supra. b. Vel Photius ut supra. c. Non eadem serie quæ hic, sed prioribus posteriora præmittendo. d. Vel Photius ut supra. e. In Catena Græcorum ut supra. f. In Catena Græcorum pp. ubi supra.

& prædicationem. Et maxime hi sunt ex Israel, quos necesse erat & pristinis bonis carere, & penas luere graviore quam omnes aliæ gentes: eo quod dudum prophetatum in eis, & adoratum, & ex eis productum minime fuisseperunt. Idcirco specialiter eis minatur ruinam, non solum a spiritali salute, sed etiam propter destructionem urbis, & habitantium civitatem. Resurrectio vero promittitur credentibus, partim quidem velut sub lege iacentibus, & ab eius servitute sublevandis, partim vero velut conscriptis cum Christo, & ei confurgentibus. ^a His autem verbis intellige per concordiam intellectum ad dicta prophetica, unum & eundem Deum, & legislatorem, & in Prophetis, (1) & in novo testamento locutum esse: lapidem namque ruinæ, & petram scandalii futurum, ac confundantur credentes in eum, sermo prophetias declaravit. ORIGENES (hom. xvii.) Est autem & altius quid intelligendum adversus eos qui contra conditorem latriant dicentes: Ecce Deus legis, & Prophetarum, videte qualis sit. „Ego, (inquit Deut. xxxii.) occidam, & ego vivificabo. „ Sed si propterea cruentus est iudex, & crudelis conditor, (2) quia hæc dicit, manifestissimum est & Iesum esse illum filium: eadem siquidem de eo hic scripta sunt, quod veniat in ruinam, & resurrectionem multorum. AMBROSIVS (Lib. & titulo ubi supra.) Ut scilicet iustorum, iniquorumque merita discernat, & pro nostrorum qualitate sanctorum iudex verus, & iustus aut supplicia decernat, aut præmia. ORIGENES (homil. xvii. in Lucam.) Videndum est autem ne forte Salvator non (3) æque aliis in ruinam venerit, & in resurrectionem: quia enim peccato stabam, primo mihi utilitas fuit ut caderem, & peccato morerer. Denique & sancti Prophetæ cum angustius aliquid contemplabantur, cadebant in faciem suam, ut peccata per ruinam plenius purgarentur: hoc ipsum & Salvator tibi primum concedit. Peccator e-

ras; cadat in te peccator, ut possis dehinc resurgere, & dicere: „ Si commortui sumus, & convivemus: „ II. Tim. ii. CHRYSOSTOMVS. Resurrectio quidem est conversatio nova: cum enim laicivascatus efficitur, avarus misericors, atrox mansuetus, resurrectio celebratur, mortuo quidem peccato, resurgente vero iustitia.

Sequitur: *Et in signum, cui contradicitur*. BASILIUS. Signum contradictionem accipiens proprie crux dicitur a Scriptura. „ Fecit enim (inquit Num. xxi.) Moyses serpentem æneum, & posuit pro signo. GREGORIUS Nissenus (ut sup.) Misceat autem dedecus gloriæ. Huius enim rei nobis Christicolis est hoc signum indicium; contradictionis vero dum ab his quidem accipitur ut ridiculosum, & horribile, ab his vero admodum (4) venerandum. Vel forsitan ipsum Christum nominat signum, tamquam supra naturam existentem, & signorum auctorem BASILIUS. Est enim signum alicuius rei mirabilis, & occultæ indicativum, visum quidem a simplicioribus, intellectum vero ab habentibus exercitatum intellectum. ORIGENES (homil. xvii. in Lucam.) Omnia (5) autem quæ de Christo narrat historia, signum sunt cui contradicitur: non quod contradicant hi qui (6) credunt in eum: nos quippe scimus omnia vera esse quæ scripta sunt: sed quia apud incredulos universa quæ de eo scripta sunt, signum sunt cui contradicetur. GREGORIUS Nissenus b. Hæc siquidem de filio dicuntur; spectant tamen ad eius genitricem, dum singulari sibi assumit simul periclitata, & glorificata; nec tantum prospera, sed (7) illi denuntiat etiam dolorosa: nam sequitur: *Et tuam ipsius animam portansibit gladius*. (8) c. ORIGENES. Nulla docet historia beatam Mariam ex hac vita gladii occisione migrasse; præsertim cum non anima, sed corpus ferro soleat interfici: unde restat intelligi gladium illum de quo dicitur Psal. lxxiii. „ Et gladius in labiis eorum; „ hoc est, dolorem dominicæ passionis animam eius pertrans-

(1) *Al. omittitur consensio de.* (2) *In quatuor supra citatis exemplis deest quia hæc dicit.* (3) *Al. omittitur æque.* (4) *Al. advenendum.* (5) *In dictis quatuor exemplis legitur: Omnibus autem quæ de Christo narrat historia, contradicitur.* (6) *Al. credebant.* (7) *Al. illa.* (8) *In editione Nicolai notatur ad marginem: Piora verba habentur ab Ambrosio ubi supra.*

EX EDITIONE P. NICOLAI.

^a Et in orat. de Occursu Domini. Prius confundebatur cum prædictis, etsi seorsum in Catena Gregoriana indicatur, ad illud, *Erat in ruinam*. b Ubi supra. c BEDA. Quod ex Beda reponimus, perperam prius ex Origene notabatur, qui potius gladium infidelitatis intelligi vult, sed pravo sensu, quem etiam indicant sequentia vel ut ex Augustino sumpta, sed quæ illius non sunt, immo indigna plane quæ ipsi tribuantur.

transisse: quæ etsi Christum utpote Dei Filium sponte propria mori, mortemque ipsam non dubitaret esse devicturum; ex sua tamen carne procreatum, non sine doloris affectu potuit videre crucifigi. AMBROSIVS (ubi supra a med.) Vel prudentiam Mariæ non ignaram mysterii cælestis ostendit: „vium est enim verbum Dei, & validum, & acutius omni gladio acutissimo:“ Hebr. IV. AUGUSTINVS de Quæ. nov. & vet. testamenti (cap. lxxix.) Vel per hoc significavit quod Maria, per quam gestum est incarnationis mysterium, in morte Domini stupore quodam dubitavit, videns Filium Dei sic humiliatum ut usque ad mortem descenderet. Et sicut gladius pertransiens iuxta hominem, timorem facit, non percutit; ita & dubitatio mestitiam fecit, non tamen occidit: quia non sedit in animo, sed pertransiit quali per umbram. GREGORIUS Nissenus (ut supra.) Sed nec ipsam solam in ea passione occupari significat, cum subdit: *Et revescentur ex multis cordibus cogitationes.* Quod dicit ut eventum designat; non autem (1) casualiter ponitur. His enim omnibus evenientibus, secuta est erga multos intentionum (2) detectio: quidam enim Deum satebantur in cruce; alii nec sic ab infamiis, & criminationibus desistebant. Vel hoc dictum est, quatenus tempore passionis pateant ex plurimorum cordibus meditationes, & emendentur per resurrectionem: velox enim illis post ambiguitatem certitudo supervenit: nisi forte revelationem illuminationem quis æstimet, ut solitum est Scripturæ. BEDA (super *Ut revescentur ex multis cordibus cogitationes.*) Sed & usque ad consummationem sæculi præsentis Ecclesiæ animam gladius durissimæ tribulationis pertransire non cessat, cum signo fidei ab improbis contradici s cum audito Dei verbo multos cum Christo resurgere, sed plures a credulitate ruere, gembanda pertractat; cum revelatis multorum cordum cogitationibus, ubi optimum Evangelii sevit semen, ibi zizanias vitiorum vel plus iusto prævalere, vel sola germinare conspicit. ORIGENES (homil. xvii.) Cogitationes etiam malæ in hominibus erant s quæ propterea revelatæ sunt, ut occideret eas illo qui pro

nobis mortuus est. Quamdiu enim absconditæ erant, impossibile erat eas penitus interficere: unde & nos si peccaverimus, debemus dicere: „Iniquitatem meam non abscondi:“ Psal. xxxix. Si enim revelaverimus peccata nostra non solum Deo, sed his qui possunt mederi vulneribus nostris, delebuntur peccata nostra.

(1) AMBROSIVS (Lib. II. in Lucam tit. de Simeone.) Prophetaverat Simeon, prophetaverat copulata coniugio, prophetaverat virgo, debuit & vidua prophetare; ne qua profectio decellet, aut sexus: & ideo dicitur: *Et erat Anna Prophetissa filia Phanuel de tribu Aser.* THEOPHYLACTUS (in Comm. xi. cap. Evan. Lucæ.) Immoratur Evangelista circa Annæ descriptionem, & patrem, & tribum enarrans; testes quasi multos adducens qui patrem, & tribum viderunt. GREGORIUS Nissenus (ibidem.) Vel quia tunc temporis cum hac aliæ quædam eodem nomine nuncupabantur. Ut igitur ad eam manifesta discretio fieret, patrem eius commemorat, & generis qualitatem describit. AMBROSIVS (tit. ut supra cir. finem.) Anna (3) vero & stipendiis viduitatis, & moribus talis inducitur ut digna fuisse credatur quæ Redemptorem omnium nuntiaret: unde sequitur: *Hæ processerat in diebus multis, & vixerat cum viro suo annis septem a virginitate sua, & hæc vidua usque ad annos octuaginta quatuor.* ORIGENES (homil. xvii. in Lucam a.) Neque enim Spiritus sanctus fortuito habitavit in ea: bonum enim est primum si quæ potest virginitatis gratiam possidere; si autem hoc non potuerit, sed e venerit ei ut perdat virum, vidua perseveret: quod quidem non solum post mortem viri, sed (4) etiam cum ille vivit, debet habere in animo, ut etiam si non e venerit, voluntas ipsius, & propositum a Domino coronetur; & dicat: Hoc voveo, hoc promitto: si mihi humanum aliquid, quod non opto, contigerit, nihil aliud faciam quam incontaminata, & vidua perseverem. Iuste ergo sancta mulier spiritum prophetandi meruit accipere, quia longa castitate, longis etiam ieiuniis ad hoc culmen ascenderat: unde sequitur: *Qua non discedebat de templo, ieiunans*, & ob-

(1) *M. casualiter.* (2) *M. detectio.* (3) *M. Antea vero.* (4) *M. deest etiam.*

EX EDITIONE P. NICOLAI.

* Non eadem serie qua hic, sed prioribus posteriora præmittendo, quibusdam quoque interiectis, quibus addicendo appendicem, qua coniugia plura damnat.

et orationibus serviens die, ne noſte. (1) GREGORIUS Nilſenus a (ibidem.) In quo liquet quod ceterarum virtutum inerat ei congeries. Et alſice (2) eam conformem Simeoni virtutibus: ſimul enim erant in templo, ſimul etiam digni reputati ſunt prophetica gratia: unde ſequitur: *Et hæc ipſa hora ſuperveniens conſitebatur Domino*; (3) hoc eſt, regratiabatur, videndo mundi ſalutem in Iſrael, (4) & conſitebatur Ide Ieſu, quoniam ipſe eſſet Redemptor, idemque Salvator: unde ſequitur: *Et loquebatur de illo omnibus qui expectabant redemptionem Iſrael*. Verum quia Anna Prophetiſſa modicum aliquid, & non nimis clarum de Chriſto diſſerit Evangelium, non ſeriatim induxit quæ ab ea ſunt dicta. Forſan autem ob hoc aliquis Simeonem præviſſe fatebitur, eo quod is quidem formam legis gerbat: nam & ipſum nomen notat obedientiam, illa vero gratiæ, quod interpretatio nominis manifeſtat, inter quos Chriſtus medius erat: idcirco illum quidem dimiſit cum lege morientem, hanc vero ſoveit ultra viventem per gratiam. BEDA (ſuper *Et erat Anna Prophetiſſa*.) Iuxta intellectum etiam myſticum Anna Eccleſiam ſignificat, quæ in præſenti ſponſi ſui morte quaſi viduata. Numerus etiam annorum viduitatis eius tempus Eccleſiæ designat, quo in corpore conſtituta peregrinatur a Domino. Septies quippe duodeni octuaginta quatuor, faciunt: & ſeptem quidem ad huius ſæculi curſum, qui diebus ſeptem volvit, duodecim vero ad perfectionem doctrinæ apoſtolicæ pertinent. Ideoque ſive univerſalis Eccleſiæ, ſeu quælibet anima fidelis, quæ totum vitæ ſuæ tempus apoſtolicis curat mancipare inſtitutis, octoginta quatuor annis Domino ſervire laudatur. Tempus etiam ſeptem annorum, quo cum viro ſuo manſerat, congruit: nam propter dominicæ privilegium maieſtatis, quo in carne verſatus docuit, in ſignum perfectionis ſimplex ſeptem annorum eſt numerus expreſſus. Arridet etiam Eccleſiæ myſteriis & Anna, quæ gratia eius interpretatur, & filia eſt Phanuelis, quæ facies Dei dicitur, & de tribu Aſer, ideſt beati, deſcendit.

(m) BEDA (in Com. Lucæ ſuper *Th perfecturunt omnia*.) Prætermiſit hoc loco Lucas quæ a Matthæo ſatis expoſita noverrat, Dominum videlicet poſt hoc, ne ab Herode necandus inveniretur, in Aegyptum a parentibus eſſe delatum, deſunctoque Herode, ſic demum in Galilæam reverſum, Nazareth civitatem ſuam inhabitare cœpiſſe. Solent enim Evangeliſtæ ſinguli ſic omittere quædamquæ vel ab aliis commemorata videntur, vel ab aliis commemoranda in ſpiritu præviderunt, ut continuata ſuæ narrationis ſerie, quaſi nulla prætermiſſe videantur, quæ tamen, alterius Evangeliiſtæ conſiderata ſcriptura, quo loco tranſiſta fuerint, diligens lector inveniat. Unde multis prætermiſſis, Lucas dicit: *Et ut perfecturunt omnia ſecundum legem Domini, reverſi ſunt in Galilæam in civitatem ſuam Nazareth*. THEOPHYLACTUS (hoc loco.) Erat quidem eorum civitas Bethlehem ſicut patria, Nazareth vero tamquam habitaculum. AUGUSTINUS de Con. Evan. (Lib. II. cap. ix.) Forte autem hoc movet quomodo dicat Matthæus propterea cum puero parentes eius iſſe in Galilæam, quia metu Archelai in ludæam ire noluerunt; cum propterea magis iſſe in Galilæam videantur, quia civitas eorum erat Nazareth Galilææ, ſicut Lucas hic non tacet. (5) Sed intelligendum eſt, ubi Angelus in ſomnis in AEgypto dixit ad Ioseph, Matth. 13. „ Surge, & accipe puerum, & matrem „ eius, & vade in terram Iſrael: “ ſic intellectum primo eſſe a Ioseph ut putaret iuſum ſe eſſe pergere in ludæam; ipſa enim intelligi primitus potuit terra Iſrael. Porro autem poſtea, quoniam comperit illic regnare filium Herodis Archelaum, noluit obicere ſe illi periculo, cum poſſet terra Iſrael etiam ſic intelligi, ut etiam Galilæa illi deputaretur, quia & ipſam populus Iſrael incolebat. GRAECUS b. Vel aliter. Enumerat hic Lucas tempus ante deſcenſum in Aegyptum: neque enim ante purgationem eam Ioseph deduxiſſet. Ante vero quam in Aegyptum deſcenderent, non receperant per oracula ut Nazareth pergerent; immo quaſi libentius in patria converſantes, illuc ulero pergebant. Cum enim ad nihil aliud

aſcen-

(1) M. GRAECUS. (2) M. omittitur eam. (3) M. GREGORIUS Nilſenus. (4) M. & conſitebatur. (5) M. Sic.

EX-EDITIONE P. NICOLAI.

a In Catena Græcorum PP. ut ſupra. Nihil horum occurrit apud illum, eſſi orat. de occuſu Domini Annam hanc laudet, ſed appendicem intermediam, in qua inepte prius poſitum erat conſervatam. Theophylactus habet, ut & Titus Boſſrenſis ubi ſupra. b Vel Metaphraſtes in Cat. Græc. PP. ubi ſupra.

ascensus in Bethlehem evenisset, nisi causa descriptionis, expedito eo cuius causa ascenderant, descendunt in Nazareth. THEOPHYLACTUS (super *Puer autem crescebat.*) Poterat autem secundum corpus ex ipso utero in mensura maturæ ætatis prodire; sed videretur hoc secundum phantasiam: propterea paulatim crecebat; unde sequitur: *Puer autem crescebat, & confortabatur.* BEDA (super iisdem verbis.) Notanda est distinctio verborum: quia Dominus Iesus Christus in eo quod puer erat, idest habitum humanæ fragilitatis induerat, crescere, & confortari habebat. ATHANASIUS ^a (contra Arianos Lib. IV.) Ceterum si, secundum quoddam, caro (1) in divinam naturam mutata est, quomodo capiebat augmentum? Increato enim augmentum attribuire nefarium est. CYRILLUS ^b. Decenter vero ætatis incremento sapientiæ coniunxit augmentum, cum dicit, *Et confortabatur*, scilicet spiritu: nam iuxta mensuram ætatis corporeæ, natura divina sapientiam propriam revelabat. THEOPHYLACTUS (ubi supra.) Si enim dum parvus ætate erat, omnem sapientiam demonstrasset, videretur prodigium; sed per prociolum ætatis seipsum ostendebat, ut totum impleter orbem. Non autem quasi suscipiens sapientiam, spiritu confortari dicitur: quod enim ab initio perfectissimum est, quomodo potest deinde perfectius fieri? Unde sequitur: *Plenus sapientia, & gratia Dei erat in illo.* BEDA (super *Puer crescebat ætate.*) Sapientia quidem, quia „ in ipso habitat omnis „ plenitudo divinitatis corporaliter: “ Colois. II. gratia autem, quia homini Iesu Christo magna gratia donatum est ut ex quo homo fieri coepisset, perfectus esset & Deus; multo autem magis in eo quod Verbum Dei, & Deus erat, nec confortari indigebat, nec habebat augeri. Adhuc autem cum parvulus esset, habebat gratiam Dei, ut quomodo in illo omnia mirabilia fuerant, ita & (2) pueritia mirabilis esset, ut Dei sapientia completeretur.

Sequitur: *Et ibant parentes eius per omnes annos in Hierusalem, in die solemnium pasche.* CHRYSOSTOMUS ^c. In Hebræorum solemnitatibus non solum tempus, sed

etiam locum observare lex iusserat; & ideo nec Domini parentes extra Hierosolymam celebrare pascha volebant. AUGUSTINUS de Con. Evan. (Lib. II. cap. x.) Quomodo autem ibant parentes eius per omnes annos pueritiæ Christi in Hierusalem, si Archelai timore illuc prohibebantur accedere? Hoc mihi dissolvere non ellet difficile, nec si aliquis Evangelistarum expressest quamdum regnaret Archelaus: fieri enim poterat ut per diem festum inter tam ingentem turbam latenter ascenderent mox reversuri; ubi tamen aliis diebus habitare metuerunt, ut nec solemnitate prætermissa essent irreligiosi, nec continua mansione conspicui. Cum vero etiam de regno Archelai omnes quam fuerit diuturnum tacuerint, ille quoque intellectus patet: quod Lucas dicit, per omnes annos eos ascendere solitos in Hierusalem, tunc accipimus scilicet, cum iam non timeretur Archelaus.

(n) CYRILLUS ^d. Quia dixerat Evangelista, quod puer crecebat, & confortabatur, proprium sermonem verificat, inducens Iesum una cum sacra Virgine in Hierusalem ascendentem: unde dicitur: *Ereum factus esset Iesus annorum duodecim, ascendentibus illis in Hierosolymam &c.* GRAECUS. Non enim (3) indicium sapientiæ transcendit ætatis mensuram; sed quo tempore penes nos discretiois ratio perfecti consuevit, duodecimo scilicet anno, Christi sapientia demonstratur. AMEROSIUS (Lib. II. in Luc. titulo de exord. disputationis Iesu.) Vel a duodecimo anno dominicæ sumitur disputationis exordium: hic enim prædicandæ fidei evangelizantium numerus debebatur. ^e BASILIUS. Possumus & hoc dicere: quia sicut septenario numero, sic & duodenario, qui multiplicatis inter se invicem septenarii partibus conilat, vel rerum, vel temporum universitas, ac perfectio designetur: atque ideo quo omnia loca, vel tempora doceat occupari, recte a duodecimo numero iubar Christi sumit exordium. BEDA in homil. (Evang. infr. octa. Epiphaniæ.) Quod autem Dominus per omnes annos cum parentibus in pascha Hierosolymam venit, humilitatis est humanæ indicium: hominis namque est ad offerenda Deo sa-

(1) *M. amittitur caro.* (2) *M. peritia.* (3) *M. iudicium sapientiæ transcendit ætatis mensura.*

EX EDITIONE P. NICOLAI.

^a Lib. de Incarnat. Christi contra Apollinarianum. ^b Vel potius Theodosius in Cat. Græc. PP. sic enim ad marginem notatur post alia puz velut ex Cyrillo immediate præsumitur, non dissimili sensu. ^c Quat. I. contra Iudæos. ^d In Cat. Græc. ubi supra. ^e BEDA in Lucas.

sacrificia concurrere , & eum orationibus conciliare. Fecit ergo Dominus , inter homines homo natus , quod faciendum hominibus per Angelos imperavit Deus : unde dicitur : *Secundum consuetudinem diei festi* . Sequamur igitur iter humanæ conversationis eius , si deitatis gloriam delectamur intueri. **GRÆCUS A.** Celebrato autem festo , aliis remeantibus , Iesus latenter remansit : unde sequitur : *Consummat[us]que diebus , cum redirent , remansit puer Iesus in Hierusalem ; & non cognoverunt parentes eius* . Dicit autem , *Consummat[us] diebus* , quia septem diebus durabat solemnitatis . Ideo autem latenter remanet , ne parentes impedimento essent disputationi peragendæ cum legisperitis : vel forsitan hoc evitans , ne videatur parentes contemnere , si mandantibus non pareret . Latenter ergo remanet , ne aut retrahatur , aut sit inobediens. **ORIGENES** (hom. xix.) Non autem miremur parentes vocatos , quorum alter ob partum , alter ob obsequium , patris & matris meruerunt vocabula . **BEDA** in Lucam (cap. viii.) Sed quæret aliquis quomodo Dei Filius tanta parentum carā nutritus potuerit obliviscendo relinqui . Cui respondendum : Quia filius Israel moris fuit ut temporibus festis vel Hierosolymam confluens , vel ad propria redeuntis , seorsum viri , seorsum seminae incederent , infantisque , vel pueri cum quolibet parente indifferenter ire potuerunt ; ideoque Mariam , vel Ioseph vicissim putasse puerum Iesum , quem secum non cernebant , cum altero parente reversum : unde sequitur : *Existimantes autem illum esse in comitatu , venerunt iter dicti , & requirebant eum inter cognatos , & notos* . **ORIGENES** (hom. xix.) Sicut autem quando insidiabantur ei Iudæi , elapsus est de medio eorum , & non apparuit ; sic & nunc puto remansisse puerum Iesum , & parentes eius ubi remansisse ignorasse : sequitur enim > *Et non inventientes reversi sunt in Hierusalem , requirentes eum* . **GLOSSA** (ordinaria in hoc loco.) Una quidem die reversi sunt a Hierusalem ; secunda quærent inter cognatos , & notos ; & non inventientes , tertia die regressi sunt in Hierusalem , & ibi invenerunt : unde sequitur : *Et factum est post triduum , invenerunt eum in templo* . **ORIGENES** (hom. xix.) Non statim ut *S. Thom. Oper. Tom. V.*

quæritur invenitur : non enim inter cognatos , & carnis propinquos invenitur Iesus : neque enim poterat humana cognatio Dei Filium continere . Non invenitur inter notos , quia maior est mortali notitia . In multorum comitatu non potest inveniri ; nec ubique invenerunt , sed in templo . Et tu ergo quære Iesum in templo Dei , quære in Ecclesia , ubi Christi sermonem , atque sapientiam , idest Filium Dei , reperies . **AMBRASIUS** (tit. de exordio prædicat. Iesu.) Post triduum reperitur in templo , ut esset indicio quia post triduum triumphalis passionis , in sede cælesti , & honore divini huius nostræ fe ostenderet , resurgens qui mortuus credebatur. **GLOSSA** (ordinaria.) Vel quia quæsitus adventus Christi a Patriarchis ante legem non est inventus , quæsitus a Prophetis , & iustus sub lege non est inventus ; quæsitus a Gentilibus sub gratia invenitur. **ORIGENES** (homil. xix. in Lucam.) Quia vero parvulus erat , invenitur in medio præceptorum , (1) sanctificans , & erudiens eos : unde dicitur : *Sedentem in medio doctorem , audientem illos , & interrogantem* : & hoc pietatis officio , ut nos doceret quid pueris , quamvis sapientes , & eruditi sunt , conveniret , ut audiant potius magistros , quam docere desiderant , & se vana ostentatione non iacent . Interrogabat autem non ut addisceret , sed ut (2) interrogans erudiret : ex uno quippe doctrinæ fonte manat & interrogare , & respondere sapienter : unde sequitur : *Stupebant autem omnes qui eum audiebant super prudentiam , & responsis suis* . **BEDA** (in homil. Evan. dom. infr. ocl. Epiph.) Ad ostendendum enim quia homo erat , homines magistros humiliter audiebat ; ad probandum vero quia Deus erat , eisdem loquentibus sublimiter respondebat . **GRÆCUS B.** Quærit enim rationaliter , audit prudenter , respondebat prudentius ; quod stuporem faciebat : unde sequitur : *Et videntes admirati sunt* . **CHRYSOSTOMUS** super Ioannem c. Nullum quippe miraculum egit Dominus in pueritia ; hoc tamen unum prodit Lucas , per quod mirabilis videbatur . **BEDA** (cap. viii. in Lucam.) Divina siquidem lingua sapientiam prodebat , sed infirmitatem ætas prætendebat humanam : unde

G de

(1) P. Nicolai legi sapientificans . (2) M. interrogatus .

EX EDITIONE P. NICOLAI.

a Vel Metaphrastes , & Geometer ubi supra . b Vel Metaphrastes , & Geometet ubi supra . c homil. xl.

de Iudæi inter (1) alta quæ audiunt, & infima quæ vident, dubia admiratione turbantur. Nos autem nequaquam miremur, (2) scientes secundum Esai. ix. (3) prophetiam quod sic parvulus natus est nobis quod permanet Deus fortis. GRÆCUS a. Miranda vero Dei (4) genitrix maternis affecta visceribus, quasi cum lamentis inquisitionem dolorosam ostendit, & omnia sicut mater & fiducialiter, & humiliter, & affectuose exprimit: unde sequitur: *Et dixit mater eius ad illum: Fili, quid fecisti nobis sic? Ecce pater tuus, & ego dolentes quærebamus te.* ORIGENES b (hom. xix.) Noverat Virgo sacra- ta hunc non esse filium Ioseph; & tamen patrem vocat illius sponsum suum, propter Iudæorum suspicionem, æstimantium ipsum vulgo fore conceptum. Dicitur autem forte simplicius, quod cum honoravit Spiritus sanctus patris nomine, eo quod puerum Iesum educavit; artificiosius vero eo quod genealogiam Ioseph ex David produxit, ne suspitionem censureretur. Cur autem dolentes eum quærebant, an ex eo quod (5) perierit puer, an erraverit? Abit. Numquid etiam fieri poterat ut perditum formidarent infantem quem (6) Dominum esse cognoverant? Sed quomodo tu si quando Scripturas legis, quæris in eis sensum cum dolore, non quod Scripturas errasse arbitreris; sed veritatem quam intrinsicè habent, quæris invenire; ita illi quærebant Iesum, ne forte relinquens eos reversus esset ad cælos, cum illi placuisset iterum descendens. Oportet ergo eum qui quærit Iesum, non negligenter, & dissolutè transire, sicut multi quærunt, & non inveniunt; sed cum labore, & dolore. GLOSSA (ordinaria.) Vel metuebant ne, quod Herodes in infantia eius patrasse quærerat, tunc iam in pueritia positum, inventa opportunitate, alii interficerent. GRÆCUS c. Sed ipse Dominus respondet ad omnia, & corrigens quodammodo dictum eius de eo qui putabatur pater, verum Patrem manifestat, docens non per infima gradi, sed

in altum extolli: unde sequitur: *Et ait ad illos: Quid est quod me quærebatis?* BEDA (super Nesciebatis quia in his qua Patris mei sunt.) Non (7) eos quod huius quærant vituperat; sed quid ei potius cui ipse æternus est Filius, debeat, eos cogit oculos mentis tollere: unde sequitur: *Nesciebatis quia in his qua Patris mei sunt oportet me esse?* AMBROSIVS (tit. de resp Iesu ad matrem.) Duæ sunt in Christo generationes: una est paterna, altera materna: paterna divinius, materna vero quæ in nostrum laborem ulumque descendit. CYRILLUS d. Hoc igitur dicit, ostendens se mensuram humanam transcendere, & innuens quod sacra Virgo effecta sit ministra negotii cum peperit carnem. Ipse vero naturaliter, & vere Deus erat, & Filius Patris excelsi. Hinc autem Valentini sequaces audientes, quod templum erat Dei, pudeat dicere, quod creator, & legis Deus, & templi, non ipse Pater est Christi. EPIPHANIUS (adversus hæres. xxx.) Attendat & Ebion, quod post annos duodecim, & non post tricesimum annum Christus reperiretur stupendus in sermonibus gratiæ. Quamobrem non est dicere, quod postquam venit ad eum Spiritus in baptismo, factus fuit Christus; sed ab ipsa pueritia & templum agnovit, & Patrem. GRÆCUS e. Hæc est demonstratio prima sapientiæ, & virtutis pueri Iesu: (8) quæ namque pueritia eius vocant, diabolicæ putamus esse considerationis; nisi quis ea sola velit acceptare nequaquam. his quæ tenemus oppugnantia; sed magis consona propheticiis dictis: quia speciosus præ filiis hominum, & matri obediens, & moribus factus, & visu non modicum venerandus, & placidus, ad loquendum facundus, dulcis, & providus, & multum strenuitate cognitus, tamquam qui repletus sapientia fuerat; & sicut in aliis, sic conversationis humanæ, atque locutionis, quamvis supra hominem, terminus, & ratio: mansuetudo enim sibi præcipuum (9) ele-

(1) *Al. alia, & in firma.* (2) *Al. si scientes.* (3) *Al. Prophetam.* (4) *Al. est genitrix.* (5) *Al. perierit.* (6) *Al. divinum.* (7) *In duobus Veneti exemplis, & in Antwerpensi iam citatis sic habetur: Et quod potius debebat ei cui est æternus Filius, mentis oculos attollere cogit: unde sequitur &c.* (8) *Legis s. Nicolai nam quæ pueritia eius vocantur, non pueritii tantum, sed etiam d'abolicæ putamus esse mentis, ac perversæ inquisitionis, aggrediens ea calumniari quæ in Evangelio, & in sacris habentur eloquiis; nisi quis ea sola suscipere velit quæ a multis creduntur, nec aliis professionibus nostris contraria sunt, sed magis consona &c.* (9) *Al. deip' elegit locum.*

EX EDITIONE P. NICOLAI.

a Vel Metaphrastes, & Geometes ubi supra. b In Cat. Gæc. PP. c Vel Metaphrastes, & Geometes ubi supra. d In Cat. Gæc. PP. ubi supra. e Vel Geometes ubi supra.

elegit locum. Super hæc autem omnia (1) nihil ascendit super verticem eius, nec humana manus, excepta materna. Hinc autem possimus utilitatem consequi: dum enim Mariam increpat Dominus quærentem ipsum inter propinquos, omissionem vinculorum sanguinis apertissime suggerit; ostendens quod non contingit metam perfectionis attingere eum qui adhuc vagatur in his quæ corpori conferunt, & quod homo deficit a perfectione per affectum cognatorum.

Sequitur: *Et ipsi non intellexerunt verbum quod locutus est ad illos.* BEDA. Quia scilicet de sua divinitate ad eos loquebatur. ORIGENES (hom. xx.) Vel neiciebant utrum dicens, *In his qui Patris mei sunt*, significaret in templo, an aliquid altius, & quod magis edificat: unusquisque enim nostrum, (1) si bonus fuerit, atque perfectus, possessio Dei Patris est, & habet in medio sui Iesum.

(2) GRAECUS a. Totam intermedium Christi vitam, quæ est inter ostensionem ætatis & tempus baptismatis, velut immunem alicuius famosi, & publici miraculi, & doctrinæ, Evangelista sub uno verbo colligit dicens: *Et descendit cum eis, & venit Nazareth.* ORIGENES (hom. xx.) Crebro Iesus descendit cum discipulis suis, nec semper versatur in monte: quia non valebant qui variis morbis laborabant, ascendere in montem: idcirco & nunc descendit ad illos qui deorsum erant.

Sequitur: *Et erat subditus illis.* GRAECUS b. Quandoque enim verbo prius leges instituens, ipse secundario opere comprobabat; sicut illud Ioan. x. „ Bonus pastor animam suam ponit pro ovibus suis: “ ipse namque paulo post, nostram salutem exquirens, animam exposuit propriam: aliquando vero prius vivendi proponit exemplar, & postea promebat verbo tenus sanctionem, sicut hic, hæc tria præ ceteris opere monstrans, diligere Deum, honorare parentes, Deum vero & ipsius præferre parentibus. Cum enim reprehenderetur a parentibus,

minoris curæ cetera reputat quam quæ sunt Dei. Deique ipis quoque parentibus obedientiam præstat. BEDA. Quid enim magister virtutis nisi officium pietatis impleret? Quid inter nos aliud quam quod agi a nobis vellet, ageret? ORIGENES (hom. xx.) Discamus ergo & nos filii parentibus nostris esse subiecti. Quod si patres non fuerint, subiciamur his qui patrum habent ætatem. Iesus Filius Dei subicitur Ioseph, & Mariæ; ego vero subiciar Episcopo, qui mihi constitutus est pater. Puto quod intelligebat Ioseph quia maior se erat Iesus, & trepidus moderabatur imperium. Videat ergo unusquisque quod sæpe qui subiectus est, maior sit: quod si intellexerit, non elevabitur superbia qui est sublimior dignitate, sciens sibi meliorem esse subiectum. GREGORIUS Nissenus c. Amplius: quoniam impuberibus adhuc est imperfecta discretio, cæterque per proventus ad statum provehi perfectiorem; ideo cum pertigisset duodecimum annum, paret parentibus, ut ostendat quod quicquid per promotionem perficitur, antequam ad finem perveniat, obedientiam tamquam perducentem ad bonum utiliter amplexatur. BASILIUS in Lib. Religionum d. Ab ipsa autem primæva ætate parentibus obediens quælibet laborem corporeum humiliter, & reverenter sustinuit. Cum enim homines essent honesti, & iusti, egeni tamen, & necessariorum penuriam patientes, telle præsepe partus venerandi ministro, manifestum est quod sudores corporeos continuo frequentabant, necessaria vitæ sibi quærentes. Iesus autem obediens illis, ut Scriptura testatur, etiam in sustinendo labores subiectionem plenariam sustinebat. AMBROSIIUS (tit. de subiectione Iesu.) Et miraris si patri desert qui subditur matri? Non utique infirmitatis, sed pietatis est ista subiectio. Attollat licet caput hæreticus, ut alienis auxiliis afferat eum qui mittitur indigere; numquid & humano egebat auxilio, ut materno serviret imperio? Deserebat ancillæ, deserebat simulato patri; & miraris si Deo desulit?

G 2 An

(1) A. ubi ascendit. (2) In quatuor prædictis exemplis sic legitur. Si bonus fuerit, potius sessio Dei Patris est; si quis autem nostrum sessio Dei Patris est, habet in medio sui Iesum.

EX EDITIONE P. NICOLAI.

a Vel Geometer in Cat. Græc. PP. ubi supra. b Vel iterum Geometer ubi supra. c In Cat. Græc. ubi supra. d Vel in Constitutionibus monasticis cap. iv. in edit. Græco-latina, sive cap. v. iuxta Latinam tantum. Nec aliter aut Græcæ, aut Latine hoc Opus inscribitur: non autem at hic Lib. Relig. vel in edit. Anversipens Lib. Religionum; nisi quod illius constitutiones tum ad solitarios, tum ad comobitos dirigere proficeretur, at inscriptio ipsa præstaret.

An homini deferre pietatis est, deferre Deo infirmitatis? BEDA (cap. VIII. in Luc.) Virgo autem live quæ intellexit, live quæ nondum intelligere potuit, omnia suo pariter in corde quasi ruminanda, & diligentius scrutanda reconderebat: unde sequitur: *Et mater eius cœsternabat omnia verba hæc, cœsternans in corde suo.* GRAECUS *a.* Considera prudentissimam mulierem Mariam, veræ sapientiæ matrem, qualiter scholaris filii pueri: non enim ut puero, neque ut viro, sed ut Deo vacabat; ulterius & illius vices divinas, & opera reputabat: idcirco nil ex dictis, aut actis ab eo incassum illi (1) cadebat; sed sicut ipsum Verbum prius in visceribus, ita nunc eiusdem modis, & dista concipiebat, & in corde suo quodammodo fovebat; & hoc quidem iam secum in præsentem contemplabatur; hoc autem expectabat in futurum clarius revelandum: & hæc quidem tamquam regula, & lege per totam vitam utebatur: unde sequitur: *Et Iesus proficiebat ætate, & sapientia, & gratia apud Deum, & homines.* (2) THEOPHYLACTUS. Sed inquit: Quomodo potest æqualis Patri (3) esse in substantia qui quasi imperfectus crescere dicitur? Non autem in eo quod est Verbum, dicitur incrementum suscipere, sed in eo quod factus est homo. Si enim vere profecit, postquam factum est caro, qui ante imperfectus extiterat; quid ergo gratias agimus ei velut incarnato pro nobis? Qualiter autem si ipse est vera sapientia, in sapientia potest augeri? Vel qualiter qui ceteris largitur gratiam, ipse in gratia promovetur? Amplius: si nemo scandalizatur, cum audit quod Verbum seipsum humiliaverit, infirma quædam (4) de Deo Verbo sentiens; sed potius miratur misericordiam eius; quomodo non est supervacuum scandalizari audiendo quod profecit? Nam sicut pro nobis humiliatus est, sic pro nobis profecit, ut nos in eo proficiamus, qui lapsi fuimus per peccatum:

nam quicquid spectat ad nos, ipse vere pro nobis Christus suscepit, ut cuncta reformet in melius. CYRILLUS. Et attende quod non dixit (5) proficere Verbum, sed lesum, ne simplex Verbum proficere intelligas, sed Verbum carnem factum. THEOPHYLACTUS. Et sicut Verbum in carne passum factum, quamvis sola caro fuit passa, quia caro Verbi erat quæ patiebatur; ita proficere dicitur ex eo quod humanitas proficiebat in ipso. GREGORIUS Nazianzenus. Dicitur autem secundum humanitatem proficere, non quod ipsa suscipiat augmentum, quæ ab initio fuit perfecta, sed ex eo quod paulatim manifestabatur. THEOPHYLACTUS. Naturalis enim lex repositi hominem sensu maiore uti quam ætas corporis patitur. Erat itaque Verbum factum homo perfectum, cum sit virtus, & sapientia Patris; verum quia dandum erat aliquid nostræ naturæ moribus, ne aliquod extraneum a videtibus reputetur, tamquam homo, paulatim crescente corpore, manifestabat seipsum, & quotidie sapientior ab audientibus, & videtibus censebatur. GRAECUS *b.* Proficiebat ergo secundum ætatem quidem, corpore in virilem statum promoto; sapientia autem per eos qui ab eo divina docebantur; gratia vero, qua cum gaudio promovemur, credentes in fine obtinere quæ ab ipso promissa sunt: (6) & hoc quidem apud Deum ex eo quod assumpta carne paternum opus peregit; apud homines vero per (7) conversionem eorum a cultu idolorum ad summæ Trinitatis notitiam. THEOPHYLACTUS. Dicit enim, *Apud Deum, & homines;* qui prius decebat placere Deo, & postea hominibus. GREGORIUS Nissenus *c.* Differenter etiam profecit Verbum in his qui ipsum suscipiunt: secundum enim mensuram illius appareat aut infans, aut adultus, aut perfectus.

C A.

(1) *Al.* in edictis patebat. (2) Longe aliter P. Nicolai. Nominem namque Theophylacti dat aliam emendationem in hunc modum. THEOPHYLACTUS. Non quo sapiens proficiendo factus fuerit, sed quod paulatim sapientiam suam detexerit. Sic autem fecit quando cum scribis differuit, eos interrogans de lege cum suppone omnium qui audiebant. Vides quomodo profecerit sapientia, eo quod nosteretur a multis, & in admiratione illis esset: emicatio enim sapientiæ eius profectus ipse est. Vide autem quomodo Evangelista interpretatus quid sit proficere sapientia, subdit mox, *Et ætate* — profectum enim, vel augmentum ætatis profectum ipsum sapientiæ dicit esse. Tum vero Theophylacti, quem habent editiones alie, subdit CYRILLUS (in Thesuro Lib. X. cap. vii.) Sed, inquit (Eunomiani hæretici) Quomodo potest deus sub eodem Cyrilli indicio proseguatur usque ad indicium Græci, reliqua conformiter illi qua in terra reliquorum situm habentur subiungunt. (3) *Al.* emittitur esse. (4) P. Nicolai habet de Deo vero. (5) *Al.* proficere Verbum intelligas intermediis omitti. (6) *Al.* ut hoc. (7) *Al.* conversionem.

EX EDITIONE P. NICOLAI.

a Vel Metaphrasas, & Geomietes ubi supra. *b* Nempe Amphylochi in Cataca Græc. ubi supra. *c* Rom. j. in Cant.

C A P U T III.

(a) **A** Nno autem quindicesimo imperii Tiberii Cæsaris, procurante Pontio Pilato Iudæam, tetrarcha autem Galilææ Herode, Philippo autem fratre eius tetrarcha Iturææ, & Traconitidis regionis, & Lyfania Abilinz tetrarcha, sub principibus Sacerdotum Anna, & Caïpha, factum est verbum Domini super Ioannem Zachariæ filium in deserto.

(b) Et venit in omnem regionem Iordanis prædicans baptismum pœnitentiæ in remissionem peccatorum; sicut scriptum est in libro sermonum Esaïæ Prophete: Vox clamantis in deserto: Parate viam Domini, rectas facite semitas eius. Omnis vallis implebitur, & omnis mons, & collis humiliabitur; & erunt prava in directa, & aspera in vias planas: & videbit omnis caro salutare Dei.

(c) Dicebat ergo ad turbas, quæ exhibant ut baptizarentur ab ipso: Genimina viperarum, quis ostendit vobis fugere a ventura ira? Facite ergo fructus dignos pœnitentiæ; & ne cœperitis dicere, Patrem habemus Abraham: dico enim vobis, quia potens est Deus de lapidibus istis suscitare filios Abraham. Iam enim securis ad radicem arboris posita est. Omnis ergo arbor non faciens fructum bonum, excidetur, & in ignem mittetur.

(d) Et interrogabant eum turbæ dicentes: Quid ergo faciemus? Respondens autem dicebat illis: Qui habet duas tunicas, det non habenti; & qui habet escas, similiter faciat. Venerunt autem & publicani, ut baptizarentur, & dixerunt ad illum: Magister, quid faciemus? At ille dixit ad eos: Nihil amplius quam quod constitutum est vobis, faciat. Interrogabant autem eum & milites, dicentes: Quid faciemus & nos? Et ait illis: Neminem concutiat, neque calumniam faciat, & contenti estote stipendiis vestris.

(e) Existimante autem populo, & cogitantibus omnibus in cordibus suis de Ioanne ne forte ipse esset Christus, respondit Ioannes, dicens omnibus: Ego quidem aqua baptizo vos; veniet autem fortior me post me, cuius non sum dignus solvere corrigiam calceamentorum eius: ipse vos baptizabit in Spiritu sancto, & igni: cuius ventilabrum in manu eius, & purgabit aream suam, & congregabit triticum in horreum suum; paleas autem comburet igni inextinguibili.

(f) Multa quidem & alia exhortans evangelizabat populo. Herodes autem tetrarcha, cum corripere ab illo de Herodiade uxore fratris sui, & de omnibus malis quæ fecit Herodes, audivit & hoc super omnia, & inclusit Ioannem in carcere.

(g) Factum est autem cum baptizaretur omnis populus, & Iesu baptizato, & orante, apertum est cælum, & descendit Spiritus sanctus corporali specie sicut columba in ipsum; & vox de cælo facta est: Tu es Filius meus dilectus, in te complacui mihi.

(h) Et ipse Iesus erat incipiens quasi annorum triginta, ut putabatur, filius Ioseph, qui fuit Heli, qui fuit Mathat, qui fuit Levi, qui fuit Melchi, qui fuit Ianne, qui fuit Ioseph, qui fuit Mathathie, qui fuit Amos, qui fuit Naum, qui fuit Hesli, qui fuit Nagge, qui fuit Mahath, qui fuit Mathathie, qui fuit Scemei, qui fuit Ioseph, qui fuit Iuda, qui fuit Ioanna, qui fuit Resa, qui fuit Zorobabel, qui fuit Salathiel, qui fuit Neri, qui fuit Melchi, qui fuit Addi, qui fuit Cosan, qui fuit Helmadan, qui fuit Her, qui fuit Iesu, qui fuit Elizeer, qui fuit Iorim, qui fuit Mathat, qui fuit Levi, qui fuit Simeon, qui fuit Iuda, qui fuit Ioseph, qui fuit Iona, qui fuit Eliakim, qui fuit Melcha, qui fuit Menna, qui fuit Mathatha, qui fuit Nathan, qui fuit David, qui fuit Iesse, qui fuit Obeth, qui fuit Booz, qui fuit Salmon, qui fuit Naasson, qui fuit Aminadab,

qui

qui fuit Aram, qui fuit Elron, qui fuit Phares, qui fuit Iudæ, qui fuit Jacob, qui fuit Isaac, qui fuit Abraham, qui fuit Thare, qui fuit Nachor, qui fuit Sarug, qui fuit Ragau, qui fuit Phalech, qui fuit Heber, qui fuit Sale, qui fuit Chai- nan, qui fuit Apphaxath, qui fuit Sem, qui fuit Noe, qui fuit Lamech, qui fuit Mathufalea, qui fuit Enoch, qui fuit Iareth, qui fuit Malaieel, qui fuit Chai- nan, qui fuit Enos, qui fuit Seth, qui fuit Adam, qui fuit Dei.

(a) GREGORIUS in hom. (xx. in E-
vang.) Redemptoris præcurſor
quo tempore verbum prædicationis accepit,
memorato Romane Reipublicæ Principe,
& Iudææ Regibus designatur, cum dicitur:
*Anno autem quatuordecimo imperii Tiberii Cæsa-
ris.* Quia enim illum prædicare veniebat qui
ex Iudæa quosdam, & multos ex Gentibus
redempturus erat; per Regem Gentium, &
Principes Iudæorum prædicationis eius tem-
pora designantur. Quia autem gentilitas col-
ligenda erat in Romana Republica, unus
præfuit describitur, cum dicitur: *Imperii
Tiberii Cæsaris.* GRÆCUS A. Mortuo e-
nim Augusto Monarcha, a quo Romani Prin-
cipes nomen Augusti adepti sunt, Tiberius
post illum ad iura monarchiæ succedens,
decimumquintum annum suscepit principa-
tusebat. ORIGENES (hom. xxi. in Lu-
cam.) Et in prophetico quidem sermone
folius Iudæis prædicato, solum Iudæorum
regnum describitur: „Visio (inquit Esai.)
„Fleat in diebus Ozia, Ioathan, & Achaz
„Regum Iudæ: „at in Evangelio, quod
erat prædicandum universo mundo, domi-
nium describitur Tiberii Cæsaris, qui totius
orbis dominus videbatur. Verum si solum
hi qui sunt de Gentibus essent salvandi,
fatis erat folius Tiberii facere mentionem;
sed quia oportebat & Iudæos credere, ob
hoc etiam Iudæorum regna describuntur,
seu tetrarchiæ, cum subditur: *Procurante
Pontio Pilato Iudæam, tetrarcha autem Gali-
lææ Herode; Philippo autem fratre eius tetrar-
cha Ituræa, & Tracemitidis regionis, & Lyfania
Abilina tetrarcha.* GREGORIUS in hom.
(xx. in Evan.) Quia enim Iudæa erat pro
culpa perditionis dispergenda, in Iudææ regno
per partem & partem plurimi principaban-
tur, secundum illud infra xi. *Omne regnum
in seipsum divisum desolabitur.* BEDA (cap.
ix. in Lucam in princ.) Pilatus quidem
duodecimo anno Tiberii Cæsaris in Iudæam

missus, procuracionem gentis suscepit, at-
que ibi per decem continuos annos usque ad
ipsum pene finem Tiberii perduravit. He-
rodes autem, & Philippus, & Lyfania filii
sunt Herodis illius sub quo Dominus natus
est, inter quos & ipse Herodes Archelaus
frater eorum decem annis regnavit, qui a
Iudæis apud Augustum crimiuatus, apud
Viennam exilio periit. Regnum autem Iu-
dææ quo minus validum foret, idem Au-
gustus per tetrarchias dividere curavit.
GREGORIUS in hom. (xx. in Evang.)
Et quia Ioannes illum prædicavit qui simul
Rex, & Sacerdos existeret; Lucas Evange-
lista prædicationis eius tempora non solum
per regum, sed etiam per sacerdotum de-
signavit: unde subditur: *Sub principibus sa-
cerdotum Anna, & Caipha.* BEDA (cap. ix.
in Lucam.) Ambo quidem incipiente præ-
dicatione Ioannis, idest Annas, & Caiphas,
principes fuere sacerdotum; sed Annas il-
lum annum, Caiphas vero eum quo crucem
Dominus ascendit, administrabat, tribus
aliis in medio pontificatu persuulsis: verum
hi maxime qui ad Domini passionem perti-
nent, ab Evangelista commemorantur. Le-
galibus namque tunc præceptis vi, & am-
bitione cessantibus, nulli pontificatus honor
vitæ, vel generis merito prædabatur; sed
Romana potestate summa sacerdotii præsta-
batur. Iosephus enim fuisse, quod Valerius
Graccus Anna a sacerdotio deturbato, Ismae-
lem pontificem designavit filium Baphi; sed
etiam hunc non multo post abiciens, Elea-
zarum Ananæ pontificis filium surrogavit;
post annum vero & hunc arceſcit officio, &
Simoni cuidam Caiphæ filio pontificatus tra-
didit ministerium; quo non amplius ipse
quam unius anni spatio persumpsit, Iose-
phum, cui & Caiphas nomen fuit, (1) ac-
cepit successorem: itaque omne hoc tempus quo
Dominus noster docuisse describitur, intra
quadriennii spatia coarctatur. AMBROSIVS
(Lib.

[1] Edit. Romana 1570. & Veneta Nicolini 1593, legunt ita accepit successorem; ac per hoc, quo Iose-
phus &c.

(Lib. II. in Lucam tit. de exor. præd. Ioannis.) Congregaturus autem Ecclesiam Dei Filius, ante operatur in servulo: & ideo bene dicitur: *Factum est verbum Domini super Ioannem Zachariæ filium*; ut Ecclesia non ab homine cœperit, sed a Verbo. Bene autem Lucas compendio usus est, ut Ioannem declararet Prophetam, dicens: *Factum est super eum verbum Dei*: (1) alia non addens: nullus enim egi iudicio sui qui verbo Dei abundat. Unum itaque dicens, omnia declaravit; (2) at vero Matthæus, & Marcos & vestitu, & cinctu, & cibo Prophetam declarare voluerunt. CHRYSOSTOMUS. Verbum autem Dei hic mandatum esse dicitur: quia non a se venit Zachariæ filius, sed Deo ipsum movente. THEOPHYLACTUS (in Comm. huius loci.) Per totum autem tempus præteritum usque ad sui ostensionem occultus fuit in deserto; & hoc est quod iudicatur, *In deserto*: ut nulla suspicio innoscat hominibus, ut gratia affinitatis ad Christum, vel conversationis a teneris annis, talia de ipso testaretur: uode ipse testificans dicebat, Ioan. 1. „ Ego nesciebam „ illum. GREGORIUS Nissenus b. Simul etiam qui in spiritu, & virtute Eliæ hanc vitam ingressus est, amotus a conversatione humana, invisibilem speculationi vacans, ne huiusmodi fallacis quæ per sensus ingerantur assuetus, quamdam confusionem, ac errorem incurreret erga viri boni discretionem. Et ideo ad tantum divinarum gratiarum elevatus est apicem ut plusquam Prophetis sibi gratia infunderetur: quia mundum & experts cuiuslibet naturalis passionis desiderium suum a principio usque ad finem divinis aspectibus obtulit. AMBROSIIUS (ubi supra.) Desertum etiam est ipsa Ecclesia: quia „ plures filii desertæ magis „ quam eos quæ habet virum: „ Esai. liv. Factum est ergo verbum Domini, ut quæ erat ante desertæ, fructum nobis terra generaret.

(b) AMBROSIIUS (ubi supra.) Factum verbum vox secuta est: verbum enim prius intus operatur, sequitur (3) vocis officium: unde dicitur: *Et venit in omnem regionem Iordanis*. ORIGENES (hom. XXI.) Iordanis idem est quod descendens: descendit enim

Dei (4) fluvius aquæ salubris. Quæ autem loca decebat perambulare Baptistam, nisi Iordanis circumadiacentia? ut si quem penitere contingeret, protinus occurreret fluenti humiditas ad recipiendum penitentia: baptismum: subditur enim: *Tradicans baptismum penitentia in remissionem peccatorum*. GREGORIUS in hom. (xx. in Evan.) Cunctis legentibus liquet quia Ioannes baptismum penitentia non solum (5) prædicavit, verum etiam quibusdam dedit: tamen baptismum suum in remissionem peccatorum dare non potuit. CHRYSOSTOMUS c. super Ioannem. Cum enim nondum oblata esset hostia, nec descendisset Spiritus, qualiter erat fienda remissio? Quid est ergo quod Lucas dicit, *In remissionem peccatorum*? Erant siquidem Iudæi ignari, nec culpas proprias perpendebant. Quoniam igitur hæc erat causa malorum; ut peccata agnoscerent ad Redemptorem querendum, venit Ioannes hortans illos penitentiam agere, ut per penitentiam effecti meliores, atque contriti ad recipiendam veniam satagant. Apte ergo (6) cum dixisset, quod *venit prædicans baptismum penitentia* (7) addidit, *In remissionem peccatorum*; quasi dicat: Idcirco uadebat illis penitere, ut subsequenter veniam facilius impetrarent, credentes in Christum: nam nisi penitentia ducerentur, nequaquam exposcerent gratiam: uode baptisma illud nullam aliam habet causam, nisi quod præparatorum erat ad fidem Christi. GREGORIUS in hom. (xx. in Evan.) Vel Ioannes dicitur *prædicans baptismum penitentia in remissionem peccatorum*: quoniam baptismum quod peccata solveret quia dare non poterat, prædicabat: ut sicut incarnatum Verbum Patris præcurrebat verbo prædicationis, ita baptismum penitentia, quo peccata solvuntur, præcurrebat suo baptizmate, quo peccata solvi non possunt. AMBROSIIUS (ubi supra.) Et ideo plerique sancto Ioanni typum legis imponunt, eo quod lex peccatum denuntiare potuit, donare non potuit. GREGORIUS Nazianzenus d. Et ut aliquatenus de baptismatum differentia differamus, baptizavit Moyses, sed in aqua, nube, & mari; hoc autem figuratiter agebatur. Baptizavit quoque Ioannes

(1) Al. alias non adderet. (2) Al. at verbo. (3) Al. vobis. (4) Al. filius. (5) Al. prædicat. (6) Al. cum dixit. (7) In omnibus a nobis citatis exm. lis, præter unum Nicolai, & Zepi addidit.

EX EDITIONE P. NICOLAI.

* Hom. x. in Matth. b. Lib. de Virginitate. Sic indicamus in Cat. Græc. PP. sine capitis nota; sed habetur cap. vi. c. Super Matth. hom. x. d. Orat. XXXII. quæ in sancto lumine indicitur.

res non utique ritu Iudaeorum: non enim solum in aqua, sed etiam in remissionem peccatorum: non tamen omnino spiritualiter: neque enim addit, In spiritu. Baptizat Iesus, sed in spiritu, & hic est perfectio. Est quoque quartum baptisma, quod fit per martirium, & sanguinem, quo etiam ipse Christus est baptizatus, quod ceteris est venerabilis nimis, eatenus, quatenus iteratis contagiis non soedatur. Est etiam quintum ex lacrymis, laboriosius tamen; iuxta quod (1) quidam singulis noctibus suum rigat cubile, & stratum in lacrymis.

Sequitur: *Sicut scriptum est in libro Isaiae Propheta: Vox clamantis in deserto.* AMBROSIIUS (tit. de confirmatione per testimonium.) Bene vox dicitur Ioannes Verbi prae-nuntius: quia vox praecedit inferior, verbum sequitur quod (2) praecellit. GREGORIUS a (hom. xx. in Evan.) Qui etiam in deserto clamat, quia derelictae, ac desolatae Iudaeae solatium redemptionis annuntiat. Quid autem clamaret aperitur, cum dicitur: *Parate viam Domini, rellasfacite semitas eius.* Omnis enim qui fidem rectam, & bona opera praedicat, quid aliud quam venienti Domino ad corda audientium viam parat, ut rectas Deo semitas faciat, dum mundas in animo cogitationes per sermonem bonae praedicationis format? ORIGENES (hom. xxi.) Vel in corde nostro via praeparanda est Domino: magnum enim est cor hominis, & spatiosum; si tamen fuerit mundum. Neque in corporis quantitate, sed in virtute sensuum magnitudinem eius intellige, quae tantam scientiam capiat veritatis. Praepara ergo in tuo corde viam Domino per conversationem bonam, & egregiam, vel perfectis operibus dirige semitas vitae, ut in te sermo Dei absque offensa perambulet. BASILIUS b. Et quia semita est via quam precedentes calcaverant, & quam priores homines corrumperant, eam iterato dirigere iubet sermo illis qui a praecedentium zelo recedunt. CHRYSOSTOMUS c. Clamare autem, *Parate viam Domini*, non Regis erat, sed Praecursoris officium: &

ideo eum vocaverat vocem, quia Verbi erat Praecursor. CYRILLUS d. Sed quasi quis responderet, & diceret: Qualiter viam praeparabimus Domino, vel qualiter eius semitas rectas faciemus, cum plura sunt impedimenta honestam vitam volentibus ducere? Ad hoc propheticus sermo respondet. Sunt enim viæ quaedam, & semitae nequaquam ad eundem habiles; adeo ut alicubi ad tumulos, & iuga tollantur, alicubi declives sint: & ad hoc removendum dicit: *Omnis vallis implebitur, & omnis mons, & collis humilabitur.* Quaedam viarum inaequaliter dispositae sunt, & dum nunc sursum erigunt, nunc vergunt deorsum, valde sunt ad eundem difficiles; & quantum ad hoc subdit: *Et erunt prava in directa, & aspera in vias planas.* Hoc autem intelligitur actum esse per nostri Salvatoris potentiam: quondam enim evangelicæ conversationis, & vitae iter erat ad eundem difficile, ex eo quod & mentes singularum mundanae voluptates opprimerant, ut autem Deus factus homo peccatum damnavit in carne, explanata sunt omnia, & reddita sunt ad eundem facilia; & nec collis, nec vallis proficere volentibus obviat. ORIGENES (hom. xxi.) Quando enim venit Iesus, & Spiritum suum misit, omnis vallis repleta est operibus bonis, & fructibus Spiritus sancti; quos si habueris, non solum vallis esse desistit, sed etiam mons Dei esse incipies. GREGORIUS Nilenus e. Vel quietam in virtutibus conversationem significat per convalles, secundum illud Psalmi lxiv. „Valles abundantes frumento.“ CHRYSOSTOMUS f. Elatos autem superbos nomine montis denuntiat, quos Iesus humiliavit. Colles autem desperatos appellat, non solum ob superbiam mentis suae, sed propter desperationis sterilitatem: collis enim nullo fructus producit. ORIGENES (hom. xxi. in Luc.) Vel intelligas quoniam montes, & colles, qui sunt adversariae potestates, per adventum Christi prostrati sunt. BASILIUS g. Sicut autem colles respectu montium magnitudine differunt, in aliis sunt idem; sic & ad-

(1) d. quidem singulis noctibus suum rigant cubile. P. Nicolai habet David singulis noctibus suum rigat cubile. (2) d. praecedit.

EX EDITIONE P. NICOLAI.

a Quantum quidem ad primam appendicem hom. vii. quo ad secundam autem hom. xx. ut supra & etiam alia quaedam non dissimili sentio, sed omnino diversis verbis hom. vii. subiunguntur. b In Cat. Graec. PP. ut ex eius Commentariis in Esaiam indicatur; sed ibi non occurrat, cum in ferdum tantum prima capitula nunc superflui Commentaria, & hic de cap. xl. verbis explicandis agatur. c In Cantena Graec. PP. ubi supra. d Lib. III. in Eia. xl. e In Cat. Graec. PP. f In Cat. Graec. PP. ut supra. g Ut supra.

& adversæ potestates proposito quidem conformes sunt, immunitate tamen offensionum fecernuntur. GREGORIUS in hom. (xx. in Evang.) Vel vallis impleta crevit, mons autem, & collis humiliatus decrevit: quia in fide Christi & gentilitas plenitudinem gratiæ accepit, & Iudæa per errorem perfidie hæc unde tumebat perdidit. Humiles enim domum accipiunt quod a se corda superbientium repellunt. CHRYSOSTOMUS (hom. x. in Matth.) Vel per hoc declarat legis difficultatem in fidei facilitatem conversam; ac si dicat: Non ulterius sudores, & dolores imminet; sed gratia, & remissio peccatorum facilem viam pariat ad salutem. GREGORIUS Nissenus. Vel iubet valles impleri, deiici vero colles, & montes; volens ostendere quod nec ob defectum virtutis ordo sit concavus, nec discreperet ob excessum. GREGORIUS in hom. (xx. ubi supra.) Prava autem directæ sunt, cum malorum corda per iniustitiam detorta, ad iustitiæ regulam diriguntur. Aspera autem in vias planas immutantur, cum inimites, atque iracundæ mentes per infusionem supernæ gratiæ ad lenitatem mansuetudinis redeunt. CHRYSOSTOMUS (hom. x. in Matth.) Deinde horum subiicit causam, dicens: *Et videbit omnis caro salutare Dei*: ostendens quoniam ulque ad fines mundi diffundetur Evangelii virtus, atque cognitio, ex more ferino, & obliata voluntate ad mansuetudinem, & lenitatem humanum genus convertens. Non autem solum Iudæi, & profelyti, immoto humanæ naturæ salutare Dei videbit. CHRYSOSTOMUS. Id est, Patris qui Filium misit ut nostrum salvatorem. Caro autem ad præsens accipitur pro toto homine. GREGORIUS in hom. (xx. in Evan.) Vel aliter. *Omnis caro*, id est omnis homo, *salutare Dei*, videlicet Christum, in hac vita videre non potuit. Propheta ergo oculum ad extremum iudicii diem tendit, quando hunc omnes & electi, & reprobi pariter videbunt.

(c) CHRYSOSTOMUS. Manens ali-
S. Th. Op. Tom. V.

quis in pristino statu, & mores suos, & consuetudinem non relinquens, nequaquam rite ad baptismum venit. Si quis ergo velit baptizari, egrediatur: unde signanter dicitur: *Et dicebat ad turbas quæ exibat, ut baptizarentur ab ipso*. Eredientibus itaque ad lavacrum turbis, loquitur quæ sequuntur: si enim iam egressi essent, nequaquam adeo diceret: *Geminia viperarum*. CHRYSOSTOMUS d. Ille itaque cultor deserti videns omnes incolas Palæstinæ (1) circumstantes ipsum, & admirantes, non fledebatur pro tanta reverentia, sed insurgens in ipsos arguebat eos. Sacra autem Scriptura, secundum stimulantem passionem, plerumque ferarum nomina imponit hominibus; interdum canes eos nominans causa prociatitatis, (2) equos ob luxum, asinos propter dimentiam, & leones, & pardos causa rapacitatis, & petulantiae, alpidæ causa doli, serpentes, & viperas causa veneni, & caliditatis. Unde & nunc Ioannes Iudæos audacter *geminia viperarum* vocat. BASILIUS (cont. Eunomium Lib. II.) Oportet autem scire, quod hæc nomina *natus*, & *filius* de animalibus dicuntur; *geminum* vero potest dici fetus antequam (3) effingatur; fructus etiam palmarum *geminina* dicuntur; raro autem in animalibus accipiuntur, & semper in malo. (4) CHRYSOSTOMUS f (hom. xii. in Matth.) Ferunt autem viperam matrem coeundo necare, cuius semen excreviscent perimit matrem; & sic prode in lucem scisso parentis utero, in vindictam quodammodo parentis genitoris: itaque parricida est proles (5) viperea. Tales erant Iudæi, qui patres spiritalis eorum, atque doctores occidebant. Quid autem si (6) non invenit eos peccantes, sed incipientes converti? Non debebat eis conviciari, sed permulcere. Dicendum, quod non adhibebat mentem his quæ fiebat exterius: mentis enim eorum arcana cognoverat Domino revelante: nimis enim he iacebant in progenitoribus. Hanc ergo iactantem incidens, nominat illos *geminia viperarum*, non quidem vituperans Patriarchas, aut eos viperas nomi-

H mi-

(1) *Al.* circumdantes. (2) *Al.* eos ob luxum. (3) *Al.* efficitur. (4) *Al.* ORIGENES.
(5) *Al.* viperæ. (6) *Al.* deest non.

EX EDITIONE P. NICOLAI.

* Ubi supra. b CYRILLUS Lib. III. in Esai. xl. non Chrysostomus, ut prius notabatur tum in Tarjicæ, tum in Antverpiensi editione, sine ullo indice ad marginem, qui nec poterat ex Chrysostomo poni. c ORIGENES hom. xiii. d In Matth. hom. xi. e In Gen. hom. xxi. Prius uno tenore cum prædictis confundebaritur ista sine ullo indice loci sed & nominæ Chrysostomi præcedentia notabantur, quæ reponimus ex Origene. f Non eadem serie quæ hic, sed prioribus postiora præmittendo.

minans. GREGORIUS in hom. (xx. in Evan.) Sed quia per hoc quod bonis invident, eosque persequuntur, patrum suorum carnalium vias sequentes, quasi venenati filii de(1) veneficis parentibus nati sunt. Quia vero supradicta sententia intendit quod extremo Christus examine ab omni carne videbitur, recte subditur: *Quis ostendet vobis fugere a ventura ira?* Ventura ira est animadversio ultionis extremæ. AMBROSIVS (Lib. II. in Lucam in tit. de redargutione malitiæ Iudæorum.) Ostenditur autem his Dei miseratione insula prudentia, ut gerant suorum poenitentiam delictorum, futuri terrorem iudicii provida devotione metuentes; aut fortasse, iuxta quod scriptum est Matth. x., Effore prudentes sicut serpentes, ostenduntur habere prudentiam naturalem, qui profutura videant, & sponte deposcant, sed adhuc noxia non relinquunt. GREGORIUS in hom. (xx. in Evan.) Quia vero tunc fugere ab ira peccatorum non valet qui nunc ad lamenta poenitentiae non recurrit, subditur: *Facite ergo fructus dignos poenitentiae.* CHRYSOSTOMUS a. Non enim satis est poenitentibus peccata dimittere, sed opus est eius fructus ferre, secundum illud Psal. xxxiii., Declina a malo, & fac bonum: "sicut non sufficit ad sanationem sagittam evellere; sed oportet ulceri medicamentum apponere. Non autem dicit fructum, sed fructus, copiam designans. GREGORIUS in hom. (xx. in Evan. ante med.) Nec solum fructus poenitentiae, sed dignos poenitentiae admonet esse faciendos. Quisquis enim illicita nulla commisit, huic conceditur ut licitis utatur; at quis in culpam lapsus est, tanto a se licita debet abscindere, quanto meminit se perpetrasse illicita. Neque enim par fructus esse boni operis debet eius qui minus, & qui amplius deliquit; aut eius qui in nullis, & eius qui in quibusdam facinoribus cecidit. Per hoc ergo cuiuslibet conscientia convenitur, ut tanto maiora quærat bonorum lucra per poenitentiam, quanto graviora sibi intulit damna per culpam. MAXIMUS b. Poenitentiae fructus est impassibilitas animæ, qua plenarie non fruimur, dum interdum passionibus

instigamur: nondum enim fructus poenitentiae dignos peregrimus. Poeniteamus ergo veraciter, ut a passionibus expediti, peccatorum veniam consequamur. GREGORIUS in hom. (xx. in Evan.) Sed Iudæi de generis nobilitate gloriantes, ideo se agnoscere peccatores nolebant, ideo se agnoscere descendentes; quibus recte dicitur: *Et ne exoperitis dicere: Patrem habemus Abraham.* CHRYSOSTOMUS c. Non hoc indicans, quod ab Abraham naturali origine non descenderent; sed quia nihil prodest ab Abraham descendisse, nisi secundum virtutem cognationem observerent. Cognationis namque leges consuevit Scriptura vocare non eas quæ secundum naturam consilium, sed quæ derivantur a virtute, vel vicio: quibus namque se quisque conformem statuit, horum filius, vel frater vocatur. CYRILLUS d. Quid enim confert carnalis generositas, nisi consimilibus studiis fulciatur? Vanum est igitur extolli de bonis prædecessoribus, & desicere ab eorum virtutibus. BASILIUS e. Neque enim equum velocem esse facit patris erga cursum strenuitas; sed veluti ceterorum animalium probitas consideratur in singulis, sic quoque laus propria viri discernitur quam præsentium bonorum in se comprobatur argumentum. Turpe namque est alienis ornari decoribus quem virtus propria non venuit. GREGORIUS Nissenus. Sic igitur Iudæorum promulgato exilio, consequenter ingerit convocationem Gentilium, quos lapides appellat: unde sequitur: *Dico enim vobis, quia potest Deus de lapidibus istis suscitare filios Abraham.* CHRYSOSTOMUS (hom. xi. in Matth. al. a prin.) Quali dicat: Ne putetis quod, si vos perieritis, filius privetur Patriarcha: potest enim Deus etiam ex lapidibus homines illi præbere, & ad illum perducere sanguinem: nam & ab ipso principio sic venit: cinis, quæ quod est ex lapidibus homines fieri, æquipollet exitus filii ab illo emortuo utero Saræ. AMBROSIVS (tit. & Lib. ubi sup.) Sed licet Deus possit diversas convertere, & mutare naturas; tamen mihi plus mysterium, quam miraculum prodest. Quid enim aliud quam lapides habebantur qui lapidibus servia-

(1) venenatis.

EX EDITIONE P. NICOLAI.

a Hom. x. in Matth. b In Cat. Græc. PP. ex Affectis. c In Cat. Græc. ubi supra. Colligitur ex hom. xi. in Matth. xxi. & hom. xxi. in Epist. ad Rom. ab initio exhortationis moralis ac deinceps. d In Cat. Græc. PP. ubi supra. Haberi potest ex Cyrillo in cap. ix. Amos vers. vii. e In Cat. Græc. Sequentia ex Basilio, & Gregorio Nisseno non occurrunt nisi citata in Cat. Græcorum.

serviebant, similes utique his qui fecerant eos? Prophetatur igitur saxis Gentilium fides infundenda pectoribus, & futuros per fidem Abraham filios oraculo pollicetur. Ut autem scias quia lapidibus comparati sunt homines, arboribus quoque homines comparavit cum subdit: *Iam enim securis posita est ad radicem arboris.* Exempli autem ideo facta est mutatio ut illo comparationis processu quidam intelligatur homini clementior iam profectus. ORIGENES (hom. xxi. in Luc.) Et quidem si iam (1) ingrueret consummatio, & temporum finis instaret, nulla mihi quaestio nasceretur: dicerem enim propterea hoc prophetatum esse, quia illo tempore complebitur. Cum autem tanta post aetula fluxerint ex quo Spiritus sanctus hoc dixit; ego puto Israelitico populo prophetari, quod praefatio eius vicina sit. His enim qui egrediebantur ad eum, ut baptizarentur, haec inter cetera loquebatur. CYRILLUS a. Securitatem ergo in praesenti nominat mortiferam iram, quae divinitus irruit in Iudaeos propter exercitia impietatem in Christum. Non tamen haesisse radici securim praenuntiat, sed ad radicem, id est iuxta radicem positam: decisi namque fuerant rami, nec radicis extirpata est planta: reliquiae enim Israel salvae fient. GREGORIUS in homil. (xx. in Evang.) Vel aliter. Arbor huius mundi est universum genus humanum; securis vero est Redemptor noster, qui velut ex manubrio, & ferro, tenetur ex humanitate, sed incidit ex divinitate: quae videlicet securis iam ad radicem arboris posita est, quia etiam per (2) patientiam expedat, videtur tamen quid factura (3) est. Et notandum, quod non iuxta ramos securim positam, sed ad radicem dicit: cum enim malorum filii rolluntur, quid aliud quam rami infructuosae arboris absconduntur? Cum vero tota simul progenies cum parente tollitur, infructuosa arbor a radice abscissa est. Unusquisque autem perverfus paratam citius gehennae concrementum invenit, qui fructum boni operis contemnit: unde sequitur: *Omnis ergo arbor quae non facit fructum*

bonum, exciditur, & in ignem mittitur. CHRYSOSTOMUS b. Eleganter dictum est, *Non faciens fructum*, & adiciatur *bonum*: officiosum enim hoc animal Deus creavit, & naturalis est sibi exercitiorum instantia, otium vero innaturale. Obest enim inertia etiam cunctis corporis membris, nulli autem ut animae: ea namque cum continuo sit naturaliter mobilis, otiosi non patitur. Sicut autem otium malum est, ita & indecens exercitium. Ex eo autem quod praemisit poenitentiam, praedicat quod securis adiacet, non quidem incidens, sed terrorem incutiens. AMBROSIIUS (ubi supra) Faciat ergo fructum qui potest gratiae, qui debet poenitentiae. Adest Dominus qui fructum requirit, secundos vivificet, (4) steriles reprehendat.

(d) GREGORIUS in hom. (xx. in Evang.) In praemissis verbis Baptistae Ioannis constat, quod auditium corda turbata sunt, quae consilium quaerebant, quae subinferebant: *Et interrogabant eum turba dicentes: Quid ergo faciemus?* ORIGENES (hom. xxi.) Tres ordines inducuntur sciscitantium Ioannem super salute sua: unus quem Scriptura appellat turbas; alius quem publicanos nominat; tertius qui militum appellatione censetur. THEOPHYLACTUS (hoc loco.) Et quidem publicanis, & militibus a malo abstinere praecipit; turbis autem quasi non malitiosis existentibus bonum aliquod praecipit observari: unde sequitur: *Respondens autem dicebat illis: Qui habet duas tunicas, det non habenti.* GREGORIUS in hom. (xx. in Evang.) Propter hoc quod tunica plus est necessaria usui nostro quam pallium, ad fructum dignum poenitentiae pertinet ut non solum exteriora quaecumque, sed ipsa nobis valde necessaria dividere cum proximis debeamus, scilicet vel tunicam, qua vestimur, vel escam, qua carnaliter vivimus: unde sequitur: *Et qui habet escas, similiter faciat.* BASILIUS c (in ferm. ad divites.) Hic autem docemur quod ex omni eo quod affluit supra proprii victus necessitatem, tenemur erogare illi qui non habet, propter Deum, qui quaecumque posidemus

H 2

demus

(1) *M.* vigeret. (2) *M.* poenitentiam. (3) *M.* omittitur est. (4) *M.* vigiles

EX EDITIONE P. NICOLAI.

a In Cat. Græc. PP. ubi supra. b In Cat. Græc. PP. ubi supra. Quod subiungitur ex Chrysostomo, colligi potest partim ex hom. xi. in Matth. partim ex hom. xxxv. in Actis, sed non tam plene ut hic. c In Cat. Græc. ubi supra. Colligitur ex hom. de avaritia, & hom. in divites, & hom. tempora famis ac siccitatis; non his tamen præfate verbis, aut eodem tenore; nec certus locus unde sumptum sit in Cat. Græc. designatur.

demus largitus est. GREGORIUS in hom. (xx. in Evang.) Quia enim in lege scriptum est Levit. xix. „Diligis proximum tuum sicut teipsum;“ minus proximum amare convincitur qui non cum eo in necessitate illius etiam ea quæ sunt sibi necessaria paritur: idcirco de dividendis cum proximo duabus tunicis datur præceptum: quoniam si una dividitur, nemo vestitur. Inter hæc autem sciendum est quantum misericordiae opera valcant, cum ad fructus dignos poenitentiae ipsa præ ceteris præcipiunt. AMBROSIVS (ubi supra.) Alia enim officiorum præcepta propria sunt singulorum: misericordia communis est usus: ideo commune præceptum est omnibus ut conferrant non habeant. Misericordia est plenitudo virtutum. Misericordiae tamen ipsius possibilitate conditionis humanæ mensura servatur, ut non sibi unusquisque totum eripiat, sed quod habet cum paupere partiat. ORIGENES (hom. xxi.) Profundiores autem locus iste recipit intellectum. Quomodo enim non debemus duobus servire dominis, sic nec duas habere tunicas, nescit unum indumentum veteris hominis, & alterum novi; sed debemus nos exuere veterem hominem, & ei dare qui nudus est: alius enim habet unum, alius vero omnino non habet, contraria scilicet fortitudo; & quomodo scriptum est ut in profundum maris præcipitemus nostra delicta, sic proiciat a nobis oportet vitia, atque peccata, & iacere super eum qui eorum nobis causa extitit. THEOPHYLACTUS (hoc loco.) Quidam autem tunicas duas esse dixit spiritum Scripturæ, & litteram. Habentem vero duo hæc monet Ioannes ut instruat ignorantem, & det ei ad minus litteram. BEDA (cap. ix. in Lucam par. a. med.) Quantam autem Baptisæ sereno virtutem habuerit, hinc probatur, cum & publicanos, & milites ad consilium salutis suæ conegerit inquirendum: unde sequitur: *Venerunt autem publicani, ut baptizarentur, & dixerunt: Magister, quid faciemus?* CHRYSOSTOMUS a. Magna (1) est virtutis fortitudo, dum felicitatis viam requirunt (2) ab indigno locupietes. BEDA (ibidem.) Præcepit ergo eis ne ultra præscriptum exigant: unde sequitur: *Et ille dixit ad eos: Nihil am-*

plius quam quod vobis constitutum est facietis? Publicani vero appellantur hi qui vectigalia publica exigunt, sive qui conductores sunt vectigalium hici, vel rerum publiciarum; nec non & hi qui sæculi huius lucra per negotia sectantur, eodem vocabulo censentur; quos omnes pariter in suo quemque gradu ab agenda fraude coercet, ut dum primo se ab alienorum (3) temperarent appetitu, tandem (4) ad propria cum proximis communicanda pertingerent. Sequitur: *Interrogabant autem eum & milites, dcentes: Quid faciemus & nos?* Iustissimo autem moderamine præmonet, ne ab eis calumniansdo prædam requirant, quibus militando prodelle debuerant: unde sequitur: *Et ait illis: Neminem concutatis, scilicet per violentiam, neque calumniam faciat, scilicet per fraudulentam malitiam; & contenti estote stipendiis vestris.* AMBROSIVS (Lib. II. in Lucam tit. ubi supra.) Docens idcirco stipendia militum constituta, ne dum sumptus queritur, prædo grassetur. GREGORIUS Nazianzenus b. Stipendium enim appellat imperialem provisionem, & deputata per legem digonitatibus munera. AUGUSTINUS contra Faustum (Lib. XXII. cap. lxxiv.) Sciebat enim eos cum militarent non esse homicidas, sed ministros legis; & non ultores iniuriarum suarum, sed salutis publicæ defensores: alioquin responderetis: *Arma abicite, militiam istam deferite, neminem percutite, vulnerate, prosternite.* Quid enim culpatur in bello? An quia moriuntur quandoque morituri, ut (5) dominentur in pace victuri? Hoc reprehendere timidorum est, non religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, & si qua similia, hæc sunt quæ in bellis iure culpantur; quæ plerumque ut etiam inde puniantur, adversus violentiam resistentium, sive Deo, sive aliquo legitimo imperio iubente, gerenda ipsa bella suscipiuntur a bonis, cum in eo rerum humanarum ordine inveniantur ubi eos vel iubere tale aliquid, vel in talibus obedire iuste ipse ordo constringit. CHRYSOSTOMUS super Matth. (hom. xxv.) Volebat autem Ioannes quando publicanis, & militibus loquebatur, ad aliam maiorem philosophiam

(1) *Al. desideratur est.* (2) *Al. ab indigno.* (3) *Al. tentarent.* (4) *Al. direx ad.* (5) *Al. dominebantur.*

phiam ipsos traducere; sed quoniam nondum erant ad illam idonei, minora referat, ne si potiora proferret, nequaquam illis inderent, & his etiam privarentur.

(c) ORIGENES (hom. xxv.) Dignum erat ut plus Ioanni quam ceteris hominibus deferretur, qui aliter quam cuncti mortales vixerat: quam ob causam diligebant quidem cum iustissime, sed non servabant in caritate modum: unde dicitur: *Exsistamte autem populo, & cogitantibus omnibus in cordibus suis de Ioanne ne forte ipse esset Christus &c.* AMBROSIVS (Lib. II. in Lucam de respon. Ioannis ad populum.) Quid autem ineptius quam quod is qui in alio aestimatur, in seipso esse non creditur? Quem per mulierem venturum putabant, per virginem venisse non credunt: & utique divini adventus signum in virginis partu, non in mulieris constitutum est. ORIGENES (hom. xxv.) Habet autem periculum dilectio, si modum transcat: debet enim qui aliquem diligit, naturam, & causas considerare diligendi, & non plus diligere quam mereatur: nam mensuram caritatis, modumque si transenderit, & qui diligit, & qui diligitur in peccato erit. (1) GRAECUS a. Unde Ioannes non fuit gloriatu in habita opinione de ipso ab hominibus, nec aliquatenus visus est primatum appetere; sed infirmam humilitatem amplexus est: unde sequitur: *Respondit Ioannes, dicens omnibus: Ego quidem baptizo vos in aqua.* BEDA (cap. ix. in Lucam.) Quomodo autem respondit eis, qui in secreto cordis, autem Christus esset, cogitabant, nisi quia non solum cogitabant, sed etiam, sicut alius Evangelista declarat, missis ad eum sacerdotibus, ac levitis, an esset Christus inquirebant? AMBROSIVS (tit. ubi supra.) Vel videbat Ioannes cordis occulta. Sed consideremus cuius gratia: Dei enim munus est, qui revelat, non virtus hominis, qui divino magis adiuatur beneficio, quam naturali cernit officio. Cito autem respondens probavit non esse se Christum, qui visibili operatur officio: nam cum ex duabus naturis, id est ex anima hominis & corpore, visibile per visibilia, invisibile per invisibile mysterium consecratur: aqua enim corpus abluitur, spiritui animæ delicta mun-

dantur; licet etiam in ipso fonte sanctificatio divinitatis aspiaret: & ideo aliud fuit baptismi poenitentiae, aliud est gratiae: istud baptismi ex utroque, illud ex uno: opus hominis est gerere poenitentiam delictorum, Dei munus est gratiam implere mysterii. Declinans ergo maiestatis invidiam, non verbo, sed opere declaravit non esse se Christum: unde sequitur: *Venit enim fortior me post me.* In hoc quod dicit, *Fortior me*, comparationem non fecit: neque enim inter Dei Filium & hominem ulla poterat esse comparatio; sed quia multi fortes, fortior nemo nisi Christus. Denique non fecit comparationem, eo quod addiderit: *Cuius non sum dignus solvere corrigiam calceamentorum eius.* AUGUSTINUS de Conlen. Evang. (Lib. II. cap. xii.) Matthaeus quidem dicit cap. xii. „Cuius non sum dignus calcia, ceamenta portare.“ Itaque si ad rem pertinet aliud intelligere in eo quod dictum est, „Calceamenta portare,“ & corrigiam calceamentorum solvere, ut unus Evangelistarum hoc, alii aliud dicerent; omnes verum narraverunt: si autem nihil intendit Ioannes, cum de calceamentis Domini diceret, nisi excellentiam eius, & humilitatem suam, quodlibet horum dixerit, sive de solvenda calceamentorum corrigia, sive de portandis calceamentis, eandem tamen sententiam tenuit quibus etiam verbis suis per calceamentorum memoriam, eandem significationem humilitatis expressit. AMBROSIVS (Lib. II. in Lucam cap. de testimonio Ioannis de Christi adventu.) Per hoc etiam quod dicit, „Cuius non sum dignus calceamenta“ portare, „evangelicæ prædicationis“ ostendit in Apostolos gratiam esse collatam; qui sunt calceati in Evangelium. Videtur tamen ideo hoc dicere quod plerumque Ioannes personam accipit populi Iudæorum. GREGORIUS (hom. vii. in Evang.) Sed & Ioannes se indignum esse ad solvendum corrigiam calceamenti eius denuntiat; ac si aperte dicat: Ego Redemptoris vestigia denudare non valeo, qui sponsi nomen inhiemerit non usurpo. Mos enim apud veteres fuit ut si quis eam quæ sibi competere, accipere nollet uxorem, ille ei calceamentum solveret qui ad hanc sponsus iure pro-

(1) In edit. Veneta Nicolini GREGORIUS, & ad marginem, Colligitur ex hom. vii. (2) Ascendit Apo. 9.

EX EDITIONE P. NICOLAI.

a Sive Metaphrasæ in Cat. Græc. PP. non, ut prius, Gregorius, qui hom. vii. in Evang. sic tantum habet: Cum tanta virtute esset ut Christus credi posset, maluit solida subistere in se, ne humana opinione preterit inanis super se.

propinquitatis venire. Vel quia calceamenta ex mortuis animalibus sunt, incarnatus Dominus qualis calceatus apparuit, qui morticina nostrae corruptionis assumpsit. Corrigia ergo calceamenti est ligatura mysterii. Ioannes itaque solvere corrigiam calceamenti eius non valet: quia incarnationis mysterium nec ipse investigare sufficit qui hanc per prophetiae spiritum agnovit. CHRYSOSTOMUS (hom. xxi. in Matth.) Et quia dixerat, quod suum baptisma nil plus haberet quam aquam, consequenter ostendit excellentiam exhiberi per Christum baptismatis, cum subdit: *Ipsa vos baptizabit in Spiritu sancto, & igni*: per ipsam dicti metaphoram ostendens abundantiam gratiae: non enim ait, Dabit vobis Spiritum sanctum, sed *baptizabit*: ac rursus per id quod de igne subiicit, ostendit virtutem gratiae: & sicut Christus aquam vocat Spiritus gratiam, ostendens per vocabulum aquae, nitorem qui contingit ex ea, & consolationem immensam quae mentibus capacibus illius ingeritur; sic & Ioannes per ignis vocabulum exprimit fervorem, & rectitudinem gratiae, necnon & peccatorum consumptionem. BEDA (super *Ipsa baptizabit vos in spiritu.*) Potest (1) & Spiritus sanctus nomine ignis significatus intelligi: quia incendit per amorem, & per sapientiam corda quae replet, illuminat: unde & Apostoli baptisma Spiritus in ignis visione percipiunt. Sunt qui ita exponunt, quod in praesenti in Spiritu, & in futuro baptizemur in igne; ut videlicet sicut in remissionem omnium peccatorum ex aqua, & Spiritu renascimur; ita & tunc de levibus quibusdam peccatis (2) purgatorii ignis ante ultimum iudicium baptismate permundemur. ORIGENES (hom. xxv.) Et quomodo Ioannes iuxta Iordanem fluvium venientes ad baptismum praesolabatur, & alios abigebat, dicens, *Generatio viperarum*, eos vero qui confitebantur peccata, suscipiebat: sic sicut in igneo flumine Dominus Iesus iuxta flammam rhomphaeam, ut quicumque post exitum vitae huius ad paradysum transire desiderat, & purgatione indiget, hoc eum (3) amos baptizet, & ad paradysum transmittat; eum vero qui non habet signum priorum baptismatum, lavacro igneo non bap-

tizet. BASILIUS. Non autem propter hoc quod dicit, *Baptizabit vos in Spiritu sancto*, integrum quis esse baptismum fatebitur in quo nomen solius Spiritus invocatum est: oportet enim temper illibatam manere assignatam traditionem in vivificante gratia: nam addere, vel minuere quicquam excludit a vita perpetua: sicut enim credimus, sic & baptismum suscipimus in nomine Patris, & Filii, & Spiritus sancti. GRAECUS. Per hoc ergo quod dicit, *Baptizabit in Spiritu sancto*, ostendit abundantiam gratiae, & beneficii copiam. Ne autem aliqui putent quod dona largiri, & potestas, & voluntas est creatori; punire vero inobedientes nullam sibi fore causam; ob hoc subdit: *Cuius ventilabrum in manu eius*: ostendens quod non solum munificus est dignis, sed etiam praevocationum ultor. Ventilabrum autem promptitudinem iudicii exprimit: non enim cum (4) induciis, sed in instanti, & absque quolibet intervallo separatur damnandos a collegio salvandorum. CRYSTILLUS. Per hoc autem quod subdit, *Et permundabit aream suam*, (5) designat Baptista, Ecclesiam pertinere ad Christum, quasi ad dominum. BEDA (super *Cuius ventilabrum.*) Per aream enim praesens Ecclesia figuratur, in qua „multi sunt vocati“, „pauci vero electi“: Matth. xx. (6) cuius areae purgatio & nunc viritum geritur cum quisque perversus, vel ob manifesta peccata de Ecclesia, sacerdotali castigatione eiicitur, vel ob occulta, post mortem divina distractione damnatur. Et universaliter in fine perficietur, quando „mittet Filius hominis Angelos suos, & colligent de regno“ eius omnia scandala: „ibid. xiii. AMBROSIVS (Lib. II. in Lucam, de iudicaria Christi potestate.) Ventilabrum ergo iudicio, discriminandum Dominus declaratur ius habere meritum, eo quod dum frumenta ventilantur in area, plena a vasis velut quodam aëris spirantis examine separantur: unde sequitur: *Et congregabit triticum in horreum suum; paleas autem comburet igne inextinguibili*. Per hanc comparisonem Dominus ostendit quod iudicii die solida merita, fructusque virtutis ad inanem iactantiae, (7) exiliumque factorum infu-

(1) *M.* Potest & Spiritus sancti nomine &c. item Potest & Spiritus sanctus nomine igni sanctificatus intelligi. (2) *Quatuor exempla sapientiae citata legunt purgatorii (item purgatorium) igni baptismate mundamur.* (3) *M.* lavamine. (4) *M.* iudicii. (5) *M.* deliquitabat. (6) *M.* eius. (7) *M.* exilique.

EX EDITIONE P. NICOLAI.

* Lib. de Spiritu sancto cap. xxi. & 1a Thes. Lib. II. cap. xvi.

fructuosa levitate discernat, perfectioris meriti viros locuturus in mansione caelesti. Ipse enim perfectior fructus est qui meruit eius esse conformis qui sicut granum tritici (1) excidit, ut plurimos fructus asferet. CYRILLUS. At paleæ lentos, & inanes signant, & quolibet vento peccati ventilatos, & volubiles. BASILIUS. Conferunt autem hi qui digni sunt regno caelorum velut paleæ tritico; non tamen intuitu divinæ caritatis, & proximorum hoc faciunt, sive spiritualibus donis, sive corporalibus beneficiis. ORIGENES (homil. xxv.) Vel quia absque vento non possunt triticum, & paleæ separari; ideo habet ventilabrum in manu sua, quod alios paleas, alios triticum esse demonstrat. Cum enim esses palea levis, id est incredulus, ostendit te esse tentatio quod (2) latebas. Cum autem fortiter tentamenta toleraveris, non te faciet fidelem tentatio, atque patientem, sed virtutem, quæ in te latebat, profert in medium. GREGORIUS Nissenus. Expedit autem scire, quod nec bona quæ per repromissiones reposita sunt honeste viventibus, talia sunt ut verbo valeant explicari: quia nec oculus vidit, nec auris audivit, nec in cor hominis ascenderunt: nec peccatorum poenæ ad aliquid eorum quæ in præsentem sensum afficiunt, proportionem habent: & quamvis aliqua illarum poenarum per nostra nominentur vocabula, differt tamen non modicum: cum enim audis ignem, aliud quiddam concipere doceris ex eo quod additur, *inextinguibilis*, quod in istum ignem non cadit. GREGORIUS XV. Moral. (cap. xiv. & xvii. in nov. exempl. & est super illud Iob xx.) Devorabit eum ignis. Miro modo expressus est ignis gehennæ: ignis namque noster corporeus per congesa ligna nutritur, nec valet nisi sotos subsistere; at contra gehennæ ignis, cum sit corporeus, & in se missos reprobos corporaliter exurat, lignis non nutritur, sed creatus semel inextinguibilis durat.

(f) ORIGENES (homil. xxvii. in Lucam.) Annuntiaverat Ioannes Christum, baptismum Spiritus sancti prædicabat, & cetera quæ Evangelii tradit historia: exceptis

ergo his alia annuntiassse monstrat in eo quod dicitur: *Multa quidem & alia exhortans evangelizabat populo.* THEOPHYLACTUS (hoc loco.) Exhortatio enim eius erat bona doctrina; & ideo convenienter Evangelium dicitur. ORIGENES (homil. xxvii. in Lucam.) Et quomodo in Evangelio secundum Ioannem de Christo refertur, quia multa & alia locutus est; sic & in præsentis loco intellige quod Lucashic dixit, quoniam maiora quædam Ioanne annuntiabantur quam ut deberent litteris credi. Miramur autem Ioannem, quo inter natos mulierum maior nemo fuerit, quod in tantam opinionem meritis virtutis ascenderit ut a plerisque Christus putaretur; sed illud multo mirabilius, quod non timuit Herodem, non formidavit interitum: unde sequitur: *Herodes autem tetrarcha cum corripitur ab illo &c.* EUSEBIUS (Lib. I. cap. xiii. de Eccl. Hist.) Dicitur autem tetrarcha ad differentiam alterius Herodis, quo regnante natus est Christus: erat enim ille Rex, hic autem tetrarcha. Erat autem illi coniux Aretæ Regis Arabum filia, quam, cum coniux esset fratris sui Philippi, more sacri-lego duxit, quamvis prolem haberet a fratre: his enim solum licebat hoc agere quorum fratres sine prole vitam compleverant. Super hoc Herodem reprehenderat Baptista. Primo quidem diligenter eius audiebat sermones, cum sciret eos ponderosos, & consolatione plenos; sed Herodiados concupiscentia cogebat eum aspernari verba Ioannis: unde & eum detrudit in carcerem; & hoc est quod dicitur: *Adiecit & hoc super omnia, & inclusit Ioannem in carcere.* BEDA (cap. x. in Lucam.) Non autem his diebus captus est Ioannes, sed, iuxta Evangelium Ioannis, post aliqua gesta signa a Domino, & post eius baptismum diffamatum. Sed a Luca propter exaggerandam malitiam Herodis præoccupatum est; qui cum videret ad prædicationem Ioannis multos confluere, milites credere, publicanos poenitere, totum vulgus baptismi suscipere, ipse e converso non solum Ioannem contemnere, sed vinculat, & occidit. GLOSSA (ordin. super illud, *Herodes tetrarcha.*) Ante etiam quam Lucas aliquid narret de actibus Iesu, dicit

(1) P. Nicolai legi cecidit. (2) M. latebat.

EX EDITIONE P. NICOLAI.

* Nihil tale in Cyrillo occurrit, sed in Theodoro ubi supra sic tantum quod *in usus quasi paleam tradit igni, istius quasi triticum in verum recordat.* Sed nec occurrit quod mox ex Basilio subiungitur, vel etiam paulo post ex Gregorio Nissenso.

dicat Ioannem ab Herode captum, ut ostendat se solummodo (1) ea Domini facta præcipue descripturum quæ eo anno gesta sunt quo Ioannes captus est, vel punitus.

(g) AMBROSIVS (Lib. II. in Lucam cap. de Iesu baptis.) Pulchre in his quæ a ceteris dicta sunt, Lucas compendium sumpsit. Et intelligendum magis quod a Ioanne Dominus baptizatus est, quam expressum reliquit: unde dicitur: *Factum est autem, cum baptizaretur omnis populus, & Iesu baptizato, & orante, apertum est cælum*. Baptizatus est autem Dominus, non mundari volens, sed mundare aquas, ut ablutæ per carnem Christi, qui peccatum non cognovit, baptismatis ius haberet. GREGORIUS Nazianzenus. Accedit etiam Christus ad baptismum, forsân sanctificaturus Baptismum; quod autem nulli dubium est, ut totum veteranum Adam immergat aquæ. AMBROSIVS (ubi supra.) Quæ etiam sit dominici causa baptismatis, Dominus ipse declarat, dicens Matth. III. „ Sic decet implere o., meum iustitiam, “ Quæ est ergo iustitia, nisi quia quod alterum tibi facere velis, prior ipse incipias. & tu alios horteri exemplo? Nemo igitur refugiat lavacrum gratiæ, quando (2) Christus lavacrum penitentię non refugit. CHRYSOSTOMUS. „ Fuerat autem baptisma Iudaicum quod sordes carnis amovebat, non conscientię crimina; nostrum autem baptisma separat a peccatis, lavat animam, & spiritus copiam elargitur. Baptisma vero Ioannis Iudaico præstantius fuit: neque enim ad observantiam corporalium mundificationum inducebat, sed monebat a vitio in virtutem converti; nostro vero baptismate minus, eo quod nec Spiritum sanctum administrabat, nec remissionem quæ per gratiam fit exhibebat; cum quasi finis quidam esset utrorumque baptismatum. Sed neque Iudaico baptismate, nec nostro baptizatus est Christus: quia nec indulgentia peccatorum egebat, nec illa caro expers erat Spiritus sancti quæ per Spiritum sanctum ab ipso principio concepta est. Sed baptizatus est Ioannis baptismate, ut ex ipsa natura baptismatis scias quia neque causa peccati, neque propter indigentiam doni baptizatus est, Dicit autem, Ba-

pizato, & orante, ut perpendas quod suscepto baptismate, opportuna sit iugis oratio. BEDA (super *Et Iesu baptizato*.) Quia et si peccata sunt omnia in baptismolaxata, non adhuc terrenæ carnis est fragilitas solidata: nam quasi transito mari rubro gratulamur submeritis Aegyptios; sed in deserto mundanæ conversationis hostes concurrunt alii, qui duce Christi gratia nostro ludore vincantur, donec perveniamus ad patriam. CHRYSOSTOMUS b. Dicit autem, *Apertum est cælum*, tamquam hæcenus reclusum fuerit. Iam autem ovili superno & infimo in unum redacto, & uno existente ovium pastore, cælum patuit, & homo terricola aggregatus est Angelis. BEDA (ibidem.) Non enim ei cælum tunc apertum est cuius oculi cælorum interiora cernebant; sed virtus ibi baptismatis ostenditur, de quo quilibet cum egreditur, regni cælestis ei ianuam aperitur; dumque caro innoxia frigentibus tangitur aquis, opposita quondam noxia rhomphaea extinguitur ignea. CHRYSOSTOMUS. Descendit etiam Spiritus sanctus ad Christum tamquam ad generis nostri principium, ut in Christo sit primo, qui non sibi, sed nobis potius illum suscepit: unde legitur: *Et descendit Spiritus sanctus corporali specie, sicut columba, in ipsum*. Non existimet aliquis quod cum non habuit eum, suscepit ipsum: ipse namque illum desursum tamquam Deus mittebat; ad idem ut homo recipiebat inferius. Igitur ex eo devolvat in eum, ex ipsius deitate ad eius humanitatem. AUGUSTINUS XV. de Trin. (cap. xxvi.) Absurdissimum autem est, cum iam triginta annorum esset, accepisse Spiritum sanctum; sed venit ad baptismum sicut sine peccato, ita non sine Spiritu sancto. Si enim de Ioanne scriptum est supra 1. *Spiritu sancto replebitur ab utero matris suæ*; quid de homine Christo credendum est, cuius carnis ipsa conceptio non carnalis, sed spiritalis fuit? Nunc ergo corpus suum, idest Ecclesiam, præfigurare dignatus est, in qua baptizati præcipue accipiunt Spiritum sanctum. CHRYSOSTOMUS. Redolebat illud baptismi aliquid vetustatis, & partim sapiebat novitatem: quod enim baptismam susceperet a Propheta, ostendebat aliquid vetustatis;

(1) scilicet eadem facta. (2) scilicet tempus.

EX EDITIONE P. NICOLAI.

a Nullibi sub his verbis occurrat; sed aliquid simile hom. xvi. in Matth. & in illius Catechesi ad illud *mundandi*, vel baptizandos. b Rursum hoc apud illum nunc non occurrat, ut nec sequentes ex eodem notationes.

statis; quod autem Spiritus descenderit, novum aliquid designabat. AMBROSIVS (Lib. II. in Lucam cap. ult.) Merito autem Spiritus se in corpore demonstravit, quoniam divinitatis substantia non videtur. Advertamus mysterium quare sicut columba: simplicitatem enim lavari requirit gratia; quoniam in typo veteri columba, quondam ad illam arcam quæ fuit diluvi immunis, reversa est. CHRYSOSTOMUS. Vel nunc ut mansuetudinem magistri declararet, in specie columbina apparet; in pentecoste autem quemadmodum ignis, ut ostendat poenam. Cum enim oportebat delictis ignoscere, mansuetudo necessaria erat; sed ut adepti sumus gratiam, restat examinis, & iudicii tempus. CYPRIANUS (1) de simplicitate Prælatorum (tract. III.) Est autem columba simplex, & lætum animal, non solum amarum, non morbosum sævum, non ungulæ laceratione violentum; hospitium humana deligere, unius domus nosse consortium, cum generant filios simul sedere, cum comant, voluit invicem coherere, conversatione communi vitam suam degere, oris osculo concordiam pacis agnoscere, legem circa omnia unanimitatis implere (2). CHRYSOSTOMUS. Et quidem Christus in ortu suo per plurima se manifestaverat oracula; verum quia noluerunt advertere, cum medio latuerit tempore, rursum se ab alio clariore patefecit principio. Non stella, sed desuper indicabat Pater in undis Iordanis, & Spiritus devolabat protrahens illam vocem super verticem eius qui baptizabatur: unde sequitur: *Es vox de celo facta est: Tu es Filius meus dilectus, in te complacui mihi*. AMBROSIVS (ibid. cir. fin.) Vidimus Spiritum, sed in specie corporali; & Patrem quem videre non possumus, audimus: invisibilis enim est Pater, sed & Filius invisibilis secundum divinitatem; sed demonstrare se voluit in corpore; & quia Pater corpus non gerebat, ideo probare voluit nobis in Filio sese præsentem, dicens: *Tu es Filius meus*. ATHANASIVS (in Lib. de Synodo Nicæna, cont. Euseb.) Sacra quidem Scriptura ex nomine Filii duplicem intellectum ostendit: unum quidem, ut in Evangelio Ioan. v. dicitur: „Dedit eis potestatem, ut fiant filii Dei.“ alterum au-

tem intellectum, iuxta quem Isaac est filius Abraham. Christus ergo non simpliciter dicitur Dei Filius, sed cum articuli additione, ut comprehendamus quoniam ipse solus est qui revera, & secundum naturam est Filius: quomobrem & unigenitus dicitur: nam si secundum infantiam Arrii dicitur filius, sicut qui hoc nomen per gratiam assequuntur; in nulloa nobis differre videbitur. Restat ergo, secundum alium intellectum, fatendum esse Christum Filium Dei, secundum quem Isaac filius Abraham esse cognoscitur: quod enim ab alio naturaliter gignitur, non autem ab extrinseco sumit exordium; filium naturæ recenser. Sed dicitur: Numquid ut hominis est passibilis natiuitas Filii? Minime; sed Deus cum sit indivisibilis, impassibiliter Pater est Filii: unde Verbum Patris dicitur: quia nec ipsum verbum humanum passibiliter producitur; & cum simplex sit natura divina, unius solius Filii Pater est; & propter hoc additur, *Dilectus*. CHRYSOSTOMUS. Cum enim quis unum solum possidet filium, maxime diligit; si vero pater factus sit plurium, dispersus affectus remittitur. ATHANASIVS. Cum autem antea Propheta protulerit Dei promissa dicentis, Mittam Christum filium meum; nunc apud Iordanem, quasi consummatum promissio, decenter subiungit: *In te complacui mihi*. BEDA. Ac si dicat: In te (3) placitum meum constitui, id est hoc per te gerere quod mihi placet. GREGORIUS super Ezech. (homil. viii.) Vel aliter. Omnis qui poenitendo corrigit aliqua quæ fecit, eo ipso quod poenitet, se sibi displicuisse indicat, quia emendat quod fecit. Et quia omnipotens Pater humano modo de peccatoribus locutus est dicens Gen. vi. „Poenitet me fecisse hominem;“ quasi subimetipsum displicuit in peccatoribus quos creavit; in solo autem Christo sibi complacuit, quia in solo eo non invenit culpam, in qua se reprehendat quasi per poenitentiam. AUGUSTINUS de Consen. Evang. (Lib. II. cap. xiv.) Quod autem Matthæus dicit, „Hic est Filius meus,“ Lucas autem, *Tu es Filius meus dilectus*, ad eandem sententiam explicandam valet: vox enim cælestis unum horum dixit; sed Matthæus offendere voluit ad id valere quod dictum est, „Hic est Fi-

1

„lius

(1) *M. de Unitate Ecclesiæ.* (2) *Adit P. Nicolai assuetum.* (3) *M. placitum mihi constitutum.*

EX EDITIONE P. NICOLAI.

* Quod subiungitur ex Chrysostomo, & ex Athanasio, non occurrit; sed aliquid analogice huc pertinens apud Athanasium ipsum orat. II. contra Arianos.

„lius meus,“ ut illis qui potius audiebant, indicaretur quod ipse esset Filius Dei: non enim Christo indicabatur, qui sciebat; sed audiebant qui aderant, propter quos etiam ipsa vox facta est.

(h) ORIGENES (hom. xxviii.) Cum autem baptizatum Dominum dixisset, generationem Domini exponit, non a superiori ad inferiora deducens, sed a Christo usque ad ipsum pervenit Deum: unde dicit: *Et ipse Iesus erat incipiens quasi annorum triginta.* Quando enim baptizatus est, & mysterium secundae generationis assumpsit, tunc dicitur incepisse, ut tu quoque priorem nativitatem destruas, & in secunda regeneratione nascaris. GREGORIUS Nazianzenus (oratione a in sanctum lavac.) Est ergo considerandum quis esset qui baptizatus est, & a quo, & quando. Mundus quidem, & a Ioanne, & iam inceptus miraculis: ut ex hinc suscipimus doctrinam nos praevidendam, & humilitatem amplectendi, quin & in perfectione & spiritualis, & carnis aetatis praedicandi; quorum primum dictum (1) est baptisma suscipientibus, & non praevenientibus se per habitum bonum: nam et si relaxationem peccatorum faciat donum baptismi, verendum tamen est ne ad eundem vomitum revertamur. Secundum dictum est adversus insurgentes contra dispensatores mysterii: siquidem ipsi dignitate praecellunt. Tertium editum est illis quide iuventa confidunt, & quodlibet tempus arbitrantur ad praedicationem, vel doctrinam spectare. Purgatur Iesus, & tu purificationem contemnis; a Ioanne, ac tu in tuum monitorem inlignis; tricenarius, tu autem docendo seniores, lanuginem praevenis. Sed adsunt Danielis, & similia exempla in ore: nam quilibet noxius ad respondendum paratus est. Non est autem lex Ecclesiae quod raro contingit, eo quod nec unica hirundo ver statuit. CHRYSOSTOMUS b. Vel idcirco usque ad illam aetatem quae cuncta peccata recipit, expectat, totam legem perficiens,

ne quis dicat, quod ideo legem solvit, quod eam non poterat consummare. GRAE CUS c. Ob hoc etiam tricenarius accedit ad baptismum, ut ostendat quod spiritualis regenerationis viros parit perfectos secundum spiritualem aetatem. BEDA. Potest etiam tricenalis baptizati Salvatoris aetas, nostri etiam baptismatis intimare mysterium, propter fidem scilicet Trinitatis, & operationem decalogi, GREGORIUS Nazianzenus (oratione in sanctum lavac.) Baptizandus est tamens infantulus, si necessitas urgeat: nam utilis est (2) infensibiliter sanctificari, quam non signatos transfigurare. Sed dices: Christus tricenarius baptizatur, cum Deus esset; tu vero iubens accelerare baptismum. (3) Sed cum dixisti, Deus, id obiectum solvisti. Ipse non indigebat purgamine, nec aliquid imminere ei periculum dum differret baptismum; at tibi in parvum non redonat piaculum, si transigres in corruptione natus, non autem incorruptionis veste indutus. (4) At forsan times ne baptizatus baptismatis mundiciam custodias, & propterea differas baptismum. Sed melius est nonnumquam pauperem inquinari, quam omnino gratia carere. CYRILLUS d. Licet tamen Christus secundum carnem careat patre, suscipiebantur aliqui eum patrem habere: unde sequitur: *Ux putabatur filius Ioseph.* AMBROSIIUS (Lib. III. in Lucam in prin.) B. ne ut putabatur, qui vere non erat; sed ideo putabatur, quia cum Maria, quae Ioseph viro suo erat desponsata, genuerat. Cur autem Ioseph magis quam Mariae generatio describitur, cum Maria de Spiritu sancto genuerit Christum, & Ioseph a generatione Domini videatur alienus; dubitare possemus, nisi consuetudo nos intrueret Scripturarum, quae semper viri originem quaerit, maxime cum in Ioseph (5) origine etiam origo sit Mariae: nam cum vir iustus fuerit Ioseph, utique ex tribu sua, & ex patria sua accepit uxorem: itaque & census tempore ascendit Ioseph de domo, & de

pa-

(1) A. lit. (2) A. invisibiliter. (3) A. deest Sed. (4) In quatuor iam citatis exemplis sic legitur. Et quidem bonum est baptismi mundiciam custodire; sed potius est interdum pauperem maculari quam gratia carere. (5) A. deest origine.

EX EDITIONE P. NICOLAI.

a In sancta lumina Epiph. non in sacrum lavacrum, ut in editione Antverpiensi huius Oper. prius perperam notabatur: cum oratio quae in sacrum lavacrum, sive baptismum, inscribitur, sit orat. xl. Neutram tamen illarum, nec locum ullum edit. Paris. indicabat. b In Cat. Græc. PP. ubi notatur ex homil. in Matth. sed non occurrat ibi, nec tale quidquam ex hom. xxi. colligi potest, ubi etiam baptismum ex prolesso describit. c Idem Severus Antiochenus in Cat. Græc. PP. d In Cat. Græc. PP. ex Glaphyris, nempe Lib. II. ubi nativitatem Christi cum ipsa Moïsi nativitate confert.

patria David, ut proficeretur cum Maria uxore sua. Quæ ex eadem domo, & ex eadem patria proficiendum deiecit, utrique eiusdem tribus, & eiuſdem patriæ se esse designat: unde generationem Ioseph explicans lubidit: *Qui fuit Heli*. Illud autem advertamus, quod sanctus Matthæus Iacob, qui fuit pater Ioseph, filium Nathan esse commemorat; Lucas vero Ioseph, cui desponsata fuit Maria, filium Heli esse describit. Quomodo unus duo patres, scilicet Heli, & Iacob, esse potuerunt? GREGORIUS Nazianzenus. Dicunt autem quidam quod unica est successio a David usque ad Ioseph; (1) licet diversis nominibus ab utroque Evangelista narratur. Sed hoc absurde latetur: quoniam initium huius generationis duos fratres obtinuit, Nathan scilicet, & Salomonem: unde generationes diversimode profecerunt. EUSEBIUS Emisenus (Lib. I. Eccl. Hist. cap. vi.) Ipsorum ergo verborum sententiæ intellectum attentius explicemus: si enim approbante Matthæo Ioseph esse filium Iacob, Lucas similiter approbasset Ioseph (2) esse filium Heli, esset aliqua controversia. Ceterum cum approbante Matthæo, Lucas plurimum opinionem declararet, non propriam, dicens, *Ut putabatur*, non arbitror aliquid relinquere dubium. Cum enim essent inter Iudæos diversæ opiniones de Christo, & omnes reducerent ipsum ad David propter promissiones ei factas; plurimi autem assererent Christum a David esse futurum per Salomonem, & alios Reges; quidam hanc opinionem vitabant, eo quod plurima de Regibus dicuntur enormia, & quia de Iechonia Hieremias dixit, quod non oriretur semen ex eo collocandum in sede David: quorum opinionem commemorat Lucas, sentiens enarrare Matthæum qualis esset veritas generationis: & hæc est prima ratio. Est & alia profundior. Matthæus enim cum inciperet scribere ante conceptionem Mariæ, & carnalem nativitate Iesu, opportune velut in historia præmittit carnalem progeniem: unde & generationem a superioribus derivat descendens: cum enim Verbum Dei carnem acciperet, descendebat. Sed Lucas ad factam per lavacrum regenerationem proficit, & ibi aliam generum successiorem exponit, & ab imis ad prima sublevans, pariter & pecca-

torum, quos narravit Matthæus, memoriam abdicat (eo quod quicumque in Deo renascitur, sit alienus a criminosis parentibus, Dei filius factus) & eorum qui secundum Deum vitam duxerunt honestam, (3) meminit. Sic enim Abraham dictum est Gen. xv. „Tu proficisceris ad patres tuos,“ non quidem carnales, sed in Deo patres, propter similitudinem honestatis. Igitur ei qui in Deo nascitur ascribit parentes qui sunt secundum Deum per æquiparantiam morum. AUGUSTINUS de Quæst. nov. & vet. testamenti (quæst. lvi.) Vel aliter. Matthæus a David per Salomonem descendit ad Ioseph; Lucas vero ab Heli, qui tempore fuit Salvatoris, ascendit per traducem Nathan filii David, & Heli & Ioseph iunxit tribum, ostendens unius generis esse utrumque; ac per hoc non solum Ioseph filium esse Salvatorem, sed & Heli. Ipsa enim ratione qua Ioseph filius dicitur esse Salvator, ipsa etiam est Heli filius, & ceterorum omnium qui de eadem tribu sunt. Hinc est quod dicit Apostolus Rom. ix. „Quorum patres, & ex quibus Christus secundum carnem.“ AUGUSTINUS de Quæst. Evang. (Lib. II. quæst. v.) Vel tres causæ concurrunt, quarum aliquam Evangelista secutus sit: aut enim unus Evangelista patrem eius, a quo genitus est, nominavit; alter vero vel avum matrem, vel aliquem de cognatis maioribus posuit: aut unus erat Ioseph naturalis pater, & alter eum adoptavit: aut more Iudæorum, cum sine filiis unus decessisset, eius uxorem propinquo recipiens, filium quem genuit propinquo mortuo deputavit. AMBROSIIUS (Lib. III. in Lucam.) Traditur enim, Nathan, qui a Salomone genitus duxit, Iacob generaliter filium, & uxore superstiti decessisse, quam postea Melchi accepit uxorem, ex qua generatus est Heli. Rursum Heli, fratre Iacob sine liberis decedente, copulatus est fratri uxori, & generavit alium Ioseph, qui iuxta legem Iacob filius dicitur: quoniam semen fratris defuncti iuxta legis veteris feriem suscitabat. BEDA (super *Qui fuit Heli*.) Vel aliter. Iacob fratri Heli sine liberis defuncti uxorem de mandato legis accipiens genuit Ioseph, natura quidem germinis filium suum, secundum vero legis præ-

I 2 ce-

(1) *Al. Sod.* (2) *Al. emiserit esse.* (3) *Al. non est meminit.*

EX EDITIONE P. NICOLAI.

A In Carmine quod inscribitur de genealogia Christi.

ceptum efficitur filius Heli. AUGUSTINUS de Quæst. nov. & vet. testamenti (Lib. II. cap. 111.) Probabilis enim intelligimus Lucam adoptantis originem tenuisse, qui noivuit Ioseph genitum dicere ab illo cuius filium esse narravit. Commodius enim filius dictus est (1) eius a quo fuerat adoptatus, quam diceretur ab illo genitus cuius carne non erat natus. Matthæus autem dicens: „ Abraham genuit Isaac, Isaac autem genuit Iacob: „ arque in hoc verho, quod est genuit perseverans donec in ultimo diceret: „ Iacob autem genuit Ioseph, „ satis expressit ad eum le patrem perduxisse originem generantium a quo Ioseph non adoptatus, sed genitus erat. Quamquam si etiam genitum Lucas diceret Ioseph ab Heli, nec hoc nos hoc verbum perturbare deberet: neque enim absurde quilibet dicitur non carne, sed caritate genuisse quem sibi filium adoptavit. Merito autem Lucas adoptionis originem suscepit: quia per adoptionem efficiuntur filii Dei, per carnalem vero generationem Filii Dei potius propter nos Filii hominis factus est. CHRYSOSTOMUS b. Quia vero hæc pars Evangelii consistit in serie nominum, nihil pretiosum exinde acquiri existimant. Ne igitur hoc patiamur, experiamur etiam hunc passum scrutari. Est enim ex nudis nominibus copiosum haurire thesaurum, quia plurimum rerum indicativa sunt nomina: nam & divinarum clementiarum, & oblatas a mulieribus gratiarum actiones sapiunt: cum enim filios impetrabant, nomen imponebant a dono. GLOSSA (interlinearis.) Interpretatur igitur Heli, Deus meus, vel scandens: qui fuit Marbat, idest donans peccata; qui fuit Levi, idest additus. AMBROSIVS (Lib. III. in Lucam.) Pulchre Lucas, quoniam filios Iacob non poterat plures comprehendere, ne extra generationes evagari superflua serie videretur, licet in aliis longe posterioribus, Patriarcharum tamen antiqua nomina non prætermittenda arbitratus est: Ioseph, Iudæ, Simeonis, & Levi. Quatuor enim genera in his cognoscimus fuisse virtutum: in Iuda passionis dominicæ per figuram mysterium prophetatum; in Ioseph præcessisse castitatis exemplum, in Simeone vindictam pudoris; in Levi officium sacerdotis: unde sequitur: qui fuit Melchi, idest Rex meus; qui fuit

Ianus, idest dextera; qui fuit Ioseph, idest accrescens (fuit autem alius iste Ioseph) qui fuit Mathathia, idest donum Dei, vel aliquando; qui fuit Amos, idest operans vel operavit; qui fuit Naum, idest consolatio, vel consolans; qui fuit Hæli, idest adiuvans; qui fuit Narge, idest mercedis, vel meridianum; qui fuit Naat, idest desiderium; qui fuit Mathathia, ut supra; qui fuit Semei, idest obediens; qui fuit Ioseph, idest augmentum; qui fuit Iuda, idest confitens; qui fuit Ioanna, idest Dominus, vel gratia eius, vel Dominus misericors; qui fuit Reza, idest miterior; qui fuit Zerobabel, idest princeps, vel magister Babylonis; qui fuit Salathiel, idest petitio mea Deus; qui fuit Neri, idest lucerna mea; qui fuit Melchi, idest regnum meum; qui fuit Addi, idest robustus, vel violentus; qui fuit Cesan, idest dominans; qui fuit Helmadan, quod est Dei mensura; qui fuit Her, quod est vigilans, vel vigilia, vel pellicanus; qui fuit Iesu, quod est salvator; qui fuit Eliezer, idest Deus meus adiutor; qui fuit Ierim, idest (1) Dominus exultans, vel exaltans; qui fuit Marbat, ut supra; qui fuit Levi, ut supra; qui fuit Simeon, id est audivi tristitiam, vel luctum; qui fuit Iuda, ut supra; qui fuit Ioseph, ut supra; qui fuit Iona, idest columba, vel dolens; qui fuit Eliakim, quod est Dei resurrectio; qui fuit Melcha, idest Rex eius; qui fuit Menne, quod est viscera mea; qui fuit Mathathia, idest donum, qui fuit Nathan, idest dedit, vel dantis. AMBROSIVS. Per Nathan autem expressam advertimus prophetiæ dignitatem, ut quia unus omnia Christus Iesus, in singulis quoque maioribus genera virtutum diversa præcederent.

Sequitur: Qui fuit David: ORIGENES (homil. xxviii.) Dominus descendens in mundum assumptis peccatorum hominum personam, & nasci voluit de stirpe Salomonis, ut refert Matthæus, cuius peccata scripta sunt, & ceterorum, ex quibus multi fecerunt malum in conspectu Dei. Quando vero ascendit, & secundo per baptismum ortus esse describitur, ut refert Lucas, non per Salomonem, sed per Nathan nascitur, qui arguit patrem super Uriæ morte, ortuque Salomonis. AUGUSTINUS in Lib. Retract. (Lib. I. cap. xxviii.) Dicendum autem, quod huiusmodi nominis Propheta

(1) Al. emittit eum. (2) Nicolai legi Dominus exaltans, vel est exaltans.

EX EDITIONE P. NICOLAI.

* De Con. Evang. * Hom. xxi. in Epist. ad Rom. * Quæ ex Ambrosio constatuunt notantes, suæ in Glosis tantum.

arguit David, ne putetur idem fuisse homo, cum alter fuerit. GREGORIUS Naz. a: Sed a David ultra, secundum utrumque Evangelistam, est generis processus indivisibilis: unde sequitur, *Qui fuit Iesse*. GLOSSA b (ordinaria.) Interpretatur David manu fortis, Iesse incensum. Sequitur: *Qui fuit Oeth*, quod est servitus; *qui fuit Beas*, quod est fortis; *qui fuit Salomon*, quod est sensibilibus, vel pacificus; *qui fuit Naasson*, quod est augurium, vel serpentinus; *qui fuit Aminadab*, idest populus volunearius; *qui fuit Aram*, quod est erectus, vel excelsus; *qui fuit Esren*, idest sagitta; *qui fuit Phares*, quod est divisio; *qui fuit Iuda*, idest continens; *qui fuit Iacob*, quod est supplantator; *qui fuit Isaac*, quod est risus, vel gaudium; *qui fuit Abraham*, quod est pater multarum gentium, vel videns populum. CHRYSOSTOMUS. Mathaeus quidem tamquam qui Iudaeis scribebat, nihil statuit ulterius scribere, nisi quod ab Abraham, & David Christus processerat: hoc enim maxime placabat Iudaeos. Lucas vero, sicut qui omnibus communiter loquebatur, ulterius protendit sermone, attingens usque ad Adam: unde sequitur, *Qui fuit Thave*. GLOSSA (interlinearis.) Quod interpretatur exploratio, sive nequitia; *qui fuit Nachor*, quod est requievit lux; *qui fuit Sarag*, quod est corrigia, vel comprehendens lorum, vel perfectio; *qui fuit Ragan*, quod est aegrotus, vel pascens; *qui fuit Phalech*, quod est dividens, vel divisum, *qui fuit Haber*, quod est transitus; *qui fuit Sale*, quod est tollens; *qui fuit Chainan*, quod est lamentatio, vel possessio eorum. BEDA (cap. x. in Lucam.) Nomen, & generatio Chainan iuxta Hebraicam veritatem neque in Genesi, neque in verbis dicrum invenitur, sed Arphaxath Schaa, vel Sale filium nullo interposito genuisse perhibetur. Scito ergo Lucam hanc generationem de septuaginta Interpretum editione sumpsisse, ubi scriptum est quod Arphaxath centum triginta quinque annorum genuit Chainan, & ipse Chainan, cum triginta quinque fuerit annorum, genuit Sale.

Sequitur: *Qui fuit Arphaxath*. GLOSSA (interlinearis.) Quod est sanans depopulationem; *qui fuit Sem*, quod est nomen, vel nominatus; *qui fuit Noe*, quod est re-

quies, AMBROSIVS (ubi sup. non procul a fin.) Noe quidem iusti inter dominicae generationes commemoratio non debuit praetermitti, ut quia aedificator Ecclesiae nascebatur, cum sui generis auctorem praemissile videatur qui eam in typo ante fundaverat.

Qui fuit Lamech. GLOSSA (interlinearis.) Quod est humilitatum, vel percutientem, percutillum, vel humilem; *qui fuit Methusalem*, quod est mortis (i) emissio, vel mortuus est, & interrogavit. AMBROSIVS (ubi supra.) Huius ultra diluvium numerantur anni, ut quoniam solus est Christus unus, cuius vita nulla sentit aetatem, in maioribus quoque suis non sensisse diluvium videretur. *Qui fuit Enock*: & hic pietatis dominicae, & divinitatis manifestum indicium est, eo quod nec mortem senserit Dominus, & ad caelum remeaverit, cuius generis auctor raptus ad caelum est. Unde manifestum est Christum potuisse non mori, sed voluisse, ut nobis mors illa prodesset: & ille quidem raptus ne malicia mutaret cor eius; Dominus autem, quem militia saeculi mutare non poterat, eo unde venerat, naturae suae maiestate remeavit. BEDA (super *Qui fuit Methusalem*.) Pulchre autem a baptizato Dei Filio usque ad Deum Patrem ascendens, septuagesimo gradu Enoch ponit, qui dilata morte translatus est in paradysum, ut significet eos qui in gratiam adoptionis filiorum ex aqua & Spiritu sancto regenerantur, interim post corporis dissolutionem aeternam suscipiendos in requiem: septuagenarius enim, propter septimam sabbati, illorum requiem significat qui iuvante Dei gratia, decalogum legis impleverunt.

GLOSSA (interlinearis.) Interpretatur autem Enock dedicatio; *qui fuit Lamech*, quod est defendens, sive continens; *qui fuit Methaleel*, quod est laudatus Dei, vel laudans Deum; *qui fuit Chainan*, ut supra; *qui fuit Enos*, idest homo desperans, vel violentus; *qui fuit Seth*, quod est positio, sive posuit. AMBROSIVS (ibidem.) Seth posterior filius Adae non siletur, ut cum duae sint populi generationes, significaretur in typo, in posteriore potius quam in priore generatione Christum numerandum.

Sequitur: *Qui fuit Adam*. GLOSSA (interlin.) Quod (i) est homo, vel terrenus, vel indigens.

Qui

(1) Al. deest emissio. (2) Al. omittitur est.

Qui fuit Dei. AMBROSIVS (ibidem.) quid pulchrius potuit convenire quam ut sancta generatio a Dei Filio inciperet, & usque ad Dei filium duceretur; creatusque præcederet in figura, ut natus in veritate sequeretur; ad imaginem factus præiret, propter quem Dei imago descenderet? Putavit etiam Lucas ad Deum Christi originem referendam, quod verus Christi generator Deus sit, vel secundum generationem veram Pater, vel secundum lavacrum, & regenerationem mystici auctor muneris. Et ideo non a principio generationem eius cepit describere, sed posteaquam baptismus eius explicuit, ut secundum naturam, & secundum gratiam Dei Filium demonstraret. Quod autem evidentiis divinarum generationis indicium, quam quod de generatione dicturus Patrem præmisit loquentem: *Tu es Filius meus dilectus?* AUGUSTINVS de Confen. Evan. (Lib. II. cap. 1v.) Satis etiam per hoc demonstravit, non se ideo dixisse Ioseph filium Heli, quod de illo genitus, sed quod ab illo potius (1) fuerit adoptatus; cum etiam ipsum Adam filium dixit, cum sit factus a Deo, sed per gratiam, quam postea peccando amisit, tamquam filius in paradiso constitutus sit. THEOPHYLACTVS (circa finem Com. in 111. cap. Lucæ.) Ideo etiam generationem finit in Deum, ut addiscamus quod qui in medio sunt patres, Christus ad Deum erigit, & filios Dei faciet; & ut etiam crederetur Christi generatio sine semine fuisse; quasi dicat: Si non credis, quod secundus Adam factus sit sine semine, devenias ad primum Adam: (2) invenies enim absque semine factum a Deo. AUGUSTINVS de Confen. Evan. (Lib. II. cap. 1v.) Et Matthæus quidem significare voluit Dominum descendente ad nostram mortalitatem; ideo generationes ab Abraham usque ad Christum nativitate descendendo commemoravit ab ini-

tio Evangelii sui. Lucas autem non ab initio, sed a baptismo Christi generationes narrat, nec descendendo, sed ascendendo, tamquam sacerdotem in expiandis peccatis magis assignans; (3) cui Ioannes testimonium perhibuit dicens Ioan. 1. "Ecce qui tollit peccata mundi." Ascendendo autem pervenit ad Deum, cui mundati, & expiati reconciliamur. AMBROSIVS (ubi sup.) Nec (4) sic Evangelistæ discrepare videantur, qui verum ordinem sunt secuti. Nec mireris, si ab Abraham plures secundum Lucam successiones usque ad Christum sunt, pauciores secundum Matthæum, cum per alias personas generationem fataris esse decursum. Potest enim fieri ut alii longævam transegerint vitam, alterius vero generationis viri (5) immatura ætate decederint, cum videamus quam plures senes cum suis nepotibus vivere, alios vero viros statim filiis obire susceptis. AUGUSTINVS 6 de Conf. Evang. (Lib. II. cap. vi.) Conventissimè autem Lucas baptizato Domino generationes per septuaginta septem personas sursum versus numerat: nam (6) & ascensus ad Deum, cui per peccatorum abolitionem reconciliamur, expressus est, & per baptismum fit homini omnium remissio peccatorum, quæ illo numero significantur: nam undecies septem, septuaginta & septem sunt: in denario autem perfectio beatitudinis est: unde manifestum est quod transgressio denarii designat peccatum per superbiam plus aliquid (7) habere cupientis. Hoc autem septies propterea ducitur, ut motu hominis facta significetur illa transgressio: ternario enim numero incorporea pars hominis significatur; quaternario vero corpus; motus autem in numeris non exprimitur, cum dicimus, Unum, duo, tria; sed cum dicimus, Semel, bis, ter: unde per septies undecim significatur motu hominis facta transgressio.

(1) *Al. illi fuerit.* (2) *Al. & invenies cum absque semine &c.* (3) *Al. ubi testimonium perhibuit.* (4) *Al. hic.* (5) *Al. in matris.* (6) *Al. ascendens.* (7) *Al. hateri.*

EX EDITIONE P. NICOLAI.

* Non eadem serie qua hic ista in Ambrosii textu connectantur; sed prope finem Lib. III. super Lucam habentur quæ premissa sunt; sequentia autem hæc habentur multo ante sub finem § ab illis verbis incipientia, *Qui fuit Adæ, qui fuit Dei.* b De Quat. Evang. Lib. II. quat. vi.

(a) **I**esus autem plenus Spiritu sancto regressus est a Iordane, & agebatur Spiritu in desertum diebus quadraginta, & tentabatur a diabolo. Et nihil manducavit in diebus illis: & consummatis illis, esuriit. Dixit autem illi diabolus: Si Filius Dei es, dic lapidi huic ut panis fiat. Et respondit ad illum Iesus: Scriptum est, quia non in pane solo vivit homo, sed in omni verbo Dei.

(b) Et duxit illum diabolus in montem excelsum, & ostendit illi omnia regna orbis terrarum in momento temporis, & ait illi: Tibi dabo potestatem hanc universam, & gloriam illorum: quia mihi tradita sunt, & cui volo, do illa. Tu ergo propiciens si adoraveris coram me, erunt tua omnia. Et respondens Iesus dixit illi: Scriptum est: Dominum Deum tuum adorabis, & illi soli servies.

(c) Et duxit illum in Hierusalem, & statuit eum super pinnaculum templi, & dixit illi: Si Filius Dei es, mitte te hinc deorsum. Scriptum est enim, quod Angelis suis mandavit de te, ut conservent te, & quia in manibus tollent te, ne forte offendas ad lapidem pedem tuum. Et respondens Iesus ait illi: Dictum est: Non tentabis Dominum Deum tuum. Et consummata omni tentatione, diabolus recessit ab illo usque ad tempus.

(d) Et regressus est Iesus in virtute Spiritus in Galilæam, & fama exiit per universam regionem de illo. Et ipse docebat in synagogis eorum, & magnificabatur ab omnibus: & venit Nazareth, ubi erat nutritus, & intravit secundum consuetudinem suam die sabbati in synagogam, & surrexit legere. Et traditus est illi liber Eliæ Propheta, & ut revolvit librum, invenit locum ubi scriptum erat: Spiritus Domini super me, propter quod unxit me, evangelizare pauperibus misit me, sanare contritos corde, prædicare captivis remissionem, & cæcis visum, & dimittere contractos in remissionem, prædicare annum Domini acceptum, & diem retributionis. Et cum plicuisset librum, reddidit ministro, & sedit. Et omnium in synagoga oculi erant intentes in eum. Cœpit autem dicere ad illos: Quia hodie impleta est hæc scriptura in auribus vestris.

(e) Et omnes testimonium illi dabant, & mirabantur in verbis gratiæ, quæ procedebant de ore ipsius, & dicebant: Nonne hic est filius Ioseph? Et ait illis: Utique dicetis mihi hanc similitudinem: Medice cura te ipsum. Quanta audivimus facta in Capharnaum, fac & hic in patria tua. Ait autem: Amen dico vobis, quia nemo Propheta acceptus est in patria sua. In veritate dico vobis, multæ viduæ erant in diebus Eliæ in Israel quando clausum est celum annis tribus, & mensibus sex, cum facta esset fames magna in omni terra; & ad nullam illarum missus est Elias, nisi in Sareptam Sidoniæ ad mulierem viduam. Et multi leprosi erant in Israel sub Eliseo Propheta; & nemo eorum mundatus est, nisi Naaman Syrus.

(f) Et repleti sunt omnes in synagoga ira, hæc audientes; & surrexerunt, & eiecerunt illum extra civitatem, & duxerunt illum usque ad supercilium montis, super quem civitas illorum erat ædificata, ut præcipitarent eum. Ipse autem transiens, per medium illorum ibat.

(g) Et descendit in Capharnaum civitatem Galilææ, ibique docebat illos sabbatis. Et stupebant in doctrina eius, quia in potestate erat sermo ipsius. Et in synagoga erat homo habens dæmonium immundum, & exclamavit voce magna dicens: Sine: quid nobis & tibi, Iesu Nazarene? Venisti perdere nos? Scio enim te, quia sis Sanctus Dei. Et increpavit illum Iesus dicens: Obmutescere, & exi ab eo. Et cum proiecisset illum dæmonium in medium, exiit ab illo, nihilque illi nocuit. Et factus est pavor in omnibus, & colloquebantur ad invicem dicentes: Quod est hoc verbum, quia in potestate & virtute imperat immundis spiritibus, & exequit? Et divulgabatur fama de illo in omnem locum regionis.

(h) Sur-

(h) Surgens autem Iesus de synagoga introiit in domum Simonis. Socrus autem simonis tenebatur magnis febribus, & rogaverunt illum pro ea. Et stans super illam, imperavit febri, & dimisit illam: & continuo surgens ministrabat illis.

(i) Cum autem sol occidisset, omnes qui habebant infirmos variis languoribus, ducebant illos ad eum; at ille singulis manus imponens curabat eos. Exhibant autem daemonia a multis clamantia, & dicentia, quia tu es Filius Dei. Et increpans non sinebat ea loqui, quia sciebat ipsum esse Christum.

(k) Facta autem die, egressus ibat in desertum locum: & turbæ requirebant eum, & venerunt usque ad ipsum, & detinebant illum, ne discederet ab eis. Quibus ille ait: Quia & aliis civitatibus oportet me evangelizare regnum Dei, quia ideo missus sum. Et erat prædicans in synagogis Galilææ.

(a) **T**HEOPHYLACTUS (in Comm. super IV. cap. Lucæ.) Post baptismum Christus tentatur, innuens nobis quod postquam erimus baptizati, tentationes imminuent nobis: unde dicitur: *Iesus autem plenus Spiritu sancto regressus est a Iordane*. CYRILLUS *a*. Dudum dixit Deus Gen. vi. „Non permanebit spiritus meus in hominibus istis, eo quod sunt caro:“ ubi vero regeneratione per aquam, & Spiritum ditati sumus, facti sumus divinæ naturæ participes per Spiritum sancti participationem. (1) Primogenitus autem in multis fratribus, primus recepit Spiritum, qui & Spiritus dator est, ut etiam ad nos per ipsum perveniat gratia Spiritu sancti. ORIGENES (hom. xxx.) Quando igitur legis Iesum plenum Spiritu sancto, & in Actibus scribitur de Apostolis, quod repleti fuerint Spiritu sancto; vide ne æquales putes esse Apostolos Salvatori: quomodo enim si volueris dicere, Hæc vasa plena sunt vino, vel oleo, non statim dices, quod æquali mensura sunt plena; sic & Iesus, & Paulus pleni erant Spiritu sancto; sed vas Pauli multo minus erat quam Iesu, & tamen erat secundum mensuram suam utrumque repletum. Accepto itaque (2) baptismo, Salvator plenus Spiritu sancto, qui super eum in specie columbæ de cælis venerat, ducebatur a Spiritu: quia „quotquot (3) spiritu Dei“ ducuntur, hi filii Dei sunt: „Rom. viii. ille autem supra omnes proprie Filius Dei

erat. BEDA (cap. xi. in Lucam.) Necui autem veniret in dubium a quo spiritu ductum, sive expulsum, alii Evangelistæ dicerent in desertum, consulte Lucas demum intulit: *Et agebatur in desertum a Spiritu quadraginta diebus*: ne quid contra eum valuisse Spiritus putaretur immundus, qui plenus Spiritu sancto quæcumque volebat agebat. GRAECUS *b*. Si vero nos arbitrio proprio nostram vitam disponimus, quomodo ipse traheretur invitus? Quod ergo dicitur, *Agebatur Spiritu*, huiusmodi habet intellectum: Sponte spiritualem duxit conversationem, ut locum exhiberet tentanti. BASILIUS *c* (in sermone præf. loci.) Non enim verbo provocans inimicum; sed opere (4) incitans quærit desertum: delectatur enim diabolus in deserto, non patitur esse in urbibus, contristat ipsum concordia civium. AMBROSIIUS (Lib. IV. in Lucam cap. de deduct. Iesu in deser.) Agebatur igitur consilio in desertum, ut diabolum provocaret: nam nisi ille certasset, non mihi iste visisset: mysterio, ut illum Adam de exilio liberaret qui de paradiso in desertum eiectus est; exemplo, ut ostenderet nobis diabolum ad meliora tendentibus invidere, & tunc magis esse cavendum ne mysterii gratiam delectatæ mentis infirmitas, unde sequitur: *Et tentabatur a diabolo*. CYRILLUS *d*. Ecce factus est in athletis (5) iubens agones Deus in his, qui coronat sanctorum vertices. GRE-

CO-

(1) *M*. Primogenitus, aut in multis fratribus primus &c. (2) *M*. a Salvatore plenus Spiritu sancto baptismo, qui &c. (3) *M*. Spiritu deducuntur. (4) *M*. visitans. (5) *U*bi P. Nicolai iubens agones us Deus in his qui coronantur is qui coronat &c.

EX EDITIONE P. NICOLAI.

a In Cat. Græc. PP. *b* Idem Severus Antiochenus in Cat. Græc. PP. *c* In Cat. Græc. ubi etiam Tito, & Gregorio Niseno coniungitur quo ad hanc appendicem, quasi ex illis tribus desumatur; sed occurrit inter Opera quæ nunc extant. *d* In Cat. Græc. PP.

CORIUS III. Moral. a. Hostis tamen nos-
ter mentem mediatoris Dei & hominum
tentatione quassare non valuit: sic enim di-
gnatus est tentationes exterius suscipere ut
tamen eius mens interius divinitati inhæ-
rens inconcussa permaneret. ORIGENES
(homil. xxix.) Tentatur autem Iesus a dia-
bolo quadraginta diebus, & quæ fuerint
tentamenta nescimus; quæ ideo fortitan præ-
termissa sunt, quia maiora erant quam ut
litteris traderentur. BASILIUS b. Vel
Dominus per quadragenam intentatus man-
sit: noverat enim diabolus quod ieiunabat,
& non famelicebat; & ideo non audebat ac-
cedere: unde sequitur: *Et nihil manducavit
in diebus illis*: ieiunavit siquidem, ostendens
quod illi qui se vult ad pugnas tentationum
accingere, sobrietas est necessaria. AM-
BROSIVS (Lib. IV. in Lucam in præta-
tione.) Tria igitur sunt quæ ad usum pro-
ficiunt salutis humanæ: sacramentum, de-
sertum, & ieiunium. Nemo nisi qui legiti-
me certaverit, coronatur; nemo autem ad
certamen virtutis admittitur, nisi prius ab
omnibus ablutus maculis delictorum, gratiæ
cælestis munere consecratur. GREGORIUS
Nazianzenus (orat. in sancti lavacrum.)
Quadraginta siquidem diebus ieiunavit nihil
manducans: erat enim Deus: nos autem iei-
unium possibilitati proportionamus; licet
zelus aliquibus progressi suadeat ultra posse.
BASILIUS c. Sed tamen non sicutendum
est carne ut per egestatem alimenti natu-
ralis vigor eius solvatur, neque ut ad ultim-
um torporem intellectus urgeatur per
dissolutionis excessum. Unde Dominus nos-
ter semel hoc peregit, sed per totum con-
sequens (1) tempus ordine debito governa-
vit corpus; & similiter Moyses, & Elias.
CHRYSOSTOMUS d. Valde autem pru-
denter factum est, quod in ieiunando eorum
non excessit numerum, ne scilicet putaretur
apparenter venisse, non autem recepisse
veram carnem, aut præter humanam esse
naturam. AMBROSIVS (Lib. IV. in Luc.
de ded. Iesu in desertum.) Quadraginta
autem dierum mysticum numerum recognos-
cis: tot enim diebus aquas abyssi effusas
esse meministi, & tot ieiunio dierum fan-

S. Th. Oper. Tom. V.

disicato refusam cæli serenioris ostendit cle-
mentiam, tot ieiunio dierum Moyses percep-
tionem legis emeruit, tot annos in eremo
constituit patres panem Angelorum conse-
cuti sunt. AUGUSTINUS de Con. Evan.
(Lib. II. cap. IV.) Numerus autem iste la-
boriosi huius temporis sacramentum est quod sub
disciplina Regis Christi adversus diabolum
dimicamus. Hic enim numerus temporalem
vitam significat: tempora enim annorum qua-
drupartitis vicibus currunt: quadraginta au-
tem quater habent decem: porro ipsa decem
ab uno ulque ad quatuor progrediente nu-
mero consummantur: quod declarat quod
quadraginta dierum ieiunium, hoc est
humiliationem animæ, consecravit & lex,
& Prophetæ per Moysen, & Eliam, &
Evangelium per ipsius Domini ieiunium.
BASILIUS e. Verum quia non elurire su-
pra hominem est, assumpsit Dominus passio-
nem famis, indicans eam non esse peccatum,
& concolit cum voluit naturæ humanæ quæ
sua sunt pati, & agere: unde sequitur:
Et consummatis illis cœniis, non coactus ad
necessitatem quæ præest naturæ, sed quasi
provocans diabolum ad duellum: sentiens
enim diabolus, quia ubi fames, ibi imbecil-
litas, aggreditur ad tentandum, & quasi
tentationum excogitator, famem Christo pa-
tientem suadebat lapidibus appetitum sedare:
unde sequitur: *Dixit autem illi diabolus: Si
Filius Dei es, dic lapidi huic ut panis fiat*.
AMBROSIVS (tit. de pri. tentat. Chri-
sti.) Tria præcipue docemur tela esse dia-
boli, quibus (2) ad convulserandam mentem
hominis consuevit armari: gulæ unum, aliud
iaculantæ, tertium ambitionis. Inde ergo
cepit unde iam vicit, scilicet Adam. Dic-
scamus igitur cavere gulam, cavere luxu-
riam, quia telum est diaboli. Sed quid sibi
vult talis sermo, *Si Filius Dei es*, nisi quia
cognoverat Dei Filium esse venturum, sed
venisse per hanc infirmitatem corporis non
putabat? Aliud est explorantis, aliud ten-
tantis: ideo profertur se credere, & homi-
ni conari illudere. ORIGENES (hom.
xxix.) Rogato autem patre a filio panem,
nec dante lapidem pro pane, iste quasi ad-
versarius, & fallax, pro pane (3) dabat
lapi-

(1) *Al. dies* tempus. (2) *Al. ad convertendam*. (3) *Al. dnt*.

EX EDITIONE P. NICOLAI.

a Cap. xv. vel in antiquis codd. cap. xxi. super illud Iob 21. *Verumtamen animam eius serva*. b Ut
supra. c Ut supra, in Cat. Græc. PP. Colligitur ex eius enarratione five Commentario in Egiptum cap.
2. & ex Constitutionibus monasticis cap. v. non eadem serie tamen, aut eodem tenore. d Hom. xxi. in
Matth. e Ut supra.

lapidem. **BASILIVS** *a*. Suadebat quidem lapidibus appetitum sedare; hoc est, permutare desiderium ab alimento naturali (1) ad existentiam præter naturam. **ORIGENES** (ut supra.) Puto etiam quod usque hodie lapidem diabolus offendit, ut hortetur singulos ad loquendum: *Dic ut lapis iste panis fiat*. Si videris hæreticos dogmatum suorum mendacium pro pane comedere, scito lapidem eorum esse iermonem, quem monstrat eis diabolus. **BASILIVS**. Dissipator autem tentationum Christus non repellit a natura famem: unde sequitur: *Et respondit ad illum Jesus: Scriptum est, quia non in solo pane vivit homo, sed in omni verbo Dei*. **THEOPHYLACTUS**. Quasi dicat: Non solis panibus humana natura sustentatur; immo sufficit verbum Dei ad nutriendum universam naturam humanam. (2) Taliter pastus est Israeliticus populus, colligans annis quadraginta manna, & gaudens volatilium præda. Divino consilio Elias convivas habuit corvos; Eliseus herbis agrestibus focios nutrit. **CYRILLUS** *b*. Vel aliter. Terrenis cibis terrenum nostrum alitur corpus; anima vero rationalis divino verbo vigoratur ad bonarum habitudinem spiritus: non enim naturam (3) incorpoream corpus alit. **GREGORIUS** Nissenus *c*. Unde non alitur virtus pane, nec percarne bene se habet anima, & pinguecit: aliis epulis vita sublimis educatur, & crescit: nutrimentum boni castitas, panis sapientia, pulmentum iustitia, potus impassibilis status, delectatio bene sapere. **AMBROSIVS** (tit. & Lib. ut supra.) Vides igitur quo genere utatur armorum, quo hominem a spiritualis nequitiae incurusione defendat adversum incitamenta gulæ: non enim quasi Deus utitur potestate: quid enim mihi proderat? Sed quali homo commune sibi acceptit auxilium, ut divino pabulo lectionis intentus famem corporis negligat, alimentum verbi acquirat: non enim potest qui verbum sequitur, panem desiderare terrenum: humanis enim divina præstare non dubium est. Simul cum dicit, *Non in solo pane vivit homo*, ostendit hominem esse tentatum, hoc est susceptionem nostram, non suam divinitatem.

(b) **THEOPHYLACTUS** (super *Et consummata omni tentatione*.) Primo inimicus Christum de gula tentaverat, sicut & Adam; deinde de cupiditate, sive avaritia, in hoc quod ostendit ei omnia regna mundi: unde sequitur: *Et duxit illum diabolus in montem excelsum, & ostendit ei omnia regna orbis terra in momento temporis*. **GREGORIUS** in homil. (vi. in Evang.) Quid mirum si se permittit ab illo in montem duci qui se per tulit etiam a membris ipsius crucifigi? **THEOPHYLACTUS** (ubi supra.) Sed qualiter ostendit ei omnia regna orbis terræ? Quidam dicunt, quod mente hæc ei ostendit; ego autem dico, quod sensibilibus, & in phantasia apparere fecit. **TITUS** *d*. Vel descriptis orbem verbo, & velut quamdam domum intentioni eius manifestavit, ut existimabat. **AMBROSIVS** (tit. de tertia tentat. Christi.) Bene autem in momento temporis sæcularia, & terrena monstrantur: non enim tam conspectus celeritas indicatur, quam caducæ fragilitatis potestatis exprimitur. In momento enim cuncta illa prætereunt, & sæpe honor sæculi abiit antequam venerit.

Sequitur: *Et ait illi: Tibi dabo potestatem hanc universam, & gloriam illorum: quia mihi tradita sunt, & cui volo do illa*. **TITUS**. In utroque mentiebatur: neque enim habebat, nec conferre poterat quocarebat: nullus enim obtinet potestatem, sed ad pugnam est adversarius derelictus. **AMBROSIVS** (ubi supra.) Alii enim legunt (Rom. xxi.) quia „omnis potestas a Deo est: itaque a Deo est potestatum ordinatio, a malo ambitio potestatis; nec est potestas mala, sed is qui male utitur potestate. Quid ergo? Bonum est uti potestate, studere honori? Bonum, si deferatur, non eripiat. Distingue tamen hoc ipsum bonum: alius enim bonus in sæculo; alius perfectæ virtutis usus. Bonum est enim Deum querere, & cognoscendæ divinitatis studium nullis occupationibus impediri. Quod si is qui Deum querit propter fragilitatem carnis, & mentis angustias sæpe tentatur; quanto magis qui sæculum querit, obnoxius est. Docemur ergo ambitionem despiciere, eo quod

(1) *M.* ad existentiam. (2) *M.* Talia. (3) *M.* corpoream.

EX EDITIONE P. NICOLAI.

a Ut supra; *Et sic infra*. *b* Ubi supra. *c* Ubi supra, ex Iamblicis, Iamb. xviii. de virtute cit. mod. quod prius cum Cyrillo confundebatur. *d* Bossuetii in Cat. Græc. pp.

quod diabolicæ (1) subiecit potestati. TITUS A. Habet autem forensis gratia domesticum periculum, & ut dominetur aliis prius servit; curvatur ad obsequium, ut honore donetur; & dum vult esse sublimior, simulata humilitate fit vilius: unde subdit: *Tu ergo si adaveris coram me, arant tibi omnia subdita*. CYRILLUS B. Quomodo tu, cuius fors est inextinguibilis flamma, qualiter omnium Domino quæ sua sunt spondes? Putasti cultorem habere, cuius metu tremunt universa? ORIGENES (hom. xxx.) Vel aliter totum. Duo Reges certatim regnare festinant: peccati Rex peccatoribus diabolus, & iustitiæ Rex iustis Christus: sciens quod diabolus ad hoc venisse Christum ut regnum eius tolleretur, ostendit ei omnia regna mundi: non quidem regnum Persarum, (2) & Indorum, sed regnum suum, quomodo regnaret in mundo, quomodo scilicet alii regnentur a fornicatione, alii ab avaritia: & ostendit ei in puncto temporis, hoc est in præsentis temporum cursu, qui ad comparationem æternitatis puncti obtinet instar: neque enim necessarium habebat Salvator ut ei diutius huius sæculi negotia monstrarentur; sed statim ut aciem lumini suorum ad contemplandum vertit, & peccata regnantia, & eos qui regnarentur a vitiis conspexit. Dicit ergo ad eum: Venisti ut adversus me de imperio dimices. Adora me, & accipe regnum quod teneo. Verum Dominus vult quidem regnare, (3) sed iustitia, ut absque peccato regnet; & vult gentes sibi esse subiectas, ut serviant veritati; nec sic vult regnare ceteris ut ipse regnetur (4) a diabolo: unde sequitur: *Et respondens Iesus dixit illi: Scriptum est: Dominum Deum tuum adorabis, & illi soli servies*. BEDA (super Dominum Deum tuum adorabis.) Dicens diabolus Salvatori, *Si precidens adoraveris me*, e contrario audit, quod ipse magis adorare eum debeat quasi Dominum & Deum suum. CYRILLUS C. Qualiter autem, si, secundum hæreticos, Filius est creatura, adoratur? Quod crimen inferre-

tur adversus eos qui servierunt creaturæ, & non creatori, si Filium secundum eos creaturam existentem colimus tamquam Deum? ORIGENES (homil. xxx.) Vel aliter. Hos, inquit, omnes propterea mihi volo esse subiectos, ut Dominum Deum adorent, & ipsi soli serviant; tu autem a me vis incipere peccatum, quod ego dissoluturus huc veni. CYRILLUS D. Hoc autem mandatum eius tetigit intima: ante adventum enim eius ipse ubique colebatur; lex autem divina efficiens ipsum a dominio usurpato, adorare statuit solum eum qui naturaliter Deus est. BEDA (ubi supra.) Querret autem aliquis quomodo conveniat quod hic præcipitur, soli Domino serviendum, Apolloli verbo, qui dicit Galat. v., Per caritatem servite invicem. (5) Sed in Græco dulia (δουλεία) intelligitur servitus communis, hoc est sive Deo, sive homini exhibita; latria (λατρεία) autem vocatur servitus divinitatis cultui debita. Iubetur ergo per caritatem servire invicem, quod est Græce duleuin (δουλέω) iubemur uni Deo servire, quod est Græce latrein (λατρεύω) unde hic dicitur, *Et illi soli servies*; quod est Græce latreuis (λατρεύεις).

(C) AMBROSIVS (ubi sup. in fine.) Sequitur iactantiæ telum, quo in proclive delinquitur: quia dum homines gloriam virtutis suæ iactare desiderant, de loco meritum, & statione decidunt: unde dicitur: *Et duxit illum in Hierusalem, & statuit eum supra pinnaculum templi*. ORIGENES (homil. xxxi.) Sequebatur plane, quasi athleta ad tentationem sponte proficiens, & quodammodo loquebatur: Duc quo vis, & invenies me in omnibus fortiorem. AMBROSIVS (ibidem.) Ita est autem iactantia ut dum se putat unusquisque ad altiora conscendere, sublimium usurpatione factorum ad inferiora trahatur: unde sequitur: *Et dixit illi: Si Filius Dei es, mitte te hinc deorsum*. ATHANASIUS A. Non autem contra divinitatem certamen diabolus inivit, neque enim audebat; & ideo dicebat: *Si Fi-*

K 2

lius

(1) A. subiecit. P. Nicolai habet subiacet. (2) A. & Medorum. (3) A. & quasi iustitia, item amicitia &c. P. Nicolai sed quasi iustitia. (4) A. ab alio. (5) In quatuor sæpe commemoratis editionibus sic habetur. Sed in Græco dulia intelligitur servitus communis (hoc est sive Deo, sive homini exhibita) secundum, quam iubemur servire invicem; latria autem vocatur servitus divinitatis cultui debita, qua iubemur soli Deo servire.

EX EDITIONE P. NICOLAI.

* Hanc appendicem nomine Titii notant editiones Patiensis, & Antverpiensis: est Ambrosii tamen, ut & alia quæ præcedunt, etiam verbis paululum immutatis, & alia serie. b In Cateca Græc. c In Theodoro d In Cat. Græc. e Ibid.

lius Dei est: sed cum homine certamen iniiit, quem quondam seducere potuit. AMBROSIVS (Lib. IV. in Luc. de secunda tent. Christi.) Vere autem diabolica vox est quæ mentem hominis de gradu altiori merito- rum præcipitare contendit. Simul infirmitatem suam diabolus, malitiamque designat: quia nemini potest nocere nisi ipse deorsum se miserit: nam qui relictis cælestibus terrena eligit, voluntarium quoddam præceptum vitæ labentis incurrit. Simul quoniam telum suum diabolus vidit obtusum, qui omnes propriæ subiecerat potestati, plus cepit (1) quam hominem iudicare. Transfiguratur autem se satanas velut Angelum lucis, & de Scripturis sæpe divinis laqueum fidelibus pirat: unde sequitur: *Scriptum est enim: Quoniam Angelus suis mandavit de te, ut censerent te, & quia in manibus tollent te, ne forte offendas. M. lapidem pedem tuum.* ORIGENES (homil. xxxi.) Unde tibi, diabolus, hoc scire, quod ista scripta sunt? Numquid legisti Prophetas, vel divina eloquia? Legisti quidem, non ut ipse ex laetione eorum melior fieres, sed ut de simplici littera eos qui amici sunt litteræ interhicias. Scis quia si de aliis (2) eius voluminibus loqui voleris, non decipies. AMBROSIVS (ubi supra.) Ergo non te capiat hæreticus, quia potest de Scripturis aliqua exempla proferre: atque & diabolus testimonii Scripturarum, non ut doceat, sed ut fallat. ORIGENES (homil. xxxi.) Vide autem quomodo & in ipsis testimoniis versipellis est: vult enim minuire gloriam Salvatoris, quasi Angelorum indigeat auxilio, offensurus pedem, nisi eorum manibus sublevetur. Hoc enim testimonium non de Christo, sed de sanctis generaliter scriptum est: neque enim indiget Angelorum auxilio qui maior est Angelis; quin potius discat, diabole, quod nisi Deus adjuvaret Angelos, offenderent pedem suum; & tu (3) propterea offendisti, quia credere in Iesum Christum Dei Filium noluisti. Quare autem files quod sequitur (ibid. Psal. xc.) „Super „aspidem, & basiliscum ambulabis;“ nisi quia tu es basiliscus, tu draco, tu leo? AMBROSIVS (ut supra.) Sed Dominus rursus ne ea quæ de se fuerant propheta-

tata, ad arbitrium diaboli putaret esse facienda, sed divinitatis propriæ auctoritate servata, versutias eius occurrat, ut quia Scripturarum exemplum prætenderat, Scripturarum vinceretur exemplis: unde sequitur: *Et respondens Iesus ait illi: Dilectum est quia non tentabis Dominum Deum tuum.* CHRYSOSTOMUS a. Diabolicum enim est seipsum iniicere ad pericula, & tentare si eripiat Deus. CYRILLUS b. Non enim tentantibus largitur Deus auxilia, sed credentibus in eum: unde Christus tentantibus eum non ostendebat miracula, quibus dicebat Matth. xxi. „Generatio prava signum „querit, & non dabitur ei.“ CHRYSOSTOMUS c. Aspice autem quomodo non turbatus est Dominus; immo de Scripturis humillime cum iniquodiscerebat, ut contor- meris Christo pro posse. Novit diabolus arma Christi, quibus succubuit: ex mansuetudine eum cepit, ex humilitate devicit. Tu quoque, cum videris hominem effectum diabolum, & tibi obviantem, eo modo devincas, doceas animam tuam formare os concedens ori Christi: sicut enim cum Romanus foras relidet iudex, non exaudiet responsum ignorantis eo modo loqui quos ipse sic & Christus nisi suo modo loquaris, non exaudiet te, nec vacabit tibi. GREGORIUS Nissenus d. Legitime autem pugnanti agoni reperiatur terminus, vel quod adversarius sua sponte cedat vincenti, vel trino casu deponitur secundum pugnatioris artis decretum: unde sequitur: *Et consummata omni tentatione diabolus recessit usque ad tempus ab illo.* AMBROSIVS (Lib. IV. in Lucam tit. de recessu diaboli.) Non dixisset Scriptura omnem tentationem consummatam, nisi in tribus præmissis esset omnium materia delictorum: quia causæ tentationum, causæ cupiditatum sunt, scilicet carnis oblectatio, spes gloriæ, aviditas potentie. ATHANASIVS e. Accesserat quidem ad eum hostis ut ad hominem; non inveniens autem in ipso antiqui sui seminis signa, discessit. AMBROSIVS (ut supra.) Vides ergo ipsum diabolum in stadio non esse pertinacem, cedere veræ solere virtuti; & si invidere non desinat, tamen inflare formidat, quia frequentius refugit trium-

(1) *M. dist. quam.* (2) *M. ei.* (3) *M. propterea cum fulgure cecidisti.*

EX EDITIONE P. NICOLAI.

a In Cat. Græc. PP. ex homil. ad Hebræos. b In Cat. Græc. ubi supra. c Ibid. ex homil. in Matth. d Ubi supra in Cat. Græc. e Ibid.

eriumphari. Audito itaque Dei nomine, recessit, inquit, usque ad tempus: postea enim (1) non tentaturus, sed aperte pugnaturus venit. THEOPHYLACTUS (super *Et recessit*). Vel quia de voluptate tentaverat in deserto, recessit ab eo uique ad tempus crucis, in quo cum erat de tristitia tentaturus. MAXIMUS A. Vel diabolus in deserto Christo suggererat praeferre mundi materiam divino amori; quem Dominus retrocedere iussit, quod erat indicium divini amoris: unde postea satagebat praevaricatio. rem eum facere dilectionis ad proximos; & ideo docente eo semitas vitae, provocabat ad illius insidias phariseis, & scribas, ut ad eorum odium (2) perverteretur. Sed Dominus dilectionis intuitu, quem habebat in eos, monebat, arguebat, beneficia conferre non cessabat. AUGUSTINUS de Consen. Evang. (Lib. II. cap. XVI.) Totum autem hoc similiter Matthaeus narrat, sed non eodem ordine: unde incertum est quid prius factum sit, utrum regna terrae prius demonstrata sint ei, & postea (3) in pinnam templi levatus sit; an hoc prius, & illud postea: nihil tamen ad rem, dum omnia facta esse manifestum sit. MAXIMUS B. Ob hoc autem Evangelistarum hanc iste, illam vero ille praemittit, quia inanis gloria, & avaritia ad invicem sese gignunt. ORIGENES (hom. XXIX. in Lucam.) Ioannes autem, quia a Deo exordium fecerat, dicens, „In principio erat Verbum,“ tentationem Domini non descripsit, quia Deus tentari non potest, de quo (4) ei erat sermo: quia vero in Matthaei Evangelio, & in Luca generatio hominis scribitur, & in Marco; homo autem est qui tentatur; ideo Matthaeus, Lucas, & Marcus tentationem Domini descripserunt.

(d) ORIGENES (hom. XXXI. in Lucam.) Quia Dominus tentatorem vicerat, virtus ei addita est, quantum scilicet ad manifestationem: unde dicitur: *Et regressus est Iesus in virtute Spiritus in Galilaeam*. BEDA (cap. XII. in Lucam.) Virtutem Spiritus signa miraculorum dicit. CYRILLUS C. Agebat autem miracula, non ab extrinseco, & qualescunque habens Spiritus sancti gratiam, sicut alii sancti; sed potius cum esset naturaliter Dei Filius, & consors omnium

quae sunt Patris. tamquam propria, virtute, & operatione utitur ea quae est Spiritus sancti. Decebat autem ex tunc eum notum fieri, & humanationis fuisse mysterium apud eos qui erant de sanguine Israel: ideo sequitur: *Et fama exiit per universam regionem de illo*. BEDA (cap. XII. in Lucam.) Et quia sapientia pertinet ad doctrinam, virtus vero refertur ad opera; utraque hic coniunguntur: unde sequitur: *Et ipse docebat in synagogis eorum*. Synagoga Graece, Latine dicitur congregatio; quo nomine non solum turbarum conventum, sed & domum in qua ad audiendum verbum Dei conveniebant, Iudei appellare solebant; sicut nos Ecclesias & loca, & choros fidelium vocamus. Verum differt inter synagogam quae congregatio, & Ecclesiam quae convocatio interpretatur, quia scilicet & pecora, & quaecunque res congregari in unum possunt; convocari non possunt nisi ratione utentia: ideo novae gratiae populum quasi maiore dignitate praeditum, rectius Ecclesiam quam synagogam nominare apostolicis (5) doctoribus visum est. Merito autem & magnificatus a praesentibus asseveratur (6) praecedentibus factorum, dictorumve indicium, cum sequitur: *Et magnificabatur ab omnibus*. ORIGENES (hom. XXXII. in Lucam.) Cave autem ne beatos tantum illos iudices, & te arbitreris privatum esse Christi doctrina: quia nunc etiam in toto orbe docet per organa sua, & nunc magis glorificatur ab omnibus quam illo tempore quo tantum in una provincia cognoscebatur. CYRILLUS D. Largitur autem sui notitiam illis inter quos educatus est secundum carnem: unde sequitur: *Et venit Nazareth, ubi erat nutritus*. THEOPHYLACTUS (super *Et venit Nazareth*). Ut & nos doceat prius propriis beneficiis, & docere, deinde & ad reliquos amicitiam spargere. BEDA. Confluebant autem die sabbati in synagogis, ut feriatis mundi negotiis ad meditanda legis monita quieto corde residerent: unde sequitur: *Et intravit secundum consuetudinem suam die sabbati in synagogam*. AMBROSIVUS E. (tit. de regressu Iesu in Galilaeam.) Ita autem Dominus ad omnia se curvavit obsequia, ut ne lectoris quidem aspernaretur officium: unde sequitur: *Et surrexit*

(1) A. de tentaturus. (2) A. pervertatur. (3) A. in primam. (4) A. omittit ei. (5) A. doctrinalis. (6) A. Ubi P. Nicolaum est praesentibus.

EX EDITIONE P. NICOLAI.

a In Cat. Graec. b Ibid. c In Cat. Graec. PP. d Ubi supra.

rex legere, & traditus est illi liber Esaia. Accipit quidem librum, ut offenderet seipsum esse qui locutus est in Prophetis, & removeret sacrilegium peridorum, qui alium Deum dicunt veteris testamenti, alium novi; vel qui initium Christi dicunt esse de Virgine: quomodo enim cepit ex Virgine qui ante Virginem loquebatur? ORIGENES (hom. xxxii.) Non autem fortuito revolvit librum, & caput de se vaticinans reperit lectionis, sed hoc providentiae Dei fuit: unde sequitur: *Et ut revolvit librum, invenis locum ubi scriptum erat: Spiritus Domini super me:* Christus enim est qui ita commemoratur. ATHANASIUS. Explicans enim nobis causam factam in mundo revelationis, & suae humanationis, hoc dicit: sicut enim Filius, cum sit Spiritus dator, non recusat fateri tamquam homo, quod in Spiritu Dei elicit daemonia; ita non recusat dicere, *Spiritus Domini super me*, pro eo quod factus est homo. CYRILLUS. Similiter autem fatetur eum unctum fuisse in quantum carnis suscepit: unde sequitur: *Propter quod unxit me:* non enim ungitur divina natura, sed quod nobis cognatum existit: sic etiam & quod dicit le missum, imputandum est humanitati: nam sequitur: *Evangelizare pauperibus misit me.* AMBROSIIUS (ubi supra.) Vides Trinitatem coeternam, atque perfectam: ipsum loquitur Scriptura Iesum Deum hominemque in utero perfectum; loquitur & Patrem, & Spiritum sanctum, qui cooperatur ostenditur, quando corporali specie sicut columba descendit in Christum. ORIGENES (hom. xxxii. in Luc.) Pauperes autem nationes dicit: isti enim erant pauperes nihil omnino possidentes, non Deum, non legem, non Prophetas, non iustitiam, (2) non reliquas virtutes. AMBROSIIUS (Lib. & tit. eod.) Vel universaliter ungitur oleo spiritali, & virtute caelesti, ut pauperatatem conditionis humanae, thesauro resurrectionis rigaret aeterno. BEDA (cap. xii. in Lucam.) Mittitur etiam evangelizare pauperibus dicens Matth. v. „Beati pauperes, quia vestrum est regnum caelorum.“ CYRILLUS. Fortitan enim pauperibus spiritu in his ostendit exhibitum liberale donum inter omnia dona quae per Christum obtinentur. Sequitur: *Sanare*

contritos corde. Vocat contritos corde debiles, fragilem mentem habentes, & resistere nequeunt insulubus passionum; quibus remedium sanitatis promittit. BASILIUS. Vel contritos corde venit sanare, idest remedium dare habentibus cor contritum a satana per peccatum: eo quod praeter ceteris peccatum cor humanum prosternebat. BEDA (super *Dimittere contritos*.) Vel quia scriptum est Psal. l. „Cor contritum, & humilium, Iatus Deus non spernit;“ ideo missum se dicit ad sanandum contritos corde, secundum illud Psal. xli. „Qui sanat contritos corde.“

Sequitur: *Et predicare captivis remissionem.* CHRYSOSTOMUS. Captivations vocabulum multiplex est. Est enim captivatio bona, sicut Paulus dicit II. Corinth. x. „Captivantes omnem intellectum ad obedientiam Christi.“ Est & prava, & sensibilis, quae est a corporalibus hostibus. Sed deterior est intelligibilis, de qua hic dicit: iungitur enim peccatum pessima tyrannide, praecipiens mala, & obediens confundens. Ab hoc intelligibili carcereno Christus eripuit. THEOPHYLACTUS (super *Ut sanem contritos*.) Possunt autem & haec de mortuis intelligi, qui captivi existentes soluti sunt ab interni dominio per Christi resurrectionem.

Sequitur, *Et visum eas.* CYRILLUS. Profluentes enim a diabolo tenebras in corda humana, Christus quasi sol iustitiae removit, faciens homines filios non noctis, & tenebrarum, sed lucis, & diei: qui enim aliquando errabant, perceperunt iustorum semitas.

Sequitur: *Dimittere confractos in remissionem.* ORIGENES (hom. xxxii. in Luc.) Quid enim ita fractum, atque collisum fuerat ut homo, qui a Iesu dimissus est, & sanatus? BEDA. Vel *dimittere confractos in remissionem*; idest, eos qui legis pondere importabili fuerant depressi relevare. ORIGENES (hom. xxxii.) Ista autem omnia praedicta sunt ut post visionem ex caecitate, post libertatem ex vinculis, post sanitatem a diversis vulneribus veniamus ad annum Domini acceptum: unde sequitur: *Predicare annum Domini acceptum.* Aiunt autem quidam iuxta simplicem intelligentiam, anno uno Evan-

(1) autem. (2) al. reliquaque.

EX EDITIONE P. NICOLAI.

* Orat. 11. contra Arianos. b Ubi supra. c Ibid. d In Cat. GREG. PP. e In Psal. cxvi.

Evangelium Salvatore in Iudæa prædicasse; & hoc est quod dicitur: *Prædicare annum Domini acceptum*. Vel annus Domini acceptus est totum tempus Ecclesiæ, quod dum versatur in corpore, peregrinatur a Domino. BEDA (super *Prædicare annum acceptum*.) Neque enim solus ille annus quo Dominus prædicabat fuit acceptabilis, sed etiam ille quo (1) prædicat Apostolus dicens II. Corinth. vi. „Ecce nunc tempus acceptabile.“ Post annum sane Domini acceptabilem subdit, *Et diem retributionis*, scilicet extremæ, quando reddet unicuique secundum opus suum. A MURSTUS (Libro & titulo ut sup.) Vel diem hunc annum Domini acceptum dicit perpetuis diffusum temporibus, qui redire in orbem laboris nesciat, continuationem fructus hominibus, & quietis indulgeat.

Sequitur: *Et cum plenisser librum, reddidit ministro, & sedit*. BEDA (super *Et cum plenisser librum*.) Librum audientibus illis qui aderam legi, sed lectum ministro reddidit: quia dum esset in mundo, palam locutus est, docens in synagoga, & templo; sed ad cælestia reverteretur his qui ab initio viderant, & ministri sermonis fuerant, evangelizandi officium tradidit. Stans legit, quia nobis Scripturas quæ de ipso erant aperuit, (2) quando in carne dignatus est operari; sed reddito libro residet, quia se supernæ quietis solio restituit: stare enim operantis est, sedere autem quiescentis, vel iudicantis. Sic & prædicator verbi furgat, & legat, id est operetur, & prædicet; & resideat, id est præmia quietis expectet. Revolutum autem librum legit, quia Ecclesiam misso Spiritu omnem veritatem docuit; plicatum ministro reddidit, quia non omnia omnibus dicenda, sed pro capto audientium committit doctori dispensandum verbum.

Sequitur: *Et omnium in synagoga oculi erant intententes in eum*. ORIGENES (homil. xxxii. in Lucam.) Et nunc etiam si volumus, oculi nostri possunt intendere (3) in Salvatore: cum enim principalem cordis tui direxeris aciem ad sapientiam, & veritatem, Deique Unigenitum contemplandum, oculi tui intuentur Iesum. CYRILLUS a. Tunc autem omnium oculos convertibat ad

se, quodammodo stupentium qualiter litteras novit, quas non didicit. Sed quoniam mos erat Iudæis, promulgatas de Christo Prophetias dicere consummari vel in quibusdam eorum præpositis, vel in aliquibus sanctis Prophetis, Dominus hoc prædicavit: unde sequitur: *Cœpit autem dicere ad illos: Quia hodie impleta est hæc scriptura in auribus vestris*. BEDA (super *Et erant oculi omnium*.) Quia scilicet, sicut illa Scriptura prædixerat, & magna faciebat, & maiora Dominus evangelizabat.

(e) CHRYSOSTOMUS (hom. xlii. in Matth. cir. princ.) Cum venisset in Nazareth Dominus, a miraculis abstinuit, ne provocaret eos ad maiorem livorem. Preterit autem eis doctrinam non minus admirandam miraculis: erat enim quædam divina gratia ineffabilis in dictis salvatoris concurrens, animas permulcens auditorum: unde dicitur: *Et omnes testimonium illi dabant, & mirabantur in verbis gratia quæ procedebant de ore ipsius*. BEDA (super *Omnes testimonium illi dabant*.) Testimonium illi dabant attestando illum vere esse ut dixerat, de quo Propheta cœcinerat. CHRYSOSTOMUS (homil. xlii. in Matth.) Sed stulti admirantes sermonis virtutem, parvipendunt ipsum ab eo qui putabatur (4) pater: unde sequitur: *Et dicebant: Nonne hic est filius Ioseph?* CYRILLUS b. Sed quid impedit ut venerabilis, & admirabilis sit, si filius esset, ut putabatur, Ioseph? Nonne vides divina (5) miracula? Satanam iam prostratum, nonnullos ab his ægritudinibus liberatos? CHRYSOSTOMUS (ubi supra.) Post multum enim tempus, & signorum ostensionem profectus est ad eos; nec eum sustinuerunt, sed iterum se succendebant invidia: unde sequitur: *Et ait illis: Utique dicitis mihi hanc similitudinem: Medice cura te ipsum. Quanta audivimus facta in Capharnaüm, fac & hic in patria tua*. CYRILLUS c. Commune quidem proverbium erat apud Hebræos ad improprium excogitatum: clamabant enim aliqui contra medicos infirmos: *Medice sana te ipsum*. GLOSSA (ordinaria.) Quasi dicerent: Quia in Capharnaüm plures te curasse audivimus, cura etiam teipsum; id est, fac similiter in tua ci-

(1) Al. prædicabat. (2) Al. quia. *Legit autem u. Nicolai* quia domi nobis Scripturas quæ de ipso erant aperuit in carne dignatus est operari. (3) Al. desit in. (4) Al. amittitur pater: (5) Al. mihi.

civitate, ubi conceptus es, & nutritus. AUGUSTINUS de Confen. Evang. (Lib. II. cap. xlii.) Cum autem iam magna ab illo facta commemorat, quæ le nondum narrasse scit; quid evidentius quam hoc cum scienter præoccupasse narrandum? Neque enim tantum ab eius baptismo progressus est ut oblitus putetur, nondum se aliquid commemorasse de his quæ in Capharnaum gesta fuerant. AMBROSIVS (Lib. IV. in Lucam tit. de responsione Iesu.) Non otiose autem Salvator se excusat, quod nulla in patria sua miracula virtutis operatus sit; ne fortassis aliquis vilioris patriæ nobis esse debere putaret affectum: nam sequitur: *Ait autem: Amen dico vobis quia nemo Propheta acceptus est in patria sua.* CYRILLUS *s.* Quasi dicat: Vultis multa prodigia inter vos me fieri, penes quos sum nutritus; sed non latet me quædam communis, quæ multis accidit, passio: contemnunt enim quodammodo semper etiam optima quæque quando non raro contingunt alicui, sed suppetunt ad velle; & sic etiam contingit in hominibus: familiaris enim, quia semper præsto est, debita reverentia privatur a notis eius. BEDA (cap. xii. in Lucam.) Prophetam autem dici in Scripturis Christum, & Moyses tellis est, qui dicit Deuter. xxi. „Prophetam vobis,“ suscitabit Deus de fratribus vestris. “ AMBROSIVS (ubi supra.) Hoc autem exemplo declaratur quod frustra opem misericordiae cælestis expedit, si alienæ fructibus virtutis invidas: aspernator enim Deus invidorum est, & ab his qui divina beneficia in aliis persequuntur, miracula suæ pietatis avertit. Dominicæ quippe carnificatus, divinitatis exemplum est, & invisibilia eius nobis per ea quæ sunt visibilia demonstrantur. Videte igitur quid mali invidia asferat: indigna propter invidiam patria iudicatur, in qua civis operetur, quæ digna fuit in qua Dei Filius (1) nasceretur. ORIGENES (hom. xxxiii.) Quantum ad Lucæ historiam pertinet, nondum in Capharnaum fecisse aliquid signum describitur: nam antequam veniret in Capharnaum, in Nazareth dixisse legitur: *Quicumque audimus facta in Capharnaum.* Unde puto in

præfenti sermone aliquid latitare mysterii, (2) & Nazareth in typo Iudæorum, Capharnaum in typo præcessisse Gentium. Erant enim tempus quando dicturus est populus Israel: Quæ ostendit universis orbi, ostende & nobis; prædica sermonem tuum populo tuo Israel, ut saltem cum subintraverit plenitudo Gentium, tunc omnis Israel salvus fiat. Quamobrem videtur mihi convenienter respondiisse Salvator, *Nemo Propheta acceptus est in patria sua*, plus iuxta sacramentum quam iuxta litteram; licet & Hieremias in Anathoth patria sua non fuerit acceptus, & reliqui Prophetæ: sed magis videtur mihi intelligi ut dicamus patriam omnium Prophetarum fuisse populum circumcilionis. Et nationes quidem susceperunt vaticinium Iesu Christi, magis habentes Moylen, & Prophetas de Christo prædicantes, quam illi qui ex his non susceperunt Iesum. AMBROSIVS (ubi supra.) Bene autem apto comparationis exemplor, rogantia civium retunditur invidorum, dominicumque factum Scripturis docetur veteribus convenire: nam sequitur: *Et in vestre dico vobis: multa videri trans in diebus Eliæ: non quia Eliæ dies fuerunt; sed in quibus Elias operatus est.* CHRYSOSTOMUS *b.* Ipse quidem retrorsis Angelus, cælestis homo, qui nec tectum, nec meniam, nec amicum habebat, ut multi, clavem cælorum gerit in lingua: & hoc est quod sequitur: *Quando clausum est calum annis tribus, & mensibus sex.* Postquam autem cælum servavit, terramque reddidit sterilem, regnabat fames, & consumpta sunt corpora: unde sequitur: *Cum facta esset fames in terra.* BASILIUS *c.* Ut enim asperit ex saturitate non modicum generari opprobrium, per famem illis ieiunium attulit, quo culpam eorum, quæ in immensum crescebat, cohibuit. Corvi autem facti sunt iusto cibi ministri, qui consueverunt aliorum pabula usurpare. CHRYSOSTOMUS *d.* Sed quoniam exsiccatum est fluvius, ex quo pocula iusto dabantur; „Vade“ inquit Deus III. Reg. xvi. „in Sareptam Sidoniæ; illic manebis, dabo mulieri viduæ ut pascat te:“ unde & hic sequitur: *Et ad nullam eorum missus est Elias, nisi in Sareptam Sidoniæ ad mul-*

(1) *Al.* nasciturus Niclal conciperetur. (2) *Al.* & Nazareth esse typum Iudæorum, Capharnaum typum Gentium.

EX EDITIONE P. NICOLAI.

* Ubi supra. * In Cat. Græc. PP. ex hominis in Epist. Pauli. * In Cat. Græc. PP. notatur sine ullo indicio loci, sed habetur partim orat. 1. & 21. de ieiunio, quo ad præiorem appendicem, partim orat. in sermone, & ieiunium, quo ad posteriores. d Ut supra.

liorem viduam: quod ex quadam Dei dispensatione factum est: fecit enim Deus eum per longum iter pergere usque in Sidonem, ut vita mundi peste poscat a Domino pluvias. Multi autem tunc temporis opulenti erant; sed nullus tale aliquid fecit ut vidua: reverentia enim mulieris ad Prophetam, non prædiorum, sed voluntatis fiebat divitiarum. AMBROSIVS (Lib. & tit. eod. ubi supra.) Mysice autem dicit, *In diebus Elia*: quia dies faciebat illis qui in eius operibus lucem videbant gratiæ spiritualis; & ideo aperiebatur cælum videntibus divina mystéria, claudebatur quando fames erat, quia nulla erat cognoscenda divinitatis ubertas. In vidua autem illa ad quam Elias directus est, typus Ecclesiæ præmissus est. ORIGENES (hom. xxxii. in Luc.) Occupante enim fame populum Israel, scilicet audientem sermonem Dei, venit Propheta ad viduam, de qua dicitur Esai. liv. „Multi filii desertæ magis quam eius quæ habet virum:“ & cum venisset, panem illius, & alimenta multiplicat. BEDA (cap. xli. in Lucam.) Sidonia autem venatio inutilis, Sæpenta incendium, vel angustia panis interpretatur: quibus omnibus gentilitas exprimitur, quæ inutili venationi dedita, idest lucris, & negotiis sæculi serviens, incendium carnalium cupiditatum, panisque spiritualis angustias patiebatur; donec Elias, idest propheticus sermo, cessante Scripturarum intelligentia, pro perfidia Iudæorum venit ad Ecclesiam, ut receptus pasceret, & reficeret corda credentium. BASILIUS. Quælibet etiam anima viduata, & privata virtute, & divina notitia, postquam divinum verbum recipit, propria delicta cognoscens, docetur nutrire verbum virtutum panibus, & irrigare fonte vitæ doctrinam veritatis. ORIGENES (hom. xxxiii. in Lucam.) Sed & aliud ad eundem sensum pertinens loquitur, cum subdit: *Et multi leprosi erant in Israel sub Eliseo Propheta*; & nemo eorum mundatus est, nisi Naaman Syrus; qui utique non erat ex Israel. AMBROSIVS (ubi supra.) Mysice autem populus Ecclesiam contingit, ut sequatur populus ille ex alienigenis congregatus, anteleprosus, prius quam mystico baptizaretur in

S. Thom. Oper. Tom. V.

flumine; (1) idest, post sacramenta baptismatis, maculis corporis, & mentis ablutis, immaculata virgo cepit effluere erga. BEDA (super illud, *Multa vidua erant*.) Naaman enim, qui decorus interpretatur; populum significat nationum, qui septies lavari iubetur: quia illud baptismum salvat quod septiciformis Spiritus regenerat. Caro eius post lavacrum sicut pueri apparet: quia mater gratia omnes in unam parit infantiam; vel quia (2) Christo conformatur, de quo dicitur Esai. ix. „Puer natus est nobis“ bis.

(1) GRAECUS. Quia pravam eorum intentionem redarguerat, ideo indignantur; & hoc est quod dicitur: *Et repleti sunt omnes in synagoga ira*: pro eo etiam quod dixerat, *Hodie completa est hæc prophetia*, arbitrati sunt quod seipsum compararet Prophetis; & ideo indignantur, & fugant eum extra civitatem: unde sequitur: *Et furaxerunt, & eiecerunt illum extra civitatem*. AMBROSIVS (Lib. IV. in Luc. tit. de indignatione Iudæorum.) Nec mirum, si perdidissent salutem qui eiecerunt de suis finibus Salvatorem. Dominus autem, qui docuerat Apostolos exemplo sui omnibus omnia fieri, nec volentes repudiare, nec invitos alligat, nec elicientibus reluctatur, nec rogantibus deest. Non mediocriter autem invidia proditur, quæ caritatis oblita in acerba odia causas amoris infleclit. Cum enim ipse Dominus per populos beneficia diffunderet, illi iniurias irrogabant: unde sequitur: *Et duxerunt illum usque ad supercilium montis, super quem civitas illorum erat edificata, ut precipitarent eum*. BEDA (ubi supra.) Peiores sunt Iudæi discipuli (3) diaboli diabolo magistro: ille (4) enim ait, *Mitte te dorsum*; isti sacro mittere conantur: sed illorum mente mutata subito, vel obstupescita, descendit, & quia adhuc illis poenitentia locum reservat: unde sequitur: *Iste autem transiens per medium illorum ibat*. (5) CHRYSOSTOMUS. In quo & quæ sunt humanitatis, & quæ sunt divinitatis ostendit: stare enim in medio insidiantium, & non apprehendi, divinitatis eminentiam ostendebat; discedere vero, dispensationis approbat mysterium. AMBROSIVS (ubi supra.)

(1) P. Nicolai, forte melius, legit Sed post &c. (2) Al. Christus. (3) Al. emittitur diaboli. (4) Al. vero. (5) Al. GREGORIUS.

EX EDITIONE P. NICOLAI.

* Idem Cyrillus in Cat. Graec. PP. † Hanc appendicem Beda non habet, sed Glossa tantum. ‡ Homil. xlii. in Ioan.

supra.) Simul intellige non ex necessitate fuisse, sed voluntariam corporis passionem: etenim quando vult caput, quando vult (1) elabur. Nam quemadmodum a paucis teneri potuit, qui a populo non tenetur? Sed voluit sacrilegium ille multorum, ut a paucis quidem assigeretur, sed pro toto orbe moreretur. Quin etiam malebat Iudæos (2) adhuc sanare quam perdere, (3) ut inefficaci furoris exitu (4) desinerent velle quod implere non possent. BEDA (super *Docuerunt illum*.) Nondum etiam venerat hora passionis, quæ in pasche paschæ futura extiterat; nec dum locum passionis adierat, qui non in Nazareth, sed Hierosolymis hostiarum sanguine figurabatur; nec hoc genus mortis elegerat, qui crucifigendum se a sæculo præconabatur.

(5) AMBROSIVS (Lib. IV. in Luc. tit. de confort. euilend. Christi per miracula.) Non indignatione commotus Dominus, nec scelere offensus Iudæam deseruit; quin etiam immemor iniuriæ, memor clementiæ, nunc docendo, nunc sanando (5) infidæ plebis corda demulcet; unde dicitur: *Et descendit in Capernaum civitatem Galilæe, ibique docebat illos sabbatis*. CYRILLUS. Quamvis enim sciret quod inobedientes essent, & duri cordis, tamen visitat illos, sicut bonus medicus illos qui ultima laborant ægitudine tentat sanare. Docebat autem in synagoga confidenter secundum illud Esaiæ xlv. „Nequaquam occulte locutus sum, nec in obscuro loco terræ.“ In sabbato quoque disputabat cum eis, quia vacabant. Mirati sunt ergo de doctrinæ virtute, & potestatis magnitudine: unde sequitur: *Et stupebant in doctrina eius, quia in potestate erat sermo ipsius*, idest non blandus, sed imperiosus ad salutem. Iudæi autem putabant esse Christum sicut aliquem sanctorum, aut Prophetarum. Ut autem maiorem de eo opinionem accipiant, transcendit mensuram prophetiam: non enim dicebat, „Hæc dicit Dominus,“ ut Prophetæ confueverant dicere; sed sicut Dominus legis, quæ sunt supra legem proferebat, transferens litteram ad veritatem, & figuras ad spirituales intelligentiam. BEDA (cap. xii. in Lucam parum a fine.) Sermo etiam doctoris in potestate sit, cum ea quæ

docet operatur: qui enim factis destruit quod prædicat, contemnitur. CYRILLUS b. Opportune autem dogmatibus plerumque audia miscet opera: quos enim non disponit ratio ad cognoscendum, hos infligit signorum ostensio: unde sequitur: *Et in synagoga erat homo habens dæmonium immundum*. AMBROSIVS (Lib. & tit. ut supra.) Sabbatho medicinæ divinæ opera coepit significat, ut inde nova creatura coeperit unde vetus creatura ante delivit; ne sub lege esse Dei Filium, sed supra legem in ipso principio designaret. Bene etiam sabbato coepit, ut ipsum se ostenderet creatorem, quia opera operibus interserit, & prosequitur opus quod ipse ante iam coepit; ut si domum faber renovare disponat, non a fundamentis, sed a culminibus incipit solvere vetustatem, ita ut ibi prius manum admoveat ubi ante deserat. Deinde a minoribus incipit, ut ad maiora perveniat. Liberare a dæmone etiam homines, sed in verbo Dei possunt; resurrectionem mortuis imperare divinæ solius est potestatis. CYRILLUS c. Calumniabantur autem Iudæi gloriam Christi, dicentes Matth. xii. „Hic non eicit dæmones nisi in Beelzebub principe dæmoniorum.“ ad quod removendum cum repræsentarentur dæmones invictæ potestati eius, nec tolerarent congressum deitatis, sævam vocem emittebant: unde & hic sequitur: *Exclamavit voce magna dicens: Sine: quid nobis, & tibi Iesu Nazarene? Venisti perdere nos?* BEDA (cap. xiii. in Lucam.) Quasi dicat: Paululum a me vexando quiesce, cui nulla est societas cum nostra fraude. AMBROSIVS (ubi supra.) Nec quoniam movere debet quod Iesu Nazareni nomen in hoc libro diabolus dixisse primus inducitur: nec enim ab eo Christus nomen accepit, quod de celo Angelus ad Virginem deculit. Est huius impudentiæ diabolus, ut inter homines aliquid primus usurpet, & ad homines quasi novum deserat, quo terrorem suæ potestatis incutiat: unde sequitur: *Scio enim te, quia sis Sanctus Dei*. ATHANASIVS d. Non dicebat eum Sanctum Dei, quasi aliis sanctis similis, sed quasi eo singulariter Sancto existente cum articuli additione: ipse est enim naturaliter Sanctus, cuius participatione omnes alii sancti vocantur.

(1) *M.* elevabitur. (2) *M.* de *β* adhuc. (3) *M.* ut efficeret. (4) *M.* deberent. (5) *M.* in fide plebis.

tur: neque tamen hoc dicebat, quasi eum veraciter nosset, sed se cognoscere fingebat. CYRILLUS *a*. Putaverunt enim dæmones quod per huiusmodi laudem facerent ipsum inanis gloriæ amatorem, ut ablineret ab eorum contrarietate, utpote pro gratia gratiam recompensans. CHRYSOSTOMUS *b*. Voluit etiam dæmon perturbare ordinem rerum, & Apostolorum rapere dignitatem, & suggerere multis ut ei obediant. ATHANASIUS *c*. Quamvis igitur vera fateatur, compescebat tamen eius sermonem, ne simul cum veritate etiam suam iniquitatem promulget, ut nos etiam assuefaciat ne curemus de talibus, etsi vera loqui videntur. Nefas est enim ut cum adit nobis Scriptura divina, instrumur a diabolo: unde sequitur: *Et increpavit illum, dicens: Obmutescet, & exi ab illo.* BEDA (cap. xxi. in Lucam.) Divina autem permissione, liberandus a dæmone homo proicitur in medium, ut virtus patefacta Salvatoris, plures ad (1) viam salutis invitet: unde sequitur: *Et cum proiecisset illum dæmonem in medium, exiit ab illo, nihilque illi nocuit.* Videtur autem repugnare quod hic dicitur, Marco qui ait cap. iv. „ Et discerpens eum spiritus, tus immundus, & exclamans voce magna, „ exivit ab eo: „ nisi intelligamus hoc dixisse Marcum, „ Discerpens eum, „ quod Lucas dicit, „ *Et cum proiecisset illum in medium: ut quod secutus ait, Nihilque illi nocuit, intelligatur quia iactatio illa membrorum, atque vexatio non eum debilitavit, sicut solent exire dæmonia etiam quibusdam membris amputatis, aut evulsis. Virile merito pro tam integra restitutione sanitatis mirantur: nam sequitur: Et factus est paver in omnibus, & colloquebantur ad invicem, dicentes: Quod est hoc verbum quod in potestate, & virtute imperat immundis spiritibus, & exiit? THEOPHYLACTUS (cir. finem Commen. in iv. cap. Lucæ.) Quasi dicant: quale est præceptum hoc quod præcepit, Exi ab eo, & exiit? BEDA (cap. xxi. in Lucam cir. fin.) Expellere quidem dæmonia & homines sancti, sed in verbo Dei, possunt, ipsum autem Dei Verbum propria potestate virtute operatur. AMBROSIVS (Lib. & tit. ut supra.) Myslice autem qui in synagoga spiritum habebat immundum,*

populus est Iudæorum, qui innodatus diaboli laqueis, simulatus corporis munditiam interioris mentis sordibus inquinabat: & bene spiritum immundum habebat, quia Spiritum sanctum amiserat: introierat enim diabolus, unde Christus exierat. THEOPHYLACTUS (non procul a fine Commen. in iv. cap. Lucam.) Sciendum est etiam, quod multi nunc dæmonia habent, scilicet qui dæmoniorum desideria implent, ut furiosi habent dæmonium iræ, & sic de ceteris. Sed Dominus in synagoga venit, cum mens hominis fuerit congregata, & tunc dicit dæmoni inhabitanti, *Obmutescet*; & statim eiciens eum in medium, egreditur ab eo: non enim decet hominem semper iracundum esse, bestiale namque hoc est; nec semper absque ira, insensibile namque hoc est: sed medium iter ambulare oportet, & iram contra mala habere; & sic proiicitur homo cum immundus spiritus ab eo egreditur.

(h) AMBROSIVS (Lib. & tit. ut supra.) Postquam Lucas virum a spiritu nequitie liberatum ante præmisit, subicitur iemine sanitatem. Utrumque enim sexum Dominus curaturus advenerat; & prior sanari debuit qui prior creatus est: unde dicitur: *Surgens autem de synagoga introivit in domum Simonis.* CHRYSOSTOMUS (hom. xxviii. in Matth. cir. princ.) Manebat enim apud discipulos honorans ipsos, & ob hoc animosiores reddens. CYRILLUS *d*. (1) Aspice autem quomodo manet penes virum inopem Christus, qui spontanea voluntate pauperatatem pro nobis passus est, ut discamus cum pauperibus conversari, nec spernere depresso, & panperes.

Sequitur: *Socrum autem Simonis tenebatur magnis febribus; & rogaverunt illum pro ea.* HIERONYMUS super Matth. *e*. Modo Salvator rogatus, modo ultro curat aggroto, ostendens se contra peccatorum quoque passionem & precibus semper annuere fidelium, & ea quæ ipsi minime in se intelligunt, vel intelligenda dare, vel non intellecta dimittere, secundum illud Psal. xlviii. „ Delicta quis intelligit? Ab oculis meis munda me Domine. „ CHRYSOSTOMUS (hom. xxviii. in Matth.) Quod autem Mattheus hic reituit, non differt:

L. 2 illud

(a) Al. vitam. (2) Al. Aspiciebat.

EX EDITIONE P. NICOLAI.

a Ubi supra. *b* Hom. ix. in I. ad Corinth. *c* Ubi supra. *d* in Cat. Græc. PP. *e* Nihil tale ad illud in Matth. xii. vers. xiv. Cum venisset Iesus in domum Petri & c. sed Beda hic.

illud enim est brevitatis, hoc autem exquisitae interpretationis.

Sequitur: *Et stans super illam, imperavit febrī; & dimisit illam.* BASILIUS *a.* In quo Lucas figuravit sermonem tamquam de praecepto animali sensibili facto, sic dicens febrī imperatum, & quod febris non omisit imperantis operationem: unde sequitur: *Et continuo surgens ministrabat illis.* CHRYSOSTOMUS (ut supra.) Quia (1) enim morbus curabilis erat, per modum medendi potestatem suam declaravit, faciens quod minime ars medicinae facere potuisset: post febris enim sedationem, multo tempore patientes egent ut pristinae restituantur sanitati; tunc autem simul omnia facta sunt. AMBROSIVS (tit. de consr. doct. Christi per miracula.) Si autem altiori consilio ista perpendamus, animi debemus intelligere, & corporis sanitatem, ut prius animus, qui serpentis laborabat insidiis, absolutus sit. Denique non prius Eva esuriit, quam serpentis eam versutus tentavit; & ideo ad- verius ipsum auctorem peccati prius debuit medicina salutis operari. Portalis etiam in typo mulieris illius, variis criminum febris carō nostra languescibat; nec minorem febrem amoris esse dixerim quam caloris. BEDA (cap. xiv. in Lucam.) Si enim virum a dæmonio liberatum moraliter animum ab immunda cogitatione purgatum significare dixerimus; consequenter femina febris tentata, sed ad imperium Domini curata, carnem ostendit a concupiscentiæ suæ fervore per continentiae praecepta frenatam. CYRILLUS *b.* Et nos ergo suscipiamus Iesum: cum enim visitaverit nos, & portamus eum in mente, & corde, tunc enormium voluptatum æstus exstinguet, & in- columes faciet, ut ministremus ei; hoc est, ei beneplacita peragamus.

(i) THEOPHYLACTUS (cir. fin. Com. in iv. cap. Luc.) Considerandum est turbæ desiderium: nam cum sol occidisset, adducunt ad eum infirmos, non a tempore impediti: unde dicitur: *Cum autem sol occidisset, omnes qui habebant infirmos variis languoribus, ducebant illos ad eum.* ORIGENES *c.* Ideo quidem circa solis occasum, id est elapsa die, illos educabant, quia verecun-

dabantur, vel timebant pharisæos; vel quia de die intenti erant circa alia; vel quia putabant non licere sanare in sabbato. Ipse autem sanabat eos: unde sequitur: *At ille singulis manus imponens curabat omnes.* CYRILLUS *d.* Quamvis autem ut Deus potuisset omnes verbo pellere morbos, tamen tangit eos, ostendens propriam carnem effecticem ad præstanda remedia, nam caro Dei erat. Sicut enim ignis appositus vasi æneo imprimit ei propriæ caliditatis effectum; sic omnipotens Dei Verbum, cum dñavit sibi veraciter assumptum templum ex Virgine animatum, (1) & intellectivum, particeps suæ potestatis, eius effectum inseruit. (3) Tangat & nos, immo potius nos illum tangamus, quatenus & nos ab animarum infirmitatibus liberet, nec non a dæmonum impugnatione, & superbia: sequitur enim: *Exibant autem demonia a multis clamantia, & dicentia: Quia tu es Filius Dei.* BEDA (cap. xiv. in Luc.) Dæmonia Filium Dei constantur, & sicut postea dicitur, *scribens ipsum esse Christum*: quia cum ieiunio fatigatum eum diabolus videret, verum hominem intellexit; sed quia tentando non prævaluit, utrum Filius Dei esset dubitabat: nunc autem per signorum potentiam vel intellexit, vel potius inspicatus est esse Filium Dei. Non igitur ideo iudeis eum crucifigere persuasit, quia Christum, sive Dei Filium non esse putavit; sed quia se morte illius non (4) prævidit esse damnandum. De hoc enim mysterio a sæculis abscondito dicit Apostolus I. Corinth. xi. quod „ nemo principum huius sæculi cognovit: si enim cognovissent, numquam Dominum gloriæ crucifixissent. “ CHRYSOSTOMUS (hom. v. in Marcum a. med.) In hoc autem quod sequitur, *Et increpans non sivebat ea legi*, percipe Christi humilitatem: non sivebat ut dæmones immundi eum manifestarent: non enim oportebat eos subripere officii apostolici gloriam, nec decebat Christi mysterium lingua sœda publicari. THEOPHYLACTUS (in fin. Com. cap. iv.) Quia „ non „, est speciosa laus ore peccatoris:“ Eccli. xv. vel quia nolebat invidiam accendere iudeorum ex hoc quod ab omnibus laudaretur. BEDA (cap. xiv. in Lucam in fine.)

Ipse

(1) *a.* Quod enim. (2) *a.* & intellectum. *b.* Nicolai legi & intellectivum, particeps suæ potestatis effectum ei inseruit. (3) *a.* Tangit. (4) *a.* vidit.

EX EDITIONE P. NICOLAI,

a Et Origenes in Cat. Gen. pp. *b* Ubi supra. *c* Ut supra. *d* Ibid.

Ipsi autem Apostoli præcipiunt reticere de illo, ne divina maiestate prædicata, passionis dispensatio differretur.

(k) CHRYSOSTOMUS a. Postquam facia utilitatis populis per miracula est collatum, oportebat eum abesse: maiora namque putantur miracula post absentiam operantis, dum ipsa magis exclamant, & vice vocis fruuntur: unde dicitur: *Facta autem die egressus ibat in desertum locum*. GRÆCUS b. Abiit etiam in desertum, ut Marcus dixit, & orabat: non quod ipse oratione indigeret, sed ut nobis bonæ operationis fieret forma. CHRYSOSTOMUS c. Pharisæi quidem, ipsis prodigiis prædicantibus, potentia Christi scandalizabantur; populi vero eloquia audientes acquiescebant, & sequebantur: unde sequitur: *Et turba requirebant eum, & venerunt usque ad ipsum; & detinebant illum, ne discederet ab eis: non quidem aliqui primatum, aut scribarum, sed quoscunque malitiæ fucus non denigraverat, & illam habebant conscientiam*. GRÆCUS d. Quod autem Marcus dicit, Apostolos pervenisse ad eum dicentes, quod omnes quærent te; Lucas vero dicat populos pervenisse: non discrepant ab invicem. Applicuerant enim ad ipsum populi, Apostolorum sequentes vestigia; Dominus autem gaudebat detentus, sed mandabat ut eum dimitterent, ut etiam alii participes forent eius doctrina, quasi tempore suæ præsentiz

non multum duraturo: unde sequitur: *Quibus ait: Quia & aliis civitatibus oportet me evangelizare regnum Dei, quia ideo missus sum*. Marcus dicit, „Ad hoc veni,“ ostendens divinitatis eius celsitudinem, & voluntariam exinanitionem; Lucas vero dicit, *Ad hoc missus sum*, idest incarnationem ostendens, nec non beneplacitum Patris missionem appellans: & ille quidem simpliciter dicit, „Ut prædicem;“ iste vero regnum Dei adiungit, quod est ipse Christus. CHRYSOSTOMUS e. Simul etiam considera, quod poterat in eodem loco manendo, omnia attrahere ad se; non tamen hoc fecit, præbens nobis exemplum, ut perambulamus, & requiramus pereuntes; sicut pastor ovem perditam, & medicus accedit ad infirmum; una enim anima recuperata, poterit aliquis mille delicta abolere: unde & hic sequitur: *Et erat prædicans in synagoga Galilee*. Frequentabat quidem synagogas, docens illos, quod non esset seductor: nam si iugiter inhabitata coleret, diffamarent eum velut latitantem. BEDA (cap. xiv. in fin.) Si autem occulu solis mystice mors Domini exprimitur, die redeunte resurrectio illius indicatur; cuius manifestata lucē, a credentium turbis requiritur, & in Gentium deserto inventus, ne abeat detinetur; maxime cum hoc contigerit prima sabbati, quo resurrectio celebrata est.

C A P U T V.

(a) **F**Actum est autem, cum turbæ irruerent in eum, ut audirent verbum Dei, & ipse stabat secus stagnum Genesareth. Et vidit duas naves stantes secus stagnum: piscatores autem descenderant, & lavabant retia. Ascendens autem in unam navim, quæ erat Simonis, rogavit eum a terra reducere pusillum. Et sedens docebat de navicula turbas.

(b) Ut cessavit autem loqui, dixit ad Simonem: Duc in altum, & laxate retia vestra in capeuram. Et respondens Simon dixit illi: Præceptor, per totam noctem laborantes nihil cepimus; in verbo autem tuo laxabo rete. Et cum hoc fecerint, concluderunt piscium multitudinem copiosam. Rumpebatur autem rete eorum: & annuerunt sociis, qui erant in alia navi, ut venirent, & adiuvarent eos. Et venerunt, & inpleverunt ambas naviculas, ita ut pene mergerentur.

(c) Quod cum videret Simon Petrus, procidit ad genua Iesu, dicens: Exi a me Domine

EX EDITIONE P. NICOLAI.

a Ut supra. b Idest Victor Antiochenus in Cat. Græc. PP. c In Cat. Græc. PP. ex homiliis in Matth. d Scilicet Victor, ut supra. Notatur in Cat. Græc. PP. sine indice loci; sed colligitur ex illius Comment. in 1. cap. Marci Tom. I. Biblioth. e Ut supra in Catena Græc. PP.

Domine, quia homo peccator sum. Stupor enim circumdederat eum, & omnes qui cum illo erant, in captura piscium quam ceperant; similiter autem Iacobum, & Ioannem filios Zebedæi, qui erant socii Simonis. Et ait ad Simonem Iesus: Noli timere: ex hoc iam homines eris capiens. Et subductis ad terram navibus, relictis omnibus, secuti sunt eum.

(d) Et factum est cum esset in una civitatum, & ecce vir plenus lepræ videns Iesum, & procidens in faciem suam rogavit eum, dicens: Domine, si vis, potes me mundare. Et extendens Iesus manum tetigit eum, dicens: Volo: mundare. Et confestim lepra discessit ab illo. Et ipse præcepit illi ut nemini diceret; sed Vade, ostende te Sacerdoti, & offer pro emundatione tua sicut præcepit Moyses, in testimonium illis. Perambulabat autem magis sermo de illo, & conveniebant turbæ multæ, ut audirent, & curarentur ab infirmitatibus suis. Ipse autem sedebat in deserto, & orabat.

(e) Et factum est in una dierum, & ipse sedebat docens; & erant pharisæi sedentes, & legis doctores, qui venerant ex omni castello Galilææ, & Iudææ, & Hierusalèm; & virtus Domini erat ad sanandum eos. Et ecce viri portantes in lecto hominem, qui erat paralyticus; & querebant eum inferre, & ponere ante eum. Et non inveniētes qua parte illum inferrent præ turba, ascenderunt supra tectum, & per regulas submiserunt eum lecto in medium ante Iesu. Quorum fidem ut vidit, dixit: Homo, remittuntur tibi peccata tua. Et cœperunt cogitare scribæ, & pharisæi, dicentes: Quis est hic qui loquitur blasphemias? Quis potest dimittere peccata nisi solus Deus? Ut cognovit autem Iesus cogitationes eorum, respondens dixit ad illos: Quid cogitatis in cordibus vestris? Quid est facilius dicere, & dimittere tibi peccata; an dicere, Surge, & ambula? Ut autem sciat, quia Filius hominis habet potestatem in terra dimittere peccata, ait paralytico: Tibi dico, surge, tolle grabatum tuum, & vade in domum tuam. Et confestim confurgens coram illis, tulit lectum in quo iacebat, & abiit in domum suam magnificans Deum. Et stupor apprehendit omnes, & magnificabant Deum. Et repleti sunt timore dicentes: Quia vidimus mirabilia hodie.

(f) Et post hæc exiit, & vidit publicanum nomine Levi sedentem ad telonium, & ait illi, Sequere me. Et relictis omnibus, surgens secutus est eum. Et fecit ei convivium magnum Levi in domo sua, & erat turba multa publicanorum, & aliorum, qui cum illis erant discumbentes. Et murmurabant pharisæi, & scribæ eorum dicentes ad discipulos eius: Quare cum publicanis, & peccatoribus manducatis, & bibitis? Et respondens Iesus dixit ad illos: Non egent qui sani sunt medico, sed qui male habent: non enim veni vocare iustos, sed peccatores ad penitentiam.

(g) At illi dixerunt ad eum: Quare discipuli Ioannis ieiunant frequenter, & obsecrationes faciunt, similiter & pharisæorum; tui autem edunt, & bibunt? Quibus ipse ait: Numquid potestis filios sponsi, dum cum illis est sponsus, facere ieiunare? Venient autem dies cum ablatus fuerit ab illis sponsus, tunc ieiunabunt in illis diebus. Dicebat autem & similitudinem ad illos: Quia nemo commissuram a novo vestimento mittit in vestimentum vetus; alioquin & novum rumpe, & veteri non convenit commissura a novo. Et nemo mittit vinum novum in utres veteres; alioquin rumpe vinum novum utres, & vinum effundetur, & utres peribunt. Sed vinum novum in utres novos mittendum est; & utraque conservantur: & nemo bibens vetus, statim vult novum: dicit enim, Vetis melior est.

(a) **A**MBROSIUS (Lib. IV. in Luc. de ascensu Iesu in navim.) Ubi Dominus impetivit multis varia generis sanitatum, nec tempore. nec loco capite aflu-

dio sanandi turba cohiberi: vespera incubuit, sequebantur; flagnum occurrit, & turbæ urgebant: unde dicitur: *Factum est autem cum turba irruerens in eum*, CHRY-

SOSTOMUS *. Erant enim ei connexi diligentes eum, & mirantes, & tenere cupientes. Quis enim discessisset, dum huiusmodi miracula faciebat? (1) Quis noluisse solam prospicere faciem, & os talia loquens? Neque enim in agendo miracula solum admirabilis erat; sed visus eius abundabat plurima gratia: unde & loquentem eum audiunt in silentio, seriem locutionis non interruptentes: dicitur enim: *Ut audirent verbum Dei, & ipse stabat secus stagnum Genesareth.* **BEDA** (cap. xv. in Luc.) Stagnum Genesareth idem dicitur esse quod mare Galilææ, vel mare Tiberiadis; sed mare Galilææ ab adiacente provincia dicitur; mare autem Tiberiadis a proxima civitate. Porro Genesareth a daci ipsius natura, quæ cristianibus aquis de seipso vibescit auri perhibetur, Græco vocabulo quasi generans fidei aurum dicitur: neque enim in stagni more sterneretur aqua, sed frequentibus auris spirantibus agitur, haustu dulcis, & ad potandum habilis. Sed Hebrææ linguæ consuetudine omnis aquarum congregatio, sive dulcis, sive salia, mare nuncupatur. **THEOPHYLACTUS** (in prin. Comm. in cap. v. Lucæ.) Fugit autem Dominus gloriam quanto magis ipsa eum sequebatur; & ideo a turbis se separans ascendit in Navem.

Et vidit duas naves stantes secus stagnum: piscatores autem descendentes, & lavabant retia. **CHRYSOSTOMUS** b. Quod signum erat vocationis. Secundum vero Matthæum invenit eos reficientes retia: tantus enim erat paupertatis excessus, ut laniata repararent, nova nequeunt habere. Volens autem diligenter congregare spectaculum, ut nemo remaneret post tergum, sed omnes facie ad faciem cerneret, ascendit in navim: unde dicitur: *Ascendens autem in navim quam qua erat Simonis, rogavit eum a terra reducere pussillum.* **THEOPHYLACTUS** (ubi supra.) Vide autem Christi mansuetudinem, quomodo rogat Petrum; & Petri obedientiam, quomodo in omnibus fuit obediens. **CHRYSOSTOMUS** c. Postquam verumtamen peregraret miracula, iterum doctrinam proponit, & existens in mari piscatur existens in terra: unde sequitur: *Et sedens docebat turbas de navicula.* **GREGORIUS** Na-

zianzenus d (hom. de repudio.) Cunctis descendens, ut a profundis extrahat piscem, hominem scilicet natantem in mobilibus robus, & amaris huius vitæ procellis. **BEDA** (cap. xv. in Luc.) Mystice autem duæ naves circumcionem, & præputium figurant; quas videt Dominus, quia in utroque populo novit qui sunt eius, & ad futuræ vitæ tranquillitatem quasi ad litus (2) vivendo, hoc est misericorditer visitando, provehit. Piscatores sunt Ecclesiæ Doctores, qui nos per rete fidei comprehendunt, & quasi littori sic terræ viventium advehunt. Sed hæc retia modo laxantur in capturam, modo loca plicantur: quia non omne tempus est habile doctrinæ; sed nunc exercenda est lingua Doctoris, & nunc summet cura gerenda. Navis Simonis est Ecclesiæ primitiva, de qua Paulus dicit ad Gal. ii. "Qui operatus est Petro in apostolatum circumcissionis: bene una dicta, quia, multi- tudinis credentium erat cor unum, & anima una." **ALDOR. IV. AUGUSTINUS** (3) de Quæst. Evang. (Lib. II. cap. xi.) De qua docebat turbas, quia de auctoritate Ecclesiæ docet Gentes. Quod autem Dominus ascendens in navim rogat eum a terra reducere pussillum, significat temperate utendum verbo ad turbas, ut nec terrena eis præcipiantur, nec a terrenis in profunda sacramentorum recedatur. Vel prius in proximis regionibus gentibus prædicandum, ut quod postea dicit, *Duc in altum*, ad remotiores gentes postea prædicandum præcipiat.

(b) **CYRILLUS** *. Postquam sufficienter populum docuerat, regreditur iterum ad magnificentias proprias, & per piscatoria ministeria piscatur discipulos: unde sequitur: *Ut autem cessavit loqui, dixit ad Simonem: Duc in altum, & laxate retia vestra in capturam.* **CHRYSOSTOMUS** f. Condescendens enim hominibus, sicut Magos per sidus vocavit, sic & piscatores per piscatoriam artem. **THEOPHYLACTUS** (hoc loco.) Petrus autem non dissulit: unde sequitur: *Et respondens Simon dixit illi: Precipitor, per totam noctem laborantes nihil cepimus. Non autem addidit: Non te audiam, nec secundis laboribus me exponam; sed magis subdidit: *Et verbo autem tuo laxabo rete:**

(1) *M.* qui voluisset. (2) *M.* vivendo. (3) *M.* de Conf. Evang.

EX EDITIONE P. NICOLAI.

* Ut supra. b Ut supra, in Cat. Græc. PP. c Ibid. d Orat. xxi. e La Cat. Græc. PP. ut supra. f Ubi supra ex hom. vi. in Matth.

reto. Quia vero turbam de navicula Domini instruxerat, non sine mercede naviculæ dominum dereliquit, dupliciter beneficians ipsum: quia primo dedit ei multitudinem piscium, & deinde discipulum ipsum fecit. Et cum hoc fecisset, conclusurunt piscium multitudinem copiosam. Tot autem pilces carpitur non posset eos foras educere, sed a sociis auxilium peteret: unde sequitur: *Rumpebantur autem rete eorum: & annuerunt sociis qui erant in alia navi, ut venissent, & adiuvarent eos.* Per nutum ipsos vocant: quia ex stupore propter capturam piscium loqui non poterant. Et sequitur de eorum auxilio cum dicitur: *Et venerunt, & impleverunt ambas naviculas, ita ut pene mergerantur.* AUGUSTINUS De Con. Evan. (Lib. II. cap. ix.) Ioannes quidem videtur simile miraculum dicere; sed illud longe aliud est, quod factum est post resurrectionem Domini ad mare Tiberiadi: ibi enim non solum ipsum tempus valde diversum est, sed etiam res ipsa plurimum distat: nam retia illic in dexteram partem missa, centum quinquaginta tres pilces ceperunt, magnos quidem; sed pertinuit ad Evangelistam dicere, quod cum tam magni essent, retia non sunt disrumpa; respicientem scilicet ad hoc factum quod Lucas commemorat, ubi præ multitudinem piscium retia rumpebantur. AMBROSIVS (tit. de ascensu Iesu in navim.) Mystice autem navis Petri, secundum Matthæum fluctuat, secundum Lucam repletur piscibus, ut & principia Ecclesiæ fluctuantis, & posteriora exuberantis agnoscas. Non turbatur ista quæ Petrum habet, turbatur illa quæ Iudam habet: in utraque Petrus; sed qui suis meritis firmus est, turbatur alienis. Caveamus igitur proditorem, ne per unum plurimi fluctuamus. Illic turbatio ubi modica fides; hic securitas ubi perfecta dilectio. Denique etsi aliis imperatur, ut laxent retia sua, soli tamen Petro dicitur, *Duc in altum*, hoc est in profundum disputationum. Quid est tam altum quam scire Dei Filium? Quæ sunt autem Apostolorum quæ laxari iubentur retia, nisi verborum complexiones, & quasi quidam orationis sinus, & disputationum recessus, qui eos quos ceperint non amittant? Et bene apostolica instrumenta piscandi retia sunt, quæ non

captos perimunt, sed reservant, & fluctuantes de infirmis ad superna transducunt. Dicit autem: *Præceptor, per totam noctem laborantes nihil cepimus:* quia non hoc humanæ sacundie opus, sed supernæ vocationis est munus. Qui autem nihil ante ceperant, magnam in verbo Domini concludunt piscium multitudinem. CYRILLUS 4. Hoc autem fuit figura futuræ: non enim incallum laborabant evangelicæ doctrinæ rete tendentes; sed greges Gentium aggregabant. AUGUSTINUS (1) de Quæst. Evan. (Lib. II. qu. 11.) Quod autem retia rumpebantur piscium copia, & naviculæ impleatæ sunt, ita ut pene mergerentur, significat hominum carnalium multitudinem tantam futuram in Ecclesiâ, ut etiam disrumpione pacis per hæreses, & schismata scinderetur. BEDA (cap. xv. in Luc.) Rumpitur autem rete, sed non labitur piscis: quia suos Dominus inter persequentium scandala servat. AMBROSIVS (Lib. IV. in Luc. cap. ult.) Alia autem navis est Iudæa, ex qua Ioannes, & Iacobus eliguntur. Hi igitur de synagoga ad navim Petri, hoc est ad Ecclesiâ, convenerunt, ut impleant ambas naviculas: omnes enim in nomine Iesu genuerunt, sive Iudæus, sive Græcus. BEDA (cap. xv. in Luc.) Vel alia navis est Ecclesiâ Gentium, quæ & ipsa, una navicula non sufficiente, piscibus impletur electis: quia „ novit Dominus qui „ sunt eius, “ Tim. 11. & apud ipsum certus est sanctorum numerus electorum; dumque tot in Iudæa credituros non invenit, quot ad fidem, vitamque prædestinatos novit æternam, quasi alterius navis receptacula piscibus quærens suis, corda quoque Gentium fidei gratia replet. Et bene rupto reti sociæ navis advocatur, (2) quando Iudas proditor, Simon magus, Ananias, & Saphira, & multi discipulorum abierunt retro; ac deinde Barnabas, & Paulus (3) ad Gentium sunt apostolatam segregati. AMBROSIVS (Lib. IV. in Luc. cap. ult.) Possimus tamen & aliam Ecclesiâ intelligere navim alterius: ab una enim plures Ecclesiæ derivantur. CYRILLUS 6. Inuit autem sociis ut auxiliarentur eis: multi enim sequuntur Apostolorum labores, & prius illi qui Evangeliorum ediderunt scripturas, post quos alii prædices, & populorum pastores, (4) & in dei-

(1) *Al.* de Consen. Evang. (2) *Al.* Quando autem Iudas &c. (3) *Al.* a Gentium sunt apostolatam segregati. (4) *Nicolas lege & in veritatis doctrina &c.*

deitatis doctrina perit. BEDA. (cap. xv. in Luc. a med.) Haurum autem impletio navium (1) in fines sæculi crevit: sed quod impletæ merguntur; hoc est in submersione premuntur (non enim sunt submersæ, sed periclitatæ) Apostolus exponit dicens II. Tim. III. „In novissimis diebus erunt tempora periculosa, & erunt homines se ipsos amantes &c.“ nam mergi naves, est homines in sæculo, ex quo electi per fidem fuerant, morum pravitate relabi.

(c) a AMBROSIVS (Lib. & tit. eod. cir. fin.) Admirabatur Petrus dona divina, & quo plus metuerat, præfumebat (2) minus: unde dicitur: *Quod cum videret Simon Petrus, procidit ad genua Iesu, dicens: Exi a me, Domine, quia homo peccator sum.* CYRILLUS b. Reducens enim ad conscientiam patratæ delicta, tremat, & trepidat, & velut immundus mundum non credit se posse suscipere: acceperat enim a lege, distinguendum esse inter maculatum & sanctum. GREGORIUS Nilensis c. Cumenim mandasset demergere retia, tanta copia piscium capta est, quantum ipse maris Dominus & terræ voluerat. Vox enim Verbi semper est vox virtutis, cuius præcepto in origine mundi lux, & ceteræ creaturæ prodibant. In his admiratur Petrus: unde sequitur: *Strupor enim circumdederat eum, & omnes qui cum illo erant, in captura piscium quam ceperant; similiter autem Iacobum, & Iohannem filios Zebedæ, qui erant socii Simonis.* AUGUSTINUS de Conf. Evan. (Lib. IV. cap. xvii.) Andream non nominat, qui tamen intelligitur in ea navi fuisse, secundum Matthæi, & Marci narrationem.

(3) Et ait ad Simonem Iesum, Noli timere. AMBROSIVS (ut supra.) Dic & tu, Exi a me, Domine, quia peccator sum; ut respondeat Deus, Noli timere. Indulgenti Domino peccatum sater. Vides quam bonus Dominus, qui tantum tribuit hominibus ut vivificandi habeant potestatem: unde sequitur: *Ex hoc iam homines eris, capiens.* BEDA (cap. xv. a med.) Hoc ad ipsum Petrum specialiter pertinet: exponit enim ei Dominus quid hæc captura piscium significet, quod scilicet ipse sicut nunc per retia pisces, sic aliquando per verba sui capturus homines:

S. Tb. Oper. Tam. V.

totaque facti huius ordo quid in Ecclesia, cuius ipse typum tenet, quotidie geratur, ostendit. CHRYSOSTOMUS d. Considera autem eorum fidem, & obedientiam: habentes enim opus præ manibus appetibilis piscationis, cum audissent mandantem, non dissulerunt, sed relictis omnibus sequebantur. Talem enim obedientiam requirit a nobis Christus ut eam non prætermittamus, etiam si aliquid valde necessarium urgeat: unde & sequitur: *Et subductis ad terram navibus, relictis omnibus, secuti sunt eum.* AUGUSTINUS de Conf. Evang. (Lib. II. cap. xvii.) Matthæus, & Marcus breviter hoc perstringunt quemadmodum gestum sit, quod Lucas hic apertius explicavit. Hoc tamen videtur distare quod tantum Petro a Domino dictum commemorat; *Ex hoc iam homines eris capiens*, quod illi ambobus fratribus dictum esse narraverunt. Sed potuit utique prius hoc Petro dici, cum de capta ingenti multitudo piscium miraretur, quod Lucas insinuat; ambobus postea, quod illi duo commemoraverunt. Vel intelligendum est hoc primo fuisse factum quod Lucas commemorat; nec tunc eos a Domino vocatos, sed tantum fuisse prædictum Petro quod homines esset capturus, non autem quod numquam pisces esset capturus: unde datur locus intelligere eos ad capturam piscium remasse, ut postea fieret quod Matthæus, & Marcus narrant: tunc (4) enim non subductis ad terram navibus, tamquam cura redeundi, sed ita cum secuti sunt, tamquam vocantem, adiubentem. Sed si, secundum Iohannem, iuxta Iordanem secuti sunt eum Petrus, & Andreas; quomodo ab aliis Evangelistis dicitur, quod eos in Galilæa piscantes invenit, & ad discipulatum vocavit; nisi quia intelligendum est, non sic eos vidisse Dominum iuxta Iordanem ut ei inseparabiliter cohererent, sed tantum cognovisse quis esset, eumque miratos ad propria remasse? AMBROSIVS (Lib. IV. in Lucan cap. ult.) Mystice autem, quos Petrus (5) in verbo capit, negat suam prædam, negat suum munus. Exi, inquit, a me Domine. Noli timere & tu quæ tua sunt Domino desicce, quia quæ sua (6) sunt nobis ille concessit. AUGUSTINUS de

M Quæst.

(1) P. Nicolai lesa in finem usque sæculi. (2) Al. magis. (3) Al. Sed & sic. (4) Al. des. enim. (5) Al. in verbo capit, in verbo credidisse negat: eum in verbo capit, in verbo credidit, negat &c. (6) Al. emittitur sunt.

etiam quæcumque sunt eiusdem virtutis, eiusdem esse substantiæ. Mirare tamen in his Christum divine, & corporaliter operantem: divinum enim est ita velle ut præsto fiant omnia, humanum autem extendere dexteram. Unus itaque Christus ex utrisque percipitur, eo quod „ Verbum caro factum „ est:” Ioan. 1. GREGORIUS Nissemus „. Et quia cum utraque hominis particula, anima scilicet, & corpore, unita est deitas, per utraque patebat supernæ naturæ indicia. Corpus enim reconditum in se lumen declarabat, cum palpatum præstabat remedia; sed anima præpotenti voluntate divinam ostendebat virtutem: velut enim sensus tactus proprius corporis est, sic & animæ voluntarius motus: vult anima, tangit corpus. AMBROSIVS (ibidem circ. med.) Dicit ergo, *Volo*, propter Photinum; imperat propter Arrium; tangit propter Manichæum. Nihil autem medium est inter opus Dei atque præceptum, ut intelligas modestis affectum, virtutem operis: unde sequitur: *Et confesum lepra discessit ab illo*. Sed ne lepra transire possit in medicum, unusquisque dominicæ humilitatis exemplo iactantiam vitet: nam sequitur: *Et præcepit illi ut nemini diceret*: ut scilicet doceret non vulganda nostra beneficia, sed premenda, ut non solum a mercede abstineamus pecuniæ, sed etiam gratiæ. Aut fortasse illa silentii causa est imperati, quod meliores putabat qui fide magis spontanea quam speratis beneficiis credidissent. CYRILLVS b. Leproso etiam silente sufficiebat ipsa negotii vox ad narrandum omnibus agnoscentibus per eum potestatem curantis. CHRYSOSTOMVS (hom. xxvi. in Matth. paulo ante med.) Et quia ut plurimum homines, dum ægrotant, Dei sunt memores, ut autem convalescunt hebetantur; mandat ut Deum præ oculis habeant, dant gloriam Deo: unde sequitur: *Sed vade, ostende te sacerdoti*: ut scilicet mundatus leprosus committeret se sacerdotis aspectui; ac sic per illius censuram numeraretur inter suos. AMBROSIVS (ibidem non procul a fin.) Et ut etiam intelligeret sacerdos non legis ordinæ, sed gratia Dei supra legem esse curatum; (1) & dum mandatur sacrificium secundum præceptum Moysi, ostendit Dominus quia

legem non solveret, sed impleret: unde sequitur: *Et offer pro emundatione tuam sicut præcepit Moyses*. AUGUSTINUS de Quæst. Evan. (Lib. II. qu. 111.) Videtur hic ap. probare sacrificium quod per Moysen præceptum est, cum id non recipiat Ecclesia: quod ideo iussisse intelligi potest, quia nondum coeperat esse sacrificium sanctum sanctorum, quod corpus eius est: non enim oportebat auferri significativa sacrificia priusquam illud quod significabatur confirmatum esset contestatione Apostolorum prædicantium, & fide credentium populorum. AMBROSIVS (ubi supra.) Vel quia lex spiritalis est, videtur sacrificium mandasse spirituale: unde dixit: *Sicut præcepit Moyses*: denique addidit, *Et testimonium illis*. TERTULIVS c. Hæretici perperam hoc accipiunt, dicentes in opprobrium legis esse dictum. Qualiter autem iuberet offerre pro emundatione secundum præceptum Moysi? (1) CHRYSOSTOMVS (homil. xxvi. in Matth.) Dicit ergo, *Et testimonium illis*, quia ex hoc facto ostenditur Christum incomparabilis excellentia Moysi præferri: quia enim Moyses insufficientis erat a sorore lepræ pelere morbum, orabat Dominum ut eam liberaret; sed Salvator in potestate divina protulit, *Volo, mundare*. CYRILLVS d. Vel *in testimonium illis*, hoc est ad reprehensionem eorum, & ad probationem quod legem revereor. Cum enim te curaverim, mitto te ad sacerdotum experientiam, ut attestetis mihi quod non sum prævaricatus in legem. Et quamvis Dominus impendens remedia, moneret nemini dicere, instruens nos evitare superbiam; fama tamen eius volabat undique infillans auditui cunctorum miraculum: unde sequitur: *Perambulabas autem magis sermo de illo*. BEDA (cap. xvi. in Luc.) Unius augebat perfecta salvatio multas ad Dominum cogit turbas: unde sequitur: *Et conveniebant turba multa, ut audirent, & curarentur ab infirmitatibus suis*. Ut enim leprosus exterior se sanatum doceret, perceptum beneficium, ut Marcus ait, etiam iustus non taceret. GREGORIUS VI. Moral. (super illud Job vi.) Sicut insertur acervus „ tritici:” cap. xviii.) Redemptor autem noster per diem miracula in urbibus exhibet, & ad orationis studium in nocte per-

M 2 NO-

(1) *Id.* ut dum. (2) *Id.* CYRILLVS.

EX EDITIONIBUS P. NICOLAI.

a Osee. 1. In Resurrectionem Christi. b In Cat. Cre. PP. c Bozrensis in Cat. Gre. PP. d In Cat. Gre. 12. Sed indices commutantur, pro Cyrillo pseto Chrysostomo, & pro Chrysostomo Cyrillo.

noſtat: unde ſequitur: *Iſſe autem ſecedebat in deſertum, & orabat*: ut perfectiſ videlicet prædicatoribus innuat quatenus nec activam amore ſpeculationis iunditiſ deſerant, nec contemplationiſ gaudia operationiſ nimicitate contemnunt; ſed quieti contemplanteſ forbeant quod occupati erga proximoſ loquentes profundant. *BEDA* (cap. xvi. in Luc. a med. illiſ.) Quod autem ſecedit orare, non ei naturæ tribuſ quæ dicit, *Volo, mundare*, ſed ei quæ extendens manuſ tetigit leproſum: non quod iuxta Neſtorium gemina ſit Filii perſona; ſed eiſdem perſonæ ſicut naturæ, ſic & operationeſ ſunt duæ. *GREGORIUS* Nazianzenſ a. Et opera quidem in populo, orationeſ autem in deſerto peragebat ut plurimum, (1) ſancientiſ, quod liceat parumper quieſcere, ut mente ſincera cum Deo colloquamur. Neque enim ipſe indigebat remotione, quia non erat in eo quod remitteretur, cum Deus eſſet; ſed ut pateat nobiſ & operationiſ hora, & altioriſ ſolertiæ. *BEDA* (cap. xvi. in Luc.) Typice autem leproſoſ humanum genus languidum peccatiſ deſignat, plenim lepra: quia, omneſ peccaverunt, & egent gratia Dei: Rom. iii. ut ſcilicet extenta manu, ideſt Verbo Dei humanam contingentiſ naturam, a priſciſ erroriſ varietate mundenſ, & offerant (2) Deo pro emundatione corpora ſua hoſtiam vivam. *AMBROSIUS*. Si autem lepræ medicinx verbum eſt, contemptuſ verbi lepra mentis eſt. *THEOPHYLACTUſ*. Vide autem, quod poſtquam mundatuſ eſt aliquiſ, tunc dignuſ eſt offerre hoc munuſ, ſcilicet corpus & ſanguinem Domini, quod eſt divinæ unitum naturæ.

(c) *CYRILLUſ b.* Scribæ, & phariſæi, qui facti fuerant prodigiorum Chriſti viſoreſ, audiebant ipſum quoque docentem: unde dicitur: *Et factum eſt in una diebus, & Jeſuſ ſedebat docenſ; & erant phariſæi ſedenteſ, & legiſ doctoreſ, qui venerant ex omni caſtella Galilææ, & Judææ, & Hieruſalem; & virtuteſ Domini erat ad ſanandum eoſ*. Non quaſi mutuſ acciperet poteſtatem alteriſ, ſed quaſi Deus, & Dominiſ propria operabatur virtute: Piant autem homineſ lape donorum ſpiritualiſ digni; ſed plerumque deſiciunt ea ratione quam novit donorum largitor: quod in Chriſto non accidit: affluſebat enim

in præſtandiſ remediſ virtuteſ divina. Quia vero neceſſariuſ erat, ubi tanta ſcribarum, & phariſæorum turba convenerat, aliquid fieri ex hiſ quæ virtuti� atteſtarentur ipſiſ coram eiſ qui eum parvipendeſbant, factuſ eſt quoddam miraculuſ in paralytico, in quo quia detectiſ videbatur medicinaliſ art, portabatur a proximis ad ſuperum, & ceſſeſſem medicum: unde ſequitur: *Et ecce viri portanteſ in lecto homineſ qui erat paralyticuſ; & quæreſſent eum inferre, & ponere ante eum*. *CHRYSOSTOMUſ c.* Mirandiſ vero ſunt qui paralyticuſ adduxerunt, quaſiſter cum nequiſſent intrare per oſtiuſ, novuſ aliquid & alienuſ attentaverunt: unde ſequitur: *Et non invenienteſ quaſi parte eum inferrent præ turba; alcendeſſent ſupra tectum*. Detegenteſ autem tectum deponunt grabatuſ, & ponunt in medio paralyticuſ: unde ſequitur: *Et per tegulaſ ſubmiſerunt illuſ cum lecto in medium ante Jeſuſ*. Dicit aliquiſ demiſſuſ fuiſſe locuſ a quo per tegulaſ depoſuerunt paralytici lectuſ. *BEDA* (cap. xvi. in Luc.) Homineſ autem Dominiſ a paralyſi curatoreſ primo peccatoruſ vincula diſſolvit, ut offenderet eum obnexuſ culparuſ arcuſ diſſolutioneſ damnaſſi, nec niſi hiſ relaxatiſ membroruſ poſſe recuperationeſ ſanari: unde ſequitur: *Quoruſ ſilem ut vididiſ, dixit: Homo, remitteſſentur tibi peccata tua*. *AMBROSIUſ* (Lib. V. in Luc. de ſubmittentiſ fide.) Magnuſ Dominiſ, qui alioruſ merito ignoſcit aliſiſ, & dum alioſ probat, aliſiſ relaxat errata. Cur apud te, homo, collega non valeat, cum apud Deuſ ſervuſ & interveniendiſ meritum, & iuſ habeat impetrandi? Si graviuſ peccatoruſ diſſidiſ veniam, adhibe precatoreſ, adhibe Eccleſiaſ quæ pro te precetur, cuiuſ contemplationeſ, quod tibi Dominiſ negare poſſet, ignoſcat. *CHRYSOSTOMUſ* (hom. xxx. in Matth.) Occurrebat autem & in hoc ipſiſ patientiſ fideſ: non enim ſuſſinuiſſet le inferiſ ſubmitti, niſi credidiſſet. *AUGUSTINUſ* de Con. Evan. (Lib. II. cap. xlv.) Quod autem dicit, *Homo, dimittuntur tibi peccata*, ad hoc inſinuandū. valeat quia hominiſiſ mittebantur peccata, qui hoc ipſo quod homiſ erat, non poſſet dicere, Non peccavi: ſimul etiam ut ille, qui hominiſiſ mittebat, intelligeret Deuſ. *CHRYSOSTOMUſ*,
Nos

(1) *M. ſancientiſ.* (2) *M. emittitur Deo.*

EX EDITIO.Æ P. NICOLA I.

a Orig. xxxviii. b In Cat. Græc. PP. c Ibidem. d In Cat. Græc. PP. ea hominiſiſ in Matth. Similia ſunt quo ad priorem appendicem quæ habet hom. xiv. in Matth. ſub fine; quo ad poſterioruſ autem hom. xxx.

Nos autem si corporaliter patimur, fatigamus nocivum abicere; cum vero male sit animæ, differimus; atque ideo nec a corporis nocivis curamur. Abscindamus igitur fontem malorum, & cessabunt ægritudinum fluxus. Metu autem multitudinis suam intentionem aperire pharisæi non audebant, sed solum in cordibus suis meditabantur: unde sequitur: *Et ceperunt cogitare scribere, & pharisæi, dicentes: Quis est hic qui loquitur blasphemias?* CHRYSOSTOMUS *a.* In quo mortis præcipitant sententiam. Erat enim mandatum in lege, quod quicumque blasphemaret in Deum, morte puniretur. AMBROSIVS (tit. ut supra.) Itaque ab ipsis ex operibus suis Dei Filius accipit testimonium: nam & validius est ad fidem quod confitentur inviti, & perniciosius ad culpam quod negant qui suis assertionibus relinquantur: unde sequitur: *Quis potest peccata dimittere, nisi solus Deus?* Magna (1) infirmitas plebis amentia, ut cum confessa fuerit solius Dei esse donare peccata, non credat Deo peccata donanti. BEDA (cap. xvii. in Luc.) Verum enim dicunt: quia nemo peccata dimittere, nisi solus Deus potest qui per eos quoque dimittit quibus dimittendi tribuit potestatem. Et ideo Christus vere Deus esse probatur, quia dimittere peccata quasi Deus potest. AMBROSIVS (tit. eodem.) Dominus autem salvos volens facere peccatores, ex occultorum cognitione Deum se esse demonstrat: unde sequitur: *Ut autem cognovit leprosus cogitationes eorum, respondens dixit ad illos: Quid cogitatis in cordibus vestris?* CYRILLUS *b.* Quasi dicat: O pharisæi, quia dicitis, *Quis potest peccata dimittere, nisi solus Deus?* respondet vobis: Quis potest secreta cordis scrutari, nisi solus Deus? qui per Prophetas dicit (Hier. xvii.) „Ego Domine, minus scrutans corda, & probans renes.“ CHRYSOSTOMUS (hom. xxx. in Matth.) Si ergo increduli estis erga primum, scilicet remissionem peccati, ecce aliud aditio, dum intima vestra patefacio; quin etiam aliud dum paralytici corpus consolido: unde subdit: *Quid est facilius dicere, Dimitte tui tibi peccata; an dicere, Surge, & ambula?* Palam quidem est quia consolidare corpus facilius est: quanto namque nobilior est anima corpore, tanto est excellentior abso-

lutio criminum: verum, quia illud non creditis, eo quod lateat, adiciam quod minus est, apertius tamen, quatenus quod est magis occultum per hoc demonstraretur. Et quidem cum allocutus est infirmantem, non dixit, Dimitte tibi peccata, propriam exprimens potestatem; sed *Remittuntur tibi peccata.* Cogentibus autem illis, evidenter propriam declarat potestatem, dicens: *Ut autem sciatis quia Filius hominis potestatem habet in terris dimittendi peccata.* THEOPHYLACTUS. Vide quod in terra dimittit peccata: dum enim sumus in terra, peccata nostra delere possumus; postquam vero a terra tollimur, non valebimus confiteri: clauditur enim ianua. CHRYSOSTOMUS *c.* Demonstrat autem peccatorum veniam per corporis sanationem: unde sequitur: *Alia paralytico: Tibi dico, surge.* Ipsam vero corporis sanationem demonstrat per lecti portationem, ut sic non reputetur phantasia, sed factum est: unde sequitur: *Tolle grabatum tuum, & vade in domum tuam;* quasi dicat: Ego volebam per tuam passionem curare illos qui sani videntur, infirmantur autem in anima; sed quia noluit, vade tuum correcturus familiam. AMBROSIVS (Lib. v. in Luc. tit. de reprehen. Iudæorum scrib. & pharisæorum.) Nec mora ulla saninitatis intervenit; unum dictorum remediumque momentum est: unde sequitur: *Et confestim surgens coram illis, tulit leſum in quo iacebat, & abiit in domum suam, magnificans Deum.* CYRILLUS *d.* Quo facto patuit quod Filius hominis potest in terra relaxare peccata; quod pro se, & pro nobis dixerat. Ipse namque ut Deus factus homo tamquam Dominus legis peccata dimittit. Sortiti sumus etiam nos ab eo tam mirabilem gratiam: dictum est enim discipulis, Ioan. xx. „Quorum remiseritis peccata, remittuntur eis.“ Quomodo autem non magis ipse peccata dimittit, qui ceteris potestatem faciendo nos tradidit? (2) CHRYSOSTOMUS. Reges autem terreni, & Principes homicidas absolventes, a pœna præsentis liberant, a criminibus autem expiare non possunt: AMBROSIVS (ubi supra.) Spectant autem surgentem increduli, mirantur abeuntem: unde sequitur: *Et stupor apprehendit omnes, & magnificabant Deum.* CHRYSOSTOMUS (hom.

xxi.

(1) *Al. in fide.* (2) *In editione Heriberti P. Nicolai index ibi Chrysostomi emittitur.*

EX EDITIONE P. NICOLAI.

a In Cat. Græc. pp. ubi supra. *b* Ibidem. *c* Hom. xxx. in Matth. *d* In Cat. Græc.

xxv. in Matth. cir. med.) Paulatim serpunt Iudaei magnificantes Deum, non tamen putant eum Deum esse: oblatat enim eis caro, nec tamen erat modicum aestimare eum præcipuum esse mortalium, & a Deo processisse. AMBROSIVS (Lib. & tit. eod.) Divini autem operis miracula malunt timere quam credere: unde sequitur: *Et repleti sunt timore, dicentes: Quia vidimus mirabilia hodie.* Si autem credidissent, non timuissent utique, sed dilexissent: perfecta enim dilectio foras timorem excludit. Non otiosa autem huius paralytici, nec angusta medicina est, quoniam orasse præmittitur, non propter suffragium, sed propter exemplum. AUGUSTINUS de Quæst. Evan. (Lib. II. quæst. iv.) De paralytico enim potest intelligi animam dissolutam membris, hoc est operationibus, Christum quærere, id est voluntatem Verbi Dei; impediri autem a turbis, scilicet cogitationum, nisi testis, id est opera Scripturarum, aperiat, & per hoc ad notitiam Christi perveniat; hoc est, ad eius humilitatem fidei pietate descendat. BEDA (cap. xvii. in Luc. ante med.) Et bene domus Iesu regulis cunctis describitur, quia sub contemptibili litterarum velamine spiritualis gratiae virtus invenitur. AMBROSIVS (Lib. & tit. eod.) Unusquisque autem (1) æger petendæ prædicatores salutis debet adhibere, per quos nostræ vitæ compago resoluta, actumque nostrum clauda vestigia, verbi cælestis remedio reformetur. Sint igitur aliqui monitores mentis, qui animum hominis, quamvis exterioris corporis debilitate corquentem ad superiora erigant, quorum rursus administris & attollere, & humiliare se facili ante Iesum locetur, dominico videri dignus aspectu: humilitatem enim respicit Dominus. AUGUSTINUS de Quæst. Evan. (Lib. II. quæst. iv.) Hi ergo a quibus deponitur, bonos doctores Ecclesiæ possunt significare; quod autem cum lecto deponitur, significat ab homine in ista carne adhuc constituto Christum debere cognosci. AMBROSIVS (ubi supra.) Dominus autem plenam spem resurrectionis ostendens, peccata donat animorum, & debilitatem carnis excludit: hoc est enim totum hominem esse curatum. Quamvis igitur ut magnam sit homi-

nibus peccata dimittere, tamen multo divinius est resurrectionem donare corporibus, quandoquidem Deus resurrectio est. Lectus autem, qui tolli iubetur, nihil est aliud quam corpus humanum. AUGUSTINUS de Quæst. Evan. (Lib. II. quæst. iv.) Ut non iam in carnalibus gaudiis tamquam in lecto requiescat infirmitas animæ, sed magis ipsa contineat affectiones carnales, & tendat ad domum suam, id est requiem secretorum cordis sui. AMBROSIVS (ut supra.) Vel domum repetere suam, hoc est ad paradisum redire; ea enim est vera domus quæ hominem prima suscepit, non iure amissa, sed fraude. Merito ergo restituitur, quoniam venerat qui nexum fraudis aboleret, iulque reformaret.

(f) AUGUSTINUS de Conf. Evang. (Lib. II. cap. xxvi.) Post paralyticum sanatum, de conversione publicani subiungit, dicens: *Et post hoc exiit, & vidit publicanum nomine Levi, sedentem ad telonium.* Ipse est Matthæus, qui & Levi. BEDA (cap. xviii. in Luc. in princ.) Sed Lucas, & Marcus propter honorem Evangelistæ, nomen tacent vulgatum; Matthæus autem in sermone principio accusator sui factus, Matthæum se, & publicanum nominat, ne quis a salute desperet pro immanitate peccatorum, cum ipse de publicano in Apostolum sit mutatus. CYRILLUS . Publicanus enim fuerat Levi, vir avarus, effrenis erga superflua, alieni amator (hoc enim est publicanorum officium) sed ab ipsis obsecinis malitiæ detrahatur, Christo cum vocante: unde sequitur: *Et ait illi, Sequere me.* AMBROSIVS (tit. de mystica vocat. public.) Sequi iubet, non corporis gressu, sed mentis affectu. Itaque ille verbo vocatus, propria dereliquit qui rapiebat aliena: unde sequitur: *Et reliquit omnibus surgens secutus est eum.* CHRYSOSTOMUS (hom. xxxi. in Matth.) Ubi & vocantis virtutem, & vocati obedientiam considera. Neque enim obstitit, neque vacillavit; sed protinus paruit, nec in propriam domum ire voluit, ut suis hoc intimaret, sicut nec piscatores. BASILIUS b. Nec solum senora telonii postposuit, sed etiam contemptis pericula quæ sibi ac suis accidere poterant, dum calculos telonii dimitteret imperfectos.

THEO-

(1) . At. ægre petendo prædicatores. Nicolai habet præcatore.

EX EDITIONE P. NICOLAI.

a In Car. Græc. PP. b In Car. Græc. PP. ex Afericis. In Afericis non occurrunt, sed in Regulis fuisse disputatis, ad interrogationem viii. verbis paululum immutatis.

THEOPHYLACTUS. Ex sic ab accipiente cenam a transeuntibus, Christus censum accepit, non quidem eius accipiens pecuniam, sed totaliter eum transferens ad suum confortium. **CHRYSOSTOMUS** (homil. xxi. in Matth.) Vocatum autem Levi Dominus honoravit, dum cum eo confestimepulus est: hoc enim maiorem praeclabat fiduciam: unde sequitur: *Effecit ei convivium magnum Levi in domo sua.* Nec tunc cum eo discumbit, immo cum pluribus: unde sequitur: *Et erat turba multa publicanorum, & aliorum qui cum illis erant discumbentes.* Convenerant enim publicani ad eum sicut ad collegam, & hominem eiusdem officii; sed & ipse glorians de praesentia Christi, convocavit omnes. Christus etiam quodlibet genus remedii exhibebat, & non solum disputando, & praestando sanitatis remedia, vel etiam redarguendo aemulos, sed etiam comedendo nonnullos errantium corripiebat; inde nos instruens quod quodlibet opus, & tempus potest nobis utilitatem asserre. Sed nec publicanorum participationem vitavit propter utilitatem sequentem, more medici, qui nisi tangeret saniem, non liberaret a morbo. **AMBROSIIUS** (ubi supra.) Cum peccatoribus enim manducando, etiam cum Gentibus non prohibet nos inire convivium. **CHRYSOSTOMUS** a. Sed tamen Dominus inculpatus est (1) inde a pharisaeis invidentibus, & volentibus a Christo discipulos separare: unde sequitur: *Et murmurabant pharisaei, & scribae dicentes ad discipulos eius: Quare cum publicanis, & peccatoribus manducatis, & bibitis?* **AMBROSIIUS** (ubi supra.) Serpentina vox est: hanc primam vocem serpens emisit dicens Evae Gen. iii. *Quid dixit Deus: Nolite manducare &c.* Ergo patris sui venena diffundunt. **AUGUSTINUS** de Con. Evang. (Lib. II. cap. xxvii.) Videtur autem Lucas hoc aliquando differentias ab aliis Evangelistis commemorasse: non enim dicit tantum Domino obiectum esse, quod cum publicanis, & pharisaeis manducaret, & biberet, sed discipulis; quod de ipso, ac de ipsis accipitur. Propterea enim Matthaeus & Marcus de Christo discipulis obiectum

narrant: quia quod discipuli cum publicanis, & peccatoribus manducabant, magistro magis obiciebatur, quem sectando imitabantur. Una ergo sententia est, tanto melius insinuat quanto quibuscumque verbis, manente veritate, (2) variata. **CHRYSOSTOMUS** (hom. xxi. in Matth.) Ipse autem Dominus in contrarium eorum sermonem convertit, ostendens non esse culpam cum peccatoribus conversari, sed etiam consonum misericordiae propriae: unde sequitur: *Et respondens Iesus dixit ad illos: Non oportet medico qui sani sunt, sed qui male habent: in quo (3) commonet eos communis infirmitatis, & de numero languentium eos esse ostendit; se vero medicum esse latenter subiungit: Non enim veni vocare iustos, sed peccatores.* **GREGORIUS** Nissenus b. Quasi dicat: Adeo peccatores non abominor, quod eorum tantum gratia veni, non ut maneant peccatores, sed ut convertantur, & boni fiant. **AUGUSTINUS** de Con. Evan. (Lib. II. cap. xxvii.) Unde addit, *In penitentiam*, quod ad explanandam sententiam valet, ne quisquam peccatores (4) ob hoc ipsum quod peccatores sunt, diligere arbitretur a Christo; (5) cum & illa similitudo de aegrotis bene, intimet quid velit Deus vocando peccatores, tamquam medicus aegrotos, ut ab iniquitate tamquam ab aegritudine salvi fiant. **AMBROSIIUS** (cit. de excommunicatione discipulorum.) Sed quomodo dum iustitias dilexit, neque vidit David iustum derelictum, si iustus derelinquitur, peccator ascriptus? Nisi intelligas quod eos iustos dicit qui ex lege praesumant, & Evangelii gratiam non requirant. Nemo autem iustificatur ex lege, sed redimitur ex gratia. Non vocat ergo eos qui se iustos dicunt: usurpatores enim iustitiae non vocantur ad gratiam: nam si gratia est ex penitentia, utique qui fastidit penitentiam, abdicat gratiam: **BEDA** (cap. xviii. in Luc.) Peccatores autem vocat eos qui sua mala attendentes, nec per legem iustificari se posse putantes, Christi gratiae se penitendo (6) subiiciunt. **CHRYSOSTOMUS** (hom. xxi. in Matth.) Ironice autem dicit illos iustos, sicut

(1) *Idem.* (2) *Idem.* (3) *Idem.* (4) *Idem.* (5) *Idem.* (6) *Idem.*

EX EDITIONE P. NICOLAI.

a In Cat. Graec. PP. b Ut ex Gregorio Nissenso prius appendix ista notabatur, quae scilicet in Cat. Graec. PP. subnectitur alteri ex eodem Gregorio petita; sed Chrysostomi solius est, cuius & ibi nomen intercalatur.

quando dicitur Gen. 111. „Ecce Adam factus est quasi unus nostrum.“ Quod autem nullus erat iustus super terram, ostendit Paulus dicens Rom. 111. „Omnes peccaverunt, & egent gratia Dei.“ GREGORIUS Nilenus a. Vel dicit non egere sanos, & iustos medico, scilicet Angelos; sed male habentes, & peccatores, id est nos: quia morbum peccati incurrimus, qui in caelis non est. BEDA (cap. xviii. in Luc.) Per Matthaei autem electionem fides Gentium exprimitur; qui prius mundanis inhiabant, sed nunc Christi corpus sedula devotione conficiunt. THEOPHYLACTUS (hoc loco.) Vel publicanus est qui principi mundi servit, & debitum carni reddit; cui gulosus reddit cicas, adulter voluptatem, & aliud aliud. Cum autem videret eum Dominus sedentem in telonio, id est non moventem se ad maiorem nequitiam; tunc a malo erigetur, & sequetur Iesum, & suscipiet in domo animae Dominum. AMBROSIIUS (tit. de mystic. vocatione publ.) Qui autem domicilio Christum recipit interno, maximis delectationibus exuberantem palcat voluptatum. Itaque libenter Dominus ingreditur, & in eius recumbit affectu. Sed rursus accenditur invidia perfidorum, & suture pœnæ species præfiguratur: epulantes enim fidelibus in regno caelorum, perfidia ieiunia torquetur. BEDA (cap. xviii. in Luc.) Vel per hoc designatur Iudeorum invidia, quæ de Gentium salute torquetur. AMBROSIIUS (Lib. & tit. eod.) Simul etiam ostenditur quantum sit inter æmulus legis & gratiæ: quod illi qui legem sequuntur, mentis famem patientur æternam; qui vero verbum in interioribus animæ receperunt, alimenti caelestis, & fontis ubertate recreati esurire, & sitire non possunt. Et ideo qui animo ieiunabant, murmurabant.

(g) CYRILLUS b. Postquam primum verbum acceperunt a Christo, ab aliis ad alia fe transferunt, volentes ostendere sacros discipulos, & ipsum cum eis Iesum minime curasse de lege: unde dicitur: *At illi dixerunt ad eum: Quare discipuli Iohannis ieiunant frequenter, & observationes faciunt, similes & pharisæi; tui autem edunt, & bibunt?* Quasi dicant: Comeditis cum publicanis, & peccatoribus, cum iubeat lex im-

mundo non communicare; sed in excusationem prævaricationis vobis accedit misericordia. Cur ergo non ieiunatis, ut mos est secundum legem volentibus vivere? Sed sancti quidem idcirco ieiunant ut corpus assilientes, quietent passionibus ipsius; sed Christus non egebat ieiunio ad perfectionem virtutis, cum tamquam Deus absolutus electa quolibet vinculo passionis, sed nec eius comitiva ieiunio egebat, sed particeps gratiæ eius sine ieiunio (1) decorata virtuosè converlabatur. Quod si Christus quadraginta diebus ieiunaverat, non hoc fuit ut in te passionem mortificaret, sed ut normam abinentiæ ostendat carnalibus. AUGUSTINUS de Conf. Evang. (Lib. II. cap. xxvii.) Evidenter autem Lucas alios de aliis hoc dixisse narravit: unde ergo Matthæus dicit cap. ix. „Tunc accesserunt ad eum discipuli Iohannis dicentes: Quare nos, & pharisæi ieiunamus? nisi quia & ipsi aderant, & omnes certatim ut quisque poterat hoc obicerent. AUGUSTINUS de Quæst. Evang. (Lib. II. quæst. xviii.) Est autem duplex ieiunium: unum in tribulatione ad propitiandum Deum in peccatis; aliud in gaudio, cum tanto minus delectant carnalia, quanto spiritualium maior sarcina est. Interrogatus ergo Dominus cur discipuli eius non ieiunarent, de utroque ieiunio respondit; & primo de ieiunio tribulationis: sequitur enim: *Quibus ipse ait: Numquid potestis filios sponsi dum cum illis est sponsus, facere ieiunare?* CHRYSOSTOMUS (hom. xxxi. in Matth.) Quasi dicat: Præsens tempus lætitiæ est, & alacritatis: non igitur immiscenda sunt tristitia. CYRILLUS c. Salvatoris enim nostri in hoc sæculo demonstratio nihil aliud fuit quam quædam sœcivitas, intelligibiliter quasi quamdam sponfam copulans illi nostram naturam, ut quondam sterilis secunda fieret. Igitur filii sponsi esse noscuntur quicumque vocati sunt ab eo per novam & evangelicam disciplinam; non autem scribæ cum pharisæis, qui solam legis umbram considerant. AUGUSTINUS de Conf. Evan. (Lib. II. cap. xxvii.) Per hoc autem quod solus Lucas dicit, *Non potestis filios sponsi facere ieiunare*, intelligitur eos ipsos qui loquebantur, fuisse sacros ut lugentes ieiunarent filii sponsi, (2) quando ipsi essent sponsum occi-

(1) P. Nienel legis soborsia. (2) M. quoniam.

eisuri. CYRILLUS ^a. Ubi vero concessit filiis sponsi quod non decebat eos laborare, tamquam qui spirituales solemnitates habebant, ne inter nos annullaretur ieiunium, dispensative coniungit dicens: *Veniunt autem dies cum ablati fuerit ab eis spon- sus; tunc ieiunabunt in illis diebus.* AUGUSTINUS de Quæst. Evan. (Lib. III. quæst. XVIII.) Quasi dicat: Tunc desolabuntur, & in mœrore, & luctu erunt, donec eis per Spiritum sanctum gaudia consolatoria (1) tribuantur. AMBROSIIUS. Vel aliter. Non hoc ieiunium relegatur quo conficitur caro, & corporis luxuria castigatur: (2) hoc ieiunium nos commendat Deo. Sed non possumus ieiunare qui Christum habemus, & Christi carnem epulamur, & sanguinem. BASILIUS ^b. Filii etiam sponsi ieiunare nequeunt, hoc est animæ nutrimentum non sumere, (3) sed vivere in omni verbo quod de ore Dei procedit. AMBROSIIUS (tit. de excus. disc.) Sed qui sunt illi dies quibus nobis Christus auferetur, cum ipse dixerit Matth. ult. " Vobiscum ero usque ad consummationem mundi? " Sed nemo tibi Christum potest auferre, nisi te illi ipse auferas. BEDA (cap. XIX. in Lucam.) Quamdiu enim sponsus nobiscum est, in lætitia sumus, nec ieiunare possumus, nec lugere; cum autem per peccata ille recedit, tunc indicendum est ieiunium, & requirendus luctus. AMBROSIIUS (Lib. & tit. eod.) Denique de animi dictum est ieiunio, ut sequentia declarant: sequitur enim: *Dicebat autem similitudinem ad illos, quod nemo commissuram, id est particulam ablatam, a vestimento novo immittit in vestimentum vetus.* Appel- lavit ieiunium vestimentum vetus, quod ex- uendum Apostolus æstimavit dicens Ephel. IV. " Spoliare vos veterem hominem cum- que, actibus suis. " In eadem igitur forma veteris convenit præceptorum, ne actus veteris & novi hominis miscamus. AUGUSTINUS de Quæst. Evang. (Lib. II. quæst. XVIII.) Vel aliter. Dono Spiritus sancti percepto, genus (4) etiam ieiunii quod fit per lætitiā iam renovati in vitam spiri- tualem convenientissime celebrant; quod antequam accipiant, dicit eos esse tamquam vetera vestimenta, quibus inconveniēter pannus novus affluit, id est aliqua particu-

^s. Thom. Oper. Tom. V.

la doctrinæ quæ ad novæ vitæ temperan- tiam pertinet: quia si hoc fiat, & ipsa doctrina quodammodo scinditur, quæ docet generale ieiunium non a concupiscentia ciborum tantum, sed ab omni lætitiā tempo- raliū delectationum: cuius particulari quæ ad cibos pertinet dicit non oportere hominibus adhuc veteri consuetudini deditis im- parti: quia & illic quasi concilio videtur heri, & ipsi vetustati non convenit. Dicit etiam eos esse similes veteribus utribus: unde sequitur: *Et nemo mittit vinum novum in utres veteres.* AMBROSIIUS (Lib. V. de secunda similitudine data.) Fragilitas humanæ conditionis aperitur, cum corpora nostra exuviis defunditorum animalium comparantur. AUGUSTINUS de Quæst. Evang. (Lib. II. quæst. XVIII.) Veteribus autem utribus comparantur Apostoli, qui vino novo quasi spiritualibus præceptis facilius disfrumpuntur quam contineant: unde sequitur: *Alioquin rumpit vinum novum utres, & ipsi effunditur, & utres pereunt.* Erunt autem novi utres, cum post ascensionem ac- cepto desiderio consolationis eius, orando, & sperando innovabuntur: unde sequitur: *Sed novum vinum in utres novos mittendum est, & utraque conservantur.* BEDA (cap. XVII. in Lucam.) Vino siquidem intus reficimur, veste autem foris tegimur. Vestis ergo sunt bona opera quæ toris agimus, quibus coram hominibus lucemus; vinum fervor fidei, spei, & caritatis. Aliter. Vete- res utres sunt scribæ, & pharisæi; novus pannus, & novum vinum præcepta Evangelii. GREGORIUS Nissenus ^c. Vinum enim de novo elicito, propter fer- vorem naturalis humidi, fumolū est, des- pumans naturali agitatione a se materiam (5) immunditiam. Tale vinum, novum tes- tamentum est, quod antiqui utres, qui propter incredulitatem inveterati sunt, non capiunt; immo scipudum excellentiā do- ctrinæ, necnon & gratiā Spiritus incassum fluere faciunt: quia, in malevolam animam, non introibit sapientia: " Sap. I. BEDA (cap. XVIII. in Lucam.) Sed cuiusque animæ nondum (6) innovatæ, sed in vetu- state malitiæ perseveranti, novorum myste- riorum sacramenta non debent (7) commit- ti. Qui etiam præceptis evangelicis præce- pta legis miscere volunt, ut Galatæ, vinum

N

no-

(1) *M.* retribuuntur. (2) *M.* emittitur hoc. (3) *M.* nec vivere. (4) *M.* autem. (5) *M.* medi- cationem. (6) *M.* in novitate. (7) *M.* immitti.

EX EDITIONE P. NICOLAI.

^a In Catena Græc. PP. ^b Ibidem. ^c Orat. de Abraham, vel in Abraham.

novum in utres veteres mittunt. Sequitur:
Et nemo bibens vetus, statim vult novum: di-
cit enim, Vetus melius est: quia Iudæis vitæ
 veteris salvia imbutis, novæ gratiæ præce-

pta sordebant: quia maiorum traditionibus
 commaculati dulcedinem spiritualium ver-
 borum percipere non valebant.



C A P U T VI.

(a) Factum est autem in sabbato secundo primo, cum transiret per sata, vel-
 lebant discipuli eius spicas, & manducabant, confricantes eas manibus
 suis. Quidam autem pharisæorum dicebat illis: Quid facitis quod non licet in sab-
 batis? Et respondens Iesus ad eos, dixit: Nec hoc legistis quod fecit David, cum
 esurisset ipse & qui cum illo erant: quomodo intravit in domum Dei, & panes
 propositionis sumpsit, & manducavit, & dedit his qui cum ipso erant; quos non
 licet manducare nisi tantum sacerdotibus? Et dicebat illis, quia dominus est Filius
 hominis etiam sabbati.

(b) Factum est autem & in alio sabbato ut intraret in synagogam, & doce-
 ret. Et erat ibi homo, & manus eius dextera arida. Observabant autem scribæ, &
 pharisæi, si in sabbato curaret, ut invenirent unde accusarent eum. Ipse vero scie-
 bat cogitationes eorum: & ait homini qui habebat manum aridam: Surge, & sta
 in medium. Et surgens stetit. Ait autem ad illos Iesus: Interrogo vos, si licet sab-
 bato bene facere, an male: animam salvam facere, an perdere. Et circumspēctis omni-
 bus dixit homini: Extende manum tuam. Et extendit, & restituta est manus eius.
 Ipsi autem repleti sunt insipientia, & colloquebantur ad invicem quidnam facerent
 de Iesu.

(c) Factum est autem in illis diebus, exiit in montem orare, & erat pernoctans
 in oratione Dei. Et cum dies factus esset, vocavit discipulos suos, & elegit duo-
 decim ex ipsis, quos & Apostolus nominavit. Simonem quem cognominavit Pe-
 trum, & Andream fratrem eius, Iacobum, & Ioannem, Philippum, & Bartholo-
 mæum, Matthæum, & Thomam, Iacobum Alphæi, & Simonem qui vocatur Ze-
 lotes, & Iudam Iacobi, & Iudam Scarioth, qui fuit proditor.

(d) Et descendens cum illis, stetit in loco campestri, & turba discipulorum eius,
 & multitudo copiosa plebis ab omni Iudæa, & Hierusalem, & maritima, & Ty-
 ri, & Sidonis, qui venerant ut audirent eum, & sanarentur a languoribus suis. Et
 qui vexabantur a spiritibus immundis, curabantur. Et omnis turba quærebat eum
 tangere: quia virtus de illo exibat, & sanabat omnes.

(e) Et ipse elevatis oculis in discipulos suos, dicebat: Beati paupères, quia ve-
 strum est regnum Dei: beati qui nunc esuritis, quia saturabimini: beati qui nunc
 stetit, quia ridebitis: beati estis cum vos oderint homines, & cum separaverint vos,
 & expronaverint, & eiecerint nomen vestrum tamquam malum propter Filium ho-
 minis. Gaudete in illa die, & exultate: ecce enim merces vestra multa est in cæ-
 lo. Secundum hæc enim faciebant Prophetis patres eorum.

(f) Verumtamen vobis divitibus, qui habetis consolationem vestram: vobis
 qui saturati estis, quia esurietis: vobis qui ridetis nunc, quia lugebitis, &
 flebitis: vobis cum benedixerint vobis omnes homines. Secundum hæc enim faciebant
 pseudoprophetis patres eorum.

(g) Sed vobis dico qui auditis: Diligite inimicos vestros, benefacite his qui vos
 oderunt; benedicite maledicentibus vobis, & orate pro calumniantibus vos. Et qui
 te percussit in maxillam, præbe ei et alteram; & ab eo qui aufert tibi vestimen-
 tum, etiam tunicam noli prohibere. Omni autem petenti te tribue, & qui aufert
 quæ

quæ tua sunt, ne repetas: & prout vultis ut faciant vobis homines, & vos facite illis similiter.

(h) Et si diligitis eos qui vos diligunt, quæ vobis est gratia? Nam & peccatores diligentes se diligunt. Et si beneficiis his qui vobis beneficiant, quæ vobis est gratia? Siquidem & peccatores hoc faciunt. Et si mutuum dederitis his a quibus speratis recipere, quæ gratia est vobis? Nam & peccatores peccatoribus fenerantur, ut recipiant equalia. Verumtamen diligite inimicos vestros, benefacite, & mutuum date, nihil inde sperantes; & erit merces vestra multa, & eritis filii Altissimi: quia ipse benignus est super ingratos, & malos. Estote ergo misericordes sicut & Pater vester misericors est.

(i) Nolite iudicare, & non iudicabimini: nolite condemnare, & non condemnabimini: dimittite, & dimittimini: date, & dabitur vobis. Mensuram bonam, & confertam, & coagitatam, & superfluentem dabunt in sinum vestrum: eadem quippe mensura qua mensi fueritis, remetietur vobis.

(k) Dicebat autem illis & similitudinem: Numquid potest cæcus cæcum ducere? Nonne ambo in foveam cadunt? Non est discipulus supra magistrum; perfectus autem omnis erit, si sit sicut magister eius. Quid autem vides festucam in oculo fratris tui, trabem autem quæ in oculo tuo est non consideras? Aut quomodo potes dicere fratri tuo: Frater, sine iiciam festucam de oculo tuo: ipse in oculo tuo trabem non videns? Hipocrita, eice primum trabem de oculo tuo, & tunc perspicies ut educas festucam de oculo fratris tui.

(l) Non est enim arbor bona quæ facit fructus malos, neque arbor mala faciens fructum bonum: unaquæque enim arbor de fructu suo cognoscitur. Neque enim de spinis colligunt ficus, neque de rubo vindemiant uvam. Bonus homo de bono thesauro cordis sui profert bonum, & malus homo de malo thesauro profert malum: ex abundantia enim cordis os loquitur.

(m) Quid autem vocatis me Domine, Domine; & non facitis quæ dico? Omnis qui venit ad me, & audit sermones meos, & facit eos, ostendam vobis cui similis sit. Similis est homini ædificanti domum qui fodit in altum, & posuit fundamentum supra petram. Inundatione autem facta, illisum est flumen domui illi, & non potuit eam movere. Fundata enim erat supra petram. Qui autem audit, & non facit, similis est homini ædificanti domum suam supra terram sine fundamento: in quam illisus est fluvius, & continuo cecidit, & facta est ruina domus illius magna.

(a) **A**MBROSIIUS (Lib.V. in Luc.cap. quod discipuli vellebant spicas.) Non solum comprehensione verborum, sed etiam ipso usu, specique gestorum incipit hominem Dominus veteris observatione legis exuere: unde dicitur: *Factum est autem in sabbato secundo primo, cum transiret per sarta, vellebant discipuli eius spicas, & manducabant, confricantes eas manibus suis.* BEDA (cap.xix. in Lucam in princ.) Non habentes enim discipuli spatium manducandi propter importunitatem turbarum, eluriebant ut homines; sed vellent spicas inediare: consolabantur: quod est indicium austerio-

ris vitæ, non præparatas escas, sed simplices querere cibos. THEOPHYLACTUS (in prin. Commen. in cap. vi.) Dicit autem: *In sabbato secundo primo:* quia Iudæi omnem festivitatem sabbatum nuncupabant, requies enim dicitur sabbatum: multoties ergo continebat in pasceve festivitas, & vocabant pascevem sabbatum propter festum; deinde principale sabbatum secundum primum dicebant, quasi secundum existens a præcedentis diei festivitate. (1) CYRILLUS. Duplex enim erat festum; & principalis festi, & alterius solemnitatis sabbati. ISIDORUS a. Vel dicit, *Secundo pri-*

N 2 ms:

(1) M. CHRYSOSTOMUS quem habet etiam Nicolai, hom. xl. in Matth.

'EX EDITIONE P. NICOLAI.

a Sicil. Isidorus Pelusiota Lib. III. epit. cx. quam inscribit ad Isidorum Diaconum, qui petierat ab illo tale sibi sabbatum explicari.

mo: quia secundum erat pascha, primum autem azymorum: cum immolarent enim pascha in sero, sequenti die festum azymorum celebrabant. Quod autem ita sit, patet ex hoc quod Apostoli vellebant spicas, & manducabant: in illo namque tempore spicae flectuntur a fructu. EPIPHANIUS (Lib. I. contra hæreses cap. xxx.) Die igitur sabbati visi sunt transeuntes per segetes, & spicas edebant, ostendentes quoniam dissolutum est vinculum sabbati, ubi magnum advenit sabbatum, hoc est Christus, qui fecit nos quiescere ab opere delictorum nostrorum. CYRILLUS. Pharisei autem, & scribæ ignari sacramenta Scripturarum, in unum conspiraverant ad reprehendendum Christi discipulos: unde sequitur: *Quidam autem pharisæorum dicebant illis: Quid facitis quod non licet in sabbatis?* Dic mihi tu: Cum in sabbato tibi mensa proponitur, nonne frangis panem? Quid igitur alios reprehendis? BEDA (cap. xix. in Luc. a med.) Alii vero dicunt, ipsi Domino hæc fuisse obiecta; sed a diversis & ipsi Domino, & discipulis potuerunt obici; & cuicumque (1) obiectum, ad ipsum, maxime respicit. AMBROSIVS (ubi supra.) Dominus autem defensor legis arguit nescire quæ legis sunt, exemplum inducens David: unde sequitur: *Et respondens Iesus ad eos, dixit: Nec hoc legistis quod fecit David, cum esurisset ipse, & qui cum eo erant?* CYRILLUS. Quasi dicat: Cum expresse dicat lex Moysei Deuter. 10. „Iudicate iustum iudicium, „nec considerabitis personam in iudicio: „qualiter increpatis discipulos, qui usque in hodiernum diem extollitis David ut sanctum, & Prophetam, cum Moysei præceptum non servaverit? CHRYSOSTOMUS (hom. xl. in Matth.) Et attende, quod quodcumque Domino sit sermo pro servis, idest discipulis, servos ducit in medium, scilicet David, & sacerdotes; quando vero pro se, introducit Patrem, sicut ibi (Ioan. v.) „Pater meusque moratur, & ego operor. THEOPHYLACTUS (par. a prin. Comm. in vi. cap.) Aliter autem eos reprimat cum subditur: *Et dicebat illis, quia dominus est Filius hominis etiam sabbati,* quasi dicat: Ego sum dominus sabbati tamquam dispositor, & sic

ut legislator potestatem habeo solvere sabbatum: Filius enim hominis vocatus est Christus, qui Dei existens Filius, miraculose dignatus est Filius hominis propter homines fieri, & vocari. CHRYSOSTOMUS (homil. xl. in Matth.) Marcus autem de communi natura hoc ipsum protulisse sabbatum: dicebat enim Marc. 10. „Propter homines sabbatum factum est, non homo „propter sabbatum. „Expediit igitur potius sabbatum homini subici, quam (2) hunc colla subicere sabbato. AMBROSIVS (ubi supra.) Non mediocriter autem mysterium hoc est. Ager enim est hic mundus; agri seges in facione humani generis incunctitas numerosa sanctorum; spicae agri fructus Ecclesiarum, quos operibus discutientes suis Apostoli pascebantur nostro se alentes profectum, & tamquam folliculis corporum, mentium fructus ad fidei lucem præclaris operum suorum miraculis eruebant. BEDA (cap. xxix. in Lucam cir. med.) Spicas enim confrangit: quia in illis quos in corpus Christi volunt trahere, mortificant veterem hominem cum actibus suis, a terrena intentione extrahendo. AMBROSIVS (Lib. V. in Lucam cap. „Primo sabbato.) Sed hoc putabant Iudæi sabbato non licere; Christus autem novæ gratiæ munere designabat otium legis opus gratiæ: mire tamen secundo primum, non primo secundum sabbatum dixit: quia sabbatum illud ex lege solum est quod erat primum; & hoc primum factum est quod dicitur constitutum est. Sabbatum igitur secundum secundum iuxta numerum, primum iuxta operationis gratiam: melius est enim sabbatum quo impunitas datur, quam quo poena præscribitur. (3) Aut hoc forte primum est in prædestinatione consilii, & secundum in sanctione decreti. Deinde quod David cum sociis fugit, hic præfiguratus in lege Christus est, qui cum Apostolis principem mundi lateret. Quomodo autem ille observator legis, atque defensor panes & ipse manducavit, & dedit his qui secum erant, quos non licebat manducare nisi sacerdotibus, nisi ut per illam demonstraret figuram, sacerdotalem cibum ad usum transe populorum; sive quod omnes vitam sacerdotalem debemus imitari; sive quod omnes filii Ecclesiæ sacer-

(1) P. Nicolai legit ut obiectum. (2) Al. huic. (3) Al. Hoc forte primum est, hoc in prædestinatione.

dotes sunt? ungitur enim in sacerdotium sanctum, offerentes nosmetipsos Deo hostias spirituales. Si autem sabbatum propter homines factum est; utilitas aures hominum postulat esurientem hominem, qui diu fuerit terræ fructibus (1) abdicatus, veteris (2) famis vitare ieiunia: non utique lex solvitur, sed impletur.

(b) AMEROSIUS (Lib. V. in Lucam cap. ut sup.) Hic ad alia progreditur Dominus: nam qui totum hominem salvum facere disposuerat, per singula membra (3) curabat: unde dicitur: *Factum est autem in illo sabbato ut intraret in synagoga, & doceret.* BEDA (cap. xx. in Luc. in prin.) Sabbatis maxime curat, & docet, non solum propter insinuandum spirituale sabbatum, sed etiam propter celebriorem populi conventum. CYRILLUS a. Docerat autem revera transcendencia intellectum, & quæ salutis futuræ per eum referabant audientibus semitam; deinde, præcedente doctrina, subito divinam ostendebat virtutem: unde sequitur: *Et erat ibi homo, & manus eius dextera arida.* BEDA (super *Oserbabant eum.*) Quia vero destructionem sabbati quamindistinctis arguebant, probabili magister excusaverat exemplo, nunc ipsum obviando magistrum calumniari volunt: unde sequitur: *Observabant autem scribae, & pharisæi si in sabbato curaret: ut scilicet si non cutet, crudelitatis, vel imbecillitatis; si cutet, transgressionis vitio arguant: unde sequitur: Ut invenirent unde accusarent eum.* CYRILLUS b. Hic enim est mos adversarii: pascit in se doloris morbum aliorum præconiis. Sed Dominus novit omnia, & corda rimatur: unde sequitur: *Ipsæ autem sciebant cogitationes eorum, & ait homini qui habebat manum aridam: Surge, & sta in medio: & surgens stetit: ut forsan incitaret ad pietatem crudelem phariseum, & ipsa passio flammam mitigaret livoris.* BEDA (cap. xx. in Lucam super *si licet sabbato curare.*) Præveniens autem Dominus calumniam quam sibi præparabant, arguit eos qui præcepta legis male interpretando etiam a bonis operibus sabbato æstimabant feriandum, cum lex a servili opere, idest a malis, abstineret præcipiat in sabbato: unde sequitur: *Ait autem ad illos Iesus: Interrogabo vos, si licet sabbato benefacere, an male?* CY-

RILLUS Nimis est idonea quæstio: nam si licet in sabbato benefacere, nec aliquid obstat ut laborantes a Deo misericordiam consequantur, deinas colligere adversus Christum calumniam; si autem non licet in sabbato benefacere, & lex prohibet animarum salutem, factus es legis acculator. Ipsam quoque sabbati sanctionem si velimus discutere, ad opus pietatis introductum suissè reperiemus. Iulius enim in sabbato feriari: „ut quiescat (inquit Deut.v.) puer tuus, & ancilla tua, bos tuus, & quodlibet pecus tuum.“ Qui vero bovis miseretur, & ceterorum pecorum, quomodo non miscbitur hominis gravi morbo perplexi? AMEROSIUS (tit. de curatione hominis.) Lex autem in præsentibus formam præfiguravit futurorum; in quibus utique malorum feriæ sunt, non bonorum: nam licet sæcularia opera conquiescant, non otiosus tamen boni operis actus est, in Dei laudes requiescere. AUGUSTINUS de Quæst. Evang. (Lib. II. qu. ix.) Cum autem Dominus corpus curaverit, sic interrogavit: *Animam salvam facere, an perdere?* Vel quia illa mitacula propter fidem faciebat, ubi salus est anime; vel quia ipsa sanatio manus dexterae salutem animæ significabat, quæ a bonis operibus cessans, aridam quodammodo dextera habere videbatur; vel animam pro homine posuit, sicut dici solet, Tot animæ ibi fuerunt. AUGUSTINUS de Con. Evang. (Lib. II. cap. xxxv.) Sed potest movere quomodo Matthæus dixerit, quod ipsi interrogaverunt Dominum, si licet curare sabbato, cum Lucas hic illos potius a Domino interrogatos esse perhibeat. Itaque intelligendum est, quod illi prius interrogaverunt Dominum, si licet sabbato curare. Deinde intelligens cogitationes eorum, aditum accusandi quærentium, constituit in medio eum quem fuerat sanaturus, & interrogavit quæ Marcus, & Lucas eum interrogasse commemorant.

Sequitur, *Et circumspexit omnibus.* TITUS. Quasi collectis omnium oculis, quin etiam incitata mente eorum ad considerationem negotii, dixit homini: *Extende manum tuam: ego tibi mando qui creavi hominem.* Audie autem qui læsam habebat manum, & sanus fit: unde sequitur: *Et extendit, & restituta est sanitati manus eius.* Quos autem oportebat

(1) Al. abdicatis. (2) Al. panis. (3) Al. curabat.

hat in miraculo stupere, augent malitiam : unde sequitur : *Ipsi autem repleti sunt insipientia, & colloquebantur ad invicem, quidnam facerent de Iesu.* (1) ORIGENES. Et, ut narrat Matthæus, exeunt, & consiliantur, ut occidant eum. CYRILLUS. Cernis opharizæ operantem divina, ac superna maiestate liberantem languentes, & mortem portas ex livore. BEDA (cap. xx.) Homo autem iste humanum genus significat in fecunditate boni operis arefactum pro manu in primo parente ad pomum extensa, quam sanavit innocens manus in cruce extensa. Et bene manus in synagoga erat arida, quia ubi maius donum scientiæ, ibi transgressoris maiori subiacet culpæ. AMBROSIVS (ubi supra.) Audisti igitur verba dicentis, *Extende manum tuam.* Communis ista generalisq; medicina est : & tu qui putas manum habere te sanam, cave ne avaritia, vel sacrilegio contrahatur. Extende sæpius eam, proximum iuves, ut viduæ præsidium feras, eripias iniuriæ quem vides iniuste contumeliæ subiacere; extende ad pauperem, qui te obsecrat; extende ad Dominum pro peccatis tuis: sic manus extenditur, sic (2) manus sanatur.

(c) GLOSSA. Insuperantibus adversariis contra Christi miracula, & doctrinam, Apostolos elegit quasi defensores veritatis, & testes; quorum electioni orationem præmittit: unde dicitur : *Factum est autem in illis diebus, exiit in montem orare.* AMBROSIVS (Lib. V. in Luc. de oratione Iesu.) Noli insidiatrice aperire aures, ut putes Filium Dei quasi infirmum rogare, ut impetret quod implere non possit: potestatis enim (3) auctor, obedientiæ magister ad præcepta virtutis suo nos informat exemplo. CYRILLUS. Scrutemur igitur in his quæ Christus egit, qualiter nos doceat orationibus divinis insistere, semotim scilicet, & secreto, nemine vidente, amota quoque mundana sollicitudine, ut fursum ad divinæ speculationis intuitum erigatur intentio: quod designatur in hoc quod semotim orabat Iesus exiens in montem. AMBROSIVS (ubi supra.) Ubique etiam solus obsecrat: Dei enim consilium humana vota non ca-

piunt; (4) nec quisquam interiorum potest esse particeps Christi. Non autem omnis qui orat, accendit in montem, sed quioræ a terrenis ad superiora progrediens; sed non ille qui de sæculi divitiis, aut de honore sollicitus est. Omnes sublimes in montem ascendunt: quare in Evangelio invenies solos in montem cum Domino ascendisse discipulos. Species autem tibi, Christiane, datur, forma præscribitur quam debeas æmulari, cum sequitur : *Et erat pernoctans in oratione Dei.* Quid enim te pro salute tua facere oportet, quando pro te Christus in oratione pernoctat? CHRYSOSTOMUS (hom. xlii. ad pop. Antiochen. ante med. b.) Exurge igitur & tu tempore noctis. Purior est enim tunc temporis anima; ipsæ tenebræ, silentium nimium possunt sufficienter ad compunctionem perducere. Ceterum si ipsum quoque cælum inspicias punctatum stellis, quasi infinitis luminibus; si consideres quod qui per diem saltant, iniuriaturque, hi tunc nihil a mortuis discrepant; detestaberis quemlibet ausum humanum. Hæc omnia sufficienter ad animam erigendam: tunc non vexat inanis gloria, non accidia, non concitatio occupat: non sic ignis ferri sequestrat rubiginem, velut nocturna oratio æruginem peccatorum. Quem de die solis æstus (5) percussit, nocte refrigeratur. Quemlibet rorem superant nocturnæ lacrymæ, & contra concupiscentiam valent, & quemlibet timorem. Si vero prædicto rore non foveatur, homo arescit sub die. Quapropter licet non multum ores noctu, semel ora vigilando, & sufficit: ostende quod non solum ad corpus nox pertinet, sed etiam ad animam. AMBROSIVS (cap. de oratione Iesu, Lib. V. in Lucam.) Quid autem te facere convenit cum vis aliquod officium pietatis adorari, quando Christus missurus Apostolos prius oravit? sequitur enim: *Eecum dies factus esset, vocavit discipulos suos, & elegit duodecim ex ipsis, quos & Apostolos nominavit:* quos scilicet ad propagandum auxilium salutis humanæ per terrarum orbem fautores fidei destinavit. Simul adverte cælestis consilium: non sapientes aliquos, non divites, non nobiles,

(1) M. CHRYSOSTOMUS ut habet etiam Nicolaï, hom. xli. (2) M. omittitur manus. (3) M. deus auctor. (4) M. nec quique interiorum potest esse particeps Christo. (5) M. percussit.

EX EDITIONE P. NICOLAI.

* Nihil tale in Glossa quæ nunc extat. b Sumpta est hæc pars ex hom. xxvi. in Acta, ut nec fereat alud hominæ ille & ad ipsum Antiochenum sunt nū collectiones aliarum quorundam hinc & inde.

biles, sed piscatores, & publicanos quos dirigeret elegit; ne divitiis, aut potentiae, nobilitatisque auctoritate traxisset aliquos ad suam gratiam videretur; ut veritatis ratio, non disputationis gratia praevaleret. CYRILLUS *a*. Attende autem maximam Evangelistae sedulitatem: non solum dicit electos fuisse sacros Apostolos; immo nominatim eos enumerat, ne quisquam audeat alios inscribere Apostolorum catalogo.

Simonem quem cognominavit Petrum, & Andream fratrem eius. BEDA (cap. xxi. in Lucam.) Non modo primum eum cognominavit, sed longe prius cum ab Andrea adducto dicitur Ioan. 1. „Tu vocaberis Cephas, quod interpretatur Petrus. „Sed volens Lucas nomina Apostolorum enumerare, cum necesse haberet Petrum dicere, breviter voluit innuere quod non hoc antea cognominaretur, sed ita Dominus cognominaverit. EUSEBIUS *b*. Secunda autem combinatio est Iacobi, & Ioannis: unde sequitur: *Iacobum, & Ioannem*; ambos scilicet filios Zebedae, qui etiam piscatores fuerunt. Post hos autem dicit: *Philippum, & Bartholomaeum*. Philippum dicit Ioannes fuisse de Bethsaida, concivem Andreae, & Petri: ipse quoque Bartholomaeus vir simplex, & expertus scientiae mundanae, & amaritudinis. Matthaeus vero ex his qui prius census exigebant vocatus est, de quo subdit: *Matthaeum, & Thomam*. BEDA (ubi supra ante medium.) Matthaeus compari suo Thomae in ordine, humilitatis causa se supponit, cum a ceteris Evangelistis praelatus sit.

Sequitur: *Iacobum Alphaei, & Simonem, qui vocatur Zelotes*. GLOSSA. Quia scilicet fuit de Chana Galilaeae; qui interpretatur zelus, quod additur ad differentiam Simonis Petri.

Sequitur: *Iudam Iacobi, & Iudam Scarioth, qui fuit proditor*. AUGUSTINUS de Con. Ev. (Lib. II. cap. xxx.) In nomine Iudae Iacobi Lucas videtur discrepare a Matthaeo, qui eum Thadmae appellat. Sed quis umquam prohibuit duobus vel tribus nominibus unum hominem vocari? Eligitur autem Iudas proditor non per imprudentiam, sed per providentiam: susceperat quidem homi-

nis fragilitatem; & ideo nec has partes reculavit infirmitatis humanae: voluit ab Apostolo suo tradi, ut tua focio proditus moderate feras, tuum errasse iudicium, perisile beneficium. BEDA (1) *c*. Mystice autem mons in quo Apostolos elegit, altitudinem designat iustitiae, qua instituendi erant, & eam praedicaturi: sic & lex in monte data fuit. CYRILLUS *d*. Quod si libet interpretationem apostolicorum nominum scire, scito quia Petrus dicitur dissolvens, vel agnoscens; Andreas decora potentia, vel respondens; Iacobus autem supplantator doloris: Ioannes Domini gratia; Matthaeus donatus; Philippus os magnum, vel orificium lampadis; Bartholomaeus filius aquas suspendentis; Thomas abyssus, vel geminus; Iacobus Alphaei supplantator gressus vitae; Iudas confessio; & Simon obediencia.

(d) CYRILLUS *e*. Celebrata ordinatione Apostolorum, pluribus congregatis & de regione Iudaeorum, necnec a maritima Tyri, & Sidonis, qui erant idolatrae, constituit eos totius orbis doctores, utpote qui evocarent Iudaeos a legis servitute, cultores autem daemonum ab errore gentili ad veritatis cognitionem: unde dicitur: *Et descendens de monte cum illis, stetit in locustis, & turba discipulorum eius, & multitudo copiosa plebis ab omni Iudaea, & Hierusalem, & maritima*. BEDA (cap. xxi. in Lucam aliqu. ante finem.) Non a proximo mari Galilaeae maritima dicitur, quia hoc non miraculi loco poneretur; sed a mari magno cognominatur, in quo etiam Tyrus, & Sidon comprehendi poterant: de quibus sequitur: *Et Tyri, & Sidonis*, quae quia civitates Gentium sunt, consulte nominatim ponuntur, ut quanta sit fama virtusque Salvatoris intimeretur, quae (2) exterar etiam ad sanitatem, doctrinamque capessendam civitates accersierat: unde sequitur: *Qui venerant ut audirent eum*. THEOPHYLACTUS (super *Qui venerant ut audirent*.) Hoc est ad animarum medelam: & sanarentur a languoribus suis, hoc est ad medelam eorum corporum. CYRILLUS *f*. Postquam autem (3) sacros publicavit Apostolos, plurima, & ardua fecit miracula; ut qui con-

vene-

(1) In editione Nicolini notatur ad marginem: Glossa ordinaria haec habet. (2) *Al.* externas quoque. (3) *Al.* Sacerdos.

EX EDITIONE P. NICOLAI.

a In Cat. Græc. PP. *b* Ibid. *c* Super sequentem textum, non super præcedentem. *d* Ubi supra. *e* In Cat. Græc. PP. ubi supra. *f* Ibidem.

veniant Iudæi, & Gentiles, scirent eos decoratos esse a Christo dignitate Apostolatus; & quod ipse non erat sicut unus aliorum hominum, magis autem Deus, ut Verbum incarnatum: unde sequitur: *Et omnis turba quærebat eum tangere: quia virtus de illo exibat, & sanabat omnes.* Neque enim alienam virtutem accipiebat Christus, sed cum naturaliter esset Deus, propriam virtutem super infirmos emittens sanabat omnes. AMBROSIVS (Lib. V. in Luc. de descensu Iesu ad docendum.) Adverte autem omnia diligenter, quomodo & cum Apostolis ascendat, ac descendat ad turbas: quomodo eum turba non sequitur ad excelsa; denique ubi descendit invenit infirmos: in excelsis enim infirmi esse non possunt. BEDA (cap. xxi. in Lucam.) Raro hoc quoque uspiam vel turbas Dominum ad altiora sequi, vel quempiam debilem invenies in monte curari; sed extincta febre libidinum, accensaque scientiæ luce, pedetentim quemquam ad culmen subire virtutum. Turba autem quæ Dominum tangere potuit, spiritus illius virtute sanatur, ut supra leprosus Domino tangente mundatur. Tactus ergo Salvatoris, opus est salutis; quem tangere est fideliter in eum credere a quotangi eius munere sanari.

(c) CYRILLUS. Post Apostolorum ordinationem, ad evangelicæ vitæ novitatem Salvator suos discipulos reedificavit. AMBROSIVS (Lib. V. ut supra.) Divinitatis autem prompturus oracula incipit esse sublimior; etsi in humili stabat, tamen oculos elevavit: unde dicitur: *Et ipse elevatis oculis.* Quid est levare oculos nisi interius lumen aperire? BEDA (cap. xxii. in Lucam.) Et quamvis generaliter omnibus loquatur, specialius tamen oculos in discipulos levat: sequitur enim, *In discipulos suos,* ut his qui verbum intenta cordis aure percipiunt, latius saporis intimi lumen aperiat. AMBROSIVS (Lib. V. in Luc. cap. de fer. Domini in monte.) Quatuor autem tantum beatitudines Lucas posuit, octo vero Matthæus; sed in istis octo illæ sunt quatuor, & in istis quatuor illæ octo. Hic enim quatuor velut virtutes amplexus est cardinales, illæ in illis octo mysticum ordinem referavit: sicut enim spei nostræ octava perfectio

est, ita octava summa virtutum est. Primam autem beatitudinem paupertatis uterque Evangelista posuit: ordine enim prima est, & parens quædam virtutum: quia qui contemplerit sæcularia, implemeretur sempiterna, nec potest quiquam meritum regni cælestis adipisci quia mundi (1) cupiditate pressus emergendi non habet facultatem: unde sequitur: *Dicebat, Beati pauperes.* b CHRYSOSTOMUS. In Evangelio quidem quod est secundum Matthæum beatos fieri dixit pauperes spiritu, ut intelligamus esse pauperem spiritu, habentem intellectum modestum, & quodammodo remissum: unde dicit Salvator, Matth. xi. „Discite a me, quia mitis sum, & humilis corde.“ Hic autem beatos asserit pauperes, non ad dito spiritum, pauperes appellans divitiis contententes: decebat enim ut cum prænuntiaturi essent salutiferi Evangelii dogma, mentem non gererent cupidam, sed promptum affectum haberent erga maiora. (2) BASILIUS. Non autem omnis quem paupertas premit, beatus est, sed qui Christi præceptum mundanis prætulit opibus. Plures enim pauperes sunt in substantia, avarissimi tamen secundum affectum; quos non salvat paupertas, sed affectus damnat. Nihil enim involuntarium beatificabile est, eo quod omnis virtus libero designat arbitrio. Beatus ergo pauper, quasi Christi discipulus, qui pro nobis paupertatem sustinuit: nam ipse Dominus quodlibet opus implevit quod ad beatitudinem ducit, se præbens exemplar discipulis. EUSEBIUS. Sed cum cæleste regnum in multis gradibus bonorum consideretur, primus gradus scandentium est eorum qui divino intuitu colunt paupertatem; tales autem fecit eos qui primo facti sunt eius discipuli: ob hoc in eorum persona dicit: *Quia vestrum est regnum Dei;* quasi demonstrative hoc proferens ad præsentem, ad quos etiam oculos elevavit. c CHRYSOSTOMUS. Postquam igitur mandavit paupertatem colere, ea quæ consequuntur inopiam coronat honoribus. Contingit autem paupertatem colentes, necessarium incurere defectum, & vix acquirere victum; idcirco non finit discipulos pusillanimes super hoc fieri, dicens: *Beati qui nunc esuritis.* (3) BEDA (super his verbis.)

(1) *M.* cupiditatem post se emergendi, forte mergendi. (2) *M.* CYRILLUS. (3) *M.* CYRILLUS.

bis.) Id est, beati qui castigatis corpus vestrum, & servitati subiecit, qui in fame, & siti verbo operam datis : quia cælestium tunc gaudiorum habebitis ubertate perfui. GREGORIUS Nissenus *a*. Altius autem, sicut secundum sensibilem escam diversificatur participantium appetitus ad comestibilem species, sic & in cibo animæ, ab his quidem opinabile, ab his autem appetitur quod naturaliter est bonum : unde hic secundum Matthæum beatificantur qui iustitiam loco cibi, & potus reputant ; non, inquam, particularem, sed universalem iustitiam, quam qui esurit beatificandum dicit. BEDA (cap. xxii. in Lucam.) Apertissime nos instruens nunquam nos satis iustos æstimare debere, sed quotidianam iustitiæ semper amare profectum, ad cuius perfectam saturationem non in hoc sæculo, sed in futuro possumus pervenire, ut (1) Psalmista ostendit dicens Psal. xvi. „ Satiabor cum manibus, testabitur gloria tua : “ unde sequitur, *Quia saturabimini*. GREGORIUS Nissenus *b*. Avidis enim iustitiæ, desideratorum copiam spondet. Nihil enim eorum quæ secundum voluptatem in vita quaeruntur faciat inquirentes ; solum autem virtutis studium subsequitur præmium quod indeficiens gaudium inserit animæ. CYRILLUS *c*. Consequitur autem inopiam non solum defectus rerum ad delectationes facientium, sed etiam depressus vultus propter mortificationem : unde sequitur : *Beati qui nunc fletis*. Beatificat flentes, non eos qui simpliciter ab oculis lacrymas emittunt : commune enim est hoc tam fidelibus quam infidelibus, si quid tristem accidet. Magis autem illos beatos asserit qui levem vitam, & implicitam carnalibus voluptatibus deditam vitant, resistentes delicias, & pene lacrymantes propter odium mundanorum. CHRYSOSTOMUS (hom. xviii. ad pop. Antioch.) Magnum quid vero secundum Deum tristitia est, & impetrat penitentiam in salutem : unde Paulus, cum non haberet suos defectus flere, pro alienis lugebat. Talis luctus est alacritatis materia : unde sequitur, *Quia ridebitis*. Etenim si nihil profumus his pro quibus flemus, tamen proficimus nobismetipsis : nam qui sic aliena desier, mul-

S. Th. Oper. Tom. V.

to magis non præteribit inflebiliter sua delicta ; magis autem nec facile habetur in scelus. Non dissolvamur in hac brevi vita, ne suspiremus in infinita : non queramus delicias, a quibus manat luctus, & dolor nimius ; sed tristitemur tristitia, quæ germinat veniam. Est etiam Dominum lapsius reperire lugentem, ridentem nequaquam. BASILIUS *d*. Promittit autem flentibus risum, non quidem emissum per mandibulas sonum, sed meram, & impermixtam cuilibet tristitiæ alacritatem. BEDA (cap. xxii. in Lucam super *Beati eritis*.) Qui ergo propter divitias (2) hereditatis Christi, propter panem vitæ æternæ, propter spem cælestium gaudiorum, fletus, esurium, paupertatemque pati desiderat, beatus est ; multo autem beator qui has virtutes inter adversa servare non trepidat : unde sequitur : *Beati eritis cum vos oderint homines* : licet enim homines odiant corde nefando, dilectum cor Christo lædere nequeunt. Sequitur, *Et cum separaverint vos*. Separant, & a synagoga expellant : Christus invenit, & confirmat. Sequitur, *Et exprobraverint*. Exprobreant nomen Crucifixi : ipse commortuos sibi correfuscitat, & consedere facit in cælestibus. Sequitur, *Et eiserint nomen vestrum tamquam malum* : ubi nomen Christianorum significat, quod a Gentilibus, Iudeisque sæpissime quantum ad ipsos memorie abratum, & ab hominibus est abiectum, nulla existente causa odii, nisi propter Filium hominis, qui scilicet credentes nomen Christi, suum cognomen facere voluerunt. Docet ergo eos ab hominibus insectandos, sed ultra homines esse beandos : unde sequitur : *Gaudete in illa die, & exultate : ecce enim merces vestra multa est in calo*. CHRYSOSTOMUS *e*. Multum, & paucum mensuratur dignitate proferentis. Queramus igitur : Quis multam promittit mercedem ? Si quidem Propheta, vel Apostolus, velut homo paucum esse multum existimavit ; nunc autem Dominus, qui possidet perennes thesauros, & opes quæ quemlibet intellectum transcendunt ; multam pollicitus est mercedem. BASILIUS *f*. Rursus, magnum aliquando absolutam habet intentionem ; sicut magnum est cælum, & magna est terra : aliquando vero

O

ad

(1) *Id. omittitur* ut. P. Nicolai legit sed in futuro nos posse pervenire, Psalmista ostendit &c. (2) *Id. hereditarias*.

EX EDITIONE P. NICOLAI.

a De Beatitudinibus orat. xv. *b* Ibidem. *c* Ubi supra. *d* In hom. de gratiarum actione. *e* In Cat. Grec. II. *f* Ibidem.

ad aliquid habet relationem; ut magnus equus, & bos in comparatione similium. Sic arbitror multam fore metcedem repositam patientibus opprobria propter Christum, non tamquam comparatam ad ea quæ penes nos sunt, sed in se multam existentem, & tamquam a Deo donatam. DAMASCENUS. Illa etiam qua mensurari, vel numerari possunt, determinate ingeruntur; quod autem ex quadam excellentia omnem transcendit mensuram, & numerum, indeterminate dicitur magnum, & multum: puta quando dicimus multam esse Dei misericordiam. EUSEBIUS. Deinde munens discipulos ad pugnam adversariorum, quam passuri erant per totum orbem prædicantes, subdit: *Secundum hoc enim faciebant Prophetæ patres eorum.* AMBROSIVS (cap. de beatitudi.) Quia Prophetas (1) Iudæi usque ad mortem corporis persecuti sunt. BEDA (cap. xxi. in Lucam.) Quia vera dicentes solent persecutionem pati; nec tamen ideo Prophetæ antiqui timore persecutionis a veritatis prædicatione defecerunt. (2) AMBROSIVS (cap. de ser. Domini in monte.) In hoc ergo quod dicit, *Beati pauperes*, habes temperantiam, quæ a peccato abstinet, sæculum calcas, illecebrosa non quærit. *Beati qui esuritis*: habes iustitiam: qui enim esuriens compatitur, compatiendo largitur, largiendo fit infusus, quia iustitia eius manet in æternum. *Beati qui nunc fletis*: habes prudentiam, cuius est fletus quotidiana, & ea quæ æterna sunt quærere. *Beati eritis cum vos oderint homines*: habes fortitudinem, sed eam quæ non odium meretur ex crimine, sed persecutionem patitur ex fide. Sic enim ad passionis pervenitur coronam, si gratiam hominum negligas, divinam sequaris. Ergo temperantia, cordis habet munditiam, iustitia misericordiam, pacem prudentiam, mansuetudinem fortitudo. Connexæ sibi sunt, & concatenatæ virtutes, ut qui unam habet, plures habere videatur: & sanctis una competit virtus; sed eius quæ fuerit uberior, uberior est præmium. Quanta hospitalitas in Abraham, quanta humilitas? Sed quia fide præfinit, fidei præ ceteris meruit principatum. Ergo unicuique plura præmia, quia pluri-

ma incentiva virtutum; sed quod in aliquo merito copiosius, hoc etiam in præmio redundantius.

(1) CYRILLUS. Prædicto, quod pauperas propter Deum causa sit cuiuslibet boni, & quod elutire, & flere non vacabit mercede sanctorum, transfert sermonem ad opposita, & innuit ipsa damnationis & supplicii fore materiam: unde dicitur: *Vermumtamen va vobis divitiis, qui habetis consolationem vestram.* d. CYRILLUS. Hæc enim dictio va semper in Scripturis dicitur his qui non possunt evadere a futuro supplicio. AMBROSIVS (Lib. V. in Lucam cap. de vae improborum.) Licet autem in pecuniariis copiis multa sint lenocinia delictorum, pleraque tamen sunt incentiva virtutum; quamquam virtus subsidia non requirit, & commendatior sit collatio pauperis, quam divitis liberalitas; tamen non eos qui habent divitias, sed eos qui uti his nesciant, sententiæ cælestis auctoritate condemnat. Nam ut ille pauper laudabilior est qui prompto largitur affectu, ita criminiosior dives est qui de eo referre gratiam Deo debuit quod accepit, nec censum ad communem usum datum sine usu abscondere. Non census igitur, sed affectus in crimine est. Et quamquam nulla poena gravior sit quam successorum profutura compendii anxio timore servare, tamen quoniamavaritiæ desideria congetendi quadam voluptate pascuntur, qui consolationem vitæ præsentis habuerunt, remunerationem perpetuam perdididerunt. Possumus tamen hic divitem intelligere populum Iudæorum, vel hæreticos, vel certe phariseos, qui ubertate verborum, & quadam ambitiosæ facundie patrimonio delectati, simplicitatem veteris fidei supergressi, thesauros inutiles condiderunt.

Sequitur: *Va vobis qui saturati estis, quia esurietis.* BEDA (cap. xxi. super illud, *Va vobis.*) Dives ille purpuratus satrabatur, epulans quotidie splendide; sed dirum va iustinebat esuriens, quando de Lazari, quem despexerat, digito guttam aquæ querebat. BASILIUS. Quod autem necessitas sit abstinentiæ ratio, palam est ex eo quod Apostolus eam inter fructus Spiritus enumeravit. Subiectio enim corporis per nihil

(1) *Id.* ut Iudæi. (2) In editis hic repetitur superior Eusebii sententia, eius quoque indice apposto, in hunc modum. EUSEBIUS. Hoc autem dicebat muniens discipulos ad pugnam adversariorum, prædicantes per totum orbem. Omittit tamen Nicolaus.

EX EDITIONE P. NICOLAI.

a In Lib. de Logica cap. xlix. b In Cat. Græc. pp. c Ibid. d CHRYSOSTOMUS in hom. xviii. in Genesim. e Ut supra, in Catena.

hil aliud hic obtinetur, sicut per abstinentiam, qua sicut quodam freno decet compescere iuventutis fervorem. Est igitur abstinencia interceptio criminis, amotio passionum, vitæ spiritualis initium, obtundens in se illecebrarum aculeum. Ne autem coincidentia fiat cum inimicis Dei, decet accipere quodlibet cum exigit tempus, ad ostendendum quod mundis omnia munda; procedendo quidem ad necessaria vitæ, abstinendo autem omnino ab his quæ faciunt ad voluptatem. Attamen nec eandem horam sibi cunctos sancire possibile, nec modum, nec mensuram. Sit autem communis intentio non expectare repletionem: replere namque ventrem, ipsum quoque corpus inutile facit erga proprias operationes, somnolentum, & ad nocumenta dispositum. BEDA (cap. xxii. super illud, *Va qui saturari.*) Aliter. Si beati sunt illi qui iustitiam semper esuriunt opera, infelices e contra æstimandi (1) sunt qui sibi in desideriis placentes, nullam veri boni famem patiuntur.

Sequitur: *Va vobis qui ridetis nunc, quia lugebitis, & flebitis.* BASILIUS A. Cum Dominus ridentes nunc arguat, palam est quod nunquam erit fidelis tempus risus, & præcipue in tanta multitudine eorum qui in peccato moriuntur, pro quibus oportet lugere. Superfluous autem risus est immoderantia signum, & effrenis animæ motus; sed ulque ad vultus iucunditatem exprimere passionem animæ non (2) dedecet. CHRYSOSTOMUS B. Dic autem mihi cur concuteris, & desisui qui debes assistere terribili iudicio, & ponere rationem de omnibus (3) hic operatis? BEDA (cap. xxii. super *Va cum benedixerint.*) Quia vero ipsa peccati nutrix adulatio, sicut oleum flammis, sic in culpa ardentibus solita est ministrare fomentum, subdit: *Va cum benedixerint vobis omnes homines.* CHRYSOSTOMUS C. Non autem contrarium est quod hic dicitur ei quod alibi Dominus dicit, Matth. v. „Luceat lux vestra coram hominibus“ ut scilicet manifestemus bene agere ad gloriam Dei, non ad propriam. Perniciosum enim quid est inanis gloria, & inde sumit ortum iniquitas, atque despera-

tio, & mater malorum avaritia. Quod si viam queris divertendi ab hoc, dirigas aspectum semper ad Deum, & esso contentus ea quæ apud eum est gloria: nam si in qualibet facultate doctiores eligere oportet in arbitros, quomodo virtutis experimentum pluribus credis; non autem illi qui præ omnibus eam novit, & dare, & coronare potest? A quo si gloriam cupis, vita laudem humanam: de nullo enim alio magis consuevimus admirari quam derespiciente gloriam. Quod si nos, multo magis Dominus omnium. Deinde illud (4) confideres, quod hominum gloria celeriter deficit, quia per cursum temporis oblivioni traditur.

Sequitur: *Secundum hæc enim faciebant pseudoprophetae patres eorum.* BEDA (cap. xxi. Lucam.) Pseudoprophetae significaverunt, eo quod ad captandum vulgi favorem futura præloqui contentur. Itaque Dominus in monte beatitudines solummodo proboramus, in campo vero etiam vae describit reproborum: quia rudes adhuc auditores necesse est terroribus ad bona compelli, perterritos autem satis est præmissi invitari. AMBROSIVS (Lib. V. in Lucam cap. de vae improborum.) Et attende quod Matthæus præmiis ad virtutem, & fidem populos provocavit; hic autem etiam a criminibus, atque peccatis futurorum suppliciorum denuntiatione deterruit.

(g) BEDA (super *Sed vobis dico.*) Quia dixerat supra quid ab inimicis pati possent, nunc qualiter cum eisdem inimicis agere debeant ostendit, dicens: *Sed vobis dico qui auditis.* AMBROSIVS (Lib. V. in Lucam ubi supra.) Non otiose plurimorum factorum cælestium enumeratione progressus ad hunc locum serius venit, ut populus divinis miraculis roboratus ultra legis tramitem virtutum vestigiis progredi edoceret. Denique inter tria maxima, spem, fidem, & caritatem, maior est caritas, quæ ordinatur cum dicitur: *Diligite inimicos vestros.* BASILIUS A. Inimici quidem proprium est obesse, & insidiari. Omnis igitur qui qualitercumque nocet alicui, dicitur inimicus. CYRILLUS C. Conveniens autem erat huiusmodi conversatio Doctoribus

O 3 fan-

(1) A. amittitur sunt. (2) A. de. et. (3) A. sic. (4) A. confidas.

EX EDITIONE P. NICOLAI.

A Ut supra. B Hom. vi. in March. C In Cat. Græc. PP. vel quo ad verba, vel quo ad sensum hom. xv. xix. & lxxi. in Epist. ad Rom. & hom. xxx. in II. ad Corinth. & in Epist. ad Titum hom. ix. d) In Regulis brevioribus ad interrog. clxxvi. E In Cat. Græc. PP.

sanctis, qui prædicaturi erant ubique terrarum salutarem sermonem; quos si contingeret velle recipere de persequentibus vindictam, omisissent eos ad cognitionem veritatis vocare. **CHRYSTOSTOMUS** (hom. xviii. in Matth.) Non autem dicit, Ne odio habeas, sed diligas & neque simpliciter mandavit diligere, sed etiam benefacere: unde sequitur: *Benedicite his qui oderunt vos.* **BASILIVS** *a*. Verum quia homo ex corpore consistit, & anima, secundum animam quidem benefacimus, huiusmodi arguentes, & commonescentes eos, & omnino ad conversionem manducentes; secundum corpus autem benefacientes eis in necessariis vidui. Sequitur: *Benedicite maledicentibus vobis.* *b* Qui enim percutiunt proprias animas, digni sunt lacrymis, & sctibus, non maledictionibus. Nihil enim detestabilius est anima (1) maledica, nec immundius lingua quæ maledictiones effert. Homo es; alpidum venena non evomas, nec vertaris in belluam. Est tibi datum os, non ut mordeas, sed ut aliorum vulnera lanes. Inimicos autem mandavit nobis annuere gratiam amicorum, non quorumcumque, sed præcipuorum, pro quibus orare solemus: unde sequitur: *Orate pro persequentibus vos.* Plerique autem e contra procumbentes, & fronte super terram percutientes, & manus expandentes, non pro suis criminibus orant Deum, sed adversus inimicos; quod nihil aliud est quam seipsum transfodere. Cum eum qui prohibuit contra inimicos orare, precaris ut te maledicentem inimicus exaudiat, quomodo possibile est audiri, quando provocas exauditurum, verberando inimicum coram Rege, & si non manibus, verbis tamen? Quid facis homo? Scas ut veniam impetres peccatorum, & imples os amaritudine. Mitigationum est tempus, orationis, & gemitus, non furoris. **BEDA** (super *Benedicite maledicentibus.*) Sed merito movetur quæstio, quomodo in Prophetis inveniuntur multæ imprecationes adversus inimicos. Ubi videndum est, quia Prophetæ per imprecationem quid esset futurum cecinerunt, non optantis voto, sed spiritu prævidentis. **CYRIL-**

LVS *c*. Vetus autem lex mandabat non offendere alios; vel si prius fuerimus læsi, non ultra proportionem lædentium iras protrudere: sed perfectio legis in Christo est, & in suis mandatis: unde sequitur: *Et qui te percutit in maxillam, præbe ei & alteram.* (2) **CHRYSTOSTOMUS** (hom. xviii. in Matth.) Nam & medici cum calce feriuntur ab infans, tunc maxime misererentur eis, & accingunt se ad eorum remedia. Tu quoque similem habeas coniecturam erga persequentes: ipsi namque sunt qui præcipue infirmantur: nec prius desistamus quam totam amaritudinem evomuerint: tunc uberes gratias agent tibi, & ipse Deus te coronabit, eo quod fratrem tuum in pessima ægritudine liberalisti. (3) **BASILIVS** *d*. Fere autem cuncti contra hoc mandatum procedimus; & præsertim potentes, vel principes, non solum si passi fuerint contumelias, sed & si præstita eis non sit reverentia, adversarios reputantes quicumque eos minus reveriti sunt quam se reputaverunt dignos. Est autem magna infamia principis esse promptum ad vindictam: nam & qualiter alium docebit nil mali pro malo rependere qui nocenti retribuere satagit? **CYRILLVS** *e*. Vult autem Dominus insuper esse contemptum rerum: unde sequitur: *Et ab eis qui auferunt tibi vestimentum, etiam tunicam noli prohibere:* hæc est enim virtus animæ quæ omnino averfa est a passione cupiditatis divitiarum. Decet enim eum qui pius est & oblivisci malorum, ut & ea quibus caros amicos iuvamus, persequentibus conferamus. **CHRYSTOSTOMUS** (hom. xviii. in Matth. ante med.) Non autem dixit, Fer humiliter iniuriantis impetum; sed procedas per sapientiam, & ulterius te disponas ad patiendum quæ ille cupiat facere, superans insolentiam eius ubertate prudentiæ, ut habito pudore in excellenti patientia tua discedat. Sed dicit aliquis: Quomodo potest hoc fieri? Cum videris Deum factum hominem tot passum pro te, adhuc quæris & dubitas quomodo possibile sit nequitias ignorare conservorum? Quis tale passus est quæ Dominus tuus dum ligaretur, flagellaretur, sputa

(a) *Id.* maledicta. (2) *Hic index Chrysostomi amittitur a P. Nicolai.* (3) *Id.* BEDA.

EX EDITIONE P. NICOLAI.

a Ut supra. *b* **CHRYSTOSTOMUS** in Cat. Græc. Habetur autem apud illum, non uno loco, nec eodem tenore quo hic, sed sparsim, & ex parte tum hom. xix. in Matth. tum hom. xxii. & xxix. inter illas quæ ad populum inscribuntur, tum hom. xxi. & xxii. in Epist. ad Rom. & hom. v. in II. Corinth. & hom. vi. in I. ad Timoth. & hinc in Psal. xv. ut in Psal. cxi. *c* Ubi supra. *d* In Ephesim. Notatur in Cat. Græc. PP. sine indice loci sed colligitur ex illius visione xi. super illud cap. l. vers. j. *Principes iustissime retribuimus.* *e* In Cat. Græc. PP.

sputa perferens, mortem patiens? Unde sequitur: *Omni autem petenti te tribue*. AUGUSTINUS de Serm. Dom. (Lib. I. cap. xl. par. a princ.) Non dicit, Omnia petenti; sed ut id des quod iuste, & honeste potes, id est quod nec tibi, nec alteri noceat, quantum iciri, aut credi ab homine potest; & cui iuste negaveris quod petit, indicanda est iustitia; & aliquando melius aliquid tribues, cum petentem iniusta correxeris. CHRYSOSTOMUS (hom. lxx. de Lazar. ad fin. hom. xxx. in Epist. ad Romanos.) In hoc tamen peccatum non modicum, non solum non dando petentibus, sed & eos increpando. Cur, inquis, non laboras? Cur otiosus alitur? Dic mihi: & tu laborando possides? Sed et si laboras, ad hoc laboras ut vituperes alium? Propter unicum panem, & tunicam appellas cupidum. Nihil tribuisti nec conviciaris. Cur nec tu misereris, & volentibus dissuades? Si cunctis indifferenter erogaverimus, semper mirebimur. Quia enim Abraham cunctos recipiebat, recepit & Angelos. Nam etsi homicida sit, & prædo, nonne tibi dignus videtur panis habendi? Non igitur sumus severi aliorum censoris, ne nos quoque exquisitè iudicemus.

Sequitur: *Et qui auferit qua tua sunt, ne recipias*. CHRYSOSTOMUS (hom. x. in I. Epist. ad Corinth.) A Deo percipimus omnia; quod autem dicimus meum & tuum, nuda tantum sunt verba: si namque domum tuam asteris, emisisti verbum carens substantia rei: nam & aer, & solum, & cæmentum creatoris sunt, tu etiam ipse qui domum construxisti: sed etsi tuus sit ulus dubitatur, non solum propter mortem, sed etiam propter rerum eventus. Anima tua non possidetur a te, & quo pacto tuæ reputabuntur opes? Vult autem Deus tua fore quæ tibi pro fratribus credita sunt; sicut autem tua, si pro aliis dispenfaveris; si vero tibi assuenter expendideris, quæ sunt tua iam facta sunt aliena. Sed propter nefandam opum cupidinem homines in curiis confringuntur; contra quod Christus ait: *Et qui auferit qua tua sunt, ne recipias*. AUGUSTINUS de Serm. Domini (Lib. II. cap. xxxvi.) Quod de veste, domo, fundo, iu-

mento, & generaliter omni pecunia dicit. Non autem Christianum oportet sic possidere servum quomodo equum, aut argentum. Servus si boneliter a te regetur, quam ab illo qui eum tibi cupit auferre; nescio utrum quicumque dicere audeat eum debere contemni. CHRYSOSTOMUS a. Est autem nobis insita lex naturalis per quam dignoscimus quid sit virtus, & vitium: unde sequitur: *Et prout vultis ut faciant vobis homines, & vos facite illis similiter*. Non ait, Quæcumque non vultis ut faciant, nec vos faciatis: cum enim duæ sint viæ quæ ducunt ad virtutem, scilicet abstinentia mali, & operatio boni, hanc ponit, per istam (1) & illam significans. Et si quidem dixisset, Ut sitis homines, diligite bestias, esset mandatum difficile; si vero homines diligere iussit, ad quod naturalis monitio est, quam difficultatem res continet, quam leones, & lupi servant, in quibus naturalis cognatio (2) amicitiam cogit? Ostenditur igitur quod Christus nihil statuit nostram transcendens naturam, sed quod dudum inferuit conscientie nostræ, docet, ut propria voluntas pro lege sit tibi, ut si vis benefici, bene facias alii; si vis ut alius tui misereatur, proximi (3) miserearis.

(h) CHRYSOSTOMUS b (hom. x. in Epist. ad Colossenses.) Dixerat Dominus diligendos esse inimicos. Ne autem putares hyperbolice esse dictum, æstimationem solum ad terrorem eis dicti, addicit rationem, dicens: *Et si diligitis eos qui vos diligunt, qua vobis est gratia?* Plures quidem causæ sunt, quæ dilectiones constituunt; dilectio vero spiritalis universas præcellit: nihil enim terrenum eam parit, non utilitas, non beneficium, non natura, non tempus, sed de cælo descendit. Quid autem miraris si non indiget beneficio ut consistat, quando nec ex casu malorum pervertitur? Pater quidem passus iniurias, tu npt fecdes amoris; coniux post iurgia virum relinquit; filius si longævum videat patrem gravatur: at Paulus ibat ad lapidantes, benefactor eis; Moyses lapidatur a Iudeis, & orat pro eis. Veneremur itaque spirituales amicitias, quia sunt insolubiles. Unde arguens volentes p-

refe-

(1) *M.* & per istam. (2) *M.* ad amicitiam. (3) *M.* misereare.

EX EDITIONE P. NICOLAI.

a Ibid. Ad marginem autem Venetæ Nicolini editionis an. 1595. hæc notantur: Hom. lxxv. ad pop. Antioch. a med. & hom. xxi. in Genesim aliquid tale habet. b Quo ad aliqua quidem ex his, homin. in Epist. ad Coloss. non tamen simul quæ ad omnia, nec eodem tenore, quo ad primam præsertim, & ultimam, quæ non occurrunt.

grefcere, subdit: *Nam & peccatores diligentes se diligunt*; quasi dicat: Quia volo vos his amplius aliquid possidere, non moneo solum amicos diligere, sed etiam inimicos. Beneficientibus etiam benefacere commune est omnibus. Offendit autem se parum plus petere quam sit moris peccatorum, qui benefaciunt amicis: unde sequitur: *Et si benefactis his qui vobis benefaciunt, quia vobis est gratia? Siquidem & peccatores hoc faciunt*. BEDA (cap. xxiii. circa med.) Non solum autem dilectionem, vel beneficium peccatorum, quasi infructuosa redarguit, sed etiam mutuum: unde sequitur: *Et si mutuum dederitis his a quibus speratis recipere, quia gratia est vobis? Nam & peccatores peccatoribus fenerantur, idest mutantur, ut recipiant aequalia*. AMBROSIVS (Lib. V. in Lucam ubi supra.) In tres autem partes Philosophia sibi videtur divisisse lutilitiam: unam in Deum, quæ pietas vocatur; alteram in parentes, vel reliquum genus humanum; tertiam in mortuos, ut his exequiarum iura solvantur. At Dominus legis oraculum, ac prophetiæ fastigium supetgressus, in eos quoque qui læterunt, pietatis correxerat officium, cum subdit: *Verumtamen diligite inimicos vestros*. CHRYSOSTOMUS a (hom. lxxii. in Genesim.) In quo plustibi quam illi conferes: ille enim diligitur a conservo, tu vero efficiaris similis Deo. Est autem maximæ virtutis quando nocere volentes beneficiis complectimur: unde subditur, *Er benefacite*. Sicut enim fornacem succensam aqua proiccta extinguit, sic iram ratio cum lenitate: quod enim est aqua igni, hoc est iræ humilitas, & mansuetudo. Et sicut non

extinguitur ignis per ignem, sic nec iram per iram mitigatur. GREGORIUS Nilensis b. Deber autem homo vitare damnosam solitudinem, ne quærat ab inopie divitiarum augmenta, æris, & auri metallorum sterilitium exigens fructum: unde subdit: *Et mutuum date, nihil inde sperantes*. Malignam fenorum excogitationem si quis appellet furturnum, Latine fenus, quasi fetus propter mali secunditatem, ut arbitror, appellatur. Aut fortasse patius dicitur propter ipsius dolores, quos animis eorum qui mutuo ad ultram acceperunt, inducere solet. Animalia temporis progressu nascuntur, adulescunt, & pariunt; at senus statim cum oritur parere incipit. Animalia quæ citius pariunt, citius parere cessant; sed avarorum pecunia, simul cum omni tempore adaugetur. Animalia ubi pariendi vim ad sobolem suam transfulerunt, ipsa parere cessant; at feneratorum pecuniæ & novas pariunt, & veteres renovant. Nullus itaque mortiferam hanc bestiam attentet. Sed magna, inquis o pauper, necessitas, & utilitas est ut mutuum sumam. Et quænam hæc est utilitas? Rursus venit tibi paupertas, & eadem cum accessione necessitas. Meditare iam unde restituas. Unde tibi pecuniæ instantum multiplicabuntur ut & sufficient ad usus necessitatem, & ad restitutionem? Verum ais: Quomodo igitur me enutriam nisi fenus accipiam? Mille sunt vitus parandi

(1) Quætor sæpe citata exempla se habent. Talis autem avaritiæ modus reos merito annectitur in Genesim, a patiendo propter mali secunditatem. Animalia siquidem tractu temporis adulescunt, & pariunt; sed fenus statim cum oritur incipit procreare. Animalia quæ citius pariunt, citius a generatione desistant; sed summus avarorum cum tempore propagatur: animalia transferentia partus ad proprios alumnos, ipsa parere cessant; æs autem avarorum & supervenientia procreat, & præcedentia renovat. Non attentes igitur mortiferam bestiam. Quæ namque utilitas, si caveat hodierna paupertas, quæ iterato iterum augmentata? Iam meditare unde restituas. Unde instantum multiplicabitis tibi census ut tuam partem relevet egestatem, partem integret capitale, & insuper patiat fenus? Sed ais: Qualiter ego victum acquiram? Labora, servi, tandem nequicia: unumquodque tolerabilis est fenoris mutuo. Dicis autem: Quodnam est illud mutuum cui spes retributionis non heret? Considera virtutem sermoneis, & miraberis pietatem auctoritatis. Cum daturus es pauperi divinæ caritatis intuitu, idipsum & mutuum est, & donum: donum quidem ob insperatam retributionem: mutuum ob beneficentiam Domini, qui vic e illius restituit: unde sequitur: *Et erit merces vestra multa*. Non vis omnipotentem tibi obligari ad restitutionem? An quemquam opulentorum civium, si fideiubeat, acceptas; Deum autem pro pauperibus fideiubentem repudias? CHRYSOSTOMUS &c.

EX EDITIONE P. NICOLAI.

a In Cat. Græc. tum ferm. de caritate omnia diligente, sive perscicente, versus finem quo ad priorem appendicem, tum hom. lxxii. in Genesim, quo ad polliorem, verbis paululum immutatis. b Orat. 11. contra usurarios. c In Cat. Græc. in appendice Psal. xiv. super illud, *Qui pecuniam suam non dedit ad usuram*.

randi solertiz: manus habes, labora, servi, tandem mendica: omnia tibi tollerabilia sunt quam pecuniam ad usuram sumere. Ceterum dives ait: Quale illud est mutuum cui nulla retributionis spes adiuncta est? Considera vim dicti, & legislatoris admiraberis humanitatem. Cum pauperi dare voles propter Dominum, idem & donum est, & mutuum: donum quidem, quia non speras receptionem; mutuum vero propter Domini magnificentiam, qui paucis per pauperem acceptis, magna pro ipso reddet: unde sequitur: *Et eris merces vestra multa*. Non vis universum Dominum noxium tibi ipsi habere ad periculum? Aut si quis in urbe dives promittat se tibi pro alio exsolviturum, fideiussorem ipsius accipies; Deum autem pro pauperibus persolutores non admittes? CHRYSOSTOMUS a. Attende mutui naturam mirabilem: alius recipit, & alius obligat se pro debitis, centuplum in presenti reddens, in futuro vero vitam eternam. AMBROSIVS (Lib. V. in Lucam ubi supra.) Quanta misericordiz merces qui filiis divinæ misericordiz adest? Sequitur enim: *Et eritis filii Altissimi*. Sequare igitur misericordiam, ut merearis gratiam. Late patet benignitas Dei, super ingratos pluit, malis secunda non negat terra proven- tus.

Sequitur: *Quia ipse benignus est super ingratos, & malos*. BEDA (cap. XXIII. in Lucam.) Vel temporalia bona largiendo, vel ecclesiæ dona singulari gratia inspirando. CYRILLUS b. Magnum est ergo præcæmium pietatis: reddit enim hæc virtus nos Den conformes, & quasi quedam signa sublimis naturæ nostris imprimit animabus: unde sequitur: *Estote ergo misericordes sicut Pater vester misericors est*. ATHANASIUS c. Ut scilicet aspicientes beneficia eius, bona quæ facimus, non hominum, sed eius intuitu faciamus, quatenus a Deo, non ab hominibus præmia consequamur.

(i) AMBROSIVS (ubi supra.) Addit Dominus non temere iudicandum, (2)

ne tui conscius ipse delicti in alterum co-
garis ferre sententiam: unde dicit, *Nolite iudicare*. d. CHRYSOSTOMUS (hom. XXIV. in Matth.) Non iudices præcedentes te, idest qui discipulus es magistrum, peccator innocentem; quis non oportet increpare, sed monere, & caritative corrigere: nec etiam iudicandum est in incertis, & quali-
buscumque, quæ nec similitudinem habent peccati, aut quæ non sunt gravia, sive prohibita. CYRILLUS e. Sedat (2) ergo hic pessimam passionem nostrarum conscientiarum, contemptus principum: quamvis enim deceat aliquos se circumspicere, & secundum Deum conversari; hoc non faciunt, sed examinant aliena. Et si videant infirmari, tamquam propriarum pas-
sionum obliiti, faciunt hoc detractionis materiam. CHRYSOSTOMUS f. Nec facile reperies quemquam neque patremfamilias, neque claustralem expertem tui erroris. Sunt autem & hæc diabolicæ tentationis insidiz: nam qui severe discutit aliena, numquam propriorum reatum merebitur veniam: unde sequitur, *Et non indicabimini*: sicut enim pius, & mitis reprimat peccatorum timorem; sic severus, & durus adiecit criminibus propriis. GREGORIUS Nis-
senus g. Non igitur cum acrimonia præ-
cipietis in servos sententiam, ne similia pati-
amini: vocat enim iudicium aliofero
damnationem: unde sequitur: *Nolite conde-
mnare, & non condemnabimini*: non enim iudicium cum venia prohibet. BEDA (cap. XXIV. in Lucam.) Brevi autem sententia cuncta quæ de conversando cum inimicis mandaverat, comprehendendo concludit, dicens: *Dimittite, & dimittetur vobis; date, & dabitur vobis*: ubi dimittere nos iniurias, & dare beneficia iubet, ut & nobis peccata dimittantur, & vita detur æterna. CYRILLUS h. Quod autem ampliori manu recompensationem accipiemus a Deo, qui largisius donat diligentibus eum, ostendit subdicens: *Mensuram bonam, & confertam, & coartatam, & superfluentem dabunt in sinum vestrum*. THEOPHYLACTUS. Quasi di-
cat:

(1) *Al* ne cui, *apud P. Nicolai* ne tui cum sis conscius. (2) *Al*. Sedat ergo hic pessimam passionem nostram conscientiarum contemptus principum, non principum. Sic autem offert P. Nicolai. Sedat ergo hic pessimam passionem nostrarum conscientiarum, vel mentium, quæ superbi contemptus principum est & origo.

EX EDITIONE P. NICOLAI.

a. Hom. VII. in Genesim sub fine. b. In Cat. Græc. PP. Colligitur ex hom. XI. & XIX. inter illas quæ in-
scribuntur de festis paschalis, & ex tract. de adoratione in spiritu Lib. VIII. &c. c. Orat. IV. contra Arianos. d. In Cat. Græc. PP. e. Ibid. f. Ubi supra, ex epist. eius ad Demetrium. g. In Cat. Græc. b. Ibid.

cat: Sicut si farinam sine parcitate mensurare velles, conferres eam, coagitates, & supereffunderes abunde; sic Dominus mensuram magnam, & supereffluentem dabit in sinum vestrum. AUGUSTINUS (1) de Quæst. Evang. (Lib. II. cap. VIII.) Dicit autem, *Dabunt*, quia per illorum merita quibus vel calicem aquæ frigidæ in nomine discipuli dederunt, mercedem cælestem recipere merebuntur.

Sequitur: *Eadem quippe mensura qua mensi fueritis, remetietur vobis.* BASILIUS a. Qua enim mensura unusquisque vestrum mensurat in bene operando, aut peccando, eadem vel præmia, vel pœnas feret. THEOPHYLACTUS. Interrogabit autem fortassis aliquis subtilius: Si enim supereffluenter redditur, quo modo eadem est mensura? Ad quod dicimus, quod non dixit, In tanta mensura remetietur vobis, sed in eadem. Qui enim benefecit, bene fiet ei; quod est remetiri eadem mensura. Sed supereffluentem mensuram dicit, quia milles benecit ei: sic & in iudicando: qui enim iudicat, & deinde iudicatur, accipit eandem mensuram; secundum vero quod ad plus diiudicabitur, quia sibi similem iudicavit, secundum hoc supereffluens est mensura. CYRILLUS b. Hoc autem solvit Apostolus dicens II. Corinth. ix. „ Qui parce seminat (hoc est modice, & manu tenaci) „ parce & metet (hoc est non copiose) „ & qui seminat in benedictionibus, in benedictionibus & metet, “ hoc est copiose. Si quis autem non habet, si non faciat, non delinquit: in eo enim quod habet acceptatur, non in eo quo caret.

(k) CYRILLUS c. Addidit Dominus prædictis parabolam valde necessariam: unde dicitur: *Dicebat autem illis & similitudinem.* Erant enim eius discipuli futuri mundi doctores; unde decebat eos scire viam conversationis honestæ, quasi illustratam mentem habentes divino fulgore, ne cæci cæcos ducerent; & ideo subdit: *Numquid potest cæcus cæcum ducere? Nonne ambo in fossam cadunt?* Et si contingat aliquos hoc attingere ut æqualem virtutem docentium virtuti possideant, sistant in mensura docentium, & illorum sequantur vestigia: unde sequitur: *Non est discipulus supra magistrum: perfectus autem omnis erit, scilicet discipulus,*

si sit sicut magister eius: unde & Paulus dicit I. Corinth. xv. „ Imitatores mei estote, „ sicut & ego Christi: “ Christo ergo non iudicante, cur tu iudicas? Neque enim venit iudicare mundum, sed misereri. THEOPHYLACTUS. Vel aliter. Si tu alium iudicas, & ipse in eisdem peccas, nonne assimilaris cæco cæcum ducenti: quomodo enim ille a te ducetur ad bonum, cum & tu pecces? *Non est enim discipulus supra magistrum.* Si igitur tu peccas, qui te magistrum, & ductorem putas, ubi erit qui a te disciplinatur, & ducitur? Persecutus enim erit discipulus, si sit sicut magister eius. BEDA (cap. xxiv. in Lucam.) Vel sensus huius sententiæ pendet ex superioribus, ubi danda elemosyna, & iniuria dimittenda præcipitur. Si te, inquit, ira contra violentum, & contra petentem avaritiam cæcaverit; numquid tu mente vitia vitium eius curare poteris? Si etiam magister Christus, qui quasi Deus potuit suas ulcisci iniurias, maluit persecutores patiendos reddere mitiores, eandem necesse est quod discipuli, qui puri homines sunt, regulam perfectionis sequantur. AUGUSTINUS de Quæst. Evang. (Lib. II. quæst. ix.) Vel quod dicit, *Numquid potest cæcus cæcum ducere?* ideo subiungit, ut non speraret a levitis se accepturos mensuram illam de qua dixit, *Dabunt in sinum vestrum*, quoniam decimas dabant eis quos cæcos dixit, quia Evangelium non tenebant; ut illam remunerationem per discipulos Domini potius piebs inciperet iam sperare; quos imitatores suos volens ostendere, addidit: *Non est discipulus supra magistrum.* THEOPHYLACTUS. Inducit autem Dominus & aliam parabolam de eodem, subdens: *Quid autem vides festucam, id est modicum criminis, in oculo fratris tui; trabem autem qua in oculo tuo est, id est peccatum tuum maximum, non consideras?* BEDA (cap. xxiv. in Lucam.) Hoc autem ad superiorem sensum respicit, ubi cæcum a cæco duci, id est peccantem a peccatore castigari, non posse præmonuit: unde dicitur: *Aut quomodo potes dicere fratri tuo, Frater, sine ciliam festucam de oculo tuo, ipse in oculo tuo trabem non videt?* CYRILLUS d. Quasi dicat: Qui gravibus obnoxius est peccatis, quæ trabem vocat, qualiter damnat eum qui pauca, vel quandoque

(1) A. de Consensu Evang.

nil mali commisit? hoc enim festuca significat. THEOPHYLACTUS. Convenit autem hoc omnibus, & maxime doctoribus, qui subditorum cum minima peccata puniant, propria impunita relinquunt. Propter hoc eos Dominus hypocritas vocat qui ex hoc aliorum peccata iudicant ut iusti videantur; unde sequitur: *Hypocrita, ecce primum trabem de oculo tuo, & tunc perspicies ut educas festucam de oculo fratris tui.* CYRILLUS. Videlicet templum primum mundum ostendas a magnis peccatis; consequenter consules proximo modica committenti. BASILIUS. Videtur enim revera cognitio sui ipsius gravissimum omnium: neque enim solus oculus exteriora videns super se visu non utitur, sed & ipse noster intellectus, cum alienum velocius conieclat peccatum, lentus est erga propriorum perceptionem defectuum.

(1) BEDA (cap. xxiv. in Lucam super *Quid vides festucam?*) Contra hypocritam quæ cœperat Dominus exequitur dicens: *Non est enim arbor bona quæ facit fructus malos, neque arbor mala faciens fructum bonum; quasi dicat: Si veram, & non fidam vis habere iustitiam, quæ verbis ostentas, etiam facto compensa: quia etsi te bonum fingat hypocrita, non est bonus qui facit opera mala; & si reprehendat insonantem, non ideo malus est qui facit opera bona.* TITUS. Hoc autem audiens, non sumas inde tibi favorem inertie: naturaliter enim arbor movetur, tu vero libero arbitrio fungeris; & omnis arbor sterilis ad aliquid ordinata est, tu vero factus es ad opera virtutum. ISIDORUS Abbas. Non ergo pœnitentiam, sed pertinaciam mali excludit: cum enim mala sit, non potest fructus bonos producere, in virtutem vero conversa (1) fructificat. Quod autem est arboribus natura, hoc est nobis affectio. Etsi ergo arbor mala non potest fructum bonum producere, poterit tamen. CHRYSOSTOMUS (hom. xlii. in Matth.). Quamvis autem fructus caulex ex arbore, facit tamen notitiam arboris, eo quod arboris distinctio per fructum apparet: unde sequitur: *Unaquæque enim arbor de fructu suo cognoscitur.* CYRILLUS S. Thom. Oper. Tom. V.

d. Sed & vita morum unicuiusque erit significativa: neque enim extrinsecus ornamentis, & fictis humilitatibus, veræ felicitatis apprehenditur decor, sed & ex his quæ aliquis operatur: cuius rei exemplum ponens subdit: *Neque enim de spinis colligitur ficus.* AMEROSIUS (Lib. V. in Lucam de arb. mala.) In spinis istius mundi ficus illa reperiri non potest (2) quæ quia secundis fructibus melior est, bene species ei resurrectionis aptatur: vel quia, ut legisti Cant. 11. „Ficus dederunt grossos suos;“ quod immaturus, & caducus, & inutilis in synagoga fructus ante præcelsit: vel quia immatura nostra vita est in corpore, matura in resurrectione: & ideo procul a nobis debemus sæculares sollicitudines abdicare, quæ mordent animum, meutemque adurunt, ut maturos fructus cultura; diligenter possimus adipisci. Hoc ergo ad mundum, & resurrectionem; alterum ad animam, & corpus refertur; cum subditur: *Neque de rubo vindemiant uvam:* vel quia nemo peccatis fructum acquirit animæ suæ, quæ sicut uva, proxima terris corrumpitur, in superioribus maturatur; vel quia nemo potest damnationem carnis evadere, nisi quem Christus redemerit, qui sicut uva pendit in ligno. BEDA (cap. xxiv. in Lucam.) Vel spinas, & rubum, sæculi curas, & punctiones puto esse vitiorum; ficus vero, & uvam dulcedinem novæ conversationis, & fervorem dilectionis. Non autem de spinis ficus, neque uva de rubo colligitur: quia mens adhuc veteris hominis consuetudine depressa (3) simile potest, sed fructus novi hominis ferre non potest. Sed sciendum, quod sicut ferax palme sepi involutus recumbit, portanque fructum spina non solum usibus servat humanis; sic dicta, vel acta malorum si quando profunt bonis, non hoc ipsi faciunt mali, sed fit de illis Dei consilio. CYRILLUS. Postquam autem ostendit quod ex operibus potest discerni homo bonus, & malus, sicut ex fructibus arbor, nunc idem ostendit per aliud signum, dicens: *Bonus homo de bene thesauro cordis sui profert bonum, & malus homo de malo thesauro profert malum.* BEDA (cap. xxiv. in Lucam.)

(1) M. fructificabit. (2) M. quæ secundis fructibus melior est, beac spes ei &c. (3) P. Nicolai legit *simulare.*

EX EDITIONE P. NICOLAI.

¶ Ubi supra. ¶ Hom. ix. in Hexameron. ¶ In Cat. Græc. Sive Pelosiota Lib. IV. epist. lxxxv. quam Nemesio Mafriano inscribit, præterit illud quod ipse rursus Lib. II. epist. lxxxix. Stratiu monacho scripta non dissimili sensu insinuat. ¶ In Cat. Græc. PP. e Ibidem.

cam.) Idem est thesaurus cordis quod radix est arboris. Qui ergo in corde thesaurum patientiae, perfectique habet amoris, optimos fructus effundens diligit inimicum, & cetera facit quae supra edocuit; at qui thesaurum nequam corde servat, contraria facit. **BASILIVS** *a*. Verbi etiam conditio cor a quo processit manifestat, evidenter ostendens dispositionem praecordiorum nostrorum: unde sequitur: *Ex abundantia animi cordis os loquitur.* **CHRYSOSTOMVS** (hom. xliii. in Matth.) Naturalis enim consequentia est ut cum intus abundet nequitia, effluant oretenus verba nequam: unde cum audiveris hominem inhonesta proferentem, non tantam in coputes latere malitiam quanta verbis exprimitur; sed coniecta fontem rivo esse uberiorem. **BEDA** (cap. xxiv. in Lucam.) Per oris etiam locutionem Dominus universa quae dicto, vel facto, vel cogitatu de corde proferimus, insinuat: moris enim est Scripturarum, verba pro rebus ponere.

(m) **BEDA** (cap. xxiv.) Ne aliquis sibi frustra blandiretur ex eo quod dictum est, *Ex abundantia cordis os loquitur*; quasi verba solum, & non magis opera veri Christiani quærantur: consequenter Dominus adiungit: *Quid autem vocatis me, Domine, Domine, & non facitis quae dico?* quasi dicat: Quid folia rectae conscientiae vos germinare iactatis, qui nullos operis boni fructus ostenditis? **CYRILLVS** *b*. Convenit autem soli supremæ omnium naturæ, dominationis & nomen, & res. **ATHANASIUS** *c*. Non est ergo hoc verbum hominis, sed Dei ostendens proprium ortum a Patre: Dominus enim est qui natus est a solo Domino. Non timeas autem dualitatem, non enim secundum naturam separantur. **CYRILLVS** *d*. Quæ autem sit utilitas in mandatorum observatione, quodve damnum accidere possit ex inobedientia, ostendit subdens: *Omnis qui venit ad me, & audit sermones meos, & facit eos, ostendam vobis eum similis sit. Similis est homini edificanti domum, qui sedit in altum, & posuit fundamentum supra petram.* **BEDA** (cap. xxiv. in Lucam.) Petra (1) erat Christus, qui sedit in altum, qui præceptis humilitatis terrena omnia de

cordibus fidelium eruit, ne propter commodum temporale serviant Deo. **BASILIVS** *e*. Ponere autem fundamentum supra petram, hoc est inniti fidei Christi, ut immobilis perseveret in adversis, sive humanis, sive divinitus accident. **BEDA** (ubi supra.) Vel fundamentum domus, ipsa est intentio bonæ conversationis, quod perfectus verbi auditor in adimplendis Christi mandatis firmiter inserit. **AMBROSIVS** (Lib. V. in Luc. tit. de arb. mala.) Vel omnium fundamentum docet esse virtutum, obedientiam cælestium præceptorum, per quam domus hæc nostra, non (2) profluvio voluptatum, non nequitiae spiritualis incurfu, non imbre mundano, non hæreticorum polsit nebulosis disputationibus commoveri: unde sequitur: *Inundatione autem facta, illisum est flumen domus illi, & non potuit eam movere.* **BEDA** (cap. xxix. in Lucam.) Inundatio tribus modis fit: vel immundorum spirituum, vel improborum hominum, vel ipsa mentis, aut carnis inquietudine; & quantum propriis viribus homines fidunt, inclinantur; quantum vero invictissimæ illi petrae adhærent, etiam labefacti nequeunt. **CHRYSOSTOMVS** (hom. xxv. in Matth.) Ostendit etiam nobis Dominus quod nullam parit fides utilitatem, si scæda sit conversatio: unde sequitur: *Qui autem audit, & non facit, similis est homini edificanti domum suam supra terram sine fundamento.* **BEDA** (cap. xxiv. in Lucam.) Domus diaboli mundus, qui in maligno positus est: quam super terram ædificat, quia obsequentes sibi de cælis ad terrena detrahit; sine fundamento ædificat, quia omne peccatum fundamentum non habet, quia non ex propria natura subsistit: malum quippe sine substantia est, quod tamen, quodcumque sit, in boni natura (3) convalescit. Quia vero a fundo dicitur fundamentum, possumus etiam fundamentum pro fundo positum non inconvenienter accipere: sicut qui in puteo mergitur, putei fundo retinetur; sic anima corruens, quasi in quodam fundi loco consistit, si sic in aliqua peccati mensura continet. Sed cum peccato in quod labitur non potest esse contenta, dum quotidie ad deteriora deicitur, quasi in puteo in quem ceci-

(1) *Al.* Petra autem Christus, item Petra Christus. (2) *Al.* in profluvio. (3) *P. Nicolai* legit convalescit.

EX EDITIONE P. NICOLAI.

a In Cat. Græc. PP. *b* Ibid. *c* In eadem Cat. & in orat. contra Sabellii gregales. *d* Ubi supra. *e* In principio Proverborum. Tale aliquid etiam habet in Eisaix. cap. viii. v. sed minus plane.

cecidit, fundum non invenit quo figatur. In-
 gruenae autem qualibet tentatione, & vere-
 mali, & fide boni peiores fiunt, donec ad
 extremum perpetuum labantur in poenam: unde
 sequitur: *In quam illius est fluvius, & continuo cecidit, & facta est ruina domus
 illius magna.* Potest etiam per impetum fla-
 minis, extremi iudicii discrimen intelligi,
 quando utraque domo consummata, ibunt im-
 pii in supplicium æternum, iusti autem in
 vitam æternam. GYRILLUS a. Vel super
 terram sine fundamento ædificat qui super
 arenam dubitatis, quæ secundum opio-
 nionem est, ponit fundamentum spiritualis
 fabricæ, quod paucæ stillæ tentationum
 dissipant. AUGUSTINUS de Conf. E-
 van. (Lib. II. cap. XIV.) Hunc autem ser-
 monem Domini prolixius exorsus est Lucas,
 sicut & Matthæus: uterque enim dixit,
Beati pauperes; deinde multa quæ sequuntur
 in utriusque narratione similia sunt; & ad
 extremum sermonis ipsa conclusio prorsus
 eadem reperitur, scilicet de homine qui æ-
 dificat supra petram, & super arenam.

Possent ergo facillime credi eundem Lucas
 Domini interpolasse sermonem, aliquas ta-
 men prætermisisse sententias, quas Matthæus
 posuit, item alias posuisse, quas Matthæus
 non dixit; nisi moveret quod Matthæus in
 monte dicit habitum sermonem a Domino
 sedente, Lucas autem in loco campistri a
 Domino stante. Non tamen istos duos ser-
 mones longæ temporis distantia separari hic
 probabiliter creditur, quod & ante, & postea
 quædam similia, vel eadem ambo narrarunt.
 Quamquam illud possit occurrere in aliqua
 (1) excellentiori parte montis primo cum so-
 lis discipulis fuisset Dominum, quando ex
 eis illos duodecim elegit, deinde cum eis
 descendisse de monte, scilicet de ipsa montis
 celsitudine, in campistrem locum, id est in ali-
 quam æqualitatem, quæ in latere montis
 erat, & multas turbas capere poterat, at-
 que ibi stetisse, donec ad eum turbæ con-
 gregarentur; ac postea cum sedisset, acce-
 disse propinquius discipulos suos, atque il-
 lis, ceterisque turbis præsentibus unum
 habuisse sermonem.

C A P U T VII.

(a) CUM autem impleisset omnia verba sua in aures plebis, intravit Caphar-
 naum. Centurionis autem cuiusdam servus male habens, erat moriturus,
 qui illi erat pretiosus. Et cum audisset de Iesu, misit ad eum seniores Iudæorum,
 rogans eum ut veniret, & salvaret servum eius. At illi cum venissent ad Iesum,
 rogabant eum sollicite, dicentes ei: Quia dignus est ut hoc illi præstes: diligit enim
 gentem nostram, & synagogam ipse ædificavit nobis. Iesus autem ibat cum illis.
 Et cum iam non longe esset a domo, misit ad eum Centurio amicos, dicens: Do-
 mine noli vexari: non enim sum dignus ut sub tectum meum intres: propter quod
 & meipsum non sum dignum arbitratum ut venirem ad te: sed dic verbo, & sana-
 bitur puer meus. Nam & ego homo sum sub potestate constitutus habens sub me
 milites; & dico huic, Vade, & vadit; & alii, Veni, & venit; & servo meo, Fac
 hoc; & facit. Quo audito, Iesus miratus est; & conversus sequentibus se turbis
 dixit: Amen dico vobis, nec in Israel tantam fidem inveni. Et reversi qui missi
 fuerant, domum, invenerunt servum qui languerat sanum.

(b) Et factum est, deinceps ibat Iesus in civitatem quæ vocatur Naim, & ibant
 cum eo discipuli eius, & turba copiosa. Cum autem appropinquaret portæ civita-
 tis, ecce defunctus efferebatur filius unicus matris suæ; & hæc vidua erat, & tur-
 ba civitatis multa cum illa. Quam cum vidisset Dominus misericordia motus super
 eam, dixit illi, Noli flere. Et accessit, & tetigit loculum. Hi autem qui portabant,
 steterunt. Et ait: Adolescens, tibi dico, surge. Et resedit qui erat mortuus, & cœ-

P 2

pit

(1) *Id. excellentiori.*

pit loqui: & dedit illum matri suæ. Accepit autem omnes timor, & magnificabant Deum, dicentes: Quia Propheta magnus surrexit in nobis, & quia Deus visitavit plebem suam. Et exiit hic sermo in universam Iudæam de illo, & in omnem circa regionem.

(c) Et nuntiaverunt Ioanni discipuli eius de omnibus his. Et convocavit duos de discipulis suis Ioannes, & misit ad Iesum, dicens: Tu es qui venturuses, an alium expectamus? Cum autem venissent ad eum viri, dixerunt: Ioannes Baptista misit nos ad te, dicens: Tu es qui venturus es, an alium expectamus? In ipsa autem hora multos curavit a languoribus, & plagis, & spiritibus malis, & cæcis multis donavit visum. Et respondens dixit illis: Euntes renuntiate Ioanni quæ audistis, & vidistis: quia cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur; & beatus est quicumque non fuerit scandalizatus in me.

(d) Et cum discessissent nuntii Ioannis, crepit de Ioanne dicere ad turbas: Quid existis in deserto videre? Arundinem vento agitatam? Sed quid existis videre? Hominem mollibus vestimentis indutum? Ecce qui in veste pretiosa sunt, & deliciis, in domibus Regum sunt. Sed quid existis videre? Prophetam? Utrique dico vobis, & plusquam Prophetam. Ille est de quo scriptum est: Ecce mitto Angelum meum ante faciem tuam, qui præparabit viam tuam ante te. Dico enim vobis: maior inter natos mulierum Propheta Ioanne Baptista nemo est: qui autem minor est, in regno Dei, maior est illo.

(e) Et omnis populus audiens, & publicani iustificaverunt Deum, baptizati baptismo Ioannis. Pharisei autem, & leprosi consilium Dei spreverunt in semet ipsis, non baptizati ab eo. Ait autem Dominus: Cui ergo similes dicam homines generationis huius, & cui similes sunt? Similes sunt puris fedentibus in foro, & loquentibus ad invicem, & dicentibus: Cantavimus vobis tibis, & non saltasti; lamentavimus, & non plorasti. Venit enim Ioannes Baptista neque manducans panem, neque bibens vinum; & dicitis, Dæmonium habet. Venit Filius hominis manducans, & bibens; & dicitis: Ecce homo devorator, & bibens vinum, amicus publicanorum, & peccatorum. Et iustificata est sapientia ab omnibus filiis suis.

(f) Rogabat autem illum quidam de pharisæis, ut manducaret cum illo. Et ingressus domum pharisæi discubuit. Et ecce mulier quæ erat in civitate peccatrix, ut cognovit quod Iesus accubuit in domo pharisæi, attulit alabastrum unguenti, & flans retro secus pedes eius, lacrymis crepit rigare pedes eius, & capillis capitis sui tergebat, & osculabatur pedes eius, & unguento ungebat. Videns autem pharisæus qui vocaverat eum, ait intra se, dicens: Hic si esset Propheta, sciret utique quæ & qualis est mulier quæ tangit eum, quia peccatrix est. Et respondens Iesus dixit ad illum: Simon, habeo tibi aliquid dicere. Ad ille ait: Magister dic. Duo debitorum erant cuiusdam feneratori: unus debebat denarios quingentos, & alius quinquaginta. Non habentibus illis unde redderent, donavit utrique. Quis ergo cum plus diligit? Respondens Simon dixit: Aestimatio quia is cui plus donavit: At ille dixit ei, Recte indicasti. Et conversus ad mulierem, dixit Simoni: Vides hanc mulierem? Intravi in domum tuam, & aquam pedibus meis non dedisti; hæc autem lacrymis rigavit pedes meos, & capillis suis terxit: oculus mihi non dedisti; hæc autem ex quo intravit, non cessavit osculari pedes meos. Oleo caput meum non unxisti; hæc autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et ceperunt qui simul accubebant dicere intra se: Quis est hic qui etiam peccata dimittit? Dixit autem ad mulierem: Fides tua te salvam fecit: vade in pace.

(a) **T**ITUS. Cum perfectioribus documentis tuos resecit discipulos, vadit Capharnaum, ibi prodigiosa operaturus: unde dicitur: *Cum autem impleisset omnia verba sua in aures plebis, intravit in Capharnaum.* **AUGUSTINUS** de Conſenſu Evangel. (Lib. II. cap. xx.) Hic intelligendum est quia non antequam hæc verba terminasset intravit, sed non esse expreſſum poſt quantum temporis intervallum, cum illos sermones terminasset, intraverit Capharnaum: ipſo quippe intervallo leproſus ille mundatus eſt quem ſuo loco Matthæus interponit. **AMEROSTIUS** (Lib. V. in Luc. cap. de ſer. Centurionis.) Pulchre autem ubi præcepta complevit, formam docet tuorum præceptorum exequi: namſtatim gentilibus Centurionis ſervus Domino curandus offertur: unde ſequitur: *Centurionis autem cuiusdam ſervus male habens, erat moriturus, qui illierat pretioſus.* Quod moriturum dixerit Evangeliſta non ſecellit, moriturus enim erat, niſi fuiſſet ſanatus a Chriſto. **EUSEBIUS** a. Strenuus ſiquidem in bellis erat iſte Centurio, & militibus Romanis præſectus. Quia vero ſpecialis ſerviens eius domi languens iacebat, conſiderans quaſes Salva- toris erga ceteros virtutes agebat ſanando languidos, & iudicans quod non ſecundum vires humanas hæc agebantur miracula, mittit ad eum ut ad Deum, non habito reſpectu ad apparens organum, quo cum hominibus converſabatur: unde ſequitur: *Et cum audiſſet de Jeſu, miſit ad eum ſeniores Iudaorum, rogans eum ut veniret, & ſalvaret ſervum ſuum.* **AUGUSTINUS** de Conſenſu Evangel. (Lib. II. cap. xxx.) Quomodo ergo verum erit quod Matthæus narrat cap. viii. „Accceſſit ad eum quidam Centurio, cum ipſe non acceſſerit? (1) Ubi diligenter advertentes intelligamus, Matthæum non deſeruiſſe uſitatum modum loquendi: ſi enim ipſa perſentio uſitate dicitur per alios ſeri, quanto magis acceſſus per alios fieri poteſt? Non ergo abſurde Matthæus per alios factu acceſſu Centurionis ad Dominum, compendio dicere voluit, ipſum potius acceſſiſſe ad Chriſtum, quam illos per quos verba ſua miſit: quia quo magis credidit, eo magis acceſſit. **CHRYSOSTOMUS** (hom. xxvii. in Matth.) Qualiter etiam Matthæus dicit ibid.

quod ipſe dixit: „Non ſum dignus ut in „tres ſub tectum meum;“ Lucas autem hic dicit, quoniam rogat ut veniat? Sed mihi videtur quod Lucas ſignificat nobis Iudæicas blanditias. Credibile enim eſt ut cum vellet abire Centurio, retraheretur a Iudæis blandientibus, & dicentibus, quia nos euntes ducemus eum: unde & eorum preces adulationibus plenæ ſunt: ſequitur enim: *At illi cum veniſſent ad Jeſum, rogabant eum ſolliciti, dicentes. Quia dignus eſt ut hoc illi præſtet: diligit enim gentem noſtram, & ſynagogam ipſe ædificavit nobis.* Decebat quidem ipſos dicere, quoniam ipſe volebat venire, & ſupplicare, nos autem detinuiſſe, calamitatem videntes, & cadaver quod in domo lacebat; aut promere fidei eius immenſitatem; ſed nolebant propter invidiam fidem viri detegere, ne magnus aliquis eſſe videretur cui preces porriguntur. Quod autem Matthæus ſignificat ipſum Iſraelitam non eſſe, Lucas vero dicit, quoniam ædificavit ſynagogam, non eſt contrarium: potuit enim & Iudæus non eſſe, & ſynagogam conſtruiſſe. **BEDA** (cap. xxv. in Lucam.) In hoc autem offendunt, quia ſicut nos Ecceſiam, ſic etiam illi ſynagogam non conventum ſolummodo fidelium, ſed etiam locum quo conveniebant ſunt (2) ſoliti appellare. **EUSEBIUS**. Et ſeniores quidem Iudæorum pro modicis ſumptibus ad opus ſynagogæ datis gratiam poſcunt; ſed Dominus non propter hoc, ſed pro maiori cauſa, volens ſcilicet generare credulitatem in cunctis mortalibus per ſuam virtutem, ſeipſum exhibit: unde ſequitur: *Jeſus autem ibat cum illis.* **AMEROSTIUS** (Lib. V. in Lucam de ſervo Centur.) Quod utique non ideo faciebat, quia abſens curare non poterat; ſed ut formam tibi daret humilitatis imitandæ, ad Reguli filium noluit pergere, ne videretur magis divitiis detuliſſe; hic ipſe perccxit, ne videretur in Centurionis famulo conditionem deſpexiſſe ſervilem. Centurio (3) vero militari tumore depoſito, reverentiam ſumit, & ad fidem faciliſ, & ad honorificentiam promptus: unde ſequitur: *Et cum non longe eſſet a domo, miſit ad eum Centurio amicos, dicens: Domine noli vexari.* Non enim hominis, ſed Dei poteſtate coniecit dari a Chriſto hominibus ſanitatem. Iudæi quidem dignitatem eius prætenderant, iſte vero

(1) Nicolai habet Niſi. (2) M. ſolliciti. (3) M. enim.

vero indignum se afferuit non solum beneficii, sed etiam susceptionis Domini: *Non enim dignus sum ut sub telum meum intres.* CHRYSOSTOMUS (hom. xxvii. in Matth.) Postquam enim liberatus est a Iudæorum cædio, tunc mittit dicens: Ne putes prætedio me non venisse: sed indignum reputavi te domi recipere. AMBROSIVS (ubi supra.) Bene autem Lucas in occursum amicos dicit esse a Centurione transmissos, ne præsentia sua, & (1) generare Domini verecundiam videretur, & officio provocasse: unde sequitur: *Propter quod & meipsum non sum dignus arbitratus ut venirem ad te; sed dic tantum verbo, & sanabitur puer meus.* CHRYSOSTOMUS (hom. xxviii. in Matth.) Ubi attende Centurionem debitam opinionem habentem de Domino: non enim dixit, Ora, sed tantummodo, lube, dubitans ne se humiliando reuocet.

Subdit: *Nam & ego homo sum sub potestate constitutus, habens sub me milites; & dico huic, Vade, & vadit; & alii, Veni, & venit; & servo meo, Fac hoc, & facit.* BEDA (cap. xxv. a med.) Hominem se (2) potestatis vel tribuni, vel prædisi subditum dicit; imperare tamen minoribus: ut subaudiatur, cum multo magis qui Deus sit, non per adventum tantum corporis, sed per Angelorum ministeria posse implere quod velle: repellendæ enim erant vel infirmitates corporum, vel fortitudines contrariæ, & verbo Domini, & ministeriis Angelorum. CHRYSOSTOMUS (4) ubi supra.) Est autem hic notandum, quod hoc verbum fac imperium designat dictum servo. Ob hoc Deus cum hominem vellet creare, non ait Unigenito, Fac hominem, sed „Faciamus hominem, “ut per formam consensu verborum declararet (3) æquiparantiam. Quia ergo in Christo considerabat excellentiam (4) domini, ob hoc ait, *Dic verbo*: nam & ego dico servo meo &c. Christus autem non enim reprehendit, sed eius intentionem roboravit: unde sequitur: *Quo audito Iesus miratus est.* BEDA (super *Quo audito miratus est.*) Sed quis in illo fecerat ipsam (5) fidem nisi ille qui admirabatur? Sed & si alius eam fecisset, quid miraretur qui præscius erat? Quod ergo miratur Dominus,

nobis mirandum esse significat: omnes enim tales motus cum de Deo dicuntur, non perturbati animi signa sunt, sed docentis magistri. CHRYSOSTOMUS (hom. xxvii. in Matth.) Ut autem liquet tibi quod Dominus hoc ideo dixit ut alios instruat, prudenter (6) Evangelista hoc aperiens subdit: *Amen dico vobis, nec in Israel tantam fidem inveni.* AMBROSIVS (cap. de fer. Centur.) Et quidem si sic legas, *In nullo tantam fidem inveni in Israel*, simplex intellectus, & facilis est: si vero iuxta Græcos, *Nec in Israel tantam fidem inveni*, fides huiusmodi etiam (7) electioribus, & Deum videntibus antefertur. BEDA (cap. xxv. in Lucam.) Non autem de omnibus retro Patriarchis, & Prophetis, sed de præsentis ævi loquitur hominibus; quibus ideo Centurionis fides antefertur, quia illi legis, Prophetarumque monitis edocti, hic autem nemine docente ipse credidit. AMBROSIVS (Lib. & titulo eod.) Probatur autem fides domini, & servi sanitas roboratur: unde sequitur: *Et reversi qui missi fuerant, domum, invenerunt servum qui languerat sanum.* Potest ergo meritum domini & famulis suffragari, non solum fidei merito, sed & studio disciplinæ. BEDA (cap. xxv. paulo ante fin.) Plenius autem hæc explicat Matthæus cap. viii. quod dicente Domino Centurioni, „Vade, sicut credidisti fiat tibi, “sanatus sit puer ex illa hora. Sed beato Lucæ moris est, quod plene viderit ab aliis Evangelistis exposita abbreviare, vel etiam de industria præterire: quæ vero ab eis ommissa, vel breviter cognoverit tacta, dilucidare solertius. AMBROSIVS (de servo Centurionis.) Mystice autem servo Centurionis populus nationum, qui mundanæ servitutis vinculis tenebatur, æger lethaliibus passionibus, beneficio Domini sanandus exprimitur. BEDA (cap. xxv.) Centurio autem, cuius fides Israeli præfertur, electos a Gentibus ostendit; qui quasi centenarius milite stipati virtutum spiritualium sunt perfectione sublimis: numerus enim centenarius, qui de læva transferretur ad dexteram, in cælestis vitæ significationem poni consuevit. Tales ergo pro his necesse est ut Domino supplicent qui adhuc spiritu servitutis (8) præ-

(1) P. Nicolai habet & gravare Domini verecundiam videretur, & officium officio provocasse. (2) Al. ut potestatis. (3) Apud P. Nicolai est honoris æquiparantiam. (4) Al. Domini. (5) Al. deest fidem. (6) Al. prudenter enim Evangelista. (7) Al. electioribus, & Deum videntibus antefert. (8) P. Nicolai addit in timore.

premuntur; nos autem, qui de Gentibus credimus, non ipsi ad Dominum venire possumus, quem in carne videre non valemus; sed ad eum accedere debemus per fidem. Seniores autem Iudæorum mittere, hoc est fummos Ecclesiæ viros, qui nos ad Dominum præcellerunt, suppliciter obsecrando patronos acquirere, qui nobis testimonium reddentes, quod Ecclesiam ædificare curemus, pro nostris peccatis intercedant. Pulchre autem dicitur, quia Iesus non longe erat a domo, quia prope timentes eum salutare ipsius; & qui naturali lege recte utitur, quo bona quæ novit operatur, eo illi qui bonus est (1) appropriat. AMBROSIVS (Lib. & titulo ut supra.) Non vult autem Iesum vexari Centurio, quia quem Iudæorum populus crucifixit, inviolatum ab iniuria manere desiderat populus nationum; & quod ad mysterium spectat, vidit in pectora adhuc Gentilium non esse penetrabilem Christum. BEDA (super *Et hinc, Vade, & vadit*.) Milites autem, & servi, qui Centurioni obediunt, virtutes sunt naturales, quarum copiam multi ad Dominum venientes deferunt secum. THEOPHYLACTUS (non procul a fin. Comm. in VII. cap.) Vel aliter. Centurio est intellectus, qui multorum in militia princeps existit, dum multas in hac vita res habet. Habet autem servum (2) infirmum, irrationabilem animæ partem, irascibilem, & concupiscibilem dico. Et mittit ad Iesum mediatores Iudæos, id est confessionis cogitationes, & verba; & confectum suscipit servum sanum.

(b) CYRILLUS a. Mira Dominus miris annedit; & supra quidem accessit occurrit, hic vero non vocatus accedit: unde dicitur: *Et factum est, deinceps ibat in civitatem qua vocatur Naim.* BEDA (super *Dominus misericordia motus dixit*.) Naim est civitas Galilææ in secundo milliario montis Thabor. Divino autem nutu multa turba Dominum comitatur, ut multi essent tanti miraculi testes: unde sequitur: *Et ibans cum illo discipuli eius, & turba copiosa.* GREGO-

RIVS Nissenus b (de creatione hominis cap. XXIX.) Resurrectionis autem experimentum non ira verbis, sicut operibus a Salvatore didicimus, qui ab inferioribus inchoans opus miraculi, quædam nostram assuefacit ad maiora. Primo quidem in ægritudine desperata servi Centurionis, resurrectionis incepit potestatem; post hæc altiori potestate ducit homines ad fidem resurrectionis, dum suscitavit filium viduæ, qui ferebatur ad monumentum: unde sequitur: *Cum autem appropinquaret porta civitatis, ecce defunctus efferebatur filius unicus matris suæ.* (3) c Diceret enim aliquis de puero Centurionis, quod moriturus non erat: ut igitur temerariam linguam compesceret, iam defuncto iuveni Christum obviare sateat unico filio viduæ: nam sequitur: *Et hæc vidua erat, & turba civitatis multa cum illa.* d AERUMNÆ molem brevibus verbis explicuit. Mater vidua erat, & non sperabat ulterius filios procreare; non habebat in quem aspectum dirigeret vice defuncti; hunc solum laetaverat, solus aderat alacritatis causa in domo; quicquid matri dulces, ac pretiosum, hic solus extirerat. CYRILLUS e. Mileranda passio, & ad fletum, & lacrymas potens provocare! Unde sequitur: *Quam cum vidisset Dominus, misericordia motus super eam, dixit illi, Noli flere.* BEDA. Quasi dicat: Desiste quasi mortuum flere, quem mox vivum resurgere videbis. CHRYSOSTOMUS f (super *Noli flere*.) Iubens autem cessare a lacrymis qui consolatur mæstos, monet nos præsentibus defunctis consolationem recipere, resurrectionem sperantes. Tenet autem feretrum vita obvians morti: unde sequitur: *Et accessit, & tetigit loculum; hi autem qui portabant fletuerunt.* CYRILLUS (Lib. IV. in Iohannem cap. XIV.) Ideo autem non solo verbo peragit miraculum, sed & feretrum tangit, ut cognoscas efficax esse sacrum Christi corpus ad humanam salutem: est enim corpus vitæ, & caro Verbi omnipotentis, cuius habet virtutem: sicut enim ferrum adiunctum igni percipit opus ignis, sic postquam caro unita est Verbo, quod vivificat omnia,

(1) A. appropriat, item aperiat. (2) P. Nicolai omittit infirmum. (3) Item legit Dicit autem aliquis.

EX EDITIONE P. NICOLAI.

a In Catena Græcorum PP. b Tract. de anima & resurrectione post med. c TITUS Bostrensis. Eius nomine prætermisso appendix illa prius cum præcedenti, velat ex Gregorio Nissenæ, necessebat. d GREGORIUS Nissenus de hominis opificio, vel de creatione cap. XXV. non eodem tempore cum prædictis; tametsi prius indistinctum darentur ac si ex uno loco essent. e Ubi supra. f Vel Titus in Cat. Græcorum PP.

omnia, ipsa quoque facta est vivificativa, & mortis expulsiua. TITUS. Non autem Saluator similis est Eliæ desolenti filium Sareptanæ, nec qualis Eliseus, qui proprium corpus applicuit corpori defuncti, nec qualis est Petrus, qui pro Thabita oravit: sed ipse est qui non entia velut entia vocat, qui mortuos ut vivos alloqui potest: unde sequitur: *Et ait: Adolescenti, tibi dico, surge.* GREGORIUS Nilenus (ubi supra.) Qui dixit adolescentem, (1) florentis significavit temporis horam, primam producentem lagnuginem; qui paulo ante (2) muliebris erat maternorum oculorum aspectui, iam aspirans ad tempus sponalium, virga generis, successione ramus, baculus senectutis. TITUS A. Incundanter autem ereclus est cui sunt mandata directa: divina enim potestas est irrefragabilis: nulla mora, nulla orationum instantia; unde sequitur: *Et resedit qui erat mortuus, & cepit loqui; & dedit illum matri suæ.* Indicia sunt hæc veræ resurrectionis: corpus enim examine loqui non potest; nec reportaret mulier ad domum defunctum filium inanimatum. BEDA (cap. xxvi. in Luc. super *Dominus misericordia motus.*) Pulchre autem Evangelista Dominum prius misericordia motum esse super matre, ac sic filium resuscitare testatur, ut in uno nobis exemplum imitandæ pietatis ostenderet, in altero fidem mirandæ potestatis altrueret: unde sequitur: *Accepit autem omnes timor, & magnificabant Deum, dicentes; Quia Propheta magnus surrexit in nobis, & quia Deus visitavit plebem suam.* CYRILLUS B. Hoc magnum fuit in populo insensibili, & ingrato: post modicum enim nec Prophetam, nec ad utilitatem populi procedere ipsum existimavit. Neminem autem habitantium Iudæam hoc miraculum latuit: unde sequitur: *Et exiit hic sermo in universam Iudæam, & in omnem circa regionem.* AMBROSIVS. Idoneum autem est dicere, quod septem resurrectiones ante dominicam narravit; quarum prima est filii Sareptanæ, secunda filii Sunamitis, tertia quæ fa-

cta est in reliquiis Elisei, quarta quæ facta est in Naim, quinta filiz Archilynagogi, sexta Lazari, septima in Christi passione, multa namque corpora sanctorum surrexerunt; octava est Christi, qui expertis mortis remansit ulterius, in signum quod communis resurrectione, quæ futura est in octava ætate, non tolletur morte, sed indissolubilis permanebit. BEDA (cap. xxvi. in Lucam.) Defunctus autem qui extra portam civitatis multis est inuentibus elatus, significat hominem lethali funere criminum soporatum, & animæ mortem non cordis adhuc cubili regentem, sed ad multorum notitiam per locutionis, operis indicium, quasi per civitatis ostia, propalantem. Portam enim civitatis puto aliquem de sensibus esse corporalibus: qui bene filius unicus matris suæ tuisse perhibetur, quia una est ex multis personis collecta mater Ecclesia: viduam autem esse Ecclesiam, omnis anima quæ se Domini morte redemptam meminit, (3) agnoscit. AMBROSIVS (Lib. V. in Luc. cap. de filio viduæ suscitato.) Hanc enim viduam populorum turba circumseptam plus video esse quam feminam, (4) quæ resurrectionem unici adolescentis filii a pompa funeris revocat ad vitam, suarum contemplatione lacrymarum, quæ flere prohibent eum cui resurrectio debebatur. BEDA (cap. xxvi. super *Accepit, & tetigit.*) Vel Novati dogma confunditur, qui dum penitentium mundationem evacuare conatur, matrem Ecclesiam de natorum suorum spirituali extinctione plorantem spe vitæ reddenda: negat consolari debere. AMBROSIVS (ubi supra.) Hic autem mortuus in loculo materialibus quatuor ad sepulchrum ferebatur elementis; sed spem resurgendi habebat, quia ferebatur in ligno; quod et si nobis ante non proderat, tamen posteaquam Christus id tetigit, proficere cepit ad vitam, ut esset indicio salutem populo per crucis patibulum resuscitandum. In secrete enim iacemus exanimis, cum velignis immodicæ cupiditatis exalluat, vel frigidus hu-

(1) Sive florem ætatis, ut Grace verbi pisse videtur Nicolai. (2) M. muliebris. P. Nicolai legit qui paulo ante suavis, & preciosus erat. (3) M. agnoscitur. (4) Sic omnia quæ conjuncta potuimus exempla s. implet autem sensum hoc modo P. Nicolai: quæ resurrectionem unici adolescentis filii suis lacrymis meruerit impetrare: eo quod Ecclesia populum juniorem a pompa funeris revocat ad vitam &c.

EX EDITIONE P. NICOLAI.

* Quod subiungitur ex Tito, quo ad posteritatem tantum appendicem habet, ut & Theophylactus, & Ubi supra. e MAXIMUS in Cat. Græc. PP. Perperam autem prius Ambrosius in textu notatum, & ad marginem ponebatur Maximus absque ullo indicio speciali; sed Maximus est Episcopus Græcus & martyr, non Maximus Latinus, & Episcopus Tauriacensis.

humor exundat, & pigra quadam corporis habitudine vigor hebetatur animorum. BEDA (ubi supra.) Vel locus in quo mortuus effertur, male secunda desperati (1) peccatoris conscientia eliqui vero lependum portant, vel immunda desideria, vel blandimenta sunt sociorum; qui, Domino loculum tangente, steterunt: quia superni formidine iudicii tanta conscientia, carnales itape voluptates, & iniuste laudantes coercens ad se revertitur, vocantique ad vitam respondet Salvatore. AMBROSIVS (ubi supra.) Si ergo grave peccatum est, quod poenitentiae tunc lacrimis ipse lavare non possis; fiat pro te mater Ecclesia, assistat & turba: (2) iam resurgas a funere, & incipies vitalia loqui: timebunt omnes: unus enim exemplo omnes corriguntur: laudabunt etiam Deum, qui tanta nobis remedia vitandae mortis indulget. BEDA (super *Visitavit.*) Visitavit autem Deus plebem suam, non solum semel Verbum suum incorporando, sed semper in corda mittendo. THEOPHYLACTVS (super *Er hac vidua.*) Viduam etiam potes intelligere animam virum amittentem, id est divinum sermonem: filius enim est intellectus, qui extra civitatem effertur viventium; locus eius est corpus eius, quod quidam dixerunt esse sepulcrum; tangens autem eum Dominus levat ipsum, iuvenescere faciens eum qui surgens a peccato incipit loqui, & alios edocere: non enim prius ei crederetur.

(C) CYRILLVS A. Miraculum quod omnes inhabitantes Iudaeam, & Galilaeam sciverant, referunt sancto Baptista quidam ex eius discipulis: unde sequitur: *Et nuntiaverunt Joanni discipuli eius de omnibus his.* BEDA (cap. xxvi. in Luc.) Non simplici corde, ut opinor, sed invidia stimulante: nam & alibi (Ioan. 11.) conqueruntur dicentes: „Rabbi, qui erat tecum trans Jordanem, ecce hic baptizatus & omnes veniunt ad eum.“ CHRYSOSTOMVS B. Tunc autem magis ad eum erigimur cum incumbit necessitas; & ideo Ioannes detrusus in carcerem, quando magis discipuli eius indigebant lesu, tunc mittit eos ad Christum: sequitur enim: *Et convocavit duos de discipulis suis Joannes, & misit eos ad Iesum, dicens: Tu es qui venturus es, an alium expectamus?* BEDA (ubi sup. par. a. fin.) Non ait, Tu es

qui venisti: sed *Tu es qui venturus es?* Et est sensus: Manda mihi, quia interficiendus ab Herode; & ad inferna descensus sum, utrum te & inferis debeam nuntiare, qui superis nuntiavi; an hoc non conveniat Filio Dei, & alium ad haec sacramenta missurus es? CYRILLVS C. Sed omnino reprobanda est talis opinio: numquam enim reperimus sacra Scripturam disserere, quod infernalibus praenuntiaverit Baptista Ioannes Salvatoris adventum. Illud etiam verum est dicere, quod non ignoravit Baptista virtutem mysterii incarnationis Unigeniti: unde & hoc cum alii noverat quod illuminaturus erat in inferno manentes, cum pro omnibus gustaverit mortem tam vivis, quam mortuis. Sed quoniam sermo sacrae Scripturae hunc quidem praedixit venturum tamquam Deum, & Dominum; alii vero missi sunt sicut famuli ante Christum: ideo omnium Salvator (3) & Dominus a Prophetis nominabatur. Qui venit, vel qui venturus est, secundum illud Psalmi cxvii., „Benedictus qui venit in nomine Domini:“ & in Habacuc cap. 11. „Post modicum“ qui venturus est venit, & non tardabit. „Igitur divinus Baptista quasi nomen accipiens a sacra Scriptura, misit quosdam discipulorum suorum quaesturos an ipse sit qui venit, vel qui venturus est. AMBROSIVS (Lib. V. in Luc. cap. de missione discip. Ioan.) Sed quomodo fieri posset ut de quo dixerat (Ioan. 1.) „Ecce qui tollit peccatum mundi“, „adhuc eum Dei Filium esse non crederet? Aut enim insolentiae est ei tribuere divina quae nescit, aut de Dei Filio dubitasse perfidia est. Nonnulli autem de ipso Ioanne intelligunt magnum quidem ita Prophetam ut (4) Christum agnosceret; sed tamen non tamquam dubium, sed tamquam pium vatem, quem venturum crederat, non credidisse morturum. Non igitur fide, sed pietate dubitavit, sicut & Petrus dicens Matth. xvi. „Propitius tibi esto Domine, non scio hoc.“ CYRILLVS D. Vel ex dispensatione interrogat: (5) noverat enim ut praecursor passionis Christi mysterium; sed ut discipulis suis constet quanta sit excellentia Salvatoris, ex propriis discipulis prudentiores misit, quos praecipit sciscitari, & viva Salvatoris voce conicere, si

S. Th. Oper. Tom. V.

(1) M. corporis. (2) M. iam resurgens a funere, & incipiens alia vita loqui. (3) M. amittitur &.

(4) M. deus Christum. (5) M. non erat.

EX EDITIONE P. NICOLAI.

a In Cat. Graec. PP. b Ibidem. c Ubi supra. d In Theodoro Lib. II. cap. iv.

ipse est qui expectabatur : unde subditur : *Cum autem ad eum venissent viri, dixerunt: Johannes Baptista misit nos ad te, dicens: Tu es qui venturus es, an alium expectamus?* Sciens autem ut Deus quo animo misisset eos Ioannes, & causam adventus eorum, tunc temporis egit uberiora miracula: unde sequitur: *In ipsa autem hora curavit multos a languoribus, & plagis, & spiritibus malis, & cæcis multis donavit visum.* Non dicit eis expresse, Ego sum; sed duciteos magis ad rei certitudinem, ut congrua ratione fumentes fidem ipsius revertantur ad eum qui misit eos; unde non ad verba, sed ad propositum mittentis responsum exhibuit: nam sequitur: *Respondens dixit illis: Euntes annuntiate Joanni quæ vidistis, & audistis, quasi dicat: Narrate Joanni quæ quidem audistis per Prophetas, consummari vero vidistis a me: ea enim tunc agebat quæ prædixerant Prophetæ eum facturum; de quibus subditur: Quia cæci vident, claudibus ambulant, reprobi mundantur, surdis audiunt, mortui resurgunt.* AMBROSIIUS (ubi supra.) Plenum sane testimonium, quo Dominum Prophetæ cognoscere: de ipso enim fuerat prophetatum Psal. cxlv. quia „ Dominus dat „ escam esurientibus, erigit elisos, solvit „ compeditos, illuminat cæcos; “ & (1) quod qui ista facit, regnabit in æternum. Ergo non humanæ ista, sed divinæ virtutis insignia sunt. (2) Huius autem Evangelii exempla vel rara, vel nulla inveniuntur: unus Tobias oculos recepit; & hæc fuit Angelus, non hominis medicina: Elias mortuum suscitavit; ipse tamen rogavit, & Hævit; hic iussit: Eliseus leporem mundari fecit; non tamen ibi valuit præcepti auctoritas, sed mysterii figura. THEOPHYLACTUS (hoc loco.) Sunt etiam hæc verba Eliae dicentis cap. xxxv. „ Deus ipse venit, „ nict, & salvabit nos. Tunc aperientur „ oculi cæcorum, & aures surdorum patebunt; tunc saliet sicut cervus, claudus. BEDA (cap. xviii. in Luc.) Et, quod his non minus est, subditur: *Pauperes evangelizantur, pauperes scilicet spiritu, vel (3) opibus, intus illuminantur, ut inter divites & egenos in prædicatione nulla distantia sit.* Hoc magistri comprobavit veritatem, quando omnis qui apud eum salvari

potest, æqualis est. AMBROSIIUS (cap. de missione discip. Ioannis.) Sed tamen parva adhuc ista dominicæ testificationis exempla: plenitudo fidei crux Domini, obitus, sepultura est: unde addidit: *Et beatus is qui non fuerit scandalizatus in me.* Crux enim etiam electis scandalum posset asferre; sed nullum hoc maius divinæ personæ est testimonium: nihil enim est quod magis esse ultra humana videatur, quam (4) totum se obtulisse pro mundo. CYRILLUS A. Vel per hoc volebat ostendere quod quæcumque verabantur in cordibus eorum, ab oculis ipsius effugere nequiverunt: ipsi enim erant qui scandalizabantur de ipso. AMBROSIIUS (Lib. & tit. ut supra.) Mystice autem in Ioanne supra diximus typum esse legis, quæ prænuntiavit fuit Christi. Mitte ergo Ioannes discipulos suos ad Christum, ut supplementum scientiæ consequantur, quia plenitudo legis est Christus. Et fortasse isti discipuli sunt duo populi, quorum unus ex Iudæis credidit, alter ex Gentibus; qui id eo credidit, quia audivit. Voluerunt ergo & isti videre: quia beati oculi qui vident. Cum autem venerint ad Evangelium, & cognoverint illuminari cæcos, ambulare claudos, tunc dicent: Oculis nostris perspeximus: videmus enim nobis vidisse quæ legimus; aut fortasse in parte quadam corporis nostri, omnes videmus investigasse dominicæ seriem passionis: fides enim per paucos ad plures pervenit. Lex ergo Christum venturum annuntiat, Evangelii scriptura venisse confirmat.

(d) CYRILLUS B. Coniecit Dominus, tamquam hominum secreta cognoscens, aliquos dicturos: Si usque hodie ignorat Ioannes Iesum, qualiter eum ostendebat nobis, dicens, Ioan. 1. „ Ecce agnus Dei, ecce „ qui tollit peccata mundi? „ Ut igitur sanaret hanc passionem quæ eis acciderat, damnum quod ex scandalo procedebat, exclusit: unde dicitur: *Et cum discessissent nuntii Ioannis, cepit dicere de Ioanne ad turbas: Quid existis in desertum videre? Arundinem ventis agitatam?* Quasi dicat: Mirari estis de Ioanne Baptista, & pluries perrexisse ad eum, percurrentes tam longa deserti itinera: frustra liquidem sic leve ipsum existimatis, ut similis sit arundini declinanti quocumque agitatur

(1) *M. omittitur quod.* (2) *P. Nicolai habet* Hæc ante Evangelium vel rara, vel nulla inveniuntur.
(3) *M. opibus.* (4) *M. totum se unum obtulisse. Legit P. Nicolai toto se unum &c.*

EX EDITIONE P. NICOLAI.

a In Cat. Græc. ubi supra. b In Thesouro, ut supra.

agitat ventus. Talis enim esse videtur, si quæ cognovit, ex levitate le ignurare fateatur. TITUS a. Non autem exillis in desertum, ubi nulla iucunditas, civitatibus omissis, nisi de hoc viro curam gerentes. GRAECUS b. Hoc autem post recessum discipulorum Ioannis Dominus dixit: non enim præfuit eis propter volebat Baptiste præconia, ne blandientis verba esse putarentur. AMBROSIVS (Lib. V. in Luc. cap. de laud. Ioan.) Non otiose autem Ioannis hic persona laudatur, qui vitæ amore posthabito, iustitiæ formam nec mortis terrore mutavit. Deserto enim mundus hic comparari videtur, adhuc sterilis, adhuc incultus; in quem negat nobis Dominus ita prodendum ut mente carnis inflatos, vacuosque virtutis internæ viros, (1) & fragile gloriæ sæcularis sublimitate iactantes, exemplari quodam, & imagine nobis putemus imitandos, quos procellis huius mundi obnoxios vita mobilis inquietat, iure arundini comparandos. GRAECUS c. Est etiam infallibile testimonium vitæ Ioannis vestitus cum carcere, in quem detrusus non fuisset, si scivisset favere Principibus: unde sequitur: *Sed quid existis videre? Hominem mollihus vestimentis indutum? Ecce qui in veste pretiosa sunt, & in deliciis, in domibus Regum sunt.* Mollihus vestimentis indutus viventes in deliciis significat. CHRYSOSTOMUS (hom. xxix. in Epistolâ Hebræos.) Molli autem vestis dissolvit rigidam animam; & si rigidum corpus assumat, & asperum, facile per huiusmodi molliem delicatum reddit, & fragile. Facto vero corpore molliori, necesse est & animam participare læsionem: nam ut plurimum operationes ipsius consonant dispositionibus corporis. CYRILLUS d. Qualiter ergo tanta sedulitas religionis ut carnales passionis (2) subiiceret, ad tantam ignorantiam deveniret, nisi ex mentis levitate, quam non asperitates, sed illecebæ mundanæ delectant? Igitur si velut non colentem delictio Ioannem imitamini, date ei robur continentiae competens; si vero nihil amplius debetur honestæ conversationi, quid, omisa reverentia delicatiorum, incolam deserti, vileque tegumen, & camelo-

rum vellus miramini? CHRYSOSTOMUS (hom. xxxviii. in Matth.) Per utrumque autem dictorum designat, quod Ioannes nec naturaliter, nec facile mobilis erat, necula voluptate hæderetur. AMBROSIVS (Lib. V. in Lucam, de asp. vesti.) Et quamvis plerosque mollioris cura vestis effeminet, tamen alia videtur bieindumenta significare, humana scilicet corpora, quibus anima nostra vestitur. Sunt autem mollia indumenta deliciis actus, & mores; hi vero quibus fluida deliciis membra solvuntur, regnicælestis extorres sunt; quos rectores mundi huius, atque tenebrarum ceperunt: hi sunt enim reges (3) qui dominantur suorum operum æmulos. CYRILLUS e. Sed forte inconveniens est circa hoc excusare Ioannem: fatemini enim cum imitabilem esse: unde subdit: *Sed quid existis videre? Prophetam? Utique dico vobis & plusquam Prophetam.* Prophetæ namque prædicabant venturum, hic autem non solum venturum prædicavit, sed & præsentem indicavit, dicens (Ioan. 1.) „Ecce agnum Dei.“ AMBROSIVS (de laudatione Ioannis ab excellentia cognitionis.) Maior sane Prophetæ, in quo finis est Prophetarum: quia multi cupierunt videre quem ille conspexit, quem ille baptizavit. CYRILLUS f. Cum igitur & a loco, & a vestibus, & ex concursu hominum morem eius descripsit, introducit Prophetæ testimonium, dicens: *Hic est, de quo scriptum est, scilicet in Malachia: Ecce mitto Angelum meum.* TITUS. Angelum appellat hominem, non quia natura esset Angelus, homo enim naturaliter erat; sed quia opus Angeli exercebat, nuntiando Christi adventum. GRAECUS g. Quod autem subdit, *Ante faciem tuam*, propinquitatem designat, apparuit enim hominibus prope Christi adventum: quapropter & plusquam Prophetam ipsum esse existimandum est: nam & hi qui in militiis collaterales sunt Regibus, digniores, & familiares sunt. AMBROSIVS (ubi supra.) Viam autem Domino non solum nascendi secundum carnem ordine, fideique nuntio, sed etiam præcursum quodam paravit passionis: unde sequitur: *Qui præparabis viam tuam ante te.* Si autem

Q 2 &

(1) M. fragilis gloriæ sæcularis &c. (2) A. subiiceret. (3) A. et P. Nicolaium est qui dominatur, & suorum operum æmulos receperunt.

EX EDITIONE P. NICOLAI.

a Quod subiungitur ex Thio, non in Lucam, sed in Matth. forte habet, quo seipsum remittit: et si Commentarius ille nunc non extet. b Nempe Simeon in Cat. Græc. e Vel Simeon, ut supra. d In Thesaurio, ut supra. e In Thesaurio, ut supra. f Ibidem. g Vel Simeon, ut supra.

& Christus Propheta, quomodo maior hic omnibus? Sed inter mulieris, non virginis natos: maior enim iis fuit quibus æqualis poterat esse sorte nascendi: unde sequitur: *Dico enim vobis: Maior inter natos mulierum Propheta Ioanne Baptista non est.* CHRYSOSTOMUS (hom. xxxviii. in Matth.) Sufficit quidem Domini vox præbens testimonium præminentiae Ioannis inter homines; reperiet autem qui vult & rei veritatem consonam, si mentiam eius consideraverit, si vitam, si mentis excellentiam: vclut enim qui cælitus descendisset, debebat in terra, fere nullam gerens curam de corpore, intellectualliter erectus in cælum, & soli Deo coniunctus, de nullo mundanorum sollicitus; sermo severus & lenis: nam cum populo Iudeorum viriliter, & severiter, cum Rege audacter, cum propriis discipulis leniter conferebat: nil frustra, vel leviter, omnia convenienter agebat. ISIDORUS Abbas a. Maior etiam inter natos mulierum (1) Ioannes, eo quod ab ipso matris utero prophetavit, & positus in tenebris lumen quod iam venerat non ignoravit. AMBROSIVS (ubi supra in fin.) Denique eo usque cum Dei Filio non (2) poterit Ioannis esse ulla collatio ut & infra Angelos æstimeretur: unde sequitur: *Qui autem minor est in regno Dei, maior est illo.* BEDA (cap. xxviii. in Luc.) Hæc sententia duobus modis potest intelligi: aut enim regnum Dei appellavit quod nondum accepimus, in quo sunt Angeli; & quilibet in eis minor, maior est quolibet iusto portante corpus, quod aggravat animam: aut si regnum Dei intelligi voluit huius temporis Ecclesiam, seipsum Domini significavit, qui nascendi tempore minor erat Ioanne, maior autem divinitatis auctoritate, & potestate dominica: proinde secundum primam expositionem, ita distinguitur: *Qui autem minor est in regno Dei, ac deinde subinfertur, maior est illo; secundoque posteriorem vero ita: Qui autem minor est, ac deinde subinfertur, in regno Dei maior est illo.* CHRYSOSTOMUS (hom. xxxviii. in Matth.) Ut enim copia laudum Ioannis occasionem Iudeis non daret præferendi Ioannem Christo, hoc subdit. Ne autem putes quod comparative se dixerit

maiorem Ioanne. ANEROSIVS. Alia enim est ista natura, nec humanis generationibus comparanda: non potest enim homini cum Deo ulla esse collatio. GYRILLUS b. Mystice autem cum Ioannis prærogativam ostendit inter natos mulierum, ponit ex opposito aliquid maius eo, scilicet qui per Spiritum sanctum natus est Filius Dei: (3) regnum enim donum Dei Spiritus est. Quamvis ergo secundum operationem, & sanctitatem, minores sumus his qui legis mysterium sunt assecuti, quos Ioannes significat; tamen maiora per Christum attingimus participes facti divinæ naturæ.

(c) CHRYSOSTOMUS (hom. xxxviii. in Matth.) Præmissa commendatione Ioannis, magnum pharisæorum, & legisperitorum prodidit crimen, qui nec post publicanos baptisma Ioannis acceperunt: unde dicitur: *Et omnis populus audians, & publicani iustificaverunt Deum, baptizati baptismo Ioannis.* AMBROSIVS (Lib. VI. in Luc. cap. i.) iustificatur Deus per baptismum, dum se homines peccata propria confitendo iustificat: qui enim peccat, & confitetur Deo peccatum, iustificat Deum; (4) cedens ei vincenti, ab eoque gratiam sperans. In baptismo igitur iustificatur Deus, in quo est & confessio, & venia peccatorum. EUSEBIUS e (Lib. V. in Luc. in præfatione.) Quia etiam crediderunt, iustificaverunt Deum: apparuit enim eis iustus iis omnibus quæ fecit. Pharisæi autem repellendo Ioannem, tamquam inobedientes, non consonabant Prophetæ dicenti Plal. i. „Ut iustificeris in sermonibus tuis: „ unde sequitur: *Pharisæi autem, & legisperiti consilium Dei spreverunt in semetipsis, non baptizati ab eo.* BEDA (cap. xxviii. in Luc.) Hæc verba sive ex persona Evangelistæ, sive ex persona Salvatoris, ut quibusdam placet, dicta sunt. Quod autem dicit, *in semetipsis, vel contra semetipsos,* significat quia qui gratiam Dei respuit, contra semetipsum facit. Vel ad semetipsos missum Dei consilium stulti, & ingrati vituperantur noluisse recipere. Consilium ergo est Dei, quod per passionem, & mortem Christi salvare decrevit; quod pharisæi, & legisperiti spreverunt. AMBROSIVS (Lib. VI. in Luc. cap.

(1) *M. emittitur Ioannes.* (2) *M. poterat.* (3) *M. regium enim &c. Legit P. Nicolai Regnum enim Domini Dei apiculus est.* (4) *M. cedens.*

EX EDITIONE P. NICOLAI.

a Scilicet Isidorus Pelusiotæ Lib. I. epist. xxxviii. quæ Franchio inscribitur. b In Cat. Græc. PP. ut supra. c In Cat. Græc. ut supra.

cap. 1. cir. finem.) Non condemnauero-
go, sicut pharizæi, consilium Dei quod est
in Ioannis baptismita: hoc est consilium quod
magis consilii Angelus reperit. Ioannis con-
silium nemo contemnit, Dei consilium quis
refutet? CYRILLUS a. Erat autem qui-
dam modus ludendi talis consuetus apud fi-
lios Iudæorum: bipartiebatur puerorum ca-
terva, qui rerum præsentis vitæ deridentes
repentinam transmutationem, hi quidem can-
ebant, hi vero ingrebant; sed nec gaudenti-
bus congaudebant mærentes, nec qui gau-
debant conformabant se fletibus; deinde
arguebant se invicem improporantes incom-
passionis malitiam. Tale quid passum fuisse
Iudæorum plebem una cum principibus Chris-
tus innuebat: unde ex persona Christi sub-
ditur: Cui ergo similes dicam homines ge-
nerationis huius, & cui similes sunt? Similes sum
pueris sedentibus in foro, & lequentibus ad in-
vicem, & dicentibus: Cantavimus vobis tibuli,
& non saltastis; lamentavimus, & non plora-
stis. BEDA (cap. XVII. in Luc. a med.)
Generatio Iudæorum comparatur pueris,
quia doctores olim Prophetas habebant, de
quibus dicitur Psal. VII. „ Ex ore infan-
tium, & lactentium perfecisti laudem. ”
AMBROSIVS (Lib. VI. in Luc. cap. II.)
Ambrauerunt autem Prophetæ spiritualibus
modulis publicæ salutis oracula resultantem,
siveverunt threnis fletibus Iudæorum dura
corda mulcentes. Hoc canticum non in fo-
ro, non in plateis canebatur, sed in Hie-
rusalem: ipsa est enim dominicum forum,
in quo præceptorum cælestium iura conduc-
tur. GREGORIUS Nissenus b. Canticum
autem, & lamentatio nil aliud est quam
excessus, hoc quidem gaudii, illud vero mæ-
roris. Resonat autem quædam consona me-
lodia ex organo musico, secundum quam dum
homo pede, & motu consono corporis com-
movetur, intrinsecam dispositionem manife-
stat; & ideo dicit: Lamentavimus, & non
ploravimus. AUGUSTINUS de Quæst. Evan.
(Lib. II. quæst. XI.) Hæc autem perti-
net ad Ioannem, & Christum. Quod enim
dicit, Lamentavimus, & non ploravimus, ad
Ioannem pertinet, cuius abstinencia a cibis,
& potu Iuxta penitentiam significabat:
unde exponendo subdit: Venit enim Iudas

Baptista neque manducans panem, neque bibens
vinum; & dicitur, Dæmonium habet. CYRIL-
LUS c. Præsumunt criminari virum quali-
bet admiratione dignum: dæmonium habere
dicunt mortificatorem legem peccati, quæ
latet in membris. AUGUSTINUS de
Quæst. Evan. (Lib. II. quæst. XI.) Quod
autem dixerat, Cantavimus tibi, & non
saltastis, ad ipsum Dominum pertinet, qui
utendo cum ceteris cibo, & potu, lætitiarum
regni significabat: unde sequitur: Venit Fi-
lius hominis manducans, & bibens; & dicitur:
Ecce homo devorator, & bibens vinum.
TITUS. Noluit enim Christus abstinere ab
huiusmodi cibis, ne occasionem daret hære-
tici, qui dicunt creaturas esse malas, &
vituperant carnes, & vinum. CYRILLUS
d. Ubi autem potuerunt offendere Domi-
num voratorem? Invenitur enim Christus
ubique reprimere immoderantiam, & ad
modestiam ducere. Converlabatur autem cum
publicanis, & peccatoribus: unde contra
eum dicebant: amicus publicanorum, & pec-
catorum: cum tamen nullatenus ipse posset
in peccatum incidere, sed e contra fiebat
eis causa salutis: non enim coincinatur sol
radians super totam terram, & frequen-
ter superveniens immundis corporibus; nec
sol iustitiæ lædetur conversando cum pravis.
Nemo autem conetur comparare prop-
riam mensuram dignitatibus Christi; sed
quilibet propriam fragilitatem considerans
vitet consortia talium: prava namque col-
loquia mores corrumpunt bonos.

Sequitur: Et iustificata est sapientia ab
omnibus filiis suis. AMBROSIVS (ubi su-
pra non procul a prin.) Sapientia Dei Fi-
lius est per naturam, (1) non per profe-
dum; quæ iustificatur per baptismum, in eo
quod non per contumaciam refutatur, sed
per iustitiam Dei munus agnoscitur. In eo
ergo iustificatio Dei est, (2) si non ad in-
dignos, & obnoxios, sed ad innocentes,
per ablationem sanctorum, & iustos, videatur
sua munera transulisse. CHRYSOSTOMUS e.
Filios autem sapientiæ dicit sapientes:
consuevit enim Scriptura malos
magis ex peccato, quam ex nomine indica-
re, bonos autem filios appellare informa-
tis eos virtutis. AMBROSIVS (ubi supra

ad-

(1) Al. non perfectam. (2) Al. estis nos.

EX EDITIONE P. NICOLAI.

a Ubi supra. b In Cat. Græc. ubi supra. Quod subiungitur ex Gregorio Niseno colligitur hom. vi.
in Ecclesiæ super illud ex cap. VII. Tempus plangendi, & tempus salendi versus finem. c Ubi supra.
d Ibidem. e In Cat. Græc. PP. ex illius homilia in Psalmos.

ante med.) Bene autem dicit, *Ab omnibus*: quia circa omne iustitia relervatur, ut susceptio fiat fidelium, & electio peridorum. AUGUSTINUS de Quæst. Evan. (L. b. II. cap. xi.) Vel quod dicit, *Iustificata est conscientia ab omnibus filiis suis*, ostendit filios sapientie intelligere, nec in abstinendo, nec in manducando esse iustitiam, sed in æquanimitate tolerandi inopiam: non enim usus, sed concupiscentia reprehendenda est, dummodo congruas, in generibus alimentorum his cum quibus tibi vivendum est.

(f) BEDA. Quia superius dictum fuerat: *Et omnis populus audiens, & publicani iustificaverunt Deum baptizati baptismate Ioannis*; idem Evangelista, quæ verbis proposuerat, etiam factis astruit, iustificatam scilicet sapientiam a iustis, & pœnitentibus, dicens: *Rogabat autem illum quidam phariseus ut manducaret cum illo*. GREGORIUS Nilenus (homil. de muliere peccatrice.) Hæc conscriptio quemdam utilem intellectum sapit. Sunt enim plerique eorum qui se iustificat inflati suspitione vani sensus, priusquam veniat verum iudicium, separantes seipso velut agnos ab hædis, nec tecto, nec eis cum plerisque communicare volentes, abominantes omnes quicumque non extremum, sed medium tenent callem in vita. Lucas ergo plus medicus animarum, quam corporum, ostendit ipsum Deum, & Salvatorem nostrum piissime alios visitantem: unde sequitur: *Et ingressus domum pharisei discubuit*: non ut aliquid de vitiis eius forciatur, sed ut impartiat de iustitia propria. CYRILLUS a. Mulier autem inhonestæ vitæ, promens autem fidelem affectum, venit ad Christum, quasi potentem veniam commissorum largiri: sequitur enim: *Et ecce mulier qua erat in civitate peccatrix, ut cognovit quod Iesus accubuit in domo pharisei, attulit alabastrum unguenti*. BEDA (cap. xxviii. in Luc.) Alabastrum est genus marmoris candidi variis coloribus intertincti, quod ad vasa unguentaria cavari solet, eo quod optime servare ea incorrupta dicatur. GREGORIUS in hom. (xxxiii. in Evang.) Quia enim hæc mulier turpitudinis suæ maculas appexit, lavanda ad fontem misericordiæ cucurrit; conviventes non erubuit: nam quia semetipsam graviter erubescere intus, nihil esse credidit quod

verecundaretur foris. Discite quo dolore ardet quæ flere & inter epulas non erubescit. GREGORIUS Nilenus b. Indignitatem autem suam offendens: stabat post tergum deiectis luminibus, & effusa coma, pedes amplectens, lacrymis caput rigare pedes eius. GREGORIUS in hom. (xxxiii. in Evang.) Oculis enim terrena cupiebat; sed hos iam per pœnitentiam conterens flebat: capillos ad compositionem vultus exhibuerat, sed iam capillis lacrymas tergebat: unde sequitur: *Et capillis capitis sui tergebat*: ore superba dixerat; sed pedes Domini osculans, hoc in Redemptoris sui vestigia flegebat: unde sequitur: *Et osculabatur pedes eius*: unguentum sibi pro odore suæ carnis exhibuit: quod ergo sibi turpiter exhibuerat, hoc iam Deo laudabiliter offerebat: unde sequitur: *Et unguento ungebat*. Quot ergo in se habuit obiectamenta, tot de se invenit holocausta. Convertit ad virtutum numerum, numerum criminum, ut totum Deo serviret in pœnitentia quicquid ex se Deum contemperat in culpa. e Sic igitur meretrix effecta est honestior virginibus: postquam enim accensa est pœnitentia, exaruit in Christi amorem. Et hæc quidem quæ dicta sunt agebantur exterius; quæ vero revolvebat eius intentio, multo ferventiora his erant, quæ solus Deus inspiciebat. GREGORIUS (in hom. xxxiii. in Evang.) Hæc autem phariseus intuens despexit, & non solum venientem peccatricem mulierem, sed etiam suspicientem Dominum reprehendit: *Videns autem phariseus qui vocaverat eum, ait intra se dicens: Si hic esset Propheta, sciret utique qua & qualis mulier est qua tangit eum*. Ecce phariseus veraciter apud se superbus, & fallaciter iustus, ægrum reprehendit de ægritudine, & medicum de subventione: quæ profecto mulier, si ad pharisei pedes venisset, calcibus repulsa discederet. Inquinari enim se alieno peccato crederet, quia hunc vera sua iustitia non replebat. Sic & quidam sacerdotali officio præditi, si quid fortasse iuste exterius vel tenuiter egerint, protinus subiectos despiciunt, & peccatores quoque in plebe positos designantur. Necesse est autem ut cum peccatores quoque conspiciamus,

EX EDITIONE P. NICOLAI.

a In eadem Catena. b Ibid. m. c CHRYSOSTOMUS hom. vi. in Matth. Eius nomine prætermissæ, prius confundebantur ista cum prædictis, quasi etiam ex Gregorio eliant.

mus, nosmetipsos prius in eorum calamitate desiccamus, quia fortasse in similibus aut lapsi sumus, aut labi possumus. Oportet autem ut sollicite disceramus quia distinctionem debemus vitiis, compassionem naturæ. Si enim feriendus est peccator, nutriendus est proximus; cum vero iam per poenitentiam percussit ipse quod fecit, iam noster proximus peccator non est, quia hic in se punit quod iustitia divina reprehendit. Inter duos ergo ægros medicus aderat; sed unus in febre senium tenebat, alter sensum perdidit mentis: illa quippe flebat quod fecerat; phariseus autem de falsa iustitia elatus, vim suæ valetudinis exaggerabat. TITUS. Domnus autem non verba eius audiens, sed cogitationes inspicies, Dominum se Prophetarum ostendit: unde sequitur: *Et respondens Iesus, dixit ad illum: Si, mon, habes tibi aliquid dicere.* GLOSSA a. Quod quidem dixit eius cogitationi respondens. Phariseus autem ex verbis Domini attentior est factus: unde dicitur: *At ille ait: Magister dic.* GREGORIUS (homil. xxxiii. ut supra.) De duobus autem ei debitoribus paradigma opponitur, quorum unus minus, alius amplius debet: unde sequitur: *Duo debitores erant cuidam fenoratori: unus debebat denarios quingentos, & alius quinquaginta.* TITUS. Quasi dicat: Neque tu absque debito es; quid igitur si in paucioribus teneris? Non superbas, quia tu quoque venia eges: unde de venia subdit, dicens: *Non habentibus autem illis unde redderent, donavit utrisque.* GLOSSA. Nul- lus enim potest per seipsum a debito peccati liberari, nisi divina gratia veniam consequatur. GREGORIUS in hom. (xxxiii. ut supra.) Utrorumque autem debito dimisso, quis amplius largitorem debiti diligat, phariseus interrogatur: sequitur enim: *Quis ergo plus eum diligit?* Quibus verbis protinus ille respondit: *Æstimo quia is cui plus donavit.* Qua in re notandum est, quod dum sua sententia phariseus convincitur, quasi phreneticus funem portat ex quo ligetur: unde sequitur: *At ille dixit ei, Re- ste indicisti.* Enumerantur autem ei bona peccatricis, eoumerantur & mala falsi iusti: unde sequitur: *Et conversus ad mulie- rem, dixit Simoni: Vides hanc mulierem? In- travi in domum tuam; aquam pedibus meis non dedisti; hac autem lacrymis rigavi pe-*

des meas. b. AMBROSIIUS (ubi supra.) Quasi dicat: Facilis est usus aquarum, non est facilis lacrymarum effusio: tu promptis non es usus, hæc effudit non prompta: lavans lacrymis pedes meos, lavit maculas proprias; terxit comis, ut per eas sibi assumat sacros sudores; & quibus venata est ad peccatum iuventutem, venata est sanctitatem. CHRYSOSTOMUS (hom. vi. in Matth.) Sicut autem ubi vehemens imber prorumpit, fit serenitas, sic lacrymis effusis apparet tranquillitas, & perit caligo reatuum, & sicut per aquam, & spiritum, sic per lacrymas, & confessionem denuo mundamur: unde sequitur: *Propter quod dico tibi: remittuntur ei peccata multa, quoniam dilexit multum.* Nam qui vehementer se ingesserunt malis, rursus & bonis vehementer insistent, consilii ad quod debita se obligaverunt. GREGORIUS (homil. xxxiii. in Evang.) Tanto ergo amplius peccati rubigo consumitur, quanto peccatoris cor magno caritatis igne concremat. TITUS. Contingit autem sæpius eum qui multum peccavit, per confessionem purgari; pauca vero peccantem, ex arrogantia non venire ad confessionis remedium: unde sequitur: *Cui autem minus dimittitur, minus diligit.* CHRYSOSTOMUS (hom. xxxviii. in Matth.) Opus est ergo nobis serventi anima, quia nihil impedit hominem fieri magnum. Nullus ergo constitutorum in peccatis desperet, nemo virtuosus dormitet: nec hic confidat, sæpe enim meretrix præcedet eum; nec ille dissidat, possibile namque est eum etiam primos superare: unde & hic subditur: *Dixit autem ad illam: Remittuntur tibi peccata tua.* GREGORIUS (homil. xxxiii. in Evan.) Ecce quæ ad medicum venerat ægra sanata est; sed de salute eius adhuc alii ægrotaant: sequitur enim: *Excipiant qui simul accumbant dicere intra se: Quis est hic qui etiam peccata dimittit?* Sed cælestis medicus ægros non respicit, quos etiam de medicamento fieri deteriores vidit; eam autem quam sanaverat, per pietatis suæ sententiam confirmat: unde sequitur: *Dixit autem ad mulierem: Fides tua te salvam fecit: quia scilicet hoc quod petiit, posse (i) se accipere non dubitavit.* THEOPHYLACTUS (cir. fin. Comm. in vii. cap.) Postquam autem ei peccata dimisit, non sinit in remissione peccati, sed adiicit ope.

(1) A. omittit se.

EX EDITIONE P. NICOLAI.

a Non est in Glossa quæ nunc erat. b TITUS Bostreasis.

operationem boni: unde subditur, *Vade in pace*, idest in iustitia: quia iustitia est pax hominis ad Deum, sicut peccatum est inimicitia inter Deum & hominem; quasi dicat: Operare omnia quæ ad pacem Dei te ducunt. AMBROSIVS (Lib. VI. in Luc. cap. de muliere peccatrice.) Hoc autem loco plerique pati videntur scrupulum quæstionis, utrum videantur Evangelistæ discordasse de fide. GRAECUS . Quia enim quatuor Evangelistæ dicunt Christum unctum fuisse unguento a muliere, tres puto fuisse mulieres ex personarum qualitate, ex modo agendi, ex differentia temporum. Ioannes quidem narrat de Maria sorore Lazari, quoniam sex diebus ante pascha unxit pedes Iesu in propria domo. At Matthæus cap. xxvi. postquam Dominus dixerat, „ Scitis, „ quia post biduum fiet pascha, „ subdit, quod in Bethania in domo Simonis leprosi mulier fudit unguentum super Domini caput; non autem unxit pedes, ut Maria: Marcus etiam (1) Matthæo similiter. Lucas autem non circa tempus paschæ, sed in medio Evangelii hoc refert. Chrysostomus autem binas asserit hæc mulieres fuisse, unam quidem quæ continetur in Ioanne, alteram vero cuius mentio fit a tribus. AMBROSIVS (tit. de muliere peccatrice.) Hanc ergo mulierem inducit Matthæus supra caput Christi effundentem unguentum; & ideo noluit dicere peccatricem: nam peccatrix, secundum Lucam, supra Christi pedes effudit unguentum. Potest ergo non cadem esse, ne sibi contrarium Evangelistæ dixisse videantur. Potest etiam quæstio meriti, & temporis diversitate dissolvi, ut adhuc illa peccatrix sit, iam ista perfectior. AUGUSTINUS de Conf. Evang. (Lib. II. cap. xxxix.) Eandem enim Mariam bis hoc secisse, arbitror intelligendum, semel scilicet quod Lucas narravit, cum primo accedens cum humilitate, & lacrymis meruit remissionem peccatorum. Unde Ioannes, cum de Lazaro resuscitando cœpisset loqui, antequam veniret in Bethaniam dicit cap. xi. „ Maria autem erat „ quæ unxit Dominum unguento, & tersit „ pedes eius capillis suis, cuius frater Lazarus infirmabatur. „ Iam itaque hoc Maria fecerat. Quod autem in Bethania rursum fecit, aliud est, quod ad Lucæ narra-

tionem non pertinet, sed pariter narratur ab aliis tribus. GREGORIUS in homil. cxxxiii. in Evang.) Mystico autem intellectu pharisæus de falsa iustitia præsumens Iudaicum populum, peccatrix mulier, sed ad vestigia Domini veniens, & plorans conversam gentilitatem designat. AMBROSIVS (ubi sup. Lib. VI. in Luc. cap. xii.) Vel princeps huius sæculi quidam leprosus est, domus autem Simonis leprosi terra est: ergo Dominus ex illis superioribus locis descendit in terram: neque enim sanari potuisset hæc mulier, quæ speciem habet animæ, vel Ecclesiæ, nisi Christus venisset in terram. Merito autem speciem accipit peccatricis, quia Christus quoque formam peccatoris accepit. Itaque si constitutas animam fideliter appropinquantem Deo, non peccatis turpibus, & obsecris, sed pie (2) servientem Dei Verbo, habentem immaculatæ fiduciam castitatis; ad ipsum Christi caput ascendit: caput autem Christi Deus est. Sed qui caput non tenet Christi, ille pedes tenet. Peccator ad pedes, iustus ad caput. Habet tamen etiam ea quæ peccavit unguentum. GREGORIUS (homil. xxxiii. in Evang.) Quid aliud unguento nisi bonus odor opinionis exprimitur? Si igitur recta opera agimus, quibus opinione boni odoris Ecclesiam respergamus, quid in corpore Domini nisi unguentum fundimus? Sed secus pedes mulier stetit: contra pedes enim Domini stetimus, cum in peccatis positi, eius itineribus renitebamur; sed si ad veram poenitentiam post peccata convertimur, iam retro secus pedes stamus, quia eius vestigia sequimur quem impugnabamus. AMBROSIVS (Lib. ut sup. de mul. peccatrice.) Defer & tu post peccata poenitentiam; ubicumque audieris Christi nomen, accurre; in cuiuscumque interiori domum Iesum intrasse cognoveris, & ipse festina; cum repereris sapientiam, cum repereris iustitiam in aliquibus penetralibus recumbentem, accurre ad pedes; hoc est, vel extremam partem quære sapientiæ, lacrymis contere peccata. Et fortasse ideo non lavit pedes suos Christus, ut eos lacrymis nos lavemus. Bonæ lacrymæ, quæ non solum nostrum possunt lavare delictum, sed etiam Verbi cælestis rigare vestigium, ut gressus eius nobis exuberent. Bonæ lacrymæ, in quibus non

(1) *Al.* Matthæus. (2) *Al.* servitutum.

non solum redemptio peccatorum, sed etiam iustorum refectio est. GREGORIUS (hom. xxxiii. ut supra.) Lacrymis enim Domini pedes rigamus, si quibuslibet ultimis membris Domini compassionis affectu inclinemur. Capillis pedes Domini terginus, quando sanctis eius, quibus ex caritate compatimur, ex his quæ nobis superfluant, miscemur. AMBROSIVS (ubi supra.) Expande etiam capillos, sterne ante eum omnes corporis tui dignitates; non mediocres capilli sunt qui possunt pedes tergere Christi. GREGORIUS (homil. xxxiii. in Evang.) Osculatur mulier pedes, quos tergit: quod nos quoque (1) plane agimus, si studium diligimus quos ex largitate continemus. Potest quoque per pedes ipsum mysterium incarnationis eius intelligi. Osculamur igitur Redemptoris pedes, cum mysterium incarnationis eius ex toto corde diligimus. Unguento pedes unguimus, cum ipsam humilitatis eius potentiam sacri eloqui bona opinione prædicamus. Sed hoc etiam pharisæus vidit, & invidit: quia cum Iudaicus populus gentilitatem Deum prædicare conspiceret, sua apud se malitia tabescebat. Sic autem pharisæus retunditur ut per eum perfidus ille populus ostendatur: quia videlicet infidelis ille populus nec ea quæ extra se erant, umquam pro Domino tuitur; conversa autem gentilitas pro eo non solum rerum substantiam, sed etiam sanguinem fudit: unde pharisæo dicit: *Aquam pedibus meis non dedisti; hæc autem lacrymis rigavit pedes meos*. Aqua quippe extra nos est, lacrymarum humor intra nos est. Infidelis etiam ille populus Deo osculum non dedit, quia ex caritate cum amare noluit cui ex timore servivit, osculum quippe dilectionis est signum; vocata autem gentilitas Redemptoris sui vestigia osculari non cessat, quia in eius continuo amore suspirat. AMBROSIVS (Lib. VI. in Luc. cap. de mulier. pec.) Non mediocris autem hæc meriti est, de qua dicitur: *Ex quo intravi, non cessavit osculari pedes meos*: (2) ut aliud nisi sapientiam loqui nesciat, nisi iustitiam diligere, nisi castitatem habere, nisi pudicitiam osculari. GREGORIUS (homil. xxxiii. in Evang.) Pharisæo autem dicitur: *Oleo ca-*

nt manus non unxisti: quia ipsam quoque divinitatis potentiam, in quam se Iudaicus populus credere spondit, digna laude prædicare neglexit: *hæc autem unguento unxit pedes meos*: quia dum incarnationis eius mysterium gentilitas credidit, summa laude eius etiam (3) ima prædicavit. AMBROSIVS (Lib. VI. in Luc. de mulie. ingred. paulo ante fin.) Beatus qui potest & oleo ungere pedes Christi; sed beatorum qui ungit unguento: multorum enim florum in unum collecta (4) spargit: & fortasse istud unguentum non posset alius nisi Ecclesia sola deterre, quæ diversi spiraminis innumerales habet flores: & ideo nemo potest tantum diligere quantum illa quæ in pluribus diligit. In domo autem pharisæi, id est in domo legis, & Prophetarum, non pharisæus, sed Ecclesia iustificatur: pharisæus enim non credidit, ista credebatur: lex mysterium non habet, quo occulta mundantur; & ideo quod in lege minus est, consummatur in Evangelio. Duo autem debiores, duo populi sunt feneratori illi thesauri cælestis obnoxii. Non materiale autem feneratori huic debemus pecuniam, sed meritorum (5) examina, æra virtutum; quarum merita gravitatis pondere, iustitiæ specie, sono confessionis expendantur. Non mediocris autem est iste denarius, in quo Regis imago figuratur. Væ mihi si non habuero quod accipi; aut quia difficile quisquam est qui feneratori huic debitum integrum possit exolvere, væ mihi si non petiero concedi mihi debitum. Sed quis est populus iste qui amplius debet, nisi nos, quibus amplius credicum est? Illis credita sunt eloquia Dei; nobis creditur virginis partus Emmanuel, id est Nobiscum Deus, Domini crux, mors, resurrectio. Itaque non est dubium quod plus debet qui plus accipit. Secundum homines plus fortasse offendit qui plus debuerit; sed per misericordiam Domini causa mutatur, ut amplius diligat qui amplius debuit, si tamen gratiam consequatur. Et ideo, quoniam nihil est quod digne Deo referre possimus, væ mihi & si non dilexero. Reddamus ergo amorem pro debito: amplius enim diligit cui donatur amplius.

(1) *M.* plene. (2) *M.* ut allquis. (3) *M.* emittitur ima. (4) *M.* spargit. Supplet autem sic P. Nicolaus: multorum enim florum in unum collecta gratia spargit varias odorum suavitates; & fortasse dec. (5) *M.* examinata æra.

C A P U T VIII.

(a) **E**T factum est deinceps, & ipse iter faciebat per civitates, & castella prædicans, & evangelizans regnum Dei, & duodecim cum illo, & mulieres aliquæ quæ erant curatæ a spiritibus malignis, & infirmitatibus: Maria quæ vocatur Magdalene, de qua septem dæmonia exierant, & Ioanna uxor Chusæ procuratoris Herodis, & Susanna, & aliæ multæ, quæ ministrabant ei de facultatibus suis.

(b) Cum autem turba plurima conveniret, & de civitatibus properarent ad eum, dixit per similitudinem: Exiit qui seminat, seminare semen suum; & dum seminat, aliud cecidit secus viam; & conculcatum est, & volucres cæli comederunt illud: & aliud cecidit supra petram; & natum aruit, quia non habebat humorem; & aliud cecidit inter spinas, & simul exortæ spinæ suffocaverunt illud: & aliud cecidit in terram bonam, & ortum fecit fructum centuplum. Hæc dicens, clamabat: Qui habet aures audiendi, audiat. Interrogabant autem eum discipuli eius quæ esset hæc parabola. Quibus ipse dixit: Vobis datum est nosse mysterium regni Dei; ceteris autem in parabolis, ut videntes non videant, & audientes non intelligant. Est autem hæc parabola. Semen est verbum Dei. Quod autem secus viam, hi sunt qui audiunt, deinde venit diabolus, & tollit verbum de corde eorum, ne credentes salvi fiant. Nam quod supra petram, hi sunt qui cum audierint, cum gaudio suscipiunt verbum; & hi radices non habent, quia ad tempus credunt, & in tempore tentationis recedunt. Quod autem in spinas cecidit, hi sunt qui audierunt, & a sollicitudinibus, & divitiis, & voluptatibus vitæ, euntes, suffocantur, & non referunt fructum. Quod autem in bonam terram, hi sunt qui in corde bono & optimo audientes verbum retinent, & fructum afferunt in patientia.

(c) Nemo autem lucernam accendens operit eam vase, aut subtus lectum ponit; sed supra candelabrum ponit, ut intrantes vi eant lumen. Non est enim occultum quod non manifestetur, nec absconditum quod non cognoscatur, & in palam veniat. Videte ergo quid audiat. Qui enim habet, dabitur illi; & quicumque non habet, etiam quod putat se habere, auferetur ab illo.

(d) Venerunt autem ad illum mater, & fratres eius, & non poterant adire eum præ turba. Et nuntiatum est illi: Mater tua, & fratres tui stant foris, volentes te videre. Qui respondens, dixit ad eos: Mater mea, & fratres mei, hi sunt qui verbum Dei audiunt, & faciunt.

(e) Factum est autem in una dierum, & ipse ascendit in navicolam, & discipuli eius, & ait ad illos: Transfretemus trans stagnum. Et ascendunt. Et navigantibus illis, obdormivit; & descendit procella venti in stagnum, & compellebantur, & periclitabantur. Accedentes autem suscitaverunt eum, dicentes: Præceptor, perimus. At ille surgens increpavit ventum, & tempestatem aquæ; & cessavit, & facta est tranquillitas. Dixit autem illis: Ubi est fides vestra? Qui timentes mirati sunt ad invicem, dicentes: Quis putas hic est, quia & ventis, & mari imperat, & obediunt ei?

(f) Et navigaverunt ad regionem Gerazenor, quæ est contra Galilæam. Et cum de navi egressus esset ad terram, occurrit illi vir quidam qui habebat dæmonium iam temporibus multis, & vestimento non induebatur, neque in domo manebat, sed in monumentis. Is ut vidit Iesum, procidit ante illum, & exclamans voce magna, dixit: Quid mihi, & tibi est Iesu Fili Dei altissimi? Obsecro te, ne me torqueas. Præcipiebat enim spiritui immundo ut exiret ab homine: multis enim temporibus arripiebat illum, & vinciebat eum catenis, & compedibus custoditus; & ruptis vinculis agebatur a dæmonio in deserta. Interrogavit autem illum Iesus dicens: Quod tibi nomen est? At ille dixit, Legio: quia intraverant dæmonia multa in eum.

eum. Et rogaverunt illum ne imperaret illis ut in abyſſum irent. Erat autem ibi grex porcorum multorum paſcentium in monte, & rogabant eum ut permitteret eis in illos ingredi. Et permiſit illis. Exierunt ergo dæmonia ab homine, & intraverunt in porcos: & impetu abiit grex per præceptum in ſtagnum, & ſuffocatus eſt. Quod ut viderunt factum qui paſcebant fugerunt, & nuntiaverunt in civitatem, & in villas. Exierunt autem videre quod factum eſt; & venerunt ad Jeſum, & invenerunt hominem ſedentem, a quo dæmonia exierant, veſtitum, ac ſana mente ad pedes eius, & timuerunt. Nuntiaverunt autem illis & qui viderant, quomodo ſanus factus eſſet a legione. Et rogaverunt illum omnis multitudo Geræzenorum ut diſcederet ab iſiſ: quia magno timore tenebantur. Ipſe autem aſcendens navim, reverſus eſt. Et rogavit illum vir, a quo dæmonia exierant, ut cum eo eſſet. Dimiſit autem eum Jeſus, dicens: Redi in domum tuam, & narra quanta tibi fecit Deus. Et abiit per univerſam civitatem, prædicans quanta feciſſet illi Jeſus.

(g.) Factum eſt autem cum rediſſet Jeſus, excepit illum turba. Erant autem omnes expectantes eum. Et ecce venit vir cui nomen Iaius, & ipſe princeps ſynagogæ erat, & cecidit ad pedes Jeſu, rogans eum ut intraret in domum eius: quia unica filia erat ei ſere annorum duodecim, & hæc moriebatur. Et contigit dum iret, a turbis comprimebatur. Et mulier quæſam erat in fluxu ſanguinis ab annis duodecim, quæ in medicos erogaverat omnem ſubſtantiam ſuam, nec ab ullo potuit curari: accieſit retro, & tetigit ſimbriam veſtimenti eius; & conſeſſim ſtetit fluxus ſanguinis eius. Et ait Jeſus: Quis eſt qui me tetigit? Negantibus autem omnibus, dixit Petrus, & qui cum illo erant: Prætor, turbæ te comprimunt, & aſſiſunt; & dicis, Quis me tetigit? Et dixit Jeſus: Tetigit me aliquis: nam ego novi virtutem de me exiſſe. Videns autem mulier quia non laquit, tremens venit, & procidit ante pedes eius, & ob quam cauſam tetigit eum, indicavit coram omni populo, & quemadmodum conſeſſim ſanata ſit. At ipſe dixit ei: Filia, fides tua ſalvum te fecit: vade in pace.

(h.) Adhuc illo loquente venit quidam ad principem ſynagogæ, dicens ei: Quia mortua eſt filia tua; noli vexare illum. Ieſus autem auſus hoc verbo, reſpondit patri puellæ: Noli timere: crede tantum, & ſalva erit. Et cum veniſſet domum, non permiſit intrare ſecum quemquam niſi Petrum, & Iacobum, & Ioannem, & matrem, & matrem puellæ. Flebant autem omnes, & plangebant illam. At ille dixit: Nolite flere: non eſt mortua puella, ſed dormit. Et deridebant eum, ſcientes quia mortua eſſet. Ipſe autem tenens manum eius, clamavit dicens: Puella, ſurge. Et reverſus eſt ſpiritus eius, & ſurrexit continuo. Et iuſſit illi dari manducare. Et ſtupuerunt parentes eius, quibus præcepit ne alicui dicerent quod factum eſt.

(4.) **T**HEOPHYLACTUS (1) (hoc loco.) Qui cæliſus deſcendit, ut exemplum fieret nobis, & forma, inſtruit nos non pigritare in docendo: unde dicitur: *Et ſanctus eſt deinceps, & ipſe iter faciebat per civitates, & caſtella prædicans, & evangelizans regnum Dei.* GREGORIUS Nazianzenus. Vadit quippe de loco in

locum, non ſolum ut plures lucretur, ſed etiam ut multa dediceret loca. Dormit, laborat, ut ſonnum, & laborem ſanctificet: plorat ut det pretium lacrymis; prædicat cæleſtia, ut audientes exaltet. **TITUS.** Qui enim de cælo ad terram deſcendit, annuntiat habitantibus terram regnum cæleſte, ut terram in cælum convertat. **Quia**

R 3 au-

(1) *M. HIERONYMUS.*

EX EDITIONE P. NICOLAI.

¶ In Ceteris Gize. PP. orat. XXXI. ſuper illud Matth. XVI. Cum conſummaſſet hec ſermo.

autem prædicare debebat regnum Dei, nisi Filius Dei, cuius est regnum? Venerunt plures Prophetae, non tamen prædicaverunt regnum caelorum: nam qualiter eorum quæ non viderunt sermonem prætenderent? **1. SIDORUS Abbas.** Hoc autem regnum Dei aliquibus videtur altius, & melius regno caelesti; quibuldam vero unum & idem secundum essentiam, sed diversimode nominari; aliquando quidem regnum Dei a regnante, aliquando autem regnum caelorum a subditis Angelis, & sanctis, qui caeli dicuntur. **BEDA** (cap. xxix. in Luc.) More autem animum provocantis ad volandum pullos suos, Dominus pedetentim discipulos suos ad sublimitatem erigit. Siquidem primo docet in synagogis, & miracula facit; ex hinc duodecim, quos Apostolos nominat, elegit; postmodum omnes prædicans secum ducit: unde sequitur: *Et duodecim cum illo.* (1.) **THEOPHYLACTUS.** Nondocentes, aut prædicantes, sed instruendi ab eo. Ne autem femineus sexus prohiberi videretur sequi Christum, subditur: *Et mulieres aliquæ, quæ erant curata a spiritibus malis, & infirmitatibus; Maria quæ vocatur Magdalena, de qua septem dæmonia exierant.* **BEDA** (cap. xxix. in Luc.) Maria Magdalena ipsa est, cuius tacito nomine proxima lectio penitentiam (2.) narrat. Nam pulchre Evangelista ubi cum Domino iter facere commemorat, noto hanc vocabulo manifestat; ubi vero peccatricem, sed penitentem describit, mulierem generaliter dicit, ne nomen tantæ famæ, prisca erroris nota susceperet, de qua dæmonia septem exiisse referuntur. **GREGORIUS** in hom. (xxxiii. in Evang.) Quid enim per septem dæmonia nisi universa vitia intelliguntur? Quia enim septem diebus omne tempus comprehenditur, recte septenario numero universalitas figuratur. Septem ergo dæmonia Maria habuit, quæ universis vitiis plena fuit.

Sequitur: *Et Ioanna uxor Chusæ procuratoris Herodis, & Susanna, & alia multe, quæ ministrabant ei de facultatibus suis.* **HIERONYMUS** contra Vigilantium (in Com. super Matth. cap. xxvii. super „mulieres ibi multe.“) Consuetudinis Iudaicæ fuit, nec ducebatur in culpam mo-

re gentis antiquæ, ut mulieres de substantia sua victum atque vestitum præceptoribus darent. Hoc quia scandalum facere poterat in nationibus, Paulus se abiectione commemorat. Ministrabant autem Domini de substantia sua, ut meteret earum carnalia, cuius ipsæ meteabant spiritualia: non quod indigeret cibis Dominus creaturarum, sed ut typum ostenderet magistrorum, quod victum, atque vestitum de discipulis deberent esse contenti. **BEDA** (cap. xxix. in Luc.) Interpretatur autem Maria amarum mare propter penitentiam rugicem, Magdalena turris, vel melius turrensis, a turre, de qua dicitur Psal. lxxvi. „Factus es spes mea, turris fortitudinis a facie inimici.“ Ioanna (3.) Dominus gratia eius, vel Dominus misericors interpretatur, videlicet quia eius est omne quod vivimus. Si autem Maria mundata a sordibus victorum Ecclesiam de Gentibus insinuat, cur non Ioanna eandem designat Ecclesiam, quondam idolorum cultui subditam? Nam quilibet malignus spiritus dum pro regno diaboli facit, quasi Herodis procurator exsistit. Interpretatur Susanna iulium, aut gratia eius, propter odoriferum caelestis vitæ candorem, aureumque internæ dilectionis ardorem.

(b) **THEOPHYLACTUS** (hoc loco.) Quod David in persona Christi prædixit, & Psal. lxxvii. „Aberiam in parabolis ore meum,“ hic Dominus implet: unde dicitur: *Cum autem turba plurima conveniret, & de civitatibus properarent ad eum, dixit per similitudinem.* Loquitur autem Dominus per similitudinem primo quidem ut attentiores faceret auditores: consueverunt enim homines in obscuris se exercitare, & spernere manifesta: deinde ut non caperent indigni quæ mystice dicebantur. **ORIGENES** b (super his verbis.) Et ideo signanter dicitur: *Cum turba plurima conveniret:* non enim sunt multi, sed pauci qui per ardam viam incedunt, & qui inveniunt viam quæ ducit ad vitam: unde Matthæus dicit, quod extra domum docebat per parabolas, sed intra domum parabolas discipulis exposuit. **EUSEBIUS** c. Satis autem congrue Christus primam proponit parabolam multitudini, non solum tunc asstantium, sed etiam futurorum post illos; (4.) inducens

(1.) *M. auferitur* THEOPHYLACTUS. (2.) *M. nominat.* (3.) *M. domus* gratia eius, vel domus misericors. (4.) *M. inducentem.*

EX EDITIONE P. NICOLAI.

a In eadem Catena; vel Ildorus Pelusiorum lib. III. epist. cxxv. quæ Arabiano inscribitur, quibusdam tamen verbis paululum immutatis. b In Cat. Græc. pp. c In eadem Catena Græc.

cens ad audientiam verborum suorum, cum dicit: *Exiit qui seminat, seminare semen suum.* BEDA (cap. xix. in Luc.) Satorem illum nullum melius quam Filium Dei intelligere possumus, qui de sinu Patris, quo creaturæ non erat accessus, egrediens, ad hoc venit in mundum ut testimonium perhiberet veritati. CHRYSOSTOMUS (hom. xlv. in Matth.) Exiit autem qui ubique est, non localiter, sed per amicum carnis nobis appropinquavit. Decenter autem adventum proprium Christus exitum nominat: eramus enim exclusi a Deo: & sicuti condemnati, & rebelles Regi eiecti sunt; qui vero reconciliare vult eos, exeundo ad ipsos extra cum eis loquitur, donec dignos iam factos aspectu regio eos introducat; sicutiam Christus fecit. THEOPHYLACTUS (hoc loco.) Exiit autem nunc, non ut agricolas perderet, aut combureret terram; sed exiit seminare: sæpe enim agricola qui seminat, ob aliam causam exiit, non solum ut seminet. EUSEBIUS a. Exierunt autem non nulli a patria cælesti, & ad homines descendendum, non tamen ut sererent: neque enim satores erant, sed ministratores spiritus in ministerium missi. Moyses etiam, & Prophætæ post eum non inferuerunt hominibus mysteria regni cælorum; sed retrahendo insipientes ab errore nequitiae, & idolorum cultu, quasi colebant animas hominum, & in novalla redigebant. Solus autem omnium factor Verbum Dei exivit, evangelizaturus nova semina, scilicet mysteria regni cælorum. THEOPHYLACTUS (ubi supra.) Non cessat autem Dei Filius semper in nostris animabus seminare: nam non solum cum docet, sed etiam cum creat, in nostris animabus seminat semina bona. TITUS. Exiit autem, ut seminaret semen suum; non autem accipit verbum quasi (1) mutuatum, cum ipse naturaliter sit Verbum Dei vivi. Non est igitur suum proprium semen Pauli, vel Ioannis; sed habent cum acceperint; Christus autem habet proprium semen, profereus doctrinam ex sua natura: unde & Iudæi dicebant Ioan. vii. „ Qualiter hic litteras nostras, quas non didicit? “ EUSEBIUS b. Docet igitur duos esse gradus eorum qui recipiunt semina: primum quidem eorum qui digni facti sunt vocatione cælesti, sed labun-

tur a gratia propter negligentiam, & torporem, secundum vero multiplicantium semen in bonis fructibus. Ponit autem secundo Matthæum tres differentias in quolibet gradu. Nam qui corrumpunt semen, non similem habent perditionis modum, & qui ab eo fructificant, non æquam recipiunt cnpiam. (2) Sane actiones perditionis ostendit semen. Quidam enim cum non peccaverint, suis animabus insita sibi semina salubria perdidit, subtracta (3) ab intentione, & memoria eorum per spiritus malignos, & demones, qui volant per aerem, vel viros fallaces, & callidos, quæ volatilia nuncupavit: unde subdit: *Et dum seminat, aliud cecidit secus viam.* THEOPHYLACTUS. Non dixit, quod seminas protexit aliud secus viam, sed quod semen cecidit. Qui enim seminat docet rectum sermonem; sed sermo diversimode cadit in audientes, ut quidam eorum via dicantur.

Et concultatum est, & volucres cæli comederunt illud. CYRILLUS c. Arida enim est, & inculta quodammodo omnis via, eoquod a cunctis concultatur, ac nihil ex feminibus humatur in ea. Sic igitur habentes cor indocile non penetrat divina monitio, ut possit laudem germinare virtutum; sed tales sunt via frequentata immundis spiritibus. Sunt iterum aliqui leviter gerentes fidem in se quasi in verborum simplicitate: horum fides caret radice, de quibus subditur: *Et aliud cecidit supra petram, & natum aruit, quia non habebat humorem.* BEDA (super *Aliud cecidit*.) Petram dicit durum, & indomitum cor. Hoc est autem humor ad radicem seminis, quod iuxta aliam parabolam oleum ad lampades virginum nutriendas, id est amor, & perseverantia virtutis. EUSEBIUS d. Sunt etiam aliqui, qui per avaritiam, & appetitum voluptatum, & mundanas sollicitudines, (4) quas quidem spinas nuncupat, immisilum sibi semine suffocaverunt, de quibus subditur: *Et aliud cecidit inter spinas; & simul exorta spina suffocaverunt illud.* CHRYSOSTOMUS (homil. iv. in Matth.) Sicut enim spinæ non permittunt oriri semen, sed ex condensatione suffocant immisilum; sic sollicitudines vitæ præsentis semen spirituale fructificare non sinit. Increpanda autem esset agricola qui super

(1) *Id. mutuatum.* (2) *P. Nicolai habet melius. Sane occasiones perditionis semen ostendit.* (3) *Id. amittitur ab.* (4) *Id. quas quidam spinas nuncupant.*

super sensibiles spinas, & petram, & viam seminare. Non enim possibile est petram terram fieri, nec viam non esse viam, nec spinas non esse spinas; in rationalibus autem seminare: possibile est enim petram converti in terram pinguem, & viam non conculcari, & spinas dissipari. GYRILLUS a. Sunt autem terra pinguis, & ferax, animæ honestæ, & bonæ, quæ in profundo suscipiunt verbi semina, & retinent, & fovent; & quantum ad hoc subditur: *Et aliud cecidit in terram bonam, & ortum fecit fructum centuplum*. Cum enim in mentem mundam ab omnibus (1) perturbationibus verbum divinum infunditur, tunc immittit radices in profundum, & germinat tamquam spica, & convenienter perfructur. BEDA. Fructum enim centuplum, fructum perfectum dicit: nam denarius numerus pro perfectione semper accipitur, quia in decem præceptis legis custodia continetur; denarius autem numerus per semetipsum multiplicatus, in centenarium surgit: unde per centenarium magna perfectio significatur. GYRILLUS b. Quæ autem sit sententia parabolæ, accipimus per eum qui eam composuit: unde sequitur: *Ita dicens clamabat: Qui habet aures audiendi audiat*. BASILIUS c. Audire pertinet ad intellectum: unde per hoc Dominus excitat (2) ad exaudiendum attente mentionem eorum quæ dicuntur. BIDA (super *Qui habet aures audiendi*). Quoties enim hæc admonitio vel in Evangelio, vel in Apocalypsi Joannis interponitur, mysticum esse quod dicitur, querendumque a nobis intentionis ostenditur: unde discipuli ignorantes, Salvatorem interrogant: sequitur enim: *Interrogabant autem eum discipuli eius quæ esset hæc parabola*. Nemo tamen putet finita mox parabola discipulos hoc interrogasse; sed, ut Marcus ait cap. iv. 9, cum esset singularis, 11, interrogaverunt eum. "ORIGENES d (super *Interrogabant autem eum quæ esset hæc parabola*). Est autem parabola sermo quasi facti, non autem facti iuxta quod dicitur, possibilis autem fieri, rerum significativus per transumptionem eorum quæ in parabola traduntur. Aenigma vero est procellus ser-

monis in his quæ (3) traduntur quasi facta; quæ tamen non sunt facta, nec possibilia fieri, significant vero aliquid in occulto; sicut quod dicitur in Libro Iudicum cap. ix. quod ligna iverunt ut ungerent sibi Regem. Non est autem ad litteram factum quod dicitur, *Exiit qui seminat*, sicut ea quæ narrat historia, possibile tamen fuit fieri. EUSEBIUS e. Dominus vero docuit eos causas quare turbis per parabolas loquebatur: unde subditur: *Quibus ipse dixit: Vobis datum est nosse mysterium regni Dei*. GREGORIUS Nazianzenus f. Cum hoc audis, non introducas diversas sententias secundum quosdam hæreticos, qui putant hos quidem esse percunctis naturæ, hos vero salubris; quodam vero sic se habere, ut eorum voluntas eos ducat ad peius, vel melius: sed addas ei quod dicitur, *Vobis datum est*, id est volentibus, & simpliciter dignis. THEOPHYLACTUS (super *Vobis datum est nosse mysteria*). His autem qui sunt indigni tantis mysteriis obscurare dicuntur: unde (4) subditur: *Ceteris autem in parabolis, ut videntes non videant, & audientes non intelligant*. Videre enim se putant, non vident autem; & audiunt quidem, sed non intelligunt. Huius ergo gratia hoc eis Christus abscondit, ne maius eis præiudicium generetur, si postquam novissent Christi mysteria, contemplerint. Qui enim intelligit, & postea spernit, gravius puniatur. BIDA (super *Ceteris in parabolis*). Recte igitur in parabolis audiunt, quando clausis sensibus cordis, non curant cognoscere veritatem, oblitii eius quod Dominus dixerat, *Qui habet aures audiendi, audiat*. GREGORIUS in hom. (xv. in Evang.) Dominus autem dignatus est exponere quod dicebat, ut sciamus rerum significationes querere etiam in his quæ per semetipsum (5) noluit explanare: sequitur enim: *Est autem hæc parabola. Semen est verbum Dei*. EUSEBIUS g. Destruentium autem immissa semina suis animabus tres dicit esse causas. Quidam enim destruant in se semen reconditum, dantes leviter auditum volentibus fallere, de quibus subdit: *Quod autem secus viam, hi sunt qui audiunt; deinde veni-*

(1) *Al.* perturbantibus. (2) *Al.* ad exaudiendum, attente &c. item ad audiendum attente. P. Nicolai ad exaudiendum attente intentionem eorum quæ dicuntur. (3) *Al.* dicuntur. (4) *Al.* sequitur. (5) *Al.* voluit.

EX EDITIONE P. NICOLAI.

a Ubi supra. b Ibidem. c In Cap. Græc. PP. ubi supra. d In eadem Catena; notatur autem ex illis Comm. in Proverbia, quod nunc non extat, e Item in Cap. Græc. PP. f Ibidem. g Habetur apud illum Orat. xxi. quam inserbit in dictum illud Evangelium, cum consummasset Jesus hos sermones. Ut supra.

nit diabolus, & tollit verbum de corde eorum, ne credentes salvi fiant. BEDA (super Deinde venit diabolus.) Quis scilicet verbum quod audiunt, nulla fide, nullo intellectu, nulla saltem tentanda utilitate actione percipere dignantur. EUSEBIUS a. Quidam vero cum in mentis profundo non susceperint verbum Dei, facile extinguuntur adveniente adverteitate; de quibus subdit: Nam qui supra petram, hi sunt qui cum audierint, cum gaudio suscipiunt verbum; & hi radices non habent, quia ad tempus credunt, & in temptationis recedunt. CYRILLUS b. Cum enim intrant Ecclesiam, lætantes (1) attentant divina mysteria, sed ex levi voluntate; ut autem egressi sint Ecclesiam, obliviscuntur sacramentorum disciplinarum: & si fides christiana non fluctuat, permanent; turbante vero persecutione, pro fugam habent mentem, (2) quia fides eorum caret radice. GREGORIUS in homil. (xv. in Evang.) Multi boni operis initia proponunt, sed mox ut fatigari adversitatibus, vel temptationibus cœperint, inchoata derelinquunt. Petrosa ergo terra humorem non habuit, quæ hoc quod germinaverat, ad fructus perseverantiam non perduxit. EUSEBIUS c. Quidam vero suffocant reconditum in eis semen divitiis, & illecebris, quasi quibusdam suffocantibus spinis; de quibus subditur: Quod autem in spinis cecidit, hi sunt qui audierunt, & a solitudinibus, & divitiis, & voluptatibus vitæ gressus, suffocantur, & non referunt fructum. GREGORIUS in homil. (xv. in Evang.) Mirum quomodo Dominus divitiis spinas interpretatus sit, cum illæ pungant, istæ delectent: & tamen spinæ sunt, quia cogitationum suarum punctioibus mentem lacerant, & cum usque ad peccatum pertrahunt, quasi insidioso vulnere cruciant. Duo autem sunt quæ divitiis iungit, solitudines, & voluptates: quia per curam mentem opprimunt, & per affluentiam resolvunt. Suffocant autem semen, quia importunitis cogitationibus guttur mentis strangulant, & dum bonum desiderium intrare ad cor non sinunt, quasi aditum vitalis flatus verant. EUSEBIUS d. Hæc autem ex provisione a Salvatore prædicta sunt. Sic autem se habere patefacit effectus: non enim

aliter aliqui a verbo divini cultus deficient nisi secundum aliquem modorum prædictorum ab eo. CHRYSOSTOMUS (hom. xlv. in Matth.) Et ut plura brevibus comprehendam, hi quidem tamquam negligentes audire, hi tamquam delicati, & debiles, hi vero tamquam servi sadi voluptatis, & rerum mundi, a bono desunt. Bonus etiam ordo viæ, petra, & spinarum: opus enim est primo memoria, & cautela, deinde fortitudinis, consequenter contemptus præsentium. Consequenter ponit bonam terram contrario modo se habentem ad viam, & petram, & spinas, cum subdit: Quod autem in terram bonam, hi sunt qui in corde bono & optimo verbum retinent, & fructum afferunt in patientia. Nam qui secus viam positi sunt, non retinent verbum, sed rapit eis semen diabolus; qui vero sunt in petra non solum in patientia temptationis insulsum propter imbecillitatem; qui vero sunt in spinis, non fructificant, sed suffocantur. GREGORIUS in hom. (xv. in Evang.) Terra ergo bona fructum per patientiam reddit: quia nulla sunt bona quæ agimus, si non æquanimitate etiam proximorum mala toleramus. Fructum ergo per patientiam reddunt: quia cum humiliter (3) flagella suscipiunt, post flagella ad requiem sublimiter cum gaudio suscipiuntur.

(c) BEDA (cap. xxx. in Luc.) Quia supra dixerat Apostolis: Vobis datum est nosse mysterium regni Dei, ceteris autem in parabolis: nunc ostendit per eos aliquando etiam ceteris idem mysterium esse revelandum, dicens: Nemo autem lucernam accendens operis eam vase, aut subtus lectum ponit; sed supra candelabrum ponit, ut intrantes videant lumen. EUSEBIUS e. Quasi dicat: Sicut lucerna accenditur ut luceat, non ut operatur sub modio, vel lecto; sic etiam secreta regni cælorum in parabolis edicit, quamvis lateant alienos a fide, (4) tamen penes omnes manifestum habebunt sensum: unde subdit: Non enim est occultum quod non manifestetur, nec absconditum quod non agnoscatur, & in palam veniat; quasi dicat: Quamvis plurima in parabolis dicta sint, ut videntes non videant, & audientes non intelligant propter sui incredulitatem, totus tamen sermo pate-

(1) P. Nicolai legi attendunt. (2) M. deest quia. (3) M. verba. (4) M. non tamen. Corrigit P. Nicolai non tamen penes omnes immanifestum habebunt sensum.

parebit. AUGUSTINUS de Quæst. Evang. (Lib. II. qu. XII.) Vel aliter totum. His verbis typice docet fiduciam prædicandi, ne quis timore carnalium incommodorum lucem scientiæ abcondat: vas enim, & lecti nomine carnem, lucernæ autem vocabulo verbum designat; quod ob metum carnalium incommodorum occultat qui ipsam carnem præponit manifestationi veritatis, & ea quasi operit verbum qui prædicare trepidat. Supra candelabrum autem ponit lucernam qui corpus suum ministerio Dei subicit, ut superior sit prædicationi veritatis, & inferior servituti corporis. ORIGENES (de ser. Domini Lib. I. cap. XII.) Sed & qui vult adaptare lucernam perfectioribus Christi discipulis, persuadebit nobis per ea quæ dicta sunt de Ioanne, quoniam ipse erat lucerna ardens, & lucens. Non decet ergo eum qui lucernam rationalem accendit in anima, abscondere eam sub lecto, ubi quis requiescit, nec sub aliquo alio vase. quia qui facit hoc, non providet intrantibus domum, quibus lucerna paratur; sed oportet superponere candelabro, idest omni Ecclesiæ. CHRYSOSTOMUS (hom. xv. in Matth.) Hoc autem dicens, inducit eos ad vitæ diligentiam, docens eos strenuos esse, quasi expectatos aspectibus omnium, ac pugnantes in mundo quasi in theatro; quali dicat: Ne consideretis quod manemus in modica parte mundi, eritis enim omnibus noti: quia tantam virtutem impossibile est latere. MAXIMUS. Vel forsan seipsum appellat Dominus lucernam radiantem cunctis habitantibus domum, idest mundum, cum sit naturaliter Deus, & factus dispensative caro; & sic quasi lux ad instar lucernæ retinetur in testa carnis per mediam animam, sicut per lychnum ignis in testa lucernæ. Vocat autem candelabrum Ecclesiam, supra quam Verbum divinum effulgens, quasi quamdam domum illuminat radiis veritatis. Dixit autem similitudinariè vas, aut lectum, corporealem cultum legis, sub quo contineri non vult. BEDA (cap. xxx. in Luc.) Instante autem nos Dominus docet verbo auscultare, ut & nostro illud pectore continue ruminare, & alieno eruere sufficimus au-

ditui; unde sequitur: *Videte ergo quid audistis. Qui enim habet, dabitur illi; & quicumque non habet, etiam quod putat se habere, auferetur ab illo.* Quali dicat: Tota intentione verbo quod audistis operam date: quia qui amorem habet verbi, dabitur illi & sensus intelligendi quod amat; at qui verbi audiendi amorem non habet, etsi vel naturali ingenio, vel litterario calore se putaverit exercitio, nulla sapientiæ dulcedine gaudebit. Sæpe enim desidiosus ingenium accipit, ut de negligentia iustius puniatur: quia quod sine labore allequi (1) potuit, scire contemnit; & nonnumquam studiosus tarditate intelligentiæ premitur, ut eo maiora præmia retributionis inveniat, quo magis studio inventionis elaborat.

(d) TITUS d. Derelictis cognatis carnalibus, Dominus insiltebat doctrinæ paternæ. Quia vero desiderabatur propter absentiam, accedunt ad eum: unde dicitur: *Venerunt autem ad illum mater, & fratres eius, & non poterant adire eum pro turba.* Si audieris de fratribus Domini, (2) addece pietatem, & intellige gratiam: nullus enim secundum divinitatem Salvatoris frater est, unigenitus enim est; sed pietatis gratia communicavit nobis in carne, & sanguine, & factus est frater noster, cum esset naturaliter Deus. BEDA (cap. xxx. in Lucam.) Fratres tamen Domini secundum carnem dicuntur non filii Beatæ Mariæ genitricis Dei secundum Elvidium, nec filii Ioseph de alia uxore secundum quosdam putandi sunt; sed eorum potius intelligendi sunt esse cognati. TITUS. Putabant autem fratres eius quod eorum audiret presentiam, dimitteret populum, reveritus maternum nomen, & flexus amore materno: unde sequitur: *Et nuntiatum est illi: Mater tua, & fratres tui foris sunt, volentes te videre.* CHRYSOSTOMUS (hom. xlv. in Matth.) Considera qualem erat, affante ei toto populo, & ab ore eius pendente, iam inchoata doctrina, eum foras extrahere. Ob hoc Dominus quasi increpando respondit: sequitur (3) enim: *Qui respondens dixit ad eos: Mater mea, & fratres mei hi sunt qui verbum Dei audiunt, & faciunt.* AMBROSIVS (Lib. VI. in Luc. cap.

(1) *Al.* poterit. (2) *Al.* addece. (3) *Al.* dixit enim.

EX EDITIONE P. NICOLAI.

* Quod subiungitur ex Augustino, habet potius Beda; etsi utrumque Augustinus tale aliquid insinuat in Q. Evang. loc. cit. & in Catena Græc. PP. & ibidem. d. In Cat. Græc. PP. non ex Commentario in hunc locum, sed in Matth. quo nos pro huius loci explicatione remittit; sed non erat. * Ibidem.

cap. de respon. Iesu.) Moralis magister, qui de se ceteris præbet exemplum, præscripturus ceteris quoniam qui non relinquit patrem, aut matrem suam, non est Filio Dei dignus, sententiæ huic ipse primus se subiicit, non quod maternæ relictæ pietatis obsequia: ipsius enim præceptum est Exod. xxi. „Qui non honorificaverit patrem & matrem, morte moriatur, sed quia paternis se mysticis amplius quam maternis affectibus debere cognoscit. Neque tamen iniuriöse resutantur parentes, sed religiosiores copulæ mentium docentur esse quam corporum. Ergo hic non, ut quidam hæretici tendiculas aucupantur, mater negatur, quæ etiam de cruce agnoscitur; sed necessitudini corporali præscriptorum caelestium forma præferetur. BEDA (cap. xxx. in Luc.) Hi igitur qui verbum Dei audiunt, & faciunt, mater Domini vocantur, eo quod illum quotidie suo exemplo, vel dicto quasi parturiunt. In cordibus proximorum; fratres quoque sunt eius, cum & ipsi faciant voluntatem Patris eius qui in cælis est. CHRYSOSTOMUS (hom. xlv. in Matth.) Non autem hoc dixit increpando matrem, sed eam plurimum adiuuando. Nam si erga ceteros sollicitus erat, ut generaret eis de se debitam opinionem, multo magis erga matrem: non autem eleuasset eam ad illa fastigia, si semper expectaret honorari ab eo tamquam a filio, non autem cum Dominum reputaret. THEOPHYLACTUS (super Mater, & fratres eius.) Quidam vero hoc sic intelligunt, quod Christo docente quidam invidentes, substantes eum super doctrinam eius, dixerunt: Mater tua, & fratres tui sunt foris volentes te videre; tamquam propter hoc ignobilem eum demonstrarent: & ideo qui mentem eorum cognovit, sic eis respondit, quoniam non nocet viliis confanquitas; sed si ignobilis quis existat, audiatur autem verbum Dei, ipsum sanguinem reputat. Quia tamen audire solum neminem saluat, sed magis condemnat, subiungit, Et faciunt: decet enim audire, & facere. Verbum autem Dei dicit suam doctrinam: quæcumque enim ipse dicebat, Patris erant. AMBROSIVS (Lib. VI. in Luc. ii. de resp. Iesu.) Mystice autem non debuit foris stare qui Christum quærebat: unde & ille ait Psal. xxxiii. „Accedite ad

S. Th. Oper. Tom. V.

„eum, & illuminamini. “ Si enim foris stant, nec ipsi agnoscuntur parentes: & propter nostrum fortasse non agnoscuntur exemplum, quemadmodum nos non agnoscimus, si foris stemus. Illud quoque intelligere non abhorret, quia per figuram parentum demonstrat Iudeos, ex quibus est Christus secundum carnem, Ecclesiamque synagogæ credidit præferendam. BEDA (cap. xxxi. in Luc.) Intus enim eo docente venientes intrare nequeunt, cuius spiritualiter intelligere dicta negligunt. Præoccupans autem turba intravit in domum, quia differente Iudæa, Gentilitas confluit ad Christum. Foris autem stantes volunt Christum videre, qui spirituales in lege sensum (1) non quærentes, sese ad custodiam literarum fixerunt, & quasi Christum potius ad docenda carnalia cogunt exire, quam se ad discenda spiritualia consentiunt intrare.

(c) CYRILLUS a. Quia discipuli omnes beneficiatos a Christo videbant, decebat etiam ipsos sensum in beneficiis Christi delectari: non enim similiter quis considerat quæ sunt in alienis corporibus ut in suis: & ideo Dominus discipulos & mari, & ventis exposuit: unde dicitur: Factum est autem in una diebus, & ipse ascendit in unam naviculam, & discipuli eius; & ait illis: Transfretum trans flagnum; & ascenderunt. CHRYSOSTOMUS (hom. xlix. in Matth.) Vitans quidem Lucas quæstionem quæ sibi fieri posset de temporum ordine, dicit eum in una diebus intrasse naviculam. CYRILLUS b. Si autem vigilante Domino accidisset tempestas, vel non timuissent discipuli, vel non exhorruissent, vel non credidissent eum posse tale aliquid facere. Quapropter dormit, præstans tempus timori: sequitur enim: Navigantibus autem illis, obdormivit, & descendit procella venti in flagnum. AMBROSIVS (Lib. VI. in Luc. cap. de ascensu Iesu in navim.) Supra habes, quia pernoctabat in oratione; quomodo hic in tempestate dormit? Sed exprimitur securitas (2) potestatis, quomodo omnibus timentibus solus intrepidus quiescebat; sed quiescebat corporis somno, cum intenderet divinitatis mysterio: nihil enim sine Verbo fit. CYRILLUS c. Cum magna autem dispensatione videtur esse peractum ne

S

mox

(1) Al. omittitur non. (2) Al. tempestatis.

EX EDITIONE P. NICOLAI.

a In Cat. Grec. PP. b Ut ex Cyrillo prius notabatur, sed est in Chrysostomo post prædicta. c Ut supra.

mox postquam tempestas invadere coepit naviculam, quaerere ab eo suffragium, sed postquam malum invaluit, ut manifestior fiat divinae maiestatis potestas: unde dicitur: *Et compellabantur, & periclitabantur*: quod quidem Dominus permittit exercitationis gratia, ut cum confessi fuerint periculum, cognoscant miraculi magnitudinem. Unde postquam magnitudo periculi in intolerabilem metum eos urgebat, tamquam aliam spem non habentes salutis, nisi solum ipsum Dominum virtutum, eum excitaverunt.

Sequitur: *Accedentes autem suscitaverunt eum, dicentes: Praceptor, perimus*. AUGUSTINUS de Con. Evang. (Lib. II. cap. xxiv.) Matthaeus quidem dicit cap. vi. „Do- mine salva nos, perimus:“ Marcus autem cap. iv. „Magister, non ad te attinet, quia perimus?“ Eadem autem est sententia excitantium Dominum, volentiumque salvari. Nec opus est quaerere quid horum potius Christo dictum sit: sive enim aliquid horum trium dixerint, sive alia verba, quae nullus Evangelistarum commemoravit, tantumdem autem valentia, quid ad rem interest? Quamquam etiam hoc fieri potuerit ut, pluribus eum excitantibus, omnia haec, aliud autem ab aliis diceretur. CYRILLUS A. Non autem erat possibile eos perire existente cum eis Omnipotente: unde illico surgit Christus, qui habet omnium potestatem, & sedat confestim procellam, & ventorum impetum. *Et cessavit tempestas, & facta est tranquillitas*: in quo ostendit se Deum esse, cui in Psalmo lxxxviii. dicitur: „Tu dominaris potestati maris, motum autem fluctuum eius tu mitigas.“ BEDA (cap. xxxi. in Luc.) Sic igitur in hac navigatione Dominus utramque unius eiusdemque personae naturam ostendit, dum is qui ut homo dormit in navi, furem maris ut Deus verbo coarctat. CYRILLUS B. Simul autem cum tempestate aquarum solvit tempestatem animarum: unde sequitur: *Dixit autem illis: Ubi est fides vestra?* In quo verbo ostendit quod timorem non facit tentationum inducium, sed imbecillitas mentis. Sicut enim aurum probatur in igne, sic in tentationibus fides. AUGUSTINUS de Con. Evang. (Lib. II. cap. xxiv.) Hoc autem ab aliis Evangelistis aliis verbis di-

ctum est. Matthaeus enim dicit eum dixisse: „Quid timidi estis modicæ fidei?“ Marcus autem dicit: „Quid timidi estis?“ Necdum habetis fidem? id est illam perfectam velut granum synapsis. Hoc ergo & ille ait, „Modicæ fidei.“ Lucas autem, *Ubi est fides vestra?* Et totum quidem dici potuit. „Quid timidi estis?“ *Ubi est fides vestra?* „Modicæ fidei?“ unde aliud hic, aliud ille commemorat. e AMBROSIVS (ubi supra.) Pacata igitur tempestate ad imperium Christi, discipuli stupefacti miraculo, susurrabant viri invicem: unde sequitur: *Qui timentes, mirati sunt, ad invicem dicentes: Quis putas hic est, quia & ventis imperat, & mari; & obediunt?* Non autem discipuli, ut ignorantes eum, hoc dixerunt ad invicem: noverant (1) enim eum Deum esse, & Filium Dei Iesum: admirantur autem innatæ potestatis abundantiam, & divinitatis gloriam; quamvis similis nobis esset, & vilibilis secundum carnem: unde dicunt: *Quis est hic?* id est qualis, & quantus, & in quanta virtute, & maiestate? Imperio enim est opus, dominativum præceptum, non servilis petitio. BEDA (cap. xxxi. in Luc.) Vel non discipuli, sed nautæ, & alii mirantur qui in navi erant. Allegorice autem mare, vel flagnum tenebrosus est, & amarus mundi æstus. Navicula arbor crucis, cuius beneficio fideles adiuvi cœlestis mundi fluctibus obtinent litus patriæ cœlestis. AMBROSIVS (Lib. & titulo ubi supra in principio.) Itaque Dominus, qui se intelligit propter divinum in terras mysterium venisse, relictis parentibus navem ascendit. BEDA (cap. xxxi. super *Navigantibus autem illis*.) Ascendunt (2) autem & discipuli admoniti cum eo: unde ipse ait, Matth. xvi. „Si quis vult post me venire, abneget se,“ metipsum, & tollat crucem suam, & sequatur me. „Discipulis navigantibus, id est fidelibus sæculum calcantibus, & futuri sæculi animo quietem meditantibus, & per sancti Spiritus flatum, vel etiam proprii remigii conatum, inhiis mundi fastus certatim post terga iactantibus, subito obdormivit Dominus; id est, advenit tempus dominicæ passionis; & descendit procella, quia Domino somnum mortis in cruce subeunte, fluctus persecutionum demoniacis flatibus

(1) A. desit enim. (2) A. mittitur autem.

a Ibidem. b Ubi supra. c CYRILLUS, non Ambrosius, ut perperam antea notabatur. Tale aliquod quoque Theophylactus in hunc locum, & Chrysostomus hom. xxix. in Matth. innuunt.

tibus (1) exurgunt. Fluctibus autem non Domini patientia turbatur, sed discipulorum imbecillitas concutitur, & trepidat; qui suscitarent Dominum ne eo dormiente pereant: quia cuius mortem viderant, resurrectionem optant; quæ si differretur, ipsi in perpetuum perirent. Unde surgens increpat ventum, quia celeri resurrectione per mortem destruit superbiæ diaboli, qui habebat imperium mortis. Tempestatem autem aquæ facit cessare, quia rabiem Iudæorum morti eius insultantium relurgens labefacit. A MBROSIVS (nbi supra.) Et ad veras, sine tentatione neminem posse ex hoc vitæ curriculum demigrare, quia exercitium fidei tentatio est. Subiecti igitur sumus nequitie spiritualis procellis; sed quasi pervigiles nautæ gubernatorem excitemus, qui non serviat, sed imperet ventis; qui etsi iam non dormiat sui corporis somno, caveamus tamen ne nostri corporis somno nobis dormiat, & quiescat. Bene autem arguuntur qui præfente Christo timebant, cum utique ibi aderat qui perire non posset. BEDA (super *Ubi est fides vestra?*) Cui simile est quod post mortem discipulis apparens exprobravit incredulitatem eorum; & sic tumidis gurgitibus sedatis, patefecit cunctis potentiam suæ divinitatis.

(f) CHRYSTOSTOMUS. Salvator navigando una cum discipulis ad portum pervenit: unde dicitur: *Et navigaverunt ad regionem GERAZENORUM, quæ est contra Galileam.* TITUS b. Veraciora exemplaria nec GERAZENORUM habent, nec GADAZORUM, sed GERGAZENORUM: est enim Gadara civitas in Iudæa, stagnum autem, vel mare nullatenus invenitur in ea; sed Geraza civitas Arabiæ est, nec stagnum, nec mare iuxta habens. Est autem Gergeza, a qua Gergesæ, urbs antiqua iuxta Tiberiacum stagnum, circa quam est rupes stagno vicina, in quod ostenditur delectos fuisse porcos a dæmonibus, Quia tamen Geraza, & Gadara consonium habent cum terra GERGEZINORUM, verisimile est inde ad horum terram porcos fuisse adductos. BEDA (cap. xxxiii. in Luc.) Geraza enim urbs est insignis Arabiæ trans Iordanem iuncta monti Galaad, quam tenuit tribus Manasse, non longe a stagno Tiberiadis, in quo porci præcipitati sunt. CHRYSTOSTOMUS (hom. xxix. in Matth.) Cum

autem Dominus descendisset a mari, occurrerit ei aliud terribilius miraculum: nam dæmoniacus, tamquam servus videns dominum, servitutem confitetur: unde sequitur: *Et cum egressus esset ad terram, occurrit illi vir quidam qui dæmonium habebat iam temporibus multis.* AUGUSTINUS de Con. Evang. (Lib. II. cap. xxiv.) Quod Matthæus duos dicit fuisse dæmoniacos; Marcus autem, & Lucas unum commemorant: intelligas unum eorum fuisse personæ alicuius clarioris, & famosioris, quem regio illa maxime dolebat, & pro cuius salute plurimum satagebat. Hoc volentes significare duo Evangelistæ solum commemorandum indicaverunt de quo facti huius fama latius præclariorque fragoraverat. CHRYSTOSTOMUS (hom. xxix. ut supra ante med.) Vel Lucas elegit ex illis duobus eum qui facior erat: unde sibi narrat eius infortunium, cum subdit: *Et vestimentis non induebatur, neque in domo manebat, sed in monumentis.* Visitant autem dæmones mortuorum sepulchra, volentes imbucere homines periculosa doctrina, quod scilicet mortuorum animæ dæmones sunt. CYRILLUS sc. Quod autem nudus petebat defunctorum sepulchra, dæmoniacæ ferocitatis erat indicium. Permittit autem quoddam dispensatæ Deus subesse dæmonibus ut nos perpendamus per eos quales sunt dæmones erga nos, ut renuamus ei subici velle; & sic uno patiente ædificatur quamplures. CHRYSTOSTOMUS (hom. xxix. in Matth.) Quia vero hominem eum populi fitebantur, accesserunt dæmones divinitatem prædicantes ipsius, quam etiam mare sua tranquillitate clamaverat: unde sequitur: *Is ut vidit Iesum, procidit ante illum, & exclamavit voce magna, & dixit.* CYRILLUS d. Attendas hietimorem annexum audaciæ, & desperationis multæ: signum enim diabolicæ desperationis est (2) in audendo dicere: *Quid mihi, & tibi est Iesu Fili Dei altissimi?* timoris vero cum precatur: *Observa te, ne me terneas.* Sed si nosti eum esse Filium Dei altissimi, fateris eum Drum cæli, & terræ, & eorum quæ continentur in eis. Qualiter igitur non tua, immo sua usurpas, & dicis: *Quid mihi, & tibi?* Quis autem principum terrenorum omnino sublinebit a Barbaris laqueis suo subiectos imperio? Unde sequitur:

S 2 tur:

(1) Nictus apertè exclat. (2) Al. audiendo.

EX EDITIONE P. NICOLAI.

• CYRILLUS in Cat. Græc. PP. b In Mattheum. c In Cat. Græc. PP. d Ibidem.

tur: *Præcipiebatur enim spiritui immunde ut exiret ab homine: & necessitatem præcepti ostendit subdicens: Multis enim temporibus arripiebatur illum; & vinciebatur catenis, & compedibus custoditus; & ruptis vinculis agebatur a dæmone in desertum.* CHRYSOSTOMUS (ubi supra.) Unde quia nemo audebat dæmoniacum tenere, ipse Christus ad eum vadit, alloquens ipsum. Sequitur: *Interrogavit autem illum Iesus, dicens: Quod tibi nomen est?* a Non velut incius nomen inquiri, sed ut confessi peste quam tolerabat, virtus curantis gratior emicaret. BEDA (cap. xxxii. in Luc.) Sed & nostri temporis sacerdotes qui per exorcismi gratiam dæmones eicere norunt, solent dicere, patientes non aliter valere curari, nisi omne quod ab immundis spiritibus vigilantes, dormientesve pertulerint, confitendo patenter exponant, & maxime quando corporis humani concubitus petere se, ac patrare consingunt; unde & hic confessio subditur: *At ille dixit, Legio: quia intraverant dæmonia multa in eum.* GREGORIUS Nissenus b. Imitantes quidam dæmones supernas militias, & legiones angelicas, dicunt se legionem, sicut & eorum principes dicit se positurum thronum super astra, ut fiat Altissimo similis. CHRYSOSTOMUS (hom. xxix. in Matth. ante med.) Postquam autem Dominus supervenerat dæmonibus creaturam Dei perturbantibus, putabant eum propter excessum eorum quæ fiebant non expectare tempus supplicii: & quia culpam distiteri non poterant, insistant cito sustineant pœnam: unde sequitur: *Et rogaverunt illum ne imperaret illis ut in abyssum irent.* THEOPHYLACTUS (hoc loco.) Quod qui idem postulant dæmones volentes adhuc cum hominibus conversari. CYRILLUS c. Hinc (1) autem palam est quod emulæ catervæ maiestatis divinæ, ineffabili potentia Salvatoris derudebantur ad inferna. MAXIMUS d. Statuit autem Deus unicuique peccatorum consonam pœnam, gehennam ignis propter carnis incendium, stridorem dentium propter risum lascivium, in tolerabilem sitim propter voluptatem, &

crapulam, pervigilem vermem propter obliquum, & malignum cor, caliginem perpetuam propter ignorantiam, & fallaciam, lybium abyssi propter superbiam: unde dæmonibus tamquam superbis abyssi delegatur.

Sequitur: *Erat autem ibi grex multorum porcorum pascentium in monte.* AUGUSTINUS de Conlen. Evang. (Lib. II. cap. xxiv.) Quod Marcus dixit circa montem fuisse gregem porcorum, Lucas autem in monte, non repugnat: grex enim porcorum tam magnus fuit, ut aliquid eius esset in monte, aliquid circa montem: erant enim duo millia porcorum, sicut Marcus expressit. AMBROSIIUS (Lib. VI. in Lucam cap. de homine a dæmone agitato, ante med.) Dæmones autem caelestis luminis claritatem sustinere non poterant, ut qui oculos dolent, radios solis ferre non possunt. CYRILLUS e. Et ideo turba immundorum spirituum petit mitti, in conformem sibi gregem immundorum porcorum.

Sequitur: *Et rogabant eum ut permitteret eis in illos ingredi.* ATHANASIUS in vita Antonii. Quod si super porcos potestatem non habent, multo magis (1) nullam habent dominium contra homines factos ad imaginem Dei. Oportet ergo Deum solum timere, contemnere autem illos. CYRILLUS f. Dominus autem concessit eis potestatem, ut hoc inter cetera fiat nobis causa salutis, & roboris spes. Sequitur, *Et permisit illis.* Considerare ergo oportet, quod dæmones pravi sunt, & hostiles his qui eis sunt subditi, ut potest patere ex eo quod præcipitaverunt, & suffocaverunt porcos in aquis: unde sequitur: *Exierunt ergo dæmonia ab homine, & intraverunt in porcos, & impetu abitis grex per præceptum in stagnum, & suffocatus est.* Et ideo concessit eis Christus potentibus, ut ex eventu appareat quam sint crudeles. Erat etiam necessarium ostendere Filium Dei providentiam rerum habere non minus quam Pater, ut æqualitatis decor in utroque appareat. TITUS g. Fugam autem pastores arripiunt, ne cum porcis perirent:

(1) a. Hoc autem. (2) a. nullam habent dæmones.

EX EDITIONE P. NICOLAI.

a BEDA. Chrysostomi nomine notabatur antea hæc appendix, & Beda nomen apponebatur solum ante sequentem de sacerdotum exorcismo: sed ex Beda utraque desumpta est. b In Catena Græcorum PP. ex homilia in Cantica notatur sine certo indice: sed colligitur ex hom. xiv. plenioribus verbis, non tamen huius loci occasione, qui nec ibi expresse, sed implicite tantum indicatur. c Ubi supra. d In Cat. Græc. PP. e Ubi supra. f Ibidem. g In Matth.

furent: unde sequitur: *Quod ut viderunt factum, qui pascabant fugerunt, & nuntiaverunt in civitatem, & in villas: & huiusmodi terrorem civibus intulerunt. Duxit autem eos ad Salvatorem damni necessitas. Sequitur: Exierunt autem videre quod factum est, & venerunt ad Iesum. Ubi considera, quod dum Deus homines punit in rebus, confert beneficium animabus. Cum autem protulissent, viderunt sanum eum qui iugiter vexabatur. Sequitur: Et invenierunt hominem sedentem, a quo demonia exierant, vestitum, qui antea continuo nudus erat, ac sana mente ad pedes eius: non enim discedit a pedibus, a quibus est nactus salutem: & sic agnoscantes signum, mirati sunt passionis remedium, & obstupuerunt in facto. Sequitur, Et timerunt. Hoc autem factum partim visu comperiunt, partim verbis audiverunt. Sequitur: Nuntiaverunt autem illi qui viderant quomodo sanus factus esset a legione. Oportebat autem eos supplicare Domino ne inde recederet, sed custos esset regionis, ne dæmones haberent accessum ad eos: sed præ timore propriam salutem amiserunt, rogantes Salvatorem recedere.*

Sequitur: *Et rogaverunt illum omnis multitudo regionis Gerazæorum, ut discederet ab ipsis, quia timore magno tenebantur. THEOPHYLACTUS (hoc loco .)* Timebant enim ne iterum damnum aliquod paterentur, sicut passi fuerant in submersione porcorum. *CHRYSOSTOMUS (hom. xxix. in Matth.)* Attendas autem Christi humilitatem: postquam enim collatis a se talibus beneficiis emittebant eum, non obstat, sed discedit, eos qui se ipsos indignos sua doctrina promulgaverant relinquens.

Sequitur: *Ipsæ autem ascendens navim reversus est. TITUS a.* Sed eo descendente, ille qui passus fuerat, a Salvatore non discedit.

Sequitur: *Et rogabat illum vir a quo demonia exierant, ut cum eo esset. THEOPHYLACTUS.* Nam sicut expertus timebat ne forte elongatus a Iesu, rursus dæmonibus esset paratus. Dominus autem ostendit ei quod quamvis non sit cum eo præsentialiter, tamen potest eum gratia sua protegere: sequitur enim: *Dimisit autem eum Iesus, dicens: Redi in domum tuam, & narra quanta tibi fecit Deus.* Non autem dixit,

Quanta tibi feci ego, formam præbens humilitatis, ut recludit noscitas referamus in Deum. *TITUS b.* Nec tamen prævaricatur in lege veritatis: quicquid enim Filius operatur, Pater operatur. Cur autem qui ubique omnes liberatos monebat nulli dicere, huic liberato a legione dicit, *Narra quanta tibi fecit Deus?* Quia scilicet tota regio illa Deum ignorabat irretita cultibus dæmonum. Vel verius, quandoquidem ad Patrem retorquet miraculum, dicit, *Narra;* cum vero loquitur de seipso, monet nulli dicere. Ille autem qui liberatus est a dæmonibus, noverat Deum esse Iesum, & ideo prædicavit quanta fecit illi Iesus: sequitur enim: *Et abiit per universam civitatem prædicans quanta illi fecit Iesus. CHRYSOSTOMUS (ubi supra .)* Et sic illos qui se indignos sua doctrina promulgaverant derelinquens statuit eis eum in magistrum qui fuerat a dæmonibus liberatus. *BEDA (cap. xxxii. in Luc.)* Mystice autem Geraza significat nationem Gentium, quas post passionem, & resurrectionem suam Dominus per prædicatores visitavit: unde *Geraza*, vel *Gergezi*, (1) ut quidam legunt, interpretatur colonum eiciens, idest diabolum, a quo prius incolebatur; vel advena propinquans, qui prius longe erat. *AMBROSIVS (Lib. & cap. ubi supra .)* Licet autem discedet numerus curatorum a Christo secundum Lucam, & Matthæum, tamen concordat mysterium: ut enim iste qui habebat dæmonium, populi gentilis est figura, duo quoque illi similiter figuram populi gentilis accipiunt: quoniam cum tres filios Noe generavit, Sem, Cham, & Iaphet, Sem tantummodo familia in possessionem alicuius est Dei; ex duobus illis diversarum nationum populi pullularunt. *Qui multis*, inquit, *temporibus habebat dæmonium*, utpote qui a diluvio usque ad adventum Domini vexabatur. Nudus autem erat, quia tegumentum naturæ suæ, & virtutis amisit. *AUGUSTINUS de Quæst. Evang. (Lib. II. cap. xxi.)* In domo non habitabat; hoc est, in conscientia sua non requiescebat: in monumentis manebat; idest, in mortuis operibus, hoc est peccatis, delectabatur. *AMBROSIVS (ubi supra .)* Vel quid sunt corpora peridorum nisi quedam sepulcra in quibus Dei verba non habitant? *AUGUSTINUS de Quæst.*

(1) *Al. deest ut.*

Quæst. Evang. (Lib. II. quæst. xiii.) Quod autem compedibus ferreis, & catenis ligabatur, significat graves, & duras leges Gentium, quibus etiam in eorum Republica peccata cohibentur; quod autem vinculis talibus disruptis agebatur a dæmonio in desertum, significat quod etiam ipsis transgressis legis ad (1) ea scelera cupiditate ducebatur quæ iam vulgarem consuetudinem excederent; quod vero in eo legio dæmonum erat, significatæ sunt Gentes, quæ multis dæmonibus serviebant; quod in porcos pascentes in montibus dæmonia ire concessa sunt, significat etiam immundos, & superbos homines, quibus dæmonia dominantur propter idolorum cultus. AMBROSIVS (Lib. VI. in Luc. cap. de dæmoniaco.) Porci enim hi sunt qui immundorum usu animalium, vocis, & rationis expertes, lutulentis vitæ suæ acibus naturalium coquinaverunt ornamenta virtutum. AUGUSTINUS de Quæst. Evang. (Lib. II. quæst. xiii.) Quod autem in stagnum præcipitati sunt, significat quod iam clarificatur Ecclesia, & liberato populo Gentium a dominatione (2) dæmoniorum, in abditis agunt sacrilegos ritus suos qui Christo credere noluerunt, cæca, & profunda curiositate submersi. AMBROSIVS (ubi supra.) Impetu autem feruntur in præceps, quoniam nullius meriti contemplatione revocantur, sed tamquam de superioribus ad inferiora per improbitatis proclive detrusi, inter fluentia mundi huius intercluso pereunt spiritus contineatur. Neque enim in his qui fluido æstu voluptatis huc atque illuc feruntur, illius spiritus potest esse vitale commercium. Videmus igitur quia homo ipse suæ est auctor ærumnæ: nam nisi quis porci more vixisset, numquam accepisset in eum diabolus potestatem; aut si accepisset, non ut perderet, sed ut probaret: & fortasse diabolus, quia post Domini adventum bonos iam deprædari non poterat, non omnium hominum, sed levium quærit interitum; ut latro non armatis, sed infidiari inermibus. Viderunt hoc magistri gregum, & superunt: neque enim vel philosophiæ professores, vel principes synagogæ pereuntibus populis possunt ferre medicinam: solus est Christus qui aufert peccata populum. AUGUSTINUS de Quæst. Evang. (Lib. II. quæst. xiii.) Vel quod porcorum pastores fugientes ista nuntiaverunt,

significat quosdam primates impiorum, quamquam Christianam legem fugientes, potentiam tamen eius pergentes stupendo, & mirando prædicare. Quod autem Gerazæni cognoscentes quod factum est, rogant Iesum, ut ab eis discederet magno timore (3) percussus, significat magnitudinem vetusta suavitatis delectatam, honorare quidem, sed nolle pati christianam legem, dum dicitur, quod eam implere non possunt; admirantes tamen fidelem populum a pristina perdita conversatione sanatum. AMBROSIVS (ubi supra.) Vel in Gerazænorum civitate species synagogæ videtur exsistere; qui rogabant ut discederet, quia timore magno tenebantur: infirma enim mens non capit Dei verbum, nec potest pondus sustinere sapientiae. Et ideo diutius molestus non fuit, sed ascendit ab inferioribus ad superiora, a synagoga scilicet ad Ecclesiam; & regressus est per stagnum: nemo enim de Ecclesia ad synagogam sine periculo transire salutis, sed ille qui de synagoga ad Ecclesiam transire desiderat, crucem suam tollat, ut discrimen evadat. AUGUSTINUS (4) de Quæst. Evang.) Quod autem ille sanatus caput iam esse cum Christo, & dicitur ei: *Redi in domum tuam, & narra quanta tibi fecit Deus*: sic intelligitur, ut sic quisquis intelligat post remissionem peccatorum redeundum sibi in conscientiam bonam, sicut in domum, & serviendum Evangelio propter aliorum salutem, ut deinde cum Christo requiescat, ne cum præpropere vult esse cum Christo, negligat (5) ministerium prædicationis fraternæ redemptioni accommodatum.

(e) AUGUSTINUS de Consen. Evang. (Lib. II. cap. xxviii.) Post narratum (6) apud Gerazænos miraculum, transit ad narrandum de Archisynagogæ filia, dicens: *Factum est autem cum redisset Iesus, exceptis illam turbas: erant enim omnes expectantes eum*. THEOPHYLACTUS. Simul quidem propter doctrinam, & propter miracula. AUGUSTINUS de Consen. Evang. (Lib. II. cap. xxviii.) Quod vero adiungit, *Et ecce venit vir cui nomen Iairus, non continue factum accipiendum est, sed prius illud de convivio publicanorum, sicut narrat Matthæus; cui rei sic coniungit hoc ut non possit aliud factum consequenter intelligi. TITUS 1.* Est autem positum nomen, Iudæorum causa, qui tunc noverunt quod accidit,

ut

(1) *Al. omittitur ea.* (2) *Al. dominorum.* (3) *Al. percussus.* (4) *Al. de Cons.* (5) *Al. mysterium.* (6) *Al. ante*

ut nomen demonstratio miraculi fiat. Accessit autem non aliquis infirmorum, sed princeps synagogæ, ut magis obturerent iudeorum ora: unde sequitur: *Et ipso princeps synagoga erat.* Accessit autem ad Christum causa necessitatis: urget enim aliquando dolor ad agendum ea quæ decent, secundum illud Psalmi xxxi. „In chamo & fre. „no maxillas eorum confringe qui non „approximant ad te.“ THEOPHYLACTUS. Unde necessitate instante cecidit ad pedes eius: sequitur (1) enim: *Et cecidit ad pedes Iesu.* Decebat autem ut absque necessitate cogente caderet ad pedes eius, & cognosceret ipsum Deum esse. CHRYSOSTOMUS a. Sed considera eius inertiam: querit enim a Christo ut in domum veniat: sequitur (2) enim: *Rogans enim ut intraret in domum eius;* ignorans scilicet quod abiens poterat liberare: nam si scivisset, dixisset sicut Centurio Matth. viii. „Dic „verbo, & curabitur filia mea.“ GRAECUS b. Causa autem adventus eisponitur, cum subditur: *Quia unica filia erat illi,* domus fundamentum, successio generis, *forte annorum duodecim,* in ipso scilicet flore ætatis; & hac moriebatur, pro thalamis effrenda ad tumulum. CHRYSOSTOMUS c. Advenerat autem Dominus, non ut iudicaret mundum, sed ut salvaret: quapropter non examinat dignitatem petentis, sed æquanimitè arripit opus, sciens quod maior erat futurum (3) eo quod quærebatur: vocabatur autem ad remedium ægrotantis; novit autem se suscitaturum iam mortuam, & inserturum terrenis firmam spem resurrectionis. AMBROSIVS (Lib. VI. in Lucam cap. de filia prin.) Suscitaturus autem mortuam, ad faciendum fidem, hæmorrhoidis ante curavit; sicut & resurrectio temporalis in passione Domini (4) celebratur, ut perpetua illa credatur.

Et contigit dum iret, a turba comprimebatur. CYRILLUS d. Quod maximum erat indicium quod veram carnem induerat, & omnem conculcare superbiæ: neque enim a longe sequebantur, sed eum circumdabant. GRAECUS e. Quædam autem

mulier gravi morbo detenta, ob cuius infirmitatis curam medici omnes divitias consumpserant, solam spem in tanta diffidentia reperit ut procideret Domino; de qua sequitur: *Et mulier quæ erat in fluxu sanguinis ab annis duodecim, quæ in medicos evagaverat omnem substantiam suam, nec ab ulla potuit curari, accessit retro.* TITUS f. Qualiter autem non est digna præconio hæc mulier, quæ viribus extinctis corporeis ob continuum sanguinis fluxum, & tanto populo concurrente circa illum, affectu roborata, & hinc petierat populum, & retro latens tetigerat fimbriam vestimenti?

Sequitur: *Tetigit fimbriam vestimenti eius.* CYRILLUS g. Neque enim licebat immundis vel tangere quemquam sanctorum, vel appropinquare viro sancto. CHRYSOSTOMUS (hom. xxxii. in Matth.) Ritu autem legis huiusmodi passio reputabatur immunditia magna. Aliter etiam: nondum enim nec ipsa habebat dignam opinionem de eo, non enim putavisset latere; sed tamen consilia de sanitate accedit. THEOPHYLACTUS (hoc loco.) Sicut autem cum aliquis oculum lucernæ lucenti adhibet, aut igni spinas, (5) statim operationem illorum experitur; sic quidem qui fidem affert potenti curare, statim curationem consequitur: *Et confestim cessit fluxus sanguinis eius.* CHRYSOSTOMUS h. Non autem sola vestimenta ipsius mulierem salvarunt, nam & milites sortiti sunt ea interfe, sed fidei eius intentio. THEOPHYLACTUS. Credidit enim, & salvata est; & ut congruum fuit, primo tetigit Christum intellectualiter, deinde corporaliter. GRAECUS i. Audivit autem Dominus tacitas mulieris considerationes, & tacens liberavit tacentem, passus sua sponte sanitatis rapinam; sed postea miraculum publicat: unde sequitur: *Et ait Iesus: Quis est qui me tetigit?* CYRILLUS k. Non enim latuit Dominum perpetratum miraculum; sed qui cuncta cognoscit, quasi nesciret interrogat. GRAECUS l. Nescientibus autem discipulis quod quærebatur, sed putantibus de simplici quodam tactu dicere, Domini quæstioni respondent: *se-*

(1) *Al. omis sur enim.* (2) *Al. hic quæsus desideratur enim.* (3) *Al. deest eod.* (4) *Al. celebrabatur.* (5) *Al. statim operantur.*

EX EDITIONE P. NICOLAI.

a Hom. xxxii. in Matth. & Titus in Cat. Græc. b Vel Asterius in Catena Græc. c Cum Tiro ubi supra. d In Cat. Græc. PP. e Vel Asterius, ut iam supra. f In Mattheum. g Ubi supra. h In Catena Græc. PP. i Vel Asterius ubi supra. k Ubi supra. l Idem Victor Antiochenus in Catena Græcorum PP.

sequitur enim: *Negantibus autem omnibus, dixit Petrus, & qui cum illo erant: Praceptor, turba te comprimit, & affligunt; & dicis, Quis me tetigit?* Et ideo Dominus tactum suum responsione distinguit: sequitur enim: *Et dixit illis Iesus, Tetigit me aliquis:* sicut etiam dicebat: *Qui habet aures audiendi audiat;* quamvis omnes habeant huiusmodi corporalem auditum; sed non est vere audire, si audiat in incaute, nec vere tangere, si infideliter tangatur. **CYRILLUS** *a*. Propalat autem consequenter quod factum est cum subditur: *Nam & ego novi virtutem de me exisse*. Materialius respondet secundum opinionem audientium; hic tamen nobis manifestatur quod ipse verus est Deus, & ex eo quod prodigialiter (1) factum est. & etiam ex sermonibus: transcendit enim naturam nostram, & forsitan angelicam, posse quemquam virtutem emittere quasi a propria natura; convenit autem hoc soli supremæ naturæ: nulla namque creaturarum aliquam gerit salvandi potestatem, vel etiam aliqua alia, scilicet miracula, faciendi, sed divinitus præstitam. (2) Non autem ambitione gloriæ non dimisit latere divinx virtutis ostensionem qui multoties præceperat taceri sua miracula, sed quia spectabat ad utilitatem eorum qui vocabantur per fidem ad gratiam. **CHRYSOSTOMUS** (homil. xxxii. in Matth. a prin.) Primo enim solvit seminum metum, ne remorsum conscientie pateretur quasi furripens gratiam; secundo corrigat eam, quia latere putaverat; tertio fidem eius exprimit cunctis, ut & alii imitentur: proditque non minus miraculum retentione sanguinis, dum ostendit sibi cuncta patere. **CYRILLUS** *b*. Insuper principem synagogæ persuadebat indubitabiliter credere quod a laqueis mortis eripiet filiam eius. **CHRYSOSTOMUS** (ubi supra ante medium.) Ob hoc autem Dominus non statim eam manifestaverat, ut ostensio quod omnia sibi liquet, faciat mulierem prædicare quod factum est, ut suspitione miraculum careat: unde sequitur: *Videns autem mulier quia non latuit eum, tremens venit, & prociudit ante pedes eius, & ob quam causam tetigit eum indicavit coram omni*

populo, & quemadmodum confestim sanata sit. **ORIGENES** *c*. Eandem autem sanitatem quam nacta est mulier ex contactu, verbis confirmavit Salvator: unde sequitur: *At ipse dixit illi: Filia, fides tuata salvam fecit: va. de in pace;* idest, esto sana (3) a tuo flagello: & sanat quidem primo (4) per fidem animam, deinde vero corpus. **TITUS** *d*. Vocat autem filiam iam huius causæ sanata: fides enim gratiam adoptionis impendit. **EUSEBIUS** in eccle. Hist. *e* (Lib. VII. cap. xiv.) Dicunt autem hanc mulierem in Pæneæ, quæ est Cæsarea Philippi, unde fuit oriunda, statuisse triumphos insignes colati sibi beneficii a Salvatore: stabat namque super altam basim ad limina domus eius æneum simulacrum mulieris flexis genibus, manibusque iunctis, quasi precaretur, ex cuius opposito aliud erectum simulacrum ad instar viri, eiusdemque materiæ, amictum diploide, & manum versus mulierem extendens; ante cuius pedes super ipsam basim aliena species plantæ orta, quæ usque ad æneæ diploidis oras pertingens, medicina omnium passionum esse terebatur. Hanc autem (5) statum dicebant representare Christus; quam (6) Maximus destruxit. **AMEROSIUS** (Lib. VI in Lucam cap. de filia prin. synagogæ.) Myslice autem reliquerat in Gerazenis synagogam Christum, & quem sui non receperant, (7) recipiunt alieni. **BEDA** (cap. xxxiii. in Luc. ubi supra.) Vel in fine sæculi Dominus est ad Iudeos rediturus, atque ab eis per fidei confessionem libenter excipiendus. **AMEROSIUS**. Quem autem putamus synagogæ principem esse nisi legem, cuius contemplatione Dominus synagogam non penitus dereliquerit? **BEDA** (cap. xxxiii. in Luc.) Vel princeps synagogæ Moyses intelligitur: unde bene Iairus, idest illuminans, vel illuminatus, vocatur: illa qui accipit verba vitæ dare nobis, & per hoc ceteros illuminat, ipse a Spiritu sancto illuminatur. Cecidit autem Archidynagogus ad pedes Iesu, quia legislator cum tota patrum progenie Christum in carne apparentem longe sibi præstendum esse cognovit. Si enim caput Christi Deus, convenienter pedes accipienda sunt in-

(1) *A*. factum etiam ex sermonibus. (2) *M*. Non enim ambitiose gloriæ. (3) *M*. emittitur propositio. (4) *M*. per animam. (5) *M*. deest statum. (6) *P. Nicolai* corrigi putando Maximinus. (7) *M*. recipimus aliena, Irem recipimus alieni; Nicolai autem non recipimus alieni.

EX EDITIONE P. NICOLAI.

a In Catena Græc. *b* Ibidem. *c* In eadem Catena. *d* In Matthæum. *e* In Catena Græc. PP. ubique hoc iudice notatur, nec ullique in Historia Eusebii habet eundem sensum.

incarnatio, qua terram nostræ mortalitatis (1) tetigit. Rogavit autem intrare in domum eius, quia eius videre desiderabat adventum. Sola autem unica eius est synagoga, quæ sola legali est institutione composita; quæ duodecimo ætatis anno, hoc est tempore pubertatis appropinquante, moriebatur: quia nobiliter a Prophetis educata, postquam ad intelligibiles annos pervenerat, in quibus spirituales Deo fructus signere debebat, subito errorum languore conseruata, spiritualis vitæ viam amisit; & si Christus non succurreret, corruiisset in mortem. Ad puellam autem sanandam pergens Dominus a turba comprimitur, quia genti iudææ salutaria monita præbens, carnalium populorum est consuetudine gravatus. AMBROSIVS (ubi supra.) Ad hanc autem principis filiam dum propter Dei Verbum, ut salvos faceret filios Israel, sancta Ecclesia ex Gentibus congregata, quæ inferiorum lapsu criminum ceperat, paratam aliis fide præcipuit sanitatem. BEDA (cap. xxxiii. in Luc. super *Erat in fluxu sanguinis*.) Dupliciter autem sanguis fluxus potest intelligi; hoc est, & super idolatriæ prostitutione, & super his quæ carnis & sanguinis oblatione patrantur. AMBROSIVS (ubi supra.) Quid autem sibi vult quod hæc principis filia annorum duodecim moriebatur, & mulier ista fluxu sanguinis ab annis duodecim laboravit, nisi ut intelligatur quia quamdiu synagoga vigit, laboravit Ecclesia? BEDA (ubi supra.) Una enim pene sæculi ætate synagoga in Patriarchis nasci cepit, & Gentilium nationem idolatria fovit. AMBROSIVS (ubi supra.) Sicut autem illa in medicos erogaverat omnem substantiam suam, ita congregatio Gentium amiserat omnia dona naturæ. BEDA (super *in medicos erogaverat*.) Medicos autem intellige fide falsos Theologos, sive Philosophos, legumque doctores secularium, qui multa de virtutibus, vitiiisque differentes, utilia se vivendi instituta mortalibus dare promittebant; seu ipsos immundos spiritus, qui velut hominibus consulendo, se pro Deo colendos ingerebant; quibus audiendis Gentilitas quanto magis naturalis industriæ vires expenderat, tanto minus potuit ab iniquitatis suæ sorde curari. AMBROSIVS (Lib. VI. in Lucam tit. de filia princ. synag.) Audiens autem ægotare populum iudæorum, sperare cepit salutis suæ remedium; tempus venisse cognovit quo medicus adesset de cælo; surrexit ut occurreret

fide promptior, pudore contraxior: hoc enim est pudoris, & fidei, agnoscere infirmitatem, non desperare veniam. Verecunda ergo simbram tetigit, fidelis accessit, religio credit, sapiens sanata se esse cognovit: sic sancta plebs Gentium, quæ Deo credidit, peccatum erubuit ut desereret, fidem detulit ut crederet, devotionem exhibuit ut rogarer, sapientiam induit ut sanitatem suam ipsa sentiret, fiduciam sumpsit ut fateretur quod præcipuisset alienum. Retro autem tangitur Christus, quia scriptum est Deut. xxi. „Post Dominum Deum tuum ambula,“ labis. „BEDA (super *Accessit retro*.) Et ipse ait Ioan. xii. „Si quis mihi ministrat, me sequatur:“ sive quia præsentem in carne Dominum non videns, vel quia peractis dispensationis sacramentis per fidem cepit vestigia eius subsequi. GREGORIUS III. Moral. (cap. xiv. & xv. super illud Iob xi. „Benedic Deo, & morere:“ in nov. exem. cap. xi.) Prementem autem turba, una Redemptorem nostrum mulier tetigit: quia carnales quique in Ecclesia eum compriment, a quo longe sunt, & soli tangunt qui huic veraciter humiles adiunguntur. Turba igitur premit, & non tangit: quia & importuna est per præsentiam, & absens per vitam. BEDA (super *Præcepit, turba compriment te*.) Vel una credula mulier Dominum tangit: quia qui diversis hæresibus inordinate affligitur, solo catholice Ecclesiæ corde fideliter quaeritur. AMBROSIVS (ubi supra an. medium.) Non enim credunt qui compriment; credunt qui tangunt: fide tangitur Christus, fide videtur. Denique ut fidem credentis exprimeret, dicit: *Ego cognovi virtutem de me exisse*: quod est evidentiū indicium quia non intra possibilitatem conditionis humanæ, atque intra corporis claustrum divinitas coarctata est, sed ultra fines nostræ mediocritatis virtus exundat æterna: non enim humana ope plebs Gentium liberatur; sed Dei munus est congregatio nationum, quæ etiam brevi fide misericordiam inclinat æternam. Nam si consideremus quanta sit fides nostra, & intelligamus quantum sit Dei Filius, videmus quia comparatione eius simbram tantummodo tangimus, superiora vero vestimenta eius nequimus attingere. Si igitur & nos curari volumus, fide tangamus simbram Christi. Non autem latet eum quicumque tetigerit. Beatus qui extremam partem Verbi tetigerit: nam totum quis potest comprehendere?

T

(h) CHRYS.

(h) CHRYSOSTOMUS (hom. xxxii. in Matth.) Opportune Dominus expectabat puellæ mortem, ut propalaretur resurrectionis miraculum: propter quod & tardius incedit, & loquitur cum muliere diutius, ut Archisynagoga filia exspiraret, & huius (1) eventus nuntii advenirent: (2) unde dicitur: *Adhuc ille loquens, venit quidam ad principem synagagæ dicens: Quia mortua est filia tua, noli vexare illum.* AUGUSTINUS de Consen. Evang. (Lib. II. cap. xxviii.) Sed cum Matthæus Archisynagogum non morituram filiam suam narret Domino nuntiasse, sed omnino defunctam; Lucas autem, & Marcus nondum mortuam, usque adeo ut dicant venisse postea qui mortuam nuntiarent; considerandum est ne repugnare videatur. Et intelligendum est, brevitatis hoc causa Matthæum potius dicere voluisse, rogatum esse Dominum ut faceret quod eum fecisse manifestum est, (3) ut scilicet mortuam suscitaret. Attendit enim non verba patris de filia sua, sed, quod est potissimum, voluntatem. Sane si alii duo, vel quisquam eorum patrem commemorasset dixisse quod venientes de domo dixerunt, ut iam non vixaretur Iesus, quia puella mortua fuisset; repugnarent eius cogitationi verba quæ posuit Matthæus: nunc vero illud nuntiantibus, & prohibentibus ne magister veniret, non legitur quod ipse consenserit: unde Dominus non diffidentem reprehendit, sed credentem robustius confirmavit: unde sequitur: *Esne autem audito hoc verbo respondit patri puella: Noli timere, sed crede tantum; & salva eris.* ATHANASIUS a. Fidem Dominus exigit ab invocantibus eum, non quia indiget adminiculo aliorum: ipse namque & Dominus, & largitor est fidei: sed ne videretur ex acceptione personarum sua dona conferre, ostendit quod credentibus favet, (4) ne si ne fide accipiant beneficia, & ea per iniquitatem aboleant: vult enim beneficiis durare gratiam, & sanas inconcussam permanere remedium. THEOPHYLACTUS (par. ante fin. Comment. in cap. viii. Lucæ.) Mortuam autem suscitaturus eiecit omnes, quasi nos docens absque inani gloria esse, & nihil ad demonstrationem facere; & quod cum quis debet miracula perpetrare, non decet ipsum esse in medio pluri-

morum, sed solitarium, & ab aliis separatum: unde sequitur: *Et cum pervenisset ad domum, non permisit intrare secum quemquam nisi Petrum, & Iohannem, & Iacobum, & matrem, & matrem puella.* Solos autem hos intro misit tamquam discipulorum vertices, & potentes miraculum occultare: non enim volebat ipsum ante tempus pluribus revelari, forte propter invidiam Iudeorum. Sic & cum quis nobis invidet, non debemus iustitias nostras ei revelare, ne ei maioris invidiæ occasio tribuatur. CHRYSOSTOMUS (hom. xxxii. in Matth.) Ceteros autem discipulos non assumpsit, provocans eos ad appetitum maiorem, ob id quoque quod nondum erant plene dispositi, ut & alii istos imitentur. Assumpsit etiam parentes in testes, ne quis dicere posset fallax esse resurrectionis indicium. Ad hoc etiam illud nota, quod defentes exclusit a domo; & indignos ostendit huius visionem: sequitur enim: *Flabant enim omnes, & plangebant illam.* Quod si tunc exclusit, multo magis nunc: tunc enim nondum paterat in somnum mortuam fuisse conversam. Nullus ergo de cetero se (5) contemnat, iniuriam inferens Christi victoriæ, qui superavit mortem, & eam in somnum convertit: ad cuius ostensionem subditus: *At ille dixit: Noli flere: non est enim mortua puella, sed dormit:* ostendens singula sibi fore in promptu, & quod eam vivificaret, quasi suscitaret a somno. Nihilominus tamen deridebant eum: sequitur enim: *Et deridebant eum scientes quia mortua esset.* Quos non obiurgavit, nec derisionem repressit, ut etiam derisio fiat mortis indicium: nam, quia ut plurimum post acta miracula homines perseverant increduli, verbis propriis eos prævenit. Ute autem quasi per visum disponderet ad resurrectionis fidem, tenet manum puellæ: unde sequitur: *Ipse autem tenens manum eius, clamavit dicens: Puella surge.* Cumque tenuisset, suscitavit eam: unde sequitur: *Et reversus est spiritus eius, & surrexit continua:* non enim infudit aliam animam, sed illam eandem quæ exspiraverat restituit; nec solummodo suscitavit, immo iubet etiam illam cibari: sequitur enim: *Et iussit illi dare manducare:* ne scilicet phantasticum esse videatur quod; factum est: nec ipse propinat, sed aliis mandat; sicut

(1) *Al.* adventus: item & huius nuntii advenirent. (2) *Al.* omittitur unde. (3) *Al.* desit ut. (4) *Al.* & ne. (5) *Al.* contemnat.

sicut & in Lazaro dixit, „Solve eum,“ ac deinde participem mentis fecit. GRÆCUS . Deinde stupefactos miraculo, & penelamantes parentes cohibet ne factum prædicent: sequitur enim: *Et suspulerunt parentes eius, quibus præceptum ne alicui dicerent quod factum erat*: ostendens quod largitor bonorum est, non autem cupidus gloriæ, datque totum, nihil recipiens. Qui vero venatur operum gloriam aliquid exhibuit, aliquid vero recepit. BEDA (cap. xxxiii. in Luc.) Mylice autem salvata a fluxu sanguinis muliere, mox filia principis mortua nuntiatur: quia dum Ecclesia a vitiolorum labe mundata est, continuo synagoga perfidia, atque invidia soluta est: perfidia quidem, quia in Christum credere noluit, invidia vero, quia Ecclesiam credidisse doluit. AMBROSIVS (Lib. VI. in Lucam, cap. de filia prin. synag.) Adhuc autem & servuli principis increduli erant ad resurrectionem, quam Iesus in lege prædixit, in Evangelio complevit: unde dicunt: *Noli vexare illum*; quasi sit sibi impossibile suscitare mortuam. BEDA (cap. xxxiii. in Luc.) Vel per eos significantur (1) qui adeo destitutum synagoge statum vident, ut restaurari posse non credant; ideoque pro suscitatione illius supplicandum esse non æstimant. Sed quæ impossibilia sunt apud homines, possibilia sunt apud Deum: unde Dominus ei dixit: *Noli timere: crede tantum, & salva eris*. Pater puellæ cœtus doctorum legis accipitur, qui si credere voluerit, etiam subiecta ei synagoga salva erit. AMBROSIVS (ubi supra.) Itaque cum venisset in domum, paucos futuræ resurrectionis arbitros alcivit: non enim a multis continuo est credita resurrectionis. Quæ tamen tantæ diversitatis est causa? Supra publice filius viduæ suscitatur, hic remouentur plures arbitri. Sed puto quod pietas ibi Domini declaratur, quia vidua mater unici filii non patiebatur moras. (2) Est etiam forma sapientiæ, in filio viduæ cito Ecclesiam credituram; in Archisynagoga filia credituros quidem Iudæos, sed ex pluribus pauciores. Denique dicente Domino, *Non est mortua puella, sed dormit*, de-

ridebant eum: quicumque enim non credit, irridet. Fleant igitur mortuos suos qui putant mortuos: ubi resurrectionis fides est, non mortis species, sed quietis est. BEDA (cap. xxxiii. in Luc.) Synagoga etiam, quia sponsi læticiam, qua vivere possit, amittit, quasi inter plangentem mortuam iacens, nec hoc ipsum quare plangatur intelligitur. AMBROSIVS (ubi supra parum a fine.) Tenens autem Dominus manum puellæ sanavit eam: beatus enim si cuius manus sapientia teneat, inducat in penetralia sua, iubeat manducare: panis enim cœlestis est Dei verbum: inde & illa sapientia, quæ Dei corporis & sanguinis altaria replevit alimentis. „Venite“ (inquit Prov. ix.) edite panes meos, & bibite vinum quod mihi est vobis. BEDA (cap. xxxiii. in Luc.) Surrexit autem puella continuo, quia Christo manum confortante, homo a morte animæ respicit. Sunt enim nonnulli qui lætente tantum cogitatione peccati sibi mortem consciscunt; sed tales se vivificare significans Dominus, suscitavit filiam Archisynagoga. Alii vero ipsum malum quo delectantur agendo, mortuum suum quasi extra portas efferunt; & hos se suscitare demonstrans, suscitavit filium viduæ extra portas civitatis. Quidam vero etiam peccati consuetudine se quasi sepeliendo corrumpunt; & ad hos etiam erigendos adest gratia Salvatoris, ad quod intinandum resuscitavit Lazarum quatuor dies in monumento habentem. Quanto autem gravior est mors animæ, tanto acrior poenitentis servor insistat. Unde iacentem in conclavi mortuum levi voce resuscitavit: delatum foras iuvenem pluribus diebus corroborat; ad quatuoriduum vero suscitandum fremuit spiritu, lacrymas fudit, & voce magna clamavit. Sed & hic notandum, quod publica noxia publico egent remedio, levia peccata, secreta quænt poenitentia deleri. Puella in domo iacens paucis arbitris resurgit; iuvenis extra domum turba multa comitante suscitatur; Lazarus de monumento vocatus multis populis iunxit.

(1) Editores Romani 1570. & Vercini 1593. habent qui a Deo destitutum synagoge statum vident, restaurari posse non credant; ideoque pro suscitatione illius supplicandum esse æstimant, sed quia impossibilia sunt apud homines: unde Dominus &c. (2) A' est enim.

C A P U T IX.

(a) **C**onvocatis autem Iesus duodecim Apostolis, dedit illis virtutem, & potestatem super omnia dæmonia, & ut languores curarent; & misit illos prædicare regnum Dei, & sanare infirmos; & ait ad illos: Nihil toleritis in via, neque virgam, neque peram, neque pecuniam, neque duas tunicas habeatis: & in quamcumque domum intraveritis, ibi manete, & inde ne exeatis. Et quicumque non receperint vos, exeuntes de civitate illa, etiam pulverem pedum vestrorum excutite in testimonium supra illos. Egressi autem, circumibant per castella, evangelizantes, & curantes ubique.

(b) Audivit autem Herodes tetrarcha omnia quæ fiebant ab eo, & hæsitabat: eo quod diceretur a quibusdam, quia Ioannes surrexit a mortuis; a quibusdam vero, quia Elias apparuit; ab aliis autem, quia Propheta unus de antiquis surrexit. Et ait Herodes: Ioannem ego decollavi: quis est autem iste de quo ego talia audio? Et quærebat videre eum.

(c) Et reversi Apostoli narraverunt illi quæcumque fecerunt: & assumptis illis, secessit seorsum in locum desertum, qui est Bethsaida. Quod cum cognovissent turbæ, secutæ sunt illum: & excepit eos, & loquebatur illis de regno Dei, & eos quæ cura indigebant, sanabat. Dies autem cœperat declinare; & accedens duodecim, dixerunt illi: Dimitte turbas, ut euntes in castella, villasque quæ circa sunt, diverstant, & inveniant escas: quia hic in loco deserto sumus. Ait autem ad illos: Vos date illis manducare. At illi dixerunt: Non sunt nobis plusquam quinque panes, & duo pisces; nisi forte nos eamus, & emamus in omnem hanc turbam escas. Erant autem fere viri quinque millia. Ait autem ad discipulos suos: Facite illos discumbere per convivia quinquagenos: & ita fecerunt; & discumbere cœperunt omnes. Accepit autem quinque panibus, & duobus piscibus, replexit in cælum, & benedixit illis, & fregit, & distribuit discipulis suis, ut ponerent ante turbas. Et manducaverunt omnes, & saturati sunt. Et sublatum est quod superfuit illis fragmentorum copiosi duodecim.

(d) Et factum est cum solus esset orans, erant cum illo & discipuli: & interrogavit illos, dicens: Quem me dicunt esse turbæ? At illi responderunt, & dixerunt: Ioannem Baptistam, alii autem Eliam, alii vero quia unus Propheta de prioribus surrexit. Dixit autem illis: Vos autem quem me esse dicitis? Respondens Simon Petrus dixit, Christum Dei. At ille increpans illos, præcepit ne cui dicerent hæc, dicens, quia oportet Filium hominis multa pati, & reprobari a senioribus, & principibus sacerdotum, & scribis, & occidi, & tertia die revivere.

(e) Dicebat autem ad omnes: Si quis vult post me venire, abneget semetipsum, & tollat crucem suam quotidie, & sequatur me. Qui enim voluerit animam suam salvam facere, perdet illam: nam qui perdidit animam suam propter me, salvam faciet illam. Quid enim proficit homo, si lucretur universum mundum; se autem ipsum perdat, & detrimentum sui faciat? Nam qui me erubuerit, & meos sermones: hunc Filius hominis erubescet, cum venerit in maiestate sua, & Patris, & sanctorum Angelorum. Dico autem vobis vere: sunt aliqui hic stantes qui non gustabunt mortem, donec videant regnum Dei.

(f) Factum est autem post hæc verba fere dies octo; & assumptis Petrum, & Iacobum, & Ioannem, & ascendit in montem ut oraret. Et facta est, dum oraret, species vultus eius altera, & vestitus eius albus, & resurgens. Et ecce duo viri loquebantur cum illo; erant autem Moyses, & Elias visi in maiestate, & dicebant excessum eius quem completurus erat in Hierusalem.

(g) Petrus vero, & qui cum illo erant, gravati erant somno; & evigilantes viderunt

derunt maiestatem eius, & duos viros qui stabant cum illo. Et factum est cum discederent ab illo, ait Petrus ad Iesum: Præceptor, bonum est nos hic esse; & faciamus tria tabernacula, unum tibi, & unum Moysi, & unum Eliæ: nesciens quid diceret. Hæc autem illo loquente, facta est nubes, & obumbravit eos, & timuerunt intrantibus illis in nubem. Et vox facta est de nube dicens: Hic est Filius meus dilectus: ipsum audite. Et dum fieret vox, inventus est Iesus solus. Et ipsi tacuerunt, & nemini dixerunt in illis diebus quicquam ex his quæ viderant.

(h) Factum est autem in sequenti die, descendentibus illis de monte, occurrit illis turba multa. Et ecce vir de turba exclamavit dicens: Magister, obsecro te, respice in filium meum, quia unicus est mihi: & ecce spiritus apprehendit eum, & subito clamat, & elidit, & dissipat eum cum spuma, & vix discedit dilanians eum. Et rogavi discipulos tuos ut eicerent illum, & non potuerunt. Respondens autem Iesus dixit: O generatio infidelis, & perversa, usquequo ero apud vos, & patiar vos? Adduc huc filium tuum. Et cum accederet, elisit illum dæmonium, & dissipavit. Et increpavit Iesus spiritum immundum, & sanavit puerum, & reddidit illum patri eius. Stupescunt autem omnes in magnitudine Dei.

(i) Omnibusque mirantibus in omnibus quæ faciebat, dixit ad discipulos suos: Ponite vos in cordibus vestris sermones istos. Filius enim hominis futurum est ut tradatur in manus hominum. At illi ignorabant verbum istud, & erat velatum ante eos, ut non sentirent illud; & timebant eum interrogare de hoc verbo.

(k) Intravit autem cogitatio in eos, quis eorum maior esset. At Iesus videns cogitationes cordis illorum, apprehendit puerum, & statuit illum secus se, & ait illis: Quicumque suscepit puerum istum in nomine meo, me recipit; & quicumque me receperit, recipit eum qui me misit. Nam qui minor est inter omnes vos, hic maior est. Respondens autem Ioannes dixit: Præceptor, vidimus quendam in nomine tuo elicientem dæmonia, & prohibuimus eum, quia non sequitur te, nobiscum. Et ait ad illos Iesus: Nolite prohibere: qui enim non est adversum vos, pro vobis est.

(l) Factum est autem, dum complerentur dies assumptionis eius, & ipse faciem suam firmavit ut iret in Hierusalem. Et misit nuntios ante conspectum suum; & euntes intraverunt in civitatem Samaritanorum ut pararent illi. Et non receperunt eum, quia facies eius erat euntis Hierusalem. Cum vidissent autem discipuli eius Iacobus, & Ioannes, dixerunt: Domine, vis dicimus ut ignis descendat de caelo, & consumat illos? Et conversus increpavit illos, dicens: Nescitis cuius spiritus estis. Filius hominis non venit animas perdere, sed salvare. Et abierunt in aliud castellum.

(m) Factum est autem, ambulantiis illis in via, dixit quidam ad illum: Sequar te quocumque ieris. Dixit illi Iesus: Vulpes foveas habent, & volucres cælinas; Filius autem hominis non habet ubi caput suum reclinet. Ait autem ad alterum, Sequere me. Ille autem dixit: Domine, permittite mihi primum ire, & sepelire patrem meum. Dixitque ei Iesus: Sine ut mortui sepeliant mortuos suos; tu autem vade, & annuntia regnum Dei. Et ait alter: Sequar te Domine; sed permittite mihi primum renuntiare his quæ domi sunt. Ait ad illum Iesus: Nemo mittens manum suam ad aratrum, & aspiciens retro, aptus est regno Dei.

(a) **C**YRILLUS. Decebat institutos ministros sacramentorum doctrinarum posse mira peragere, & per ipsos effectus credi quod essent Dei ministri: unde dici-

tur: Convocatis autem Iesus duodecim Apostolis, dedit illis virtutem, & potestatem super omnia dæmonia: in quo elevatum supercilium diaboli fleuit, qui dicebat aliquando (Esaï.

12.)

EX EDITIONE P. NICOLAI.

xx.) „Non est qui contradicere valeat. „
EUSEBIUS *a*. Et ut pereos venetur ge-
 nus humanum, non solum dat eis ut prava
 spiritus pellant, sed etiam quamlibet infir-
 mitatem sanent ex eius imperio: unde se-
 quitur: *Et ut languores curarent*. **CYRIL-
 LUS** *b*. Attendas hic divinam Filii pot-
 estatem naturæ corporali non convenientem:
 agere namque miracula aderat sanctis, non
 natura, sed participatione Spiritus sancti.
 Super hoc autem aliis concedere potestatem
 prorsus alienum erat ab eorum virtute:
 qualiter enim posset natura creata super
 Spiritus dona possidere dominium? At Do-
 minus noster Iesus Christus tamquam natu-
 raliter Deus exiens impertitur (1) huius-
 modi gratiam quibus vult, non invocans in
 eos alienam virtutem, sed infundens ex
 promptuariis propriis. **CHRYSOSTOMUS**
 (hom. xxxi.) in Matth. Postquam autem
 satis confortati fuerant ex eius comitiva,
 & competens nacti sunt argumentum vir-
 tutis eius, mittit eos: unde sequitur: *Et
 misit illos predicare regnum Dei, & sanare in-
 firmos*. Ubi considera, quod non committit
 eis aliquid sensibile dicere, sicut Moy-
 ses, & Prophetæ, qui terram, & bona ter-
 renæ promittebant; hi vero regnum cælo-
 rum, & quæcumque continentur in eo.
GREGORIUS Nazianzenus *c*. Mittens
 autem discipulos ad prædicandum, Do-
 minus multa eis iniunxit, quorum summa est,
 sic eos virtuosos esse, sic constantes, atque
 modestos, & ut breviter loquar, cælestes,
 ut non minus propter eorum modum vi-
 vendi, quam propter verbum evangelica do-
 ctrina propagaretur. Et ideo cum gr̃is, &
 baculi carentia, & amictus singularitate
 mittebantur: & ideo subdit: *Et ait ad il-
 los: Nihil tuleritis in viam, neque virgam,
 neque peram, neque panem, neque pecu-
 niam; neque duas tunicas habeatis*. **CHRYS-
 OSTOMUS** (homil. xxxiii. in Mat-
 th.) Plurima quidem per hoc consti-
 tuebat: primo quidem insuspectos reddens
 discipulos; secundo sequestrans eos a quali-
 bet cura, ut totum studium adhiberent ver-
 bo; tertio docens eos propriam virtutem.
 Sed forsitan dicit aliquis cetera quidem ha-
 bere rationem; sed non habere peram in

via, nec duas tunicas, nec baculum, cuius
 rei causa præcipit? Volens scilicet excita-
 re eos in qualibet diligentia? & ut ita lo-
 quar, ex hominibus Angelos faciebat eos, di-
 rimens a qualibet cura vitæ, ut una sola
 cura detineantur doctrinæ. **EUSEBIUS** *d*.
 Volens igitur eos carere cupidine rerum in
 sollicitudinibus vitæ, protestatus est hæc:
 lumbabat enim experimentum fidei, & ani-
 mositatis eorum, qui habito in mandatis ex-
 tremæ vitæ ducere paupertatis, non esu-
 giunt quæ iubentur: decebat enim eos quid-
 dam commercium facere, & recipientes sa-
 lubres virtutes recompenlare obedientia man-
 datorum: & cum milites eos faceret regni
 Dei, accingit eos ad pugnam in hostes, mo-
 nens colere paupertatem: „ nullus enim mi-
 „ litans Deo implicat fe vitæ secularis ne-
 „ gotiis “ *II. Tim. iv. AMBROSIVS*
 (Lib. VI. in Luc. cap. qual. discipuli Chris-
 ti missi se habere debeant.) Qualis ergo es-
 se debeat qui evangelizat regnum Dei, præ-
 ceptis evangelicis designatur hoc est, ut sub-
 sidii secularis adminicula non requirat, si-
 deique totus in hærent, putet, quo minus illa
 requirat, magis posse suppetere. **THEO-
 PHYLACTUS** (in prin. Commen. in cap.
 ix.) Sic enim ipsos mendicos mittit, quod
 neque panes ipsos portare vult, nec aliquid
 aliud, quibus indigent multi. **AUGUSTI-
 NUS** de Con. Evang. (Lib. II. cap. xxx.)
 Vel Dominus hæc possidere discipulos, ac
 ferre noluit, non quod necessaria non sint
 sustentationi huius vitæ, sed quia sic eos
 mittebat ut eis hæc deberi monstraret ab
 illis quibus Evangelium credentibus annun-
 tiarent, ut sic securi non possiderent, ne-
 que portarent huic vitæ necessaria, nec ma-
 gna, nec minima. Ideo posuit secundum Mar-
 cum cap. vi. (2) „ Nisi virgam, “ os-
 tendens a fidelibus suis omnia deberi ministris
 suis nulla superflua requirentibus. Hanc au-
 tem potestatem virgæ nomine significavit,
 cum diceret, ne quid tollerent in viam nisi
 virgam tantum. **AMBROSIVS** (ubi supra.)
 Possunt etiam qui volunt hoc ad eum deducere
 tractatum, ut spirituale tantummodo
 locus iste formare videatur affectum, qui vel-
 ut indumentum quoddam videatur corporis
 exuisse, non solum potestate reiecta, con-
 tem-

(1) *M. huius.* (2) *M. Nec virgam.*

EX EDITIONE P. NICOLAI.

a In eadem Catena Græca. *b* Ibid. & in Thesaur. Lib. XIV. cap. xiv. *c* In Cat. Græc. ff. Habetur
 apud illum orat. i. quæ de recessu eius ac reditu, & de protectione Sacerdotis ac officio inscribitur, pau-
 lo alia verbis post medium, quo ad priorem appendicem, sed non quo ad posteriorem. *d* Ubi supra.

temptisque divitiis, sed etiam carnis ipsius illecebris addictis. THEOPHYLACTUS (non remo. a priu. Commen.) Quidam etiam Apostolos non portare peram, neque baculum, aut duas tunicas facintelligunt, quod non thesaurizant: hoc enim pera innuit congregans multa: neque sine iracundi, & tribulati spiritus, quod significat baculus; neque sine fidei, & duplici corde, quod significat tunica duplex. CYRILLUS a. Sed diceret aliquis: Unde eis necessaria erunt? Ex ideo subdit: *Et in quacumque domum intraveritis, ibi manete, & inde ne exeatis*; quasi dicat: Sufficiat vobis discipulorum fructus, qui recipientes a vobis spiritualia, vos procurabunt. Iussit autem eos in una domo manere, ut nec hospitium gravent, eum scilicet dimittendo, nec ipsi gulositatis, & levitatis suspitionem incurrant. AMBROSIVS (ubi supra.) Alienum namque a prædicatore regni cælestis asserit curiatur per domos, & inviolabilis hospitii iura mutare. Sed ut hospitii gratia deferenda censetur, ita etiam si non recipiantur, excutiendum pulverem, egrediendumque de civitate mandatur, cum lequitur: *Et quicumque non receperint vos, exentes de civitate illa, etiam pulverem pedum vestrorum excutite in testimonium super illos*. BEDA (cap. xxxiv. in Luc. super illud, *Excutite pulverem pedum vestrorum*.) Pulvis excutitur de pedibus Apostolorum in testimonium laboris sui, qui ingressi (1) sint in civitatem, & prædicatio apostolica ad illos usque pervenerit: si excutitur pulvis cum nihil ab eis accipiant, nec ad victum quidem necessarium, qui Evangelium spreverunt. CYRILLUS b. Nam improbabile valde est contententes sermonem, & patremfamilias, se famulis benignos ostendere, vel benedictiones eorum exigere. AMBROSIVS (ubi supra.) Vel (2) non mediocri etiam boni remuneratio docetur hospitii, ut non solum pacem tribuamus hospitibus, verum etiam si qua eos terrenæ obumbrant delicta levitatis, receptis apostolicæ prædicationis vestigiis auferantur. BEDA (ubi supra.) Qui vero perfida negligentia, vel etiam studio verbum Dei contemnunt, horum vitanda communio est, ex-

cutiendus pulvis pedum, ne gestis inanibus pulveri comparandis mentis castæ vestigium polluiatur. EUSEBIUS c. Cum autem præcinxisset Dominus discipulos suos tamquam milites Dei divinis virtutibus, & sapientiæ monitis, mittens eos Iudæis ut doctores, & medicos; ipsi secundum hoc (3) procedebant: unde sequitur: *Egressi autem circuibant per castella, evangelizantes, & curantes ubique*: quasi doctores quidem evangelizantes; sed quasi medici præstantes remedia, & verba miraculis comprobantes.

(b) CHRYSOSTOMUS (homil. xlv. in Matth.) Multo transacto tempore, non a principio, percepit Herodes facta Iesu, ut pateat tibi tyranni superbia: unde dicitur: *Audivit autem Herodes tetrarcha omnia quæ fiebant ab eo*. THEOPHYLACTUS (hoc loco.) Ille Herodes erat filius magni Herodis, qui pueros interemisse; sed ille quidem Rex erat, iste autem tetrarcha. Inquirebat autem de Christo quis esset: unde sequitur, *Et hastrabat*. CHRYSOSTOMUS d. Peccatores enim scientes, & nescientes, (4) quemque strepitum pertimescunt: peccatum (5) enim nemine argente hominem prodit, nemine accusante condemnatur, & timidum, & pigrum reddit delinquentem. Causa autem timoris ponitur consequenter cum dicit: *Et quod diceretur a quibusdam quia Iohannes surrexit a mortuis, a quibusdam vero quia Elias apparuit, ab aliis autem quia Propheta unus de antiquis surrexit*. THEOPHYLACTUS. Iudæi enim resurrectionem mortuorum expectabant in vita carnali, & in commensationibus, & potionibus. Sed resurgentes non erant in carnalibus actibus. CHRYSOSTOMUS. Cum ergo audisset Herodes, quibus Iesus uteretur miraculis, ait: *Iohannem ego decollavi*: quod non erat ostentationis verbum, sed consolantis suum timorem, & persuadentis animæ perturbatæ recolere quod ipse cum occidit. Et quia Iohannem decollaverat, subdit: *Quis autem esset iste, de quo audio talia*? THEOPHYLACTUS. Quasi dicat: Si Iohannes est, & a mortuis resurrexit, videns eum cognoscere unde lequitur: *Et quærabat videre eum*. AUGUSTINUS de Con. Evang. (Lib. II. cap. xlv.)

(1) *M. omittit sint.* (2) *M. dicit non.* (3) *M. precedebant.* (4) *M. quandoque.* Sic autem versum P. Nicolai ex Catena Græcorum. Peccatores enim metuunt scientes, & nescientes, umbras parent, omnia suspicantur, & quælibet strepitum pertimescunt. Tale siquidem peccatum est: nemine reprehendente, vel argente, hominem prodit &c. (5) *M. autem.*

EX EDITIONE P. NICOLAI.

a Ibidem. b Ibidem. c Ubi supra. d In Cat. Græc.

xlv.) Lucas autem hunc eundem narrandi ordinem quem Marcus tenens non cogit credi rerum gestarum eundem ordinem fuisse. In his etiam verbis Marco attestatur, ad hoc dumtaxat quod alii dixerint, non Herodes, Iohannem a mortuis surrexisse. Sed quia hæsitandum commemoravit Herodem, intelligendum est, aut post istam hæsitacionem confirmasse in animo suo quod ab aliis dicebatur, cum ait pueris suis, sicut Matthæus narrat cap. xiv. „ Hic est Iohannes „ Baptista, ipse surrexit a mortuis : “ aut ita pronuntianda sunt hæc verba Matthæi ut hæsitantem adhuc indicent.

(c) AUGUSTINUS de Conf. Evang. (Lib. II. cap. xlv.) Matthæus, & Marcus ex præcedentium occasione narrare quemadmodum sit Iohannes ab Herode occisus; Lucas autem qui iam longe supra de passione Iohannis narraverat, postquam commemoravit illam Herodis hæsitacionem de Domino quismam esset, continuo subiungit : *Es reversi Apostoli narraverunt illi quæ fecerunt.* BEDA (cap. xxxv. in Luc.) Non solum autem narrant quæ ipsi fecerunt, & docuerunt; sed etiam quæ Iohannes eis in docendo occupatis sit passus, (1) vel sui, vel eiusdem Iohannis ei discipuli renuntiavit, sicut Matthæus insinuat. ISIDORUS a. Quia vero Dominus viros sanguinum abominatur, & commorantes cum eis, si a propriis criminibus non discedant post occisionem Baptiste, deserens occisores, discessit: unde sequitur: *Es assumptis illis, secessit seorsum in locum desertum, qui est Bethsaida.* BEDA (cap. xxxv. in Luc.) Est autem Bethsaida in Galilæa civitas Andræ, & Petri, & Philippi Apostolorum, prope stagnum Genesareth. Non autem timore mortis hoc egit, ut quidam arbitrantur, sed parcens inimicis suis, ne homicidio homicidium (1) iungerent; simul & opportunum suæ passionis tempus expectans. CHRYSOSTOMUS (hom. I. in Matth.) Non autem prius, sed relato sibi quod acciderat, discessit, manifestans per singula carnis veritatem. THEOPHYLACTUS (hoc loco.) In desertum autem locum abiit Dominus, quia operaturus erat miraculum panum: ne quis diceret: De civitate prope existente oblatis sunt panes. CHRYSOSTOMUS (hom. I. ut supra,)

Vel vadit in desertum locum, ut nemo sequeretur. Sed nec sic plebs discessit, sed comitatur ipsum: unde sequitur: *Quod cum cognovissent turba, secuta sunt illum.* CYRILLUS b. Hi quidem pollutantes a demonibus liberari, bi vero languorum remotionem; nec non quos eius oblectabat doctrina, illum attentissime visitabant. BEDA (cap. xxxv. in Luc.) Ipse autem ut potens, pauperum Saluator excipiendo fatigatos, docendo inscios, sanando ægros, reficiendo ieiunos, quantum devotione credentium delectatur, insinuat: unde sequitur: *Et excepit illos, & loquebatur illis de regno Dei, & eos qui cura indigebant, sanabat.* THEOPHYLACTUS (super Loquebatur eis de regno Dei.) Ut addiscas, quod quæ secundum nos est sapientia, dividitur verbo, & opere; & quod decet dicere operata, & operari dicta. Reclinante autem die, discipuli iam incipientes aliorum curam habere, turbæ miserentur: unde sequitur: *Dies autem coeperat declinare, & accedentes duodecim dicebant illi: Dimitte turbas, ut euntes in castella, villasque quæ circa sunt, divertant, & inveniant escas: quia hic in loco deserto sumus.* CYRILLUS c. Sicut enim dictum est, diversarum passionum postulabant remedia: & quia videbant discipuli solo nutu posse perfici quod infirmi petebant, dicunt: Dimitte eos, ne amplius anxientur. Aspicie autem exuberantem mansuetudinem eius qui rogatur: non enim illa tantum largitur quæ postulant discipuli, sed sequentibus ipsum adiecit bona munificæ dexteræ, mandans eis escas exhiberi: unde sequitur: *At autem ad illos: Vos date illis manducare.* THEOPHYLACTUS (super Date illis manducare.) Non autem hoc dicit eorum responsum ignorans, sed volens ipsos inducere ut dicerent quot panes haberent; & sic magnum ostenderetur ex eorum confessione miraculum, panum quantitate audita. CYRILLUS d. Sed quod mandabat, intolerabile discipulis erat, quod non habebant penes se nisi quinque panes, & duos pisces: unde sequitur: *At illi dixerunt: Non sunt nobis plusquam quinque panes, & duo pisces, nisi forte nos emamus in omnem hanc turbam escas.* AUGUSTINUS de Con. Evang. (Lib. II. cap. xlv.) In quibus quidem verbis Lucas in unam

(1) *Al. unitatis vel sui.* (2) *Al. iungeretur.*

EX EDITIONE P. NICOLAI.

a Pelusiotæ Lib. I. epist. cxxxviii. quæ de arrogantia inscribitur Anastasio. b In Catena Græcorum PP. c Ubi supra. d Ibidem.

unam sententiam constrinxit responſionem Philippi dicentis : „Ducentorum denario-
„rum panes non ſufficiunt eis, ut unus-
„quiſque modicum quid accipiat : “ & re-
ſponſionem Andree dicentis : „Eſt puer u-
„nus hic, qui habet quinque panes horde-
„ceos, & duos piſces : “ ut narrat Ioan-
nes cap. vi. Quod enim ait, *Non ſunt nobis
plusquam quinque panes, & duo piſces*, ad And-
ream retulit reſponſionem ; quod vero ad-
iunxit, *Niſi forte nes eamus, & eamus in o-
mnem hanc turbam eſcas*, videtur ad reſpon-
ſionem Philippi pertinere ; niſi quod de du-
centis denariis tacuit : quamquam & in ipſius
Andree ſententia hoc poſſet intelligi : cum
enim dixiſſet : „Eſt puer unus hic, qui ha-
„bet quinque panes hordeceos, & duos pi-
„ſces : “ adiunxit : „Sed hec quid ſunt in-
„ter tantos ? “ hoc eſt dicere : *Niſi forte
nos eamus, & eamus in omnem hanc tur-
bam eſcas*. Ex qua varietate verborum, re-
rum autem, ſententiarumque concordia ſatis
apparet ſalubriter nos doceri, nihil quaer-
endum in verbis niſi loquentium volunta-
tem ; cui demonſtrandæ invigilare debent
omnes veridici narratores, cum de homine,
vel de Angelo, vel de Deo aliquid narrant.
CYRILLUS *a*. Ut autem adhuc ad magis
ardua ſeratur miraculum, oſtenditur non
parva fuiſſe multitudo virorum, cum ſequi-
tur : *Erant autem viri ſere quingua millia*,
exceptis ſcilicet mulieribus, atque pueris,
ut alius Evangelista reſert. THEOPHY-
LACTUS *b* (ſuper Facite illos diſcumbere.)
Docet autem Dominus quod decet cum ho-
ſpitatur aliquem, reclinare ipſum, & omnis
conſolationis participem facere : unde ſequi-
tur : *Sit autem ad diſcipulos ſuos : Facite illos
diſcumbere per convivia quinquagenos : & ita
fecerunt : & diſcumbere fecerunt omnes*. A U-
GUSTINUS de Con. Evang. (Lib. II. cap.
xlvi.) Quod Lucas hic dicit, quinquagenos
juſſos eſſe diſcumbere, Marcus vero quin-
quagenos & centenos, ideo non movet, quia
unus partem dixit, alter totum. Verum
ſi alius de quinquagenis tantum commemora-
ret, alius de centenis tantum, valde videretur
eſſe contrarium, nec ſatis dignoſce-
retur utrumque dictum eſſe. Unum autem
ex altero, alterum ab altero eſſe commem-
oratum ; & tamen attentius conſideratum
S. Th. Oper. Tom. V.

Inveniri debuiſſe, quis non fateatur? Hoc id-
eo dixi, quia exiſtunt ſæpe aliqua eiſtendi
quæ parum intendentibus temere iudicanti-
bus contraria videantur, & non ſint. CHRYS-
OSTOMUS (hom. 1. in Matth.) Et
quia credendum erat Chriſtum veniſſe a Pa-
tre, ſacſurus miraculum, alpexit in cælum :
unde ſequitur : *Acceptis autem quinque pani-
bus, & duobus piſcibus reſpexit in cælum*. CY-
RILLUS *b*. Hoc etiam diſpenſative pro
nobis fecit, ut diſcamus quod in principio
menſæ, cum frangere debemus panem, de-
bemus Deo offerre & elicere ſuper ipſum
benedictionem ſupernam ; unde ſequitur :
*Et benedixit, & fregit, & diſcipulis ſuis di-
ſtribuit, ut pasceret ante turbas*. CHRYS-
OSTOMUS (hom. 1. in Matth.) Dat quidem
eis per manus diſcipulorum, honorando eos,
& ne dent oblivioni iam peracto miraculo.
Non autem ex non entibus facit eſcas ad
paſcendum turbas, ut obtoret os Manichæi
aſſerentis alienam eſſe ab eo creaturam, oſ-
tendens ſe eſſe viſualium largiorem, &
eum qui dixit Gen. 1. „Germinet terra.“
Multiplicat quoque piſces, ad ſignificandum
quod tam mari, quam aridæ dominabatur.
Bene autem in languentibus ſpeciale per-
egit miraculum, agit & beneficium genera-
le alens omnes etiam non languentes : unde
ſequitur : *Et manducaverunt omnes, & ſaturati ſunt*. GREGORIUS Niſſenus *c*. Qui-
bus nec cælum ſuebat manna, nec tellus
iuxta ſui naturam producens frumentum,
eorum ſatiſſaciebat egeſtati ; ſed ex ineffa-
bilibus horreis diviniæ potentie beneficium
aſſuebat. Panis paratur ſacſus in manibus
miniſtrantium, nec non per ſaturitatem e-
dentium augmentatur. Eſum etiam piſcium
eorum neceſſitati non adminiſtrabat mare,
ſed ille qui in mari piſcium genus inſeruit.
AMBROSIUS (Lib. VI. in Luc. cap. de
reſedione turbarum.) Non exiguo, ſed mul-
tiplicato cibo populum liquet eſſe ſatiatum.
Vides incomprehenſibili quodam ritu inter
dividentium manus, quas non fregerant (1)
multiplicare particulas, & intacta frangen-
tium digitis ſponte ſua fragmenta (2) ſub-
ripere. CYRILLUS *d*. Nec uſque (3) ad
hoc tantum pervenit miraculum : ſed ſequi-
tur : *Et ſublatus eſt quod ſuperſuit eis frag-
mentorum cepſius duodecim* : ut hinc eſſet ma-
niſe-

V

niſe-

(1) P. Nicolai habet ſuſtineat, ut ſupra Videres pro Vides. (2) M. ſurripere. (3) M. ad-
huc.

EX EDITIONE P. NICOLAI.

a Ubi ſupra. *b* Ibidem. *c* Orat. catechetica magna cap. xxxii. *d* Ubi ſupra.

nifesta certificatio quod opus caritatis in proximis uberem vendicet retributionem a Deo. THEOPHYLACTUS. Et ut addiceremus quantum hospitalitas potest, & quantum augeret nostra, cum indigentibus subvenimus. CHRYSOSTOMUS * (homil. I. in Matth. ante med.) Fecit autem superabundare non panes, sed fragmenta; ut ostendat illorum panum esse reliquias, quæ tor factæ sunt, ut totidem essent copiarum quot & discipuli. AMBROSIVS (ubi supra.) Mystice autem postquam illa quæ Ecclesiæ typum accepit, a fluxu curata (1) est sanguinis, posteaquam Apostoli ad evangelizandum susci destinati, gratiæ cælestis impartitur alimentum. Sed quibus impartitur advertit: non otiosis, non in civitate, quasi in synagoga, vel seculari dignitate residentibus, sed inter deserta quærentibus Christum. BEDA (cap. xxv. a med.) Qui derelicta Iudæa, quæ prophetiæ non credendo, sibi caput abstulerat, in deserto Ecclesiæ, quæ virum non habebat, verbi pabula largitur. Petentem vero deserta Gentium Christum, multæ fidelium catervæ, relictiis mœnibus præcæ conversationis, & variorum dogmatum, sequuntur. AMBROSIVS (ubi supra.) Qui autem (2) non fastidiunt, ipsi excipiuntur a Christo, & cum ipsis loquitur Dei Verbum, non de secularibus, sed de regno: & qui corporalis gerunt ulcera passionis, his medicinam suam libenter indulget. Ubique autem mysterii ordo servatur, ut prius per remissionem peccatorum vulneribus medicina tribuatur, postea vero alimonia mentis cælestis exuberet. BEDA (cap. xxxvi.) Die autem declinante turbam recedit, id est sine sæculorum appropinquante, vel cum sol iustitiæ pro nobis occubuit. AMBROSIVS (ut supra.) Quamquam nondum validioribus hæc turba reficiatur alimentis: primum enim modum lactis quinquæ sunt panes, secundum septem; tertium ipsum corpus Christi est esca solidior. Si quis autem perere cibum veretur, ipse relictiis suis omnibus festinet ad Dei Verbum. Dum autem aliquis audire incipit Dei verbum, incipit esurire. Incipiunt Apostoli esurientem videre, & sibi illi adhuc non intelligant quid esuriant, in-

tellexit Christus: scit quod non sæcularem cibum esuriant, sed cibum Christi: nondum enim intellexerant Apostoli cibum (3) credentis non esse venalem. Novat Christus nos potius esse redimendos, suas vero epulas esse gratuitas. BEDA (cap. xxxvi. in Luc.) Nondum autem erant Apostoli nisi quinquæ panes Moisaicæ legis, & duo piceles utriusque testamenti; quæ in addito mysteriorum latentium, quali aquis abyssi tegebantur. Quia vero quinquæ sunt (4) exteriores hominis sensus, quinquæ millia viri Dominum secuti, designant eos qui in sæculari adhuc habitu positi, exterioribus quæ possident, bene uti novant; qui quinquæ partibus aluntur, quia tales necesse est legibus adhuc præceptis instrui: nam qui mundo ad integrum renuntiant, evangelica refectione sublimis sunt. Diversi autem convivantium discubitus designant diversos per orbem terrarum Ecclesiarum conventus, qui unam catholicam faciunt. AMBROSIVS (ubi supra.) Hic vero panis, quem frangit Iesus, mystice quidem Dei verbum est, & sermo de Christo; quicquid dividitur augetur: de paucis enim sermonibus, populis redundantem alimoniam ministravit. Dedit sermones nobis velut panes, qui nostro dum libantur rore, geminantur. BEDA (cap. xxxvi. inter med. & finem.) Turbis autem esurientibus Salvator non nova creat cibaria, sed acceptis his quæ habuerunt discipuli benedixit: quia veniens in carne, non alia quam prædicta turba prædicat; sed prophetiæ dicta mysteriis gratiæ gravis demonstrat. Respicit in cælum, ut illuc dirigendam mentis aciem, ibi lucem scientiæ doceat esse quærendam. Frangit, & antequam ponenda distribuit discipulis: quia legis, & prophetiæ sacramenta eis, ut per mundum prædicent, paterfecit. AMBROSIVS. Non otiose autem quæ turbæ superfluent, a discipulis colliguntur: quia ea quæ divina sunt, apud electos facilius possis, quam apud populos reperire. Beatus ille qui potest colligere quæ etiam doctis superfluent. Quia ratione autem cophinos Christus duodecim implevit, nisi ut illud populi Iudæici solveret, quia „manus eius in cophino fervierunt“ Psal. lxxx. Hic est populus, qui ante lutum

in

(1) *M. amittitur est.* (2) *M. desideratur non.* (3) *M. credentes. P. Nicolai habet cibum populi credentis.* (4) *M. exterioris.*

EX EDITIONE P. NICOLAI.

* In Catena Græcorum PP. ut & habetur apud illam partem prædicta hom. I. in Matth. & partim in Ioan. hom. xlv.

in cophinis colligebat, sed iam per crucem Christi vitæ cælestis operatur alimoniam. Nec paucorum hoc munus, sed omnium est: nam per duodecim cophinos, tamquam tri-
buum singularum, fidei firmamentum redun-
dat. BEDA (cap. xxxv. in Luc.) Vel per
cophinos duodecim Apostoli figurantur, & om-
nes sequentes doctores, foris quidem ho-
minibus despecti, sed iotus salutaris cibi re-
liquiis (1) cumlati.

(d) CYRILLUS a. Sequesteratus a popu-
lis Dominus, & seorsum positus vacabat
orationibus: uode dicitur: *Et factum est cum
solus esset orans, orans cum illo & discipuli.*
Formam enim in hoc seipsum constituabat,
docens discipulos artem faciliem doctrinalium
dogmatum: reor enim oportere populorum
antifites etiam meritis præsefle subditis suis,
in rebus necessariis iugiter conversantes, &
illa tractantes quibus Deus placatur. BEDA
(cap. xxxvi. in Luc.) Aderant autem
discipuli Domino; sed ipse Patrem solus o-
ravit: (2) quia possunt sancti Domino fidei
amorisque societate coniungi. Ubique solus
obsecrat, quia Dei consilium humana vota
non capiunt, nec quisquam potest (3) in-
teriorum particeps esse cum Christo. CY-
RILLUS b. Poterat autem orationis nego-
tium turbare discipulos: videbant enim hu-
manitas orare quem olim viderant auctori-
tate divioa peragentem miracula. Ut igitur
(4) huiusmodi propellereturbationem,
eos interrogat, non quia nesciret ab exter-
ioribus sibi collata præconia, sed ut eos a
plurimum opinione auferret, & rectam fidem
eis infereret: unde sequitur: *Et interrogavit
illos dicens: Quem me dicunt esse turbare?* BEDA
(ubi supra.) Pulchre Dominus fidem
discipulorum exploraturus, prius turbamum
sententiam interrogat, ne illorum coofes-
sio, non veritatis agnitione probata, sed
vulgi videatur opinio (5) formata; nec
comperita credere, sed insular Herodis de au-
ditis hæsitare putentur. AUGUSTINUS
de Con. Evang. (Lib. II. cap. lxxx.) Pot-
est autem illud movere quod Lucas Domi-
num interrogasse discipulos suos, quem il-
lum dicerent homines, tunc dixit cum esset

solus orans, & adessent etiam ipsi: porro
autem Marcus in via dicit illos hoc ab eo-
dem interrogatos. (6) Sed hoc eum movet,
quia nunquam oravit in via. AMBROSIVS
(Lib. VI. io Luc. cap. de ioterrog. Iesu
quem se esse dicant.) Non est autem otio-
sa turbæ opinio quam discipuli respondunt,
cum subditur: *At illi responderunt, & dixe-
runt: Alii Ioannem Baptistam, quem decolla-
tum sciebant; alii autem Eliam, quem ven-
turum putabant; alii autem, quia Prophe-
ta unus de prioribus surrexit.* Sed hoc querere
alterius prudentiæ est: nam si Paulo Apo-
stolo satis est nihil scire, nisi Christum Ie-
sum, & huic crucifixum; quid amplius mi-
hi deciderandum est scire quam Christum?
CYRILLUS c. Vide autem in interroga-
tionibus elegantiam. Dirigit enim prius (7)
eos ad extrinsecas laudes, ut eis evulsis ve-
ram opinionem generet. Unde cum dixis-
sent discipuli plebis opinionem, eorum sen-
tentiam interrogat, cum subditur: *Dicit au-
tem illis: Vos autem quem me esse dicitis? O
quam præcipuum illud vos!* Excipit eos ab
illis, ut eorum vitent opiniones; quasi di-
cat: *Vos, qui censura mea vocati estis ad A-
postolatam, testes miraculorum meorum,
quem me esse dicitis? Prævenit autem Petrus
ceteros, utque os totius collegii, erudat-
que divini amoris eloquia, profertque fidei
confessionem, cum dicitur: Respondens au-
tem Petrus dixit, Christum Dei.* Non ait sim-
pliciter cum esse Christum Dei, sed magis
cum articulo (8) *Christum illum Dei*: unde
in Græco habetur (*τὸν Χριστὸν*) *ten Christen*.
Nam plures divinitus vocati, diversimode vo-
cati sunt Christi. Quidam enim vocati sue-
ruot in Reges, quidam in Prophetas; nos
autem per Christum sancto peruncti Spiri-
tu, nomen obtinuimus Christi; sed unus so-
lus est qui est Christus Dei, & Patris, quasi
ipso solo proprium habente Patrem, qui in
cælis est: & sic Lucas coördat quidem in
sententiis cum Matthæo, qui ovaravit cap.
xvi. Petrum dixisse: *„Tu es Christus Fi-
lius Dei vivi:“* sed utens breviloquio,
ait eum dixisse, *Christum Dei*. AMBRO-
SIVS (ubi supra.) In uoo enim hoc oo-
mine

(1) *Al. cumulabit.* (2) *In edit. P. Nicolai ita invenimus suppletum*: quia possunt sancti Domino fidel
amorisque societate coniungi; sed incomprehensibilia paternæ dispositionis arcana solus novit Filius pene-
trare. Ubique ergo solus orat &c. (3) *Al. inferiorum.* (4) *Al. huius.* (5) *Al. simata.* (6) *Supplet*
P. Nicolai sed hoc eum movet qui putat quia nunquam oravit in via. (7) *Al. omnes eos.* (8) *Al.*
omittunt Christum illum Dei.

mine, & divinitatis, & incarnationis expressio, & fides est passionis. Complexus est itaque omnia qui & naturam, & nomen expressit, in quo summa virtutum est. CYRILLUS *a*. Sed notandum, quod unum confessus est esse Christum prudentissimus Petrus contra præsumentes Emmanuelem in duos Christos dividere. Neque enim sciscitatus est eos, dicens: *Quem dicunt homines esse divinum Verbum, sed Filium hominis?* quem Petrus confessus est esse Filium Dei. In hoc ergo admirandus est, & dignus factus tam præcipuis honoribus, quia quem admiratus est in forma nostra, hunc credidit esse Christum Patris, scilicet hominem factum Verbum, quod processit de Patris substantia. AMBROSIVS (Lib. VI. in Luc. cap. de eo quod præcepit discipulis ne cui dicerent.) Dominus autem Iesus Christus prædicari se primo noluit, ne ullus strepitus nasceretur: unde sequitur: *At ille increpans eos, præcepit ne cui dicerent*. Multis ex causis iubet tacere discipulos: ut fallat principem mundi, ut declinet iactantiam, doceat humilitatem. Ergo Christus noluit gloriari; & tu, qui ignobilis natus es, gloriaris? Simul ne rudes, & imperfecti ad huc discipuli maximæ prædicationis motibus opprimantur. Prohibentur ergo evangelizare eum Dei Filium, ut evangelizarent postea crucifixum. CHRYSOSTOMUS (hom. IV. in Matth.) Opportune etiam Dominus tunc vetuit nulli dicere, quod ipse esset Christus, quatenus sublatis de medio scandalis, & crucis consummato patibulo, habitualiter imprimeretur audientium menti: conveniens de eo opinio: nam radicatum semel, & postmodum evulsam, vix umquam denuo insitum retinebitur; quod autem semel insitum perseverat immobile, de facili concrescit. Nam si Petrus ex solo auditu scandalizatus est, quid quamplures paterentur, cum audissent Filium Dei esse, vident autem crucifixum, & consputum? CYRILLUS *b*. Oportebat ergo discipulos eum ubique terrarum prædicare (hoc enim erat opus electorum ab eo ad Apostolorum officium) sed, ut sacra Scriptura testatur, tempus est unicuique rei. Decebat enim ut crux, & resurrectio impleteretur, & sic sequeretur Apostolorum prædicatio: unde sequitur: *Dicens, quia oportet Filium hominis multa pati, & reprobari a senioribus, &*

principibus sacerdotum, & scribis, & occidi & tertia die resurgere. AMBROSIVS (ubi supra.) Fortasse, quia sciebat Dominus difficile passionis, & resurrectionis mysterium etiam discipulos credituros, ipse voluit esse suæ passionis, & resurrectionis assertor.

(c) CYRILLUS *c*. Ducum magnanimi strenuos in armis ad audaciam provocant, non solum eis honores pollicendo victoriarum, sed etiam ipsum pati generosum esse fatentes. Tale quid videmus docere Dominum Iesum Christum: prædixerat enim Apostolis, quod oporteret eum perpeti Iudeorum calumnias, occidi, & tertia die resurgere. Ne igitur putarent Christum quidem passurum persecutiones pro vita mundi, eis vero licere lentam vitam ducere; ostendit quod necessario per aqua certamina, gradatim cupientes eius gloriam obtinere: unde dicitur: *Dicebat autem ad omnes*. BEDA (cap. XXXVII. in Luc.) Pulchre posuit ad omnes: quia superiora, quæ ad fidem dominicæ navitatis, vel passionis pertinent, cum solis discipulis seorsum egit. CHRYSOSTOMUS (hom. LXI. in Matth.) Cum autem Salvator sit pius & benignus, nullum invitum, aut coactum habere vult famulum, sed spontaneos, & gratias agentes ei pro famulatu; & ideo neminem cogendo, aut necessitate imponendo, sed persuadendo, & beneficiando universos volentes attrahit, dicens, *Signis vult*. BASILIUS *d*. Vitam autem propriam in formam optime conversationis tradidit volentibus ei obedire, cum dicit, *Post me venire*; non obsecrationem corporalem insinuans: esset enim in omnibus impossibilis, Domino iam in cælis existente: sed debitam conversationis pro posse imitationem. BEDA (cap. XXXVII.) Nisi autem quis a semetipso deficiat, ad eum qui supra ipsum est non appropinquat: unde dicitur: *Abneget semetipsum*. BASILIUS (in Quest. explicans quest. VI. abnegatio sui qualis sit.) Abnegatio quidem sui ipsius est totalis præteritorum oblivio, & recessus a propriis voluntatibus. ORIGENES *f*. Abnegat etiam aliquis seipsum, dum vitam prius in malitia consuetam alteratione debita commutat: puta qui dudum in lascivia vixerat, abnegat semetipsum lascivum, cum sit castus; & similiter abstinentia cuiuslibet criminis, sui ipsius abnegatio est. BASILIUS *g*.

Ap-

EX EDITIONE P. NICOLAI.

a Ubi supra. *b* Ibidem. *c* Ubi supra. *d* In Constit. monast. cap. XV. *e* In Regulis sicut disputatis ad interrogat. VI. *f* Tract. XI. in Matth. *g* In Regulis, ut supra.

Appetitus (1) autem mortis tolerandæ pro Christo, & mortificatione membrorum, quæ sunt super terram, & viriliter disponi ad omne periculum sustinendum pro Christo, & non affici quemquam ad vitam præsentem, hoc est tollere crucem suam: unde subditur: *Et tollas crucem suam quotidie.*

THEOPHYLACTUS (super *Tollas crucem.*) Crucem hic dicit mortem exprobrabilem, innuens quod quis vult Christum sequi, non debet effugere propter ipsum etiam exprobrabilem mortem. **GREGORIUS** in hom. (xxxix. in Evang.) Duobus etiam modis crux tollitur, dum aut per abstinentiam affligitur corpus, aut per compulsionem afficitur animus. **GRÆCUS a.** Recte autem coniungit hæc duæ, *abnegat semetipsum, & tollas crucem suam.* Sicut enim qui paratus est ascendere crucem, sumit in mente sua mortis intentionem, sicque vadit ut non æstimans amplius hanc vitam participare; ita qui sequi vult Dominum, primo debet abnegare seipsum, & sic tollere crucem, ut eius voluntas sit prompta ad omnem miseriam sustinendam. **BASILIVS b.** In hoc igitur consistit perfectio, ut impassibiliter se habeat secundum affectum etiam ad ipsum vivere, & habeat in promptu mortis responsum, ut nequaquam in seipso confidat. Sumit autem exordium perfectio ab exteriorum alienatione, (1) puta possessionum, vel inanis gloriæ, vel præcise affectionis inutilium rerum. **BEDA** (super *Tollas crucem.*) Prædictam igitur crucem & quotidie tollere, & ea sumpta Dominum sequi iubetur, qui crucem propriam baiulavit: unde sequitur, *Et sequatur me.*

ORIGENES c. Huius autem causam assignat subdens: *Qui enim voluerit animam suam salvam facere, perdet illam;* id est, qui vult secundum vitam præsentem vivere, & propriam animam in sensibilibus conservare, hic eam perdet, non ducens eam ad terminos beatitudinis. E contrario autem subdit: *Nam qui perdidit animam suam propter me, salvam faciet illam;* id est, qui negligit sensibilia intuitu veritatis, exponens se morti, hic tamquam animam perdens pro Christo, eam potius salvabit. Itaque si animam salvatum est, relatum ad eam quæ est in Deo salutem, debet esse & quædam bona per-

ditio animæ quæ sit intuitu Christi. Videtur etiam mihi persimile ei quod est abnegare seipsum, secundum prædicta, decere perdere quemlibet propriam animam peccatricem, ut sumat eam quæ per virtutem salvatur. **CYRILLUS d.** Quod autem incomparabiliter exercitium pacis Christi superet delicias, & pretiosa mundi, insinuat subdens: *Quid proficit homini si lucratur universum mundum, seipsum autem perdat, & detrimentum sui faciat?* quasi dicat: Cum aliquis aspiciens præsentem dulcedinem, aut utilitatem, renuit quidem pati, eligit autem splendide vivere, si sit opulentus; quod inde sibi commodum erit cum perdidit animam? Transit enim huius mundi figura, & amœna velut umbra discedunt: non enim proderunt thesauri impietatis; eripit autem a morte iustitia. **GREGORIUS** in hom. (xxxix. in Evang.) Quia ergo sancta Ecclesia habet aliud tempus persecutionis, atque aliud pacis, Dominus utraque tempora designavit in præceptis: nam persecutionis tempore ponenda est anima; quod significavit dicens, *Qui perdidit animam:* pacis autem tempore ea quæ amplius dominari possunt, frangenda sunt desideria terræ; quod significavit dicens, *Quid proficit homini?* [Plerumque autem labentia cuncta despiciamus; sed tamen adhuc humanæ verecundie usu præpedimur, ut rectitudinem quam servamus in mente, nondum exprimere valeamus in voce. Sed huic quidem vulneri congruum Dominus subiungit medicamentum, dicens: *Nam qui me erubescit, & meos sermones, hunc Filius hominis erubescit.* **THEOPHYLACTUS** (hoc loco.) Erubescit Christum qui dicit, Numquid credam crucifixo? Sed & sermones eius erubescit qui Evangelii ruditer contemnit. Quod autem hunc Dominus erubescit in regno suo talis est sicut si aliquis paterfamilias habens servum pravum, erubescat eum nominare. **CYRILLUS e.** Incutit autem eis timorem, dicens se cælitus descensurum, non in pristina humilitate, & mensura proportionabilis nobis, sed in gloria Patris, ministrantibus Angelis: sequitur enim: *Cum venerit in maiestate sua, & Patris, & sanctorum Angelorum.* Pestimum igitur, & damnosum notari inimicitia, & operis inertia, quando tantus

(1) *A.* *construitur* autem. (2) *A.* puta possessionem vel inanis gloriæ &c.

EX EDITIONE P. NICOLAI.

a Vel Isaac Monachus in Cat. Græc. FF. *b* In Regulis suis disputat ad interrogat. viii. *c* Ut supra. *d* Ut supra. *e* Ibidem.

tus iudex descenderit, agminibus circumstantibus Angelorum. Hinc autem percipias quod, carne sumpta & sanguine, Filius non minus est Deus, quod se pollicetur in maiestate Dei Patris venturum, & quod ei tamquam iudici omnium ministrabunt Angeli qui factus est homo similis nobis. AMBROSIVS (Lib. VII. in Lucam.) Semper autem Dominus sicut erigit ad præmia futura virtutum, atque utilem secularium rerum docet esse contemptum, ita etiam (1) infirmitatem mentis humanæ præsentium remuneratione sustentat. Arduum quippe est crucem tollere, & animam periculis, morti corpus offerre; negare quod sis, cum velis esse quod non sis; raroque quamvis excelsa virtus futuris commutat præsentia. Ergo bonus magister, ne quis desperatione frangatur, aut tædio, continuo se videndum fidelibus pollicetur, dicens: *Dico autem vobis: vere sunt aliqui hic stantes qui non gustabunt mortem, donec videant regnum Dei.*

THEOPHYLACTUS (super illud, *Donec videritis regnum Dei.*) Id est gloriam in qua iusti erunt. Hoc autem dixit de transfiguratione quæ forma erat futuræ gloriæ; ac si diceret: Sunt aliqui hic stantes, scilicet Petrus, Iacobus, & Ioannes, qui non attingent mortem, donec in tempore transfigurationis videant in qua gloria erunt qui me confitentur. GREGORIUS in homil. (xxxii. in Evan.) Vel regnum Dei hoc loco præiens Ecclesia vocatur: & quidam ex discipulis usque adeo in corpore victuri erant ut Ecclesiam Dei constructam conspicerent, & contra mundi huius gloriam erectam. AMBROSIVS (Lib. VII. in Lucam.) Itaque si nos volumus mortem non timere, stemus ubi Christus est: soli enim non querunt gustare mortem qui stare possunt cum Christo: in quo licet ex verbi ipsius qualitate pendere, nec tenuem quidem sensum mortis habituros qui Christi videntur meruisse consortia. Certe mors corporis libando gustetur, vita animæ possidendo teneatur: non enim hic mors corporis, sed animæ denegatur.

(f) EUSEBIUS. Cum Dominus discipulis suis (2) secundæ apparitionis suæ promulgaverit ingens mysterium, ne solis verbis credere viderentur, procedit ad opera,

ostendens eis oculata fide imaginem regni sui: unde dicitur: *Factum est autem post hæc verba fere dies octo, & assumptis Petrum, & Iacobum, & Ioannem, & ascendit in montem ut oraret.* DAMASCENUS b. Matthæus quidem, & Marcus sexto die post factam promissionem discipulis, Lucas autem post octavam dicit celebratam fuisse transfigurationem: nec est dissonantia in dictis; sed qui sex numeraverunt, demptis extremis, primo dico, & ultimo, quo pollicitus est, & quo fecit, medios computaverunt; at qui octo connumeravit, utrumque prædictorum computavit. Sed cur non omnes, sed aliqui vocati sunt ad hanc visionem? Unus quidem erat qui solus indignus erat divinitatis visione, scilicet Iudas, secundum illud Esai. xxvi. „ Tollatur impius, ne videat gloriam Dei. “ Si solus ergo esset (3) omnis, tamquam invidus ad maiorem ellet malitiam provocatus. Proinde proditori tollit prodicionis occasionem, cum dimisit inferius reliquam Apostolorum congeriem. Assumpsit autem tres, ut in duobus, vel tribus stet omne verbum. Petrum quidem assumpsit, volens testimonium quod testatus fuerat, ei ostendere per Patris testimonium confirmari, & quasi præsidem futurum totius Ecclesiæ. Sed Iacobum assumpsit tamquam moriturum pro Christo ante omnes discipulos; Ioannem vero tamquam Theologiæ purissimum organum, ut visâ gloria Filii, quæ non subiacet tempori, resonet illud, „ In principio erat Verbum. “ AMBROSIVS (Lib. VII. in Lucam cap. 1. par. antemed.) Vel Petrus ascendit, qui claves regni celorum accepit; Ioannes, cui committitur mater; (4) Iacobus, qui primus solum sacerdotale conscendit. THEOPHYLACTUS (super *Sunt quidam de hic stantibus.*) Vel assumpsit hos tamquam hanc rem celare potentes, & nulli alii revelare. Ascendit autem in montem ut oraret, docens nos solitarios, & ascendentes orare ad nihil terrenorum declinantes. DAMASCENUS c. Aliter tamen orant servi, aliter orabat Dominus: nam servi orantis oratio est per intellectus ascensus ad Deum; sed sacer intellectus Christi, qui secundum hypostasim Deo unitus erat, manuducens nos ad ascensum, quo per orationem ad Deum ascenditur,

(1) M. infirmitatis. (2) M. secundæ apparitionis. (3) M. dimissus. (4) *Legit in Ambrosio Nicetanus Iacobus qui primus martyrium sustinuit.*

EX EDITIONE P. NICOLAI.

a In Cateza Græc. PP. b Orat. de Transfiguratione. c Ibid.

tur, & docens quod adversarius Dei non est, sed tamquam principium veneratur genitorem, quin etiam alliciens tyrannum explorantem si Deus esset, quod miraculorum virtus prædicabat, quasi sub quadam elchamum contegeret, ut qui spe deificationis hamaverat hominem, (1) corporis amictu decenter hamaretur: unde sequitur: *Et facta est, dum oraret, species vultus eius altera.* CYRILLUS *Æ.* Non tamquam corpore humanam formam mutante, sed quadam splendida gloria superveniente. DAMASCENUS *b.* Videns autem diabolus orationibus resurgentem, recordatus est Moyfi, cuius glorificata est facies. Sed Moyfes quidem glorificatur extrinsecus adveniente gloria, Dominus autem ex innato gloriæ divinæ fulgore: cum enim secundum hypostasis unionem, una & eadem sit gloria Verbi, & carnis, transfiguratur, non quasi accipiens quod non erat, sed quod erat manifestans discipulis: unde secundum Matthæum dicitur, quod facies eius resplendit ut sol: quod (2) enim est insensibilibus sol, hoc in intelligibilibus Deus: & sicut sol, qui est lucis fons, de facili videri non potest, lux autem eius ex eo quod ad terram pervenit aspicitur; sic facies Christi intensius resplendit ut sol, vestimenta autem eius dealbantur ut nix: unde sequitur: *Et vestitus eius albus resplendens*, illustratus scilicet per divinæ lucis participationem. His autem ita se habentibus, ut unus ostenderetur Dominus novi & veteris testamenti, & hæreticorum ora obturentur, & fides fiat resurrectionis, nec non qui transfigurabatur vivorum, & mortuorum Dominus crederetur; Moyfes, & Elias tamquam famuli assistunt Domino in gloria: unde sequitur: *Eccæ duo viri loquebantur cum illo: erant autem Moyfes, & Elias visi in maiestate.* Oportebat enim ut videntes conservorum gloriam, & fiduciam, mirarentur quidem pium dominicum descensum, zelarent vero eos qui prius laboraverant, visuri amœnitatem futurorum bonorum, & magis fortificarentur in laboribus: nam qui laborum novierit emolumenta, labores facilius tolerabit. CHRYSOSTOMUS (hom. lvi. in Matth.) Aliter quoque, quoniam vulgus asserbat eum esse Eliam, vel Hieremiam,

ut discerneret inter Dominum & famulos, & ut pateat cum non esse adversarium Dei, & legis transgressorem, eos sibi assistentes montavit: non enim legislator Moyfes, & qui pro gloria divina zelatus est Elias altitulerit ei: sed & propter virtutes virorum demonstrandas: nam uterque pro mandatis divinis quampluribus se morti exposuerat. Volebat etiam discipulos eos imitari in regimine populi, ut herent mites sicut Moyfes, & zelantes sicut Elias. Inducit etiam eos, ut ostendat crucis gloriam, ad consolandum Petrum, & alios passionem timentes: unde sequitur: *Et dicebant excessum eius quem completurus erat in Hierusalem.* CYRILLUS *c.* Videlicet mysterium dispensationis in carne, nec non salutiferam passionem completam in venerabili cruce. AMBROSIVS (Lib. VII. in Luc. cap. 1.) Mystice autem post verba prædicta, transfiguratio Christi ostenditur: quoniam qui verba Christi audit, & credit, resurrectionis gloriam videbit: octava enim die facta est resurrectio: unde & plerique Psalmi pro octava scribuntur: aut forte ut ostenderet nobis quod dixerat, quod is qui propter Dei verbum perdiderit animam suam, salvam faciet eam, quoniam promissa sua in resurrectione restituit. BEDA (cap. xxxviii. super illud, *Et post dies octo.*) Nam sicut ipse post septimam sabbati, qua in sepulcro quieverat, a mortuis resurrexit, & nos post sex (3) sæculi ætates, & septimam quietis animarum, quæ interim in alia vita geritur, quasi octava ætate resurgemus. AMBROSIVS (ubi supra.) Sed Matthæus, & Marcus post dies sex assumptos hos esse commemorarunt: de quo possemus dicere, quod post sex millia annorum, mille enim anni in conspectu Dei tamquam dies una. Sed plures quam sex millia computantur anni; & maluimus sex dies per symbolum intelligere, quod sex diebus mundi opera sunt creata, ut per tempus opera, & per opera mundum intelligamus. Et ideo mundi temporibus impletis resurrectio futura monstratur: aut quia is qui supra mundum ascenderit, & huius (4) sæculi momenta transcenderit, velut in sublimi locatus, futuræ resurrectionis fructus expectabit in æternum. BEDA (super *Et ascendit*)

(1) *Æ.* corpus. (2) *Æ.* deest enim. (3) *Æ.* sæculi eius. (4) *Æ.* & huius post sæculi.

EX EDITIONE P. NICOLAI.

* Ubi supra. & Ut supra. * Ubi supra.

dit in montem.) Unde in montem oraturus, (1) & transfigurandus ascendit, ut ostendat eos qui fructum resurrectionis expectant, & Regem in decore suo videre deiderant, mente in excelsis habitare, & continuis precibus debere incumbere. AMBROSIVS (ut supra.) Putarem in tribus qui ducuntur ad montem, mystice genus humanum comprehensum, quia ex tribus filiis Noe genus omne; destituit humanum, nisi electos cernerem. Tres igitur eliguntur qui ascendent in montem, quia nemo potest resurrectionis videre gloriam, nisi qui mysterium Trinitatis incorrupta fidei sinceritate servaverit. BEDA (cap. xxxviii. super *Transfiguratus est.*) Transfiguratus (1) autem Salvator gloriam futuræ vel suæ, vel nostræ resurrectionis ostendit; qui qualis tunc Apostolis apparuit, post iudicium cunctis apparebit electis. Vetus autem (3) talis Domini sanctorum illius chorus accipitur, qui videlicet Domino in terris consistente despectus videbatur, sed illo montem petente, novo candore resurgit: quia „nunc filii Dei sumus, & nondum apparuit quid erimus; scimus autem quoniam cum apparuerit, similes ei erimus.“ I. Ioan. iii. AMBROSIVS (Lib. VII. in Luc. cap. i. a med.) Vel aliter. Pro tua possibilitate tibi verbum aut minuitur, aut crescit; ac nisi altioris prudentiæ cacumen ascendas, non tibi appareat quanta sit gloria in Dei Verbo. Vellimenta autem Verbi sunt sermones Scripturarum, & quædam intellectus indumenta divini. Et sicut vestitus albus resurgit, ita in oculis tuæ mentis divinarum lectionum sensus albescit. Inde apparet Moyses, & Elias, hoc est lex, & Propheta in Verbo: neque enim lex potest esse sine Verbo, nec Propheta nisi qui de Dei Filio prophetavit.

(g) THEOPHYLACTUS (hoc loco.) Christo vacante orationi, Petrus somno deprimitur: infirmus enim erat, & quod humanum erat implevit: unde dicitur: *Petrus vero, & qui cum illo erant, gravati erant somno.* Excitati autem gloria eius cernunt, & duos viros cum eo: unde sequitur: *Et vigilantes viderunt maiestatem eius, & duos viros qui habant cum illo.* CHRYSOSTOMVS (hom. lviii. in Matth.) Vel somnum

vocat ingessum eis nimium stuporem ex illa visione: neque enim nocturnum tempus erat, sed lucis excellentia gravabat oculorum debilitatem. AMBROSIVS (ubi supra inter med. & fin.) Premit enim incomprehensibilis splendor divinitatis, nostri corporis sensus: nam si solis radium e regione oculorum contuentium (4) corporea nequit acies continere; quomodo Dei gloriam humanorum terret corruptela membrorum? Et fortasse ideo gravati somno erant, ut resurrectionis viderent speciem post quietem. Itaque vigilantes viderunt maiestatem eius: nemo enim nisi vigilans gloriam videt Christi. Delectatus est Petrus, & quem sæculi huius illecebrosa non capere, gloria resurrectionis illexit: unde sequitur: *Et factum est cum discederent ab illo, ait Petrus ad Iesum: Præceptor, bonum est nos hic esse.* CYRILLUS a. Aestimabat forsitan divus Petrus imminere tempus regni Dei; & ideo approbat montis incolatum. DAMASCENUS b. Non est autem bonum, Petre, tibi quod Christus ibi moretur: quoniam si mansisset, nequaquam tibi facta promissio consequeretur effectum: neque enim claves obtinuisses regni, nec mors tyranni abolita esset. Non quæras ante tempus felicia, ut Adam deificationem. Erit quando hunc aspectum indefinenter percipias, & cohabitabis illi qui lux est, & vita. AMBROSIVS (ubi sup. aliq. ante finem.) Petrus autem non solum affectu, sed etiam (5) factorum devotione præstantior, ad ædificanda tabernacula tria impiger operarius, communis obsequii ministerium pollicetur: sequitur enim: *Et faciamus tria tabernacula, unum tibi, & unum Moysi, & unum Elia.* DAMASCENUS c. Non autem te Dominus tabernaculorum, sed universalis Ecclesiæ constructorem constituit: verba tua tui discipuli, oves tuæ mandaverunt effectui, Christo tabernaculum construentes, nec non & servis eius. Hoc autem non ex intentione Petrus proferebat, sed inspiratione Spiritus revelantis futura: unde sequitur: *Nesciens quid diceret.* CYRILLUS d. Nesciebat etiam quid diceret: neque enim aderat tempus finis sæculi, nec participandæ a sanctis promissæ spei: & cum iam fumeret exordium dispensationis, quo pacto Christum oportebat

(1) *Al.* & transfiguraturus. (2) *Al.* *idem* transfiguraturus. (3) *Al.* *dest* talis. (4) *Al.* corpora. (5) *Al.* sanctorum.

EX EDITIONE P. NICOLAI.

a Ut supra. b Oret. de Transfiguratione ut supra. c Ibid. d Ubi supra.

tebat desistere a mundi dilectione, volentem pati pro eo? DAMASCENUS *a*. Decebat etiam non solum perfringere fructum incarnationis ad opus existentium in monte, sed diffundi ad omnes credentes quod per crucem, & passionem erat consummandum. TITUS. Ignorabat etiam Petrus quod dixerat, quia non oportebat tribus tria tabernacula facere: non enim connumerantur Domino famuli, nec comparantur creaturæ Creatori. AMBROSIVS (ubi supra.) Neque capit humana conditio in hoc corruptibili corpore facere tabernaculum Deo, sive in animo, sive in corpore, sive in quolibet alio loco. Et quamvis nesciret quid diceret, tamen pollicebatur officium; cui non inconsulta petulantia, sed (1) præmatura devotio fructus pietatis accumulatur: nam quod ignorabat, conditionis fuit; quod promittebat, devotionis. CHRYSOSTOMUS (hom. lxxii. in Matth.) Vel aliter. Audiebat quod oportebat ipsum mori, & tertia die resurgere; videbat autem multam distantiam, & solitudinem: unde confidebat quod plurimam haberet locus tutelam: ob hoc dixit: *Bonum est nos hic esse*. Aderat quoque Moyses, qui nubem intravit, & Elias, qui (2) in monte ignem deduxit. Igitur Evangelista confusionem mentis eius, ex qua hoc proferebat, ostendens dixit: *Nesciens quid diceret*. AUGUSTINUS de Con. Evang. (Lib. II. cap. lvi.) Quod autem hic Lucas dixit de Moysse, & Elia: *Et factum est dum discederent ab illo, ait Petrus ad Iesum: Præceptor, bonum est nos hic esse*: non debet putari contrarium ei quod Matthæus, & Marcus ita coniunxerunt, Petrum hæc suggestisse, quasi adhuc Moyses, & Elias cum Domino loquerentur: non enim expresserunt tunc, sed tacuerunt potius quod iste addidit, illis descendentibus, hoc Petrum Domino suggestisse. THEOPHYLACTUS (hoc loco.) Petro autem dicente, *Faciamus tria tabernacula*, Dominus tabernaculum non manufactum fabricat, & in eum ingreditur cum Prophetis: unde subditur: *Hæc autem illo loquente*, S. Th. Oper. Tom. V.

facta est nubes, & obumbravit eos: ut ostenderet quod non minor est Patres: sicut enim in veteri testamento in nube habitare Dominus dicebatur, sic & nunc nubes suscepit Dominum, non caliginosa, sed lucida. BASILIUS *b*. Nam obcuritas legis transierat: sicut enim fumus ab igne, sic nubes a luce causata est. Verum, quia nebula si gnum tranquillitatis est, quies futuræ mansionis ostenditur per nubis operimentum. AMBROSIVS (ubi supra.) Divini enim Spiritus est obumbratio ista, quæ non caligat affectibus hominum, sed revelat ocula. ORIGENES (tract. iii. in Matth.) Hanc autem gloriam discipuli fuisse nequeantes, procubuerunt humiliter sub potenti dextera Dei, nimium timentes, cum scirent quod dictum fuit Moysi Exod. xxxiii. „Non videbit homo faciem meam, & vivet:“ unde sequitur: *Et timuerunt intrantibus illis in nubem*. AMBROSIVS. Cognosce autem nubem istam non coacti aeris caligine picem, & quæ cælum tenebrarum horrore (3) subtexat, sed lucidam nubem, quæ nos non pluvialibus aquis immadidet, sed qua mentes (4) hominum in voce Dei omnipotentis emissâ fidei ros rigavit: sequitur enim: *Et vox facta est de nube, dicens: Hic est Filius meus dilectus*. Non Elias filius, non Moyses filius; sed *Hic est Filius*, quem solum videtis. CYRILLUS. Qualiter ergo oportebat eum qui revera Filius est, factum, vel creatum existimare, Deo Patre desuper intonante, *Hic est Filius meus*? Quasi dicat: Non unus ex filiis, sed qui vere, & naturaliter est Filius; ad cuius exemplar alii sunt adoptivi. Illi ergo iussit obedire, cum subdit, *Ipsum audite*; & magis quam (5) Moysen, & Eliam, quia Christus est finis legis, & Prophetarum: unde gignanter Evangelista subdit: *Et dum fieret vox, inventus est Iesus solus*. THEOPHYLACTUS (super *Hic est Filius*.) Ne scilicet putaret aliquis hoc dictum, *Hic est Filius meus dilectus*, de Moysse, vel Elia fuisse prolatum. AMBROSIVS (ubi supra.) Recesserunt ergo illi ubi cœperat Dominus designari.

X

Tres

(1) *Al.* primatum. (2) *Al.* in montem. P. Nicolai legit in monte ignem e cælo deduxit. (3) *Al.* subtexerat. (4) *Al.* homini. (5) *Al.* ad Moysen.

EX EDITIONE P. NICOLAI.

A Ubi supra. *b* In Cat. Græc. PP. Habetur apud illum in Elia: xv. sub finem super illud ex vers. v. *Creavit Dominus super omnem locum montis Sion, & ubi invocatus est, nubem per diem &c.* c Ubi supra. & in Thesaur. Lib. II. cap. xlv.

Tres etiam in principio videntur, (1) unus in fine: perfecta enim sine unum sunt. Ergo & illi quasi recipiuntur in Christi corpus, quia & nos unum erimus in Christo Iesu; aut fortasse quia lex, & Prophetæ ex Verbo. THEOPHYLACTUS (super *Leviticus est Iesus solus*.) Quæ autem ex Verbo coeperunt, in Verbo desinunt: per hoc enim inquit quod usque ad tempus aliquid lex, & Prophetæ apparerent, sicut hic Moyses, & Elias; postmodum autem solus Iesus, illis recedentibus: nam nunc Evangelium manet transactis legalibus. BEDA (cap. xxxviii.) Et nota, sicut Domino in Iordane baptizato, sic etiam in monte clarificato totius Trinitatis mysterium declarari: quia gloriam illius, quam in baptismo confitemur, in resurrectione videbimus. Nec frustra Spiritus sanctus hic in lucida nube, illic appareret in columba: quia qui nunc simplici corde fidem quam percipit servat, tunc luce apertæ visionis quæ crederat contemplabitur. ORIGENES a. Non vult autem Iesus dici quæ ipsius spectant ad gloriam ante suam passionem: unde sequitur: *Et ipsi tacebant, & nemini dixerunt in illis diebus quicquam ex his quæ viderant*: offensi enim fuissent, & præcipue vulgus, si vidisset crucifigi eum qui sic fuerat glorificatus. DAMASCENUS b. Hoc etiam præcepit Dominus, sciens discipulos imperfectos, qui nondum fortiti erant plenam Spiritus participationem; ne corda aliorum qui non viderant, subverterentur tristitia; & ne proditor incitaretur ad invidiæ rabiem.

(h) BEDA (cap. xxxix. in Luc.) Loca rebus congruunt. In monte Dominus orat, transformatur, discipulis arcana suæ maiestatis aperuit, in inferiora descendens, turbæ occurrit excipitur: unde dicitur: *Fatum est autem in sequenti die, descendentibus illis de monte, occurrit illis turba multa*. Sursum Patris vocem pandit, deorum spiritus malos expellit: unde sequitur: *Et ecce vir de turba exclamavit dicens: Magister, obsecro te, respice in filium meum*. TITUS. Videtur mihi sapiens quidem hic esse: non enim dixit Salvatori, Fac hoc, vel illud; sed respice. Ille enim sufficit ad salutem, sicut Propheta dicebat Psal. lxxxv. „Respice in me, & miserere mei.“ Et dicit, *in fi-*

lium meum, ut rationabilem demonstret inverecundiam, quod solus in multitudine clamat. Addit, *Quia novus est mihi*; quasi dicat: Nullus alius expectatur futurus remedium senectutis. Consequenter explicat passionem, ut audientem moveat ad pietatem, dicens: *Et ecce spiritus apprehendit eum, & subito clamat, & elidit, & dissipat eum cum spuma, & rix descendit dilanians eum*. Deinde videtur criminari discipulos; sed magis respondit, quod iuste verecundiam deposuerit, dicens: *Et rogavi discipulos tuos ut eiicerent illum, & non potuerunt*; quasi dicat: Non putes quod leviter ad te pervenerim: stupenda est dignitas tua, nec statim te molestavi: ad discipulos tuos accessi primo; nunc quia non curaverunt, cogor proficisci ad te: unde & Dominus non ipsum, sed genus incredulum increpat: sequitur (1) enim: *Respondens autem Iesus dixit: O generatio infidelis, & perversa, usquequo ero apud vos, & patiar vos?* CHRYSOSTOMUS (hom. lvi. in Matth.) Sed hunc hominem multum infirmari in fide, Evangeliorum Scriptura ostendit ex pluribus, ex eo scilicet quod dixit Marc. ix. „Adinvæ incredulitatem meam,“ & „fipotes,“ & ex eo quod Christus dixit, „Credenti omnia possibilia sunt.“ CYRILLUS c. Unde melius puto incredulum reputatum dæmoniâci patrem, quod & sacros Apostolos obiurgavit, dicens eos non posse imperare dæmonibus: potius autem erat honorando Deum ab eo petere gratiam: annuit enim veneratus. Qui autem dicit debilitari erga virtutem quæ est in spiritu maligno, eos (3) qui a Christo adepti sunt potestatem eiiciendi eos, gratiam magis calumniatur quam fulgentes ea, in quibus Christus operatur. Unde ostenditur Christus accusatus sanctis, quibus est commissum verbum prædicationum sacrarum: propter quod Dominus increpat eum, & concordet ei, dicens: *O generatio infidelis, & perversa*; quasi dicat: Causa tuæ infidelitatis, gratia effectum sortita non est. CHRYSOSTOMUS (hom. lvi. in Matth. par. ante med.) Non autem dirigit sermonem ad eum tantum, sed ad omnes Iudæos, ne faciat eum hæsitare: oportebat enim scandalizari quamplures. THEOPHYLACTUS (hoc loco.) Quod autem di-

(1) *Al. unus in fide: perfectæ enim fidei unum sunt: P. Nicolai perfecta enim fide unum sunt.* (2) *Al. accipit enim.* (3) *Al. quia Christi.*

EX EDITIONE P. NICOLAI.

a In Cat. Græc. PP. & tza. 111. ut iam supra. b Prædicta orat. de Transfiguratione. c Ubi supra.

dicit, *Perversa*, demonstrat quod non a principio, neque naturaliter inerat eis malitia; sed natura quidem erant recti semen Abraham exsistentes, sed per malitiam erant perverti. CYRILLUS a. Quasi nescientes procedere rectis incessibus. Cum eis autem qui sic sunt dispositi, Christus commemorari deditur: unde dicitur: *Utique ero apud vos, & patiar vos*? ferens quasi moleste eorum conversationem propter pravitatem ipsorum. CHRYSOSTOMUS (hom. lxxviii. in Matth.) Per hoc etiam ostendit desideratum sibi esse suum recessum, & quod non erat grave crucis patibulum, sed magis ipsorum conversatio. BEDA (cap. xxxix. in Lucam in med.) Non quod tedium superatus sit manufectus, & mitis; sed in similitudinem medici si agnotum videat contra sua precepta se gerere, dicat: *Uliquequo arcedam ad domum tuam, me aliud iubente, te aliud faciente*? Instantum autem non est iratus homini, sed vicio, ut statim intulerit: *Adduc huc filium tuum*. TITUS. Poterat quidem solo iussu cum liberare; sed propalat (1) suam passionem, subiiciens infirmum presentium visioni. Deinde demonium, postquam Dominum sensit, concutit puerum: unde sequitur: *Et cum accederet, elisit illum demonium, & dissipavit*: ut sic prius exprimeretur passio, deinde adhiberetur remedium. CHRYSOSTOMUS (hom. lxxviii. in Matth. prope medium.) Non tamen hoc Dominus ad ostentationem facit, sed causa patris, ut cum viderit demonium conturbari propter solam vocationem, sic saltem inducat ad fidem futuri miraculi: de quo sequitur: *Et increpavit Iesus spiritum immundum, & sanavit puerum, & reddidit illum patri eius*. CYRILLUS b. Antea autem non erat patris, sed demonis occupantis. Subdit autem Evangelista stupere plebem in magnaliis dei, dicens: *Stupebant autem omnes in magnitudine Dei*: quod dicit propter donum Christi, qui sacris quoque Apostolis contulit potestatem agendi divina miracula, & imperandi demonibus. BEDA (cap. xxxix. in Luc.) Mystice autem pro qualitate meritum quotidie aliis (2) ascendit Dominus, dum perfectis, quorum conversatio in caelis est, sublimius extollendo glorificat, & de aeternis instruit, & docet quae a turbis audiri non valent; aliis autem de-

scendit, dum terrenos, & insipientes confortat, docet, & castigat. Hunc autem demoniacum Matthaeus lunaticum, Marcus surdum & mutum describit: significat enim illos qui ut luna mutantur, per diversa vitia crescentes, & decrecentes: qui muti sunt, non confitendo fidem, (3) & surdi, nec ipsum fidei audiendo sermonem. Dum puer autem ad Dominum accedit, eliditur: quia conversi ad Dominum plerumque a demonio gravius pullantur, ut vel odium virtutis incutiat, vel expulsiōis suae vindictae iniuriam; sicut Ecclesiae primordiis tot gravissima intulit certamina, quot suo regno doluit subito illata dispendia. Non puerum autem qui vim patiebatur, sed demonem qui inferrebat increpat: quia (4) qui peccantem emendare desiderat, vitium arguendo, & odiendo depellere, sed hominem debet amando reformare donec sanatum spiritalibus Ecclesiae possit reddere patribus.

(i) CYRILLUS c. Omnia quaecumque operabatur Iesus, admiratione digna penes omnes erant: irradiabat enim quiddam precipuum, & divinum in qualibet operatione ipse, secundum illud Psal. xx. „Gloriam, & decorem superpones ei.“ Et si omnes quidem mirarentur in his quae faciebat, ipse tamen haec quae sequuntur, non omnibus, sed discipulis retulit: unde dicitur: *OmniBUSque mirantibus in omnibus quae faciebat, dixit ad discipulos suos: Ponite vos in cordibus vestris sermones istos*. Ostenderat in monte discipulis gloriam suam, & post hoc liberaverat quemdam a spiritu nequam; sed oportebat eum sustinere passionem pro nobis. Poterant autem discipuli conturbari dicentes: Numquid decepti sumus dum Deum esse eum arbitramur? Ut ergo scirent quid circa ipsum futurum erat, velut quoddam depositum iubet eos in mente habere passionis mysterium, dicens: *Ponite vos in cordibus vestris*. Quod dicit *Vos*, distinguit eos ab aliis: neque enim oportebat vulgares scire quoniam passurus esset; sed erant potius certificandi quoniam mortuus resurgeret, destruens mortem, ne scandalizarentur. TITUS. Cunctis igitur admirantibus signa, ipse praenuntiat passionem: non enim signa salvant, sed crux beneficia praestat: unde subditur: *Filius enim hominis futurum est ut*

X 2

.tra-

(1) P. Nicol. i habet ipsius passionem. (2) Al. descendit. (3) Al. sic surdi. (4) Al. amittitur qui-

tradatur in manus hominum. ORIGENES (Matth. xvii. tract. iv. cir. med.) Non autem exprimit manifeste a quo tradendus sit: aliquis enim dicitur (1) tradendum a Iuda, aliquis a populo. Paulus autem dicit Rom. viii. quod Deus Pater, pro no-
 „bis omnibus tradidit eum: “ sed Iudas tamquam pro pecunia tradens eum hostiliter prodidit; sed Pater beneficii causa. THEOPHYLACTUS (super *Et verbum erat ascendit*.) Forum autem infirmitati Dominus condescendens, & eos disciplina quadam gubernans, quod de cruce dictum est, intelligere non permisit: unde sequitur: *At illi ignorantes verbum istud, & erat velatum ante eos, ut non sentirent illud.* BEDA (cap. xl. in Luc.) Hæc ignorantia discipulorum non tam de tarditate quam de amore nascitur; qui carnales adhuc, & mysterii crucis ignari, quem Deum verum crederunt, morituum credere nequiverunt: & quia per figuras eum læpeloquentem audire solebant, etiam quæ de sua traditione loquebatur, figurative eum illud significare putabant. CYRILLUS. Dicet autem aliquis forsitan: Qualiter ignoraverunt discipuli crucis Christi mysterium, cum per umbram legis in pluribus locis tangeretur? Sed, ut Paulus commemorat, „usque ad „hodiernum diem, quando legitur Moyses, „velamen adiacet cordi eorum: “ II. Corinth. iii. Expedit ergo accedentes ad Christum dicere Psal. cxviii. „Detegite oculos „meos, & contemplantur mirabilia de lege tua. “ THEOPHYLACTUS (super *Timebant eum interrogare.*) Vide etiam discipulorum reverentiam in hoc quod sequitur: *Et timebant interrogare eum de hoc verbo: nam timor gradus est reverentiæ.*
 (k) CYRILLUS. Insidiatur diabolus multimode diligentibus optimam vitam; & si quidem per carnales illecebras oblidere valet alicuius mentem, affectus voluptatum excutit; si quis hos effugerit laqueos cupidinis, gloriæ suscitatur passio, quæ quidem passio vanæ gloriæ invasit quemdam Apostolorum suorum: unde dicitur: *Intravit autem cogitatio in eos, quis eorum esset maior:* hoc enim cogitare est cupientis ceteris superesse. Improbabile autem puto omnes di-

scipulos hanc ægritudinem incurrisse; & id eo ne crimen aliquod contra aliquem discipulorum Evangelistæ machinari videretur, exprimit indeterminate dicens, quod intravit in eos cogitatio. THEOPHYLACTUS (hoc loco.) Videtur autem hanc passionem ex hoc ortam fuisse quod dæmoniaco curare non valuerunt, eis de hoc altercantibus, (2) uno dicente, quod non propter meam impotentiam, sed alterius curari non valuit, ut ex hoc accensa contentio fuerit, quis eorum maior esset. BEDA (cap. xl.) Vel quia viderant Petrum, Iacobum, & Ioannem scorum ductos in montem, & Petro claves regni cælorum promissas fuisse, irati sunt, vel ipsos tres ceteris, vel Petrum omnibus esse prælatum: vel quia tributi solutione Petrum ipsi Domino sacrificatum viderant, ipsum præ ceteris arbitrabantur præferendum. Sed diligens lector hanc intra eos cognitionem (3) etiam ante didrachma redditum inveniet fuisse versatam. Denique Matthæus cap. xxiii. hoc in Capharnaum memorat esse gestum. Dicit autem Marcus cap. ix. „Et venerunt Capharnaum: naum: qui cum in domo essent, interrogabat eos, Quid in via tractabatis? At illi si tacebant: liquidem inter se in via discussa putaverant quis illorum esset maior. “ CYRILLUS. Dominus autem, qui novit salvos facere, videns in mente discipulorum super hoc cogitationem exortam, velut quamdam amaritudinis radicem, prius quam augmentum suscipere, radicem eam evellit: cum enim inchoant passionem in nobis, facile devincuntur, sed auctæ difficile sunt mobiles: unde sequitur: *At Iesus videns cogitationes cordis eorum, apprehendit puerum, & statuit illum penes se.* Dicitur qui nudum hominem putat esse Iesum, se errasse: quamvis enim Verbum caro factum sit, mansit tamen Deus: nam folius Dei est posse rimari corda, & renes. Quod autem puerum assumptum, & ponebat penes se, agebatur causa Apostolorum utilitatis, & nostræ. Depascitur enim inanis gloriæ morbus ut plurimum (4) eos qui præzement in hominibus aliis. Puer autem sinceram gerit mentem, immaculatum cor, & manet in simplicitate cogitationum: non ambit honores, nec

(1) *Al. traditurum.* (2) *Al. quo: forte aliquo.* (3) *Sic quatuor a nobis alias citata editiones, licet Romana, & Venera Nicolini habent propter didrachma.* (4) *Al. desideratur eos.*

EX EDITIONE P. NICOLAI.

• Ubi supra. • Ibid. • Ubi supra.

nec novit cuiusvis praerogativae modum, nec refugit videri (1) minus se habere, non multam gerit severitatem in mente, & corde. Tales autem Dominus amplexatur, & diligit, & prope se dignatur habere, quasi qui elegerunt quae sua sunt sapere. Ait enim Matth. xi. „Discite a me, quia mitis sum, & humilis corde:“ unde sequitur: *Et ait: Quicumque susceperit puerum istum in nomine meo, me recipit* quasi dicat: Quando una & eadem est merces honorantibus sanctos, sive forsitan minimus sit, sive praeclarus honore, & gloria, quia in eo Christus suscipitur; quomodo non vanum esse petere invicemungi praerogativa? BEDA (cap. xi. super illud, *Qui apprehendens*). In hoc autem (2) vel simpliciter pauperes Christi ab his qui velint esse maiores, pro eius docet honore suscipiendos; vel malitia parvulos istos esse suadet: unde cum diceret, *Quicumque susceperit puerum istum*, addit, *in nomine meo*, ut scilicet formam virtutis, quam natura duce puer observat, ipsi pro nomine Christi rationis industria sequantur. Sed quia & se in puero suscipi docet, & ipse puer natus est nobis; ne putaretur hoc esse solum quod videbatur, subiunxit: *Et quicumque me recipit, recipit illum qui misit me*: talem se utique ac tantum credi volens, qualis & quantus est Pater. AMBROSIVS (Lib. VII. in Luc. cap. de resp. Iesu respuentis.) Qui enim imitorem Christi recipit, Christum recipit; & qui imaginem Dei non poteramus videre, facta est nobis per incarnationem Verbi praesens, ut reconciliaretur nobis quae supra nos est, divinitas. CYRILLVS a. Adhuc autem magis insinuat praemissi verbi intentionem, dicens: *Nam qui minor est inter vos omnes, hic maior est*: quod de modesto dicit, qui nihil de se sublimem putat propter honestatem. THEOPHYLACTVS (super *Vidimus quemdam*.) Quia Dominus dixerat, *Qui minor est inter vos omnes, hic maior est*, timuit Ioannes ne forte malum aliquod fecerint, propria potestate quemdam hominem prohibentes: nam prohibitio non minorem prohibentem offendit, sed maius aliquid sapientem: unde subditur: *Respondens autem Ioannes dixit: Praeceptor, vidimus quemdam in nomine tuo eicientem daemonia, & pro-*

hibuimus eum: non quidem invidentes, sed operationem miraculorum diiudicantes: non enim cum eis miraculorum potestatem acceperat, neque eum Dominus milierat sicut illos, neque Iesum in omnibus sequebatur: unde subdit: *Qui non sequitur te nobiscum*. AMBROSIVS (Lib. VII. tit. ubi supra.) Ioannes enim plurimum diligens, & ideo redamatus (3) plurimum, excludendum putat beneficium cum qui non utatur obsequio. CYRILLVS b. Sed oportebat magis pensare non hunc ipsum esse miraculorum auctorem, sed gratiam quae est in eo qui in virtute Christi miracula perficit. Quid autem si non connumerentur Apostolis qui Christi gratia coronantur? Multae sunt differentiae Christi donorum; sed quia tradidit Salvator potestatem Apostolis ut spiritus immundos eicerent, putaverunt nulli aliorum quam sibi solis licere concessam gerere dignitatem; & ideo accedunt sciscitantes si liceat & aliis hoc agere. AMBROSIVS (ut supra.) Non reprehenditur autem Ioannes, quia amore faciebat, sed docetur, ut noverit infirmorum esse firmorumque distantiam. Et ideo Dominus est fortiores remunerat, tamen non excludit infirmos: unde sequitur: *Et ait ad illos Iesus: Nolite prohibere: qui enim non est adversum vos, pro vobis est*. Ecce Domine: nam & Ioseph, & Nicodemus occulti discipuli propter metum, in tempore tamen suum tibi officium non negaverunt: Sed tamen quia alibi dixisti infra xi. *Qui non est mecum, adversum me est, & qui mecum non colligit, dispergit*; aperi nobis, ne videatur (4) esse contrarium. Et puto quia si quis mentium consideret scrutatorem, non debeat dubitare aniuscuiusque factum mente discerni. CHRYSOSTOMVS c. Illic enim cum dixit, *Qui non est mecum, adversum me est*, offendit diabolum, & Iudaeos sibi esse contrarios; hic autem offendit eum qui in nomine Christi daemones eiiciebat, in parte cum eis existere. CYRILLVS d. Quasi dicat: Pro vobis, qui Christum diligitis, sunt qui prosequi volunt quae ad ipsius gloriam spectant, eiusdem gratia coronati. THEOPHYLACTVS (hoc loco.) Mirare autem Christi virtutem, qualiter per indignos, & non discipulos eius gratia operatur; sicut & per sacerdotes sanctificatur ho-

(1) *Al.* non minus. *P.* *Nolui* in'minuit. (2) *Al.* non. (3) *Al.* *desit* plurimum. (4) *Al.* *emissus* est.

homines, quamvis sacerdotes sancti non fuerint. AMBROSIVS (Lib. & cap. ut supra paulo ante medium.) Cur autem hic eos qui possunt per manus impositionem immundis imperare spiritibus in nomine Iesu, negat esse prohibendos? (1) Secundum Matthæum cap. vii. dicitur, „Non novi vos.“ Sed advertere debemus, non esse sententiarum discordiam, sed illud censeri, quod non solum officii in clericos, sed etiam virtutis opera requirantur; tantumque esse Christi nomen, (2) ut etiam parum sanctis opituletur ad prædium, et si non opituletur ad gratiam: unde nemo purgati hominis sibi gratiam vendicat, in quo æterni nominis virtus operata sit: non enim merito suo diabolus, sed odio sui vincitur. BEDA. Itaque in hæreticis, & malis catholicis non sacramenta communia in quibus nobiscum sunt, & adversum nos non sunt, sed divisionem paci veritatem contrariam, qua adversum nos sunt, & Dominum non sequuntur nobiscum, detestari, & prohibere (3) debemus.

(1) CYRILLVS A. Cum immineret tempus quo decebat Dominum, peracta passionis salubri, celum ascendere, decrevit ascendere Hierosolymam: unde dicitur: *Factum est autem, dum complerentur dies assumptionis eius, & ipse faciem suam firmavit ut irat in Hierusalem.* TITVS. Quia ibi oportebat verum agnum offerri, ubi figuralis agnus immolabatur. Dicit autem, *Firmavit faciem suam*; idest, non huc & illuc ibat, nec perambulabat vicus, & municipia, sed iter tenebat versus Hierusalem. BEDA (cap. xli. in Luc.) Cessant ergo pagani quasi hominem (4) videre crucifixum, quem & tempus suæ crucifixionis constat quasi Deum prævidisse, & quasi sponte crucifigendus locum quo crucifigendus erat firmata facie, idest obstinata, atque imperterrita mente, petiisse. CYRILLVS B. Misit autem nuntios paraturos ei, & comitibus eius hospitium: qui cum ivissent ad terram Samaritanorum, non fuerunt admissi: unde sequitur: *Et misit nuntios ante conspectum suum; & euntes intraverunt in civitatem Samaritan-*

orum, ut pararent illis. Et non receperunt illum. AMBROSIVS (cap. de resp. Iesu respuentis, ante med.) Dilco quia recipi noluit ab his quos sciebat non simplici mente conversos: nam si voluisset, ex indevotis devotos fecisset: sed Deus quos dignatur vocat, & quem vult religiosum facit. Cur autem non receperunt, Evangelista memorat dicens: *Quia facies eius erat eruit in Hierusalem.* THEOPHYLACTVS (hoc loco.) Sed si intelligamus quod propter hoc illum non receperunt, quia ire Hierusalem determinaverat, inveniuntur hi exculati qui non receperunt eum. Sed dicendum est, quod in hoc quod dicit Evangelista, *Et non receperunt illum*, intelligitur illud quod neque in Samariam venit; deinde quasi aliquo interrogante, quare non receperunt ipsum, neque eos adire, solvens dicit, non quia impotens esset, sed quod illuc ire nolbat, sed magis Hierosolymam. BEDA (cap. xli. in Luc.) Vel Hierusalem ire conspicientes Samaritani, Dominum non recipiunt: non enim contumuntur Iudei Samaritanis, ut Ioannes ostendit. CYRILLVS C. Sed cum Dominus, (5) qui omnia noverat, sciret quod eius nuntii non essent a Samaritanis recipiendi, ideo tamen præcepit eis quod præcederent, quia mos erat ei omnia fatagere erga profectum discipulorum. Ascendebat quidem Hierosolymam propinquante tempore passionis. Ut igitur quando pati eum viderent, non scandalizarentur, considerantes quod oportet patientes esse cum contumelias inferunt aliqui, præmisit quasi quoddam præludium Samaritanorum repulsum. Profuit autem eis & aliter. Futuri enim erant doctores orbis terrarum, civitates, & villas percurrentes ad prædicandum evangelicam doctrinam; quibus aliquando occurrerent aliqui minime recipientes (6) sacram prædicationem, quasi non concedentes secum commorari Iesum. Docuit igitur eos quod divinam annuntiantes doctrinam pleni esse debebant patientia, & mansuetudine; non autem hostiles, & iracundi, & in peccantes in eos atrociter insurgentes: sed adhuc non (7) erant tales; immo zelo fer-

(1) Hanc sententiam reputat Nicolai, & legis, nesciendo præmissi, cum secundum Matthæum dicat hic &c.
(2) Exempla Romana an. 1570. & Veneta an. 1593; sic sanctorum habens: ut etiam parum sanctis opituletur ad gratiam. (3) Al. omittitur debemus: unde P. Nicolai legis & Dominum non sequuntur, nobis convenit detestari, & prohibere. (4) Al. videre. (5) Al. qui ante omnia noverat. P. Nicolai qui antequam dicerent, omnia noverat. (6) Al. sacram. (7) Al. sunt.

EX EDITIONE P. NICOLAI.

* In Cat. Græc. PP. & Ibidem. e Ubi supra.

fervido concitati, volebant ignem de cælo super eos deducere.

Sequitur: *Cum vidissent autem discipuli eius Iacobus, & Ioannes, dixerunt: Domine, vis dicimus ut ignis descendat de cælo, & consumat illos?* AMBROSIVS (Lib. & tit. ut supra.) Sciebant enim, & Phinees reputatum ad iustitiam, quia sacrilegos interemerat, & ad preces Eliæ ignem descendisse de cælo, ut Prophetæ vindicaretur iniuria. BEDA (cap. xli. in Luc.) Sancti enim viri quod optime scirent mortem illam, quæ animam dissolvit a corpore, non esse formidandam, (1) secundum eorum tamen animum qui illam timent, nonnulla peccata morte punierunt, quo & viventibus utilis metus incuteretur, & illis qui morte puniebantur, non ipsa mors noceret, sed peccatum, quod augeri posset si viverent. AMBROSIVS (ubi supra.) Sed vindicetur qui timet; vindictam non querit qui non timet. Similiter ostenditur nobis in Apostolis fuisse merita Prophetarum, quando eandem sibi potestatem quam Propheta meruit impetrandi iure præsumunt, (2) & bene præsumunt quod ad sermonem suum ignis de cælo descenderet, quoniam filii sunt tonitruj. TITUS. Censetur autem ab eis multo iustius esse Samaritanos perire, Dominum non admittentes, quam quinquaginta servam excludere tentantes. Dominus autem in eos non commoveatur, ut ostenderet quia non habet ultionis studium perfecta virtus, nec ulla sit iracundia ubi plenitudo est caritatis: nam nec excludenda est infirmitas, sed iuvanda. Procul a religiosis indignatio, procul a magnanimis cupiditas ultionis: unde sequitur: *Et conversus increpavit illos, & dixit: Nescitis cuius spiritus estis.* BEDA (super *Increpavit eos, & dixit.*) Reprehendit in eis Dominus non exemplum Prophetæ sancti, sed ignorantiam vindicandi, quæ adhuc erat in rudibus; animadvertens eos (3) non amore correptionem, sed odio desiderare vindictam. Itaque posteaquam eos docuit quid esset diligere proximum tamquam seipsum, insulo etiam Spiritu sancto non defuerant tales vindic-

te; quamvis multo rarius quam in veteri testamento: quia, sicut sequitur, *Filius hominis non venit animas perdere, sed salvare*, quasi dicat: Et vos ergo, qui eius spiritu signati estis, etiam acta eius imitamini, nunc pie consulentes, sed in futuro iuste iudicantes. AMBROSIVS (ubi supra.) Non enim semper in eos qui peccaverunt est vindicandum: quia nonnumquam amplius prodesset clementia, tibi ad patientiam, lapsio ad correptionem. Denique Samaritani citius crediderunt, a quibus hoc loco ignis arce-

(m) CYRILLUS b. Et si munificus sit omnium Dominus, non simpliciter, & im-provide singulis dat superna & divina dona, sed illis qui digni sunt recipere, qui scilicet animam suam alienant a maculis pravitatum; & hoc nos docet evangelicorum verborum virtus, cum dicitur: *Falsum est autem, ambulantibus illis in via, dixit quidam ad illum: Seguar te quocumque ieris.* Primo quidem plurima continetur in accessu inertia; consequenter ostenditur quod plenus impudentia nimia: neque enim simpliciter Christum sequi petebat, sicut alii plures de populo; sed magis insiliebat ad apostolicas dignitates, cum Paulus dicat Hebr. v. „Non assumat quicumque sibi honorem, sed a Deo vocatus.“ ATHANASIUS c. Anus etiam fuit (4) comparare se incomprehensibili Salvatoris potestati, dicens: *Seguar te quocumque ieris:* eo quod sequi Salvatorem simpliciter ad eius audiendum doctrinam possibile est humanæ naturæ proprietate, qua fungitur erga homines, non est autem possibile secum concurrere ubilibet existenti: ipse namque incomprehensibilis est, & non circumscribitur loco. CYRILLUS d. Alio quoque modo non immerito recusabilem facit eum: decebat enim ipsum crucem suam accipere ad sequendum Dominum, & abrenuntiare præsentis vitæ affectibus: & hoc Dominus in eo reprehendit, non vituperans, sed corrigens.

Sequitur: *Et ait Jesus: Vulpes foveas habent, & volucres cali nidus; Filius autem hominis*

minis

(1) A. Sed eorum tamen animum qui illam timent nonnulla peccata morte punirent. (2) A. quod & bene præsumunt ad sermonem &c. (3) A. non amare. (4) A. æquiparare.

EX EDITIONE P. NICOLAI.

4 AMBROSIVS. b. In Catena Græcorum PP. In eadem Catena. In Operibus Athanasii non occurrunt integra hæc appendix, esse aliquam tantum partem de circumscripta humanitate, divinitate autem incircumscripta & ubique præsentem Athanasius habet in disputatione contra Arianos Loideæ habita.

4 Ubi supra.

minis non habet ubi caput suum reclinet.
THEOPHYLACTUS. Quia enim viderat Dominum multum populum adducentem, putavit quod ab eis haberet pretium, & quod si ipse Dominum sequeretur, posset pecuniam congregare. **BEDA** (cap. xli.) Unde dicitur ei: Quid me propter divitias, & lucra huius sæculi cupis sequi, cum tantæ sim paupertatis ut nec hospitium quidem habeam, & non meo utar tecto? **CHRYSOSTOMUS** a. Aspice qualiter paupertatem quam Dominus docuerat, per opera demonstrat. Non erat ei mensa, non candelabrum, non domus, nec quicquam aliud talium. **CYRILLUS** b. (1) Mystica autem significatio vulpes, & volatilia cæli, malignas, & astutas potestates dæmonum vocat; quasi dicat: Quando vulpes, & volatilia in te mansionem habent, qualiter Christus in te requiescet? Quid commune est luci & tenebris? **ATHANASIUS.** Vel in hoc Dominus magnitudinem sui muneris docet; quasi dicat: Omnia generabilia circumscribi possunt; Verbum vero Dei incomprehensibilis potestatis est, & ideo ne dicas: *Sequitur te quocunque ieris.* Ceterum si velis discipulus fieri, abdicis irrationabilia: eo quod impossibile est cum qui moratur in irrationabilitate, Verbi discipulum fieri. **AMBROSIVS** (ubi supra.) Vel vulpes hæreticis comparat: fallax quippe animal, & insidiis semper intentum, rapinam fraudis exercet: nihil tutum, nihil otiosum, nihil patitur esse securum, eo quod intra (2) ipsa hospitia hominum prædam requirit. Ita sunt hæretici, qui domum sibi parare non norunt, sed circumscriptio-nibus suis (3) alios decipere conantur. Hoc animal neque mansuecit umquam: unde Apostolus ait ad Tit. iii. „Hæreticum hominem (4) post unam correctionem devota.“ Volucres vero cæli frequenter ad nequitie spiritualis similitudinem derivantur, & veluti nidos quosdam struunt in pectoribus improborum: & ideo dominante verlutia in affectibus singulorum, nulla potest divinitatis esse possessio; ubi autem mentem probaverit innoxiam, supra ipsum quodammodo vim suæ maiestatis reclinat, quia profusio-re quadam gratia bonorum pectoribus infu-

ritur. Sic igitur non videtur convenire rationi ut simplicem, fidelemque ipsum arbitremur qui Domini dignatione respicitur, cum indelessi famulatus obsequium spon-disset. Sed Dominus non obsequiorum spe-ciem, sed puritatem querit affectus; nec obsequium eius admittitur cuius non probatur officium: circumspiciendum etenim fidei debet esse hospitium, ne dum infidelibus nostræ domus interna referamus, in alienam perfidiam improvida credulitate labamur. Itaque ut advertas Deum non cultus asperoantem esse, led fraudis; qui repudia-vit fraudulentum, elegit innocentem: se-quitur (5) enim: *Ait autem ad alterum, Sequere me.* Sed hoc dicit ei cuius patremiamiciebat mortuum: unde sequitur: *Iste autem dixit: Domine permittite mihi primum ire, & sepelire patrem meum.* **BEDA** (super *Domine permittite me prius ire.*) Non discipulatum re-quit; sed expleta primum paterni funeris pietate, liberetur allequi desiderat. **AMBRO-SIVS** (ubi supra a. med.) Sed Dominus quos miseretur advocat: unde sequitur: *Dixitque Iesus: Sine ut mortui sepeliunt mortuos suos; tu autem vade, & annuntia regnum Dei.* Cum religiosum humani corporis sepeliendi acceperimus officium, quomodo paterni quo-que funeris sepultura prohibetur, nisi ut in-telligas humana posthabenda divinis? Bonum studium, sed maius impedimentum: nam qui partitur studium, derivat affectum; qui di-vidit curam, differt profectum: ergo prius sunt obcunda quæ maxima: nam & Aposto-lus ne occuparentur studio dispensandi, mi-nistros pauperibus ordinaverunt. **CHRYSOSTOMUS** (hom. xxxiiii. in Matth. a med.) Quid autem magis necessarium pa-ternis exequiis; quid facilius, cum non ef-set multum temporis dandum? Per hoc doc-emur quod (6) minime tempus frustra du-cere decet, etsi mille cogentia sint; immo præferre spirituali cunctis admodum ne-cessariis. Diabolus enim insinuat attentius, volens aliquem aditum invenire; & si mo-dicam sumat negligentiam, magnam opera-tur pusillanimitatem. **AMBROSIVS** (ubi supra prope finem.) Non ergo paterni fu-neris sepultura prohibetur; sed necessitu-dini generis divinæ religionis pietas ante-fer-

(1) *M.* Mystice (item Mystica) autem significatio. (2) *M.* amittitur ipsa. (3) *M.* deest alios. (4) *Ita* post unam & secundam. (5) *ambrosius* enim. (6) *M.* minimum tempus ducere decet: item minimum temporis educere decet. *Nicolasius* habet minimum temporis frustra ducere non decet.

EX EDITIONE P. NICOLAI.

a In Catena Græc. pp. 6 Ut supra.

fertur. Illud confortibus relinquitur, hoc mandatur relictis. Quomodo autem mortui sepelire mortuos possunt, nisi geminam hic intelligas mortem, unam naturæ, alteram culpæ? Est etiam mors tertia, in qua peccato morimur, Deo vivimus. CHRYSOSTOMUS (homil. xxviii. in Matth. a med.) Cum ergo dixisset *mortuos suos*, ostendit hunc non esse mortuum eius: puto enim de numero infidelium fuisse defunctum. AMBROSIVS (ubi sup. circa finem.) Aut quia sepulcrum patens est guttur impiorum, memoria eorum abolenda præscribitur quorum simul cum corpore meritum occidit: nec revocatur ab officio patris filius, sed fidelis a perfido communione secegnitur, non interdictum est muneris, sed religionis mysterium, (1) communionem nobis cum gentibus mortuis non futuram. CYRILLUS a. Vel aliter. Erat enim pater senectute gravatus. Putat autem honestum aliquid agere, dum proponeret observare ei debitam pietatem, secundum illud Exod. xx. „Honora patrem „ tuum, & matrem tuam.“ Unde ubi vocatus est ad evangelicum (2) ministerium, dicente Domino, *Sequere me*, quærebat inducias quæ sufficere possent ad decrepiti patris sustentationem, dicens: *Permitte mihi primum ire, & sepelire patrem meum*: non quod defunctum patrem sepelire rogaret: neque enim Christus hoc agere volentem impedivisset; sed dixit *sepelire*, id est sustentare in senectute usque ad mortem. Sed Dominus ad eum dixit: *Sine mortuos sepelire mortuos suos*: erant enim & alii curatores linea parentelæ astricti, sed, ut æstimo, mortui, eo quod nondum Christo crediderant. Hinc percipe quod præferenda sit pietas qua Deo tenemur, amoris parentum, quibus reverentiam exhibemus, quia per eos genti sumus; sed omnium Deus, cum non citemus, ad esse nos conduit; parentes autem facti sunt ministri introitus ad esse. AUGUSTINUS de Con. Evn. (Lib. II. cap. xliii.) Hoc ergo dicebat Dominus illi cui dixerat, *Sequere me*. Alius vero di-

scipulus misit se in medio, cui nemo aliquis dixerat: unde sequitur: *Et alter ait: Sequar te Domine; sed primum permiste mihi ire, & veniantur his qui domi sunt*, ne forte, quomodo fieri solet, quærant me. CYRILLUS b. Imitanda autem huiusmodi promissio, & omni laude plena; sed quærere renuntiare his qui domi sunt, licentiando se ab eis, ostendit quod utcumque divisus sit a Domino, (3) dum hoc non perfecte adire propoluerit mente: nam velle consulere proximos non censuratur huic propolito, indicat se utcumque libantem: propter quod Dominus hoc improbat. Sequitur: *Ait ad illum Iesus: Nemo mittens manum suam ad aratrum, & respiciens retro, aptus est regno Dei*. Apposuit manum aratro qui affectuosus est ad sequendum; tamen respicit retro qui dilationem petit, occasione redeundi ad domum, & cum propinquis conferendi. AUGUSTINUS de Verbis Domini (ser. vii.) Quasi dicat ei: Vocat te oriens, & tu attendis occidentem. BEDA (cap. xli. in Luc.) Manum etiam cui libet in aratrum mittere, est quasi quodam compunctionis instrumento, ligno, & ferro dominicæ passionis duritiem sui cordis atterere, atque ad serenos bouorum operum fructus aperire; quam si quis excolere incipiens cum uxore Lot ad ea quæ reliquerat, respicere delectatur, futuri iam regni munere privatur. GRÆGUS c. Crebri namque intuitus eorum quæ deseruimus, propter consuetudinem trahunt ad retro acta: violentum enim quid usus est ad retinendum sibi. Nonne habitus ex usu, ex habitu vero natura innascitur? Naturam vero amovere, vel alterare difficile: nam & si paulisper declinet coacta, redit ad seipsam velociter. BEDA (cap. xli. par. a fine.) Si autem secutus Dominum discipulus, quia vel domi renuntiare velit arguitur, quid fiet illis qui nulla utilitatis gratia sæpe visitant domos illorum quos in mundo reliquerunt?

(1) Nil nisi addi hoc est. (2) M. mysterium. (3) M. dum hoc perfecte adire &c. P. Nil nisi legi qui nondum hoc &c.

EX EDITIONE P. NICOLAI.

a Ubi supra. b Ibidem. c Idem Nilus Monachus in Catena Græc. PP.

(a) **P**ost hæc autem designavit Dominus & alios septuaginta duos, & misit illos binos ante faciem suam in omnem civitatem, & locum quo erat ipse venturus. Et dicebat illis: Messis quidem multa, operarii autem pauci. Rogate autem dominum messis ut mittat operarios in messem suam.

(b) Ite, ecce ego mitto vos sicut agnos inter lupos. Nolite portare sacculum, neque peram, neque calceamenta, & neminem per viam salutaveritis.

(c) In quaecumque domum intraveritis, primum dicite, Pax huic domui: & si ibi fuerit filius pacis, requiescet super illum pax vestra; sin autem, ad vos revertetur. In eadem autem domo manete, edentes, & bibentes quæ apud illos sunt: dignus enim est operarius mercede sua. Nolite transire de domo in domum. Et in quaecumque civitatem intraveritis, & susceperint vos, manducate quæ apponuntur vobis, & curate infirmos qui in illa sunt, & dicite illis: Appropinquavit in vos regnum Dei. In quaecumque autem civitatem intraveritis, & non susceperint vos, exeuntes in plateas eius, dicite: Etiam pulverem qui adhæsit nobis de civitate vestra, extergimus in vos. Tamen hoc scitote, quia appropinquavit regnum Dei. Dico vobis, quia Sodomis in die illa remissius erit quam illi civitati.

(d) Væ tibi Corozain, væ tibi Betsaida: quia si in Tyro, & Sidone factæ fuissent virtutes quæ factæ sunt in vobis, olim in cilicio, & cinere sedentes pœniterent. Verumtamen Tyro, & Sidoni remissius erit in iudicio quam vobis. Et tu Capernaum usque ad cælum exaltata, usque ad infernum demergaris. Qui vos audit, me audit; & qui vos spernit, me spernit; qui autem me spernit, spernit eum qui misit me.

(e) Reversi sunt autem septuaginta duo cum gaudio, dicentes: Domine, etiam daemonia subiiciuntur nobis in nomine tuo. Et ait illis: Videbam satanam sicut fulgur de cælo cadentem. Ecce dedi vobis potestatem calcandi supra serpentes, & scorpiones, & super omnem virtutem inimici, & nihil vobis nocebit. Verumtamen in hoc nolite gaudere, quia spiritus vobis subiiciuntur; gaudere autem, quod nomina vestra scripta sunt in cælis.

(f) In ipsa hora exultavit in Spiritu sancto, & dixit: Confiteor tibi Pater Domine cæli, & terræ, quod abscondisti hæc a sapientibus, & prudentibus, & revelasti ea parvulis. Etiam Pater, quoniam sic placuit ante te. Omnia mihi tradita sunt a Patre meo. Et nemo scit quis sit Filius nisi Pater, & quis sit Pater nisi Filius, & cui voluerit Filius revelare.

(g) Et conversus ad discipulos suos dixit: Beati oculi qui vident quæ vos videtis. Dico enim vobis, quod multi Prophetæ, & Reges voluerunt videre quæ vos videtis, & non viderunt; & audire quæ auditis, & non audierunt.

(h) Et ecce quidam legisperitus surrexit tentans illum, & dicens: Magister, quid faciendo vitam æternam possideo? At ille dixit ad eum: In lege quid scriptum est? Quomodo legis? Ille respondens dixit: Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex omni mente tua; & proximum tuum sicut teipsum. Dixitque illi: Recte respondisti: hoc fac, & vives.

(i) Ille autem volens iustificare seipsum, dixit ad Iesum: Et quis est meus proximus? Suspiciens autem Iesus dixit: Homo quidam descendebat ab Hierosalem in Hierico, & incidit in latrones, qui etiam despoliaverunt eum, & plagis impositis abierunt, semivivo relicto. Accidit autem ut sacerdos quidam descenderet eadem via, & viso illo, præterivit. Similiter & levita, cum esset secus locum, & videret eum, pertransiit. Samaritanus autem quidam iter faciens, venit secus eum, & videns eum, misericordia motus est: & appropians alligavit vulnera eius, infundens

dens oleum, & vinum; & imprensens illum in iumentum suum, duxit in stabulum, & curam eius egit. Et altera die protulit duos denarios, & dedit stabulario, & ait: Curam illius habet, & quodcumque supererogaveris, ego cum rediero reddam tibi. Quis horum trium videtur tibi proximus fuisse illi qui incidit in latrones? At ille dixit: Qui fecit misericordiam in illum. Et ait illi Iesus: Vade, & tu fac similiter.

(k) Factum est autem dum irent, & ipse intravit in quoddam castellum; & mulier quædam nomine Marthe excepit illum in domum suam; & huic erat soror nomine Maria, quæ etiam sedens secus pedes Domini, audiebat verbum illius. Martha autem satagebat circa frequens ministerium: quæ stetit, & ait: Domine, non est tibi curæ quod foror mea reliquit me solam ministrare? Dic ergo illi ut me adiuvet. Et respondens dixit illi Dominus: Martha, Martha, sollicita es, & turbaris erga plurima. Porro unum est necessarium. Maria optimam partem elegit, quæ non auferetur ab ea.

(a) **C**YRILLUS a. Certificaverat Deus per Prophetas quod Evangelii prædicatio salutaris comprehensura erat non solum Israël, sed etiam Gentium greges: & ideo a Christo post duodecim Apostolos & alii septuaginta duo sunt instituti: unde dicitur: *Post hæc autem designavit Dominus et alios septuaginta duos.* BEDA (cap. xlii. in Luc.) Bene septuaginta duo mittuntur, quia totidem mundi (1) gentibus Evangelium prædicandum erat, ut quomodo duodecim primo, propter duodecim tribus Israël; ita & hi propter exterarum gentes destinarentur imbuendas. AUGUSTINUS de Quæst. Evang. (Lib. II. qu. xiv.) Sicut etiam viginti quatuor horis totus orbis peragitur, atque lustratur; ita mysterium illustrandi orbis per Evangelium Trinitatis in septuaginta duobus discipulis intimatur: ter enim viginti quatuor septuaginta duo faciunt. BEDA (cap. xlii. in Luc.) Sicut autem duodecim Apostolos formam Episcoporum præmonstrare nemo est qui dubitet; sic & nos septuaginta duo figuram presbyterorum, id est secundi ordinis sacerdotum, gessisse sciendum est: tametsi primis Ecclesiæ temporibus, ut apostolica Scriptura testis est, utrique Presbyteri, utrique vocabantur & Episcopi; quorum unum sapientiæ maturitatem, aliud industriam curæ pastoris significat. CYRILLUS b. Huius etiam forma in verbis Moysi figurabatur, qui iubente Deo septuaginta elegit, quibus Deus spiritum infundebat. In Numeris etiam scriptum est de

filiis Israël, quod venerunt in Helim, quod interpretatur ascensus, & erant ibi duodecim fontes aquarum, & septuaginta palme. Convolantes enim ad augmentum spirituale reperiemus duodecim fontes, scilicet sacros Apostolos, a quibus haurimus salutis scientiam, sicut a fontibus Salvatoris, & septuaginta palmas, hos scilicet qui nuces destinati sunt a Christo. Est enim palma arbor bonæ medullæ, bene radicata, & fertilis, & semper nascens in aquis, alta simul, & frondes porrigens sursum.

Sequitur: *Et misit illos binos.* GREGORIUS in homil. (xvii. in Evang.) Binos in prædicatione discipulos mittit, quia duo sunt præcepta caritatis, Dei scilicet amor, & proximi; & minus (2) quam inter duos caritas haberi non potest, quatenus in hoc nobis tacitus innuit, quia qui caritatem erga alterum non habet, prædicationis officium suscipere nullatenus debet. ORIGENES c. Sicut etiam ex duodecim bini & bini numerati fuerunt, ut in eorum catalogo Matthæus ostendit: quod enim bini famularentur Dei verbo antiquum esse videtur: eduxit enim Deus Israël de Aegypto per manus Moysi, & Aaron; Iosue quoque, & Caleb concordantes pacaverunt provocarum a duodecim exploratoribus populum: unde dicitur Prov. xviii., *Frater a fratre adiutus ut civitas vallata.* BASILIUS d. Simul etiam per hoc indicavit quod si aliqui pares sunt in spiritalibus donis, hoc non sinit in eis prævalere

Y 3 pro-

(1) A. gentilibus. (2) A. hic quam.

propræ opinionis passionem. GREGORIUS in homil. (xviii. in Evang.) Bene autem subditur : *Ante faciem suam in omnem civitatem, & locum quo erat ipse venturus : prædicatores enim suos Dominus sequitur : quia prædicatione prævenit, & tunc ad mentis nostræ habitaculum Dominus venit, quando verba exhortationis præcurrunt, atque per hoc veritas in mente suscipitur.* Hinc, prædicatoribus Elaias dicit cap. xl. „ Parate viam Domini, rectas facite semitas Dei nostri. “ THEOPHYLACTUS (in prin. Comm. in cap. x.) Designaverat autem Dominus discipulos propter multitudinem doctoribus indigentem : sicut enim (1) agri spicati multos melleos desiderant, sic qui credituri erant innumera- biles existentes, multis doctoribus indigentibus : unde sequitur : *Messis quidem multa.* CHRYSOSTOMUS a. Sed qualiter messiem vocat, cum res ad præsens exordium sumant ? Nondum iacto aratro, aut sulcis productis, de messibus tractat. Poterant enim discipuli vacillare, & secum meditari, & dicere : Qualiter nos numerus brevis commendare poterimus totum mundum, idiotæ sophistas, munitos nudi, dominantes subiecti ? Ne igitur consideratione talium turbarentur, vocat Evangelium messiem ; quasi dicat : Parata sunt omnia, mitto vos ad paratam collectionem fructuum : eodem die & serere potestis, & metere. Sicut ergo colonus exiens ad melleos lætatur, sic etiam vos multo amplius, & alacrius necessarium est exire in mundum : nam hoc negotium messis est, agros nobis exhibens præparatos. GREGORIUS in homil. (xvii. ut supra.) Sed non sine gravi mærore loqui possumus quod subditur : *Operarii vero pauci* : quia etsi sunt qui bona audiant, desunt qui dicant. Ecce mundus sacerdotibus plenus ; sed tamen in messe Dei rarus valde reperitur operator : quia officium quidem sacerdotale suscipimus, sed opus officii non implemus. BEDA (cap. xlii. in Luc.) Sicut autem messis multa est omnis turba credentium, ita operarii pauci sunt Apostoli, & imitatores eorum, qui mittuntur ad messiem. CYRILLUS b. Sicut autem agri spatiosi melleos multos exigunt, sic & mul-

titudo creditorum (2) in Chelsum : unde subdit : *Regate autem dominum messis ut mittat operarios in messiem suam.* Illud autem attende, quod cum dixisset, *Regate dominum messis ut mittat operarios in messiem suam*, ipse postmodum hoc peregit. Ipse igitur cit dominus messis, ac per eum, & cum eo Deus Pater omnibus dominatur. CHRYSOSTOMUS (homil. xxxiii. in Matth.) Multiplicavit autem postmodum eos, non addens ad numerum, sed concedens virtutem. Insinuat autem quam magnum donum est operarios mitti in messiem divinam per hoc quod dicit, dominum melleis super hoc esse rogandum. GREGORIUS (homil. xvi. in Evang.) Per hoc etiam inducendi sunt subditi, ut pro suis pastoribus rogent, ut digna eis operari valeant, nec ab exhortatione torpeat lingua : sæpe enim pro sua nequitia prædicantium restringitur lingua : sæpe vero ex subiectionum culpa agitur ut eis qui præsent, prædicationis sermo subtrahatur.

(b) CYRILLUS c. Narrat Lucas consequenter, septuaginta discipulos vendicasse sibi a Christo apostolicam eruditionem, modestiam, innocentiam, equitatem, nihilque mundanorum sacris prædicationibus præferre, aspirare autem adeo ad fortitudinem mentis ut nullum terribilium fornsent, neque ipsam mortem : unde dicit, *he*, CHRYSOSTOMUS (hom. xxxiv. in Matth.) Erat enim inter omnia pericula eorum solatium virtus mittentis eos ; & ideo dicit : *Eccæ ego mitto vos* ; quasi dicat : Hoc sufficit ad consolationem vestram, hoc sufficit ad sperandum, & non timendum supervenientia mala, quæ significat subdens, *Sicut agnos inter lupos*. ISIDORUS Abbas d. Denotans simplicitatem, & innocentiam : nam debacchantes, & sua enormitate iniuriantes naturæ, non agnos appellat, sed hædos. AMBROSIVS (Lib. VII. tit. de missione discipulorum.) Contraria autem sunt sibi ista animalia, ut alia ab aliis devorentur, scilicet agni a lupis ; sed bonus pastor lupos gregi suo timere non novit : ideoque isti discipuli non in prædam, sed ad gratiam diriguntur : sollicitudo enim pastoris boni efficit ut lupi in agnos audere nihil possint.

Mit-

(a) *M.* nostri agri. (b) *M.* emissurus in.

EX EDITIONE P. NICOLAI.

a In Catena Græc. PP. b Ubi supra. c Ibid. d In Cat. Græc. PP. Hoc quod subditur desumptum est ex Isidoro Pelusiota Lib. I. epist. cccxxviii. quæ Timotheo inscribitur ; etsi alia occasione quæ hic.

Mittit ergo agnos inter lupos, ut complectatur illud Etia. lxx. » Tunc lupi, & agni simul pascuntur. CHRYSOStOMUS d. Hoc enim fuit manifestum indicium præclari triumphi, ut circumdanti essent discipuli Christi ab hostibus, quasi agni inter lupos; eos tamen converterent. BADA. Vel specialiter lupos vocat scribas, & pharisæos, qui sunt clerici Iudæorum. AMBROSIVS (ubi supra.) Vel lupos sunt hæretici comparandi: lupi enim bestiae sunt quæ insidiantur ovilibus, & circa pastorales versantur casas. Habitacula domorum intrare non audent; somnum canum, absentiam, aut desidiam pastorum explorant; ovium guttur invadunt, ut cito stranguent; feri, rapaces, natura corporis rigidiores, ut se facile non possint inflectere, impetu quodam suo feruntur; & ideo sæpe deluduntur. Si quem priores hominem viderint, vocem eius quadam naturæ vi feruntur eripere; si autem hominibus eos viderit, exagitari memorantur. Sic hæretici insidiantur ovilibus Christi, semper circa caulas nocturno tempore: semper enim perdis non esse, qui lucem Christi nebulis prævæ interpretationis obducunt; stabuli tamen Christi intrare non audent; & ideo non sanantur, sicut curatus esse ille in stabulo qui incidit in latrones. Explorant pastoris absentiam, quia præsentibus pastoribus oves Christi (1) incurfare non possunt: quadam etiam mentis intentione duri ac rigidi nequaquam solent a suo errore desistere: quos Scripturæ verus interpres Christus insudit, ut in vanum suos effundant impetus, & nocere non possint: qui si quem veritatis disputationis suæ circumscriptio præveniunt, faciunt obmutescere: mutus est enim qui verbum Dei non eadem quæ est gloria confitetur. Cave igitur ne tibi vocem tollat hæreticus, ne priorem non ipse deprehenderit: serpit enim dum laetetur eius perfidia. Si autem commenta impietatis eius agnoveris, iacturam piæ vocis timere non poteris. Guttur invadunt, vitalibus vulnus affigunt, dum animam petunt. Si etiam audies aliquem sacerdotem duci, & rapinas eius cognovis; foris ovibus, intus lupo est, qui humanæ necis insatiabili crudelitatem rabiem suam delictis explere. GREGORIUS (2), hom. xvii. in Evang. Multi enim

cum regimini intra suscipiunt, ad lacerandos subditos inardescunt, terrorem potestatis exhibent; & quia caritatis viscera non habent, (3) domini videri appetunt, patres se esse minime recognoscunt: humilitatis locum in elationem dominationis mutant. Contra quæ omnia considerandum nobis est, quia lupi agni inter lupos mittuntur, ut sensum fervantes innocentiae, morsum malitiae non habeant: qui enim locum prædicationis suscipit, mala inferre non debet, sed tolerare; quem & si quando zelus rectitudinis exigit ut erga subditos laxiat, intus paterna pietate diligit quos foris quasi insequendo castrigat: quod tunc rector bene exhibet, cum terrenæ cupiditatis (4) ovisibus nequaquam mentis colla supponit: unde subdit: *Nolite portare sacculum, neque peram*. GREGORIUS Nazianzenus b. Quorum summa est ut adeo virtutis exultant quod non minus propter vitæ modum quam propter eorum verbum Evangelium proficiat. GREGORIUS (hom. xvii. (5) in Evang.) Tanta enim prædicatorum debet esse in Deo fiducia ut præsentis vitæ sumptibus quamvis non provideant, tamen sibi hos non deesse certissime sciant: nedum mens eius occupatur ad temporalia, minus aliis provideat æterna. CYRILLUS c. Sic igitur præceperat nec de ipso subiecto curam habere, cum dixerat: *Mitto vos sicut agnos inter lupos*. Nec etiam concessit sollicitos esse erga extrinsecæ corpori, cum dixit: *Nolite portare sacculum, neque peram*. Nec etiam concessit portare aliquid eorum quæ nondum unita sunt corpori: unde subdit, *Neque calcamenta*. Non solum autem sacculum, & peram portare prohibuit, sed nec aliquam studii distractionem permittit, sumere quos nec ab obviantium salutatione distrahi voluit: unde subdit: *Et neminem per viam salutaveritis*: quod & dudum ab Eliseo dictum fuit; quasi dicat: Recto transite ad opus procedite, non alternantes benedictionibus benedictiones: damnum enim est expendere tempus prædicationibus competens. AMBROSIVS (Lib. VII. cap. de prohibitionem salutandi in foro.) Non ergo hæc Dominus prohibuit, quod benevolentiae displiceret officium, sed quod persequendæ devotionis intentio plus placeret. GREGORIUS Nazianzenus d. Maudavit etiam hoc

(1) *M.* incurfare. (2) *M.* in Pastor. (3) *M.* dum videri. (4) *M.* honoribus. (5) *M.* in Ezech.

EX EDITIONE P. NICOLAI.

a Rom. xxv. in Matth. b Orat. 1. c Ut supra. d In Catena Græc. PP.

hoc eis Dominus ad verbi gloriam, ne videretur in eis magis vigere blanditias; voluit etiam eos non esse sollicitos in verbis alienis. GREGORIUS in hom. (xvii. in Evang.) Hæc autem verba si quis etiam per allegoriam velit intelligi, pecunia clausa in saeculo est sapientia occulta. Qui igitur sapientie verbum habet, & hoc erogarè proximo negligit, qualiprecuniam in saeculo ligatam tenet. Per peram vero, onera sæculi, per caleamenta mortuorum operum exempla significantur. Qui ergo officium prædicationis suscipit, dignum non est ut onus sæcularium negotiorum portet, ne dum hoc eius colla deprimit, ad prædicandæ cælestia non assurgat: nec debet stultorum operum exempla conspiciere, ne sua opera quasi ex mortuis pellibus credat munire, ne scilicet quia alios talia recte considerat, se etiam facere licentes putet. AMBROSIVS (de missione discipul. ad prædicandum.) Nihil etiam Dominus in nobis mortale vult esse. Mortale enim, atque terrenum caleamentum Moyses iubetur solvere, cum mitteretur ad populum liberandum. Quod si quem movet qua ratione in Aegypto calcati iubentur edere agnum, Apostoli autem sine caleamento ad prædicandum Evangelium diriguntur; is considerare debet, quia in Aegypto positus debet adhuc moriis cavere serpentis, multa enim venena in Aegypto: & qui typo paschæ celebrat, patere potest vulneri; qui autem ministrat est veritatis, venena non trepidat. GREGORIUS in hom. (xvii. in Evang.) Omnis autem qui salutem in via, ex occasione salutis itineris, non ex studio optandæ salutis. Qui igitur non amore æternæ patriæ, sed præmiorum ambitu salutem audientibus prædicat, quasi in itinere salutis: quia ex occasione, & non ex intentione salutem audientibus exoptat.

(e) CHRYSOSTOMUS a. Bonorum omnium mater pax est, sine qua cetera inania sunt: propter quod Dominus discipulis intrantibus domos, illico pacem iussit proficere tanquam bonorum indicium, dicens: *In quancumque domum intraveritis, primum dicite, Pax huic domui.* AMBROSIVS (ubi supra.) Ut scilicet pacis perieramus nuntium, ipse primus ingressus pacis benedi-

ctione celebretur. CHRYSOSTOMUS b. Unde Pontifex Ecclesiæ tradit eam, dicens, Pax vobis. Implorant autem pacem sancti, non solum eam quæ veritatur inter homines ad invicem, sed & eam quæ pertinet ad nos ipsos: nam læpius in pectore bellum gerimus, & nullo molestante turbamur, nec non prava desideria contra nos crebro insurgunt. TITVS. Dicitur autem, *Pax huic domui*, scilicet habitantibus domum: (1) omnes alloquantur, maiores pariter, & minores; neque cum indignis vestra salutatio dirigetur: unde subditur: *Et si ibi fuerit filius pacis, requiescat super illum pax vestra*; quasi dicat: Vos quidem proferitis verbum, res autem pacis applicabitur meo iudicio, ubicumque dignum esse videbitur. Si quis autem non sit dignus, non estis delusi, nec verborum vestrorum gratia periit; immo recipiatur ad vos; & hoc est quod subditur: *Sin autem, ad vos revertetur.* GREGORIUS. Pax enim quæ ab ore prædicatoris offertur, aut requiescat in domo, si in ea fuerit quicumque prædestinatus ad vitam, & cælestis verbum sequitur, quod audit; aut si nullus audire voluerit, ipse prædicator sine fructu non erit, quia ad eum pax revertitur, dum ei a Domino pro labore sui operis merces recompenatur. Si autem pax (2) nostra recipitur, dignum est ut ab eis terrena stipendia consequamur, quibus patriæ cælestis præmia offerimus: unde sequitur: *In eadem autem domo manete edentes, & bibentes quæ apud illas sunt.* Ecce qui peccatam, & sacculum portare prohibuit, sumptus, & alimenta ex eadem prædicatione concedit. CHRYSOSTOMUS c. Sed ne aliquis diceret, Consumo res proprias parando advenis mensam, illum primo intrantem facit tibi pacis donum offerre, cui nihil est æquale, ut scias te maiora quam des, suscipere. TITVS. Vel aliter continua. Quia non essis constituti iudices eorum qui sunt digni, vel indigni, edatis, & bibatis quæ vobis offeruntur ab eis. Dimitte autem mihi eorum qui vos recipiunt examen; nisi vobis quoque sit notum non esse ibi filium pacis: tunc enim fortassis retrocedere debetis. THEOPHYLACTVS. Vide igitur qualiter discipulos mendicare instituit, & pro pretio eos nutrimentum habere voluit: nam

(v) Corrigit P. Nicolai quæsi dicit: Omnes alloquimini, maiores &c. (2) id. vestra.

EX FDITIONE P. NICOLAI.

a In Epist. ad Coloss. iii. & in Catena Græca. b Ut supra, in Cat. Græc. & in Psalm. cxxiv. c Ubi supra.

nam subditur: *Dignus est enim operarius mercede sua.* GREGORIUS (hom. xvii. in Evang.) Sunt enim iam de mercede operarii, ipsa alimenta sustentationis, ut hic merces de labore prædicationis inchoetur, quæ illis de veritatis visione perficitur. Quia in re considerandum est, quod uni nostro operi duæ mercedes debentur: una in via, quæ nos in labore sustentat; alia in patria, quæ nos in resurrectione remunerat. Merces itaque quæ in præsentia recipitur, hoc in nobis debet agere ut ad sequentem mercedem robustius tendatur. Verus ergo quisque prædicator non ideo prædicare debet ut in hoc tempore mercedem accipiat; sed ideo mercedem recipere ut prædicare valeat. Quisquæ namque ideo prædicat ut hic laudis, vel muneris mercedem recipiat, æterna mercede se privat. AMBROSIVS (Lib. & tit. ut sup. cir. fin.) Subditur virtus alia, ne de domo in domum quis vaga facilitate demigret: sequitur enim: *Nolite transire de domo in domum:* ut scilicet amore hospitali servemus constantiam, neque aliquam amicitie necessitudinem facile resolvamus. BEDA (super de quacumque domum intraveritis.) Descripto autem diversitatis domus hospitio, quod iam in civitatibus agere debeant docet, piis scilicet in omnibus sociare, ab impiorum vero per omnia locum fecerunt: unde sequitur: *Et in quacumque civitate intraveritis, & susceperint vos, manducate qua apponuntur vobis.* THEOPHYLACTUS (hoc loco.) Quamvis modica existant, & vilia; nihil amplius inquirentes. Denuntiat etiam eis ut operantes miracula homines ad (1) suas prædicationes attraherent: unde subdit: *Ecce curate infirmos qui in illa sunt, & dicite illis: Appropinquate in vos regnum Dei.* Si enim prius curaveritis, deinde docueritis, prosperabit sermo, & homines credent regnum Dei appropinquare: non enim curaret, nisi hoc aliqua virtus divina perficeret. Sed etiam cum secundum animam curantur, appropinquat in eos regnum Dei, quod longe est ab eo cui dominatur peccatum. CHRYSOSTOMUS (hom. xxxiii. in Matth.) Vide autem dignitatem Apostolorum: nihil sensibile monentur proferre, qualia (2) qui circa Moysen, & Prophetas,

scilicet bona terrena, sed quædam nova, & mirabilia, scilicet regnum Dei. MAXIMVS A. Dicitur autem, *Appropinquate*, non ut ostendat temporis brevitetem, neque enim regnum Dei venit cum observatione; sed ostendit dispositionem hominum ad regnum Dei; quod quidem potentia est in omnibus credentibus, actu vero in his qui respuunt corporalem vitam, & solam eligunt spirituales, qui dicere possunt: „Vivo autem non ego, sed vivit in me „Christus: “ Galat. i. AMBROSIVS (Lib. & tit. ut supra.) Deinde docet excutiendum de pedibus pulverem, si recipiendos civitatis hospitio non putaverit, dicens: *In quacumque civitate intraveritis, & non receperint vos, exentes in plateas eius, dicite: Etiam pulverem pedum, qui adhesit nobis de civitate vestra, extergimus in vos.* BEDA (cap. xlv. in Luc.) Vel ad contestationem terreni laboris, quem pro illis inaniter susceperant, vel ut ostendatur usque adeo se ab ipsis nihil terrenum querere ut etiam pulverem de terra eorum non sibi patiantur adhærere. Vel per pedes ipsum opus, & incessus prædicationis significatur; pulvis vero quo asperguntur, terrenæ levitas est cogitationis, a qua & summi doctores immunes esse nequeunt. Qui ergo spreverint doctrinam, labores, & pericula docentium, ad testimonium suæ damnationis intrescunt. ORIGENES B. Extergendo ergo pulverem pedum in eos, quodammodo dicunt: Pulvis peccatorum vestrorum merito venit super vos. Et attende, quod quacumque civitates non suscipiunt Apostolos, sanamque doctrinam, habent plateas, iuxta illud Matth. vii. „Lata est via quæ ducit „ad perditionem. “ THEOPHYLACTUS (hoc loco.) Et sicut recipientibus Apostolos appropinquare regnum Dei dicitur in beneficium, sic non recipientibus in præiudicium: unde subdit: *Tamen hoc scitis, quia appropinquate regnum Dei:* sicut adventus Regis est quibusdam ad poenam, quibusdam vero ad honorem: unde de eorum prænuntiis subditur: *Dico autem vobis, quia Sodomis in illa die remissus erit quam illi civitati.* EVSEBIUS C. Nam in civitate Sodonitarum non caruerunt Angeli hospitio; sed Lot inventus est dignus eos hospitari. Si ergo ad access-

(1) *Al. amittitur suas.* (2) *Al. deest qui.*

* In Catena Græc. PP. In Catena Græc. PP. In Origene non occurrit, sed eius partem habet Theophylactus, c. In eadem Catena.

accessum discipulorum, nec unus invenitur in civitate qui eos recipiat, quomodo non peior erit civitate Sodomorum? Hic sermo docebat eos audacter aggredi regulam paupertatis: non enim posset consistere civitas, & villa, nec vicus, sine aliquo incolâ noto Deo: nam nec Sodoma subsisteret non reperto Lot, quo recedente tota repente periiit. BEDA (cap. xlii. in Luc.) Sodomitæ quoque ipsi, etsi (1) inhospitales fuerint inter cetera carnis, animæque flagitia, nulli tamen apud eos tales hospites, quales Apostoli reperti sunt: & Lot quidem aspectu, & auditu iustus erat, non tamen ibi aliquid docuisse, aut signa fecisse perhibetur.

(d) AMBROSIIUS (Lib. vii. in Lucam de condemnatione contemp. Evan.) Docet Dominus graviori poenæ obnoxios fore qui Evangelium non sequendum quam qui legem iudicaverunt esse solvendam, dicens: *Va tibi Corozaim, va tibi Bethsaida.* BEDA (cap. xlii. in Luc.) Corozaim, Bethsaida, & Capharnaum, Tiberias quoque, quam Ioannes nominat, civitates sunt Galilææ, sitæ in littore lacus Genesareth, qui ab Evangelistis mare Galilææ, vel Tiberiadis appellatur. Plangit ergo Dominus has civitates, quæ post tanta miracula atque virtutes non poenituerunt, peioresque sunt Gentilibus naturale tantum ius dissipantibus: quia post descriptæ legis contemptum, Filium quoque Dei, & gloriam eius spernere non timuerunt: unde sequitur: *Quia si in Tyro, & Sidone facta fuissent virtutes quæ in vobis facta sunt, olim in cilicio, & cinere sedentes poeniterent.* In cilicio, quod depilis caprarum contextitur, asperam peccati pungentis memoriam significat; in cinere autem mortis considerationem, per quam in pulverem redigimur, demonstrat. Porro in sessione humilitatem propriæ conscientiae significat. Impletum autem videmus hodie (2) dictum Salvatoris: quia Corozaim, & Bethsaida præsentem Domino credere noluerunt: Tyrus autem, & Sidon & quondam David, ac Salomoni amici fuisse, & post evangelizantibus Christi credere discipulis. CHRYSOSTOMUS 4 (homil. xxxviii. in Matth.) Deplorat autem

Dominus has civitates ad nostrum exemplum, eo quod effusio lacrymarum, & gemitus amarus super patientes insensibilitatem doloris, non modicum antidotum est & ad correctionem patientium, & ad remedium ingemiscendum super eos. Non solum autem per deprecationem inducit eos ad bonum, sed etiam per terrorem: unde sequitur: *Verumtamen Tyro, & Sidoni remissus erit quam vobis in iudicio.* Hoc & nos audire debemus: non enim solum illis, sed etiam nobis peius iudicium statuit, nisi receperimus intrantes ad nos hospites; quorum pulverem præcepit excutere. Cum autem plurima signa fecisset Dominus in Capharnaum, (3) & eum ipsa incolam habuisset, videbatur super alias civitates exaltata; sed propter incredulitatem cecidit in ruinam: unde sequitur: *Et tu Capharnaum usque in calum exaltata, usque ad infernum demergeris:* ut scilicet iudicium sit proportionabile honori. BEDA (cap. xlii.) Duplex autem in hac sententia sensus est. Vel ideo ad infernum demergeris, quia contra prædicationem meam superbissime restitisti, ut scilicet intelligatur in calum exaltata per superbiam: vel ideo quia es exaltata usque ad cælum meo hospitio, & meis signis, maioribus plesteris suppliciiis, quia his quoque credere noluisti. Et ne quis putaret hinc increpationem vel tantummodo civitatibus, vel personis convenire quæ Dominum in carne videntes spernebant, & non omnibus qui hodie quoque Evangelii verba despiciunt; consequenter adiunxit, dicens: *Qui vos audit, me audit.* CYRILLUS b. Per quod docet, quicquid per sanctos Apostolos dicit, acceptandum esse: quia qui illos audit, Christum audit. Inevitabilis ergo poena hæreticis imminet, qui Apostolorum negligunt verba: sequitur enim: *Et qui vos spernit, me spernit.* BEDA (super *Qui vos spernit.*) Ut scilicet in audiendo quisque, vel spernendo Evangelii prædicationem, non viles quasque personas, sed Dominum Salvatorem, immo ipsum Patrem spernere se, vel audire disceret; nam sequitur: *Qui autem me spernit, spernit eum qui misit me:* quia in discipulo magister auditur,

(1) P. Nicolai habet contrarius sensu hospitales. (2) M. dictum scilicet. (3) M. & eam incolam.

EX EDITIONE P. NICOLAI.

a In Catena Græc. PP. ex homilis quod regulares semina viris cohabitare non debeant. Ut ex eodem loco cum sequentibus appendicibus prius consue notabatur, *scilicet tam. xxxviii. in Matth. ut vides 3 quod appendicium est verbum Non solum autem &c. quemadmodum habet Nicolai. b In Catena Græcorum PP.*

ditur, & in Filio Pater honoratur. AUGUSTINUS de Verbis Dom. (ser. xxiv.) Si autem sermo Dei ad vos quoque pervenit, & in eo loco vos constituit, videte ne spernatis nos, ne ad illum perveniat quod nobis feceritis. BEDA (ubi supra.) Potest & ita intelligi. *Qui vos spernit, me spernit*; idest, qui non facit misericordiam uni de tractibus meis minimis, nec mihi facit. *Qui autem me spernit*, nolens credere Filium Dei, *spernit eum qui me misit*: quia ego & Pater unum sumus: "Ioan. x. TITUS. Simul autem in hoc discipulos consolatur; quasi dicat: Non dicatis, Cur imus passuri contumelias? Accommodate linguam: ego prebeo gratiam, in me vestra redundat contumelia.

(c) CYRILLUS a. Supra dictum est, quod Dominus misit discipulos gratia Spiritus sancti insignitis, & facti prædicationis ministri potestatem super immundos (spiritus) acceperunt; nunc autem reversi confitentur honorantes eos potentiam: unde dicitur: *Reversi sunt autem septuaginta duo cum gaudio dicentes: Domine, etiam demonia subiaciunt nobis in nomine tuo*. Videbantur quidem gaudere magis quod facti sunt miraculorum auctores, quam quod facti erant prædicationis ministri. Erat autem melius eos gaudere in illis quos ceperant; sicut vocatis per ipsum dicit Paulus Philip. iv. "Gaudium meum, & corona mea." GRÆCORTIUS XXIV. Moralium (super illud Iob xxxii. "Inspiratio Omnipotentis dat, intelligentiam," cap. vii.) Mire autem Dominus ut in discipulorum cordibus elationem premeret, iudicium ruinæ retulit, quod ipse magister elationis acceperat, ut in auctore superbix differenter quid de elationis vitio formidarent: unde sequitur: *Videbam satanam sicut fulgur de calo cadentem*.

(1) BASILIUS b. Dicitur satanas, eo quod adversatur bono, hoc enim significat nomen Hebraicum; sed diabolus dicitur, eo quod cooperatur nobis in malo, & accusator sit. Natura eius est incorporea, locus æreus. BEDA (super illud, *Videbam satanam sicut fulgur*.) Non autem dicit, Modo video, sed Prius videbam, quando corruit. Quod autem ait, *Sicut fulgur*, vel præcipitem de supernis ad ima lapsum signi-

S. Th. Oper. Tom. V.

ficat; vel quia deiectus adhuc transfiguratur se in Angelum lucis. TITUS. Scilicet autem dicit vidisse tamquam iudicem, qui novit incorporeorum passiones. Vel dicit, *Sicut fulgur*, quia natura fulgidus erat ut fulgur; sed factus est tenebrosus propter affectum, quia quod Deus fecit bonum, hoc ipse in se alteravit in malum. BASILIUS c. Superbia enim virtutes non sunt naturaliter sanctæ, sed secundum analogiam divini amoris mensuram sanctificationis sortiuntur. Et sicut ferrum positum in igne non deum esse ferrum, vehementi tamen flammæ unione tam effectu, quam aspectu in ignem pertranxit; sic & almæ virtutes ex participatione eius quod est naturaliter sanctum, insitanti habent sanctificationem: neque enim cecidisset satanas, si natura fuisset insusceptibilis mali. CYRILLUS d. Vel aliter. *Videbam satanam sicut fulgur de calo cadentem*, idest (2) a luprema potentia in extremam fragilitatem. Nam ante Salvatoris adventum subegerat sibi orbem, & ab omnibus colebatur; sed cum unigenitum Verbum Dei de cælo descendit, corruit tamquam fulgur, quia conculcatur ab adorantibus Christum: unde sequitur: *Et ecce dedi vobis potestatem calcandi supra serpentes, & scorpiones*. TITUS. Serpentes quidem aliquando figuratim in deserto mordebant Iudæos, & necabant eos, eo quod infideles erant; venit autem qui serpentes illos perimeret æneus serpens crucifixus, ut si quis credens in eum prospexerit, liberetur a moribus, & salvetur. CHRYSOSTOMUS e. Deinde ne putaremus hoc dici de bestis, subiunxit: *Et supra omnem virtutem inimici*. BEDA (super *Dedi vobis potestatem*.) Hoc est omne genus immundorum spirituum de obsessis corporibus eiciendi: & quantum ad ipsos subdit: *Et nihil vobis nocerit*; quamvis & ad literam possit accipi: Paulus enim viperam invasus nihil mali patitur, & Ioannes hausto veneno non læditur. Hoc autem inter serpentes qui dente, & scorpiones qui cauda nocent, distare arbitror, quod serpentes aperte sævientes, scorpiones clandestine insidiantes, vel homines, vel demones significant. Vel serpentes qui inclaudendo virtutibus venena prævæ persuasionis obiciunt; scorpiones qui consummatas virtu-

Z tes

(1) d. BEDA. (2) d. ab ultima virtute in extremam &c.

EX EDITIONE P. NICOLAI.

a In Catena Græcorum PP. b In hom. quod Deus non sit auctor mali. c Adversus Eunomium L. b. III. d In Catena Græc. PP. e In eadem Catena.

tes ad finem vitiae intendunt. THEOPHYLACTUS (hoc loco.) Vel serpentes sunt qui visibiles nocent, veluti fornicationis, & homicidii dæmon; qui vero invisibiles nocent, scorpiones vocantur, sicut in vitis spiritualibus. GREGORIUS Nisænsis a. Voluptas etiam serpens dicitur in Scriptura, cuius natura est quod si caput eius muri striduram attigerit, totum sequens corpus ad se trahit: sic natura necessarium concessit homini domicilium; sed per hanc necessitatem aggrediens (1) voluptas animam ad immoderatum quemdam ornatum pervertit; ad hoc subsequenter avariciam trahit, quam impudicitia sequitur, idest ultimum membrum, & cauda bestialitatis. Sed quemadmodum non est per caudam serpentem retrahi, sic non est incipiendum ab ultimis ad evellendum voluptates, nisi quis priorem aditum (2) obturet malitiæ. ATHANASIUS (in ferm. de Passione, & Cruce.) Deludunt autem nunc per Christi virtutem pueri voluptatem, quæ quondam seducebat grandævos; & virgines perleverant conculcantes serpentinæ voluptatis fallacias. Sed & quidam ipsum aculeum scorpionis, idest diaboli, conculcantes, scilicet mortem, non timerunt interitum; verbi gratia, martyres facti; plerique vero postpositis terrenis, libero gressu conversantur in cælis, principem aeris non timentes. TITUS. Sed quia lætitia qua eos lætos videbat, inanem gloriam sapiebat: gaudebant enim quod quasi sublimis effecti, terribiles hominibus, & dæmonibus erant: ideo Dominus subiungit: *Verumtamen in hoc volite gaudere, quia spiritus subiungitur vobis.* BEDA (cap. xlii. in Luc.) De subiectione spirituum, cum caro sint, gaudere prohibentur: quia spiritus eicere, sicut & virtutes alias facere, interdum non est eius meriti qui operatur; sed invocatio nominis Christi hoc agit ad condemnationem eorum qui invocant, vel ad utilitatem eorum qui vident, & audiunt. CYRILLUS b. Sed cur, Domine, non finis lætari in honoribus a te collatis, cum scriptum sit Psal. lxxxviii. „In nomine tuo „exultabunt tota die?“ Sed Dominus eos ad maius gaudium erigit: unde subdit: *Gaudete autem, quia nomina vestra scripta sunt*

in calis. BEDA (ubi supra in fin.) Quasi dicat: Non oportet vos de dæmonum humiliatione, sed de vestra sublimatione gaudere. Salubriter autem intelligendum est, quod sive cælestia, sive terrestria quis opera gesserit, per hoc quasi litteris annotatus apud Dei memoriam sit æternaliter ascriptus. THEOPHYLACTUS (super *Quia nomina vestra scripta sunt.*) Scripta sunt enim nomina sanctorum in libro vite, non (3) encausto, sed memoria Dei, & gratia. Et diabolus quidem desuper cadit; homines vero inferius existentes superius ascribuntur in cælis. BASILIUS c. Quidam autem sunt qui scribuntur quidem non in vita, sed secundum Hieremiam in terra, ut secundum hoc intelligatur duplex quædam descriptio, horum quidem ad vitam, illorum ad perditionem. Quod autem dicitur Psal. lxxviii. „Delectantur de libro viventium“, intelligitur de his qui digni putabantur in libro Dei conscribi: & secundum hoc fieri dicitur scripturæ mutatio, quando a virtute delabimur in peccatum, vel e contra.

(f) THEOPHYLACTUS (hoc loco.) Sicut benignus pater videns filios suos dirigi, gaudet; sic & Christus exultat, quod Apostoli tantis bonis facti sunt digni: unde dicitur: *In ipsa autem hora exultavit in Spiritu sancto.* CYRILLUS d. Insuper quidem per spiritus operationem quam Apostolis tradidit, (4) plurimum acquisitionem: unde in Spiritu sancto lætatur dicitur, idest in effectibus, qui per Spiritum sanctum proveniunt: quasi enim amator hominum, gaudii reputabat materiam conversionem errantium; de quo gratias agit: unde sequitur: *Confiteor tibi Pater Domine cali & terra.* BEDA (cap. xliii. in Luc. in initio.) Confessio non semper penitentiam, sed & gratiarum actionem significat, ut in Psalmis sæpissime legimus. CYRILLUS e. Ecce autem, inquit illi quorum corda perversa sunt, gratias refert Filius Patri tamquam minor. Sed quid impedit confessionalium Filium laudare proprium Genitorem, mundum salvantem per eum? Quod si censet confessionis causa hunc esse minorem, aspice quod vocat eum Patrem suum, & Domi-

num

(1) *Al. emittitur voluptas.* (2) *Al. obtulerit.* (3) *Al. in causto.* (4) *Al. propter pluxium.*

EX EDITIONE P. NICOLAI.

a In Cætena Græcorum PP. ex hominibus in Cant. b In eadem Cætena. c In Esai. iv. super illud vers. 112. Sanctus vocatur amicus qui scriptus est in vita in Hierusalem. d Ubi supra. e Ibidem.

num cali & terræ. **TITUS** 4. Alia enim per Christum ex non solibus producta sunt, sed solus ipse incomprehensibiliter a Patre est genitus: solius enim Unigeniti tanquam veri (1) filii naturaliter Pater est: unde solus Patri dicitur, *Confiteor tibi Pater*; hoc est, glorifico te. Nec mireris si Patrem Filius glorificat: tota enim hypostasis Unigeniti, Genitoris est gloria; nam quæ facta sunt, & cælum, & Angeli, gloria sunt creatoris; verum, quia hæc nimis infime sita sunt respectu dignitatis ipsius, solus Filius, cum Deus perfectè sit similis genitori, perfectè glorificat Patrem. **ATHANASIUS** 6. Novimus etiam sapiens Salvatorem humanam proferre, habet enim adiunctam humanitatem divinitas; nec tamen propter corporis regimen Deum ignores. Sed quid respondetur in hoc qui voluit subsistentiam esse mali, formant vero sibi Deum alium a vero Patre Christi; & hæc dicunt esse unigenitum mali creatorem, & nequitiae principem, nec non mundialis machinæ conditorem. Ait autem Dominus approbans verba Myli: *Confiteor tibi Pater Domine cali & terræ*. **EPIPHANIUS** 4. Editum vero a Marcione Evangelium habet, *Evangelium enchiridion*, idest *gratias ago tibi Domine cali*; tacens quod dicitur *Pater*, & quod dicitur *& terræ*, ne videatur Christus opificem cali & terræ (2) habere patrem suum. Redarguit autem, quia idem paulo infra habet, *Ita Pater*. **AMEROSIUS** (Lib. VII. in Luc. cap. de condemnatione contemptorum Evang.) Postremo aperit cælestem mysterium, quo placuit Deo ut parvulis, magis quam prudentibus mundi, suam gratiam revelaret: unde sequitur: *Quod abscondisti hæc a sapientibus, & prudentibus, & revelasti ea parvulis*. **THEOPHYLACTUS**. Potest sic distingui ut dicatur, *A sapientibus*, idest a pharisæis, & scribis legem interpretantibus, & *prudentibus*, idest ab his qui a scribis fuerant docti: sapientes enim est qui docet, prudens vero qui docetur. Parvulos vero vocat Dominus suos discipulos, quos

non legis doctores, sed de turba, & piscatores elegit, qui tunc vocati parvuli, quasi non malevoli. **AMEROSIUS** (ubi supra ante medium.) Vel parvulum hic accipimus qui se exaltare non noverit, & pharæis sermonibus artem suæ iactare prudentiæ; quod pharisæi plerique faciunt. **BEDA** (cap. XLIII. in Luc.) Gratias igitur agit, quod Apostolis quasi parvulis adveniens sui aperuit sacramenta, quæ ignoraverunt scribæ, & pharisæi, qui sibi sapientes videntur, & in conspectu suo prudentes. **THEOPHYLACTUS**. Abscondita igitur sunt mysteria ab his qui putant se esse sapientes, & non sunt: nam si essent, eis revelata fuissent. **BEDA** (cap. XLIII. parum a principio.) Unde sapientibus, & prudentibus, non insipientes, & hebetes, sed parvulos, idest humiles appoluit, ut probaret se tumorem damnasæ, non acumen. **ORIGENES** 4. Sensus enim defectus præparatio fit supervenientis perfectionis: qui enim non sentit quod careat vero bono, propter bonum præcibus quod sibi inesse videtur, vero bono privatur. **CHRYSOSTOMUS** (hom. XXXIX. in Matth.) Non autem lætatur, & gratias agit, quod Dei mysteria latebant scribæ, & pharisæos: hæc enim non erat materia alacritatis, sed gemitus: sed de hoc gratias agit, quia quod sapientes non noverant, hii noverunt. Gratias autem super hoc agit Patri, cum quo ipse simul hoc facit, ostendens nimiam dilectionem qua diligit nos. O tendit autem consequenter, quod huius rei causa prima, voluntas sua sit, & Patris, qui propria voluntate hoc agebat: unde sequitur: *Eriam Pater, quia sic placitum fuit ante te*. **GREGORIUS** 4. His verbis exempla humilitatis accipimus, ne temere discutere superna consilia de aliorum vocatione, aliorumve repulsionem præsumamus: iniustum enim esse non potest quod placuit iusto. In cunctis ergo quæ exterius disponuntur, aperta causa rationis est occultæ iustitiæ voluntatis. **CHRYSOSTOMUS** (hom. XXXIX. in Matth. ante

Z 1

med.)

(1) Al. filii patris pares est. (2) Al. esse. Sed aliter effertur istam hanc Epiphanius appendicem quatuor veteri edita editiones: sic enim legunt. Editum autem a Marcione Evangelium habet: *Regitator tibi Domine cali*; tacens quod dicitur *& terræ*, & quod dicitur *Pater*, ne intelligatur quod vocat Christus Patrem creatorem cali & terræ.

EX EDITIONE P. NICOLAI.

* In Matth. 6 In Catena Græc. PP. Habetur apud illum partim oratione contra Sabellii gregales, quam ad priorem appendicem, partim orat. contra gentes, & secundum aliam inscriptionem contra idola, quam ad posteriorem. e In eadem Catena Græc. Notatur sine ullo indice, sed colligitur ex Lib. I. adversus hæreticos. d In Catena Græc. PP. e XXV. Mon. cap. XLII. vel in antiq. codic. cap. XLII. super illud Job XV. *Spem concedente pacem, quis est qui eademmet t*

med.) Cum vero dixisset, *Confiteor tibi, quia revelasti ea parvulis*, ne putares quod ipse Christus hac virtute privatus non posset hoc facere, subiungit: *Omnia tradita sunt mihi a Patre meo.* ATHANASIUS. Hoc non recte intelligentes Arrii sequaces delirant in Dominum, dicentes: Si data sunt ei omnia, idest dominium creaturæ, fuit tempus quo ea non habuit; & sic non est de substantia Patris: nam si esset, non esset ei opus recipere. Sed ex hoc magis dementia eorum (1) carpitur. Si enim priusquam recepisset vacabat creatura a Verbo, qualiter salvabitur illud ad Coloss. 1., *Omnia in eo consistunt?* Ceterum si simul postquam facta est creatura, rota fuit tradita ei, non erat opus tradere, per ipsum namque facta sunt omnia. Non ergo, ut ipsi putant, significatur hic creaturæ dominium; immo significativum est hoc verbum factæ dispensationis in carne: postquam enim homo peccavit, perturbata sunt omnia; unde Verbum caro factum est, ut omnia restituerentur. BONA (cap. XLIII. in Luc.) Vel dicitur, omnia sibi tradita, non mundi elementa, sed hi quibus parvulis spiritu sacramenta Filii Pater revelavit, & de quorum salute, cum hæc loqueretur, exultavit. (2) AMBROSIIUS (ubi supra.) Vel cum omnia legis, omnipotentem agnoscis, non degenerem Patris; cum tradita legis, Filium consteris; cui per naturam omnia unius substantiæ iura sunt propria, non dono collata per gratiam. Cum autem dixisset omnia sibi fore a Patre tradita, ascendit ad propriam gloriam, & excellentiam, ostendens in nullo se superari a Patre: (3) unde subdit: *Et nemo novit quis sit Filius, nisi Pater, & quis sit Pater nisi Filius.* Non valet enim creaturæ intentio comprehendere modum divini substantiæ, quæ omnem superat intellectum, & decor eius quamlibet considerationem transcendit; sed a se-

ipsa quid sit natura divina cognoscitur. Itaque Pater per id quod est, novit Filium; & Filius per id quod est, novit Patrem; non interveniente aliqua differentia quantum ad divinitatis naturam: quod enim sic Deus, credimus; quid autem naturaliter sit, incomprehensibile est. Si vero creatus est Filius, quomodo solus sciret Patrem, aut quomodo a solo Patre sciretur? Scire namque naturam divinam impossibile est cuiuslibet creaturæ; scire autem quodcumque eorum quæ creata sunt quid sit, non transcendit quemlibet intellectum, quamvis superet nostrum sensum. ATHANASIUS b. Hoc autem Domino dicente, constat Arrianos ei obstitere, dum dicunt non videri Patrem a Filio. Sed eorum ostenditur (4) infamia, si seipsum non novit Verbum, quod omnibus Patris, & sui præstat notitiam: sequitur enim: *Et cui voluerit Filius revelare.* TITUS. Est autem revelatio traditio notionis iuxta proportionem naturæ, & virtutum uniuscuiusque: & ubi quidem est natura consimilis, ibi est cognitio sine doctrina; (5) hic autem est per revelationem disciplina. ORIGENES c. Vult autem revelare ut Verbum, non irrationabiliter, & tamquam insititia, qui novit digne & tempora revelandi, & mensuras revelationis. Revelat autem removens oppositum cordi velamen, necnon tenebras quas posuit in sui latibulum. Sed quoniam ex hoc putant quia alterius sunt opinionis, construere nefarium suum dogma, quod scilicet ignotus erat Pater Iesu sanctis antiquis; dicendum est eis, quoniam quod dicitur, *Cuiusque vult Filius revelare*, non solum retorquetur ad tempus futurum, ex quo Salvator hoc protulit, sed etiam ad tempus præteritum. Quod si velint hoc verbum revelare pro præterito sumere; dicendum est eis, quod non est idem cognoscere, & credere. Alii darur per spiritum sermo scientiæ, alii fides in eodem spiritu: *"I. Corinth. XII. Erant ergo primo quidem credentes, non autem cognoscentes. AMBROSIIUS (ubi supra a medio.) Ut scias autem quia sicut Filius Patrem quibus vult revelat, etiam Pater*

(1) *Al. capere.* (2) *Al. AUGUSTINUS.* (3) *Al. ostendit unde.* (4) *Al. infamia.* (5) *Al. hæc.*

EX EDITIONE P. NICOLAI.

* CYRILLUS in Catech. Græc. PP. ex Thesuro. Sic ibi tantum indefinitè indicatur, sed colligitur ex Lib. IV. Filius autem incepte cum Ambrosio verbis confundebatur, quasi ex illo sumptum esset. * In eadem Catech. habetur quod illum partem orationis sive disput. a. contra Arrianos, partem orat. brevi nostra cõsum. * Iterum in Catech. Græc. PP.

Pater revelat quibus vult Filium; audi Dominum dicentem, Matth. xvi. „ Beatus es „ Simon Bariona, quia caro, & sanguis non „ revelavit tibi, sed Pater meus qui in cæ- „ lis est. “

(g) THEOPHYLACTUS (hoc loco.) Quia superius dixerat, *Nemo novit quis sit Pater, nisi Filius, & cui voluerit Filius revelare*, (1) beatificat discipulos quibus Pater per eum revelabatur: unde dicitur: *Et conversus ad discipulos suos dixit: Beati oculi qui vident quæ vos videtis*. CYRILLUS A. Convertitur quidem ad eos, quia repellens Iudæos surdos, & cæcam mentem gerentes, nec videre volentes, totum se præbebat diligentibus eum; & beatos asserit oculos videntes quæ prius aliis ipsi videbant. Illud tantum scire convenit, quia videre non significat actum oculorum, sed mentis recreationem in præstitis beneficiis; puta si quis dicat, Ille vidit bona tempora, id est gavisus est in bonis temporibus, secundum illud Psal. cxv. „ Videas bona Hierusalem. “ Multi enim Iudæorum viderunt Christum divina operantem, corporali scilicet intuitu; nec tamen omnibus beatificatio convenit: non enim crediderunt, sed neque viderunt gloriam Dei oculis mentis. Beatificati sunt ergo oculi nostri in hoc quod fide vidimus Verbum pro nobis hominem factum, imprimens nobis decorem sui numinis, ut nos sibi conformes faciat per sanctificationem, atque iustitiam. THEOPHYLACTUS (hoc loco.) Beatificat autem eos, & omnes simpliciter qui eum fide respiciunt, ex hoc quod antiqui Prophetæ, & Reges Deum in carne videre, & audire optaverunt: unde sequitur: *Dico enim vobis, quod multi Prophetæ, & Reges voluerunt videre quæ vos videtis, & non viderunt; & audire quæ auditis, & non audierunt*. BEDA (cap. xlii. in fine.) Matthæus apertius Prophetas, & iustos appellat: ipsi enim sunt Reges magni, quia temptationum suarum motibus non consentiendo succumbere, sed regendo præfice (2) noverunt. CHRYSOSTOMUS b. Ex hoc autem dicto plures existimant Prophetas caruisse Christi notitia. Sed si optaverunt videre quæ viderunt Apostoli, noverunt illum venturum ad homines, & dispensaturum quæ dispensavit:

nullus enim habet eorum appetitum quæ mente non concepit: noverant ergo Filium Dei: unde non simpliciter dicit, *Voluerunt videre me, sed quæ vos videtis, nec audire me, sed quæ vos auditis*. Viderant enim ipsum, non tamen iam incarnatum, nec sic cum hominibus conversantem, nec tanta maiestate eis loquentem. BEDA (ubi supra.) Illi enim a longe insipientes per speculum, & in ænigmate viderunt; Apostoli autem in præsentiarum habentes Dominum, quæcumque voluissent interrogando dicentes, nequaquam per Angelos, aut alias visionum species opus habebant doceri. ORIGENES c. Sed quare dicit periosque Prophetas optasse, non autem omnes? Quia de Abraham dicitur, quod vidit diem Christi, & lætatus est; quam visionem non plures, immo pauci contigerunt. Fuerunt autem alii Prophetæ, & iusti non (3) tanti ut visionem Abraham, & peritiam Apostolorum attingerent; & hos dicit non vidisse, sed optasse.

(h) BEDA (cap. xlii.) Dixerat supra Dominus, quod nomina eorum scripta sunt in cælis: unde, ut puto, occasione tenandi Dominum legisperitus assumpsit: unde dicitur: *Ecce quidam legisperitus surrexit tentans illum*. CYRILLUS d. Erant enim quidam verbosi circumcunctes totam regionem Iudæorum, inculcantes Christum, & dicentes, quod præceptum Moysi inutile diceret, ipse autem quidam novas doctrinas promeret. Volens ergo legisperitus seducere Christum, ut aliquid contra Moysen loqueretur, adest tentans ipsum, Magistrum vocans, doceri non patiens. Ecce quia Dominus solitus erat his qui veniebant ad eum, loqui de vita æterna, utitur legisperitus eius eloquiis. Et quia tentabat allute, nihil aliud audir, nisi quæ per Moysen edita sunt: sequitur enim: *At ille dixit ad eum: In lege quid scriptum est? Quomodo legis?* AMBROSIIUS (de cond. contemp. Evang.) Erat enim ex his qui sibi legisperiti videntur, qui verba legis tenent, vim legis ignorant: & ex ipso legis capitulo docet esse legis ignaros, probans quod in principio statim lex Patrem, & Filium prædicaverit, & incarnationis dominicæ annuntiaverit sacramentum: sequitur enim: *Ille*

respon-

(1) A. viderat. (2) A. noluerunt. (3) A. canti.

EX EDITIONE P. NICOLAI.

a Ibidem. b In Catena Græcorum PP. ex homiliis in Ioan. c Ubi supra. d In Catena Græcorum PP.

respondens dixit: Diliges Dominum Deum tuum ex toto corde tuo, & ex tota anima tua, & ex omnibus viribus tuis, & ex tota mente tua.

BASILIVS *a*. Quod dicitur, *Tota mente tua*, in cetera non recipit sectionem: nam quantumcumque dilectionem in infimis expenderis, hoc tibi necessario a toto deficit. Sicut enim in vase aliquo pleniloquere, (1) quantum emanat foras, tantum necesse est plenitudini derogari; sic & in anima, in quantum emanaverit ab ipsius dilectione ad illicita, intantum minui necessarium est amorem ad Deum. **GREGORIUS** Nilfenus *b*. In tria autem quædam animæ vis discernitur. Hæc enim est augmentativa solum, & nutritiva, quæ etiam in plantis reperitur; alia est quæ sensualiter disponitur, quæ (2) salvatur in natura irrationalium animalium: perfecta autem vis animæ est rationalis, quæ in natura humana conspiciatur. Dicendo ergo cor, substantiam corporalem significavit, scilicet nutritivam; dicendo vero animam, mediocrem, id est sensitivam; dicendo vero mentem, altiorē naturam, id est intellectualem, & considerativam potentiam. **THEOPHYLACTUS** (hoc loco.) Hic igitur intelligendum est, quod oportet nos omnem virtutem animæ amorī divino subicere, & hoc viriliter, & non remisse: unde additur: *Et ex omnibus viribus tuis*. **MAXIMUS** *c*. Cum hæc igitur intentione trinam ad Deum dilectionem lex pertractat, ut avellet nos a trina mundi habitudine, qua respicitur ad possessiones, ad gloriam, & ad voluptates; in quibus etiam tentatus est Christus. **BASILIVS** *d*. Si quis autem querit quo pacto divina dilectio poterit obtineri, dicemus, quoniam indoctibilis est divina dilectio: nam nec (3) lucis gaudere præsentia, nec vitam amplecti ab alio didicimus, vel amare parentes, aut alumnos; & multo magis divinæ dilectionis doctrinam. Sed feminalis quædam ratio nobis inista est intrinsecus, habens causas ut homo Deo adhæreat; quam rationem accipiens doctrina divinatorum præceptorum colere diligenter, cauteque fovere, & ad perfectionem divinæ gratiæ perducere consuevit: naturaliter enim bonum

amamus, amamus etiam proprium, & cognatum, nec non & benefactoribus sponte affectionem totam profundimus. Si igitur bonus est Deus, omnia vero bonum desiderant, quod voluntarie persequitur, naturaliter (4) nobis inest; quem etsi per bonitatem minime novissemus, ex hoc tamen quod ab ipso processimus, tenemur ipsū ultra modum amare, tamquam scilicet nobis cognatum. Maior etiam est, & benefactor omnibus qui naturaliter diliguntur. Est igitur primum & præcipuum mandatum divinæ dilectionis; secundum autem primi completivum, & ab eo completum, quod monemur diligere proximum: unde sequitur: *Et proximum tuum sicut teipsum*. Sortimur autem a Deo potentiam ad huius executionem mandati. Quis autem non novit quoniam manuetum, & communicativum animal est homo, non autem solitarius, & solitarius? Nihil enim tam proprium est nostræ naturæ, sicut ad invicem communicare, & mutuo indigere, & cognatum diligere. Quorum ergo (5) præveniens, Dominus nobis tradidit semina, horum consequenter fructus requirit. **CHRYSOSTOMUS** *e*. Tu tamen attende qualiter fere cum eodem excelsu posulat utrumque præceptum: de Deo enim ait, *Toto corde tuo*; de proximo, *Sicut teipsum*: quod si diligenter (6) observaverit, nec servus esset, nec liber, nec victor, nec victus, nec dives, nec pauper, nec notus, umquam esset diabolus: potius enim paleis ignis sustinerent immisionem, quam fervorem caritatis diabolus: adeo cuncta superat dilectionis constantia. **GREGORIUS** XIX. Moral. (cap. xx. in antiquis, in nov. exemp. est xiv.) Cum autem dicatur, *Diliges proximum tuum sicut teipsum*, quomodo alteri miserando pius est qui adhuc iniusto vivendo sit impius sibi metipso? *f* **CHRYSOSTOMUS**. Cum autem legis peritus respondisset quæ continebantur in lege, Christus, cui nota sunt omnia, scindit fallaciæ eius retia: sequitur enim: *Dixitque illi: Responde mihi: hoc fac, & vivis*. **ORIGENES** *g*. Ex his indubitanter colligitur, quod vita quæ prædicatur secundum mundi creatorum Deum, & antiquas Scripturas ab eo tra-

(1) *M.* inquantum. (2) *M.* salvabatur. (3) *M.* legis. (4) *M.* bonis. (5) *M.* conveniens. (6) *M.* consideraret.

EX EDITIONE P. NICOLAI.

a In eadem Catena ex Asketis. *b* Lib. de hominis creatione cap. viii. *c* In Catena Græc. PP. *d* In eadem Catena. Habetur apud illum in Regulis fustius divinis resp. ad interior, 21. *e* Hout. xxix. in l. ad Corinth. *f* CYRILLUS in Cnt. Græc. PP. *g* In Catena Græc. PP.

traditas, vita perpetua est: attestatur enim Dominus fumentis *cx* Deuteronomii cap. vi. quidem illud, *Diligas Dominum Deum tuum*: ex Levitici vero cap. xix. illud, *Diligas proximum tuum sicut teipsum*. Hæc autem dicta sunt contra sequaces Valentini, Basilidis, & Mircionis. Quid enim aliud voluit nos facere ad querendum vitam æternam, nisi quæ continent lex, & Prophetæ?

(i) CYRILLUS *a*. Laudatus legisperitus a Salvatore, quod recte respondit, in superbiam prorumpit, nullum sibi proximum putans esse, quasi nullus esset ei in iustitia comparandus: unde dicitur: *Ille autem volens iustificare seipsum, dixit ad Iesum: Et quis est meus proximus?* Circumveniunt enim (1) cum quodam modo alternatim vitæ, a fallacia qua tentando quæsi verat, ad arrogantiam lapsus. In hoc autem quod querit, *Quis est meus proximus?* vacuus a dilectione proximi ostenditur, cum non assemet aliquem fidei proximum esse; & per consequens a dilectione divina, quoniam cum fratrem non diligit, quem videt, non potest Deum diligere, quem non videt? AMBROSIVS (ubi sup. in fin.) Respondit etiam, quod nesciret proximum suum, quia non credebatur in Christum; & qui Christum nescit, nescit legem. Cum enim veritatem ignoret, quomodo potest scire legem, quæ annuntiat veritatem? THEOPHYLACTUS (super *Suspiciens autem Iesus*.) Salvator autem non actibus, aut dignitatibus, sed natura determinat proximum sibi quasi dicat: Non putes quod quamvis iustus sis, nullus tibi sit proximus: omnes namque qui eandem naturam communicant, proximi tui sunt. Fias igitur & tu eorum proximus, non loco, sed affectu, & circa eos cura: Et ad hoc Samaritanum in exemplum ducit: unde sequitur: *Suspiciens autem Iesus dixit: Homo quidam descendebat ab Hierusalem in Hierico.* GRAECUS *b*. Bene est generis appellatio: non enim ait, *Descendit quidam*, sed *homo quidam*: nam sermo sit de tota humanitate. AUGUSTINUS de Quæst. Evang. (Lib. II. q. xix.) Homo enim iste

ipse Adam intelligitur in genere humano: Hierusalem civitas pacis, illa cælestis, a cuius beatitudine lapsus est: Hierico interpretatur luna, & significat mortalitatem nostram, propter hoc quod nascitur, crescit, senescit, & occidit. AUGUSTINUS (Lib. III. Hypognosticon par. ante med.) Vel Hierusalem, quæ interpretatur visio pacis, paradisum dicimus. Ante enim quam peccaret homo, in visione pacis erat, hoc est in paradiso, (1) ubi quicquid videbat, pax erat, & lætitia. Inde descendit quasi humiliatus, & miser factus per peccatum, (3) in Hierico, id est in mundum, in quo omnia orta occidunt, sicut luna. THEOPHYLACTUS (super *Homo quidam descendebat*.) Non autem dicit, *Descendit*, sed *descendebat*: semper enim humana natura ad inferiora tendebat; & non in parte, sed in toto vitæ attendebat passibili. BASILIVS *d*. Convenit etiam hoc, si quis loca persequerit: Hierico enim tenet loca convallia Palæstinæ; Hierusalem vero in cacumine sita est, occupans apicem montis. Venit igitur homo ab altis ad infima, ut a latronibus caperetur, qui incolebant desertum: unde sequitur: *Et incidit in latrones*. CHRYSOSTOMUS *e*. Primum illius hominis miserandus est casus, qui inermis ac destitutus in latrones incidit; quique improvidus incautusque eam viam elegerit quæ evadere prædonum manus nequiverit: non enim posset inermis armatus, improvidus pessimus, incautus nocivos effugere: quippe cum malitia semper armata sit dolis, crudelitate septa, munita fallacia, & ad nocendi sævitiam præparata. AMBROSIVS (Lib. VII. in Luc. de homine descendente a Hierusalem in Hierico.) Qui sunt autem isti latrones, nisi angeli noctis atque tenebrarum, in quos non incidisset, nisi eis mandati cælestis deus se fecisset obnoxium? CHRYSOSTOMUS (ubi supra.) In exordio igitur mundi nocendi fallaciam diaboli est operatus in hominem, in quem fallendi (4) virtus exercuit, & malitiæ nocentiam dedicavit. AUGUSTINUS contra Pelagium (Lib. III. Hypognosticon.) Incidit

(1) *A*. Circumveniunt enim quodammodo alternatim vitæ, & fallacia qua tentando quæsi verat, ad arrogantiam lapsus. (2) *A*. amittitur ubi. (3) *A*. deest in. (4) *A*. virtus.

EX EDITIONE P. NICOLAI.

a In eadem Carena. *b* Vel Severus Antiochenus in Carena Græcorum PP. *c* Sive Auctor Hypognosticon etc. *d* In eadem Carena ex illius Ethicis. *e* In Car. Græc. Apud illum habetur in hom. quæ inscribitur de eo qui incidit in latrones, inter illas quæ notantur in Lucam. *Hoc pridem unum fuerat ad marginem editionis Venetæ Nicolai.*

cidit ergo in latrones, idest in diabolum, & angelos eius; qui per inobedientiam primi hominis humanum genus despoliaverunt, morum scilicet ornamentis, & vulneraverunt, (1) dono scilicet possibilitatis liberi arbitrii perditio: unde sequitur: *Qui etiam despoliaverunt eum, & plagis impositis abierunt.* In illo enim peccante plagam fecit, in nobis vero plagas, cum per unum peccatum quod contrahimus, superaddimus multa peccata. AUGUSTINUS de Quæst. Evang. (Lib. II. qu. xix.) Vel spoliaverunt hominem immortalitate, & plagis impositis, peccata suadendo, reliquerunt semivivum: quia ex parte qua potest intelligere, & cognoscere Deum, vivus est homo; ex parte autem qua peccatis contabescit, & premitur, mortuus est; & hoc est quod subditur, *Semivivo relicto.* AUGUSTINUS (Lib. III. Hypognosticon.) Semivivus enim habet vitalem motum, idest liberum arbitrium, vulneratum; (2) quod ad æternam vitam, quam perdiderat, redire non sufficiebat: & ideo iacebat, quia vires ei propriæ ad surgendum non sufficiebant, ut ad se sanandum medicum, idest Deum, requireret. THEOPHYLACTUS (super *Semivivo relicto.*) Aut semivivus dicitur homo post peccatum: quia anima immortalis est, corpus vero mortale, ita ut medietas hominis morti succumbat: aut quia humana natura in Christo sperabat consequi salutem, ita ut non omnino morti succumberet; sed inquantum Adam peccaverat, mors in mundum intravit; in Christi vero iustificatione mors erat destruenda. AMBROSIVS (de hom. descendente in Hierico.) Vel spoliatur quæ accipimus indumenta gratiæ spirituales, & sic vulnera inferre confluxerunt: nam si intemerata quæ sumimus indumenta servemus, plagas latronum sentire non possumus. BASILIUS A. Vel potest intelligi quod exspoliaverunt eum, plagis prius impositis: præcedunt enim vulnera nuditatem, ut intelligas quod peccatum, gratiæ præcedat carentiam. BEDA (cap. xiv. super *Et plagis impositis.*) Dicuntur autem plagæ peccata, quia his naturæ humanæ integritas violatur. Abierunt autem non ab insidiis cessando, sed infidiarum fraudes occultando. CHRYSOSTOMUS (ubi supra.)

Hic itaque homo, idest Adam, iacebat desolatus salutis auxilio, confossus vulneribus delictorum; cui nec sacerdos Aaron transiens sacrificio potuit profuisse: sequitur enim: *Accidit autem ut sacerdos quidam descenderet eadem via, & visco prateriit:* nec etiam eius frater Moyses levita, per legem potuit subvenire: unde sequitur: *Similiter & levita, cum esset secus locum, & videt eum, pertransiit.* AUGUSTINUS (Lib. III. Hypog.) Vel in sacerdote, & levita duo tempora intelliguntur, legis scilicet, & Prophetarum, in sacerdotem, per quam sacerdotium, & sacrificia instituta sunt; in levita vaticinium Prophetarum: quorum temporibus humanum genus sanari non potuit, quia per legem (3) cognitio peccati, non abolitio. THEOPHYLACTUS (super *Viso illo prateriit.*) Dicit autem, *Prateriit*, quia lex venit, & stetit usque ad tempus præfixum, deinde non valens curare, abiit. Vide etiam quod lex non ad hoc data est (4) præcognitive ut hominem curaret: non enim poterat homo a principio suscipere Christi mysterium; & ideo dicit: *Accidit ut sacerdos quidam descenderet:* quod consuevimus dicere in his quæ non præmeditative sunt. AUGUSTINUS de Verbis Domini (ser. xxxvii. inter prin. & med.) Vel quia homo descendens a Hierusalem in Hierico Israelita fuisse intelligitur, & ideo intelligi potest, quia transiens sacerdos utique genere proximus præterii iacentem; transiit levita, & hic genere proximus iacentem & ipse contempsit. THEOPHYLACTUS (hoc loco.) Miserti, inquam, illius fuisse cum cogitaverunt, postmodum vero tenacitate devicti abierunt retrorsum: hoc enim designat quod dicit, *Prateriit.* AUGUSTINUS de Verbis Domini (ser. xxxvii.) Transiit Samaritanus genere longinquus, misericordia proximus; tecti quod sequitur: *Samaritanus autem quidam iter faciens, venit secus eum:* in quo Samaritano se voluit intelligi Dominus noster Iesus Christus: Samaritanus enim cultus interpretatur, & de ipso dicitur Psal. cxx. „Non dormitabit, neque dormiet qui custodit Israel: “ quia „resurgens a mortuis, iam non moritur: “ Rom. vi. Denique cum dictum esset illi Ioan. viii. „Quia Samaritanus es, & dæmonium habes; “ nega.

(1) Al. bono. (2) Al. & ad æternam. (3) Al. conditio (item contradictio) peccati non abolevit. (4) Al. præcognitive.

negavit se habere dæmonium, quia se noverat dæmonum expulsores, non se negavit infirmi cultorem. GRÆCUS A. Vocat autem hic Chrilus de Samaritanum oportune: cum enim alloqueretur legisperitum superbiebant in lege, voluit exprime- re quoniam nec sacerdos, nec levita, & qui conversabantur in lege, legis propo- situm implebant; sed ipse venit consummaturus legis propositum. AMBROSIVS (ubi supra parum ante med.) Hic autem Sama- ritanus etiam erat descendens: „ quisenim „ est qui descendit de cælo, nisi qui aicen- „ dit in cælum, Filius hominis qui est in „ cælo? “ Ioan. II. THEOPHYLACTVS (super *iter faciens venit secus eum*.) Dicit autem, *iter faciens*, quasi ex proposito hoc statuens, ut noscuraret. AUGUSTINVS (Lib. III. Hypog.) Venit autem in simili- tudine carnis peccati; ideo secus eum, quasi in similitudine. GRÆCUS B. Vel secus viam venit: fuit enim vere viator, non de- viator, gratia nostri descendens ad terram. AMBROSIVS (ubi supra ante medium.) Veniens autem factus est compassionis no- stræ susceptione finitimus, & misericordie collatione vicinus: unde sequitur: *Et videns eum, misericordia motus est*. AUGUSTINVS (Lib. III. Hypog.) Videns quidem eum iacen- tem, non valentem, non currentem; & ideo misericordia motus est, quia in eo nul- lum meritum invenit, quo curari dignus es- set; sed ipse de peccato damnavit pecca- tum in carne: unde sequitur: *Et appropians alligavit vulnera eius, infundens oleum, & vi- num*. AUGUSTINVS de Ver. Domini (ser. xxxvii.) Quidenim tam longinquum, quid tam remotum quam Deus ab homini- bus, immortalis a mortalibus, iustus a pec- catoribus, non loco longe, sed dissimilitu- dine? Cum ergo haberet in se duo bona, scilicet iustitiam, & immortalitatem, & nos duo mala, scilicet iniquitatem, & mor- talitatem; si utrumque malum nostrum sus- cepisset, par nosser fuisset, & liberatore nobiscum opus haberet. Ut ergo esset non hoc quod nos, sed prope nos, non est ille peccator ut tu, sed factus est mortalis quod tu; suscipiendo poenam, & non suscipien- do culpam, & culpam delevit & poenam. A. V. S. Th. Oper. Tom. V.

GUSTINVS de Quæst. Evang. (Lib. II. qu. xix.) Alligatio vulnerum est cohibitiō pec- catorum; oleum consolatio spei bonæ (1) per indulgentiam datam ad reconciliatio- nem pacis; vinum exhortatio ad operandum ferventissime in spiritu. AMBROSIVS (ubi supra.) Vel constringit vulnera nostra austeriore præcepto, (2) & sicut oleo so- vet remissione peccati, sic vino compungit denuntiatione iudicii. GREGORIUS XX. Mor. (super illud Iob xxxix.) Eram me- „ rentium consolator: “ cap. viii. in an- tiq. codd. cap. vi.) Vel in vino morum di- strictionis adhibet, in oleo mollitiem pie- tatis: per vinum ungantur putrida, per o- leum sananda foveantur. Miscenda est ergo lenitas cum severitate, & faciendum est quoddam ex utroque temperamentum, ut neque multa asperitate exulcerentur subdi- ti, neque nimia benignitate solvantur. THEOPHYLACTVS (super *Infundens vi- num, & oleum*.) Vel aliter. Quæ secun- dum hominem est conversio, oleum est; quæ vero secundum Deum, vinum est, quod di- vinitatem significat, quam nemo potuisset sustinere, nisi oleum haberetur, id est con- versatio humana; unde quædam operatus est humane, quædam divinitus. Includit ergo oleum, & vinum, quia nos humanitate, & divinitate salvavit. CHRYSOSTOMVS. Vel vinum infundit, id est linguam pas- sionis, & oleum chrismatis, ut indulgentia daretur per sanguinem, sanctificatio con- ferretur per chrismatisunctionem. A cæle- sti medico conficilla loca ligantur, & intra semetipsa retinentia medicinam, operante medicamine, pristina sanitati redduntur. Infuso ergo vino, & oleo, imposuit eum su- per iumentum: unde sequitur: *Et imponens illam in iumentum suum, duxit in stabulum, & curam eius egit*. AUGUSTINVS de Quæst. Evang. (Lib. II. q. xix.) Iumentum (3) eius est caro, quæ ad nos venire digna- tus est; imponi iumento est in ipsam incar- nationem Christi credere. AMBROSIVS (Lib. VII. in Luc. cap. de hom. descenden- te.) Vel iumento impositum peccata no- stra portat, & pro nobis dolet: homo enim iumento similis factus est; & ideo supra iu- mentum suum nos imposuit, ne nos esse-

Aa mus

(1) Al. apud indulgentiam. (2) Al. omittitur &. 7. Nescit utroque loco habet sicut. (3) Al. bis pe- nitentia eius.

EX EDITIONE P. NICOLAI.

* Vel Severus Antiochenus in Catena Græcorum PP. & Sive idem Severus Ibid. & Ex hom. superius in- dicata de eo qui incidit in latrones.

mus sicut equus, & mulus, ut per nostri corporis assumptionem infirmitatem nostræ carnis aboleret. THEOPHYLACTUS (super *Impensus illum in iumentum suum.*) Vel imposuit in suum iumentum, idell in corpus suum: membra namque sua nos fecit, & participes corporis eius. Et lex quidem non omnes suscipiebat: „ Moabitæ (inquit „ Deut. xxiii.) & Ammonitæ non intrant „ bunt in Ecclesiâ Dei: „ nunc vero in omni gente qui timer Dominum, ab eo suscipitur volens credere, & pars Ecclesiæ fieri: propter hoc dicit, quod duxit eum in *stabulum*. CHRYSOSTOMUS (ubi supra.) Est enim stabulum Ecclesiæ, quæ in itinere mundi lassatas, & laceris delictorum desolatas suscipit venientes: ubi depositio onere peccatorum viator lassus reficitur, & refectus salubri pascuo reparatur: & hoc est quod dicitur: *Et curam illius agit*. Totum enim quicquid contrarium, nocens, & malum est, foris est, quia intra stabulum requies omnis, salubritasque inclusa est. BEDA (cap. xiii. in Luc.) Et bene iumento imposuit duxit in stabulum, quia nemo, nisi per baptismum corpori Christi adunatus, Ecclesiâ intrabit. AMBROSIVS (tit. de homine descendente a Hierusalem.) Sed quomodo non vacabat Samaritano huic diu in terris degere, redeundum erat unde descendiderat: unde sequitur: *Et altera die protulit duos denarios, & dedit stabulario, & ait: Curam illius habet*. Quis est ille alter dies, nisi forte ille dominicæ resurrectionis, de quodiduo est Psal. cxvii. „ Hæc „ est dies quam fecit Dominus? „ Duo autem denarii sunt duo testamenta, quæ imaginem in se habent æterni Regis expressam, quorum pretio vulnera nostra curantur. AUGUSTINUS de Quæst. Evang. (Lib. II. q. xix.) Vel duo denarii sunt duo præcepta caritatis, quam per Spiritum sanctum acceperunt Apostoli ad evangelizandum ceteris: vel promissio vitæ præsentis, & futuræ. ORIGENES. Vel duo denarii videntur mihi esse scientia sacramenti, quomodo Pater in Filio, & Filius in Patre sit: quæ vult mercede donatur Ecclesiæ Angelus, ut diligentius curet hominem sibi commendatum, quem pro angustia temporis etiam ipse curaverat. Et promittitur ei

quicquid de suo in medelam semiviventis expenderet, illico esse reddendum: unde sequitur: *Et quodcumque supererogaveris, ego, cum rediero, reddam tibi*. AUGUSTINUS de Quæst. Evang. (Lib. II. q. xix.) Stabularius fuit Apostolus, qui supererogavit aut illud consilium quod ait I. Corinth. vii. „ De virginibus autem præceptum Domini „ ni non habeo, consilium autem do: „ aut quod etiam manibus suis operatus est, ne infirmorum aliquem in novitate Evangelii gravaret, cum ei liceret ex Evangelio pacisci. Multum etiam supererogaverunt Apostoli: sed & pro tempore doctores, qui vetus, & novum testamentum excoluere, supererogaverunt, pro quibus retributionem accipient. AMBROSIVS (de homine descend. a Hierusalem.) Beatus ergo ille stabularius qui alterius vulnera curare potest: beatus ille cui dicit Iesus: *Quodcumque supererogaveris, revertens reddam tibi*. Sed quando revertetur, Domine, nisi iudicii dies? Nam licet ubique sis semper, & sans in medio nostrum, non cerneris a nobis; erit tamen tempus quo univerfa caro te respiciet revertentem. Reddes ergo quod debes beatis, quibus es debitor. Utinam nos simus idonei debitores, ut quod accepimus possimus exsolvere. CYRILLUS b. His (1) ergo præmissis, opportune iam Dominus legilperitum interrogat, subdens: *Quis horum trium tibi videtur proximus fuisse illi qui incidit in latrones? At ille dixit: Qui fecit misericordiam in illum*. Neque enim sacerdos, neque levita factus fuit proximus patientis, sed ille qui est eius misertus: inutilis est enim sacerdotii dignitas, & legis scientia, nisi per bona opera confirmetur: unde sequitur: *Et ait illi Iesus: Vade, & tu fac similiter*. CHRYSOSTOMUS. Quasi dicat: Si quem vides oppressum non dicas, Utique nequam est; sed sive Gentilis sit, sive Iudæus, & ope indigeat, non cavilleris auxiliari, quæcumque mala fuerit passus. AUGUSTINUS de Doctrina Christiana (Lib. I. cap. xxx.) Ex hoc intelligimus eum esse proximum cui vel exhibendum est officium misericordiæ, si indiget, vel exhibendum esset, si indigeret. Ex quo iam consequens est ut etiam ille a quo nobis vicissim exhibendum est, proximus nos

ster

(1) *Al. omittitur ergo.*

EX EDITIONE P. NICOLAI.

• In Lucam hom. xxxiv. • In Catena Græcorum PP. • In eadem Catena Græc. ex homilia ad Hebr. hom. x.

ster sit: proximi enim nomen ad aliquid est, nec quilibet esse proximus nisi proximo potest. Nullum autem exceptum esse, cui misericordiae denegeret officium, quis non videt? dicente Domino Matth. vi. „Beati, ne scitis his qui vos oderunt.“ Unde manifestum est, hoc præcepto quo iubemur diligere proximum, etiam sanctos Angelos contineri, a quibus tanta nobis misericordiae impendunt officia, ex quo & ipse Dominus proximum nostrum se dici voluit, significans se opitulatum esse semivivo iacenti in via. AMBROSIVS (ubi supra.) Non enim (1) cognatio facit proximum, sed misericordia, quia misericordia (2) est secundum naturam: nihil enim tam secundum naturam, quam iuvare consortem naturæ.

(k) BEDA (cap. xlv. in Lucam.) Dilectio Dei, & proximi, quæ superius verbis, & parabolis continebatur, hic ipsis rebus, (3) & veritate designatur: dicitur enim: *Factum est autem dum irent, & ipse intravit in quoddam castellum.* ORIGENES a. Cuius quidem nomen Lucas hic tacet, sed Ioannes exprimit vocans ipsum Bethaniam. AUGUSTINUS de Ver. Dom. (ser. xxvi. par. a princ.) Sed Dominus qui in sua propria venit, & sui eum non receperunt, susceptus est tamquam hospes: sequitur enim: *Et mulier quædam Martha nomine, excepit illum in domum suam;* sicut solent suscipi peregrini; sed tamen suscepit famula Dominum, (4) ægra Salvatore, creatura Creatorem. Ne quis autem dicat: O beati qui Christum suscipere in domum propriam meruerunt, noli dolere, cum inquit Matth. xxv. „Quod enim uni ex minimis meis fecistis, mihi per fecistis.“ Accepta autem forma servi, in illa pasci a servis voluit dignatione, non conditione. Habebat carnem, in qua quidem esuriret, & sitiret; sed in crebro esurienti Angeli ministrabant: ergo quod pasci voluit, pascienti præstitit. Martha igitur Dominum pascere disponens, & præparaus, circa ministerium occupabatur; Maria vero soror eius pasci magis elegit a Domino: sequitur enim: *Et hinc erat soror nomine Maria, quæ etiam sedens secus pedes Domini, audiebat verbum illius.* CHRYSOSTOMUS b. Non simpliciter dicitur de Maria, quod sederet prope Iesum; sed secus pedes illius,

ut ostendat diligentiam, assiduitatem, & solertiam erga audicionem, & multam reverentiam quam habebat ad Dominum. AUGUSTINUS de Verb. Dom. (ser. xxvii. a med.) Quanto autem humilior ad pedes sedebat, tanto amplius capiebat: confluit enim aqua ad humilitatem convallis, denatat de tumoribus collis. BASILIUS c. Omnis autem operatio, & verbum Salvatoris regula est pietatis, & virtutis: ob hoc enim induit corpus nostrum, ut nos conversationem illius imitemur pro posse. CYRILLUS d. Exemplo igitur suo docet discipulos qualiter se gerere debeant in domibus eorum qui eos suscipiunt, ut scilicet applicantes ad domum, non relinipi quietant, sed potius replent suscipientes sacris & divinis doctrinis: hi vero qui domum parant, exeant obviam hilariter, & reverenter duabus de causis. Primo quidem ædificabuntur in doctrinæ eorum quos suscipiunt; deinde & recipient caritatis mercedem: unde & hic sequitur: *Martha autem satagebat circa frequens ministerium.* AUGUSTINUS de Ver. Dom. (ser. xxvii. cir. med.) Bene Martha circa corporalem Domini necessitatem, vel voluntatem ministrabat, quasi mortali; sed qui erat in carne mortali, in principio erat Verbum, ecce quod Maria audiebat: Verbum caro factum est, ecce cui Martha ministrabat: laborabat ista, vacabat illa; verumtamen Martha laborans multum in illa occupatione, & negotio ministrandi interpellavit Dominum, & de sorore conqueſta est: sequitur enim: *Et ait: Domine, non est tibi cura quod soror mea reliquit me solam ministrare?* Erat enim Maria intenta dulcedini verbi Domini; a Martha convivium Domino parabatur, in cuius convivio (5) Maria iam iucundabatur. Cum ergo suaviter audiret verbum dulcissimum, & corde intensissimo pascere, interpellato Domino a sorore sua, quomodo putamus eam timuisse ne diceret ei Dominus: Surge, & adiuva sororem tuam? Mira enim suavitate tenebatur; quæ profecto maior est mentis quam ventris. Sed causam suam tamquam otiosa iudici maluit committere, nec in respondendo voluit laborare: si enim pararet respondendi sermonem, remitteret audiendi intentionem. Respondit ergo Dominus,

Aa 2 nus,

(1) *Al. cognatio.* (2) *Al. desideratur est.* (3) *Al. & varieta.o.* (4) *Al. erga Salvatore.* (5) *Al. amittitur Maria.*

nus, qui in verbo non laborat, quia Verbum erat: sequitur enim: *Et respondens dixit illi Dominus: Martha, Martha, sollicita es, & turbaris erga plurima.* Repetitio nominis indicium est dilectionis, aut forte mōvendæ intentionis, ut audiat attentius. Bis vocata audit, *Turbaris erga plurima*; id est, circa multa es occupata: vult enim homo occurrere quando ministrat, & aliquando non potest: quæritur quod deest, paratur quod adest; distenditur animus: nam si Martha sufficeret, adiutorium sororis non posceret: multa sunt, diversa sunt, quia carnalia sunt, temporalia sunt. Præponitur autem unum multis: non enim a multis unum, sed multa ab uno: unde sequitur: *Porro unum est necessarium.* Circa unum se voluit occupari, secundum illud Psal. lxxii. „Mihi „adhærere Deo bonum est.“ Unum sunt Pater, & Filius, & Spiritus sanctus: ad hoc unum non nos perducit, nisi multi habeamus cor unum. CYRILLUS A. Vel aliter. Cum susceperint aliqui fratres Deum, non sollicitenter quæ multum officium, nec possant quæ præ manibus non sunt, & opus exsuperant: gravat enim passim inqualiber re quod superfluit: generat enim volentibus conferre tædium, convivis autem videtur quod sunt aliis causa laboris. BASILIUS B. Absurdum etiam est cibos ad sustentationem corporis sumere, ac per eos iterum officere corpori, & impedire ipsum erga mandatorum divinatorum officium: Si ergo adveniat aliquis pauperum, sumat formam, & exemplar modestiæ ciborum; nec causa vivere volentium in deliciis mensam propriam præparemus: uniformis enim est Christiani vita, ad unam intendens intentionem, scilicet ad gloriam Dei; multiformis vero & varia vita eorum qui de foris sunt, pro libito variata. Tu vero cur dum copia ciborum, & causa delectationis fratri præparas mensam, criminariis eum voluptatis, & diffusis in eum gulosisque opprobria, arguens delicias eius in eo quod præparas? Non commendavit Dominus Martha occupatam circa frequens ministerium. AUGUSTINUS de Ver. Dom. (ser. xxvii. inter prin. & med.) Quid ergo? Putamus reprehensum esse ministerium Marthæ, quam

cura hospitalitatis occupaverat, quæ tanto hospite lætatur? Hoc si verum est, dimittant homines quod ministrant egentibus: vacent verbo, occupentur circa scientiam salutarem; nihil sit cura eis quis peregrinus in vico sit, quis egeat pane; vacent opera misericordiæ, uni insistent scientiæ. THEOPHYLACTUS (super Martha, Martha sollicita es.) Non ergo Dominus hospitalitatem prohibet, sed plurimorumurbationem, scilicet abractionem, & tumultum. Et vide consilium Domini, quod prius Dominus nihil dixerat Marthæ; sed postquam illa sororem ab auditu studebat avellere, tunc Dominus occasione habita increpavit eam: usque enim adeo honoratur hospitalitas, donec (1) ad necessaria nos attrahit; cum vero incipit ab utilioribus impedire, manifestum est quod honorabilior est divinatorum auditus. AUGUSTINUS de Verb. Dom. c. (ser. xxvii. a medio.) Non ergo Dominus opus reprehendit, sed munus distinxit: sequitur enim: *Maria optimam partem elegit, quæ non auferetur ab ea.* Non tu malam, sed illa meliorem. Unde meliorem? Quia ab ea non auferetur, a te auferetur aliquando onus necessitatis: non enim cum veneris ad illam patriam, invenies peregrinum quem suscipias hospitio. Sed bono tuo auferetur, ut quod melius est detur: auferetur a te labor, ut requies detur. Tu navigas, illa in portu est: æterna enim est dulcedo veritatis; in hac tamen vita augetur, in illa perfruitur, nunquam auferetur. AMBROSIVS (Lib. VII. in tit. de exemp. Marthæ, & Mariæ.) Agat ergo te sicut Mariam desiderium sapientiæ: hoc enim maius, hoc perfectius opus, ne ministerii cura cognitionem verbi cælestis avertat. Nec arguas eos, & otiosos iudices, quos videas sapientiæ studere. AUGUSTINUS de Quæst. Evang. (Lib. II. q. xxx.) Mystice autem quod Martha excepit illum in domum suam, significat Ecclesiam, quæ nunc excepit Dominum in cor suum. Maria soror eius, quæ sedebat ad pedes Domini, & audiebat verbum eius, significat eandem Ecclesiam, sed in futuro lætulo, ubi cessans ab opere, ministerioque indigentia, sola sapientia perfruitur. Quod autem con-

que-

(1) *Id.* ad necessaria.

EX EDITIONE P. NICOLAI.

* Ubi supra. † In Regulis suis ad interrogat. xix. c. serm. xvi. & xxvii. non uno edemque tenore, sed proximitate intercedendo quædam quæ ser. xvi. habentur cum aliis ex xxvii. sumptis, & prioribus postiora præmittendo.

queritur, quod soror eius eam non adiuvet, occasio datur sententiæ Domini, qua ostendit istam Ecclesiam sollicitam esse, & turbari erga plurima, cum sit unum necessarium, ad quod per ministerii huius merita pervenitur. Mariam vero dicit optimam partem elegerisse, quia per hanc ad illam tenditur, & non auferitur. GREGORIUS VI. Mor. (cap. xxviii. 4) Vel per Mariam, quæ verba Domini refidens audiebat, con-

templativa vita exprimitur; per Martham exterioribus obsequiis occupatam, activa vita significatur. Sed Marthæ cura non reprehenditur, Mariæ vero laudatur: quia magna sunt activæ vitæ merita; sed contemplativæ potiora. Unde nec auferri unquam Mariæ pars dicitur: quia activæ vitæ opera corpore transeunt, contemplativæ autem gaudia melius ex fine convalescant.

C A P U T XI.

(a) **E**T factum est, cum esset in quodam loco orans, ut cessavit, dixit unus ex discipulis eius ad eum: Domine, doce nos orare, sicut docuit Ioannes discipulos suos. Et ait illis: Cum oratis dicite: Pater, sanctificetur nomen tuum; adveniat regnum tuum; panem nostrum quotidianum da nobis hodie; & dimitte nobis peccata nostra, siquidem & nos dimittimus debenti nobis; & ne nos in lucas in tentationem.

(b) Et ait ad illos: Quis vestrum habebit amicum, & ibit ad illum media nocte, & dicet illi: Amice, commoda mihi tres panes: quoniam amicus meus venit de via ad me, & non habeo quod ponam ante illum: & ille de intus respondens dicat: Noli mihi molestus esse, iam ostium clausum est, & pueri mei mecum sunt in cubili: non possum surgere, & dare tibi. Et ille si perseveraverit pulsans, dico vobis, & si non dabit illi surgens, eo quod amicus eius sit, propter improbitatem tamen eius surget, & dabit illi quotquot habet necessarios.

(c) Et ego dico vobis: Petite, & dabitur vobis; querite, & invenietis; pulsate, & aperietur vobis: omnis enim qui petit accipit, & qui querit invenit, & pulsanti aperietur. Quis autem ex vobis patrem petit panem: numquid lapidem dabit illi? Aut pisicem: numquid pro pisce serpentem dabit illi? Aut si petierit ovum, numquid porriget illi scorpionem? Si ergo vos cum sitis mali, nolitis bona data dare filiis vestris; quanto magis Pater vester de cælo dabit spiritum bonum petentibus se?

(d) Et erat Iesus eiciens dæmonium, & illud erat mutum: & cum eiecisset dæmonium, locutus est mutus, & admiratæ sunt turbæ. Quidam autem ex eis dixerunt: In Beelzebub principe dæmoniorum eicit dæmonia: & alii tentantes, signum de cælo quærebant ab eo.

(e) Ipse autem, ut vidit cogitationes eorum, dixit eis: Omne regnum in se divisum desolabitur, & domus supra domum cadet. Si autem & satanas in seipsum divisus est, quomodo stabit regnum eius? quia dicitis in Beelzebub me eicere dæmonia. Si autem ego in Beelzebub eicio dæmonia, filii vestri in quo eiciunt? Ideo ipsi iudices vestri erunt. Porro si in digito Dei eicio dæmonia, profecto pervenit in vos regnum Dei.

(f) Cum fortis armatus custodit atrium suum, in pace sunt ea quæ possidet. Si autem fortior eo superveniens vicerit eum, universa arma eius auferet, in quibus confidebat; & spolia eius distribuet. Qui non est mecum, contra me est; & qui non colligit mecum, dispergit.

(g) Cum

EX EDITIONE P. NICOLAI.

a Vel in antiquis codd. cap. xxv. super illud Job v. *Ingressus in abundantia sepulcrum.*

(g) Cum immundus spiritus exierit ab homine, ambulat per loca inaquosa, quærens requiem; & non inveniens dicit: Revertar in domum meam unde exivi. Et cum venerit, invenit eam scopis mundatam: & tunc vadit, & assumit septem alios spiritus secum nequiores se; & ingressi habitant ibi; & sunt novissima hominis illius peiora prioribus.

(h) Factum est autem, cum hæc diceret, extollens vocem quædam mulier de turba dixit illi: Beatus venter qui te portavit, & ubera quæ fuxisti. At ille dixit: Quinimmo beati qui audiunt verbum Dei, & custodiunt illud.

(i) Turbis autem concurrentibus, cepit dicere: Generatio hæc, generatio nequam est. Signum quærit, & signum non dabitur ei, nisi signum Ionæ Prophetæ: nam sicut fuit Ionas signum Ninivitis, ita erit & Filius hominis generationi isti. Regina Austri surget in iudicio cum viris generationis huius, & condemnabit illos: quia venit a finibus terræ audire sapientiam Salomonis; & ecce plusquam Salomon hic. Viri Ninivite surgent in iudicio cum generatione hac, & condemnabunt illam: quia penitentiam egerunt in prædicatione Ionæ; & ecce plusquam Ionas hic.

(k) Nemo lucernam accendit, & in abscondito ponit, neque sub modio, sed supra candelabrum, ut qui ingrediuntur, lumen videant. Lucerna corporis tui est oculus tuus. Si oculus tuus fuerit simplex, totum corpus tuum lucidum erit; si autem nequam fuerit, etiam corpus tuum tenebrosum erit. Vide ergo ne lumen quod in te est, tenebræ sint. Si ergo corpus tuum totum lucidum fuerit, non habens aliquam partem tenebrarum, erit lucidum totum, & sicut lucerna fulgoris illuminabit te.

(l) Et cum loqueretur, rogavit illum quidam pharisæus ut pranderet apud se. Et ingressus recubuit. Pharisæus autem cepit intra se reputans dicere, quare non baptizatus esset ante prandium. Et ait Dominus ad illum: Nunc vos pharisæi quod de foris est calicis, & catini mundatis; quod autem intus est vestrum, plenum est rapina, & iniquitate. Stulti, nonne qui fecit quod de foris est, etiam id quod de intus est fecit? Verumtamen quod superest date elemosynam; & ecce omnia munda sunt vobis. Sed vobis pharisæis, quia decimatis mentham, & rutam, & omne olus; & præteritis iudicium, & caritatem Dei. Hæc autem oportuit facere, & illa non omittere. Væ vobis pharisæis, qui d ligitis primas cathedras in synagogis, & salutationes in foro. Væ vobis, qui estis ut monumenta, quæ non apparent, & homines ambulantes supra nesciunt.

(m) Respondens autem quidam ex legisperitis, ait illi: Magister, hæc dicens, etiam contumeliam nobis facis. At ille ait: Et vobis legisperitis væ, quia oneratis homines oneribus quæ portare non possunt; & ipsi uno digito vestro non tangitis farcinas. Væ vobis, qui ædificatis monumenta Prophetarum; patres autem vestri occiderunt illos. Profecto testificamini, quod consentitis operibus patrum vestrorum: quoniam quidem ipsi eos occiderunt; vos autem ædificatis eorum sepulcra. Propterea & sapientia Dei dixit: Mittam ad illos Prophetas, & Apostolos; & ex illis occident, & persequentur: ut inquiratur sanguis omnium Prophetarum, qui effusus est a constitutione mundi a generatione ista, a sanguine Abel usque ad sanguinem Zachariæ, qui periit inter altare & ædem. Ita dico vobis, requiratur ab hac generatione. Væ vobis legisperitis, qui tulistis clavem scientiæ: ipsi non introiistis, & eos qui introibant, prohibuistis. Cum autem hæc ad illos diceret, ceperunt pharisæi, & legisperiti graviter insistere, & os eius opprimere de multis, insidiantes ei, & quærentes aliquid capere de ore eius, ut accusarent eum.

(a) **B**EDA (cap. xvi. in Luc.) Post
(1) historiam fororum, quæ duas
Ecclesiæ vitas significaverunt, non frustra
Dominus & ipse orasse, & discipulos orare
docuisse scribitur: quia & ratio quam do-
cuit, utriusque in le vitæ continet myste-
rium, & ipsarum perfectio vitarum, nostris
non viribus est obtinenda, sed precibus: unde
dicitur: *Et factum est cum esset in quodam loco orans.* **CYRILLUS** a. Cum autem
habeat omnis boni plenitudinem, cur orat,
si plenus est, & in nullo penitus eget? Ad
hoc dicimus, quod competit ei ex modo dis-
pensationis in carne, cum voluerit, huma-
na prosequi tempore ad hoc conveniente. Si
enim comedit, & bibit, non incongrue u-
tebatur oratione: ut doceat nos non esse er-
ga hoc tepidos, sed attentius insistere orationibus. **TITUS** b. Cum autem novam
conversationem vidisset discipuli, novam
formam orationis postularunt, cum plures
orationes continerentur in veteri testamen-
to: unde sequitur: *Ut cessavit, dixit unus ex
discipulis eius ad eum: Domine, docenot ora-
re: ne scilicet contra Deum peccemus, alia
querentes pro aliis, vel Deo assistentes
in oratione non eo modo quo expedit.* **O-
RIGENES** c. Et ut orationis doctrinam
proferat, infert: *Sicut Johannes docuit disci-
pulos suos: de quo scilicet nos docuisti, quod
inter natos mulierum nullus eo maior sur-
rexit: & quia præcepisti nobis perire æterna,
& grandia, unde erit nos ad horum
pervenire notitiam, nisi a te Deo, & Sal-
vatore nostro.* **GREGORIUS** Nilenus d. Orationis ergo doctrinam explicat discipu-
lis, qui solerter notitiam orationis expollu-
lant, ostendens qualiter implorari oporteat
divinum auditum. **BASILIVS** e. Duo autem
sunt modi orationis. Unus quidem laudis
cum humilitate; secundus vero petitionis
remissior. Quoties ergo oras, non prius ad-
petendum prorumpas. Sin autem tuum crimi-
naris affectum, quasi necessitate coactus sup-
plices Deo. Sed cum incipis orare, quam-
libet desere creaturam visibilem, & invisibi-
lem; (1) sumas autem exordium a laude
illius qui cuncta creavit: unde subditur:
Et ait illis: Cum oraveritis, dicite, Pater.
AUGUSTINUS de Ver. Domini (serm.

xxviii.) Primus sermo quantæ gratiæ?
Faciem tuam! non audebas ad cælum
levare, & subito accepisti gratiam Christi.
Ex malo servo factus es bonus filius; ideo
præsumo non de tua operatione, sed de
Christi gratia. Non ergo hic arrogantia est,
sed fides: prædicare quod acceperis, non est
superbia, sed devotio. Ergo attolle oculos
ad Patrem, qui te per lavacrum genuit, qui
per Filium te redemit: patrem dicas quasi
filius; sed noli tibi aliquid specialiter ven-
dicare: solius Christi specialis est Pater,
nobis est Pater omnibus in communi: quia
illum solum genuit, nos autem creavit. Et
ideo secundum Matth. vi. dicitur: „Pater
„nos;“ & additur, „Quis es in cæ-
„lis;“ in illis scilicet cælis de quibus di-
ctum est Psal. xviii. „Cæli enarrant glo-
„riam Dei.“ Cælum est ubi culpa cessa-
vit, ubi nullum mortis est vulnus. **THEO-
PHYLACTUS** (super, Quis in cælis.)
Non autem dicit, „Qui es in cælis,“ tam-
quam ibi circumscribatur; sed ut ad cælos
erigat auditorem, & abstrahat a terrenis.
GREGORIUS Nilenus f. Vide autem
quantæ præparationis (2) opus est ut auda-
cter possis Deo dicere, *Pater*: quia si ad res
mundanas intuitum dirigis; aut humanam
gloriam ambis, aut sordes passibilis appeti-
tus, & hanc orationem enunties; audire
mihi videor Deum dicentem: Cum corru-
ptæ fueris vitæ, si patrem vocas incorrupti-
bilitatis genitorem, fræda voce inquinas in-
corruptibile nomen: nam qui patrem man-
davit vocare, proferre mendacium non con-
cessit. Omnium vero bonorum exordium est
glorificare nomen Dei in vita nostra: unde
subdit: *Sanctificetur nomen tuum.* Quis enim
est adeo bestialis qui videns in credentibus
vitam puram, non glorificet nomen invoc-
atum in tali vita? Igitur qui dicit in oratio-
ne, *Sanctificetur in me invocatum nomen
tuum*, (4) hoc orat: *Fiam, tuo concurrente
subsidio, iustus, & abstineas a quolibet ma-
lo.* **CHRYSOSTOMUS** (hom. xviii. in
Ep. I. ad Corinth. a medio.) Sicut enim
cum quis cæli pulchritudinem aspiciat, dicit,
Gloria tibi Deus; sic etiam cum aspiciat alicuius
virtutem: quia hominis virtus multo
magis quam cælum glorificat Deum. **AUG.**

e u-

(1) *id.* per historiam. (2) *id.* Summus. (3) *id.* audacter opus. (4) *id.* hoc orat, „nomine con-
currente subsidio, iustus abstineas est a quolibet malo.“

EX EDITIONE P. NICOLAI.

id. in Cat. Græc. PP. b In Mattheum. c In Cat. Græc. PP. d In orat. dominicam serm. 1. e In
Constit. monast. cap. 1. f In orat. domin. serm. 11.

CUSTINUS de Verb. Dom. (ser. xxvii.) Vel dicitur: *Sanctificetur nomen tuum*, in nobis, ut ad nos possit eius sanctificatio pervenire. TITUS *a*. Vel dicit: *Sanctificetur nomen tuum*; id est, nota sit tua sanctitas toti mundo, & laudet te decenter. „ Rectos autem decet collaudatio: “ *Psal. xxxiii.* Insistit igitur orare pro emendatione mundi totius. CYRILLUS *b*. Quoniam penes eos ad quos nondum pervenit fides, contemnitur adhuc nomen Dei; sed ubi iubet veritatis super eos (*1*) illuxerit, cum tacebunt sanctum sanctorum. TITUS *c*. Et quia in nomine Iesu est gloria Dei Patris; tunc nomen Patris sanctificabitur, quando Christus erit notus. ORIGENES *d*. Vel quia nomen Dei ab errantibus attribuitur cultus & creaturis; nondum est sanctificatum, ut sit separatim a quibus debuit separari. Decet ergo nos orare ut nomen Dei adaptetur soli vero Deo, cui adaptatur quod subditur, *Adveniat regnum tuum*: ut scilicet evacuetur principatus, & potestas, & virtus, & regnum mundi, quin etiam peccatum, quod regnat in mortalibus nostris corporibus. GREGORIUS Nisenus *e*. Imploramus etiam Domino liberaria corruptione, eximi a morte. Vel secundum quosdam, *adveniat regnum tuum*; id est, veniat super nos Spiritus sanctus tuus, ut purificet nos. AUGUSTINUS de Ver. Dom. (serm. xxviii.) Tunc enim venit regnum Dei quando eius sumus gratiam consecuti: ipse enim ait infra xvii. *Regnum Dei intra vos est*. CYRILLUS *f*. Vel qui hoc dicunt, videntur optare rursus resurgentem in mundo omnium Salvatorem. Mandavit autem in oratione petere illud tempus revera terribile, ut sciant quod vivere decet eos non lente, vel remisse, ut illud tempus non pareat eis flammam, & vindictam; sed magis honeste secundum voluntatem ipsius, ut eis tempus illud nesciat coronas: unde secundum Matth. vs. sequitur: „ Fiat voluntas tua, sicut „ in caelo, & in terra. “ CHRYSOSTOMUS *g*. Quasi dicat: Praesta nobis Domine conversationem imitari caelestem, quatenus quaecumque tu vis, nos etiam velimus. GREGORIUS Nisenus *h*. Quoniam enim vitam humanam post resurrectionem similem

dicit esse venturam vitae angelicae, consequens est vitam mundanam ad vitam quae postmodum speratur, disponi, ut in carne viventes, carnaliter non vivamus. Per hoc autem verus medicus animae solvit morbi naturam, ut quos occupavit infirmitas per hoc quod a voluntate divina recesserant, a morbo denuo liberet copulatio ad voluntatem divinam. Est enim sanitas animae executio debita voluntatis divinae. AUGUSTINUS in Ench. (cap. xxv. & xxvi.) Apud Evangelistam igitur Matthaeum septem petitiones continere videtur dominica oratio; Evangelista vero Lucas in oratione Dominica petitiones non septem, sed quinque complexus est, nec ab illo atque discrepavit. Sed quomodo illa septem sint intelligenda, ipse sub brevitate communivit. Nomen quippe Dei sanctificatur in spiritu; Dei autem regnum in resurrectione futurum est. Offendens ergo Lucas tertiam petitionem duarum superiorum esse quodammodo repetitionem, magis eam praetermittendo voluit intelligi. Deinde tres alias adiunxit; & primo de pane quotidiano, dicens: *Panem nostrum quotidianum da nobis hodie*. AUGUSTINUS de Verb. Dom. (serm. xxviii. circa med.) In Graeco dicitur *spiritum*, hoc est supersubstantialem. Non iste est panis qui vadit in corpus, sed ille panis vitae aeternae, qui animae nostrae substantiam fulcit. Latinus autem hunc quotidianum panem dicit, quem Graeci dicunt advenientem. Si quotidianus ille est panis, cur post annum illum sumas, quemadmodum Graeci in oriente facere consueverunt? Accipe quotidie quod quotidie tibi prodest: sic vive quod quotidie merearis accipere. Mors Domini significatur, & remissio peccatorum. Qui vulnus habet, medicinam quaerit: vulnus est, quia sub peccato sumus; medicina est caelestis, & venerabile sacramentum. Si quotidie accipis, quotidie tibi est hodie; Christus tibi quotidie resurgit: hodie est enim quando Christus resurgit. TITUS *i*. Vel panis animarum divina est virtus afferens futuram vitam perennem, sicut panis ex terra prodiens vitam temporalem conservat. Cum autem quotidianum dixisset, divinum qui advenit, & futurus est, significat;

(1) *Id.* illuxit.

EX EDITIONE P. NICOLAI.

a In Matthaeum. *b* In Catena Graec. PP. *c* Ubi supra. *d* In Cat. Graec. PP. *e* Ubi supra. *f* Ubi supra. *g* In Catena Graec. PP. ex hom. xx. in Matthaeum. *h* In orat. domin. serm. xv. *i* In Matthaeum.

fiat; quem nobis hodie præfari requirimus, poſcentes quoddam eius principium, atque gultum, quando ſpiritus in nobis inhabitans virtutem operatur, quæ ſuper omnem virtutem humanam; puta caſtitem, humilitatem &c. CYRILLUS. Putant autem forſan (1) aliqui indecenſeſſe, ſanctos a Deo querere corporalia, & ob hanc cauſam applicat quod dicitur, ad ſpiritualem (2) conſiderationem. Ego autem concedam quod oportet ſanctos præcipue fatigare ad obtinenda ſpiritalia dona; illud tamen decet inſpicere quod irreprehenſibiliter petunt, Domino præcipientes, panem communem: ex eo (3) enim quod panem iuſti querere, ideſt quotidianum alimentum, videtur quod nihil concedat eos habere; ſed magis honeſtam colere paupertatem: non enim eſt habentium panem petere, ſed oppreſſorum penuria. BASILIUS b. Quasi dicat: Panem quotidianum, qui noſtræ ſubſtantię competit ad vitam diurnam, non tibi ipſi commendes; ſed ad Deum cauſa eius reſugas, exponens ei neceſſitatem naturæ. CHRYſOſTOMUS (hom. xxiv. in Matth.) Poſtula dum ergo ſunt divinitus neceſſaria vitæ, non ciborum diverſitates, & vina odorifera, & cetera quæ delectant guttur, onerant autem ventrem, & mentem perturbant; ſed panis, qui poteſt ſubſtantiam corporis ſuſtentare; & illum qui nobis hodie tantummodo ſufficit, ut de craſſio non cogitemus. Unam (4) autem ſolam petitionem ſenſibilem quærimus, ut præſentibus non (5) aſſigamur. GREGORIUS Niſſenus. Poſtquam autem per bona opera fiduciam ſumere docuit, conſequenter remiſſionem reatuum docet implorare: ſequitur enim: *Et dimitte nobis peccata noſtra*. TITUS d. Hoc (6) autem additum eſt neceſſario, pro eo quod nullus ſine peccato reperitur, ne impediamur a lacra participatione propter humana peccata. Cum enim teneamus exhibere Chriſto omnimodam ſanctitatem, qui Spiritum ſanctum habitare facit in nobis, redarguendi ſumus, ſi non ob-

S. Th. Oper. Tam. V.

ſervemus ei templum mundum. Huic autem deſectui ſubvenitur per Dei bonitatem indulgentem humanæ fragilitati peccatorum punitionem. Hoc autem iuſte fit a iuſto Deo, quando nos quaſi debitoribus relaxamus, his ſcilicet qui nobis nocuerunt, & debita non exhibuerunt: unde ſubditur: *ſiquidem & ipſi dimittimus omni debenti nobis*. CYRILLUS. Vult enim, ut ita loquar, patientiæ quam homines colunt, imitatore fieri Deum, ut qualem ipſi exhibuerunt concivis bonitatem, talem pari lance recipere petant a Deo, qui (7) iuſte recompenſat, & novit omnium miſerci. (8) CHRYſOſTOMUS f. Hæc igitur (9) animadvertendo grates agenda ſunt debitoribus noſtris: ſunt enim nobis, ſi ſapimus, cauſa indulgentiæ maximæ; & pauca exhibente, plurima reperimus: nam & nos multa debemus, & magna debita Domino; quorum ſi minimam partem a nobis veller exigere, iam periſſemus. AUGUSTINUS de Ver. Dom. (ſerm. xxviii.) Debitum autem quid eſt niſi peccatum? Ergo ſi non accipieſſes alieni ſenoris pecuniam, non deberes; & ideo peccatum tibi imputatur. Habuiſti enim pecuniam, cum qua dives (10) naſcereris, ad imaginem, & ſimilitudinem ſacris Dei; ſed perdidisti quod habebas; ſicut dum arrogantiam deſideras vindicare, perdidisti humilitatis pecuniam; accipiſti a diabolo debitum, quod non erat neceſſarium; cautionem tuam tenebat inimicus; ſed eam Dominus cruci fixit, & ſuo cruore delevit. Potens eſt autem Dominus, qui abuſit peccatum, & debita noſtra donavit, cuſtodire nos adverſus diaboli inſidias, qui culpam generare conſuevit: unde ſequitur: *Et ne nos inducas in tentationem*, quam ſcilicet ſerre non poſſumus. Sed quaſi athleta talem vult tentationem, quam ſerre poſſit humana conditio. TITUS g. A diabolo enim non tentari eſt impoſſibile; ſed ne a Deo relinquamur ad tentationes, hoc deprecamur. Quod autem ex permiſſione divina contingit, illud Deus quandoque ſacere dicitur

Bb

tur

(1) Al. a'liquit lacerans. (2) Al. profeſſionem. (3) Al. deſect enim. (4) Al. amittitur autem. (5) Al. aſſigamur. (6) Al. enim. (7) Al. iuſta reſponſat. (8) Al. amittitur inde Chryſoſtomus. (9) Al. advertentes: item animadvertentes. Corrigit autem Nicolai ſic. Hæc igitur animadvertentes, gratias aere debemus debitoribus noſtris. (10) Al. naſceris.

EX EDITIONE P. NICOLAI.

* Ubi ſupra. b In Regulis brevioribus ad interrogat. cels. e In orat. domin. ſerm. v. d In Matth. e Ubi ſupra. f In Catena Græc. PP. & inſinuat ab illo paſſim hom. xix. & lxxi. in Matth. hom. xxx. Oper. imperf. hom. xxv. in Geneſim, hom. i. in Epiſt. ad Philemonem; ſed illud præſe verbis non occurrat. g In Matthæum.

tur in Scriptura; & secundum hoc nisi probeat tentationis invalescentiam, quæ supra nos est, tunc nos in tentationem inducit. **MAXIMUS A.** Vel mandat Dominus ut petamus, *Ne nos inducas in tentationem*; id est, non permittas voluptuolarum, & spontaneorum tentationum nos experientiam pati. Iacobus autem docet, pro veritate certantes non remitti (1) tentationibus involuntariis, & causatis laborum, dicens cap. 1. „Omne gaudium existimate, fratres mei, cum in tentationes varias incideritis.“

BASILIVS B. Non tamen decet nos orando petere afflictiones corporales: universali enim præceptum orare, non subire tentationem; sed postquam aliquis subiit, (2) expedit a Domino petere virtutem periculi, ut consumetur in nobis illud Matth. 2. „Qui sustinet usque ad finem, salvus erit.“ **AUGUSTINUS** in Ench. (cap. cxvi.) At vero quod Matthæus in ultimo posuit, „Sed libera nos a malo;“ iste non posuit, ut intelligamus ad illud superius, quod de tentatione dictum est, pertinere: ideo quippe ait, „Sed libera,“ non ait, Et libera; tamquam unam petitionem demonstrans: noli hoc, sed hoc. Sed sciat unusquisque in eo se liberari a malo quod non inferitur in tentationem. **AUGUSTINUS** de Ver. Dom. (cap. xxviii.) Unusquisque enim petit ut a malo, hoc est ab inimico, & peccato, liberetur; sed qui Deo se committit, diabolum non timet. „Si enim Deus pro nobis, quis contra nos?“ Rom. viii.

(b) **CYRILLUS** (3) e Docuerat supra Salvator ad petitionem Apostolorum, qualiter oportet orare; poterat autem contingere eos qui hoc salutare documentum receperant, effundere quidem preces iuxta traditam formam, sed negligenter, & remissè hoc facere; deinde cum non exaudirentur per primam, vel secundam orationem, desistere ab orationibus. Itaque ne hoc patere, per modum parabolæ manifestat, quod pusillanimitas in orationibus damno est. Utilissimum vero est in eis patientiam habere: unde dicitur: *Et ait ad illos: Quis vestrum habebit amicum?* **THEOPHYLACTUS**. Amicus iste Deus est, qui omnes

amat, & omnes salvos vult fieri. **AMBRASIUS** (de exemplo Domini ind. disci. ad orat.) Quis etiam est nobis amior quam qui pro nobis corpus suum tradidit? Datur autem nobis hic alius præcepti modus, ut omnibus momentis, non solum diebus, sed etiam noctibus oratio deferatur: sequitur enim: *Et ibit ad illum media nocte: sicut petiit David quando (4) dixit Psal. cxviii. „Media nocte surgebam ad confitendum tibi:“* neque enim timuit excitare dormientem, quem scit semper esse vigilantem. Nam si ille tam sanctus, & qui regni erat necessitatibus occupatus, septies in die laudem Domino dicebat; quid nos facere debemus, qui eo amplius rogare debemus quo frequentius carnis, ac mentis fragilitate (5) delinquimus? (6) Quid quod diligendo Dominum Deum tuum, non solum tibi, sed etiam aliis poteris emereri? Sequitur enim: *Et dicit illi: Amice, commoda mihi tres panes: quoniam amicus meus venit ad me de via, & non habeo quod ponam ante illum.* **AUGUSTINUS** de Ver. Dom. (ser. xxix. aliq. a princ.) Quid autem sunt isti tres panes nisi mysterii cælestis alimentum? Fieri enim potest ut aliquis passus fuerit amicum aliquid interrogantem quod respondere non possit; & tunc se invenit non habere quando coactus est dare. Venit ergo tibi amicus de via huius sæculi, in qua omnes velut peregrini transeunt, nec ullus quasi possessor manet; sed omni homini dicitur: „Transi, da venturo locum?“ Eccli. xxix. aut forte de via mala, hoc est de vita mala, fatigatus nescio quis amicus tuus non inveniens veritatem, qua audita, & percepta beatus fiat. Venit ad te tamquam ad Christianum, & dicit, Redde mihi rationem; & interrogat quod forte tu per simplicitatem fidei nesciebas; & non est unde reficias esurientem, & compelleris querere in dominicis libris: fortassis enim quod ille interrogavit, in libro positum est; sed obscurum est: ipsum Paulum, aut Petrum, aut aliquem Prophetam interrogare non finis: iam enim requiescit familia ista cum Domino isto suo: & sæculi huius ignorantia valida est, hoc est nox media, & urget amicus

(1) *M.* in tentationibus. (2) *M.* expetit. (3) *M.* **CHRYSOSTOMUS**. (4) *M.* dicebat. (5) *M.* delinquimus. (6) *M.* amicitur Quid. *Nicolaus autem legit*: Quod si diligas Dominum Deum tuum &c. punctum apponendo affirmantem, non interrogantem.

EX EDITIONE P. NICOLAI.

a In CATHA GRÆC. PP. b In Regula brevioribus ad interrogat. cccxii. c In Cat. GRÆC. PP.

micus esuriens, cui simplex fides non sufficit. Numquid deferendus est? Ergo ad ipsum Dominum, cum quo familia requiescit, pulsa orando; de quo subditur: *Et ille de intus respondens dicit: Noli mihi molestus esse.* Qui differt dare, vult ut amplius desideres dilatatum, ne vilesat cito datum. **BASILIVS** . Forſitan etiam ob hoc differt quaſi ingeminans tui alſiduitatem, & frequentiam erga ſe, & ut agnoſcas quid donum Dei ſit, & in timore donata cuſtodias. Quicquid enim aliquis multo labore acquirit, nititur cuſtodire, ne cum illud ſperdiderit, ſuum laborem amittat. **GLOSSA** (ordinaria ſuper illud, *Noli mihi moleſtus eſſe.*) Non ergo auferit impetrandi licentiam; ſed vehementius accendit deſiderium orandi, oſtenſa difficultate conſequendi: ſequitur enim: *Iam oſtium, clauſum eſt.* **AMERVSIVS** (ubi ſupra.) Hoc eſt oſtium quod aperiri ſibi etiam Paulus expoſcit, non ſolum ſuis, ſed etiam populi orationibus oblectans le iuvare, ut aperiat ſibi oſtium ad loquendum myſterium Chriſti. Et fortaſſe illud eſt oſtium quod apertum vidit Ioannes, cui dictum eſt, *Apoſcal. vi.* „*Aſcende huc, & oſtendam tibi, quæ oportet fieri.*“ **AUGVSIVS** de Quæſt. Evan. (Lib. II. cap. xxi.) Significatur ergo tempus famis verbi, cum intelligentia clauditur, & illi qui apoſtolicam ſapientiam tamquam panem erogantes per orbem terræ prædicaverunt, iam ſunt in ſecreta quiete cum Domino: & hoc eſt quod ſubditur: *Et pueri mei mecum ſunt in cubili.* **GREGORIUS** Niſſen. Opportune eos qui per arma iuſtitie impaſſibilitatem vendicaverunt ſibi, pueros appellat, docens quod bonum, quod per ſtudia in nobis (1) acquiritur, ab inieſto fuerat in natura reſpoſitum: nam quando aliquis abrenuntians carni per rationem, exercitio vitæ virtuoſe paſſionem confutavit, tunc quaſi puer inſenſibiliter ſe habet erga paſſiones. Cubile autem requiem intelligentis ſalvatorum. **GLOSSA** . Et propter præmiſſa ſubdit: *Non poſſum ſurgere, & dare tibi:* quod eſt ad difficultatem impetrandi referendum. **AUGVSIVS** de Quæſt. Evan. (Lib. II. cap. xxi.) Vel aliter. Amicus ad quem venit media nocte, ut accommodet tres panes, utique ad ſimilitudinem ponitur ſecundum quam quis rogat Deum in media tribulatione conſtitutus, ut

ei tribuat intelligentiam Trinitatis, qua præſentis vitæ conſoletur labores. Iſta enim anguſtia media nox eſt, qua cogitur vehementer inſtare. In tribus autem panibus etiam illud ſignificatur, unus ſubſtantie eſſe Trinitatem. Amicus autem veniens de via intelligitur hominis appetitus, qui debet rationi ſervire: ſerviebat autem conſuetudini temporali, quam viam vocat propter omnia tranſcuntia. Converſo autem homine ad Deum, etiam ille appetitus conſuetudine revocatur. Sed ſi non conſoletur interioris gaudium de doctrina ſpirituale, qua Creatoris Trinitas prædicatur, magnæ anguſtiæ ſunt in homine; quem premit ærumna mortalis, cum ab his quæ foris delectant præcipitur abſtinentia, & intus non eſt reſectio de læticia doctrinæ ſpirituale: (2) & tamen orando efficitur ut accipiat deſiderans intellectionem a Domino, etiam ſi homo deſit per quem ſapientia prædicetur: ſequitur enim: *Et ille ſi perſeravavit pulſans, dico vobis, & ſi non dubit illi ſurgens, eo quod amicus eius ſit, propter improbitatem tamen eius ſurgat, & dabit illi quotquot habet neceſſarios.* Comparatio eſt a minori: ſi enim amicus homo ſurgit de lecto, & dat, non amicitia, ſed tædio compulſus; quanto magis Deus dat, qui ſine tædio largiſſime donat quod petitur? **AUGVSIVS** de Ver. Dom. (ſerm. xxix. inter prin. & med.) Cum autem perveneris ad tres panes, hoc eſt ad cibum, & intelligentiam Trinitatis, habes & unde vivas, & unde paſcas. Ne timeas, ne finias: non enim panis ille ſinietur, ſed indigentiam tuam ſiniet: diſce, & doce, vive, & paſce. **THEOPHYLACTUS**. Vel aliter. Media nox ſinis eſt vitæ, in quo multi ad Deum adveniunt. Amicus autem eſt Angelus, qui accipit animam. Vel media nox eſt profundum tentationum, in quo conſtitutus petit a Deo tres panes, neceſſitatem ſcilicet corporis, animæ, & ſpiritus, (3) per quæ in tentationibus non periclitamur. Amicus autem qui de via venit, ipſe Deus eſt, qui in tentationibus nos probat; cui non habet quod apponat qui in tentatione inſirmatur. Quod autem dicit, *Et clauſa eſt ianua*, intelligendum eſt, quod docet nos ante tentationes præparatos eſſe poſtquam vero (4) tentationi incidimus, præparationis ianua

Bb 2

clau-

(1) *Al.* deſt. acquiritur. (2) *Al.* amicitia conſuetudinis &c. (3) *Al.* per quem. (4) *Nasali* legit in eas incidimus.

clauditur, & impariter inventi, nisi Deus adjuvet, periclitamur.

(c) AUGUSTINUS de Ver. Dom. (ser. xxix. parum a princ.) Posita similitudine, adiunxit exhortationem Dominus, & omnino stimulat nos querere, petere, pulsare, donec accipiamus quod petimus: unde dicit: *Et ego dico vobis: Petite, & dabitur vobis.* CYRILLUS a. Quod dicit, *Dico vobis*, vim habet iuramenti: Deus enim non mentitur. Quandomque autem innuit audientibus aliquid cum iuramento, ostendit inexcusabilem nostrae huius parvitatem.

CHRYSOSTOMUS (hom. xxxiv. in Matth. a med.) Per petitionem autem orationem offendit, per inquisitionem vero studium, & sollicitudinem, cum subdit: *Quarite, & invenietis*; quæ enim queruntur, plurima cura indigent; quod maxime est in Deo. Plura namque sunt quæ sensum nostrum impediunt. Sicut ergo aurum perditum querimus, sic Deum sollicite perquiramus. Offendit etiam quod quamvis non aperiat illico ianuam, tamen immorandum est: unde subdit: *Pulsate, & aperietur vobis*; quia si querens immoraberis, utique recipies; ob hoc reclusum esse ostium ut faciat te pulsare; ideo non mox annuit ut explicas. GRAECUS b. Vel per hoc quod dicit, *Pulsate*, forsitan insinuat petere cum effectus: pulsata enim aliquis manu; boni autem operis signum est manus. Vel hæc tria possunt aliter distingui; virtutis enim initium est petere notam fieri viam veritatis; secundus vero gradus est querere qualiter oporteat transire per viam; tertius gradus est ut cum virtutes attigerit, pulset ad ostium, ut intret spatiofam cognitionem: quæ omnia orando aliquis acquirit. Vel petere quidem est orare; querere vero, per bona opera agere orationi condigna; pulsare autem est orationi immorari, nec desistere. AUGUSTINUS de Ver. Dom. (ser. xxix. parum a princ.) Non autem nos tantum hortaretur ut peteremus, nisi dare vellet. Erubescat humana pigritia: plus vult ille dare quam nos accipere. AMBROSIVS (Lib. & titulo ubi supra.) Qui autem promittit aliquid, spem debet altere promissi, (1) ut mandatis obedientiam deferatur, promissis fides; & ideo subdit: *Omnis enim qui petit accipit, & qui quærat invenit*,

& pulsanti aperietur. ORIGENES c. Quæret autem aliquis qualiter quidam orantes non exaudiantur. Ad quod dicendum, quod quicumque recto tramite ad querendum accedit, nil omittens ex his quæ conferunt ad petitorum obtentum, accipiet revera quod precatus est dari sibi; si quis autem (2) divertat a proposito debetæ petitionis, cum non petat ut decet, non petit; quod fit ut cum non recipiat, quod hic dicitur, non falsificetur; nam & magistro diceant, Quicumque veniet ad me, allequetur disciplinarum peritiam, adire magistrum realiter accipimus, hoc est ut ferventer, & diligenter vacet documentis ipsius; unde & Iacobus dicit cap. iv. „Petitis, & non accipitis, eo quod male petatis,“ scilicet causa voluptatum vanarum. Sed dicit aliquis: Immo cum aliqui rogant per divina notitia obtinenda, & recuperatione virtutum, non obtinent. Cui dicendum, quod non propter se bona petiverunt accipere, sed ut commendarentur per ea. BASILIUS d. Si quis etiam ob torporem exhibeat se desideris, & traditor sui fiat in manus hostium; hunc Deus nec adjuvat, nec exaudiat, eo quod per peccatum aliquem fecerit a Deo. Decet ergo offerre quidem quicquid interest sua, clamare autem ad Deum, ut adjuvet eum. Est autem divinum subsidium implorandum non remisse, nec mente huc illucque vagante: eo quod talis non solum non impetrabit quod petit, sed magis Dominum irritabit: nam si aliquis coram Principe stans, fixum habet & intrinsicum, & extrinsecum oculum, ne forsitan puniatur; quanto magis coram Deo attentum, ac tremebundum oportet assistere? Si vero debilitatus a peccato fixe nequis orare, quantumcumque potes te ipsum cohibeas, ut stando coram Deo ad eum dirigas intellectum; & Deus ignoscit, eo quod non ex negligentia, sed ex fragilitate non potes, ut oportet, assistere coram Deo. Si sic ergo te ipsum compellis, ne dicescas donec accipias. Ideo ergo quandoque petis, & non accipis, quia perperam postulas, vel insideliter, vel leviter, vel non consentientia tibi, vel destitisti. Saepius autem quidam obviant dicentes: Quare oramus? An ignorat Deus quibus opus est nobis? Novit quippe, & omnia spiritualia uberius dat nobis, & ad-

(1) *id.* ut momentis. (2) *id.* divertens.

EX EDITIONE P. NICOLAI.

a In Cat. Grec. pp. b Idem Severus Antiochenus

in Cat. Grec. p. c In eadem Corina. d In Con-

sum. cap. cap. 2.

Dom. (ser. xxx.) Ergo avarē quid quæris? Aut si aliud petas, quid tibi sufficiat, cui (1) Deus non sufficit?

(d) G L O S S A a. Promiserat Dominus, quod spiritus bonus daretur orantibus; cuius quidem beneficiū subsequenti miraculo demonstrat: unde dicitur: *Et erat Jesus eiiciens dæmonium, & illud erat mutum.* T H E O P H Y L A C T U S (super *Et illud erat mutum.*) C o p h o s (2) (Κόφος) quem Latini interpretantur mutum, apud Græcos frequenter dicitur, qui non loquitur: dicitur etiam & qui non audit; sed magis proprie qui nec audit, nec loquitur. Qui autem a nativitate non audivit, ex necessitate non loquitur: ea enim loquimur quæ per auditum loqui docemur. Si quis tamen ex aliqua passione superveniente auditum amiserit, hunc nihil prohibet loqui. Qui autem Domino oblati sunt, & mutus erat lingua, & lurdus auditu. T I T U S b. Mutum autem, vel surdum dicit dæmonium quod hanc ingerit passionem, quod non audiat divinum verbum. Nam dæmones auferentes aptitudinem humani affectus, obtundunt animæ nostræ auditum. Idcirco venit Christus, ut eliciat dæmonium, & audiamus verbum veritatis: unum enim sanavit, ut universalem prægustrationem faciat humanæ salutis: unde sequitur: *Et cum eieisset dæmonium, & locutus est mutus.* (3) R E M I G I U S. Dæmoniacus autem iste apud Matthæum non solum mutus, sed & cæcus fuisse narratur. Tria igitur signa simul in uno homine pertrata sunt. Cæcus videt, mutus loquitur, possessus a dæmone liberatur: quod quotidie completur (4) in conversione credentium, ut expulso primum dæmone, fidei lumen aspiciant; deinde ad laudes Dei tacentia prius ora laxentur. C Y R I L L U S c. Hoc autem miraculo peracto, extollebat eum multitudo præconiis, & gloria quæ Deum decet: unde sequitur: *Et admirata sunt turba.* B E D A. Turbis autem, quæ minus eruditæ videbantur, Domini temper facta mirantibus, scribæ, & pharisæi vel negare, vel sinistra interpretatione pervertere laborabant; quasi non divinitatis, sed immundi spiritus opera fuissent: unde sequi-

tur: *Quidam autem ex eis dixerunt in Beelzebub principe dæmoniorum eiicit dæmonia.* Beelzebub Deus erat Accaron: nam Beel quidem ipse Baal, Zebub autem mus vocatur. Dicit autem Beelzebub, quasi vir muscarum; ex cuius spurcillimo ritu principem dæmoniorum cognominabant. C Y R I L L U S d. Alii vero paribus stimulatilibus aculeis, petebant ab eo celestis videre portentum: unde sequitur: *Alii tentantes signum de celo quærant ab eo;* quasi dicerent: Quamvis ab homine dæmonium eieceris, non tamen hoc est divinæ operationis argumentum: nondum enim vidimus aliquid prioribus simile miraculis: Moyses enim transiit populum per medium maris, Iosue vero successor eius solem retardavit in Gabaa: tu vero nihil horum ostendisti. Quærere enim prodigia de cælo innuit, quod huiusmodi cogitationibus tunc temporis afficiebantur erga Christum.

(e) C H R Y S O S T O M U S (hom. xlii. in Matth.) Cum pharisæorum suspicio irrationalis esset, metu multitudinis non audebant eam divulgare, sed in animo suo eam vertebant: unde dicitur: *Iste autem ut vidit cogitationes eorum, dixit eis: Omne regnum in se divisum desolabitur, & domus contra domum cadet.* B E D A (cap. xlviii. in Lucam.) Non addicta, sed ad cogitata respondit, ut vel sic compellerentur credere potentie eius, quæ cordis videbat occulta. (5) C H R Y S O S T O M U S (hom. xlii. in Matth.) Non autem respondebat ex Scripturis, quia non (6) attendebant, falso eas exponentes; sed ex his respondet quæ communiter accidunt. Domus enim, & civitas si fuerit divisa, velociter dissipatur, & etiam regnum, quo nihil est validius: firmat enim regna, & domos subditorum concordia. Si ergo, inquit, ego per dæmonem dæmonia eiicio, dissenso inter eos est, & perit virtus eorum: unde subdit: *Si autem & satanas in seipsum divisus est, quomodo stabit regnum eius: quia dicitis me in Beelzebub eiicere dæmonia?* Non enim satanas sibiipsi repugnat, nec suis satellitibus nocet, sed potius statuit regnum suum. Restat ergo quod divina virtute conteram satanam. A M E R U S I U S

(1) *Al.* Dominus. (2) *Dus* Veneta exempla supra citata, & *Autverpiense* habent: Dicitur autem mutus at in pluribus qui non loquitur. *P.* autem Nicolai legit: Dicitur autem Cophos ut in pluribus dec. (3) *Al.* B E D A, qui em habet etiam *P. Nicolai*. (4) *Al.* in confessione. (5) *Al.* C Y R I L L U S. (6) *P. Nicolai* legit: Non ostendebat illis, falso vcc.

EX EDITIONE P. NICOLAI.

a Non est in Glossa quæ nunc est. b In Matth. c In Cat. Græc. PP. d Ibid.

stus (Lib. VII. in Luc. de arg. pharis.) In hoc etiam ostendit regnum suum indivisum esse, atque perpetuum; & ideo qui non in Christo spem gerunt, sed in principe dæmoniorum eiicere dæmones opinantur, eos regni negat esse perpetui; quod spectat etiam ad populum Iudæorum. Quomodo enim potest regnum Iudæorum esse perpetuum, quando a legis populo Iesus negatur, qui ex lege debetur? Ita ex parte se fides Iudaicæ plebis impugnat, (1) impugnando dividitur, dividendo dissolvitur; & ideo regnum Ecclesiæ manebit æternum, quia individua fides corpus est unum. BEDA (cap. xlviii. in Lucam.) Regnum etiam Patris, & Filii, & Spiritus sancti non est divisum, quod est æterna stabilitate mansurum. Desistant igitur Arriani iuniorum Patre Filium, Filio vero Spiritum sanctum dicere: quia quorum unum est regnum, horum est & una maiestas. CHRYSOSTOMUS (hom. xlii. in Matth.) Hæc est prima solutio; secunda vero, quæ est de discipulis, quam ponit subdens: Si autem ego in Beelzebub eiicio dæmonia, filii vestri quo eiiciunt? Non dicit, Discipuli mei, sed filii vestri, volens eorum permulcere furor. CYRILLUS A. Iudæi namque, & a Iudeis, secundum carnem, exerciti sunt Christi discipuli; qui potestatem in spiritu immundos adepti erant a Christo, & oppressos ab eis in nomine Christi liberabant. Cum ergo filii vestri satanam in nomine meo conterunt, quomodo non habet multam amentiam, dicere me a Beelzebub virtutem habere? Damnabimini igitur ex fide natorum vestrorum: unde subditur: Ideo ipsi iudices vestri erunt. CHRYSOSTOMUS (hom. xlii. in Matth.) Quoniam enim ex vobis emanantes mihi obediunt, liquet quod condemnabunt operantes contraria. BEDA. Vel aliter. Filios Iudæorum exorcistas gentis illius significat, qui ad invocationem Dei eiiciebant dæmones; quasi dicat: Si expulsio dæmonum in filiis vestris Deo, non dæmonibus deputatur; quare in me idem opus non eandem habeat causam? Ergo ipsi vestri iudices erunt, non potestatem, sed operatione, dum illi expulsionem dæmonum Deo assignant, vos Beelzebub principi dæmoniorum. CYRILLUS B. Postquam ergo quod dicitis, calumniæ notam habet,

manifestum est quod in spiritu Dei eiicio dæmonia: unde subdit: Porro si in digito Dei eiicio dæmonia, profecto pervenit in vos regnum Dei. AUGUSTINUS de Consen. Evang. (Lib. II. cap. xxxviii.) Quod Lucas digitum Dei dicit, ubi Mattheus dixit spiritum, ab eadem sententia non recedit; quin potius & aliquid docet, ut noverimus quemadmodum intelligamus ubicumque Scripturarum legerimus digitum Dei. AUGUSTINUS de Quæst. Evang. (Lib. II. qu. xvii.) Dicitur autem Spiritus sanctus digitus Dei, propter (1) partitionem donorum, quæ in eo dantur unicuique propria, sive hominum, sive Angelorum: in nullis enim membris nostris magis apparet partitio quam in digitis. CYRILLUS C. Vel Spiritus sanctus dicitur digitus Dei: Filius enim manus, & brachium Patris dictus est: operatur enim Pater cuncta per eum. Sicut igitur digitus non est alienus a manu, sed ei naturaliter inlitus; sic Spiritus sanctus consubstantialiter connexus est Filio, & per eum omnia Filius operatur. AMBROSIVS (Lib. & cap. ubi supra.) Nec tamen tibi membrorum compactione nostrorum portio quædam videatur faciendi virtutis: individue enim rei non potest esse divisio: & ideo ad formam unitatis, non ad distinctionem potestatis referenda digiti nuncupatio est. ATHANASIUS (contra Arrianos orat. II.) Ad præsens autem non renuit Dominus gratia suæ humanitatis dicere se minorem Spiritu sancto, dicens se in eo dæmones eiicere, quasi non sufficiente humana natura ad dæmonum expulsionem, nisi virtute Spiritus sancti. CYRILLUS D. Et id eo convenienter dicitur: Pervenit in vos regnum Dei; id est, si ego homo existens in Spiritu divino eiicio dæmones, ditata est humana natura in me, & advenit regnum Dei. CHRYSOSTOMUS (hom. xlii. in Matth.) Dicit autem, Super vos, ut eos attraheret; quasi dicat: Si vobis adveniunt prospera, cur vestra bona fastiditis? AMBROSIVS (Lib. & cap. ut sup. circa med.) Simul ostendit etiam imperialem quamdam esse Spiritus sancti potestatem, in quo regnum est Dei; nos quoque, in quibus habitat Spiritus, esse regalem domum. TITUS E. Vel dicit, Pervenit in vos regnum Dei,

(1) A. implii gloria dividitur. (2) A. participationem.

EX EDITIONE P. NICOLAI.

a Ubi supra. b Ibidem. c In Thesuro Lib. XIII. cap. 11. d In Catena Græcorum PP. e In Matthæum.

Dei, ut intelligatur, pervenit contra vos, non pro vobis: horrendum enim est perfidis (1) Christi secundus adventus.

(f) CYRILLUS a. Quia necessarium erat per multas consideraciones detrahentium retractare sermonem, utitur nunc exemplo manifestissimo, quod demonstrat volentibus intueri, quod principem huius sæculi virtute sibi inſita viciat, dicens: *Cum fortis armatus custodit atrium suum, in pace sunt ea quæ possidet.* CHRYSOSTOMUS (homil. xlii. in Matth. circa med.) Fortem vocat diabolum, non quia naturaliter huiusmodi sit, sed innuens antiquam eius tyrannidem, quam pusillanimitas nostra causavit. CYRILLUS b. Erat enim ante Salvatoris adventum violentia multa, rapiens alienos greges, scilicet Dei, & quasi ad proprium ducens ovile. THEOPHYLACTUS. Arma autem eius sunt omnes species peccatorum, in quibus confidens invaluit contra homines. BEDA (cap. lxxviii. in Lucam.) Atrium vero illius mundum vocat, qui in maligno positus est, in quo usque ad Salvatoris adventum potiebatur imperio: quia in cordibus infidelium, sine ulla contradictione quiescebat; sed fortiori potentia Christus victor omnes homines liberando ipsum eiecit: unde subditur: *Si autem fecerit illo superveniens vicerit eum, universa arma eius auferet, in quibus confidebat, & spolia eius distribuens.* CYRILLUS c. Postquam enim Dei summi Verbum, torius fortitudinis dator, & Dominus virtutum, factum est homo, invasit illum, & arma eius abstulit. BEDA (super *Arma eius auferet.*) Sunt ergo arma eius astutiæ, dolique nequitiae spiritualis; spolia vero eius ipsi homines sunt ab eo decepti. CYRILLUS d. Nam qui dudum irriteriti fuerant ab eo Iudæi in divinam ignorantiam, & errorem, evocati sunt per sanctos Apostolos ad notitiam veritatis, & oblati sunt Deo Patri per fidem adhibitam Filio. BASILIUS e. Distribuit etiam spolia, exhibens fideles (2) custodias Angelorum ad hominum salutem. BEDA (ubi supra.) Victor etiam Christus spolia distribuit, quod est insigne triumphantis: quia captivam ducens captivitatem, dedit dona hominibus; quosdam quidem Apostolos, alios Evangeliz-

istas, hos Prophetas, illos pastores ordinans, & doctores. CHRYSOSTOMUS (homil. xlii. in Matth. circa med.) Deinde ponitur quarta solutio, cum subditur: *Qui non est mecum, adversum me est; quasi dicat: Ego volo homines offere Deo, satanas autem contrarium. Qualiter ergo qui mihi non cooperatur, sed dissipat quæ mea sunt, tam mihi consentaneus fieret ut una mecum eieceret demones?*

Sequitur: *Et qui non colligit mecum, dispergit.* CYRILLUS f. Quasi dicat: Ego veni, ut filios Dei ab eo dispersos congregem; at ipse satanas, cum mecum non sit, quæ collegi, & salvavi, tentat dispergere. Qualiter ergo qui meis dispensationibus reatigatur, virtutem mihi ministrat? CHRYSOSTOMUS (hom. xlii. in Matth. a med.) At si qui non cooperatur, adversarius est; multo magis qui obstat. Videtur tamen mihi & Iudæos ad præsens sub ænigmatè tangere, ordinans eos cum diabolo: nam & ipsi agebant contra eum, & dispergebant quos congregabat.

(g) CYRILLUS g. Post præmissa ostendit Dominus unde contigit populo Iudæorum ut ad (3) huiusmodi opiniones laberetur de Christo, dicens: *Cum immundus spiritus exierit ab homine, ambulat per loca iniqua, quarens requiem.* Quod enim hoc exemplum ad Iudæos spectet, Matthæus cap. xii. expresse dicens: "Sic erit & generatiori huic pessimæ." Quamdiu enim erant in Aegypto viventes ritu Aegyptiorum, inhabitabat in eis spiritus malignus; qui expulsi sunt ab eis, quando mactaverunt agnum in figura Christi, & liniti sunt eius sanguine, & sic evitarunt destructionem. AMBROSIVS (Lib. VI. in Luc. in cap. de arg. quibus pharisei &c.) Itaque in uno homine totius populi Iudaici comparatio est, a quo per legem spiritus immundus exierat. Sed quia in Gentibus, quorum corda prius arida erant, sed postmodum per baptismum rore Spiritus humefcebant, propter fidem Christi requiem diabolus invenire non potuit (immundus enim spiritibus Christus incendium est) ideo regressus est ad plebem Iudæorum: unde sequitur: *Et non inveniens dicit: Revortar in domum meam unde exivi.* ORIGENES h. Idem ad eos qui sunt ex Israel,

(1) Nescio addit Christiani. (2) M. custodiz. (3) M. huius.

EX EDITIONE P. NICOLAI.

a In Catena Græcorum PP. b In Ioan. Lib. X. cap. xi. c Ubi supra. d Ibidem. e In Esai. xlviii. f Ubi supra. g In Catena Græc. PP. h In Catena Græc. PP.

Israel; quos vidit nihil divinum in se continentes, sed desertos, & vacantes habitatiioni eius: unde sequitur: *Et cum venerit, invenit eam scopis mundatam.* AMBROSIVS (ubi supra.) Forensis enim, (1) & perfuntoria specie compta animo manet in interiore pollutio: neque enim sacri fontis irriguo aut abluebatur, aut (2) restinguebat ardorem: meritoque ad eam spiritus redibat immundus, adducens secum septem spiritus nequiores: unde sequitur: *Et tunc vadit, & assumit septem alios spiritus secum nequiores se; & ingressi habitant ibi:* quoniam scilicet in hebdomada legis, & octavæ (3) mysterium commisit. Itaque, ut nobis multipliciter sepius spiritus gratia; ita illis immundorum spirituum omnis cumulat in iuvicia: universitas enim hoc numero aliquoties comprehenditur. CHRYSOSTOMUS (hom. xlv. in Matth. a med.) Incoquunt autem animas Iudeorum demones peiores prioribus: nam tunc temporis in Prophetas læviebant, nunc vero ipsi Domino Prophetarum iniuriuntur; atque ideo a Vespasiano, & Tito peiora passi fuerant quam in AEGYPTO, & in BABYLONE: unde sequitur: *Et sunt novissima hominis illius peiora prioribus.* Tunc etiam aderat eis divina provisio, & gratia spiritus sancti; nunc vero etiam hac cura privantur: propter quod virtutis maior penuria nunc, & ærumna intensior, & dæmonum exactio sævior. CYRILLUS A. Sum etiam novissima peiora prioribus, secundum illud apostolicum II. Pet. ii. „Melius erat eis veritatis viam non cognoscere, quam post agnitam retroire.“ BEDA (cap. xlviii. super *Cum spiritus immundus.*) Potest etiam hoc accipere hæretico quolibet, vel schismatico, vel etiam malo catholico, de quo tempore baptismatis, spiritus exierat immundus, locaque iniqua peragravit; idest, corda fidelium, quæ a mollior fluxu cogitationis expurgata sunt, (4) callidus insidiator explorat, si quos ibi nequitie suæ gressus figere possit. Dicit autem: *Revertit in domum suam unde exiit:* in quo timendum est ne culpa, quam in nobis extindam credebamus, per incuriam nos vacantes opprimat. Invenit autem eam scopis mundatam, hoc est gratia baptismatis a

S. Th. Oper. Tom. V.

peccatorum labe castigata, sed nulla boni operis industria cumulata. Per septem autem malos spiritus, quos assumit, universa vitia designat. Nequiores autem dicuntur, quia non solum habebit illa septem vitia quæ septem spiritualibus sunt contraria virtutibus, sed etiam per hypocritam ipsas se virtutes habere simulabit. CHRYSOSTOMUS (hom. xlv. in Matth.) Non solum autem illis, sed & nobis fore dicta accipiamus quæ sequuntur: *Et erunt novissima hominis illius peiora prioribus:* quia si illustrati, & a pristinis malis remoti, denuo redimus ad eandem nequitiam, gravior deinceps erit poena sequentium peccatorum. BEDA (cap. xlviii. in Luc.) Posset etiam simpliciter intelligi, Dominum hæc ad distinctionem suorum, & fatanæ operum adiunxisse, quod scilicet ipse semper polluta mundare, fatanas vero mundata gravioribus sordibus contaminare fessinet.

(h) BEDA (cap. xlviii. in Lucam.) Scribis, & phariseis Dominum tentantibus, simul & blasphemantibus, incarnationem eius magna fiducia quædam mulier confitebatur: unde sequitur: *Falsum est autem cum hæc diceret, extollens vocem quædam mulier de turba dixit illi: Beatus venter qui te portavit, & ubera quæ suxisti: ubi & præsentium (5) calumniam, & futurorum confundit hæreticorum perfidiam: nam sicut tunc Iudæi, sancti Spiritus opera blasphemando verum Dei Filium negabant; sic hæretici postea negando Mariam semper virginem, Spiritus sancti cooperante virtute, nascituro unigenito Deo carnis suæ materiam ministrasse, verum consubstantialienque Patri Filium hominis fateri non debere dixerunt. Sed sicaro Verbi Dei secundum carnem nascentis, a carne Virginis matris pronuntiarum extranea, sine causa venter qui eum portasset, & ubera quæ lactasset (6) beatificatur. Qua vero consequentia eius lacte credatur nutritus ex cuius semine negatur conceptus; cum ex unius & eiusdem fontis origine, secundum physicos, uterque (7) liquor manare perhibetur? Non autem tantummodum quæ Verbum Dei corporaliter generare meruerat, sed & omnes qui idem Verbum spiritualiter audita fidei concipere, &*

Gc boni

(1) *M.* & perfuntoria (*item* perfuntoria) specie compta, ab imo manet &c. (2) *M.* restinguebat. (3) *Legit* Nicolai mysterium iniquitæ mentis commisit. (4) *M.* callidus. (5) *Nicolaus in Beda* addidit procerum. (6) *M.* beatificatus. (7) *M.* vigor.

boni operis custodia vel in suo, velin proximorum corde parere, & quasi alere studuerint, asserit esse beatos: sequitur enim: *At ille dixit: Quinimo beati qui audiunt verbum Dei, & custodiunt illud.* CHRYSOSTOMUS (homil. xiv. in Matth.) Non fuit hoc responsum repudiantis matrem, sed offendentis quod nihil ei partus profuisset, nisi valde bona, & fidelis fuisset. Ceterum si Mariæ non proderat sine virtutibus animæ Christum ab ea ortum traxisset; multo magis nobis sive patrem, sive fratrem, (1) sive filium virtuosum habeamus, nos autem obstitamus ab illius virtute, nequaquam hoc prodesse valebit. BEDA (cap. xlix. in Lucam.) Eadem autem Dei genitrix & inde quidem beata, quia Verbi incarnandi ministra est facta temporalis sed inde multo beator, quia eiusdem semper amandi custos manebat æterna. Hac etiam sententia sapientes Iudæorum percudit, qui Verbum Dei non audire, & custodire; sed negare, & blasphemare quærebant.

(1) BEDA (cap. xlix. in Lucam.) Duplici Dominus fuerat questione pulsatus. Quidam enim calumniabantur eum in Beelzebub cecisse demonia, quibus hæcenus est responsum; & alii tentantes, signum de cælo quærebant ab eo, quibus ab hinc respondere incipit: unde sequitur: *Turbis autem concurrentibus, cepit dicere: Generatio hæc, generatio nequam est.* AMBROSIVS (Lib. & tit. ut supra.) Ut scias synagogæ populum deformari, ubi Ecclesiæ beatitudo laudatur. Sicut autem fuit Ionas signum Ninivitis, ita erit & Filius hominis Iudæis: unde subditur: *Signum quæris; & signum non dabitur ei, nisi signum Iona Propheta.* BASILIUS. Signum est res in propatulo posita, alicuius occulti continens in se declarationem; sicut Ionæ signum descensum ad inferos, ac iterum ascensum Christi, (2) & resurrectionem a mortuis representant: unde subditur: *Nam sicut Ionas fuit signum Ninivitis, ita & Filius hominis generationi istæ.* BEDA (super Signum non dabitur.) Signum eis tribuit, non de cælo, quia indigni erant videre; sed de profundo interni, signum scilicet incarnationis, non divinitatis, passionis, non glorificationis. AMBROSIVS

(ubi supra.) Ut autem Ionæ (3) typus signum dominicæ passionis est, ita etiam gravium, quæ Iudæi commiserunt, testificatio peccatorum est. Simul advertere licet & maiestatis oraculum, & pietatis iudicium: namque Ninivitarum exemplo & denuntiatur supplicium, & remedium demonstratur: unde etiam debent Iudæi non desperare indulgentiam, si velint agere poenitentiam. THEOPHYLACTUS (super *Nisi hæc Propheta.*) Sed Ionas post exitum suum a ventre ceti, sua prædicatione Ninivitas convertit; Christo vero resurgenti Iudæorum generatio non credidit: unde præiudicium fuit eis; de quo præiudicio subdit duplex exemplum, cum dicitur: *Regina Austri surget in iudicio cum viris generationis huius, & condemnabit illos.* BEDA (super *Regina Austri.*) Non utique potestate iudicii, sed comparatione facti melioris: unde sequitur: *Quia venit a finibus terra audire sapientiam Salomonis; & ecce plusquam Salomon hic.* Hic in isto loco non pronomen est, sed adverbium loci, & significat: Idem, in præsentiarum inter vos convertatur qui incomparabiliter est Salomone præstantior. (4) CYRILLUS. Non autem dixit, Maior Salomone ego sum, ut persuadeat nobis humiliari, est secundum sumus spiritualium gratiarum; quasi dicat: Fessinavit ad audiendum Salomonem mulier barbara, per tam longum iter audicura scientiam visibilibus animantium, & vires herbarum; vos autem cum aliffatis, & audiat de invisibilibus, & cælestibus ipsam sapientiam vos instruam, & verba signis, & operibus comprobantem; alienamini contra verbum, & miracula insensibiliter præteritis. BEDA (cap. xlix. in Lucam.) Si autem Regina Austri, quæ electa esse non dubitatur, surget in iudicio cum reprobis, ostenditur una cunctorum, bonorum scilicet, malorumque, resurrectio mortalium; & hoc non iuxta fabulas Iudæorum mille annis ante iudicium, sed in ipso esse futura iudicio. AMBROSIVS (Lib. & tit. ut supra.) In hoc quoque Iudæorum plebem dampnam, Ecclesiæ mysterium vehementer exprimit, cum in Regina Austri per studium percipiendæ sapientiæ de totius orbis finibus congregatur, ut percipi-

(2) Al. sive filium, virtuosumque habeamus, nos autem obstitamus ab illius virtute &c. (3) Al. vultus &c. (4) Ordinem mutat Nicetas in hunc modum. Ut autem Ionæ signum typus fuit &c. (4) Al. CHRYSOSTOMUS.

effici Salomonis verba cognoscat: Regina plane, cuius regnum est indivisum, de diversis, & distantibus populis in unum corpus assurgens. GREGORIUS Nissenus. Sicut autem illa Regina erat Aethiopum, & longe distans, sic in principio nigra erat Ecclesia Gentium, & multum distabat a veri Dei notitia; ut ubi pacificus Christus emicuit, tunc, cæcutionibus Iudæis, accedunt Gentiles, offeruntque Christo pietatis aromata, & aurum divinæ notitiæ, & gemmas, obedientiam scilicet præceptorum. THEOPHYLACTUS (super *Regina Aethiopia*.) Vel quia auster laudatur in Scriptura, sicut calidus, & vivificans. Anima igitur regnans in austro, idest in spirituali conversatione, venit audire sapientiam Salomonis Regis pacifici Domini Dei nostri; idest, in contemplationem erigitur: ad quam nullus pervenit, nisi regnet in bona vita. Ponit autem consequenter exemplum de Ninivitis, dicens: *Viri Ninivite surgent in iudicio cum generatione hac, & condemnabunt illam.* CHRYSOSTOMUS b (homil. xlv. in Matth. in oper. imperfecto.) Condamnationis iudicium ex similibus, vel dissimilibus fit: ex similibus quidem sicut in parabola de decem virginibus; ex dissimilibus autem, sicut cum Ninivite condemnant eos qui erant tempore Christi, ut sic fiat condemnatio clarior: nam illi quidem barbari, hi vero Iudæi; hi resecti prophetis documentis, illi nunquam acceperant auditum divinum; illuc ivit servus, huc dominus; ille everlionem prædicabat, iste regnum celorum annuntiat. Notum est ergo cuilibet quod Iudæus decebat potius credere: accidit autem contrarium: unde subdit: *Quia poenitentiam egerunt in predicatione Iona; & ecce plusquam Iona hic.* AMBROSIVS (ubi sup. cir. finem.) Secundum mysterium autem, ex duobus constat Ecclesia: ut aut peccare nesciat, quod scilicet pertinet ad Austri Regnam; aut peccaro delinat, quod scilicet pertinet ad Ninivitas poenitentiam agentes. Poenitentia enim delictum abolet, sapientia cavet. AUGUSTINUS de Con. Evan. (Lib. II. cap. xxxix.) Hoc autem Lucas narrat eo loco quidem quo Matthæus, sed aliquanto dispari ordine. Quis autem

non videat supersuò quæri quo illa ordine Dominus dixerit; cum & hoc dicere (1) debeamus per Evangelistarum excellentissimam auctoritatem, (2) non esse mendacium, si quisque non hoc ordine cuiusquam sermonem digesserit quo ille a quo processit, cum ipsius ordinis aihil interit ad rem, sive ita sit, sive ita?

(k) CYRILLUS. Dicebant Iudæi Dominum exercere miracula, non propter fidem, sed propter applausum videntium. R. probat igitur præsentem calumniam, inducens exemplum lucernæ, cum dicit: *Nemo lucernam accendit, & in abscondito ponit, neque sub modio, sed supra candelabrum, ut qui ingreditur, lumen videant.* BEDA (cap. I. in Lucam.) De seipso Dominus hic loquitur, ostendens, etiam supra dixerit nullum generationi nequam, nisi signum lonæ dandum, nequaquam tamen lucis suæ claritatem fidelibus occultandam. Ipse quidem lucernam accendit, qui testam humanæ naturæ flamma suæ divinitatis implevit: quam processit lucernam nec credentibus abscondere, nec modio supponere, hoc est sub mensura legis includere, vel intra annus Iudææ gentis terminos voluit cohibere; sed supra candelabrum posuit, idest Ecclesiam: quia in nostris frontibus fidem suæ incarnationis affixit, ut qui Ecclesiam fideliter ingredi voluerint, lumen veritatis palam queant intueri. Denique præcepit ne opera tantummodo, sed & cogitationes, & ipsas etiam cordis intentiones mundare, & castigare meminerint: nam sequitur: *Lucerna corporis tui est oculus tuus.* AMBROSIVS (Lib. VII. cap. de similitudine qua ad ostensionem fidei exhortamur.) Vel lucerna fides est; iuxta quod scriptum est Psal. cxviii. „Luce, cerna pedibus meis verbum tuum, & mine.“ Verbum enim Dei fides nostræ est. Lucerna autem lucere non potest, nisi aliunde lumen acceperit: unde & virtus nostræ mentis, & sensus accenditur, ut mna quæ perierat possit reperiri. Nemo ergo fidem sub lege constituit: lex enim intra mensuram est, ultra mensuram gratia: lex obumbrat, gratia clarificat. THEOPHYLACTUS. Vel aliter. Quia Iudæi videntes miracula accusabant ex eorum men-

G c 2 tis

(1) *Al.* habeamus. (2) *Al.* non esse mendacium? Sed quisque &c.

EX EDITIONE P. NICOLAI.

* Hom. VII. in Cant. 1. b In Cat. Græc. Non occurrit expresse sub his verbis, etsi talis aliquid colligi potest quo ad priorem partem ex hom. xxv. super Gen. quo ad posteriorem vero ex hom. xlv. in Matth. & hom. xxx. Operis imperf. e In Cat. Græc. II.

tis malitia, propter hoc dicit Dominus, quod accipientes lucernam a Deo, intellectum scilicet, (1) æmulatione obscurati, miracula, & beneficia non cognoscunt. Sed ad hoc intellectum a Deo suscepimus, ut supra candelabrum poneremus, ut etiam alii qui ingrediuntur, lumen videant. Sapientis quidem iam ingressus est; qui vero addidit, adhuc ambulat. Quali pharisæis dicitur: Oportet vos uti intellectu ad miraculorum notitiam, & aliis declarare: quoniam quæ videtis sunt opera non Belsæbub, sed Filii Dei: unde secundum hunc intellectum subdit: *Lucerna corporis tui est oculus tuus.* ORIGENES *a.* Oculum quippe appellat proprie intellectum nostrum; totam autem animam, quamvis non corpoream, hic tropologicè vocat corpus; illustratur enim ab intellectu anima tota. THEOPHYLACTUS. Sicut autem corporis oculus si lucidus fuerit, corpus lucidum erit; si vero tenebrosus, & corpus similiter tenebrosus: sic comparatur intellectus ad animam: unde subditur: *Si oculus tuus fuerit simplex, totum corpus tuum lucidum erit; si autem nequam, totum corpus tuum tenebrosus erit.* ORIGENES *b.* Intellectus enim a suo principio in solo simplicitatis studio est, nullam continentis duplicitem, & dolum, & divisionem in se. CHRYSOSTOMUS (*c* homil. xxi. in opere imperf.) Si ergo intellectum corruerimus, qui potest solvere passionem, totam læsumus animam, patimurque diram caliginem, perverfione exæcati intellectus: unde subdit: *Vide ergo ne lumen quod in te est, tenebra fuit.* Non sensibiles dicit tenebras, sed intrinsecas habentes originem, & quas nobiscum passim deferimus, extincto nobis oculo animæ; de cuius luminis virtute subdit dicens: *Si ergo corpus tuum totum lucidum fuerit, non habens aliquam partem tenebrarum, erit lucidum totum, & sicut lucerna fulgoris illuminabit te.* ORIGENES *d.* Id est, si corpus tuum sensibile factum est luminosum, illustrato corpore a lucerna, adeo ut non amplius in te sit membrum tenebrosus; multo magis te non peccante, in tantum fiet lucidum totum tuum corpus spi-

rituale ut comparentur splendores eius illis. Iltranti lucernæ, dum lux quæ erat in corpore, quæ conseruaret esse caligo, dirigitur quocumque præceperit intellectus. GREGORIUS Nazianzenus *e.* Velaliter. Ecclesiæ lucerna, & oculus est prælati. Necesse est ergo ut, sicut (2) oculo puro verum habente corpus dirigitur, impuro vero existente deviat, sic & in prælati, qualitercumque se habet, oportet pariter naufragium pati Ecclesia, vel saluari. GREGORIUS XXVIII. Mor. (super illud Iob xxxix. *Quis tetendit super eam lineam?* cap. vi. in antiq. codd. cap. xxi.) Velaliter appellatione corporis unaquæque actio intelligitur, quæ intentionem suam quasi inuentum oculum sequitur: unde dicitur: *Lucerna itaque corporis tui est oculus tuus*, quia per bonæ intentionis radium merita illustrantur actionis. *Si ergo oculus tuus simplex fuerit, totum corpus tuum lucidum erit*: quia si recte intendimus per simplicitatem cogitationis, bonum opus efficitur, etiam si minus bonum esse videatur: *& si oculus tuus nequam fuerit, totum corpus tuum tenebrosus erit*: quia cum perversa intentione quid (3) vel rectum agitur, etsi splendore coram hominibus cernitur, tamen apud examinem interni indicis obscuratur: unde & recte subditur: *Vide ergo ne lumen quod in te est, tenebra fuit*: quia si hoc quod bene nos agere credimus, ex mala intentione fulcimus; quanta ipsa mala sunt quæ mala esse, & cum agimus, non ignoramus? BEDA (cap. l. in Lucam.) Cum autem subdit, *Si ergo corpus tuum lucidum fuerit* &c. totum corpus nostrum omnia opera nostra dicit. Si igitur bonum bonæ intentione paraveris, non habens in tua conscientia aliquam partem tenebræ cogitationis, etsi contigerit aliquem proximorum tua bona actione noceri, tu tamen pro tuo simplici corde, & hic gratia, & in futuro lucis gloria donaberis. Quod significat subdens: *Et sicut lucerna fulgoris illuminabit te.* Hæc contra hypocritarum pharisæorum sub dolo signa querentium, specialiter dicta sunt.

(1) CYRILLUS *f.* Pharisæus quamvis tenax

(1) *Al.* ex æmulatione. (2) *Legit* Nicolai oculo se pure habente corpus dirigitur. (3) *Al.* vel recte.

EX EDITIONE P. NICOLAI.

a In Cetena Græc. PP. in Origene non occurrit, sed aliquid simile Chrysostomi nomine hom. xxx. Operis imperf. *b* Ubi supra. *c* Hom. xxi. in Matth. non eodem tenore quo hic, sed malis interiectionibus, & planiore sensu. *d* Ut supra. *e* Epist. xxvi. quam ad Crisostomum ex nomine patris ab ipso scriptam inscriptio ipsa præfereat. *f* In Cat. Græc. PP.

tenax esset sui propositi, Dominum tamen in propriam domum vocat : unde dicitur : *Et cum loqueretur, rogavit illum quidam pharisæus ut pranderet apud se.* BEDA (cap. 11. in Lucam.) Consule Lucas non ait, Et cum hæc loqueretur; sed *Cum loqueretur*, ut ostendat cum non statim finitis quæ proposuerat verbis, sed aliquot interpositis, apud pharisæum prandere rogatum. AUGUSTINUS de Con. Evang. (Lib. II. cap. xxvi.) Ut enim hoc Lucas narraret, digressus est a Matthæo citra illum locum ubi ambo commemoraverant quod dictum est a Domino de signo Ionæ, & de Regina Austri, & de Ninivitis, & de spiritu immundo: post quem sermonem dicit Matthæus cap. xxiii. „Ad hoc eo loquente ad turbas, ecce mater eius, & fratres stabant foris, quærentes ei loqui.“ Lucas autem in eo sermone Domini, commemoratis etiam quibusdam quæ Matthæus dixisse Dominum prætermisit, ab ordine quem cum Matthæo tenuerat, digreditur. BEDA (cap. 11. in Lucam.) Itaque postquam nuntiatis sibi foris matre, & fratribus, ait Matth. xxi. „Qui enim fecit voluntatem Domini, hic frater meus, & soror mea, & mater est:“ datur intelligi, (1) rogatu pharisæi intrasse convivium. CYRILLUS a. Sed ipse Christus, qui eorum pharisæorum nequitiam noverat, dispensative descendit, latagens commonere eos, ad similitudinem optimorum medicorum, qui graves infirmantibus afferunt remedia suæ indusiriæ: unde sequitur: *Et ingressus recubuit.* Dedit autem occasionem verbis Christi indocilis pharisæus scandalizatus, quia cum opinaretur eum iustum, & Prophetam, non conformabatur irrationali eorum consuetudini: unde subditur: *Pharisæus autem cepit intra se reputans dicere, quare non baptizatus esset ante prandium.* AUGUSTINUS de Verbis Dom. (serm. xxx.) Omni enim die pharisæi antequam pranderent, abluabant se aqua; quasi quotidiana lavatio possit cordis esse mundatio. Apud seipsum autem pharisæus cogitavit, voce non sonuit; ille tamen audivit qui interiora cernebat: unde sequitur: *Et ait Dominus ad illum: Nunc vos pharisæi quod de foris est calicis, & catini mundatis; quod autem intus est vestrum, plenum est rapina, & iniquitate.* CYRILLUS b. Poterat autem

Dominus & aliis uti verbis, commonens pharisæum insanum; capiat tamen tempus, & ex his quæ erant præ manibus contextit documentum. Hora namque mensæ, & pabuli, sumit pro exemplo calicem, & catinum; ostendens quod mundos, & lotos decet esse sincere ministrante Deo non solum a sporcitia corporali, immo ab e quæ latet intrinsecus penes mentem: sicut ali quod vasorum, quibus servitur in mensa, bonum est & extrinsecus, & intrinsecus carere contagiis. AMBROSIVS (Lib. VII. in Lucam cap. de redarg. interioris immunditiæ.) Vide autem corpora nostra terrenorum, & fragilium expresse significari, quæ brevi lapsu præcipitata franguntur, & facile ea quæ mens voluit interne, per sensus, & gesta corporis prodiit; sicut illa quæ calix interior continet, foris luccit: unde & in posterioribus non dubium est vocabulo calicis passionem corporis declarari. Cernis igitur quod nos non exteriora huius calicis, & catini, sed interiora contaminant; quia dixit: *Quod intus est vestrum, plenum est rapina, & iniquitate.* AUGUSTINUS de Ver. Dom. (ser. xxx.) Sed quomodo non pepercit homini a quo fuerat invitatus? Magis quidem obiurgando pepercit, ut correctio in iudicio parceret. Deinde ostendit nobis quia & baptisma quod semel adhibetur, per hunc mundat; fides autem intus est, non foris. Fidem autem contemnebant pharisæi, & quod foris erat (2) lavabant, intus inquinatissimi manebant; quod Dominus improbat dicens: *Stulti, nonne qui fecit quod de foris est, etiam id quod intus est fecit?* BEDA (super illud, *Stulti, nonne qui fecit &c.*) Quasi dicat: Qui utramque hominis naturam fecit, utramque mundi dari desiderat. Hoc est contra Manichæos, qui animam tantum a Deo, carnem vero putant a diabolo creatam. Hoc etiam est contra illos qui corporalia peccata, fornicationem scilicet, & furtum, & cetera talia peccata, quasi gravissima detestantur; spiritualia vero, quæ non minus damnant Apostolus, ut levia contemnuat. AMBROSIVS (ubi supra.) Dominus autem quasi bonus præceptor docuit quomodo nostricorporis mundare contagium debeamus, dicens: *Verumtamen quod superest date elemosynam; & ecce omnia munda sunt vobis.* Vides

(1) *Al. rogatus.* (2) *Al. laudabanti.*

des quanta remedia . Mundat nos misericordia , mundat nos Dei sermo : iuxta quod scriptum est Ioan. xv. „ Iam vos mundi estis „ propter sermonem quem locutus sum „ vobis . “ **AUGUSTINUS** de Eleemofyna a . Misericors monet misericordiam fieri : & quia lervare quærit quos magno redemit pretio , post gratiam baptismi fordidatos , docet denuo posse (1) purgari . **CHRYSOSTOMUS** b . Dicit autem , *Date eleemofynam* , non iniustitiam : est enim eleemofyna quæ caret iniustitia qualibet : hæc omnia facit munda , & ieiunio est præstantior ; quod quamvis sit laboriosius , illa tamen est lucrosior . Illustrat animam , impinguat , bonam efficit , & decoram . Qui cogitat misereri roganti , citius a peccatis desistit . Sicut enim medicus qui crebro vulneratis medetur , frangitur de facili in ærumnis aliorum ; sic & nos si vacaverimus egenorum auxiliis , de facili contemnemus præsentia , & in calum levabimur . Non parvum est igitur eleemofynæ cataplasma , cum valeat omnibus apponi vulneribus . **BEDA** (cap. 11. in Lucam .) Dicit autem , *Quod superest* , scilicet necessario victui , & vestimento . Neque enim ita faciendi iubetur eleemofyna ut teipsum consumas inopia , sed ut tui cura corporis expleta , inopem quantum vales sustentis . Vel ita intelligendum , *Quod superest* , idest quod tam multo scelere præoccupatis solum remedium restat , *date eleemofynam* : qui sermo ad omnia quæ utili miseratione fiunt , valet : non enim solum qui dat esurienti cibum , & cetera huiusmodi , verum etiam qui dat veniam (2) peccanti , atque orat pro eo : & qui corripit , & aliqua emendatoria pœna plectit , eleemofynam dat . **THEOPHYLACTUS** (hoc loco .) Vel dicit , *Quod superest* : nam facultates præbident cupiditatis . **AMEROSIUS** (Lib. VII. tit. de redarg. int. immunditiæ .) Totus itaque pulcherrimus ab hinc dirigitur locus , ut quoniam nos ad studium simplicitatis invitat , superflua ludæorum , & terrena condemnent . Et tamen ipsis peccatorum abolitio promittitur , si misericordiam consequantur ,

AUGUSTINUS de Verbo. Dom. (*sermo* , xxx. a med.) Si autem mundari non possunt nisi credentes in eum qui fide mundat cor , quid est quod dicit : *Date eleemofynam* , & *accipite omnia munda sunt vobis* ? Attendamus : forte & ipse exponit . Illi enim de omnibus suis fructibus decimam partem detrahebant , & eleemofynas dabant , quod non facile aliquis facit Christianus . Irriserunt ergo illum eis hoc dicentem , quasi hominibus qui eleemofynas non facerent . Hoc Deus sciens subiungit : *Sed va vobis pharisæis , qui decimatis mentham , & rutam , & omne olus , & præteritis iudicium , & caritatem Dei* . Non ergo est hoc facere eleemofynam : facere enim eleemofynam , est facere misericordiam . Si intelligis , a te incipe : quomodo enim es misericors alteri , si crudelis es tibi ? Audi Scripturam dicentem Eccli. xxx. „ Mitle „ rene animæ tuæ , placens Deo . “ Redi ad conscientiam tuam quicumque male , aut infideliter vivis ; & ibi invenis mendicantem animam tuam , vel forte egestate obmutescens . In iudicio , & caritate fac eleemofynam cum anima tua . Quid est iudicium ? Displace tibi . Quid est caritas ? Dilige Deum , dilige proximum . Hanc eleemofynam si prætermittis , quantumvis ames , nihil facis quando tecum non facis . **CYRILLUS** e . Vel hoc dicit in phariseorum reprehensione : quia illa sola præcepta attentius observari iubeant a populis subiectis quæ causa erant illis reddituum secundorum : unde nec minima olerum ponebant ; opus autem ingerendæ dilectionis ad Deum , & iudicii iustam censuram negligebant . **THEOPHYLACTUS** (*super Præteritis iudicium , & caritatem Dei* .) Quia enim Deum contemnebant , indifferenter sacra tractantes , præcipit eis dilectionem Dei habere . Per iudicium vero dilectionem innuit proximi : nam quod aliquis iuste iudicat proximo , ex eius dilectione provenit . **AMEROSIUS** (*Lib. & tit. ut supra* .) Vel iudicium , ideo quia non omnia quæ agunt in iudicium referunt ; caritatem , (3) ideo quia non ex affectu diligunt

(1) *Al. serva i.* (2) *Al. peccanti.* (3) *Al. deest* Ideo.

EX EDITIONE P. NICOLAI.

* Immo potius Cyprianus in epist. de opere , & eleemofynis , cuius meminit sub hæc inscriptione ipsemet Augustinus Lib. VI. ad Bonifacium cap. viii. cum de eleemofyna tamen inscripserint aliqui , vel etiam de Misericordia , ut Hieronymus eam citat ad Pammach. de obitu Paulinæ . * In Catena Græc. PP. ex hominis in Ioan. e Ubi supra .

figunt Deum. Sed ne rursus fidei studiosos nos faciat operum negligentes, perfectionem fidelis viri brevi sermone concludit, ut & fide, & operibus approbatur, dicens: *Hæc autem oportuit facere, & illa non omittere.* CHRYSOSTOMUS (hom. lxxiv. in Matth.) Ubi quidem sermo Iudaicæ mundationis agebatur, totaliter præterivit; sed quia decima elemosyna quædam est, & nondum erat tempus expresse interimendi legalia, propter hoc dicit: *Hæc oportuit facere.* AMBROSIVS (ubi supra a med.) Arrogantiam quoque instantium Iudeorum redarguit, dum primatus appetit: sequitur enim: *Va vobis pharisæi, qui diligitis primas cathedras in synagogis, & sedulationes in foro.* CYRILLUS a. Per ea quibus illos reprehendit, nos facit meliores: vult etenim nos ambitione carere, & non plus venari apparentiam quam veri existentiam; quod tunc pharisæi agebant. Salutari enim ab aliquibus, & præsidere eis, non vere nos idoneos esse ostendit, pluribus enim hæc contingunt, cum boni non sint: unde subdit: *Va vobis qui estis ut monumenta, quæ non apparent.* Volentes enim ab hominibus salutari, & eis præsidere, ut magni æstimentur, ab occultis sepulcris non differunt, quæ nitent quidem extrinsecus ornamentis, sunt autem plena omni spurcia. AMBROSIVS (ubi supra a med.) Et quasi sepulcra, quæ non apparent, specie fallunt, visuque decipiunt transeuntes: unde sequitur: *Et homines ambulantes supra nesciunt;* ita scilicet ut cum foris speciosa promittant, plena (1) intus foetoris includant. CHRYSOSTOMUS (hom. lxxiv. in Matth.) Sed quod tales extiterint pharisæi, non est mirabile; si autem nosdigni reputati fieri templa Dei, famus repente sepulcra solum foetorem continentia, hoc est extremæ miseris. CYRILLUS b. Ait autem hic Apostata Iulianus, vitanda esse sepulcra, quæ Christus ipse ait esse imunda; sed ignoravit vim verborum Salvatoris: non enim iussit a monumentis discedere, sed eis comparavit pharisæorum (2) fictitium populum.

(m) CYRILLUS c. Redargutio quæ manifestos transfert in melius, superbis hominibus communiter intolerabilis esse solet;

unde cum Salvator reprehenderet pharisæos tamquam deviantes a recto calle, percellabatur ex hoc legisperitorum caterva: unde dicitur: *Respondens autem quidam ex legisperitis, ait illi: Magister, hæc dicens, etiam nobis contumeliam facis.* BEDA (cap. 11. a medio.) Quam misera conscientia quæ auditore Dei verbo, sibi contumeliam fieri putat, & commemorata pœna perditionem, se semper intelligit esse damnandam. THEOPHYLACTUS (hoc loco.) Erant autem alii legisperiti a pharisæis: nam pharisæi divisi ab aliis, quasi religiosi videbantur; legis autem periti scribæ erant, doctoresque quæstiones legis solventes. CYRILLUS d. Christus autem legisperitis invecivam ingerit, & deprimit vanum eorum supercilium: unde sequitur: *At ille ait: Et vobis legisperitis va: quia homines oneratis oneribus quæ portare non possunt, & ipsi uno digito non tangitis sarcinas.* Exemplo patenti utitur ad eos dirigendum. Erat lex onerosa Iudeis, ut fatentur Christi discipuli; ipsi vero facies importabiles legis colligantes, & subditis superponentes, ipsi nullatenus operari curabant. THEOPHYLACTUS (super *Oneratis homines.*) Quoties etiam doctor facit quæ docet, alleviat fasces, tradens exemplum seipsum; quando vero nil agit eorum quæ docet, tunc graves facies videntur eis qui doctrinam suscipiunt, ut pote qui nec a doctore possunt portari. BEDA (cap. 11. ubi supra.) Recte autem audiunt quod sarcinas legis uno digito non tangerent; hoc est, nec in minimis quidem eam perficerent, quam se contra morem patrum sine fide, & gratia Christi servare, & servanda tradere præsumebant. GREGORIUS e. Tales quoque modo plures sunt iudices severi peccantium, & debiles agonisæ; intolerabiles legisatores, & debiles portitores; nec appropinquare volentes, nec palpate vitæ honestatem, quam irremediabiliter exigunt a subiectis. CYRILLUS f. Postquam igitur reproboavit onerosam legisperitorum officinam, inducit communem invecivam in cunctos principes Iudeorum, dicens: *Va vobis qui adificatis monumenta prophetarum, & patres vestri occiderunt illos.* AMBROSIVS (ubi supra a med.) Bonus est hic locus adver-

sus

(1) *M. omittitur intus.* (2) *Nicolaus legis factorem.*

EX EDITIONE P. NICOLAI

* In Catena Græc. PP. 4 Ibidem, & eadem Iulianum. * In Cat. Græc. PP. 4 Ubi supra. * Nisemus in Cat. Græc. PP. f Ibid.

fus superstitionem vanissimam Iudæorum : quia ædificando sepulchra Prophetarum, patrum suorum sacra damnabant; æmulando autem paternæ scelera, in seiplos sententiam retorquebant: non enim ædificatio, sed æmulatio loco criminis æstimatur: unde subdit: *Profecto testificamini quod confitentis operibus patrum vestrorum: quoniam quidem ipsi eos occiderunt, vos autem ædificatis eorum sepulchra* BEDA (cap. li. in Lucam.) Simulabant quidem se, ob favorem vulgi captandum, patrum suorum horrere perhædum, memorias Prophetarum qui ab eis occisi sunt, magnifice ornandos sed ipso ore testificantur quantum paternæ nequitie consentiant, iniuriis agendo Dominum a Prophetis prænuntiatum: unde subditur: *Prophetæ & sapientia Dei dixit: Mittam ad vos Prophetas, & Apostolos; & ex illis occident, & persequentur*. AMBROSIVS (ubi supra.) Dei sapientia Christus est. Denique in Matthæo cap. xxiii. habes: „Ecce ego mitto ad vos Prophetas, & Sapientes.“ BEDA (cap. xxxi.) Si autem eadem sapientia Dei Prophetas, Apostolos, que misit, cessant hæretici Christo ex Virgine principium dare; omitant alium legis, & Prophetarum, alium novi testamenti Deum prædicare; quamvis sæpe etiam apostolica Scriptura Prophetas non eos solum qui futuram Christi incarnationem, sed eos qui futura cælestis regni gaudia prædicunt appellet. Sed nequaquam hos crediderim Apostolis in catalogi ordine præferendos. ATHANASIUS (in Apolog. de fuga sua.) Sive autem occidant, mors occisorum altius contra eos clamabit: sive persequantur, memorialia suæ iniquitatis emittunt. Fuga enim persecutionem passorum in magnum redundat persequentium crimen: nemo enim pium & mansuetum fugit, sed potius austerum, & moribus imbutum iniquis: & ideo sequitur: *Ut inquiratur sanguis omnium Prophetarum, qui effusus est a constitutione mundi a generatione ista*. BEDA (super illud, *Ut inquiratur sanguis*.) Queritur quomodo sanguis omnium Prophetarum, atque iustorum ab una Iudæorum generatione requiratur, cum multi sanctorum, sive ante incarnationem, sive post, ab aliis nationibus sint interempti. Sed moris est Scripturarum duas sæpe generationes hominum, bo-

norum, maiorumque computare. CYRILLUS a. Etti ergo dicat demonstrative, *A generatione ista*, non exprimit solum tunc astantes, & audientes, sed quemlibet homicidam: aluitur enim simili similitudine. CHRYSOSTOMUS (hom. lxxv. in Matth. ante med.) Ceterum hic dicat, Iudæos graviora passuros; hoc non immerito fit, eo quod & peiora omnibus ausi sunt, & nullo prætorum castigati fuerunt; sed cum vidissent alios peccasse, & punitos fuisse, non fuerunt meliores effecti, sed similia commiserunt; non autem ita quod pro commissis aliorum alii luant poenam. THEOPHYLACTUS. Offendit autem Dominus Iudæos esse heredes malitiae Cain, ex eo quod subdit: *A sanguine Abel usque ad sanguinem Zachariae, qui perit inter altare & ædem*. Abel siquidem a Cain occisus est; Zachariam autem, quem occiderunt inter altare & ædem, quidam dicunt esse antiquum Zachariam filium Ioiadæ Sacerdotis. BEDA (cap. li. non procul a fin.) Quare igitur a sanguine Abel, qui primus martyrium pessus est, mirum non est; sed quare usque ad sanguinem Zachariae, querendum est, cum & multi post eum ulque ad nativitatem Christi, & ipso mox nato innocentes perempti sint; nisi forte, quia Abel pastor ovium, Zacharias Sacerdos fuit, & hic in campo, ille in atrio templi necatus est, utriusque gradus martyres, & laici scilicet, & altaris officio mancipati, sub eorum intimantur vocabulo. GREGORIUS NISSENEUS b. Quidam autem dicunt, quod Zacharias pater Ioannis spiritu prophetie conciens mysterium virginis intachæ Dei genitricis, nequaquam sequestravit illam a loco templi virginibus deputato, volens offendere quod in potestate conditoris omnium erat novum ortum offendere, qui enixe vigorem cælibatus non auferret. Erat autem hic locus medius inter altare & ædem, in qua erat altare æneum (c) situm, ubi propter hoc eum occiderunt. Aiant etiam, quod, cum audirent Regem mundi venturum, dispense facie metu subiectionis aggrediuntur eum qui attestabatur ortum ipsius, mactantes sacerdotem in templo. GRAECUS d. Alii autem aliam causam dicunt esse interitus Zachariae: cum enim occiderentur infantes, magnus Ioannes cum coetaneis suis occidendus erat;

(a) Al. suum.

EX EDITIONE P. NICOLAI.

a Ubi supra. b Orat. in diem natalem Christi, c Vel Geometes in Cat. Geom. 72.

erat; sed Elisabeth eripiens filium de medio cædis, petit eremum: unde cum satellitibus Herodis Elisabeth, & puerum non invenirent, convertunt iram in Zachariam, occidentes ipsum ministrantem in templo.

Sequitur: (1) *Va vobis legisperitis, qui tollitis clavem scientiæ.* BASILIUS *n.* Hæc vox *va*, quæ intolerabilibus profertur doloribus, eis convenit qui paulo post detruendi erant in grave supplicium. CYRILLUS *b.* Clavem autem scientiæ ipsam dicimus esse legem: erat enim (2) *lex umbra*, & figura iustitiæ Christi. Docebat ergo legisperitos quasi indagantes legem Moysi, & dicta Prophetarum, referre quodammodo populo Iudæorum inuas noritiæ Christi. Hoc autem non fecerunt, sed e contra derogabant divinis miraculis, & contra eius dogmata clamabant, Quid eum audiris? (3) Sic igitur tulerunt, idest abstulerunt, clavem scientiæ: unde sequitur: *Ipsi non intellegitis, & eos qui introibant prohibuistis.* Sed & fides est clavis scientiæ: prohi- bent enim per fidem, veritatis cognitio, secundum illud Elia: vii. „Nisi credideritis, non intellegitis.“ Sustulerunt igitur legisperiti clavem scientiæ, non permittentes homines credere in Christum. AUGUSTINUS de Quæst. Evang. (Lib. II. qu. xxxi.) Sed & clavis scientiæ est humilitas Christi, quam nec ipsi intellegere, nec ab aliis intellegi volebant. AMBROSIIUS (Lib. & tit. ubi supra.) Arguuntur etiam adhuc sub nomine Iudæorum, & futuro supplicio statuuntur obnoxii: quia eum doctrinam sibi diviniæ cognitionis usurpent, & alios impediunt, nec ipsi quod proferunt agnoscunt. AUGUSTI-

NUS de Con. Evang. (Lib. II. cap. lxxv.) Hæc autem omnia Matthæus narrat esse dicta postquam Dominus in Hierusalem venerat. Lucas autem hic narrat, cum adhuc Dominus iter ageret in Hierusalem: unde mihi similes videntur esse sermones, quorum ille alterum, ille alterum narravit. BEDA (cap. II. in fin.) Quam autem vera perfidia, simulationis, & impietatis suæ crimina audierint pharisæi, & legisperiti, ipsi testantur, qui non (4) respicere, sed doctorem veritatis insidiis moliantur aggredi: sequitur enim: *Cum autem hoc ad illos diceret, cæperunt pharisæi, & legisperiti graviter insillere.* CYRILLUS *c.* Sumitur autem *insillere* pro inflare, vel invidere, vel sævire. Cæperunt autem interrompere sermonem eius in pluribus: unde sequitur: *Et eis eius opprimere de multis.* THEOPHYLACTUS (non procul a fin. Comm. in cap. xi.) Cum enim plures interrogant unum de diversis materiis, cum nequeat finiri (5) omnibus respondere, videtur insipientibus quod dubitet. Hæc igitur (6) ingeniabantur & illi nefarii contra ipsum, sed & aliter querebant eis eius opprimere, scilicet ut provocarent eum ad aliquid dicendum, unde posset damnari: unde sequitur: *Insidiantes ei, & quærentes aliquid capere de ore eius, ut accusarent eum.* Quod primo dixerat, *opprimere*, nunc dicit, *Capere*, vel rapere, aliquid ex ore eius. Interrogabant eum nunc quidem de lege, ut arguant eum quasi blasphemum obloquentem de Moysæ; nunc vero de Cæsare, ut (7) accusent eum tamquam insidiosum, & hostem maiestatis Cæsareæ.

(1) *M.* Sequitur enim. (2) *M.* ex umbra. (3) Sic habent quatuor sæpe exempla citata; Romana anno 1570. & Veneta 1593 ordine præpositæ ita legunt. Sic igitur tulerunt, idest abstulerunt, clavem scientiæ: sic enim per fidem veritatis cognico, secundum illud Elia: „Nisi credideritis, non intellegitis.“ Sustulerunt ergo legisperiti clavem scientiæ: unde sequitur: *Ipsi non intellegitis, & eos qui introibant prohibuistis.* Sed & fides est clavis scientiæ, non permittentes homines credere in Christum. (4) *M.* respicere. (5) *M.* ex omnibus. (6) *P. Nicolai* corrigi insidiabantur. (7) *M.* accusarent.

EX EDITIONE P. NICOLAI.

• In Esaiam visone 1. & Ut supra. • Ubi supra.

(k) Sint Iambi vestri præcidi, & lucernæ ardentes in manibus vestris; & vos finiles hominibus expectantibus dominum suum, quando reueratur a nuptiis, ut cum venerit, & pulsaverit, confestim aperiant ei. Beati servi illi quos cum venerit dominus, invenerit vigilantes. Amen dico vobis, quod præciget se, & faciet illos discumbere, & transiens ministrabit illis. Et si venerit in secunda vigilia, & si in tertia vigilia venerit, & ita invenerit, beati servi illi. Hoc autem scitote, quoniam si sciret paterfamilias qua hora sur veniret, vigilaret utique, & non sineret perfodi domum suam. Et vos estote parati: quia qua hora non putatis, Filius hominis veniet.

(l) At autem ei Petrus: Domine, ad nos dicis hanc parabolam, an & ad omnes? Dixit autem Dominus: Quis putas est fidelis dispensator, & prudens, quem constituit dominus super familiam suam, ut det illis in tempore tritici mensuram? Beatus ille servus, quem cum venerit dominus, invenerit ita facientem. Vere dico vobis, quoniam super omnia quæ possidet, constituet illum. Quod si dixerit servus ille in corde suo, Moram facit dominus meus venire; & coeperit percutere pueros, & ancillas, & edere, & bibere, & inebriari: veniet dominus servi illius in die qua non sperat, & hora qua nescit, & dividet eum, partemque eius cum infidelibus ponet.

(m) Ille autem servus qui cognovit voluntatem domini sui, & non se præparavit, & non fecit secundum voluntatem eius, plagis vapulabit multis; qui autem non cognovit, & fecit digna plagis, vapulabit paucis. Omni autem cui multum datum est, multum queretur ab eo; & cui commendaverunt multum, plus petent ab eo.

(n) Ignem veni mittere in terram; & quid volo nisi ut accendatur? Baptismo autem habeo baptizari, & quomodo coactor usque dum perficiatur? Putatis quia pacem veni mittere in terram? Non, dico vobis, sed separationem. Erunt enim ex hoc quinque in domo una divisi; tres in duos, & duo in tres dividuntur; pater in filium, & filius in patrem suum, mater in filiam, & filia in matrem; socrus in nurum suam, & nurus in socrum suam.

(o) Dicebat autem ad turbas: Cum videritis nubem orientem ab occasu, statim dicitis, Nimbis venit, & ita fit; & cum austrum flantem, dicitis, quia æstus erit, & ita fit. Hypocritæ, faciem cæli, & terræ nostris probare; hoc autem tempus quomodo non probatis? Quid autem & a vobis ipsis non iudicatis quod iustum est?

(p) Cum autem vadis cum adversario tuo ad principem, in via da operam liberari ab illo, ne forte trahat te apud iudicem, & iudex tradat te exactori, & exactor mittat te in carcerem. Dico tibi, non exis inde, donec etiam novissimum minutum reddas.

(a) **T**HEOPHYLACTUS (inicio Commen. in cap. xii.) Pharisei quidem conabantur Iesum capere in sermone, ut populos ab eo abducerent; hoc autem in contrarium vertitur: magis enim adibant populi per millenarios congregati, (1) adeo cupientes hærrere Christo ut se invicem comprimerent: tam validum quid est veritas, & dolus imbecillis ubique: unde dicitur: Multis autem turbis circumstantibus, ita ut se invicem conculerent, cepit dicere ad discipulos suos: Attendite a fermento pharisæorum, quod est hypocrisis. GREGORIUS a. Quia enim cavillatores erant, ob hoc Christus ab eis sibi cavere admonerebat discipulos. GREGORIUS Nazianzenus b. Est autem, quando

(1) M. a Deo.

EX EDITIONE P. NICOLAI.

a In Cat. Græc. PP. b In eadem Carena notatur sine ullo Indice, nec expresse occurrit; sed aliquid simile orat. xlii. ubi paschalis agni cæremonia mystico sensu sigillatim explicat, & eam quidem de fermento tunc removendo interpretatur notat. xxxii. plenius Nicetas dum hæc eius orationem commentatur.

do fermentum laudatur, tanquam efficiens panem vitalem; est autem quando vituperatur, significans vetustam, & acidam malitiam. THEOPHYLACTUS (ubi supra.) Vocat igitur fermentum hypocritism, tanquam alterantem, & corruptentem intentiones hominum, quibus se ingerit: nihil enim sic alterat mores ut hypocritism. BEDA (cap. 111. in Lucam.) Nam sicut modicum fermentum totam farinae massam corrumpit, sic simulatio animi tota virtutum sinceritate, & veritate fraudabit. AMBROSIVS (Lib. VII. in Luc. cap. de exemplo quo timor mortis excluditur.) Pulcherrimum autem locum tenendae simplicitatis, & emulandae fidei Salvator intexit, ne scilicet more perditionis, alia promamus in affectu, alia voce simulemus; cum ultimo tempore occulta cogitationum accusantium, aut etiam defendentium secretum nostrae mentis aperitura videantur: unde subditur: *Nihil autem secretum est quod non reveletur, neque absconditum quod non sciatur.* ORIGENES a. Aut ergo de illo tempore hoc dicit quando iudicabit Deus occulta hominum; aut id dicit, quia quantumcumque conetur aliquis occultare bona aliorum infamias, bonum naturaliter latere non potest. CHRYSOSTOMUS in Matth. (hom. xxxv. inter princ. & med.) Quasi dicat discipulis: Quamvis nunc quidam vocent vos seductores, & magos, detegat omnia tempus, & arguet eorum calumniam, & vestram declarabit virtutem: unde quaecumque vobis in parvo angulo Palaestinae locutus sum, haec audacter, & fronte directâ, & qualibet sublata formidine toti orbi praedicare: & ideo subdit: *Quoniam quia in tenebris dixistis, in lumine dicentur; & quod in aure locuti estis, & in cubilibus, predicabitur in testis.* BEDA (cap. 111. super *Qua in tenebris dixistis.*) Vel hoc dicit, quia quae inter tenebras quondam pressurarum, carcerumque umbras locuti, vel passi sunt Apostoli, nunc clarificata per orbem (1) Ecclesia, lectis eorum adibus publice praedicantur. Sane quod dicit, *Predicabitur in testis*, iuxta morem provinciae Palaestinae locutus, ubi solent in testis residere: non enim testis nostro more culminibus sublimata, sed plano schemate faciunt aequalia. Ergo dicit: *Predicabitur in testis*; id est, cunctis audientibus palam dice-

tur. THEOPHYLACTUS (ubi supra.) Vel hoc proponitur pharisaïs, quasi dicat: O pharisaei, *quia in tenebris (1) dixistis*, id est quod in opacis cordibus vestris tentare me conamini, *in lumine dicentur*: ego enim sum lux, & in me luce notum fiet quicquid vestra machinator caligo: & *quod in aure locuti estis, & in cubilibus*, id est quicquid mutuis susurris vestris auribus instillastis, *predicabitur in testis*; id est, ita mihi fuit audibile ac fin testis praedicatum fuisset. Hic etiam intelligere potes quod lux sit Evangelium, testis vero altæ Apostolorum animæ. Quotquot vero consiliati sunt pharisaei, divulgata sunt postmodum, & audita (3) in Evangelii luce, stante magno praecone Spiritu sancto super Apostolorum animas.

(b) CYRILLUS b. Quoniam gemina est causa perditionis, quæ aut ex inoita malitia, aut ex accidenti metu nascitur; ne quis metu territus Deum, quem corde cognoscit, negare cogatur, pulchre addit: *Dico autem vobis amicis meis, ne terreamini ab his qui occidunt corpus.* CYRILLUS c. Non quibuscumque enim simpliciter hicfermo convenire videtur, sed his qui Deum ex tota diligunt mente, quibus convenit dicere, Rom. viii. „Quis nos separabit a caritate Christi? „Quis autem non tales sunt, labiles sunt, & ad proflendum parati. Porro Dominus dicit Ioan. xv. „Majorem hac dilectionem nemo habet quam „ut animam suam ponat quis pro amicis „suis. „Quomodo autem non est inconvenientissimum Christo non rependere quod ab eo recepimus? AMBROSIVS (Lib. VII. in Luc. cap. de exemplo quo timor mortis expellitur.) Mortem etiam docet non esse terribilem, quam locupletiore senore scit immortalitas redemptura. CYRILLUS d. Est ergo advertendum, quod laboribus parantur coronæ, & honores, quibus mortales usque ad tempus suam iram extendunt, sique illis nostræ persecutionis finis corporalis interitus: unde subdit: *Et post hoc non habent amplius quid faciant.* BEDA (cap. 111.) Ergo supervacua sunt infania qui mortua martyrum membra feris, avibusque discerpenda proiciunt, cum nequaquam omnipotentiae Dei, quin ea resuscitando vivificet, resistere possint. CHRYSOSTOMUS

(1) Al. in Ecclesia. (2) Al. omittitur *dixistis*. (3) Al. in Evangelio Lucæ.

EX EDITIONE P. NICOLAI.

• In Cat. Græc. PP. b AMBROSIVS. c In Cat. Græc. PP. d Ubi supra.

MUS (homil. xxiv. in Matth.) Considera qualiter Dominus discipulos omnibus superiores constituit, ipsam mortem cunctis terribilem hortans contemnere. Simul autem de documenta immortalitatis animæ ostendit eis, cum subdit: *Ostendam autem vobis quem timeatis: timeo enim qui postquam occiderit, habet potestatem mittere in gehennam.* AMBROSIVS (Lib. & tit. ubi supra.) Mors enim naturæ finis, non pœnæ est; & ideo mortem supplicii corporalis esse defectum, pœnam vero animæ esse perpetuam, Deumque solum esse metuendum, cuius potestati non natura præscribat, sed eadem natura (1) subiaceat, concludit. *Et dico vobis, hunc timeo.* THEOPHYLACTUS (super illud, *Ne terreamini ab his qui occidunt corpus.*) Hinc nota, quod peccatoribus quidem mors ad supplicium fertur & hic cruciatis ipsis per interitum, & consequenter in gehennam detrusis; sed si sermonem discusseris, quiddam aliud intelliges: non enim dicit, *Qui mittit in gehennam* sed *Qui potestatem habet mittere*: non enim quicumque cum peccato moriuntur, (2) semper mittuntur in gehennam. Hoc autem dico propter oblationes, & distributiones quæ sunt pro defunctis, quæ non parum conducunt etiam his qui in gravibus peccatis mortui sunt. AMBROSIVS (Lib. VII. in Luc.) Inspiraverat ergo Dominus simplicitatis affectum, virtutem mentis, exerebat; fides sola nutabat: bene eam de rebus vilioribus roboravit, subdens: *Nonne quinque passeres veniunt dipondio, & unus ex illis non est in oblivione coram Deo?* quasi dicat: Si Deus oblivionem passerum non habet, hominum quomodo habere potest? BEDA (cap. 11.) Dipondius genus est ponderis levissimi, ex duobus alibus compositi. GLOSSA (ordinaria hoc loco.) Quod autem in numeris est unum, hoc in ponderibus assis; quod duo, hoc dipondius. AMBROSIVS. Fortasse autem dicat aliquis: Quomodo Apostolus dixit I. Corinth. 13. „Nonne de bobus cura est Deo? cum bos passere pretiosior sit? Sed aliud est cura, aliud scientia. ORIGENES. Ad litteram igitur, acumen divinæ provisionis, quæ procedit usque ad minima, per hoc

significatur; mystice autem quinque passeres spirituales sensus iuste significant, qui excelsa, & supra homines sentiunt, Deum intuentes, vocem audientes divinam, gustantes panem vitæ, olfactantes odorem unguentorum Christi, palantes Vivum Verbum: qui dipondio venientes, id est vilipensi ab eis qui ea quæ sunt spiritus, stultitiam iudicant, non dantur in oblivione coram Deo. Dicitur autem Deus aliorum immemor fieri propter eorum facinora, THEOPHYLACTUS (super *Quinque passeres veniunt dipondio.*) Vel hi quinque sensus duobus alibus venduntur, novo scilicet, & veteri testamento; & ideo non dantur oblivioni a Deo: quorum enim sensus traduntur verbo vitæ, ut sint apti ad spirituale pabulum, horum semper memor est Dominus. AMBROSIVS (Lib. & cap. ubi supra.) Vel aliter. Passer bonus est cui volandi natura suppeditat: volandi enim nobis gratiam natura dedit, voluptas abstulit, quæ malorum (3) elcis gravat animam, atque in naturam corporeæ molis inclinat. Quinque igitur corporis sensus (4) si terrenarum sordium cibum querant, ad superiorum operum fructus revolare non possunt. Est ergo malus passer qui volandi usum terrene vitio labis aboleverit, quales sunt illi passeres, qui dipondio veniunt, luxuriæ scilicet pretio (5) sæcularis: adversarius enim tamquam captiva mancipia vilioris pretio æstimationis (6) addidit: at Dominus tamquam speciosa servitia, quæ ad imaginem sui fecit, (7) idoneos sui operis æstimat, & magno pretio nos redemit. CYRILLUS. Est igitur sibi curæ diligenter nosse capillorum vitam: unde subditur: *Sed & capilli capitis vestri omnes numerati sunt*: per quod significat quod omnia quæ ad eos spectant, diligentissime novit: diligentiam enim curæ adhibetæ numeratio manifestat. AMBROSIVS (ubi supra.) Denique numerum capillorum non in actu computationis, sed in facilitate cognitionis accipitur. Bene tantum numerati dicuntur, quia ea quæ volumus servare, numeramus. CYRILLUS. Mystice autem caput quidem hominis est intellectus, capilli vero cogitationes, quæ patent Deo. THEOPHYLACTUS (super

(1) *Al.* subiaceat. (2) *In quatuor veteri editionibus legitur* statim detrahuntur *in pœnam* sed sit interduum remissio, oblationum, & orationum causa quæ pro defunctis dantur. (3) *Al.* messis. (4) *Al.* emittitur s. (5) *Al.* singularis. (6) *Al.* addicit. (7) *Legit* Nicolai idonque sibi operis æstimator magno pretio &c.

EX ADICTIONE P. NICOLAI.

• In Cat. Græc. PP. • In eadem Catena. • Ubi supra.

Capilli capitis vestri numerati sunt.) Vel caput uniuscuiusque fidelium intelliges aptam Christo conversationem; crines autem eius, mortificatio corporis opera, quæ numerantur a Deo, & digna sunt provisione divina. AMBROSIIUS (ubi sup. ante med.) Si igitur tanta Dei est maiestas ut unus ex passeribus, aut nostrorum numerus capillorum præter scientiam Dei non sit; quam indignum est aestimare quod fidelium corda Dominus aut ignoret, aut spernat, qui violora cognoscat? Unde convenienter concludit: *Nolite ergo timere: multis passeribus pluries estis vos.* BEDA (cap. lii. in Lucam.) Non plures estis, legendum est, quod ad comparationem numeri pertinet; sed plures estis, hoc est, apud Deum maioris dignitatis. ATHANASIUS a. Quæro autem ab Ariianis, si, quasi dedignaretur Deus alia facere, solum Filium fecit, cetera vero Filio subrogavit; quomodo provisione uitur usque ad tam modica, capillum, & passerem? Quorum enim provisione fungitur, horum creator est suo Verbo.

(c) BEDA (cap. lii. in Lucam.) Supradictum est, opera quælibet, & verba abscondita esse revelanda; nunc autem concludit hanc revelationem non in vili quolibet conciliabulo, sed in conspectu supernæ civitatis, æternique Regis, ac iudicis agendam, dicens: *Dico autem vobis: omnis quicumque confessus fuerit me coram hominibus, & Filius hominis constituitur illum coram Angelis Dei.* AMBROSIIUS (ubi sup. in fine.) Præclare etiam fidemacuendo (1) intexit, & fidei ipsi virtutem fundamenta subiicit: nam ut fortitudinis incentivum est fides, ita fidei fundamentum est fortitudo. CHRYSOSTOMUS (hom. xxxv. in Matth.) Non est ergo Dominus contentus intrinseca fide, sed exteriorem confessionem expostulat, urgens nos ad fiduciam, & maiorem affectum. Et quia hoc omnia utile est, communiter loquitur, dicens: *Omnis quicumque confessus fuerit me.* CYRILLUS b. Ait autem Paulus Rom. x. „ Si confitearis ore tuo Dominum Iesum, & credideris in corde tuo quod Deum eam a mortuis suscitavit, salvaberis. “ Totum Christi mysterium in his interpretatur: decet enim prius ortum a Deo Patre Verbum,

ideest Unigenitum ex ipsius substantia, sateri Dominum omnium, non tamquam ab extrinseco, & sortitum sortitum dominium, sed existentem re vera, & naturaliter Dominum, sicut & Pater. Consequenter oportet sateri quod Deus hunc & mortuis suscitavit; ipsum scilicet factum hominem, & passum in carne pro nobis: sic enim resurrexit a mortuis. Quisquis ergo sic confitebitur Christum coram hominibus, videlicet (2) ut Deum, & Dominum, Christus eum confitebitur coram Angelis Dei, tunc temporis cum descendit cum sanctis Angelis in gloria Patris sui, in sæculi consummatione. EUSEBIUS c. Quid autem erit gloriosius quam ipsum unigenitum Dei Verbum attestari pro nobis a divino iudicio, ac ipsius effectum remunerationem testimonii promere indicium in animam eius cui testimonium perhibetur? Non enim manens extra eam, cui testimonium reddetur, sed habitans in eo, & implens eum lumine suo, testimonium dabit. Cum autem corroborasset eos spe bona per tanta promissa, & iterum eos inducit terribilioribus minis, dicens: *Qui autem negaverit me coram hominibus, denegabitur coram Angelis Dei.* CHRYSOSTOMUS (homil. xxxv. in Matth.) Et in damnatione maior supplicium, & in bonis maior recompensatio ponitur; quasi dicat: Tu hic confiteris, aut negas; ego autem illic: bonorum enim, maiorumque retributio cum augmento in futuro sæculo te præstolatur. EUSEBIUS d. Opportune autem hanc comminationem ponit, ne confessionem ipsius contemnerent propter penam, quæ est negari a Filio Dei, quod est a sapientia denegari, & a vita deicere, & lumine privari, & omnibus destitui bonis; sed & hæc cuncta pati coram Patre, qui est in cælis, & Angelis Dei. CYRILLUS e. Negantes autem sunt primo quidem qui imminente persecutione fidem postposuerunt: abnegant etiam hæresum doctores, & discipuli. CHRYSOSTOMUS f. Sunt etiam alii abnegationis modi, quos Paulus describit dicens ad Titum x. „ Constitentur se nosse Deum, factis autem negant: “ & iterum I. Tim. v. „ Si quis suorum, & maxime domesticorum, curam non habet, fidem negavit, & infideli est deterior: “ item I. Corinth.

(1) *Al.* intexunt. (2) *Al.* deest ut.

rinth. 11. "Avaritiam fugite, quæ est idola-
tria." Postquam ergo tot sunt modi
negationis, palam est quod totidem sunt
confessionis; quos quicumque servaverit,
audiet illam beatissimam vocem, qua Chris-
tus laudabit omnes qui confessi fuerint
eum. Attende autem verborum caute-
lam. In Græco enim dicit, *Quisquis con-
fitebitur in me*, ostendens, quod non pro-
priis viribus, sed adiutus superna gratia
Christum aliquis confitebitur. De negan-
te vero non dixit, In me, sed *me*: nam
deslitutus gratia denegat: redarguitur ta-
men, quia deslitutio propter eum qui de-
seritur fit. BEDA (cap. 111. a med.) Ne
autem ex eo quod ait, eos qui se negave-
rint esse denegandos, una cunctorum, hoc
est eorum qui studio, & eorum qui infir-
mitate, vel ignorantia negant, condiciopu-
taretur, continuo lubecit: *Et omnis qui di-
cit verbum in Filium hominis, remittetur illi,
ei autem qui in Spiritum sanctum blasphema-
verit, non remittetur.* CYRILLUS a. Sed
si hoc vult innuere Salvator, quod si quod
iniuriosum verbum dicatur a nobis in ho-
minem commune, obtinebimus, si pœni-
teamus, veniam; nulla difficultas est in ser-
mone; quia cum naturaliter bonus sit Deus,
emendat volentes pœnitere. Verum si ad
ipsum Christum retorqueretur sermo, quali-
ter in condemnabilis est qui dicit verbum in
eum? AMEROSIUS (Lib. VII. in Lucam
cap. de irremissibilitate blasphemiae.) Uti-
que Filium hominis Christum intelligimus,
qui de Spiritu sancto generatus ex Virgine
est, eo quod parens eius in terris sola sit
Virgo. Numquid ergo maior Spiritus san-
ctus Christo, ut in Christum peccantes ve-
niam consequantur, in Spiritum sanctum
delinquentes remissionem non mereantur ad-
ipsi? Sed ubi unitas potestatis est, nulla
comparationis est quælio. ATHANASIUS
(b in Libro de peccato in Spiritum san-
ctum.) Viri quidem antiqui studiose Ori-
genes, & mirandus Theognostes, hanc con-
scribunt esse Spiritus sancti blasphemiam,
quando qui digni reputati sunt dono Spi-
ritus sancti per baptismum, regrediuntur ad
peccandum: ob hoc enim aiunt illos nec
veniam obtinere, prout Paulus dicit Heb.
vi. "Impossibile est eos qui facti sunt par-
ticipes Spiritus sancti, & prolapsi sunt,
revocari rursus ad pœnitentiam." Ad-
didit autem uterque intentionem propriam,

Nam Origenes causam huius sic explicat:
Deus quidem Pater omnia percurrit, &
singula continet; virtus autem Filii ad sola
rationalia extenditur; Spiritus vero sanctus
solus inest participantibus cum in dono ba-
ptismatis. Quando ergo Cæcumeni pec-
cant, & Gentiles, peccant in Filium, qui
in eis manet; possunt tamen veniam obti-
nere, cum digni sunt dono regenerationis:
quando vero baptizati delinquant, dicit hoc
nefas attingere Spiritum, ad quem cum per-
venissent, peccaverunt; & ideo irrevoca-
bile fore damnationem. Theognostus vero
ait, quod qui primum, & secundum ex-
cessit limen, minorem pœnam meretur;
sed qui tertium quoque pertransit, non am-
plius accipiet veniam. Primum quidem,
& secundum limen vocavit doctrinam Patris,
& Filii; tertium vero in participatione
Spiritus sancti, secundum illud Ioan. xvi.
"Cum venerit Spiritus veritatis, docebit
vos omnem veritatem: non tamquam
doctrina Spiritus dogma Filii superet; sed
quia Filius descendit imperfectis, Spi-
ritus vero signaculum est eorum qui perfi-
ciantur. Sic igitur, non quia superet Spi-
ritus Filium, expertus est veniæ blasphemia
Spiritus; sed quia imperfectorum quidem
est remissio, perfectis vero nulla restat ex-
cusatio. Sed cum Filius sit in Patre, est in
illis in quibus est Pater, nec absit Spiritus:
indivisibilis est enim sancta Trinitas. Ad
hæc, si omnia per Filium facta sunt, & om-
nia in ipso consistunt, erit ipse nimirum
in omnibus, ut necessarium sit peccantem
in Filium, in Patrem, & in Spiritum san-
ctum peccare. Sacrum autem baptismum in
nomine Patris, & Filii, & Spiritus sancti
datur; & sic peccantes post baptismum, in
sanctam Trinitatem exercent blasphemiam.
Ceterum si pharisæi baptismum non susce-
perant, qualiter redargebat eos, ac sibi-
sphemaseot in Spiritum sanctum, cuius
nondum erant facti participes; præsertim
cum non de peccatis simpliciter, sed de
blasphemia eos increpabat? Differunt autem:
quoniam qui peccat, transgreditur legem;
qui vero blasphemat, in ipsam offendit dei-
tatem. Sed aliter. Si eis qui delinquant
post baptismum, non indulgetur vindicta rea-
tum, qualiter Apostolus pœnitenti in Co-
rintho condonat; retrogressos vero Galatas
parit, quousque Christus denuo formetur in
eis? Cur autem & Novatum arguimus in-
ter.

EX EDITIONE P. NICOLAI.

a Ubi supra. b Traçt. super illud, *Quicumque dixerit verbum contra Filium hominis &c.*

terimentem poenitentiam post baptismum? Apostolus igitur ad Hebræos non dissipat poenitentiam peccatorum. Sed ne putarent secundum ritum legis, poenitentiae causa multa fore, & quotidiana baptismata, ob hoc poenitere quidem monet; unicam autem fore insinuat per baptismi renovationem. Talia vero considerans recurro ad dispensationem quæ fit in Christo, qui Deus exilens, homo factus est; tamquam Deus suscitabat mortuos; sicut carne vestitus stiebat, laborabat, & patiebatur. Quando igitur aliqui ipsam vitam humanam, vident Dominum sitientem, & patientem, & obloquantur in Salvatorem, velut in hominem, peccant quidem, possunt tamen cito cum poenituerint, accipere veniam, prætendentes pro causa fragilitatem corporis; quando vero rursus aspicientes aliqui opera deitatis, dubitant de natura corporis, ipsi quoque nimium peccant; sed & his poenitentibus cito potest ignosci, eo quod & ipsi exultationem habent ab operum magnitudine. Quando vero divinitatis opera retorqueant ad diabolum, merito irrevocabilem ferunt scientiam: quoniam arbitrati sunt diabolum fore Deum, & verum Deum nihil pliusquam demones in operibus putaverunt habere. Ad hanc ergo perfidiam pharisæi pervererant: Salvatore enim ostendente Patris opera, mortuos suscitans, cæcos illuminans, & similia faciens, huiusmodi opera dicebant esse Beelzebub: æque enim dicere poterant videntes mundi ordinem, & erga eum provisionem, quod mundus a Beelzebub est creatus. Quamdiu igitur ad humana spectantes, mente claudicabant dicentes Matth. xxi. „Nonne hic est carius pentarii filius?“ & „Quomodo litteras, quas non didicit, novit?“ sustinebat eos tamquam in Filium hominis peccantes; sed (1) ubi magis insaniunt, dicentes, opera Dei esse Beelzebub, non amplius eos sustinuit. Sic enim & tamdiu patres eorum sustinebat quamdiu causa panis, & aquæ murmurabant; sed postquam vitulum conflatantes, in eum collata sibi divinitus beneficia referunt, puniti sunt: primo quidem non paucis eorum occisis, postmodum dixit Exod. xxxii. „Ego autem in die ultionis visitabo hoc peccatum eorum.“ Talem ergo & nunc pharisæi audiunt senten-

tiam, ut in flamma diabolo parata perpetuo corrodantur cum eo. Non igitur faciendo collationem inter blasphemiam dictam in ipsum & Spiritum sanctum, hæc dixit, tamquam maior sit Spiritus; sed utraque blasphemia in ipsum prolata, hanc minorem, illam validiorem ostendit: ipsum enim videntes hominem vituperabant, & eius opera Beelzebub esse dicebant. AMEROSTUS (Lib. VII. in Lucam cap. de irremissibilitate blasphemiae in med.) Sic igitur videtur quibusdam, ut eundem & Filium, & Spiritum sanctum intelligamus, salva distinctione personarum, & unitate substantiæ: quia unus & Deus & homo Christus est Spiritus, sicut scriptum est Thren. iv. „Spiritus ante faciem vestram Christus Dominus.“ Idem Spiritus sanctus, quia & Pater sanctus, & Filius sanctus, & Spiritus sanctus. Si ergo utrumque Christus est, quæ est diversitas (2) nisi ut sciamus quia divinitatem Christi nobis negare non liceat? BEDA (cap. lxi. super Omnia qui dicit.) Vel aliter. Qui opera Spiritus sancti dicit esse Beelzebub, illi nondimittere neque in presenti sæculo, neque in futuro; non quod negamus ei, si poenitentiam agere possit, posse (3) dimitti a Deo; sed quod credamus eum blasphemum, exigentibus meritis, sicut nunquam ad remissionem, ita nec ad ipsos dignæ poenitentiae fructus esse perventurum, secundum illud Esai. vi. „Excæcavit oculos eorum ne convertantur, & sanem illos.“ CYRILLUS A. Quod si creatura esset Spiritus sanctus, non autem de divina substantia Patris, & Filii, qualiter acta in eum contumelia tantam fert poenam quanta promulgatur contra blasphemantes in Deum? BEDA (cap. lxi. non remote a fin.) Neque tamen quicumque Spiritum sanctum non esse, aut Deum non esse, sed Patre, Filioque minorem confitentur, hoc irremissibilis blasphemiae crimine tenentur: quia humana ignorantia ducti faciunt, non invidentia diabolica, sicut principes Iudæorum. AUGUSTINUS de Ver. Dom. (serm. 1.) Vel aliter. Si hic diceretur, Qui blasphemaverit quamcumque blasphemiam in Spiritum sanctum, omnem intelligere deberemus; sed quia dictum est, Qui blasphemaverit in Spiritum sanctum, ille intelligatur qui non omni modo, sed eo modo

(1) *Al. ne, magis.* (2) *Al. nisi Christum? ut sciamus &c.* (3) *Al. se dimittit Deo.*

modo blasphemaverit ut ei numquam possit ignosci: sic enim dictum est Iacob. 1. „Deus „neminem tentat, „scilicet non omni, sed quodam tentationis modo. Quis autem sic iste modus blasphemandi contra Spiritum sanctum, dicamus. Primum quidem credentium beneficium est in Spiritu sancto remissio peccatorum: contra hoc donum gratuitum loquitur cor impenitens: ipsa ergo impenitentia est Spiritus blasphemia; quæ non remittitur neque in hoc sæculo, neque in futuro: quia poenitentia impetrat remissionem in hoc sæculo quæ valeat in futuro. CYRILLUS A. Cum autem tantum metum incussisset Dominus discipulis a recta confessione, præcepit de cetero non curare de responso, eo quod fideliter dispositis constituit verba congrua Spiritus tamquam doctor inhabitans: unde sequitur: *Cum autem inducent vos in synagogas, & ad magistratus, & potestates, nolite solliciti esse qualiter, aut quid respondeatis, aut quid dicatis.* GLOSSA (interlinearis.) Dicit autem, Qualiter, quantum ad modum profærendi; quid, quantum ad modum inveniendi; respondentes, interrogantibus; aut quid dicatis, discere volentibus. BEDA (cap. 111. circa finem.) Cum enim propter Christum ducimur ad iudices, voluntatem tamen nostram pro Christo debemus offerre; ceterum in respondendo Spiritus sancti gratia ministrabitur: unde subditur: *Spiritus enim sanctus docebit vos in ipsa hora quid oporteat vos dicere.* CHRYSOSTOMUS (homil. xxxiv. in Matth. 2. med.) Alibi vero dicitur, I. Petr. 111. „E, „stote parati cunctis ad respondendum, „quicumque quæsierint ad vobis rationem „ipsi quæ sovet vos. „Quando namque oritur inter amicos agon, præcipit nos meditari; quando vero terribile est prætorium, & pavor circumquaque, dat proprium (1) monimentum, ut audiendum sit, & loquendum, non autem oblupefcondum. THEOPHYLACTUS (super *Cum adduxerint vos ad synagoga.*) Quoniam igitur duplex est nostra inhumitas, & aut pœnæ formidine martyrium fugimus, aut quia rudes sumus, & nescimus reddere rationem fidei, utrumque excludit; metum quidem pœnarum in eo quod dixit, *Ne timeatis occidentes corpus,* timorem vero inficientiæ in hoc quid dixit, *Nolite solliciti esse qualiter, aut quid respondeatis.*

S. Th. Oper. Tom. V.

(d) AMBROSIIUS (Lib. VII. in Luc. de resp. Domini ad postulationem.) Torus superior locus ad subeundam pro confessione Domini passionem, aut contemptu mortis, aut spe præmii, (2) aut mansuri denuntiatione supplicii, quinumquam venialaretur, instruitur. Et quoniam avaricia plerumque solet tentare virtutem, etiam huius aboleudæ rei præceptum subicitur, & exemplum, cum dicitur: *Aut autem ei quidam de turba: Magister, dic fratri meo ut dividat mecum hereditatem.* THEOPHYLACTUS (hoc loco.) Hi duo fratres, quia de hereditate paterna dividenda contendeabant, consequens erat ut alter alterum fraudare intenderet. Dominus autem docens nos quod non oportet ad terrena flecti, repellit vocantem eum ad hereditatis divisionem: unde sequitur: *At ille dixit ei: Homo, quis me constituit iudicem, aut dividerem, scilicet facultatum, super vos?* BEDA (cap. 111.) Qui magistro supernæ pacis gaudia commendantis, terrenæ divisionis vult ingerere molestiam, merito homo vocatur, secundum illud I. Corinth. 111. „Cum sit inter vos zelus, & „contentio, nonne homines estis? CYRILLUS B. Puit autem Dei Filius, quando factus est similis nobis, constitutus a Deo Patre in Regem, & Principem super Sion montem sanctum eius, annuntians mandatum divinum. AMBROSIIUS (ubi supra.) Bene ergo terrena declinat qui propter divina descendit, nec iudex dignatur esselicitum, & arbiter facultatum, vivorum habens mortuorumque iudicium, arbitriumque meritum. Non ergo quid petas, sed a quo postules intueundum est; nec maioribus intento animo putes minoribus obstrependum: unde non immerito refutatur hic frater, qui dispensatorem celestium gestiebat corruptibilibus occupare; cum inter fratres patrimonium non iudex medius, sed pietas debeat sequestra dividere; quamquam immortalitatis patrimonium, non pecuniæ sit hominibus expectandum. BEDA (cap. 111. in Luc.) Occasione autem huius stulti petitoris, adversus avaritiæ pestem & turbas; & discipulis præceptis pariter, & exemplis munire satagit: unde sequitur: *Dixitque ad illos: Videte, & cavete ab omni avaritia.* Dicit autem, *Ab omni,* quia nonnulla simpliciter geri videntur, sed inter-nus arbiter qua intentione fiant diiudicat.

Ee

Cv.

(1) A. monimentum ut audiendum sit. (2) A. aut maiori denuntiatione.

EX EDITIONE P. NICOLAI.

• Ibidem. • In Catecha Græcorum PP.

CYRILLUS ^a. Vel dicit, *Ab omni avaritia*, scilicet magna, & parva. Est enim inutilis avaritia, dicente Domino, Amos v.

„Domos (1) zelatas edificabitis, & non habitabitis in eis:“ & alibi (Elai. v.) „Decem iugera vinearum facient lagunculam unam, & triginta modii sementis, facient modios tres.“ Sed & secundum alium modum est inutilis, quem offendit subdicens: *Quia non in abundantia cuiusquam vita eius est ex his quae possidet.* THEOPHYLACTUS (hoc loco.) Hoc dicit Dominus refellens avarorum intentiones, qui videntur coacervare divitias quasi diu victuri: sed numquid te opulencia longævum efficiet? Quid igitur manitelle sustines mala, incertae causa quietis? Nam dubium est an debitas attingere senium, cuius gratia thesaurizas.

(c) THEOPHYLACTUS, Dislo, (2) quod ex affluentia opum non protendatur vita humana, ad huius fidem parabolam subdit, dicens: *Dixit autem similitudinem ad illos, dicens: Hominis cuiusdam divites uberes fructus ager attulit.* BASILIUS (b hom. de divit. agri fertilis.) Non facturi quidem ex uberitate fructuum aliquid boni, ut magis divina longanimitas pateat, quæ usque ad malos suam bonitatem extendit, pluens super iustos, & iniustos. Quæ vero sunt quæ hic homo benefactori recompensat? Non meminit communis naturæ, nec arbitratus est oportere quod superfluit, dispensari egentibus: & horrea quidem crepabant præ copia conditorum; avarus tamen animus nequaquam implebatur, nolens veteribus cedere propter avaritiam, nova non valens suscipere propter multitudinem: propter quod imperfecta (3) erant eius consilia, & steriles curæ: unde sequitur: *Et cogitabat intra se, dicens: Quid faciam, quia non habeo quo congregem fructus meos?* Conqueritur æque pauperibus. An non quem premit inopia, dicit, Quid faciam? Unde victus, unde caleamenta? Talia & locuples profert: urgent enim ipsius animæ divitiæ a promptuariis emanantes, ne forte cum exiverint profint egentibus; a simili gulosorum, qui mallent edacitate crepare quam indigentibus de reliquiis impartiri. GREGORIUS

XV. Moral. (cap. 11. vel in nov. codd. 10.) O angustia ex satietate nata! Dicens enim, *Quid faciam?* profecto indicat quia votorum suorum effectibus pressus, sub quodam rerum sæce laborabat. BASILIUS (homil. vi. ut supra.) Erat quidem in promptu dicere, Aperiā horrea, convocabo egenos; sed cogitat non ut distribuat, sed ut congreget: sequitur enim: *Et dixit: Hoc faciam: destrui horrea mea.* Bene facis: nam digna destructione nequitiae promptuaria: dissolve horrea, ex quibus nullus consolationem accepit. Subdit: *Et maiora faciam.* At si & hoc impleveris, numquid destrues iterum? Quid stultius, quam in infinitum laborare? Horrea sunt tibi, si vis, pauperum domus. Sed dices: Cui iniuriam facio, propria retinendo? Nam & sequitur: *Et illic congregabo omnia quæ nata sunt mihi, & bona mea.* Dic mihi, quæ tua? Unde ea lumens in vitam tulisti? Sicut qui præveniens spectacula prohiberet advenientes, appropriando sibi quod ad usum communem ordinatur; similes sunt divites, qui communia quæ præoccupaverunt, æstimant sua esse: si enim quilibet suæ necessitatis sufficientiam recipiens, relinqueret superfluum indigenti, non esset dives, nec pauper. CYRILLUS c. Attende & aliter esse frivolum eius verbum, cum dicit: *Congregabo omnia quæ nata sunt mihi;* quasi non putaret ea divinitus obtinere, sed fructus esse laborum suorum. BASILIUS (ubi supra.) Ceterum, si fateris ea tibi divinitus provenisse, an iniustus est Deus inæqualiter res nobis distribuens? Cur tu abundas; ille vero mendicat, nisi ut tu bonæ dispensationis merita consequaris, ille vero patientiæ bravio decoretur? At tu nonne spoliator es, quæ dispensanda suscepisti, propria reputando? Est panis famelici quem tu tenes, nudi tunica quam in conclavi conservas, discalceati calceus qui penes te marcescit, indigentis argentum quod possides inhumatum: quocirca tot iniuriarum quot dare (4) valeres. CHRYSOSTOMUS (homil. viii. in Ep. II. ad Timoth. a medio.) Sed & in hoc errat, quod bona putat quæ sunt in differentia: rerum enim quædam sunt bonæ, quædam malæ, quædam mediæ.

Bona

⁽¹⁾ Si „Domos quadros lapide edificabitis.“ ⁽²⁾ *Id.* Dico, quod Sec. P. Nicolai legit Postquam aliter. ⁽³⁾ *Id.* emittitur error. ⁽⁴⁾ *Id.* vales.

EX EDITIONE P. NICOLAI.

^a Ibid. b Hom. vi. quæ de avaritia inscribitur, vel ex Græco de abundantia inscribi potest. c In Canticis Gregoriana PP.

Bona quidem sunt castitas, & humilitas, & huiusmodi; quæ cum homo eligit, sit bonus. His autem opposita sunt mala; quæ homo dum eligit, sit malus. Media vero sunt, ut divitiæ; quæ quandoque quidem ordinantur in bonum, scilicet ad eleemosynam, quandoque ad malum, scilicet ad avaritiam; & similiter inopia quandoque ad blasphemiam, quandoque ad sapientiam, secundum affectum utentium. CYRILLUS *a*. Dives igitur non parat permanentia horrea, sed caduca; & quod stultius est, vitæ longitudinem sibi taxat: sequitur enim: *Et dicam animæ meæ: Anima, habes multa bona posita in annis plurimos*. Sed, o dives, fructus quidem habes in horreis, sed annos plurimos unde poteris obtinere? ATHANASIUS *b*. Si quis autem sic vivat quasi quotidie moriturus, eo quod incerta est naturaliter vitæ nostræ, non peccabit: semper enim maior timor plurimum voluptatis dissolvit. Sed e contrario dives longevitatem sibi repromittens, ad voluptates aspirat: sequitur enim: *Requiesce*, scilicet a labore, *comede, bibes, epularis*, magno scilicet apparatu. BASILIUS (hom. vi. supra *Desertam hyemem meam*, a med.) Tam improvidus es erga bona animæ, ut eas corporeas auias a terribilibus: si quidem virtutem habet, si secunda est operationum bonarum, si Deo adhæsit, bona plurima possidet, & bono gaudio gaudet. Verum quia totus carnalis es passionibus subiectus, a ventre, non ab anima clamas. CHRYSOSTOMUS *c*. Non autem decet vacare deliciis, & impinguare corpus, & attenuare animam, faciemque ei gravare, & tenebras obducere, spiritumque velamen: eo quod in deliciis dominativum animæ servit, servile vero corporis dominatur. Alimentorum autem indiget corpus, non deliciarum; ut nutriatur, non ut scindatur, & fluat: neque enim animæ soli, sed & ipsi corpori sunt nocivæ deliciæ: eo quod ex forti sit debile, ex sano ægrotativum, ex agili grave, ex formoso deforme, ex iuvene vetulosum. BASILIUS (ubi supra.) Permissus autem est deliberare in omnibus, & manifestare propositum proprium, ut condignam mercedem sui affectus sententiam. Sed dum in abdito loquitur, eloquia eius examinantur in cælo: unde sibi responsa pro-

veniunt: sequitur enim: *Dixit autem illi Deus: Stulte, hæc nocte animam tuam reprobent a te*. Audi convenienter tibi stultitiæ: (1) nomen, quod tibi nullus imposuit hominum, sed ipse Deus. GREGORIUS XXII. Moral. (cap. xxi. super illud Job xxxi. „Si „putavi aurum robur meum.“) Eadem nocte sublati sunt qui multa tempora fuerat præsolatus, ut scilicet qui in longum sibi subsidia colligendo prospexerat, subsequenter diem (2) vel unum minime videret. CHRYSOSTOMUS (hom. xxix. in Matth. & in concione de Lazaro, quæ incipit, „Admiratus sum,“ ante med.) Dicit autem, *Reprobent a te*: exposcebant enim eam forsitan terribiles quædam virtutes ad hoc missæ: quoniam si de civitate in civitatem transientes egemus ductore, multo magis anima abluta a corpore, & ad futuram vitam transmigrans indigebit ducatu. Ob hoc multoties reculat anima, & regreditur in profundum, cum debet exire a corpore: semper enim stimulat nos conscientia peccatorum, sed præcipue cum debemus trahi ad terribile iudicium. Tunc enim tota congeries criminum innovatur, & præ oculis posita (3) mentem percellit; & sicut carcerati semper quidem dolorosi sunt, tunc autem præcipue cum debent iudici præsentari; sic & anima maxime in ipso tempore de peccato cruciatur, & dolet: multo autem magis cum fuerit evulsa. GREGORIUS XV. Moral. (cap. i. super illud Job xxxiv. „Opus manuum eius sunt:“ vel in nov. codd. 11.) In nocte autem ablata est anima quæ in obscuritate cordis est emissæ; in nocte ablata est quæ considerationis lucem habere noluisset, ut quod pati poterat prævideret.

Subdit autem: *Qua autem parasti, cuius erunt?* CHRYSOSTOMUS *d*. Hic enim ea deserens, non solum nullum inde percipiens commodum, sed & sarcinam peccatorum portans super humeros proprios. Et quæ quidem a te congesta sunt, plerumque in manus inimicorum perveniunt; a te vero super his ratio requiritur.

Sequitur: *Sic est qui sibi thesaurizat, & non est in Deum dives*. BEDA (cap. liii. in Luc.) Hic enim stultus est, & in nocternam piendus. Ergo qui vult esse in Deum di-

Ecce 2 ves,

(1) *a*. nomen est, quod dicit. (2) *a*. ut unum. (3) *a*. mente percellit.

EX EDITIONE P. NICOLAI.

a Ibid. *b* Contra Antigonum ex eadem Catena Græca. *c* Hom. xxxix. in I. ad Corinth. *d* In Catech. Græc. PP. ex nom. xxxix. in Genesim.

ves, non sibi thesaurizet, sed pauperibus possessa distribuat. AMBROSIVS (Lib. VII. in Lucam de respons. Domini ad postulationem cir. med.) Frustra enim congregat opes qui se his nescit ulurum: neque enim nostra sunt quæ non possumus auterere nobiscum: (1) sola virtus comes est defunctorum, sola nos sequitur misericordia, quæ tabernacula defunctis acquirit æterna.

(f) THEOPHYLACTUS (super *Ideò dico vobis ne solliciti sitis.*) Paulatim Dominus provehit ad perfectiorem doctrinam: docuit enim supra cavendum esse ab avaritia, subdiditque parabolam divitis, insinuans per eam quod stultus est qui superflua cupit; deinde procedente sermone, oque de necessariis sunt nos sollicitudinem gerere, avaritiæ radicem eveilles: unde dicit: *Ideò dico vobis*; quasi dicat: Postquam stultus est qui sibi maiorem vitæ mensuram attribuit, & exinde magis efficitur cupidus, nolite solliciti esse anima vestra, quid manducetis: non quia intelligibilis anima comedat, sed quia non videtur aliter animam posse coniunctam manere corpori, nisi dum nutrimur. Vel quia animati corporis est nutrimentum suscipere, congrue animæ nutriri attribuit: nam & virtus nutritiva dicitur anima; ut sic intelligatur: *Ne solliciti sitis nutritivæ partem anima quid edatis.* Potest autem etiam corpus mortuum vestiri: unde subdit: *Neque corpori vestro quid induamini.* CHRYSTOSTOMUS (homil. XXII. in Matthæa med. illius.) Quod autem dicitur, *Nolite solliciti esse*, non idem est quod nolite operari, sed nolite rebus mundanis mente affigi: contingit enim aliquem operantem nihil sollicitum esse. CYRILLUS a. Præminet autem anima cibo, & corpus vestitui: unde subdit: *Anima plus est quam esca, & corpus plusquam vestimentum*; quasi dicat: Deus, qui quod maius est exhibuit, quomodo non dabit quod minus est? Non ergo multum nostra intentio modicis insistant, nec intellectus noster serviat ad vestitum, & victum querendum; magis autem cogitet quæcumque salvant animam, & sublevant ad regnum cælorum. AMBROSIVS (Lib. VII. in Lucam, de prohibitione sollicitudinis.) Nihil autem moralius ad faciendam fidem omnia credentibus a Deo posse conferri, quam quod æreus ille spiritus vitale collegium, animæ

corporisque contubernio fœderatum non deficit, nisi cum venerit dies suprema moriendi. Cum igitur anima indumento corporis vestiat, & vigore animæ corpus ametur; absurdum est ut victus nobis copiam desulturam putemus qui vivendi iugem substantiam consequamur.

(g) CYRILLUS b. Sicut supra erigendo nos ad spirituales audaciam, per aves induxit, dicens: *Multis passeribus pluris essis vos*; sic & nunc ex volatilibus firmam, & indubitabilem fiduciam nobis adducit, dicens: *Considerate corvos, quia non seminant, neque metunt, scilicet ad acquirendum cibum, quibus non est cellarium, neque horreum, scilicet ad coalescendum; & Deus pascit illos: quanto magis vos pluris essis illis!* BEDA (cap. I. in Luc.) Idem, carius vos valeret: quia rationale animal, sicut homo, sublimius ordinatum est in rerum natura, quam irrationabilia, sicut sunt aves. AMBROSIVS (Lib. VII. tit. de prohib. sollicitudinis.) Magnum autem quod fide sequamur exemplum: nam volatilibus cæli quibus nullum exercitium cultionis, nullus de messium secunditate provenit, indelicentem providentia divina largitur alimoniam. Verum est igitur causam inopie nostræ avaritiam videri: etenim illis idcirco sine labore pabuli usus exuberat, quod fructus ad escam communem datos, speciali quodam nesciunt vendicare dominatu. Nos communia amissimus, dum propria vendicamus: nam nec proprium quicquam ubi perpetuum nihil, nec certa copia ubi incertus eventus. CHRYSTOSTOMUS (homil. XXII. in Matth.) Cum autem posset Dominus exemplum ab hominibus fumere qui minime terrena curaverunt, Eliam dico, Moysen, & Ioannem, & ceteros huiusmodi, commemoravit volatilia, sequens vetus (2) testimonium, quod ad apem transmittit, & formicam, & alia huiusmodi; quibus naturales quosdam mores inseruit conditor. THEODORETUS (in Psal. cxlvi.) Ideo autem omnia mentione aliorum volatilium, corvorum mentionem facit, quia pullos corvorum speciali providentia Deus nutrit: nam corvi pariuot quidem, non autem nutriunt, sed negligunt pullos suos; quibus miro modo ab acre pabulum quadam aura delatum ad os pervenit, quod hiantes suici-

piunt,

(1) *id. sed sola.* (2) *Vel testamentum, ut al. legitur.*

EX EDITIONE P. NICOLAI.

a In eadem Gatena. b Ubi supra, c THEOPHYLACTUS.

piant, & sic nutriuntur. Forſan etiam & talia per ſynecdochen dicta ſunt, toto ſignificato per partem: unde in Matthæo Dominus remittit ad volatilia cæli, hic vero ſpecialiter ad corvos, tamquam gulofiores, & rapaciores. EUSEBIUS *a*. In corvis etiam aliquid plus ſignificat: avibus enim colligentibus legumina promptius eſt alimentum, veſcentibus vero carnibus, ſicut corvis, difficilius eſt ad habendum; nec tamen huiusmodi aves deſectum pabuli patiuntur propter providentiam Dei diffuſam ubique. Utitur autem ad idem & tertio ſyllogiſmo, dicens: *Quis autem vſtrum cogitando poteſt adicere ad ſtaturam ſuam cubitum unum?* CHRYSOSTOMUS (hom. xxii. in Matth.) Nota, quod animam quidem ſemel dedit Deus, & eadem perſeverat; ſed corpus quotidie ſumit incrementum. Pertranſiens igitur animam quaſi non recipientem augmentum, de ſolo corpore facit mentionem, dans intelligere quod non augetur per ſolum alimentum, ſed proviſione divina; per hoc quod nullus nutrimentum accipiendo aliquid ad ſuam ſtaturam adicere poteſt: unde concluditur: *Si ergo neque quod minimum eſt poteſtis, quid de ceteris ſolliciti eſſis?* EUSEBIUS *b*. Quaſi dicat: Si (1) nullus ſua cura corpoream ingeniatus eſt ſibi ſtaturam; ſed neque termino temporis vitæ poteſt aliquis vel breviffimum tempus horæ excogitando adicere; cur oportet ſuperflue de neceſſariis vitæ cogitare? BEDA (cap. l.iii. in Luc.) Illi ergo tegendi corporis curam relinquit cuius videtis cura factum eſſe ut tantæ ſtaturæ corpus habeatis. AUGUSTINUS de Quæſt. Evang. (Lib. II. qu. xxviii.) Cum autem de augenda corporis ſtatura loqueretur, dicit quod minimum eſt hoc, ſcilicet Deo corpora operari.

(h) CHRYSOSTOMUS (hom. xxiii. in Matth.) Sicut ſuperius Dominus de alimentis monebat, ita & nunc monet de veſtitu, dicens: *Conſiderate liſia agri, quomodo creſcunt: non laborant, neque nunt, ut ſcilicet ſibi faciant indumenta.* Sicut autem ſupra, cum Dominus dixit, *Non ſeminant volatilia*, non reprobavit ſementem, ſed ſu-perſuam curam; ſic cum dixit, *Non laborant, neque nunt*, non opus (2) interemit, ſed cogitationem. EUSEBIUS *c*: Si quis

autem mortalium vult decorari pretioſo veſtitu, videat occultate quod Deus etiam uſque ad flores, qui ex terra oriuntur, multiplicem ſui ſapientiam propagans, ornavit hos diverſis coloribus, tenuiſſis membranarum florum, murice, & auro longe meliores tincturas accomodans, adeo quod nec penes aliquem Regem delicioſum, nec etiam iplum Salomonem, qui apud antiquos tam in divitiis quam in ſapientia, & in deliciis celebris fuit, tam pretioſum opus fuerit inventum: unde ſequitur: *Dico autem vobis, quia nec Salomon in omni gloria ſua veſtebatur ſicut unum ex iſtis.* CHRYSOSTOMUS (homil. xxiii. in Matth.) Non utitur hic volatilium exemplo, cygnum commemorans, aut pavonem, ſed liſia: vult enim trineque declarare hyperbolem, ſcilicet ab inſimilitate rerum, quæ tantum ſunt ſortitæ decorem, & a pretioſo decoris, qui conſeſus eſt liſiis: unde poſtmodum non vocat ea liſia, ſed ſenum, cum ſubditur: *Si autem ſenum quod in agro eſt hodie, nec dicit, Cras non entia; ſed ſubdit: (3) Et eras in chibannum miſcetur: neque dicit ſimpliciter, Deus veſtit; ſed dicit, Deus ſic veſtit; quod multam habet expreſſionem; & ſubdit, Quanto magis vos? quod eſt expreſſionis pretioſitatem & providentiam humani generis. Denique, cum increpare decrevit, utitur & hic moderantia, non inſidelitatis, ſed paucitatis ſilei arguens, cum ſubdit, *Puſilla fidei*, ut per hoc magis excitet nos ad didorum perſuaſionem; ut non ſolum non cogitemus de veſtibus, ſed nec affectemus veſtimentorum decorem. CYRILLUS *d*. Sufficit enim prudentibus ſolius cauſa neceſſitatis aptum habere veſtitum, modeſtiam non excedentem, & ciborum quod ſatis eſt. Sufficiunt etiam ſanctis quæ ſunt in Chriſto ſpirituales delicie, & ſubſequent gloria. AMBROSIIUS (Lib. & tit. ut ſupra, ante medium.) Non otioſum autem videtur quod ſos vel homini conſertur, vel certe poſſe quædam hominibus in Salomone præfertur, ut præ claritate coloris Angelorum cæleſtium gloriam putemus expreſſam, (4) qui vere mundi iſtius flores ſunt, quod eorum claritatis mundus ornatur, & bonum odorem ſanctificationis aspirant, qui nulla ſollicitudine præpediti, nullo uſu laboris exerciti, di-*

vinæ

a (1) *M.* nullus. (2) *M.* intermit. (3) *M.* Sed. (4) *M.* qui vere mundi iſtius tides ſanctificatio-nis aspirant.

vinde in se liberalitatis gratiam, & celestis servant dona naturæ. Unde bene & hic vestitus gloria sua Salomon, & alibi cooperatus ostenditur, quod infirmitatem corporis naturæ, velut virtute quadam mentis (1) adeptam, operum gloria vestiebat. Angeli (2) vero, quorum natura diviniore exerts manet iniuriæ corporalis, recte licet maximo viro præferuntur. Nec tamen in nobis misericordiam Dei desperare debemus, quibus per resurrectionis gratiam Dominus similem Angelorum speciem pollicetur. CYRILLUS A. Ablonum autem erat discipulos debentes normam & exemplar conversationis honestæ aliis tradere, in ea incidere a quibus descendendum esse oportebat eos conuolare. Et ideo Dominus subdit: *Et vos nolite querere quid manducetis, aut quid bibatis.* In hoc etiam Dominus consuevit non modicum studio sacrarum prædicationum, monens discipulos sollicitudinem humanam abicere. BEDA (super *Nolite querere quid manducetis*). Notandum tamen est, quod non ait, Nolite querere, aut solliciti esse de cibo, aut potu, aut indumento; sed, *Quid manducetis, aut bibatis*; ubi mihi videntur argui qui, spreto victu, vel vestitu communi, lautiora sibi, vel austeriora præ his cum quibus vitam ducunt, alimenta, (3) vel indumenta requirunt. GREGORIUS Nilensis b. Sed dicitur: Aliqui obtinuerunt dominia, honores, & divitias, cum orassent: qualiter ergo prohibes nos talia orando querere? Et quidem quod omnia hæc ad divinum consilium pertinent, omnibus patet: hæc tamen a Deo conferuntur petentibus, ut discentes Deum nos exaudire in minoribus petitionibus, e levemur ad altiore affectum; sicut in pueris videmus, qui mox nati maternis adherent uberibus; si vero puberit parvulus, spernit mammas, querit autem monile, aut aliquid talium, quibus oculus delectatur; postquam autem mens cum corpore treverit, cedens cunctis puerilibus desideriis, querit a parentibus quæ conveniunt vitæ perfectæ. AUGUSTINUS de Quæst. Evan. (Lib. II. quæst. xxix.) Prohibita autem sollicitudine de alimentis, consequenter ne exrollantur admonuit, dicens: *Nolite in sublime tolli.* Primo enim hæc ad ne-

cessitatem complendam homo querit; cum autem his abundaverit, incipit de talibus superbire. Tale est hoc ac si se vulneratus aliquis iaceret, quia habeat multa emplastra in domo, cum hoc illi bonum esset vulnere non haberet, & ne uno quidem indigeret emplastro. THEOPHYLACTUS (super *Nolite in sublime tolli*). Vel elevationem nihil aliud vocat quam vagum mentis motum, alias aliud meditantis, & ex hoc salientis ad aliud, & sublimia cogitantis. BASILIUS c. Et ut intelligas (4) huiusmodi elevationem, memento vanitatis propriæ iuventutis: si quando manens solus cogitasti de vita, & promotionibus, discurrens a principatu in principatum, amplectens es divitias, adificasti palatia, amicis bene fecisti, ultus es inimicos. Est autem peccatum talis abstractio: intenta enim circa superfluum delectatio a veritate seducit; unde convenienter subdit: *Hæc enim omnia gentes mundi quarunt, scilicet voluptatem, divitias, & huiusmodi.* GREGORIUS Nilensis d. Adhibere enim sollicitudinem rebus apparentibus proprium est eorum qui nullam supponunt spem futuri sæculi, neque metam iudicii. BASILIUS e. Sed de necessariis vitæ subdit: *Pater autem vester scit quoniam his indigitis.* CHRYSOSTOMUS (homil. xxix. Matth.) Non dixit, Deus, sed *Pater*, ut ipsos ad maiorem promoveret fiduciam: quis enim est pater qui patiarur necessaria filiis non ministrare? Sed & aliud adicit. Non enim poteris dicere, quod pater quidem est, ignorat tamen his nos indigere: nam qui naturam creavit, eius indigentiam novit. AMBROSIVS (Lib. & tit. ut supra.) Ostendit autem consequenter nec ad præsens, nec in reliquum fidelitatem gratiam desideratam, si modo qui divina desiderant, terrena non querant. Indecorum quippe est homines curare de cibo, qui militant pro regno. Novit Rex quemadmodum familiam suam pascat, aliat, & vestiat: unde sequitur: *Verumtamen querite primum regnum Dei; hæc omnia adicientur vobis.* CHRYSOSTOMUS f. Non modo regnum, sed etiam opes Christus pollicetur cumeo. Si enim nos a curis eos eripimus qui prætermittentes sua nostrorum diligentiam habent, multo magis

(1) *Al.* ad operam operum. (2) *Al.* similiter vero. (3) *Al.* deest vel indumenta. (4) *Al.* huiusmodi.

EX EDITIONE P. NICOLAI.

* Ubi supra. † In Orat. dominia. ferm. 11. ‡ In Catena Græc. PP. § Ubi supra. ¶ Ut supra. // In Car. Græc.

magis Deus. BEDA (cap. lxxi. in fin.) Indicat enim aliud esse quod principaliter datur, aliud quod superadditur: quia nobis in intentione æternitatis, in usu vero temporalitas esse debet.

(i) GLOSSA a. Postquam Dominus temporalium curam a cordibus discipulorum removit, hic excludit ab eis timorem, ex quo superflua cura procedit, dicens: *Nolite timere pusillus grex*. THEOPHYLACTUS. Pusillum gregem Dominus vocat volentes discipulos eius fieri: vel quia in hoc sæculo sancti parvi videntur causa voluntariæ paupertatis; vel quia superantur a multitudine Angelorum, qui incomparabiliter præcellunt quæ nostra sunt. BEDA. Pusillum etiam Dominus gregem eorum nominat vel ad comparationem maioris numeri reproborum, vel potius ob humilitatis devotionem. CYRILLUS b. Quare autem timere non debent, ostendit subdus: *Quia complacuit Patri vestro dare vobis regnum*; quasi dicat: Eum qui tam pretiosa largitur, qualiter pigebit erga vos clementiam exercere? Quamvis enim hic grex parvus sit & natura, & numero, & gloria; bonitas tamen Patris concessit & huic pusillo gregi cælestium spirituum sortem, scilicet regnum cælorum. Ergo ut possidatis regnum cælorum, opes terrenas contemnite: unde subditur: *Vendite quæ possidatis, & date elemosynam*. BEDA (cap. lxxii.) Quasi dicat: Nolite timere, ne propter regnum Dei militantibus huius vitæ necessaria deficiat; quin etiam possidenda propter elemosynam vendite: quod tunc digne fit quando quis semel pro Domino suo omnibus spreto, nihilominus post hoc labore manuum operatur, unde & victum transigere, & elemosynam dare queat. CHRYSOSTOMUS c (hom. xxvi. in Matth.) Non est enim peccatum quod elemosyna nequeat abolere: antidotum est cuiuslibet conveniens vulneri: sed & elemosyna non solum in pecuniis fit, sed & in rebus, dum aliquis alium protegit, dum medicus medetur, dum sapiens consulit. GREGORIUS Nazianz. d. Vereor autem ne putes pietatis tibi ne-

cessitatem non esse, sed arbitrium. Opinabar & ipse hoc; sed terrent me hædi ad sinistram statuti, non quia rapuerunt, sed quia Christum in egentibus non placaverunt. CHRYSOSTOMUS e. Nam sine elemosyna impossibile est regnum videre. Sicut enim fons, si aquas in te continuerit, vitatur; sic & divites, cum omnia penes te teneant. BASILIUS f. Sed quaerit aliquis: Quid considerandum oportet vendere quæ possidentur? Numquid tamquam eis naturaliter noxiis, vel propter tentationem accidentem animabus ab eis? Ad hoc dicendum est, primo quidem quod singulorum eorum quæ sunt, si per se ipsum malum existeret, non esset creatura Dei, omnis enim creatura Dei bona; consequenter autem: quia mandatum dominicum non docuit abdicere tamquam mala quæ possidentur, sed dispensare, dicens: *Et date elemosynam*. CYRILLUS g. Molestum autem forte est hoc mandatum divitibus; sanam tamen mentem habentibus non est inutile: thesaurizant enim sibi regnum cælestis: unde sequitur: *Facite vobis sacculum qui non veterascunt*. BEDA (cap. lxxv. in Luc.) Elemosynas videlicet operando, quarum merces in æternum maneat: ubi non hoc præceptum esse putandum est, ut nil pecuniæ reserve, tur a sanctis vel suis, vel pauperum usus; cum & ipse Dominus, cui Angeli ministrabant, loculos habuisse legatur, a fidelibus oblata conservans; sed ne Deo propter ista serviat, & ob inopiam timorem iustitia deferatur. GREGORIUS Nilenus h. Præcipit autem (1) sensibiles & terrenas opes sursum econdere, quo virtus corruptiva non attingit: unde subdit: *Thesaurum non deficientem in celis, quo fur non apprehendit, neque tinea corrumpit*. THEOPHYLACTUS (super Ubi tinea demolitur.) Quasi dicat: Hic tinea demolitur, non autem in celis. Deinde quia tinea quædam non demolitur, addidit de fure: aurum enim non demolitur tinea, sed fur tollit BEDA (super illud, *Thesaurum non deficientem*.) Sive igitur hoc simpliciter accipiendum est, quod pecunia servata deficiat, data autem pro-

(1) A. sensibiles terrenas opes sursum concedere.

EX EDITIONE P. NICOLAI.

a Non est in Glossa quæ nunc exist. b In Catena Græc. PP. x In eadem Cat. ex hom. xxv. in Act. c Orat. xvi. de pauperum amore, versus finem. d In præd. Catena ex homiliis in Matth. f lib. d. ex Acticis, idest regulis brevioribus ad interrog. xcix. g Ubi supra. h In Catena Gregoriana PP.

proximo, perennem fructum conferat in cælis: seu ita quod thesaurus boni operis si commodi terrestris occasione condatur, facile corruptus intereat; at si cælesti solum intentione congeratur, non exterius hominum favore, quasi a fure qui deoris rapit, non intus inani gloria, quasi a tinea quæ interius scindit, valet maculari. GLOSSA. Vel fures sunt hæretici, & dæmones, qui ad hoc intenti sunt ut spiritualibus nos spoliarent. Tinea, quæ vestes latenter rodit, invidia est, quæ studium bonum lacerat, & compassionem umbræ dissipat. THEOPHYLACTUS. Porro, quia non omnia furto tolluntur, addit potiorē rationem, & nullam proliis patientiam instantiam, dicens: *Ubi enim thesaurus vester est, ibi & cor vestrum erit*; quasi dicat: Ego quod nec tinea demolitur, nec fur tollat; hoc ipsum quod est habere cor affixum thesauro sepulto, & divinum opus, scilicet animam, terræ immergere, (1) quanto est dignum supplicio? EUSEBIUS. Nam quilibet homo naturaliter dependet ab eo erga quod studet; illuc totum animum applicat ubi totum commodum possidere putavit. Unde si quis in rebus præsentis vitæ habeat totam mentem, & intentionem, quam cor nominavit, in terrenis versatur; si vero mentem applicaverit ad cælestia, ibi mentem habebit, ut videatur solo corpore cum hominibus conversari, animo vero iam sit agrestis mansuetus cælestes. BEDA (cap. IIV. super *Ubi est thesaurus tuus.*) Hoc autem non solum de pecunia, sed de cunctis passionibus sentiendum est: luxuriosi epulæ sunt thesauri, lascivi ludicra, amatoris libido.

(k) THEOPHYLACTUS (super *Sint lumbi vestri præcincti.*) Postquam suum discipulum modestum statuit Dominus, spoliatus eum qualibet vitæ cura, & elevatione, iam nunc ad ministrandum inducit, dicens: *Sint lumbi vestri præcincti*, id est semper proclives (1) ad exequenda opera Domini vestri: & *lucernæ ardentes*, id est, non ducatis vitam in tenebris, sed ad sit vobis lux rationis, ostendens vobis agenda, & fugienda: est enim hic mundus nox. Cincti vero lumbos sunt qui practicam exequun-

tur: nam talis est ministrantium habitus, quibus oportet adesse & lucernas ardentes, id est discretionis donum, ut valeat discernere practicus non solum quid oporteat agere, sed & quomodo: alioquin in præceptum superbiæ homines ruunt. Notandum autem, quod primo iubet lumbos præcingere, secundo lucernas ardere: nam primo quidem est operatio, deinde speculatio, quæ est illustratio mentis. Ideo studeamus exercere virtutes, ut duas lucernas habemus ardentes, scilicet conceptum mentis lugiter in anima emicantem, quo nos illustramur, & doctrinam, qua ceteros illuminamus. MAXIMUS b. Vel lucernas accensas docet habere per orationem, & contemplationem, & spirituales dilectionem. CYRILLUS c. Vel subcingi significat agilitatem, & promptitudinem ad sustinenda mala intuitu divini amoris; lucernæ autem accensio significat, ut non patiamur aliquos in tenebris ignorantia vivere. GREGORIUS in hom. (XIII. in Evang.) Vel aliter. Lumbos præcingimus cum carnis luxuriam per continentiam coarctamus: viris enim luxuria in lumbis est, feminis in umbilico. A principali igitur sexu lumborum nomine luxuria designatur. Sed quia minus est mala non agere, nisi etiam quisque studeat bonis operibus insudare, additur, (3) *Et lucernæ ardentes*, quas in manibus tenemus, cum per bona opera, proximis nostris lucis exempla monstramus. AUGUSTINUS de Quæst. Evang. (Lib. II. quæst. XXV.) Vel docet & lumbos præcingere propter continentiam ab amore rerum sæcularium, & lucernas ardentes habere, ut hoc ipsum vero fine, & recta intentione fiat. GREGORIUS in homil. (XIII. in Evang.) Sed si utrumque horum agitur, restat ut quisque ille est totam spem suam in Redemptoris sui adventu constituat: unde subditur: *Et vos similes hominibus expectantibus dominum suum quando revertatur a nuptiis.* Ad nuptias quippe Dominus abiit, quia ascendens in cælum, supernam sibi multitudinem Angelorum novus homo copulavit. THEOPHYLACTUS (hoc loco.) Quotidie etiam in cælis desponsant sanctorum animas, quas ei

(1) Al. quantum. (2) Al. ad exequendum quædam opera. (3) Al. *Et lucernæ ardentes in manibus vestris*: lucernas quippe ardentes in manibus tenemus &c.

ei Paulus, vel alius similis offert virginem castam. Redit autem a nuptiis celebratis in cælis, forsan quidem universaliter in consummatione totius mundi, quando venit de cælo in gloria Patris; forsan etiam singulis horis altans inopinate particulari uniuscuiusque consummationi. CYRILLUS *a*. Considera etiam, quod a nuptiis quasi a solemnitate venit, in qua semper exsistit divinitas: nihil enim potest incorruptibili naturæ inferre tristitiam. GREGORIUS Nissenus *b*. Vel aliter. Consummatis nuptiis, & desponsata sibi Ecclesia, & admittita ea in thalamum secretorum, præsolabantur Angeli reditum Regis ad naturalem beatitudinem; quibus similem fieri decet nostram vitam, ut sicut illi sine malitia conversantes parati fuerint dominicum regressum recipere; sic & nos vigilantes ad obedientiam promptos nos faciamus cum advenit pulchra: sequitur enim: *Ubi cum veneris, & pulsaveris, confestim aperiantur illi*. GREGORIUS in hom. (xiii. in Evang.) Venit quippe cum ad iudicium properat, pulsat vero cum iam per æritudinis molestiam esse mortem vicinam designat; cui confestim aperimus, si hunc cum amore suscipimus. Aperire enim iudici pulchritudinem non vult qui exire de corpore trepidat, & cum quem contempsisse se meminit, videre iudicem formidat; qui autem de sua spe, & operatione securus est, pulchritudinem confestim aperit: quia cum tempus propinquæ mortis agnoverit, de gloria retributionis hilarescit: unde subditur: *Beati servi illi, quos cum veneris Dominus invenit vigilantes*. Vigilat quid aspectum vixi luminis mentis oculos apertos tenet, qui servat operando quod credit, qui a se corporis, & negligentæ tenebras (1) repellit. GREGORIUS Nissenus. Propter hanc igitur vigiliam observandam supra Dominus monuit, ut sint lumbi præcincti, & lucernæ ardentes: lumen enim oppositum oculis pellit somnolentiam oculorum; lumbi etiam cingulo perstricti reddunt corpus insusceptibile somni: nam qui præcinctus est castitate, & pura conscientia illustratus perseverat insomnis. CYRILLUS *d*. Cum igitur Dominus veniens suos insomnes invenit, & præcinctos, cor illuminatum

S. Th. Oper. Tom. V.

habentes, tunc eos promulgabit beatos: sequitur enim: *Amen dico vobis, quia præcinctus se*: ex quo percipimus quod similia nobis retribuet, dum (2) cum luccinctis se præcinctus. ORIGENES. Erit enim præcinctus iustitia circa lumbos suos, secundum Esaiam. GREGORIUS (hom. xiii. in Evang.) Per quam præcinctus se, id est ad retributionem se præparat. THEOPHYLACTUS (super *Amen dico vobis quia præcinctus se*). Vel præcinctus se in eo quod non totam ubertatem bonorum largitur, sed hanc cohibet secundum certam mensuram. Quis enim Deum capere potest quantus est? Unde Seraphim (3) velari dicuntur propter excellentiam divini splendoris. Sequitur: *Et faciet illos discumbere*, id est omnino requiescere: sicut enim discumbens totum corpus facit (4) quiescere, sic in futuro adventu sancti totaliter requiescent. Hic enim non habuerunt requiem corporis, illic vero simul cum animabus spiritualia corpora incorruptionem sortita, plena gaudebunt quiete. CYRILLUS *f*. Faciet igitur illos discumbere, quasi fessos retocilians, apponens spirituales delicias, & statuens dapilem donorum suorum mensam. DIONYSIUS in Epistola (ix.) ad Titum. Discubitus enim (5) opinatur quietem a multis laboribus, & vitam sine latione, & conversationem divinam in lumine, & regione viventium, universo sancto affectu adimpletam, & copiosam donatio, nem omnium donorum, secundum quam lætitia adimplentur: hoc est enim quod se sus faciet eos recumbere, dans eis perpetuam quietem, & distribuens eis bonorum multitudinem: unde sequitur: *Et transiens ministrabit illis*. THEOPHYLACTUS (hoc loco). Quasi vicem æqualem eis reddens, ut sicut ipsi ministraverunt ei, ita & ipse eis ministraret. GREGORIUS in hom. (xiii. in Evang.) Transiens vero dictum est cum de iudicio ad regnum redit. Vel Dominus nobis post iudicium transsit, qui ab humanitatis forma in divinitatis suæ contemplationem nos elevat. CYRILLUS *g*. Novit autem Dominus lubri, cum fragilitatis humanæ ad peccandum; sed quoniam bonus est, desperare non sinit, sed magis miseretur, & dat nobis peni-

ff teni.

(1) *Al. repellit.* (2) *Al. ministrat cum.* (3) *Al. mihi velari.* (4) *Al. paulare.* (5) *Al. opinantur.*

EX EDITIONE P. NICOLAI

a Ubi supra. *b* Th. Catena Græc. PP. ex illius oratione, vel hom. xi. in Cantica. *c* Ibidem. *d* Ubi supra. *e* In Catena Græc. PP. *f* Ubi supra. *g* Ibid.

tentiam in salutis antidotum; & ideo subdit: *Et si venerit in secunda vigilia, & si in tertia vigilia venerit, & ita invenerit, beati sunt servi illi.* Dividunt enim excubantes in noctis civitatem, & hostium servantes aggressus, noctem in tres, aut quatuor vigiliis. GREGORIUS in homil. (xlii. in Evan.) Prima ergo vigilia primævum tempus est vitæ nostræ, idest pueritia; secunda adolescentia, vel iuventus; tertia autem senectus accipitur. Qui ergo vigilare in prima vigilia noluit, (1) custodiat in secunda; & qui in secunda noluit; tertiæ vigiliæ remedia non amittat: ut qui converti in pueritia neglexit, saltem in tempore iuventutis, vel in senectute (2) respiciat. CYRILLUS *a*. De prima tamen vigilia mentionem non facit, quia pueritia non puniatur a Deo, sed veniam meretur. Secunda vero, & tertia ætas, debet obedientiam Deo, & vitam honestam ducere ad voluntatem ipsius. GRÆCUS *b*. Vel ad primam vigiliam pertinent diligentius viventes, quali primum gradum fortiti; ad secundam vero mediæ conversationis mensuram tenentes; ad tertiam vero qui sunt infra hos: & idem de quarta purandum est, & si contingat, de quinta: diversæ enim sunt conversationum mensuræ, & bonus remunerator metitur unicuique quod dignum est. THEOPHYLACTUS (super *Si venerit in secunda vigilia.*) Vel quia vigiliæ sunt horæ noctis provocantes soporem hominibus, intelligas etiam in vita nostra esse quidam horas quæ faciunt nos beatos, si infomnes reperti fuerimus. Rapuit tibi aliquis facultates, defuncti sunt tibi filii, accusatus es; sed si in his temporibus non feceris contra Dei mandata quicquam, vigilantem te inveniet in secunda, & tertia vigilia, idest in tempore malo perniciosum somnum animabus letis interente. GREGORIUS in hom. (xlii. in Evan.) Ad excutiendam vero nostræ mentis desidiam etiam exteriora damna per similitudinem ad medium deducuntur: nam subditur: *Hoc autem scitote, quoniam si scieris paternam familiam qua hora fur venerit, vigilaris utique, & non fueris perfidi damnus suam.* THEOPHYLACTUS (super *Si scieris qua hora fur venerit.*) Quidam hunc furem intelligunt esse diabolum, domum animam, patremfamilias

hominem; non tamen videtur hæc acceptio consonare sequentibus: adventus enim Domini comparatur huic furi tamquam ex inopinato proveniens, secundum illud Apostoli I. Thes. v. 2, "Dies Domini sicut fur, ita in nocte venit: unde & hic subditur: *Et vos estote parati: quia qua hora non putatis Filius hominis venire.*" GREGORIUS in homil. (xlii. in Evan.) Vel aliter. Nesciente paternam familiam, fur domum perfodit, quia dum a lui custodia spiritus dormit, improvisa mors veniens carnis nostræ habitaculum irrumpt; furi autem resistere, si vigilaret, quia adventum iudicis, qui occulte animam capit, præcavens, ei poenitendo occurreret, ne impunitus iret. Horam vero ultimam Dominus idcirco nobis voluit esse incognitam, ut dum illam prævidere non possumus, ad illam sine intermissione præparemur.

(1) THEOPHYLACTUS (super *Ait Petrus.*) Petrus, cui iam commissa Ecclesia fuerat, quasi omnium curam gerens, inquit utrum ad omnes Dominus parabolam protulisset: unde dicitur: *Ait autem ei Petrus: Domine, ad nos dicis parabolam hanc, an ad omnes?* BEDA (cap. liv. in Luc.) Duo Dominus in præmissa parabola (3) monuerat, & se videlicet subito venturum, & illum eos paratos expectare debere. Sed de quo horum, an de utroque Petrus interrogaverit, quosve sibi, sociisque suis comparaverit, cunctat, *Ad nos dicis, an ad omnes?* non facile patet. Et quidem in eo quod ait *nos*, & *omnes*, non alios quam Apostolos, Apostolorumque similes, & ceteros fideles; vel Christianos, & infideles; vel eos qui viritum, idest sigillatim morientes, sui iudicis adventum nolentes volentesque suscipiunt, & eos qui in universali iudicio vivi sunt in carne reperiendi, significare purandum est. Mirum est autem si Petrus dubitavit, vel omnibus sobrie, & pie, & iuste vivendum expectantibus beatam spem; vel inopinatum singulorum, & omnium futurum esse iudicium. Unde restat intelligi, his scilicet duobus iam bene cognitis, ea quæ nescire poterat, quævisse; videlicet si sublimia illa vitæ celestis instruta, quibus possessa vendere, sacculos qui non veterascerent facere, lumbis præcinctis, lucernisque ardentibus vigilare præceperat, ad

(1) *M.* custodiat secundam. (2) *M.* respiciat. (3) *M.* moveret.

ad Apostolos solum, simileque eorum, aut ad omnes qui salvandi sunt, pertineant. CYRILLUS *a*. Validam autem mentem, habentibus conveniunt ardua, & excellentia mandatorum sanctorum; his vero qui nondum ad hanc virtutem attigerunt, conveniunt ea a quibus (1) difficultas excluditur: unde Dominus exemplo manifestissimo utitur, ostendens mandatum præmissum convenire his qui admissi sunt in gradum discipulorum: sequitur enim: *Dixit autem Dominus: Quisputas est fidelis dispensator?* AMBROSIVS (de vigilantia, & negligentia servorum.) Vel aliter. Superioris quidem in omnes præcepti forma est generalis; verum series sequenti exempli dispensatoribus, hoc est sacerdotibus, videtur esse proposita: unde sequitur: *Dixit autem Dominus: Quisputas est fidelis dispensator, & prudens quem constituit Dominus super familiam suam, ut det illis in tempore tritici mensuram?* THEOPHYLACTUS (2) Quasi dicat: Prædicta parabola communiter omnes fideles attingit; sed quid vobis Apostolis, & doctoribus conveniat, audiatis. Quæro enim quis dispensator invenitur in se habens fidelitatem, & prudentiam: sicut enim in dispensationis facultatem, sive aliquis incautus sit fidelis domino existens, sive etiam prudens sit, & infidelis, dispereunt res domini; sic & in rebus divinis opus est fidelitate, & prudentia: novi enim multos Deum colentes, & fideles; quia vero non poterant prudenter ecclesiastica tractare negotia, non solum possessiones, sed etiam animas destruebant, utentes in peccatores indiscreta virtute per immoderata pœnitentiæ mandata, vel importunam mansuetudinem. CHRYSOSTOMUS (homil. lxxviii. in Matth.) Quærit autem hic Dominus non quasi fidelem, & prudentem dispensatorem ignorans, sed volens innuere raritatem rei, & huiusmodi præfatus magnitudinem. THEOPHYLACTUS (hoc in loco.) Quisquis ergo fidelis fuerit inventus & prudens, præsideat familiæ Domini, ut singulis temporibus det tritici mensuram, vel sermonem doctrinæ, quo pascantur animæ, vel operum exemplum,

quo vita informetur. AUGUSTINUS de Quæstion. Evang. (Lib. II. cap. xxviii.) Mensuram autem dicit propter modum capacitatis quorumcumque audientium. ISIDORUS *b*. Additum est etiam *In tempore*, quod beneficium non suo tempore datum redditur cassum, & nomen beneficii perdit. Idem panis efluerit quidem appetibilis est, satiati autem non multum. De huius autem servi dispensatoris præmio subdit, dicens: *Beatus ille servus quem cum venerit dominus, invenerit sic facientem.* BASILIUS *c*. Non dicit agentem a casu, sed *sic facientem*: non enim vincere solum convenit, sed etiam certare legitime: hoc autem est sic singula exequi sicut recipimus a mandatis. CYRILLUS *d*. Sic ergo fidelis servus, & prudens, opportuno tempore distribuens prudenter cibaria famulis, hoc est spiritualia escas, beatus erit, iuxta dictum Salvatoris, in hoc scilicet quod obtinebit adhuc maiora, & merebitur præmia familiaribus debita: unde sequitur: *Verè dico vobis, quia super omnia quæ possidet constituet illum.* BEDA. Quanta enim inter bonos auditores & bonos doctores est meritum distantia, tanta est etiam præmiorum: hoc enim adveniens, cum vigilantes invenerit, faciet discumbere; illos autem cum fideliter, prudenterque dispensantes invenerit, super omnia quæ possidet constituet, id est super omnia cælestis regni gaudia: non utique ut horum soli dominium teneant, sed ut eorum abundantius ceteris sanctis æterna possessione fruatur. THEOPHYLACTUS. Vel *super omnia bona sua constituet eum*, non solum super suam familiam, sed ut tam terrena, quam cælestia ei obediant: qualis fuit Iesus Nave, & Elias; alter soli, alter nubibus mandans: & omnes sancti, quasi Dei amici, rebus Dei utuntur. Quicumque etiam vitam virtuosæ peragit, & servos suos, id est iram, & concupiscentiam, recte disposuit, exhibens temporibus singulis mensuram frumenti, iræ quidem, ut afficiatur in habentes odio Deum, concupiscentiæ vero ut necessaria utatur carnis provisione, ordinans eam in Deum: talis, inquam, constituit.

Ff 2 tur

(1) *Al. facultas.* (2) Omissis P. Nicolai Quasi dicat.

EX EDITIONE P. NICOLAI.

a In Cat. Græc. PP. *b* In eadem Catena notatur siue ullo indice loci, sed colligitur ex Isidoro Pelusiorum Lib. III. epist. clxxx. quæ inscribitur Petro, & simile aliquid habet Lib. IV. epist. cxlv. quæ inscribitur Bonifacio. *c* In Catena Græc. PP. ex Alciatensis. *d* In eadem Catena, ut supra.

tur super omnia quæ possidet Dominus, dignus omnia per speculativum intellectum intueri. CHRYSOSTOMUS (homil. lxxviii. in Matth.) Dominus autem non solum ex honore bonis reservato, sed ex minis pœnæ in malos corrigi auditorem: unde sequitur: *Quod si dixerit servus ille in corde suo: Meram facit dominus meus venire.* BEDA (cap. liv.) Nota, inter vitia servi mali ascriptum quod tardum domini sui reditum putaverit; non autem, inter boni virtutes annumeratum, quod hunc citum speraverit, sed tantum fideliter ministraverit. Nil ergo melius est quam ut patienter sustineamus ignorare quod sciri non potest; sed tantum laboremus ut idonei inveniamur. THEOPHYLACTUS (hoc loco.) Ex eo autem quod non consideratur hora finis, multa peccata eveniunt: nam si cogitarem Dominum venire, & præsto esse terminum vitæ nostræ, minus utique peccaremus: unde sequitur: *Et speris percutere pueros, & ancillas, & edere, & bibere, & inebriari.* BEDA (cap. liv. super illud, *Meram facit dominus.*) In hoc servo cunctorum præsulum malorum narratur damnatio, qui neglecto Domini timore, non modo ipsi luxuriam vacant, sed etiam subditos iniuriis stimulant; quamvis & typice possit intelligi pueros, & ancillas percutere, corda infirmorum pravo exemplo vitare; edere autem, bibere, & inebriari, facinoribus, & sæcni illecebris, quæ hominem dementant, occupari. De eius autem pœna subditur: *Veniet dominus servi illius dñs qua non sperat, scilicet iudicii, vel mortis, & dividet eum.* BASILIUS a. Non quidem (1) dividitur corpus, ut hoc quidem exponatur, tormentis, illud vero dimittatur: nam fabulosum est hoc, neque iusti iudicii, cum deliquerit totum, dimidium pati pœnam: nec anima secatur, tota criminosa conscientiam possidens, & cum corpore mala cooperans; sed divisio eius est perpetua alienatio animæ a spiritu. Nunc enim etiam non sit gratia Spiritus indignis, videtur tamen utcumque adesse, conversionem eorum expectans ad salutem; tunc vero totaliter (2) amputabitur ab anima. Spiritus ergo sanctus & bravium est iustorum, & prima

condemnatio peccatorum, quoniam eum indigni amittent. BEDA (cap. liv. prope fin.) *Vel dividet eum, a fidelium confortio segregando, & eis qui nunquam ad fidem pertinuerant sociando: unde sequitur: Partemque eius cum infidelibus ponet:* quia „ qui „ suorum, & domesticorum curam non habet, fidem negavit, & est infideli deterior; „ ut ait Apostolus I. Timoth. v. THEOPHYLACTUS. Recte etiam infidelis dispensator cum infidelibus partem accipiet, quia vera caruit fide.

(m) THEOPHYLACTUS (super illud autem servus.) Hic nobis Dominus maius aliquid, & terribilius ostendit: non enim solum dispensator infidelis accepta privabitur gratia, ut nihil eum iuvet ad vitandum supplicia, sed magis fiet ei damnationis causa dignitatis immensitas: unde dicitur: *Ille autem servus, qui cognovit voluntatem domini sui, & non fecit secundum voluntatem eius, plagis vapulabit multis.* CHRYSOSTOMUS (hom. xxvii. in Matth.) Non enim similiter in omnibus omnia iudicantur, sed maior cognitio sit maioris pœnæ materia: unde sacerdos eadem peccans cum populo, multo graviora patietur. CYRILLUS b. Homo enim perpicax, qui turpioribus suam voluntatem (3) inclinavit, inexcusabile peccatum commisit, quasi propter malitiam recedens a Domini voluntate; sed homo rusticus rationabilis implorabit veniam vindicantis: unde subditur: *Qui autem non cognovit, & fecit digna plagis, vapulabit paucis.* THEOPHYLACTUS (super Servus qui cognovit.) Hic obiciant aliqui: Merito punitur qui sciens voluntatem Domini, non profecit; sed cur punitur ignorans? Quia cum ipse scire potuisset, noluit; sed pigritans ipse fuit ignorantie suæ causa. BASILIUS c. Sed dices: Si hic quidem multa sustinet verbera, hic autem pauca, qualiter dicunt quidam, quod non imponit finem supplicii? Sed sciendum est, quod hoc quod hic dicitur non (4) numerum pœnarum, sed differentiam indicat: potest enim aliquis esse dignus inextinguibili flamma, vel remissiori, vel intensiori; & indeficienti verberum, vel mitius torquente, vel fortius. THEOPHYLACTUS (ubi, supra.) O-

sten-

(1) *Al. dividetur.* (2) *Al. amputabitur anima.* (3) *P. Nicetas habet qui turpioribus suam voluntatem inclinavit, impudenter iustificandi ac implorandi, qui inexcusabile &c.* (4) *Idem leg. in men. uam.*

EX EDITIONE P. NICOLAI.

* In Libr. de Sp'itu Sancto cap. xvi. b In Ioan. cap. x. Lib. VI. c In Regulis brevioribus ad interrogat. cclxvii.

stenditur autem consequenter quare doctoribus, & scientibus intensior pœna debeatur, cum dicitur: *Omni autem cui multum datum est, multum quæretur ab eo; & cui commendaverunt multum, plus petent ab eo.* Datur quidem doctoribus gratia faciendi miracula; sed commendatur eis sermonis, & doctrinæ gratia. Sed in dato quidem non dicit aliquid plus petendum, sed in commendato, sive deposito: nam gratia verbi incremento eget, & a doctore requiritur amplius: non enim decet eum torpere, sed augere verbi talentum. BEDA (cap. liv. in fin.) Vel aliter. Multum sæpe datur etiam quibusdam privatis, quibus etiam cognitio dominicæ voluntatis, & exequendi quæ cognoscunt facultas impenditur; multum autem commendatur illi cui cum sua salute dominici quoque gregis pascendi cura committitur. Maior ergo gratia donatos, si deliquerint, maior vindicta sequetur; mitissima autem omnium pœna erit eorum qui præter peccatum quod originaliter traxerunt, nullam insuper addiderunt; & in ceteris qui addiderunt tanto quilibet ibi tolerabiliorem habebit damnationem, quanto hic minorem habuit iniquitatem.

(n) AMBROSIVS (Lib. VII. in Lucam cap. de vigilantia servorum.) Dispensatoribus, idest sacerdotibus, præmissa videntur esse propolita, quo sciant sibi gravem in futurum pœnam esse subeundam, si familiam Domini gubernare neglexerint. Sed quia exigui esse profectus metn supplicii ab errore revocari, ideo Dominus (1) ad quærendam cupiditatem divinitatis inflammatur, dicens: *Ignem veni mittere in terram*: non utique illum consumptorem bonorum, sed bonæ voluntatis auctorem, qui aurea dominicæ domus vasa meliorat, senam vero consumit, & stipulam. CYRILLUS. Mos est autem sacræ Scripturæ ignem quandoque dicere sacros & divinos sermones: sicut enim qui aurum, & argentum purgare novit, per ignem consumunt eorum sorditiem; sic Salvator per evangelica documenta in virtute Spiritus absterget intellectum eorum qui credunt in eum. Hic igitur ignis salubris, & uti-

lis, quo habitatores terræ, frigidi quodammodo, & extincti propter peccatum, incallescunt ad pietatis vitam. CHRYSOSTOMUS. Terram enim ad præsens vocat, non eam quam pedibus terimus, sed plasmata manibus eius, scilicet hominem, cui Dominus ignem ingerit ad consumptionem peccatorum, & innovationem animarum. TITUS. Est autem intelligendum eum de celo venisse: non enim, si de terra venisset in terram, diceret: *Ignem veni mittere in terram*. CYRILLUS. Huic autem ignis Dominus accelerabat incendium: unde sequitur: *Et quid volo nisi ut accendantur?* Credebant enim iam quidam ex Israël, quorum exordium fuerant venerandi discipuli; sed ignis semel in Iudæa accensus totum orbem occupare debebat, consummata tamen passionis eius dispensatione: unde sequitur: *Baptismo autem habet baptizari*. Nam ante venerabilem crucem, & eius resurrectionem a mortuis, in sola Iudæa fiebat mentio predicationis, & miraculorum ipsius; postquam autem principem vitæ infantes occiderunt, tunc Apostolis præcepit dicens Marth. xvi. 11. „Euntes, docete omnes gentes.“ GREGORIUS super Ezechielem (hom. xii.) Vel aliter. Ignis in terram mittitur cum per ardorem sancti Spiritus afflata terrena mens a carnalibus desideriis crematur; succensa autem spirituali amore, malum quod fecit plangit: & sic terra ardet quando accusante se conscientia, cor peccatoris in dolore penitentiae crematur. BEDA (cap. liv. in Lucam.) Addit autem, *Baptismo habet baptizari*; idest, sanguinis proprii tinctione prius habeo perfundi; & sic corda credentium (2) Spiritus igne inflammare. AMBROSIVS (de negligentia servorum.) Tanta autem est Domini dignatio ut insundendæ nobis devotionis, & consummandæ perfectionis in nobis, & maturandæ pro nobis passionis studium sibi inesse testetur: unde sequitur: *Et quomodo coarctetur usque dum perficiatur?* Quidam codices habent, *Et coarctetur*, idest contrisitor: cum enim in se nihil (3) habuerit quod doleat, nostris tamenangebatur ærumnis, & tempore mortis mæ-

(1) *Apud Hieronymum est ad acquirendæ cupiditatem divinitatis.* (2) *Al. omittitur Spiritus, & inflammatus legitur pro inflammare.* (3) *Al. habet.*

EX EDITIONE P. NICOLAI.

a In Cetena Græc. PP. b Ibid. c Ubi supra. d BEDA. Eius nomine prætermisso editiones alie Ambrosio hanc appendicem subebant; ac pœius de Po Beda intelligit quod hic habet eius codex: legit eam, *Quomodo ardet*, & ad triditiam Christi applicat propter distantiam eius mortem.

ritiam prætendebat, quam non ex metu mortis suæ, sed ex mora nostræ redemptionis assumpserat. Qui enim usque ad perfectionem angitur, de perfectione securus est: quia eum conditio corporalis affectus, non formido mortis offendit: nam qui corpus suscepit, omnia debuit subire quæ corporis sunt, ut eluriret, sitiret, angeretur, & contristeretur. Divinitas autem per hos affectus nescit commutari. Simul etiam ostendit quod in certamine passionis mors corporis, absolutio anxietudinis, non (1) coercitiva sit doloris. BEDA (cap. lv. in Luc.) Quomodo autem post baptismam suam passionis, post ignis spiritualis adventum terra sit arida, declarat subdus: *Puratus quia pacem veni dare in terram? Non, dico vobis, sed separationem.* CYRILLUS a. Quid dicis Domine? Non venisti pacem daturus qui factus es nobis pax, pacificans per crucem caelestia, & terrestria: qui dixisti Ioan. xiv., Paxem meam do vobis? Sed manifestum est quod utilis quidem est pax, quandoque autem damnosa, & separans ab amore divino, per quam scilicet consentitur his qui a Deo discedunt: & ob hoc sœdera terrena docuit vitare fideles: unde sequitur: *Erant enim quinque ex hec in domo una divisi, tres in duos, & duo in tres dividuntur, pater in filium.* AMBROSIVS. Cum sex personarum videatur facta subiectio, patris, & filii, matris, & filiarum, & nurus; quinque tamen sunt, quia eadem mater quæ foras accipi potest: quæ enim est mater filii, foras eius uxoris est. CHRYSOSTOMUS b. Per hoc autem futurum eventum protulit. Contingebat enim in eadem domo aliquem esse fidelem, cuius pater vellet eniã infidelitatem protrahere; sed intantum prævaluit virtus doctrinæ Christi, ut filii patres (2) dimitterent, matresque filiarum, & liberos parentes. Libuit enim fideles Christi non solum contemnere propria, sed & cuncta simul pati, dummodo cultu fidei non careant. Si autem purus homo esset, unde suppetere ei hoc posse meditari, quod a patribus plus amaretur quam filii, & a filiis plusquam patres, & a viris plusquam coniuges; & hoc non in una domo, aut centum, sed ubique terrarum: & non solum hoc prædixit, sed etiam opere consummavit. AMBROSIVS

(de spirituali intellectu eius quod Dominus dixit.) Mystica autem interpretatione domus una, homo unus est. Duos autem legimus frequenter, animam, & corpus: quod si duobus convenerit, efficit utraque unum: aliud est quod servit, aliud cui subicitur. Tres autem animæ affectiones sunt: una rationalis, alia concupiscibilis, tertia irascibilis. Duo ergo in tres, & tres in duo dividuntur. Etenim per adventum Christi homo, qui erat irrationabilis, rationabilis factus est. Eramus carnales, terreni: misit Deus Spiritum suum in corda nostra; facti sumus filii spirituales. Possumus etiam dicere, quod in hac domo sunt alii quinque, id est odor, tactus, gustus, visus, & auditus. Si ergo secundum ea quæ audimus, aut legimus sensu visus, atque auditus, excludamus superfluas voluptates corporis, quæ gustu, tactuque, & odore percipiuntur; duo in tres dividimus, eo quod mentis habitus vitiorum non capiatur illecebris. Aut si quinque sensus acceperimus corporales, vitia iam corporis, & peccata se separant. Possunt etiam caro videri, atque anima ab odore, tactu, gustuque luxuriæ separata: fortior enim rationis sexus velut in viriles fertur affectus; hæc molliorem studet tenere rationem. Ex his itaque diversarum cupiditatum motus inolevit; sed ubi in se anima redit, degeneres abiurat heredes: caro quippe cupiditatibus suis, quas sibi ipsa generavit, tamquam sentibus mundi doluit esse conmixta; sed velut corporis quedam, atque animæ nurus, voluptas motui pravæ cupiditatis innubit. Ergo quamdiu mansit in una domo, conspirantibus vitiis, individua consensio, nulla videbatur esse divisio; ubi vero Christus ingnem, quo delicta cordis exureret, vel gladium, quo secreta penetrantur, misit in terras; tunc caro, atque anima regenerationis innovata mysteriis, copulam posteritatis eliminat, ut dividantur parentes in filios, dum intemperans motus intemperantiam abdicat, & anima declinat confortium culpæ. Filii quoque in parentes dividuntur, dum renovati homines vitia vetusta declinant, voluptasque adolescentior seriose domus refugit disciplinam. BEDA (cap. lv. circa medium.) Vel aliter. Per tres significantur qui fidem Trinitatis habent;

(1) P. Nicolai legit concertativa. (2) M. converterent.

EX EDITIONE P. NICOLAI.

* Ubi supra. † In Catena Grec. ubi supra.

bent; per duo infideles, qui a fidei unitate dissentiunt. Pater autem diabolus est, cuius filii imitando eramus; sed postquam venit ignis ille caelestis, nos ab invicem separavit, & ostendit alterum patrem, qui est in caelis. Mater synagoga, filia est Ecclesiae primitiva, quæ & eandem, de qua genus ducit, synagogam fidei persecutricem iustitiae, & ipsa eidem synagogæ fidei veritatem contraxit. Socrus synagoga, nurus Ecclesiae de Gentibus: quia ipse filius Ecclesiae Christus filius est synagogæ secundum carnem. Synagoga ergo in nunc, & in filiam est divisa, quæ credentes de utroque populo persequitur; sed & illæ in socrum, & in matrem sunt divise, quia (1) nolunt carnalem circumcisionem suscipere.

(o) THEOPHYLACTUS (super *Cum videritis nubem orientem*.) Cum de prædicatione discipulasset, & eam nominasset gladium, poterant audientes turbari, nescientes quid diceret; & ideo Dominus subdit, quod sicut aëreas dispositiones per quædam signa cognoscunt, sic deberent eius adventum cognoscere; & hoc est quod dicit: *Cum videritis nubem orientem ab occasu, statim dicitis, Nimbibus venit, & ita fit; & eum austrum flantem, dicitis, quia afflatus erit, & ita fit*; quasi dicat: Verba mea, & opera mea indicant contrarium vobis: potestis igitur coniectare, quia non veni pacem dare, sed imbrem, & turbinem. Ego enim sum nubes, & venio ab occasu, id est ab humana natura pridem multa induia peccatorum caligine: veni etiam ponere igoem, id est æstum incitare: sum enim austri ventus calidus, & oppositus boreali frigiditati. BEDA (super *Hypocrita, faciem cali nobis*.) Vel qui ex elementorum immutatione statum aurarum, quia voluerunt, facillime prænoscere poterunt, possent etiam visellere tempus adventus Domini ex dictis intelligere Prophetarum. CYRILLUS. Prophetæ enim multifarie prænuñciaverunt Christi mysterium. (2) Decebat ergo, si prudentes essent, ad futura prospectum intendere; nec ignorare futuras tempestates post vitam præsentem valerent: erit enim ventus, & pluvia, & supplicium futurum per ignem; & hoc significatur cum dicitur, *Nimbibus venit*. Decebat etiam salutis tempus non ignorare, scilicet adventum Salvatoris, per quem

perfecta pietas intravit mundum; & hoc significatur cum dicitur: *Dicitis, quia afflatus erit*. Unde in eorum reprehensionem subditur: *Hypocrita, faciem cali, & terra nobis probare; hoc autem tempus quomodo non probatis?* BASILIUS (hom. vi. in Hexaemeron.) Est autem notandum, quod necessarii sunt humanæ vitæ siderum coniecturæ, dummodo quis ultra mensuram non perquirat eorum indicia. Est enim nonnulla de pluviis futuris percipere; plura quoque de æstibus, & impetu ventorum, vel particularibus, vel universalibus, vel violentis, vel levibus. Quanta vero commoditas ex eorum coniectura vitæ præstetur, quis nescit? Interest enim nauæ pronoscari procellarum pericula, viatori mutationem aeris, colono fructuum copiam. BEDA (cap. iv.) Sed ne aliqui de turba se prophetiæ lectionis ignaros, temporum cursus (3) probare non posse causarentur, vigilantè adiungit: *Quid autem & a vobis istis non indicatis quod iustum est?* ostendens eos, etsi litteras nesciant, naturali tamen ingenio posse dignoscere, eum qui opera fecit quæ nullus alius fecisset, supra hominem & Deum esse: unde post huius sæculi iniustitias, iustum Creatoris iudicium esse venturum. ORIGENES (hom. xxxv. in Luc.) Nisi autem esset nobis natura iustum id quod iustum est iudicare, numquam Salvator hoc diceret.

(p) THEOPHYLACTUS (super *Cum vadis*.) Postquam ostendit Dominus laudabilem discordiam, ex hinc docet laudabilem pacem, cum dicit: *Cum autem vadis cum adversario tuo ad principem, in via da operam liberari ab illo*; quasi dicat: Cum trahit te adversarius ad iudicium, da operam, id est omnibus modis excogites, ut absolvaris ab illo. Vel da operam; id est, etsi nihil habeas, mutuum accipe, ut absolvaris ab illo, ne te coram iudice cooveniat: unde sequitur: *Ne forte trahat te ad iudicem, & index tradat te exaltari, & exaltor mittat te in carcerem*. CYRILLUS b. In quo angustias patieris donec etiam novissimum assem (4) exigent: & hoc est quod subdit: *Dico tibi, non exibis inde, donec etiam novissimum minutum reddas*. CHRYSOSTOMUS (hom. xvi. in Matth.) Videtur mihi de presentibus iudiciis dicere, & de itinere ad præsens iudicium, & de carcere huius mundi: per hæc

(1) *volunt*. (2) *dicat*. (3) *non probare*. (4) *Nicolaus habet reddas*.

hec enim quæ apparent, & in promptu sunt, irrationabiles homines se corrigere confueverunt; frequenter enim non solum ex futuris bonis, vel malis commonet, sed etiam ex præsentibus propter grossiores auditores. **A M A R O S I U S** (Lib. VII. cap. de liberatione ab adversario in via.) Vel adversarius noster diabolus est, quisierit illecebras desideriorum, ut habeat in supplicio participes quos habuit in errore consortes: adversarius etiam nobis est omnis vitiolorum usus: denique adversaria est nobis mala conscientia, quæ nos & hic afficit, & in futurum accusabit, & prodet. Demus igitur operam ut dum in hoc sumus vitæ curriculum constituti, tamquam a malo adversario, ita ab improbi liberemur actu, nedum imus cum adversario ad magistratum, in via nostrum condemnent errorem. Quis autem est magistratus nisi penes quem omnis potestas est? Hic autem magistratus tradit reum iudici, ei scilicet cui vivorum, & mortuorum tribui potestatem, scilicet Iesu Christo, per quem occulta redarguuntur, & improbi operis poena mandatur. Ipse exactori tradit, & in carcerem mittit: dicit enim Matth. **xxix.** „Tollite, & mittite illum, in tenebras exteriores.“ Et exactores suos monstrat esse Angelos, de quibus dicit ibid. **xxx.** „Exibunt Angeli, & separabunt malos de medio iustorum, & mittent eos in caminum ignis.“ Sed (subditur: *Dico tibi, non exies inde donec etiam novissimum minutum reddas.*) Si enim qui pecuniam solvunt, non prius evacuant senioris nomen quam totius sortis usque ad minimum quocumque solutionis genere quantitas universa solvatur; sic compensatione caritatis, ad quumque reliquorum, vel satisfactione quacumque peccati poena dissolvitur. **ORIGENES** (hom. **xxxv.** ut supra.) Vel aliter. Quatuor personas hic ponit, adversarii, principis, exactoris, & iudicis; apud Matthæum vero persona prætermissa est principis, & pro exactore minister insertus. Discrepant etiam, quod ille quadrantem, iste minutum posuit; uterque autem dixit novissimum. Cunctis autem hominibus duos Angelos adesse legitimus, malum qui adversa exhortatur, bonum qui optima persuadet. Ille autem adversarius noster, quotiescumque peccamus, exultat, sciens quoniam habet potestatem apud principem sæculi huius, qui se miserat, exultandi, & gloriantis. (1) In Græco autem cum articulo *τοῦ* **αὐτοῦ**, qui singu-

laritatis significator est, adversarium posuit, ut ostenderet singulis hominibus singulos adversarios esse, qui ubique eos sequantur; principem vero sine articulo posuit, ne certum videretur offendere, sed unum de pluribus: non enim unusquisque nostrum habet proprium principem, sed suæ genti communem. Da ergo operam ut libereris ab adversario tuo, sive a principe, ad quem te adversarius trahit, habendo sapientiam, iustitiam, fortitudinem, & temperantiam. Si autem dederis operam, esto in eo qui dicit Ioan. **xiv.** „Ego sum via:“ alioquin trahet te adversarius ad iudicem. Dicit autem, *Trahit*, ut ostendat nolentes ad condemnationem compelli. Iudicem autem alium nescio nisi Dominum nostrum Iesum Christum, qui tradit exactori. Singuli exactores proprios habemus: domuantur exactores, si debuerimus aliquid, si omnibus universa reddidero, nemo exactor est, & intrepida mente respondeo, Nihil tibi debeo. Quod si debitor fuero, mittet me exactor in carcerem, nec patietur exire, nisi debitum omne persolvero: non enim habet exactor potestatem ut mihi saltem quadrantem concedat. Qui donavit debitori quingentos denarios, & alii quinquaginta, dominus erat: iste qui exactor est, dominus non est; sed a domino ad exigenda debita præpositus. Novissimum autem minutum dicit grangia, & tenuis: peccata enim nostra aut pinguis sunt, aut tenuia. Beatus igitur est qui non peccat. Secundo autem si tenuis peccatum habeat, inter ipsa quoque tenuia diversitas est: alioquin non diceret, *Donec novissimum redderet minutum*. Si enim parum debet, non egredietur nisi solvat minimum quadrantem; qui autem magno debito fuit obnoxius, infinita ei ad reddendum sæcula numerabuntur. **BEDA** (cap. **lv.** par. a fin.) Vel aliter. Adversarius noster in via est sermo Dei contrarius nostris carnalibus desideriis in præsentia vita, a quo liberatur qui præceptis eius subditur: alioquin tradetur iudici, quia sermone Domini contempto, peccator reus tenebitur in examine iudicis; quem iudex exactori tradet, idest maligno spiritui, ad ultionem: qui mittetur in carcerem, idest in infernum; ubi quia semper solvere poenas patiando, sed nunquam persolvendo, veniam consequi non poterit, nunquam exinde exibat; sed cum terribilissimo serpente diabolo perpetuas poenas luet.

C A-

(1) Quatuor quorum sæpe mentionem exempla sic habent. Cum articulo autem in Græco cum posuit, & ut pluribus unum monstraret, quia unusquisque sub suo genis est principe. Da ergo operam &c.

C A P U T XIII.

(a) **A** Derant autem quidam ipso in tempore nuntiantes illi de Galilæis, quorum sanguinem Pilatus miscuit cum sacrificiis eorum. Et respondens dixit illis: Putatis quod hi Galilæi præ omnibus Galilæis peccatores fuerint, quia talia passi sunt? Non, dico vobis; sed nisi poenitentiam habueritis, omnes similiter peribitis. Sicut illi decem & octo, supra quos cecidit turris in Siloa, & occidite eos, putatis quia & ipsi debitores fuerint, præter omnes homines habitantes in Hierusalem? Non, dico vobis; sed si poenitentiam non egeritis; omnes similiter peribitis.

(b) Dicebat autem & hanc similitudinem. Arborem fici habebat quidam plantatam in vinea sua, & venit quærens fructum in illa, & non invenit. Dixit autem ad cultorem vineæ: Ecce anni tres sunt ex quo venio quærens fructum in ficulnea hac, & non invenio. Succide ergo illam: ut quid etiam terram occupat? At ille respondens dixit illi: Domine, dimitte illam & hoc anno usque dum fodiam circa illam, & mittam stercore. Et si quidem fecerit fructum; sin autem, in futurum succides eam.

(c) Erat autem docens in synagoga eorum sabbatis. Et ecce mulier quæ habebat spiritum infirmitatis annis decem & octo, & erat inclinata, nec omnino poterat sursum respicere: quam cum videret Iesus, vocavit eam ad se, & ait illi: Mulier, dimissa es ab infirmitate tua. Et imposuit illi manus. & confestim erecta est, & glorificabat Deum. Respondens autem archisynagogus indignans, quia sabbatis curasset Iesus, dicebat turbæ: Sex dies sunt in quibus oportet operari: in his ergo venire, & curamini, & non in die sabbati. Respondit autem ad illum Dominus, & dixit: Hypocritæ, unusquisque vestrum in sabbato non solvit bovem suum, aut asinum a præsepio, & ducit ad aquam? Hanc autem filiam Abraham, quam alligavit satanas ecce decem & octo annis, non oportuit solvi a vinculo isto die sabbati? Et cum hæc diceret, erubescerant omnes adversarii eius; & omnis populus gaudebat in universis quæ gloriose fiebant ab eo.

(d) Dicebat ergo: Cui simile est regnum Dei, & cui simile æstimabo illud? Simile est grano sinapis, quod acceptum homo misit in hortum suum; & crevit, & factum est in arborem magnam; & volucres cæli requieverunt in ramis eius. Et iterum dixit: Cui simile æstimabo regnum Dei? Simile est fermento, quod acceptum mulier abscondit in farinæ sata tria, donec fermentaretur totum.

(e) Et ibat per civitates, & castella docens, & iter faciens in Hierusalem. Ait autem illi quidam: Domine, si pauci sunt qui salvantur? Ipse autem dixit ad illos: Contendite intrare per angustam portam: quia multi, dico vobis, quærent intrare, & non poterunt. Cum autem intraverit paterfamilias, & clauferit ostium, incipietis foris stare, & pulsare ad ostium, dicentes: Domine, aperi nobis. Et respondens dicet vobis: Nescio vos unde sitis. Tunc incipietis dicere: Manducavimus coram te, & bibimus, & in plateis nostris docuisti. Et dicet vobis: Nescio vos unde sitis: discedite a me omnes operarii iniquitatis. Ibi erit fletus, & stridor dentium, cum videritis Abraham, Isaac, & Iacob, & omnes Prophetas in regno Dei, vos autem expelli foras. Et venient ab oriente, & occidente, & ab aquilone, & austro, & accubent in regno Dei. Et ecce sunt novissimi qui erant primi, & sunt primi qui erant novissimi.

(f) In ipsa die accesserunt quidam pharisæorum dicentes illi: Exi, & vade hinc, quia Herodes vult te occidere. Et ait illis: Ite, & dicite vulpi illi: Ecce eiicio demonia, & sanitates perficio hodie, & cras, & tertia die consummor. Verumtamen oportet me hodie, & cras, & sequenti die ambulare: quia non capio prophetam pere-

rire extra Hierusalem. Hierusalem, Hierusalem, quæ occidis Prophetas, & lapidas eos qui mittuntur ad te, quoties volui congregare filios tuos, quemadmodum avis nidum suum sub pennis; & noluisti? Ecce relinquetur vobis domus vestra deserta. Dico autem vobis, quia non videbitis me, donec veniat cum dicetis: Benedictus qui venit in nomine Domini,

(a) **GLOSSA** *. Quia de pœnis peccantium fecerat mentionem, opportune nuntiatur quorundam peccantium pœna, ex cuius exemplo etiam alii peccatoribus pœnam comminatur: unde dicitur: *Aderant quidam ipso in tempore nuntiantes illi de Galilæis, quorum sanguinem miscebat Pilatus cum sacrificiis eorum.* **CYRILLUS** b. Erant enim sequaces dogmatum Iudæ Galilæi, cuius mentionem Lucas in Actibus Apostolorum cap. v. fecit, qui dicebat: Non oportet quemquam vocari dominum: unde quamplures eorum, quia Cæsarem non favebant dominum, a Pilato puniti sunt. Dicebant etiam non oportere alias a statutis victimis in lege Moysi offerre Deo: unde prohibebant statutas a populo victimas pro salute Imperatoris, & populi Romani offerre. Pilatus ergo indignatus in Galilæos, iussit inter ipsas victimas, quas ritu legis se offerre putabant, occidi, ita quod sanguinem offerentium oblati victimis misceretur. Credente autem vulgo, iussissime prædictos talia passos esse, quasi scandala seminantes in populo, incitantes principes in odium subditorum, narraverunt hæc Salvatori, volentes percipere quid ei super hoc videretur. Ipse autem peccatores hos esse ponit; non tamen hic asserit talia passos esse, tamquam peiores non patientibus: unde sequitur: *Et respondens dixit illis: Putatis quod hi Galilæi pro omnibus Galilæis peccatores fuerunt, quia talia passi sunt? Non, dico vobis.* **CHRYSOSTOMUS** (conz. v. de Lazaro, inter med. & fin.) Punit enim Deus quosdam peccatorum, imputans eorum nequitiam, & pœnam illis statuens leviozem, & plene removens eos ab aliis, & viventes in malitia corrigens per horum damnationem. Rursus alios hic non punit, ut si sibi caverint pœnites, præsentem pœnam effugiant, & futurum supplicium; si vero perleveraverint, maius patiantur tormentum. **TITUS**. Manifestat & hic, quia quæcumque ex iudiciis accidunt in reorum supplicium, non solum iudicantium potestate, sed etiam nutu Dei contingunt:

unde siue iusta conscientia puniat iudex, siue aliud intendens condemnet, commendandum est negotium divinæ censuræ. **CYRILLUS** c. Removens ergo populares ab intestinis insidiis occasione religionis concitatis, subiungit: *Sed nisi pœnitentiam habueritis, & nisi cessaveritis conspirare contra Principes, quod nutu divino non agitis, omnes simul, vel similiter, peribitis, & vester sanguis vestris victimis coniungetur.* **CHRYSOSTOMUS** (ubi supra.) In hoc autem ostendit quod illos permisit talia pati, ut viventes alienis periculis territi ficerent regni heredes. Quid igitur, dices, ut melior ego sim, ille punitur? Non ideo, sed punitur quidem propter propria crimina; ut vero ex hoc videntibus saluti materia. **BEDA** (cap. lvi. in Luc.) Sed quia pœnitentiam non habuerunt, quadragesimo dominicæ passionis anno venientes Romani, quos designabat Pilatus ad eorum gentes pertinens, & incipientes a Galilæa, unde dominica prædicatio cœperat, radicibus impiam gentem deleverunt, & non solum atria templi, quo sacrificia deferri consueverant, sed interiora domus humano sanguine sordarunt. **CHRYSOSTOMUS** (ubi supra inter med. & fin.) Iterum autem alii decem & octo obruti fuerant quadam turre, de quibus eadem subdit, dicens: *Sicut illi decem & octo super quos cecidit turris in Siloa, & occidit eos, putatis quia & ipsi debitores fuerunt præter omnes homines habitantes in Hierusalem? Non, dico vobis.* Non enim hic omnes punit, dans aliis inducias pœnitendi; nec tamen cunctos futuræ punitioni reservat, ne plures providentiam abnegarent. **TITUS**. Una autem turris comparatur toti civitati, ut pars totum perterreat: unde subditur: *Sed si non pœnitentiam egeritis, omnes similiter peribitis;* quasi dicat: Tota civitas paulo post occupabitur, si perleveraverint indigenæ in infidelitate. **AMBROSIVS** (ut supra.) Myslice autem in illis, quorum sanguinem Pilatus miscebat cum sacrificiis eorum, figura quædam videtur, eos tangens qui coactu diabolico, non pure

offe-

EX EDITIONE P. NICOLAI,

* Equivalenter, non expresse, b In Catena Græc. PP. c Ubi supra.

offerunt sacrificium, quorum oratio est in peccatum, sicut de Iuda scriptum est, qui proditorem sanguinis (1) dominici inter sacrificia positus cogitabat. B E D A (cap. lvi. in Luc.) Pilatus enim, qui interpretatur os malleatoris, diabolus significat, semper cadere paratum; languis peccatum, sacrificia bonas actiones exprimit. Pilatus ergo sanguinem Galilaeorum cum sacrificiis eorum miscet, quando diabolus elemosynam, & cetera bona fidelium, vel carnis delectatione, vel humanæ laudis ambitione, vel qualibet alia pelle commaculat. Illi etiam Hierosolymitæ a ruina turris oppressi significant, Iudæos qui ponere noluerunt, cum monibus suis esse perituros. Non frustra decem & octo, qui numerus apud Græcos ex 1, & 8, hoc est eisdem litteris quibus nomen Iesu incipit, exprimitur: (2) significat enim Iudæos hinc maxime perituros, quod nomen Salvatoris recipere noluerunt. Illa turris significat illum qui est turris fortitudinis, quæ merito est in Siloa, quæ interpretatur missus: significat enim eum qui missus a Patre, venit in mandum, qui omnes super quos cecidit conteret.

(b) TITUS. Iactabant se Iudæi ex eo quod decem & octo perierant; ipsi vero omnes remanserunt illi: unde proponit eis fici parabolam: dicit enim: *Dicebat autem hanc similitudinem. Arborem fici habebat quidam plantatam in vinea sua.* AMBROSIVS (Lib. VII. cap. de parabola arboris fici.) Vineæ Domini Sabaoth erat quam dedit in rapinam gentium. Aptæ autem synagogæ arboris istius comparatio est: quia sicut arbor (3) ista redundans foliis fluentibus, spem possessoribus suis casta speculatorum proventuum expectatione destituit; ita etiam in synagoga dum doctores eius operibus infecundis, verbis tamen velut foliis redundantibus gloriantur, inanis umbra legis exuberat. Hæc etiam sola arbor ab initio germinat poma pro floribus, & poma decidunt, ut poma succedant; manent tamen aliqua priorum (4) perrara, nec decidunt. Et enim primus synagogæ populus velut inutilis decidit fructus, ut de pinguedine religionis antiquæ novus Ecclesiæ populus emergeret; primi tamen ex Israël, grossi maturorescentis exemplo, pulcherrimorum gratia fructuum ceteris præstiterunt, quibus dicitur Matth. xix. „Sedebitis super duodecim „ thronos. “ Nonnulli tamen ficum istam non synagogæ, sed malitiæ, & improbica-

tis figuram putant; hi tamen in nullo differant, nisi quod pro specie genus eligunt. B E D A (cap. lvi. in Luc.) Ipse autem Dominus synagogam per Moylen instituit, in carne natus apparuit, & crebrius in synagoga docens fructum fidei quæsit, sed in pharisaicorum mente non invenit: unde sequitur: *Et venit fructum querens in illa, & non invenit.* AMBROSIVS (Lib. VII. in Luc. cap. de arbore fici.) Quererebat autem Dominus, non quia fructum ficulneæ deesse nesciret, sed ut ostenderet in figurâ, quia fructum synagoga iam habere deberet. Denique ex sequentibus docet non se ante tempus venisse, qui per triennium venit: sic enim habes: *Dixit autem ad cultorem vineæ: Ecce anni tres sunt ex quo venio querens fructum in ficulina hac, & non invenio. Venit ad Abraham, venit ad Moylen, venit ad Mariam; hoc est, venit in signaculo, venit in lege, venit in corpore: adventum eius ex beneficiis recognoscimus: alibi purificatio, alibi sanctificatio, alibi iustificatio est: circumcisio purificavit, lex sanctificavit, gratia iustificavit. Ergo populus Iudæorum neque purificari potuit, quia circumcisionem corporis, non animi habuit; neque sanctificari, quia virtutem legis ignorans, carnalia magis quam spiritalia sequebatur; neque iustificari, quia delictorum suorum poenitentiam non gerens, gratiam nesciebat. Merito ergo nullus fructus in synagoga inventus est; & ideo iubet excidi: sequitur enim: *Succide ergo illam: ut quid etiam terram occupat? Bonus autem cultor, & fortassis ille in quo Ecclesiæ fundamentum est, prælagiens, alterum ad Gentes, se autem ad eos qui ex circumfusione sunt, esse mittendum, religiose ne excidatur intervenit, fræus vocatione sua etiam populum Iudæorum per Ecclesiam posse salvari: unde sequitur: At ille respondens, dixit illi: Domine, dimitte illam & hoc anno. Cito duritiam, superbiæ Iudæorum causas esse sterilitatis agnovit. Itaque venit excolere qui novit vitia reprehendere: unde subdit: *Uspice dum fodiam circa illam.* Pollicetur dura cordis eorum apostolicis lagonibus esse fodienda, ne radicem sapientiæ, terrarum aceruus obruat, & abscindat. Subdit autem, *Et mittam stercorem*, id est humilitatis affectum, per quem in Evangelium Christi etiam Iudæus fore existimatur fructuosus: unde subdit: *Et si quidam fecerit fructum, bene facilius erit; si autem, in futurum succides il-***

G E 2 lam.

(1) M. Domini. (2) M. Significare autem. (3) M. emittit illa; item al. legitur redundat pro redundans. (4) M. parata.

Iam. BEDA (cap. lvi. super *Succide eam*.) Quod quidem per Romanos factum est, a quibus gens iudæa luccia, & a terra promissionis expulsa est. **AUGUSTINUS** de Ver. Dom. (serm. xxxi.) Vel aliter totum. Arbor ficulnea genus humanum est. Primus enim homo qui peccavit, foliis ficulneæ pudenda velavit, hoc est membra unde nati sumus. **THEOPHYLACTUS**. Sed & quique nostrum ficus est in vinea Dei, hoc est in Ecclesia, vel in hoc mundo plantata. **GREGORIUS** in homil. (in E. vang. xxxi.) Tercio autem Dominus ad ficulneam venit: quia naturam generis humani ante legem, sub lege, sub gratia, expectando, admonendo, visitando requisivit: sed tamen tribus annis fructum se non invenisse conqueritur: quia quorundam pravorum mentes nec inspirata lex naturalis corrigit, nec præcepta erudiunt, nec incarnationis eius miracula convertunt. **THEOPHYLACTUS**. Tercio autem natura nostra fructum petita non tribuit: semel quidem cuni in paradiso prævaricati sumus præceptum, secundo cum lege vitulum conflaverunt, tertio cum Salvatore renuerunt. Sed (1) id triennium intelligendum est pro tribus ætatibus, puerili, virili, & senili. **GREGORIUS** in hom. (xxx. in Evang.) Sed cum magno timore audiendum est quod dicitur: *Succide ergo illam: ut quid etiam terram occupat?* Unusquisque enim iuxta modum suum, in quantum locum vitæ præsentis tenet, si fructum bonæ operationis non exhibet, velut infructuosa arbor terram occupat: quia in eo loco, in quo ipse est, (2) aliis operandi occasionem negat. **BASILIIUS** a. Proprium enim est divinæ propitiationis non silenter poenas infligere, sed prænittere minas revocando ad poenitentiam; sicut Ninivitis fecit, & nunc cultori dicens, *Succide eam*: provocans quidem ipsum ad curam eius, suscitans vero sterilem animam ad producendos debitos fructus, **GREGORIUS** Nazian. b (oratione in sanctum lavacrum.) Igitur nec nos feriamus subito, sed prævaleamus misericordia, ne secum scum potentem adhuc fructum facere, quam forsitan curabit periti

custodis studium: unde & hic subditur: *At ille respondens dixit illi: Dimittite illam hoc anno, usque dum foliam circa illam*. **GREGORIUS** in hom. (xxx. in Evang.) Per cultorem vineæ præpositorum ordo exprimitur, qui (3) dum præsent Ecclesiæ, dominicæ vineæ curam gerunt. **THEOPHYLACTUS** (hoc loco.) Vel paterfamilias Deus Pater est, cultor vero Christus, qui scum amputari ut sterilem non permittit; quasi ad Patrem dicens: Si per legem, & Prophetas fructum poenitentiae non dederunt, meis eos irrigabo passionibus, & doctrinis; & forsitan dabunt obedientiam fructum. **AUGUSTINUS** de Ver. Dom. (serm. xxxvi.) Vel colonus, qui intercedit, est omnisfilius qui intra Ecclesiam orat pro eis qui sunt extra Ecclesiam, dicens: *Dominus, dimittite illam hoc anno*, id est tempore isto sub gratia, usque dum foliam circa illam. Circumfodere est humilitatem, & patientiam docere. Fossa enim est humilis terra, steriscus autem in bono intelligit: fordes sunt, sed fructum dant: fordes cultoris dolor est peccatoris. Qui autem agunt poenitentiam, in sordibus agant, & veraciter agant. **GREGORIUS** in hom. (xxx. ut supra.) Vel peccata carnis, stercora vocantur. Ex stercore igitur ad fructum reviviscit arbor, quia de consideratione peccati, ad bona se opera resuscitat animus. Sed sunt plerique qui increpationes audiunt, & tamen ad poenitentiam redire contemunt: propter quod subditur: *Et si quidem fecerit fructum*. **AUGUSTINUS** de Ver. Dom. (serm. xxxi.) Bene scilicet erit; *si autem, in futurum succides eam*, quando scilicet in iudicio venis iudicare vivos, & mortuos. Interim modo parcitur. **GREGORIUS** in hom. (xxx. in Evang.) Qui autem nunc non vult ad fecunditatem pinguedine per increpationem, illic cadit unde iam resurgere per poenitentiam non valet.

(c) **AMBROSIIUS** (Lib. VII. in Lucam cap. de curatione multorum.) Cito quod desynagoga dixerat indicavit: ad ipsam utique (4) arborem venisse se monstrat qui in eadem prædicabat: unde dicitur: *Erat autem docens in synagoga eorum sabbatis*. **CHRY-**

SO-

(1) *Al.* in triennium. (2) *Al.* & alii. (3) *Al.* emittitur dum: (4) *P. Nicolaus* omittit arborem.

EX EDITIONE P. NICOLAI.

a Conc. viii. quæ de poenitentia inscribitur. b Orat. xxvi. sub fine, ea scilicet quæ de moderatiori in disparationibus servanda inscribitur, non in sancta lumina orat. xxxix. ut edit. Antverpiensis ad huius loci marginem notat; etiam aliquid ibi non distincto sensu indicatur, vel quomodo huc pertinet.

SOSTOMUS . Docet quidem non seorsum, sed in synagoga secure, in nullo dubitans, nec aliquid contra legem Moysi statuens; sabbato autem, quia tunc Iudæi legi vacabant. **CYRILLUS** b. Ad expugnationem autem corruptionis, & mortis, & invidiæ diaboli contra nos, prodit (1) incarnatio Verbi; & hoc apparet ex ipsis eventibus: sequitur enim: *Et ecce mulier quæ habebat spiritum infirmitatis annis decem & octo*. Dicit autem spiritum infirmitatis, quia mulier hæc patiebatur atrocitate diaboli, derelicta a Deo propter propria crimina, vel propter transgressionem Adæ, ob quam humana corpora infirmitatem, & mortem incurrunt. Dat autem super hoc Deus diabolo potestatem, ut homines mole adversitatis depressi, velint ad meliora transire. Genus autem infirmitatis ostendit, dicens: *Et erat inclinata, nec omnino poterat sursum respicere*. **BASILIUS** c. Brutorum quidem caput humi deflexum est, terram cernit; caput hominis erectum est in cælum, oculi superna conspiciunt: convenit enim (2) ei quærere superna, transcendere terrena intuitu. **CYRILLUS** d. Ostendens autem Dominus adventum suum in hunc mundum dissolutivum esse humanarum passionum, mulierem sanavit: unde sequitur: *nam cum vidisset Iesus, vocavit eam ad se, & ait illi: Mulier, dimissa es ab infirmitate tua*. Vox aptissima Deo, plena maiestate superna: fugat enim morbum imperatorio motu: qui etiam manus illi imponit: sequitur enim: *Imposuit illi manus; & cunctissimam erecta est, & glorificabat Deum*: in quo oportet perpendere sacram carnem induisse virtutem divinam: erat enim ipse Dei caro, non autem alicuius alterius, quasi separatim existente Filio hominis a Filio Dei, sicut falso aliquibus visum est. Sed ingratis synagogæ præsul, postquam vidit feminam humi repentem solo tactu erectam, & divina referentem magnalia, ardens Domini gloria, irretitur invidia, arguitque miraculum, quasi videretur sollicitari pro sabbato: unde sequitur: *Respondens autem archisynagogus indignans, quia sabbato curasset hominem Iesus, dicebat turba: Sex dies sunt in quibus oportet operari: in his venite, & curamini, & non in die sabbati*. Hortatur ceteris diebus

disperfos, & propriis vacantes operibus, non sabbato, videre, & turbari prodigia Domini, ne forte credant. Sed dic, lex prohibuit ab opere manuali die sabbati abstinere, numquid ab eo quod verbo, & ore fit? Cessas ergo comedere, & potare, ac loqui, & plallere in sabbato. Et si nec legem legis, cur tibi sabbatum? Ceterum, si manuae opus lex prohibuit, quomodo manuale opus est feminam verbo erigere? **AMBROSIVS** (Lib. VII. in Lucam de curatione mulieris.) Denique & Deus ab operibus mundi quævit, (3) non operibus quibus sempiterna, & iugis operatio est, sicut Filius ait Ioan. v. „Pater meus usque modo operatur, & ego „operor:“ ut ad similitudinem Dei tæcularia nostra opera, non religiosa cessarent. Unde Dominus specialiter ei respondit: sequitur enim: *Respondit autem ad illum Dominus, & dixit: Hypocrita, unusquisque vestrum in sabbato non solum bovem suum, aut asinum a præsepio, & ducit adquare?* (4) **BASILIUS** e. Hypocrita est qui in theatro assumit alienam personam; sic & in vita præsentis quidam alia gerunt in corde, & alia superficialiter ostendunt hominibus. **CHRYSOSTOMUS**. Bene igitur dicit hypocritam principem synagogæ: quia faciem habebat legis cultoris, mens vero eius erat versuti, & invidi: non enim turbatur propter sabbatum, quia violatur, sed propter Christum, quia glorificatur. Tu tamen attende, quod ubi quidem opus fieri iussit, sicut cum paralytico iussit grabatam tollere, transtulit sermonem ad maius, convincens eos per dignitatem Patris, cum dicit Ioan. v. „Pater meus usque modo operatur, & „ego operor:“ hic autem ubi totum faciens verbo, nihil aliud adiecit, ex his quæ ipsi faciebant, calumniam solvit. **CYRILLUS** . Arguit autem archisynagogus ut hypocrita, dum bruta quidem adquat in sabbato, mulierem vero non magis genere, quam fide filiam Abraham non dignam putat solvi ab ægritudinis vinculo: unde subdit: *Hanc autem filiam Abraha, quam alligavit satanas ecce decem & octo annis, non oportuit solvi a vinculo isto die sabbati?* Malebat siquidem mulierem tamquam quadrupedia cernere terram, quam hominum staturam recipere, dummodo Christus non magnificaretur.

(1) A. Incarnatione. (2) A. desideratur ei. (3) Corrigi Nestai non ab operibus sanctis, cuius sententia dicit. (4) A. BEDA.

EX EDITIONE P. NICOLAI.

a In Catech. Græc. PP. b Ibid. c Hom. ix. in Hazzemeron. d Ubi supra. e Hom. x. de Ieiunio.

tur. Non autem erat eis quid responderent; sed ipsi sibi ipsis erant inrefragabilis reprehensio: unde sequitur: *Et cum hac diceret, erubescerant omnes adversarii eius*; sed populus, quasi diu sponte perflitit ibi cum noluerit cadit. AMBROSIVS (Lib. VII. in Lucam cap. de curatione.) Opus autem sabbati signum futuri est, quod unusquisque persuasus lege, & gratia, per misericordiam Dei corpore fragilitatis molellus exuetur. Cur autem aliud animal indicavit nisi ut ostenderet futurum ut Iudaicus, & Gentilis populus, scilicet corporis, æstusque mundi huius, dominici fontis ubertate deponat; & sic per vocationem duorum populorum Ecclesiam salvam futuram? BIDA (cap. lvi. in Lucam.) Filia autem Abraham est anima quæcumque fidelis, vel Ecclesia de utroque populo ad fidei unitatem collecta. Idem ergo mystice est bovem, vel alium solum a præsepio potum duci, quod est filiam Abraham a vinculo nostræ inclinationis erigi.

(d) GLOSSA. Erubescerant adversarii, & populo gaudente de his quæ gloriose fiebant a Christo, profectum Evangelii consequenter sub quibusdam similitudinibus manifestat: unde dicitur: *Dicebat ergo: Cui simile est regnum Dei, & cui simile æstimabo illud? Simile est granum sinapis.* AMBROSIVS (Lib. VII. in Lucam cap. de comparatione regni cælorum ad fermentum.) Alio loco granum sinapis legitur, (1) ubi confertur. Ergo si regnum cælorum sicut granum sinapis est, & fides sicut granum sinapis, fides est utique regnum cælorum, quod intra nos est. Granum quidem sinapis res est vilis, & simplex; si tibi cœperit, vim suam fundit: & fides simplex primo videtur; sed si atteratur adversis, gratiam suæ virtutis effundit. Grana sinapis martyres sunt. Habebant odorem fidei, sed latebat: venit persecutio, contriti sunt gladio, per totius mundi terminos grana sui sparsere martyrii. Ipse etiam Dominus granum est sinapis: teri voluit, ut diceremus: „Christi, si bonus odor sumus:“ II. Corinth. 11. seminari voluit velut granum sinapis, quod acceptum homo misit in hortum suum: in hortum enim Christus captus, & sepultus est, ubi etiam resurrexit, & factus est arbor: unde sequitur: *Et factum est in arborem magnam.*

rumque videmus quæ agenda sunt, sed opera non implemus: usitata enim culpa obligat mentem, ut nequamquam surgere possit ad rectitudinem. Conatur, & labitur: quia ubi diu sponte perflitit ibi cum noluerit cadit. AMBROSIVS (Lib. VII. in Lucam cap. de curatione.) Opus autem sabbati signum futuri est, quod unusquisque persuasus lege, & gratia, per misericordiam Dei corpore fragilitatis molellus exuetur. Cur autem aliud animal indicavit nisi ut ostenderet futurum ut Iudaicus, & Gentilis populus, scilicet corporis, æstusque mundi huius, dominici fontis ubertate deponat; & sic per vocationem duorum populorum Ecclesiam salvam futuram? BIDA (cap. lvi. in Lucam.) Filia autem Abraham est anima quæcumque fidelis, vel Ecclesia de utroque populo ad fidei unitatem collecta. Idem ergo mystice est bovem, vel alium solum a præsepio potum duci, quod est filiam Abraham a vinculo nostræ inclinationis erigi.

(d) GLOSSA. Erubescerant adversarii, & populo gaudente de his quæ gloriose fiebant a Christo, profectum Evangelii consequenter sub quibusdam similitudinibus manifestat: unde dicitur: *Dicebat ergo: Cui simile est regnum Dei, & cui simile æstimabo illud? Simile est granum sinapis.* AMBROSIVS (Lib. VII. in Lucam cap. de comparatione regni cælorum ad fermentum.) Alio loco granum sinapis legitur, (1) ubi confertur. Ergo si regnum cælorum sicut granum sinapis est, & fides sicut granum sinapis, fides est utique regnum cælorum, quod intra nos est. Granum quidem sinapis res est vilis, & simplex; si tibi cœperit, vim suam fundit: & fides simplex primo videtur; sed si atteratur adversis, gratiam suæ virtutis effundit. Grana sinapis martyres sunt. Habebant odorem fidei, sed latebat: venit persecutio, contriti sunt gladio, per totius mundi terminos grana sui sparsere martyrii. Ipse etiam Dominus granum est sinapis: teri voluit, ut diceremus: „Christi, si bonus odor sumus:“ II. Corinth. 11. seminari voluit velut granum sinapis, quod acceptum homo misit in hortum suum: in hortum enim Christus captus, & sepultus est, ubi etiam resurrexit, & factus est arbor: unde sequitur: *Et factum est in arborem magnam.*

(1) *M. emittitur mulier.* (2) *Legis Nicolai ex Ambrosio ubi fidei confertur.*

gram. Dominus enim noster granum est cum sepeletur in terra, arbor cum elevatur in cælum. Effectum arborum mundum obumbrans: unde sequitur: *Et requieverunt volucres cæli in ramis eius*, (1) idest potestates cælorum, & quicumque spiritualibus factis evolare meruerunt. Ramus est Petrus, ramus est Paulus, in quorum sinu per quosdam disputationum recessus, qui eramus longe, altissimis virtutum remigiis advolamus. Ergo semina in horto tuo Christum. Hortus utique locus est plenus florum, in quo gratiam tui operis effloreat, & multiplex odor variaz virtutis exhalet. Ibi ergo Christus ubi fructus est seminis. CYRILLUS. Vel aliter. Regnum Dei est Evangelium, per quod acquirimus posse regnare cum Christo. Sicut igitur sinapis semen superatur quidem quantitate a seminibus olerum, crescit autem adeo ut plurimum fiat umbraculum avium; sic & Salvatoris doctrina penes paucos erat in principio, sed postea recepit augmentum. BEDA (cap. lvi. in Luc. par. a. prin.) Homo autem Christus est, hortus est Ecclesia, eius disciplinæ colenda; qui bene dicitur granum accepisse, quia dona quæ nobis cum Patre tribuit ex divinitate, nobiscum accipit ex humanitate. Crevit autem Evangelii prædicatio cum dū disseminata per orbem; crescit & in mento cuiusque credentis, quia nemo repente fit perfectus. Crescendo autem non herbarum, quæ velociter arescunt, sed arborum instar exurgit. Rami huius arboris dogmatum sunt diversitates, in quibus animæ castæ virtutum pennis ad superna tendentes nidificant, & requiescunt. THEOPHYLACTUS (hoc loco.) Vel homo quilibet granum sinapis, idest evangelicum sermonem, accipiens, & in horto animæ suæ serens, arborem magnam facit, ut & ramos producat, & cæli volatilia, idest qui terrenis supereminent, in ramis prædicationis, idest in expansis considerationibus, requiescunt. Paulus enim quasi granum modicum accepit Ananiæ rudimentum; sed plantans illud in viridario suo, produxit multas, & bonas doctrinas, in quibus habitant qui sunt intellectu excelli, puta Dionysius, Hierotheus, & alii quamplu-

res. Deinde simile dicit fermento regnum Dei: sequitur enim: *Et dixit: Cui simile assimilabo illud? Simile est fermento.* AMBROSIVS (Lib. VII. in Luc. cap. ubi supra.) Plerique fermentum Christum putant, quia fermentum ex farina virtute, non specie generi suo præstat: sic & Christus (2) patribus æqualis corpore, sed dignitate incomparabilis præminebat. Igitur sancta Ecclesia typum mulieris figurat, de qua subditur: *Quod acceptum mulier abscondit in farina fæta tria, donec fermentaretur totum.* BEDA (super *Abscondit in farina fæta tribus.*) Satum est genus mensuræ, iuxta morem provinciæ Palæstinæ, unum & dimidium modium capiens, AMBROSIVS (Lib. VII. ubi supra.) Farina huius mulieris nos lumus, quæ Dominum Iesum in interioribus nostræ mentis abscondit, donec nostra secreta penetralia calor sapientiæ cælestis obducant. Et quia in tribus mensuris absconditum dicit esse fermentum, congrue visum est ut Dei Filium crederemus absconditum in lege, ac opertum in Prophetis, evangelicis prædicationibus adimpletum. Me tamen sequi iuvat quod ipse Dominus docuit, fermentum esse spirituales doctrinam Ecclesiæ. Ecclesia autem renatum hominem in corpore, & anima, & spiritu, fermento spirituali sanctificat, cum tria hæc pari quadam cupiditatum lance consentiunt, & æqualis aspirat concordia voluptatum. Itaque si in hac vita tres mensuræ in eodem manserint donec fermententur, & fiant unum, erit in futurum diligentibus Christum incorrupta communio. THEOPHYLACTUS (super *Quod receptum mulier abscondit.*) Vel prolemina intelligas animam; tria vero fæta trina partem eius, rationabilem, irascibilem, & concupiscibilem. Si igitur aliquis in hac trina parte condiderit verbum Dei, faciet hoc totum spirituale, ut nec rationale peccet in documentis, nec ira, aut concupiscentia enormiter ferantur, sed conformetur verbo Dei. AUGUSTINUS de Ver. Dom. (ser. xxxii. in princ.) Vel tria fæta farinæ, genus humanum est; quod de tribus Noe filiis est reparatum. Mulier quæ abscondit fermentum, Dei sapientia est. EVSEBIUS.

Vel

(1) *M. omittitur idest.* (2) *M. ex patribus.*

EX EDITIONE P. NICOLAI.

* In Catena Græcorum PP. Non Eusebium, sed Geometram Corderius ponit in Catena, quam secutus quinque Græc. PP. super Lucam inscribit; sed quia hæc pars Catene Græcæ mihi ad manus non est, nec inveniri a me potuit, explorare non licet uter verius auctor sit; cum & prædictum Geometram in præcedenti parte annotatum in ipsius inventum ubi Græcæ notat S. Thomas.

Vel aliter. Fermentum Dominus nominat Spiritum sanctum, quasi virtutem procedentem ex semine, idest Verbo Dei. Tria autem fata farinae significant notitiam Patris, & Filii, & Spiritus sancti; quam mulier, idest divina sapientia, & Spiritus sanctus largitur. BEDA (cap. lvi. paulo ante med.) Vel fermentum dilectionem dicit, quæ fervere facit, & excitamentum. Abscondit ergo mulier, idest Ecclesia, fermentum dilectionis in fata tria: quia præcepit ut diligamus Deum ex toto corde, ex tota anima, & ex tota virtute. Et hoc donec fermentetur totum, idest donec caritas totam mentem in sui perfectionem commutet; quod hic inchoatur, sed in futurum perficietur.

(e) GLOSSA a. Præmissis similitudinibus de multiplicatione evangelicæ doctrinæ, eius diffusioni ubique prædicando intendit: unde dicitur: *Et ibat per civitates, & castella, docens, & iter faciens in Hierusalem.* THEOPHYLACTUS (super ibat per civitates, & castella, docens.) Non enim sola parva loca visitabat, sicut faciunt qui simplices fallere volunt, neque solascivitates, ut ostentatores faciunt, & gloriam quærentes; sed sicut communis Dominus & pater omnibus providens, omnia circumibat. Non autem visitabat municipia, vitas Hierusalem, ac si timeret legisperitorum reprehensiones, aut mortem, quæ poterat inde contingere; unde subdit: *Et iter faciens in Hierusalem.* Nam ubi plures erant ægroti, ibi se medicus magis ingerebat.

Sequitur: *Aut autem quidam illi: Domine, si pauci sunt qui salvantur?* GLOSSA b. Quæ quidem quaestio ad hoc pertinere videtur de quo supra agebatur: nam in præmissa similitudine dixerat, quod requieverant volucres cæli in ramis eius; per quod intelligi potest multos esse qui salutis requiem consequentur. Et quia ille unus pro omnibus quaesierat, Dominus non singulariter ei respondet: unde sequitur: *Iste autem dixit ad illos: Contendite intrare per angustam portam.* BASTIUS c. Sicut enim in via terrena exitus a recto multam latitudinem habet; sic qui egreditur tramite ducente ad regnum cælorum, in multa latitudine erroris reperitur. Rectum autem

iter est angustum, qualibet declinatione periculosa existente, sive dextrorsum, sive sinistrorsum; sicut in poete, a quo utrinque divertens flumini immergitur. CYRILLUS d. Angusta etiam porta ærumnarum, & patientiam sanctorum significat. Sicut enim pugnarum victoria attestatur militis strenuitati, sic præclarum efficitur valida perpessio laborum, & tentationum. CHRYSOSTOMUS (homil. xxiv. in Matth.) Quid est ergo quod Dominus alibi dicit, Matth. xi. „Iugum meum suave est, & „onus meum leve? „Non quidem contradicit; sed hoc dictum est propter tentationum naturam, illud vero propter affectum transeuntium. Est enim molestem aliquid naturæ, facile reputari quando id affectanter amplectimur. Si etiam via salutis angusta erit in introitu, tamen per eam pervenitur ad latitudinem; e contrario vero lata deducit ad interitum. GREGORIUS II. Moral. (super illud Job xxiv. „Numquam in eodem statu permanet, cap. xxvi. in nov. exemp. in veter. vero xxviii.) Dicitur autem angustæ portæ introitum, præmisit, *Contendite*: quia nisi mentis contentio ferveat, unda mundi non vincitur, per quam anima semper ad ima revocatur. CYRILLUS e. Non videtur autem Dominus satisfacere quærenti utrum pauci sint qui salvantur, dum declarat viam per quam quisque potest iteri iustus. Sed dicendum, quod mos erat Salvatoris non respondere interrogantibus secundum quod eis videbatur, quoties inutilia quærebant, sed respiciendo quod utile audientibus foret. Quid autem commodi proveniret audientibus scire an multi sint qui salvantur, an pauci? Necessarium autem magis erat scire modum quo aliquis pervenit ad salutem. Dispensative ergo ad quaestionis vaniloquium nihil dicit, sed transfert suum sermonem ad rem magis necessariam. AUGUSTINUS de Ver. Dom. (serm. xxxi.) Vel aliter. Confirmavit Dominus quod audivit, scilicet quod pauci sunt qui salvantur, quia per angustam portam pauci intrant. Alio autem loco hoc idem ipse ait Matth. vii. „Arcta est via quæ ducit ad vitam, & pauci sunt qui ingrediuntur, per illam: unde subditur: *Quia multi,*
dico

EX EDITIONE P. NICOLAI.

a Nihil tale in Glossa quæ nunc extat; sed solum quod ubique indifferenter prædicabat, non personas distinguens, sed credentium salutem quærens. b Neque hoc etiam habet Glossa quæ nunc extat; sed eam solam intermedium appendicem. Quid nunc pro omnibus quaesierat, Glossa interlinealis capitavit. c In Regula brevioribus ad interrogat. d In Cat. Græc. PP. e Ibid.

dico vobis, quarent intrare.) BEDA (cap. lvi. parum a medio.) Salutis amore provocati: & non poterunt, itineris asperitate deterriti. BASILIUS d. Vacillat eoim anima: quando quidem considerat æterna, eligendo virtutem, quando præsentia respicit, præferendo illecebras: hic intuetur otia carnis, illic subiectionem ipsius; hic ebrietatem, illic sobrietatem; hic dissolutos risus, illic copiam lacrymarum; hic choreas, illic orationes; hic fistulas, illic fletus; hic luxuriam, illic castimoniam. AUGUSTINUS de Ver. Doctr. (ferm. xxxii.) Non autem contrarius sibi est Dominus, qui dixit, quod pauci sunt qui intrant per angustam portam; & alibi dicit Matth. viii. „ Multi ab oriente, & occidente venient. „ Pauci sunt in comparatione peccatorum, multi in societate Angelorum. Vix videntur grana quando arca trituratur; sed tanta massa processura est de arca hac ut impleat horreum cæli. CYRILLUS b. Quod autem detestabiles sint qui intrare non possunt, per evidens exemplum declaravit, subdens: Cum autem intraveris patresfamilias, & clauseris ostium, incipietis foris stare, & pulsare ostium, dicentes: Domine, aperi nobis. Sicut si patresfamilias, qui multos ad convivium vocavit, ingresso cum convivis, & ostio recluso, postmodum pulsantes adveniant. BEDA (cap. lvi. a medio.) Est autem paterfamilias Christus, qui cum ubique ex divinitate sit, illis iam intus esse dicitur quos io cælo præsens sua visione sanctificat; sed quasi foris est his quos in hac peregrinatione certantes occultus adiuvat. Intrabit vero cum totam Ecclesiam ad sui contemplationem perducet; claudet ostium, cum reprobus locum poenitentiae tollit; qui foris stantes pulsabunt, id est a iustis segregati, misericordiam quam contemperunt, frustra implorabunt: unde sequitur: Et respondens dicit vobis: Nescio vos unde sitis. GREGORIUS II. Moral. (super illud Job 1. „ Unde venis? „ in antiq. codd. cap. iv. in nov. viii.) Nescire Dei improbare est; sicut & nescire mentiri vir verax dicitur, qui labi per mendacium dedignatur: oon quod, si mentiri velit, nesciat, sed quod falsa loqui veritatis amore contemnat. Veritatis igitur lumen tene-

S. Th. Oper. Tom. V.

bras, quas reprobat, ignerat.

Sequitur: Tunc incipietis dicere: Mandaucavimus coram te, & bibimus, & in plateis nostris convenit, qui secundum ritum legis offerentes Deo victimas edebant, & gaudebant. Audiebant quoque in synagogis libros Moysi, qui in suis scriptis non quæ sua sunt, sed quæ Dei tradebat. THEOPHYLACTUS (super In plateis nostris docuisti.) Vel simpliciter ad Israelitas dicitur: eo quod ex eis Christus secundum carnem natus est, & cum eo comedebant, & bibebant, & eum prædicantem audiebant. Sed & Christianis hæc congrunt: nos enim (1) comedimus corpus Christi, & bibimus sanguinem eius quotidie, ad mensam mysticam accedentes; docetque in plateis animarum nostrarum. BEDA (cap. lvi. in Luc.) Vel mystice manducat coram Domino, & bibit qui verbi pabulum avide suscipit: unde quasi exponendo subditur: In plateis nostris docuisti. Scriptura enim in obscurioribus cibis est, quia quasi exponenda frangitur, & manducando glutitur; potus est in pertioribus, ubi ita forbetur sicut inventur. Non autem festivitatum epulatio iuvat quem fidei pietas non commendat; non scientia Scripturarum notum Deo facit quem operum iniquitas indignum ostendit: unde subditur: Et dicit vobis: Nescio vos unde sitis. Descendite a me operarii iniquitatis. BASILIUS d. Illis forsitan loquitur quos describit Apostolus in propria persona dicens I. Corinth. xxi. „ Si linguis hominum loquar, & Angelorum, & habeam omnem scientiam, & distribuero omnes facultates meas in cibos pauperum; caritatem autem non habuero, nihil mihi prodest. „ Quod eoim non sit divini amoris intuitu, sed ad acquirendam ab hominibus laudem, oon invenit laudem apud Deum. THEOPHYLACTUS (hoc loco.) Attende etiam quod detestabiles sunt illi in quorum plateis Dominus docet: unde si docentem eum audierimus, oon in plateis, sed in angustiis, & humilibus cordibus, non erimus detestabiles. BEDA (cap. lvi. par. a fine.) Duplex autem ostenditur gehennæ poena, scilicet frigoris, & servoris: unde sequitur: Ibi erit fletus, & stridor denu-

Hh

rium:

(1) A. concedimus.

EX EDITIONE P. NICOLAI.

a In Psalm. 1. b In Cat. GREG. PP. c BASILIUS ubi supra. d In Regulis brevioribus ad inter-

plum: sletus enim de ardore, stridor dentium de frigore solet excitari. Vel stridor dentium prodit indignantis affectum, quod qui seropoeniter, ferossibilisatur. GLOSSA A. Vel stridebunt dentes qui hic de edacitate gaudebant, silebant oculi qui hic per concupiscentias vagabantur. Per utrumque autem veram impiorum resurrectionem designat. THEOPHYLACTUS. (super Cum videritis Abraham.) Pertinet etiam hoc ad Israelitas, cum quibus loquebatur, qui ex hoc maxime percelluntur quod Gentiles cum patribus requiescent, ipsi vero excluduntur: unde addidit: Cum videritis Abraham, Isaac, & Jacob, & omnes Prophetas in regno Dei; vos autem expelli foras. Et venient ab oriente, & occidente, & ab agrolis, & austro, & accumbent in regno Dei. EUSEBIUS. Prædicti enim patres ante tempora legis, secundum evangelicam formam, errorum multorum deorum dereliquentes, assumpserunt sublimis Dei notitiam, quibus res facti sunt multi Gentilium, & amilem vitam; filii autem eorum conversionem sunt passi ab evangelica disciplina: unde sequitur: Et ecce sunt novissimi qui erant primi, & sunt primi qui erant novissimi. CYRILLUS B. Iudæis enim, qui primum locum tenebant, prælatæ sunt Gentiles. THEOPHYLACTUS (hoc loco.) Nos autem, ut videtur, primi sumus, qui ab ipsis cubulis rudimenta accepimus; & forsitan erimus novissimi respectu Gentilium, qui circa finem vitæ crediderunt. BEDA (cap. lvii. in fine.) Multi etiam prius ferventes, postea torpent; multi prius frigidi, subito inardescunt; multi in sæculo despecti, in futuro sunt glorificandi; alii apud homines gloriosi, in fine sunt damnandi.

(f) CYRILLUS C. Prædicta Domini verba, phariseorum animos provocaverunt ad iram: videbant enim populos iam contritos fidem eius arripere. Itaque quasi perdescentes officium populis prædicandi, & desicientes in lucro, simulantes se eum diligere, suadent illi ut inde discederet: unde dicitur: In ipsa die accesserunt quidam phariseorum dicentes illi: Exi, & vade hinc,

quia Herodes vult occidere te. Christus autem qui renes, & corda scrutatur, eis leniter, & figuratiter respondet: unde sequitur: Et ait illis: Ite, & dicite vulpi illi. BEDA (cap. lviii. in prin.) Propter dolos, & insidias Herodem vulpem appellat, quod plenum fraudis est animal, in fovea propter insidias latens, odore fetens, nunquam rebus itineribus incedens; quæ omnia hæreticis conveniunt, quorum typum Herodes tenet, qui Christum, idest humilitatem christianæ fidei in credentibus, conantur extinguere. CYRILLUS D. Vel aliter. Videtur hic sermo mutatus esse, & non spectare ad personam Herodis, ut aliqui putaverunt, sed magis ad phariseas fictiones: pene enim ipsum phariseum offendit prope manentem, dum dixit: Ite, & dicite vulpi huic, sicut in Græco habetur: unde hoc præceptum dicendum, quod poterat urgete phariseorum turbam: Ecce, inquit, eicio demonia, & sanitates perficio hodie, & cras, & tertia die consummor. Hoc se promittit operaturum quod Iudæis displicebat, scilicet quod immundis imperaret spiritibus, & eriperet a morbis infirmantes, usque dum propria sponte sufflaret crucis patibulum. Quia vero pharisei credebant quod manum trepidaret Herodis qui Dominus erat virtutum, hoc excludit dicens: Verumtamen oportet me hodie, & cras, & sequenti die ambulare. Quod dicit, Oportet, nequaquam sibi necessitatem ingruentem ostendit; sed magis arbitrio propriæ voluntatis pergeret quo volebat, quousque finem venerandæ crucis subiret, cuius iam Christus imminere tempus ostendit cum dixit, Hodie, & cras. THEOPHYLACTUS (hoc loco.) Ac si dicat: Quid de morte mea cogitatis? Ecce fiet post modicum. Quod autem dicitur, Hodie, & cras, hoc multos dies significat; sicut & nos in communi sermone soliti sumus dicere, Hodie, & cras fit hoc, (1) quod fiat in tanta distantia temporis, Et ut evangelicum, sermonem evidenter exponamus, non intelligas quod oportet me hodie, & cras ambulare, (2) sed sillas in hodie, & cras; deinde lubingas & sequenti die ambulare; sicut & plu-

(1) Apud P. Nicolai est non quod fiat. (2) A. Sed si has hodie &c.

EX EDITIONE P. NICOLAI.

* Usurpat ex Gregorio quantum ad primam appendicem hom. xxxviii. in Evan. super Matth. xxi. de parabola nuptiarum, ubi verba eadem repetuntur de steru, & stridore dentium, quæ Matth. xxi. & hic, licet sine nomine citet Glossa, & cum prædictis Bedæ, cuius etiam nomen retinet, uno filo connectit. * Ubi supra. * Ibid. d. Ut supra.

& pluries numerando consuevimus dicere: Die dominica, & secunda feria, & tertia egrediar, quasi computando duas, ut tertia denotetur; sic & Dominus quasi computando dicit: *Oportet nos hodie, & cras, & postea tertio die ire Hierusalem.* AUGUSTINUS (1) de Con. Evan. (Lib. II. cap. lxxv.) Vel mystice ab illo hæc dicta intelliguntur, ut referantur ad corpus eius, quod est Ecclesia. Expelluntur enim dæmonia, cum relictis illis superstitionibus, credunt in eum gentes; & perficiuntur sanitates, cum secundum præcepta eius, posteaquam fuerit diabolo, & huic saculo renuntiatum, ulque in finem resurrectionis, quatenus tertia consummabitur, ad plenitudinem angelicam per corporis etiam immortalitatem perficiuntur, Ecclesia. THEOPHYLACTUS (super Non capit Prophetam perire extra Hierusalem.) Sed (1) quia illi dicebant ei: *Ecceas hinc, quia Herodes queris te occidere:* in Galilæa loquentes, ubi, regnabat Herodes, ostendit quod non in Galilæa, sed in Hierusalem præordinatum fuerat ei pati: unde sequitur: *Quia non capit Prophetam perire extra Hierusalem.* Cum audis, *Non capit*, idest non decet extra Hierusalem Prophetam interiri, non putes vim coactivam Iudæis inductam; sed quantum ad eorum affectum sanguinis avidum convenienter hoc dicit; velut si quis prædonem atrocissimum videns dicat: *Non oportet hanc viam, in qua prædo insidiatur viatoribus, immunem esse a sanguine;* sic & non oportebat alibi quam ubi morabantur prædones perire Dominum Prophetarum: nam assueti Prophetarum sanguinibus occident & Dominum: unde sequitur: *Hierusalem, Hierusalem, qua occidis Prophetas, & lapidas eos qui mittuntur ad te.* BEDA (cap. lxxii. in Luc. in princ.) Hierusalem non saxa, & ædificia civitatis, sed habitatores vocat, quam patris plangit affectu. CHRYSOSTOMUS. Geminatio enim verbi, miseratus est, aut nimium diligentis: nam tamquam ad amicam negligentem amato-

rem, & ideo puniendam Dominus loquitur. GRÆCUS. Sed & nominis geminatio vehementem reprehensionem ostendit: nam quæ novit Deum, quomodo Dei ministris (3) persequitur? (4) CHRYSOSTOMUS. Quod autem essent immemores divinorum bonorum, ostendit subdens: *Quoniam volui congregare filios tuos, quemadmodum avis nidum sumit sub pennis, & noluisse?* Manduxit eos per sapientissimum Moysen, moquit per Prophetas, voluit sub alis, idest sub tegmine suæ virtutis, illos habere; at illi caruerunt tam desiderabilibus bonis ingrati existentes. AUGUSTINUS in Enchir. Dicit autem: *Ego volui, & tu noluisse;* quasi dicat: (5) Quotquot aggregavi mea voluntate semper efficaci, te noleant fieri, quia ingrata semper fuisti. BEDA (cap. lxxii. a med.) Pulchre autem qui Herodem de sua nece tractantem vulpem vocaverat, seipsum avi comparat: quia vulpes fraudulentem semper avibus insidias intendunt. BASILIUS. Filios etiam Hierusalem pullis in nido comparavit; ac fiduciat: Aves quæ in altum consueverunt volare, exceptæ sunt a nocuentis insidiantium; tu tamen eris ut pullus egens alieno suffragio. Matre igitur avolante aufereris a nido, quasi impotens ad tutelam, & debilis ad fugam: unde sequitur: *Ecce relinquitur domus vestra deserta.* BEDA (cap. lxxii. a med.) Ipsam civitatem, quam nidum vocaverat, etiam nunc domum Iudæorum appellat. Occiso enim Domino venerunt Romani, & quasi nidum vacuum diripientes, tulerunt eorum locum, gentem, & regnum. THEOPHYLACTUS (super *Ecce relinquitur vobis domus vestra deserta.*) Vel domus vestra, idest templum; ac si dicat: *Quamdiu virtus erat in vobis, templum erat meum; sed postquam sciscitis ipsum speluncam latronum, non est (6) de cetero domus mea, sed vestra.* Vel domum dicit totam gentem Iudæorum, iuxta illud Psal. cxxxiv. „Domus Iacob benedicite Domino:“ per quod ostendit quod ipse

Hh 2 erat

(1) A. de Quest. Evang. (2) In ed. vobis Romanæ an. 1579. & Venetæ Nicolini an. 1593. sic legitur: Sed quia illi dicebant ei: *Ecceas hinc, quia Herodes te queris occidere in Galilæa, sed in Hierusalem &c.*

(3) A. persequimini. (4) A. CYRILLUS, quem citant hic, & paulo ante habet Nicolaius Iuxta Chrysostomum. (5) A. Illud aggregavi. (6) A. yde certo.

EX EDITIONE P. NICOLAI.

4 Nec in Qq. Evang. nec in specialibus qq. ex Matthæo, ne de Con. Evang. Sed in Beda super hunc locum id occurrit; colligitur nihilominus ex Lib. VI. eiusdem S. Augustini contra Iulianum cap. xix. cit. med. ac deceptis. 5 Hom. lxxv. in Matth. 6 Vel Severus in Cat. Græc. 4 Ubi supra. 7 Immo potius Glosa nullius nomen præferens. f In Eial. cap. xvi.

erat qui gubernabat eos, & eripiebat ab hostium manibus.

Sequitur: *Dico autem vobis, quia non videbitis me donec veniat cum dicitis: Benedictus qui venit in nomine Domini.* AUGUSTINUS de Con. Evan. (Lib. II. cap. lxxv.) Huic narrationi Lucæ non videtur adversari quod turbæ dixerunt, veniente Domino in Hierusalem, *Benedictus qui venit in nomine Domini*: quia nondum illuc venerat, & nondum dictum erat. CYRILLUS A. Discesserat enim Dominus a Hierosolymis, tamquam indignos existentes sui præsentia deserens; deinde multis miraculis factis, rursum Hierosolymam redit, ubi ei turba occurrit dicens, *Mat. xxi.*, Hosanna filio David, vid: *benedictus qui venit in nomine Domini*, *ni.* AUGUSTINUS de Con. Evang. (Lib. II. cap. lxxv.) Sed quia non dicit Lucas quo inde tunc accessit Dominus, ut non veniret nisi eo tempore quo iam illud diceretur (perseverat quippe in itinere suo donec veniat Hierusalem) de illo suo adventu quo in cla-

ritate venturus est, hoc significat. THEOPHYLACTUS (super *Non videbitis*.) Tunc enim & inviti confitebuntur eum Salvatorem, & Dominum, quando nullus erit eis inde profectus. Dicens autem, *Non videbitis me donec veniat &c.* non significat illam horam, sed tempus crucis; quasi dicat: Postquam crucifixeritis me, non amplius videbitis me, donec iterum veniam. AUGUSTINUS de Con. Evan. (ubi supra.) Inrelligendus est ergo Lucas velle præoccupasse, antequam eius narratio Dominum perduceret Hierusalem, aut eidem civitati iam appropinquantem talia respondisse monentibus ut caveret Herodem, qualia Matthæus dicit esse locutum cum iam pervenisset Hierusalem. BEDA (cap. lviii. in Lucam in fine.) Vel dicit, *Non me videbitis*; quasi dicat: Nisi poenitentiam egeritis, & confessi fueritis me Filium omnipotentis Patris, in secundo adventu faciem meam non videbitis.



C A P U T XIV.

(A) ET factum est, cum introisset Iesus in domum cuiusdam principis phariseorum sabbato manducare panem, & ipsi observabant eum. Et ecce homo quidam hydropicus erat ante illum. Et respondens Iesus, dixit ad legisperitos, & phariseos, si licet sabbato curare. At illi tacerunt. Ipse vero apprehensum sanavit eum, ac dimisit. Et respondens ad illos dixit: Cuius vestrum asinus, aut bos in puteum cadet, & non continuo extrahet illum die sabbati? Et non poterant ad hæc respondere illi.

(b) Dicebat autem & ad invitatos parabolam, intendens quomodo primos acubitus eligerent, dicens ad illos: Cum invitatus fueris ad nuptias, non discumbis in primo loco, ne forte honoratior te sit invitatus ab illo, & veniens is qui te, & illum vocavit, dicat tibi, Da huic locum; & tunc incipias cum rubore novissimum locum tenere. Sed cum vocatus fueris, vade, recumbe in novissimo loco, ut cum venerit qui te invitavit, dicat tibi: Amice, ascende superius. Tunc erit tibi gloria coram simul discumbentibus: quia omnis qui se exaltat, humiliabitur; & qui se humiliat, exaltabitur.

(c) Dicebat autem & ei qui se invitaverat: Cum facis prandium, aut cœnam, noli vocare amicos tuos, neque fratres tuos, neque cognatos, neque vicinos, neque divites, ne forte & ipsi te reinvitent, & fiat tibi retributio. Sed cum facis convivium, voca pauperes, debiles, claudos, & cæcos; & beatus eris, quia non habent retribuere tibi: retribuetur enim tibi in resurrectione iustorum.

(d) Hæc cum audisset quidam de simul discumbentibus, dixit illi: Beatus qui manducabit panem in regno Dei. At ipse dixit ei: Homo quidam fecit cœnam

ma-

EX EDITIONE P. NICOLAI.

magnam, & vocavit multos: & misit servum suum hora cenæ dicere invitatis: ut venirent, quia iam parata sunt omnia. Et cœperunt simul omnes excusare. Primus dixit ei: Villam emi, & necesse habeo exire, & videre illam. Rogo te, habere me excusatum. Et alter dixit: Iuga boum emi quinque, & eo probare illa. Rogo te, habere me excusatum. Et alius dixit: Uxorem duxi, & ideo non possum venire. Et reversus servus nuntiavit hæc domino suo. Tunc iratus paterfamilias dixit servo suo: Exi cito in plateas, & vicos civitatis, & pauperes, ac debiles, & cæcos, & claudos introduc huc. Et ait servus: Domine, factum est ut imperasti, & adhuc locus est. Et ait dominus servo: Exi in vias, & sepes, & compelle intrare, ut impleatur domus mea. Dico autem vobis, quod nemo virorum illorum qui vocati sunt, gustabit cenam meam.

(e) Ibant autem turbæ multæ cum eo; & conversus dixit ad illos: Si quis venit ad me, & non odit patrem suum, & uxorem, & filios, & fratres, & sorores, adhuc autem & animam suam, non potest meus esse discipulus. Et qui non baiulat crucem suam, & venit post me, non potest meus esse discipulus.

(f) Quis enim ex vobis volens turrim ædificare; nonne prius sedens computat sumptus qui necessarij sunt, si habeat ad perficiendum; ne, posteaquam posuerit fundamentum, & non poterit perficere, omnes qui vident, incipiant illudere ei, dicentes: Quia hic homo cœpit ædificare, & non potuit consummare? Aut quis Rex iturus committere bellum adversus alium Regem, nonne sedens prius cogitat si possit cum decem millibus occurrere ei qui cum viginti millibus venit ad se? Atquin, adhuc illo longe agente legationem mittens, rogat ea quæ pacis sunt. Sic ergo omnis ex vobis qui non renuntiat omnibus quæ possidet, non potest meus esse discipulus.

(g) Bonum est sal. Si autem sal evanuerit, in quo condietur? Neque in terram, neque in sterquilinum utile est; sed foras mittetur. Qui habet aures audienti, audiat.

(a) **C**YRILLUS *s.* Quamvis Dominus malitiam pharisæorum cognosceret, tamen eorum fiebat conviva, ut prodesset præsentibus per verba, & miracula: unde subditur: *Et factum est cum introisset Jesus in domum cuiusdam principis pharisæorum sabbato manducare panem, & ipsi observabant eum*, si scilicet reverentiam legis contemneret, & an quicquam prohibitorum faceret in die sabbati. Itaque hydropico veniente in medium, interrogatione reprehendit insolentiam pharisæorum, eum arguere volentium: unde dicitur: *Et ecce homo quidam hydropicus erat ante illum. Et respondens Jesus dixit ad legislarios, & pharisæos, si licet sabbato curare.* BEDA (cap. lix. in prin.) Quod dicitur respondisse Jesus, ad hoc respicit quod præmissum est, *Et ipsi observabant eum*: Dominus enim novit cogitationes hominum. THEOPHYLACTUS (hoc loco.) In sua autem interrogatione deridet eos, sicut amentes: Deo enim benedicente

sabbatum, ipsi prohibent operari bona in eo; dies autem quæ bonorum operam non admittit, maledicta est. BEDA (cap. lix. non procul a princ.) Sed merito interrogati tacent, quia contra se dictum, quicquid dixerit, vident. Nam si licet sabbato curare, quare Salvatorem an curet observant? Si non licet, quare ipsi sabbato peccata curant? Unde sequitur, *Ad illi tacuerunt.* CYRILLUS *s.* Neglectis igitur ludæorum insidiis, liberat a morbo hydropicum: qui metu pharisæorum remedia non postulabat propter sabbatum, sed solum astabat, ut ex aspectu misertus eius salvaret eum: quod Dominus cognoscens, non postulat ab eo si vellet salvus fieri, sed protinus eum sanavit: unde sequitur: *Ipsæ vero apprehensum sanavit eum, ac dimisit.* THEOPHYLACTUS (hoc loco.) In quo non hoc prospexit Dominus, ne scandalizaret pharisæos, sed ut beneficiat egenti remediis: decet enim nos, cum magna refulcat utilitas, non curare

EX EDITIONE P. NICOLAI.

curare si stulti scandalizentur. CYRILLUS A. Sed quia pharisei inepte tacuerunt, solvit Christus inflexibilem eorum impudentiam, considerationis seriis ad hoc utens: unde sequitur: *Et respondens ad illos dixit: Cuius vestrum ašinus, aut bos in puteum eadit, & non continuo extrahet illum die sabbati?* THEOPHYLACTUS. Quasi dicat: Si prohibuit lex misereri in sabbato, ne curam habeas filii tui periclitantis in sabbato; sed quid dico, filii, quando nec bovem præteris, si periclitantem videris? BEDA (super Cuius ašinus, aut bos.) In quo sic observatores suos phariseos convincit, ut eisdem etiam avaritiæ condemnet, qui in liberatione animalis suæ avaritiæ contulerant. Quanto ergo magis Christus hominem, qui multo melior est pecore, debuit liberare? AUGUSTINUS (1) de Quæst. Evan. (Lib. II. quæst. xxix.) Congruenter autem hydropicum animali quod cecidit in puteum comparavit, humore enim laborabat; sicut illam mulierem quam alligatam dixerat, & ipse solvebat, comparavit iumento, quod solvit ut ad aquam ducatur. BEDA (ubi supra.) Competenti ergo exemplo solvit quæstionem, ut ostendat eos violare sabbatum in opere cupiditatis qui eum violare arguerunt in opere caritatis: unde sequitur: *Et non poterant ad hæc respondere illi.* Mystice autem hydropicus comparatur ei quem fluxus carnalium voluptatum exuberans aggravat: hydropicus enim morbus ab aquoso humore vocabulum trahit. AUGUSTINUS de Quæst. Evan. (Lib. II. quæst. xxix.) Vel hydropicum recte comparamus diviti avaro: sicut enim ille quanto magis abundat humore inordinato, tanto amplius sitit; (2) sic & iste quanto est copiosior divitiis, quibus non bene utitur, tanto ardentius talia concupiscit. GREGORIUS XIV. Moral. (super illud Job xlviii. 11. Exardelet contra eum sitis: cap. vi. in novis exempli. in antiq. r.) Recte ergo hydropicus ante phariseum curatur: quia per alterius ægritudinem corporis, in altero exprimitur languor, seu ægritudo cordis, & mentis. BEDA (cap. lxx. in Luc.) Bene autem in exemplo bovem, & ašinum nominat, ut vel sapientes, & hebetes, vel utrumque popu-

lum significet, scilicet Iudæum iugo legis pressum, & Gentilem nulla ratione domitum: omnes enim a puteo concupiscentiæ demersos Dominus extrahit.

(b) AMBROSIVS (Lib. VII. in Lucam de comp. reg. cæli. ad fermentum, a medio.) Prius curatus est hydropicus, in quo fluxus carnis exuberans, animæ gravabat officia, spiritus extinguere ardorem; deinde docetur humilitas, dum in convivio nuptiali appetentia loci superioris arcetur: unde dicitur: *Dicebat autem ad invitatos parabolam, intendens quomodo primos accubitus eligere, dicens ad illos: Cum invitatus fueris ad nuptias, non discumbas in primo loco.* CYRILLUS b. Proflare enim prompte ad honores qui nobis non conveniunt, indicat nos temerarios esse, & nostra sacra vituperio replere: unde sequitur: *Ne forte honoratio te sit invitatus ab illo, & veniens is qui te, & illum vocavit, dicat tibi: Da huic locum; & tunc incipias cum vultore novissimum locum tenere.* CHRYSOSTOMUS c. Et sic quod concupivit, nequaquam obtinuit ambitiosus honoris, sed passus est repulsum; & sacgens qualiter abundet honoribus, non honoratur. Et quia nihil est æquipollens modestiæ, auditorem ad oppositum ducit. Non solum prohibet ambire primum, (3) sed & venari iubet ultima: unde sequitur: *Sed cum vocatus fueris, vade, & recumbe in novissimo loco.* (4) CYRILLUS d. Si enim aliquis non vult alijs prælocari, nanciscitur hoc ex divina sententia: unde sequitur: *Ut cum venerit quis te invitavit, dicat tibi: Amice, ascende superius.* Hæc dicens, non graviter obiurgat, sed leniter iniungit: sufficit enim monito apud discretos; & sic pro humilitate aliquis coronatur honore: unde sequitur: *Tunc erit tibi gloria eorum simul discumbentibus.* BASILIUS (in quæst. expl. quæst. xxi.) Occupare igitur locum ultimum in convivio, iuxta mandatum dominicum, conveniens est; sed rursum in hunc contentiosè irrure reprobatur tamquam interemptorium ordinis, & causativum tumultus; & de eo mota contentio æquiparabit vos litigantibus de primatu. Quapropter, sicut hic Dominus dicit, expedit convivium facienti committere.

(1) A. de Conf. Evang. (2) A. omittitur sic. (3) A. Sed veniri ultima. (4) A. GREGORIUS

EX EDITIONE P. NICOLAI.

a Ubi supra. b In Catena Græc. c In eadem Catena. d Ubi supra. e In Regulis s. s. s. disputatio ad interrog. xxi.

tere accubitus ordinem. Sic & in patientia nos mutuo sustinebimus honeste, & secundum ordinem omnia prosequentes, non ad apparentiam plurium; nec videbimur humilitatem petradare per vehementem contradictionem; magis autem humilitatem per patientiam obtineremus: maius est enim ex repugnantia superbæ indicium quam ex primo accubitu, quando cum imperio obtinemus. THEOPHYLACTUS (hoc loco.) Nemo autem putet præmissam Christi doctrinam modicam esse, & indignam culminis Dei Verbi: non enim pium dices esse medicum pollicitum sanare podagram, ictum vero digitum, vel dentis dolorem nolentem curare. Porro quomodo (1) parva passio vanæ gloriæ, quæ versabat primos perquirentes accubitus? Decebat igitur humilitatis magistrum omnem ramum pravæ radicis amputare. Sed & illud considera, quia (2) prælo cœna, & passione primatus coram Salvatore vexante miseros, opportunitatem habebat moniti. CYRILLUS A. Ostendo igitur tam modico exemplo ambiciosorum contemptu, & non ambiciosorum exaltatione, addicit magnum parvo, generalem sententiam proferens, cum subditur: *Quis omnis qui se exultat, humiliabitur; & qui se humiliat, exaltabitur*: quod dicitur secundum divinum iudicium, non secundum humanam consuetudinem; secundum quam plures concupiscentes honorem consequuntur, alii vero se humiliaantes inglorii remanent. THEOPHYLACTUS. Porro non finaliter, nec omnibus hominibus est reverendus qui se honoribus ingerit; sed dum a quibuldam honoratur, alii detrahunt ei, & quandoque etiam ipsi honorantes. BEDA (cap. lix. in Luc.) Sed quoniam hanc admonitionem Evangelista parabolam vocat, brevis intuentium quid mystice significet. Quisquis nuptias Christi, & Ecclesiæ invitatus adierit, membris Ecclesiæ per fidem coniunctus, non se extollat, quasi sublimior ceteris, de meritis gloriando: dabit enim locum honoratori post invitato, cum illorum qui se in Christo secuti sunt agilitate prætur; & cum rubore novissimum locum tenet, quando de aliis meliora cognoscens, quicquid de sua (3) operatione cellum sentiebat humiliat. Sed recumbit aliquis in novissimo loco, secundum illud

Eccli. 111. „Quanto magnus es, humilia te in omnibus. „ Veniens autem Dominus, quem humilem invenerit, amici nomine beatificans, ascendere superius præcipiet; quicumque enim humiliaverit se sicut parvulus, hic est maior in regno eorum: „ Matth. xviii. Pulchre autem dicitur, *Tunc erit tibi gloria*, ne nunc quærere incipias quod tibi servatur in fine. Potest etiam & hoc in hac vita intelligi: quia quotidie Dominus suas nuptias intrat, superbos despiciens, & humilibus sæpe tanta sui Spiritus (4) dona præstans ut discumbentium, idest fidelium, cœtus eos admirando glorificet. Ex conclusione vero generali, quæ subditur, manifeste claret præcedentem Domini sermonem typice intelligendum. Neque enim omnis qui se coram hominibus exultat, humiliatur; aut qui se in conspectu hominum humiliat, exaltatur ab eis; sed qui se de meritis elevat, humiliabitur a Domino; & qui se de beneficiis humiliat, exaltabitur ab eo.

(c) THEOPHYLACTUS. Ex duabus partibus cœna composita, scilicet ex vocantibus, & vocatis, partem vocatorum ad humilitatem iam monuerat; consequenter vocantem monendo remunerat, retrahens cum ne gratia hominum convivaret; unde dicitur: *Dicebat autem ei qui se invitaverat: Cum facis prandium, aut cenam, noli vocare amicos tuos, neque fratres, neque cognatos, neque vicinos, neque divites.* CHRYSOSTOMUS (homil. xiv. in Ep. ad Coloss. ante med.) Multæ causæ sunt quibus amicitia sordus contrahitur: & illicitas quidem prætermittimus; proponemus autem naturales, & morales: naturales quidem, puta patris ad filium, fratris ad fratrem, & aliorum huiusmodi; quod significat dicens: *Neque fratres, neque cognatos*: (5) morales autem; puta conviva factus est, aut convivinus est; & quantum ad hos dicit, *Neque vicinos*. BEDA (super illud, *Dicebat ei qui se invitaverat.*) Fratres igitur, & amicos, & divites alterutrum convivii celebrare non quasi scelus interdicat; sed, sicut cetera necessitatis humanæ commercia, ad promerenda vitæ cælestis præmia, nil valere ostendit: unde subdit: *Ne forte & ipsi te invitaverint, & fiat tibi retributio*. Non ait, Et fiet tibi peccatum. Cui simile est

(1) Al. prava. Nicolai supplet videri potest. (2) Idem ponit prælo existente cœna. (3) Al. opinione. (4) Al. onera. (5) Al. morales autem sunt, puta si conviva &c.

est id quod illi dicit, supra vi. *Et si bene feceritis his qui vobis bene faciunt, qua vobis est gratia?* Sunt tamen quædam mutua fratrum, vicinorumque convivia, quæ non solum in præfenti retributionem, sed & damnationem percipiunt in futuro; quæ aut collatione omnium celebrantur, aut vicibus solent a contubernalibus exhiberi; in quibus ad hoc convenitur (1) ut fæda gerantur, & ex copia incitetur libidinis diversa voluptas. CHRYSOSTOMUS (hom. 1. in Epist. ad Col. ante med.) Non igitur hac (2) spe aliis beneficia conferamus, ut nobis retribuatur; hæc enim frigida est intentio: unde talis amicitia celerius evanescit. Si vero pauperem vocaveris, Deum numquam obliviscens habebis debitorem: unde sequitur: *Sed cum facis convivium, voca pauperes, debiles, claudos, & cæcos.* Quanto enim minor est frater, tanto magis per eum Christus accedit, & visitat. Nam qui magnum suscipit, sæpe propter vanam gloriam facit; sed & utilitas pluries quæritur, ut promoveatur per illum. Possem quidem plures proponere ob hoc celeberrimos (3) senatorum colescentes, ut illis mediandis ampliore gratiam obtineant Principum. Non igitur illos quæramus qui nobis retribuere possunt: sequitur enim: *Et beatus eris, quia non habebis retribuere tibi.* Non ergo turbemur, cum non recipimus beneficii recompensationem, sed cum receperimus: quoniam si receperimus, non amplius recipimus illuc; sed si minime retribuatur homo, tunc tibi Deus retribuatur: unde sequitur: *Retribuatur enim in resurrectione iustorum.* BEDA (super Cum facis convivium.) Etsi omnes resurgunt, iustum tamen resurrectio dicitur, quia in hac resurrectione beatos se esse non dubitant. Ergo qui pauperes ad convivium vocant, in futuro præmia recipient: qui autem amicos, fratres, & divites vocat, recepit mercedem suam. Sed si hoc propter Deum facit in exemplum filiorum Iob, sicut cetera fraternæ dilectionis officia, ipse qui iussit remunerat. CHRYSOSTOMUS (ubi supra.) Sed dicitis: Immundus est pauper, & sordidus. Lava eum, & fac tecum

in mensa sedere. Si velles sordidas habere, mundum indumentum exhibeas. Christus accedit per eum, & tu frivola loqueris? GREGORIUS Nissenus a. Non ergo negligas iacentes, quasi nullo sint digni: cogita qui sunt, & pretiositatem eorum invenies. Salvatoris induerunt imaginem, futurorum bonorum heredes, regni clavigeri, accusatores, & excusatores idonei, non loquentes, sed inspecti a iudice. CHRYSOSTOMUS b. Decet ergo eos sursum in solario suscipere: si non placet, saltem deorsum, ubi sunt subingalia, & famuli, Christum suscipias: fiat saltem pauper ædituus: ubi enim est elemosyna, non audet intrare diabolus; & si non secum confedat, mitte saltem eis de mensa fercula. ORIGENES c. Myrice vero qui vanam gloriam vitat, vocat ad spirituale convivium pauperes, idest imperitos, ut dicit; debiles, hoc est lætam conscientiam habentes, ut sanet; claudos, idest declinantes a ratione, ut rectas semitas faciant; cæcos, idest qui carent contemplatione veritatis, ut veram lucem videant. Quod autem dicitur, *Non possunt retribuere tibi*, idest non noverunt responsum profetre.

(d) EUSEBIUS d. Docuerat supra Dominus præparare convivium rependere nequeuntibus, cum sit recompensandum in resurrectione iustorum; & ideo quidam intelligens unum & idem esse resurrectionem iustorum, & regnum Dei, recompensationem prædictam commendat: sequitur enim: *Hæc cum audisset quidam de simul discumbentibus dixit illi: Beatus qui manducabit panem in regno Dei.* GYRILLUS e. Homo iste animalis erat, non diligenter percipiens ea quæ Christus protulcat: putavit enim corporeas esse remunerationes sanctorum. AUGUSTINUS de Ver. Domini (serm. xxxiii.) Vel quia in longinqua iste suspirabat, & panis iste quem desiderabat, ante illum discumbebat. Quis enim est panis regni Dei nisi qui dicit Ioan. vi. „Ego sum panis vivus, qui de cælo descendi.“ Nolite parare fauces, sed cor. BEDA (cap. lxx. in fine.) Sed quia nonnulli hunc panem sicutenus (4) odorando percipiunt, dul-

(1) *M.* ut fæda gerantur copia vini, & incitetur libidinis diversa voluntas. (2) *M.* specie. (3) *M.* sanctorum. *P.* Nicolai sic legit. Possem quidem plures proponere qui ob hoc celeberrimos senatorum colescentur ut illis mediandis dec. (4) *M.* adorando.

EX EDITIONE P. NICOLAI.

a In Catena Græc. PP. b Hom. xlv. in Acta. c Vel Geometre in Catena Græc. PP. d In eadem Catena. e Ibid.

dulcedinem vero eius attingere veraciter gustando fastidiunt; subiecta parabola Dominus talium corpore cœlestibus epulis dignum non esse redarguit: sequitur enim: *At ille dixit ei: Homo quidam fecit cenam magnam, & vocavit multos.* CYRILLUS *a.* Homo iste Deus Pater est, secundum quod imagines ad similitudinem veritatis figurantur. CHRYSOSTOMUS *b.* Quoties enim punitivam suam virtutem indicare vult Deus, ursus, pardus, leo, & huiusmodi nuncupatur; quando vero misericordiam exprimere vult, dicitur homo. CYRILLUS *c.* Hic ergo conditor omnium, atque gloriæ pater paravit cenam magnam in Christo peractam. In novissimis enim temporibus, & quasi in occasu nostri sæculi illuxit nobis Dei Filius, & mortem pro nobis sustinens, dedit nobis proprium corpus comedere: unde & agnus in vespere immolabatur iuxta legem Mosaicam. Merito igitur in cœna dictum est paratum in Christo convivium. GREGORIUS in hom. (xxxvi. in Evang.) Vel fecit cenam magnam, quia satietatem nobis dulcedinis æternæ præparavit: qui vocavit multos, sed pauci veniunt: quia nonnumquam ipsi qui ei per fidem subiecti sunt, æterno eius convivio vivendo contradicunt. Hoc autem distare inter delicias corporis & cordis solet, quod corporales delicie cum non habentur, grave in se desiderium accendunt, cum vero habitæduntur, comedentem protinus in fastidium per satietatem vertunt; at contra, spirituales delicie cum non habentur, in fastidio sunt, cum vero habentur, in desiderio. Sed superna pietas contemptas illas delicias ad memoriæ nostræ oculos revocat, atque ut fastidium nostrum repellere debeamus invitat: unde sequitur: *Et misit servum suum hora cena dicere invitatis ut venirent.* CYRILLUS *d.* Iste servus qui missus est, ipse Christus est, qui cum esset naturaliter Deus, & verus Dei Filius, exinavit seipsum formam servi accipiens. Missus est autem hora cœnæ: non enim a principio Verbum Patris nostram naturam suscepit, sed in novissimo tempore. Subdit autem: *Quia parata sunt omnia:* paravit enim Pater in Christo bona collata mundo per ipsum, peccatorum amotionem, Spiritus sancti participationem, adoptionis splendorem: ad hoc vocavit Christus per evangelica documenta. A U-

S. Th. Oper. Tom. V.

GUSTINUS de Verbis Domini (*serm. xxxiii.*) Vel aliter. Homo iste mediator est Dei & hominis Christus Iesus. Misit ut venirent invitati, idest per missos vocati Prophetas. Qui olim invitabant ad cenam Christi, sæpe missi sunt ad populum Israel, sæpe vocaverunt ut ad horam cœnæ venirent: illi invitantes acceperunt, cenam repudiaverunt; Prophetas legerunt, & Christum occiderunt; & tunc nobis cenam nescientes paraverunt. Parata iam cœna, idest immolatio Christi, missi sunt Apostoli ad quos missi fuerant ante Prophetæ. GREGORIUS in homil. (xxxvi. in Evang.) Per hunc ergo servum qui a patrefamilias ad invitandum mittitur, prædicatur ordo significatur. Sæpe autem solet evenire ut persona potens famulum habeat despectum, cumque per eum dominus aliquid mandat, non despiciat persona loquentis servi, quia servatur in corde mittentis reverentia domini. Offert ergo Deus quod rogari debuit, non rogare: dare vult quod vix sperari poterat; & tamen simul omnes exultant: sequitur enim: *Et ceperunt omnes simul excusare.* Ecce homo dives invitat, & pauperes occurrere festinant; ad Dei invitatum convivium, & non excusamus. AUGUSTINUS de Ver. Domini (*serm. xxxiii.*) Tres autem fuerunt excusationes, de quibus subditur: *Primus dixit ei: Villam emi, & necesse habeo exire, & videre illam. Rogo te, habo me excusatum.* In villa empti dominatio notatur: ergo superbia castigatur vitium primum: primus enim homo dominari voluit, qui dominium habere noluit. GREGORIUS (ut supra.) Vell per villam terrena substantia designatur. Exit ergo videre illam qui sola exteriora cogitat propter substantiam. AMBROSIIUS (Lib. & tit. ut supra.) Sic igitur emeritæ militiæ viro contemnendam stipendium præscribitur facultatem, quod neque ille, qui studiis intentus inferioribus possessiones sibi terrenas coemit, regnum cæli possit adipisci, cum Dominus dicat Matth. xix. *"Vende omnia tua, & sequere me."* Sequitur: *Et alter dixit: Iuga boum emi quinque, & eo probare illa.* AUGUSTINUS de Verbis Domini (*serm. xxxiii.*) Quinque iuga boum sensus carnis huius quinque numerantur. In oculis visus est, in auribus auditus, in naribus odoratus, in faucibus gustus, in omnibus membris ta-

Il *aus.*

EX EDITIONE P. NICOLAI.

a Ubi supra. *b* In Catena prædicta. *c* Ut supra. *d* Ibid.

Aut . Sed quia iuga sunt, in tribus prioribus sensibus facilius apparet: duo sunt oculi, duæ aures, geminæ nares: ecce tria iuga: & (1) in faucibus, idest sensu gustandi, geminatio quædam invenitur, quia nihil gustando sapit nisi lingua, & palato tangatur: voluptas carnis, quæ ad tactum pertinet, occulte geminatur; est & forinsecus, & intrinsecus. Dicuntur autem iuga boum, quia per sensus istos carnis terrena requiruntur: boves enim terram versant; homines autem remoti a fide, terrenis dediti, nolunt credere aliquid nisi ad quod sensu corporis perveniunt quinque-partito. Non, inquit, ego credo, nisi quod video. Si talia cogitarem, quinque illis iugis boum a cœna impediremur. Ut noveritis autem istorum quinque sensuum, non delectationem quæ mulcet, & ingerit voluptatem, sed curiositatem quamdam notatam fuisse, non ait, *Quinque iuga boum emi*, eo pascere illa, sed eo probare illa. **GREGORIUS** in homil. (xxxvi. in Evang.) Corporales etiam sensus, quia interna comprehendere nequunt, sed sola exteriora agnoscunt, recte per eos curiositas designatur, quæ dum alienam quærit vitam discutare, (2) semper sua intima nesciens studet exteriora cogitare. Sed notandum, quod is qui propter villam, & is qui propter probanda iuga boum a cœna sui invitatoris se excusat, humilitatis verba permiscet: dum enim dicit, *Rego*, & venire contemnit, humilitas sonat in voce, superbia in actione.

Sequitur: *Alius dixit: Uxorem duxi, & ideo non possum venire*. **AUGUSTINUS** de Verbis Domini (serm. xxxiii.) Ista est voluptas carnis, quæ multos impedit: utinam foris, & non intus. Qui enim dixit, *Uxorem duxi*, carnem amplexatur, carnis voluptatibus iucundatur, a cœna excusatur: observet ne fame interna moriatur. **BASILIVS** ⁴. Dicit autem, *Non possum venire*, eo quod intellectus humanus vergens ad mundanas illecebras debilis est ad agendum. **GREGORIUS** in hom. (xxxvi. in Evang.) Quamvis autem bonum sit coniugium, atque ad propagandam sobolem di-

vina providentia constitutum, nonnulli tamen per hoc non secunditatem prolis, sed desideria expereunt voluptatis; & idcirco per rem istam significari potest (3) non incongrue iniusta. **AMBROSIVS** (ubi supra, a medio.) Vel coniugium non reprehenditur, sed ad maiorem honorem vocatur integritas: quoniam, mulier innumpta, cogitat quæ sunt Domini, ut sit sancta, corpore, & spiritu; quæ autem nupta est, cogitat quæ sunt mundi: "1. Corinth. vii. **AUGUSTINUS** de Verbis Domini (serm. xxxiii.) Ioannes autem dicens (Epist. I. cap. ii.) "Omne quod est in mundo, concupiscentia carnis est, & concupiscentia oculorum, & ambitio sæculi: "inde cœpit ubi Evangelium terminam posuit. Concupiscentia carnis, *uxorem duxi*; concupiscentia oculorum, *quinque iuga boum emi*; ambitio sæculi, *villam emi*. A parte autem in totum commemorati sunt quinque sensus per solos oculos, quorum est iniquique sensibus principatus: propterea cum proprie ad oculos pertineat vilis, ipsum videre per omnes quinque sensus solemus appellare. **CYRILLVS** ⁶. Quos autem intelligimus fuisse oculos qui roneantur prædictorum causa venire, nisi præfides Iudeorum, quos per totam sacram paginam de his redargutos esse videmus? **ORIGENS** ⁷. Vel aliter. Hi qui villam emerunt, & recusant cœnam, sunt qui receperunt alia dogmata divinitatis, nec experti sunt Verbum quod possidebant. Is autem qui quinque paria boum emit, est qui naturam intellectualem contemnit, & sensibilia sequitur: unde incorpoream naturam comprehendere non potest. Qui autem uxorem duxit, est qui coniunctus est carni, voluptatum magis amator quam Dei. **AMBROSIVS** (Lib. & cap. ubi supra.) Vel tria genera hominum a consortio istius cœnæ æstimemus excludi, Gentilium, Iudeorum, & hæreticorum. Iudei corporali (4) ministerio iuga sibi legis imponunt. Quinque (5) autem iuga sunt verborum decem, vel quinque libri veteris legis. At vero hæretici velut Eva femineo rigore fidei tentat affectum. Et (6) Apostolus dicit ava-

(1) *Al. omittitur in.* (2) *Al. super sua.* (3) *Al. non congrue res iniusta.* (4) *Al. mysterio.* (5) *Legis P. Nicetas* Quinque autem iuga sunt verborum decem, de quibus Deuter. xv. 23. dicitur: "Ostendit vobis Deus primum suum quod præcepit ut faceretur, & decem verba que scripta in tabulis lapideis: "hoc est decalogi mandata &c. Vel quinque iuga sunt quinque libri veteris legis &c. (6) *Al. Apostolis.*

ritiam esse fugiendam, ne impediti more gentili ad regnum Christi pervenire nequeamus. Ergo & ille qui villam emit, alienus a regno est, & ille qui iugum potius legis quam gratiæ munus elegit, & ille qui se propter ducendam excusat uxorem.

Sequitur: *Et reversus servus nuntiavit hæc domino suo.* AUGUSTINUS Lib. V. super Gen. ad litteram (cap. xix.) Non propter inferiorum scientiam Deus nuntius indiget, quasi per eos fiat scientior; sed novit omnia stabiliter, atque incommutabiliter. Habet autem nuntios propter nos, & propter ipsos: quia illo modo Deo (1) parere, & assistere, ut eum de inferioribus consulat, eiusque supernis iussis obtemperant, bonum est eis in ordine propriæ naturæ. CYRILLUS a. Iudæorum autem primatibus vocationem renuentibus, sicut ipsi dicebant Ioan. vii. Numquid aliquis principum credidit in eum? "indignatus est paterfamilias, quasi eis dignis indignatione, & ira: unde sequitur: *Tunc iratus paterfamilias.* (2) BASILIUS (in Plal. xxxvii.) Non quod iræ passio divinæ substantiæ accidat; sed talis operatio, quæ in nobis ab ira fit, Dei ira, & indignatio dicitur. CYRILLUS b. Sic ergo indignatus dicitur paterfamilias in principes Iudæorum, & vocati sunt loco eorum, qui erant de multitudine Iudæorum, fragilem, & impotentem mentem habentes. Loquente enim Petro Act. ii. primo qui dem tria millia, deinde quinque millia crediderunt, & postmodum plurimus populus: unde dicitur: *Dixit servus suo: Exi cito in plateas, & vicos civitatis; & pauperes, ac debiles, cæcos, & claudes introduce huc.* AMBROSIVS. Invitat autem pauperes, debiles, & cæcos, ut ostendatur quod nullum debilitas corporis excludit a regno, rariuque delinquit cui desit illecebra peccandi; vel quod infirmis peccatorum per misericordiam Domini remittatur: unde mittit ad plateas, ut de latioribus (3) vicis ad angulum venirent viam. GREGORIUS in hom. (xxxvi. in Evang.) Quia ergo vesire superbi renuunt, pauperes eliguntur: dicuntur enim (4) debiles, & pauperes qui iudicio suo apud semetipsos infirmi sunt: nam pauperes, & quasi fortes sunt qui positi in paupertate superbiunt; cæci sunt qui nul-

lius ingenii lumen habent; claudi sunt qui rectos gressus in operatione non habent. Sed dum horum vitia in membrorum debilitate significantur, sicut illi peccatores fuerunt qui vocati venire noluerunt, ita hi quoque qui invitantur, & veniunt; sed peccatores superbi respuunt, humiles eliguntur. Hos itaque elegit Deus quos depicit mundus: quia plerumque ipsa despectio hominem revocat ad semetipsum; & tanto celerius vocem Dei aliqui audiunt, quanto in hoc mundo non habent unde delectentur. Cum ergo de vicis, & plateis ad cœnam quosdam Dominus vocat, illum populum designat qui tenere legis urbanam conversationem noverat. Sed multitudo quæ ex Israel populo credidit, locum superni convivii non implevit: unde sequitur: *Et ait servus: Domine, factum est ut imperasti, & adhuc locus est.* Intravit enim iam frequentia Iudæorum; sed adhuc locus vacat in regno, ubi sufficipi debeat numerositas Gentium: unde subditur: *Et ait dominus servus: Exi in vias, & sepes, & compelle intrare, ut implatur domus mea.* Cum convivas suos colligi ex viis, & sepiibus (5) præcipit, agrestem populum, idest Gentilem, quærit. AMBROSIVS (ubi supra.) Vel mittit ad vias, & circa sepes, quia hi apti sunt regno cælorum qui nullis præsentium cupiditatibus occupati ad futura festinant, in quodam bono voluntatis tramite constituti, & qui modo sepis, quæ ab incultis culta secernat, & incurfus arceat bestiarum, norit bona, malaque distinguere, & adversus tentamenta nequitia spiritualis, fidei munimen prætereendere. AUGUSTINUS de Ver. Dom. (serm. xxxiii.) Venerunt de plateis, & vicis gentes, veniunt de sepiibus hæretici: nam sepes qui construunt, divisiones quærant. Abilrahantur a sepiibus, evellantur a spinis. Sed cogi nolunt: Voluntate, inquit, nostra intremus. Non hoc Dominus imperavit: *Exi, inquit, intrare.* Foris inveniatur necessitas, nascitur inde voluntas. GREGORIUS in hom. (xxxvi. in Evang.) Qui ergo huius mundi adversitatibus fracti (6) ad Deiciamorem redeunt, compelluntur intrare. Sed valde tremenda est sententia quæ subinfertur: *Dico autem vobis, quod nemo virorum istorum qui vocati sunt, gustabit cœnam meam.*

II 2

Nemo

(1) Nicolaus habet patere. (2) M. BEDA. (3) M. vitilis. (4) M. debiles, & qui iudicio suo Sec. (5) M. præcipit. (6) M. a Dei amore.

EX EDITIONE P. NICOLAI.

* In Catena prædicta. * Ubi supra.

Nemo ergo contemnat, ne dum vocatus ex-
culet, cum voluntatem habuerit, intrare
non valeat.

(e) GREGORIUS in hom. (xxxvii.
in Evang.) Ad audita caelestia præmia inar-
descit animus, iamque illic cupit assistere
ubi se sperat sine fine gaudere. Sed ad ma-
gna præmia perveniri non potest nisi per
magnum laborem: unde dicitur: *Ibant autem
turba multa cum eo, & conversus dixit ad il-
los: Si quis venit ad me, & non edicit patrem
suum, & matrem, & uxorem, & filios, &
fratres, & sorores, adhuc autem & animam
suam, non potest esse meus discipulus.* THEO-
PHYLACTUS (super *Si quis venit ad me.*)
Quia enim multi comitantium ipsum non
ex toto affectu, sed tepide sequebantur, o-
stendit qualem deceat esse suum discipulum.
GREGORIUS in hom. (xxxvii. in Evang.)
Sed percondari libet: Quomodo parentes,
& carnaliter propinquos præcipimus odisse,
qui iubemur & inimicos diligere? Sed sivism
præcepti perpendimus, utrumque agere per
discretionem valemus, ut eos qui nobis car-
nis cognatione coniuncti sunt, & quos pro-
ximos novimus, diligamus, & quos adver-
sarios in via Dei patimur, odiendo, & fu-
giendo nesciamus. Quasi enim per odium
diligitur qui carnaliter sapiens, dum prava
nobis ingerit, non auditur. AMBROSIIUS
(Lib. & tit. ut supra.) Etenim si propter
te Dominus suæ renuntiat matri, dicens
Matth. xxi. „ Quæ est mater mea, & qui
fratres mei? „ cur tu Domino tuo cupias
anteferri? Sed neque ignorare naturam, ne-
que scire Dominus iubet; sed ita indulge-
re naturæ, ut veneris auctorem, nec a
Deo parentum amore desistas. GREGO-
RIUS in hom. (xxxvii. in Evang.) Utautem
Dominus demonstraret hoc erga pro-
ximos odium non de affectione procedere,
sed de caritate, addidit dicens: *Adhuc au-
tem & animam suam.* Constat ergo quia
mando debet odisse proximum qui sic eum
odit sicut seipsum: tunc enim bene animam
nostram odimus cum eius carnalibus desi-
deriis non acquiescimus, cum eius appetitum
frangimus, eius voluptatibus reluctamur.
Quæ ergo contempta ad melius ducitur,
quasi per odium amatur. CYRILLUS a.
Non est autem fugienda vita, qua in cor-

pore vivitur, sed servanda, sicut & Paulus
servavit, ut Christum adhuc vivens in cor-
pore prædicaret; sed ubi oportebat vitam
contemnere, ut cursum consummaret, nec
animam pretiosam sibi esse sciretur. GRE-
GORIUS in hom. (ubi supra.) Hoc autem
animæ odium qualiter exhiberi debeat,
manifestat subdens: *Qui non baiulat crucem
suam, & venit post me, non potest meus esse
discipulus.* CHRYSOSTOMUS b. Non autem
hoc dicit ut trabem super humeros ap-
ponamus, sed ut semper mortem præ oculis
nostris habeamus; sicut & Paulus morie-
batur quotidie, & mortem contemnebat.
BASILIUS c. Crucem etiam tollens, mor-
tem Domini annuntiabat dicens Galat. vi.
„ Mihi mundus crucifixus est, & ego mun-
do: „ quod etiam nos in ipso baptismo
anticipamus, ubi vetus homo nostri cruci-
fixus est, ut destruat corpus peccati.
GREGORIUS in hom. (xxxvii. ut su-
pra.) Vel quia crux a cruciatu dicitur,
duobus modis crucem Domini baiulamus,
cum aut per abstinentiam carnem affligi-
mus, aut per compassionem proximi, neces-
sitate illius nostram putamus. Sed quia
nonnulli carnis abstinentiam non pro Deo,
sed pro inani gloria exhibent, & compas-
sionem non spiritualiter, sed carnaliter im-
pendunt; recte additur: *Et venit post me.*
Baiulare (1) enim crucem, & post Do-
minum ire, est vel carnis abstinentiam, vel
compassionem proximorum pro studio æter-
næ intentionis exhibere.

(f) GREGORIUS in homil. (xxxviii.
ut supra.) Quia sublimia præcepta data
sunt, protinus comparatio edificandæ sub-
limitatis adiungitur cum dicitur: *Quis enim
ex vobis volens turrim adificare, nonne prius
sedens computat sumptus qui necessarij sunt, si
habeat ad perficiendum? Omne enim quod
agimus*, prævenire per studium considera-
tionis debemus. Si igitur humilitatis turrim
construere cupimus, prius nos præparare
ad adversa huius sæculi debemus.* BASI-
LIUS d. Vel turris est alta speculatio ad
custodiam civitatis, & perceptionem hosti-
lium occursum apta: ad huius instar nobis
datus est intellectus conservativus bonorum,
præmeditativus contrariorum; ad huius æ-
ficationem præcipit Dominus sedentes pone-
re

(1) Al. amittitur enim.

EX EDITIONE P. NICOLAI.

* In Carena Græc. PP. & Lib. vi in Esiām. b In eadem Carena. c Ibid. & in Regula brevioribus
ad interrogat. cccxxiv. d In Esiā. xi. cap. v. G. 21.

re calculum, si suppetat facultas ad finem. GREGORIUS Nilenus a. Inistendum est enim ut cuiuslibet ardui propositi terminus attingatur variis augmentis, mandatorum Dei, consummando opus divinum: nam nequela-
pis unus est tota turris fabrica, neque unicuique mandatum ducit ad animæ perfectionem; sed fundamentum oportet subsistere, & secundum Apostolum esporer apparatus est auri, & argenti, & pretiosorum lapidum apponendus: unde subditur: *Ne postquam posueris fundamentum, & non potueris perficere, emnes qui viderint, incipiant illudere et dicentes, quia hic homo cepit edificare, & non potuit consummare.* THEOPHYLACTUS (super *Ne postquam posueris fundamentum.*) Non (1) enim debemus ponere fundamentum, id est sequi Christi initium, & finem non imponere, sicut illi de quibus Ioannes dicit cap. vi. quod, multi ex discipulis eius, abierunt retrorsum. "Vel fundamentum intellige doctrinalem sermonem, puta de abstinentia. Opus est igitur prædicto fundamentum operationis ædificium, ut perficiatur nobis, turris fortitudinis a facie inimici: Psal. lx. Alioquin deridetur homo a videntibus eum, tam hominibus, quam dæmonibus. GREGORIUS in hom. (xxxvii. in Evang.) In bonis enim operationibus intenti: nisi contra malignos spiritus sollicitè vigilemus, ipsos irrisores patimur quos ad malum periculosos habemus. Sed ex minori ad maius similitudo subditur, ut ex rebus minimis maiora pensentur: nam sequitur: *Aur quis Rex iturus committere bellum adversus alium Regem, nonne prius sedens cogitat si possit cum decem millibus occurrere ei qui cum viginti millibus venit ad se?* CYRILLUS b. Incumbit enim nobis prælium contra spiritualia nequitie in cælestibus; urget autem nos & aliorum hostium multitudo, carnale flagitium, lex sæviens in membris nostris, & variae passionis, hoc est dira hostium multitudo. AUGUSTINUS de Quæst. Evang. (Lib. II. qu. xxxi.) Vel decem millia prælati cum Rege qui habet viginti millia, significant simplicitatem Christiani hominis, dimicaturi cum duplicitate diaboli. THEOPHYLACTUS. Est autem Rex peccatum regnans in nostro mortali corpore; sed & noster intellectus creatus est Rex. Ergo si repugnare velit peccato, toto ani-

mo cogitet secum: nam dæmones sunt peccati satellites, qui videntur viginti millium numero præcellere decem millia nostra: quia cum incorporei sint, nobis comparari corporeis, multo maiorem fortitudinem habere censentur. AUGUSTINUS de Quæst. Evang. (ubi supra.) Sicut autem de turri non perfecta per opprobrium deterruit dicentium: *Quia hic homo cepit edificare, & non potuit consummare;* sic in Rege cum quo dimicandum est, ipsam pacem acculavit, cum subdit: *Alioquin adhuc illo longe agente legationem mittens, rogat ea qua pacis sunt:* significans etiam minas imminuentium tentationum a diabolo non sustinere eos qui non renuntiant omnibus quæ possident, & pacem cum eo facere, consentiendo illi ad committendum peccata. GREGORIUS (homil. xxxvii. in Evang.) Vel aliter. In illo tremendo examine cum Rege nostro ex æquo ad iudicium non venimus: decem millia (2) quippe ad viginti millia, simplex ad duplex sunt. Cum duplo ergo exercitu contra simplex venit, quia nos vix in solo opere præparatos simul de opere, & cogitatione discutit. Dum ergo adhuc longè est, quia adhuc præsens per iudicium non videtur, mittamus ad eum legationem lacrymas nostras, misericordiæ opera, hostias placationis; hæc est nostra legatio, quæ Regem venientem placat. AUGUSTINUS ad Lærum (epist. xxxvi. in.) Quomodo autem pertineant istæ similitudines, ipsa (3) conclusionem satis aperuit, dicens: *Sic ergo omnis ex vobis qui non renuntiat omnibus quæ possidet, non potest meus esse discipulus.* Itaque sumptus ad turrim ædificandam, & valentia decem millium adversus Regem quingenti millia habet, nihil aliud est, quam ut renuntiet unusquisque omnibus quæ sunt eius. Prælocutio autem superior cum extrema locutione concordat: in eo enim quod (4) aliquis renuntiat omnibus quæ sunt eius, etiam illud continetur ut oderit patrem suum, & matrem, & uxorem, & filios, & fratres, & sorores, adhuc & animam suam. Omnia enim hæc propria alicuius sunt, quæ plerumque implicant, & impediunt ab obtinenda non ista propria temporaliter transitura, sed in æternum mansura communia. BASILIUS c. Est autem intentio Domini per exempla prædicta non uti-

(1) *Al.* Nos enim. (2) *Al.* quique. (3) *Al.* occasione. (4) *Al.* adhuc.

EX EDITIONE P. NICOLAI.

a Lib. de Viag. c. xviii. b In Cat. Grec. PP. c Ut supra in Regulis brevioribus ad interrog. cclxiii.

utique præbere potestatem eius discipulum fieri, vel non fieri, sicut licet vel non incheare: fundamentum, vel tractare pacem; (1) sed offendere impossibilitatem divini boni placiti observandi inter distrahentia animam, inter quæ periclitatur facta venalis ab astutiis dæmonis. BEDA. Distat autem inter renuntiare omnibus, & relinquere omnia: paucorum enim perfectorum est relinquere omnia, hoc est curas mundi postponere; cunctorum autem fidelium est renuntiare omnibus, hoc est sic tenere quæ mundi sunt ut tamen per ea non teneantur in mundo.

(g) BEDA (cap. lxi. in Luc.) Dixerat superius turrim virtutum (2) non solum inchoandam, sed etiam consummandam; ad quod pertinet quod dicitur, *Bonum est sal.* Bonum est sale sapientiæ spiritualis cordis arcana condire, immo cum Apostolis saltare fieri. EUSEBIUS A. Sal enim secundum substantiam quidem ex aqua constat, & spiritu, modicum quid terreitatis participans. Desiccatur autem fluidam naturam corruptorum corporum, ut mortua corpora conservet. Merito igitur discipulos suos comparat sali, eo quod ipsi regenerati sunt per aquam, & Spiritum. Cumque toti spiritualiter viverent, & non secundum carnem, ad modum salis corruptam vitam hominum in terra degentium convertent, & virtuosa vita suos sequaces oblectando condecant. THEOPHYLACTUS (paula fine Comm.) Non solum autem eos qui

donati sunt magistrali gratia, sed etiam idiotas exposcit ad modum salis fieri utiles proximis. Si vero qui futurus est utilis aliis, fiat reprobis, iuvare non poterit: unde sequitur: *Si autem sal evanuerit, in quo condestur?* BEDA (cap. lxi. non remote a fine.) Quasi dicat: Si quis semel condimento veritatis illuminatus ad apostasiam redierit, quo alio doctore corrigetur? qui scilicet eam quam ipse gustavit sapientiæ dulcedinem, vel adversus sæculi perterritus, vel illecebris illecebras abiecit: unde sequitur: *Neque in terram, neque in sterquilinum utile est; sed foras mittetur.* Sal enim cum ad condiendos cibos, carnesque siccandas valere desierit, nulli iam usui aptum erit: neque enim in terram utile est, cuius iniectione germinare prohibetur, neque in sterquilinum agriculturæ profuturum: sic qui post agnitionem veritatis retrocedit, neque ipse fructum boni operis ferre, nec alios excolere valet; sed foras mittendus est, hoc est ab Ecclesiæ unitate secedendus. THEOPHYLACTUS (ubi supra.) Verum, quia sermo parabolicus, & obcurus erat, excitans Dominus auditores, ne qualitercumque acciperent quod dictum est de sale, subdit: *Qui habet aures audiendi, audiat; hoc est, si cui sapientia inest, intelligat: aures enim hic cognoscitivam vim animæ, & aptitudinem intelligendi accipere debemus.* BEDA (cap. lxi. in fine.) Audiat etiam non contemnendo, sed obediendo, & faciendo quæ dicit.

C A P U T XV.

(a) ERant autem appropinquantibus ei publicani, & peccatores, ut audirent illum. Et murmurabant pharisæi, & scribæ, dicentes, quia hic peccatores recipit, & manducat cum illis. Et ait ad illos parabolam istam, dicens: Quis ex vobis homo qui habet centum oves, & si perdidit unam ex illis, nonne dimittit nonaginta novem in deserto, & vadit ad illam quæ perierat donec inveniat eam? Et cum invenerit eam, imponit in humeros suos gaudens, & veniens domum convocat amicos, & vicinos, dicens illis: Congratulamini mihi, quia inveni.

(1) Ita hunc locum effert P. Nicolai. Sed attendere impossibilitatem placendi Deo inter illa quæ distrahent animam, & in quibus periclitatur, velut capti faciliis facta insidiis, & astutiis diaboli. (2) Id est, non solum consummandam, sed etiam inchoandam.

EX EDITIONE P. NICOLAI.

• In Cætera Glaxorum PP.

veni ovem meam, quæ perierat. Dico vobis, quod ita gaudium erit in cælo super uno peccatore pœnitentiam agente, quam supra nonaginta novem iustis, qui non indigent pœnitentia.

(b) Aut quæ mulier habens drachmas decem, si perdidit drachmam unam, nonne accendit lucernam, & everit domum, & quærît diligenter, donec inveniat eam? Et cum invenerit, convocat amicas, & vicinas, dicens: Congratulamini mihi, quia inveni drachmam quam perdideram. Ita dico vobis, quia gaudium erit Angelis Dei super uno peccatore pœnitentiam agente.

(c) Ait autem: Homo quidam habuit duos filios, & dixit adolescentior ex illis patri: Pater, da mihi portionem substantiæ quæ me contingit. Et divisit illis substantiam. Et non post multos dies, congregatis omnibus, adolescentior filius peregre profectus est in regionem longinquam, & ibi dissipavit substantiam suam vivendo luxuriose. Et postquam omnia consummasset, facta est fames valida in regione illa, & ipse cepit egere. Et abiit, & adhæsit uni civium regionis illius, & misit illum in villam suam, ut pasceret porcos. Et cupiebat implere ventrem suum de siliquis quas porci manducabant, & nemo illi dabat.

(d) In se autem reversus dixit: Quanti mercenarii in domo patris mei abundant panibus? Ego autem hic fame pereor. Surgam, & ibo ad patrem meum, & dicam ei: Pater, peccavi in cælum, & coram te: iam non sum dignus vocari filius tuus: fac me sicut unum de mercenariis tuis. Et surgens venit ad patrem suum. Cum autem adhuc longe esset, vidit illum pater ipse, & misericordia motus est, & accurrens cecidit super collum eius, & osculatus est eum. Dixitque ei filius: Pater, peccavi in cælum, & coram te: iam non sum dignus vocari filius tuus. Dixit autem pater ad servos suos: Cito proferte stolam primam, & induite illum, & date annulum in manum eius, & calcamenta in pedes eius, & adducite vitulum faginaturn, & occidite, & manducemus, & epulemur: quia hic filius meus mortuus erat, & revixit; perierat, & inventus est. Et cœperunt omnes epulari.

(e) Erat autem filius eius senior in agro: & cum veniret, & appropinquaret domui, audivit symphoniam, & chorum, & vocavit unum de servis, & interrogavit quid hæc essent. Ilque dixit illi: Frater tuus venit; & occidit pater tuus vitulum faginaturn, quia salvum illum recepit. Indignatus est autem, & nolebat introire. Pater ergo illius egressus, cepit rogare illum. At ille respondens, dixit patri suo: Ecce tot annis servio tibi, & numquam mandatum tuum præterivi, & numquam dedisti mihi hædum, ut cum amicis meis epularer. Sed postquam filius tuus hic, qui devoravit substantiam suam cum meretricibus, venit, occidisti illi vitulum faginaturn. At ipse dixit illi: Fili, tu semper mecum es, & omnia mea tua sunt. Epulari autem, & gaudere oportebat: quia frater tuus hic mortuus erat, & revixit; perierat, & inventus est.

(a) AMBROSIVS (Lib. VII. in Lucam, de ove centesima.) Dideras in superioribus, secularibus occupationibus non teneri, caduca non præferre perperuis. Sed quia fragilitas humana firmum nequit in tanto sæculi lubrico tenere vestigium, etiam adversus errorem remedia tibi bonus medicus demonstravit, spem veniæ aduex misericors non negavit: unde subditur: Erant autem appropinquantes ei publicani, & peccatores, ut audirent eum. GLOSSA A. Id est, qui publica exigunt vestigalia, vel conducunt, & qui lucra sæculi per negotia sectantur. THEOPHYLACTUS. Hoc enim exequabatur cuius causa carnem susceperat, admittens peccatores, sicut medicus ægrotañtes. Sed pharisæi vere criminosi huic pietati murmura recompenfabant: unde sequitur:

Et

EX EDITIONE P. NICOLAI.

a Interlinealis.

Es murmurabant pharisei, & scriba, dicentes, quia hic peccatores recipit, & manducat cum illis. GREGORIUS in hom. (xxxiv. in Evang.) Ex qua re colligitur quia vera iustitia compassionem habet, falsa designationem; quamvis & iusti soleant recte peccatoribus indignari. Sed aliud est quod agitur typo superbæ, aliud quod zelo disciplinæ: quia iusti, & si foris increpationes per disciplinam exaggerant, intus tamen dulcedinem per caritatem servant: præponunt sibi in animo ipsos plerumque quos corrigunt: quod agentes per disciplinam subditos, & per humilitatem custodiunt semetipsos. At contra hi qui de falsa iustitia superbire solent, ceteros quoque despiciunt, nulla infirmantibus misericordia condescendunt; & quo se peccatores esse non credunt, eodetius peccatores sunt: de quorum numero pharisei erant, qui diluicantes Dominum, quod peccatores susciperet, amenti corde ipsum fontem misericordiæ reprehendebant. Sed quia ægri erant, ita ut ægros se esse nescirent, quatenus quod erant agnoscerent, cælestis medicus blandis eos fomentis curat: sequitur enim: *Et ait ad illos parabolam istam, dicens: Quis ex vobis homo? Similitudinem dedit, quam in se homo recognoscere, & tamen ad auctorem hominum pertinere: quia enim centenarius perfectus est numerus, ipse centum oves habuit, cum sanctiorum Angelorum, & hominum naturam possedit: unde subditur: Qui habet centum oves.* CYRILLUS a. Hinc percipe latitudinem regni Salvatoris nostri. Dicit enim oves esse centum, referens numerum subiectarum sibi rationalium naturarum ad integram multitudinem: est enim centenarius numerus perfectus ex decem decadibus constitutus. Sed ex his una oberavit, scilicet genus humanum, quod terram colit. AMBROSIIUS (ubi supra.) Dives pastor, cuius nos omnes centesima portio sumus: unde sequitur: *Et si perdidit unam ex illis.* GREGORIUS (hom. xxiv. in Evang.) Una ovis tunc perit quando peccando homo pascua vitæ reliquit. In deserto autem nonaginta novem remanserunt: quia rationalis creaturæ numerus, Angelorum videlicet, & hominum, qui ad viden-

dum Deum conditus fuerat, pereunte homine, erat imminutus: unde sequitur: *Nonne dimisit nonaginta novem in deserto? quia scilicet Angelorum choros reliquit in cælo.* Tunc autem homo cælum deseruit, cum peccavit. Et ut perfecta summa ovium integraretur in cælo, homo perditus quærebatur in terra: unde sequitur: *Et vadit ad illam qua perierat donec inveniat illam.* CYRILLUS b. Numquid autem sævens in reliquis motus est pietate unius? Nequaquam: sunt enim illæ in tuto, circumspiciente illas potentissima dextera: sed magis oportebat misereri pereuntis, ne imperfecta videretur residua multitudo: una enim reducta, sortitur centenarius propriam speciem. AUGUSTINUS de Quæst. Evang. (Lib. II. qu. xxxii.) Vel illas nonaginta novem dixit quas reliquit in deserto, superbos significans, tamquam solitudinem gerentes in animo, dum solos se videri volunt; quibus ad perfectionem unitas deest: cum enim quisque vera unitate divellitur, superbe divellitur: suæ quippe potestatis esse cupiens, non sequitur unum, quod est Deus. Uni autem deputat omnes per penitentiam reconciliatos, quæ humilitate obtinetur. GREGORIUS Nissenus c. Cum autem pastor invenisset ovem, non punivit: non duxit ad gregem urgendo, sed (1) superponens humero, & portans, clementer annumeravit gregi: unde sequitur: *Et cum invenisset ovem, imposuit in humeros suos gaudens.* GREGORIUS in homil. (xxxiv. ut supra.) Ovem humeris suis imposuit, quia humanam naturam suscipiens, peccata nostra ipse portavit. Inventa autem ove ad domum redit, quia pastor noster, reparatus homine, ad regnum cælestē rediit: unde sequitur: *Et veniens domum, convocat amicos, & vicinos, dicens illis: Congratulamini mihi, quia inveni ovem meam qua perierat.* Amicos, & vicinos vocat Angelorum choros, quia amici eius sunt, quia voluntatem eius continue in sua stabilitate custodiunt; vicini quoque eius sunt, quia claritatem visionis illius sua assiduitate perfruuntur. THEOPHYLACTUS. Supernæ igitur virtutes oves dicuntur in eo quod omnis natura creata (2) aspectu Dei bestialis est; in eo vero quod

ra-

(1) Al. supponens. (2) Nicolai pulte respectu.

EX EDITIONE P. NICOLAI.

a In Catena Græcorum PP. b Ibid. c In eadem Catena, ubi refertur ex erast. vel hom. de penitentia: sed sumptum est ex hom. quæ inscribitur ad eos qui durius & acerbius alios indicant, & condemnant, & qui conversione, & penitentia egent: ibidem porro de muliere peccatrice ab initio agit.

rationalis est, amici, & vicini dicuntur. GREGORIUS in homil. (xxxiv. ut supra.) Et notandum, quod non dicit, *Congratulamini inventæ ovi*, sed *mibi*: quia videlicet eius est gaudium vita nostra; & cum nos ad cælum reducimur, solemnitatem lætitiæ illius implemus. AMBROSIIUS (cap. de ove centesima Lib. VII. in Luc.) Angeli autem, quoniam sunt rationales, non immerito hominum redemptione lætantur: unde sequitur: *Dico vobis, quod ita gaudium erit in cælo super uno peccatore penitentem agente quam supra nonaginta novem iustis, qui non indigent penitentia*. Hoc proficiat ad incentivam probitatis, si unusquisque conversionem suam gratam fore credat cœtibz Angelorum, (1) quorum aut affectat patrociniū, aut vereri debet offensam. GREGORIUS in homil. (xxxiv. ut supra.) Plus autem de conversis peccatoribus quam de stantibus iustis in cælo gaudium esse fatetur: quia plerumque hi qui nullis se oppressos peccatorum molibus sciunt, stant quidem in via iustitiæ, sed tamen ad cœlestem patriam anxie non anhelant, & plerumque pigri remanent ad exercenda bona præcipua, quia securi sibi sunt quod nulla commiserint mala graviora: ad contra nonnumquam hi qui se aliqua illicita egisse meminerunt, ex ipso suo dolore compuncti, ad amorem Dei inardescunt: & quia errasse se a Deo considerant, damna præcedentia lucris sequentibus recompenfant. Maius ergo gaudium fit in cælo, quia & dux in prælio plus eum militem diligit qui post fugam reverteris hostem fortiter premit, quam eum qui nunquam terga præbuit, & nunquam aliquid fortiter fecit. Sic agricola illam amplius terram amat quæ post spinas uberes (2) fructus profert, quam eam quæ nunquam spinas habuit, & nunquam fertilem messum producit. Sed inter hæc sciendum est, quia sunt plerique iusti, in quorum vita tantum est gaudium, in eis quælibet peccatorum penitentia præponi nullatenus possit. Hinc ergo colligendum quantum Deo gaudium faciat quando humiliter plangit iustus, si facit in cælo gaudium quando hoc quod male gessit, per penitentiam damnat iniustus.

(b) a CYRILLUS. Per præcedentem s. Th. Oper. Tom. V.

(1) *M.* aut quorum. (2) *M.* fruges. (3) *P. Nicolai* Igitur nos creaturæ. (4) *M.* ordines. (5) *M.* proponant.

parabolam, in qua genus humanum dicebatur ovis erratica, docebamur (3) nos fore creatura sublimis Dei, qui fecit nos, & non ipsi nos, cuius pascuæ oves sumus: subiungitur secunda parabola, qua genus humanum comparatur drachmæ quæ periit; per quam ostendit nos ad similitudinem & imaginem regiam factos esse, scilicet summi Dei: nam drachma nummus est impressam habens regiam figuram: unde dicitur: *Aut qua mulier habens decem drachmas*. GREGORIUS in hom. (xxxiv. in Evang.) Qui significatur per pastorem, ipse per mulierem: ipse enim Deus, ipse & Dei Sapientia. Angelorum autem, & hominum naturam ad cognoscendum se Dominus condidit, & ad similitudinem suam creavit. Decem ergo drachmas habuit, quia novem sunt (4) chori Angelorum; sed ut completeretur electorum numerus, homo decimus est creatus. AUGUSTINUS de Quæst. Evang. (Lib. II. qu. xxxiii.) Vel in novem drachmis, sicut & in nonaginta novem ovibus, ponit eorum significationem qui de se præsumentes peccatoribus ad salutem redeuntibus se (5) præponunt: unum enim deest a novem ut decem sint, & a nonaginta novem ut centum sint; cui uni deputat omnes per penitentiam reconciliatos. GREGORIUS in hom. (xxxiv. in Evang.) Et quia imago exprimitur in drachma, mulier drachmam perdiderat, quando homo, qui conditus ad imaginem Dei fuerat, peccando a similitudine sui conditoris recessit: & hoc est quod subditur: *Si perdidit drachmam unam, nonne accendit lucernam?* Accendit mulier lucernam, quia Dei Sapientia apparuit in humanitate. Lucerna quippe lumen in testa est; lumen vero in testa est divinitas in carne: accensa autem lucerna, sequitur, *Et evertit domum*: quia scilicet mox ut eius divinitas per carnem claruit, omnis se nostra conscientia concussit: quia everisionis sermo non discrepat in eo quod in aliis codicibus legitur, *Emundat*: quia prava mens si non prius præ timore evertitur, ab assuetis vitiis non mundatur. Eversa autem domo, invenitur drachma: sequitur enim: *Et quarit diligenter donec inveniat*: quia scilicet cum perturbatur conscientia hominis, reparatur in homine similitudo

K k

EX EDITIONE P. NICOLAI.

• CHRYSOSTOMUS in Cat. Græc. PP.

tudo conditoris. GREGORIUS Nazianzenus a. Inventa autem drachma, cælestes virtutes facit participes gaudii, quas ministras dispensationis fecit: unde sequitur: *Et cum invenerit, convocat amicos, & vicinas, dicens: Congratulamini mihi, quia inveni drachmam quam perdideram.* GREGORIUS in hom. (xxxiv. in Evang.) Supernæ enim virtutes tanto divinæ Sapientiæ iuxta sunt, quanto ei per gratiam continuæ visionis appropinquant. THEOPHYLACTUS (hoc loco.) Vel amicæ sunt, ut exequentes voluntatem ipsius; vicinæ vero, ut incorporeæ: vel forte amicæ ipsius sunt omnes supernæ virtutes, vicinæ vero sunt propinquiores, scilicet Throni, Cherubim, & Seraphim. GREGORIUS Nillessus b. Vel aliter. Hoc reor Dominum nobis proponere in inquisitione perditæ drachmæ, quia nulla nobis a ceteris virtutibus utilitas provenit, quas drachmas vocat, quamvis prælo sint omnes, (1) una sola deficienti animæ viduatæ, quæ scilicet divinæ similitudinis nitore fortitur: propter quod primo quidem lubet lucernam accendere, scilicet verbum divinum, quod abscondita patefacit. Vel forsan poenitentiam lampadem, sed in domo propria, idest in seipso, & in sua conscientia, oportet perquirere drachmam perditam, idest Regis imaginem, quæ non penitus deperit, sed est tecta sub fimo, qui significat carnis contagia; quibus studiose abstergis, idest dilutis per solertiam vitæ, elucescit quod quæritur: unde oportet ipsam quæ (2) invenit gratulari, nec non ad participia gaudii vocare vicinas, idest concubernas virtutes, idest rationabilem, & concupiscibilem, & innatum iracundiæ affectum, & si quæ sint tales vires circa animam consideratæ, quas docet gaudere in Domino. Deinde concludens parabolam subdit: *Ita dico vobis, gaudium erit Angelis super uno peccatore poenitentiam agente.* GREGORIUS in homil. (xxxiv. in Evang.) Poenitentiam agere est præterita mala plangere, & plangenda non perpetrare. Nam qui sic alia deplorat ut tamen (3) alia committat, adhuc poenitentiam agere aut ignorat, aut dissimulat. Cogitandum est etiam ut per hoc conditori suo satisfaciatur, ut qui (4) commisit prohibita, sibi abscindere de-

beat etiam concessa, & se reprehendat in minimis qui se meminit in maximis deliquisse.

(c) AMBROSIIUS (Lib. VII. in Luc. cap. da ove centesima.) Tres ex ordine Lucas parabolæ posuit: ovis quæ perierat, & inventa est; drachmæ quæ perierat, & inventa est; filii qui erat mortuus, & revixit: ut triplici remedio provocati vulnera nostræ curesmus, Christus ut pastor te suo corpore vehit, quærit ut (5) mater Ecclesia, recipit Deus Pater: prima misericordia, secunda suffragatio, tertia reconciliatio. CHRYSOSTOMUS (hom. de patre & duobus filiis.) Est etiam inter parabolæ supradictas ratio distinctionis secundum personas, vel mentes peccantium, ut pater filium recipiat poenitentem, qui arbitrii sui libertate utitur, ut cognoscat unde ceciderit; pastor vero ovem errantem, & non sapientem reverti requirat, & humeris suis referat, irrationabili animali imprudentem hominem comparans, qui (6) alieno dolo circumventus, erraverat sicut ovis. Præfens ergo parabola proponitur cum dicitur: *Aut autem: Homo quidam habuit duos filios.* Sunt qui dicant de duobus filiis istis seniore Angelos esse, iuniorem vero hominem ponunt, qui in longinquam peregrinationem abierit, quando in terram de cælis, & paradiso cecidit: & aptant consequentia, respicientes ad causam, vel statum Adæ. Sed hic sensus (7) pius quidem videtur, necio tamen si verus sit: quia iunior filius ad poenitentiam venit sua sponte, recordatus præteritæ abundantæ patris sui; Dominus autem veniens ad poenitentiam vocavit humanum genus, dum sponte sua regredi, unde ceciderat, non cogitaret. Deinde senior filius in reditu, & salute fratris sui tristatur; cum Dominus dicat lætitiā esse apud Angelos super uno peccatore poenitentiam agente. CYRILLUS c. Quidam vero per iuniorem filium dicunt significari Israel secundum carnem, per alium vero qui discessit a patre, describitur multitudo Gentium. AUGUSTINUS de Quæst. Evang. (Lib. II. qu. xxxiiii.) Hic ergo homo habens duos filios, Deus habens duos populos intelligitur, tamquam duas stirpes generis humani, unam eorum qui permanserunt in unius

(1) Apud P. Nicolaum est una illa. (2) Al. venit. (3) Al. illi committat. (4) Al. promittit. (5) Al. mulier. (6) Al. in alieno. (7) Al. prius.

EX EDITIONE P. NICOLAI.

a Orat. xlii. seu 11. de Paschate. b Lib. de Virginitate cap. 14. c In Cat. Græc. 11.

unius Dei cuitu, alteram eorum qui usque ad colendum idola deleruerunt Deum. Ab ipso ergo exordio creaturæ mortalium, maior filius ad cultum unius Dei pertinet, minor autem petit ut sibi pars substantiæ quæ eum tangeret, daretur a patre: unde sequitur: *Et dixit adolescentior ex illis patri: Pater, da mihi portionem substantiæ quæ me contingit*; tamquam anima potestate sua delectata, id quod illi est vivere, intelligere, meminisse, vel ingenio alacri excellere petit, quæ divina sunt munera. Hæc autem in potestate sua accepit per liberum arbitrium: unde sequitur: *Et divisis illis substantiam*. THEOPHYLACTUS (hoc loco.) Hominis substantia rationalitas est, quam comitatur libertas arbitrii; & similiter quæcumque Dominus dedit nobis, pro substantia nostra putabitur, ut calum, terra, & universa creatura, lex, & Prophetæ. AMBROSIVS (Lib. VII. in Luc. cap. de duobus filiis.) Vides autem, quod divinum patrimonium petentibus datur: nec putes culpa patris, quod adolescentiori dedit: nulla Dei regno infirma ætas, nec fides gravatur annis. Ipse certe fe iudicavit idoneum qui poposcit: atque utinam non recessisset a patre; impedimentum nescisset ætatis: sequitur enim: *Et non post multos dies, congregatis omnibus, adolescentior filius peregre profectus est in regionem longinquam*. CHRYSOSTOMUS (in homil. de patre & duobus filiis.) Minor filius in regionem longinquam profectus est, non localiter a Deo decedens, qui ubique est, sed affectu: fugit enim Deum peccator, ut a longinquo flet. AUGUSTINUS de Ver. Dom. (serm. xxxiv.) Quisquis enim ita vult esse similis Deo ut fortitudinem suam (1) ad illum custodiat, non ab illo recedat, ei coherendo, ut custodiat similitudinem, & imaginem, ad quam factus est. Porro si perverne vult imitari Deum ut quomodo Deus non habet a quo regatur, sic ipse velit sua potestate uti, ut nullo regente vivat; quid refat (2) nisi ut recedens ab eius calore torpescat, recedens a veritate vanescat? AUGUSTINUS de Quæst. Evang. (Lib. II. q. xxxiii.) Quod autem non post multos dies dixit factum ut congregatis omnibus peregre proficeretur in regionem longinquam, quæ est oblivio Dei, hoc est

quia non multo post institutionem humani generis placuit animæ per liberum arbitrium ferre secum velut quamdam potentiam naturæ suæ, & deferere eum a quo condita est, fides de viribus suis, quas vires tanto consumit citius, quanto eum deferuit a quo datæ sunt: unde sequitur: *Et ibi dissipavit substantiam suam vivendo luxuriose*. Luxuriosam vero, vel prodigam vitam vocat amantem fundere, atque spatiari pompis exterioribus, intus inanescentem, cum ea quisque sequitur quæ ad alia procedunt, & relinquit eum qui sibi est interior: unde sequitur: *Et postquam consummasset omnia, facta est fames magna in regione illa*. Fames est indigentia verbi veritatis.

Sequitur: *Et ipse cepit egre*. AMBROSIVS (Lib. VII. de patre & duobus filiis.) Merito egere cepit qui thesauros sapientiæ, & scientiæ Dei, divitiarumque cælestium altitudinem dereliquit.

Sequitur: *Et abiit, & adbasit uni civium regionis illius*. AUGUSTINUS de Quæst. Evang. (Lib. II. quæst. xxxiii.) Unus civium regionis illius aliquis aereus princeps est (3) ad militiam diaboli pertinens, cuius villa est modus potestatis ipsius: de qua sequitur: *Et misit illum in villam suam, ut pasceret porcos*. Porci sunt immundi spiritus qui sub ipso erant. BEDA (cap. lxii. super Misit illum in villam!). Porcos autem pascere est ea quibus immundi spiritus gaudent, operari.

Sequitur: *Et cupiebat implere ventrem suum de siliquis quas porci manducabant*. AMBROSIVS (ubi supra.) Siliqua genus leguminis est, intus inanis, foris mollis, quo corpus non reficitur, sed impletur, ut sit magis oneri, quam usui. AUGUSTINUS de Quæst. Evang. (Lib. II. q. xxxiii.) Siliquæ ergo, quibus porcos pascēbat, sæculares doctrinæ sunt, steriles, vanitatem perfonantes, de quibus laudes idolorum, fabularumque ad deos Gentium pertinentium vario sermone arque carminibus percrepant; quibus dæmonia delectantur: unde cum iste satiari cupiebat, aliquid solidum, & rectum, quod ad beatam vitam pertineret invenire volebat in talibus, & non poterat: unde sequitur: *Et nemo illi dabat*. GYRILLUS. Sed cum Iudæi multipliciter arguantur in sacra Scriptura de mul-

Kk 2 tis

(1) *Ad. ad illam.* (2) *In duobus Veneris exemplis an. 1520. & 1584. æque in Antwerpensi an. 1563. hæc sanctorum habentur nisi ut recedens a veritate vanescat.* (3) *Ad. ad analitiam.*

rit criminibus, quomodo populo illi conveniant verba maioris filii dicentis: *Ecce tot annis servo tibi, & nunquam mandatum tuum traxerui?* Est ergo hic sensus parabola. Arguentibus cum pharisæis, & scribis, quod recipere peccatores, proponit præsentem parabolam, in qua hominem vocat Deum, qui pater est duorum fratrum, iustorum scilicet, & peccatorum; quorum primus gradus est iustorum ab initio iustitiam sequentium, secundus gradus est hominum per poenitentiam ad iustitiam redierum. **BASILIVS**. Facit etiam ad antiquioris consilientiam magis animus senilis, & gravitas, quam canities capillorum; nec qui secundum ætatem est juvenis incipit, sed juvenis moribus, qui secundum passionem vivit. **TITUS**. Abiit ergo adolescentior nondum adultus mente, petique a patre id quod ei de hereditate contingit, ut scilicet non ex necessitate serviat: fumus enim animalia rationalia liberum arbitrium habentia. **CHRYSOSTOMUS** (hom. de patre & duobus filiis inter hom. ex Luca.) Dicit autem Scriptura dividere patrem ex æquo filiis duobus substantiam suam, id est scientiam boni, & mali, quæ veræ, & perpetuæ sunt opes animæ beneutentis. Quæ enim ex Deo est in prima nativitate hominibus substantia rationalis, æqualiter cunctis nascentibus datur. De subsequenti autem conversatione unusquisque plus, aut minus huius substantiæ possidere invenitur, dum unus ea quæ sumperit patris esse credens, quasi paterna custodit, alius sicut propriæ possessionis licentia dissipandis abutitur. Ostenditur autem libertas arbitrii: quia pater neque discedere volentem retinuit, ne liberi arbitrii auferat potestatem, neque manere cupientem cogit abscedere. Abiit autem longe, non locorum translatione, sed mentis declinatione: unde sequitur: *Perrege professus est in regionem longinquam.* **AMBROSIVS** (ubi supra.) Quid enim longinquius est quam a recedere, nec regionibus, sed moribus separari? Etenim qui se a Christo separavit, exul est patriæ, & civis mundi. Merito ergo prodigit patrimonium qui recessit ab Ecclesia. **TITUS**. Unde & denominatus est prodigus, dissipans substantiam suam, id est intellectum rectum, casti-

moniam, documenta veritatis, notitiam genitoris, memoriam creationis, sensum. **AMBROSIVS** (Lib. & tit. ut supra.) Facta est autem in regione illa fames non epularum, sed bonorum operum, atque virtutum, quæ sunt miserabiliora ieiunia: etenim qui recedit a verbo Dei, esurit: „quia „ non in solo pane vivit homo, sed in omni „ verbo Dei:“ **Matth. iv.** & qui recedit a thesauro, eget. Egere ergo ideo cœpit, & famem pati, quia nihil prodigæ satis est voluntati. Abiit itaque, & adhæsit uni civium: qui enim hæret, in laqueo est: & videtur civis ille princeps esse istius mundi. Denique ad villam eius mittitur, quam emit qui se exculat a regno. **BEDA** (cap. **lxiii.** in **Luc.**) In villam enim mitti est substantiæ mundialis cupiditate subiugari. **AMBROSIVS** (ubi supra.) Pascit autem porcos illos in quos petit diabolus introire, in sordibus, ac fœtore viventes. **THEOPHYLACTUS**. Hos igitur pascit qui alios præcellit in vitio, ut sunt lenones, archipraedones, archipublicani, qui alii sunt doctores operationis malæ. **CHRYSOSTOMUS** (hom. ut supra.) Vel spiritualibus destitutus operibus, quasi prudentia, & intellectu, porcos pascere dicitur; hoc est, sordidas, & immundas in anima sua cogitationes nutrire: (1) & edit escas irrationabiles prævæ conversationis, dulces quidem egenti bonorum: quia suave perversis videtur omne opus carnez voluptatis, quæ virtutes animæ penitus enervat, & perimit. Huiusmodi cibos quasi porcinos, & male dulces, id est carnalium delectationum illecebras, siliquarum nomine Scriptura designat. **AMBROSIVS** (ubi supra.) Cupiebat autem siliquis ventrem implere suum: nec enim alia est cura luxuriosis nisi ut ventrem suum impleant. **THEOPHYLACTUS**. Quibus nullus dat saturitatem malorum: distat enim a Deo qui talibus vescitur. Dæmones autem ad hoc student, ne unquam saturitas malorum proveniat. **GLOSSA**. Vel *nemo illi dedit*, quia cum diabolus aliquem suum facit, ultra ei abundantiam non procurat, sciens eum esse mortuum.

(d) **GREGORIUS** Niss. Contemplantur patrem in primo recessu adolescentior filius, & opes paternas profuderat; at ubi lapsus tem-

(1) *Id. & dedit.*

EX ÉDITIONE P. NICOLAI.

* In **Esaï.** **lvii.** vers. **17.** & Orati in mulierem peccatricem, vel in eos qui durius & accubius alios iudicant, & condemnant &c.

temporis est attritus laboribus, dum mercenarius heret, & eodem cum porcis pabulo pasceretur, rediit in domum paternam castigatus: unde dicitur: *In se autem reversus dixit: Quanti mercenarii in domo patris mei abundant panibus? Ego autem hic fame peres.* AMBROSIVS. Bene in se revertitur, quia a se recessit: etenim qui ad Deum regressus, se sibi reddit, & qui recedit a Christo, se sibi abdicat. AUGUSTINUS de Quæst. Evan. (Lib. II. q. xxxiii.) in se autem reversus est cum ab eis quæ forinsecus frustra illiciunt, & seducunt, in conscientia suæ interiora suam intentionem reduxit. (1) GREGORIUS Nazianzenus (oratione in sanctum lavacrum.) Est autem secundum tres differentias obedientia dilectio: aut enim meruentes supplicia declinamus a malo, & sumus in dispositione servili; aut mercedis lucra venantes exequimur quæ mandantur, mercenariis assimilati; aut ipsius gratia boni, & dilectionis (2) ad eum qui dedit legem, servimus; & sic dispositionem redolemus filiorum. AMBROSIVS (Lib. & tit. ut supra.) Filii enim, qui habet sancti Spiritus pignus in corde, secularis mercedis lucra non quærit, sed ius servat heredis. Sunt etiam mercenarii boni qui conducuntur ad vineam: isti non siliquis, sed panibus abundant. AUGUSTINUS de Quæst. Evang. (Lib. II. q. xxxiii.) Unde autem hoc scire poterat in quo tanta erat oblivio Dei, sicut in omnibus idolatris fuit, nisi quia ista recogitatio respicientis est, cum Evangelium prædicaretur? Iam poterat talis (3) anima advertere, multos prædicare veritatem; inter quos quidam essent non ipsius amore veritatis ducti, sed cupiditate comparandorum secularium commodorum; qui tamen non aliud annuntiant, sicut hæretici: unde mercenarii recte appellantur: in eadem quippe domo (4) sunt eumdem panem verbi tractantes, non tamen in hereditatem æternam vocati, sed temporali mercede conducti. CHRYSOSTOMUS a. Signanter autem subdit: *Ego autem hic fame peres*; quasi diceret: Ego non alienus, sed filius boni patris, & frater filii obse-

quentis, ego liber, & generosus, factus sum miserior mercenariis, a summa celsitudine primæ nobilitatis ad infimam humilitatem delapsus. GREGORIUS Nilensis b. Non prius autem rediit ad pristinam felicitatem, quam in se rediens sentiret opprimentis ærumnæ præsentiam, & mediteretur poenitentia verba, quæ subduntur, *Surgam.* AUGUSTINUS de Quæst. Evan. (Lib. II. cap. xxxii.) Quia iacebat. *Et ibi*, quia longe aberat, *ad patrem meum*, quia sub principe porcorum erat. Cetera vero sunt poenitentiam meditantis in confessione peccati, nondum tamen agentis: non enim iam dicit patri, sed dicturum se esse promittit cum venerit. Intellegas igitur, hoc nunc accipiendum esse venire ad Patrem, in Ecclesia constitui per fidem, ubi peccatorum legitima, & fructuosa iam possit esse confessio. Dicit ergo dicturum se esse patri, *Pater.* AMBROSIVS (Lib. & tit. eod.) Quam misericors qui offensus! Nec paternum nomen dedignatur audire. *Pecavi.* Hæc est prima confessio apud auctorem naturæ, præfulem misericordiae, arbitrum culpæ. Sed si Deus novit omnia, vocem tamen tuæ confessionis expectat: "ore enim confessio" fit ad salutem: "Rom. x. quia alleviat pondus erroris quisquis ipse se onerat, & accusationis excludit invidiam qui accusationem prævenit confitendo. Frustra velis occultare quem nihil fallit; & sine periculo prodas quod scias esse iam cognitum: contere magis ut interveniat pro te Christus, roget pro te Ecclesia, illacrymet populus nec verearis ne impetres. Advocatus spondet veniam, patronus promittit (5) gratiam, reconciliationem tibi patetæ plebitis pollicetur asseror.

Subdit autem: *In cælum, & coram te.* CHRYSOSTOMUS (homil. ut supra.) Dicens, *Coram te*, offendit hunc patrem Deum debere intelligi: Deus enim solus confessor est omnium, a quo nec in corde meditata peccata abscondi possunt. AUGUSTINUS de Quæst. Evan. (Lib. II. q. xxxiii.) Utrum autem hoc (6) est peccatum in cælum quod est coram te, ut cælum

(1) *M. BASILIUS.* (2) *M. ad Deum.* (3) *M. omittitur anima. Forte animadvertere.* (4) *M. de gloriatorum sunt.* (5) *M. de est gratiam.* (6) *M. omittitur est.*

EX EDITIONE P. NICOLAI.

a BASILIUS in Cæ. Grec. PP. ex Asceticis laxta Corderium; sed colligitur ex proœmio Regularum singulis disputatarum post medium. Oscitantius autem velat ex Gregorio Nazianzeno editio Antverpiensis notat. b Sed & Humana, & Veneta, ut in sexta patet. Rom. de patre ac duobus filiis. c Quod subditur ex Gregorio Nilisano continetur æquivalenter in hom. iam notata de muliere peccatrice.

lum appellaverit ipsam suavitatem patris; an potius *peccavi in calum* coram sanctis animabus, *ceram* te autem in ipso penetrati conscientiae? CHRYSOSTOMUS (hom. de patre & duobus filiis, ut supra.) Vel cælum hoc loco intelligatur (1) Christus: qui enim in cælum peccat, quod est supernum, tamen visibile elementum est, ipse est qui peccat in hominem quem suscepit Filius Dei pro salute nostra, AMBROSIVS (Lib. & tit. eodem super *Peccavi in calum.*) Vel peccato animæ cælestia significantur dea Spiritus immixta: vel quia ab illius gremio matris Hiculalem qua est in cælo, non oportuit deviare. Deiectus autem te exaltare non debet: unde subdit: *Iam non sum dignus vocari filius tuus.* Et ut merito suæ humilitatis possit attolli, subdit: *Fac me sicut unum de mercenariis tuis.* BEDA (cap. lxix. super *Non sum dignus.*) Ad filii affectum, qui omnia quæ patris sunt, sua esse non ambigit, aspirare nequaquam præsumit; sed mercenarii statum iam pro mercede serviturus desiderat; verum nec hunc quidem nisi paternæ dignatione scemeri posse testatur. GREGORIUS Nilenus a. Hunc autem filium prodigum Spiritus sanctus nobis descripsit, ut instruamus nos qualiter de beamus cordis deplorare peccamina. CHRYSOSTOMUS (hom. x. in Epist. ad Roman.) Qui postquam dixit, *Ibo ad patrem meum*, quod ei cuncta attulit bona, non mansit, sed totum iter transiit: sequitur enim: *Et surgens venit ad patrem suum.* Sic & nos faciamus, nec piget nos longitudinis viæ: quia si voluerimus, fiet regressus celer, & facilis, dummodo deferamus peccatum, quod nos a domo paterna duxit. Est autem pater redeuntibus clemens: nam subditur: *Cum autem adhuc longe esset, vidit illum pater suus.* AUGUSTINUS de Quæst. Evang. (Lib. II. quæst. xxxiii.) Ante enim quam intelligeret Deum longe existens, cum tamen iam pie quæret, vidit illum pater ipsius. Impios enim, & superbos convenientes non videte dicitur, tamquam ante oculos non habens: ante oculos enim haberi non nisi qui diliguntur, dici solent. CHRYSOSTOMUS b (hom. x. in Epist. ad Romanos.) Sensit autem pater penitentiam; non expectavit recipere

re confessionis verba, sed prevenit petitionem, misericorditer agens: unde subditur: *Et misericordia meus est.* GREGORIUS Nilenus c. Confessionis meditatio placavit ei patrem, ut obviam iret ei, & oscula colloconferret: sequitur enim: *Et accurrens cecidit super collum eius, & osculatus est eum.* Quod significat rationale iugum hominiori impositum per evangelicam traditionem, quæ abicit observantiam legis. CHRYSOSTOMUS (hom. de patre & duobus filiis.) Quid enim est aliud quod occurrit, nisi quia nos, peccatis impediuntibus, nostra virtute ad Deum pervenire non poteramus? Ipse autem potens ad invalidos pervenire descendit. Osculatur autem os, per quod emissæ de corde confessionis penitentis exierat, quam pater lætus excepit. AMBROSIVS (Lib. & tit. ut supra.) Occurrit igitur tibi, quia audit te intra mentis secreta transantem; & cum adhuc longe sis, occurrit, ne quis impediat, completitur quoque: in occursum enim præsentia est, in complexu clementia: & quasi quodam patris amoris affectu supra collum cadit, ut iactantem erigat, & oneratum peccatis, atque in terrena deflexum, reflectat ad cælum. Malo ergo filius esse, quam ovis: ovis enim a pastore reperitur, a patre filius honoratur. AUGUSTINUS de Quæst. Evang. (Lib. II. quæst. xxxiii.) Vel *accurrens cecidit super collum eius*: non enim pater, unigenitum Filium suum deseruit, in quo usque in nostram longinquam peregrinationem cucurrit: quia „Deuserat in Christo munus, dum reconcilians sibi: II. Corinth. v. Cadere autem super collum eius, est humiliare in amplexum eius brachium suum, quod est Dominus Iesus Christus. Consolari autem verbo gratiæ Dei (2) ad spem indulgentiæ peccatorum, hoc est post longa itinera remeantem mereri a patre osculum caritatis. Incipit autem iam constitutus in Ecclesia peccata confiteri, nec dicit omnia quæ dicturum se esse promiserat: sequitur enim: *Dixitque filius ei: Pater, peccavi in calum, & coram te: iam non sum dignus vocari filius tuus.* Hoc enim vult fieri per gratiam, quo se indignum per merita scietur. Non addit quod in illa meditatione dixerat: *Fac me sicut unum de mercenariis*

(1) A. desideratur Christus. (2) A. ad speciem.

EX EDITIONE P. NICOLAI.

a Ubi fides. b Sic quoque notat Corderius in Catena: sed ibi nihil tale habetur sub his verbis, etsi aliquid simile inde colligi potest, non satis tamen plano sensu. c Ut supra.

vili tuis : cum enim panem non haberet, vel mercenarius esse cupiebat; quod post oculus patris generosissime iam dedignabatur. CHRYSOSTOMUS 4. Pater autem ad filium sermonem non dirigit, sed ministris loquitur: quia qui (1) poenitet orat; sed responsum verbo vere non accipit, misericordiam vero efficaciter in effectu inuenitur: sequitur enim: *Dixit autem pater ad servos suos*: Cite proferte stolam primam, & induite illum. THEOPHYLACTUS (hoc loco.) Servos vel Angelos intelligas administratorios spiritus, vel sacerdotes, qui baptisinate, & verbo doctrinæ animam vestiunt in ipso Christo. Quotquot enim in Christo baptizati sumus, Christum induimus. AUGUSTINUS de Quæst. Evang. (Lib. II. q. xxxiii.) Vel stola prima est dignitas quam perdidit Adam; servi qui eam profertur, sunt reconciliationis prædicatores. AMBROSIVS (ubi supra.) Vel stola est amicus sapientiæ, quo nuda corporis Apostoli tegunt. Accepit autem sapientiam primam: est enim & alia (2) quæ mysterium nescit. Annulus autem est sinceræ fidei signaculum, & expressio veritatis; de quo sequitur: *Et date annulum in manum eius*. BEDA (cap. lxiii. amed.) Id est, in operatione, ut per opera fides clarescat, & per fidem opera confirmetur. AUGUSTINUS de Quæst. Evang. (Lib. II. q. xxxiii.) Vel annulus in manu pignus est Spiritus sancti, propter gratiæ participationem, quæ digito bene significatur. CHRYSOSTOMUS (hom. de patre & duobus filiis.) Vel lubet annulum dari, sive signaculi salutaris symbolum, seu magis desponsationis insigne, & nuptiarum pignus, quibus Christus Ecclesiam sponset, cum anima respiciens per annulum fidei iungitur. AUGUSTINUS de Quæst. Evang. (ubi supra.) Calceamenta autem in pedes præparatio est evangelizandi ad non tangenda terrena: de quibus sequitur: *Et calceamenta in pedes eius*. CHRYSOSTOMUS (ubi supra.) Vel mandat calceamenta pedibus imponi, aut propter cooperiendæ vestigia, ut per lubricum mundi istius (3) iter fixus incedat; aut propter mortificationem membrorum: vitæ enim nostræ cursus in Scripturis pes appellatur, & mor-

tificationis species calcamentis imponitur, quia de animalium mortuorum pellibus conficiuntur. Addit & vitulum illi faginatum, iugulandum in convivii exhibitione: sequitur enim: *Et adducite vitulum faginatum*, id est Dominum Iesum Christum; quem vitulum nominat propter hostiam corporis immaculati; faginatum autem dicit, quia pinguis (4) & optimus intantum est ut pro totius mundi salute sufficiat. Non autem ipse pater vitulum immolavit, sed aliis immolandum tradidit, & permittente enim Patre consentiens Filius ab hominibus crucifixus est. AUGUSTINUS de Quæst. Evang. (Lib. II. q. xxxiii.) Vel vitulus faginatus est ipse Dominus, secundum carnem sariatus opprobriis. Quod autem imperat ut adducant eum, quid aliud est nisi ut prædicent eum, & annuntiando faciant venire in exhausta fame viscera filii esurientis? Nam etiam ut occidant eum iubet; hoc est, ut mortem eius insinuent: tunc enim cuique occiditur, cum credit occisum: sequitur enim, *Et manducemus*. AMBROSIVS (Lib. VII. de duobus filiis.) Bene carnem vituli, quæ sacerdotalis est victimæ, quæ pro peccatis fiebat. Epulantem autem inducit, cum dicit, *Epulamur*, ut ostendat quoniam paternus est cibus, salus nostra, & patris est gaudium, nostrorum redemptionis peccatorum. CHRYSOSTOMUS (hom. ut supra prope fin.) Ipse enim pater gaudet in reditu filii, & convivatur in vitulo: quia misericordiae suæ fructum in immolatione filii sui gaudens Creator, in acquisitione populi credentis epulatur: unde sequitur: *Quia hic filius meus mortuus erat, & revixit; perierat, & inventus est*. AMBROSIVS (ubi supra inter med. & fin.) Ille periit qui fuit. Itaque Gentes non sunt, Christianus est. Potest tamen & hic una species accipi generis humani. Fuit Adam, & in illo fuimus omnes; periit Adam, & in illo omnes perierunt. Homo igitur in illo homine qui perierat reformatur. Potest & de agente poenitentiam dictum videri, quia non moritur nisi quia, liquando vixerit. Et Gentes quidem cum crediderint, per gratiam vivificantur; qui vero lapsus fuerit, per poenitentiam reviviscit. THEOPHYLACTUS (super illud

Mor-

(1) *M.* non poenitet. (2) *M.* amittitur quæ. (3) *M.* deest iter. (4) *M.* & optimus.

Mortuus erat, & revixit.) Quantum ergo ad victiorum conditionem mortuus fuerat desperatus; sed quantum ad humanam naturam, quæ mutabilis est, & potest a vicio ad virtutem converti, deperditus dicitur: nam minus est perdi quam mori. Quilibet autem revocatus, & mundatus a crimine, saginati vituli particeps causa lætitiæ fit patri, & famulis eius, idest Angelis, & sacerdotibus: unde sequitur: *Et cœperunt omnes epulari.* AUGUSTINUS de Quæst. Evan. (Lib. II. q. xxxiii.) Iste epulæ, atque festivitas nunc celebrantur, per orbem terrarum Ecclesia dilatata, atque diffusa: vitulus enim ille in corpore, & sanguine dominico & offertur Patri, & pacit totam domum.

(e) BEDA (hoc loco.) Murmurantibus de peccatorum susceptione scribis, & pharisæis, tres per ordinem parabolas Salvator posuit: duabus primis quantum ipse cum Angelis de poenitentium salute gaudet, innuat; in hac vero tertia non solum tantummodo, suorumque gaudium demonstrat, sed & invidentium murmur reprehendit: dicitur enim: *Erat autem filius eius senior in agro.* AUGUSTINUS de Quæst. Evang. (Lib. II. q. xxxiii.) Maior filius populus Israel est, non quidem profectus in longinquam regionem, sed tamen in domo non est: in agro autem est; idest, in ipsa hereditaria opulenta legis, & Prophetarum terrena potius operatur. Veniens autem de agro domum appropinquare cœpit; idest, labore servilis operis improbo, ex eisdem Scripturis Ecclesiæ libertatem consideravit: unde sequitur: *Et cum venisset, & appropinquasset domui, audivit symphoniam, & ebrium;* idest, Spiritu sancto plenos vocibus consonis Evangelium prædicare: sequitur enim: *Et vocavit unum de servis, & interrogavit quid hoc esset;* idest, sumit ad legendum aliquem Prophetarum; & in eo quærens quodammodo interrogat unde ista festa in Ecclesia celebrantur, in qua se esse non videt. Respondet ei servus patris Propheta: sequitur enim: *Isque dixit illi: Frater tuus venit, & occidit patrem vitulum saginatum, quia saluum illum recepit;* quasi dicat: In extremis terræ fuit frater tuus; sed inde maior exultatio cantantium Domino canticum novum, quia laus eius ab extremis terræ; & propter eum qui absens erat, oculus est vir sciens ferre imbecillitatem: quia quibus non est nar-

ratum de eo viderunt. AMBROSIVS (Lib. VII. cap. de duobus filiis.) Adolescentiori autem filio, (1) idest populo ex Gentibus, Israel, tamquam maior frater, beneficium paternæ benedictionis invidit; quod faciebant Iudei, quia Christus cum Gentibus epularetur: unde sequitur: *Indignatus est autem, & volebat introire.* AUGUSTINUS de Quæst. Evang. (Lib. II. q. xxxiii.) Indignatur etiam & nunc, & adhuc non vult intrare. Cum ergo plenitudo Gentium introierit, egredietur opportuno tempore pater eius, ut etiam omnis Israel salvus fiat: unde sequitur: *Pater ergo illius egressus cepit rogare eum.* Erit enim quandoque aperta vocatio Iudeorum in salutem Evangelii; quam manifestationem vocationis tamquam egressum patris appellat ad rogandum maiorem filium. Deinde quæ respondit maior filius, quæstiones duas habent: sequitur enim: *At ille respondens dixit patri suo: Ecce tot annis servo tibi, & nunquam mandatum tuum præterivi.* De mandato non prætergresso facile illud occurrit, non de omni mandato dictum, sed de uno maxime necessario, quod nullum alium Deum præter unum creatorem omnium colere visus est. Neque iste filius in omnibus Israelitis, sed in his intelligitur personam habere qui nunquam ab uno Deo ad simulacra conversi sunt. Quamquam enim terrena desideraret, ab uno tamen Deo ille desiderabat bona, quamvis communia (2) cum pecoribus: unde & in Psalmo lxxii. dicitur: „ Ut iumentum factus sum „ apud te, & ego semper tecum. “ Sed quis est hædus quem nunquam accepit ad epulandum? sequitur enim: *Et nunquam dediisti mihi hædum, ut cum amicis meis epularer.* Peccator hædi nomine significari valet. AMBROSIVS (ubi supra.) Iudeus hædum requirit, Christianus agnum; & id eo illis Barabbas solvitur, nobis agnus immolatur. (3) Quæ res etiam in hædo videtur, quia Iudei ritum veteris sacrificii perdidit. Vel qui hædum quaerunt, expectant Antichristum. AUGUSTINUS de Quæst. Evang. (Lib. II. cap. xxxiii.) Sed non invenio exitum huius sententiæ. Multum enim absurdum est eum cui post dicitur, *Tu mecum es semper*, hoc a patre optasse ut Antichristo crederet. Neque omnino aliquem Iudeorum, qui Antichristo credituri sunt, istum filium fas est intelligi. Quomodo autem epularetur ex illo hædo

(1) *Idest populo, & Gentibus.* (2) *Idest cum peccatoribus, quod habet etiam Nicolaus.* (3) *Idest Antichristum.*

hædo, si ipse est Antichristus, qui ei non crederet? At si hoc est epulari ex hædi occasione, quod est de Antichristi perditione lætari; quomodo dicit filius, quem recepit pater, hoc sibi non fuisse concessum, cum omnes filii de eius perditione lætaturi sint? Ipsum igitur sibi Dominum negatum ad epulandum conqueritur, dum eum peccatorem putat: cum enim hædus est illi genti, idest cum eum sabbati violatorem, & prophanatorem æstimat, iucundari epulis illius non meruit. (1) GREGORIUS. Quod autem dicit, *Cum amicis meis*, aut ex persona principum cum plebe intelligatur, aut ex persona populi Hierosolymitani cum ceteris populis Iuda. HIERONYMUS a (in tract. de filio prodigo.) Vel dicit, *Namquam dedisti mihi hædum*, idest, nullus sanguis Prophetæ, vel sacerdotis a Romano Imperio nos liberavit. AMBROSIVS (cap. de duobus filiis.) Impudens autem filius similis est publicano iustificanti se, quia legem servabat in littera: impie accusabat fratrem, quod cum meretricibus paternam substantiam prodigisset: sequitur enim: *Sed postquam filius tuus hic, qui devoravit substantiam suam cum meretricibus, venit, occidisti illi vitulum saginatum*. AUGUSTINUS (Lib. II. Quæst. Evang. cap. xxxiii.) Meretrices autem sunt superfluitiones Gentilium, cum quibus substantiam dissipat qui, relicto vero connubio veri Dei, cum dæmone sæda cupiditate fornicatur. HIERONYMUS (ubi supra.) In hoc autem quod dicit, *Occidisti illi vitulum saginatum*, a. constitetur venisse Christum; sed invidia non vult salvari. AUGUSTINUS (ubi supra.) Non autem pater eum quasi mentientem redarguit, sed secum perseverantiam eius approbans, ad perfectionem potioris, atque iucundioris exultationis invitat: unde sequitur: *At ipse dixit illi: Fili, tu semper mecum es*. HIERONYMUS (Lib. de fil. prodig. ad Damasum Pap. ut supra.) Vel quod dixerat, iactantia est, non veritas; cui pater non consentit, sed alia compescit ratione, dicens, *Meum es*, lege qua stringeris: non quia non peccaverit, sed quia Deus eum

S. Th. Oper. Tom. V.

semper castigando retraxit. Nec mirum si patri mentitur qui fratri invidet. A MBROSIVS (ubi supra.) Sed bonus pater etiam hunc salvere cupiebat, dicens: *Tu mecum semper es*, vel quasi Iudæus in lege, vel quasi iustus in communione. AUGUSTINUS (ut supra.) Quid autem sibi vult quod addidit, *Et omnia mea tua sunt*, quasi non sint & fratris? Sed sic a perfectis, & immortalibus filiis habentur omnia ut sint & omnium singula, & omnia singulorum: ut enim cupiditas nihil sine angustia, ita nihil cum angustia caritas tenet. Sed quomodo omnia? Nonne & Angelos Deus in possessionem tali Filio subiecisse putandus est? Si possessionem sic accipias, ut eius possessor ipse sit dominus, non utique omnia: non enim domini erimus, sed confortes potius Angelorum. Si vero possessio sic intelligitur, quomodo recte dicimus possidere animas veritatem, non invenio cur non vere, ac proprie id possimus accipere: non enim illud loquimur ut dominas veritatis dicamus animas. Aut si nomine possessionis ab hoc sensu impedimur, illud quoque auferatur: non enim ait pater, Omnia possides, sed *Omnia mea tua sunt*, nec tamen ut ipsius domini. Quod enim est in nostra pecunia, potest familiaris nostræ vel alimentum esse, vel ornamentum, vel aliud huiusmodi. Et certe cum ipsum patrem recte ille possit suum dicere, (2) non video quomodo quæ ipsius sunt, non etiam recte sua vocare possit, diversus dumtaxat modis. Cum enim beatitudinem illam obtinuerimus, nostra erunt ad videndum superiora, ad convivendum æqualia, ad dominandum inferiora. Congruat igitur securissimus maior frater. A MBROSIVS (ubi supra. in fin.) Si enim desinat invidere, omnia sua sunt, vel Iudæus sacramenta veteris testamenti, vel baptizatus nova etiam possidens. THEOPHYLACTUS (hoc loco.) Vel aliter totum. Persona filii, qui videtur murmurare, sumitur pro omnibus quicumque scandalizantur (3) in subditis; sicut David introducit personam passam scandalum in peccatorum pace. TITUS. Maior igitur filius

L. I. sicut

(1) Omititur hic Index a Nicolao. (2) Romanum exemplar an. 1570. & duo Venetæ alterum an. 1571. alterum vero an. 1593. legunt non video quomodo quæ ipsius recte vocari possit (item ponit) diversis dumtaxat modis. (3) M. omittitur in. Sic autem legit E. Nicolai: quicumque scandalizantur in subditis profectibus, & salute perfectorum; sicut David hæc.

EX ADITIONE P. NICOLAI.

Epist. cxlvi. ad Damasum.

sicut agricola insiltebat agriculturæ, non terrestrem, sed animæ agrum fodiens, & salutis arbores inferens, scilicet virtutes. THEOPHYLACTUS (super *Senior filius*.) Vel erat in agro, hoc est in mundo, colens propriam carnem, ut repleatur panibus, & seminans in lacrymis, ut in gaudio metat; sed cognitis gestis nolebat intrare ad commune gaudium. CHRYSOSTOMUS. Quæritur autem si afficitur passione livoris dolens in prosperis aliorum. Dicendum est autem, quod nullus sanctorum dolet in talibus; immo bona aliorum sua existimat. Non autem oportet omnia quæcumque parabola continet, ad litteram pertractare; sed sensum elicientes cuius causa componitur, nihil aliud pericrurari. Hæc ergo parabola ad hoc est composita ut peccatores non dissident reverti, scientes quod magna consequentur: unde introducitur alios turbatos in eorum bouis, ut indicet eos livore tabescentes, sed tanto decore honoratos redeuntes, ut etiam invidiosi possint aliis fieri. THEOPHYLACTUS (paulo a fin. Comm.) Vel phariseorum intentionem corrigit Dominus per præsentem parabolam, quos ex (1) hypothese nominat iustos, quasi dicat: Estis vos vere iustos esse, nec transgressos ali quod mandatorum: numquid igitur propter hoc non oportet admittere a flagitiis redeuntes? HIERONYMUS (in Lib. de filio prodigo ad Damasum.) Vel aliter. Omnis iustitia in comparatione Dei est iniustitia: unde Paulus Rom. vii. „Quis me liberabit de corpore mortis huius? Unde Apostoli indignati sunt pro petitione matris filiorum Zebedæi. CYRILLUS. Quod & nos ipsi quandoque patimur: vivunt enim quidam præstantissimam, & optimam vitam; alius autem in ipso senio multoties ad Deum convertitur, vel for-

tan extremum diem claudere (2) debens, ac diluit reatus, Domino miserante. Hoc quidem aliquando respuunt ex importuna pusillanimitate, non attendentes mentem Salvatoris, qui de salute pereuntium gaudet. THEOPHYLACTUS (ubi supra.) Dicit ergo filius patri: Gratis duxi in doloribus vitam, a peccatoribus molestatus; & numquam causa mei decrevisti maclandum esse hædum, idest persequentem me peccatorem, ut paululum recrearer; qualis hædus fuit Achab Eliæ: qui dicebat III. Reg. xix. „Domine, Prophetas tuos occiderunt.“ AMEROSIUS (Lib. VII. cap. de duobus filiis.) Vel aliter. Notatur hic frater ulque adeo ut de villa venire dicatur, hoc est terrenis operibus occupatus, ignorans quæ sunt spiritus Dei, ut denique numquam pro se vel hædum queratur occisum: non enim pro invidia, sed pro venia mundi agnus est immolatus. Invidus hædum quærit, innocens agnum pro se desiderat immolari. Ideo & senior dicitur, eo quod cito quis per invidiam consenscat; ideo & foris stat, eo quod malevolentia eum excludat; idem chorum, & symphoniam audire non potest, hoc est (3) non ulla theatralis incentiva lascivix, sed plebis concordiam (4) continentis, quæ de peccatore salvato dulcem lætitiæ suavitatem resultat: qui enim sibi iusti videntur indignantur quando alicui peccatum fatenti venia laxatur. Quis tu es qui Domino contradicas, ne videlicet culpam relaxaret, cum tu cui voveris ignoscas? Sed remittendis post poenitentiam debemus favere peccatis, ne dum veniam alterius invidemus, ipsi eam non mereamur a Domino. Non invidemus de longinqua regione remeantibus, quia & nos fuimus in regione longinqua.

(1) *Al.* hypostasi. (2) *Nicetas* habet debens, tunc diluit. (3) *Al.* nonnulla. (4) *Al.* continentia.

EX EDITIONE P. NICOLAI.

4 In Catena Græc. PP. ex hom. lxx. in Matth.

C A P U T XVI.

(a) **D**icebat autem & ad discipulos suos: Homo quidam erat dives qui habebat villicum; & hic diffamatus est apud illum, quasi dissipasset bona illius. Et vocavit illum, & ait illi: Quid hoc audio de te? Redde rationem villicationis tuæ: iam enim non poteris villicare. Ait autem villicus intra se: Quid faciam, quia dominus meus auferet a me villicationem? Fodere non valeo, mendicare erubescio. Scio quid faciam, ut cum amotus fuero a villicatione, recipiant me in domos suas. Convocatis itaque singulis debitoribus domini sui, dicebat primo: Quantum debes domino meo? At ille dixit: Centum cados olei. Dixitque illi: Accipe cautionem tuam, & sede cito, & scribe quinquaginta. Deinde alii dixit: Tu vero quantum debes? Qui ait, Centum coros tritici. Ait illi: Accipe litteras tuas, & scribe octoginta.

(b) Et laudavit dominus villicum iniquitatis, quia prudenter fecisset: quia filii huius sæculi prudentiores filiis lucis in generatione sua sunt. Et ego vobis dico: facite vobis amicos de mammona iniquitatis, ut cum defeceritis, recipiant vos in æterna tabernacula. Qui fidelis est in minimo, & in maiori fidelis est; & qui in modico iniquus est, & in maiori iniquus est. Si ergo in iniquo mammona fideles non fuistis, quod verum est quis credet vobis? Et si in alieno fideles non fuistis, quod vestrum est quis dabit vobis? Nemo servus potest duobus dominis servire: aut enim unum odio habebit, & alterum diligit; aut uni adhærebit, & alterum contempnet. Non potestis Deo servire, & mammonæ.

(c) Audiebant autem omnia hæc pharisæi, qui erant avari, & deridebant illum. Et ait illis: Vos estis, qui iustificatis vos coram hominibus; Deus autem novit corda vestra: quia quod hominibus altum est, abominatio est apud Deum. Lex, & Prophetæ usque ad Ioannem; ex eo regnum Dei evangelizatur, & omnis in illud vim facit. Facilius est autem cælum, & terram præterire, quam de lege unum apicem cadere. Omnis qui dimittit uxorem suam, & alteram ducit, moechatur; & qui dimissam a viro ducit, moechatur.

(d) Homo quidam erat dives, qui induebatur purpura, & bysso, & epulabatur quotidie splendide. Et erat quidam mendicus nomine Lazarus, qui iacebat ad ianuam eius, ulceribus plenus, cupiens saturari de micis quæ cadabant de mensa divitis; & nemo illi dabat; sed & canes veniebant, & lingebant ulcera eius.

(e) Factum est autem ut moreretur mendicus, & portaretur ab Angelis in sinum Abraham. Mortuus est autem & dives, & sepultus est in inferno. Elevans autem oculos suos, cum esset in tormentis, vidit Abraham a longe, & Lazarum in sinu eius; & ipse clamans, dixit: Pater Abraham, miserere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma. Et dixit illi Abraham: Fili, recordare quia recepisti bona in vita tua, & Lazarus similiter mala. Nunc autem hic consolatur, tu vero cruciaris. Et in his omnibus inter nos & vos chaos magnum firmatum est; ut hi qui volunt hinc transire ad vos, non possint, neque inde huc transire.

(f) Et ait: Rogo te, pater, ut mittas eum in domum patris mei: habeo enim quinque fratres: ut testetur illis, ne & ipsi veniant in hunc locum tormentorum. Et ait illi Abraham: Habent Moysen, & Prophetas; audiant illos. At ille dixit: Non, pater Abraham; sed si quis ex mortuis ierit ad eos, prænitentiam agent. Ait autem illi: Si Moysen, & Prophetas non audiunt; neque si quis ex mortuis resurrexerit, credent.

(a) **BEDA** (cap. lxx. in Luc. in proemii priā.) Postquam murmurantes de poenitentium receptione tribus parabolis Saluator redarguit, quartam mox, quintamque de eleemolynā danda, & parimonia sequenda subiungit: quia & ordo prædicandi aptissimus est ut post poenitentiam eleemolyna subiungatur: unde dicitur: *Dicebat autem ad discipulos suos: Homo quidam erat dives, qui habebat villicum.* **CHRYSOSTOMUS** a. Opinio quædam erronea (1) aggravata mortalibus auget crimina, minuit bona: ea vero est opinari quod ea quæcumque possidemus in usu vitæ, possideamus ut domini; & ideo etiam opportune ea apprehendimus tamquam bona præcipua. Sed contrarium est: non enim nos ut domini in vita præfenti collocati sumus in propria domo, sed tamquam hospites, & advenæ quo nolimus ducimur, & quo tempore non putamus: qui nunc locuples es, in brevi sit mendicus. Ergo quicumque sis, noveris te esse dispensatorem alienorum, & (2) quod transitorijs usus, & brevis tibi iura concessa sunt. Abiecto ergo ab anima domini fastu, sumas humilitatem, & modestiam villici. **BEDA** b. Villicus quippe villæ gubernator est, unde & a villa nomen accepit; œconomus autem tam pecuniarum quam frugum, & omnium quæ habet dominus, dispensator est. **AMAROSIUS**. Ex hoc ergo discimus non ipsos esse dominos, sed potius villicos alienarum facultatum. **THEOPHYLACTUS**. Deinde quod cum non exerceamus dispensationem opum ad libitum domini, sed ad proprias illecebras commissas abutimur, criminosi villici sumus: unde sequitur: *Et hic diffamatus est apud illum, quasi dissipasse: Anna illius.* **CHRYSOSTOMUS** c. Inter ea cullus a villicatione eripitur: sequitur enim: *Et vocavit illum, & ait ei: Quid hoc audit de te? Redde rationem villicationis tuæ: iace enim non poteris villicare.* Quotidie talia nobis per effectus exclamat Dominus, ostendens nobis fruementem in meridie sospitate, priusquam vesperscat, exanimem; & alium inter prandia expirantem; & diversimode ab hac villicatione discedi-

mus. Sed fidelis dispensator, qui de propria dispensatione confidit, dederat cum Paulo dissolvi, & esse cum Christo: is autem cuius sunt vota terrena, anxiatur in exitu: unde de hoc villico subditur: *In autem villicus intra se: Quid faciam, quia dominus meus auferet a me villicationem? Federe non valeo, mendicari erubescio.* Impotentem esse in opere crumena est vitæ inertis: non enim timeret, si consuevisset affectare labores. Quod si secundum allegoriam accipiamus parabolam, post transmigrationem hinc factam non est tempus operandi. Vita præfens habet exercitium mandatorum, futura vero solatium. Si nihil operatus es hic, frustra in futurum curas; sed nec mendicando proficies. Huius iudicium sunt virgines fatuæ, quæ imprudenter a prudentibus mendicaverunt; sed reversæ sunt vacuæ: quilibet enim suam conversationem ut tunicam induit; non est autem eam exuere, nec cambire cum alio. Sed debitorum remissionem ingeniatus est nequitæ villicus, statuens sibi malorum remedium in conspectu: sequitur enim: *Scio quid faciam, ut evas amicus suorum villicationis, recipiant me in domos suas.* Quoties enim quis exitum suum percipiens, levat beneficio sarcinam peccatorum, vel relaxando debita debitori, vel tribuens inopibus copiam, ea quæ sunt domini largiens; multos amicos conciliat præbituros sibi coram iudice testimonium veritatis non vocibus, sed bonorum operum consensione, quin etiam paraturos per testimonium refrigerii mansionem. Nihil autem est nostrum, sed omnia sunt ditionis Dei: unde sequitur: *Convocatis itaque singulis debitoribus domini sui, dicebat prime: Quantum debes domino meo? At ille dixit, Centum cades olei.* **BEDA** (cap. lxxiv. in Luc.) Cades Græce est amphora continens urnas tres. Sequitur: (3) *Dixitque illi: Accipiantem tuam, & sede cito, & scribe quinquaginta: dimidiam ei partem dimittens.* Sequitur: *Deinde alii dixit: Tu vero quantum debes? Qui ait, Centum corus tritici.* Corus troditi triga completur. Sequitur: *Ait illi: Accipe litteras tuas, & scribe octoginta: quinquam*

par-

(a) Nicetas legit aggronata. (2) *Al. diss. quod.* (3) *Al. Sequitur enim, & sic etiam infra.*

EX EDITIONE P. NICOLAI.

a In Catena Græc. PP. Refert ex illa Corderius, & ex ipsius hom. in parabola hanc Tom. VII. edit. Anglicana Græcæ desumi notat: sed in Commeliniana, quæ ad manum est, non habetur. b Ex Hieronymo. c Ubi supra. Non eodem tenere tamen, vel eadem serie Corderius refert, sed idem fere sensus ex verbis quantumcumque diversis colligi potest; quamvis sint aliquæ hic expressiora quam sint ibi, live & ibi aliqua quæ non sint hic.

partem ei dimittens. Simpliciter ergo sic potest accipi. Quisquis indigentiam pauperis, vel ex dimidia, vel ex quinta alleviat parte, misericordiae suae mercede donandus est. AUGUSTINUS de Quæst. Evagel. (Lib. II. qu. xxxiv.) Vel quod de centum cadis olei quinquaginta fecit scribi a debitoribus, & de centum coris tritici odloginta, ad hoc valere arbitror ut ea quæ in sacerdotibus, atque levitis Iudæis quisque operatur, in Ecclesia Christi abundant, ut cum illis decimas dareot, illi dimidias dent, sicut de bonis suis fecit Zachæus; aut certe duas decimas dando, id est unam quintam, superent impendia Iudæorum.

(b) AUGUSTINUS de Quæst. Evagel. (Lib. II. qu. xxxiv.) Villicum quem dominus eieciabat a villicatu, laudavit dominus, eo quod in futurum sibi prospexerit: unde dicitur: *Ei laudavit dominus villicum iniquitatis, quia prudenter egisset.* Non tamen omnia debemus ad imitandum sumere: non enim domo nostro facienda est in aliquo fraudis, ut de ipsa fraude eleemosynas faciamus. ORIGENES a. Verum, quia Gentiles dicunt prudentiam esse virtutem, & diffinunt eam peritiam bonorum, malorum, & neutrorum; vel cognitionem agendorum, & non agendorum: considerandum est utrum hæc dictio plura, aut unum significet. Dicitur enim quod Deus paravit cælos prudentia: constat bonam esse prudentiam, quia Dominus cælos paravit. Dicitur etiam in Genes. III. secundum LXX. quod serpens prudentissimus erat; ubi prudentiam non virtutem dicit, sed astutiam ad mala inclinationem habentem; & secundum hoc dicitur, quod dominus laudavit villicum, quia prudenter egisset, hoc est callide, & peperam. Et forsitan quod dixit, *Laudavit*, non secundum veram commendationem, sed abusive dictum est; ut cum dicimus aliquem commendari in mediocribus, & (1) indifferenter rebus, & quodammodo mirandos esse concursus, & acumen, quibus vigor mentis elicitur. AUGUSTINUS de Quæst. Evagel. (Lib. II. qu. xxxiv.) E contrario dicuntur illæ similitudines, ut intelligamus, si laudari potuit ille a domino qui fraudem faciebat, quanto amplius placeant Deo qui secundum eius præceptum opera illa faciunt? ORIGENES b. Filii quoque

huius sæculi non sapientiores, sed prudentiores dicuntur lucis filiis; & hoc non absolute, & simpliciter, sed in genere suo: sequitur (2) enim: *Quia filii huius sæculi prudentiores filii lucis in generatione sua sunt.* BEDA (super Filii huius sæculi prudentiores.) Filii lucis, & filii huius sæculi vocantur, quomodo filii regni, & filii perditionis: cuius enim unusquisque agit opera, eius cognominatur & filius. THEOPHYLACTUS (super idem.) Filios ergo huius sæculi vocat (3) cogitantes quæ sibi commoda sunt in terra; filios vero lucis spirituales opes tractantes intuitu divini amoris. Invenimus autem in humanis quidem administrationibus prudenter omnia disponentes, & summo pere satagentes, ut si deserimus ab administratione, habeamus vitæ refugium; cum vero dispensare debemus divina, non præmeditatur quæ nobis postmodum sunt profutura. GREGORIUS XVIII. Moral. (super illud Iob xxvii. „Dives cum dormierit:“ cap. xi. in nov. exemp.) Utergo in sua manu homines post mortem quicquam inveniant, ante mortem divitias suas in pauperum manibus ponant: uode sequitur: *Et ego vobis dico: Facite vobis amicos de mammona iniquitatis.* AUGUSTINUS de Verbis Domini (serm. xxv.) Quod Hebræi vocant mammona, Latine divitiæ vocantur: ac si diceret: Facite vobis amicos de divitiis iniquitatis. Hoc autem quidam male intelligendo rapiunt aliena, & inde aliquod pauperibus largiuntur; & putant se facere quod præceptum est. Intellectus iste corrigendus est. De iustis laboribus eleemosynas facite: non enim corrupturi estis iudicem Christum. Si de præda inopis daretis aliquid iudici, ut pro te iudicaret, si iudex ille pro te iudicabit, tanta vis est iustitiæ ut tamen tibi displiceat. Noli tibi pingere talem Deum: fons iustitiæ est. Noli ergo eleemosynas facere de fenore, & usuris: fidelibus dico, quibus corpus Christi erogamus: sed si pecunias tales habetis, de malo est quod habetis. Iam nolite malum facere. Zachæus dixit infra xix. *Dimidium rerum mearum do pauperibus.* Ecce quomodo currit qui currit facere amicos de mammona iniquitatis: & nereus aliunde teneretur: *Si cui aliquid tuli, quadruplum reddam.* Est & alius intellectus. Mammona iniquitatis divitiæ sæculi sunt omnes

(1) *id. differentibus.* (2) *id. amicitur enim.* (3) *id. cogitationes.*

EX EDITIONE P. NICOLAI.

a Vel Geometes in Cæ. Græc. TP. Et Geometria in Proverbis notat Corderius, nec in Origene occurrat. b Vel Geometes, ut supra.

mes, undecumque sint. Si enim veras divitias quærit, alia sunt, quibus Iob nudus abundabat, quando in Deum cor plenum habebat. Illæ (1) autem ab iniquitate appellantur, divitiæ, quia veræ non sunt: paupertas enim plenæ sunt, & semper obnoxia calibus: si enim veræ divitiæ essent, securitatem tibi darent. AUGUSTINUS de Quæst. Evang. (Lib. II. qu. xxxiv.) Vel divitiæ iniquitatis dicuntur, quia non sunt illæ divitiæ nisi iniquis, & qui in eis confluunt spem, atque copiam suæ beatitudinis. A iustis vero cum hic possidentur, est quidem ista pecunia, sed non sunt illis divitiæ nisi cælestes, & spirituales. AMBROSIIUS (Lib. VII. in Luc. cap. ult.) Vel iniquum mammona dixit, quia variis divitiarum millecebris nostras avaritias tentat affectus, ut velimus servire divitiis. BASILIUS a. Vel si successeris patrimonio, ab iniustis congregata cepisti: in pluribus enim prædecessoribus necesse est aliquem reperiri qui iniuste insumpserit aliena. Ponatur autem ut nec pater exegerit; sed aurum unde habes? Si quidem dicis, A me, ignarus Dei es, non habens notitiam Creatoris; si vero a Deo, dic nobis rationem propter quam eas accepisti: an non „Dei est terra, & plenitudo eius?“ Psal. xlii. Ergo si communis Domini nostra sunt, erunt & conservorum nostrorum. THEOPHYLACTUS (hoc loco.) Illæ ergo dicuntur opes nequitiae quæcumque Dominus dedit ad impendia necessitatis fratrum, ac conservorum nostrorum, nos vero tenemus nobis. Decebat igitur a principio omnia pauperibus tradi; verum, quia iniquitatis fuimus villici, nequiter retinentes quod deputatum est ad aliorum opus, non est omnino manendum in hac crudelitate, sed impartiendum est pauperibus, ut recipiamur ab eis in cælestibus tabernaculis: sequitur enim: *Ut cum descenderit recipiant vos in æterna tabernacula.* GREGORIUS XXI. Moral. (cap. xxiv. b) Si autem eorum amicitias æterna tabernacula acquirimus, dantes pensare debemus quia patronis potius munera offerimus, quam egenis dona largimur. A. U. C. USTINUS de Verb. Dom. (serm. xxiv.)

Qui sunt enim qui habebunt tabernacula æterna nisi sancti Dei? Et qui sunt qui ab ipsis accipiendi sunt in tabernacula æterna nisi qui eorum indigenter servant, & quod eis opus est hilariter subministrant? Illi sunt minimi Christi, qui omnia sua dimiserunt, & secuti sunt eum; & quicquid habuerunt, pauperibus distribuerunt, ut Deo sine seculari compede expediri servirent, & ab oneribus mundi liberatos, velut pennatos sursum humeros tollerent. AUGUSTINUS de Quæst. Evang. (Lib. II. qu. xxxiv.) Non ergo eos a quibus recipi volumus in tabernacula æterna, tamquam debitores Dei fas est intelligi: cum iusti, & sancti significantur hoc loco, qui eos introducant qui necessitatibus suis terrena bona communicaverunt. AMBROSIIUS (Lib. VII. cap. vi.) Vel aliter. *Facite vobis amicos de iniqua mammona;* ut largiendo pauperibus, Angelorum, ceterorumque sanctorum gratiam comparemus. CHRYSOSTOMUS c (hom. xxxiii. ad popul. Antioch.) Attende etiam, quod non dixit, Ut suscipiant vos in suis mansionibus, non enim ipsi sunt qui suscipiunt: unde cum dixisset, *Facite vobis amicos,* addidit, *De mammona iniquitatis;* ostendens quod non simpliciter eorum amicitia nobis patrocinabitur, nisi bona opera nos comitentur, nisi evacuemus iuste divitias congestas iniuste. Ars igitur artium peritissima est elemosyna: non enim nobis domos fabricat luteas, sed vitam perennem impendit. Singularum artium alia alterius adminiculo indiget; cum autem misereri oportet, nullius alterius, sed solius voluntatis est opus. CYRILLUS d. Sic igitur docebat Christus, affluentes divitiis summopere diligere amicitiam pauperum, & thesaurizare in cælis. Noverat autem humanæ mentis desidiam, quomodo ambientes divitias nullum caritativum opus impendunt egenitis. Quod igitur talibus nullus spiritualium donorum fructus proveniat, manifestis exemplis ostendit, subdens: *Qui fideli est in minime, & in maiori fidelis est; & qui in modico iniquus est, & in maiori iniquus est.* Aperit autem nobis Dominus oculum cordis, exponens

(1) A. enim.

EX EDITIONE P. NICOLAI.

a In Carena Græcorum PP. Hoc neque a Cordesio refertur, neque sic in Basilii Operibus occurrit: sed aliquid ex parte huc peritens orat. de divitiis, & paupertate, vel de avaritia versus finem. b In antiquis quidem exemp. ab init. capit. in novis autem prope medium, super illud Iob xxxi. Si desponsi perierint. c In Cat. Græc. PP. Colligitur ex hom. lxxv. & lxxviii. in Matth. ut ex hom. xiv. in Epist. ad Rom. adde hom. xxxix. in Epist. ad Hebr. itemque hom. xxxiii. interitibus quæ ad populum inscribuntur, & hom. xi. de Lazaro, ut & xxi. vers. finem. d In eadem Carena Græc.

neus quod dixerat, cum subdit: *Si ergo in inique mammona fideles non fuistis, quod verum est quis credet vobis?* Est igitur minimum (1) iniquitatis mammona, idest terrene divitiarum; quæ superna sapientibus nihil esse videntur. Arbitror ergo aliquem esse in modico fidelem, cum de his minimis, oppressis ærumna subsidium impertitur. Itaque si in modico fuerimus perfidi, quo pacto ab eo obtinebimus verum, idest divinarum charismatum, uber donum, animæ humanæ imprimens divinam speciem? Quod autem ad hoc tendat intentio verborum Domini, per sequentia patet: dicit enim: *Et si in alieno non fuistis fideles, quod vestrum est quis dabit vobis?* AMBROSIIUS (Lib. VII. cap. ult.) Alienæ nobis divitiarum sunt, quia præter naturam sunt, neque nobiscum nascuntur, neque nobiscum transeunt; Christus autem noster est, quia hominum vita est, doneque in propria venit. THEOPHYLACTUS. Sic igitur hucusque docuit nos quam fideliter debeat dispensare divitias; sed quia opum dispensatio secundum Deum non aliter obtinetur quam per impassibilitatem animi ad divitias non affecti, subiungit: *Nemo servus potest duobus dominis servire.* AMBROSIIUS (ubi supra.) Non quia duo, sed unus est Dominus: nam etsi sint qui mammonæ serviant, tamen non ille novit aliqua iura dominatus, sed ipsi sibi iugum servitutis imponunt. Unus est Dominus, quia unus est Deus: unde patet Patris, & Filii unum esse dominatum: & huius rationem assignat subdens: *Aut enim unum odio habebit, & alterum diligit; aut uni adhaerebit, & alterum contemnet.* AUGUSTINUS de Quæst. Evang. (Lib. II. qu. xxxvi.) Hæc autem non passim, aut quasi temere dicta sunt: nemo enim interrogatus utrum diligat diabolum, respondet se diligere, sed potius odisse; Deum autem se diligere omnes fere proclamant. Ergo aut unum odit, scilicet diabolum, & alterum diligit, scilicet Deum; aut alteri adhaerebit, scilicet diabolo, cum quasi (2) eius præmia temporalia scatur, & alterum contemnet, scilicet Deum; sicut solent minas eius postponere cupiditatibus suis qui de bonitate eius ad impunitatem sibi blandiuntur. CYRILLUS. Conclusio autem est totius sermonis quod sequitur: *Nem potestis Deo ser-*

vire, & mammona. Totum igitur studium transferamus ad alterum, divitiis abrenuntiantes. BEDA (cap. lxx. in Luc.) Audiat ergo hoc avarus, non posse simul divitiis, Christoque servire; & tamen non dixit, Qui habet divitias, sed Qui servit divitiis: qui enim divitiarum servus est, divitiis custodit ut servus; qui autem servit uti ex-cussit iugum, distribuit eas ut dominans. Sed qui servit mammonæ, illi utique servit qui rebus istis terrenis merito suæ perversitatis præpositus, & princeps huius sæculi nominatur.

(c) BEDA (cap. lxx. in Luc.) Monuerat Christus scribas, & phariseos de sua iustitia non prælumere, sed peccatores ponentes recipere, & elemosynis suæ peccata redimere; sed illi præceptorum misericordiæ, humilitatis, & parimonie deridebant: unde dicit: *Audiebant autem omnia hæc pharisei, qui erant avari, & deridebant eum:* duas ob causas: quia vel minus utilis imperaret, vel a se iam facta (3) superflua ingereret. THEOPHYLACTUS (hoc loco.) At Dominus detegens in eis occultam malitiam, offendit eos simulare iustitiam: unde subditur: *Et ait illis: Vos estis qui iustificatis vos coram hominibus.* b Iustificat secoram hominibus qui peccatores tamquam infirmos, desperatosque contemnunt: se autem ipsos tamquam perfectos elemosynarum remedio opus non habere credunt; sed noxii tumoris altitudo quam sit iuste damnanda videt ille, qui illuminabit abscondita tenebrarum: "I. Corinth. iv. unde sequitur: *Deus autem novit corda vestra.* THEOPHYLACTUS. Et ideo abominabiles ei estis ob arrogantiam, & ambitum humani favoris: unde subditur: *Quia quod hominibus altum est, abominatio est apud Deum.* BEDA (cap. lxx.) Disputantem autem contra avaritiam Salvatorem pharisei deridebant, quasi contraria legi, Prophetis præciperet, ubi multi ditissimi Deo placuisse leguntur; sed & ipse Moyses populum quem regebat, si legem sequeretur, omnibus terrenis bonis abundanturum prædixit: quibus Dominus occurrens ostendit inter legem & Evangelium, sicut promissionum, ita & præceptorum non minimam esse differentiam: unde subditur: *Lex, & Prophetæ usque ad Ioannem.* AMBROSIIUS. Non quia

lex

(1) *M. iniquis, item iniquus.* (2) *M. emittit* eius. (3) *M. superfluis.*

lex defecit, sed quia loccepit Evangelii prædicatio: videntur enim minora compleri, cum potiora succedunt. CHRYSOSTOMUS (hom. xxxviii. in Matth.) Per hoc autem reddit eos celeres ad sui fidem: quia si uique ad tempus Ioannis consummata sunt omnia, ego sum qui veni: non enim desistissent Prophetæ, nisi venissem ego. *a* Sed dices: Qualiter Prophetæ uique ad Ioannem, cum multo plures Prophetæ in novo quam in veteri testamento fuerint? Sed de illis Prophetis dicit qui prænuntiaverunt Christi adventum. EUSEBIUS *b*. Noverant autem priores Prophetæ prædicationem regni cælorum; sed nullus eorum expresse annuntiaverat populo Iudæorum: eo quod puerilem mentem Iudæi habentes (*1*) imbecilles erant circa prædicationis immensitatem. Primus autem Ioannes manifeste prædicavit appropinquasse regnum cælorum, nec non & peccatorum remissionem per lavacrum regenerationis: unde sequitur: *Ex eo regnum Dei evangelizatur, & omnis in illud vim facit*. AMBROSIVS (Lib. VIII. in Luc. cap.) Lex enim multa secundum naturam tradidit, ut naturalibus indulgentior desideris ad iustitiæ studium nos vocaret; Christus naturam iocidit, quia naturales quoque amputat voluptates. Sed ideo vim facimus naturæ ut non ad terrena demergat, sed ad superna se erigat. EUSEBIUS *c*. Magna enim pugna incumbit mortalibus in ascensu cælorum: quod enim homines carne mortali vestiti subiugeant voluntatem, & omnem illicitum appetitum, imitari volentes vitam angelicam, quomodo non sit violentior? Quis autem videns divitiosos insudantes cultui, & poe suam carnem mortificantes, non revera fatebitur illos vim inferre regno cælorum? Sed & si quis indagaverit mirandum propositum venerandorum martyrum, fatebitur eos vim irrogare in regnum cælorum. AUGUSTINUS de Quæst. Evang. (Lib. II. cap. xxxvii.) Vim etiam faciunt in regnum cælorum, ut non solum temporalia ista contemnant, sed etiam linguas deridentium se talia contemnentes: hoc enim subiungit Evangelista, cum dixisset, derisum fuisse Iesum, cum de contemnendis terrenis divitiis loqueretur. BEDA (cap. lxxviii. in Luc.) Ne autem putarent in eo quod dixit, *Lex, & Prophe-*

ta usque ad Ioannem, legis, vel Prophetarum ab eodem Iesum prædicari; hoc excludit subdens: *Facilius autem est cælum, & terram præterire, quam de lege unum apicem cadere*. Præterit enim figura huius mundi, *d*, *1*. Corinth. vii. de lege autem nec unius quidem litteræ summitas, idest nec minimo quæque a sacramento spiritualibus vacant: & tamen *lex, & Prophecia usque ad Ioannem*: quia non potuit ultra venturum prophetizari qui Ioannis præconio iam venisse clarebat. Quod autem de lege in perpetuum non violanda prædixerat, uno exempli gratia de illa sumpto confirmat testimonio, dicens: *Omnis qui dimittit uxorem suam, & ducit alteram, mœchatur; ut & qui dimissam a viro ducit, mœchatur*: ut ex hoc uno discerent etiam in ceteris cum non ad solvenda, sed implenda decreta (*2*) legis venisse. THEOPHYLACTUS (super *Lex, & Prophecia usque ad Ioannem*.) Quod enim cum imperfectis lex imperfecte loqueretur, ex hoc patet quod duris præcordiis Iudæorum ait Deut. xxv. „Si vir odio habuerit conjugem, dimittet eam: quia cum homicidæ essent, & gaudent in sanguine, nec astrictorum sibi miserebantur; adeo ut filios, & filias mactarent demonibus. Nunc vero perfectioris doctrinæ opus est: ob hoc igitur dico, quod si quis repudiat conjugem, non incumbente causa fornicationis, mœchatur, & qui aliam duxerit, mœchatur. AMBROSIVS (Lib. VIII. in Lucam cap. de lege coniugii.) Prius autem dicendum arbitror de lege coniugii, ut postea de prohibendo divortio disputemus. Quidam putant omne coniugium a Deo esse, quia scriptum est Matth. xix. „Quos Deus coniunxit, homo non separat. Quomodo ergo Apostolus dixit I. Corinth. vii. „Si infidelis discedit, discedat? in quo ostendit, non a Deo esse omne coniugium: neque enim Christiani Gentilibus Dei iudicio coniunguntur. Noli ergo uxorem dimittere, ne Deum tuæ culpæ discedis auctorem. Etenim si alienos, multo magis uxoris debes tolerare, & emendare mores: quæ cum parvulis seta dimittitur, durum si excludas parentem, pignora teneas, ut ad contumeliam parentis addas etiam pietatis iniuriam; durius si propter matrem etiam filios simul pellas. Patierisne liberos tuos

(1) *M. desit* imbecilles. (2) *M. lege*.

tuos vivente te esse sub vitrico; ac incolūmi matre, esse sub noverca? Quam periculosum, si fragilem adolescentiæ ætatem errori offeras; quam impium, si eius destitutas senectutem cuius desolaveris iuventutem! Pone si repudiata non nubar; & hoc tibi debuit displicere, cui adultero fidem servat. Pone si nubar; necessitas illiustuum crimen est, & quod coniugium putas, adulterium est. Hoc moraliter tamen: quia supra proposuerat regnum Dei evangelizari, & cum dixisset de lege unum apicem non posse cadere, subiicit: *Omnis qui dimittit uxorem suam, & ducit alteram, machinatur &c.* vir Christus est, uxor Ecclesia, caritate uxor, integritate virgo. Ergo quem Deus traxit ad Filium, non separat persecutio, non avertat luxuria, non philosophia deprædetur, hæreticus non inficiat, Iudæus non separat. Adulteri sunt omnes qui adulterare cupiunt fidei, & sapientiæ veritatem.

(d) BEDA (cap. LXVIII. in Luc.) Admonuerat supra Dominus facere amicos de mammona iniquitatis; quod audientes pharisei deridebant: deinde illa quæ proposuerat, exemplis astruit, dicens: *Homo quidam erat dives. CHRYSOSTOMUS* (hom. de divite cir. prin. inter homil. ex Luca.) *Erat*, non est, quia præteritæ quasi umbra fugiens. Non autem omnis sancta paupertas, aut divitiæ criminose; sed ut luxuria infamardivitiæ, ita paupertatem commendat sanctitas: sequitur enim: *Et induebatur purpura, & bysso.* AMBROSIVS (Lib. VIII. in Luc. cap. de divite induto.) Purpura color regii habitus est, ex conchis marinis ferro circumcisis emissa, byssus vero genus lini candidi, & mollissimi. GREGORIUS in homil. (xl. in Evang.) Si autem subtilium pretiosarumque vestium cultus culpa non esset, nequaquam sermo Dei hoc tam vigilanter exprimeret. Nemo quippe vestimenta pretiosa, nisi ad inanem gloriam quærit, ut honoratior ceteris esse videatur: nemo enim vult ibi pretiosis vestibus indui ubi ab aliis non possit videri. CHRYSOSTOMUS (in hom. super hoc Evang. *Homo quidam erat dives*: inter hom. ex Luca.) Cinerem, & pulverem, & terram purpura, & serico protegebatur: secundum vestime

eius, ita & epulæ: (1) ergo & nobis quales epulæ, talia & vestimenta: unde sequitur: *Et epulabatur quotidie splendide.* GREGORIUS I. Mor. (a super illud, „Cumque in orbem transisset.“) Ubi solerter inveniendum est, quia celebrari sine culpa convivia vix possunt: pene semper epulas comitatur voluptas. Nam dum corpus in refectiois delectatione resolvitur, cor ad inane gaudium relaxatur.

Sequitur: *Et erat quidam mendicus nomine Lazarus.* AMBROSIVS (Lib. VIII. cap. de divite induto.) Narratio magis quam parabola videtur, quando etiam nomen exprimitur. CHRYSOSTOMUS (in hom. huius Evang. ut supra.) Parabola vero illa est ubi exemplum ponitur, & recitentur nomina. Interpretatur autem Lazarus, qui adiutus est: pauper enim erat, & illum Dominus adiuvalet. CYRILLUS b. Velaliter. (2) Præfens sermo de divite, & Lazaro similitudinariè scriptus est in parabola, ut innoceret quod qui terrenis affluunt opibus, nisi velint opulari necessitatibus pauperum, gravem incurrent sententiam. Refert autem traditio Iudæorum, Lazarum quemdam fuisse tunc temporis in Hierosolymis extrema pressum inopia, & infirmitate, cuius meminit Dominus, introducens eum in exemplum ad maiorem sermonis manifestationem. GREGORIUS in hom. (xl. in Evang.) Notandum etiam est, quia in populo plus solent nomina divitum quam pauperum sciri. Dominus autem nomen pauperis dicit, & nomen divitis non dicit: quia Deus homiles novit, atque approbat, superbos ignorat. Ut autem amplius probaretur pauper, simul hunc & paupertas, & ægrotatio tabescit: sequitur enim: *Qui iacebat ad ianuam eius ulceribus plenus.* CHRYSOSTOMUS (in hom. super istud Evang. ut supra.) Ideo iacebat ad ianuam, ne divites diceret: Non vidi, nemo mihi nuntiavit. Videbat eum exiens, & revertens. Ideo ulceribus plenus, ut crudelitatem divitis suo corpore demonstraret. (3) Infelicissime hominum, mortem corporis tui vides iacere ante ianuam, & non misereris. Si Dei præcepta non consideras, saltem conditionis tuæ miserere, & time ne ipse tamen a te mori videatur. M m

(1) *Al.* & nos quales epulæ &c. (2) *Al.* Potens. (3) Quæstus supra iam citata exempla emittunt Infelicissime hominum.

EXEDITIONE P. NICOLAZ.

¶ Tam in antiq. quam in nov. codd. cap. v. super illud Job 1. Cumque &c. b In Cat. Græc. PP.

solatium, si opes habet: quanta ergo in isto poena est in quo inter tanta vulnera non meminit dolores plagarum, sed tamen? sequitur enim: *Cupiente saturari de micis quas andebant de mensa dimittere*; quasi dicat: Quod proiciis de mensa, hoc præbe in eleemosynam; fac damna lucrum. AMBROSIVS (ut supra.) Insolentia autem, & tumor divitum (1) iudiciis competentibus subinfertur: sequitur enim: *Et nemo illi dabit*. Ita enim sunt conditionis humanæ immemores, ut tamquam supra naturam siti de miseris pauperum incentiva suarum capiant voluptatum, rideant inopem, insultent egenti, & quorum misereri deceat, his auferant. AUGUSTINVS de Verb. Dom. (serm. xxv.) Inexpellibilis enim avaritia divitum nec timet Deum, nec hominem veretur: non pareit patri, amico fidem non servat, viduam opprimit, rempallii invadit. GREGORIUS in hom. (xl. in Evang.) Insuper pauper videbat procedentem divitem ab obsequentibus circumflesiri, se in infirmitate, & inopia a nullo visitari: nam quia nemo ei ad visitandum aderat, testantur canes, qui licenter vulnera eius lingeant: sequitur enim: *Sed & canes veniebant, & lingeant vulnera eius*. CHRYSOSTOMUS (ut supra.) Ulcera quæ nullus hominum lavare dignabatur, & contredare, seræ lambunt. GREGORIUS in hom. (xl. in Evang.) Ex una ergo re omnipotens Deus duo iudicia exhibuit, dum Lazarum pauperem ante ianuam divitis iacere permisit, ut & dives impius damnationis sibi augeret ultionem, & tentatus pauper crederet ad remunerationem: quia conspiciebat ille quotidie cui misereretur, videbat iste de quo probaretur.

(e) CHRYSOSTOMUS (in hom. huius section. ut supra.) Audivimus quid utrique in terra passi sunt; videamus quid utrique patiantur apud inferos. Quod temporale fuit, præterit: quod sequitur, æternum est. Uterque mortuus est: illum Angeli, hunc poenæ suscepunt: dicitur enim: *Fallum est autem ut moreretur mendicus, & portaretur in sinum Abraham*. Tantæ poenæ repente deliciis commutantur. Portatur post tantos labores, quia defecerat, ne saltem ambulans laboraret; & portabatur ab Angelis. Non fuisseerat ad portandum pauperem

unus Angelus; sed propterea plures veniunt, ut ehorum letitiæ faciant. Gaudet unusquisque Angelus tantum onus tangere, libenter talibus oneribus prægravatur, ut ducant homines ad regna cælorum. Portatus est autem in sinum Abraham, ut illum palparet, & refoecillaret. Sinus Abraham, paradisi est. Ideo autem Angeli ministrantes tulerunt pauperem, & locaverunt eum in sinu Abraham, quia licet despectus iaceret, non tamen desperavit, nec blasphemavit, dicens: Hic dives in nequitia vivens gaudet, & tribulationem non patitur; ego vero nec obtinere valeo necessariam cibum. AUGUSTINVS de Origine animæ (Lib. IV. cap. xvi.) Quod autem Abraham sinum existimas esse corporum, verior ne in re tantaoculariter, non serio agere credaris. Neque enim usque adeo (2) deciperis, ut arbitris corporeum sinum hominis unius ferre tot animas; immo, ut secundum te loquar, tot corpora quot illuc Angeli, sicut Lazarum, perierunt: nisi opineris foras illam unam animam solam ad eundem sinum pervenire muisse. Si errare pueriliter non vis, sinum Abraham intellige remotam sedem quietis, atque secretæ, ubi est Abraham; & ideo Abraham dictam, non quod ipius tantum sit, sed quod ipse multarum gentium pater sit, qui ad imitandum fidei principatum præpositus est. GREGORIUS in hom. (xl. in Evang.) Cum autem duo essent inferius corda, pauperis scilicet, & divitis; unus desuper erat inspector, qui & pauperem tentando exercebat ad gloriam, & divitem tolerando expectabat ad poenam: unde sequitur: *Mortuus est autem & dives*. CHRYSOSTOMUS a (conc. 11. de Lazaro ante med.) Mortuus quidem est tunc corpore; sed erat illi ante anima mortua: nihil enim agebat ex operibus animæ: nam totus servor eius qui provenit ex dilectione proximi, expiravit, & erat corpore (3) deijuncto desunctor. b Nullus autem est qui sepeliendo diviti ministrasse dicatur ut Lazaro: eo namque quod in lato itinere delectatus multos habuit obsequentes adulatores, ut pervenit ad finem, privatus est omnibus: simpliciter enim sequitur: *Et sepultus est in inferno*. Sed etiam anima eius dum viveret sepelebat, obruta corpore quasi sepulcro. AUGU-

STI-

(1) *M. in divitiis competentibus.* (2) *M. desperes.* (3) *Omissi: P. Nicolai desunctor.*

EX EDITIONE P. NICOLAI.

a Hom. vi. in II. ad Corinth. b Conc. 11. de Lazaro.

STINUS de Quæst. Evang. (Lib. II. qu. xxxviii.) Sepultura autem inferni pœnarum profunditas est, quæ superbos, & im-misericos post hanc vitam vorat. BASILIUS a. Est autem infernus quidam locus communis in intimo terræ, obumbratus undique, & opacus, cuius est quoddam orificium in profundum tendens, per quod patet descensus animabus ad mala damnatis. CHRYSOSTOMUS b. Vel sicut Regum carceres extra manent, sic & extra mundum foris alicubi est infernus, unde & exteriores tenebræ dictæ sunt. THEOPHYLACTUS (super *In inferno*.) Quidam vero dicunt infernum esse transitum ab apparenti ad disparern, & deformitatem animæ: quamdiu enim anima peccatoris in corpore est, apparet per proprias operationes; ut autem evolat de corpore, sic deformis. CHRYSOSTOMUS (conc. 11. de Lazaro.) Sicut autem pauperi dum viveret gravio-rem pœnam reddebat iacere ante ianuam divitis, & aliena bona prospicere; sic diviti mortuo augebat exitium accutus in gehenna, & prospectus delectationis Lazari, ne solum tormentorum natura, sed & collatione honoris illius intolerabilis sentiret supplicium: unde sequitur: *Elevans autem oculos suos, cum esset in tormentis, vidit Abraham a longe*. Elevavit quidem oculos, ut inspicere, non ut despiceret. Lazarus enim sursum erat, ille deorsum; illum plures Angeli portabant, istum infinita tormenta possidebant: unde non dicit, *Cum esset in tormento*, sed *in tormentis*: totus enim in tormentis erat, oculos solos liberos habebat, ut alterius lætitiâ posset aspicere, (1) ut magis torqueatur, quia non habet quod alius habet: aliorum divitiarum, eorum qui in paupertate sunt, tormenta sunt. GREGORIUS c. Si autem Abraham adhuc in imis non esset, hunc dives in tormentis positus non videret. Eos enim qui cælestis patriæ vias secuti sunt, (2) post egressum carnis, inferni claustra tenuerunt, non ut pœna quasi peccatores plecteretur, sed ut illos in locis remotioribus requiescentes, quia necdum intercessio mediatoris advenerat, ab ingressu regni reatus primæ culpæ retineret. CHRYSOSTOMUS (hom.

xv. in Epist. ad Philippenfes.) Multi autem erant pauperes iusti; sed qui iacuit ad limina eius, aspectui occurrit ad eius tristitiam: sequitur enim: *Et Lazarum in sinu eius*. (Con. 11. de Lazaro.) Hinc innotescit quod omnes qui a nobis offenduntur, obiciuntur nostro conspectui. Dives autem Lazarum non penes alium iustum, sed in sinu Abraham videt: erat enim Abraham caritativus, hic autem crudelitatis arguitur; ille sedens ante fores venabatur transeuntes, & in domum propriam ingerbat, hic vero & manentes intus avertebat. GREGORIUS in hom. (xl. in Evang.) Qui nimirum dives eum cuius in hac vita misceri non voluit, in suo iam supplicio positus patronum querit. THEOPHYLACTUS. Non tamen dirigit sermonem ad Lazarum, sed ad Abraham: quia forsitan erubecebat, & putabat Lazarum reminisci malorum, ex propriis iudicans de illo: unde sequitur: *Et ipse clamans dixit*. CHRYSOSTOMUS d. Magnæ enim pœnæ magnam vocem (3) reddebant. *Pater Abraham*, quasi dicat: Patrem te voco natura, quomodo filius qui perdidit suam substantiam, licet meo vitio te patrem perdidierim. *Miserere mei*. Frustra agis pœnitentiam ubi non est pœnitentia locus. Tormenta te cogunt, non mentis affectus. Quicumque in regno caelorum est nescio an eius qui in inferno est valeat misereri. Creator creaturæ miseretur suæ. Unus venit medicus qui sanaret morbos; alii sanare non poterant. *Mitte Lazarum*. Erras miser. Abraham mittere non potest, sed suscipere potest. *Ut intingat extremum digiti sui in aquam*. Lazarum videre nondignabaris, & nunc digitum eius desideras: hoc quod petis, tu ei de-bas facere cum adhuc viveret. Aquam desideras, qui delicatos cibos ante fastidiebas. Vide conscientiam peccatoris: non totum audet poscere digitum. e. Instruimur autem quam sit utile in divitiis non confidere. Ecce dives indiget paupere, qui quandoque esuriebat. Mutantur res, & notificatur omnibus quis esset dives, quis esset pauper: sicut enim in theatris quis adversus peralcit, & astantes recedunt, exeuntes, & amicum deponentes, qui Reges, & prætores visi fuerant,

Mm 2

omni-

(1) Adiungit idem Nicolaus propterea oculi dimittuntur liberi, & prospiciunt ut magis torqueatur &c.
(2) Ad. prius. (3) Ad. reddebat.

EX EDITIONE P. NICOLAI.

a In E'st. cap. v. b In Opere Imperf. hom. 1111. c Lib. VI. Mor. cap. xxvii. vel in antiq. codd. cap. xxxii. super illud Job 112. Nunc dormiens requisierem &c. d In hom. de divite. e Conc. 11. de Lazaro.

omnibus ulceribus pleni videntur ut sunt; sic & adveniente morte, & soluto spectaculo, universi, larvis egestatis, & divitiarum depositis, ex solis operibus diiudicantur quinam vere sint divites, qui pauperes, qui gloriosi, qui vincti gloriis. GREGORIUS in hom. (xl. in Evang.) Dives enim ille, qui ulcerato pauperi inenit gloriæ vel minuta dare noluit, in inferno positus ulque ad minima querenda pervenit: nam guttam aquæ petivit, qui micæ panis negavit. BASILIUS A. Condignum autem præmium redditur diviti illi ignis, & infernalis poena, lingua arefacta; vice liræ sonantis, gemitus; vice potus, desiderium stillæ; vice (1) speculorum enormium, caligo profunda; vice ambitus incessantis, pervigil vermis: unde sequitur: *Ut refrigeret linguam meam, quia crucior in hac flamma.* CHRYSOSTOMUS (ser. 11. in Epist. ad Philipenses.) Non autem quia dives fuerat, torquebatur, sed quia mihius non fuit. GREGORIUS in hom. (xl. ut supra.) Hinc colligendum est quæ poena multandus sit qui aliena diripit, si inferni damnatione percutitur qui propria non largitur. AMBROSIIUS (Lib. VIII. cap. de divite.) Cruciatum etiam, quia luxurioso carere deliciis poena est; aqua (2) autem est refectio animæ in doloribus constituta. GREGORIUS in hom. (xl. ut supra.) Quid autem est quod in tormentis positus linguam suam refrigerari postulat, nisi quod is qui (3) convivendo de loquacitate peccaverat, per retributionis iusticiam in lingua atrocius ardebat? Abundare enim in conviviis loquacitas solet. CHRYSOSTOMUS b. Multa etiam lingua eius superba locuta est: ubi peccatum, ibi & poena; & quia plurimum lingua peccavit, amplius torquetur. AUGUSTINUS de Quæst. Evang. (Lib. II. qu. xxxviii.) Vel quod linguam suam vult refrigerari cum in flamma totus arderet, significat quod scriptum est Proverb. xviii. „Mors, & vita in manibus linguæ:“ & quia „ore confessio fit ad salutem:“ Rom. x. quod per superbiam ille non fecit. Extremum autem digiti vel minimam operationem significat, quæ per Spiritum san-

ctum subvenitur. AUGUSTINUS de Origine animæ (Lib. IV. cap. xvi.) Dicit autem, (4) Membra hic animæ describuntur; & vis per oculum totum caput intelligi, quia dictus est elevare oculos suos, per linguam fauces, per digitum manum. Quid autem caule est ut nomina ista membrorum in Deo tibi corpus non faciant, in anima faciant? An vero quando de creatura dicuntur, proprie accipienda sunt; quando autem de creatore, tropice atque translative? Pennas itaque corporeas daturus es nobis, quoniam non creator, sed creatura, idest homo, dicit Psal. xxxviii. „Sialum, plero pennas meas diluculo.“ Porro si propterea linguam habuit dives ille corpoream, quoniam dixit, *Refrigeret linguam meam*; in nobis quoque adhuc in carne viventibus manus habet ipsa lingua corporea: quia scriptum est Proverb. xviii. „Mors, & vita in manibus linguæ.“ GREGORIUS Nilfenus c. Sicut autem præstantissima speculorum tales representant facierum imagines quales & ipse obiectæ facies extant, lætas quidem lætantium, tristitia vero tristes; sic & iustum Dei iudicium simile sit dispositionibus nostris: unde quia dives non fuit misertus pauperis iacentis ad ianuam, cum misericordia egeat, non exauditur; sequitur enim: *Et dixit illi Abraham: Fili, recordare quia receperis bona in vita tua.* CHRYSOSTOMUS (conc. 11. & 111. de Lazaro.) Aplice Patriarchæ bonitatem vocat illum filium, quod manifestum diuinem eius potest exprimeret; nullum tamen præbet auxilium ei qui se remedio privaverat: unde dicit: *Recordare*; idest, animadvertas peccata: ne obliviscaris quod fueris oblectatus divitiis. *Receperis bona in vita tua*, idest illa quæ vera bona esse putabas: non potes & in terra regnasse, & hic regnare: divitiæ non possunt esse veræ & in terra, & in inferis. Sequitur: *Et Lazarus similiter mala.* Non quod Lazarus ea mala putaverit; sed ex censura divitis hoc dicebat, qui inopiam, & famem, & duram ægritudinem æstimabat mala. Quando igitur in firmitatis, & ægrotationis (6) magnitudo nos premit, Lazarum cogitemus, & lætante-

(1) *Al.* Speculatorum. *Nicolas* Itepe speculatorum. (2) *Al.* omittitur autem. (3) *Al.* convivendo. (4) *P.* *Nicolas* habet quod membra etc. (5) *Al.* desideratur ei. (6) *Al.* magnitudo premit Lazarum.

a In Cat. Græc. PP. Ut ex Commentariis in Eftiam Corderius indicat; sed in illis quæ nunc superant in xvs. capit. pgs. occurrat. b In hom. de divite. c Quat. v. de Beatitud.

ter accipiamus mala in vita nostra. AUGUSTINUS de Quest. Evang. (Lib. II. q. xxxiii.) Hæc igitur ei dicuntur, quia felicitatem dilexit sæculi, nec aliam vitam præter illam in qua superbus tumebat, ad-amavit. Lazarum autem dicit mala recepisse: quia intellexit huius sæculi mortalitatem, labores, & dolores, & ærumnas potnam esse peccati: quia omnes in Adam morimur, (1) qui factus est transgressione mortalis. CHRYSOSTOMUS (conc. III. de Lazaro ante med.) Dicit etiam, *Recepisti bona in vita tua*, quasi debita; quasi dicat: Si quid boni fecisti unde præmium daretur, omnia accepisti in illo mundo, epulans, ditatus, oblectatus successibus prosperis; hic autem, si quid mali commisit, universa recepit paupertate, fame, & extremis oppressus miseriis; & uterque vestrum huc nudus accessit: hic quidem a peccatis, propter quod & consolationem sortitur, tu vero a iustitia, propter quod immitigabilem persers penam: unde sequitur: *Nunc autem hic consolatur, tu vero cruciatur.* GREGORIUS in hom. (xl. in Evang.) Quæcumque ergo in hoc sæculo bene habetis, cum vos bona egisse recollitis, valde de ipsis pertimescite, ne concessa vobis prosperitas eorumdem remunerationis sit bonorum; & cum quolibet pauperes nonnulla reprehensibilia perpetrare conspiciatis, quia fortasse quos superfluitas tenuissimæ pravitatis coinquinat, caminus paupertatis purgat. CHRYSOSTOMUS (conc. III. de Lazaro.) Sed dicet: Nonne est aliquis qui & hic, & illic venia perfruatur? Hoc quidem difficile est, & de numero impossibile: nam et si paupertas non urgat, urget tamen ambitio; si ægritudo non stimulet, ira inflammatur; si tentationes non impetunt, emergunt sæpius cogitationes iniquæ. Non est autem parvus labor iracundiam refrenare, compescere illicita delideria, ostentationes sedare, desperationem remittere, vitam asperam ducere. Talia vero non agentem impossibile est salvari. GREGORIUS in hom. (xl. ut supra.) Respondet etiam potest, quod mali in hac vita bona recipiunt, quia omne suum gaudium felicitatem transitoriam putant. Iusti autem habere hic quidem possunt bona, nec tamen in recompensa-

tione recipere: quia dum meliora, idest æterna, appetunt, eorum iudicio quælibet bona asserunt, bona minime videntur. CHRYSOSTOMUS (conc. IV. de Lazaro.) Post misericordiam autem Dei, in propriis studiis sperandum est de salute, non numerando patres, aut proximos, vel amicos: frater enim non liberat: & ideo subditur: *Et in his omnibus magnum chaos formatum est inter nos & vos.* THEOPHYLACTUS (*χάος* *ἰσχυρ.*) Chasma mega (2) hoc est hiatus ingens, significat iustorum a peccatoribus distantiam: nam sicut affectus eorum varii fuerant, sicut enim mansiones non modicum differunt. CHRYSOSTOMUS. Quod firmatum dicitur, quia non potest dissolvi, agitur, vel concuti. AMBROSIVS (ubi supra.) Inter divitem igitur & pauperem chaos magnum est, quia post mortem nequeunt merita mutari: unde sequitur: *Ut hi qui volunt hinc ad nos transire non possint, neque inde huc transire.* CHRYSOSTOMUS. Quasi dicat: Videre possumus, transire non possumus; & nos videmus quid fugerimus, & vos videtis quid perdidistis; & nostra (3) gaudia cumulant vestra tormenta, & vestra tormenta cumulant nostra gaudia. GREGORIUS in hom. (xl. in Evang.) Sicut enim transire reprobi ad electos cupiunt, idest a suppliciorum suorum afflictione migrare; ita ad afflictos, atque in tormentis positos transire iustorum est mente ire per misericordiam, eosque velle liberare. Sed iustorum animæ, quamvis in suæ naturæ bonitate misericordiam habeant, iam tamen auctoris sui iustitiæ coniunctæ, tanta rectitudine confringuntur ut nulla ad reprobos compassione moveantur. Nec iniusti ergo ad beatorum forem transiunt, quia damnatione perpetua confringuntur; nec iusti ad reprobos transire possunt, quia erecti iam per iustitiam iudicii, eis nullo modo ex aliqua compassione misereantur. THEOPHYLACTUS (hoc loco.) Hinc elicias argumentum contra Origenis sequaces, qui dicunt: Cum terminis sit imponendus supplicii, erit tempus quo aggregabuntur peccatores iusti, & Deo. AUGUSTINUS de Quest. Evang. (Lib. II. cap. xxxviii.) Offenditur enim per immutabilitatem divinæ sententiæ nullum auxilium

(1) *Id.* quia. (2) *In quatuor supra relatis editionibus sic habetur.* Chaos magnum significat &c. (3) *Id.* amittitur gaudia.

xillum misericordiam posse praeberi peccatoribus a iustis, etiam si velint praebere: quo admonet ut in hac vita homines subveniant quibus possunt, ne si postea etiam optime recepti fuerint, eis quos diligunt epulari non valeant. Illud enim quod scriptum est hoc cap. *Ut & ipsi recipiant vos in aeterna tabernacula*, non de superbis, & immisericordibus scriptum est, sed de his qui sibi eos amicos de operibus misericordiae fecerunt, quos iusti non velut propria potestate, quasi gratificando recipiunt, sed permissione divina.

(1) GREGORIUS in hom. (xl. in Evang.) Postquam ardenti diviti de se spes tollitur, eius animus ad propinquos quos reliquerat, incurrit: unde dicitur: *Et ait: nego te, pater, ut mittas eum in domum patris mei.* AUGUSTINUS de Quest. Evan. (ut supra.) Lazarum petit mitti, quia sentit se indignum qui testimonium perhibeat veritatis: & quia non impetraverat paululum refrigerari, multo minus credit se relaxari posse ab inferis ad praedicationem veritatis. CHRYSOSTOMUS (hom. de divite.) Vide autem perveritatem: nec in ipsis poenis continet veritatem. Si pater est Abraham, quomodo dicis: *Mitte eum in domum patris mei?* (1) Sed non es oblitus patris tui, quia ille te perdidit. GREGORIUS in hom. (xl. in Evang.) Reproborum autem mentem poena sua quandoque inutiliter erudit ad caritatem, ut iam tunc etiam tuos specialiter diligant qui hie dum peccata diligerent, nec se amabant: unde sequitur: *Habeo enim quinque fratres, ut testetur illi, ne & ipsi veniant in hunc locum tormentorum.* AMBROSIVS (Lib. & cap. ut supra par. a fin.) Serius autem dives ille magister esse incipit, cum iam nec discendi tempus habeatur, vel docendi. GREGORIUS in hom. (xl. ut supra.) Qua in re notandum est ardenti diviti quantae supplicia cumulantur: ad penam namque suam ei cognitio servatur (2) & memoria: cognovit enim Lazarum, quem despiciebat, & fratrum suorum meminuit, quos reliquit: ut enim peccatores in supplicio amplius puniantur, & eorum vident gloriam quos contempserunt, & de illorum po-

na torquentur quos inutiliter amaverunt. Potenti autem diviti, ut Lazarus mitteretur ab Abraham protinus respondetur: unde sequitur: *Et ait illi Abraham: Habent Moysen, & Prophetas; audiant illos.* CHRYSOSTOMUS (conc. iv. de Lazaro.) Quasi dicat: Non sint tibi magis curae fratres tui quam Deo, qui eos creavit, statuitque eis doctores, qui eos commoneant, & sollicitarent. Vocat autem hic Moysen, & Prophetas scripta Moisaica, & prophetica. AMBROSIVS (Lib. & cap. ut supra.) Quo loco evidentissime declarat Dominus vetus testamentum esse fidei firmitatem, retundens perniciam Iudaeorum, & excludens nequitias haereticorum. GREGORIUS in hom. (xl. in Evang.) Sed qui Dei verba despexerat, hoc audire non posse suos sequaces testimabat: unde sequitur: *At illa dixit: Nō, pater Abraham; sed si quis ex mortuis ierit ad illos, poenitentiam agent.* CHRYSOSTOMUS (in hom. de divite.) Quia enim audiendo Scripturas contemnebat, & fabulas esse putabat, ex his quae passus fuerat, ipse quoque diiudicabat de fratribus. GREGORIUS Nilisus s. Sed & aliud quoddam dogma docemur, quod Lazari quidem anima non est erga praesentia sollicita, nec retorquet se ad aliquod reliquum; ac dives, quasi quodam vilco, etiam post mortem a vita detinetur carnali: nam si quis omnino carnalis secundum mentem fiat, nec postquam corpus exuerit, remouetur a passionibus eius. GREGORIUS in hom. (xl. in Evang.) Sed mox diviti veraci sententia respondetur: sequitur enim: *Ait autem illi: Si Moysen, & Prophetas non audierint, neque si quis ex mortuis resurrexerit, credens est: quia qui verba legis despiciunt, Redemptoris praecepta, qui ex mortuis resurrexit, quanto subtiliora sunt, tanto his difficilior implebant.* CHRYSOSTOMUS (conc. iv. de Lazaro.) Quod autem verum sit quod qui non auscultat Scripturam, nec mortuis redivivi auscultat, offenderunt Iudaei, qui nunc quidem volebant occidere Lazarum, nunc vero invadebant Apostolos; cum tamen a mortuis nonnulli resurrexerint hora crucis. Sed & illud considera, quod qui sequitur mortuus servus est. Quare cum

(1) Sic affectus legimus omnia quae vidimus vestigia exemplaria: Nicolai autem interrogative legit in hunc modum. Non es oblitus patris tui? Non es oblitus quia ille te perdidit? (2) Alii emittunt &.

etque vero dicunt Scripturæ, dicit Dominus: unde etiam resurgit mortuus, et cælitus descenderit Angelus, omnibus magis sunt dignæ fide Scripturæ: nam Angelorum Dominus, vivorum, & mortuorum eas instituit. Si autem sciret hoc Deus, quod mortui resurgentes prodesse viventibus, non hoc omisit, qui pro utilitate nostra singula quæque tractat. Sed efferebros resurgerent mortui, hoc iterum tempore contemneretur; sed & diabolus (1) facile introduceret perversa dogmata, id quoque per organa sua fingens, non quidem suscitans vere defunctos, sed quibaldam fallaciis spectantium frustrans intuitum, vel ingenias quosdam mortem simulare. AUGUSTINUS de Curis pro mortuis habendis (cap. xiv. & xv.) Diceret autem aliquis: Si nulla est mortuis cura de vivis, quomodo dives rogavit Abraham ut mitteret Lazarum ad quinque fratres suos? Sed numquid, quia hoc dives dixit, ideo quid fratres agerent, vel quid paterentur in illo tempore scivit? Ita illi cura fuit de vivis, quamvis quid agerent omnino nesciret, sicut nobis est cura de mortuis, quamvis quid agant omnino nesciamus. Sed rursum occurrit questio: Quomodo hic Abraham esse sciebat Moysen, & Prophetas, id est liberos eorum? Ubi etiam noverat divitem illum in deliciis, Lazarum vero in doloribus vixisse? Verum non cum hæc agerentur in vivis, fed eis mortuis potuit Lazaro indicante cognoscere, ne scilicet quod ait Propheta Isa. xliii. „ Abraham „ nescivit nos.“ Possunt & ab Angelis qui rebus quæ aguntur hic, præsto sunt, audire aliquid mortui; possunt etiam aliqua quæ necessarium est eos nosse, non solum præterita, verum etiam futura spiritu Dei revelante cognoscere, AUGUSTINUS de Quest. Evan. (Lib. II. q. xxxviii.) Per allegoriam autem hæc sic accipi possunt, ut in divite intelligantur superbi Iudeorum ignorantes Dei iustitiam, & suam volentes constituere. Purpura, & byssus dignitas regni est: & „ auferetur (inquit Matth. „ xxi.) a vobis regnum Dei.“ Epulario splendida, iactantia legis est, in qua gloriabantur, plus ad pompam elationis abutentes ea, quam ad necessitatem salutis utentes. Mendicus autem nomine Lazarus, qui interpretatur aditus, significat indigentem, veluti Gentilem aliquem, aut Publicanum, qui tanto magis adjuvatur, quanto minus de suarum copia facultatum præ-

umit. GREGORIUS in hom. (xl. in Evang.) Lazarus igitur ulceribus plenus Gentilem populum figuratim exprimit, qui dum ad Deum conversus peccata sua confiteri non erubuit, huic vulnus in cute fuit: quid enim est peccatorum confessio, nisi quedam vulnere ruptio? Sed Lazarus vulneratus cupiebat sanari de melle quæ cadebant de mensa divitis; & nemo illi dabat: quia Gentilem quemque ad cognitionem legis admittere superbus ille populus despiciebat; & quia (2) ei verba defluebant de scintilla, quasi melle cadebant de mensa. AUGUSTINUS de Quest. Evang. (Lib. II. q. xxxviii.) Canes autem, qui ulcera pauperis lingeant, nequissimi homines sunt, amantes peccata, qui lata lingua etiam laudare non cessant opera mala, quæ in se alijs gement, & continens detestatur. GREGORIUS in hom. (xl. ut supra.) Numquam etiam solent in sacro eloquio per canes prædicatores intelligi, secundum illud Psal. lxxvii. „ Lingua canum tuorum „ ex inimicis ab ipso.“ Cnum etiam lingua vulnus dum lingit curat: quia doctores sancti dum in confessione peccati nostri nos instruunt, quasi vulnus mentis per linguam tangunt. Dives autem sepulchus est in inferno, in finem vero Abraham Lazarus ab Angelis ductus est, id est in secretam requiem, de qua veritas dicit Matth. viii. „ Multi „ veniunt ab oriente, & occidente, & recumbent cum Abraham, & Isaac, & Iacob in regno cælorum; filii autem regni „ eiicientur in tenebras exteriores.“ De longinquo autem ad videndum Lazarum oculos dives levat, quia dum per damnationis suæ supplicia infideles in imo sunt, fideles quoque ante diem extremi iudicii super se in requie attendunt, quorum post gaudia contemplari nullatenus possunt. Longe vero est quod conspiciunt, quia illuc per meritum non attingunt. In lingua autem amplius ardere ostenditur, quia infidelis populus verba legis in ore tenet, quæ opere servare contempsit. Ibi ergo amplius ardebit ubi se amplius ostendit scire quod facere nolit. Abraham autem filium cum vocat, quem tamen a tormento non liberat: quoniam huius infidelis populi patres, quia multos a sua fide deviasse considerant, eos nulla compensione a tormentis eripiunt, quos tamen per carnem filios recognoscunt. AUGUSTINUS de Quest. Evan. (Lib. II. q. xxxviii.) Quinque autem fratres, quos habere dicit in do-

(1) M. facere. (2) M. ea. Omissionem verumque a Nicolao.

domo patris sui, Iudæos (1) significant, qui appellati sunt quinque, quia sub lege detinebantur, quæ per Moysen data est, qui quinque libros conscripsit. CHRYSOSTOMUS (hom. de divite.) Vel habuit quinque fratres, idest quinque senius, quibus ante servierat; & ideo Lazarum amare non poterat, quia illi fratres non amant paupertatem. Illi te fratres in hæc tormenta miserunt: salvari non possunt nisi moriantur; alioquin necesse est ut fratres habitent cum fratre suo. Sed quid quæris ut mittam Lazarum? *Habent Moysen, & Prophetas.* Moyses, Lazarus pauper tuit, maiores divitias esse arbitratus paupertatem Christi, quam divitias Pharaonis. Hieremias in lacum missus pane tribulationis vescabatur; & omnes Prophetæ illos fratres docent; sed isti fratres salvari non possunt nisi aliquis ab inferis resurrexerit. Isti enim fratres antequam Christus resurgeret, me ducebant in mortem: ille mortuus est, sed isti fratres resurrexerunt: nunc oculus meus Christum videt, auris eum audit, tactus amplectitur. Ex hoc autem quod diximus, locum determinamus Marcioni, & Manichæo, qui destruunt vetus testamentum. Vide ergo quid dicat Abraham. *Si Moysen, & Prophetas non audiunt;* quasi dicat: Bene facis eum qui resurrexerit est expectando; sed in illis Christus loquitur: si illos audies, & illum audiruses. GREGORIUS in hom. (xl. in Evang.) Iudaicus autem populus, quia Moysi verba spiritualiter intelligere contempsit, ad eum de quo Moyses locutus fuerat, non pervenit. AMBROSIVS (Lib. VIII. in Lucam cap. de divite.) Vel aliter. Lazarus est pauper in sæculo, sed Deo dives: neque enim omnis sancta paupertas, aut divitiæ criminosa; sed sicut luxuria infamat divitias, ita paupertatem commendat sanctitas. Sive apostolicus aliquis pauper in verbo, locuples in fide, qui veram teneat fidem, verborum insulas non requirit: cui similem illum puto qui cæcus læpius a Iudæis, ulcera sui corporis lambenda quibusdam velut canibus offerebat. Bea-

ti canes, in quos ulcerum talium distillat humor, ut impleat cor, quo custodire domum, servare gregem, cavere affluant lupos. Et quia panis verbum est, fides autem verbi est; micæ velut quædam dogmata fidei sunt, mysteria scilicet Scripturarum. Arriani autem, qui societatem potentis regalis affectant, ut impugnent Ecclesiæ veritatem, nonne tibi videntur in quadam purpura, & bysso iacere; qui cum pro veris luctata descendant, divitiis abundante sermonibus? Dives hæresis Evangelia multa composuit; & pauper fides hoc solum Evangelium tenuit quod accepit. Dives Philo sophia plures sibi deos fecit, pauper Ecclesia unum Deum novit: nonne illæ videntur (1) egenæ divitiæ, & redundare paupertas? AUGUSTINUS de Quæst. Evan. (Lib. II. qu. xxxviii.) Aliter etiam intelligi potest illa narratio, ut Lazarum Dominum significare accipiamus iacentem ad ianuam illius divitis, quia se ad aures superbissimas Iudæorum incarnationis humilitate deiecit, cupiens saturari de micis quæ cadebant de mensa divitis, idest quærens ab eis vel minima opera iustitiæ, quæ suæ mensæ, idest suæ potestati, per superbiam non usurparent: quæ opera quamvis minima, & sine disciplina perseverantiæ vitæ bonæ, saltem interdum vel casu facerent, sicut micæ de mensa cadere solent. Ulcera, passionibus sunt Domini; canes qui ea lingebant Gentes sunt, quos immundos Iudæi dicebant; & tamen passionibus Domini in sacramentis corporis, & sanguinis eius per totum iam orbem suavitate devotissima lambunt. Sinus Abrahæ intelligitur secretum Patris, quo post passionem resurgens assumptus est Dominus, quo eum portatum ab Angelis ideo dictum puto, quia ipsam receptionem, qua in secretum Patris accessit, Angeli annuntiaverunt discipulis. Cetera secundum superiorem expositionem accipi possunt: quia secretum Patris bene intelligitur ubi etiam ante resurrectionem iustorum animæ vivunt cum Deo.

(1) *Id. significavit, item significat. (2) Forse egere.*

(a) **E**T ait ad discipulos suos : Impossibile est ut non veniant scandala . Vos autem illi per quem veniunt : utilius est illi si lapis molaris imponatur circa collum eius , & proiciatur in mare , quam ut scandalizet unum de pusillis istis .

(b) Attendite vobis . Si peccaverit in te frater tuus , increpa illum ; & si penitentiam egerit , dimitte illi : & si septies in die peccaverit in te , & septies in die conversus fuerit ad te dicens , Pœnitet me ; dimitte illi .

(c) Et dixerunt Apostoli Domino : Adauge nobis fidem . Dixit autem Dominus : Si habueritis fidem sicut granum sinapis , dicetis huic arbori moro , Eradicare , & transplantare in mare ; & obediet vobis .

(d) Quis autem vestrum habens servum arantem , aut pascentem boves , qui regresso de agro dicat illi , Statim transi , & recumbe ; & non dicat : Para quod coenam , & præcinge te , & ministra mihi , donec manducem , & bibam ; & post hæc tu manducabis , & bibes ? Numquid gratiam habet servo illi , quia fecit quæ ei imperaverat ? Non puto . Sic & vos cum feceritis omnia quæ præcepta sunt vobis , dicite : Servi inutiles sumus : quod debuimus facere , fecimus .

(e) Et factum est , dum iret Iesus in Hierusalem , transibat per mediam Samariam , & Galilæam : & cum ingrederetur quoddam castellum , occurrerunt ei decem viri leprosi : qui steterunt a longe , & levaverunt vocem , dicentes : Iesu præceptor , miserere nostri . Quos ut vidit , dixit : Ite , ostendite vos sacerdotibus . Et factum est dum irent , mandati sunt . Unus autem ex illis , ut vidit quia mundatus est , regressus est cum magna voce magnificans Deum : & cecidit in faciem ante pedes eius , gratias agens ; & hic erat Samaritanus . Respondens autem Iesus dixit : Nonne decem mundati sunt ? Et novem ubi sunt ? Non est inventus qui rediret , & daret gloriam Deo nisi hic alienigena . Et ait illi : Surge , vade , quia fides tua te salvum fecit .

(f) Interrogatus autem a pharisæis , Quando venit regnum Dei ? respondens eis dixit : Non veniet regnum Dei cum observatione , neque dicent , Ecce hic , aut Ecce illic : ecce enim regnum Dei intra vos est .

(g) Et ait ad discipulos suos : Venient dies quando desideretis videre unum diem Filii hominis , & non videbitis . Et dicent vobis , Ecce hic , & ecce illic . Nolite ire , neque secutemini . Nam sicut fulgur coruscans de sub cælo , in ea quæ sub cælo sunt fulget ; ita erit Filius hominis in die sua . Primum autem oportet illum multa pati , & reprobari a generatione hac .

(h) Et sicut factum est in diebus Noe , ita erit & in diebus Filii hominis . Edebant , & bibebant , uxores ducebant , & dabantur ad nuptias usque in diem qua intravit Noe in arcam ; & venit diluvium , & perdidit omnes . Similiter sicut factum est in diebus Lot . Edebant , & bibebant , emebant , & vendebant , plantabant , & ædificabant ; qua die autem exiit Lot a Sodomis , pluit ignem , & sulphur de cælo , & omnes perdidit . Secundum hæc erit qua die Filius hominis revelabitur .

(i) In illa hora qui fuerit in lecto , & vasa eius in domo , non descendat tollere illa ; & qui in agro , similiter non redeat retro . Memores estote uxoris Lot . Quicumque quæsierit animam suam salvam facere , perdet illam ; & quicumque perdidit illam , vivificabit eam .

(k) Dico autem vobis : In illa nocte erunt duo in lecto uno : unus assumetur , & alter relinquetur . Duæ erunt molentes in unum : una assumetur , & altera relinquetur . Duo in agro : unus assumetur , & alter relinquetur . Respondentes dicunt illi , Ubi Domine ? Qui dixit illis : Ubicumque fuerit corpus , illuc congregabuntur & aquilæ .

(a) **T**HEOPHYLACTUS (in princ. Comm. in cap. xvii. Luc.)

Quia pharisæi existentes avari convitiabantur Christo de paupertate prædicanti, induxit parabolam divitis, & Lazari. Deinde cum discipulis confert de pharisæis, indicans eos schismaticos, & divinæ viæ impedidores esse: unde dicitur: *Et ait ad discipulos suos: Impossibile est ut non veniant scandala, idest impedimenta bonæ, & Deo placitæ conversationis.* **CHRYSTOSTOMUS.** Sunt autem duplicia scandala, quorum hæc quidem divinæ gloriæ refragantur, hæc vero prodeunt solum ad irrogandum fratribus impedimentum: nam excitationes hæresum, & quicumque contra veritatem firsermo, divinæ gloriæ refragantur. Non tamen ad præsens memorari videntur huiusmodi scandala, sed magis ea quæ contingunt inter amicos, & fratres; sicut iurgia, seditiones, & huiusmodi: unde postea subdit: *Si peccaverit in te frater tuus.* **THEOPHYLACTUS** (super *Necesse est ut veniant scandala.*) Vel dicit, quod necesse est emergere multa prædicationis, & veritatis obstacula, sicut pharisæi impediabant Christi prædicationem. Quærunto autem aliqui: Si necesse est ut veniant scandala, cur Dominus arguit scandalorum auctorem? respondetur enim: *Va autem illi per quem veniunt:* quicquid enim parit necessitas veniale est. Sed attende, quod necessitas ista ex libero arbitrio sortitor originem. Videns enim Dominus qualiter homines innituntur malo, nec proponunt aliquid boni, dixit quod quantum est ex consequentia eorum quæ videntur, necesse est contingere scandala: sicut si medicus videns quemquam mala diutius utentem, dicat, Necesse est hunc ægrotare; & ideo inducenti scandala vix dicit, & poenam ei comminatur, dicens: *Utilius est illi si lapis molaris imponatur circa collum eius, & proiciatur in mare, quam ut scandalizet unum de pusillis istis.* **BEDA** (cap. lxvii.) Secundum morem provincie Palæstinæ loquitur; cum maiorum criminum apud veteres Iudeos fuerit poena ut in profundum ligato faxo demergerentur. Et revera utilius est innoxium poena, quamvis atrocissima, temporali tamen, vitam finire corpoream, quam fratri nocentem mortem a-

nimæ mereri perpetuam. Recte autem qui scandalizari potest, pusillus appellatur: qui enim magnus est, quodcumque viderit, quodcumque passus fuerit, non declinat a fide. In quantum ergo sine peccato possumus, evitare proximorum scandalum debemus. Si autem de veritate scandalum sumitur, utilius permittitur scandalum, quam veritas relinquatur. **CHRYSTOSTOMUS.** Per scandalizantis autem poenam bravium salvantis addisce: nisi enim unius animæ salus esset sibi nimium curæ, non comminaretur scandalizantibus tantam poenam.

(b) **AMEROSIUS** (Lib. VIII. in Luc. cap. de venia larg.) Post divitem qui cruciatur in poenis, (1) subiicit præceptum veniæ largiendæ his qui se ab errore convertunt, ne quem desperatio non revocet a culpa: unde dicitur: *Attendite vobis.* **THEOPHYLACTUS** (ubi supra.) Quasi dicat: Necesse est scandala contingere, non tamen necessarium est vos perire, si peccaveritis; sicut non est necesse oves perire lupo veniente, si vigilet pastor. Et quoniam multæ sunt scandalizationum differentię: quidam enim sunt insanabiles, quidam sanabiles: ideo subiungit: *Si peccaverit in te frater tuus, increpa illum; & si poenitentiam egerit, dimitte illi.* **AMEROSIUS** (ubi supra.) Ut neque difficilis venia, nec remissa sit indulgentia; neque austeri percellat invectio, vel conniventi non invitet ad culpam: unde & alibi dicitur, Matth. xviii. „Corripe ipsum inter te & ipsum solum:“ plus enim proficit amica correctio quam accusatio turbulenta. Illa pudorem incutit, hæc indignationem movet. Servetur potius quod prodi metuat qui monetur: bonum quippe est ut amicum magis te qui corripitur credat, quam inimicum: facilius enim consiliis acquiescit quam iniuriæ succumbitur. Infirmus cultus diuturnitatis est rimor, pudor autem bonus magister officij: qui enim metui reprimatur, non emendatur. Pulchre autem poluit, *Si peccaverit in te:* non enim est æqua conditio in Deum hominemque peccare. **BEDA** (cap. lxvii. in Luc.) Intendum est autem, quia non falsim peccanti dimittere iubet, sed poenitentiam agenti: hoc enim ordine scandalia declinare possumus, si nullum lædamus, si pec-

(1) *id. subiacer, item subiecit.*

EX EDITIONE P. NICOLAI.

* **CYRILLUS** in Catena Græc. PP. non Chrysostomus, ut præcedentes edit. notabant, cum nihil tale apud illum occurrat. Refert autem ut Catena septuaginta quinque Græc. PP.

si peccantem zelo iustitiæ corripimus, si poenitenti misericordiam viscera pandimus. THEOPHYLACTUS. Sed quæreret aliquis: Si cum pluries indusserim fratri, iterum fit nocivus, quid agendum est secum? Ideo quæstioni huic respondens subdit: *Et si septies in die peccaverit in te, & septies in die conversus fuerit ad te dicens, Pœnitens meo dimitte illi.* BEDA (ubi supra.) Septenario numero non veniæ dandæ terminus ponitur, sed vel omnia peccata dimittenda, vel semper poenitenti dimittendum præcipitur: solet enim sæpe per septem, cuiusque rei, aut temporis universitas indicari. AMBROSIVS (cap. de venia largienda.) Vel quia septima die requievit Deus ab operibus suis, post hebdomadam istius mundi requies nobis diuturna promittitur, ut quemadmodum mala istius mundi opera cessabunt, ita etiam vindictæ severitas conquiescat.

(c) THEOPHYLACTUS (super *Adauge nobis fidem.*) Audientes discipuli Dominum de quibusdam arduis discretem, putata de paupertate, & scandalis evitandis, petant sibi fidem augeri, per quimposent paupertatem sequi: nihil enim adeo cultum suggerit paupertatis, sicut credere, & sperare in Domino: & ut per fidem scandalis valeant resistere: unde dicitur: *Et dixerunt Apostoli Domino: Adauge nobis fidem.* GREGORIUS XXII. Mor. 4. Utque iam accepta per initium fuerat, quasi per augmentam graduum ad perfectionem veniret. AUGUSTINUS de Quæst. Evan. (Lib. II. q. xxxix.) Potest quidem intelligi hanc fidem sibi augeri postulasse qua creduntur ea quæ non videntur; sed tamen dicitur etiam fides rerum, quando non verbis, sed ipsis rebus præsentibus creditur quod futurum est, cum iam per speciem manifestam se contemplandum præbebit sanctis ipsa Dei Sapientia, per quam facta sunt omnia. THEOPHYLACTUS (super *Et habueritis tantam fidem.*) Dominus autem ostendit eis quod bene peterent, & (1) quod credere deberent constanter, ostendens eis quod fides multa potest: unde sequitur: *Dixit autem*

Dominus: Si habueritis fidem sicut granum sinapis, dicatis huic arbori mori, & eradicare, & transplantare in mare; & obediet vobis. Duo magna concurrunt in idem, transpositio radicati in terra, & plantatio in mari: quid enim in undis plantatur? per quæ duovirtutem fidei manifestat. CHRYSOSTOMUS (homil. lvi. in Matth. 2. med.) Mentionem autem facit sinapis, quia eius granum, etsi sit parvum quantitate, est tamen potestate virtuosius omnibus. Insinuat igitur quod minimum suæ fidei magna potest. Si autem morum non transposuerunt Apostoli, non calumniaris: non enim dixit, Transferetis, sed Transferre poteritis; sed noluerunt, quia opus non erat, cum maiora fecerint. (Hom. xxxii. in Epist. I. ad Corinth. 6.) Quæret autem aliquis: Quomodo Christus dicit minimam partem esse fidei, quæ morum, vel montem potest transponere, cum Paulus dicat, hanc esse omnem fidem quæ montes transfert? Dicendum igitur est, quod Apostolus attribuit toti fidei montem transponere, non tantam tota fides solum hoc possit, sed quia hoc carnalibus magnum videbatur propter eminentiam corporis. BEA (cap. lxxviii. in Luc.) Vel fidem perfectam Dominus hic grano sinapis comparat, eo quod sit in facie humilis, & in pectore fervens. Mystice autem per morum, cuius colore sanguineo fructus, & virgulta rubent, Evangelium crucis exprimitur, quæ per fidem Apostolorum de gente Iudæorum, in qua velut in stirpe generis tenebatur, verbis prædicationis eradicata, & in mare Gentium plantata est. AMBROSIVS (Lib. VIII. de virtute fidei.) Vel hoc dicitur quando fides spiritum excludit immundum: nam fructus mori primo albet in flore, qui inde iam formatus erutilat, maturitate nigrescit. Diabolus quoque ex albeti angelicæ flore naturæ, & potestate rutilanti, prævaricationis deiectus, (2) tetro inhoruit odore peccati. CHRYSOSTOMUS c. Morum etiam diabolo aptabis: nam sicut mori frondibus vermes aluntur, sic diabolus per cogitationes exortas ab eo, alit

Na 2

nobis

(1) *Al. deest quod.* (2) *Al. tetro.*

EX EDITIONE P. NICOLAI.

a Cap. xiv. vel in antiquis codd. cap. xxi. super illud Job xxxi. *Per singulos gradus montis pronuntiabo.* b Næpæ ad illa verba ex cap. xxi. vers. 17. *Si habueris mentem fidem &c.* c In Catena Græcorum pp. Notat ex illa Corderius, nec ullum certum locum indicat, qui nec ullus occurrit; adeoque putari debet sumptum ex illius Commentario in hunc locum, qui nunc non exiat, ut & ibi Theophylactus habet.

nobis vermen perpetuum. Sed hanc morum potest fides ab animabus nostris evelere, & in abyssum demerger.

(d) THEOPHYLACTUS (hoc loco.) Quia fides proprium possessorem facit divinarum mandatorum observatorem, vivificis eum exornans operibus, exinde videbatur hominem incurere posse superbiae vitium: unde praeconavit Dominus Apostolos, ne superbiant in virtutibus suis, per exemplum conveniens, dicens: *Quis autem vestrum habens servum arantem, aut boves pascentem, qui regresso de agro dicat illi: Statim transi, & recumbe?* AUGUSTINUS de Quæst. Evang. (Lib. II. qu. xxxix.) Vel aliter. Hanc ergo fidem (1) præstantissimæ veritatis plerique non intelligentibus videri potest Dominus discipulis suis non ad id quod petierant respondisse. Difficile autem mihi apparet; nisi intelligamus ex fide in fidem, idest ex fide ista, qua ministratur Deo, in eam significasse transferri ubi fruuntur Deo. Augebitur enim fides cum primo verbis prædicantibus, deinde rebus apparentibus creditur; sed illa contemplatio summam quietem habet, quæ in æterno Dei regno retribuitur. Summa vero quies illa præmium est iustorum laborum, qui in Ecclesiæ administratione peraguntur: & ideo quamvis in agro aret servus, aut pascat, hoc est in vita sæculari vel terrena verset negotia, vel stultis hominibus tamquam pecoribus serviat, opus est ut post illos labores domum veniat; hoc est, Ecclesiæ societur. BEDA (cap. LXVIII. super *Qui regressus de agro*.) Vel servus de agro egreditur, cum intermisso ad tempus opere prædicandi, ad conscientiam (2) doctorem recurrit, sua secum acta, vel dicta retrahens; cui non statim Dominas dicit, *Transi, de hac vita mortali, recumbe*; idest in æterna sede beatæ vitæ refovere. AMBROSIVS (cap. de virtute fidei.) Intelligitur enim quia nullus recumbit nisi ante transierit. Denique & Moyses ante transivit, ut magnum vitium videret. Sicut ergo tu non solum (3) non dicis servo tuo, *Recumbe*, sed exigis ab eo aliud ministerium; ita nec in te patitur Dominus unius nsum esse operis, & laboris: quia dum vivimus debemus semper operari: unde sequitur: *Et non dicat ei: Para quod*

cenam, & præcinge te, & ministra mihi, donec manducem, & bibam? BEDA (cap. LXVIII. a med.) lubet parari quod cænet, hoc est post laborem apertæ locutionis humilitatem quoque considerationis propriæ exhibere: tali cæna Dominus pasci desiderat. Præcingi autem est mentem humilitatē ab omnibus fluctuantium cogitationum finibus, quibus operum gressus impeditur solet, contringere: nam qui vestimenta præcingit, hoc agit ne incedens involvatur ad lapsum. Ministrare vero Deo, est absque gratiæ eius auxilio nihil virium (4) habere profiteri. AUGUSTINUS de Quæst. Evang. (Lib. II. qu. xxxix.) Ministrantibus etiam, hoc est evangelizantibus servis suis, manducatur, & bibit Dominus confessionem, & fidem Gentium.

Sequitur: *Et post hac tu manducabis, & biberis.* BEDA (cap. LXVIII.) Quasi dicat: Postquam tuæ prædicationis opere delectatus, tuæque compunctionis epulis fuero resectus, tunc demum transies, & æternis mæ sapientiæ dapibus in æternum reficieris. CYRILLUS a. Docet autem Dominus quod ius potestatis dominicæ quasi debitam subiectionem requirit a famulis, cum subdit: *Numquid gratiam habet servo illi, quia fecit quæ sibi imperaverat? Non puto.* Per hoc morbus superbiæ tollitur. Quid superbis? Ignoras quod si non per solvis debitum, periculum imminet; si vero persolvas, nullam gratiam facis? secundum illud Pauli I. Corinth. xv. „Si evangelizavero, non est mihi gloria, necessitas enim mihi est: vae mihi si non evangelizavero.“ Considera ergo, quod qui apud nos dominantur, non reterunt gratias, cum aliqui subditorum statuta sibi prosequuntur obsequia; sed ex benevolentia sæpius suorum provocantes affectum, maiorem eis appetitum serviendi aggenerant. Sic & Deus petit quidem a nobis famulatum iure servitii; verum, quia clemens, & bonus est, honores laborantibus pollicetur; & supereminet sudoribus subiectionum benevolentia magnitudo. AMBROSIVS (Lib. & cap. ut supra.) Non ergo te iactes, si bene servisti, quod facere debuisti. Obsequetur sol, obtemperat luna, serviunt Angeli; & nos ergo non a nobis laudem exigamus. Unde concludens subdit:

(1) id. præstantissimæ. (2) id. doctorem. (3) id. amittitur non. (4) id. habenti.

* Ex Chrylologo notat Antverpiensis editio, Parisiensis autem anterior notabat ut hic: utra verus non occurrat, nec in Cat. Græc. Ph. a Cordieris indicatur.

dit: Sic & vos, cum omnia feceritis, dicite: Quia servi inutiles sumus: quod debuimus facere, fecimus. BEDA (cap. lxxviii. in Luc.) Servi quidem, quia pretio empti; inutiles, quia Dominus „ bonorum nostrorum non „ indiget: “ Psa. xv. vel „ quia non sunt „ condignæ passionis huius temporis ad futuram gloriam: “ Rom. viii. Hæc igitur est in hominibus fidei perfectio, si omnibus quæ sunt præcepta impletis, imperfectos esse se noverint.

(c) AMBROSIIUS (Lib. VIII. in Luc. cap. De virtute fidei, in fine illius.) Post prædictam parabolam reprehenduntur ingrati: dicitur enim: *Et factum est, dum iret Iesus in Hierusalem, transibat per mediam Samariam, & Galilaam.* TITUS. Ut ostendat quod Samaritani quidem benevoli, Iudæi vero prædictis beneficiis sunt ingrati: erat enim discordia inter Samaritanos & Iudæos: quam ipse quasi (1) pacificans inter utroque transit, ut utroque compingat (2) in unum nomen hominis. CYRILLUS a. Deinde suam gloriam Salvator manifestat, attrahens ad fidem Israel: unde sequitur: *Et cum ingrederetur quoddam castellum, occurrerunt ei decem viri leprosi, ab urbibus, & oppidis expulsi, & quasi immundi ritu legis Moïsicæ.* TITUS. Conversabantur autem ad invicem, quia fecerat eos unanimis communitas passionis, & præstolabantur transitum Iesu, solliciti donec advenirent Christum viderent: unde sequitur: *Qui steterunt a longe:* eo quod lex Iudæorum lepram immundam iudicat; lex autem evangelica non externam, sed internam asserit esse immundam. THEOPHYLACTUS. A longe ergo stabant quasi verecundantes de immundicia quæ eis imputabatur: putabant enim quod Christus eos fastidiret ad modum aliorum. Sic ergo (3) aliterunt loco, sed facti sunt proximi deprecando: „ prope enim „ est Dominus omnibus invocantibus eum „ in veritate: “ Psa. cxlv. unde sequitur: *Et levaverunt vocem, dicentes: Iesu præceptor misereere nostri.* TITUS. Dicunt nomen Iesu, & sacrificiunt rem: nam Iesus interpretatur Salvator: dicunt, *Misereere nobis*, propter experientiam virtutis eius; neque argentum petentes, neque aurum, sed ut aspectum corporis sui obtineant. THEO-

PHYLACTUS (super Iesu misereere nostri). Nec simpliciter obsecrant eum, nec rogant eum ut mortalem: vocant enim eum præceptorem, idest Dominum, quo pene videtur hanc opinari Deum. At ipse iubet illis ut ostenderent se sacerdotibus: unde sequitur: *Quos ut vidit, dixit: Ite, ostendite vos sacerdotibus:* ipsi enim experiebantur si mundati forent a lepra, vel non. CYRILLUS b. Lex etiam mundatos a lepra iubeat offerre sacrificium causa purgationis. THEOPHYLACTUS. Iubere ergo eis ut irent ad sacerdotes, nihil aliud innuebat nisi quod debebant curari: unde sequitur: *Et factum est, dum irens, mundati sunt.* CYRILLUS c. In quo Iudæorum pontifices æmulæ gloriæ eius cognoscere poterant quod inopinate, & mirifice sanati sunt, concedente Christo eis salutem. THEOPHYLACTUS (super *Vnus ex illis reversus est.*) Cum autem decem essent, novem, qui Israelitæ erant, ingrati fuerunt; sed alienigena Samaritanus reversus, voces emittebat benignas: unde sequitur: *Vnus autem ex illis ut vidit quia mundatus est, regressus est cum magna voce magnificans Deum.* TITUS. Dedit autem ei appropinquandi fiduciam suscepta purgatio: unde sequitur: *Et cecidit in faciem suam ante pedes eius, gratias agens, ex procubitu, & supplicatione fidem suam simul cum benevolentia pandens.*

Sequitur: *Et hic erat Samaritanus.* THEOPHYLACTUS. Hinc poterit quisque conicere quod nihil impedit quemquam placere Deo, etsi de genere profano processerit, dummodo bonum gerat propositum. Nullus etiam natus ex sanctis superbiat: novem enim qui Israelitæ erant, ingrati fuerunt: unde sequitur: *Respondens autem Iesus dixit: Nonne decem mundati sunt? Et novem ubi sunt? Non est inventus qui rediit, & daret gloriam Deo, nisi hic alienigena.* TITUS. Per hoc ostenditur quod prompiores ad fidem erant alienigenæ: lentus enim erat ad fidem Israel: unde subditur: *Et ait illi: Surge, vade, quia fides tua te salvum fecit.* AUGUSTINUS de Quæst. Evang. (Lib. II. quæst. xl.) Mysice autem leprosi intelligi possunt qui scientiam veræ fidei non habentes, varias doctrinas profectur erroris: non enim abscondunt impericiam suam, sed pro

(1) Id. pacificatus in utroque transit. (2) Melius forte habet P. Nicolai in unum novum hominem. (3) Idem corrigis procul steterant.

EX EDITIONE P. NICOLAI.

a In Cat. Græc. PP. b In eadem Catena. c Ibid.

pro summa peritia proferunt in lucem, & instantiam sermonis ostendunt. Coloris quippe vitium lepra est: vera ergo falsis inordinate permixta in una disputatione, vel narratione hominis, tamquam in unius corporis colore apparentia, significant lepram, tamquam veris, falsisque colorum (1) fucis humana corpora variantem, atque maculantem. Hi autem tam vitandi sunt Ecclesiae ut, liberi potest, longius remoti magno clamore Christum interpellent. Quod autem præceptorem eum invocaverunt, satis puto (2) significari vere lepram falsam esse doctrinam, quam bonus præceptor (3) absterget. Nullum autem eorum quibushæc corporalia beneficia Dominus præstitit, invenitur missile ad sacerdotem nisi leprosum. Sacerdotium enim Iudæorum figura fuit sacerdotii quod est in Ecclesia. Cetera autem vitia per seipsum interius in conscientia Dominus sanat, & corrigit; doctrina vero vel imbuendi per sacramenta, vel catechizandi (4) per sermonem potestas Ecclesiae tributa est. Qui dum irent, mundati sunt: quia Gentiles, ad quos venerat Petrus, nondum accepto baptismatis sacramento, per quod spiritualiter ad sacerdotes pervenitur, infusione Spiritus sancti (5) mundati declarantur. Quisquis ergo in Ecclesiae societate doctrinam integram, veramque assequitur, eo quod manifestetur, varietate mendaciorum tamquam lepra caruisse, (6) & tamen ingratus Deo mandatori suo gratiarum agendarum pia humilitate non prostermitur, similis est illis de quibus dicit Apostolus Rom. 1. quod „cum Deum cognovissent, non ut Deum magnificaverant, aut gratias egerunt.“ Ideo tales in novenario numero tamquam imperfecti remanebunt: novem enim indigent uno ut quadam unitatis forma coagulentur, ut decem sint. Ille autem qui gratias egit, unitæ Ecclesie significatione approbatus est. Et quia illi erant Iudæi, amississe per superbiam declarati sunt regnum cælorum, ubi maxime unitas custoditur. Ille vero, qui erat Samaritanus, quod interpretatur cussos, illi a quo accepit tribuens quod accepit, secundum illud Psal. lvi. „Fortitudo dinem meam ad te custodiam, unitatem

regni humill devotione servavit. B. D. A. (cap. lxx. in Luc.) Cecidit autem in faciem, quia ex malis quæ se perpetrassè meminuit, erubescit: qui surgere, & ire præcipitur: quia qui infirmitatem suam cognoscens humiliter iacet, per divini verbicon-solationem ad fortia opera proficere iubetur. Si autem fides saluum fecit eum qui se ad agendas gratias inclinavit, ergo perfidia perdit eos qui de acceptis beneficiis Deo dare gloriam neglexerunt: quapropter fidem per humilitatem augeri debere, sicut in parabola superiori decernitur, ita hic ipse rebus ostenditur.

(f) CYRILLUS A. Cum Salvator in sermonibus quos ad alios dirigebat, frequenter regnum Dei meminisset, ob hoc pharisei eum deridebant: unde dicitur: *Interrogatus autem a pharisæis, Quando veniet regnum Dei? quasi irrisorie dicerent: Antequam veniat de quo loqueris, mors crucis te occupabit. Dominus autem patientiam ostendens, increpat non increpat; sed potius malos existentes suo non indignatur responso: sequitur enim: Respondit eis, & dixit: Non veniet regnum Dei cum observatione; quasi dicat: Non queratis de temporibus quibus iterum instabit tempus regni cælorum. B. D. A. (cap. lxx. in Luc.) Illud enim tempus neque ab hominibus, neque ab Angelis potest observari, sicut tempus incarnationis Prophetarum vaticiniis, & Angelorum est manifestatum præconiis: unde subdit: *Neque dicent, Ecce hic, aut Ecce illic. Vel aliter. Interrogant de tempore regni Dei, quia, sicut infra dicitur, existimabant quod veniente Hierosolymam Domino, confestim regnum Dei manifestaretur: unde Dominus respondet, quod regnum Dei non veniet cum observatione. CYRILLUS B. Solum autem ad utilitatem cuiuslibet hominis esse fateatur illud quod subditur: *Ecce enim regnum Dei intra vos est; id est, in vestris affectibus, & in potestate vestra id capere: potest enim quilibet homo iustificatus per fidem Christi, & virtutibus ornatus regnum obtinere cælorum. GREGORIUS Nazianzenus c. Vel foris autem nobis insinuat dicit inditam animabus nostris lætiam per Spiritum sanctum; ea enim est velut ima-***

go,

(1) *M. locus.* (2) *M. amittitur significari.* (3) *M. absterget.* (4) *Nicolas legit per sermonem sonantem.* (5) *M. deus mundati.* (6) *M. hic tamen.*

EX EDITIONE P. NICOLAI.

a In Catena Græcorum PP. b Ubi supra. c Lib. de proposito secundum Deum, sive de scopo Christiani.

go. & arrha perennis lætitiæ, qua in futuro sæculo sanctorum animæ gaudent. BEDA. Vel regnum Dei seipsum dicit intra illos positum, hoc est in cordibus eorum per fidem regnantem.

(g) CYRILLUS a. Quia Dominus dixerat: *Regnum Dei intra vos est*: voluit discipulos esse paratos ad patientiam, ut effecti strenui intrare valeant regnum Dei. Prædicit ergo eis, quod antequam de cælo veniat, in hoc sæculi persecutio irruet super eos: unde dicitur: *Et ait ad discipulos sui: Veniant dies quando desideretis videre unum diem Filii hominis, & non videbitis*: significans quod tanta erit persecutio, quod unum diem eius videre cupiant, illius scilicet temporis quo adhuc conversabantur cum Christo. Sane Iudæi Christum multis angustiauerunt improperiis, & iniuriis; sed in comparatione malorum maiorum, minora eligenda videntur. THEOPHYLACTUS (super *Veniant dies*). Tunc enim absque sollicitudine vivebant, Christo eos procurante, & protegente; sed futurum erat quando Christo absente traderentur periculis, ad Reges, & Principes ducti; & tunc tempus primum cuperent quæstranquillum. BEDA (cap. lxx. in Luc.) Vel diem Christi dicit (1) regnum Dei, quod speramus futurum; & bene dicit unum diem, quia in illa beatitudinis gloria tenebrarum interruptio nulla est. Bonum ergo est diem Christi desiderare. Nec tamen magnitudine desiderii nobis somnia fingere debemus, quasi in illis dies Domini: unde sequitur: *Et dicunt vobis: Ecce hic, ecce illic: nolite ire, neque sequimini*. EUSEBIUS b. Quasi dicat: Si adveniente Antichristo, fama de eo volet quasi apparuerit Christus, non egrediamini, neque sequamini: nam impossibile est eum qui semel in terra visus est, iterum in angulis terræ conversari. Erat igitur hic de quo dicitur, non verus Christus: manifestum enim signum secundi adventus Salvatoris nostri hoc est quod subito totum orbem claritas eius adventus replebit: unde sequitur: *Nam sicut fulgur coruscans de sub cælo, in ea qua sub cælo sumi fulget; ita erit Filius hominis in die sua*. Non enim apparebit super terram ambulans, sicut quidam homo communis, sed universaliter irradiabit, ostendens cunctis

iubar propriæ deitatis. BEDA. Et pulchre ait, *Coruscans de sub cælo*: quia iudicium sub cælo, hoc est in aeris medio, geretur, secundum illud Apostoli I. Thess. iv. „ Simul „ rapiemur cum illis in nubibus obviam „ Christo in æra. “ Si autem Dominus in iudicio sicut fulgur apparebit, nullus tunc in sua mente latere permittitur: quia ipso iudicis fulgore penetratur. Potest autem hæc Domini responsio & de illo eius adventu quo quotidie venit in Ecclesiam accipi. In tantum enim sæpe hæretici turbaverunt Ecclesiam, dicendo in suo dogmate fidem Christi manere, ut fideles illorum temporum desiderarent Dominum, vel uno die, (2) si fieri posset, redire ad terras, (3) ut per seipsum quomodo se habeat fidei veritas, intimaret. *Et non videbitis*, inquit: quia non est opus corporali visione Dominum redire: quia semel per universum mundum Evangelii vigorem exhibuit. CYRILLUS c. Opinabantur autem discipuli quod vadens Hierosolymam statim ostenderet regnum Dei. Hanc igitur opinionem refecans, notum facit eis quod primo decebat eum salubrem passionem sustinere, deinde ad Patrem ascendere, & desuper fulgere, ut orbem terrarum in iustitia iudicet: unde subdit: *Primum autem oportet illum multa pati, & reprobari a generationibus hæc*. BEDA. Generationem non tantum Iudæorum, verum etiam omnium reproborum appellat: a quibus etiam nunc Filius hominis in corpore suo, hoc est in Ecclesia, multa patitur, & reprobat. Inferit autem de sua passione, loquens de gloria sui adventus, ad dolorem suæ passionis, spe promissæ clarificationis mitigarent, simulque seipos pararent, si gloriam regni diligerent, mortis non horrere periculum.

(h) BEDA (cap. lxx. super *Sicut in diebus Noe*). Adventum Domini quem fulguri cito transvolanti comparaverat, nunc comparat diebus Noe, & Lot, quando repentinus mortalibus supervenit interitus: unde dicitur: *Et sicut factum est in diebus Noe, ita erit in die Filii hominis*. CHRYSOSTOMUS d (hom. lxxviii. in Matth.). Quia enim tunc non crederetur comminatorii verbis, passi sunt repente reale (4) iudicium. Eorum autem incredulitas ex anima lenta procedebat:

(1) *Al.* regnum eius. (2) *Al.* omittitur si. (3) *Al.* ut seipsum. (4) *T. Niclaus* habet supplicium.

EX EDITIONE P. NICOLAI.

Ubi supra. b Cum Theophane in Cat. Græc. PP. c In Cat. Græc. PP. d Hom. 7. in L. ad Thess. e Hom. 22. in Epist. ad Coloss. non hom. lxxviii. in Matth. ut prius notabatur.

bat: nam quæcumque vult aliquis, & intendit, ea etiam expectat: unde sequitur: *Edabant, & bibebant, uxores ducebant, & dabantur ad nuptias usque in diem qua intravit Noe in arcam; & venit diluvium, & perdidit omnes.* AMBROSIIUS (Lib. VIII. in Luc. cap. de eo quod in hora adventus Domini &c.). Bene causam diluvii de nostris asserit processisse peccatis: quia Deus malum non creavit, sed nostra sibi merita reperierunt: non quia coniugia damnentur, neque enim alimenta damnantur, cum in istis successione, in illis naturæ subsidia sint: sed in omnibus modus quæritur: quicquid enim abundantius est, a malo est. BEDA (cap. lxx. in Luc.) Mystice autem Noe arcam ædificat, cum Dominus Ecclesiam de Christi fidelibus quasi lignis lævigatis adunando construit: quam perfecte consummatam ingreditur, cum hanc in die iudicii præsentia suæ visionis æternus habitator illustrat. Sed cum arca (1) ædificatur, iniique luxuriantur, cum vero intratur, intereunt: quia qui sanctis hic certantibus insulant, eis illic coronatis æterna damnatione præcedunt. EUSEBIUS s. Quia verulus est Dominus exemplo diluvii, ne putaret aliquis futurum diluvium ex aqua, utitur secundo exemplo Lot, docens modum perditionis impiorum, quod igne dimisso cæli, rursus superveniet impiis ira Dei: unde subditur: *Similiter sicut factum est in diebus Lot: edebant, & bibebant, omnebant, & vendebant, plantabant, & ædificabant.* BEDA (super Sicut in diebus Lot.) Prætermissio illo infando Sodomorum scelere, sola ea quæ levita, vel nulla putari poterant delicta commemorat: ut intelligas illicita quali pœna feriantur, si licita immoderatis acta igne, & sulphure puniuntur: sequitur enim: *Qua die autem exiit Lot a Sodomā, pluit ignem, & sulphur de celo, & omnes perdidit.* EUSEBIUS s. Non prius dixit ignem cælestis decurrisse super impios Sodomorum, quam Lot exisset ab eis; sicut & diluvium non prius terræ incolas perdidit quam Noe arcam intraisset: quia quamdiu Noe, vel Lot conversabantur cum impiis, Deus non irrogabat iram, ne una cum peccatoribus deperirent; volens autem eos perdere, subtrahit iustum. Sic & in consummatione sæculi non prius erit finis quam omnes iusti sint

semoti ab impiis: unde sequitur: *Secundum hoc erit qua die Filius hominis revelabitur.* BEDA (ubi supra.) Quia qui interim non apertens omnia videt, tunc apparens omnia iudicabit, apparebit autem iudicaturus eo maxime tempore quo cunctos iudiciorum eius oblitos, huic sæculo conspexerit esse mancipatos. THEOPHYLACTUS. Postquam enim venerit Antichristus, homines fient lascivi, dediti enormibus vitiis, fecundum illud Apostoli II. Tim. 311. „ Volu. „ pratum amatores magis quam Dei. „ Si enim Antichristus est cuiuslibet peccati habitaculum, quid aliud inferet misero tunc temporis hominum generi nisi sua? Et hoc Dominus innuit per exempla diluvii, & Sodomitarum. BEDA (cap. lxx ante medium.) Mystice autem Lot, qui interpretatur declinans, est populus electorum, qui dum in Sodomis, id est inter reprobos, non advena, moratur, quantum valet, eorum scelera declinat. Exeunte autem Lot, Sodomā perit: quia „ in consummatione sæculi culi exibunt Angeli, & separabunt malos de medio iustorum, & mittent eos „ in caminum ignis: „ Matth. xxv. Ignis tamen, & sulphur, quæ de cælo pluisse commemorat, non ipsam perennis supplicii flammam, sed subitaneum dei illius significat adventum.

(1) AMBROSIIUS. Quia propter improbos necesse est ut probi in hoc sæculo contritionem cordis, animique patiantur, quo uberius mercedem accipiant in futurum, quibusdam remediis instruantur cum dicitur: *In illa hora qui fuerit in testō, & vasa eius in domo, non descendant tollere illa;* hoc est, si quis superiora iam domus suæ, eminentiumque virtutum culmen ascendit, ad terrena mundi huius opera non accedat. AUGUSTINUS de Quæst. Evang. (Lib. II. qu. xli. & xlii.) In testō enim est qui excedens carnalia tamquam in aëra libera spiritaliter vivit: vasa enim in domo sunt sensus carnales, quibus ad investigandum veritatem quæ intellectu capitur, multiutentes penitus erraverunt. Caveat ergo spiritalis homo ne in die tribulationis rursus vita carnali, quæ per sensus corporis patitur, delectatus ad vasa huius mundi rollenda descendat. Sequitur: *Et qui in agro similiter non redeat retro;* id est, qui opera-

(1) A. ædificavit.

tur in Ecclesia, sicut Paulus plantans, & sicut Apollo rigans, non respiciat spem lacularem, cui renuntiavit. THEOPHYLACTUS. Hæc autem omnia Matthæus pro captione Hierosolymorum a Domino dicta fatetur, ut, supervenientibus Romanis, nec domi consilientes descendere deberent pro quocumque necessario, sed protinus arripere fugam, nec in agro manentes redire domum. Et nimirum in captione Hierosolymorum constat hæc evenisse, & iterum fore ventura in Antichristi adventu; magis autem in ipso tempore consummationis, cum & tunc intolerabilis sit futura calamitas. EUSEBIUS *a*. Invitit ergo per hoc futuram esse persecutionem a filio perditionis in Christi fideles. Diem igitur illam vocat tempus præcedens finem mundi; in quo qui fugit, non revertatur, & amittens bona non curet, nec imitetur coniugem Lot, quæ post fugam in exitu de civitate Sodorum revelata mortua est, & columna salis effusa: unde sequitur: *Memores estote uxoris Lot*. AMBROSIIUS (Lib. VIII. in Luc. cap. de duobus in uno lecto.) Quæ ideo quia retrospexit, perdidit naturæ lux mutans: retro enim satanas, retro enim Sodoma. Quapropter fuge intemperantiam, declinatio luxuriam: recordare quia ille qui se veteribus studiis non reflexit, ideo evasit quia pervenit ad montem; illa, quoniam ad posteriora respexit, nec mariti adiuta suffragio, ad montem pervenire potuit, sed remansit. AUGUSTINUS de Quæst. Evang. (Lib. II. qu. xlii.) Significat igitur uxor Lot eos qui in tribulatione retrospiciunt, et se a spe diviniæ promissionis averunt; & ideo statua salis facta est ut admonendo homines ne hoc faciant, tamquam condit cor eorum, ne sint fatui. THEOPHYLACTUS. Consequenter subiungit subsequenter præmissorum, dicens: *Quicumque quaesierit salvare animam, perdet illam*; quasi dicat: Non querat aliquis in persecutionibus Antichristi curare propriam animam, nam perdet eam; quisquis autem cædibus: & periculis se dederit, salvus erit: unde sequitur: *Et quicumque perdidit illam, vivificabit eam*; nequaquam se ryanno subiiciens propter vitæ amorem. CYRILLUS *b*. Quomodo etiam aliquis perdat propriam animam, ut salvam eam faciat, manifestat Paulus. *1. Tb. Oper. Tom. V.*

(1) *M. peccatoribus.*

lus dicens Galat. v. de quibusdam: „Qui „ carnem suam crucifixerunt cum vitis, &c. „ concupiscentiis, „ labore scilicet, & pietate aggressentes agones.

(k) BEDA. Dixerat supra Dominus, cum qui in agro sit, retro redire non debere; quod ne de his tantum qui aperte de agro reditari, hoc est palam Dominum negaturi sunt, dictum putares, pergit ostendere nonnullos esse qui cum faciem habere in anteriora videantur, animo tamen retro respiciunt: unde dicitur: *Dico autem vobis: in illa nocte erunt duo in lecto uno: unus assumetur, & alter relinquetur*. AMBROSIIUS (Lib. & cap. ubi supra.) Bene noctem dicit, quia Antichristus hora tenebrarum est, eo quod (1) peccatoribus hominum tenebras Antichristus insondat, cum dicat se esse Christum; Christus autem sicut fulgur coruscans fulget, ut in illa nocte resurrectionis gloriam videre possimus. AUGUSTINUS de Quæst. Evang. (Lib. II. qu. xlii.) Vel in illa nocte dicit, hoc est in illa tribulatione. THEOPHYLACTUS. Vel inopinatum docet esse Christi adventum, quem futurum esse noctu docemus. Cum autem dixisset, divites vix salvari, ostendit quod nec omnes divites pereunt, nec omnes pauperes salvantur. CYRILLUS *c*. Perduos enim exilientes in uno lecto, videtur designare divites quiescentes in mundanis deliciis: lectus namque signum quietis est. Non autem quicumque divitiis alibi sunt inopi, sed aliquis est probus, & in fide electus: hic igitur assumetur, alter vero, qui talis non existit, dimittetur. Descendens enim Dominus ad iudicium, mittet Angelos suos, qui ceteris in terra derelictis poenam passuris, sanctos & iustos ei adducent, secundum illud Apostoli I. Thess. iv. „ Rapiemur in nubibus obviam Christo in „ æra. „ AMBROSIIUS (ubi supra.) Vel ex uno strato infirmitatis humanæ unus relinquitur, idest improbat, alter vero assumitur, idest rapitur obviam Christo in æra.

Sequitur: *Duo erunt molentes in uno: unus assumetur, & alter relinquetur*. CYRILLUS *d*. Per molentes innuere videtur pauperes, & pressos laboribus; ad quod etiam pertinet quod subditur: *Duo in agro: unus assumetur, & alter relinquetur*; in his enim

Q q non

EX EDITIONE P. NICOLAI.

a In Cat. Grec. PP. & ibidem. *c* Ubi supra. *d* Ibid.

Evang. (Lib. II. cap. lxxviii.) Hæc autem | do, ut prius commemoraret quæ post a Do-
quæ Lucas hic ponit (non in eo sermone in | mino dicta sunt a vel bis a Domino dicta sa-
quo Matthæus) vel recordatus præoccupan- | cit intelligi.

C A P U T XVIII.

(a) **D** Icebat autem & parabolam ad illos, quoniam oportet semper orare, & non deficere, dicens: Iudex quidam erat in quadam civitate qui Deum non timebat, & hominem non reverebatur. Vidua autem quædam erat in civitate illa, & veniebat ad eum dicens: Vindica me de adversario meo. Et nolebat per multum tempus. Post hæc autem dixit intra se: Et si Deum non timeo, nec hominem revereor, tamen quia molesta est mihi hæc vidua, vindicabo illam, ne in novissimo veniens suppellet me. At autem Dominus: Audite quia iudex iniquitatis dicit. Deus autem non faciet vindictam electorum suorum clamantium ad se die ac nocte; & patientiam habebit in illis. Dico autem vobis, quia cito faciet vindictam illorum. Verumtamen Filius hominis veniens putas inveniet fidem in terra?

(b) Dixit autem & ad quosdam qui in se confiscebant, tamquam iusti, & aspernabantur ceteros, parabolam istam, dicens: Duo homines ascenderunt in templum ut orarent, unus phariseus, & alter publicanus. Phariseus stans, hæc apud se orabat: Deus, gratias ago tibi, quia non sum sicut ceteri hominum, raptores, iniusti, adulteri, velut etiam hic publicanus. Ieiuno bis in sabbato, decimas de omnium quæ possideo. Et publicanus a longe stans, nolebat nec oculos ad cælum levare; sed percutiebat pectus suum, dicens: Deus, propitius esto mihi peccatori. Amen dico vobis, descendit hic iustificatus in domum suam ab illo: quia omni qui se exultat, humiliabitur; & qui se humiliat, exaltabitur.

(c) Afferebant autem ad illum infantes, ut eos tangeret: quod cum viderent discipuli, increpabant illos. Iesus autem convocans illos dixit: Sinite parvulos venire ad me, & nolite vetare eos: talium est enim regnum Dei. Amen dico vobis, quicumque non acceperit regnum Dei sicut puer, non intrabit in illud.

(d) Et interrogavit eum quidam princeps, dicens: Magister bone, quid faciendo vitam æternam possidebo? Dixit autem ei Iesus: Quid me dicis bonum? Nemo bonus nisi solus Deus. Mandata nostri: Non occides, non mœchaberis, non furtum facies, non falsum testimonium dices; honora patrem tuum, & matrem tuam. Qui ait: Hæc omnia custodivi a iuventute mea. Quo audito Iesus ait ei: Adhuc unum tibi deest. Omnia quæcumque habes vende, & da pauperibus; & habebis thesaurum in cælo; & veni, sequere me. His ille auditis contristatus est, quia dives erat valde.

(e) Videns autem Iesus illum tristem factum, dixit: Quam difficile qui pecunias habent in regnum Dei intrant! Facilius est enim camelum per foramen acus transire, quam divitem intrare in regnum Dei. Et dixerunt qui audiebant: Et quis potest salvus fieri? Ait illis: Quæ impossibilia sunt apud homines, possibilia sunt apud Deum. Ait autem Petrus: Ecce nos dimisimus omnia, & secuti sumus te. Qui dixit eis: Amen dico vobis, nemo est qui reliquerit domum, aut parentes, aut fratres, aut uxorem, aut filios, aut agros propter regnum Dei, & non recipiat multo plura in hoc tempore, & in sæculo futuro vitam æternam.

(f) Assumpsit autem Iesus duodecim, & ait illis: Ecce ascendimus Hierosolymam, & consummabuntur omnia quæ scripta sunt per Prophetas de Filio homi-

nis. Tradetur enim Gentibus, & illudetur, & flagellabitur, & conipuetur; & postquam flagellaverint occident eum; & die tertia reforgit. Et ipsi nihil horum intellexerunt; & erat verbum illud absconditum ab eis, & non intelligebant quæ dicebantur.

(g) Factum est autem, cum appropinquaret Hierico, cæcus quidam sedebat secus viam, mendicans; & cum audiret turbam prætereuntem, interrogabat quid hoc esset. Dixerunt autem ei, quod Iesus Nazareus transiret. Et clamavit dicens: Iesu fili David, miserere mei. Et qui præibant increpabant eum ut taceret; ipse vero multo magis clamabat: Fili David, miserere mei. Stans autem Iesus, iussit illum adduci ad se. Et cum appropinquasset, interrogavit illum, dicens: Quid tibi vis faciam? Et ille dixit: Domine, ut videam. Et Iesus dixit ei: Respice: fides tua te salvum fecit. Et confestim vidit, & sequebatur illum, magnificans Deum; & omnis plebs ut vidit, dedit laudem Deo.

(a) **T**HEOPHYLACTUS (in princ.

Comment.) Postquam ærumoarum, & periculorum Dominus meminit, subdit horum remedium, quod est oratio iugis, & præmeditata: unde dicit: *Dicebat autem & parabolam ad illos, quoniam oportet semper orare, & non deficere.* CHRYSOSTOMUS. Qui te redemit, quid te facere voluit demonstravit. Non vult te cessare a precibus; vult te beneficia meditari dum petis; vult te rogando accipere quod benignitas desiderat impertiri. Nec umquam oranti beneficia denegat qui ut orantes non deficiant, sua pietate inligat. Hortamenta Domini libenter admitte: quod præcepit, velle debes; nolle, si ipse Dominus prohiberet. Denique considera quanta est tibi concessa felicitas, orationibus fabulari cum Deo, quod desideras postulare; qui & si verbisilet, tamen beneficiis respondet: non aspernatur quod petis, non tædet, nisi forte tacueris. BENA (cap. lxxi. in Luc.) Dicendum est autem, eum semper orare, & non deficere qui canonicis horis rogare non desistit; aut omnia quæ iustus secundum Deum gerit, & dicit, ad orationem sunt reputanda. AUGUSTINUS de Quæst. Evang. (Lib. II. qu. xlv.) Parabolas autem Dominus aut secundum similitudinem ponit, sicut de feneratori, qui cum duobus debitoribus donasset quod debebant, ab eo plus dilectus est cui plus donavit; aut de ipsa similitudine aliquid probat, veluti est illud, quod „ si „ fenum agri, quod hodie est, & cras in cli- „ banum mittitur, Deus sic vestit, quanto „ magis vos, modicæ fidei? „ Matth. vi. Hic ergo iniquus iudex non ex similitudine, sed ex dissimilitudine adhibitus est, de quo subditur: *Iudex quidam erat in quadam civitate qui Deum non timebat, & hominem non*

reverebatur. THEOPHYLACTUS (super *Qui Deum non timebat, nec hominem reverebatur.*) Vide, quod impudentem erga homines esse, gravius est mali indicium: Deum enim quam plures non timeant, attamen humano cohibentur pudore, & ideo minus peccant; cum vero sit aliquis impudens etiam quo ad homines, tunc excrevit cumulus vitiorum.

Sequitur: *Vidua autem quidam erat in illa civitate.* AUGUSTINUS (de Qu. Evang. Lib. II. qu. xlv.) Illa vidua potest habere similitudinem Ecclesie, quæ desolata videtur donec veniat Dominus, qui nunc in secreto curam eius gerit. Sed quia sequitur: *Et timebat ad eum dicens: Vindica me de adversario meo.* Et nolebat per multum tempus: hic monet (x) cur electi Dei se vindicare deprecantur, quod etiam in Apocalypsi Ioannis de martyribus dicitur; cum apertissime moneamur ut pro nostris inimicis, & persecutoribus oremus. Intelligendum est autem eam vindictam esse iustorum ut omnes mali pereant. Pereunt autem duobus modis, aut conversione ad iustitiam, aut amissa per supplicium potestate. Itaque si omnes homines converterentur ad Deum, diabolus tamen remaneret in sæculi sine damnandus; quem finem cum iusti videre desiderant, non absurde vindictam desiderare dicuntur. CYRILLUS. Vel aliter. Quoties nobis ab aliquibus irrogantur offensæ, tunc gloriosam esse putabimus oblivioem malorum; quoties vero aliquid (2) ad ipsam Dei gloriam peccant, contra dogmatibus divinis ministros bellantes, tuos Deum adimus postulantes subsidium, & exclamantes contra impugnantes gloriam eius. AUGUSTINUS de Quæst. Evang. (Lib. II. qu. xlv.) Apud iniquissimum ergo iudicem ut

que

(1) Ad. eorum electi Dei. (2) Nicolai sustinuit contra.

que ad effectum implendi desiderii valuit trahere perseverantia deprecantis: unde sequitur: *Post hac autem dixit intra se: Etsi Deum non timeo, neque hominem reveror, tamen quia molesta est mihi hac vidua, vindicabo illam, ne in novissimo veniens fugillet me.* Multo igitur certiores esse debent qui Deum perseveranter rogant, fontem iustitiæ, atque misericordiæ: unde sequitur: *At autem Dominus: Audite quid index iniquitatis dicat. Deus autem non faciet vindictam electorum suorum clamantium ad se dñe ac nolite, & patientiam habebit in illis.* THEOPHYLACTUS (super Quia molesta est mihi hac.) Quasi dicat: Si iudicem imbutum quolibet scelere demulsi assiduitas, quanto magis patrem misericordiæ Deum flectemus ad pietatem orando? Unde sequitur: *Dicit autem nobis, quia cito faciet vindictam illam.* Tentaverunt autem quidam subtilius hanc indagare parabolam: dicunt enim viduam esse quamlibet animam quæ pristinum virum, scilicet diabolum, excludit, ob hoc ei advertantem quod accedit ad Deum iustitiæ iudicem: qui neque Deum timet, nam ipse solus est Deus; sed nec veretur hominem, non est enim apud Deum per sonarum acceptio. Huius igitur viduæ, id est animæ supplicantis, iugiter sibi contra diabolum miseretur Deus, demulcente eum instantia eius. Postquam autem Dominus docuit quod utendum sit in tempore consummationis oratione pro tunc futuris periculis. subdit: *Verumtamen Filius hominis veniens putas inveniet silem in terra?* AUGUSTINUS de Ver. Dom. (serm. xxxvi.) Dicit autem hoc Dominus de fide quæ perfecta est: ipsa enim vix invenitur in terra. Ecce plena est Ecclesia Dei: quis huc accederet, si nulla esset fides; quis non montes transferret, si plena esset fides? BEDA (cap. lxxi. in Luc.) Cum autem omnipotens conditor in forma. Filii hominis apparuerit, tanta erit raritas electorum ut non tam ob clamorem fidelium, quam torporem (1) aliorum, totius mundi sit acerbiora ruina. Quod autem Dominus hic quasi dubitative dicit, non dubitat, sed arguit: nam & nos aliquando de rebus quas certas habemus, increpative verbum dubitationis promimus; ut si dicatur servo: *Considera, torcular domini tuus sum.*

AUGUSTINUS de Verbis Dom. (serm. xxxvi.) Hoc autem Dominus adiecit, ut ostendat quod si fides deficit, oratio perit. Ergo ut oremus credamus, & ut ipsa fides non deficiat oremus. Fides fundit orationem, fusa oratio fidei impetrat firmitatem.

(b) AUGUSTINUS de Verbis Dom. (serm. xxxvi.) Quia fides non est superbiorum, sed humilium, præmissis subiecit parabolam de humilitate, & contra superbiam: unde dicitur: *Dixit autem & ad quosdam qui in se confidebant tanquam iusti, & aspernabantur ceteros: parabolam istam.* THEOPHYLACTUS (super Et aspernabantur ceteros.) Quia enim superbia plus quam alia passionis vexat hominum mentes, ideocrebrius de hac monet. Est autem superbia Dei contemptus: quoties enim aliquis non Deo, sed sibi ascribit bona quæ facit, quid est aliud quam Dei negatio? Causa igitur confidentium in seipsis, non autem totum tribuentium Deo, sed ob hoc etiam ceteros contemptentium, parabolam proponit, ostendens quod iustitia quamvis hominem approximet Deo, si tamen assumat superbiam, ad infimum (2) deficit hominem: unde sequitur: *Duo homines ascenderunt in templum ut orarent, unus phariseus, & alter publicanus.* GRÆCUS a. Diligentiam iisdem orationis docuit nos per viduam, & iudicem; hic autem per phariseum, & publicanum docet nos quomodo sint ei dirigenda precamina, ne sit infructuosum orationis negotium. Condemnatus est autem phariseus, cum incaute oraret: nam sequitur: *Phariseus autem stans, hac apud se orabat.* THEOPHYLACTUS (hoc loco.) Per hoc quod dicit, *Stans*, elatum eius animum notat: ipso enim habitu superbissimus videbatur. BASILIUS b. Dicit autem, *Apud se orabat*: quasi non apud Deum, quia ad seipsum redibat per peccatum superbiæ: sequitur enim: *Deus, gratias ago tibi.* AUGUSTINUS de Verbis Domini (serm. xxxvi.) Non reprehenditur, quia Deo gratias agebat, sed quia nihil sibi addi cupiebat. Ergo iam plenus es, iam abundas: non est quare dicas: „Dimitte nobis, debita nostra:“ *Marth. vi.* Quis est igitur qui impune oppugnat gratiam, si reprehenditur qui superbe agit gratias? Audiant qui

(1) *Al.* altiorum, (2) *Al.* deiecit.

qui dicunt: Deus me hominem fecit; ego me iustum facio. O peior, & detestabilior pharisæo, qui superbe iustum se dicebat, sed tamen inde gratias Deo agebat. THEOPHYLACTUS. Attende autem seriem orationis pharisæi. Primo namque dixit quæ ei aberant, deinde subiungit quæ habebat: sequitur enim: *Quia non sum sicut ceteri hominum, raptores, iniusti, adulteri*. AUGUSTINUS de Verb. Dom. (serm. xxxvi.). Diceret saltem, Sicut multi homines. Quid est ceteri homines, nisi omnes præter ipsum? Ego, inquit, iustus sum, ceteri peccatores. GREGORIUS XXIII. Moral. (cap. vii. in novis exemp. iv.) Quatuor quippe sunt species quibus omnis tumor arrogantium demonstratur, cum bonum aut a semetipsis habere se æstimant; aut si sibi datum desuper credunt, pro suis se hoc accepisse meritis putant; aut certe cum iactant se habere quod non habent; aut despectis ceteris singulariter videri appetunt habere quod habent: unde & pharisæus hic bonorum si-bi operum merita singulariter tribuit. AUGUSTINUS de Verbis Domini (serm. xxxv.). Ecce autem ex vicino publicano maioris erat ei tumoris occasio: sequitur enim: *Velut etiam hic publicanus*, quasi dicat: Ego solus sum; iste de ceteris est. CHRYSOSTOMUS (in concione de pharisæo & publ.) Non enim satiaverat contemptum eius tota humana natura, sed & publicanum aggressus est. Moderatius autem peccasset, si publicanum exceperet; nunc autem uno verbo & absentes invadit, & vulnera præsentis lacerat. Non est autem gratiarum actio investigativa aliorum. Si regratias Deo, imple tibi tantum sufficiat, nec te ad homines transieras, nec proximum condemnes. BASILIUS. Discrepat autem elatus a conviciatore sola habitudine: is enim in alios utitur conviciis, hic autem se mentis temeritate extollit. CHRYSOSTOMUS (ut supra.) Qui autem aliis conviciatur, sibi, & aliis multa mala facit. Primo enim audientem reddit peiorem: quia si sit peccator, sit lætior, criminis invento collega; si sit iustus, extollitur, per aliena crimina inductus de se magni putare. Secundo communitatem Ecclesiæ lædit: non enim omnes audientes vituperant eum solum qui peccavit, sed ritui christiano contumelias inue-

niunt. Tercio Dei gloriam blasphemare facit: sicut enim (1) nobis recte agentibus nomen Dei glorificatur, sic nobis peccantibus blasphematur. Quarto eum qui audit vit opprobria, confundit, impudentiorem eum, & adversarium faciens. Quinto statuit se poenæ obnoxium, rebus prolatis quæ sibi non conveniunt. THEOPHYLACTUS. Expedit autem non solum declinare a malo, sed etiam agere bonum; & ideo cum dixisset, *Non sum sicut adulteri*, subiungit per oppositum, *ut uno bis in sabbato*. Sabbatum hi dicebant hebdomadam ab ultima die quietis. Ieiunabant enim pharisæi secunda, & quinta tertia. Sic igitur ieiunia obiecit contra passionem adulterii: nam ex; voluntate est laicivia. Rapacibus vero, & iniustis opposuit decimarum solutionem: sequitur enim: *Decimas de omnibus quæ possideo*; quasi dicat: Adeo rapinas, & nequicias refugio ut etiam mica contribuam. GREGORIUS XIX. Moral. (cap. xxi. vel in antiq. codd. xvii. super illud Job xxxix. „Iustitia indutus sum.“) Ecce civitatem cordis sui insidiantibus hostibus per elationem aperuit, quam frustra per ieiunium, & orationem clausit. Incallum munita sunt cetera, cum locus unus, de quo hosti pater aditus, munitus non est. AUGUSTINUS de Ver. Dom. (ubi supra.) Quære autem in verbis eius: nihil invenies quod Deum rogaverit: ascendit quidem orare, noluit Deum rogare, sed se laudare, & roganti insultare. Publicanum autem cordis conscientia removebat, sed pietas applicabat: unde sequitur: *Et publicanus a longe stans volebat nec oculos ad cælum levare*. THEOPHYLACTUS (super Publicanus stans a longe.) Quamvis autem publicanus stetisse dicatur, distabat tamen a pharisæo tam verbis quam habitu, necnon & corde contrito: nam verebatur oculos levare in cælum, censens indignos vilionis vultus: eos qui maluerunt bona terrena spectare, & quærere: nec non & peccus tundebat: unde sequitur: *Sed percutiebat peccus suum*, cor quodammodo pungens causa cogitationum pravaram, nec non & excitans ut dormitans: unde non aliud quam Deum (2) propitiatorem petebat: sequitur enim: *Dicens: Deus, propitius esto mihi peccatori*. CHRYSOSTOMUS (ut supra.) Audivit quia

(1) *A. emittitur nobis.* (2) *A. propitiacionem.*

quia non sum velus hic publicanus, nec indignatus est, sed compunctus: detexit ille vulnus, quærit hic medicinam. Nemo igitur illud frigidum proferat verbum. Non audeo, pudorofus sum, non possum aperire (1) os. Talis reverentia est diabolica: (2) vult enim diabolus oblerare tibi fores accessus ad Deum. AUGUSTINUS de Verb. Dom. (serm. xxxvi.) Quid igitur miraris si Deus ignoscit, quando ipse agnoscit? De longinquo stabat; Deo tamen appropinquabat, & eum Dominus de prope attendebat: excelsus enim Dominus, & humilia respicit: "Psal. cxxxvii. nec oculos ad cælum levabat ut respiceret: tremebat conscientia, spes sublevarat; percutiebat pectus suum, poenas de seipso exigebat: propterea Dominus consentienti parcebat. Audisti superbum accusatorem, audisti humilem reum: audi nunc iudicem dicentem: Amen dico vobis: descendis hic iustificatus in domum suam ab illo." CHRYSOSTOMUS a (hom. ut supra.) Geminis aurigas, & duas bigas in stadio positas sermo præfens proponit: in altera peccatum, & humilitatem: & vides bigam peccati superare iustitiam, (3) non propriis virtutibus, sed humilitatis coniunctis; illam vero devictam non fragilitate iustitiæ, sed mole & tumore superbiz: nam sicut humilitas per sui eminentiam peccati pondus superat, & saliens attingit Deum; sic superbia ob sui molem de facili iustitiam deprimit. Si ergo plura facta strenue geras, putas autem te posse præsumere, tota caruisti oratione; si vero mille feras in conscientia facies reatum, & hoc solum de te credas quod es infimus omnium, multam obtinebis ante Deum fiduciam. Et ideo suæ sententiz causam assignans subdit: Quia omnis qui se exaltat, humiliabitur; & qui se humiliat, exaltabitur. Humilitatis nomen multiplex est. Est enim quedam virtus humilitas, iuxta illud Psal. l. Cor contritum, & humiliatum Deus non despicies. "Est & humilitas ab ærumnis, iuxta illud Psal. xxxvii. Humiliavit in terra vitam meam." Est & humilitas peccatis, & superbia, & insatiabilitate divitiarum: quid enim humilior his qui se submittant in divitiis, &

potentatu, & hæc reputant magna? BASILIUS b. Similiter etiam & exaltari laudabiliter contingit, quando scilicet non humilia cogitas, sed mens tua est per magnanimitatem in virtutem erecta. Talis autem animi celsitudo est eminentia in tristitiis, terrenorum contemptus, conversatio in cælis: & videtur huiusmodi mentis sublimitas eandem habere differentiam ad elationem quam arrogantia parit, quam habet corruptio corporis bene dispositi ad inflationem carnis cum ex hydropisi tumet. CHRYSOSTOMUS. Hæc igitur fastus inflatio ab ipsis cælis potest deprimere non caventem; humilitas vero & ab ipsa abyssu reatum hominem sublimare: hæc enim præ phariseo publicanum salvavit, latronem ante Apostolos in paradisu duxit; illa vero etiam incorpoream ingressa est potestatem. Ceterum si iuxta delicta humilitas tam facile currit (4) ut superbiam iustitiæ transcat; si iustitiæ conjunxeris eam, quomodo non ibit? Assiliet ipsa tribunali divino in medio Angelorum cum fiducia multa. Rursus si fastus coniunctus iustitiæ gam deprimere (5) potuit, si coniunctus sit peccato, in quantam gehennam detrudet? Hoc dico, non ut negligamus iustitiam, sed ut fastum vitemus. THEOPHYLACTUS (hoc loco.) Sed forsitan mirabitur aliquis, quomodo phariseus, cum pauca verba suæ laudis protulerit, condemnatur; Iob vero, cum plurima fuderit, coronatur. Eo scilicet quod phariseus talia dicebat criminando alios, nulla ratione cogente; Iob vero urgentibus eum amicis, & pressuris prementibus coactus est proprias virtutes referre ad (6) Dei gloriam, ne homines desisterent a protectu virtutis. BEDA (cap. lxi. in Luc.) Typice autem phariseus est populus iudeorum, qui ex iustificationibus legis extollit merita sua; publicanus vero Gentilis est, qui longe a Deo positus, confitetur peccata sua; quorum unus superbiendo recessit humiliatus, alter lamentando appropinquare meruit exaltatus.

(c) THEOPHYLACTUS (super Iesum convocans.) Post prædicta, humilitatem Dominus docet per ea quæ fecit, non repellens, sed (7) gratanter parvulus admit- tens:

(1) Al. eos. (2) Al. vult sibi diabolus oblerare &c. (3) Legit Nicolaus non propriis virtutibus, sed virtute humilitatis coniunctis. (4) P. Nicolaus habet superbiam iustitiæ iunctam. (5) Al. potuit, & max convictus pro coniunctis, & quandam pro quantam. (6) Al. amicitia Dei. (7) Al. gravior.

tens: unde dicitur: *Afferbant autem ad illum infantes, ut eos tangeres.* AUGUSTINUS de Ver. Dom. (Term. xxxvi.) Cui afferuntur tangendi nisi Salvatori? Sed si Salvator est, salvandi offeruntur illi qui venit saluum facere quod perierat. Ubi illi perierant, quantum ad ipsos pertinet innocentes? Sed secundum Apostolum Rom. v. „per unum hominem intravit peccatum in orbem terrarum.“ Veniant ergo parvuli, ut languidi ad medicum, perditii ad redemptorem. AMBROSIVS (Lib. VIII. in Luc. cap. de resp. Iesu.) Durum autem aliquibus videri potest quod discipuli Dominum infantulos adire prohibebant: sequitur enim: *Quod cum viderent discipuli, increpabant illos.* Ubi vel mysterium intelligas, vel affectum. Neque enim hoc invidia, aut in pueros mentis asperitate faciebant; sed sedulae (1) servitutis obsequia Domino deferrebant, ne comprimeretur a turbis. Respuesta quippe est utilitas nostra ubi divinitatis iniuria est. In mysterio autem, quia prius salvari populum ludæorum, ex quo secundum carnem nati fuerant, gestiebant. Sciebant quidem mysterium, quod utrique populus vocatio deberetur: nam & pro Chanaanite muliere supplicarunt; sed fortasse adhuc ordinem nesciebant: unde sequitur: *Iesus autem convocans eos dixit: Si nite parvulos venire ad me, & nolite vetare eos: talium est enim regnum Dei.* Non ætas præfertur ætati: alioquin obesset adolescere. Cur ergo pueros dicit aptos esse regno cælorum? Fortasse quia malitiam nesciant, fraudare non noverint, (2) referre non audeant, scrutari ignorent, opes, honorem, ambitionem non appetant. Sed non ignorare ista virtus est, sed contemnere: non enim virtus est non posse peccare, sed nolle. Non igitur pueritia, sed æmula puerilis simplicitatis bonitas designatur. BADA (cap. lxxiii. in Luc.) Unde signanter dixit, *Talium*, non istorum, ut ostenderet non ætatem regnare, sed mores; & his qui similem haberent innocentiam, & simplicitatem, præmia repromitti. AMBROSIVS. Denique hoc Salvator expressit dicens: *Amen dico vobis: quiemque non accipit regnum Dei sicut puer, non intrabit in illud.* Quis puer imitandus est Apostolis Chri-

sti, nisi de quo Esaias ix. dixit: „Puer natus est nobis;“ qui „cum maledicebatur, non maledicebat.“ I. Petr. ii. Itaque in pueritia est quadam venerabilis morum senectus, & in senectute innocens pueritia. BASILIUS a. Sulcipienus autem regnum Dei ut puer, si dispositi fuerimus erga doctrinam Domini, ut puer in disciplina, nequaquam contradicens, nec disputans cum magistris, sed credibiliter, & obedienter imbibens documenta. THEOPHYLACTUS. Gentilium ergo sapientes quærentes sapientiam in mysterio, quod est regnum Dei, nec volentes hoc abique fide syllogistica probationis admittere, merito exclusi sunt ab hoc regno.

(d) BADA (cap. lxxiv. in Lucam.) Audierat princeps quidam a Domino, tantum eos qui puerorum vellent esse similes, regnum Dei intraturos; atque ideo poscit sibi non per parabolas, sed palam, quibus operum meritis vitam æternam consequatur, exponi: unde dicitur: *Et interroga, ut enim quidam princeps, dicens: Magister bone, quid faciendo vitam æternam possideo?* AMBROSIVS (Lib. VIII. in Luc. cap. de resp. Iesu ad interrog.) Tentator princeps iste magistrum bonum dixit, qui Deum bonum dicere debuisset: nam licet in divinitate bonitas sit, & in bonitate divinitas, tamen addendo, *Magister bone*, in portione bonum dixit non in universitate: nam Deus in universitate bonus, homo ex parte. CYRILLUS b. Putavit autem se Christum capere, dum vituperaret Moïseum præceptum, introduceret vero sua statuta. Accedit ergo ad magistrum, & bonum eum nuncupaus, dicit se velle doceri. Quia (3) ergo tentative quærebat, qui apprehendit sapientes in astutia sua, convenienter ei respondet: nam sequitur: *Dixit autem ei Iesus: Quid me dicis bonum? Nemo bonus nisi solus Deus.* AMBROSIVS (ubi supra.) Non bonum se negat, sed Deum designat. Bonus quidem non est, nisi plenus bonitatis. Quod si quem moveat, quia nemo bonus, moveat & illud nisi Deus. Quod si a Deo Filius non excipitur, utique nec a bono Christus excipitur: nam quomodo non bonus ex bono natus? „Arbor enim bona, na fructus bonos facit.“ Matth. vii. Quo.

(1) Al. virtutis. (2) Legit, forte melius, Nicolai referre non audeant, scrutari ignorent. (3) Al. omittitur ergo.

EX EDITIONE P. NICOLAI.

a In Regulis brevioribus ad inchoat. cclxxvii. b In Cat. Græc. ff.

Quomodo non bonus, cum bonitatis suae substantia ex Patre assumpta non degeneravit in Filio, quæ non degeneravit in Spiritu? „ Spiritus tuus (inquit Psal. cxlii.) bonus „ deducet me in terram rectam. “ Quod si bonus Spiritus (1) qui accepit a Filio, bonus utique & ille qui tradidit. Itaque quia legisperitus est iste qui tentat, sicut in libro alio demonstratur, (2) ei bene dixit: *Nemo bonus nisi unus Deus*: ut admoneret, quia scriptum est Deut. vi. „ Non tentabis Dominum Deum tuum; “ sed magis confiteretur Domino, quoniam bonus. CHRYSOSTOMUS (homil. lxxv. in Matth.) Vel aliter. Avarum quidem dicere hunc principem non verebatur: nam hoc Christus ei impropertat; (3) tentatorem autem minime. TITUS. Ergo cum dicit: *Magister bone, quid faciendo vitam æternam possideo?* (4) idem est ac si dicat: Bonus es; dignare me responso in eo quod quæro: doctus sum vetus testamentum, te tamen præstantiorem video non promittentem terram, sed prædicantem regnum cælorum. Dic ergo mihi, quid faciendo vitam æternam potero possidere? Intentionem igitur attendens Salvator, quia fides est via ad opera, cum dixisset ille, *Quid faciam?* hac quæstione omnia, in notitiâ fidei eum ducit: velut si quis interrogaret medicum, Quid comedam? & ille ostenderet quæ deberent cibum præcedere: & ideo eum ad Patrem remittit, dicens: *Quid me dicis bonum?* non quod ipse bonus non esset: erat enim bonum ex bono Patre germen, bonus boni filius. AUGUSTINUS de Conf. Evang. (Lib. II. cap. lxxxi.) Potest autem videri distare (5) aliquid quod secundum Mattheum cap. xix. dicitur, „ Quid me interrogas de bono? “ quod ad illud magis referri potest quod ait ille quærens, „ Quid boni faciam? “ Ibenim & bonum nominavit, & interrogatio est. Commodissime (6) ergo intelligitur utrumque dictum, *Quid me dicis bonum?* & „ Quid me interrogas de bono? “ quod ad illud magis referri potest. TITUS. Denique postquam docuit cognitionem fidei, subingit, *Mandata novæ*; quasi dicat: Quando prius Deum novæ, Th. Oper. Tom. V.

veris, tunc optime quæres quid facias. CHRYSOSTOMUS. Expectante autem principe audire Christum dicentem: Recedas a mandatis Moisaicis, & meis attende, ad Moisaica eum mittit: unde sequitur: *Non occides, non moechaberis*. THEOPHYLACTUS (super *Non occides, non moechaberis*.) Primo quidem lex ea corrigit ad quæ facilius labimur, ut moechari, cuius incentivum est intrinsecum, & naturale; & occidere, quia immanis bellus furor; sed furtum, & falsi testimonii culpam raro contingit incurrere. Sed & graviora illa existunt; & ideo secundario furtum, & falsum testimonium ponit, ut rarius (7) fallentia, & leviora; sequitur enim: *Non furtum facies, non falsum testimonium dices*. BASILIUS b. Non est autem intelligendum fures esse solum burlarum incisores, vel latrocinantes in balneis; sed & si qui duces legionum statuti, vel commissi sibi regimine civitatum, aut gentium, hoc quidem furtum tollunt, hoc vero vi ac publice exigunt. TITUS. Sed videas in non agendo præcepta consistere: quoniam si moechatus non fueris, castus es; si non furaris, benevolus; si falso non testeris, veridicus. Attende virtutem iam facilem per bonitatem statuentis: nam mali fugam ingerit, non boni exercitum: quælibet autem quies quolibet est facilior opere. THEOPHYLACTUS (super *Honora patrem, & matrem*.) Sed quia in parentes committere quamquam magnum sit crimen, raro tamen accidit, post omnia ponit: *Honora patrem tuum, & matrem*. AMBROSIIUS (Lib. VIII. in Luc. tit. de honorand. parentib.) Est autem honor non solum honorificentia, sed etiam largitatis. Honor enim est deferre pro meritis. Pater patrem tuum, pater matrem: & si paveris, adhuc non reddidisti dolores, & cruciatu quos pro te mater passa est. Illi debes quod habes, (8) huic debes quod es. Quantum iudicium, si pascat Ecclesia quos tu pascere nolis? Sed dices: Quod eram parentibus collaturus, Ecclesiae mallem conferre. Non quærit Deus donum de fame parentum; sed ut pascendo Scriptura dicat

Pp

cit

(1) M. qui excepit, item excipit. (2) M. & bene. (3) M. tentator. (4) M. quasi dicat. (5) M. aliud. (6) M. deest ergo. (7) Nicolai addit homines. (8) M. cui debet.

EX EDITIONE P. NICOLAI.

« CYRILLUS æquivalenter tantum, & implicite; sed expressius Titus paulo aliis verbis in ea parte quam Cordarius appavit; non, sicut prius, Chrysostomus. b In Esaiâ cap. 1. nempe in illa verba vers. 21. Principes sui infideles.

cit parentes, ita propter Deum relinquentes, si impediunt devotum mentis affectum.

Sequitur: *Qui ait: Hec omnia custodivi a iuventute mea.* HIERONYMUS (Matth.

xix. super illud, „Omnia hæc custodivi, vi.“) Mentitur adolescens. Si enim

quod postpositum est in mandatis, Matth.

xix. „Diliges proximum tuum sicut te- ipsum, opere compleret, quomodo pos-

tea audiens, ibid., „Vade, & vende omnia quæ habes, & da pauperibus, „tristis

abcessit? BEDA (cap. lxxiv. in Lucam.) Vel non est putandum esse mentitis, sed

simpliciter ut vixerit, scilicet exterius, esse confessus: alioquin nequaquam Marcus

diceret cap. xii., quod „Iesus intuitus eum dilexit eum.“ TITUS a. Ostendit

autem consequenter Dominus quod si ali-

quis vetus testamentum peregerit, perfec-

tus non est, sed deest ei sequi Christum: unde subditur: *Quo auditus Iesus ait ei:*

Adhuc unum tibi deest: omnia quaecunque ha-

bes vende, & da pauperibus, & habebis the-

saurum in cale s quasi dicat: Quæris quo-

modo sit possidenda vita æterna: sparge sa-

cultates pauperibus, & obtinebis illam. Parva sunt quæ impendis, magna quæ re-

cipis. ATHANASIUS b. Non enim mun-

dum despicientes putemus grandia quidem

abdicasse, quia tota terra est in compara-

tionem cæli brevissima: quapropter si toti

terræ dominaremur, ei abrenuntiantes, ni-

hil dignum esset in comparatione regni cæ-

lorum. BEDA (cap. lxxiv. in Lucam.) Quicunque ergo perfectus esse voluerit,

oportet vendere quæ habet, non ex parte, sicut Ananias fecit, & Saphira, sed totum.

THEOPHYLACTUS (super *Vende omnia quæ habes.*) Unde dicens, *Omnia quæ habes*, summam paupertatem suadet: siquid enim resistit, illius servus est. BASI-

LIVS (in quest. in comp. explic. quest. xcii.) Non tamen docet facultates vende-

re, eo quod naturaliter sint pravæ; a-

liouin creatura Dei non essent: unde eas non tamquam malas abicere, sed dispensa-

re monuit: & condemnatur aliquis, non

quia eas possidet, sed quia eis abusus est: quo fit ut facultatum secundum mandata

Dei dispensatio & crimina deleat, & regnum conferat: unde subdit: *Et da pauperibus.* CHRYSOSTOMUS c. Poterat quidem

Deus alere pauperes & sine hoc quod nos (1) misereremur eorum; sed vult dantes

dilectione astringi accipientibus. BASILIVS d (in hom. præsent. loci.) Di-

cente autem Domino, *Da pauperibus*, puto non expedire cuiquam negligenter gerere,

sed omnia diligenter disponere, præcipue per seipsum, si ex parte se habeat; sin autem,

per eos de quibus constat quod fide-

liter, & prudenter disponant: „maledictus enim qui negligenter perficit opera Domi-

ni.“ Hier. xlviii. CHRYSOSTOMUS e. Sed illud

queritur (2) quomodo Christus erogare cuncta

pauperibus perfectionis esse fateatur; Paulus autem absque dilectione hoc asserit esse im-

perfectum. Sed valde consonat quod subiun-

xit: *Et veni, sequere me*: quod ostenditur

ex dilectione esse. „In hoc enim cognos-

cent omnes quod mei estis discipuli, si „dilectionem habueritis ad invicem: “

Ioan. xv. THEOPHYLACTUS. Cum pau-

peritate enim ceteras quoque virtutes hominem habere oportet: hoc acit: *Et veni,*

sequere me; idell, in ceteris eflo meus discipulus, iugiter me sequaris. CYRIL-

LVS f. Princeps autem ille vini recentis capax non fuit, vetus uter existens; sed

tristitia ruptus est: unde sequitur: *Hic ille auditus, contristatus est, quia dives erat valde.* BASILIVS g. Mercator non tristatur in

nundinis (3) paciscendo quæ possidet, acquir-

endo sibi opportuna; tu vero tristatur pul-

verem dans, ut acquiras vitam beatam.

(c) THEOPHYLACTUS (super *Hic auditus contristatus est.*) Quoniam dives, au-

ditata opum abiectione, tristatur fuit, Do-

minus admiranter locutus est: dicit enim: *Videns autem Iesus illum tristem factum, dixit: Quam difficile qui pecunias habent in-*

regnum Dei intrabunt! Non dicit, *Impossibile est* eos intrare, sed *difficile*: possunt enim

per divitias adipisci superna, sed difficile est:

(1) *Al.* miseremur. (2) *Al.* quomodo erogare cuncta pauperibus perfectionis esse videtur: item *max* ex dilectione pro absque dilectione. (3) *Melius Nicolai* pariendo quæ possidet ad acquirenda &c.

EX EDITIONE P. NICOLAI.

a Vel Cyrillus potius in Catena Græc. PP. ut Corderius notat: an & Titus Bostrensis in Matthæum tale aliquid habeat explorare non licet; sed non habet in Lucam Tom. II. Biblioth. Græc. PP. ubi se ad Matthæum remittit. b In Catena Græc. PP. ut ex Apologia de fuga sua. c In I. ad Corinth. homil. xxiii. d In Regulis suis disputatis ad interrog. ix. e Hom. xxxii. in Epist. I. ad Corinth. f In Cat. Græc. PP. g Hom. de elemosyna, sive in diticiencia.

est: quia viscosiores sunt visco divitiarum, & vix evellitur animus occupatus ab eis; sed subleventer ut impossibile hoc indicat, cum dicit: *Facilius est enim camelum per foramen acus transire, quam divitem intrare in regnum Dei.* (1) Nam sive per camelum animal intelligas, sive funem nauticum crassum; quocumque modo impossibile est quod foramen acus totum capiat camelum. Si igitur facilius est camelum per foramen acus transire quam divitem salvare, & hoc quod facilius est, impossibile est; impossibilius ergo est salvare divitem. Quid igitur dicendum? Equidem quod vere sic habet, divitem servari non posse. Neque mihi dicas, quod salvatus sit dives quispiam, qui sua dederit: non enim dives salvatus est, sed quia pauper factus; vel dispensator existens servatus est, non dives. Aliud est enim dispensator, aliud dives: dives est qui sibi divitias reservat, dispensator vero cui divitiarum propter alios conceditæ sunt. CHRYSOSTOMUS * (homil. xviii. in Ioan.) Abraham quidem possidebat opes pauperibus; & qui iuste eas possident, quasi suscipientes a Deo dispensant in divinis mandatis; qui vero contra Deum acquisierunt, & in expendendo faciunt illud idem, meretricibus, & parasitis dantes, vel humi abscondentes, egenis vero nihil impendentes. † Non ergo prohibet dari, sed opibus famulari: vult ut necessariis utamur eis, non ut custodiamus; nam famuli est custodire, sed domini dispensare. Si conservari eas vellet, non tradidisset eas hominibus, sed lineret in terra iacere. THEOPHYLACTUS (super *Quam difficile qui divitias habent* &c.) Porro attendas illud quod divitem quidem impossibile dicit salvare, possidentem vero divitias difficile; quasi dicat: Dives, qui captus est a divitiis, & famulari eis, non salvabitur; habens vero illas, scilicet qui eis dominatur, vix salvabitur causa humanæ fragilitatis. Co-natur enim nos diabolus supplantare quoad-que possidemus divitias, & difficile est

aufugere decipulas eius; ideoque bonum est paupertas, & quasi tentatione carens. CHRYSOSTOMUS †. Nulla enim est divitiarum commoditas, anima patiente penuriam; nec læso paupertatis, animæ divitiis affluente. Si autem ditescitis indicium est nullius egere, & pauperascitis indigere; palam est quod magis esse pauperem facit magis ditescere: facilius est enim quod quis in paupertate, quam in divitiis opes contemnat: neque enim talis est ambitus ut per magis habere sedetur, sed per hoc consuevit magis accendi, sicut ignis quando maiorem suscipit escam. Quæ autem mala videntur esse inopie, communia sunt; quæ vero divitiarum, propria sunt earum. AUGUSTINUS de Quæst. Evan. (Lib. II. q. xlvii.) Divitem ergo hic appellat cupidum rerum temporalium, & de talibus superbientem. His divitiis contrarii sunt pauperes spiritu, quorum est regnum cælorum. Mystice autem facilius est Christum pati pro dilectoribus sæculi, quam dilectores sæculi ad Christum posse converti. Cameli enim nomine se infirmis voluit, quia sponte humiliatus infirmitatis nostræ onera sustulit. (2) Per acum autem punitiones significat, per punitiones dolores in passione susceptos; foramen autem acudicit angustiam passionis. CHRYSOSTOMUS (hom. lxi. in Matth.) Hic autem sermo quasi gravis transcendebat discipulorum virtutem: unde sequitur: *Et dixerunt qui hæc audiebant: Et quis potest salvus fieri?* Hoc dixerunt discipuli, non de se, sed de toto mundo timentes. AUGUSTINUS de Quæst. Evan. (Lib. II. q. xlvii.) Cum autem incomparabiliter maior sit turba pauperum, quæ; divitiis perditis, potest salvare; intellexerunt, omnes qui divitias amant, etiam si adipisci nequeant, in divitum numero deputari. Sequitur: *Ait illis: Quæ impossibilia sunt apud homines, possibilia sunt apud Deum:* quod non ita intelligendum est, quasi dives cum cupiditate, & superbia in regnum Dei sit intraturus; sed possibile est Deo ut a cupiditate,

pp 2.

tate,

(1) Quatuor supra recensita editiones sic habent. Nomen quod in Græco ponitur, æquivocum est ad animal quod camelus dicitur, & ad rudentem (Nicolas addit sive nauticum funem.) Quocumque ergo modo intelligas, impossibile est. Quid igitur dicendum est? Primo quidem, quod revera ita se habet. Aliud enim est dives, aliud œconomus (Nicolas apponit vel dispensator) nam dives est quislibet reservat divinas (idem omittit divitias) œconomus vero, sive dispensator, qui ad opus aliorum has tenet: idem qui ad utilitatem sibi commissas tenet. (2) At. Per acum autem punitionis significat.

EX EDITIONE P. NICOLAI.

* Hom. xviii. in I: ad Corinthi: † Hom. xviii. in Ioan. Totæ hæc appendix prius uno tenore nesciebatur, ac velut ex uno loco notabatur. † Hom. lxxxi. in Matth.

tate, & superbia ad caritatem, & humilitatem convertatur. THEOPHYLACTUS (super Possibilia sunt apud Deum.) Apud homines ergo, quorum serpit intentio ad terrena, impossibilis est salus, ut dictum est; apud Deum vero possibilis est. Cum enim homo consiliarium habet Deum, & iustificationes, & doctrinas paupertatis imbibet, necnon eius auxilium invocet, hoc fiet possibile. CYRILLUS a. Congruè autem dives cum multa contemplerit, recompensationem expectabit; qui vero parva possidens ea abdicavit, quid ei sperandum esset, querere decebat, unde sequitur: *At autem Petrus: Ecce dimisimus omnia.* Matthæus cap. xix. addit, „ Quid ergo erit nobis? ” BEDA b (super *Ecce nos reliquimus omnia.*) Quasi dicat: Fecimus quod iussisti: quid igitur dabis nobis præmii? Et quia non sufficit dimittere omnia, iungit quod perfectum est, dicens: *Et secuti sumus te.* CYRILLUS c. Illud autem necesse est dicere, quod paucis abrenuntiantes, quantum spectat ad propostum, & obedientiam, parilance cum opulentis penduntur, paribus utentes affectibus, dum rerum quas possident abiectionem ultro inferunt: unde sequitur: *Amen dico vobis: nemo est qui reliquerit domum, aut parentes, aut fratres, aut uxores, aut filios, aut agros propter regnum Dei, & non recipiat multo plura in hoc tempore, & in sæculo futuro vitam æternam.* Elevat ad acceptissimam spem omnes audientes, iureiurando promittens, dum apponit sermoni *amen*. Doctrina enim divina mundum vocante ad fidem Christi, forsitan aliqui respicientes parentes infideles, noluerunt eos turbare veniendo ad fidem; & similis est ratio aliorum germanorum. Deferunt autem quidam patrem, & matrem, & totius parentelæ amorem despicunt propter amorem Christi. BEDA (cap. lxxiv. in Lucam.) Sensus igitur iste est. Qui propter regnum Dei inquirendum omnes affectus contemplerit, omnes sæculi divitias, delicias, risuque calcaverit, multo plura in præsentia recipiet. Cuius sententiæ occasione, quidam Iudaicam mille annorum fabulam post resurrectionem iustorum

ædificant, quando omnia quæ propter Deum dimittimus, multiplici nobis aut senore reddenda, & insuper vita æterna donanda: nec vident inexperti quod si in ceteris digna si se promissio, in uxoribus tamen, iuxta alios Evangelistas centenis, appareat turpitudine; præsertim cum Dominus in resurrectione non esse nubendum testetur; & iuxta Marcum, ea quæ dimissa fuerint, in hoc tempore cum perfectionibus accipienda confirmet, (1) quas in illis mille annis abesse dogmatizant. CYRILLUS d. Hoc ergo dicimus, quod omisiss temporalibus, & carnalibus, multo maiora sibi aliquis vendicabit: quoniam & Apostoli, cum pauca dimiserint, obtinuerunt multiplicia dona charismatum, & celebres reputati sunt ubique. Erimus ergo similes illis: si (2) domum quis dimittat, recipiet mansiones supernas; si patrem, patrem habebit cælestem; si a germanis recesserit, in fratrem hunc recipiet Christus; cum dimiserit coniugem, inveniet divinam sapientiam, a qua procreabit spiritalis fructus; (3) inveniet Hierusalem cælestem, quæ est mater nostra: a fratribus etiam, & a sororibus sui propostii glutino spiritali colligatis, multo in hac vita gratiosius recipiet caritatem.

(f) GREGORIUS (4) (hom. 11. in Evang.) Prævidens Salvator ex passione sua discipulorum animos turbandos, eis longe ante & passionis suæ penam, & resurrectionis suæ gloriam prædicit: unde dicitur: *Assumpsit autem Iesus duodecim, & ait illis: Ecce ascendimus Hierosolymam, & consummabuntur omnia qua scripta sunt per Prophetas de Filio hominis.* BEDA (cap. lxxvi. in Lucam.) Prævidens enim quoddam hæreticos futuros, qui Christum dicerent legi, Prophetique docuisse contraria, ostendit quod per Prophetarum prælagia suæ passionis, & posterioris gloriæ sit celebrata perfectio. CHRYSOSTOMUS (hom. lxxvi. in Matth.) Scorum autem de passionis cum discipulis confert: non enim oportebat hunc sermonem pluribus divulgari, ne turbarentur. (5) Hoc autem prædicebat discipulis, ut exercitati per expectationem

(1) *Al.* quasi in illis. (2) *Al.* domum. (3) *Supplet optime P. Nicolaus* cum dimiserit matrem. (4) *Al.* THEOPHYLACTUS. (5) *Al.* Ob hoc autem prædicebat discipulis, ut excitati per operationem, &c.

EX EDITIONE P. NICOLAI.

a In Catena GRÆC. PP. b Ex Hieronymo mutatus, qui hæc eadem in Matth. xix. habet. c Ubi supra. d In Cat. GRÆC. PP.

ationem facilius fuissent. CYRILLUS. Et ut sciant quoniam passionem prænovit, & spontaneus ad eam accessit; ne dicerent: Qualiter in manus hostium incidit qui nos promittebat salvere? Unde seriatim ordinem passionis enarrat insidens: *Tradetur enim Gentibus, & illudetur, & flagellabitur, & conspuetur.* CHRYSOSTOMUS a. Hoc Esaias prædixerat dicens cap. l. „Obtuli „scapulas meas ad verbera, genas meas ad „alapas, & faciem meam non diverti a „sputorum dedecore.“ Sed & crucis patibulum prædixit Propheta cum ait cap. lv. „Tradidit in mortem animam suam, & „cum sceleratis reputatus est.“ Unde & hic subditur: *Et postquam flagellaverint occident eum.* Sed & resurrectionem eius David prædixit dicens Psal. xv. „Non derelinques animam meam in inferno.“ Unde hic subditur: *Et tertia die resurget.* ISIDORUS b. Admiror autem dementia quærentium cur Christus ante triduum resurrexit: si enim resurgeret tardius quam prædixerat, impotentior esset; celerius vero est summæ virtutis indicium. Si quem enim cum sponderent suo creditori post triduum persolvere debitum, eadem die satisfaciendum viderimus; non fallacem, sed potius ut veridicum enim mirabimur. Dicam etiam quod non dixit se post tres dies resurrecturum, sed die tertia. Habes parascenon, habes sabbatum usque ad solis occasum; & post sabbatum resurrexit. CYRILLUS c. Discipuli autem nondum noverant (1) exquisitè quod Prophetæ prædixerant; sed postquam resurrexit, aperuit eis sensum, ut intelligerent Scripturas: unde sequitur: *Et ipsi nihil horum intellexerunt.* BEDA (cap. lxxv.) Quia enim discipuli, eius vitam maxime desiderabant, eius mortem audire non poterant: & quoniam non solum hominem innocentem, sed & Deum verum sciebant, hunc nullatenus mori posse putabant: & quia parabolas eum sæpe loquentem audire consueverant, quorundam aliquid de sua passione dicebat, ad aliud allegorice referendum esse credebant: unde sequitur: *Erant autem verbum istud absconditum ab eis, & non intelligebant quia dicebantur.* Iudei vero, quia in eius necem conspiraverant, quod de passione sua loqueretur dicens in Ioanne cap. xii. „Opor-

„tet exaltari Filium hominis,“ intelligebant: unde dixerunt ibid. xii. „Nos autem divinus ex lege, quia Christus manet in æternum; & quomodo tu dicis: Oportet exaltari Filium hominis?“

(2) GREGORIUS in hom. (xxi. in Evang.) Quia carnales adhuc discipuli non valebant capere verba mysterii, venit ad miraculum: ante eorum oculos cæcus lumen recipit, ut eos ad fidem cælestia facta solidarent: unde (1) dicitur: *Falsum est autem, cum appropinquaret Hierico, cæcus quidam sedebat secus viam mendicans.* THEOPHYLACTUS (hoc loco.) Et ne incessus Domini esset inutilis, in via fecit cæci miraculum, hoc documentum discipulis suis datus, ut in omnibus simus proficui, & nihil sit in nobis otiosum. AUGUSTINUS de Quæst. Evang. (Lib. II. qu. xlviii.) Possessem de appropinquantibus Hierico sic intelligere ut iam inde egressi, prope tamen adhuc essent ad eam civitatem: quod quidem minus utilitate dicitur; sed tamen videri posset hoc dictum, quoniam Matthæus, egredientibus eis ab Hierico dicit illuminatos duos cæcos, qui iuxta viam sedebant. De numero quidem nulla esset quæstio, si alter Evangelistarum de uno tunc fuisset, unus reminiscens: nam & Marcus unum commemorat, cum & egredientibus eis ab Hierico dicit illuminatum; cuius & nomen fuisse, & patrem, ut intelligamus eum fuisse potissimum, alterum ignotum, ut merito ille notus etiam solus decenter commemoraretur. Sed quoniam quæ sequuntur in Evangelio secundum Lucam, aptissime ostendunt illud quod ipse narrat, adhuc venientibus ipsis Hierico factum esse, nihil aliud restat intelligere, nisi bis esse factum hoc miraculum, semel in uno cæco, cum adhuc veniret in illam civitatem, iterum in duobus, cum inde egrediretur: ut illud unum Lucas, alterum Matthæus (3) enarrat. CYRILLUS d. Multus autem erat populus circa Christum, & cæcus eum quidem non noverat, sentiebat autem effectum, & rapiebat per affectum quod non hausit aspectus: unde subditur: *Et cum audiret turbam prætereuntem, interrogabat quid hoc esset.* Et oculati quidem secundum opinionem loquebantur: sequitur (4) enim: *Dixerunt autem ei, quod Iesu-*

Na-

(1) a. acquisitè. (2) a. sequitur. (3) a. enarrat. (4) a. deus enim.

EX EDITIONE P. NICOLAI.

a Ubi supra. b Iulianus Lib. II. epist. cxxix. c Ut supra. d In Cat. Græc. pp.

Nazaræus transfret. Cæcus vero vera clamabat: alia docetur, & alia prædicat: nam sequitur: *Et clamavit dicens: Jesu fili David, miserere mei.* Quis te docuit hæc, o homo? Num perlegisti libros privatus luminibus? Unde igitur noli luminare mundi? Vere Dominus illuminat cæcos. *GYRILLUS.* In iudaismo autem nutritus non ignoravit quod de progenie David Deus secundum carnem nasceretur; & ideo ei ut Deo loquitur, dicens, *Miserere mei.* Hunc imitentur qui in duo dividunt Christum: hic enim Christum tamquam Deum (1) adit, & filium David eum nominat. Mi-terentur autem instantiam confessionis eius: quidam enim eum consistentem fidem compecebant. Sequitur: *Et qui præbant increpabant eum ut taceret.* Sed per inhibitiones huiusmodi non impediatur eius audacia. Novit enim fides omnibus repugnare, (2) & in omnia triumphare: utile enim est pro cultu divino pudorem deponere: nam si causa pecunie sunt impudens nonnulli, pro animæ salute non decet bonam induere impudentiam? Unde sequitur: *Ipsæ vero multo magis clamabat: Fili David, miserere mei.* Siliit autem Christum vox invocantis in fide, & invocantes in fide respicit; & idem merito vocat cæcum, & accedere iussit: unde sequitur: *Stans autem Iesus iussit illum adduci ad se, ut scilicet qui prius. fide eum tetigerat, appropinquaret & corpore.* Appropinquantem cæcum Dominus interrogat: nam sequitur: *Et cum appropinquasset interrogavit illum, dicens: Quid tibi vis faciam?* Dispensative interrogat, non quasi ignorans, sed ut scirent astantes quod non petebat pecuniam, sed divinam efficaciam, ut a Deo: unde sequitur: *At ille dixit: Domine, ut videam.* *CHRYSOSTOMUS a.* Vel quia calumniatores veritatis ludæi possent dicere, ut in cæco nato, Non est hic, sed similis eius; voluit ut cæcus prius ostenderet defectum naturæ, & tunc cognoscat gratiæ maiestatem. At nobis petitionis modum cæcus explicuit, tunc (3) cum summam maiestatem præcepit ei ut videret: unde sequitur: *Et dixit illi Iesus, Responde: quod redimebat in crimen. perfidiae ludæorum: quis enim Prophetarum talia dixit? Aspice tamen quid assumat. me-*

dicus ab eo cui collata est sanitas: sequitur enim: *Fides tua te salvum fecit.* Pro fide enim venduntur beneficia; diffunditur enim gratia quam suscepit fides. Et sicut ab aliquo fonte hi quidem parvis vasis modicum aquæ hauriunt, hi vero maioribus multum, fonte non distinguunt mensuram; & secundum fenestras: quæ aperiantur magis, vel minus, splendor solis infunditur; ita secundum capacitatem intentionis hauritur gratia. Vertitur autem vox Christi in lucem languentis, erat enim Verbum veræ lucis: unde sequitur: *Et confestim vidit.* At cæcus & ante beneficium fidem ostendit fervidam, & post beneficium benevolentiam: observavit: sequitur (4) enim: *Et secuebatur illum, magnificans Deum.* *GYRILLUS.* Ex quo patet quod a duplici cæcitate liberabatur, corporali scilicet, & intellectuali: neque enim glorificasset ut Deum nisi vere vidisset; sed & aliis factus est occasio glorificandi Deum: sequitur: (5) enim: *Et omnis plebs ut vidit, dedit laudem Deo.* *BEDA* (cap. lxxvi. in Lucam.) Non solum pro impetrato manere lucis, sed & merito fidei impetrantis. *CHRYSOSTOMUS b.* Hic autem necesse est querere cur Christus dæmoniacum quidem curatum sequi volentem prohibet, cæcum autem illuminatum sequentem non prohibet? Sed neutrum irrationale puto: illum enim mittit præconem, ut ex sua consistentia benefactorem prædicet: eratenim excellens miraculum, videre furiosum sanæ mentis effectum: cæcum vero permittit sequi, quando Hierosolymam ascendebat per ciuitatem perfecturum altum mysterium, ut recentem habentes miraculi mentionem, non existimarent eum infirmitate potius quam misericordia pati. *AMBROSIVS* (Lib. VIII. in Lucam cap. de illuminatione cæci.) In hoc autem (6) cæco typus populi gentilis est, qui sacramento dominico recepit amissionis claritatem. Nihil autem interest utrum in uno cæco medicinam, an in duobus accipiat: quoniam ex Cham, & Iaphet, Noe filii, originem ducens, in duobus cæcis, duos generis sui prætendebat auctores. *GREGORIUS* in hom. (11. in Evang.) Vel cæcum est genus humanum, quod in parente primo claritatem supernæ lu-

(1) *Al. audit. Niclaus habet ait.* (2) *Al. & omnia.* (3) *Al. emittitur cum.* (4) *Al. desideratur enim.* (5) *Al. & hoc emittitur enim.* (6) *Al. deest cæco.*

lucis ignorans, damnationis suæ tenebras patitur. Hierico autem interpretatur luna, quæ dum mensuris momentis decrescit, defectum nostræ mortalitatis designat. Dum igitur Conditor noster appropinquat Hierico, cæcus ad lumen redit: quia dum divinitas defectum nostræ carnis suscepit, humanum genus lumen quod amiserat recepit. Qui ergo æternæ lucis claritatem nescit, cæcus est. Si autem tantum Redemptorem credidit, qui dixit Ioan. xiv. „Ego sum via,“ iuxta viam sedet; si vero credidit, & exorat ut æternum lumen recipiat, iuxta viam sedet, & mendicat. Illi autem qui Iesum venientem præcedunt, designant carnalium desideriorum turbas, tumultusque vitiorum, qui priusquam Iesus ad cor nostrum perveniat, dissipant cogitationem nostram, & in ipsa nos nostra oratione conturbant. *Ipsi vero magis clamabat*: quia quanto graviore tumultu cogitationum premimur, tanto orationi insilire ardentius debemus. Cum autem adhuc turbas phantasmatum in oratione patimur, Iesum aliquatenus transeuntem sentimus; cum vero orationi vehementer insilimus, Deus in corde figitur, & lux amissa reparatur. Vel transire humanitatis est, stare divinitatis. Cæcum igitur clamantem Dominus transiens audit, stans

illuminavit: quia per humanitatem suam vocibus nostræ cæcitatæ compatiendo misertus est, sed lumen nobis gratiæ per divinitatis potentiam insudit. Ad hoc autem requirit quid velit, ut cor ad orationem excitet; peti enim hoc vult quod & nos petere, & se concedere prænoscat. *AUGUSTINUS* (ubi supra.) Vel interrogavit cæcum, ut crederemus nisi consistentem non posse salvari. *GREGORIUS* in hom. (11. ut supra.) Cæcus autem a Domino non aurum, sed lucem quærit: & nos non falsas divitias, sed lucem quæramus, quam videre cum solis Angelis possumus; ad quam lucem via fides est: unde recte cæco dicitur: *Respice: fides tua te salvum fecit*. Qui videt, & sequitur, quia bonum quod intelligit operatur. *AUGUSTINUS* de Quæst. Evang. (Lib. II. qu. xlviii.) Si autem Hierico lunam, & ob hoc mortalitatem interpretamur, morti propinquans Dominus Iudeis solis lumen Evangelii iusserat prædicari, quos significavit ille unus cæcus quem Lucas commemorat: a morte autem resurgens, atque descendens, & Iudeis, & Gentibus; quos duos populos significare videntur duo cæci commemorati a Matthæo.

C A P U T XIX.

(a) **E**T ingressus perambulabat Hierico; & ecce vir nomine Zachæus: & hic princeps erat publicanorum, & ipse dives: & quærebat videre Iesum quis esset, & non poterat præ turba, quia statura pusillus erat: & præcurrens, ascendit in arborem Sicomorum, ut videret eum, quia inde erat transiturus: & cum venisset ad locum, suspiciens Iesus vidit illum, & dixit ad eum: Zachæe, festinans descende, quia hodie in domo tua oportet me manere. Et festinans descendit, & excepit illum gaudens. Et cum viderent omnes, murmurabant, dicentes, quod ad hominem peccatorem divertisset. Stans autem Zachæus, dixit ad Iesum: Ecce dimidium bonorum meorum do pauperibus, & si quid alicum defraudavi, reddo quadruplum. Ait Iesus ad eum: Quia hodie salus domui huic facta est, eo quod & ipse filius sit Abrahæ: venit enim Filius hominis quærere, & salvum facere quod perierat.

(b) Hæc illis audientibus, adiiciens dixit parabolam, eo quod esset prope Hierusalem, & quia existimarent quod confestim regnum Dei manifestaretur. Dixit ergo: Homo quidam nobilis abiit in regionem longinquam accipere sibi regnum, & reverti. Vocatis autem decem servis suis, dedit eis decem mna: & ait ad illos: Negotiamini dum venio. Cives autem eius oderant eum, & miserunt legationem post illum, dicentes: Nolumus hunc regnare super nos. Et factum est ut rediret accepto regno: & iussit vocari servos quibus dedit pecuniam, ut sciret quantum quisque negotiatus esset. Venit autem primus dicens: Domine, mna tua de-

ceci

cem mnas acquisivit. Et ait illi: Euge bone serve: quia in modico fuisti fidelis, eris potestatem habens supra decem civitates. Et alter venit dicens: Domine mna tua fecit quinque mnas. Et huic ait: Et tu es super quinque civitates. Et tertius venit dicens: Domine, ecce mna tua quam habui, repositam in sudario: timui enim te, quia homo austerus es: tollis quod non posuisti, & metis quod non seminasti. Dixit ei: De ore tuo te iudico serve nequam. Sciebas enim quod ego homo austerus sum tollens quod non posui, & metens quod non seminavi; & quare non deivisti pecuniam meam ad mensam, ut ego veniens cum usuris utique exegissem illam. Et astantibus dixit: Auferte ab illo mnam, & date illi qui decem mnas habet. Et dixerunt ei: Domine, habet decem mnas. Dico autem vobis, quia omni habenti dabitur, & abundabit; ab eo autem qui non habet, & quod habet auferetur ab eo. Verumtamen inimicos meos, illos qui noluerunt me regnare super se, adducite huc, & interficite ante me.

(c) Et his dictis, præcedebat ascendens Hierosolymam. Et factum est, cum appropinquaret ad Bethphage, & Bethaniam, ad montem qui vocatur Oliveti, misit duos discipulos suos, dicens: Ite in castellum quod contra vos est: in quod introeuntes, invenietis pullum asinæ alligatum, cui nemo umquam hominum sedit: solvite illum, & adducite. Et si quis vos interrogaverit, Quare solvitis? sic dicetis ei: Quia Dominus opus meum ei desiderat. Abierunt autem qui missi erant, & invenerunt, sicut dixit illis, stantem pullum. Solventibus autem illis pullum, dixerunt domini eius ad illos, Quid solvitis pullum? At illi dixerunt: Quia Dominus eum necessarium habet. Et duxerunt illum ad Iesum. Et iacentes vestimenta sua supra pullum, impoſuerunt Iesum. Exeunte autem illo subſternebant vestimenta sua in via.

(d) Et cum appropinquaret iam ad descensum montis Oliveti, cœperunt omnes turbæ descendentium discipulorum gaudentes laudare Deum voce magna super omnibus quas viderant virtutibus, dicentes: Benedictus qui venit Rex in nomine Domini, pax in cælo, & gloria in excelsis. Et quidam phariseorum de turbis dixerunt ad illum: Magister, increpa discipulos tuos. Quibus ipse ait: Dico vobis, quia si hi tacerint, lapides clamabunt.

(e) Et ut appropinquavit, videns civitatem, flevit super illam, dicens: Quia si cognovisses & tu, & quidem in hac die tua, quæ ad pacem tibi; nunc autem abscondita sunt ab oculis tuis: quia venient dies in te, & circumdabunt te inimici tui vallo, & circumdabunt te, & coangustabunt te undique, & ad terram proſternent te, & filios tuos qui in te sunt, & non relinquent in te lapidem super lapidem, eo quod non cognoveris tempus visitationis tuæ.

(f) Et ingressus in templum cœpit eicere vendentes in illo, & ementes, dicens illis: Scriptum est, quia domus mea domus orationis est; vos autem fecistis eam speluncam latronum. Et erat docens quotidie in templo. Principes autem sacerdotum, & scribæ, & principes plebis quærebant illum perdere, & non inveniebant quid facerent illi. Omnis enim populus suspensus erat audiens illum.

(a) **A** MBR0SIUS (titul. de illuminatione cæci.) Zachæus in sicomoro, cæcus in via: quorum alterum Dominus (1) miserum expectat, alterum suæ mansionis claritate nobilitat: de quo dicitur: Et ingressus Iesus perambulabat Hierico: & ecce vir nomine Zachæus: & hic erat princeps publicanorum, & ipse dives. Et bene princeps inducitur publicanorum: quis enim de se desperet, quando ille pervenit ad gratiam, cui census ex fraude? Et ipse quidem dives, ut scias omnes divites avaros. CYRILLUS. Sed Zachæus in his moram non trahit; (2) sed factus est dignus pro-

(1) *M. miseratus. Nicolai ex Gregorio punit miseratus.* (2) *Nicolai legit: Ideoque.*

EX EDITIONE P. NICOLAI.

a Quod subiungitur ex Cyrillo, etiam habet in hunc locum similes cum sequentibus Titus, paulo aliter enuntians.

piatione Dei, qui cæcos illuminat, & longinquos vocat. TITUS. Pullulaverat autem in eo fœmen salutis, quia cupiebat Iesum videre: unde sequitur: *Et quærebat videre Iesum quis esset*, utpote qui numquam eum viderat: quia si vidisset, dudum iam recessisset a nequitia publicana. Si quis enim Iesum videt, non potest nequitia immorari. Duo autem erant impedimenta huic visioni: nam retardabat eum populus, non tam virorum, quam peccatorum; erat autem parvus statura: unde sequitur: *Et non poterat præ turba, quia statura pusillus erat.* AMBROSIVS (Lib. VIII. in Lucam, cap. de illuminatione cæci, a. med.) Quid sibi vult quod nullius alterius staturam quam huius expressit? Vide ne forte malitia pusillus, aut adhuc pusillus fide: nondum enim pronus erat cum ascenderet, nondum viderat Christum. TITUS. Sed ille bonum advenit ingenium: nam præcarrens in arborem ficomorum ascendit, & transeuntem Iesum desideratum videbat: unde sequitur: *Et præcarrens, ascendit in arborem ficomorum, ut videret illum, quia inde erat transiurus.* Hic ergo solam visionem desideravit: sed qui novit plus facere quam quærimus, dedit ei supra id quod expectabat: unde sequitur: *Et cum venisset ad locum, suspiciens Iesus vidit illum.* CYRILLUS. Vidit quidem hominis animam promptissime nitentem ad sancte vivendum, & eam ad pietatem convertit. AMBROSIVS (Lib. & tit. ut supra.) (1) Apud eum se non invitatus invitat: unde sequitur: *Et dixit ad eum: Zachæe, festinans descende, quia hodie in domo tua oportet me manere:* sciebat enim uberem (2) hospitii sui esse mercedem; (3) sed tamen & si non vocem, invitantis audierat affectum. BEDA (cap. lxxvii. in Luc. in prin.) Ecce autem camelus, deposita ibi sarcina, per foramen acus transit; hoc est, dives, & publicanus, relicto amore divitiarum, contempto censu fraudum, benedictionem dominicæ suscepcionis accipit.

Sequitur: *Et festinans descendit, & excepit illum gaudens.* AMBROSIVS (ubi supra.) Dilecti divites non in facultatibus crimen haberi, sed in his qui uti nesciunt facultatibus: nam divitiæ sicut impedimenta sunt improbis, ita bonis sunt adiumenta. S. Tb. Oper. Tom. V.

virtutis. CHRYSOSTOMUS sc. Sed considera nimiam Salvatoris bonitatem. Infons cum fontibus convertatur; fons iustitiæ cum avaritia, quæ est materia pravitatis: ingressus domum publicani, nullam ex avaritiæ nebula iniuriarum patitur; sed fulgore iustitiæ avaritiam delet. Sed mordaces, & criminationis amatores invehi tentant in his quæ ab eo fiebant: sequitur enim: *Et cum viderent omnes, murmurabant, dicentes, quod ad hominem peccatorem divertisset.* Ipse vero inculcatus ut epulo, & publicanorum amicus, spernebat hæc, ut consummaret propositum: quia & medicus nisi patiatur saniem ægrotorum, non liberat a morbo: quod & tunc contigit, quoniam conversus est publicanus, & factus est melior. Sequitur: *Stans autem Zachæus dixit ad Iesum: Ecce dimidium bonorum meorum, Domine, do pauperibus; & si quid aliquem defraudavi, reddo quadruplum.* Audi mirabile. Nondum didicit, & obedit: & sicut sol per radios insulsi in domum non illustrat verbo, sed opere; ita Salvator radiis iustitiæ, nequitia lugavit caliginem: nam lux in tenebris lucet. Quodlibet autem unitum est validum, divisum autem debile; & ideo bipartit substantiam. Est autem diligentius attendendum, quod opus Zachæi non solum erant iniustus, sed etiam ex patrimonio fuerunt congregatæ; alioquin quomodo poterat extorta iniique restituere in quadruplum? Sciebat enim legem iubentem restituere in quadruplum male ablata, ut si lex non terret, damna mitigent. Non ergo expectat Zachæus legis censuram, ipse sibi iudex effectus. THEOPHYLACTUS (super *Ecce dimidium bonorum meorum* &c.) Sed si subtilius indagare velimus, nihil de propriis restabat facultatibus. Data enim medietate bonorum pauperibus, ex residuo reddebat læsis in quadruplo. Nec solum hoc promittebat, sed faciebat: non enim ait, Dabo medietatem, & restitui quadruplum; sed *do, & reddo.* At Christus illi salutem annuntiat: sequitur (4) enim: *Ait Iesus ad eum, quia hodie salus huic domui facta est;* ipsum Zachæum significans affectum fuisse salutem, per domum habitatorem significans: sequitur enim: *Eo quod & ipse filius sis Abrahe:* non enim vocasset

Q q

Ab-

(1) Al. Capit eum. (2) Al. hospitii. (3) P. Nicolai ex Ambrosio restituit sed tamen etsi nondum vocem invitantis audierat, iam videbat affectum. (4) Al. desit enim, & sic infra.

Abrahæ filium inanimatam fabricam. BEDA (cap. lxxvii. in Lucam.) Filius autem Abrahæ Zachæus dicitur, non quia de eius stirpe genitus, sed quia eius est fidem imitatus, ut sicut ille terram domumque paternam deseruit, ita iste bona sua partiendo pauperibus relinqueret. Pulchre autem dicit, *Et ipse*, ut non solum eos qui in se vixerant, sed & eos qui ab iniustitia resipiscunt, ad filios promissionis pertinere declararet. THEOPHYLACTUS (super *Ecce quod filius Abrahæ sit*.) Non autem dixit quod filius (1) erat Abrahæ, sed quoniam nunc est: nam prius quando erat publicanorum princeps, nullam similitudinem habens ad Abraham iustum, non erat Abrahæ filius. Sed quia murmurabant quidam, eo quod moraretur cum viro peccatore, ad compescendos illos, subdit: *Venit enim Filius hominis querere, & saluum facere quod perierat*. CHRYSOSTOMUS. Quasi dicat: Quid me criminamini, si rectifico peccatores? Tam enim procul est a me odium peccatorum quod eorum causa advenirem: nam medicus veni, non iudex; ob hoc conviva fio languentium, patiorque fœtorem, ut præstet remedia. Queret autem aliquis: Quomodo Paulus iubet I. Corinth. v. si quis frater fuerit proci, aut avarus, cum huiusmodi nec cibum esse sumendum? Christus autem erit publicanorum conviva. Sed nondum provecti erant isti utherent fratres. Sed & tunc vitare præcepit Paulus fratres cum perissent in malo, hi vero erant mutati. BEDA (cap. lxxvii.) Mystice autem Zachæus, qui interpretatur iustificatus, credentem ex Gentibus populum significat, qui per occupationem temporariam depressus erat, & minimus, sed a Deo sanctificatus; qui intrantem Hierico Salvatorem videre voluit, dum fidem quam mundo attulit, participare quaesivit. GRIFFILLUS. Turba autem est imperitæ consilio multitudinis, quæ verticem nequivit videre sapientiæ. Ergo Zachæus quamdiu in turba est, non vidit Christum; sed plebeiam transgressus inscitiam, meruit quem desiderabat apicere. BEDA (cap. lxxviii. in Lucam.) Vel turba, idest vitiatorum consuetudo, quæ cæcum clamantem increpabat, etiam hunc (2) suspicientem tardat; sed sicut amplius clamando cæcus turbam vicit, ita pusillus terrena relinquendo, & arborem crucis ascendendo, turbam obstantem transcendit. Sicomorus namque, quæ est arbor foliis moro similis, sed altitudine

præstans, unde & a Latinis cella nuncupatur, hucus facta dicitur: & eadem dominica crux credentes alit ut ficus, ab incredulis irrideretur ut satua. Quam arborem pusillus statura Zachæus, ut coelestari posset ascendit, cum quilibet humilis, & propriæ conscientie infirmitatis clamat: „ Mihi „ absit gloriari nisi in cruce Domini nostri „ Iesu Christi: “ GAL. vii. AMBROSIIUS (Lib. VIII. tit. de illuminatione cæci.) Pulchre autem addidit, quia illa parte erat transiturus Dominus, vel ubi sicomorus, vel ubi crediturus; ut mysterium servaret, & gratiam seminaret: sic enim venerat ut per Iudæos veniret ad Gentes. Vidit itaque Zachæum sursum: iam enim sublimitas fidei inter fructus bonorum operum, inter secundæ altitudinem arboris eminebat, Zachæus autem supra arborem est, quia est supra legem. BEDA (super *Suscipiens Iesum vidit illum*.) Perambulans autem Dominus venit ad locum ubi Zachæus sicomorum ascenderat: quia missi per mundum prædicatoribus, in quibus ipse loquebatur, & ibat, venit ad populum nationum, qui passionis eius fide iam sublimis erat; quem suspiciens vidit, quia per gratiam elegit. Manebat autem aliquando Dominus in domo principis pharisæorum; sed eum opera digna Deo facientem lingua venenata carpebant: unde eorum perosus saccinora discessit dicens: „ Relinquetur domus vestra deserta: “ MARTH. xxi. Hodie autem in domo pusilli Zachæi oportet illum manere, idest novæ legis gratia coruscante in humilium nationum corde quiescere. Quod autem descendere de sicomoro, & sic mansionem in domo parare iubetur, hoc est quod ait Apostolus II. Corinth. v. „ Esi cognovimus secundum carnem Christum, sed iam nunc non novimus Esi enim mortuus est ex in- „ firmitate, sed vivit ex virtute Dei: “ ibid. xiii. Manifestum est autem Iudæos Gentium semper odisse salutem; sed salus, quæ olim Iudæorum domos implebat, hodie populum nationum illuxit, eo quod & ipse populus filius sit Abrahæ, credendo in Deum. THEOPHYLACTUS (super *Et non poterat enim videre*.) Sed & facile est hoc ad moralem utilitatem retorquere. Quisquis enim in malitia pluribus præstet, parvus est statura spirituali, & non potest videre Iesum præ turba: nam perplexus a passionibus, & sæcularibus rebus non aspiciet Iesum ambulantem, idest in nobis operan-

(1) *Ad. omisitior erat.* (2) *Ad. suspicientem.*

tem, nullum opus eius cognoscens. Ascendit autem super siccomorum, idest volupratibus dulcedinem, quæ significatur per siccam, deprimens eam; & sic sublimior factus, videt, & videtur a Christo. GREGORIUS XXVII. Mor. (cap. xvi. circa finem Lib.) Vel quia siccomorus factus fatua dicitur, pusillus Zachæus siccomorum subiit, & Dominum vidit: quia qui mundi stultitiam humiliter eligunt, (1) ipsi Dei sapientiam subtiliter contemplantur. Quid enim in hoc mundo stultius quam amissa non querere, possessa sapientibus relaxare, nullam pro acceptis (2) iniuriis injuriam reddere? Per hanc autem sapientem stultitiam, & si nondum solide ut est, iam tamen per contemplationis lumen, Dei sapientia videtur. THEOPHYLACTUS (super *Festinus descendit*.) Dicit autem ei Dominus, *Festinus descende*; hoc est, ascendisti per poenitentiam ad altiores locum, descendere per humilitatem, ne te supplantet elatio: oportet enim me in humilis domo manere. Geminis autem bonis in nobis existentibus, corporalibus scilicet, & spiritualibus, cuncta corporalia derelinquit iustus pauperibus, sed spiritualia non deserit bona, sed si quid exegit ab aliquo, reddit (3) quadruplum: significans per hoc quod si quis per poenitentiam pergit in contrario tramite priscæ pravitatis, per multiplices virtutes sanat omnia pristina delicta; ac sic promeretur salutem, vocaturque filius Abrahæ, eo quod a propria cognatione exierit, scilicet ab antiqua nequitia.

(b) EUSEBIUS. Aestimabant quidam in primo Salvatoris adventu regnum eius venire, & hoc putabant mox tunc fieri cum ascensus erat Hierosolymam; adeo obstupescerant eos miracula divina quæ fecerat. Et ideo instruit eos non prius se recipere regnum a Patre, quam ab hominibus irret ad Patrem: & ideo dicitur: *Hæc illis audientibus, addiciens dixit parabolam, eo quod esset prope Hierusalem, & quia estimarent quid confestim regnum Dei manifestaretur.* THEOPHYLACTUS (hoc loco.) Sed Dominus ostendit eis quod vana quædam aestimarent: non enim est sensibile regnum Dei. Ostendit etiam quod quasi Deus no-

vit cogitationes eorum, proponens eis subsequentem parabolam: unde sequitur: *Dixit ergo: Homo quidam nobilis abiit in regionem longinquam accipere sibi regnum, & reversi.* CYRILLUS. Describit autem sensus huius parabolæ mysteria Christi a primo usque ad ultimum. Homo enim factus est Deus Verbum existens; & quamvis servus factus sit, est tamen nobilis secundum ineffabilem ortum a Patre. BASILIUS h. (4) Non solum secundum genus humanum, ex semine David secundum carnem exortus. *Abiit autem in regionem longinquam*, non tam locali distantia se paratam quam rerum conditione: ipse enim Deus prope est unicuique nostrum, cum nostra bona opera nosel astringunt, & dilat quies nos hærendo perditioni elongamur ab eo. Ad hanc igitur terrenam regionem accessit longinquam a Deo, ut Gentium (5) regnum acciperet, secundum illud Psalm. 11. „Po-„ stula a me, & dabo tibi Gentes hereditatem tuam. “ AUGUSTINUS de Quæst. Evang. (Lib. II. cap. xlvii.) Vel regio longinqua Ecclesia Gentium est, usque ad fines terræ: abiit enim ut plenitudo Gentium intraret, reverteretur ut omnis Israel salvus fiat. EUSEBIUS e. Vel per hoc quod profectus est ad regionem longinquam, ascensum proprium a terra in cælos designat; cum vero subdit, *Accipere sibi regnum, & redire*, secundum sui apparitionem gloriosam, & regiam ostendit. Et primo quidem hominem se vocat propter nativitatem in carne, deinde nobilem; nondum autem se Regem appellat, quia nondum in prima apparitione regia fungebatur maiestate. Sed & bene dicitur obtinere sibi regnum: nam dante sibi Patre illud obtinuit, secundum illud Danielis vii. „Ecce Filius hominis veniebat in nubibus, & datum est ei regnum. “ CYRILLUS. Ascendens enim ad cælos, sedet ad dexteram maiestatis in excelsis; ascendens autem dispensavit credentibus in eum divinorum charitatum differentiam; sicut servis committuntur dominicæ facultates, ut aliquid lucrantes, famulatus sui ferant præconia: unde sequitur: *Vocatis autem decem servis suis, dedit illis decem mnas.* d. Consecruit sacra Scriptu-

Q q 2 ra

(1) *M.* ipsi de his sapientiam. (2) *M.* omittitur iniuriis. (3) *M.* in quadruplum. (4) *M.* Nec non. (5) *M.* omittitur regnum.

EX EDITIONE P. NICOLAI.

a In Cat. GRC. PP. b In Esgl. cap. xxi. vii. xxi. e Ut supra. d CHRYSOSTOMUS in Catena GRCORUM PP.

ra in signum perfectionis uti numero denario; quem si quis numerando excedere velit, ab unitate iterum inchoabit, quasi denario perduſto ad metam: & ideo in dispensatione talentorum cum qui metam attingit divini officii, decem ait mnas recepiſſe. AUGUSTINUS de Quæſt. Evang. (ut ſupra.) Vel per decem mnas legem ſignificat propter decalogum; per decem autem ſervos, hos quibus ſub illa poſitis gratia prædicata eſt. Sic enim intelligendum eſt eis datas mnas ad uſum, cum intellexerunt, legem remoto velamine ad Evangelium pertinere. BIDA (cap. lxxviii.) Mina (1) namque, quam Græci *mnan* (2) vocant, centum dracmis appenditur: & omnis Scripturæ ſermo, quia vitæ cæleſtis perfectionem ſuggerit, quali numeri centenarii pondere fulgeſcit. EUSEBIUS A. Significat ergo per eos qui mnas recipiunt, ſuos diſcipulos, quibus mnas exhibens ſingulis, parem cunctis diſpenſationem committens negotiari iuſſit. Sequitur: *Et ait ad illos: Negotiamini dum venio.* Nul- lum autem aliud negotium erat niſi dogma regni ſui intentis mortalibus prædicandum per ſuos diſcipulos. Idem autem eſt omnium documentum, eademque fides, unum baptiſma; & ob hoc mna una ſingulis datur. CYRILLUS. Multa autem eſt horum diſſerentia ad illos qui inſigniti ſunt regnum Dei; de quibus ſubditur: *Cives autem eius oderant illum, & miſerunt legationem poſt illum, dicentes: Nolimus hunc regnare ſuper nos.* Hoc eſt quod Chriſtus improprie vitæ dicitur Ioan. xv. „Nunc vero vide,“ runt, & oderunt me, & Patrem. „Renuerunt autem regnum eius, dicentes Pilato ibid. xix. „Non habemus Regem, niſi Cæſarem.“ EUSEBIUS B. Per hoc enim quod dicit, *Cives eius*, Iudæos ſignificat quos ex eadem progenie ſecundum carnem, & quoniam ritu legis cum illis pariter utebatur. AUGUSTINUS de Quæſt. Evang. (Lib. II. qu. lxi.) Miſerunt autem legationem poſt eum, quia etiam poſt reſurrectionem eius immerſerunt perſecutiones Apoſtoliſ, & prædicationem Evangelii reſpuerunt. EUSEBIUS C. Poſtquam autem Saluator hæc docuit pertinentia ad primum eius adventum, conſequen-

ter glorioſum, & regium eius reditum oſtendit, dicens: *Et ſcilum eſt ut rediret accepto regno, & iuſſit vocari ſervos, quibus dedit pecuniam, ut ſcirt quantum quiſque negotiatus eſſet.* CHRYSOSTOMUS D. Duo regna Dei novit ſacra Scriptura: alterum quidem ex creatione, ſecundum quod eſt Rex omnium creationis iure; alterum autem ex approbatione, ſecundum quod iuſtis dominatur, propria ſponte ei ſubiectis; & hoc regnum hic dicitur accepiſſe. AUGUSTINUS de Quæſt. Evang. (Lib. II. qu. xli.) Redit etiam accepto regno, quia in maniſeſtiſſima claritate venturus eſt qui eis humilis apparuit, cum diceret Ioan. xix. „Regnum meum non eſt de hoc mundo.“ CYRILLUS E. Redente autem Chriſto, ſumpto regno, merebuntur præconia, & delectabuntur verbi miſtri in ſuper- nis honoribus, quia multiplicaverunt talentum pluribus acquiſitis: unde ſubditur: *Venit autem primus dicens: Domine, mna tua decem mnas acquiſiuit.* BIDA (cap. lxxviii. in Lucam.) Primus ſervusordo doctorum eſt in circumciſione miſſorum; qui unam mnam negotiaturus acceperat, quia unam fidem prædicare iuſſus eſt; ſed hæc mna decem mnas acquiſiuit, quia populum ſub lege conſtitutum ſibi met docendo lociavit. Sequitur: *Et ait illi: Euge ſervus bone: quia in modico fuiſti fidelis, eris poſtea- tem habens ſuper decem civitates.* In modico ſervus eſt fidelis, quia non adulterat verbum Dei. Quicquid enim in præſentiper- cipimus donorum, in comparatione futuro- rum paucum eſt. GRAECUS F. Sed quia mercedem propriorum bonorum accipit, decem dicitur civitatibus præſſe. De his promiſſis quidam inſime conſcientias exiſtimant ſe præturis, & præſertim donari in terrena Hieruſalem reparata lapidibus præcioſis, ſi honeſte in Chriſto fuerint converſati, ambitum poteſtatis, & prælationis ab anima minime deponentes. AMBROSIVUS (Lib. VIII. in Luc. in fin. illius.) Sed civitates decem ſunt animæ, quibus iure præponitur (2) qui pecuniam domini, & elo- quia caſta probata ſicut argentum menti- bus hominum feneraverit: nam ſicut Hieruſalem dicitur ædificata ut civitas, ita ſunt animæ pacificæ; & ſicut Angeli præ- ſunt,

(1) M. Mina namque quam Græci mna vocant &c. (2) M. quia.

EX EDITIONE P. NICOLAI.

* Ut ſupra. b Ibidem. c Ut ſupra. d Rom. xxxix. in I ad Corinth. e In Catena GRÆGORII PP. f Vel Evagrius in Catena GRÆGORII PP.

sunt, ita hi qui vitam meruerunt Angelorum.

Sequitur: *Et alter venit dicens: Domine, mna tua fecit quinque mnas.* BEDA (cap. lxxviii. super *Mna tua fecit quinque.*) Servus ille cœtus est eorum qui præputio evangelizare missi sunt, cuius mna, idest evangelica fides, quinque mnas fecit: quia Gentes corporis sensibus antea mancipatas ad fidei evangelicæ gratiam convertit. Sequitur: *Et huic ait: Et tu esto super quinque civitates;* hoc est, ex earum, quas imbueras, animarum fide, & conversatione sublimis fulgeas. AMEROSIUS (ubi supra.) Vel aliter fortasse. Ille qui quinque mnas acquisivit, moralia habet, quia quinque sunt corporis sensus; ille qui decem, duplicia, idest mystica legis, & moralia probitatis. Possumus & hic decem mnas decem verba intelligere, idest legis doctrinam, quinque mnas magisteria disciplinæ; sed legisperitum in omnibus volo esse perfectum. Bene autem quia de Iudæis dicit, duo soli multiplicatam pecuniam deferunt, non utique æris, sed (1) disputationis usuris. CHRYSOSTOMUS. Alia est enim pecunia senoris, alia doctrinæ cœlestis usura. In terrenis enim opibus non evenit unum fieri divitem, nisi aliter depauperetur; sed in spiritualibus non evenit quemquam ditari, nisi faciat & alium locupletem; in corporeis enim participatio minuit, sed in spiritualibus augeat. AUGUSTINUS de Quæst. Evang. (Lib. II. qu. xlvii.) Vel aliter. Quod unus eorum qui bene usi sunt, decem acquisivit, & alter quinque, significat eos esse acquisitos in gregem Domini a quibus iam lex per gratiam intellecta est, sive propter decem legis præcepta, sive quia ille per quem lex lata est, quinque libros conscripsit. Ad hoc pertinent decem, & quinque civitates, quibus eos præponit: (2) multiplicatione enim intelligentiæ in ipsa varietate, quæ de unoquoque præcepto, vel de unoquoque libro pullulat, ad unum reducta, quasi civitatem facit viventium rationum æternarum: est enim civitas, non quorumlibet animantium, sed rationalium multitudo, legis unius societate devincta. Quod ergo servi reddentes rationem ex eo

quod acceperant, laudantur qui lucrati sunt, significat eos bonam reddere rationem qui bene usi sunt (3) eo quod acceperunt ad augendas divitias domini per eos qui credunt in eum. Quod qui tacere nolunt, in illo signati (4) sunt qui mnas suam in sudario servavit; de quo sequitur: *Et tertius venit dicens: Domine, ecce mna tua quam habui, repositam in sudario.* Sunt enim homines hac sibi perveritate blandientes, ut dicant: Sufficit ut de se unusquisque rationem reddat: quid opus est aliis prædicare, & ministrare ut etiam rationem de ipsis quoque reddere cogatur? Cum apud Dominum etiam illi sint inexcusabiles quibus lex data non est, (5) neque etiam qui audito Evangelio non obdixerunt: quia per creaturam poterant cognoscere creatorem: unde sequitur: *Timui enim te, quia homo austerus es: tollis quod non posuisti, & metis quod non seminasti.* Hoc est enim quasi metere ubi non seminavit, idest eos impietatis reos tenere, quibus verbum (6) aut legis, aut Evangelii ministratum non est. Hoc autem veluti iudicii periculum devitantes pigro labore a verbi ministracione conquelescent; & hoc est quasi in sudario ligare quod acceperunt. THEOPHYLACTUS (super *Repositam in sudario.*) Sudario enim mortuorum facies velatur: merito ergo hic piger dicitur mnas in sudario involvisse, quia eam mortificans, & otiosam dimittens, non tractavit, nec auxit. BEDA (cap. lxxviii. in Lucam.) Vel pecuniam in sudario ligare, est percepta dona sub otio lenti corporis abscondere. Quod autem putaverat se per excusacionem dixisse, in culpam propriam vertitur: unde sequitur: *Dicit ei: De ore tuo te iudico, serve nequam.* Servus nequam vocatur quasi piger ad exercendum negotium, & superbus ad accusandum domini iudicium. *Scias quod ego austerus homo sum, tollens quod non posui, & metens quod non seminavi? & quare non dedisti pecuniam meam ad mensam?* quasi dicat: Si durum me esse noveras, & aliena sectari, quare non tibi hæc cogitatio incussit timorem, ut scires me mea diligentius quæsiturum? Pecunia autem, vel argentum prædicatio Evangelii est, & sermo

(1) Corrigit Niccol dispensationis. (2) M. multiplicationem scilicet intelligentia in ipsa varietate. (3) M. desiderat eo. (4) M. emittitur sunt. (5) Augustinus hic legit neque audito Evangelio dormierunt. (6) M. dixit aut.

mo divinus: quia „ eloquia Domini elo-
quia casta, argentum igne examinatum:“
Psal. xi. qui sermo Domini dari debuit
ad mentiam, hoc est promptis paratissime
cordibus intimari. AUGUSTINUS de
Quæst. Evan. (Lib. II. q. xlv.) Vel men-
sa ad quam danda erat pecunia, professionem
ipsam religionis accipimus, quæ tamquam
publice proponitur ad usum necessarium sa-
luti. CHRYSOSTOMUS *. In sensibili-
bus autem divitis debitoribus solius obser-
vationis obnoxii sunt: quantum enim reci-
piunt tantum eos reddere necesse est, &
nihil plus ab eis quaeritur: in divinis autem
eloquiis non solum ad custodiam obligamur,
sed etiam multiplicare monemur: unde se-
quitur: *Et ego veniens cum uluris utique ex-
gitem illam.* BEDA (cap. lxxviii. in Lu-
cam.) Qui enim verbi pecuniam a do-
ctore percipit credendo, necesse est ut eam
cum uluris solvat operando; vel ut ex eo
quod audivit, etiam alia studeat intelligere,
quæ necdum ex prædicatoris ore didi-
cit. CYRILLUS †. Doctorem enim est
inferere auditoribus salutarem, & profi-
cium sermonem; opus autem divinæ vir-
tutis est attrahere obediens ad audien-
tiam, & fertilem eorum reddere intel-
lectum. Non est autem hic servus laudatus, ne-
que honorem promeruit; sed potius tam-
quam iners est condemnatus: unde sequi-
tur: *Et astantibus dixit: Auferte ab eamnam,
& date illi qui decem minas habet.* AUGU-
STINUS de Quæst. Evang. (Lib. II. q.
xlv.) Per quod significatur & illum pos-
se amittere munus Dei qui habens non ha-
bet, id est eo non utitur; & eo augeri qui
habens habet, id est bene utitur. BEDA
(cap. lxxxvi. in Lucam.) Mystice autem
hoc, ut reor, indicat intrante plenitudine
Gentium, omnem Israel salvum futurum;
& tunc abundantiam gratiæ spiritualis,
quam modo nos tepide exercemus, illius
populi doctoribus esse conferenda. CHRYS-
OSTOMUS ‡. Ideo autem dicit astanti-
bus, *Auferte ei minam*: quia non est (1),

prudens animi punire; sed alio quodam,
scilicet ministro, eger ad puniendum effi-
cio iudicis: nam & Deus non ipsemet pec-
nas irrogat, sed mediantibus Angelis. (2)
AMBROSIVS (Lib. VIII. in Luc. cap.
ult.) De aliis servis filetur, qui quasi pro-
digi debitoribus quod acceperant perdidit.
In duobus servis illis qui lucrati sunt,
pauci signati sunt qui per duas vices ad cul-
tores vineæ sunt destinati; in reliquis om-
nes ludæi. Sequitur: *Et dixerunt illi:
Domine, habes decem minas.* Et ne hoc in-
iustum videretur, subdit: *Dico autem vobis,
quia omni habenti dabitur.* THEOPHY-
LACTUS (hoc loco.) Quia cum decem
auxerit (3) decuplando, palam est quod &
plura decuplans plurius lucri fiet occasio Do-
mino. A deside vero, & otioso, qui non
satagit augere quod acceperat, ipsum quo-
que quod possidet auferetur: unde sequi-
tur: *Ab eo autem qui non habet, & quod
habet auferatur ab eo*: ne vacet (4) census
dominicus; cum posset dari aliis, & mul-
tiplicari. Hæc autem non solum ad sermo-
nem, & doctrinam referenda sunt, sed et-
iam ad morales virtutes: quoniam & in
his dat nobis Deus sua charismata, hunc
dotans ieiunio, illum oratione, alium
mansuetudine, vel humilitate: quibus si
invigilaverimus, (5) multiplicabi-
mus ea; si vero tepemus, extinguemus.
Deinde de adversariis subdit: *Veruntamen
inimicos meos, illos qui noluerunt me regnare
super se, adducite, & interfecite ante me.*
AUGUSTINUS de Quæst. Evang. (Lib.
II. q. xlv.) Per quod designat impietatem
Iudæorum, quia ad eum noluerunt con-
verti. THEOPHYLACTUS. Quos tradi-
dit morti, mittens eos in ignem exterior-
em; sed & in hoc mundo statim sunt fle-
biliter ab exercitu Romanorum. CHRYS-
OSTOMUS §. Hæc contra Marcionistas
competunt: nam & Christus dicit: *Addu-
cite hostes meos, & occidite ceram me*: cum ta-
men illi bonum dicant Christum, Deum
vero veteris testamenti malum. Patet au-
tem.

(1) *Al.* prudentiæ. (2) *Al.* AUGUSTINUS. (3) *Al.* deculpando, & infra deculpans. (4) *Al.*
lenius. (5) *Al.* multiplicamus.

EX EDITIONE P. NICOLAI.

* In Catena Græc. PP. † A Corderio in Catena Græc. PP. non refertur quo ad hoc: & fortasse sum-
ptum est ex illius tractatu in hunc locum, qui nunc non extat: similia nihilominus habet Lib. X. in
loco- ad illa verba ex cap. xv. *Si sermonem meum servaverint &c.* item orat. 1. in Esiām super illud,
Argentum tuum versum est in fœciem, cap. 1. & Hom. xlvii. in Acta versus finem. Quod subditur ex
Chrysiostomo, non corruendi verborum occasione habet sed similem nihil minus parabolam ex Matth.
xxv. in exemplum adductam. § In Catena Græc. PP.

tem quod Pater, & Filius eadem facit : nam Pater ad vineam desinat exercitum, Filius autem hostes coram se trucidari facit. » Hæc autem quæ in Luca scribitur parabola, alia est ab ea quæ in Matthæo narratur de talentis : nam hic quidem ex uno capitali accepto, vatii fuisse proventus : quia ex una mna accepta, hic quinque talenta, ille obtulit decem : sed apud Matthæum, contrarium : nam qui duo accepit, duo superaddidit, & qui quinque, tantumdem, unde & præmiis donantur im-
pioribus.

(c) **TITUS** b. Quia Dominus dixerat supra x. *Appropinquavit regnum Dei*; videntem illum in Hierusalem ascendentem, putabant ideo ascendere ut regnum Dei inchoaret. Confirmata ergo parabola, in qua errorem prædictum correxit, & ostenso quod nondum insidiantem sibi mortem dederat, procedebat ad passionem, ascendens Hierosolymam: unde dicitur: *Et ibi dicitis præcedebat ascendens Hierusalem.* **BIDA** (Cap. lxxviii. in fin.) Ostendens etiam de eiusdem civitatis eventu parabolum fuisse præmissam, quæ & ipsum erat occisura, & hostili clade peritura. Sequitur: *Et factum est, cum appropinquaret ad Bethphage, & Bethaniam ad montem qui vocatur Oliveti, misit duos discipulos suos. Bethphage erat locus sacerdotum in monte Oliveti; Bethaniam quoque civitas, sive villula, ex latere montis eiusdem quasi stadiis quindecim a Hierusalem.* **CHRYSOSTOMUS**. Et quidem in exordiis indifferenter se Dominus inegerat Iudeis; sed ubi sufficienter edidit fuisse potestatis experimentum, auctoritate multa singula quæque pertrahat. Multa igitur sunt miracula. Prædixit quoniam invenirent pullum indomitum; & hoc est quod subditur: *Dicens: Ite in castellum quod contra vos est; quod introeuntes invenietis pullum asina alligatum, cui nemo unquam hominum sedit.* Prædicit etiam quod nemo prohibebit, sed cum audierint, silebunt: unde sequitur: *Solvite illum, & adducite. Si quis vos interrogaverit, Quare solvitis? sic dicetis ei: Quia Dominus operam eius desideras.* **TITUS** d. In hoc autem divinam fore voca-

tionem patuit: non enim potest aliquis re-
fillere Deo quæ sua sunt evocanti. Diffi-
cilius autem iussu ducere pullum, non re-
futarerunt hoc officium ut parvum, sed ab-
ierunt ut adducerent eum: unde sequitur:
*Abierunt autem qui iussu erant, & inven-
runt, sicut dixit, pullum flantem.* BASI-
LIUS *b.* Sic quoque docet nos & infirma
opera plurimo cum affectu, & studio a-
gredi, scientes quod quicquid intuitu De-
bit, non est parvum, sed dignum in regno
celorum. TITUS *f.* Omitebant autem ob
excellentiam fortis virtutis, nequeutes
refillere Salvatoreis eloquiis, qui ligaverunt
afinum: sequitur enim: *Solventibus autem il-
lis, dixerunt domino eius ad illos: Quid sol-
vitis pullum? Ad illi dixerunt: Quia Domi-
nus enim necessarium habet.* Maiestativum eni-
m nomen est Dominus: Rex enim erat
venturus in conspectu multitudinis. AUG-
USTINUS de Conf. Evan. (Lib. II. cap.
lxvi.) Nec moveat quod Matthæus afinum,
& pullum dicit, ceteri autem de afina
tacent: ubi enim utrumque scilicet potest
intelligi, nulla repugnantia est, nec si alius
alia (1) commemoraret; quanto minus ubi
alius unum, & alius utrumque? GLOSSA
g. Nec solum discipuli obsecrati sunt Christo
in pullo alieno, sed etiam in propriis
vestimentis, quæ partim alius impulerunt,
partim sternerant in via: unde sequitur:
*Et duxerunt illum ad Iesum, & iacentes vesti-
menta sua supra pullum, imposuerunt Iesum.*
Exeunte autem illo substernerant vestimenta
sua in via. BEDA (cap. lxxix. in Lucam.)
Iuxta alios Evangelistas, non discipuli tan-
tum, sed etiam plurimi de turba vestimen-
ta sternerant in via. AMBROSIIUS (Lib.
IX. in Lucam cap. 1.) Mystice autem Do-
minus venit ad montem Oliveti, ut novel-
las oleas in sublimi virtute plantaret: &
fortasse ipse mons Christus est: quis enim
alius tales fructus ferret olearum Spiritu
sancto secundarum? BEDA. Pulchre au-
tem civitates positæ in monte Oliveti re-
feruntur, hoc est in ipso Domino, qui un-
dionem spiritualium charitatum, & (2)
scientiæ, pietatisque luce refoset. ORI-
GENES *b.* Bethania autem interpretatur
domus

(1) *Al.* commemorat. (2) *Al.* & scientiz.

EX EDITIONE P. NICOLAI.

^a IDEM hom. lxxix. in Matth. ^b In Cat. Græc. PP. & in Matth. ^c Hom. lxxvi. in Matth. ^d Ut supra in Matth. ^e Nec notatur a Cordesio in Cat. Græc. PP. nec occurrît in Operibus Basilii; etsi aliquid ad hunc sensum pertinens indicatur totum in Regulis suisus disputatis ad inserer. v. & xxiv. tum de Baptismo cap. xv. vi. & xz. ^f Ut supra. ^g Non est in Glossis quæ nunc extat, ne nichiliter Affelsmus in Matth. cxi. pro illa fide Glossam notare solet s. Thomas in hoc Oper. ^h Hom. lxxvi. in Lucam.

domos obedientiæ; Bethphage vero domus maxillarum, sacerdotalisquidam locus: maxillæ enim sacerdotibus dabantur, sicut in lege præcipitur. Illuc vero (1) ubi obedientia, & ubi locus sacerdotibus mancipatur, mittit Salvator discipulos suos, ut solvant asinæ pullum. AMBROSIVS (Lib. IX. in Lucam cap. 1.) In castello enim erant, & erat ligatus pullus cum asina, nec poterat solvi nisi iussu Domini. Solvit eum manus apostolica. Talisactus, talis vita, talis gratia. Esto talis ut ligatos possis solvere. In asina quidem Matthæus Evangelista quasi matrem figuravit erroris; hic autem in pullo generalitatem populi Gentilis exprestit. Et bene, *in quo nemo sedit*: quia nullus ante quam Christus nationum populos vocavit ad Ecclesiam. Alligatus autem perfidiæ vinculis tenebatur, (2) iniquo addictus domino erroris famulatu; sed dominatum vendicare sibi non poterat, quem dominum fecerat non natura, sed culpa: & ideo cum Dominus dicitur, unus agnoscitur. Milera servitus cui vagum ius est: plures enim habet dominos qui unum non habet. Alieni alligant, ut possideant; ille solvit, ut teneat: vehementior enim dona novit esse quam vincula. ORIGENES *. Multi ergo erant domini huius pulli, inæquam Salvator eum haberet necessarium; postquam vero ille cœpit esse Dominius, plures esse domini celsaverunt: nemo enim potest Deo servire, & mammonæ. Quando malitiæ servimus, multis sumus passionibus, vitiisque subiecti. Necessarium autem habet Dominus pullum, quia cupit nos solvi vinculis peccatorum. ORIGENES super Ioannem 6. Ego autem opinor non frustra castellum esse hunc locum, ubi stabat asina ligata, & pullus: quasi castellum enim respectu totius orbis cælestis tota terra despicitur abique adiectione alterius nominis nuncupatum. AMBROSIVS (Lib. IX. cap. 1. ante med.) Nec illud est otiosum quod duo discipuli diriguntur, Petrus ad Cornelium, Paulus ad reliquos: & ideo non personas destinavit, sed numerum diffinit. Tamen si quis est qui personas exigit, potest æstimare de Philippo, quem Spiritus sanctus misit in Gazam, quando Candacis Reginæ baptizavit eunuchum. THEOPHYLACTUS

(super *Miser duos discipulos.*) Vel duomissi hoc innuunt, quod ad introductionem Gentilis populi, & tubedionem eius ad Christum, duns faciunt gradus Prophetæ, & Apostoli. Ducunt autem eum a quodam castello, ut innotescat nobis quod hic populus rutricanus erat, & indoctus. AMBROSIVS (ubi supra ante med.) Illi ergo directi cum solverent pullum, non suis verbis sunt usi, sed dixerunt sicut dixerat illis Iesus; ut agnoscas quod non suo sermone, sed verbo Dei, nec proprio, sed Christi nomine fidem populus infundere Gentilibus; atque advertant potestates, quæ sibi nationum obsequia vendicabant, mandato celsere divino. ORIGENES (hom. xxxvii. in Luc.) Deinde mittunt discipuli vestes suas super asinam, & sedere faciunt Salvatorem, dum assument sermonem Dei, & imponunt eum super animas audientium. Vestibus exiunt, & substernunt eas in via: quia vestimenta Apostolorum, opera eorum bona sunt. Et revera solutus a discipulis asinus, & portans Iesum incedit super vestimenta Apostolorum, quando doctrinam eorum imitatur, & vitam. Quis nostrum ita beatus est ut sedeat super illum Iesus? AMBROSIVS (ubi supra.) Non enim mundi Dominum gestari super dorsum asinæ delectavit; sed ut latente mysterio in secretis animarum interiore (3) confessu, mysticus rector insideret, regens mentis vestigia, lasciviam carnis intrinsecans: sermo eius habena est, stimulus est.

(d) ORIGENES (hom. xxxvii. ut supra.) Quamdiu in monte fuit Dominus, cum solis Apostolis morabatur; quando autem vicinus cœpit esse descensus, tunc occurrit ei turba populorum: unde dicitur: *Et cum iam appropinquarent ad descensum montis Olivæ, cœperunt omnes turba descendunt discipulorum gaudentes laudare Deum voce magna.* THEOPHYLACTUS (super his verbis.) Discipulos vocat non solum duodecim, aut septuaginta, sed omnes qui Christum sequebantur, seu causa miraculorum, seu ad aliquam delectationem doctrinæ; quibus ingeri pueri potuerunt, ut narrent alii Evangelistæ: unde sequitur: *Super omnibus quas viderant virtutibus.* BEDA (cap. lxxix. a med.) Multas quidem virtutes

(1) *M.* ubi obedientia, ibi locus &c. (2) *M.* in quo adductus domino. (3) *M.* consensu.

tutes Domini viderant, sed maxime Lazari resurrectionem stupebant: nam, ut Ioannes ait cap. xxi. „propterea obviam venit ei turba, quia audierat eum fecisse hoc signum.“ Notandum enim est, non tunc primum Salvatorem Hierusalem adfuisse, sed multoties antea, sicut Ioannes commemorat. AMBROSIVS (Lib. IX. in Lucam cap. 1.) Turba igitur agnoscens Deum, Regem appellat, prophetiam repetit, expectatum quoque secundum carnem David filium venisse declarat: unde sequitur: *Dicentes: Benedictus qui venit Rex in nomine Domini.* BEDA (cap. lxxix. in Lucam.) Idem in nomine Dei Patris; quamvis possit intelligi & in nomine suo, quia & ipse Dominus est. Sed melius verba eius nostrum dirigunt intellectum, quibus ait Ioan. v. „Ego „veni in nomine Patris mei:“ humilitatis enim magister est Christus. Non autem Rex Christus dicitur exigendum tributum, vel ferro exercitum armandum, hostesque visibiliter debellandos; sed quod mentes regat, & in regnum cælorum credentes perducatur: quod enim Rex esse voluit Israel, miserationis indicium est, non potestatis augmentum. Verum quia Christus in carne totius mundi propitiatio illuxit, pulchre sibi invicem in laude eius cælestia simul, & terrena concinunt: eo enim nascente, cælestium agmina cantant, eodem autem cælis se reditu, mortales vicem laudis rependant: unde sequitur, *Pax in cælo.* THEOPHYLACTUS (super *Quidam pharisæorum de turbis dixerunt.*) Hoc est, bellum antiquum, quo Deo adversabamur, evanuit. *Et gloria in excelsis*, laudantibus scilicet Angelis Deum in tali reconciliatione: nam hoc ipsum quod Deus visibiliter ambulat in territorio inimicorum suorum, significat ipsum nobiscum habere concordiam. Sed pharisæi hoc audientes murmurabant, eo quod turba eum Regem vocabat, & laudabat ut Deum; referentes nomen Regis ad seditionem, nomen vero Domini ad blasphemiam: unde sequitur: *Et quidam pharisæorum de turbis dixerunt ad illum: Magister, increpa discipulos tuos.* BEDA (cap. lxxix. in Lucam.) (1) Mira invidorum dementia: quem magistrum appellandum non dubitant, quia vera doctorem noverant, huius discipulos, quasi melius edocti, redarguendos æstimant. CY-

S, Th. Oper. Tom. V.

RILLUS. Sed Dominus non compescuit laudantes eum ut Deum, sed magis reprehenses compescens, attestatur sibi super gloria deitatis: unde sequitur: *Quibus ipse ait: Dico vobis, quia si hi tacerint, lapides clamabunt.* THEOPHYLACTUS (hoc loco.) Qualificat: Non sine causa (2) homines me taliter laudant, sed commoni virtutibus quas viderunt. BEDA (ubi supra.) Crucifixio etiam Domino, notis eius tacentibus præ timore, lapides, & saxa caneant, dum postquam emisit spiritum, terra mota est, & petra scissæ sunt, & monumenta aperta sunt. AMBROSIVS (Lib. IX. cap. 1. par. a fine.) Neque etiam mirum est si laudes Domini contra naturam suam saxa respondeant, quem scopulis duriores prædicant peremptores, scilicet turba post exiguum crucifixura Deum, negans affectibus quem vocibus; confitetur: aut fortasse, quia obmutescitibus Iudeis post Domini passionem, viverant secundum Petrum lapides clamaturi. ORIGENES (hom. xxxvii. ut supra.) Quando etiam nos tacemus, idem refrigerat caritas mitorum, lapides clamant: *Potest enim Deus suscitare de lapidibus filios Abrahæ:* supra xii. a Pulchre autem turbae laudantes Deum ad descensionem montis occurrere legimus, ut operatorem mysterii spiritualis significarent sibi venisse de cælo. BEDA. Descendente etiam Domino de monte olivarum, turba descendunt: quia humiliato misericordiae auctore, necesse est eos qui misericordia indigent, eius vestigia imitari.

(e) ORIGENES (hom. xxxviii.) Omnes beatitudines quos locutus est Iesus in Evangelio suo, firmat exemplo; sicut quod dixerat Matth. v. „Beati mites,“ probat dicens ibid. xi. „Discite a me, quia mitis sum:“ & quia dixerat, „Beati „flentes,“ ipse quoque (3) flevit super civitatem: unde dicitur: *Et ut appropinquavit, videns civitatem, flevit super illam.* CYRILLUS. Miserebatur enim eorum Christus, qui omnes homines vult salvare: quod nobis non patuisset, nisi per aliquod humanum fieret evidens: effusus enim lacrymæ sunt signa tristitiæ. GREGORIUS in hom. (xxxix. in Evang.) Flevit igitur pius Redemptor ruinam perdidit civitatis, quam ipsa civitas sibi non cognoscebat esse

R r

ven-

(1) M. Misculum invidorum. (2) M. ut homines. (3) M. flevit civitatem.

venturam; unde subditur: *Dicens: Quia si agnovisset & tu: subaudi, feres, quæ modo, quia nescis quod imminet, exultas: unde subditur: Et quidem in hac die tua, quæ ad pacem tibi.* Cum enim carnis se voluptatibus daret in die sua, quæ ad pacem ei esse poterant habebat. Cur vero bona præsentia ad pacem habuerit, manifestatur cum subditur: *Nunc autem abscondita sunt ab oculis tuis.* Si enim a cordis eius oculis mala quæ imminerent, abscondita non essent, læta in præsentibus prosperis non fuisset: unde mox eius poena, quæ imminerebat, adiuncta est, cum sequitur: *Quia venient dies in te.* CYRILLUS A. (1) Vel aliter. *Quia si cognovisset & tu:* non enim erant digni percipere divinitus inspiratas Scripturas, quæ narrant Christi mysterium: quoties enim legitur Moyses, velamen obstruibat cor eorum. Et quia non sunt inruit veritatem, indignos se fecerunt salutem, quæ manat a Christo: unde sequitur: *Et quidem in hac die tua quæ ad pacem tibi.* EUSEBIUS b. Ubi notat, suum adventum ad pacem totius mundi factum fuisse: venit enim ad hoc ut pacem prædicaret propinquis, & longinquis. Sed quia annuntiatam sibi pacem recipere noluerunt, hoc eos latebat; unde subditur: *Nunc autem abscondita sunt ab oculis tuis.* Et ideo oblationem, quæ in brevi erat ei superventura, expressissime prænuntiat subdicens: *Quia venient dies in te, & circumdabunt te inimici tui vallo.* GREGORIUS (hom. xxxix. in Evang.) Ubi Romani Principes denuntiantur. Illa enim Hierosolymorum subversio describitur quæ a Vespasiano, & Tito Romanis Principibus facta est: unde subditur: *Et circumdabunt te, & coangustabunt te undique, & ad terram proferent te, & filios tuos qui in te sunt.* EUSEBIUS. Quomodo autem hæc completa sint, ex his quæ tradita sunt a Iosepho, colligere possumus, qui cum esset Iudæus, singula quoque gesta narravit consona his quæ sunt a Christo prædicta. GREGORIUS (homil. xxxix. in Evang.) Hoc quoque quod additur, *Et non relinquent in te lapidem super lapidem, & ipsa iam eiusdem civitatis transmigratione testatur: quia dum nunc in eo lo-*

co constructa est ubi extra portam Dominus fuerat crucifixus, prior illa, ut dicitur, Hierusalem funditus est everisa. Cui ex qua culpa everisionis poena fuerit illata subiungitur: *Et quod non cognoveris tempest visitationis tue.* THEOPHYLACTUS. Id est, mei adventus: veni enim visurus, & salvaturus te. Quod si cognosceres, & nunc crederes, elles pacata Romanis; & ex omnibus exempta periculis; sicut omnes qui crediderunt in Christum evaserunt. ORIGENES (hom. xxxviii.) Non nego igitur & illam Hierusalem propter habitatorum scelera fuisse destructam; sed quæro ne forte ad hanc Hierusalem stertus ille pertineat. Si enim post mysteria veritatis aliquis peccaverit, plangeatur: nemo enim Gentilis stetur, sed ille qui fuit de Hierusalem, & else cessavit. GREGORIUS (homil. xxxix. ut supra.) Redemptor enim noster per electos suos plangere non cessat, cum quosdam ex bona vita ad mores reprobos pervenisse considerat; qui si damnationem suam quæ eis imminet, agnovissent, semetipsos cum lacrymis electorum plangerent. Suam autem diem hic habet anima perversa, quæ transitorio gaudet in tempore: cui ea quæ adiunt, ad pacem sunt, dum ex rebus temporalibus lætatur. Hæc providere futura refugit, quæ præsentem lætitiæ perturbant: unde dicitur: *Nunc autem abscondita sunt ab oculis tuis.* ORIGENES (hom. xxxviii.) Stetur autem & nostra Hierusalem, quod post peccata circumdant eam inimici, id est spiritus nequam, & immittunt in circuitu eius valum, ut obsideant eam, & lapidem super lapidem non relinquant; maxime si post multam continentiam, si post aliquot annos castitatis victus quis fuerit, & blandimentis carnis illeclus, patientiam, pudicitiamque amiserit, si fuerit fornicatus; lapidem super lapidem non relinquent in eo, secundum illud Ezech. xlviii. „Non recordabor primarum iniquitatum eius.“ GREGORIUS (hom. xxxix. ut supra.) Vel aliter. Maligni spiritus animam a corpore exeuntem obsident, quam in carnis amore positam deceptoris delectationibus fovent; qui vallo circumdant, quia ante mentis eius

ocu-

(1) Nicolai amicitia Vel aliter.

EX EDITIONE P. NICOLAI.

a In Catena Græc. pp. b Eusebii locus non occurrit, nec a Corderio notatur in Catena Græc. pp. Quod autem ex eodem fonte subiungitur colligi potest ex Hist. eccl. Lib. III. cap. vi. vii. viii. & ex Iosepho de Bello Iudaico Lib. VI. cap. xxi. ac deinceps.

oculos reductis iniquitatibus quas perpetravit, hanc societate suæ damnationis coarctant, ut in ipsa extremitate vitæ deprehensio, a quibus hostibus circumclusa sit videat, & tamen evadendi aditum invenire non possit: quia operari iam non (1) licet bona, quæ cum licuit agere contempsit. Undique etiam animam coangustant, quando ei non solum operis, verum etiam locutionis, atque cogitationis iniquitates replicant, ut quæ prius se per multa dilatavit in scelere, in extremum de omnibus angustetur in retributione. Tunc autem anima per conditionem reatus sui ad terram confertur, cum caro, quam vitam suam credidit, redire ad pulverem urgetur. Tunc in morte filii illius cadunt, cum cogitationes illicitæ, quæ modo ex illa procedunt, in extrema ultione dissipantur; quæ etiam cogitationes per lapides significari valent: perversa enim mens, cum perversæ cogitationis perversiorem adiciat, quasi lapidem supra lapidem ponit; sed cum ad ultionem suam anima ducitur, omnis cogitationum constructio dissipatur. Pravam autem animam Deus assidue visitat præcepto, aliquando flagello, aliquando autem miraculo, ut vera quæ nesciebat audiat, & ea contemnens aut dolore compuncta redeat, aut beneficiis devota, malum quod fecit erubescat. Sed quia visitationis suæ tempus non cognoscit, in extremo vitæ traditur suis inimicis.

(f) GREGORIUS in hom. (xxxix. in Evang.) Qui narraverat mala ventura, protinus templum ingressus est, ut de illo vendentes, & ementes eiceret: ostendens quod ruina populi maxime ex culpa sacerdotum fuit: unde dicitur: *Et ingressus in templum, cepit eicere vendentes in illo, & ementes.* AMBROSIVS (Lib. IX. in Lucam cap. 2.) Deus enim templum suum non mercatoris vult esse diversorium, sed domicilium sanctitatis; nec vendibili religionis officio, sed obsequio gratuito usum ministerii sacerdotalis informat. CYRILLUS. Erat autem in templo multitudo mercatorum, qui vendebant animalia ritu legis maculanda in hostiis. Sed iam aderat tempus desinendi umbram, resurgendi vero Christi veritatem: ob hoc Christus, qui cum Patre simul colebatur in templo, iussit ritus corrigi legis,

fieri vero templum orationis domum: unde subditur: *Dicens illis: Scriptum est, domus mea domus orationis est; vos autem fecistis eam speluncam latronum.* GREGORIUS (hom. xxxix. ut supra.) Qui enim ad accipienda munera in templo residebant, quia quibuldam non dantibus læsiones exquirerent, dubium non erat. THEOPHYLACTUS (hoc loco.) Hoc etiam Dominus fecit in principio prædicationis suæ, ut narrat Ioannes, & nunc iterum illud fecit: (2) quod ad maius crimen Iudæorum redundat, qui non fuerunt ex prioris admonitione castigati. AUGUSTINUS de Quæst. Evan. (Lib. II. q. xlviii.) Mylice autem templum ipsum hominem Christum intelligas, vel etiam adiuncto corpore eius, quod est Ecclesia. Secundum autem id quod est caput Ecclesiæ, dictum est Ioan. 12. „Solvite templum hoc, & in triduo suscitabo illud:“ secundum id vero quod est adiuncta Ecclesia, intelligitur templum de quo videtur dixisse ibid. „Auferte ista hinc.“ Significavit enim futuros in Ecclesia qui sua negotia potius agerent, vel receptacula ibi haberent ad occultanda scelera sua, quam ut caritatem Christi sequerentur, & peccatorum confessione, accepta venia, corrigerentur. GREGORIUS in homil. (xxxix. in Evang.) Redemptor vero noster prædicationis verba nec indignis, nec ingratis subtrahit: unde postquam rigorem disciplinæ eliciendo perversos tenuit, donum his gratiæ ostendit: nam subditur: *Et erat decens quotidie in templo.* CYRILLUS. Decebat autem ex his quæ Christus dixerat, & fecerat, eum adorare ut Deum; sed ipsi nequaquam hoc facientes, quærebant eum occidere: sequitur enim: *Principes autem sacerdotum, & scriba, & principes plebis quærebant illum perders.* BEDA. Vel quia quotidie docebat in templo, vel quia latrones eiccebat de templo, vel quia veniens illic quasi Rex, & Dominus a credentium turba laudem hymni cælestis accepit. CYRILLUS. Sed populus graviores æstimationem accepit de Christo quam scribæ, & pharisæi, & principes Iudæorum, qui fidem Christi non acceptantes, alios increpabant: unde sequitur: *Et non inveniebant quid facerant illi: omnis enim populus suspensus erat audiens illum.* BEDA (cap. lxxx. in Lucam.) Quod duobus mo-

Rt 2 dis

(1) *Ad.* potest. (2) *Ad.* quia.

dis intelligi potest : quia vel timentes populi tumultum, non inveniēbant quid facerent de Iesu, quem perdere disposuerant ; vel ideo Iesum perdere querebant, quia, suo magisterio neglecto, plures ad eum audiendum confluerent cernebant. GREGORIUS in hom. (xxxix. in Evang.) Mystice autem sicut templum Dei in civitate est, ita in plebe fidei vita religiosorum. Et sæpe nonnulli religionis habitum sumunt, & dum sacrorum ordinum locum percipiunt, sanctæ religionis officium in commercium terrenæ negotiationis trahunt. Vendentes quippe in templo sunt qui hoc quod quibusdam iure competit, ad præmium largiuntur : iustitiam enim vendere est, hanc propæmii acceptione fervare. Emenes vero in templo sunt qui dum hoc persolvere proximo quod iustum est nolunt, dumque rem iure debitam facere contemnunt, dato patronis præmio emunt peccatum. ORIGENES (hom. xxxviii. in Lucam.) Si quis ergo vendit, eiicitur

& præcipue si vendit columbas. Si enim et quæ mihi a Spiritu sancto sunt revelata, & credita, aut in vulgus pretio vendidero, aut absque mercede non docuero; quid aliud facio nisi columbas, id est Spiritum sanctum, vendo? AMBROSIVS (Lib. IX. in Luc. cap. xi.) Generaliter itaque Dominus docet sæculares a Dei templo abesse debere contractus. Spiritually autem nummularios repulit, qui de pecunia Domini, id est Scriptura divina, lucrum quærent, (i) nec bona, malaque discernunt. GREGORIUS in hom. (xxxix. in Evang.) Qui domum Dei speluncam latronum faciunt, quia dum perverſi homines locum religionis tenent, ibi malitiæ suæ gladiis occidunt ubi vivificare proximos orationis suæ intercessione debuerunt. Templum quoque est ipsa mens fidelium; quæ si in læsione proximi perverſas cogitationes profert, quasi in spelunca latrones resident; cum autem mentem fidelium ad cavenda mala subtiliter erudit, quotidie veritas in templo docet.

C A P U T XX.

(a) **E**T factum est in una dierum, docente illo populum in templo, & evangelizante, convenerunt principes sacerdotum, & scribæ cum senioribus, & aiunt dicentes ad illum: Dic nobis, in qua potestate hæc facis; aut quis est qui dedit tibi hanc potestatem? Respondens autem Iesus dixit ad illos: Interrogabo vos & ego unum verbum. Respondete mihi. Baptismus Ioannis de cælo erat, an ex hominibus? At illi cogitabant intra se, dicentes: Quia si dixerimus, De cælo, dicit, Quare ergo non credidistis illi? si autem dixerimus, Ex hominibus, plebs universa lapidabit nos: certi enim sunt Ioannem Prophetam esse. Et responderunt se nescire unde esset. Et Iesus ait illis: Neque ego dico vobis in qua potestate hæc facio.

(b) Cœpit autem dicere ad plebem parabolam hanc. Homo quidam plantavit vineam, & locavit eam colonis, & ipse peregre fuit multis temporibus. Et in tempore vindemiæ ille misit ad cultores servum, ut de fructu vineæ darent illi; qui cælum dimiserunt eum inanem. Et addidit alterum servum mittere; illi autem hunc quoque cædentes, & afficientes contumelia, dimiserunt inanem. Et addidit tertium mittere; qui & illum vulnerantes eiecerunt. Dixit autem dominus vineæ: Quid faciam? Mittam filium meum dilectum: forsitan cum hunc viderint verebuntur. Quem cum vidissent coloni, cogitaverunt intra se dicentes: Hic est heres; occidamus illum, ut nostra fiat hereditas. Et eiecit illum extra vineam occiderunt. Quid ergo faciet illis dominus vineæ? Veniet, & perdet colonos istos, & dabit vineam aliis. Quo audito dixerunt illi, Absit. Ille autem aspiciens eos ait: Quid est ergo hoc quod scriptum est? Lapidem quem repronaverunt ædificantes, hic factus est in caput anguli. Omnis qui ceciderit supra illum lapidem, conculcabitur; supra quem autem ceciderit, comminuetur illum.

(c) Et

(1) *id. ne bona, malaque, discernant.*

(c) Et quærebant principes sacerdotum, & scribæ mittere in illum manus illa hora, & timuerunt populum. Cognoverunt enim quod ad ipsos dixerit similitudinem istam. Et observantes miserunt insidiatores, qui se iustos simularent, ut caperent eum in sermone, & traderent illum principatui, & potestati prædis. Et interrogaverunt eum dicentes: Magister, scimus quia recte dicis, & doces, & non accipis personam hominis, sed viam Dei in veritate doces. Licet nobis tributum dare Cæsari, an non? Considerans autem dolum illorum, dixit ad eos: Quid me tentatis? Ostendite mihi denarium. Cuius habet imaginem, & superscriptionem? Respondentes dixerunt, Cæsaris. Et ait illis: Reddite ergo quæ sunt Cæsaris, Cæsari, & quæ sunt Dei, Deo. Et non potuerunt verbum eius reprehendere coram plebe; & mirati in responso eius, tacuerunt.

(d) Accesserunt autem quidam sadducæorum, qui negant esse resurrectionem, & interrogaverunt eum dicentes: Magister, Moyses scripsit nobis, si frater alicuius mortuus fuerit habens uxorem, & hic sine liberis fuerit, ut accipiat eam frater eius uxorem, & suscitet semen fratri suo. Septem ergo fratres erant; & primus accepit uxorem, & mortuus est sine filiis; & sequens accepit illam; & ipse mortuus est sine filio; & tertius accepit illam; similiter & omnes septem, & non reliquerunt semen, & mortui sunt. Novissime omnium mortua est & mulier. In resurrectione ergo cuius eorum erit uxor? Siquidem septem habuerunt eam uxorem. Et ait illis Iesus: Filii huius sæculi nubunt, & traduntur ad nuptias; illi vero qui digni habebantur sæculo illo, & resurrectione ex mortuis, neque nubent, neque ducunt uxores, neque ultra mori poterunt: æquales enim Angelis sunt, & filii sunt Dei, cum sint filii resurrectionis. Quia vero resurgant mortui, & Moyses ostendit sæcus rubum, sicut dicit Dominum Deum Abraham, & Deum Isaac, & Deum Iacob. Deus autem non est mortuorum, sed vivorum: omnes enim vivunt ei. Respondentes autem quidam scribarum dixerunt ei: Magister, bene dixisti. Et amplius non audebant eum quidquam interrogare.

(e) Dixit autem ad illos: Quomodo dicunt Christum filium esse David; & ipse David dicit in libro Psalmorum: Dixit Dominus Domino meo: Sede a dextris meis, donec ponam inimicos tuos scabellum pedum tuorum? David ergo Dominum illum vocat; & quomodo filius eius est?

(f) Audiente autem omni populo, dixit discipulis suis: Attendite a scribis, qui volunt ambulare in stolis, & amant salutationes in foro, & primas cathedras in synagogis, & primos discubitus in conviviis; qui devorant domos viduarum, simulant longam orationem. Hi accipient damnationem maiorem.

(1) **AUGUSTINUS** de Conf. Evang. (Lib. II. cap. lxx.) Cum memorasset Lucas ciecos de templo eementes, & vendentes, prætermisit quod exibat in Bethaniam, & regrediebatur in civitatem, & quod de sculnea fideus est, & quod mirantibus discipulis de fidei virtute responsum est. Atque his prætermisiss, non quasi ex ordine dies prosequens, sicut Marcus, inculit dicens: Et factum est in una diebus, docente illo populum in templo, & evangelizante, convenerunt principes sacerdotum, & scriba cum senioribus. Quod dicit factum in una diebus, ea dies intelligitur in qua id gestum Matthæus, & Marcus retulerunt. **EUSEBIUS** 4. Cum autem principes mirari deberent docentem cælestia dogmata, & cognoscere perdidit, & facta hunc esse Christum quem Propheta præcinerant, incumbentes subversioni populi, Christum prohibebant: sequitur enim: Et aiunt dicentes ad illum: Dic nobis, in qua potestate hæc facis; aut quis est qui dedit tibi hanc potestatem? **CYRILLUS**. Quasi dicat: Secundum legem Moisaicam solis exorcistis ex Levitico sanguine, data est auctoritas docendi, nec non sacrorum acriorum potestas; at tu ortus ex Iuda commissos nobis fasces usurpas.

EX EDITIONE P. NICOLAI.

pas. Sed si novisses, o pharisæe, Scripturas, recoleres, quod hic est Sacerdos, qui secundum ordinem Melchisedech offert Deo in se credentes per cultum qui legem transcendit. Quid igitur anxiaris, eiectis ab atris sacris, quæ opportuna videbantur legalibus victimis, eo vocante ad veram iustificationem perfidem? BEDA (cap. lxxxii. in Luc.) Vel quando dicunt, *In qua potestate hæc facis?* de Dei dubitant potestate, & subintelligi voluit diaboli esse quod facit. Addentes quoque, *Aut quis est qui dedit tibi hanc potestatem?* manifestissime Dei Filium negant, quem putant non suis, sed alienis viribus signa facere. Poterat autem Dominus aperta responsione tentatorum calumniam confutare; sed prudenter interrogat, ut suo silentio, vel sententia condemnentur: sequitur enim: *Respondens autem dixit ad illos: Interrogabo & ego vos unum verbum; respondetis mihi. Baptismus Joannis de calo erat, an ex hominibus?* THEOPHYLACTUS (cir. fin. Com. ad cap. xix. Luc.) Ut enim offenderet eos semper fuisse Spiritui sancto rebelles, & nedom Esaiæ, cuius non erat memoria, sed nuper viso Joanni credere noluerunt; ob hoc versa vice opponit eis hanc questionem, ostendens quod si tanto Prophetæ Joanni, qui apud eos major videbatur, minime crediderunt, peribenti testimonium eius, qualiter ei credent respondentis qua auctoritate hoc faceret? EUSEBIUS A. Quærit autem de Joanne Baptista, non unde erat oriundus, sed unde legem suscepisset baptismatis. CYRILLUS. Sed illi fugere veritatem non horuerunt. Deus enim misit Joannem sicut vocem clamantem, supra xxi. *Parate viam Domini.* Timuerunt autem dicere veritatem, ne diceretur (1) eis, Cur non credidistis? & cavent reprehendere præcursorum, non metu divino, sed populi: unde sequitur: *At illi cogitabant intra se dicentes: Quia si dixerimus, De calo, dicit: Quare ergo ei non credidistis?* BEDA (super illud, *illi cogitabant dicentes*). Quasi dicat: Quem confitemini de calo habuisse prophetiam, mihi testimonium perhibuit; & ab illo audistis in qua potestate hæc faciam: sequitur enim: *Si autem dixerimus, Ex hominibus, plebs universa lapidabit nos: certi sunt enim Joannem*

Prophetam esse. Viderunt ergo, quomodo libet respondissent, in laqueum se caluros, timentes lapidationem, sed magis veritatis confessionem: unde sequitur: *Et responderunt se nescire unde esset.* Quia ergo noluit fieri hoc quod sciunt, repulsi sunt ut eis Dominus non diceret quod sciebat: unde sequitur: *Et ait illis Jesus: Neque ego dico verbum in qua potestate hæc facio.* Oduas enim causas maxime scientia veritatis est occultanda quærentibus, cum scilicet is qui quærit minus capax est ad intelligendum ea quæ quærit, aut odio, vel contemptu veritatis indignus est cui debeat aperiri quod quærit.

(b) EUSEBIUS B. Congregatis in unum principibus populi Iudæorum in ipso templo, ea quæ contra ipsum facturi erant, & superventurum eis exterminium figurate (2) per parabolam protulit: dicitur enim: *Capit autem dicere ad plebem parabolam hæc. Homo plantavit vineam.* AUGUSTINUS de Con. Evang. (Lib. II. cap. lxx.) Tacuit Matthæus brevitas causa, quod Lucas non tacet, parabolam istam non ad solos principes dictam, qui de potestate interrogaverunt, sed (3) etiam ad plebem. AMBROSIVS (Lib. IX. in Luc. cap. de vinea plantata, in prin.) Perique autem varie significationes de vineæ appellatione derivant; sed evidenter Esaias vineam Domini Sabaoth domum Israel esse memorat. Hanc vineam quis alius nisi Deus condidit? BEDA (cap. lxxxii. in Luc.) Homo ergo qui plantavit vineam ipse est, qui iuxta illam parabolam conduxit operarios in vineam suam. EUSEBIUS C. Sed parabola quam Esaias dicit, vineam reprehendit; Salvatoris vero parabola non est contra vineam dicta, sed de cultoribus vineæ, de quibus subditur: *Et locavit enim colentes, id est seniores populi, & principibus sacerdotum, & doctores, & optimatibus cunctis.* THEOPHYLACTUS (cir. prin. Comm. ad cap. xx. Luc.) Vel quilibet de populo est vinea, idem est etiam cultor: quilibet enim nostrum seipsum colit. Hæc igitur vinea commissa cultoribus, abite; id est, dimisit illos progressi suo arbitrio: unde sequitur: *Et ipse peregre fuit multis temporibus.* AMBROSIVS (Lib. IX. cap. de vinea plantata).

(1) *Al. amittitur* eis. (2) *Al. deus* per. *Nigra* legit figurate prædicans. (3) *Al. dilectum* etiam.

EX EDITIONE P. NICOLAI.

• Ut supra. • Ibid. • In Cat. Græc. PP.

plantata.) Non quia ex loco ad locum profectus est Dominus, qui ubique semper præsens est; sed quia præsenter est diligentibus, negligentibus absens. Multis autem temporibus absuit, ne (1) propterea videretur exactio: nam quo indulgentior liberalitas, eo inexculpabilior pervicacia. CYRILLUS A. Vel Deus absentavit se a vinea plurium annorum curriculum: quia postquam visus est in specie ignis descendisse in montem Sina, non amplius visibiliter præbuit eis suam præsentiam. Nulla tamen interpolatio contigit qua non mitteret Deus Prophetas, & iustos commentones: unde sequitur: *Et in tempore vindemia, illa misit ad cultores servum, ut de fructu vineæ darent illi.* THEOPHYLACTUS (par. a princ. Com. in cap. xx.) Dicit autem, *De fructu vineæ*, quia non totum fructum, sed aliquid de fructu volebat accipere. Nam quid lucratur Deus a nobis nisi suam notitiam, quæ etiam est nostra utilitas? BEDA (cap. lxxxii. in Luc.) Bene autem fructum posuit, non proventum: nullus enim huius vineæ proventus inventus est. Servus ergo primus missus est Moyses, qui per quadraginta annos fructum aliquem legis quam dederat, a cultoribus requirebat; sed vexatus est propter eos, quia exacerbaverunt spiritum eius: unde sequitur *Qui casum dimiserunt eum inanem.* AMBROSIVS (ubi supra.) Factum est autem ut plures alios destinaret, quos Iudæi inhonoros, & inanes sibi, de quibus nihil potuerunt prohibere, dimiserunt: unde sequitur: *Et addidit alterum servum mittere.* BEDA (cap. lxxxii.) Servus alter David significatur, qui missus est, ut post edicta legalia cultores vineæ psalmodiæ modulamine ad exercitium boni operis excitaret; sed & contra hunc dixerunt II. Reg. xx. „Quæ nobis pars in David, aut quæ hereditas in filiis tuis?“ Unde sequitur: *Illi autem hunc cadentes, & afficientes contumelia, dimiserunt inanem.* Sed nec hic deficit: sequitur enim: *Et addidit tertium mittere:* per quem Prophetarum chorum intellige, qui continuis atfectionibus populum conveniunt. Sed quem Prophetarum non sunt persecuti? unde sequitur: *Qui & illum vulnerantes eiecerunt.* His autem tribus servorum gradibus omnium sub lege doctorum figuram posse comprehendendi, Dominus alibi ma-

nifestat, dicens infra xxiv. *Quoniam necessesse est impleri omnia quæ sunt in lege Moysi, & Prophetis, & Psalmis de me.* THEOPHYLACTUS (ubi supra.) Prophetis igitur talia mala passis, Filius destinatur: requiritur enim: *Dixit autem dominus vineæ, Quid faciam? BEDA (cap. lxxxii. in Luc.)* Quod dominus vineæ dubitative loquitur, non de ignorantia venit: quid enim nesciat Deus Pater? Sed ambigere dicitur, ut libera voluntas hominis fervetur. CYRILLUS B. Deliberat etiam secum dominus vineæ quid agat, non quasi carens ministris, sed quia (1) pertractato quolibet ingenio salutis humanæ, populo vero nequaquam adiuto, aliud magis adiungit: unde consequenter dicit: *Mittam filium meum dilectum: forsitan cum hunc viderint, verebuntur.* THEOPHYLACTUS (non remote a princ. Com. in cap. xx. Lucæ.) Dixit autem hoc, non tamquam ignorans, quod peius eum essent tractaturi quam Prophetas, sed quia oportebat Filium eis fieri reverendum. Quod si contumaces fuerint occidendo, hoc cumulat eorum crimen. Ne ergo dicerent aliqui divinam præscientiam necessario fuisse inobedientiæ causam, ideo sic figurat sermonem. AMBROSIVS (ut supra.) Filium igitur unigenitum sibi missum perdidit Iudæi, quasi heredem removere cupientes, occiderunt crucifigendo, & eiecerunt negando: unde sequitur: *Quem cum viderent coloni, cogitaverunt intra se dicentes: Hic est heres: occidamus eum, ut nostra fiat hereditas.* Heres Christus est, idemque testator: heres, quia morti propriæ supervivit, & testamentorum quæ ipse contulit, tamquam hereditaria in nostris profectibus emolumenta consequitur. BEDA (cap. lxxxii. super *Hic est heres.*) Manifestissime autem Dominus probat, Iudæorum principes non per ignorantiam, sed per invidentiam crucifixisse Filium Dei. Intellexerunt enim hunc esse cui dictum est Psal. xi. „Dabo tibi gentes hereditatem tuam:“ sequitur enim: *Et eiecerunt extra vineam occiderunt:* quia „Iesus“, ut sanctificaret per suum sanguinem populum, extra portam passus est: „Hebr. xiii. THEOPHYLACTUS (ubi supra.)“ Sed quia superius populum, non Hierusalem, loco vineæ sumpimus, forsitan magis proprie dici potest, quod occidit quidem eum

(1) Apud P. Nicolaum est propterea. (2) Idem legit perentato.

EX EDITIONE P. NICOLAI.

a In eadem Casena. b Ibidem.

eum populus extra vineam; idest, extra populi manus passus est Dominus, quia scilicet populus ei non propriis manibus necem intulit, sed tradens hunc Pilato, & Gentibus. Quidam autem per vineam Scripturam intellexerunt, cui non credentes, Dominum necaverunt: unde extra vineam, idest extra Scripturam, dicitur Dominus passus. BEDA (cap. lxxxii. in Luc.) Sive eiectus extra vineam, & occisus est, quia prius est ab infidelium corde repulsus, ac deinde cruci addictus est. CHRYSOSTOMUS. Dispensationis autem, non negligenter est post Prophetas Christum venisse: non enim Deus omnia repente prosequitur, sed condescendit propter sui pietatem: quia si post servos venientem filium contempserunt, multo magis nec antea eum audirent: qui enim non audiebant minora praecepta, quomodo audivissent maiora? AMBROSIVS (Lib. & tit. ubi supra.) Puichre autem interrogat, ut sua se ipsi damnent sententia: sequitur enim: *Quid ergo faciet illis dominus vineae?* BASILIUS b. Hoc autem fit, quasi his qui damnantur nihil habentibus opponere evidentiae iuris. Proprium autem est divinae miserationis non infligere poenas silentio, sed praedicere minis, revocando eos ad poenitentiam: unde & hic sequitur: *Veniet, & perdet colomus istos, & dabit vineam aliis.* AMBROSIVS (ubi supra.) Venturum dominum dicit vineae, quod in filio addit etiam paternam maiestatem; vel quod ultimis temporibus praesentior humanis aspectibus. CYRILLUS c. Exclusi sunt igitur Iudeorum primates, quasi dominicae voluntati repugnantes, & sterilem reddentes vineam sibi commissam; est autem datus cultus vineae sacerdotibus novi testamenti. Cum autem virtutem aenigmati senserunt, recusant illud pati: unde sequitur: *Quo audito, dixerunt illi, Absit.* Nec tamen (t) evaserunt ob sui pertinaciam, & inobedientiam erga fidem Christi. THEOPHYLACTUS (hoc loco.) Aliter autem videtur Matthaeus cap. xxi. dicere, Dominum scilicet quaesivisse, „Quid faciet illis cultus, toribus dominus vineae? „Iudeos vero respondisse, „Malos male perdet. „Non est autem repugnantia, nam utrumque factum

est: primo enim ipsi promulgaverunt illam sententiam; postea sentientes quo tendebat parabola, dixerunt, *Absit*: ut Lucas hic narrat. AUGUSTINUS de Con. Evang. (Lib. II. cap. lxx.) Vel aliter. In illa de qua loquimur turba erant qui dolose Dominum interrogaverant, in qua potestate faceret: erant etiam qui non dolose, sed fideliter acclamaverunt: „Benedictus qui venit in nomine Domini! Marc. xi. ac per hoc erant qui dicerent: *Perdet illos, & vineam suam dabit aliis*: quae vox recte etiam ipsius Domini fuisse intelligitur, sive propter veritatem, sive propter membrorum eius cum suo capite unitatem. Erant etiam qui talia respondentibus dicerent, *Absit*: quia intelligebant in seipso hanc parabolam dictam: sequitur enim: *Ille autem aspiciens eos ait: Quid est ergo hoc quod scriptum est: Lapidem quem reprobaverunt aedificantes, hic factus est in caput angulari?* BEDA (cap. lxxxii. super Lapidem quem reprobaverunt.) Quasi dicat: Quomodo implebitur haec propheta, nisi quia Christus a vobis reprobatus, & occisus, creditur est Gentibus praedicandus, ut quasi lapis angularis ex utroque populo unum sibi templum aedificet? EUSEBIUS. Lapis autem dicitur Christus propter terrestre corpus, abiectus sine manibus, secundum visionem Danielis propter ortum ex Virgine. Lapis autem non argenteus, aut aureus, quia non Rex aliquis gloriosus, sed homo humilis, & abiectus; propter quod aedificantes eum reprobaverunt. THEOPHYLACTUS (ubi supra.) Reprobaverunt enim eum principes populi, cum dixerunt Ioan. ix. „Hic a Deo non est. „Ille vero tam utilis fuit, tam electus ut in capite anguli poneretur. CYRILLUS d. Angulo vero comparat sacra Scriptura concursum utriusque populi, Israelitici scilicet, & Gentilis, in unam fidem: compegit enim Salvator utrumque populum in unum novum hominem, concilians eos in uno corpore Patri. Salubris ergo est lapis angulo factus ab eo; detrimentum autem inserti iudeis impugnantibus hunc spirituale concursum. THEOPHYLACTUS (super Omnis qui ceciderit super lapidem.) Duas autem condemnationes commemorat:

unam

(1) Superaddit Nicolaus meliores in hanc modum evaserunt meliores.

EX EDITIONE P. NICOLAI.

* Nec a Corderio notatur in Catena Graec. PP. nec alibi occurrir. † In Edit. v. cap. 1 In Catena Graec. PP. 4 in Cat. Graec. PP.

unam quidem animarum suarum, quam passi sunt scandalizati in Christo; & hoc tangit cum dicit: *Omnis qui ceciderit super illum lapidem, conqussabitur*: aliam vero captivitatibus, & exterminii, quam intulit eis lapis ab ipsis contemptus; & hoc tangit cum subdit: *Supra quem autem ipse ceciderit, comminuet illum*, vel *ventilabit eum*: sic enim ventilati sunt Iudæi a Iudæa per univrsalium orbem, ut ab arca palææ. Et attende ordinem: nam præambulum est scelus in eum commissum, sequitur autem iusta Dei vindicta. BEDA (cap. lxxxii. in Luc.) Vel aliter. Qui peccator est, & tamen illicredit, cadit quidem super lapidem, & conqussatur, reservatur enim per pœnitentiam ad salutem; *supra quem vero ille ceciderit*; hoc est, cui lapis ipse irruerit, quia ipsum negavit, *comminuet eum*, ut nec testa quidem remaneat, in qua hauriatur aquæ pusillum. Si ve de his dicit, quod cadunt super eum, qui illum modo contemunt; ideo nondum penitus intereunt, sed conqussantur, ut non recti ambulent: super quos autem cadit, venit illis desuper in iudicio cum pœna perditionis; ideo comminuet eos, ut sine tamquam pulvis, quem proicit ventus a facie terræ: "Psalm. i. AMBROSIIUS (Lib. IX. cap. de vinea plantata.) Vineæ etiam typus noster est: agricola quippe omnipotens Pater, vitis Christus; at veros palmites. Recte vinea Christi populus nominatur, vel quod crucis in fronte prætexat iudicium; vel quod fructus ex postremo anni legatur ætate; vel quod omnibus, ut ordinibus vinearum, ita pauperibus, atque divitibus, servis, & dominis in Ecclesia aqua dimensio, nulla discretio sit; & ut vitis maritatur arboribus, ita corpus animæ. Hanc vineam diligens agricola fodere, & tondere consuevit, ne luxuriat umbra foliorum, verborumque infructuosa iactantia maturitatem idolorum naturalis impediatur. Decet totius orbis hic esse vindemiam, ubi totus orbis est vinea. BEDA (cap. lxxxii. in Luc.) Vel morali intellectu cuique fidelium vinea quam excolat locatur, dum mysterium baptismi quod exerceat sibi committitur. Mittitur servus unus, alter, tertius, cum lex, psalmodia, & prophetia legitur. Sed missus servus contumeliis affectus, vel casus dicitur, cum sermo auditus

S. Th. Oper. Tom. V.

contemnitur, vel blasphematur. Missum heredem quantum in se est occidit qui Filium Dei peccando conculcat. Perditio malo cultore, vinea datur alteri, cum dono gratiæ, quod superbus sprexit, humilis datur.

(c) CYRILLUS. Decebat quidem principes Iudæorum, intelligentes quod de ipsis parabola diceretur, a malo sic discedere, quasi de futuris instructos; sed hoc non considerantes, occasionem suorum colligunt criminum: unde dicitur: *Et quærebant principes sacerdotum, & scriba mittere in illum manus in illa hora*. Nec retinebat eos legis præceptum quod dicit Exod. xxxiii. "Innocentem & iustum non occides;" sed compeksit eorum actandum propositum plebis timor: sequitur enim: *Et timuerunt populum*. Præferunt enim divinæ revereutiæ humanum timorem. Quæ autem huius propositi fuerit occasio, subditur: *Cogitaverunt enim quod ad ipsos dixerit similitudinem ipsam*. BEDA (cap. lxxxii.) b. Et ita querendo ipsum occidere, docebant vera esse quæ in parabola dixerat. Ipse enim esse heres, cuius iniustam necem dicebant esse vindicandam; illi nequam coloni, qui Dei Filium quærebant occidere. Hoc etiam quod tidie geritur in Ecclesia, cum quilibet solo nomine frater, eam quam non diligit ecclesiasticæ fidei, ac pacis unitatem, propter bonorum multitudinem, vel erubescit, vel timet impugnare. Et quia principes (1) quærebant Dominum comprehendere, quod per se non poterant, prædis manibus efficere tentabant: unde sequitur: *Et observantes miserunt insidiosos, qui se iustos simularent*. CYRILLUS. Videbantur enim esse leves; erant autem graves, oblii Dei dicentis Iob xlii. "Quis hic qui mihi abscondit consilium?" Adeunt enim Christum omnium Salvatorem quasi hominem communem: unde sequitur: *Ut caperent eum in sermone, & traderent eum principibus, & potestati prefidis*. THEOPHYLACTUS (hoc loco.) Paraverunt autem Domino laqueos; illaqueati sunt tamen in eis pedes eorum. Audi namque alturium. Et interrogaverunt illum dicentes: *Magister, scimus quia recte dicis, & duces*. BEDA (cap. lxxxiii. in Lucam.) Blanda, & fraudulenta interrogatio illuc provocat respondentem ut ma-

Si

gis

(1) Id. querentes.

EX DITIONE P. NICOLAI.

* Super Marcum. • Ibid. • Et Hieronymus in Matth.

gis Deum quam Cæsarem timeat: sequitur enim: *Et non accipis personam hominis, sed in veritate dei docet.* Et hoc dicunt ad hoc ut dicat non debere tributa solvi, ut statim audientes ministri prædis, qui, iuxta alios Evangelistas, assidue leguntur, seditionis eum contra Romanos auctorem teneant: unde consequenter quaerunt: *Licet nobis dare tributum Cæsari, an non?* Erat enim in populo magna seditio, dicentibus aliis, (1) pro securitate, qua Romani pro omnibus militabant, debere tributa persolvere; pharisæis contra dicentibus non debere populum Dei, qui decimas, & primitias daret, humanis legibus subiacere. THEOPHYLACTUS (super *Considerans dolum eorum.*) Intendebant ergo, quod si diceret oportere dari censum Cæsari, crimaretur a populo quasi servituti subiciens gentem; si vero prohiberet censum reddere, eum repræsentarent ut schismaticum prædidi. Ipse vero laqueos eorum elugit: sequitur enim: *Considerans autem dolum eorum, dixit ad eos: Quid me tentatis? Offendite mihi denarium. Cuius habet imaginem, & superscriptionem?* AMBROSIIUS (Lib. IX. cap. de confutatione pharisæorum.) Docet hoc loco Dominus circumspicos nos in respondendo adversus hæreticos, vel Iudeos esse debere; sicut alibi dixit, Matth. x. „Estate sicut aspidem serpentem.“ BEDA (cap. lxxxii. in Lucam.) Qui autem putat interrogationem Salvatoris ignorantiam esse, discant ex præsentis loco, quod potuerit scire Iesum cuius imago esset in nummo; sed interrogat, ut ad sermonem eorum competenter respondeat: sequitur enim: *Respondentes dixerunt, Cæsaris.* Non putemus Cæsarem Augustum, sed Tiberium significari. Omnes enim Romani Reges a primo Caio Cæsare Cæsares appellati sunt. Ex eorum autem responsione convenienter Dominus quaestionem solvit: sequitur enim: *Et ait illis: Reddite ergo quæ sunt Cæsaris Cæsari, & quæ sunt Dei Deo.* TITUS. Quasidicat: Verbis tentatis, operibus obedite: subiistis Cæsaris servitutem, susceperitis quæ eius sunt: date ergo illi censum, Deo timorem: non enim exigit Deus denarium, sed fidem. BEDA (cap. lxxxii.) Reddite etiam Deo quæ

Dei sunt, decimas scilicet, primitias, oblationes, & victimas. THEOPHYLACTUS (hoc loco.) Et attende quod non dixit, Date, sed reddite, debitum enim est: tuetur enim te princeps tuus ab hostibus, vitam tuam reddit tranquillam: pro his ergo teneris ei in censu. Sed & hoc ipsum quod offert, numisma scilicet, ab eo habet. Reddas ergo numisma regium Regi. Deus etiam tibi tradidit intellectum, & rationem: restituit hoc ei, non comparatus bellis, sed in omnibus rationabiliter procedens. AMBROSIIUS (Lib. & titulus supra.) Tu ergo, si vis non esse obnoxius Cæsari, noli habere quæ mundi sunt. Et bene prius quæ Cæsaris sunt reddenda decernit: neque enim potest quis esse Domini, nisi prius renuntiaverit mundo. Quam gravia vincula promittere Deo, & non solvere! Maior est contractus fidei quam pecuniæ. ORIGENES. A. Habet autem locus iste aliquid mystici. Duæ enim sunt imagines in homine: una quam accipit a Deo, altera inimici. Sicut enim denarius habet imaginem Imperatorum mundi; sic qui facit opera (2) tenebrarum, portat imaginem eius cuius habet opera. Dicit ergo: *Reddite quæ sunt Cæsaris Cæsari* hoc est, abicite terrenam imaginem, ut possitis, vobis imaginem cælestem imponentes, reddere quæ Dei sunt Deo, ut scilicet Deum diligamus &c. quæ, ut Moyses dicit, Deus requirit a nobis. Postulat autem a nobis Deus, non quia necessarium habet ut ei aliquid tribuamus, sed ut postquam ei dederimus, hoc ipsum nobis tribuat in salutem. BEDA (cap. lxxxii. in fin.) Qui autem credere debuerant, ad tantam sapientiam mirati sunt, quod calliditas eorum insidiandi non invenisset locum: unde sequitur: *Et non petierunt verbum eius reprehendere eorum plebs, & mirati in responso eius tacerunt.* THEOPHYLACTUS (super *Et non petierunt.*) Hoc enim erat quod præcipue intendebant, increpare eum coram populo; quod obtinere nequiverunt propter sapientissimam eius responsionem.

(d) BEDA b (cap. lxxxiv. in Lucam.) Duæ erant hæreses in Iudeis: una pharisæorum, (3) qui traditionum, & observatio-

(1) *M.* pro severitate. *Nicæni* addit & quiete, hoc modo pro securitate, & quiete. (2) *M.* tenebrarum istarum. (3) *M.* Qui traditionum, & observationum sibi iustitiam præferebant. *P. Nicæni* qui traditionum sibi iustitiam &c.

tionum iustitiam præferebant: unde & divisi vocabantur a populo; altera sadducæorum, qui interpretantur infili, vendicantes sibi quod non erant. Illis ergo abeuntibus, hi ad tentandum accedunt: unde dicitur: *Accesserunt autem quidam sadducæorum, qui negant esse resurrectionem.* ORIGENES a. Sadducæorum hæresis non solum resurrectionem mortuorum negat, sed etiam putat animam interire cum corpore. Hi ergo verbis Salvatoris insidiantes, eo tempore questionem proposuerunt quo eum viderunt de resurrectione docere discipulos: unde sequitur: *Et interrogaverunt eum, dicentes: Magister, scripsit nobis Moyses, si frater alicuius fuerit habens uxorem, & hic sine filiis fuerit, ut accipiat eam frater eius in uxorem, & suscitet semen fratri suo.* AMBROSIVS (Lib. IX. cap. ult.) Secundum legis litteram, nubere cogitur etiam invita, ut defuncti semen excitet frater; spiritus autem magister est castitatis. THEOPHYLACTUS (super *Accesserunt quidam sadducæorum.*) Sadducæi autem fragile fundamentum substituentes, non credebant resurrectionis sermonem. Opinantes enim carnalem esse futuram vitam, in resurrectione merito fallentur; & ideo tamquam impossibile calumniant dogma resurrectionis, fingunt hanc narrationem, dicentes: *Septem ergo fratres erant, & primus accepit uxorem, & mortuus est sine filiis, & sequens accepit illam, & mortuus est sine filio; & tertius accipit illam; & similiter omnes septem, & non reliquerunt semen, & mortui sunt.* Novissima autem omnium mortua est & mulier. BEDA b (cap. lxxxiv. a medio.) Hanc fabulam confingunt, quæ deliramenti arguat eos qui resurrectionem asserunt mortuorum. Turpitudinem ergo fabulæ opponunt, ut resurrectionis denegent veritatem: unde subditur: *In resurrectione ergo cuius eorum erit uxor? Siquidem septem habuerunt eam uxorem.* AMBROSIVS (ubi supra.) Mystice hæc mulier synagoga est, quæ septem viros habuit, sicut dicitur Samaritanæ Ioan. iv. „Quinque viros habuisti: quia Samaritana tantum quinque libros Moyli, synagoga septem sequitur spiritualiter, & de nullo propter perfidiam suam hereditariæ (1) posteritatis semen accepit; & ideo partem cum viris suis in resurrectione habere non potuit,

quia spiritale præceptum secundum sensum carnis invertit: non enim frater carnalis aliquis denuntiatus est, qui semen fratris suscitaret defuncti, (2) sed ille qui de mortuo populo Iudæorum, sapientiam sibi divini cultus ascisceret in uxorem, atque ex ea semen in Apollolis suscitaret, qui quasi defunctorum reliquæ Iudæorum, informes adhuc in synagogæ utero derelicti, secundum electionem gratiæ reservari novi seminis admixtione meruerunt. BEDA (cap. lxxxiv. inter princip. & med.) Sive septem hi fratres reprobis congruunt, qui per totam huius sæculi vitam, quæ septem diebus volvitur, a bonis operibus steriles exsiliant; quibus (3) viritum morte præceptis, ad ultimum & ipsa mundana conversatio quasi uxor infecunda transibit. THEOPHYLACTUS. Dominus autem offendens in resurrectione non esse futuram conversationem carnalem, eorum dogma evulsit simul cum fragili fundamento: unde sequitur: *Et ait illis Iesus: Filii huius sæculi nubunt, & traduntur ad nuptias.* AUGUSTINUS de Quæst. Evang. (Lib. II. qu. xlii.) Quia connubia propter filios, filii propter successionem, successio propter mortem. Ubi ergo mors non est, neque connubia: unde sequitur: *Illi vero qui digni habebuntur sancte illo, & resurrectione ex mortuis, neque nubent, neque ducunt uxores: neque enim ultra morieturunt.* BEDA (cap. lxxxiv.) Quod non ita intelligendum est quasi soli digni vel resurrecturi, vel sine nuptiis futuri sint: sed omnes etiam peccatores resurrecturi, & absque nuptiis sunt in sæculo illo mansuri. Dominus autem ut ad resurrectionis gloriam inquirendam animos incitaret, de electistantum voluit facere sermonem. AUGUSTINUS de Quæst. Evang. (Lib. II. qu. xlii.) Sicut autem nunc sermo noster decedentibus, & succedentibus syllabis peragitur, atque perficitur; ita & ipsi homines, quorum sermo est, decedendo, & succedendo peragunt, atque perficiunt ordinem huius sæculi, qui temporali rerum pulchritudine contextitur. In illa autem vita, quoniam Verbum Dei, quo fruemur, nulla decensione, atque successione syllabarum complietur, sed omnia quæ habet, semper manendo, simul habet; ita participes eius, quibus ipsum solum erit vita, neque moriendo decedent, neque na-

sf 2 scendo

(1) *Al. posteritas.* (2) *Al. sed ille de mortuo &c.* Nicolai autem sed ille frater &c. (3) *Al. iunxit.*

EX EDITIONE P. NICOLAI.

a Ut supra. b Ex Hieronymo, ut iam supra.

scendo succedent; sicut nunc est in Angelis: unde sequitur: *Æquales enim Angelis sunt.* CYRILLUS *A.* Sicut enim multitudo Angelorum plurima quidem est, non autem propagata per generationem, sed ex creatione consistens, ita & his qui resurgunt non est opus alterius nuptiis: unde sequitur: *Et filii Dei sunt, cum sint filii resurrectionis.* THEOPHYLACTUS (super *Filii sunt Dei.*) Quasi dicat: Quia Deus est qui operatur in resurrectione, merito dicuntur Dei filii qui per resurrectionem regenerantur: non enim aliquid carnale in resurgunt generatione conspicitur, non coitus, non matrix, non partus. BEDA (cap. lxxxiv. in Luc.) Vel *æquales Angelis, & filii sunt Dei*: quia gloria resurrectionis innovati, sine ullo mortis metu, sine ulla labe corruptionis, sine ullo terreni status actu, perpetua Dei visine (1) fruuntur. ORIGENES *b.* Sed quia Dominus in Mattheo cap. xxii. dicit quod hic prætermittitur, „Erratis nescientes Scripturas;“ (2) proponit Scripturam, ubi scriptum sit: „Neque nubent, neque nubentur.“ Quantum enim ego æstimo, neque in veteri, neque in novo testamento quicquam tale reperitur. Sed omnis eorum error de Scripturæ lectione, quam non intelligunt, subrepsit: dicitur enim in Esaia cap. lxxv. „Eledti mei bibent:“ & putant hæc, & similia futura esse in resurrectione. Paulus autem omnes has benedictiones spiritaliter interpretans, & sciens non esse carnales, ad Ephesios cap. i. dicit: „Benedixisti nos in omni benedictione spiritali.“ THEOPHYLACTUS (super *Quia vere resurgant mortui.*) Vel Dominus rationi supraposita Scripturæ testimonium addit, subdens: *Quia vero resurgunt mortui, & Moyses ostendit fecurubum, sicut dicit Dominum Deum Abraham, & Deum Isaac, & Deum Iacob;* quasi dicat: (3) Si semel redierunt in nihilum Patriarchæ, ne viverent apud Deum, in spe resurrectionis non dixisset, Ego sum, sed fueram: consuevimus enim de rebus corruptis, & præteritis dicere, Eram dominus illius rei. Nunc vero quoniam dixit, Ego sum, ostendit quod viventium est Deus, & Dominus; & hoc est quod subditur: *Deus autem non est mortuum, sed vivorum: omnes enim vivunt ei:*

quamvis enim exanimis sunt, vivunt tamen (4) apud Deum in spe resurgendi. BEDA (cap. lxxxiv.) Vel hoc dicit, ut cum probaverit animas permanere post mortem, quod sadducæi negabant, consequens introduceretur & corporum resurrectionem, quæ cum animabus bona malave gesserunt. Est autem vera vita qua iusti Deo vivunt, etiam quando corpore moriuntur. Ad comprobendam autem resurrectionis veritatem, multo manifestioribus exemplis ex Prophetis uti valuit; sed sadducæi quinque tantum libros Moysi recipiebant, Prophetarum vaticinia respuentes. CHRYSOSTOMUS. Sicut autem sancti communem orbem Dominum sibi appropriant, non derogantes eius dominio, sed proprium affectum pandentes, secundum morem amantium, qui non patiuntur cum multis diligere, sed vultu præcipuum, & specialem quamdam dilectionem exprimere; sic & Deus specialiter se horum Deum dicebat, non coarctando suum dominium, sed ampliando. Non enim sic multitudo subditorum, sicut virtus famulantium pandit eius dominium: unde non sic gaudet dici Deus cæli & terræ, sicut cum dicitur *Deus Abraham, Deus Isaac, & Deus Iacob.* Et apud mortales quidem a dominis denominantur famuli: dicimus enim, Villicus talis Ducis; e contrario autem Deus dicitur Abraham. THEOPHYLACTUS (super *Respondentes quidam scribarum.*) Consultatis autem sadducæis, favent Iesu scribæ tamquam sadducæorum oppositi: unde sequitur: *Respondentes autem quidam scribarum dixerunt: Magister, bene dixisti.* BEDA (cap. lxxxiv.) Et quia in sermonibus consultati sunt, ultra non interrogant: unde sequitur: *Et amplius non audebant eum quidquam interrogare:* sed comprehensum Romanæ tradunt potestati: ex quo intelligimus venena invidiæ posse quidem superari, sed difficile conquietere.

(c) THEOPHYLACTUS (hoc loco.) Quamvis Dominus ad passionem eraturus in brevi, prædicat propriam deitatem; nec hoc tamen incaute, aut arroganter; (5) sed modeste quærit: unde dicitur: *Dixit autem ad illos: Quomodo dicunt Christum filium David esse?* AMBROSIVS (Lib. X. cap. 3. in Lucam.) Non reprehenduntur hoc lo-

(1) *Al.* fruimur. (2) *Al.* propono. T. Nicolai legis propono questionem ubi &c. (3) *Al.* amittitur Si. (4) *Al.* apud eum. (5) *Legit Nicolai* sed modeste: nam interrogat illos, & in perplexitatem inducens permittit eos rationari quid sit consequens: unde dicitur &c.

co, quia David filium constituentur, quia cecus ille, David filium confitendo meruit sanitatem; & pueri dicentes, Matth. xxi. „Hosanna filio David,“ præcessæ prædicationis gloriam Deo deferabant; sed reprehenduntur, quia non credunt Filium Dei: unde subditur: *Et ipse David dicit in libro Psalmorum: Dixit Dominus Domino meo. Et Pater Dominus, & Filius Dominus; sed non duo Domini, sed unus est Dominus: quia Pater in Filio, & Filius in Patre: ipse ad dexteram Patris sedet, quia Patri confors, nulli secundus est: sequitur enim: Sede a dextris meis.* Nec præterit qui ad dexteram sedet, nec iniuriarum patitur qui admittitur: gradus non queritur dignitatis ubi plenitudo est divinitatis. AUGUSTINUS de Symbolo (Lib. II. cap. vii.) Sessione autem ista non accipiamus humanis membris positum, tamquam Pater sedeat in sinistra, & Filius sedeat ad dexteram; (1) sed ipsam dexteram intelligamus potestatem quam accepit ille homo susceptus a Deo, ut veniat iudicaturus qui primo venerat iudicandus. CYRILLUS. Vel quod sedet ad dexteram Patris, supernam eius gloriam probat: nam quorum est thronus æqualis, & maiestas. Sessio vero in Deo significat regnum, & omnium potestatem. Sedet ergo a dextris Dei Patris, quia Verbum ex paterna substantia prodians, factum caro, divinam non euit dignitatem. THEOPHYLACTUS (hoc loco.) Manifestat ergo quod adversarius Patris non est, sed secum concordat; cum Pater repugnet adversariis eius: sequitur enim: *Dones ponam inimicos tuos scabellum pedum tuorum.* AMBROSIIUS (Lib. X. in Luc. cap. i.) Ergo & Deum Christum, & hominem esse credamus; cui a Patre subiciuntur inimici, non per infirmitatem potestatis suæ, sed per unitatem naturæ, quia in altero alter operatur: nam & Filius subicit inimicos Patri, quia Patrem clarificat super terram. THEOPHYLACTUS (hoc in loco.) Querit ergo ipse, & mota dubitatione finit illos colligere quid sequatur: unde subdit: *David ergo Dominum illum vocat: & quomodo filius eius est?* CHRYSOSTOMUS. David quidem pater Christi, & servus; hoc quidem secundum carnem, illud secundum spiritum. CYRILLUS. Et nos ergo novis pharisæis, qui nec verum Dei Filium, neque Deum esse fatentur natum ex sacra Virgine, sed dividunt

unum Filium in duos, talem (2) obiciamus quaestionem: Quo pacto filius David dominus eius est; & non humano dominio, sed divino?

(f) CHRYSOSTOMUS. Nihil autem est fortius quam ex Prophetis disputare: hoc enim est & ipsis rebus validius: nam Christo faciente miracula contradicebant multoties; cum vero allegavit prophetiam, tacuerunt, quia non habebant quid dicerent. Eis autem tacentibus, contra eos invehitur: unde dicitur: *Audiente autem omni populo dixit discipulis suis.* THEOPHYLACTUS (super *Cavete a fermento pharisæorum.*) Quia enim eos orbis doctores mittebat; merito monet non esse eis imitandam pharisæorum ambitionem: unde sequitur: *Ascendite a scribis, qui volunt ambulare in foliis.* BEDA (cap. lxxv.) Idem, cultioribus vestimentis induti ad publicum procedere; in quo inter cetera dives peccasse describitur. CYRILLUS. Passiones autem erant scribarum, amor gloriæ inanis, & lucri. Ut igitur tam pessima crimina evitarent discipuli, commonet eos, subdens: *Et amant salutationes in foro.* THEOPHYLACTUS (par. a fine Comment.) Quod est (3) blandimentum, & venantium opitium famæ: vel agunt hoc causâ congregandæ pecuniæ: sequitur enim: *Et primas ca. rhodras in synagoga, & primas discubitus in convivio.* BEDA (cap. lxxv. in Luc.) Non primos sedere, vel discumbere vetat eos quibus hoc officii ordine competit; sed eos qui hoc indebite amant, docet esse cavendos; animum, non gradum redarguens; quamvis & hoc culpa non careat, si idem in foro litibus velint interesse qui in synagoga magistri desiderant appellari. Duplici autem ratione a vanæ gloriæ cupiditate iubemur, ne vel eorum simulatione ducamur, æstimantes bona esse quæ faciunt, vel emulatione inflammemur, frustra gaudentes in bonis laudari quæ simulant. Non solum autem laudes ab hominibus, sed & pecunias querunt: sequitur enim: *Qui devorant domos viduarum, simulant longam orationem.* Iustus enim, & magni meritis apud Deum se simulant, ab infamis, & peccatorum suorum conscientia turbatis, quasi patroni pro eis in iudicio futuri, pecunias accipere non dubitant. CHRYSOSTOMUS. Inurgitantes etiam se viduarum bonis, paupertatem atterunt, non qualiter-

(1) *M. omittit sed ipsam dexteram.* (2) *M. obiciemus.* (3) *M. a blandimentibus venantium.*

litercumque comedentes, sed devorantes, & ad pravitatem oratione utentes; quod gravius poena facit eos obnoxios: unde sequitur: *Hi accipient maiorem damnationem.* THEOPHYLACTUS (cir. fin. Com.) Quia non solum mala faciunt, sed orationes prætendunt, & virtutem faciunt pravi-

tatis excusationem. Viduas etiam depauperant, quarum oportebat misereri, dum ob sui præsentiam eas cogunt exponere. BE-DA (cap. lxxxv.) Vel quia laudes ab hominibus, & pecunias quaerunt, maiori damnatione plectuntur.

C A P U T XXI..

(a) **R**espiciens autem vidit eos qui mittebant munera in gazophylacium divites. Vidit autem & quamdam viduam pauperculam mittentem æra minuta duo; & dixit: Vere dico vobis, quia vidua hæc pauper plusquam omnes mittit. Nam omnes hi ex abundantia sibi miserunt in munera Dei; hæc autem ex eo quod deest illi, omnem victum suum quem habuit, misit.

(b) Et quibusdam dicentibus de templo, quod lapidibus bonis, & donis exornatum esset, dixit: Hæc quæ videtis, venient dies in quibus non relinquetur lapis super lapidem, qui non destruatur. Interrogaverunt autem illum, dicentes: Præceptor, quando hæc erunt, & quod signum cum fieri incipient? Qui dixit: Videte ne seducamini. Multi enim venient in nomine meo dicentes, Quia ego sum; & tempus appropinquabit. Nolite ergo ire post illos.

(c) Cum autem audieritis prælia, & seditiones, nolite terreri: oportet primum hæc fieri, sed nondum statim finis. Tunc dicebat illis: Surget gens contra gentem, & regnum adversus regnum, & terræmotus magni erunt per loca, & pestilentia; & fames, terroresque de cælo, & signa magna erunt.

(d) Sed ante hæc omnia, iniicient vobis manus suas, & persequentur, tradentes in synagogas, & custodias, trahentes ad Reges, & præfides propter nomen meum. Continget autem vobis in testimonium. Ponite ergo in cordibus vestris non præmeditari quemadmodum respondeatis: ego enim dabo vobis os, & sapientiam, cui non poterunt resistere, & contradicere omnes adversarii vestri. Trademini autem a parentibus, & fratribus, & cognatis, & amicis; & morte afficient ex vobis; & eritis odio omnibus hominibus propter nomen meum; & capillus de capite vestro non peribit. In patientia vestra possidebitis animas vestras.

(e) Cum autem videritis circumdari ab exercitu Hierusalem, tunc scitote quia appropinquavit desolatio eius. Tunc qui in Iudæa sunt, fugiant in montes, & qui in medio eius sunt, discedant, & qui in regionibus, non intrent in eam: quia dies ultionis hi sunt, ut impleantur omnia quæ scripta sunt. Væ autem prægnantibus, & nutriendis in illis diebus: erit enim pressura magna super terram, & ira populo huic. Et cadent in ore gladii, & captivi ducentur in omnes Gentes. Et Hierusalem calcabitur a Gentibus, donec impleantur tempora nationum.

(f) Et erunt signa in sole, & luna, & stellis, & in terris pressura gentium præ confusione sonitus maris, & fluctuum, arescentibus hominibus præ timore, & expectatione, quæ supervenient universo orbi. Nam virtutes cælorum movebuntur; & tunc videbunt Filium hominis venientem in nube, cum potestate magna, & maiestatem.

(g) His autem fieri incipientibus, respicite, & levate capita vestra, quoniam appropinquat redemptio vestra. Et dixit illis similitudinem. Videte ficulneam, & omnes arbores: cum producunt iam se fructum, scitis quoniam prope est æstas; ita & vos cum videritis hæc fieri, scitote quia prope est regnum Dei. Amen dico

dico vobis, quoniam non præteribit generatio hæc donec omnia fiant. Cælum, & terra transibunt; verba autem mea non transibunt.

(h) Attendite autem vobis, ne forte graventur corda vestra in crapula, & ebrietate, & curis huius vitæ, & superveniat in vos repentina dies illa. Tamquam laqueus enim superveniet in omnes qui sedent super faciem omnis terræ. Vigilate itaque omni tempore orantes, ut digni habeamini fugere ista omnia quæ futura sunt, & stare ante Filium hominis.

(i) Erat autem diebus docens in templo, noctibus vero exiens morabatur in monte qui vocatur Oliveti. Et omnis populus manicabat ad eum in templo audire eum.

(a) **GLOSSA** . Postquam Dominus redarguit scribarum avaritiam, qui domos viduarum devorabant, commendat viduæ eleemosynam: unde dicitur: *Respicens autem vidit eis qui mittebant munera sua in gazophylacium divites.* BEDA (cap. lxxvi. in Luc.) Quia sermone Græco (τ) phyllatin (φυλακτῆν) servare dicitur, & gaza lingua Persica divitiæ vocantur; gazophylacium locus appellari solet quo divitiæ servantur. Erat autem arca foramen habens desuper posita iuxta altare ad dexteram ingredientibus domum Domini, inquam mittebant sacerdotes, qui custodiebant hostias, omnem pecuniam quæ deferabatur ad templum Domini. Dominus autem, sicut operantes in domo sua discit, ita & dona ferentes respicit; & quem dignum viderit, laudat; quem reprobum, damnat: unde sequitur: *Vidit autem & quandam viduam pauperulam mittentem ara minuta duo.* CYRILLUS b. Duos obolos offerebat, quos cum sudoribus ad diurnum victum acquisierat; vel quæ quotidie per aliena poscit suffragia, Deo donat, ostendens ei (2) suam paupertatem fructiferam. Vincit igitur alios, & iusta censura coronatur a Deo: unde sequitur: *Et ait illis: Vere dico vobis, quia vidua hæc pauper plusquam omnes misit.* BEDA (cap. lxxvi.) Acceptabile enim est Deo quicquid bono animo obtulerimus, qui cor, & non substantiam pensat, nec perpendit quantum in eius sacrificio, sed ex quanto proferatur: unde sequitur: *Nam omnes hi ex abundantia sibi miserunt in munera Dei; hæc autem ex eo quod illi desit, omnem victum quem habuit misit.* CHRYSO-

STOMUS c. Non enim paucitatem oblati, sed copiam affectus intuitus est Deus. d. Non est elemosyna ex pluribus paucis impendere; sed illud viduæ, quæ totam sibi evacuavit substantiam. Quod si nequis tantum offerre sicut & vidua, offer saltem totum superfluum. BEDA (cap. lxxvi. in Luc.) Mystice autem divites qui in gazophylacium munera mittebant, significant iudæos de iustitia legis elatos; vidua pauper Ecclesiæ simplicitatem; quæ pauperula vocatur, quia vel superbæ spiritum, vel peccata tamquam mundi divitias abiecit; vidua vero, quia vir eius pro ea mortem pertulit. Hæc in gazophylacium duo æra minuta mittit, quia in conspectu Dei, apud quem nostri operis oblationes conservantur, munera sua desert, sive dilectionem Dei, & proximi, sive fidei, & orationis: quæ cunctis superbiorum iudæorum operibus præstant: ex abundanti enim in munera Dei immittunt iudæi, qui de iustitia sua præsumunt; Ecclesia autem omnem victum suum mittit, quia omne quod vivit, Dei esse muneris intelligit. THEOPHYLACTUS (non remote a prin. Comm. in cap. xxi. Luc.) Vel vidua potest intelligi quælibet anima, orbata, quasi primo viro, pristina lege, & non digna copula Verbi Dei; quæ loco arthæ offert Deo fidem, & conscientiam bonam; (3) & ideo plus videtur offerre divitibus in sermone, & superfluentibus moralibus gentiliū virtutibus.

(b) **EUSABIVS** e. Quod spectanda forent quæ pertinebant ad templi structuram, manifestant historici, & hucusque quædam conservantur reliquæ, quibus percipiuntur quæ

(v) *Al. phylæ; (φυλακῆς.)* (2) *Al. sui.* (3) *Al. omittitur & ideo.*

EX EDITIONE P. NICOLAI.

* Pro his quæ non occurrunt, sic tantum habet Glossa. Qui appetitores primatus & vana gloria cavendos esse monuerat, etiam domo fecerunt in domum Domini, certe examine discernit, ut retineant singuli secundum intentionem cordis. b In Cat. Græc. PP. c Hom. 2. in Epist. ad Hebr. d Hom. xxviii. e Vel Theophylactus in Catena Græc. PP.

quæ dudum erant fabricarum vestigia. Sed Dominus mirantibus templi fabricas, promulgavit quod in eo lapis super lapidem non maneret: dicitur enim: *Et quibusdam dicentibus de templo, quod lapidibus bonis. & domus exornatum esset, dixit: Hæc quæ videtis, venient dies in quibus non relinquetur lapis super lapidem quoniam destruetur.* Decebat enim locum illum, propter cultorum audaciam, omnimodam desolationem pati. BEDA (cap. lxxxvi. in Luc.) Divina etiam dispensatio procuravit ut civitas ipsa, & templum subverteretur, ne quis forte adhuc parvulus in fide, videns (1) illa constare, dum sacrificiorum ritum attonitus superet, raperetur intuitu. AMBROSIVS (Lib. X. in Luc. de futura templi destructione.) Verum igitur dictum est de templi manifesto, quod esset subvertendum: nihil enim est manifestum quod non aut vetustas conficiat, aut vis subruat, aut ignis exurat. Tamen est & aliud templum, scilicet synagoga, cuius structura vetus, Ecclesia surgente, dissolvitur. Est etiam templum in unoquoque, quod deficiente fide labitur, & maxime si quis falso Christi (2) nomen obtendat, quo interiorum expugnet affectum. CYRILLVS. Nequaquam autem discipuli adverterant vim dictorum: sed (3) arbitrabantur de consummatione sæculi dictum esse; & ideo quærebant quo tempore deberent accidere: unde sequitur: *Interrogaverunt autem illum, dicentes: Præceter, quando hæc erunt, & quod signum cum fieri incipient?* AMBROSIVS (Lib. & tit. ut supra.) Matthæus tertiam interrogationem addidit, ut & templi tempora destruedi, & signum adventus, & consummatio sæculi a discipulis quæreretur. Interrogatus autem Dominus quando templi futura esset destructio, & quod signum esset eius adventus, de signis docet, de tempore non curat intimandum: sequitur enim: *Qui dixit: Vdete ne seducamini.* ATHANASIUS a. Cum enim sint nobis a Deo charismata, & dogmata quæ sunt super hominem, tradita, scilicet cælestis conversationis forma, virtus contra dæmones, & adoptio, & notitia Patris, & Verbi, & Spiritus sancti donum; adversarius noster diabolus circueit, quærens nobis surripere insita semina verbi; Dominus autem tamquam sua pretiosa dona in nobis sua do-

cumenta concludens, monet ne seducamur. Magnum autem quoddam donum tribuit nobis Dei Verbum, ut non solum ex parentibus non decipiamur, sed etiam si qua latentia sint, diudicemus per Spiritus gratiam. Cum enim sit odiosus diabolus inventr malitæ, hoc quod ipse est occultat, nomen vero cunctis capitum simulat callide: puta, si quis subicere sibi volens filios alienos, parentibus abentibus (4) fingat eorum vultus, & filios desiderantes seducat. Ergo in unaquaque hæresum diabolus figuratus dicit: Ego sum Christus, & apud me veritas est: unde sequitur: *Multi enim venient in nomine meo, dicentes, Quia ego sum, & tempus appropinquet.* CYRILLVS. Ante suum enim descensum de cælo, provenient aliqui, quibus acquiescere non oportet: voluit enim unigenitum Verbum Dei, cum venit ut mundum salvaret, latere, ut crucem sustineret pro nobis; sed secundus eius adventus non erit clanculo, ut ante, sed terribilis, & manifestus: descendet enim in gloria Dei Patris, ministrantibus Angelis, ut mundum in iustitia iudicet: unde concludit: *Nolite ergo ira possilles.* TERTIUS. Vel forsitan non dicit pseudochristos ante consummationem venientes, sed eos qui fuere tempore Apollolorum. BEDA (cap. lxxxvi.) Multi enim imminet Hierosolymorum excidio principes extitere qui se dicerent esse Christos, tempusque libertatis appropinquare. Multi etiam in Ecclesia hæreticæ diem Domini insitare prædicaverunt; quos Apostolus ad Thessalonicenses damnat. Multi etiam in nomine Christi venerunt antichristi, quorum primus est Simon Magus, (5) cui dicebant: Hic est virtus Dei, quæ vocatur magna.

(c) GREGORIUS in hom. (xxxv. in Evang.) Perituri mundi præcurrentia mala denuntiat Dominus, ut eo minus perturbent venientia, quo fuerint præcisa: minus enim iacula feriunt quæ prævidentur: unde dicit: *Cum autem audieritis prælia, & seditiones, nolite terri.* Bella ad hostes pertinent, seditiones ad cives. Ut ergo nos indicet exterius interiusque turbari, aliud nos fatetur ab hostibus, aliud a tratribus perpeti. AMBROSIVS (Lib. X. in Luc. cap. de futura destructione templi.) Verumtamquam sua pretiosa dona in nobis sua do-

nos

(1) Al. illos. (2) Al. nomine. (3) Al. arbitrarur. (4) Al. fugat. (5) Legit P. Nicolai qui dicitur.

nos testes sumus, quos mundi finis invenit. Quanta praelia, & quae opiniones accepimus praeliorum? GREGORIUS in homil. (xxxv. in Evang.) Sed his malis praevenientibus, quia non statim finis sequatur, adiungitur: *Oportet hac primum fieri; (1) sed nondum statim finis.* Ultima enim tribulatio multis tribulationibus praevenitur: quia multa debent mala praecurrere, ut malum vacent sine fine nuntiare: unde sequitur: *Tunc dicebat illis: Surgat gens contra gentem, & regnum adversus regnum: quia necesse est ut alia ex caelo, alia ex terra, alia ab elementis, alia ab hominibus patiamur.* Hic ergo signatur perturbatio hominum: sequitur enim: *Et terramotus magni erunt per loca: ecce respectus irae desuper.* CHRYSOSTOMUS. *Terremotus enim quandoque irae signum est, nam & quando crucifixus est Dominus, mota est terra: quandoque vero provisionis indicium, sicut orantibus Apostolis commotus est locus in quo erant congregati.*

Sequitur, (2) *Et pestilentia.* GREGORIUS in homil. (xxxv. in Evang.) Ecce inaequalitas corporum, & fames, ecce sterilitas terrae, terraeque de caelo, & signa magna erunt: ecce inaequalitas aeris: quod ad eas tempestates referendum est, quae nequaquam ordinem temporum servant: quae enim ordinate veniunt, signum non sunt. Omnia enim quae ad ulum vitae accepimus, ad usum convertimus culpae: sed cuncta quae ad usum pravitatis infleximus, ad usum nobis vertuntur ultionis. AMBROSIVS (ut supra.) Occasum ergo saeculi praecedunt quaedam aegritudines mundi, scilicet fames, pestilentia, & persecutio. THEOPHYLACTUS. Quidam autem haec non solum in consummatione futura, sed & tempore captionis Hierusalem fuisse impleta voluerunt. Autore namque pacis perempto, merito in eis seditiones, & bella locum habuerunt. Ex bellis autem pestis, & fames consequitur: haec quidem aere cadaveribus infecto, illa incultis manentibus agris. Sed & Iosephus intolerabiles aerumnas evenisse recitat propter famem, & tempore Claudii Caesaris fames invaluit, ut in Actibus legitur; & plurima terribilia contigerunt captionem Hierusalem indicantia, ut Iosephus narrat.

S. Th. Oper. Tom. V.

CHRYSOSTOMUS. Dicit autem, quod non statim finis civitatis evenit, ut scilicet Hierosolyma capiatur, sed post praelia multa. BEDA (cap. lxxxvii. super *Cum audieritis.*) Admonentur etiam Apostoli, ne terreantur his praecurrentibus, ne Hierosolymam, Iudaeamque deserant. Potest autem regnum contra regnum, & pestilentia eorum quorum sermo serpit ut cancer, & famae audiendi verbi Dei, & commotio universae terrae, & a vera fide separatio, etiam in haereticis intelligi, qui contra se invicem dimicantes, Ecclesiae victoriam faciunt. AMBROSIVS (ubi supra.) Sunt autem & alia bella, quae vir sustinet Christianus, diversarum quoque praelia cupiditatum, studiorumque conflictus. Multo etiam graviore sunt domestici hostes quam extranei.

(d) GREGORIUS in hom. (xxxv. in Evang.) Quia cuncta quae praedicta sunt, non de iniuncta ferientis sunt, sed de merito mundi patientis; facta pravorum hominum praenuntiantur cum dicitur: *Sed ante hac omnia incipient vobis manus suas, & exsequantur, trahentes in synagogas, & ex sedibus, trahentes ad Reges, & praesides propter nomen meum;* ac si dicat: Prius corda hominum, post elementa turbabuntur, ut cum rerum ordo confunditur, ex qua tribulatione veniat demonstraretur. Nam quamvis finis mundi ex ipso suo ordine pendeat, (3) perveriores tamen quosque inveniens, quia digne ruinis (4) illius opprimantur, innotescit. CYRILLUS b. Vel hoc dicit, quia priusquam a Romanis Hierusalem caperetur, passi persecutiones a Iudaeis discipuli incarcerati sunt, & praesentati Principibus. Missus est Paulus Romam ad Caesarem, alititque Fello, & Agrippae.

Sequitur (5) *Centinget autem vobis in testimonium.* GRAECUS. (6) In martyrium, id est, in martyrii gloriam. GREGORIUS in hom. (xxxv. in Evang.) Vel in testimonium, videlicet eorum: quia vos persequendo, mortes inferunt, aut videndo non imitantur: ut inde perversi sine exultatione pereant unde electi exemplum capiant, ut vivant. Sed auditis tot terribioribus, turbaturi poterant auditorum corda: unde ad eorum consolationem subdit: *Ponite ergo in cordibus*

Tt

- (1) *M. omittuntur sequentia textus evangelici verba.* (2) *M. sequitur enim.* (3) *M. perveriores.* (4) *M. illorum.* (5) *M. sequitur enim.* (6) *Legis Nicolai. Graeco in martyrium ecc.*

EX EDITIONE P. NICOLAI.

* Hom. xi. in Acta. b In Catena Graec. PP. c Quod sub Graeci nomine sequitur, est eiusdem Cyrilli.

alibi vestris non praevidetur quomodo modum respondetis. THEOPHYLACTUS. Quia enim idiotæ erant, & imperiti, hoc eis Dominus dicit, ne conturbarentur reddituri sapientibus rationem; & causam subdit: *Ego enim dabo vobis os, & sapientiam, cui non poterunt resistere, & contradicere omnes adversarii vestri;* quasi dicat: Statim a me sortimini facundiam, & sapientiam, ut nec omnes adversarii vestri si in unum conveniant, resistere valeant vobis, nec in sapientia, (1) id est speculationum vi, nec in eloquentia, & sermonis lepore. Saepè enim multi sapientiam quidem habent in mente; sed cum sint provocabiles ad turbationem, totum confundunt, cum tempus fuerit proponendi. Non autem tales fuerunt Apostoli, sed ut utrique gratiosi fuerunt. GREGORIUS (hom. xxxv. in Evang.) Ac si Dominus suis dicat: Nolite terreri: vos ad certamen acceditis, ego prælior; vos verba editis, sed ego sum qui loquor. AMBROSIVS (Lib. & titul. ut supra.) Alibi autem Christus in discipulis, alibi Pater, alibi Spiritus loquitur Patris. Non discordant ista, sed congruunt: quod unus loquitur, tres loquuntur, quia vox est una Trinitatis. THEOPHYLACTUS. His autem dictis, & propulso imperitiæ timore, subdit & aliud quiddam necessarium, quod eorum animos poterat commovere, ne subito irruens eos turbaret: sequitur enim: *Tradimini autem a parentibus, & fratribus, & cognatis, & merito afficiet ex vobis.* GREGORIUS in hom. (xxxv. ut supra.) Plus in nobis ea tormenta sæviunt quæ ab illis patimur de quorum (2) moribus præsumebamus: quia cum damno corporis mala nos cruciant amissæ caritatis. GREGORIUS Nissenus s. Consideremus autem statum qui tunc temporis erat. Omnis suspectis, ad invicem dividebantur cognationes, invicem disgregatæ per cultus; & filius gentilis proditor habebat parentum fidelium; & in filium qui crediderat, pater in infidelitate oblinatus accusator habebat. Omnis ætas erat exposita persequentibus fidem, nec mulieribus succurrebat naturalis sexus fragilitas. THEOPHYLACTUS (super Xristi odio omnibus.)

His autem dictis, & de odio subiungit quod ab omnibus patientur: sequitur enim: *Et eritis odio omnibus hominibus propter nomen meum.* GREGORIUS in hom. (xxxv. in Evang.) Sed quia dura sunt quæ prædicuntur de afflictione mortis, protinus consolatio subditur de gaudio resurrectionis, cum dicitur: *Et capillus de capite vestro non peribit;* quasi dicat martyribus suis: Cur timetis ne pereat quod incilium dolet, quando & illud in vobis perire non potest quod incilium non dolet? BEDA (cap. lxxxvii.) Vel aliter. Capillus de capite discipulorum Domini non peribit: quia non solum sortia facta, vel dicta sanctorum, sed & tenuissima cogitatio digna mercede donabitur. GREGORIUS V. Moral. (cap. xiv. in antiq. xiiii. in novis exemp.) Qui autem patientiam in adversis tenet, inde contra adversa omnia fortis efficitur: unde sibi & seipsum vincendo dominatur: unde sequitur: *In patientia vestra possidebitis animas vestras.* Quid enim est animas possidere nisi perfecte in omnibus vivere, cunctisque mentis motibus quasi ex arce virtutis dominari? GREGORIUS in hom. (xxxv. in Evang.) Per patientiam igitur animas nostras possidemus, quia dum nobismetipsis dominari discimus, hoc ipsum incipimus possidere quod sumus. Idcirco autem possessio animæ in virtute patientiæ ponitur, quia radix omnium, custoque virtutum patientia est. Patientia vero est aliena mala æquanimiter perpeti, contra eum quoque qui mala irrogat nullo dolore morderi.

(e) BEDA (cap. lxxxvii. in Luc.) Hactenus ea (3) quæ per quadraginta annos, necdum sine adventu, futura erant, dicta sunt; hic ipse finis desolationis quæ a Romano exercitu facta est, Domini verbis exponitur, cum dicitur: *Cum autem videritis circumdari ab exercitu Hierusalem, tunc scitote quia appropinquavit desolatio eius.* EUSEBIUS b. Desolationem Hierusalem vocat non amplius eam a suis, nec secundum ritum legalem constitui, ita quod nullus expectet post futuram obidionem aliam innovationem fieri, sicut accidit tempore Regis Persarum, & illustris Antio-

(1) *Id est speculationum vita: item id est vita theorematum: Nicolai autem habet id est vi theorematum.* (2) *Id est moribus, item mentibus.* (3) *Id est omittitur quæ.*

EX EDITIONE P. NICOLAI.

* Nec notatur a Corderio in Catena Græc. PP. nec apud illum hæc appendix occurrit; etsi aliquid ad propinquorum persecutionem pertinet indicatus tum in Cant. hom. 22. tum in Eccl. hom. viii. b. In Catena Græc. PP.

tiochi, & iterum tempore Pompeii. AUGUSTINUS ad Helychium a. Hæc autem Domini verba ideo Lucas hoc loco commemoravit, ut offendat tunc factam fuisse abominationem desolationis quæ a Daniele prædicta est, de qua Matthæus, & Marcus locuti sunt, quando expugnata est Hierusalem. AMBROSIVS (Lib. X. in Luc. cap. de regni appropinquatione.) Iudæi enim putaverunt abominationem desolationis tunc factam, eo quod caput porci in templo iecerunt illudentes Romani Iudaicæ ritum observantiae. EUSEBIUS b. Dominus autem futuram in civitate prævidens famem, monebat discipulos ne in futura obsidione in civitatem confugerent, tamquam ad locum tutum, & a Deo protectum; sed magis inde discederent, & ad montes confugerent: unde sequitur: *Tunc qui in Iudæa sunt, fugiant in montes.* BEDA (cap. lxxxviii. in Luc.) Ecclesiastica narrat Historia, cunctos qui in Iudæa erant Christianos, imminente Hierosolymorum excidio, communitos a Domino, loco discessisse, & trans Iordanem habitasse in civitate quadam Pella nomine, donec desolatio Iudææ completeretur. AUGUSTINUS ad Helychium (epist. lxxx. par. a med.) Pro hoc autem Matthæus, & Marcus dixerunt (Marc. xiii.), „ Et qui supra tectum est, „ non descendat in domum: “ addit autem: „ Nec introeat ut tollat aliquid de domo: “ pro quo Lucas subdit: *Et qui in medio eius sunt discedant.* BEDA (cap. lxxxviii.) Sed quomodo ab exercitu civitate iam circumdata, qui in medio eius sunt discedent? Nisi forte e quod promissum tunc, non ad ipsum tempus obsidionis referatur, sed ad proximum ante obsidionem tempus, cum se primum miles Romanus per Galilæam, vel Samariæ fines coepit diffundere. AUGUSTINUS ad Helychium (epist. lxxx.) Pro eo autem quod Matthæus, & Marcus posuerunt, „ Et qui in agro erit, non revertatur retro tollere vestimentum suum, “ apertius ille subdit: *Et qui in regionibus, non intrent in eam: quia dies ultionis hi sunt, ut impleantur omnia quæ scripta sunt.* BEDA (cap. lxxxviii.) Dies autem ultionis hi sunt, dies videlicet dominici sanguinis ultionem petentes. AUGUSTINUS ad

Helychium (ubi supra.) Deinde similiter Lucas prosequitur sicut & alii duo: *Va autem prægnantibus, & nutriendis in illis diebus.* Et sic ergo Lucas patefecit quod poterat esse incertum, scilicet id quod dictum est de abominatione desolationis, non ad sæculi finem, sed ad expugnationem Hierusalem pertinere. BEDA (cap. lxxxviii.) Dicit ergo: *Va prægnantibus, præsentem captivitate, & nutriendis, live mammantibus,* ut quidam interpretantur, quarum vel uteri, vel manus filiorum sarcina prægravatæ, fugæ necessitate non minimum impediunt. THEOPHYLACTUS (hoc loco.) Quidam vero dicunt, Dominum per hoc significare filiorum eum, quem & Iosephus narrat. CHRYSOSTOMUS c. Deinde prædictorum assignat causam, dicens: *Erit enim pressura magna super terram, & ira populi huic.* Talia enim mala eos occupaverunt ut nulla deinceps ærumna possit eorum calamitatibus adæquari, ut Iosephus narravit. EUSEBIUS d. Qualiter scilicet advenientibus Romanis, & urbem capientibus, multæ catervæ Iudaici populi in ore gladii perire: unde sequitur: *Et cadent in ore gladii.* Sed & plures necati sunt fame. Hæc vero accidebant (1) primo quidem sub Tito, & Vespasiano, post hos autem tempore Hadriani Principis Romanorum, quando natale solum Iudæis inaccessibile est factum: unde sequitur: *Et captivi ducentur in omnes gentes.* Totum enim orbem Iudæi repleverunt, & usque ad fines terræ pervenerunt: & cum eorum terra ab alienigenis inhabitaretur, solis ipsi est inaccessibilis facta: unde sequitur: *Et Hierusalem calcabitur a Gentibus, donec impleantur tempora nationum.* BEDA (cap. lxxxviii.) Quæ scilicet Apostolus commemorat dicens Rom. xi. „ Cæcitas ex parte facta est in Israël “ & sic omnis Israël salvus fiet; “ qui cum promissa salute fuerit potius, ad patrium solum rediturus non temere speratur. AMBROSIVS (cap. de signis appro. desol.) Mystice (2) autem abominatione desolationis, adventus Antichristi est, eo quod sacrilegiis insauis mentium inter iora contaminet, sedens iuxta historiam in templo, ut sibi vendicat divinæ potestatis. Iuxta interpretationem autem spirituales pulchre in-

T t 2 duci-

(1) *Id. deß. primo.* (2) *Id. desideratur autem.*

EX EDITIONE P. NICOLAI.

• Epist. lxxx. b Ut supra. • Adversus vituperatores vitæ monachicæ. d In Caena Græcorum

ducitur, eo quod in affectibus singulorum vestigium perfidiae suae confirmare desideret, (1) ex Scripturis disputans se esse Christum. Tunc appropinquit desolatio, quoniam a vera religione plerique lapsi deficiunt; tunc erit Domini dies, quoniam sicut primus adventus Domini fuit propter redimenda peccata, ita & secundus erit propter reprimenda delicta, ne plures perfidiae errore labantur. Est & alius Antichristus, idest diabolus, qui Hierusalem, idest animam pacificam, obsidere nitatur suae legis exercitu. Ergo quando in medio templi est diabolus, desolatio abominationis est. Cum autem unicuique laboranti, Christi praesentia spiritalis illuxerit, colligit iniquus ex medio, & incipit regnare iustitia. Est etiam tertius Antichristus, ut Arrius, & Sabellius, & omnes qui nos prava intentione seducunt. Hæ autem sunt prægnantes quibus vix dicitur, quæ (2) arvinam suæ carnis extendant, & quibus intimum gressus pigrescat animumque, & essetæ virtutum, fetæque vitiolorum. Sed (3) nec illæ prægnantes condemnationis expertes sunt, quæ in bonorum actuum molimine constitutæ, necdum aliquos suscepti operis dedere processus. Sunt quæ Dei timore concipiunt, sed non omnes pariunt: sunt enim quæ abortivum excludunt Verbum antequam pariant. Sunt etiam quæ in utero Christum habeant, sed nondum formaverunt. Ergo quæ parit iustitiam, Christum parit. Nos etiam parvulos nostros ablactare propereamus, ne nos quasi imperfectorum parentes, aut iudicii dies, aut mortis inveniat. Quod ita fiet, si omnia dicta iustitiæ in corde custodias, nec senescitur tempus expectes; sed in prima ætate sapientiam sine corruptela corporis tui cito concipias, cito nutrias. In fine autem Iudæa omnis a nationibus credituris subicietur in ore gladii spiritalis, qui est semper bis acutus.

(f) BIDA (cap. lxxxviii. in Luc. cir. med.) Quid impletis nationem temporibus sequatur, ex ordine manifestat, dicens: *Erunt signa in sole, & luna, & stellis.* AMBROSIVS (Lib. X. in Luc. cap. de sig. adventus Domini.) Quæ quidem signa secundum Matthæum evidentiùs exprimuntur, Tunc (inquit cap. xxiv.) sol obscurabitur, & luna non dabit lumen suum, & stellæ

cadent de cælo. "EUSEBIUS". Tunc enim cum vitæ corruptibilis consummatio ageretur, & secundum Apostolum species huius mundi transibit, & novum succedet sæculum, in quo vice sensibilem luminarium ipse Christus fulgebis, quasi iubar, & Rex novi sæculi; cuius erit tanta (4) luminis virtus, & gloria, ut sol qui nunc radiat, atque luna, & cetera sidera, adventu maioris luminis occultentur. CHRYSOSTOMVS b. Sicut enim in hoc sæculo luna, & sidera mox obfuscantur orto sole; sic in gloriosa Christi apparitione sol obtenebrescet, & luna non dabit proprium iubar, & stellæ cadent de cælo, priore spoliæ amictu, ut potioris lucis amictu potiantur. EUSEBIUS c. Quæ autem evenient orbis post luminarium obtenebrationem, ex quibus fiet angustia gentium, consequenter exprimit, dicens: *Et in terris præssura gentium præ confusione sonitus maris, & fluctuum:* ubi videtur docere principium transmutationis universi futurum ex defectu substantiæ humidæ. Hac enim prima devorata, vel congelata, ut non amplius audiat sonitus maris, nec contingant arenam fluctus eius, causa exuberantis siccitatis, ceteræ mundi partes non amplius obtinentes vaporem solutum, emissum ex substantia humida, transmutationem patientur; & sic cum apparitio Salvatoris confutare debeat repugnantia Deo prodigia, exordium fument furoris proemia ex siccitatis, ut nec tempestas, nec fremitus maris ulterius audiat. Quo facto subsequetur angustia superstitum hominum: unde sequitur: *Arescentibus*, idest talibuscentibus, hominibus præ timore, & expectatione, eorum scilicet quæ super venient universo orbi. Quæ autem tunc ingruant mundo, consequenter ostendit, subdens: *Nam virtutes calorum movebuntur.* THEOPHYLACTVS (super *Erunt signa in sole, luna, & stellis.*) Vel aliter. Cum alterabitur superior orbis, & elementa inferiora merito patientur iacturam: unde sequitur: *Et in terris præssura gentium præ confusione sonitus maris, & fluctuum;* quasi dicat: Mare terribiliter fremet, & litus maris agitatibus tempestate, ita ut sit populo terræ pressura, idest communis miseria, & tabescant timore, & expectatione malorum irruentium mundo: unde sequitur: *Arescentibus hominibus.*

(1) Al. & Scripturis. (2) Al. ad ruinam. (3) Al. emittit nec. (4) Al. nunquid.

EX EDITIONE P. NICOLAI.

a In Catena prædicta. b In eadem Catena. c Ut supra.

hominibus pra timore, & expectatione, qua superuenient uniuerso orbi. AUGUSTINUS ad Helychium (ep. lxxx. a med.) Sed dices: Consciteri vos poena vestra compellit ad esse iam finem, dum impletur quod praenuntiatum est. Nullam enim patriam, nullum locum, nostris temporibus non affligi, aut tribulari certum est. Sed si ista mala quae nunc patitur genus humanum, certa sunt indicia iam Dominum esse venturum, quid est quod dicit Apostolus I. Thess. v. „Cum „dixerint, Pax, & securitas? “ Videamus ergo ne forte melius intelligatur non eo modo impleri quae praedicta sunt his verbis, sed tunc potius esse ventura, quando fuerit tribulatio uniuerso orbi ut ad Ecclesiam pertineat, quae uniuerso orbe tribulabitur, non ad eos qui tribulabunt eam: ipsi enim sunt dicturi, „Pax, & securitas. “ Nunc autem ista mala quae tamquam summa extremaque creduntur, utrique regno, Christi scilicet, & diaboli, videmus esse communia: pariter quippe his boni affliguntur, & mali: interque (1) tanta mala adhuc ulquequaque frequentantur luxuriosa convivia. Hoccine est aescere praetere timore, an potius inardescere praetere libidine? THEOPHYLACTUS (super Nam virtutes calorum movebuntur.) Non solum autem mortales fluctuabunt cum alterabitur mundus, sed etiam Angeli stupebunt in tam terribilibus mutationibus uniuersi: unde sequitur: Nam virtutes calorum movebuntur. GREGORIUS in homil. (1. in Evang. super his verbis.) Quid enim virtutes calorum, nisi Angelos, dominationes, & principatus, & potestates appellat? quae in adventu districti iudicis, nostris tunc oculis visibiliter apparebunt, ut districte tunc a nobis exigant hoc quod nos modo invisibilis conditor aequanimitate portat. EUSEBIUS 4. Cum etiam Dei Filius sit venturus in gloria, & consutaturus elatam tyrannidem filii peccati, ministrantibus Angelis, caeli fores a saeculo clausae patebunt, ut speculentur excelsa. CHRYSOSTOMUS 6. Vel virtutes caelicae movebuntur, quoniam sibi consciae non sunt: videntes enim infinitas multitudines condemnari, non intrepide stabant illic. BEDA (cap. lxxxviii. in Luc.) (2) Unde & in Job dicitur cap. xvi. „Columnae caeli con-

„tremiscunt, & pavent ad nutum eius. “ Quid ergo faciant tabulae, quando tremunt columnae? Quid virgula deserti patitur, cum cedrus paradisi concutitur? EUSEBIUS 5. Vel virtutes calorum sunt quae praesentis sensibilibus partibus uniuersi; quae quidem tunc movebuntur, ut potius statum attingant. Abolventur enim in saeculo novo a ministerio quo Deo servantur circa sensibilia corpora secundum corruptionis statum. AUGUSTINUS ad Helychium (epist. lxxx.) Sed ne Dominus, propinquante secundo adventu suo, ea pro magno praedixisse videatur quae huic mundo etiam ante primum eius adventum fieri consueverant, & rideamur ab eis qui plura in historia gentium, & maiora legerunt; haec quae dicta sunt, melius in Ecclesia existimo intelligi. Ecclesia enim est sol, & luna, & stellae, cui dictum est Cant. v. „Pulchra ut luna, electa ut sol; “ quae tunc non apparebit, persecutoribus ultra modum saevientibus. AMBROSIVS (Lib. X. in Luc. de sign. adv. Domini.) Plurimis etiam a religione deficientibus, clara fides obscurabitur nube perfidia: quia sol caelestis (3) in ea, fide minuitur, vel augetur: & sicut menstruis, idest mensium, defectibus, luna, vel terrae, (4) oppositu, cum fuerit ex regione solis, vanebit; sic & sancta Ecclesia, cum lumini caelesti vitia carnis obsistunt, fulgorem divini luminis de Christi radiis non potest (5) mutuari: nam in persecutionibus lucem divini solis plerumque amor vitae huius excludit. Cadunt etiam stellae, idest gloria micantes viri, si persecutionis acerbitas convalescat, quae oportet fieri donec Ecclesiae multitudo cumuletur: sic enim probantur boni, quae produunt infirmi. AUGUSTINUS ad Helychium (ep. lxxx. inter med. & fin.) Quod autem dictum est, Et in terris pressura gentium, gentes voluit intelligi, non quae in semine Abraham benedicuntur, sed quae ad sinistram stabunt. AMBROSIVS (Lib. X. in Luc. cap. ut supra.) Ergo varii animorum aestus ita graves erunt ut delictorum multitudine male (6) conscientis futuri iudicii metu, sacri nobis ros fontis arefcat. Quemadmodum autem Domini expectatur adventus, ut eius praesentia in toto fiat vel hominis orbe, vel mundi, quae sit in singulis, cum omni-

(1) M. tam mala. (2) M. amittitur Unde. (3) M. fide, in ea, item in fide, in ea. Nicolai nota fide. (4) M. opposita. (5) M. mutari. (6) M. conscientis.

EX EDITIONE P. NICOLAI.

4 Ut supra. 5 Ad Olympiam epist. 12. 6 Ut supra.

bus affectibus receperint Christum; sic virtutes cælorum in adventu Domini augmentum gratiæ consequuntur, & plenitudine divinitatis propius se insundente movebuntur. Sunt etiam virtutes cælorum, quæ enarrant gloriam Dei, quæ pleniori Christi infusione movebuntur, ut videant Christum. AUGUSTINUS ad Helychium (ep. lxxx.) Vel virtutes cælorum movebuntur; quia impiis persequentibus, quidam fideles fortissimi turbabuntur.

Sequitur: (1) *Et tunc videbunt Filium hominis.* THEOPHYLACTUS. Tam fideles, quam infideles: radiabit enim amplius sole tam ipse quam crux eius: unde ab omnibus cognoscetur. AUGUSTINUS (ad Helychium ep. lxxx.) Quod autem dicit, *Venientem in nube*, duobus modis accipi potest: sive in Ecclesia tua tamquam in nube venientem, sicut nunc venire non cessat; sed ideo tunc cum potestate magna, & maiestate, quia maior maiestas, & potestas illius apparebit laudis, quibus magnam virtutem dabit, ne tanta persecutione vincantur: sive in corpore suo, in quo sedet ad dexteram Patris, merito credendus est non solum in eodem corpore, verum etiam in nube venturus, quoniam sic venit sicut abiit; „nubes autem suscepit eum ab oculis eorum:“ AD. 1. CHRYSOSTOMUS A. Semper enim Deus in nube apparet, secundum illud Psal. cxvii. „Nubes, & caligo in circuitu eius:“ unde & Filius hominis in nubibus venit, ut Deus, & Dominus, non latenter, sed in gloria digna Deo: & ideo subdit: *Cum potestate magna, & maiestate.* CYRILLUS B. Intelligendum est similiter magna. Primam enim apparitionem prolecutus est cum infirmitate, & humilitate nostra; sed secundam celebrabit cum propria potestate, & magna maiestate. GREGORIUS in homil. (1. in Evang.) In potestate enim, & maiestate visuri sunt quem in humilitate possumus audire noluerunt; ut virtutem eius tanto tunc distitius sentiant, (2) quanto cervicem cordis ad eius patientiam non inclinant.

(3) GREGORIUS in homil. (1. in Evang.) Quia præmissa contra reprobos dicta sunt, mox ad electorum consolationem verba vertuntur: nam subditur: *His autem fieri incipientibus, respicite, & levate capita*

vestra, quoniam appropinquat redemptio vestra; ac si dicat: Cum plagæ mundi crebrescunt, levate capita, id est exhilarate corda: quia dum finitur mundus, cuius amici non estis, prope sit redemptio quam quaesistis. In Scriptura enim lacra sæpe caput pro mente ponitur: quia sicut capite reguntur membra, ita cogitationes mente disponuntur. Capita itaque levare, est mentes nostras ad gaudia (3) patriæ cælestis erigere. EUSEBIUS S. Vel aliter. Transactis corporalibus aderunt intelligibilia & cælestia, scilicet regnum sæculi non amplius transiituri; & tunc dignis salubria tributuri: unde dicitur: *His autem fieri incipientibus, respicite, & levate capita vestra, quoniam appropinquat redemptio vestra.* Acceptis enim Dei promissis, quæ speramus, erigemur, qui ante curvi fueramus, & elevabimus capita nostra, humiliati quondam, eo quod redemptio nostra quam sperabamus, adierit, illa scilicet quam tota creatura expectat. THEOPHYLACTUS (super *Appropinquat redemptio vestra.*) Idem, perfecta libertas corporis, & animæ. Sicut enim primus adventus Domini fuit ad reformationem animarum nostrarum, sic secundus ad reformationem corporum celebrabitur. EUSEBIUS d. Dicit autem hæc ad discipulos suos, non tamquam ad eos qui durare deberent in vita ista usque ad terminum mundi; sed quasi uno corpore existente ipsis, & nobis, & posteris usque ad consummationem mundi credituris in Christum. GREGORIUS in hom. (1. in Evang.) Quod autem calcar mundus, atque despicere debeat, provida comparatione manifestat cum subdit: *Videte ficulneam, & omnes arbores: cum producant ex se fructum, scitis quoniam prope est aestas: ita & vos, cum videritis hæc fieri, scitote quoniam prope est regnum Dei;* quasi dicat: Sicut ex fructu arboris vicina aestas agnoscitur, ita ex ruina mundi prope cognoscitur esse regnum Dei. Et ex hoc ostenditur quia fructus mundi ruina est. Ad hoc enim gubernat, ut quemcumque germinem vitæ, cladibus consummat. Bene autem regnum Dei æstati comparatur, quia tunc mæroris nostri nebulae transeunt, & vitæ dies æterni solis claritate fulgeant. AMBROSIIUS (Lib. X. in Luc. ut supra.) Matthæus autem de sola dixit ficulnea, hic de arboribus omni-

(1) *M.* sequitur enim. (2) *P. Nicolai legio* quanto nunc. (3) *M.* patris.

EX EDITIONE P. NICOLAI.

^a In Cak. Grec. PP. ^b In eadem Cakena Græca. ^c Ut supra. ^d Ibid.

omnibus. Duplicem autem habet figuram ficulnea, vel cum dura miscelant, vel cum peccata luxuriant. Sive ergo cum fructus (1) in omnibus vireficer arboribus, & ficulnea secunda iam floret; idest, cum omnis lingua confiteretur Deo, confitente etiam populo Iudæorum, sperare Domini debemus adventum, quo tamquam temporibus æstivis resurrectionis fructus metentur: sive cum levem, fragilemque iactantiam, tamquam folia synagogæ, homo iniquitatis induerit, conicere debemus appropinquare iudicium: nam remunerare fidem Dominus, & delinquendi finem asserre festinat. AUGUSTINUS ad Hefychium (ep. lxxx.) Cum autem dicit, *Cum videritis hæc fieri*, quæ intelligere poterimus nisi ea quæ supra memorata sunt? In his autem est quod ait: *Et tunc videbunt Filium hominis venientem*. Proinde cum hoc visum fuerit, non iam erit regnum Dei, sed prope erit. An dicendum est, non omnia quæ supra commemorata sunt, esse intelligenda, ubi ait, *Cum videritis hæc fieri*, sed aliqua eorum, hoc scilicet excepto quod dictum est, *Et tunc videbunt Filium hominis*? Sed Matthæus aperuit, nullis exceptis esse accipiendum, dicens cap. xxiv. Ita & vos cum videritis, hæc omnia: "inter quæ est quod videbitur Filius hominis veniens, ut intelligatur de adventu quo nunc venit in membris suis tamquam in nubibus, vel in Ecclesia tamquam in nube magna. TITUS. Vel aliter. Dicit: *Prope est regnum Dei*: quia dum hæc fient, nondum ultimus finis rerum eveniet, sed iam in finem (2) tendent: nam & ipse adventus Domini eliminans omnium principatum, & potestatem præparat regno Dei. EUSEBIUS a. Sicut enim in hac vita sol hieme recedente, ac succedente vere, radium calidum mittens fovet, ac vivificat humi condita semina, (3) exuentia priscam figuram, pullulant autem novarium virorem habentia; sic & gloriosus Unigeniti Dei adventus vivificativis radiis illustrans novum sæculum, dudum condita per totum mundum semina, scilicet dormientes in pulvere terræ, potioribus corporibus quam prius producet in lucem, ac confutata morte regnabit deinceps vita sæculi novi. GREGORIUS in homil. (1. in Evang.) Omnia autem prædicta sub magna

certitudine confirmantur, cum subditur: *Amen dico vobis, quia non prateribit generatio hæc donec omnia fiant*. BEDA (super illud, *Non prateribit generatio*.) Multum commendat quod ita prænuntiat. Et, si dicere fas est, iuratio eius est quod dicit, *Amen dico vobis*: amen quippe interpretatur verum. Igitur veritas dicit, Verum dico vobis: quod si non diceret, mentiri omnino non posset. Generationem autem, aut omne genus humanum dicit, aut specialiter Iudæorum. EUSEBIUS b. Vel generationem dicit novam generationem Ecclesiæ sanctæ suæ, ostendens duraturum populum fidelium usque ad id tempus quo vilurus sit omnia, & eventus verborum Salvatoris oculis apprehendet. THEOPHYLACTUS (hoc loco.) Quia enim turbationes, & bella, & alterationes tam elementorum quam ceterarum rerum futurum esse prædixerat, ne quis suspicaretur quod & ipsa christianitas peritura foret, subiungit: *Calum, & terra transibunt; verba autem mea non transibunt*; quasi dicat: Et si cuncta commoveantur, fides tamen mea non deficiet: ex quo innuit Ecclesiam præferri toti creaturæ: (a) sed creatura patietur alterationem; fidelium vero Ecclesia, & sermones Evangelii permanent. GREGORIUS in homil. (1. in Evang.) Vel aliter: *Calum, & terra transibunt* &c. quasi dicat: Omne quod apud nos durabile est, sine mutatione durabile ad æternitatem non est; & omne quod apud me transire cernitur, fixum, & sine transitu tenetur: quia sine mutabilitate manentes sententias exprimit sermo meus, qui transit. BEDA (cap. lxxxix. super illud, *Calum & terra transibunt*.) Cælum autem quod transibit, non æthereum, sive sidereum, sive æreum, a quo aves cæli nominantur, intelligere debemus. Si autem terra transibit, quomodo Ecclesiastes dicit cap. 1. "Ter-
ra in æternum stat?" Sed aperta ratione cælum, & terra per eam quam nunc habent, imaginem transeunt, attamen per essentiam sine fine subsistunt.

(h) THEOPHYLACTUS (super *Attendite vobis, ne graventur corda*.) Posuit supra Dominus terribilia, & sensibilia malorum indicia quæ occupabunt peccatores; sed contra hæc mala remedium est cautela, & oratio: unde dicitur: *Attendite autem vobis,*

(1) *Al. amittitur in.* (2) *Al. tendunt.* (3) *Al. exuentia.* (4) *Forse siquidem.*

ne forte graventur corda vestra in crapula, & ebrietate. BASILIUS (in sermone super Attendo tibi.) Singulorum animalium a conditore omnium Deo habet intrinsecus causas facientes ad tutelam consistentiæ propriæ: propter quod & Christus nobis dedit hanc monitionem, ut quæ illis a natura, hæc nobis auxilio rationis, & cautela contingant: fugientibus quidem peccatum, ut irrationabilia fugiunt mortifera pabula, inquirentibus vero iustitiam, sicut illa herbas nutritivas requirunt; & ideo dicit, *Attendite vobis*, ut scilicet discernere possitis a salubri nocivum. Sed quoniam duplitter contingit attendere, hinc quidem corporis oculis, illic vero per intellectuam virtutem, oculis corporis virtutem non attingit: restat igitur dictum esse de opere intellectus, *Attendite*; hoc est, undique circumspicite vos, pervigil habentes ad vestram custodiam animæ lumen. Neque autem dixit: *Attendite vestris*, aut eis quæ circa vos sunt, sed *vobis*: vos enim estis intellectus, & anima; vestrum autem corpus est sensus; circa vos autem opes, artes, & reliqua vitæ supellex; quibus non monet attendendum, sed animæ, cuius præcipua cura habenda. Eadem vero admonitio ægrotantes sanat, & sanos perficit; servatores præsentium, & provisos futurorum; non alienorum censores, sed suorum scrutatores; non dimittentes intellectum servum fieri passionum, sed irrationale animæ subiectentes rationali. Cur autem sit attendendum, subiungit dicens: *Ne forte graventur corda vestra in crapula, & ebrietate, & curis huius vitæ*. TITUS. Quasi dicat: Cavete ne lumina mentis vestræ graventur: cura namque præsentis vitæ, & crapula, & ebrietates fugant prudentiam, quassant fidem, operantur naufragia. BASILIUS. Est autem ebrietas nimius usus vini, crapula vero anxietas, & nausea quæ est in ebrietate, a motione capitis Græco vocabulo dicta. Sicut igitur cibis (1) ne efusiamus, sic & potibus ne stimulamur, utendum est, vitando diligentius lapsum. Fallax enim est vini ingessio. Anima autem vino libera prudentissima erit, & optima; sed humectata vini vaporibus quasi quadam nube velatur. & Curiositas autem huius vitæ

quamvis nihil inhibitorum continere videatur, si tamen ad cultum divinum non coadiuvet, vitanda est: & quare hoc dixerit, ostendit Iubdens: *Et superveniat in vos repentina dies illa*. THEOPHYLACTUS (hoc loco.) Non enim cum deliberatione venit dies illa, sed ex improvviso, & furtim capiens tamquam laqueus non caventes: unde sequitur: *Tamquam laqueus enim superveniet in omnes qui sedent super faciem omnis terræ*. Quod diligentius discuti potest. Capiet enim dies illa sedentes in superficie terræ quasi impræmeditados, & inertes. Quotquot vero sunt solestes, & agiles ad bonum, non sedentes, & otiantes in terrenis; sed surgentes ab eis, sibi dicentes: Surge, vade, quoniam non est hic tibi requies: talibus non est illa dies ut laqueus, (2) in discrimen, sed ut dies festivus. EUSEBIUS. Prædicta igitur docuit esse attendenda ad cavendam gravedinem inde provenientem: unde sequitur: *Vigilate itaque, omni tempore orantes, ut digni habeamini fugere ista omnia quæ futura sunt*. THEOPHYLACTUS. Scilicet famem, pestem, & cetera huiusmodi, quæ temporaliter electis, & aliis imminet, & ea quæ postmodum (3) accidunt reis perenniter: illa enim aliter cavere non possumus nisi per vigilias, & orationes. AUGUSTINUS de Consensu Evang. (Lib. II. cap. lxxvii.) Hæc intelligitur illa fugam Matthæus commemorat, quæ non debet fieri in hieme, vel sabbato. Ad hiemem pertinent curæ huius vitæ, quæ tristes sunt velut hiems; ad sabbatum vero crapula, & ebrietates, quæ carnali læticia, luxuriaque cor submergit atque obruit; quod malum sabbati nomine significatur, quia illo die Iudæi deliciis affluunt, dum spirituale sabbatum ignorant. THEOPHYLACTUS. Et quia Christianum decet non solum fugere mala, sed etiam nitari gloriam assequendam, subdit: *Et stare ante Filium hominis*: hæc est enim angelica gloria stare ante Filium hominis Deum nostrum, & faciem eius iugiter cernere. BEDA (cap. lxxxix. in Luc.) Et certe si quis sapiens medicus præciperet attendere a succo alicuius herbæ, ne repentinus interitus superveniat, magno studio medici mandata servaremus;

nunc

(1) *Al.* ut ne, *item ut sanemus*. (2) *Al.* & discrimen. (3) *Al.* accidunt eis perenniter: illa enim aliter capere non possumus &c.

EX EDITIONE P. NICOLAI.

* CLEMENS Alexandrinus Lib. II. *Pædagog.* cap. xi. & BASILIUS in *Regulis brevioribus* ad interrog. lxxxviii. Hæc appendix cum præcedenti uno tenore dabatur sub nomine Basilii. c. In Catena Græcorum PP.

nunc autem Salvatore admonente ebrietatem, & crapulam, & curas sæculi esse cavendas, his fauciari, & consumi non timent: quia fidem quam medici dictis præbent, Domini verbis præbere contemnunt.

(i) BEDA (cap. lxxxix. in Luc.) Quæ verbis præceperat Dominus, suis confirmat exemplis: nam qui nos ante iudicis adventum, & incertum singulorum exitum, ad vigilandum hortatus est, & orandum, & ipse, imminente tempore passionis suæ, doctrinæ, vigiliis, & precibus instat: unde dicitur: *Erat autem diebus docens in templo: in quo suo exemplo insinuat hoc esse digne Deo vigilare, vel dicto, vel factis proximis viam veritatis offendere.* CYRILLUS. Quæ autem erant quæ docebat nisi transcendentia cultum legis? Instabat enim tempus quo debebat umbra in veritatem transformari. THEOPHYLACTUS (paulo ante fin. Commen. in xxi. cap. Lucæ.) Tacuerunt autem Evangelistæ pleraque documentorum Christi, qui, cum per triennium fere prædicaverit, documenta eius quæ conscripserunt, dicit aliquis vix ad unius dici sermonem sufficere. Ex pluribus ergo pauca describentes, dederunt nobis quemdam gustum dulcedinis doctrinæ ipsius, Ostendit

autem nobis Dominus quod oporteat noctu, & quiete alioqui Deum, & in die profectile hominibus; & colligere quidem in nocte, distribuere vero collecta in die: unde subditur: *Noctibus vero exiens morabatur in monte qui vocatur Oliveti; non quasi opus habens oratione, sed ad exemplum dandum hoc egit.* CYRILLUS. Quia vero eloquium eius in potestate erat, & potestative transferebat in spiritalem cultum quæ per Moysen, & Prophetas tradita fuerant in figuris, populus eum avidius audiebat: unde sequitur: *Et omnis populus manebat, id est mane venire accelerabat, ad eum in templo, audire eum.* Populo autem antelucanum venientia ad eum, congruenter dicere Psalm. lxxi. „Deus Deus meus, ad te de luce vigilo.“ BEDA (cap. lxxxix. in Luc.) Mystice autem & nos cum inter prospera sobrie, & pie, & iuste conversamus, diebus in templo docemus, quia formam boni operis fidelibus (i) præbemus; noctibus vero in monte Oliveti moramur, quia in tenebris angustiarum spiritali consolatione respiramus: & ad nos quoque populus maneat, cum vel discussis operibus tenebrarum, vel cunctis nebulis pressurarum nos imitatur.



C A P U T XXII.

(a) Appropinquabat autem dies festus azymorum, qui dicitur pascha; & quærebant principes sacerdotum, & scribæ quomodo Iesum interficerent: timebant vero plebem.

(b) Intravit autem satanas in Iudam, qui cognominabatur Scharioth, unum de duodecim; & abiit, & locutus est cum principibus sacerdotum, & magistratibus, quemadmodum illum traderet eis. Et gavisi sunt, & pacti sunt pecuniam illi dare. Et respondit. Et quærebat opportunitatem ut traderet illum sine turbis.

(c) Venit autem dies azymorum, in qua necesse erat occidi pascha. Et misit Petrum, & Ioannem, dicens: Euntes parate nobis pascha, ut manducemus. At illi dixerunt, Ubi vis paremus? Et dixit ad eos: Ecce introeuntibus vobis in civitatem, occurret vobis homo quidam amphoram aquæ portans: sequimini eum in domum in quam intrat; & dicetis patrifamilias domus: Dicit tibi Magister: Ubi est diverforium, ubi pascha cum discipulis meis manducem? Et ipse ostendit vobis crænaculum magnum stratum, & ibi parate. Euntes autem invenerunt sicut dixit illis, & paraverant pascha.

(d) Et cum facta esset hora, discubuit, & duodecim Apostoli cum eo: & ait illis: Desiderio desideravi hoc pascha manducare vobiscum antequam patiar. Dico enim vobis, quia ex hoc non manducabo illud, donec impleatur in regno Dei. Et

S. Tb. Oper. Tom. V.

V v

acce-

(i) ad. præbentes.

accepto calice, gratias egit, & dixit: Accipite, & dividite inter vos: dico enim vobis, quod non bibam de generatione vitis, donec regnum Dei veniat.

(e) Et accepto pane gratias egit, & fregit, & dedit eis dicens: Hoc est corpus meum, quod pro vobis datur: hoc facite in meam commemorationem. Similiter & calicem, postquam cœnavit, dicens: Hic est calix novum testamentum in sanguine meo, qui pro vobis fundetur.

(f) Verumtamen ecce manus tradentis me, mecum est in mensa. Et quidem Filius hominis, secundum quod diffinitum est, vadit; verumtamen vœ homini illi per quem tradetur. Et ipsi cœperunt querere inter se, quis esset ex eis qui hoc facturus esset.

(g) Facta est autem & contentio inter eos, quis eorum videretur esse maior. Dixit autem eis: Reges Gentium dominantur eorum; & qui potestatem habent super eos, benefici vocantur. Vos autem non sic; sed qui maior est in vobis, fiat sicut minor; & qui præcessor est, sicut ministrator. Nam quis maior est, qui recumbit, an qui ministrat? Nonne qui recumbit? Ego autem in medio vestrum sum sicut qui ministrat.

(h) Vos autem estis qui permanistis mecum in tentationibus meis: & ego dispono vobis sicut disposuit mihi Pater meus regnum, ut edatis, & bibatis super mensam meam in regno meo, & sedeat super thronos duodecim, iudicantes duodecim tribus Israel.

(i) Ait autem Dominus Simoni: Simon, Simon, ecce satanas expetivit vos, ut cribraret sicut triticum. Ego autem rogavi pro te, ut non deficiat fides tua; & tu aliquando conversus, confirma fratres tuos. Qui dixit ei: Domine, tecum paratus sum & in carcerem, & in mortem ire. At ille dixit: Dico tibi Petre, non cantabit hodie gallus donec ter abneges nosse me.

(k) Et dixit eis: Quando misi vos sine sacculo, & pera, & calceamentis, numquid aliquid defuit vobis? At illi dixerunt, Nihil. Dixit ergo eis: Sed nunc qui habet sacculum, tollat similiter & peram; & quinon habet, vendat tunicam suam, & emat gladium. Dico enim vobis, quoniam adhuc hoc quod scriptum est, oportet impleri in me: Et cum iniquis deputatus est: etenim ea quæ sunt de me, finem habent. At illi dixerunt: Domine, ecce duo gladii hic. At ille dixit eis, Satis est.

(l) Et egressus ibat secundum consuetudinem in montem olivarum. Secuti sunt autem illum & discipuli. Et cum pervenisset ad locum, dixit illis: Orate, ne iniretis in tentationem: & ipse avulsus est ab eis quantum iactus est lapidis, & positis genibus orabat dicens: Pater, si vis, transfer calicem istum a me. Verumtamen non mea voluntas, sed tua fiat.

(m) Apparuit autem illi Angelus de cælo confortans eum: & factus in agonia prolixius orabat. Et factus est sudor eius sicut guttæ sanguinis decurrentis in terram. Et cum surrexisset ab oratione, & venisset ad discipulos suos, invenit eos dormientes præ tristitia; & ait illis: Quid dormitis? Surgite, & orate, ne iniretis in tentationem.

(n) Adhuc eo loquente, ecce turba, & qui vocabatur Iudas, unus de duodecim, anrecedebat eos, & appropinquavit Iesu, ut oscularetur eum. Iesus autem dixit illi: Iuda, osculo Filium hominis tradis? Videntes autem hi qui circa ipsum erant, quod futurum erat, dixerunt ei: Domine, si percutimus in gladio? Et percussit unus ex illis servum principis sacerdotum, & amputavit auriculam eius dexteram. Respondens autem Iesus ait: Sinite usque huc: & cum tetigisset auriculam eius, sanavit eum. Dixit autem Iesus ad eos qui venerant ad se, principes sacerdotum, & magistratus templi, & seniores: Quasi ad latronem existis cum gladiis, & fustibus. Cum quotidie vobiscum fuerim in templo, non extendistis manus in me; sed hæc est hora vestra, & potestas tenebrarum.

(o) Com-

(o) Comprehendentes autem eum, duxerunt ad domum principis sacerdotum; Petrus vero sequebatur eum a longe. Accenso autem igne in medio atrii, & circumfidentibus illis, erat Petrus in medio eorum. Quem cum vidisset ancilla quædam sedentem ad lumen, & eum fuisset intuita, dixit: Et hic cum illo erat. At ille negavit eum, dicens: Mulier, non novi illum. Et post pusillum alius videns eum dixit: Et tu de illis es: Petrus vero ait: O homo, non sum. Et intervallò facto quasi horæ unius, alius quidam affirmabat dicens: Vere & hic cum illo erat: nam & Gahilæus est. Et ait Petrus: O homo, nescio quid dicis. Et continuo adhuc illo loquente cantavit gallus: & conversus Dominus respexit Petrum. Et recordatus est Petrus verbi Domini sicut dixerat, quia priusquam gallus cantet, ter me negabis. Et egressus foras Petrus flevit amare.

(p) Et viri qui teuebant illum, illudebant ei, cædentes; & velaverunt eum, & percutiebant faciem eius; & interrogaverunt eum, dicentes: Prophetiza: quis est qui te percussit? Et alia multa blasphemantes dicebant in eum. Et ut factus est dies, conveniunt seniores plebis, & principes sacerdotum, & scribæ, & duxerunt illum in concilium suum, dicentes: Si tu es Christus, dic nobis. Et ait illis: Si vobis dixerò, non credetis mihi; si autem & interrogavero, non respondebitis mihi, neque dimittetis. Ex hoc autem erit Filius hominis sedens a dextris virtutis Dei. Dixerunt autem omnes: Tu ergo es Filius Dei? Qui ait: Vos dicitis quia ego sum. At illi dixerunt: Quid adhuc desideramus testimonium? Ipsi enim audimus de ore eius.

(a) **CHRYSOSTOMUS.** Umbra nocturnorum fuerunt festa Iudaica; & ideo si quæseris a Iudæo de pascha, & azymis, nil magni proferet, commemorans liberationem ab Aegypto. Si quis autem a me quæserit, non audier Aegyptum, nec Pharaonem, sed absolutionem erroris, & tenebrarum diaboli, non per Moysen, sed per Filium Dei. **GLOSSA a.** Ad cuius passionem enarrandam accedens Evangelista, præmittit de figura, dicens: *Appropinquabat autem dies festus azymorum, qui dicitur pascha:* **BEDA** (cap. xc. in Lucam.) Pascha quidem, quod Hebraice dicitur pasche, non a passione, sed a transitu nominatur, eo quod exterminator videns sanguinem in foribus Israelitarum pertransierit, nec percussit primogenita eorum. Vel ipse Dominus præbens auxilium populo suo desuper ambulavit. Hoc autem inter pascha & azyma distat, quod pascha ipse solus dies appellatur in quo agnus occidebatur ad vespæram, hoc est decima quarta: luna primi mensis; decima quinta autem luna, quando egressus est de Aegypto, succedebat festivitas azymorum septem diebus usque ad vigesimam primam diem eiusdem mensis: unde Evangelii Scriptura indifferenter unum pro alio ponere solet: unde hic dicitur: *Dies azymorum,*

qui dicitur pascha. Significatur autem per mysterium, quod Christus semel pro nobis passus, per totum tempus huius sæculi, quod septem diebus agitur, in azymis sinceritatis, & veritatis præcepit esse vivendum. **CHRYSOSTOMUS b.** Principes autem sacerdotum nefarias res tractant in festo: unde sequitur: *Et quærebant principes sacerdotum, & scriba quomodo Iesum interficerent.* Moyses quidem unum præcepit esse principem sacerdotum, & illo defuncto creari alium. Tunc vero, cum inciperent Iudaici ritus dissolvi, multi erant principes sacerdotum annuatim creati. Hi ergo volentes Iesum occidere, non metuunt divina, ne scilicet ex tempore sacro maius incurrant peccati contagium; sed ubique timent humana: unde sequitur: *Timent vero plebem.* **BEDA.** Non quidem seditionem metuentes, sed caventes ne auxilio populi de suis manibus tolleretur. Hæc autem ante biduum paschæ congregatis eis in atrio Caiphe Mathæus acta attestatur.

(b) **THEOPHYLACTUS.** Quia dictum est quod principes sacerdotum quærebant modum quo interficerent Iesum, nullum incurrerent periculum, consequenter modus qui eis occurrit, narratur cum dicitur: *Intravit autem satanas in Iudam.* **TITUS.**

Vv 3 In

EX EDITIONE P. NICOLAI.

a Nihil tale in Glossa quæ nunc extat. b Hom. lxxx. in Matth.

In Iudam satanas intravit, non impellens, sed patulum inveniens hostium: nam oblitus omnium quæ viderat, ad solam avaritiam dirigebat intuitum. CHRYSOSTOMUS *a*. Ponit autem eius cognomen, subdens: *Qui cognominabatur Stariel*: erat enim alius Iudas. TITUS. Subdit autem, *Unus de duodecim*: nam numerum adimplebat, non autem vereungebatur apostolica dignitate. CHRYSOSTOMUS *b*. Vel hoc addit Evangelista velut absonum quidem; ac si diceret: Erat de primo choro diligentius electorum. BEDA (cap. xc.) Non est autem huic contrarium quod Ioannes dicit, post buccellam intrasse in eum satanam: quia nunc intravit, ut quasi alienum tentaret, tunc autem quasi proprium duxerumque vellet agenda attraheret. CHRYSOSTOMUS *c*. Attende autem magnam Iudæ nequitiam, tum quia per se proficiscitur, tum quia pro pretio hoc facit: sequitur enim: *Et abiit, & locutus est cum principibus sacerdotum, & magistratibus quemadmodum illum traderet eis. Et gavisus sunt.* THEOPHYLACTUS (super *Lectus est magistratibus*.) Magistratus hic appellantur præpositi constructionum templi, vel etiam illi quos Romani populo præfecerant, ne proruerent in tumultus, erant enim seditiosi. CHRYSOSTOMUS *d*. Propter avaritiam autem Iudas factus est talis: sequitur enim: *Et passus sunt pecuniam illi dare*. Tales enim avaritia generat passionem: reddit impios, & Deum ignorare compellit; & si millies beneficium sit eis, ad nocendum impellit: unde & hic sequitur, *Et spondit*. THEOPHYLACTUS (super *Et passus sunt pecuniam dare*.) Id est, pepigit, & promisit. *Et quarebat opportunitatem ut eum traderet sine turbis*; id est, quærebat eum tradere quando videret eum leiorum existentem sine turbis. BEDA (cap. xci. in Luc.) Multi autem Iudæ scelus exhorrent, nec tamen cavent: qui enim caritatis, & veritatis iura spernit, Christum, qui est veritas, & caritas, prodit; maxime cum non infirmitate, vel ignorantia peccet, sed ad similitudinem Iudæ quærat opportunitatem, ut arbitris absentiibus, veritatem mendacio, virtutem crimine immuret.

(c) TITUS, Ut nobis Dominus cæleste

pascha dimitteret, typicum manducavit, figuram removens, ut veritas iocum obtineret: unde dicitur: *Venit autem dies azymorum, in qua necesse erat occidi pascha*. BEDA (super *Venit autem dies azymorum*.) Dies azymorum paschæ quartadecimam primi mensis appellat, quando, fermento abiecto, pascha, id est agnus, occidi ad vespæram confluverat. EUSEBIUS *e*. Si quis autem dicat: Si prima (1) die azymorum discipuli Salvatori parant pascha, ergo & eadem die oportet nos pascha celebrare: dicemus, hoc non fuisse monitionem, sed historiam facti quod accidit tempore salutiferæ passionis. Aliud autem est narrare gesta vetera, & aliud facere, ac posteris statuta relinquere. Quin etiam Salvator non egit pascha cum Iudæis, quando agnum immolabant: nam illi quidem hoc egerunt in parascève, quando passus est Dominus: unde non introierunt in atrium Pilati, ut manducarent pascha: ex quo enim veritati insidiati sunt, verbum veritatis a se expulerunt, non primo die azymorum, quo die debebat immolari pascha, manducantes solum sibi pascha (erant enim erga aliud attenti) sed die sequenti post illam, quæ erat azymorum secunda. Dominus vero prima die azymorum, hoc est quinta feria sabbati, pascha cum discipulis peregit. THEOPHYLACTUS (super *Misit Petrum, & Ioannem*.) Eadem autem quinta feria mittit duos ex discipulis suis ad parandum pascha, Petrum scilicet, & Ioannem, alterum scilicet ut diligentem, alterum ut dilectum: unde sequitur: *Et misit Petrum, & Ioannem, dicens: Euntes parate nobis pascha, ut manducemus*: per omnia manifestans quod ulque ad extremum vitæ non est advertere legi. Mittit autem eos ad alienam domum: nam nulla domus erat ei, neque discipulis suis; alioquin apud aliquem eorum pascha celebrasset: & ideo subditur: *At illi dixerunt: Ubi visparemus?* BEDA (cap. xci.) Quasi dicant: Non habemus domicilium, non habemus tabernaculum. Audiant quibus edificandarum domorum cura est, cognoscat Christum omnium Dominum, locum ubi caput reclinaret, non habuisse. CHRYSOSTOMUS *f*. Cum autem ignorarent ad quem mitterentur, signum dedit eis, sicut

& Sa.

(1) *Al. amittitur die.*

EX EDITIONE P. NICOLAI.

a Hom. lxxxi. in Matth. *b* Ibidem. *c* Ut supra. *d* Ibid. *e* La Catena Gregoriana PP. f. Rom. lxxxi. in Matth.

& Samuel Sauli: unde subditur: *Et dixit ad eos: Ecce introvenitis vobis in civitatem, occurrit vobis homo amphoram aquæ portans; sequimini eum in domum in quam intrat.*

AMBROSIUS (Lib. X. in Luc. cap. de homine portante amphoram.) Primum maiestatem divinitatis adverte: cum discipulis loquitur, & iam novit quid alibi sit futurum: deinde dignationem eius intueri: quia non persona divitis, aut potentis eligitur, sed pauper ambitur, & angustum hospitium pauperis amplius nobilium ædibus antefertur. Sciebat autem Dominus nomen eius, cuius sciebat mysterium, & occursum; sed ideo sine nomine designatur, ut ignobilis æstimetur. THEOPHYLACTUS (super *Occurrit vobis homo quidam*.) Vel ideo mittit eos ad hominem ignotum, ut ostendat quod passionem voluntarie subiit. Qui enim mentem huius ignoti viri subegit, ut eos susciperet, poterat quodcumque voluisset cum ludæis tractare. Dicunt autem quidam, quod ideo non dixit nomen hominis, ne proditor cognito nomine domum panderet pharisæis, qui venientes cepissent eum priusquam cœna fieret, & spiritualia mysteria discipulis traderet; sed quibusdam indicium in quamdam domum dirigit eos: unde sequitur: *Et dicite patrifamilias domus: Dicit tibi Magister: Ubi est divorforium ubi pascha cum discipulis meis manducam?* Et ipse vobis ostendit concubaculum magnum stratum; & ibi parato. GLOSSA. Quibus signis inventis, discipuli solliciti quæ mandata eis fuerant, impleverunt: unde sequitur: *Enumus autem invenerunt sicut prædixit illis Iesus, & paraverunt pascha.* BEDA (cap. xci. super *Venit dies azymorum.*) Hoc pascha exponens Apostolus ait I. Corinth. v. „Pascha nostrum immolatus est Christus: “ quod quidem pascha tunc necesse erat occidi, quasi paterno consilio, ac diffinitione sanctum; qui licet discipuli, hoc est decimaquinta luna sit crucifixus, hac tamen nocte, qua agnus immolabatur a ludæis, tentus, ac ligatus, immolationis, hoc est passionis suæ, sacravit exordium. THEOPHYLACTUS (ubi supra.) Intelligamus autem diem quidem azymorum totam conversationem quæ est in luce spiritali, nullam red-

olentem vetustatem primæ prævaricationis Adæ, in qua viventes non decet delectari in Christi mysteriis. Hæc autem mysteria Petrus, & Ioannes parant, id est actio, & contemplatio, servor (1) zeli, & mansuetudo paciæ. His autem paratoribus occurrit homo: quia per prædicta reperimus statum hominis qui creatus est ad imaginem Dei: qui portat amphoram aquæ, quæ significat gratiam Spiritus sancti; amphora autem est humilitas cordis: humilibus enim dat gratiam, qui se cognoscunt esse terram, & pulverem. AMBROSIUS (Lib. & tit. ut supra.) Vel amphora est mensura perfectior; aqua autem est quæ sacramentum Christi esse meruit; quæ lavare meruit, non lavari. BEDA (cap. xci.) Parant autem pascha ubi aquæ inferunt amphora: quia tempus adell quo veri paschæ cultoribus typicus de limine auferatur cruor; & ad tollenda crimina viviæ fontis baptismâ consecratur. ORIGENES (super Matth. 8. Ego autem pato quod homo qui ingredientibus discipulis in civitatem occurrit amphoram aquæ portans, erat quidam minister patrifamilias, portans mundatorem, aut potabilem aquam in vase fictili; quem potum esse Moyses, spiritalem doctrinam portantem in corporalibus historiis. Qui autem non consequuntur spiritaliter eum, non celebrant pascha cum Iesu. (2) Attendamus ergo, ipso Domino constituto nobiscum, ad superiorem locum, in quo est divorforium, quod demonstratur ab intellectu, (3) qui est in unoquoque homine patrifamilias, discipulis Christi. Hæc autem domus superior sit nobis magna, (4) ut capiat Iesum Verbum Dei, quod non capit, nisi a magnis sensu. Et sit domus hæc a patrifamilias, id est intellectu, præparata Filio Dei, & (5) sit mundata, nullo modo habens malitiæ sordes. Sit etiam domus illius princeps non qualibuscumque cognitus habens nomen: unde mystice dicit secundum Matthæum xxvi. „Ite ad quemdam.“ AMBROSIUS (ut supra.) In superioriibus autem magnum habet stratum, ut magnum meritum eius advertas, in quo Dominus cum discipulis sublimium virtutum eius delectatione requiesceret. ORIGENES (super

(1) M. celi. (2) Ita corrigi P. Nicolai Ascendamus ergo cum ipso Domino &c. (3) Mem sit legiti: qui est patrifamilias unicusque homini a discipulis Christi. (4) M. ut capiat Iesum Verbum Dei. (5) M. desideratur sit.

per Marth. a. Scire autem debemus, quoniam qui in epulationibus, & solitudinibus secularibus sunt, non ascendunt in domum illam superiorem, & propterea non celebrant cum Iesu pascha. Post sermones enim discipulorum quibus catechizaverunt patremfamilias, idest intellectum, venit & divinitas coepulans discipulis in domo prædicta.

(d) CYRILLUS. Postquam discipuli pascha paraverant, agitur de paschæ commestione: unde dicitur: *Et cum facta esset hora, discubuit, & duodecim Apostoli cum eo.* BEDA. Hora manducandi paschæ designat quartadecimam diem primi mensis perdulam ad vespertam, quintadecima luna iam terris apparente. THEOPHYLACTUS (super *Et cum facta esset hora, discubuit.*) Sed qualiter Dominus discumbere dicitur, cum Iudæi stantes pascha manducarent? Dicunt ergo, quod cum manducavissent legale pascha, accubuerunt secundum communem usum, manducantes quosdam alios cibos.

Sequitur: *Et ait illis: Desiderio desideravi hoc pascha manducare vobiscum, antequam pati.* CYRILLUS. Quod ideo dicit, quia discipulus avarus proditionis tempus explorabat: sed ne traderet eum ante festum paschæ, non explicaverat Dominus domum, vel virum penes quem pascha perageret; cuius causam per hæc verba ostendit. THEOPHYLACTUS (hoc loco.) Vel dicit, *Desiderio desideravi*; quasi dicat: Hæc ultima mihi cœna vobiscum est, propter quod & amabilis est mihi; sicut & qui per egre profecturi sunt, ultima verba suis dulcius proferunt. CHRYSOSTOMUS. Vel hoc dicit, quia post illud pascha crux imminabat. Invenimus autem pluries eum prædicantem suam passionem, & eam cupientem evenire. BEDA (cap. xci. in Luc.) Desiderat ergo primo typicum pascha cum discipulis manducare, & sic passionis suæ mundo mysteria declarare. EUSEBIUS b. Vel aliter. Cum Dominus novam pascha celebraret, opportune dixit: *Desiderio desideravi hoc pascha*; idest, novum mysterium novi testamenti, quod traheret discipulis, quod plures ante eum Prophetæ, & iusti cupiverant; sed & ipse sitiens communem salutem, hoc traheret mysterium quod toti mundo

competeret. Pascha vero Moyfi statuerat in uno loco, scilicet in Hierusalem celebrari: unde non congruebat omnibus gentibus; & ideo non erat desideratum. (1) EPIPHANIVS (Lib. I. contra hæreses cap. xxx.) Ex hoc Ebionitarum dementia de carnis elu redargui poterat, Domino manducante pascha Iudæorum; unde signanter dixit, *Hoc pascha*, ne quis ad aliud (2) invertere posset. BEDA (cap. xci. in Luc.) Sic ergo Dominus legalis paschæ approbator exstitit, & hoc ad suæ dispensationis figuram docendo pertinuisse, vetat ultra carnaliter exhiberi: unde subdit: *Dico enim vobis, quia ex hoc non manducabo illud donec impleatur in regno Dei*; idest, nequaquam ultra Mosaicum pascha celebrabo, donec in Ecclesia spiritualiter intellectum compleatur: ipsa enim est regnum Dei, secundum illud supra xvii. *Regnum Dei intra vos est.* Ad vetus autem illud pascha, cui finem desiderabat imponere, pertinet etiam illud quod subditur: *Et accepto calice, gratias egit, & dixit: Accipite, & dividite inter vos.* Ob hoc gratias egit, quia vetera transiit, & ventura fuerant omnia nova. CHRYSOSTOMUS c. Memento ergo cum ad mensam sederis, quod post mensam oportet orare; atque ideo ventrem impleas sobrie, ne gravatus nequeas genuflectere, ac supplicare Deo. Non igitur post eicas ad lectum, sed ad orationem vertamur: evidenter enim hoc Christus significavit, quod post eicas non somnus, non cubile, sed oratio, & sacramentum lectio Scripturarum succedere debeat.

Sequitur: *Dico enim vobis, quod non bibam de generatione vitis, donec regnum Dei veniat.* BEDA (cap. xci. in Luc.) Potest quidem hoc & simpliciter accipi, quod ab hac hora cœnæ usque ad tempus resurrectionis, quo in regno Dei erat venturus, vinum bibiturus non esset: postea namque cibum, potumque sumpsisse cum cessatur Petrus Aq. x. dicens: „Qui manducavimus, & bibimus cum illo postquam resurrexit a mortuis.“ THEOPHYLACTUS (super *Donec regnum Dei veniat.*) Dicitur autem resurrectio regnum Dei, quia mortem exterminavit: unde & David ait Psal. xcii. „Dominus regnavit, decorem inducens, scilicet formosi amici, secundum Esaiam, exuta.

(1) a. EUSEBIUS. (2) a. Incurrere.

EX EDITIONE P. NICOLAY.

a Ubi supra. b In Catena Græc. PP. c Orat. 1. de Lazaro.

exuta corporis corruptela . Resurrectione autem adveniente, iterum cum discipulis bibit, ut probaret quod resurrectio non erat phantastica . BEDA (cap. xci. in Luc.) Sed multo consequentius est, ut sicut supra typicum agni esum, sic & potum paschæ neget se gustaturum, donec ostensa gloria regni Dei fides mundi adveniat; ut per duo maxima legis edicta, escam scilicet, & potum paschalem, spiritaliter immutata, disceres omnia legis sacramenta ad spiritalem observantiam fuisse transferenda .

(c) BEDA (cap. xci. in Luc.) Finitis paschæ veteris solemnibus, transit ad novum, quod in suæ redemptionis memoriam Ecclesiam frequentare desiderat, pro carne agni & sanguine, suæ carnis sanguinisque sacramentum in panis ac vini figura substituit, sacerdos in æternum factus secundum ordinem Melchisedech: unde dicitur: *Et accipite panem, gratias agit*: sicut & de veteribus terminandis gratias egerat, nobis exemplum tribuens in omni boni operis inchoatione, & perfectione Deum esse glorificandum . Sequitur, *Et fregit*. Frangit ipse panem quem porrigit, ut ostendat corporis sui fractionem non sine sua sponte futuram .

Et dedit eis dicens: Hoc est corpus meum, quod pro vobis traditur. GREGORIUS Nisænsis a. Panis enim ante consecrationem communis panis est; sed ubi consecratur mysterio, sic, & dicitur corpus Christi. CYRILLUS (in oratione catechetica.) Nec dubites an hoc verum sit, eo manifeste dicente, *Hoc est corpus meum*; sed potius suscipe verba Salvatoris in fide. Cum enim sit veritas, non mentitur. b. Infantiunt igitur dicentes mysticam benedictionem (1) a sanctificatione cessare, si quæ reliquæ remanserint eius in diem subsequenter: non enim mutabitur sacrosanctum corpus Christi, sed virtus benedictionis, & vivificativa gratia ingit in eo est. c. Virtus enim vivificativa Dei Patris unigenitum Verbum est, quod caro factum est, non desinens esse Verbum, sed efficiens carnem vivificativam. d. Si enim in aliquo liquore modicum panis immiseris, reperies hunc imbibitum qualitate illius. Igitur vivificativum Dei Verbum uniens se-

ipsum propriæ carni, fecit eam vivificativam . Numquid ergo & quoniam in nobis verba Dei est, Dei Verbo existente in nobis, vivificativum erit nostrum corpus? e. Sed aliud est secundum participationis habitudinem nos habere in nobis Dei Filium; aliud ipsum fuisse factum carnem, id est corpus sumptum ex alma Virgine proprium corpus effecisse. Decebat ergo cum nostris quodammodo uniri corporibus per sacram cibum carnem, & pretiolum sanguinem, quæ accipimus (2) in benedictionem vivificativam in pane, & vino . Ne enim (3) horreremus carnem, & sanguinem apposita sacris altibus, condescendens Deus nostris fragilitatibus, influat oblati vitæ vitæ, convertens ea in veritatem propriæ carnis, ut corpus vitæ quasi quoddam semen vivificativum inveniatur in nobis: unde subditur: *Hoc facite in meam commemorationem*. CHRYSOSTOMUS super Ioannem f. Hoc fecit Christus ducens nos ad maius amicitiae fœdus, suamque caritatem declarans erga nos, præstans se non solum videri desiderantibus, sed & palpare, & comedere, & amplecti, & totum affectum exple. Igitur ut leones flammam spirantes, sic ab illa mensa discedimus terribiles (4) facti diabolo. BASILIUS g. Dilce autem quo pacto decet edere corpus Christi, in memoriam scilicet obedientiæ Christi usque ad mortem; ut qui vivunt, non amplius in se vivant, sed in eo qui pro eis mortuus est, & resurrexit. THEOPHYLACTUS. Duos autem calices Lucas commemorat: de altero quidem (5) supra dixit: *Accipite, & dividite inter vos* quem dicit aliquis esse typum veteris testamenti; alterum vero post panis fractionem, & distributionem ipse partitur discipulis: unde subditur: *Similiter & calicem postquam canavit*. BEDA. Subauditur dedit eis, ut sit plena constructio. AUGUSTINUS de Conf. Evang. (Lib. III. cap. 1.) Vel quod Lucas bis de calice commemoravit; prius antequam panem daret, inde postquam panem dedit: illud quod superius dixit præoccupavit, ut solet; illud vero quod ordine suo posuit, non commemoraverat superius . Utrumque autem coniunctum eandem sententiam facit, quæ

(1) *Al. emittitur præfinit a.* (2) *Al. in benedictione vivificativa.* (3) *Al. horremus.* (4) *Al. effecti.* (5) *Al. qui supra.*

EX EDITIONE P. NICOLAI.

a. Orat. de Baptismo, vel in Baptismum Christi. b. Ad Calosyrium Episcopum. c. Lib. IV. in Ioan. cap. xiv. ac deinceps. d. Et cap. xxiii. e. Et alibi. f. Rom. xlv. vel xlv. g. in Moral. reg. xxi. cap. 121. & in Regalis brevior. ad inter. clxxii.

quæ illorum est, scilicet Matthæi, & Marci. THEOPHYLACTUS. Nominat autem Dominus hunc calicem novi testamenti: unde sequitur: *Dicens: Hic est calix novum testamentum in sanguine meo, qui pro vobis fundetur*; significans novum testamentum in suo sanguine exordium habere: nam in veteri testamento sanguis animalium affuit cum data fuit lex; nunc vero sanguis Verbi Dei significat nobis novum testamentum. Cum autem dicit, *Pro vobis*, non significat pro solis Apostolorum corpus Christi datum, & sanguinem effusum fuisse; sed causâ totius humanæ naturæ. Et vetus quidem pascha ad removendam servitutem Aegypti fiebat, sanguis autem agni ad primogenitorum custodiam; novum vero pascha ad peccatorum remissionem, sanguis autem Christi ad conservationem eorum qui dedicati sunt Deo. CHRYSOSTOMUS *a*. Hic enim sanguis operatur in nobis imaginem regiam, nobilitatem animæ non permittit marcescere, protinus irrigans animam, magnamque inspirans virtutem. Hic sanguis fugat demones, advocat Angelos, & Dominum Angelorum. Hic sanguis effusus lavit orbem, & adibile fecit cælum. Huius participes sanguinis, (1) sunt supernis virtutibus amicti, regio pallio, magis autem ipso Rege induti. Et sicut si mundus accesseris, salubriter accessisti; sic si (2) imbutus conscientia prava, damnosè accedis in penam, & supplicia. Nam si qui imperatoriam coinquinant purpuram, pari poena plecluntur cum eis qui divellunt; absurdum non est si & qui obscena mente corpus Christi recipiunt, pari poena plecluntur cum his qui illud clavibus transfoderunt. BEDA (super *Similitudinem calicem*). Quia vero panis confirmat, vinum vero sanguinem operatur in carne; hoc ad corpus Christi, illud refertur ad sanguinem. Verum, quia & nos in Christo, & in nobis Christum manere oportet, vinum dominici calicis aqua miscetur: teste enim Ioanne Apocal. XVII. „ aquæ multæ „ populi sunt. “ THEOPHYLACTUS. Primo autem datur panis, secundario calix: prior enim est in spiritualibus laboriosus actus velut panis, non solum quia in vultus sudore (3) laboratur, sed etiam quia

dum comeditur, non est facilis ad glutendum; deinde post labores sequitur exultatio divinæ gratiæ, quæ est calix. BEDA (ubi supra.) Ideo autem tunc cœnati communicant Apostoli, quia necesse erat pascha typicum ante consummari, & sic ad veri paschæ sacramenta transiri; nunc autem in honorem tanti sacramenti placuit magistris Ecclesiæ, prius nos spiritualibus epulis refici, ac deinde terrenis. GRAECUS *b*. Totum autem corpus, & sanguinem Domini suscipit communicans, etiam si mysteriorum partem accipiat. Sicut enim unum sigillum diversis totam suam figuram impartitur, & integrum manet post distributionem, & sicut una vox penetrat ad multorum auditus, sic nulli dubium sit, corpus, & sanguinem Domini totum in omnibus reperiri. Fractio autem panis venerandi passionem significat.

(f) AUGUSTINUS de Concor. Evang. (Lib. III. cap. 1.) Cum tradidisset Dominus discipulis calicem, rursus de traditore suo locutus est, dicens: *Verumtamen ecce manus tradentis me, mecum est in mensa*. THEOPHYLACTUS (hoc loco.) Quod dixit, non solum ut ostendat se scire tutam, sed etiam ut ostendat nobis propriam bonitatem, secundum quam non prætermisit quin prosequeretur ea quæ spectabant ad Deum: dat enim nobis exemplum ut usque ad finem satagamus lucrari peccatores: & ut ostendat proditoris nequitiam, qui & conviva fieri non erubuit. CHRYSOSTOMUS *c*. Et particeps existens mysteriorum, conversus non est: sit enim scelus eius utique immanius, tum quia tali proposito imbutus adiit mysteria, tum quia adiens melior factus non fuit nec metu, nec beneficio, nec honore. BEDA (cap. XI.) Et tamen non designat specialiter, ne manifestius correptus impudenter fieret. Mittit autem crimen in numero, ut agat conficius poenitentiam. Prædicat autem & poenam, ut quem pudor non vicerat, corrigan denuntiata supplicia: unde sequitur: *Et quidem Filius hominis, secundum quod diffinitum est, vadit*. CHRYSOSTOMUS *d*. Sed quia Iudas ea quæ sunt scripta, prava intentione agebat, ne quis putet eum innoxium tamquam dispensationis ministrum, subdit: *Verumtamen*

¶

(1) P. Nicolai habet sunt cum supernis virtutibus constructi (in nobis autem constituti) & amicti regia Christi stola, seu regio pallio; magis autem &c. (2) *id.* impurus. (3) *id.* laboratus.

EX EDITIONE P. NICOLAI.

a Ubi supra. *b* Vel Euthychius Patriarcha in Catena Græc. PP. *c* Hom. LXXVIII. in Matih. *d* Hom. LXXIX. in eundem.

va homini illi per quem traditur'. BEDA (cap. xci.) Sed & vix homini illi qui ad mentiam Domini indignus accedens in exemplo Iudæ Filium hominis tradit, non quidem Iudæis, sed peccatoribus membris suis. Et quamvis scirent undecim Apostoli quod nihil contra Dominum cogitarent; quia tamen plus credunt magistro quam sibi, timentes fragilitatem suam, quaerunt de peccato, cuius conscientiam non habebant: sequitur enim: *Et ipsi ceperunt quaerere inter se, quis e, et ex eis qui hoc facturus esset.* BASILIUS a. Sicut enim in corporalibus passionibus sunt multæ quas non sentiunt patientes, porro magis adhibent fidem coniecturæ medicorum quam propriam insensibilitatem attendant; sic (1) & in animæ passionibus, si quis in se peccatum non sentiat, credere tamen debet his qui plus possunt cognoscere sua peccata.

(g) THEOPHYLACTUS (super *Facta est contentio inter eos*.) Cum inter se quaerent quis esset Dominum traditurus, consequens erat ad invicem sibi dicere, Tupridiur es; & ex hoc coacti sunt dicere, Ego potius, ego maior, & similia: unde dicitur: *Facta est autem & contentio inter eos, quis eorum videretur esse maior.* GRAECUS b. Vel hac contentio videtur habuisse motum, quod cum Dominus ab hominibus transmigraret, oportebat aliquem eorum fieri aliorum principem, quasi Domini vicem gerentem. BEDA. Sicut autem boni in Scripturis exempla patrum, quibus proficiant, & humilientur, requirunt; sic reprobi, si quid forte in electis reprehensibile sepeverint, quasi suas ex eo nequitias oblecturi, libenter solent amplecti. Ideo multi ardentius legunt quod facta est contentio inter discipulos Christi. AMBROSIVS (Lib. X. cap. de sponione præmii.) Si enim contendeant Apostoli, non excusationi obtenditur, sed cautioni proponitur. Caveamus ergo ne in perditionem aliqua inter nos de prælatione possit esse contentio. BEDA (cap. xcii.) Potius autem videamus, non quid carnales adhuc discipuli gesserint, sed quid iusserit spiritualis magister: sequitur enim: *Dixit autem eis: Reges Gentium dominantur eorum.* CHRYSOSTOMUS c. Gentilium meministis, ut ex hoc reus vituperandam ostendat. *Th. Oper. Tom. V.*

dat: Gentilium enim est ambire primatum. CYRILLUS. Sed & blandi sermones eis offeruntur a subditis: unde sequitur: *Et qui potestatem habent super eos, benefici vocantur.* Sed illi quidem quasi extorres a sacris legibus, huiusmodi subiacent morbis; vestrum autem culmen est in humilitate: unde sequitur: *Vos autem non sic; sed qui maior est in vobis, fiat sicut minor.* BASILIUS d. Non ergo extollat prædentem dignitas, ne ab humilitatis beatitudine corruat. Illud autem novit quod humilitas vera ministerium plurium est. Sicut enim qui pluribus ministrat vulneratis, & abstergit cuiuslibet vulneris saniem, non sumit ministerium in causam elationis; sic multo magis cui commissæ sunt curæ fratrum languorum, ut omnium minister redditurus pro omnibus rationem, cogitare debet, & esse sollicitus; & sic qui maior est, fiat sicut minor. Decet autem & corporale obsequium ab his qui prædant offerri, exemplo Domini lavantis pedes discipulorum: unde sequitur: *Et qui præcessor est, sicut ministrator.* Nam est autem timendum ne in subito solvatur humilitatis propositum, dum ei a maiori servitur; sed (2) imitatione panditur humilitas. AMBROSIVS (Lib. & tit. ut supra.) Continuandum est autem, quia non omnis honorificentia studio humilitas definitur: (3) potes enim deserre alicui propter sæculi gratiam, potentia metum, utilitatisque contuitum: tua ædificatio quaeritur, non alterius honor; & ideo una datur omnibus forma sententia; ut non de prælatione iactantia sit, sed de humilitate contentio. BEDA (super *Reges Gentium*.) In hac tamen forma a Domino tradita maiores non minima discretionis opus habent, ne scilicet, ad instar Regum Gentium, dominari subiectis, seque ab eis gaudeant laudibus atque tolli; & tamen contra deinceps laudibus atque zelum iustitiae sint erecti. Ad verba autem exhortationis, suimet adiungit exemplum: unde sequitur: *Nam quis maior est, qui recumbit, an qui ministrat? Nonne qui recumbit? Ego autem in medio vestrum sum, sicut qui ministrat.* CHRYSOSTOMUS. Quali dicat: Non putes discipulum tui egere, te vero non illius: ego enim, qui nullo egeo, quo universa egent cælestia, & terrestria,

X x

refugia,

(1) *Al. desit in.* (2) *Al. in imitatione.* (3) *Al. potest.*

EX EDITIONE P. NICOLAI.

a In Regulis brevior. ad inter. ecci. b Nimirum Apollinaris in Catena Grec. PP. c Hom. lxxv. in Math. d In Regulis fulius disputatis ad iacobi. xxx.

refectis, ad ministerialem gradum condescendi. THEOPHYLACTUS (hoc loco.) Ostendit autem se ministrantem eis, cum panem, & calicem distribuit, cuius ministerii mentionem facit, (1) rememorans eos quod si de eodem pane comederunt, & de eodem calice biberunt, siquidem Christus omnibus ministravit, unum debent omnes sentire. BEDA (super *Qui est maior.*) Vel loquitur de ministerio quo secundum Ioannem eorum pedes lavit Dominus, & Magister; quamvis etiam verbo ministrandi possint omnia quae in carne gessit intelligi; sed & suum sanguinem se pro nobis effundere ministrando significat.

(h) THEOPHYLACTUS (super *Vos estis qui permanistis mecum.*) Sicut Dominus proditori (2) praenuntiaverat *va*, sic discipulis remanentibus & contrario bona praenuntiat, dicens: *Vos autem estis qui permanistis mecum in tentationibus meis.* BEDA (super idem.) Non enim inchoatio patientis, (3) sed perseverantia, caelestis regni gloria donatur: quia perseverantiam, quae constantia, seu fortitudo mentis vocatur, dicimus esse cunctorum columnam virtutum. Filius ergo Dei secum permanentes in tentationibus aeternum ducit ad regnum. Si enim complantati facti sumus similitudini mortis eius, simul & resurrectionis erimus: unde sequitur: *Et ego dispono vobis, sicut disposui mihi Pater meus regnum.* AMEROSIUS (Lib. X. in Luc. cap. de sponcione discipulorum.) Regnum Dei non est de hoc mundo. Non autem aequalitas ad Dominum, sed similitudinis aemulatio est: solus enim Christus plena imago Dei est, propter expressam in se paternam (4) claritudinis unitatem; iustus autem homo ad imaginem Dei est, si propter imitandam divinae conversationis similitudinem, mundum hunc Dei cognitione contemnat: unde & corpus Christi edimus, ut vitae aeternae possimus esse participes: propter quod sequitur: *Utr edatis, & bibatis super mesam meam in regno meo.* Non enim victus, & potus vobis praemii loco spondetur; sed communicatio gratiae caelestis, & vitae. BEDA (super *Utr edatis, & bibatis.*) Vel mensa proposita omnibus sanctis ad fruendum, caelestis est gloria vitae; quae, qui curescunt, & sicut iu-

stitiam, saturabuntur, fruendo desiderato gaudio veri boni. THEOPHYLACTUS. Non autem hoc dixit quasi futuris illic corporalibus elcis, & quali regno suo sensibili futuro: erit enim illic angelica conversatio, sicut sadducaei praedixit. Sed & Paulus Rom. xiv. dicit non esse regnum Dei escam, & potum. CYRILLUS a. Sed ex his quae sunt apud nos, spiritalia designat: nam praerogativa quodam funguntur apud Reges terrenos qui eis quasi convivae consentiant. Ex humano ergo iudicio ostendit qui apud eum in primis honoribus statuentur. BEDA (super *Et sedentis.*) Haec est enim immutatio dexterarum excelsi, ut qui dunc humiles gaudent ministrare concivis, tunc super Domini mensam sublimes, vitae perpetuae dapibus alantur; & qui hic in tentationibus iniuste iudicati, cum Domino permanent, illic cum eo super tentatores suos iusti iudices veniant: unde sequitur: *Et sedentis super thronos duodecim, indicantes duodecim tribus Israel.* THEOPHYLACTUS. Hoc est, condemnantes ex duodecim tribus inideles. AMEROSIUS (Lib. X. in Luc. cap. de sponcione discipuli.) Non autem duodecim throni tamquam aliqua corporalis sunt receptacula sessionis; sed quia secundum divinam similitudinem iudicat Christi cognitione cordium, non interrogatione factorum, virtutem remunerans, impietatem condemnans; ita Apostoli: in iudicium spiritaliter formantur remuneratione fidei, execratione perfidiae, virtute errorem redarguentes, sacrilegos odio persequentes. CHRYSOSTOMUS b. Numquid autem illic sedebit & Iudas? Sed considera, quod lex est data a Deo per Hieremiam cap. xvi. „ Si quid „ boni promiserio, si censearis indignus, mul- „ tabo te. “ Et ideo loquens cum discipulis, non simpliciter promisit, sed addidit: *Qui permanistis mecum in tentationibus.* BEDA (cap. xcii. in Luc.) Ab eius ergo sublimitate promissi Iudas excipitur: nam & antequam haec Dominus diceret, exisse credendus est: excipiuntur & illi quicumque auditis incomprehensibilis sacramenti verbis, abierunt retro.

(i) BEDA (cap. xcii. in Luc.) Negligiantur undecim Apostoli, & suis viribus tribuerent quod soli pene inter tot millia lu-

(1) *Al.* rememorans eos si eodem pane &c. (2) *Al.* pronuntiaverat, & infra pronuntiat. (3) *Al.* sed perseverantia, quae constantia caelestis &c. (4) *Al.* gratitudinis.

Iudeorum dicerentur in tentationibus permansisse cum Domino, ostendit, eos si non iuvantis se Domini essent opulatione protecti, eadem procella cum ceteris potuissent conteri: unde sequitur: *Ait autem Dominus Simoni: Simon, ecce satanas expetivit vos, ut eribraret sicut triticeum*; idest, expetivit vos tentare, & velut qui triticeum purgat, ventilando concutere: in quo docet nullius fidem a diabolo, nisi Deo permittente tentari. THEOPHYLACTUS (hoc loco.) Hoc autem Petro dixit, eo quod fortior aliis erat, & superbiere poterat in his quæ promissa erant a Christo. CYRILLUS. Vel ut ostendat quod homines nihil existentes, quantum pertinet ad humanam naturam, & lubricum mentis nostræ, non decet ut præcellat ceteris velint; & ideo omnis ceteris, venit ad Petrum ceteris prælatum: unde sequitur: *Ego autem rogavi pro te, ut non deficiat fides tua*. CHRYSOSTOMUS. Non autem dixit, *Ego permisi*, sed *oravi*: humiliter enim loquitur tendens ad passionem, ut humilitatem demonstraret: nam qui non deprecatione, sed imperio dixerat Matth. xvi. „ Super hanc petram ædificabo Ecclesiam meam: “ & „ Tibi dabo claves regni cælorum: “ quomodo opus habebat oratione, ut concitaretur unius hominis animam coerceret? Non autem dixit: Rogavi, ut non neges, sed ne deferas fidem. THEOPHYLACTUS (super *Ego rogavi pro te*.) Nam & si paululum agitandus sis, babes tamen reconditum semen fidei: quamvis deiecerit folia spiritus tentatoris, viget tamen radix. Petit ergo satanas te lædere tamquam invidens tibi de mea dilectione; sed quamvis egomet pro te sum deprecatus; tu tamen delinques: unde sequitur: *Et tu aliquando conversus confirma fratres tuos*; quasi dicat: Postquam me negato ploraveris, ac pœnitueris, corrobora ceteros, cum te Principem Apostolorum deputaverim: hoc enim decet te qui mecum robures, & petra Ecclesie. Hoc autem intelligendum est non solum de Apostolis qui tunc erant, ut roborarentur a Petro, sed & de omnibus qui ulque ad finem mundi futuri sunt fidelibus, ne scilicet aliquis credentium diffidat, videns eum qui, cum esset Apostolus, denegavit, ac iterum per po-

nitentiam obtinuit prærogativam, ut esset antistes mundi. (1) Admirare igitur exuberantiam divinæ patientiæ: ne diffidere discipulum faceret, nondum patro crime largitus esse veniam, ac iterum ipsum apostolico gradu restituit, dicens: *Confirma fratres tuos*. BEDA (cap. xxi.) Qualificat: Sicut ego tuam fidem ne deficiat orando protegi; ita tu infirmiores fratres, ne de venia desperent, confortare memento. AMEROSIUS (Lib. X. de sponione premii.) Cave ergo instantiam, cave sæculum. Ille iubetur confirmare fratres suos quid dicit Matth. xix. „ Omnia reliquimus, & secuti sumus te. “ BEDA. Quia vero se Dominus dixerat pro fide Petri rogasse, conscius ille præsentis affectus, huiusmodi terrentis, sed futuri casus nescius, non credit se ullatenus ab eo posse defecere: unde sequitur: *Qui dixit ei: Domine, tecum paratus sum & in carcerem, & in mortem ire*. THEOPHYLACTUS (super *Domine tecum paratus sum*.) Præ nimia quidem dilectione flammescit, & impossibilia sibi pollicetur. Decebat autem, audito semel a veritate quod tentandus esset, non amplius contendere. Sed Dominus videns eum præsumptuos loquentem, promit tentationis speciem, scilicet quod negaturus esset: unde sequitur: *Et illo dixit: Dico tibi Petro, non cantabitis die gallus, donec ter abneges nomen meum*. AMEROSIUS (Lib. & cit. ut supra.) Petrus quidem, etsi spiritu promptus, corporis tamen adhuc infirmus affectu, denuntiatur Dominum negaturus: neque enim poterat divinæ constantiam intentionis æquare. Passio Domini æmulos habet, pares non habet. THEOPHYLACTUS (super *Non cantabit gallus*.) Hinc autem magnam doctrinam haurimus, quod non sufficit humanum propositum absque divino subidio. Petrus enim, quamvis fervens esset, derelictus tamen a Deo, supplantatus fuit ab hoste. b BEDA. Sciendum autem, quod Deo permittente timorati lapsum patiuntur quandoque ad saltus præcedentis remedium. Sed quamvis idem videatur esse delictum timorati, & aliorum, refert non modicum: nam timoratus ex quibuscumque insidiis, & bene prout (2) noluit peccavit; alii vero nullam gerendo curam neque sui, neque Dei, pec-

XX 2 cant.

(1) Quatuor exempla sage commemorata habent hic indicem Cyrilli. (2) Al. voluit.

EX EDITIONE P. NICOLAI.

a Hom. lxxv. in Matth. b BASILIUS in Regulis brevior. ad interrog. viii. Basili indicem habent & alia antiquæ editiones.

cant, non distinguentes inter peccare & agere virtuose. Unde reor (1) & iussiois modum in eis debere fore diversum: nam timoratis quodam iuvenimine indigens, circa eandem rem erga quam peccavit, (2) iusta debet perferre; alii vero, cum totum bonum animæ destruxerint, affligi, & moneri, & præceptis subiici debent, quouque ratum sit illis Deum iustum iudicem esse, & contremiscant. AUGUSTINUS de Conf. Evang. (Lib. III. cap. 11.) Hoc autem quod hic dicitur de Petri negatione prædicta, omnes quidem Evangelistæ commemorant, sed non omnes ex una eademque occasione (3) sermonis ad eam commemorandam veniunt: nam Matthæus, & Marcus eam subnectunt postea quam Dominus egressus est ex illa domo ubi manducaverant pascha; Lucas vero, & Ioannes antequam illud esset egressus. Sed facile possetur intelligere aut illos duos ea recapitulando posuisse, aut illos præoccupando; nisi magis moveret quod tam diversa non tantum verba, sed etiam sententias Domini præmittunt, quibus permotus Petrus illam præsumptionem præteritor, vel pro Domino, vel cum Domino moriendi, ut magis cogant intelligi, ter cum expressisse præsumptionem suam diversis locis sermonis Christi, & ter illi a Domino responsum, quod eum ante galli cantum ter esset negaturus.

(k) GYRILLUS. Prædixerat autem Dominus Petro quod enim esset negaturus, tempore scilicet suæ captionis; sed quia semel facta est mentio de captione eius, consequenter nuntiat supervenientem contra ludæos consilium: unde dicitur: *Et dixit eis: Quando misi vos sine sacculo, & peram, & calceamentis, numquid aliquid defuit vobis?* Miserat enim Salvator sanctos Apostolos prædicare civitatibus, & oppidis regnum cælorum, præcipiens ut eumque nullius corporalem curam gererent, sed in eo totam spem vivendi reponerent. CHRYSOSTOMUS. Sicut autem qui docent natate, circa principium quidem manus suas supponentes, attentius sustentant suos discipulos, postea (4) vero plerumque manum abtra-

hentes iubent ut sibi opitulentur, quinimo & paululum emergi permittunt; ita & Christus fecit discipulis. In exordiis quidem præsto in cunctis eis aderat, parans eis uberrime affluentiam omnium: unde sequitur: *At illi dixerunt, Nihil.* At ubi oportebat & proprias vires ostendere, subtraxit eis aliquantulum gratiam, iubens eis ex se nonnulla peragere: unde sequitur: *Dixit ergo eis: Sed nunc qui habet sacculum, quo scilicet portatur pecunia, tollat similiter & peram, qua scilicet portantur cibaria.* Et quidem quando nec calceamenta, nec zonam habebant, nec baculum, nec æs, nullius passi sunt penuriam; ut autem marsupium concessit eis, & peram, easuræ videntur, & sitire, & nuditate pati; ac si eis diceret: Hactenus cuncta vobis uberrime affluebant, nunc autem volo vos & inopiam experiri: ideoque non addico necessitati præstinæ legis, sed mando & loculum habere, & peram. Poterat autem & Deus usque in finem eos in tanta constituisse copia; sed noluit ob multas causas: primo quidem ut nihil sibi tribuerent, sed recognoscerent totum emanasse divinitus; secundo ut moderari sibi sciant; tertio ne maiora de se opinentur. Horum igitur causa permittens eos incurrere multa inopiatorum, relaxavit prioris legis rigorem, ne gravis, & intolerabilis fieret eis vita. BEDA (super *Quando misi vos sine sacculo.*) Non enim eadem vivendi regula persecutionis qua pacis tempore discipulos informat. Misis quidem discipulis ad prædicandum, ne quid tollerent in via, præcepit, ordinans scilicet ut qui Evangelium nuntiat, de Evangelio vivat. Instante vero mortis articulo, & tota (5) illa gente pastorem simul, & gregem persequente, congruam temporis regulam decernit, permittens ut tollant victui necessaria, donec, sopita insania persecutorum, tempus evangelizandi redeat: ubi nobis quoque dat exemplum, iusta nonnumquam causa instante, quædam de nostri propoliti rigore posse sine culpa intermitteri. AUGUSTINUS contra Faustum (Lib. XXII. cap. lxxvii.) Nulla ergo (6) inconstantia præcipientis, sed ratione dispensantis, pro temporum

(1) Corrigit P. Nicolai & obliationis modum in eis debere facere diversum. (2) Idem ita legit obliationem debet sustinere. (3) Al. sermones. (4) Al. dixit vero. (5) Al. amittit illa. (6) Al. instantia.

EX EDITIONE P. NICOLAI.

* In illud ad Rom. xvi. *Salutate Priscillam, & Aquilam.* Est homilia singularis inscriptionem illam præferens, quæ adiecta est post homilias in Epist. ad Romanos.

porum diversitate præcepta, vel consilia, vel permilla mutantur. AMBROSIVS (Lib. X. cap. de gladio tollendo.) Quia autem ferire prohibet, cur emere gladium iubet, nisi forte ut sit parata defensio, non ultio necessaria, (1) & videatur potuisse vindicari, sed noluisse? unde sequitur: *Et qui non habet, scilicet sacculum, vendat tunica suam, & emat gladium.* CHRYSOSTOMVS. Quid est hoc? Qui dixerat Matth. vi. „Si quis te percussit in dextera gena, vertas ei & aliam;“ nunc armat discipulos, & solo gladio: nam si penitus armare decebat, non solum oportebat gladium possidere, sed & scuta, & galeas. Sed & si mille huiusmodi possiderent arma, pro tot insulcibus, & insidiis populorum, tyrannorum, urbium, nationum, qualiter undecim (2) comparerent, & ex solo aspectu agminum non contremiscent, nutriti in stagnis, & fluviis? Non ergo putemus eum iussisse ut gladios possiderent; sed per gladios innuit imminentes insidias Iudæorum: unde sequitur: *Dico enim vobis, quoniam adhuc hoc quod scriptum est oportet impleri in me: Et cum iniquis deputatus est.* THEOPHYLACTVS (hoc loco.) Cum enim ipsi inter se supra de prærogativis contenderent: Non est, inquit, tempus prærogativarum, immo periculorum, & cædium: nam ego magister vester ducor ad mortem non honorabilem, cum impiis deputandus: etenim ea qua sunt de me, scilicet prædicta, finem habent, id est impletionem. Volens ergo violentum insultum innuere, meminit gladii: nec prorsus revelavit, ne tangereant aecidia; nec prorsus obtulit, ne repentinis aggressibus fluctuarent; sed postea recolentes mirarentur quomodo se ipsum pretium exhibuit passioni pro salute humana. BASILIUS. Vel Dominus non iubet portare marsupium, & peram, & emere gladium; sed prædicat futurum, quod scilicet Apostoli obliiti temporis passionis, donorum, & legis Domini, auderent sunere gladios: sæpius enim Scriptura utitur imperativa sermonis specie loco prophetiæ. In pluribus tamen libris non invenitur, *Accipit, tollit, vel emat, sed tollit, & emat.* THEOPHYLACTVS (ubi supra.) Vel per hoc prænuuntiat eis quod

incurerent famem, & sitim, quod innuit per peram; & adversitates nonnullas, quod innuit per gladium. b Vel aliter. Quod Dominus dicit, *Qui habet sacculum, tollat similiter & peram*, videtur sermo ad discipulos fieri; sed revera respicit quamlibet Iudæi personam; quasi dicat: Si quis Iudæorum abundat facultatibus, congestis omnibus fugiat; si autem quis ultima oppressus penuria colit regionem, hic etiam amicum vendat, & gladium emat: invadent enim eos intolerabilis impetus pugnae, ut nihil ad resistendum sufficiat. Deinde pandit horum malorum causam: quia scilicet passus est poenam profanis debitam, cum latronibus crucifixus. Et cum ad hoc pervenit fuerit, sumet finem verbum dispensationis; persecutoribus autem accident quæ a Prophetis sunt prædicta. Hæc igitur Dominus prædixit de futuris regioni Iudæorum; sed discipuli non intelligebant profunditatem dictorum, putantes ob futurum proditoris insultum gladiis opus esse: unde sequitur: *At illi dixerunt: Domine, ecce datus gladius hic. At ille dixit eis, Satis est.* CHRYSOSTOMVS. Et quidem humanum eos volebat uti auxilio, nec centum sufficerent gladii; quod si volebat eos uti humano subsidio, etiam duo supervacui sunt. THEOPHYLACTVS (super illud *Satis est.*) Noluit ergo Dominus eos reprehendere quasi non intelligentes; sed dicens, *Satis est*, eos dimisit. (3) Quidam autem dicunt, Dominum ironice dixisse, *Satis est*: quasi dicat: Ex quo duo sunt gladii, sufficiant nobis ad tantam multitudinem quanta nos debet invadere. BEDA (super *Ecco gladii duo.*) Vel duo gladii sufficiunt ad testimonium sponte passi Salvatoris: unus qui & Apostolis audaciam pro Domino certandi, & Domino virtutem medicandi doceret inelle; alter qui nequaquam vagina exenptus, ostenderet eos nec totum quod potuere pro eius facere defensione permittos. AMBROSIVS (Lib. X. in Luc. de pera, & gladio tollendo.) Vel quia lex (4) referre non vetat, fortasse Petro duos gladios offerenti satis esse dicit, quasi licuerit usque ad Evangelium; ut sit in lege æquitatis eruditio, in Evangelio bonitatis perfectio. Est etiam gladius spi-

(1) *Al.* & videre. *Nicolaus habet videat.* (2) *Al.* compareret; & non amittitur propositio ex. (3) In quatuor supra iam citatis exemplis interpretatur sequentia: sicut cum non aliquem alloquentes, cum videmus non intelligere quod dicitur, dicimus, Bene, sine, ne ipsum molestemus. (4) *Al.* referre.

spiritualis ut vendas patrimonium, & emas verbum quo mentis penetralia vestiuntur. Est etiam gladius passionis, ut exuas corpus, & immolatur carnis exuviis ematur tibi sacra corona martyrii. (1) Movet adhuc quod duos gladios discipuli protulerunt, ne forte unum novi, unum veteris testamenti sit, quibus adversus diaboli armamur insidias. Deinde dicit Dominus, *Satis est, quasi nil desit ei quem utriusque testamenti doctrina munierit.*

(1) BEDA (cap. xcxi. in Luc.) Tradendum a discipulo Dominus consueti secessus locum, quo facillime reperiri possit, adiecit: unde sequitur: *Et egressus ibat secundum consuetudinem in mentem Oliveti.* CYRILLUS. De die namque conversabatur Hierosolymis, obscura vero nocte succedente in montem olivarum cum suis conversabatur discipulis: unde subditur: *Secuti sunt autem illum & discipuli.* BEDA. Pulchre autem sui corporis mysterium imbutos in montem olivarum discipulos educit, ut omnes in morte sua baptizatos sancti Spiritus charismate confirmandos esse designet. THEOPHYLACTUS (hoc loco.) Post carnem autem nequaquam inertia, & iocus, & somnus occupant Dominum; sed oratio, & doctrina: unde sequitur: *Et cum pervenisset ad locum, dixit illis: Orate non intretis in tentationem.* BEDA (cap. xcxi.) Impossibile quidem est humanam animam non tentari: unde non ait, *Orate ne tentemini*; sed *orate ne intretis in tentationem*; hoc est, ne tentatio vos superet ultima. CYRILLUS. Sed ne solis verbis eis prodesset, procedens paululum orabat: unde sequitur: *Et ipse convulsus est ab eis quantum inclinus est lapidibus.* Ubique invenies cum semotum orantem, ut discas quod animo attento, & corde quieto colloquendum est cum Deo sublimi. Non autem quasi egens alieni iussurii precibus insistebat qui est omnipotentissima virtus Patris; sed ut discamus non esse in tentationibus dormitandum, sed magis orationibus insistendum. BEDA. Solus etiam orat pro omnibus qui solus erat passurus pro omnibus, significans tantum orationem suam, quantum & passionem a nostra distare. AVEUSTINUS de Quæst. Evang. (Lib. II. cap. I.) *Convulsus est autem ab eis quantum inclinus est lapidibus*, tamquam typice admonue-

rit ut in eum dirigerent lapidem; idest, usque ad ipsum perducereat intentionem legis, quæ scripta erat in lapide. GREGORIUS NISSENEUS. Quid autem sibi vult flexus genuum, de quo dicitur: *Et postius genibus orabat.* Humanus quidem utus est pro nos terræ supplicare maioribus, scilicet ostendentes fortiores esse qui rogantur. Palam est autem humanam naturam nihil habere Deo condignum; & ideo honorifica signa quæ invicem exhibemus, fatentes nos humiliores esse respectu excellentiæ proximi, transumptimus ad obsequia incomparabilis naturæ: unde ille qui nostros languores portavit, ac pro nobis intercessit, per hominem quem sumpsit genuitque orando; sciens non esse superbendum orationis tempore, sed per omnia humilitati conformandum: quia „Deus superbis resistit, data autem humilibus gratiam.“ I. PETR. v. CHRYSOSTOMUS. Quælibet autem ars verbis, & operibus offenditur ab eo qui docet. Quia ergo Dominus venerat docurus nos quamlibet virtutem, ob hoc eadem dicit, & facit: unde quia iusserat verbis orare, ne (2) intrarent in tentationem, hoc etiam opere docet: sequitur enim: *Dicens: Pater si vis, transfer calicem istum a me.* Non dicit, *Si vis*, quasi ignorans an Patri placeret: neque enim magis ardua cognitio est cognitione paternæ substantiæ, quam ipse solus perspicaciter novit, secundum illud Ioan. x. „Sicut novit me Pater, & ego novi Patrem:“ neque hoc dicit quasi respuens passionem: qui enim comminatus est discipulo volenti eius passionem impedire, ut satanam cum vocaret post multa præconia, qualiter crucifigi volebat? Cur igitur ita dictum est, consideres. Quantum erat audire quod Deus ineffabilis, qui quemlibet intelledum transcendit, voluit uterum subire virginem, lac sugere, & humana quæque pati. Quoniam ergo ferre (3) incredibile erat quod erat futurum, primo quidem misit Prophetas hoc nuntiantes, postea ipse indutus carne veniens, ut non phantasma putaretur, permittit carnem ferre naturales defectus, efurire, sitire, & dormire, laborare, affici, & anxari; ob hoc & recusat mortem, veram humanitatem demonstrans. AMBROSIVUS (Lib. X. in Luc. cap. de trist. & dolore

(v) M. Monet. (2) M. intrent. (3) M. incredibile erat futurum.

dolore Christi.) Dicit ergo: *Si vis, transfer a me calicem istum*; quasi homo mortem recusans, quasi Deus sententiam suam servans. BEDA. Vel transferri a se calicem postulat, non quidem timore patiendi, sed misericordia prioris populi, ne ab illo bibat calicem propinatum: unde & signanter non dicit: *Transfer a me calicem*, sed *calicem istum*, hoc est populi iudiciorum, (1) qui excusationem ignorantie habere non potest, quia quotidie vaticinatur. DIONYSIUS Alexandrinus a. Vel quod dicit: *Transfer calicem istum a me*, non est hoc, non adveniat mihi: nisi enim adveniat, transferri non potest. Igitur ut sensit iam presentem, cepit affici, & tristari, & quasi iam (2) propinquante eo, dicit, *Transfer calicem hunc*. Sicut enim quod (3) praeterit, nec intantum est, nec permanens; sic & Salvator leviter invadentem tentationem flagitat pelli; & hoc est non intrare in tentationem, quod consulit esse orandum. Perfectissimus autem modus tentationis evitandi manifestatur (4) cum dicitur: *Verumtamen non mea voluntas, sed tua fiat*. Deus enim inexpertus est malorum. Vult autem nobis bona largiri supra id quod petimus, vel intelligimus. Ergo perfectam voluntatem Patris, quam ipse noverat, petit sortiri effectum, quae eadem est & sua secundum deitatem. Renuit autem impleri humanam voluntatem, quam dicit suam, paternam voluntate minorem. ATHANASIUS b. Geminum enim hic velle ostendit: alterum quidem humanum, quod est carnis; alterum vero divinum: humanitas enim ob carnis fragilitatem recusat passionem; sed divinus eius affectus affectanter eam subiit, eo quod non esset possibile eum detineri a morte. GREGORIUS Nissenus c. Apollinaris autem asserit quod Christus non habuit secundum terrenam naturam propriam voluntatem; sed solum in Christo est voluntas Dei, qui de caelo descendit. Dicat ergo: quam voluntatem vult Dominus nequam evenire? Neque enim deitas aufert propriam voluntatem. BEDA (super illud, *Non mea voluntas, sed tua fiat*.) Appropinquans etiam passioni Salvator, infirmantium

in se vocem sumpsit, ut cum hoc immineret quod fieri nolimus, sic per infirmitatem petamus ut non fiat quatenus per fortitudinem parati simus ut voluntas conditoris nostri, etiam contra nostram voluntatem, fiat.

(m) THEOPHYLACTUS (super Apparuit illi Angelus confortans.) Ut nobis innotesceret orationis virtus, quatenus eam in adversis praeporamus, orans Dominus ab Angelo confortatur: unde dicitur: *Apparuit autem illi Angelus de caelo confortans eum*. BEDA (cap. xxi. in Luc.) Alibi legimus, Matth. iv. quia „Angeli acceperunt, & ministrabant ei.“ In documento ergo utriusque naturae, Angeli & ei ministrasse, & cum confortale dicuntur. Creator enim creaturae suae non eguit praesidio; sed homo factus, sicut propter nos tristis est, ita propter nos confortatur. THEOPHYLACTUS (ubi supra.) Quidam autem dicunt, quoniam apparuit ei Angelus glorificans eum, & dicens: Domine, tua est virtus: tu namque potes contra mortem, (5) & infernum genus humanum liberare. CHRYSOSTOMUS. Et quia non phantastica, sed vere nostram carnem suscepit, ut approbet dispensationis veritatem, & oppelleret haereticorum ora, quaeque humana sustinet; sequitur enim: *Et factus in agonia preliis orabat*. AMBROSIIUS (Lib. X. in Luc. cap. de dolore & tristitia Christi in prin.) Horrent plerique hoc loco, qui tristitiam Salvatoris ad argumentum innotae potius a principio quam susceptae ad tempus infirmitatis inclinant. Ego autem non solum excusandum non puto, sed nusquam magis pietatem eius, maiestatemque demitor: minus enim contulerat mihi, nisi meum suscepisset affectum: suscepit enim tristitiam meam, ut mihi suam laetitiam largiretur. Confidenter tristitiam nomino, quia crucem praedico. Debit ergo dolorem suscipere, ut vinceret. Neque enim habent fortitudinis laudem qui stuporem magis vulnorum tulerint quam dolorem. Nos ergo voluit erudire, quemadmodum mortem, & quod est amplius, futurae mortis maestitiam vinceremus. Doles ergo, Domine, non mea, sed

(1) Locum istum sic plenius effert Nicolaus: qui excusationem ignorantiae habere non potest, si me occiderit, habens legem, & Prophetas, qui me quotidie vaticinatur. (2) A. propinquante, hoc dicit. (3) P. Nicolaus legit praeterit. (4) A. emittitur cum. (5) A. & infernum.

EX EDITIONE P. NICOLAI.

a In Cat. Greg. PP. b De Incarnatione contra Arrianos. c Quod sub nomine Gregorii Nisseni subiegitur, aulicis apud illum occurrit.

sed tua vulnera. Infirmatus est enim propter delicta nostra: & fortasse tristis est ideo quia post Adæ lapsum, tali transitu nobis erat ex hoc sæculo recedendum ut mori esset necesse. Nec illud dulciora vero; sed tristis erat pro persecutoribus suis quos sciebat (1) in malis sacrilegii poenas daturos. GREGORIUS XXIV. Moral. (cap. XVII. vel in nov. codd. VII.) Appropinquante etiam morte, nostræ mentis in se certamen expressit, qui vim quamdam terroris, ac formidinis patimur, cum per solutionem carnis æterno iudicio propinquamus; nec immerito, quoniam anima post pusillum hoc invenit quod in æternum mutare non possit. THEOPHYLACTUS (super *Orabat dicens*.) Quod autem humanæ naturæ foret præmissa oratio, non autem divinæ, ut dicunt Ariani, patet etiam ex eo quod subdit: sequitur enim: *Et factus est sudor eius sicut gutta sanguinis decurrentis in terram*. BEDA (cap. XCII. super *Factus est sudor eius*.) Nemo sudorem hunc infirmitati deputet, quia contra naturam est sudare sanguinem; sed potius intelligat, per hoc nobis declaratum quod effectum iam suæ precis obtineret, ut scilicet fidem discipulorum, quam terrena adhuc fragilitas arguebat, suo sanguine purgaret. (2) PROSPER in Libro Sententiarum Augustini (sent. LXVIII.) Orans etiam cum sudore sanguineo Dominus significabat de corpore suo toto, quod est Ecclesia, manatura martyria. THEOPHYLACTUS (super *Sicut gutta sanguinis decurrentis in terram*.) Vel hoc proverbialiter dicitur de eo qui vehementer sudavit, quod sudavit sanguinem. Volens igitur Evangelista innuere, quod grossis sudorum guttis maderat, sumit guttas sanguinis ad exemplum. Post hoc autem inveniens discipulos dormientes præ tristitia, improperat eis, simul admonens ut orarent: sequitur enim: *Et cum surrexisset ab oratione, & venisset ad discipulos suos, invenit eos dormientes præ tristitia*. CHRYSOSTOMUS. Erat enim intemperum nobis, & discipulorum oculi præ angustia premebantur, & erat somnus non torporis, sed mæroris. AUGUSTINUS de Consen. Evang. (Lib. III. cap. IV. circa

med.) Non autem expressit hic Lucas quod oratione Dominus ad discipulos venerit; nihil tamen hoc Matthæo, & Marco repugnat. BEDA (super illud, *Surgite, & orate*.) Demonstrat autem Dominus consequenter quia pro discipulis oraverit, quos monet orationum suarum vigilando, & orando existere participes: sequitur enim: *Et ait illis: Quid dormitis? Surgite, & orate, ne intretis in tentationem*. THEOPHYLACTUS (super *Ut non intretis in tentationem*.) Hoc est, ne a tentatione superentur: hoc enim est non induci in tentationem, non demergi ab ea. Vel simpliciter nos iubet orare, ut tranquilla sit nostra vita, nec immergamur in aliquod molestorum. Diabolicum enim est, & superbum, quemquam le in tentationem præcipitare: unde & Iacobus cap. 1. non dixit, Inicite vos in tentationes; sed „ cum incideritis, omne gaudium æstimate, “ de invito voluntarium facientes.

(n) GLOSSA a. Præmissa oratione Christi, subiicitur de eius prodizione, qua a discipulo proditur: dicitur enim: *Adhuc eo loquente, ecce turba, & qui vocabatur Iudas, unus de duodecim, antecessit eos*. CYRILLUS. Dicit autem, *Qui vocabatur Iudas*, quasi nomen eius habens exolum; addit autem, *Unus de duodecim*, ad significantiam nequitie proditoris: nam qui honoratus fuerat æque Apostolis, factus est occisionis causa in Christum. CHRYSOSTOMUS b. Sicut enim insanabilia (3) vulnera nec austeris medicamentis obediunt, nec demulcentibus; sic anima, ubi semel est captivata, & seipsam dederit cuicumque peccato, nullum emolumentum ex admonitionibus consequetur; quod & Iudæ accidit a prodizione non cessanti, quamvis omni modo doctrinæ esset a Christo cohibitus: unde sequitur: *Et appropinquavit Iesu, ut oscularetur eum*. CYRILLUS. Immemor enim gloriæ Christi, putavit forsitan posse latenter agere, ausus præcipuum dilectionis signum organum efficere doli. CHRYSOSTOMUS c. Non autem discedendum est a fratrū admonitione, quamquam nihil propter nostra verba eveniat: nam & rivuli, etsi nullus hauriat, fluunt; & si forsan

(1) Forte immanis sacrilegii dec. (2) M. AUGUSTINUS in Sententiis Prosperi. (3) M. vulgatum.

EX EDITIONE P. NICOLAI.

a Non est in Glossa que nunc extrat. b Quod subiungitur ex Chrysostomo, & ex Theophylacto Cordensis notat in Cat. Græc. PP. non occurrat. c Conc. 1. de Lazaro.

fan non perſuaſeris hodie, poteris forſan cras. Piſcator enim per totam diem vacua trahens retia, circa ſero piſcem capit: unde Dominus, etſi ſciret Iudam non convertendum, non deſiit ſacere quæ ſua intererat: ſequitur enim: *Jeſus autem dixit illi: Iuda, osculo Filium hominis tradis?* AMBROSIIUS A. Per interrogationem pronuntiandum puto, quaſi amariſſi affectu corripiat proditorem. CHRYSOSTOMUS. Proptium autem nomen ponit, quod magis dolentis erat, & revocantis, quam provocati ad iram. AMBROSIIUS (Lib. X. in Luc. cap. de ofculo Iudæ.) Dicit autem, *Osculo tradis?* hoc eſt, amoris pignore vulnus infligis; & pacis iſtrumento mortem irrogas? Servus dominum, diſcipulus prodis magiſtrum, electus auctorem. CHRYSOSTOMUS. Non autem dicit: Tradis magiſtrum tuum, dominum tuum, benefactorem tuum, ſed *Filium hominis*; hoc eſt, manſuetum, & mitem; qui ſi non eſſet magiſter, & dominus, quia tamen tam ſuaviter erga tegeſſit, non eſſet a te prodendus. AMBROSIIUS (Lib. & tit. eod.) Magna, (1) o Domine, ſignificatio poteſtatis, magna diſciplina virtutis! Et conſilium proditiſionis aperitur, & adhuc patientia non negatur. (2) Oſtendit quem proderet, dum occulta manifeſtat; oſtendit quem traderet, dum dicit, *Filium hominis*, quia caro, non divinitas comprehenditur. Illud tamen plus conſutat ingratum quod eum tradiderit qui, cum eſſet Dei Filius, propter non Filius hominis eſſe voluiſſet; quaſi dicat: Propter te ſuſcepi, ingrati, quod tradis, hypocrita. AUGUSTINUS (de Conſenſu Evang. Lib. III. cap. v.) Hoc ergo Dominum, cum traderetur, primo dixit quod ait Lucas: *Iuda, osculo Filium hominis tradis?* deinde quod Matthæus cap. xxvi. „Amice ad quid veniſti?“ deinde, id quod Ioannes commemorat cap. xviii. „Quem quaeritis?“ AMBROSIIUS (ubi ſupra.) Osculatus eſt autem eum Dominus, non quo ſimulare non doceat, ſed ut neque proditorem reſugere videretur, & plus afficeret proditorem, cui amoris officia non negaret. THEOPHYLACTUS (ſuper *Videntes autem hi quæ ſebant.*) Zelantur au-

tem diſcipuli, & gladios evaginant: unde ſequitur: *Videntes autem hi qui circa ipſum erant quod futurum erat, dixerunt ei: Domine, ſi percutimus in gladio?* Sed qualiter habent gladios? Quia maſtaverant agnum, & a menſa diſceſſerant. Alii autem diſcipuli quaerunt an percuterent; ſed Petrus ubique ſervens pro Domino, perſuaſionem non expectat, (3) ſed percutit ſervum pontificis: unde ſequitur: *Et percuſſit unus ex illis ſervum principis ſacerdotum, & amputavit auriculam eius dexteram.* AUGUSTINUS de Concor. Evang. (Lib. III. cap. v.) Qui percuſſit, ſecundum Ioannem Petrus erat; quem autem percuſſit, Malchus vocabatur. AMBROSIIUS. Eruditus enim in lege Petrus promptus affectu, qui ſciret Phinees reputatum ad iuſtitiam quod ſacrilegos peremiſſet, percuſſit principis ſervum. AUGUSTINUS de Concord. Evang. (Lib. III. cap. v.) Deinde Lucas dicit: *Reſpondens autem Jeſus ait: Sinite uſque huc.* Et hoc eſt quod Matthæus commemorat cap. xxvi. „Converte gladium tuum in locum ſuum.“ Nec moveat quaſi contrarium ſit quod Lucas hic dicit Dominum reſpondiſſe, *Sinite uſque huc*; quaſi poſt iſtam percuſſionem, ita didum fuerit ut placuerit ei uſque huc factum, ſed amplius fieri noluerit; cum in verbis quæ Matthæus poſuit, intelligatur potius totum factum quo uſus eſt gladio Petrus, Domino diſcipuliſſe. Illud enim verum eſt quod cum interrogatiſſent dicentes, *Domine, ſi percutimus in gladio?* tunc reſpondit, *Sinite uſque huc*; id eſt, non vos moveat quod futurum eſt: permittendi ſunt huiusque progredi, hoc eſt ut me apprehendant, & impleantur quæ de me ſcripta ſunt. Non enim diceret, *Reſpondens autem Jeſus*, niſi ad interrogationem eorum reſponderet, non ſacto Petri. Sed inter moras verbotum interrogantium Dominum, & illius reſpondentis, Petrus aviditate deſenſionis percuſſit. Sed non potuerunt ſimul dici (4) quæ ſimul fieri poterunt. Tunc, ſicut dicit Lucas, ſanavit eum qui percuſſuſerat: ſequitur enim: *Et cum tetigiſſet auriculam eius, ſanavit eum.* BEDA (cap. cxiii. in Luc.) Numquam enim pietati ſuæ Domi-

Y y nus

(1) Nicolai legit Magna divinz ſignificatio poteſtatis &c. (2) Al. Oſtendit Deum quem proderat. (3) Al. amittit ſed. (4) Al. quæ ſimul fieri poterunt tunc, ſicut dicit Lucas &c. item quæ ſimul fieri non potuerunt &c.

EX EDITIONE P. NICOLAI

* Hanc rurſum appendicem ut ex Theophylacto Cordesius dat ubi ſupra; nec tamen apud illum occurrat, ſed ſequens tantum, quæ Chryſoſtomi nomine datus.

nus obliuiscitur. Illi iusto mortem inferunt, iste persequentium vulnera sanat. AMBROSIVS (Lib. X. in Luc. cap. de osculo Iudæ.) Sed cum Dominus (1) vulnere cruentum detergit, mytheria diuina subiecit, ut servus principis mundi, non naturæ conditione, sed culpæ, auris vulnus exciperet, qui non audisset verba sapientiæ. Aut si Petrus volens percussit aurem, docuit quod aurem (2) in specie habere non deberet, quam in mysterio non haberet. Sed quare Petrus? Quia ipse ligandi, & solvendi auctor est potestatem; & ideo tollit gladio spiritali aurem interiori male intelligentis. Sed Dominus ipse resundit auditum, demonstrans, & ipsos, si convertantur, posse (3) sanari qui in passione Domini vulnerati sunt: eo quod omne peccatum, fidei mysteriis abluitur. BEDA (super *Et cum retigisset auriculam eius.*) Vel servus iste populus est Iudæorum, principibus sacerdotum indebito mancipatus officio; qui in passione Domini dexteram auriculam, idest spiritalem legis intelligentiam, perdidit; quæ scilicet auris, Petri gladio decidit, non quod ille sensum intelligendi audientibus tollat, sed divino ablatum iudicio negligentibus pandat. Verum eadem dextera auris in his qui in eodem populo crediderunt, divina dignatione pristino est restituta officio.

Sequitur: *Dixit autem Iesus ad eos qui venerant ad se, principes sacerdotum, & magistratus templi, & seniores: Quasi ad latronem existis cum gladiis, & fustibus.* CHRYSOSTOMUS. Accesserunt enim nocte timentes multitudinis impetum; & ideo dicit: Quid vobis opus erat his armis in eum qui vobiscum est semper? & hoc est quod sequitur: *Cum quotidie vobiscum fuero in templo, non extendistis manus in me.* CYRILLUS. Ubi non inculpat Dominus prædictos Iudæorum, quod non sibi mature paraverant infidias mortis; sed arguit eos qui temere opinabantur eum se invasit ipso invito; ac si dicat: Tunc non cepistis me, quia nolebam, (4) & nec nunc possetis, nisi me sponte vestris subicerem manibus: unde sequitur: *Sed hæc est hora vestra; idest, parvum tempus concessum est vobis exercendæ in me vestræ (5) sævitæ, Patre votis meis favente.* Dicit etiam quod hæc

potestas est tenebris data, idest diabolo, & Iudæis, insurgendi in Christum: & hoc est quod subditur: *Et pressas tenebrarum.* BEDA. Quasi dicat: Ideo adversum me in tenebris congregamini, quia potestas vestra, qua sic contra lucem mundi armamini, in tenebris est. Queritur autem quomodo Iesus principis sacerdotum, magistratus templi, & seniores, qui ad se venerunt, alioqui dicitur, cum apud alios Evangelistas non ipsos venisse, verum in atrio Caiphe expectantes, ministros misisse perhibeantur. Sed huic contrarietati respondetur, quod illi non per seipsos, sed per eos quos miserunt ad apprehendendum Christum insuæ iussionis potestate venerunt.

(6) AMBROSIVS (Lib. X. in Luc. cap. de Iudæ osculo.) Non intellexerunt insellentes mysterium, nec venerati sunt tam clementem pietatis affectum, quo etiam hostes suos non pallus est vulnerari: dicitur enim: *Comprehendentes autem eum duxerunt ad domum principis sacerdotum.* Cum legitimus teneri Iesum, caveamus ne putemus eum teneri secundum divinitatem, & invitum quasi infirmum: tenetur enim, & ligatur secundum corporis veritatem. BEDA (super illud, *Duxerunt eum ad domum.*) Princeps autem sacerdotum Caipham significat, qui, secundum Ioannem, erat pontifex anni illius. AUGUSTINUS de Con. Evan. (Lib. III. cap. vi.) Sed primo ad Annam ductus est focerum Caiphe, sicut Ioannes dicit, quam ad Caipham, ut Matthæus dicit. Marcus autem, & Lucas nomen non dicunt pontificis. CHRYSOSTOMUS b. Ideo autem ducitur ad domum pontificis, ut de consensu principis sacerdotum singula quæque facerent: illuc enim omnes conveniant Christum præsolantes. Magnus autem fervor Petri ostenditur, qui non aufugit, cum alios fugientes vidisset: sequitur enim: *Petrus vero sequebatur eum a longe.* AMBROSIVS (Lib. X. in Luc. cap. de prodicione Petri per ancillam.) Bene a longe sequebatur iam proximus negator: neque enim negare potuisset, si Christo proximus adhæsisset. Sed in hoc fit reverendus, quod Dominum non reliquit etiam cum timeret: metus naturæ est, cura pietatis. BEDA (super *Petrus sequebatur a longe.*) Quod autem ad passionem eundem Dominum

(1) Legit Nicolai vulnera cruenta. (2) Al. in spem. (3) Al. salvari. (4) Al. sed. (5) Al. superbiæ.

EX EDITIONE P. NICOLAI,

• In Catena Græcorum PP. & Hom. LXXIV. in MATH.

minum a longe sequitur Petrus, significat Ecclesiam securam quidem, id est imitaturam passionem Domini; sed longe differenter: Ecclesia enim pro se patitur, at ille pro Ecclesia. AMBROSIVS (ubi supra.) Iam autem in domo principis sacerdotum ignis ardebat: unde sequitur: *Accesso autem ignis in medio atrii, & circumfidentibus illis, erat Petrus in medio eorum.* Accessit Petrus ut calefaceret se, quia, clauso Domino, calor mentis iam in eo refrigerat. CHRYSOSTOMVS. Traditæ enim erant Petro claves regni cælorum: credenda erat ei populus innumera multitudo, quæ esset involuta peccatis. Erat autem Petrus (1) paulo durior, sicut truncata servi principis sacerdotum declarat auricula. Hic igitur tam durus, tamque severus, si donum non peccandi fuisset adeptus; quæ venia commissis populis donaretur? Quem divina providentia permisit, quod primo ipse laberetur in peccatum, quo erga peccantes duriorerentiam proprii calus intuitu temperaret. Et cum le calefacere vellet ad prunas, accessit ad eum puella, de qua sequitur: *Quem cum vidisset ancilla quadam sedentem ad lumen, & cum fuisset intuita, dixit: Et hic cum illo erat.* AMBROSIVS (Lib. & tit. eod.) Quid sibi vult quod primo eum prodit ancilla, cum viri utique magis potuerint eum recognoscere, nisi ut iste sexus peccare in nece Domini videretur, ut & ille sexus redimeretur per Domini passionem? Petrus autem proditus negat: malo enim negasse Petrum quam Dominum fessillisse: unde sequitur: *At ille negavit, dicens: Mulier, non novi illum.* CHRYSOSTOMVS. Quid (1) ais, o Petre? Vox tua repente mutata est: os enim plenum fidei, & amoris in odium, perfidiamque conversum est: non tibi flagella, nondum sunt admota tormenta: qui te interrogat, nullus est eorum qui auctoritate sua possit formidinem incutere contenti: mulier te simplici voce interrogat, & forte nec proditura confessum; nec tamen mulier, sed puella ostiaria, vile mancipium. AMBROSIVS (ubi supra.) Sed ideo negavit Petrus, quia promisit incaute: non negat in monte, non in templo, non in sua domo, sed in prætorio lu-

dæorum: ibi negat ubi Iesus ligatus est, ubi veritas non est. Negans autem dicit, *Non novi illum:* temerarium quippe erat ut diceret, quia noverat eum quem mens humana non potest comprehendere: „nemo enim novit Filium nisi Pater:“ Matth. xi. Rursum secunda vice negat Christum: sequitur enim: *Et post pusillum alius videns eum dixit: Et tu de illis es.* AUGUSTINVS de Con. Evang. (Lib. III. cap. vi.) Intelligitur autem quod in hac secunda negatione a duobus est compellatus, ab ancilla scilicet, quam commemorant Matthæus, & Marcus, & ab alio quem commemorat Lucas. Hoc ergo quod hic Lucas dicit, *Et post pusillum*, iam egressus erat ianuam Petrus, & primum gallus cantaverat, ut Marcus dicit; iam redierat, ut, quemadmodum dicit Ioannes, ad focum flans iterum negaret: de qua negatione sequitur: *Petrus vero ait: O homo, non sum.* AMBROSIVS (ubi supra.) Maluit enim se negare quam Christum; aut quia videbatur negare Christi societatem, utique se negavit. BEDA. In hac autem negatione Petri dicimus, non solum ab eo negari Christum qui dicit eum non esse Christum, sed ab illo etiam qui, cum sit, negat se esse Christianum. AMBROSIVS. Tertio quoque interrogatur: sequitur enim: *Et intervallo facti quasi hora unius, alius quidam affirmabat dicens: Verè & hic cum illo erat.* AUGUSTINVS de Con. Evang. (Lib. III. cap. vi.) Quod Matthæus, & Marcus dicunt, „Post pusillum,“ quantum esset hoc temporis manifestat hic Lucas dicendo: *Et intervallo facti quasi hora unius.* Item quod Matthæus, & Marcus non singulari, sed plurali numero enuntiant eos qui cum Petro agebant; cum Lucas, & Ioannes unum dicant: facile est intelligere, aut pluralem numerum pro singulari usitata locutione usurpasse Matthæum, & Marcum; aut quod unus maxime, tamquam qui eum viderat, affirmabat, ceteri autem secuti eius fidem Petrum simul urgebant. Iam vero illud quod Matthæus ipsi Petro dictum asseverat cap. xxvi. „Nonne te vidi in horto?“ Marcus autem, & Lucas inter se illos de Petro locutos: aut

Y y 2 sen-

(1) *St. Paulo cum littera initiali maiuscula, velut Apostoli nomen esset, cum alius hunc comparativum sit, ut plura habent exempla.* (2) *P. Nicolai leg.: Quid agis Petre?*

EX EDITIONE P. NICOLAI.

a AUGUSTINVS scem. cxxiv. de tempore, pro quo prius pergeram Chrysostomus indicabatur, contra tenorem ipsius styli. b AUGUSTINVS ibid.

sententiam intelligimus tenuisse eos qui compellatur dicunt Petrum: tantum enim valet quod de illo coram illo dicebatur, quantum si illi diceretur: aut utroque modo dictum, & alios hunc, alios illum modum commemorasse. BEDA (super illud, *Nam & tu Galilaeus es.*) Subdit autem: *Nam & Galilaeus es: non quia alia lingua Galilaei, atque alia loquerentur Hierosolymitae, qui utrique fuerunt Hebraei; sed quod unaquaque provincia, & regio suas habendo proprietates, usitatum loquendi sonum vitare non possit.*

Sequitur: *Et ait Petrus: O homo, nescis quid dicas.* AMBROSIVS (ubi supra.) Hoc est, sacrilegia vestra nescio. Sed nos excusamus, ipse non excusavit: non enim satis est involuta responsio consentientis Iesum, sed aperta confessio: & ideo Petrus non de industria respondisse sic inducitur, quia postea recordatus est, & tamen flevit. BEDA (super *Et continuo gallus cantavit.*) Solet autem sacra Scriptura (1) saepe meritum causarum per meritum designare temporum: unde Petrus, qui media nocte peccavit, ad galli cantum poenituit: sequitur enim: *Et continuo illo alius loquens gallus cantavit.* Quia quod in tenebris oblivioni erravit, verax lucis rememoratio correxit. AUGUSTINUS de Conc. Evang. (Lib. III. cap. vi.) Galli autem cantum post trinum negationem Petri intelligimus, sicut Marcus expressit. BEDA (ubi supra.) Hunc gallum mystice oporaliuque doctorum intelligendum, qui (2) iacentes, & somnolentos increpat, dicens: „Evigilate iusti, & nolite peccare:“ I. Corinth. xv. CHRYSOSTOMUS a. Admirare autem curam magistri: quia cum victus esset, multa utebatur provisione erga discipulum, quem nutu erigens ad lacrymas provocavit: sequitur enim: *Et conversus Dominus respexit Petram.* AUGUSTINUS de Conc. Evang. (Lib. III. cap. vi.) Quod quomodo accipiendum sit, diligentius considerandum est. Dicit enim Matthaeus cap. xxv. „Petrus enim scis,“ debat foris in atrio: “quod non diceret, nisi illa cum Domino intus ageretur. Similiter & in eo quod dixit Marcus cap. xiv. „Et cum esset Petrus in atrio deorsum,“ ostendit non solum in interioribus, sed etiam in superioribus gesta quae di-

zerat. Quomodo ergo respicit Dominus Petrum facie corporali? Quapropter mihi videtur illa respectio divinitus facta: & sicut dictum est Psal. xxi. „Respice, & exaudi“ me; “& Psal. vi. „Convertere Domine, libera animam meam:“ ita dictum arbitror: *Conversus Dominus respexit Petram.* BEDA (super *Respexit Dominus Petram.*) Respiciere namque eius, misereri est: quia non solum cum agitur poenitentia, verum etiam ut agatur, Dei misericordia necessaria est. AMBROSIVS (ut supra.) Denique quos Iesus respicit, plorant delictum: unde loquitur: *Et recordatus est Petrus verbi Domini quod dixerat: Quia prius quam gallus cantet, ter me negabis. Et egressus foras Petrus flevit amaro.* Quare flevit? Quia erravit ut homo: lacrymas eius lego, satisfactionem non lego. (3) Lavat lacrymarum delictum, quod voce pudor est confiteri. Negavit primo, & secundo, & non flevit, quia adhuc non respexerat Dominus; negavit tertio, respexit eum Iesus, & amarissime flevit. Et tu si veniam vis mereri, dilue lacrymis culpam tuam. b CHRYSOSTOMUS. Non autem audebat Petrus palam flere, ne lacrymis deprehenderetur; sed foras exiens lacrymabatur. Flevit autem non propter poenam; sed quia dilectum negaverat, quod molestius erat ei quolibet supplicio.

(p) AUGUSTINUS de Conc. Evang. (Lib. III. cap. vi.) De Petri tentatione, quae inter Domini contumelias facta est, non eodem ordine omnes narrant: nam illas primo commemorat Matthaeus, & Marcus, deinde Petri tentationem; Lucas vero explicavit prius tentationem Petri, deinde Domini contumelias, dicens: *Et viri qui renebant eum, illadebant ei, cadentes.* CHRYSOSTOMUS. Caeli, & terrae Dominus (4) caesus fuit, & patitur impiorum ridicula, formam nobis patientiae praebens. THEOPHYLACTUS. Necnon Dominus Prophetarum, ut pseudopropheta deludatur.

Sequitur: *Et velaverunt eum, & percutiebant faciem eius; & interrogaverunt eum, dicentes: Prophetiza nobis: quis est qui te percussit?* BEDA (super *Prophetiza nobis est.*) Haec quasi in contumeliam faciebant eius qui se a populis Prophetam voluit haberi. Sed qui tunc caesus est colaphis la-

dzo-

(1) Al. saepe meritum designare temporum. (2) Al. iacentes. (3) Al. Lavant. (4) Al. Iesus.

EX EDITIONE P. NICOLAI.

• Hom. lxxvii. in Iohannem. b CYRILLUS.

dæorum, cæditur etiam nunc blasphemis falsorum Christianorum. Velaverunt autem eum, non ut eorum illa scelera non videat, sed ut a seipsis faciem eius abscondant. Hæretici autem, & Iudæi, & mali Catholici eum reprobis actibus exacerbantes, quasi illudentes, dicunt: *Quis est qui te percussit?* dum ab illo suas cogitationes, & opera tenebrarum cognosci non æstimant. AUGUSTINUS de Con. Evan. (Lib. I. cap. vi.) Hæc autem intelligit passus Dominus utque mane in domo principis sacerdotum, quo prius adductus est: unde sequitur: *Et ut factus est dies, convenerunt seniores plebis, & principes sacerdotum, & scribæ, & duxerunt illum in concilium suum, dicentes: Si Ihu es Christus, dic nobis.* BEDA (cap. ix. in Luc.) Non veritatem desiderabant, sed calumniam præparabant. Siquidem Christum hominem tantummodo de stirpe David venturum sperantes, hoc ab eo quærebant, ut si diceret, Ego sum Christus, calumniarentur, quod sibi (1) arrogaret regiam potestatem. THEOPHYLACTUS (super Si vobis dixero, non credetis.) Ipsi vero sciebat eorum præcordia, quod qui non crederant operibus, multo minus sermonibus crederent: unde sequitur: *Et ait illis: Si vobis dixero, non credetis mihi.* BEDA (cap. xciii.) Sepe enim dixerat se Christum esse: puta cum dicebat Ioan. x. „Ego, & Pater unum sumus:“ & cetera talia. Si autem interrogavero, non respondebitis mihi, neque dimittetis. Interrogaverat enim eos, quomodo dicerent Christum filium esse David, cum David in spiritu Dominum suum illum vocaverit; verum illi neque dicenti credere, neque interroganti respondere voluerunt. Quia autem semen David calumniari quærebant, plus est quod audiant.

Sequitur: *Ex hoc autem erit Filius hominis sedens a dextris virtutis Dei.* THEOPHY-

LACTUS (cir. fin. Comm.) Quasi dicat: Non est vobis de cetero tempus sermonum, & doctrinæ; sed deinceps iudicii tempus erit, cum videbitis me Filium hominis sedentem a dextris virtutis Dei. CYRILLUS a. Cum autem de Deo sessio dicitur, atque thronus, regia, & universis principans dignitas designatur. Non enim (2) putamus tribunal quoddam positum esse, cui credamus inniti Dominum omnium; sed nec omnino dextrum, vel sinistram esse pedes divinam naturam; proprium enim est corporum figura, & locus, & trisio. Qualiter autem paris honoris, paris quoque consessus Filius videbitur esse, si non est secundum naturam Filius, naturalem in se proprietatem habens Patris? THEOPHYLACTUS. Hoc igitur audientes timere debebant; sed illi post hæc verba magis insaniunt: unde sequitur: *Dixerunt autem omnes: Tu ergo es Filius Dei?* BEDA (cap. xciii. in Luc.) Quod se Filium Dei dixerat, acceperunt in eo quod ait: *Erit Filius hominis sedens a dextris virtutis Dei.* AMBROSIVS (Lib. X. cap. cur Dominus interrogatus.) Dominus autem maluit se Regem probare, quam dicere; ut condemnandi causam habere non possint qui quod obiciunt, hoc fatentur.

Sequitur: *Qui ait: Vos dicitis quia ego sum.* CYRILLUS b. Hoc autem dicente Christo, successit phariseorum cohors, usurpans ignominie vocem: unde sequitur: *At illi dixerunt: Quid adhuc desideramus testimonium? Ipsi enim audivimus de ore eius.* THEOPHYLACTUS (in fin. Comm. ad xxii. cap. Lucæ.) Ex quo patet quod inobedientes nulla commoda ferunt, revelatis sibi secretioribus; sed maiorem penam acquirunt, præter quod talia oportet eis esse occulta.

(1) A. argoget. (2) A. putamus.

EX EDITIONE P. NICOLAI.

a In Thesuro Lib. XII. cap. xiv. b In Catena Græc. pp.

(a) **E**T surgens omnis multitudo eorum, duxerunt illum ad Pilatum. Ceperunt autem illum accusare, dicentes: Hunc invenimus subvertentem gentem nostram, & prohibentem tributa dari Cæsari, & dicentem se Christum Regem esse. Pilatus autem interrogavit eum, dicens: Tu es Rex Iudæorum? At ille respondens ait, Tu dicis. Ait autem Pilatus ad principes sacerdotum, & turbas: Nihil invenio causæ in hoc homine. At illi invalescebant dicentes: Commovit populum, docens per universam Iudæam, incipiens a Galilæa usque huc.

(b) Pilatus autem audiens Galilæam, interrogavit si homo Galilæus esset; & ut cognovit quod de Herodis potestate esset, remisit eum ad Herodem, qui & ipse Hierosolymis erat illis diebus. Herodes autem viso Iesu, gavisus est valde: erat enim cupiens ex multo tempore videre eum, eo quod audiret multa de eo; & sperabat signum aliquod videre ab eo fieri. Interrogabat autem eum multis sermonibus. At ipse nihil illi respondebat. Scabant autem principes sacerdotum, & scribæ constanter accusantes eum. Sprevit autem illum Herodes cum exercitu suo, & illufit indutum veste alba, & remisit ad Pilatum. Et facti sunt amici Herodes, & Pilatus in ipsa die: nam antea inimici erant ad invicem.

(c) Pilatus autem convocatis principibus sacerdotum, & magistratibus, & plebe, dixit ad illos: Obtulistis mihi hunc hominem quasi avertentem populum; & ecce ego coram vobis interrogans nullam causam invenio in homine isto ex his in quibus eum accusatis. Sed neque Herodes: nam remisit vos ad illum; & ecce nihil dignum morte actum est ei. Emendatum ergo illum dimittam. Necessè autem habebat dimittere eis per diem festum unum. Exclamavit autem simul universa turba, dicens: Tolle hunc, & dimitte nobis Barabbam: qui erat propter seditionem quamdam factam in civitate, & homicidium missus in carcerem. Iterum autem Pilatus locutus est ad eos, volens dimittere Iesum. At illi succlamabant dicentes: Crucifige, crucifige eum. Ille autem tertio dixit ad illos: Quid enim mali fecit iste? Nullam causam mortis invenio in eo. Corripiam ergo illum, & dimittam. At illi instabant vocibus magnis, postulantes ut crucifigeretur; & invalescebant voces eorum. Et Pilatus adiudicavit fieri petitionem eorum. Dimisit autem illis eum qui propter homicidium, & seditionem missus fuerat in carcerem, quem petebant; Iesum vero tradidit voluntati eorum.

(d) Et cum ducerent eum, apprehenderunt Simonem quemdam Cyrenensem venientem de villa, & imposuerunt illi crucem portare post Iesum. Sequebatur autem illum multa turba populi, & mulierum, quæ plangebant, & lamentabantur eum. Conversus autem ad illas, dixit Iesus: Filix Hierusalem, nolite flere super me; sed super vos ipsas flere, & super filios vestros: quoniam ecce venient dies in quibus dicent: Beatæ steriles, & ventres qui non genuerunt, & ubera quæ non lactaverunt. Tunc incipient dicere montibus, Cadite super nos; & collibus, Operite nos: quia si in viridi ligno hæc faciunt, in arido quid fiet? Ducebantur autem & alii duo nequam cum eo, ut interficerentur.

(e) Et postquam venerunt in locum qui vocatur Calvariæ, ibi crucifixerunt eum, & latrones, unum a dextris, & alterum a sinistris.

(f) Iesus autem dicebat: Pater dimitte illis: non enim sciunt quid faciunt. Dividentes vero vestimenta eius, miserunt sortes. Et stabat populus expectans; & deidebant eum principes cum eis dicentes: Alios salvos fecit, seipsum salvum faciat, si hic est Christus Dei electus. Illudebant autem ei & milites accedentes, & acetum offerentes ei, & dicentes: Si tu es Rex Iudæorum, salvum te fac.

(g.) Erat autem & superscriptio scripta super eum litteris Græcis, & Latinis, & He-

& Hebraicis: Hic est Rex Iudæorum. Unus autem de his qui pendebant latronibus blasphemabat eum, dicens: Si tu es Christus, salvum fac teipsum, & nos. Respondens autem alter increpabat eum, dicens: Neque tu times Deum, quod in eadem damnatione es. Et nos quidem iuste, nam digna factis recipimus; hic vero nihil mali gessit. Et dicebat ad Iesum: Domine, memento mei, cum veneris in regnum tuum. Et dixit illi Iesus: Amen dico tibi, hodie mecum eris in paradiso.

(h) Erat autem fere hora sexta, & tenebræ factæ sunt in universam terram usque in horam nonam; & obscuratus est sol, & velum templi scissum est medium. Et clamans voce magna Iesus ait: Pater, in manus tuas commendo spiritum meum. Et hæc dicens, expiravit.

(i) Videns autem Centurio quod factum fuerat, glorificavit Deum, dicens: Vere hic homo iustus erat. Et omnis turba eorum qui simul aderant ad spectaculum illud, & videbant quæ fiebant, percutientes pectora sua revertebantur. Stabant autem omnes noti eius a longe, & mulieres quæ secutæ eum erant a Galilæa, hæc videntes.

(k) Et ecce vir nomine Ioseph, qui erat decurio, vir bonus, & iustus (hic non consenserat consilio, & actibus eorum) ab Arimathæa civitate Iudææ, qui expectabat & ipse regnum Dei. Hic accessit ad Pilatum, & petiit corpus Iesu, & depositum involvit in sindone, & posuit eum in monumento exciso, in quo nondum quisquam positus fuerat. Et dies erat parasceves, & sabbatum illucescebat. Subsecutæ autem mulieres quæ cum eo venerant de Galilæa, viderunt monumentum, & quemadmodum positum erat corpus eius, & revertentes paraverunt aromata, & unguenta; & sabbato quidem siluerunt secundum mandatum.

(a) AUGUSTINUS de Conf. Evang. (Lib. III. cap. vii.) Postquam complevit Lucas narrando Petri negationem, recapitulavit quæ cum Domino gesta sunt circa mane, commemorans quædam quæ alii tacuerunt; atque ita contexuit narrationem, similia aliis narrans, cum dicit: *Et surgens omnes multitudo eorum duxerunt illum ad PHATUM. BEDA.* Ut impleteretur sermo Iesu quem de sua morte prædixit supra xviii. *Tradetur Gentibus*, scilicet Romanis: nam Pilatus Romanus erat, eumque Romani in Iudæam præsidem miserant. AUGUSTINUS de Con. Evan. (Lib. III. cap. viii.) Deinde apud Pilatum gestæ sic narrat: *Cæperunt autem eum accusare, dicentes: Hunc invenimus subvertentem gentem nostram, & prohibentem tributa dari Cæsari, & dicentem se Christum Regem esse.* Hoc Matthæus, & Marcus non dixerunt, cum tamen dicerent, quod eum accusabant; sed iste etiam ipsa crimina, quæ falso obiecerunt, aperuit. THEOPHYLACTUS (in princ. Comm. in cap. xiiii. in Luc.) Evidenter autem adversatur veritati: non enim Dominus prohibuit dare censum, sed magis dare iussit. Qualiter autem populum subvertebat,

an ut regnum aggrediretur? Sed hoc est incredibile cunctis: quia volente multitudine tota eum in Regem eligere, sciens fugit: BEDA (cap. xciii.) Duobus autem Domino obiectis, scilicet quod & tributa Cæsari dari prohibuerit, & se Christum Regem diceret, potuit fieri ut illud quod Dominus ait supra xx. *Reddite quæ sunt Cæsari Cæsari*, etiam Pilatum audisse contingerit. Ideoque causam hanc quasi apertum Iudæorum mendacium parvipendens, solum quod nesciebat, de regni verbo interrogandum putavit.

Sequitur: *Pilatus autem interrogavit eum, dicens: Tu es Rex Iudæorum?* THEOPHYLACTUS: Mihi videtur quod hoc a Christo quæsierit (1) contemptum obiecti criminis subannando; quasi dicat: Tu pauper, humilis, nudus, cui nullus adiutor, accusaris de regni ambitione, ad quod opus est multorum adiutorium, & sumptus. BEDA (ubi supra.) Eodem autem verbo præfidi, quo & principibus sacerdotum respondet, ut propria sententia condemnatur: sequitur (2) enim: *At ille respondens ait, Tu dicis.* THEOPHYLACTUS (super illi invalescunt dicentes.) Illi autem, cum nihil aliud

(1) *Nescias habet convicium, sive sycophantiam, obiecti criminis &c.* (2) *At desipis enim, & sic in-*

faveret eorum calumniæ, recurrunt ad clamorem subditi: sequitur enim: *At illi iniquales, celant, dicentes: Commovet populum, docens per universam Iudæam, incipiens a Galilea usque huc*; quasi dicant: Pervertit populum, nec in una parte tantum, sed a Galilæa incipit, & hucusque pervenit, transiens per Iudæam. Puto autem eos non absque causa meminisse Galilææ; sed volentes incutere timorem Pilato. Galilæi enim schismatici fuerunt, & nova tentantes, qualis fuit Iudas Galilæus, cuius in Actibus Apostolorum fit mentio. BEDA (super illud, *Docens per universam Iudæam*). His autem verbis non illum, sed se acculant. Docuisse enim populum, & a pristini temporis ignavia docendo commovisse, talique actu totam terram promissionis pertransisse, non criminis, sed indicium est virtutis. AMBROSIVS (ubi supra.) Accusatur autem Dominus, & tacet, quia defensione non indiget: ambient defendi qui timent vinci. Non ergo accusationem tacendo confirmat; sed depicit, non refellendo. Quid ergo timeret qui non ambit salutem? (1) Salus omnium suam prodit, ut acquirat omnium.

(b) BEDA (cap. xxiii. in Luc.) Pilatus de præmissa accusatione non interrogandum Dominum ratus, (2) se ipsum magis nata occasione cupit ab eo iudicando liberum reddere: unde dicitur: *Pilatus autem audiens Galilæam, interrogavit sibi eum Galilæus esse*. Et ne contra eum quem infontem, & propter invidiam traditum cognoverat, sententiam dare cogeretur, Herodi eum misit audiendum, ut ipse potius eum, qui eius patriæ tetrarcha existerat, vel absolveret, vel puniret.

Sequitur: *Et ut cognovit quod de Herodis potestate esset, remisit eum ad Herodem, qui & ipse Hierosolymis erat illis diebus*. THEOPHYLACTVS (hoc loco.) In hoc sequitur legem Romanam, quæ iubebat quemlibet a principe suæ iurisdictionis condemnari. GREGORIUS X. Moral. (cap. xxx. vel in nov. exemp. cap. xxxvii.) Christi autem famam Herodes explorare voluit, eum eius miracula videre concupivit.

Sequitur: *Herodes autem viso Iesu, gavisus est valde: erat enim cupiens ex multo tempore videre illum*. THEOPHYLACTVS (super *Erat autem multo tempore cupiens*). Non tamquam lucraturus quidquam utilitatis ex eius aspectu; sed patiens novorum

cupidinem, credebatur videre quemdam extraneum hominem, de quo audierat quod sapiens, & mirificus esset: unde sequitur: *Eo quod audiret multa de illo, & sperabat si quidem aliquod videre ab eo fieri*. Volabat etiam audire ab eo quid diceret; & ideo interrogat eum quasi derisorie se habens ad ipsum, & eum sublañans. Sequitur: *Interrogabat autem illum multis sermonibus*. Iesus, qui cuncta ratione peregit, & qui teste David, suos sermones in iudicio disponit, pium esse iudicavit in talibus habere silentium: sermo enim prolatus ei cui nihil proficit, condemnationis fit causa: unde sequitur: *Et ipse nihil ei respondens*. AMBROSIVS (Lib. & tit. ut supra.) Tacuit, & nihil fecit: quia nec illius credulitas merebatur videre divina; & Dominus instantiam declinabat; & forte typice in Herode omnes impii significantur, qui si legi non crediderint, & Prophetis, mirabilia Christi opera in Evangelio videre non possunt. GREGORIUS XXII. Moral. (cap. xii. in nov. exemp. xvi. in antiquis.) Hoc etiam audientes nos oportet addicere ut quoties auditores nostri nostra voluit quasi laudando cognoscere, non autem sua perverbia mutare, omnino taceamus; ne si ostentationis studio verbum Dei loquimur, & illorum quæ erant culpa esse non desinat, & nostra quæ non erat, fiat. Multa autem sunt quæ audientis animum (3) produunt; maxime si auditores nostri & semper laudant quod audiunt, & numquam quod laudant sequuntur. GREGORIUS X. Moral. (cap. xxx. in nov. exemp. xvi.) Inquisitus ergo Redemptor tacuit, expectatus miracula adhibere contempsit, seque apud se in occultis retinens, eos quos exteriora querere comperit, ingratos foris reliquit, magis eligens aperte a superbientibus despici quam a non credentibus vacua voce laudari: unde sequitur: *Stabant autem principes sacerdotum, & scribae constanter accusantes eum. Sprevis autem illum Herodes cum exercitu suo, & instructus indutus veste alba, & remisit ad Pilatum*. AMBROSIVS (Lib. X. in Luc. cap. Cur Dominus ab Herode veste alba indutus.) Non otiosum quod veste alba induitur ab Herode, immaculatæ tribuens indicia passionis, quod agnus Dei sine macula eum gloria mundi peccata susceperat. THEOPHYLACTVS (super *Facti sunt amici illi die Herodes & Pilatus*). Tu (4) autem considera, quod per ea quæ facit diabolus, im-

(1) In aditis variis Solus vim suam prodit; corrigat tamen Nicolaus ex Ambrosio ut in textu. (2) Ad sed ipsum. (3) Alii perdunt. (4) Alii tamen.

impeditur: congerit derisiones, & opprobria in Christum, ex quibus declaratur quod Dominus sediciosus non sit; alioquin non derideretur plebe reddita suspecta, & novitibus gaudente. Misso autem Christi a Pilato ad Herodem fit amicitiae communis exordium, quasi Pilato non usurpante sibi subditos ditioni Herodis: unde subditur: *Et facti sunt amici Herodes, & Pilatus in ipsa die: nam antea inimici erant ad invicem.* Attende diabolus ubique coniungentem disiuncta, ut Christi peragat necem. Erubescamus ergo nos, si causa nostrae salutis nec amicos in proprio foedere conservemus. AMBROSIIUS (Lib. X. in Luc. ut supra.) In typo etiam Herodis, atque Pilati, qui amici ex inimicis per Iesum Christum facti sunt, & plebs Israelis, & populi gentilis figura servatur, quod per Domini passionem utriusque sit futura concordia; ita tamen ut prius populus nationum capiat Dei verbum, & ad populum Iudeorum fidei suae devotionem transmittat, ut illi quoque gloria maiestatis suae corpus vestiant Christi quod antea despexerant. BEDA (cap. xciii.) Vel hoc Herodis, & Pilati socius significat, quod Gentiles, & Iudaei genere, & religione, & mente dissidentes, in Christianis persequendis consentiunt.

(C) AUGUSTINUS de Cons. Evang. (Lib. III. cap. viii.) Rediens Lucas ad ea quae apud praesidem gerebantur, unde digressus erat ut narraret quod apud Herodem actum est, ita dicit: *Pilatus autem convocatis principibus sacerdotum, & magistratibus, & plebe, dixit ad eos: Obstitisti mihi hunc hominem quasi avertentem populum; & ecce ego coram vobis interrogans nullam causam invenio in homine isto ex his in quibus eum accusatis.* Hic intelligimus eum praetermisisse quemadmodum a Domino quaesierit quid acculatoribus responderet. AMBROSIIUS (Lib. & tit. ut supra.) Hic Pilatus Christum absolvit iudicio, crucifigit ministerio. Ad Herodem mittitur ad Pilatum remittitur: unde sequitur: *Quid neque Herodes: nam renysi vos ad illum; & ecce nihil dignum morte aliud est ei.* Esti uterque reum non pronuntiant, ob metum tamen, alienae crudelitatis studii Pilatus oblegitur. THEOPHYLACTUS. Duorum ergo virorum testimonio Iesus insons ostenditur, Iudaei vero, qui accusabant, nullum testem obtulerunt, qui credere oporteret. Vide ergo quomodo superet veritas, Iesus tacet, & testantur inimici: proclamant Iudaei, & nul-

lus eorum attestatur clamoribus. BEDA (super Nec Herodes.) Pereant ergo scripta quae tanto post tempore contra Christum composita, non illum apud Pilatum magis artis aculeatum, sed componentes (1), apud Dominum perdidit, & salutaris accusandos esse demonstrat. THEOPHYLACTUS (super Emendatum illum dimittam.) Lentus ergo Pilatus, nec latis (2) pro veritate severus, quia timebat accusationes, subiungit: *Emendatum ergo illum dimittam.* BEDA (super idem verbum.) Quasi dicat: Flagris illum, & ludibriis quantum iubetis afficiam, dummodo innoxium sanguinem non stitatis. Sequitur: *Necesse autem habebat dimittere eis per diem festum annum.* Necesse habebat non imperialis legis sanctione, sed annua gentis consuetudine devictus, cui per talia gaudebat placere. THEOPHYLACTUS. Romani enim Iudaeis concesserant secundum leges, & ritus proprios conversari. Mos autem patrius erat Iudaeis petere damnatos a Principe, sicut a Saule Ionathan petiverunt: unde & de eorum petitione nunc subditur: *Exclamavit autem simul universa turba, dicens: Tolle hunc, & dimitte nobis Barabbam, qui erat propter seditionem quamdam factum in civitate, & homicidium missus in carcerem.* AMBROSIIUS (Lib. X. tit. Cur Dominus coram Herode taceret.) Non immerito homicidae absolutionem petunt qui flagitabant innocentis exitum. Tales leges habet iniquitas, ut quod oderit innocentia, scelus diligit. In quo tamen nominis interpretatio speciem dat figurae: Barabbas enim patris filius Latine dicitur. Illi ergo quibus dicitur Ioan. viii. „Vos ex patre diabolo estis,“ vero Dei Filio, patris sui filium, idest Antichristum, praetlari esse produntur. BEDA (super Tolle hunc.) Haeret autem Iudaeis usque hodie sua petitio: quia enim data sibi optio, pro Iesu latronem, pro Salvatore interfectorem elegerunt; merito salutem, vitamque perdidit, & latrocinii se, ac seditionibus intantum subiecerunt ut & patriam, & regnum suum perdidit. THEOPHYLACTUS. Sic ergo gens olim sancta fuit ad cecidendum; Pilatus gentilis caedem prohibet: sequitur enim verum autem Pilatus locutus est ad illos, volens dimittere Iesum. At illi succlamabant dicentes: Crucifige, crucifige eum. BEDA (super Crucifige, crucifige eum.) Pessimo enim genere mortis occidere innocentem, hoc est crucifigere, desiderant. Pendentes enim in

Zz

ligno

(1) P. Nicolai addit ipsos. (2) M. apud veritatem.

ligno crucifixi, clavis ad lignum pedibus manibusque confixis, producta morte necabantur, ne dolor citius finiretur. Verum a Domino electa erat mors crucis, quam diabolo superato, tamquam trophæum, in frontibus fidelium erat positurus. THEOPHYLACTUS (hoc loco.) Tertio autem Pilatus Christum absolvit: sequitur enim: *Ille autem tertio dixit ad illos: Quid enim mali fecit iste? Nullam causam mortis invenio in eo. Corripiam ergo illum, & dimittam.* BEDA (super Corripiam eum.) Hanc correptionem qua populo satisfacere, ne usque ad cruciandum Salvatorem se virent, Pilatus quærebat, non solum obtulisse, sed etiam deridendo, & flagellando exhibuisse, verba Iohannis testantur. Quia vero totam accusationem quam adversus Dominum detulerunt, solliciti Pilati interrogatione videbant evacuatam, tandem ad solas se preces convertunt: unde sequitur: *At illi inflabant vocibus magnis, postulantes ut crucifigeretur; & insolentibus voces æternæ.* THEOPHYLACTUS (super Adiudicavit Pilatus fieri petitionem.) Tertio clamant contra Christum, ut per trinam hanc vocem, suam esse occisionem Christi approbent, quam petendo extorsissent: sequitur enim: *Et Pilatus adiudicavit fieri petitionem eorum. Dimisit autem illi eum qui propter homicidium, & seditionem missus fuerat in carcerem; Iesum vero tradidit voluntati eorum.* CHRYSOSTOMUS. Putabant enim hoc se posse assequere, quod Iesus deterior esset latrone, & adeo nequam ut neque pro pietate, neque pro festi prærogativa deberet liberari.

(d) GLOSSA a. Posita condemnatione Christi, convenienter agitur de crucifixione, cum dicitur: *Et cum ducerent eum, apprehenderunt Simonem quemdam Cyrenensem venientem de villa, & imposuerunt ei crucem portare post Iesum.* AUGUSTINUS de Conf. Evang. (Lib. III. cap. x.) Iohannes autem narrat quod Iesus baiulabat sibi crucem: unde intelligitur quod ipse sibi portabat crucem cum exiret in eum qui dicitur calvarie locum. Simon autem in itinere angariatus est, cui data est portanda crux usque ad locum: & nullus enim aliorum acceptabat crucem baiulare, eo quod lignum detestabile putabatur; & ideo Simoni Cyrenæo,

quasi in quamdam iacturam imposuerunt crucem portare, quam alii recusabant. Hic adimpletur illud Eliæ 12. „ Cuius principatus super humerum eius: „ principatus enim Christi est crux eius, propter quam, secundum Apostolum, Deus eum exaltavit. Et sicut in signum dignitatis alii altheum, alii mitram portant; sic & Dominus crucem. Et si inquiras, invenies non aliter in nobis regnare Iesum, nisi per asperitatem: quo fit ut deliciis inimici sint Christi crucis. AMBROSIVS (Lib. X. in Luc. cap. de portatione crucis Christi.) Christus ergo crucem baiulans, iam trophæum summi victor attulit: crux super humeros imponitur, quia sive Simon, sive ipse portaverit, & Christus in homine. & homo portavit in Christo. Nec discordant Evangelistarum sententiæ, (1) quando concordat mysterium. Et bonus ordo nostri processus est, ut prius crucis suæ trophæa ipse erigeret, deinde martyribus traderet erigendum. Non Iudeus est qui crucem portat, sed alienigena, atque peregrinus; nec præcedit, sed sequitur, iuxta hoc quod scriptum est supra 12. *Tollat crucem suam, & sequatur me.* BEDA (super Apprehenderunt Simonem Cyrenensem.) Simon autem obediens, Cyrene heres interpretatur: unde, per eum populi Gentium designantur, qui quondam peregrini, & hospites testamentorum, nunc obediendo facti sunt Dei heredes. De villa autem Simon egrediens, crucem portat post Iesum, cum pagani ritibus derelictis, vestigia dominicæ passionis obedienter amplectitur. Villa enim Græce pagos vocatur, a qua pagani nomen trahunt. THEOPHYLACTUS. Vel ille tollit crucem Christi, qui venit a villa, id est dimittit hunc mundum, & opera eius, in Hierusalem, id est in supernam libertatem, tendens. Ex hoc etiam non modicum sumitur documentum. Qui enim ad modum Christi magister est, debet ipse prius tollere crucem, & timore Dei propriam carnem confingere; & sic subditis, & obedientibus eam imponere. Sequitur autem Christum etiam multitudo plebis, & mulierum: nam, subditur: *Sequebatur autem illum multa turba populi, & mulierum, quæ plangebant, & lamentabantur eum.* BEDA (cap. 24. in Luc.) Multa quidem turba crucem

(1) id. quoniam.

EX EDITIONE P. NICOLAI.

a Non est in Glossa quæ nunc erat, nec ulla talis distributio materiæ, quæ ad faciem apertiorẽ hic edita videretur. b THEOPHYLACTUS.

cem Domini, sed non una eademque mente sequebatur: nam populus qui eius mortem impetraverat, ut morientem lætus aspiceret; mulieres vero, ut moriturum plorarent. Non autem ideo solus mulierum planctus sequebatur, quia non erant innumerus virorum cœtus de eius erat passione mestissimus; sed quia femineus, quasi contemptibilior, sexus liberius poterat quod scelerat ostentare. CYRILLUS. Amaps etiam lacrymarum est semper sexus femineus, & mentem habens flexibilem ad pietatem. THEOPHYLACTUS. Per hoc etiam significabatur quod multitudo magna Iudeorum esset post crucem iura, credens in Iesum. Sed & mens infirma, quæ significatur per feminam, si Iumpa cordis contritione per penitentiam fleat, sequitur Iesum propter nostram salutem afflictum. Flebant igitur mulieres per compassionem. Eum autem qui ultro patitur, flere non oportet, sed magis ei applaudere; & ideo eas flere vetat: sequitur enim: *Coverfus autem Iesus ad illas dixit: Filia Hierusalem, nolite flere super me.* BEDA (cap. xxi.). Cuius scilicet citata relatio mortem solvere potest, (1) cuius mors & omnem mortem, & ipsum mortis destructura est auctorem. Notandum autem, cum filias Hierusalem appellat, quod non solæ quæ cum eo venerant a Galilæa, sed & ciuium urbis cives, (2) & mulieres adhaerunt. THEOPHYLACTUS. Mandat deplorantibus eum in futura mala prosequum intendere, & super illis flere: sequitur enim: *Super vos ipsas flere, & super filios vestros.* CYRILLUS. Significans in futuro mulieres liberis esse orbandas: nam irruente bello in terram Iudeorum, cunctis simul peribunt magni, & parvi: unde sequitur: *Quia ecce venient dies in quibus dicent: Beata steriles, & ventres qui non genuerunt, & ubera que non lactaverunt.* THEOPHYLACTUS. Cum (3) scilicet femina crudeliter suos absint filios, & venter qui produxerat, (4) sterciliter iterato recipit genitum. BEDA (cap. xxi.). In quo die, venturæ a Romanis obidionis, & captivitatis tempus significat, de quibus supra dixerat, Matth. xxiv., Væ prægnantibus, & nutrientibus in illis diebus. "Natu-

rale est autem imminente captivitate hostili, alta, vel abdita, quibus abicondantur homines, refugia quærere: unde sequitur: *Tunc incipient montibus dicere, Cadite super nos, & collibus, Operite nos.* Refert enim Iosephus, insistentibus sibi Romanis, certatim Iudeos cavernas montium, colliumque petisse speluncas. (5) Potest autem & ex superfluo, quod beatificandas dicit steriles, de his intelligi qui utrolibet sexu se castraverunt propter regnum cælorum; montibus, collibusque dici: *Cadite super nos, & operite nos;* cum quilibet suæ fragilitatis memores, ingruente tentationum articulo, sublimium quorumcumque virorum quæsierat exemplis, monitis, & precibus defendi.

Sequitur: *Quia si in viridi ligno hac faciunt, in arido quid fiet?* GREGORIUS XII. Moral. (cap. iv.) Se lignum viride, & nos lignum aridum dixit: quia ipse in se vim divinitatis habuit; nos vero, qui puri homines sumus, lignum aridum appellamur. THEOPHYLACTUS (super si in viridi ligno.) Quasi dicat Iudeis: Si ergo in me, lignum fructiferum, ingiter vitens, taliter sequebantur Romani; quid non attentabunt erga vos? Populum dico, quasi lignum aridum, privatum qualibet vivificante virtute, nec ullum fructum ferentem. BEDA (super istidem verbis.) Vel quasi omnia diceret: Si ego, qui peccatum non feci, lignum vitæ appellatus, sine inge passionis a mundo non exeo; quid putas eis manere tormenti qui sunt fructibus vacui? THEOPHYLACTUS. Malam autem opinionem de Domino innuere volens diabolus, etiam latrones faciebat crucifigi cumeo: unde sequitur: *Ducebantur autem & alii duo nequam cum eo ut interficerentur.*

(e) ATHANASIUS. Ubi corruptum est genus humanum, ibi Christus proprium corpus exposuit, ut ubi seminata est corruptio ibidem incorruptio orinatur: propter quod in loco Calvarie crucifigitur: dicitur enim: *Et postquam venerunt in locum qui vocatur Calvaria, ibi crucifixerunt eum:* quem locum doctores Iudeorum aiunt esse sepulcrum Adæ. BEDA (cap. xxi.). Vel aliter. Foris portam loca erant in quibus truncabantur capita damnatorum, & Calvarie,

¶ 2 2

(1) Al. cul. (2) Al. ei. "Foris utrumque legendum in hunc modum: cives ei, & mulieres adhaerunt."
(3) Al. enim. (4) Al. miserabiliter, item debiliter. (5) Al. Potest etiam quod beatificandas, &c.

EX EDITIONE P. NICOLAI.

* In Carena Genz. PP. Absque indice loci a Corderio recensentur, sed ex erat in Passionem, vel la Cœcem Domini desumptum est.

variae, idest decollatorum, sumpserunt nomen: Et sic pro omnium salute quasi noxius inter noxios crucifigitur, ut ubi abundavit peccatum, superabundet & gratia, CYRILLUS. Non autem ipse unigenitus Dei Filius in propria natura qua Deus est, passus est quae sunt corporis, sed magis in natura terrena. Decet enim utrumque de uno & eodem Filio dici, scilicet & non pati divine, & passum esse humanitas. EUSEBIUS. Si autem aliter post conversationem cum hominibus evanescens subito evolare, fugiens mortem, ab hominibus compareretur phantasmati: & quemadmodum si quis incombustibile quoddam nobis vas, & praevalens ignis naturae vellet offendere, flammæ illud traderet, & consequenter a flamma illud illæsum extraheret; sic Dei Verbum volens offendere instrumentum, quo usus est ad humanam salutem, esse praevalens morti, mortale morti exposuit ad demonstrandam eius naturam; deinde post modicum a morte illud eripuit in signum divinæ virtutis. Et prima quidem causa mortis Christi hæc est, secunda vero divinæ potestatis offensio, corpus Christi inhabitantis: cum enim antiquitus deiscarent homines, communem exitum mortis sortitos, quos heroes, & divos nominabant, docuit illum solum mortuum verum Deum esse fatendum quem bravia victoriæ, morte prostrata, decorant. Tertia ratio est victima pro toto genere hominum mandata, qua oblata, tota potestas dæmonum porit, & error quilibet est sedatus. Est & alia causa salutis mortis, ut discipuli occulta fide conspicerent resurrectionem post mortem; ad quam propriam spem erigere docebantur, ut mortem contemnentes, agerent contra errores inirent alacriter. CHRYSOSTOMUS. Non autem sui mortem, quam non habebat, cum sit vita, sed hominum venit consumpturus Salvator: unde non propria morte corpus deposuit, sed ab hominibus illatam sustinuit. Sed & si ægrota- visset corpus eius, & in conspectu omnium solveretur, inconveniens erat eum qui sanaret aliorum languores, habere proprium corpus affectum languoribus. Sed & si abique

aliquo morbo seorsum alicubi corpus deposuisset, ac deinde rursus se offerret, non crederetur ei de resurrectione differenti: oportet enim mortem resurrectionem præcedere. Cur ergo resurrectionem palam quidem prædicaret, clanculo vero moreretur? Nimirum si latenter hæc evenissent, quot excogitarent homines incredulitatis calumnias? Quomodo pateret Christi in mortem victoria, nisi coram omnibus eam patiens, per incorruptionem corporis probasset extindam? Sed dices: Decebat saltem gloriosam mortem sibi excogitare, ut evitaret ignominiam crucis. Sed & si hoc fecisset, suspensum se reddidisset, quasi non habens virtutem contra quamlibet mortem. Sicut ergo pugil proferens illum quem (1) hostes obtulerint, ostenditur excellentior omnibus; sic omnium vita ab hostibus illatam, quam putabant esse diram, & infamem, & de- restabilem, mortem in cruce suscepit, ut hac interempta, dominium mortis totaliter destruat. Propter quod non caput ei amputatur ut Ioanni; neque seclis est, ut Esaias; ut corpus integrum, & indivisibile morti servet, & non fiat occasio volentibus Ecclesiam dividere. Volebat etiam supportare quam incurreramus maledictionem, maledictam mortem, scilicet crucis, suscipiendo, secundum illud Deut. xxi. „ Maledictus homo qui pender in ligno.“ In cruce etiam expansis manibus moritur, ut altera quidem manu veterem populum, altera eos qui sunt ex Gentibus trahat, utrosque sibi coniungens. Moriens etiam in cruce a dæmonibus expiata ærem, & ascensum nobis parat in cælum. THEOPHYLACTUS. Quia etiam per lignum mors intraverat, necesse erat ut per lignum exterminaretur, & ut Dominus per ligni dolores invictus transiens confutaret delectationem provenientem ex ligno. GREGORIUS NISSEUS. Sed & figura crucis a medio contactu in quatuor extrema partita, significat virtutem, & providentiam eius qui in ea pependit, ubique diffusam. AUGUSTINUS de Quest. nov. & veter. testamenti. Non frustra etiam tale genus mortis elegit, ut latitudinis, & altitudinis, & lon-

(1) M. hostes obtulerit.

EX EDITIONE P. NICOLAI.

^a In Catena prædicta. ^b Citat S. Thomas Chrysostomi nomine & III. Paræ quest. xlv. art. 112 ad 21. sed non indice loci designato, qui nec occurrit apud illum, sed apud Athanasium Lib. de Incarnatione Filii Dei ante med. verbum tamen aliter dispositis, & alia serie collocatis. ^c Orat. 1. de Reass. Christi. ^d De gratia novi & vet. testam. Sumpsum est ex epist. cxx. cap. xxv.

gitudinis, & profunditatis, de quibus Apostolus loquitur, magister existeret. Nam latitudo est in eo ligno quod transversum desuper figitur: hoc ad bona opera pertinet, quia ibi extenduntur manus. Longitudo in eo quod ab ipso ligno usque ad terram conspicuum est: ibi enim quodammodo statur, idest persistitur, & perseverantia quod longanimitati tribuitur. Altitudo est in ea ligni parte quae ab illo quod transversum figitur, sursum versus relinquitur: hoc est ad caput crucifixi, quia bene sperantium superna expectatio est. Iam vero illud ex ligno quod fixum occultatur, unde totum illud (1) exurgit, profunditatem significat gratiae gratiae. CHRYSOSTOMUS a. Duos etiam latrones utrinque crucifixerunt, ut eorum suspiciones fieret pariters: unde sequitur: *Et latrones, unum a dextris, alterum a sinistris*. Sed non ita evenit: nam de illis nihil dicitur; huius autem crux ubique honoratur. Reges diademata deponentes, assumunt crucem: in purpuris, in diadematis, in armis, in mensa sacrata, ubique terrarum crux emicat. Non talia sunt humana viventibus enim illis qui egerunt strenue, arident propria gesta; his autem pereuntibus pereunt. Sed in Christo totum contrarium: nam ante crucem omnia mersa; ut autem crucifixus est, omnia clariora facta sunt; ut noscas non purum hominem esse crucifixum. BEDA. Duo autem latrones cum Christo crucifixi significant eos qui sub fide Christi, vel agonem martyrii, vel continentiae arduis instituta subeunt; sed qui haec pro aeterna gloria faciunt, dexteri latrones; qui autem humanae laudis intuitu, sinistri latronis actus imitantur.

(f) CHRYSOSTOMUS b. Quia Dominus dixerat Matth. vi. „Orate pro persequentibus vos;“ hoc etiam crucem ascendens fecit: unde sequitur: *Iesus autem dicebat: Pater, dimitte illis*: non quia non posset ipse relaxare, sed ut nos pro persequentibus orare doceret, non solum verbo,

sed & opere. Dicit autem, *Dimitte eis*, si poenituerint: faveat enim poenitentibus, si (2) velint post tantam nequitiam, reatus per fidem diluere. BEDA (cap. xciv.) Neque putandum est hic eum frustra orasse; sed in eis qui post eius passionem crediderunt, quod orabat, impetrasse. Notandum sane, quod non pro eis oravit qui Filium Dei intellexerunt crucifigere, nec confiteri voluerunt, sed pro eis qui nesciebant quid facerent, zelum Dei habentes, sed non secundum scientiam: unde subdit: *Non enim sciunt quid faciunt*. GRAECUS c. Permanentes vero post crucem in infidelitate nullus per ignorantiam vari putabit, dignis miraculis, sonora voce (3) dum praedicantibus esse Deum. AMBROSIVS (Lib. X. cap. Qualem Christus crucem ascendit.) Resert ergo considerare qualis crucem ascendat: (4) nudam enim video, Talis ergo ascendat qui saeculum vincere parat, ut saeculi adiumentum non quaerat. Videtur autem Adam qui vestimenta quaesivit; vicit ille qui tegumenta depoluit, (5) & talis ascendit quales nos auctore Deo natura formavit: talis in paradiso primus homo habitaverat; (6) talis in paradisum homo secundus intravit. Pulchre autem ascendens crucem regalia vestimenta depoluit, ut scias quasi hominem passum esse, non quasi Deum Regem, est utrumque Christus. ATHANASIUS (in serm. de pass. & cru.) Qui etiam cunctas condiciones nostras causa nostri suscepit induit vestimenta nostra, signa mortificationis Adae, ut exuavila, & horum vice induat nos vitam, & incorruptionem.

Sequitur: *Dividentes vero vestimenta eius, miserunt sortes*. THEOPHYLACTUS. Fortitan enim plures eorum egebant, vel forte magis ad opprobrium hoc faciebant, & ex quadam lascivia: quid enim pretiosum inveniebant in vestibus? BEDA. (7) In sorte autem gratia Dei commendata est: quia cum fors mittitur, non personae cuiusquam, vel meritis, sed occulto Dei iudicio editur.

AU-

(1) *M. exurgit.* (2) *M. vellunt.* (3) *M. ex.* (4) *M. nondum.* (5) *M. emittitur conventio.* (6) *In Veneta Nicini editione an. 1593. „mittitur talis in paradisum.“* (7) *Quatuor iam citata exempla legunt. In sorte autem vide ut (scm dicitur) gratia Dei commendata esse.*

EX EDITIONE P. NICOLAI.

a Partim ex hom. lxxxviii. in Matth. partim ex hom. quod Christus sit Deus. b In Cat. Graec. pp. sine indice loci Corderius notat; sub his autem expresse verbis non occurrat, sed aliquid simile tum ex hom. xviii. in Matth. tum etiam ex hom. lxi. & lxxi. colligi potest, ut & ex hom. de Cruce, & latrone. c Nec notatur a Corderio in Catena Graec. nec occurrat quidam sit.

AUGUSTINUS de Con. Evang. (Lib. III. cap. 115.) Hoc quidem breviter dictum est a tribus Evangelistis; Ioannes (1) autem distinctius hic explicat quemadmodum hoc gestum sit. THEOPHYLACTUS. Deludentes igitur hoc agebant: nam ubi principes subsannabant, quid dicere oportet de vulgo? Sequitur enim: *Et stabat populus*, qui scilicet petierat eum crucifigi, *expectans*, scilicet finem; & *deridebant eum principes cum eis*. AUGUSTINUS de Con. Evang. (Lib. III. cap. 111.) Quia principes dixit, nec addidit sacerdotum, omnes primates generali nomine complexus est, ut ibi posset intelligi scribae, & seniores. BEDA. Qui etiam nolentes confitentur quod alios salvos fecit: sequitur enim: *Dicentes: Alios salvos fecit, seipsum salvum faciat; si hic est Christus Dei electus*, ATHANASIUS (in serm. de pass. & cru.) Dominus autem vere Salvator non salvando seipsum, sed creaturam liberando volebat cognosci Salvator. Neque enim medicus, qui sibi medetur, medicus esse cognoscitur, nisi erga languidos attem probet: sic Dominus Salvator exiens, non habebat opus salutis, neque descendendo de cruce volebat cognosci Salvator, sed morando: multo namque maiorem salutem moris Salvatoris affert hominibus quam descensus de cruce. GRAECUS a. Videns autem diabolus nullum esse sibi defensionem, timebat, & quasi aliud non valens, tentavit ulterius propinari Salvatori acetum ad bibendum: sequitur enim: *Illudabant autem ei et milites accedentes, & acetum offerentes illi*: quod contra seipsum facere diabolus ignorabat: nam amaritudinem irae ex pravificatione legis sacram, qua sanctos detinebat, Salvatori praebebat; quam ille sumens consumebat, ut vice aceti, vinum det nobis in potum, quod sapientia miscuit. THEOPHYLACTUS. Obulerunt autem milites Christo acetum, quasi Regi subministrantes: sequitur enim: *Dicentes: Si tu es Rex Iudaeorum, salvum te fac*. BEDA. Et notandum, quod Iudaei vocabulum Christi Scripturae sibi auctoritate creditum blasphemantes irident; milites vero, utpote Scripturam nesciunt, non Christo, sed Regi Iudaeorum insultant.

(8) THEOPHYLACTUS (super *Erant*

autem & superscriptio.) Aliam attende sagacitatem daemonis agitatam in Christum: triplici enim litterarum figura promulgabat accusationem sceleris, ne scilicet quemquam (1) transivissent lateat quod ob hoc suspensus fuerat, quia se Regem faciebat: dicitur enim: *Erant autem & superscriptio scripta super illum litteris Graecis, Latinis, & Hebraicis: Hic est Rex Iudaeorum*: per quod significabatur, potentissimas Gentium, quales erant Romani, prudentissimas, quales Graeci, maxime Deum colentes, quale fuit Iudaeorum genus, subiaci debere imperio Christi. AMBROSIVS (ubi supra.) Merito autem supra crucem ponitur titulus: quia non humani corporis, sed divinae potestatis est regnum quod habet Christus. Legi titulum Regis Iudaeorum, cum lego Ioan. XVII. *Regnum meum non est de hoc mundo*: lego causam Christi super caput eius scriptam, cum lego ibid. 1. *Et Deus erat Verbum*: *caput enim Christi* dicitur: *1. Corinth. XI. CYRILLUS*. Alter autem latronum eadem cum Iudaeis cruciabat: sequitur enim: *Unus autem de his qui pendebant latronibus blasphemabat eum, dicens: Si tu es Christus, salvum fac teipsum, & nos*. Alter vero resinebat voces ipsius: sequitur enim: *Respondens autem alter increpabat eum, dicens: Nequius tu times Deum, qui in eadem damnationis es*: sed & proprium reatum confessus est subdicens: *Et nos quidem iusto, nam digna factis recipimus*. CHRYSOSTOMUS. Hic fungitur vice iudicis, condemnatus, & incipit de veritate censere qui coram Pilato posita multa tormenta confessus est scelera. Quia aliud est homo censor, quem latentissima, & aliud Deus, qui mentes penetrat: & ibi quidem post confessionem poena subsequitur, hic autem confessio sit ad salutem. Sed & Christum pronuntiat innocentem, cum subdit: *Hic vero nihil mali fecit*; quasi dicat: Novam, vide iniuriam; honestatem damnari cum scelere. Nos viventes (3) occidimus, hic mortuos suscitavit; nos aliena sumus furati, hic & sua iubet tribuere. Beatus igitur latro astantes docebat, talia disferens, quibus alterum increpabat: Sed ut videt extimatos auditus astantium, redit consequenter ad eum qui novit praecordia: sequitur enim:

(1) *Al. desit autem.* (2) *Al. transivissent.* (3) *Al. occidimus*; hic moerens suscitavit &c.

enim: *Et dicebat ad Iesum: Domine, memento mei cum veneris in regnum tuum.* Crucifixum aspicias, & Dominum prosteris: condemnati vides figuram, & Regis prædicas dignitatem: mille malis imbutus, postulas iustitiæ fontem reminisci tuæ nequitiae. Sed dices: Video quidem apparens opprobrium, sed intueor latens regnum; & tu avertis mea publica scelera, & acceptas fidem intentionis occultas. Discipulum veritatis usurpavit aequitiam, discipulum nequitiae non commutabit veritas? GREGORIUS XVIII. Moral. (cap. xxv.) In cruce clavi manus eius, pedesque ligaverant, nihilque a poenis in eo liberum nisi *cor*, & lingua remanserant. Inspirante Deo totum illud ei obtulit quod in se liberum invenit; ut iuxta hoc quod scriptum est Rom. x. corde crederet ad iustitiam, ore consteretur ad salutem. Tres autem virtutes, quas Apostolus memorat, subito repletus gratia, & accepit latro, & servavit in cruce. Fidem namque habuit, qui regnatura Deum credidit, quem secum pariter morientem vidit; spem habuit, qui regni eius aditum postularit; qui caritatem quoque in morte sua vivaciter tenuit, qui fratrem, & colatorem pro simili scelere morientem de iniquitate sua redarguit. AMBROSIIUS (Lib. X. in Luc. cap. de duobus latronibus.) Pulcherrimum autem datur affectandæ conversionis exemplum, quod tam cito latroni venia relaxatur. Cito ignoscit Dominus, quia cito ille convertitur, & uberior est gratia quam precatio: semper enim Dominus plus tribuit quam rogatur. Ille rogabat, ut memor sui esset; de Domino autem sequitur: *Et dixit illi Iesus: Amen dico tibi, dadas tecum eris in paradiso.* Vita est enim esse cum Christo, & ubi Christus, ibi regnum. THEOPHYLACTUS (parum ante illud, *Erat autem fere hora sexta.*) Et quemadmodum quisque Rex victoriosus rediens ex triumpho optima prædaram fere secum; sic & Dominus prædatus portionem diabolicarum prædaram, scilicet latronem, ducit secum in paradysum. CHRYSOSTOMUS. Erat ergo videre Salvatorem in medio latronum, trutinam iustitiæ trutinantem fidem, & infidelitatem. Expulit diabolus de paradiso Adam, Christus latronem impulit ante totum orbem, & ante Apo-

stolos. Nudo verbo, sola fide in paradysum introivit; ne quis post errores introitum desperaret. Attende celeritatem a cruce in celos, a condemnatione in paradysum; ut noveris non ad benevolentiam illius, sed ad clementiam Dominum totum fecisse. Si autem iam facta est bonorum retributio, numquid supervacua erit resurrectio? Si enim introduxit latronem in paradysum, corpus autem eius corruptum remanet foris, liquet non esse resurrectionem corporum. Hæc dicunt illi. Sed caro, quæ fuit laborum particeps, numquid privabitur præmiis? Audi Paulum dicentem I. Corinth. xv. „Oportet corruptibile hoc incorruptum, nem induere.“ Sed si Dominus pollicitus est regnum celorum, introduxit autem latronem in paradysum, nondum ei retribuit præmia. Sed dicunt: Nominem paradysi regnum celorum nominavit, usitato nomine utens dum alloqueretur latronem, qui nihil audierat de arduis documentis. Quidam autem non sic legunt: *Hodie tecum eris in paradiso*, sed sic: *Dico tibi hodie*; & consequenter, *tecum eris in paradiso*. Sed adhuc evidentiorum solutionem subiungemus: nam medici cum vident aliquem desperatum, dicunt, iam mortuus est; sic & latro, quoniam non amplius timebatur eius regressus ad perditionem, dicitur paradysum intrasse. THEOPHYLACTUS. Hoc tamen est verius omnibus, quod quamvis (1) non omnia promissa sortiti sunt & latro, & alii sancti, ne sine nobis (2) consummarentur, ut dicitur in epistola ad Hebræos cap. xi. sunt tamen in regno celorum, & in paradiso. GREGORIUS NISSENSIS. Hoc iterum oportet discutere quomodo latro censeatur dignus paradiso, cum sanctis flammea frama prohibeat introitum. Sed attende, quod sermo divinus eam versatilem dicit, ut indignis quidem obviet, dignis vero liberum ad vitam patefaciat aditum. GREGORIUS XII. Moral. (cap. vii.) Vel illa romphæa flammea versatilis dicitur, pro eo quod scisset quandoque venire tempus ut etiam removeri debuisset, quando scilicet veniret qui suæ incarnationis mysterio paradysi nobis iter aperiret. AMBROSIIUS (Lib. X. in Luc. cap. de duobus latronibus.) Sed & illud solvendum est, quia alii, scilicet Mathæus, & Marcus,

(1) *M. amiratur non.* (2) *M. consummeretur.*

EX EDITIONE P. NICOLAI.

* Nec attestatur a Corderio in Catena Græc. nec occurrit.

cus, duos conviciantes inducunt latrones; iste unum conviciantem, unum repugnantem; fortasse & iste plus conviciatus est, sed repente conversus est. Potuit etiam de uno pluraliter dici, sicut est illud Hebr. xi., In caprinis pelibus ambulabant secti sunt; cum solus Elias melotidem habuisset, Eliaius secus esse doceatur. Mystice autem duo latrones duos populos peccatores significant per baptismum cruciandos esse cum Christo; quorum diversitas diversitatem pariter credentium significat. BEDA (cap. xiv. super *Hodie mecum eris* . . .). Qui cumque enim baptizati sumus in Christo, Iesu, in morte ipsius baptizati sumus: Rom. vi. Per baptismum autem, cum peccatores effusimus, abluimur; sed alii dum Deum in carne passum laudant, coronantur; alii dum aut fidem, aut opera baptismi habere renuerunt, dono quod accepere, privantur.

(h) CYRILLUS. Postquam cruci tradiderunt Domiolum omnium, mundi machina lugebat proprium Dominum, & „obscure“, tenebrata est lux in meridie, secundum Amos viii. unde dicitur: *Erat autem fere hora sexta, & tenebra facta sunt in universa terra usque in horam nonam*: quod erat manifestum indicium, quod foret passura caliginem crucifigentium animæ. AUGUSTINUS de Conc. Evaog. (Lib. III. cap. xvii.) Hoc autem quod de theobrisdium est, etiam alii duo, Matthæus, & Marcus, attestantur. Addit autem Lucas, unde factæ sunt tenebræ, cum subdit: *Et obscuratus est sol*. AUGUSTINUS III. de Civit. Dei (cap. xv.) Quam solis obscuracionem non canonico curio siderum accidisse satis ostendit, quod tunc erat pascha Iudæorum, quod plena luna solemniter agitur; regula autem solis defectio non nisi (1) in fine lune contingit. DIONYSIUS in Epistola (vii.) ad Policarpum. (2) Cum ambo apud Heliopolim effusum, ambo simul incidentem mirabiliter soli lunam notabamus (non enim eiusdem coniunctionis tunc aderat tem-

pus) ipsamque rursus ab hora nona usque in vespem ad solis diametrum, supra naturæ vires restituit. Insupest & eam lunæ incidentiam observavimus ab oriente coepisse, & usque ad solaris corporis finem pervenisse, ac tum demum resisse, nec ex ea, ut assolet, parte luminis defectum, & restitutionem contigisse; sed ex adverso diametri. GRÆCUS A. Hoc igitur prodigium factum est ut pateret quod qui mortem susceperat, gubernator esset totius creaturæ. AMBROSIIUS. Sol etiam occidit sacrilegis, ut fœdissimi spectaculum sceleris obumbraret; tenebræ effusæ sunt oculis perfidorum, ut fidei lumen resurgeret. BEDA (super *Et velum templi*). Volens autem Lucas miraculum miraculo adiungere, subiungit: *Et velum templi scissum est medium*. Hoc expirante Domino factum est, sicut Matthæus, & Marcus attestantur; sed Lucas præoccupando narravit. THEOPHYLACTUS. Per hoc autem Dominus ostendebat, quod non erunt ulterius sancta sanctorum inaccessibleia; sed tradita in manus Romanorum inquirantur, & eorum aditus pateret. AMBROSIIUS (Lib. X. cap. de commodatione spiritus Iesu.) Velum etiam scinditur, quo duorum populorum divisio, & synagagæ profanatio declaratur. Scinditur velum vetus, ut Ecclesia nova fidei suæ vela suspendat. Synagagæ velamen suspenditur, ut religionis interna mysteria revelata, mentis cernamur intuitu. THEOPHYLACTUS. Per hoc etiam ostenditur quod velum, quod sequestrabat oos a sacris quæ sunt in calo; dirumpitur, idest Dei inimicitia, & peccatum. AMBROSIIUS (ut supra.) Deinde etiam ubi acetum bibit, assumptæ mortalitatis impletum est omne mysterium, & immortalitas sola remansit: unde sequitur: *Et clamans voce magna ait Iesus: Pater, in manus tuas commendo spiritum meum*. BEDA. Patrem invocando, Filium Dei se esse declarat; spiritum vero commendando, non defectum suæ virtutis, sed confidentiam eiusdem cum Patre pot-

(1) *Al. emittitur præpositis in.* (2) *Quatuor, quæ sepe revolvimus, exempla sic habent.* Apud Heliopolim enim tunc præfentes, inopinabiliter soli lunam incidentem videtimus: non enim erat conveniens conjunctionis huius tempus; & rursus ipsam a nona hora usque ad vespem ad solis diametrum supernaturaliter restituit. Eclipsem etiam illam ex oriente vidimus incepisse, & usque ad solarem terminum pervenire; postea vero retrocessisse; ac rursus non ex eodem defectum, & restitutionem luminis extitisse, sed ex adverso diametri factam esse. Tota sunt eius temporis facta supernaturalia, & soli Christo, qui est omnium causa, possibilia (adde Nicolai factum.)

EX EDITIONE P. NICOLAI,

• Hæc non refert Corderius in Catena Græcorum, nec occurrunt.

potestatis infinuat. AMBROSIVS (ut supra.) Caro moritur, ut resurgat spiritus; Patri commendatur, ut caelestia quoque ab iniquitatis vinculo solverentur, & pax fieret in caelo, quam terrena sequerentur. CYRILLVS . Hæc autem vox edocet quod animæ sanctorum non deinceps in inferno clauduntur, ut prius, sed apud Deum sunt, huius rei factio Christo principio. ATHANASIUS . Commendat enim Patri per se universos mortales in se vivificatos: nam sumus membra eius, secundum illud Apostoli ad Galat. iii. „ Omnes innumestis „ in Christo. GREGORIUS Nislenus . Decet autem quærere qualiter in eodem tempore Dominus tripartitus seipsum: in viscera terræ, ut dixerat pharisæis; in paradysum Dei, ut dixit latroni; in manus paternas, ut nunc dicitur. Sed recte considerantibus hoc nec quæstione dignum videtur: nam qui ubique est per divinam potentiam, quolibet loco adest. AMBROSIVS . Commendatur ergo Patri spiritus; sed cum sit in superioribus, illuminat & inferna, ut univerfa redimantur: etenim Christus omnia, & in Christo omnia. GREGORIUS Nislenus . Alia solutio est, quod in tempore passionis neutram partem humanitatis semel unita divinitas dimisit, sed animam de corpore sponte disiunxit; se tamen in utroque permanentem ostendit: nam per corpus, in quo mortem suscepit, confutavit mortis potentiam; per animam vero latroni paravit introitum paradisi. Dicit autem Esaias cap. xlix. de superna Hierusalem, quæ a paradiso non est alia: „ Super mas, nus meas depinxit mœnia tua. „ Unde palam est quod existens in paradiso manus Patris inhabitabat. DAMASCENUS . Vel expressius loquendo, in sepulcro erat secundum corpus, in inferno secundum animam; sed sicut Deus in paradiso cum latrone, & in throno erat cum Patre, & Spiritu sancto. THEOPHYLACTUS . Clamans vero alta voce expirat, quia inerat ei potestas ponendi animam suam, & eam resumendi: unde sequitur: *Et hæc dicens, expiravit.* AMBROSIVS . Quasi dicat: Tradidit spiritum, quia non invitatus amisit: quod enim emittit, *Tb, Oper, Tom. V.*

tur, voluntarium est, quod amittitur, necessarium.

(i) AUGUSTINUS IV. de Trinit. (cap. xiii.) Cum post illam vocem continuo tradidit spiritum, hoc maxime qui aderant, sunt mirati: longa enim morte cruciabantur ligno suspensi: unde dicitur: *Videns autem Centurio quod factum fuerat, glorificavit Deum, dicens: Vere hic homo iustus erat.* AUGUSTINUS de Conc. Evang. (Lib. iiii. cap. xx.) Non est autem contrarium quod Matthæus, viso terræmotu, dicit admiratum Centurionem, cum Lucas dicat hoc eum admiratum fuisse quod emissæ illa voce expirasset, ostendens quam potestatem habuit quando moreretur. In eo autem quod Matthæus dixit, non solum viso terræmotu, sed addidit, „ Et his quæ fiebant, „ integrum locum fuisse demonstravit Lucæ, ut diceret ipsum Domini mortem fuisse miratum. Quod autem Lucas et, iam ipse dixit, *Videns autem Centurio quod factum erat,* in eo genere inclusit omnia quæ facta erant in illa hora mirabiliter, tamquam unum mirabile factum commemorans, cuius quasi membra & partes erant omnia illa miracula. Quod autem alius dixit (Matth. xxvii.) Centurionem dixisse, „ Vere „ Filius Dei erat iste; „ Lucas autem ait, quod *iustus erat,* putari potest diversum: sed vel utrumque dictum a Centurione debemus intelligere, & aliud illud, aliud istum commemorasse; vel fortasse Lucam exprimere (i) voluisse sententiam Centurionis, quomodo dixerit Iesum Filium Dei: forte enim non Unigenitum æqualem Patri Centurio intellexerat; sed ideo filium Dei idixerat, quia iustum crediderat, sicut multi iusti didi sunt filii Dei. Iam vero quia Matthæus addidit eos qui cum Centurione erant, Lucas vero hoc tacuit; non est contrarium, cum alius dicit quod alius tacet: & Matthæus dixit, „ Timuerunt valde; „ Lucas autem non dixit, Timuit, sed *glorificavit Deum:* quis non intelligat Deum timendo glorificasse? THEOPHYLACTUS . Nunc autem videtur effectum sortiri quod Dominus dixerat Ioan. xxi. „ Cum exaltatus fuero, omnia ad me traham: „ ex-

Aaa

al-

(i) Al. emittitur voluisse.

EX EDITIONE P. NICOLAI.

* Hic Cyrilli locus non occurrit, nec apud Chrysostomum, ex quo editio Antverpiensis, notat. b De Incarnatione contra Arianos. c ORIGEN. d de Actus. e Ibidem. f In hom. de Iohanne baptista sancto post mod.

alatus namque in cruce attraxit latronem, & Centurionem, sed & quosdam Iudæorum, de quibus sequitur: *Et omnis turbæ eorum qui simul aderant ad spectaculum istud, & videbant quæ fiebant, percutientes pectora sua revertebantur.* BEDA (cap. xiv.) Quod percutiebant pectora, quia poenitentia, & iustus iudicium est, potest dupliciter intelligi: sive enim eum cuius vitam dilexerunt, iniuste occisum dolebant; sive cuius mortem se impetrasse meminerant, hunc in morte amplius glorificatum tremebant. Notandum autem, quod Gentiles Deum timeantes, aperta confessionis voce glorificant; Iudæi percutientes solum pectora, silentes domum redeunt. AMBROSIVS (Lib. X. in Luc. cap. de commendatione spiritus Iesu.) O duriora faxis pectora Iudæorum! Iudex arguit, credit minister, proditor scelus suum morte condemnat, elementa fugiunt, terra concutitur, monumenta relerantur; Iudæorum tamen immobilis duricia manet orbe consculso. BEDA (super illud, *Videns Centurio.*) Unde merito per Centurionem fides Ecclesiæ designatur, quæ Dei Filium tacente synagoga confirmat. Impletur autem quod Dominus Patri conqueritur dicens Psalm. lxxviii. „Elongasti me amicum, & proximum, & notos meos a miseria:“ unde sequitur: *Stabant autem omnes nosterius a longe.* THEOPHYLACTUS. Sed seminarum genus olim maledictum, manet, & videt hæc omnia: sequitur enim: *Et mulieres quæ secuta erant eum a Galilæa, hæc videntes: & sic primæ resocillantur iustificatione, aut benedictione a passione profluente, sicut & resurrectione.*

(k) GRAECUS. Fuerat quandoque Ioseph occultus Christi discipulus, denique vinculum timoris rumpens, ferventior factus, dominicum corpus turpiter pendens ligno deposuit, comparans pretiosam margaritam verborum modestia: unde dicitur: *Et ecce vir nomine Ioseph, qui erat decurio.* BEDA (cap. xiv. in Luc.) Decurio vocatur, quod sit de ordine curiæ, & officia curiæ administret, qui etiam curialis a procurando munera civilia solet appellari. Magnæ ergo Ioseph dignitatis apud sæculum, sed maioris apud Deum meriti fuisse lau-

datur: unde sequitur: *Vir bonus; & iustus* (hic non confertur consilio, & assensuum) ab Arimathæa civitate Iudææ. Arimathæa ipsa est Ramatha civitas Helcanæ, & Samuelis. AUGUSTINUS de Conc. Evang. (Lib. III. cap. xxii.) Dicit autem Ioannes, quod erat discipulus Iesu: unde & hic subditur: *Qui expectabas & ipse regnum Dei.* Merito autem movet cur ille qui propter timorem occultus erat discipulus, ausus sit petere corpus eius, quod nullus eorum qui eum palam sequebantur auderet: sequitur enim: *Hic accessit ad Pilatum, & petiit corpus Iesu.* Sed intelligendum est illum fiducia dignitatis hoc fecisse, qua prædictus poterat familiariter intrare ad Pilatum. In extremo autem illo officio funeri exhibendo minus videtur curale de Iudæis, quamvis solet in Domino audiendo eorum inimicitias devitare. BEDA (super *Accessit, & petiit corpus Iesu.*) Sic igitur per iustitiam meritum sepeliendo corpori dominico (1) aptus, dignus fuit per nobilitatem potentia: secularis illud impetrare: unde sequitur: *Et depositum involvit in sindone.* Ex simplici sepultura Domini ambitio divitum condemnatur, qui nec in tumultis quidem possint carere divitiis. ATHANASIUS b. Enormiter etiam agunt qui condunt corpora mortuorum, & ea non sepeliunt, etiam si sancta sint: quid enim sanctius, aut maius Domini corpore? quod tamen in monumento positum est, donec die tertia resurrexit: sequitur enim: *Et posuit eum in monumento exciso.* BEDA (super *Et posuit in monumento.*) Scilicet de petra, ne si ex multis lapidibus ædificatum esset, post resurrectionem suffocis tumuli fundamentis, ablatum furto diceretur. In novo etiam ponitur monumentum: nam sequitur: *Et quod nondum quisquam posuit fuerat: ne post resurrectionem ceteris corporibus remanentibus, surrexisse alius suspicaretur.* Quia vero sexta die homo factus est, recte Dominus sexta die crucifixus humanæ reparationis implevit arcanum: unde sequitur: *Et erat dies parasceves,* quod præparatio interpretatur, quo nomine sextam feriam appellabant, quia ea die quæ in sabbatum forent necessaria, præparabant. Quia vero septimo die requievit conditor

ab

(1) *Id. deest aptus,*

EX EDITIONE P. NICOLAI.

a Nec hucus Græci nomen a Corderio indicatur, nec stantia ipsa, quæ alibi etiam non occurrat.
b In vita S. Antonii sub finem.

ab opere suo, sabbato Dominus in sepulcro requievit: unde sequitur: *Et sabbatum illu-
sciebat.* Supra autem legimus, quia *stabant
omnes noti eius a longe, & mulieres quæ se-
cra erant cum.* His ergo notis Iesu post depo-
situm eius cadaver ad sua remeantibus, so-
læ mulieres, quæ archius amabant, & funus
subsecutæ, quo loco poneretur inspicere cupie-
bant: sequitur enim: *Subsecuta autem mu-
lieres, quæ cum ipso venerant de Galilæa, vi-
derunt monumentum, & quemadmodum pos-
tum erat corpus eius: ut scilicet ei tempore
congruo munus posset suæ devotionis of-
ferre.* THEOPHYLACTUS (in fin. Comm. in cap. xxiij. Luc.) Neque tamen fidem
debant adhuc habebant, sed quasi puro ho-
mini aromata, & unguenta parabant more
Iudæorum, qui talia exhibebant defunctis:
unde sequitur: *Et revertentes paraverunt ara-
mata, & unguenta.* BEDA (cap. xciv. parum
a fine illius.) Sepulto enim Domino, quam-
diu licebat operari, idest usque ad solis oc-
casum, unguentis præparandis erant occu-
patæ. Mandatum autem erat ut sabbati si-
lentium, idest quies, a vespere usque ad
vesperam servaretur: sequitur enim: *Et
sabbato quidam sternerunt secundum mandatum.*
AMBRASIUS (Lib. X. cap. de sepultura
corporis Iesu.) Mystice autem iustus Chri-
sti corpus sepelitur: talis enim est Christi se-
pultura, quæ fraudem, iniquitatemque non
habet. Merito autem Matthæus hunc di-
vitem dixit: suspiciendo enim divitem ne-
scivit fidei paupertatem. Iustus corpus Chri-
sti operit sindone; velli & tu Domini cor-
pus gloria sua, ut & ipse sis iustus; & si
mortuum credis, operi tamen divinitatis
plenitudine suæ; sed & vestitur Ecclesia in-
nocentiæ gratia. BEDA (super *Revolvit enim*

in sindone.) Ille etiam in sindone munda in-
volvitur Iesum qui pura cum mente sulcepe-
rit. AMBRASIUS (ubi supra.) Non otio-
se alius Evangelista monumentum novum
dixit, aliud monumentum Ioseph: etenim
tumulus his paratur qui sub lege sunt mor-
tis; visior mortis tumultum suum non ha-
bet. Quæ enim eommunicatio tumulo, &
Deo? Solus etiam tumulo includitur, quia
mors Christi etiam sit communis secundum
naturam, specialis est secundum virtutem.
Bene autem Christus in monumento condi-
tur iusti, ut iustitiæ habitatione requiescat
i monumentum enim hoc in duritiæ gentilis
petra iustus excidit penetrati verbi, ut præ-
tenderetur in nationibus virtus Christi, cui
puleherrime (1) admotus est lapis. Quicum-
que in se bene humaverit Christum, dili-
genter custodiat, ne cumperdat, neve per-
fidie sit ingressus. BEDA (super *Erant dies
parascæves.*) Quod autem Dominus sexta
die crucifigitur, septima in sepulcro quie-
scit, significat quod in sexta mundi ætate
nos pro Domino pati, & velut mundo cru-
cifigi necesse est; in septima vero, idest post
mortem, corpora quidem in tumulis, ani-
mæ vero cum Domino requiescunt. (2) Us-
que hue & mulieres sanctæ, idest animæ
humiles, dilectione serventes, passioni Chri-
sti diligenter obsequuntur; & si forte va-
leant imitari, sedula curiositate, quo ordi-
ne sit eadem passio completa, perpendunt:
qua lecta, audita, recordata, mox ad pa-
randa se opera virtutum, quibus Christus
delectetur, convertunt, (3) ut finita præ-
sentis vitæ parascæve, in requie beata tem-
pore resurrectionis occurrere Christo va-
leant cum aromatis spirituum aliorum actio-
num.

C A P U T XXIV.

(a) **U**Na autem sabbati valde disiculo venerunt ad monumentum portantes quæ
paraverunt aromata, & invenerunt lapidem revolutum a monumento,
& ingressæ non invenerunt corpus Domini Iesu. Et factum est dum mente con-
sternatæ essent de isto, ecce duo viri steterunt secus illas in veste resurgenti. Cum
timerent autem, & declinarent vultum in terram, dixerunt ad illas: Quid queri-
tis viventem cum mortuis? Non est hic, sed surrexit. Recordamini qualiter locu-
tus est vobis, cum adhuc in Galilæa esset, dicens: Oportet Filium hominis tradi in
manus hominum peccatorum, & crucifigi, & die tertia resurgere. Et recordatæ
Aaa 2 sunt

(1) M. amorus, item admonitio. (2) M. Usque nunc. Nicolaus legit Sed et usque nunc. (3) M.
ut suscipiat presentis vitæ parascæve, & sequi beata etc.

sunt verborum eius, & regressi a monumento nuntiaverunt hæc omnia illis undecim, & ceteris omnibus. Erat autem Maria Magdalene, & Ioanna, & Maria Iacobi, & ceteræ quæ cum eis erant, quæ dicebant ad Apostolos hæc. Et visa sunt ante illos sicut deliramentum verba ista, & non crediderunt illis. Petrus autem furgens cucurrit ad monumentum, & procumbens vidit linteamina sola posita, & abiit secum mirans quod factum fuerat.

(b) Et ecce duo ex illis ibant ipsa die in castellum quod erat in spatio stadium sexaginta ab Hierusalem, nomine Emmaus; & ipsi loquebantur ad invicem de omnibus quæ acciderant. Et factum est, dum fabularentur, & secum quærent, & ipse Iesus appropinquans ibat cum illis: oculi autem eorum tenebantur, ne eum agnoscerent: & ait ad illos: Qui sunt hi sermones quos conferitis ad invicem ambulantes, & estis tristes? Et respondens unus cui nomen Cleophas, dixit ei: Tu solus peregrinus es in Hierusalem, & non cognovisti quæ facta sunt in ista his diebus? Quibus ille dixit, Quæ? Et dixerunt de Iesu Nazareno, qui fuit vir propheta, potens in opere, & sermone coram Deo, & omni populo: & quomodo eum tradiderunt summi sacerdotes, & principes nostri in damnationem mortis, & crucifixerunt eum. Nos autem sperabamus quia ipse esset redempturus Israel. Et nunc super hæc omnia tertia dies est hodie quod hæc facta sunt. Sed & mulieres quardam ex nostris terruerunt nos, quæ ante lucem fuerant ad monumentum, & non invento corpore eius, venerunt dicentes te etiam visionem Angelorum vidisse, qui dicunt eum vivere. Et abierant quidam ex nostris ad monumentum, & ita invenerunt sicut mulieres dixerunt, ipsum vero non invenerunt.

(c) Et ipse dixit ad eos: O stulti, & tardi corde ad credendum in omnibus quæ locuti sunt Prophetae. Nonne hæc oportuit pati Christum, & ita intrare in gloriam suam? Et incipiens a Moyse, & omnibus Prophetis, interpretabatur illis in omnibus Scripturis quæ de ipso erant. Et appropinquaverunt castello quo ibant; & ipse se finxit longius ire: & coegerunt illum, dicentes: Manenobiscum, quoniam advesperascit, & inelminata est iam dies. Et intravit cum illis. Et factum est, dum recumberet cum eis, accepit panem, & benedixit, ac fregit, & porrigebat illis. Et aperti sunt oculi eorum, & cognoverunt eum. Et ipse evanuit ex oculis eorum. Et dixerunt ad invicem: Nonne cor nostrum ardens erat in nobis dum loqueretur in via, & aperiret nobis Scripturas? Et surgentes eadem hora regressi sunt in Hierusalem, & invenerunt congregatos undecim, & eos qui cum illis erant, dicentes, quod surrexit Dominus vere, & apparuit Simoni. Et ipsi narrabant quæ gesta erant in via, & quomodo cognoverunt eum in fractione panis.

(d) Dum autem hæc loquuntur, stetit Iesus in medio eorum; & dixit eis: Pax vobis: ego sum, nolite timere. Conturbati vero, & conterriti, existimabant de spiritu videre. Et dixit eis: Quid turbati estis, & cogitationes ascendunt in corda vestra? Videte manus meas, & pedes, quia ego ipse sum. Palpate, & videte, quia spiritus carnem, & ossa non habet, sicut me videtis habere. Et cum hæc dixisset, ostendit eis manus, & pedes.

(e) Adhuc autem illis non credentibus, & mirantibus præ gaudio, dixit: Habetis hic aliquid quod manducetur? At illi obtulerunt ei partem piscis assi, & favum mellis. Et cum manducasset coram eis, sumens reliquias dedit eis, & dixit ad eos: Hæc sunt verba quæ locutus sum ad vos, cum adhuc essem vobiscum, quoniam necesse est impleri omnia quæ scripta sunt in lege Moyse, & Prophetis, & Psalmis de me.

(f) Tunc aperuit illis sensum, ut intelligerent Scripturas, & dixit eis, quoniam sic scriptum est, & sic oportebat Christum pati, & resurgere a mortuis tertia die; & prædicari in nomine eius poenitentiam, & remissionem peccatorum in omnes gentes, incipientibus ab Hierosolyma. Vos autem testes estis horum; & ego mit-

tam

tam promissum Patris mei in vos. Vos autem sedete in civitate quoadusque induamini virtute ex alto.

(g) Eduxit autem eos foras in Bethaniam, & elevatis manibus suis benedixit eis; & factum est, dum benediceret illis, recessit ab eis, & ferebatur in caelum. Et ipsi adorantes regressi sunt in Hierusalem cum gaudio magno, & erant semper in templo laudantes, & benedicentes Deum. Amen.

(a) **B**EDA (cap. xciv. in Luc.) Religiosae mulieres non solum in die parasceve, sed etiam sabbato transacto, id est sole occidente, mox ut operandi licentia remota, emerunt aromata, ut venientes ungerent corpus Iesu, sicut Marcus testatur; praecupante (1) tamen iam notis articulo monumentum adire non valuerunt: & ideo dicitur: *Una autem sabbati valde diluculo venerunt ad monumentum, portantes quae paraverunt aromata.* Una sabbati, sive prima sabbati, prima est a sabbato, quam diem dominicam propter Domini resurrectionem mos christianus appellat. Quod autem valde diluculo mulieres venerunt ad monumentum, magnus querendi, & inveniendi Dominum fervor caritatis ostenditur. AMBROSIVS. Sed magna oritur hoc loco plerisque dubitatio: siquidem hic *valde diluculo*, Matthaeus vespere sabbati mulieres ad monumentum venisse dixerunt. Sed Evangelistae de diversis putis dixisse temporibus, ut (2) personas alias mulierum, & alias coniicias visiones. Quod autem scriptum est, vespere sabbati, quae lucebat in prima sabbati, resurrexisset Dominum, sic temperandum est, ut neque mane dominica, quae est prima post sabbatum, neque sabbato resurrectio facta credatur: nam quomodo triduum completur? Non ergo vespere pascente die, sed vespere noctis resurrexit. Denique Graecus *sero* dixit. Sero autem horam significat in occasu diei, & rei cuiuslibet tarditatem; quomodo si dicas, Sero mihi suggestum est. Est ergo & sero tempus noctis profundum, unde & mulieres ad monumentum accedendi habent facultatem, custodibus quiescentibus. Et ut scias nocte factum, mulieres aliae sciunt, aliae nesciunt: sciunt quae observant noctibus & diebus, nesciunt quae recesserunt. Nescit (3) una Maria Magdalene secundum Iohannem: nam ea-

dem & autem scire, & postea nescire non potuit. Ergo si plures Mariae, plures etiam fortasse Mariae Magdalene; cum illud nomen personae sit, hoc sumatur a loco. AUGUSTINUS de Consen. Evang. (Lib. III. cap. xxiv.) Vel Matthaeus a prima parte noctis, quod est vespere, ipsam voluit noctem significare; cuius noctis fine venerunt ad monumentum: & hoc ea de causa, quia iam a vespere paraverant, & illebat asferre aromata transacto sabbato. EUSEBIUS a. illebat autem organum Verbi extindum, magnus vero lapis clandeat sepulcrum, quasi mors eum duxisset captivum; sed nondum lapsio triduo vita se promittit iterum post sufficientem mortis (4) convulsionem: unde sequitur: *Et invenierunt lapidem revolutum a monumento.* THEOPHYLACTUS. Nam Angelus revolverat eum, ut testatur Matthaeus. (5) ORIGENES. Amotus est autem lapis post resurrectionem propter mulieres, ut credant resurrexisse Dominum, videntes monumentum vacuum corpore: unde sequitur: *Et ingressa non invenierunt corpus Domini Iesu.* CYRILLUS. Cum igitur non invenissent corpus Christi, quod resurrexerat, ducebantur diversis cogitationibus: & propter amorem Christi, & adhibitam sollicitudinem meruerunt visionem angelicam: sequitur enim: *Et factum est dum mente confirmata essent de isto, ecce duo viri steterunt iuxta illas in veste fulgenti.* EUSEBIUS. (6) Iucunditatis, & gaudii indicia salutiferæ resurrectionis nuntii, & fulgentes amictus praestant. Moyses enim plagas Aegyptii praeparans in flamma ignis Angelum peripexit. Sed non tales visi sunt mulieribus in sepulcro, sed mites, & hi lares, quales decebat conspici in regno, & gaudio Domini. Et sicut in passione eclipsatus est sol, mæroris, & angustiae signa promens crucifigentibus Filium Dei; ita Angelus

(1) *M. emittitur tamen.* (2) *M. primas.* (3) *M. deest una.* (4) *M. conjunctionem.* (5) *M. CHRYSOSTOMUS.* (6) *M. Salutiferæ resurrectionis, & fulgentes (hæc fulgentis) amictus praestantes.*

geli vitæ, ac resurrectionis præcones habitum salutiferi festi candidati designabant. AMBROSIVS (Lib. X. in Luc. cap. de devot. mulier. ad monumentum.) Sed quomodo Marcus unum iuvenem in albis sedentem, Matthæus unum; Ioannes, & Lucas duos Angelos in albis sedentes visos esse memoraverunt? AUGUSTINUS de Consen. Evang. (Lib. III. cap. xxiv.) Possumus intelligere unum Angelum visum a mulieribus, & secundum Marcum, & secundum Matthæum, ut eas ingressas in monumentum accipiamus, scilicet in aliquod spatium quod erat aliqua (1) maceria communium ante illum faxei sepulchri locum, atque ibi visidisse Angelum sedentem a dextris, quod dicit Marcus; deinde intra ab eis, dum inspicierent locum in quo iacebat corpus Domini, visos duos alios Angelos stantes, sicut dixit Lucas, locos ad earumdem exhortandum animum, & ædificandam fidem: unde sequitur: *Cum timerent autem, & declinarent vultum in terram.* BEDA (cap. xiv.) Sanctæ mulieres astantibus sibi Angelis, non in terram cecidisse, sed vultum dicuntur in terram declinasse: nec quempiam sanctum legimus tempore dominicæ resurrectionis vel ipsi Domino, vel Angelis sibi visis, terræ prostratum adorasse: unde mos obtinuit ecclesiasticus, ut vel in memoriam dominicæ, vel in nostræ spem resurrectionis omnibus dominicis diebus, & toto quinquagesimo tempore non flexis genibus, sed declinatis in terram vultibus oremus. Non erat autem in monumento, qui locus est mortuorum, quærendus ille qui ad vitam resurrexit a mortuis: & ideo subditur: *Dixerunt ad illas, scilicet Angeli ad mulieres: Quid queritis viventem a mortuis? Non est hic, sed resurrexit.* Die autem tertia, sicut ipse inter discipulos tam viros quam feminas prædixit, resurrectionis suæ triumphum celebravit: unde sequitur: *Recordamini qualiter locutus est vobis, cum adhuc in Galilea esset, dicens: Quia oportet Filium hominis tradi in manus hominum peccatorum, & crucifigi, & tertia die resurgere.*

Die namque parasceve hora nona spiritum tradens, vespere sepultus, mane prima sabati resurrexit. ATHANASIUS (de humanitate Verbi circa medium.) Poterat siquidem statim fulcitare corpus a morte. (1) Sed dixisset aliquis eum nequaquam fuisse mortuum, vel non plene mortem ei inhaesisse. Forfitan quoque eodem momento mors, & resurrectio contigissent, gloria incorruptibilitatis in incerto hæsisset. Quapropter ut corpus vere extinctum ostenderetur, ipsa meridie mortem sustinuit, & tertia die illud incorruptibile reddidit. BEDA. Uno etiam die in sepulcro, & duobus noctibus iacuit, quia lucem suæ simplæ mortis, tenebris duplici mortis adiunxit. CYRILLUS. Instruæ autem mulieres Angelorum assatibus accelerantes (3) ea retulerunt discipulis: unde sequitur: *Es recordata sunt verborum eius; & egressa a monumento, nuntiaverunt hæc omnia illis undecim, & ceteris omnibus.* Namque femina quæ quondam mortis fuit ministra, venerandum resurrectionis mysterium prima percepit, & nuntiat. Adeptum est igitur semineum genus (4) & ignominiz abolitionem, & maledictionis repudium. AMBROSIVS (Lib. X. cap. ult.) Mulieribus autem docere in Ecclesia non permittitur: sed domi viros suos interrogant. Ad eos ergo femina mittitur qui domestici sunt. Quæ autem fuerint hæ mulieres ostendit subdus: *Erat autem Maria Magdalena.* BEDA (super *Erat autem Maria.*) Ipsa est soror Lazari, & Ioanna, uxor Cuzæ procuratoris Herodis; & Maria Iacobi, idest mater Iacobi minoris, & Ioseph. Et communiter de aliis subditur: *Et cetera, quæ cum eis erant, quæ dicebant ad Apostolos hæc.* A Ut enim perpetui reatus apud viros mulier opprobrium non sustineret, quæ culpam viro transfuderat, transudit & gratiam. THEOPHYLACTUS (hoc loco.) Est autem naturaliter incredibile mortalibus resurrectionis miraculum: unde sequitur: *Et visæ sunt ante illos sicut deliramentum verba ista, & non credebant illis.* (5) GREGORIUS (hom. xlii.) Quod

(1) *Al. matris.* (2) *Quæritur a nobis alius sicuti exemplum in se habent.* Sed dixisset aliquis eum nequaquam fuisse (suppletamen Nicolai mortuum) vel non plene mortem ei inhaesisse. Et fortasse si resurrectio Domini fuisset dilata, latuisset incorruptionis honor. Ut igitur corpus ostenderet mortuum, unus interpellatur, nem. (Nicolai interpolationem) diei passus est, et tertia die corpus suum incorruptum demonstravit. (3) *Al. deest eu.* (4) *Al. ad ignominiz abolitionem.* (5) *Al. BEDA, quem habet etiam Nicolai, namque ex Gregorio sumptiss.*

Quod non tam illorum infirmitas, quam nostra, ut ita dicam, futura firmitas fuit. Ipsa namque resurrectio illis dubitantibus per multa argumenta monstrata est, quæ dum nos legentes agnoscimus, de eorum dubitatione solidamur. THEOPHYLACTUS. Petrus autem hoc audiens tollit moras, & vadit ad monumentum: quia nec ignis novit moras ingessit materię: unde sequitur: *Petrus autem surgens cucurrit ad monumentum.* EUSEBIUS. Solus enim ipse credit feminis dicentibus se Angelos vidisse; & cum esset eximii affectus præ ceteris, sedulum se promebat, passim circumspiciens Dominum: unde sequitur: *Et procumbens vidit sola linteamina posita.* THEOPHYLACTUS. Cum autem ad monumentum fuisset, hoc primo consecutus est ut miraretur quæ prius ab ipso, vel ab aliis deridebantur: unde sequitur: *Et abiit, secum mirans quod factum fuerat,* idest apud se mirans rei eventum, qualiter sola linteamina derelicta fuere, corpore myrrha peruncto; vel quantum opportunitate habuisset fur, ut (1) hæc semotim involuta dimittens, circumstantibus militibus corpus auferret. AUGUSTINUS de Consen. Evan. (Lib. III. cap. xv.) intelligit autem hoc Lucas recapitulando posuisse de Petro: tunc enim cucurrit Petrus ad monumentum quando & Ioannes, cum tantummodo a mulieribus, præcipue a Maria Magdalene, nuntiatum eis fuerat de corpore ablato. Postea autem facta sunt hæc de visione Angelorum. Ideo autem Lucas Petrum solum commemoravit, quia illi primitus Maria nuntiaverat. Item potest movere quod Petrum non intrantem, sed procumbentem dicit Lucas sola linteamina vidisse, & discessisse mirantem; cum Ioannes dicat ita se linteamina vidisse posita, & seipsum post Petrum iurasse. Sed intelligendum est, Petrum primo procumbentem vidisse quod Lucas commemorat, Ioannes tacet: post autem ingressus est antequam Ioannes intraret. BEDA (cap. xcv. in Luc.) iuxta intellectum vero mysticum, per hoc quod mulieres valde diluculo veniunt ad monumentum, datur nobis exemplum, disculis vitiatorum tenebris, ad Domini corpus accedere: nam & sepulcrum illud figuram domini habebat altaris, in quo

corporis Christi mysteria non in serico, non in panno tincto, sed instar sardonis, quem Ioseph involvit, in; linteo puro debent consecrari; ut sicut ipse veram terrenæ naturæ substantiam pro nobis morti obtulit, ita & nos in commemorationem ipsius purum de terræ germine, candidumque, & multimodo quasi mortificationis genere castigatum altari linum imponamus. Aromata autem, quæ mulieres deferunt, significant odorem virtutum, & orationum suavitatem, quibus altari appropinquare debemus. Revolutio autem lapidis insinuat relevationem sacramentorum, quæ tegebantur velamine litteræ legis, quæ in lapide scripta est; cuius ablato tegmine, corpus Domini mortuum non invenitur, sed vivum evangelizatur: quia, etsi cognovimus secundum carnem Christum, sed iam nunc non novimus: "II. Corinth. v. Quomodo autem posito in sepulcro corpore Domini, Angeli assistisse leguntur; ita etiam tempore consecrationis mysterii corporis Christi assistere sunt credendi. Nos ergo, exemplo (2) devotarum mulierum, quoties mysteriis cælestibus appropinquamus, propter angelicam præsentiam, seu propter reverentiam sacræ oblationis, cum omni humilitate vultum declinemus in terram, nos cinerem, & terram esse recolentes.

(b) GLOSSA a. Post manifestationem resurrectionis Christi per Angelos mulieribus factam, manifestatur ulterius eadem resurrectio per ipsius Christi apparitionem discipulis: unde dicitur: *Et ecce duo ex illis ibant ipsa die in castellum.* THEOPHYLACTUS. Quidam alterum horum duorum Lucam inquit esse, & ob hoc suum nomen occultasse. AMBROSIIUS (Lib. X. in Luc. cap. ult. a med.) Vel duobus discipulis secum Dominus iam se vespere (3) demonstrat, scilicet Ammaoui, & Cleophae. AUGUSTINUS de Cons. Evang. (Lib. III. cap. xxv.) Castellum autem illud non absurde accipimus etiam villam secundum Marcum potuisse appellari. Deinde castellum describit, dicens: *Quod erat in spatio stadium sexaginta ab Hierusalē, nomine Emmaus.* BEDA. Ipsa est Nicopolis civitas insignis Palestinæ, quæ post expugnationem Iudææ sub Marco Aurelio Antonino Principe restaurata,

(1) *M. omittitur hæc.* (2) *M. devotarum rerum.* (3) *M. demonstrat.*

ta, cum statim mutavit & nomen. Stadium autem, (1) quo Græci, auctore, ut dicunt, Hercule, viarum spatia mensurant, octava est pars milliarii; & ideo sexaginta stadia, septem millia passuum, & quingenta significant, quod spatium itineris (2) congruit qui de morte, & sepultura Domini certi gradiebantur, de resurrectione Domini dubii: nam resurrectionem, quæ post septimam sabbati facta est, octavo numero contineri nullus ambigit. Discipuli ergo, qui de Domino loquentes incedunt, sextum milliarium cepti itineris compleverant: quia illum sine querela viventem usque ad mortem, quam in sexta sabbati subiit, pervenisse dolebant. Compleverant & septimum, quia hunc in sepulcro non dubitabant quiescisse; sed de octavo dimidium tantum peregerant, quia gloriam iam celebratæ resurrectionis non credebant perfectæ. THEOPHYLACTUS. Prædicti autem discipuli loquebantur de his ad invicem quæ acciderant, non quasi credentes, sed sicut stupentes in rebus extraneis: unde sequitur: *Et ipsi loquebantur ad invicem de his omnibus quæ acciderant.* BEDA (cap. xcv.) Loquentes autem de se Dominus appropinquans comitatur, ut & fidem resurrectionis mentibus eorum incendat, & quod se facturum promiserat, impleat, scilicet ut „ubi sunt duo, „ sum in medio eorum:“ Matth. xviii. unde sequitur: *Et factum est dum fabularentur, & secum quærerent, & ipso Iesus appropinquans ibat cum illis.* THEOPHYLACTUS (super *Oculi eorum tenebantur ne eum agnoscerent.*) Obtentio enim iam spirituali corpore, non obstat loci distantia quin adesset quibus volebat; nec ulterius naturalis legis corpus suum regebat, sed spiritualiter, & supra naturam: unde, ut Marcus dicit, sub alia forma eis videbatur, in qua non concedebatur eis eius cognitio: sequitur enim: *Oculi autem eorum tenebantur ne illum agnoscerent, ut scilicet totam suam dubiam intentionem revelent, & vulnus de tegetes recipiant medicinam; & ut cognoscerent quod quamvis corpus ipsum quod passum fuerat, resurrexerat, non tamen amplius tale erat ut esset omnibus visibile, sed*

tantum his a quibus vellet videri; & ut non dubitent quare de cetero non conversatur inter plebem, quia scilicet post resurrectionem conversatio eius non esset digna hominibus, sed divina magis: quod etiam est forma resurrectionis futuræ, in qua sicut Angeli conversabimur, & filii Dei. GLR. GORIUS in hom. (xxiii. in Evang. par. a princ.) Convenienter etiam eis speciem quam recognoscerent, non ostendit, hoc agens foris in oculis corporis (3) quod apud ipsos agebatur intus in oculis cordis: ipsi namque apud se ipsos intus & amabant, & dubitabant. De se ergo loquentibus, præsentiam exhibuit; sed de se dubitantibus, cognitionis suæ speciem abscondit: verba quidem eis contulit: nam sequitur: *Et ait ad illos: Qui sunt hi sermones quos confertis ad invicem ambulantes, & estis tristes?* GRÆCUS A. Conterebant quidem inter se quasi non amplius expectantes Christum viventem; sed dolorosi, quasi perempto Salvatore: unde sequitur: *Et respondens unus eorum nomen Cleophas, dixit ei: Tu solus peregrinus es in Hierusalem, & non cognovisti quæ facta sunt in illa his diebus?* THEOPHYLACTUS (super *Tu solus peregrinus es?*) Quasi dicat: Tu solus peregrinus es, & extra confinia Hierusalem habitans, & expertus es eorum quæ in medio eius contigerant, & hæc ignoras? BEDA (ibid.) Vel hoc dicit, quia peregrinum putabant eum cuius vultum non agnoscebant. Sed revera peregrinus erat eis, a quorum naturæ fragilitate, percepta iam resurrectionis gloria, longe distabat, & a quorum fide, utpote resurrectionis eius nescia, manebat extraneus. Sed adhuc Dominus interrogat: nam sequitur: *Quibus ille dixit, Quæ? & ponitur eorum responsio, cum subditur: Et dixerunt ei: De Iesu Nazareno, qui fuit vir propheta.* Prophetam factentur, Filium Dei tacent, vel nondum perfecte credentes, vel solliciti, ne incederet in manus Iudeorum persequendum, quia nesciebant quid esset, (4) vel quod verum credebant celantes: ad cuius commendationem subditur: *Potens in opere, & sermone.* THEOPHYLACTUS (super *Potens in opere.*) Primo quidem est opus, secundo sermo: nullus enim doctrinæ sermo approbatur, nisi prius

(1) *Al.* quod Græci auctores ut dicunt, Hercule viarum spatia mensurat: item quod auctores ut Græci dicunt, Hercule, viarum spatia mensurat. (2) *Al.* amittitur congruit. (3) *Al.* quod apud se ipsos & amabant &c. (4) *Al.* amittitur vel.

EX EDITIONE P. NICOLAI.

4 Nec in Catena Græc. PP. Corderius indicat, nec occurrat.

fi prius is qui docet, se ostendat a se forem: præcedit enim opus aspeculum. Nam nisi mundaveris intellectus speculum per opera, non emicat decor operatus. Adhuc autem subditur: *Coram Deo, & omni populo*: nam primo complacendum est Deo, deinde curandum, quantum possibile est, de innocentia apud homines, ut præcedente divino cultu vivamus sine scandalo plurimorum. GRÆCUS a. Deinde assignatur causa tristitiæ, traditio, & passio Christi, cum sequitur: *Et quomodo tradiderunt eum summi sacerdotes, & principes nostri in damnationem mortis, & crucifixum eum*. Subditur autem desperantium vox, cum dicitur: *Nos autem sperabamus quod ipse esset redempturus Israel*. *Sperabamus*, inquit, non speramus, ac si mors Domini, similis esset moribus aliorum. THEOPHYLACTUS. Expectabant enim Christum salvatorem, & redemptorem populum Israel (1) ab ingruentibus malis, & a servitute Romanorum; ipsam quoque credebant terrenum Regem heri, quem putabant promulgatam in se mortis sententiam cavere potuisse. BEDA (super illud, *Et quomodo tradiderunt*). Merito ergo tristes incedebant, quia & seipsos quodammodo arguebant, quod in illo redemptionem speraverint, quem iam mortuum viderant, nec resurrecturum credebant; & maxime dolebant eum sine causa occidit, quem novebant innocentem. THEOPHYLACTUS (super *Nos autem sperabamus*). Videntur tamen hi viri non omnino increduli esse per hoc quod subditur: *Et nunc super hac omnia tertia dies est hodie quod hæc facta sunt*: in quo videntur habere memoriam eius quod eis Dominus dixerat, se tertia die resurrecturum. GRÆCUS. Porro relatum a mulieribus resurrectionis famam commemorant, cum subditur: *Sed & mulieres quadam ex nostris æstiverunt nos, quæ ante lucem fuerunt ad monumentum, & non invenerunt corpore eius, venerunt dicentes, se etiam visionem Angelorum vidisse, qui dicunt eum vivere*. Dicunt quidem hoc quasi non credentes; propter quod referunt se terribis, idest stupratis: non enim quod erat eis relatum firmum æsti-

s. Th. Oper. Tom. V.

mabant, aut angelicam illuminationem fuisse; sed stuporis, (2) & turbationis causam inde sumebant. Testimonium quoque Petri non certum æstimabant, dum diceret, se non vidisse Dominum, sed resurrectionem eius coniciere ex eo quod corpus ipsius in sepulcro non iacebat: unde sequitur: *Et abierunt quidam ex nostris ad monumentum, & ita invenerunt sicut mulieres dixerunt, ipsum vero non invenerunt*. AUGUSTINUS de Conf. Evang. (Lib. III. cap. xxv.) Cum autem Lucas dixerit Petrum accurrisse ad monumentum, & Cleopham dixisse, ipse retulerit, quod quidam eorum ierant ad monumentum; (3) intelligitur attestari Joanni, quod duo ierint ad monumentum; sed Petrum primo solum commemoravit, quia illi primitus Maria nuntiaverat.

(c) THEOPHYLACTUS (super *Ostulisti, & tardi corde ad credendum*). Quia prædicti discipuli nimia dubietate laborabant, Dominus eos redarguit: unde dicitur: *Et ipse dixit ad eos, O stulti*. Fere enim eadem dixerant quæ & altantes cruci supra xxxij. „ Alios salvos fecit, seipsum non potest sal-
vum facere. „ Et tardi corde ad credendum in omnibus quæ locuti sunt Propheta. (4) Congingit enim credere quæ locuti sunt Propheta, particulariter quædam, & non universaliter omnia: puta, si aliquis credat quæ de cruce Christi dicuntur a Prophetis, sicut est illud Psalm. xxi. „ Foderunt manus meas, & pedes meos: „ quæ vero spectant ad resurrectionem non credat, sicut est illud Psal. xv. „ Non dabis Sanctum „ tuum videre corruptionem. „ Decet autem in omnibus fidem adhibere Prophetis, tam in gloriis quæ de Christo prædixerunt, quam in ingloriis: quia ex passione malorum est ingressus in gloriam: unde sequitur: *Nomen hac speravit pati Christum, & ita intrare in gloriam suam*: scilicet secundum humanitatem. ISIDORUS b. Sed & si oportebat Christum pati, tamen qui crucifixerunt rei sunt poenæ: non enim satagebant perficere quod Deus disponebat: unde & eorum executio fuit impia; Dei vero dispensatio prudentissima, qui nequitiam eorum in

Bbb

bene-

(1) *M.* ab ingredientibus. (2) *M.* & turbidinis, item turbinis. (3) *M.* omittuntur sequentia verba usque ad sed Petrum. (4) Sic editores Rom. an. 1570. & dua Veneta, altera an. 1593, altera an. 1521. Anversipensis autem an. 1569. & alia iterum Ven. 1584. omittunt illa verba, Congingit enim credere quæ locuti sunt Propheta; Nicolai denique sic legit: Congingit enim credere quædam ex his, et non omnia.

EX EDITIONE P. NICOLAI.

* Nec iste indicatur a Corderio in Catena Græc. PP. nec occurrit, sed nec notatus paulo infra, & Nimirum Ildorus Pelusota Lib. IV. epist. xcviij, quæ inscribitur Nilammon mwancho.

beneficia generis humani convertit, quasi-
tens vipereis, carnibus ad antidoti salutiferi confectionem. CHRYSOSTOMUS. Et ideo Dominus offendit consequenter, hæc omnia non evenisse simpliciter, sed ex Dei proposito ante prædestinato: unde sequitur: *Et incipiens a Moyse, & omnibus Prophetis interpretatur illis in omnibus Scripturis quæ de ipso erant*; quasi diceret: Postquam esitis cordi, ego promptos vos reddam, myſteria Scripturarum vobis exponendo: nam sacrificium Abrahæ, cum Isaac dimisso immolatus est aries, hoc præfiguravit. Sed in aliis Scripturis prophetis parum iacent myſteria crucis, & resurrectionis Christi. BEDA (cap. xcvi. in Luc.) Si autem Moyſes, & Prophetæ de Christo locuti sunt, & cum per passionem in gloriam intratum prædixerunt; quomodo gloriatur se esse Christianum qui neque qualiter Scripturæ ad Christum pertinent investigat, neque ad gloriam, quam cum Christo habere cupit, per passionem attingere desiderat? GRAECUS A. Quia vero prædixit Evangelista: *Tenebantur oculi eorum ne eum agnoscerent*: donec sermo Domini mentem eorum moveret ad fidem, convenienter opportunum sui aspectum auditui subiungit: unde sequitur: *Et appropinquaverunt castello quod ibant, & ipse finxit se longius ire*. AUGUSTINUS de Quæst. Evang. (Lib. II. qu. li.) Quod non ad mendacium pertinet: non enim omne quod fingimus, mendacium est; sed quando id fingimus (1) quod nihil significat, tunc mendacium est; cum autem fido nostra refertur ad aliquam significationem, non est mendacium, sed aliqua figura veritatis: alioquin omnia quæ a sapientibus, & sanctis viris, vel etiam ab ipso Domino figurate dicta sunt, mendacia deputabuntur, quia secundum usitatum intellectum non consistit veritas in talibus dictis. Sicut autem dicta, ita etiam finguntur facta sine mendacio ad aliquam rem significandam. GREGORIUS in hom. (xxi. in Evang.) Quia ergo adhuc in eorum cordibus peregrinus erat a fide, ire se longius finxit. Fingere namque componere dicimus: unde & compositores luti, figulos vocamus. Nihil ergo simplex veritas per duplicatam fecit; sed talem ve-

exhibuit in corpore, qualis apud illos erat in mente. Sed quia esse extranea caritate non poterant hi cum quibus caritas gradiebatur, eum ad hospitium quasi peregrinum vocant: unde sequitur: *Et cogerunt illum*: ex quo exemplo colligitur quia peregrini ad hospitium non solum invitandi sunt, sed etiam trahendi. GLOSSA b. Nec solum factis cum cogunt, sed etiam verbis inducunt sequitur enim: *Dicentes: Mane nobiscum, quoniam advesperascit, & inclinata est iam dies, scilicet ad occalum*. GREGORIUS in hom. (ubi supra.) Ecce autem cum per membra sua Christus suscipitur, susceptrores suos etiam per senectutem requirit: sequitur enim, *Et intravit cum illis*. Mensam ponunt, cibos afferunt, & Deum quem in Scripturæ sacræ expositione non cognoverant, in panis fractione cognoscunt: sequitur enim: *Et factum est, dum recumberet cum illis, accipit panem, & benedixit, ac fregit, & porrigebat illis. Et aperti sunt oculi eorum, & cognoverunt eum*. CHRYSOSTOMUS c. Quod non de sensibilibus oculis dictum est, sed de sensu mentali. AUGUSTINUS de Conf. Evang. (Lib. III. cap. xxv.) Neque enim clausis oculis ambulabant; sed inerat aliquid, quo non sinerentur agnoscere quod videbant; quod scilicet caligo, & aliquis humor effigere solet: non quia Dominus non poterat transformare carnem suam, ut alia revera esset effigies, quam solebant intueri, quandoquidem & ante passionem transformatus est in monte, ut facies eius claresceret sicut sol; sed non ita nunc factum est: non enim incongruenter accipimus hoc impedimentum in oculis eorum a satana (2) factum fuisse, ne agnosceretur Iesus. Sed tantum a Christo facta est permissio usque ad sacramentum panis, ut veritate corporis eius participata, removeri intelligatur impedimentum inimici, ut Christus possit agnosci. THEOPHYLACTUS (hoc loco.) Sed & aliud innuit, quod scilicet sumentibus sacrum panem aperiuntur oculi, ut eum agnoscant: magnam enim, & ineffabilem vim habebat Domini carol. AUGUSTINUS de Quæst. Evang. (ut supra.) Vel quod Dominus se ire longius finxit, cum comitaretur discipulos, exponens (3) eis factas Scri-

(1) *id.* quod nihil est significat. (2) *id.* amittitur factum. (3) *id.* desit eis.

EX EDITIONE P. NICOLAI.

a Nec iste etiam occurrit, nec in Cat. Græc. PP. a Cordelio indicatur. b Non est in Glossa quæ nunc extat. c Vel Anonymus in Cat. Græc. PP.

Scripturas, utrum ipse esset ignorantibus, significat quia hospitalitatis officio ad suam cognitionem pervenire posse homines intimavit, ut cum longius ipse ab hominibus abesset, super omnes cœles, cum eis tamen sit qui hæc exhibent servus eius. Tenet ergo Christum, non longius ab eo eat, quisquis catechizatur verbo in omnibus bonis ei qui se catechizat communicat. Etenim isti catechizati erant verbo, cum exponeret eis Scripturas: & quia hospitalitatem sectati sunt, cum quem in ipsa expositione Scripturarum non cognoverunt, in panis fractione cognoscunt: non enim auditores legis iusti sunt apud Deum, sed factores legis iustificabuntur. GREGORIUS in hom. (xxv.) in Evang. Quisquis ergo audita vult intelligere, festinet ea quæ iam intelligere potuit, opere implere. Ecce Dominus non est cognitus dum loqueretur, & dignatus est cognosci dum palcitur: sequitur enim: *Et ipse evanuit ex oculis eorum.* THEOPHYLACTUS (hoc loco.) Non enim tale corpus habebat ut diutius cum eis commorari deberet, ut ex hoc pariter angeret affectum eorum: unde sequitur: *Et dicebant ad invicem: Nenne cor nostrum ardens erat in nobis dum loqueretur in via, & aperiret nobis Scripturas?* ORIGENES. Per quod innuit, quod prolati sermones a Salvatore accendebat audientium cor ad amorem divinum. GREGORIUS in hom. Pentec. a. Exaudito enim sermone inardescit animus, torporis frigus recedit, mens in superno desiderio fit anxia. Audire libet præcepta cœlestia, & quot mandatis instruitur, quasi tot facibus inflammatur. THEOPHYLACTUS (super *Nenne cor nostrum ardens erat in via?*) Ardebat ergo cor eorum vel igne verborum Domini, quibus intendebant tamquam veris: vel quia eo differente Scripturas, percellabatur intrinsecus cor eorum, quod ille qui differebat Dominus esset. Adeo ergo lætati sunt ut nullam moram passi, mox reversi sint in Hierusalem: & hoc est quod sequitur: *Et surgentes eadem hora regressi sunt in Hierusalem.* Surrexerunt quidem eadem hora, pervenerunt autem per plures horas, sicut oportebat sexaginta stadia transientes. AUGUSTINUS de Conc. Evang. (Lib. III. cap. xxv.) Iam autem fama erat, quod surrexerat Iesus, a mulieribus facta, & a Simone Petro, cui

iam apparuerat. Etenim isti duo hæc invenerunt loquentes illos ad quos in Hierusalem venerunt: sequitur enim: *Et invenerunt congregatos undecim, & ceteri cum ipsis erant, dicentes, quod surrexit Dominus vester, & apparuit Simoni.* BEDA (cap. xxv.) Omnium enim virorum primo Dominus apparuisse videtur Petro ex his quos Evangelistæ quatuor, & Paulus Apostolus commemoraverunt. CHRYSOSTOMUS. Non enim simul omnibus se manifestabat, ut fereret fidei semina: nam qui primo viderat, & certus erat, aliis referebat; deinde sermo prodicens præparabat animum auditoris vilioni; & ideo primo digniori, & fideliori omnibus apparuit: erat enim opus animæ fidelissimæ, quæ prius acciperet hunc affectum, ut minime turbaretur inopinata visione: & ideo primo videtur a Petro, ut qui primo confessus est eum Christum, primo resurrectionem videre mereretur; & etiam, quia eum negaverat, prius ei voluit apparere, consolans enim nec desperaret. Post Petrum vero aliis apparuit, quandoque paucioribus, quandoque pluribus; quod duo discipuli consentiunt: sequitur enim: *Et ipsi narraverunt quæ gesta erant in via, & quomodo cognoverunt eum in fractione panis.* AUGUSTINUS de Concord. Evang. (Lib. III. cap. xxv.) Quod autem ait Marcus cap. xvi., "An-", nuntiaverunt ceteris, nec illis crediderunt, cum Lucas dicat, quod iam inde loquebantur vere resurrectisse Dominum; quid intelligendum est, nisi aliquos ibi fuisse qui hoc credere nollent?

(d) CYRILLUS. Undique resurrectionis fama per Apostolos divulgata, & affectu discipulorum erecto ad Christi visionem, venit desideratus; & querentibus, & expectantibus revelatur; (1) nec disceptatur de alio, sed evidenter se offert: unde dicitur: *Dum autem hæc loquuntur, statim Iesus in medio eorum.* AUGUSTINUS de Concor. Evang. (Lib. III. cap. xxv.) Hanc offensionem Domini post resurrectionem, Ioannes commemorat. Sed quod dicit Ioannes, non cum illis fuisse Apostolum Thomam, cum secundum Lucam duo illi regressi in Hierusalem, invenerunt congregatos undecim; proculdubio intelligendum est quod inde Thomas exierit, antequam Dominus hæc loquentibus appareret. Dat enim Lucas locum in sua narratione quomodo possit intelligi, dum

Bbb 2 hæc

(1) Nicolai corrigis nec disceptatores, sed &c.

EX EDITIONE P. NICOLAI.

a Scil. hom. x. in Evang. quæ legitur in scito pentecostes, ad illud ex Iosa. xiv. Si quis diligit me, sermonem meum servabit.

hæc loquerentur, prius inde exisse Thomam, & postea Dominum intrasse; nisi quis dicat, non illos undecim qui iam tunc Apostoli vocabantur, sed discipulos illos undecim fuisse ex multo numero discipulorum. Sed cum adiunxit Lucas, *Et vos qui cum ipso erant*, satis utique declaravit evidentius illos *undecim* (1) appellatos qui vocabantur Apostoli, cum quibus ceteri erant. Sed videamus cuius mysterii gratia, secundum Mattheum, & Marcum, resurgens ita mandaverit: „Præcedam vos in Galilæam, ibi me videbitis:“ quod etsi completum est, tamen post multa completum est; cum sic mandatum sit, ut aut hoc solum, aut hoc primum expectaretur fieri debuisset. AMEROSIUS (Lib. X. in Luc. cap. ult. in fin.) Unde hoc convenientius arbitror, quod Dominus quidem mandaverit discipulis ut in Galilæa eum viderent; sed illis ob metum intra conclavæ residendis primum se obtulisse. GRÆCUS. Nec hoc est promissi transgressio, sed potius testinata ex benignitate impetio propter pusillanimitatem discipulorum. AMEROSIUS (ubi supra.) Postea vero confirmatis animis, undecim illos Galilæam petiisse. Vel nihil obstat fiduciantur pauciores intra conclavæ, & in monte quamplures fuisse. EUSEBIUS. Duo enim Evangelistæ, scilicet Lucas, & Ioannes, solis undecim hunc scribunt apparuisse in Hierusalem; ceteri vero duo in Galilæam properare, non solum undecim, sed etiam universis discipulis, & fratribus dixerunt Angelum, & Salvatorem (2) iussisse; de quibus Paulus meminit dicens 1. Corinth. xv. „Deinde apparuit plusquam quingentis fratribus simul.“ Est autem verior solutio, quod (3) prius quidem in Hierusalem latitantibus, semel, aut bis visus est ad eorum consolationem; in Galilæa vero non in conclavi, aut semel, aut bis, sed cum multa potestate ostensionem sui fecit, præbens se eis viventem post passionem in signis multis, ut Lucas testatur in Actibus. AUGUSTINUS de Concor. Evang. (Lib. III. cap. xxv.) Vel quod ab Angelo, hoc est a Domino, dictum est, prophetice accipiendum est: in Galilæa enim, secundum transmi-

grationis significationem, intelligendum occurrit, quia de populo Israël transmigrationi erant ad Gentes; quibus Apostoli prædicantes (4) Evangelium non crederent, nisi ipse Dominus viam in cordibus hominum præpararet, & hoc intelligitur, „Præcedam vos in Galilæam:“ Matth. xxviii. Secundum autem illud quod Galilæa interpretatur revelatio, non iam in forma servi intelligendum est, sed in qua est æqualis Patri, quam promissit electis suis: illa erit revelatio (5) tamquam vera Galilæa, cum videbimus eum sicuti est: „1. Ioan. iix. Ipsa etiam erit beatorum transmigrationis ex illo sæculo in illam æternitatem, unde ad nos veniens non recessit, & quo nos præcedens non deseruit. THEOPHYLACTUS (hoc loco.) Primo igitur Dominus in medio discipulorum stans solito pacis affectu eorum turbam sedat, ostendens quod ipse idem est magister eorum, qui hoc verbo gaudebat, quo etiam eos munivit cum prædicandum misit: unde sequitur: *Et dixit eis: Pax vobis: ego sum, nolite timere.* CYRILLUS. Pudeat ergo nos pacis munus deferere, quam nobis hinc discedens Christus reliquit. Pax & res, & nomen dulce, quam & Deities accepimus, iuxta illud ad Phil. iv. „Pax Dei“ & eius esse Deum, iuxta illud II. Corinth. xxi. „Deus pacis“ & ipsam esse Deum iuxta illud Ephes. vi. „Ipse est pax nostra.“ Pax bonum commendatum ab omnibus, observacum autem a paucis. Quæ autem est causa? Fortassis ambitio domini, aut saeculatum, aut livor, aut odium, aut contemptus, aut aliquid huiusmodi ex his quæ Dei ignaros videmus incurrere. Dei quippe præcipue pax est, quæ considerat omnia; cuius nihil est adeo proprium sicut unitas naturæ, & pacificus status. Translucitur vero ab Angelis, & divinis potestatibus, quæ ad Deum, & ad invicem pacifice se habent; diffunditur vero per totam creaturam, cuius est decor tranquillitas in nobis autem manet secundum animam quidem per investigationem virtutum, & communicationem, secundum corpus vero in membrorum, & elementorum commensuratione, quorum alterum pulchritudo.

(1) *ℳ. Apostolos.* (2) *ℳ. vidisset.* (3) *ℳ. prius quam.* (4) *ℳ. amittit Evangelium.* (5) *ℳ. quæ vixit &c.*

EX EDITIONE P. NICOLAI

* Non refertur a Corderio in Citena Græc. nec occurrit; sicut nec Zuchii locus qui notatur paulo post. & GREGORIUS Nazianzenus orat. xiv. sic orat. de pace, quæ inter omnes quatuordecima numeratur.

tudo, alterum fanitas appellatur. BEDA (cap. xcvi. in Luc.) Discipuli autem noverant Christum verum hominem, cum quo tanto tempore fuerant conversati; sed postquam mortuus est, non credunt tertia die pot. iste veram carnem de sepulcro resurgere. Putant ergo se videre spiritum, quem emisit in passione; unde sequitur: *Centurioni vero, & centurioni, existimabamus se spiritum videre.* Error ille Apostolorum secta est Manichæorum. AMBROSIIUS (ubi supra.) Adducti autem virtutum exemplis, Petrum, & Joannem non credimus potuisse dubitare. Cur ergo Lucas inducit fuisse turbatos? Primo omnium quia paucorum opinionem sententia maioris partis includit; deinde quia et si Petrus de resurrectione crediderat, turbati tamen potuit, quod se Dominus cum corpore, veltibus obferatis, improvisus infunderet. THEOPHYLACTUS (super *Quid turbati esset?*) Verum, quia per verbum pacis non est sedatus turbo in animabus discipulorum, aliunde indicat eis se Filium Dei esse, qui mentis cognoscebat arcana; unde sequitur: *Et dixit eis: Quid turbati esset, & cogitationes ascendunt in corda vestra?* BEDA (cap. xcvi. in Luc.) Quales utique cogitationes, nisi falsæ, & perniciosæ? Perdidit enim Christus fructum passionis, si non esset veritas resurrectionis: tamquam si bonus agricola diceret: Quod ibi plantavi, inveniam, id est fidem, quæ in cor descendit, quia deluser est. Cogitationes autem istæ non desuper descenderunt, sed de imo in cor, sicut herba mala, ascenderunt. CYRILLUS. Hoc autem fuit evidentissimum signum quod non alius est qui videtur, sed ille idem quem viderant in igno mortuum, & positum in sepulcro, quem non larebat aliquid eorum quæ erant in homine. AMBROSIIUS (ubi supra.) Consideremus autem quia gratia secundum Joannem Apostoli crediderunt, (1) & gavis sunt, qui secundum Lucam increduli redarguuntur. Et videtur mihi Joannes quasi Apostolus maiora, & altiora tetigisse, hic sequentia, & humanis proxima; hic historico usus circuitu, ille compendio: quia & de illo dubitari non potest, quia testimonium perhibet de his quibus ipse interfuit: & ideo utrumque verum putamus: nam & si in primo Lucas eos non credidisse dicat, postea

tamen credidisse demonstrat. CYRILLUS. Comprobans autem Dominus deitatem esse mortem, & humanam naturam iam in Christo corruptionem exuisse, primo ostendit eius manus, & pedes, & clavorum foramina: unde subdit: *Videte manus meas, & pedes, quia ego ipse sum.* THEOPHYLACTUS. Sed & aliud subiungit, palpationem scilicet manuum, atque pedum, cum dicit: *Palpate, & videte quia spiritus carnem, & ossa non habet, sicut vos videtis habere;* quasi diceret: Vos putatis me esse spiritum, id est phantasma, sicut plures defunctorum circa sepulcra videri sunt soliti; sed scitote quod spiritus neque carnem habet, neque ossa; ego autem carnem, & ossa habeo. AMBROSIIUS (Lib. X. in Luc. cap. ult.) Hoc autem Dominus ideo dixit, ut speciem nobis suæ resurrectionis ostenderet: nam quod palpatur corpus est. In corpore autem resurgemus; sed illud subtilius, hoc crassius, utpote adhuc terrenæ labis qualitate concretum. Non ergo per incorpoream naturam, sed per resurrectionis corporeæ qualitatem Christus clausa penetravit. GREGORIUS XIII. Moral. (cap. xxxi. in nov. exem. xxix.) Non enim in illa resurrectionis gloria corpus nostrum erit impalpabile, & ventis, aereque subtilius, ut Eutychius dixit; sed subtilis quidem per effectum spiritualis potentie, palpabile autem per veritatem naturæ.

Sequitur: *Et cum hac dixisset, ostendit eis manus, & pedes.* BEDA (cap. xcvi. super illud, *Ostendit illis manus.*) Quibus scilicet indicata clavorum vestigia clarescere; sed secundum Joannem etiam latus eis ostendit, cum fuerit lancea perforatum, ut scilicet ostensa vulnere cicatrice, dubietatis eorum vulnus sanaret. Solent autem in hoc loco Gentiles calumniam struere, quasi non valuerit Dominus vulnera sibi inflicta curare: quibus respondendum est, quia non est consequens ut qui maiora fecisse probatur, minora facere nequiverit; sed certe dispensationis gratia, qui mortem destruxit, signa mortis delere noluit: primo quidem ut per hoc discipulis fidem suæ resurrectionis astrueret; deinde ut Patri pro nobis supplicans, quale genus mortis pro homine pertulerit, semper ostendat; tertio ut sua morte redemptis quam misericorditer tunc adiuti,

(1) *Id.* qui gavis sunt, secundum Lucam, qui increduli redarguuntur.

ti, propositus eiusdem mortis iudiciis, infu-
ner; postremo ut in iudicio quam iuste
damnentur impij, denuntiet.

(c) CYRILLUS A. Ostendit Dominus
discipulis manus, & pedes, ut certificaret
discipulos, quod corpus quod passum fuerat
resurrexit. Ut adhuc autem magis certifi-
cetur, aliquid manducabile petiit: unde di-
citur: *Adhuc autem illis non erodentibus, &*
mirantibus pro gaudio, dixit: Habetis hic ali-
quid quod manducetur? GREGORIUS Nili-
enus b. Et iussu quidem legis pascha cum
(1) amaricantibus edebatur, quia adhuca-
maritudo manebat; post resurrectionem vero
cibus favi mellis dulcoratur: unde se-
quitur: *Ac illi obtulerunt ei partem piscis assi,*
& saccum mellis. BEDA (cap. xcvi. in
Luc.) Ad insinuandum ergo resurrectionis
sue veritatem non solum tangi a discipu-
lis, sed etiam convecti cum illis dignatur,
ne arbitrentur eum non solide, sed imagi-
nabiliter sibi apparere: unde sequitur: *Et*
cum manducasset coram eis, sumens reliquias,
dedit eis. Manducavit quidem potestate,
non ex necessitate: aliter enim absorberet
quam terra sciens, aliter fol calens si illa
indigentia, iste potentia. GRAECUS c.
(2) Si datus Dominum vere comedis, de-
mus & omnes homines post resurrectionem
uti ciborum fomentum. Sed quæ ex quadam
dispensatione sunt a Salvatore, non sunt
regula, & norma naturæ: quoniam in-
quidam aliis dispensavit. Resuscitabit enim
nostra corpora incorrupta, qui tamen dere-
liquit: (3) proprii corporis foramina, quæ
clavi (4) foraverant, & lateris cicatricem,
ut ostendat quod mansit post resurrectionem
natura corporis, nec est in aliam mutatus
substantiam. BEDA (super *Habetis aliquid*
quod manducetur?) Manducavit ergo post
resurrectionem, non quasi cibo indigens, nec
quasi in resurrectione quam expectamus, ci-
bis egere significans, sed ut eo modo natu-
ræ corporis resurgentis astrueret. My-
sticæ autem piscis allusio, quem Christus com-
edit, significat Christum passum: ipse e-
nim latere dignatus in aquis generis huma-
ni, capi voluit laqueo mortis nostræ, &
quasi tribulatione affatus est tempore pas-

sonis suæ; sed favi mellis nobis exitit in
resurrectione. In favi quidem mellis utram-
que naturam exprimere voluit personæ suæ.
Favus quippe mellis in cera est; mel vero
incera, est divinitas in humanitate. THEO-
PHYLACTUS (super *Obtulerunt ei partem*
piscis.) Videntur autem & comesta aliud
habere mysterium: quod enim manducavit
partem piscis assi, significavit quod naturam
nostram in huius vitæ mari natantem, as-
sians eam igne propriæ deitatis, & exsic-
cans eius humiditatem, quam a profundis
undis contraxerat, escam fecit divinam, &
eam quæ prius erat abominabilis, præpa-
ravit Deo cibum suam: quod significat
favi mellis. Vel per piscem alium signifi-
cat vitam activam consumentem nostram hu-
miditatem laborum prunis; contemplatio-
nem vero significat per favum mellis, pro-
pter dulcedinem eloquiorum Dei. BEDA
(super *Necessè est impleri Scripturas.*) Post-
quam autem visus est, (5) tactus est, &
manducavit, ne in aliquo sensus humani
ludicasse videretur, misit manus ad Scri-
pturas: unde sequitur: *Et dixit ad illos:*
Hæc sunt verba quæ locutus sum ad vos cum
adhuc essetis vobiscum; id est, cum adhuc essem
in carne mortali, in qua essis & vos: tunc
quidem in eadem carne resuscitatus erat,
sed cum illis in eadem mortalitate non era-
rat: & subdit: *Quoniam necessè est impleri*
omnia quæ scripta sunt in lege Moysi, &
Prophetis, & Psalmis de me. AUGUSTINUS
de Con. Evang. (Lib. I. cap. xi.) Illud at-
tendant qui magicis artibus Christum tanta-
potuisse, & nomen suum (6) ad Apostolos
in se convertendos arte ipsa consecrasse de-
sistant, utrum potuit magicis artibus Pro-
phetas divino spiritu antequam in terra na-
scererur implere. Neque enim si magicis
artibus fecit ut coheretur & mortuus, (7)
magus erat antequam natus, cui propheta-
ndo venturo gens nra deputata est.

(f) BEDA (cap. xcvi. in Luc.) Post-
quam præbuit se videndum oculis, manibus
contradandum, legis commemoravit Scri-
pturas, consequenter aperuit sensum, ut
intelligatur quod legitur: unde dicitur:
Tunc aperuit illis sensum ut intelligerent Scri-
pturas.

(1) Al. amarizantibus. (2) Al. Sed dicit: Si datus &c. P. Nicolai autem legit Verum quispiam di-
cit: Si datus &c. (3) Al. emittitur proprii. (4) Al. foraverant: forte fecerant. (5) Al. & tactus, man-
ducavit, ne etc. (6) P. Nicolai ex Augustino refertur ad populos. (7) Al. magnus.

EX EDITIONE P. NICOLAI.

a Vel Anonymus in Catena Græcorum. b Orat. 1. de resurrect. prope finem. c Nimirum Anonymus
in Catena Græcorum PP.

pturas. THEOPHYLACTUS (hoc loco.) Alioquin quomodo eorum anima turbata, & vacillans circa Christi mysterium studuisset? Sed & verbis eos docuit: sequitur enim: *Et dixit eis, quoniam sic scriptum est, & sic oportebat Christum pati*, scilicet per lignum crucis. BEDA (cap. xcvii.) Perdidit autem Christus fructum passionis, si non elset veritas resurrectionis: unde subdit: *Et resurgere a mortuis die tertio*. Deinde post commendatam sui corporis veritatem, commendat Ecclesie unitatem, cum subdit: *Et pradicari in nomine eius penitentiam, & remissionem peccatorum in omnes Gentes*. EUSEBIUS. Didum enim erat Psalm. 11. „Postula a me, & dabo tibi Gentes hereditatem tuam.“ Oportebat autem conversos ex Gentibus expiari a quolibet contagio, & macula (1) per ipsius virtutem, quasi contaminatos ab errore demonum idolatriæ, & quasi auper conversos a vita execrabili, & impudica: & ideo dicit, quod oportet prædicari prius quidem penitentiam, consequenter remissionem peccatorum in omnes Gentes: eis enim qui prius (2) quidem veram offenderunt malorum penitentiam, salubri gratia veniam commissorum donavit, pro quibus & mortem subiit. THEOPHYLACTUS (hoc loco.) In hoc vero quod dicit, *Penitentiam, & remissionem peccatorum*, etiam de baptismo meminit, in quo per depositionem priorum scelerum subsequitur venia peccatorum. Sed quo pacto intelligitur in solo Christi nomine baptisma fieri, cum alibi mandet hoc fieri in nomine Patris, & Filii, & Spiritus sancti? Et primo quidem dicimus, quod non intelligitur quod in solo Christi nomine fiat baptisma, sed quod Christi baptismate aliquis baptizetur, idest spiritualiter, non iudaice, nec tali quali Ioannes baptizabat ad solam penitentiam, sed ad Spiritus almi participationem; sicut & Christus in Iordane baptizatus ostendit Spiritum sanctum in specie columbina. Porro baptisma in Christi nomine, idest morte Christi, intelligas: sicut enim ipse post mortem triduo resurrexit, sic & nos, ut in aquam mergimur, & consequenter emergimur, incorruptibilitatis spiritus arham recipientes. Hoc etiam (3) Christi nomen continet in se & Patrem quasi

undorem, & Spiritum quasi unctionem, & Filium quasi unctum, scilicet secundum humanam naturam. Non autem decebat amplius bipartitum esse humanum genus in Iudeos, & Gentiles; & ideo, ut omnes in unum uniret, mandavit incipere sermonem a Hierusalem, & ad Gentes terminari: unde sequitur: *Incipientibus ab Hierusalem*. BEDA (super Incipientibus ab Hierusalem.) Non solum quia credita sunt illis eloquia Dei, & eorum est adoptio filiorum, & gloria, verum etiam ut Gentes variis erroribus implicatæ, hoc maxime indicio divinæ pietatis ad spem veniri provocentur, quod eis qui Filium Dei crucifixerunt; venia concedatur. CHRYSOSTOMUS a. Insuper ne dicerent aliqui, quod omnis notis iurant se (4) ostentaturos ad extraneos, ideo prius apud ipsos oculos pandunt resurrectionis signa in eadem civitate in qua prorupit temerarius ausus. Ubi enim crucifixores credere videntur, resurrectio plurimum demonstratur. EUSEBIUS. Quod si ea quæ Christus prædixit, iam sortiuntur effectum, & verbum eius vivax, & efficax per universum mundum oculata fide percipitur, tempus est non incredulos esse erga eum qui protulit verbum. Eum enim necesse est divinam vitam ducere cuius opera viva verbis consona ostenduntur; quæ quidem ministerio Apostolorum impleta sunt: unde subdit: *Vos autem estis testes horum*, mortis scilicet, & resurrectionis. THEOPHYLACTUS (super *Ego mittam promissum Patris*.) Consequenter ne turbati cogitarent: Quomodo nos homines idiotæ testimonium perhibebimus Gentibus, & Iudeis, qui te occiderunt? subiungit: *Et ego mittam promissum Patris mei in vos*, quod scilicet per locum promiserat cap. 11. dicens: „Effundam Spiritum meum super omnem carnem.“ CHRYSOSTOMUS b. Sicut autem milites invaluros multos nemo dux exire finit donec armati sint; sic & discipulos ante Spiritus descensum, ad conficiendum (5) egredi non permittit: unde subdit: *Vos autem sedebitis in civitate quandoque induamini virtute ex alto*. THEOPHYLACTUS (non remore a fin. Comm.) Idest, virtute non humana, sed cælesti. Nec dixit, Sufficiatis, sed *induumini*, integram tutelam spiritualis ve-

(1) Al. ipsius virtute. (2) Al. quam. (3) Al. Christus. (4) Al. ostentatos. (5) Al. se credi.

EX EDITIONE P. NICOLAI.

velaminis indicans. BÉDA (super *Dones induamini ex alto*.) De hac autem virtute, id est Spiritu sancto, dicit etiam Angelus Mariæ supra 1. *Et virtus Altissimi obumbrabit tibi:* & ipse Dominus alibi (1. Marc. v.) „Nam & ego novi virtutem de me exitisse.“ THEOPHYLACTUS (in cal. Comm.) Cur autem non Christo præsentem, vel eodiscendente statim Spiritus venit? Decebat enim eos fieri cupidos rei, & demum recipere gratiam: tunc enim magis ad Deum erigimur, cum iucumbit necessitas. Oportebat enim interim nostram comparere naturam in cælo, & fœdera consummari, ac deinde Spiritum advenire, & gaudia celebrari serena. Attende etiam quantum eis necessitatem impoluit Hierosolymis esse, in eo quod illic Spiritum promissi largiri. Ne enim rursus post eius resurrectionem aufererent, hac expectatione quasi quodam vinculo omnes simul eos ibi detinuit. Dicit autem: *Dones induamini virtute ex alto:* accipietis quando, ut sunt iugiter vigiles. Quid ergo miraris, si diem nobis novissimum non pandit, cum diem hunc propinquum pandere noluit? GREGORIUS in Pastor. (Part. III cap. xxvi.) Admonendi sunt ergo quos a prædicationis officio (1) vel imperfecto, vel ætas prohibet, & tamen præcipitatio impellit: ne dum sub tantum onus officii præcipitatione arrogat, viam sibi subsequens meliorationis abscindant. Ipsa enim veritas, quæ repente quos vellet roborare potuisset, ut exemplum sequentibus daret, ne imperfecti prædicare præsumerent, postquam plene discipulos de virtute prædicationis intruxit, mandavit eis ut in civitate sederent, donec induerentur virtute ex alto. In civitate quippe sedemus, si intra mentium nostrarum nos claustra constringimus, ne loquendo exterius evagemur; ut cum virtute divina perfecte induimur, tunc quasi a nobismetipsis foras etiam alios influentes exeamus. AMBROSIVS (ubi supra.) Consideremus autem quomodo secundum Ioannem acceperint Spiritum sanctum; hic autem in civitate iubentur sedere, quoadusque induantur virtute ex alto. Sed Spiritum sanctum vel illis undecum quasi perfectioribus insufflavit, & reliquis postea tribuendum promittit; vel eisdem ibi insufflavit, hic sponddit.

Nec videtur esse contrarium, cum divisiones sint gratiarum. Ergo aliam insufflavit ibi operationem, hic aliam pollicetur: ibi enim remittendorum gratia tributa est peccatorum; quod videtur esse angustius: & ideo insufflatur a Christo, ut credas Spiritum sanctum Christi, & credas de Deo Spiritum: Deus enim solus peccata dimittit. Lucas autem linguarum gratiam describit effusam. CHRYSOSTOMUS. Vel dicit, Ioan. xx. „Accipite Spiritum sanctum,“ ut eos idoneos faceret ad receptionem; aut quod futurum est, ut præiens indicavit. AUGUSTINUS XV. de Trin. (cap. xxvi.) Vel Dominus post resurrectionem suam bis dedit Spiritum sanctum, semel in terra propter dilectionem proximorum, & iterum de cælo propter dilectionem Dei.

(g) BÉDA (cap. xxvii. in Luc.) Prætermisiss omnibus quæ per (2) quadraginta dies agi a Domino cum discipulis potuerunt, primo diei resurrectionis eius coniungit tacite novissimum diem, quo ascendit in cælum, dicens: *Eduxit autem eos foras in Bethaniam.* Primo quidem propter nomen civitatis, quæ domus obedientiæ dicitur: qui enim propter inobedientiam perversorum descendit, propter obedientiam conversorum ascendit. Deinde propter situm eiusdem villæ, quæ in latere montis olivarum posita esse narratur: quia videlicet obedientis Ecclesiæ domus in ipsius summi montis, id est in Christi, latere, fidei, spei, dilectionisque suæ fundamenta locavit. Eos autem benedixit, quibus præcepta docendi tradiderat: unde sequitur: *Elevatis manibus suis benedixit eis.* THEOPHYLACTUS (parum a fine Comm.) Foran vim conservativam influens eiusque ad adventum Spiritus; & fortassis influens nos, ut quoties recedimus, benedictionibus subditos Deo commendemus. ORIGENES. Quod autem elevatis manibus benedixit eos, significat quod deceat benedicentem cuiquam ornatum esse variis operibus, & arduis respectu aliorum: sic enim manus tollitur in altum. CHRYSOSTOMUS (3) Attende autem, quod Dominus breviter promissa alpehui subicit. Promiserat quidem corporum resurrectionem: a mortuis resurrexit, & per quadraginta dies discipulos certificat. Promittitur etiam, quod

in

(1) *Al. desit* vel. (2) *Al. quadraginta quatuor.* (3) *Al. Attendite.*

EX EDITIONE P. NICOLAI.

• CHRYSOSTOMUS ut supra.

in nubibus rapiemur in aera; & hoc ipse patefecit per opera: sequitur enim: *Et factum est dum benediceret illis, recessit ab eis, & sequebatur in caelum.* THEOPHYLACTUS (ubi supra.) Et Elias quidem videbatur quasi assumi in caelum; sed Salvator ipse praecursor omnium ascendit in caelum, appariturus divino conspectui in sacro suo corpore: & iam nostra natura in Christo honoratur a qualibet virtute angelica. CHRYSOSTOMUS. Sed dices: Quid interest mea? Quia & tu in nubibus suscipieris similiter: nam corpus tuum connaturale est illi corpori. Erit igitur & corpus tuum tam agile ut possit transire per aera: nam sicut caput, sic & corpus; sicut principium, sic & finis. Aspice autem quomodo honoratus es per hoc principium. (1) Infima pars rationalis creaturae homo erat; sed pedes effecti sunt caput, sublimati in regiam sedem in suo capite. BEDA (super *Et ipsi adorantes regressi sunt.*) Ascendente autem in caelum Domino, discipuli adorantes ubi steterunt novissime pedes eius, consessum Hierosolymam redeunt, ubi promissionem Patris sunt expectare praecipi: sequitur enim: *Et ipsi adorantes regressi sunt in Hierusalem cum gaudio magno.* Gaudia magna agunt, quia Deum ac Dominum suum post triumphum resurrectionis etiam caelos penetrasse laetantur. GRAECUS. (2) Et

erant vigilantes: non degentes in propriis (3) laribus, sed expectantes supernam gratiam conversantur in templo, inter cetera etiam loci honestatem (4) adicientes: unde dicitur: *Et erant semper in templo.* THEOPHYLACTUS (in fin. Comm. in Luc.) Nondum aderat Spiritus, & iam spiritualiter conversantur: prius erant reclusi, iam stant in medio principum sacerdotum, nec aliquo distrahuntur mundano, sed omnibus contemptis iugiter Deum laudant: sequitur enim: *Laudantes, & benedicentes Deum.* BEDA (cap. ult. in Luc.) Et attende, quod Lucas inter quatuor animalia caeli designatus accipitur per vitulum, cuius victima, qui in sacerdotium eligebantur, initiari sunt iussi, eo quod (5) ipse sacerdotium Christi ceteris amplius exponendum suscepit; & Evangelium suum, quod a ministerio templi per sacerdotium Zachariae cepit, in templi devotione complevit; & Apostolos ibi ministros novi sacerdotii futuros, non in victimarum sanguine, sed in laude Dei, & in benedictione conclusit; ut in loco orationis, & inter laudum devotiones promissum Spiritus sancti adventum paratis cordibus expectent. THEOPHYLACTUS. Quos nos imitantes, in sacra vita semper degamus, laudantes, & benedicentes Deum, cui est gloria, & benedictio, & virtus in saecula. Amen.

(1) *Al.* Infirma. (2) *Legit Nicolai* Et erant vigilantes, orantes, ieiunantes, quia scilicet non degentes in propriis laribus, sed expectantes supernam gratiam conversabantur in templo, inter cetera etiam ex ipso loco pietatem, et honestatem adicientes. (3) *Al.* laboribus (4) *Al.* adicientes: forte adicientes. (5) *Al.* ipsum.

D I V I
T H O M A E
A Q U I N A T I S
D O C T O R I S A N G E L I C I
S U P E R I O A N N I S E V A N G E L I U M
C A T E N A.

P R A E F A T I O.

Vidi Dominum sedentem super solium excelsum & elevatum ; & plena erat domus a maiestate eius ; & ea quæ sub ipso erant, replebant templum. Esa. vi. 1.



GLOSSA (1). Divinæ visionis sublimitate illustratus Esaias Propheta dixit: *Vidi Dominum sedentem &c.* **HIERONYMUS** super Esaiam. Quis sit iste Dominus qui videtur, in Evangelista Ioanne plenius discimus, qui ait cap. xii. *Hæc dixit Esaias, quando vidit gloriam Dei, & locus est de eo: haud dubium quin Christum significet.* **GLOSSA.** Unde ex verbis istis materia huius Evangelii, quod secundum Ioannem describitur, designatur. **EX ECCLE.** Historia (Lib. III. cap. xxiv. cir. finem.) Quia enim nativitatem Salvatoris secundum carnem vel Matthæus, vel Lucas descriperant, reticuit hic Ioannes, & a theologia, atque ab ipsa eius divinitate sumit exordium; quæ pars sine dubio ipsi velut eximio per Spiritum sanctum reservata est. **ALCUINUS.** Unde cum omnibus divinæ Scripturæ paginis Evangelium excellat, quia quod lex, & Prophetæ futurum prædixerunt, hoc completum dicit Evangelium, inter ipsos autem Evangeliorum scriptores Ioannes eminet in divinorum mysteriorum profunditate: qui a tempore dominicæ ascensionis per annos sexaginta quinque verbum Dei absque adminiculo scribendi usque ad ultima Domitiani tempora prædicavit; sed post occisionem Domitiani, cum, Nerva permitte, de exilio rediisset Ephesum, compulsus ab Episcopis Asiæ de coæterna Patri divinitate Christi scriptis adversus hæreticos, qui Christum ante Mariam fuisse negabant. Unde merito in figura quatuor animalium aquilæ volanti comparatur, quæ volat altius cunctis avibus, & solis radios irriverberatis aspicit luminibus. **AUGUSTINUS** super Ioan. (tract. 1.) Transcendit enim Ioannes omnia cacumina terrarum, transcendit omnes campos aeris, transcendit omnes altitudines siderum, transcendit omnes choros, & legiones Angelorum: nisi enim transcederet ista omnia quæ creata sunt, non perveniret ad eum per quem facta sunt omnia. **AUGUSTINUS** de Con. Evang. (Lib. I. cap. v.) Ex quo intelligi datur, si diligenter adverteas, tres Evangelistas temporalia facta Domini, & dicta quæ ad informandos mores vitæ præsentis maxime valerent, persecutos, circa activam virtutem fuisse versatos; Ioannem vero facta Domini multo pauciora narrantem, dicta vero eius præsertim qui Trinitatis unitatem, & vitæ æternæ felicitatem insinuarent, diligentius, & uberius conscribentem, in virtute contemplativa commendanda suam intentionem, prædicat-

(1) In quatuor iam citatis editionibus omittitur Index Glossæ.

discationemque tenuisse. (Cap. vi.) Unde animalia tria, per quæ tres alii Evangelistæ designantur, sive Leo, sive Homo, sive Vitulus, in terra gradiuntur: quia tres Evangelistæ in his maxime occupati sunt quæ Christus in carne operatus est, & quæ præcepta (1) mortalis vitæ exercendæ carnem portantibus tradidit; at vero Ioannes supra nubila infirmitatis humanæ velut aquila volat, & lucem incommutabilis veritatis acutissimis atque firmissimis oculis cordis intuetur: ipsam enim maxime divinitatem Domini, qua Patri est æqualis intendit, eamque præcipue suo Evangelio quantum inter homines sufficere credit, commendare curavit. GLOSSA. Potest igitur Evangelista Ioannes cum Elia Propheta dicere: *Vidi Dominum sedentem super solium excelsum & elevatum*: in quantum acumine visus (1) sui, Christum in divinitatis maiestate regnantem inspexit; quæ quidem etiam sua natura excelsa est, & super omnia alia elevata. Dicat etiam Evangelista Ioannes: *Et plena erat domus a maiestate eius*: quia per ipsum narrat omnia esse facta, & suo lumine omnes homines in hunc mundum venientes illustrari. Dicat etiam, quod ea qua sub ipso erant, replebant templum: quia dicit cap. i. *Verbum caro factum est*; & *Vidimus gloriam quasi Unigeniti a Patre, plenum gratia, & veritatis*, secundum quod de plenitudine eius nos omnes accepimus. Sic igitur præmissa verba materiam huius Evangelii continent, in quo (3) ipse Ioannes Dominum super solium excelsum sedentem insinuat, divinitatem Christi ostendens; & terram ab eius maiestate impleri ostendit, dum omnia per eius virtutem in esse producta ostendit, & propriis perfectionibus repleta; & inferiora eius, idest humanitatis mysteria, templum, idest Ecclesiam, replete docet, dum in sacramentis humanitatis Christi & gratiam, & gloriam fidelibus repromittit. CHRYSOSTOMVS (hom. 1. in Ioan.) Quando igitur barbarus hic & indisciplinatus talia loquitur quæ nullus eorum qui in terra sunt hominum novit unquam, si hic solus esset, miraculum magnum esset. Nunc autem cum his & aliud isto maius tribuit argumentum, quod a Deo inspirata sunt ei quæ dicuntur hic, scilicet quod omnes audiunt, & suadet omnibus per omne tempus. Quis ergo non admirabitur habitantem in eo virtutem? ORIGENES in hom. (11. in divers. locos.) Ioannes interpretatur gratia Dei, sive in quo est gratia, vel cui donatum est. Cui autem Theologorum donatum est ita abscondita summi Boni penetrare mysteria, & sic humanis mentibus intimare?

(1) Nicolai lege moralis. (2) Al. deus sui. (3) Al. omittitur ipse.

EX EDITIONE P. NICOLAI.

* Nihil tale in Glossa quæ nunc extat.

S A N C T U M

IESU CHRISTI EVANGELIUM

SECUNDUM IOANNEM.

C A P U T I.

- (a) **I**N principio erat Verbum, (b) & Verbum erat apud Deum,
 (c) Et Deus erat Verbum. (d) Hoc erat in principio apud Deum.
 (e) Omnia per ipsum facta sunt, (f) & sine ipso factum est nihil.
 (g) Quod factum est, in ipso vita erat; (h) & vita erat lux hominum.
 (i) Et lux in tenebris lucet, & tenebrae eam non comprehenderunt.
 (k) Fuit homo missus a Deo cui nomen erat Ioannes. Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine.
 (l) Erat lux vera, quae illuminat omnem hominem venientem in hunc mundum.
 (m) In mundo erat, & mundus per ipsum factus est, & mundus eum non cognovit.
 (n) In propria venit, & sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine eius: qui non ex sanguinibus, neque ex voluntate carnis, neque ex voluntate viri, sed ex Deo nati sunt.
 (o) Et Verbum caro factum est, & habitavit in nobis.
 (p) Et vidimus gloriam eius, gloriam quasi Unigeniti a Patre, plenum gratiae, & veritatis.
 (q) Ioannes testimonium perhibet de ipso, & clamat dicens: Hic erat quem dixi: Qui post me venit, ante me factus est, quia prior me erat.
 (r) Et de plenitudine eius nos omnes accepimus, & gratiam pro gratia: quia lex per Moysen data est; gratia, & veritas per Iesum Christum facta est.
 (s) Deum nemo vidit unquam. Unigenitus Filius qui est in sinu Patris, ipse enarravit.
 (t) Et hoc est testimonium Ioannis, quando miserunt Iudei ab Hierosolymis sacerdotes, & levitas ad eum ut interrogarent eum, Tu quis es? Et confessus est, & non negavit, & confessus est, Quia non sum ego Christus. Et interrogaverunt eum: Quid ergo? Elias es tu? Et dixit, Non sum. Propheta es tu? Et respondit, Non. Dixerunt ergo ei: Quis es, ut responsum demus his qui miserunt nos? Quid dicis de teipso? Ait: Ego vox clamantis in deserto: Dirigite viam Domini, sicut dixit Esaias Propheta.
 (u) Et qui missi fuerant, erant ex pharisaeis. Et interrogaverunt eum, & dixerunt ei: Quid ergo baptizas, si tu non es Christus, neque Elias, neque Propheta? Respondit eis Ioannes dicens: Ego baptizo in aqua; medius autem vestrum stetit quem vos nescitis: ipse est qui post me venit, qui ante me factus est; cuius ego non sum dignus ut solvam corrigiam calceamenti. Haec in Bethania facta sunt trans Iordanem, ubi erat Ioannes baptizans.
 (x) Altera die vidit Ioannes Iesum venientem ad se, & ait: Ecce agnus Dei, ecce qui tollit peccatum mundi. Hic est de quo dixi: Post me venit vir qui ante me

me factus est, quia prior me erat. Et ego nesciebam eum; sed ut manifestetur in Israël, propterea veni ego in aqua baptizans.

(y) Et testimonium perhibuit Ioannes, dicens: Quia vidi Spiritum descendentem quasi columbam de cælo, & mansit super eum. Et ego nesciebam eum; sed qui misit me baptizare in aqua, ille mihi dixit: Super quem videris Spiritum descendentem, & manentem super eum, hic est qui baptizat in Spiritu sancto. Et ego vidi, & testimonium perhibui, quia hic est Filius Dei.

(z) Altera die iterum stabat Ioannes, & ex discipulis eius duo; & respiciens Iesum ambulans, dixit: Ecce agnus Dei.

(aa) Et audierunt eum duo discipuli loquentem, & secuti sunt Iesum. Conversus autem Iesus, & videns eos sequentes se, dicit eis, Quid queritis? Qui dixerunt ei: Rabbi (quod dicitur interpretatum magister) ubi habitas? Dicit eis: Venite, & videte. Venerunt, & viderunt ubi maneret, & apud eum manserunt die illo. Hora autem erat quasi decima. Erat autem Andreas frater Simonis Petri, unus ex duobus qui audierant a Ioanne, & secuti fuerant eum.

(bb) Invenit hic primum fratrem suum Simonem, & dicit ei: Invenimus Messiam, quod est interpretatum Christus. Et adduxit eum ad Iesum. Intuitus autem eum Iesus dixit: Tu es Simon filius Ioanna, tu vocaberis Cephas, quod interpretatur Petrus.

(cc) In crastinum voluit exire in Galilæam, & invenit Philippum. Et dicit ei Iesus, Sequere me. Erat autem Philippus a Bethsaida civitate Andree, & Petri. Invenit Philippus Nathanael, & dicit ei: Quem scripsit Moyses in lege, & Prophetæ, invenimus Iesum filium Ioseph a Nazareth. Et dixit eis Nathanael: A Nazareth potest aliquid boni esse? Dicit ei Philippus: Veni, & vide.

(dd) Vidit Iesus Nathanael venientem ad se, & dicit de eo: Ecce vere Israëlita, in quo dolus non est. Dicit ei Nathanael, Unde me nosti? Respondit Iesus, & dicit ei: Priusquam te Philippus vocaret, cum esses sub ficu, vidi te. Respondit ei Nathanael, & ait: Rabbi, tu es Filius Dei, tu es Rex Israël. Respondit Iesus, & dicit ei: Quia dixi tibi, Vidi te sub ficu, credis: maius his videbis. Et dicit ei: Amen amen dico vobis, videbitis cælum apertum, & Angelos Dei ascendentes, & descendentes supra Filium hominis.

(1) **C**HRYSTOSTOMUS (hom. iiii. in Ioan.) Omnibus aliis Evangelistis ab incarnatione incipientibus, Ioannes transcurrens conceptionem, nativitatem, educationem, augmentationem, mox de æterna nobis generatione narrat, dicens: *In principio erat Verbum.* **AUGUSTINUS** Lib. lxxxii. Quæst. (quæst. lxxii.) Quod Græce logos dicitur, Latine æ rationem, & verbum significat; sed hoc loco melius Verbum interpretatur, ut significetur non solum ad Patrem respectus, sed ad illa etiam quæ per Verbum facta sunt operativa potentia. Ratio autem, etsi nihil per eam fiat, recte ratio dicitur. **AUGUSTINUS** super Ioan. (tracl. i.) Quotidie autem dicendo verba vilauerunt nobis, quia sonando, & transiendo vilauerunt. Est verbum & in ipso homine quod manet intus: nam sonus procedit ex ore. Est verbum quod vere specia-

liter dicitur illud quod intelligis de sono, non ipse sonus. **AUGUSTINUS** XV. de Trin. (cap. x.) Quisquis autem potest intelligere verbum, non solum antequam sonet, verum etiam antequam sonorum eius imagines cogitatione volvantur, iam potest videre per hoc speculum, atque in hoc ænigmate aliquam Verbi similitudinem, de quo dictum est: *In principio erat Verbum.* Necessè est enim cum id quod scimus loquimur, (1) ut ex ipsa scientia quam memoria tenemus, nascatur verbum, quod eiusmodi omnino cuiusmodi est illa scientia de qua nascitur. Formata quippe cogitatio ab ea re quam scimus, verbum est, quod in corde dicimus; quod nec Græcum est, nec Latinum, nec linguæ alicuius. Sed cum id opus est in eorum quibus loquimur proferre noticiam, aliquod signum quo significetur assumitur. (Ibidem cap. xi.) Proinde verbum

2) *ult. descriptio ut.*

bum quod foris sonat, signum est verbi quod intus latet, cui magis verbi competit nomen: nam illud quod proferitur carnis ore, vox verbi est, verbumque & ipsum dicitur propter illud a quo ut foris appareat sumptum est. BASILIUS in hom. (in princ. Ioannis.) Hoc autem Verbum non est humanum verbum. Quomodo enim erat in principio humanum verbum, ultimo loco accipiente homine generationis principium? Non igitur in principio verbum erat humanum, sed nec Angelorum: omnis enim creatura infra saeculorum terminos est, a creatore essendi sumens principium. Sed audi Evangelium decenter: ipsum enim Unigenitum Verbum dixit. CHRYSOSTOMUS (hom. 1. in Ioan.) Si autem quis dixerit: Cur Patrem dimittens, mox nobis de Filio loquitur? Quoniam ille quidem manifestus omnibus erat, etiam non ut Pater, sed ut Deus; Unigenitus autem igno- ratur; ideo decenter eam, quae de illo est, cognitionem concessim initio studuit imponere his qui nesciebant eum; sed neque Patrem in his quae de Filio sunt sermonibus tacuit. Propter hoc autem & Verbum eum vocavit: quia, enim docturus erat, quod hoc Verbum unigenitum est Filius Dei, ut non passibilem aestimet quae generationem, praeviens Verbi nuncupatione, destruit perniciosam suspicionem, esse ex Deo. Filium impassibiliter ostendens. Secunda vero ratio est, quia ea quae sunt Patris nobis annuntiare debebat. Non simpliciter vero eum verbum dixit, sed cum articuli adiectione, a reliquis ipsum separans. Consuetudo enim est Scripturae verba vocare leges Dei, & praeccepta: hoc autem Verbum substantia quaedam est, hypostasis, ens, ex ipso proveniens impassibiliter Patre. BASILIUS (homil. in princ. Ioan.) Quare igitur Verbum? Quia impassibiliter natum est, quia est generantis imago, totum in seipso generantem demonstrans, nihil inde separans, sed in seipso perfectum existens. AUGUSTINUS XV: de Trin. (cap. xii.) Sicut enim scientia nostra illi scientia Dei, sic nostrum verbum quod nascitur de nostra scientia, dissimile est illi Verbo Dei, quod natum est de Patris essentia. Tale est autem, ac si dicerem de Patris scientia, de Patris sapientia: vel quod est expressus de Patre scientia, de Patre sapientia. (Cap. xiv.) Verbum ergo Dei Patris unigenitus Filius, per omnia Patri similis, & aequalis: hoc enim est omnino quod

Pater, non tamen Pater: quia iste Filius, ille Pater: ac per hoc novit omnia quae novit Pater; (1) sed ei nosse de Patre est, sicut esse: nosse enim, & esse ibi unum est; & ideo Patri, sicut esse non est a Filio, ita nec nosse. Proinde tamquam seipsum dicens, Pater genuit Verbum sibi aequale per omnia: non enim seipsum integre, perfecteque dixisset, si aliquid minus, aut amplius esset in eius Verbo quam in seipso. Nostrum autem verbum interius, quod invenimus esse utrumque illi simile, quantum (2) sit etiam dissimile, non pigeat intueri. (Cap. xv.) Est enim verbum mentis nostrae quandoque formabile, (3) nondum formatum, quiddam mentis nostrae, quod hac atque hac volubili quadam motione iactamus, cum a nobis nunc id, nunc illud, sicut inventum fuerit, vel occurrerit, cogitatur; & tunc fit verum verbum: quando illud quod nos diximus volubili motione iactare, ad id quod scimus pervenit, atque inde formatur, eius omnimodam similitudinem capiens, ut quomodo res quaeque scitur, sic etiam cogitur. Quis non videat quanta sit (4) hic dissimilitudo ab illo Dei Verbo, quod in forma Dei sic est ut non ante fuerit formabile, (5) postea formatum; non aliquando possit esse informe, sed sic forma simplex, (6) & simpliciter aequalis ei de quo est? Quapropter ita dicitur illud Dei Verbum, ut Dei cogitatio non dicatur; ne aliquid esse quasi volubile dicatur in Deo, quod nunc habet, nunc accipiat formam ut verbum sit, eamque possit amittere, atque informiter quodammodo volutari. AUGUSTINUS de Ver. Dom. (serm. xxxviii.) Est enim Verbum Dei forma quaedam non formata, sed forma omnium formarum, forma incommutabilis, sine lapsu, sine defectu, sine tempore, sine loco, superans omnia, existens in omnibus: fundamentum quoddam, in quo sunt, & salignum sub quo sunt. BASILIUS (hom. in princ. Ioan.) Habet autem & verbum nostrum exterius divini Verbi similitudinem quoddam: nam nostrum verbum totam declarat mentis conceptionem: quae namque mente concepitur, ea verbo proferimus. Et quidem cor nostrum quasi fons quidam est; verbum vero prolatum quasi quidam: rivulus manans ex ipso. CHRYSOSTOMUS (hom. 1.) Considera etiam in Evangelista prudentiam spiritualem. Noverat homines id quod antiquius est, & quod est ante omnia maxime honor-

(1) *Id. si ei.* (2) *Id. desideratur sit.* (3) *Id. nondum formatum quidem.* (4) *Id. hac.* (5) *Id. potquam.* (6) *Id. unitatem & simplicitatem.*

honorantes, & ponentes Deum, propter hoc primum dicit principium: *In principio*, inquit, erat Verbum. ORIGENES (hom. 1. in Ioan.) Plura autem sunt signata ab hoc nomine principium. Est enim principium, sicut itineris, & longitudinis, secundum illud Proverb. xvi. „Initium boni itineris iustorum exercitium.“ Est autem principium & generationis, iuxta illud Iob xl. „Iloc est principium creaturæ Domini.“ Sed etiam Deum non enormiter asseret aliquis omnium principium. Illud etiam ex quo sicut ex præiacente materia alia sunt, principium est penes eos qui credunt illam ingenitam. Est etiam principium secundum speciem; sicut Christus principium eorum est qui secundum imaginem Dei formati sunt. Est etiam principium discipline, secundum illud Hebr. vi. „Cum deberetis, esse magistri propter tempus, rursus indigetis ut doceamini quæ sunt elementa, exordii sermonum Dei.“ Duplex enim est documenti principium: hoc quidem natura, hoc vero quo ad nos; ut si dicatur, initium sapientiæ fore natura quidem Christum, inquantum Sapientia, & Verbum Dei est; quo ad nos vero, inquantum Verbum caro factum est. Tot igitur significatis ad præsens nobis de principio occurrentibus potest accipi illud (1) ex quo quid est agens. Conditor enim Christus est velut principium, secundum quod Sapientia est; ut Verbum in principio, quasi in sapientia sit. Plura enim bona de Salvatore dicuntur. Velut igitur vita in Verbo est, sic Verbum in principio, idest in sapientia erat. Considera vero si possibile est secundum hoc significatum accipere nos principium, prout secundum Sapientiam, & exempla quæ in ea sunt, sunt omnia; vel quia principium Filii Pater est, & principium creaturarum, & omnium eorum; per illud, *In principio erat Verbum*, Verbum Filium intelligas in principio, idest in Patre, dictum fore. AUGUSTINUS VI. de Trin. (cap. 11.) Aut *In principio* (2) sic dictum est ac si diceretur, Ante omnia. BASILIUS (hom. in prin. Ioan.) Prævidit enim Spiritus sanctus futuros quosdam invidentes gloriæ Unigeniti qui præferrent sophismata ad subversionem auditorum: quia si genitus est, non erat; & antequam genitus esset, non erat. Ne igitur talia garrere præsumant, Spiritus sanctus ait: *In principio erat Verbum*. HILARIUS II. de Trin. (cir. med.)

Transcunt tempora, transcunt sæcula, tolluntur ætates: pone aliquid quod voles tuæ opinionis principium; non tenes tempore: erat enim unde tractatur. CHRYSOSTOMUS (hom. 1.) Sicut autem quis cum fiat in navi secus litus, videt civitates, & portus; cum vero eum aliquis in medium pelagi duxerit, a prioribus quidem destitit, non tamen alibi defigit ei oculus; ita Evangelista hic super omnem nos ducent creaturam, suspensum dimittit oculus, non dans (3) suspicere aliquem finem ad superiora: hoc enim, *In principio erat*, semper & infinite essendi significativum est. AUGUSTINUS de Ver. Dom. (serm. xxxviii.) Sed dicunt: Si Filius est, natus est: hoc fatemur. Adjuungunt deinde: Si natus est Patri Filius, erat Pater antequam ei Filius nasceretur: hoc respicit fides. Ergo ait: Rationem mihi redde quomodo & Filius nasci potuit Patri, ut coævus esset ei a quo natus est. Post patrem enim nascitur Filius, utique patri morituro successurus. Similitudines adhibent de creaturis; & nobis laborandum est ut & nos inveniamus similitudines earum rerum quas astruimus. Sed quomodo possumus in creatura invenire coeternum, quando in creatura nil invenimus æternum? Sed si possunt inveniri hæc duo coæva, generans, & generatum, ibi intelligimus (4) coeterna. Ipsa quidem Sapientia dicta est in Scripturis candor lucis æternæ, dicta est imago Patris. Hinc capiamus similitudinem, ut inveniamus coæva, ex quibus intelligamus coeterna. Nemo autem dubitat, quod splendor de igne exit. Pona mus ergo ignem patrem illius splendoris: mox quidem ut lucernam accendo, simul cum igne & splendore exilit. Da mihi hic ignem sine splendore, & credo tibi Patrem sine Filio fuisse. Imago exiit de speculo, hominis intuentis speculum exiit imago mox ut aspector exiterit; sed ille qui inspicit erat antequam accederet ad speculum. Ponamus ergo aliquid natum super aquam, ut virgultum, aut herbam: nonne cum imagine sua nascitur? Si ergo semper esset virgultum, semper esset & imago de virgulto. Quod autem de alio est, utique natum est. Potest ergo semper esse generans, & semper cum illo quod de eo natum est. Sed dicit aliquis: Ecce intellexi æternum Patrem, coeternum Filium; tamen sicut effusum splendorem minus igne incensum, aut sicut effusam imaginem minus quam vir-

(1) Nicolai habet ex quo dicitur principium quod est agens. (2) M. sicut. (3) M. suscipere. (4) M. æterna.

virgultum existentem dicimus. Non, sed equalitas omnimoda est. Non credo, ait, quia non invenit similitudinem. Fortassis autem invenimus in creatura quomodo intelligamus Filium & coeternum Patri, & nequaquam minorem; sed non illud possumus invenire in uno genere similitudinem. Iungamus (1) ergo ambo genera: unum unde ipsi dant similitudines, & alterum unde nos dedimus. Dederunt enim illi similitudinem ex his quæ præceduntur tempore ab his a quibus nascuntur, sicut homo de homine; sed tamen homo, & homo sunt eiusdem substantiæ. Laudamus ergo in ista nativitate æqualitatem naturæ: deest æqualitas temporis. In illo autem genere similitudinum quod nos dedimus de splendore ignis, & de imagine virgulti, æqualitatem naturæ non invenis, invenis coævitate. Totum ergo ibi quod hic ex partibus singulis, & rebus singulis invenitur; & non hoc solum quod in creaturis, totum invenio ibi, sed tamquam in creatore. Ex GESTIS Concilii Ephesini 2. Propterea alicubi quidem Filium appellat Patris, alicubi autem Verbum nominat, alicubi autem splendorem vocat Scriptura divina; singula horum nominum de ipso dicens, ut intelligas ea quæ de Christo dicuntur, esse (2) contra blasphemiam: quia enim tuus filius eiusdem tibi naturæ sit, volens sermo ostendere unam substantiam Patris, & Filii, dicit Filium Patris, qui ex eo natus est unigenitus. Deinde quoniam nativitas, & filius apud nos ostentationem præbent passionis; (3) ideo hunc Filium appellat & Verbum, impassibilitatem nativitatis eius nomine isto demonstrans. Sed quoniam pater quipiam factus ut homo, indubitanter senior filio suo demonstratur; ne hoc ipsum etiam (4) de divina natura putares, splendorem vocat Unigenitum Patris: splendor enim nascitur quidem ex sole, non autem intelligitur sole posterior. Coexistere ergo semper Patri Filium splendore tibi denuntiet, impassibilitatem nativitatis ostendat Verbum; consubstantialitatem Filii nomen insinuet. CHRYSOSTOMUS (homil. 11. in Ioan.) Sed dicunt illi, quoniam hoc, id est in principio, non æternitatem ostendit simpliciter: etenim & de cælo istud, & de terra

dictum. „In principio (inquit Gen. 1.) „fecit Deus cælum, & terram. „ Sed quid communem habet erat ad fecit? Sicut enim quod est, cum de homine quidem dicitur, tempus præsens significat tantum; cum autem de Deo, id quod est semper, & æternaliter; ita & erat de nostra quidem cum dicitur natura, præteritum significat tempus; cum autem de Deo, æternitatem ostendit. ORIGENES in hom. (11. in divers. loc.) Sum enim verbum duplicem habet significationem: aliquando enim temporales motus secundum analogiam aliorum verborum declarat, aliquando substantiam universaliusque rei, de qua prædicatur, sine temporalis motu ullo designat; ideo & substantivum vocatur. HILARIUS II. de Trin. (circa med.) Respice igitur ad mundum, intellige quid de eo scriptum est: „In principio fecit Deus cælum, & terram. „ Fit ergo in principio quod creatur, & ætates continet quod in principio continetur ut fieret. Pifcator autem illiteratus, indodus, liber a tempore, solutus sæculis est, vicit omne principium: erat enim quod est, neque in tempore aliquo concluditur ut coepit quod erat potius in principio quam fiebat. ALCUINUS. Contra eos ergo qui propter temporalem nativitatem dicebant Christum non semper fuisse, incipit Evangelista de æternitate Verbi, dicens: In principio erat Verbum.

(b) CHRYSOSTOMUS (homil. 11.) Quia maxime Dei hoc est proprium, æternum, & sine principio esse, hoc primum posuit: deinde ne quis audiens, In principio erat Verbum, ingenitum Verbum dicit, confessum hoc removet dicens: Et Verbum erat apud Deum. HILARIUS II. de Trin. Sine principio, enim est apud Deum, & qui abest a tempore, non abest ab auctore. BASILIUS (hom. in prin. Ioan.) Rursus hoc dicit propter blasphemantes, quod non erat. Ubi ergo erat Verbum? Non in loco inscriptibilis continentur. Sed ubi erat? Apud Deum: neque Pater loco, neque Filius circumscriptione aliqua continentur. ORIGENES (hom. 11. in Ioan.) Utile est etiam inducere, quod verbum dicitur ad aliquos fieri, puta ad Osee, vel Esaiam, aut Hieremiam.

(1) *Al. omittitur ergo.* (2) *Al. circa. Ferte etiam citæ.* (3) *Al. ideoque.* (4) *Al. de divina naturæ essentia putares.*

EX EDITIONE P. NICOLAI.

* Sive in Concil. Ephes. part. 221. ex hom. Theodori Episcopi Ancyran, qui in diem natalem Salvatoris ab illo habita est, & paxine Cyalo lecta, qui Concilio præerat.

Hieremiam: ad Deum autem non fit, quasi prius non ens apud ipsum: ex eo igitur quod igitur est in eo, dicitur: *Et Verbum erat apud Deum*: quia nec a principio a Patre separatus est. CHRYSOSTOMUS (hom. 111.) Non etiam dixit, In Deo erat, sed *Apud Deum erat*, eam quæ secundum hypostasim eius est æternitate nobis ostendens. THEOPHYLACTUS (in hoc loco.) Videtur autem mihi quod Sabellius ex hoc dicto subverfus est. Ipse enim dicebat, quod Pater, & Filius, & Spiritus sanctus una est persona, quæ aliquando ut Pater apparuit, aliquando ut Filius, aliquando ut Spiritus sanctus. Manifeste vero confunditur ex hoc verbo: *Et Verbum erat apud Deum*. Hic enim Evangelista alium declarat esse Filium, alium Deum, scilicet Patrem.

(c) HILARIUS II. de Trin. (i. circ. m.d.) Dices: Verbum sonus vocis est, enumerationis negotiorum, & elocutio cogitationum: hoc Verbum in principio apud Deum erat, quia sermo cogitationis æternus est, eum qui cogitat fit æternus. Sed quomodo in principio erat quod neque ante tempus, neque post tempus est? Et nescio an ipsum possit esse in tempore. Loquentium enim sermo neque est antequam loquantur, & cum locuti erant, non erit: in eo enim ipso quod loquuntur, dum finiunt, iam non erit id unde cæperunt. Sed si primam sententiam rudis auditor admileras, *In principio erat Verbum*; de sequenti quid quæris, *Et Verbum erat apud Deum*? Numquid audieras de Deo, ut sermonem reconditæ cogitationis acciperes; aut fecisset Ioannem quid esset momenti inter inesse & adesse? Id enim quod in principio erat, non in altero esse, sed cum altero prædicatur. Statum igitur verbi, & nomen expectas: dicit namque: *Et Deus erat Verbum*. Cæterus sonus vocis, & cogitationis eloquium. Verbum hic res est, non sonus; natura, non sermo; Deus, non inanimatus est. HILARIUS VII. de Trin. (ante med.) Simplex autem nuncupatio est, & caret officiculo adiectionis alienæ. Ad Moysen dictum est Exod. iv. „Dedi te Deum Pharaoni:“ sed numquid non adiecta nominis causa est, cum dicitur Pharaoni? Moyses enim Pharaoni Deus datus est, dum timetur, dum oratur, dum punit, dum medetur. Et aliud est Deum dari, & aliud Deum esse. Memini quoque & alterius nuncupationis, ubi dicitur Plal. lxxxii. „Ego dixi, Dii eius:“ sed in eo s. Th. Oper. Tom. V.

indulti nominis significatio est: & ubi refertur, Ego dixi, loquentis potius sermo est, quam rei nomen. Cum autem audio, *Et Deus erat Verbum*, non dictum solum audio Verbum, sed demonstratum esse intelligo quod Deus est. BASILIUS (hom. 1. in princ. Ioan.) Sic igitur excludens accusationem blasphemantium, & quærentium quid est Verbum, respondet: *Et Deus erat Verbum*. THEOPHYLACTUS. Vel aliter continua. Postquam Verbum erat apud Deum, manifestum est quod duas personæ erant, quamvis una natura in duabus existat: unde dicitur: *Et Deus erat Verbum*: ita ut una natura fit Patri, & Filio, cum sit una deitas. ORIGENES (tom. 11. in Ioan.) Adiciendum etiam, quod verbum in eo quod sit ad Prophetas, illustrat Prophetas sapientia lumine; apud Deum vero est Verbum obtinens ab eo quod sit Deus: unde prælocavit hoc quod est, *Verbum erat apud Deum*, ei quod est, *Deus erat Verbum*. CHRYSOSTOMUS (hom. 111. cir. med.) Et non ut Plato, hoc quidem intellectum quemdam, hoc vero animam mundi esse dicens: hæc enim procal sunt a divina natura. Sed dicunt: Pater cum articuli adiectione dictus est Deus, Filius autem sine hac. (1) Quid ergo, cum Apostolus dicat ad Tit. 11., „Magni Dei, & Salvatoris nostri Iesu Christi“ ita: „& rursus Rom. ix. „Qui est super omnia Deus:“ sed & Romanis scribens dict. cap. 1. „Gratia vobis, & pax a Deo Patre nostro,“ sine adiectione articuli. (2) Sed & superfluum erat hic apponere superius continue adiectum. Non igitur etiam non est adiectus Filio articulus, propter hoc Filius minor est Deus.

(d) HILARIUS II. de Trin. (cir. med.) Quia dixerat, *Deus erat Verbum*, trepido in dicto, & me insolens sermo commoveret, cum unum Deum Prophetæ nuntiaverunt. Sed ne quo ultra trepidatio mea progredi possit, reddid sacramenti tanti piscator dispensationem, & refert ad unum omnia, sine contumelia, sine abolitione, sine tempore, dicens: *Hoc erat in principio apud Deum*: apud unum ingenuum Deum, ex quo ipse unius (3) unigenitus Deus est, prædicatur. THEOPHYLACTUS. Et rursus ne suspicio diabolica aliquos conturbaret, ne forte cum Verbum Deus sit, insurrexerit contra Patrem, ut aliqui fabulantur Gentilium, & separatus a Patre fuerit ipsi Patri contrarius, dicit: *Hec erat in principio apud Deum*; quasi dicat: Hoc Dei Verbum numquam a D d d Deo

(1) M. Quid ergo Apostolus dicit. (2) M. Aliter & superfluum. (3) M. Ingenitus.

Deo exstitit (1) separatim. CHRYSOSTOMUS (hom. 111. paulo post prin.) Vel ne audiens, *In principio erat Verbum*, æternum quidem æstimes, seniore vero spatio aliquo Patris vitam suscipias, induxit: *Hoc erat in principio apud Deum*: non enim fuit unquam solitarius ab illo; sed semper Deus apud Deum erat. (Ibid. cir. med.) Vel quia dixerat, *Deus erat Verbum*, ut non æstimer quis minorem esse deitatem Filii, confessum cognoscitiva propriæ deitatis ponit, & æternitatem assumens, cum dicit: *Hoc erat in principio apud Deum*; & quod factum est addicens: *Omnia per ipsum facta sunt.* ORIGENES (tom. 11. in Ioan.) Vel aliter. Postquam præmiserat tres propositiones Evangelicæ, resumit tria in unum, dicens: *Hoc erat in principio apud Deum*. In primo enim trium didicimus, in quo erat Verbum, quia *in principio erat*; in secundo apud quem, quia *apud Deum*; in tertio quid erat Verbum, quia *Deus*. Velut ergo demonstrans (1) Verbum prædictum Deum, per hoc quod dicit *hoc*, & colligens in propositionem quartam hoc quod est, *In principio erat Verbum*, & *Verbum erat apud Deum*, & *Deus erat Verbum*, ait: *Hoc erat in principio apud Deum*. Quærat autem aliquis, cur non est dictum: *In principio erat Verbum Dei*, & *Verbum Dei erat apud Deum*, & *Deus erat Verbum Dei*. Quisquis autem unicam veritatem fatebitur esse; palam est quoniam & demonstratio eius, quæ est sapientia, una est. Sed si veritas una, & sapientia una, Verbum quoque quod veritatem enuntiat, & sapientiam expandit in his qui susceptibiles sunt, unum siquidem erit. Nec hoc dicimus inficiantes Verbum Dei fore; sed ostendentes utilitatem omissionis huius vocabuli Dei. Ipse quoque Ioannes in Apocalypsis XIX. dicit: „Et nomen eius Verbum Dei.“ ALCUINUS. Qualiter autem ponit substantivum *verbum erat*? Ut intelligeres omnia tempora prævenisse coæternum Deo Patri Verbum.

(c) ALCUINUS. Postquam dixit de natura Filii, de operatione eius subiungit, dicens: *Omnia per ipsum facta sunt*; id est, quicquid esse sit in substantia, sive in aliqua proprietate. HILARIUS II. de Trin. (cir. med.) Vel aliter. Erat quidem Verbum in principio, sed potuit non esse ante principium. Sed quid ille? *Omnia per ipsum facta sunt*. Infinitum esse per quod sit omne quod factum est; & cum ab eo sint omnia, & tempus ab eo est. CHRYSOSTOMUS

(hom. IV.) Moyses quidem incipiens Scripturam veteris testamenti, de sensibilibus nobis loquitur, & hæc enumerat per multa. „In principio enim (ait) fecit Deus „cælum, & terram:“ Deinde inducit, quoniam & lux facta est, & firmamentum, & stellarum naturæ, & genera animalium. Evangelicæ vero hæc omnia excedens uno verbo comprehendit, ut cognita auditoribus, ad altiore festinans materiam, totum hunc librum insituentis non de operibus, sed de conditore. AUGUSTINUS I. super Genesim ad litteram (cap. 11.) Cum enim dicitur, *Omnia per ipsum facta sunt*, factis ostenditur & lux per ipsum facta, cum dixit Deus, (1), „Fiat lux;“ & similiter de aliis. Quod si ita est, æternum est, quod ait Deus, „Fiat lux,“ quia Verbum Dei, Deus apud Deum, Patri coæternus est quamvis creatura temporalis facta sit. Cumenim verba sint temporis, cum dicimus, Quando, & aliquando, æternum tamen est in Verbo Dei, quando aliquid fieri debeat; & tunc fit quando fieri debuisset in illo Verbo est, in quo non est quando, & aliquando: quoniam totum illud Verbum æternum est. AUGUSTINUS super Ioan. (tract. 1.) Quomodo ergo potest fieri ut Verbum Dei factum sit, quando Deus per Verbum fecit omnia? Si & Verbum ipsum factum est, per quod aliud Verbum factum est? Si hoc dicis, quia est verbum Verbi, per quod factum est illud, ipsum dico ego unigenitum Filium Dei. Si autem non dicis Verbum Dei, concede non factum Verbum per quod facta sunt omnia. AUGUSTINUS I. de Trin. (cap. VI.) Et si factum non est, creatura non est; si autem creatura non est, eiusdem cum Patre substantiæ est: omnis enim substantia quæ Deus non est, creatura est; & quæ creatura non est, Deus est. THEOPHYLACTUS (hoc loco.) Solent autem Arriani dicere, quod sicut per ferram ostium fieri dicimus, quasi per organum; sic & per Filium omnia facta fuisse dicuntur, non quod ipse sit factor, sed organum; & sic facturam aiunt Filium, tamquam factum ad hoc ut per eum omnia fierent. Nos autem ad huiusmodi fictores mendacii simpliciter respondemus, Si enim, ut dicitis, Pater creasset ad hoc Filium ut eo tamquam organo uteretur, videretur quod inhonorabilior sit Filius quam quæ facta sunt; sicut ea quæ per ferram sunt facta, ipso organo nobiliora existunt: nam ferra propter ipsa facta est. Sic & propter ipsa quæ fa-

da

(1) *Al. separatim.* (2) *Al. Verbum, & Deum prædictum Deum.* (3) *Al. Erat lux.*

Qua sunt, ut aiunt, Pater creavit Filium; tamquam si non deberet Deus cuncta creare, nequaquam Filium produxisset. Quid his verbis infans? Sed aiunt: Quare non dixit, quod omnia Verbum fecit, sed usus est hac præpositione *per*? Ne Filium ingenuum intelligeres, & sine principio, & Dei conditorem. CHRYSOSTOMUS (hom. iv.) Sed si præpositio *per* conturbat te, & queris in Scriptura quod ipsum Verbum omnia faceret, audi David Psal. ci. „Initio tu, „Domine, terram fundasti, & opera manuum tuarum sunt cæli. “Quod autem hoc de Unigenito dixerit, addices ab Apostolo utente hoc verbo in Epistola ad Hebræos de Filio. Si vero de Patre hoc Prophetam dixisse dicis, Paulum vero (1) Filio adaptasse; idem fit rursus. Neque enim id Filio convenire dixisset, nisi vehementer consideraret quoniam quæ sunt dignitates, honorabilia sunt utrique. Si rursus per præpositio aliquam subiectionem tibi videtur inducere, cur Paulus eam de Patre ponit? „Fidelis „(inquit I. Corinth. x.) Dominus, per quem vocati sumus in societatem Filii eius. “Et iterum H. Corinth. i. „Paulus Apostolus, per voluntatem Dei. ORIGENES (tom. ii.) Erravit etiam in hoc Valentinus, dicens, Verbum esse quod mundanæ creationis præstitit causam creatori. Sed si sic se habet veritas rerum, prout ipse intelligit, oportebat scriptum fore per (2) creatorem universa consistere a Verbo, non autem e contra per Verbum a creatore.

(3) CHRYSOSTOMUS (hom. iv.) Ut non æstimes, tum dicit, *Omnia per ipsum facta sunt*, illa omnia solum dicere eum quæ a Moysæ dicta sunt, convenienter inducit: *Et sine ipso factum est nihil*, siue visibile quid, siue intelligibile. Vel aliter. Ne hoc quod dixit, *Omnia per ipsum facta sunt*, de signis suspiceris nunc dicit, de quibus reliqui Evangelistæ locuti sunt, inducit: *Et sine ipso factum est nihil*. HILARIUS (Lib. II. de Trin. circa med.) (3) Vel aliter. Hoc quod dicitur, *Omnia per ipsum facta sunt*, non habet modum: est ingenuus qui factus a nemine est, est & ipse genitus ab innato. Reddidit auctorem eum socium professus est, (4) dicens: *Sine ipso factum est nihil*: cum enim nihil sine eo, intelligi non esse solum: quia alius est per quem, alius sine quo non. ORIGENES in hom. (133. in diver. loc.)

Vel aliter. Ne existimares ea quæ per Verbum facta sunt, per se existentia, non contenta a Verbo, ait: *Et sine ipso factum est nihil*; hoc est, nihil factum est extra ipsum quia ipse ambat omnia, conservans ea. AUGUSTINUS de Quæst. nov. & vet. tella. (quæst. xcvi.) Vel dicens, *Sine ipso factum est nihil*, nullo modo ipsum facturam esse suspicari debere edocuit. Quomodo enim potest dici, Ipse est factura, cum nihil dicatur Deus sine ipso fecisse? ORIGENES super Ioan. (tom. ii.) Vel aliter. Si omnia per Verbum facta sunt; de numero vero omnium est malitia, & totus fluxus peccati; & hæc per Verbum facta sunt: & hoc est falsum. Quantum igitur ad significata, nihil, & non ens, unum sunt. Videtur autem Apostolus non entia prava dicere „Vocat (inquit Rom. iv.) Deus ea quæ „non sunt tamquam ea quæ sunt. “Totaque pravitas nihil dicitur, dum absque Verbo facta est. AUGUSTINUS super Ioan. (tract. i.) Peccatum enim non per ipsum factum est: & manifestum, est quia peccatum nihil est, & nihil sunt homines cum peccant. Et idolum non per Verbum factum est: habet quidem formam quamdam humanam, (5) & ipse homo per Verbum factus est; sed forma hominis in idolo non per Verbum facta est: scriptum est enim I. Corinth. viii. „Scimus quod nihil „est idolum. “Ergo illa non sunt facta per Verbum; sed quæcumque facta sunt naturaliter, universa natura usque, omnis omnino creatura ab Angelo utrumque ad vermiculum. ORIGENES (tom. ii.) Valentinus autem exclusit ab omnibus per Verbum factis quæ sunt in sæculis facta, quæ credit ante Verbum extitisse, præter evidentiam loquens: siquidem quæ putantur ab eo divina, remouentur ab omnibus; quæ autem, velut ipse putat, penitus destruantur, vere dicuntur omnia. Quidam enim falso dicunt diabolum non esse creaturam Dei: inquam enim diabolus est, creatura Dei non est; is autem qui accidit est diabolus, divina est creatura; ac si diceremus, homicidam creaturam Dei non esse, qui tamen in eo quod homo est, creatura Dei est. AUGUSTINUS de Natura boni (cap. xiv.) Non autem sunt audienda deliramenta hominum, qui nihil hoc loco aliquid intelligendum esse putant, quia ipsum nihil in fine sententiæ positum est: nec intelligunt

Ddd 2. nihil

(1) M. Filium adoptasse. (2) M. creationem. (3) M. Vel aliter dicitur hoc quod dicitur &c.

(4) Addit Nicolaus Evangelistæ. (5) M. Sed ipse homo per Verbum factus est. Nam forma hominis &c.

nihil interesse utrum dicitur, Sine ipso nihil factum est, an *Sine ipso factum est nihil*. ORIGENES (tomo II.) Si accipiatur verbum pro eo quod in quolibet hominum est, quia & ipsum institum est cullibet ab eo quod in principio erat Verbum, etiam sine hoc verbo nihil committimus, simpliciter accipiendo quod dicitur, *Nihil*. Ait enim Apostolus quod sine lege peccatum mortuum erat, adveniente vero mandato peccatum revixit: non enim reputatur peccatum lege non exillente; sed nec peccatum erat, non exillente Verbo: quia Dominus dicit infra xv. *Si non venissem, & esset illis locus, peccatum non haberent*. Quilibet enim exaltatio deficit volenti dare responsum de crimine, dum Verbo præsentia, ac iudicante quid est agendum, non obedit quis illi. Nec propter hoc inculpandum est Verbum, sicut nec magister, per cuius disciplinam non remanet locus excusationis discipulo delinquenti velut de ignorantia. Omnia ergo per Verbum facta sunt, non solum naturalia, sed etiam quæ ab irrationabilibus fiunt.

(g) BEDA (in 1. cap. Ioan.) Quia Evangelista dixit omnem creaturam factam esse per Verbum, ne quis forte crederet mutabilem eius voluntatem, quasi qui subito vellet facere creaturam quam ab æterno numquam ante scissit: ideo docere curavit, factam quidem creaturam in tempore, sed in æterna creatoris sapientia, quando, & quos (1) crearet semper fuisse dispositum: unde dicit: *Quod factum est in ipso, vita erat*. AUGUSTINUS super Ioannem (tract. 1. aliq. ante fin.) Potest autem sic punctari. *Quod factum est in ipso*, & postea dicatur, *Vita erat*. Ergo totum vita est, si sic pronuntiaverimus: quid enim non in ipso factum est? Ipse est enim sapientia Dei, (2) & dicitur in Psalmo cxi. „Omnia in „sapientia scissit. „Omnia igitur sicut per illum, ita & in illo facta sunt. Si ergo quod in illo factum est, vita est; ergo & terra vita est, & lapis (3) vita est. Inhonestum est sic intelligere, ne nobis subrepat scella Manichæorum, & dicat, quia habet vitam lapis, & habet vitam paries: solent enim ista delirant tes dicere; & cum reprehensi fuerint, ac repulsi, quasi de scripturis proferunt dicentes: Ut quid dictum est: *Quod factum est in ipso, vita erat*? Pronuntia (4) ergo sic. *Quod factum est*, hic habdistingue, & deinde infer, *in ipso vita*

erat. Facta est enim terra; sed ipsa terra quæ facta est, non est vita. Est autem in ipsa Dei sapientia spiritualiter ratio quædam qua terra facta est; hæc vita est. Sic ut arca in omni opere non est vita; arca in arte vita est, quia vivit anima artificis. Sic ergo quia sapientia Dei, per quam facta sunt omnia, secundum artem continet omnia quæ sunt per ipsam artem, non hæc continuo sunt vita; sed quidquid factum est, vita est in illo. ORIGENES in hom. (11. in div. locos, ante med.) Potest autem & sic distingui sine errore: *Quod factum est in ipso*, & postea dicatur, *vita erat*; ut sit sensus: Omnia quæ per ipsam, & in ipso facta sunt, in ipso vita sunt, & unum sunt. Erant enim, hoc est in ipso subsistunt casualiter, priusquam sint in seipsis effective. Sed si quæris, quomodo, & qua ratione omnia quæ per Verbum facta sunt, in ipso vitaliter, & uniformiter, & casualiter subsistunt; accipe exempla ex creaturarum natura. Conspice quomodo omnium rerum quas mundi huius sensibilibus globositas comprehendit, causæ simul, & uniformiter in isto sole, qui est maximum mundi luminare, subsistunt, quomodo numerositas herbarum, & fructuum in singulis feminibus simul continetur; quomodo multiplices regulæ in arte artificis unum sunt, & in anima disponentis vivunt; quomodo infinitus linearum numerus in uno puncto unum subsistit; (5) & huiusmodi varia perspicue exempla, ex quibus velut physice theoriæ pennis poteris arcana Verbi mentis acie inspicere, & quantum dator humanis rationibus, videre quomodo omnia quæ per Verbum sunt facta, in ipso vivunt, & facta sunt. HILARIUS (II. Lib. de Trin. par. 2. med.) Vel aliter potest legi. In eo quod dixerat, *Sine ipso factum est nihil*, posset aliquis perturbatus dicere: Est ergo aliquid per alterum factum, quod tamen non sit sine eo factum; & si aliquid per alterum, licet non sine eo, iam non per eum omnia, quia aliud est scissit, aliud est intervenisse facienti. Enarrat ergo Evangelista quid non sine eo factum sit, dicens: *Quod factum est in eo*. Hoc igitur non sine eo quod (6) in eo factum est: nam id quod in eo factum est, etiam per eum factum est: omnia enim per ipsum, & in ipso creata sunt. In ipso autem creata, quia nascebatur creator Deus; sed ex hoc sine eo nihil factum est, quod tamen

(1) *Al. crearet.* (2) *Al. ut.* (3) *Al. emittit vitæ.* (4) *Al. deest ergo.* (5) *Al. & huiusmodi* item & huius naturalia. *Nec est autem legis & huiusmodi naturalia varia.* (6) *Al. emittit in eo.*

tamen in eo factum est, quia nascens Deus vita erat, & qui vita erat, non posteaquam natus erat, factus est vita. Nihil ergo sine eo fiebat ex his quæ in eo fiebant, quia vita est in quo fiebat; & Deus qui ab eo natus est, non posteaquam natus est, sed nascendo quoque exiit. CHRYSOSTOMUS (hom. xv. in Ioan.) Vel aliter. Non apponemus finale punctum, ubi dicitur, *Sine ipso factum est nihil*, secundum hæreticos. Illi enim volentes Spiritum sanctum creatum dicere, aiunt: *Quod factum est in ipso, vita erat*. Sed ita non potest intelligi. Primum quidem neque tempus erat hic Spiritus sancti meminisse; sed si de sancto Spiritu hoc dictum est; age, secundum eorum interim legamus modum: ita enim nobis hoc inconveniens erit: cum enim dicitur, *Quod factum est in ipso, vita erat*: Spiritum sanctum dicunt dictum esse vitam; sed vita hæc & lux invenitur esse: inducit enim: *Vita erat lux hominum*. Quocirca, secundum eos, lucem omnium hunc Spiritum dicit. Quod autem superius Verbum dixit, hic consequenter & Deum, & vitam, & lucem nominat. *Verbum autem caro factum est*: erit igitur Spiritus sanctus incarnatus, non Filius. Ideo dimittentes hunc modum legendi, ad decentem veniamus lectionem, & expositionem; hoc autem est cum dicitur: *Omnia per ipsum facta sunt, & sine ipso factum est nihil quod factum est*: ibi quiescere fac sermonem: deinde ab ea quæ deinceps est dictione incipe quæ dicit, *In ipso vita erat*; ac sic dicat: *Sine eo factum est nihil quod factum est*, id est saluberrimum. Vides qualiter hac brevi adiectione omnia corripit superfluentia inconvenientia. Inducens enim, *Sine eo factum est nihil*, & adiciens, *Quod factum est*, & intelligibilia comprehendit, & Spiritum sanctum exceptit: Spiritus enim sanctus factibilis non est. Hæc igitur quæ dicta sunt, de conditione rerum dixit Ioannes. Inducit autem & eum qui est de providentia sermonem, dicens, *In ipso vita erat*. Quemadmodum in fonte qui generat abyssos, & in nullo minorat fons; ita & in operatione Unigeniti quæcumque credas per eum facta esse, non minor ipse factus est. Nomen autem vitæ hic non solum conditionis est, sed & providentiæ rerum, quæ est secundum permanentiam earum. Cum autem audis quoniam *in ipso vita erat*, ne

compositum æstimes: *sicut enim Pater habet vitam in seipso, ita dedit & Filio vitam habere*: infra v. Ergo sicut Patrem non utique dices compositum esse, ita nec Filium. ORIGENES (tomo 111.) Vel aliter. Oportet scire quod Salvator quædam dicit non sibi esse, sed aliis; quædam vero & sibi, & aliis. In hoc ergo quod dicitur, *Quod factum est in verbo, vita erat*, scrutandum est an sibi, & aliis vita est, vel aliis tantum; & si aliis, quibus aliis. Idem autem est vita & lux; Lux autem hominum est: sicut itaque hominum vita, quorum est lux; & sic in eo quod dicitur vita, Salvator (1) dicitur non sibi, sed aliis. Hæc quidem vita verbo præexistenti, aderit, ex eo quod expiata a peccatis anima sit serena, & vita inferatur ei qui Verbi Dei se suscepibilem statuit. Unde Verbum quidem in principio non dixit factum: non enim erat quando principium Verbo careret. Vita autem hominum non semper erat in Verbo; sed hæc vita hominum facta est, eo quod vita est lux hominum: cum enim homo non erat, nec lux hominum erat, luce secundum habitudinem ad homines intellecta; & ideo dicit: *Quod factum est in verbo, vita erat*; non autem, Quod erat in verbo, vita erat. Invenitur autem alia littera non incongrue habens: *Quod factum est in eo, vita est*. Si autem intelligamus vitam hominum quæ in Verbo sit, eum esse qui dixit intra xiv. *Ego sum vita*, scabimus neminem infidelium Christi vivere; sed cunctos esse mortuos qui non vivunt in Deo.

(h) THEOPHYLACTUS (hoc loco.) Dixerat, *In ipso vita erat*, ne putares quod abique vita sit Verbum; (2) nunc ostendit quod vita sit spiritualis, & lux rationalibus cunctis: unde dicitur: *Et vita erat lux hominum*; quasi dicat: Lux ista non est sensibilis, sed intellectualis, illuminans ipsam animam. AUGUSTINUS super Ioannem (tract. 1.) Ex ipsa enim vita illuminantur homines, pecora non illuminantur: quia non habent rationales mentes, quæ possint videre sapientiam; homo autem factus ad imaginem Dei, habet rationalem mentem, per quam possit percipere sapientiam. Ergo illa vita per quam facta sunt omnia, lux est, & non quoruncumque animalium, sed hominum. THEOPHYLACTUS. Non autem dixit, Lux est solum Iudeis, sed omnium ho-

(1) *Id. de ipso dicitur, Lorum se exhibet P. Nicolas.* Et sic in eo quod dicitur vita, dici potest Salvator non sibi, sed alii vita, quorum etiam est lux. Hæc quidem vita Verbo Dei inseparabiliter adest, et ab ipso esse simul atque facta fuerit. Oportet enim ut in anima præexistat ratio, siue verbum ad eam eripit, quando; quatenus expiata hoc modo a peccatis pura sit, et sic vita ingeneretur, vel inferatur ei qui Verbi Dei suscepibilem se statuit. Unde Verbum etc. (2) *Id. sed vita sit etc.*

hominum: omnes enim homines, in quantum intellectum, & rationem recepimus ab eo quod nos condidit Verbo, intantum ab eo illuminari dicimur: nam ratio nobis tradita; per quam rationales dicimur, lux est ad operanda nos dirigens, & non operanda. ORIGENES (tract. 111. super Ioan. cap. 1. super *Quod factum est, in ipso vita erat.*) Non est autem prætermittendum quod vitam præmittit luci hominum: inconsequens enim erat illuminari non viventem, & advenire illuminationi vitam. Si autem idem est *Vita erat lux hominum*, quod solum hominum, erit Christus lux, atque vita solum hominum. Hoc autem opinari hæreticum est. Non igitur quicquid dicitur aliorum, illorum solum est: scriptum est enim de Deo, quod sit Deus Abraham, Isaac, & Jacob, non tamen istorum tantum patrum dictus est Deus. Non ergo ex eo quod dicitur, *Lux hominum*, excluditur quin sit aliorum. (1) Alius vero contendit ex eo quod scriptum est Gen. 1. „*Faciamus*“, mus hominem ad imaginem nostram, „quod quidquid ad imaginem ac similitudinem Dei factum est, intelligi debet per hominem. Sic igitur lux hominum lux casualiter rationalis creaturæ est.

(1) AUGUSTINUS super Ioannem (tract. 1.) Quia vita illa est lux hominum, sed stulta corda capere istam lucem non possunt, quia peccatis suis aggravantur, ut eam videre non possint; ne ideo cogitent quasi absentem esse lucem, quia eam videre non possunt, sequitur: *Et lux in tenebris lucet, & tenebra eam non comprehendunt.* Quomodo enim homo positus in sole cæcus, præsens est illi soli, sed ipse soli (2) absens est; sic omnis stultus cæcus est, & præ-

sens est illi sapientia. Sed cum cæco præsens est, oculis eius absens est, non quia illa ipsi absens est, sed quia ipse absens est ab illa. (3) ORIGENES (in Ioan. tom. 111.) Tenebræ autem huiusmodi hominum non natura sunt, secundum illud Pauli Ephes. v. „Eramus aliquando tenebræ, nunc autem lux in Domino.“ ORIGENES in hom. (homil. 11. in div. locos.) Vel aliter. Lux in tenebris fidelium animarum lucet, a fide inchoans, ad spem trahens. Imperitorum vero cordium perfidia, & ignorantia lucem Verbi Dei in carne fulgentis non comprehendunt. Sed iste sensus moralis est. Physica vero horum verborum theoria talis est. Humana natura, etsi non peccaret, suis propriis viribus lucere non posset: non enim naturaliter lux est, sed particeps lucis: capax siquidem sapientiæ est, non ipsa sapientia. Sicut ergo aer per semetipsum non lucet, sed tenebrarum vocabulo nuncupatur; ita nostra natura dum per seipsam consideratur, quædam tenebrosa substantia est, capax ac particeps lucis sapientiæ: & sicut aer dum solares radios participat, non dicitur per se lucere, sed solis splendor in eo apparere; ita rationalis nostræ naturæ pars, dum præsentiam Verbi Dei possidet, non per se res intelligibilis, & Deum suum, sed per institum sibi divinum lumen cognoscit. *Lux itaque in tenebris lucet*: quia Dei Verbum vita, & lux hominum in nostra natura, quæ per se investigata, & considerata, informis quædam tenebrositas invenitur, lucere non definit: & quoniam ipsa lux omni creaturæ est incomprehensibilis, 1. *tenebra: eam non comprehendunt.* C H R Y S O S T O M U S (hom. 1v.) Vel aliter totum ab illo loco, *Et vita erat.*

(1) Al. alius vero continens, eo quod est „Faciamus hominem ad imaginem nostram“, „quidquid etc. (2) Al. absitens, & sic infra. (3) *Lux hominum*, quæ in omnibus a nobis consultis exemplis habetur, sapientia cepit. Nuclei, priore velut incepte de fine indicere: loci posita fugiando. ORIGENES (tract. 11. in Ioan.) Quod lux vita idem est cum luce hominum, nullus qui sit in tenebris, vivit, nec ullus viventium est in tenebris: cum omnis qui vivit sit etiam in luce, ac e converso quisquis est in luce similiter vivat. Rursus, quoniam ex his quæ differunt de contrariis, intelligi possunt contraria prætermissa, differunt autem de vita, et luce hominum; contrarium autem vitæ mors est, et contrarium luci hominum tenebræ hominum: videre est quod qui in tenebris existat hominum, is etiam sit in morte: & quæ lux mortis apertæ non alibi sit quam in tenebris: qui vero agit quæ sunt lucis, vel is cuius opera lucent coram hominibus, & qui memor est Dei, non est in morte, iuxta illud quod Psal. vi. dicitur: Nihil rei cum morte habet: qui memor est tui. An vero tenebræ hominum, et mors nostra talia sint necne, alterius est considerationis. Nos eramus aliquando tenebræ, nunc autem lux in Domino, etiam si sancti spiritusque aliquo modo sumus. Quisquis fuit aliquando tenebræ, factus est sicut Paulus. tenebræ, cum esset capax et aptus ut fieret lux in Domino, etc. (Et rursus hom. 11. in divers.) Vel aliter. Lux hominum est Dominus noster Iesus Christus, qui omni rationali et intellectuall creaturæ seipsum in natura humana manifestavit, et mysteria fidei divinitatis, quæ equalis est Patri, fidelium cordibus resecavit, secundum illud Apostoli (ad Ephes. cap. v.) *Fuistis aliquando tenebræ, nunc autem lux in Domino.* Dic. igitur, *Lux in tenebris lucet*, quia totum genus hominum non ex natura, sed merito peccati originali in tenebris erat ignorantie veritatis: post ortum autem ex Virgine in cordibus cognoscit lux lucet Christus. Quia tamen sunt qui adhuc in tenebris obscurissimi imperant, et perdidit maneat: Evangelicæ fidei subingit: *Et tenebra eam non comprehendunt*, quasi dicat: Lux in tenebris fidelium animarum lucet, a fide inchoans, ad spem trahens, imperitorum vero cordium etc.

erat lux hominum. Primum nos de conditione docuerat, deinde dicit & quæ secundum animam bona præbuit nobis veniens Verbum: unde dicit: *Erat lux hominum*. Non dicit, Lux iudeorum; sed universaliter hominum: non enim Iudæi solum, sed & Gentes ad hanc venerunt cognitionem. Non autem adiecit & Angelorum: quoniam ei de natura humana sermo est, quibus Verbum venit evangelizans bona. ORIGENES (tom. 11. in Ioan. ubi supra.) Querunt autem quare non Verbum lux hominum dictum est, sed vita quæ in Verbo sit: quibus respondemus: Quia vita quæ ad præsens, non ea quæ communis est rationali, & irrationali dicitur, sed quæ adiungitur verbo quod in nobis sit participationem Verbi primarii ad discernendum apparentem vitam, & non veram, & cupiendam veram vitam. Prius ergo participamus vitam quæ apud quosdam quidem est potentia, non actu lux; (1) qui scilicet non sunt avidi perquirere quæ ad scientiam pertinent; apud quosdam vero & actu lux efficitur, qui, secundum Apostolum, emulantur dona meliora, scilicet verbum sapientie. Si tamen & tuncidem est vita & lux hominum, nullus manens in tenebris persequere vivere comprobatur, nec quisquam viventium consistit in tenebris. CHRYSOSTOMUS (homil. iv. in Ioan. a med. illius.) Vita enim adveniente nobis, solum est mortis imperium, & luce lucente nobis, non ultra sunt tenebræ; sed semper manet vita quam mors superare non potest, nec tenebræ lucem: unde sequitur: *Et lux in tenebris lucet*. Tenebræ mortem, & errorem dicit: nam lux quidem sensibilis non in tenebris lucet, sed sine illis; prædicatio vero Christi in medio erroris regnantis fuit, & eum disparere fecit, & in vitam mortem fecit mortuus Christus, ita eam superans ut eos qui detinebantur reduceret. Quia igitur neque mors eam superavit, neque error; sed fulgida est eius prædicatio ubique, & lucet cum propria fortitudine; propterea subdit: *Et tenebra eam non comprehenderunt*. ORIGENES (tom. 11. super illud 1. Ioan. *Lux in tenebris lucet*.) Est etiam sciendum, quod sicut lux hominum nomen est duarum spiritualium rerum, sic & tenebræ: dicimus enim hominum lucem possidentem, opera lucis perficere, & etiam cognoscere quasi illustratum lumine scientiæ; & e contrario tenebras dicimus illicitos actus, & eam quæ videtur

scientia, non est autem. Sicut autem Pater lux est, & in eo tenebræ non sunt, ut sic & Salvator. Sed quia similitudinem carnis peccati subiit, non incongrue de eodicitur, quod tenebræ in eo sunt aliquæ, ipso in se suscipiente nostras tenebras, ut eas dissiparet. Hæc igitur lux, quæ facta est vita hominum, radiat in tenebris animarum nostrarum, & venit ubi princeps tenebrarum harum cum genere bellat humano. Hanc lucem persecutæ sunt tenebræ; quod patet ex his quæ Salvator, & eius filii sustinent, pugnantibus tenebris contra filios lucis. Verum quia Deus patrocinitur, non invalescunt: unde non apprehendunt lucem, vel quia celeritatem cursus lucis subsequi non valent propter propriam tarditatem, vel quia si supervenientem expectant, fugantur luce appropinquante. Oportet autem id considerare, quod non semper tenebræ in sinistra parte sumuntur, sed quandoque in bona, secundum Psalm. xvii. n. Posuit tenebras latibulum suum: "dum ea quæ sunt erga Deum, ignota, & imperceptibilia sunt. De hac ergo laudata caligine dicam, quoniam versum lucem pergit, illamque apprehendit: quia quod erat caligo, dum ignorabatur, in lucem cognitam vertitur ei qui didicit. AUGUSTINUS X. de Civitate Dei (cap. lxxix. circa finem.) Hoc autem initium sancti Evangelii quidam Platonius aureis litteris perscribendum, & per omnes Ecclesias in locis eminentissimis proponendum esse dicebat. BEDA (cap. 1. in Ioan.) Nam alii Evangelistæ Christum in tempore natum describunt, Ioannes vero eundem in principio testator fuisse, dicens: *In principio erat Verbum*. Alii inter homines eum subito apparuisse commemorant, ille ipsum apud Deum semper fuisse testatur, dicens: *Et verbum erat apud Deum*. Alii eum verum hominem, ille verum confirmat Deum, dicens: *Et Deus erat Verbum*. Alii hominem apud homines eum temporaliter conversatum, ille Deum apud Deum in principio manentem ostendit, dicens: *Hoc erat in principio apud Deum*. Alii magnalia quæ in homine gessit perhibent, ille quod omnem creaturam per ipsum (2) Deus Pater fecerit, docet, dicens: *Omnia per ipsum facta sunt, & sine ipso factum est nihil*.

(k) AUGUSTINUS (tract. 11. sparsim.) Ea quæ dicta sunt superius, qui sic venit ad nos, secundum quod apparuit homo. Quia igitur sic erat homo ut lateret in il-

(1) *Al. videntur qui.* (2) *Al. Deum.*

lo Deus, missus est ante illum magnus homo, per cuius testimonium inveniretur plurius homo. Et quis est hic? *Fuit homo*. THEOPHYLACTUS. Non Angelus, ut suspicionem multorum destrueret. AUGUSTINUS (tract. 11.) Et (1) quomodo posset isto verum de Deo dicere, nisi missus a Deo? CHRYSOSTOMUS (hom. v.) Nihil de reliquo humanum esse testimo eorum quæ dicuntur ab illo: non enim quæ eius sunt, sed quæ mittentis omnia loquitur: ideo & Angelus nuncupatus est a Prophetâ (Malach. 111.) dicente: „Ego mitto Angelum meum.“ Angeli enim virtus est nihil proprium dicere. (2) Hoc autem quod dicit, *Fuit missus*, non eius qui ad esse processus offensivum est. Sicut autem Eliaï nullus fuit non aliunde (3) quam a mundo, sed a statu quo vidit Dominum sedentem super solium excelsum, & elevatum, ad plebem; sic & Ioannes a deserto ad baptismum mittitur: ait enim: *Qui misit me baptizare, ille mihi dixit: Super quem videris Spiritum descendentem, & manentem super eum, hic est qui baptizat in Spiritu sancto*. AUGUSTINUS (tract. 11.) Quid vocabatur? *Cui nomen erat Ioannes*. ALBINUS. Id. est gratia Dei, vel in quo est gratia, qui gratiam novi testamenti, id est Christum, tuo testimonio primum mundo innotuit. Vel Ioannes interpretatur cui donatum est, quia per gratiam Dei donatum est illi Regem regum non solum præcurrere, sed etiam baptizare. AUGUSTINUS (tract. 11.) Quare venit? *Hic venit in testimonium, ut testimonium perhiberet de lumine*. ORIGENES (tom. v.) Quidam improbare nituntur edita de Christo testimonia Prophetarum, dicentes, non egere testibus Dei Filium habentem credulitatis sufficientiam tum in his quæ protulit salubribus verbis, tum in mirabilibus operibus suis. Siquidem & Moyses credi meruit per verbum, & virtutes, non egens prævis testibus. Ad hoc dicendum est, quod multis existentibus causis inducentibus ad credendum, plerumque quidam ex hac demonstratione non admittantur, ex alia vero habeat causam ut credant. Deus autem est qui pro cunctis hominibus homo factus est. Constat igitur quoddam ex dictis propheticis ad Christi admirationem coactos, mirantes tot Prophetarum ante eius adventum (4) voces, con-

stituentes nativitatæ eius locum, & alia huiusmodi. Illud quoque advertendum, quod prodigiæ virtutes ad credendum provocare poterant eos qui tempore Christi erant, non autem post longa tempora: nam tabulosa quadam æstimate fuerunt: plus enim peractis virtutibus fuit ad credulitatem quam cum virtutibus quaritur prophetia. Est autem & tale quid dicere, quod quidam in hoc quod testimonium (5) perhibent Deo, honorati sunt. Privare vult ergo chorum Prophetarum ingenti gratia qui dicit, illos non oportere de Christo testimonium exhibere. Accessit autem his Ioannes, ut testimonium de luce perhiberet. CHRYSOSTOMUS (homil. v. in Ioan.) Non ea indigente testimonio; sed propter quid, ipse Ioannes docet, dicens: *Ut omnes crederent per illum*. Sicut enim carnem induit, ne omnes perderet; ita & præconem hominem misit, ut cognatam audientes vocem, facilius advenirent. BEDA. Non autem ait, *Ut omnes crederent in illum*; „maledictus enim“, homo qui condidit in homine: Hier. xvi. sed *ut omnes crederent per illum*; hoc est, per illius testimonium crederent in lucem. THEOPHYLACTUS. Si vero aliqui non crediderint, excusabilis permanet ipse: (6) nam sicut si aliquis includens se in domo caliginis, & ipsum solis radius non illuisset, ipse causam tribuit, & non sol; sic Ioannes, ut omnes crederent, missus fuit; sed & minime consecutus est, ipse huius rei causa non extitit. CHRYSOSTOMUS (homil. v. in Ioan.) Quia vero multum apud nos maior qui testatur, eo cui testimonium perhibet, & dignior hâc esse videtur; ne quis & de Ioanne hoc suspicetur, hanc suspicionem destruit, dicens: *Non erat ille lux; sed ut testimonium perhiberet de lumine*. Si vero non huic insistant opinioni hoc resumptum, *Ut testimonium perhiberet de lumine*, superfluum esset quod dicitur, & magis iteratio sermonis quam explanatio doctrinæ. THEOPHYLACTUS (hoc loco.) Sed dicit aliquis: Ergo neque Ioannem, neque sanctorum quempiam lucem esse, vel fuisse dicemus. Sed si sanctorum aliquem lucem velimus dicere, ponemus lucem absque articulo; ut si interrogatus fueris, utrum Ioannes est lux sine articulo, secure concedas; si vero cum articulo, non concedas. Non enim est ipsa lux principalior, sed lux dicitur

(1) *M.* Et quomodo posset iste verum de Deo dicere? Missus a Deo. (2) *Ad marginem Veneta Nicæ.* Hic & Iohannis hæc notatur. Origenes in Ioan. super *Hic venit in testimonium*. (3) *M.* non eius qui adesse aliunde quam a mundo processus offensivum est. Sicut autem deo. *Legit P. Nicæ* non eius qui ad esse, sed qui ad ministerium processus offensivum est. (4) *M.* vocem. *Nicæ* autem ut *scilicet* ministerio confaretur legendo vocem, habes qui conlocunt. (5) *M.* præbent. (6) *M.* nam est.

titur, quia secundum participationem lucem habeat a vero lumine.

(1) AUGUSTINUS (tract. 11.) De quo lumine Ioannes testimonium perhibeat, ostendit dicens, *Erat lux vera*. CHRYSOSTOMUS (hom. vi.) Vel aliter. Quia superius de Ioanne dixerat, quod venit, & missus est ut testetur de luce, ne quis hoc audiens propter testantis recentem praesentiam, de eo cui testimonium perhibetur, talem quandam suspicionem accipiat, reduxit mentem, & ad eam quae supra omne principium est, transmisit existentiam, dicens, *Erat lux vera*. AUGUSTINUS (tract. 11. in Ioan.) Quare additum est, *Vera*? Quia & homo illuminatus dicitur lux; sed vera lux illa est quae illuminat: nam & oculi nostri dicuntur lumina, & tamen nisi aut per noctem lucerna accendatur, aut per diem sol exeat, lumina illa sine causa patent: unde subdit: *Qua illuminat omnem hominem*. Si omnem hominem, ergo & ipsum Ioannem. Ipse ergo illuminabat, a quo se demonstrari volebat. Quomodo enim plerumque fit ut in aliquo corpore radiato cognoscatur ortus esse sol, quem oculis videre non possumus; quia etiam qui faucibus habet oculos, idonei sunt videre parietem illuminatum, aut aliquid huiusmodi; sic omnes ad quos venerat Christus, minus erant idonei eum videre. Radiavit Ioannem, & per illum confitementem se illuminatum cognitum est ille qui illuminat. Dicit autem: *Venientem in hunc mundum*: nam si illinc non recederet, non esset illuminandus: sed ideo hic illuminandus, quia illa recessit ubi homo poterat esse illuminatus. THEOPHYLACTUS (hoc loco.) Erubescat Manichaeus, qui conditoris maligni, & tenebrosi nos asserit creaturas: non enim illuminaremur, si veri luminis creaturae non essemus. CHRYSOSTOMUS (hom. vii. in Ioan.) Ubi sunt etiam qui non dicunt eum verum Deum? Hic enim lux vera dicitur. Sed si illuminat omnem hominem venientem in hunc mundum, qualiter tot sine lumine permanserunt? Non enim omnes cognoverunt Christi culturam. Illuminat igitur omnem hominem quantum ad eum pertinet; si autem quidam mentis oculos claudentes noluerint recipere lucis huius radios, non a

S. Th. Oper. Tom. V.

(1) *A.* quod illuminat.

Incis natura obtenebratio est eis, sed a malitia eorum, qui voluntarie privant seipsos gratiae dono: nam gratia quidem ad omnes effusa est; qui vero nolunt dono hoc frui, sibi ipsis hanc imputent cecitatem. AUGUSTINUS (de pec. mer. & rem. Lib. XXV. id legitur in Enchirid. cap. ciii. in simili auctoritate.) Vel quoddammodo, (1) *illuminat omnem hominem*, sic intelligimus, non quia nullus est hominum qui non illuminetur, sed quia nisi ab ipso nullus illuminatur. BEDA. Sive naturali ingenio, sive sapientia divina: sicut enim nemo a seipso esse, sic etiam nemo a seipso sapiens esse potest. ORIGENES in hom. (11. in div. loc.) Vel aliter. Non de his qui de occultis seminum causis in species corporales procedunt, debemus intelligere quod *illuminat hominem venientem in hunc mundum*; sed de his qui spiritualiter per regenerationem gratiae, quae datur in baptismo, in mundum veniunt invisibilem. Eos itaque vera lux illuminat qui in mundum virtutum veniunt, non eos qui in mundum vitiarum ruunt. THEOPHYLACTUS. Vel aliter. Intellectus nobis traditus, ac nos dirigens, qui & naturalis ratio nominatur, dicitur lux tradita nobis a Deo. Sed quidam male ratione utentes, seipsos obcuraverunt.

(m) AUGUSTINUS (tract. 11. in Ioan. circa med.) *Lux qua illuminat omnem hominem venientem in hunc mundum*, huc venit per carnem: quia dum hic esset per divinitatem, a stultis, caecis, & iniquis videri non poterat, de quibus supra dictum est: *Tenebrae eam non comprehenderunt*; & ideo dicitur, *In mundo erat*. ORIGENES in hom. (11. in diver. loca.) Ut enim qui loquitur, dum loqui cessat, vox eius esse desinit, & evanescit; sic caelestis Pater, si Verbum suum loqui cessaverit; effectus Verbi, hoc est universitas Verbo condita, non subsistet. Non autem putes quia sic erat in mundo quomodo in mundo est terra, pecora, & homines; sed quomodo artifex regens quod fecit: unde sequitur: *Et mundus per ipsum factus est*. Non enim sic fecit quomodo facit faber: qui enim fabricat, extrinsecus est ad illud quod fabricat; Deus autem insusus mundo, fabricat ubique positus, Eec (1) &

EX EDITIONE P. NICOLAI.

* AUGUSTINUS ut supra. Eius nomine praetermissio totam hanc appendicem omnes editiones praecedentes non tenore velut ex Origene referrebant, sicut & Glossa refert; et nihil in Origene textu.

(1) & non recedit ab aliquo: præsentia maiestatis facit quod facit, & gubernat quod facit. Sic ergo erat in mundo, quomodo per quem factus est mundus. CHRYSOSTOMUS (hom. vii. in Ioan.) Et iterum, quia in mundo erat, sed non ut mundi contemporaneus, propter hoc induxit: *Et mundus per ipsum factus est*; per hoc & rursus te deducens ad æternam existentiam Unigeniti: qui enim audierit quoniam opus eius hoc totum, & si valde (2) insensibilis fuerit, cogetur concedere ante opera esse factorem. THEOPHYLACTUS. Simul autem hic (3) & Manichæi subvertit rabiem, qui malignum conditorem cuncta produxisse dicebat, nec non & Arrii, qui Filium Dei dicebat creaturam. AUGUSTINUS (tract. 11.) Quid est autem, *Mundus per ipsum factus est*? Cælum, terra, mare, & omnia quæ in eis sunt, mundus dicitur. Iterum in alia significatione, dilectores mundi mundus dicuntur; de quo sequitur: *Et mundus eum non cognovit*. Num enim cæli, aut Angeli, aut sidera non cognoverunt creatorem, quem constituntur dæmonia, omnia undique testimonium perhibuerunt? Sed qui non cognoverunt eum? Qui amando mundum, dicti sunt mundus: amando enim mundum, habitamus corde in mundo: nam qui non diligunt mundum, carne versantur in mundo, sed corde inhabitant cælum, sicut Apostolus dicit ad Philip. 111. „Nostra conversatio in cælis est.“ Amando igitur mundum, hoc appellari meruerunt ubi habitant. Quomodo enim cum dicimus, Mala est illa domus, aut bona, non parietes inculamus, aut laudamus, sed inhabitantes; sic & mundum dicimus qui inhabitant mundum amando. CHRYSOSTOMUS (homil. vii. in Ioan.) Qui autem Dei erant amici, eum cognoverunt, etiam ante corporalem præsentiam: unde & Christus ait infra 8. (4) quoniam *Abraham pater vester exultavit ut videret diem meum*. Cum ergo nos interpellant Gentiles, dicentes: Quid est quod in ultimo tempore venit nostram operatur salutem, tanto tempore negligens nos? dicimus, quoniam & ante hoc in mundo erat, & providebat operibus suis, & omnibus dignis cognitus erat; & si eum mundum non cognovit, hi tamen quibus mundus non erat dignus, eum cognoverunt. Dicens autem, *Mundus eum*

non cognovit, breviter causam ignorantiam præbuit. Mundum enim vocat homines qui soli mundo affixi sunt, & quæ mundi sunt sapiunt. Nihil autem ita turbat mentem, ut liqueferi amore præsentium.

(5) CHRYSOSTOMUS (hom. viii.) Dixit quod mundus eum non cognovit, de superioribus loquens temporibus; sed de reliquo sermonem induxit ad prædicationis tempora, & ait, *In propria venit*. AUGUSTINUS (tract. 1.) Quia scilicet omnia per ipsum facta sunt. THEOPHYLACTUS. Vel per propria mundum intelligas, sive iudæam, quam pro hereditate elegerat. CHRYSOSTOMUS (hom. ix.) *In propria ergo venit*, non gratia fuit necessitate, sed gratia beneficii suorum. Sed unde venit qui omnia implet, & ubique adest? Ea quidem quæ ad nos (5) condescensione hoc operatus est: quia enim in mundo exilens, non putabatur adeste, eo quod nondum cognoscebatur, dignatus est induere carnem. Manifestationem vero hanc, & condescensionem (6) adventum vocat. Misericors autem exilens Deus omnia facit, ut nos secundum virtutem splendamus; & propter hoc quidem nullum necessitate, suasionem vero, & beneficiis volentes ad se attrahit; & propterea venientem eum hi quidem susceperunt, alii vero non receperunt. Nullum enim vult invitum neque, eandem habere famulatum: invitum enim trahi, par est eum eo qui totaliter non servit: unde sequitur: *Et sui eum non receperunt*. (Hom. viii.) Iudæos nunc suos dicit, ut populum peculiariter; sed & omnes homines ut ab ipso factos: & sicut superius pro communi verecundatus natura dicebat, quoniam mundus per ipsum factus conditorum non cognovit; ita & hic rursus (7) pro iudæorum anxius indevotione gravius ponit accusationem, dicens: *Et sui eum non receperunt*. AUGUSTINUS (tract. 11.) Si autem omnino nullus recepit, nullus ergo salvus factus est. Nemo enim salvus fuit, nisi qui Christum (8) receperit venientem: & ideo addit: *Quotquot autem receperunt eum*. CHRYSOSTOMUS (hom. ix.) Sive sint servi, sive liberi, sive Græci, sive Barbari, sive insipientes, sive sapientes, sive mulieres, sive viri, sive pueri, sive senes, omnes eodem digni facti sunt honore, de quo sequitur: *Dedit eis potestatem filios Dei fieri*, (9) A. V.

G. V.

(1) P. Nicolai legit non recedit aliquo, potius aliquo adverbium negat. (2) M. insensibiliter. (3) M. & Marcionis. (4) Nicolai amittit quoniam. (5) M. descensione hic operatus est. (6) M. præsentiam. (7) Nicolai habet pro iudæorum ingratitude indignatus in graviores prorsus accusationem &c. (8) M. recepit. (9) M. AMBROSIVS.

GUSTINUS (tract. 11. in Ioan.) Magna benevolentia! Unicus natus est, & noluit manere unus: non timuit habere coheredes, quia hereditas eius non fit angusta, si eam multi possederint. CHRYSOSTOMUS (hom. 1x.) Non autem dixit, quonia fecit eos filios Dei fieri: sed *dedit eis potestatem filios Dei fieri*; ostendens quoniam multo opus est studio, ut eam quæ in baptismo adoptionis formata est, imaginem incontaminatam semper custodiamus: simul autem ostendens quoniam potestatem hanc nullus nobis (1) auferre poterit, nisi nos ipsi auferamus. Si enim qui ab hominibus dominium aliquarum rerum suscipiunt, tantum habent robur quantum sere hi qui dedunt, multo magis nos qui a Deo potimur hoc honore. Simul autem ostendere vult quoniam hæc gratia advenit volentibus, & studentibus: etenim in potestate est liberi arbitrii, & gratiæ operatione filios Dei fieri. THEOPHYLACTUS. Vel quia in resurrectione filiationem perfectissimam consequemur, secundum quod Apostolus dicit Rom. viii. „Adoptionem filiorum Dei“, expectantes redemptionem corporis nostri. „Dedit ergo potestatem filios Dei fieri, idest hanc gratiam in futura gratia consequendi. CHRYSOSTOMUS (homil. 1x. in Ioan.) Et quia in his ipsis ineffabilibus bonis, hoc quidem est Dei, scilicet dare gratiam; illud vero hominis, idest præbere fidem; subiungit: *his qui credunt in nomine eius*. Quid igitur non dicis nobis, o Ioannes, quod eorum sit supplicium qui eum non receperunt? Quia numquid isto supplicio fiet maius quando prædicante eis potestatem filios Dei fieri, non fiant, sed volentes seipsos tanto privant honore? Sed etiam inextinguibilis eos suscipit ignis, quod postea manifestus revelabit. AUGUSTINUS (tract. 11.) Credentes ergo quia filii Dei sunt, & fratres Christi, utique nascuntur: nam si non nascuntur, filii quomodo esse possunt? Sed filii hominum (2) nascuntur ex carne, & sanguine, & ex voluntate viri, & complexu coniugii. Illi autem quomodo nascuntur subdit: *Qui non ex sanguinibus*, tamquam maris, & femine. Sanguina, vel sanguines non est Latinum; sed quia Græce positum est pluraliter, maluit ille qui interpretabatur, sic ponere, & quasi minus Latine loqui secundum grammaticos, & tamen explicare veritatem secundum auditum iherosolymorum. Ex sanguinibus enim maris, & femine homines nascuntur. BEDA. Scien-

dum etiam est, quia in Scripturis sanctis sanguis, cum dicitur pluraliter, peccatum significare solet: unde Psal. l. „Libera me“, de sanguinibus. AUGUSTINUS (tract. 11.) In eo autem quod sequitur, *Neque ex voluntate carnis, neque ex voluntate viri*, carnem pro femina posuit: quia de costa facta cum esset, Adam dixit Gen. 11. „Hoc nunc os de ossibus meis, & caro de carne mea.“ Ponitur ergo caro pro uxore quomodo aliquando spiritus pro marito: quia ille imperare debet, ista servire. Quid enim peius est domo ubi femina habet imperium super virum? Hi ergo neque ex voluntate carnis, neque ex voluntate viri, sed ex Deo nati sunt. BEDA. Carnalis enim singulorum generatio a complexu coniugii duxit originem; at verospiritalis Spiritus sancti gratia ministratur. CHRYSOSTOMUS (hom. 1x.) Hoc autem narrat Evangelista, ut vilitatem, & humilitatem prioris partus, qui est per sanguinem, & voluntatem carnis, addiceret, & altitudinem secundi, qui per gratiam, & nobilitatem est, cognoscentes, magnam quandam hic suscipiamus intelligentiam, & dignam dono ipsius qui genuit, & multum post hoc studium demomitemus.

(3) AUGUSTINUS (tract. 12.) Cum dixisset, *Ex Deo nati sunt*; quasi ne miraremur, & horreremus tantam gratiam, & nobis incredibile videretur, quia homines ex Deo nati sunt: quasi securitatem faciens, ait: *Et Verbum caro factum est*. Quid ergo miraris quia homines ex Deo nascuntur? Attende ipsam Deum ex hominibus natum. CHRYSOSTOMUS (hom. x.) Vel aliter. Cum dixisset, quoniam ex Deo nati sunt qui susceperunt eum, huius honoris posuit causam, hoc scilicet Verbum fieri carnem: factus est enim proprius Filius Dei hominis filius, ut filios hominum faciat filios Dei. Cum autem audieris, quoniam *Verbum caro factum est*, ne turberis: neque enim substantiam convertit in carnem, hoc enim vere impium est intelligere; sed manens quod est, servi formam assumpsit. Quia enim sunt qui dicunt, quoniam phantasmata quædam fuerint omnia quæ incarnationis sunt, eorum blasphemiam destruens, hanc dictionem, *Factum est*, posuit, non transmutationem substantiæ, sed carnis vere assumptionem repræsentare volens. Si vero dixerint: Quoniam Deus omnipotens est, quare & in carnem transmutari non potuit? dicemus quod transmutari ab illa incommutabili natura omnino procul est.

Ecce 2. AU-

(1) Al. eorum auferre. (2) Al. nascuntur unum ex sanguine.

AUGUSTINUS XV. de Trin. (cap. xi.) Sicut autem verbum nostrum vox quodammodo corporis fit assumendo eam in qua manifestatur sensibus hominum; sic Verbum Dei caro factum est, assumendo eam in qua & ipsum manifestaretur sensibus hominum. Et sicut verbum nostrum fit vox, nec mutatur in vocem; ita Verbum Dei caro quidem factum est; sed abicit ut mutaretur in carnem: assumendo quippe illam non in eam se confundendo, & hoc nostrum vox fit, & illud caro factum est. EX CESTIS Concilii Ephesioi. Sermo etiam quem proferimus, quo in alterutris locutionibus utimur, sermo est incorporeus, non aspectui subiectus, non tactu tractabilis; sed cum sermo inducit litteras, & elementa, visibilis fit, aspectu comprehenditur, tactu tractatur: sic & Verbum Dei, quod naturaliter invisibile (1) est, visibile fit; & quod natura incorporeum est, invenitur esse tractabile. (2) ALCUINUS. Cum etiam credamus animam incorpoream corpori coniungi, ut ex his duobus fiat unus homo, facilius possumus credere divinam substantiam incorpoream animae in corpore coniungi in uno nomine personae; ita ut Verbum in carnem non fit convertum, nec caro in Verbum, cum nec corpus in animam, nec anima convertatur in corpus. THEOPHYLACTUS (super *Et verbum caro.*) Apollinaris autem Laodicensis in hoc verbo haereticum statuit: dicebat enim, quod Christus animam rationalem non habuit, sed tantum carnem, habens divinitatem pro anima, quae corpus dirigit, & gubernat. AUGUSTINUS

contra Ser. Arrian. (cap. ix.) Si autem moveatur in eo quod scriptum est, quod *verbum caro factum est*, nec ibi anima nominatur; intelligant carnem pro homine positam, a parte totum, figuratæ locutionis modo, sicuti est, „Ad te omnis caro veniet“ Psal. lxi. item ad Rom. i. quod „ex operibus legis non iustificabitur omnis caro“; quod apertius alio loco (Galat. ii.) dicitur: „Non iustificabitur homo ex operibus legis.“ Sic itaque dictum est: *Verbum caro factum est*; ac si diceret: Verbum homo factum est. THEOPHYLACTUS (ubi supra.) Evangelista volens ostendere inenarrabilem Dei condescensum, carnem commemorat, ut illius admiremur misericordiam, quocumque propter nostram salutem quod omnino remotum, & distans est ab eius natura, assumpsit, scilicet carnem: anima namque habet aliquam propinquitatem ad Deum. Si autem Verbum incarnatum est, & humanam animam non assumpsit; sequeretur quod adhuc animæ nostræ curatæ non esset: quod enim non assumpsit, non sanctificavit. Et qualis derisio, cum anima prius peccaverit, ut carnem assumendo sanctificaretur, id quod est principalis infirmum (3) reliquerit? Subvertitur ex hoc dicto Nestorius, qui dicebat quod non Deus Verbum ipse idem factus est homo ex sacro conceptus sanguine Virginis; sed (4) Virgo peperit hominem qui omnis virtutis (5) doctor erat specie, & Dei Verbum illi erat coniunctum: & ex hoc duos filios asserbat, unum natum de Virgine, scilicet hominem, alterum de Deo,

(1) *Al.* & visibile fit. (2) *Longe alia repensit P. Nicolai in hunc modum.* ALCUINUS. (Lib. I. cap. i. in Ioan.) Quod ergo hic dicitur, *Verbum caro factum est*, nihil aliud debet intelligi quam si diceretur, *Deus homo factus est*, eandem videlicet induendo, et animam: ut sicut quisque nostrum unus homo ex carne constat, et anima, ita unus ab incarnationis tempore Christus ex divinitate, carne, unus constet. Ac rursus infra: Divinitas Verbi hominem illum singulariter electum cum quo una Christi persona esset, altius dignata est; non aliquid suæ divinitatis substantie in faciendam hominis naturam commutans, id naturam hominis quam non habebat suscipiens. Item (Lib. III. de fid. Trin. cap. ix.) Certissime constat, in illam personam quam habuit æternaliter, Dei filium humanam assumpsisse naturam, non personam: homo transit in Deum, non veritas in naturam; sed propter divinitatem personæ. Ideo non sunt duo, sed unus Christus, Deus homo. Et Lib. I. contra Felicem Urgellitanum: Verbum cum carne ita est ineffabili modo unitum, ut ipsam Verbum carnem dicamus factum; licet illud Verbum non sit mutatum in carnem; et caro illa dicatur Deus, licet non sit in deitatis naturam mutata, etc. Ut et Lib. III. Duas naturas in una Christi persona sic ineffabiliter coniunctas confitemur, ut manente proprietate ambatrum fit in hac sancta et mirabili coniunctione non deitatis conversio, sed humanitatis exaltatio: id est, non Deus conversus in hominem, sed homo glorificatus in Deum, etc. Et in Glossa. Cum credamus etc. *Natur autem ad marianum, appendicem quam S. Thomas, ut & Glossa, ex Alcuino refert, in eius operibus non occurrere: præsertim se hoc monia ex variis, ut patet, Alcuini locis collecta, et in eundem sensum recedente appropinquasse.* (3) *Al.* reliqueret. (4) *Al.* verbo. (5) *Al.* donatus; Nicolai autem doctoris, donatusque specie, Dei Verbum sibi habet coniunctum.

EX EDITIONE P. NICOLAI.

a Hoc est ex Concil. ipso Ephes. part. 119. in hom. de natali die Salvatoris, quam Theodotus An-
cyranus habuit, et quæ ibi lecta est, ut iam notatum supra.

Deo, scilicet Dei Filium homini illi coniundum secundum (1) gratiæ habitudinem, & amorem. Contra quem Evangelista dixit, quod ipsum Verbum factum est homo, non quod Verbum inveniens hominem virtuosum, se sibi coniunxerit. GYRILLUS ad Nestorium (epist. 8.) Carnem enim animatam anima rationali uniens Verbum sibi secundum subsistentiam, ineffabiliter, & intelligibiliter factus est homo, & appellatus est Filius hominis, non secundum voluntatem solam, aut beneplacitum, sed neque in assumptione personæ solius. Diversæ quidem quo ad unionem (2) collatæ naturæ, unus autem ex ambabus Christus & Filius, non quasi differentia naturarum interempta propter adunationem. THEOPHYLACTUS (super *Et habitavit in nobis.*) Adificimus ergo per hoc quod dicitur, *Verbum caro factum est*, quia ipsum Verbum est homo, & Filius Dei existens factus est filius mulieris; quæ principaliter Dei genitrix nuncupatur, tamquam Deum in carne genuerit. HILARIUS X. de Trin. (ante med.) Quidam autem volentes unigenitum Deum, qui in principio apud Deum erat Deus Verbum, non substantivum Deum esse, sed sermonem vocis emissæ, ut quod loquentibus verbum suum, hoc sit Patri Deo Filius, argute subrepere volunt, ne subsistens Verbum Deus, & manens in forma Dei Christus homo natus sit, ut cum hominem illum humanæ potius originis causa quam spiritalis conceptionis sacramentum animaverit, non Deus Verbum hominem se ex parte Virginis efficiens existerit; sed, ut in Prophetis Spiritus prophetiæ, ita in Iesu Verbum Dei fuerit. Et arguere nos solent, quod Christum dicamus esse natum non nostri corporis, atque animæ hominem, cum nos Verbum carnem factum, nostræ similitudinis natum hominem prædicemus, ut vere Dei Filius vere Filius hominis natus sit; & ut per se sibi assumpsit ex Virgine corpus, ita ex se sibi animam assumpsit; quæ utique ab homine nunquam generantur originibus præberetur: & cum ipse Filius hominis sit, quam ridicule præter Dei Filium, qui Verbum caro factum est, alium nescio quem: tamquam Prophetam Verbo Dei animatum prædicabimus, cum Dominus Iesus Christus & Dei Filius, & hominis (3) Filius sit? CHRYSOSTOMUS (hom. x.) Ne autem ab eo quod dicitur est, *Verbum caro factum est*, inconve-

nienter suspiceris versionem illius incorruptibilis naturæ, subdit: *Et habitavit in nobis.* Quod enim habitat, non idem est cum habitaculo, sed aliud; aliud autem dicolecundum naturam, (4) unionem vero, & copulationem unum est Deus Verbum caro, neque confusione facta, neque destructione substantiarum. ALCUINUS. Vel *habitavit in nobis*; id est, inter homines conversatus est.

(p) CHRYSOSTOMUS (hom. xi.) Cum dixisset, (5) quod filii Dei facti sumus, & non aliter quam per hoc quod *Verbum caro factum est*, rursus ipse dicit & aliud lucrum: *Et vidimus gloriam eius*: quam utique non vidissemus, nisi per consortium humanitatis vilis esset nobis. Si enim Moyse non sustinuerunt faciem glorificatam videre, sed velamine opus fuit; qualiter divinitatem eandem existentem, inaccessibilem etiam ipsi superioribus virtutibus, nos lutei, & terrestres sufferre possemus? AUGUSTINUS (tract. xi.) Vel aliter. Quia *Verbum caro factum est*, & *habitavit in nobis*, ista nativitate collyrium fecit, unde tergerentur oculi cordis nostri, ut possumus videre maiestatem eius per eius humanitatem; & ideo dicitur: *Et vidimus gloriam eius.* Gloriam eius nemo posset videre, nisi humilitate carnis sanaretur. Irruerat enim homini quasi pulvis in oculum de terra: oculus iste laniatus erat, & terra illuc mittitur ut sanetur: caro te obcecaverat, caro te sanat. Carnalis enim anima facta erat, consentiendo carnalibus affectibus, inde fuerat oculus cordis cæcatus: medicus fecit tibi collyrium, quoniam sic venit ut de carne vitia carnis extingueret. Verbum enim caro factum est, ut possis dicere: *Vidimus gloriam eius.* CHRYSOSTOMUS (hom. xi.) Subdit autem, *Quasi Unigeniti a Patre*: quia multi Prophetarum glorificati sunt, puta Moyses, Eliseus, & alii multi quicunque miracula ostenderunt; sed & Angeli hominibus apparentes, & eam quæ est propriæ naturæ coruscantem lucem manifestantes, sed & Cherubim, & Seraphim cum multa gloria visa sunt a Prophetis. Ab omnibus his nos abducens Evangelista, & supra omnem naturam, & conservorum nostrorum claritatem erigens mentem, ad ipsum nos perducit verticem; quasi dicat: Non ut Prophetæ, aut alterius hominis, vel Angeli, aut Archangeli, aut alius cuius superiorum virtutum est gloria quam

vidi-

(1) *Al.* gratiam, habitudinem &c. (2) *P. Nicolai* legi collectæ sunt naturæ. (3) *Al.* amicitia Filius. (4) *Al.* unionem vero, & copulativam. (5) *Al.* desuper quod; & sic etiam infra.

vidimus; sed quasi ipſus dominatoris, ipſius Regis, ipſus naturalis Filius unigeniti. GREGORIUS (Lib. XXVIII. Moral. cap. 1v. vel in nov. exem. cap. vi.) In ſacro enim eloquio ſicut, & quaſi aliquando non pro ſimilitudine ponitur, ſed pro veritate; unde & iſtud, *Quaſi Unigeniti a Patre*.

CHRYSOSTOMUS (hom. xi.) Ac ſi diceret: Vidimus gloriam qualem decebat, & conveniens eſt habere unigenitum & naturalem Filium. Conſuetudo enim multorum, Regem valde ornatum videntium (1) eſt ut cum aliis enarrantes non poſſunt univerſalem repreſentare claritatem, hoc inducunt: Quid oportet multa dicere? Quaſi Rex ibat. Sic & Ioannes dicit: *Vidimus gloriam eius, gloriam quaſi Unigeniti a Patre*. Angeli enim apparentes, ut ſervi, & Dominum habentes, omnia agebant; ipſe vero ut Dominus cum humilis forma apparens. Sed & creaturæ Dominum cognoverunt, ſtella magos vocans, Angeli paſtores, puer exultans in utero; ſed & Pater teſtatus eſt de cælis, & Paraclytus ſuper ipſum advenit; ſed & ipſa rerum natura omni tuba clariſſe clamavit, quoniam Rex cælorum advenit: etenim demones fugiebant, infirmitatis ſpecies ſolvebantur, mortui dimittebant ſepulcra, & animas a malitia ad virtutis verticem agebat. Quid utique quis dicat præceptorum Philoſophiam, cæleſtium legum virtutem, angelicæ urbanitatis bonam ordinationem? ORIGENES in hom. 11. in diver. locos.) Eius autem quod ſequitur, *Plenum gratia, & veritate*, duplex intellexus eſt. Poſſet enim de humanitate, ac divinitate incarnati Verbi accipi; ita ut plenitudo gratiæ referatur ad humanitatem, ſecundum quam Chriſtus caput eſt Eccleſiæ, & primogenitus creaturæ univerſæ: quoniam maximum, & principale gratiæ exemplum, qua nullis præcedentibus meritis homo efficitur Deus, in ipſo primordially (2) maniſeſtum eſt. Poſſet etiam plenitudo gratiæ Chriſti de Spiritu ſancto intelligi, cuius ſeptiformis operatio humanitatem Chriſti implevit. Plenitudo vero veritatis ad divinitatem referetur. (Tom. 11. in Ioan.) Si vero plenitudinem gratiæ, & veritatis de novo teſtamento magis intelligere, non incongrue pronuntiabiſ plenitudinem gratiæ novi teſtamenti eſſe per Chriſtum donatam, & legalium ſymbolorum veritatem in ipſo eſſe impletam. ТНЕОРУ-

LACTUS (hoc loco.) Vel *plenum gratia*, prout eius verbum gratioſum erat, dicente David Pſal. xlv. „ Diffuſa eſt gratia in la- „ bis tuis: “ & *veritate*, ſecundum quod Moyſes, & Prophætæ loquebantur, aut operabantur in ſigura, Chriſtus autem cum veritate. .

(q) ALCIVIVS. Dixerat ſuperius fuiſſe miſſum hominem ad perhibendum teſtimonium; (3) hic determinat teſtimonium ſuum, quod maniſeſte (4) præcurſor pronuntiavit: unde dicitur: *Ioannes perhibet teſtimonium de ipſo*. CHRYSOSTOMUS (hom. xiiii.) Vel aliter hoc inducit; ac ſi dicat: Non æſtimeris quod nos qui ſuimus cum eo multo tempore, & menſe ipſius communicavimus, propter gratiam hoc teſtemur, quia Ioannes, qui antea eum non viderat, nec ei commemoratus fuerat, ei teſtimonium perhibebat. Multoties autem Evangeliſta revolvit eius teſtimonium, quia multam admirationem huius viri habebant Iudæi. Er alii quidem Evangelizæ antiquorum meminerunt Prophetarum, dicentes: „ Hoc factum eſt ut impleatur quod dictum „ eſt per Prophetam: “ hic autem altiorum, & recentiorum teſtem inducit, non intendens a ſervo dominatorem facere fide dignum, ſed auditorum imbecillitati condeſcendens. Quemadmodum enim niſi ſervi formam aſſumpſiſſet, non ita facile ſuſceptibilis factus eſſet; ita niſi ſervi voce auditum conſervorum præceſſiſſet, nequaquam multi Iudæorum verbum Chriſti ſuſcepiſſent. Sequitur, *Et clamat*; ideſt, cum propalatione, cum libertate, ſine ſubtractione omnia prædicat. Non autem a principio dixit, quoniam hic eſt Filius Dei unigenitus naturalis; ſed clamat dicens: *Hic erat quem dixi: Qui poſt me venit, ante me factus eſt, quia prior me erat*. Quemadmodum enim matres avium, non conſeſſum pullos ſuos vocationem docent; ſed primo quidem extranidum educunt, poſtea vero aliam multo velociorem vocationem apponunt; ſic & Ioannes non conſeſſum Iudæos ad alta duxit, ſed interim paululum a terra eos evolare docuit dicens, quod Chriſtus melior eo erat; quod non parum interimerat. Et vide qualiter ſapienter inducit teſtimonium: non enim ſolum apparentem Chriſtum monſtrat, ſed & ætequam apparuiſſet eum prædicat, quod ſignificatur in hoc quod dicit: *Hic erat de quo dixi*. Hoc autem fecit ut facile ſuſce-

(1) M. ubi cum aliis. (2) M. maniſeſtum eſt. (3) P. Nicolaus habet: Hic determinat teſtimonium, quo certitudinem humanitatis, & divinitatis æternitatem ſimul maniſeſte præcurſor prænuntiat: unde dicitur etc. (4) M. præceſſor.

susceptibilis esset Christus, hominum mente iam (1) prædetenta ab aliis quæ de eo dicta erant, & nihil ad hoc humilitas habitus noceret. Ita enim humili, & communi omnibus forma Christus utebatur, ut si simul & verba hæc audissent de eo, & eum considerassent, Ioannis testimonium derisissent. THEOPHYLACTUS. Dicit autem, *Qui post me venit*, videlicet secundum tempora nativitatis: sex enim mensibus prior Christo Ioannes erat secundum humanitatem. CHRYSOSTOMUS (hom. xiii.) Vel hoc non dicit de ea generatione quæ est ex Maria: iam enim natus erat Christus quando hæc a Ioanne dicebantur: sed de adventu eius ad prædicationem. Dicit autem: *Ante me factus est*; idest, clarior est, & honorabilior; ac si dicat: Non quia prior veni ad prædicandum, ex hoc maiorem me esse illo existimetis. THEOPHYLACTUS (super *Ante me factus est*). Arianus vero hanc litteram sic exponunt, volentes ostendere quod Dei Filius non est a Patre genitus, sed factus, sicut una alia creatura. AUGUSTINUS (tract. lxi.) Non ergo intelligitur: Factus est antequam ego essem factus; sed antepositus est mihi. CHRYSOSTOMUS (homil. xlii.) Si autem quod dicitur, *Ante me factus est*, de productione ad esse intelligeretur, superfluum esset quod additur, *Quia prior me erat*. Quis enim esset ita insipiens ut ignoret quoniam ex quo ante eum factus est, prior eo erat. Aliter autem e contrario oportet dicere; scilicet, Prior me erat, quia ante me factus est. Ergo quod dicit, *Ante me factus est*, de honore intelligitur: hoc enim quod futurum erat, factum dicit, quia consuetudo erat antiquorum Prophetarum de futuris quasi de iam præteritis loqui.

(1) ORIGENES (in Ioan. super illud, *Hoc est testimonium Ioannis*). Sermo iste in persona Baptiste de Christo testantis prolatus est; quod plurimos fallit, ex hinc usque illuc, *Ille enarravit*, credentes in persona Ioannis Apostoli recitari. Inconsequens autem esse putare, subito, & quasi impetitive interrumpi Baptistæ sermonem ex verbo discipuli; & cuique scienti percipere discolorum collisionem, in propatulo constat series dicti. Dixerat enim ob hoc: *Ante me factus est, quia prior me erat*. Ex hoc autem coniecto priorem me fore, quod ex eius plenitudine ego quidem, & ante me Prophetæ accepimus gratiam secundam pro prima.

Pertigerunt enim & illi post figuras per spiritum ad veritatis speculationem. Hinc etiam perpendimus ex plenitudine eius accipientes, legem quidem per Moysen fore datam, gratiam autem, & veritatem per Iesum Christum, necdum fore datam, sed factam; Patre quidem legem dante per Moysen, gratiam, & veritatem faciente per Iesum. Sed si Iesus est qui dicit infra xiv. *Ego sum veritas*, quomodo veritas sit per Iesum? Sed intelligendum est, quod ipsa veritas substantialis (ex (2) qua prima veritate, & eius imagine sculptæ sunt multæ veritates in his qui veritatem tractant) nequaquam per Iesum Christum facta est, nec prius per aliquem; sed veritas, puta quæ consistit in Paulo, & Apostolis, per Iesum Christum facta est. CHRYSOSTOMUS (hom. xlii.) Vel aliter. Coniungit hic testimonio Ioannis Baptiste suum testimonium Ioannes Evangelista, dicens: *Et de plenitudine eius nos omnes accepimus*. Non præcursoris est verbum, sed discipuli, quasi dicat: Etiam nos omnes duodecim, & omnis plenitudo fidelium, & qui nunc sunt, & futurorum, de plenitudine eius accepimus. AUGUSTINUS (tract. lxi. sparsim.) Quid autem accepistis? Et gratiam pro gratia: (2) ut nescio quid nos voluerit intelligere de plenitudine eius accepisse, & insuper gratiam pro gratia: accepimus enim de plenitudine eius primo gratiam, & rursum accepimus gratiam pro gratia. Quam gratiam primo accepimus? Fidem. Vocatur enim gratia, quia gratia datur. Hanc ergo accepit gratiam primam peccator, ut eius peccata dimitterentur; & iterum gratiam pro gratia; idest, pro hac gratia in qua ex fide vivimus, recepturi sumus aliam, idest vitam æternam: vita enim æterna quasi merces est fidei: sed quia ipsa fides gratia est, vita æterna gratia est pro gratia. Non erat ista gratia in veteri testamento: quia lex minabatur, non opitulabatur; inebat, non sanabat; languorem ostendebat, non auferbat; sed præparabat medico venturo cum gratia, & veritate: unde sequitur: *Quia lex per Moysen data est; gratia, & veritas per Iesum Christum facta est*. Mortem enim temporalem, & æternam occidit mors Domini tui: ipsa est gratia quæ promissa, & non habita erat in lege. CHRYSOSTOMUS (hom. xlii. sparsim.) Vel accepimus gratiam pro gratia; idest, pro veteri novam. Sicut enim est iustitia & iustitia, adoptio & adoptio, circumcisio & cir-

(1) *M.* prece detenta ut ab aliis &c. *Nicolas* legit pene detenta. (2) *M.* ex prima veritate, & sua plenitudo. (3) *M.* nescio ut quid.

circumciso, ita gratia & gratia; sed illa quidem ut typus, hæc vero ut veritas. Hoc autem induxit, offendens quoniam & Iudæi gratia salvabantur; sed & nos omnes gratia salvi sumus: misericordiæ autem, & gratiæ fuit legem suscipere. Propterea cum dixisset, *Gratiam pro gratia*, ostendens magnitudinem eorum quæ data sunt subdit: *Quia lex per Moysen data est; gratia, & veritas per Iesum Christum facta est*. Et supra quidem Ioannes ad seipsum comparans Christum, ait: *Ante me factus est*: hic autem Evangelista ad eum qui illo tempore magis in admiratione apud Iudæos erat quam Ioannes, Christi comparisonem facit, scilicet ad Moysen. Et considera prudentiam. Non personarum, sed rerum comparisonem facit, gratiam, & veritatem legi opponens; & huic addit, *Data est*: quod ministrantis erat: huic autem, *Facta est*; quod est Regis cum potestate omnia operantis: cum gratia quidem, quia cum potestate omnia dimittebat peccata. Et gratiam quidem eius baptismatis donum, & adoptio quæ per Spiritum nobis datur, & alia multa ostendunt; veritatem autem plenius sciemus: si figuras veteris legis didicerimus: ea enim quæ in novo testamento figuræ præscripserunt, quas Christus veniens adimplevit. Unde figura data est per Moysen; veritas per Christum facta est. AUGUSTINUS XIII. de Trin. (cap. xix.) Vel gratiam referamus ad scientiam, veritatem ad sapientiam: in rebus enim per tempus ortis illa summa gratia est, quod homo in unitate personæ coniunctus est Deo; in rebus vero æternis summa veritas recte tribuitur Dei Verbo.

(1) ORIGENES (tom. vi.) Incongrue (2) Heracleon asserit hoc promulgatum fuisse non a Baptista, sed a discipulo: nam si illud, *De plenitudine eius nos omnes accepimus*, a Baptista prolatum est, quomodo non est loquens, ipsum de gratia Christi suscipientem, & secundum pro prima gratia, consentientemque, legem per Moysen fore traditam, gratiam vero, & veritatem per Iesum Christum prodiisse, intellexisse qualiter Deum nemo vidit umquam, (2) quodque Unigenitus, cum in Patris gremio requiescat, interpretationem ipsi Ioanni, nec non omnibus his qui de perfectione gustaverint, concesserit? Non enim nunc primitus annuntiavit: nam priusquam Abraham fieret,

docet nos Abraham exultasse, ut (3) videret eius gloriam. CHRYSOSTOMUS (hom. xiv.) Vel aliter. Evangelista ostendens multam eminentiam donorum Christi ad ea quæ per Moysen dispensata sunt, vult de reliquo causam rationalem differentiarum dicere: nam ille quidem famulus existens, minorum rerum factus est minister; hic vero dominator, & Regis filius existens, multo maiora nobis attulit coexistens semper Patri, & videns eum: propter hoc ita intulit, dicens: *Deum nemo vidit umquam*. AUGUSTINUS ad Paulinam (epist. cx. cap. iv.) Quid ergo est quod Iacob dicit Gen. xxxiii. „Vidi Dominum facie ad faciem:“ & quod de Moysen scriptum Exod. xxxiii. quia „loquebatur cum Deo facie ad faciem:“ & illud quod Propheta Esaias loquens de seipso ait cap. vi. „Vide Dominum sabaoth, sedentem in throno?“ GREGORIUS XVIII. Moral. (cap. xxxvii. vel in nov. exemp. xxviii.) Sed patenter datur intelligi quod quamdiu hic mortaliter vivitur, videri per quasdam imagines potest Deus; sed per ipsam naturæ suæ speciem non potest: ut anima gratia Spiritus afflata, per figuras quasdam Deum videat, sed ad ipsam vim eius essentiae non pertingat. Hinc enim quod Iacob, qui Deum se vidisse testatur, non nisi Angelum vidit: hinc est quod Moyses, qui cum Deo facie ad faciem loquitur, dicit Exod. xxxiii. „Ostende mihi temetipsum manifeste, ut videam te.“ Ex qua eius petitione colligitur, quia eum stitabat per incircumscriptæ naturæ suæ claritatemcernere, quem iam cœperat per quasdam imagines videre. CHRYSOSTOMUS (hom. xiv.) Si autem antiqui patres ipsam viderunt naturam, nequam differenter considerassent: simplex enim quædam est, & infigurabilis; non sedet, neque stat, neque ambulat, hæc enim corporum sunt: unde & per Prophetam dicit, Osee xii. „Ego visionem multiplicavi eis, & in manibus Prophetarum assimi-latus sum:“ hoc est, condescendi eis, non quod eram apparui: quia enim Filius Dei per veram carnem appariturus erat nobis, primo excitavit eos videre Deum, sicut possibile erat eis videre. AUGUSTINUS ad Paulinam (epist. cxii. sparsim.) Sed cum scriptum sit Matth. v. „Beati mundo corde, quoniam ipsi Deum vident“ bunt: „& iterum I. Ioan. iii. „Cum

„appa-

(1) *Al. Erudius, (2) Al. quamquam, (3) Al. videat.*

„apparuerit similes ei erimus, quoniam videmus, debimus cum sicuti est: „quid est quod hic dicitur: *Deum nemo vidit unquam*? An fortasse responderetur, quod illa testimonia de videndo Deo sunt, non de viso? „Ipsenim „Deum videbunt, „didum est, non viderunt; & non vidimus, sed „videbimus „eum sicuti est: „*Deum enim nemo vidit unquam*: vel in hac vita sicuti ipse est, vel etiam in Angelorum vita, sicuti visibilia ista quæ corporali visione cernuntur. GREGORIUS XVIII. Moral. (cap. xxxviii. al. xxviii.) Si vero a quibusdam potest in hac corruptibili carne viventibus, sed tamen inextimabili virtute crescentibus, quodam contemplationis acumine æterna claritas Dei videri; hoc ab hac sententia non abhorret, quoniam quisquis sapientiam, quæ Deus est, videt, huic vitæ funditus moritur, ne iam eius amore teneatur. AUGUSTINUS XII. super Genesim ad litteram (cap. xxvii.) Nisi enim ab hac vita quisque quodammodo moriatur, sive omnino exiens de corpore, sive ita aversus, & alienatus a carnalibus sensibus, ut merito nesciat, sicut Apostolus ait II. Corinth. xii. utrum in corpore, an extra corpus sit, non in illam rapitur, & subvehitur visionem. GREGORIUS XVIII. Moral. (ut supra.) Sciendum vero est, quod si vere nonnulli qui Deum dicerent in illa regione beatitudinis in claritate sua conspici, sed in natura minime videri; quos nimirum minor inquisitionis subtilitas fessellit: neque enim illi simpliciter, & incommutabili essentiae aliud est claritas, aliud natura. AUGUSTINUS ad Paulinam (cap. iv.) Si autem dicitur, in hoc quod scriptum est, *Deum nemo vidit unquam*, homines tantummodo intelligendos: nam hoc Apostolus planius explicans II. ad Tim. vi. „Quem nemo, inquit, hominum vidit, sed nec videre potest: „ut ita didum sit, *Deum nemo vidit unquam*, ac si diceretur, Nullus hominum: quæstio illa solvi videbitur, ut non sit huic sententiae contrarium quod Dominus ait Matth. xviii. „Angeli eorum semper vident faciem Patris mei; „ut scilicet Angelos Deum videre credamus, quem *nemo vidit unquam*, scilicet hominum. GREGORIUS XVIII. Moral. (ubi supra.) Sunt tamen nonnulli qui nequaquam Deum videre nec Angelos suspicantur. CHRYSOSTOMUS (hom. xiv.) Dicentes, (1) quod ipsum quod Deus est, non solum Prophetæ, sed

S. Tb. Oper. Tom. V.

nec Angeli viderunt, neque Archangeli. Sed si interrogaveris eos, (2) audies de substantia nihil respondentes. „Gloria vero „in excelsis Deo „non solum cantantes; sed „& in terra præ hominibus bonæ voluntatis: „Luc. ii. „Et si Cherubim, & Seraphim concupiveris aliquid discere, mysticam sanctorum melodiam audies, & quoniam plenum est cælum & terra gloria eius. AUGUSTINUS ad Paulinam (epist. xii. cap. vii.) Quod quidem intantum verum est, quia Dei plenitudinem nullus non solum oculis comprehendit, sed vel ipsa mente aliquando comprehendit. Aliud est enim videre, aliud totum videndo comprehendere; quandoquidem id videtur quod præsens utcumque sentitur, totum autem comprehenditur videndo quod ita videtur ut nihil eius lateat videntem, aut cuius fines circumspici possunt. CHRYSOSTOMUS (hom. xiv.) Sic igitur solus Pater videtur Filius, & Spiritus sanctus. Quod enim creabilis est naturæ, qualiter poterit videre quod increabile est? Ita igitur nullus novit Deum, ut Filius: unde sequitur: *Unigenitus Filius, qui est in sinu Patris, ipse manavit*. Ne propter nominis communionem unum quemdam eorum qui gratia facti sunt filiorum esse existimes eum, primo quidem adiectus est articulus. Si vero hoc non sufficit tibi, audi aliud nomen, *Unigenitus*. HILARIUS VI. de Trin. (ultra med.) Naturæ quidem si des non satis explicata videbatur ex nomine Filii, nisi proprietatis virtus per exceptionis significantiam adderetur: præter Filium enim & unigenitum nihil (3) cognominans, suspicionem penitus adoptionis excludit, cum veritatem nominis, unigeniti naturæ præstaret. CHRYSOSTOMUS (hom. xiv.) Sed & aliud posuit, dicens: *Qui est in sinu Patris*. Etenim in sinu conversari multo plus est quam simpliciter videre: nam qui simpliciter videt, non omnino eius quod videt cognitionem habet; qui vero in sinu convertitur, nihil ignorabit. Cum igitur audieris quod nullus cognoscit Patrem nisi Filius, nequaquam dicas, quoniam et si plus omnibus novit Patrem, sed non quantum est novit eum: propterea Evangelista in sinu Patris eum morari dicit, ut non æstimemus per id aliud significatum quam familiaritatem Unigeniti, & coæternitatem ad Patrem. AUGUSTINUS (tract. xii.) In sinu enim Patris, id est in secreto Patris: non enim Deus habet sinum, quem-

Fff admo-

(1) Lexis Nicala: Hoc certe ipsum quod Deus est etc. (2) Idem adiungit nempe Angelos. (3) Alii cognovimus.

admodum nos habemus in vestibus; aut cogitandum est sic ledere, quomodo nos; aut forte cinctus est, ut sinum haberet: sed quia sinus noster intus est, secretum Patris sinus Patris vocatur. Qui ergo in secreto Patris novit Patrem, ipse enarravit quod vidit. **CHRYSOSTOMUS** (hom. xiv.) Sed quid enarravit? Quoniam unus est Deus. Sed & hoc reliqui Prophetæ, & Moyses clamant: quid ergo plus didicimus a Filio in sinibus paternalibus existente? Primum quidem ipsa hæc quæ alii narraverunt, sunt enarrata ex operatione Unigeniti; deinde quoniam multo maiorem suscepimus doctrinam per Unigenitum, & cognovimus quoniam spiritus est Deus, & quod eos qui adorant eum in spiritu, & veritate adorare oportet, & quoniam Deus Pater est Unigeniti. **BEDA.** Præterea sciendum, quia si ad præteritum referatur quod ait, *Enarravit*, homo factus enarravit quid de Trinitatis unitate sciendum, qualiter ad eius contemplationem properandum, quibus adibus sit perveniendum. Si vero referatur ad futurum, tunc enarrabit cum electos suos ad visionem claritatis suæ inducet. **AUGUSTINUS** (tract. 111.) Fuerunt autem homines qui dicerent, vanitate cordis sui decepti: Pater invisibilis est, Filius autem visibilis est. Si ergo propter carnem Filius visibilis dicitur, & nos concedimus, & est catholica fides; si autem, ut ipsi dicunt, antequam incarnaretur, multum delirant, si Christus sapientia Dei, & virtus Dei est: sapientia enim Dei videri oculis non potest. Si verbum hominis oculis non videtur, Verbum Dei sic videri potest? **CHRYSOSTOMUS** (homil. xiv.) Non igitur soli ipsi proprium est, *Deum nemo vidit umquam*, sed & Filio: quia, ut Paulus dicit, est imago Dei invisibilis; qui vero invisibilis imago est, & ipse invisibilis est.

(1) **ORIGENES** (in Ioan. super illud, *Hic venit in testimonium*.) Secundum legitur hoc testimonium a Ioanne Baptista de Christo prolatum, incipiente primo illius, *Hic est de quo dixi*, & desinente ibi, *ipse enarravit*. **THEOPHYLACTUS.** Vel aliter. Postquam superius dixit Evangelista, quod Ioannes testabatur de Christo, *Ante me factus est*, nunc subiungit quando præmissum testimonium reddiderit Christo Ioannes: unde dicit: *Et hoc est testimonium Ioannis, quando miserunt Iudæi ab Hierosolymis sacerdotes, & levitas ad Ioannem*. **ORIGENES** (in Ioan. super *Miserunt Iudæi ab Hierosolymis*.) Iudæi quidem ab Hierosolymis, ut cognati existentes Baptizæ de stirpe sacer-

dotali existentis, sacerdotes, & levitas designant, sciscitantes quis esset Ioannes; eos scilicet qui reputati sunt secundum electionem ab aliis disserere; & ab electo Hierosolymorum loco. Ioannem itaque quaerunt cum tanta veneratione; erga Christum autem nihil huiusmodi factum legitur aludæis. Sed quod erga Ioannem Iudæi, hoc Ioannes erga Christum profequitur per proprios discipulos interrogans, **LUC. VII.** „Tu „es qui venturus es, an alium expectamus?“ **CHRYSOSTOMUS** (hom. xv.) Sic autem fide dignum æstimaverunt esse Ioannem, ut ei de seipso dicenti crederent: unde dicitur: *Ut interrogarent eum, Tu quis es?* **AUGUSTINUS** (tract. iv.) Non autem mitterent nisi moverentur excellentia auctoritatis eius, quia ausus est baptizare. **ORIGENES** (in Ioan. ubi supra.) Ioannes autem, ut videtur, discernebat ex quaestione, sacerdotum, & levitarum dubitationem, ne forte Christus esset baptizans; apertius tamen illud profiteri cavebant, ne temerarii putarentur. Quapropter merito ut eorum opinio fallax de eo primitus aboleretur, ac subinde veritas propalaretur, quod non sit Christus, ante omnia manifestat: unde sequitur: *Et confessus est, & non negavit; & confes. us est, Quia non sum ego Christus*. Hic etiam adiciamus, quia tempus adventus Christi populum recreabat quodammodo iam præsens existens, legisperitis ex sacris Scripturis illius tempus speratum colligentibus: propter quod Theodas non modicam multitudinem quasi Christus congregavit, & post illum Iudas Galilæus in diebus professionis: **ACT. V.** Cum ergo ferventius Christi expectaretur adventus, Iudæi transmittunt ad Ioannem, per hoc quod est, *Tu quis es?* conciliare volentes si ipse se Christum fateretur. Non autem ex eo quod dicit, *Non sum ego Christus*, negavit: ex hoc enim ipso confessus est veritatem. **GREGORIUS** (hom. vii in Evang.) Negavit plane quod non erat, sed non negavit quod erat, ut veritatem loquens eius membrum fieret cuius sibi nomen fallaciter non usurparet. **CHRYSOSTOMUS** (hom. xv. sparim.) Vel aliter. Passi erant Iudæi quandam humanam passionem ad Ioannem. Indignum enim æstimabant, subici eum Christo propter multa quæ Ioannis claritatem demonstrabant: quorum primum erat genus illustre, principis enim sacerdotum filius erat; deinde dura educatio, humanorum despectio. In Christo autem contrarium videbatur: genus humile, quod ei exprobrabant dicentes, **Matth. XXI.** „Non-

„ne hic est fabri filius? “ dicta communis, & vestimenta nihil plus mukis habentia. Quia igitur Ioannes continue ad Christum mittebat, volentes magis Ioannem habere magistrum, mittunt ad eum, opinantes per blanditias eum allicere ad confitendum se Christum esse. Non ergo quoddam contemptibiles mittunt, ut ad Christum, ministros, & herodianos, sed sacerdotes, & levitas; & non quoscunque, sed eos qui erant ex Hierosolymis, hoc est honorabiliores; & ad hoc mittunt ut interrogarent, *Tu quis es?* non quasi ignorantes, sed volentes eum inducere ad hoc quod dixi: unde Ioannes ad mentem, & non ad interrogationem eis respondit: *Et confessus est, & non negavit; & confessus est, Quia non sum ego Christus.* Et vide sapientiam Evangelistæ. Tertio quasi idem dicit, & virtutem Baptistæ indicans, & malitiam, & amentiam Iudæorum. Devoti enim famuli est, non solum non rapere gloriam domini, sed oblatam multis respuere. Turbæ (1) quidem ex ignorantia ad hanc venerunt suspitionem ut Ioannem Christum æstimarent; hi vero a maligna mente, ex qua interrogabant eum, æstimantes per blanditias attrahere ad hoc (2) quod volebant: nisi enim excogitassent hoc, responderenti, *Non sum ego Christus*, dixissent: Non hoc suspicatus sumus, non hoc venimus interrogaturi. Sed capti, & manifesti effecti ad aliud veniunt: unde sequitur: *Et interrogaverunt eum: Quid ergo? Elias es tu?* AUGUSTINUS (tract. xv. in Ioannem.) Noverant enim quod præcessurus erat Elias Christum: non enim alicui ignotum erat nomen Christi apud Hebræos; sed non putabant illum esse Christum; nec tamen omnino putaverunt Christum non esse venturum; & cum sperarent (3) futurum, offenderunt in præsentem.

Sequitur: *Et dixit, Non sum.* GREGORIUS in hom. (vi. ut supra.) Ex his verbis nobis quæstio valde implexa generatur. Alio quippe in loco (Math. xi.) inquisitus a discipulis Dominus de Eliæ adventu, respondit: „Si vultis scire, Ioannes ipse est Elias.“ Requisitus autem Ioannes dicit, *Non sum* Elias. Quomodo ergo Propheta veritatis est, si eiusdem veritatis sermonibus concors non est? ORIGENES (in Ioan. super *Tunc miserunt*.) Dicit aliquis, quod se ignorabat Ioannes esse

Eliam; & hoc nimirum utentur (4) documento qui assunt utratæ incorporationis rationi, tamquam anima denuo induente corpora. Querunt enim Iudæi per levitas, ac sacerdotes, an esset Elias, cum iteratæ corporis assumptionis documentum verax arbitrantur, quasi paternum existens, nec alienum ab arcanorum suorum doctrina. Om hoc itaque dicit Ioannes: *Elias non sum*: nam nescit primævam vitam propriam. Qualiter autem videtur rationabile, si tamquam Propheta Spiritu illuminatus sit, & de Deo, (5) & Unigenito tanta narravit, ignorasse de seipso an umquam eius anima fuerit in Elia? GREGORIUS in hom. (vi. in Evang.) Sed si subtiliter veritas ipsa requiratur, hoc quidem quod inter se contrarium (6) sonat, quomodo contrarium non sit invenitur. Ad Zachariam namque de Ioanne Angelus dixit Luc. i. „Ipse præcedet ante illum in spiritu, & virtute“ Eliæ: „quia scilicet sicut Elias secundum Domini adventum præveniet, ita Ioannes prævenit primum; sicut ille præcursor venturus est Iudicis, ita iste præcursor factus est Redemptoris. Ioannes igitur in spiritu Elias erat, in persona Elias non erat. Quod autem Dominus fatetur de spiritu, hoc Ioannes debeat de persona: quia & iustum sic erat ut discipulis Dominus spiritualem de Ioanne sententiam diceret, & Ioannes turbis carnalibus non de suo spiritu, sed de corpore responderet. ORIGENES (in Ioan. ubi supra.) Respondit ergo levitis, & sacerdotibus, *Non sum*, coniectans propositum quæstionis eorum: non enim suspiciebat præmissa examinatione, si idem spiritus esset in utroque; sed si Ioannes esset ipse Elias qui assumptus est, nunc apparet, secundum quod a Iudæis expectabatur, abique nativitate. Primus autem arbitrans resurrectionem corporum dicit, quod inconsequens est filium Zachariæ tanti sacerdotis in senio natum, super omnem humanam expectationem, ignoraria sacerdotibus, & levitis, ipsum natum fuisse; maxime Luca testante cap. i. quod „factus est timor in“ omnibus habitantibus circa eos. “ Sed forsitan quoniam prope finem Eliam expectabant ante Christum, quasi tropice scitari videntur: An es tu qui præntias Christum venturum? Et caute respondit, *Non sum.* (7) Sed nihil mirabile. Sicut in

Eff 2 Sil-

(1) *M.* enim. (2) *M.* quod volebant eum. (3) *M.* venturum. (4) *M.* omittitur documento. *Sic autem legit Nicetas.* Et hac nimirum utentur ratione qui assunt utratæ incorporationis opinioni ad eumtento, tamquam anima &c. (5) *M.* in Unigenito. (6) *M.* sonant. (7) *Legit P. Nicetas.* Sed & nihil mirabile, quod sicut in Salvatore &c.

Salvatore, pluribus scientibus ex Maria nativitate eius, quidam falsobantur putantes eum Ioannem Baptistam, vel Eliam, aut aliquem Prophetarum; sic & in Ioanne quodam ortus eius ex Zacharia non latebat, & quidam dubitabant, si forsan qui expectabatur Elias apparuit in Ioanne. Quoniam vero cum plures in Israel editi fuerint Prophetæ, unus de quo Moyses propheta verat, præsertim expectabatur, iuxta illud Deut. XVIII. „ Prophetam vobis suscitabit Deus „ ex fratribus vestris: sicut mihi, illi parebitis: „ tertio suscitantur, non si foret Propheta simpliciter, sed cum articulo, (1) ut in Græco ponitur: unde sequitur: *Propheta es tu?* Per singulos enim Prophetas novebat populus Israel neminem eorum fore hunc quem Moyses prophetaverat, qui sicut Moyses medius stare inter Deum & homines, & accepto testamento a Deo traderet discipulis. Hoc autem illis nomen non Christo attribuentibus, sed arbitrantibus alium a Christo ipsum fore, Ioannes scivit quoniam & Christus ille Propheta esset: unde subditur: *Et respondit, Non.* A. V. C. USTINUS (tract. IV.) Vel quia Ioannes maior erat quam Propheta: quia Propheta longe prænantia verunt, Ioannes præsentem demonstrabat.

Sequitur: *Dixerunt ergo ei: Quis es, ut responsum demus his qui miserunt nos? Quid dicis de teipso?* CHRYSOSTOMUS (homil. XV.) Vides hic vehementius insulentes, & interrogantes; hunc autem cum mansuetudine eas quæ non erant veræ suspensiones destruente, & eam quæ est vera ponente: unde sequitur: *Ait: Ego vox clamantis in deserto.* A. V. C. USTINUS (tr. IV.) Esaias illud dixit & in Ioanne prophetia ista completa est. GREGORIUS (hom. VII. ubi supra.) Scitis autem quod unigenitus Filius Verbum Patris vocatur. Ex ipsa autem nostra locutione cognoscimus, quia prius vox sonat, ut verbum possit audiri. Ioannes ergo vocem se asserit esse, quia Verbum præcedit, & per eius ministerium, Patris Verbum ab hominibus auditur. ORIGENES (in Ioan. super *Quis es, ut responsum demus?*) Inelegantem autem Heracleon de Ioanne, & Prophetis considerans, ait, quoniam Verbum quidem Salvator est, vox autem per Ioannem intelligitur: solus enim sonus est omnis gradus propheticus. Cui dicendum, quod si non significativam vocem dederit cuba, nemo se accinget ad prælium. Si ergo nil aliud quam sonus est vox propheti-

ca, quomodo transmittit nos ad illam Salvator? *Scrutaminis* (inquit infra v.) *Scripturas.* Dicit autem Ioannes se esse vocem non clamantem in deserto, sed clamantis in deserto, eius scilicet qui stabat, & clamabat infra VII. *Si quis sitis, veniat ad me, & bibat.* Clamat enim ut distantes auditu percipiant, & gravem habentes auditum sentiant immensitatem eorum quæ dicuntur. THEOPHYLACTUS. Vel quia veritatem manifeste annuntiat: omnes enim qui in lege erant, obscure loquebantur. GREGORIUS (hom. VII. ut supra.) Vel in deserto Ioannes clamat, quia quasi derelictæ, ac destitutæ Iudææ, solatium Redemptoris annuntiat. ORIGENES (in Ioan. ubi supra.) Opus autem vocis in deserto clamantis est ut anima a Deo destituta, ad rectam faciendam viam Domini revocetur, nequaquam pravitate serpentini gressus prosequendo; secundum contemplationem quidem sublimatam in veritate absque permutatione mendacii, & secundum actionem post congruam speculationem licitum opus referentem: unde sequitur: *Dirigite viam Domini, sicut dixit Esaias Propheta.* GREGORIUS (ut supra.) Via Domini ad cor dirigitur, cum veritatis sermo humiliter auditur; via Domini ad cor dirigitur, cum ad præceptum vita præparatur.

(U) ORIGENES (in Ioan. ubi supra.) Facta responsione versus sacerdotes, & levitas, denuo missum est a pharisæis; unde dicitur: *Et qui missi fuerant erant ex pharisæis.* Quantum enim ex ipso sermone concludari contingit, dico tertium hoc esse testimonium. Vide tamen quomodo iusta sacerdotalem, & leviticam personam est cum mansuetudine prolatus illud, *Tu quis es?* nihil enim arrogans, vel protervum in eorum quæstione continetur, sed cuncta decencia veros Dei ministros. Sed pharisæi secundum suum nomen divisi, & importuni ex discordia contumeliosas voces prætendunt Baptistæ; unde sequitur: *Et dixerunt ei: Quid ergo baptizas, si tu non es Christus, neque Elias, neque Propheta?* non quasi scire volentes, sed prohibere eum a baptismo. Deinde vero nescio quo pacto proni ad baptismum iverunt ad Ioannem. Huius autem solutio est, quia pharisæi non credentes accedunt ad baptismum, sed ex hypocritis, cum timentur populum. CHRYSOSTOMUS (hom. XV.) Vel ipsi iidem sacerdotes, & levitæ ex pharisæis erant. Et quia blanditiis cum non valuerunt supplantare, accu-

(1) *ut. deff. ut.*

factionem ei immittere tentant, cogentes eum dicere quod non erat: uode sequitur: *Et interrogauerunt eum, & dixerunt: Quid ergo baptizas, si tu non es Christus, neque Elias, neque Prophetas?* Quasi audaciæ videbatur esse baptizare, si Christus non erat, nec præcursor illius, nec præco, idest Propheeta. GREGORIUS (hom. vii. in Evang.) Sed sanctus quisque etiam cum perversa mente requiritur, a boositatis suæ studio non mutatur. Uode Ioannes quoque ad verba invidiæ prædicameota respondit vitæ: unde sequitur: *Respondit eis dicens: Ego baptizo in aqua.* ORIGENES (in Ioan. ubi supra.) Ad illud enim, *Quid ergo baptizas?* quid aliud asseri decebat, nisi proprium baptismum carnale prætereundum? GREGORIUS (hom. vii. ut supra.) Ioannes enim non spiritu, sed aqua baptizat: quia peccata solvere non valebat: baptizatorum corpora per aquam lavat, sed tamen animas per veniam non lavat. Cur ergo baptizat qui peccata per baptismum non relaxat? nisi ut præcursoris suæ ordinem servans, scilicet qui nasciturum nascendo prævenerat, baptizaturum quoque Domium baptizando præveiret; & qui prædicando factus est præcursor Christi, baptizando etiam præcursor eius heret imitatione sacramenti; qui inter hæc mysterium redemptionis nostræ annuntiavit, hunc in medio hominum & stetitisse asserit, & nesciri: sequitur enim: *Medius autem vestrum stetit quem vos nescitis:* quia per carnem Domius apparet, & visibilis extitit corpore, & invisibilis maiestate. CHRYSOSTOMUS (ut supra.) Hoc autem dixit, quoniam decens erat Christum commixtum esse populo, ut unum multorum, & ubique humilem esse docentem. Cum autem dixit, *Quem vos nescitis*, scientiam hic cognitionem certissimam dicit; puta, quis est, & unde. AUGUSTINUS (tract. iv.) Humilis enim (1) non videbatur, & propterea lucerna accensa est. THEOPHYLACTUS. Vel (2) medius erat pharisæorum Dominus; sed ignorabat eum, quia ipsi Scripturas se scire putabant: & in quantum in illis prænantabat Dominus, medius eorum erat, scilicet in cordibus eorum; sed nesciebant eum, eo quod Scripturas non intelligebant. Vel aliter. Medius quidem erat, in quantum mediator Dei existens, & hominum Christus Iesus medius pharisæorum extitit, voleos illos Deo iungere; sed ipsi nesciebant eum. ORIGENES (in Ioan. super Respondit Ioannes eis dicens.) Vel aliter. Hoc edito, *Ego baptizo in aqua*, ad illud, *Quid ergo baptizas?* ad secundum, *Si tu non es Christus?* præconium de præcedenti Christi substantia proponit, quod tanta sit ei virtus quod invisibilis sit sua deitate, cum sit præsens cui libet, & totum per orbem diffusus; quod notatur ex illo, *Medius vestrum stetit.* Hic enim per totam orbis machinam effluxit, sic ut quæ creantur, per ipsam creentur: *omnia enim per ipsum facta sunt:* unde palam est quod inquirentibus a Ioanne, *Quid ergo baptizas?* ipse medius erat. Vel quod dicitur, *In medio vestrum stetit*, intelligendum est de nobis hominibus. Cum enim sumus rationales, in medio nostrum (3) existit, ex eo quod principale, scilicet cor, in medio totius corporis insitum est. Qui ergo Verbum in medio gerunt, non autem cognoscunt de illius natura, nec de quo fonte manavit, nec quomodo consistit in eis; hi Verbum in medio sui obtineotes ignorant; quod tamen Ioannes agnovit: uode exprobrando dicit ad pharisæos: *Quem vos nescitis:* quia expectantes pharisæi Christi adventum, nihil tam arduum de eo contempnabantur, solum hominem sanctum existimantes eum esse. Dicit autem, *stetit:* nam stat Pater, invariabilis existens, & immutabilis; stat quoque Verbum eius ad salvandum contiguo, quamvis carnem suscipiat, quamvis medium hominum stet invisibile (4). Non vero putet aliquis alium esse invisibilem ad omnes homines venientem, vel ad universum orbem, ab eo qui humanatus est, & in terra comparuit, subdit: *Qui post me venit*, hoc est qui post me appariturus est. Non autem idem denotatur hic per hoc quod dicit, *Post*, & cum Iesus oos post se invitat: illic enim sequi post ipsam præcipitur nobis, ut eius indagando vestigia, perveniamus ad Patrem; hic autem ut pateat quid sequatur ex Ioannis dogmatibus: veoit enim ut cuncti credant per eum, præparati ad perfectum Verbum per minora. Dicit ergo: *Ipsa est qui post me venit.* CHRYSOSTOMUS (hom. xv.) Ac si diceret: Ne æstimetis (5) totum in me consistere baptismate: si enim meum baptismata perfectum esset, alius non veniret post me, aliud baptismata daturus. Sed hæc præparatio est illius, & transibit io proximo, ut umbra, & imago; sed oportet eum qui veritatem imponet, venire post me: si enim hoc esset per-

(1) *Nicetas omittit non.* (2) *Al. medicus.* (3) *Al. extitit.* (4) *Adidit Nicetas nec ab illis agnatum.* (5) *Al. tantum.*

perfectum, nequaquam secundi locus quæreretur: & ideo iudicat: *Qui ante me factus est*, hic est honorabilior, & clarior. GREGORIUS (hom. vii. ut supra.) Sicnamque dicitur, *Ante me factus est*, ac si dicatur, Antepositus est mihi. Post me ergo venit, quia postmodum natus; ante me autem factus est, quia mihi prælati. CHRYSOSTOMUS (hom. xv.) Ne autem existimes comparabilem esse excellentiam hanc, incomparabilitatem ostendere volens, subiungit: *Cuius ego non sum dignus ut solvam corrigiam calceamenti*; quasi dicat: Intantum est ante me ut ego neque in ultimis ministrorum vocari dignus sim: calceamentum enim solvere ultimi ministerii res est. AUGUSTINUS (tract. xv.) Unde & si dignum se diceret tantummodo corrigiam calceamenti solvere, multum se (1) habuisset. GREGORIUS (hom. vii. in Evang.) Vel aliter. Mos apud veteres fuit ut si quis eam quæ sibi competere, accipere uxorem nollet, ille ei calceamentum solveret qui ad hanc sponsus iure propinquitatis veniret. Quid igitur inter homines Christus nisi sanctæ Ecclesiæ sponsus apparuit? Recte ergo Ioannes se indignum esse ad solvendam corrigiam eius calceamenti denuntiat; ac si aperte dicat: Redemptoris vestigia non dedurare valeo, quia sponsi nomen mihi immeritus non usurpo. Quod tamen intelligi & aliter potest. Quis enim nesciat quod calceamenta ex mortuis animalibus fiant? Incarnatus vero Dominus veniens, quasi calceatus apparuit, qui indivinitate sua morticina nostræ corruptionis assumpsit. Corrigia ergo calceamenti est ligaturam mysterii. Ioannes ergo solvere corrigia calceamenti eius non valet: quia incarnationis mysterium nec ipse iuvare sufficit; ac si patenter dicat: Quid mirum si mihi ille prælati est quem post me quidem natum considero, sed nativitate eius mysterium non comprehendo? ORIGENES (tom. vi. in Ioan.) Quidam vero non inepte dixit, hoc sic intelligendum. Non sum ego tanti ut causa mei descendat a magnalibus, ac carnem quasi calceamentum suscipiat. CHRYSOSTOMUS (hom. xvi. in Ioan.) Et quia Ioannes cum decenti libertate ea quæ de Christo sunt, omnibus prædicabat, propterea Evangelista & locum designat, dicens: *Hic in Bethania facta sunt trans Iordanem, ubi erat Ioannes baptizans*. Non enim in domo, neque in angulo Christum prædicabat,

sed Iordanem transiens in media multitudine præsentibus omnibus qui ab eo baptizabantur. Quædam vero exemplariorum certius habent, *In Bethabara*: Bethania enim non ultra Iordanem, neque in deserto erat, sed prope Hierosolimam. GLOSSA. Vel duæ sunt Bethaniz: una trans Iordanem, altera citra non longe a Hierusalem, ubi Lazarus fuit suscitatus. CHRYSOSTOMUS (hom. xvi. in Ioan. par. a princ.) Hoc autem & propter aliam causam designat: quia enim res non antiquas narrabat, sed ante parvum tempus (2) contingentes, præsentis, & videntes telles facit eorum quæ dicuntur, demonstrationem a locis tribuens. ALCUINUS. Bethania vero domus obedientiæ interpretatur; per quam innuitur quia per obedientiam fidei omnes ad baptismum debent pervenire. ORIGENES (in Ioan. super *Hic in Bethabara facta sunt*.) Bethabara vero interpretatur domus præparationis, & convenit cumbatissimo præparantis Domino plebem perfectam. Iordanis autem interpretatur descensum eorum. Quis autem erit hic fluvius nisi Salvator noster, per quem ingredientem in hunc mundum mundari convenit, (3) non suum descendentem descensum, sed humani generis? Hic segregat donatas a Moyse, ab his quæ per Iesum donantur, sortes: huius rivuli lætificent civitatem Dei. Sicut autem draco latitat in Aegyptiaco fluvio, ita Deus in isto. Pater enim est in Filio; & qui proficiscuntur illuc ubi se lavent, opprobrium Aegypti deponunt, ac apti ad perceptionem hereditatis parantur, nec non a lepra mundantur, & duplicis capaces sunt gratiæ, ac prompti sunt ad susceptionem Spiritus almi, in aliud flumen nequaquam descendente spiritali columba. Trans Iordanem vero Ioannes baptizat, ut præcursor venientis non innocentes, sed peccatores vocare.

(x) ORIGENES (tom. vi. in Ioan. super illud, *Postera die vidit Ioannes*.) Post testimonium Ioannis, iam videtur Iesus veniens ad eum, non solum adhuc perseverantem, sed & potiore effectum, quod per diem secundariam designatur; unde dicitur: *Altera die vidit Ioannes Iesum venientem ad se*. Pridem autem Iesu mater protinus ut illum concepit, ad matrem Ioannis prægnantem proficiscitur, & per vocem pervenientem ad aures Elisabeth ex Mariæ salutatione exultat Ioannes conceptus in utero; hic autem post Ioannis testimonium, ipse

(1) *Id.* humiliasset. *Nicolas* legit non multum se

legit non suo descendente delictum.

humiliasset. (2) *Nicolas* habet transactas. (3) *Idem*

ipse videtur a Baptista, accedens ad eum. Prius autem auditu aliorum instruitur aliquis, ac deinde oculate inspicit illa. Per hoc autem quod Maria ad Elisabeth venit minorem, & Filius Dei ad Baptistam, ad fervorem opitulandi minoribus, & ad modestiam admonemur. Verum unde ad Baptistam venit Salvator, non hic dicitur; sed ex dictis Matthæi colligimus dicentis cap. 11. „ Tunc venit Iesus a Galilæa ad Iordam, „ nemad Ioannem, ut baptizaretur ab eo. “

CHRYSOSTOMUS (hom. xvi. Ioan. non remote a princ.) Vel aliter. Matthæus adventum Christi ad baptismum præsentialiter dicit; Ioannes autem, & rursus eum ivisse ad Ioannem ostendit post baptismum; & hoc manifestat quod postea dicit: *Quia vidi Spiritum descendentem etc.* Partiti enim sunt sibi Evangelistæ tempora narrationis: Matthæus enim ea quæ antequam ligaretur Ioannes Baptista præteriens, festinat ad ea quæ deinceps sunt tempora; sed Ioannes his maxime immoratur, quæ scilicet ante incarcerationem Ioannis fuerunt: unde hic dicitur: *Altera die vidit Ioannes Iesum venientem ad se.* Cuius igitur gratia secundo post baptismum ad eum veniebat? Quia ipsum baptizaverat cum multis, ut nullus suspiceretur quoniam ex eadem causa (1) ex qua & alii, ad Ioannem veniret; puta peccata confessurus, aut in poenitentiam abluendus in flumine. Propterea ergo accedit, dans Ioanni occasionem corrigendi hanc suspensionem, quam Ioannes per verba corripuit: unde sequitur: *Et ait: Ecce agnus Dei, ecce qui tollit peccatum mundi:* Qui igitur ita purus erat ut aliorum peccata absolvere posset, manifestum est quoniam non ut consteretur peccata accedit, sed ut occasionem det Ioanni loquendi de ipso. Venit etiam secundo, ut hi qui priora audierant, certius recipient quæ prædicta sunt, & alia rursus audiant. Dicit autem, *Ecce agnus Dei*, innuens quod hic est qui olim quærebatur, rememorans prophetiæ Elaiæ, & umbræ quæ secundum Moysen erat, ut a figura facilius eos ducat ad veritatem. AUGUSTINUS (tract. iv. in Ioannem a med.) Si autem agnus Dei est innocens, & Ioannes agnus; an non & ipse est innocens? Sed omnes ex illa propagine veniunt de qua cantat gemens David Psalm. L. „ Ego in ini- „ quitatibus conceptus sum. “ Solus ergo ille agnus qui non sic venit: non enim in iniquitate conceptus est, nec in peccatis

mater eius eum in utero aluit, quem virgo concepit, virgo peperit, quia fide concepit, & fide suscepit. ORIGENES (to. vi. in Ioan. ubi supra inter princ. & med.) Sed cum quinque offerantur animalia in templo: tria terrestria, vitulus, ovus, & capra; volatilia vero duo, curtur, & columba; & de ovibus tria adducantur, aries, ovus, agnus; de genere ovium agnum memoravit: agnum enim in oblationibus quotidianis offerri videmus, unum quidem mane, alterum vero vespere. Quænam autem oblatio alia potest esse quotidiana a rationali natura comprehendenda, nisi Verbum (2) vigens, agnus typice nuncupatum? (3) Hoc nempe confestitur oblatio matutina ad frequentiam intellectus in divinis relatum: neque enim anima pati potest ut summis iugiter insistat, eo quod corporis terrestri, & gravis coniugium est sortita. Ex hoc etiam verbo quod Christus est (4) agnus, coniescere de pluribus poterimus; & quodammodo vespere pertingemus ad corporalia procedentes. Qui autem hunc obtulit agnum ad immolandum, Deus fuit in homine reconditus, magnus Sacerdos, qui dixit infra x. *Nemo tollit animam meam a me, sed ego pono eam:* unde dicitur *agnus Dei:* ipse enim nostris languoribus accipiens, totius mundi tollens peccata, mortem quasi baptismum suscepit. Apud Deum enim non pertransit incorrectum quicquid agimus quod disciplina indigeat, quæ per difficultia exercetur. THEOPHYLACTUS (super *Ecce Agnus Dei.*) Vel dicitur Christus agnus Dei, inquantum Deus Pater mortem Christi accepit pro nostra salute, vel inquantum eum pro nobis tradidit morti: sicut enim dicere consuevimus, Hæc oblatio est talis hominis, id est quam talis homo obtulit; sic & Christus dicitur agnus Dei, dantis scilicet Filium suum pro nostra salute in mortem. Et ille quidem agnus typicus nullius omnino peccatum sustulit, hic vero peccatum universi orbis terrarum: periclitantem enim mundum eruit ab ira Dei: unde subdit: *Ecce qui tollit peccatum mundi.* Non autem dixit, *qui tollit, sed qui tollit peccatum mundi;* quasi semper hoc faciente ipso: non enim tunc solum tulit cum passus est, sed ex illo tempore usque ad præsens tollit, non semper crucifixus, unam enim pro peccatis obtulit oblationem, sed semper purgans per illam. GREGORIUS VIII. Moral. (cap. xxxi. in novis exempl. cap. xx.)

(1) *Al.* ex qua ad Ioannem et alii ad Ioannem veniret. (2) *Al.* ingens. *P. Nic'sai* verbum floridum, et vergerum, et vigens. (3) *Al.* Hæc. (4) *Al.* emittitur agnus.

xi.) Tunc autem ab humano genere plene peccatum tolleretur, cum per incorruptionis gloriam nostra corruptio permittatur: et tunc namque a culpa liberi non possumus, quousque in corporis morte tenemur. THEOPHYLACTUS (hoc loco.) Sed quare non dixit, Peccata mundi, sed *peccatum*? Ut videlicet per hoc quod dixit *peccatum*, universaliter peccatum videretur innuere; sicut consuevimus dicere, quod homo eiectus est de paradiso, id est omne genus humanum. BEDA (1.) Vel peccatum mundi dicitur originale peccatum, quod est commune totius mundi; quod quidem peccatum originale, & singulare superaddita Christus per gratiam relaxat. AUGUSTINUS (tract. xv. in Ioan. a med.) Qui enim de nostra natura peccatum non assumpsit, ipse est qui tollit nostrum peccatum. Nostis, quia quidam homines dicunt: Nos tollimus peccata ab hominibus quia sancti sumus: si enim non fuerit sanctus qui baptizat, quomodo tollit peccatum alterius, cum sit ipse homo plenus peccato? Contra istas disputationes hic legamus: *Eccē qui tollit peccatum mundi: ut non sit presumptio hominibus in homines.* ORIGENES (in Ioan. tom. vi. super Altera die.) Sicut tamen iugi oblationi agni cognate sunt reliquæ oblationes legales, sic huius agni oblationi cognatæ oblationes videtur mihi effusiones sanguinis martyrum, quorum patientia, & confessione, & promptitudine ad bonum, obtunduntur machinationes impiorum. THEOPHYLACTUS (super *Hic est de quo dixi.*) Quia vero superius illis qui ex pharisaicis venerant Ioannes dixerat, quod *medius vestrum stat quem vos nescitis*; hic ignorantibus demonstrat, dicens: *Hic est de quo dixi: Post me venit vir qui ante me factus est.* Vir Dominus dicitur propter ætatis perfectionem: nam triginta annorum baptizatus est: vel quia spiritualis animæ vir est, & Ecclesiæ sponsus: unde Paulus II. Corinth. xi. „Respondi vos uni viro virginem castam exhibere Christo.“ AUGUSTINUS (tract. iv. in Ioan. a med.) *Post me autem venit*, quia posterior natus est; *ante me factus est*, quia prælior est mihi. GREGORIUS (homil. vii. in Evang.) Prælior autem eius causas aperit, cum subiungit: *Quia prior me erat*; ac si aperte dicat: Inde me etiam post natus superat quo eum nativitas suæ tempora non angustant: nam qui per ma-

trem in tempore nascitur, sine tempore est a Patre generatus. THEOPHYLACTUS (hoc loco.) Auctula o Arri. Non dixit, Quia prior me creatus est; sed *quia prior me erat.* Audiat hoc Pauli Samosatani (2) abusus, quod non ex Maria sumptis primordium: quia si essendi principium sumptis ex Virgine, qualiter prior exiit præcurfore? Nam manifestum est quod præcurfor Christum in sex mensibus superabat secundum humanam generationem. CHRYSOSTOMUS (homil. xvi. in Ioan. a med.) Ut autem non videatur ex amicitia propter cognationem ei testimonium perhibere, quia cognatus eius erat secundum carnem, propterea dicit: *Ego nesciebam eum.* Et secundum rationem hoc contingit: etenim in deserto conversatus est Ioannes. Miracula vero quæcumque Christo puero existente facta sunt, puta quæ circa Magos, & quæcumque (3) talia, ante multum contigerant tempus, Ioanne & ipso valde puero existente. In medio vero tempore ignotus omnibus existerat: propter quod subdit: *Sed nō manifestetur in Israel, propterea veni ego in aqua baptizans.* Hinc enim manifestum est quoniam & illa signa quæ quidam dicunt a Christo in pueritia facta, mendacia, & fictiones sunt. Si enim a prima ætate miracula fecisset Iesus, nequaquam neque Ioannes cum ignorasset, nec reliqua multitudo indiguisset magistro admanifestandum eum. Non igitur ipse, Christus baptisma indigebat, neque aliquam aliam causam habebat illud lavacrum quam præmonstrationem facere eius fidei quæ est in Christum. Non enim dixit, Ut mundem eos qui baptizantur, neque ut liberem a peccatis, sed baptizans; sed *nō manifestetur in Israel.* Sed numquid sine baptismo non licebat prædicare, & inducere turbas? Sed facilius ita factum est: nequaquam enim cucurrissent omnes, si sine baptismo prædicatio facta esset. AUGUSTINUS (tract. v.) Ubi ergo cognitus est Dominus, superfluo ei via parabatur, quia cognoscentibus se, ipse factus est via. Itaque non duravit diu baptisma Ioannis, sed quoadulque demonstratus est Dominus humilis. Ergo ut daretur nobis a Domino humilitatis exemplum ad percipiendam salutem baptismi, suscepit baptismum servi; & ne præponeretur baptismus servi baptismi Domini, baptizati sunt alii baptismi (4) conservi. Sed qui baptizati sunt ba-

(1) Ad marginem Veneranda Nolini editio; narratur. Habetur id in Glossa ordinaria super his verbis.

(2) Nicolai iunie secta. (3) Alii amittunt talia. (4) P. Nicolai textus.

baptismo conservi, oportebat ut baptizarentur baptismo Domini; quia tamen (1) baptizantur baptismo Domini, non opus habent baptismum conservi.

(7) CHRYSOSTOMUS (hom. xvi.) Quia Ioannes testatur est ista magnum quid quod sufficiens erat auditoris omnes stupescere, puta quod totius orbis terrarum solus ipse peccata tolleret, volens credibilius id facere, reduxit hoc ad Deum, & Spiritum sanctum. Posset enim aliquis dicere Ioanni, Qualiter igitur tu cognovisti eum? Respondet, quod per descensum Spiritus sancti: unde sequitur: *Et testimonium perhibuit Ioannes, dicens: Quia vidi Spiritum descendentem quasi columbam de caelo, & mansisse super eum.* AUGUSTINUS XV. de Trin. (cap. xxvii.) Non autem tunc unctus est Christus Spiritu sancto quando super eum baptizatum velut columba descendit: tunc enim corpus suum, scilicet Ecclesiam suam, praefigurare dignatus est, in qua praecipue baptizati accipiunt Spiritum sanctum. Absurdissimum enim est ut credamus eum cum iam triginta esset annorum (eius enim aetatis a Ioanne baptizatus est) accepisse Spiritum sanctum; sed venisse ad illud baptismum, sicut sine ullo omnino peccato, ita non sine Spiritu sancto. Si enim de famulo eius, & praecuratore ipso Ioanne scriptum est Luc. 1. „ Spiritu sancto replebitur ab utero matris suae; „ qui quamvis feminatus a patre, tamen Spiritum sanctum in utero formatum accepit: quid de homine Christo intelligendum est, vel credendum, cuius carnis ipsa conceptio non carnalis, sed spiritalis fuit? AUGUSTINUS de Agone christiano (cap. xxii.) Non autem dicimus solum Christum verum corpus habuisse, Spiritum autem sanctum fallaciter apparuisse oculis hominum: sicut enim non oportebat ut homines falleret Filius Dei, sic nec Spiritus sanctus. Sed omnipotenti Deo, qui universam creaturam ex nihilo fabricavit, non erat difficile verum corpus columbae sine aliarum columbarum ministerio figurare; sicut ei non fuit difficile verum corpus in utero virginis sine virili semine fabricare. AUGUSTINUS super Ioan. (tracl. vi. sparsum.) Duobus autem modis ostendit visibiliter Dominus Spiritum sanctum; per columbam super Dominum baptizatum; per ignem vero super discipulos congregatos: ibi simplicitas, hic fervor ostenditur. Ergo ne Spiritu sanctificati dolum habeant, in columba demonstrata.

S. Th. Oper. Tom. V.

tum est; & ne simplicitas frigida remaneat, in igne demonstratum est. Nec moveat, quia linguae divise sunt: noli dissipationem timere, unitatem in columba cognosce. Sic ergo oportebat demonstrari Spiritum sanctum venientem super Dominum, ut cognoscat unusquisque, si habeat Spiritum sanctum, simplicem se esse debere sicut columbam, & habere cum fratribus veram pacem, quam significant oscula columbarum. Osculantur & corvi, sed laesant: a laesatu innocens est natura columbarum: nam corvi de morte pascuntur, columba non nisi de frugibus amore vivit. Si etiam gemunt columbae in amore, nolite mirari, quia in columbae specie voluit demonstrari Spiritus sanctus: „ ipse enim interpellat pro „ nobis gemitibus inenarrabilibus: „ Rom. viii. Non autem Spiritus sanctus in semetipso, sed in nobis gemit, quia gemere nos facit. Qui enim novit in pressura se esse mortalitatis huius, peregrinari se a Domino, quamdiu propter hoc gemit, bene gemit: Spiritus illum docuit gemere. Multi autem gemunt, infelicitate terrena, vel quassati damnis, vel aegritudine corporis praegravati: sed non columbae gemitu gemunt. Unde ergo debuit demonstrari Spiritus sanctus unitatem quamdam designans, nisi per columbam, ut pacata Ecclesiae diceretur: „ Una est columba mea? „ Cant. vi. Unde debuit humilitas figurari nisi per avem simplicem, & gementem? Apparuit ibi sancta & vera Trinitas: Pater in voce dicente Luc. 11. „ Tu es Filius meus dilectus; „ Spiritus sanctus in columba. In ista Trinitate missi sunt Apostoli baptizare „ in nomine Patris, & Filii, & Spiritus „ sancti: „ Matth. ult. GREGORIUS II. Moral. (cap. xli. in antiquis exemp. in nov. xxviii.) Dicit autem, *Mansentem super eum*: in cunctis namque fidelibus Spiritus sanctus venit, sed in solo mediatore semper singulariter permanet: quia eius humanitatem nunquam deseruit, ex cuius divinitate procedit. Sed cum de eodem Spiritu discipulis dicitur infra xvi. *Apud vos manebit*, quomodo singulare signum erit quod in Christo permanet? Quod citius (2) cognoscemus, si dona Spiritus discernamus. In his enim donis, sine quibus ad vitam perveniri non potest, Spiritus sanctus in electis omnibus semper permanet: ut sunt mansuetudo, humilitas, fides, spes, caritas: in illis autem quibus per offensionem (3) Spiritus non nostra servatur vita, sed alio-

Ggg rum

(1) *Al.* baptizabantur. (2) *Al.* cognoscimus. (3) *Al.* desit Spiritus.

rum quaeritur, non semper monet, sed aliquando se a signorum ostensionibus subtrahit, ut humilior eius virtutes (1) habeantur. Christus autem in cunctis eum semper & continue habuit praesentem. CHRYSOSTOMUS (hom. xvi. in Ioan.) Ne autem (2) aliquis aslmet Spiritum Christum indiguisse sicut & nos, hanc etiam destruit suspitionem, ostendens quod Spiritus sancti descensio solum pro manifestando Christo facta est: unde sequitur: *Et ego nesciebam eum; sed qui misit me baptizare in aqua, mihi dixit: Super quem videris Spiritum descendentem, & manentem super eum, hic est qui baptizat in Spiritu sancto.* AUGUSTINUS (tract. v. in prin.) Quis autem misit Ioannem? Si dicamus, Pater, verum dicimus; si dicamus, Filius, verum dicimus. Manifestus autem est ut dicamus, Pater, & Filius. Quomodo ergo nesciebat eum a quo missus est? Si enim non noverat eum a quo voluit baptizari, temere dicebat: *Ego a te debeo baptizari.* Noverat ergo eum: quid ergo est quod dicit: *Et ego nesciebam eum?* CHRYSOSTOMUS (hom. xvi. in Ioan.) Sed cum dicit, *Nesciebam eum*, antea tempus dicit, non tempus quod est prope baptismum, cum prohibebat eum, dicens: *Ego a te debeo baptizari.* AUGUSTINUS (tract. iv. v. & vi. sparsim.) Sed legantur alii Evangelistae, qui plantis illud dixerunt, & invenimus apertissime tunc descendisse columbam cum Dominus ab aqua ascendit. Si ergo post baptismum descendit columba, & antequam baptizaretur dixit illi Ioannes, *Ego a te debeo baptizari*; ante baptismum illum noverat: quomodo ergo dixit: *Ego nesciebam eum*; sed qui misit me baptizare? &c. Hoc audivit Ioannes, ut nosceret eum quem non noverat, an forte ut plenius nosset quem iam noverat? Noverat quidem Dominum, noverat Filium Dei, noverat quia ipse baptizaret in Spiritu sancto. Ante enim quam veniret ad fluvium Christus, cum multi ad Ioannem concurrerent, ait illis: *Qui post me venit, maior me est: ipse baptizabit in Spiritu sancto, & igne.* Sed quid? Non noverat, potestatem baptismi ipsum Dominum habiturum, & sibi retenturum (ne Paulus, aut Petrus diceret, Baptismus meus, sicut invenis dixisse, Evangelium meum) sed ministerium plane transiitum in bonos, & malos? Quid

tibi faciat malus minister, ubi bonus est Dominus? Ecce post Ioannem baptizatum est, post homicidam non est baptizatum: quia Ioannes dedit baptismum suum, homicida dedit baptismum Christi: quod sacramentum tam sanctum est ut nec homicida ministrante polluatur. Potuit autem Dominus, si vellet; potestatem dare alicui servo suo ut daret baptismum suum tamquam vice sua, (3) & constituere tantam vim in baptismo translati in servum, quantam vim haberet baptismus datum a Domino. Hoc noluit, ut in illo esset spes baptizatorum a quo baptizatos se agnoscerent; & noluit servum ponere spem in servo. Si autem daret hanc potestatem servis, tot essent baptismata quot essent servi, & quomodo dictum est baptismus Ioannis, sic diceretur baptismus Petri, vel Pauli. Per hanc ergo potestatem, quam solum sibi Christus retinuit, stat unitas Ecclesiae, de qua dictum est Cap. vi. „Una est columba mea.“ Potest autem fieri ut aliquis habeat baptismum praeter columbam; ut profic ei baptismum praeter columbam, non potest. CHRYSOSTOMUS (hom. xvi. a med.) Et quia Pater vocem emisit praedicans Filium, (4) supervenit Spiritus sanctus vocem trahens super caput Christi, ne quis praesentium existimaret dici de Ioanne quod dictum est de Christo. Sed dicit aliquis: Qualiter non crediderunt Iudaei, si viderant Spiritum? Sed talia non solum indigent oculis corporis, sed magis visione mentis. Si namque miracula facientem videntes intantum ebrii erant a livore ut contraria his quae videbantur, enuntiarent, qualiter solo adventu Spiritus sancti in specie columbae expulsi sunt incredulitatem? Quidam vero dicunt, non omnes vidisse Spiritum, sed solum Ioannem, & eos qui devotius dispositi erant. Etsi enim sensibilibus oculis possibile erat videre in specie columbae Spiritum descendentem, non tamen propter hoc necesse est omnibus hoc fuisse manifestum. Etenim Zacharias in specie sensibili multa consideravit, & Daniel, & Ezechiel; sed & Moyses multa vidit, qualia aliorum nullus: unde subdit Ioannes: *Et ego vidi, & testimonium perhibui, quia hic est Filius Dei.* Argum quidem eum vocaverat, & quoniam in Spiritu baptizare debebat, dixit; Filium autem ante hoc nusquam. AUGUSTINUS (tract.

(1) Al. habebant. (2) Quatuor exempla supra iam recensita sic sequuntur. Ne autem aliquis aslmet quoniam Christus nativitatem (Natalis habes necessitatem) habebat Spiritu sancto adveniente, sicut & nos &c. (3) Al. & constitueret. (4) Al. supervenit Spiritus sanctus super caput Christi.

(tract. vii. in Ioan. non multum remote a princ.) Oportebat enim illi baptizaret qui est Filius Dei unicus, non adoptatus. Adoptati filii ministri sunt, Unici; Unicus autem habet potestatem, adoptati ministerium.

(2) CHRYSOSTOMUS (hom. xvii.) Quia multi his quæ a principio Ioannes dicebat non attendebat, secunda rursus eos excitat voce: unde dicitur: *Altera die iterum stabat Ioannes, & ex discipulis eius duo.*

BEDA (in hom. in vig. S. Andræ.) Stabat quidem Ioannes, quia illam virtutum arcem conscenderat a qua nullis tentationum posset (1) improbitatibus deiici: stabat cum illo discipuli, quia magisterium illius corde sequebantur immobili. CHRYSOSTOMUS (hom. xvii.) Sed quare non totum mundum circuevit, in omni loco Iudæ prædicans eum; sed stabat circa flumen, expectans eum venire, ut ostenderet venientem? Quia scilicet per opera Christi hoc fieri volebat. Vide etiam qualiter hoc maioris ædificationis fuit: quia enim parvam immisit scintillam, repente flamma in altum elevata est. Alter autem est circumiens hoc dixisset, videretur ex studio quodam humano fieri quæ hebant, & suspitione plenum esset eius præconiium. Igitur Prophetæ quidem, & Apostoli omnes absentem Christum prædicaverunt; hi quidem ante præsentiam secundum carnem, illi vero post assumptionem: unde ut ostendatur quod non voce solum, sed & oculis eum ostendebat, subditur: *Et respiciens Iesum ambulans, dixit: Ecce agnus Dei.* THEOPHYLACTUS. *Respiciens*, inquit, quasi oculis (2) innuens gratiam, & admirationem quam habebat in Christo. AUGUSTINUS (tract. vii. in Ioan. parum ante med.) Ioannes quidem amicus sponsi erat: non quærebatur gloriam suam, sed testimonium perhibebat veritati: non enim voluit apud se remanere discipulos suos, ut non sequerentur Dominum, sed magis ostendit quem sequerentur, dicens: *Ecce agnus Dei.* CHRYSOSTOMUS (hom. xvii. in Ioan.) Non longum facit sermonem, quoniam unum solum in studio habebat adducere eos, & coniungere Christo: sciebat enim quoniam de reliquo non indigerent eo testante. Non autem singulariter discipulis loquitur de his Ioannes, sed eis publice cum omnibus: quia ex communi doctrina susci-

piantes sequelam Christi, firmi de reliquo permanferunt, non propter gratiam Christi sequentes eum, sed propter suum lucrum: & non facit sermonem suum deprecativum, sed admiratur solum præsentem, & demonstrat eis præparationem propter quam venit, & modum præparationis: agnus enim utrumque insinuat: & dicit, *Agnus* cum articuli adiectione, excellentiam eius ostendens. AUGUSTINUS (tract. vii. non remote a princ.) Ille enim singulariter dicitur agnus solus sine macula, sine peccato; non cuius maculæ absterge sunt, sed cuius macula nulla fuerit: singulariter hic est agnus Dei, quia singulariter huiusagni sanguine solo homines redimi potuerunt. Hic est agnus quem lupi riment, qui leonem occisus occidit. BEDA (hom. i. inter hiemales de sanctis.) Ideo etiam agnum vocat, quia dona sui velleris sponte largiturum, ex quo vestem nobis nuptialem facere possumus, idest exemplum vivendi nobis reliquiturum, prævidet, quibus in dilectione caleferi deberemus. ALCUVINUS. Mystice autem stat Ioannes, cessat lex, & venit Iesus, idest gratia Evangelii, cui ipsa lex perhibet testimonium. Ambulat Iesus discipulos collecturus. BEDA (hom. in vig. S. Andræ Apost.) Ambulatio etiam Iesu dispensationem incarnationis, qua ad nos venire, ac nobis exempla vivendi præbere dignatus est, insinuat.

(3a) ALCUVINUS. Ioanne perhibente testimonium, quia Iesus esset agnus Dei, discipuli qui prius erant cum Ioanne, magistri imperium implentes, secuti Iesum: unde dicitur: *Et audierunt eum duo discipuli loquentem, & secuti sunt Iesum.* CHRYSOSTOMUS (hom. xvii.) Considera autem, quia quando dixit, *Pess me veniens ante me factus est*, & quoniam non sum dignus solvere corrigiam calcamentum eius, nullum cepit; sed quando de dispensatione locutus est, (3) & ad humiliora sermonem duxit, dicens, *Ecce agnus Dei*, tunc secuti sunt eum discipuli. Multi enim non ita adducuntur cum aliquid magnum & excelsum de Deo dicatur, sicut cum benignum, & amicum (4) hominum audiant, & aliquid ad salutem hominum pertinens. Considerandum autem, quod Ioannes dicit, *Ecce agnus Dei*, & Christus nihil loquitur: nam & sponsus cum silentio adest: (5) alii eum inducunt,

Ggg 2 & spon-

(1) *Id.* improbationibus. (2) *Legit* Nicolaus innuens gaudium quod habebat in Christo, & admirationem. (3) *Id.* & humiliter, item ad humiliter. (4) *Id.* hominem. Nicolaus legit eum aliquid benignum, & humanum audiant &c. (5) *Sic ordinat* Nicolaus: alii ei inducunt sponsam, & in manu eius po-

& sponfam in manu eius ponunt; quam cum accepit, de ea disponit. Ita Christus venit copulaturus sibi Ecclesiam: nihil ipse dixit; sed accessit solum amicus eius Ioannes; dexteram ei sponsæ imposuit, per sermones suos animas hominum in manus ei ponens; quos accipiens ita disposuit ut ultra ad Ioannem non redirent. Sed aliud hic observandum (1) est: sicut enim nuptiis non puella ad sponsum vadit, sed ipse ad eam festinat; ita hic contingit: non enim in cælum ascendit hominum natura; sed ad eam Filius Dei accessit, & ad domum duxit paternam. Et quidem alii discipuli Ioannis erant qui non solum secuti non sunt, sed & zelotype ad Christum dispositi erant; qui autem meliores erant simul audierunt, & secuti sunt, non quasi magistrum priorem contententes, sed ab eo persuasi, promittente quod baptizaret in Spiritu sancto Christus. Et vide discipulorum studium cum verecundia fieri: neque enim mox ascendentes interrogaverunt Iesum de necessariis, & maximis rebus, neque publice, sed singulariter ei loqui studuerunt: unde sequitur: *Conversus autem Iesus, & videns eos sequentes se, dicit eis, Quid queritis?* Hinc erudimur quia cum nos bene velle inceperimus, tunc Deus dat nobis multas salutis occasiones. Interrogat autem, non ut discat, sed ut per interrogationem magis eos familiares faciat, & ampliore fiducia det, & ostendat eos auditione dignos. THEOPHYLACTUS (immed. ante illud, *Erat autem Andreas.*) Vide autem quod sequentibus se Dominus convertit faciem, & respexit: quia nisi per bonam operationem ipsum secutus fuisset, ad visionem faciei eius numquam pertingeres, neque ad domum eius poteris pervenire. ALCUVINUS. Ergo illi discipuli tergum ipsius sequebantur, ut viderent, & faciem Domini videre non poterant; ideo convertit se, & quodammodo de sua maiestate descendit, ut possint discipuli faciem illius contemplari. ORIGENES. Forte autem non frustra post sextum testimonium desinit Ioannes eos contestari, & Iesus (2) secundum septimum dicit, *Quid queritis?* CHRYSOSTOMUS (hom. xvii. in Ioan. sparsum.) Sed illi non solum sequendo, sed interrogando amorem suum ad Christum manifestaverunt: unde sequitur: *Qui dixerunt ei:*

Rabbi (quod dicitur interpretatum magister) ubi habitas? Nondum ab eo aliquid dicentes, magistrum eum vocant, ad discipulatum se impellentes, & causam ostendentes propter quid sequebantur. ORIGENES b. Congrua vero proventus ex Ioannis testimonio prolatio depromens Christum doctorem, ac exprimens desiderare habitaculum Filii Dei conueniri. ALCUVINUS. Nolunt enim transitorie uti eius magisterio, sed inquirunt ubi maneat, ut & tunc in secreto verbis illius imbui, & exinde sapius possent eum visitare, & plenius instrui. Mystice autem volunt sibi ostendi, in quibus Christus habitet, ut eorum exemplo se tales exhibeant in quibus velit habitare. Vel quod lesum ambulanti vident, & statim ubi maneat quaerunt, nos monet, ut cum incarnationem eius ad mentem reducamus, sollicito corde eum rogemus ut mansionem æterni habitaculi nobis ostendat: unde quia videt bene petentes, libere eis sua refert arcana: unde sequitur: *Dicit eis: Venite, & videte;* quasi dicat: Habitaculum meum explicari non potest sermone, sed opere demonstratur. *Venite* ergo credendo, & operando, & videte intelligendo. ORIGENES c. Vel per hoc quod dicit, *Venite*, ad actionem invitatur; per hoc autem quod dicit, *Videte*, ad contemplationem. CHRYSOSTOMUS (hom. xvii.) Christus autem non dicit eis signa domus, neque locum; sed attrahit eos ad sequendum. Non dicit: Non est tempus nunc, audietis cras, si quid vultis discere: sed ut ad amicos, & familiares loquitur. Qualiter (3) ergo alibi (Matth. viii.) ait: „Filius hominis non habet ubi caput“, reclinet: „hic autem dicit: *Venite, & videte* ubi habito? Sed per hoc quod dicit, „Non habet ubi caput suum reclinet“, demonstravit quod habitaculum proprium non habebat, non quod in domo non maneret: sequitur enim: *Venerunt, & viderunt ubi maneret, & manserunt ibi die illo.* Cuius autem gratia manserunt non adiungit Evangelista, quia manifestum erat quod propter doctrinam. AUGUSTINUS (tract. vii. in Ioan. ante med.) Quam beatam autem diem duxerunt, quam beatam noctem? Aedificemus ergo & nosmetipsi in corde nostro, & faciamus domum, quoveniat ille, & doceat nos. THEOPHYLACTUS

(1) *Al. amicitur est.* (2) *Nicola legi pro septimo testimonio.* (3) *Al. dicit ergo.*

ctus. Non frustra autem & tempus novavit Evangelista cum subdit: *Hora autem erat quasi decima*: ut tam doctores quam discipulos erudiret quod doctrina propter tempus non est prætermittenda. CHRYSOSTOMUS (hom. xvii.) Multum enim studium demonstrabant ad audiendum in eo quia neque ab hora averſi sunt, cum sollet adoccafum. Et multis quidem carni fervientibus tempus quod est post escas, non est aptum ad quippiam nece ſtiorum, eo quod corpus elcis gravatur. Ioannes vero, cuius isti erant discipuli, non erat talis, sed cum multo maiori ſobrietate velpere degens quam nos mane. AUGUSTINUS (tract. vii. in Ioannem aliq. ante med.) Numerus etiam ille legem ſignificat, quia in decem præceptis data est lex. Venerat autem tempus ut impleteretur lex per dilectionem, quæ a Iudeis impleri non poterat per timorem: unde & decima hora Dominus audit, Rabbi: magister enim legis non est nisi dator legis.

Sequitur: *Erat autem Andreas frater Simonis Petri unus ex duobus qui audierant a Iohanne, & secuti fuerant eum.* CHRYSOSTOMUS (hom. xvii.) Cuius autem gratia alterius nomen non ponitur? Quidam dicunt, propterea quia hic qui ſcribit est qui ſecutus est eum. Quidam verò dicunt, quod ille alius non ignis erat: quæ igitur utilitas ſi didicerimus nomen illius? neque enim ſeptuaginta duorum discipulorum nomina Evangelista poſuit. ALCUINUS. Vel duo discipuli qui ſecuti ſunt Ieſum ſunt Andreas, & Philippus.

(bb) CHRYSOSTOMUS (hom. xviii. & xix.) Andreas quæ a Ieſu didicit non detinuit apud ſeipſum, ſed feſtiuat, & currit cito ad fratrem, traditurus ei bona quæ ſuſcepit: unde (1) dicitur: *Invenit hic primum fratrem ſuum Simonem, & dixit ei: Invenimus Meſſiam, quod eſt interpretatum Chriſtus.* BEDA (in homil. 1. de ſanct. temp. hiem.) Hoc eſt enim vere Dominum invenire, vera illius dilectione ſervare, fraternæ quoque ſalutis curam gerere. CHRYSOSTOMUS (homil. xviii.) Et quidem non dixerat Evangelista quæ Chriſtus fuerat ſequentibus ſe locutus; ſed ex his quæ hic dicuntur licet addicere. (2) Quæcumque enim Andreas didicit, in brevi oſtendit, magiſtri virtutem, qui perſuaſerat eis, & eorum deſiderium quod prius habuerant,

repræſentans: hoc enim verbum *invenimus* eſt patientis preſſuram propter abſentiam, & exultantis poſſuram apparuit quod expectabatur. AUGUSTINUS (tract. vii. parum a med.) Meſſias autem Hebraice, Græce Chriſtus, Latine Unctus dicitur: chriſma enim unctio eſt; ille autem ſingulariter unctus eſt: unde omnes Chriſtiani unguntur, ſecundum quod in Plal. xlv. dicitur: „Unxit te Deus Deus tuus oleo „exultationis præ participibus tuis: „participes enim eius ſunt omnes ſancti; ſed ille eſt ſingulariter ſanctus, & ſingulariter unctus. CHRYSOSTOMUS (hom. xviii. in Ioan. ſparſim.) Et ideo non dixit *Meſſiam* ſimpliciter, ſed cum adiectione articuli. Conſidera vero ex ipſo principio obedientem Petri mentem, conſeſſum enim accurrat nihil tardans: unde ſequitur: *Et adduxit eum ad Ieſum.* Sed nullus facilitatem ei imponat, ſi non prius malta perquirens ita ſermonem ſuſcepit: conveniens enim eſt, & fratrem diligentius ei diſſiſſe hoc, & per longa verba; ſed Evangeliſtæ ubique multa intermittunt, breviliqui curam habentes. Aliter autem neque dictum eſt, quoniam credidit ſimpliciter, ſed quoniam *dixit eum ad Ieſum*, illi ei dequo dixerat traditurus, ut omnia ab illo diſcat. Ipſe autem Dominus incipit revelare ea quæ deitatis ſunt, & paulatim ea aperire prædicationibus. Non enim minus quam ſigna, prophetiæ adducunt: hoc enim eſt maxime opus Dei, quod neque imitari dæmones poſſunt: nam in miraculis quidem & phantafia ſit utique; futura autem prædicere cum certitudine, illius ſolius incorruptibilis eſt natura: unde ſequitur: *Intuitus autem eum Ieſus dixit: Tu es Simon filius Iohannis, tu vocaberis Cephas, quod interpretatur Petrus.* BEDA (hom. 1. temp. hiem. in vig. S. Andree.) Intuitus autem eſt eum non exterioribus oculis ſolum, ſed & æterno divinitatis intuitu vidit cordis eius ſimplicitatem, animi ſublimitatem, cuius merito cundæ eſſet præterendus Eccleſiæ. Neque autem in Petri vocabulo, quaſi Hebræo, vel Syro, aliam interpretationem querere oportet: quia idem eſt Græce, & Latine Petrus, quod Syriace Cephas, & in utraq; lingua nomen a Petra derivatur. Vocatur autem Petrus ob firmitatem fidei, qua illi Petræ adhæſit de qua Apoſtolus ait I. Corinth. x. „Petra autem „erat Chriſtus;“ qui ſperantes in ſe ab hoſtis inſi-

(1) *Ad. ſequitur.* (2) *Nicolaus habet:* Quæcumque enim Andreas diſſe, in brevi oſtendit: nam & exhibet Magiſtri virtutem, qui perſuaſerat eis, & eorum deſiderium quod prius habuerant repræſentans.

invidiis reddit tutos, & spiritualium charismatum fluente ministrat. AUGUSTINUS (tract. vii.) Non est autem magnum, quia Dominus dixit, cuius filius esset ille: omnia enim nomina sanctorum suorum sciebat, quos ante constitutionem mundi prædestinavit. Illud autem magnum quia mutavit ei nomen, & fecit de Simone Petrum. Petrus autem a Petra; Petra vero Ecclesia: ergo in Petri nomine figurata est Ecclesia. Et quis securus est, nisi qui ædificat supra petram? Intantum autem te fecit Dominus: nam si antea Petrus vocaretur, non ita videres mysterium Petræ, & putares casum sic vocari, non providentia Dei. Ideo cum voluit aliud prius vocari, ut ex ipsa commutatione nominis, sacramenti vivacitas commendaretur. CHRYSOSTOMUS (hom. xviii.) Ideo etiam nomen mutavit, ut ostendat quia ipse est qui vetus testamentum dedit, & nomina transfudit, qui Abraham vocavit, & Sarai Saram, & Jacob Israel. Igitur multis quidem & a nativitate nomina imposuit, ut Isaac, & Samson; alii autem post eamque a progenitoribus est nuncupationem, ut Petro, & filiis Zebedæi: nam quibus quidem prima ætate debebat virtus clarescere, ex tunc nomina suscepunt; quibus autem postea debebat augeri, postea nuncupatio posita est. AUGUSTINUS de Cons. Evang. (Lib. III. cap. xviii.) Non autem parva repugnantia potest putari si iuxta Iordanem, antequam Iesus isset in Galilæam, ad testimonium Ioannis Baptiste secuti sunt eum duo, quorum unus erat Andreas, qui fratrem suum Simonem adduxit ad Iesum, quando & nomen ut Petrus nominaretur accepit; cum ab aliis Evangelistis dicatur, quod eos in Galilæa piscantes invenit, atque ad discipulatum vocaverit: nisi quia intelligendum est, non sic eos vidisse Dominum iuxta Iordanem ut ei iam inseparabiliter inhaerenti: sed tantum cognovisse qui esset, eumque miratos ad propria remeasse. Non autem quis arbitretur quod tunc Petrus nomen accepit, ubi ait illi Dominus, Matth. xvi. „Tu es Petrus, & super hanc petram ædificabo Ecclesiam meam:“ sed ubi commemoratur ei dictum esse, *Tu vocaberis Cephas, quod interpretatur Petrus*. ALCUINUS. Vel aliter. Nondum imponit ei nomen, sed præsignat quod postea fuit ei impositum, quando dixit ei Iesus loc. cit. „Tu es Petrus, & super hanc petram ædificabo Ecclesiam meam.“ Mutaturus autem nomen Chri-

stus, voluit ostendere etiam nomen illud quod a parentibus datum erat, non carere virtutis significatione. Simon enim obediens interpretatur, Ioanna gratia, Iona columba; quasi dicat: Tu es obediens, filius gratiæ, vel filius columbæ, idest Spiritus sancti: quia humilitatem de Spiritu sancto accepisti, ut vocante Andrea, videre me desiderares. Non enim indignatus est maior minorem sequi: quia non est ordo ætatis ubi est meritum fidei.

(cc) CHRYSOSTOMUS (hom. xix.) Postquam accepit Christus hos discipulos, venit de reliquo ad alios convertendum, scilicet Philippum, & Nathanaelem: unde dicitur: *In crastinum autem voluit exire in Galilæam*. ALCUINUS. A Iudæa scilicet, ubi erat Ioannes baptizans, deferens honorem Baptiste, ne videatur magisterium eius minuire, dum adhuc statum habet. Vocaturus etiam discipulum ad sequendum, voluit exire in Galilæam, idest in transmigrationem sanctam, vel revelationem; ut sic ut ipse prædicabat sapientia, & ætate, & gratia apud Deum, & homines, & sicut passus est, & resurrexit, & ita intravit in gloriam suam; sic etiam suos sequaces ostenderet & exire, & proficere in virtutibus, & per passiones ad gaudia transmigratione debere: unde sequitur: *Et invenit Philippum, & dicit ei Iesus, Sequere me*. Sequitur qui imitatur humilitatem, & passionem eius, ut sic socius resurrectionis, & ascensionis. CHRYSOSTOMUS (hom. xix.) Et videtur quod antequam aliquis ei adhereret, nullum vocavit: nam si quidem nullo iam sponte adveniente atroxisset, fortassis resisterent; non autem a seipsis eligentes sequi Dominum, firmi de reliquo permanserunt. Philippum autem vocat, magis notum ei existentem, quia in Galilæa nutritus erat. Sed unde Philippus secutus est Christum? Nam Andreas quidem audiens a Ioanne Baptista, Petrus autem ab Andrea; hic autem a nullo aliquid discens, solum dicente Christo ad eum, *Sequere me*, confesum persuasus est. Conveniens est autem Philippum a Ioanne audientem, sequi Christum, vel etiam vocem Christi hoc operatum esse. THEOPHYLACTUS. Non enim simpliciter (i) omnibus vox Christi dicebatur; sed fidelium interiora ad eius inflammabat amorem: deinde quia in corde Philippi de Christo cogitatio inerat, & in libris Moysi assidua lectio, ut expectaret Christum, statim cum vidit, credidit. Forte autem ab Andrea, & Petro

Petro de Christo aliquid didicist, quia ex eadem patria erant; quod Evangelista; videretur innuere per hoc quod subdit: *Erat autem Philippus a Bethsaida civitate Andrea, & Petri.* CHRYSOSTOMUS (ubi supra non procul a prin.) Christus etiam hinc suam virtutem ostendit, quod a terra nullum ferente fructum, nam a Galilæa Propheta non surgit, inclytus (1) discipulus elegit. ALCUINUS. Bethsaida etiam domus venatorum interpretatur; quo nomine civitatis curavit Evangelista ostendere quales tunc iam animo erant Philippus, Petrus, & Andreas; & quales officio erant futuri, id est capiendis ad vitam animabus intenti. CHRYSOSTOMUS (hom. xix.) Non solum autem Philippus a Christo persuasus est, sed præco aliis sit: unde sequitur: *Invenit Philippus Nathanael, & dicit ei: Quem scripsit Moyses in lege, & Propheta, invenimus Jesum filium Ioseph a Nazareth.* Vide qualiter sollicitam mentem habebat, & continue meditabatur quæ sunt Moysi, & expectabat adventum Christi. Et quidem quod Christus debebat venire, noverat prius; quoniam autem hic Christus erat, ignorabat. Dicit autem: *Quem scripsit Moyses, & Propheta,* credibilem faciens suam prædicationem, & ex hinc persuadens auditorem quod circa legem, & Prophetas sollicitus erat, & omnia perscrutans cum; veritate, ut & Christus testatus est. Si vero dicit filium Ioseph, ne turberis: eius enim filius æstimabatur esse. AUGUSTINUS (tract. vii.) Cui scilicet desponsata erat mater; eius: nam quod ea intacta conceptus, & natus sit, bene noverunt ex Evangelio omnes Christiani. Addit autem & locum, *A Nazareth.* THEOPHYLACTUS. Non quia in ea natus erat, sed nutritus. Generatio enim eius multis erat incognita: sed quod in Nazareth esset nutritus, cognitum erat.

Et dicit ei Nathanael: *A Nazareth potest aliquid boni esse?* AUGUSTINUS (ut supra.) Ambas pronuntiationes potest consequens vox Philippi sequi: sive sic pronunties, tamquam confirmans: *A Nazareth potest aliquid boni esse:* & ille dicat, *Veni, & vide:* sive sicut dubitans, & totum interrogans: *A Nazareth potest aliquid boni esse? Veni, & vide.* Cum ergo vive illo modo, sive illo pronuntietur, non repugnent verba sequentia, nostrum est querere quid potius intelligamus in his verbis: Nathanael enim doctissimus legis, cum audisset Philippum dicentem, *Invenimus Jesum,* auditum a Naza-

reth, erectus est in spem, & dixit: *A Nazareth potest aliquid boni esse.* Scrutatus enim erat Scripturas, & sciebat, quod non facile alii scriberet, & pharisæi noverant, quia inde erat expectandus Salvator. ALCUINUS. Qui singulariter sanctus est, innocens, impollutus; de quo Propheta (Esaï. xi.) *Exiet virga de radice Jesse, & Nazareus* (id est flos) de radice eius ascendet. *Vel potest hic versiculus sub dubitatione interrogative proferri.* CHRYSOSTOMUS (hom. xix. sparlim.) Audivrat enim Nathanael a Scripturis quod a Bethlehem oporteret Christum venire, secundum illud Mich. v. *Et tu Bethlehem terra Iuda, ex te* *exiet dux qui regat populum meum Israel.* Cum igitur audivit, *A Nazareth*, dubitavit, non inveniens convenire enuntiationem Philippi cum prophetica prædicatione. Nazareum autem vocant Prophetæ ab educatione, & conversatione. Considera vero eius in inquirendo prudentiam, & mansuetudinem: non enim dixit, *Decipis me Philippe;* sed interrogat dicens: *A Nazareth potest aliquid boni esse?* Valde autem & Philippus prudens erat: non enim interrogatus frangitur, sed immoratur, virum volens ducere ad Christum: unde sequitur: *Dicit ei Philippus: Veni, & vide.* Trahit quidem eum ad Christum, sciens de reliquo eum non contradiendum, si verba, & doctrinam illius gustaverit.

(dd) CHRYSOSTOMUS (hom. xix. sparlim.) Nathanael non suscipiendo ex Nazareth Christum (2) esse, eam quæ illi erat circa Scripturas diligentiam ostendit; in non respondendo vero eum qui annuntiaverat, multum desiderium quod habebat circa Christi præsentiam monstravit. Sciebat enim quod poterat Philippus circa locum falli: unde sequitur: *Vidit Jesus Nathanael venientem ad se, & dicit de eo: Ecce vere Israelita, in quo dolus non est:* quia nihil ad gratiam, vel odium loquebatur. AUGUSTINUS (ubi supra.) Vel aliter. Quid est in quo dolus non est? Forte non habebat peccatum? Forte illi medicus non erat necessarius? Absit. Nemo sic natus est ut medico illo non egeret. Dolus enim est cum aliud agitur, & aliud fingitur: quo modo ergo in illo dolus non erat, si peccator est? Fateatur peccatorem: si enim peccator est, & iustum le dicit, dolus est in ore ipsius. Ergo in Nathanaele confessionem peccati laudavit, non indicavit non esse peccatorem. THEOPHYLACTUS, Sed Nathanael laudatus non acquie-

(1) Al. discipulorem. (2) Al. omittitur esse.

quivit exemplo, sed expectavit, adhuc volens aliquid manifestius dicere; & interrogat: sequitur enim: *Dicit ei Nathanael: Unde me nosti?* CHRYSOSTOMUS (homil. xix. sparsim.) Ipse quidem igitur ut homo (1) investigabat, Iesus autem ut Deus responderebat: sequitur enim: *Respondit Iesus, & dixit ei: Principium te Philippus vocaret, cum esses sub ficu, vidisti: non ut homo cum intuens, sed ut Deus desuper cognoscens.* Vidi, inquit, te, idest morum tuorum mansuetudinem. Dicit autem, *Cum esses sub ficu*: quoniam nullus ibi erat, sed soli Philippus, & Nathanael singulariter loquebantur: propter hoc dictum est quod videns eum a longe dixit: *Ecce vero Israelita*: ut scires quoniam antequam appropinquaret Philippus, hæc loquebatur Christus, & insuspicabile fiat Christi testimonium. Noluit autem Christus dicere, Non sum ex Nazareth, ut annuntiavit tibi Philippus; sed ex Bethlehem, ut non faceret (2) altercabilem sermonem; neque etiam per hoc dedisset argumentum sufficiens quod ipse esset Christus; sed ostendit se Christum per hoc quod præters erat loquentibus illis. AUGUSTINUS (ubi supra.) Quærendum est enim an aliquid significet arbor fici. Invenimus arborem fici maledictam, quia sola folia habuit, & fructu caruit. In origine humani generis Adam, & Eva, cum peccavissent, de foliis ficus subcinctoria subicerunt. Folia ergo ficulneæ intelliguntur peccata. Erat autem Nathanael sub arbore fici, tamquam sub umbra mortis; ac si Dominus ei dicat: O Israel, sine dolo quisquis es, o popule Iudæus ex fide, antequam te per Apostolos meos vocarem, & cum esses sub umbra mortis, & tu me non videres, ego te vidi. GREGORIUS XVIII. Moral. cap. xx. al. XIII. Vel cum esses sub ficu, vidi te; idest, posuit te sub umbra legis elegi. AUGUSTINUS de Verb. Domini (serm. xl.) Recordatus est autem Nathanael te fuisse sub ficu, ubi non erat (3) Christus præsentia corporali, sed scientia spirituali; & quia sciebat se solum fuisse sub ficu, agnovit in illo divinitatem. CHRYSOSTOMUS (hom. xix. sparsim.) Sic ergo ab hac prædicatione, & ab eo quod mentem scrutatus est eius, & quia cum adversus eum dicere videretur, non culpavit, sed laudavit, cognovit quoniam vere est Christus: unde sequitur: *Respondit ei Nathanael, & ait: Rabbi, tu es Filius Dei, tu es Rex Israel*, quasi dicat: Tu es qui expecta-

bas, tu es qui quærebaris. Quia enim argumentum inaltercabile suscepit, venit ad confessionem, & in mora priori diligentiam ostendens, & in posteriori confessione devotionem. (Hom. xx. in Ioan. par. a princ.) Multi autem legentium sermonem hunc anxiantur: Petrus enim qui post miracula, & doctrinam confessus est, quoniam Filius est Dei, beatificatur, ut a Patre revelationem iam suscipiens; Nathanael autem ante signa, & doctrinam hoc dicens, nihil tale audit. Est igitur huius causa, quoniam verba quidem eadem locutus est Petrus, & Nathanael, non autem eadem mente; sed Petrus quidem confessus est Filium Dei ut Deum verum; hic autem ut hominem nudum: dicens (4) enim ei, *Tu es Filius Dei*, induxit, *Tu es Rex Israel*; Dei autem Filium Israelis est Rex solum, sed & orbis terrarum universi. Hoc etiam manifestum est ex his quæ consequuntur. Nam Petro nihil postea addidit Christus; sed quasi perfecta eius existente fide, Ecclesiam se dixit in confessione illius fabricaturum esse. Nathanael autem, quasi multa parte, & maiori confessionis dehiciente, ad maiora educitur; nam sequitur: *Et dixit ei: Quia dixi tibi, Vidi te sub ficu, credis: maius hic videbis*; quasi dicat: Magnum tibi visum est hoc esse quod dixi, & propterea me Regem Israelis confessus es: quid igitur dices cum maius videbis? Et quid sit istud maius ostendit subdens: *Et dicit eis: Amen amen dico vobis, videbitis calum apertum, & Angelos Dei ascendentes, & descendentes super Filium hominis.* Vide qualiter paulatim eum a terra abducat, & facit quod non ultra æstimet Christum esse hominem solum: cui enim Angeli ministrant, qualiter hic homo parus esset? Per hoc igitur suadet Angelorum se esse dominatorem: sicut enim in proprium Regis Filium descenderunt, & ascenderunt in eum ministri regales; hoc quidem in tempore crucis, hoc vero in tempore resurrectionis, & ascensionis; sed & ante hoc, quando accesserunt, & ministrabant ei, & quando evangelizabant eius navitatem. Futurum vero a præterito probavit: qui enim in præteritis virtutem eius agnoverat, & de futuris audiens facilius suscepit. AUGUSTINUS de Ver. Dom. (serm. xl. par. a princ.) Recolamus autem veterem historiam, quando Iacob in somnis vidit scalam a terra pertingentem ulque in cælum, & Dominus incumbebat super eam, & Angeli ascendeant, & descendeant per eam. De-

(1) *sc.* investigat. (2) *sc.* alterabilem. (3) *sc.* deest Christus. (4) *sc.* omittitur enim.

Denique ipse Iacob quia intellexit quid videret, posuit lapidem, & fudit oleum: dum unxit lapidem Iacob, numquid idolum fecit? Significavit, non adoravit. Agnosceitis christum, agnosceite & Christum. Ipse est lapis quem reprobaverunt edificantes. Si ergo Iacob vidit scalam, qui est Israel appellatus, & Nathanael ille vere Israelita (1) erat, convenienter somnium Iacob Dominus dixit ei; quasi dicat: Cuius nomine te appellavi, ipsius somnium in te apparuit: *videbis enim caelum apertum, & Angelos Dei ascendentes, & descendentes super Filium hominis*. Si autem ad illum descendunt, & ad illum ascendunt, (2) & sursum est, & hic est: sursum in se, deorsum in suis. AUGUSTINUS super Ioannem (tract. vii. ante fin.) Sunt autem Angeli Dei boni prædicatores prædicantes Christum; hoc est, super Filium hominis ascendunt; (3) & descendunt; sicut Paulus, qui ascen-

derat usque ad tertium caelum, descendit usque ad lac potum parvulis dandum. Dixit autem, *Minus his videbis*: quia plus est quod nos Dominus vocatos iustificavit, quam quod vidit iacentes sub umbra mortis. Quid enim nobis proderat, si ibi mansissemus ubi nos vidit? Quæritur autem quare Nathanael, cui tantum testimonium perhibuit Filius Dei, inter duodecim Apostolos non invenitur? Intelligere autem debemus, ipsum eruditum fuisse, & peritum legis: propterea noluit, illum Dominus inter discipulos ponere, quia idiotas elegit, unde confunderet mundum. Volens enim superbiorum frangere cervices, non quæsit per oratorem piscatorem; sed de piscatore lucratus est Imperatorem. Magnus Cyprianus orator; sed prius Petrus piscator, per quem postea crederet non tantum orator, sed etiam Imperator.

CAPUT II.

(a) **E**T die tertia nuptiæ factæ sunt in Chana Galilææ; & erat mater Iesu ibi. Vocatus est autem Iesus, & discipuli eius ad nuptias. Et deficiente vino, dicit mater Iesu ad eum: Vinum non habent. Et dicit ei Iesus: Quid mihi, & tibi est, mulier? Nondum venit hora mea.

(b) Dicit mater eius ministris: Quodcumque dixerit vobis, facite. Erant autem ibi lapideæ hydræ sex positæ secundum purificationem Iudæorum; capientes singulæ metretas binas vel ternas. Dicit eis Iesus: Implete hydras aqua. Et impleverunt eas usque ad summum. Et dicit eis Iesus: Haurite nunc, & ferte Aschitriclino: & tulerunt. Ut autem gustavit architriclinus aquam vinum factam, & non sciebat unde esset (ministri autem sciebant, qui hauserant aquam) vocat sponsum architriclinus, & dicit ei: Omnis homo primum bonum vinum ponit, & cum inebriati fuerint, tunc id quod deterius est; tu autem servasti bonum vinum usque adhuc. Hoc fecit initium signorum Iesus in Chana Galilææ, & manifestavit gloriam suam: & crediderunt in eum discipuli eius.

(c) Post hæc descendit Capharnaum ipse, & mater eius, & fratres eius, & discipuli eius; & ibi manserunt non multis diebus. Et prope erat pascha Iudæorum; & ascendit Iesus Hierosolymam.

(d) Et invenit in templo vendentes oves, & boves, & columbas, & nummularios sedentes. Et cum secisset quasi flagellum de funiculis, omnes eiecit de templo, oves quoque, & boves; & nummulariorum effudit æs, & mensas subvertit. Et his qui columbas vendebant dixit: Auferte ista hinc, & nolite facere domum Patris mei domum negotiationis. Recordati sunt vero discipuli eius, quia scriptum est: Zelus domus tuæ comedit me.

(e) Responderunt ergo Iudæi, & dixerunt ei: Quod signum ostendis nobis, quia
S. Th. Oper. Tom. V. Hhh hac

(1) *M. desideratur erat.* (2) *M. & sursum est, hic est in se, deorsum in suis: itum & sursum est hic est sursum in se, deorsum in suis.* (3) *M. non est & descendunt.*

hæc facis? Respondit Iesus, & dixit eis: Solvite templum hoc, & in tribus diebus excitabo illud. Quixerunt ergo Iudæi: Quadraginta & sex annis edificatum est templum hoc; & tu in tribus diebus excitabis illud? Ille autem dicebat de templo corporis sui. Cum ergo resurrexisset a mortuis, recordati sunt discipuli eius quia hoc dicebat de corpore suo; & crediderunt Scripturæ, & sermoni, quem dixit Iesus.

(f) Cum autem esset Hierosolymis in pascha in die festo, multi crediderunt in nomine eius, videntes signa quæ faciebat. Ipse autem Iesus non credebatur semetipsum eis, eo quod ipse nosset omnes, & quia opus ei non erat ut quis testimonium perhiberet de hominibus: ipse enim sciebat quid esset in homine.

(a) **CHRYSOStOMUS** (hom. xx.) Quoniam in Galilæa notus erat Dominus, vocant eum ad nuptias: unde sequitur: *Et die tertia nuptia facta sunt in Chana Galilææ.* **ALCUINUS.** Galilæa est provincia, in qua est Chana viculus. **CHRYSOStOMUS** (ibidem sparsim.) Vocant autem ad nuptias Dominum, non tamquam magnificum aliquem, sed simpliciter tamquam notum, & unum multorum: unde hoc Evangelista declarans ait: *Et erat mater Iesu ibi: sicut enim matrem vocaverant, ita & filium: unde sequitur: Vocatus est autem Iesus, & discipuli eius ad nuptias: & accedebat: neque enim ad dignitatem respiciebat suam, sed ad beneficium nostrum. Qui enim non indignatus est formam servi accipere, neque dedignatus est ad nuptias venire fervorem.* **AUGUSTINUS** de Ver. Domini (serm. xli. in princ.) Erubescat igitur homo esse superbus, quoniam factus est humilis Deus. Ecce inter cetera Filius Virginis venit ad nuptias, qui cum apud Patrem esset, instituit nuptias. **BEDA** (hom. dom. i. post Epiph.) Quod etiam ad nuptias venire dignatus est, iuxta litteram, fidem recte credentium confirmat. Porro Tatiani, & Marcionis, ceterorumque, qui nuptiis detrahunt, perfidia quam sit damnabilis insinuat. Si enim thoro immaculato, & nuptiis debita castitate celebratis culpa inesset, nequaquam Dominus ad has venire voluisset. Nunc autem quia bona est castitas conjugalis, melior continentia virginalis, optima perfectio virginialis, ad probandam omnium electionem graduum, discernendum tamen meritum singulorum, ex intemerato Mariæ Virginis utero nasci dignatus est; e prophético viduæ Annæ ore mox natus benedicitur a nuptiarum (1) celebratoribus iam invenis invitatus, has præsentia suæ virtutis honorat. **AUGUSTINUS** (tract. viii. sparsim.) Quid au-

tem mirum, si in illam domum ad nuptias venit qui in hunc mundum ad nuptias venit? Habet enim hic sponsam, quam redemit sanguine suo, & cui pignus dedit Spiritum sanctum, quam sibi coniunxerat in utero Virginis. Verbum enim est sponsus, & sponsa caro humana, & utrumque unus Filius Dei, & idem Filius hominis. Ille uterque Virginis Mariæ thalamus eius est, unde, processit tamquam sponsus de thalamo suo: *Psalm. xviii. BEDA* (super Ioan. cap. i. super illud, *Die tertia nuptia facta sunt.*) Nec vacat a mysterio quod de tertia nuptiæ factæ referuntur. Primum quidem sæculi tempus antelegem, Patriarcharum exemplo; secundum sub lege, Prophetarum scriptis; tertium sub gratia, præconiis Evangelistarum, quasi tertiæ diei luce, mundo resulsi, in quo Dominus in carne natus apparuit. Sed & hoc quod in Chana Galilææ, idest in zelo transmigrationis, eadem nuptiæ factæ perhibentur, typicè denuntiat, eos maxime gratia Christi dignos existere qui (2) zelo fervere piæ devotionis, ac de vitiis ad virtutes, de terrenis ad æterna norunt transmigra. Discumbente autem ad nuptias Domino, vinum defecit, ut vino meliore pro ipsum facto manifestaretur gloria latentis in homine Dei: unde sequitur: *Et deficiente vino, dicit mater Iesu ad eum: Vinum non habent.* **CHRYSOStOMUS** (ubi supra.) Dignum autem est querere, unde venit in mentem matri magnum quid imaginari de filio: neque enim ante miraculum fecerat: sequitur enim: *Hoc fecit initium signorum Iesus.* Sed revelari incipiebat & a Ioanne, & ab his quæ ad discipulos dixerat; sed ante hæc omnia ipsa conceptio, & ea quæ post nativitatem facta sunt, maximam ei de puero imposuerunt æstimationem: unde Lucas dicit cap. ii. „Maria conservabat omnia verba hæc, & conferens in corde suo.“ Cuius

(1) *id.* celebrationibus. (2) *id.* de actio.

igitur gratia non (1) ante ad miraculum eum incitavit ? Nam antea ut unus multorum ita (2) conversabatur : unde non præsumebat ei mater tale quid dicere ; quia vero audivit , quod Ioannes ei testificatus est , & quod discipulos iam haberet , de reliquo confidenter rogat. **A L C U I N U S** . Significat etiam in hoc loco synagogam , quæ Christus provocat ad faciendum miraculum : familiare enim est Iudeis miracula inquirere .

Sequitur : *Et dicit ei Iesus : Quid mihi , & tibi , mulier ?* **AUGUSTINUS** (tract. viii. sparsim .) Quidam derogantes Evangelio , & dicentes quod Iesus non fuit natus de Maria Virgine , hinc argumentum sumere conantur erroris sui , ut dicant : Quomodo erat mater eius cui dixit : *Quid mihi , & tibi , mulier ?* Sed quis hoc narravit , ut credamus quia hoc Dominus dixit ? Nempe Ioannes Evangelista . At ipse dixit : *Et erat ibi mater Iesu* . Quare hoc , nisi quia utrumque verum est ? Sed numquid ideo venit ad nuptias , ut doceret matres contemni ? **CHRYSOSTOMUS** (loc. cit. super illud , *Quid mihi , & tibi est , mulier ?*) Sed quod valde venerabatur matrem , audi Lucam enarrantem , qualiter subditus parentibus erat . Nam ubi quidem parentes nihil impediunt eorum quæ sunt secundum Deum , debitum est subici ei ; quando autem non tempore debito aliquid querunt , & abiciunt nos a spiritualibus , (3) non ex hoc fallaris . **AUGUSTINUS** de Symbolo (Lib. II. cap. iv .) Ut ergo distingueret inter Deum & hominem : quia secundum hominem minor , & subditus erat ; secundum autem Deum supra omnes erat : dixit : *Quid mihi , & tibi est , mulier ?* **CHRYSOSTOMUS** (hom. xx. & xxi .) Sed & propter aliam causam , ut non suspecta essent miracula quæ fiebant (ab his enim qui indigebant , rogari oportuerat , non a matre) voluit ostendere quoniam omnia decenti tempore operatur , non simul omnia faciens : quia consilio quædam esset ; & ideo sequitur : *Nondum venit hora mea* ; id est , nondum cognitus sum his qui adstant . Sed neque sciunt quoniam defecit vinum : sine eos primum hoc sentire : qui enim necessitatem non præsentit , neque beneficii grandem suscipiet sensum . **AUGUSTINUS** (tract. viii. sparsim .) Vel ideo quia Dominus noster , secundum quod Deus erat , matrem non habebat ; secundum quod homo erat , habebat matrem .

Miraculum autem quod facturus erat , secundum divinitatem facturus erat , non secundum infirmitatem humanam . Miraculum tamen exigebat mater ; ad ille tamquam non agnoscens viscera humana , operaturus facta divina , dixit : *Quid mihi , & tibi est , mulier ?* tamquam dicat : Quod in me facit miraculum , non tu generasti , deitatem meam . Dicitur autem mulier secundum seminem sexum , non secundum corruptionem integritatis . Sed quia genuisti infirmitatem meam , tunc te cognoscam cum ipsa infirmitas pendebit in cruce : unde subdit : *Nondum venit hora mea* ; quasi dicat : Ibi te agnoscam cum pendere in cruce infirmitas coeperit , cuius & mater es . Commendavit enim matrem discipulo , prius matre morituro , & ante mortem matris resurrecturo . Videte autem ne forte , quomodo invenerunt Manichæi occasionem perhædæ suæ , quia dixit Dominus , *Quid mihi , & tibi est , mulier ?* sic inveniant Mathematici occasionem fallaciæ , quia dixit , *Nondum venit hora mea* . Dicunt enim : Vides quia sub fato erat Christus , quia dixit : *Nondum venit hora mea* . Credant autem Deo dicenti infra x. *Potestatem habeo penendi animam meam , & iterum sumendi eam* : & querant quare sit dictum : *Nondum venit hora mea* : nec ideo iam sub fato ponant conditorem cæli : quia si esset fatum de sideribus , non poterat esse sub necessitate siderum conditor siderum . (4) Adde quod non solum Christus non habuit quod appellas fatum ; sed nec tu , aut ille , aut quisquam hominum . Quare ergo dixit : *Nondum venit hora mea* ? Quia in potestate habebat quando moreretur ; sed nondum videbat esse opportunum ut illa potestate uteretur . Vocandi erant discipuli , annuntiandum erat regnum cælorum , faciendæ erant virtutes , commendanda erat divinitas Domini in miraculis , commendanda erat humanitas Domini in ipsa compassione mortalitatis . At ubi tantum fecit quantum sufficere iudicavit , venit hora , non necessitatis , sed voluntatis ; non conditionis , sed potestatis .

(b) **CHRYSOSTOMUS** (hom. xxi. in Ioan .) Quamvis dixerit , *Nondum venit hora mea* , postmodum fecit quod mater dixerat , ut etiam ex hoc sufficiens esset demonstratio quod non subiectus est horæ . Si enim horæ subiciebatur , qualiter debita hora nondum facta hoc fecit ? Deinde & propter honorem matris , ut non finaliter

El h h 2

ei

(1) *Al.* ante miraculum . (2) *Al.* conservabatur . (3) *Reponit P. Nicolai* obtemperare non est tutum . (4) *Al.* de sp. Adde .

ei contradicere videretur; neque eam tot præsentibus erubescere faceret: adduxerat enim ad eum ministris, ut a pluribus fieret petitio: unde sequitur: *Dixit mater eius ministris: Quodcumque dixerit vobis, facite.* BEDA (super *Quodcumque dixerit vobis, facite.*) Quasi dicat: Licet abnegare videatur, tamen faciet: ooverat enim eum mater pium, & misericordem. Sequitur: *Evant autem ibi lapidea hydria sexposita secundum purificationem Iudeorum, capiunt singula metretas binas vel ternas.* Hydriæ vocantur vasa aquarum receptui parata: Græce enim aqua bydor dicitur. ALCUVINUS. Vasa autem aquarum receptui parata erant secundum purificationem Iudeorum, quia inter alias pharisæorum traditiones etiam hoc observant ut crebro se lavarent. CHRYSOSTOMUS (ubi supra.) Quia vero inaquosa est Palaestina, & non erat multis in locis fontes, & puteos invenire; replebant hydrias aqua, ut non currerent ad flumina, si quando immundi fierent; sed de prope habere purificationis modum. Ne autem quidam infidelium suspicarentur quoniam, sæpe intus remanente, deinde aqua immissa, vinum subtilissimum factum esset, propterea ait secundum purificationem Iudeorum, ostendens quod illa vasa nunquam vini receptacula facta erant. AUGUSTINUS (tract. ix. sparsim.) Metretas enim dicit mensuras quasdam, tamquam si diceret urnas, amphoras, vel aliud huiusmodi. Metron enim mensuram dicunt Græci: inde appellatæ metretæ. (1) Quod autem ait, *binas, vel ternas*, non ita accipiendum est quod aliz binas, aliz ternas; sed eadem ipse capere binas quæ etiam ternas.

Sequitur: *Dixit eis Iesus: Implete hydrias aqua: & impleverunt eas usque ad summum.* CHRYSOSTOMUS (ut supra.) Sed quare antequam impleverint hydrias aqua, non fecit signum? quod multo mirabilius esset: quia scilicet aliud est substantiam in aliam qualitate transmutare, & ipsam substantiam ex nihilo facere. Hoc quidem mirabilis est, sed non ita videtur credibile multis. Propterea enim multoties a miraculorum magnitudine abstinere, volens magis credibile esse quod fiebat. Cum hoc & perversa dogmata evertit. Quia enim sunt quidam qui mundi conditorem alium esse dicunt, plura miraculorum ex subiectis

substantiis facit: si enim contrarius ei esset qui conditor est mundi, non utique alienis uteretur ad propriæ virtutis demonstrationem. Non autem ipse aquam hausit, & tunc vinum offendit; sed hoc iubet ministris, ut eos testes haberet eius quod fiebat: unde sequitur: *Et dicit eis Iesus: Haurite nunc, & serte architriclino.* ALCUVINUS. Triclinium ordotrium leæorum, elini enim lectum significat. Architriclinus princeps triclinii, idest primus inter convivas, qui more antiquo in lectis discumbebat; unde quidam architriclinum intelligunt aliquem ex sacerdotibus Iudeorum, qui nuptiis interesse poterant, ut illos instruerent qualiter uisui uti deberet. CHRYSOSTOMUS (homil. xxv. in Ioan. par. a med.) Vel aliter, Quia aliqui possent dicere, quod convivæ ebrii erant, & sensus iudicantium corruptus, ut nescirent utrum aqua, vel vinum esset; hi autem quibus ministratio conviviorum credita est, maxime vigiles sunt, unum opus habentes ut ornate, & ordinate omnia disponantur; ideo in testimonium eorum quæ fiebant dixit Dominus, *Serte architriclino*, propter evigilantem eius sensum; & non dixit, Propinate discumbentibus. HILARIUS III. de Trin. (circa princ.) Aqua igitur hydriis infunditur, vinum calicibus hauritur: infundenti scientiæ sensus non convenit haurienti. Qui infuderunt, hauriri aquam existimant; qui hauriunt vinum, insulam arbitrantur: unde sequitur: *Ut autem gustavit architriclinus aquam vinum factam, & non sciebat unde esset (ministri autem sciebant, qui haurerant aquam) vocat sponsum architriclinus.* (2) Non autem aquæ simplicitas defecit, & vini sapor natus est; non per transfusionem potioris obtinetur quod infirmius est; sed aboletur quod erat, & quod non erat cœpit. CHRYSOSTOMUS (hom. xxi. in Ioan.) Paulatim autem Dominus volebat cognoscere suorum signorum virtutem; & ideo neque ipse revelabat quod factum est, neque ministros architriclinus vocavit: non enim esset eis creditum de puro homine existimato tale testimonium redditibus: sed vocat sponsum, qui maxime poterat conspiciere quod fiebat. Non simpliciter autem Christus vinum, sed vinum optimum fecit: unde sequitur: *Et dicit ei: Omnis homo primum bonum vinum petit, & cum inebriatus fuerint, tunc id quod*

de-

(1) M. BEDA, quem habet etiam Nicetius. (2) Sic omnia a nobis consilio exempla; Nicetius tamen creditur in hoc modum. Non autem permixtio fuit, sed (cristo) aquæ simplicitas defecit, & vini sapor natus est: non per transfusionem potioris obtinetur quod infirmius est; sed aboletur quod erat de-

decerius est. Talia enim sunt Christi miracula, ut multo his quæ per naturam sunt, speciosiora, & utiliora fiant. Igitur aqua vinum facta ministros testes habuit, boni vero vini factio architrictim, & sponsum. Probabile autem est & sponsum aliquid respicisse; sed Evangelista hoc prætermittit, tangens solum id quod necessarium est scire, scilicet quoniam vinum aquam fecit: unde statim subdit: *Hoc fecit initium signorum Iesus in Chana Galilee.* (Hom. xxii.) Tunc enim signa maxime necessarium erat facere, quando discipuli iam congregati erant (1) devoti, & attendentes his quæ fiebant, manifeste aderant. Si vero dixerit quis non esse argumentum sufficiens ut hoc sit principium signorum, quia additur, *in Chana Galilee*, quasi contingat alibi prius esse facta; dicemus, quod & antea diximus, quia Ioannes dicit supra 1. *Ut manifestetur Israel, propter ea vini baptizans.* Si vero secundum primam ætatem miracula fecit, nequaquam indigebat Israelitæ alio manifestante eum. Qui enim in brevi tempore ita per miraculorum multitudinem claruit, ut eius nomen manifestum fieret omnibus, multo magis si puer existens a prima ætate miracula fecisset: iam & ea quæ fierent, inopinabiliora existimarentur, ab infante facta, & tempus amplius esset. Decenter autem non incepit signa facere ex prima ætate: existimassent enim phantasia esse incarnationem, & ante opportunitatem tempus crucium tradidissent livore liquefacti. AUGUSTINUS (tract. ix.) Hoc autem miraculum Domini, quo de aqua vinum fecit, non est mirum eis qui noverunt quia Deus fecit. Ipse enim fecit vinum illo die in hydriis qui omni anno hoc facit in vitibus; sed hoc assiduitate amisit admirationem: itaque servavit sibi Deus inusitata quædam quæ faceret, ut tamquam dormientes homines ad se colendum mirabiliter excitaret: propter quod sequitur: *Et manifestavit gloriam suam.* ALCUVINUS. Quia ipse est Rex gloriæ, qui sicut Dominus elementa mutabat. CHRYSOSTOMUS (homil. xxii.) Et hoc quantum ex parte sua; (2) si vero tunc multi non cognoverunt, sed tamen omnes postea erant miraculum audituri. Sequitur: *Et crediderunt in eum discipuli eius:* hi enim debebant credere, & facilius, & cum diligentia attendere his quæ fiebant. AUGUSTINUS de Conf. Evang. (Lib. II. cap. xvi.)

Sed si tunc in eum crediderunt, nondum erant discipuli cum ad nuptias vocati sunt; sed illo more locutionis hoc dictum est quo loquimur cum dicimus Apostolum Paulum in Tharso Ciliciæ natum: neque enim tunc iam erat Apostolus. Ita discipulos Christi invitatos ad nuptias cum audimus, non iam discipulos, sed qui futuri erant discipuli intelligere debemus. AUGUSTINUS (tract. ix.) Illa autem mysteria quæ in isto miraculo Domini latent, videte. Oportebat impleri in Christo quæ de illo scripta erant. Illa erat aqua; fecit autem de aqua vinum, cum aperuit eis sensum, & exposuit Scripturas: sic enim sapit quod non sapiebat, & inebriat quod non inebriabat. BIDA (super Nuptia facta sunt in Chana Galilee.) Apparente enim Domino in carne, vinosa legalis sensus suavitatis paulatim cæperat ob carnalem phariseorum interpretationem a prisca sua virtute desicere. AUGUSTINUS (tract. ix. in Ioan.) Si autem iussit, set aquam effundi, & ipse mitteret vinum ex occultis creaturæ finibus, videretur Scripturas veteres improbasse. Cum autem ipsam aquam convertit in vinum, ostendit nobis quod & Scriptura vetus ab ipso est: nam iussu ipsius impletæ sunt hydræ. Sed nihil sapit illa Scriptura, si non ibi Christus intelligatur. Novimus autem legem ex quibus temporibus narret, id est ab exordio mundi: (3) inde usque ad hoc tempus quod nunc agimus, sexta ætas est; nam prima ætas computatur ab Adam usque ad Noe; secunda a Noe usque ad Abraham; tertia ab Abraham usque ad David; quarta a David usque ad transmigrationem Babylonis; quinta usque ad Iohannem Baptistam; sexta inde usque ad finem sæculi. Sex ergo illæ hydræ lex ætates significant, quibus non defuit prophetia. Impletæ sunt prophetiæ, plenæ sunt hydræ. Quid est autem quod capiebant metretas binas vel trinas? Si trinas tantum diceret, non curreret animus noster nisi ad mysterium Trinitatis. Sed forte nec sic debemus inde sensum avertere, quia dixit binas, vel trinas: quia nominato Patre, & Filio, consequenter & Spiritus sanctus intelligendus est. Oportet enim intelligi caritatem invicem Patris, & Filii, quod est Spiritus sanctus. Sed est & alius intellectus non prætermittendus: binæ enim metretæ intelliguntur in duobus generibus hominum, id est Iudeis, & Græcis; tres autem propter Noe tres filios (4) signa-

(1) *M.* & devoti. (2) *M.* si vero & tunc. Forse Etiam vero tunc. (3) *M.* omittitur inde. (4) *M.* significatos. Nicolai ponit significatos.

significandos. **ALCUINUS.** Ministri autem sunt doctores novi testamenti, (1) qui Scripturas aliis sacras spiritualiter interpretantur; architriclinus autem est aliquis legis peritus, ut Nicodemus, Gamaliel, Saulus. Dum ergo talibus Evangelii verbum committitur, quod in littera legis occultabatur, quasi vinum de aqua factum architriclinus propinat. Et bene in domo nuptiarum tres ordines discumbentium describuntur: quia Ecclesia tribus ordinibus fidelium constat, coniugatorum, continentium, & doctorum. Optimum autem vinum Christus usque adhuc servavit, id est Evangelium usque ad sextam ætatem distulit.

(c) **CHRYSOSTOMUS** (hom. xxii.) Quoniam autem paulo post Dominus Hierosolymam ascensus erat, Capharnaum adiit, ut non ubique fratres, & matrem secum trahat: unde dicitur: *Post hæc descendit Capharnaum ipse, & mater eius, & fratres eius, & discipuli eius; & ibi manserunt non multis diebus.* **AUGUSTINUS** (tract. x. in Ioan. non procul a princ.) Hic est autem Dominus Deus noster excelsus, ut nos faceret; humilis, ut nos resiceret; ambulans inter homines, patiens humana, abcondens divina. Ecce habet matrem, habet fratres, habet & discipulos. Inde fratres unde matrem. Fratres enim Scriptura nostra appellare consuevit non eos solos qui nascuntur ex eodem utero, aut ex eodem patre; sed ex eodem gradu, velut compatriuales, aut consobrinos. Unde ergo fratres Domino? (1) Non enim Maria iterum peperit: absit: inde cæpit dignitas virginum. Abraham patruus erat Lot, & Isaac Laban Syrum habebat avunculum; & utrique disci sunt fratres. **ALCUINUS.** Fratres ergo Domini dicuntur cognati Mariæ, vel Ioseph, non filii Mariæ, vel Ioseph: quia non solum Beata Virgo, sed etiam Ioseph testis castitatis eius ab omni actione coniugali immunis permansit. **AUGUSTINUS** de Conf. Evang. (Lib. II. cap. xvi.) Quid vero dicit, *Et discipuli eius*, incertum est utrum iam illi adhaerant etiam Petrus, & Andreas, & filii Zebedæi. Matthæus enim primo narrat quod venerit, & habitaverit in Capharnaum, & postea quod eos de navibus piscantes vocaverit. An forte Matthæus quod prætermiserat recapitulavit? quia sine ulla consequentis temporis differencia dixit cap. iv. „Ambulans iuxta mare Galilææ, vidit duos fratres:”

an potius alii discipuli fuerunt? Scriptura enim evangelica, & apostolica non solum illos duodenos appellat discipulos eius, sed omnes qui in Deum credentes ad regnum cælorum magisterio eius erudiebantur. (Cap. xviii.) Illud etiam requirendum est quomodo hic dicit, antequam Ioannes Baptista missus esset in carcerem, Iesum venisse in Galilæam, cum Matthæus dicat cap. iv. „Cum autem audisset quod, Ioannes traditus esset, secessit in Galilæam:” similiter etiam & Marcus. Lucas etiam nihil quidem dicit de tradito Iohanne; sed post baptismum, & tentationem Christi dicit eum esse in Galilæam, sicut illi duo. Unde intelligitur tres Evangelistas non Iohanni Evangelistæ contraria narrasse, sed prætermisisse primum Domini adventum in Galilæam posteaquam baptizatus est, quando illic eam convertit in vinum. **EUSEBIUS** in Ecclesiastica Historiâ (Lib. III. cap. xxiv.) Cum enim trium Evangeliorum ad Iohannem Evangelistam notitia pervenisset, probasse quidem dicitur fidem, & veritatem dictorum; deesse tamen vidit aliqua, & ea maxime quæ primo prædicationis suæ tempore Dominus gesserat: certum est enim quod in superioribus tribus Evangelisti hæc videntur sola contineri quæ in eo gesta sunt anno quo Ioannes Baptista vel inclusus est in carcere, vel punitus. Et ideo rogatus dicitur Ioannes Apostolus ut ea quæ præterierant priores ante traditionem Iohannis, Salvatoris gesta conscriberet. Unde si quis diligenter consideret, (3) inveniet Evangelia non disponere; sed alterius temporis gesta esse quæ scribit Ioannes, alterius vero quæ ceteri. **CHRYSOSTOMUS** (hom. xxii.) Neque enim in Capharnaum miraculum ullum tunc operatus est: qui enim civitatem habitabant illam, non sane se habebant ad Christum, sed erant valde corrupti: ideo tamen accedit, & parum ibi trahit tempus propter eum qui ad matrem erat honorem. **BEDA** (super his verbis.) Ideo etiam non multis diebus ibi manserunt propter festum paschæ, quod iam appropinquabat: unde sequitur: *Et prope erat pascha Iudaorum.* **ORIGENES** (tom. x. in Ioan.) Sed quid intendit ibi appositio Iudaorum? non enim nationis alterius paschæ toleminas fuerat. Forfan vero quia quiddam est pascha humanum eorum qui procul a proposito Scripturæ celebrant illud, quoddam vero divinum, & verum,

(1) Al. qui Scripturas alias spiritualiter interpretantur. (2) Forte Num. enim Maria iterum peperit? absit etc. (3) Al. invenit.

rum, quod in spiritu, & veritate perficitur. Ad distinctionem ergo divini dicitur, *Judaorum*.

Sequitur: *Et ascendit Hierosolymam*. ALCUINUS. Bis in Evangelii legitur Iesum ascendisse Hierosolymam: semel in primo anno prædicationis, dum adhuc Ioannes non erat missus in carcerem; de hoc ascensu nunc agit: & iterum illo anno quo erat (1) passurus. Dedit autem nobis exemplum Dominus quanta cura divinis subdi debeamus imperiis. Si enim ipse Dei Filius decreta legis a se data implebat, celebrans solemnitates cum ceteris hominibus, quanto studio bonorum operum servi debent solemnitates & prævenire, & celebrare? ORIGENES (tom. x. in Ioan. in tit. *Postea descendit Capharnaum*.) Mystice autem cum facta est nuptiarum præparatio in Chana Galilææ, descendit una cum matre, fratribus, & discipulis in Capharnaum, quæ interpretatur ager consolationis. Oportebat enim post vini alacritatem, ad agrum consolationis una cum matre, & discipulis ascendere Salvatorem, consolatorem in futuris fructibus, & in agrorum multitudine suscipientes disciplinam eius, & animam quæ illum Spiritu sancto concepit, & iuvandos ibi. Sunt enim quidam fructificantes, ad quos Dominus ipse descendit una cum verbis ministris, atque discipulis, adiuvans huiusmodi præsentem matre suæ. Videntur autem qui Capharnaum ducti sunt, non capere diuturnam apud se Iesu præsentiam: quoniam illuminationem quæ de pluribus dogmatibus est, inferioris consolationis agellus non capit, cum paucorum capax exilat. ALCUINUS. Vel Capharnaum villa pulcherrima est, & significat mundum, in quem Verbum Patris descendit. BEDA. Non multis autem diebus ibi mansit, quia parvo in hoc mundo tempore cum hominibus conversatus est. ORIGENES (tom. x. in Ioan. tit. *Et ascendit Iesus*.) Est autem Hierosolyma civitas Regis magni, velut ipse Salvator ait, ad quam nullus eorum qui manent in terris descendit, nec ingreditur; sed quælibet anima quæ naturalem obtinet celsitudinem, & acumen intelligibilium perspicuum, eius civitatis est incolæ, ad quam solus Iesus ascendisse dicitur. Videntur tamen post discipuli fore præsentem dum recolunt: *Zelus domus tue comedit me*; sed quæ in quolibet discipulo- rum Iesus ascendit.

(d) BEDA (Matth. xxi. super illud „

„ Intravit Iesus in templum. “) Dominus Hierusalem ad veniens, continuo templum oraturus adiit, nobis dâns exemplum ut quocumque properamus, domum Dei primo ingrediamur, Dominum deprecaturus: unde dicitur: „ *Et invenit in templo vendentes boves, & oves, & columbas*. AUGUSTINUS (tract. x.) Sacrificia enim illi populo pro eius carnalitate talia data sunt, quibus teneretur ne ad idola desisteret; & immolabant boves, & oves, & columbas. BEDA (ubi sup. ad verba „ *Et eiiciebat omnes vendentes*. “) Sed quia de longinquo properantes quæ iussa sunt immolari Domino, secum terre non poterant, eorum pretia deserebant: unde nata occasione, hæc animalia in templo scribæ, & pharisæi vendi instituerunt, ut venientes emerent, & offerrent; eademque oblata ipsi aliis venderent; & sic sua lucra accumularent. Unde & nummularii ad hoc sedebant ad mensam, ut inter emptores venditorumque hostiarum prompta esset pecunia: unde subditur, *Et nummularii sedentes*. Dominus autem nolens aliquid in domo sua terrenæ esse negotiationis, neque eius quæ honesta putaretur, negotiatores omnes expulit foras. AUGUSTINUS (tract. x.) Et qui flagellandus erat ab eis, prior illos flagellavit: unde sequitur: *Et cum scisset quasi flagellum de funiculis, omnes eiiciebat de templo*. THEOPHYLACTUS. Neque solum eos eiiciebat qui vendebant, & emebant, sed etiam res eorum: unde subditur: *Oves quoque, & boves, & nummulariorum affudit as, & mensas evertit*, scilicet nummularias, quæ erant quasi vasa denariorum. ORIGENES (tom. x. in Ioan. ubi supra.) Consideremus autem, ne forte enorme videatur quod Dei Filius captis funiculis parat sibi flagellum ad eiiciendum de templo. Unum tamen refugium ad horum responsum relinquitur divina potestas Iesu, ut cum volebat posset iracundiam hostium suffocare, quamvis esset innumeri, & sedare mentium turbines: „ Dominus enim dissipat cogitationes „ gentium: “ Psal. xxxii. Præsens autem historia in nullo minorem potestatem præterit his quæ ab eo miraculosius edita sunt: quinimodo constat (a) hanc maiorem demonstrare potentiam miraculo quo aqua conversa est in vinum: eo quod illic inanimata subsistit materia, hic vero tot milium hominum domantur ingenia. AUGUSTINUS de Con. Evang. (Lib. II. cap. lxxii.) Manifestum est autem non semel, sed

(1) Al. passus. (2) P. Nicolai substituit hic.

sed iterato hoc factum esse a Domino. Sed iussit primum commemoratur hic a Ioanne, iussit ultimum a ceteris tribus. ORIGENES (tom. x in Ioan. text. *Et ascendit Iesus Hierosolymam* cir. med.) Et Ioannes quidem hic dicit, quod expulsi vendentes de templo; Matthæus autem ait, quoniam expulsi vendentes, & ementes. Multo autem maior numerus (1) erat ementium quam vendentium; quorum expulsio transcendebat dignitatem eius qui reputabatur filius carpentarii; nisi quod divina potestate sibi omnes subiecit, ut dictum est. BEDA (super *Nolite facere domum Patris.*) Commendatur autem in hac lectione utraque Christi natura: humana quidem in hoc quod matrem comitem habuisse perhibetur; divina vero in hoc quod verus Dei Filius demonstratur: sequitur enim: *Per his qui vendebant columbas dixit: Auserte ista hinc, & nolite facere domum Patris mei domum negotiationis.* CHRYSOSTOMUS (hom. xxii. in Ioan.) Ecce Patrem vocat, & non irascuntur: æstimant enim simpliciter eum dicere; sed quia postea apertius loquebatur, ut solam præstaret paritatem intelligentiam, propterea sæviebant. Et Matthæus quidem dicit cap. xxi. quod eiciens eos dicebat: „Nolite facere domum meam (scilicet) luncam latronum: “ illud enim fecit ad passionem veniens, ideo durioribus sermonibus utebatur; hoc autem in principio signorum fecit, unde non ita aspera, sed remissa quodammodo increpatione utitur. AUGUSTINUS (tract. x. in Ioan.) Ecce templum illum figura adhuc erat, & eiecit inde Dominus omnes qui ad nundinas venerant. Et quæ ibi vendebant. Quæ opus habebant homines in sacrificio illius temporis. Quid si ibi ebriosos inveniret? Si negotiationis non debet fieri domus Dei, potationis fieri debet? CHRYSOSTOMUS (ut supra.) Sed cuius gratia tali vehementia Christus usus est? Quia enim in sabbato curaturus erat, & multa facturus quæ videbantur eis esse legis transgressio, ut non videretur Deo contrarius, hoc cum periculo fecit, dans intelligere quod qui periculis se exponit pro bono ornatu domus, dominum domus non contemnit: & ideo ut

ostenderet sui consonantiam ad Deum, non dixit, Domum sanctam, sed domum Patris mei. Et propter hoc etiam subditur: *Recordari vero sunt discipuli eius quia scriptum est: Zelus domus tua comedit me.* BEDA (ubi supra.) Discipuli enim videntes in eo hunc ferventissimum zelum, recordati sunt quia zelo domus Patris Salvator eiecit impios de templo. ALCUINUS a. Zelus, cum in bono accipitur, est quidam fervor animi, quo mens relicto humano timore pro defensione veritatis accenditur. AUGUSTINUS (ut supra.) Comeditur ergo zelo domus Dei, qui omnia quæ videt ibi perversa cupit emendare; & si emendare non potest, tolerat, & gemit. Si ergo in domo tua ne quid perversum fiat satagis, in domo Dei, ubi salus proposita est, debes pati, quantum in te est, si quid perversi videris? Amicus est, admoneatur leniter; uxor est, severissime frenetur; ancilla est, etiam verberibus compescatur. Fac quicquid potes pro persona quam portas. ALCUINUS. Mylice autem quotidie Deus spiritualiter suam Ecclesiam intrat, & qualiter ibi unusquisque conversetur attendit. Caveamus ergo ne in Ecclesia Dei fabulis, vel rîbus, vel odiis, vel cupiditatibus vacemus, ne improvus veniens nos flagellet, & de Ecclesia sua eiciat. ORIGENES (tom. xi. in Ioan.) Possibile enim est Hierosolymitanum quoque delicto subiacere, & capacissimos deviare: quod nisi post delictum citissimos convertantur, capacitatem amittunt. Invenit igitur in templo, id est in sacris, vel in enuntiatione ecclesiastici sermonis quosdam qui Patris domum, (2) domum negotiationis constituebant, qui scilicet venales exponunt boves, quos oportet (3) servare ad aratrum, ne retrocedentes non disponantur ad regnum Dei; qui etiam præferunt mammonam iniquitatis ovibus, ex quibus habent ornatus materiam; qui etiam solertiam columbarum privata qualibet amaritudine vilipendunt. Cum ergo hos (4) invenerit Salvator in domo facta, facto de funiculis flagello fugat illos una cum venalibus ovibus, & bobus suis, (5) & spargit æris pondera velut indigna in domo Dei retineri, subvertitque constitutas

(1) *Al. emetientes erant.* (2) *Al. de his hinc secundo domum.* (3) *Al. obſervare.* (4) *Al. inveniret, siem inveniret.* (5) *Al. præmissis pœcis affirmationis Expargit legitur.*

EX EDITIONE P. NICOLAI.

^a Citat ex Augustino Glossis sed nec in Augustino, nec etiam in Aleuino sub his verbis occurrat; ceteri ex utraque dictis in hunc locum colligi possunt.

Tutas tabulas in animabus avarorum, & mandat ne ulterius in domo Dei columbæ vendantur. Arbitror autem & exemplum ipsum stansisse per prædicta secretius, ut intelligamus per hoc, si quid agi debet erga sacram illam oblationem a sacerdotibus, non debere ritu sensibilibus oblationum agi, nec legem observari debere, ut carnales ludæi volebant: nam Iesu propellente boves, & oves, iubente auferri columbas, quæ ut plurimum offerebantur iuxta consuetudinem Iudæorum, & subvertente mensas materialium nummorum non expresse, sed figuratiter continentem divinas impressiones, ea scilicet quæ secundum legem Scripturam videbantur honesta, & ntece eo in plebem flagellis dissolvenda, & dispergenda hæc erant, translati regno ad eos qui ex Gentibus crederentur. AUGUSTINUS (ut supra.) Vel vendentes in Ecclesia sunt qui quæ sua sunt querunt, non quæ Iesu Christi. Venale habent totum, quia volunt redimi. Simon ideo volebat emergere Spiritum sanctum, quia vendere volebat: erat enim de illis qui columbas vendunt: etenim in columba apparuit Spiritus sanctus: columba autem non est venalis, gratis datur, quia gratia vocatur. BEDA (super *Et bis qui columbas vendebant.*) Vendunt igitur columbas qui acceptam Spiritus sancti gratiam non gratis, ut præceptum est, sed ad premium dant; qui manuum impositionem, quæ Spiritus sanctus accipitur, etsi non inquestum pecuniæ, ad vulgi tamen favorem tribuunt; qui sacros ordines non ad vitæ meritum, sed ad gratiam largiuntur. AUGUSTINUS (ut supra.) Boves autem intelliguntur Apostoli, & Prophetæ, qui nobis Scripturas sacras dispensaverunt. Qui ergo ipsi Scripturis fallunt populos, a quibus querunt honores, vendunt boves; vendunt & oves, id est ipsas plebes; & cui vendunt, nisi diabolo? Quicquid enim de unica Ecclesia præceditur, quod tollit nisi leo rugiens? BEDA (super *Eiecit oves de templo.*) Vel oves fungo opera munditiæ, & pietatis. Vendunt ergo oves qui humanæ gratia laudis opera pietatis exercent. Nummos mutuodant in templo qui aperte terrenis rebus in Ecclesia deserviunt. Domum etiam Domini faciunt domum negotiationis, non solum hi qui propter sacros ordines pretium pecuniæ, vel laudis, vel honoris querunt; verum etiam hi qui gradum, vel gratiam spirituales, quam in Ecclesia Domino largiente percipiunt, non simplici intentione,

S. Th. Oper. Tom V.

sed cura humanæ retributionis exercent. AUGUSTINUS (ubi supra.) Signum autem quoddam nobis ostendit Dominus, quod fecit flagellum de resticulis, (1) & inde negotiationem in templo facientes flagellavit. Etenim unusquisque in peccatis suis restem sibi texit, dum peccata addit peccatis. Quando ergo aliqui patiuntur homines propter iniquitates suas, agnoscant quia Dominus facit flagellum de resticulis, & adhuc admonet eos ut mutant se: nam si se non mutaverint, audient in fine, Matth. xxiii. „Ligate illi manus, & pedes.“ BEDA (super *Et cum fecisset.*) Facto igitur de funiculis flagello illos eiecit de templo quia de parte sortis sanctorum eiiciuntur qui inter sanctos positi, vel sicut bona, vel aperte faciunt opera mala. Oves quoque, & boves eiecit: quia talium vitam pariter, & doctrinam ostendit esse reprobam. Nummulariorum quoque effudit es, & mensas subvertit: quia damnatis in fine reprobus, etiam ipsarum quas dilexerunt rerum tollet figuram. Venditionem columbarum de templo auferri præcepit: quia gratia Spiritus, quæ gratis accipitur, gratis dari debet. ORIGENES (tom. xii. in Ioan. super text. *Respondunt Iudæi.*) Potest etiam per templum intelligi anima studiosi, propter inhabitans verbum Dei, in qua ante doctrinam Iesu confliterant terrestres, & bestiales motus. Signum autem terrestrium motuum bos est, quoniam est agri cultor; insensatorum autem motuum ovis, quod est pluribus animalibus irrationalibus; levium vero atque inconstantium mentium signum est columba; eorum vero (2) qui boni videntur, signa sunt æra, quæ Christus verbo doctrinæ expellit, ut non ultra domus Patris eius sit forum.

(c) THEOPHYLACTUS (hoc loco.) Quia Iudæi videbant Iesum talia facere cum potestate multa, & dicentem: *Nolite sacro domum Patris mei, domum negotiationis: signum ab eo petunt: unde dicitur: Respondunt ergo Iudæi, & dixerunt ei: Quid signum ostendis nobis, quia hoc facis?* CHRYSOSTOMUS (hom. xxiii.) Sed numquid signa opus erant ut ea quæ male fiebant cessare faceret? Nonne zelum talem accipere pro domo Dei maximum signum virtutis erat? Non autem illius prophetiæ meminerant; sed signum petebant, simul quidem de suo turpi lucro impedito dolentes, simul autem & per hoc prohibere eum volentes: opinantur enim eum ad provocare ad mi-

iii

racu-

(1) *Al.* de negotiationem &c. (2) *Al.* quæ bona videntur.

racula, aut cessare ab his quæ fiebant. Propterea non dat eis signum, sicut & petentibus signum respondit dicens, Matth. xii. „Generatio mala, & adultera signum quærit, & signum non dabitur ei, nisi signum Ionæ Prophetæ. “ Sed tunc quidem manifestius, nunc autem obscurius respondet idem. Non autem (1) is utique qui non petentes præoccupat, & signa dat, hic petentes avertebat, nisi mentem eorum cognovisset dolosam: sequitur enim: *Et dixit eis: Solvite templum hoc, & in tribus diebus excitabo illud.* BEDA. Quia enim signum quærebant a Domino, quare solita commercia proicere debuerit ex templo; respondit: quia ipsum templum significabat templum corporis sui, in quo nulla profus esset alicuius macula peccati; quasi dicat: Sicut inanimatum templum a vestris commerciis, sceleribusque mea expio potestate; ita & hoc corporis mei templum, cuius istud gestat figuram, vestris manibus dissolutum, tertia die resuscitabo. THEOPHYLACTUS. Nequaquam tamen illos ad homicidium provocat dicens, *Solvite*; sed hoc eis affectantibus non sibi esse absconditum demonstrat. Audiant autem Arriani, quomodo Dominus mortis destructor dixit, *Excitabo*, virtute videlicet propria. AUGUSTINUS (tract. x. in Ioan.) Resuscitavit eum quidem & Pater, cui dicit in Psalm. xl. „Excita me, & reddam illis. “ Sed quid fecit Pater sine Verbo? Quomodo ergo eum Pater resuscitavit, sic & Filius resuscitavit: quia Filius dixit infra x. *Ego, & Pater unum sumus.* CHRYSOSTOMUS (ut supra.) Propter quid autem signum resurrectionis dat eis? Quoniam scilicet hoc maxime erat quod ostendebat eum non esse hominem purum, posse adversus mortem statuere triumphum, & tyrannidem eius longam velociter dissolvere. ORIGENES (tom. xii. in Ioan. super tex. ut supra.) Utraque autem, scilicet & corpus Iesu, & templum, exemplar mihi fore videtur Ecclesiæ, eo quod ex vivis lapidibus construitur in domum spirituales, in sacerdotium sanctum, & propter illud I. Corinth. xii. „Vos estis corpus Christi, & membra de membro. “ Quamvis autem dissolvi lapidum videatur structura, ac dissipari omnia ossa Christi adversitatis tribulationum; instaurabitur tamen (2) templum, ac resuscitabitur die tertia, (3) quæ in novo cælo, & nova terra præsens erit.

Sicut enim illud Christi corpus sensibile crucifixum est, ac sepultum, & postea resurrexit; sic & totale sanctorum Christi corpus concrucifixum est Christo: quilibet enim eorum in nullo alio gloriatur nisi in cruce Christi, per quam ipse crucifixus est mundo. Sed & confectus est Christo, & resurrexit cum eo, quia in quadam novitate vitæ ambulat. Sed secundum beatam resurrectionem nondum surrexit; unde non scriptum est, Tertia die resurrexero illud, sed in tribus diebus: perficitur enim eius erectio in omnibus tribus diebus. THEOPHYLACTUS. Iudei enim de inanimato templo putantes eum hoc dicere, deridebant eum; unde sequitur: *Dixerunt ergo Iudei: Quadraginta & sex annis ædificatum est templum hoc, & tu in tribus diebus excitabis illud?* ALCUINUS. Et notandum, quod non de prima ædificatione, quæ a Salomone septem annis perfecta est, sed de re-ædificatione, quæ facta est sub Zorobabel per quadraginta & sex annos impeditibus inimicis respondebant. ORIGENES (ubi supra.) Vel dicit aliquis, quadraginta & sex annorum exurgere computum, ex quo David allocutus est Nathan Prophetam consulens de constructione templi, ex tunc fatagens ad congregandam materiam templi. Animadvertite vero si possibile est quadragenarium numerum statui erga templum propter quatuor elementa mundi, ac senarium propter hoc quod homo sexto die creatus est. AUGUSTINUS IV. de Trin. (cap. v.) Vel hic numerus perfectioni dominici corporis apte congruit: quadragesies enim sexies seni hunt ducenta septuaginta sex; qui numerus dierum complet novem menses & sex dies. Ipsa autem perfectio corporis Domini tot diebus ad partum producta compertit, sicut a maioribus traditum suscipiens Ecclesiæ custodit auctoritas, Octavo enim kalendas Aprilis conceptus creditur, quo & passus; natus autem traditur octavo kalendas Januarii. Ab illo ergo die usque ad istum computati ducenti septuaginta sex reperiuntur dies, qui senarium numerum quadragesies sexies habent. AUGUSTINUS Lib. lxxxiii. Quæst. (quæst. xxxvi.) Dicitur etiam conceptio humana sic procedere, & perfici primis sex diebus quasi lactis habeat similitudinem, sequentibus novem diebus convertatur in sanguinem, deinde duodecim diebus solidetur, reliquis decem & octo diebus formetur usque

(1) *Al. desideratur is*, (2) *Quatuor iam sæpe citata exempla omittunt templum.* (3) *Nicolaus lez qui.*

que ad perfecta lineamenta omnium membrorum; & in reliquo tempore usque ad tempus partus magnitudine augeatur. Sex autem, & novem, & duodecim, & decem & octo in unum coacti, sunt quadraginta quinque: addito ergo uno sunt quadraginta sex; qui si fuerint multiplicati per ipsum senarium numerum, qui huius ordinationis caput tenet, sunt ducenti septuaginta sex, idest novem menses, & sex dies. Non ergo absurde quadraginta sex annis dicitur fabricatum esse templum, quod corpus eius significabat, ut quot anni fuerint in fabricatione templi, tot dies fuerint in corporis dominici perfectione. AUGUSTINUS super Ioannem (tract. x. non remote ante finem.) Vel aliter. Quia Dominus noster de Adam corpus accepit, non de Adam peccatum traxit; templum corporeum inde sumpsit, non iniquitatem, quæ de templo pellenda est. Si autem facias quatuor nomina Græca, anatoli, quod est oriens, dyfis, quod est occidens, arctos, quod est septemtrio, melembría, quod est meridies, capita verborum Adam habent. A quatuor enim ventis Dominus collecturum se dicit electos suos cum venerit ad iudicium. Habent autem litteræ nominis Adam numerum secundum Græcos, & ibi invenitur quadraginta sex annis ædificatum templum. Habet enim Adam alpha, quod est unum, & delta, quod quatuor, & alpha, quod est unum, & mi, quod est quadraginta, & sic habet quadraginta sex. Sed Iudæi, quia caro erant, carnalia sapiebant; ille spiritualiter loquebatur, & de quo templo diceret, per Evangelistam nobis aperuit: sequitur enim: *Ille autem dicebat de templo corporis sui*. THEOPHYLACTUS (par. a fine Comment.) Ex hoc autem Apollinarius contradictionem sumit, volens ostendere, quod caro Christi esset inanimata, eo quod templum sit inanimatum: ergo carnem Christi & lapidem, & lignum facies, quia ex his templum consistit. Si autem quod dicitur infra xii. *Animam meam turbata est*; & infra x. *Potestatem habeo penendi animam meam*; nequaquam de anima rationali dici dixeris, ubi pones illud Luc. xxi. i. „In manus tuas Domine, commendo spiritum meum?“ non enim hoc de anima irrationali intelligere poteris: neque quod dicitur Psal. xv. „Non derelin-

ques animam meam in inferno.” ORIGENES (tom. x. in Ioan. super illud, *At ille dicebat de templo*.) Ideo autem corpus Domini templum intelligitur, quia sicut templum gloriam Dei continebat habitantem in ipso, sic corpus Christi representans Ecclesiam, Unigenitum continet, qui est imago Dei, & gloria. CHRYSOSTOMUS (hom. xxi. in Ioan.) Duo autem erant quæ obsabant discipulis ne interim intelligerent: unum ipsa resurrectio; alterum vero, quod maius erat, scilicet quod Deus erat qui in illo corpore habitabat; quod Dominus occulte ostenderat dicens: *Solvite templum hoc, & in tribus diebus excitabo illud*. Et ideo subdit: *Cum ergo resurrexisset a mortuis, recordati sunt discipuli eius, quia hoc dicebat de corpore suo, & crediderunt Scripturæ, & sermoni, quem dixit Iesus*. ALCUINUS a. Ante resurrectionem enim non intelligebant Scripturas, quia nondum acceperant Spiritum sanctum; sed in die resurrectionis apparens Dominus aperuit discipulis sensum ut intelligerent quæ de ipso scripta erant in lege, & Prophetis; & tunc crediderunt Scripturæ Prophetarum, qui prædixerunt Christum tertia die resurrecturum, & sermoni quem dixit Iesus, *Solvite templum hoc*. ORIGENES (tract. x.) Secundum anagogen vero, complementum fidei attingemus (1) in magna resurrectione totius corporis Iesu, idest Ecclesiæ eius; cum fides, quæ est ex specie, multum differat ab ea quæ est per speculum in ænigmate.

(f) BEDA (super *Cum esset Hierosolymis in pascha*.) Superius Evangelista narravit quid Dominus Hierusalem adveniens gesserit; nunc vero eodem Hierosolymis commorante, quidam alii erga eum actum fuerit refert: unde dicitur: *Cum autem esset Hierosolymis in pascha in die festo, multi crediderunt in nomine eius, videntes signa quæ faciebat*. ORIGENES (hom. x. super *Cum esset Hierosolymis*.) Respicendum autem quomodo ex signis eius plerique videntes credebant in eum. Non enim dicitur prodigia fecisse Hierosolymis, nisi forte, cum facta sunt, in Scripturis non habeantur. Animadvertite vero si possibile est in miraculis deputari quod fecerit flagellum ex funiculis, & cunctos ex templo propulerit. CHRYS-

lii 2 30-

(1) At. in magna corporum resurrectione.

EX EDITIONE P. NICOLAI.

* Quo ad ultimam partem tantum, non quo ad primam, quæ non occurrit.

SOSTOMUS (hom. xxiii.) Prudentiores autem fuerant discipuli, qui ad Christum accesserant, non propter signa, sed propter doctrinam: nam grossiores quidem per signa trahuntur, rationabiliores vero per prophetias, seu doctrinam: unde subditur: *Ipsa autem Iesus non credebat semetipsum eis.* **AUGUSTINUS** (tract. xi. in Ioan.) Quid sibi vult hoc, *illi credebant in nomine eius, & ipse Iesus non credebat semetipsum eis?* An forte non credebant ei, & fingebant se credidisse? Sed non diceret Evangelista: *Multi crediderunt in nomine eius.* Magna ergo res, & mira! Credunt homines in Christum, & Christus non se credit hominibus; præsertim quia Filius Dei est, & utique volens passus est, & si nollet, numquam pateretur. Sed tales sunt omnes catechumeni. Si dixerimus catechumeno, *Credis Christo?* respondet, *Credo, & signat se.* Si interrogemus eum, *Manducas carnem Filii hominis?* nescit quid dicimus, quia Iesus non se credidit ei. **ORIGENES** (tom. x.) Vel dicendum, quod Iesus non se credidit credentibus in nomine eius, & non in illum. In illum enim credunt qui angustam viam vadunt ducentem ad vitam; qui autem credunt signis, non in eum, sed in nomine

eius credunt. **CHRYSOSTOMUS** (hom. xxiii.) Vel hoc dicit, quia non confidebat in eis, ut in discipulis perfectis; neque committebat eis omnia dogmata, ut iam firmiter fidelibus fratribus: non enim intendebat exterioribus verbis, ad mentem eorum intrans, & tempus opportunum manifeste sciens: unde sequitur: *Es quod ipse nos, sed omnes, & quia opus non erat ut quis testimonium perhiberet de homine: ipse enim sciebat quid esset in homine.* Scire enim ea quæ sunt in corde hominum, est Dei, qui solus corda palmarit. Non (1) indiget ergo testibus, ut priorum plasmatum mentem adducat. **AUGUSTINUS** (tract. xi.) Plus etiam noverat artifex quid esset in opere suo, quam ipsum opus quid esset in semetipso. Nam & Petrus non noverat quid in ipso esset quando dixit infra xiii. *Tecum ero usque ad mortem; sed Dominus noverat quid esset in homine dicens Luc. xxii. „Priusquam gallus cantet, ter me negabis.“* **BEDA.** Quapropter monemur ut numquam de conscientia nostra securi simus, sed semper solliciti formidemus: quia quod nos latet, æternum arbitrum latero non valet.



C A P U T III.

(a) **E**Rat autem homo ex pharisæis Nicodemus nomine, princeps Iudæorum. Hic venit ad Iesum nocte, & dixit ei: Rabbi, scimus quia a Deo venisti magister: nemo enim potest hæc signa facere quæ tu facis, nisi fuerit Deus cum eo. Respondit Iesus, & dixit ei: Amen amen dico tibi: nisi quis renatus fuerit denuo, non potest videre regnum Dei.

(b) Dicit aut eum Nicodemus: Quomodo potest homo nasci, cum sit senex? Numquid potest in ventrem matris suæ iterato introire, & renasci? Respondit Iesus: Amen amen dico tibi: nisi quis renatus fuerit ex aqua, & Spiritu sancto, non potest introire in regnum Dei. Quod natum est ex carne, caro est; & quod natum est ex spiritu, spiritus est. Non mireris, quia dixi tibi: Oportet vos nasci denuo. Spiritus ubi vult spirat, & vocem eius audis; sed nescis unde veniat, aut quo vadat: sic est omnis qui natus est ex Spiritu.

(c) Respondit Nicodemus, & dixit ei: Quomodo possunt hæc fieri? Respondit Iesus, & dixit ei: Tu es magister in Israël, & hæc ignoras? Amen amen dico tibi, quia quod scimus loquimur, & quod vidimus testamur; & testimonium nostrum non accipitis. Si terrena dixi vobis, & non creditis; quomodo si dixerò vobis celestia, credetis?

(d) Et nemo ascendit in cælum nisi qui descendit de cælo, Filius hominis qui est in cælo.

(e) Et

(1) *id. indigebat.*

(e) Et sicut Moyses exaltavit serpentem in deserto, ita exaltari oportet Filium hominis, ut omnis qui credit in ipsum, non pereat, sed habeat vitam æternam.

(f) Sic enim Deus dilexit mundum ut Filium suum unigenitum daret, ut omnis qui credit in eum, non pereat, sed habeat vitam æternam. Non enim misit Deus Filium suum in mundum, ut iudicet mundum, sed ut salvetur mundus per ipsum. Qui credit in eum, non iudicatur; qui autem non credit, iam iudicatus est, quia non credit in nomine unigeniti Filii Dei.

(g) Hoc est autem iudicium, quia lux venit in mundum, & dilexerunt homines magis tenebras quam lucem: erant enim eorum mala opera. Omnis enim qui male agit, odit lucem, & non venit ad lucem, ut non arguantur opera eius; qui autem facit veritatem, venit ad lucem, ut manifestentur opera eius, quia in Deo sunt facta.

(h) Post hæc venit Iesus, & discipuli eius in terram Iudeam, & illic demorabatur cum eis, & baptizabat. Erat autem & Ioannes baptizans in AEnnon iuxta Salim, quia aquæ multæ erant illic; & veniebant, & baptizabantur: nondum enim missus fuerat Ioannes in carcerem. Facta est autem quæstio ex discipulis Ioannis cum Iudeis de purificatione. Et venerunt ad Ioannem, & dixerunt ei: Rabbi, qui erat tecum trans Iordanem, cui testimonium perhibuisti, ecce hic baptizat, & omnes veniunt ad eum.

(i) Respondit Ioannes, & dixit: Non potest homo accipere quidquam nisi fuerit ei datum de cælo. Ipse vos mihi testimonium perhibetis quod dixerim: Non sum ego Christus, sed quia missus sum ante illum. Qui habet sponsum, sponsus est; amicus autem sponsi, qui stat, & audit eum, gaudio gaudet propter vocem sponsi. In hoc ergo gaudium meum impletum est. Illum oportet crescere, me autem minui.

(k) Qui deforsum venit, super omnes est; qui de terra est, de terra est, & de terra loquitur. Qui de cælo venit, super omnes est, & quod vidit, & audivit, hoc testatur.

(l) Et testimonium eius nemo accipit. Qui autem acceperit eius testimonium, signavit quia Deus verax est. Quem enim inquit Deus, verba Dei loquitur: non enim ad mensuram dat Deus spiritum. Pater diligit Filium, & omnia dedit in manu eius. Qui credit in Filium, habet vitam æternam; qui autem incredulus est Filio, non videbit vitam, sed ira Dei manet super eum.

(a) AUGUSTINUS (tract. xi.) Superius dixerat, quod, cum esset Hierosolymis ... multi crediderunt in nomine eius, videntes signa, & prodigia quæ faciebat: ex his autem erat Nicodemus, de quo dicitur: *Erat autem homo ex pharisæis Nicodemus nomine.* BEDA (in hom. inventionis sanctæ crucis.) Cuius etiam dignitatis officium ostendit, eum subditur, *Princeps Iudaeorum*; deinde quid egerit, cum subiecit, *Hic venit ad Iesum nocte*, cupiens scilicet secreta eius allocatione plenius discere mysteria fidei, cuius, aperta ostensione signorum, iam rudimenta perceperat. CHRYSOSTOMUS (hom. xxiii.) Adhuc tamen a Iudaica detinebatur infirmitate: propterea & nocte venit, trepidans in die hoc facere: unde & Evangelista alibi (infra xii.) dicit: *Quoniam ex principibus multi crediderunt in eum; sed propter Iudeos non euntesiebantur, ut non extra synagogam fierent expulsi.* AUGUSTINUS (tract. xi.) Nicodemus etiam ex illo numero erat qui crediderunt, sed nondum renati sunt: unde hoc ad rem pertinet quod in nocte venit. Renati autem ex aqua, & Spiritu sancto, audiunt ab Apostolo ad Ephes. v., *Fuistis aliquando tenebræ, nunc autem lux in Domino.* " HAYMO (hom. in octav. pentec.) Vel pulchre in nocte venisse dicitur, quia tenebris ignorantie obnubilatus, ad tantam lucem nondum pervenerat ut perfecte Deum verum crederet: nox enim in sacro eloquio pro ignorantia ponitur: unde subditur: *Ex dixit ei: Rabbi, scimus quia a Deo venisti magister.* Quod autem Hebraice Rabbi, Latine dicitur magister. Magistrum ergo appellat, & Deum tacet: quia

quia credebatur eum a Deo missum, sed tamen, ut dictum est, Deum non agnoscebat. AUGUSTINUS (tract. xi.) Unde autem ille crediderat, patet per id quod subdit: *Nemo enim potest hac signa facere quam tu facis, nisi fuerit Deus cum eo.* Sic ergo Nicodemus de illis multis erat qui crediderant in nomine eius, videntes signa quae faciebat. CHRYSOSTOMUS (hom. xxiii. in Ioan.) Sed tamen neque a signis aliquid magnum existimabat de eo; sed adhuc humanam habens de eo mentem, ut de Propheta loquitur, ad operationem eum missum dicens, & alieno auxilio indigentem haec agere quae agebat; cum tamen Pater perfectum eum genuerit, & sufficientem sibi ipsi, & nihil habentem imperfectum. Quia vero Christi studium erat interim non ita dignitatem suam revelare, sicut persuadere quod nihil ex adverso agebat Patri; propterea in verbis multis humiliter loquens videtur, in rebus autem cum potestate omnia operatur. Ideoque & Nicodemus nunc manifeste quidem nihil excessum loquitur de seipso; occulte autem ab humili eum opinione reducit, docens quod sufficiens sibi ipse est in miraculorum operatione: unde subditur: *Respondit Iesus, & dixit ei: Amen amen dico tibi, nisi quis renatus fuerit denuo, non potest videre regnum Dei.* AUGUSTINUS (ut supra.) Isti sunt ergo quibus se credit Iesus qui nati fuerint denuo, qui non in nocte veniunt ad Iesum, sicut Nicodemus: tales enim iam etiam protulerunt. Dicit ergo: *Nisi quis renatus fuerit denuo, non potest videre regnum Dei;* a quasi dicat: Quia nondum es natus denuo, id est ex Deo, spirituali generatione; notitia quam habes de me, spiritualis non est, sed animalis, & humana. Ego autem dico tibi, quod si tu, si ve alius quicumque, nisi ex Deo denuo natus fuerit, non poterit apprehendere gloriam quae circa me est; sed extra regnum erit: nam generatio quae per baptismum fit, illuminationem animae tribuit. CHRYSOSTOMUS (hom. xxiii.) Vel littera talis est. *Amen amen dico tibi, nisi quis renatus fuerit &c.* hoc est, si tu non

natus fueris desuper, & dogmatum susceperis certitudinem (1) alicubi, extra terras, & longe es a regno caelorum; seipsum hic ostendens, & indicans, quoniam non est hoc tantum quod videtur, sed aliis oculis opus est ad videndum eum. Hoc autem quod dicit, *Desuper*, hi quidem, id est de caelo, exponunt; alii vero, a principio. Igitur Iudaei quidem si hoc audissent, deridentes utique discessissent; hic vero & in hoc amore discipuli ostendit quod a Christo ulterius interrogat.

(b) CHRYSOSTOMUS (hom. xxiii.) Veniens Nicodemus ad Iesum ut ad hominem, audiens maiora quam ab homine, erigitur (1) ad altitudinem eorum quae dicuntur, (2) non quidem excidens a fide; sed insert hanc impossibilitatem, ut in aperiore provocet doctrinam. Duo autem erant quae admirabatur, scilicet nativitas talis, & regnum: neque enim audita erant apud Iudaeos. Sed interim circa prius instat, & quod maxime eius mentem concutiebatur: unde dicitur: *Dicit ad eum Nicodemus: Quomodo potest homo nasci, cum sit senex? Numquid potest in ventrem matris suae iterato introire, & renasci?* BEDA (super *Quomodo potest homo nasci?*) Sic verba ista sonare videntur, quasi puer queat iterato in ventrem matris introire, & renasci. Sed sciendum, quod ipse senexerat; ideoque de se protulit exemplum; ac si diceret: Ego sum senex, & meam quero salutem: quomodo possum in ventrem matris introire, & renasci? CHRYSOSTOMUS (homil. xxiii.) Rabbi eum vocas, & a Deo venisse dicis, & non suscipis quae dicuntur, sed loqueris ad magistrum dictionem quae multam perturbationem inducit: hoc enim, scilicet *quomodo* querere, eorum est qui non valide credunt; & multi sic querentes, a fide deciderunt: hi quidem dicentes, Quomodo Deus est incarnatus? alii, Quomodo mansit impassibilis? Propterea & hic propter anxietatem modum exquirat. Sed cum aliquis cogitationibus propriis spiritualia (4) evertit, derisibilia loquitur. AUGUSTINUS (tract. xi.) Spiritus enim loquitur,

(1) P. Nicolai omittit alicubi. (2) A. ab altitudine. (3) Ita ex Chrysostomo supplet Nicolai: obtinebant autem, nec persisterit, ac undequaque circumvoit ut continuo excidenda fide: unde insert quamdam impossibilitatem &c. Eadem tamen sententia quae D. Thomas hic habet, desumpta ex Glossa, ipso sententia Nicolai in suis marginalibus. (4) Idem legit pessumest.

EX EDITIONE P. NICOLAI.

• CHRYSOSTOMUS omisso sequenti indice ad verba vel littera talis est.

tur, & ille carnem sapit: non noverat iste nisi unam nativitatem, scilicet ex Adam, & Eva; & ex Deo, & Ecclesia nondum noverat. Sic tamen tu intellige nativitatem spiritus quomodo intellexit Nicodemus nativitatem carnis: quomodo enim uterus non potest repeti, sic nec baptismus. CHRYSOSTOMUS (hom. xxiv.) Nicodemo autem decedenti ad eam quæ hic est nativatem, Christus manifestius revelat spiritualis nativitatis modum: unde sequitur: *Respondit Iesus: Amen amen dico tibi: nisi quis renatus fuerit ex aqua, & Spiritu sancto, non potest introire in regnum Dei.* AUGUSTINUS (tract. xi.) Ac si dicat: Tu carnalem generationem intelligis; sed ex aqua, & Spiritu oportet quod nascatur homo propter regnum Dei. Si propter hereditatem patris hominis temporalem nascitur aliquis ex visceribus matris carnalis, & propter hereditatem Patris Dei sempiternam nascatur ex visceribus Ecclesiæ. Cum autem ex duobus homo consistat, ex corpore videlicet, & anima, duplicem habet & hauiusmodi modum generationis: aqua enim, quæ visibilis est, ad emundationem corporis intelligitur; Spiritus vero invisibiliter concurrens, ad emundationem invisibilis animæ innuitur. CHRYSOSTOMUS (homil. xxv.) Si vero quis interrogat, Qualiter ab aqua homo nascitur? interrogo & ego, Qualiter natus est Adam a terra? Sicut enim in principio subiiciebatur elementum terra, totum vero opus plasmantis erat; ita & nunc subiicitur elementum aqua, totum vero est spiritus gratiæ. Tunc paradisum dedit in conversationem; nunc autem cælum nobis aperuit. Sed quæ est necessitas aquæ his qui Spiritum sanctum suscipiunt? Divina enim in ea perficiuntur symbola, sepultura, & mortificatio, resurrectio, & vita. Sicut enim in quodam sepulcro, in aqua nobis submergentibus capita, vetus homo sepelitur, & submersus deorum occultatur, deinde novus rursus ascendit. Hoc etiam fit, ut dicas quoniam virtus Patris, & Filii, & Spiritus sancti omnia complet, & quod Christus tres dies ad resurgendum expectavit. (Hom. xxv.) Quod igitur est matrix fetui, hoc est fidei aqua: in aqua enim plasmatur, & figuratur. Sed quod in matrice plasmatur, tempore indiget; quod vero in aqua non ita, sed in uno momento omnia sunt. Talis enim est natura corporum ut tempore assumant perfectionem; in spiritualibus vero non est ita, quoniam perfecti a principio constituuntur quæ sunt.

Ex quo igitur ascendit a Iordane Dominus, non adhuc reptilia animarum viventium, sed animas spirituales, & rationabiles aqua reddit. AUGUSTINUS Lib. I. de Bapt. par. (cap. xxx.) Sed quia non ait: *Nisi quis renatus fuerit ex aqua, & Spiritu*, non habebit salutem, vel vitam æternam; sed *non intrabit in regnum Dei*: ad hoc, inquit quidam, parvuli baptizandi sunt, ut sint cum Christo in regno Dei, ubi non erunt, si baptizati non fuerint; quamvis & sine baptismo si parvuli moriantur, salutem, vitamque æternam habituri sint, quoniam nullo peccati vinculo ascripti sunt. Sed cur nascatur denuo, nisi renovandus a vetustate? Aut unde imago Dei non intrat in regnum Dei nisi impedimento prohibente peccati? HAYMO (homil. in octav. pentecost.) Talia autem ac tanta secreta mysteria Nicodemo capere non valenti Dominus ex carnali nativitate similitudinem dedit, dicens: *Quod natum est ex carne, caro est; & quod natum est ex Spiritu, spiritus est*; sicut enim caro carnem procreat, ita quoque spiritus spiritum parit. CHRYSOSTOMUS (hom. xxv. in Ioan.) Nihil igitur sensibilem inquiras, neque ætles quod carnem generet Spiritus: Domini enim caro genita est non quidem a Spiritu solum, sed etiam a carne. Quod autem natum est ex spiritu, spirituale est. Nativitatem enim hic non eam quæ secundum substantiam, dicit, sed eam quæ secundum honorem, & gratiam. Si igitur & Filius Dei ita natus est, quid plus habebit omnibus qui ita nati sunt? Invenietur autem & Spiritu minor, cum eius nativitas gratia Spiritus sit. Et quomodo hæc a Iudaicis distant dogmatibus? Vide autem & Spiritus sancti dignitatem: Dei enim opus videtur facere. Supra enim cap. i. dixit, quoniam *ex Deo nati sunt*; hic autem quoniam spiritus eos generat. Dicens autem Christus, quoniam *qui natus est ex Spiritu, spiritus est*; quia turbatum rursus vidit, ad sensibile exemplum ducit sermonem, dicens: *Non mireris, quia dixi tibi: Oportet vos nasci denuo.* Dicendo enim, *Ne mireris*, ostendit animi eius turbationem. Ponit autem exemplum, quod neque communionem aliquam ad corporum grossitium habet, neque ad incorporeorum perve niens naturam, quod est venti delatio, dicens: *Spiritus ubi vult spirat, & vocem eius audis; sed nescis unde veniat, aut quo vadit.* Sic est omnis qui natus est ex spiritu. Quod dicit tale est. Si ventum nullus detinet, sed quo vult fertur; multo magis spiritus

ritus actionem, naturæ leges detinere non poterunt, non (1) terminus corporalis nativitatis, neque aliud quid talium. Quoniam autem de vento hic d. lum est, manifestat illud quod dicit, *Vocem eius audis*, id est sonitum percussionis: non enim loquens infideli, & nescienti spiritus actionem hoc diceret. Dicit autem, *Ubi vult spirat*, non quasi electionem quandam vento habente, sed eam quæ a natura est motionem, quæ non prohibetur, & cum potestate fit. *Erresis unde veniat, aut quo vadat*; id est, si huius spiritus, cuius sensum fuscipis auditu, & tactu, interpretari nescis viam, qualiter divini spiritus operationem scrutaris? Unde subdit: *Sic est omnis qui natus est ex spiritu*. AUGUSTINUS (tract. xii.) Sed quis nostrum non videat verbi gratia austrum euntem a meridie ad aquilonem, aut alium ventum venientem ab oriente, & occidente: quomodo ergo nescimus unde veniat, aut quo eat? BEDA. Spiritus igitur sanctus est qui ubi vult spirat, quia ipse in potestate habet cuius cor gratia suæ visitationis illustret. *Et vocem eius audis*, eum te præsentem loquitur in qui spiritu sancto repletus est. AUGUSTINUS (tract. xii.) Sonat psalmus, sonat Evangelium, sonat sermo divinus, vox spiritus est. Hoc igitur dicit, quia verbo, & sacramento invisibiliter adest spiritus sanctus, ut nascamur. AUGUSTINUS. Ergo nescis unde veniat, aut quo vadat: quia eum te præsentem spiritus ad horam quempiam repleverit, non potest videri quomodo in eum intraverit, vel quomodo redierit, quia natura est invisibilis. HAYMO (homil. in octav. pentecost.) sive nescis unde veniat: quia quomodo credentes ad fidem introducat ignoras: vel quo vadat: quia quomodo fideles ad spem perducat nescis: & sic est omnis qui natus est ex spiritu; ac si dicat: spiritus sanctus spiritus invisibilis est; ita & quisquis ex spiritu nascitur, invisibiliter nascitur. AUGUSTINUS (ubi supra.) Vel aliter. Et si tu nascaris de spiritu, hoc eris, ut ille qui non est natus adhuc de spiritu nesciat unde venias, aut quo eas: hoc enim secutus ait: *Sic est omnis qui natus est ex spiritu*. THEOPHYLACTUS (super spiritus ubi vult spirat.) Confundatur ergo Macedo-

nus impugnator spiritus, qui servum spiritum sanctum asseruit: spiritus enim sanctus propria potestate & ubi vult, & qualiter vult operatur.

(c) HAYMO (homil. eadem.) (2) Mysteria divinæ maiestatis Nicodemus capere non valet, quæ a Domino audiebatur & ideo rationem querens, factum non abnegans, non voto reprehendit, sed affosus dicentis Dominum interrogat: unde dicitur: *Respondit Nicodemus, & dixit ei: Quomodo possunt hæc fieri?* CHRYSOSTOMUS (hom. xxv.) Quia igitur adhuc in Iudaica vilitate manet, & exemplo ita manifeste dicto ei, adhuc interrogat, de reliquo asperius ad eum Christus loquitur: unde sequitur: *Respondit, & dixit ei: Tu es magister in Israel, & hæc ignoras?* AUGUSTINUS (tract. xii.) Quid putamus? Dominum huic magistro Iudæorum quasi insultare voluisse? Volebat quidem illum nasci de spiritu: nemo autem ex spiritu nascitur nisi humilis fuerit, quia ipsa humilitas facit nos nasci de spiritu. Ille autem magister in Israel erat, & alicuius momenti sibi esse videbatur, quia doctor erat Iudæorum. Deponebat ergo Dominus superbiam eius, ut posset nasci de spiritu. CHRYSOSTOMUS (hom. xxv.) Nequaquam tamen nequitiam accusat viri, sed insipientiam, & ruditatem solum. Sed dicit aliquis: Quid commune habet hæc nativitas, de qua scilicet Christus locutus est, ad Iudaica dogmata? Habet quidem commune: nam qui primus homo factus est, & quæ de costa facta est mulier, & quæ steriles genuerunt, & quæ per aquam miracula perfecta sunt: dico autem, quod Eliseus de aqua ferrum eduxit, & quod Iudæi mare rubrum transferunt, & quod Naaman Syrus in Iordane purgatus est: hæc omnia nativitatem spiritualem, & purgamentum in ea futurum figuratiter personabant; & ea quæ a Prophetis sunt dicta, occulte ostendunt hunc nativitatis modum: ut puta illud psal. cxi., *Renovabitur ut aquilæ iuventus tua*; & psal. xxxi., *Beati quorum remissæ sunt iniquitates*. Sed & Isaac figura huius nativitatis erat. Hæc igitur commemorans dicit: *Tu es magister in Israel, & hæc ignoras?* Rursus autem aliunde suum sermonem ei credibilem facit, ad

(1) M. terminum. (2) M. Mysterium.

EX EDITIONE P. NICOLAI.

* In hom. in festo inventionis sanctæ crucis.

ad imbecillitatem eius descendens, cum subdit: *Amen amen dico vobis, quia quod scimus loquimur, & quod vidimus testamur, & testimonium nostrum non accipitis.* Apud nos velis alius sensibus certior est, & si volumus aliquem facere credere, ita dicimus, quoniam oculis nostris vidimus. Propterea Christus humano loquens ad eum sermone, non visum sensibilem inducit; sed manifestum est quod de certissima cognitione, & non aliter se habente loquitur. Agitur hoc quidem, idem *quod scimus*, ait de seipso solo. HAYMO (homil. in octav. pentec.) Quæritur autem quare pluraliter dicat, *Quod scimus loquimur.* Ad quod dicendum, quod Unigenitus Dei Filius erat qui hoc loquebatur, ostendens qualiter Pater est in Filio, & Filius in Patre, & Spiritus sanctus ab utroque indivisibilis procedat. ALCUINUS. Vel dicit pluraliter, ac si dicat: Ego, & illi qui modo Spiritu sunt renati, intelligimus illud quod loquimur; & quod vidimus apud Patrem in abscondito, hoc testamur foris in mundo; & vos, qui carnales estis, & superbi, non accipitis testimonium nostrum. THEOPHYLACTUS. Quod nequaquam de Nicodemò dicit, sed de genere ludæorum, qui usque ad finem in perfidia permanerunt. CHRYSOSTOMUS (hom. xxv. & xxvi.) Quod quidem non turbati verbum est, sed mansuetudinem ostendens. Hinc enim erudit nos, cum ad aliquos locuti fuerimus, & non persuaserimus, non tristari, neque irasci, sed nostrum sermonem credibilem facere non solum non irascendo, sed etiam non clamando: materia enim iræ clamor est. Iesus autem dogmata excelsa tangere debens, propter audientium infirmitatem se detinet multoties, & non continue dignis sua magnitudine dogmatibus immoratur, sed magis his quæ condescensionem habent: unde hic subditur: *Si terrana dixi vobis, & non creditis, quomodo si dixerò vobis celestia, credetis?* AUGUSTINUS (tract. xxi. in Ioan.) Hoc est, si non creditis quia replem possum fulticare deiectioni a vobis, quomodo credetis quia per Spiritum sanctum possunt homines regenerari? CHRYSOSTOMUS (homil. xxvi.) Vel aliter. Si baptismum terrenum dicat, non mireris, quia in terra perficitur, & comparatione illius nativitatis stupendæ quæ est ex substantia Patris, terrena est gratiæ nativitas. Et bene non dixit, Non intelligitis, sed non creditis: nam cum quis aliqua per intellectum suscipere non valet,

S. Th. Oper. Tom V.

amentię, vel ignorantię imputatur: cum autem hoc non suscipiat aliquis quod solum fide oportet suscipere, non amentię, sed infidelitatis est accusatio. Dicebantur autem hæc, etsi non credebantur, quia posteri erant ea suscepiuri.

(d) AUGUSTINUS (1) de Peccatorum mer. & remis. (cap. xxxi.) Notata paululum eius imperitia qui se ceteris de magisterio præferebat, & omnium talium incredulitate reprehensa, respondet quod alii credant, si illi non credunt ad illud quod interrogatus est, *Quomodo possunt ista fieri?* dicens: *Et nemo ascendit in calum nisi qui descendit de calo, Filius hominis qui est in calo;* quasi dicat: Sic fiet generatio spiritualis, ut sint cælestes homines ex terrenis; quod adipisci non poterunt nisi membra mea efficiantur, ut ipse ascendat qui descendit, non aliud deputans corpus suum, idem Ecclesiam suam, quam seipsum. GREGORIUS XXVII. Moral. (cap. viii. al. xi.) Quia enim nos unum cum illo iam facti sumus, unde solus venit in se, solus redit etiam nobis, & is qui in calo semper est, ad calum quotidie ascendit. AUGUSTINUS Lib. & cap. eodem. Quamvis autem in terra factus sit Filius hominis, divinitatem tamen suam, qua in calo manens, descendit ad terram, non indignam censuit nomine Filii hominis, sicut carnem suam dignatus est nomine Filii Dei. Per unitatem enim personæ, qua utraque substantia unus est Christus, & Filius Dei ambulabat in terra, & idem ipse Filius hominis manebat in calo. Fit ergo credibiliorum fides ex incredibilioribus crediris. Si enim divina substantia longe distantiore potuit propter nos ita suscipere humanam substantiam ut una persona fieret; quanto credibilis alii sancti sunt cum homine Christo unus Christus, ut omnibus per gratiam ascendentibus, ipse unus ascendat in calum qui de calo descendit? CHRYSOSTOMUS (homil. xxvi. in Ioan.) Vel aliter. Quia dixerat Nicodemus, *Scimus quoniam a Deo venisti magister*, ne æstimetur ita esse magister ut multi Prophetarum de terra (2) existentes, subiungit: *Et nemo ascendit in calum nisi qui descendit de calo, Filius hominis qui est in calo.* THEOPHYLACTUS (hoc loco.) Cum vero Filium hominis descendisse de calo audis, non putes quod de calo caro descendit: hoc enim hæreticorum dogma est, qui docebant, quod Christus de calo corpus sumperat, & per Virginem transierat.

Kkk

CHRY-

(1) *Al. de Baptismo parvulorum; sed perinde est.* (2) *Al. exilimantes.*

CHRYSOSTOMUS (hom. eadem.) Filium enim hominis non carnem hic vocavit, sed a minori substantia se totum nominavit: est enim ei consuetudo multoties a divinitate, multoties ab humanitate totum vocare. **BEDA** (super *Et nemo ascendit*.) Si enim aliquis homo nudus de monte ad convallia descendat, & assumptis vestimentis, & armis ad eundem montem ascendet; recte ipse idem qui prius descendit ascendisse perhibetur. **HILARIUS** X. de Trin. (post princ.) Vel quia de cælo descendit, conceptæ de Spiritu originis causa est: non enim (1) corpori Maria originem dedit, licet ad incrementa partumque corporis omne quod (2) sexus sui est natura contulerit. Quod vero hominis Filius est, susceptæ in Virgine carnis est partus. Quod autem in cælis est, naturæ semper permanentis potestas est, quæ non ex (3) infinitatis suæ virtute in regionem diffiniti corporis cordis Verbi Dei potestatem, & in forma servi manens ab omni intra, extraque cæli mundique circulo, cæli ac mundi Dominus non absuit. Per hoc ergo & de cælo descendit, quia Filius hominis est; & in cælis est, quia Verbum caro factum, non amiserat manere quod (4) Verbum est. **AUGUSTINUS** (tract. xii.) Miraris autem quia hic erat, & in cælo. Tales fecit discipulos suos. Paulum audi dicentem Philipp. xii. „Nostra conversatio in cælis“, est. „Si homo Paulus ambulabat in terra, & conversabatur in cælis; Deus cæli, & terræ non poterat esse in cælo, & in terra? **CHRYSOSTOMUS** (hom. eadem.) Vide autem, quia quod valde videtur excelsum, indignum est sua magnitudine: non enim solum in cælo est, sed ubique, & omnia replet. Sed adhuc ad imbecillitatem auditoris loquitur, paulatim eum reducere volens.

(e) **CHRYSOSTOMUS** (homil. xvi. in Ioan. ubi supra.) Quia dixerat beneficium baptismi, inducit huius causam, scilicet crucem, dicens: *Efficiat Moyses exaltavit serpentem in deserto, ita exaltari oportet Filium hominis.* **BEDA.** Magistram legis Mo. facit ad spirituale sensum eiusdem legis inducit, recordans veteris historiæ, & hanc in figuram suæ passionis, atque humanæ salvationis sacram edisserens. **AUGUSTINUS** de Peccat. mer. & remis. (cap. xxxi.) Serpentem enim incursum in deserto multum moriebantur; ac sic Moyses ex præcepto Domini exaltavit in deserto æneum serpentem:

hunc videntes sanabantur continuo. Exaltatus serpens est mors Christi, eo significandi modo quo per efficientem id quod efficitur significatur. A serpente quippe mors venit, qui peccatum, quo mori meretur, homini persuasit; Dominus autem in carnem suam non peccatum transiit tamquam venenum serpentis, sed mortem, ut esset in similitudine carnis peccati poena sine culpa: unde in carne peccati & poena solveretur, & culpa. **THEOPHYLACTUS** (hoc loco.) Videas ergo figuram ad veritatem: ibi enim serpentis similitudo speciem quidem bestię habet, venenum autem non habet; sic & hic Christus a peccato liber, in similitudinem carnis peccati venit. *Exaltari* autem audiens, suspensionem intelligas in altum, ut sanctificaret aerem qui sanctificaverat terram ambulando in ea: intelligas etiam per exaltationem gloriam: nam illa crucis altitudo gloria Christi facta est: in quo enim iudicari voluit, in hoc huius mundi principem iudicavit. Adam enim iuste mortuus est, quia peccavit; Dominus vero iniuste, quia peccatum non fecit. Postquam ergo iniuste mortem sustinuit, superavit illum qui eum tradidit morti, & sic liberavit Adam a morte. Sed in hoc devictum se invenit: non enim potuit in cruce Dominum contristare ut crucifigentes odiret; sed magis diligebat, & pro eis orabat. Sic igitur crux Christi eius exaltatio, & gloria facta est. **CHRYSOSTOMUS** (hom. eadem.) Ideo etiam non dixit, Pendere oportet Filium hominis, sed *Exaltari*, quia honestius hoc videbatur: unde & propter audientem, & propter figuram hoc posuit; ut discas quoniam cognata sunt vetera novis; deinde ut cognoscas quoniam non invitatus a passionem venit; & adhuc ut discas quoniam multis hinc nascitur salus. **AUGUSTINUS** Lib. & cap. eodem. Sicut ergo tunc qui conspiciebat exaltatum serpentem, a veneno sanabatur, & a morte liberabatur; sic nunc qui conformatur similitudini mortis Christi per fidem, baptismumque eius, & a peccato per iustificationem, & a morte per resurrectionem liberatur: hoc est enim quod ait: *Ut omnis qui credit in eum, non pereat, sed habeat vitam æternam.* Quid ergo opus est ut morti Christi per baptismum conformetur parvulus, si morsu serpentis non est omnino venenatus? **CHRYSOSTOMUS** (hom. eadem.) Attende autem, quod passionem obumbrare posuit, ne ex eius verbis fieret tristis auditor; fructum vero passionis posuit ma-

(1) Nihil addidit ex se. (2) Al. Sensus. (3) Al. infirmitatis. (4) Al. factum est.

manifeste. Si enim qui credunt in crucifixum, non percut; multo magis qui crucifixus est, non perit. AUGUSTINUS (tract. xii.) Hoc autem inter est inter figuratam imaginem, & rem ipsam, quod illi sanabantur a morte ad temporalem vitam, hi autem, ut habeant vitam æternam.

(i) CHRYSOSTOMUS (hom. eadem.) Quia dixerat, *Oportet exaltari Filium hominis*, quo mortem occulte significavit, ne auditor tristis ab his fieret verbis, humanum quid de eo suspicans, & mortem eius æstimans (1) non esse salutarem; hoc ad rectitudinem reducit, Filium Dei dicens eum qui datur ad mortem, & mortem eius causam esse vitæ æternæ: unde dicit: *Sic enim Deus dilexit mundum ut Filium suum unigenitum daret, ut omnis qui credit in eum, non pereat, sed habeat vitam æternam*; quasi dicat: Ne mireris quoniam ego debeo exaltari, ut vos salvemini: etenim & Patri hoc videtur; qui ita (2) nos dilexit, ut pro servis inde-votis Filium dederit. Dicendo autem, *Sic Deus dilexit mundum*, multam indicat amoris intentionem. Multa enim est, & infinita distantia: qui enim immortalis, qui sine principio, qui magnitudo infinita, eos qui sunt ex terra & cinere, infinitis plenos peccatis dilexit. Sed & ea quæ post hoc ponit, ostensiva sunt magni amoris: non enim servum, non Angelum, non Archangelum dedit, sed Filium suum. Rursus, si filios plures habuisset, & dedisset unum, hoc etiam esset maximum; nunc vero Filium unicum dedit: unde subdit, *Unigenitum*. HILARIUS VI. de Trin. (ante finem.) Sed si dilectionis hinc fides est creaturam creaturæ præstitisse, non facit magni meriti fidem vilis, & spernenda iactura. Pretiosa autem sunt quæ commendant caritatem, & ingentia ingentibus æstimantur. Deus diligens mundum, Filium, non adoptivum, sed suum, & unigenitum dedit. Hic proprietatis est, nativitas est, veritas est; non creatio est, non adoptio est, non falsitas est: hic dilectionis, & caritatis fides est, ut ad mundi salutem & Filium suum, & unigenitum præstitisset. THEOPHYLACTUS (hoc loco.) Videtur autem mihi quod, sicut dixit superius, quod Filius hominis de-

scendit de cælo, cum caro de cælo non descendit; sed propter unam personam in Christo, quæ Dei sunt attribuit homini; sed & nunc e converso, quæ sunt hominis, Verbo Dei appropriat: etenim Deus Dei Filius impassibilis mansit; sed quia unus erat secundum hypostasim Dei Filius, & homo qui passionem sustinuit; Filius dari dicitur in mortem, qui passibiliter patiebatur, non natura propria, sed carne propria. Est autem maxima utilitas consecuta ex huiusmodi datione, mentem excedens humanam; sequitur enim: *Ut omnis qui credit in eum, non pereat, sed habeat vitam æternam*. Vetus namque testamentum his qui servabant illud, dierum longitudinem promittebat; Evangelium vero æternam, & insolubilem vitam. AUGUSTINUS. Notandum vero, quod eadem de Filio Dei unigenito replicat quæ de Filio hominis in cruce exaltato præmiserat, dicens: *Ut omnis qui credit in eum*: quia idem Redemptor, & Conditor noster Filius Dei ante sæcula existens, Filius hominis factus est in fine sæculorum, ut qui per divinitatis suæ potentiam nos creaverat ad perfrendam beatitudinem perennis vitæ, ipse per fragilitatem humanitatis (3) nostræ nos restauraret ad percipiendam quam perdidimus vitam. ALCUINUS. Vere autem per Filium Dei habebit mundus vitam: quia non alia de causa venit in mundum nisi ut salvet mundum: unde sequitur: *Non enim misit Deus Filium suum, ut indicet mundum, sed ut salvetur mundus per ipsum*. AUGUSTINUS (tract. xii.) Quare enim Salvator mundi dictus est, nisi ut salvet mundum? Ergo quantum in medico est, sanare venit ægrotum. Ipse se interim qui præcepta medici servare non vult, aut contemnit. CHRYSOSTOMUS (hom. xxvii.) Sed quia hoc dicit, multi pigrorum in peccatorum magnitudine, & negligentia superabundantia, Dei abutentes misericordia, dicunt: Non est gehenna, non est supplicium: omnia nobis Deus peccata dimittit. Sed considerandum, quod duo sunt Christi adventus: qui iam factus est, & qui futurus. Et prior quidem factus est, non ut iudicaret quæ facta sunt a nobis, sed ut dimittat. Secundus autem, non ut di-

Kkk 2 mit-

(1) *Al.* non esse existentiam. (2) *Nicolaï substituit vos.* (3) *Al.* omittitur nostra.

EX EDITIONE P. NICOLAI.

* BEDA. Quod subiungitur ex Beda. prius ex Augustino indicabatur, apud quem non occurrat, sed apud Bedam tam hic, tam in ictu inventionis & crucis. Hoc idem notatum fuerat ad marginem edit. *Ve. nota Nicolai.*

mittat, sed ut iudicet. De priori igitur ait: Non veni ut iudicem mundum: quia enim clemens est, non facit iudicium, sed interim remissionem omnium peccatorum per baptismum primo, & postea per poenitentiam: quia si hoc modo non fecisset, universi simul perdit essent: „omnes enim peccaverunt, & egent gratia Dei:“ Rom. 3.11. Ne igitur aliquis crederet se impune peccare, subdit de poena non credentis: *Qui credit in eum, non iudicatur.* Qui credit, inquit, non qui investigat. Quid igitur si immundam habeat vitam? Maxime quidem Paulus tales non fideles esse dicit. „Constituentur“ (inquit ad Tit. 1.) se nosse „Deum, factis autem negant.“ Sed hoc illud significat, quia secundum hoc qui credit, non iudicatur, sed operum quidem graviores sustinebit poenam, infidelitatis autem causa non torquetur. ALCUVINUS. Vel qui credit in eum, & adhaeret ei ut membrum capiti, non iudicabitur. AUGUSTINUS (tract. 111.) Quid autem dictum sperabas de eo qui non credit, nisi quod iudicatur? Sed vide quid dicit: *Qui autem non credit, iam iudicatus est.* Nondum apparuit iudicium, sed iam factum est iudicium. Novit enim Dominus qui sunt eius, novit qui permanent ad coronam, & qui permanent ad flammam. CHRYSOSTOMUS (hom. xxvii.) Aut hoc dicit, quia ipsum discredere impoenitentis supplicium est: esse enim extra lumen etiam secundum se maximum supplicium est. Vel quod futurum est praenuntiat. Sicut enim qui occidit hominem, etsi nondum sententia iudicantis condemnatus sit, rei tamen natura condemnatus est; ita & qui incredulus est; sicut & Adam quia die comedit de ligno, mortuus est. GREGORIUS Lib. XXVI. Moral. (cap. xxiv. in nov. exemp. xx.) Vel aliter. In extremo iudicio aliqui non iudicantur, & pereunt, de quibus hic dicitur: *Qui non credit, iam iudicatus est.* Non enim eorum tunc causa discutitur qui a conspectu districti iudicis iam cum damnatione suae infidelitatis abscedunt. Professionem vero fidei retinentes, sed professionis opera non habentes, redargutionis ut pereant. Qui vero nec fidei sacramenta tenuerunt, increpationem iudicis in extrema examinatione non

audiunt: quia praedudati in infidelitatis suae tenebris, eius quem despexerant investigatione argui non merentur. Princeps namque terrenam republicam regens aliter punit civem interius delinquentem, atque aliter hostem exteriori rebellantem. In isto iura sua consulit; contra hostem vero bella movet, dignaque eius malitiae tormenta retribuit; de malo vero eius quid lex habeat non requirit: neque enim lege necesse est perimi eum qui lege numquam potuit teneri. ALCUVINUS. Quare autem iudicatus est qui non credit, causam assignat dicens: *Quia non credit in nomine unigeniti Filii Dei.* In hoc enim solo nomine est salus. Non habet Deus inultos filios qui possint salvere; hunc habet unigenitum, per quem salvat. AUGUSTINUS de Peccat. mer. & remis. Lib. I (cap. xxxiii.) Ubi ergo parvulos ponimus baptizatos, nisi inter eos qui crediderunt? Hoc enim eis acquiritur per virtutem sacramenti, & offerentium responsum, ac per hoc eos qui baptizati non sunt, inter eos qui non crediderunt, statuiamus.

(g) ALCUVINUS. Reddit causam quare non crediderunt, & quare iuste damnantur, dicens: *Hoc est autem iudicium, quia lux venit in mundum.* CHRYSOSTOMUS (hom. xxvii.) Quasi dicit: Numquid ipsi eam quaesierunt, vel laboraverunt ut invenirent? Ipsa lux venit ad eos, nec ei occurrerunt: unde sequitur: *Et dilexerunt homines magis tenebras quam lucem.* Hic dereliquo omni eos privat exculpatione: venit enim eripere a tenebris, & ad lucem ducere. Quis ergo eius qui non vult ad lucem accedere, milerobitur? BEDA (super *Lux venit in mundum.*) Lucem seipsum appellat, de qua supra 1. Evangelista dixit: *Erant lux vera.* Tenebras vero appellat peccata. Deinde quia videbatur multis esse incredibile quod dictum est (nullus enim tenebras praehonorat luci) subdit causam quare haec passi sunt, dicens: *Erant enim eorum opera mala.* Et si quidem in iudicium venisset, haberet hoc aliquam rationem: qui enim malorum sibi conficius est, fugere iudicem consuevit; parenti vero, qui deliquerunt occurrunt. (1) Decens igitur erat eos qui multorum sibi ipsi erant consilii pec-

ca-

(1) *Id.* Dicens igitur, *Erant*, eos dec.

EX EDITIONE P. NICOLAI.

* CHRYSOSTOMUS ut supra. Eius nomine praetermissio, prius cum Bedae verbis confundebamur quae sub vero indice reponimus.

eatorum maxime Christo ad ignoscendum venienti occurrere, quod & in multis factum est: etenim publicani, & peccatores venientes recumbant cum Iesu. Quia vero quidam sunt ita molles ad eos qui pro virtute sunt labores, ut usque ad ultimum velint adherere malitiæ, in horum iniuriam subdit: *Omnia enim qui male agit, odit lucem*: quod quidem dictum est de his qui eligunt in malitia manere. **ALCUINUS.** *Quia omnia qui male agit, odit lucem*, id est, qui est in intentione peccandi, cui placet peccatum, odit lucem, quæ detegit peccatum. **AUGUSTINUS** X. Confess. (cap. xxiii.) Quia enim falli nolunt, & fallere volunt, amant eam cum seipsam indicat, & oderunt eam cum eos ipsa lux indicat. Inde retribuitur eis, ut eos nolentes manifestet, & eis ipsa non sit manifesta. Amant ergo veritatem lucentem, oderunt eam redarguentem: unde sequitur: *Et non venit ad lucem, ut non arguantur opera eius*. **CHRYSOSTOMUS** (homil. xxvii. in Ioan.) Eum enim qui in paganismo vivit, nullus redarguit, quia (1) deos tales habet, & digna dogmatibus opera demonstrat; qui vero Christi fuit male viventes, ab omnibus rectis accusantur. Si autem gentiles sunt recte viventes, hoc manifeste non novi. Non enim mihi dicas eos qui a natura sunt mites, & honesti, non enim est hoc virtus; sed cum dic qui a passionibus sustinent violentiam, & sapienter vivit; sed non utique habes. Si enim regni enuntiatio, & gehennæ minæ, & alia tanta documenta vix detinent homines in virtute, (2) nullo horum persuasi pertransibunt virtutem. Si vero hypocritism fingunt, gloriæ gratia hoc faciunt: unde cum potuerint latere, non omitterent uti malis desideriis. Quæ etiam utilitas est cum aliquis sobrius sit, & non rapit, sit vero vanæ gloriæ servus? Hoc enim non est recte vivere. Inanis enim gloriæ servus fornicario non minor est: multo enim plura, & graviora operatur. Si autem quidam recte sunt viventes in gentilibus, non hoc ad veritatem dicit sermoni: quia non frequenter contingit, sed raro. **BEDA** (3) Moraliter etiam illi magis tenebras quam lucem diligunt qui suos prædicatores benedocentes odiis, & detractionibus insequuntur.

Sequitur: *Qui autem facit veritatem, venit ad lucem, ut manifestentur opera eius, quia in*

Deo sunt facta. **CHRYSOSTOMUS** (hom. xxvii.) Non autem de his qui ab initio facti sunt Christiani hoc dicit, sed tantum de his qui ex Gentibus, vel ludæis ad rectam (4) transponendi erant fidem. Ostendit enim quoniam nullus utique eligit in errore vivens ad fidem venire, nisi prius inscribat sibi ipsi viam rectam. **AUGUSTINUS** de Peccat. mer. & remis. (Lib. I. cap. lxxi.) In Deo autem facta dicit opera eius qui venit ad lucem: quia intelligit iustificationem suam non ad sua merita, sed ad Dei gratiam pertinere. **AUGUSTINUS** super Ioannem (tract. xii.) Sed si omnia opera Deus mala invenit, quomodo quidam secerunt veritatem, & venerunt ad lucem, id est ad Christum? *Sed dilexerunt* (inquit supra) *tenebras magis quam lucem*: ibi posuit vim. Multi dilexerunt peccata sua, multi ea confessi sunt. Accusat Deus peccata tua: si & tu accusas, adiungeris Deo. Oportet ut oderis in te opus tuum, & ames in te opus Dei. Initium operum bonorum confessio est operum malorum: & tunc facis veritatem, quia non te palpas, non tibi blandiris. Venis autem ad lucem, quia hoc ipsum quod tibi displicet peccatum tuum, non tibi displiceret nisi Deus tibi luceret, & eius veritas tibi ostenderet. Facit autem aliquis veritatem confessionis, & venit ad lucem in operibus bonis, etiam propter illa quæ videntur minuta esse peccata linguæ, aut cogitationum, aut immorationis in rebus concessis: quoniam minuta plura peccata, si negligantur, occidunt. Minuta sunt guttæ, quæ flumen implent, minuta sunt grana arenæ; sed si multa arena imponentur, arena premit, atque opprimit. Hoc facit sentina neglecta, quod facit fluctus irruens paulatim. Per sentinam intrat, sed diu intrando, & non exauriendo mergit navem. Quid est autem exaurire, nisi bonis operibus agere ne obruant peccata, gemendo, ieiunando, tribuendo, ignoscendo?

(h) **CHRYSOSTOMUS** (hom. xxviii. in Ioan.) Nihil veritate apertius, neque fortius, quæ neque latere vult, neque periculum formidat, neque insidiis tremit, neque gloriam quæ a multis est desiderata, nulli humanorum obnoxia: unde & Dominus in solemnitatibus Hierusalem ascendebat, non se ostentans, neque honorem diligens, sed ut pluribus sua dogmata proponeret,

(1) *Al. Deus.* (2) *Legit Nicolai de nullo horum persuasi pertransibunt virtutem otiose.* (3) *Ad marginem in Veneta Nicolini editione legitur: Id habet Glossa ordinaria ex Beda: quod in proximo quatuor de indicibus leonem habet, confessionem etiam P. Nicolai.* (4) *Al. disponendi.*

meret, & miraculorum utilitatem. Postquam autem solemnitates solvebantur, ad Iordanem frequenter veniebat, quia & illic etiam turbæ concurrebant: unde dicitur: *Post hæc venit Iesus, & discipuli eius in Iudæam terram; & illic demorabatur cum eis*, BEDA. Dicit autem, *Post hæc*, non continuo post disputationem cum Nicodemo, quæ facta est in Hierosolymis; sed peracto spatio temporis de Galilæa in Iudæam rediit. ALCUINUS. Per Iudæam quidem significatur confitentes, quos visitat Christus: ubi enim esset peccatorum confessio, vel divinarum laudum, illuc venit Christus, & discipuli eius, idest doctrina, & illuminatio eius, & ibi moratur purganda a vitiis: unde sequitur: *Et illic demorabatur cum eis, & baptizabat*. CHRYSOSTOMUS (hom. eadem.) Cum autem Evangelista postmodum dicat, quod Iesus non baptizabat, sed discipuli eius, manifestum est quoniam & hic hoc dicit, quod soli discipuli baptizabant. AUGUSTINUS (tract. xxi.) Baptizatus autem Dominus baptizabat non eo baptismo quo baptizatus est: baptizatus est enim a servo, ostendens humilitatis viam, & perducens ad baptismum Domini, hoc est suum. Baptizabat enim Iesus quomodo Dominus, quomodo Dei Filius. BEDA. Christo autem iam baptizante adhuc baptizat Iohannes: quia adhuc permanet umbra, nec debet præcursor cessare donec veritas manifestetur: unde sequitur: *Erat autem Iohannes baptizans in Ænnon iuxta Salim*. Ænnon Hebraice aqua: unde quasi nominis interpretationem aperiens subdit: *Quia aqua multa erant illic*. Salim oppidum est iuxta Iordanem situm, ubi olim Melchisedech regnavit. HIERONYMUS in epist. (cxxxvi.) ad Evagrium. Nec refert utrum Salem, aut Salim nomen sit, cum vocalibus in medio litteris perraro utantur Hebræi, & pro voluntate lectorum, ac regionum varietate, eadem verba diversis sonis, atque accentibus proferantur.

Sequitur: *Et veniebat, & baptizabantur*. BEDA. Quantum catechumenis nondum baptizatis prodest doctrina fidei, tantum prout baptismus Iohannis ante baptismum Christi: quia sicut ille prædicabat poenitentiam, & baptismum Christi (1) nuntiabat, & in cognitionem veritatis quæ mundo apparuit attrahebat; sic ministri, Ecclesiæ primo erudiant venientes ad fidem, post peccata eorum redarguunt, deinde in baptismum

Christi remissionem promittunt; & sic in cognitionem, & dilectionem veritatis attrahunt. CHRYSOSTOMUS (hom. eadem.) Discipulis autem Iesu baptizantibus non cessavit Iohannes baptizans usque ad incarcerationem: quod significat Evangelista cum subdit: *Nondum enim missus fuerat Iohannes in carcerem*. BEDA. Ecce aperte notat facta Christi ante Iohannem incarcerationum; quæ alii præterierunt, incipientes ab his quæ post Iohannem Iohannem in carcerem facta sunt. AUGUSTINUS (tract. xlii.) Quare autem baptizabat Iohannes? Quia oportebat ut Dominus baptizaretur. Non (2) solum autem baptizatus est ab eo, ne baptismus Iohannis melior baptismate Domini videretur. CHRYSOSTOMUS (hom. xlviii. in Ioan.) Sed quia gratia usque tunc baptizabat? Si enim cessasset, æquicaretur zelo, vel ira hoc facere; sed persistens non sibi ipsi gloriam acquirebat, sed Christo aditorem mittebat. Et multo efficacius, hoc faciebat quam discipuli Christi: quia infusibile eius erat testimonium, & maiorem gloriam apud omnes habebat: ideo etiam adhuc baptizabat, ne discipulos suos amplius zelum immitteret. Æstimo autem & propter hoc permissam esse mortem Iohannis, & eo subleto de medio, Iesum maxime prædicare cepisse, ut omnis multitudinis affectio ad Christum transfret, & non ultra his quæ de utroque erant sententiis scinderetur. Zelotype enim se habentes discipuli Iohannis ad Christi discipulos, & ad ipsum Christum, quia viderunt discipulos Christi baptizantes, (3) ceperunt dicere ad eos qui baptizabantur, quasi aliquid maius haberet baptismus Iohannis baptismate discipulorum Christi: unde subditur: *Facta est ergo questio ex discipulis Iohannis cum Iudæis de purificatione*. Quoniam enim ipsi questionem moverunt, sed non Iudæi, Evangelista occulte monstrat, non dicens quod Iudæus quæsit, sed quod questio facta est ex discipulis Iohannis. AUGUSTINUS (tract. xlii.) Intelligas ergo dixisse Iudæos maiorem esse Christum, & ad eius baptismum debere concurrere; illi autem nondum intelligentes defendebant baptismum Iohannis. Ventum est ergo ad ipsum Iohannem, ut solveret questionem: unde sequitur: *Et venerunt ad Iohannem, & dixerunt ei: Rabbi, qui erat tecum trans Iordanem ... ecce baptizat*. CHRYSOSTOMUS (hom. eadem.) Hoc est, Quem tu baptizasti. Non autem dixerunt,

(1) *M.* prænuntiabat. (2) *Pro* solus. (3) *Plinius* habet *Nicolaï*: ceperunt discipate adversus eos qui baptizabantur, quasi aliquid maius &c.

runt, Quem tu baptizasti: quia coacti essent & vocis eius meminisse quæ super eum est delata: sed dicunt, *Qui erat tecum*; quasi, qui discipuli ordinem habebat, nihil plus habens nobis, nunc se a te separans baptizat. Addunt autem, *Cui etiam testimonium perhibuisti*; quasidicant: Quem tu clarum ostendisti, & circumpectum fecisti, eadem tibi audeat; & hoc est quod dicunt: *Ece hic baptizat*. Non autem in hoc solum æstimabant se excitare eum, sed & in eo quod de reliquo ea quæ ipsorum erant, (1) reprobantur: unde subdit: *Et omnes veniunt ad eum*. ALCUVINUS. Quasidicant: Te dimisso omnes currunt ad baptismum illius quem tu baptizasti.

(1) CHRYSOSTOMUS (hom. eadem.) Interrogatus Ioannes, non vehementer discipulos increpat, timens ne ab eo separati, aliquid aliud operentur; sed remisit quodammodo eis loquitur: unde dicitur: *Respondit Ioannes, & dixit eis: Non potest homo accipere quidquam, nisi fuerit ei datum de celo*; quasi dicat: Et si præclara sunt quæ Christi sunt, & si omnes ad eum currunt, mirari non oportet: Deus enim est qui hoc facit. Humana enim facile deprehensibilia sunt, & imbecillia, & velociter desunt; hæc autem non talia sunt: non ergo sunt humanitas adinventa, sed divinitus ordinata. Si autem humilis loquitur de Christo, non mireris: non enimerat (2) conveniens quod præsumptos a tali passione, scilicet invidia, ab initio doceret omnia, sed interim vult eos terrere, ostendens quod ad impossibilia conantur, & quod Deo rebelles inveniuntur. AUGUSTINUS (tract. xlii.) Vel aliter. Hoc Ioannes de seipso dicit: Quasi homo de celo accepi: ergo quia accepi ut aliquid essem, inanem me vult esse, ut loquar contra veritatem? CHRYSOSTOMUS (hom. eadem.) Et vide quia hoc quod æstimabant proponi in Christi subversionem, quando dixerunt, *Cui testimonium perhibuisti*, hoc in eos convertit, dicens: *Ipsi vos mihi testimonium perhibetis, quod dixerim: Non sum ego Christus*; quasi dicat: Si verum meum testimonium æstimatis, dicite quoniam illum mihi præhonore oportet: unde subdit: *Sed quoniam missus sum ante illum*; quasi dicat: Minister sum, & ea quæ sunt eius qui me misit dico, non humana gratia blandiens ei, sed Patri eius, qui me misit, ministrans. ALCUVINUS. Sed si aliquis dicat: Quandoquidem tu non es Christus, quis ergo es tu; vel quis est

ille cui perhibes testimonium? Ad hoc respondet: Ille est sponsus; ego sum amicus sponsi, missus ut per me sponsa præparetur suo sponso: unde subditur: *Qui habet sponsam, sponsus est*. Sponsam dicit Ecclesiam ex omnibus Gentibus congregatam; quæ virgo est integritate mentis, perfectione caritatis, unitate catholice fidei, concordia pacis, integritate animæ & corporis; quæ habet sponsum, de quo quotidie generat. BEDA. Ceterum frustra est virgo corpore quæ virgo non manet in mente. Hanc autem sponsam Christus in thalamouteri virginis sibi sociavit, & eandem pretio sui sanguinis redemit. THEOPHYLACTUS. Omnis etiam animæ sponsus Christus est; sponsalium vero locus, ubi coniunctio efficitur, locus est baptismatis, sive Ecclesia. Dat vero arrham sponsus, peccatorum remissionem, Spiritus sancti communionem; perfectiora vero in futuro sæculo retribuet dignis. Nullus autem alius est sponsus nisi solus Christus: omnes namque doctores paranyphi existunt, sicut & præcursor. Nullus enim bonorum largitor est nisi Dominus: omnes alii ministri sunt bonorum, quæ dantur a Domino. BEDA. Sponsam igitur suam Dominus amicus suo, id est ordini prædicatorum, commendavit; quæ eam non sibi, sed Christo zelare debet: unde subditur: *Amicus autem sponsi, qui stat, & audit eum, gaudet propter vocem sponsi*. AUGUSTINUS (tract. xlii.) Quasi dicat: Non est mea sponsa. Sed numquid non gaudes in nuptiis? Immo gandeo, ait, quia sum amicus sponsi. CHRYSOSTOMUS (homil. xxviii.) Sed qualiter qui dixit supra 1. *Non sum dignus solvere corrigiam calceamenti*, amicum nunc seipsum dicit? Non quidem propter honoris æqualitatem, sed multitudinem gaudii repræsentare volens. Non enim in talibus ita ministri sponsi lætantur, sicut amici. Simul autem & condescendens eorum imbecillitati amicum se dicit: quia enim æstimabant eum morderi ab his quæ siebant, ostendit quod non solum non morderet, sed & valde gaudet, si sponsum sponsa cognoscit. AUGUSTINUS (tract. xlii. sparsum.) Sed quare stat? Quia non cadit, quia humilis est. Vide statem in solido. *Non sum dignus corrigiam calceamenti ei solvere*. Stat autem, & audit enim. Si ergo cadit, non audit eum: ergo stare debet amicus sponsi, & audire, id est permanere in gratia quam accepit, & audire vocem ad quam gaudeat. Non, inquit,

(1) Al. reprobant. (2) Al. contingens.

gaudeo propter vocem meam, sed propter vocem sponsi gaudeo: ego in audiendo, ille iocundo; ego auris, ille Verbum. Qui enim coluit sponfam, vel uxorem amici sui, dat quidem operam ut nullus alius ametur; sed si amari se pro amico voluerit, & uti voluerit commendata sibi, quam deestandus univerſo generi humano apparet? Multos autem adulteros video, qui sponſam tanto pretio emptam possidere voluit, & id agunt verbis suis ut pro sponſa amantur. CHRYSOSTOMUS (hom. ead.) Vel aliter. Quod dicit, *Qui sunt*, non sine causa posuit, sed indicans quod quæ sua sunt, iam cessaverunt, & quoniam eum de reliquo stare oportet, & audire: quod quidem dicit, a parabola sermonem transferens ad propositum: quia enim sponsi, & sponſæ mentionem fecerat, ostendit qualiter hæc sponsalia fiant, quia per vocem, & doctrinam. „ Fides enim est ex auditu; auditus „ autem per verbum Dei: „ Rom. x. Et quoniam ea quæ speraverat evenerunt, idcirco subdit: *In hoc autem gaudium meum impletum est*; idest, perfectum est a me opus quod fieri oportebat, & plus nihil operari possum de reliquo. THEOPHYLACTUS. Unde oñc gaudeo, quod scilicet omnes illum attendunt. Si enim non accessisset ad sponſum sponſa, idest populus, tunc dole-rem ego paranympus. AUGUSTINUS (tract. xiv.) Vel aliter. *In hoc gaudium meum impletum est*, ut scilicet gaudeam ad vocem sponsi. Habeo gratiam meam, plus non mihi assumo, ne quod accepiamittam. Qui enim vult gaudere de se, tristis est; qui autem vult de Deo gaudere, semper gaudebit, quia Deus sempiternus est. BEDA. Gaudio autem gaudet homo propter vocem sponsi, cum intelligit non se debere gaudere de sapientia sua, sed de sapientia quam accepit a Domino. Quisquis enim in beneficiis non gloriam suam, vel laudem requirit, neque terrena lucra, sed celestia cupit, hic amicus est sponsi. CHRYSOSTOMUS (hom. ead.) Deinde non solum circa præsentia, sed etiam circa futura passionem invidiæ a se removet, dicens: *Illum oportet crescere, me autem minui*; quasi dicat: Quæ nostra sunt, steterunt, & cessaverunt de reliquo, crescit autem quæ sunt illius. AUGUSTINUS (ubi supra.) Sed quid est hoc, *Illum oportet crescere*? Deus nec crescit, nec minuitur. Sed Ioannes, & Iesus, quod ad carnem attinet, coævierant: sex menses, qui intererant, nullam distinctionem ætatem. Magnum est hoc sacramentum, Antequam veniret Dominus, homines

gloriabantur de se: venit ille homo, ut minueretur hominibus gloria, & augeretur gloria Dei. Sic enim venit ille, ut dimitteret peccata, & homo confiteretur: etenim consilio hominis, humilitas hominis, miseratione Dei, altitudo Dei. Hanc autem veritatem etiam passionibus significaverunt Christus, & Ioannes: nam Ioannes capite minutus est, Christus autem in cruce exaltatus. Deinde natus est Christus, cum iam inciperent crescere dies; natus est Ioannes quando cœperant minui dies. Crescat ergo in nobis gloria Dei, & minuatur gloria nostra, ut in Deo crescat & nostra. Quanto autem magis intelligis Deum, videtur in te crescere Deus; non autem in se crescit, sed semper perfectus est: sicut si curarentur alicuius oculi ex pristina cæcitæte, & inciperet videre paululum lucis, & alia die plus videret, videretur ei lux crescere; lux tamen perfecta est, sive ipse videat, sive non: sic enim & interior homo proficit quidem in Deo, & Deus in illo videtur crescere; ipse autem minuitur, ut a gloria sua decidat, & in gloria Dei surgat. THEOPHYLACTUS. Vel aliter. Sicut aliorum luminarium, adveniente sole, lumen extingui videtur, licet non sit secundum veritatem extinctum, sed a maiori occultatum; sic & præcursor tamquam stella a sole celatus, minuidicitur. Crescit autem Christus prout paulatim manifestat se per miracula: non quod in virtutibus cresceret, aut proficeret (hæc nempe Nestorii est opinio) sed secundum ostensionem divinitatis eius.

(k) CHRYSOSTOMUS (homil. xxix.) Sicut vermis ligna corrodit, & ærugo ferum, ita vana gloria nutrientem se perdit animam; ideo multo studio opus est ut hanc destruas passionem: unde Ioannes multis rationibus discipulos suos habentes passionem hanc, vix mitigat: post illa enim quæ antea dixerat, rursus eos aliis disponit sermonibus, dicens: *Qui desursum venit, super omnes est*; quasi dicat: Quia vos meum extollitis testimonium, & ex hoc dicitis me esse digniorem fide, eo scilicet cui testimonium perhibui; hoc necesse est vos scire, quod non est cum qui de cælis venit, hæc fide dignum ab eo qui terram habitat; & hoc est quod dicit, *Super omnes est*, quia ipse sibi sufficiens, & quod omnibus incomparabiliter maior est. THEOPHYLACTUS. Ipse enim Christus desursum venit a Patre descendens, & super omnes est, distinctus ab omnibus. ALCUINUS. Vel *desursum venit*, idest de altitudine humanæ naturæ, quam

quam habuit ante peccatum primi hominis: de illa enim altitudine assumpsit Verbum Dei humanam naturam: non assumpsit culpam cuius assumpsit poenam.

Sequitur: *Qui est de terra, de terra est*, idest terrenus est, & *de terra loquitur*, idest terrena loquitur. CHRYSOSTOMUS (hom. xxix. in Ioannem.) Ecce nimirum non ex terra erant ei omnia: etenim animam habebat, & spiritum participabat non ex terra. Qualiter igitur ipse de terra se esse dicit? Nihil aliud per hoc ostendit occulte quam quod parvus est, (1) utpote humi repans, & in terra natus, & nulla comparatione dignus ad Christum, qui nobis desuper venit. Non autem dicit, *De terra loquitur*, quoniam ex propria mente loquebatur; sed de terra se loqui dicit in comparatione ad Christi doctrinam; quasi dicat: Parva & humilia sunt quæ mea sunt, comparata his quæ Christi sunt, qualia decens est suscipere terrestrem naturam in comparatione ad illum, in quo sunt omnes thesauri sapientie, & scientie Dei absconditi: Coloss. ii. AUGUSTINUS. (tr. xiv.) Vel quod dicit, *De terra loquitur*, de homine dicebat, quantum ad ipsum hominem pertinet. Si enim aliqua loquitur divina, illuminatus est a Deo; sicut Apostolus dicit I. Corinth. xv. „Non autem ego, sed gratia Dei mecum.“ Ergo Ioannes, & quod ad Ioannem pertinet, *de terra est*, & *de terra loquitur*; si quid divinum audivisset a Ioanne, illuminantis est, non recipientis. CHRYSOSTOMUS (hom. eadem.) Extincta igitur discipulorum passione, de reliquo cum ampliori propalatione loquitur de Christo: nam ante hoc superfluum erat ista præmittere, in mente audientium locum habere nondum valentia: unde sequitur: *Qui decalo venit: a AUGUSTINUS*; idest, de Patre venit, duobus modis *super omnes est*: primo super omnem humanitatem, qui de ipsa, priusquam peccaret, venit; secundo iuxta altitudinem Patris, cui est æqualis. CHRYSOSTOMUS (ut supra.) Magnum (2) autem quid, & excelsum dicit, Th. Oper. Tom. V.

cens de Christo, rursus ad humilium ducit sermonem, dicens: *Et quid vidit, & audit, hoc testatur*. Quia scilicet per sensus habet omnia certissime discimus, & digni fide æstimamus esse magistri de his quæ visu susceperimus, vel auditu apprehendimus; hoc de Christo astruere volens Ioannes dixit: *Quod vidit, & audit, hoc testatur*: ostendens, quod nihil eorum quæ ab ipso dicebantur, falsum est, sed omnia vera sunt; quasi dicat: Ego indigeo audire ea quæ ab illo dicuntur qui deluper venit, annuntians ea quæ vidit, & audit; idest, quæ solus ipse manifeste novit. THEOPHYLACTUS. Cum ergo audis, quod Christus ea quæ audit, & vidit a Patre, loquitur, non putos quod a Patre indigeat addiscere; sed quia omnia quæcumque naturaliter novit, a Patre habet, propter hoc a Patre audire dicitur quæcumque novit. Sed quid est, quod Filius audit a Patre? Forte Filius, Patris Verbum audit? Immo Filius Patris Verbum est. AUGUSTINUS (tract. xiv.) Quando concipis verbum quod proferas, rem vis dicere, & ipsa rei conceptio in corde tuo iam verbum est. Quomodo ergo tu verbum quod loqueris, in corde habes, & apud te est; sic Deus edidit Verbum; hoc est, genuit Filium. Cum ergo Verbum Dei Filius sit, Filius autem locutus est nobis; non Verbum suum, sed Verbum Patris se nobis loqui voluit, qui Verbum Patris loquebatur. Hoc ergo quomodo decuit, & oportuit, dixit Ioannes.

(1) CHRYSOSTOMUS (hom. xxix.) Dixerat: *Quod vidit, & audit, hoc testatur*; quasi excusans, ne quia pauci interim credituri erant, falsa æstimarentur esse quæ dicuntur; & propter hoc subdit: *Et testimonium eius nemo accipit*, idest pauci: habebat enim discipulos, qui accipiebant testimonium eius in his quæ dicebantur. In hoc autem suos discipulos tangit nondum credentes in eum, simul etiam Iudaicam offendit insensibilitatem, sicut & in principio Evangelii dictum est: *In propria venit, & sui eum non receperunt*. AUGUSTINUS (tract. lxi)

LII XIV.)

(1) Quatuor sæpe citata editiones legunt: velut terrene (scilicet de terra) veniens, in terra natus &c.

(2) Legit Nicolai: Postquam autem magnum quid & excelsum dixit de Christo, rursus ad humilium quoddam ducit sermonem &c.

EX EDITIONE P. NICOLAI.

* GLOSSA. Velut ex Aleuino refert, sed apud illum non occurrit: nec unius ex Augustino percedentes editiones annotabant, tum nec in illo tale quiddam occurrit. Pro Aleuino Augustinum, typographum raurorum officinam interpressem, cum ex eo patet quod vult luci indice notatur, ut in Augustino fieri solet, cum ex eo quod in Veneta Nicolai editione has margini apponitur notæ, id habet Glossa ordinata: quæ & in superiori indice Aleuini videtur esse.

xix.) Vel aliter. Est quidam populus præparatus ad iram Dei, damnandus cum diabolo. Horum nemo accipit testimonium Christi. Attendit ergo in spiritu divisionem, in genere autem humano commixtionem; & quod nondum locis separatum est, separavit cordis aspectu; & vidit duos populos, infidelium, & fidelium. Attendit infideles, & ait: *Et testimonium eius nemo accipit*: deinde tulit se a sinistra, & apsexit ad dexteram, & secutus ait: *Qui autem accepit eius testimonium, signavit*. CHRYSOSTOMUS (hom. eadem.) Idem, monstravit; & adhuc augens timorem addit, *Quoniam Deus verax est*, ostendens quoniam non aliter quis discredet huic, nisi falsi arguerit Deum; qui misit illum: quia nihil extra ea quæ sunt Patris loquitur: & hoc est quod subdit: *Quem enim misit Deus, verba Dei loquitur*. ALCUVINUS. Vel aliter. Signavit, idest signum posuit in corde suo, quasi singulare, & speciale aliquid, huic esse verum Deum, qui passus est ad salutem humani generis. AUGUSTINUS (tracl. eodem.) Quid est, *quia Deus verax est*, nisi quia homo mendax est, & Deus verax est? Quia nemo hominum potest dicere quid veritas est, nisi (1) illuminetur ab eo qui mentiri non potest. Deus ergo verax; Christus autem Deus. Vis probare? Accipe testimonium eius, & invenies. Sed si nondum intelligis Deum, nondum accepisti testimonium eius. Ipse ergo Christus est Deus verax, & misit illum Deus, Deus misit Deum. Iunge ambos, unus Deus: hoc enim, *Quem misit Deus*, de Christo dicebat, ut se ab ipso distingueret. Quid autem? Ipsum Ioannem nonne Deus misit? Sed vide quid adiungat: *Non enim ad mensuram dat Deus Spiritum*. Hominibus ad mensuram dat, unico Filio non dat ad mensuram. Alii quidem datur per Spiritum sermo sapientiae, alii sermo scientiae; aliud habet ille, & aliud iste habet. Mensura divisio quædam donorum est; sed Christus quæ dat, non ad mensuram accepit. CHRYSOSTOMUS (hom. eadem.) Spiritum autem hic actionem Spiritus sancti dicit: vult enim ostendere quoniam omnes quidem nos in mensura Spiritus actiones suscipimus; Christus autem omnem Spiritum suscipit actionem. Qualiter igitur erit dignus suspectus haberi? Nihil enim dicit quod non Dei est, neque quod non Spiritus est; & interim (2) de Deo Verbo nihil loquitur, sed a Patre, & Spiritu dignam fide facit doctrinam.

Nam. Nam quoniam Deus est, sciverant; & quoniam Spiritus est, noverant, etiam non decentem de eo opinionem habebant; quoniam autem Filius est nesciverant. AUGUSTINUS (tracl. eodem.) Quia ergo de Filio dixerat, *Non ad mensuram dat Deus Spiritum*, subiungit, *Pater diligit Filium*; & adiecit, *Et omnia dedit in manu eius*: ut nosset & hic distincte, quoniam dictum est, *Pater diligit Filium*. Pater enim diligit Ioannem, aut Paulum, & tamen non omnia dedit in manu eorum. *Pater diligit Filium*; sed quomodo Filium, non quomodo dominum servum; quomodo unicum, non quomodo adoptatum. Itaque omnia dedit in manu eius, ut tantus sit Filius quantus est Pater. Ergo cum ad nos dignatus est mittere Filium, non putemus nobis aliquid minus missum quam est Pater. THEOPHYLACTUS. Sic ergo secundum divinitatem omnia dedit Pater Filio natura, non gratia. Vel dedit omnia in manu eius, secundum humanitatem: dominatur enim omnium eorum & quæ in celo, & quæ in terra sunt. ALCUVINUS. Et quia omnia sunt in manu eius, ergo & vita æterna: unde subdit: *Qui credit in Filium, habet vitam æternam*. BEDA. Non debet hic intelligi fides quæ verbo tenus tenetur, sed quæ operibus adimpletur. CHRYSOSTOMUS (hom. xxx.) Non enim hic dicit, quod credere in Filium sufficiat ad vitam habendam perpetuam, cum ipse alibi dicat Matth. vii. „Non omnis qui dicit mihi Domine, Domine, intrabit in regnum cælorum.“ Sed & quæ in Spiritum est blasphemia, sufficit sola mittere in gehennam. Sed etiam in Patrem, & Filium, & Spiritum sanctum quis recte crediderit, ne æstimemus sufficere ad salutem: opus est enim nobis vita, & conversatione recta. Deinde sciens non ita promissione bonorum multos adduci, ut terribilium minis, in hoc sermonem concludit, dicens: *Qui autem incredulus est Filio, non videbit vitam, sed ira Dei manet super eum*. Vide qualiter hic ad Patrem reducit eum qui est supplicii sermonem: non enim dixit, Ira Filii, quamvis ipse sit iudex, sed Patrem iudicem instituit, magis terere volens. Et non dicit, *Manebit in eo*, sed *super eum*, ostendens quoniam numquam ab eo desister: ut enim non æstimet quis mortem esse temporaneam, dixit, *Non videbit vitam*. AUGUSTINUS (ibi supra.) Et non dixit, *Ira Dei venit ad eum*, sed *manet super eum*: quia omnes qui nascuntur mor.

(1) *M.* Illuminaretur. (2) *M.* de Deo vero.

mortales, habent secum iram Dei, quam non vult credere in Filium, *ira Dei manes* accepit primus Adam. Venit Filius Dei, *super eum*, de qua dicit Apostolus Ephes. non habens peccatum, & indutus est mortalitate; mortuus est, ut vivas. Qui ergo

C A P U T IV.

(a) **U**T ergo cognovit Iesus quia audierunt pharisei quod Iesus plures discipulos facit, & baptizat quam Ioannes; quamquam Iesus non baptizaret, sed discipuli eius; reliquit Iudæam, & abiit iterum in Galilæam. Oportebat autem eum transire per mediam Samariam. Venit ergo in civitatem Samaritæ quæ dicitur Sichar iuxta prædium quod dedit Iacob Ioseph filio suo. Erat autem ibi fons Iacob; Iesus autem fatigatus ex itinere, sedebat sic supra fontem: hora autem erat quasi sexta.

(b) Venit autem mulier de Samaria haurire aquam. Dicit ei Iesus: Da mihi bibere. Discipuli enim eius abierant in civitatem, ut cibos emerent. Dicit ergo ei mulier illa Samaritana: Quomodo tu, Iudæus cum sis, bibere a me possis, quæ sum mulier Samaritana? Non enim continentur Iudæi Samaritanis. Respondit Iesus, & dixit ei: Si scires donum Dei, & quis est qui dicit tibi, Da mihi bibere; tu forsitan petisses ab eo, & dedisset tibi aquam vivam. Dicit ei mulier: Domine, neque in quo haurias habes, & puteus altus est. Unde ergo habes aquam vivam? Numquid tu maior es patre nostro Iacob, qui dedit nobis puteum; & ipse ex eo bibit, & filii eius, & pecora eius?

(c) Respondit Iesus, & dixit ei: Omnis qui biberit ex aqua hac, sitiet iterum; qui autem biberit ex aqua quam ego dabo ei, non sitiet in æternum; sed aqua quam ego dabo ei, fiet in eo fons aquæ salientis in vitam æternam. Dicit ad eum mulier: Domine, da mihi hanc aquam, ut non sitiam, neque veniam huc haurire. Dicit ei Iesus: Vade, voca virum tuum, & veni huc. Respondit mulier, & dixit: Non habeo virum. Dicit ei Iesus: Bene dixisti, quia non habeo virum: quinque enim viros habuisti, & hunc quem habes, non est tuus vir. Hoc vere dixisti.

(d) Dicit ei mulier: Domine, video quia Propheta es tu. Patres nostri in monte hoc adoraverunt, & vos dicitis quia Hierosolymis est locus ubi adorare oportet. Dicit ei Iesus: Mulier, crede mihi, quia venit hora quando neque in monte hoc, neque in Hierosolymis adorabitur Pater. Vos adoratis quod nescitis, nos adoramus quod scimus: quia salus ex Iudæis est. Sed venit hora, & nunc est, quando veri adoratores adorabunt Patrem in spiritu, & veritate: nam & Pater tales querit qui adorent eum. Spiritus est Deus, & eos qui adorant eum, in spiritu, & veritate oportet adorare.

(e) Dicit ei mulier: Scio quia Messias venit, qui dicitur Christus. Cum ergo venerit ille, nobis annuntiabit omnia. Dicit ei Iesus: Ego sum qui loquor tecum.

(f) Et continuo venerunt discipuli eius, & mirabantur, quia cum muliere loquebatur. Nemo tamen dixit ei: Quid quæris, aut quid loqueris cum ea? Reliquit ergo hydriam suam mulier, & abiit in civitatem, & dicit illis hominibus: Venite, & videte hominem, qui dixit mihi omnia quæcumque feci. Numquid ipse est Christus? Exierunt ergo de civitate, & veniebant ad eum.

(g) Interea rogabant eum eius discipuli, dicentes: Rabbi, manduca. Ille autem dixit eis: Ego cibum habeo manducare, quem vos nescitis. Dicebant ergo discipuli

ad invicem: Numquid aliquis attulit ei manducare? Dicit ei Iesus: Meus cibus est ut faciam voluntatem eius qui misit me, ut perficiam opus eius.

(h) Nonne vos dicitis, quod adhuc quatuor menses sunt, & messis venit: Ecce dico vobis, levate oculos vestros, & videte regiones, quia albae sunt iam ad metesem. Et qui metit, mercedem accipit, & congregat fructum in vitam aeternam; ut & qui seminat, simul gaudeat, & qui metit. In hoc enim est verbum verum, quia alius est qui seminat, & alius est qui metit. Ego misi vos metere quod vos non laborastis. Alii laboraverunt, & vos in labores eorum introistis.

(i) Ex civitate autem illa multi crediderunt in eum Samaritanorum propter verbum mulieris testimonium perhibentis: Quia dixit mihi omnia quaecumque feci. Cum venissent ergo ad illum Samaritani, rogaverunt eum ut ibi maneret. Et mansit ibi duos dies. Et multo plures crediderunt propter sermonem eius. Et mulieri dicebant: Quia iam non propter tuam loquelam credimus: ipsi enim audivimus, & scimus quia hic est vere Salvator mundi.

(k) Post duos autem dies exiit inde, & abiit in Galilaeam. Ipse enim Iesus testimonium perhibuit quia Propheta in sua patria honorem non habet. Cum ergo venisset in Galilaeam, exceperunt eum Galilaei, cum omnia vidissent quae fecerat Hierosolymis in die festo: & ipsi enim venerant ad diem festum.

(l) Venit ergo iterum in Chana Galilaeae, ubi fecit aquam vinum. Et erat quidam Regulus, cuius filius infirmabatur Capharnaum. Hic cum audisset quia Iesus adveniret a Iudaea in Galilaeam, abiit ad eum, & rogabat eum ut descenderet, & sanaret Filium eius: incipiebat enim mori. Dixit ergo Iesus ad eum: Nisi signa, & prodigia videritis, non creditis. Dicit ad eum Regulus: Domine, descende priusquam moriatur filius meus. Dicit ei Iesus: Vade: filius tuus vivit. Credidit homo sermoni, quem dixit ei Iesus, & ibat. Iam autem eo descendente, servi occurrerunt ei, & nuntiaverunt dicentes, quia filius eius viveret. Interrogabat ergo horam ab eis in qua melius haberat. Et dixerunt ei, quia heri hora septima reliquit eum febris. Cognovit ergo pater quia illa hora erat in qua dixit ei Iesus, Filius tuus vivit; & credidit ipse, & domus eius tota. Hoc iterum secundum signum fecit Iesus, cum venisset a Iudaea in Galilaeam.

(a) **GLOSSA** . Postquam ostendit Evangelista qualiter Ioannes representat discipulorum suorum invidiam, quam de profectu doctrinae Christi conceperant; hic ostendit quomodo Christus declinavit phariseorum malitiam, qui contra ipsum ex eadem causa zelo invidiae movebantur: unde dicitur: *Ut ergo cognovit Iesus quia audierunt pharisei.* **AUGUSTINUS** (in Ioan. tracl. xv.) Utique Dominus, si sciret phariseos ita de se cognovisse, quod plures discipulos faceret, & quod plures baptizaret, ut eis hoc ad salutem valeret sequendum, non relinqueret Iudaeam terram, sed propter illos maneret ibi; quia vero cognovit eorum scientiam, simul & invidentiam, quia non hoc propterea didicerunt ut sequerentur,

sed ut persequerentur, abiit inde. Poterat quidem & praesens ab his non teneri, si nollet; sed in omni re quam gessit ut homo, hominibus in se credituris praebat exemplum, quia unusquisque servus Dei non peccat si secesserit in alium locum, videns furorem se persequentium. Fecit ergo hoc ille magister bonus, ut doceret, non ut timeret. **CHRYSOSTOMUS** (hom. xxx.) Hoc etiam fecit mitigans eorum invidiam. Conveniens est etiam eum hoc fecisse, ut non discredetur carnis dispensatio: si enim reten. tus effugisset, in suspitionem devenisset veritas carnis. **AUGUSTINUS** (loc. cit.) Fortassis autem hoc moveat quod dictum est, *Baptizabat plures quam Ioannes;* & post-

EX EDITIONE P. NICOLAI.

* Nihil tale in Glossa quae nunc erat, nec in Alcuino, vel in Beda, vel in Ruperto, quorum Commentarii erant in Ioannem; Cyrillus tamen aliquid insinuat, sed non expressis sub his verbis.

postea subiectum est, *Quamquam Iesus non baptizaret*. Quid ergo? Falsum dictum erat, & correctum est? CHRYSOSTOMUS (hom. xxx.) Non autem ipse Christus baptizabat; sed relatores volentes erigere eos (1) qui audiebant, in invidiam, ita annuntiabant, scilicet quod Christus plures baptizaret quam Ioannes. Sed cuius gratia ipse non baptizaret? Ioannes prædixit dicens Luc. iii. „ Ipse vos baptizabit in Spiritu sancto, & igne. “ Nondum autem Spiritum sanctum dabat: decenter igitur nec baptizabat. Discipuli vero id agebant, volentes multos adducere ad salutarem doctrinam: ut enim non semper circumeuntes congregarent eos qui credituri erant, ut in Simone, & fratre fecit, ideo baptizare instituerunt. Nihil enim amplius habebat discipulorum baptismum, Ioannis baptismate: utrumque enim experserat ea quæ ex Spiritu esset gratia, & utriusque una causa erat, scilicet adducere ad Christum eos qui baptizabantur. AUGUSTINUS (ut supra.) Vel aliter. Utrumque verum est: quia Iesus & baptizabat, & non baptizabat: baptizabat enim, quia ipse mundabat; non baptizabat, quia non ipse tingebat. Præbebant discipuli ministerium corporis; præbebat ille adiutorium maiestatis, de quo dictum est supra 1. *Hic est qui baptizat*. ALCUINUS. Solet autem quæri si in baptismo discipulorum Christi Spiritus sanctus daretur, cum dicatur infra vii. *Spiritus sanctus nondum erat datus, quia Iesus nondum erat glorificatus*. Sed sciendum, quia dabatur Spiritus, licet non ea manifestatione qua post ascensionem in linguis igneis datus est: quia sicut ipse Christus in homine quem ferebat, semper habebat Spiritum, sed tamen postea super ipsum baptizatum visibiliter descendit Spiritus in specie columbæ; sic ante manifestum, & visibilem adventum Spiritus sancti quicumque sancti eum latenter habere potuerunt, AUGUSTINUS ad Seleucianum (epist. cviii.) Intelligimus autem discipulos Christi iam fuisse baptizatos sive baptismum Ioannis, sicut nonnulli arbitrantur, sive, quod magis credibile est, baptismum Christi: neque enim ministerio baptizandi desuit, ut haberet baptizatos servos, per quos ceteros baptiza-

ret, qui non desuit illius humilitatis ministerio, quando eis lavit pedes. CHRYSOSTOMUS (hom. xxx. in Ioan.) Secedens autem Christus de Iudæa, rursus eisdem adhæret quibus & prius: unde subditur: *Et abiit iterum in Galilaam*. Sicut autem Apostoli expulsi Iudæis ad Gentes venerunt; ita & Christus ad Samaritanos accedit: sed tamen omnem auferens a Iudæis exultationem, non principaliter ad eos vadit, sed quasi transiens; quod Evangelista occulte ostendit, dicens: *Operiebatur autem eum transire per mediam Samariam*. Accepit autem hanc nominationem, quia mons Samariæ (2) Somer dicebatur, ab eo qui possedit; sed qui ibi habitabant, olim non Samaritani, sed Israëlitarum vocabantur. Tempore autem procedente offenderunt Deum, & Rex Assyriorum ultra eos ibi manere non permisit; sed in Babylonem, & Medos duxit; in Samaria vero Gentes ex diversis locis ductas habitare fecit. Volens autem Deus ostendere quod non propter imbecillitatem Iudæos tradidit, sed propter peccata eorum qui traditi sunt; immisit barbaris leones, qui eos ladebant. Annuntiata sunt hæc Regi, & mittit sacerdotem quemdam traditurum eis Deileges. Sed tamen neque ita ex toto ab impietate desisterunt, sed ex media parte. Etenim tempore procedente rursus idola quidam resillierunt; venerantur tamen Deum quia monte Samaritanos seiplos vocabant. BEDA. Ideo autem oportebat ipsum transire per Samariam, quia sita est inter Iudæam & Galilæam. Est autem Samaria insignis provincie Palæstinæ civitas, adeo ut tota regio el sociata Samaria dicatur. Ad quem igitur ipsius regionis locum Dominus verterit, Evangelista ostendit: (3) unde dicitur: *Venit ergo in civitatem Samaria, quæ dicitur Sichar*. CHRYSOSTOMUS (hom. eadem.) Locus ille erat ubi pro Dina Levi, & Simeon gravem occisionem fecerunt. THEOPHYLACTUS. Postquam autem filii Iacob illam civitatem desertam fecerunt, occidentes Sichimitas, hanc civitatem desertam tempore procedente dedit Iacob in sortem Ioseph: unde dicitur in Genesi xlviii. „ Do tibi partem unam extra „ fratres tuos, quam tuli de manu Amor- „ rhæi, in gladio, & arcu meo: “ & hoc est

(1) M. qui audiebant invidiam. (2) M. Samor. (3) M. unde ergo dicitur.

EX EDITIONE P. NICOLAI.

* Ad Seleuciam epist. xviii. Quod subiungitur ex Augustino ad Seleucianum religiosissimum, & in Christi-
st. Quæstione iterandam familiam Dei, ut inscriptio notat, prius incepte ut ad Seleucianum notabatur.

est quod subditur: *Iuxta pradium quod dedit Jacob Joseph filio suo.*

Sequitur: *Erat autem ibi fons Jacob.* AUGUSTINUS (in Ioan. tract. xv.) puteus erat; sed omnis puteus fons, non omnis fons puteus: ubi enim aqua de terra manat, & usum præbet haurientibus, fons dicitur: sed si in promptu, & superficus sit, fons tantum dicitur; si autem in alto & in profundo sit, ita puteus vocatur ut nomen fontis non amittat. THEOPHYLACTUS. Quare autem Evangelista de prædio, & fonte facit mentionem? Primo quidem ut cum audieris mulierem dicentem, quod pater noster Jacob dedit nobis hunc fontem, non admireris; secundo ex commemoratione fontis, & prædii edoceamur quod ea quæ Patriarchæ propter fidem, quam in Deo habebant, adepti sunt, Iudæi propter eorum impietatem perdididerunt, & eorum loca Gentibus tradita sunt: quare nihil novi nunc accidit quod Gentilibus pro Iudæis regnum cælorum consecuti sunt. CHRYSOSTOMUS (homil. xxx. in Ioan.) Christus igitur in Samariam accedens, facilem, & delictiosam vitam abiiciens, laboriosam vero sequens, non subigilibus utitur, sed ita difficulter incedit ut ex itinere fatigetur: erudiens nos ita a superficialibus alienos esse ut multa necessaria abscindamus a nobis; & hoc Evangelista ostendit, dicens: *Iesus ergo fatigatus ex itinere.* AUGUSTINUS (tract. eodem.) Invenimus Iesum fortem, & infirmum: fortem, quia in principio erat Verbum; infirmum, quia Verbum caro factum est. Sic ergo infirmus Iesus, ab itinere fatigatus, sedebat (1) super fontem. CHRYSOSTOMUS (hom. ead.) Quasi dicat: Non in throno, aut pulvinari, sed simpliciter ut contigebat super terram. Sessio autem propter laborem facta est, & ut expectaret discipulos, & propter æstum refrigeraret corpus apud fontem: unde sequitur: *Hora autem erat quasi sexta.* THEOPHYLACTUS. Et ne quis inculcat Dominum, quare ipse Samariam venerit, cum hoc discipulis suis prohibuerit, propter hoc dicit, quod circa illud locum sedebat, scilicet ab itinere fatigatus. ALEXANDER. Myrice autem Dominus reliquit Iudæam, idest infidelitatem eorum, qui eum repronaverunt, & per Apostolos abiit in Galilæam, idest in voluntatem huius mundi, docens suos transigere de vitiis ad virtutes. Prædium autem non tam Ioseph quam Christo arbitror delictum, cuius figuram Ioseph portaverit,

quem vere sol adorat, & luna, & omnes stellæ. Ad hoc prædium venit Dominus, ut Samaritani, qui hereditatem sibi Patriarchæ Israel vendicare cupiebant, agnoscerent, & converterentur ad Christum, qui est Patriarchæ legitimus heres factus. AUGUSTINUS (tract. xv.) Iter autem ipseus est caro pro nobis assumpta: qui enim ubique est, quo it, nisi quia non ad nos veniret nisi formam visibilis carnis assumeret? Ideo fatigatus ab itinere, quid est aliud quam fatigatus in carne? Quare ergo hora sexta? Quia ætate sæculi sexta. Computa tamquam unam horam, unam ætatem ab Adam usque ad Noe, secundam a Noe usque ad Abraham, tertiam ab Abraham usque ad David, quartam a David usque ad transmigrationem Babylonis, quintam usque ad baptismum Joannis: inde sexta agitur. AUGUSTINUS Lib. lxxxix. Quæst. (quæst. lxxv.) Hora igitur sexta: venit ad puteum Dominus noster. Video in puteo tenebrosam profunditatem. Admonetur ergo intelligere mundi huius infimas partes, idest terrenas, quo venit Dominus Iesus hora sexta, idest sexta ætate: generis humani, tamquam senectute veteris hominis, quo iubemus exui, ut induamur novo: nam sexta ætas senectus est: quoniam prima est infantia, secunda pueritia, tertia adolescentia, quarta iuventus, quinta grandævitas. Hora etiam sexta venit Dominus ad puteum, idest medio die: unde iam incipit sol iste visibilis declinare in occasum: quoniam nobis vocatis a Christo, visibilium delectat io minuitur, ut invisibilium amore homo interior recreatur ad interiorem lucem, quæ numquam excidit, revertatur. Quod autem sedet, humilitatem significat; vel quoniam solent sedere doctores, magistri denuntiat personam.

(b) CHRYSOSTOMUS (hom. xxx. in Ioan.) Ne quis dicat, quoniam adversarius suo præcepto, Samaritanis loquens, posuit Evangelista multas causas eius quæ ad mulierem est locutionis: non enim ad hoc venit antecedenter, ut Samaritanis loqueretur; non tamen quia propter hoc non venit, advenientem ad se expellere oportebat: dicitur enim: *Venit mulier de Samaria haurire aquam.* Vide quod & mulierem ostendit propter æstum exeuntem ad aquam. AUGUSTINUS (tract. xv.) Hæc autem mulier forma est Ecclesiæ, non iustificata, sed iam iustificanda. Pertinet autem ad imaginem rei, quod (2) ab alienigena venit: Samaritani enim alienigenæ fuerunt, quam-

(1) Al. sic super fontem. (2) Al. ab alienis.

quamquam vicinas terras incolerent: venter enim erat Ecclesia de Gentibus, & aliena a genere Iudeorum. THEOPHYLACTUS. Congruè autem disputatio ad mulierem a titi sumptis occasione: sequitur enim: *Dicit ei Iesus: Da mihi bibere*: quia secundum humanitatem sitiebat & propter laborem, & propter ætatem. AUGUSTINUS Lib. LXXXIII. Quæst. (quæst. LXV.) Sitiebat etiam Iesus mulieris illius fidem: eorum enim fidem sitit pro quibus sanguinem fudit. CHRYSOSTOMUS (homil. XXX. in Ioan.) Discimus autem Domini non solum circa itinera validum robur, sed etiam circa cibaria negligentiam: non enim discipuli eius deserebant (1) victualia: propter hoc enim subdit: *Discipuli autem eius abierant in civitatem, ut cibos emerent*. Hinc etiam Evangelista ostendit Christum humilem in eo quod solus relinquebatur. Et nimirum poterat, si vellet, aut non omnes e-mittere, aut abeuntibus illis alios ministros habere; sed noluit: etenim ita discipulos affluens omnem superbiam conculcare. Sed fortasse dicit aliquis: Quid magnum est si humiles erant discipuli piscatores existentes, & tabernaculorum factores? Sed repente facti sunt omnibus Regibus reverentiores, collocutores, & secutores Domini orbis terrarum. Maxime autem qui ex humilibus sunt, quando dignitates quandoque assumperint, facilius ad superbiam elewantur, velut inexperte se habentes ad tantum honorem. Detinens igitur discipulos Dominus in eadem humilitate, erudiebat eos ut per omnia se restringerent. Mulier ergo audiens, *Da mihi bibere*, valde sapienter ad formandam interrogationem eum qui a Christo accepit sermonem: unde sequitur: *Dicit ergo illi mulier: Quomodo tu, cum Iudeus sis, a me bibere possis, quia sum mulier Samaritana?* Iudeum quidem eum esse æstimavit a figura, & a locutione. Intere vero qualiter mulier inquisitiva erat. Est enim oportebat (2) custodire Iesum, ut non couteretur illi; non tamen oportebat illam custodire. Non enim dixit Evangelista, quod Samaritani Iudeis non couterentur, sed subdit: *Non enim committunt Iudei Samaritanis*. Iudei igitur a captivitate revertentes zelotype se ad Samaritanos habebant, sicut ad alienigenas, & impugnatores. Neque etiam Scripturis omnibus utebantur: solum enim ea quæ Moyse sunt sufficientes, Prophetarum non multam curam habebant. Contendebant etiam se in nobilitatem Iudaicam immittere: unde & Iudei eos cum omnibus Gentibus abomina-

bantur. AUGUSTINUS (tract. XLII.) Et omnino eorum vasis non utebantur Iudei. Et quia ferebat secum mulier vasculum, unde aquam hauriret, eo mirata est, quia Iudeus petebat ab ea bibere, quod non solebant facere Iudei. CHRYSOSTOMUS. Sed qualiter Christus quæsit ab ea bibere lege non concedente? Si autem quis dixerit, quia præcebat eam non datum, immo propter hoc neque petere oportebat. Est igitur dicendum, quod ideo petiit, quia indifferens erat de reliquo tales observantias præterire. AUGUSTINUS (tract. XV.) Ille autem qui bibere quærebat, sitiebat fidem ipsius mulieris: unde sequitur: *Respondit Iesus, & dixit ei: Si scires donum Dei, & quis est qui dicit, Da mihi bibere, tu sceris patrissem ab eo, & dedissem tibi aquam vivam*. ORIGENES (tomo XIV. in Ioan.) Nam quasi dogma quoddam est, neminem accipere divinum donum ex non quærentibus illud: ipsum autem Salvatorem iubet Pater polcere, ut det illi, secundum illud Psal. II. „Postula a me, & dabo tibi gentes hereditatem tuam.“ Et ipse Salvator dicit Luc. XI. „Petite, & dabitur vobis.“ Et ideo signanter dicit: *Petisses, & dedissem tibi*. AUGUSTINUS Lib. LXXXIII. Quæst. (quæst. LXV.) Hæc autem ei ostendit non se talem aquam petisse qualem ipsa intellexerat; sed quia ipse sciebat fidem eius, eadem sitienti Spiritum sanctum dare cupiebat. Hanc enim recte intelligimus aquam vivam, quod est donum Dei, sicut ipse ait, *Si scires donum*. AUGUSTINUS super Ioan. (tract. XV.) Dicitur enim vulgo aqua viva illa quæ de fonte exit: illa enim quæ colligitur de pluvia in lacunas, aut cisternas, aqua viva non dicitur: & si de fonte manaverit, & in loco aliquo collecta steterit, nec ad se illud unde manabat admiserit, sed in rupto meatu tamquam a fontis tramite separata fuerit, non dicitur aqua viva. CHRYSOSTOMUS (homil. XXX.) Spiritus enim sancti gratiam quandoque Scriptura ignem, quandoque aquam vocat: ostendens quoniam non substantiæ sunt hæc nomina representativa, sed actionis. Per ignis quidem appellationem erectivum, (3) & calidum gratiæ, & consumptivum peccatorum ænigmatice insinuat; per aquæ vero nuncupationem purgamentum quod est ex Spiritu, & multum refrigerium recipientibus eum mentibus ostendit. THEOPHYLACTUS. Gratiam ergo Spiritus sancti dixit aquam vivam, id est vivificativam, refrigerativam, & motivam. Nam gratia Spi-

(1) M. viaticula. (2) Nicolai hic & infra habet cavere. (3) M. & causa gratiæ.

Spiritus sancti semper movet illum qui bona operatur, ascensiones in corde suo disponens. CHRYSOSTOMUS (hom. ead.) Iterum autem Dominus eam ab humili susceptione erexit, quæ existimabat eum unum multorum esse: multum enim honorem tribuens, Dominum vocat: sequitur enim: *Dicit ei mulier: Domine, nequid in que haurias habes, & puteus altus est: unde ergo habes aquam vivam?* AUGUSTINUS (tract. xv.) Videte quomodo intellexit aquam vivam, scilicet aquam quæ erat in illo fonte; quasi dicat: Tu mihi vis dare aquam vivam, & ego sero unde hauriam, & tu non fers: de hac ergo aqua viva mihi dare non potes, quoniam hauritorium non habes. Forte alium fontem promittis? Sed numquid tu maior es patre nostro Jacob, qui dedit nobis puteum; & ipse ex eo bibit, & filii eius, & pecora eius? CHRYSOSTOMUS (hom. xxx.) Quasi dicat: Non potes dicere, quod Jacob dedit nobis hunc fontem, & alio ipse usus est: etenim ipse, & sui ex eo bibebant; quod non esset, si meliorem alium habuissent. De hoc igitur fonte dare non potes; alium autem meliorem non est te habere, nisi constiteris te ipsum maiorem esse Jacob. Unde igitur habes aquam quam promittis te daturum nobis? THEOPHYLACTUS. Quod autem dicit, *Et pecora eius*, offensivum est abundantie aquarum; quasi dicat: Non solum suavis est aqua, ut Jacob ex ea biberet, & filii eius, sed etiam intantum est abundans ut tantæ multitudini pecorum Patriarchæ sufficiat. CHRYSOSTOMUS (hom. ead.) Vide autem qualiter seipsum impulit in nobilitatem Iudaicam. Samaritani enim Abraham progenitorem suum dicebant, quasi a Chaldaea existentem; sed & Jacob patrem vocabant, quasi ipsius existentem nepotem. BEDA. Vel patrem suum Jacob vocat, quia ipsa sub lege Moysi vixerat, & prædium quod Jacob filio suo Ioseph dederat possidebat. ORIGENES (tomo xiv.: Mystice autem sons Jacob Scripturæ sunt; siquidem instructi in Scripturis bibunt, ut Jacob, & filii eius; simplices autem, & rudēs bibunt more pecorum Jacob.

(c) CHRYSOSTOMUS (hom. xxxi.) Cum mulier quævisset: *Numquid maior es patre nostro Jacob?* non dixit, Maior sum, ne videretur gloriari; sed per ea quæ subdit, hoc ostendit: sequitur enim: *Respondit Iesus, & dixit ei: Omnis qui biberit ex aqua hac,*

sitiet iterum; qui autem biberit ex aqua quam ego dabo ei, non sitiet in æternum; quali dicat: Si mirabilis fuit Jacob, quia hanc aquam dedit; si dabo tibi multo hac potiorē, quid dices? Non autem (1) ab accusatione, sed ex supereminencia comparationem facit: non enim dicit, quoniam hæc aqua vilis est, & contemptibilis; sed id quod natura testatur, hoc ponit, scilicet *omnis qui bibit ex aqua hac, sitiet iterum*. AUGUSTINUS (tract. xv.) Quod quidem verum est & de aqua sensibili, & de ea quam significat illa aqua: etenim aqua in puteo voluptas est sæculi in profunditate tenebrosa: hic eam hauriunt homines hydryia cupiditatem: nam qui præmisit cupiditatem, pervenire non potest ad voluptatem. Cum pervenerit quique ad voluptatem sæculi huius, namquid (2) non iterum sitiet? Ergo de hac aqua qui biberit, sitiet iterum. Si autem accepit a me aquam, non sitiet in æternum: nam quomodo sitient qui inebriabuntur ab ubertate domus Dei? Promittebat ergo (3) venam quamdam in satietatem Spiritus sancti. CHRYSOSTOMUS (hom. xxxi.) Hanc autem excellentiam huius aquæ, ut scilicet qui ex ea biberit, non sitiat in æternum, per ea quæ consequuntur ostendit: sequitur enim: *Sed aqua quam ego dabo ei, sit in eo fons aqua salientis in vitam æternam;* quasi dicat: Sicut qui fontem habet intra se positum, nequaquam afficietur siti; ita & qui hanc aquam habet, scilicet quam ego ei dabo. THEOPHYLACTUS. Nam aqua quam ego tribuo, semper multiplicatur: semina enim, & principium boni, sancti sumunt per gratiam; ipsi vero negotiantur, & operantur ad eius augmentum. CHRYSOSTOMUS (hom. xxxi.) Vide autem qualiter mulier paulatim ad dogmatum altitudinem ducitur: nam primum quidem æstimavit eum iniquum quemdam esse Iudæum: deinde audiens aquam vivam, suspicata est de sensibili hoc dici: postea dicens quoniam spiritalia erant quæ dicebantur, credidit quidem quoniam potest aqua sitis necessitatem tollere; nondum autem sciebat quæ esset hæc aqua, sed quærebat eam, superiorem sensibilibus æstimans: unde subditur: *Dicit ad eum mulier: Domine, da mihi hanc aquam, ut non sitiam, neque veniam huc haurire*. Et sic eum Patriarchæ Jacob præponit, de quo tam magnam opinionem habebat. AUGUSTINUS (tract. xv.)

(1) *Al.* ab hac excusatione. (2) *Al.* spiritibus non. (3) *Al.* signam quamdam in satietatem, *Psalmus autem & satietatem &c.*

xv) Vel aliter. Adhuc illa mulier carnem sapit: delectata est non sitire, & putabat hoc secundum carnem sibi promissum esse a Domino. Dederat autem Deus aliquando servo suo Eliæ ut per dies quadraginta nec eluriret, nec sitiret: qui hoc potuit dare per quadraginta dies, non poterat dare semper? Delectata autem tali munere rogat ut ei aquam vivam daret: unde sequitur: *Dicit ei eum mulier: Domine, da mihi hanc aquam, ut non sitiam, neque veniam hic haurire.* Ad laborem enim indigentia coegbat, & laborem infirmitas recusabat: utinam audiret: „Venite ad me omnes qui laboratis, & onerati estis, & ego vos relictam:“ Matth. xi. Hoc enim dicebat Iesus, ut iam non laboraret; sed illa nondum intelligebat. Denique voluit Dominus ut intelligeret: unde sequitur: *Dicit ei Iesus: Vade, voca virum tuum, & veni huc.* Quid est hoc? Per virum suum ei volebat aquam illam dare. An quia non intelligebat, per virum suum eam volebat docere? (1) forte sicut Apostolus dicit de mulieribus I. Corinth. xiv. „Si quæ volunt discere, domi viros suos interrogent.“ Sed ibi dicitur, ubi non est Iesus qui docet; cum vero ipse Dominus aderat, quid opus erat ut per virum ei loqueretur? Numquid per virum loquebatur Mariæ, quæ sedit ad pedes eius? CHRYSOSTOMUS (hom. xxxi. in Ioan.) Quia igitur instabat mulier, accipere aquam promissam quærens, dicit ei Iesus: *Voca virum tuum;* quasi ostendens quoniam & illum oportet his communicare. Hæc autem festinans accipere, & rei turpitudinem occultans, adhuc æstimabat se ad hominem loqui: unde sequitur: *Respondit mulier, & dixit: Non habeo virum.* Hoc audiens Christus opportune de reliquo redargutionem inducit: nam & priores viros enumerat, & eum qui nunc occultabatur redarguit: unde sequitur: *Dicit ei Iesus: Bene dixisti, quia non habeo virum.* AUGUSTINUS (tract. xv.) Intelligas, revera istam mulierem non habuisse tunc virum; sed utebatur nescio quo non legitimo viro: unde ei convenienter mysteria loquitur, dicens: *Quinque viros habuisti.* ORIGENES (tom. xiii. in Ioan.) Vide autem si possibile est fontem Iacob mystice totas esse Scripturas, aquam vero Iesu ea pro quibus editæ sunt; quæ non est licitum omnibus perferuari: eo quod quæ scripta sunt dictaverunt homines; quæ vero oculus non vidit, nec auris

audivit, nec in cor hominis ascenderunt, (2) in scriptis non possunt redigi; sed ex fonte aquæ salientis non possunt redigi; sed ex fonte aquæ salientis in vitam æternam, idest ex Spiritu sancto, disciplinæ patensunt his qui nondum humanum cor gessant, sed possunt dicere: „Nos sensum Christi habemus:“ I. Corinth. i. Qui; ergo non inspicit profunditatem verborum, etiam ad modicum quiverit, denuo insistent dubitabit; qui autem bibit de aqua Christi, ad hoc promovetur ut fons omnium questionum prorumpat in eo, fursum scaturizantibus aquis, & pervolante eius mente ad consequentiam huius aquæ, ad vitam æternam. Volebat autem mulier sine aqua Iacob, angelicam, & super hominem discere veritatem: neque enim Angeli indigent fonte Iacob, ut bibant, sed quilibet in se habet fontem aquæ scaturientis in vitam æternam ab ipso Verbo: & hoc est quod subditur: *Dicit ei mulier: Domine, da mihi hanc aquam.* Sed impossibile est hic absque ea quæ hauritur ex fonte Iacob aquam capere quæ datur a Verbo: unde petenti Samaritanæ aquam videtur dicere Iesus, se illam præbere non alibi quam in fonte Iacob: unde sequitur: *Dicit ei Iesus: Vade, voca virum tuum, & veni huc.* Si enim sitiamus, idoneum est primo pocula sumere ex fonte Iacob; secundum autem Apostolum, vir animæ lex est. AUGUSTINUS Lib. lxxxiii. Quæst. (quæst. lxxv.) Quinque autem viros, quinque libros qui per Moysen ministrati sunt, nonnulli accipiunt. Quod autem dictum est, *De hunc quem habes, non est tunc vir,* de seipso Dominum dixisse intelligunt, ut iste sit sensus. Primo quinque libris Moysi quasi quinque viris servisti; nunc autem quem habes, idest quem audis, non est tunc vir, quia nondum in eum credidisti. Sed quoniam non credens Christo, adhuc illorum quinque virorum, idest quinque librorum, copulatione tenebatur, potest movere quomodo dici potuerit, *Quinque viros habuisti,* quasi nunc (3) eos iam non haberet. Deinde quomodo potest intelligi a quinque illis libris recedere hominem, ut ad Christum transeat, cum ille qui credit in Christum, non relinquens illos quinque libros, sed spiritualiter intelligendos multo avidius amplectatur? Est ergo alius intellectus. AUGUSTINUS super Ioan. (tract. xv.) Videns enim Iesus quia mulier non intelligebat, & volens eam intelligere, *Voca,* inquit, *virum tuum;* idest, præsentia intellectu tuum: cum enim

Mmm ordi-

(1) Al. emittitur fozte. (2) P. Nicolai legit in Scripturas. (3) Al. omnes.

ordinata fuerit vita, intellectus animam regit, ad ipsam animam pertinens: non enim aliud aliquid est quam anima, sed aliqua anima est intellectus. Hoc ipsum animæ quod intellectus, & mens dicitur, illuminatur luce superiore. Talis lux cum muliere loquebatur, & in illa intellectus non aderat: ergo Dominus, tamquam diceret: Illustrare volo, & non adest, quem: *Voca*, inquit, *virum tuum*; id est, adhibe intellectum, per quem docearis, quo regaris: & adhuc illa nondum vocato illo viro, non intelligit. Videtur autem mihi quinque viros priores animæ non posse accipere quinque sensus corporis: ante enim quam quisque possit uti ratione, non regitur nisi sensibus carnis; sed cum cæperit anima capax esse rationis, aut a sapiente mente regitur, aut ab errore; sed error non regit, sed perdit. Post illos ergo quinque sensus mulier illa adhuc errabat: (1) error ille non erat legitimus vir, sed adulter. Dicit ergo Dominus: Tolle istum adulterum, qui te corrumpit, & voca virum tuum, ut intelligas me. **ORIGENES** (tomoxiii.) Ubi autem decebat consulari a Iesu putatum Samaritanæ virum, non esse virum, nisi apud fontem Iacob? Potest etiam intelligi, si vir animæ lex est, quod Samaritana secundum congruum acceptionem verborum legis, ritui infidelium tamquam viro illegitimo se subiciebat. Revocatur autem ad Verbum veritatis, quod resurrecturum erat a mortuis, non deinceps moriturum.

(d) **CHRYSTOMUS** (hom. xxxi.) Mulier autem a Christo reprehensa, non contristata est, neque dimittens fugit; sed admiratur magis, & immoratur: undedicitur: *Dicit ei mulier: Domine, video quia Propheta es tu*; quædicit: In hoc quod mihi occulta dicis, ostenderis Propheta esse. **AUGUSTINUS** (tract. xv.) (2) Et cæcepit ad eam venire vir, nondum plene venit: Prophetam Dominum putabat. Erat quidem & Propheta: nam de seipso ait **MATTH. xxi.** „Non est Propheta sine honore nisi in patria sua.“ **CHRYSTOMUS** (hom. ead.) Deinde quia hoc suspicata est, nihil mundanum eum interrogavit: non de corporis sanitate, non de vitis: non molestatur sitiendo, pro doctrina sollicita. **AUGUSTINUS** (tract. eod.) Et incipit querere, quod illam solet movere, dicens: *Patres nostri in hoc monte adoraverunt; & vos dicitis, quia Hierosolymis est locus ubi adorare oportet*. Contentio quippe

fuerat inter Samaritanos & Iudæos: quia Iudæi in templo a Salomone fabricato adorabant Deum; & ideo meliores se esse iactabant: quibus Samaritani dicebant: Quomodo iactatis vos, quia templum habetis quod nos non habemus? Numquid patres nostri, qui Deo placerunt, in illo templo adoraverunt? Melius ergo nos in hoc monte Deum rogamus, ubi patres nostri Deum adoraverunt. **CHRYSTOMUS** (hom. eadem.) Quod autem dicit, *Patres nostri*, eos qui circa Abraham sunt intelligit: etenim illic aiunt filium suum obtulisse. **ORIGENES** (tomoxiii.) Vel Samaritani montem, qui dicitur Garizim, iuxta quem Iacob habitavit, sanctum reputantes, in eo Deum adorant; sed Iudæi montem Sion sacrum quid arbitrantur, illum locum putant esse electum a Deo. Verum, quia Iudæi, a quibus salus processit, exemplum sunt opinantium sanos sermones, Samaritani vero diversimode opinantium; congrue Garizim quidem Samaritani significant, quod vocatur distinctio, seu divisio; at Iudæi Sion, quod est specula. **CHRYSTOMUS** (homil. ead.) Christus autem non solvit questionem confestim, sed ad prius mulierem trahit; de quibus non alius locutus est, donec confessa est quoniam Propheta est, ut cum multa certitudine audiat de cetero quæ dicuntur: unde sequitur: *Dicit ei Iesus: Mulier, crede mihi, quia venit hora quando neque in monte hoc, neque in Hierosolymis adorabitur Patrem*. Dicit autem, *Crede mihi*, quia ubique nobis opus est fide matris bonorum, quæ salutis est medicamentum, sine qua nihil magnorum est possidere. Sed qui tentant, assimilantur his qui sine navi pelagus tentant transire; qui parum quidem natæ sufficient, ultra vero procedentes cito merguntur. **AUGUSTINUS** (tract. xv.) Merito autem iam præsentem viro audit mulier, *Crede mihi*. Iam enim est in te qui credat: cæpiat esse intellectu, sed „nisi credideritis non“ intelligetis: „**ESA. vii.**“ **ALCUINUS**. Quod autem dicit, *Venit hora*, tempus evangelicæ doctrinæ quod iam instabat dicit, quando ablata omni umbra figurarum, veritas pura luce mentes credentium illustratura erat. **CHRYSTOMUS** (homil. xxxii.) Supervacuum autem erat Christo docere præter quid patres in monte, & Iudæi in Hierosolymis adorabant; ideo hoc tacuit: verumtamen reverentiores Iudæos indicavit, non a loco, (3) sed a cognitione:

(1) *Al.* error autem erat, ille non erat legitimus vir &c. (2) *Al.* Et sic. (3) *Al.* a mente.

ne: unde subdit: *Vos adoratis quod nescitis, nos adoramus quod scimus: quia salus ex Iudæis est.* ORIGENES (tomo xiv. in Ioan.) Quod (1) dico vos, quantum ad vocem, Samaritani, quantum ad anagogen, qui erga Scripturas alienæ sunt opinionis. Nos quoque quo ad verbum Iudæi, quo ad allegoriam vero ego Verbum, & qui vere secundum me (2) formati sunt, obtinentes salutem ex dictis Iudæicis. CHRYSOSTOMUS (hom. xxxii. in Ioan.) Samaritani quidem quod nesciebant adorabant, quoniam localem, & particularem Deum æstimabant, nihil de eo plus imaginantes quam de idolis; & idcirco cultum Dei cum cultu dæmonum miscuerunt: Iudæi vero ab hac (3) eruti erant suspitione: etenim orbis terrarum eum noverant esse Deum: propterea dixit: *Nos adoramus quod scimus.* Iudæis autem seipsum connumerat secundum opinionem mulieris, loquens quasi Prophetæ Iudæus existens: ideo dixit, *Adoramus;* cum tamen manifestum sit quod ipse est qui ab omnibus adoratur. Per hoc autem quod dicit, *Quia salus ex Iudæis est,* nihil aliud ostendit quam quod orbi terrarum inde salutaris (4) facti sunt. Scire enim Deum, & idola deestari, illinc principium habuit, & (5) omnia alia dogmata; sed ipsum quod est apud nos, a Iudæis (6), orationis, principium habuit. Præsentiam etiam suam salutem vocat: quam dicit ex Iudæis esse, secundum illud Apostoli Rom. ix., *Ex quibus est Christus secundum carnem.* Vide qualiter applaudit veteri testamento, quod radicem ostendit bonorum, per omnia semetipsum non esse contrarium legi demonstrans. AUGUSTINUS (in Ioan. tracl. xv.) Multum igitur dedit Iudæis, ex quorum persona dixerat: *Nos adoramus quod scimus;* sed non ex persona Iudæorum reproborum, sed ex quibus fuerant Apostoli, quales fuerant Prophetæ, quales fuerant omnes illi sancti qui pretia rerum suarum ad pedes Apostolorum posuerunt. CHRYSOSTOMUS (hom. xxxii.) Sic igitur superabundantius vobis habent Iudæi, o mulier, in modo adorationis; verumtamen & hic adorationis modus de reliquo finem habebit: nnde subdit: *Sed venit ho-*

ra, & nunc est, quando veri adoratores adorabunt Patrem in spiritu, & veritate. Quia enim Prophetæ ante longa tempora multa prædixerunt, ideo dixit, *Et nunc est:* ne æstimes hanc talem esse prophetiam quæ post multum temporis impletur: res iam instat; & in ianuvis est. Dixit autem, *Veri adoratores,* ad distinctionem falsorum: quoniam quidam sunt falsi adoratores, qui temporalia & caduca querunt in oratione; sive qui contra hoc quod orant, agere non cessant. CHRYSOSTOMUS (ut supra.) Vel dicens *veros,* excludit cum Samaritanis Iudæos. Etsi enim Iudæi illis meliores essent, tamen futuris multo minores sunt, tamquam figura veritate. Sunt igitur veri adoratores qui neque loco circumcludunt Dei culturam, & Deum in spiritu colunt: unde & Paulus dicit Rom. x., *Caesari, vobis in spiritu meo.* (7) ORIGENES (ubi supra.) Bis autem scribitur, *Venit hora:* (8) & primo quidem non adest, *Et nunc est;* in secundo vero dicitur, *Et nunc est.* Et puto primum quidem notare adorationem præter corpus futuram in perfectione; secundum vero eam quæ fit in vita præsentis, perfecta quantum licet humanam procedere naturam. Cum ergo venerit hora, quam dicit Dominus, evitandus est mons Samaritanorum, & in Sion, ubi est Hierosolyma, adorandus est Deus, quæ civitas esse dicitur a Christo celsi Principis: & hæc est Ecclesia, ubi sacra oblatio, spirituales victimæ divinis aspectibus offeruntur ab his qui legem spirituales intellexerunt. Cum autem venerit temporis complementum, tunc nequaquam penstandum, verum cultum Hierosolymis, idest in præsentis Ecclesia, amplius pertractari: neque enim Angeli apud Hierosolymam colunt Patrem: sic & qui similitudinem nati sunt Iudæorum, melius quam hi qui sunt Hierosolymis, colunt Patrem. Cum autem hæc hora evenierit, Patri aliquis in filium deputatur. Ea propter non dictum est, *Adorabitis Deum,* sed *adorabitis Patrem.* Sed in præsentis colunt Patrem in spiritu, & veritate veri adoratores. CHRYSOSTOMUS (hom. xxxii.) Dicit ergo hoc de Ecclesia, in qua est vera adoratio. & Deo congrua: unde subdit: *Nam & Pater talis*

M m m 2 qua-

(1) Hanc Origenis appendicem sic esse Nicolai. Quod dicit vos, quantum ad vocem intelligantur Samaritani, quantum ad anagogen inter Iugurtes illi qui erga Scripturas alienæ sunt opinionis, vel a nobis diversæ, & erroneæ sentiunt. Nos quoque quo ad verbum, idem est ac Iudæi, quo ad allegoriam vero, Verbum ipsum divinum, & qui vere secundum illud conformati sunt, obtinentes salutem ex dictis Iudæicis. (2) A. conformati sunt. (3) A. eruditi. (4) Nicolai habet sive puer omnia extierant. (5) A. deest omnia. (6) Finit Nicolai adorationis. (7) A. index Origenis præponitur verbis unde & Paulus dicit. (8) Nicolai habet & primo quidem simpliciter dicitur, *Venit,* non etiam additur *adest,* & nunc est; in secundo vero dicitur.

quærit qui adorant eum. Et si olim volebat eos veteribus immolari, concessit eis figuram; hoc tamen fecit eis condescendens, ut per hoc ad veritatem inducantur. **ORIGENES.** (tom. xiv.) Si autem Pater quærit, per Iesum quærit, qui venit quærere, & salvare quod perierat: quos erudiens veros cultores efficit. Quod autem subditur, *Spiritus est Deus*, inde abstrahum esse suspicor quod ad vitam veram nos perducit: nam & corporali vita vivificamur a spiritu. **CHRYSOSTOMUS** (hom. xxxii.) Vel indicat quod Deus incorporeus est. Oportet igitur & incorpoream eius culturam esse, hoc est per animam; & intellectus puritatem nos ei offerre: unde subdit: *Et eos qui adorant eum, in spiritu, & veritate oportet adorare.* Quia enim Iudæi animam quidem negligebant, multum autem circa corpus studium faciebant, id omnisariam purgantes; ideo ait, quia non corporis mundatione, sed incorporeo quod est in nobis, hoc est intellectu, quem dicit spiritum, Deus incorporeus colitur. **HILARIUS** H. de Trin. (circa finem.) Vel cum in spiritu Deum spiritum docuit adorandum, & libertatem, ac scientiam adorantium, & adorandi infinitatem offendit, secundum illud Apostoli II. Corint. xii. „Ubi spiritus Domini, ibi libertas.“ **CHRYSOSTOMUS** (homil. xxxii.) In veritate autem oportet adorare: quia priora figura erant, scilicet circumcisio, holocausta, & thymiamata; nunc autem totum est veritas. **THEOPHYLACTUS.** Vel quia multi putant se Deum secundum spiritum, id est animam, adorare, non rectam opinionem de eo habentes, ut hæretici; propter hoc addidit, *Et veritate.* Forte etiam dicit aliquis, quia duas partes philosophiæ, quæ secundum nos sunt, insinuat in prædictis, actionem scilicet, & contemplationem: per spiritum namque activum insinuat, secundum Apostolum Rom. viii. „Qui spiritu Dei aguntur, hi filii sunt Dei;“ per veritatem vero contemplationem. Vel aliter. Samaritanorum erat opinio quod Deus loco concluderetur, & quia in hoc loco Deum adorari oporteat: contra quos dicit, quia veri adoratores non localiter, sed spiritua-liter adorant. Iudæis vero omnia sub figura, & umbra erant; & ideo dicit, quia veri adoratores non in figura adorabunt, sed in veritate: quia enim Deus spiritus est, spirituales adoratores quærit; quia vero veritas, veros. **AUGUSTINUS** (tract. xv.) Quærebas montem forte ad orandum, ut

eo esies propinquior; sed ipse quia in altis habitat, humilibus appropinquat: ergo descende, ut ascendas. „Ascensiones (inquit Plal. lxxxii.) in corde eius in convallibus piorationis“; quæ humilitatem habet. In templo vis orare? In te ora; sed prius esto templum Dei.

(e) **CHRYSOSTOMUS** (hom. xxxii.) Mulier eorum quæ dicta sunt, altitudine fatigata obstupuit: unde sequitur: *Dicit ei mulier: Scio quia Missas venit, qui dicitur Christus.* **AUGUSTINUS** (tract. xv.) Unctus Latine, Græce Chriftus est, Hebraice Messias est. Sciebat ergo quis (1) eam posset docere, sed iam docentem nondum agnoscebat: unde subdit: *Cum ergo venerit ille, nobis annuntiabit omnia*; quali dicat: Modo Iudæi de templo contendunt, nos de monte: cum (2) ergo ille venerit, & montem spernet, & templum evertet, & docebit nos, ut in spiritu, & veritate noverimus adorare. **CHRYSOSTOMUS** (homil. ead.) Sed unde erat Samaritanis expectare Christi adventum? Moysi quidem Iuscipiens legem, ab ipsis Moysi litteris hoc noverant: Iacob enim de Christo prophetizans dixit Gen. 49. „Non deficiet Princeps de Iuda, nec dux de femore eius, donec veniat qui mittendus est.“ Sed & Moyses dicit Deut. xxi. „Prophetam vobis suscitabit Deus de fratribus vestris.“ **ORTIGENES** (tom. xiv.) Siquidem non est ignorandum, quod sicut ex Iudæis surrexit Iesus, Christum se esse non solum dicens, sed offendens; sic ex Samaritanis quidam Dositheus nomine, assererat se fore Christum qui prædicabatur. **AUGUSTINUS** Lib. lxxxiii. Quæst. (quæst. lxxv.) Fortasse autem ut intelligentibus indicaret quinque corporis sensus, quinque virorum nomine significari, post quinque carnales responsiones, quæ supra in littera patent, sexta responsione nominat Christum. **CHRYSOSTOMUS** (homil. lxxxii.) Christus autem de reliquo mulieri revelat seipsum: unde sequitur: *Dicit ei Iesus: Ego sum qui loquor tecum.* Et quidem si circa principium hoc mulieri dixisset, videretur ei ex vanitate loqui; nunc autem paulatim in memoria Christi eam reducens, opportune revelavit seipsum. Et quidem Iudæis quærentibus, infra x. Si tu es Christus, dic nobis palam, non manifeste seipsum revelavit: quia non pro discendo quærebant, sed pro iniuriando: hæc vero ex simplici mente loquebatur.

(f) **CHRYSOSTOMUS** (homil. lxxxii.) Expleta doctrina, & convenienter ad tem-

pus

(1) A. esse potest. (2) A. annuntietur ergo.

pus, discipuli occurrerunt: unde dicitur: *Et continuo venerunt discipuli eius, & mirabantur, quia cum muliere loquebatur.* Admirabantur quidem superabundantem Christi mansuetudinem, & humilitatem, quoniam ita perspicuus existens, sustinuit loqui cum tanta humilitate mulieri inopi, & Samaritanæ. AUGUSTINUS (tract. xv.) Quia scilicet quærebat perditam qui venerat quærere quod perierat, hoc illi mirabantur: bonum enim mirabantur, & non malum suspicabantur. CHRYSOSTOMUS (homil. ead.) Sed tamen admirantes non interrogaverunt causam: unde subditur: *Nemo tamen dixit ei: Quid quis, aut quid loqueris eum ea?* Erant erudit discipulorum ordinem observare: ita eum timebant, & venerabantur. Et nimirum alibi videntur confidenter interrogare, quia ad eos pertinentia necesse habebat scrutari; hic autem nihil ad eos pertinebat quod sebat. ORIGENES (tom. xiv. in Ioan.) Et fere quidem quasi quodam Apostolo ad cives utitur hac muliere, adeo eam inflammans per verba ut, amphora dimissa, iret in civitatem relatúra concivibus: unde sequitur: *Reliquit ergo mulier hydriam, non corans (1) de corpore, ac viliori propter utilitatem plurimum. Interest quoque nostra, omittis corporis, & neglectis, satagere ad impartendum aliis de commodis acquisitis.* AUGUSTINUS (tract. xv.) Græco nomine appellatur, tamquam si aquarium diceretur: quoniam Græce aqua hydor vocatur. CHRYSOSTOMUS (hom. xxxiii.) Et sicut Apostoli vocati dimiserunt retia, ita hæc dimittit hydriam, & Evangelistarum opus fecit; & non unum tantum vocat, sed civitatem integram: unde sequitur: *Et abiit in civitatem, & dicit illis hominibus: Venite, & videte hominem, qui dixit mihi omnia quæcumque feci.* ORIGENES (tom. xiv. in Ioan.) Convocat quidem illos ad videndum hominem continentem verbum supra hominem. Quæcumque autem fecit mulier, erat contubernium quinque coniugum, & post illos conversatio cum sexto non proprio viro; quem dereliquit, & septimo adhærens, lagenam dereliquit iam pudica. CHRYSOSTOMUS (homil. ead.) Non verecundata autem est hoc dicere. Anima enim cum ignita fuerit igne divino, ad nihil eorum quæ sunt in terra, de reliquo inspicit, neque ad gloriam, nec ad verecundiam, sed ad unam solam, quæ detinet eam, flammam. Vo-

lebat autem non ex propria annuntiatione eos inducere, sed ex auditu (2) proprio eos facere communicatores doctrinæ Christi: unde dixit: *Venite, & videte hominem.* Non dixit, *Venite, & credite, sed Venite, & videte, quod levius erat.* Noverat enim manifeste quoniam solum gustans de illo fonte, eadem paterentur quæ & ipsa. ALCUVINUS. Paulatim autem venit ad prædicandum Christum. Primo vocat hominem, ne si diceret Christum, auditores irascerentur, & nollent exire. CHRYSOSTOMUS (ut supra.) Unde etiam neque manifeste annuntiavit Christum, neque tamen totaliter siluit; sed dixit: *Namquid ipse est Christus?* Et ideo sermonem eius acceperunt: unde sequitur: *Exierunt de civitate, & veniebant ad eum.* AUGUSTINUS Lib. lxxxiii. Quæst. (quæst. lxxiv.) Quod autem relicta hydria discessit mulier, non negligenter prætereundum est: hydria enim amorem huius sæculi significat, idest cupiditatem qua homines de tenebrosa profunditate cuius imaginem puteus gerit, hoc est de terrena conversatione, hauriunt voluptatem. Oportebat autem ut Christo credens, sæculo renuntiaret, & relicta hydria, cupiditatem sæcularem se reliquisse demonstraret. AUGUSTINUS super Ioannem (tract. xv.) Proiecit ergo cupiditatem, & propevit annuntiare veritatem. Discant qui volunt evangelizare, ut prius hydriam ad puteum proiciant. ORIGENES (tom. xiv. in Ioan.) Facta etiam mulier receptaculum honestæ disciplinæ, ea quæ primitus sapiebat, parvipendens deponit.

(3) AUGUSTINUS (tract. xv.) Ierant discipuli eius emere cibos, & venerant; (3) quos Christo offerebant: unde dicitur: *Inter ea rogabant eum etiam discipuli dicens ei: Rabbi, manduca.* CHRYSOSTOMUS (homil. xxxiii.) Videntes enim eum fatigatum ex itinere, & esu qui erat, rogabant eum vulgari eorum voce: neque enim erat hoc temeritatis, sed amoris cura circa magistrum. ORIGENES (tom. xiv.) Arbitratur aptum fore tempus ad prandium, quod erat inter recessum molieris ad civitatem, & adventum Samaritanorum ad ipsum: non enim coram aliquo advena sibi (4) propinquabant escas. Ob hoc bene positum est *Inter ea*. THEOPHYLACTUS. Dominus vero sciens quod Samaritana coram civitate ad eum traheret, hoc discipulis significavit: unde sequitur: *Ille autem dixit eis: Ego cibum habeo*

hæc

(1) *M. de corpore. Nicolai legē de corpore, ac viliori officio.* (2) *M. proprios facere. Idem Nicolai ex auditu eorum, & proprio eos docere.* (3) *Omnis Nicolai quos Christo offerant, quia in Augustinus faciem non erat.* (4) *M. propinquabant.*

hoc manducare quem vos nescitis. CHRYSOSTOMUS (hom. xxxiii.) Hominum salutem hic cibum vocavit, ostendens quantum desiderium habere nostræ salutis: sicut enim nobis concupiscibile est comedere, ita ei salvare nos. Tu vero intue, quod non statim revelat, sed ubique in quæstionem immittit auditorem, ut incipiens quærere quod dicitur, & laborans, cum ampliori fæscipiat desiderio. THEOPHYLACTUS. Dicit autem, *quem vos nescitis*; id est, nescitis quod cibum voco salutem hominum; vel nescitis quia Samaritani credituri sunt, & salvi fient. Discipuli autem adhuc dubitabant: unde sequitur: *Dicebant ergo discipuli ad invicem: Numquid aliquis attulit ei manducare?* AUGUSTINUS (tract. xv.) Quid mirum si mulier illa non intelligebat aquam? Ecce discipuli non intelligunt escam. CHRYSOSTOMUS (hom. xxxiii.) Et quidem assuetam reverentiam, & honorem magistro præbent, ad se invicem quidem loquentes, ipsum vero non præsumentes interrogare. THEOPHYLACTUS. In hoc autem quod dicunt discipuli, *Numquid aliquis attulit ei manducare?* i considerandum est, quod cibos ab aliis oblatos Dominus suscipere solebat, non quod alieno ministerio indigeret qui dat escam omni carni, sed ut deferentes meritum consequerentur, simulque formam tradens non crudeliter pauperatatem, neque grave putare ab aliis nutriri: proprium enim, & necessarium est doctoribus, alios habere procuratores ciborum, ut ipsi de nullo curantes, verbi ministratiorem procurant solite. AUGUSTINUS (tract. xv.) Audivit autem Dominus cogitationes discipulorum, & instruit eos ut magister, non per circuitum sicut mulierem, sed aperte: unde sequitur: *Dixit eis Iesus: Mens cibis est ut faciam voluntatem eius qui misit me.* ORIGENES (tom. xiv.) Idoneus cibis Filio Dei, cum ador paternæ voluntatis efficitur, hoc velle in semetipso professans quod erat in Patre. Solus autem Filius perfecti operis paternæ voluntatis est capax; ceteri vero sancti nil præter divinam peragunt voluntatem. Plenam autem & integram facit Dei voluntatem qui dixit: *Mens cibis est ut faciam voluntatem eius qui misit me*: proprius enim cibis eius ostenditur. Quid autem sit velle Patris, innuit sermo loquens: *Ut perficiam opus eius.* Siquidem simplicius quis alleret, quoniam

opus est iustum mandantis; puta si dicant ædificantes, vel fodientes se perficere opus eius qui conduxit eos. Sed si per Christum perficitur opus Dei, restat ut priusquam perficeretur esset diminutum. Qualiter autem diminutum erat opus, cum esset Dei? Perfectio quidem operis, rationalis naturæ est perfectio: ad huius enim operis perfectionem, cum esset imperfectum, Verbum caro factum accessit. Cum enim quodammodo homo perfectus fuerit, ob transgressionem factus est imperfectus; & ideo missus est Salvator, primo quidem ut perficiat voluntatem eius qui misit eum, secundo vero ut consummet opus Dei, ut quilibet perfectus fiat ad solidi cibi usum. THEOPHYLACTUS. Opus etiam Dei perficit, scilicet hominem, Dei Filius, nostram naturam in seipso sine peccato ostendens in omni opere perfectam, & incorruptam. Opus etiam Dei, scilicet legem, perficit: quia finis legis Christus eam cessare faciens, omnibus quæ in ea erant perfecti, a corporali cultu in spiritualem reduxit. ORIGENES (ubi supra.) Mylice autem post (1) poculi negotium, ac disciplinam distinctionis aquarum, consequens erat & de cibo discipulare. Samaritana quidem petita potum, non habebat præbere Iesu dignum poculum; discipuli vero inveniētes humilia pulmenta apud alienigenas, et obtulerunt, rogantes eum ut manducaret. Et attende si forsā verentur, ne verbum Dei propriis non vigorem in eis deficiat. Quæcumque ergo reperiunt discipuli, his iugiter proponunt verbum alere, (2) ut corroboratum, atque roboratum perferre ret penes eos qui nutriunt ipsum. Quemadmodum autem corpora egentia cibo, neque eisdem aluntur, neque eadem quantitas ciborum cunctis sufficiens est: sic intelligendum est & in his quæ sunt supra corpus: nam horum hoc quidem plurimi, hoc autem paucioris indiget nutrimenti, (3) dissimilis capedinis entia. Sed neque qualitas alientium verborum, atque intentionum contemplativarum, seu operationum eadem congruit omnibus: nam nuper genitri infantes, rationale appetit lac; perfectiorum autem est solidus cibis. Veridicus est ergo Iesus dicens: *Ego cibum habeo manducare quem vos nescitis.* Semper enim qui præest infirmis, ac nequeuntibus eadem cum validis videre, hoc dicere potest.

(h) CHRYS-

(1) *Al. populi.* (2) *Nicolas corrigi ut sic nutriri, atque corroboratum.* (3) *Idem sustinuit cum dissimilis capacitatis inter se sint, sive partem proportionem non habeant omnia, vel mensuram eandem non capiant.*

(h) CHRYSOSTOMUS (hom. xxxiii.) Quæ sit voluntas Patris de cætro interpretatur, dicens: *Nemne vos dicitis, quæ adhuc quætur mensis sunt & messis venit?* THEOPHYLACTUS. Scilicet materialis. Ego autem dico vobis, quod messis intelligibilis adest: hoc enim dicebat propter Samaritanos venientes ad ipsum: unde subdit: *Levate oculos vestros, & videte regiones, quia alia sunt iam ad messem.* CHRYSOSTOMUS (hom. ead.) Rursus consuetis nominibus ad maximorum eos contemplationem reducit. Regio enim, & messis hic indicat multitudinem animarum, quæ paratæ sunt ad prædicationis susceptionem. Oculi autem hic dicit & eos qui mentis, & eos qui corporis: etenim videbant de reliquo multitudinem Samaritanorum venientem. Has autem præparationes hominum decenter regiones albatas vocat: sicut enim spicæ cum dealbatae fuerint, ad messem sunt paratæ, ita & hi ad salutem sunt parati. Sed propter quid non manifeste dicit, quod præparati sunt homines ad susceptionem verbi. Duarum quidem occasionum gratia: unus quidem ut manifestior fiat sermo, (1) & magis ante oculos ponat quæ dicuntur; alterius autem (2) ut dulcior sit narratio, & permanentior eorum quæ dicuntur memoria. AUGUSTINUS (tract. xv.) In opus autem fervebat, & operarios mittere festinabat: unde subditur: *Et qui metis, mercedem accipit, & congregat fructum in vitam æternam; ut & qui seminat simul gaudeat, & qui metis.* CHRYSOSTOMUS (homil. ead.) Per ea quæ (3) hic dicit, dividit terrena a cælestibus: sicut enim supra dixerat de aqua, quod qui bibit hanc aquam, non sitiet, ita hic dicit: *Qui metis congregat fructum in vitam æternam: & iterum: Qui seminat simul gaudeat, & qui metis.* Prophetæ enim sunt qui seminant; sed non illi messuerunt, sed Apostoli: quia enim infra dicit, quod alius seminat, & alius metit, ne quis æstimet quod Prophetæ seminantes mercede priventur, extraneum quiddam inducit, & a sensibilibus alienum: nam in rebus quidem sensibilibus fit contingat alium seminare, & alium metere, non simul lætantur; sed dolent qui seminant, quasi alii laborantes; lætantur autem soli qui metunt: hic autem non ita; sed & qui non metunt seminantes, simul cum metentibus lætantur, quoniam in mercede communicant. AUGUSTINUS (tract.

cod.) Disparis enim temporis labores habuerunt Apostoli, & Prophetæ; sed gaudio pariter perfruentur, mercedem simul accepturi sunt vitam æternam. CHRYSOSTOMUS (hom. cit.) Ad hoc autem quod dixerat sermonem proverbialem inducit: unde subdit: *In hoc enim est verbum verum, quia alius est qui seminat, & alius qui metit.* Hoc quidem vulgariter dicebatur, si quando alii labores lustinebant, & alii fructus meteabant. Sed & hic merito istemaxime habet veritatem: quia Prophetæ laboraverunt, sed vos fructus ex illorum laboribus metitis: unde subdit: *Ego misi vos metere quod vos non laborastis.* AUGUSTINUS (tract. cod.) Quid ergo. Meliores milit, non seminatores? Ibi ergo meliores mittendi ubi iam Prophetæ prædicaverant. Legite labores illorum, & in omnibus eorum laboribus est prophetia Christi: ergo (4) iam in Iudæa messis parata erat quando tot millia hominum pretia rerum suarum offerebant, & ad pedes Apostolorum ponentes, expeditis humeris a sarcinis secularibus, Christum Dominum sequebantur. De ipsa messe eiecta sunt pauca grana, & seminaverunt orbem terrarum; & surgit alia messis, quæ in fine sæculi metenda est; ad quam metendam non Apostoli, sed Angeli mittentur. „Meliores (inquit Matth. x. xiii.) sunt Angeli.“ CHRYSOSTOMUS (hom. ead.) Dicit ergo: *Ego misi vos metere quod vos non laborastis:* quasi dicat: Ubi minor labor est, maior autem delectatio, ad hoc vos reservavi; & quod laboriosius erat, hoc fuit Prophetarum, scilicet mittere semina: unde subdit: *Alii laboraverunt, & vos in labores eorum introistis.* Per hæc omnia vult ostendere quod Prophetarum voluntas erat ut homines ad eam accederent. Et hoc lex ordinabat; & propterea illi seminaverunt, ut hunc facerent fructum. Ostendit etiam quod ipse illos misit, & quod multa est cognatio novi ad vetus testamentum. ORIGENES (tom. xv. in Ioan. in cap. cuius text. est *Nemne vos dicitis?*) Vel aliter totum. Qualiter quidem non est inconveniens hoc quod est, *Levate oculos vestros &c.* allegorizare; quod autem dicitur, *Nemne vos dicitis quoniam quatuor menses sunt & messis venit*, non secundum allegoricam tractare? Putamus ergo talia quædam esse in hoc quod dicunt discipuli: *Quatuor menses sunt & missi venit.* (5) Plerique enim discipulorum Verbi, animad-

(1) Al. & magis sub visum ducit quæ dicuntur. (2) Al. deest ut. (3) Al. amittitur hic. (4) Al. desideratur iam. (5) Al. Plurimi.

nimadvertentes veritatem incomprehensibilem fore humanæ naturæ, quando coniecerunt aliam esse vitam a præsentē, quæ corruptioni quatuor elementorum quasi quatuor mensium subicitur, putant solum post hanc vitam cognitionem esse veritatis. Dicunt igitur discipuli de messibus, quæ sunt terminus operum ad veritatem conducentium, quia post instantem quaternitatem contingunt. Huiusmodi autem opinionem arguens velut non sanam, inquit Verbum incarnatum his qui talia suspicantur: *Nonne vos dicitis, quia adhuc quatuor menses sunt & messis venit? Ego autem hoc dico: Levate oculos vestros.* In pluribus locis Scripturæ divinæ hoc legitur; iubente nobis Verbo divino extollere, ac sublimare considerationes, & cogitationes deorsum (1) consistentes, nec valentes erigi, nisi elevante illas Iesu: nemo enim consistens in passionibus, & vivens carnaliter, hoc propositum servat mandatum. Quapropter qui talis est, non videt regiones, si albe sunt ad messem. Albescent quidem regiones ad messem, cum adest Verbum (2) Dei illustrans (3) singulas regiones Scripturæ, secundum in eius adventu: & etiam omnia sensibilia sunt quasi regiones albe paratæ ad messem, prælo existente levantibus oculis ratione, quæ de quolibet est, ut quisquis fulgorem prospiciat profuse ubilibet veritatis. (Et tract. xvi.) Qui autem meritis prædictas menses, duplex habet in merendo emolumentum: unum quidem dum accipit præmium: unde dicitur: *Et qui meritis, mercedem accipit*; quod arbitror dictum causa futurarum remunerationem: alterum quod sequitur, *Et congregat fructum in vitam æternam*, bonum habitum quemdam denotat intellectus, qui est fructus ex ipsa speculatione proveniens. Arbitror autem quod in qualibet doctrina seminat quidem qui principia excoquit, quæ suscipientes alii, ac pertractantes si quid novi potuerunt exprimere, coniungentes, sunt suæ inventionis gratia posteris causa ut metendo quasimatos fructus aggregent. Quanto autem magis hoc in arte artium expedit contemplari? Siquidem seminantes sunt Moyses, & Prophetæ præventientes adventum Christi; metentes autem sunt Apostoli, qui Christum susceperunt, & gloriam eius perspexerunt. Semen autem erat tota ratio secundum revelationem mysterii temporibus præteritis obfuscat silentio: regiones autem,

idei legales, & prophetica Scripturæ, nondum albuantur his qui adventus Verbi nequaquam existerunt capaces. Quod autem simul ferens, & metens gaudeat, erit cum privato mæroris, & angustia in futuro fiet sæculo. Dum etiam Iesus transfiguraretur in gloria, simul cum messioribus Petro, Iacobo, & Ioanne, Moyses, & Elias factores pariter gaudent in videndo Filii Dei gloriam. Attende tamen si hoc quod dico, *alii, & alii*, intelligi potest propter aliam & aliam vitæ conversationem, in qua homines iustificati sunt: ut liceat dicere alium quidem legis cultorem, alium vero Evangelii: & tamen exultant simul, dum idem finis ab uno Deo per unum Christum in uno Spiritu sancto reponitur. Ad labores autem Prophetarum, & Moyiadventurunt Apostoli, influente Iesu, metentes, ac in horrea colligentes animæ suæ intellectum in Scripturis illorum reconditum: & semper qui debite capiunt disciplinam, priorum labores ad maiorem evidentiam trahunt; non tantum laborantes sunt hi qui semina condiderunt.

(1) ORIGENES (tom. xvii. in Ioan.) Postquam dicta sunt discipulis quæ tractata sunt, resumit Scriptura de his qui venerant de civitate ad Iesum, & crediderant per testimonium mulieris. CHRYSOSTOMUS (hom. xxxiii.) Sicut autem in messe cum facilitate fructus congregantur, & in momento uno area manipulis repletur; ita & nunc fit: unde dicitur: *Ex civitate autem illa multi crediderunt in eum Samaritanorum propter verbum mulieris testimonium perhibentis, quia dixit mihi omnia quæcumque feci.* Considerabant enim, quod nequaquam mulier grater eum admirata esset qui eius delicta redarguerat, nisi magnus quis esset, & excellens qui prædicabatur ab illa. (Hom. xxxiv.) Sic ergo solo mulieris testimonio credentes, & nullum signum videntes exierunt deprecantes Christum ut apud eos maneret; & hoc est quod sequitur: *Cum ergo venissent ad illum Samaritanæ, rogaverunt eum ut ibi maneret.* Iudæi vero miracula videntes, non derinuerunt eum apud seipso; sed omnia egerunt ut a regione eorum eum abicerent: nihil enim livore, & invidia deterius, nihil inani gloria (4) difficilius, quæ infinita corrumpere consuevit bona. Et quidem Samaritanæ volebant eum semper secum detinere: ipse autem hoc non sustinuit, sed solum mansit ibi duo-

(1) *M. confitas*, nec valent erigi &c. (2) *M. deest Dei*. (3) *Legit clariss. Nicolai* singulas regiones Scripturæ, adventu Iesu plenæ, vel secundas eius adventu. (4) *P. Nicolai legit ineluctius*.

duobus diebus (1) post hæc; quod subditur: *Et mansit ibi duos dies*. ORIGENES (ut supra.) Non incongrue autem aliquis illud obicit, quomodo rogatus Salvator cum Samaritanis manet, qui iussit civitatem Samaritanorum non ingredi. Palam enim quoniam & discipuli eius cum eo ingressi sunt. Ad quod dicendum, quod in viam Gentium pergere est imbuti gentili dogmate, & in illo ambulare. Civitatem vero Samaritanorum intrare est acceptare falsam doctrinam recipientium legales, propheticos, evangelicos, & apostolicos sermones. Cum autem deseruerint propriam doctrinam, & venerint ad Iesum, licet cum eis manere. CHRYSOSTOMUS (hom. xxxiv.) Excludit quidem etiam signis visus incorrecti manserunt; hi autem & sine signis multam circa eum fidem demonstraverunt: solum enim verba audierunt: unde sequitur: *Et multo plures crediderunt propter sermonem eius*. Cuius igitur gratia hæc verba non dicunt Evangelistæ? Ut discas quoniam multa magis transcurrerunt, a sine vero totum ostenderunt: fuisse enim toti civitati per ea quæ dicta sunt. Ubi autem audientes non persuaderent, tunc Evangelistæ coguntur dicere ea quæ dicta sunt, ne quod est ex indevotione auditorum, imputet quis defectui prædicantis. Ipsi autem discipuli Christi iam facti, magistrum repulerunt: unde sequitur: *Et mulieri dicebant: Quia iam non propter tuam loquelam credimus: ipsi enim audivimus; & scimus quia hic est verus Salvator mundi*. Vide autem qualiter confestim intellexerunt quod orbem terrarum liberare venerat, & quod ad communem salutem veniens, non debebat in Iudæis suam concludere providentiam, sed ubique seminare sermonem. Dicentes etiam, quod est Salvator mundi, ostenderunt quod mundus perditus erat, in magnis malis exsistens. Ex quidem venerunt salvare Prophetæ, & Angeli; sed hic est verus Salvator, qui salutem tribuit, non solum temporaneam, sed æternam. Vide etiam qualiter audientes mulierem dubitantes dicentem, *Namquid hic est Christus?* non dixerunt hi, Quoniam nos

S. Th. Oper. Tom. V.

susplicamur, sed quoniam scimus; & non simpliciter, sed quoniam hic est verus Salvator mundi, non quasi unum ex multis Christum confitentes. Solum verba audierunt, & hoc dixerunt quod dicere habebant, & miracula multa, & magna viderunt. ORIGENES (ubi supra.) Ceterum si meminimus prædictorum, non difficile est coniecere quomodo cum repererint verbum sincerum, alias disciplinas relinquunt, quasi dogmatum civitatem, de qua egredientes salutifere credunt. Et puto studiosè protulisse Iohannem, cum non dixit: Rogabant eum Samaritani intrare tantum Samariam, vel ingredi civitatem, sed etiam ibi manere. Manet namque Iesus penes deprecantes, & præsertim quoties qui precantur exeunt civitatem, & verius eum veniunt. AUGUSTINUS (tract. xv.) Manet apud eos biduo; hoc est, dat illis duo præcepta caritatis. ORIGENES (ut supra.) Neque enim capaces erant tertie; dici eius: non enim erant avidi miraculosum quid cernere, quale qui fuerant in Chana Galilææ post triduum cum Iesu convivantes. Initium autem credendi multis fuit mulieris verbum: non enim sic per seipsum verbum (2) conflat illuminans capientem, velut cum alterius dicto sibi testimonium perhibetur. AUGUSTINUS (tract. eod.) Sic ergo Christum cognoverunt primo per famam, postea per præsentiam; sicut agitur hodie cum eis qui foris sunt, & nondum sunt Christiani: Christus nuntiatur per Christianos amicos: tamquam illa muliere, hoc est Ecclesia, nuntiante ad Christum veniunt; credunt per ipsam (3) famam; & multo plures, & firmius (4) in eum credunt, quoniam vere ipse est Salvator mundi. ORIGENES (loc. cit.) Impossibile est namque eandem circa intellectum fieri passionem videnti, & ei qui per videntem instruitur; magisque est per speciem ambulare quam per fidem: unde hi non solum testimonio hominis, sed ob ipsam quoque veritatem credunt.

(K) ALCUVINUS. Post biduum quod fecit in Samaria, abiit in Galilæam, ubi

Nnn nu-

(1) Al. & post hæc quod subditur. Forte etiam & hoc est quod subditur. (2) Forte melius Nicola conspiciat. (3) Al. famam. (4) Al. in eo.

EX EDITIONE P. NICOLAI.

AUGUSTINUS tract. xv. in Iohannem. Ex Alcuino prius notabatur hoc initium usque ad illa verba, quibus præfigebatur Augustinus, *Mover autem nos &c.* Alcuinus nihil tale: sed sic potius ut & Beda. *Confirmatis vero in fide, & caritate Samaritanis, id est Gentibus, revertere novissimis diebus: huius saculi in pariam, in qua secundum honorem habuit, de qua ipse in hoc loco testatur, quia Propheta in patria sua habuerat non habet.*

nutritus fuerat : unde dicitur : *Post duos annos dies exiit inde , & abiit in Galilæam .* AUGUSTINUS (tract. xvi.) Movet autem nos cur Evangelista dixerit consequenter : *Ipsa enim Iesus testimonium perhibuit , quia Propheta in sua patria honorem non habet .* Magis enim videtur attestari potuisse , quod *Propheta in patria sua honorem non habet , si contemneret pergere in Galilæam , & in Samaria remansisset .* Hoc egosentio . In Samaria biduum fecit , & crediderunt in eum Samaritani ! tot dies fecit in Galilæa , & non crediderunt in eum Galilæi ; & propter hoc dixit , quod *Propheta in patria sua honorem non habet .* CHRYSOSTOMUS (hom. xxxiv.) Vel aliter . Ideo hoc adiectum est , quia non in Capharnaum abiit , sed in Galilæam , & in Chana , ut infra dicitur . Ego enim patriam eum hic æstimo dicere Capharnaum . Quoniam autem non potius est illic honore , audi eum dicentem Matth. xi. » Et tu Capharnaum , quæ usque ad cælum » exaltata es , usque ad infernum descen » des . « Dicit autem hic patriam propriam , in qua videtur plus conversatus . THEOPHYLACTUS . Vel aliter . Quia Dominus exiens de Samaria , venit in Galilæam , ne aliquis dubitaret , & quæreret , quæ de causa non semper in Galilæa maneret , dicit , quod propter hoc non manebat in Galilæa , quia nullo ibidem recipiebat honorem ; quod ipse testatus est dicens : *Quia Propheta in sua patria non habet honorem .* ORIGENES (ubi supra .) Perscrutanda est autem huius dicti sententia . Patria siquidem Prophetarum in Iudæa erat , & est non ignotum quod honorem a Iudæis nequaquam sunt consecuti , iuxta illud Matth. xxiii. » Quemnam Prophetarum non per » secuti sunt patres vestri ? « Miranda etiam occurrit huius decreti veracitas , cum pervenerit non tantum ad sanctos Prophetas vilipensos a propriis , & ipsum Dominum nostrum , sed protensa sit etiam in quosdam prophetæ sequaces contemptos a suis civibus , & ad mortem deductos . CHRYSOSTOMUS (homil. xxxiv. in Ioan.) Quid igitur ? Nonne videmus & apud suos multos in admirationem deductos ? Ita quidem , sed ab his quæ raro contingunt non oportet talia pronuntiari . Sed & si in propria patria aliqui honorantur , multo magis in aliena . Consecutus enim facile homines contemptibiles facere consuevit . Quando igitur venit in Galilæam , susceperunt eum Galilæi : unde sequitur : *Cum ergo ve-*

nisset in Galilæam , exceperunt eum Galilæi . Vides quoniam qui mali dicebantur , hi maxime ad Christum accedere inveniuntur . Nam propter Galilæam dicitur infra vii. *Interroga , & vide , quoniam Propheta ex Galilæa non surrexit .* Propter Samaritanos autem improperebat ei infra viii. *Samaritanus es , & demonium habes .* Sed ecce Samaritani , & Galilæi credunt in consilio . nem Iudæorum . Inveniuntur autem & Galilæi Samaritanis meliores : nam illi quidem mulieris crediderunt verbis ; hi vero videntes signa quæ faciebat : unde sequitur : *Cum omnia vidissent , quæ fecerat Hierosolymis in duobus .* ORIGENES (in Ioan. ut supra .) Quod enim Dominus eiicit de templo vendentes oves , & boves , tam grande reperitur ut his moti Galilæi reciperent Dominum , considerantes , mirantesque maiestatem eius : non enim minor potentia eius ostenditur in his quam ut cæci videant , audiantque surdi . Aestimo vero nec hæc sola ipsum tunc fecisse , sed & alia signa . BEDA . Sed unde data est eis videndi occasio , ostendit subdens : *Et ipsi enim venerunt ad diem festum .* Mystice autem iudicatur quod , Gentibus in fide a duobus præceptis caritatis consolidatis , Christus circa fines mundi reverteretur ad patriam , idest ad Iudæos . ORIGENES (tomo xiv. in Ioan.) Expedit autem Galilæam , idest transmigrañtem , festare Hierosolymis , ubi est templum Dei , & videre singula quæ peragit ibi Iesus . Hoc enim est principium , ut Galilæi recipiant Dei Filium euntem ad ipsos ; alioquin vel non recepissent illum , vel etiam ipse nondum ipsis præparatis ad eius receptionem adeo prope venisset ad eos .

(1) CHRYSOSTOMUS (hom. xxxiv.) Primo quidem Dominus , ut supra dictum est , in Chana Galilææ venerat vocatus ad nuptias ; nunc autem ad eos vadit , ut magis eos attrahat , sponte ad eos veniens , propria patria dimissa , & ut fidem a priori miraculo in eis (1) iniciatam fortiore faceret propter suam præsentiam . AUGUSTINUS (tract. xvi.) Ibi enim quando aquam in vinum convertit , crediderunt in eum discipuli eius : & utique plena domus erat turbis convivantium , & factum est tam magnum miraculum , & non crediderunt nisi discipuli eius : & ideo hanc civitatem modo repetivit , scilicet ut qui per priora non crediderant , modo credant . THEOPHYLACTUS . Rememoratur au-

tem

(1) Id. invitatum.

tem nobis Evangelista miraculum perpetratum in Chana Galilæe de aqua conversam in vinum, ut augetur Christi præconium: quia Galilæi non solum propter miracula Hierosolymis facta, sed & propter ea quæ apud ipsos facta erant, receperunt Iesum; simulque ut offenderet quod Regulus credidit propter miraculum in Chana perpetratum, quomvis eius non perfecte cognoverit dignitatem: unde sequitur: *Et erat quidam Regulus, cuius filius infirmabatur Capharnaum.* ORIGENES (tom. xiv. in Ioan.) Putabit autem aliquis Regis Herodis hunc esse Regulum: & aliquis asserit hunc esse de familia Cæsaris, exercentem tunc temporis aliquid in ludæa: neque enim dicitur, quod ludæus fuerit. CHRYSOSTOMUS (hom. ead.) Regulus autem dicitur aut quasi generis existens regalis, aut dignitatem aliquam principatus habens, (1) aut quia sic vocabatur. Igitur quidam hunc eundem esse existimant Centurionem, qui est apud Matthæum. Ostenditur autem alius esse ab eo: nam ille quidem Christum volentem ire ad suam domum, rogat remanere; hic autem & nihil tale promittentem ad domum trahit: & ille quidem ad Iesum de monte descendente Capharnaum intravit; hic autem ad Iesum in Chana venientem accessit: & illius quidem puer a paralyti detinebatur; huius autem filius a febre. De hoc ergo Regulo subditur: *Hic cum audisset quod Iesus adveniret a Iudæa in Galilæam, abiit ad eum, & rogabat eum ut descenderet, & sanaret filium eius: inelapsus enim mori.* AUGUSTINUS (tract. xvi. in Ioan.) Qui rogabat, nonne credebatur? Quid a me expectas audire? Dominum interroga quid de illo senserit: sequitur enim: *Dixit ergo Iesus ad eum: Nisi signa, & prodigia videritis, non credetis.* Arguit hominem in fide tepidum, aut frigidum, aut omnino nullius fidei; sed tentare cupientem de sanitate filii sui, qualis esset Christus, quid esset, quantum posset. Prodigium quidem appellatum est, quasi porrodictum, quod porro dicat, porro significet, & futuram aliquid portendat. AUGUSTINUS de Con. Evang. (Lib. IV. cap. x.) Adeo autem Dominus supra omnia mutabilia vult mentem credentis attollere, ut nec ipsa miracula, quæ, quamvis divinitus, de mutabilitate corporum sunt, a fidelibus queri velit. GREGORIUS (homil. xxviii. in Evang.) Sed memento etiam quæ petit; & aperte agnosceris quia in fide dubitavit. Popo-

scit namque ut descenderet, & sanaret filium eius: unde sequitur: *Dixit ad eum Regulus: Domine, descende priusquam moriatur filius meus.* Minus itaque in illum credidit quem non putavit posse salutem dare, nisi præsens esset & corpore. CHRYSOSTOMUS (homil. xxxiv. in Ioan.) Audi etiam qualiter adhuc terrene Christum trahit, quasi non posset eum post mortem suscitare. Si autem non credens venit, & rogavit, nil mirabile. Consueverunt enim patres ex multo amore non solum medicis loqui de quibus confidunt, sed de quibus non confidunt, nihil volentes prætermittere eorum quæ ad salutem pertinent filiorum. Si tamen valde crederet Christi virtutem, non neglexisset etiam in Iudeam ire. GREGORIUS (homil. ead.) Sed Dominus qui rogatur ut vadat, quia non desit ubi invitat, indicat: solo iussu salutem redditur, qui voluntate omnia creavit: unde sequitur: *Dixit ei Iesus: Vade, filius tuus vivit.* Hic superbia nostra retunditur, qui in hominibus non naturam, quæ ad imaginem Dei facti sunt, sed honores, & divitias veneramus. Redemptor vero noster, ut ostenderet quoniam quæ alta sunt hominibus, sanctis despicienda sunt, & quæ despicienda sunt hominibus, despicienda non sunt sanctis, ad filium Reguli ire noluit, ad servum Centurionis ire paratus fuit. CHRYSOSTOMUS (ut supra.) Vel aliter. Illic quidem fides confirmata erat; idcirco & promissit ire, ut discamus viri devotionem: hic autem adhuc imperfectus erat, & non dum novaret manifeste quod absens curare poterat: unde ex hoc quod non accedit Iesus, hoc addiscit: sequitur enim: *Credidit homo sermone, quem dixit ei Iesus: & ibat;* non tamen integre, neque sane. ORIGENES (tom. xiv. in Ioan.) Ostenditur autem eius dignitas, & officium ex hoc quod servientes illi occurrunt: unde sequitur: *Iam autem eo descendente servi occurrerunt ei, & nuntiaverunt ei, dicentes, quia filius eius viveret.* CHRYSOSTOMUS (homil. ead.) Qui quidem obviaverunt, non ut annuntiarent solum, sed quasi æstimantes dereliquo superfluum esse Christi præsentiam, quem credebant accedere. Quod autem Regulus non integre credidit, neque sane, ostenditur ex hoc quod sequitur: *Interrogabat ergo eorum ab eis in qua malis habuerat.* Volebat enim scire utrum casu, vel ex præcepto Christi hoc factum esset. Sequitur: *Et dixerunt ei, quia heri hora septima reliquit eum.*

Nnn 2 eum

(1) P. Nicolaus habet ob quam sic vocabatur.

sum febris. Vide quāliter miraculum manifestum est: non enim simpliciter, neque ut contingit, a periculo liberatus est; sed repente, & simul: ut appareat non esse ex naturæ consequentia quod fiebat, sed ex actione Christi: unde sequitur: *Cognovit ergo pater quia illa hora erat in qua dixit ei Iesus, Filius tuus vivit: & credidit ipse, & domus eius tota.* AUGUSTINUS (tract. xvi.) Si ergo propterea credidit, quia nuntiatum est ei quod filius eius esset sanus, & comparavit horam nuntiantium horæ prænuntiantis, quando rogabat, nondum credebat. BEDA. Unde datur intelligi, & in fide gradus esse, sicut & in aliis virtutibus, quibus est initium, incrementum, atque perfectio. Huius ergo fides initium habuit cum filii salutem petiit; incrementum dum credidit sermoni Domini dicentis, *Filius tuus vivit*; deinde perfectionem obtinuit nuntiantibus servis. AUGUSTINUS (tract. eod.) Ad solum sermonem crediderunt plures Samaritani; ad illum miraculum sola illa domus credidit ubi est factum: unde subdit Evangelista: *Hæc iterum secundum signum fecit Iesus, cum venisset a Iudæa in Galilæam.* CHRYSOSTOMUS (hom. xxxv.) Non sine cautâ adiecit, sed ostendens quoniam secundo signo facto, nondum (1) ad perfectionem Samaritanorum nullum signum videndum Iudæi pervenerunt. ORIGENES (tom. xviii. in Ioan.) Amphibologiam autem continet præfens dictum: uno enim modo denotat quod Iesus veniendo a Iudæa in Galilæam, duo fecit miracula: quorum secundum est factum erga filium Reguli: alio modo sic: duobus existentibus signis quæ Iesus in Galilæa exercuit, secundum egit veniens a Iudæa in Galilæam; & hic sensus verus est. Mystice autem per hoc quod Iesus bis in Galilæam accedit, binus Salvatoris adventus in mundum ostenditur: primus quidem misericordiæ, ut vino facto convivas exhiberet; secundus vero ut filium Reguli ad mortem penæ deducere suleret, idest populum Iudeorum, qui post plenitudinem Gentium accedet salvandus in fine. Magnus autem Rex Regum est qui constitutus est a Deo in monte Sion sancto eius: huius qui viderunt diem, & gavisi sunt, Reguli dinolescent. Arbitramur igitur Regulum esse Abraham. ægrotum vero filium eius, Israeliticum genus debilitatum erga cultum divinum; & ideo incautus ignitis spiculis inimici, ut proinde fe-

brire censeatur. Apparet autem quod præcedentibus sanctis, postquam carnis exuerunt amicum, populus fuit curæ: unde legitur in Machabæis Lib. II. cap. xv. post mortem Hieremie: „Hic est Hieremias „Propheta Dei, qui plurimum orat pro „populo.“ Abraham igitur obsecrat adjuvari a Salvatore populum infirmum. Et quidem potestatis verbum de Chana prodicit, ubi dictum est, *Filius tuus vivit*; sed verbi efficacia in Capharnaum agitur, nam ibi filius Reguli curatus est, quasi in agro consolationis morans; quod significat genus quoddam debilius, non tamen omnino fructibus privatorum. Illud autem, *Nisi signa, & prodigia videritis, non creditis*, dictum illi, refertur ad multitudinem filiorum suorum, & ad ipsam quodammodo: sicut enim Ioannes expectabat datum sibi signum, scilicet *Super quem videris Spiritum descendentem*; sic & præmortui sancti adventum Christi in carnem & signis, & prodigiis manifestandum expectabant. Habebat autem hic Regulus non solum filium, sed etiam servos; per quos significatur materies quædam minus bene, & infirme credentium. Nec a casu hora septima deferit filium febris: nam septenarius numerus est quietis. ALCUINUS. Vel quia per septiformem Spiritum est omnis remissio peccatorum: septenarius enim in tria, & quatuor divisus significat sanctam Trinitatem, in quatuor anni temporibus, in quatuor mundi partibus, in quatuor elementis. ORIGENES (tom. xviii. in Ioan.) Possunt quoque significari duoadventus Christi verbi ad animam: primus quidem ex facto vino præbens animæ gaudium spiritualis convivii; secundus vero omnes languoris, ac mortis reliquias amputans. THEOPHYLACTUS. Regulus autem est omnis homo: non solum quia Regi universorum propinquo existit secundum animam, sed quia & ipse super omnia principatum sumpsit; cuius filius, idest mens, iebriticat voluptatibus pravis; & desideris. Accedit autem ad Iesum, & deprecatur ut descendat; idest, ut consensu misericordiæ utatur, & parcat peccatis, priusquam a voluptatum infirmitate mortificetur. Sed Dominus dicit, *Vade*; idest, profectum continuum circa bonum offendas, & tunc filius tuus vivet; si autem ambulare cessaveris, mortificabitur tibi intellectus circa boni operationem.

(1) id est ad altitudinem Samaritanorum.

C A P U T V.

(a) **P**ost hæc erat dies festus Iudæorum, & ascendit Iesus Hierosolymam. Est autem Hierosolymis probatica piscina, quæ cognominatur Hebraice Bethesda, quinque porticus habens. In his iacebat multitudo magna languentium, cæcorum, claudorum, aridorum, expectantium aquæ motum. Angelus autem Domini descendebat secundum tempus in piscinam, & movebatur aqua. Et qui prior descendisset in piscinam post motionem aquæ, sanus fiebat a quacumque detinebatur infirmitate. Erat autem quidam homo ibi triginta & octo annos habens in infirmitate sua. Hunc cum vidisset Iesus iacentem, & cognovisset quia iam multum tempus haberet, dicit ei, Vis sanus fieri? Respondit ei languidus: Domine, hominem non habeo, ut cum turbata fuerit aqua, mittat me in piscinam. Dum venio enim ego, alius ante me descendit. Dicit ei Iesus: Surge, tolle grabatum tuum, & ambula. Et statim sanus factus est homo ille, & sustulit grabatum suum, & ambulabat. Erat autem sabbatum in die illo. Dicebant ergo Iudæi illi qui sanatus fuerat: Sabbatum est, non licet tibi tollere grabatum tuum. Respondit eis: Qui me sanum fecit, ille mihi dixit: Tolle grabatum tuum, & ambula. Interrogaverunt ergo eum: Quis est ille homo qui dixit tibi: Tolle grabatum tuum, & ambula? Is autem qui sanus fuerat effectus, nesciebat quis esset. Iesus enim declinavit a turba constituta in loco.

(b) Postea invenit eum Iesus in templo, & dixit illi: Ecce sanus factus es: iam noli amplius peccare, ne deterius tibi aliquid contingat. Abiit ille homo, & nuntiavit Iudæis, quia Iesus esset qui fecit eum sanum. Propterea persequiebantur Iudæi Iesum, quia hæc faciebat in sabbato. Iesus autem respondit eis: Pater meus usque modo operatur, & ego operor. Propterea ergo magis quærebant eum Iudæi interficere, quia non solum solvebat sabbatum, sed & Patrem suum dicebat Deum, æqualem se faciens Deo.

(c) Respondit itaque Iesus, & dixit eis: Amen amen dico vobis: non potest Filius a se facere quicquam, nisi quod viderit Patrem facientem: quæcumque enim ille fecerit, hæc & Filius similiter facit: Pater enim diligit Filium, & omnia demonstrat ei quæ ipse facit, & maiora his demonstrabit ei opera, ut vos miremini.

(d) Sicut enim Pater suscitavit mortuos, & vivificavit, sic & Filius quos vult vivificat. Neque enim Pater iudicat quemquam; sed omne iudicium dedit Filio, ut omnes honorificent Filium sicut honorificant Patrem. Qui non honorificat Filium, non honorificat Patrem qui misit illum.

(e) Amen amen dico vobis, quia qui verbum meum audit, & credit ei qui misit me, habet vitam æternam; & in iudicium non venit, sed transiet a morte in vitam.

(f) Amen amen dico vobis, quia venit hora, & nunc est, quando mortui audient vocem Filii Dei, & qui audierint, vivent. Sicut enim Pater habet vitam in semetipso, sic dedit, & Filio, habere vitam in semetipso.

(g) Et potestatem dedit ei iudicium facere, quia Filius hominis est. Nolite mirari hoc: quia venit hora in qua omnes qui in monumentis sunt, audient vocem Filii Dei, & procedent qui bona fecerunt, in resurrectionem vitæ, qui vero mala egerunt in resurrectionem iudicii.

(h) Non possum ego a meipso facere quidquam, sed sicut audio, iudico; & iudicium meum iustum est: quia non quæro voluntatem meam, sed voluntatem eius qui misit me Patris.

(i) Si ego testimonium perhibeo de meipso, testimonium meum non est verum. Alius est qui testimonium perhibet de me; & scio quia verum est testimonium eius

ius quod perhibet de me. Vos misistis ad Ioannem, & testimonium perhibuit veritati. Ego autem non ab homine testimonium accipio; sed hæc dico, ut vos salvi sitis. Ille erat lucerna ardens, & lucens. Vos autem voluistis ad horam exultare in luce eius. Ego autem habeo testimonium maius Ioanne: opera enim quæ dedit mihi Pater ut perficiam ea, ipsa opera quæ ego facio, testimonium perhibent de me, quia Pater misit me. Et qui misit me Pater, ipse testimonium perhibuit de me. Neque vocem eius unquam audistis, neque speciem eius vidistis. Et verbum eius non habetis in vobis manens, quia quem misit ille, huic vos non creditis. Scrutamini Scripturas: quia vos putatis in ipsis vitam æternam habere: & ille sunt quæ testimonium perhibent de me. Et non vultis venire ad me, ut vitam habeatis.

(k) Claritatem ab hominibus non accipio; sed cognovi vos, quia dilectionem Dei non habetis in vobis. Ego veni in nomine Patris mei, & non accepistis me. Si alius venerit in nomine suo, illum accipietis. Quomodo vos potestis credere, qui gloriam ab invicem accipitis, & gloriam quæ a solo Deo est non queritis? Nolite putare quia ego accusaturus sum vos apud Patrem. Est qui accusat vos Moyses, in quo vos speratis. Si enim crederetis Moysi, crederetis forsitan & mihi: de me enim ille scripsit. Si autem illius litteris non creditis, quomodo verbis meis credetis?

(a) **AUGUSTINUS** de Con. Evang. (Lib. IV. cap. x.) Post miraculum in Galilæa factum, inde Hierosolimam redit: unde dicitur: *Post hæc erat dies festus Iudæorum, & ascendit Iesus Hierosolimam.* **CHRYSOSTOMUS** (hom. xxxv.) Mihi videatur quod erant dies festus peccatores. Ascendit autem Iesus Hierosolimam semper in diebus festis, ut cum eis dies festos faciens non videatur legi contrarius; & ob hoc multitudinem simplicem per signa, & doctrinam attrahat: maxime eoim in diebus festis hi qui iuxta positi erant, concurrabant.

Sequitur: *Est autem Hierosolymis probatica piscina, quæ cognominatur Hebraice Bethesda, quinque porticus habens.* **ALCIVINUS.** Probaton Græce, ovis dicitur: probatica ergo piscina (1) pecuaria dicitur, ubi sacerdotibus cadavera hostiarum abluebant. **CHRYSOSTOMUS** (hom. ead.) Dicebat quidem baptisma dari peccata purgans, cuius imago præscripta fuit in piscina, & in aliis pluribus. Et primum quidem dedit Deus aquam expurgantem corporum sordes, & iniquitates, non existentes, sed opinatas, puta ex (2) quæ a funere, & quæ a lepra, & quæ ab aliis talibus; deinde infirmitates diversas (3) per aquas facit solvi: unde sequitur: *In his iacebat multitudo magna languentium, cæcorum, claudum, arriorum expectantium aquæ motum.* Volens enim Deus propitiolius adducere ad

baptismi domum, non adhuc iniquitatem solum mundat, sed etiam ægritudines sanat: sicut enim ministri qui prope Regem sunt, his qui sunt a longe clariore sunt; ita & in figuris sit. Non autem simplices sanant aquarum natura, semper enim hoc fieret, sed in Angeli descensioe: unde sequitur: *Angelus autem Domini descendebat secundum tempus in piscinam, & movebatur aqua.* Sic enim & in baptizatis non simpliciter aqua operatur; sed cum Spiritus sancti acciperit gratiam, tunc omnia solvit peccata. Angelus enim descendens turbabat aquam, & sanativam imponebat virtutem, ut discant Iudæi quoniam multo magis Angelorum Dominus omnes ægritudines animæ sanare potest. Sed tunc quidem infirmitas impedimentum volenti curari fiebat: subditur eoim: *Et qui prior descendisset in piscinam post motionem aquæ, sanus fiebat a quacumque detainebatur infirmitate.* Nunc autem unusquisque accedere potest: non enim Angelus est qui turbat aquam, sed Angelorum Dominus, qui omnia operatur. Sed etiam orbis terrarum universus veniat, gratia non consumitur, sed similis manet: sicut eoim solares radii per unamquamque illuminant diem, & non consumuntur, oque a multa largitione minor fit solis lux; ita & multo amplius Spiritus sancti actio in nullo minuitur a multitudine eorum qui potiusunt ea. Hoc autem fiebat, scilicet ut unum tantum post motionem aquæ sanaretur, ut qui

(1) vel peculiaris. (2) vel quæ a morbo. (3) vel per quas.

didicerant quoniam in aqua ægritudines corporis sanabantur, in hoc per multum tempus exercitati, facile crederent quod ægritudines animæ quæ sanare poterat. AUGUSTINUS (tract. xxi.) Plus est autem quod Christus vitia sanavit animarum quam quod sanavit languores corporum mortuorum. Sed quia ipsa anima non eum noverat, a quo sananda erat, & oculos habebat in carne, unde facta corporalia videret, & nondum habebat in corde, unde Deum latenter cognosceret; fecit quod videri poterat, ut sanaretur unde videri non poterat. Ingressus est locum ubi iacebat multitudo languentium, de quibus e-legit unum ut sanaret, de quo subditur: *Erant autem quidam homo ibi triginta & octo annos habens in infirmitate sua.* CHRYSOSTOMUS (hom. xxxvi.) Non autem confestim eum a principio sanavit, sed primum eum familiarem sibi fecit, per interrogationem futuræ fidei faciens viam. Non autem expetit fidem, ut in cæcis fecit, dicens Matth. ix. „ Creditis quia possum hoc facere ? “ quia hic nondum noverat eum manifeste quis esset. Nam alii quidem ex aliis eius virtutem cognoscentes, convenienter hæc audiebant; alii vero nondum eum cognoscentes, sed per signa eum cognituri, post miracula requiruntur de fide: unde sequitur: *Homo cum vidisset Jesus facientem, & cognovisset quia multum in eo tempus haberet, dixit ei, Vis sanus fieri ?* Non hoc querit, ut dicat (hoc enim superfluum esset) sed ut ostenderet illius patientiam, qui triginta & octo annos habens, per unumquemque annum eripi ab ægritudine expectans, assidebat, & non desitebat; & ut cognoscamus propter quam causam dimittens alios, ad hunc venit. Et non dicit, Vis, te curabo? nondum enim aliquid magnum imaginabatur ille de Christo. Non autem turbatus est ad interrogationem, neque dixit, Iniuriæ mihi venisti, quando interrogas si volo sanus fieri; sed mansuete respondet: sequitur enim: *Respondit ei languidus: Domine, hominem non habeo, ut cum turbata fuerit aqua, mittas me in piscinam: dum venio enim ego, alius ante me descendit.* Non noverat quis esset qui interrogabat, neque quod curatorem esset eum; opinabatur autem fortasse utilem sibi fore Christum ad mittendum eum in aquam. Sed Christus ostendit quod verbo omnia potest facere: unde sequitur: *Dixit ei Jesus: Surge, tolle grabatum tuum, & ambula.* A U-

GUSTINUS (ubi supra.) Tria dixit; sed surge, non operis imperium fuit, sed operatio sanitatis; sano autem duo imperavit: *Tolle grabatum tuum, & ambula.* CHRYSOSTOMUS (homil. xxxvi. in Ioan.) Intuere, divinx sapientix superabundantiam. Non solum sanat, sed & lectulum portare iubet, ut & credibile faceret miraculum, & nullus existimet phantasia esse quod factum est. Non enim, nisi certissime, & vehementer compacta essent membra, lectulum ferre possent. Audiens autem languidus quoniam cum potestate, & velut iubens dixit, *Surge, tolle grabatum tuum*, non derisit dicens: Angelus descendit, & turbat aquam, & solum unum curat; tu autem homo existens ex solo præcepto speras te magis Angelis posse? Sed audivit, & non discredidit ei qui iussit, & sanus factus est: unde sequitur: *Et statim sanus factus est homo, & iussit grabatum suum, & ambulabat.* BEDA. Multum quippe inter sanationem Domini, & quæ a medicis inferretur, distaret probatur: hæc videlicet voce iubentis, & mox impletur; illa vero per multa temporis intervalla aliquoties perficitur. CHRYSOSTOMUS (hom. xxxvi.) Igitur mirabile quidem est hoc; quæ autem sequentur multo maiora erunt: nam in initio quidem nullo molestante suaderi non ita mirabile est, sicut quod post insipientibus ludæis, & accusantibus, Christo obedivit, ut ostendit Evangelista consequenter, dicens: *Erant autem sabbatum in illo die.* Dicunt ergo Iudæi illi qui sanatus fuerat: *Sabbatum est, non licet tibi tollere grabatum tuum.* AUGUSTINUS (tract. xvi.) Non calumniabantur Dominum, quia sanum fecerat sabbato, (1) quia eis respondere posset, quia si cuiusquam iumentum in puteum cecidisset, utique die sabbati erueret illud, & salvaret; sed ei qui portabat grabatum suum; quasi dicat: Si sanitas non erat differenda, numquid & opus fuerat imperandum? Sed ille auctorem sanitatis suæ obiciebat calumniatoribus: unde sequitur: *Respondit eis: Quis me sanum fecit, ille mihi dixit: Tolle grabatum tuum, & ambula;* quasi dicat: Quare non acciperem infirmionem a quo acciperam sanitatem? CHRYSOSTOMUS (hom. xxxvi.) Nimirum si malignari vellet, poterat dicere: Si erimen est, accusate eum qui iussit, & deponam lectulum; sed & curationem utique occultasset: etenim sciebat (2) non ita eos id reprehendere ex sabbati solutione, sicut

(1) *Id.* quasi. (2) *Id.* non ita eos esse morios ex sabbati solutione &c.

sicut ex infirmitatis sanatione. Sed neque hoc occultavit, neque veniam petiit; sed clara voce beneficium confessus est. Illi vero maligne interrogaverunt: unde subditur: *Interrogaverunt ergo eum: Quis est ille homo qui dixit tibi: Tolle grabatum tuum, & ambula?* Non dicunt, Quis est qui fecit te sanum? sed in medium inducunt id quod transgressio aestimabatur. Sequitur: *Is autem qui sanus fuerat effectus nesciebat quis esset.* Iesus autem declinavit a turba constituta in loco. Et primum quidem ut eo absente testimonium insuspicabile heret: qui enim adeptus fuerat sanitatem, idoneus erat beneficii testis: demum ut non plus faceret suorum illorum accendi. Solus enim visus eius cui invidetur, non parvam invidentibus immittebat scintillam. Propterea discipulus permisit ab ipsis suum factum examinari. Quidam aestimant hunc paralyticum esse eum qui in Mathæo positus est; sed non est: ille enim multos habebat sui curam habentes, & cum ferentes; hic autem nullum. Sed & locus utrorumque diversus est. AUGUSTINUS (tract. xvii.) Si quidem mediocri corde, & humano ingenio consideremus hoc miraculum facientem, (1) quod ad potestatem pertinet, non magnum aliquid fecit, & quod ad benignitatem, parum fecit. Tot iacebant, & unus curatus est, cum posset uno verbo omnes erigere. Quid ergo intelligendum est, nisi quia potestas illa, & bonitas magis agebat quid animæ in factis eius pro salute sempiterna intelligerent, quam quid pro temporali salute (2) corpora mererentur? In illis enim factis quicquid temporaliter sanatum est, in membris mortalibus in fine desecit; anima quæ credidit, ad vitam æternam transitum fecit. Piscina ista, & aqua illa populum mihi videtur significasse Iudeorum: significari enim populus nomine aquarum, aperte nobis indicat Apocalypsis Ioannis. BEDA (in v. cap. Ioan.) Bene autem piscina probatica fuisse describitur. Ille enim populus ovis nomine significatur, secundum illud Psalmi xciv., Nos „populus tuus, & oves gregia tui.“ AUGUSTINUS (tract. xvii.) Aqua ergo illa, idest populus ille, & quinque libris Moysi tamquam quinque porticibus clauderetur; sed illi libri probebant languidos, non sanabant: lex enim peccatores convincebat, non abolvebat. BEDA. Denique multa genera languentium in eadem (3)

iacerunt; cæci scilicet qui scientiæ lumine carent; claudi, qui ad ea quæ iubent implenda, vires non habent; aridi, qui supernæ dilectionis pinguedine carent. AUGUSTINUS (tract. xvii.) Venit autem Christus ad populum Iudeorum, & faciendo magna, docendo utilia, turbavit peccatores, idest aquam, præsentia sua, & excitavit ad passionem suam. Sed latens turbavit: „û enim cognovissent, numquam „gloriæ Dominum crucifixissent.“ I. Cor. xii. Subito enim videbatur aquaturbata, & a quo turbabatur non videbatur. Descendere ergo in aquam turbatam, hoc est humiliter credere in Domini passionem. Ibi sanabatur unus, significans Ecclesiæ unitatem; postea quisquis (4) venire non sanabatur: quia quisquis præter unitatem fuerit, sanari non poterit. Væ illis qui oderunt unitatem, & partem sibi faciunt in hominibus. Habebat autem triginta & octo annos in infirmitate qui sanatus est: hic enim numerus ad languorem pertinet magis quam ad sanitatem. Quadragenarius enim numerus sacratus nobis in quadam perfectione commendatur: quia lex in decem præceptis data est, & prædicanda erat per totum mundum, qui quatuor partibus commendatur: denarius autem per quatuor multiplicatur ad quadragenarium pervenit. Vel quia per Evangelium, quod quatuor libros habet, impletur lex. Si ergo quadragenarius numerus habet perfectionem legis, & lex non impletur nisi in gemino præcepto caritatis, quid miraris, quia languebat qui quadraginta, minus duos, habebat? Necessarius erat illi homo ad sanitatem; sed homo ille qui & Deus est: & quia illum iacentem duobus minus invenit, (5) duo quædam iubendo, quod minus erat implevit. In duobus enim Domini iussis duo præcepta significata sunt caritatis. Dei dilectio prior est ordine præcipiendi, proximi autem dilectio prior est ordine faciendi. Dicit ergo, *Tolle grabatum tuum*; quasi diceret: Cum esses languidus, portabas te proximus tuus: sanus factus es, porta proximum tuum. Dicit etiam, *Ambula*. Sed quo iter agis nisi ad Dominum Deum tuum? BEDA (cap. v. num. 30.) Quid enim est dicere, *Surge, & ambula*, nisi a torpore, & ignavia, in quibus prius iacebas, erigere, & in bonis operibus proficere studere? *Tolle grabatum tuum*, idest proximum tuum, a quo portaris, & ipse patienter to-

(1) *Al.* quod ad pietatem pertingit, non magnum &c. (2) *Al.* corporis. (3) *Al.* iacerunt. (4) *Al.* venerit. (5) *Al.* quia duo quædam.

tolera. AUGUSTINUS (tract. xvii.) Porta ergo eum cum quo ambulas, ut ad eum pervenias cum quo manere desideras. Ille autem nondum Iesum noverat, quia & nos credimus in eum, quem non videmus: & ut non videatur declinat a turba. Quam solitudine intentionis videtur Deus: turba strepitum habet; visio ista secretum desiderat.

(b) CHRYSOSTOMUS (hom. xxxvii. in Ioan.) Curatus homo non fecerit ad mundanas, neque voluptatis, aut vanæ gloriæ dedit seipsum; sed in templo conversabatur, quod maxime religionis est signum: unde dicitur: *Postea intravit cum Iesus in templo.* AUGUSTINUS (tract. xvii.) Dominus quidem Iesus & in turba eum videbat, & in templo. Ille autem languidus Iesus in turba non agnoscit, in templo agnoscit in loco sacro. ALCUINUS. Quia si gratiam conditoris cognoscere volumus, & ad eius visionem venire, fugienda est turba cogitationum, & affectuum pravorum, declinanda sunt pravorum convicia, fugiendum est ad templum, ut nos ipsos templum Dei studeamus facere, quos Deus intrare, & in quibus manere dignetur.

Sequitur: *Et dixit illi: Ecce sanus factus es: iam noli amplius peccare, ne deterius tibi aliquid contingat.* CHRYSOSTOMUS (hom. xxxvii.) Ubi prius discipulus quod expectatis ei nata est hæc aegritudo: quia enim sæpius animam in nobis egrotantem insensibiliter habemus, corpus autem, & si parvam susceperit læsionem, omne (1) facimus studium, ut ab infirmitate liberemur; propterea Deus punit corpus pro his quæ anima deliquit: secundo vero quod verus est gehennæ sermo: tertio quod longum est, & infinitum supplicium. Dicunt enim quidam: Numquid quia in brevi temporis momento adulteratus sum, immortaliter crucior? Vide quod hic tanto tempore pro peccatis cruciabitur: non enim temporis mensura peccata indicantur, sed ipsa delictorum natura. Cum his autem & illud discimus, quod si gravem sustineamus poenam pro prioribus peccatis, deinde in eadem incidimus, graviora patiemur; & hoc decenter: qui enim neque supplicio factus est melior, ut insensibilis de reliquo, & contemptor, ad maius ducetur tormentum. Si autem hic non omnes pro peccatis tor-

quentur, non confidamus: nihil enim nos hic pati pro peccatis signum est maioris illic futuri supplicii. Non autem omnes ægritudines sunt ex peccatis, sed plures. Quædam enim & a pigritia sunt, quædam propter probationem, sicut in Iob. Sed propter quid paralytico huic Christus de peccatis mentionem facit? Quidam huic paralytico detrahentes, dicunt cum Christo fuisse accusatorem, & propter hoc hæc audisse; quid igitur dicent de paralytico qui est apud Matthæum cap. ix. etenim & illi dictum est: „Dimittuntur tibi peccata tua.“ Neque etiam Christus hunc incusat de præteritis, sed ad futurum eum munit solum. Alios igitur curans, peccatorum non meminit: quia his paralyticis ex peccatis ægritudines sunt factæ, aliis autem ex infirmitate naturali. Vel per hos reliquos omnes admonet. Cum his autem & illud est dicere: quoniam multam vidit inesse animæ huius patientiam, & ut valentem suscipere admonitionem eum admonet. Tribuit autem signum ei propriæ deitatis: dicendo enim, *Non amplius pecces*, ostendit se icire omnia quæ ab eo facta erant delicta.

AUGUSTINUS (tract. xvii.) Nunc autem ille, postea quam vidit Iesum, & cognovit eum auctorem salutis suæ, non fuit piger in evangelizando quem viderat: unde sequitur: *Abiit illo humo, & annuntiavit Iudæis quia Iesus erat qui facit eum sanum.* CHRYSOSTOMUS (homil. xxxvii. in Ioan.) Non ita insensibilis erat ut post tantum beneficium, & admonitionem malignamente hoc dicat. Si enim detrahere vellet, sanitatem tacens, transgressionem dixisset; sed hoc non fecit: non enim dixit, quoniam Iesus est qui dixit, *Tolle grabatum tuum*, quod videbatur Iudæis crimen esse; sed dixit: Quoniam Iesus est qui me sanum fecit. AUGUSTINUS (tract. xvii.) Sic igitur ille annuntiabat, & illi insaniebant: unde sequitur: *Propterea persequuntur Iudæi Iesum, quia hoc faciebat in sabbato.* Manifestum enim opus corporale factum erat ante oculos Iudæorum, non sanitas corporis, sed deportatio grabati, quæ non videbatur ita necessaria quemadmodum sanitas. Aperte ergo dicit Dominus, sacramentum sabbati, & signum observandi unius diei ad tempus datum esse Iudæis; impletionem vero ipsam sacramenti in illo venisse, (2) cum sequitur: *Iesum autem*

Ooo

respon.

(1) *Al.* facit. (2) *Al.* consequitur. Noli unde sequitur.

respondit eis: *Pater meus usque modo operatur, & ego operor*; a quâdificat: Nolite putare quia sabbato ita requievit Pater meus ut ex illo non operetur; sed sicut ipse nunc operatur sine labore, operor & ego. Sed ideo dictum est, Deum requievisse, quia iam creaturam nullam condebat postquam perfecta sunt omnia. Quietem vero propterea appellavit Scriptura, ut nos admoneret post bona opera quieturos. Et sicut Deus postquam fecit hominem ad imaginem & similitudinem suam, & perfectit omnia opera sua bona valde, requievit septimo die; sic & tibi requiem non speres, nisi cum redieris ad similitudinem in qua factus es, quam peccato perdidisti, & nisi cum bona fueris operatus. AUGUSTINUS IV. super Genesim ad litteram (cap. 1.) Dicit ergo probabiliter potest, ad servandum sabbatum Iudeis fuisse præceptum in umbra futuri, quæ spiritualom requiem significaret; quam Deus exemplo quietis suæ fidelibus bona opera facientibus arcana significatione pollicebatur. AUGUSTINUS super Ioannem 6. Erit enim sabbatum huius sæculi cum transierint sex ætates, quasi sex dies sæculi: tunc enim ventura est requies, quæ promittitur sanctis. AUGUSTINUS IV. super Genesim ad litteram (ca. 12.) Cuius etiam quietis ipse Dominus Iesus mysterium sua sepultura confirmavit: ipso quippe die sabbati requievit in sepulcro, postquam sexto die consummavit opera sua, quando ait infra XIX. *Consummatum est*. Quid ergo mirum si Deus istum diem, quo erat Christus in sepultura quieturus, volens etiam hoc modo prænuntiare, ab operibus suis in uno die requievit, deinceps operaturus ordinem sæculorum? Potest etiam intelligi, Deum requievisse a condendis generibus creaturæ, quia ultra iam non condidit aliqua genera nova. Deinceps autem usque nunc, & ultra operatur eorumdem generum administrationem, quæ tunc instituta sunt, non ut ipso saltem die septimo potentia eius a cæli, & terræ, omniumque rerum quæ considerat gubernatione cessaret; alioquin continuo dilaberentur; creatoris namque potentia causa est

subsistendi omni creaturæ; quæ ab eis quæ creata sunt regendis si aliquando cessaret, simul & eorum cessaret species, omnique natura concideret. Neque enim sicut structuram ædium cum fabricaverit quis abscedit, atque illo cessante stat opus eius; ita mundus vix istu oculi stare potest, si ei Deus regimen suum subtraxerit. Proinde, (1) quod Dominus ait, *Pater meus usque modo operatur*, continuationem quamdam operis eius, quæ universam creaturam continet, atque administrat, ostendit. Alter enim pollet intelligi, si diceret, Et nunc operatur; ubi non esset necesse ut operis continuationem acciperemus. Alter autem cogit intelligi, cum ait, *Usque nunc*, ex illo scilicet quo cuncta cum conderet operatus est. AUGUSTINUS super Ioannem (tract. XVII.) Ergo tamquam diceret Iudeis: (2) Quid expectatis ut non operer sabbato? Sabbati dies vobis ad significationem meam præceptus est. Opera Dei attenditis, per me facta sunt omnia. Operatus est Pater lucem; sed dixit ut heret. Si dixit, Verbo operatus est, & Verbum eius ego sum. Pater meus & tunc operatus est cum fecit mundum, & usque nunc operatur cum regit mundum: ergo & per me fecit cum fecit, & per me regit cum regit. CHRYSOSTOMUS (hom. XXXVII.) Et quidem Christus, cum discipulos excusare oportebat, David conservum eorum in medium ferebat; quando vero de seipso erat accusatus, ad Patrem refugit. Considerandum etiam, quod neque ut homo solum excusat, sed neque ut Deus solum; sed quandoque hoc, quandoque illo modo, Volebat enim utrumque credi, & deconsensionis dispensationem, & deitatis dignitatem. Unde hic aequalitatem sui ad Patrem ostendit, & in dicendo eum Patrem singulariter (dicit enim, *Pater meus*) & in agendo eadem illi (dicit enim, *Et ego operor*) unde sequitur: *Propterea ergo magis quærebant eum Iudei interficere, quia non solum solvebat sabbatum, sed & Patrem suum dicebat Deum*. AUGUSTINUS (tract. XVII.) Non quomodocumque, (3) sed quia æqualem se fecit Deo: nam omnes dicimus Deo,

Pa-

(1) *Al. quidem, Nihilais quod & Dominus dicit.* (2) *Edit. Romana an. 1570. & Venera an. 1593, legunt. Quid aliud expectatis, persuaderis ut non operetur sabbato?* (3) *Al. sed quid?*

EX EDITIONE P. NICOLAI.

^a *Et inferius tract. XX. b* Infinitum aliquo modo paulo post initium tract. XX. sed nullibi expresse sub his verbis occurrit. Habet etiam aliqua ex his quo ad sensum Lib. 1. de Genesi. contra Manicheos cap. XXIII. & Epistol. CXXX. quam ad Januarium scribit cap. IX. & X. c Cap. 1. ut supra. d Cap. XII.

„Pater noster qui es in cælis:“ Matth. vi. Legimus & Iudæos dixisse Esai. lxiii. „Cum tu sis pater noster.“ Ergo non hic irasciebatur, quia patrem suum dicebat Deum, sed quod longe alio modo quam homines. AUGUSTINUS de Consensu Evangel. (Lib. IV. cap. x.) Dicendo enim, *Pater meus usque modo operatur, & ego operor*, quod ei esset æqualis voluit intelligi, consequens esse ostendens ut quoniam Pater operatur, & Filius operetur: quia Pater sine Filio non operatur. CHRYSOSTOMUS (homil. xxxvii.) Si vero non naturalis esset Filius, nec eiusdem substantiæ, hæc excusatio maior accusatione esset. Non enim præfatus regalem legem transgrediens poterit effugere, si accusatus se excuset dicens, quoniam & Rex solvit legem. Sed quia par est dignitas Filii ad Patrem, propterea peremptoria excusatio est. Sicut (1) igitur Pater operans sabbato, absolutus est a crimine, ita & Filius. AUGUSTINUS (tract. xvii.) Ecce intelligunt Iudæi quod non intelligunt Arriani: Arriani quippe inæqualem dicunt Filium Patri, & inde hæresis pulsatur Ecclesiam. CHRYSOSTOMUS (hom. xxxvii.) Qui vero nolunt cum bona mente hoc suscipere, dicunt quod Christus non fecit se æqualem Deo, sed Iudæi hoc suspicabantur; sed ad hoc per ea quæ supra dicta sunt superveniamus. Manifestum enim est quod Iudæi persequerentur Christum, & quod solvebat sabbatum, & quod dicebat Patrem suum Deum: unde & quod (2) consequenter additur, *Æqualem se faciens Deo*; adheret præmissis in veritate. HILARIUS VII. de Trin. (ante med.) Expositio enim est Evangelistæ causam demonstrantis cur Dominum Iudæi interficere vellent. CHRYSOSTOMUS (hom. xxxvii.) Et iterum, si ipse hoc ipsum volebat asseruere, sed Iudæi hoc inaniter suspicabantur; non dimississet Dominus eorum mentem in errore, sed correxisset: neque enim Evangelista hoc tacuisset, sicut supra ii. de eo quod dictum est, *Salvate templum hoc*. AUGUSTINUS (tract. xvii.) Non tamen Iudæi intellexerunt Christum esse Filium Dei, sed intellexerunt in verbis Christi quia talis commendaretur Filius Dei quod æqualis esset Deo. Quia ergo nesciebant, talem tamen prædicari agnoscebant, ideo dicit, *Æqualem se faciens Deo*. Non autem ipse se faciebat æqualem, sed

ille illum genuerat æqualem.

(c) HILARIUS VII. de Trin. (ante med.) Ad violati sabbati obiectum fibreatum dixerat: *Pater meus usque modo operatur, & ego operor*: ut usurpasse hoc (3) ex auctoritate intelligeret exempli; significati tamen hoc quod ipse ageret, Patriopus esse intelligendum, quia ipse in se operaretur operante: & rursum adverteream invidiam, quod se Deo æquasset paterni; nominis usurpatione, volens & nativitatem confirmare, & naturæ virtutem profiteri, respondit: unde dicitur: *Respondit itaque Iesus, & dixit eis: Amen amen dico vobis: non potest Filius a se facere quicquam, nisi quod viderit Patrem facientem*. AUGUSTINUS (tract. xx.) Quidam qui Christianos se haberi volunt, Arriani hæretici dicentes ipsum Filium Dei qui suscepit carnem, minorem esse quam Pater est, capiunt ex his verbis causam calumnizæ, & respondent nobis: Videtis quia Dominus Iesus cum adverteret Iudæos ex hoc moveri, quia Patri Deo æqualem se faceret, talia verba subiunxit, ut se æqualem non esse monstraret: qui enim non potest, inquit, a se facere quicquam nisi quod viderit Patrem facientem, utique minor est, non æqualis. Sed si Deus erat Verbum, & est Deus maior, & Deus minor, duos Deos colimus, non unum Deum. HILARIUS VII. de Trin. (ante med.) Ne igitur exæquatio illa (4) per nomen naturæque Filii fidem nativitatis auferret, ait Filium a se nihil facere posse. AUGUSTINUS (tract. xviii.) Tamquam diceret: Quid scandalizati estis, quia Patrem meum dixi Deum, & quia æqualem me feci Deo? Ita sum æqualis, ut ille me genuerit, (5) non ut ille a me, sed ego ab illo sim. Filio hoc est esse quod posse. Quia ergo substantia Filii de Patre est, ideo potentia Filii de Patre est: quia ergo Filius non est a se, ideo non potest a se. Sic ergo non potest Filius a se facere quidquam, nisi quod viderit Patrem facientem: quia videre Filii hoc est natum esse de Patre; non alia visio est eius, & alia substantia eius: totum quod est, de Patre est. HILARIUS (ante med.) Ut autem maneret salutaris in Patre, & Filio confessionis nostræ ordo, naturam nativitatis ostendit, quæ potestatem efficiendi non per incrementa indultarum ad unumquodque opus.

Ooo 2

(1) *Al. desit igitur.* (2) *Al. convenienter.* (3) *Al. ex auctoritate intelligeret exempli.* (4) *Quia-
rur sapa indicata exempla legunt per nomen naturam nativitatis, quæ Filii est, auferret eidem, ait Filium
Deo.* (5) *Al. non ut ille a me, sed ego ab illo sim Filius. Hoc est esse quod posse. Nescimus autem se.
Ita sum æqualis ut ille me genuerit; ita æqualis ut non ille a me, sed ego ab illo sim: Filio autem
hoc est esse &c.*

pus virium sumeret, sed de cognitione præsumeret; præsumeret autem non de aliquo operis corporalis exemplo, ut quod prius Pater faceret, id posset Filius faciturus esset; sed cum ex Patre Filius esset natus per virtutem, ac naturæ in se paternæ conscientiam, nihil nisi quod Patrem facientem vidisset, Filium facere posse testatus est. Non enim corporalibus modis Deus videt, sed visus ei omnis in virtute naturæ est. AUGUSTINUS II. de Trin. (cap. 1.) Hoc autem si propterea dictum acceperimus, quia in forma accepta ex creatura minor est Filius, conlequens erit ut prior Pater super aquas ambulaverit, & cetera quæ Filius in carne apparens inter homines fecit, ut posset Filius ea facere. Quis autem vel delirus ista sentiat? AUGUSTINUS super Ioan. (tract. xx.) Ambulatio tamen illa earnis supra mare a Patre fiebat per Filium. Quando enim caro ambulabat, & divinitas Filii gubernabat, Pater abiens non eras, cum Filius dicat infra xiv. *Pater in me manens ipse facit opera.* Cum ergo dixisset: *Non potest Filius a se facere quidquam*: ne forte carnalis subreperet intellectus, ut faceret sibi homo quali duos fabros, unum magistrum, alterum discipulum; ut quomodo ille fecit arcam, ille faciat alteram, secutus ait: *Quicumque enim ille fecerit, hæc & Filius similiter facit.* Non ait, Quicumque Pater facit, & Filius alia similia facit, sed hæc eadem. Mundum Pater, mundum Filius, mundum Spiritus sanctus. Si unus Deus Pater, & Filius, & Spiritus sanctus, unus mundus factus a Patre per Filium in Spiritu sancto. Hæc ergo eadem facit. Addit autem *similiter*, ne alius error in animo nasceretur. Videtur enim corpus hoc idem facere quod animus, sed non similiter; animus enim imperat corpori: corpus visibile est, animus invisibilis. Ut faceret aliquid servus, iubente domino fecit: idem ab utroque factum est; sed numquid similiter? Non ergo sic Pater, & Filius; sed hæc eadem facit, & similiter facit, ut intelligamus simili potentia facere Filium eadem ipsa quæ facit Pater. Aequalis igitur est Patri Filius. HILARIUS VII. de Trin. (ante med.) Vel aliter. *Omnia, & eadem ad ostendendam naturæ virtutem locutus est.* Est igitur natura eadem, cum eadem omnia posse naturæ sit. Ubi vero similiter per Filium omnia eadem fiunt, similitudo operum (1) solitudinem operantis excludit. (2) Hęc

igitur est veræ nativitatis, & fidei nostræ intelligentia, quia sub una hac significatione testantur & similiter facta nativitatem, & eadem facta naturam. CHRYSOSTOMUS (hom. xxxv.) Vel aliter. Totum quod dicitur, *A semetipso non potest Filius facere quidquam*, intelligendum est quia nihil contrarium Patri, nihil alienum ab eo facere potest. Ideo autem non dicit, quoniam nihil contrarium facit, sed quoniam non potest facere, ut hinc ostendat indissimilitudinem & certitudinem paritatis. Non enim imbecillitatem Filii, sed multam eius virtutem ostendit hoc verbum. Sicut enim cum dicimus, Impossibile est Deum peccare, non imbecillitatem eius accusamus, sed ineffabilem quamdam virtutem eius testamur; ita cum dicit Filius, Non possum a meipso facere quidquam, hoc dicit, quoniam impossibile est cum facere aliquid contrarium Patri. AUGUSTINUS contra Iern. Arrianorum (cap. xiv.) Hoc autem non deficientis est, sed in eo quod de Patre natus est, permanentis; tamque laudabile est omnipotentem non posse mutari, quam laudabile est quod omnipotens non potest mori. Posset enim Filius facere quod non vidisset Patrem facientem, si posset facere quod per illum non facit Pater; hoc est, si posset peccare: neque naturæ immutabiliter bonæ quæ a Patre est genita conveniret. Hoc autem quia non potest, non deficienter non potest, sed potenter. CHRYSOSTOMUS (homil. xxxvii.) His autem quæ dicta sunt attestatur quod sequitur: *Quicumque enim ille fecerit, hæc similiter & Filius facit.* Si enim per seipsum Pater omnia facit, & Filius per seipsum facit, ut hoc quod dicit *similiter*, maneat; vides qualiter intelligentia est excelsa, humilitatis autem verba. Si (3) enim humiliter producit verba quædam, non mireris: quia enim persequerantur eam excelsa audientes, & contrarium Deo esse æstimabant, parum per verbaremisset. AUGUSTINUS (tract. xxi.) Cum ergo dixisset & se eadem facere, & similiter quæ facit Pater, subdit: *Pater enim diligit Filium, & omnia demonstrat ei quæcumque ipse facit.* Ad hoc quod supra dixit, *Nisi quod videris Patrem facere*, videtur pertinere & quod *omnia demonstrat ei quæ ipse facit.* Sed rursus mortalis cogitatio perturbatur: dicit enim aliquis: Scorum facit Pater, ut possit Filius videre quod facit; velut si taber doceat filium artem suam, & demonstrat ei quid-

(1) Nicolaus legit similitudinem. (2) Quatuor iam relata exempla legunt. Hæc igitur est vera fidei nostra intelligentia. (3) Forte autem.

quidquid facit, ut possit & ipse facere quod viderit patrem facientem. Cum ergo Pater facit, Filius non facit, ut possit videre Filium quod Pater facit. *a* Porro si fixum atque inconcussum tenemus, quia per Filium omnia Pater facit, antequam faciat demonstrat Filio. *b* Ubi etiam demonstrat Filio Pater quod facit nisi in ipso Filio, per quem facit? Si enim Pater exemplo faciat, & Filius attendat manus Patris quemadmodum faciat, ubi est illa inseparabilitas Trinitatis? *c* Non ergo faciendo demonstrat Pater Filio, sed demonstrando facit per per Filium. Videt enim Patrem Filius demonstrantem antequam aliquid fiat, & ex demonstratione Patris, & visione Filii fit quod fit a Patre per Filium. Sed dices: Ostendo filio meo quod volo facere, & facit ipse, atque ego per ipsum. (1) Sed verba dicturus es (2) filio tuo. Sed ipse Filius est Verbum Patris. Numquid ergo per Verbum loqueretur ad Verbum? An quia Filius magnus est Verbum, minora verba transitura erant inter Patrem & Filium, & sonus aliquis, & quasi creatura quædam temporalis exitura erat ex ore Patris, & percussura aurem Filii? Remove omnia corporalia: simplicitatem vide, si simplex es; si non potes comprehendere quid sit Deus, vel hoc comprehendere quid non Deus sit. Multum proficies, si non aliud quam est senseris de Deo. In mente tua vide quod volo dicere, in qua video memoriam, & cogitationem. Demonstrat memoria tua cogitationi tuæ Carthaginem, & quod in illa erat antequam intenderes, conversæ ad te cogitationi ostendit. Ecce facta est a memoria demonstratio, facta est in cogitatione visio, & nulla verba in medio cucurrerunt, nullum ex corpore signum datum est; sed tamen omnia quæ in memoria tenes, forissecus accepisti. Pater quæ demonstrat Filio, non accepit extrinsecus: intus totum agitur, quia nihil creaturarum esset extrinsecus, nisi Pater hoc fecisset per Filium: & eam Pater demonstrando fecit, quia per Filium videntem fecit. Sic ergo demonstrans Pater Filii visio-

nem gignit, quemadmodum Pater Filium gignit. Demonstratio quippe generat visionem, non visio demonstrationem. Quod si purius, & perscūsus intueri valeremus, fortassis invenissemus nec aliud esse Patrem, aliud eius demonstrationem, nec aliud Filium, aliud eius visionem. HILARIUS VII. de Tri. (ante med.) Non igitur per ignorationem credendus est unigenitus Deus doctrina demonstrationis eguisse. Demonstratio enim operum nihil aliud hic nobis præterquam nativitatis fidem ingerit, ut subsistentem Filium ex subsistente Deo Patre credamus. AUGUSTINUS (tract. XXI.) Videre enim Patrem hoc est illi esse Filium. Sic ergo demonstrat Pater omnia quæ facit Filio, ut a Patre videat omnia Filius. Videndo enim natus est, & ab eo est illi videre a quo est illi esse, & natum esse, & permanere. HILARIUS VII. de Trin. (ante med.) Neque autem (3) incircumspēctum se caelestis sermo egit, ne forte diversæ naturæ significatio sub occasione dicti ambigui subreperet. Demonstrata enim potius opera Patris esse ait Domino, quam ad operationem eorum naturam virtutis adiectam, ut demonstratio ipsa nativitas esse doceretur, cui per dilectionem Patris, operum paternorum, quæ per eum effici vellet, esset cognata cognitio. AUGUSTINUS (tract. XXI.) Sed ecce quem diximus Patri coæternum, videntem Patrem, & videndo existentem, rursus nobis temporalis nominat: nam sequitur: *Et maiora his demonstravit ei opera.* Si autem demonstrabit, hoc est demonstraturus est, nondum demonstravit, & tunc Filius demonstraturus est quando & illis: sequitur enim, *Ut vos miramini.* *d* Et hoc difficile est videre, quomodo tamquam temporaliter Filio coæterno aliquando monstrat æternus Pater omnia scienti quæ sunt apud Patrem. Quæ sunt autem illa maiora facile est intelligere ex hoc quod subditur: *Sicut enim Pater suscitavit mortuos, & vivificavit, sic & Filius quos vult vivificare.* Maiora enim opera sunt mortuos suscitare, quam languidos sanare. *e* Sed qui paulo ante loquebatur ut Deus, cœpit

(1) *P. Nicolai frequentia subiungit.* Adhuc lares in magna dissimilitudine: nam antequam faciat, demonstrat filio tuo quid facere velis, ut te demonstrante antequam facias, faciat ipse quod demonstraveris, & tu per ipsum. Sed verba dicturus es filio tuo, quæ non sint quod tu, non sunt quod ipse. Iam Patrem Deum putamus locutum esse cum Filio per alienum verbum? Ipse Filius est Verbum Patris: Numquid ergo etc. (2) *Al. ei filio tuo.* (3) *Al. incircumspēctum, item circumspēctum. Nicolai autem non circumspēctum.*

cœpit loqui ut homo. Demonstrabit enim quasi temporaliter homini facta in temporis opera maiora, idest resurrectionem corporum. (Tract. xxiii.) Corpora enim resurgunt per dispensationem humanam; sed animæ resurgunt per substantiam Dei: participatione enim Dei fit anima beata, non participatione beatæ animæ. Quomodo enim anima, quæ inferior Deo est, id quod ipsa inferius est, hoc est corpus, vivere facit, sic eandem animam non facit beate vivere nisi quod ipsa anima superius est, scilicet Deus. Unde & prius dictum est, quod *Pater diligit filium, & demonstrat ei quæ ipse facit.* Demonstrat enim Pater Filio ut animæ suscitentur, quia per Patrem, & Filium suscitantur, nec possunt vivere nisi earum vita sit Deus. Vel nobis Pater demonstraturus est, non illi: propterea subiungit, *Ut vos miremini*: in quo exposuit quod voluit dicere: *Et maiora his demonstrabit ei opera.* Sed quare non dixit, Demonstrabit vobis, sed Filio? Quia & nos membra sumus Filii, & ipse dilcit quodammodo in membris suis, quomodo & patitur in nobis: sicut enim dixit Matth. xxv. „Quod uni ex minimis meis dedistis, mihi dedistis;“ ita si interrogetur a nobis, Quando eris discens, cum tu doceas omnia? responderet: Cum unum ex minimis meis discit, ego discio.

(d) AUGUSTINUS (tract. xxi.) Quia dixerat quod maiora his opera Pater demonstraturus est Filio, quæ sint maiora profectur, & dicit: *Sicut enim Pater suscitavit mortuos, & vivificavit, sic & Filius, quos vult vivificare.* Plane maiora sunt ista: valde enim plus est ut resurgat mortuus quam ut convalescat egrotus. Non autem sic hoc intelligamus ut allos a Patre suscitari, alios a Filio æstimemus; sed eosdem quos Pater suscitavit, & vivificavit, ipsos & Filius suscitavit, & vivificavit. Et ne quis diceret, Suscitavit Pater mortuos per Filium, ille tamquam potens, iste tamquam ex aliena potestate, tamquam minister facit aliquid; potestatem Filii signavit dicens: *Filius quos vult vivificat.* b Tenete hic non solum potestatem Filii, verum etiam & voluntatem. Eadem enim Patris, & Filii potestas est, & voluntas: non enim vult Pater aliud quam Filius; sed sicut illis una substantia,

sic una voluntas est. HILARIUS VII. de Trinit. (ante med.) Velle quidem naturæ libertas est, quæ ad perfectæ virtutis beatitudinem cum arbitrii voluntate in libertate subsistat. AUGUSTINUS (tract. xxi.) Sed qui sunt isti mortui, quos vivificat Pater, & Filius? Vult nobis insinuare resurrectionem mortuorum quam omnes expectamus, non illam quam quidam habuerunt, ut ceteri crederent: resurrexit enim Lazarus mortuus. Cum ergo dixisset, *Sicut enim Pater suscitavit mortuos, & vivificavit, ne intelligeremus illam mortuorum resurrectionem quam fecit ad miraculum, non ad vitam æternam, secutus ait: Neque enim Pater indicat quemquam &c.* ut ostendat quia de illa resurrectione mortuorum dixerat quæ futura est in iudicio. (Tract. xxiii.) Vel aliter de resurrectione animarum dictum est: *Sicut Pater suscitavit mortuos &c.* De resurrectione autem corporum sic dicit: *Neque enim Pater indicat quemquam &c.* Resurrectio enim animarum fit per substantiam Patris, & Filii, & ideo id simul operantur Pater, & Filius; resurrectio vero corporum fit per dispensationem humanitatis non Patri cœternam. (Tract. xxi.) Sed vide quomodo Verbum Christi mentem nostram huc atque illuc ducit, & uno carnis loco remanere non sinie; ut versando exerceat, exercendo mundet, mundando capaces reddat, capaces factos impleat. Paulo enim ante dicebat, quia demonstrat Pater Filio quicquid facit. Videbam quasi Patrem facientem, & Filium expectantem: modo rursus video Filium facientem, Patrem (i) vacantem. AUGUSTINUS I. de Trin. (cap. xxi.) Non enim quod dicitur, *Omne iudicium dedit Filio*, secundum illam locutionem dictum: est quæ dicitur: *Sic dedit Filio vitam habere in semetipso*: ut significaret quia sic Filium genuit. Si enim sic diceretur, non utique diceretur: *Pater non indicat quemquam*; secundum hoc enim quod Pater æqualem genuit Filium, indicat cum illo. Secundum hoc ergo dictum est, quod in iudicio non forma Dei, sed forma Filii hominis apparebit; non quia non iudicabit, qui dedit omnem iudicium Filio, cum de illo dicat Filius infra xix. *Est qui quærat, & iudicat*: sed ita dictum est, *Pater non indicat quemquam*, ac si diceretur: *Patrem.*

(i) ut vocantem.

erem nemo videbit in iudicio, sed omnes Filium, quia Filius hominis est, ut possit & ab impiis videri, cum & illi „videbunt in quem pupugerunt:“ Zach. xxi. HILARIUS VII. de Trin. (ante med.) Vel aliter. Quia dixerat, *Et Filius quos vult vivificat*, ne non natiuitatis videretur in se habere naturam, sed non natæ potius potestatis iure subsistere, continuo subiicit: *Neque enim Pater iudicat quemquam, sed omnem iudicium dedit Filio*. Et in eo quod omnem iudicium datum est, naturæ natiuitas demonstratur: quia & omnia habere sola natura possit indifferens, neque natiuitas aliquid possit habere nisi datum sit. CHRYSOSTOMUS (hom. xxxviii.) Sicut enim dedit vitam, idest genuit eum viventem, ita dedit iudicium, idest genuit eum iudicem. *Dedit* enim hic posuit est, ne hunc ingentium suspiceris, neque duos patres æstimes. Dicit autem, *Omnis iudicium*, quia dominus est & puniendi, & honorandi, ut voluerit. HILARIUS VII. de Trin. (circa med.) Datum est enim ei omne iudicium, quia vivificat quos vult. Neque ademptum Patri iudicium potest videri, cum ipse non iudicet, quia Filii iudicium ex iudicio est paterno. Ab eo enim datum omne iudicium est, sed dati iudicii causa non tacita est: sequitur enim: *Ut omnes honorificent Filium, sicut honorificant Patrem*. CHRYSOSTOMUS (homil. xxviii.) Ne enim audiens quoniam Patrem habet auctorem, dissimilitudinem substantiæ æstimes, & honoris minoracionem, complicit honorem Filii Patri honorari, eundem ostendens esse honorem Patris, & Filii. Sed numquid Patrem eum dicemus? Abit: qui enim Patrem eum dicit, non adhuc Filium ut Patrem honorat, sed totum confundit. AUGUSTINUS a. Et prius quidem Filius videbatur ut servus, Pater honorabatur ut Deus. Apparebit Filius æqualis Patri: *ut omnes honorificent Filium, sicut honorificant Patrem*. b Sed quid, si inveniuntur qui Patrem honorificant, & non honorificant Filium? Non potest fieri: unde sequitur: *Qui non honorificat Filium, non honorificat Patrem qui misit illum*. Aliud est enim cum tibi commendatur Deus, quia Deus est, & aliud cum tibi commendatur Deus, quia Pater est. Cum tibi commendatur

Deus creator, tibi commendatur omnipotens, spiritus quidam summus, æterous, invisibilis, incommutabilis; cum vero tibi, quia Pater est, commendatur, nihil tibi aliud quam Filius commendatur: quia Pater dici non potest, si Filium non habet. Sed si forte Patrem quidem honorificastamquam maiorem, Filium tamquam minorem, ibi tollis honorem Patris, ubi minorem das Filio. Quid enim tibi aliud videtur ita sentienti, nisi quia Pater æqualem sibi Filium generare aut noluit, aut non potuit? Si noluit, invidit; si non potuit, defecit. (Tra. xxxi.) Vel aliter. Quod dicitur, *Ut omnes honorificent Filium sicut honorificant Patrem*, redditum est resurrectioni animarum, quam sic operatur Filius sicut Pater; sed propter resurrectionem corporum subditur: *Qui non honorificat Filium, non honorificat Patrem qui misit illum*. Nondixit, (1) Sicut: honoratur enim homo Christus, sed non sicut Pater Deus. (Tracl. xxi.) Sed dicit aliquis: Misus est Filius, & maior est Pater, quia misit. Recede a carne: missionem audi, non separationem. Res humanæ saltim homines, res divinæ purgant; quamquam & ipsæ res humanæ dicant contra se testimonium; velut si quis uxorem velit petere, & per se non possit, amicum maiorem mittit qui eam petat. Et tamen attende quam sit aliud in rebus humanis: numquid enim homo pergit cum eo quem mittit? Pater autem qui misit Filium, non recessit a Filio, cum dicat infra xvi. *Non sum solus, quia Pater mecum est*. AUGUSTINUS IV. de Trin. (cap. xxi.) Non autem eo ipso quod de Patre natus est, missus dicitur Filius; sed vel eo quod apparuit huic mundo, Verbum caro (2) factum: unde dicit ibid. *A Pater exivi, & veni in hunc mundum*: vel eo quod ex tempore cuiusquam mente percipitur, sicut dictum est Sap. ix. „Mitte illum, ut mecum sit, & mecum laboret.“ HILARIUS VII. de Trin. (circa med.) Conclusa igitur sunt omnia adversum hæretici furoris ingenia. Filius est, quia a se nil facit; Deus est, quia quæcumque Pater facit & ipse eadem facit; unum sunt, quia exæquantur in honore: non est Pater ipse, quia missus est.

(c) GLOSSA e. Quia dixerat quod *Filius quos vult vivificat*, consequenter ostendit

(1) *Al. sic.* (2) *Al. factum est.*

dit qualiter per Filium perveniatur ad vitam, dicens: *Amen, amen dico vobis, qui-
cui verbum meum aternam, & credit ei qui misit
me, habet vitam aternam.* AUGUSTINUS
(*tract. xxi.*) Quandoquidem in audiendo,
& credendo vita aternam est, multo magis
in intelligendo. Sed gradus pietatis est fi-
des, fidei fructus intellectus. Et non dixit,
(1) Mihi; sed *credit ei qui misit me*. Qua-
re verbum audit tuum, & credit alteri?
Quid voluit dicere nisi quia verbum eius est
in me? Et quid est, *Audit verbum meum*,
(2) nisi audit me? Credit autem ei qui
misit me: quia cum illi credit, Verbo eius
eredit, mihi credit, quia Verbum Patris
ego sum. CHRYSOSTOMUS (*homil.
xxxviii.*) Vel non dixit: Qui audit ser-
mone meos, & credit mihi: aestimassent e-
nim hoc esse timorem, & gloriationem
verborum superfluum. Dicens autem, *Credit
ei qui misit me*, susceptibilem faciebat suum
sermone. Ex duobus enim suum sermo-
nem susceptibilem facit, & in hoc quod
Patri creditur ab eo qui ipsum audit, &
in hoc quod multis bonis potietur: unde
sequitur: *Et in iudicium non venit.* AUGU-
STINUS (*tract. xxi.*) Sed quis est hic?
Erit quisquam Paulo Apostolo melior, qui
ait II. Corinth. vi. „Oportet nos exhiberi
„ omnes ante tribunal Christi? Aliquan-
do ergo iudicium pœna dicitur, aliquando
iudicium discretio dicitur. Ergo secundum
iudicium discretionis oportet nos omnes ex-
hiberi ante tribunal Christi; secundum iu-
dicium damnationis hic dicitur, *In iudicium
non venit*; idest, non venit in damnatio-
nem. Sequitur: *Sed transit a morte in vitam.*
Non nunc transit, sed iam transit a mor-
te infidelitatis ad vitam fidei, a morte ini-
quitatis ad vitam iustitiae. Vel aliter. Ne
putares credendo te non moriturum secun-
dum carnem, scias te mortem, quam debes
supplicio Adam, persolvere. Accipit enim
ille, in quo tunc omnes fuimus, „Morte
„ morieris: „ Gen. ii. nec potes evadere
divinam sententiam. Sed cum persolveris
mortem veteris hominis, suscipies vitam
novi hominis, & transitum facies de mor-
te ad vitam. Ad quam vitam? Ad aternam;
resurrexerunt enim infine saeculi, mor-
tui in vitam aternam transibunt: b vita

enim ista nec vita nominanda est, quia non
est vera vita nisi quae cit aeterna. AUGU-
STINUS de Verb. Dom. (serm. lxi.)
Videmus autem homines amatores praesentis
vitae temporalis, ac finientis, sic pro
illa laborare ut quando veniat mortis me-
tus, quod id quid possunt faciant non ut averse-
rant, sed ut differant mortem. Si ergo tan-
to labore, tanta cura agitur ut aliquantulum
plus vivatur, quomodo agendum est ut
semper vivatur? Et si prudentes dicuntur,
qui omnibus modis agunt ut differant mor-
tem, & vivant paucos dies; quam (3) stulti-
ei sunt qui sic vivunt ut perdant aeternum
diem?

(f) AUGUSTINUS (*tract. xxxii.*)
Posset aliquis dicere: Ex Patre aliquis vi-
vificatur cui credit. Quid tu? Non vivifi-
cas? Vide quia & Filius quos vult vivifi-
cat: unde dicit: *Amen amen dico vobis, quia
venio hora, & nunc est, quando mortui au-
dient vocem Filii Dei, & qui audierint vivent.*
CHRYSOSTOMUS (*hom. xxxviii.*) Cum
autem dicat, *Venit hora*, ne forte longum
suspiceris tempus, addidit, *Et nunc est.*
Sicut enim in resurrectione futura vocem
audientes praecipientem suscitabimur, ita
(4) & nunc fit. THEOPHYLACTUS.
Hoc enim dixit pro his quos a mortuis sus-
citaturus fuit, scilicet filia Archisynagogi,
filio viduae, & Lazaro. AUGUSTINUS
(*tract. xxi.*) Vel aliter. Ne forte quis
dixit, *Transit de morte ad vitam*, intelligamus
hoc in futura resurrectione, ostendere
volens quomodo transit qui credit, subiungit:
Amen amen dico vobis, quia venio hora.
Quae hora? Et nunc est, quando mortui au-
dient vocem Filii Dei, & qui audierint vivent.
Non inquit, Quia vivunt, audiunt; sed
audiendo reviviscunt. Quid est enim au-
dient nisi obediunt? Qui enim credunt, &
secundum veram fidem agunt, vivunt, &
mortui non sunt; qui autem vel non cre-
dunt, vel credunt male viventes, & carita-
tem non habentes, mortui potius depu-
tandi sunt. Et tamen adhuc agitur hora ista,
& usque ad finem saeculi ipsa hora una agi-
tur, ut Iohannes dicit Epist. I. cap. xi.
„Novissima hora est.“ AUGUSTINUS
de Ver. Dom. (serm. lxi.) Quando mortui,
idest infideles, audient vocem Filii Dei, idest E-

VAN,

(1) Supplet P. Nicolai Qui credit. (2) M. non audit. (3) M. multi. (4) M. et tunc
fuit.

EX EDITIONE P. NICOLAI.

vangelium; & qui audierint, (1) idest qui obedierint, vivent; idest, iustificabuntur, & infideles iam non erunt. AUGUSTINUS super Ioannem (tract. xxi.) Sed quæret aliquis: Habet Filium vitam unde vivant credentes? Audi ipsum dicentem: *Sicut enim habet Pater vitam in semetipso, sic dedit & Filio habere vitam in semetipso.* Vivere quippe suum in illo est, non aliunde, non alienum est; non quasi particeps sit vitæ, quæ non est quod ipse; sed habet vitam in semetipso, ut ipsa vita sibi sit ipse. (2) Quid tu? Anima mortua eras. Audi Patrem per Filium: surge, ut in eo recipias vitam, quam non habes in te, qui habet vitam in semetipso; & sic agitur prima resurrectio. Hæc enim vita, quod Pater, & Filius est, ad animam pertinet. Non enim vitam illam sapientiæ sentit corpus, sed mens rationalis. HILARIUS In Lib. de Synodis (in diffn. vi.) Conclusi quidem hæretici Scripturarum auctoritatibus, hoc solum tribuere solent Filio, ut Patri tantum virtute similis sit; tollant autem ei similitudinem naturæ, non intelligentes, non nisi ex naturæ similitudine similitudinem esse virtutis: neque enim aliquando inferior natura superioris a se potiorisque naturæ virtutem consequitur. Non autem potest negari quoniam Filius Dei idem possit, cum dixerit: *Quicumque Pater facit, eadem & Filius facit similiter.* Sed similitudini virtutis, naturæ similitudo succedit, cum dicit: *Sicut habet Pater vitam in semetipso, ita & Filio dedit habere vitam in semetipso.* In vita, naturæ, & essentiae significatio est; quæ sicut habetur, ita data esse docetur ad habendum. Quod enim in utroque vita est, id in utroque significatur essentia; & vita quæ gignitur ex vita, idest essentia quæ de essentia nascitur, dum non dissimilis nascitur, scilicet quia vita ex vita est, tenet in se originis suæ indissimilem naturam. AUGUSTINUS XV. de Trin. (cap. xxvii.) Intelligitur autem Pater non sine vita existenti iam Filio vitam dedisse; sed ita eum sine tempore genuisse ut vita quam Pater Filio gignendo dedit, coeterna sit vitæ eius qui dedit. HILARIUS VII. de Trin. (circa med.) Quod enim ex vivo vivum natum est, habet naturæ vitæ perfectionem sine novitate naturæ:

S. Th. Oper. Tom. V.

non enim novum est quod ex vivo generatur in vivum, quia nec ex nihilo ad naturam vitam quæ sita est; & vita quæ naturam vitæ sumit ex vita, necesse est per naturæ unitatem, & perfectæ naturæ sacramentum, ut in vivente vivat, & in se habeat vitam viventem. Et quidem naturæ humanæ infirmis ex disparibus comparatur, & ex inanimatis continetur ad vitam, nec statim in ea quod gignitur vivit, neque totum vivit ex vita, cum in ea multa sint quæ sine naturæ sensu, cum excreverint, desiccantur. In Deo vero totum quod est vivit: Deus enim vita est, & ex vita non potest quicquam esse nisi vivum. AUGUSTINUS (tract. xxi.) Ergo quod dicitur, *Dedit Filio*, tale est ac si diceretur, genuit Filium: generando enim dedit. Quomodo dedit ut esset, sic dedit ut vita esset in semetipso, ut non aliunde vita indigeret; sed ipse esset plenitudo vitæ, unde credentes alii viverent, dum viverent. Quid interit? Quia ille dedit, iste accipit. CHRYSOSTOMUS (homil. xxxviii.) Vides indissimilitudinem, in uno solo differentiam ostendentem, in essendo hunc quidem Patrem, illum vero Filium. HILARIUS de Synod. (circa princ. ubi supra.) Discernitur enim persona accipientis, & dantis: non enim potest intelligi ipse atque unus a se accepisse qui dederit: quia alius est sibi vivens, alius proficiens se vivere per alioquem.

(g) THEOPHYLACTUS. Non solum Pater dedit Filio quod vivificet, sed etiam quod iudicium faciat: unde dicit: *Et potestatem dedit ei iudicium facere.* CHRYSOSTOMUS (hom. xxxviii.) Cuius vivendi gratia circa hoc continue vertitur, iudicium, dico, & resurrectionem, & vitam? Quoniam hæc maxime omnium sunt (3) quæ possunt difficilem etiam auditorem ad credendum adducere. Qui enim persuasus est quoniam resurget, & Filio dabit noxas eorum quæ deliquit, etsi nihil aliud viderit, signum hoc suscipiens curret, benignum sibi iudicem faciens. Sequitur: *Quia Filius hominis est, nolite mirari hoc.* Paulus quidem Samosatenus non ita ait; sed sic: *Dedit ei potestatem iudicium facere, quia Filius hominis est.* Sed nullam convenientiam habet hoc dictum ita: non enim propterea suscepit iudicium, quia

P p p

quia

(1) Edit. Romano an. 1770. & Veneta Nicolini an. 1795. amittunt idest qui obedierint. (2) Legit Nicolini: Quid tu, anima? Non mortua eras? Audi Patrem per Filium: surge, ut in eo recipias vitam, quam non habes in te. Vivificat ergo te Pater, vivificat Filius, qui habet vitam in semetipso; et sic agitur prima resurrectio. Et rursus inferius. Hæc enim vita dec. (3) Dna Veneta editio: altera an. 1521. altera vero 1584. & Antwerpensis an. 1589. sic legunt: quæ introducere possunt, & inflexibilem facere auditorem. Nicolini autem in hunc modum legit: quæ inducere ad hanc possunt etiam inflexibilem auditorem.

quia homo est : quia quis prohibet omnes homines esse iudices ? Sed quia ineffabilis Dei Filius est, propterea & iudex est. Ita igitur legendum : *Quia Filius hominis est, nolite mirari hoc* : quia enim videbatur audientibus obflare his quæ dicebantur ; quoniam nihil plus aestimabant esse Christum quam purum hominem ; quæ vero dicebantur erant maiora quam secundum hominem, & etiam quam secundum Angelum, & erant solius Dei : ideo hanc opinionem solvens dixit : Ne miremini quia Filius hominis est : & subdit causam quare non sit mirandum, dicens : *Quia venit hora in qua omnes qui in monumentis sunt audient vocem Filii Dei*. Et cuius gratia non dixit : Ne miremini, quia Filius hominis est : etenim & ipse Filius Dei est ? Si resurrectionem posuit, (1) quasi scilicet opus dicens quod Dei proprium esset, dat audientibus ex eo syllogizare de reliquo, quoniam Deus erat, & Dei Filius. Etenim qui argumenta complicant, cum partes ponentes nobiliter demonstraverint quod quaeritur, multoties non inducunt ipsi conclusionem : sed clariorem facientes victorias, dimittunt illi qui contradicit, ut pro eis sententiam ferat. Igitur eius quidem quæ secundum Lazarum resurrectionis supra reminiscens de iudicio tacuit : non enim propter iudicium surrexit Lazarus : universalem vero resurrectionem inducens, iudicium posuit : unde sequitur : *Et procedent qui bona fecerunt, in resurrectionem vitæ ; qui vero mala egerunt, in resurrectionem iudicii*. Quia enim supra dixerat : *Qui audit sermonem meum, & credit ei qui misit me, in iudicium non venit : ut non æstimet quis quod credere sufficit ad salutem, adiecit hæc & de vita, dum dicit : Et qui bona egerunt & qui mala egerunt*. AUGUSTINUS a (tract. xxi. in Ioannem.) Vel aliter. Inquantumerat Verbum in principio apud Deum, dedit eivntiam habere in semetipso ; sed quia Verbum caro factum est ex Virgine Maria, homo factus Filius hominis est ; & quia Filius hominis est, accepit potestatem iudicium facere, quod scilicet erit in fine sæculi, & ibi erit resurrectio corporum mortuorum. Animas ergo suscitavit Deus per Christum Filium Dei, corpora suscitavit per eundem Filium hominis : unde additur : *Quia Filius*

hominis est : nam secundum quod Dei Filius est, semper habuit. AUGUSTINUS de Ver. Dom. (ser. lxiv.) Ad iudicium enim forma hominis ventura est, forma illa iudicabit quæ iudicata est ; sedebit iudex qui stabat sub iudice ; damnabit vero reos qui factus est salto reus. Rectum enim erat ut iudicandi viderent iudicem ; iudicandi autem erant boni, & mali : restabat ut iudicio forma servi & bonis, & malis ostenderetur, forma Dei solis bonis servaretur. Beati enim mundo corde, quoniam ipsi Deum videbunt : Matth. v. AUGUSTINUS b (tract. xxi. super Ioannem.) Omnes autem qui inivituerunt alicuius etiam falsæ religionis sectam, negare resurrectionem mentium non poterunt ; sed multi carnis resurrectionem negaverunt : & nisi tu Domine Iesu dixeris eam, quid opponemus contradicitoribus ? Ad ipsam igitur ostendendam subdit : *Nolite mirari hoc*, scilicet quod dedit potestatem Filio hominis iudicium faciendi, *quia venit hora*. AUGUSTINUS de Ver. Dom. (ser. lxiv.) Hic non addit, *Et nunc est*, quia ista hora in fine sæculi erit. Nolite, inquam, mirari, quia dixit : Oportet homines ab homine iudicari : sed quos homines ? Non solum quos inveniet vivos : unde sequitur : *Quia venit hora in qua omnes qui in monumentis sunt*. AUGUSTINUS super Ioan. c (tract. xxi.) Quid evidenter ? Corpora sunt in monumentis, non animæ. Superius etiam cum diceret, *Venit hora*, & adderet, *Et nunc est*, subiicit, *Quando mortui audient vocem Filii Dei*. Non dixit, Omnes mortui, mortuos enim iniquos voluit intelligi ; sed non omnes iniqui obediunt Evangelio ; at vero in fine omnes qui sunt in monumentis audient vocem eius, & procedent. Noluit dicere, Et vivent, quod supra dixit, ubi vitam æternam intelligi voluit & beatam, quam non omnes habebunt qui de monumentis procedent : Acceperunt certe potestatem iudicandi, quia Filius hominis est. Resurgent corpora : de ipso iudicio dic aliquid ; & hoc audite : *Qui bona fecerunt in resurrectionem vitæ, vivere scilicet cum Angelis Dei ; qui male egerunt, in resurrectionem iudicii*. Hic iudicium pro pœna posuit.

(h) AUGUSTINUS d (tract. xxi.)
Di-

(1) Id. quia,

EX EDITIONE P. NICOLAI.

a Tract. xxi. & xxi. in Ioannem. b Tract. xix. c Ibidem. d Ut supra, tract. xix.

Diduri eramus Christo : Tu iudicabis , & Pater non iudicabit : nonne ergo secundum Patrem iudicabis ? Et ideo adiecit : *Non possum ego a me facere quidquam*. CHRYSOSTOMUS (hom. xxxviii.) Hoc est , non extraneum , neque dissimile his quæ vult Pater , a me fieri videbitis ; *sed sicut audis , iudico* : in quo nihil aliud ostendit quam quoniam impossibile est eum aliquid aliud velle quam quod Pater vult : hoc est , ita iudico ac si ipse Pater esset qui iudicaret . AUGUSTINUS (tract. xxiii.) Cum ageretur de resurrectione animarum non dicebat , *Audis* , sed *Vides*. Audis enim nunc dicit , tamquam præcipientis Patris imperium . Iam ergo sicut homo loquitur , quo maior est Pater . AUGUSTINUS in sermone contra Arianos (cap. xiii.) Vel aliter dicit Filius , *Sicut audio iudico* , sive ex humana subiectione , quia filius hominis est , sive secundum illam incommutabilem , simplicemque naturam quæ sic est Filii ut tamen ei de Patre sit : in qua natura non est aliud audire , aliud videre , aliud esse . Unde ab illo est ei audire , & videre a quo illi est ipsum esse . (In eodem sermone cap. xvii.) Et ideo sicut audit iudicat , quia sicut genitum est Verbum , ut idem Verbum sit veritas , ita secundum veritatem iudicat . (In eod. ser. cap. xviii.) Sequitur : *Et iudicium meum iustum est* : quia non *quare voluntatem meam* , sed *voluntatem eius qui misit me Patris*. Hoc enim dicens , ad illum hominem voluit referre intentionem nostram qui voluntatem suam querendo , non eius a quo factus est , non habuit iustum iudicium de seipso ; sed iustum iudicium habitum est de ipso . Ipse quippe faciens voluntatem suam , non Dei , moriturum se esse non credidit ; sed hoc iudicium eius iustum non fuit . Denique fecit , & mortuus est : quia iudicium Dei iustum est , quod iudicium facit Dei Filius , non querendo voluntatem suam , cum sit etiam hominis Filius : non quia ipse in iudicando nulla voluntas est , sed quia non ita est voluntas eius propria ut sit a voluntate Patris aliena . AUGUSTINUS super Ioan. 6 (tract. xxxi.) Non ergo querit voluntatem meam propriam , id est Filii hominis , quæ resistat Deo : faciunt enim homines voluntatem suam , non Dei , quando faciunt quod volunt , non quod iubet Deus . Quan-

do autem ita faciunt quod volunt ut tamen sequantur voluntatem Dei , non faciunt voluntatem suam . Vel ideo dicit Filius : *Non quare voluntatem meam* : quia Christus non est de se , sed de Patre suo est . CHRYSOSTOMUS (ho. xxxviii.) Ostendit enim non aliam esse Patris voluntatem præter suam , sed unam utriusque . Si vero humanius hoc loquitur , ne mireris : hominem enim purum ad huc eum (1) æstimabant . Inde igitur suum iudicium iustum esse dixit , unde quilibet (2) alius excusans dixisset : qui enim sua vult statuere , in suspicionem deveniet de corruptione iustitiæ ; qui vero non suis innititur , quam occasionem habebit ut iniusta iudicet ? AUGUSTINUS (tract. xxi.) Filii unicuique dicit , *Non quare voluntatem meam* ; & homines volunt facere voluntatem suam . Faciamus ergo voluntatem Patris , Christi , & Spiritus sancti : quia horum una voluntas , una potestas , una maiestas est .

(1) CHRYSOSTOMUS (hom. xxxix.) Quia Christus magna de se enuntiaverat , quorum demonstratio non erat dicta ; ad confirmationem eorum quæ dicta sunt , oppositionem eorum inducit , dicens : *Si ego testimonium perhibeo de me , testimonium meum non est verum* . Quis autem non statim turbabitur , Christum audiens hoc dicentem ? Etenim in multis locis apparet sibi ipsi status . Si igitur omnia hæc falsa sunt , quæ nobis erit ipse salutis ? Unde veritatem inveniemus , cum ipsa veritas dicat : *Testimonium meum non est verum* ? Hoc igitur quod dicit , *Non est verum* , non quantum ad dignitatem suam , sed quantum ad illorum suspicionem loquebatur . Poterat enim ei Iudæi subinferre : Quoniam tibi non credimus : nullus enim umquam ipsi testans dignus est fide . Deinde post oppositionem alias dat responsiones manifestas , & irrefragabiles , tres inducens testes eorum quæ dicta sunt : opera quæ ab ipso sunt facta , Patris testimonium , & Ioannis prædicationem : & ponit priorem minorem , eam scilicet quæ Ioannis : unde dicit : *Alius est qui testimonium perhibet de me , & scio quoniam verum est testimonium eius quod perhibet de me* . AUGUSTINUS (de Ver. Dom. ser. xlii.) Noverat enim ipse verum esse de se testimonium suum : sed propter infirmos , & propter incredulos quærebat sol lucernas :

Ppp 2 ful-

(1) *Al. æstimant*. (2) *Al. aliud*.

EX EDITIONE P. NICOLAI.

fulgorem quippe solis lippitudo eorum ferre non poterat; ideo quæsitus est Ioannes, qui testimonium perhiberet veritati. Martyres nonne testes sunt Christi, ut testimonium perhibeant veritati? Sed si diligenter inspicimus, quando martyres perhibent illi testimonium, ipse sibi perhibet testimonium: ipse enim habitat in martyribus, ut perhibeat testimonium veritati. **ALCIVINUS.** Vel aliter. Quia Christus Deus erat & homo, utriusque naturæ proprietatem ostendit, aliquando loquens secundum hoc quod ex hominibus assumptis, aliquando secundum maiestatem divinitatis. Quod ergo ait, *Si ego testimonium perhibeo de me ipso, testimonium meum non est verum*, ex parte humanitatis est accipiendum, & est sensus: *Si ego homo de me perhibeo testimonium, scilicet abique Deo, testimonium meum non est verum*: unde sequitur: *Alius est qui testimonium perhibet de me*. Pater enim testimonium perhibet de Christo, quia in baptismo vox Patris audita est, & in monte transfigurato Christo. Sequitur: *Es scio quia verum est testimonium eius*. Deus enim veritas est: ergo testimonium veritatis quid aliud potest esse quam verum? **CHRYSOSTOMUS** (hom. xxxix.) Sed secundum priorem intellectum possent illi dicere: Si non est verum testimonium tuum, quomodo dicis, Quoniam novi quod est verum testimonium Ioannis? unde ad eorum suspensionem respondet dicens: *Vos misistis ad Ioannem, & testimonium perhibuit veritati*; qualidicat: Non misistis ad Ioannem, si eum dignum fide non opinaremini. Et, quod utique maius est, non miserunt ad eum interrogandum de Christo, sed de seipso. Qui enim missi sunt non dixerunt: Quid dicis de Christo; sed *Tu quis es? ... Quid dicis de te ipso?* supra i. Ita magnam de homine admirationem habebant. **ALCIVINUS.** Ille autem testimonium perhibuit, non sibi, sed veritati; sicut amicus veritatis veritati Christo testimonium perhibuit. Non autem Dominus refellit testimonium Ioannis, (1) quod vere necessarium fuit; sed ostendit non ita debere homines in Ioannem intendere ut iam non putent solum Christum sibi esse necessarium: unde subdit: *Ego autem non ab hominibus testimonium accepi*. **BEDA.** Quia non indigeo. Ioannes autem cessi testimonium perhibuit, non tamen ut Christus cresceret, sed ut homines ad ipsius cognitionem promoveret. **CHRYSOSTOMUS** (hom. xxxix.) Testimonium etiam

Ioannis Dei testimonium erat: ab illo enim discens dixit quod dixit. Sed ne dicant: Unde manifestum est quod a Deo didicit quod didicit? eorum suspensionem corresxit, dicens: *Sed hoc dico, ut vos salvi sitis*; quasi dicat: Ego quidem Deus existens, non indigebam huiusmodi testimonio humano: quia vero ei magis attenditis, & eum magis omnibus fide dignum putatis, mihi autem neque miracula facienti credidistis; propter hoc vobis commemoro testimonium illius: ut enim non dicant: Quid igitur si ille dixit; nos autem non suscepimus? ostendit quoniam non acceptaverunt quæ ab eo dicta sunt: unde sequitur: *Ille erat lucerna ardens, & lucens*. Vos autem voluistis ad horam exultare in luce eius. Hoc autem quod dicit, *Ad horam*, facilitatem credendi ostendit, & quam cito ab eo resiliunt: quod si non fecissent, cito eos ad Iesum manduxisset. Vocando autem eum lucernam, ostendit quoniam non ex se habebat lumen, sed a Spiritu sancti gratia. **ALCIVINUS.** Ioannes enim erat lucerna illuminatus a Christo luce, ardens fide & dilectione, lucens verbo, & actione, qui præmissus est, ut inimicos Christi confunderet, secundum illud Psal. cxxxi. „Pavi lucernam Christo meo: inimicos eius induam confusione.“ **CHRYSOSTOMUS** (hom. xxxix.) Ad Ioannem igitur vos duco non quasi illius indigens testimonio, sed ut vos salvemini: nam habeo maius testimonium Ioanne; & hoc est quod sequitur: *Ego autem habeo testimonium maius Ioanne*. Hoc autem est quod est ab operibus: unde sequitur: *Opera enim qua dedisti mihi Pater ut perficiam ea, ipsa opera qua ego facio, testimonium perhibent de me, quia misisti me Pater*. **ALCIVINUS.** Quod enim cæcos illuminat, aures aperit, ora mutorum resolvit, dæmonia fugat, mortuos suscitavit: opera hæc testimonium perhibent de Christo. **HIERONIMUS VI.** de Trin. (circa medi.) Unigenitus enim Deus, non (2) hominis testimonio tantum, sed etiam virtutis, docet esse se Filium: opera enim eius quæ facit, testantur eum a Patre missum. Itaque Filii obedientia, & paterna auctoritas docentur in misso. Sed quia opera non sufficiunt (3) in credibilibus ad testimonium, sequitur: *Es qui misisti me Pater, ipse testimonium perhibet de me*. Revolvite evangelica volumina, & omne eorum opus recen-

(1) Legit Nestai quasi vere necessarium non fuit. (2) Ad. nominis. (3) Ad. canonibus legitur incredibilibus. Nestai autem prout incredulus.

consente: nullum aliud Patris de Filio testimonium extat in libris, quam quod hic sit Filius suus. Quid infertur hodie calumniam, ut adoptio nominis sit, ut mendax Deus sit, ut nomina inania sint? BEDA (in v. cap. Ioan.) Missio autem incarnationis eius debet intelligi. Denique ostendit quod Deus incorporeus sit, & quod corporalibus, & visibilibus oculis videri non possit: unde sequitur: *Neque vocem eius unquam audistis, neque speciem eius vidistis*. ALCUINUS. Possent enim Iudaei dicere: Nos soliti sumus vocem Domini audire in Sina, & eum vidimus in specie ignis. Si ergo Deus (1) perhibet testimonium de te, nos intelligeremus vocem Domini. Contra hoc dicit: Ego habeo testimonium a Patre, quamvis non intelligatis: quia vos numquam audistis vocem eius, neque speciem eius vidistis. CHRYSOSTOMUS (hom. xxxix.) Quomodo ergo Moyses dicit, Deut. xv. „Si facta est aliquid, de huiusmodi res, ut audiret populus, vocem Dei loquentis de medio ignis, „sicut tu audisti, & vidisti? „Vidisse etiam eum dicuntur Esaias, & alii plures. Quid ergo est quod nunc ait Christus? In philosophicum eos inducit dogma, paulatim ostendens quoniam neque vox circa Deum est, neque species; sed superior & figuris est, & loquels talibus. Sicut enim dixit, *Neque vocem eius audistis*, propter hoc non indicat quod vocem emittat, sed non audibilem: ita dicens, *Neque speciem eius vidistis*, non hoc dicit, quod speciem sensibilem habeat, & visibilem, sed quoniam nihil horum est circa Deum. ALCUINUS. Non enim carnalibus auribus, sed spiritali intelligentia per gratiam Spiritus sancti audiri potest. Non ergo vocem spiritalem audierant, quoniam eum amare, & praeceptis eius obedire nolebant; neque speciem eius viderunt, quia non exterioribus oculis videri potest, sed fide, & dilectione. CHRYSOSTOMUS (hom. xxxix.) Sed neque possibile erat eis dicere, quod praecepta eius suscepissent, & servarent: ideoque subiungit: *Et verbum eius non habetis in vobis manens*, id est praecepta Dei, legem, & Prophetas: etenim ea Deus constituit, sed apud vos non sunt: (2) & si Scripturae ubique docent ut mihi credatis, vos autem non creditis, manifestum est quod sermo eius deficit a vobis. Et propter hoc subdit: *Quia quem misisse ille, huic vos non creditis*. ALCUINUS. Vel aliter. Verbum quod in principio e-

rat, non habent in se manens qui verbum Dei quod audiunt, & memoria tenere, & opere implere contemnant. Dixerat igitur se habere testimonium a Ioanne, ab operibus, a Patre; addit & testimonium a lege, quae data est per Moysen, dicens: *Scrutamini Scripturas, in quibus patris vitam aeternam habere; & illa sunt quae testimonium perhibent de me*; quasi dicat: Vos in Scripturis putatis vitam aeternam habere, & me quasi contrarium Moysi repudiatis; testimonio ipsius Moysi me esse Deum intelligere potestis, si ipsas Scripturas diligenter investigatis. Omnis enim Scriptura testimonium perhibet de Christo, sive per figuras, sive per Prophetas, sive per Angelorum (3) ministeria. Sed his Iudaei de Christo non crediderunt; & ideo vitam aeternam habere non possunt: unde sequitur: *Et non vultis venire ad me, ut vitam habeatis*; quasi dicat: Scripturae perhibent testimonium; & tamen per tot testimonia non vultis venire ad me; id est, non vultis mihi credere, & a me quaerere veram salutem. CHRYSOSTOMUS (hom. xxxix.) Vel aliter potest continuari. Possent illi dicere: Qualiter si vocem eius non audivimus, Deus tibi testatur est? Et ideo dicit: *Scrutamini Scripturas*, ostendens quod per has testatur est Deus de eo: etenim in Iordane testatur est, & in monte. Sed vocem quidem factam in monte non audierunt; factam autem in Iordane audierunt, sed non attenderunt. Propterea mittit eos ad Scripturas, ostendens quoniam & Patris testimonium illic est. (Hom. xl.) Non autem ad lectionem simplicem Scripturarum, sed ad scrutationem exquisitam eos mittebat: quia ea quae de eo dicebantur in Scripturis, desuper obumbrabantur, neque in superficie exprimebantur, sed velut quidam thesaurus recondiebantur. Non dicit autem, (4) In quibus habetis vitam aeternam; sed in quibus assumatis vos habere; ostendens quoniam non capiebant magnum fructum, & nobilem ex Scripturis, sola lectione aestimantes se salvari, cum fide essent privati: propter quod subdit: *Et non vultis venire ad me*: quia ei credere nolebant. BEDA (in v. cap. Ioan.) Quod autem venire pro credere ponatur, Psalmista ostendit dicens, Psal. xxxiii. „Accedite, ad eum, & illuminamini.“ Subdit autem, *Ut vitam habeatis*: si enim anima quae peccat moritur, (5) ipsi anima, & mente mortui erant. Promittebat ergo illis vitam animae, vel felicitatis aeternae.

(k)

(1) *Al.* perhibuit. (2) *Al.* Si enim Scripturae. (3) *Al.* mysteria. (4) *Al.* amittit proposita In. (5) *Al.* & ipsi.

(k) CHRYSOSTOMUS (homil. xl.) Quia Dominus supra meminit & Ioannis, & testimonii Dei, & operum suorum, ut eos ad seipsum attraheret, probabile erat multos suspicari quod hæc diceret, gloriam hominum amans; & ideo contra hoc dicit: *Claritatem ab homine non accipio*; hoc est, non indigeo. Non enim est mea natura talis ut indigeat quæ ab hominibus est gloria. Si enim sol a lucernæ lumine non recipit adiectionem, multo magis ego humana gloria non indigeo. ALCUVINUS. Vel *claritatem ab hominibus non accipio*; id est, laudem humanam non quero: non enim veni ut honorem ab hominibus acciperem carnalem, sed honorem hominibus darem spiritualem. Non ergo ideo hoc loquor, ut gloriam meam queram, sed condoleo vobis errantibus, & volo vos reducere ad viam veritatis: unde dicit: *Sed cognovi vos, quia dilectionem Dei non habetis in vobis*. CHRYSOSTOMUS (hom. xl.) Quasi dicat: Ideo hoc dixi, ut convincam vos quoniam propter amorem Dei me non persequimini: etenim ipse testatur mihi & per opera, & per Scripturas. Oportebat igitur ut sicut me abiicibatis, æstimantes esse Deo contrarium, ita nunc ad me veniretis, si Deum amaretis, sed non amatis. Non autem ab his, solum, sed etiam a futuris hoc ostendit, dicens: *Ego veni in nomine Patris mei, & non accipitis me*. Si alius venerit in nomine suo, illum accipietis. Ideo dicit se in nomine Patris venisse, ut omnem abscindat occasionem inde vocationis. ALCUVINUS. Ac si dicat: Ideo veni in mundum, ut per me glorificetur nomen Patris, quia Patri omnia attribuo. Dilectionem ergo Dei non habebant, quia nolebant eum recipere qui Patris venerat facere voluntatem. Antichristus autem venit in nomine non Patris, sed suo, ut non gloriam Patris, sed suam querat. Quia enim ludæi noluere recipere Christum, poena peccati huius congruet ut recipiant Antichristum, ut qui nolunt credere veritati, credant mendacio. AUGUSTINUS de Verb. Dom. (serm. xlv. a med.) Sed audiamus & Ioannem. „Audis his quia Antichristus venit, & nunc antichristi multi facti sunt:“ I. Ioan. 17. Quid autem expavesce in Antichristo, nisi quia nomen suum honoraturus est, & nomen Domini contempturus? (1) Quid aliud facit qui dicit, Ego iustifico, nisi boni fueri-

mus, peristis? Ergo vita mea ex te pendeat, & salus mea ex te religabitur. Ita ne oblitus sim fundamentum rectum? Nonne petra erat Christus? CHRYSOSTOMUS (hom. xl.) Sic igitur irrefragabilem invocationis eorum ponit demonstrationem; quasi dicat: Si ut amantes Deum me persequeremini, multo magis in Antichristo hoc vos facere oportet: ille enim non dicit se a Patre missum, neque secundum voluntatem illius venire; sed e contrario ea quæ sibi non congruunt rapiens, super omnia Deum se esse dicit. Manifestum est igitur quod livoris persecutio erat qua Christum persequantur, & odii in Deum. Deinde causam eorum infidelitatis ponit dicens: *Quomodo vos potestis credere qui gloriam ab invicem accipitis, & gloriam qua a solo Deo est non queritis?* Hinc enim rursus ostendit quoniam non quæ Dei sunt intendebant, sed propriam volebant passionem defendere. ALCUVINUS. Magnum igitur vitium est iactantia, & humanæ laudis ambitio, quæ de se vult æstimari quod de se non habet. Ideo enim non possunt credere, quia superba mens eorum laudari desiderat, & se super alios efferre. BEDA. Hoc autem vitium melius caveri non potest, quam ut ad conscientias nostras redeamus, nosque pulverem esse consideremus; & si quid nobis boni inesseprehendimus, non nobis, sed Deo ascribamus. Instruimur etiam ut semper nos tales exhibeamus quales ab aliis videri desideramus. Denique possent ipsi respondere: Ergo accusabis nos apud Patrem? & ideo eorum questionem præveniens subdit: *Nolite putare quia ego accusaturus sim vos apud Patrem*. CHRYSOSTOMUS (homil. xl.) Quia scilicet non veni damnare, sed salvare. *Est qui accusat vos: Moyses, in quo vos speratis*. Sicut enim de Scripturis supra dixit, *In quibus putatis vitam æternam habere*; ita & de Moysæ ait, *In quo vos speratis*, ex propriis eos ubique capiens. Sed dicent: Qualiter nos ille accusabit? Quid tibi, & Moysi commune, qui sabbatum solvisti? & ideo subdit: *Si enim crederetis Moysi, crederetis forsitan & mihi: de me enim ille scripsit*. Hæc ex superioribus constitutionem habent: cum enim in confessionem deductum sit quod a Deo veni, ab operibus, a voce Ioannis a Patris testimonio, manifestum est quod Moyses eos accusabit: etenim dixit: (2) Si quis venerit signa faciens, & ad Deum ducens,

(1) Sic plerumque Messias. Quid aliud facit qui dicit, Ego iustifico? Sive illi qui dicunt: Nisi boni fuerimus, peristis. (2) A contrario inferri potest ad Deuter. xlii. 2. ut ait Nicolaus.

cens, & futura prædicans cum veritate, oportet ei obedire. Christus autem hæc omnia fecit, nec ei crediderunt. **ALCUNUS**. Forsitan autem more nostro posuit, non quia dubitatio sit in Deo. Scripsit autem de Christo Moyses dicens Deut. xviii. "Prophetam vobis faciet Deus de fratribus vestris: tamquam me ipsum audietis." **AUGUSTINUS** contra Faustum (Lib. XVI. cap. ix.) Sed & omne quod scripsit Moyses, de Christo est; id est, ad Christum omnino pertinet, sive quod cum figuris rerum vel gellarum, vel dictarum prænuntiet, sive quod eius gratiam, gloriamque commendat.

Sequitur: *Si autem illius litteris non creditis, quomodo verbis meis creditis?* **THEO-**

PHYLACTUS. Quasi dicat: Ipse etiam scripsit, & apud vos libros reliquit, ut si forte oblivisceremini, de facili recordari possitis; & cum scriptis non credidistis, quomodo verbis meis non scriptis credetis? **ALCUNUS**. Ex hoc etiam colligitur, quia qui legit præcepta, quæ rapinam, & alia mala prohibent, & implere negligunt, dicta Evangelii, quæ perfectiora, & subtiliora sunt, implere non valent. **CHRYSOSTOMUS** (hom. xl.) Et quidem si at tenderent his quæ dicebantur, oportebat quærere, & ab eo discere quæ sunt illa quæ Moyses de eo scripsit; sed illic: talis enim est nequitia, ut quicquid dicat aliquis, vel faciat, maneat proprium venenum conservans.

CAPUT VI.

(a) **P**ost hæc abiit Iesus trans mare Galilææ, quod est Tiberiadis; & sequebatur eum multitudo magna, quia videbant signa quæ faciebat super his qui infirmabantur. Subiit ergo in montem Iesus, & ibi sedebat cum discipulis suis. Erat autem proximum pascha dies festus Iudæorum. Cum sublevasset ergo oculos Iesus, & vidisset quia multitudo maxima venit ad eum, dixit ad Philippum: Unde ememus panes ut manducent hi? Hoc autem dicebat tentans eum; ipse enim sciebat quid esset factururus. Respondit ei Philippus: Ducentorum denariorum panes non sufficiunt eis, ut unusquisque modicum quid accipiat. Dicit ei unus ex discipulis eius, Andreas frater Simonis Petri: Est puer unus hic qui habet quinque panes hordeaceos, & duos pisces. Sed hæc quid sunt inter tantos? Dixit ergo Iesus: Facite homines discumbere. Erat autem fenum multum in loco. Discubuerunt ergo viri numero quasi quinque millia. Accepit ergo Iesus panes, & cum gratias egisset, distribuit discumbentibus: similiter & ex piscibus quantum volebant. Ut autem impleti sunt, dixit discipulis suis: Colligite quæ superaverunt fragmenta; ne pereant. Collegerunt ergo, & impleverunt duodecim cophinos fragmentorum ex quinque panibus ordeaceis, & duobus piscibus, quæ superfuissent his qui manducaverant. Illi ergo homines cum vidissent quod Iesus fecerat signum, dicebant, quia hic est vere Propheta qui venturus est in mundum.

(b) Iesus ergo cum cognovisset quia venturi essent ut raperent eum, & facerent eum Regem, fugit iterum in montem ipse solus. Ut autem sero factum est, descendunt discipuli eius ad mare; & cum ascendissent navim, venerunt trans mare in Capharnaum. Et tenebræ iam factæ erant, & non venerat ad eos Iesus; mare autem vento magno flante exurgebat. Cum remigassent ergo quasi stadia vigintiquinque aut triginta, vident Iesum ambulantem supra mare, & proximum navi fieri; & timuerunt. Ille autem dicit eis: Ego sum; nolite timere. Voluerunt ergo accipere eum in navim, & statim navis fuit ad terram ad quam ibant.

(c) Altera die turba, quæ stabat trans mare, vidit quia navicula alia non erat ibi nisi una; & quia non introisset cum discipulis suis Iesus in navim, sed soli discipuli eius abissent. Aliæ vero supervenerunt naves a Tiberiade iuxta locum ubi manducaverunt panem gratias agentes Deo. Cum ergo vidisset turba quia Iesus non esset ibi, neque discipuli eius, ascenderunt in naviculas, & venerunt Capharnaum, quæ-

quærentes Iesum. Et cum invenissent eum trans mare, dixerunt ei: Rabbi, quando huc venisti? Respondit eis Iesus, & dixit: Amen amen dico vobis: quæritis me, non quia vidistis signa, sed quia manducastis ex panibus, & saturati estis. Operamini non cibum qui perit, sed qui permanet in vitam æternam; quem Filius hominis dabit vobis. Hunc enim Pater signavit Deus.

(d) Dixerunt ergo ad eum: Quid faciemus ut operemur opera Dei? Respondit Iesus, & dixit eis: Hoc est opus Dei, ut credatis in eum quem misit ille. Dixerunt ergo ei: Quod ergo tu facis signum, ut videamus, & credamus tibi? Quid operaris? Patres nostri manducaverunt manna in deserto, sicut scriptum est: Panem de cælo dedit eis manducare. Dixit ergo eis Iesus: Amen amen dico vobis: non Moyses dedit vobis panem de cælo, sed Pater meus dat vobis panem de cælo verum. Panis enim verus est qui de cælo descendit, & dat vitam mundo. Dixerunt ergo ad eum: Domine, semper da nobis panem hunc.

(e) Dixit autem eis Iesus: Ego sum panis vitæ. Qui venit ad me, non esuriat; & qui credit in me, non sitiet in æternum. Sed dixi vobis, quia & vidistis me, & non credidistis. Omne quod dat mihi Pater, ad me venit, & eum qui venit ad me non eiiciam foras: quia descendi de cælo, non ut faciam voluntatem meam, sed voluntatem eius qui misit me. Hæc est enim voluntas eius qui misit me Patris, ut omne quod dedit mihi non perdam ex eo, sed resuscitem illud in novissimo die. Hæc est autem voluntas Patris mei qui misit me, ut omnis qui videt Filium, & credit in eum, habeat vitam æternam: & ego resuscitabo eum in novissimo die.

(f) Murmurabant ergo Iudæi de illo, quia dixisset: Ego sum panis vivus, qui de cælo descendi: & dicebant: Nonne hic est Iesus filius Ioseph, cuius nos novimus patrem, & matrem? Quomodo ergo dicit hic, Quia de cælo descendi? Respondit ergo Iesus, & dixit eis: Nolite murmurare invicem. Nemo potest venire ad me, nisi Pater, qui misit me, traxerit eum: & ego resuscitabo in eum in novissimo die. Est scriptum in Prophetis: Erunt omnes docibiles Dei. Omnis qui audit a Patre, & didicit, venit ad me: non quia Patrem vidit quisquam; nisi is qui est a Deo, hic vidit Patrem.

(g) Amen amen dico vobis: qui credit in me habet vitam æternam. Ego sum panis vitæ. Patres vestri manducaverunt manna in deserto, & mortui sunt. Hic est panis de cælo descendens, ut si quis ex ipso manducaverit, non moriatur. Ego sum panis vivus, qui de cælo descendi. Si quis manducaverit ex hoc pane, vivet in æternum.

(h) Et panis quem ego dabo, caro mea est pro mundi vita.

(i) Litigabant ergo Iudæi ad invicem dicentes: Quomodo potest hic nobis carnem suam dare ad manducandum? Dixit ergo eis Iesus: Amen amen dico vobis: nisi manducaveritis carnem Filii hominis, & biberitis eius sanguinem, non habebitis vitam in vobis. Qui manducat meam carnem, & bibit meum sanguinem, habet vitam æternam; & ego resuscitabo eum in novissimo die.

(k) Caro enim mea vere est cibus, & sanguis meus vere est potus. Qui manducat meam carnem, & bibit meum sanguinem, in me manet, & ego in illo. Sicut misit me vivens Pater, & ego vivo propter Patrem; & qui manducat me, & ipse vivet propter me. Hic est panis qui de cælo descendit. Non sicut manducaverunt patres vestri manna, & mortui sunt. Qui manducat hunc panem, vivet in æternum. Hæc dixit in synagoga, docens in Capharnaum.

(l) Multi ergo audientes ex discipulis eius dixerunt: Durus est hic sermo: & quis potest eum audire? Sciens autem Iesus apud semetipsum quia murmurarent de hoc discipuli eius, dixit eis: Hoc vos scandalizat? Si ergo videritis Filium hominis ascendentem ubi erat prius Spiritus est qui vivificat; caro non prodest quicquam. Verba quæ ego locutus sum vobis, spiritus, & vita sunt. Sed sunt quidam ex vobis

bis qui non credunt. Sciebat enim ab initio Iesus, qui essent credentes, & quis traditurus esset eum. Et dicebat: Propterea dixi vobis, quia nemo potest venire ad me nisi fuerit ei datum a Patre meo. Ex hoc multi discipulorum eius abierunt retro, & iam non cum illo ambulabant. Dixit ergo Iesus ad duodecim: Numquid & vos vultis abire? Respondit ergo ei Simon Petrus: Domine, ad quem ibimus? Verba vitæ æternæ habes. Et nos credimus, & cognovimus quia tu es Christus Filius Dei. Respondit ei Iesus: Nonne ego vos duodecim elegi, & ex vobis unus diabolus est? Dicebat autem de Iuda Simonis Scariothis: hic enim erat traditurus eum, cum esset unus ex duodecim.

(2) CHRYSOSTOMUS (hom. xli. Sicut (1) iacula cum in durum aliquid inciderint, magno impetu huc illuc dispergantur; (2) mollius verbis affecta figuntur, & desunt: ita & si cum audacibus hominibus impetuosius incesserimus, faciunt magis; si autem celserrimus, facile mollius eorum infamiam. Propterea Christus furorem ex præmissis sermonibus (3) natum, recedendo mitigavit, in Galilæam vadens; (4) non tamen ad eadem loca unde Hierusalem ascendit: non enim in Chana Galilææ, sed ultra mare ivit: unde ait: *Post hac abiit trans mare Galilææ, quod est Tiberiadis.* ALCUINUS a. Hoc mare pro diversitate locorum diversis nominibus vocatur; sed quantum ad præsentem locum, mare Galilææ propter provinciam, Tiberiadis autem a civitate dicitur. Mare autem dicitur, non quia sit amara aqua; sed iuxta Hebræicum modum, omnium congregationes aquarum maria vocantur: quod mare Dominus etiam frequenter transit, ut populus ibi manentibus verbum prædicationis impendat. THEOPHYLACTUS. Transiit enim de loco ad locum probando populi voluntatem, & avidiores homines uniuscuiusque civitatis, & sollicitiores reddens: unde sequitur: *Et sequebatur eum multitudo magna: quia videbant signa quæ faciebat super his qui infirmabantur.* ALCUINUS b. Scilicet quod cæcos illuminabat, & alia huiusmodi. Et sciendum est, quod quoscunque in corpore sanabat, eos pariter reformabat in anima.

CHRYSOSTOMUS (hom. xl.) Tanta au-

tem doctrina potientes, a signis magis movebantur, quod grossioris mentis erat. Signa enim (ut ait Paulus I. Corinth. xiv.) non sunt data fidelibus, sed infidelibus. Sapientiores autem erant illi de quibus (5) in Mattheo cap. vi. dicitur, quod stupebant in doctrina eius. Sed quare non dicit quæ signa videbant eum facientem? Quoniam hic Evangelista (6) maiorem partem libri in sermonibus Domini consumere studuit. Sequitur: *Subiit in montem Iesus, & ibi sedebat cum discipulis suis.* In montem quidem ascendit propter signum quod fieri debebat. Sed quod discipulos secum ascendere fecit, accusatio multitudinis erat non sequentis eum. Ascendit etiam in montem erudiens nos a tumultibus, & ab ea quæ in mundo est turbatione requiescere: apta enim ad philosophiam solitudo est. Sequitur: *Erat autem proximum pasche dies festus Iudeorum.* Vide qualiter in anno integro nihil plus Evangelista nos docuit de signis Christi quam quod paralyticum sanavit, & filium Reguli: non enim studuit universa annuntiare, sed ex multis magna, & pauca. Qualiter igitur non ascendit ad diem festum? Paulatim enim solvebat legem, occasione capiens a Iudaica nequitia. THEOPHYLACTUS. Quia enim Iudæi eum persequabantur, occasionem recessus accipiens legem exclusit, innuens observantibus quod, veritate adveniente, omnis cessat figura; & quod legibus non subicitur, ut legalia festa periceret. Et vide hoc quod non erat festum Christi, sed Iudeorum. BEDA c.

S. Th. Oper. Tom. V.

Q499

Si

(1) Quatuor sepe citata exempla hanc in modum sequuntur. Sicut iacula cum in durum aliquid incidunt, cum multo impetu iaciuntur: cum autem non habuerint aliquid obviæ, dissolvunt cito immisso, & quiescit: ita & sic. (a) Al. melius. (3) Al. tantum. (4) Sic sequitur quatuor modo citata editio. 1112 Romana autem an. 1570, & Veneta an. 1593: habent non tamen loca quæ ante perierat. (5) Al. in Luca (cap. ix.) (6) Al. meliorem.

EX EDITIONE P. NICOLAI.

a Aequivalenter tantum, non expresse quo ad priorem appendicem: sed sequentia nullo modo: quorum pars implicite in Glossa indicatur, cetera non occurrunt. b Nihil tale iterum Alcuinus expresse sed quod ipsum utique sequeretur maxima multitudo, quæ doctrinæ, sanationis, & resurrectionis ab eo callosa membra summa persequens spiritualiter instruit, sanari, & salvari desiderans. Reliqua indicantur in Glossa. c In vi. Marci cap. paulo alius quam his verbis, cum quibus prius confundeantur sequentia Theophylacti.

Si quis autem verba Evangelistarum diligenter consideraverit, facile cognoscat quia unius anni spatium fuit inter decollationem Ioannis & passionem Domini. Cum enim Matthæus dicat, quia Dominus audita necesse Ioannis secessit in desertum locum, & ibi turbas pavit; & Ioannes dicit, quod proximum erat pascha Iudeorum, quando turbas pavit, aperte demonstratur quia imminente paschali festivitate decollatus est Ioannes. Evolutio autem unius anni spatio, passus est Christus in eadem festivitate. Sequitur: *Cum sublevarisset ergo oculos Iesus, & videret quia multitudo maxima venit ad eum, dixit ad Philippum: Unde, ememus panes ut manducent hi?* Dixit, *Cum sublevarisset oculos Iesus*, ut discerneremus quia oculis non erigebat huc atque illuc; sed (1) prudenter sedebat attentus cum discipulis suis. **CHRYSTOMUS** (homil. xli.) Neque etiam simpliciter sedebat cum discipulis suis, sed diligenter loquens aliquid eis, & eos ad seipsum convertens. Deinde respiciens vidit turbam ad se venientem. Cuius igitur gratia Philippum interrogat? Sciebat enim quod discipulorum eius congregatio ampliori indigebat doctrina. Talis autem erat Philippus, qui postea dixit infra xiv. *Ostende nobis Patrem, & sufficit nobis*. Propterea igitur prius eum erudiebat. Nam si simpliciter factum esset, miraculum non tantum appareret; nunc autem prius cogit confiteri inopiam, ut certius dicitur miraculi magnitudinem: unde sequitur: *Hoc autem dicebat tentans eum*. (2) Non quidem ignorans id quod debebat ab ipso dici, (3) sed humano more hoc dictum est. Sicut enim quod dicitur, Qui scrutatur corda hominum, non ostendit ignorantie scrutationem, sed certissimam cognitionis; ita cum hic dicit quod tentavit eum, nihil aliud dicit quam quoniam sciebat certissime. Sed aliud est dicere, quoniam probationem eum faciebat. per talem interrogationem inducens in certissimum signi cognitionem. Propter hoc & Evangelista, ne infirmitate locutionis, minora-

tionem aliquam suspiceris, subiungit: *Hæc enim sciebat quid esset faciurus*. **AUGUSTINUS**. Interrogat igitur, non ut ignorata discat, sed ut discipulo adhuc rudi propriam tarditatem ostendat, quam ipse in se perpendere non valebat. **THEOPHYLACTUS**. Vel etiam ut aliis ipsum ostenderet, non tamquam cor eius ignorans. **AUGUSTINUS** de Con. Evang. (Lib. 41. cap. xlvii.) Sed si Dominus, secundum narrationem Ioannis, prospectis turbis quasi ad Philippum, tentans eum, unde illis eicæ dari possent, potest movere quomodo sit verum, quod alii nar-
raverunt, prius dixisse Domino discipulos, ut dimitteret turbas. Quibus ille respondit secundum Matthæum cap. xiv. „Non habent necesse ire: date eis vos manducare.“ Intelligitur igitur, post hæc verba Dominum inplexisse multitudinem, & dixisse Philippo quod Ioannes commemorat, alii autem prætermiserunt. **CHRYSTOMUS** (hom. xli.) Vel aliter. Alia quidem sunt illa, alia autem sunt hæc, non eisdem spæ temporibus. **THEOPHYLACTUS**. Philippum igitur Dominus tentans utrum fidem haberet, invenit eum adhuc humanis passionibus subsistentem: quod patet ex hoc quod sequitur: *Respondit ei Philippus: Ducentorum denariorum panes non sufficiunt eis, ut unusquisque modicum quid accipiat*. **AUGUSTINUS**. In quo tarditatem suam ostendit: nam si perfecte de creatore intelligeret, de eius potentia largitate non diffideret. **AUGUSTINUS** de Con. Evang. (Lib. II. cap. xlvii.) Quod autem Philippus hic apud Ioannem responderet, hoc Marcus a discipulis responsum esse commemorat, volens intelligi, hoc ex ore ceterorum Philippum respondisse; quamquam & pluralem numerum pro singulari usitatissime ponere potuerit. **THEOPHYLACTUS**. Sed & Andreas Dominus similem Philippo invenit, quamvis altius de illo contemplantem: sequitur enim: *Dixit ei unus ex discipulis eius, Andreas frater Simonis Petri: Est puer unus hic qui habet quinque pa-*
nes

(1) *Ad. publicæ.* (2) *P. Nicolai sequentem Augustini appendicem inseruit, quam se repetere dicit pro inquam de tentatione carni, & diaboli, ut ex Glossa desumitur (sed quæ in Glossa extat, necesse hoc potius) interpretatur editio Parisiensis. Est autem inusitata.* **AUGUSTINUS** de Verb. Domini ierm. xi. Est tentatio adducens peccatum, quia Deus neminem tentat, secundum quod Iacob. 1. dicitur esse intentator malorum: & est tentatio probans fidem, secundum illud quod habetur Deut. xxi. „Tentat vos Dominus Deus vestre.“ Sic igitur intelligendum quod in Evangelio Christus interrogabat discipulum, tentans eum. Tum profertur, quia ex fide Nicolai habetur in prædicta Parisiensis editio, in aliquo exemplum quæ ad maius sunt, repetere potissimum. (3) *Ad. sed humane hoc dictum est.*

EX EDITIONE P. NICOLAI.

* THEOPHYLACTUS.

mes hordeaceos, & duos pisces. CHRYSOSTOMUS (hom. xli.) Aestimio quidem non sine causa id eum dicere; sed quia audierat signum quod Elieus de panibus hordeaceis tegerat: pavit enim de viginti panibus centum homines. Ascendit igitur mente in aliquod excelsum; sed ad summum non potuit pervenire: quod patet per hoc quod subdit: *Sed hoc quid sunt inter tantos?* Aestimabat enim quod de paucioribus pauciora, & de pluribus plura facturus esset qui miracula faciebat; sed hoc non erat verum: similiter enim ei facile erat & de pluribus, & de paucioribus pascere turbas: non enim materia subiecta indigebat; sed ne viderentur creaturæ alienæ esse ab eius sapientia, ipsis creaturis utitur ad materiam miraculorum. THEOPHYLACTUS. Confundantur Manichæi, qui dicunt, quod panes, & omnia huiusmodi creata sunt a malo Deo: quia boni Dei Filius Iesus Christus panes multiplicavit: nam si creaturæ malæ fuissent, nequaquam bonus mala multiplicasset. AUGUSTINUS de Con. Evang. (Lib. II. cap. xlv.) Quod autem Andreas apud Ioannem de quinque panibus & duobus piscibus suggestit, hoc ceteri, pluralem numerum pro singulari ponentes, ex discipulorum persona retulerunt. CHRYSOSTOMUS (homil. xli.) Dilectus autem hic qui voluptati attendimus quæ comedeant mirabiles viri illi, & magni, & quantitatem eorum quæ inferebantur, (1) & vilitatem mensæ eorum. Nondum autem apparentibus panibus iussit eos discumbere, ut discas quoniam non entia ut entia ei subistunt, sicut Paulus ait Rom. xiv. „ ea quæ sunt. “ Sequitur enim: *Dixit eis Iesus: Facite homines discumbere.* ALCUINUS. Ad litteram homines discumbere dicimus iacendo comedere more antiquo: unde sequitur: *Erat autem secum multum in loco.* THEOPHYLACTUS. Id est herba viridis: erat enim pascha, quod in primo mense veris perficiebatur. Sequitur: *Discubuerunt ergo viri numero quasi quinque millia.* Soli viri numerantur ab Evangelista, quia legalem consuetudinem sequebatur. Etenim Moyses a viginti annis & supra, populum connumeravit, nulla mentione de mulieribus facta; innuens quod omne quod viri-

le est, & iuvenile, dignum, & honorabile est apud Deum. Sequitur: *Acceptis ergo Iesus panem, & cum gratias egisset, distribuit discumbentibus: similiter & ex piscibus quantum volebant.* CHRYSOSTOMUS (hom. xli.) Sed quare paralyticum debens sanare non orat, neque fuscitans mortuos, neque mare quietans; hic autem orat gratias agens? Ut scilicet ostendat, eos qui comestione incipiunt, gratias agere oportere Deo. Sed & aliter in minoribus maxime orat, ut discas quod non propter indigentiam orat. Si enim indigeret orare, multo magis in maioribus hoc fecisset; quia vero illa ex auctoritate facit, manifestum est quod hic condescendendo nobis, orat; & adhuc quoniam turba multa erat præsens, oportebat eis suaderi quod secundum voluntatem Dei advenerat: & ideo cum occulte aliquid miraculum faciebat, non orabat; sed coram multis orabat, ne crederent quod esset Deo contrarius. HILARIUS III. de Trinitate. Quinque igitur panes offeruntur turbæ, & franguntur: subrepunt in frangendum manus quedam fragmentorum procreationes, non imminuitur unde præstringitur; & tamen præstringentis manum fragmenta occupant: non sensus, non visus profectum tam conspicabilis operationis allequitur: est quod non erat, videtur quod non intelligitur: solum superest ut Deus omnia posse credatur. AUGUSTINUS (tract. xxiv.) Unde enim multiplicat de paucis granis fetgetes, inde in manibus suis multiplicavit quinque panes: potestas enim erat in manibus Christi; panes autem illi quinque quasi semina erant, non quidem terræ mandata, sed ab eo qui terræ fecit, multiplicata. CHRYSOSTOMUS (hom. xli.) Vide autem quanta est servi, & domini differentia: nam Prophetæ quasi ex mensura habentes gratiam, ita miracula faciebant; Christus autem absoluta virtute faciens, cum multa superabundantia omnia operabatur. Sequitur: *Ut autem impleri sunt, dixit discipulis suis: Colligite quæ superaverunt fragmenta, ne pereant. Collegerunt ergo & impleverunt duodecim cophinos fragmentorum.* Non quidem hæc ostentatio superflua fuit, sed ne phantasia æstimarent quod factum est, propter quod etiam ex subiecta materia miraculum fecit. Sed quare

Q99 2. non.

(1) M. & utilitatem.

* Quod subiungitur ex Alcino, non occurrit.

non turbis dedit fragmenta portanda, sed discipulis? Quoniam hos maxime erudire volebat, qui orbis terrarum debebant esse magistri. Ego autem non solum admiror multitudinem panum quæ facta est, sed & certitudinem superfluum: quia neque plus, neque minus fecit superfluum esse, sed tantum quantum volebat, scilicet duodecim cophinos, secundum numerum duodecim Apostolorum. THEOPHYLACTUS. Adhuc autem ex miraculo perpetrato, non fieri puillaniam in coarctationibus pauperum. BEDA. Turbæ autem cum viderent signum quod secit Dominus, mirabantur, quia nondum eum Deum esse cognoverant; ideoque Evangelista subdit: *illi ergo homines*, quia carnales erant, & carnaliter intelligebant, cum viderent quod fecerat signum, dicebant, quia hic est vera Prophetia qui venturus est in mundum. ALCUVIUS. Nondum pleni fide Dominum vocant Prophetam, qui nondum Deum dicere noverant; sed iam multum profecerant ex virtute miraculi, qui eum discernentes ab aliis, Prophetam vocabant, sicut sciebant in populo illo Prophetas aliquando miracula facisse: nec saluntur fiduciam eum Prophetam, cum ipse Dominus (1) vocaverit se Prophetam, dicens Lucæ xiii. „Non” capit Prophetam perire extra Hierusalem. AUGUSTINUS (tract. xxiv.) Sic autem Prophetæ est Christus, & Dominus Prophetarum, sicut Angelus, & Dominus Angelorum: ex eo enim quod præsens annuntiavit, Angelus erat; ex eo quod futura prædixit, Prophetæ erat; ex eo quod Verbum caro factum est, & Angelorum, & Prophetarum Dominus erat: nullus enim Prophetæ sine verbo Dei. CHRYSOSTOMUS (hom. xli.) Ex hoc autem quod dicunt, *Qui venturus est in mundum*, manifestum est quod Prophetam quendam principalem expectabant; & ideo quod dicitur, *Hic est vera Prophetia*, in Græco cum adiectione articuli ponitur, ad ostendendum scilicet, cum esse discretum ab aliis Prophetis. AUGUSTINUS (tract. xxiv.) Considerandum autem quod dicitur: quia (2) enim Deus non est talis substantia quæ oculis videri possit, & miracula eius, quibus totum mundum regit, universamque creaturam administrat, assidue videntur; servavit sibi quædam quæ faceret opportuno tempore, præter usitatum cursum, ordinemque naturæ, (3) ut, non maiora,

sed infœlita videndo stuperent, quibus quotidiana viderent. Maius enim miraculum est gubernatio totius mundi quam saturatio quinque millium hominum de quinque panibus; & tamen hoc nemo miratur, illud mirantur homines, non quia maius, sed quia rarum est. Nec tamen sufficit hoc intueri in miraculis Christi: quia enim Dominus est in monte, Verbum Dei est in alto: proinde non quæsi humiliter iacet, nec transeunt prætereundum est (5). ALCUVIUS. Mystice enim nomine maris turbidum sæculum designatur. Mox autem ut Christus mare mortalitatis nostræ adit nascendo, calcavit moriendo, transiit resurgendo, secutus sunt eum credendo, & imitando turbæ credentesque utroque populo collectorum. BEDA. Tunc autem Dominus subiit montem quando caelum ascendit, quod designatur per montem. ALCUVIUS. Quod enim turbis (5) inferius relictis, ad altiora cum discipulis ascendit, ostendit quod simplicibus minora præcepta sunt committenda, perfectioribus altiora; quod imminente pascha illos relictis, significat quia quique panes divini verbi, & corpore, & sanguine Domini desiderat relictis, debet spirituale pascha facere; id est, de vitiis ad virtutes transire. Oculi vero Domini sunt dona spiritualia, quæ cum Dominus electis suis misericorditer concedit, tunc in eos oculos suos dirigit; id est, respectum pietatis impendit. AUGUSTINUS Lib. lxxxiii. Quæst. (qu. lxi. in princip.) Quinque autem panes hordeacei significant veterem legem, sive quia nondum spiritualibus, sed adhuc carnalibus data est lex, id est quinque corporis sensibus deditis: nam & ipsæ turbæ quinque millia hominum fuerunt: sive quia per Moysen lex ipsa data est: Moyses enim quinque libros scripsit. Et quod hordeacei erant panes, bene significavit vel ipsam legem, quæ ita data erat ut in ea vitale animæ alimentum corporalibus sacramentis obtegeretur: hordei enim medulla tenacissima palea tegitur: vel ipsum populum nondum expositum æterni desiderio, (6) quod tamquam palea cordi eius inhærebat. BEDA. Hordeum etiam pabulum est iumentorum, & eibus servorum; & lex vetus data est servis, & iumentis, id est carnalibus. AUGUSTINUS Lib. lxxxiii. Quæst. (quæst. lxi.) Duo autem pisces, qui saporem suam panem dabant, duas illas personas videntur significare quibus

(1) M. noverit se. (2) M. desit enim. (3) M. non ut. (4) Addit Nicola sed suspiciendum.

(5) M. inferioribus. (6) M. emittit quod.

bus populus ille regebatur, regiam scilicet, & sacerdotalem; quæ tamen duæ personæ Dominum nostrum præfigurabant, ambas enim ille sustinuit. **AUGUSTINUS.** Vel duo pisces dicti, vel scripta Prophetarum, & Psalmistarum significant; & cum quinquarius ad quinque sensus corporis referatur, mille ad perfectionem refertur. Qui vero quinque sensus corporis perfecte regere student, viri dicuntur a viribus; quos semine amolitionis non corrumpit; sed sobrie, & caste vivunt, & celestis sapientiæ dulcedine merentur recreari. **AUGUSTINUS** super Ioan. (tract. xxiv.) Puer autem qui ista habebat, forte populus Israel erat, qui sensu puerili ea portabat, nec manducabat. Illa enim quæ portabat, clausa onerabant, aperta palcebant. **BEDA.** Pulchre autem dicit: *Hæc quid sunt inter tantos?* quia lex vetus parum proficiebat, quousque eam suis manibus susceperit; idell, opere implevit, & eandem spiritualiter intelligendam esse docuit: Hebr. vii. „quia lex neminem ducebat ad perfectum.“ **AUGUSTINUS** super Ioan. (ubi supra.) Frangendo autem panes multiplicati sunt. Quinque enim libri Moyse multos libros, cum exponuntur tamquam frangendo, idell discernendo, fecerunt. **AUGUSTINUS** Lib. lxxxiii. Quæst. (quæst. lxi.) Dominus etiam tamquam frangendo, & aperiendo quod durum erat, & clausum in lege, per discipulos implevit, cum eis post resurrectionem aperuit Scripturas. **AUGUSTINUS** super Ioan. (tract. xxiv.) Quia autem ignorantia populi erat in lege, propterea tentatio Domini ignorantiam discipuli demonstrabat. Super senum autem discumbebant, quia carnaliter sapiebant, & in carnalibus quiescebant: „omnis enim caro senu.“ **Esai. xl.** Illi autem de panibus Domini implentur qui quod auribus audiunt, operibus implent. **AUGUSTINUS** (ut supra in Ioan.) Quæ sunt autem fragmenta, nisi quæ populus non poterat manducare? Quid ergo restat, nisi ut secretiora intelligentiæ, quæ non potest capere multitudo, illis credantur qui idonei sunt, & alios docere valent, sicut erant Apostoli? Unde & duodecim cophini impleri suat. **ALCUINUS.** Cophinis

enim servilia implentur officia. Cophini igitur sunt Apostoli, & eorum imitatores, qui licet in præsentia sint despectibiles, spiritualium sacramentorum divinitus tunc interiorius (1) referti. Dicuntur autem Apostoli fuisse cophini, quia per Apostolos hæc sanctæ Trinitatis erat prædicanda in quatuor partibus mundi. Quod autem novos panes noluit facere, sed allatos cumalavit, significat quia veterem Scripturam non reprobavit, sed aperiendo patefecit.

(b) **BEDA.** Turbæ, visio tanto miraculo, intellexerunt pium, atque potentem; & idcirco voluerunt ipsum facere Regem: homines namque volunt habere Regem pium ad regendum, & potentem ad tuendum. Dominus igitur hoc cognoscens fugit in montem; idell, ascendit celeriter: unde dicitur: *Iesus ergo cum cognovisset quia venturi essent, ut raperent eum, & facerent eum Regem, fugit iterum in montem ipse solus.* Datur ergo intelligi quod Dominus cum sedet in monte cum discipulis suis, & videt turbas ad se venientes, descendit de monte, & circa inferiora loca turbas paverrat. Nam quomodo fieri potest ut rursus ille fugeret in montem, nisi ante de monte descenderet? **AUGUSTINUS** de Conc. Evang. (Lib. II. cap. lxxiv.) Non autem repugnat quod Matthæus cap. xiv. dixit: „Ascendit in montem solus orare.“ neque enim causæ orandi contraria est causa fugiendi: quandoquidem & hinc Dominus doceat hanc esse nobis magnam causam orandi, quando ell causa fugiendi. **AUGUSTINUS** (tract. xxv.) Erat autem Rex qui timebat fieri Rex, nec talis Rex qui ab hominibus heret, sed talis qui hominibus regnum daret: semper quidem ille cum Patre regnat secundum quod ell Filius Dei. Prædixerunt autem Prophetæ regnum eius & secundum id quod homo factus (2) ell Christus, & tecit fideles suos Christianos, qui sunt regnum eius; quod modo colligitur, modo emittit Lingvine Christi. Erit autem aliquando manifestum regnum eius, quando erit aperta claritas sanctorum eius, post iudicium ab eo factum. Discipuli autem, & turbæ credentes in eum, putaverunt illum sic venisse ut iam regnaret. Hoc ell

(1) *id. refecti.* (2) *id. emittitur ell.*

EX EDITIONE P. NICOLAI.

« Et **BEDA.** Non quo ad primam partem, quæ nullibi occurrit, sed solummodo quo ad secundam, quæ incipit ab illi verbis *Datur ergo.* »

esse velle rapere, & facere eum Regem. (1) CHRYSOSTOMUS (hom. xli.) Vide autem quanta esset quæ virtus. Non ultra eis sabbati transgressionis cura, non ultra zelant pro Deo; sed omnia remota sunt, ventre repleto; & Propheta iam erat apud eos, & Regem eum inthronizare volebant. Christus autem fugit, erudiens nos mundanas contemnere dignitates. Sic igitur Iesus dimittit discipulos, & ascendit in montem. (Hom. xlii.) Hi vero a Magistro relictii, ut sero factum est, descendunt ad mare. Et hoc est quod subditur: *Ut autem sero factum est, descenderunt discipuli eius ad mare.* Et quidem usque ad vesperam expectaverunt eum, venturum esse putantes ad se; facta vero vespere non ultra sustinent eum non inquirere (tantus (2) eos detinebat amor) sed ab amore igniti ascenderunt in navem: unde sequitur: *Et cum ascendissent navim, venerunt trans mare in Capharnaum.* Veniebant quidem ad Capharnaum æstimantes se illic eum inventuros. AUGUSTINUS (tract. xxv.) Sic ergo dixit finem, & redit ut exponat quomodo venerunt: quia per flagnum navigantes transierunt, & dum navigarent recapitulando exponit quid acciderit, dicens: *Et tenebra iam facta erant, & non venerat ad eos Iesus.* CHRYSOSTOMUS (hom. xlii.) Non sine causa Evangelista tempus designat, sed ut per hoc validum eorum amorem ostendat. Non enim dixerunt: Vespere nunc est, & nox advenit: sed ab amore igniti ascenderunt in navim. Multa autem erant ex quibus impediabantur. A tempore, unde dicitur: *Et tenebra iam facta erant;* a tempestate, unde sequitur: *Mare autem, vento magno flante, exurgebat a longe:* non enim erat prope terram: unde dicitur: *Cum remigassent ergo quasi stadia vigintiquinque aut triginta.* BEDA (in v. cap. Ioan.) Eo genere locutionis, quo cum dubitando loquimur, solemus dicere, ferme vigintiquinque aut prope triginta. CHRYSOSTOMUS (hom. xlii.) Et ultimo ab inopinabili: unde sequitur: *Videns Iesum ambulans supra mare, & proximum fieri.* Apparet quidem eis postquam illos dimiserat; (3) Illic quidem docens eos quid esset derelictio, & amorem excilians maiorem; hic vero suam virtutem ostendens: propter hoc igitur illi turbabantur: unde sequitur, *Et timerunt;* quibus turbatis Dominus confortationem adhibet: unde sequitur: *Ille autem dicit eis: Ego sum: nolite timere.* BEDA. Non autem

dixit, Ego sum Iesus; sed tantum, *Ego sum;* quia familiares eius erant, ideoque audita voce, facile potuerunt cognoscere magistrum; sive, quod verius est, ut ostenderet se illum esse qui Moysi dixit Exod. xxi. „Ego sum qui sum.“ CHRYSOSTOMUS (hom. xlii.) Ideo autem eis apparuit, ut ostendat quoniam ipse est qui tempestatem solvet. Hoc enim ostendit Evangelista subdens: *Voluerunt ergo accipere eum in navim, & statim fuit navis ad terram, ad quam ibant:* tranquillam enim præbuit eis navigationem. Non autem navim ascendit, volens maius miraculum operari, & deitatem eius revelare apertius. THEOPHYLACTUS. Vide namque tria miracula. Primum est quod ambulabat supra mare; secundum est quod fluctus mitigat; tertium est quod statim (4) fecit navim ad terram ire, ad quam ibant: nam multum distabant a terra, cum eis Dominus apparuit. CHRYSOSTOMUS (hom. xlii.) Turbæ autem non ostendit se Iesum supra mare ambulantem, quia hoc signum imbecillitatem eorum excedebat; sed neque discipulis divivus est hoc faciens, sed statim disparuit ab eis. AUGUSTINUS de Conc. Evangel. (Lib. II. cap. xlvii.) Non est autem adversum quod Matthæus prius eum dixit (5) iussisse discipulos ascendere in naviculum, & præcedere eum trans fretum, donec dimitteret turbas; ac deinde dimissis turbis, ascendisse in montem solus orare: Ioannes vero prius eum fugisse commemorat solum in montem, ac deinde inquit: *Ut autem sero factum est, descenderunt discipuli eius ad mare.* & cum ascendissent navim &c. Quis enim non hoc videat recapitulando Ioannem polles dixisse factum a discipulis, quod iam Iesus iussisset antequam fugisset in montem? CHRYSOSTOMUS (homil. xlii.) Vel aliter. Mihi videtur hoc signum aliud ab eo quod apud Mattheum positum est: tunc enim non statim eum susceperunt, nunc autem persuasi sunt statim suscipere; & tunc quidem adhuc tempestas permanebat concutiens navim, nunc autem cum voce tranquillitas advenit. Multoties enim eadem facit signa, ut facile suscepi-bilia fiant. AUGUSTINUS (tract. xxv. & seq.) Mystice autem pavit Dominus turbas, & ascendit in montem: sic enim de illo prædictum est Psal. vii. „Congregatio populum circumdabit te, & propter hanc in altum regredere;“ id est, ut circumdet te congregatio populum re-

(1) Adde Nicilai præventice velle tempus eius quod occurrat. (2) M. eius. (3) M. illo. (4) M. facit. (5) M. dixisse.

regredere in altum. Quare autem dictum est, *Fugit*? Neque enim si nollet teneretur. Aliquid ergo significavit fugiendo: quia scilicet non potuit intelligi altitudo eius: quicquid enim non intellexeris, *Fugit* me, dicis. Ergo fugit in montem ipse solus, quia ascendit super omnes cæles. Illo autem sursum posito, discipuli in navicula tempestatem patiebantur: navicula illa Ecclesiam præfigebat. Tenebræ iam factæ erant; & merito, quia lux non erat, non enim venerat ad illos Iesus. Quantum accedit finis mundi, crescunt errores: crescunt iniquitas. Lux denique caritas est, secundum illud I. Ioan. 11. „Qui odit fratrem suum, in tenebris est.“ Ipsi fluctus navem turbantes, & tempestates, & venti, clamores sunt (1) maledictorum: inde caritas refrigerat, inde fluctus augentur, & turbatur navis. Nec tamen venti illi, & tempestas, & fluctus, & tenebræ id agebant ut vel navis non promoveretur, vel soluta mergeretur: „qui enim perfectus, veraverit ultra in finem, hic salvus erit.“ Matth. x. Quinarum autem numerus ad legem pertinet: ipsi sunt quinque libri Moysi: ergo legem signat numerus vigesimusquintus: quoniam quinquies quini sunt viginti quinque. Sed huic legi, antequam Evangelium veniret, deerat perfectio, quæ in leonario numero comprehenditur. Ipsa ergo quinque per sex multiplicentur, ut lex per Evangelium impleatur, ut fiant sexies quini triginta. Ad eos ergo qui legem implent, venit Iesus calcans fluctus; id est, omnes tumores mundi sub pedibus habens, omnes altitudines sæculi premens; & tamen tantæ sunt tribulationes ut etiam ipsi qui credunt in Iesum, expavescant ne deficiant. THEOPHYLACTUS. Cum autem homines, vel dæmones nos per timorem nuncitant movere, audiamus Christum dicentem: *Ego sum: nolite timere*; id est, ego semper assido, & sicut Deus permaneo, & numquam pertranseo: non perdati in me fidem pro falsis terroribus. Vide etiam quomodo non in principio periculi Dominus assistit, sed in fine. Permittit namque nos esse in medio periculo, ut certantes in tribulationibus probatioribus fiamus, & ut ad ipsum solum recurramus qui potens est ex insperatis nos liberare. Cum enim intellectus humanus sibi providere non poterit, tunc salus divina advenit. Si volerimus etiam Christum in naviculam nostram suscipere, id est in cordibus nostris ha-

bitare, statim inveniemur in terra ad quam ire volumus, id est in cælum. BEDA. Quia vero hæc navicula non torpentes vehit, sed fortiter remigantes, significatur quod in Ecclesiâ non desidiosi, & molles, sed fortes, & in bonis operibus perseverantes perveniunt ad portum salutis æternæ.

(c) CHRYSOSTOMUS (hom. xlii.) Dominus, etiam turbis non manifeste ostenderit quomodo supra mare ambulaverit, dedit tamen eis latenter suspicari quod factum erat; & hoc Evangelista ostendit dicens: *Altera die turbæ quæ stabat trans mare, vidit quia navicula aliam non erat ibi nisi unam, & quia non introisset cum discipulis suis Iesus in navem; sed soli discipuli eius abissent.* Quid enim hoc erat aliud quam suspicari quod mare pede transiens, recesserat? Neque enim est dicere quod in alia navicula pertransiit, quia una erat ibi tantum, inquam ascenderunt discipuli eius, cum quibus ipse non intraverat. AUGUSTINUS (tract. xxv.) Insinuat autem est illis tam magnum miraculum. Venerunt ergo & aliæ naves iuxta locum illum ubi manducaverant panem, in quibus turbæ eum secutæ sunt; & hoc est quod subditur: *Alia vero naves supervenerunt querentes eum.* CHRYSOSTOMUS (hom. xlii.) Sed tamen post miraculum tam magnum venientes, non interrogaverunt eum qualiter pertransiit, neque curaverunt tantum miraculum addiscere: sequitur enim: *Et cum invenissent eum trans mare, dixerunt ei: Rabbi, quando hic venisti?* Nisi quia dicat hic quando pro qualiter dictum esset ab eis. Dignum autem est & hinc conspiciere faciem eorum mentem: qui enim dicebant, Hic est Propheta, qui studebant rapere, & facere eum Regem, invenientes eum, nihil tale consiliantur. AUGUSTINUS (tract. xxv.) Ecce enim ille qui in montem fugerat, turbatus cum ipsis turbis loquitur. Modo teneant, modo Regem faciant. Sed ille (2) post miraculi sacramentum & sermonem infert, & quorum satiati panibus ventrem, satiati sermonibus mentem. ALCUVIUS. Quicquid dedit exemplum fugiendæ laudis, & terreni imperii, & exemplum doctoribus qualiter debeant insistere prædicationi. CHRYSOSTOMUS (hom. xlii.) Manifesto autem, & lenitas non ubique est utilis: cum enim deses fuerit discipulus, & grossus, stimulo uti ad eum oportet: hoc & hic Filius Dei facit: venientes enim turbis, & blandientibus ei dicendo: *Rabbi, quando hic venisti?*

(1) M. maledictorum. (2) M. qui post miraculi sacramentum,

nisi? ut offendat quod eum qui ab hominibus est honorem non concupiscit, sed solum inspicit eorum salutem, redarguendo eis respondet, non solum corrigere volens, sed & mentem eorum revelare: unde sequitur: *Respondit eis Iesus, & dixit: Amen amen dico vobis: quæritis me, non quia videritis signa, sed quia manducastis ex panibus, & saturati estis.* AUGUSTINUS (tract. xxv.) Quasi dicat: Propter carnem me quæritis, non propter spiritum. CHRYSOSTOMUS (hom. xliii.) Post reprehensionem autem doctrinam eis adiungit, dicens: *Operamini, non cibum qui perit, sed qui permanet in vitam æternam;* quasi dicat: Vos elcæ exquiritis temporalem; ego autem corpora vestra nutrivî, ut per hoc exquiretetur illam æscam quæ non temporaneam, sed æternam tribuit vitam. ALCUVINUS. Corporis cibis carnem tantum refecit exterioris hominis, & semel acceptus non sufficit, nisi quotidie accipiatur; spiritualis autem cibus permanet in æternum, & facietatem perpetuam, immortalitatemque largitur. AUGUSTINUS (tract. xxv.) Seipsum autem insinuat istum cibum, ut in sequentibus illustret; ac si dicat: Quæritis me propter aliud: quærite me propter me. CHRYSOSTOMUS (hom. xliii.) Sed quia quidam, eo quod volunt pigre nutrirî, abutuntur hoc verbo; necessarium est inducere id quod est Pauli Ephes. iv. „ Qui sumus, iam non furetur; magis autem „ laboret operando manibus suis, ut habeat unde tribuat necessitate patienti.“ Sed & ipse Corinthum veniens, morabatur apud Aquilam, & Priscillam, & operabatur. Dicendo autem, *Ne operamini cibum qui perit*, non insinuat quod oporteat pigritari, sed quod oporteat operari, & dare: hic enim est cibus qui non perit: operari autem cibum qui perit, est affici secularibus rebus. Hoc igitur dixit: quia illi nullam fidei curam habuerunt, sed solum volebant ventrem implere, nihil laborantes: & hoc decenter cibum qui perit vocavit. AUGUSTINUS (tract. xxv.) Sicut autem Samaritanæ dixerat supra iv. *Si sciretis qui petit a te bibere, postulassem ab eo, & daret tibi aquam vivam:* ita & hic subdit: *Quem Filius hominis vobis dabit.* ALCUVINUS. Quando autem per manum sacerdotis corpus Christi accipis, non sacerdotem quem vides, sed illum quem non vides attende. Sacerdos est dispensator huius cibi, non ador. Filius hominis seipsum dat nobis, ut nos in ipso, & ipse in nobis maneat. Illum Filium hominis nolite sic acci-

pere quasi alios filios hominum: sequestratus est enim quadam gratia, & exceptus a numero omnium: iste enim Filius hominis & Dei Filius est; & hoc est quod subdit: *Hanc enim Pater signavit Deus.* Signare est signum ponere; quasi dicat: Nolite me contemnere, quia Filius hominis sum: sic enim sum Filius hominis ut Deus Pater me signaret, id est proprium aliquid mihi daret, quo non confunderer cum genere humano, sed per me liberaretur genus humanum. HILARIUS VIII. de Trinitate. Signaculorum autem natura est ut omnem impressuræ in se speciei explicant formam, & nihil minus ex eo in se habeant unde signantur; & dum totum accipiunt quod imprimitur, totum ex se præferunt quicquid impressum est. Verbum igitur hoc ad divinæ nativitatis non proficit exemplum: quia in signaculis & materies sit, & diversitas, & impressio, per quam mollioribus naturis, validiorum generum species imprimuntur. Unigenitus vero Deus & per sacramentum salutis nostræ hominis Filius, volens proprietatis nobis paternæ in se signare speciem, signatum se a Deo ait, ut per hoc potestas in eo dandæ ad æternitatem elcæ intelligi posset, quia omnem in se paternæ formæ plenitudinem signantis se Dei contineret. CHRYSOSTOMUS (hom. xliii.) Vel *signavit*, id est in hoc misit hanc nobis afferentem elcam; vel *signavit*, id est revelavit per suum testimonium. ALCUVINUS. Mystice autem altera die, id est post ascensionem Christi, turba, stans in bonis operibus, non iacens in terrenis voluptatibus, expectat ut veniat ad eos Iesus. Una autem navis est una Ecclesia; sed & aliæ naves quæ superveniunt, sunt conventicula hæreticorum, qui „ quæ sua sunt quærunt, „ non quæ Iesu Christi; “ Philipp. i. unde convenienter eis dicitur: *Quæritis me, quia manducastis ex panibus.* AUGUSTINUS (tract. xxv.) Quam multi etiam non quærunt Iesum, nisi ut illis beneficiat secundum tempus. Alius negotium habet, quærit intercessionem clericorum: alius premittit a potentiore, fugit ad Ecclesiam: vix quærunt Iesum propter Iesum. GREGORIUS XXIII. Mor. (cap. xvii. in nov. in antiq. xxvi.) Per eorum etiam personam, Dominus illos intra sanctam Ecclesiam detestatur qui per sacros ordines ad Dominum propinquant, non in eisdem ordinibus virtutum merita, sed subsidia præsentis vitæ exquirunt. Satiatos quippe de panibus Dominum sequi, id est de sancta Ecclesia temporalia alimenta sumpsisse; & non pro

pro signis Dominum, sed pro panibus quæ-
rere est ad religionis officium, non proau-
gendis virtutibus, sed proquirendis sub-
sidiis iohare. BEDA. Illi etiam qui in o-
rationibus quærant non æterna, sed tempo-
ralia, quærant solum non propter Iesum,
sed propter aliquid aliud. Significatur au-
tem mystice quoniam hæreticorum conven-
ticula carent hospitio Christi, ac discipu-
lorum eius; & dicuntur aliæ supervenisse
naves, quia hæreses repentinæ fuerunt.
Per turbam autem, quæ cognovit quod Ie-
sus non erat ibi, neque discipuli eius, illi
designatur qui cognoscentes errores hære-
ticorum, relinquunt eos, & ad veram fide-
m veniunt.

(d) ALCUVINUS. Intellexerant escam
istam quæ permanet in vitam æternam esse
opus Dei; & ideo interrogant quid facer-
ent, ut istum cibum, idest opus Dei, o-
perari possint; & hoc est quod dicitur:
*Dixerunt ergo ad eum: Quid faciamus ut o-
peremur opera Dei?* BEDA. Idest, quæ præ-
cepta servando, poterimus implere opera
Dei? CHRYSOSTOMUS (hom. xlv.)
Hoc autem dicebant, non ut discant, &
faciant; sed ad cibi exhibitionem eum in-
ducere volentes. THEOPHYLACTUS.
Christus vero quamvis cognosceret quod eis
nihil proderat, tamen propter communem
utilitatem respondit, & ostendit eis, im-
mo omnibus hominibus quod sit opus Dei:
unde sequitur: *Respondit Iesus, & dixit eis:*
Hoc est opus Dei, ut credatis in eum quem
misi ille. AUGUSTINUS (tract. xlv. in
Ioan.) Non autem dicit, Ut credatis ei,
sed ut credatis in eum: non enim continuo
qui credit ei, credit in eum: nam & dæ-
mones credebant ei, & non credebant in
eum; & nos credimus Paulo, sed non in
Paulum. Credere ergo in eum, est cre-
dendo amare, credendo diligere, credendo
in eum ire, & eius membris incorporari.
Ipsa est fides quam de nobis exigit Deus,
quæ per dilectionem operatur. Discernitur
tamen ab operibus fides, sicut dicit Apo-
stolus Rom. xii. „ Iustificari hominem per
fidei sine operibus legis. “ Et sunt ope-
ra quæ videntur bona (1) sine fide Christi,
& non sunt bona, quia non referuntur ad
eum finem ex quo sunt bona: „ finis enim
legis Christus ad iustitiam omni creden-
ti: “ Rom. x. & ideo noluit discernere
ab opere fidem; sed ipsam fidem dixit esse
opus Dei: ipsa est enim fides quæ (2) per
dilectionem operatur. Nec dixit, Hoc est
S. Tb. Oper. Tom. V.

opus vestrum; sed hoc est opus Dei, ut cre-
datis in eum, ut „ qui gloriatur, in Domi-
no „ no gloriatur: “ II. Corinth. x. Credere
ergo in eum, est manducare cibum qui
permanet in vitam æternam. Ut quid pa-
ras dentem, & ventrem? Crede, & man-
ducasti. Quia ergo invitabat eos ad fidem,
illi adhuc quærebant signa quibus crede-
rent: Iudæi enim signa quærant; & hoc
est quod sequitur: *Dixerunt ergo ei: Quid*
ergo tu facis signum, ut videamus, & creda-
mus tibi? Quid operaris? CHRYSOSTO-
MUS (hom. xlv.) Nihil irrationabilis
quam ut, signo præ manibus existente, quasi
nullo iam signo facto, hoc dicant. Neque
electionem signi fieri Domino permittunt;
sed in necessitate eum æstimant ducere,
ut nullum aliud faciat signum quam tale
quale factum est in eorum parentibus: unde
(3) subditur: *Patres nostri manducaverunt*
manna in deserto. ALCUVINUS. Et
ne videatur manna aliquo modo contemnen-
dum, auctoritate Psalmi illud extollunt,
dicentes: *Sicut scriptum est: Panem de calo*
dedit eis manducare. CHRYSOSTOMUS
(hom. xlv.) Multis quidem fideis signis
& in AEGYPTO, & in mari rubro, & in
deserto, huius maxime meminerunt, quod
valde concupiscebant propter ventris ty-
rannidem. Neque autem dicunt quod Deus
hoc fecit, ne videantur eum exæquare Deo;
neque Moysen inducunt, ut non videantur
Christum deprimere; sed medium ponunt
dicentes: *Patres nostri manducaverunt man-*
na. Vel aliter. AUGUSTINUS (tract.
xlv.) Dominus Iesus talem se dicebat ut
se Moysi præponeret: non enim est ausus
Moyses de se dicere, quod daret cibum qui
non perit. Attendebant itaque quanta te-
cisset Moyses; adhuc aliqua maiora vole-
bant fieri; qualidicant: Tu promittis cibum
qui non perit, & non talia operaris qua-
lia Moyses. Panes hordeaceos ille non do-
dit, sed manna de calo. CHRYSOSTO-
MUS (hom. xlv.) Licebat autem Domino
dicere, quoniam Moysæ maiora miracula
fecit; sed non erat tempus horum verbo-
rum nunc; sed unum erat ad quod stude-
bat, scilicet ducere eos ad escam spirita-
lem: unde sequitur: *Dicit ergo eis Iesus: Amen*
amen dico vobis: non Moyses dedit vobis
panem de calo, sed Pater meus dedit vobis
panem de calo verum. An non ex calo erat
manna? Qualiter igitur ex calo dicitur?
Sicut & volucres cali dicuntur, & sicut
dicitur Psal. xlvii. „ Intonuit de calo Do-

R r r

,, mi-

(1) Al. omittitur sine. (2) Al. per dilectionem. (3) Al. subduant.

„ minus. “ Panem autem non verum (1) vocavit illum, non quia falsum erat miraculum de manna; sed quia figura erat, non veritas. Non dixit, Non Moyses dedit, sed ego; sed pro Moyle quidem Deum, pro manna vero seipsum posuit. AUGUSTINUS (tract. xxv.) Quasi diceret: Illud manna hoc significabat, scilicet cibum de quo paulo ante locutus sum, & omnia signa mea erant. Signa mea dilexistis; quod significatur, contemnitis. Deus enim dat panem quem significavit manna ipsum, scilicet Dominum Iesum Christum: unde sequitur: *Panis enim verus est qui de caelo descendit, & dat vitam mundo.* BEDA. Non quidem elementis, sed hominibus habitatoribus mundi. THEOPHYLACTUS. Seipsum dicit panem verum, quia principale significatum per manna est unigenitus Dei Filius, homo factus. Manna namque interpretatur Quid est hoc: nam Iudei videntes, stupefacti, unus alium dicebant, Quid est hoc? Filius autem Dei factus homo ipse est potissimum admirativum manna, ita ut cunctis contigit querere, Quid est hoc? Quomodo Filius Dei, filius hominis est? Quomodo ex duabus naturis una sit persona? ALCUINUS. Qui per assumptionem humanitatem descendit de caelo, & per assumptionem divinitatem dat vitam mundo. THEOPHYLACTUS. Hic autem panis vita secundum naturam existens, tamquam vivi Patris Filius proprium opus facit, quia vivificat cuncta. Sicut enim panis ex terra in firmam naturam carnis conservat, sic & Christus per spiritus operationes vivificat animam, & etiam corpus incorruptibile facit, nam per eius resurrectionem corporalis conferetur incorruptio; & ideo dicit, quod dat vitam mundo. CHRYSOSTOMUS (hom. xlv.) Non Iudeis solum, sed omni terrarum. Illi vero inferius adhuc inspiciebant: unde sequitur: *Dixerunt ergo ad eum: Domine, semper da nobis hunc panem.* Dicente autem eo, quoniam Pater meus dat vobis panem, non dixerunt, Roga ut det, sed da nobis. AUGUSTINUS (tract. xxv.) Sicut enim Samaritana, cui dictum est supra xv. *Qui biberit de hac aqua, non sitiet unquam, secundum corpus accipiens, & carere indigentia volens, Da mihi,* inquit, Domine, de hac aqua; sic & illi dicunt: Da nobis panem, qui reficiat, & non deficiat.

(c) CHRYSOSTOMUS (hom. xlv.) De reliquo Dominus in mysteriorum tradi-

tionem eos inducturus est; & primo de deitate sua loquitur: unde dicitur: *Dixit autem eis Iesus: Ego sum panis vitae.* Non enim hoc de corpore eius dictum est, de illo enim in fine dicit: *Panis quem ego dabo, caro mea est.* Sed interim de divinitate loquitur: etenim caro propter Domini Verbum panis est, quod spiritum ipsum suscipienti panis caelestis fit. THEOPHYLACTUS. Non autem dixit, *Ego sum panis nutrimenti, sed vita:* quia enim cuncta mortificaverat, vivificavit nos Christus per seipsum. Est autem panis non consuetæ vitæ, sed illius quæ morte non relectur: unde subditur: *Qui venit ad me, non esuriat; & qui credidit in me, non sitiet in æternum.* AUGUSTINUS (tract. xxv.) *Qui venit ad me, hoc est qui credit in me; & quod dicit, Non esuriat, hoc intelligendum est, Et non sitiet unquam:* utroque enim significatur æterna illa sietas, ubi nulla est egestas. THEOPHYLACTUS. Vel *non sitiet, neque esuriat;* id est, ad verbum Dei audiendum neque rædiosus efficietur, neque sitiet siti intellectuali; quasi non habeat aquam baptismi, & sanctificationem per Spiritum factam. AUGUSTINUS (ubi supra.) Panem igitur de caelo desideratis: ante vos habetis, sed non manducatis: unde sequitur: *Sed dixi vobis, quia & vidistis me, & non credidistis.* ALCUINUS. Quasi dicat: Non ideo hoc dixi quod vos sciam hoc pane satandos; sed potius ad improprium vestræ incredulitatis dico, quia videtis, & non creditis. CHRYSOSTOMUS (hom. xlv.) Vel per hoc quod dicit, *Dixi vobis,* insinuat testimonium Scripturarum, de quo supra v. dixerat: *Illi sunt qui testimonium perhibent de me.* Et iterum dixerat ibid. *Quoniam veni in nomine Patris mei, & non suscepistis me.* Hoc autem quod dicit, *Quia vidistis me,* signa occulte insinuat. AUGUSTINUS (tract. xxv.) Sed non ideo ego populum Dei perdidit, (2) quia vos vidistis, & non credidistis: unde sequitur: *Omne quod dat mihi Pater, ad me venit, & eum qui venit ad me, non sticiam foras.* BEDA. Absolute dicit omne, ut ostenderet plenitudinem fidelium. Hi autem sunt quos Pater dat Filio, quando per occultam inspirationem facit eos credere in Filium. ALCUINUS. Quemcumque ergo Pater traxerit, ad hoc ut credat in me, venit per fidem ad me, ut mihi iungatur; & eum qui passibus fidei, & bonæ operationis venit ad me, non sticiam foras; id est, in

(1) *Al. vocat.* (2) *Al. sed quia vos.*

in secreto puræ conscientie mecum morabitur, & tandem recipiam eum in æternâ beatitudine. AUGUSTINUS (tract. xxv.) Illud enim intus, unde non exitur foras, est magnum penetrabile, & dulce secretum, sine tædio, sine amaritudine malarum cogitationum, (1) sine interpellatione tentationum, & dolorum, de quo dicitur Matth. xxv. „ Intra in gaudium domus, ni cui. ” CHRYSOSTOMUS (homil. xlv.) Per hoc autem quod dicit, *Quod dat mihi Pater*, ostendit quoniam non contingens res est credere in Christum, neque cogitationibus humanis perficere; sed ea quæ de super revelatione indiget, & anima devota fuscipiente revelationem: unde non sunt ab accusatione eruti quibus non dat Pater: indigemus enim & ea quæ ex nobis est voluntate ad credendum. Per hoc autem tangit incredulitatem eorum, ostendens quoniam qui non credit ei, voluntatem transgreditur Patris. Paulus autem I. Corinth. xv. ait, quod ipse eos tradiderit Patri: „ Cum tradiderit (inquit) regnum Deo, & Patri. ” Sicut igitur Pater dans non privat seipsum, sic nec Filius tradens. Dicitur autem Filius tradere, quoniam per eum ad Patrem adducimur. Et de Patre dictum est I. Corinth. 1. „ Per quem vocati, estis in societatem Filii eius. ” Sic igitur qui venit ad me salvabitur: quia pro his veni, & carnem assumpsit: unde sequitur: *Quia descendi de celo, non ut faciam voluntatem meam, sed voluntatem eius qui misit me.* Quid dicis? Alia sunt tua, & quæ illius? Ne igitur hoc aliquis suspicetur, subiungit: *Hæc est autem voluntatis eius qui misit me, ut omnis qui videt Filium, & credit in eum, habeat vitam æternam.* Per hoc autem & Filius vult, quia Filius quæ vult, vivificat: supra v. Quid est igitur quod dicit? Non aliud a Christu veni quam quod Pater vult, quasi non habens (2) divinam voluntatem a Patre: omnia enim quæ Patris sunt, mea sunt. Sed hoc non dixit, sed in fine reservat, excelsa enim interim occultat. AUGUSTINUS (tract. xxv.) Vel aliter. Quare non eiciat foras, subiungit dicens: *Quia descendi de celo, non ut faciam voluntatem meam, sed voluntatem eius qui misit me.* Propterea enim anima a Deo exiit, quia superba erat. Superbia enim eiecit sumus, humilitate regredimur. Medicus enim quando ægritudinem discutit, si curet quod per aliquam causam factum est, & ipsam

causam non curet, ad tempus videtur mederi; sed causa manente, morbus repetitur. Ut ergo causa omnium morborum curaretur, id est superbia, descendit, & humilis factus est Filius Dei. Quid superbis homo? Filius Dei propter te humilis factus est. Puderet te fortasse imitari humilem hominem; saltem imitare humilem Deum: hæc est enim commendatio humilitatis. *Non veni facere voluntatem meam, sed voluntatem eius qui misit me:* superbia quippe facit voluntatem suam, humilitas voluntatem Dei. HILARIUS III. de Trin. (post princ.) Non igitur hoc dicit, quia faciat quod non velit; sed obedientiam suam (3) sub effectu paternæ voluntatis ostendit, volens ipse voluntatem Patris explere. AUGUSTINUS (tract. xxv. in Ioan.) Ideo ergo qui ad me venerit, non eiciam eum foras, quia non veni facere voluntatem meam. Humilis veni humilitatem docere: qui ad me venit incorporatur mihi, & humilis fit, quia non facit voluntatem suam, sed Dei; & ideo non eicitur foras, quia cum superbus esset, proiecitur est foras: ad me enim venire non potest nisi humilis: non mittitur foras nisi superbia; qui servat humilitatem, non labitur a veritate. Quare autem ideo non eiciat foras qui venit ad illum, quia non venit facere voluntatem suam, ostendit cum subiit: *Hæc est enim voluntas eius qui misit me Patris, ut omne quod dedit mihi Pater non perdam ex eo.* Ipse illi datus est qui servat humilitatem. Non est „ voluntas in conspectu Patris ut pereat unus „ de pusillis: ” Matth. xviii. De tumentibus potest perire, de pusillis nihil perit: quia „ nisi fueritis sicut pusillus iste, non intrabitis in regnum cælorum: ” ibid. AUGUSTINUS de Correctione, & Gratia (cap. ix.) Qui ergo in Dei providentissima dispositione præciti, prædestinati, vocati, iustificati, glorificati sunt, etiam nondum renati, sed & nondum nati, iam filii Dei sunt, & omnino perire non possunt: hi enim vere veniunt ad Christum. Ab illo ergo datur (4) etiam perseverantia in bono usque in finem: neque enim datur nisi eis qui non peribunt: quoniam qui non perseverant peribunt. CHRYSOSTOMUS (hom. xlv.) Per hoc autem quod dicit, *Non perdam ex eo*, non ostendit se indigere eorum cura; sed hoc dicit propter eorum salutem. Postquam autem dixerat, *Non perdam ex eo*, & non eiciam foras, subiungit:

Rrr 2.

(1) Sed

(1) Al. sine; interfectione tentationum. (2) Nicolai legit divitiarum. (3) Al. sub affectu. (4) Al. assistitur etiam.

(1) *Sed resuscitem eum in novissimo die:* quia in resurrectione communi mali eiicientur, secundum illud Matth. xxii. „ Tollite eum, „ & eiicite eum in tenebras exteriores. „ Ipsi etiam perdentur secundum illud Match. x. „ Qui potest animam, & corpus perdere, re in gehennam. „ Ideo autem multoties resurrectionem inducit, ut non ex solis rebus praesentibus iudicent Dei providentiam, sed aliam expedient vitam. AUGUSTINUS (tract. xxv.) Videte autem quem ad modum & hic geminam illam resurrectionem designet. Qui venit ad me, modo resurget, humilis factus in membris meis. Sequitur autem: *Sed resuscitabo illum in novissimo die.* Ad exponendum autem quod dixerat, *Omne quod dedit mihi Pater;* & iterum quod dixerat, *Non perdam ex eo;* subiungit: *Hac est enim voluntas Patris mei qui misit me, ut omnis qui videt Filium, & credit in eum, habeat vitam aeternam.* Superius cap. v. dixit: *Qui audit verbum meum, & credit ei qui misit me;* modo autem: *Qui videt Filium, & credit in eum.* Nondixit, *Et credit in Patrem:* hoc est enim credere in Filium, quod & in Patrem: quia sicut Pater habet vitam in semetipso, sic dedit & Filio vitam habere in semetipso: supra ibid. *ne sit omnis qui videt Filium, & credit in eum, habeat vitam aeternam,* credendo, & transeundo ad vitam, tamquam prima illa resurrectione: & quia ipsa non est sola, subiungit de secunda: *Et ego resuscitabo eum in novissimo die.*

(2) CHRYSOSTOMUS (hom. xlv.) Iudaei existimantes se comestione carnali potiri, non turbabantur, usquequo postea diffusi sunt: unde dicitur: *Murmurabant ergo Iudaei de illo, quia dixisset: Ego sum panis vivus, qui de caelo descendit.* Videbantur quidem turbati in hoc quod dixerat eum de caelo descendisse; sed non hoc erat quodurbationem faciebat, sed hoc quod non expectabant potiri mensa corporali. Adhuc tamen eum venerabantur, quia recens erat signum; & propterea non manifeste ei contradicebant, sed murmurando suamurbationem ostendebant. Quid autem murmurando dixerint subditur: *Et dicebant: Numne hic est Iesus filius Ioseph, cuius novimus patrem, & matrem? Quomodo ergo dicit hic, Quia descendit de caelo?* AUGUSTINUS (tract. xxvi.) Longe autem isti erant a pane de caelo, nec eum esurire noverant: panis e-

nim iste interioris hominis quærit esurire. CHRYSOSTOMUS (hom. xlv.) Manifestum est enim quoniam mirabile eius nondum sciverant generationem; propterea eum adhuc filium Ioseph dicunt. Sed non increpantur: non enim respondit eis, *Non, Iesus Ioseph,* quia non poterant illum mirabilem partum audire. Si vero eum qui secundum carnem, non poterant manifeste audire, multo magis nec sapienter inefabilem. AUGUSTINUS (tract. xxvi.) Ab hominibus enim carnem assumpsit, sed non more hominum: nam Patrem habens in caelo, matrem elegit in terra, & illic natus sine matre, & hic sine patre. Quid ergo talibus murmurantibus respondit subditur: *Respondit ergo Iesus, & dixit eis: Nolite murmurare invicem;* quali dicat: *Scio quare non eluritis sic, ut istum panem non intelligatis, neque quæritis. Nemo potest venire ad me, nisi Pater qui misit me traxerit illum.* Magna gratiae commendatio: nemo venit nisi trahatur. Quem trahat, & quem non trahat; quare illum trahat, & illum non trahat, noli velle iudicare, si non vis errare. Semel accipe, & intellige: si non traheris, ora ut traharis. CHRYSOSTOMUS (hom. xlv.) Hic autem insilunt Manichaei dicentes, quoniam nihil in nobis est positum. Sed hoc non quod in nobis est destruit, sed ostendit nos divino auxilio indigentes: (2) ostendit enim hic non eum qui invitus venit, sed eum qui multam patitur oppugnationem. AUGUSTINUS (tract. xxvi.) Sed (3) si inviti trahimur ad Christum, inviti credimus: ergo violentia adhibetur, non voluntas excitatur. Sed intrare quikquam Ecclesiam potest nolens, credere non potest nisi volens: „ corde enim creditur ad iustitiam: „ Si ergo invitus venit qui trahitur, non credit; si non credit, non venit: non enim ad Christum ambulando currimus, sed credendo, nec motu corporis, sed voluntate cordis accedimus: ergo voluntate traheris. Quid est autem trahi voluntate? „ Delectare in Domino „ „ & dabit tibi petitiones cordis „ „ tui: „ Plal. xxxv. Est quædam voluptas cordis, cui dulcis est panis ille celestis. Porro si Poetae dicere licuit: „ Trahit tua quemque „ „ voluptas: „ quanto fortius nos dicere debemus trahi hominem ad Christum, qui delectatur veritate, beatitudine, iustitia, sempiterna vita, quod totum Christus est? (4) An vero habent corporis sensus

VO-

{ 1 } *Al. Suscitabo: & sic infra.* { 2 } *Al. ostendit enim hoc non eum qui invitus venit &c.*
 { 3 } *Al. Si enim inviti trahimur ad Christum, ergo inviti credimus.* { 4 } *Al. An non ha-*
 bent.

voluptates suas, & animus defecit a voluptatibus suis? Da amantem, desiderantem, ferventem, fonti æternæ patriæ suspirantem; & scit quid dicam. Sed quare voluit dicere, *Quem traxerit Pater?* Si trahendi sumus, ab illo trahamur qui dicit quædam quæ diligit, Cant. 1. „ Trahe me post te. “ Sed quid intelligi voluit advertamus. Trahit Pater ad Filium eos qui propterea credunt in Filium, quia eum cogitant Patrem habere Deum. Deus enim Pater æqualem sibi genuit Filium, & qui cogitat, atque in fide sua sentit, ac ruminat æqualem esse Patri eum in quem credit, ipsum trahit Pater ad Filium. Arius credidit creaturam: non eum traxit Pater. Photinus dicit, Homo solum esse Christum: qui sic credit non eum Pater trahit. Traxit Petrum qui dixit Matth. xvi. „ Tu es Christus Filius Dei vi: “ unde ei dictum est ibid. „ Nontinui, bi revelavi caro & sanguis, sed Pater meus qui in cælis est. “ Ista revelatio ipsa attradio est. Si enim qui inter delicias terrenas revelantur amantibus, trahunt; non trahet revelatus Christus a Patre? Quid enim fortius desiderat anima quam veritatem? Sed hic homines eluriant, ibi saturantur; ideo subiecit: *Et ego resuscitabo eum in novissimo die*; quali dicat: Saturabitur eo quod & hic sicut, in resurrectione mortuorum, quoniam ego resuscitabo eum. AUGUSTINUS de quæst. nov. & vet. test. (qu. lxxix.) Vel attrahit Pater ad Filium per opera quæ faciebat per illum. CHRYSOSTOMUS (hom. xlv.) Non parva dignitas Filii, si Pater adducit; & ipse suscitavit, (1) non dividens ad Patrem opera, sed ostendens paritatem virtutis. Deinde ostendit modum secundum quem Pater trahit, dicens: *Scriptum est in Prophetis: Et erunt omnes docibiles Dei.* Vides fidei dignitatem: quoniam non ab hominibus, (2) neque per homines, sed ab ipso Deo eam debeant addicere. Magister enim prædicit omnibus paratus existens sua tribuere, ad omnes suam doctrinam effundens. Si autem erunt omnes docibiles Dei, qualiter quidam non credunt? Quia hoc de pluribus dictum est: sive quoniam omnes qui volunt. AUGUSTINUS de Prædest. Sanctorum (cap. viii.) Vel aliter. Sicut integre loquimur cum de aliquo litterarum magistro qui in civitate solus est, dicimus, Omnes iste hic litteras docet: non quia omnes discunt, sed quia nemo

nisi ab illo dicit quicumque ibi litteras discit. ita recte dicimus, Omnes Deus docet venire ad Christum: non quia omnes veniunt, sed quia nemo aliter venit. AUGUSTINUS super Ioan. (tract. xxv.) Vel aliter. Omnes regni illius homines docibiles erunt Dei, non ab hominibus audiunt; & si hic ab hominibus audiunt, tamen quod intelligunt, (3) intus datur. Strepitum verborum ingero auribus vestris; nisi revelet ille qui intus est, quomodo ergo, o Iudei, me potestis agnoscere, quos Pater non docuit? BEDA. Dicit autem pluraliter, *In Prophetis*: quia omnes Prophetæ uno eodemque spiritu repleti, licet diversa prophetarent, tamen ad idem tendebant: quapropter cum quovis eorum omnes alii concordabant; sicut cum Ioel Prophetâ, qui dicit: *Erunt omnes docibiles Dei.* GLOSSA. Hoc in Ioel non invenitur, sed aliquid simile: dicitur enim ibi cap. ii. „ Filii Sion exultate, & lætaminini in Domino Deo nostro: quia dedit nobis doctorem. “ Expressius tamen est in Esaiâ, ubi dicitur cap. lvi. „ Ponam universos filios tuos doctos a Domino. CHRYSOSTOMUS (homil. xlv.) Quod quidem præcipuum est: quia ante per homines dicebant quæ Dei sunt, nunc autem per unicum Filium Dei, & Spiritum sanctum. AUGUSTINUS de Prædestinatione Sanctorum (cap. viii. & seqq.) Omnes autem docibiles Dei veniunt ad Filium, quoniam audierunt, & didicerunt a Patre per Filium: unde subditur: *Omnis qui audit a Patre, & didicit, venit ad me.* Si autem omnis qui audit a Patre, & didicit, venit, profecto omnis qui non venit, non audit a Patre, nec didicit. Valde remota est a sensibus carnis hæc schola; in qua Pater auditur, & docet, ut veniat ad Filium; nec agit hoc cum carnis aures, sed cordis, ubi est & ipse Filius; quia ipse est Verbum eius per quod Pater sic docet; simul est & Spiritus sanctus: inseparabilia enim (4) didicimus esse opera Trinitatis. Sed Patri hoc potissimum est attributum, quia de ipso procedit & Filius, & Spiritus sanctus. Itaque gratia quæ occulte, & humanis cordibus divina largitate tribuitur, a nullo corde duro respuitur: ideo quippe tribuitur, ut cordis duritia primitus auferatur. Cur ergo non omnes docet, ut veniant ad Christum, nisi quia eos quos docet, misericordia

(1) *Legit N'estai non dividens ab operibus Patris opera sua, sed ostendens &c.* (2) *Idem*, neque homines. (3) *Plinius idem Nicolai intus datur, intus corripit, intus revelatur.* Strepitum verborum ingero auribus vestris: nisi revelet ille qui intus est, quid dico, quid loquor? Dicit ergo: *Et erunt omnes docibiles Dei*; quasi dicat: Quomodo Iudei me potestis agnoscere, quos Pater non docuit? (4) *Idem* dicimus.

dia docet, quos autem non docet, iudicio non docet? Si autem dixerimus, quod volunt discere, quos non docet, respondebitur nobis: Et ubi est quod edidit Plal. lxxxiv. Deus tu convertens vivificabis nos? Aut si non faciat volentes ex nolentibus Deus, ut quid orat Ecclesia secundum præceptum Domini pro persecutoribus suis? Non enim quisquam dicere potest, Credidi, ut sic vocarer: prævenit quippe eum misericordia Dei, quia sic est vocatus ut crederet. AUGUSTINUS super Ioan. (tract. xxvi.) Ecce ergo quomodo trahit Pater docendo de veritate, non necessitatem imponendo: trahere enim Dei est. *Omnis qui audit a Patre, & didicit, venit ad me.* Quid igitur? Christus nihil docuit? Quid quod Patrem magistrum homines non viderunt, Filium viderunt. Filius ergo dicebat, sed Pater docebat. Si (1) enim ego homo cum sum, illum doceto qui audit verbum meum, illum docet & Pater qui audit Verbum eius. Exponit autem hoc ipse, & ostendit nobis quid dixerat, continuo subiungens: *Nec quia Patrem vidit quisquam; nisi qui a Deo est, hic vidit Patrem;* quasi dicat: Ne forte cum dico vobis, *Omnis qui audit a Patre, & didicit, dicatis apud vos:* Numquam vidimus Patrem, quomodo ab eo discere poterimus? a meipso audire? Ego novi Patrem, ab illo sum, quomodo verbum est ab illo cuius est verbum: non quod sonat, & transiit, sed quod manet cum dicente, & trahit audientem. CHRYSOSTOMUS (hom. xlv.) Omnes quidem a Deo sumus. Id vero quod est præcipuum Filii, & proprium, hic non posuit propter auditorum imbecillitatem.

(g) AUGUSTINUS (tract. xxvi.) Revelare voluit se Dominus quid esset: unde dicit: *Amen amen. dico vobis: qui credit in me, habet vitam æternam;* quasi dicat: Qui credit in me, habet me. Quid est autem habere me? Habere vitam æternam: vita enim æterna est Verbum, quod in principio erat apud Deum, & vita erat lux hominum. Assumpsit vita mortem, ut vita occideret mortem. CHRYSOSTOMUS (hom. xlv.) Quia vero turbæ insabant, cibum corporalem petentes, & eius cibi qui patribus eorum data erat reminiscens, ut ostendat quod omnia illa figura erant huius

veritatis præsentis, mentionem de cibo spirituali facit, dicens: *Ego sum panis vita.* b Panem quidem vitæ se ipsum vocat, quoniam vitam nostram continet, & hanc, & iuturam. AUGUSTINUS (tract. xxvi.) Sed quia illi de manna superiebant, subiungit: *Patres vestri manducaverunt manna in deserto, & mortui sunt.* Ideo patres vestri, quia similes essis illorum: murmuratores patres murmuratorum filiorum: nam de nulla re magis Deum offendisse ille populus dictus est, quam contra Deum murmurando. Ideo autem mortui sunt, quia quod videbant credebant, quod non videbant non credebant, neque intelligebant. CHRYSOSTOMUS (hom. xlv.) Non autem sine causa addit, *In deserto,* sed occulte insinuat quoniam non longum tempus fuit, quo scilicet manna datum est, neque simul (2) cum eis venit in terram promissionis. Sed quia videbant panem datuma Christo (3) minus quid esse illo quod patribus datum erat, in eo quod illud desuper descendeat, miraculum vero panum inferius gerebatur: propterea subiungitur: *Hic est panis de celo descendens.* AUGUSTINUS (tract. xxvi.) Hunc panem significavit manna, hunc panem significabat altare Dei. Sacramenta hæc sunt, & illa fuerunt: in signis diversa sunt, in re quæ significatur, paria sunt. Apostolum audi I. Corinth. x. 11. Omnes eandem escam spiritalem manducaverunt. CHRYSOSTOMUS (homil. xlv.) Deinde ostendit quod maxime eos poterat persuadere, quoniam ipsi patribus suis multo digniores effecti sunt, qui manna manducantes sunt mortui; & ideo subdit: *Ut si quis ex ipso manducaverit, non moriatur.* A fine utriusque cibi ostendit differentiam. Panem autem hic dogmata salutaria dicit, & fidem quæ in ipsum est, aut corpus suum: hæc enim conservant animam. AUGUSTINUS (tract. xxvi.) Sed numquid nos non morimur, qui manducamus panem descendente de cælo? Sic illi sunt mortui quemadmodum & nos sumus, morituri, quantum attinet ad mortem huius corporis visibilem, atque carnalem; quantum autem pertinet ad mortem spiritalem, qua partes istorum mortui sunt, manducavit manna Moyses, & multi qui Domino placuerunt, & mortui non sunt: quia visibilem cibum spiritualiter intellexerunt.

(1) Al. desuper enim. (2) Al. cum venit. (3) Al. minus esse illo..

runt, spiritualiter gustaverunt, ut spiritualiter satiarentur. Nam & nos hodie accipimus visibilem cibum; sed aliud est sacramentum, aliud virtus sacramenti: quoniam multi de altari accipiunt, & accipiendo moriuntur: unde Apostolus I. Corinth. xi. „Iudicium sibi manducat, & bibit.“ Panem ergo cælestem spiritualiter manducare, est innocentiam ad altare apportare: peccata, etsi sint quotidiana, non sint mortifera: antequam ad altare accedatis, attendite quid dicatis: „Dimitte nobis debita nostra,“ sicut & nos dimittimus debitoribus nostris: „Matth. vi. Si dimittis, dimittentur tibi: securus accede; panis est, non venenum. Si quis ergo ex hoc pane manducaverit, non morietur; sed quod pertinet ad virtutem sacramenti, non quod pertinet ad visibile sacramentum; qui manducat scilicet intus, non foris. ALCUINUS. Ideo, (1) inquam, non moriuntur qui comedit hunc panem: quia ego sum panis vivus, qui de caelo descendi. THEOPHYLACTUS. Per hoc scilicet quod incarnatus est. Non ergo prius solum fuit homo, & postmodum assumpsit divinitatem, ut Nestorius fabulatur. AUGUSTINUS (tract. xxvi.) De cælo descendit & manna; sed manna umbra erat, iste veritas est. ALCUINUS. Est autem mea vita vivificans: unde sequitur: Si quis manducaverit ex hoc pane, vivet, non tantum in presenti perfidem, & iustitiam, sed in æternam.

(h) AUGUSTINUS. Determinat consequenter Dominus quomodo se panem dicat, non tantum secundum divinitatem quæ pascit omnia, sed etiam secundum humanam naturam quæ est assumpta a Verbo Dei, cum subdit: Et panis quem ego dabo, caro mea est pro mundi vita. BEDA. Hunc panem tunc Dominus dedit, quando mysterium corporis, & sanguinis sui discipulis tradidit, & quando semetipsum Deo Patri obtulit in ara crucis. Quod verodicit, Pro mundi vita, non debemus intelligere proelementis, sed pro hominibus, qui mundi nomine designantur. THEOPHYLACTUS. In hoc quod dicit, Quem ego dabo, potestatem suam demonstrat, quod non sicut servus minor Patre crucifixus est, sed voluntarie: nam etiam Patre dari dicatur, tamen seipsum tradidit ipse. Attende autem, quod

panis qui in mysteriis a nobis assumitur, non solum figuram gerit carnis Christi, sed ipse est vera caro Christi: non enim dixit: Panis quem ego dabo, figuram carnis meæ gerit, sed caro mea est. Transmutatur innarrabilibus verbis iste panis per mysticam benedictionem, & habitationem Spiritus sancti, in carnem Christi. Sed quare non videmus carnem? Quia si caroveretur, horror nos in eius assumptione invaderet: unde ut nostræ infirmitati condescendatur, talis nobis videtur mysticus cibus secundum quod nostræ consuetudini competeat. Pro mundi autem vita carnem suam tradidit, quia moriendo, mortem solvit. Ego etiam intelligo pro mundi vita resurrectionem: nam Domini mors universalem resurrectionem toti generi humano ministravit. Forte autem & vitam quæ in sanctificatione, & beatificatione consistit, & spiritu, mundi vitam dixit: quamvis enim non omnes susceperint vitam quæ est in sanctificatione, & spiritu; tamen Dominus seipsum pro mundo tradidit, & quantum in eo est, totus mundus sanctificatur. AUGUSTINUS (tract. xxvi.) Quando autem caperet caro quod dixit panem carnem? Norunt autem fideles corpus Christi, si corpus Christi esse non negiant: sicut corpus Christi, si volunt vivere de spiritu Christi: de spiritu enim Christi non vivit nisi corpus Christi: numquid enim corpus meum vivit de spiritu tuo? Hunc panem exponit Apostolus dicens I. Corinth. xi. „Unum corpus multi sumus.“ O sacramentum pietatis, o signum unitatis, o vinculum caritatis! Qui vult vivere, accedat, credat, incorporetur, ut vivificetur.

(i) AUGUSTINUS (tract. xxvi.) Quia Iudæi panem concordie non intelligebant, ad invicem litigabant: unde dicitur: Litigabant ergo Iudæi ad invicem, dicentes: Quomodo potest hic nobis dare carnem suam ad manducandum? Qui autem manducant talem panem, non litigant ad invicem, quoniam per hunc Deus habitare facit unanimes in domo. BEDA. Putabant ergo Iudæi quod Dominus particulatim carnem suam divideret, & eis ad manducandum daret; & ideo litigabant, quia non intelligebant. CHRYSOSTOMUS (hom. xlv.) Quia igitur dicebant hoc esse impos-

(1) Nicetas habet Ideo namque non moriuntur.

possibile, ut scilicet carnem suam ad manducandum daret, ostendit quoniam non solum non est impossibile, sed valde necessarium: unde sequitur: *Dixit ergo eis Iesus: Amen amen dico vobis: Nisi manducaveritis carnem Filii hominis, & biberitis eius sanguinem, non habebitis vitam in vobis.* (1) **AUGUSTINUS** (tract. xxvi.) Quasi dicat: Quomodo quidem (2) edatur, & quoniam sit modus manducandi illum panem ignoratis; verumtamen *nisi manducaveritis carnem Filii hominis, & biberitis eius sanguinem, non habebitis vitam in vobis.* **BIDA.** Et ne crederetur illis totis hæc dixisse, mox generalem sententiam inculcat, (3) dicens: *Qui manducat meam carnem, & bibit meum sanguinem.* (4) **AUGUSTINUS** (tract. xxvi.) Et ne illam vitam intelligentes, de hac re litigarent, secutus adiunxit: *Habet vitam æternam.* Hanc ergo non habet qui istam carnem non manducat, nec istum sanguinem bibit. Nam temporalem vitam sine illo habere homines possunt, æternam vero omnino non possunt. Non ita est hæc ælca, quam sustentandæ huius temporalis vitæ causa sumimus: nam qui eam non sumplerit, non vivet; nec tamen qui eam sumplerit, vivet. Fieri enim potest ut morbo, vel senio, vel aliquo casu plurimi qui eam sumplerint, moriantur. In hoc vero cibo, & potu, idest corporis, & sanguinis Domini, non ita est: nam & qui eum non sumit, non habet vitam, & qui eum sumit, habet vitam, & hanc utique æternam. **THEOPHYLACTUS.** Non enim puri hominis caro est, sed Dei, & hominem divinum facere valens, tamquam divinitate inebrians. **AUGUSTINUS** XXII. De Civitate Dei (cap. xix.) Sunt autem quidam liberationem ab æterno supplicio hominibus promittentes Christi baptismate ablutis, qui participes sunt corporis eius, quomodo libet vixerint, propter illud quod dicitur hic. (Eodem Lib. cap. xxv.) Sed contradicit eis Apostolus dicens Galat. v. 11. Manifesta sunt opera carnis, quæ sunt fornicatio, immundicia, impudicitia, luxuria, idolorum servitus, veneficia, inimicitia, contentiones, æmulationes, iræ, rixæ, dissensiones, sectæ, invidiæ, homicidia, ebrietates, comestiones, & his similia: quæ prædicō, sicut prædixi, quoniam qui talia agunt, regnum Dei non possidebunt. Quamobrem quomodo sit accipiendum quod hic dicitur, merito quaeritur. Qui enim

in eius est corporis unitate, idest in Christianorum compage membrorum, cuius corporis sacramentum fides communicat de altari sumere consueverunt, ipse vero dicendus est manducare corpus, & bibere sanguinem Christi; ac per hoc hæretici, & schismatici ab unitate corporis separati, possunt idem percipere sacramentum, sed non sibi utile, immo vero etiam noxium, quo iudicentur gravius quam vel tardius liberentur. Nec illi etiam in perditis, & damnablebus moribus debent esse securi, qui per vitæ iniquitatem, ipsam vitæ iusticiam, quæ est Christus, deierunt, sive fornicando, sive aliquid huiusmodi faciendo: non enim isti dicendi sunt manducare corpus Christi, quoniam nec in membris computandi sunt Christi. Ut enim alia taceam, non possunt simul esse membra Christi, & membra meretricis. **AUGUSTINUS** super Iohannem (cap. xxvi.) Hunc itaque cibum, & potum societatem vult intelligi corporis, & membrorum suorum, quod est Ecclesie in prædestinationis, & vocatis, & iustificatis, & glorificatis sanctis, & fidelibus eius. (5) Huius rei sacramentum, idest unitas corporis, & sanguinis Christi, alicubi quotidie, alicubi certis intervallis dierum in dominica mensa præparatur, & de dominica mensa sumitur quibusdam vitam, quibusdam ad exitum. Res vero ipsa, cuius sacramentum est, omni homini est ad vitam, nulli ad exitum, quicumque eius particeps fuerit. Ne autem putarent sic in isto cibo, & potu promitti vitam æternam, ut qui eum sumerent, iam nec corpore inorerentur; huic cogitationi occurrens subiungit dicens: *Et ego resuscitabo eum in novissimo die:* ut scilicet habeant interim vitam æternam (6) secundum spiritum in requie, quæ sanctorum spiritus suscipit; quod autem ad corpus attinet, nec corpus etiam vita æterna fraudetur, sed in resurrectione mortuorum in novissimo die eam habeat.

(k) **BIDA.** Dixerat superius: *Qui manducat meam carnem, & bibit meum sanguinem, habet vitam æternam:* & ut ostendat quanta distantia sit inter corporalem cibum & potum, & spirituale mysticum corporis & sanguinis sui, adiecit: *Caro enim mea vera est cibus, & sanguis meus vera est potus.* **CHRYSTOMUS** (hom. xlv.) Hoc autem dicit, aut ut credant his quæ dicta sunt, ut non assint ænigma & parabola

(1) *Al. Omittit idem Nicolaus in dñm Augusti int.* (2) *Al. detur.* (3) *Al. omittitur dicens.* (4) *Et hic iterum dicit in editione P. Nicolai index Augustini.* (5) *Al. eius rei sacramentum.* (6) *Al. secundum spiritum.*

lam esse, sed sciant quoniam omnino oportet manducare corpus Christi; aut vult dicere, quod verus cibus est hic qui animam salvat. AUGUSTINUS (tract. xxvi.) Vel aliter. Cum cibo, & potu id appetant homines ut non esuriant, neque sitiant hoc veraciter non præstat nisi iste cibus, & potus, qui eos a quibus sumitur immortales, & incorruptibiles facit; idest societates ipsa sanctorum, ubi pax erit, & unitas plena, acque perfecta. Propterea Dominus noster corpus, & sanguinem suum in eis rebus commendavit quæ ad unum aliquid rediguntur ex multis: namque aliud, scilicet panis, ex multis granis in unum constat; aliud, scilicet vinum, ex multis acinis confluit. Deinde iam exponit quid sit manducare corpus eius, & sanguinem bibere, dicens: *Qui manducat meam carnem, & bibit meum sanguinem, in me manet, & ego in illo.* Hoc est ergo manducare illam escam & illum bibere potum, in Christo manere, & Christum in se habere. At per hoc qui non manet in Christo, & in quo non manet Christus, proculdubio nec manducat eius carnem, nec bibit eius sanguinem; sed magis tantæ rei sacramentum ad iudicium sibi manducat, & bibit. CHRYSOSTOMUS (hom. xlvii.) Vel aliter continuatur. Quia promiserat se manducantibus vitam æternam, ut hoc confirmet, inducit: *Qui manducat meam carnem, & bibit meum sanguinem, in me manet, & ego in illo.* AUGUSTINUS de Verb. Domini (serm. xi.) Multi quidem, qui vel corde sesto carnem illam manducant, & sanguinem bibunt, vel cum manducaverint, apostatae sunt, numquid manent in Christo, & Christus in eis? Sed est profecto quidam modus manducandi illam carnem, & bibendi illum sanguinem, quo modo qui manducaverit, & biberit, in Christo manet, & Christus in eo. AUGUSTINUS XXI. de Civ. Dei (cap. xxvii.) Hoc est, illi qui non sacramento tenus tantum, sed revera corpus Christi manducant, & sanguinem bibunt. CHRYSOSTOMUS (homil. xlvii.) Et quia ego vivo, manifestum est quod ipse vivit; & ad hoc ostendendum subiungit: *Sicut misit me vivens Pater, & ego vivo propter Patrem, & qui manducat me,* S. Thom. Oper. Tom. V.

& ipse vivet propter me; a se si dicat: Vivo ego sicut Pater; & ne ingenuum æstimes, adiecit, Propter Patrem, Patrem sibi esse principium occulte insinuans. Quod autem dicit, Qui manducat me, & ipse vivet propter me, non de vita simpliciter hoc dicit, sed de approbata: etenim etiam infideles vivunt non manducantes de carne illa. Sed neque de resurrectione communi hoc dicit (etenim omnes suscitabuntur) sed de gloriola, & mercedem habente. AUGUSTINUS (tract. xxvi.) Non autem ait: Sicut manduco Patrem, & ego vivo propter Patrem, & qui manducat me, & ipse vivet propter me: non enim Filius participatione Patris fit melior, sed participatione Filii per unitatem corporis eius, & sanguinis, quod illa manducatio, & potatio significat, nos efficiamur meliores. Si ergo ita dictum est, Vivo propter Patrem, quia ipse de illo est, sine decessimento æqualitatis dictum est. Nec tamen eandem nostram & suam æqualitatem significavit, sed gratiam mediatoris ostendit. Si autem secundum id accipimus, Vivo propter Patrem, quod alibi ait infra xiv. Pater maior me est, hæc verba ita duxit, Sicut misit me Pater, ac si diceret: Ut ego vivam propter Patrem, idest ad illam tantquam ad maiorem referam vitam meam, exinanitio mea fecit, in qua me misit, ut autem quisque vivat propter me, participatio facit qua manducat me. HILARIUS VIII. de Trin. (post princ.) De veritate igitur carnis, & sanguinis Christi non reliquus est ambigendi locus: nunc enim ex ipsius Domini professione, & fide nostra, vere caro est, & vere sanguis est. Hoc ergo vitæ nostræ causa est, quod in nobis carnalibus manentem per carnem Christum habemus, visuris nobis per eum ea conditione qua vivit ille per Patrem. Si ergo nos naturaliter secundum carnem per eum vivimus, idest naturam carnis suæ adepti; quomodo non naturaliter secundum spiritum in se Patrem habeat, cum vivat ipse per Patrem? Per Patrem autem vivit, dum nativitas non alienam ei intulit, diversamque naturam. AUGUSTINUS (tract. xxvi.) Ut autem illum panem manducando (1) vivamus, qui æternam vi-

Ss; tam

(1) Ad. videmus.

EX EDITIONE P. NICOLAI.

• AUGUSTINUS de Verb. Domini Scrm. xi.

tam ex nobis habere non possumus, de
cælo descendit: unde sequitur: *Hic est
panis qui de cælo descendit.* H I L A R I U S X. de Trin. (post princ.)
Se panem hic dicit, (1) ipse enim origo
sui corporis est. Ac ne Verbi virtus, atque
natura (2) defecisse a se existimaretur
in carne, panem carnem suam esse
dixit, ut per hoc quod descendens de cælis
panis est, non ex humana conceptione
origo esse corporis eius existimaretur, dum
cæleste esse corpus ostenditur. At vero (3)
cum panis est, assumpti per Verbum corporis
est professio. THEOPHYLACTUS.
Non enim purum Deum comeditimus, nam
& impassibilis, & incorporeus est: neque
(4) etiam hominis puri carnem comeditimus,
quæ nil (5) posset proficere. Sed quia
Deus carnem sibi univit, caro eius vivificativa
existit; non quod in Dei naturam
transierit; sed secundum quandam igniti
ferri consuetudinem, quod & ferrum manet,
& ignis adum ostendit: sic & caro
Domini vivificativa est tamquam caro Verbi
Dei. BEDA. Et ut ostenderet distantiam
umbræ & lucis, typi & veritatis,
subiunxit: *Non sicut manducaverunt patres
vestri manna, & mortui sunt.* Qui manduca-
vit hunc panem, vivet in æternum. AUGU-
STINUS (traç. xxvi.) Quod autem illi
mortui sunt, ita vult intelligi, ut non
vivant in æternum. Nam temporaliter &
hi profecto moriuntur qui Christum man-
ducant; sed vivunt in æternum, quia Chris-
tus est vita æterna. CHRYSOSTOMUS
(hom. xlv.) Si enim possibile fuit sine
melle, & frumento, & aliis huiusmodi,
quadraginta annis illorum vitam conserva-
re; multo magis nunc cibo spirituali hoc
facere poterit, cuius illa erant figuræ.
Frequenter autem vitam repromittit, quia
nihil est ita delectabile hominibus: unde
& in veteri testamento longitudo vitæ pro-
mittebatur; hic autem vita finem non ha-
bens. Simul etiam per hoc ostendere vult
quoniam sententiam morti tradentem pro
peccato nunc solvit, vitam æternam & con-
trario promittens. Sequitur: *Hæc dixit in
synagoga, docens in Capharnaum:* ubi scilicet
primæ virtutes eius sunt factæ. Docce-
bat autem in synagoga, & in templo, mul-
titudinem attrahere volens, & ostendens
quoniam non est contrarius Patri. BEDA.
Mystice autem Capharnaum, quæ inter-
pretatur villa pulcherrima significat mun-

idum; synagoga vero Iudaicum populum.
Per hoc ergo ostenditur quod Dominus per
mysterium incarnationis mundo apparens,
Iudaicum populum multa docuit, quæ ipse
intellexit.

(1) AUGUSTINUS (traç. xxvii.)
Talia loquente Iesu non crederetur ali-
quid magnum dicentem, & verbis illis ali-
quam gratiam (6) cooperientem; sed prout
voluerunt intellexerunt, & more homi-
num, quia poterat, aut disponebat Iesus
carnem, qua indutum erat Verbum, vel-
uti concessam distribuire credentibus in se:
unde dicitur: *Multi ergo audientes, non ex
inimicis, sed ex discipulis eius dixerunt: Duv-
rus est hic sermo.* CHRYSOSTOMUS (hom.
xlv.) Id est, difficile suscepiibilis, super-
excedens eorum imbecillitatem: putabant
enim eum supra seipsum loqui maiora pro-
pria dignitate, & dixerunt: *Quis potest tum
audire? quasi pro seipsis respondentes, quia
non debebant.* AUGUSTINUS (traç.
xxvii.) Si autem discipuli durum habue-
runt istum sermonem, quid inimici? Et ta-
men sic oportebat ut diceretur quod non
ab hominibus intelligeretur; secretum Dei
intentos debet facere, non adversos.
THEOPHYLACTUS. Cum autem audis
quod discipuli eius murmurabant, non in-
telligas hos qui adu sunt discipuli, sed hos
qui in habitu, & figura videbantur ab eo
instrui. Nam inter discipulos erant qui-
dam ex plebe, qui dicebantur eius disci-
puli, quia multo cum discipulis manebant
tempore. AUGUSTINUS (traç. xxvii.)
Sic autem apud se ista dixerunt ut ab illo
non audirentur; sed ille, qui noverat in se-
ipsis, apud seipsum audiebat: unde sequi-
tur: *Sciens autem Iesus apud seipsum, quia
murmurarent de hoc discipuli eius, dixit eis:*
Hoc vos scandalizat? ALCUVINUS. Quod
scilicet dixi vobis, manducare carnem meam,
& bibere sanguinem meum. CHRYSO-
STOMUS (hom. xlv.) Erat autem hoc
suar deitatis signum, occulta in medium
ferre: unde sequitur: *Si ergo videritis Fi-
lium hominis ascendentem ubi erat prius: sup-
ple, quid dicetis? Hoc & in Nathanaele
fecit dicens: Quoniam dixi tibi, Vidi te sub
figu, credis: maiora his videbis.* Non igitur
questiones questionibus copulat; sed
magnitudine dogmatis, & multitudi-
ne eos inducere vult. Non igitur disci-
pulos in scandalum mittere volens hoc
dicit, sed eorum scandalum solvere volens:
nam

(1) Quatuor editiones sepe citata omittunt hæc verba
existimaretur in carne. (2) Legis Nicolai cum suis panis est. (3) Al. enim. (4) Al. possit.
(6) Al. cooperientem.

nam dum estimant eum de Ioseph natum, non suscipiunt ea quæ dicebantur. Qui vero credituri erant quoniam de cælo descendit, & illuc ascendit, facilius attendunt his quæ dicebantur. AUGUSTINUS (tract. xxvii.) Vel aliter. Hinc solvit quod illos commoverat: illum enim putabant erogaturum corpus suum; ille autem dixit se ascensurum in cælum, utique integrum. Cum videritis, inquiens, Filium hominis ascendentem ubi erat prius. Certe vel tunc videbitis quia non eo modo quo putatis erogatur corpus suum, & quia gratia eius non consumitur morsibus. Filius autem hominis Christus ex Virgine Maria hic esse cœpit in terra, ubi carnem assumpsit ex terra: quid ergo vult quod ait, Cum videritis Filium hominis ascendentem ubi erat prius, nisi ut intelligamus unam personam esse Christum Deum, & hominem, nonduas? ne fides nostra sit quaternitas, sed Trinitas. Sic ergo erat Filius hominis in cælo, quemadmodum Filius Dei erat in terra: Filius Dei in terra in suscepta carne, Filius hominis in cælo in unitate personæ. THEOPHYLACTUS. Non ergo propter hoc putes quod de cælo corpus Christi descendit: hoc enim (1) Marciani hæretici, & Apollinaris est dictum; sed quia unus & idem erat Filius Dei & hominis. CHRYSOSTOMUS (hom. xlv.) Propter hoc autem & aliam solutionem inducit, dicens: Spiritus est qui vivificat; caro non prodest quicquam. Quod autem dicit, tale est. Spiritualiter oportet ea quæ de me sunt audire; qui autem carnaliter audit, nihil prodest. Est autem carnaliter intelligere, simpliciter ea quæ proposita sunt videre, & nihil plus imaginari. Oportet autem non ita iudicare, sed omnia mysteria interioribus oculis inspicere, quod semper est spiritualiter audire. Carnale vero erat dubitare qualiter potest nobis carnem dare manducare. Quid igitur? Non est vera caro? Immo utique: quod igitur ait, *Carnem non prodest quicquam*, non de sua carne dicit, sed de eius carne qui carnaliter accipiebat quæ dicebantur. AUGUSTINUS (tract. xxvii.) Vel aliter. *Carnem non prodest quicquam*. Sed quomodo illi intellexerunt? Carnem quippe sic intellexerunt quomodo in cadavere dilaniatur, aut in macello venditur, non quomodo spiritu vegetatur. Accedat spiritus ad carnem, & prodest plurimum: nam si caro nihil prodesset, Verbum caro non fieret, ut habitaret in nobis; sed

spiritus per carnem aliquid operatus est in nobis pro salute nostra. AUGUSTINUS de Civ. Dei (cap. xiv.) Non enim caro per seipsum mundat, sed per Verbum a quo suscepta est; quod cum sit principium omnium, suscepta anima, & carne, & animam credentium mundat, & carnem. Spiritus ergo est qui vivificat; caro non prodest quicquam: sicut illi intellexerunt carnem. Non sic ego dæd manducandum carnem meam. (2) Nec carnem debemus sapere secundum carnem: proinde dicit: *Verba quæ ego locutus sum vobis, spiritus, & vita sunt*. CHRYSOSTOMUS (hom. xlv.) Idem, spiritualia sunt, nihil habentia carnale, neque consequentiam naturalem; sederunt autem ab omni tali necessitate quæ in terra, & a legibus quæ hic posite sunt. AUGUSTINUS (tract. xxvii.) Si ergo intellexisti spiritualiter, spiritus, & vita tibi sunt; si intellexisti carnaliter, etiam sic spiritus, & vita sunt, sed tibi non sunt. Diximus enim hic Dominum commendasse in manducatione carnis suæ, & potatione sanguinis sui ut in illo maneamus, & ipse in nobis. Hoc autem quid facit misericordia? „Caritas autem Dei diffusa est in cordibus nostris per „ Spiritum sanctum qui datus est nobis: „ Rom. v. ergo spiritus est qui vivificat. CHRYSOSTOMUS (ut supra.) Et quia de carnali audientia supra locutus est, subiungit: *Sed sunt quidam ex vobis qui non credunt*. Dicens, *Quidam*, discipulos excepit; suam autem dignitatem offendit, occulte revelans. AUGUSTINUS (tract. xxvii.) Non dixit, *Sunt quidam in vobis qui non intelligunt*; sed causam dicit quare non intelligant. Propheta enim dixit: „Nisi crederitis, non intelligetis: „ Efa. vii. nam qui resistit, quomodo vivificatur? Adversarius enim radio lucis quo penetrandus est, non avertit faciem, sed claudit mentem. Credant, & aperiant, & illuminabuntur. CHRYSOSTOMUS (ubi supra.) Et ut discas, quoniam ante hæc verba, & non postquam murmuraverunt, & scandalizati sunt, hæc Christus cognoverat, subiungit Evangelista dicens: *Sciebat enim ab initio Iesus qui essent credituri, & qui tradituri eum esset*. THEOPHYLACTUS. Volens per hoc nobis Evangelista ostendere quod ante constitutionem mundi omnia cognoscebat; quod divinitatis erat indicium. AUGUSTINUS (tr. xxvii.) Sed postquam distincti credentes Dominus a non credentibus, expressit causam quare non credunt: unde sequitur:

(1) Nicolai repentis Marcionis. (2) M. quis nec carnem.

Et dicebat: *Propterea dixi vobis, quia nemo potest venire ad me, nisi fuerit ei datum a Patre meo.* CHRYSOSTOMUS (homil. xlv.) Quasi dicat: Non turbant me, neque stuporem inferunt qui non credunt. Novi quibus dedit Pater. Dixit autem hoc, ut ostendat quoniam non illorum gloriam concupiscens hoc dicebat, & ut suadeat eis quod Patrem eius exilliment Deum, & non Ioseph. AUGUSTINUS (tract. xxvii.) Ergo & credere datur nobis, non enim nihil est credere. Si autem magnum quid est, gaude, quia credidisti; sed noli extolli: quid enim habes, quod non accepisti? 4. Corinth. iv. Hoc autem donum quibusdam dari, & quibusdam non dari, omnino non dubitas qui non vult manifestissimis sacris litteris repugnare. Cur autem non omnibus detur, fidelem movere non debet, qui credit ex uno omnes esse in condemnationem iustissimam; ita ut nulla Dei esset iusta reprehensio, etsi nullus inde liberaretur, unde constat magnam esse gratiam quod plurimi liberantur. Cur autem istum potius quam illum liberet, inscrutabilia sunt iudicia eius, & intelligibiles viæ eius.

Sequitur: *Ex his multi discipuli eius abierunt retro, & iam cum illo non ambulabant.* CHRYSOSTOMUS (homil. xlv.) Non dixit, Recesserunt, sed *abierunt retro*, ab ea quæ secundum virtutem est auditione, & quam habebant olim fidem, perdidērunt. AUGUSTINUS (tract. xxvii.) Ecce (1) præcisi a corpore vitam perdidērunt: quia in corpore nec fuerunt: inter non credentes & ipsi reputati sunt. Abierunt retro non pauci, sed multi post satanam, non post Christum, quomodo de quibusdam feminis dicit Apostolus k. ad Timoth. v. Quædam conversæ sunt retro post satanā, nam. "Petrus autem non repulit Dominus retro ire post satanam, sed fecit post se ire." CHRYSOSTOMUS. a. Quæret autem aliquis: (2) Quod tempus erat verba dispensandi his quæ constructa erant (3) necessitas? Multa quidem utilitas, & necessitas. Quia enim inflabant cibum corporalem petentes, & eius qui sub patribus datus est seminifcentes, ostendens quoniam omnia il-

la typus erant, meminit cibi spiritualis. Non igitur scandalizari oportebat, sed interrogare congruum erat: quare illorum amentia scandalum fuit, non indifolubilitatis eorum quæ dicebantur. AUGUSTINUS (tract. xxvii.) Et hoc etiam forte factum est ad consolationem nostram: quoniam aliquando contingit ut homo dicat verum, & quod dicit non capiat, atque illi qui audiunt scandalizentur, & discedant. Pœnitent autem hominem dixisse quod verum est: dicit enim apud se homo, Non debui sic dicere: & sic Domino contigit. Dixit, & perdidit multos; sed non turbatur ipse, quia ab initio noverat qui non essent credentes. Nos, si nobis contingat, conturbamur: solatium in Domino inveniamus, & tamen caute verba dicamus. BIDA. Sciobat autem Dominus de aliis discipulis qui remanserunt an vellent abire; sed tamen eos interrogavit, ut fides eorum monstraretur, & aliis imitanda proponeretur: unde sequitur: *Dixit ergo Iesus ad duodecim: Numquid & vos vultis abire?* CHRYSOSTOMUS (homil. xlv.) Per hunc autem modum oportebat eos trahi: nam si eos laudasset, passi essent aliquid humanum, existimantes se gratiam Christo facere, cum non relinquendo: ostendens vero se non indigere eorum sequela, magis eos detinuit. Non autem eis dixit, Abite, hoc enim esset eos expellere; sed interrogavit eos an vellent abire, auferens eis vim, & necessitatem, & nolens eos verecundia coardari: ex necessitate enim detineri par esset ac si abirent. Petrus autem fratrum amator, amicitie conservator, pro toto respondit collegio: unde sequitur: *Respondit ergo ei Simon Petrus Domine, ad quem ibimus?* AUGUSTINUS (tract. xxvii.) Quasi dicat: Repellis nos a te: da nobis alacrum, ad quem ibimus, si te relinquimus. CHRYSOSTOMUS (hom. eadem.) Hoc autem verbum multæ est amicitie offensivum: quia scilicet Christus eis honorabilior erat quam patres, & matres. Deinde ut non videatur hoc propterea dicere, quia non essent qui eos reciperent, subiungit: *Verba vitæ æterna habes.* Audiens enim ma-

gl-

(1) *Al.* Et præcisi. (2) *Clarior longe sensu patet Nicolai hæc sententiam: sic enim habet: Quod tempus erat verba dispensandi quæ non adificarent, sed potius adificatis essent noverunt? Notat in margine & aliam lectionem qua sic promittit: Quod tempus erat verba dispensandi his quæ constructa erant innoventia? (3) *Al.* loc. xlviii.*

EX EDITIONE P. NICOLAI.

a. Hom. xlv. in Ioan. super illud nimirum, *Pater quare ego dico &c.*

gistrum dicentem, quoniam resuscitabo eum, & habebit vitam æternam, ostendit se recordari eorum quæ dicta sunt verborum. Et Iudæi quidem dicebant, *Hic est filius Ioseph*; hie vero dicit: *Et nos credimus, & cognovimus, quia tu es Christus Filius Dei.* AUGUSTINUS (tract. xxvii.) Credidimus enim, ut cognosceremus: nam si prius cognoscere, deinde credere vellemus, nec cognosceremus, nec credere valeremus. Hoc credimus, & cognovimus, *quia tu es Christus Filius Dei*; idest, quia ipsa vita æterna tu es, & non das in carne, & sanguine tuo nisi quod es. CHRYSOSTOMUS (hom. eadem.) Quia vero Petrus dixerat, *Et nos credimus*, Dominus de collegio credentium excipit Iudam: unde sequitur: *Respondit eis Iesus: Num ego vos duodecim elegi, & unus ex vobis diabolus est?* Quod autem dicit, tale est. Ne æstimetis quod (1) quia secuti estis me, non redarguam malos. Dignum autem est hic quærere, quare nunc nihil dicunt discipuli; sed postea (infra xxi.) formidantes dicunt, *Numquid ego sum, Domine?* Sed nondum Petrus audierat, „Vade retro mela-
„tana,“ Matth. xvi. & propter hoc timorem non habuit. Nunc etiam non dicit: *Unus ex vobis me tradet*; sed *diabolus est*: ideo nesciebant quod dicebatur; sed malitiam æstimabant vituperari solum. Accusant autem hic Christum Gentiles insipienter: non enim electio eius vim infert his quæ futura sunt; sed in voluntate situm est

salvari, & perire. BEDA: Vel dicendum, quod ad aliud elegit undecim, & ad aliud unum: undecim elegit, ut in apostolica dignitate perseverarent; unum elegit, ut per prodicionis eius officium salutem operaretur humani generis. AUGUSTINUS (tr. xxvii.) Electus enim est iste, de quo nolente, & nesciente magnum aliquid boni fieret. Sicut enim iniqui male utuntur bonis operibus Dei, sic & contra Deus bene utitur malis operibus hominum. Quid Iuda peius? Sed malo eius bene usus est Dominus: tradi se pertulit, ut nos redimeret. Potest etiam hic intelligi quod ait, *Duodecim elegi*: quia consecratus est duodecimarius numerus eorum, qui per quatuor cardines mundi Trinitatem fuerant denuntiaturi. Non autem quia perit inde unus, ideo illius numeri honorademptus est: nam in locum pereuntis alius subrogatus est. GREGORIUS XIII. Moral. (cap. xviii. vel in nov. exempl. xii.) Capitis autem nomine censetur corpus, cum de perverso homine dicitur: *Unus ex vobis diabolus est*: unde Evangelista exponens subdit: *Dicebat autem de Iuda Simonis Scharioris: hic enim erat traditurus eum, cum esset unus de duodecim.* CHRYSOSTOMUS (hom. eadem.) Considera Christi sapientiam: neque enim Christus eum manifestum fecit, ne invecundum faciat, & scilicitosior fiat; neque eum latere permisisse, ne æstimans se latere, sine timore operaretur.

C A P U T VII.

(a) **P**ost hæc autem ambulabat Iesus in Galilæam: non enim volebat in Iudæam ambulare, quia quærebant eum Iudæi interficere. Erat autem in proximo dies festus Iudæorum, scenopegia. Dixerunt autem ad eum fratres eius: Transi hinc, & vade in Iudæam, ut & discipuli tui videant opera tua quæ facis. Nemo quippe in occulto quid facit, & quærit ipse in palam eise. Si hæc facis, manifesta te ipsum mundo. Neque enim fratres eius credebant in eum. Dicit ergo eis Iesus: Tempus meum nondum advenit; tempus autem vestrum semper est paratum. Non potest mundus odisse vos; me autem odit, quia ego testimonium perhibeo de illo, quia opera eius mala sunt. Vos ascendite ad diem festum hunc; ego autem non ascendam ad diem festum istum, quia meum tempus nondum impletum est.

(b) Hæc cum dixisset, ipse mansit in Galilæa. Ut autem ascenderunt fratres eius, tunc & ipse ascendit ad diem festum, non manifeste, sed quasi in occulto.

Iu-

(1) *Al. ambulantem quia.*

Iudæi ergo quærebant eum in die festo, & dicebant, Ubi est ille? Et murmur multus erat in turba de eo: quidam enim dicebant, quia bonus est; alii autem dicebant, Non, sed seducit turbas. Nemo tamen palam loquebatur de illo propter metum Iudæorum.

(c) Iam autem die festo mediante ascendit Iesus in templum, & docebat. Et mirabantur Iudæi dicentes: Quomodo hic litteras scit, cum non didicerit? Respondit eis Iesus, & dixit: Mea doctrina non est mea, sed eius qui misit me. Si quis voluerit voluntatem eius facere, cognosceat de doctrina utrum ex Deo sit, an ego a meipso loquar. Qui a semetipso loquitur, gloriam propriam quærit; qui autem quærit gloriam eius qui misit eum, hic verax est, & iniunctia in illo non est.

(d) Nonne Moyses dedit vobis legem, & nemo ex vobis facit legem? Quid me quæritis interficere? Respondit turba, & dixit: Dæmonium habes: quis te quærit interficere? Respondit Iesus, & dixit eis: Unum opus feci, & omnes miramini. Propterea Moyses dedit vobis circumcisionem, non quia ex Moysse est, sed ex patribus; & in sabbato circumciditis hominem. Si circumcisionem accipit homo in sabbato, ut non solvatur lex Moysi, mihi indignamini, quia totum hominem sanum feci in sabbato? Nolite iudicare secundum faciem, sed iustum iudicium iudicare.

(e) Dicebant ergo quidam ex Hierosolymis: Nonne hic est quem quærunr Iudæi interficere? Ecce palam loquitur, & nihil ei dicunt. Numquid vere cognoverunt principes quia hic est Christus? Sed hunc scimus unde sit; Christus autem cum venerit, nemo scit unde sit. Clamabat ergo Iesus in templo docens, & dicens: Et me scitis, & unde sum scitis; & a meipso non veni, sed est verus, qui misit me, quem vos nescitis. Ego scio eum. * Et si dixero quia nescio eum, ero similis vobis mendax. Sed scio eum, quia ab ipso sum, & ipse me misit. Quærebant ergo eum apprehendere; & nemo misit in illum manus, quia nondum venerat hora eius.

(f) De turba autem multi crediderunt in eum; & dicebant: Christus cum venerit, numquid plura signa faciet quam quæ hic facit? Audierunt pharisæi turbam murmurantem de illo hæc; & miserunt principes, & pharisæi ministros, ut apprehenderent Iesum. Dixit ergo eis Iesus: Adhuc modicum tempus vobiscum sum, & vado ad eum qui me misit. Quæretis me, & non invenietis; & ubi ego sum, vos non potestis venire. Dixerunt ergo Iudæi ad semetipsos: Quo hic iturus est, quia non inveniemus eum? Numquid in dispersionem Gentium iturus est, & docturus Gentes? Quis est hic sermo, quem dixit: Quæretis me, & non invenietis, & ubi sum ego, vos non potestis venire?

(g) In novissimo autem die magno festivitatis stabat Iesus, & clamabat dicens: Si quis sitit, veniat ad me, & bibat. Qui credit in me, sicut dicit Scriptura, flumina de ventre eius fluent aquæ vivæ. Hoc autem dixit de Spiritu quem accepturi erant credentes in eum. Nondum enim erat Spiritus datus, quia Iesus nondum erat glorificatus.

(h) Ex illa ergo turba, cum audissent hos sermones eius, dicebant: Hic est vere Propheta. Alii dicebant: Hic est Christus. Quidam autem: Namquid a Galilee venit Christus? Nonne Scriptura dicit, quia ex semine David, & de Bethlehem castello ubi erat David, venit Christus? Dissensio itaque facta est in turba propter eum. Quidam autem ex ipsis volebant apprehendere eum; sed nemo misit super eum manus. Venerunt ergo ministri ad pontifices, & pharisæos; & dixerunt eis.

* *Hæc verba, Et si dixero quia nescio eum, ero similis vobis mendax; sed scio eum, desumuntur ex ang. viii. vers. 35. iuxta Vulgatam ut nunc extat, ubi tantum habetur, & non hoc loco. Tercia sunt tamen propter Augustini appendicem illis respondentem quam S. Thomas hic ponit.*

eis illi: Quare non adduxistis illum? Responderunt ministri: Numquam sic locutus est homo, sicut hic homo loquitur. Responderunt ergo eis pharisei: Numquid & vos seducti estis? Numquid ex principibus aliquis credidit in eum, aut ex phariseis? Sed turba hæc, quæ non novit legem, maledicti sunt. Dixit Nicodemus ad eos (ille qui venit ad Iesum nocte, qui unus erat ex ipsis:) Numquid lex nostra iudicat hominem, nisi prius audierit ab ipso, & cognoverit quid faciat? Responderunt, & dixerunt ei: Numquid & tu Galilæus es? Scrutare Scripturas, & vide quia Galilæa Propheta non surgit. Et reversi sunt unusquisque in domum suam.

(1) **AUGUSTINUS** (tract. xxviii.)

Futurum erat ut aliquis fidelis Christi absconderet se, ne a persecutoribus inveniretur; & ne illi pro crimine obiceretur latibulum, præfessit in capite quod in membro confirmaretur: unde dicitur: *Post hæc autem ambulabat Iesus in Galilæam: non enim volebat in Iudæam ambulare, quia quærebant eum Iudæi interficere.* BEDA. Hæc verborum connexio talis est, ut intelligamus quoniam in medio multa geri & fieri poterunt. Iudæa autem, & Galilæa regiones sunt Palæstinæ provincie; sed Iudæa dicta est a tribu Iuda: non tamen solum illa regio, quam tribus Iuda, sed & illa quam tribus Benjamin possidebat, Iudæa dicta est, quia ex tribu Iuda Reges oriebantur. Galilæa vero dicitur, eo quod lacteum populum, idest candidum, gignat: Galilæa enim Græce, Latine lac dicitur.

AUGUSTINUS (tract. xxviii.) Sic autem hoc Dominus dixit, quasi non posset ambulare inter Iudæos, & non occidi a Iudæis: hanc enim potentiam quando voluit demonstravit; sed infirmitati nostræ præbebat exemplum: non ipse perdiderat potestatem, sed nostram consolabatur fragilitatem. **CHRYSOSTOMUS** (homil. xlviii.) Sed & illud est dicere, quoniam quæ deitatis (1) erant ostendebat, & quæ humanitatis: etenim fugiebat persecutores ut homo, & apparebat eis ut Deus, utrumque vere existens.

THEOPHYLACTUS. Secessit etiam tunc in Galilæam, quia nondum passiois aderat tempus: unde vanum repntabat in medio inimicorum manere, & magis ipsos ad odium incitare: unde & consequenter tempus describitur cum subditur: *Erat autem in proximo dies festus Iudæorum scenopæia.* **AUGUSTINUS** (tract. xxviii.) Quid sit scenopæia, qui Scripturas legerunt noverunt. Faciebant tabernacula in die festo ad similitudinem tabernaculorum, in quibus habitaverunt, cum ex Aegypto educiti peregrinarentur in eremo. Celebrabant ex hoc diem festum, reminiscetes beneficiorum Domini, qui tamen oc-

cisuri erant Dominum. Appellabatur autem apud Iudæos dies festus, cum tamē non esset unus, sed plures. **CHRYSOSTOMUS** (homil. eodem.) Ostendit igitur per hoc Evangelistam, quoniam multum tempus prætermisit. Cum enim Dominus sedit in monte, erat prope dies festus paschæ. Hic autem scenopæiam meminit, & in quinque intermediis mensibus nihil aliud nobis enarravit, nisi miraculum panum, & allocutionem factam ad eos qui comederunt. Quia enim indeficienter signa faciebat, & disputabat, non poterant Evangelistæ omnia enumerare; sed ista præcipue studuerunt dicere pro quibus aut querela, aut contradictio quædam a Iudæis subsequebatur: quod & hic apparet.

THEOPHYLACTUS. Quia enim fratres eius viderant ipsum non esse paratum ad descendendum, subditur: *Dixerunt autem fratres eius ad eum: Transi hinc, & vade in Iudæam.* BEDA. Ac sùdicant: Tu signa facis, & pauci ea vident: transi ergo ad regiam urbem, ubi sunt principes, ut visisignis, laudem consequaris ab eis. Sed quia non omnes discipuli semper Dominum sequebantur, sed eorum multi in Iudæa erant, ideo subdunt: *Ut & discipuli tui videant opera tua quæ facis.* **THEOPHYLACTUS.** Idest, turbæ quæ sequuntur te: non enim de duodecim dicant discipuli, sed de aliis qui conversabantur cum illo.

(1) **AUGUSTINUS** (tract. xxviii.) Cum autem auditis fratres Domini, Mariæ cogitate consanguinitatem, non iterum parientis ullam propaginem. Sicut enim in sepulcro, ubi posuit esse corpus Domini, nec ante, nec postea mortuus iacuit; ac uterus Mariæ nec ante, nec postea quidquam mortale concepit. Opera quidem Domini discipulos non latebant; sed istos latebant, & ideo dicebant: *Ut discipuli tui videant opera tua quæ facis.* Loquebantur autem prudentiam carnis. Verbo quod caro factum est: unde & subdunt: *Nemo quippe in occulto aliquid facit, & quærat ipso in publicum esse. Si hoc facis, manifesta te ipsum munda;*

(1) *Al. desiderare erant.* (2) *Al. CHRYSOSTOMUS.*

de; quasi dicant: (1) Facis miracula: appare hominibus, ut laudari possis ab hominibus: nam qui eum videntur monere, gloriæ ipsius consulant: & quia humanam gloriam requirunt, in eum non credebant: unde sequitur: *Neque enim fratres eius credebant in eum* Christum enim conanguineum potuerunt habere; credere autem in eum propter iniquitatem fastidierunt. CHRYSOSTOMUS (hom. eadem.) Dignum est autem mirari Evangelistarum morem veritatis amicum, qualiter non verocundantur dicere ea quæ Magistro videntur in ferre iniuriam, sed hoc maxime studuerunt enuntiare. Non enim parvam habet detractationem quod fratres eius discerebant. Et videtur initium verborum quasi amicum esse; multæ autem amaritudinis erant quæ dicebantur: quia de formidine, & de amore gloriæ eum notant: (2) nam dicunt: *Nemo in occulto aliquid facit*: (3) quod erat formidinem inculcantium, & simul suspicantium quæ habebant non vere scilicet. Per hoc autem quod dicunt, *Et quærit ipse in palam esse*, amorem gloriæ (4) in eo notant. Christus autem manifeste eis respondit, docens nos non indigne ferre, si aliqui etiam viles nobis consiliuntur: sequitur enim: *Dicit eis huius: Tempus meum nondum advenit; tempus autem vestrum semper est paratum*. BEDA. Ne autem videtur hoc contrarium ei quod Apostolus dicit Galat. IV. „ At ubi venit „ plenitudo temporis, misit Deus Filium „ suum: “ referendum est quod hic dicitur, non ad tempus natiuitatis, sed ad tempus glorificationis. AUGUSTINUS (tract. XXVIII.) Dabant enim illi consilium consequendæ gloriæ, veluti seculariter, & terreno affectu moventes, ne esset ignobilis, & latitaret. Sed Dominus (5) voluit ad ipsam celsitudinem per humilitatem viam sternere: dicit ergo: *Tempus meum*, id est gloriæ meæ, qua veniam in altitudine iudicaturus, *nondum venit*; *tempus autem vestrum*, id est mundi gloriæ, *semper est paratum*. Et quoniam nos Domini corpus sumus, quando nobis insulant amatores huius sæculi, dicamus eis: Tempus vestrum adest paratum, tempus nostrum nondum advenit: excessa enim patria, humilis via. Qui recusat viam, quid querit patriam? CHRYSOSTOMUS (hom. XLVII.) Vel aliter. Videtur mihi aliud occulte insinuare: fortassis enim cum prodere volebant,

& tradere Iodæis; idem dicit: *Tempus meum nondum advenit*, hoc est tempus crucis, & mortis; *tempus autem vestrum semper est paratum*: quia et si vos semper sitis cum Iudæis, non interficient vos, eadem cum illis zelantes: unde sequitur: *Non potest vos edisse mundus; me autem edis, quia ego testimonium perhibeo de illo, quia opera eius mala sunt*; quasi dicat: Qualiter mundus eos odit qui eadem cum ipso volunt, & pro eisdem student? Me autem odit, quoniam redar, quo eum. Intantum ergo gloriam hominum non quero quod non pretermitto eos redarguere; licet sciam ex hoc odium nasci, & mortem intentari. Per hoc etiam ostendit quod odium Iudæorum contra eum concitabat publica redargutio, non autem sabbati solutio. THEOPHYLACTUS. Vel Dominus contra duo de quibus illi eum arguebant, alia duo inducit. Contra formidinem quidem dicit, quod opera mundi redarguit, id est opera eorum qui mundana sapiunt; quod non faceret, si formidolosus esset: sed contra inanem gloriam misit illos ad festum: unde sequitur: *Vos ascendite ad diem festum hunc*: nam si vanæ gloriæ passione detineretur, retinisset eos secum: nam gloriæ cupidi consueverunt multos habere qui sequantur eos. CHRYSOSTOMUS (hom. eadem.) Hoc etiam dicit ostendens quod eis blandiri non vult, sed concedit eis Iudaica facere. AUGUSTINUS (tract. XXVIII.) Vel aliter. *Vos ascendite ad diem festum hunc*, ubi gloriam humanam queritis, ubi extendere vultis carnalia gaudia, (6) non cogitare cælestia.

Sequitur: *Ego autem non ascendam ad diem festum istum*. CHRYSOSTOMUS (homil. eadem.) Scilicet modo vobiscum: quia meum tempus nondum impletum est: in futuro enim pascha crucifigendus erat. AUGUSTINUS (tract. XXVIII.) Vel meum tempus, id est gloriæ meæ, nondum advenit: ipse erit dies festus meus, non diebus istis percurrens, & transiens, sed permanens in æternum. Ipsa erit festivitas, & gaudium sine fine, æternitas sine labore, serenitas sine nube.

(b) THEOPHYLACTUS. Quia dixerat Dominus, *Non ascendam vobiscum*, in principio denegavit ascensum, vitans iram frementium Iudæorum: unde dicitur: *Hæc enim dixisset, ipse mansit in Galilæa*. Postea vero

(1) *M.* Facis miracula apparere hominibus. (2) *M.* desit nam. (3) *M.* quod erat dicere: Formidinem &c. (4) *M.* emittitur in eo. (5) *M.* voluit ipsam celsitudinem per humilitatis viam sternere. (6) *M.* non æterna cogitare.

vero ascendit: unde sequitur: *Ut autem ascenderunt fratres eius, tunc & ipse ascendit.*

AUGUSTINUS (tract. xxviii. in Ioan.) Ascendit autem non gloriari temporaliter, sed aliquid docere subtiliter, & de seipso aeterno admonere. CHRYSOSTOMUS (hom. xlvii.) Vel ascendit, non ut patiat, sed ut alios erudiat. Latenter autem ascendit: poterat enim manifeste ascendere, & detinere eorum inordinatum impetum, quod multoties fecit; at nolebat hoc continuo facere, ne magis suam divinitatem denudaret, (1) & ut incarnatio eius certior esset, & ut nos erudiret ad virtutem. Ut igitur disceremus quid nos oporteat facere, qui non possumus persecutores detinere, voluit latenter ascendere. Non autem dixit, In occulto, (2) ut ostendat dispensationem hoc esse factum. Si enim omnia ut Deus ageret, quomodo possemus nos scire, incidentes humanis periculis, quid oporteat facere. ALCUINUS. Vel occulte ascendit, quia favorem hominum non querit, non pompis spantium (3) se turbatum delectatur. BEDA. Mystice autem designatur quia singulis quibusque carnalibus humanam gloriam querentibus Dominus manet in Galilæa, quæ interpretatur transmigrationis (4) sancta, id est in membris suis, qui transmigrant de vitis ad virtutes, & in eis proficiunt. Postmodum vero Dominus ascendit, quia membra Christi non huius vitæ, sed æternæ gloriæ querunt. Occulte autem Dominus ascendit, quia omnis gloria eius est ab intus, id est in corde puro, & conscientia bona, & fide non ficta: "I. ad Timoth. 1. AUGUSTINUS (ut supra.) Vel quod quasi latenter ascendit, aliquid significare voluit: omnia enim quæ dicta sunt antiquo populo Israël, umbræ fuerunt futurorum, & scenopegia umbra erat futurorum. Omnia ergo quæ fiebant in figura, manifestantur in nobis. Ascendit ergo in occulto, figura enim erat ipsum esse in occulto. In ipso die festo Christus latebat, quia ipse dies festus Christi membra peragrinatura significabat. Ille enim est in tabernaculis qui se in mundo esse intelligit peregrinum: scenopegia autem erat celebratio tabernaculorum.

Sequitur: *Iudæi autem querebant eum in die festo, & dicebant, Ubi est ille.* CHRYSOSTOMUS (hom. xlviii.) Ex multo odio, & inimicitia: neque enim eum nominatim vocare volebant. Non autem multa erat eis

3. Th. Oper. Tom. V.

in festivitate reverentia, nec multa religio: quia a festivitate credebant Christum fraudulenter detinere.

Sequitur: *Et murmur multus erat de eo in turba.* AUGUSTINUS (tract. xxviii.) Murmur erat de contentione, quam convenienter exponit dicens: *Quidam enim dicebant, quia bonus est; alii autem dicebant, Non, sed seducit turbas.* Quicumque emicaverit in aliqua gratia, alii dicunt, *Bonus est*; alii, *Non, sed seducit turbas*. Quod autem dictum est (5) de eo, valet ad consolationem de quocumque hoc dictum fuerit Christiano. Et quidem si seducere docipere est, nec Christus seductor, nec quilibet debet seductor esse Christianus. Si autem seducere, aliunde aliquem ad aliud persuadendo docere est, querendum est unde, & quo. Si a bono ad malum, malus seductor est; si a malo ad bonum, bonus est: & utinam sic omnes seductores vocemur, & simus. CHRYSOSTOMUS (hom. xlviii.) Igitur illam quidem æstimo opinionem multitudinis esse, quia scilicet dicebant bonus esse; hanc vero principum, & sacerdotum: quod ostenditur per hoc quod dicunt, *Seducit turbas*: non dicunt, *Seducit nos*.

Sequitur: *Nemo tamen palam loquebatur de illo, propter metum Iudeorum.* AUGUSTINUS (tract. xxviii.) Eorum scilicet qui dicebant, *Bonus est*, non qui dicebant, *Seducit turbas*: hæc enim clarius sonabant, sed *Bonus est* pressius suffurabant. CHRYSOSTOMUS (hom. xlviii.) Vide autem eorum qui principatibus corruptionem; hi autem qui principatibus subiciuntur, sani quidem erant iudicio: sed non habebant libertatem dicendi; quod maxime multitudinis est.

(c) CHRYSOSTOMUS (hom. xlviii.) Dominus tardatione sua auditores attentiores facere volens, non in primis diebus ascendit, sed circa solemnitatis medium: unde dicitur: *Iam autem die festo mediantes ascendit Iesus in templum, & docebat.* Qui enim primis diebus eum quaesierunt, repente eum præsentem videntes, magis intendebant docenti, & qui bonum eum dicebant, & qui malum: illi quidem, ut aliquid lucrarentur, & admirarentur, hi vero ut comprehenderent. THEOPHYLACTUS. Nam in principio festi his quæ festi erant magis attendebant: unde postea Christum attentius audierunt. AUGUSTINUS (tract. xxviii.) Quantum enim da-

Tet tur

(1) A. sed ut. (2) Optime addit Nicolai sed quasi in occulto 3. quæ forte verba officiantia evangelicæ mysticæ fuerant. (3) A. se turbatum, item sed turbatum. (4) Nicolai facta. (5) A. de Deo.

tur intelligi, ipsam festivitatem diebus pluribus celebrabant; & ideo dicit, *tam die festo mediante*; idest, cum illius diei festi tot dies remanissent quot præterissent; ut etiam hoc impleteretur quod ait, *Non ascendam ad diem festum hunc*, idest ad quem vos vultis, primum, vel secundum diem; ascendit autem postea die festo mediante. A U G U S T I N U S de Quæst. nov. & vet. test. (quæst. lxxviii.) Tunc etiam ascendit, non quasi ad diem festum, sed quasi ad lucem. Illi vero ascenderunt quasi ad perfruemum deliciis diei festi. Christo vero ille fuit dies festus, quo passione sua redemit mundum. A U G U S T I N U S super Ioan. (tract. xxix.) Ille autem (1) qui prius latebat, docebat, & palam loquebatur, & non tenebatur. Illud enim quod latebat, erat causa exempli, hoc potestatis. C H R Y S O S T O M U S (hom. xlviii.) Quid autem docebat, non dixit Evangelista; sed quod mirabiliter docebat, hoc solum offendit: tanta enim erat virtus docentis ut qui dixerant, *Seducitur turbæ*, transmutati mirarentur: unde sequitur: *Et mirabantur Iudæi, dicentes: Quomodo hic literas scit, cum non didicerit?* Vide admirationem nequitia plenam: non enim dicit, quod in doctrina admirarentur; sed in aliam admirationem inciderunt. A U G U S T I N U S (tract. xxix.) Omnes quidem, quantum arbitror, admirabantur, sed non omnes convertebantur. Et unde admiratio? Quia multi noverant ubi natus, quemadmodum fuerat educatus: numquam cum viderant literas dicentem; audiebant tamen de lege disputantem, legis testimonia proferentem; quæ nemo posset proferre, nisi legisset; nemo legeret, nisi literas didicisset; & ideo mirabantur. C H R Y S O S T O M U S (hom. xlviii.) Ab hac autem (2) admiratione cognoscere debebant quoniam hæc scientia humanitas non erat in eo, sed divinitus; sed quia hoc ipsi volebant (3) confiteri, sed in sola admiratione stabant, Dominus hæc revelavit: sequitur enim: *Respondit eis Iesus, & dixit: Mea doctrina non est mea, sed eius qui misit me.* A U G U S T I N U S (tract. xxix.) Videtur autem hoc esse contrarium quod dicit, *Mea, & non est mea*: nam si dixisset, *Ista doctrina non est mea*, nulla esset questio. Quæ est ergo doctrina Patris, nisi Verbum Patris? Ipsi ergo Christus est doctrina Patris, si Verbum Patris est. Sed quia verbum non potest esse nullius, sed est alicuius, & suam doctrinam dixit seipsum, & non suam: quia

Patris est Verbum. Quid est tam tuum quam tu, & quid tam non tuum quam tu, si alicuius es quod es? Breviter ergo hoc mihi dixisse videtur: *Mea doctrina non est mea*; ac si diceret: Ego non sum a meipso. Sa- bellianam hæresim sententia ista dissolvit, qui dicere ausi sunt, ipsum esse Filium qui est & Pater: duo esse nomina, sed unam rem. C H R Y S O S T O M U S (homil. xlviii.) Vel suam dicit, quoniam eam docuerat, non suam autem, quoniam Patris erat doctrina. Sed si omnia quæ sunt Patris, eius sunt, ex hoc ipso quod Patris est, deberet esse & sua. Sed hoc quod dicit, *Non est mea*, vehementer ostendit & sui, & Patris unam esse doctrinam; ac si diceret: Nihil habeo permutatum, aut diversum; sed ita ago, ut non æstimetur aliud quid præter Patrem dicere, vel agere. A U G U S T I N U S I. de Trin. (cap. xi.) Vel aliter. Secundum aliud suam dixit, secundum aliud non suam; secundum formam Dei suam, secundum formam servi, non suam. A U G U S T I N U S (tract. xxix.) Si quis autem hoc parum intellexerit, audiat consilium quod Dominus consequenter dicit dicens: *Si quis voluerit voluntatem eius facere, cognoscat de doctrina utrum ex Deo sit, an ex se, an ex seipso loquar.* Quid est si quis voluerit voluntatem eius facere? Hoc est credere in eum: ipse enim supra vi. dixit: *Hoc est opus Dei ut credatis in eum quem ipse misit.* Quis autem hoc nesciat, hoc esse facere voluntatem Dei, operari opus eius? Cognoscere autem, hoc est intelligere. Ergo noli querere intelligere, ut credas, sed crede ut intelligas: quia, nisi credideritis, non intelligetis: *Eccl. vii. C H R Y S O S T O M U S* (hom. eadem.) Vel hoc ita dicit, ac si dicat: Auferte iram, & invidiam, & odium, quod sine causa in me habetis; & nihil erit quod prohibeat vos cognoscere quoniam Dei verba sunt quæ loquor. Deinde aliud inducit argumentum insolubile, ab his quæ sunt in consuetudine hominum, nos erudiens: unde sequitur: *Qui a semetipso loquitur, gloriam propriam quarit*; quasi dicat: Qui aliquam propriam vult instituire doctrinam, propter nihil aliud hoc vult quam ut gloriam acquirat. Si vero ego gloriam eius qui misit me quero, cuius gratia aliena vellem vos docere? Et hoc est quod subdit: *Qui autem quarit gloriam eius qui misit illum, hic verax est, & in iustitia in illo non est.* T H E O P H Y L A C T U S. Quasi dicat: Verax sum, quia do-

ctrina

(1) *Al. omittitur qui.* (2) *Al. questione. P. Nicolai habet perplexitate.* (3) *Al. revelare.*

Arina mea continet veritatem: iniustitia in me non est, quia alterius gloriam non usurpo. AUGUSTINUS (tract. eodem.) Qui querit gloriam propriam Antichristus est. Dominus autem noster magnum nobis exemplum praeiit humilitatis, dum habitu inventus ut homo, querit gloriam Patris, non suam. Sed tu quando aliquid boni facis, gloriam tuam quaeris; quando aliquid mali facis, Deo calumniam meditaris. CHRYSOSTOMUS (hom. eadem.) Vide ergo quoniam causa quaedam propter quam humilia de se dicit, haec est, ut credant quoniam non desiderat gloriam, neque principatum, & etiam propter imbecillitatem audientium, & ut doceat homines moderata sapere, & nihil de se dicere magnum, sed semper humile.

(d) CHRYSOSTOMUS (hom. xlviii.) in Ioan. Duas criminationes Iudaei contra Christum inducebant: unam quod sabbatum solveret, aliam quod Patrem suum dicebat Deum, aequalem seipsum faciens Deo. Hoc igitur prius confirmavit dum ostendit quod non est Deo contrarius, sed eadem ille docet. De reliquo ad sabbati solutionem instat, dicens: *Namque Moyses dedit vobis legem, & nemo ex vobis facit legem?* ac si diceret: Lex dicit, Non occides; vos autem occidistis; & hoc est quod subditur: *Quid me quaeritis interficere?* ac si diceret: Et si ego dissolvi legem hominem sanans, transgressio fuit, sed in salutem; vos autem transgredimini in malum: unde non debeo a vobis de solutione legis diiudicari. In quobus ergo eos corripuit, & dicendo, *Quid me quaeritis interficere?* & ostendendo quoniam occisionem meditantes, non sunt digni alium diiudicare. AUGUSTINUS (tract. xxx.) Vel hoc dicit quia si legem facerent, in ipsis litteris Christum agnoscerent, & praesentem non occiderent. Respondit autem ei turba, non pertinentia ad ordinem, sed ad perturbationem: sequitur enim: *Respondit turba, & dixit: Daemonium habet: quis te quaerit interficere?* Ei dictum est, quod demonium haberet, qui daemones expellebat. Dominus autem non turbatus, sed in sua veritate tranquillus, non reddidit maledictum pro maledicto, sed respondit tranquille. BEDA. In quo nobis patientiae reliquit exemplum, ut quoties nobis ab aliquibus falsa obiciuntur convicia, patienter tolemus, & vera quae possumus non obiciamus, sed salutaria monita praedicemus: se-

quitur enim: *Respondit Iesus, & dixit eis: Unum opus feci, & omnes miramini.* AUGUSTINUS (tract. xxx.) Ac si diceret: Quid si (1) omnia opera mea videretis? Ipsius enim opera erant quae in mundo videbant, & ipsum qui fecit omnia non videbant. Fecit unam rem, & turbati sunt, quia saluum fecit hominem in sabbato; (2) quasi quisquam eorum aegrotus sabbato sinceret, alius illum sanum fecisset quam iste qui eos scandalizavit, quia unum hominem sabbato saluum fecit. CHRYSOSTOMUS (hom. xlviii.) Hoc enim quod dicit, *Miramini*, hoc est turbamini, & tumultuat. Vide autem quomodo prudenter a lege eos syllogizat. Vult enim ostendere quod sacre hoc opus non erat legem solvere: sunt enim multa principaliora quam lex de observatione sabbati, per quorum observationem lex non solvitur, sed impletur; & ideo subdit: *Propterea Moyses dedit vobis circumcisionem, non quia ex Moysse est, sed ex patribus; & in sabbato circumciditis hominem.* AUGUSTINUS (tract. xxx.) Quasi dicat: Bene factum est ut acciperetis circumcisionem a Moysse, non quia ex Moysse est, sed ex patribus: Abraham enim primus accepit circumcisionem a Domino. Et in sabbato circumciditis. Convicit vos Moyses: accepistis in lege ut circumcidatis octavo die; accepistis in lege ut vacetis septimo die. Si octavus dies illius qui natus est, occurrit ad diem septimum sabbati, circumciditis hominem; quae circumcisio pertinet ad aliquod signaculum salutis, & non debent homines sabbato vacare a salute. ALCUINUS. Propter tres enim causas data fuit circumcisio: primo ut signum esset magnae fidei Abraham; secundo ut per eam a ceteris nationibus discernerentur; tertio ut illam in virili membro fuscipiens, castitatem mentis, & corporis observare deberent. Et tantum continebat tunc circumcisio quantum nunc baptismus, nisi quia ianua nondum aperta erat. Concludit ergo ex praemissis: *Si circumcisionem accipitis homo in sabbato, ut non solvatur lex Moysi, indignamini mihi, quia totum hominem sanum feci in sabbato?* CHRYSOSTOMUS (hom. xlviii.) Quasi dicat: Sabbati solutio in circumcisione, legis est observatio; sic & ego hominem curans sabbato, legem servavi. Vos, qui non estis legislatores, ultra modum legem defenditis; sed Moyses iubet legem solvi propter mandatum quod non erat ex lege, sed ex pa-

Tri 2

(1) *Al. omittit omnia.* (2) *Legit P. Nicetas* quasi si quisquam aegrotus sabbato sanaretur, alius illum &c.

tribus. Per hoc autem quod dicit, *Totum hominem sanum feci in sabbato, ostendit circumcisionem esse particularem sanitatem.* AUGUSTINUS (tract. xxx.) Forse autem illa circumcisio ipsum Dominum significabat. Quid enim est circumcisio, nisi carnis expoliatio? Significavit ergo. expoliationem a corde cupiditatum carnalium. Non ergo sine causa data est in eo membro per quod procreatur creatura mortalium: quia „per „ unum hominem peccatum intravit in „ mundum.“ Rom. v. Ideo autem quisquis cum præputio nascitur, quia omnis cum vitio propagnis nascitur; & non mundat Deus live a vitio cum quo nascimur, live a vitio quæ male vivendo addimus, nisi per Christum: cultellus enim petrinis circumcidebant, & petra nomine Christum figurabant. Ideo autem octavo die, quia post septimum sabbati Dominus die dominico resurrexit. Ipsa autem resurrectio nos circumcidit; id est, abtulit desideria carnalia. Intelligite hoc significari opus bonum quo ego feci totum hominem saluum in sabbato: quia & curatus est ut sanus esset in corpore, & credidit ut sanus esset in anima. Estis autem prohibiti servilia opera facere sabbato: numquid servile opus est hominem sanare in sabbato? Manducatis siquidem, & bibitis sabbato, quia pertinet ad salutem; per quod ostenditis opera salutis nullo modo esse die sabbati omittenda. CHRYSOSTOMUS (hom. xlviii.) Non autem dixit, Ego malus circumcissione operatus sum; sed solum factum narrans, iudicium eis concessit: unde subditur: *Nolite iudicare secundum faciem, sed iustum iudicium iudicate;* quasi dicat: Non quia Moyses apud vos habet maiorem gloriam quam ego, ex personarum dignitate feratis sententiam, sed a rerum natura: hoc enim est iuste iudicare. Nullus autem inculpavit Moysen de hoc quod iuste sabbatum solvi propter mandatum circumcissionis, quod erat aliunde quam ex lege inductum. Ergo fride dignior vobis est Moyses, qui iubet solvi legem a mandato non legali. AUGUSTINUS (tract. xxx.) Hoc autem quod Dominus notavit hoc loco, evadere in hoc seculo, magnalibus est, non personaliter iudicare. Admonuit quidem Dominus Iudæos, admonuit & nos: quod enim pretiosum sonabat de ore Domini, & propter nos scriptum est, & nobis servatum, & propter nos recitatum. Sursum est Dominus, sed etiam hic est veritas Dominus. Corpus enim Domi-

ni, in quo surrexit, uno loco esse potest; veritas eius ubique diffusa est. Quis ergo est qui non iudicat personaliter? Qui æqualiter diligit. Non enim cum homines diverso modo pro suis gradibus honoramus, timendum est ne personas accipiamus: nonnumquam enim est iudicium inter patrem & filium: non æquum filium patri in honore; sed præponimus, si bonam causam habet, filium patri in veritate; & sic tribuimus honorem debitum, ut non perdat æquitas meritum.

(e) AUGUSTINUS (tract. xxxi.) Supra dictum est, quod Dominus ideo velut occulte ascendit ad diem festum, non quia timebat ne teneretur, cui potestas erat ut non teneretur; sed ut significaret etiam in ipso die festo, quic celebrabatur a Iudæis, se occultari, & suum esse mysterium: nunc autem apparet potestas quæ putabatur timiditas: loquebatur enim palam in die festo, ita ut mirarentur turbæ: unde dicitur: *Dicebant ergo quidam ex Hierosolymis: Numne hic est quem Iudæi quærebant interficere? Ecce palam loquitur, & nihil ei dicunt.* Noverant enim quia sævitia quærebatur; mirabantur quia potentia opera non tenebatur. CHRYSOSTOMUS (homil. xlii.) Addit autem Evangelista, *Ex Hierosolymis;* quoniam qui magis potiti erant signis, (1) hi omnibus erant miserabiliores; qui deitatis eius signum videntes maximum, omnia iudicio corruptorum principum permittebant. An non magnum, insanientes, & quærentes interficere phabere enim in manibus, & repente quiescere? AUGUSTINUS (tract. xxxi.) Igitur non plene intelligentes Christi potentiam, putaverunt esse principum scientiam, quod ei pepercerunt: (2) unde subdunt: *Numquid vere cognoverunt principes quia hic est Christus?* CHRYSOSTOMUS (hom. cxi.) Sed ipsi neque principum sequuntur sententiam; sed aliam proferunt corruptam, & propria amentia dignam: unde subditur: *Sed hunc scimus unde sis; Christus autem cum veneris, nemo scit unde sis.* AUGUSTINUS (tract. xxxi.) Hæc opinio apud Iudæos non inanimata est. Invenimus tamen quod Scripturæ dixerunt de Christo, quoniam „ Nazareus vocabitur:“ Matth. xi. ergo prædixerunt unde sit. Iudæi etiam dixerunt Herodi quærenti, quod Christus in Bethlehem Iudæa naceretur, & testimonium etiam prophetarum attulerunt. Unde ergo nata est hæc opinio apud Iudæos, quod Christus cum vene-

(1) Ad. hi omnes. (2) Adde Nicetæ qui eandem esse Christum cognoverunt.

nerit, nemo sciat unde sit, nisi quia utrumque pronuntiaverunt Scriptura? Secundum hominem prædixerunt unde esset, secundum Deum latebat impius, & quærebatur pios. Hanc igitur opinionem in eis generaverat quod per Esaiam dictum est cap. lxxi. "Generacionem eius quis enarrabit?" Denique Dominus ad utrumque respondit, & quia noverant eum unde esset, & quia non noverant: unde sequitur: *Clamabat ergo Iesus docens in templo, & dicens: Et me scitis, & unde sum scitis; hoc est dicere: Et unde sum scitis, & unde sum nescitis: unde sum sciris, Iesus a Nazareth, cuius etiam parentes nescitis. Solus enim in hac causa latebat Virginis partus, quod excepto, totum noverunt in Iesu quod ad hominem pertinet. Recte ergo dixit: Et me nescitis, & unde sum scitis, secundum carnem, & effugient hominis quam gerebat; secundum divinitatem autem a meipso non veni; sed est verus qui misit me.* CHRYSOSTOMUS (homil. ead.) Per quod ea quæ in mente habebant revelat; ac si diceret: Non sum de numero eorum qui sine causa venerunt; sed est verax qui misit me; & si verax est, in veritate misit; & qui missus est, congruum est veracem esse. Rursus autem ex propriis sermonibus eos capit: quia enim dicebat: *Cum venerit Christus, nullus cognoscat unde sit*: ostendit etiam inde se Christum esse, quoniam a Patre venit, quem ipsi nesciebant; & ideo subdit, *Quem vos nescitis*. HILARIUS VI. de Trin. (ultra med.) Numquid autem non omnis homo, (1) licet in carne ex Deo natus, secundum sensum communis opinionis ex Deo est? Et quomodo negat ab his vel seipsum, vel unde ipse sit sciri, nisi id unde est ad naturæ suæ referret auctorem? Nam id quod unde sit ignoratur, naturam ex qua est, dum unde sit nescitur, ostendit. Ignorari enim unde sit non potest quidquid subsistit ex nihilo: quia hoc ipsum quod non ignoratur ex nihilo, ignoracionem eius unde sit, non habet. Ob hoc autem quid sit ipse, nescitur, dum ignoratur a quo sit: non enim confiteretur Filium qui negat natum, nec natum intelligit, qui (2) putat eum esse ex nihilo. CHRYSOSTOMUS (ut supra.) Vel ignorantium hic dicit quæ est per opera, sicut Paulus ait ad Tit. x. "Constituerent te nosse Deum, factis autem non agnoscunt." Dupliciter autem eos redarguit. Et primum quidem quæ occulte loqueban-

tur, hæc in medium inducit, clamans, ut eos verècundari faciat. AUGUSTINUS (tract. xxxi.) Denique ut ostenderet eis unde possent scire, subiecit, *Ego scio eum*. Ergo a me quærite, ut sciat is eum. Patrem enim non cognoscit nisi Filius, & cui voluerit Filius revelare. *Et si dixero quia nescio eum, aequalis vobis mendax.* CHRYSOSTOMUS (hom. eadem.) Quod est impossibile: quia enim verax est qui misit, congruum est & eum qui missus est, veracem esse. Ubique autem cognitionem Patris soli sibi attribuit, quia a Patre est: unde sequitur: *Et ego scio eum, quia ab ipso sum.* HILARIUS VI. de Trin. (ultra med.) Quæro autem utrum id (3) quod ab eo est, opus in eo creationis, aut naturam generationis ostendat. Si opus in eo creationis est, universa quæque quæ creantur a Deo sunt. Et quomodo Patrem non universa noverunt, eum Filius eum, idcirco quia ab eo est, non nesciat? Si vero idcirco ei, quia ab eo sit, eum nosse sit proprium; quomodo non hoc ei qui ab eo est, erit proprium, scilicet ut verus Filius ex natura Dei sit? Habes igitur proprietatem cognitionis de proprietate generationis. Tamen, ne forte id quod ab eo est, (4) ad adventus sui tempus hæresis invaderet, continuo subiecit, *Et ipse me misit*. Tenuit ordinem evangelici sacramenti, natum se professus, & missum. AUGUSTINUS (tract. xxxi.) *Ab ipso*, inquit, *sum*, quia Filius de Patre: quod autem videtis me in carne, ipse me misit. Ubi noli intelligere naturæ dissimilitudinem, sed generantis auctoritatem. CHRYSOSTOMUS (hom. eadem.) Irritaverunt autem Iudæos ea quæ dicebantur, propter hoc quod dixerat, *Quem vos nescitis*, quia (5) profitebantur se scire: unde sequitur: *Quærebant ergo eum apprehendere, & nemo misit in eum manus*. Vide furorem eorum invisibiliter refrenatum. Evangelista vero humanius, & humilior loqui volens, ut ex hoc Christus homo putaretur, non dixit quod eos invisibiliter detinuit; sed subiecit: *Quia nondum venerat hora eius*. AUGUSTINUS (tract. xxxi.) Hoc est, quia nolebant: non enim Dominus sub factis natus est. Hoc nec de credendum est, quanto (6) minus de illo per quem factus est? Si tua hora voluntas est illius, illius hora quæ est nisi voluntas sua? Non ergo horam dixit qua cogeretur mori, sed qua dignaretur occidi.

(f) A U.

(1) *Al.* licet in carne ex Deo natus est: & quomodo negat &c. (2) *Al.* putabit. (3) *Al.* quod ab eo opus est, in eo &c. (4) *Al.* particula ad emittendum. (5) *Al.* simulebant. (6) *Al.* magis.

(f) AUGUSTINUS (tract. xxxi.) Humiles, & pauperes salvos faciebat Dominus: unde dicitur: *De turba autem multi crediderunt in eum.* Turba enim, quæ suam egritudinem cito vidit, etiam illius medicinam sine dilatione cognovit. CHRYSOSTOMUS (hom. xlix. in Ioan.) Verumtamen neque in his erat sana fides, sed more multitudinis vulgaria loquebantur: sequitur enim: *Et dicebant: Christus cum venerit, numquid signa plura faciet quam quæ hic facit?* Dicere enim, Christus cum venerit, erat non firmiter credentium hunc esse Christum. Vel etiam hoc dicere, est ostendere eum non esse Christum; ac si dicant: Nonne ille cum venerit melior erit, & plura signa faciet? Grossiores enim non a doctrina, sed a signis inducuntur. AUGUSTINUS (tract. xxxi.) Vel intelligunt: Si duo non erunt, hic est Christus. Principes autem insaniebant; & ideo medicum non solum non agnoscebant, sed etiam occidere cupiebant: unde sequitur: *Audierunt pharisæi turbam murmurantem de illo hac, & miserunt principes, & pharisæi ministros ut apprehenderent eum.* CHRYSOSTOMUS (hom. eadem.) Multa quidem locutus est supra, sed nihil tale fecerunt: quod maxime enim eos mordebat, hoc erat, quod turbæ scilicet Christum glorificabant. Sabbati autem solutio, apparens causa erat, quam scilicet prætendebant. Et ipsi quidem non audebant Christum capere, periculum timentes: ministros autem mittunt tamquam periculis expositos. AUGUSTINUS (tract. xxxi.) Quia ergo non poterant apprehendere nolentem, missi sunt ut audirent docentem: sequitur enim: *Dixit ergo Iesus: Adhuc modicum tempus vobiscum sum.* CHRYSOSTOMUS (hom. eadem.) Verba loquitur humilitatis plena; ac si diceret: Quid festinatis me interficere? Parvum expedite tempus. AUGUSTINUS (tract. xxxi.) Quod modo ergo vultis facere, facturi estis; sed non modo, quia nolo: implere enim debeo dispensationem meam, & sic pervenire ad passionem. CHRYSOSTOMUS (homil. ut supra.) Per hoc igitur audaciorem turbam terruit, audiosorem vero magis avidam faciebat ad audiendum, quasi parvo tempore derelicto, in quo possent hac doctrina potiri. Non autem dixit simpliciter, Hic sum, sed *vobiscum sum*, quasi dicat: Et supersequamini me, non ramen cessabo, quæ sunt pro vobis dispensans, & ea quæ sunt ad salutem

docens, & monens vos. Quod autem subdit, *Et vado ad eum qui me misit*, sufficiens erat eos tertere. THEOPHYLACTUS. Tamquam Patri sit de ipsis conquesturus: quia si nullum opprobriis affecerunt, non est dubium quod & mittenti fecerunt iniuriam. BEDA. Dicit autem, *Vado ad eum qui misit me*; ac si diceret: Reverrens ascendo ad Patrem, qui me incarnari præcepit. Illuc se dixit irea quo nunquam recessit. CHRYSOSTOMUS (ut supra.) Quod vero eo indigebant, manifestat per hoc quod dicit: *Quæritis me, & non invenistis.* Sed ubi quæsierunt eum Iudæi? Dicit Lucas quoniam plangebant mulieres super eum. Probabile autem est & multos alios hoc passos esse, & præcipue dum civitas caperetur, eos meminisse Christi, & miraculorum eius, & præsentiam eius (1) quævisse. AUGUSTINUS (tract. xxxi.) Vel hic iam resurrectionem suam prædixit: quia quæsituri illum erant post resurrectionem compuncti. Noluerunt enim eum agnoscere præsentem, & postea quæsierunt eum viderent in eum multitudinem credentem: unde multi compuncti dixerunt, Quid faciamus? Viderunt enim Christum suo scelere morientem, & crediderunt in Christum suis sceleribus ignoquentem, & quousque biberent sanguinem, quem fuderunt, de sua salute desperaverunt. CHRYSOSTOMUS (hom. xlix.) Deinde ne quis eum per mortem communi modo abire æstimet, subiungit: *Et ubi ego sum, vos non potestis venire.* Si vero in morte maneret, possent ad eum ire: illuc enim omnes abimus. AUGUSTINUS (tract. eodem.) Non autem dixit, Ubi ero, sed *Ubi sum*: semper enim ibi erat Christus, quo fuerat rediturus; sic rediit, ut nos non dereliqueret. Etat enim Christus secundum visibilem carnem in terra, secundum invisibilem maiestatem in cælo, & in terra. Non autem dixit, Non poteritis, sed *non potestis venire*: tales enim tunc erant qui non possent. Nam ut sciatis, non hoc ad desperationem dictum, & discipulis suis dixit tale aliquid: *Quo ego vado, vos non potestis venire.* Denique hoc Petrus exposuit dicens infra xlix. *Quo ego vado, non potes me sequi modo, sequeris autem postea.* CHRYSOSTOMUS (hom. eadem.) Hæc autem omnia induxit volens eos attrahere: etenim modicum tempus quod relinquebatur, & post recessum ipsum desiderabilem esse, & eum non posse de cetero inveniri, sufficientia erant ad suadendum ut ad eum accederent. Per hoc autem

(1) M. quærete, item desiderate, debatur.

tem quod dicit, *Vado ad eum qui misit me*, ostendit nullam sibi fieri læsionem ab insidiis eorum, & passionem suam voluntariam sibi esse. Passi sunt autem aliquid ipsi Iudæi ad ea quæ dicta sunt, & quæruunt ad se ipsos quo debeat ire; quod non erat eorum qui desiderarent ab eo liberari. Sequitur enim: *Dixerunt ergo Iudæi ad semetipsos: Quo hic iturus est, quia non invenimus eum? Numquid in dispersionem Gentium iturus est, doctrinam Gentes?* Sic enim Gentes vocabant quasi exprobrantes, & magna in semetipsis gloriantes: quia Gentes ubique disseminatæ erant, & imperfecte ad invicem permixtæ. Sed hoc opprobrium postea ipsi sustinuerunt, quia ubique dispersi sunt. Antiquitus autem tota Gens in unum collecta erat; sed cum Iudæi ubique terrarum iam Gentibus permixti essent, non diceret: *Quo ego vado, vos non potestis venire*: si per hoc Gentes intellexisset. AUGUSTINUS (tract. xxxi.) Dixerat autem Dominus, *Quo ego vado, de sinu Patris*. Hoc ergo illi nullo modo intellexerunt, & tamen ex hac occasione salutem nostram prædixerunt, quod Dominus iturus esset ad Gentes, non præsentia corporis, sed tamen pedibus suis: misit enim ad nos membra sua, & fecit nos membra sua. CHRYSOSTOMUS (hom. eadem.) Non autem dixerunt, quod iturus esset ad Gentes lædere eas, sed docere. Iam enim iram submiserant, & his quæ dicta erant, crediderant. Nequaquam autem nisi credidissent, quæsisset ad se ipsos: *Quis est hic sermo quem dixit: Queratis me, & non invenietis, & ubi ego sum, vos non potestis venire?*

(g) CHRYSOSTOMUS (hom. L.) Cum recessuri essent domum, celebrata festivitate, Dominus dat eis viaticum ad salutem: unde dicitur: *In novissimo autem die magno festivitatis habebat Iesus, & clamabat dicens: Si quis sitit, veniat ad me, & bibat*. AUGUSTINUS (tract. xxxi.) Tunc enim agebatur festivitas, quæ appellatur scenopægia, idest tabernaculorum constructio. CHRYSOSTOMUS (hom. L.) Quæ per septem dies agebatur: prima autem dies, & ultima erat celeberrima secundum legem; & hoc significavit Evangelista, cum dixit, *In novissimo die magno festivitatis*. Medios autem dies magis ad voluptatem consumebant. Ideo ergo prima die hoc eis non dixit, sed neque secunda, aut tertia, ne ea quæ dicebantur deperirent, (1) eis volu-

prati vacantes. Clamabat autem propter turbæ multitudinem. THEOPHYLACTUS. Similiter quidem, ut audibilis fieret, atque ut confidentiam largiretur; & quia neminem formidabat. CHRYSOSTOMUS (hom. L.) Dicit autem, *Si quis sitit*; ac si diceret: Neminem necessitate, & violentia attraho; sed si quis habet desiderium multum, hunc ego voco. AUGUSTINUS (tract. xxxii.) Est enim scitis interior, quia est homo interior. Constat autem plus amare hominem interiorē, quam exteriorē. Si ergo sitimus, veniamus non pedibus, sed affectibus, nec migrando, sed amando. CHRYSOSTOMUS (hom. L.) Quia enim de intellectu aliquid loquitur potius, ostendit per hoc quod post inducit: *Qui credit in me, sicut dicit Scriptura, flumina de ventre eius fluent aqua viva*. Sed ubi hoc dicit Scriptura? Nusquam. Quid igitur? *Qui credit in me, sicut dicit Scriptura*: hic subdistingui oportet, ut postea subsequatur, *Flumina de ventre eius fluent aqua viva*: ostendens quoniam rectam oportet habere cognitionem, & non ita a signis sicut a Scripturis credere in ipsum: etenim superius cap. v. dixit: *Scrutamini Scripturas*. HIERONYMUS in Prologo Genes. Vel hoc testimonium de Proverbiis sumptum est, ubi scilicet dicitur: „Deriventer fontes tui fons, & in plateis aquas tuas divide:“ Prov. iii. AUGUSTINUS (tract. xxxii.) Venter autem interioris hominis est conscientia cordis eius. Bibiro autem isto liquore, vivescit purgata conscientia, & hauriens fontem habebit, & ipsa fons erit. Quis est fons, vel quis est fluvius, qui manat de ventre interioris hominis? Benevolentia, qua vult consulere proximo. Bibunt ergo qui credunt in Domino. (2) Si autem patat qui bibit, quod soli ipsi debet sufficere, non fluit aqua viva de ventre eius; si autem proximo festinat consulere, ideo non siccatur, quia manat. GREGORIUS super Ezechielem (hom. x.) Cum enim a mente fidelium sanctæ prædicationis verba defluunt, quasi de mente credentium aquæ vivæ flumina decurrunt. Ventris autem viscera quod sunt aliud nisi mentis interna, idest recta intentio, sanctum desiderium, humilis ad Deum, pia ad proximum voluntas? CHRYSOSTOMUS (hom. L.) Dicit autem *flumina*, & non flumen, copiositatem, & ubertatem gratiæ occulte influens. Viventem aquam dicit, agentem semper.

(1) M. eius. (2) M. Si autem putat quis quod bibit soli ipsi debet sufficere: itum si autem putat quod bibit soli ipsi debet (seorsum debere) sufficere.

per Spiritus enim gratia cum in mentem intraverit, & firmata fuerit, omni fonte magis manat, & neque deficit, neque evacuatur, neque stat: videbit quis utique hoc ad sapientiam Stephani, ad Petri linguam, ad Pauli fluxum inspiciens. Nihil enim eos detinebat, sed sicut flumina multo impetu delati, omnia secum trahentes abibant. AUGUSTINUS (tract. xxxi.) Ad qualem autem potum Dominus invitallet, exposuit Evangelista, & dixit: *Hoc autem dixit de Spiritu, quem accepturi erant credentes in eum.* Quem dicit Spiritum, nisi Spiritum sanctum? Nam unusquisque homo habet in se proprium spiritum. ALCUINUS. Spiritum autem sanctum ante ascensionem Apostolis promisit; post ascensionem linguis (1) ignis dedit: inde dicit: *Quem accepturi erant credentes in eum.* AUGUSTINUS (tract. xxxii.) Erat ergo Spiritus Dei; sed nondum in eis erat qui crediderant in Iesum. Ita enim disposuit non eis dare Spiritum istum, nisi post resurrectionem suam: unde legitur: *Nondum enim erat Spiritus datus, quia nondum Iesus erat glorificatus.* CHRYSOSTOMUS (homil. l.) Apostoli quidem prius spiritu eiuebant demonia, sed ea quæ a Christo est potestate: quando enim mittebat eos, non dicitur, Dedit eis Spiritum sanctum, sed Dedit eis potestatem. De Prophetis autem ab omnibus confessum est, quod Spiritus sanctus eis dabatur; sed hæc gratia a terra defecerat. AUGUSTINUS IV. de Trin. (cap. xx.) Sed quomodo & de Ioanne Baptista dictum est Luc. i. " Spiritu sancto replebitur ab utero matris: uxor: & Spiritu sancto repletus Zacharias invenitur, ut de illo talia diceret; & Spiritu sancto Maria, ut talia de Domino prædicaret; Spiritu sancto Simeon, & Anna, ut magnitudinem Christi parvuli agnoscerent? Quomodo ergo intelligitur, nisi quia certa illa Spiritus sancti datio post clarificationem Christi futura erat, qualis nunquam antea fuerat? Habitura (2) enim erat quondam proprietatem in ipso adventu, qualis antea nunquam fuit. Nusquam enim legimus, linguis, quas non noverant, homines locutos veniente in se Spiritu sancto, sicut tunc factum est, cum oporteret eius adventum signis sensibilibus demonstrari. AUGUSTINUS super Ioannem (tract. xxxiii.) Cum ergo & modo accipiatur Spi-

ritus sanctus, quare nemo loquitur linguis omnium gentium? Quia iam ipsa Ecclesia linguis gentium loquitur: in hac qui non est, nec modo accipit Spiritum sanctum. Si amas unitatem, etiam tibi habet quisquis in illa aliquid habet. Tolle invidiam, & tuum est quod habeo. Livor separat, caritas iungit: ipsam habeto, & cuncta habebis: quia sine ipsa nihil proderit quidquid habere poteris. " Caritas autem Dei diffusa est in cordibus nostris per Spiritum sanctum, " qui datus est nobis: " Rom. v. Quare ergo Dominus post resurrectionem suam Spiritum sanctum dare voluit? Ut scilicet in resurrectionem nostram caritas flagraret, ab amore sæculi separaretur, & tota curreret in Deum. Qui enim dixit: *Qui credit in me, veniat, & bibat, & flumina de ventre eius fluent aqua viva*, vitam æternam promisit, ubi nihil timeamus, ubi non moriamur. Quia ergo tale est quod promisit Spiritus sancti caritate ferventibus, ideo ipsum Spiritum noluit dare, nisi cum esset glorificatus, ut in suo corpore ostenderet vitam, quam modo non habemus, sed in resurrectione speramus. AUGUSTINUS contra Faustum (Lib. XXXII. cap. xvii.) Si itaque hæc causa erat ut nondum daretur Spiritus sanctus, quia nondum erat Iesus glorificatus, proculdubio clarificato Iesu iam causa erat ut statim daretur. Cataphryges autem se promissum Paraclitum suscepisse dixerunt, & hinc a fide catholica deviarunt. Manichæi etiam quæ de promissione Spiritus sancti dicuntur, de Manichæo asserunt esse prædicta, tamquam scilicet antea non fuerit Spiritus datus. CHRYSOSTOMUS (homil. l.) Vel aliter. Gloriam Christi crucem vocat: quia enim inimici eramus, donum autem non inimicis, sed amicis datur, oportebat prius offerri hostiam, & inimicitiam in carne dissolvere; & tunc factos Dei amicos suscipere donum.

(h) (3) AUGUSTINUS (tr. xxxiii.) Cum Dominus invitallet credentes in se ad potandum Spiritum sanctum, nata est de illo in turba dissensio: unde dicitur: *Ex illa ergo turba, cum audissent hos sermones eius, dicebant: Hic est vera Propheta.* THEOPHYLACTUS. Qui scilicet expectabatur. Alii, scilicet populus, dicebant, *Hic est Christus.* ALCUINUS. Jam isti (4) istum illum spiritualiter haurire cœperant, iam sitim in-

(1) *Al. omittitur ignis.* (2) *Al. dicit enim.* (3) *Al. BEDA.* (4) *Nicolaus corrigit aquam.*

EX EDITIONE P. NICOLAI.

* Nihil tale in Alcuino nunc occurrit; sed nec in Augustino, ex quo sua omnia solet mutuari, ut nec in Beda, vel in Glossa.

fidelitatis depoluerant: alii in suæ infidelitatis ariditate permanebant, de quibus subditur: *Quidam autem dicebant: Numquid a Galilæa venit Christus? Nunc Scriptura dicit, quia ex semine David, & de Bethlehem iude, ubi erat David, venit Christus?* Noverant enim quid de Christo prædixissent Prophetæ, sed ignorabant omnia in ipso impleta fuisse; & qui noverant in Nazareth nutritum, nativitatis locum non attendebant, nec prophetiam, quam legerant, in eo completam credebant. CHRYSOSTOMUS (hom. li.) Sed esto, locum nativitatis ignorabant: num etiam genus ignorabant? Quoniam ex domo, & familia David natus erat. Quare igitur dicebant: *Nunc ex semine David venit Christus?* Sed & hoc obumbrare volebant per educationem in Nazareth, omnia malitiose loquentes: unde non accedunt ad Christum quærentes, quomodo Scripturæ dicunt, quod a Bethlehem oportet venire Christum; tu autem ex Galilæa venisti: sed omnia malitiose loquuntur. Et quia non diligenter attendebant his quæ dicebantur, neque discendi gratia, propter hoc nihil eis Christus respondit. Nathanaelem autem dicentem supra. *A Nazareth potest aliquid boni esse?* laudavit ut vere Israelitam, quia veritatis erat inquisitor, & omnia vetera diligenter edocuit.

Sequitur: *Dispersio itaque facta est propter eum in turba.* THEOPHYLACTUS. Non in principibus: nam principes unius voluntatis erant, ut videlicet non eum reciperent sicut Christum. Qui ergo magis moderati erant in malitia verbis tantum gloriæ Christi adversabantur; qui vero peiores erant, manus etiam appetebant imponere; de quibus subditur: *Quidam autem ex eis volebant apprehendere eum.* CHRYSOSTOMUS (ut supra.) Hoc autem indixit Evangelista, ostendens quoniam loquebantur neque quærentes veritatem, neque discere volentes.

Sequitur: *Sed nemo misit super illum manus.* ALCUVINUS. Quia scilicet ipse non permisit, qui conatus illorum in sua potestate habebat. CHRYSOSTOMUS (hom. ead.) Hoc autem sufficiens erat eos in compunctionem deducere; sed non sunt compuncti: talis enim nequitia nulli vult credere; ad unum aspexit solum, ut eum cui infundatur interficiat. AUGUSTINUS (ut supra.) Qui vero missi fuerant, ut eum tenerent, redierunt immunes a crimine, & pleni admiratione; de quibus subditur: *Venerant ergo ministri ad pontifices, & pharisæos; & dixerunt eis illi: Quare non adduxistis eum?* ALCUVINUS. Qui eum lapidare volentes, te-

S. Th. Opp. Tom. V.

nere non potuerant, arguunt ministros, quia eum non adduxerant. CHRYSOSTOMUS (hom. li.) Ecce pharisæi, & scribæ miracula videntes, & Scripturas legentes, nihil profecerunt; ministri autem nihil horum habentes, ab una sola allocutione sunt capti, & abeuntes, ut eum ligarent, redierunt ligati miraculo. Et non dixerunt, Non potuimus propter turbam; sed præcones efficiuntur Christi sapientie: nam sequitur: *Respondunt ministri: Numquam hic locutus est homo, sicut hic homo loquitur.* AUGUSTINUS (tract. eodem.) Ille autem sic locutus est, quia Deuserat, & homo. CHRYSOSTOMUS (hom. ead.) Non est autem solum eorum prudentia admiranda, quia signis non eguerunt, sed a sola doctrina sunt capti: non enim dixerunt: Numquam talia miracula fecit homo; sed *numquam hic locutus est homo*: sed etiam admiranda est eorum securitas: quoniam ad pharisæos, qui contra Christum adversabantur, venerunt, & eis talia locuti sunt. Nec tamen longum sermonem audierant, sed brevem: cum enim mens fuerit incorrupta, non longis sermonibus opus est. AUGUSTINUS (ubi supra.) Pharisæi tamen eorum testimoniam repulerunt: nam sequitur: *Respondunt ergo eis pharisæi: Numquid & vos seducistis?* quasi dicant: Videmus vos delectatos esse in sermonibus suis. ALCUVINUS. Et revera laudabiliter seduci erant, quia dimisso malo infidelitatis, transierunt ad fidem. CHRYSOSTOMUS (hom. ead.) Ab argumendo autem insipienti contra eos syllogizant: nam sequitur: *Numquid ex principibus aliquis credidit in eum, aut ex pharisæis?* Sed turba hæc qua non novit legem, maledicti sunt. Hæc autem est ipsorum accusatio, quoniam turba quidem credidit, ipsi autem non crediderunt. AUGUSTINUS (tr. eod.) Qui enim non noverant legem, ipsum credebant in eum qui miserat legem, & eum qui miserat legem, condemnabant illi qui docebant legem; ut impleteretur quod Dominus dixerat iuxta 1x. *Ege venit, ut non videntes videamus, & videntes cæci fiamus.* CHRYSOSTOMUS (hom. eadem.) Qualiter igitur maledicti sunt illi, qui a lege suadentur? Vos potius maledicti estis, qui non observastis legem. THEOPHYLACTUS. Ideo autem inaviter, & blande pharisæi ministri respondent, quia dubitaverunt ne forte ab eis prorsus segregerent, & Christo adiciantur. CHRYSOSTOMUS (hom. eadem.) Quia vero dixerant, quod nullus principum credidit in eum, ad hoc excludendum subiungitur: *Dixit Nicodemus ad eos (illa qui venit ad le-*

Vuu

fuu

(sum nocte) qui unus erat ex illis? AUGUSTINUS (ut supra.) Ipse non quidem incredulus, sed timidus: nam ideo nocte venerat ad lucem, & quia illuminari volebat, & sciri timebat. Hic ergo respondit Iudæis: *Numquid lex nostra indicat hominem, nisi prius audieris ab ipso, & cognoveris quid faciat?* Credebat enim quia si eum tantummodo patienter vellent audire, forte similes fierent illis qui missi sunt tenere, & maluerunt credere. Volebant autem illi perverli ante esse damnatores quam cognitores. *AUGUSTINUS XXII. de Civ. Dei* (cap. 1. in fin.) Dicit autem, *Lex nostra*, de legaque Dei est, eo quod est ab illo data hominibus. *CHRYSOSTOMUS* (hom. eadem.) Ostendit autem Nicodemus eos neque cognoscentes legem, neque facientes quæ sunt legis. Cum autem congruum esset ostendere, quod non indifferente miserunt vocaturi eum, rudius, & iracundius utuntur contradictione: nam sequitur: *Responderunt, & dixerunt*

ei: Numquid & tu Galilæus es? *AUGUSTINUS* (tract. eodem.) Id est, quasi a Galilæo seductus. Dominus enim Galilæus dicebatur, quoniam de Nazareth civitate erant parentes eius: secundum Mariam dixi parentes, non secundum virile semen. *CHRYSOSTOMUS* (ubi supra.) Deinde iniuriolæ, quasi eo nesciente, Scripturas induxerunt: *Scrutare Scripturas, & vide quia Propheta a Galilæa non surgit*; ac si dicerent: Vade, & disc. *ALCUINUS*. Non enim locum ubi natus est, sed ubi conversabatur attendebant; & ideo non solum Messiam, sed nec Prophetam eum credebant. *AUGUSTINUS* (tract. eodem.) Propheta quidem a Galilæa non surgit, sed Dominus Prophetarum inde surrexit.

Sequitur: *Et reversi sunt unusquisque in domum suam.* *ALCUINUS*. Nullo perfetto negotio, vacui fide, & ideo fraudulentitate, sunt reversi in domum infidelitatis, & impietatis lux.

C A P U T VIII.

(a) **I**esus autem perrexit in montem Oliveti, & diluculo iterum venit in templum; & omnis populus venit ad eum: & sedens docebat eos: Adducunt autem scribæ, & pharisæi mulierem in adulterio deprehensam; & statuerunt eam in medio, & dixerunt ei: Magister, hæc mulier modo deprehensa est in adulterio. In lege autem Moyses mandavit nobis huiusmodi lapidare. Tu ergo quid dicis? Hoc autem dicebant tentantes eum, ut possent accusare eum. Iesus autem inclinans se deorsum, digito scribebat in terra. Cum ergo perseverarent interrogantes eum, e-rexit se, & dixit eis: Qui sine peccato est vestrum, primus in illam lapidem mittat. Et iterum se inclinans scribebat in terra. Audientes autem hæc, unus post unum exibant; incipientes a senioribus; & remansit solus Iesus, & mulier in medio stans. Ergens autem se Iesus dixit ei: Mulier, ubi sunt qui te accusabant? Nemo te condemnavit? Quæ dixit: Nemo, Domine. Dixit ei Iesus: Nec ego te condemno. Vade, & iam amplius noli peccare.

(b) Iterum ergo locutus est eis Iesus dicens: Ego sum lux mundi. Qui sequitur me, non ambulat in tenebris, sed habebit lumen vitæ.

(c) Dixerunt ergo ei pharisæi: Tu de teipso testimonium perhibes: testimonium tuum non est verum. Respondit Iesus, & dixit eis: Et si ego testimonium perhibeo de me ipso, verum est testimonium meum: quia scio unde veni, & quo vado. Vos autem nescitis unde venio, aut quo vado. Vos secundum carnem iudicatis, ego non iudico quemquam. Et si iudico ego, iudicium meum verum est: quia solus non sum, sed ego, & qui misit me Pater. Et in lege vestra scriptum est, quia duorum hominum testimonium verum est. Ego sum qui testimonium perhibeo de me ipso, & testimonium perhibet de me qui misit me Pater.

(d) Dicebant ergo ei: Ubi est pater tuus? Respondit Iesus: Neque me scitis, neque Patrem meum. Si me sciretis, forsitan & Patrem meum sciretis. Hæc verba locutus est Iesus in gazophylacio docens in templo: & nemo apprehendit eum,

quia

quia nondum venerat hora eius .

(e) Dixit ergo iterum eis Iesus: Ego vado, & queretis me, & in peccato vestro moriemini . Quo ego vado, vos non potestis venire . Dicebant ergo Iudæi : Numquid interficiet semetipsum, quia dicit : Quo ego vado, vos non potestis venire ? Et dicebat eis: Vos de deorum estis, ego de supernis sum : vos de mundo hoc estis, ego non sum de hoc mundo . Dixi ergo vobis, quia moriemini in peccatis vestris . Si enim non credideritis quia ego sum, moriemini in peccato vestro .

(f) Dicebant ergo ei, Tu quis es? Dixit eis Iesus: Principium, qui & loquor vobis . Multa habeo de vobis loqui, & iudicare; sed qui me misit, verax est, & ego quæ audivi ab eo, hæc loquor in mundo . Et non cognoverunt quia Patrem eius dicebat Deum .

(g) Dixit ergo eis Iesus: Cum exaltaveritis Filium hominis, tunc cognoscetis quia ego sum, & a meipso facio nihil; sed sicut docuit me Pater, hæc loquor . Et qui me misit, mecum est, & non reliquit me solum, quia quæ placita sunt ei facio semper . Hæc illo loquente, multi crediderunt in eum .

(h) Dicebat ergo Iesus ad eos qui crediderunt ei, Iudæos : Si vos manseritis in sermone meo, vere discipuli mei eritis, & cognoscetis veritatem, & veritas liberabit vos . Responderunt ei Iudæi: Semen Abraham sumus, & nemini servivimus umquam, Quomodo tu dicis, Liberi eritis? Respondit eis Iesus: Amen amen dico vobis, quia omnis qui facit peccatum, servus est peccati . Servus autem non manet in domo in æternum; Filius autem manet in æternum . Si ergo vos Filius liberaverit, vere liberi eritis .

(i) Scio quia filii Abraham estis; sed queritis me interficere, quia sermo meus non capit in vobis . Ego quod vidi apud Patrem meum, loquor, & vos quæ vidistis apud patrem vestrum, facitis . Responderunt, & dixerunt ei: Pater noster Abraham est . Dicit eis Iesus: Si filii Abraham estis, opera Abraham facite . Nunc autem queritis me interficere, hominem, qui veritatem vobis locutus sum, quam audivi a Deo . Hoc Abraham non fecit . Vos facitis opera patris vestri .

(k) Dixerunt itaque ei: Nos ex fornicatione non sumus nati : unum patrem habemus Deum . Dixit ergo eis Iesus: Si Deus pater vester esset, diligeretis utique me: ego enim ex Deo processi, & veni: neque enim a meipso veni, sed ille me misit . Quare loquelam meam non cognoscitis? Quia non potestis audire sermonem meum .

(l) Vos ex patre diabolo estis, & desideria patris vestri vultis facere . Ille homicida erat ab initio, & in veritate non stetit, quia non est veritas in eo . Cum loquitur mendacium, ex propriis loquitur, quia mendax est, & pater eius . Ego autem si veritatem dico, non creditis mihi . Quis ex vobis arguet me de peccato? Si veritatem dico, quare non creditis mihi ? Qui ex Deo est, verba Dei audit : propterea vos non auditis, quia ex Deo non estis .

(m) Responderunt ergo Iudæi, & dixerunt ei : Nonne bene dicimus nos quia Samaritanus es tu, & dæmonium habes? Respondit Iesus, & dixit : Ego dæmonium non habeo, sed honorifico Patrem meum; & vos inhonorastis me . Ego autem non quero gloriam meam: est qui querat, & iudicet . Amen amen dico vobis: si quis sermonem meum servaverit, mortem non videbit in æternum .

(n) Dixerant ergo Iudæi: Nunc cognovimus quia dæmonium habes . Abraham mortuus est, & Prophetæ; & tu dicis: Si quis sermonem meum servaverit, non gustabit mortem in æternum . Numquid tu maior es patre nostro Abraham, qui mortuus est? Et Prophetæ mortui sunt . Quem teipsum facis? Respondit Iesus: Si ego glorifico me ipsum, gloria mea nihil est . Est Pater meus qui glorificat me, quem vos dicitis quia Deus vester est, & non cognovistis eum . Ego autem novi eum; & si dixero quia non scio eum, ero similis vobis mendax . Sed scio eum ,

& sermonem eius servo. Abraham pater vester exultravit ut videret diem meum : vidit, & gavisus est.

(o) Dixerunt ergo Iudæi ad eum : Quinquaginta annos nondum habes, & Abraham vidisti? Dixit ergo eis Iesus : Amen amen dico vobis : antequam Abraham fieret, ego sum. Tulerunt ergo lapides, ut iacerent in eum. Iesus autem abscondit se, & exivit de templo.

(a) **ALCUINUS** a. Dominus maxime circa suam passionem, hanc sibi effecerat consuetudinem, ut in die quidem in templo, quod erat Hierosolymis, verbum Dei prædicaret, signa, & miracula ostenderet; sero autem revertebatur in Bethaniam, ubi apud sorores Lazari hospitabatur; & mane iterum ad simile opus revertebatur. Igitur secundum hunc morem, cum in ultimo die scenopægiæ tota die in templo prædicasset, vespere perrexit in montem Oliveti; & hoc est quod dicitur : *Iesus autem perrexit in montem Oliveti*. **AUGUSTINUS** (tract. xxxiii.) Ubi enim decebat docere Christum nisi in monte Oliveti, in monte unguentii, in monte chrisimatis? Christi enim nomen a chrisimate dictum est. Christus autem Græce, Latine unctio nominatur. Ideo autem nos unxit, quia luctatores contra diabolum fecit. **ALCUINUS**. Unctio enim olei fessis, & dolentibus membris solet afferre levamen. Mons etiam olivarum sublimitatem dominicæ pietatis designat: (1) quia oleo Græce, Latine misericordia. Natura quoque olei mysterio aptissime congruit: superfertur enim omnibus liquoribus; &, sicut ait Psalmista Psal. cxlv. „ misericordie rationes eius super omnia opera eius.“ Sequitur : *Et discipulo iterum venit in templum*, ut scilicet misericordiam cum incipiente novi testamenti lumine fidelibus, in templo videlicet suo, pandendam, præbendamque signaret. Quod enim discipulo redibat, exortum novæ gratiæ designat. **BEDA**. Significatur autem quod postquam per gratiam cepit inhabitare in templo suo, id est in Ecclesia, ex omnibus Gentibus crediderunt in eum: unde sequitur : *Et omnis populus venit ad eum: & sedens docebat eos*. **ALCUINUS**. Sessio humilitatem incarnationis insinuat. Sedente ergo Domino, ad eum venit populus: quia postquam per susceptam

humanitatem visibilis apparuit, coeperunt eum multi audire, & in eum credere, quem per humanitatem sibi proximum meminuerant. Mansuetis autem, & simplicibus sermonem Domini admirantibus, scribæ, & pharisæi interrogant, non ut discant, sed ut veritati laqueos neant: unde sequitur : *Adducunt autem scribæ, & pharisæi mulierem in adulterio deprehensam; & statuerunt eam medio, & dixerunt ei: Magister, hæc mulier deprehensa est in adulterio*. **AUGUSTINUS** (tract. xxxiii.) Animadvertent enim eum nimium esse mitem: de illo quippe fuerat ante prædium Psal. cxlv. „ Procede, & regna, propter veritatem,“ & mansuetudinem, & iustitiam. „ Ergo attulit veritatem ut doctor, mansuetudinem ut liberator, iustitiam ut cognitor. Cum loqueretur, veritas agnoscebat; cum adversus inimicos non moveretur, mansuetudo laudabatur: in tertio ergo, iustitia scilicet, scandalum posuerunt: dixerunt enim apud seipsos: Si eam dimittimus, iustitiam non tenebit: lex enim quod iniquum erat, iubere non poterat; & ideo legem inducunt, dicentes : *In lege autem Moyses mandavit nobis huiusmodi lapidari*. Ut autem mansuetudinem non perdat, in qua iam populis amabilis factus est, eam dimitti debere dicturus est. Unde eius sententiam requirunt dicentes : *Tu ergo quid dicis?* Hinc nos inveniemus ad accusandum occasionem, & eum faciemus tamquam legis prævaricatorem: unde Evangelista subdit : *Hæc autem dicebant restantes eum, ut possent accusare*. Sed Dominus in respondendo & iustitiam servaturus est, & a mansuetudine non recessurus: sequitur enim : *Iesus autem incitans se deorsum, dixit scribæ in terra*. **AUGUSTINUS** de Con. Evan. (Lib. IV. cap. x.) Tamquam illos tales in terra scribendos significaret, non in cælo, ubi non

(2) *ut omiserint quia. Nicolai legit ἵνατος.*

EX EDITIONE P. NICOLAI.

a. Nihil tale in Alcuino nunc occurrit, ut nec in Augustino, vel in Beda: sed sic in Glossa tantum. *Iesus perrexit in montem Oliveti, quia mox erat ei die ducere in templum, & vespere reverti in Bethaniam, quæ est in monte Oliveti.*

auit discipulos ut se scriptos esse gauderent; aut quod se humiliando, quod capitis inclinatione monstrabat, signa in terra faceret; aut quod iam tempus esset ut in terra quæ fructum daret, non in lapide sterili, sicut antea, lex eius conscriberetur. ALCUVINUS. Per terram enim cor humanum ostenditur, quod bonarum, vel malarum actionum solet reddere fructus; per digitum autem, qui articuloorum compositione flexibilis est, subtilitatis discretionis exprimitur. Nos ergo instruit, ut cum quælibet mala proximorum conspicimus, non statim ea temere damnemus; sed prius ad conscientiam cordis sollicite revereri, digito discretionis ea sollicite disquiramus. BEDA. Quantum etiam ad historiam pertinet, per hoc quod digito scripsit in terra, illum se fore monstravit qui quondam legem in lapide scripsit.

Sequitur: *Cum autem perseveraret interregantes enim, crevit se.* AUGUSTINUS (tract. xxxiii.) Non dixit, Non lapidetur, ne contra legem dicere videretur. Absit autem ut diceret, Lapidetur: venit enim non perdere quod invenerat, sed querere quod perierat. Quid ergo respondit? *Qui sine peccato est vestrum, primus in illam lapidem mittat.* Hæc vox iustitiæ est. Puniat peccatrix, sed non a peccatoribus; impleatur lex, sed non a prævaricatoribus legis. GREGORIUS XIV. Moral. (cap. xv. in nov. exemp. xiii.) Qui enim prius semetipsum non iudicat, quid in alio rectum iudicet ignorat. Et si novit etiam per auditum, recte tamen aliena merita iudicare non valet cui conscientia innocentie propriæ nullam iudicii regulam præbet. AUGUSTINUS (tract. xxxiii.) Cum ergo eos telo iustitiæ percussisset, nec (1) dignatus est cadentes attendere; sed avertit ab eis obtutum: unde sequitur: *Et iterum se inclinans scribat in terra.* ALCUVINUS. Potest etiam intelligi secisse hoc Dominus iuxta consuetudinem, ut quasi aliquid agens, (2) vultu intendens in aliud, liberam eis exeundi facultatem daret. In hoc etiam figurate admonet, ut & priusquam peccantem fratrem corripiamus, & post adhibitam correctionem diligenter perpendamus utrum ipsis peccatis, de quibus

alium castigamus, aut (3) aliis obnoxii simus. AUGUSTINUS (tract. xxxiii.) Sic igitur illi voce iustitiæ tamquam telo percussus se incipientes, & reos invenientes, unus post unum omnes recesserunt; & hoc est quod subditur: *Audientes autem hæc, unus post alium exierunt, incipientes a senioribus.* GLOSSA A. Qui forte magis reuerant, vel magis culpas suas cognoscebant. AUGUSTINUS (ut supra.) Relicti sunt autem duo: miseria, & misericordia: nam sequitur: *Et remansit solus Iesus, & mulier in medio stans.* Credo, territa illa mulier, ab illo se puniendam sperabat in quo peccatum inveniri non poterat. Ille autem, qui adversarios eius repulerat lingua iustitiæ, levans in illam oculos mansuetudinis, interrogavit eam: unde sequitur: *Ergens se autem Iesus, dixit ei: Mulier, ubi sunt quæ accusabant? Nemo te condemnavit? Quia dixit: Nemo, Domine.* Audivimus supra vocem iustitiæ; audiamus nunc mansuetudinis: nam sequitur: *Dixit ei Iesus: Nunc ego te condemo, a quo te forte condemnari timuisti, quia in me peccatum non invenisti. Quid est Domine? Faves ergo peccatis? Non plane: attende quod sequitur: Vade, & amplius noli peccare.* Ergo & Dominus damnavit, sed peccatum, non hominem: nam si peccatorum auctor esset, diceret: Vade, & vive ut vis; de mea liberatione esto securus: ego te quantumcumque peccaveris, etiam a gehenna, & inferni tortoribus liberabo. Non hoc dixit. Intendant ergo qui amant in Domino mansuetudinem, & timeant veritatem: etenim „dulcis, & rectus Dominus.“ Psal. xxvi.

(b) ALCUVINUS. Quia mulierem absolvit a crimine, ne aliqui dubitarent an ille quem videbant verum hominem, posset peccata dimittere, dignatur ipse apertius suæ divinitatis potentiam demonstrare: unde dicitur: *Iterum ergo locutus est eis dicens: Ego sum lux mundi.* BEDA. Ubi advertendum est, quia non ait, *Ego sum lux Angelorum, vel cæli;* sed *lux mundi,* id est hominum in tenebris commorantium, secundum illud Luc. 1. „Illuminare his qui in tenebris, & in „in umbra mortis sedent.“ CHRYSOSTOMUS (hom. 13.) Vel aliter. Quia superius Galilæam eis afferbant, & quasi de

(1) Et dignatus est. (2) Legit P. Nicolai ac vultum intendens. (3) Et. in aliis. P. Nicolai hinc quibuslibet aliis.

de quodam Prophetarum, de eo dubitabant, voluit offendere quoniam non unus Prophetarum est, sed dominator orbis terrarum: unde dicitur: *Iherum lecentis estis Iesus, dicent: Ego sum lux mundi*, non Galilææ, neque Palesinæ, neque Iudææ. AUGUSTINUS (tracl. xxxiv.) Manichæi solem illum oculis carnis visibilem Christum Dominum esse putaverunt; sed Ecclesiastica improbat tale commentum: non est enim Dominus Christus sol factus, sed per quem sol factus est: *omnia enim per ipsum facta sunt*: supra 1. & propter nos sub sole factum est lumen quod fecit solem: carnis nube tegitur, non ut obscureretur, sed ut temperetur. Loquens ergo per nubem carnis lumen indefectum, lumen sapientiæ ait hominibus: *Ego sum lux mundi*. THEOPHYLACTUS. Uteris autem adversus Nestorium hoc præfati sermone: non enim ait, quoniam in me est lux mundi, sed *ergo sum lux mundi*: ipse namque qui homo videbatur, idem & Filius Dei, & lux mundi erat; non, sicut negabatur Nestorius, in simplici homine Dei Filius habitabat. AUGUSTINUS (tracl. xxxiv.) Abstulit autem te ab oculis carnis, & revocavit ad oculos cordis in hoc quod subdit: *Qui sequitur me, non ambulat in tenebris, sed habebit lumen vitæ*. Non enim sufficit dicere, *Habebit lumen*, sed addidit *Vitæ*. Hæc verba Domini cum verbis Psalmi xxxv. concordant: „In lumine tuo videbimus lumen, quoniam apud te est fons vitæ.“ In istis verbis corporalibus aliud est lumen, & aliud fons: fontem fauces quærunr, lumen oculi. Apud Deum quod lumen est hoc est fons. Qui tibi lucet ut videas, ipse tibi manat ut bibas. Quod promissæ, futuri temporis verbo: posuit; in eo quod facere debemus, præsens tempus posuit. *Qui sequitur*, inquit, *habebit modo per fidem*, post habebit per speciem. Sequere istum solem visibilem, si ipse tendis ad occidentem, quo & ille tendit; (1) & si nolumus illi lumere deferere, ipse te deferet in occasu. Deus tuus ubique est totus: si non ab illo facies casum, numquam a te ille faciet occasum. Tenebræ satis metuendæ sunt morum, non oculorum; & si oculorum, non exteriorum, sed interiorum, unde discernitur non album, & nigrum, sed iustum, & iniustum. CHRYSOSTOMUS (hom. eadem.) Intellectualiter enim dixit: *Non ambulat in tenebris*; idest, non manet in errore. Hinc & Nicodemum laudat, & ministris; & i-

plos occulte insinuat dolos complicantes, qui in tenebris, & errore sunt, sed lucem non (2) superabunt.

(c) CHRYSOSTOMUS (homil. II.) Quia Dominus dixerat, *Ego sum lux mundi, & Qui sequitur me, non ambulat in tenebris*, Iudæi hoc evertere voluerunt: unde dicitur: *Dixerunt ergo ei pharisæi: Tu de teipso testimonium perhibes, & testimonium tuum non est verum*. ALCIVINUS. Sic responderunt tamquam ipse Dominus. solus sibi testimonium perhiberet, cuius confect quod antequam in carne appareret, multos testes præmisit, qui eius sacramenta prædixerunt. CHRYSOSTOMUS (hom. ead.) Dominus autem evertit quod dixerant: unde sequitur: *Respondit Iesus, & dixit eis: Et si ego testimonium perhibeo de meipso, verum est testimonium meum*. Hoc iuxta eorum suspicionem locutus est, hominem eum nudum æstimantium; & causam subiungit: *Quia scitis unde venio, & quo vado*; idest, ex Deo sum, & Deus, & Dei Filius. Non autem hoc dicit manifeste, quia semper humilia miscet altis. Deus autem ipse sibi fide dignus testis est. AUGUSTINUS (serm. xxxv.) Verum est enim testimonium luminis, sive fe offendat, sive alia. Locutus est Propheta verum; sed unde haberet, nisi de fonte veritatis hauriret? Ergo idoneus est Iesus qui sibi testimonium perhibeat. Dicens autem, *Quia scitis unde venio, & quo vado*, Patrem volebat intelligi: Patri enim gloriam dabit Filius, a quo est missus. Quantum ergo debet homo glorificare eum a quo est creatus? Non autem veniendo inde discessit, aut redeundo nos dereliquit. Non potest hoc fieri ab isto sole, qui quando pergit ad occidentem, deserit orientem. Sicut autem sol iste & videtis faciem illustrat, & cæci; sed videt ille, ille non videt: sic & Sapientia Dei, Verbum Dei, ubique præfens est etiam infidelibus; sed quibus eam videant oculos non habent cordis. Ut ergo Dominus inter fideles suos, & inimicos suos Iudæos, tamquam inter tenebras, & lucem distingueret, subiungit: *Vos autem nescitis unde venio, aut quo vado*. Illi ergo Iudæi videbant hominem, nec credebant Deum; & ideo Dominus subdit: *Vos secundum carnem iudicatis*, dum scilicet dicitis: *Tu de teipso testimonium perhibes, & testimonium tuum non est verum*. THEOPHYLACTUS. Ac si dicat: Vos, quoniam in carne sum, carnem me solam esse putantes, non autem Deum, secundum carnem fallibiliter iudicatis.

AU.

(1) Al. & si volueris. (2) Al. sperabunt.

AUGUSTINUS (tract. xxxvi. in Ioan.) Quia enim Deum non intelligitis; & hominem videtis; ideo vobis arrogans videtur, quia ego de me testimonium perhibeo. Omnis enim homo quando de se perhibere vult laudabile testimonium, superbus, & arrogans videtur: homines enim infirmi sumus, verum dicere, & mentiri possumus; lux mentiri non potest. CHRYSOSTOMUS (homil. ead.) Vel aliter. Sicut secundum carnem vivere, male vivere est; ita secundum carnem iudicare, iudicare iniustum est. Et quia possent dicere: Si iniuste iudicamus, propter quid non convinci, propter quid non condemnas? subiungit: Ego non iudico quemquam. AUGUSTINUS (tract. xxxvi.) Quod dubius modis intelligi potest: ut aut hoc intelligamus, Non iudico quemquam, id est modo, sicut dicit alio loco (supra 111.) Ego non veni ut iudicem mundum, sed ut salvum faciam mundum, non iudicium suum negando, sed differendo; aut certe quia dixerat, Vos secundum carnem iudicatis, ita coniunct, Ego non iudico quemquam, ut subaudiatur, secundum carnem Christum non iudicare, sicut ab hominibus iudicatus est: nam ut agnoscas iam iudicem Christum, subditur: Et si iudico ego, iudicium meum verum est. CHRYSOSTOMUS (hom. ead.) Quasi dicat: Propter hoc dixi, Non iudico, quasi non præsentes iudicare: quia si iudicarem iuste, vos condemnarem: sed nunc tempus iudicii non est; sed de futuro iudicio insinuat cum subdit: Quia solus non sum, sed ego, & qui misit me Pater: ostendens quia non ipse solus eos condemnabit, sed & Pater. Hoc autem ad suspicionem illorum loquitur: non enim aestimabant dignum fide esse Filium, nisi Patris testimonium assumpisset. AUGUSTINUS (tract. ead.) Si aurem tecum est Pater, quomodo te misit? Ergo, Domine, missi tua, incarnatio tua est. Hic ergo Christus erat secundum carnem, & a Patre non recesserat: quia Pater, & Filius ubique erant. Erubescit Sabellianus: non enim dixit: Ego sum Pater, & ego ipse sum Filius; sed, Solus non sum, inquit, quia mecum est Pater. Distingue ergo personas, distingue intelligentiam; agnosce quia Pater, Pater est, & Filius, Filius est; sed noli dicere, Pater maior est, Filius minor. Una substantia est, una coeternitas, perfecta aequalitas. Ergo verum est, inquit, iudicium meum, quia Filius Dei sum. Ut tamen intelligas quia mecum est Pater, non sic sum

Filius ut ipsum deseruerim: formam servi accepi, sed formam Dei non amisi. De iudicio dixerat; de testimonio vult dicere: nam sequitur: Et in lege vestra scriptum est, quia duorum hominum testimonium verum est. AUGUSTINUS contra Faustum (Lib. XVI. cap. xiiii.) An forte Manichaei calumniantur, quia non ait, In lege Dei, sed in lege vestra scriptum est? Ubi usitatum incutionem Scripturarum quis non cognoscat? Lege enim vestra dixit vobis data, sicut Apostolus dicit Evangelium suum, quod se tamen accepisse testatur, non ab homine, sed per revelationem Iesu Christi. AUGUSTINUS super Ioan. (tract. xxxvi.) Magnam autem habet questionem, & valde videtur iam mysterium res esse constituta, ubi Deus dixit Deut. x. „In ore duorum, vel trium, testimonium fiat omnem verbum:“ fieri enim potest (1) ut duo mentiantur. Susanna casta dubius falsis testibus urgebatur; universus populus mentitus est contra Christum: quomodo ergo accipiendum est, „In ore duorum, vel trium stabit omne verbum,“ nisi quia hoc modo (2) per mysterium Trinitatis commendata est, in qua est perpetua stabilitas veritatis? Accipite ergo nostrum testimonium, ne sentiat is iudicium: differo iudicium, non differo testimonium: unde sequitur: Ego sum qui testimonium perhibeo de me ipso, & testimonium perhibet de me qui misit me Pater. BEDA. In multis enim locis Pater Filio suo perhibet testimonium, ut est illud Psal. 11. „Ego hodie genui te:“ item Matth. 11. „Hic est Filius meus dilectus.“ CHRYSOSTOMUS (hom. ii.) Vel aliter. Si quod dictum est, simpliciter accipiat, questionem habet: nam in hominibus quidem propter hoc determinatum est, quod in ore duorum, vel trium testimonium fiat omne verbum, quia unus solus non est fide dignus; in Deo autem qualiter utique hoc habebit rationem? Sed & aliter non foret quod dictum est: nam in hominibus cum duo de aliena re testantur, tunc testimonium est verum: hoc enim est duos testari: si vero unus eorum sibi ipsi testetur, non adhuc sunt duo testes. Ad nihil ergo aliud hoc dixit quam ut ostendat se nihil minus Patre habentem: alioquin non dixisset: Ego, & qui misit me Pater. Considera etiam potestatem nihil habentem diminutum a Patre: homo enim cum a seipso dignus fuerit fide, testimonio non indiget; sed hoc in aliena re; in propria vero cum testimonio alieno indigeat, non adhuc dignus

(1) Alii ut mentiantur. (2) Alii per mysterium Trinitatis.

gnas est fide. Hic vero totum contrarium: etenim in propria re testans, & ab alio testimonium habens, dixit se fide dignum esse. **ALCUINUS** ^a. Vel potest sic intelligi quod dicitur, quasi dicat: Si vestra lex approbat testimonium duorum hominum qui possent decipi, (1) & plura testari; quia ratione meum, & Patris mei testimonium, quod summa stabilitate firmum est, verum esse non dicitis?

(d) **AUGUSTINUS** (tract. xxxvii.) Illi qui audierant a Domino, *vos secundum carnem iudicatis*, manifestaverunt quod audierunt: patrem enim Christi carnaliter acceperunt: unde dicitur: *Dicebant ergo ei: Ubi est pater tuus?* quasi dicant: Audivimus te dicere: *Solus non sum; sed ego, & qui misit me Patre*: nos solum te videmus: ostende ergo nobis tecum esse Patrem tuum. **THEOPHYLACTUS**. Quidam vero notant hoc prolatum esse a ludæis, quasi ad contumeliam, & contemptum. (2) Improperabant enim ei tamquam ex fornicatione genito, & proprium genitorem ignoranti, (3) vel tamquam vili existente eo qui pater eius putabatur, scilicet Ioseph; quasi dicant: Ignoratus, & ignobilis est pater tuus: quid frequenter patrem nobis inducis? Quia ergo non ut scire volentes, sed ut tentantes quærebant, ad præmissam quæstionem non respondet: unde sequitur: *Respondit Iesus: Neque me scitis, neque Patrem meum.* **AUGUSTINUS** (tract. xxxvii.) Quasi dicat: Quæritis, *Ubi est pater tuus?* quasi me iam sciatis, quasi totum hoc sit quod videtis: ergo quia me non nostis, ideo Patrem meum vobis non ostendo. Me quippe hominem putatis; ideo patrem meum hominem quæritis. Quia vero secundum quod videtis, aliud sum, & aliud secundum quod non videtis; Patrem autem meum loquor occultus occultum: prius est ut me noveritis, & tunc Patrem sciatis; & hoc est quod subdit: *Si me scieritis, scissetis & Patrem meum scieritis.* **CHRYSOSTOMUS** (hom. li.) Dicit autem hoc, ut ostendat quod nihil eis prodest dicere, quod sciant Patrem, Filium nescientes. **ORIGENES** (tom. xviii. in Ioan.) Contrariari autem videtur ad invicem quod hic dicitur, *Neque*

me scitis, neque Patrem meum, & quod supra dictum est, *Et me scitis, & unde sum scitis*; sed tamen quod dicitur, *Et me scitis*, ad quosdam dicit Hierosolymitarum dicens: *Numquid vere intellexerunt principes quia hic est Christus?* hoc vero quod dicit, *Neque me scitis*, ad phariseos dicitur. Hierosolymitis tamen in prioribus ait: *Vere est qui me misit, quem vos nescitis*. Quæret itaque aliquis: Quomodo verum est quod dicitur, *Si me scieritis, & Patrem meum scieritis*; cum Hierosolymitis, quibus dicitur, *Et me scitis*, Patrem nesciverunt? Dicendum autem est ad hoc, quod Salvator quandoque quidem de seipso ut de homine loquitur, quandoque autem secundum divinam naturam: hoc ergo quod dicit, *Et me scitis*, de ipso homine dicit; hoc vero, *Neque me scitis*, de divinitate. **AUGUSTINUS** (tract. xxxvii.) Quid est enim, *Si me scieritis, & Patrem meum scieritis*, nisi *Ego, & Pater unus sumus?* intra 2. Quando vides aliquem alicui similem, quotidiana locutio est, *Si hunc vidisti, illum vidisti*. Propter similitudinem tale dedisti responsum. Hinc & Dominus, *Si me*, inquit, *scieritis, & Patrem meum scieritis*: non quia Pater est Filius, sed quia Patri similis est Filius. **THEOPHYLACTUS**. Erubescat Arrianus: nam si iuxta eam creatura Filius sit, qualiter qui novit creaturam, & Deum novit? Neque (4) enim qui substantiam novit Angeli, novit & divinam. Cum itaque qui Filium novit, & Patrem novit; igitur consubstantialis Patri est Filius. **AUGUSTINUS** (tract. xxxvii.) Hoc autem verbum *scieritis* increpative dicitur, quod videtur esse verbum dubitationis: homines enim de rebus quas certas habent, aliquando verbum dubitationis ponunt; velut si indignaris servo tuo, & dicas: Contemnis me? Considera, forsitan dominus tuus sum: sic & Dominus dubitando increpat infideles, cum dicit: *Et Patrem meum scieritis*. **ORIGENES** (tom. xviii. in Ioan.) Oportet autem videre quoniam qui alterius sectæ sunt, opinantur ex hoc probari manifeste, Deum quem Iudæi colebant, Patrem non esse Christum. Si enim, inquit, hoc phariseis Deum provilerem mundi co-

len-

(1) *Legit Nicolaus & mentiri, vel plura falsi, & incerta testari.* (2) *Al. improperant, item improbant, item impulerant.* (3) *Al. vel tamquam vili existenti, eo quod pater eius dicitur.* (4) *Al. desit enim.*

EX EDITIONE P. NICOLAI.

^a Nihil tale in Alcuino, sed eadem dumtaxat quæ iam supra ex Augustino relata sunt. Id potius indicat Hugo Cardinalis in eum locum, sed minus plane quam hic.

lentibus dicebat Salvator, manifestum est quod Patrem Iesu, alterum a conditore mundi existentem, nequaquam pharisæi novērunt. Hoc vero dicunt, non observantes consuetudinem locutionis in Scripturis. Si enim aliquis vellet inducere ea quæ de Deo sunt, a parentibus eruditus, non autem bene vivat; hunc dicimus de Deo noticiam non habere: unde & filii Heli propter eorum malitiam Deum ignorasse dicuntur. Sic igitur & pharisæi Patrem ignoraverunt: non enim vivebant (1) secundum conditoris edictum. Est autem & aliud significatum cognoscendi Deum, (2) altero existentem cognoscere Dominum quam simpliciter credere. Dicitur enim in Psalmo xlv., *Stu- de, & videre, quoniam ego sum Deus.* Quis non confitetur hoc scribi populo in conditore credenti? Multum enim differt credendo cognoscere, & credere tantum. Sed pharisæis, quibus ait, *Neque me scitis, neque Patrem autem,* rationabiliter diceret, Neque creditis Patri meo: qui enim negat Filium, minime Patrem habet, scilicet neque secundum fidem, neque secundum cognitionem. Sed & aliter dicit. Scriptura, illos qui adiuncti sunt alicui, cognoscere illud. Tunc enim Adam cognovit uxorem suam cum ei coniunctus esset. Si ergo qui adheret mulieri, mulierem cognoscit; & qui adheret Domino, unus spiritus est, & Deum cognoscit. Si vero sic se habet, pharisæi nec Patrem noverunt, nec Filium. Post hoc est quidam aliquem cognoscere Deum, non autem cognoscere Patrem. Infinitis ergo orationibus editis in lege non invenimus aliquem orando dicentem Deum Patrem, tamen orant eum tamquam Deum, & Dominum: ne prævenirent gratiam per Iesum toti mundo effusam, vocantem cunctos ad filiationem, iuxta illud Psal. xxi., *Narrabo nomen tuum fratribus meis.* Sequitur: *Hæc verba locutus est Iesus in gazophylacio, docens in templum.* ALCUINUS. Gaza Perficæ lingua divitiarum, (3) philatin (φιλῆτιν) servare. Erat autem locus in templo ubi servabantur divitiarum. CHRYSOSTOMUS. In templo (4) loquebatur more magistris; & hic loquebatur super quibus mordebant, & acculabant, quoniam seipsum facit parem Patri. AUGUSTINUS (tract. eodem.) Magna igitur fiducia sine timore: non enim patere- tur quod noller: unde sequitur: *Et nemo*

S. Th. Oper. Tom. V.

apprehendit eum, quia nondum venerat hora eius. Nonnulli cum hoc audiunt, sub falso fuisse Christum credunt; sed si fatum, sicut nonnulli intellexerunt, a falso dictum est, id est a loquendo, Verbum Dei quomodo habet fatum? Ubi fuit fata? In caelo, inquis, in ordine, & conversionibus siderum. Quomodo ergo fatum habet per quem factum est caelum, & sidera; cum tua voluntas, si recte sapias, transcendat & sidera? An quia nostri Christi carnem fuisse sub caelo, ideo putas & potestatem Christi subditam caelo? Igitur nondum venerat hora eius, non qua cogeretur mori, sed qua dignaretur occidi. ORIGENES (com. xviii. in Ioan.) Ubicumque autem additur, *Hæc verba locutus est Iesus in tali loco*, si bene attendas, invenies additionis opportunitatem. Est autem gazophylacium locus numismatum in honorem Dei, & dispensationem pauperum oblatum. Numismata autem sunt divina verba, imaginem Regis magni impressam habentia. Unusquisque autem conferat in ædificationem Ecclesie, portans ad intellectualem gazophylacium quidquid potest ad honorem Dei, & utilitatem communem. Omnibus autem offerentibus in gazophylacio templi, magis oportebat lesu munera portare, quæ erant verba vitæ æternæ. Loquente ergo Iesu in gazophylacio, a nemine detentus est: quia sermones eius fortiores erant his qui eum capere volebant, cum non sit infirmitas in quibus Verbum Dei loquitur. BEDA. Vel aliter. In gazophylacio Christus loquitur, quoniam in parabolis ad Iudeos sermones proferebat; tunc autem quasi gazophylacium aperiri cepit, quando discipulis suis cælestia referavit: unde etiam gazophylacium templo inhærebat: quia quæ lex, & Prophetæ figuratiter prædicant, ad Dominum pertinebant.

(c) AUGUSTINUS (tract. xxxviii.) Quia supra dictum est, quod nemo apprehendit eum, quia nondum venerat hora eius, modo de ipsa sua passione, quæ posita erat, non in eius necessitate, sed potestate; locutus est Iudeis: unde dicitur: *Dixit ergo iterum eis Iesus, Ego vado.* Christo enim Domino mors profectio fuit illuc unde venerat, & unde discesserat. BEDA. Hæc autem verborum connexio talis esse videtur, ut hæc uno tempore, uno quoque in loco, vel certe alio tempore, alioque in loco ge-

XX

fi

(1) Al. secundum edictum. (2) Legis Nicolai cum sit aliud cognoscere Deum. (3) Idem legit φιλῆτιν reservare: in alijs autem exemplis habetur philæ reservare. (4) Al. loquebatur (Nicolai loquebantur) in ordine magistris, & hic loquebatur: super quibus mordebant &c.

ri potuissent: quoniam nihil interponi, & quædam, vel multa potuerunt. ORIGENES (tom. xix. in Ioan.) Sed obiicit aliquis sic. Si his qui manebant in incredulitate, ista dicebat; quomodo eis dicit, *Et queretis enim?* Querere enim Iesum, est querere veritatem, & sapientiam. Sed dices, quia & de persequentibus aliquando dicitur, quod quærebant eum capere. Differentiæ enim sunt eorum qui quærant Iesum: non omnes enim pro eorum salute, & utilitate quærant eum. Propter hoc solum hi qui recte quærant eum, inveniunt pacem. Recte autem querere dicuntur qui Verbum quod est in principio apud Deum quærant, ut illos Patri adducat. AUGUSTINUS (tract. eod.) *Queritis ergo, inquit, me, non pro desiderio, sed odio: nam illum, postquam abiecit ab oculis hominum, inquisierunt & qui oderunt, & qui amabant: illi persequendo, isti habere cupiendo. Et ne putetis quia me bene queretis, in peccato vestro moriemini.* Hoc est Christum male querere, in peccato suo mori; hoc est illum odire, per quem solum posset salus esse. Dixit sententiam prædictam quod in peccatis suis moriuntur. BEDA. Sed nota, quod peccate in singulari numero utitur, sed vestro in plurali, ut idem omnium scelus offenderet. ORIGENES (tom. xix. in Ioan.) Quæro autem (1) propter hoc quod infra dicitur, quod hoc ipso loquente multi crediderunt in eum; numquid ad omnes præsentis dicit; *In peccato vestro moriemini?* Sed ad illos dicebat quos sciebat non esse credituros, & propter hoc in eorum peccatis esse morituros, & non valentes post ipsum sequi: nam lequitur: *Quo ego vado, vos non potestis venire;* ubi sciuit veritas, & sapientia est: hoc est enim ubi est Iesus. Non possunt, ait, quia non volunt: si enim voluissent, & non potuissent, non rationaliter eis diceretur: *In peccato vestro moriemini.* AUGUSTINUS (tract. xxxviii.) Hoc autem & discipulis alio loco dicit; nec tamen dixit eis, *In peccato vestro moriemini;* sed *Quo ego vado, vos non potestis venire modo.* Non abstulit spem, sed prædixit dilationem. ORIGENES (tom. xviii. in Ioan.) Præsens autem verbum minatur Christi recessum; sed quamdiu salvamus ea quæ animæ nostræ sunt in ista veritatis semina, nequaquam recedit a nobis Verbum Dei; si vero a lapsu in malitiam corrumpamur, tunc dicitur nobis, *Ego vado:* & cum quæremus eum, nequaquam invenie-

mus, sed in peccatis nostris moriemur, ab ipsa morte occupati. Non oportet autem pertranlire inexactis quod dicitur, *In peccatis vestris moriemini.* Si enim communiter accipiat, manifestum est quod peccatores in peccatis eorum moriuntur, iusti vero in iustitia, si vero dicitur, *Moriemini,* sicut qui ad mortem peccat moritur, manifestum est quod hi quibus talia dicebantur, nequaquam mortui erant, sed vivebant in infirmitate animæ; sed infirmitas illa ad mortem erat propter hoc medicus videns eos graviter infirmantes, dicebat: *Et in peccatis vestris moriemini;* & sic manifestum erat illud, *Quo ego vado, vos non potestis venire.* Cum enim aliquis in suo peccato moritur, quo vadit Iesus, non potest ire: nullus enim mortuus potest sequi Iesum: „non enim mortui laudabunt te, Domine:“ Psal. cxlii. AUGUSTINUS (tract. xxxviii.) His autem verbis auditis, quomodo solent, carnalia cogitantes interrogaverunt: „num sequitur: Dicebant ergo Iudæi: Numquid interficiet semetipsum, quia dicit: Quo ego vado, vos non potestis venire?“ Stulta verba. Quid enim? Non poterant illi venire quo ille perrexisset, si interficeret semetipsum? Numquid ipsi non erant morituri? Ergo, *Quo ego vado,* dicit: non quo itur ad mortem, sed quo ipse ibit post mortem. THEOPHYLACTUS. Per hoc enim manifestavit quod resurget in gloria, & sedebit ad dexteram Dei. ORIGENES (tom. xviii. in Ioan.) Quæramus tamen si hoc ab eis de Salvatore dicitur alius aliquid cernentibus. Multa enim aut ex traditione, aut exapocryphis ipsos contingebat videre præ multis. Forte igitur in his quæ tradita sunt de Christo, erat iuxta sanas traditiones prophetiarum sermonum, sicut generari eum in Bethlehem, sic & de morte eius, ut hoc modo transire deberet ab hac vita quomodo ipse dicit infra x. *Nemo tollit animam meam a me; sed ego pono eam.* Quare quod hic dicitur, *Numquid interficiet se?* non secundum simplicem sensum dicitur, sed secundum aliquam Iudeorum de Christo traditionem. Multum enim ex hoc quod dixerat, *Ego vado,* apparet potestas voluntarie morientis, corporo derelicto. Aestimato autem quod ignominiose proferentes hoc, quod secundum traditiones suas de morte Christi ad ipsos devenerat, & non gloriam dantes, dixerunt: *Numquid interficiet semetipsum?* Oportebat enim eos cum demonstratione gloriæ sic dicere: Numquid anima eius, cum ipsi placue-

(1) A. propter quid infra dicitur &c. cum puncto interrogationis post eum.

ric, egredietur relicto corpore? Dominus autem ad eos qui terrena sapiebant, tamquam ad terrenos loquitur: unde subditur: *Et dicebat eis: Vos de deorsum estis; id est, terram sapitis, sursum cor non habetis.* CHRYSOSTOMUS (hom. lxx.) Qualificat: Non est mirum vos talia cogitare homines carnales, & nihil intelligentes spirituales. *Ego de supernis sum.* AUGUSTINUS (tract. xxxviii.) De quibus supernis? Ab ipso Patre, quo nihil superius. *Vos de hoc mundo estis, ego non sum de hoc mundo:* quomodo enim erat de mundo, per quem factus est mundus? BEDA. Et qui ante mundum fuit; illi autem de mundo erant, quia postquam mundus esse coepit, fuerant creati. CHRYSOSTOMUS (hom. ead.) Vel propter mundanas, & vanas cogitationes hoc dicit: *Ego non sum de hoc mundo.* THEOPHYLACTUS. Nihil mundanum, sive terrenum affectans: unde nullatenus ad tantam in animam devenirent ut seipsum occiderent. Sed Apollinarius male suscipiens hunc sermonem ait, quod corpus Domini non fuit de hoc mundo, sed de sursum caelitus descendit. Numquid igitur & Apostoli, quibus a Domino dictum est infra xv. *Vos non estis de hoc mundo,* (1) omnia corpora sunt caelitus obtinentes? Sic igitur intelligendum est cum dicitur, *Ego non sum de hoc mundo;* hoc est, non sum de numero vestrum, qui mundana curatis. ORIGENES (tom. xviii. in Ioan.) Alius autem sensus est eorum qui sunt de sursum, & eorum qui sunt de hoc mundo. Deorsum enim sicut de loco aliquo intelligitur; sed mundus materialis locis quidem diversis continetur, quæ omnia quantum ad immaterialia, & invisibilia deorsum sunt; quod ad mundum vero (2) comparando mundi loca, erunt utique quadam deorsum, & quadam sursum. Ubi autem est thesaurus uniuscuiusque, ibi est & cor eius. Si itaque aliquis thesaurizat in terra, deorsum efficitur; si vero aliquis thesaurizat in caelis, fit superius; sed & transcendens omnes caelos, in fine beatissimum invenietur. Et iterum qui circa hunc mundum est amor, facit eum qui de hoc mundo est; qui autem non diligit mundum, nec ea quæ sunt in hoc mundo, non est de mundo hoc. Tamen est & aliquis alius inmundus præter hunc sensibilem mundum, in quo sunt invisibilia, cuius visum, & decorem videbunt hi qui

mundo sunt corde. Sed & ipse primogenitus omnis creaturæ potest dici mundus, prout est summa sapientia: omnia enim in sapientia sunt facta. In ipsa itaque erat totus mundus, intantum differens a mundo materiali, inquantum differt ratio totius mundi ab omni materia denudata a materiali mundo. Anima ergo Christi dicit: *Ego non sum de hoc mundo;* quia non conversatur in isto mundo. AUGUSTINUS (tract. eod.) Exposuit autem Dominus quid intelligi voluerit, cum dixit, *Vos de hoc mundo estis;* quia scilicet peccatores erant. Omnes autem cum peccato nati sumus, omnes vivendo ad id quod nati eramus addidimus. Tota ergo (3) infelicitas Iudeorum ipsa erat, non peccatum habere, sed in peccatis mori: unde subdit: *Dixi ergo vobis, quia moriemini in peccatis vestris.* Credo autem in illa multitudine quæ Dominum audiebat, & eos fuisse qui credituri erant, quasi in omnes autem processerant illa severissima sententia, *In peccato vestro moriemini;* ac per hoc & illis qui credituri erant, spes erat ablata. Revocavit ergo eos ad spem, adiungens: *Si enim non crederitis quia ego sum, inierimini in peccato vestro.* Ergo si crederitis quia ego sum, non moriemini in peccato vestro. CHRYSOSTOMUS (hom. lxx.) Si enim propter hoc venit, ut peccatum tollat, & aliter non contingit illud exuere, nisi per lavacrum; (4) nec contingit eum qui non credit, baptizari; necesse est cum qui non credit, ex hac vita abire, veterem hominem, id est peccatum, habentem: non solum quia non credit, sed etiam quia priora peccata habens, hinc recedit. AUGUSTINUS (tract. eodem.) Cum autem dixit, *Si non credideritis quia ego sum,* quia nihil addidit, multum est quod commendavit: quia sic etiam & Deus Moysi dixerat Exod. lxi. „Ego sum qui sum.“ Sed quomodo audio, „Ego sum qui sum,“ & „Nisi crederitis quia ego sum, quasi alia non sint?“ Sed propterea qualicumque excellentia, si mutabilis est, vere non est: non enim est ibi verum esse ubi est & non esse. Discute rerum mutationem, invenies fuit, & erit: cogita Deum, invenies est, ubi tempus præteritum esse non possit. Ut ergo tu sis, transcendente tempus. Hæc itaque promittens, ne moriamur in peccatis nostris, nihil aliud mihi videtur his verbis dixisse, *Nescideritis*

XXX 2

(1) Forte omnes. Legit Nestai ideo corpus sunt &c. (2) Al. comparandum. (3) Al. infidelitas. (4) Quamvis quædam manus habent, & alia quædam exempla legunt nec contingit eum qui non credit, ex hac vita abire, veterem hominem, id est peccatum, habentem in intermedium amissum.

ritis quia ego sum, quam nisi credideritis quia Deus sum. Deo gratias, quia dicit, Nisi credideritis; non dicit, Nisi ceperitis: quis enim hoc capiat? ORIGENES (tom. xxi. in Ioan.). Manifestum est autem quod qui moritur in peccatis suis, quamvis dicat se Christo credere, tamen in veritate non credit: qui enim credit iusticiæ, non iniustitiam facit, & credens in sapientiam, nil stultum dicit, aut facit: & sic si scrutatus fueris ceteros intellectus Christi, invenes quomodo qui non credit Christo, moritur in peccatis suis. Accedens autem ad contraria eorum quæ considerant in Christo, in peccatis suis moritur.

(f) AUGUSTINUS (tract. xxxix.) Quia dixerat supra Dominus: Nisi credideritis quia ego sum, meremini in peccatis vestris: interrogat illi velut quærentes nosse in quem deberent credere, ne in suo peccato morerentur: unde dicitur: Dicebant ergo ei, Tu quis es? a Non enim cum dixisti, Nisi credideritis quia ego sum, addidisti quis esses. Sciebat autem ibi quosdam esse credituros; & ideo cum dixissent, Tu quis es? ut scirent quid illum credere deberent, dixit eis Iesus: Principium, qui & loquor vobis; non tamquam diceret, Principium sum, sed tamquam diceret, Principium me credite: quod in sermone Græco evidenter apparet, ubi principium feminini generis est. Principium ergo me credite, ne meriamini in peccatis vestris: principium enim mutari non potest, in se manet, & innovat omnia. b Absurdum est autem ut Filium dicamus principium, & Patrem principium non dicamus; non tamen duo principia, sicut nec duos Deos: Spiritus autem sanctus Patris, & Filius est. Spiritus, nec Pater est, nec Filius. Pater tamen, & Filius, & Spiritus sanctus sunt unus Deus, unum lumen, unum principium. Addidit autem, Qui & loquor vobis: quia humilis propter vos factus ad ista verba descendit. Ergo credite me esse principium: quia ut hoc credatis non solum sum principium, sed & loquor vobis. Nam si principium sicut est, ita maneret apud Patrem, ut non acciperet formam servi, quomodo ei crederent, cum infirma corda intelligibile verbum sine voce sensibili audire non possent? BEDA. Sane in quibusdam exemplaribus

invenitur, Qui & loquor vobis; sed congruentius esse (1.) probatur, si quia legitur; ut iste sit sensus: Principium me esse credite, quia propter vos ad hæc verba descendit. CHRYSOSTOMUS (homil. lxi.) Vel aliter. Consideranda est amentia Iudæorum, qui post tempus tantum, & signa, & doctrinam interrogant, Tu quis es? Quid igitur Christus? A principio loquor vobis quasi dicat: Sermones meos indigni estis audire, non solum ut dicam vobis, quis ego sum: vos enim omnia tentantes loquimini; & hæc omnia possem arguere; & vos punire: unde sequitur: Multa habeo de vobis loqui, & indicare. AUGUSTINUS (tract. xxxix.) Supra dixit, Ego non iudico quemquam; sed aliud est Non iudico, & aliud Habeo indicare. Non iudico, dixit, ad præsens. Quod autem dicit, Multa habeo de vobis loqui, & indicare, iudicium futurum dicit. Ideo autem verus in iudicio ero, quia Filius veracis veritas sum: unde sequitur: Sed qui misit me, verax est. Verax est Pater, non participando, sed generando veritatem. Numquid enim dicturi sumus, Plus veritas quam verax? Si hoc dixerimus, Filium incipientem dicere Patre maiorem. CHRYSOSTOMUS (hom. eadem.) Dicit autem hoc, ut non æstimet quoniam tot audiens ex imbecillitate non punit; aut quia eorum cogitationes, & contumelias non novit. THEOPHYLACTUS. Vel quia dixerat, Multa habeo de vobis loqui, & indicare, iudicium futuro sæculo reservans, subiungit: Sed qui me misit, verax est; quasi dicat: Etsi vos infideles estis, Pater meus verax est, qui diem stabilivit in quo vobis retributio fiet. CHRYSOSTOMUS (hom. ead.) Vel aliter. Si in hoc me misit Pater, non ut iudicem mundum, sed ut salvem mundum, (a) verax autem est Pater; convenienter nullum ego nunc iudico; sed hæc loquor quæ sunt ad salutem, non quæ ad iudicium: unde sequitur: Et ego quia audivi ab eo, hæc loquor in mundo. ALCUVIUS. Audisse autem a Patre idem est & esse a Patre: quia ab illo habet audientiam a quo habet essentiam. AUGUSTINUS (tract. xxxix.) Dat gloriam Patri æqualis Filius; tamquam dicat: Do gloriam ei cuius sum Filius: quomodo tu superbus es adversus eum cuius es servus? ALCUVIUS

(1.) A. probatur quod legator. (2.) A. verax est Pater. Convenienter &c.

NUS. Cum autem audissent, *Verax est qui misit me*, non intellexerunt de quo diceret: unde subditur: *Et non cognoverunt quia Patrem eius dicebat Deum*. Noodum enim oculos cordis apertos habebant, quibus Patris, & Filii æqualitatem (1) intelligerent.

(2) AUGUSTINUS (tract. xl.) Cum dixisset Dominus, *Verax est qui misit me*, non intellexerunt Iudæi quod de Patre illis diceret. Videat autem ibi aliquos quos ipse novat post passionem suam esse credituros; & ideo sequitur: *Dixit ergo eis Iesus: Cum exaltaveritis Filium hominis, tunc cognoscetis quia ego sum*. Recolite illud Exod. 111. *Ego sum qui sum*; & cognoscetis quid sit dictum, *Ego sum*. Differo cognitionem vestram, ut implcam passionem meam. Ordine vestro cognoscetis qui sum, cum scilicet exaltaveritis Filium hominis. Exaltationem autem crucis dicis, quia & ibi exaltatus est quando pependit in ligno. Hoc oportebat impleri per manus eorum qui postea fuerant credituri, quibus dicit hoc. Quare, nisi ut nemo in quocumque scelere, & male sibi confici deseperaret, quando videat eis donari homicidium qui occiderant Christum? CHRYSOSTOMUS (hom. 111.) Vel aliter continua. Quia multa signa faciens, & docens eos non converterat, de cruce reliquo loquitur, dicens: *Cum exaltaveritis Filium hominis, tunc cognoscetis quia ego sum*, qualidicat: Vos æstimatis quod tunc maxime a me separati eritis quando me occideritis; ego autem dico quoniam tunc maxime sciatis & gratia signorum, & resurrectionis, & captivitatis vestræ, quoniam ego sum Christus Filius Dei, & quod non contrarius illi: propter quod subdit: *Et a meipso nihil facio*; sed sicut docuit me Pater, sic loquor: per hoc enim indifferentiam substantiæ manifestat, & quod nihil extra paternas intelligentias loquitur: si enim Deo contrarius essem, non tantam iram movissem contra eos qui me non audierunt. AUGUSTINUS (tract. xl.) Vel aliter. Quia dixerat, *Tunc cognoscetis quia ego sum*, & ad ipsum esse pertinet tota Trinitas; ne forte subintraret error Sabellianorum, continuo subiunxit: *Et a meipso facia nihil*; quasi dicit: A meipso non sum: Filius enim de Patre est Deus. Quod ergo addidit, *Sicut docuit me Pater, hæc loquor*, nemini vestrum obrepat cogitatio carnalis. Nolite vobis quasi duos homines an-

te oculos ponere, & loquentem patrem ad filium; sicut facis tu quando aliqua verba dicis filio tuo. Quæ enim verba fierent unico Verbo? Si autem loquitur in cordibus vestris sine sono, quomodo loquitur Filio suo? Incorporaliter Pater locutus est Filio, quia incorporaliter Pater genuit Filium; nec eum sic docuit, quasi indoculum gesserit; sed hoc est eum docuisse, quod est scientem genuisse. Si enim simplex est natura veritatis, hoc est (2) Filio esse quod nosse. Quemadmodum ergo Pater illi gignendo dedit ut esset, sic gignendo dedit ut nosset.

CHRYSOSTOMUS (hom. eadem.) Rursus ad humilium sermonem reduxit. Sequitur, *Et qui me misit*. Ne autem æstimet hoc quod dicit, *Misit me*, minorationis esse, dicit, *Misum est*: nam hoc quidem dispensationis, hoc autem deitatis est. AUGUSTINUS (tract. eodem.) Et cum ambobus simul sint, unus tamen est missus, alter misit: quoniam missio incarnatio est, & ipsa incarnatio Filii tantum est, non & Patris. Ergo inquit, *Qui me misit*; id est, cuius auctoritate tamquam paterna incarnatus sum. Misit itaque Pater Filium, sed non recessit a Filio: uode sequitur: *Et non reliquit me solum*: non enim quo misit Filium, non ibi erat Pater, qui dixit Hier. xxxi. *Cælum & terram ego impleo*. Sed quare eam non dereliquit subdit: *Quia quæ placita sunt ei facio semper*: non ex quodam initio, sed sine initio, sine fine: Dei enim generatio non habet initium temporis. CHRYSOSTOMUS (hom. eadem.) Vel aliter. Quia continuo dicebant, quoniam non ex Deo est, & quia sabbatum non custodit; contra (3) est quod ait: *Quoniam quæ placita sunt ei facio semper*: ostendens quoniam & solvere sabbatum, placitum est ei. Multipliciter enim studet ut ostendat quod nihil facit Patri contrarium. Et quia hoc humanius locutus est, subditur: *Hæc ille loquente multi crediderunt in eum*; ac si diceret Evangelista: Ne turberis si quid humile a Christo audieris: qui enim post tantam doctrinam nondum suasi erant, humilia audiunt, & iudicant. Igitur crediderunt quidem, sed non ut oportebat; sed simpliciter quasi latantes, & requiescentes in verborum humilitate: & hoc offendit Evangelista in subsequenti sermonibus, in quibus narratur quod rursus ei iniuriabantur.

(h) Av-

(1) *Al.* intellexerunt. *Nicolaï* potius intelligere possent. (2) *Al.* Filium. (3) *Al.* amittitur est.

(h) **AUGUSTINUS** (tract. eodem.) Voluit Dominus in profundum fundare fidem eorum qui crediderant, ut non superficiei tenus crederent; & ideo dicitur: *Dicebat ergo Iesus ad eos qui crediderunt ei Iudeos: Si vos manseritis in sermone meo, vere discipuli mei eritis.* Per hoc quod dicit, *si manseritis*, ostendit ea quae in eorum corde erant: sciebat enim quoniam crediderunt quidam, sed non manserunt: & magnum quid eis promittit, scilicet vere discipulos eius fieri: in quo occulte tangit quosdam qui prius ab ipso recesserant: & illi eum audierunt, & crediderunt, & recesserunt, quia non permanserunt. **AUGUSTINUS** de Verb. Dom. (serm. xlviii.) Omnes autem nos unum magistrum habemus, & sub illo condiscipuli sumus. Nec ideo magistri sumus, quia de loco superiore loquimur; sed magister est omnium qui habitat (1) in omnibus nobis. Ad discipulum autem parum est accedere, (2) sed oportet manere nos in illo; & si in illo non manserimus, cademus. Breve opus, (3) breve verbo, magnum opere, si manseritis. Quid enim est in verbis Dei manere, nisi nullis tentationibus cedere? Si labor non est, gratis accipis praemium; si labor est, attende magnum praemium.

Et cognoscetis veritatem. **AUGUSTINUS** (tract. xl.) Quasi dicat: Quia nunc credentes estis, manendo, videntes eritis. Non enim quia cognoverunt crediderunt; sed ut cognoscerent crediderunt. Quid enim est fides, nisi credere quod non vides; veritas quod credidisti, videre? Si ergo permaneat in eo quod creditur, pervenitur ad id quod videtur, ut scilicet contemplerur ipsam veritatem sicuti est, non per verba sententia, sed per lucem splendentem. Veritas incommutabilis est, panis est mentis; reficit, nec deficit; mutat videntem, non ipsa in videntem mutatur. Ipsa autem veritas Verbum Dei est: haec veritas carne induta est propter nos: latebat in carne, non ut negaretur, sed ut differretur, ut in carne pateretur, ut caro peccati redimeretur. **CHRYSOSTOMUS** (hom. lxxi.) *Vel cognoscetis veritatem*, hoc est me: ego enim sum veritas. Iudaica quidam o-

mnia typus erant, veritatem autem a me scietis. **AUGUSTINUS** de Verb. Dom. (serm. xlviii.) Forte aliquis dicit: Et quid mihi prodest cognoscere veritatem? Et ideo subiungit: *Et veritas liberabit vos*; quasi dicat: Si non delectat veritas, delectet libertas. Liberari enim proprie dicitur liberum fieri, quomodo sanari sanum fieri. Hoc in verbo Graeco planius est: nam in consuetudine Latina maxime in eo consuevimus audire hoc verbum, ut cumque liberatur intelligatur pericula evadere, molestiis carere. **THEOPHYLACTUS**. Sicut autem supra infidelibus ait, *In peccatis vestris moriemini*; sic manentibus in fide, abolitionem annuntiat peccatorum. **AUGUSTINUS** IV. de Trin. (cap. xviii.) Unde etiam veritas liberabit, nisi a morte, a corruptione, a mutabilitate? Veritas quippe immortalis, incorrupta, incommutabilis permanet. Vera autem incommutabilitas est ipsa aeternitas. **CHRYSOSTOMUS** (hom. eadem.) Forum autem qui crediderant, erat etiam increpationes sustinere; sed hi statim salvum. Si autem oportebat eos turbari in priori, convenientius erat ut turbarentur in hoc, scilicet quod dixit, *Cognoscetis veritatem*, ut dicerent: Nunc ergo veritatem nescimus: lex igitur mendacium est, & cognitio nostra? Sed nullius horum eis cura erat; sed de mundanis rebus dolent: non enim aliam servitutem noverant nisi mundanam: unde sequitur: *Responderunt ei Iudei: Semen Abraham sumus, & nemini servivimus unquam: quomodo tu dicis, Liberi eritis?* quasi dicant: Eos qui de genere sunt Abraham, qui sunt ingenui, non oportebat servos vocare, unquam enim servivimus. **AUGUSTINUS** (tract. xli.) Vel hoc responderunt, non illi qui iam crediderant, sed qui in turba erant nondum credentes. Hoc autem ipsum, *Nemini servivimus unquam*, secundum huius temporis libertatem, quomodo verum dixistis? Ioseph non est vendidatus? Prophetae sancti in captivitatem non sunt ducti? O ingrati, quid est quod vobis infiduae imputae Deus, quod vos de domo servitutis liberavit, si nemini servivistis? Vos autem qui loquimini, quomodo sovebatis tri-

(1) *et* in nobis. (2) *et* sed oportet manere nos: *et* in illo non manserimus &c. (3) *et* breve verbo.

tributa Romanis, si nemini umquam servilis? CHRYSOSTOMUS (hom. eadem.) Quia vero non ad vanam gloriam erant quæ dicebantur a Christo, sed ad salutem; non voluit offendere eos servos esse hominum, sed peccati: quæ difficillima servitus est, a qua solus Deus eripere potest: unde sequitur: *Respondit eis Iesus: Amen amen dico vobis, quia omnis qui facit peccatum, servus est peccati.* AUGUSTINUS (tract. eod.) Multum commendat quod sic pronuntiat: quodammodo, si dici fas est, iuratio eius est: *amen* quippe interpretatur verum: & tamen non est interpretatum, nec Græcus hoc. Interpretus ausus est facere, vel Latinus. Nam hoc verbum *amen* Hebræum est: non est autem interpretatum, ut honorem haberet velamento secreti; non ut esset ligatum, sed ne vilesceret nudatum. Iam quantum hoc commendatum sit, ex ipsa geminatione cognoscite. Verum dico vobis, Veritas dicit; quæ utique etiam non diceret, Verum dico, mentiri omnino non posset; tamen inculcat, dormientes quodammodo excitat; contemni non vult quod dicit. *Omnis*, inquit, Iudæus, Græcus, dives, pauper, Imperator, & mendicus, *si facit peccatum, servus est peccati.* GREGORIUS IV. Mor. (cap. xlii. vel in nov. exemp. xxi.) Quia quisquis se pravo desiderio subiecit, iniquitatis domino dudum libera mentis colla supponit. Sed huic domino contradicimus, cum iniquitati, quæ nos ceperat, reluctamus, cum consuetudini violententer resistimus, cum culpam peccitum percusimus, & maculas sordium lacrymis lavamus. GREGORIUS XXV. Mor. (cap. xx. vel in nov. exemp. xiv.) Quanto autem aliqui liberior peragunt perverfa quæ volunt, tanto eius servitio obnoxii obligantur. AUGUSTINUS (tract. eodem.) O miserabilis servitus! Servus hominis aliquando sui domini duris imperiis fatigatus, fugiendo requiescit; servus peccati quod fugit? Secum trahit quocumque fuerit: peccatum enim quod facit intus est: voluptas transit, peccatum non transit: præterit quod delectabat, remansit quod pungat. Solus de peccato liberare potest qui venit sine peccato, & factus est sacrificium pro peccato: nam sequitur: *Servus autem non manet in domo in æternum.* Ecclesia est domus, servus peccator est: multi intrant in Ecclesiam peccatores. Non ergo dixit, *Servus non est in domo*, sed *non manet in domo in æternum.* Si ergo mulus ibi servus erit, quis ibi erit? Quis gloriabitur mundum se esse a peccato? Mul-

tnos terruit; sed adiungit: *Filius autem manet in æternum.* Ergo solus in domo sua erit Christus. An forte in hoc quod dicit, *Filius*, caput, & corpus est? Non enim sine causa terruit, & ipem dedit: terruit, ne peccatum amaremus; spem dedit, ne de peccati absolutione dissideremus. Hæc est ergo spes nostra, ut a libero liberemur: ipse enim pretium dedit, non arguentum, sed sanguinem suum; & propter hoc subditur: *Si ergo Filius vos liberaverit, vere liberi eritis.* AUGUSTINUS de Verb. Dom. (ser. xlviii.) Noo a barbaris, sed a diabolo; non a corporis captivitate, sed ab animæ iniquitate. AUGUSTINUS super Ioan. (tract. xli.) Prima libertas est carere criminibus; sed ista inchoata est, non perfecta libertas: quia caro concupiscit adversus spiritum, ut non ea quæ vultis faciat. Libertas autem plena atque perfecta est quando nullæ erunt inimicitie, quando novissima iocimæ mors destructur. CHRYSOSTOMUS (hom. xliii.) Vel aliter. Quia dixerat: *Qui facit peccatum, servus est peccati*: ne præcurant, & dicant: Imolationes habemus, illæ nos eripere possunt: propterea induxit: *Servus non manet in domo in æternum.* Filius manet in æternum. Domus mentionem facit, Patris principatum domum nominans, ostendens ex translatione humanorum, quoniam sicut dominus in domo, ita ipse omnium potestatem habet: hoc enim quod dicit, *Non manet*, significat, non habet potestatem donandi; sed Filius, qui est dominus domus, habet. Et ideo sacerdotes veteris legis non habebant potestatem per sacramenta legalia peccata dimittere: omnes enim peccaverunt, etiam sacerdotes, qui pro seipsum, ut dicit Apostolus, necesse habebant sacrificia offerre; sed Filius hanc habet potestatem: unde concludit: *Si ergo Filius vos liberaverit, vere liberi eritis*: ostendens quod mundana libertas, de qua gloriabantur, non est vera libertas. AUGUSTINUS (tract. xli.) Noli ergo libertate abuti ad libere peccandum; sed utere ad non peccandum: erit enim voluntas tua libera, si fuerit pia; eris liber, si fueris servus iustitiæ.

(i) AUGUSTINUS (tract. xlii.) Iudæi se liberos dixerant, quia semen erant Abraham. Quid ergo Dominus ad hoc responderit subditur: *Scio quia filii Abraham estis*; quasi dicat: Agnosco vos quia filii estis Abraham: carnis origine, non cordis fide: & ideo subdit: *Sed quareis me interficere.* CHRYSOSTOMUS (homil. lxxi.) Hoc enim addidit ut non dicant, Peccatum non ha-

habemus. Dimittens enim omnem eorum vitam redarguere, hoc quod præ manibus erat, quod adhuc agere volebant, ducit in medium. Paulatim enim eos a cognatione illa removit, erudiens in hoc non magna sapere. Sicut enim libertas, & servitus est ab operibus, ita & cognatio. Sed ne dicerent, Hoc iuste agimus, subiungit causam, dicens: *Quia sermo meus non capit in vobis.* AUGUSTINUS (tract. xlii.) Id est, non capit cor vestrum, quia non recipitur a corde vestro. Sic est enim sermo Dei fidelibus tamquam pisci hamus: tunc capit quando capitur; nec fit iniuriam illis qui capiuntur: ad salutem quippe, non ad perniciem capiuntur. CHRYSOSTOMUS (hom. eadem.) Et non dixit, Non capitis meum sermonem, sed non capit meus sermo in vobis, altitudinem suorum dogmatum ostendens. Sed possent dicere: Quid si a teipso loqueris? Propter hoc inducit subdicens: *Ego quod vidi apud Patrem meum, loquor:* non enim solum eandem substantiam, sed eandem veritatem habeo Patris. AUGUSTINUS (tract. xlii.) Dominus autem Patrem suum Deum vult intelligi; qualidicat: Veritatem vidi, veritatem loquor, quia veritas sum. Si ergo Dominus veritatem loquitur quam vidi apud Patrem, sic vidit, sic loquitur, quia ipse est veritas Patris. ORIGENES (tom. xx. in Ioan.) Manifestat autem hæc auctoritas Salvatorem fuisse visorem eorum quæ sunt apud Patrem; cum tamen homines, quibus revelatio fit; visores non sint. THEOPHYLACTUS. Cum vero audis, *Quod vidi loquor*, nequam corporalem visionem intelligas, sed naturalem noticiam veram, & approbatam. Sicut enim oculi videntes, integre aliquid, & vere prospiciunt, nec falluntur; sic ego veraciter ea loquor quæ cognovi a Patre meo.

Sequitur: *Et vos quod vidistis apud patrem vestrum, facite.* ORIGENES (tom. xx.) Adhuc non nominat patrem ipsorum. Paulo superius Abraham commemoravit; sed dicturus est iterum patrem eorum, scilicet diabolum, cuius filii erant, in quantum mali erant, non in quantum homines erant. Malum ergo quod faciunt, Dominus eis obiurgat, & corripit. CHRYSOSTOMUS (homil. ead.) Alia littera habet: *Et vos quæ vidistis apud patrem vestrum, facite;* quasi dicat: Sicut ego verbis, & veritate ostendo Patrem, ita & vos a rebus ostendite Abraham. ORIGENES (ut supra.)

Item alia littera habet: *Et vos quæ audistis a Patre, facite.* Audierant enim a Patre ea quæ in lege, & Prophetis scripta sunt. Qui autem hoc verbo contra eos qui alterius opinionis sunt, fuerit usus, ostendit quod non alius Deus est qui legem dedit, & Prophetas, & Christi Patrem. Queramus etiam ab inferentibus duas naturas, dicentes: A Patre quidem audivisse alienos, (1) inconveniens est. Si autem proprii Salvatoris erant, & beatæ naturæ, qualiter quærebant illum occidere, & Salvatoris sermonem non (2) cupiebant? Illi autem longe molestius acceperunt quam protulerit Dominus; quis eorum esset pater: nam cum qui multarum gentium pater est, latenter sui fore patrem unde loquitur: *Respondemus, & dixerunt: Pater noster Abraham est.* AUGUSTINUS (tract. xlii.) Quasi dicant: Quid tu didicurus es contra Abraham? Videbantur enim eum provocare ut aliquid mali diceret de Abraham, & esset eis occasio faciendi quod cogitabant. ORIGENES (tom. xx.) Sed & hoc ipsum Salvo interimit tamquam falso dictum: unde subditur: *Dicit eis Iesus: Si filii Abraham essetis, opera Abraham facite.* AUGUSTINUS (tract. xlii.) Et tamen superius ait: *Scio quia filii Abraham essetis:* unde non negavit eorum originem, sed facta con- demoat. Caro eorum ex illo erat, sed vita non erat. ORIGENES (ubi supra.) Vel dicendum, quod supra in Græco habetur: *Scio quod semen Abraham essetis.* Ut ergo hæc pateant, videamus primo corporalem seminis, & filii differentiam. Manifestum enim est quod semen in seipso habet rationes eius cuius est semen, adhuc manentes, & paucantes; filius vero, transmutato semine, & agente in apostitam sibi materiam a muliere, per superinducta nutrimenta similitudinem accipit generantis: & quantum ad corporalia sialiquis est filius aliquid, subsistit ex semine; si vero aliquid est semen, non omnino filius efficitur. Quoniam autem ex operibus iudicantur aliqui semen Abraham, videndum est ne forte ex aliquibus seminalibus rationibus, insussum quibusdam animabus, oporteat imaginari eos qui semen sunt Abraham. Non omnes igitur homines semen sunt Abraham: neque enim omnes habent huiusmodi rationes confusas in eorum animabus. Oportet igitur eum qui Abraham semen est, eius heri per similitudinem & filium. Possibile vero est ex negligentia, & otio destrueri hoc quod est eius semen. Hi autem ad quos sermo erat, adhuc in spe erant;

(1) Nicetas legit quod inconveniens est. (2) A. cupiebant.

erant: unde sciebat Iesus quod adhuc semen erant Abrahamæ, & nondum peremerant possibilitatem fieri filii Abrahamæ: propter quod eis dicit: *Si filii Abrahamæ essis, opera Abrahamæ facite*. Si autem super hoc quod erant semen Abrahamæ, ad augmentum magnitudinis adoleverint, verbum Iesu caperent. Sed quia non accesserant ad hoc quod essent filii, verbum non capiunt, sed interficere volunt verbum, & quasi confringere, non capientes magnitudinem eius. Si igitur aliquis vestrum semen est Abrahamæ, & adhuc verbum Dei non capit, non querat interficere verbum; sed transmutet se ad hoc quod sit filius Abrahamæ, & tunc poterit capere Filium Dei. Quidam autem unum ex operibus eligunt Abrahamæ, illud scilicet Gen. xv., Creavit Abraham Deo, & reputatum est illi ad iustitiam. "Ut autem concedatur eis quod fides sit opus, cur non dictum est singulariter? *Opus Abrahamæ facite*, sed pluraliter? Puto enim quod hoc dictum equipollet ei quod est, Cuncta opera Abrahamæ facite; ut tamen ex historia Abrahamæ allegorice sumpta operacius spiritualiter prosequamur. Neque enim oportet eum qui vult esse filius Abrahamæ, adire ancillarum coniugia, nec post obitum coniugis in senectute aliam ducere coniugem.

Sequitur: *Nunc autem queritis me interficere, hominem qui veritatem locutus sum vobis*. CHRYSOSTOMUS (hom. ead.) Hanc scilicet veritatem, quod est Patri æqualis: propter hoc enim Iudæi quærebant eum interficere. Et ut ostendat quod hoc non est contrarium Patri, subdit, *Quam audiui a Deo*. ALCUINUS a. Quia ipse qui est veritas, a Deo Patre genitus erat: audire enim nihil aliud est quam esse a Patre. ORIGENES (ut supra.) *Occidere me*, inquit, hominem. Interim non dico Filium Dei, non dico Verbum, quia non moritur Verbum: hoc dico, quod videtis: quia quod videtis potestis occidere, & quem non videtis, offendere.

Sequitur: *Hec Abraham non fecit*. ALCUINUS. Quasi dicat: In hoc probatis vos non esse filios Abrahamæ, quia facitis opera contraria operibus Abrahamæ. ORIGENES (tom. eod.) Sed diceret ad hoc quidam, quoniam superflue dictum est hoc, quod non fecerit Abraham, quod suis temporibus

non contingebat fieri: non enim in suis diebus natus erat Christus. Sed dicendum, quod in temporibus Abrahamæ natus fuerat homo, qui quam audierat a Domino veritatem, dicebat; non tamen quæsitus est ab Abraham, ut eum occideret. Et scias quod spiritus illius adventus Iesu nullo tempore desuit sanctis. Ex hoc igitur comprehendendo, omne hominem, qui post regenerationem, & ceteras apud se factas divinitus gratias, peccat, denuo (1) crucifigere Dei Filium propriis reatibus, in quos rediit; sed hoc Abraham non fecit.

Sequitur: *Vos facitis opera patris vestri*. AUGUSTINUS (ut supra.) Adhuc non dicit quis est ille pater eorum. CHRYSOSTOMUS (hom. eadem.) Dicit autem hoc Dominus, volens eis auferre superfluum gloriam de cognatione, & luadere eis ut non ultra spem salutis habeant in cognatione naturali, sed in ea quæ est secundum adoptionem: hoc enim eos prohibebat venire ad Christum, quia æstimabant cognationem Abrahamæ sibi sufficere ad salutem.

(k) AUGUSTINUS (tract. xlii.) Cœperant Iudæi utrumque cognoscere: quia non de carnis generatione loqueretur Dominus, sed de vitæ institutione. Consecutio autem Scripturarum est fornicationem spiritualiter appellare, cum diis multis, & falsis anima tamquam prostituta subiicitur: unde dicitur: *Dixerunt itaque ei: Nos ex fornicatione non sumus nati: unum patrem habemus Deum*. THEOPHYLACTUS. Quasi responderent, quod Dei quærerent ultionem; & ideo adulterus eum consiliarentur. ORIGENES (tract. xlii.) Vel aliter. Quia redarguti sunt non esse filii Abrahamæ, atrocius respondent, latenter designantes, ex adulterio productum fore Salvatorem. Sed magis mihi videtur quod conrixando responderunt. Cum enim prius dixisset, *Pater noster Abraham est*, & audissent, *Si filii Abrahamæ essis, opera Abrahamæ facite*, fatentur se habere maiorem patrem quam Abraham, scilicet Deum, & non ex fornicatione sumptisse exordium. Non enim ex sponsa, sed ex meretrice, seu materia, dæmon, qui nihil facit ex se, producit eos, qui carnalibus (a) usi inhærent materiæ. CHRYSOSTOMUS (hom. lxi.) Sed quid dicitis vos? Patrem habetis Deum, & Chri-

Yyy flum

(1) M. crucifigite. (2) Legit P. Nicolai innixi.

EX EDITIONE P. NICOLAI.

• Nihil tale in Alcuino, vel alibi occurrit; sed nec illud quod subiungitur Alcuio est.

flum inculpatis hæc dicentem? Et nimirum ex fornicatione multi eorum nati erant, etenim illicitas commixtiones faciebant; non tamen hoc redarguit; sed inquit, ut ostendat quod non sunt ex Deo: unde sequitur: *Dixit ergo eis Iesus: Si Deus pater vester esset, diligeretis me: ego enim ex Deo processi, & veni.* HILARIUS VI. de Trin. (a medio illius.) Religiosi nominis assumptione Dei Filium in his qui se Dei filios contententes, patrem suum dicerent, non improbavit; sed temerariam Iudæorum usurpationem patrem sibi Deum præsumendum, per id quod se non diligere, ebürgat. Non utique dici potest idipsum esse ex Deo nasci, quod venisse. Sed cum ab his qui sibi Deum patrem dicerent, idcirco se diligendum ait, quia ex Deo exisset, causam dilectionis ex causa docuit esse nascendi. Exisse enim ad incorporalis nativitatis retulit nomen: quia religio proficendi sibi patrem Deum, (1) ex dilectione Christi, qui ex eo genitus est, merenda sit. Nec enim in Deum Patrem sit religiosus qui non diligit Filium, cum diligendi Filii non alia causa sit quam quod ex Deo sit. Ex Deo igitur Filius est, non adventu, sed nativitate. Dilectio autem in Patrem hinc erit omnis, si Filius x eo esse credatur, AUGUSTINUS (ti. II. xlii.) Sic ergo, quod de Deo processit Verbum, æterna processio est: ab illo enim processit ut Verbum Patris, & venit ad nos, quia *Verbum caro factum est*: supra 1. Adventus eius, humanitas eius; manio eius, divinitas eius. Dicitur Deum patrem, cognoscite me vel fratrem. HILARIUS (Lib. VI. ibidem.) Non esse autem a se sibi originem, docuit cum subdit: *Neque enim a me ipso veni, sed ille me misit.* ORIGENES (tom. XXII.) Hæc arbitror dici propter quosdam per se venientes, & non missos a Patre, de quibus in Hieremia cap. xlii. dicitur: „Non mittam eos, & ipsi currebant.“ Quoniam autem qui duas naturas ingerunt, utuntur hoc verbo, obiciendum est contra illos, Paulus enim odiebat Iesum cum persequeretur Ecclesiam Dei: unde Dominus ad eum Act. ix. „Quare me persequeris?“ Si ergo verum est quod hic dicitur, *Si Deus pater vester esset, diligeretis me*, palam est quo-

niam, & recte convertitur: Si non diligere-tis, nequaquam Deus pater vester esset. Paulus autem aliquo tempore non diligebat Iesum: fuit ergo tempus quo Deus pater Pauli non extitit, Non igitur natura Paulus Dei filius fuit, sed postmodum Dei filius factus est. Quando vero Deus alicuius sit pater, nisi quando mandata eius custodit? CHRYSOSTOMUS (homil. lxxi.) Quia vero semper querebant dicentes: *Quid est hoc quod dicit, Quis ego vado, vos non potestis venire?* propterea subdit: *Quare loquelam meam non cognoscitis? Quia non potestis audire sermonem meum.* AUGUSTINUS (tract. xlii.) Ideo autem audire non poterant, quia corrigi credendo volebant. A. CHRYSOSTOMUS. Primo igitur captanda est virtus, quæ verbum divinum exaudiat, ut deinceps validi sustineas ad percipiendam totam locutionem Iesu: quoniam quamdiu quis curatus non est in auditu proprio, a verbo quod dicit surdo, (2) Aperiaris, auditu percipere nequit.

(1) CHRYSOSTOMUS (hom. lxxi.) Excluse Iudæos Dominus a cognitione Abraham: & quia maiora ausi sunt, ut scilicet patrem suum Deum dicerent, de reliquo percutit eos, dicens: *Vos ex patre diaboli estis.* AUGUSTINUS (ut supra.) Hic iam cavenda est hæresis Manichæorum, quæ dicit esse quamdam naturam mali, & gentem quamdam tenebrarum cum principibus suis, unde diabolus originem ducit; & hinc dicunt ducere originem carnem nostram, & secundum hoc putant dictum a Domino: *Vos ex patre diaboli estis*; quod essent illi velut natura mali, ducentes originem de gente contraria tenebrarum. ORIGENES (tom. XXII. in Ioan.) In hoc autem simile videntur incurrisse ei qui diceret alteram esse oculi videntis substantiam, & alteram caligantis, vel se avertentis: quemadmodum enim in his non differt substantia, sed quædam contingit causa quæ facit caligare; sic substantia eadem est, si ve recipiat rationem, si ve non. AUGUSTINUS (tract. eodem.) Indæ ergo filii erant diaboli imitando, non nascendo: unde sequitur: *Et desideria patris vestri vultis facere.* Ecce unde filii estis, quia talia desideratis, non quia de illo nati estis: *qua-*

(1) M. & ex dilectione. (2) Apud Nicolaum est Adaperire, Marci vii. ita auditu &c.

EX EDITIONE P. NICOLAI.

• ORIGENES tract. sive tom. XXII. in Ioannem.

quaritis enim me occidere; hominem qui veritatem vobis dico: & ille invidit homini, & occidit: unde sequitur: *Ille homicida erat ab initio*: utique in primo homine, in quo potuit fieri homicidium: non enim posset occidi homo; nisi prius fieret homo. Non sero accensus diabolus ad hominem venit: verbum malum seminavit, & occidit. Noli ergo putare non esse homicidium quando fratri tuo mala persuadas. Vos autem ideo sevitis in carnem, quia non potestis in mentem. ORIGENES (tract. xxiv. in Ioan.) Perpende autem, quod non propter aliquem singulariter tantum, sed pro toto genere quod peremit, inquantum in Adam cuncti moriuntur, & vere, dictus est ab initio homicida. CHRYSOSTOMUS (hom. ead.) Et non dixit, Opera, sed desideria eius facitis, offendens quoniam vehementer & ille, & ipsi (1) ab occisionibus possidentur: & quia continue eum accusabant quod non est a Deo; insinuat occulte quod hoc etiam eis ex diabolo est: unde sequitur: *Et in veritate non stetit*. AUGUSTINUS XI. de Civ. Dei (cap. xiii.) Forte autem aliquis diceret, quod ab initio suae conditionis in veritate non steterit; & ideo numquam beatus cum sanctis Angelis fuerit, suo recusans esse subditus creatori; ac per hoc fallus, & fallax, quia pia subiectione noluit tenere (2) quod natura est; affectans per superbiam elevationem simulare quod non est. Huic sententiae quisquis acquiescit, non cum Manichaeis sapit, ut suam quamdam propriam, tamquam ex adverso quodam principio, diabolus habeat naturam mali; qui tanta vanitate (3) desipiunt, ut non attendant non dixisse Dominum, A veritate alienus fuit; sed in veritate non stetit; ubi a veritate lapsum intelligi voluit. (Cap. xv.) Illud etiam quod ait Ioannes Epist. I. cap. 12. „Ab initio diabolus peccat;“ hoc intelligunt, si naturale est, nullo modo esse peccatum. Sed quid respondetur propheticiis testimonis? sive quod ait Esaias cap. xiv. sub figura personae principis Babyloniae diabolus notans: „Quomodo cecidit Lucifer, qui mane oriebar?“ sive quod Ezechiel cap. xxviii. „In deliciis paradisi Dei fuisti;“ quae si aliter convenientius intelligi nequeunt, oportet ut quod dictum est, in veritate non stetit, sic accipiamus, quod in veritate subiecit, sed non permanserit; & illud quod ab initio diabolus peccat, non ab initio ex quo creatus est, peccare putandus est, sed ab

initio peccati: coepit enim in ipso peccatum, & ipse initium peccati fuit. ORIGENES (ubi supra.) Est autem uniforme quidem (4) in veritate morari, varium autem, ac multiforme, non morari in ea: quibusdam, ut ita dicam, tremantibus pressibus, & nitentibus sistere in ea, non tamen obtinere valentibus; quibusdam vero non passis illud, sed in periculo consistentibus, secundum illud Psal. lxxi. „Mibi autem, paulisper commoti sunt pedes,“ & ceteris ab ea cadentibus. Causa igitur cur diabolus veritatem non colat, subditur: *Quia veritas non est in eo*: scilicet quod vana suspicatur, & seductus est ipse a seipso: in hoc deterior, quod illi quidem ab eo falluntur, is autem sibi ipsi deceptionis auctor existit. Sed oportet investigare quomodo dicitur, quod veritas in ipso non est: utrum quia nullam umquam veram habet doctrinam, sed cuncta quae opinatur, falsa sunt; vel quia Christi particeps non est, qui dixit infra xiv. *Ego sum veritas*. Impossibile autem est aliquam rationalem substantiam de cunctis opinari falso, & de nullo vel exiliter rectitudinem conspiciere. Diabolus igitur saltem id vere capit dogma, considerando de se quod rationalis est. Non igitur eius natura consistit ex contrario veritatis, id est ex errore, & ignavia: numquam enim veritatem cognoscere posset. AUGUSTINUS XI. de Civ. Dei (cap. xiv.) Vel cum dicit, *Quia veritas in eo non est*, subiicit indicium, quasi quaesivimus unde ostendatur quod in veritate non steterit, atque: *Quia veritas non est in eo*. Eset autem in eo, si in ipsa stetisset.

Sequitur: *Cum loquitur mendacium, ex propriis loquitur, quia mendax est, & pater eius*. AUGUSTINUS (tract. xiii.) In his verbis quidam diabolum putaverunt patrem habere: & quaesierunt quis esset diaboli pater. Hic est error Manichaeorum. Diabolus autem Dominus dixit patrem mendacii: non (5) enim omnis qui mentitur, pater mendacii sui est: si enim ab alio mendacium accepit, & dixit, tu quidem mentitus es, sed pater mendacii non es. Ille vero, quia non aliunde accepit mendacium, quo mendacio tamquam veneno serpens hominem occideret, pater est mendacii, sicut Deus pater est veritatis. THEOPHYLACTUS. Is enim & Deum apud homines criminatus est, ad Evam dicens: Quoniam invidens vobis, lignum inbibuit: & apud

. Yyy 2 Deum

(1) scilicet ab occasionibus. (2) item legitur quod vere est. (3) scilicet desipiunt. (4) scilicet in unitate. (5) scilicet ab aliis.

Deum quondam criminatus est homines, ut cum dixit. Iob cap. 1. „An gratis colit Iob Dominum?“ ORIGENES (ubi supra.) Attende tamen, quod hoc nomen mendax dicitur tam de diabolo, qui mendacium genuit, sicut hic dicitur, *Quia mendax est, quam de homine, secundum illud Psalmi cxi. „Omnis homo mendax.“* Nam si quis mendax non est, huiusmodi non est homo tantum; ita quod ei, & similibus dici potest: „Ego dixi, Dii estis:“ Psalm. lxxxv. Unde cum aliquis loquitur mendacium, de propriis loquitur. Spiritus autem sanctus loquitur a Verbo veritatis, & sapientiæ, secundum illud infra xvi. *De mens accipiet, & annuntiabit vobis.* AUGUSTINUS de Quæst. nov. & vet. test. (quæst. xc.) Vel aliter. Diabolus non speciale nomen est, sed commune. In quocumque enim opera diaboli fuerint inventa, diabolus est appellandus: operis enim nomen est, non naturæ. Itaque hoc in loco patrem Iudeorum Cain significat, cuius imitatores volentes esse Iudæi, Salvatorem peremerunt: ab ipso enim forma data est fratricidii: quem dixit mendacium de propriis loqui, ut ostenderet, unumquemque non nisi propria voluntate peccare. Sed quia Cain imitator diaboli est, patrem eius diabolus dixit, cuius opera secutus est. ALUVINUS. Sed quia Dominus veritas est, & Filius veracis Dei, veritatem dicit; sed Iudæi, qui filii erant diaboli, averterant a veritate: & hoc est quod sequitur: *Ego autem quia veritatem dico vobis, non creditis mihi.* ORIGENES (tom. xxv.) Sed quomodo hoc dicitur Iudæis, qui in eum crediderant? Sed considera, quod potest aliquis secundum aliquam intentionem credere, secundum aliam vero non credere: sicut qui credunt in eum qui sub Pontio Pilato crucifixus est, non autem credunt in natum de Maria Virgine, in eundem credunt, & non credunt. Sic igitur hi ad quos loquebatur credebant in eum, secundum quod videbatur signorum factor, non credebant autem his quæ profunde ab eo dicebantur. CHRYSOSTOMUS (hom. lxxv.) Quia igitur inimici essis veritatis, in nullo me incusantes vultis me interficere; & ideo subditur: *Quis ex vobis arguet me de peccato?* THEOPHYLACTUS. Quasi dicat: Si Dei filii essis, utique peccantes debetis habere odio. Si ergo me quoque, quem exosum habetis, non potestis arguere de peccato; manifestum est quod propter veritatem me odio habetis: quoniam scilicet

dicebat se Filium Dei. ORIGENES (tom. xxxv. in Ioan.) Habet autem hoc verbum Christi magnam fiduciam; cum nullus hominum fiducialiter hoc dicere poterit nisi solus Dominus noster, qui peccatum non fecit. GREGORIUS in homil. (xviii. in Evang.) Pensate autem mansuetudinem Dei. Non designatur ex ratione ostendere se peccatorem non esse, qui ex virtute divinitatis poterat peccatores iustificare: unde subdit: *Qui est ex Deo, verba Dei audit: propterea vos non auditis, quia ex Deo non estis.* AUGUSTINUS (tract. xliiii.) Noli attendere naturam, sed vitium. Sunt isti ex Deo, & non sunt ex Deo: natura ex Deo, vitium non ex Deo. Eis autem hoc dictum est qui non solum peccato vitiosi erant, nam hoc commune erat omnibus, sed etiam præcogniti quod non erant credituri ea fide qua possent a peccatorum obligatione liberari. GREGORIUS in hom. (ut supra.) Interroget se ergo unusquisque, si verba Dei aure cordis percipit; & intelligit unde sit. Nam sunt nonnulli qui præcepta Dei nec aure corporis percipere dignantur; & sunt nonnulli qui hæc quidem corporis aure percipiunt, sed nullo ea mentis desiderio complectuntur; & sunt nonnulli qui libenter verba Dei suscipiunt, ita ut etiam in siletibus compungantur; sed post lacrymarum tempus ad iniquitatem redeunt: hi profecto verba Dei non audiunt, quia hæc exercere in opere contemnant.

(m) CHRYSOSTOMUS (hom. liv.) Cum aliquis altum Dominus diceret, hoc apud Iudæos, qui valde insensibiles erant, insania videbatur, ut ex eorum responsione colligitur: dicitur enim: *Respondimus ergo Iudæi, & diximus ei: Nonne bene dicimus nos, quia Samaritanus es tu, & demonium habes?* ORIGENES (tom. xxv.) Sed dignum est quærere quomodo, cum Samaritani sæcula futura denegent, nec animæ durabilitatem (1) acceptent, aut sint Samaritanum diceret Salvatore, qui de resurrectione, & iudicio tot & tanta edocuit. Sed forsitan velut improperantes illi hoc dicunt, dum quæ sentiunt ipsi, non docet. ALUVINUS. Samaritani enim gens odiosa Israelitico populo, decem tribubus in captivitatem ductis, terram eorum possidebant. ORIGENES (tom. cod.) Convenit quoque quod aliqui de eo arbitrentur quod secundum Samaritanos sentiret, ut nihil post obitum reservetur hominibus, sed hæc

ad

(1) *id. accipiente.*

ad placendum Iudeis, de resurrectione, & æterna vita tractaret. Dæmonium vero illum habere dicebant propter eius sermones transcentes capacitatem humanam, quibus Deum Patrem suum asseribat, & se de cælo descendisse, & cetera huiusmodi; vel propter suspitionem eorum, quia plures in Reelzebub principe dæmoniorum opinabantur ipsum eicere dæmones. THEOPHYLACTUS. Vel Samaritanum illum dicebant, tamquam ritus Hebraicos dissolventem, utpote sabbati: Samaritani enim non perfecte iudaizabant. Ex hoc vero quod eorum cogitationes revelabat, dæmonium ipsum habere suspicabantur. Quando vero eum Samaritanum dixerint, nusquam Evangelista dicit: ex quo patiam est quod multa prætermiserunt Evangelistæ. GREGORIUS in homil. (xviii. in Evang.) Ecce iniuriam suspiciens Deus, non contumeliosa verba respondet: sequitur enim: *Respondit Iesus, & dixit: Ego dæmonium non habeo.* (1) Ex qua re quid nobis innuitur nisi ut eo tempore cum a proximis ex fastidate contumelias accipimus, eorum etiam vera taceamus mala, ne ministerium iustæ correptionis in arma vertatur furoris? CHRYSOSTOMUS (hom. liv.) Et attendendum, quod ubi eos docere oportebat, & eorum superbiis subrahere, aspererat: ubi vero exprobratum eum oportebat fuisse, multa mansuetudine utebatur, erudiens nos quæ quidem ad Deum vindicare, quæ vero ad nos despicere. AUGUSTINUS (tract. xlii.) Et ut homo prius eius imitetur patientiam, ut perveniat ad potentiam. Sed quavis maledictus maledicta non redderet, pertinuit tamen ad eum negare. Duo autem sibi fuerant obiecta: *Samaritanus es, & dæmonium habes.* Non dixit, Non sum Samaritanus: Samaritanus enim interpretatur custos: noverat autem ille se nostrum esse custodem. (2) non enim pertinuit ad eum ut redimeremur, & non pertinet ut servemur. Denique ipse est Samaritanus, qui accessit ad sancium, & misericordiam impendit. ORIGENES (tom. xxvi. in Ioan.) Aliter (3) quoque Dominus magis quam Paulus omnibus omnia fieri voluit: ut omnes nanciscatur; & ideo se non negavit esse Samaritanum. Aestimo autem solius Iesu fore vocem, *Ego dæmonium non habeo* (4) &c. sicut & illud infra xiv. *Venit princeps mundi huius, & in me non habet quidquam:* quia etiam quæ delictorum reputata sunt minima, dæmonibus adaptan-

tur. AUGUSTINUS (tract. eod.) Deinde post tale convivium hoc solum dixit de gloria sua: *Sed benedixit Patrem meum;* quasi dicat: Ne vobis arrogans videar, habeo quem honorificem. THEOPHYLACTUS. Honorificavit autem Patrem, ulciscens eum, & non tolerans homicidas, & mendaces se Dei veraces filios appellare. ORIGENES (ubi supra.) Solus autem Christus verissime veneratus est Patrem: nullus enim honorans quidquam ex his quæ non honorantur Deo, honorat Deum. GREGORIUS in hom. (xviii. in Evang.) Sed quia quisquis Dei zelo utitur, a pravis hominibus dehonestatur, in semetipso nobis Dominus patientiæ præbuit exemplum, qui ait: *Et vos inhonorastis me.* AUGUSTINUS (tract. xlii.) Quasi dicat: Ego facio quod debeo, vos non facitis quod debetis. ORIGENES (ut supra.) Non autem illis solum hoc dictum est, sed & omnibus iniuste agentibus qui iniuriam inferunt Christo, qui est iustitia; & inferentibus contumeliam sapientiæ, eo quod Christus est sapientia; & similiter de aliis huiusmodi. GREGORIUS (hom. ead.) Sed quid nobis contra iniurias faciendum sit, suo exemplo nos admonet, cum subiungit: *Ego autem gloriam meam non quero: est qui querat, & iudicet.* CHRYSOSTOMUS (hom. liv.) Quasi dicat: Ex honore quem ad Patrem habeo, hæc locutus sum vobis, & propter hoc dehonoratis me; sed nulla est mihi cura huius contumeliæ: illi enim noxas debetis propter quem hæc audio. ORIGENES (tom. xxvi. in Ioan.) Querit autem Deus gloriam Christi in quolibet suscipientium illum; quam quidem reperiret in operantibus secundum infinitas virtutis causas. Cum autem non reperiret, punit illos in quibus non reperit gloriam Filii sui: unde dicit: *Est qui querat, & iudicet.* AUGUSTINUS (tract. xlii.) Quem autem vult intelligi nisi Patrem? Quomodo ergo alio loco dicit, supra v. *Pater non iudicat quemquam; sed omne iudicium dedit Filio?* Sed videte, quod iudicium quandoque pro damnatione accipitur; hic autem secundum discretionem positum est; quasi dicat: Est Pater qui gloriam meam vestra discernat: vos enim secundum hoc sæculum gloriamini, ego non secundum hoc sæculum. Discernit etiam gloriam Filii sui a gloria omnium hominum: non enim quia homo factus est, iam comparandus est nobis. Nos homines cum peccato, ille sine

(1) *Respondeat* Ea re quid nobis innuitur. (2) *Ad* pertinuit enim ad eum ut redimeremur, & non pertinet ut servemur? *Necesse autem* Si enim pertinuit ad eum ut redimeremur, non pertinet ut servemur? (3) *Ad* Aliter autem quoque. (4) *Ita omnes vestra quæ videmus editiones, Romana tamen ad-*
huc adiungit sed nō habet, lra doc.

ne peccato, & hoc secundum ipsam formam servi: nam illud quis digne loquatur, *In principio erat Verbum* & AUGUSTINUS (ubi supra.) Vel aliter. Si vere dictum est a Salvatore, infra XVII. *Omnia mea, tua sunt*, palam est quoniam & ipsum iudicium Filii, Patris est. GREGORIUS (hom. XVIII. in Evang.) Cum vero malorum perversitas crescit, non solum frangi prædicatione non debet, sed etiam augeri: unde Dominus postquam dæmonium habere dictus est, prædicationis suæ beneficia largius impendit, dicens: *Amen amen dico vobis: si quis sermonem meum servaverit, mortem non videbit in æternum.* AUGUSTINUS (tract. XLIII.) Videbit dictum est pro eo quod est expectetur. Cum ergo moriturus moriturus loqueretur, quid sibi vult quod ait, *Qui sermonem meum servaverit, mortem non videbit in æternum*? Nisi quia videbat aliam mortem, de qua nos liberare venerat, mortem æternam, mortem damnationis cum diabolo, & angelis eius: ipsa est vera mors, nam illa migratio est. ORIGENES (tom. XXV.) Sic igitur intelligendum est: *Si quis sermonem meum servaverit, mortem non videbit in æternum*: ac si diceret: Si quis lucem meam custodierit, tenebras non videbit. Quod autem dicit, *In æternum*, communiter est sumendum, ut sit talis intellectus. *Si quis sermonem meum servaverit in æternum, mortem non videbit in æternum*: quia cuiusque non videt aliquis mortem, quousque Iesu verbum custodit. Cum vero quis torpens in observantia sermone, & circa sui custodiam negligens factus, eum cessat custodire, subinde mortem videt, non apud alium quam apud seipsum. Sic igitur a Salvatore instructi, Prophetæ quærenti, Psal. LXXXVIII. „Quis est homo qui vivet, & non videbit mortem?“ respondere possimus: Qui custodit verbum Christi. CHRYSOSTOMUS (hom. LIV.) *Servaverit* autem dicit non solum fide, sed etiam per vitam puram. Simul autem & occulte insinuat quoniam nihil possunt ei facere. Si enim qui sermonem eius servabit, non morietur in æternum, multo magis & ipse potest non mori.

(N) GREGORIUS in hom. (eadem.) Sicut bonis necesse est ut meliores etiam per contumelias existant, ita semper repro-

bi de beneficio peiores sunt: nam accepta prædicatione, iterum Iudæi blasphemant: dicitur enim: *Dixerunt ergo Iudæi: Nunc cognovimus quia dæmonium habes.* ORIGENES (tom. XXVI.) Hi qui sacris Scripturis credunt, comprehendunt quod quæ præter rectam rationem ab hominibus exercebantur, non præter dæmones sunt. Sic igitur Iudæi virtute dæmonis putabant Iesum dixisse: *Si quis sermonem meum servaverit, mortem non videbit in æternum.* Hoc autem passi sunt, quia Dei virtutem non perpexerunt: nam hic de morte quadam inimica rationi, qua pereunt delinquentes, hoc falsus est: hi vero de communi morte coniectantes esse quod dicitur, increpant dicentem, quasi defuncto Abraham, & Prophetis: unde subditur: *Abraham mortuus est, & Propheta, & tu dicis: Si quis sermonem meum servaverit, mortem non gustabit in æternum.* Cum aliqua differentia sit inter mortem gustare & videre, pro eo quod *Mortem non videbit, Mortem non gustabit* protulerunt, velut incauti auditores, confundentes dominicum sermonem. Sicut enim Dominus in quantum panis vivus est, gustabilis est; in eo vero quod est sapientia, est visibilis pulchritudinis: sic etiam adversaria eius mors & gustabilis est, & visibilis. Cum ergo quis steterit per Iesum in intellectuali loco, mortem non gustabit, si statim servare, secundum illud Matth. XVI. „Sunt de hic“, stantibus qui non gustabunt mortem.“ Cum autem aliquis sermonem Christi acceperit, & custodierit, mortem non videbit. CHRYSOSTOMUS (homil. ead.) Rursus autem ex inani gloria (1) ad cognitionem confugiunt: unde sequitur: *Nam quid tu major es patre nostro Abraham, qui mortuus est?* Poterant etiam dicere: Nam quid tu major es Deo, cuius sermonem qui audierunt mortui sunt? Sed non dicunt hoc, quia etiam quam Abraham minorem eum æstimabant. ORIGENES (tom. XXVI.) Non enim discernunt, quia non solum Abraham, sed etiam quolibet nato ex muliere, qui natus est ex Virgine maior est. Nec verum dicebant Iudæi: *Abraham mortuus est*: audivit enim verbum Christi, atque servavit. Et huiusmodi simile dices de Prophetis, de quibus subdunt: *Et Propheta mortui sunt*: nam & verbum Filii Dei custodierunt, cum ver-

(1) Ad cognitionem.

verbum Domini factum fuerit ad Osee, vel Esaiam, vel Hieremiam; quod si quis alius custodivit, ipsi Prophete custodierunt. Mendacium ergo dicunt & in hoc, *Scimus quia damnum habes*, & in hoc, *Abraham mortuus est*, & *Propheta*. GREGORIUS in hom. (ut supra.) Quia enim æternæ morti inhæserant, & eandem mortem, cui inhæserant, non videbant, cum solam mortem carnis aspicerent, in veritatis sermone calligabant. Subdunt autem: *Quem testum facis?* THEOPHYLACTUS. Quali dicant: Tu, qui nulla cura dignus es, carpentarii filius de Galilæa, tibi subripis gloriam. BEDA. *Quem testum facis?* hoc est, cuius meriti, cuius dignitatis vis credi? Abraham tamen mortuus erat corpore, anima autem vivebat. Maior autem est mors animæ in æternum viduæ, quam corporis quandoque morituri. ORIGENES (ubi supra.) Cæcutionem autem fuit hæc prolatio: quoniam non se fecit Iesus id quod est, sed ex Patre recepit: unde sequitur: *Respondit Iesus: Si ego glorifico meipsum, gloria mea nihil est.* CHRYSOSTOMUS (hom. lvi.) Hoc quantum ad eorum suspensionem dixit, sicut & supra v. *Testimonium meum non est verum, si testimonium perhibeo de me ipso.* BEDA. Huius autem verbi nihil est offendit gloriam vitæ præsentis. AUGUSTINUS (tract. xliii. in Ioan.) Dixit autem hoc propter illud quod dixerant, *Quem testum facis?* Refert enim gloriam suam ad Patrem, de quo est: unde subdit: *Est Pater meus qui glorificat me.* De isto verbo clamantur Atriani fidei nostræ, & dicunt: Ecce maior est Pater, quia glorificat Filium. Hæretici, non legis & ipsum Filium dicentem, quod glorificet Patrem suum? ALCUINUS. Glorificavit autem Pater Filium, cum tempore baptismi, & in monte, & tempore passionis coram turbis vox facta est ad eum, & post passionem eum resuscitavit, & collocavit eum ad dexteram suæ maiestatis. (1) CHRYSOSTOMUS (hom. ead.) Addidit autem: *Quem vos dicitis quia Deus vester est?* volebat enim ostendere quoniam non solum Patrem eum nesciebant, sed neque Deum. THEOPHYLACTUS. Nam si vere Patrem cognoscerent, Filium eius venerarentur. Deum etiam contemnunt, qui homicidium in lege prohibuit, adversus Christum clamantes: unde subdit: *Et non cognovistis eum.* ALCUINUS. Quasi dicat: Vos carnaliter illum

Deum vestrum vocatis; pro temporalibus ei servitis; & non cognovistis eum, sicut intelligendus est; spiritualiter ei servite nescitis. AUGUSTINUS (tract. xliii.) Quidam hæretici dicunt Deum annuntiatum in veteri testamento non esse Patrem Christi, sed nescio quem principem malorum angelorum. Contra ipsos ergo dicit Patrem suum quem illi dicebant Deum suum, & non cognoverunt. Si enim ipsum cognovissent, eius Filium recepissent. De se autem subdit: *Ego autem novi eum.* Secundum carnem iudicantibus potuit & hic arrogans videri; sed arrogantia non ita caveatur ut veritas relinqueretur: propter quod subdit: *Et si dixero quia non scio eum, vere similis vobis mendax.* CHRYSOSTOMUS (hom. eadem.) Quasi dicat: Sicut vos dicentes scire eum, mentimini; ita ego si dixero me nescire. Sed maxima demonstratio est, quod ab illo sit missus, hoc quod sequitur: *Sed scio eum.* THEOPHYLACTUS. (2) Naturaliter ipsius cognitionem obtinens: qualis enim ego sum, talis & Pater, quoniam ego meipsum cognosco, & illum cognosco. Præbet autem iudicium quod ipsum cognoscat: cum subdit: *Et sermonem eius servo;* sermonem mandata nuncupans. Quidam autem sic intelligunt hoc quod dicitur, *Sermonem eius servo*, id est rationem substantiæ eius: eadem enim est ratio substantiæ Patris, & Filii: ideoque Patrem cognosco: nam & pro quoniam sumitur, ut sit sensus, Quoniam eius sermonem (3) servo. AUGUSTINUS (tract. xliii.) Sermonem etiam Patris tamquam Filius loquebatur; & ipse erat Verbum Patris, quod hominibus loquebatur. CHRYSOSTOMUS (homil. ead.) Et quia dixerant: *Numquid tu maior es patre nostro Abraham?* nihil de morte exponens, se maiorem quam Abraham esse ostendit consequenter cum subdit: *Abraham pater vester exultavit ut videret diem meum: vidit, & gavisus est,* scilicet propter beneficium quod a me habet, ut a maiore. THEOPHYLACTUS. Quasi dicat: Diem meum desiderabilem habuit, & lætitiæ plenum; non quasi alicuius minimi, aut sortuiti. AUGUSTINUS (tract. xliii.) Non timuit, sed exultavit ut videret: credens utique exultavit sperando, ut videret intelligendo diem meum. Incertum autem potest esse utrum dixerit temporalem diem Domini, quo erat venturus in carne, an diem Domini qui nescit ortum, nescit oc-

ca-

(1) Nicetas pene indidem d'heresyum ad illa tantum verba, Volebat enim ostendere. (2) Nicetas legit: Naturaliter omnimodam ipsius cognitionem &c. (3) Idem supradidit vel rationem.

caſum. Sed ego non dubito patrem Abraham totum ſcilicet ait enim ſervo ſuo quem mittebat: „Pone manum ſub timore meo,“ & iura mihi per Deum cæli: „Gen. xiv. Ergo quæ fuit illa iratio, niſi quia ſignificabatur de genere Abraham venturum in carne Deum cæli? GREGORIUS (hom. xv. in Evang.) Tunc etiam diem Domini Abraham vidit, cum in figura (1) ſummæ Trinitatis tres Angelos hoſpitio ſuſcepit. CHRYSOSTOMUS (homil. liv.) Vel diem ſuum dicit diem crucis, quem Abraham in oblatione arietis, & Isaac præfiguravit; per hoc offendens quod non invitatus ad paſſionem venit, & offendens eos eſſe alienos ab Abraham, ſi in quibus ille exultavit, hi dolent. AUGUSTINUS (tract. xliii.) Quale autem gaudium fuit cordis videntis Verbum manens, ſplendorem piis mentibus reſurgentem, apud Patrem manentem Deum, & aliquando in carne venturum non de Patris gremio reſeſſurum?

(2) GREGORIUS (homil. xviii. in Evang.) Carnales mentes Iudæorum audientium verba Chriſti, oculos a carne non ſublevant, dum in eo ſolam carnis ætatem penſant: unde dicitur: *Dixerunt ergo Iudæi ad eum: Quinquaginta annos nondum habet, & Abraham vidisti?* quaſi dicerent: Multa ſunt annorum curricula, ex quo Abraham mortuus eſt, & quomodo vidit diem tuum? Carnaliter enim hoc intellexerunt. THEOPHYLACTUS. Tunc autem triginta trium annorum Chriſtus erat: quare ergo non dixerunt, Quadraginta annos nondum habes, ſed quinquaginta? Supervacua eſt huiusmodi quaſtio: ſimpliciter enim prout eis occurrit dixerunt. Reſpondent tamen quidam quod per quinquageſimum annum ex reverentia iubilæum nominant, in quo & captivos manumittebant, & emptitiis poſſeſſionibus cedebant. GREGORIUS (hom. eadem.) Quos benigne Redemptor noſter a carnis ſuæ intuitu ſubmoveret, & ad divinitatis contemplationem trahit: unde ſequitur: *Dixit ergo eis Ieſus: Amen amen dico vobis: antequam Abraham fieret, ego ſum.* Ante enim præteriti temporis eſt, ſum vero præſentis; & quia præteritum, & ſu-

turum tempus divinitas non habet, ſed ſemper eſſe habet, non ait, Ante Abraham ego ſui, ſed ante Abraham ego ſum: ſecundum illud Exod. xii. „Ego ſum qui ſum.“ Ante ergo, vel poſt Abraham habuit eſſe, qui & accedere potuit per exhibitionem præſentia, & recedere per curſum vitæ. AUGUSTINUS (tract. xliii.) Quia vero creatura eſt Abraham, non dixit, Antequam Abraham eſſet, ſed antequam fieret; neque dixit, Ego factus ſum: nam in principio erat Verbum. GREGORIUS (hom. eadem.) Sed ſuſtinere iſta æternitatis verba mentes infidelium non valentes, quem intelligere non poterant, obruere quærebant: unde ſequitur: *Tulerunt ergo lapides Iudæi, ut iacerent in eum.* AUGUSTINUS (tract. xliii.) Tanta duritia quo curreret, niſi ad ſimiles, ſcilicet lapides: „Quia veropoſſquam cuncta quæ ad eum ſpectabant, docendo perſeſcerat, hi lapides iniiciunt, deleſcit eos quaſi correptionem non ſuſcipientes: unde ſubditur: *Ieſus autem abſcondit ſe, & exivit de templo.* Non autem abſcondit ſe in angulo templi, quaſi timens, aut in domumculam fugiens, vel poſt murum, aut columnam divertens; ſed cælica poteſtate inviſibilem inſidiantibus ſe conſtituens, per medium illorum exivit. *Ieſus autem abſcondit ſe, & exivit de templo.* GREGORIUS (hom. xviii. ut ſupra.) Qui ſi divinitatis ſuæ potentiam exercere voluiſſet, tacito nutu mentis in ſuis eos (1) actibus ligaret, aut in præſenti ſubitæ mortis obrueret. Sed qui pati venerat, exercere iudicium nolebat. AUGUSTINUS (ut ſupra.) Magis enim erat commendanda (2) lapientia, quam exercenda potentia. ALCUINUS. Ideo etiam fugit, quia nondum venerat hora paſſionis, & quia ipſe non elegerat hoc genus mortis. AUGUSTINUS (tract. xliii.) Ergo (4) tamquam homo a lapidibus fugit; ſed vix illis quorum lapideis cordibus fugit Deus. BEDA b. Myſticæ autem quot malas cogitationes quis aſſumit, quaſi tot lapides in ſeſum mittit; ac deinde quantum ad ſe perſectinet, ſi ad deliberationem tranſit, ſeſum extrinſecut, GREGORIUS (hom. eadem.)

Quid

(1) *M. omittitur ſumma.* (2) *Nicola ex Gregorio repetit ſcribit.* (3) *Item ex Auguſtino corrigi legendo potieſta.* (4) *M. tamquam homo lapidibus ſuit.*

EX EDITIONE P. NICOLAI.

* THEOPHYLACTUS. Eius nomine prætermiſſo, editiones præcedentes ex Auguſtino hæc notant uno tenore cum prædiſtis. b Quod ex Beda ſubſungitur, nec apud illum, nec alibi occurrit; ſed aliquid analogice huic pertinet ex Origene ſuper Librum Iudicum, hom. 2. peti poſſe.

Quid autem abscondendo se Dominus significat, nisi quod eis ipsa veritas absconditur qui eius verba sequi contemnunt? Eam quippe quam non invenit humilem, veritas fugit mentem. Quid autem nobis hoc exemplo loquitur, nisi ut etiam cum resistere possumus, iram superbientium humiliter declinemus?

C A P U T IX.

(a) **ET** præteriens Iesus, vidit hominem cæcum a nativitate: & interrogaverunt eum discipuli eius: Rabbi, quis peccavit, hic, aut parentes eius, ut cæcus nasceretur? Respondit Iesus: Neque hic peccavit, neque parentes eius; sed ut manifestentur opera Dei in illo. Me oportet operari opera eius qui misit me, donec dies est. Venit nox, quando nemo potest operari. Quamdiu sum in mundo, lux sum mundi. Hæc cum dixisset, expuit in terram, & fecit lutum ex spuo, & linit lutum super oculos eius, & dixit ei: Vade, lava in naratoria Siloe, quod interpretatur missus. Abiit ergo, & lavit, & venit videns.

(b) Itaque vicini, & qui viderant eum prius, quia mendicus erat, dicebant: Nonne hic est qui sedebat, & mendicabat? Alii dicebant, Quia hic est; alii autem, Nequaquam, sed similis est eius. Ille vero dicebat, Quia ego sum. Dicebant ergo ei: Quomodo aperti sunt tibi oculi? Respondit: Ille homo qui dicitur Iesus, lutum fecit, & unxit oculos meos, & dixit mihi: Vade ad naratoria Siloe, & lava. Et abii, & lavi, & video. Et dixerunt ei, Ubi est ille? Ait, Nescio. Adducunt eum ad pharisæos qui cæcus fuerat. Erat autem sabbatum quando lutum fecit Iesus, & aperuit oculos eius. Iterum ergo interrogabant eum pharisæi quomodo vidisset. Ille autem dixit eis: Lutum mihi posuit super oculos, & lavi, & video. Dicebant ergo ex pharisæis quidam: Non est hic homo a Deo, qui sabbatum non custodit. Alii autem dicebant: Quomodo potest homo peccator hæc signa facere? Et schisma erat inter eos. Dicunt ergo cæco iterum: Tu quid dicis de illo qui aperuit oculos tuos? Ille autem dixit, quia Propheta est.

(c) Non crediderunt ergo Iudæi de illo quia cæcus fuisset, & vidisset, donec vocaverunt parentes eius qui viderat, & interrogaverunt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? Responderunt eis parentes eius, & dixerunt: Scimus quia hic est filius noster, & quia cæcus natus est. Quomodo autem nunc videat, nescimus; aut quis eius aperuit oculos, nos nescimus: ipsum interrogate: ætatem habet, ipse de se loquatur. Hæc dixerunt parentes eius, quoniam timebant Iudæos. Iam enim conspiraverant Iudæi, ut si quis eum confiteretur esse Christum, extra synagogam fieret. Propterea parentes eius dixerunt: Quia ætatem habet, ipsum interrogate.

(d) Vocaverunt ergo rursum hominem qui fuerat cæcus, & dixerunt ei: Da gloriam Deo. Nos scimus quia hic homo peccator est. Dixit ergo eis ille: Si peccator est, nescio: unum scio, quia cæcus cum essem, modo video. Dixerunt ergo illi: Quid fecit tibi? Quomodo aperuit tibi oculos? Respondit eis: Dixi vobis iam, & audistis. Quid iterum vultis audire? Numquid & vos vultis discipuli eius fieri? Maledixerunt ergo ei, & dixerunt: Tu discipulus illiusus; nos autem Moyse discipuli sumus. Nos scimus quia Moyse locutus est Deus; hunc autem nescimus unde sit. Respondit ille homo, & dixit eis: In hoc enim mirabile est quia vos nescitis unde sit, & aperuit meos oculos. Scimus autem quia peccatores Deus non audit; sed si quis Dei cultor est, & voluntatem eius facit, hunc exaudit. A sæculo non est auditum quia quis aperuit oculos cæci nati. Nisi esset hic a Deo, non posset facere quidquam. Responderunt, & dixerunt ei: In peccatis natus es totus, & tu doces nos? Et eiecerunt eum foras.

(c) Audivit Iesus quia eiecerunt eum foras, & cum invenisset eum, dixit ei: Tu credis in Filium Dei? Respondit ille, & dixit: Quis est, Domine, ut credam in eum? Et dixit ei Iesus: Et vidisti eum, & qui loquitur tecum, ipse est. At ille ait, Credo, Domine; & procidens adoravit eum. Et dixit eis Iesus: In iudicium ego in hunc mundum veni, ut qui non vident videant, & qui vident cæci fiant. Et audierunt quidam ex pharisæis qui cum ipso erant, & dixerunt ei: Numquid & nos cæci sumus? Dixit eis Iesus: Si cæci essetis, non haberetis peccatum. Nunc vero dicitis, Quia videmus. Peccatum vestrum manet.

(a) **C**HRYSOSTOMUS (hom. lv.)

Quia Iudæi sermonem Christi altitudinem non susceperant, exiens de templo curavit cæcum, subabsentia eorum suorem mitigans, & per operationem signi, eorum duritiam molliens, & de his quæ dicta sunt a se, faciens fidem: unde dicitur: *Et præteriens Iesus, vidit hominem cæcum a nativitate.* Ubi considerandum, quod egrediens de templo, studiole venit ad opus sui manifestativum: ipse enim vidit cæcum, non cæcus ad eum accessit; & ita studiose respexit ut discipuli eius videntes eum studiose aspicientes interrogarent: sequitur enim: *Et interrogaverunt eum discipuli eius: Rabbi, quis peccavit, hic, an parentes eius, ut cæcus nasceretur?* AUGUSTINUS (tract. xlv.) Rabbi magister est. Magistrum appellant, quia discere cupiebant: quætionem quippe proposuerant Domino tanquam magistro. THEOPHYLACTUS. Videtur tamen hæc quæstio peccare: neque enim susceperant Apostoli nugæ Gentilium, quoniam anima in alio sæculo vivens peccavit: sed diligenter intuenti non apparet simplex hæc quæstio. CHRYSOSTOMUS (hom. eadem.) Venerunt enim ad hanc interrogationem, quia prius supra v. paralyticum curans dixit: *Ecce sanus factus es: non ultra pecces.* Illi igitur cogitantes, quia propter peccata fuerat ille paralyticus solutus, quærun de isto, *Si hic peccavit;* quod non est dicere, a nativitate enim cæcus est: aut parentes eius; sed neque hoc, filius enim pro patre non sustinet penam.

Sequitur: *Respondit Iesus: Neque hic peccavit, neque parentes eius.* AUGUSTINUS (tract. eodem.) Numquid vel ipse sine originali peccato natus erat, vel vivendo nihil addiderat? Habebat ergo peccatum & ipse, & parentes eius, sed non ipso peccato factum est ut cæcus nasceretur. Ipse autem causam dicit quare cæcus sit natus, cum subdit: *Sed ut manifestentur opera Dei in illo.* CHRYSOSTOMUS (ut supra.) Non autem ex hoc ostendit quod alii cæci facti sunt propter peccata parentum: neque enim contingit uno peccante alium pu-

niri. Quod autem dicit, *Ut manifestetur gloria Dei,* de seipso dicit, non de Patre: illius enim gloria iam manifesta erat. Sed numquid iste iniuste passus est? Sed ego eum beneficium accepisse dico per cæcitatem: per hanc enim interioribus respexit oculis. Qui vero ex non ente ad esse eum deduxit, potestatem habebat absque iniuria & ita eum dimittere. Dicunt autem quidam, quoniam ut hic non escaulativum, sed significativum eventum, sicut & illud Rom. v. Lex subintravit, ut abundaret delictum: sic & hoc consecutum est, ut Dominus oculis clausos aperiens, & alia naturalis infirmitatis documenta corrigens, suam demonstraret virtutem. GREGORIUS in Præf. Moral. (cap. v.) Alia itaque est percussio qua peccator percutitur, ut sine retractatione puniatur, alia qua peccator percutitur, ut corrigatur; alia qua quisque percutitur, non ut præterita corrigat, sed ne ventura committat; alia per quam nec præterita culpa corrigitur, nec futura prohibetur. Sed dum inopinata salus percussione sequitur, salvantis virtus cognita ardentius amatur. CHRYSOSTOMUS (hom. eadem.) Et quia de seipso dicit, *Ut manifestetur gloria Dei,* subiungit: *Me oportet operari opera eius qui misit me;* id est, me oportet manifestare meipsum, & facere ea quæ manifestent me Patri eadem facientem. BEDA. Cum enim Filius se operari opera Patris asseruit, sua, & Patris opera eadem esse monstravit; quæ sunt infirma salvare, debilia roborare, homines illuminare. AUGUSTINUS (tract. eodem.) Per hoc autem quod dicit, *Qui misit me,* universam gloriam dat illi de quo est, quia ille habet Filium qui de illo sit; ipse non habet de quo sit. CHRYSOSTOMUS (ut supra.) Addidit autem, *Donec dies est;* id est, donec licet credere hominibus in me, donec vita hæc consiliet, oportet me operari: & hoc ostendit subdicens: *Venit nox, quando nemo potest operari.* Nox dicta est, secundum illud Matth. xxii. Proiecite enim in tenebras exteriores: Ibi ergo erit nox, ubi nemo potest operari, sed recipere quod op-

ratu

ratus est. Cum vivis, fac si quid facturus es: ultra enim neque fides est, neque labores, neque poenitentia. AUGUSTINUS (tract. eodem.) Si autem modo operamur, hic est dies, hic est Christus: unde subdit: *Quamdiu sum in mundo, lux sum mundi.* Ecce ipse est dies. Dies iste qui circuitu solis impletur, paucas horas habet; dies praeientiae Christi usque in consummationem saeculi extenditur: ipse enim dixit Matth. xxviii. „Ecce ego vobiscum sum, usque in consummationem saeculi.“ CHRYSOSTOMUS (hom. lv. & lvi.) Quia vero sermonem quem dixerat, propterea credi fecit, subiungit Evangelista: *Hec cum dixisset, exivit in terram, & fecit lutum ex spato, & livit lutum super oculos caeci.* Qui autem maiores substantias de nihilo ad esse perduxit, multo magis oculos sine materia fecisset; sed voluit docere, seipsum esse creatorem, qui in principio usus est luto ad hominis formationem. Ideo autem non aqua utitur ad lutum faciendum, sed spato, ut nihil ascribatur fonti; sed discas quoniam virtus oris oculos aperuit, & plasmavit: & deinde ut non videatur eis ex virtute terrae esse curatio, iussit lavari: unde sequitur: *Et dixit ei: Vade, & lava ad natatorium Siloe, quod interpretatur missus: ut discas quoniam non indigeo luto ad faciendos oculos.* Et quia in Siloe erat virtus Christi, quae omnia operabatur, propter hoc & interpretationem nobis Evangelista adiecit, dicens: *Quod interpretatur missus: ut discas quoniam & illic Christus eum curavit.* Sicut enim Apostolus dicit II. Corinth. x. quod „petra“, erat Christus, „ita & Siloe spiritualis erat, cuius repentinus aquae defluxus occulte insinuat nobis Christi manifestationem praeter omnem spem.“ Sed quare non statim eum fecit lavari, sed ad Siloe misit? Ut destruat ludaeorum inde votio: conveniens enim erat omnes eum videre euntem, & lutum super oculos habentem. Et etiam volens ostendere, quoniam non alienus est a lege, & veteri testamento, mittit eum ad Siloe. Non autem erat timendum ne Siloe sumeret hanc gloriam: multi enim lavantes ibi oculos, nullo tali beneficio sunt potiti. Et iterum ut discas caeci fidem, qui non contradixit, neque cogitavit apud seipsum: Lutum solet magis excutere: multoties lavi in Siloe; & in nullo sum adiutus: siquam virtutem haberet, praesens utique curasset. Sed simpliciter obedivit: unde sequitur: *Abit ergo, & lavit, & venit videns.* Sic igitur manifestavit suam glo-

riam: non enim parva gloria est ut aestimetur auctor creationis: ea enim quae maiori est fides, quod minus est certificat. In universa autem creatione honorabilior est homo; eorum autem quae in nobis sunt membrorum honorabilior est oculus: hic enim corpus gubernat, hic ornat visum; & quod sol est in orbe terrarum, hoc est oculus in corpore: unde superiorem locum sortitur, sicut in quodam regali loco collocatus. THEOPHYLACTUS. Quidam tamen dicunt, quod lutum non fuit depositum, sed in oculo est conversum. BEDA. Mystice autem postquam expulsus est de cordibus ludaeorum, mox transivit ad Gentilium populum. Praeterire autem eius, vel iter facere, est de caelis in terram descendere. Itaque videt caecum, cum misericorditer respexit genus humanum. AUGUSTINUS (ut supra.) Genus enim humanum est iste caecus: haec enim caecitas contigit in primo homine per peccatum, de quo omnes originem duximus: caecus est ergo a nativitate. Spuit Dominus in terram, de saliva sua lutum fecit, quia Verbum caro factum est, & inunxit oculos caeci. Inunxerat, & nondum videbat: quando enim inunxit, forte eum catechumenum fecit. Mirit illam ad piscinam, quae vocatur Siloe, quia baptizatus est in Christo, & tunc eum illuminavit. Percinuit autem ad Evangelistam ut commendaret nobis nomen huius piscine; & ait: *Quod interpretatur missus: nisi enim ille fuisset missus, nemo nostrum esset ab iniquitate dimissus.* GREGORIUS VIII. Mor. (cap. xxi. in nov. codd. xii.) Vel aliter. Per salivam saporem intimae contemplationis accipitur, quae ad os a capite defluit, quia de claritate conditoris adhuc in hac vita nos positos gustu revelationis tangit: unde Dominus salivam luto miscuit, & caeci nati oculos reparavit, quia superna gratia carnalem cognitionem nostram per admixtionem suae contemplationis irradiat, & ab originali caecitate hominem ad intellectum reformat.

(b) CHRYSOSTOMUS (hom. lvi.) Inopinabilitas facti miraculi incredulitatem inducebat; & ideo dicitur: *Itaque vicini, & qui viderant eum: prius quia mendicis erat, dicebant: Nonne hic est qui sedebat, & mendicabat?* Mirabilis Dei clementia quod descendebat? Eos qui mendicabant, cum multa devotio curabat, & hinc ludaeorum os obstruens, quoniam non praeciaros, non insignes, neque principes, sed ignobiles sua dignos ducebat providentia: etenim in salutem omnium venerat. Sequitur: *Alii di-*

uebant, quia hic est. Cæco enim per longamduccerent ad eos; quia vero non habuerunt viam eunte diligentes inspectores facti ex inopinabilitate eius quod viderant, non ultra poterant dicere, Non est hic.

Sequitur: *Alii autem, Nequaquam, sed similis eius est.* AUGUSTINUS (tract. xlv.) Aperi enim oculi vultum mutaverunt. Sequitur: *Ille autem dicebat, Quia ego sum.* Vox grata, ne dâmetur ingrata.

CHRYSOSTOMUS (hom. lvi.) Non enim verecundus est de priori cæcitate, neque formidavit furore plebis, neque renuit ostendere seipsum, ut prædicet benefactorem. Sequitur: *Dicebant ergo ei: Quomodo aperti sunt oculi tui?* Hunc modum neque nos scimus, neque ipse qui curatus est novit; sed quod quidem factum est. novit, modum autem comprehendere non poterat, unde sequitur: *Respondit: Ille homo qui dicitur Iesus, lutum fecit, & linxit oculos meos.* Vide quomodo verax est. Non dixit unde fecit: quod enim non noverat, non dicit: neque enim scivit quoniam in terra exiit. Quoniam autem superunxit, per sensum tactus didicit. Sequitur: *Et dixit: Vade ad natatoria Siloe, & lava.* Et hoc etiam ex auditu testatus est: recognovit enim eius vocem ex disputatione cum discipulis.

Et quia ad unum se præparaverat, scilicet omnia sibi suaderi a iubente, subiungit: *Et abiit, & lavi, & vidi.* AUGUSTINUS (tract. xlv.) Ecce annuntiator factus est gratiæ, ecce evangelizator, & confitetur ludæis. Cæcus ille confitebatur, & cor impiorum stringebatur, quia non habebant in corde quod iam ille habebat in facie: unde sequitur: *Et dixerunt, Ubi est ille?* CHRYSOSTOMUS (ut supra.) Dicebant autem hoc, occisionem meditantes, iam enim adversus ipsum conspiraverant. Christus autem non aderat his qui curabantur, non enim quærebat gloriam, neque se ostentare. Recedebat etiam semper curans Iesus, ut omnis suspicio toleretur signorum. Qui enim non cognoscebant eum, qualiter ob gratiam eius se curatos confiterentur? unde sequitur: *Ait, Nescio.* AUGUSTINUS (tract. xlv.) In his verbis inundo similis erat, nondum vident; prædicat, & nescit quid prædicat. BÉDA. Unde figuram tenet catechumenorum, qui etsi credunt in Iesum, adhuc tamen eum quasi nesciunt, quia nondum loci existunt. Phariseorum autem erat approbare opus, vel improbare. CHRYSOSTOMUS (hom. lvi.) Iudæi igitur quærentes, *Ubi est ille?* volebant eum invenire, ut eum

ducunt cæcum: unde sequitur: *Adducunt eum ad phariseos qui cæcus fuerat, ut scilicet vehementius eum interrogarent.* Propterea autem & Evangelista subdit: *Erant autem sabbatum quando lutum fecit Iesus, & aperuit oculos eius:* ut scilicet eorum malam mentem demonstraret, & causam propter quam eum quærebant, ut scilicet occasionem contra eum invenirent, & ut detraherent miraculo per æstimationem legis prævaricationem: quod etiam manifestum est ex his quæ sequuntur: sequitur enim: *Iterum ergo interrogabant eum pharisei quomodo videris.* Vide autem qualiter non turbatur cæcus: nam quandoquidem turbis dicebat sine periculo interrogatus, non ita magnum erat veritatem dicere; mirabile autem est nunc, quod in ampliori periculo constitutus neque negat, neque contraria dicit prioribus: sequitur enim: *Ille autem dixit eis: Lutum posuit mihi super oculos meos, & lavi, & vidi.* Hoc autem ad eos qui iam audierant succinctius loquitur: non (1) enim dixit nomen dicentis, neque quoniam dixit mihi, *Vade, & lava;* sed confessum: *Lutum mihi posuit super oculos, & lavi, & vidi:* & sic contrarium passi sunt eius quod volebant: duxerunt enim eum ut negatorem, sed ab eo certius didicerunt.

Sequitur: *Dicebant ergo ex phariseis. AUGUSTINUS (tract. xlv.)* Non omnes, sed quidam: iam enim inungebantur quidam. Dicebant ergo nec videntes, nec inquam. *Et: Non est hic homo a Deo, qui sabbatum non custodit.* Ipse potius custodiebat qui si, ne peccato erat: sabbatum enim observare spiritualiter, est non habere peccatum; & hoc admonet Deus quando commendat sabbatum Exod. xx. „Omne opus servile non facietis.“ Quid sit opus servile, a Domino audite, supra viii. *Omnia qui faciunt peccatum, servus est peccati.* Sed isti sabbatum carnaliter observabant, spiritualiter violabant. CHRYSOSTOMUS (hom. lvi.) Malitiose autem quod factum est silentes, æstimationem prævaricationem in medium ferebant: non enim dicebant quoniam sabbato curat, sed quoniam sabbatum non servat. Sequitur: *Alii dicebant: Quomodo potest homo peccator hoc signa facere?* A signis enim inducebantur: sed imbecilliter erant dispositi: congruum enim erat ostendere qualiter sabbatum non solvitur: sed nondum hanc habebant mentem quod Deus esset, ut possent respondere quoniam Dominus sabbati hæc

ec it.

(1) *Al. deest enim.*

fecit. Nullus denique eorum audebat ea quæ volebat, manifeste dicere, sed in ambiguitate: hi quidem propter improbabilitatem, alii vero propter amorem principatus. Sequitur: *Et scissura erat inter eos.* AUGUSTINUS (ut supra.) Dies enim erat Christus qui inter lucem & tenebras dividit. CHRYSOSTOMUS (homil. lvi.) Volentes autem qui dixerant, *Homo peccator non potest talia signa facere*, os aliorum obstruere, eum qui suscepit virtutis experientiam, in medium ducunt, ut non videantur ipsi (1) advocacione uti: unde sequitur: *Dicunt ergo cæco iterum: Tu quid dicis de illo qui aperuit tibi oculos?* THEOPHYLACTUS. Vide quomodo benevole querunt: non enim dixerunt: Tu quid dicis de illo qui sabbatum non observat? sed miraculum commemorant: *Quomodo aperuit tibi oculos?* pene ipsum sanatum concitantes; quasi dicerent: Benefecit tibi, unde debes eum prædicare. AUGUSTINUS (tract. xlv.) Vel quærebant quemadmodum hominem calumniarentur, ut eum ex synagoga eicerent. Sed ille constanter quod sentiebat expressit: unde sequitur: *Ille autem dixit, quia Prophetia est.* Adhuc quidem inunctus in corde, nondum Dei Filium confitebatur; non mentitur tamen: ipse enim Dominus de seipso ait Luc. iv. „Non est Prophetia sine honore „ nisi in patria sua.“

(c) CHRYSOSTOMUS (hom. lvi.) Quia pharisæi cæcum attonitum facere non valuerunt, sed videbant eum cum omni pro- palacione benefactorem suum prædicantem, per parentes putabant Christi miraculum annihilare: unde dicitur: *Non crediderunt ergo Iudæi de illo quia cæcus fuisset, & vidisset, donec vocaverunt parentes eius qui viderat.* AUGUSTINUS (tract. xlv.) Idem, cæcus (2) fuerat, & viderat. CHRYSOSTOMUS (ubi supra.) Sed hæc est veritatis natura: per quæ putatur insidiis pati, per hæc fortior fit mendacium enim sibi ipsi quidem obviat, & per ea per quæ lædere veritatem videtur, per ea clariorem eam ostendit; quod & nunc factum est. Ne enim aliquis diceret quod vicini nihil cæcum dixerunt, sed per quamdam assimilationem locuti sunt, parentes in medium ducuntur, qui maxime suum filium cognoscebant. Statuentes autem eos in medium, cum multo furore interrogant: unde sequitur: *Et interrogaverunt eos, dicentes: Hic est filius noster? & non dicunt, Qui quandoque fuit cæcus, sed quem dicitis quia natus est*

cæcus. (3) O iniqui! Quis pater eligeret talia mentiri de filio? Solum non dicunt, Quem vos fecistis cæcum. Duobus autem his ad negationem eos inducere conantur, & in hoc quod dicant, *Quem dicitis quia natus est cæcus*, & in hoc quod subdunt, *Quomodo ergo nunc videt?* THEOPHYLACTUS. Quasi dicant: Aut hoc falsum est quod nunc videat, aut primum quod cæcus fuerit; sed constat hoc esse verum quod videt: falsum ergo fuit quod cæcum eum dicebatis. CHRYSOSTOMUS (ubi supra.) Tribus ergo interrogationibus factis: si filius eorum est, si cæcus fuit, & qualiter vidit, duas confitentur: unde sequitur: *Respondunt ergo ei parentes eius, & dixerunt: Scimus quia hic est filius noster, & quia cæcus natus est.* Tertiam autem abiciunt: unde subdunt: *Quomodo autem nunc videt nescimus, aut quis eius aperuit oculos nos nescimus.* Et hoc etiam pro veritate factum est, ut nullus alius, sed is qui curatus est, & qui dignus fide erat, hoc confiteretur: unde sequitur: *Ipsam interrogat: atatem habet, ipse de se loquatur.* AUGUSTINUS (tract. xlv.) Quasi dicant: Iuste cogere loqui pro infante, quia ipse pro le loqui non posset. Cæcum a nativitate novimus, sed loquentem. CHRYSOSTOMUS (hom. lvi.) Qualiter ergo grati fuerint parentes, qui eorum quæ sciebant quædam tacerent propter timorem Iudæorum? Sequitur enim. *Hæc dicebant parentes eius, quia timebant Iudæos.* Rursus & hic opinionem Iudæorum, & mentem Evangelistæ inducir: unde sequitur: *Iam enim conspiraverant Iudæi ut si quis eum confiteretur esse Christum, extra synagogam ferret.* AUGUSTINUS (tract. xlv.) Iam non erat malum fieri extra synagogam: illi expellebant, Christus suscipiebat.

Sequitur: *Propterea parentes eius dixerunt: Quia atatem habet, ipsum interrogate.* ALCUVIUS. In quo ostendit Evangelistæ, illos non per ignotantiam, sed propter metum talia respondisse. THEOPHYLACTUS. Imbecilliores enim filio erant, qui testis aderat intrepidus veritatis, illuminatos habens oculos intellectus a Deo.

(d) CHRYSOSTOMUS (hom. lvi.) Quia parentes miserunt pharisæos ad illum qui curatus est, rursus vocaverunt eum secundo: unde dicitur: *Vocaverunt ergo rursus hominem qui cæcus fuerat.* Non autem manifeste dicunt, Nega quoniam Christus te curavit; sed sub prætextu religionis ad hoc cum

(1) *Al. Legit Iudæi adulatione.* (2) *Al. erat.* (3) *Al. O iniquissimi.*

eum inducere volunt : unde sequitur : *Da gloriam Deo*; quasidicant: Confitere quia hic nihil est operatus. AUGUSTINUS (tract. xlv.) Nega quod accepisti. Hoc planenon est Deo gloriam dare, sed Deum potius blasphemare. ALCUVINUS. Sic autem volebant illum dare gloriam Deo, ut, sicut & ipsi, Christum diceret peccatorem: unde sequitur: *Nos scimus quia hic homo peccator est*. CHRYSOSTOMUS (hom. lviii.) Qualiter ergo non arguimus eum dicentem supra viii. *Quis ex vobis arguet me de peccato?* ALCUVINUS. Sed ille ut neque pateret calumniæ, neque veritatem celaret, non dixit, Scio eum iustum: nam sequitur: *Dicit ergo ille: Si peccator est, nescio*. CHRYSOSTOMUS (homil. lvii.) Qualiter qui dixit, *Quoniam Propheta est*, nunc dicit: *Si peccator est nescio?* Numquid modo timuit cæcus? Abiit; sed voluit Christum a rei testimonio, & non a sua voce ab inculpatione eripere, & suam responsum facere fidedignam ab accepto beneficio: unde subdit: *Unum scio, quia cæcus eam esse, modo vides*, quasi dicat: Nihil modo de hoc dico, utrum sit peccator, sed iterum dico quod manifeste novi. Quia igitur nequiverunt evertere quod factum est, ad priores redeunt sermones, rursum modum curationis inquirentes; sicut canes quidem venationem nunc huc, nunc illuc investigantes: unde sequitur: *Dixerunt ergo illi: Quid fecit tibi? Quomodo aperuit tibi oculos?* hoc est, numquid præstigio aliquo? Non enim dixerunt, Qualiter vidisti? sed Qualiter aperuit oculos tibi? dantes occasionem detrahendi contra eius operationem. Donec igitur res inquisitione indigebat, cæcus remisse loquebatur; quia vero iam vicerat, audacter de reliquo eis loquitur: unde sequitur: *Respondit eis: Dixi vobis iam, & audistis, quid iterum vultis audire?* quasi dicat: Non attenditis ad ea quæ dicuntur: unde ultra non respondebo vobis inaniter interrogantibus, & non volentibus addiscere, sed cavillari quæ dicuntur: unde sequitur: *Numquid & vos vultis discipuli eius fieri?* AUGUSTINUS (tract. xlv.) Quid est, *Numquid & vos*, nisi quia iam ego sum, numquid & vos vultis? iam video, sed non invideo. Hæc loquebatur iam stomachans adversus duritiam ludæorum, & ex cæco videns, non ferens cæcos. CHRYSOSTOMUS (hom. lvii.) Itaque (1) forte quid est veritas, ita imbecille mendacium: nam veritas quidem & si de-

spectus assumpserit, claros eos facit, vel ostendit; mendacium autem & si cum fortibus fuerit, imbecilles eos monstrat.

Sequitur: *Maledixerunt ergo ei, & dixerunt: Tu discipulus eius sis*. AUGUSTINUS (tract. xlv.) Maledictum est, si cor diluciat, non si verba perpendas. Tale maledictum super nos, & super filios nostros.

Sequitur: *Nos autem Moysi discipuli sumus; nos scimus quia Moysi locutus est Deus*. (2)

Sed tunc sciretis, quia per Moysen prædictus est Deus: habetis enim Dominum dicentem supra v. *Si crederetis Moysi, crederetis & mihi: de me enim ille scripsit*, (3) Itane sequimini servum, & dorum ponitis contra Dominum? nam subditis: *Hunc autem nescimus unde sit*. CHRYSOSTOMUS (hom. lvii.) Ea quæ per visum cognoscitis, auditu minora attestatis: illa enim quæ nosse vos dicitis, a progenitoribus audistis.

Sed nonne fide dignior est qui certificavit quod a Deo venit per miracula, quæ non solum audistis, sed vidistis? Unde sequitur: *Respondit ille homo, & dixit eis: In hoc enim mirabile est, quia vos nescitis unde sit, & apernit oculos meos*. Ubique signum inducit, quia hoc depravare non poterant, sed ab eo convincebantur: & quia dixerant, quod homo peccator non potest talia signa facere, de cetero illorum assuit iudicium, propria verba eis in memoriam reducens: unde subdit: *Scimus autem quia peccatores Deus non audit*; quasi dicat: Opinio hæc mea & vestra communis est. AUGUSTINUS (tract. xlv.) Adhuc tamen undus loquitur: nam & peccatores exaudit Deus. Si enim non (4) exaudiret, frustra publicanus diceret Luc. xviii., *Deus propitius esto mihi peccatori*: "ex illa confessione meruit iustificationem, quomodo ipse cæcus illuminationem. THEOPHYLACTUS. Vel dicendum est, quoniam quod dictum est, Deum non exaudire peccatores, hoc significat quod facere miracula Deus peccatores non concedit. Cum vero veniam implorant de commissis, translati sunt de gradu peccantium ad statum penitentium. CHRYSOSTOMUS (hom. lvii.) Er vide quod cum supra dixit, *Si peccator est nescio*, non dubicans dixit: hic enim non solum a peccatis eum excusat, sed valde Deo placentem ostendit: nam subdit: *Si quis Dei cultor est, & voluntatem eius facit, hunc exaudit*. Non enim sufficit Deum cognoscere, sed voluntatem eius facere. Deinde extollit quod

(1) *Nescit diluciat*. Ita forte quid &c. (2) *P. Nescit habet*: Unum scio etis quia Moysi locutus est Deus? Tunc sciretis &c. (3) *Id. Itane legem servum &c.* (4) *A. desit exaudiret*.

factum est, dicens: *A saeculo non est auditum, quia quis aperuit oculos caeci nati*; qualidicatur: Si confitemini quoniam Deus peccatores non audit, hic autem miraculum fecit, & tale quale nullus hominum fecit; manifestum est virtutem qua hoc fecit, maiorem esse, quam quae est secundum hominem virtus: unde subdit: *Nisi esset hic a Deo, non posset facere quidquam.* AUGUSTINUS (tract. xlv.) Libere, constanter, veraciter. Haec enim quae facta sunt a Domino, a quo fierent nisi a Deo? Aut quando a discipulis talia fierent, nisi in eis Dominus habitaret? CHRYSOSTOMUS (hom. lvii.) Quia ergo veritatem (1) locutus, in nullo confessus est; quando maxime admirari eum oportebat, tunc eum condemnant: sequitur enim: *Respondendum, & dixerunt ei: In peccatis natus es totus; & tu doces nos?* AUGUSTINUS (tract. xlv.) Quid est totus? Cum oculis clausis. Sed qui aperuit oculos, salvat & totum. CHRYSOSTOMUS (hom. lvii.) Vel dicunt, *Totus*; ac si dicant: A prima aetate in peccatis es. Hic igitur eius cæcitate ex robrant, offendentes quod propter peccata iustus est cæcus; quod rationem non habebat. Donec ergo expectabant eum negaturum esse, fide dignum esse putabant; sed nunc eum eiiciunt: unde sequitur: *Et eiecerunt eum foras.* AUGUSTINUS (ut supra.) Ipsi illum magistrum fecerant, ipsi ut different toties interrogaverunt, & ingrati docentem proiecerunt. BEDA. Solet enim maiorum consuetudo a minoribus aliquid discere designari.

(c) CHRYSOSTOMUS (hom. lviii.) Qui propter veritatem, & Christi confessionem (2) iniuria opprimuntur, hi maxime honorantur; quod in cæco factum est: eiecerunt enim eum ex templo Iudæi, & invenit eum Dominus templi, & eum suscepit sicut agonotheta athletam multum laborantem, (3) & coronavit: unde dicitur: *Audivit Iesus quia eiecerunt eum foras, & eum invenit eum, dixit ei: Tu credis in Filium Dei?* Offendit autem Evangelista quoniam propter hoc venit Iesus ut ei loqueretur. Interrogat autem non ignorans, sed volens seipsum notum facere, & offendens quoniam multum appreciatur

eius fidem; quasi dicat: Plebs conviciata est mihi, sed nulla mihi est cura illorum: unius cura est ut tu credas. Melior est faciens voluntatem Dei, quam decies mille iniqui. HILARIUS VI. de Trin. (circa suem.) Si autem sola Christi qualicumque confessio fidei esset consummatio, dictum fuisset, Tu credis in Christum? Sed quia hæreticis pene omnibus hoc nomen in ore esset futurum ut Christum confiterentur, & Filium tamen negarent, id quod proprium Christo est, ad fidem poscitur, id est ut credatur in Dei Filium. Credidisse autem in Dei Filium quid prolicet, si credatur in creaturam, cum a nobis fides in Christo non creaturæ Dei, sed Filii Dei postuletur? CHRYSOSTOMUS (homil. lviii.) Nondum autem cæcus Christum noverat, cæcus enim erat antequam veniret ad Christum, & post curationem a Iudæis circum trahebatur: unde sequitur: *Respondit illi, & dixit: Quis est, Domine, ut credam in eum?* Desiderantis, & valde inquiringis animæ verbum est. Pro quo tot disputavit, hunc ignorat, ut discas in eo veritatis amorem. (4) Non autem dixit ei Dominus, Ego sum qui curavi te; sed medicæ adhuc loquitur: unde sequitur: *Et vidisti eum.* THEOPHYLACTUS. Hoc autem dicit, ut reducat ei in memoriam sanitatem, & quia ab ipso virtutem videnti acceperat. Attende autem, (5) quoniam qui loquebatur, ex Maria natus est, & ipse idem est Dei Filius, non alius, & alius secundum errorem Nestorii: unde sequitur: *Et qui loquitur tecum, ipse est.* AUGUSTINUS (tract. xlv.) Modo lavat faciem cordis eius. Denique iam facie lota cordis, & mundata conscientia, agnoscit illum non Filium hominis tantum, quod ante crediderat, sed iam Filium Dei, qui carnem suscepit: unde sequitur. *Ut ille ait: Credo, Domine.* Parum est credere; vis videre qualem credat? *Et precidens adoravit eum.* BEDA. In quo possunt sumere exemplum, ut non erecta cervice quis Dominum roget; sed supplex in terram prostratus eius misericordiam imploret. CHRYSOSTOMUS (hom. lviii.) Per (6) hoc igitur eius divinam virtutem ostendit, verbo opus adiungens. Dominus autem illum ferventiorē circa

(1) *M.* locutus est, in nullo confessus est &c. (2) *M.* iniuriam opprimunt. (3) *Legit* Nicolai & coronatum. (4) *M.* nondum dixit. (5) *M.* emittitur quoniam. (6) *M.* Per hoc igitur eius divinam virtutem ostendens, & verbo opus adiungens.

erca fidem fecit, & eos qui cum sequebantur, erexit: unde sequitur: *Et dixit eis Iesus: In iudicium ego in hunc mundum veni.* AUGUSTINUS (ubi supra.) Dies enim erat inter lucem & tenebras dicurrentes. Recte autem subditur: *Ut qui non vident videant:* quia de tenebris liberat. Sed quid est quod sequitur, *Et qui vident, cæci fiunt?* Audi quod sequitur: commoti sunt enim pharisei quidam ex verbis istis: unde sequitur: *Et audierunt quidam ex phariseis qui cum ipso erant, & dixerunt ei: Numquid & nos cæci sumus?* Hoc enim eos movebat, *Et qui vident, cæci fiunt.* Sequitur: *Dixit ergo eis Iesus: Si cæci essetis, non haberetis peccatum;* id est, si vos cæcos diceretis, & ad medicum recurreretis. Nunc vero quia dicitis, *Videmus, peccatum vestrum manet:* quia enim dicendo, *Videmus*, medicum non quaeritis, in cæcitate vestra manebitis. Hoc ergo quod paulo ante dixit: *Ego veni, ut qui non vident videant;* id est, qui se non videre consentunt, & medicum quaerunt, ut videant: & qui vident cæci fiunt, id est, qui se putant videre, & medicum non quaerunt, in sua cæcitate permaneant. Ergo istam discretionem vocavit iudicium, cum ait: *In iudicium veni in hunc mundum.* Non illud iudicium iam intulit mundo quo de vivis, & mortuis in fine sæculi iudicabit. CHRYSOSTOMUS (ut supra.) Vel aliter. *In iudicium dixit, id est in maius supplicium,* offendens quoniam qui condemnaverunt eum, ipsi sunt qui condemnati sunt. Quod autem dicit, *Ut qui non vident videant, & qui vident cæci fiunt,* idem est quod Paulus dicit Rom. ix. quod „Gentes quæ non quaerunt iustitiam, invenerunt iustitiam, quæ

est ex fide Christi; Israel autem persequens legem iustitiæ, in legem iustitiæ non pervenit.” THEOPHYLACTUS. Quasi dicat: Ecce qui a natiuitate non viderat, iam videt (1.) anima, & corpore; qui vero videre videntur, excæcati sunt intellectu. CHRYSOSTOMUS (hom. lviij.) Sunt enim duæ visiones, & duæ cæcitates, scilicet sensibilibus, & intellectualibus. Illi autem ad sensibilia (2.) inhiant solum, & de sensibili solum vrecundabantur cæcitate: unde ostendit eis quod melius esset eos esse cæcos quam sic videntes; propter quod dicit: *Si cæci essetis, non haberetis peccatum,* quia tolerabilius fieret vobis supplicium. *Sed nunc dicitis, quia videtis.* THEOPHYLACTUS. Non consideratis factum in cæco miraculum, non estis digni venia, quasi ex visis miraculis ad fidem non attrahati. CHRYSOSTOMUS (ut supra.) Hoc igitur quod asseimabant esse magnam laudem, ostendit quod eis fert supplicium; & simul consolatus est eum qui a natiuitate fuerat cæcus de corporali cæcitate. Non autem sine causa Evangelista dicit, quod *audierunt hoc quidam ex phariseis qui cum ipso erant;* sed ut rememoretur quoniam isti illi erant qui prius restiterant Christo, deinde eum lapidare voluerunt. Erant enim quidam sumptuosi tenues sequentes, & facile in contrarium transmutabantur. THEOPHYLACTUS. Vel aliter. *Si cæci essetis, id est inficii Scripturarum, nequaquam tam grande vobis peccatum incumberet, tamquam ignorantia peccantibus: nunc vero quia prudentes vos, atque legisperitos asseritis, per vos ipsos condemnabiles estis.*

C A P U T X.

(a) **A** Men amen dico vobis: qui non intrat per ostium in ovile ovium, sed ascendit aliunde, ille fur est, & latro; qui autem intrat per ostium, pastor est ovium. Huic ostiarius aperit, & oves vocem eius audiunt. Et proprias oves vocat nominatim, & educit eas. Et cum proprias oves emisserit, ante eas vadit; & oves illum sequuntur, quia sciunt vocem eius. Alienum autem non sequuntur, sed effugiunt ab eo, quia non noverunt vocem alienorum. Hoc proverbium dixit eis Iesus; illi autem non cognoverunt quid loqueretur eis.

(b) Dixit ergo eis iterum Iesus: Amen amen dico vobis, quia ego sum ostium ovium. Omnes autem quotquot venerunt, fures sunt, & latrones; sed non audierunt eos oves. Ego sum ostium. Per me si quis introierit, salvabitur, & ingredietur.

(1.) *Id. anima in corpore. Nicolai in anima, & in corpore.* (2.) *Id. inhiant.*

dietur, & egredietur, & pascua inveniet. Fur non venit, nisi ut furetur, & mactet, & perdat. Ego veni ut vitam habeant, & abundantius habeant.

(c) Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves. Mercenarius autem fugit, quia mercenarius est, & non pertinet ad eum de ovibus.

(d) Ego sum pastor bonus, & cognosco oves meas, & cognoscunt me meæ. Sicut novit me Pater, & ego agnosco Patrem, & animam meam pono pro ovibus meis. Et alias oves habeo quæ non sunt ex hoc ovili, & illas oportet me adducere; & vocem meam audient, & fiet unum ovile, & unus pastor. Propterea me Pater diligit, quia ego pono animam meam, ut iterum sumam eam. Nemo tollit eam a me; sed ego pono eam a meipso. Potestatem habeo ponendi eam, & potestatem habeo iterum sumendi eam. Hoc mandatum accepi a Patre meo. Dissensio iterum facta est inter Iudæos propter sermones hos. Dicebant autem multi ex ipsis: Dæmonium habet, & insanit. Quid eum auditis? Alii dicebant: Hæc verba non sunt dæmonium habentis. Numquid dæmonium potest cæcorum oculos aperire?

(e) Facta sunt autem encænna in Hierosolymis, & hiems erat; & ambulabat Iesus in templo in porticu Salomonis. Circumdede- runt ergo eum Iudæi, & dicebant ei: Quomodo animam nostram tollis? Si tu es Christus, dic nobis palam. Respondit eis Iesus: Loquor vobis, & non creditis. Opera quæ ego facio in nomine Patris mei, hæc testimonium perhibent de me. Sed vos non creditis, quia non estis ex ovibus meis. Oves meæ vocem meam audiunt, & ego cognosco eas, & sequuntur me: & ego vitam æternam do eis, & non peribunt in æternum, & non rapiet eas quisquam de manu mea. Pater meus quod dedit mihi, maius omnibus est; & nemo potest rapere de manu Patris mei. Ego, & Pater unum sumus.

(f) Sustulerunt ergo lapides Iudæi, ut lapidarent eum. Respondit eis Iesus: Multa bona opera ostendi vobis ex Patre meo. Propter quod eorum opus me lapidatis? Responderunt ergo Iudæi: De bono opere non lapidamus te, sed de blasphemia, & quia tu, homo cum sis, facis te ipsum Deum. Respondit eis Iesus: Nonne scriptum est in lege vestra: Quia ego dixi, Dii estis? Si illos dixit Deos ad quos sermo Dei factus est, & non potest solvi Scriptura; quem Pater sanctificavit, & misit in mundum, vos dicitis, Quia blasphemias, quia dixi, Filius Dei sum? Si non facio opera Patris mei, nolite credere mihi; si autem facio, estis mihi non vultis credere, operibus credite; ut cognoscatis, & credatis, quia Pater in me est, & ego in Patre.

(g) Quærebant ergo eum apprehendere, & exivit de manibus eorum. Et abiit iterum trans Iordanem in eum locum ubi erat Ioannes baptizans primum, & mansit illic. Et multi venerunt ad eum, & dicebant, quia Ioannes quidem signum fecit nullum. Omnia autem quæcumque dixit Ioannes de hoc, vera erant; & multi crediderunt in eum.

(a) **CHRYSOSTOMUS** (homil. lviij.) *non intrat per ostium in ovile ovium, sed ascendit aliunde, ille fur est, & latro.* Hic autem eorum disputaverat, ne dicant: Non est ex eos qui ante eum fuerunt, occulte in nostra cæcitate quod ad te non accedimus, nuat, & eos qui post eum futuri sunt, An- sed a te avertimur, ut erroneum fugien- tichristum, & pseudochristos. Ostium autem tes: vult offendere quod non est erroneus, Scripturas vocavit: hæ enim Dei cognitio- sed pastor, ponens signa latronis, & pasto- nem aperuit, hæc oves custodiunt, & lu- ris. Et primo ostendit quia est erroneus, pos supervenire non permittunt, hæreticis & fur, dicens: Amen amen dico vobis; qui introitum præcludentes. Qui ergo non Scri-
S. Thom. Oper. Tom. IV. Aaaa pte-

ptaris utitur, sed aliunde ascendit, hoc est aliam sibi, & non legitimam viam facit, hic fur est. Dicit autem, *Ascendit*, & non intrat, ad similitudinem furis maceriam transcendere volentis, & periculose omnia agentis. Dicens autem, *Aliunde*, etiam scribas occulte insinavit, qui docebant mandata, & doctrinam hominum, & legem praevaricabantur. Si autem infra seipsum ostium dicit, non oportet turbari; etenim pastorem seipsum, & ovem differenter praedicat: quia enim adducit nos Patri, ostium se dicit; quia vero procurat, pastorem. AUGUSTINUS (tract. xlv.) Vel aliter. Multi sunt, qui secundum quamdam vitae suae consuetudinem dicuntur boni homines, qui ea quae in lege mandata sunt quasi observant, & Christiani non sunt, & plerumque se iactant sicut pharisei: *Namquid & nos caci sumus?* Quia vero omnia illa quae faciunt, & nesciunt ad quem finem faciunt, inaniter faciunt, Dominus de grege suo, & ostio quo intratur ad ovile, similitudinem posuit, dicens: *Amen amen dico vobis: qui non intrat per ostium in ovile ovium, sed ascendit aliunde, ille fur est, & latro.* Dicant ergo Pagani, vel Iudaei, vel Haeretici, Bene vivimus: si per ostium non intrant, quid eis prodest? Ad hoc enim debet unicuique prodesse bene vivere, ut deus illi semper vivere: quia nec bene vivere dicendi sunt qui finem bene vivendi vel cæcitate nesciunt, vel inflatione contemnunt. Non est autem cuiquam spes vera semper vivendi, nisi cognoscat vitam, quod est Christus, & per hanc ianuam intret in ovile. Quicumque ergo vult intrare ad ovile, per ostium intret: non solum Christum praedicet, sed Christi gloriam quaerat, non suam. Humilis autem ianua est Christus: qui intrat per hanc ianuam, oportet humilem esse, ut sano capite possit intrare. Qui autem se non humiliat, sed extollit, per maceriam vult ascendere; ideo exaltatur, ut cadat. Quærant ergo plerumque tales homines etiam perfringere hominibus ut bene vivant, & Christiani non sint: per aliam partem volunt ascendere, & rapere, & occidere. Tales ergo fures sunt, quia quod alienum est, suum dicunt; latrones, (1) quia quod furantur occidunt. CHRYSOSTOMUS (homil. lviij.) Vidisti qualiter descripsit latronem: Intuere & pastoris distinctionem: sequitur enim: *Qui autem intrat per ostium, pastor est ovium.* A U-

GUSTINUS de Verb. Dom. (serm. xlix.) Intrat per ostium qui intrat per Christum, qui imitatur passionem Christi, qui cognoscit humilitatem Christi; ut cum Deus factus sit homo pro nobis, cognoscat se homo non esse Deum, sed hominem. Qui enim vult Deus videri, cum sit homo, non imitatur illum qui cum Deus esset, homo factus est. Tibi autem non dicitur, Esto aliquid minus quam es; sed, Agnosce quid es.

Sequitur: *Huic ostiarium aperit.* CHRYSOSTOMUS (ut supra.) Nihil prohibet ostiarium vocare Moysen: ille enim est cui eloquia Dei credita sunt. THEOPHYLACTUS. Vel Spiritus sanctus est ostiarius, per quem Scripturae referatæ nobis indicant Christum. AUGUSTINUS (tract. xlv.) Vel aliter. Ostiarium ipsum Dominum debemus accipere: multo sunt enim magis inter se diversa in rebus humanis pastor, & ostium, quam ostiarius, & ostium; & tamen Dominus & pastor se dixit, & ostium. Cur ergo non intelligamus ipsum & ostiarium? Ipse enim se aperit, qui seipsum exponit. Si aliam personam quaeris ostiarium, vide ostiarium forte Spiritum sanctum, de quo Dominus dicit infra xvi. *Iste vos docuit omnem veritatem.* Ostium est Christus, qui est veritas. Quis aperit ostium nisi qui docet veritatem? Cavendum tamen est ne maior æstimetur ostiarius esse quam ostium, quia in domibus hominum ostiarius ostio, non ostium præponitur ostiario. CHRYSOSTOMUS (homil. lviij.) Quia vero dicebant eum esse deceptorem, & hoc ex infidelitate sui ipsorum (2) certificabant dicentes supra vii, *Quis principum credit in eum?* ostendit nunc quod ex hoc quod non attendunt ei, ex ordine ovium excluduntur: unde sequitur: *Oves vocem eius audiunt.* Si enim pastoris est per legitimam intrare ostium, per quod ipse intravit; ab ovium congregatione se abstrahunt qui ipsum non audiunt.

Sequitur: *Et proprias oves vocat nominatim.* AUGUSTINUS (tract. xlv.) Novit enim nomina prædestinatorum: unde discipulis ait Luc. xix., *Gaudete quoniam nomina vestra scripta sunt in cælo.*

Sequitur, *Et eduxit eas.* CHRYSOSTOMUS (homil. lviij.) Oves educat quando eas mittebat, non extra lupos, sed in medio luporum. Videtur autem & de cæco occulte insinuare: etenim illum eduxit vocans ex medio Iudæorum; (3) & vocem eius

AU-

(1) Al. quia non furantur. (2) Al. certificante. (3) Al. Quod sequitur, & vocem eius audivit, non habetur in quovis exemplis supra iam relatis, præter Venerum ann. 1522: in quo tamen aliter velut verba Testum leguntur patentesque inclina hoc modo (Et vocem eius audivit.)

audivit. AUGUSTINUS (ubi supra.) Sed & quis alius oves emittit, nisi quia eam peccata dimittit, ut eum sequi duris liberat: vinculis possint? Sequitur enim: *Et cum proprias oves auferit, ante eas vadit.*

GLOSSA A. Emittit liquidem eas de tenebris ignorantiae ad lucem, dum ante eas vadit, quasi in columna nubis, & ignis.

CHRYSOSTOMUS (hom. lviij.) Nimirum pastores contrarium faciunt oves sequentes; (1) sed ipse ostendit se contrarium facere, quoniam oves deducit ad veritatem. AUGUSTINUS (tract. xlv.) Et quis est qui oves præcessit nisi qui „furgens „a mortuis iam non moritur,“ Rom. vi.

& Patri dixit infra xvij. *Quor dedisti mihi, volo ut ubi ego sum & ipsi sint mecum?*

Sequitur: *Et oves illum sequuntur, quia sciunt vocem eius; alium autem non sequuntur, sed fugiunt ab eo, quia non novierunt vocem alienorum.*

CHRYSOSTOMUS (ubi supra.) Alienos dicit eos qui circa Theodam, & Iudam, aut eos qui post hæc alios debent decipere, pseudoapostolos: ut enim non dicatur unus illorum esse, per multa se ab eis separat. Primo quidem per doctrinam Scripturarum, per quas Christus ad se homines adducebat; illi vero ab eis homines abstrahabant. Secundo per ovium obedientiam: nam in eum quidem non solum viventem, sed etiam mortuum homines crediderunt; illos autem confessum reliquerunt. THEOPHYLACTUS. Significat etiam Antichristum, qui paululum decipiens, non obtinebit sequaces post eius mortem. AUGUSTINUS (tract. xlv.) Sed quomodo solvetur ista questio? Audiunt vocem Christi quandoque non oves, audivit enim Iudas, sed lupus erat: & non audiunt oves, aliqui enim eorum qui Christum crucifixerunt, non audierunt, sed oves erant. Sed dicit aliquis: Quando non audiebant, oves non erant: vox audita eos mutavit, & ex lupis oves fecit. Me autem adhuc movet quod per Ezechielem obijurat Dominus pastores, & dicit inter cetera de ovibus cap. xxxiv. „Errantem non revocatis: & errantem dicit, & ovem appellat. Non erraret, si vocem pastoris audiret; sed ideo erravit, quia vocem alieni audivit. Dico ergo: „Novit Dominus „qui sunt eius.“ Il. Tim. ii. (2) novit præ-

scitos, novit prædestinatos. Ipsi sunt oves, aliquando se ipsi nesciunt; sed pastor novit eas: multæ enim oves forisunt, & multi lupi intus. De prædestinatis ergo loquitur. Est autem aliqua vox pastoris in qua oves non audiunt alienos, in qua non oves non audiunt Christum. Quæ est ista vox? „Qui perseveraverit usque in finem, „hic salvus erit:“ Matth. x. Hanc vocem non negligit proprius, non audit alienus. Sequitur: *Hoc proverbium dixit eis Jesus; illi autem non cognoverunt quid loqueretur eis.*

Pascit enim Dominus manifeste, exercet obsecris. Cum autem duo audierint verba Evangelii, unus impius, alter pius, & talia forte sunt ut ambo non intelligant: unus dicit: Verum est quod dixit, & bonum est quod dixit; sed nos non intelligimus: iste, quia credit, iam pulsit; dignus est cui aperiatur, si pulsare persistat: alius dicit, Nihil dixit; qui adhuc audierit Esai. vii. „Nisi credideritis, non intelligetis.“

(b) CHRYSOSTOMUS (hom. lviij.) Dominus attentiores volens Iudæos facere, manifestat quod supra dixerat: unde dicitur: *Dixit ergo iterum eis Jesus: Amen amen dico vobis: ego sum ostium ovium.*

AUGUSTINUS (tract. xlv.) Ecce (3) quod clausum posuerat, aperuit: ipse est ostium: intremus, & nos intrasse gaudemus.

Sequitur: *Omnes quotquot venerunt, fures sunt, & latrones.* CHRYSOSTOMUS (ut supra.) Non de Prophetis hoc dicit, sicut hæretici dicunt, sed de seditiosis: unde & laudans oves subiungit: *Sed non audierunt eos oves.* Nulquam autem videtur laudare eos qui non obediunt Prophetis; sed eis detrahit vehementer. AUGUSTINUS (tract. xlv.) Intellige ergo. Quotquot venerunt præter me; non autem præter illum Prophetæ venerunt, quia cum illo venerunt qui cum verbo Dei venerunt, qui veraciter fuerunt: quia ipse Verbum, & Veritas venturus præcones mittebat; sed eorum corda quos miserat possidebat: carnem quippe ipse accepit ex tempore qui est semper. In principio enim erat Verbum: supra 1. Ante adventum autem eius, quo humilis venit in carne, præcesserunt iusti, sic eum credentes venturum, quomodo nos credimus in eum qui venit: tempora varia-

Aaaa 2

ria-

(1) *M. omittitur sed.* (2) *M. omittitur novit præscitos.* (3) *M.* Ecce ostium quod clausum posuerat.

riata sunt, non fides: eadem enim fides utrosque coniungit, & eos qui venturum esse, & eos qui venisse crediderunt. Quotquot ergo præter illum venerunt, fures fuerunt, & latrones; idest, ad furandum, & occidendum venerunt. *Sed non audierunt oves*, illi scilicet de quibus dictum est Il. Tim. 12. „Novit Dominus qui sunt eius.“ Eos ergo non audierunt oves in quibus non erat vox Christi, errantes, vana fingentes, miseros seducientes. Quare autem se ostium dixerit, aperit subdicens: *Ego sum ostium: per me si quis introierit salvabitur.* **ALCUINUS.** Quasi dicat: Illos non audiunt oves, sed me audiunt: quia ego sum ostium, & qui per me non sistis, sed verus introierit, perseverando salvabitur. **THEOPHYLACTUS.** Educit autem ad pascua Dominus oves per ostium: unde sequitur: *Et ingreditur, & egreditur, & pascua invenit.* Quæ sunt autem hæc pascua nisi delectatio futura, & requies in quam nos Dominus introducit? **AUGUSTINUS** (tract. xlv.) Sed quid est quod dicit, *Ingreditur, & egreditur*? Ingredi quippe in Ecclesiam (1) per ostium Christum, valde bonum est; exire autem de Ecclesia non est bonum. Potest ergo dici ingredi nos, quando interius aliquid cogitamus; egredi autem, quando exterius aliquid operamur, secundum illud Psal. ciii. „Exibit homo, ad opus suum.“ **THEOPHYLACTUS.** Vel ingredi dicitur cui est curæ homo interior; egredi vero qui hominem exteriorum, id est membra quæ sunt supra terram, in Christo mortificat: hic enim pascua in futuro reperiet sæculo. **CHRYSTOSTOMUS** (homil. lvi.) Vel hoc dicitur propter Apostolos, qui (2) cum audacia introierunt, & exierunt, ut totius orbis terrarum facti domini; & nullus eos elicere valuit: & nutrimentum habuerunt. **AUGUSTINUS** (ut supra.) Sed plus me delectat quod ipse quodammodo nos admonuit, cum secutus adiungit: *Ergo veni, ut vitam habeant, & abundantius*

Ergo veni, ut vitam habeant, & abundantius

habeant. **AUGUSTINUS** (tract. xlv.) Videtur mihi dixisse, *Ut vitam habeant* ingredientem, hoc est per fidem, quæ per dilectionem operatur, per quam fidem in ovile ingrediuntur, ut vivant quia „iustus ex fide vivit.“ Rom. 1. *Et abundantius habent, scilicet egredientes*, scilicet quando veri fideles moriuntur, & abundantius habent vitam, ubi nunquam deinde moriuntur. Quamvis ergo & hic in ipso ovili non desint pascua, invenient tamen pascua ubi saturarentur, qualia invenit cui dictum est Luc. xiii. „Hodie mecum eris in paradosis.“ **GREGORIUS** super Ezech. in hom. xlii. *Ingreditur ergo ad fidem, egreditur (3) ad speciem; pascua vero invenit in æterna satietate.* **CHRYSTOSTOMUS** (hom. lvi.) Quod autem dicit, *Ergo non venit nisi ut furetur, & mallet, & perdat*, de seditionis dicit: quod ad litteram est factum, omnibus oculis, & perditis qui eos sequebantur; & sic etiam præsentia vita eos privaverunt. Ego autem veni pro salute ovium, ut vitam habeant, & abundantius habeant in regno celorum: & hæc est tertia differentia, qua se discernit a pseudopropheta. **THEOPHYLACTUS.** Mystice autem fur diabolus est, qui venit tentando ut furetur per cogitationes illicitas, & mallet per consensum, & deinde per opera destruat.

(c) **AUGUSTINUS** (tract. xlv.) Aperuit Dominus duas res quas quodammodo clausas proposuerat. Primo quidem scimus quia ostium ipse est; nunc autem ostendit quia pastor est, dicens: *Ego sum pastor bonus.* (Tract. xlvii.) Supra autem dixerat pastorem intrare per ostium. Si ergo ipse est ostium, quomodo per seipsum intrat? Sicut ergo ipse per seipsum novit Patrem, nos autem per illum; sic intrat in ovile per seipsum, nos autem per ipsum: nos, quia Christum prædicamus, per ostium intramus; Christus autem seipsum prædicat: lumen enim & alia demonstrat, & seipsum. (Tract. xlv.) Si autem præpositi Ecclesie, qui filii sunt, pastores sunt, quomodo unus pastor est, nisi quia sunt illi omnes unius membra pastoris? (Tract. xlvii.) Et quidem (4) quod pastor est, dedit & membris suis: nam & Petrus pastor, & ceteri Apostoli pastores, & omnes boni Episcopi: ostium vero nemo nostrum se dicit: hoc sibi ipse proprie tenuit. Non autem adderet, *Bonus*, nisi essent & pastores mali:

(1) *Al.* per ostium ipsum, valde &c. (2) *Al.* cum otio. (3) *Al.* ad speciem. (4) *Al.* qui pastor est, dedit membris suis.

li: ipsi sunt fures, & latrones, aut certe ut multum mercenarii. GREGORIUS in homil. (xiv. in Evang.) Atque eius bonitatis formam, quam nos imitemur, adiungit dicens: *Bonus pastor animam suam ponit pro ovibus suis.* Fecit quod monuit, ostendit quod iussit, pro ovibus suis animam suam posuit, ut in sacramento nostro corpus suum, & sanguinem verteret, & oves quas redemerat carnis suae alimentis satiaret. Ostensa est nobis de contemptu mortis via quam sequamur, apposita forma cui imprimamur. Primum nobis est exteriora nostra misericorditer ovibus eius impendere; postremum vero, si necesse sit, etiam in mortem animam nostram pro eisdem ovibus ministrare. Qui autem non dat pro ovibus substantiam suam, quando pro his daturus est animam suam? AUGUSTINUS (tract. xlvii.) Non autem solus Christus hoc fecit; & tamen si illi qui fecerunt, membra eius sunt, idem ipse unus hoc fecit: ipse enim potuit facere sine illis, illi sine illo non poterant. AUGUSTINUS (de Verb. Dom. serm. l.) Omnes tamen pastores boni fuerunt, non solum quia sanguinem fuderunt, sed quia pro ovibus fuderunt: non enim fuderunt elatione, sed caritate: nam & apud hæreticos, qui propter iniquitates, & errores suos aliquid molestiarum perpessi fuerunt, nomine martyrii se iactant, ut hoc pallio dealbati facilius furentur, quia lupi sunt. Non autem omnes qui corpora sua in passione etiam ignibus tradunt, æstimandi sunt sanguinem fudisse pro ovibus, sed potius contra oves: dicit enim Apostolus I. Corinth. xiv. „Si tradidero corpus meum ita ut ardeam, caritatem autem non habeam, nihil mihi prodest.“ Quomodo autem habet vel exiguam caritatem, qui etiam (1) convicius non amat unitatem? quam Dominus commendans, noluit multis appellare pastores, sed pastorem unum, dicens: *Ego sum pastor bonus.* CHRYSOSTOMUS (hom. lix.) Sic igitur de cetero Dominus de passione sua dispabat, ostendens quoniam pro salute fieret mundi, & non invitus in hanc venit. Deinde rursus ostendit signa pastoris, & mercenarii, cum dicit: *Mercenarius autem, & qui non est pastor, cuius non sunt oves propria, videt lupum venientem, & dimittit oves, & fugit.* GREGORIUS (ut supra.) Sunt enim nonnulli qui dum plus terrenam substantiam quam oves diligunt, merito nomen pastoris perdunt: non enim pastor, sed mer-

cenarius vocatur qui non pro amore immo oves dominicas, sed ad temporales mercedes pascit. Mercenarius quippe est qui pastoris locum tenet, sed lucrum animarum non querit, terrenis commodis inhiat, honore prælationis gaudet. AUGUSTINUS de Verb. Dom. (serm. xlix.) Aliud ergo querit in Ecclesia, non Deum quærit: si Deum quæreret, callus esset, quia legitimum maritum anima Deum habet: quisquis a Deo præter Deum aliquid quærit, non caste Deum quærit. GREGORIUS in hom. (ut supra.) Utrum vero pastor sit, vel mercenarius, cognosci veraciter non potest, si occasio necessitatis deest: tranquillitatis enim tempore plerumque ad gregis custodiam sicut verus pastor, sic etiam mercenarius stat; sed lupus veniens indicat quo quisque animo super gregis custodiam stabat. AUGUSTINUS de Verb. Dom. (serm. xlix.) Lupus autem diabolus est, & qui illum sequuntur: nam dictum est Matth. vii. quod induti quidam pellibus ovium, intus sunt lupi rapaces. AUGUSTINUS super Ioan. (tract. xlv.) Ecce lupus ovis guttur apprehendit, diabolus fidei adulterium perlustravit, excommunicandus est; sed excommunicatus inimicus erit, insidiabitur, nocebit cum potuerit: undetates, non increpas: lupum venientem vidisti, & fugisti, corpore stetitisti, animo fugisti: affectiones enim nostræ motus animorum sunt: læticia animi diffusio est, tristitia autem contradio, cupiditas animi progressio, timor animi fuga est. GREGORIUS in homil. (xv. in Evang.) Lupus etiam super oves venit cum quilibet iniustus, & raptor fideles quosque, atque humiles opprimit. Sed is qui pastor esse videbatur, & non erat, reliquit oves, & fugit: quia dum sibi ab eo periculum metuit, resistere eius iniustitiæ non præsumit. Fugit autem non mutando locum, sed subtrahendo solatium. Sed contra hæc mercenarius nullo zelo accenditur: quia dum solum exteriora commoda requirit, interiora gregis damna negligenter patitur: unde subditur: *Mercenarius autem fugit, quia mercenarius est, & non pertinet ad eum de ovibus.* Sola ergo causa est ut mercenarius fugiat, quia mercenarius est: ac si dicat: Stare in periculo ovium non potest qui in eo quod ovibus præest, non oves diligit, sed lucrum terrenum quærît; & ideo opponere contra periculum trepidat, ne hoc quod diligit amittat. AUGUSTINUS (tract. xlv.)

Si.

(1) M. coniunctus.

Si autem Apostoli pastores fuerunt, non mercenarii, quare fugiebant quando persecutionem patiebantur? Et hoc Domino dicente Matth. x. „Si vos persecuti fuerint, fugite.“ Pulsemus; aderit qui aperiet. AUGUSTINUS ad Honoratum (epist. cxxx.) Fugiant ergo omnino de civitate in civitatem servi Christi, ministri verbi, & sacramenti eius, quando eorum quisquam (1) specialiter a persecutoribus quaeritur, ut ab aliis qui non ita requiruntur non deferatur Ecclesia. Cum autem omnium, id est Episcoporum, & clericorum, & laicorum est commune periculum, hi qui aliis indigent, (2) non deserantur ab his quibus indigent. Aut igitur ad loca munita omnes transiant, aut qui habent remanendi necessitatem, non relinquuntur ab eis per quos eorum ecclesiastica est implenda necessitas. Tunc ergo de locis in quibus sumus, premente persecutione, fugiendum est Christi ministris, quando ibi aut plebs Christi non fuerit cui ministraretur, aut potest impleri per alios necessarium ministerium, quibus eadem non est causa fugiendi. Cum autem plebs manet, & ministri fugiunt, ministeriumque subtrahitur; quid erit nisi mercenarius illa fuga damnabilis, quibus non est cura de ovibus? AUGUSTINUS super Ioan. (tract. xlv.) In bonis ergo ministrant osium, osiarius, pastor, & oves; in malis fures, & latrones, mercenarii, lupus. AUGUSTINUS de Verb. Dom. (serm. xlix.) Diligendus est pastor, cavendus latro, tolerandus mercenarius. Tamdiu enim est utilis mercenarius, quamdiu non videt lupum, furem, vel latronem; cum autem viderit, fugit. AUGUSTINUS super Ioan. (tract. xlv.) Nec enim mercenarius diceretur, nisi acciperet a conducente mercedem. (3) Filii aeternam hereditatem patris patienter expectant, mercenarius temporalem mercedem conducentis festinanter exoptat; & tamen per linguas utrorumque divina Christi gloria diffamatur. Inde ergo laedit unde mala facit, non unde bona dicit: botrum carpe, spinam cave: quia botrus aliquando de radice vitis exortus, pendet in spinis: multi quippe in Ecclesia commoda terrena sectantes, Christum praedicant, & per eos vox Christi auditur; & sequuntur oves, non mercenarium, sed vocem patris per mercenarium.

(d) CHRYSOSTOMUS (homil. lix.) Duos superiores malos praemisit Dominus:

unum qui furatur, & mactat, & rapit alterum qui non prohibet: per illum seditiones insinuant, per hunc Iudaeorum magistros confundens, & non procurantes creditas oves. Sed ab utrisque seipsum Christum distinxit: ab illis quidem qui ad laedendum venerunt in hoc quod dixit, *Veni ut vitam habeant*; ab his qui contemnunt luporum rapinas, ex eo quod pro ovibus animam ponit; & ideo quasi concludens subdit: *Ego sum pastor bonus*. Sed quia superius dixerat, quod oves pastoris vocem audiunt, & sequuntur eum; ne quis dicat, Quid ergo dicis de his qui tibi non credunt? consequenter subdit: *Et cognosco oves meas*, & cognoscunt me mea: quod & Paulus ostendit dicens Rom. xi. „Non repellit Dominus plebem suam, quam praecivit.“ GREGORIUS in hom. (xiv. in Evang.) Ac si aperte dicat: Diligo oves meas, & ipse me diligentes obsequuntur: qui enim veritatem non diligit, adhuc minime cognovit. THEOPHYLACTUS. Hinc autem differentiam mercenarii, & pastoris (4) elicias: nam mercenarius ignorat oves, quia raro visitat eas; pastor vero cognoscit oves proprias, tamquam erga eas sollicitus. CHRYSOSTOMUS (homil. lix.) Deinde ut non aestimes parem mensuram cognitionis Christi, & ovium, consequenter subdit: *Sicut novit me Pater, & ego cognosco Patrem*; quasi dicat: Ita certissime ipsum scio, sicut ipse me. Hic ergo est par cognitio, ibi non: nam sequitur: *Et animam meam pono pro ovibus meis*. GREGORIUS in hom. (ut supra.) Ac si aperte dicat: In hoc constat quia cognosco Patrem, & cognoscor a Patre, quia animam meam pono pro ovibus meis; id est, ea caritate qua pro ovibus meis morior, quantum Patrem diligam ostendo. CHRYSOSTOMUS (hom. lix.) Hoc etiam dicit, ostendens quod non est erroneus: quia & Apostolus quando seipsum voluit ostendere verum esse magistrum, contra pseudopostolos induxit rationem a periculis, & mortibus. THEOPHYLACTUS. Seductores enim non exposuerunt animam suam pro ovibus, sed sicut mercenarii deseruerunt illos qui eos sequebantur; Dominus autem ut non caperentur, dixit infra xviii. *Sinite hos abire*. GREGORIUS (hom. xiv. ut supra.) Quia vero non solum Iudaeam, sed etiam Gentilitatem redimere venerat, adiungit: *Et alias oves habeo quae non sunt ex hoc ovili*. AUGUSTINUS de Verb. Dom.

(1) *Al.* spiritualiter. (2) *Al.* non desiderantur. (3) *Al.* Filii etenim hereditatem &c. (4) *Al.* elicias. Nihil elicias, vel dignoscere possis.

(1) *Al.* Filii etenim hereditatem &c. (4) *Al.* elicias.

Dom. (ser. l.) Loquebatur enim primo de ovili de genere carnis Israel; erant autem alii de genere fidei ipsius Israel: extra erant; adhuc in Gentibus erant, prædestinati, nondum congregati. Non ergo sunt de hoc ovili, quia non sunt de genere carnis Israel; sed erunt de hoc ovili: nam sequitur: *Et illas oportet me adducere*. CHRYSOSTOMUS (hom. lxx.) Oñdit utroque dispersos, & pastores non habentes. Sequitur: *Et vocem meam audient*; ac si dicat: Quid miramini si hi me sunt secuturi, & vocem meam audiri, quando alios videbitis me sequentes, & vocem meam audientes? Deinde & futuram eorum prænuntiat unionem: unde subdit: *Et fiet unum ovile, & unus pastor*. GREGORIUS in hom. (ubi supra.) Quasi ex duobus gregibus unum ovile (1) efficit, quia Iudaicum, & Gentilem populum in sua fide coniungit. THEOPHYLACTUS. Idem namque omnibus est baptismi signaculum, unus pastor Verbum Dei. Attendant ergo Manichæi, quoniam unum ovile, & unus pastor est novus, & veteris testamenti. AUGUSTINUS (tract. xlvii.) Quid ergo est, „Non sum, missus nisi ad oves quæ perierunt domus, Israel.“ Matth. xv. nisi quia præsentiam suam corporalem non exhibuit nisi populo Israel; ad Gentes autem non perrexit ipse, sed misit CHRYSOSTOMUS (ubi supra.) Hoc autem verbum oportet, quod hic positum est, non necessitas est demonstrativum, sed eius quod omnino fiet. Quia autem alienum dicebant eum a Patre, subiungit: *Propterea me Pater diligit, quia ego pono animam meam, ut iterum sumam eam*. AUGUSTINUS (tract. xlvii.) Id est, quia morior, ut relurgam: cum magno enim pondere dictum est, *Ego pono*. Non gloriatur Iudei: (2) scire poterunt: si ego nolueram ponere animam meam, quid sciendo facturi sunt? THEOPHYLACTUS. Dilexit autem Pater Filium, non tamquam stipendium mortis pro nobis sustinendæ, dilectionem suam ei tribuens, sed quasi suæ quidditatis proprietatem in genito intuens, dum ex eadem caritate pro nobis voluit mortem subire. CHRYSOSTOMUS (hom. lxx.) Vel utitur hic condescensione; quasi dicat: Etsi nihil aliud esset, hoc suavit mihi

amare vos, quod vos ita amamini a Patre ut ego etiam propter hoc diligar ab eo, quia pro vobis morior. Non autem a Patre antea non amabatur, & nos sumus facti amoris eius causa. Similiter autem & hoc ostendere vult, quoniam non invitus passionem venit: unde sequitur: *Nemo tollit eam a me; sed ego pono eam a meipso*. AUGUSTINUS III. de Trin. a. (cap. xxxviii.) In quo demonstravit quod nulla causa peccati usque ad mortem carnis accesserit; sed quia voluit, quando voluit, & quomodo voluit: unde sequitur: *Potestatem habeo ponendi animam meam*. CHRYSOSTOMUS (ut supra.) Quia enim multoties consiliabantur eum interficere, dicit, quoniam nolente eo inutilis erat hic labor. Ita enim habeo potestatem animam meam ponere ut nullus possit me invito facere: quod in hominibus non est: nos enim non habemus potestatem aliter ponere, nisi interficiendo nosmetipsos; ipse autem solus Dominus est ponendi eam. Hoc autem existente vero, & illud constat, quod quandocumque voluerit, eam suscipere possit: unde sequitur: *Et potestatem habeo iterum sumendi eam*: in quo & resurrectionem demonstravit indubitabilem. Ut autem non æstiment, cum eum interfecerint, detestantur a Patre, subiungit: *Hoc mandatum accepi a Patre meo, scilicet ponendi animam, & sumendi*. Ex quo non est intelligendum, quod prius expectaverit audire, & opus ei fuerit discere: sed voluntarium monstravit processum, & contrarietatis ad Patrem suspicionem destruxit. THEOPHYLACTUS. Nihil enim aliud mandatum hic dicitur quam ea quæ ad Patrem concordia. ALCUINUS. Verbum enim non verbo accepit mandatum, sed in Verbo unigenito Patris est omne mandatum. Cum autem dicitur Filius accipere quod substantialiter habet, non potestas minuitur, sed generatio eius ostenditur: Pater enim Filio, quem perfectum genuit, omnia gignendo dedit. THEOPHYLACTUS. Postquam autem de se sublimia ostenderat, mortis, & vitæ se principem exprimens, rursum inducit humilia, sic mira dispositione utraque concedens ut nec minor, aut subditus Patri reputetur, nec Dei adversarius, (3) sed eius potestatis, & con-

(1) *M.* efficit. (2) *M.* scire poterunt (*item* poterunt) si ego voluero ponere animam meam: quid sciendo facturi sunt? (3) *Pro* sed eiusdem.

& consilii. AUGUSTINUS (tracl. xlviii.) Per hoc autem quod dixit de anima sua, instruiamur contra Apollinaristas, qui dicunt Christum non habuisse animam humanam, idest rationalem. Queramus autem quomodo Dominus animam suam ponit. Christus enim est Verbum, & homo, idest Verbum, & anima, & caro. Christus ergo ex eo quod Verbum est, ponit animam, & iterum sumit eam; an ex eo quod anima humana est, ipsa se ponit, & iterum ipsa se sumit; an iterum ex eo quod caro est, caro animam ponit, & iterum sumit? Si autem dixerimus, quia Verbum Dei posuit animam suam, & iterum suscepit eam: ergo aliquando anima illa separata est a Dei Verbo. Mors enim corpus ab anima separavit, a Verbo autem animam separatam non dico. Si autem dixerimus, quia ipsa se anima posuit, absurdissimus sensus est: si enim a Verbo separata non erat, a se ipsa poterat separari? Caro ergo ponit animam suam, & iterum sumit eam, non tamen potestate sua, sed potestate inhabitantis carnis, scilicet Verbi. ALCUVINUS. Et quia lux in tenebris lucebat, & tenebræ eam non comprehenderunt, subiungitur: *Dissonus itaque facta est inter Iudeos propter sermones hos. Dicebant autem multi ex ipsis: Daemonium habet, & insanit.* CHRYSOSTOMUS (hom. lxx.) Quia enim maiora erant quam secundum hominem ea quæ dicebantur, dæmonium eum habere dicebant. Sed quod dæmonium non habebat ostendunt alii ab his quæ fecit: unde sequitur: *Alii autem dicebant: Hac verba non sunt dæmonium habentis. Numquid dæmonium potest eorum oculos aperire?* quasi dicant: Nec ipsa verba dæmonium habentis videntur. Si vero non suademini a verbis, ab operibus moveamini. Quia ergo Dominus eam quæ per res est (i) tribuerat demonstrationem, silebat de reliquo: neque enim responsione erant digni. Sed & nos eruditur mansuetudinem, & longanimitatem omnem. Ipsi etiam seipsos compescabant, quando ab invicem divisi altercabantur.

(c) ALCUVINUS. Audivimus patientiam Dei, & inter opprobria prædicationem salutis; sed ipsi obdurati magis eum tentare quam ipsi obedire volebant; unde dicitur: *Facta sunt autem encenia in Hierosolymis.* AUGUSTINUS (tracl. xlviii.) Encenia festi vitas erat dedicationis templi: Græce enim Kenon (Κανον) dicitur novum; quandocumque novum quid fuerit dedica-

tum, encenia vocantur. CHRYSOSTOMUS (hom. lx.) Dicit enim diemsecundumquam templum dedicatum est, redeuntibus eis a captivitate Babylonis. THEOPHYLACTUS. Splendide ergo prosequantur solemnitate, veluti proprium decorem recuperante civitate post tam longam captivitatem. ALCUVINUS. Vel hæc dedicatio in memoriam illius erat dedicationis quam Iudas Machabæus fecit. Primæ enim dedicatio a Salomone facta est tempore autumnii; secunda a Zorobabel, & Iesu sacerdote, tempore veris; hæc autem tempore hiemali: unde sequitur, *Et hiemps erat.* BEDA. Sub Iuda enim Machabæo statutum legitur ut eadem dedicatio per omnes annos in memoriam solemnibus renovaretur officiis. THEOPHYLACTUS. Tempus autem hiemis Evangelista exprimit, ad ostendendum quod proximum esset tempus passionis: nam in vere sequenti passus est Dominus; & ideo Hierosolymis conversabatur. GREGORIUS I. Moral. (cap. ii.) Vel idcirco hiemis curavit tempus exprimere, ut inesse Iudæorum cordibus malitiae frigus indicaret. CHRYSOSTOMUS (hom. lx.) In hac autem solemnitate Christus cum multo studio aderat: de reliquo enim Iudæam frequentabat, quia passio erat in ianu: unde sequitur: *Et ambulabat Iesus in templo porticu Salomonis.* ALCUVINUS. Porticus Salomonis dicitur ubi Rex ille ad orandum flare consueverat; & ideo ex eius nomine cognominabatur. Solent autem porticus quibus templum cingebatur, ex nomine templi vocari. Si autem Filius Dei in templo in quo caro brutorum animalium offerebatur, ambulare voluit, quanto magis nostram orationis domum, in qua caro, & sanguis eius consecratur, visitare gaudebit? THEOPHYLACTUS. Satagas tu quoque, dum hiems imminet, idest vita præsens turbinihus iniquitatis concussa, spirituales encenias tui templi celebrare, semper renovando te ipsum, & ascensionis in corde tuo dispones: tunc Iesus erit præsto tibi in porticu Salomonis, pacificum statum tibi tribuens sub tegmine proprio. In sæculo autem futuro nemo renovationis solemnia perficere poterit. AUGUSTINUS (tracl. xlviii.) Quia ergo Iudæi frigerant diligendi caritate, & ardebant nocendi cupiditate, non accedebant prosequendo, sed premebant persequendo: unde sequitur: *Circumdederunt ergo eum Iudæi, & dixerunt ei: Quisquæ animam nostram tollis? Si tu es Christus, dic nobis palam.* Non

(i) ut restituerat.

Non veritatem desiderabant, sed calumniam præparabant. CHRYSOSTOMUS (homil. ix.) Opera enim eius in nullo inculcare valentes, captionem quamdam ex verbis cupiebant invenire. Et inuere perveritatem illorum: nam cum per sermonem erudit, dicunt ei, *Quod signum ostendis?* cum autem per opera demonstrat, dicunt ei: *Si tu es Christus, dic nobis palam:* quasi semper ad contrarium stantes. Sed & plenum odio erat quod dicunt, *Dic nobis palam.* Et nimium ipse palam omnia dicebat, in festi-
vitatibus semper assistens, & nihil occulte loquebatur. Sed & adulationis verba præmittunt, dicentes: *Quousque animam nostram tollis?* ut scilicet eum provocantes, aliquam captionem inveniant. ALCUINUS. Causantur enim quod animos eorum incertos, & suspensos dimittendo tolleret; qui venerat ut animas salvaret. AUGUSTINUS (tract. xlviii.) Quærebant autem audire a Domino, Ego sum Christus: & fortasse de Christo secundum hominem sapiebant, sed divinitatem Christi in Prophetis non intelligebant; & sic fideret, Ego sum Christus, secundum quod illi sapiebant, de semine David, calumniarentur quod sibi arrogare regiam potestatem. ALCUINUS. Et sic cogitabant eum tradere potestati prædis ad puniendum, quasi contra Augustum impetrium usurparet: quare Dominus ita temperavit responsum ut etiam calumniatorum ora concluderet, & quia Christus est, fidelibus panderet: & de homine quærentibus, divinitatis mysteria narrat: unde sequitur: *Respondit eis Iesus: Loquor vobis, & non creditis. Opera quæ ego facio in nomine Patris mei, hæc testimonia perhibent de me.* CHRYSOSTOMUS (ut supra.) Quia enim simulabat a solo verbo se suaderi, qui a tot operibus non sunt suasi, arguit malitiam eorum, quasi dicat: Si operibus non creditis, qualiter verbis credetis? Et quare non credant, ostendit subdicens: *Sed vos non creditis, quia non estis ex ovibus meis.* AUGUSTINUS (tract. eod.) Hoc autem dixit, quia videbat eos ad sempiternum interitum prædestinatos, non ad vitam æternam sui sanguinis pretio comparatos: oves enim sunt credendo, pastorem sequendo. THEOPHYLACTUS. Postquam vero dixerat, *Non estis ex ovibus meis*, consequenter induxit eos ut oves eius efficiantur, dicens: *Oves meæ vocem meam audiant.* ALCUINUS. Id est, præceptis meis ex animo obediunt. Et ego elegisse eas, id est eligo; & sequuntur me, S. Th. Oper. Tom. V.

hic mansuetudinis, & innocentiae viam incedendo, & post ad gaudia æternæ vitæ intrando: unde sequitur: *Ego vitam æternam do eis.* AUGUSTINUS (ubi supra.) Ila sunt pascua de quibus supra dixerat, *Et pascua invenies.* Bona pascua vita æterna dicitur, ubi nulla herba crescit, totum viret. Vos autem calumniam propterea quæritis, quia de vita præsentis cogitatis. Sequitur: *Et non peribitis in æternum:* subaudi tamquam eis dixerit: Vos peribitis in æternum, quia non estis ex ovibus meis. THEOPHYLACTUS. Sed quomodo videmus suam perisse? Quia non permansit ulque ad finem. Christus autem de perseverantibus hoc dixit: nam si quis separatur ab ovium grege, desinens sequi pastorem, confestim incurrit periculum. AUGUSTINUS (tract. xlviii.) Quare autem non pereant subdit: *Et non rapiet eas, quisquam de manu mea:* de illis enim ovibus de quibus dicitur II. Tim. ii. „Novit Dominus qui sunt eius,“ nec lupus rapit, nec fur tollit, nec latro interficit. Securus est de numero illorum qui pro eis novit quid dedit. HILARIUS VII. de Trin. (circa med.) Conscia potestatis hæc vox est; at vero ut in natura licet Dei, tamen ex Deo intelligenda sit eius nativitas, subiecit: *Pater meus quod dedit mihi, maius omnibus est.* Non occultat ex Patre esse se natum: quod enim a Patre accepit, accepit nascendo, non postea; (i) tamen ex alio est dum accepit. AUGUSTINUS (tract. xlviii.) Non enim crescendo, sed nascendo æqualis est, qui semper natus est de Patre Filius, de Deo Deus. Hoc est ergo quod dedit mihi Pater, quod maius omnibus est, ut scilicet sim Verbum eius, ut sim unigenitus Filius eius, ut sim splendor lucis eius. Ideo ergo nemo rapit oves meas de manu mea, quia nec de manu Patris mei: unde sequitur: *Et nemo potest rapere de manu Patris mei.* Si manum intelligamus potestatem, una est Patris, & Filii potestas, quia una divinitas; si autem manum intelligamus Filium, manus Patris est ipse Filius: quod non ita dictum est, tamquam Deus Pater habeat corporis membra, sed quod per ipsum facta sunt omnia. Nam solent & homines dicere manus suas esse alios homines per quos faciunt quod volunt. Aliquando & ipsum opus hominis manus hominis dicitur, quod sit per manum; sicut dicitur quisque agnoscere manum suam, cum id quod scriptum sit, agnoscit. Hoc autem loco manum Patris, & Filii intelli-

Bbbb

gimus

[1] Quod sequitur versus ad indicem Augustini non reperitur in quatuor sapor citatis exemplis.

gimus potestatem, ne forte cum hic manum Patris ipsum Filium didum acceperimus, incipiat carnalis cogitatio etiam Filii querere filium. HILARIUS VII. de Trin. (ubi supra.) Ut enim per corporalem significationem, virtutem pollicis eiusdem nosse naturæ, commemorata est Filii manus, manuum Patris, quia natura (1) & virtus Patris est etiam in Filio, CHRYSOSTOMUS (hom. lx.) Deinde ut non æstimes, quia ipse quidem inbecillus est, propter Patris autem virtutem in tuto sunt oves; subdit: *Ego, & Pater unum sumus.* AUGUSTINUS 8. Utrumque audi, & unum, & sumus, & Charybdi, & a Scilla liberaberis. Quid dixit unum, liberat te a Sabellio. Si unum, non ergo diverlum; si sumus, ergo Pater, & Filius. AUGUSTINUS 6 VI. de Trinitate (cap. 11. in fin.) Unum enim sumus, didum est: quod ille, hoc & ego secundum essentiam, non secundum relativum. HILARIUS VIII. de Trin. Hæc igitur quia hæretici negare non possunt, impietatis suæ mendacio (2) neganda corumpunt: tentant enim id ad unanimis referre consensum, ut voluntatis in humanitas sit, non naturæ: idest, ut non per id quod sunt idem, sed per id quod idem volunt, unum sint. Sed per naturæ nativitatem, dum nihil Deus in eo exle gignendo eum denegerat, unum sunt. Dumque de manu eius non rapiuntur, non rapiuntur de manu Patris: dum in operante se operatur Pater, dum ipse in Patre, & in eo Pater est. Hoc non præstat creatura, sed nativitas: non efficit voluntas, sed potestas; non loquitur unanimitas, sed natura. Non negamus igitur unanimitatem inter Patrem & Filium: nam hoc solent hæretici mentiri, ut cum solam concordiam ad unitatem non recipimus, discordes eos a nobis affirmari loquantur. Sed audiant quam a nobis unanimitas non negetur. Unum sunt Pater, & Filius natura, honore, & virtute; nec natura eadem potest velle diversa.

(f) AUGUSTINUS (tract. xlviii.) Audierunt Iudæi, *Ego, & Pater unum sumus*, & non pertulerunt, & more suo du-

ri ad lapides cucurrerunt: unde dicitur: *Sustulerunt lapides Iudæi, ut lapidarent eum.* HILARIUS VII. de Trin. (ubi supra.) Nunc (3) hæreticorum furor iam Domino in cælis sedente pari infidelitate diis non obediens, odium impietatis exercet, verborum lapides iniicit, & si possent, de throno cum suo (4) in crucem retraherent. THEOPHYLACTUS. Dominus autem ostendens quod nullam iustitiam habebat occasionem succendi adversus eum, commemorat signa quæ fecerat: nam sequitur: *Respondit eis Iesus: Multa bona opera ostendi vobis ex Patre meo.* ALCUINUS. Scilicet in finitibus infirmorum, in exhibitione doctrinæ, & miraculorum: quæ ex Patre ostendi, quia eius gloriæ per omnia quævis. Propter quod verum opus lapidatis? Quamvis inviti consentientur multa beneficia sublimis a Christo; sed quod de sua, Patrique æqualitate dixerat, pro blasphemia deputabant: unde sequitur: *Respondent ei Iudæi: De bono opere non lapidamus te, sed de blasphemia, & quia homo cum sis, facis te ipsum Deum.* AUGUSTINUS (ut supra.) Ad hoc responderunt quod dixerat: *Ego, & Pater unum sumus.* Ecce Iudæi intellexerunt quod Arriani non intelligunt: ideo enim irati sunt, quoniam senserunt non posse dici, *Ego, & Pater unum sumus*, nisi ubi æqualitas est Patris, & Filii. HILARIUS VII. de Trin. (ubi supra.) Iudæus dicit, *Cum sis homo*; Arrianus, *Cum sis creatura*: utrique autem dicunt, *Facis te Deum*. Subiicit enim Arrianus substantiæ novæ, & alienæ Deum, ut aut alterius generis Deus sit, aut omnino nec Deus: dicit enim: Non est Filius ex nativitate, non est Deus ex veritate; creatura est præstantior cunctis. CHRYSOSTOMUS (hom. lx.) Dominus autem non destruxit opinionem Iudæorum æstimantium quod se Deo parem diceret, sed magis contrarium facit: nam sequitur: *Respondit eis Iesus: Nonne scriptum est in lege vestra? Quia ego dixi, Diis estis.* Idest, vobis data: Quia ego dixi, Diis estis. (5) Deus hoc dicit per Prophetam in Psalmo, hominibus. Ex legem appellavit Domi-

pus

(1) *Al.* de virtus Patris esset in Filio. (2) In Parisina editione Monachorum S. Mauri neganda legitur. *Idem consule notum.* Nicolaus autem legit Strabellio tamen impietatis suæ mendacio negando corumpunt. (3) *Pleniori sensu sic habere Hilarium notat Nicolaus.* Hæreticorum furor iam Dominum in cælis sedentem, quia exemplo Iudæorum in crucem agere non possunt, pari tamen infidelitate hoc cum quod est denegant, & cum non possint negare quæ dicta sunt, tamen diis non obediens odium &c. (4) *Al.* in cruce retraherent. (5) *Al.* De hoc dicit.

EX EDITIONE P. NICOLAI.

8 Tract. xxxvii, in Iohannem. 6 VII. de Trinitate. cap. vi.

mus generaliter omnes illas Scripturas, quamvis alicubi specialiter dicar legem, a Prophetis eam diluens, securi est Matth. xxi. „ In his duobus præceptis tota lex „ pendet, & Prophetæ. „ Aliquando autem in tria distribuit easdem Scripturas, ubi ait Luc. xxiv. „ Oportebat impleri omnia quæ scripta sunt in Lege, & Prophetis, & Psalmis de me. „ Nunc vero etiam Psalmos legis nomine nuncupavit: ex quibus sic argumentatur. *Si illos dixit Deus ad quos sermo Dei factus est, & non potest solvi Scriptura; quem Pater sanctificavit, & misit in mundum, vos dicitis, Quia blasphemias, quia dixi, Filius Dei sum?* HILARIUS VII. de Trin. (ubi supra.) Demonstratur (1) quidem quod ipse, & Pater unum essent, in eo primo ineptia ridiculi opprobrii consutatur, cur in reatum vocaretur, quod se, cum homo esset, Deum faceret. Cum enim lex huius nominis appellationem sanctis hominibus decerneret, & sermo Dei iudicabilis confirmaret hanc impartiti nominis professionem; iam ergo non est criminis, quod se Deum, cum homo sit, faciat, cum eos qui homines sunt, Deos lex dixerit. Et si a ceteris hominibus non irreligiosa huius nominis usurpatio est, ab eo homine quem sanctificavit Pater, non impudenter usurpari videtur, quia Dei Filium se dixerit, cum præcelsit ceteros per id quod sanctificatus in Filium est, Beato Paulo dicente Rom. i. quod, prædestinatus est „ Filius Dei in virtute secundum spiritum „ sanctificationis: „ omnis enim hæc de homine responsio est, quod Dei Filius etiam hominis Filius est. AUGUSTINUS (loc. cit.) Velaciter. *Sanctificavit*; idest, ut sanctus esset, gignendo ei dedit, quia sanctum eum genuit. Si autem sermo Dei factus est ad homines, ut diceretur dii, ipsum Verbum Dei quomodo non est Deus? Si per sermonem Dei homines participando fiunt dii, Verbum unde participatur non est Deus? THEOPHYLACTUS. *Vel sanctificavit eum*, hoc est sanxit sacrificari pro mundo. In quo ostendit se non esse Deum sicut ceteri: nam saluum facere mundum, divinum opus est, non autem hominis deificari per gratiam. CHRYSOSTOMUS (hom. lx.) Vel, interim quidem, ut susciperetur sermo, humilior locutus est, postea autem ad maius eos reduxit, dicens: *Si non facio opera Patris mei, nolite credere mihi*: per hoc ostendens quod in nullo minor est Patre: quia

enim substantiam eius impossibile erat eis videre, ab operum paritate, & identitate demonstrationem eius quæ secundum virtutem indissimilitudinis est, tribuit. HILARIUS VII. de Trin. (ubi supra.) Quid hic adopcio, quid indulgentia nominis loci invenit, ne ex natura Dei Filius sit, cum Dei Filius ex naturæ paternæ operibus credendus sit? Non exæquatur, ac similis est Deo creatura, (2) neque ei naturæ alienæ potestas comparatur. Gerere autem se, non sua, sed quæ Patris sunt, testatur, ne per magnificentiam gestorum naturæ nativitas auteratur. Et quia sub sacramento assumpti corporis natæ Maria hominis, Dei Filius non intelligebatur, fides nobis intimatur ex gestis, cum ait: *Si autem facie, osimio non vultis credere, operibus credite*. Cur enim sacramentum nati hominis intelligentiam divinæ nativitatis impediatur, cum divina nativitas omne opus suum sub mysterio assumpti hominis exequatur? Faciens igitur opera Patris, demonstrare debuit quid esset operibus credendus: nam sequitur: *Ut cognoscatis, & credatis quia Pater in me est, & ego in Patre*. Hoc est illud, Dei Filius sum, hoc est illud, Ego, & Pater unus sumus. AUGUSTINUS (tract. xlvi.) None enim Filius sic dicit, *In me est Pater, & ego in illo*, quomodo possunt dicere homines: si enim bene cogitemus, & bene vivamus, in Deo sumus, & Deus in nobis est, quasi participantes eius gratiam, & illuminari ab ipso; unigenitus autem Dei Filius in Patre est, & Pater in illo tamquam æqualis.

(g) BEDA. Adhuc Iudeos in cepta dementia persistere Evangelista ostendit, dicens: *Quærebant ergo eum apprehendere*. AUGUSTINUS (tract. xlvi.) Non credendo, & intelligendo, sed sæviendo, & occidendo. Tu apprehendas, ut babeas; illi apprehendere volebant, ut non haberent: unde sequitur: *Et exivit de manibus eorum*. Non eum apprehenderunt, quia manus fidei non habuerunt. Sed non erat magnum Verbo eicere carnem suam de manibus carnis. CHRYSOSTOMUS (hom. lx.) Cum autem Christus aliquid magnum locutus fuisset, recedit velociter, ut sedetur eorum furor per absentiam eius; quod utique & nunc fecit: unde sequitur: *Et abiit iterum trans Iordanem in eum locum ubi erat Iohannes baptizans primum, & mansit illic*. Ideo hunc locum Evangelista commemorat, ut discas quoniam proprie abiit, ut recorderetur

Bbbb 2. co-

(1) Sic legitur idem Nicolai. Demonstratur quidem quod ipse & Pater unum namque essent, in eo primo inaspeciam ridiculi opprobrii consutatur &c. (2) M. neque enim naturæ &c.

eorum quæ illic facta sunt, & dicta a Ioanne, & testimonii illius. BEDA. Dicit autem, *Ubi erat primum*, idest a primæva ætate. Demorante autem eo ibi, narrat quia multi venerunt ad eum; unde sequitur: *Et multi venerunt ad eum, & dicebant, quia Ioannes quidem fecit signum nullum.* AUGUSTINUS (tract. xlviii.) Idest, nullum miraculum ostendit: non dæmonia fugavit, non cæcos illuminavit, non mortuos suscitavit. CHRYSOSTOMUS (homil. ix.) Vide autem qualiter syllogismos componunt indubitabiles. *Ioannes quidem, dicunt, nullum signum fecit;* hic autem facit: quare huius præminencia ostenditur. Deinde ne putetur Ioannes, quia nullum signum fecit, indignus testimonio, subdunt: *Omnia autem quæcumque dixit Ioannes de hoc, vera erant;* quasi dicant: Et si nullum signum fecerit, tamen de hoc omnia veraciter dixit. Ergo, dicunt, si Ioanni credere oportebat, multo

magis hinc, cum illius testimonio etiam demonstrationem signorum habenti: unde sequitur: *Et multi crediderunt in eum.* AUGUSTINUS (ut supra.) Ecce qui apprehenderunt permanentem, non quomodo ludæi volebant apprehendere discedentem. Et nos ergo per lucernam veniamus ad diem, quia Ioannes lucerna erat, & dici testimonium perhibebat. THEOPHYLACTUS. Notandum autem, quod crebro Dominus educit populos ad solitaria loca, de perfidorum societate eripiens, ut magis fructificent; sicut legem veterem darurus, eduxit populum in desertum. Mystice autem recedens a Hierosolymis Dominus, hoc est a plebe Iudaica, ad loca fontes habentia se transfert, idest ad Ecclesiam ex Gentibus, quæ habet fontem baptismi, per quem multi ad Christum accedunt, quasi transeuntes Iordanem.

C A P U T XI.

(a) ERat autem quidam languens Lazarus a Bethania, de castello Mariæ, & Marthæ sororum eius. Maria autem erat quæ unxit Dominum unguento, & exterisit pedes eius capillis suis, cuius frater Lazarus infirmabatur. Miserunt ergo sorores eius ad eum, dicentes: Domine, ecce quem amas infirmatur. Audiens autem Iesus dixit eis: Infirmitas hæc non est ad mortem, sed pro gloria Dei, ut glorificetur Filius Dei per eam. Diligebat autem Iesus Martham, & sororem eius Mariam, & Lazarum.

(b) Ut ergo audivit quia infirmabatur, tunc quidem mansit in eodem loco duobus diebus. Deinde post hæc dicit discipulis suis: Eamus in Iudæam iterum. Dicunt ei discipuli: Rabbi, nunc quærebant te Iudæi lapidare, & iterum vadis illic? Respondit Iesus: Nonne duodecim horæ sunt diei? Si quis ambulaverit in die, non offendit, quia lucem huius mundi videt; si autem ambulaverit in nocte, offendit, quia lux non est in eo.

(c) Hæc ait, & post hæc dicit eis: Lazarus amicus noster dormit; sed vado, ut a somno excitem eum. Dixerunt ergo discipuli eius: Domine, si dormit, salvus erit. Dixerat autem Iesus de morte eius; illi autem putaverunt quia de dormitione somni diceret. Tunc ergo Iesus dixit eis manifeste: Lazarus mortuus est; & gaudeb propter vos, ut credatis, quoniam non eram ibi. Sed eamus ad eum. Dixit ergo Thomas, qui dicitur Didymus, ad condiscipulos: Eamus & nos, & moriamur cum eo.

(d) Venit itaque Iesus, & invenit eum quatuor dies iam in monumento habentem. Erat autem Bethania iuxta Hierosolymam quasi stadiis quindecim. Multi autem ex Iudæis venerant ad Martham, & Mariam, ut consolarentur eas de fratre suo. Martha ergo ut audivit quia Iesus venit, occurrit; Maria autem domi sedebat. Dixit ergo Martha ad Iesum: Domine, si fuisses hic, frater meus non fuisset mortuus. Sed & nunc scio quia quæcumque poposceris a Deo, dabit tibi Deus. Dicit illi Iesus: Resurget frater tuus. Dicit ei Martha: Scio quia resurget in resur-

surrectione in novissimo die. Dicit ei Iesus: Ego sum resurrectio, & vita. Qui credit in me, etiam si mortuus fuerit, vivet; & omnis qui vivit, & credit in me, non morietur in æternum. Credis hoc? Ait illi: Utique, Domine, ego credidi quia tu es Christus Filius Dei vivi, qui in hunc mundum venisti.

(e) Et cum hæc dixisset, abiit, & vocavit Mariam sororem suam silentio, dicens: Magister adest, & vocat te. Illa ut audivit, surrexit cito, & venit ad eum; nondum enim venerat Iesus in castellum; sed erat adhuc in illo loco ubi occurrerat ei Martha. Iudei ergo qui erant cum ea in domo, & consolabantur eam, cum vidissent Mariam quia cito surrexit, & exiit, secuti sunt eam, dicentes, quia vadit ad monumentum ut ploret ibi. Maria ergo cum venisset ubi erat Iesus, videns eum, cecidit ad pedes eius, & dixit ei: Domine, si fuisses hic, non esset mortuus frater meus.

(f) Iesus ergo ut vidit eam plorantem, & Iudæos qui venerant cum ea plorantes, infremuit spiritu, & turbavit seipsum, & dixit: Ubi posuistis eum? Dicunt ei: Domine, veni, & vide. Et lacrymatus est Iesus. Dixerunt ergo Iudæi: Ecce quomodo amabat eum. Quidam autem ex ipsis dixerunt: Non poterat hic, qui aperuit oculos cæci nati, facere ut hic non moreretur? Iesus ergo rursum fremens in semetipso, venit ad monumentum. Erat autem spelunca, & lapis superpositus erat ei. Ait Iesus, Tollite lapidem. Dicit ei Martha soror eius qui mortuus fuerat: Domine, iam scetet, quatrduanus est enim. Dicit ei Iesus: Nonne dixi tibi, quoniam si credideris, videbis gloriam Dei? Tulerunt ergo lapidem.

(g) Iesus autem elevatis sursum oculis, dixit: Pater, gratias ago tibi, quoniam audisti me. Ego autem sciebam quia semper me audis; sed propter populum qui circumstat dixi, ut credant quia tu me misisti. Hæc cum dixisset, voce magna clamavit: Lazare, veni foras. Et statim prodiit qui fuerat mortuus, ligatus manus, & pedes infirmis, & facies illius sudario erat ligata. Dixit eis Iesus: Solvite eum, & sinite abire. Multi ergo ex Iudæis qui venerant ad Mariam, & Martham, & viderant quæ fecit Iesus, crediderunt in eum. Quidam autem ex ipsis abierunt ad phariseos, & dixerunt eis quæ fecit Iesus.

(h) Collegerunt ergo pontifices, & pharisæi concilium, & dicebant: Quid facimus? Quia hic homo multa signa facit. Si dimittimus eum sic, omnes credent in eum. Venient Romani, & tollent nostrum locum, & gentem. Unus autem ex ipsis Caiphas nomine, cum esset pontifex anni illius, dixit eis: Vos nescitis quidquam, nec cogitatis quia expedit vobis ut unus moriatur homo pro populo, & non tota gens pereat. Hoc autem a semetipso non dixit; sed, cum esset pontifex anni illius, prophetavit, quia Iesus moriturus erat pro gente, & non tantum pro gente, sed ut filios Dei qui erant dispersi, congregaret in unum. Ab illo ergo die cogitaverunt ut interficerent eum.

(i) Iesus ergo iam non in palam ambulabat apud Iudæos; sed abiit in regionem iuxta desertum in civitatem quæ dicitur Ephrem, & ibi morabatur cum discipulis suis. Proximum autem erat pascha Iudæorum; & ascenderunt multi Hierosolymam de regione ante pascha, ut sanctificarent seipsos. Quærebant ergo Iesum, & colloquebantur ad invicem in templo stantes: Quid putatis, quia non venit ad diem festum istum? Dederant autem pontifices, & pharisæi mandatum, ut si quis cognoverit ubi sit, indicet, ut apprehendant eum.

(a) **B**EDA. Dixerat Evangelista, Dominum trans Iordanem abiisse, tuncque Lazarum contigit infirmari: unde dicitur: *Erat quidam languens Lazarus a Bethania.* Hinc est quod in quibusdam exemplaribus copulativa coniunctio & posita invenitur, ut sequentia verba superioribus connexa videantur. Interpretatur autem Lazarus adiutus. Inter omnes enim mortuos quos Dominus suscitavit, hic magis ab eo adjuvatur, quem non solum mortuum, sed quatrduanum suscitavit. AUGUSTINUS (tract. xlix.) Inter omnia enim miracula quæ fecit Dominus, Lazari resurrectione.

ctio-

dio præcipue prædicatur. Sed si attendamus quis fecerit, declarari debemus potius quam mirari. Ille suscitavit hominem qui fecit hominem: plus enim est hominem creare quam resuscitare. Infirmabatur autem in Bethania Lazarus; unde dicitur: *A Bethania de castello Maria, & Martha sororum eius: quod castellum erat proximum Hierosolymis.* ALCVINUS. Et quia plures feminæ huius nominiserant, ne errarem in nomine, ostenditur ex notissima actione: nam sequitur: *Maria autem erat qua unxit Dominum unguento, & extersit pedes suis capillis suis, cuius frater Lazarus infirmabatur.* CHRYSOSTOMUS (hom. lxi.). Igitur primum quidem illud necessarium discere, quoniam hæc non fuit illa meretrix quæ in Luca legitur: hæc enim honesta fuit, & studiosa circa Christi susceptionem. AUGUSTINUS de Con. Evang. (Lib. II, cap. lxxix.) Vel aliter. Hoc dicens Ioannes attestatur Lucæ, qui hoc in domo pharisei cuiusdam Simonis factum esse narravit: iam itaque hoc Maria fecerat. Quod autem in Bethania rursus fecit, aliud est, quod ad Lucæ narrationem non pertinet, sed pariter narratur a tribus. AUGUSTINUS de Verb. Domini (serm. lxx.). Invaserat igitur Lazarus perniciem inimica languoris; miserandum hominis corpus quotidie edax febris incendiis consumebat. Aderant autem duæ sorores languenti, & casum dolentes, iuvenis ægrotantis lætulo iugiter inhærebant: unde de eis mox subditur: *Miserunt ergo sorores eius ad eum, dicentes: Domine, ecce quem amas infirmatur.* AUGUSTINUS super Ioannem (tract. xli.). Non dixerunt, Veni, & sana; non aulæ sunt dicere, Ibi iube, (1) & hic fiet; sed tantummodo, *Ecce quem amas infirmatur.* CHRYSOSTOMUS (hom. lxi.). Per hoc enim ad miserandum volunt attrahere Christum: adhuc enim ei quasi homini intendebant. Ideo autem non inveniunt Christum, sicut centurio, & regulus, sed mittunt, quia vehementer confidebant de Christo, propter multam familiaritatem quam habebant ad eum, & quia a lactu detinebantur. THEOPHYLACTUS. Et quia mulieres erant, quas non decet de facili domo exire. Multam autem devotionem, & fidei magnitudinem expriment

dicentes: *Ecce quem amas infirmatur*; tantam enim potentiam in Domino esse credebant, quod mirum videretur qualiter virum sibi dilectum infirmitas potuerit occupare. Sequitur: *Audient autem Iesus dixit eis: Infirmitas hæc non est ad mortem; sed quia plura mors non erat ad mortem, sed potius ad miraculum; quo scilicet crederent homines in Christum, & vitarent veram mortem: unde sequitur: Sed pro gloria Dei.* Ubi ex obliquo Dominus Deum se dixit, contra hæreticos qui dicunt, quod Filius Dei non sit Deus. Pro gloria ergo cuius Dei? Audi quod sequitur: *Ut glorificetur Filius Dei per eam, scilicet infirmitatem.* CHRYSOSTOMUS. Hoc autem ut non est causale, sed eventus: nam eventus quidem aliunde infirmitas, usus est autem ea in gloriam Dei.

Sequitur: *Diligebat autem Iesus Mariam, & sororem eius Mariam, & Lazarum.* AUGUSTINUS (tract. xlix.). Ille languens, illæ tristes, omnes dilecti. Habebant ergo spem, quoniam diligebantur ab eo qui est dolentium consolator, languentiumque sanator. CHRYSOSTOMUS (ubi supra.). Per hoc etiam erudit nos Evangelista non trisillari, si qua infirmitas facta fuerit circa bonos viros, & Dei amicos.

(b) ALCVINUS. Dominus, nuntiata infirmitate Lazari, quousque quadriduum compleretur, sanare disulit, ut mirabilius suscitaret: unde dicitur: *Ut autem audivisset quia infirmabatur, tunc quidem mansit in eodem loco duobus diebus.* CHRYSOSTOMUS (hom. lxi.). Ut scilicet expiraret, & sepeliretur, (2) & dicerent, quoniam sciret, ut nullus posset dicere, quoniam nondum defunctum eum suscitavit; sed stupor fuit, & non mors.

Sequitur: *Deinde post hæc dicit discipulis suis: Eamus in Iudam iterum.* AUGUSTINUS (tract. xli.). Ubi pene fuerat lapidatus, quia propterea inde discessisse videbatur ne lapidaretur. Discessit enim ut homo; sed in redeundo, quasi oblitus infirmitatem, ostendit potestatem. CHRYSOSTOMUS (ut supra.). Nusquam autem alibi Dominus prædixit discipulis quod iturus esset; sed hic prædicat, quia formidabant vehementer, ut non repente eos conturbet: nam sequitur: *Dicunt ei discipuli: Rabbi, nunc quarantur te Iudæi lapidare, & tu iterum.*

(1) Al. & sic. (2) Al. & dicatur.

EX EDITIONE P. NICOLAI.

* AUGUSTINUS tract. xlv. In Ioan. Eius nomine prætermisso, editiones præcedentes ut ex Theophylacto dabant, & cum verbis illius confundeant hanc appendicem.

rum *eadis illuc?* (1) Formidabant enim & pro eo, & pro seipſis: nondum enim erant in fide firmati. AUGUSTINUS (tract. xlix.) Cum autem vellent dare conſilium homines Deo, diſcipuli magiſtro, corripuit eos: unde ſequitur: *Reſpondit Jeſus: Nonne duodecim hora ſunt diei?* Ut enim diem ſe oſtenderet, duodecim diſcipulos elegit. In hoc autem verbo non ipſum Iudam, ſed ſuccellorem eius praevidebat. Iuda enim cadente ſuccellit Mathias, & duodenarius numerus manſit. Horæ ergo illuſtrantur a die, (2) ut per horarum prædicationem credat mundus in diem. Me ergo ſequimini, ſi non vultis offendere: unde ſubdit: *Si quis ambulaverit in die, non offendit, quia lucem huius mundi videt; ſi autem ambulaverit in nocte, offendit, quia lux non eſt in eo.* CHRYSOSTOMUS (ut ſupra.) Quasi dicat: Qui ſibi nihil conſcius eſt nequitiae, nihil patietur verſutiae; qui vero mala agit, patietur. Itaque non oportet formidare: nihil enim dignum morte geſſimus. Vel aliter. Si quis lucem huius mundi videt, ſecurus eſt; multo magis qui mecum eſt, niſi amoverit ſe a me. THEOPHYLACTUS. Quidam vero hunc diem intelligunt tempus præcedens paſſionem. noctem vero ipſam paſſionem. Dicit ergo eis: Dum dies eſt, id eſt dum nondum imminet tempus paſſionis, non offendetis: non enim vos perſequentur Iudæi: cum autem ego venerit, paſſionem propriam dico, ex tunc noctem poſſidebitis angustiarum.

(c) CHRYSOSTOMUS (hom. lxi.) Poſita una confortatione diſcipulorum, hic alio modo eos confortat, oſtendens quoniam non Hieroſolymam debent ire, ſed in Bethaniam: unde dicitur: *Hac via, & poſt hac dicit illis: Lazarus amicus noſter dormit; ſed vado ut a ſomno excitem eum;* quali dicat: Non eo rurus diſputaturus contra Iudæos, ſed amicum noſtrum excitaturus: propter hoc ergo dicit, *Amicus noſter*, ut oſtendat neceſſarium ſuum adventum. AUGUSTINUS (tract. xlix.) Quod autem dixit, *Dormit*, verum dixit. Domino dormiebat, hominibus mortuus erat, qui eum ſuſcitare non poterat: nam Dominus tanta facilitate excitabat de ſepulcro, quanta tu excitas dormientem de lecto. Ergo ſecundum potentiam ſuam dixit dormientem, ſicut & Apoſtolus dicit I. Theſſ. v. „De dormientibus autem nolo vos ignorare.“ Dormientes appellavit, quia reſurrecturos prænuntiavit. Sed quomodo intereſt in ipſis qui

quotidie dormiunt, & exurgunt, quid quæque videat in ſomnis; alii ſentiunt læta ſomnia, alii torquentia: ſic unusquisque cum cauſa ſua dormit, cum cauſa ſua ſurgit. CHRYSOSTOMUS (hom. lxi.) Diſcipuli autem impedire voluerunt eius adventum in Iudæam: unde ſequitur: *Dixerunt ergo diſcipuli eius: Domine, ſi dormit, ſalvus erit:* ſolet enim eſſe ſomnus ægrotantium ſalutis indicium; quali dicant: Si dormit, non igitur utile eſt quod tu vadas ad excitandum eum. AUGUSTINUS (ubi ſupra.) Quomodo ergo intellexerunt diſcipuli, ſic reſponderunt: unde ſequitur: *Dixerunt autem Jeſus de morte eius; illi vero putaverunt quod de dormitione ſomni diceret.* AUGUSTINUS (hom. ead.) Si vero quis dicat: Quomodo non cognoverunt diſcipuli mortuum eſſe, ab eo quod dixit, *Vado ut excitem illum?* ſtultum enim erit eum ire per tot ſtadia, ut Lazarum ſomno excitaret. Iſtud dicemus, quoniam æſtimabant hoc ænigma eſſe, qualia multa loquebatur. AUGUSTINUS (tract. xlix.) Quia ergo obſcure dixerat, *Dormit*, manifeſtat quod dixerat: unde ſequitur: *Tunc ergo dixit eis Jeſus manifeſte: Lazarus mortuus eſt.* CHRYSOSTOMUS (ut ſupra.) Non autem hic adiecit, *Vado ut reſuſcitem eum:* non enim volebat verbis prædicare quod per opera debebat certificare, vanam gloriam ubique nos ſugere docens; & quod non oportet ſimpliciter promittere.

Sequitur: *Et gaudet propter vos, ut credatis, quoniam non eram ibi.* AUGUSTINUS (tract. xlix.) Aeger enim, non mortuus fuerat nuntiatus; ſed quomodo lateret eum qui creaverat, ad cuius manus anima morientis exierat? Aut ergo: *Gaudet propter vos, ut credatis, quoniam non eram ibi:* ut iam inciperent admirari, quia Dominus poterat dicere mortuum; quod nec viderat, nec audiverat. Ubi meminiffe debemus quod adhuc etiam ipſorum diſcipulorum miraculis ædificatur fides, non ut eſſe inciperet, ſed ut quæ cœperat creſceret. Quod ergo dicit, *Ut credatis*, intelligendum eſt ut amplius, robuſtiſque credatis. THEOPHYLACTUS. Intellexerunt autem quidam hoc ſic. *Gaudet*, inquit, *pro vobis:* namcum illic non extiterim, conſert ad maioritatem fidei veſtræ, quoniam ſi aſtitille, ægrotantem curafſem, quod eſſet modicum ſignum ad meæ virtutis indicium. Quia vero me abſente ſupervenit mortis, potius in fide mea corroboramini, cum videbitis me poſſe etiam

(1) *Al.* Formidabant enim pro ſcipiſ. (2) *Al.* & per.

iam defunctum putrescentem refuscitare. CHRYSOSTOMUS (homil. lxi.) Igitur omnes discipuli quidem timebant Iudæos, super alios vero Thomas: unde legitur: *Dicit ergo Thomas, qui dicitur Didymus, ad condiscipulos: Eamus & nos, & moriamur cum eo: infirmior enim erat aliis, & infidelior, postea omnibus fortior factus est, & irreprehensibilis, quisolusorbem terrarum percurrit, & in mediis plebibus volebatur volentibus eum interficere.* BEDA. Velsatigati discipuli superioribus Domini verbis non ausi sunt ultra contradicere; sed Thomas præ omnibus focios hortatur, ut irent, & morerentur cum eo: in quo magnacius videtur esse constantia: sic enim loquebatur, quasi facere posset quæ alios hortabatur, inmemor suæ fragilitatis, sicut & Petrus.

(d) ALCUINUS. Dominus ad hoc venire distulerat, ut quadriiduum impleteretur, ut Lazarus gloriosius resuscicaretur; unde dicitur: *Venit itaque Iesus, & invenit eum quatuor dies iam in monumento habentem.* CHRYSOSTOMUS (hom. lxi.) Manifestat enim Dominus duobus diebus, & ante duos dies venerat nuntius, in qua die Lazarus est defunctus; ipse autem quarta die accessit. AUGUSTINUS (tract. xlix.) De quatuor autem diebus multa dici possunt. Diversis enim modis una res significari potest. Est enim unus dies mortis quem homo trahit de mortis propagine. Sed & legem naturalem transgrediuntur homines: ecce alter dies mortis. Lex etiam Scripturæ data est divinitus per Moysen, & ipsa contemnitur: adde tertium diem mortis. Venit Evangelium, & ipsum transgrediuntur homines: ecce quartus dies mortis. Et ad tales excitandos Dominus non designatur accedere. ALCUINUS. Aliter. Primum peccatum extitit elatio in corde, secundum consensus, tertium factum, quartum consuetudo.

Sequitur: *Erat autem Bethania iuxta Hierosolimam quasi stadiis quindecim.* CHRYSOSTOMUS (hom. ead.) Quod erat miliaria duo. Hoc autem inducitur ad ostendendum quod congruum fuit multis Iudæorum a Hierosolymis adesse: unde subditur: *Multi autem ex Iudæis venerant ad Martham, & Mariam, ut consolarentur eas de fratre suo.* Sed quomodo Iudæi consolabantur dilectas a Christo, cum iam statuisent quod si quis Christum confiteretur, extra synagogam fieret? Sed propter calamitatis necessitatem, aut quasi nobiles has mulieres reverentes, eas consolabantur; aut quia hi

aderant qui non mali erant: multi enim ex ipsis credebant. Hoc autem dicebat Evangelista ad ostendendum quod Lazarus vere mortuus erat. BEDA. Nondum autem Dominus castellum introierat: unde adhuc extra castellum posito occurrit Martha: unde legitur: *Martha ergo ut audivit quia Iesus venisset, occurrit illi; Maria autem domi sedebat.* CHRYSOSTOMUS. Non autem assumit sororem obviam Christo vadens: vult enim singulariter Christo loqui, & quod factum est ei annuntiare: cum vero eam in bonam spem duxit, tunc abiit & vocavit Mariam. THEOPHYLACTUS. Primo itaque non pandit forori, volens altantem hoc latere: quoniam si percepisset Maria Christum accedere, obviam iret, & comitarentur eam præsentem Iudæi, quibus notum fore adventum Iesu Martham nolebat.

Sequitur: *Dixit autem Martha ad Iesum: Domine, si fuisses hic, frater meus non fuisset mortuus.* CHRYSOSTOMUS (hom. lxi.) Credebat enim in Christum, sed non ut oportebat: nondum enim cognoscebat quoniam Deus erat; & ideo dicebat: *Si fuisses hic, frater meus non fuisset mortuus.* THEOPHYLACTUS. Quasi diffidens quoniam etiam absens, si vellet, posset prohibere mortem fratris sui. CHRYSOSTOMUS (ut supra.) Nondum etiam cognoscebat quod propria virtute hoc faceret; quod apparet ex hoc quod subditur: *Sed nunc scio quia quacumque poposceris a Deo, dabit tibi Deus:* ut de virtuoso quodam, & approbato viro loquens. AUGUSTINUS (tract. xlix.) Non autem dicit ei, *Rogo te ut resuscites fratrem meum: unde enim sciebat, si fratris eius resurgere utile fuerat?* Hoc tamen dixit: Scio quia potes, sis vis, facere: utrum facias, iudicii tui est, non presumptionis meæ. CHRYSOSTOMUS (hom. ead.) Dominus autem vera quæ non cognoscebat, eam docuit: unde legitur: *Dixit ei Iesus: Resurget frater tuus.* Non dixit, *Pecatum ut resurgat.* Sed si diceret, *Non indigeo adiutorio, a me ipso omnia facio, valde fuisset grave mulieri; sed hoc dicere, Resurget, medium erat.* AUGUSTINUS (tract. xlix.) Ambiguum autem fuit quod dixit, *Resurget:* non enim ait, *Modo;* & ideo legitur: *Dixit ei Martha: Scio quia resurget in resurrectione in novissimo die.* De illa resurrectione secura sum, de hac incerta sum. CHRYSOSTOMUS (hom. lxi.) Audierat autem mulier multa a Christo de resurrectione loquente; Dominus autem manifestissimum ostendit auctoritatem: nam subditur: *Dixit ei Iesus: Ego sum resurrectio, & vita: ostendens quo-*

quoniam non indiget alio adiutorio: si enim alio adiutorio indigeret, qualiter erit resurrectio? Si vero ipse est vita, non loco circumcluditur, sed ubique existens potest sanare. **ALCIVINUS**. Ideo ego sum resurrectio, quia vita: per quem tunc cum aliis resurget, per eundem potest & modo resurgere. **CHRYSOSTOMUS** (ut supra.) Illa ergo dicente, *Quoniamque petieris*, ipse dicit: *Qui credit in me, etiam si mortuus fuerit, vivet*: ostendens quoniam ipse est tributor bonorum, & ab ipso oportet petere. Per hoc autem eius intellectum elevat: non enim hoc erat solum quod quaerebatur, ut solum Lazarum suscitaret; sed etiam oportebat eam, & qui praesentes erant discere resurrectionem. **AUGUSTINUS** (tra. xlix.) Dicit ergo: *Qui credit in me, etiam si mortuus fuerit in carne, vivet in anima*, donec resurget caro, numquam postea moritura: nam vita animae fides est.

Sequitur: *Et omnis qui vivit in carne, & credit in me, etiam si moriatur ad tempus propter mortem carnis, non morietur in aeternum*. **ALCIVINUS**. Propter vitam spiritus, & immortalitatem resurrectionis. Sciebat autem Dominus, quem nihil latet, quod hoc credebatur; sed confessionem qua salvaretur querit: unde sequitur: *Credis hoc?* At illi: *Utiq; Domine, ego credidi quia tu es Christus Filius Dei vivi, qui in hunc mundum venisti*. **CHRYSOSTOMUS** (homil. lxi.) Videtur mihi non intellexisse mulier quod dictum est; sed quoniam magnum quid erat intellexit, non tamen cognovit quid est: propterea aliud (1) interrogata, aliud respondit. **AUGUSTINUS** (tra. xlix.) Vel aliter. (2) Quando hoc credidi quod Filius es Dei, credidi quia tu es vita: quia & qui credit in te, etiam si moriatur, vivet.

(c) **CHRYSOSTOMUS** (hom. lxi.) Ex virtute sermonum Christi interim Martha lucrata est luctus dissolutionem: ea enim quae ad magistrum erat devotio non permittebat eam sentire praesentia, quae lucrum inducere poterant: unde dicitur: *Et cum hac discessit, abiit, & vocavit Mariam sororem suam silentio*. **AUGUSTINUS** (tra. xlix.) Advertendum, quod suppressam vocem silentium nuncupavit: nam quomodo siluit, cum subdatur: *Dicens: Magister adest, & vocat te*? **CHRYSOSTOMUS** (homil. lxi.) Ideo autem occulte sororem vocat: si enim scivissent Iudaei Christum advenire,

S. Th. Oper. Tom. V.

recessissent, & non fuissent testes miraculi. **AUGUSTINUS** (tra. eod.) Advertendum etiam, quemadmodum Evangelista non dixerit ubi, vel quando, vel quomodo Mariam Dominus vocaverit, ut hoc in verbis Marthae potius intelligeretur, narrationis brevitate servata. **THEOPHYLACTUS**. Sive etiam ipsam Christi praesentiam vocationem reputavit; quasi dicat: Inexcusabile est ut eo praesente tu non exas obviam ipsi. **CHRYSOSTOMUS** (hom. lxi.) Omnibus autem assidentibus, illa lugens, & plangens non expectavit ad se venire magistrum, neque dignitatem servavit, neque a luctu detenta est; sed surgens confestim obviavit: unde sequitur: *Ille ut audivisset, surrexit cito, & venit ad eam*. **AUGUSTINUS** (tra. xlix.) Ex quo patet quod non illam praevenerisset Martha, si ei notus fuisset adventus Iesu.

Sequitur: *Novidum enim venerat Iesus in castellum; sed erat adhuc in illo loco ubi occurrerat ei Martha*. **CHRYSOSTOMUS** (hom. ead.) Vacantis enim ibat, ut non videatur iniicere seipsum miraculo, sed rogari ab aliis. Hoc igitur vult occulte Evangelista insinuare: aut quia cito currebat, ut anticiparet eum venientem. Venit autem non sola, sed omnes trahens Iudaeos: unde sequitur: *Iudaei igitur qui erant in domo cum ea, & consolabantur eam, cum vidissent Mariam quia cito surrexit, & exiit, secuti sunt eam, dicentes: quia vadit ad monumentum, ut pleret ibi*. **AUGUSTINUS** (tra. xlix.) Hoc pertinet ad Evangelistam narrare, ut videamus quae occasio fuerit quod plures ibi essent quando Lazarus resuscitatus est, ut tam grande miraculum quod triiduani mortui resurgentis testes plures invenirent.

Sequitur: *Mariam ergo cum venisset ubi erat Iesus, videns enim cecidit ad pedes eius*. **CHRYSOSTOMUS** (hom. lxi.) Ferventior haec sorore erat: non enim turbam recundata est, nec suspicionem timuit, quam de Christo Iudaei habebant, cum aliqui inimicorum Christi interessent; sed omnia contemptim humana praesente magistro, & soli se dabat ei qui ad magistrum honoris. **THEOPHYLACTUS**. Quamvis etiam se minute videbatur habere, dicens: *Domine, si fuisses hic, frater meus non fuisset mortuus*. **ALCIVINUS**. Quasi dicat: Dum nobiscum praesens fuisti, non morbus, non infirmitas aliqua apparere ausa est, apud quas vita noverat habitare, live hospitari.

Cccc

Au-

(1) M. interrogat. (2) M. Quoniam.

AUGUSTINUS de Ver. Dom. (serm. lxx.) **O infidelis** (1) conventio! Te adhuc positum in saeculo Lazarus amicus moritur. Si amicus moritur, inimicus quid patietur? Parum est si non tibi soli superiserviant; ecce tuum dilectum inferi raverunt. **BEDA.** Non autem omnia dixit Maria quæ Matthæ protulerat: quia (2) consuetudo hominum more lacrymis non omnia quæ voluit, & in animo habuit, proferre potuit.

(f) **CHRYSOSTOMUS** (hom. lxxi.) Mariæ loquenti nihil Christus loquitur, neque ea dicit quæ sorori dixerat: turba enim aderat multa, & non erat tempus illorum verborum. Sed condescendit, & humiliatur, humanam naturam denudans: quia enim miraculum magnum erat futurum, & multos per id lucraturus, sua condescensione attrahit testes, & humanam monstrat naturam: unde dicitur: *Iesus ergo ut vidit eam plorantem, & Iudeos qui venerant cum ea plorantes, in fremuit spiritu, & turbavit semetipsum.* **AUGUSTINUS** (tract. xlix.) Quis enim cum posset nisi ipse turbare? Turbatus est Christus, quia voluit; esurivit, quia voluit: in illius potestate erat sic vel sic affici, vel non affici. Verbum enim animam suscepit, & carnem, totius hominis sibi coaptans in personæ unitate naturam; ac per hoc ubi summa potestas est, secundum voluntatis nutum turbatur infirmitas. **THEOPHYLACTUS.** Ad approbandam enim conditionem humanam iubet ei quod suum est prosequi, nec non (3) iungit ei virtute Spiritus sancti, illamque compescit. Hæc autem cuncta naturam pati Dominus connivit, cum approbando quod homo verus, & non apparens fuerat, tum etiam nos monendo, ac metam mæstitiæ, & incunditati imponendo. Nam ex toto nec compati, nec mærire ferinum; ac horum exuberantia muliebre.

Sequitur: *Et dixit: Ubi posuisti eum?* **AUGUSTINUS** de Ver. Dom. (serm. lxxi.) Non locum sepulchri ignorare credi debuerat; sed fidem populi approbare volebat. **CHRYSOSTOMUS** (hom. lxxi.) Non enim vult ipse se initiare, sed omnia ab aliis discere, & rogatus facere, ut ab omni suspitione eripiat signum. **AUGUSTINUS** Lib. lxxxi. Quæst. (quæst. lxxv.) Quod & interrogat, vocationem nostram, quæ sit in occulto, arbitror significare. Prædestinatio enim nostræ vocationis occulta est, cuius

secreti signum est interrogatio Domini quasi nescientis, cum ipsi nesciamus: vel quod ignorare se peccatores alio loco Dominus ostendit, dicens Matth. vii. „Non novi“, vos: „quia in disciplina, & præceptis eius non sunt peccata.“

Sequitur: *Dicunt ei: Domine veni, & vide.* **CHRYSOSTOMUS** (hom. lxxi.) Nondum enim aliquid signum reuersionis monstraverat: unde ita videbatur iturus ut lacrymaturus, non ut relucitaturus: propter hoc ei dicunt: *Veni, & vide.* **AUGUSTINUS** (tract. xlix.) Videt autem Dominus quando miseretur: unde (3) illi dicit Psal. xlii. „Vide humilitatem meam, & laborem meum, & dimitte omnia peccata mea.“

Sequitur: *Et lacrymans est Iesus.* **ALCUIUS.** Quia fons pietatis erat, flebat pro parte humanitatis quem resuscitare poterat per potentiam divinitatis. **AUGUSTINUS** (ubi supra.) Quare autem flevit Christus, nisi quia homines flere docuit? **BEDA.** Est autem hominum consuetudo caros suos mortuos lugere: secundum hanc consuetudinem Iudei Dominum flere putabant: unde subditur: *Dixerunt ergo Iudei: Ecce quemodo amabat eum.* **AUGUSTINUS** (tract. eod.) Quid est *Amabat eum*? „Non“, veni vocare iustos, sed peccatores ad poenitentiam. „Sequitur: *Quidam autem ex ipso dixerunt: Non poterat hic, qui aperuit oculos cæci nati, facere ut hic non moreretur?* Plus est quod facturus est, ut mortuus suscitetur. **CHRYSOSTOMUS** (hom. lxxi.) Erant autem ex inimicis eius qui hoc dixerunt. Ex quibus igitur oportebat eius admirari virtutem, ex his ei detrahebant, scilicet ex illuminatione cæci nati, quasi nec illo miraculo factio. In hoc etiam se ostendunt esse corruptos, quia nondum Christo adveniente ad monumentum, præsumunt acculationes, non expectantes rei finem. Sequitur: *Iesus ergo rursus fremens in semetipso venit ad monumentum.* Studiose Evangelista frequenter dicit quod lacrymans est, & quod fremuit, ut discas quod vere nostram naturam induit. Quia enim hic magis aliis Evangelistis magna de eo loquitur, etiam in rebus corporalibus humiliora dicit. **AUGUSTINUS** (tract. xlix.) Fremas autem & in te, si disponis reviviscere: omni homini dicitur qui premitur pessima consuetudine. Sequitur: *Erant autem spelunca, & lapis superpositus ei.* Mortuus sub

(1) *Al. O infidelis, conventio te adhuc positum in saeculo &c.* (2) *Al. consuetudo.* (3) *Al. iungit.*
(1) *Al. omittitur illi.*

sub lapide, reus sub lege: lex enim quæ data est Iudeis, in lapide scripta est. Omnes autem rei sub lege sunt, iusto autem non est lex posita. *Beda.* Est autem spelunca rupes cavata. Porro monumentum dicitur, eo quod mentem moneat; (1) hoc est, mortuos ad memoriam revocat.

Sequitur: *Ait Iesus, Tollite lapidem.* CHRYSOSTOMUS (hom. ead.) Sed quare non lapide iacente secit resuscitari? Nonne poterat qui corpus movit mortuum voce, etiam multo magis lapidem movere? Non autem hoc fecit, ut eos testes faciat miraculi, ut non dicant quod in cæco dixerant. Non est hic. Manus enim, & accessus ad monumentum testabantur quod ipse est. AUGUSTINUS (tract. xlix.) Mystice autem dicit: *Removete lapidem*; removete legis pondus, gratiam prædicat. AUGUSTINUS Lib. lxxxiii. Quæst. (qu. lxi.) In quo puto illos significari qui venientibus ad Ecclesiam ex Gentibus, opus circumcisionis imponere volebant; vel eos qui in Ecclesia corrupte vivunt, & offensionem sumere volentibus. AUGUSTINUS de Ver. Dôm. (serm. lxi.) Iam autem Maria & Martha forores Lazari, quæ Christum frequenter mortuos resuscitasse viderant, fratrem suum posse resuscitare penitus non credebant: nam sequitur: *Dicit ei Martha frater eius qui mortuus fuerat: Domine iam factus est, quatuordecim enim est.* THEOPHYLACTUS. Hoc autem Martha tamquam diffidens dicit, veluti impossibile credens posse fratrem suscitari, ob diuturnitatem. *Beda.* Vel hæc verba non sunt desperationis, sed potius admirationis. CHRYSOSTOMUS (homil. lxii.) Sed hoc etiam quod dicit, valet ad obstruendum indevotos, ut & miraculum testentur manus tolles lapidem; & auditus vocem audiens Christi, & visus videntium Lazarum exire, & odoratus scetorem recipiens. THEOPHYLACTUS. Christus autem rememorat mulieri ea de quibus secum contulerat, & pene ut obliviscenti loquitur; unde sequitur: *Dicit ei Iesus: Nonne dixi tibi, quoniam si crederis, videbis gloriam Dei?* CHRYSOSTOMUS (hom. lxxi.) Non enim memor erat mulier eius quod Christus dixerat supra: *Qui credit in me, etiam si mortuus fuerit, vivet.* Et discipulis quidem dixit:

Ut glorificetur Filius Dei in ea: hic autem gloriam Dei de Patre dicit. Infirmis enim eorum qui audiebant, causa erant differendi eorum quæ dicebantur. Nolebat Dominus interim turbare astantes; & ideo dicit: *Videbis gloriam Dei.* AUGUSTINUS (tract. xlix.) In hoc autem est gloria Dei, quia & scetorem, & quatuordecim resuscitat.

Sequitur: *Tulerunt ergo lapidem.* ORIGENES (tom. xxviii. in Ioan.) Mora tollendi lapidem adjacentem ex lotore desuncti causata est: nisi enim dixisset, *Iam factus est enim quatuordecimus*, non decretur: *Dixit Iesus, Tollite lapidem.* Insistunt ergo lapidem: nunc ergo longe tardius ablatus est. Commodum est igitur nihil interponere inter iussu Iesu & ipsorum executionem.

(g) ALCUINUS. Quia Christus secundu[m] hominem minor erat Patre, ab illo petit suscitationem Lazari; atque ideo le exaudiri et'e dicitur: *Iesus autem elevatis oculis caelis dixit: Pater, gratias ago tibi, quoniam audisti me.* ORIGENES (tom. xxviii.) Elevavit quidem sursum oculos, quoniam intelligentiam humanam erexit, adducens illam per orationem ad excelsum Patrem. Sed & necesse est volentem ad exemplar orationis Christi orare, elevare oculos cordis sursum, ac erigere illos a præsentibus rebus memoria, cogitationibus, atque intentionibus. Si autem digne orantibus huiusmodi quædam exprimitur a Deo de propria oratione promissio (Esa. lxxiii.) Adhuc loquente dicam, Ecce adsum: "quid expedit arbitrarî de Domino & Salvatore? Erat enim oraturus pro resurrectione Lazari. Sed præveniens illius orationem qui solus bonus Pater est, exaudivit dicentem. Pro impletione igitur orationis subdit gratiarum actiones, dicens: *Pater, gratias ago tibi, quoniam audisti me.* CHRYSOSTOMUS (hom. lxxii.) Hoc est, nihil est contrarium mei ad te. Non autem offendi quod ipse non potuit, vel quod minor sit Patre, quia hoc & amicis dicitur, & honore æqualibus. Ut autem ostendat quoniam non indiget oratione, subiungit: *Ego autem sciebam quoniam semper me audis*, quasi dicat: Ad hoc quod fiat voluntas mea, non indigeo oratione (2) ut tibi suadeam: una enim est nostra voluntas. Hoc autem

Cccc 2 ob-

(1) *M.* hoc est, ut mortuos. (2) *M.* ut ad hoc tibi suadeam: immo ad hoc quod tibi suadeam.

* Nihil tale in Beda, vel alibi occurrat.

obumbrate dicit, propter auditorum imbecillitatem. Deus enim non ita dignitatem suam respicit, ut ad salutem nostram: propterea excelsa quidem & magna, pauca, & ipsa occultata, humilia vero multa circumstantur eius sermonibus. HILARIUS de Trin. (Lib. X. cir. finem.) Non (1) igitur prece eguit: nobis oravit, ne Filius ignoraretur: unde subditur: *Sed propter populum qui circumfati dixi, ut credant quia tu me misisti.* Cum enim sibi non proficeret deprecationis sermo, ad profectum tamen nostrae fidei loquebatur. Non inops ergo auxilii est, sed nos sumus inopes doctrinae. CHRYSOSTOMUS (hom. lxxiii.) Non autem dixit, *Ut credant* quoniam minus, quoniam sine oratione non possum facere; sed *quoniam tu me misisti.* Non dixit, *Misisti* meimbecillum, servitutem recognoscens, a seipso nihil facientem; sed *me misisti*, ut non Deo contrarium alliment, nec dicant, Non est ex Deo: & ut ostendam, secundum tuam voluntatem opus hoc fieri. AUGUSTINUS de Ver. Dom. (serm. lxxi.) Venit autem Christus ad monumentum in quo Lazarus dormiebat, & non tamquam mortuum, sed tamquam sanum, tamquam audire paratum, de sepulcro protinus vocavit: unde sequitur: *Hac enim dixisset, voce magna clamavit: Lazare, veni foras.* Ideo dicit nomen, ne omnes mortui cogenter exire: CHRYSOSTOMUS (hom. lxxiii.) Non autem dixit, *Surgite*; sed *veni foras*, ut viventi loquens ei qui mortuus fuerat: propter quod non dixit, In nomine Patris mei veni foras, aut, Resuscita eum Pater; sed haec omnia dimitte, postquam orantis formam acceperat, res auctoritatem ostendit: quoniam & hoc sapientiae suae est, per verba quidem condescensionem, per res vero ostendere potestatem. THEOPHYLACTUS. Alta vero Salvatoris vox, quae Lazarum suscitavit, iudicium est tubae magnae sonaturae in communi resurrectione. Altius etiam clamavit, ut Gentiliam ora reserent fabulantem, in tumultis esse animas defunctorum: nam quasi foras manentem eam advocat per clamorem. Sicut autem universalis resurrectio in ista oculorum provenit, sic & haec resurrectio singularis; & ideo sequitur: *Et sciam prodixit qui mortuus fuerat, ligatus manus, & pedes insitis, & facies eius suderio erat ligata.* Iam mancipiarum effectum quod dicitur supra v. *Veni foras cum audieris defuncti*

voce Filii Dei, & qui audierint vivent. ORIGENES (tom. xxviii.) Nam vox elata, & clamor non inconvenienter dicitur excitasse illum; & sic adimpletum est quod dixerat, *Vade, ut excitem eum.* Sed & Pater, qui Filium orantem exaudivit, suscitavit Lazarum, ut sic resurrectio Lazari commune opus sit Filii orantis, & Patris exaudientis. Sicut enim Pater suscitavit mortuos, & vivificat, sic & Filius quos vult vivificat. CHRYSOSTOMUS (hom. lxxiii.) Exiit autem ligatus, ut non putaretur esse phantasma. Sed & hoc quod exhibat ligatus, non minus videbatur esse quam resuscitare. Sequitur: *Dixit eis Iesus: Solvite eum: ut videlicet tangentes, & ei appropinquantes videant quia vere est ille.* Sequitur: *Et sinite abire;* & hoc propter humilitatem: non enim ducit eum, neque iubet secum ambulare ad sui demonstrationem. ORIGENES (tom. xxviii.) Dixerat autem supra Dominus: *Propter populum qui circumfati dixi, ut credant quia tu me misisti:* nullo autem eorum (2) credente hoc dixisset, velut aliquis hominum inscius futurorum: unde ad hoc removendum subditur: *Multi ergo ex iudeis qui venerant ad Mariam, & Martham, & viderant quae fecit Iesus, crediderunt in eum. Quidam autem ex ipsis abierunt ad pharisaeos, & dixerunt eis quae fecit Iesus.* Continet quid ambiguum sermo praesens: verum qui iiverunt ad pharisaeos, fuerunt ex illis multis qui crediderant, proponentes conciliare Christo hostiliter se habentes ad eum: vel alii a credentibus, irritari volentes invidum pharisaeorum zelum in ipsum. Et videtur mihi hoc magis Evangelistam exprimere velle: multos enim dixit qui per hoc quod viderunt, crediderunt, veluti paucis existentibus aliis, de quibus subdit: *Quidam autem ex ipsis abierunt ad pharisaeos, & dixerunt eis quae fecit Iesus.* AUGUSTINUS Lib. lxxxiii. Quasi. (quasi. lxxv.) Quamquam autem secundum Evangelistae historiam resuscitatum Lazarum plena fide te necamus, tamen in allegoria aliquid significare non dubito; neque cum res factae allegorizantur, gestae res fidem amittunt. AUGUSTINUS super Ioan. (tract. xlix.) Omnis quidem qui peccat moritur; sed Deus magna misericordia animas suscitavit, ne moriantur in aeternum. Intelligimus ergo res mortuos, quos in corporibus suscitavit, aliquid significare de resurrectionibus animarum. GREGORIUS IV. Moral. (cap. xxix.)

Pucl-

(1) Nescire habet: Non igitur prece pro seipso eguit: sed pro nobis oravit. &c. (2) Alii credentes.

Puellam enim in domo, (1) adolescentem extra portam, in sepulcro autem Lazarum suscitavit. Adhuc quippe in domo mortuus iacet qui iacet in peccato: iam quasi extra portam ducitur cuius iniquitas usque ad invercundiam publice perperationis operatur. AUGUSTINUS (tract. xlix.) Velintus est mors, quia cogitatum malum nondum processit in factum. Si autem ipsum malum fecit, quasi mortuum extra portam extulisti. GREGORIUS IV. Moral. (cap. xxix.) Sepulcrum vero aggere premitur qui in perperatione nequitiae etiam usu consuetudinis pressus gravatur sed hos plerumque divina gratia respectus sui lumine illustrat. AUGUSTINUS Lib. lxxxiii. Quæst. (quæst. lxxv.) Vel accipiamus Lazarum in monumento animam terrenis peccatis obutam. AUGUSTINUS super Ioan. (tract. xlix.) Et tamen Lazarum Dominus amabat: si enim peccatores non amaret, de cælo ad terras non descenderet. Bene autem de illo qui peccare consueverat dicitur, *Fateri*: incipit enim habere pessimam famam tamquam odorem teterimum. AUGUSTINUS Lib. lxxxiii. Quæst. (quæst. lxxv.) Recte etiam dicit, *Quatriduanus* est: ultimum enim elementorum terra est: significat enim puteum terrenorum peccatorum, idest cupiditatum carnalium. AUGUSTINUS super Ioan. (tract. xlix.) Fremuit autem Dominus, lacrymavit, voce magna clamavit: quia difficile surgit quem moles consuetudinis premit. Turbat semetipsum Christus, ut tibi significet quomodo tu turbari debeas, cum tanta mole peccati gravaris, & premeris. Fides (2) enim hominis sibi displicentis fremere debet in accusatione malorum operum, ut violentiæ penitentis cedat consuetudo peccandi. Quando dicis: Illud feci, & peperit mihi Deus: Evangelium audiui, & contempsit: quid scio? iam fremit Christus, quia fides fremit; in voce frementis apparuit spes resurgens. GREGORIUS XXII. Moral. (cap. xiii. vel in nov. codd. cap. ix.) Dicitur autem Lazaro, *Veni foras*, ut ab exultatione, & occultatione peccati ad accusationem suam ore proprio exire provocetur, ut qui intra conscientiam suam abscondit iacet per nequitiam, a semetipso foras exeat per confessionem. AUGUSTINUS Lib. lxxxiii. Quæst. (quæst. lxxv.) Quod autem Lazarus exiit de monumento, animam significat recedentem a carnalibus vitiis; quod vero interitis obvolutus, hoc est quod

etiam a carnalibus recedentes, & mente servientes legi Dei, adhuc tamen in corpore constituti, alieni a molestis carnis esse non possumus; quod autem facies eius vultu recta erat, hoc est quod in hac vita plenam cognitionem habere non possumus; quod autem dicit, *Solvite eum*, & *finite abire*, hoc est quod post hanc vitam auferuntur omnia velamina, ut facie ad faciem videamus. AUGUSTINUS super Ioan. (tract. xlix.) Vel aliter. Quando contemnis, mortuus iaces; quando confiteris, procedis. Quid est enim procedere nisi ab oculis velut exeundo manifestari? Sed ut confitearis Deus facit, magna voce clamando, idest magna gratia vocando. Mortuus autem procedens adhuc ligatus est, consistens adhuc reus; ut autem solverentur peccata eius, ministris hoc dixit: *Solvite eum*, & *finite abire*; quod est, *Quæ solveritis*, super terram, erunt soluta & in cælis: Matth. xviii. ALCUVIUS. Christus ergo suscitavit, quia interior per seipsum vivificavit: solvunt discipuli, quia per ministerium sacerdotum absolventur vivificati. BEDA. Per eos autem qui phariseis annuntiaverunt, significantur nonnulli, qui videntes bona servorum Dei opera, odiis insequuntur, & infamare conantur.

(h) THEOPHYLACTUS. Decebat admirari, ac extollere eum qui talia peragebat miracula; ipsi vero potius consiliantur illum occidere: unde dicitur: *Collegerunt ergo pontifices, & pharisei consilium adversus Iesum, & dicebant, Quid facimus?* AUGUSTINUS (tract. xlix.) Nec tamen dicebant, Credemus: plus enim perdit homines cogitabat quomodo noceret, & perderent, quam quomodo sibi consulerent, ne perirent; & tamen timebant, & quasi consulebant: dicebant enim: *Quid facimus, quia hic homo multa signa facit?* CHRYSOSTOMUS (hom. lxxv.) Hominem eum adhuc vocant qui tantam susceperat eius deitatis demonstrationem. ORIGENES (tom. xxi. c. 1.) Est autem per ea quæ dicuntur ab ipsis, considerare eorum insipientiam, & cæcitatem: insipientiam quippe, quia testificabantur illum & multa peregrisse miracula, & tamen æstimabant se posse adversus eum emulari, velut non posset pro se adversus eorum emulationes. Cæcitas autem hoc ipsum erat: ad facientem enim tot miracula pertinebat ut se ab eorum insidiis eximeret: nisi forte crederent quod ligata fecit, & putabant ea non fieri divina vir.

(1) *M. mulierem.* (2) *M. deest enim.*

virtute. Hi quidem igitur deliberabant non dimittere ipsum, opinantes se per hoc esse impedimento volentibus credere in eum, & Romanis, ne eis auferrent terram, & gentem: unde sequitur: *Si dimittimus eum, omnes erent in eum, & venient Romani, & tollent locum nostrum, & gentem.* CHRYSOSTOMUS (hom. lxiv.) Hoc dicentes, populum volunt concutere, ut periclitandum ex suspitione tyrannidis; quali dicant: Si Romani viderint eum turbas ducentem, suspicabuntur nos in tyrannidem vel le coniungere, & destruent nostram civitatem. Sed scilicet erat quod dicebantur: quid enim demonstrabat tale? Armigeros circumsternebat, & equitatus trahebat? Nonne deserta persequeretur? Sed ut non putetur ob passionem suam hoc dicere, totam civitatem periclitari dicunt. AUGUSTINUS (tract. xlix.) Vel timuerunt ne si emnes in Christum crederent, nemo remaneret qui adversus Romanos civitatem Dei, templumque defenderent: quoniam contra ipsum templum, & contra suas paternas leges doctrinam Christi esse sentiebant. Temporalia ergo perdere timuerunt, & vitam eternam non cogitaverunt: nam & Romani post Domini passionem, & glorificationem tulerunt eis & locum, & gentem, expugnando, & transferendo. ORIGENES (tom. xxiij.) Sed & secundum anagogen, locum eorum qui ex circumcissione sunt, Gentes occupaverunt, quia per eorum calum salus Gentibus evenit: loco enim Gentium Romani ponuntur, ex regnantibus qui regno suberant nuncupati. Gens etiam ab eis sublata est: quia qui fuit populus Dei, factus est non populus. CHRYSOSTOMUS (hom. lxiv.) Cum autem illi haesitabant, & in ordine consilii proponebant, dicentes, *Quid facimus?* unus interverecunde, & cum crudelitate clamavit: unde sequitur: *Unus autem ex istis Caiphas nomine, cum esset pontifex anni illius.* AUGUSTINUS (tract. xlix.) Movere potest quomodo dicatur pontifex anni illius, cum Dominus constituerit unum summum sacerdotem cui mortuo unus succederet. Sed intelligendum est, per ambitiones, & contentiones inter Iudeos postea constitutum esse plures fore pontifices, qui per annos singulos vicibus ministrarent: & forte etiam

iam in unum annum plures administrabant, quibus alio anno alii succedebant. ALCIVINUS. Nam de hoc Caipha Iosephus refert, quod pretio sibi sacerdotium unius anni redemerit. ORIGENES (tom. xxx.) Increpatur autem Caipha pravitas in hoc quod dicitur *Pontifex anni illius*, quo scilicet noster Salvator exercuit ministerium passionis; & tamen cum esset pontifex anni illius, dixit eis: *Veni seitis quidquam, neque cogitatis quia expedit vobis ut unus moriatur homo pro populo, & non tota gens pereat; & quasi dicat: Vos sedetis, & adhuc legnius rem attenditis; sed attendatis, unius hominis salutem pro communi republica oportere contemnere.* THEOPHYLACTUS. Hoc autem ipse quidem prava dixit intentione, tamen Spiritus sancti gratia ere eius via est ad futuri praesagium: unde subditur: *Hoc autem a semetipso non dixit; sed cum esset pontifex anni illius, prophetavit quia Iesus moriturus erat pro gente.* ORIGENES (ubi supra.) Non quicumque prophetizat, Prophetia est; sicut non quicumque ius prosequitur, iustus est, sicut qui facit aliquod opus propter (1) humanam gloriam. Caiphas ergo prophetavit quidem, nec tamen erat Prophetia, sicut & Salama. Auderet autem quis dicere quod non per Spiritum sanctum Caiphas prophetaverit, quia etiam spiritus maligni est attestari Iesu, & prophetare pro eo; iuxta illud quod dicitur Luc. iv. „ Novimus te quod sis Sanctus Dei: “ nam eius intentionis est non fideles auditores efficere; sed incitare in praetorio confidentes adversus Iesum, ut eum perimerent. Deinde quod dicit, *Expedit vobis*, quod pars eius propheticum fuit, dicit verum, vel mentitur? Nam si verum dicit, salvantur hi qui in praetorio adversus Iesum nituntur, mortuo Iesu pro populo, & pertingunt ad id quod expedit. Quod si inconveniens est, manifestum est quod non fuit Spiritus sanctus qui dedit haec proferri, quia Spiritus sanctus non mentitur. Si autem quis velit veridicum & in hoc esse Caipham, (2) concederetur illi quod gratia Dei pro omnibus gustet mortem, & quod est salvator omnium hominum, maxime fidelium. Fatebitur etiam cuncta quae sunt in hoc loco prophetiam esse veridicam, incipiendo ab illo, *Vos nescitis*

(1) *id. deo humanam.* (2) *id. converteretur. Nescis id est compertum erit illi.*

scitis: nihil enim noverat qui Iesum ignorabant esse veritatem, sapientiam, iustitiam, & pacem, & quod ipsis quoque erat expediens ut hic unus in quantum est hominiorum populo: non enim in quantum est imago invisibilis Dei, est susceptibilis mortis. Pro populo autem obiit, velut potens totius orbis culpam, in seipsum retorquens, dissipare, ac delere. Ex hoc vero quod dicitur, *Hoc autem a semetipso non dixit*, docemur quod aliqua nos homines per nos dicimus, nulla inducente virtute ad proferendum; quædam vero suadente nobis quadam virtute, etsi non integre exprimamus, (1) & sic inconsequenter disponamus ad ea, inestantes ea quæ (2) dicimus, sed non intentionem dictorum; velut Caiphas ex se nihil protulit, nec dixit intentionem, quia prophetiam dicti non accipiebat. Sed etiam apud Paulum quidam legisperiti sunt non intelligentes nec ea quæ proferunt. AUGUSTINUS (tract. xlix.) Hic docemur, etiam homines malos prophetie spiritu futura prædicere; quod tamen Evangelista divino attribuit sacramento, quia pontifex fuit, id est summus sacerdos. CHRYSOSTOMUS (hom. lxxiv.) Vide autem quanta Spiritus sancti virtus est: a mente enim mala valuit verba proferre prophetie. Vide etiam quanta est pontificalis virtus potestatis: pontifex enim effectus, etsi indignus existens, tamen prophetavit nesciens quid diceret: ore enim solum usa est gratia, contaminatum autem cor non tetigit. AUGUSTINUS (tract. eod.) Caiphas igitur de sola gente ludæorum prophetavit, in qua erant oves, de quibus ait ipse Dominus Matth. xv. „Non sum missus nisi ad oves quæ perierunt domus Israel.“ Sed noverat Evangelista alias esse oves, quæ non erant de hoc ovili, quas oportebat adduci; & ideo addidit: *Et non tantum pro gente, sed ut filius Dei, qui erant dispersi, congregaret in unum.* Hæc autem secundum prædestinationem dicta sunt: nam neque oves eius, neque filii Dei adhuc erant. GREGORIUS VI. Moral. (cap. xlii.) Persecutores igitur peregerunt hoc quod perniciose moliti sunt; intulerunt mortem, ut ab eo abscinderent fidelium devotionem; sed fides inde crevit

unde se hanc extinguere infidelium crudelitas credidit. (3) Ille enim ad pietatis suæ obsequium redegit quod contra illum humana crudelitas extorsit. ORIGENES A. Concitati autem ad iram ex verbis Caiphas, taxaverunt ut occiderent Dominum: unde sequitur: *Ab illo ergo die cogitaverunt ut interficerent eum.* Et quidem si non Spiritu sancto Caiphas prophetaverat, alius spiritus fuit qui valuit & per impium loqui, & sibi compares adversum Christum incitare. Qui autem vult respondere pro Spiritu sancto, dicit, quod sicut sacrarum intentionem Scripturarum ad utilitatem prolatam aliqui prave fuscipiunt ad constituendam enormem disciplinam; sic editam pro Salvatore prophetiam veridicam non debito modo percipientes consiliati sunt ut interficerent Christum. CHRYSOSTOMUS (hom. lxxiv.) Quærebant quidem & prius eum interficere, nunc & sententiam firmaverunt.

(1) ORIGENES (tom. xxviii.) Cum concilium congregaverunt pontifices, & pharisæi, ut occiderent Iesum, ipse cautius se observans non ultra cum fiducia conversabatur cum ludæis; sed neque ad aliam civitatem abiit populatam, sed ad quamdam remotam: unde dicitur: *Iesus ergo iam non in palam ambulabat apud Iudæos; sed abiit in regionem iuxta desertum, in civitatem quæ dicitur Ephrem.* AUGUSTINUS (tract. xlix.) Non quia potentia eius desecerat, in qua, si vellet, palam cum ludæis conversaretur, & nihil ei facerent; sed exemplum discipulis demonstravit, quo appareret non esse peccatum, si fideles eius oculis persecutionum se subtraherent, & furorem sceleratorum latendo potius evitarent, quam se ostendendo magis accenderent. ORIGENES (tom. xxviii.) Honestum namque est imminente agone consistenti Iesum non evitare confessionem, nec reculare subire mortem gratia veritatis; nec minus honestum est non (4) tradere occasionem tantæ tentationi, non solum propter incertitudinem eventus proprii, sed ne nos occasionem præstemus ut alii magis impii, ac noxii fiant: nam si quis fideus erga quemquam materia criminis fuerit pœnas, (5) quo modo persecutorem non declinans, non etiam

(1)

(1) *Nicolaus legis* & sic consequenter. (2) *A. dicimus.* (3) *In editis vixisse* Non enim. (4) *A. crederet.* (5) *A. quid.*

(1) & persequentis delicto dabit responsum? Non solus autem Dominus illuc ivit, immo, ut nullam daret causam perquirentibus eum, discipulos etiam secum duxit: unde sequitur: *Et ibi morabatur cum discipulis suis.* CHRYSOSTOMUS (homil. lxiv.) Qualiter putas turbatos discipulos humane videntes eum salvatum? Ipsi autem, quoad omnes lætabantur, & festa celebrabant, tunc occultantur, & in periculis sunt; sed tamen permanebant cum eo, secundum illud Luc. xxi. „Vos estis qui „permanistis mecum in tentationibus meis.“ ORIGENES (tom. xxviii.) (2) Quo ad anagogiam vero dicatur, quod Iesus dudum cum fiducia ambulabat inter Iudæos, cum verbum divinum per Prophetas in ipsis conversabatur; sed abiit (3) illinc, nec est verbum Dei inter Iudæos. Accessit autem ad villam quæ est prope desertum, de qua dicitur Elai. liv. „Multi filii desertæ maris quam coniungat.“ Villa autem dicitur Ephrem, quæ interpretatur fertilitas. Fuit autem Ephraim frater Manasse senioris populi oblivioni traditi: post populum enim oblivioni datum, & prætermisum prodiit ex Gentibus abundantia. Discedens ergo a Iudæis Dominus, venit in terram totius orbis prope desertam Ecclesiam, quæ dicitur civitas secunda; & ibi moratur cum discipulis usque nunc. AUGUSTINUS (tract. l.) Ille autem qui de cælo venerat pati, propinquare voluit loco passionis, quia imminabat hora passionis; unde sequitur: *Proximum autem erat pascha Iudæorum.* Habebant Iudæi pascha in umbra, nos in luce: sanguine occisi pecoris Iudæorum postes signati sunt, sanguine Christi frontes nostræ signantur. Illum diem festum Iudæi cruentum habere Domini sanguine voluerunt, illo die festo occisus est agnus; qui eundem diem festum suo sanguine consecravit. Mandatum autem erat

in lege Iudæis ut die festo, quo pascha erat, omnes undique convenirent, & illius diei celebratione sanctificarentur: unde sequitur: *Et ascenderunt multi Hierosolymam de regione ante pascha ut sanctificarentur seipso.* THEOPHYLACTUS. Ascenderunt autem ante pascha ut purgarentur: quoniam quicumque peccaverant inviti, vel spontanei, pascha non celebrabant, nisi prius expiarentur, ut moris erat, balneationibus, & ieiuniis, ac rasura, quin etiam quasdam deputatas oblationes offerendo. Hi ergo expiationem celebrantes, insidiantur Domino: unde sequitur: *Quærebant ergo Iesum, & colloquebantur ad invicem in templo stantes: Quid putatis quia non venit ad diem festum?* CHRYSOSTOMUS (homil. lxiv.) Insidiabantur ei, & tempus festi tempus faciebant occisionis. ORIGENES (ut supra.) Et propter hoc non dixit, *Pascha Domini*, sed *Iudæorum*: nam Salvator in illo patiebatur insidias. ALCUINUS. Illi ergo quærebant Iesum non bene; nos autem quærimus eum stantes in templo Dei, mutuo nos consolando, & exortando ut veniat ad diem festum nostrum, & sua præsentia nos sanctificet. THEOPHYLACTUS. Sed si talia solum vulgus perageret, videretur utique passio ex imperitia progredi; sed etiam pharisæi præcipiunt ut capiatur; unde sequitur: *Dederant autem pontifices, & pharisæi mandatum ut si quis cognoverit ubi sit, indicet ut apprehendant eum.* ORIGENES (ubi supra.) Et attende, quod ignorabant ubi est: ostensum est enim eum discessisse. Dices etiam quoniam insidentes Iesu ignorabant ubi sit: propter quod dederunt alia quam divina mandata, docente disciplinas, & mandata hominum. AUGUSTINUS (tract. eod.) Nos autem indicemus modo Iudæis ubi sit. Utinam velint audire, & apprehendere.

C A P U T XII.

(a) **I**esus ergo ante sex dies paschæ venit Bethaniam, ubi Lazarus fuerat mortuus, quem suscitavit Iesus. Fecerunt autem ei cenam ibi, & Martha ministrabat, Lazarus vero unus erat ex discumbentibus cum eo. Maria ergo accepit libram unguenti nardi pistici pretiosi, & unxit pedes Iesu, & exterisit pedes eius capillis suis, & domus impleta est ex odore unguenti. Dixit ergo unus ex discipulis

(1) *M.* & persequentibus. (2) *M.* Quo modo ad anagogiam. (3) *M.* illuc.

pulis eius Iudas Scariotes, qui erat eum traditurus: Quare hoc unguentum non venit trecentis denariis, & datum est egenis? Dixit autem hoc, non quia de egenis pertinebat ad eum; sed quia fur erat, & loculos habens, ea quæ mittebantur portabat. Dixit ergo Iesus: Sinite illam, ut in diem sepulture meæ serve illud. Pauperes enim semper habebitis vobiscum, me autem non semper habebitis. Cognovit ergo turba multa ex Iudæis quia illic est, & venerunt non propter Iesum tantum, sed ut Lazarum viderent, quem suscitavit a mortuis. Cogitaverunt autem principes sacerdotum ut & Lazarum interficerent; quia multi propter illum ababant ex Iudæis, & credebant in Iesum.

(b) In crastinum autem turba multa, quæ convenerat ad diem festum, cum audissent quia venit Iesus Hierosolimam, acciperant ramos palmarum, & processerunt obviam ei, & clamabant: Hosanna, benedictus qui venit in nomine Domini, Rex Israel. Et invenit Iesus asellum, & sedit super eum, sicut scriptum est: Noli timere filia Sion: ecce Rex tuus venit tibi, sedens super pullum asinæ. Hæc non cognoverant discipuli eius primum; sed quando glorificatus est Iesus, tunc recordati sunt quia hæc erant scripta de eo, & hæc fecerunt ei. Testimonium ergo perhibebat turba quæ erat cum eo, quando Lazarum vocavit de monumento, & suscitavit eum a mortuis; propterea & obviam venit ei turba, quia audierunt eum fecisse hoc signum. Pharisei ergo dixerunt ad semetipsos: Videtis quia nihil proficimus: ecce mundus totus post eum abiit.

(c) Erant autem quidam Gentiles ex his qui ascenderant ut adorarent in die festo. Hi ergo accesserunt ad Philippum, qui erat a Bethsaida Galilææ, & rogaverunt eum, dicentes: Domine, volumus Iesum videre. Venit Philippus, & dicit Andreas; Andreas rursus, & Philippus dixerunt Iesu; Iesus autem respondit dicens: Venit hora ut clarificetur Filius hominis. Amen amen dico vobis: nisi granum frumenti cadens in terram, mortuum fuerit, ipsum solum manet; si autem mortuum fuerit, multum fructum asserit. Qui amat animam suam, perdet eam; & qui odit animam suam in hoc mundo, in vitam æternam custodit eam. Si quis mihi ministrat, me sequatur, & ubi ego sum, illic & minister meus erit. Si quis mihi ministraverit, honorificabit eum Pater meus.

(d) Nunc anima mea turbata est. Et quid dicam? Pater salvifica me ex hac hora. Sed propterea veni in horam hanc. Pater clarifica nomen tuum. Venit ergo vox de cælo dicens: Et clarificavi, & iterum clarificabo. Turba ergo quæ stabat, & audierat, dicebat tonitruum esse factum, Alii autem dicebant: Angelus ei locutus est. Respondit Iesus, & dixit: Non propter me hæc vox venit, sed propter vos. Nunc iudicium est mundi, nunc princeps huius mundi eiicietur foras. Et ego, si exaltatus fuero a terra, omnia traham ad meipsum. Hoc autem dicebat significans quia morte esset moriturus.

(e) Respondit ei turba: Nos audivimus ex lege quia Christus manet in æternum: & quomodo tu dicis: Oportet exaltari Filium hominis? Et quis est iste Filius hominis? Dicit ergo eis Iesus: Adhuc modicum lumen in vobis est. Ambulate dum lucem habetis, ut non vos tenebræ comprehendant: & qui ambulat in tenebris, nescit quo vadat. Dum lucem habetis, credite in lucem, ut filii lucis sitis. Hæc locutus est Iesus, & abiit, & abscondit se ab eis.

(f) Cum autem tanta signa fecisset coram eis, non credebant in eum, ut sermo Esaiæ impleteretur, quem dixit: Domine, quis credidit auditui nostro, & brachium Domini cui revelatum est? Propterea non poterant credere, quia iterum dixit Esaias: Excæcavit oculos eorum, & induravit cor eorum, ut non videant oculis, & non intelligant corde, & convertantur, & sanem eos. Hæc dixit Esaias quando vidit gloriam eius, & locutus est de eo. Verumtamen & ex principibus multi crediderunt in eum; sed propter phariseos non confitebantur, ut de synagoga non eiicerentur. Dilexerunt enim gloriam hominum magis quam gloriam Dei.

S. Th. Oper. Tom. V.

Dddd

(g).1c.

(g) Iesus autem clamavit, & dixit: Qui credit in me, non credit in me, sed in eum qui misit me. Et qui videt me, videt eum qui misit me. Ego lux in mundum veni, ut omnis qui credit in me, in tenebris non maneat. Et si quis audierit verba mea, & non custodierit, ego non iudico eum. Non enim veni ut iudicem mundum, sed ut salvificem mundum. Qui spernit me, & non accipit verba mea, habet qui iudicat eum. Sermo quem locutus sum, ille iudicabit eum in novissimo die: quia ego ex meipso non sum locutus, sed qui misit me Pater, ipse mihi mandatum dedit quid dicam, & quid loquar. Et scio quia mandatum eius vita æterna est. Quæ ergo ego loquor, sicut dixit mihi Pater, sic loquor.

(a) **A**LCUINUS. Appropinquante tempore in quo Dominus pati disposuit, appropinquavit ipse loco in quo eiusdem passionis dispensationem perficere voluit: unde dicitur: *Iesus ergo ante sex dies pascha venit in Bethaniam*. Primo venit in Bethaniam, deinde Hierosolymam. In Hierosolymam quidem ut ibi pateretur, in Bethaniam vero ut resuscitatio Lazari memorie omnium (1) artius imprimeretur: unde subditur: *Ubi fuerat Lazarus mortuus, quem suscitavit Iesus*. **THEOPHYLACTUS**. Decima autem die mensis agnum ludæi capiant immolandum in festo paschæ, ex tunc enim festivitas præbatur solemnitas: quapropter in die quæ est nona mensis, & præcedit sextum diem ante pascha, epulantur splendide, & exordium festi hanc diem constituunt: quo fit ut Iesus quodque pergens Bethaniam convivaretur: unde sequitur: *Fecerunt autem ei cenam ibi, & Martha ministrabat*. Per hoc autem quod dixit, quod Martha ministrabat, insinuat quod in illius domo erat convivium. Sed attende mulieris fidelitatem: non enim famulus imponit ministerium, sed ipsamet suscepit. Innuere autem volens Evangelista veræ resurrectionis Lazari signum, subdit: *Lazarus vero unus erat ex discipulis cum eo*. **AUGUSTINUS** (tract. L.) Vivebat, loquebatur, epulabatur, veritas ostendebatur, infidelitas ludæorum confundebatur. **CHRYSOSTOMUS** (homil. lxxv.) Maria autem non faciebat communem famulatum, sed ad solum Dominum conficiebat honorem, & non ut ad hominem accedat, sed ut ad Deum: unde sequitur: *Maria ergo accepit libram unguenti nardi pistici pretiosi, & unxit pedes Iesu, & extersit capillis suis pedes eius*. **AUGUSTINUS** (tract. lxxx.) Quod ait, *Pistici*, locum aliquem credere debemus, unde erat hoc unguentum pretiosum. **ALCUINUS**. Vel *pistici*, idest fidelis, nec extraneis speciebus adulterati. Hæc est illa mulier quæ quondam peccatrix in domo Si-

monis venit ad Dominum cum alabastrorum. **AUGUSTINUS** de Con. Evang. (Lib. II. cap. lxxxix.) Quod autem hoc in Bethania rursus fecit, aliud est, quod ad Lucæ narrationem non pertinet, sed patet narratur a tribus, Ioanne scilicet, Mattheo, & Marco. Quod ergo Mattheus, & Marcus caput Domini unguento illo perfecum dicunt, Ioannes autem pedes: non solum caput, sed & pedes Domini accipiamus perfecisse mulierem. Mattheus, & Marcus recapitulando ad illum diem redeunt in Bethaniam qui erat ante sex dies paschæ, & narrat quod Ioannes de cena, & unguento.

Sequitur: *Et domus impleta est ex odore unguenti*. **AUGUSTINUS** super Ioannem (tract. l.) Ad Apostolum revoca intentionem, qui dicit II. Corinth. 11. „ Aliis sumus odor vitæ ad vitam, alius fumus odor „ mortis ad mortem: „ denique audieshine ex unguento illo, quomodo erat alius odor bonus in vitam, alius odor (2) malus in mortem: unde sequitur: *Dixit ergo unus ex discipulis Iuis Iudas Scariotes, qui erat cum traditurus*. **AUGUSTINUS** de Con. Evang. (Lib. II. cap. lxxxix.) Quod alii dicunt discipulos murmurare de unguenti pretiosæ effusione, Ioannes autem Iudam commemorat: putat discipulorum nomine Iudam significatum, plurimum numero pro singulari usurpato. Potest etiam intelligi quod alii discipuli aut senserint hoc, aut dixerint, aut eis Iuda dicente persuasum sit, atque omnium voluntatem Mattheus, & Marcus verbis etiam expresserint, sed Iudas propterea dixerit, quia fur erat, feterat propter pauperum curam: Ioannem vero de solo illo id commemorare voluisse, cuius ex hac occasione furandi consuetudinem credidit intimandam: nam sequitur: *Dixit autem hoc, non quia de egenis pertinebat ad eum, sed quia fur erat, & loculos habens, in qua miscebantur pertabat*. **ALCUINUS**. Portabat ministerio, exportabat furto. **AUGUSTINUS** (tract. l. in Ioan.) Non tunc perierat Iudas quando accepit a Iudæis pecuniam,

(1) *Al.* altius, forte altius. (2) *Al.* bonus.

niam, ut Dominum traderet: iam far erat, Dominum perditus sequebatur non corde, sed corpore. Voluit autem per hoc Dominus nos admonere ut malos toleremus, ne corpus Christi dividamus. Qui aliquid de Ecclesia furatur, (1) Iudæ perditio comparatur. Tolerare malum bonum, ut venias ad præmium bonorum, ne immittaris in pœnam malorum. Exemplum Domini accipite conversantis in terra. Quare habuit loculos cui Angeli ministrabant, nisi quia Ecclesia ipsius loculos habitura erat? Quare fures admisit, nisi ut eius Ecclesia fures dum patitur (2) toleraret? Sed ille, qui consueverat de loculis pecuniam tollere, non dubitavit accipere pecuniam ipsum Dominum vendere. CHRYSOSTOMUS (hom. lxiv. in Ioan.) Ideo etiam ei furi exsistenti loculos commisit pauperum, ut omnem abscederet occasionem: non enim habuit dicere, quoniam propter pecuniarum desiderium hoc fecit, etenim sufficientem habebat ex loculo concupiscentiæ mitigationem. THEOPHYLACTUS. Quidam vero administrationem pecuniæ suscepisse Iudam fatentur, tamquam minimum omnium. Nam pecuniæ administratione, doctrinæ administratione inferior est, secundum quod dicunt Apostoli in Actibus cap. vi. „Non est æquum nos derelinquere verbum Dei, & ministrare men-“, sic. CHRYSOSTOMUS (hom. lxiv.) Christus autem multa condescensione ad Iudam utens, non increpavit eum furtipientem, sed communem intulit excusationem: nam sequitur: Dixit ergo Iesus: Sinite illam, ut in diem sepulture meæ servet illud. ALCUINUS. Significat se moriturum, & ad sepeliendum aromatibus esse unguendum; id eo Mariæ, cui ad unctionem (3) mortui corporis multum desideranti pervenire non liceret, donatum se viventi adhuc impendere obsequium, quod post mortem celeris resurrectione præventa nequiret. CHRYSOSTOMUS (ut supra.) Rursus etiam propter proditorum rememoratus est sepulture; ac si dicat: Gravis sum tibi, & onerosus, sed expecta parum, & abibo: & hoc ostendit, cum iussit: *Pauperes enim semper habebitis vobiscum, me autem non semper habebitis.* AUGUSTINUS (tract. l.) Loquebatur de præsentia corporis sui: nam secundum maiestatem suam, secundum providentiam, secundum inestabilem, & invisibilem gratiam, impletur quod ab eo dictum est Matth. ult. „Ecce ego vobiscum sum usque, ad consummationem sæculi.“ Vel aliter. In Iudæ persona significati sunt in Ecclesia

malī: si enim bonus (4) homo es, habes Christum & in præsentī per fidem, & sacramentum, & habebis semper: quia cum hinc exieris, ad illum venies, qui dixit latroni, Luc. xxiii. „Hodie mecum eris“, in paradiso. Si autem male verlaris, videris habere in præsentī Christum, quia baptizaris baptismo Christi, accedis ad altare Christi; sed male vivendo non semper habebis. Non autem dixit, Habes, sed *habebis*, quia unus malus corpus malorum significat. Sequitur: *Cognovit ergo turba multa ex Iudæis quia illic esset, & venerunt, non propter Iesum tantum, sed ut Lazarum viderent, quem suscitavit a mortuis.* Curiositas eos adduxit, non caritas. THEOPHYLACTUS. Virescentem enim suscitari fieri cupiebant, expectantes etiam de inferis aliquid Lazaro referente perpendere. AUGUSTINUS (tract. eod.) Quia vero tantum miraculum Domini tanta erat evidentiā diffinatum, ut non possent vel occultare quod factum esset, vel negare, cogitaverunt ut Lazarum interficerent: unde sequitur: *Cogitaverunt autem principes sacerdotum ut & Lazarum interficerent.* O cæca sevitia, quasi Dominus suscitare potuerit mortuum, & non possit occidere. Ecce utrumque Dominus fecit, & Lazarum mortuum, & seipsum suscitavit occisum. CHRYSOSTOMUS (hom. lxxv.) Nulū autem miraculū Christi eos ita furere fecit: hoc enim mirabilis erat, & coram multis factum est: & erat inopinabile, mortuum quadriduū videre ambulātem, & loquentem. Aliter etiam isti in aliis putabant criminari sabbati solutionem, & hac via abducere turbas; hic autem (5) quia a nullo habebant conqueri contra Iesum, adversum Lazarum faciunt conarum: itaque & in cæco hoc fecissent, nisi haberent accusationem de sabbato. Aliter autem illic quidem ignobilis erat, & eiecerunt eum de templo, hic vero clarus. Hoc etiam eos mordebat quod festivitatem instantem omnes dimittentes, Bethaniam veniebant. ALCUINUS. Myslice autem quod ante sex dies venerat Bethaniam, significat quod ille qui sex diebus omnia fecerat, & sexto die hominem creaverat, ipsa sexta mundi ætate, sexta feria, sexta hora redimere mundum venerat. Cæna autem dominica, fides est Ecclesiæ, quæ per dilectionem operatur. Martha (6) ministrat, cum fidelis anima opera suæ devotionis Domino impendit. Lazarus unus erat ex discumbentibus, cum ille qui post peccatorum mortem resuscitatus fuit, ad iusticiam una cum eis qui in sua per-

Dddd 2 man-

(1) *id.* iure perditio. (2) *id.* tolerat. (3) *id.* morituri. (4) *id.* deus homo. (5) *Nisi* iusticiam habet quia de nullo (6) *id.* ministrabat.

manferunt iustitia, de præsencia veritatis exultant, & caelestis gratiae muneribus a-luntur. Et bene in Bethania celebratur, quæ interpretatur domus obedientiæ: nam Ecclesia est obedientiæ domus. AUGUSTINUS (tr. l.) Unguentum autem quo Maria unxit pedes Iesu, iustitia fuit, ideo libra fuit. Erat autem unguentum nardi pistici pretiosum. Pistis Græce, Latine fides dicitur. Quærebatur operari iustitiam? Iustus ex fide, vivit: "Rom. 11. Unge pedes Iesu bene vivendo, dominica sectare vestigia, capillis terges: si habes superflua, da pauperibus, & Domini pedestes fisti: capilli enim superflua (1) corporis privatio. ALCUINUS. Et notandum, quod primum tantum pedes unxerat, hic autem pedes, & caput unxit; ibi rudimenta poenitentium, hic iustitia perfectarum designatur animarum. Per caput enim Domini sublimitas divinitatis, per pedes humilitas incarnationis exprimitur: vel per caput ipse Christus, per pedes pauperes, qui sunt membra eius. AUGUSTINUS (ut supra.) Domus autem repleta est odore, mundus impletus est bona fama.

(b) CHRYSOSTOMUS (hom. lxxv.) Præceptum legis erat ut decima luna primi mensis agnus, sive hædus in domo recluderetur usque ad quartam decimam lunam eiusdem mensis, quando ad vespæram immolabatur: unde & verus agnus ex omni grege sine macula electus, pro populi sanctificatione immolandus, ante quinque dies, id est decima luna, Hierosolimam ascendit. AUGUSTINUS (tract. 11. in Ioan.) Quantus autem fructus apparuerit prædicationis eius, & quantus grex ovium ex his quæ perierant domus Israel, vocem pastoris audierit, intendendum est ex eo quod dicitur: *In crastinum autem turbæ multæ, quæ convenerant ad diem festum, cum nudissent quia venit Iesus Hierosolimam, acciperunt ramos palmarum &c.* Rami palmarum laudes sunt, significantes victoriam qua erat Dominus mortem moriendo superaturus, & trophæo crucis de diabolo mortis principe triumphaturus. CHRYSOSTOMUS (homil. lxxv.) Oiledebant autem quoniam de reliquo maiorem quam de Propheta opinionem habebant de eo: unde sequitur: *Et processerunt obviam ei, & clamabant: Hosannam benedictus*

qui venit in nomine Domini, Rex Israel. AUGUSTINUS (tract. 11.) Hosanna vox est obsecrantis, magis affectum indicans, quam rem aliquam significans, sicut sunt in lingua Latina quas interiectiones vocant. BIDA. Est autem compositum ex corrupto, & integro: *Hos* enim, salva, *Anna* obsecrans est interiectio. *Hos* ergo corruptum, *Anna* est integrum. *Benedictus* autem *qui venit in nomine Domini*, sic potius accipiendum est ut in nomine Domini, in nomine Dei Patris (2) intelligatur, quamvis possit intelligi etiam in nomine suo, quia & ipse Dominus est; sed verba eius melius nostrum dirigunt intellectum, qui ait supra v. *Ego veni in nomine Patris mei*. Non utique amittit divinitatem, quando nos docet humilitatem. CHRYSOSTOMUS (hom. lxxv.) Hoc etiam quod maxime coegit credere in Christum omnes, quoniam non est Deo contrarius; & hoc maxime erigebat plebem quod ipse dicebat se a Patre venisse. Ex his ergo verbis colligimus quod Deus est: nam *Hosanna* salves &c. interpretatur; salutem autem soli Deo Scriptura attribuit. Deinde quia vere est Deus, *Qui venit*, inquit, non *Qui* ducitur: hoc enim servile est quodammodo, illud vero dominicum. Quod etiam dicunt, *In nomine Domini*, illud idem erga ipsum protendit: non enim in nomine servi, sed Domini dicitur illum venire. AUGUSTINUS (tract. 11.) Quid autem magnum fuit Regi sæculorum Regem fieri hominum? Non enim Rex Israel Christus ad exigendum tributum, vel ferro exercitum armandum; sed Rex Israel, quod mentes regat, quod in regnum cælorum perducatur. Quod ergo Rex esse voluit Israel, dignatio est, non promotio; miserationis indicium, non potestatis (3) augmentum: qui enim appellatus est in terra Rex Iudeorum, in cælis est Dominus Angelorum. THEOPHYLACTUS. Iudei autem Regem Israel ipsum nuncupabant, quasi sensibilem Regem somniantes: expectabant namque exurgere quemdam in Regem maiorem quam secundum humanam naturam, salvatorem eos a Romanorum iurisdictione. Quomodo autem Dominus venerit, ostendit Evangelista subdens: *Et invenit Iesus asinum, & sedit super eum.* AUGUSTINUS (tract. eod.) Hoc breviter dictum est: nam quemadmodum sit

fa-

(1) *id. corpore.* (2) *id. intelligant.* (3) *id. argumentum.*

EX EDITIONE P. NICOLAI.

• Nihil tale in Chrysostomo occurrit, sed ex Cyrillo in Ioan. & ex Theophylacto colligitur.

factum, apud alios Evangelistas plenissime legitur. Pullum autem asinæ in quo nemo federat (hoc enim apud alios Evangelistas invenitur) intelligimus populum Gentium, qui legem Domini non acceperat ; asinam vero (quia utrumque Domino adductum est) plebem eius quæ veniebat ex populo Israel. CHRYSOSTOMUS (hom. lxx.) Fecit ergo hoc, propheticè aliquid figurans, quoniam videlicet immundum Gentium populum debebat subiectum habere ; & prophetiam quamdam implens. AUGUSTINUS (tract. li.) Adhibetur autem huic factio propheticum testimonium, ut appareat quoniam maligni principes Iudæorum eum non intelligebant in quo implebantur quæ legebant : unde sequitur : *Sicut scriptum est: Noli timere filia Sion : ecce Rex tuus venit tibi sedens super pullum asinæ.* In illo populo erat filia Sion : ipsa est Hierusalem, quæ est Sion, cui dicitur : Noli timere illum, agnosce qui a te laudatur ; & noli trepidare cum patitur : quia ille sanguis funditur per quem tuum delictum deleatur, & vita redimatur. CHRYSOSTOMUS (hom. lxx.) Vel aliter. Quia Reges eorum iniusti fuerant, & eos obnoxios bellis faciebant, Confide, ait, hic non talis, sed mitis, & mansuetus ; quod (1) ostendit ab asino : non enim exercitum habens intrabat, sed asinum habens solum. Vide autem Evangelistæ sapientiam : non verecundatur priorem ignorantiam divulgare ; nam sequitur : *Hæc non cognoverunt discipuli eius primum, sed quando glorificatus est Jesus.* AUGUSTINUS (ut supra.) Idem, quando virtutem suæ resurrectionis ostendit, tunc recordati sunt quod hæc erant (2) scripta de eo, & hæc fecerunt ei, id est non alia quam quæ scripta erant de eo. CHRYSOSTOMUS (hom. cit.) Hoc autem ignorabant, quoniam ipse non revelavit eis : scandalizasset enim eos, si Rex existens talis passurus erat ; & etiam non suscepisset statim cognitionem regni, de quo hic dicebatur : de regno enim temporali hoc dici putassent. THEOPHYLACTUS. A'pice autem consequentiam passionis. Suscitavit Lazarum, hoc omnium novissime retinens miraculum, & ob hoc plarimum concurrebant, & credebant : unde sequitur : *Testimonium ergo perhibebat turba, quæ cum eo erat quando vocavit Lazarum de monumento, & suscitavit eum a mortuis : propterea & obvium venit ei turba, quia audierunt eum fecisse hoc signum.* Exinde livor, & invidia : unde sequitur : *Pharisæi autem*

dicebant ad semetipsos : Videtur quia nihil proficimus : ecce mundus totus post eum abiit. AUGUSTINUS (tract. li.) Turba turbavit turbam. Quid autem invidet circa turba, quia post eum abiit mundus per quem factus est mundus ? CHRYSOSTOMUS (homil. lxx.) Mundum enim hic turbam dicunt. Videtur autem mihi hoc dictum esse eorum qui sani quidem erant, non audebant autem propalari : demum ab eventu deterrebant alios, quasi inconsummabilia tentantes. THEOPHYLACTUS. Ac si dicerent : Quantumcumque infideliem, tanto hic augetur, & gloria eius intenditur : quis ergo profectus de tantis infidiis ?

(C) BEDA. Templum Domini Hierosolymis situm adeo erat famolus ut diebus festis non solum vicini, sed etiam multas ex longinquis regionibus gentes illuc advenirent, sicut de Eunuchio Candacis Reginæ Aethiopum Actus Apostolorum declarat. Hæc ergo consuetudine hi Gentiles venerant adorare, de quibus dicitur : *Erant autem quidam Gentiles ex his qui ascenderant ut adorarent in die festo.* CHRYSOSTOMUS (hom. lxx. in Ioan.) Prope existentes (3) ut de cetero profecti fierent. Fama itaque audita de Christo, volunt eum videre : unde sequitur : *Hi ergo accesserunt ad Philippum, qui erat a Bethsaida Galilæe, & rogaverunt eum, duentes : Domine, volumus Jesum videre.* AUGUSTINUS (tract. li.) Ecce volunt eum Iudæi occidere, Gentiles videre : sed etiam illi ex Iudæis erant qui clamabant, *Benedictus qui venit in nomine Domini.* Ecce illi ex circumcissione, illi ex præputio, velut duo parietes de diverso venientes, & in unam fidem Christi pacis osculo concurrentes.

Sequitur : *Venit Philippus, & dicit Andreas.* CHRYSOSTOMUS (hom. lxx. in Ioan. cir. med.) Quasi priori existenti : audiverat enim Matth. x. „ In viam Gentium ne abieritis : “ propterea cum condiscipulo communicans magistro refert : unde sequitur : *Andreas rursus, & Philippus dicunt Jesu.* AUGUSTINUS (tract. lii. in Ioan. cir. med.) Audiamus ergo vocem lapidis angularis : unde sequitur : *Jesu autem respondit eis, dicens : Venit hora ut clarificetur Filius hominis.* Forsitan aliquis putat ideo se dixisse glorificatum, quia Gentiles volebant eum videre : non ita est : sed videbat Gentiles post passionem, & resurrectionem suam in omnibus gentibus credituros. Ex occasione igitur istorum Gentilium qui eum viderere

(1) *M.* ostenditur. (2) *M.* omittitur scripta. (3) *M.* dei? ut.

ere cupiebant, annuntiat futuram plenitudinem Gentium, & promittit iam adesse horam glorificationis sue; qua facta in cælis, Gentes fuerant credituræ, secundum illud Plal. lvi. & cvii. „Exaltare super cælos Deus, & super omnem terram gloria tua.“ Sed altitudinem glorificationis oportuit ut præcederet humilitas passionis: unde adiunxit: *Amen amen dico vobis: nisi granum frumenti cadens in terra, mortuum fuerit, ipsum solum manet; si autem mortuum fuerit, multum fructum affert.* Sed autem dicebat granum mortificandum in infidelitate Iudæorum, multiplicandum in fide populo- rum. B. E. A. Ipse enim ex semine Patriarcharum in agro huius mundi seminatus est, ut moriendo cum multiplicatione resurgeret: solus mortuus est; cum multis surrexit. CHRYSOSTOMUS (homil. lxx. in Ioan.) Et quia per sermones non ita suadebat, utitur experimento: quia frumentum magis facit fructum cum mortuum fuerit. Si autem (1) in seminibus hoc accidit, multo magis in me. Quia igitur de reliquo debebat (2) mittere discipulos ad Gentes, videt autem Gentiles præsumptas ad fidem, offendi quod tempus erat ut ad crucem veniret. Non enim prius eos ad Gentes mifit, donec Iudæi offenderunt, donec crucifixerunt. Et quia de morte sua prævidit discipulos contristandos, superabundantiam facit sermonis, dicens: Non solum in mortem meam patientes fuistis iherusalemitæ, sed etiam vos ipsi (3) non moriamini, nullum vobis erit lucrum: & hoc est quod fubdit: *Qui amat animam suam, perdit eam.* AUGUSTINUS (ut sup.) Hoc duobus modis intelligi potest. *Qui amat, perdit;* id est, si amat, perdes: si cupis vitam tenere in Christo, noli mortem timere pro Christo. Item alio modo. *Qui amat animam suam, perdit eam.* Noli amare in hac vita, ne perdas in æterna vita. Hoc autem quod posterius dixi, magis habere videtur evangelicum sensum: sequitur enim: *Et qui odit animam suam in hoc mundo, in vitam æternam custodit eam.* Ergo quod supra dictum est, *Qui amat, subintelligitur in hoc mundo.* CHRYSOSTOMUS (hom. lxxi.) Amat autem animam suam in hoc mundo qui desideria eius inconvenientia facit; odit autem eam qui non cedit einoxia consequenti. Et non dixit, *Qui non cedit ei,* sed *qui odit eam:* quemadmodum enim eorum qui odio habentur, nec vocem audire fulminem, nec (4) visum videre

(5) delectamur; ita & animam cum contraria iniungit, quæ Deo non placet, cum vehementia avertere oportet. THEOPHYLACTUS. Quia enim valde onerosum erat audire, quod (6) oportet odire animam, consoletur per hoc quod addit, *in hoc mundo*, temporis indicans particularitatem: non enim in perpetuum iubet animam odio haberi: & emolumentum ponit cum dicit *in vitam æternam custodis eam*. AUGUSTINUS (tract. 11.) Sed vide ne tibi fubrepat, ut teipsum interimere velis, facinreligendo quod debes in hoc mundo odire animam tuam: hinc enim quidam maligni, atque perversi homicidæ flammis sedonant, aquis præfocant, præcipitatione collidunt, & pereunt. Hoc Christus non docuit, immo & diabolo præceptum suggerenti respondit Matth. 19., *Vade satana*. "Cum ergo causæ articulus venerit, ut hæc conditio proponatur aut sciendum esse contra Dei præceptum, aut ab hac vita migrandum, comminante mortem persecutore, ibi oderis in hoc mundo animam tuam, ut in vitam æternam custodias eam. CHRYSOSTOMUS (hom. cit.) Dulcis quidem est præsens vita his qui affixi sunt ei: si vero quis ad cælum respexerit, videns quæ ibi sunt bona, cito contemnet vitam præsentem. Cum enim apparuerit melior, contemnitur peior. In hoc ergo (7) nos inducens Christus, subdit: *Qui mihi ministrat, me sequatur*; idem, me imitetur. De morte hoc dicit, & de ea quæ per opera (8) affectione: oportet enim eum qui ministrat, eum cui ministrat sequi. AUGUSTINUS (tract. 11.) Quid ergo sit ministrare Christo, in ipsis verbis agnoscimus, cum dicit *Si quis mihi ministrat*. Ministrat ergo Iesu qui non quæ sua sunt querunt, sed quæ Iesu Christi: hoc est enim, *Ido sequatur*, vias ambulet meas, non suas, non ea tantum quæ ad misericordiam pertinent corporalem, sed omnia opera bona propter Christum faciens, utque ad illud opus magnæ caritatis, quod est animam pro fratribus ponere. Sed quo fructu, qua mercede? Sequitur: *Et ubi ego sum, illic & ministrat meus erit*. (9) Gratis ametur, & operis qui ministratur illi, pretium sit esse cum illo. CHRYSOSTOMUS (hom. lxxvi.) Offendit autem per hoc quod resurrectio morti succedat. *Ubi autem sum*, ait, quia in calvariam autem resurrectionem Christus (10) eratis. Igitur illic transmigremus animo, & mente.

(2) *M. ex feminibus.* (3) *M. dimittere.* (4) *M. omissim non.* (5) *Ferte vulnū.* (6) *M. delectabit, item delectabitur.* (7) *M. opponeret.* (8) *M. desit nos.* (9) *M. attingitur.* *Nicolaus autem addit verbum est.* (10) *Melini forte Nicolai.* *Gratis ametur, ut operi deo.* (11) *M. fuerat.*

Sequitur: *Si quis mihi ministraverit, bonificabit eum Pater meus.* AUGUSTINUS

(tracl. eod.) Per hoc intelligitur expoluisse (1) quod supra dixerat, *illie & minister meus erit*: nam quem maiorem honorem accipere poterit adoptatus quam ut ubi est unicuique? CHRYSOSTOMUS (ut supra.) Non autem dixit, Ego honorificabo cum, sed *Pater meus*: nondum enim de eo decentem opinionem habebat, sed maiorem de Patre.

(d) CHRYSOSTOMUS (hom. lxxvi.) Quia Dominus ad passionem discipulos exhortatus fuerat, ne dicant, quod ipse extra dolores existens humanos, facile de morte philosphatur, & uos admonet, propter hoc quod ipse est sine periculo, ostendit quod & ipse in agonia sit, & tamen propter utilitatem mortem non renuit: unde dicit: *Nunc anima mea turbata est.* AUGUSTINUS (tracl. lxxi.) Audio, *Qui in hoc mundo edit animam suam, in vitam aeternam custodit eam*, & mundum contemnere accendit; (a) & in conspectu meo nihil est vitæ huius totus, quantumlibet fuerit prolixus, vapor: pro amore aeternorum temporalia mihi cuncta vilescunt: & rursum Dominum audio dicentem: *Nunc anima mea turbata est.* Sequi iubet animam meam; sed turbari video animam tuam: quale fundamentum queram, si petra succumbit? Agnosco, Domine, misericordiam tuam: nam qui caritatis voluntate turbaris, multos in corpore tuo, qui suæ infirmitatis necessitate turbantur, ne desperando pereant, consolaris. In se ergo caput nostrum suscepit membrorum suorum affectum; & ideo non est ab aliquo turbatus; sed, sicut de illo supra xi. dictum est, *turbavit semetipsum.*

CHRYSOSTOMUS (hom. ead.) Appropinquans enim de reliquo cruci, quod humanum est ostendit, & naturam non volentem mori, sed præsentem adhærentem vitæ, ostendens quoniam non extra humanas passiones erat: sicut enim elurire non crimen est, ita neque præsentem vitam appetere. Christus autem corpus a peccato mundum habebat, non a naturalibus necessitatibus erutum. Hoc igitur dispensationis est, non deitatis. AUGUSTINUS (ubi supra.) Denique homo qui sequi vult, audiat qua hora sequatur. Accedit forte hora terribilis: proponitur optio, aut faciendæ iniquitatis, aut subeundæ passionis; turbatur anima infirma: audi ergo quid subiungit, *Et quid dicam?* BÉDA. Hoc est, quid aliud nisi

ut membra mea infirmentur? *Pater, salva me ex hac hora.* AUGUSTINUS (tracl. lxxi.) Docuit te quem invoces, cuius voluntatem tuæ voluntatæ præponas. (3) Non ideo tibi videntur ex alto diffidere, quia te vult ab initio proficere. Hominis suscepit infirmitatem, ut doceat contristatum dicere: Non quod ego volo, sed quod tu vis; unde subditur: *Sed propterea veni in horam hanc.* *Pater, glorifica nomen tuum, in sua scilicet passione, & resurrectione.* CHRYSOSTOMUS (hom. cit.) Quasi dicat: Non habeo quid dicam, creptionem querens: *propterea enim veni in horam hanc*; ac si dicat: Estis turbemur, & tumultum patiamur, non fugiamus mortem: quia ego nunc turbatus, non dico ut effugiam, oportet enim ferre quod supervenit; non dico, Eripe me ex hac hora; sed contrarium dico, scilicet *clarifica nomen tuum.* Ostendit enim quoniam pro veritate moritur, gloriam Dei hoc vocans: & hoc evenit: futurum enim erat ut post crucem converteretur orbis terrarum, & cognosceret nomen Dei, & coleret, non solum Patris, sed etiam Filii. Sed tamen hoc silet.

Sequitur: *Venit ergo vox de celo dicens: Es clarificavi, & iterum clarificabo.* GREGORIUS XXVIII. Mor. (cap. ii.) Huiusmodi verbis per Angelum loquitur Deus, (4) cum nil in imagine ostenditur, sed supernæ vocis verba audiuntur: & nimirum de cælestibus loquens, verba sua quæ audiri ab hominibus voluit, rationali creatura administrante formavit. AUGUSTINUS (tracl. lxxi.) *Clarificavi* autem dicit, antequam facerem mundum; *& iterum clarificabo*, cum resurget a mortuis. Vel aliter. *Clarificavi*, cum de Virgine natus est, cum miracula multa fecit, cum descendente Spiritu sancto in specie columbæ monstratus est; *& iterum clarificabo*, cum resurget a mortuis, cum exaltabitur super cælos Deus, & super omnem terram gloria eius.

Sequitur: *Turba ergo quæstabat, & audierat, dicebat sonitum factum esse.* CHRYSOSTOMUS (hom. lxxvi.) Aperta quidem, & bene significativa erat vox; sed cito ab eis evolavit quasi a grossioribus, & carnalibus, & desidiosis. Et hi quidem sonitum tantum retinuerunt; alii vero quoniam articulata erat vox noverant, quid autem significavit non adhuc; de quibus subditur: *Alii dicebant: Angelus si locutus esset.*

Sequitur: *Respondit Iesus, & dixit: Non pro-*

(1) *M. ut.* (2) *M. & in contrario modo.* (3) *Corrigit P. Nicolai sc.* Non ideo tibi videntur ex alto diffidere, quia te vult ab initio proficere. (4) *M. Et cum nil dicit.*

propter me hac vox venit, sed propter vos. AUGUSTINUS (tract. eod.) Hic ostendit, illa voce non sibi indicatum quod iam sciebat, sed eis quibus indicari oportebat. Sicut autem vox illa non propter eum facta est, sed propter eos; sic anima eius, non propter ipsum, sed propter eos turbata est. CHRYSOSTOMUS (ut supra.) Ad illud enim inflat vox Patris quod semper dicebant, quoniam non est ex Deo: qui enim a Deo glorificatur, qualiter non est ex Deo? Ubi video quod humilia propter eos facta sunt, non quasi Filio auxilio indigente. Quia ergo dixit, *Clarificabo*, ostendit consequenter & modum gloriæ: nam sequitur: *Nunc iudicium est mundi.* AUGUSTINUS (tract. lxx.) Iudicium enim quod in fine expectatur, erit præmium, pœnarumque æternarum. Dicitur etiam iudicium, non damnationis, sed discretionis: hoc vocabat hic iudicium, discretionem scilicet, & a suis redemptis diaboli expulsionem: unde sequitur: *Nunc princeps mundi huius eicitur foras.* Alit ut diabolus principem mundi ita dictum exilimemus ut eum celi; & terræ dominari posse credamus; sed mundus appellatur in malis hominibus, qui toto orbe terrarum diffusi sunt. Sic ergo dictum est, *Princeps huius mundi*, id est princeps malorum hominum, qui habitant in mundo. Appellatur etiam mundus in bonis, qui similiter per totum orbem terrarum diffusi sunt; ideo dicit Apostolus II. Corinth. vii. „Deus erat in Christo, mundum reconcilians sibi.“ Hi sunt ex quorum cordibus princeps mundi eicitur foras. Prævidebat enim Dominus, post passionem, & glorificationem suam, per universoni mundum multos populos credituros, in quorum cordibus diabolus intus erat, cui quando ex fide renuntiaret, eicitur foras. Sed numquid de cordibus veterum iustorum non est eicitus foras? Quomodo ergo dictum est. *Nunc eicitur foras*, nisi quia tunc quod in hominibus paucissimis factum est, nunc in multis magnisque populis iam mox futurum esse prædictum est? Quid ergo ait quispiam: Quia diabolus eicitur foras, iam fidelium neminem tentat? Immo tentare non cessat; sed aliud est iocundus regnare, aliud forisfusus oppugnare. CHRYSOSTOMUS (hom. lxxv.) Sed quale est illud iudicium quo diabolus foras eicitur, exemplo id faciam manifestum. Sic aliqui debitores expectens, & feriat, & in vincula mittat: deinde ex eadem dementia & eum qui nihil debet sub eundem carcerem ducat: hic & eorum quæ in alios fecit, dabit vindi-

ctam. Ita & in Christo factum est: eorum eorum quæ diabolus in nos fecit, per ea quæ in Christum ausus est, subleuabit vindictam. Et ne quis dicat, Qualiter mittetur foras, si te superabit? subiungit: *Et ego si exaltatus fuero a terra, omnia traham ad meipsum.* Qualiter enim superatur qui & aliostrahit? Hoc autem plus fuit dicere, quam Resurrexam. Si enim hoc dixisset, nondum manifestum esset quod traheret; dicendo vero, *Traham*, utramque demonstrat. AUGUSTINUS (tract. lxx.) Sed quæ omnia trahit, nisi ex quibus diabolus eicitur foras? Non autem dixit, Omnes, sed *omnia*: non enim omnium est fides. Non itaque hoc ad universitatem hominum retulit, sed ad creaturæ integritatem, id est spiritum, & animam, & corpus, ad illud scilicet quod in, telligimus, quod vivimus, quod visibiles sumus: aut si omnia ipsi homines intelligendi sunt, omnia prædestinata ad salutem possumus dicere: aut certe omnia hominum genera secundum innumerabiles differentias, quibus inter se præter sola peccata homines distant. CHRYSOSTOMUS (hom. lxxvi.) Qualiter igitur supra dixit, quoniam Pater trahit? Quia scilicet Filio trahente, Pater trahit. Dicit autem, *Traham*, quasi a tyrannodetentos, & per seipsos nequeunt accedere, & illius manus effugere. AUGUSTINUS (tract. eod.) Sed & exaltatus, inquit, fuero a terra; hoc est, cum exaltatus fuero: non enim dubitat futurum esse quod venit implere: nam exaltationem suam dixit in cruce passionem: unde Evangelista subdit: *Hoc autem dixit significans qua morte esset moriturus.*

(c) AUGUSTINUS (tract. lxx.) Cum intellexissent Iudæi quod Dominus de sua morte dixisset, proponunt ei quæstionem, quomodo se diceret moriturum: unde dicitur: *Respondit ei turba: Nos audivimus ex lege quia Christus manet in æternum; quomodo tu dicis, Oportet exaltari Filium hominis? Memoriter tenuerunt quod Dominus assidue dicebat se esse Filium hominis: nam hoc loco non dixit, Si exaltatus fuerit Filius hominis; sed superius dixerat: Venit hora ut clarificetur Filius hominis.* Hoc ergo in animo retinentes, inquit: Si Christus manet in æternum, quomodo exaltabitur a terra; id est, quomodo crucis passione morietur? CHRYSOSTOMUS (hom. lxxvi.) Hinc est videre quoniam multa eorum quæ parabolice dicebantur, intelligenda: quia enim prævenit de morte disputans, audientes hic exaltationem, suspicari sunt hoc. AUGUSTINUS (tract. eod.) Vel hoc eum

dixisse intelligebant quod facere cogitabant. Non ergo eis verborum istorum obscuritatem aperuit insula sapientia, sed stimulat conscientia. CHRYSOSTOMUS (homil. ead.) Et vide qualiter malitiose interrogant: non enim dixerunt: *Nos audivimus ex lege quia Christus nihil patitur: in multis enim Scripturarum locis & passio, & resurrectio simul ponitur: sed quoniam manet in aeternum: & nimirum hoc non erat contrarium, immortalitati enim per passionem non est factum impedimentum. Sed aestimaverunt per hoc ostendere eum non esse Christum, quoniam Christus manet in aeternum. Deinde subdunt: Quis est iste Filius hominis? Et hoc malitiose; quasi dicant: Non dicas quod propter odium tuum hoc dicamus: ecce enim non novimus de quo dicis. Sed Christus respondit, ostendens quoniam passio non prohibet manere eum in aeternum: unde subditur: Dixit ergo eis Iesus: *Adhuc medium lumen in vobis est*; quod dicat: Adhuc parvo tempore ego lux vobiscum sum, per hoc ostendens quod mors eius transmigrationis est: etenim lux solaris non interimitur, sed parum recedens rursus apparet. AUGUSTINUS (tracl. ut supra.) Vel aliter. *Medium lumen in vobis est*, per hoc quod intelligitis quia Christus manet in aeternum: ergo ambulate, accedite, totum intelligite, & moriturum Christum, & victurum in aeternum, dum lucem habetis. CHRYSOSTOMUS (hom. ead.) Hic dicit tempus totum praesentis vitae, & ante crucem, & post crucem: multi enim post crucem crediderunt in eum.*

Ut non tenebra vos comprehendant. AUGUSTINUS (tracl. eod.) Si scilicet eo modo credideritis Christi aeternitatem ut negetis in eo mortis humilitatem.

Sequitur: *Et qui ambulat in tenebris, nescit quo vadat*. CHRYSOSTOMUS (hom. ead.) Quanta denique Iudaei nunc agunt, & nesciunt quid agunt: sed ut in tenebris ambulantes, putant rectam quidem incedere viam, contrariam autem vadunt: propterea subdit: *Dum lucem habetis, credite in lucem*. AUGUSTINUS (tracl. cit.) Idem, dum aliquid veri habetis, credite in veritatem, ut renascamini veritati: unde sequitur: *Ut filii lucis sitis*. CHRYSOSTOMUS (hom. lxxvi.) Quod est filii mei. In principio autem Evangelista dicit, quod ex Deo nati sunt, hoc est ex Patre; hic autem ipse dicitur hos generare, ut discas quoniam una est actio Patris, & Filii.

Sequitur: *Hac locutus est Iesus, & abiit, & abscondit se ab eis*. AUGUSTINUS S. Th. Oper. Tom. V.

(tracl. eod.) Non ab eis qui credere, & diligere coeperunt, sed ab eis qui videbant, & invadebant. Cum autem se abscondit, nostrae infirmitati consuluit, non suae potestati derogavit. CHRYSOSTOMUS (homil. ead.) Sed cum nec lapides levarent, nec blasphemarent, cuius gratia occultatus est? Corda enim rimatus noverat furorem in eis saevientem; & non expellavit ut in opus exirent, sed occultatur, mitigans eorum invidiam.

(f) CHRYSOSTOMUS (hom. lxxvi.) Noverat Dominus ferventem animum Iudaeorum, & occisionem meditantem; & id eo occultatus est: & hoc occulte insinuat Evangelista subdens: *Cum autem tanta signa fecisset coram eis, non crediderunt in eum*.

THEOPHYLACTUS. Non autem modice iniquitatis fuit tantis signis non credere: ea vero signa commemorat quae supra sunt posita. CHRYSOSTOMUS (homil. cit.) Ne quis autem dicat: Quis gratia venit Christus, non noverat, quod non ei intenderent: ideo ad hoc excludendum inducit etiam Prophetas hoc scientes: propter quod sequitur: *Ut sermo Esaias impletur, quem dixit: Domine, quis credidit auditui nostro, & brachium Domini cui revelatum est?* ALCUINUS. Quis pro raritate posuit: quia quod sancti Prophetae a Deo audierunt, & populo praedicaverunt, paucissimi crediderunt. AUGUSTINUS (tracl. lxxi.) Satis autem ostendit brachium Domini ipsum Dei Filium nuncupatum: non quod Deus Pater figura detinetur carnis humanae; sed quia omnia per ipsum facta sunt, ideo brachium Domini dictum est. Si enim aliquis homo tanta potestate praevaleret ut sine ullo motu corporis sui quod diceret fieret, verbum eius, brachium eius esset. Non autem patet occasio erroris his qui dicunt, quia solus Pater est, si brachium eius est Filius (non enim dux, sed una persona est homo, & brachium eius) non intelligentes quomodo verba de rebus aliis ad res alias propter aliquam similitudinem transferantur. Quidam autem inter se mutant: Quae culpa fuit Iudaeorum, si necesse erat ut sermo Esaias impletur? Quibus respondemus, Deum praescium futurorum per Prophetam praedixisse infidelitatem Iudaeorum, non fecisse: non enim propterea quemquam Deus ad peccandum cogit, quia futura hominum peccata iam novit: ipsorum enim praescivit peccata, non sua. Fecerunt ergo peccatum Iudaei quod facturos esse praedixit quem nihil latet. CHRYSOSTOMUS (hom. ead.) Quod ergo dixit, *Ut sermo Esaias Propheta*

Eccc

iam

impleretur, ly *non* non causale est, sed eventus: non enim quia dixit Esaias, non crediderunt; sed quia non erant credituri, propterea Esaias dixit. AUGUSTINUS (tract. lxxx.) Sed ea quæ sequuntur, profundior faciant quæstionem: adiungit enim, & dicit: *Propterea non poterant credere, quia iterum dixit Esaias: Excæcavit oculos eorum, & induravit cor eorum, ut non viderent oculis, & non intelligant corde, & convertantur, & sanentur*. Si enim credere non poterant, quod peccatum est hominis non facientis quod non potest facere? Et, quod est gravius, ad Deum causa refertur; quandoquidem ipse excæcavit oculos eorum, & induravit eorum cor: non enim hoc saltem de diabolo dicitur, sed de Deo. Sed quare non poterant credere? Respondet, Quia volebant. Sicut enim quod Dominus negare seipsum non potest, laus est voluntatis divinæ; ita quod illi non poterant credere, culpa est voluntatis humanæ. CHRYSOSTOMUS (ut supra.) Hoc autem & in cōmuni consuetudine custoditur, ut cum quis dicit, Non possum amare illum: vehementer voluntatis impotentiam dicit. Sed Evangelista dicit, *Non poterant*, ut ostendat quoniam impossibile est mentiri Prophetam: non tamen propterea impossibile erat eos credere: non enim hæc prædixisset, si credituri essent. AUGUSTINUS (tract. lxxx.) Sed aliam causam, inquit, dicit Prophetam, non voluntates eorum: quia scilicet excæcavit oculos eorum, & induravit cor eorum. (1) Sed hoc etiam eorum voluntatem meruille respondeo. Sic enim excæcat, & obdurat Deus deserendo, & non adiuvando; quod occulto iudicio facere potest, in quo non potest. CHRYSOSTOMUS (homil. ead.) Neque enim dereliquit nos, nisi volerimus nos, secundum illud Osæe xv. „ Oblitus es legis Dei tui; obliviscar & ego tui. “ Hæc dicit ostendens nos incipere derelictionem, & causam fieri perditionis. Sicut enim sol infirmum offendit visum, non ex propria natura; ita fit in his qui non attendunt Dei sermones. Terrens autem auditores Scriptura dicit, *Excæcavit, & induravit*. AUGUSTINUS (tract. lxxx.) Quod autem addidit, *Et convertantur, & sanentur*; utrum subaudiendum sit non, idest non convertantur, etenim conversio de illius gratia est; an forte & hoc de supernæ medicinæ misericordia factum intelligendum, ut quoniam superbe suam

iustitiam constituere volebant, adhuc desererentur, & excæcerentur, ut offenderent in lapidem offensionis, & impleteretur facies eorum ignominia, atque humiliati quærerent non suam, qua inflatur superbus, sed iustitiam Dei, qua iustificatur impius? Hoc enim multis eorum profecit in bonum, qui de suo scelere compuncti, in Christum postea crediderunt. Sequitur: *Hæc dixit Esaias quando vidit gloriam eius, & locutus est de eo*. Vidit autem non sicut est, sed modo quodam significativo, sicut Prophetæ visio fuerat informanda. Nemo ergo vos fallat eorum qui dicunt, invisibilem Patrem, & visibilem Filium, qui putant eum esse creaturam: in forma enim Dei, in qua æqualis est Patri, etiam Filius invisibilis est; ut autem ab hominibus videretur, formam servi accepit. Ostendit etiam se, antequam susceperet carnem, oculis hominum, sicut voluit in subiecta creatura, non sicut est. CHRYSOSTOMUS (hom. lxxv.) Gloriam autem hic dicit visionem sedentis in throno excelsi, & alia quæ ibi dicuntur: unde sequitur: *Et locutus est de eo, hoc scilicet*, „ Vidi Deum sedentem, “ Esai. vi. & quod audivit vocem dicentem ibid., „ Quem mittam, & quis ibit nobis? “ Sequitur: *Verumtamen ex principibus multi crediderunt in eum; sed propter phariseos non confitebantur, ut de synagoga non eicerentur*. Dilexerunt enim magis gloriam hominum quam gloriam Dei. ALCUINUS. Gloria Dei est publice confiteri Christum; gloria hominum est in mundanis gloriari. AUGUSTINUS (ut supra.) Hos ergo improbat Evangelista qui in hoc gressu fidei si proficerent per amorem, quæ humanæ gloriæ sunt proficiendo superarent.

(g) CHRYSOSTOMUS (hom. lxxviii.) Quia amor humanæ gloriæ principes credentes confiteri prohibebat, Dominus contra hoc eis loquitur: unde dicitur: *Iesus autem clamavit, & dixit: Qui credit in me, non credit in me, sed in eum qui me misit*; quasi dicat: Quid formidatis credere in me? In Deum fides pervenit per me. AUGUSTINUS (tract. lxxv.) Quia enim homo apparebat hominibus, cum lateret Deus, ne putarent eum hoc esse tantum quod videbant, talem ac tantum se volens credi, qualis & quantus est Pater, *Qui credit in me, inquit, non credit in me, idest in hoc quod videt, sed in eum qui me misit*, idest in Patrem. Nam si putaverit cum habere filios secundum gratiam, non autem habere

Fi-

(*) *Id.* Sed hoc est etiam &c. *Item* Sed hoc est etiam eorum voluntatem meminisse respondendo.

Filium æqualem sibi, atque cœternum, nec credit in Patrem, qui cum misit, quia non est hoc Pater qui cum misit. Ne autem putaretur hoc voluisse intelligi Patrem tamquam multorum filiorum per gratiam generatorem, non unici Verbi æqualis sibi, continuo subiicit: *Qui videt me, videt eum qui misit me*; quasi dicat: Usque adeo nihil distat inter eum & me ut qui me videt, videat eum qui misit me. Apostolos suos certe ipse Dominus misit; numquam tamen aliquis eorum dicere auderet, Qui credit in me. Credimus enim Apostolo, sed non credimus in Apostolum. Filius autem recte unigenitus dicit: *Qui credit in me, non credit in me, sed credit in eum qui me misit*: ubi non a se abstulit credentis fidem, sed (1) noli in forma servi remanere credentem. CHRYSOSTOMUS (hom. ead.) Vel dicit: *Qui credit in me, non credit in me, sed in eum qui misit me*; quasi dicat: Qui fluminis accipit aquam, non eam quæ est fluminis accipit, sed eam quæ est fontis. Volens autem ostendere quoniam non est credere in Patrem, non credentem in eum, subiungit: *Qui videt me, videt eum qui me misit*. Quid igitur? Corpus est Deus? Nequaquam; sed consideratio veri, quæ est per intellectum, hic visio dicitur. Deinde ostendit eam quæ est ad Patrem cognitionem in hoc quod subdit: *Ego lux in mundum veni*; quia enim Pater lux vocatur, ubique eo hic utitur nomine. Lucem autem se hic vocavit, eo quod ab errore eripit, & intellectuales tenebras solvit: unde subdit: *Ut omnis qui credit in me, in tenebris non maneat*. AUGUSTINUS (tract. eod.) In quo latius manifestat, omnes se in tenebris invenisse. Sed ne in eis tenebris maneat in quibus inventi sunt, debent credere in lucem, quæ venit in mundum. Dixit quodam loco discipulis suis (Matth. v.) „Vos estis lux mundi;“ non tamen eis dixit: Vos lux venistis in mundum, ut omnis qui credit in vos, in tenebris non maneat. Lumina ergo sunt omnes sancti; sed credendo illuminantur ab eo a quo si quis recesserit, tenebratur. CHRYSOSTOMUS (hom. ead.) Ut autem non existiment quod propter imbecillitatem eos qui ipsum continent illecebras dimittat, subiungit: *Et si quis audierit verba mea, & non custodierit, ego non iudico eum*. AUGUSTINUS (tract. liv.) Intelligendum est, Modo non iudico eum; cum alio loco (supra v.) dicat: *Pater omne iudicium dedit Filio*. Quare autem

modo non iudicat, ostendit subdicens: *Non enim veni ut iudicem mundum, sed ut salvificem mundum*; id est, ut salvum faciam mundum. Nunc ergo est tempus misericordie, post erit iudicii. CHRYSOSTOMUS (hom. ead.) Deinde ut non pigriores ex hoc fiant, terribile subdit iudicium: *Qui spernit me, & non accipit verba mea, habet qui iudicat eum*. AUGUSTINUS (tract. liv.) Non dixit, Ego non iudico eum in novissimo die: hoc enim esset contrarium illi sententiæ, *Omne iudicium dedit Filio*. Expectantibus autem quilmam esset ille, secutus adiungit: *Sermo quem locutus sum, ille iudicabit eum in novissimo die*. Satis manifestavit seipsum in novissimo die iudicaturum: seipsum quippe locutus est, seipsum annuntiavit. Aliter itaque iudicabuntur qui non audierunt, aliter qui audierunt, & contemplerunt. AUGUSTINUS I. de Trin. (cap. xii.) Ideo autem iudicat verbum quod locutus est Filius, quia non ex se locutus est Filius: unde sequitur: *Quia ego ex meipso non sum locutus*: per quod intelligi voluit, Ego non ex me natus sum. Quæro itaque quomodo intelligamus, Ego non iudicabo, sed verbum quod locutus sum iudicabit; eum ipse sit Verbum Patris quod loquitur. Vel ita. Ego non iudicabo ex potestate humana, quia Filius hominis sum, sed ego iudicabo ex potestate Verbi Dei, quia Filius Dei sum. CHRYSOSTOMUS (hom. lxxiii.) Vel aliter. *Ego non iudico eum*; id est, non sum causa perditionis eius; sed ipse qui verba mea spernit. Verba enim quæ modo locutus sum, in ordine stabunt accusatoris omnem tollentia excusationem; & hoc est quod subdit: *Sermo quem locutus sum, ille iudicabit eum*. Et quis sermo? *Quia ego ex meipso non sum locutus; sed qui misit me Pater, ipse iubimandatum dedit quid dicam, & quid loquar*. Omnia igitur hæc propter eos dicebantur, ut nullam habeant excusationem. AUGUSTINUS (tract. liv.) Mandatum autem, non quod Filius non habeat, Pater dedit; sed in sapientia Patris, quod est Verbum Patris, omnia mandata sunt Patris. Dicitur autem mandatum datum, quia non est a seipso, cui dicitur datum; & hoc est dare Filio id sine quo numquam Filius fuit, quod est gignere Filium qui numquam non fuit. THEOPHYLACTUS. Cum enim Verbum Patris existat Filius, & quæ sunt in mente Patris revelet in integrum, mandatum accepisse dicit quid fideretur, & quid loquatur. Sicut etiam no-

Eccc 2

strum

(1) V. voluit.

strum verbum, si verum fateri volumus, ea profertur quam suggerit mens.

Sequitur: *Et scio quia mandatum eius vita aeterna est.* AUGUSTINUS (tract. lrv.) Si ergo vita aeterna est ipse Filius, & vita aeterna est mandatum Patris, quid aliud dictum est nisi quia Ego sum mandatum Patris? Proinde & id quod adiungit, *Qua ergo ego loquor, sicut dixit mihi Pater, sic loquor,* non accipiamus dixit mihi, quasi per verba

locutus sit unico Verbo. Dixit ergo Pater Filio id sine quo numquam Filius fuit, sicut ut dedit vitam Filio: non quod nesciebat, vel non habebat, sed quod ipse Filius erat. Quid est autem, *sicut dixit mihi, sic loquor,* nisi Verbum loquor? Ita ille dixit ut verax, ita iste loquitur ut veritas: verax autem genuit veritatem: quid ergo iam diceret veritatis? Non enim imperfecta erat veritas, cui verum aliquid adderetur.



C A P U T XIII.

(a) **A**nte diem festum paschae, sciens Iesus quia venit hora eius ut transeat ex hoc mundo ad Patrem, cum dilexisset suos, qui erant in mundo, in finem dilexit eos. Et coena facta, cum diabolus iam misisset in cor ut traderet eum Iudas Simonis Scariotis, sciens quia omnia dedit ei Pater in manus, & quia a Deo exivit, & ad Deum vadit, surgit a coena, & ponit vestimenta sua, & cum accepisset linteam, praecinxit se. Deinde misit aquam in pelvim, & cepit lavare pedes discipulorum, & extergere linteo, quo erat praecinctus.

(b) Venit ergo ad Simonem Petrum: & dicit ei Petrus: Domine, tu mihi lavas pedes? Respondit Iesus, & dixit ei: Quod ego facio, tu nescis modo, scies autem postea. Dicit ei Petrus: Non lavabis mihi pedes in aeternum. Respondit ei Iesus: Si non lavero te, non habebis partem mecum. Dicit ei Simon Petrus: Domine, non tantum pedes, sed & manus, & caput. Dicit ei Iesus: Qui lotus est, non indiget nisi ut pedes lavet, sed est mundus totus. Et vos mundi estis, sed non omnes. Sciebat enim quisnam esset qui traderet eum: propterea dixit: Non estis mundi omnes.

(c) Postquam ergo lavit pedes eorum, accepit vestimenta sua, & cum recubisset iterum, dixit eis: Scitis quid fecerim vobis? Vos vocatis me, Magister, & Domine: & bene dicitis, sum etenim. Si ergo ego lavi pedes vestros, Dominus, & Magister, & vos debetis alter alterius lavare pedes: exemplum enim dedi vobis, ut quemadmodum ego feci vobis, ita & vos faciatis. Amen amen dico vobis: non est servus maior domino suo, neque apostolus maior est eo qui misit illum. Si haec scitis, beati eritis si feceritis ea. Non de omnibus vobis dico: ego scio quos elegerim: sed ut adimpleatur Scriptura: Qui manducat mecum panem, levabit contra me calcaneum suum. Amodo dico vobis priusquam fiat, ut cum factum fuerit, credatis quia ego sum. Amen amen dico vobis: qui accipit, si quem misero, me accipit; qui autem me accipit, accipit eum qui me misit.

(d) Cum haec dixisset Iesus, turbatus est spiritu, & confessatus est, & dixit: Amen amen dico vobis, quia unus ex vobis tradet me. Aspiciebant ergo ad invicem discipuli haesitantes de quo diceret. Erat ergo recubans unus ex discipulis eius in sinu Iesu, quem diligebat Iesus. Innuit ergo huic Simon Petrus, & dixit ei: Quis est de quo dicit? Itaque cum recubisset ille supra pectus Iesu, dicit ei: Domine, quis est? Respondit Iesus: Ille est cui ego intinctum pacem porrexero: & cum intinxisset panem, dedit Iudae Simonis Scariotis. Et post bucellam introivit in eum satanas: & dixit ei Iesus: Quod facis, fac citius. Hoc autem nemo scivit discumbentium ad quid dixerit ei. Quidam enim putabant, quia oculos habebat Iudas, quod dixisset ei Iesus: Erne ea quae opus sunt nobis ad diem festum: aut ut egemus aliquid daret. Cum ergo accepisset ille bucellam, exivit continuo. Erat autem nox.

(e) Cum

(c) Cum ergo existet, dixit Iesus: Nunc clarificatus est Filius hominis, & Deus clarificatus est in eo. Si Deus clarificatus est in eo, & Deus clarificabit eum in semetipso, & continuo clarificabit eum.

(f) Filioli, adhuc modicum vobiscum sum. Quæretis me; & sicut dixi Iudæis, Quo ego vado, vos non potestis venire, & vobis dico modo. Mandatum novum do vobis, ut diligatis invicem, sicut dilexi vos, ut & vos diligatis invicem. In hoc cognoscet omnes quia discipuli mei estis, si dilectionem habueritis ad invicem.

(g) Dicit ei Simon Petrus: Domine, quo vadis? Respondit ei Iesus: Quo ego vado, non potes me modo sequi; sequeris autem postea. Dicit ei Petrus: Quare non possum te modo sequi? Animam meam pro te ponam. Respondit Iesus: Animam tuam pro me pones? Amen amen dico tibi; non cantabit gallus, donec ter me neget.

(a) **THEOPHYLACTUS.** Quia Dominus transmigrationem erat de præfenti sæculo, explicat qualem erga suos amicitiam gereret: unde dicitur: *Ante diem festum pasche, sciens Iesus quia venit hora eius ut transiret ex hoc mundo ad Patrem, cum dilexisset suos, qui erant in mundo, in finem dilexit eos.* **BENEDICTA.** Plurimas liquidem festivitates Iudæi habebant; sed apud eos insignior, atque celebrior erat paschæ festivitas: propter quod signanter dicit: *Ante diem festum pasche.* **AUGUSTINUS** (tract. lv.) Pascha, non sicut quidam existimant, Græcum nomen est, sed Hebræum; opportunissime tamen occurrit in hoc nomine quædam congruentia utrarumque linguarum: quia enim pati Græce paschindicitur, ideo pascha passio putata est, (1) ut hoc nomen a passione sit appellatum: in sua vero lingua, hoc est in Hebræa, pascha transitus dicitur, propterea quia tunc primum pascha celebravit populus Dei quando ex Aegypto fugientes, rubrum mare transierunt. Nunc ergo figura illa prophetica in veritate completa est, cum sicut ovis ad immolandum ducitur Christus, cuius sanguine illinitis postibus nostris, id est cuius signo crucis signatis frontibus nostris, a perditione huius sæculi, tamquam a captivitate Aegyptiæ liberamur, & agimus saluberrimum transitum, cum de diabolo transimus ad Christum, & ab isto instabili sæculo ad eius fundatissimum regnum. Hoc itaque nomen, id est pascha, velut interpretans nobis Evangelista dicit: *Sciens quia venit hora eius ut transiret ex hoc mundo ad Patrem.* Ecce pascha, ecce transitus. **CHRYSOSTOMUS** (hom. lxx.) Non solum autem tunc sciens, sed olim. Transiunt (a) autem eius mortem vocat. Relicturus autem discipulos maiorem eis demonstravit amorem, & hoc est

quod dicit: *Cum dilexisset suos, qui erant in mundo, in finem dilexit eos*; hoc est, nihil dereliquit eorum quæ eum qui valde amat, decens est facere. Non autem a principio hoc fecit, sed maiora postea adiecit, ut eorum augeat familiaritatem, & multam eis præparet consolationem ad ea quæ superventura erant; suos autem eos vocat secundum familiaritatis rationem, quia & alios suos dicit secundum conditionis rationem, ut cum dicitur supra x. *Sui enim non receperunt.* Addit autem, *Qui erant in mundo*: quia sui erant etiam defuncti, ut Abraham, Isaac, & Iacob; sed in mundo non erant. Hos ergo suos, qui erant in mundo, mansuetam continuæ, & tandem perfectam amicitiam circa eos ostendit; & hoc est *in finem dilexit eos.* **AUGUSTINUS** (tract. lv.) Vel aliter. *In finem dilexit eos*, ut & ipsi de hoc mundo ad suum caput dilectione transirent. Quid est enim, *in finem*, nisi in Christum? „Finis enim legis Christus ad „iustitiam omni credenti:“ Rom. x. finis perficiens, non interficiens. Video autem posse ista verba quodam humano modo etiam sic accipi tamquam usque ad mortem Christus dilexerit suos. Sed absit ut dilectionem morte finierit qui non est morte finitus: nisi forte sit ita intelligendum: Ulque ad mortem dilexit eos; id est, usque ad mortem illum dilectio ipsa perduxit. Sequitur, *Et cena facta*, id est iam peracta, & ad convivantium mensam, usumque perducta. Non enim ita debemus intelligere cenam factam, veluti iam consumptam, atque transactam: adhuc enim cenabatur cum surrexit, & pedes lavit discipulis: nam postea recubuit, & buccellam traditori dedit. Quod autem ait, *Cum iam diabolus misisset in cor, ut traderet eum Iudas*

Si.

(1) *Al. vel hoc.* (2) *Al. deest autem.*

Simonis Scauritis, missio ista spiritualis suggestio est, & non fit per aures, sed per cogitationem: diabolicæ enim suggestiones immittuntur, & humanis cogitationibus immiscentur. Factum ergo iam fuerat in corde Iudæ per immisionem diabolicam ut traderet discipulos magistrum. CHRYSOSTOMUS (homil. lxxix.) Hoc autem quasi stupens interfecit Evangelista, quoniam cum qui iam prodere statuerat, Dominus lavit: ostendit etiam proditoris multam nequitiam, quoniam (1) neque talis cum communicatio detinuit, quod maxime consuevit nequitiam detinere. AUGUSTINUS (tract. eod.) Locutus autem Evangelista de tanta Domini humilitate, prius eius celsitudinem voluit commendare: ad quod pertinere quod dicit: *Sciens quia omnia dedit ei Pater in manus*: ergo & ipsum tradidit. GREGORIUS III. Moral. (cap. xxi.) Sciebat enim quod in manu sua ipsos etiam persecutores acceperat, ut ipse in se ad usum pietatis intorqueret quicquid eorum contra se malicia permissa lavaret. ORIGENES (tomo xxxii. in Ioan.) Omnia enim tradidit ei Pater in manus, hoc est in opere eius, & potestate. Pater enim meus usque huc, inquit supra v. operatur, & ego operor. Vel omnia tradidit ei Pater in manus cuncta capientes, ut quælibet ei famularentur. CHRYSOSTOMUS (homil. lxxix.) Traditionem enim hic salutem fidelium vocat. Cum autem audieris traditionem, nihil humanum suspiceris: eum enim qui ad Patrem est ostendit honorem, & concordiam. Sicut enim Pater ei tradidit, ita ipse Patri: unde Paulus I. Corinth. xv. „Cum tradideris, rit,“ inquit, „regnum Deo & Patri.“ AUGUSTINUS (tract. eod.) Sciens etiam quia a Deo exiit, & ad Deum vadit, nec Deum cum inde exiret, nec nos de se reum cum rediret. THEOPHYLACTUS. Quia ergo Pater omnia ei commisit in manus; idest, salutem ei commisit fidelium; decens reputabit quæcumque spectant ad salutem, illis ostendere. Sciens etiam quod a Deo exiit, & ad Deum vadit, nullatenus eius gloria minui poterat dum pedes discipulorum ablueret: neque enim gloriam usurpavit: qui enim dignitatem usurpant, minime descendunt, ne dissipent quod incongrue sibi diripiunt. AUGUSTINUS (ut supra.) Cum ergo illi Pater omnia dedisset in manus, ille discipulorum non manus, sed pedes lavit; & cum se sciret

a Deo exisse, & pergere ad Deum, non Dei Domini, sed hominis servi implevit officium. CHRYSOSTOMUS (homil. lxxix.) Hoc autem dignum erat, eo quod a Deo exiit, & ad Deum vadit, ut universum conculcicaret tumorem: unde sequitur: *Surgit a cena, & ponit vestimenta sua, & cum accepisset linteam, præcinxit se.* Deinde misit aquam in pelvum, & cepit lavare pedes discipulorum, & extergere linteo, quod erat præcinctus. Vide qualiter humilitatem ostendit non solum in lavando pedes, sed etiam aliter. Non enim antequam recumberet, sed postquam releserunt omnes, tunc surrexit; deinde non solum lavit, sed vestimenta deposuit, linteam præcinxit, & pelvum implevit, & non alii impleri iussit, sed omnia operatur, ostendens quod cum omni studio oportet talia facere. ORIGENES (tomo xxxii.) Mystice autem pradium (2) prius cibus esse dignoscitur; & ante terminum diei spiritualis, qui in vita præsentis consideratur, & his qui introducuntur, conveniens exitus: cena vero finalis; & his qui iam ultra progressi sunt apponitur. Aliter quoque poterit quis asserere pradium fore intellectionem Scripturarum antiquarum, cenam vero recondita in novo testamento mysteria. Puto autem quod qui una cum Iesu cenant, & in finali vitæ præsentis die secum convivantur, egent lavacro quodam, (3) non utique erga quod primorum, ut ita loquar, corporis, & animæ, sed quo ad ultimam & postremam, quæ terræ necessitatio hæret. Dicit autem, quod cepit lavare pedes: nam postmodum lavit, & finivit locutus: quia pedes Apostolorum fuerunt contaminati, iuxta illud Matth. xxvi. „Omnes vos scandalizabimini, ni ista nocte in me.“ Postea autem perfecit eos lavare, purgans eos, ut ultra non scelerent. AUGUSTINUS (tract. lv.) Posuit autem vestimenta sua, qui cum in forma Dei esset semetipsum exinanivit; præcinxit se linteo, qui formam servi accepit; misit aquam in pelvum unde lavaret pedes discipulorum, qui in terram sanguinem fudit, quo immunditiam dilueret peccatorum; linteo autem, quo erat præcinctus, pedes quos laverat terxit, qui carne quæ erat indutus, Evangelistarum vestigia confortavit; & linteo quidem ut le præcingeret, potuit vestimenta, quæ habebat; ut autem formam servi acciperet, quando semetipsum exinanivit, non quod habebat de-

PO-

(1) A. neque salutis. Nicolai legit salis. (2) A. deest primus. (3) Legit Nicolai non utique quo ad primam.

posuit, sed quod non habebat accepit: crucifigendus sane, suis expoliatus est vestimentis, & mortuus involutus est linteis, & tota eius passio nostra purgatio est.

(b) ORIGENES (tomo xxxii.) Sicut medicus plurium agrotorum intentus curæ, ab his qui magis indigent, propriam curam incipit; sic & Christus, qui sanctos abluuit pedes discipulorum, exorditur ab his qui magis erant fœdi; & sic ultimo venit ad Petrum, quasi minus aliis indigentem locutura pedum: unde dicitur: *Venit ergo ad Simonem Petrum*: cui quodammodo ad resistendum pene munda pedum conscientia persuadebat: unde sequitur: *Et dixit ei Petrus: Domine, tu mihi lavas pedes?* AUGUSTINUS (tract. lvi.) Quid est *tu*, quid est *mibi*? Cogitanda sunt potius quam dicenda; ne forte quod ex his verbis aliquatenus quidem digne concepit anima, non explicet lingua. CHRYSOSTOMUS (homil. lxi.) Vel Petrus primus erat, sed credibile est proditoriæ stultum existens ante cum recubuisse; quod Evangelista significavit cum dixit, *Capit lavare*; deinde, *Venit ad Petrum*. THEOPHYLACTUS. Ex quo patet quod non primitus lavit Petrum; ceteris vero discipulis nullus tentavisset ante Petrum lavari. CHRYSOSTOMUS (homil. lxi.) Quæreret autem utique quis quare nullus eum aliorum prohibuit, sed solus Petrus; quod non parvi amoris, & reverendiæ erat. Ex hoc igitur mihi videtur prius solum proditores lavisse; deinde ad Petrum venisse, & alios discipulos per eum de reliquo castigatos. Si enim quemquam ex ceteris lavare crepisset, prohibuisset Dominum, & dixisset quæ Petrus dixit. ORIGENES (tomo xxxii.) Vel aliter. Omnes porrigebant pedes, (1) decernentes quod tantus non irrationabiliter eorum lavaret pedes: solus autem Petrus nullam aliam considerationem conferens, tamquam reverens Iesum, non præbebat pedes suos ad lavandum: scæpe enim Scriptura designavit Petrum servidum ad insinuandum quæ sibi visa sunt utiliora, & meliora. AUGUSTINUS (tract. lvi.) Vel aliter. Non debemus putare hoc Petrum inter ceteros formidasse, atque recusasse, cum & idalii ante ipsum libenter, vel arcanimenter fieri permisissent: non enim ita intelligendum est quasi aliquibus iam lavisset, & post eos venisset ad primum: quis enim nesciat primum Apollolorum esse beatissimum Petrum? sed quod ab illo cœperit. Quando ergo pe-

des discipulorum lavare cœpit, venit ad eum a quo cœpit, idest ad Petrum: & tunc Petrus exavit; quod etiam quilibet eorum expavelceret.

Sequitur: *Respondit Iesus, & dixit ei: Quod ego facio, tu nescis modo, scies autem postea.* CHRYSOSTOMUS (homil. lxi.) Idem (2) humilitatem huius doctrinæ, & quomodo humilitas sufficit in Deum perducere. ORIGENES. (ut supra.) Vel insinuat Dominus quod hoc erat mysterium. Lavando enim, & exsiccando pedes eorum, faciebat eos decoros, debentes evangelizare honesta, ut ostendere valeant iter (3) sanctum, ac pergere per eum qui dixit infra xiv. *Ego sum via*. Oportebat autem lavari pedes discipulorum a Iesu deponente vestimenta, ut mundos pedes mundiores efficiat, vel ut immunditiam pedum discipulorum suscipiat in proprium corpus per linteum, quo solo præcinctus manebat: ipse namque languores nostros portavit. Attende etiam, quod cum debeant pedes discipulorum abluere, non aliud tempus elegit quam cum diabolus iam intraverat in cor Iudæ, ut eum proderet, & futura pro hominibus dispensatio imminerebat: nam ante hoc non erat opportunum pedes discipulorum lavari a Iesu. Quis enim pedum eorum sordiciem intermedium temporis ulque ad passionem lavasset? Sed neque tempore passionis, alter enim Iesus non aderat, qui pedes eorum lavaret; sed neque post dispensationem, illo namque tempore Spiritu sancto superveniente, eorum loti sunt pedes. Huius ergo mysterii, dicit Dominus Petro, tu non es capax; sed post hæc nosces, cum illud perceperis illustratus. AUGUSTINUS (tract. eod.) Nec tamen ille dominici facti altitudine exterritus permittit fieri, quod cur feret ignorabat; sed ulque ad suos pedes humilem Christum videre non potest sustinere; nam sequitur: *Dixit ei Petrus: Non lavabis mihi pedes in æternum*; hoc est, nunquam hoc patiar. Hoc quippe in æternum non fit quod nunquam fit. ORIGENES (tomo xxxii.) Ex hoc autem accipimus exemplum, quoniam possibile est quemquam secundum parum propositum dicere propter ignorantiam quod sibi non prodest. Petrus enim ignorans hoc esse conveniens, primo quidem quasi dubitans suaviter dixit: *Domine, tu mihi lavas pedes?* secundo: *Non lavabis mihi pedes in æternum*: quod erat prohibitivum operis perducens eum ad habendum partem cum Iesu: in quo etiam non tantum Iesum arguit inconven-

(1) Nicolaus habet considerantes. (2) Idem corrigit utilitatem. (3) Ad. factum.

nient lavantem pedes discipulorum, sed etiam condiscipulos indecentem suos pedes porrigentes. Cum ergo non esset expediens Petro proprium responsum, non permisit illud Dominus verincari: nam subditur: *Respondit ei Iesus: Si non lavare te, non habebis partem mecum.* AUGUSTINUS (ut supra.) Ita dictum est, *Si non lavare te*, cum de solis pedibus ageretur; quomodo dici solet, Calcas me, quando sola planta calcatur. ORIGENES (tomo xxxii. in Ioan.) Qui autem recusant hæc, & similia tropologizare, dicant quomodo probabile est eum qui ob reverentiam Iesu dixit, *Non lavabis mihi pedes in aeternum*, non habiturum partem cum Dei Filio, propter non lavari pedes ab eo, sicut propter immane scelus: & ideo praeflandi sunt pedes, idest mentis affectus, lavandi a Iesu, ut sint pedes nostri decori, & praesertim cum æmulantes potiora dona, volumus annumerari eis qui evangelizant bona. CHRYSOSTOMUS (homil. ead.) Ideo autem non dixit cuius gratia hoc faciebat, sed minas imposuit, quia ille nequaquam persuasus esset: audiens enim, *Scies autem postea*, non dixit, Doce igitur me ut permittam; sed quando conminatus est id quod maxime timebat, scilicet separari ab eo, tunc permisit. ORIGENES (ubi supra.) Hoc dicto utemur contra eos qui indiscretius se facere statuerunt quod eis non prodest: nam ostendendo illis quod non sunt habituri partem cum Iesu, dum praesumptuosum decretum observant, admonerimus illos ne immorentur male decretis, etiam si iurando ex multo impetu illud firmaverunt. AUGUSTINUS (tract. eod.) At ille amore, & timore perturbatus plus expavit Christum sibi (1) negari quam ulque ad suos pedes humiliari: unde sequitur: *Dicit ei Simen Petrus: Domine, non tantum pedes, sed & manus, & capus.* ORIGENES (tomo xxxii. ibid.) Manus autem lavare volebat Iesus, contemnens quæ dicebantur Matth. xv. quoniam „discipuli tui non „lavant manus, cum panem manducant;“ caput autem submergi volebat, in quo imago, & gloria Patris existerat: satis est autem ei ut pedes lavandos porrigeret: unde sequitur: *Dicit ei Iesus: Qui lotus est, non indiget nisi ut pedes lavet, sed est mundus totus.* AUGUSTINUS (tract. eod.) Totus utique præter pedes, vel nisi pedes, quos habet opus lavare: homo enim in baptismo

totus abluitur, non præter pedes, sed totus omnino; verumtamen cum in rebus humanis postea vivitur, utique terra calcatur. Ipsi igitur humani affectus, sine quibus in hac mortalitate non vivitur, quasi pedes sunt, (2) ubi ex humanis rebus affeimus, ut si dixerimus, „quia peccatum non habemus, „nosipos decipiamus.“ I. Ioan. i. Si autem confitemur peccata nostra, qui pedes discipulorum lavit, nobis peccata dimittit ulque ad pedes, quibus conversamur intra. ORIGENES (ubi supra.) Impossibile autem puto non contaminari extrema animæ, & infima eius, quamquam quo ad homines perfectus quis esse putetur: plurimi autem & post baptismum impleantur pulvere scelerum ulque ad verticem; qui vero legitime discipuli Christi sunt, erga solos pedes indigent lavatione. AUGUSTINUS (3) ad Seleucianum (epist. cxi.) Qui pedes autem quod hic dicitur, intelligitur quod iam Petrus baptizatus fuerat: intelligimus enim eius discipulos, per quos baptizabat, iam fuisse baptizatos, sive baptismo Ioannis, sicut nonnulli arbitrantur, sive, quod magis credibile est, baptismo Christi. Neque enim renuit ministerium baptizandi, ut haberet baptizatos servos, per quos ceteros baptizaret, qui non desuit humilitatis ministerio, quando eis pedes lavit: unde sequitur: *Et vos mundi estis, sed non omnes.* AUGUSTINUS (tract. xxxviii.) Hoc quid sit ne quaeramus, ipse Evangelista patefecit adiungens: *Sciebat enim quisnam esset qui traderet eum: propterea dixit: Non estis mundi omnes.* ORIGENES (ut supra.) Quod ergo dicit, *Vos mundi estis*, refertur ad undecim; quod vero subditur, *Sed non omnes*, dicitur propter Iudam existentem immundum: primo quidem quia pauperes non erant sibi curæ, sed fur erat; demum diabolo ingresso in cor eius, ut proderet Christum. Lavat autem pedes postquam mundi erant: quoniam gratia transcendit necessitatem, & sicut dicit Ioannes Apoc. xxi. „mundus mundificatur adhuc.“ AUGUSTINUS (tract. lvi.) Vel quia ipsi discipuli, cum loti essent, non opus habebant nisi pedes lavare: quia dum in isto sæculo vivit homo, humanis affectibus terram velut pedibus calcans contrahit. CHRYSOSTOMUS (hom. lxx.) Vel aliter. Non dicit eos mundos, ut a peccatis erutos aestimes, victima nondum oblata; sed eam quæ cognitionis est mundationem dicit: iam enim ab errore Iudaico eruti erant.

(c) A U -

(1) Negare. (2) P. Nicolai legit ubi ex humanis rebus affeimus, & sic affeimus ut si dixerimus &c. (3) Idem corrigi ad Seleucianum.

(c) AUGUSTINUS (tr. ad. lxxii.) Memor Dominus se promississe scientiam facti sui Petro, dicens, *Scies autem postea*, quid sit quod fecit, docere nunc incipit : unde dicitur : *Postquam ergo lavit pedes eorum, accepit vestimenta sua, & cum recubivisset iterum, dixit eis : Scitis quid fecerim vobis ?* ORIGENES (tom. xxxii.) Quid vel interrogative proferatur, ut ostendat facti magnitudinem, vel imperative, ut eorum erigat intellectum. ALCUINUS. Mystice autem implicita redemptionis nostræ purificatione per sanguinis sui effusionem, accepit vestimenta sua, tertia die de sepulcro resurgens, & eodem corpore iam immortalis vestitus; & cum recubivisset ascendens in cælum in dextera paterna divinitatis recubens, inde venturus est ad iudicandum. CHRYSOSTOMUS (hom. lxx.) Non autem adhuc ad solum Petrum, sed ad omnes loquitur dicens : *Vos vocatis me, Magister, & Domine* : in quo eorum iudicium assinit : deinde ut non illorum gratiæ esse putentur hæc verba, subiungit : *Et bene dicitis, sum etenim.* AUGUSTINUS (tr. ad. eod.) Homini præceptum est Prov. xxvii. „ Non te laudet os tuum, sed laudet te os „ proximi tui : „ periculum est enim sibi placere, cui cavendum est superbire . Ille autem qui super omnia est, quantumcumque se laudet, non se extollit excelsus. Nec porro recte dici arrogans Deus : nobis namque expedit Deum nosse, non illi; nec cum quisque cognoscit, si non se iudicat ipse qui novit. Si ergo non se laudando quasi arrogantiam vitare voluerit, nobis sapientiam denegabit . Quomodo autem arrogantiam veritas timet ? Et quidem quod magistrum se dicit, nemo reprehenderet, etiam qui cum nihil aliud quam hominem crederet, quoniam id profectus quod & ipsi homines in quibuslibet artibus ulque adeo sine arrogantia profitentur, ut professores vocentur; quod vero Dominum discipulorum se dicit, cum sint secundum sæculum ingenui, quis ferat in homine ? Sed cum Deus loquitur, nulla est elatio tantæ celsitudinis, nullum mendacium veritatis : nobis subicere utile est illi celsitudini, servire veritati. Ideo bene ergo dicitis, vocando me Magistrum, & Dominum, quia sum : nam si non essem quod dicitis, male diceretis. ORIGENES (tom. xxxii.) Et illi quidem non bene dicunt, Domine, quibus dicitur Matth. vii. „ Discedite a me qui operamini iniquitatem : „ sed Apostoli bene dicunt, Magister, & Dominus. S. Th. Oper. Tom. V.

mine : non enim eis nequitia (1) dominabatur, sed Verbum Dei.

Sequitur : *Si ergo ego lavi pedes vestros Dominus, & Magister, & vos debetis alter alterius lavare pedes.* CHRYSOSTOMUS (hom. lxx.) A maioribus rebus accipit exemplum, ut quod minus est operemur : nam ipse quidem Dominus est; nos autem ad confervos facimus, si fecerimus : & idem subdit : *Exemplum enim dedi vobis, ut quemadmodum ego feci vobis, ita & vos faciatis.* BEDA. Primum Dominus egit factis quod postmodum docuit verbis, secundum illud Act. i. „ Cœpit Iesus facere, & docere. „ AUGUSTINUS (tr. lxxii.) Hoc est, beate Petre, quod nesciebas; hoc tibi postea sciendum promissum. ORIGENES (tom. xxxii.) Considerandum vero est si necessarium est quolibet volentem disciplinam Iesu perficere, velut debitum opus prosequi lavacrum sensibilibus pedum : propter hoc (2) quod dicit : *Debetis ad invicem lavare pedes.* Sed hic mos vel non sit, vel admodum raro. AUGUSTINUS (tr. ad. eod.) Est enim apud plerisque consuetudo huius humilitatis, cum se invicem hospitio suscipiunt, & faciunt hoc sibi invicem fratres, etiam opere ipso visibili. Multo enim melius est, & sine controversia verius, ut etiam manibus fiat, no dedignetur quod fecit Christus, facere Christianus. Cum enim ad pedes fratrum inclinatur corpus, etiam in corde ipso excitatur, vel, si iam inerat, confirmatur humilitatis affectus. Sed excepto hoc morali intellectu, numquid etiam frater fratrem a delicti poterit contagione mundare ? Sed consitemur invicem delicta nostra, invicem nos delicta donemus, & pro nostris delictis invicem oremus; atque ita quodammodo invicem pedes nostros lavemus. ORIGENES (tom. xxxii.) Vel aliter . Hoc lavacrum spirituale pedum, de quo dictum est, principaliter quidem a nullo nisi a solo Iesu potest effici, secundario vero a discipulis eius, quibus dixit : *Vos debetis ad invicem lavare pedes* : Iesus enim lavit pedes discipulorum inquantum Magister, & servorum in eo quod Dominus. Hic autem est finis magistri, ut discipulum faciat sicut se; quod de Salvatore apparet, qui præ ceteris magistris, & dominis, vult ut fiant eius discipuli quia magister, & dominus, non habentes spiritum servitutis, sed spiritum filiationis, in quo clamant, „ Abba Pater : „ Rom. viii. Prius ergo quam fiant & magister, & dominus, egerint lavacro pedum, velut insu-

Ffff

ficien-

(1) A. dominabitur. (2) A. amittitur quod.

ficientes discipuli, & adhuc sapientes spiritum servituti; cum autem aliquis eorum flatum magistri attingit, & domini, tunc imitari poterit eum qui lavit discipulorum pedes, ac lavare pedes per doctrinam quasi magister. CHRYSOSTOMUS (hom. ead.) Adhuc autem provocans eos ad lavandum pedes, subiungit: *Amen amen dico vobis: non est servus maior domino suo, neque apostolus maior eo qui misit illum*; quod dicit: Si ergo hæc a me facta sunt, multo magis a vobis oportet hæc fieri. THEOPHYLACTUS. Necessario etiam hic Apostolos admonet: quia enim ad dignitates habebant attingere, & hic quidem maiores, hic minores, ne insurgant ad invicem, terreat conscientiam omnium. BEDA. Quia vero scire bonum, & non facere, non pertinet ad beatitudinem, sed ad condemnationem, secundum illud Iacob. iv. „Scienti bonum, & non facienti, peccatum est illi.“ subiungit: *Si hæc fecistis, beati eritis, si feceritis ea*. CHRYSOSTOMUS (hom. cit.) Nam scire quidem omnium est, facere vero non omnium. Deinde prodigenter non manifeste redarguit, sed oumbat, cum subditur: *Non de omnibus vobis dico*. AUGUSTINUS (tract. lix.) Quasi dicit: Est inter vos qui non erit beatus, neque facit ea. *Ego scio quos elegerim*. Quos, nisi eos qui beati erunt, faciendo que precepit? Non est igitur Iudas electus. Quid est ergo quod alio loco (supra vi.) dicit, *Nonne ego vos duodecim elegerim*? An ipse ad aliquid est electus, ad quod erat utique necessarius, non autem ad beatitudinem, de qua dicit: *Beati eritis, si feceritis ea*. ORIGENES (tract. xxxii.) Vel aliter. Non recte existimo posse referri quod dicitur, *Non de omnibus vobis dico*, (i) ad hoc quod dictum est, *Beati eritis, si feceritis ea*: totum enim hoc & de Iuda, & de quolibet alio verum est dicere, *Beatus talis, si fecerit hoc*. Reducemus autem hæc ad illud dictum: *Non est servus maior domino suo, nec apostolus maior eo qui misit illum*. Iudas enim, cum esset servus peccati, non erat servus divini Verbi, nec Apostolus, diabolo ingresso in cor eius. Cum ergo Dominus novisset qui sunt sui, alienos a se non novit: propter quod non ait, *Ego scio cunctos prædantes; sed ego scio quos elegerim*; quasi dicat: Electos meos novi. CHRYSOSTOMUS (hom. lix.) Deinde ut non multos contristeret suo sermone, subiungit: *Sed ut impleatur Scriptura: Qui manducat mecum panem, levabit calcaneum suum contra me*:

ostendens quod non ignorans traditur; quod maxime sufficiens erat Iudam retinere. Et non dixit, *Tradet me*; sed *levabit contra e calcaneum suum*, dolum, & occultationem insidiarum repræsentare volens. AUGUSTINUS (tract. lix.) Quid est enim, *Levabit calcaneum suum super me*, nisi conculcabit me? in quo Iudas traditor eius attigitur. CHRYSOSTOMUS (hom. ead.) Dicit autem, *Qui manducat mecum panem*; idest, qui a me nutritus est, qui mea mensa communicavit: ut si quando a famulis, aut aliquibus vilioribus patiamur aliquid malum, non scandalizemur, respicientes Iudæ exemplum, qui infinitis potius bonis, in contrariam remuneravit benefactorem. AUGUSTINUS (tract. eod.) Illi ergo qui electi erant, manducabant Dominum; ille manducabat panem Domini contra Dominum: illi vitam, ille poenam. „Qui enim manducat indigne (ait Apostolus I. Corinth. xi.) iudicium sibi manducat.“

Sequitur: *Amodo dico vobis priusquam hæc, ut cum factum fuerit credatis quia ego sum*, de quo scilicet illa Scriptura præfessit. ORIGENES (tract. xxxii. in Ioan.) Non autem dictum est Apostolis, *Ut credatis*, quasi non credentibus; sed dictum est tamquam æquipolleat ei quod est, ut credentes operemini, perseverantes in credulitate, nec aliquam occasionem ad repulsam captantes: super ea enim quæ obtinebant discipuli ad fidem scientia, hoc etiam adepti sunt, videre per hunc Scripturam prædictam. CHRYSOSTOMUS (hom. lxxi.) Quia ergo discipuli exiituri erant ad prædicandum, & multa passuri, duobus modis eos consolatur: uno modo a seipso, cum dicit, *Beati eritis, si feceritis hæc*; alio vero modo consolatur eos ab alijs, eo scilicet quod ab hominibus multa poterint procurare: unde subdit: *Amen amen dico vobis: qui accipit, si quem misero, me accipit: qui autem me accipit, accipit eum qui me misit*. ORIGENES (ubi supra.) Qui enim recipit quem mittit Iesus, Iesum, qui in misso consistit, recipit; qui autem Iesum recipit, Patrem recipit. Igitur qui recipit quem mittit Iesus, mentem recipit Patrem. Potest etiam & hic sermo fore: Qui recipit quem ego misero, usque ad mei receptionem attingit; qui vero non per aliquem Apostolorum meorum me recipit, sed recipit me venientem ad animas, Patrem recipit, ut non tantum ego in eo maneam, sed & Pater. AUGUSTINUS (tract. eod.) Attriati autem cum hoc

(i) id. ad quod.

audiunt, statim ad gradus sui dogmat is currunt, dicentes: Quantum Apollolus distat a Domino, tantum Filius a Patre. Sed ubi Dominus dixit supra x. Ego, & Pater unum sumus, nullam distantie suspensionem reliquit. Quoniam ergo nos accepturi sumus hæc verba dominica, *Qui me accipit, accipit eum qui me misit*, quod unius naturæ sunt Pater, & Filius, consequens videbitur, quia dixit, *Qui accipit, si quem misero, me accipit*, (1) ut unius naturæ sint Filius, & Apollolus. Ita dixisse possit videri: *Qui accipit, si quem misero, me secundum hominem accipit; qui autem me secundum Deum accipit, accipit eum qui me misit*. Sed cum ista dicebat, non ab illo naturæ unitas, sed in eo qui mittitur, mittentis commendabatur auctoritas. Si ergo attendas Christum in Petro, discipuli præceptorem; si autem Patrem in Filio, invenies Unigeniti genitorem.

(d) CHRYSOSTOMUS (hom. lxxi.) Quia Dominus Apollolis debentibus orbem terrarum universum percurrere, exhibuerat duplicem consolationem prædictam, cogitans quod utraque proditor privatus est, turbatur; & hoc significat Evangelista dicens: *Cum hæc dixisset Iesus, turbatus est spiritu, & prostratus est, & dixit: Amen amen dico vobis, quia unus ex vobis me tradet*. AUGUSTINUS (tract. lx.) Non illi hoc tunc primum venit in mentem; sed quia proditor iam fuerat expressurus, ut non lateret in ceteris, ideo turbatus est spiritu; & quia ipse traditor iam fuerat exiturus, ut ludæos, quibus Dominus ab eo traderetur, adduceret. Turbavit eum imminens passio, & periculum proximorum, & traditoris impendentes manus, cuius fuerat præcognitus animus. * Hoc etiam Dominus significare sua turbatione dignatus est, quod quando ex falsis fratribus aliquos separari, etiam ante messem, urgens causa compellit, fieri sine Ecclesiæ turbatione non possit. Turbatus est

autem non carne, sed spiritu: Spiritus enim in huiusmodi scandalis non pervertitur, sed caritate turbatur, ne forte in separatione aliquorum zizaniorum, simul aliquod eradicetur & triticum. * Sive ergo ipsam Iudam pereuntem miserando, sive sua morte appropinquante turbatus est, non animi infirmitate, sed potestate turbatur; non enim aliquo cogente turbatur, sed turbavit semetipsum, ut supra dictum est, Quod autem turbatur, infirmos in suo corpore, hoc est in sua Ecclesia, consolatur, ut si qui suorum morte imminente turbantur, non se reprobos putent. ORIGENES (tomo xxxii.) In eo enim quod dicit, *Turbatus est spiritu*, quod humanum est, scilicet passio, proveniebat ab exuberantia spiritus: si enim sanctus quilibet in spiritu vivit, & agit, & patitur, quanto magis hæc dicenda sunt de Iesu sanctiorum (2) præmiatore? AUGUSTINUS (tract. lx.) Pereant igitur argumenta Stoicorum, qui negant in sapientem cadere perturbationem animorum; qui profecto, sicut vanitatem ælimant veritatem, sic stuporem deputant sanitatem. Turbetur plane animus Christiani, non miseria, sed misericordia. * Dicit autem, *Unus ex vobis*, numero, non merito; specie, non virtute. CHRYSOSTOMUS (hom. lxxi.) Quia vero non nominatim dicit, rursus in omnes inducit timorem: unde sequitur: *Aspiciant ergo discipuli ad invicem, hesitantes de quo diceret*. Et nimirum nullius sibi ipsis concilii mali, tamen (3) enuntiationem Christi propriis cogitationibus credibiliorum putabant. AUGUSTINUS (tract. lxi.) Sic etiam in eis erat erga magistrum suum pia caritas, ut tamen eos humana, alterum de altero, stimulare infinitas. ORIGENES (tomo xxxii.) Reminiscabantur etiam, ut homines existentes, quoniam alterabilis est affectus adhuc provectorum, ac susceptibilis appetitus contrariorum his quæ prius

Ffff 2 vo-

(1) *Al.* & unius naturæ sunt Filius, & Apollolus, ita dixisse &c. *St. legunt totam hanc appendicem omnia quæ vidimus vetera exemplis; aliter autem, & clariori sensu habet Nicolai in hunc modum.* Arianæ autem cum hoc audiunt, statim ad illos gradus sui dogmatis currunt quibus non ascendunt in vitam, sed præcipiuntur in mortem, dicentes: Quantum Apollolus distat a Domino, tantum Filius a Patre. Sed ubi Dominus dixit, *Ego & Pater unum sumus*, nullam distantie suspensionem reliquit. Quoniam ergo nos modo accepturi sumus hæc verba dominica, *Qui me accipit, accipit eum qui me misit*? si enim valuerimus intelligere quod unius naturæ sunt Pater, & Filius, consequens videbitur, quia dixit, *Qui accipit, si quem misero, me accipit*, ut unius naturæ sit Filius, & Apollolus. Proinde ita dixisse possit videri. *Qui accipit, si quem misero, me secundum hominem accipit; qui autem me secundum Deum accipit, accipit eum qui me misit*. Sed cum ista dicebat, non ab illo naturæ unitas, sed in eo qui mittitur, mittentis commendabatur auctoritas. Si ergo attendas Christum in Petro, invenies discipuli præceptorem; si autem Patrem in Filio, invenies Unigeniti genitorem. (2) *Nicolai* primicerio. (3) *Al.* emulatioem.

EX EDITIONE P. NICOLAI.

* Tract. lxx. in Ioannem. * Et iterum tract. lx. c Tract. lxi.

voluerat. CHRYSOSTOMUS (hom. ead.) Omnibus autem tremementibus, & ipso vertice, scilicet Petro, formidando, Ioannes velut dilectus recubuit in sinu Iesu: unde sequitur: *Erat ergo recumbens unus ex discipulis eius in sinu Iesu, quem diligebat Iesus.* AUGUSTINUS (tract. eod.) Ipse est Ioannes, cuius est hoc Evangelium, sicut postea manifestat. Erat enim hæc eorum consuetudo qui sacras nobis litteras ministrarunt, ut quando ab aliquo eorum divina narrabatur historia, cum ad seipsum veniret, tamquam de alio loqueretur. Quid enim deperit veritati, quando & res ipsa dicitur, & quodammodo dicentis iactantia devitatur? CHRYSOSTOMUS (hom. cit.) Si autem huiusmodi familiaritatis causam queris discere, amoris res erat: propterea dicit, *quem diligebat Iesus*; quamvis enim & alii amarentur, tamen ille plus aliis. ORIGENES (ut supra.) Aestimio autem quod etiam hoc protendit, quod Ioannes (1) recumbens Verbo, ac in secretioribus paulans incumbebat gremiis Verbi. CHRYSOSTOMUS (hom. ead.) Voiebat etiam ostendere seipsum esse alienum a crimine; & hoc etiam dicit, ne æstimes quod Petrus ei ut maiori existenti innueret: nam sequitur: *Innuit ergo huic Simon Petrus, & dicit ei: Quis est de quo dicit?* Ubique enim invenitur Petrus ab amore impetum faciens; & quia primo increpatus est, non locutus est, sed mediante Ioanne vult dicere. Ubique enim Scriptura ostendit Petrum fervidum, & familiaritatem habentem ad Ioannem. AUGUSTINUS (tract. eod.) Notanda autem locutio est, dicere aliquid non sonando, sed tantummodo innuendo. *Innuit*, inquit, & dicit; id est, innuendo dicit. Si enim cogitando aliquid dicitur, sicut illud, „ Di-“, xerunt apud semetipsos; „ quanto magis innuendo, ubi iam foris qualibuscumque signis promittitur quod fuerit corde conceptum? ORIGENES (tract. xxxi.) Vel primo innuit, & deinde non contentus nutu, dixit illi: *Dic quis sit de quo dicit.*

Sequitur: *Itaque cum recubisset ille super pectus Iesu, dicit ei: Domine, quis est?* AUGUSTINUS (tract. lxi.) Quod autem nunc supra pectus dicit, paulo supra dixerat in sinu. Vel aliter. Primo quidem iacens in sinu Iesu superascendit, & incubuit supra

pectus; quasi si non incubisset in pectore, sed remansisset iacens in sinu, nequaquam Dominus ei tradidisset verbum quod Petrus scire cupierat. Per hoc ergo quod ultimo supra pectus incubuit, exprimitur tamquam per maiorem, & abundantiorum gratiam, specialis Iesu discipulus esse. BEDA. Quod autem in sinu, & supra pectus recubuit, non solum fuit præsentis amoris indicium, sed etiam futuræ rei signum, quod scilicet inde vocem sumeret, quam postmodum cunctis sæculis inauditam emitteret. AUGUSTINUS (ut supra.) Per sinum enim quid aliud significatur quam secretum? Hic est utique pectoris sinus, sapientiæ secretum. CHRYSOSTOMUS (hom. ead.) Neque autem tunc nominatim proditorem Dominus manifestavit: nam sequitur: *Respondit Iesus: Ille est cui intinxi panem per os.* Et modus ipse manifestationis (2) conversurus erat: quia enim (3) ob mentionem verecundatus non est, eodem pauca communicans, verecundari debuit. Sequitur: *Et cum intinxisset panem, dedit Iuda Simonis Sacerdotis.* Non, ut putant quidam negligenter legentes, tunc Iudas solus Christi corpus accepit: intelligendum est enim quod iam eis omnibus distribuerat Dominus sacramenta corporis, & sanguinis sui, ubi & ipse Iudas erat, sicut Lucas narrat; at demum ad hoc ventum est, ubi secundum narrationem Ioannis Dominus per buccellam narratorem, atque proteritam suum exprimit traditorem; tortassim per panis tinctionem illius significans fictionem: non enim omnia quæ tinguntur abluntur, sed ut iniciantur, nonnulla tinguntur. Si autem bonum aliquid hæc significat tinctio, eidem bono ingratum merito est secuta damnatio: sequitur enim: *Et post buccellam, tunc introivit in eum satanas.* ORIGENES (tract. xxxi.) Attende, quod primo quidem non introivit satanas in Iudam, sed immisit in cor eius solum ut proderet præceptorem; post panem autem in eum ingressus est. Quamobrem nobis cavendum est ne diabolus intrudat in cor nostrum; aliquid ignitorum telorum suorum: nam si introierit, insidiatur deinde ut & ipse introeat. CHRYSOSTOMUS (hom. ead.) Donec enim fuit in collegio, non audebat insilire, sed extrorsum immittebat; quando vero eum manifestum fecit, & expulit, libere in eum

(1) *id.* incubens. (2) *P. Nicolai legit conversurus.* (3) *Idem habet commensationem.*

de cetero exilivit. AUGUSTINUS (tract. lxxi.) Vel intravit in eum, ut sibi iam traditum plenius possideret: neque enim non in illo erat, quando ad Iudæos de pretio tradendi Dominum pactus est, cum Lucas dicat cap. xxii. „Intravit autem satanas in Iudam; & abiit, & locus est cum principibus sacerdotum.“ Talis iam venerat ad comendandum; sed post panem introivit in eum, non ut adhuc alienum tentaret, sed ut proprium possideret. ORIGENES (ut supra.) Decebat enim, ut aestimo, propter panis exhibitionem auferri ab indigno bonum quod se habere credebat; quo privatus factus est capax ingressus satanæ insipsum. AUGUSTINUS (tract. lxxii.) Dicunt autem aliqui: Ita ne hoc meruit panis proreus de mensa Christi, ut post illum intraret in discipulam satanas? Quibus respondemus, hinc potius nos doceri quam sit cavendum male accipere bonum: si enim corripitur qui non diiudicat, hoc est non (1) discernit a ceteris cibis Domini corpus; quomodo damnatur qui ad eius mensam fingens le amicum, accedit inimicus?

Sequitur: *Et dicit ei Iesus: Quod facis, fac citius.* ORIGENES (tract. xxxii.) Cui autem id ambiguum est, (2) quoniam potuit vel Iudæ, vel satanæ Dominus dixisse, *Quod facis, fac citius*, provocans adversarium ad pugnam, vel proditorum ad subministrandum dispensationi, quæerat futura salubris saculo? quam non amplius tardari, nec protrahi, sed pro posse maturari volebat. AUGUSTINUS (tract. lxxii.) Non tamen præcepit facinus, sed prædixit: non tam in perniciem perhisi faciundo, quam ad salutem fidelium festinando. CHRYSOSTOMUS (hom. ead.) Hoc enim quod dicit, *Quod facis, fac citius*, non præcipientis est, neque consiliantis, sed exprobrantis, & ostendens quoniam ipse nolebat suam prodicionem impedire. Sequitur: *Hoc autem nemo scivit discipulorum, ad quid dixerit ei.* Multam utique quis hic dubitationem inveniet, si interrogantibus discipulis, *Quis est? dicit, Cui ego intingens panem dabo*, & tamen non intellexerunt: nisi dicatur, quod latenter dixit, ut nullus audiret; & propterea supra pectus Ioannes residens interrogat, quasi ad eum, ut non fieret proditor manifestus. Fortasse enim si Christus cum manifestum fecisset, Petrus utique eum interfecisset. Propterea dicit, quod nullus cognovit recumbentium, sed neque Ioannes: nequaquam enim putavit quod discipu-

lus in tantum iniquitatis prodiret: quia enim procul a tali iniquitate erat, non de aliis homo suspicabatur. Veram igitur causam eorum quæa Christo dicta sunt ignoraverunt. Quid autem aestimarent, ostendit Evangelista, cum subdit: *Quidam putabant, quia loculos habebat Iudas, quod dixeret ei Iesus: Ene in qua opus sunt nobis ad diem festum; aut ut egenis aliquid daret.* AUGUSTINUS (tract. lxxii.) Habebat ergo Dominus loculos, & a fidelibus oblata conservans, & suorum necessitatibus, & aliis indigentibus tribuebat. Tunc primum ecclesiasticæ pecuniæ forma est instituta, (3) ut intelligeremus, quod præcepit, non cogitandum esse de castino, non ad hoc esse præceptum ut nihil pecuniæ servetur a sanctis; sed ne Deo propter ista servietur, & propter inopiæ timorem iustitia deservatur. CHRYSOSTOMUS (hom. lxxii.) Et nimirum nullis discipulorum pecunias afferebat; sed per hoc quod dicit hic, deus insinuat quod quædam mulieres eum de suis facultatibus nutriebant. Qui autem non peram, non virgam, non æs iubet deserre, loculos ferebat ad inopum ministerium: ut discas quoniam valde pauperem, & mundo crucifixum, huius oportet partis multam facere procuracionem: multa enim ad nostram dispensans doctrinam agebat. ORIGENES (tract. xxxii.) Sic igitur Iudæ Salvator dicebat, *Quod facis, fac citius*; ac proditor in hoc tantum ad præsens obediens magistro: accepto namque pane nullam traxit moram: unde sequitur: *Cum ergo accepisset ille buccellam, exivit continuo.* Et revera exiit, non solum recedendo de domo in qua tenebatur; sed omnino egressus est a Iesu. Ego autem opinor, quod post panem ingressus satanas in Iudam, non tolerabat in eodem loco cum Iesu esse: nulla namque conformitas est Iesu ad satanam. Non frustra autem requiramus, quare super hoc quod est, *Et accipiens panem*, non adiicitur, Et manducans. Numquid igitur accepto pane non manducavit Iudas? Post panem enim forsitan acceptum a Iuda, non esum, qui semel in cor eius immiserat, ut magistram prodatur, timore ductus ne quod immisissum fuerat evanesceret usu panis, quam cito panem Iudas recepit, introivit in eum, & statim domum excessit. Aliter quoque non inepte dicitur, quod sicut qui indigne manducat panem Domini, aut bibit eius calicem, in præiudicium sibi comedit, atque bibit; sic panis (4) Iesu datus aliis fuit ad salutem, Iudæ in

(1) Al. discernit. (2) Al. quod. (3) Al. nisi, Nisi autem ubi. (4) Al. a Iesu.

in damnum, ut post panem intraret in eum satanas. CHRYSOSTOMUS (ut supra.) Subdit autem, *Erant autem nox*, ut discas ludæ temeritatem, quoniam neque tempus eum tenuit ab impetu. ORIGENES (tract. xxxii.) Nox etiam sensibilibus instar extitit obducatæ nobis in anima ludæ. GREGORIUS II. Moral. (cap. 11.) A qualitate enim temporis, finis exprimitur actionis, dum non rediturus ad veniam, ad traditionis perfidiam nocte Iudas exisse perhibetur.

(c) ORIGENES (tomo xxxii.) Post eventientia ex prodigiis, nec non ex transfiguratione præconia, initium glorificandi Filii hominis fuit exitus ludæ a loco ubi morabatur Iesus, cum satana, qui eum ingressus est: unde dicitur: *Cum ergo exisset, dixit Iesus: Nunc clarificatus est Filius hominis.* Non enim immortalis unigeniti Verbi, sed hominis qui factus est ex semine David, gloria hic narratur. Si enim in morte Christi glorificatus Deum illud ad Coloss. 11. verum est, „Euxens principatus, & potentes, traduxit confidenter triumphans“ (1) in ligno: „& illud ibid. 1., „Concilians per sanguinem crucis suæ sive quæ in terris, sive quæ in cælis sunt:“ in his omnibus glorificatus est Filius hominis, Deo etiam glorificato in eo: unde sequitur: *Et Deus clarificatus est in eo*: quia non est Christum glorificari, nisi eum eo quoque glorificetur & Pater. At quoniam quicumque glorificatur, ab aliquo glorificatur; si quæras de eo quod clarificatus est Filius hominis, a quo, respondens subdit: *Si Deus clarificatus est in eo, & Deus clarificabit eum in semetipso.* CHRYSOSTOMUS (homil. lxxii.) Hoc est per seipsum, non per alium. Sequitur: *Et continuo clarificabit eum*; quasi dicat: Non post longum tempus, sed confestim in ipsa cruce ea quæ clara sunt apparebunt. Sol. namque aversus est, petræ scissæ sunt, multa corpora eorum qui dormierant surrexerunt. Hac autem via eas quæ ceciderant, cogitationes discipulorum reseruit, & suadet non solum (2) non trisleri, sed etiam lætari. AUCTUSTINUS (tract. lxxii.) Vel aliter. Exeunte immundo, omnes mundi cum suum mundatore manserunt. Tale aliquid erit cum zizanii a tritico separatis, „iussi sulci“, gebunt sicut sol in regno Patris sui: Matth. xii. Hoc futurum prævidens Do-

minns discedente Iuda, tamquam zizanii separatis, remanentibus tamquam tritico Apostolis sanctis, dixit: *Nunc clarificatus est Filius hominis*; tamquam diceret: Ecce in illa mea clarificatione quid erit, ubi malorum nullus erit, ubi bonorum nullus perit. Sic autem non est dictum, Nunc significata est clarificatio Filii hominis; sed *nunc clarificatus est Filius hominis*: sicut non est dictum I. Corinth. x. Petra significabat Christum; sed, „petra erat Christus.“ Solet enim loqui Scriptura, res significantes, tamquam illa quæ significantur appellans. Est autem clarificatio Filii hominis, ut Deus clarificetur in eo: unde adiungit: *Et Deus clarificatus est in eo.* Denique tamquam ista exponens adiungit, & dicit: *Si Filius clarificatus est in eo*, quia non venit facere voluntatem suam, sed voluntatem eius qui eum misit; & *Deus clarificabit eum in semetipso*, ut natura humana, quæ ab æterno Verbo suscepta est, etiam immortaliter æternitati donec. Sequitur: *Et continuo clarificabit eum*, resurrectionem scilicet suam, non sicut nostram in fine sæculi, sed continuo futuram, hac attestatione prædicens. Potest & de ista clarificatione dictum videri: *Nunc clarificatus est Filius hominis*; ut quod ait *nunc*, non ad imminens passionem, sed ad vicinam resurrectionem pertinere credatur; tamquam fuerit factum quod erat tam proxime iam futurum. HILARIUS XI. de Trin. (circa finem.) Quod autem Deus in eo glorificatus est, ad corporis gloriam spectat, per quam Dei intellecta est gloria, quasi corpus ex naturæ divinitate (3) consociatione gloriam mutaret. (4) Quod vero, quia glorificatus in eo Deus est, ideo glorificavit eum in se, ut qui regnat in gloria quæ ex Dei gloria est, ipse ex in. de in Dei gloriam transeat, toto iam in Deo ex ea quæ homo est dispensatione mansuro. Nec sane de tempore tacuit dicens: *Et continuo clarificabit eum*: ut quia prodeunte ad conditionem Iuda, gloriam quæ sibi post passionem, consecuta resurrectione, futura esset, significasset in præsens, eam quæ in se Deus eum clarificaturus esset, in posterum reservaret, Dei in eo gloria per virtutem resurrectionis ostensa; ipso vero in Dei gloria ex subiectionis dispensatione mansuro. HILARIUS IX. de Trin. (circa med.) Primam autem significationem huius dicti non ambigam existimo, cum ait.

Nunc

(1) Legit Nicolaus in ligno crucis suæ. (2) M. desit non (3) M. consolatione. (4) Optime implet sensum P. Nicolaus sic legendi. Quod vero quia glorificatus in eo Deus est, ideo glorificavit eum in se, per incrementum glorificati in eo Dei glorificavit eum in se Deus, ut qui regnat in gloria quæ Dei gloria est, ipse exinde &c.

Nonne clarificatus est Filius hominis : gloria enim non Verbo, sed carni acquiratur. Hoc vero quod sequitur, *Et Deus clarificatus est in eo*, quid significet interrogo : & cum non alius sit Filius hominis, neque alius Filius Dei : *Verbum enim caro factum est*, supra 1. requiro quis in hoc Filio hominis, qui & Filius Dei est, glorificatus sit Deus. Et videamus quid sit hoc quod tertio dicitur : *Si Deus clarificatus est in eo, & Deus clarificabit eum in semetipso*. Homo utique non per se glorificatur, neque rursus qui in homine glorificatur Deus, licet gloriam accipiat, non tamen aliud ipse quam Deus est. Utique aut Christum necesse est esse qui glorificatur in carne, aut Patrem qui glorificatur in Christo. Si Christus est Deus, certe Christus est qui glorificatur in carne; si Pater, sacramentum esse unitatis, cum Pater glorificatur in Filio. De eo vero quod glorificatum in Filio hominis Deum Deus glorificat in seipso, in quo relicta facultas exendæ impietatis existimatur, ne secundum naturæ veritatem verus Deus Christus sit : numquid enim extra se est quod glorificat in seipso? Quem enim in seipso Pater glorificat, in eius gloria consistens est; & qui in Patris gloria glorificandus est, in his intelligendus est esse in quibus est Pater. ORIGENES (tomo xxxi.) Vel aliter. Nomen gloriæ non hic accipitur iuxta quosdam Paganorum, qui diffiniunt gloriam esse a pluribus collata præconia. Palam est enim quod hoc aliud est ab eo quod in Exodo cap. xl. dicitur, quod gloria Dei repletum est tabernaculum, & quod aspectus Moysi glorificatus erat: quantum enim ad corporalia diviniorem quædam apparitio contigit in tabernaculo, necnon in facie Moysi cum Deo locuti; quantum ad anagogiam vero gloria Dei dicitur esse quæ apparuit : quoniam deificatus, ac transcendens cuncta materialia intellectus, ut scrutetur divinam visionem in his quæ cernit, deificatur: ut hoc sit tropice quod glorificata est facies Moysi, eo facto divino secundum intellectum. Nulla autem comparatio fuit excellentiæ Christi ad cognitionem Moysi glorificantem faciem animæ eius: totius enim divinæ gloriæ fulgorem esse Filium æstimo, dicente Paulo Hebr. 1. „ Qui cum sit splendor gloriæ, & figura substantiæ eius: “ quoniam proveniunt ab hac totius gloriæ luce singulares splendores ad totam rationalem creaturam: non enim arbitror quempiam

totum posse capere totius divinæ gloriæ fulgorem, nisi Filium eius. Inquantum igitur non erat notus Filius mundo, nondum in mundo glorificatus erat; cum autem Pater aliquibus de mundo existentibus tradidit Iesu notitiam, tunc glorificatus est Filius hominis in his qui cognoverunt eum; & hoc dedit gloriam cognoscentibus: nam qui libera facie divinam gloriam intuentur, secundum eandem transfigurantur imaginem a gloria glorificati in glorificantium gloriam. Cum igitur appropinquavit ad eam dispensationem, qua mundo notus debebat gloriam promereri in gloria glorificantium ipsum, ait: *Nunc clarificatus est Filius hominis*. Et quia „ nullus novit Patrem „ nisi Filius, & cui revelaverit Filius: “ Matth. xi. debebat autem ex dispensatione depromere Patrem Filius; ob hoc etiam Deus glorificatus in illo dignoscitur. Vel hoc quod est, *Et Deus clarificatus est in eo*, cum illo perscrutaberis infra xiv. *Qui me videt, & Patrem meum videt*: nam videbitur in Verbo, cum Deus existat, & imago invisibilis Dei, qui genuit eum Pater. Amplius autem sic quoque clarior quæ sunt in hoc loco capientur. Velut enim per quosdam nomen Dei blasphematur in Gentibus, sic per sanctos, quorum bona gesta coram hominibus (1) plenissime discernuntur, celsi Patris nomen extollitur. In quo vero (2) adeo glorificatus est, ut in Iesu, dum peccatum non fecit, nec dolus inventus est in ore eius? Cum ergo talis est Filius, glorificatus est, & Deus glorificatus est in eo. At si Deus in cognoscitur est, recompenlat ei Pater maius illo quod Filius hominis exercuit. Longe enim superflans est gloria in Filio hominis cum glorificat eum Pater, quam in Patre cum in illo glorificatus est: & decebat potentem maiorem rependere gloriam. Deinceps quoniam statim hæc erant futura (dico autem Filium hominis in Deo glorificari) ob hoc subiecit: *Et continue glorificabit eum*.

(f) AUGUSTINUS (tract. lxxiv.) Cum dixisset superius, *Et continue clarificabit eum*, ne putarent quod sic eum clarificatus esset Deus ut non eis coniungeretur ulterius ea conversatione quæ in terra est, adiecit, atque ait : *Filioli, adhuc modicum vobiscum sum*; tamquam diceret : Continuo quidem resurrectione clarificabor, non tamen continuo ascensus in cælum. Sicut enim scriptum est in Actibus Apostolorum, fuit cum eis

(1) *Al.* plenissima. (2) *Al.* a Deo, ut habes etiam Nicetæ.

eis post resurrectionem quadraginta dies. Hos igitur quadraginta dies significavit dicendo: *Adhuc modicum vobiscum sum.* ORIGENES (tomo xxxii.) * Per hoc autem quod dicit, *Filioli*, ostendit adhuc imminuentem animabus eorum parvitatem. Hi autem quibus nunc dicit, *Filioli*, post resurrectionem sunt fratres; sicut & antequam essent filii, fuerunt servi. AUGUSTINUS (tract. lxxv.) Potest etiam & sic intelligi. Adhuc sicut vos in hac infirmitate carnis etiam ipse sum, donec scilicet moreretur, atque resurgeret. Cum illis quidem fuit postquam resurrexit, exhibitione praeentiae corporalis, sed non cum illis fuit consortio incommunitatis humanae. Apud alium enim Evangelistam (Luc. xxiv.) post resurrectionem ait: „Hæc locutus sum vobis, dum adhuc essem vobiscum;“ id est, in carne mortali cum essem sicut & vos. Tunc enim in eadem quidem carne erat, sed cum illis in eadem mortalitate iam non erat. Est & alia divina praeentia sensibus ignota mortalibus, de qua idem dicit Matth. ult. „Ecce ego vobiscum sum usque ad consummationem sæculi.“ Hoc non est *Adhuc modicum sum vobiscum*; non enim modicum est usque ad consummationem sæculi: aut si & hoc modicum est, quia in oculis Dei mille anni funt dies unus, non tamen hoc significare voluisset credendus est nunc, quando secutus adiunxit: *Quo ego vado, vos non potestis venire.* Numquid enim post consummationem sæculi, quo ipse vadit, venire non poterant? de quibus postea dicturus est infra xvii. *Pater, volo ut ubi ego sum, & ipsi sint mecum.* ORIGENES (tomo xxxii. in Ioan.) Intrinsecus (1) autem sciscitaberis, an post multum non fuit cum eis: non ideo quod non aderat illis secundum carnem; sed eo modico consummato, vos scandalizabimini in me in illa nocte. Marc. xiv. & sic non erit cum eis qui cum dignis tantummodo conversatur. Sed sic cum eis non erat, nihilominus ipsi quaesituri erant Iesum; velut Petrus post negationem graviter plorabat, quaerens puto Iesum: & ideo sequitur: *Quaeris me, & sicut dixi Iudais, quo ego vado, vos non potestis venire.* Quaerere Iesum, est Verum quaerere, sapientiam, iustitiam, veritatem, divinam vir-

tutem, quæ omnia Christus est. Volentibus ergo discipulis sequi Iesum: non quippe velut rudiores arbitrantur corporaliter; (2) sed ut significat illud Luc. xiv. „Qui non tollit crucem suam, & sequitur me, non potest meus esse discipulus:“ ait nunc Dominus: *Quo ego vado, vos non potestis venire*; nam etiam vellet sequi Verbum, & illud consistere, tamen nondum erant validi circa hoc: cum nondum esset Spiritus datus, eo quod Iesus non erat glorificatus: supra vii. AUGUSTINUS (tract. lxxv.) Vel hoc dicit, quia adhuc minus idonei erant sequi moriturum Dominum pro iustitia: quomodo enim iam fuerant secuturi martyrio non maturi? Aut iterum Dominum ad immortalitatem carnis, quomodo iam fuerant secuturi, (3) non quando libet moriturus, sed in fine sæculi resurrexuri? Aut iterum Dominum ad finem Patris quomodo iam erant secuturi, cum esse nemo posset in illa felicitate nisi perfectus in caritate? Iudæi autem cum hoc diceret, non addidit modo. Ipsi autem non poterant venire tunc quo ille ibat, sed poterant postea; & ideo subdit: *Et vobis dico, Modo.* ORIGENES (ut supra.) Quasi dicat: *Et vobis dico* non absque additione huius adverbii modo. Iudæi namque, quos prævidebat in suis facinorosis morituros, in brevi tempore non valebant pergere quo Iesus ibat; sed discipuli post breve tempus poterant sequi Verbum. CHRYSOSTOMUS (homil. lxxi.) Ne autem audientes discipuli, sicut dixi Iudæis, æssiment similiter & in eos dictum esse, adiecit, *Filioli*. (4) ORIGENES (tom. xxxii.) Quod est experimentis imminuentem adhuc animæ discipulorum modicitatem. Fiunt autem post resurrectionem hi quibus dixit, *Filioli*, fratres; sicut & prius servituerant antequam essent filii. CHRYSOSTOMUS (hom. ead.) Hoc autem dicit eum, qui in seipsum est, erigens discipulorum amorem. Cum enim viderimus aliquos dilectissimorum discipulos, exardescimus, & maxime cum viderimus eos in locum abeuntis in quem non est possibile nobis abire. Simul etiam ostendit quoniam mors eius quædam translatio est, & transpositio melior ad loca mortalia corpora non suscipientia, AUGUSTINUS (tract. lxxv.)

&

(1) Initio huius appendicis idem Nicolai addit sequentia, & paulo aliter quamdam legit. Iuxta simpliciores quidem sensum hoc aperte intelligitur, quia cum discipulis iam futurus non erat: iuxta profundiores vero intelligentiam (vel intimam significationem) sciscitaberis an non post multum non fuit cum eis: non ideo quod non aderat illis secundum carnem &c. (2) Legit idem Nicolai sed ut significet illud quod erant alibi dixit eis, Luc. xiv. &c. (3) Omitte negare partem Nicolai, necque sic haberi in Augustini exemplaribus; & quando libet idem esse ac qualicumque tempore. (4) Hanc Origenis appendicem Nicolai omittit, similis enim est illi quam superius ostendisse putavimus.

& lxx.) Docens autem quomodo idonei esse possint pergere quo ille antecedeat, subiungit: *Mandatum novum de vobis, ut diligatis invicem*. Nonne iam hoc erat mandatum in antiqua lege Dei, ubi scriptum est: „Diliges (1) proximum tuum tamquam teipsum?“ *Levit. xix.* Cur ergo novum mandatum appellatur a Domino? An quia exuto veteri induit nos hominem novum? Innovat quippe audientem, vel potius obediensem, non omnis, sed ista dilectio, quam Dominus, ut a carnali dilectione distingueret, addidit: *Sicut dilexi vos, ut & vos diligatis invicem*: non sicut se diligunt qui corrumpunt, nec sicut se diligunt homines, quia homines sunt; sed sicut se diligunt qui Dei sunt, & filii Altissimi omnes, ut sint Filio eius unico fratres, ea dilectione invicem diligentes qua ipse dilexit eos, perduturus eos ad illum suum ubi satiabitur in bonis desiderium eorum. **CHRYSOSTOMUS** (hom. ead.) Vel dicit, *Sicut dilexi vos*: non enim praeexistentibus vestris iustitiis debitum vobis reddidi, sed ipse incepti; ita & vos benefacere oportet, etiam nihil debentes. **AUGUSTINUS** (tract. eod.) Noli autem putare illud maius praeferimus esse mandatum, quo praecepit ut diligamus Dominum Deum nostrum, sed bene intelligentibus utrumque invenitur in singulis: nam & qui diligit Deum, non cum potest contemnere praeipientem ut diligit proximum; & qui superne, ac spiritualiter diligit proximum, quid in eo diligit nisi Deum? Ipsa est dilectio, quam ab omni mundana dilectione distinguendo addidit Dominus, *Sicut dilexi vos*. Quid enim nisi Deum dilexit in nobis, non quem habebamus, sed ut haberemus? Sic ergo & nos invicem diligamus, ut quantum possumus, invicem ad habendum in nobis Deum cura dilectionis attrahamus. **CHRYSOSTOMUS** (hom. cit.) Praetermittens autem miracula, quae erant facturi, ab amore eos designat, subdens: *In hoc cognoscant omnes quia mei esset discipuli, si dilectionem habueritis ad invicem*: hoc enim est quod maxime homines sanctos ostendit: hos enim dicit esse discipulos. **AUGUSTINUS** (tract. eod.) Tamquam diceret: Alia munera mea habent vobiscum etiam mei, non solum naturam, vitam, sensum, rationem, & eam salutem quae hominibus, pecoribusque communis est; verum etiam linguam, sacramenta, prophetiam, scientiam, fidem, distributionem rerum suarum paupe-

S. Tb. Oper. Tom. V.

ribus, & traditionem corporis sui, ut ardeant; sed quoniam caritatem non habent, ut cymbala concrepant, nihil sunt, nihil eis prodest.

(g) **CHRYSOSTOMUS** (hom. lxxii.) Magnus amor, & ipso igne vehementior, & nulla est prohibitoria, quae eius promptum impetum detinere possit. Ardentissimus itaque Petrus audiens, *Quo ego vado, vos non potestis venire*, eum interrogavit: unde sequitur: *Dicit ei Simon Petrus: Domine, quo vadis?* **AUGUSTINUS** (tract. lxxvi.) Sit utique hoc dixit magistro discipulus tamquam sequi paratus: propterea Dominus, qui eius animum vidit, sic ei respondit, nam sequitur: *Respondit ei Iesus: Quo egrediendo, non potes me modo sequi*. Dilatationem intulit, non spem abstinuit; sed eam sequenti voce firmavit, dicens: *Sequeris autem postea*. Quid festinas Petre? Nondum te suo spiritu solidaverat Petrus: noli extolli praetumendo, non potes modo: noli deici deiperando: *sequeris enim postea*. **CHRYSOSTOMUS** (hom. ead.) Audiens autem hoc Petrus, neque ita desiderium detinuit, sed benignam spem accipiens properat: & quia timorem excussit prodicionis, cum securitate per seipsum dereliquo interrogat alios silentibus: unde sequitur: *Dicit ei Petrus: Quare non possum te modo sequi? Animam meam pro te ponam*. Quid dicis Petre? Dixi quoniam non potes, & tu dicis quoniam possum: quocirca scies per experientiam quoniam nihil est tuus amor, nisi praesente superna liberatione: unde sequitur: *Respondit Iesus: Animam tuam pro me ponas?* **RYDA**. Quae sententia duobus modis potest pronuntiari: uno modo affirmando, ac si dicat: *Animam tuam pro me ponas*; sed nunc timendo mortem carnis, animae mortem incurres: alio modo insultando, quasi diceret: **AUGUSTINUS** (tract. eod.) Ita ne facies pro me, quod nondum ego pro te? Praeire potes, qui sequi non potes? Quid tantum praefumis? Audi quis sis. *Amen amen dico tibi: non cantabit gallus, donec ter me neges*. Qui mihi promittis mortem tuam, ter negabis vitam tuam. Quid in animo eius esset cupiditatis videbat, quid virium non videbat: voluntatem suam iactabat infirmus; sed inspiciebat valetudinem medicus. An Apostolus Petrus, sicut cum favore perverso excusare quidam nituntur, Christum non negavit, quia interrogatus ab ancilla hominem se nescire respondit, sicut alii Evangelistae testantur expressius? Quasi

GGG

qui

1) *Hi tamen in Vulgata legunt non proximum, sed amicum.*

qui hominem Christum negat, non Christum neget; & hoc in eo neget quod factus est propter nos, ne periret quod fecerat nos. Per quid autem caput est Ecclesie, nisi per hominem? Quomodo est igitur in corpore Christi qui negat hominem Christum? Sed quid multis immorer? Non enim Dominus ait: *Non cantabit gallus, donec hominem, aut Filium hominis neges*; sed *donec me neges*. Quid est *me*, nisi quod erat? Quicquid eius negavit, Christum negavit. Si quidem dubitare nefas est. Christus hoc dixit, verumque prædixit: proculdubio Petrus Christum negavit. Non acculemus Christum, cum defendimus Petrum. Agnovit plane peccatum suum infirmitas Petri. Et quantum mali Christum negando commiserit,plorando monstravit. Neque nos cum ita dicimus, primum Apostolorum acculare delectat; sed hunc intuendo admoneri nos oportet, ne homo quisquam de humanis viribus fidat. BEDA. Respicendi nihilominus uniuersique, si in lapsum corruerit, exemplum capiat, ne desperet, sed incunctanter veniam se posse promereri credat. CHRYSOSTOMUS (hom. lxxii.) Unde manifestum est quoniam et casum Petri Dominus concessit: nam poterat quidem & a principio revocare; sed quia permanebat in vehementia, ipse quidem non impulit ad negationem, sed dimisit desertum, ut di-

scat propriam imbecillitatem, & ut post hæc talia non patiatur, cum orbis terrarum dispensationem susceperit; sed reminiscens eorum quæ passus est, cognoscat seipsum. AUGUSTINUS (tract. eod.) In anima itaque contigit Petri quod offerebat in corpore; sed aliter quam putabat: nam ante mortem, & resurrectionem Domini, & mortuus est negando, & revixit plorando. AUGUSTINUS de Con. Evan. (Lib. III. cap. 11.) Hoc autem de prædicta negatione sua Petro non solum Ioannes, sed & ceteri tres commemorant; non sane omnes ex una eademque occasione sermonis ad eam commemorandam veniunt: nam Matthæus, & Marcus eam subnectunt postquam Dominus egressus est ex illa domo ubi manducaverat pascha; Lucas vero, & Ioannes antequam inde esset egressus. Sed facile possumus intelligere, aut illos duos eam recapitulando posuisse, aut istos præoccupando; nisi magis moveret quod tam diversa non tantum verba, sed etiam sententias Domini præmittunt, quibus permotus Petrus illam præsumptionem proferret pro Domino, vel cum Domino moriendo, ut magis cogant intelligi ter eum expressisse præsumptionem suam diversis locis sermonis Christi, & ter illi a Domino responsum, quod eum esset ante galli cantum ter negaturus.



C A P U T XIV.

(a) **E**T ait discipulis suis: Non turbetur cor vestrum. Creditis in Deum, & in me credite. In domo Patris mei mansiones multæ sunt. Si quo minus, dixissem vobis quia vado parare vobis locum. Et si abiero, & præparavero vobis locum, iterum venio, & accipio vos ad me ipsum, ut ubi sum ego, & vos sitis. Et quo ego vado scitis, & viam scitis.

(b) Dicit ei Thomas: Domine, nescimus quo vadis; & quomodo possumus viam scire? Dicit ei Iesus: Ego sum via, & veritas, & vita. Nemo venit ad Patrem nisi per me. Si cognovissetis me, & Patrem meum utique cognovissetis; & amodo cognoscetis eum, & vidistis eum.

(c) Dicit ei Philippus: Domine, ostende nobis Patrem, & sufficit nobis. Dicit ei Iesus: Tanto tempore vobiscum sum, & non cognovistis me? Philippe, qui videt me, videt & Patrem meum. Quomodo tu dicis: Ostende nobis Patrem? Non credis quia ego in Patre, & Pater in me est? Verba quæ ego loquor vobis, a meipso non loquor. Pater autem in me manens, ipse facit opera. Non creditis quia ego in Patre, & Pater in me est? Alioquin propter opera ipsa credite.

(d) Amen amen dico vobis: qui credit in me, opera quæ ego facio, & ipse faciet, & maiora horum faciet: quia ego ad Patrem vado, & quodcumque petieritis

tis Patrem in nomine meo, hoc faciam, ut glorificetur Pater in Filio. Si quid petieritis Patrem in nomine meo, hoc faciam.

(e) Si diligitis me, mandata mea servate: & ego rogabo Patrem, & alium paracletum dabit vobis, ut maneat vobiscum in æternum, Spiritum veritatis, quem mundus non potest accipere, quia non videt eum, nec scit eum. Vos autem cognoscetis eum, quia apud vos manebit, & in vobis erit.

(f) Non relinquam vos orphanos, veniam ad vos. Adhuc modicum & mundus iam me non videt. Vos autem videtis me, quia ego vivo, & vos vivetis. In illo die vos cognoscetis quia ego sum in Patre meo, & vos in me, & ego in vobis. Qui habet mandata mea, & servat ea, ille est qui diligit me. Qui autem diligit me, diligitur a Patre meo; & ego diligam eum, & manifestabo ei meipsum.

(g) Dicit ei Iudas, non ille Scariotis: Domine, quid factum est, quia manifestaturus es nobis teipsum, & non mundo? Respondit Iesus, & dixit ei: Si quis diligit me, sermonem meum servabit; & Pater meus diligit eum; & ad eum veniemus, & mansionem apud eum faciemus. Qui non diligit me, sermones meos non servat. Et sermonem quem audistis, non est meus, sed eius qui misit me Patris. Hæc locutus sum vobis, apud vos manens. Paracletus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quæcumque dixerō vobis. Pacem relinquo vobis, pacem meam do vobis. Non quomodo mundus dat, ego do vobis.

(h) Non turbetur cor vestrum, neque formidet. Audistis quia ego dixi vobis: Vado, & venio ad vos. Si diligeretis me, gauderetis utique, quia vado ad Patrem, quia Pater maior me est. Et nunc dixi vobis priusquam fiat, ut cum factum fuerit, credatis. Iam non multa loquar vobiscum. Venit enim princeps mundi huius, & in me non habet quidquam. Sed ut cognoscat mundus quia diligo Patrem, & sicut mandatum dedit mihi Pater, sic facio. Surgite, camus hinc.

(a) **AUGUSTINUS** (tract. lxxvii.) Ne discipuli mortem Christi tamquam homines timerent, & ideo turbarentur, consolatur eos, etiam Deum se esse contentans: unde dicitur: *Et ait discipulis suis: Non turbetur cor vestrum. Creditis in Deum, & in me credite*; quasi dicat: Consequens est, si in Deum creditis, ut in me credere debeatis: quod non esset consequens, si Christus non esset Deus. Mortem metuitis huic formæ servi: non turbetur cor vestrum, suscipite illam formam Dei. **CHRYSOSTOMUS** (hom. lxxii.) Ea etiam quæ in me est fides, & in Patrem qui genuit, potentior est his quæ supervenient, & nihil contra eam potest prævalere difficultas. Hoc etiam modo divinitatis virtutem ostendit, quia ea quæ in mente habebant ducit in medium dicens: *Non turbetur cor vestrum*. **AUGUSTINUS** (tract. lxxvii.) Quia igitur etiam sibi metuebant discipuli, cum Petro dictum esset fidentiori, atque promptiori, *Non cantabit gallus, donec ter maneas*, subiunxit: *In domo Patris mei mansiones*

multa sunt: per quod a turbatione (1) recreantur, certi ac fidentes etiam post pericula tentationum, se apud Deum cum Christo esse mansuros: quia etsi alius est alio fortior, sapientior, iustior, sanctior, nullus alienabitur ab illa domo ubi mansionem pro suo quisque accepturus est merito. Denarius quidem ille æqualis est omnibus quem paterfamilias eis qui operati sunt in vinea, iubet dari: quo utique denario vita significatur æterna, ubi amplius alio nemo vivit, quoniam vivendi non est diversitas in æternitate mansura; sed multæ mansiones diversas meritorum in una vita æterna significant dignitates. **GRÆGORIUS** super Ezechielem (hom. xvi.) Vel hæc ratione conveniunt mansiones multæ cum uno denario (2) quia etsi alter minus, atque alius amplius exultat, omnes tamen unum gaudium conditoris sui visione lætificat. **AUGUSTINUS** (tract. lxxvii.) Atque ita Deus erit omnia in omnibus, ut quoniam Deus caritas est, per caritatem fiat ut quod habent singuli, commune sit omnibus. Sic enim

Gggg 2

nim

(1) *Al. recreantur ceteri, ac fidentes. Forte etiam recreantur ceteri, fidentes &c.* (2) *Al. desit quia.*

nam quisque etiam ipse habet, cum amat in altero quod ipse non habet: non enim erit ulla aliqua invidia imparis claritatis, quoniam regnabit in omnibus unitas caritatis. GREGORIUS ult. Moral. (cap. xxiv.) Eiusdem etiam disparitalis damna non sentiunt: quia tantum sibi unusquisque percipit quantum sufficit. AUGUSTINUS (tract. lxxvii.) Respondeant autem sunt a corde christiano qui putant ideo dictum multas esse mansiones, quia extra regnum caelorum erit aliquid ubi maneant beati innocentes, cum sine baptismo ex hac vita emigraverint, sine quo in regnum caelorum intrare non possunt. Absit autem ut cum omnis domus regnantium filiorum non sibi soli nisi in regno, ipsius regiae domus pars aliqua non sit in regno: non enim ait Dominus, In beatitudine sempiterna mansiones multas, sed in domo Patris mei. CHRYSOSTOMUS (hom. lxxxi.) Vel aliter continua. Quia Dominus supra dixerat Petros: *Quo ego vado, non potes me sequi modo, sequeris autem postea*: ne aediment soli Petro hanc promissionem esse datam, dixit: *In domo Patris mei mansiones multae sunt*; hoc est, & vos regio illa suscipiet quae & Petrum: copia enim est ibi multa mansionum, & non est dicere quoniam preparatione indigent: & propter hoc subdit: *Si quo minus, dixisset vobis quia vado parare vobis locum*. AUGUSTINUS (tract. lxxviii.) Ubi satis ostendit, ideo se hoc illis dixisse, quia iam ibi mansiones multae sunt, & non est opus illi aliquam praeparare. CHRYSOSTOMUS (ut supra.) Quia vero dixerat, *Non potes me modo sequi*, ut non aediment se ab eo finaliter abicissos esse, subiungit: *Et si abiero, & praeparavero vobis locum, iterum veniam, & accipiam vos ad me ipsum*, ut ubi ego sum, & vos scitis: ex quo ostendit quod oportet eos vehementer considerare. THEOPHYLACTUS. Ac si dicat utrumque. Vos turbati non oportet, siue paratae sint, siue non. Nam etsi paratae non sint, ego cum omni solertia praeparabo vobis illas. AUGUSTINUS (tract. lxxviii.) Sed quomodo vadit, & parat locum, si iam mansiones multae sunt? Sed nondum sunt, sicut parandae sunt: eadem enim mansiones, quas praedestinando praeparavit, praeparat operando. Iam ergo sunt in praedestinatione: si quo minus, dixisset, ibo, & praeparabo, hoc est praedestinabo; sed quia nondum sunt in operatione, dicit: *Et si abiero, & praeparabo vobis locum*. Parat autem modo man-

siones, mansionibus praeparando manfiores. Quippe cum dixit, *In domo Patris mei mansiones multae sunt*; quid putamus esse domum Dei, nisi templum Dei, de quo Apostolus dicit I. Corinth. 111. „Templum Dei sanctum est, quod estis vos.“ Hec ergo domus Dei adhuc aedificatur, adhuc praeparatur. Sed quid est quod ut praeparat abierit, cum nos ipsos praeparet: quod non faciet, si reliquerit? Sed illud significat, quia ut parentur istae mansiones, vivere debet iustus ex fide: si autem vides, non est fides. Est ergo ne videatur, lateat ut credatur. Tunc enim locus paratur, si ex fide vivatur: creditus desideretur, ut desideratus habeatur. (1) Si bene intelligis, nec unde vadit, nec unde venit recedit. Vadit ergo latente eo, venit apparendo. Sed nisi maneat vadendo, ut proficiamus bene vivendo, non parabitur locus ubi possumus manere perseverando. ALEVINUS. Dicit ergo: *Si abiero*, per carnis absentiam, iterum veniam, per divinitatis praesentiam: vel iterum veniam indicare vivos, & mortuos. Et quia sciebat eos interrogatos, quo iret, vel per quam viam iret, subiungit: *Et quo ego vado scitis*, scilicet ad Patrem, & viam scitis, scilicet per me ipsum. CHRYSOSTOMUS (ut supra.) Hoc autem dicens, desiderium quod in eorum mente erat, ostendit, & dat eis desiderium interrogandi.

(b) CHRYSOSTOMUS (hom. lxxxi.) Si Iudaei volentes a Christo separari, querebant quo iturus esset, multo magis discipuli numquam ab eo separari volentes, hoc discere cupiebant, & interrogant eum ex multa dilectione, & timore; & ideo dicitur: *Dicit ei Thomas: Domine, nescimus quo vadis; & quomodo possumus viam scire?* AUGUSTINUS (tract. lxxix.) Utrumque illos Dominus dixerat scire, utrumque dicit illis nescire; sed nescit illi mentiri: ergo illi sciebat, & se scire nesciebant. Convincit ergo eos hoc scire: unde subditur: *Dicit ei Iesus: Ego sum via, veritas, & vita*. AUGUSTINUS de Verb. Dom. (ser. liv.) Quasi dicat: Quia vis ire, ego sum via; quo vis ire, ego sum veritas; ubi vis permanere, ego sum vita. Veritatem, & vitam omnis homo capit; sed viam non omnis invenit. Deum esse quandam vitam aeternam, veritatem scibilem, etiam huius saeculi Philosophi viderunt. Verbum ergo Dei, quod apud Patrem est veritas, & vita, assumendo hominem, factum est via.

Am-

(1) E. si bene intelligendo nec unde vadis, nec unde venit, recedat.

Ambula per hominem, & pervenies ad Deum. Melius enim est in via claudicare, quam præter viam fortiter ambulare. HILARIUS VII. de Trin. (ante fin.) Non enim nos in etratica, atque in invia deducit ille qui via est; neque illud per falsa qui veritas est; neque in mortis relinquit errore qui vita est. THEOPHYLACTUS. Cum itaque activam exeres, fit tibi Christus via; cum autem in contemplativa perseveras, efficitur tibi veritas. Adiecta autem vita est activo, & contemplativo: docet enim ire, & prædicare pro futuro saeculo. AUGUSTINUS (tract. lxx.) Sciebant ergo viam, quia sciebant ipsum qui est via. (1) Quid autem opus erat ut adderet, *Veritas, & vita*, cum restaret nosse quo iret? Quia ad veritatem ibat, & ad vitam. Ibat ergo ad seipsum per seipsum. Sed numquid, o Domine, ut venires ad nos, reliqueras te? Scio quidem quod formam servi accepisti, & in carne venisti, manens ubi eras, & per hanc rediisti, non relinquens quod veneras. Si ergo per hanc & venisti, & rediisti; per hanc nobis non solum qua veniremus ad te, verum etiam tibi qua venires, & redires via fuisti. Cum vero ad vitam, quod es ipse, ivisti, eandem carnem tuam de morte ad vitam duxisti. Itaque dum caro de morte venit ad vitam, Christus venit ad vitam. Et quia Verbum est vita, Christus venit ad seipsum: quoniam utrumque est Christus, una persona, scilicet Verbum caro. Venerat etiam per carnem Deum ad homines, veritas ad mendaces: est enim Deus verax, omnis autem homo mendax. Cum itaque se ab hominibus abstulit, atque illuc ubi nemo mentitur, carnem suam levavit, idem ipse, qua Verbum caro factum est, per seipsum, id est per carnem suam, ad veritatem, quod est ipse, remeavit: quam quidem veritatem, quamvis inter mendaces etiam in morte servavit. Ecce ego ipse, si loquor vobis quod intelligatis, quodammodo ad vos procedo, nec me relinquo. Cum autem tacuero, quodammodo ad me redeo, & vobiscum maneo, si tenueritis quod audistis. Si hoc potest imago quam fecit Deus, quid potest ex Deo nata imago? Ac per hoc & ipse per seipsum & ad seipsum, & ad Patrem, & nos per ipsum & ad ipsum, & ad Patrem imus. CHRYSOSTOMUS (hom. lxxii.) Si enim (dicit) ego sum dominus

ducendi ad Patrem, omnino venietis illuc: neque enim est possibile alia venire via. Cum autem supra vs. dixerit, *Nemo potest venire ad me, nisi Pater traxerit illum*, nunc dicens, quoniam nullus potest venire ad Patrem nisi per me, exæquat seipsum ei quigenit. Qualiter autem dixerit, *Quo vado scitis, & viam scitis*, ostendit subdicens: *Si cognovissetis me, & Patrem, meum utique cognovissetis*; quasi dicat: Si sciretis meam substantiam, & dignitatem, & eam que Patris est sciretis. Noverant quidem eum, sed non ita ut oportebat: postea autem Spiritus veniens perfectam in eis contraxit cognitionem: & propter hoc subditur: *Amodo cognovistis eum*: dicit autem eam quæ secundum mentem cognitionem. *Et vidistis eum*, scilicet per me, ostendens quoniam qui videt eum, & Patrem videt. Viderunt autem eum, non in nuda substantia, sed carne indutum. BEDA. Sed quærendum est quomodo nunc dicat Dominus: *Si cognovissetis me, & Patrem meum utique cognovissetis*, cum præmiserit supra: *Quo ego vado scitis, & viam scitis*. Datur ergo intelligi quia quidam eorum sciebant, quidam vero nesciebant, quorum unus erat Thomas. HILARIUS VII. de Trin. (ubi supra.) Vel aliter continua. Cum iter ad Patrem per Filium sit, quærendum est utrum hoc per doctrinæ admonitionem, an per naturæ fidem sit. Intelligentiæ igitur sensum in consequentibus requiramus: nam sequitur: *Si cognovissetis me, & Patrem meum utique cognovissetis*. In sacramento enim assumpti corporis divinitatis paternæ naturam confirmans, hunc ordinem tenuit; tempus autem visionis separavit a tempore cognitionis: nam quem cognoscendum ait, eundem iam dixit & visum, ut naturæ iam pridem in se inspectæ scientiam ex tempore nunc huius revelationis acciperet.

(c) HILARIUS VII. de Trin. (ante fin.) Commovet Apostolum Philippum novitas dictorum. Homo cernitur, Dei se Filium confitetur, cognito se cognoscendum Patrem facitor, Patrem visum esse dicit. Prorupit igitur apostolica familiaritatis Dominum interrogans: unde dicitur: *Dicit ei Philippus: Domine, ostende nobis Patrem, & sufficit nobis*. Non visum negavit, sed ostendit sibi rogavit; neque ostensionem veluti corporalis contemplationis intuitum dediderat, sed demonstrationem intelligendi eius qui

(1) *Legit clarior sensu P. Nicolai: Quid autem opus erat ut adderet, Veritas, & vita, cum iam via cognita per quam iter, restaret nosse quo iret; nisi quia ad veritatem ibat, & ad vitam? Ibat ergo &c.*

qui visus est postulat. Filium enim in habitu hominis viderat, sed quomodo per id Patrem viderit, nescit: nam ut ostensio illa intelligendi potius esset demonstratio, quam videri, subiicit, *Et sufficit nobis*. AUGUSTINUS I. de Trin. (cap. viii.) Illa enim læticia qua nos adimplebit cum vultu suo, nihil amplius requiretur: quod bene intellexerat Philippus, ut diceret: *Domine, ostende nobis Patrem, & sufficit nobis*. Sed nondum intellexerat eo quoque modo ad ipsum se potuisse dicere: Domine, ostende nobis te, & sufficit nobis. Ut enim hoc intelligeret, responsum est ei a Domino: unde legitur: *Dixit ei Iesus: Tanto tempore vobiscum sum, & non cognovistis me?* AUGUSTINUS super Ioannem (tract. lxx.) Sed quomodo hoc dicit, cum & quo iret scirent (1) & viam scirent, non ob aliud nisi quod ipsum scirent? Sed facile ista quæstio solvitur, si dicamus, quod eum aliqui eorum sciebant, aliqui nesciebant, de quibus erat Philippus. HILARIUS VII. de Trin. (ut supra.) Arguit ergo Apostolum in cognoscendo se ignorantem: cum enim ea quæ gereret, propria Deo essent, calcare undas, iubere ventis, peccata dimittere, mortuis vitam reddere; hinc querelæ omnis orta conquæstio est, quod in homine assumpto Dei non intellecta natura est. Et ideo postulanti ut sibi Patrem ostenderet, ait: *Philippe, qui videt me, videt & Patrem*. AUGUSTINUS (tract. lxx.) Solemus enim de simillimis duobus ita loqui: Vidistis illum? (2) Vidistis istum. Sic ergo dictum est: *Qui videt me, videt & Patrem*: non quod ipse sit Pater, & Filius; sed quod a Patris similitudine in nullo prorsus discrepet Filius. HILARIUS VII. de Trin. (ubi supra.) Non autem ille hic visum oculorum carnalium significat: non enim hoc quod ex partu Virginis carnale est, ad contemplandum in eo Dei formam, & imaginem proficit; sed intellectus Dei Filius id præstat ut intellectus & Pater sit, dum ita imago est ut non differat genere, sed significet auctorem: non enim solitarium sermo significat, & indifferenter; tamen naturam professio docet: cum enim dicitur, *Et Patrem*, exclusa est singularis, atque unici intelligen-

tia: & quid reliquum est, nisi ut per naturæ unicam similitudinem Pater per Filium visus sit? AUGUSTINUS (tract. eodem.) Sed numquid obiurgandus est qui cum similem viderat, etiam illum cui est similis, vult videre? Sed ideo discipulum Dominus arguebat, quoniam cor postulantis videbat. Tamquam enim melior esset Pater quam Filius, ita Philippus Patrem nosse cupiebat; & ideo nec Filium sciebat, quo alium meliorem esse credebat. Ad hunc ergo sensum (3) corrigendum dicitur: *Quem est: Non credis quia ego in Patre, & Pater in me est?* quasi dicat: Si ad te multum est hoc videre, saltem quod non vides crede. HILARIUS (ubi supra.) Quæ enim ignorandi Patrem, aut ostendendi ignorantibus necessitas relinquebatur, cum Pater in Filio visus esset ex proprietate naturæ, dum ex indifferentia unitatis unum sunt natus, & generans; ut hic sermo Domini sequeretur: *Non credis quia ego in Patre, & Pater in me est?* AUGUSTINUS a VII. de Trin. (cap. viii.) Volebat enim eum ex fide (4) vivere, antequam illud posset videre; & ideo dicit, *Non credis?* Contemplatio quippe merces est fidei; cui mercedi per fidem corda mundantur. HILARIUS VII. de Trin. (circa. fin.) Pater autem in Filio est, & Filius in Patre, non per duplicem convenientium generum conjunctionem, neque per insitam capacioris substantiæ naturam, quia per corporealem necessitatem exteriora fieri his quibus continentur interiora non possunt; sed per naturam viventis naturæ ex vivente, dum non aliud ex Deo quam Deus nascitur. HILARIUS V. de Trin. Naturam enim suam, ut ita dicam, sequitur indemutabilis Deus, indemutabilem gignens Deum. Nec naturam suam deserit ex indemutabili Deo indemutabilis Dei perfecta naturitas. Subsistentem igitur in eo Dei naturam intelligimus, cum in Deo Deus sit, nec præter eum qui est Deus, quisquam alius Deus sit. CHRYSOSTOMUS (hom. lxxiii.) Vel aliter totum. Philippus hic corporeis oculis Patrem volebat videre, quia & ipsum Filium ita se existimabat vidisse, fortassis a Prophetis audiens, quoniam, vidi Deum, minum: "Esaï. vi. & ideo dixit, *Osten-*

(1) Editiones Romana & Veneta Nicollæ omittunt & viam scirent. (2) *Id.* emittitur Vidistis istum.
(3) *Id.* contingendum. (4) *Id.* videre.

EX EDITIONE P. NICOLAI.

de nobis Patrem. Etenim Iudæi interrogaverunt, Quis est pater tuus? & Petrus, & Thomas, quo iret; & nullus didicit manifeste. Ut ergo non videatur onerosus esse Philippus, & ipse interrogans, *Ostende nobis Patrem*, adiungit, & *sufficit nobis*; id est, nihil plus querimus. Dominus autem non dixit ei, Impossibile petis; sed ostendit quoniam neque ipsum Filium vidit: nam si hunc potuisset videre, & illum vidisset: & ideo dicit: *Tanto tempore vobiscum sum, & non cognovistis me?* Non dixit, Non vidistis me, sed *non cognovistis me*, quantum ad hoc scilicet quod Filius hoc manens quod Pater, decenter in seipso ostendit eum qui genuit. Deinde dividens hypostasies, ait: *Qui videt me, videt & Patrem*; ne quis dicat, quod ipse est Pater, ipse Filius. Ostendit autem per hoc quoniam neque Filium visu corporeo vidit. Si autem aliquis hic visum cognitionem dicere velit, non contradico; quasi dicat: Qui cognovit me, cognovit & Patrem. Sed non dixit hoc, sed consubstantialitatem repræsentare volens dixit: Qui meam substantiam vidit, vidit & eam quæ Patris. Unde patet quod non est creatura: creaturam enim videntes, Deum nesciunt omnes: Philippus etiam substantiam Patris videre quærebat. Si ergo alterius substantiæ esset, non diceret: *Qui videt me, videt & Patrem*. Sed nec aliquid in argento auri substantiam videre potest: non enim alia per aliam apparere naturam. AUGUSTINUS (ut supra.) Deinde non ad solum Philippum, sed ad omnes pluraliter loquitur, dicens: *Verba qua ego loquor vobis, a meipso non loquor*. Quid est *A meipso non loquor*, nisi a meipso non sum, qui loquor? Ei quippe tribuit quod facit de quo est ipse qui facit. HILARIUS VII. de Trin. (circa fin.) Unde neque se Filium negavit, nec naturam in se paternæ virtutis abscondit: nam dum loquitur, ipse in substantia manens loquitur; dum autem non a se loquitur, nativitatem in se Dei a Deo testatur. CHRYSOSTOMUS (hom. cit.) Vide autem (1) abundantem super unius substantiæ demonstrationem: nam subditur: *Pater autem in me manens, ipse facit opera*; quasi dicat: Nequaquam aliter facit Pater, & aliter ego; sicut & alibi (supra x.) ait: *Si non facio opera Patris mei, non creditis mihi*. Sed quomodo a verbis incipiens, ad opera venit?

Conveniens enim erat dicere, Ipse loquitur verba; sed duo ponit de doctrina, & signis; aut quia & verba opera erant. AUGUSTINUS (tract. lxxii.) Nam qui proximum loquendo ædificat, bonum opus operatur. In his duabus sententiis diversi nobis adversantur hæretici. Arriani dicunt: Ecce inæqualis est Patri Filius; non a se ipso loquitur. Dicunt Sabelliani: Ecce qui Pater est, ipse est Filius. Quid est *Pater in me manens ipse facit*, nisi in me maneo ego qui facio? HILARIUS VII. de Trin. (ubi supra.) Sed manere in Filio Patrem, non est singularis, atque unicus; operari vero per Filium Patrem, non est differentis, aut exteri; sicut non unius est, non a se loqui qui loquitur, neque rursus alieni, ac separabilis loqui per loquentem. Et quia in se Patrem loquit, & operari docuerat, perfecte huius unitatis fidem statuit, dicens: *Credite mihi quia ego in Patre, & Pater in me est*: ne scilicet per virtutis efficientiam, & non per naturæ, quæ secundum nativitatem est, proprietatem, Pater in Filio & operari crederetur, & loqui: sic enim habetur in Græco. Nostra littera habet: *Non creditis quia ego in Patre, & Pater in me est?* AUGUSTINUS (tract. lxx.) Antea solus Philippus arguebatur (2). CHRYSOSTOMUS (ut supra.) Si vero non sufficit hoc ad ostendendum consubstantialitatem, saltem ab operibus discite: unde subditur: *Alioquin propter opera ipsa credite*. Vidistis enim signa cum auctoritate, & omnia quæ deitatis erant propria, & quæ solus Pater operatur, peccata soluta, mortem recedentem, & huiusmodi. AUGUSTINUS (tract. lxx.) Hoc ergo propter opera credite, quia ego in Patre, & Pater in me est: neque enim, si separati essemus, inseparabiliter operari ulla ratione possemus.

(d) CHRYSOSTOMUS (homil. lxxiii.) Quia Dominus dixerat, *Propter opera credite*, ostendens quoniam non hoc solum potest, sed multo maiora, & quod est mirabilis, aliis potest dare, adiunxit: *Amen amen dico vobis: qui credit in me, opera qua ego facio, & ipse faciet, & maiora horum faciet*. AUGUSTINUS (tract. lxxxi.) Sed quæ sunt ista maiora? An forte quod ægros ipsis transeuntibus etiam eorum umbra sanabat? Maius est enim quod sanet umbra quam sinitia. Verumtamen quando ista dicebat,

ver-

(1) Forte superabundantem unius substantiæ &c. Legit Nicæni abundantiam super unius substantiæ demonstrationem. (2) Supplet idem Nicænus ut sequitur. Nunc autem non cum solum ibi fuisse qui argueretur esset ostenditur. Propter opera ipsa credite (inquit) quia ego sum.

verborum suorum facta, & opera commendabat. Cum enim dixit, *Pater in me manens, ipse facit opera*, quæ opera tunc dicebat nisi verba quæ loquebatur? Et eorum verborum fructus erat fides illorum. Verumtamen evangelizantibus discipulis non tam pauci quam illi erant, sed Gentes etiam crediderunt. (Tract. lxxii.) Nonne ab ore ipsius dives ille tristis abcessit? Et tamen postea quod ab illo auditum non fecit unus, fecerunt multi, cum per discipulos loqueretur. Ecce maiora fecit prædicatus a credentibus, quam locutus audientibus. Verum hoc adhuc movet quod hic maiora per Apostolos fecit. Non autem ipsos tantum significans ait, *Qui credit in me*. Numquid inter credentes in Christum non est computandus qui non fecerit opera maiora quam Christus? Durum est nisi intelligatur. Apostolus dicit Rom. iv. „Credenti in eum qui iustificat impium, reputatur fides ad iustitiam.“ In hoc opere faciemus opera Christi, quia & ipsum credere in Christum, opus est Christi: hoc operatur in nobis, non utique sine nobis. Audi ergo: *Qui credit in me, opera quæ ego facio, & ipse faciet*. Prius ego facio, deinde & ipse faciet: quia facio ut faciat. Quæ opera, nisi ut ex impio iustus fiat? Quod utique in illo, sed non sine illo Christus operatur. Proflus hoc maius esse dixerim quam creare cælum, & terram: cælum enim, & terra transibunt; prædestinatorum autem salus, & iustificatio permanebit. Sed in cælis Angeli opera sunt Christi, numquid etiam his operibus maiora facit qui cooperatur Christo ad suam iustificationem? Iudicet qui potest utrum maius sit iustus creare quam impios iustificare. Certe si æqualis sit utrumque potentia, hoc maioris est misericordiae. Sed omnia opera intelligere Christi, ubi ait, *Maiora horum faciet*, nulla necessitas cogit: horum enim forsitan dixit quæ illa hora faciebat: tunc autem verba fidei faciebat; & utique minus est verba iustitiae prædicare, quod fecit præter nos, quam impios iustificare, quod ita facit in nobis ut faciamus & nos. Magnam autem spem Dominus suis promittit orantibus, dicens: *Quia ego ad Patrem vado*. CHRYSOSTOMUS (hom. lxxiii.) Hoc est, non pereō, sed in propria mandato dignitate, & in cælis ero. Vel hoc dicit, ac si diceret: Vestrum est de cetero miracula facere, ego enim vado. AUGUSTINUS (tract. lxxii.) Et ne quisquam hoc sibi tribueret, ut etiam illa opera maiora seipsum facere ostenderet, adiecit: *Et quodcumque petieritis Patrem in nomine meo,*

hoc faciam. Qui dixerat, *Faciet*, post ait, *faciam*; tamquam diceret: Non vobis hoc impossibile videatur: non enim poterit esse maior me qui credit in me; sed ego sum facturus & tunc maiora quam nunc; maiora per eum qui credit in me, quam nunc per me; quod non est defectio, sed dignatio. CHRYSOSTOMUS (hom. lxxiii.) Dicit autem, *In nomine meo*, quia & Apostoli dicebant Act. iii. „In nomine Christi, si Iesu surge, & ambula.“ Omnia enim signa quæ fecerunt, ipse faciebat, & manus Domini erant cum illis. THEOPHYLACTUS. Exponit autem nobis per hoc miraculorum doctrinam: nam per orationem, ac invocationem sui nominis potest quis exercere prodigia. AUGUSTINUS (tract. lxxiii.) Sed quid est, *Quodcumque petieritis*, cum videamus plerumque fideles eius petere, & non accipere? An forte propterea quia male petunt? Male enim ululus eo quod vult accipere, Deo potius miserante non accipit. Quomodo ergo intelligendum est, *Quodcumque petieritis, hoc faciam*, si Deus aliqua petentibus fidelibus etiam consulendo non facit? An forte solis Apostolis hoc dictum debemus accipere? Absit: asperius enim dixerat: *Qui credit in me, opera quæ ego facio, & ipse faciet*. Ipsos quoque si cogitemus Apostolos, inveniemus eum qui plus omnibus laboravit, rogasse ut ab eo discederet angelus satanæ, nec tamen quod rogaverat accepisse. Sed audi quod illic positum est, *In nomine meo*, quod est Christus Iesus. Christus Regem, Iesus Salvatorem significat: ac per hoc quodcumque petimus adversus utilitatem salutis, non petimus in nomine Salvatoris; & tamen ipse Salvator est, non solum quando facit quod petimus, verum etiam quando non facit: quoniam quod videt peti contra salutem, non faciendo se exhibet Salvatorem. Novit enim medicus quid pro sua, quid contra suam salutem poscat ægrotus; & ideo contraria polentis non dicit voluntatem, ut faciat sanitatem. Sane quædam quamvis in nomine eius petamus, non tunc quando petimus facit, sed tamen facit: differtur enim quod petimus, non negatur. Continuo autem subiicit: *Ut glorificetur Pater in Filio, si quid petieritis in nomine meo, hoc faciam*. Nullo modo igitur sine Patre Filius facit, quandoquidem, ut in illo Pater glorificetur, propterea facit. CHRYSOSTOMUS (hom. lxxiii.) Cum enim Filius ostendatur magna potens, glorificabitur ille qui genuit. Ideo autem secundo id ponit, ut certiffet sui ipsius ser-

monem. THEOPHYLACTUS. Attende etiam seriem paternæ glorificationis. In nomine Iesu facta sunt signa per quæ credebant Apostolorum sermonibus; & sic dum ad noticiam Patris pervenirent, glorificabatur Pater in Filio.

(c) CHRYSOSTOMUS (hom. lxxiv.) Quia Dominus dixerat, *Quodcumque petieritis, hoc faciam*, ut non æstimet unum simpliciter petitionem valere, induxit: *Si diligitis me, mandata mea servate*; quasi dicat: Tunc faciam quod petitis. Vel quia audientes, quoniam ad Patrem vado, consequens erat eos turbare, dicit: Non est hoc me amare, ut turbemini, sed ut faciatis mandata mea: hoc est enim amor, obedire, & credere ei qui diligitur. Quia vero consequens erat eos vehementer inquirere carnis præsentiam, & illam habere consolationem quam prius habuerunt, subiungit: *Et ego rogabo Patrem, & alium paracletum dabit vobis*. AUGUSTINUS (tract. lxxiv.) In quo ostendit & seipsum esse paracletum. Paracletus autem Latine dicitur advocatus; & dictum est de Christo I. Ioan. 1. „Advocatum habemus apud Patrem Iesum Christum iustum,“ ALCUINUS. Vel paracletum, idest consolator: habebat enim & tunc unum consolatorum, qui miraculorum dulcedine, & prædicatione eos erigere, & confortare solebat. DIDYMUS de Spiritu sancto. Sed Spiritum sanctum alium paracletum nominavit, non iuxta naturæ differentiam, sed iuxta operationis diversitatem. Cum enim Salvator mediatoris, & legati personam habebat, ex qua pontifex deprecaretur pro peccatis nostris, Spiritus sanctus secundum aliam significationem paracletus, ab eo quod consolatur in tristitia positus, nuncupatus est. Verum noli ex Filii, & Spiritus sancti operatione diversa varias æstimare naturas: siquidem in alio loco reperitur paracletus Spiritus legati apud Patrem persona fungi, ut ibi (Rom. vi. 11.) „Ipse Spiritus interpellat pro nobis.“ Salvator quoque consolationem operatur in cordibus eorum qui indigent: scriptum est enim I. Mach. xiv. „Et humiles populi sui consolatus est.“ CHRYSOSTOMUS (hom. lxxiv.) Ait autem, *Rogabo Patrem*, ut fide dignum faciat eis sermonem: quoniam si dixisset, Ego mitam, non simpliciter credidissent. AUGUSTINUS contra Arianos (cap. xix.) Qui tamen ut in S. Tb. Oper. Tom. V.

separabilia sua, & Patris opera demonstraret, alibi ait (infra xvi.) *Cum abiero, mittam eum ad vos*. CHRYSOSTOMUS (hom. ead.) Quid autem Apostolis nisi haberet, si Patrem solum rogaret, ut Spiritum aliis daret? quoniam illi multoties & sine oratione ostenduntur hoc facientes. ALCUINUS. Rogabo igitur dicit, ut inferior secundum humanitatem, Patrem meum, cui sum æqualis, & consubstantialis secundum divinam naturam. CHRYSOSTOMUS (hom. ead.) Dicit autem, *Ut maneat vobiscum in æternum*, quoniam neque post mortem recedit. Per hoc etiam occulte insinuat, quod Spiritus sanctus non patitur mortem ut ipse, neque abibit. Ne autem paracletum audientes, rursus incarnationem aliam suspiceretur, & oculis putent eum videre, subiungit: *Spiritum veritatis, quem mundus non potest accipere, quia non videt eum, nec scit eum*. AUGUSTINUS (tract. lxxiv.) Hic est utique in Trinitate Spiritus sanctus, quem Patri, & Filio consubstantialem, & coæternum fides catholica proficitur. CHRYSOSTOMUS (hom. lxxiv.) Spiritum autem veritatis eum vocat per hoc quod figuras veteris testamenti manifestat. Mundum autem hic malos dicit; visionem autem certissimam cognitionem dicit, quia visus est appetitur sensus. BEDA. Nota etiam, quod cum Spiritum sanctum, Spiritum veritatis dicit, Spiritum sanctum esse Spiritum suum ostendit: deinde cum a Patre eum dari narrat, Patris etiam eum Spiritum esse declarat; ac per hoc Spiritus sanctus a Patre procedit, & Filio. GREGORIUS V. Moral. (cap. xx. in nov. autem exempt. xix.) Spiritus autem sanctus omnem quem repleverit, ad desideranda invisibilia accendit; & quoniam mundana corda solum visibilia diligunt, hunc mundus non accipit, quia ad diligenda invisibilia non assurgit. Sæculares etenim mentes quanto se foras per desideria dilatant, tanto ad receptionem illius, sinum cordis angustiant. AUGUSTINUS (tract. lxxiv.) Sic autem mundum, idest mundi dilectores, dicit non posse accipere Spiritum sanctum, velut si dicamus: Iniustitia iusta esse non potest. Mundus ergo, idest mundi dilectores, non potest eum accipere, quia non videt eum. Non enim habet invisibiles oculos mundana dilectio, per quos videri Spiritus sanctus nisi invisibiliter non potest. Sequitur: *Vos autem*

H l h h tem

tem cognoscitis eum, quia apud vos manebit. Sed ne putarent quod dictum est, *Apud vos manebit*, ita dictum quemadmodum apud homines hospes visibiliter manere consuevit, adiecit, *In vobis eris*. CHRYSOSTOMUS (hom. lxxiv.) Quasi dicat: Non ita apud vos manebit sicut ego, sed in vestris habitabit animabus. AUGUSTINUS (tract. lxxiv.) Prius autem est esse (1) alicubi, post manere. Sed exposuit quod dixerat, *Apud vos*, cum adiunxit, *In vobis*. Si enim non sit in vobis, non potest esse in vobis eius scientia: sic enim a vobis videtur in vobis & vestra conscientia. GREGORIUS II. MORAL. (cap. xli. in nov. exemp. xxviii.) Si autem Spiritus sanctus in discipulis manet, quomodo iam singulare signum erit quod in mediatore permanet? secundum illud supra 1. *Supra quem videtis Spiritum descendentem, & manentem, hic est qui baptizat*. Quod tamen citius cognoscimus, si dona eiusdem Spiritus discernamus: in his enim donis sine quibusque vitam perveniri non potest, Spiritus sanctus in electis omnibus semper manet: in illis autem quibus non nostra vita servatur, sed aliorum quaeritur, nequam semper manet: aliquando enim le a signorum ostensionibus subtrahit, ut eo humiliter virtutes eius habeantur. Christus autem in cunctis eum, & semper habet presentem. CHRYSOSTOMUS (hom. lxxv.) Hic autem sermo oppositas haereseis velut uno ictu fustulit: nam dicere *alium* ostendit eius, id est Spiritus, hypostasios differentiam, dicere vero *Paraclytum*, substantiae cognitionem. AUGUSTINUS contra Arianos (cap. xix.) Consolatorem enim (quod officium tamquam personae infimae in Trinitate Spiritui sancto deputant) Deum dicit Apostolus, secundum illud II. Corinth. vii. 12. „Is qui consolatur humiles, consolatus est nos Deus.“ Deus est itaque Spiritus sanctus, qui consolatur humiles. Aut si hoc de Patre, vel Filio dictum ab Apostolo volunt accipi, desinant consolationis tamquam munere proprio separare a Patre, & Filio Spiritum sanctum. AUGUSTINUS super Iohannem (tract. lxxiv. & seqq.) Sed (2) cum, caritas Dei diffusa sit in cordibus nostris per Spiritum sanctum qui datus est

nobis: „Rom. v. quomodo diligemus, & mandata Christi servabimus, ut eum accipiamus quem nisi habuerimus, diligere, & mandata servare non possumus? An forte praecedit in nobis caritas, qua diligamus Christum, ut diligamus Christum, cuiusque faciendo mandata, mereamur accipere Spiritum sanctum, ut caritas Dei Patris diffundatur in cordibus nostris? Perversa est ista sententia. Qui enim se Filium Dei diligere credit, & Patrem non diligit, profecto nec Filium diligit, sed quod sibi ipsi (3) videtur confinxit. Restat ergo ut intelligamus, Spiritum sanctum habere qui diligit, & habendo mereri ut plus habeat, & plus habendo plus diligit. Iam itaque habebant Spiritum discipuli, quem Dominus promittebat; sed dandus eis erat amplius: habebant occulte, accepturi erant manifeste. Proinde non solum non habenti, verum etiam habenti non incassum promittebatur: non habenti quidem, ut habeatur; habenti autem, ut amplius habeatur. CHRYSOSTOMUS (hom. lxxv.) Quando igitur discipulos purgaverat per sacrificium passionis, & peccatum solutum erat, & ipsi ad pericula, & agones mittebantur, oportebat Spiritum sanctum venire abundanter. Non autem statim post resurrectionem, ut in multo eius constituti desiderio, cum multa eum suscipiant gratia.

(f) AUGUSTINUS (tract. lxxv.) Nemo quisquam putaret, quod ita Spiritum sanctum Dominus daturus fuerat, velut per seipsum non & ipse esset futurus cum eis, adiecit, & ait: *Non velinquam vos orphanos*. Orphani pupilli sunt: illud enim est Graecum, hoc Latinum. Quamvis ergo nos Filius Dei suo Patri adoptivus filios, tamen in hoc etiam ipse erga nos paternum ostendit affectum. CHRYSOSTOMUS (hom. lxxiv.) Et quidem a principio dixerat, Venietis quo ego vado, sed quia hoc longum tempus erat, promisit Spiritum. Et quia nesciebant quid est hoc, promittit eis suam praesentiam, quam maxime quaerebant, cum dicit, *Veniam ad vos*. Ne tamen rursus eamdem quaerant praesentiam, qualem & prius habuerunt, occulte hoc excludit, cum lubdit: *Adhuc modicum & mundus me incipit*

(1) *Al.* alicui. (2) *Al.* si cum. (3) *P. Nicolai* amittit videtur.

EX EDITIONE P. NICOLAI.

* Contra Seniores Arianos non contra sectam Arianos, sicut prius, vel contra Arianos, ut iam antea notabatur indice nimis generali.

non videt; vos autem videtis me; ac si diceret: Veniam quidem ad vos, non tamen ut prius vobiscum per unamquamque diem consuleris. Et ne dicant: Qualiter igitur Iudas dixisti: Amodo non videbitis me? solvit opinionem dicens: *Ad vos solos veniam.* AUGUSTINUS (tract. lxxv.) Videbat enim tunc eum mundus carnis oculis in carne conspicium; non autem videbat quod, in carne Verbum latebat. Sed quoniam post resurrectionem etiam carnem suam, quam non solum videndam, verum etiam concredendam demonstravit suis, noluit demonstrare non suis, hinc dictum est: *Adhuc modicum & mundus iam me non videt; vos autem videbitis me.* Sed quoniam in iudicio eum mundus videbit, quo nomine significati sunt a regno eius alieni; melius intelligitur illud etiam tempus significare voluisse quando in fine sæculi auferetur ab oculis damnatorum, ut eum de cetero videant diligentes. *Mollem* autem dixit, quia id quod prolixum videtur hominibus, brevissimum est ante oculos Dei.

Sequitur: *Quia ego vivo, & vos vivetis.* THEOPHYLACTUS. Quasi dicat: Et si mortem subiero, tamen resurgo. Vos quoque vivetis; hoc est, cum videritis me, lætabitimini, & tamquam mortui reviviscetis in apparitione mea. CHRYSOSTOMUS (hom. lxxv.) Mihi autem videtur vitam non præsentem dicere, sed futuram; ac si dicat: Mors crucis non distare faciet vosa me in finem; sed momento parvo occultabit me a vobis. AUGUSTINUS (tract. lxxv.) Cur autem de præsentī se dixerit vivere, illos autem de futuro esse victuros, nisi quia & vitam carnis (1) resurgentis qualis in ipso præcedebat, & illis est pollicitus securam? Et quia ipsius mox futura erat resurrectio, præsentis temporis ponit verbum, propter significandam celeritatem; illorum autem, quoniam sæculi differtur in finem, non ait, *Vivitis*, sed *vivetis*. Quia vero vivit ille, ideo & nos vivemus; „per“, hominem quippe mors, & per hominem, resurrectio mortuorum: „I. Corinth. xv. Sequitur, *In illo die*, de quo scilicet ait, *Et vos vivetis, vos cognoscetis*, contemplan- do, quamvis & nunc credendo noverimus, quia ego sum in Patre, & vos in me, & ego in vobis, quia quando vivemus ea vita qua mors absorbetur, tunc perficietur hoc ipsum quod nunc inchoatur esse iam per ipsum, ut

sit in nobis, & nos in ipso. CHRYSOSTOMUS (homil. lxxiv.) Vel in illo die cum resurgam, cognoscetis: quia cum viderunt eum resurrectile, & eile cum eis, tunc certissimam fidem didicerunt. Magna enim erat virtus Spiritus sancti, quæ omnia eos docebat. Quod autem dictum est, *Ego sum in Patre*, humilitatis est; quod autem dicit, *Et vos in me, & ego in vobis*, humanitatis est, & auxilii quod est a Deo. Con- suevit enim Scriptura multoties eisdem ver- bis in Deo, & hominibus positis non simi- liter uti. HILARIUS VIII. de Trin. (ante med.) Vel hoc dicit, ut cum ille in Patre per naturam divinitatis esset, nos autem in eo per corporalem eius nativita- tem; & ille rursus in nobis per sacramenti mysterium inesse crederetur: ipse enim testatus est supra vi. *Qui edidit carnem meam, & bibit sanguinem meum, in me manet, & ego in eo.* ALCUINUS. Per dilectionem autem, & observantiam mandatorum eius, tunc perficietur hoc ipsum quod nunc inchoatum est per ipsum, ut sit in nobis, & nos in ipso. Et ut omnibus, non tantum Ap- postolis, hanc beatitudinem promissile videat, adiungit: *Qui habet mandata mea, & servat ea, ille est qui diligit me.* AUGUSTINUS (tract. lxxv.) Qui habet in memo- ria, & servat in vita; qui habet in sermo- nibus, & servat in operibus; qui habet ad- diendo, & servat faciendo; qui habet faci- endo, & servat perseverando; ipse est qui diligit me. Opere est demonstranda dilectio, ne sit instructuosa nominis appellatio. THEOPHYLACTUS. Ac si dicat: Vos putatis quod ex affectione quadam tristitiamini de morte mea; sed ego signum dilectio- nis reputo mandata mea servari. Qualem autem prærogativam obtineat qui diligit, (2) ostendit subdens: *Qui autem diligit me, diligitur a Patre meo, & ego diligam eum.* AUGUSTINUS (tract. lxxv.) Sed quid est *diligam*, tamquam nunc non diligit? Exponit per id quod sequitur: *Et manifesta- bo ei meipsum*; id est, ad hoc diligam ut mani- festem; & ipsam visionem mercedem fidei capiamus. Nunc enim ad hoc nos dile- xit ut credamus, tunc ad hoc ut videamus: quia & nos nunc diligimus credendo quod videbimus; tunc autem diligemus videndo quod credidimus. AUGUSTINUS ad Paulinam de videndo Deo (cap. i. in fin.) Sic autem promissit ostensurum seipsum di-
Hhhh 2 le-

(1) M. resurgentibus. (2) M. ostendens.

lectioribus suis cum Patre Deum unum, non quomodo in hoc sæculo visus est in corpore & a malis. THEOPHYLACTUS. Vel quia post resurrectionem appariturus illis erat in corpore magis representante divinitatem, ne credant ipsum spiritum fore, seu phantasma, ob hoc prædixit illis, ut tunc videntes illum non dissident, sed feminefcentes quia propter mandatorum suorum custodiam apparet eis; ac quideo tenentur semper custodire illa, ut perpetuo eis appareat.

(g) AUGUSTINUS (tract. lxxvi.) Quia Dominus dixerat: *Adhuc modicum & mundus me iano non videt; vos autem videbitis me*: interrogavit eum de hoc ipse Iudas, non ille traditor eius, qui Scariotis cognominatus est, sed cuius Epistola inter Scripturas canonicas legitur: unde dicitur: *Dicit ei Iudas, non ille Scariotis: Domine, quid factum est, quia nobis manifestaturus es tibi sum, & non mundo?* Causam quaerivit quare non se mundo; sed suis manifestaturus esset. Dominus autem exponit quare suis se manifestaturus est, non alienis: quia scilicet hi diligunt, illi vero non diligunt: unde sequitur: *Respondit Iesus, & dixit ei: Si quis diligit me, sermonem meum servabit.* GREGORIUS in hom. (xxx. in Evang.) Probatio enim dilectionis exhibitio est operis: numquam amor Dei est otiosus: operatur enim magna, si est; si vero operari renue-rit, amor non est. AUGUSTINUS (tract. lxxvi.) Dilectio autem sanctos discernit a mundo, quæ facit unanimes habitare in domo, in qua facit Pater, & Filius mansionem: qui donant & ipsam dilectionem, quibus in fine donabunt suam manifestationem. Est enim quædam Dei manifestatio interior, quam prius impij non voverunt: quibus Dei Patris, & Spiritus sancti manifestatio nulla est; Filii vero esse potuit, sed incarnæ, quæ nec talis est qualis illa, nec semper illis adesse potest, sed ad modicum tempus, & hoc ad iudicium, non gaudium; ad supplicium, non ad præmium: unde sequitur: *Et ad eum venimus.* Veniunt quidem ad nos dum venimus ad eos: veniunt subveniendo, venimus obediendo; veniunt illuminando, venimus intuendo; veniunt implendo, venimus capiendo: ut sit nobis eorum non extranea visio, sed interna, & in nobis eorum non transitoria mansio, sed æterna: unde sequitur: *Et mansionem apud eum faciemus.* GREGORIUS in homil. (xxx. ut supra.) In quorundam etenim corda venit, & mansionem non facit: quia per compunctionem quidem respectum Dei

percipiunt, sed tentationis tempore hoc ipsum quod compuncti fuerant obliviscuntur, sique ad perpetranda peccata redeunt ac si hæc minime planxissent. Qui ergo Deum vere diligit, in eius corde Dominus & venit, & mansione facit: quia hic eum divinitatis amor penetrat ut ab hoc amore, tentationis tempore non recedat: ille enim vere amat cuius mentem delectatio prava ex consensu non superat. AUGUSTINUS (tract. lxxvi.) An forte putabitur, mansionem in dilectore suo facientibus Patre, & Filio, exclusus esse ab hac mansione Spiritus sanctus? Quid est ergo quod superius ait de Spiritu sancto: *Apud vos manebit, & in vobis erit?* Nisi forte quisquam hoc absurdum esse ut arbitretur, cum Pater, & Filius venerint, discendum in de Spiritum sanctum, tamquam locum daturum maioribus. Sed & huic carnali cogitationi occurrat Scriptura, cum dicit: *Ut maneat vobiscum in æternum.* In eadem ergo mansione cum ipsis erit in æternum: quia nec ille sine ipsis venit, ne illi sine eo; sed propter insinuationem Trinitatis, personis singulis nominatis dicuntur quædam, non tamen aliis separatis intelliguntur, propter eiusdem Trinitatis substantiam. GREGORIUS in hom. (eodem.) Tanto autem quisque a superno amore disjungitur, quanto inferius delectatur: unde subditur: *Qui non diligit me, sermones meos non servat.* De dilectione ergo conditoris, lingua, mens, & vita requiratur. CHRYSOSTOMUS (homil. lxxiv.) Vel aliter totum. Aestimavit Iudas, sicut mortuos videmus in somno, ita & se eum esse visuros: unde quaerit: *Quid est quod debes te manifestare nobis, & non mundo?* quasi dicat: Væ nobis, quoniam morieris, & ut mortuus debes nobis assistere. Ne igitur hoc suspicetur, dicit: *Ego, & Pater ad eum venimus*; quasi dicat: Sicut Pater manifestat seipsum, ita & ego: & mansionem apud eum faciemus; quod somniorum non est. Sequitur: *Et sermo quem audistis non est meus, sed eius qui misit me Patrem*; quasi dicat: Non me solum, sed neque Patrem amat qui hunc non audit sermonem. Dicit autem hoc, quoniam nihil extra Patrem loquitur, neque præter id quod illi videtur. AUGUSTINUS (tract. eod.) Et fortasse propter aliquam distinctionem, ubi suos dixit, pluraliter sermones dixit, dicens: *Qui non diligit me, sermones meos non servat.* Ubi autem sermonem, hoc est verbum, non suum esse dixit, sed Patris, seipsum intelligi voluit: non enim suum, sed Patris est Verbum; quomodo nec sua ima-

go, sed Patris; nec suus Filius, sed Patris. Recte igitur auctori tribuit quod facit æqualis, a quo habet hoc ipsum quod illic (1) indifferens, & æqualis. CHRYSOSTOMUS (hom. cit.) Quia vero eorum quæ dixerat, quædam manifesta erant, & quædam non intellexerunt, ut non turbarentur, subiungit: *Hæc locutus sum vobis apud vos manus*. AUGUSTINUS (tract. lxxvii.) Alia est illa manifestio, quam promittit futura, alia vero hæc quam præsentem esse testatur: illa spiritualis est, atque intrinsecus mentibus redditur; hæc corporalis foris oculis, atque auribus adhibetur. CHRYSOSTOMUS (hom. lxxiv.) Ut autem eius corporalem recessum facilius sustineret, præparat eos, promittens quod eius recessus magnorum eis esset futura causa bonorum: quia donec ipse apud eos corporaliter manebat, & Spiritus non venerat, nihil magnum poterant scire: unde legitur: *Paracletus autem Spiritus sanctus, quem mittet Pater in nomine meo, ille vos docebit omnia, & suggeret vobis omnia quæcumque dixerit vobis*. GREGORIUS (hom. xxx. in Evang.) Græca locutione paracletus, Latina advocatus dicitur, vel consolator. Qui ideo advocatus dicitur, quia pro errore delinquentium apud iustitiam Patris intervenit, dum eos quos repleverit, exorantes facit. Consolator autem idem Spiritus vocatur, quia de peccati perpetratione mœrentibus, dum spem veniæ præparat, ab afflictione tristitiæ mentem levat. CHRYSOSTOMUS (hom. lxxiv.) Continue autem eum paracletum vocat propter continentes eos tribulationes. DIDYMUS de Spiritu sancto s. Spiritum autem sanctum a Patre in suo mitti nomine Salvator affirmat, eum proprie nomen Salvatoris sit Filius: siquidem naturæ consortium, &, ut ita dicam, proprietatis personarum ex ista voce significatur. Filii quippe tantummodo est in nomine Patris venire, salva proprietate Filii ad Patrem, (2) & Patris ad Filium. Nullus autem alius venit in nomine Patris; sed verbi gratia, in nomine Domini, Dei, & Omnipotentis. Quomodo igitur servi, qui in nomine Domini veniunt, per hoc ipsum quod subiecti sunt, & serviunt, indicant Dominum, servi quippe sunt Domini,

sic & Filius, qui venit in nomine Patris, portat eius nomen per hoc quod unigenitus Dei Filius approbatur. Quia ergo Spiritus sanctus in nomine Filii a Patre mittitur, ostendit quia unitate sit iunctus ad Filium: unde & Filii dictus est Spiritus, per adoptionem suam filios faciens eos qui se recipere voluissent. Ille autem Spiritus sanctus, qui venit in nomine Filii missus a Patre, docebit omnia eos qui in fide Christi perfecti sunt: omnia autem illa quæ spiritualia sunt, & intellectualia veritatis, & sapientiæ sacramenta. Docebit vero, non sicut qui artes aliquas, & sapientiam studio, industriaque didicere; sed quasi ipsa ars, atque doctrina, & sapientia, veritatis Spiritus invisibiliter menti insinuat scientiam divinorum. GREGORIUS (hom. xxx. in Evang.) Nisi autem idem Spiritus cordi adit audientis, otiosus est sermo doctoris. Nemo ergo docenti homini tribuat quod ex ore docentis intelligitur: quia nisi intus sit qui doceat, doctoris lingua exterius non vacuum laborat. Sed & ipse conditor non ad cruditionem hominis loquitur, si eidem homini per unionem Spiritus non loquatur. AUGUSTINUS (tract. lxxvii.) Numquid autem dicit Filius, & docet Spiritus sanctus, ut dicente Filio verba capiamus, docente autem Spiritu sancto, eadem verba intelligamus? Omnis igitur & dicit, & docet Trinitas; sed nisi etiam sigillatim commendaretur, eam nullo modo humana capere utcumque posset infirmitas. GREGORIUS (hom. ead.) Requirendum vero nobis est cur de eodem Spiritu dicatur, *Suggestet vobis omnia*, cum suggerere soleat esse minoris. Sed quia suggerere aliquando dicimus subministrare, invisibilis Spiritus suggerere dicitur, non quod nobis scientiam ab imo inferat, sed ab occulto. AUGUSTINUS (ut supra.) Vel quod addit, *Suggestet*, idest commemorabit vos, intelligere debemus etiam quod iubetur non oblivisci, saluberrima monita ad gratiam pertinere, (3) quæ nos commemorat Christus. THEOPHYLACTUS. Spiritus (4) itaque sanctus & docuit, & commemoravit: docuit quidem quæcumque non dixerat eis Christus, tamquam non valentibus portare; commemoravit vero quæcumque Dominus dixerat;

(1) Nihil indifferenter. (2) *Quædæ super citat exempla sententiarum & Patris ad Filium*. (3) *Id. quam nobis commemorabit*. (4) *Id. deus itaque*.

erat; sed obscuritatis causis, vel intellectus rariditate, commendare memorie nequiverunt. CHRYSOSTOMUS (hom. lxxiv.) Quia vero & hæc audientes turbantur, excogitantes odia, & prælia sibi imminere post eius recessum, rursus eos consolatur, dicens: *Pacem relinquo vobis, pacem meam do vobis.* AUGUSTINUS (tract. eod.) Pacem nobis reliquit in hoc sæculo, in qua manentes hostem vincimus, & ut etiam hic invicem diligamus; pacem suam nobis dabit in futuro sæculo, quando sine hoste regnabimus, ubi numquam dissentire possumus. Pax autem nobis ipse est, & cum credimus quia est, & cum videbimus eum sicuti est. Sed quid est quod ubi dicit, *Pacem relinquo vobis*, non addit *meam*; ubi vero ait, *Do vobis*, ibi dixit *meam*? Utrum subaudiendum est *meam* & ubi dictum non est; an forte & hic aliquid latet? Pacem enim suam eam voluit intelligi qualem habet ipse; pax vero ista quam nobis reliquit in hoc sæculo, nostra potius dicenda est, quam ipsius. Illi quippe nihil repugnat in seipso, quia nullum habet omnino peccatum; nos autem talem pacem nunc habemus in qua adhuc dicamus: „Dimitte nobis,“ bis debita nostra: „Matth. vi. Itemque inter nos ipsos est nobis pax, quia invicem nobis credimus quod invicem diligamus. Sed nec ipsa plena est, quia cogitationes cordis nostri invicem non videmus. Nec ignoro ista Domini verba etiam sic accipi posse ut eiusdem sententiae repetitio videatur. Quod vero Dominus adiunxit, *Non quomodo mundus dat, ego do vobis*, quid est aliud, nisi non quomodo homines dant, qui diligunt mundum? qui propterea sibi dant pacem, ut sine molestia mundo persuantur: & quando iustus dant pacem, ut non eos persequantur, pax esse non potest vera, ubi non est vera concordia, quia disuncta sunt corda. CHRYSOSTOMUS (hom. eadem.) Pax etiam exterior ad malum fit multoties, & eis qui habent eam nihil prodest. AUGUSTINUS de Ver. Dom. (serm. lxx.) Est autem pax serenitas mentis, tranquillitas animi, simplicitas cordis, amoris vinculum, consortium caritatis. Nec poterit ad hereditatem Domini pervenire qui testamentum pacis noluerit observare, nec potest concordiam habere cum Christo quidifors voluerit esse cum Christiano.

(h) CHRYSOSTOMUS (hom. lxxv.) Quia dixerat, *Pacem relinquo vobis*, quod erat recedentis, hoc poterat eos conturbare:

ideo dicit: *Non turbetur cor vestrum, neque formidet*: quoniam hæc quidem ex dilectione, illa vero ex formidine patiebantur. AUGUSTINUS (tract. lxxviii.) Hinc autem turbari, & formidare poterat cor illorum, quod ibat ab eis, quamvis venturus ad eos, ne forsitan gregem lupus hoc intervallo invaderet pastoris absentia: unde sequitur: *Andisistis quia ego dixi vobis: Vado, & venio ad vos.* Ibat autem per id quod homo erat, & manebat per id quod Deus erat. Cur itaque turbaretur, & formidaret cor, quando sic deserebat oculos ut non desereret cor? Ut autem intelligerent secundum id quod homo erat, eum dixisse, *Vado, & venio ad vos*, subiicit, atque ait: *Si diligereis me, gauderetur utique, quia vado ad Patrem, quia Pater maior est.* (1) Per quod ergo Filius non est æqualis Patri, per hoc erat iturus ad Patrem, a quo & venturus est, iudicaturus vivos, & mortuos, per illud (2) autem in quo est æqualis gignenti, numquam recedit a Patre, sed cum illo est ubique totus pari divinitate, quam nullus continet locus. Ipse ergo Filius Dei æqualis Patri in forma Dei, quia semetipsum exinanivit, non formam Dei amittens, sed formam servi accipiens, maior est etiam seipso: quia maior est forma Dei, quæ amissa non est, quam forma servi, quæ accepta est. Hæc igitur est forma servi, in eum Dei Filius minor est non Patre solo, sed etiam Spiritu sancto: secundum hanc formam servi puer Christus etiam parentibus minor erat, quando parvus maioribus, sicut scriptum est, subditus erat. Agnoscamus igitur geminam substantiam Christi, divinam scilicet, quæ æqualis est Patri, & humanam, quæ maior est Patre. Utrumque autem simul, non duo, sed unus est Christus, ne sit quaternitas, sed Trinitas Deus. Ideo ergo dixit: *Si diligereis me, gauderetur utique, quia vado ad Patrem*: quia naturæ humanæ gratulandum est, eo quod sic assumpta est a Verbo unigenito ut immortalis constitueretur in ætæro, atque ita fieret (3) terra sublimis, ut incorruptibilis pulvis sederet ad dexteram Patris. Quis non hinc gaudet, qui sic diligit Christum; ut suam naturam iam immortalem gratuletur in Christo, (4) atque ipsum speret futurum esse per Christum? HILARIUS IX. de Trin. (ultr. med.) Vel aliter. Si donantis auctoritate Patris maior est, numquid per doni confessorum minior Filius est? Maior itaque donans est, sed minor iam non

(1) *Al.* Per hoc. (2) *Al.* desit autem. (3) *Al.* in terra. (4) *Legit* Nihil atque seipsum se fecit.

non est cui unum esse donatur. CHRYSOSTOMUS (ut supra.) Vel aliter. Nondum noverant Apostoli quid sit resurrectio, quam prædixerat dicens: *Vado, & venio ad vos*: neque qualem oportebat de eo opinionem habebant; Patrem vero magnum esse æstimabant. Dicit igitur eis: (1) Etsi de me formidatis quod me defendere nequeam, nec confiditis quod post crucem rursus vos videam; tamen audientes quoniam ad Patrem vado, lætandum vobis est, quoniam ad maiorem vado, & potentem omnia versuta dissolvere. Hæc autem omnia ad imbecillitatem discipulorum dicebantur; & ideo subdidit: *Et nunc dixi vobis priusquam facerem, cum factum fuisset, credatis.* AUGUSTINUS (tract. lxxix.) Quid est hoc, cum magis credere homo debeat antequam fiat id quod credendum est? Hæc est enim laus fidei, si quod creditur non videtur: nam & ille cui dictum est infra xx. *Quia vidisti, credidisti*, aliud vidit, aliud credidit: vidit hominem, credidit Deum. Sed si dicuntur credi quæ videntur, sicut dicit unumquisque oculis suis se credidisse; non tamen ipsa est quæ in nobis ædificatur fides; sed ex rebus quæ videntur, acquiritur in nobis, ut ea credantur quæ non videntur. Illud itaque dicit, *Cum factum fuerit*, quod cum post mortem visuri erant viventem, & ad Patrem ascendentem; quo viso, fuerant credituri quod ipse esset Christus Filius Dei, qui hoc potuit facere, & prædicere antequam faceret: credituri autem hoc, non fide nova, sed aucta; aut certe cum mortuus esset, defuncta; cum resurrexisset, resurrecta. HILARIUS IX. de Trin. (ubi supra.) Gloria autem resumendæ meritum continuo subiecit dicens: *Iam non multa loquam vobiscum.* BEDA. Ideo hoc dicebat, quoniam iam inflabat tempus ut comprehenderetur, & ad mortem traderetur.

Venit enim princeps mundi huius. AUGUSTINUS (tract. eodem.) Quis nisi dia-

bolus? Non autem creaturarum, sed peccatorum princeps est diabolus. Unde Apostolus cum dixisset Ephes. vi. „ Adversus „ rectores mundi, “ sequenti verbo exposuit quid dixisset mundi, cum subiungit, „ Teuebrarum harum, “ id est hominum impiorum. *Ecce me non habet quidquam.* Quia neque cum peccato Deus venerat. nec eius carnem de peccati propagine Virgo pepererat. Et tamquam eideceretur: Cur ergo morieris, si non habes peccatum, cui deberet mortis supplicium? continuo subiungit: *Sed ut cognoscat mundus quia diligo Patrem, & sicut mandatum dedit mihi Pater, sic facio; surgite, namus hinc.* Discumbens enim discumbentibus loquebatur. *Namus* autem dixit ad illum locum unde fuerat tradendus ad mortem qui nullum habebat meritum mortis, sed habebat, ut moreretur, mandatum Patris. AUGUSTINUS contra Arianos 4 (cap. xi.) Quod autem voluntati, & præcepto Patris obediens est Filius, nec in hominibus demonstrat diversam imparemque naturam patris præcipientis, & filii obediens. Huc accedit quod Christus non tantum Deus est, qua natura æqualis est Patri, sed etiam homo, qua natura minor est Patre. CHRYSOSTOMUS (hom. lxxv.) Vel hoc quoddicit, *Surgite, namus hinc*, principium est alterius sententiæ: consequens enim erat eos formidare & a tempore, & a loco, in villa manifeste existentes: etenim nox profunda erat & erat consequens eos non attendere his quæ dicebantur; sed semper circumvolvere oculos, & imaginari eos qui aggressuri eos erant, & maxime audientes: *Adhuc modicum vobiscum sum; & Venit princeps mundi huius.* Quia igitur hæc, & huiusmodi audientes, turbabantur, ut mox capiendi, ducit eos in locum alium, ut æstimantes se in cautela esse, cum otio de reliquiis audiant: magna enim dogmata erant audituri.

(1) Quatuor alibi citata exempla se legunt. Et si de me formidatis ut non sufficiente mihi ipsi assistere, neque coadiuvare quod post crucem iterum vos videbo; tamen audientes quoniam ad Patrem vado, oportet latari de reliquo, quoniam ad maiorem vado, & potentem omnia molesta dissolvere.

EX EDITIONE P. NICOLAI.

4 Contra scem. Ariatorum cap. xi. non simpliciter contra Arianos, ut pius.

C A P U T XV.

(a) **E** Go sum vitis vera, & Pater meus agricola est. Omnem palmitem in me non ferentem fructum, tollet eum, & omnem qui fert fructum, purgabit eum, ut fructum plus afferat. Iam vos mundi estis propter sermonem quem locutus sum vobis.

(b) Manete in me, & ego in vobis. Sicut palmes non potest ferre fructum a semetipso, nisi manserit in vite; sic nec vos, nisi in me manseritis. Ego sum vitis, & vos palmites. Qui manet in me, & ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, & arefcet; & colligent eum, & in ignem mittent, & ardet. Si manseritis in me, & verba mea in vobis manserint, quodcumque volueritis petetis, & fiet vobis.

(c) In hoc clarificatus est Pater meus, ut fructum plurimum afferatis, & efficiamini mei discipuli. Sicut dilexit me Pater, & ego dilexi vos. Mane te in dilectione mea. Si praecepta mea servaveritis, manebitis in dilectione mea; sicut & ego Patris mei praecepta servavi, & maneo in eius dilectione. Hæc locutus sum vobis, ut gaudium meum in vobis sit, & gaudium vestrum impleatur.

(d) Hoc est praeceptum meum, ut diligatis invicem sicut dilexi vos. Maiorem hac dilectionem nemo habet, quam ut animam suam quis ponat pro amicis suis. Vos amici mei estis, si feceritis quæ ego præcipio vobis. Iam non dicam vos servos, quia servus nescit quid faciat dominus eius. Vos autem dixi amicos, quia omnia quæcumque audivi a Patre meo, nota feci vobis. Non vos me elegistis, sed ego elegi vos, & posui vos ut eatis, & fructum afferatis, & fructus vester maneat, ut quodcumque petieritis Patrem in nomine meo, det vobis.

(e) Hæc mando vobis, ut diligatis invicem. Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligeret. Quia vero de mundo non estis, sed ego elegi vos de mundo, propterea odit vos mundus. Mementote sermonis mei quem ego dixi vobis. Non est servus maior domino suo, Si me persecuti sunt, & vos persequuntur; si sermonem meum servaverunt, & vestrum servabunt. Sed hæc omnia facient vobis propter nomen meum, quia nesciunt eum qui misit me.

(f) Si non venissem, & locutus eis non fuisset, peccatum non haberent. Nunc autem excusationem non habent de peccato suo. Qui me odit, & Patrem meum odit. Si opera non fecissem in eis quæ nemo alius fecit, peccatum non haberent. Nunc autem & viderunt, & oderunt & me, & Patrem meum. Sed ut adimpleatur sermo qui in lege eorum scriptus est: Quia odio habuerunt me gratis.

(g) Cum autem venerit paraclitus quem ego mittam vobis a Patre, Spiritum veritatis qui a Patre procedit, ille testimonium perhibebit de me. Et vos testimonium perhibebitis, quia ab initio mecum estis.

(a) **H**ILARIUS IX. de Trin. (ubi supra.) Ad consummandæ corporeæ passionis sacramentum per dilectionem efficiendi mandati paterni festinat exurgens; corporeæ tamen assumptionis statim mysterium pandens, per quam ei tamquam in vite modo palmitis inlessemus, adiecit: *Ego, sum vitis vera*. AUGUSTINUS (tract. lxxx.) Quod secundum hoc dicit quod est caput Ecclesiæ, nosque membra eius, homo Christus Iesus. Unius quippe naturæ sunt vitis, & palmites. Sed cum dicit, *Ego sum vitis vera*, numquid id adderet *vera*, ad eam vitam regulis, unde ista similitudo translata est? Sic autem dicitur vitis per similitudinem, non per proprietatem; sicut agnus, ovis, & cetera huiusmodi ut magis ipsa sint vera, ex quibus ducuntur istæ similitudines.

millitidines. Sed dicendo, *Ego sum vitis vera*, ab illa se discernit eui dicitur Hier. 12. "Quomodo conversa es in amaritudinem vitis aliena?" Nam quo pacto est vitis vera quæ expectata est ut faceret uvam, fecit autem spinas? HILARIUS IX. de Trin. (ubi supra.) Sed a corpore huius humilitatis assumptione formam paternæ maiestatis alienans, agricolam Patrem curiosum huius vitis offendit, dicens: *Et Pater meus agricola est*. AUGUSTINUS de Verb. Dom. (serm. lxx.) Colimus enim Deum, & colit nos Deus: sed sic Deum colimus, ut non meliorem eum faciamus, colimus enim eum adorando, non arando; quod autem ille noseolit, meliores nos reddit. Cultura ipse est in nos, quod non esset verbo suo extricare mala semina de cordibus nostris, aperire eor nostrum tamquam aratro sermonis, plantare semina præceptorum, expectare fructum pietatis. CHRYSOSTOMUS (hom. lxxv.) Et quia Christus sibi sufficit, discipuli vero multo indigent agricolæ auxilio; propterea de vite nihil dicit, sed de palmitibus, cum subdit: *Omnes palmites in me non ferentem fructum, tollet eum*. Fructum autem hic vitam occulte insinuat, offendens quod sine operibus non potest aliquis esse in eo. HILARIUS IX. de Trin. (ubi supra.) Inutiles autem, & invertaes palmites defecans, deputavit arduos. CHRYSOSTOMUS (hom. lxxv.) Et quia etiam qui valde virtuosus sunt, indigent agricolæ opere, adinngit: *Et omnem qui fert fructum, purgabit eum, ut fructum plus afferat*. Hoc dixit propter tribulationes eorum quæ tunc inducebantur, offendens quod tentationes fortiores eos faciebant; sicut & purgare, hoc est circumcidere palmitem, cum magis germinare facit. AUGUSTINUS (tract. lxxx.) Quis autem est in hac vita sic mundus ut non sit magis magisque mundandus? Ubi, si dixerimus quia peccatum non habemus, nosmetipsos seducimus: "I. Ioan. 1. Mundat itaque mundos, idest fructuosos, ut tanto sint fructuosiores quanto sunt mundiores. Secundum hoc ergo vitis est Christus quod ait, *Pater maior me est*, secundum illud autem quod ait supra x. *Ego, & Pater unum sumus*, & ipse agricola est: nec talis qualis sunt qui extrinsecus operando exhibent ministerium, sed talis ut det etiam intrinsecus incrementum: unde continuo etiam seipsum mundatorem palmitum ostendit, dicens: *Lam vos mundi estis propter sermonem quem locutus sum vobis*. Ecce ipse mundator est palmitum; quod est agricolæ, non vitis

3. Th. Oper. Tom. V.

officium. Sed quare non ait, *Mundi estis propter baptismum*, quo abluti estis, nisi quia & in aqua verbum mundat? Detrahe verbum, & quid est aqua nisi aqua? Accedit verbum ad elementum, & fit sacramentum. Unde ista tanta virtus aquæ, ut corpus tangat, & eor abluatur, nisi faciente verbo, non quia dicitur, sed quia creditur? Nam in ipso verbo aliud est sonus transiens, aliud virtus immanens. Hoc verbum fidei tantum valet in Ecclesia Dei ut per ipsum credentem, offerentem, benedicentem, tingentem mundet infantem, quamvis credere non valentem. CHRYSOSTOMUS. Vel dicit: *Mundi estis, propter sermonem quem locutus sum vobis*, idest, interim lumen doctrinæ iam suscepistis, & a Iudaico errore eruti estis.

(b) CHRYSOSTOMUS (hom. lxxv.) Quia iam mundos eos dixerat propter sermonem quem locutus fuerat eis, docet quod oportet de reliquo incipere ea quæ ab eis sunt; & ideo dicit: *Manete in me, & ego in vobis*. AUGUSTINUS (tract. lxxxi.) Non eo modo illi in ipso, sicut ipse in illis: utrumque enim prodest, non ipsi, sed illis: ita sunt quippe in vite palmites ut viti non conferant, sed inde accipiant unde vivant; ita vero vitis est in palmitibus ut vitale alimentum subministraret eis, non sumat ab eis; ac per hoc, ut manentem in se haberent Christum, & manerent in Christo, discipulis prodest utrumque, non Christo: unde subdit: *Sicut palmes non possunt ferre fructum a semetipso, nisi manserint in vite, sic nec vos nisi in me manseritis*. Magna gratiæ commendatio! Corda instruit humilium, ora obstruit superbiorum. Nonne hinc resiliunt veritati, ad bona opera facienda Deum sibi necessarium non putantes, non assertores, sed præcipientiores liberi arbitrii? Qui enim a semetipso se fructum æstimat ferre, in vite non est; qui in vite non est, in Christo non est; qui in Christo non est, Christianus non est. ALCUINUS. Omnis enim fructus boni operis ab illa radice procedit, qui nos sua gratia liberavit, & suo auxilio provehit, ut fructum plus afferre valeamus: unde cum repetitione, & superiorum explanatione subdit: *Ego sum vitis, & vos palmites*. Qui manet in me, credendo, obediendo, perseverando, & ego in eo illuminando, subveniando, perseverantiam donando; his, & non aliis, *fero fructum multum*. AUGUSTINUS (tract. eodem.) Sed ne quisquam putaret saltem parvum aliquem fructum posse a semetipso palmitem terre, subdit: *Quia sine me nihil potestis facere*.

liii

oro.

scere. Non ait, Parum potestis facere: quia nisi palmes in vite manserit, & vixerit de radice, quantumlibet fructum a semetipso non potest ferre. Quamvis autem Chrillus vitis non esset, nisi homo esset; tamen istam gratiam palmitibus non praeberet, nisi etiam Deus esset. CHRYSOSTOMUS (hom. cit.) Vide ergo Filium non minus Patre conferentem ad discipulorum procuratorem: nam Pater quidem purgat, ipse vero in se tenet, quod facit palmites fructificare. Sed tamen & purgare Filii monstratum est esse, & manere in radice est Patris, qui radicem genuit. Igitur magnum quidem damnum est nihil posse facere; verum non ulque ad hoc sinit, sed ulterius producit sermonem, dicens: *Si quis in me non manserit, mittetur foras sicut palme*, id est agricolae non potietur manus, & arefcet, hoc est, si quid habebat a radice, amittet, denudatus eius auxilio, & vita: & colligens enim: ALCUINUS: Meliores Angeli, & in ignem, aeternum scilicet, mittent, & ardet. AUGUSTINUS (tract. eodem.) Lingua enim vitis tanto sunt contemptibiliora, si in vite non manserint, quanto gloriosiora, si manserint. Unum ex duobus palmiti congruit, aut vitis, aut ignis: si in vite non est, in igne erit. CHRYSOSTOMUS (ut supra.) Deinde ostendens quid est manere in eo, subdit: *Si manseritis in me, & verba mea in vobis manserint, quodcumque volueritis, petetis, & fiet vobis.* Eam enim quae per opera offensionem quaerit, AUGUSTINUS (tract. eod.) Tunc enim sunt dicenda verba eius in nobis manere, quando facimus quae praecepit, & diligimus quae promissit. Quando autem verba eius manent in memoria, nec inveniuntur in vita, non computatur palmes in vite, quia vitam non attrahit ex radice. Quid autem velle possum manendo in Salvatore nisi quod non alienum est a salute? Aliud quippe volumus, quia sumus in Christo, & aliud volumus, quia sumus adhuc in hoc saeculo. De mansionem autem huius saeculi nobis aliquando subrepat ut hoc petamus quod nobis non expdire necimus. Sed alit ut faciat nobis, si maneamus in Christo, qui non facit quando petimus, nisi quod expedit nobis. Ad verba autem eius pertinet oratio *Pater noster*: ab huius orationis verbis, & sensibus non recedamus in petitionibus nostris, & quidquid petimus, fiet nobis.

(C) CHRYSOSTOMUS (hom. lxxv.) Ostendit supra Dominus quoniam qui eis

insidiabantur, ardebunt, non manentes in Christo; deinde ostendens quoniam ipsi inexpugnabiles erunt, ita scilicet ut multum fructificent, ait: *In hoc clarificatus est Pater meus ut plurimum fructum offeratis*, quali dicit: Si ad gloriam Patris pertinet quod vos fructificetis, non contemnet gloriam suam. Qui autem fructum facit, ille est discipulus Christi: unde subdit: *Et efficiamini mei discipuli.* THEOPHYLACTUS. Fructus autem Apostolorum sunt Gentes, quae per eorum doctrinam astrictae sunt fidei, nec non ad Dei redactae sunt gloriae. AUGUSTINUS (tract. lxxxii.) Sive enim clarificatus, sive glorificatus dicatur, ex uno verbo Graecorum utrumque translatum est. Doxa enim Graece dicitur, Latine gloria est. Quod ideo commemorandum putavi, ne hoc nostrae gloriae tribuamus, tamquam ex nobis ipsis habeamus: eius est enim haec gratia; & ideo in hoc non nostra, sed eius est gloria. A quo enim faciemus fructum nisi ab illo cuius misericordia praevenerit nos? Unde subditur: *Sicut dilexit me Pater, & ego dilexi vos.* Ecce unde sunt nobis opera bona: nam unde nobis essent, nisi quia fides per dilectionem operatur? Unde autem diligeremus, nisi prius diligeremur? Quod autem ait, *Sicut dilexit me Pater, & ego dilexi vos*, non aequalitatem naturae ostendit nostrae, & suae, sicut est Patris, & ipsius; sed gratiam, quia mediator est Dei & hominum, homo Christus Iesus. Mediator quippe monstratur, cum dicit: *Pater dilexit me, & ego dilexi vos*: nam Pater utique diligit & nos, sed in ipso. CHRYSOSTOMUS (ut supra.) Si igitur Pater amat nos, consilite: si Patris est gloria, fructificate. Deinde ut non pigros eos faciat, subdit: *Memento in dilectione mea.* Qualiter autem hoc erit, ostendit subdicens: *Si praecepta mea servaveritis, manebitis in dilectione mea.* AUGUSTINUS (tract. eod.) Quis ambigat quod dilectio praecedat observantiam praeceptorum? Unde enim praecepta servet non habet qui non diligit. Quod ergo hic ait, ostendit non unde dilectio generetur, sed unde monstretur; ut nemo le fallat dicendo, quod eum diligit, si eius praecepta non servat. Quamvis quod dicit, *Memento in dilectione mea*, non apparet quam dixerit dilectionem, utrum quia eum diligimus, an quia ipse nos diligit; sed ex verbo superiori dignoscitur: dixerat quippe, *Ego dilexi vos, & continuo subiicit, Memento in dilectione mea*, (1) illa utique quae dilexit eos.

Quid

(1) *Id.* illa ergo.

Quid est ergo, *Manete in dilectione mea*, nisi manete in gratia mea? Et quid est, *si præcepta mea servaveritis, manebitis in dilectione mea*, nisi ex hoc scietis quod in dilectione mea, qua vos diligo, manetis, si mea præcepta servatis. Non ergo ut non diligat, prius præcepta eius servamus; sed nisi nos diligat, præcepta eius servare non possumus. Hæc est gratia quæ humilibus patet, superbo latet. Sed quid illud est quod adiungit: *Sicut & ego præcepta Patris mei servavi, & maneo in eius dilectione*? Utique eam hic dilectionem Patris intelligi voluit, qua eum diligit Pater. Sed numquid & hæc gratia intelligenda est, qua Pater diligit Filium, sicut gratia est qua nos diligit Filius; cum sumus nos filii gratia, non natura, Unigenitus autem natura, non gratia? An hoc etiam in ipso Filio ad hominem referendum est? Ita sane: nam dicendo, *Sicut dilexi me Pater, & ego dilexi vos*, gratiam mediatoris ostendit: mediator autem Dei & hominum, non inquantum Deus, sed inquantum homo, est Christus. Igitur hoc recte possumus dicere, quod cum ad naturam Dei non pertineat humana natura, ad personam tamen Filii Dei per gratiam pertinet, qua nulla est maior, nulla prius aequalis. Neque enim illam susceptionem ulla hominis merita præcesserunt, sed ab illa susceptione merita eius cuncta ceperunt. ALCUVINUS. Quæ autem præcepta dixerit, exponit Apostolus dicens Philipp. II. „Christus factus est obediens Patri usque ad mortem, mortem „autem crucis.“ CHRYSOSTOMUS (hom. lxxvi.) Deinde quia futura passio, & tristitia verba interruptura erant eorum læticiam, subiungit: *Hæc locutus sum vobis, ut gaudium meum in vobis habetis, & gaudium vestrum impleatur*; quasi dicat: Et si incidat tristitia, hanc auferam, ut ad finem veniat gaudium. AUGUSTINUS (tract. lxxxiii.) Quod est autem gaudium Christi in nobis, nisi quod dignatur gaudere de nobis? Et quod est gaudium nostrum, quod dicit implendum, nisi eius habere consortium? Gaudium autem iam ipse perfectum de nobis habebat, quando nos præciendo, & prædestinando gaudebat; sed illud gaudium in nobis non erat, quia nec nos, in quibus esse posset, eramus; cepit autem esse in nobis quando vocavit nos. Et hoc gaudium nostrum merito dicimus, quo nos beati futuri sumus; quod inchoatur in fide renascentium, impletur in præmio resurgentium.

(d) THEOPHYLACTUS. Quia præ-

dixerat, quod si mandata mea custodieritis, tunc in me permanebitis, hic ostendit quæ mandata observare oporteat, dicens: *Hoc est præceptum meum, ut diligatis invicem.* GREGORIUS in hom. (xxvi. in Evang.) Cum autem euncta sacra eloquia dominici sint plena præceptis, quid est quod de dilectione quasi de speciali mandato hic dicit, nisi quia omne mandatum de sola dilectione est, & omnia præcepta unum sunt? Quia quidquid præcipitur, in sola caritate solidatur: ut enim multi arboris rami ex una radice procedunt, sic multæ virtutes ex una caritate generantur; nec habet aliquid viriditatis ramus boni operis, si non manet in radice caritatis. AUGUSTINUS (tract. lxxxiii.) Ubi ergo caritas est, quid est quod possit deesse? Ubi autem non est, quid est quod possit prodesse? Discernitur autem ista dilectio ab ea qua se invicem diligunt homines, sicut homines: unde ad unum est, *Sicut dilexi vos*. Ut quid enim nos dilexit Christus, nisi ut possumus regnare cum Christo? Ad hoc ergo & nos invicem diligamus, ut dilectionem nostram discernamus a ceteris, qui non ad hoc se invicem diligunt, ut Deus diligatur, quia nec vere diligunt. Qui autem se propter habendum Deum diligunt, ipsi se diligunt. GREGORIUS (hom. eadem.) Una autem, & summa est probatio caritatis, si & ipse diligatur qui adversatur: nam & ipsa veritas & crucis patibulum sustinet, & tamen ipsis suis persecutoribus affectum dilectionis impendit dicens, Luc. xxiii. „Pater ignosce illis, quia nesciunt quid faciunt.“ cuius dilectionis summam exprimit eum subiungit: *Maiorem hæc dilectionem nemo habet, quam ut animam suam ponat propter amicos suos.* Mori pro inimicis Dominus venerat, & tamen positurum se animam pro amicis dicebat, ut nobis ostenderet quia, cum diligendo lucrum facere de inimicis possumus, etiam ipsi amici sunt qui persequuntur. AUGUSTINUS (tract. lxxxv.) Quia ergo superius dixerat: *Hoc est præceptum meum, ut diligatis invicem* sicut dilexi vos: fit ex hoc consequens quod idem Ioannes in Epistola sua I. cap. iii. dicit, ut „quemadmodum Christus pro nobis animam suam posuit, sic & nos debemus animas pro fratribus ponere.“ Hoc martyres ardenti dilectione fecerunt: ideo ad mensam Christi non sic eos commemoramus quemadmodum alios, ut etiam pro eis oramus, sed magis ut eorum vestigia hæreamus. Talia enim suis fratribus exhibuerunt qualia de Domini mensa pariter acciperent.

GREGORIUS (ut supra.) Qui vero tranquillitatis tempore non dat pro Deo tunicam suam, qualiter in persecutione daturus est animam suam? Virtus ergo caritatis, ut invidiis sit in perturbatione, nutriatur per misericordiam in tranquillitate. **AUGUSTINUS** VIII. de Trin. (cap. VIII. in fin.) Ex una autem eademque caritate Deum, proximumque diligimus; sed Deum propter Deum, nos autem, & proximum propter Deum. Cum ergo duo sint præcepta caritatis, in quibus tota lex pendet, & Prophetæ, dilectio Dei, & proximi; non immerito plerumque Scriptura pro utroque unum ponit: quia qui diligit Deum consequens est ut faciat quæ præcepit Deus: consequens ergo est ut proximum diligat, quia & hoc præcepit Deus: unde & hic sequitur: *Vos amici mei estis, si feceritis quæ præcipio vobis.* **GREGORIUS** XXVII. Mor. (cap. XII. vel in nov. codd. VIII.) Amicus quippe quasi animæ custos dicitur: unde non immerito qui voluntatem Dei custodire in præceptis illius dicitur, eius amicus vocatur. **AUGUSTINUS** (tract. lxxx.) Magna dignatio! Cum servus bonus esse non possit, si præcepta domini sui non fecerit, hinc amicos suos voluit intelligi, unde boni servi possunt probari. Potest igitur esse & servus, & amicus qui servus est bonus. Quomodo autem intellecturi sumus & servum, & amicum esse servum bonum, declarat cum subdit: *Iam non dicam vos servos, quia servus nescit quid faciat dominus eius.* Itaque tunc servi non erimus quando boni servi fuerimus. Numquid servo bono, & probato dominus eius non etiam sua secreta committit? Sed sicut sunt duo timores, sic sunt duæ servitutes. Est timor quem perfecta caritas mittit foras, in quo etiam est servitus simul foras cum ipso timore mittenda; & est alius timor callus, permanens in sæculum sæculi. Ad primam ergo servitutem servos pertinentes intuebatur Dominus dicens: *Iam non dicam vos servos, quia servus nescit quid faciat dominus eius: non ille tunc servus ad timorem pertinens callus, cui dicitur Matth. xxv. „Euge serve bone intra in gaudium domini tui;“ sed ille servus pertinens ad timorem foras a caritate mittendum, de quo alibi dicitur supra VIII. *Servus non manet in domo in æternum; filius autem manet in æternum.* (1) Quoniam ita-*

que dedit nobis potestatem filios Dei fieri, ut miro modo servi, non servi esse possimus, hoc Dominum facere scimus. Hoc servus ille nescit qui nescit quid faciat dominus eius, & cum aliquid boni facit, sic extollitur quasi hoc ipse faciat, & non dominus eius, & in se, & non in domino gloriatur.

Sequitur: *Vos autem dixi amicos, quia omnia quæcumque audivi a Patre meo, nota feci vobis.* **THEOPHYLACTUS.** Quasi dicat: Servus non novit consilia sui domini; vos autem cum amicos reputem, secreta mea vobis communicavi. **AUGUSTINUS** (tr. lxxxv.) Quo autem pacto intellecturi sumus, omnia cum nota fecisse discipulis quæcumque audivit a Patre, cum propterea multa non dicat eis, quia scit eos modo portare non posse? Sed omnia se nota fecisse discipulis dicit: quæ se novit nota esse scilicet in illa plenitudine (2) de qua dicit Apostolus I. Corinth. XIII. „Tunc cognoscam sicut & cognitus sum.“ Sicut enim mortalitatem carnis, & salutem animarum futuram expeditamus; ita omnium notitiam quæcumque Unigenitus audivit a Patre, futuram expeditare debemus. **GREGORIUS** (hom. xxvii. in Evang.) Vel omnia quæ audivit a Patre, quæ (3) nota fieri voluit servis suis, sunt gaudia in, ternæ caritatis, & festa supernæ patriæ, quæ nostris quotidie mentibus per aspirationem sui amoris imprimit: dum enim audita superna cælestia amamus, amata iam novimus, quia amor (4) ipse notitia est. Omnia ergo nota eis fecerat, quia a terrenis desideriis immutati, amoris summi facibus ardebant. **CHRYSTOSTOMUS** (hom. lxxvi.) Vel omnia dicit quæcumque eos audire oportebat. Per hoc autem quod dicit se audisse, ostendit quod nihil alienum loquitur, sed quæ Patris. **GREGORIUS** (ut supra.) Sed quisque ad hanc pervenit dignitatem, ut amicus Dei vocetur, dona quæ percipit super se, non suis meritis tribuat: unde subditur: *Non vos me elegistis; sed ego elegi vos.* **AUGUSTINUS** (tract. lxxvii.) Hæc est ineffabilis gratia: quidem eramus quando (5) Christum nondum elegeramus, nisi iniqui, & perditii? Neque enim credideramus in eum, ut eligeret nos: (6) nam si credentes elegit, eligentes elegit. Hic certe (7) vacat vana illorum (8) ratio qui ideo nos dicunt electos ante mun-

di

(1) *Nicolaus legit sic.* Quoniam itaque dedit nobis potestatem filios Dei fieri, non servi, sed filii sumus, ut miro modo servi non servi esse possimus. Ut autem tales sumus, hoc Dominum facere scimus &c.
(2) *Nicolaus addit scientia.* (3) *Id.* non licet. (4) *Id.* ipsa. (5) *Id.* Christo. (6) *Id.* nam & credentes. (7) *Id.* locum non habet, item *Id.* mirum in modum. (8) *Nicolaus habet rationem.*

di constitutionem, quia praevidit nos Deus futuros bonos, non seipsum nos facturum bonos: quoniam si propterea nos elegerat, quia bonos futuros esse praesecierat, simul etiam praeficeret quod cum fuisset prius electuri: non enim aliter possumus esse boni, nisi forte dicendus est bonus qui non elegit bonum. Quid ergo elegit in non bonis? Non est ut dicas: Ideo electus sum, quia iam credebam: si enim credebam in eam, iam elegeras eum. Necesse ut dicas: Antequam crederem (1) iam bona opera, bar, ideo electus sum. Quid enim est boni operis ante fidem? Quid ergo dicturi sumus, nisi quia mali eramus, & electi sumus, ut boni per gratiam nos eligentes essemus? AUGUSTINUS de Praedestinatione Sanctorum (cap. xvii.) Electi sunt itaque ante mundi constitutionem ea praedestinatione in qua Deus sua futura facta praefecit: electi autem de mundo ea vocatione qua Deus id quod praedestinavit implevit: „quos enim praedestinavit, hos & voca-“, vit: „Rom. viii. AUGUSTINUS super Ioannem (tract. lxxxiii.) Et videte quemadmodum non eligat bonos, sed quos elegit, faciat bonos: nam sequitur: *Et posui vos, ut eatis, & fructum afferatis*. Iste esse fructus de quo iam dixerat hoc cap. *Sine me nihil potestis facere*. Ipse est via, in qua nos posuit, ut eamus. GREGORIUS in hom. (ut supra.) *Posui ergo vos*, scilicet ad gratiam plantavi, *ut eatis volendo*, quia velle iam mente ire est; *& fructum afferatis* operando. Qualem vero fructum afferre debeant, (2) significat cum addit: *Et fructus vester maneat*: omne enim quod secundum praesens saeculum laboramus, vix usque ad mortem sufficit: mors namque interveniens fructum nostri laboris abscindit. Quod vero pro aeterna vita agitur, etiam post mortem servatur; & tunc apparere incipit, cum laborum carnalium fructus coeperit non videri. Tales ergo fructus operemur qui maneat, qui, cum mors cuncta interimat, ipsi exordium a morte fument. AUGUSTINUS (tract. eod.) Dilectio ergo est fructus noster; quae nunc est in desiderio, nondum in saturitate. Et ipso desiderio quodcumque petierimus in nomine unigeniti Filii, dat nobis Pater: unde sequitur: *Ut quodcumque petieritis Patrem in nomine meo, det vobis*. Hoc petimus in nomine Salvatoris quod pertinet ad rationem salutis.

(e) AUGUSTINUS (tract. lxxxvi.)

Dixerat Dominus: *Posui vos, ut eatis, & fructum afferatis*: caritas autem fructus noster est: de hoc itaque fructu mandans nobis, dicit: *Hac manda vobis ut diligatis invicem*. Unde & Apostolus „Fructus,“ inquit Galat. v., spiritus, caritas; „ac deinde cetera tamquam ex isto capite exorta, & religata contextuit. Merito itaque sic dilectionem saepe commendat tamquam sola praecienda sit, sine qua non possunt prodesse cetera bona, & quae non possent haberi sine ceteris bonis, quibus homo efficitur bonus. CHRYSOSTOMUS (hom. lxxvi.) Vel aliter continui. Dixi quoniam animam meam pro vobis pono, & quia primum vos elegi. Haec autem omnia non exprobrans dixi, sed ad dilectionem vos inducens, *ut diligatis invicem*. Deinde quia persecutionem pati, & a multis exprobari difficile erat, ostendit consequenter quod non dolere, sed laetari oportet: unde sequitur: *Si mundus vos odit, scitote quia me priorem vobis odio habuit*; quali dicat: Scio hoc esse durum; sed propter me patiemini. AUGUSTINUS (tract. lxxxvii.) Cur enim se membra supra verticem extollunt? Reculas esse in corpore, si non vis mundi odium sustinere cum capite. Pro dilectione autem patienter debemus etiam mundi odium sustinere: necesse est enim ut nos oderit, quos cernit nolle quod diligit: unde sequitur: *Si de mundo fuissetis, mundus quod suum erat diligeret*. CHRYSOSTOMUS (hom. lxxvi.) Quia enim propter Christum pati nondum erat eis sufficiens mitigationis causa, illa causa dimissa, hanc adiecit, ostendens quod hoc est virtutis argumentum, a mundo odio haberi: unde dolere oporteret, si a mundo diligeremini: hoc enim esset malitiae vestrae ostensivum. AUGUSTINUS (tra. eod.) Universae autem hoc dicit Ecclesiae, quam plurimum mundi nomine appellat; sicut est illud II. Corinth. v., „Deus erat in Christo, mundum reconcilians sibi.“ Totus ergo mundus Ecclesia est, & totus mundus odit Ecclesiam. Mundus igitur odit mundum, inimicus reconciliatum, inquinatus mundatum. (Tract. lxxxviii.) Quæri ergo potest: Si etiam mali faciunt persecutionem malis; sicut impii Reges, & iudices, cum essent persecutores piorum, utique & homicidas, & adulteros puniebant; quomodo intelligendum est quod Dominus ait: *Si de mundo fuissetis, mundus quod suum erat diligeret*? nisi quia mundus est

(1) *Id*, iam operabar. (2) *Verba* significat cum addit *suppletur a Nicolai*, quia in vestris exemplis quæ consueverunt & non exstant. An legendum cum posito interrogatorio post *utrum mundus*?

est in eis a quibus talia scelera puniuntur, & mundus est in eis a quibus diliguntur. Mundus ergo odit quod iustum est ex ea parte hominum qua sceleratis nocet, & diligit quod suum est ex ea parte qua ipsis favet. Si etiam quaeratur, quomodo se diligit mundus, qui odit modum redemptionis; diligit utique falsa dilectione, non veram: quoniam quod ei nocet hoc diligit: odit naturam, diligit vitium: unde & nos prohibemur diligere in illo quod ipse diligit, & iubemur diligere quod ipse odit in seipso. Vitium quippe in illo diligere prohibemur, iubemurque naturam. Ut autem de hoc mundo damnato non essent, electi sunt inde, non meritis suis, quorum nulla bona praecesserant opera, non natura, quae tota fuerat in ipsa radice vitata; sed gratia: unde sequitur: *Quia vero de mundo non estis, sed ego elegeri vos de mundo, propterea odit vos mundus.* GREGORIUS super Ezechielem in homil. ix. Nam perversorum derogatio vitae nostrae approbatio est: quia iam ostenditur nos aliquid iustitiae habere, si filios displicere incipimus qui non placent Deo: nemo enim potest in una eademque re omnipotenti Domino, atque eius hostibus gratus existeret: nam se Deo amicum denegat qui eius placet inimico; & inimicis veritatis adversabitur qui eidem veritati in mente subiugabitur. AUGUSTINUS (tr. lxxxviii.) Exhortans autem Dominus suos servos ad mundi odia perferenda patienter, nullum eis maius & melius quam de seipso proponit exemplum: unde sequitur: *Memento sermonis mei quem ego dixi vobis. Non est servus maior domino suo. Si me persecuti sunt, & vos persequentur; si sermonem meum servaverint, & vestrum servabunt.* GLOSSA. Idem observaverunt, ut calumniarentur, iuxta illud Psalm. xxxvi. „Observa, bit peccator iustum.“ THEOPHYLACTUS. Vel aliter. Si dominum, inquit, persecuti sunt, vos etiam servos multo magis; si non persecuti fuissent, sed sermonem custodivissent, vestrum etiam custodirent. CHRYSOSTOMUS (hom. lxxvi.) Quasi dicat: Non vos turbari oportet, si communicabitis meis passionibus: quia vos non estis me potiores. AUGUSTINUS (tract. eod.) Hic autem tibi dicitur, *Non*

est servus maior domino, illum significat servum pertinentem ad timorem castum, qui permanet in saeculum saeculi. CHRYSOSTOMUS (hom. cit.) Deinde & aliam mitigationem ponit, quoniam & Pater cum eis contumeliam patitur, cui iniuriuntur: unde sequitur: *Sed haec omnia facient vobis propter nomen meum.* AUGUSTINUS (tract. eodem.) Quae omnia, nisi quae dixit, (1) quod odio habebunt, & persequentur, sermonemque contemnent? Quid est autem aliud dicere, *Propter nomen meum*, quam me in vobis odio habebunt, me in vobis persequentur, & sermonem vestrum, quia meus est, ideo non servabunt? Tanto igitur miserescent quod propter hoc nomen ista faciunt, quanto beatiores qui propter hoc nomen ista patiuntur. Faciunt autem & ista mali malis; sed utrique miseri, & qui faciunt, & qui patiuntur. Quomodo autem hoc erit verum, *Haec omnia facient vobis propter nomen meum*; cum illi non propter nomen Christi faciunt, hoc est propter iustitiam, sed propter iniquitatem suam? Haec quaestio ita solvitur, si totum referatur ad iustos, tamquam dictum sit: Haec omnia patiemini ab eis propter nomen meum. Si autem *Propter nomen meum* sic accipitur, id est quod in vobis oderunt, & propter iustitiam quam in vobis oderunt; similiter recte dici possunt & boni, cum persecutionem faciunt malis, & propter iustitiam facere, quam diligendo persequentur malos, & propter iniquitatem, quam oderunt in ipsis malis. Quod autem addidit, *Quia nesciunt enim qui misit me*, secundum eam scientiam dictum est qua dicitur Sap. xv. „Scire te, sensus est consummatus.“

(f) CHRYSOSTOMUS (hom. lxxvi.) Ponit iterum Dominus aliam discipulorum mitigationem, ostendens quoniam iniuste & in ipsum, & in discipulos talia operabuntur: unde dicitur: *Si non venissem, & locutus eis non fuisset, peccatum non haberent.* AUGUSTINUS (tract. lxxxix. in Ioan.) Iudaeis locutus est Christus, non aliis gentibus. In eis ergo voluit intelligi mundum, qui odit Christum, & discipulos eius; immo vero non eos solos, sed nos quoque ad eundem mundum pertinere monstravit.

Num-

(1) *Id. quae, item aliae emittuntur utramque. Nicolai autem legis nisi quae dixit, scilicet odio habebunt &c.*

Numquid ergo sine peccato erant Iudæi, quibus Christus locutus est, antequam Christus in carne venisset? Sed magnum quoddam peccatum, non omne peccatum sub generali nomine vult intelligi: hoc est enim peccatum, quo tenentur cuncta peccata, quod unusquisque si non habeat, dimituntur ei cuncta peccata: hoc autem est, quia non crediderunt in Christum, qui propterea venit ut credatur in eum. Hoc ergo peccatum, si non venisset, non utique haberent: adventus enim eius quantum creditibus salutaris, tantum non creditibus exitialis factus est. Sequitur: *Nunc autem excusationem non habent de peccato suo*. Si autem hi ad quos non venit Christus, nec locutus est eis, excusationem non habent de peccato suo, cur hic dictum est, propterea istos non habere, quia venit, & locutus est eis? Si autem habent, utrum ad hoc habent ut a pœnis alienentur, aut ut mitius puniantur? Ad hæc inquisita respondeo, eos habere excusationem, non de omni peccato suo, sed de hoc peccato suo, quo in Christum non crediderunt. Sed non in eo sunt numero illi ad quos per discipulos venit: non sunt enim in pœna leviori ponendi qui omnino legem Christi accipere noluerunt, & eam, quantum ad ipsius attinet, omnino nullam esse voluerunt. Hanc etiam excusationem possunt habere qui priusquam Evangelium Christi audirent, vitæ huius sine præventi sunt; sed non ideo possunt elugere damnationem. Quicumque enim homines nisi in eo Salvatore salventur, qui venit quærere quod perierat, ad perditionem sine dubio pertinebunt. Quamvis dici possit, alios leviores, alios graviores pœnas passuros. Ille enim perire Deo dicitur, qui ab illa beatitudine quam dat sanctis suis, per supplicium separatur. Tanta est autem diversitas suppliciorum, quanta est diversitas peccatorum, quæ quomodo se habeat, altius (1) iudicat sapientia divina, quam coniectura scrutatur, aut effatur humana. CHRYSOSTOMUS (hom. lxxvi.) Quia vero hinc inde causabantur, quoniam propter Patrem cum persequebantur, destruens eorum excusationem, dicit: *Qui me odit, & Patrem meum odit*. ALCUINUS. Sicut enim qui diligit Filium, diligit & Patrem, quia una est dilectio Patris, & Filii, sicut una natura; ita & qui odit Filium, odit Patrem. AUGUSTINUS (tr. xc.) Sed cum superius dixerit, *Nesciunt enim*

qui me misit, quomodo possunt odisse quem nesciunt? Si enim Deum, non quod est ipse, sed nescio quid aliud eum suspicantur, aut credunt, non utique ipsum oderunt. Et de hominibus quidem fieri potest ut eos saepe quos nunquam vidimus oderimus, vel diligamus, fama de aliquo sermone incitante vel bene, vel male. Sed quomodo de quo (2) natura nobis intimatur, dicendum est ignotus? Non enim eius facie corporali nobis intimatur; sed tunc nobis ad cognitionem patet quando eius mores, & vita non latent; alioquin nec seipsum nosse quisquam potest, qui videre faciem suam non potest. Sed plerumque in eis nostra credulitas fallitur: quia nonnumquam & historia, & multo magis fama mentitur. Pertinet autem ad nos ut, quia non possumus hominum indagare conscientiam, de ipsis rebus habeamus veram, certamque sententiam. Quando ergo non erratur in rebus, ut recta sit improbatio vitiorum, virtutumque approbatio, si erratur in hominibus, venialis est huiusmodi tentatio. Proinde sicut fieri potest ut homo bonus hominem bonum oderit, nesciens, non ipsum, sed quod putat esse ipsum; vel potius diligit nesciens, cum bonum diligit, quod est ille; ita fieri potest ut homo iniustus hominem oderit iniustum; & tamen dum eum credit iniustum, diligit non ipsum, sed quod putat esse ipsum: quemadmodum autem homines, sic & Deum. Deinde si interrogarentur Iudæi utrum diligerent Deum, se diligere responderent, non ex animo mentientes, sed errando potius opinantes: quomodo enim diligerent Patrem veritatis qui habent odio veritatem? Nolunt enim sua facta damnari; & hoc habet veritas. Tantum igitur oderunt veritatem quantum oderunt suas pœnas, quas talibus irrogat. Nesciunt autem illam esse veritatem, quæ tales quales ipsi sunt damnat: ac per hoc quia veritatem, qua iudicante damnantur, de Patre Deo natam nesciunt, etiam ipsum & nesciunt, & oderunt. CHRYSOSTOMUS (hom. lxxvi.) Sic igitur non habent, inquit, *excusationem*, per hoc quod eam quæ a sermonibus doctrinam tribuebam, sed & eam quæ ab operibus adieci, secundum Moysi legem, (3) qui ab eo qui hoc facit, persuaderi univerfos iussit, cum ad pietatem ducat, & miracula tribuat. Unde subdit: *Si opera non fecissem in eis quæ nemo alius fecit, peccatum non haberent*. AUGUSTINUS (tr. xc.) Hoc feci-

(1) *Id.* indicat. (2) *Nicolaus* habet *notitia*. (3) *Idem* qui talia & facienti, & decenti obtemperare iussit omnes, cum & ad pietatem ducat, & miracula exhibeat maxima.

licet peccatum quo in eum loqueotem, & operantem non crediderunt. Sed quid est quod addidit, *Qua nemo alius fecit*? Nulla quippe in operibus Christi videntur esse maiora quam fuscitatio mortuorum, (1) quod scimus etiam antiquos fecisse Prophetas. Fecit tamen aliqua Christus quae nemo alios fecit. Sed respondetur nobis, & alios fecisse quae (2) nec ipse, nec alius fecit. Sed quod tam multa vitia, & malas valetudines, vexationesque mortalium tanta potestate sanaret, oculus omnino legitur antiquorum. Ut enim taceatur quod iubendo, sicut occurribant, (salvos singulos fecit; Marcus dicit cap. vi. quod „quoque introibat in vicos, vel in villas, „aut in civitates, in plateis ponebant infirmos, & deprecabantur ut vel sibi vestimenti eius tangerent; & quotquot tangebant eum, salvi fiebant. „Hæc nemo alius fecit in eis. Sic eorum intelligendum est quod ait, *In eis*, non inter eos, vel coram eis; sed prorsus *in eis*: quia sanavit eos. Nemo tamen alius fecit quicumque talia opera in eis fecit: quoniam quisquis alius homo aliquid eorum fecit, ipso faciente fecit; hæc autem ipse non illis facientibus fecit. Sed hæc etiam Pater, aut Spiritus sanctus fecit, nemo alius fecit, quia totius Trinitatis una substantia est. His ergo beneficiis amorem, non odium retribuere debuerunt; & hoc eis exprobrans adiungit dicens: *Nunc autem viderunt, & oderunt me, & Patrem meum.* CHRYSOSTOMUS (hom. eadem) Hoc autem dicit, ut discipuli dicant: Cur igitur intra tot nos induxisti mala? Noone prælia, & odium prævidisti? Sed & prophetiam inducit cum subdit: *Sed ut adimpleatur sermo qui in lego eorum scriptus est: Quia odio habuerunt me gratis.* AUGUSTINUS XV. de Trin. (cap. xvii.) Legis nomine aliquando simul omnia veteris testamenti sanctorum Scripturarum significat eloquia: & ita Dominus hie dicit, *In lego eorum scriptus est*, cum legatur in Psalmis. AUGUSTINUS super Ioan. (tract. eodem.) Eorum autem legem dicit, non ab ipsis inventam, sed ipsis datam. Gratis autem odit qui nullum ex odio commodum querit, vel incommodum fugit; hæc oderunt Deum impii, sic diligunt iusti,

ut alia præter illum bona non expediant: quoniam ipse erit io omnibus omnia. GREGORIUS XXV. Moral. (cap. xvi. in novis codd. cap. xi.) Aliud est autem bona non facere, aliud bonorum odisse doctorem; sicut aliud est ex præcipitatione, aliud ex deliberatione peccare. Ex infirmitate enim plerumque solet (3) accidere amare boam, sed implere non posse. Ex studio autem peccare, est bonum nec facere, nec amare. Sicut ergo nonnumquam gravius est peccatum diligere quam perpetrare, ita nequius est odisse iustitiam quam non fecisse. Suot ergo nonnulli in Ecclesia, qui non solum bona non faciunt, sed etiam persequuntur, & quæ ipsi facere negligunt, etiam in aliis detestantur. Horum peccatum non ex infirmitate, aut ignorantia, sed ex solo studio perpetratur.

(g) CHRYSOSTOMUS (homil. lxxvi.) Possent discipuli Domino dicere: Si verba a te audierunt quæ nullus dixit; si opera viderunt quæ nullus alius fecit, & tamen non profuerunt; si oderunt & Patrem tuum, & te cum eo: cuius gratia nos mittis; qualiter digoi fide erimus? Ne igitur hæc cogitantes turbentur, consolationem inducit, dicens: *Enim autem veneris paracletus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me.* AUGUSTINUS (tract. xcii.) Tamquam diceret: Odio me habuerunt, & occiderunt videntes; sed tale de me testimonium paracletus perhibebit, ut eos faciat in me credere non videntes: a & quia ille perhibebit, & vos perhibebitis: unde sequitur: *Et vos testimonium perhibebitis.* Ille cordibus vestris inspirando, vos vocibus vestris sonando: & unde poteritis prædicare quod oculis: quia ab initio mecum esset; quod modo non facitis, quia illius Spiritus plenitudo nondum adest vobis. Dabit enim vobis fiducia testimonium perhibendi caritas Dei diffusa io cordibus vestris per Spiritum sanctum qui dabitur vobis. Ille quippe testimonium perhibens, & testes fortissimos faciens abstulit amicis Christi timorem, & inimicorum odium convertit in amorem. DIDYMUS de Spiritu sancto i. Spiritum autem sanctum venientem consolatorem dicit, ab operatione ei oomen imponens: quia non solum (4) eos quos

(1) Al. quocum. (2) Al. amittitur nec ipse. (3) Al. dixit accidere. (4) Al. eos confortatus quos deo.

ques se dignos esse reperit, ab omni perturbatione reddit alienos, verum incredibile quoddam gaudium eis tribuit: sempiterna quippe lætitia in eorum corde veritatis quorum Spiritus sanctus habitator est. Ille Spiritus consolator a Filio mittitur, non secundum Angelorum, aut Prophetarum, aut Apostolorum ministerium; sed ut mitti deceat a Sapientia & Virtute Spiritum Dei indivisam habentem cum eadem Sapientia & Virtute naturam. Etenim Filius missus a Patre non separatur, atque disjungitur ab eo, manens in illo, & habens illum in semetipso. Qui Spiritus sanctus supradicti modo missus a Filio, de Patre egreditur, non aliunde ad alia transmigrans. Quomodo enim Pater non consistit in loco, cum ultra omnem corporum sit naturam; ita & Spiritus veritatis nequaquam locorum sine clauditur, cum sit incorporealis, & excedens universam creaturarum essentiam. CHRYSOSTOMUS (homil. lxxvi.) Propterea vero non Spiritum sanctum, sed Spiritum veritatem eum vocavit, ut ostendat quod erit fide dignus. Dicit autem quod a Patre procedit, quia omnia certissime novit, quemadmodum ipse ait de seipso supraviii. *Quoniam novi unde venio, & quo vado.* DIDYMUS (ut supra.) Sed cum posset dicere, A Deo, sive Omnipotente, nihil horum tetigit; sed ait, A Patre, non quod Pater a Deo omnipotente sit alius; sed secundum proprietatem Patris intellectum parentis, egredi ab eo dicitur Spiritus veritatis. Mittente autem Filio Spiritum veritatis, simul mittit & Pater, cum eadem voluntate Patris & Filii, Spiritus veniat. THEOPHYLACTUS. Et alias quidem Patrem dicit mittere Spiritum; nunc autem cum se missum dixit, æquipollentiam denotat. Ne autem censetur reniti contra Patrem, velut ab alia potestate transmittens Spiritum, addidit, A Patre, quasi acceptante Patre, & pariter destinante. Cum autem audis quod procedit, ne intelligas processum missionem esse illatam extrinsecus, quæ mittuntur administratorii spiritus; (1) sed quoddam differens, & exceptæ actionis proprium processum appellat uni principali Spiritui attributum: originalis enim consistentia Spiritus est processus. Non ergo procedere pro mittere sumendum est, sed ex Patre naturalem essentiam obtinere. AUGUSTINUS (tract. xciii.) Hæc aliquis forsitan querit: utrum & a Filio procedat Spiritus sanctus;

S. Tom. Oper. Tom. V.

Filius enim solius Patris est Filius, & Pater solius Filii est Pater: Spiritus autem sanctus non est unius eorum Spiritus, sed amorum, quandoquidem dicit ipse Christus Matth. x. „ Spiritus Patris vestri qui loquitur „ in vobis: “ & dicit Apostolus Galat. iv. „ Misit Deus Spiritum Filii sui in corda „ vestra. “ Nec ob aliud æstimo ipsum proprie vocari Spiritum, cum etiam si de singulis interrogemur, non possumus nisi & Patrem, & Filium Spiritum dicere. Quod ergo communiter vocantur & singuli, hoc proprie vocari oportuit eum qui non est unius eorum, sed in quo communis appareret eorum amorum. Cur ergo non credamus quod etiam de Filio procedat Spiritus sanctus, eum Filii quoque ipse sit Spiritus? Si enim ab eo non procederet, non post resurrectionem discipulis suis insufflasset, dicens infra xx. *Accipite Spiritum sanctum.* De hac quoque virtute credendus est dicere Evangelista (Luc. vi.) „ Virtus de illo exibat, „ & sanabat omnes. “ Si ergo & de Patre, & de Filio procedat Spiritus sanctus, cur Filius dixit, *De Patre procedit*, nisi quemadmodum solet ad eum referre & quod ipse est de quo ipse est? unde illud est quod ait supra vii. *Mea doctrina non est mea, sed eius qui me misit.* Si igitur hæc intelligatur eius doctrina, quam tamen dixit non suam, sed Patris; quanto magis intelligendus est & de ipso procedere Spiritus sanctus, ubi sciat, *De Patre procedit*, non de diceret, *De me non procedit.* A quo autem habet Filius ut sit Deus, ab illo habet utique ut procedat ab eo Spiritus sanctus. Hinc utrumque & illud intelligitur, cur non dicatur natus esse, sed potius procedere Spiritus sanctus: quoniam si & ipse Filius diceretur, amorum utique Filius diceretur, quod absurdissimum est: filius quippe nullus est duorum, nisi patris, & matris. Absit autem ut inter Deum Patrem & Deum Filium tale aliquid suspicemus: quia nec filius hominum simul ex patre, & ex matre procedit; sed cum in matrem procedit ex patre, non tunc procedit & ex matre. Spiritus autem sanctus non de Patre procedit in Filium, & de Filio procedit ad sanctificandam creaturam; sed simul de utroque procedit. Neque enim possumus dicere, quod non sit vita Spiritus sanctus, cum vita Pater, vita sit Filius; ac per hoc sicut Pater, cum habeat vitam in semetipso, dedit & Filio vitam habere in semetipso; sic ei dedit vitam procedere de illo, sicut procedit & de seipso.

Kkkk

CA-

(1) *Lat. Nicæi*: sed quamdam differentem, & excellentem, ac separatam proprietatem processum appellat ecc.

C A P U T XVI.

(a) **H**Æc locutus sum vobis, ut non scandalizemini. Abque synagogis facient vos. Sed venit hora ut omnis qui interficit vos, arbitretur obsequium se præstare Deo. Et hæc facient vobis, quia non noverunt Patrem, neque me. Sed hæc locutus sum vobis, ut cum venerit hora eorum, reminiscamini quia ego dixi vobis. Hæc autem vobis ab initio non dixi, quia vobiscum eram.

(b) Et nunc vado ad eum qui misit me; & nemo ex vobis interrogat me, Quid vadis? Sed quia hæc locutus sum vobis, tristitia implevit cor vestrum. Sed ego veritatem dico vobis: expedit vobis ut ego vadam: si enim non abiero, paraclitus non veniet ad vos; si autem abiero, mittam eum ad vos. Et cum venerit ille, arguet mundum de peccato, & de iustitia, & de iudicio: de peccato quidem, quia non crediderunt in me; de iustitia vero, quia ad Patrem vado, & iam non videbitis me; de iudicio autem, quia princeps huius mundi iam iudicatus est.

(c) Adhuc multa habeo vobis dicere; sed non potestis portare modo. Cum autem venerit ille Spiritus veritatis, docebit vos omnem veritatem. Non enim loquitur a semetipso; sed quæcumque audiet loquetur, & quæ futura sunt annuntiabit vobis. Ille me clarificabit, quia de meo accipiet, & annuntiabit vobis. Omnia quæcumque habet Pater, mea sunt: propterea dixi, quia de meo accipiet, & annuntiabit vobis.

(d) Modicum & iam non videbitis me, & iterum modicum & videbitis me, quia vado ad Patrem. Dixerunt ergo eis discipulis eius ad invicem: Quid est hoc quod dicit nobis: Modicum & non videbitis me!, & iterum modicum & videbitis me; & quia vado ad Patrem? Dicebant ergo: Quid est hoc quod dicit nobis, Modicum? Nescimus quid loquitur. Cognovit autem Iesus quia volebant eum interrogare, & dixit eis: De hoc quæritis inter vos, quia dixi: Modicum & non videbitis me, & iterum modicum & videbitis me. Amen amen dico vobis, quia plorabitis, & flebitis vos; mundus autem gaudebit, vos autem contristabimini; sed tristitia vestra vertetur in gaudium. Mulier cum parit, tristitiam habet, quia venit hora eius. Cum autem pepererit puerum, iam non meminit pressuræ propter gaudium, quia natus est homo in mundum. Et vos igitur nunc quidem tristitiam habetis. Iterum autem videbo vos, & gaudebit cor vestrum, & gaudium vestrum nemo tollit a vobis.

(e) Et in illo die me non interrogabitis quidquam. Amen amen dico vobis: si quid petieritis Patrem in nomine meo, dabit vobis. Usque modo non petistis quidquam in nomine meo: petite, & accipietis, ut gaudium vestrum sit plenum. Hæc in proverbii locutus sum vobis. Venit hora cum iam non in proverbii loquar vobis; sed palam de Patre meo annuntiabo vobis. In illo die in nomine meo petitis. Et non dico vobis quia ego rogabo Patrem de vobis: ipse enim Pater amat vos, quia vos me amastis, & credidistis quia a Deo exivi. Exivi a Patre, & veni in mundum; iterum relinquo mundum, & vado ad Patrem.

(f) Dicunt ei discipuli eius: Ecce nunc palam loqueris, & proverbium nullum dicis. Nunc scimus quia scis omnia, & non opus est tibi ut quis te interroget. In hoc credimus quia a Deo existis. Respondit eis Iesus: Modo creditis? Ecce venit hora, & iam venit, ut dispergamini unusquisque in propria, & me solum relinquantis; & non sum solus, quia Pater mecum est. Hæc locutus sum vobis, ut in me pacem habeatis. In mundo pressuram habebitis; sed confidite; ego vici mundum.

(2) **AUGUSTINUS** (tract. xciii.) Merito promissio Spiritu sancto, quo in eis operante fierent testes eius, subiunxit: *Hac locutus sum vobis, ut non scandalizemini.* Cum enim „caritas Dei, diffunditur in cordibus nostris per Spiritum sanctum qui datus est nobis,“ Rom. v. sit pax multo diligentibus legem Dei ut non sit illis scandalum: „Plal. cxviii. Deinde quæ palluri essent exprimens ait: *Abique synagoga facient vos.*“ **CHRYSOSTOMUS** (hom. lxxvi.) Iam enim composuerant, ut si quis confessus fuerit Christum, extra synagoga haberet, **AUGUSTINUS** (tract. xciii.) Quid autem mali erat Apostolis expelli de Iudaicis synagogis, quasi non fuerint inde exiituri, etiam si eos nulus expelleret? (1) Sed voluit denuntiare, quia Iudei Christum non fuerant recepturi, a quo isti non fuerant recessuri. Nam quia non erat illius alius (2) populus Dei quam illud semen Abraham; si cognoscerent Christum, non aliter fierent Ecclesie Christi, aliter synagoge Iudeorum. Quod quia noluerunt, quid restabat nisi ut remanentes extra Christum, extra synagoga facerent eos qui non reliquerant Christum? Deinde cum hoc eis dixisset, adiecit: *Sed venit hora ut omnis qui interficit vos, ardeatur obsequium se prestare Deo.* Quæ verba ita subiecit tamquam ex hoc consolaretur eos qui de synagoga Iudaicis pellerentur. An forte de synagoga illa separatio sic eos fuerat turbata ut mori vellent potius (3) quam in hac vita sine Iudeorum congregationibus morari? Absit ut sic turbarentur qui Dei, non hominum gloriam requirebant. Ille itaque sensus est in his verbis. Extra synagoga facient vos; sed nolite solitudinem formidare. (4) Separati quippe a congregationibus eorum, tam multos in nomine meo congregabitis ut illi metuentes ne templum quod erat apud eos, & omnia legis veteris sacramenta (5) deserantur, sic interficiant vos ut Deo arbitrentur se prestare obsequium, zelum Dei habentes, sed non secundum scientiam. Hoc enim de Iudeis dictum debemus accipere, de quibus dixerat: *Extra synagoga facient vos.* Nam testes, id est martyres Christi, etiam si occisi sunt a Gentilibus, non tamen illi arbitrati sunt Deo, sed diis suis falsis obsequium se prestare; Iudeorum autem omnis qui oc-

cidit prædicatores Christi, Deo se putavit prestare obsequium, credens quod desererent Deum Israel quicumque converterentur ad Christum. Hinc ergo accendi, & zelum Dei habentes, sed non secundum scientiam, obsequium se Deo prestare credentes occidebant eos. **CHRYSOSTOMUS** (hom. lxxvi.) Deinde consolationem inducit dicens: *Et hac omnia facient vobis, quia non noverunt Patrem, neque me;* quasi dicat: Sufficit vobis in consolationem, propter me, & Patrem hæc pati. **AUGUSTINUS** (tract. xciii.) Ne autem ignaros atque (6) imparatos animos mala improvisa, quamvis cito transitura, turbarent; hanc fuisse causam ut hæc eis prægnuntiaret, ostendit subdens: *Hac locutus sum vobis, ut cum venerit hora eorum, reminiscamini quia dixi vobis.* Hora eorum, hora tenebroia, hora nocturna; sed nox Iudeorum separatam a se diem Christianorum nulla confusione (7) solcavit. **CHRYSOSTOMUS** (hom. lxxvii.) Sed & propter aliam causam hoc prædixit, ut non dicerent, quoniam non prædixit futura; & hoc significat cum dicit: *Reminiscamini quia ego dixi vobis.* Et ut non possent dicere, quoniam blandiens nobis, ea quæ ad gratiam (8) dicebat solum. Cuius autem gratia hoc a principio non dixit, ostendit dicens: *Hac autem ab initio vobis non dixi, quia vobiscum eram:* quia scilicet in custodia mea eratis, & licitum erat interrogare, quando volebatis, & super me totum prælium vertebatur; unde superfluum erat hoc a principio vobis dicere; non quia hæc tunc non noveram, propterea non dixi. **AUGUSTINUS** (tract. xciv.) Sed alii tres Evangelistæ eum prædixisse ista demonstrant, antequam ventum esset ad cenam, qua peracta, secundum Ioannem, ista locutus est. An forte hinc ista solvitur questio, quia & illi eum narrant proximum fuisse passioni cum hoc diceret? Non ergo ab initio quando cum illis erat. Sed Matthæus non solum imminente passione, verum etiam ab initio hæc denuntiata esse commemorat. Quid sibi ergo vult quod (9) hic dicit, *Hac autem ab initio non dixi,* nisi quia ea quæ hic dicit de Spiritu sancto, quod sit venturus ad eos, & testimonium perhibiturus quando mala passuri sunt, hæc eis ab initio non dixit, quoniam cum ipsis erat, (10) & eius præ-

Kkkk 2

len-

(1) *Al.* Sed hoc. (2) *Al.* Apostolus. (3) *Al.* quam in hac vita sine Iudeorum congregationibus morari: ut sic turbarentur qui Dei, non hominum gloriam requirebant. (4) *Al.* Separatum. (5) *Al.* deserant. (6) *Al.* imperitos. (7) *Al.* sollicitavit. (8) *Nicolas addit sunt.* (9) *Al.* omnino hic. (10) *Vide* 1445 & eius præsentia illos consolabatur, ut *notas idem Nicetas.*

sentia consolabantur? Abscessurus autem, oportebat ut diceret illum esse venturum per quem caritate diffusa in cordibus suis verbum Dei cum fiducia prædicarent. CHRYSOSTOMUS (hom. lxxvii.) Vel prædixit quidem, quoniam flagella patientur; non autem quod mors eorum reputaretur ut Dei cultura: quod maxime poterat eos attonitos facere. Vel quia illic ea quæ a Gentibus debebant pati dixit; hic autem (1) & quæ a Iudeis dicit.

(b) CHRYSOSTOMUS (hom. eadem.) Quia discipulos nondum perfectos tristitia impugnabat, eos Dominus increpando dirigit, dicens: *Et nunc vado ad eum qui me misit, & nemo ex vobis interrogat me, Quo vadis?* Audientes enim, quoniam (2) qui interficeret vos, opinabitur se obsequium prælare Deo, ita ceciderunt ut nihil ei loquerentur: & ideo subditur: *Sed quia hæc locutus sum vobis, tristitia implevit cor vestrum.* Non parva autem (3) est hæc mitigatio, scire eos quoniam sciverat Dominus tristitiæ eorum superabundantiam & propter defectionem eius, & propter mala quæ didicerant se passuros, & nesciebant si possent viriliter ferre. AUGUSTINUS (tract. xciv.) Vel quia superius interrogaverant eum quod esset iturus; & responderat se iturum quo ipsi tunc venire non possent: nunc ita se promittit iturum ut nullus eorum quo vadat interroget: & hoc est quod dicit: *Et nemo ex vobis interrogat me, Quo vadis?* Eunt enim in cælum non verbis quæsierunt, sed oculis deduxerunt. Videbat autem Dominus quid sua verba in eorum cordibus agerent: spirituales quippe nondum interius habentes consolationem, quam per Spiritum sanctum fuerant habituri, id quod exterius in Christo videbant, amittere metuebant; & quia se amissuros esse, illo vera denuntiante, dubitare non poterant, contristabatur (4) humanus affectus, quia carnalis desolabatur aspectus: unde sequitur: *Sed quia hæc locutus sum vobis, tristitia implevit cor vestrum.* Noverat autem ille quid eis potius expediret: quia visus interior ipse est melior, quo eos consolaturus erat Spiritus sanctus: unde subdit: *Sed ego veritatem dico vobis: expedit vobis ut ego vadam.* CHRYSOSTOMUS (hom. lxxvii.) Quasi dicat: Et si milles contristemini, oportet vos audire, quia me recederet vobis conferre. Quid autem conferat ostendit subdens: *Si enim non abiero, para-*

litus non veniet ad vos. AUGUSTINUS l. de Trin. (cap. ix.) Hæc autem dixit non propter inæqualitatem Verbi Dei & Spiritus sancti; sed tamquam impedimento esset præsentia Filii hominis apud eos quo minus veniret ille qui minor non esset: quia non semetipsum exinanivit sicut Filius formam servi accipiens. Oportebat ergo ut auferretur ab eorum oculis forma servi, quam intuentes, hoc solum Christum esse putabant quod videbant: unde sequitur: *Si autem abiero, mittam eum ad vos.* AUGUSTINUS (tract. xciv.) Numquid autem hic positus, eum non poterat mittere quem scimus super eum baptizatum venisse, atque mansisse; immo vero a quo scimus eum nunquam separabilem fuisse? Quid est ergo, *Si non abiero, paracletus non veniet ad vos*, nisi non potestis capere spiritum quamvis secundum carnem nosse persilistis Christum? Christo autem descendente corporaliter, non solum Spiritus sanctus, sed & Pater, & Filius illis assuit spiritualiter. GREGORIUS VIII. Moral. (cap. xvii. in nov. codd. cap. xiii.) Ac si aperte diceret: Si ab intentionis vestræ oculis corpus non subtrahatur, ad intellectum vos invisibilem per consolatorium Spiritum non perduco. AUGUSTINUS de Ver. Dom. (serm. ix.) Hanc autem habitudinem Spiritus sanctus paracletus attulit, ut, ab oculis carnis forma servi remota, quam de Virginis utero accepit, in ipsa Dei forma, in qua Patri æqualis, etiam cum in carne dignatus est apparere, permansit, purgata mentis acie ostenderetur. CHRYSOSTOMUS (hom. lxxvii.) Quid autem hic dicant qui non convenientem de Spiritu sancto habent opinionem? Numquid expedit dominatorem abire, & servum accedere? Quæ autem sit utilitas advenientis Spiritus, ostendit cum subditur: *Et cum venerit ille, arguet mundum de peccato, & de iustitia, & de iudicio.* AUGUSTINUS (tract. xciv.) Numquid autem Christus non arguit mundum? An forte quia Christus in Iudeorum tantum gente locutus est, mundum non videtur arguisse? Spiritus autem sanctus in discipulis eius toto orbe diffusus, non unam gentem intelligitur arguisse, sed mundum. Sed quis audeat dicere quod per discipulos Christi arguat mundum Spiritus sanctus, & non arguat Christus, cum clamet Apostolus II. Corinth. xiii. „ An experimentum queritis eius qui in me loquitur Christus? “

Quos

(1) *M.* & Iudeis adiectis. (2) *M.* desit qui. (3) *M.* & hæc mitigatio. (4) *M.* desit humanus.

Quos itaque arguit Spiritus sanctus, utique & Christus. Sed dixit, *Ille arguet mundum*, quasi dicat: Ille diffundet in cordibus vestris caritatem: sic enim timore depulso, arguendi habebitis libertatem. Expnnt deinde quid dixerit, dicens: *De peccato quidem, quia non crediderunt in me*: hoc enim peccatum (1) solum præ ceteris posuit, quia hoc manente, cetera detinentur, & hoc dilcedente, cetera dimituntur. AUGUSTINUS de Verbis Dom. (ser. lx1.) Sed multum interest utrum quisque credat ipsum esse Christum, & utrum credat in Christum: nam ipsum esse Christum & damnes crediderunt: ille vero credit in Christum qui & sperat in Christum, & diligit Christum. AUGUSTINUS super Ioannem (trac. xcv.) Arguitur ergo mundus de peccato, quia in Christum non credit, & arguitur de iustitia eorum qui credunt. Ipsi vituperat fideliū comparatio, infidelium est vituperatio. *De iustitia vero, quia ad Patrem vado*. Et quoniam ista vox infidelium esse consuevit, Quomodo credimus quod non videamus? ideo credentium iustitiam sic oportuit dissimili: *Quia ad Patrem vado, & iam non videbitis me*. Beati enim qui non vident, & credunt. Nam & qui viderunt Christum, non in eo laudata est fides eorum, quia credebant quod videbant, idest Filium hominis, sed quia credebant quod non videbant, idest Filium Dei. Cum vero & ipsa forma servi subtrahita entum esset aspectibus, tunc ex omni parte impletum est, „ Iustus ex fide vivit: ” Rm. iv. Erit itaque (2) vestra iustitia, de qua mundus (3) arguetur, quoniam in me, quem non videbitis, credetis; (4) & quandoque me videbitis: quoniam tunc sicut ero videbitis me, non quod sum vobiscum modo; idest, non videbitis mortalem, sed sempiternum: dicendi enim, *Iam non videbitis me*, velut nunquam eos de cetero vituros Christum prænuntiavit. AUGUSTINUS de Verb. Dom. (serm. lx1.) Vel aliter. Illi non crediderunt: ipse ad Patrem vadit. Illorum ergo peccatum, ipsius autem iustitia. Quod enim (5) a Patre ad nos venit, misericordia est, iustitia vero quod ad Patrem vadit, secundum illud Apostoli Philip. 11. „ Propter quod & Deus exaltavit illum. ” Sed si solus vadit ad Patrem, quid nobis prodest? An ideo solus; quia Christus unus

est cum omnibus membris suis, tamquam caput cum corpore suo? Arguitur ergo mundus de peccato in eis qui non credunt in Christum, & de iustitia in eis (6) qui resurgunt in membris Christi. Sequitur: *De iudicio autem, quia princeps mundi huius iam iudicatus est*, idest diabolus princeps iniquorum, qui corde non habitant nisi in hoc mundo, quem diligunt. (Serm. lx.) Hoc autem ipso quo foris missus est, iudicatus est; & de hoc iudicio mundus arguitur: quia frustra de diabolo queritur qui non vult credere in Christum, quem iudicatum, idest foras missum, & propter nostram exercitationem sine ulla expugnare permissum, non solum viri, sed etiam mulieres, & pueri, & puellæ martyres vicerunt. AUGUSTINUS super Ioannem (trac. xcv.) Vel iudicatus est, quoniam iudicio ignis æterni irrevocabiliter destinatus est: & de hoc iudicio mundus arguitur, quoniam cum suo principe iudicatur, quem superbum, atque impium imitatur. Credant itaque homines in Christum, ne arguantur de peccato infidelitatis suæ, quia peccata omnia detinentur; transeant in numerum fidelium, ne arguantur de iustitia eorum quos iustificatos non imitantur; caveant futurum iudicium, ne cum mundi principe iudicentur, quem iudicatum imitantur. CHRYSOSTOMUS (hom. lxxvi.) Vel aliter. Arguet mundus de peccato; idest, omnem eorum excusationem abscindet, & ostendet eos (7) si ne venia peccasse, non credentes in me, dum videbunt Spiritus sancti donatinnem ineffabilem invocato me fieri. AUGUSTINUS de Quæst. nov. & vet. testam. (quæst. lxxxix.) Hoc etiam modo Spiritus sanctus de peccato arguit mundum, quia in nomine Salvatoris, qui reprobatus est a mundo, virtutes operatus est. Salvator autem, (8) servata iustitia, non trepidavit reverti ad eum qui se miserat, & per id quod regressus est probavit se inde venisse: unde sequitur: *Et de iustitia, quia ad Patrem vado*. CHRYSOSTOMUS (hom. lxxvi.) Idest, ire ad Patrem erit argumentum quod irreprensibilem agebam vitam, ut non possint adhuc dicere, quoniam hic homo peccator est, & non est ex Deo: supra ix. Rursus quoniam expugnavi adversarium (nequaquam autem peccator existens expugnasset) non possunt dicere quod dæmonium ha-

¹ (1) *Al.* quasi solum. (2) *Al.* nostra. (3) *Al.* arguetur. (4) *Legit* Nicolai: & quando me videbitis quod nunc (tunc) ero, non videbitis me quod tum vobiscum modo &c. (5) *Al.* emittitur a Patre. (6) *Al.* non resurgunt. (7) *Quæritur* iam supra citata exempla omittunt illa verba hinc venia, (8) *Al.* servata.

habeo, & quod seductor sum. Quoniam autem condemnatus est propter me, scient quod conculcabunt eum postea; & resurrectionem meam manifeste scient: non enim me valuit detinere. AUGUSTINUS de Quæst. vet. & nov. testam. (quæst. lxxxix.) Videntes (1) dæmones animas de inferis ire ad cælos, cognoverunt (2) iudicatum esse principem huius mundi, ut reus factus in causa Salvatoris, (3) quæ tenebat, iure amitteret. Hæc quidem ascendente Salvatore visa sunt; sed superveniente in discipulis Spiritu sancto, palam aperteque manifestata sunt.

(c) THEOPHYLACTUS. Quia supra dixerat Dominus, *Expedi vobis ut ego vadam*, iam hoc amplificat dicens: *Alibi multa habeo vobis dicere; sed non potestis portare modo.* AUGUSTINUS (tracl. xcvi.). Omnes hæretici audacias figmentorum suorum, quas maxime exhorret sensus humanus, hac occasione evangelicæ sententiæ colorare conantur; quasi hæc ipsa sint quæ tunc discipuli portare non poterant, & ea docuerit Spiritus sanctus, quæ palam docere, atque prædicare spiritus erubescit immundus. Sed alia sunt mala quæ portare non potest qualicumque pudor humanus, & alia sunt bona quæ portare non potest parvus sensus humanus. Ista sunt in corporibus impudicis, illa remota sunt a corporibus universis. b (Tracl. xcvi.). Quis autem non, si audeat eorum se dicere iam capacem quæ illi capere non valebant? Ac per hoc nec a me expetenda sunt ut dicantur. Sed dicit aliquis: Sic multi possunt quod tunc non poterat Petrus; sicut multi possunt martyrio coronari, quod tunc non poterat Petrus, præsertim iam missio Spiritu sancto, qui tunc nondum erat missus. c Sed numquid ideo scimus quæ sunt quæ dicere voluit? Absurdissime enim mihi videtur dici, tunc non potuisse portare discipulos quæ de altissimis rebus invenimus in apostolicis literis, quæ postmodum scriptæ sunt, nec ea Dominum dixisse narratur. Perversarum quidem secularum homines ferre non possunt quod in Scripturis sanctis de fide catholica

reperitur, sicut nos ferre non possumus facereticas eorum vanitates: quid enim est ferre non posse, nisi æquo animo non habere? Quis autem fidelis, vel etiam catechumenus, antequam Spiritum sanctum baptizatus accipiat, non æquo animo legit, atque audit, etiam si non intelligit ea quæ post ascensionem Domini scripta sunt? d (Tracl. xcvi.). Dicit autem aliquis: Nihil ne spirituales viri habent in doctrina quod carnalibus taceant, & spiritualibus eloquantur? Nulla quidem necessitas est ut aliqua secreta doctrinæ taceantur fidelibus parvulis, seorsum dicenda maioribus; sed spiritualia spiritualia carnalibus non omnino taceant propter catholicam fidem, quæ omnibus prædicanda est; nec tamen sic ediscant ut volentes ea (4) perducere ad intelligentiam non capacium, facilius fastidire faciant in veritate sermonem, quam in sermone percipi veritatem. e Non ergo in his Domini verbis nescio quæ secreta (5) suscipimus quæ cum dici a docente possint, portari a discipulo non possint. Sed ea ipsa quæ in doctrina religionis in quorumlibet hominum notitia dicimus, si vellet nobis Christus dicere, sicut ea dicit Angelis suis, quinam homines portare possint, etiam si essent spirituales, quales adhuc Apostoli non erant? Nam utique quidquid de creatura sciri potest, minus est ipso creatori: & quis cum tacet? (6) f Quis autem vivens in hoc corpore posset omnem cognoscere veritatem, cum dicat Apostolus I. Corinth. xiiii. „Ex parte scimus?“ Sed quia per Spiritum sanctum fit ut ad ipsam quoque plenitudinem veniamus, de qua idem dicit Apostolus ibid. „Tunc autem faciemus ad faciem;“ (7) non quod est in hac tantum vita Dominus nobis promissit dicens: *Cum autem venerit ille Spiritus veritatis, docebit vos omnem veritatem; vel deducet vos in omnem veritatem*: quo verbo intelligimus eius nobis plenitudinem in vita alia reservari. Ipse autem Spiritus sanctus & nunc docet fideles, quanta quisque potest capere spiritualia, & in eorum cordibus desiderium maius accendit. DIDYMUUS de Spiritu sancto.

(1) *Al.* Videntes etiam dæmones. (2) *Al.* adiudicatum. (3) *Al.* quæ tenebat amitteret. (4) *Al.* percipere ad intelligentiam non capacibus. (5) *Al.* suscipimus. *Nicetas* suscipimus. (6) *Al.* *Nicetas* quæ cognoscitur. Ubi non ab omnibus nominatur? Et cum cum nemo tacet, quis est qui cum sciat intelligendus est capiat? (7) *Idem* sic legit: non &c. quod est in hac vita tantum, sed quod usque ad illam perfectionem futurum est, Dominus &c.

EX EDITIONE P. NICOLAI.

a Tracl. xcvi. versus finem. b Ex eodem tracl. paulo post initium. c Et inferius. d Tracl. xcvi. versus finem. e Eodem tracl. paulo post princip. f Tracl. xcvi. versus finem.

80 (Lib. II. ult. med. inter opera Hieron.) Vel hoc dicit, quod auditores verborum eius nondum fuerant omnia consecuti quæ postea pro nomine eius sufferre poterant; sed aliqua tradens eis, illa quæ maiora erant, in posterum diffusit; quæ tunc non poterant, nisi primitus in capite nostro magisterium, & forma crucis præiret. Adhuc etiam typo legis, & umbræ, & imaginibus servientes non poterant veritatem, cuius umbram lex portabat, inspicere. Cum autem venerit Spiritus veritatis, diriget vos in omnem veritatem sua doctrina, & institutione, vos transiens morte litteræ ad spiritum vivificantem, in quo solo omnis Scripturæ veritas posita est. CHRYSOSTOMUS (hom. lxxvii.) Quia ergo dixerat, *Nunc non potestis portare*, tunc autem poteritis; & quoniam Spiritus sanctus ducet vos in omnem veritatem: ne hoc audientes, maiorem Spiritum sanctum exiliment, subiungit: *Non enim loquetur a semetipso, sed quacumque audiet loquitur.* AUGUSTINUS (tract. xcix.) Simile est hoc ei quod (1) de seipso dixit supra v. *Non possum a me ipso facere quidquam, sed sicut audio iudico*; sed illud secundum hominem posse accipere dicimus. Cum igitur Spiritus sanctus nulla susceptione cuiusquam creaturæ creatura sit factus, quomodo de illo hoc intelligendum est? Sic itaque debemus accipere, ut intelligamus non eum (2) esse a se ipso: nam Filius de Patre natus est, & Spiritus sanctus de Patre procedit. Quid autem illic intersit inter procedere & nasci, & longum est disserere, & temerarium diffinire. Audire autem illi scire est, scire vero esse. Quia ergo non est a semetipso, sed ab illo a quo procedit; a quo illic est essentia, ab illo scientia: ab illo igitur audientia est. Semper itaque audit Spiritus sanctus, quia semper scit: ab illo ergo audit, audit, & audit a quo est. DIDYMUS (ut supra.) Ait ergo: *Non loquitur a semetipso*; hoc est, non sine me, & sinemeo, & Patris arbitrio: quia non ex se est, sed ex Patre, & meo. Hoc enim ipsum quod subsistit, & loquitur, a Patre, & a me illic est. Ego veritatem loquor; id est, inspiro quæ loquor, siquidem Spiritus veritatis est. Dicere autem, & loqui in Trinitate, non secundum consuetudinem nostram accipiendum est, sed iuxta formam incorporealis naturarum, & maxime Trinitatis, quæ voluntatem suam inserit cordibus credentium, & eorum qui audire eum sunt digni. Lo-

qui ergo Patrem, & audire Filium, eiusdem naturæ in Patre, & Filio, consensuque significatio est. Spiritus vero sanctus, qui est spiritus veritatis, spiritusque sapientię, non potest Filio loquente audire quæ nescit, cum hoc ipsum sit quod profertur a Filio, id est procedens veritas a veritate, consolator manans a consolatore, Deus de Deo Spiritus veritatis procedens. Denique ne quis illum a Patris, & Filii voluntate, & societate discernere, scriptum est: *Sed quia audiet loquetur.* AUGUSTINUS II. de Trinit. (cap. xiii.) Non autem hinc efficitur ut minor sit Spiritus sanctus: secundum hoc enim dictum est quod de Patre procedit. AUGUSTINUS super Ioan. (tract. xcix.) Nec moveat quod verbum futuri temporis positum est: illa quippe audientia sempiterna est, quia est sempiterna scientia. In eo autem quod sempiternum est, sine initio, & sine fine, cuiuslibet temporis verbum ponatur: quamvis enim natura illa immutabilis non recipiat sinit, & erit, sed tantum est; non tamen mendaciter dicimus, Fuit, & est, & erit: fuit, quia nunquam desuit; erit, quia nunquam deerit; est, quia semper est. DIDYMUS (ubi supra.) Per Spiritum etiam veritatis futurorum sanctis viris scientia certa conceditur: unde & Prophetæ hoc eodem repleti Spiritu prænuntiabant, & quasi præsentia intuebantur quæ erant deinceps lecutura: unde sequitur: *Et quia ventura sunt annuntiabit vobis.* BEDA. Constat quia multi Spiritus sancti gratia repleti, quæ ventura erant agnovērunt. Sed (3) quia multi variis coruscant virtutibus, nec tamen quæ ventura sunt agnoscent, potest hic sermo sic accipi. *Qua ventura sunt, vobis annuntiabit*; id est, gaudia vobis cælestis patriæ ad memoriam reducet. Ventura vero Apostolis nuntiavit, mala scilicet quæ pro confessione Christi erant passuri, & bona quæ pro eisdem malis erant percepturi. CHRYSOSTOMUS (hom. lxxvii.) Elevavit igitur per hoc eorum mentem, cum ad nihil ita avidum sit humanum genus ut ad sciendum futura. Ab hac igitur eos eruit sollicitudine, ostendens, quoniam futura eis pericula prædicat, ut non incidant non observantes. Deinde ostendens quoniam dixerit omnem veritatem, in quam Spiritus sanctus adducet, subiungit: *Ille me clarificabit.* AUGUSTINUS (tract. c.) Quia scilicet diffundendo in credentium cordibus caritatem, spiritua-

les-

(1) *Id. de ipso.* (2) *Id. omittitur esse.* (3) *Id. Sed quidem.*

Iesque faciendo, declaravit eis qualiter Patri Filius esset æqualis, quem secundum carnem prius tantummodo noverant, & hominem: sicut homines cogitabant. Vel certe quia per ipsam (1) caritatem fiducia repleti, & timore depulsi, annuntiaverunt hominibus Christum, ac sic fama eius diffusa est toto orbe terrarum. Quod enim facturi erant in Spiritu sancto, hoc eundem Spiritum dixit esse futurum. CHRYSOSTOMUS (hom. eadem.) Et quia Dominus dixerat Matth. xxiii. „Magister vester unus est Christus;“ ut & Spiritus sanctus suscipiatur ab eis, subiunxit: *Quia de me accipiet, & annuntiabit vobis.* DIDYMUS (de Spiritu sancto, ut supra.) Accipere hic ut divinæ naturæ conveniat, intelligendum est: quomodo enim Filius dans non privatur his quæ tribuit, neque cum damno suo impartitur alijs; sic & Spiritus sanctus non accipit quod ante non habuit: si enim prius quod non habebat accepit, translato in alium munere vacuus largitor effectus est. Sic igitur Spiritum sanctum a Filio accipere id quod suæ naturæ fuerat, cognoscendum est; & non aliam dantem, & accipientem, sed unam significare substantiam. Siquidem & Filius eadem a Patre suscipere dicitur in quibus ipse subsistit: neque enim quid aliud est Filius, exceptis his quæ ei dantur a Patre, neque alia est Spiritus sancti substantia præter id quod datur a Filio. AUGUSTINUS (tr. eodem.) Non autem propterea, sicut quidam hæretici putaverunt, minor est Filio Spiritus sanctus, quia Filius accipiat a Patre, Spiritus sanctus a Filio, quasi quibusdam gradibus naturam. Unde ipse questionem solvens, cur hoc dixerit explanat dicens: *Omnia quæ habet Pater, mea sunt: propterea dixi vobis, quia de meo accipiet, & annuntiabit vobis.* DIDYMUS (ut supra.) Quasi dicat: Licet a Patre procedat Spiritus veritatis, tamen quia omnia quæ habet Pater, mea sunt, & ipse Patris Spiritus meus est, & de meo accipiet. Cave autem ne cum ista dicuntur, putes rem esse aliquam, & possessionem quæ a Patre habeatur, ac a Filio; verum quæ habet Pater iuxta substantiam, idest æternitatem, immutabilitatem, bonitatem, hæc eadem ha-

bet & Filius. Procul hinc abest Dialiectorum tendicula: dicunt enim: Ergo & Pater est Filius. Si autem diallect, Omnia quæcumque habet Deus, mea sunt, habere occasionem (2) impietatis consurgendi; cum vero dixerit, *Omnia quæ habet Pater, mea sunt*, Patris nomine se Filium declaravit, paternitatem qui Filius erat non usurpavit; quamvis & ipse per adoptionis gratiam multorum sanctorum sit pater. HILARIUS VIII. de Trin. (ante med.) Non ergo in incerto Dominus reliquit, utrum ex Patre an ex Filio Spiritus paracliticus esse putetur: a Filio enim accipit quod ab illo mittitur, & a Patre procedit. Et interrogo utrum idipsum sit a Filio accipere quod a Patre procedere. Certe idipsum atque unum esse existimabitur a Filio accipere quod si acciperet a Patre: cum enim ait, omnia quæcumque habet Pater, sua esse, & idcirco dixisse, de suo accipiendum esse, docet etiam a Patre accipienda, a se tamen accipi, quia omnia quæ Patris sunt, sua sunt. Non habet hæc unitas diversitatem, nec differt a quo acceptum sit, quod datum a Patre, datum reletur a Filio.

(d) CHRYSOSTOMUS (hom. lxxviii.) Postquam Dominus discipulos (3) relevavit per ea quæ de Spiritu sancto promisit, rursum eorum oppressit sensum, dicens: *Medicam & iam non videbitis me.* Hoc autem facit, ut assuefaciat eos per tristitiam auditionem, bene terre suam separationem: eam enim quæ dolet animam, & a tristitia multa detinetur, nihil ita consuevit quietare, ut (4) quæ tristitiam pariunt verba revoluta continue. BEDA a. Dicit enim: *Medicam & iam non videbitis me*: quia tentus est nocte illa a Iudeis, & in mane crucifixus, & vespere sepultus ab humanis est seculi obscuribus. CHRYSOSTOMUS (homil. eadem.) Si vero quis diligenter scrutabitur, hoc consolationis est dicere, *Quoniam ad Patrem vado*: hoc enim est ostendere quod non perierit, sed mors eius translatio sit: & aliam consolationem eis imposuit cum adiecit: *Et iterum medicum & videbitis me*: ostendens quoniam & redibit, & in paucis erit & separatio, & continua quæ cum eis coexistencia. AUGUSTINUS tract.

(1) *Al. claritatem.* (2) *Al. impietatis consurgendi: legit Nicetas consurgendi.* (3) *Al. revelavit,*
(4) *Al. desit quæ.*

(tracl. ei.) Hæc autem verba Domini obsecra erant discipulis, antequam id quod dicit esset impletum: unde sequitur: *Dixerunt ergo ex discipulis eius ad invicem: Quid est hoc quod dicit nobis: Modicum & non videbitis me, & iterum modicum & videbitis me, quia vado ad Patrem?* CHRYSOSTOMUS (hom. eadem.) Hoc autem non intelligebant, aut propter tristitiam, quæ amovebat a mente eorum ea quæ dicebantur, aut propter immanifestationem eorum quæ dicebantur: idcirco videbatur eis duo contraria ponere, non existentia contraria. Si enim videbimus te, aiunt, quomodo vadis? Si vero vadis, qualiter te videbimus? Propter hoc dicunt: *Quid est hoc quod dicit nobis, Modicum? Nescimus quid legitur.* AUGUSTINUS (tracl. eod.) Nam in præcedentibus, quia non dixerat, *Modicum*, sed dixerat, *Ad Patrem vado*, aperte illis visus est loqui. Nunc ergo quod illis tunc obscurum fuit, & mox manifestatum est, iam nobis utique manifestum est. Post paululum enim passus est, & non viderunt eum, rursum post paululum resurrexit, & viderunt eum. Dicit autem: *Et iam non videbitis me: quia scilicet mortalem Christum ulterius non viderunt.* ALCUVINUS. Vel aliter. *Modicum* tempus est futurum quo non videbitis me, id est illud triduum quo in sepulchro quievit; & iterum est *modicum* futurum tempus quo videbitis me, id est illi quadraginta dies, in quibus ille sæpius post passionem suam usque ad tempus ascensionis suæ apparuit; & ideo illo modico tempore videbitis me, *quia vado ad Patrem*: quia non semper in terra corporaliter sum mansurus, sed per humanitatem quam assumpsit, ascensus in cælum. Sequitur: *Cognovit autem Iesus quia volebant eum interrogare, & dixit eis: De hoc queritis inter vos, quia dixi vobis, Modicum & non videbitis me. Amen amen dico vobis, quia plorabitis, & flabit vobis.* Ignorantiam ipsorum pius magister intellensus, secundum illorum dubitationem respondit, quasi expositorius quid esset quod dixit. AUGUSTINUS (tracl. eod.) Quod sic accipi potest, quia contriti sunt discipuli de morte Domini, & consensit de resurrectione lætati. Mundus autem (quo nomine significati sunt inimici, a quibus Christus occisus est) (1) tunc utique lætatus est occisio Christo quando sunt discipuli contristati: unde sequitur: *Mundus autem gaudebit, vos autem contristabimini; sed tristitia vestra vertetur in gaudium.* Th. Oper. Tom. V.

dium. ALCUVINUS. Sed & eundis fidelibus convenit hic sermo Domini, qui per lacrymas preclaraque præsentis ad gaudia æterna contendunt. Flentibus autem iustis, mundus gaudet, quia in præsentis delectantur, alterius vite nulla gaudia sperantes. CHRYSOSTOMUS (hom. eit.) Deinde ostendens quoniam tristitia parit gaudium, & quoniam tristitia brevis, lætitia vero infinita est, ad exemplum venit mundanum, dicens: *Mulier cum parit, tristitiam habet, quia venit hora eius; cum autem pepererit puerum, iam non meminit pressura propter gaudium, quia natus est homo in mundum.* AUGUSTINUS (tracl. eod.) Ista similitudo ad intelligendum non videtur esse difficilis: quoniam comparatio eius in promptu est, eodem ipso exponente eam dicta sit: nam sequitur: *Et vos igitur nunc quidam tristitiam habetis. Iterum autem videbo vos, & gaudebit cor vestrum.* Parturicio quippe tristitiæ, partus autem gaudio comparatur; quod tunc magis esse consuevit quando non puella, sed puer nascitur. Quod vero subdit, *Et gaudium vestrum nemo tollet a vobis*, quia gaudium ipsum ipse Iesus est, significat quod ait Apostolus Rom. vi. „Christus resurgens ex mortuis iam non moritur.“ CHRYSOSTOMUS (hom. ead.) Significat etiam prædicto exemplo quoniam solvit ipse mortis pressuram, & novum hominem regenerans esse fecit. Et non dixit quoniam non erit ei tribulatio, sed neque meminit eius: tantum est quod succedit gaudium: ita erit & sanctis. Et non dixit, Quoniam natus est puer, sed quoniam homo, occulte suam resurrectionem insinuans. AUGUSTINUS (tracl. eod.) Vel de futuris visione, & gaudio, quæ superius dicta sunt, melius existimo intelligi, *Modicum & iam non videbitis me*: modicum enim est hoc totum spatium quo præsens pervolat sæculum; ideo namque addidit, *Quia vado ad Patrem*; quod ad superiorem sententiam referendum est, ubi ait, *Modicum & iam non videbitis me*; non ad posteriorem, ubi ait, *Modicum & videbitis me*. Eundo quippe ad Patrem, facturus erat ut eum non viderent. Illis ergo ait, *Modicum & iam non videbitis me*, qui cum tunc corporaliter videbant: quia iturus erat ad Patrem, & eum deinceps mortales visuri non erant qualem cum ista loquebatur videbant. Quod vero addidit, *Et iterum modicum & videbitis me*, universæ promittit Ecclesiæ. Hoc autem modicum longum nobis

(1) M. tunc itaque lætati sunt occisio Christo &c.

videtur, quoniam adhuc agitur; cum finitum fuerit, tunc sentiemus quam modicum fuerit. **ALCUINUS.** Mulier autem sancta Ecclesia est, propter secunditatem bonorum operum, & quia spiritales Deo filios generat. Hæc mulier dum parit, idest dum in mundo virtutum profectibus insilit, dum undique tentatur, & attingitur, tristitiam habet de hoc, quia venit hora eius ut patiat: quia nemo carnem suam odio habuit. **AUGUSTINUS** (tract. ci.) Nec tamen in huius gaudii parturitione sine gaudio tristes sumus; sed, sicut Apostolus ait Roman. xii. „spe gaudentes:“ quia & ipsa mulier parturiens, cui comparati sumus, plus gaudet de mox futura prole quam tristis est de præfenti dolore. **ALCUINUS.** Sed cum pepererit, idest cum devicto laborum certamine ad palmam pervenerit, iam non meminit præfura præcedentis, propter gaudium perceptæ retributionis, quia natus est homo in mundum. Sicut enim mulier nato in hoc mundo homine lætatur, ita Ecclesia, nato in vitam æternam fidelium populo, exultatione repletur. **BEDA.** Nec novum debet videri si natus dicatur qui ex hac vita migraverit: sicut enim consuevit nasci dicitur cum quis de utero matris procedens in hanc lucem ingreditur, ita potest natus appellari qui solutus a vinculis carnis, ad lucem æternam sublimatur: unde sanctorum solennia, non funebria, sed natalitia vocantur. **ALCUINUS.** Quod autem dicit, *Iterum videbo vos*, idest allumam vos ad meipsum. Vel *iterum videbo vos*, idest, iterum videndus apparebo; & gaudet cor vestrum. **AUGUSTINUS** (tract. cod.) Hunc enim totius laboris sui fructum Ecclesia nunc parit desiderando, tunc est paritura cernendo. Et idem masculum, quoniam ad istum fructum contemplationis, cuncta officia reseruntur actionis: solus enim liber est qui propter se appetitur, & non refertur ad aliud: huic servit actio. Ad hoc enim referret quidquid bene agitur: ibi est finis qui sufficit nobis: æternus igitur erit. Neque enim finis nobis sufficit nisi cuius nullus est finis. De hoc igitur quod sufficit nobis rectissime audimus: *Gaudium vestrum nemo tollet a vobis.*

(c) **CHRYSOSTOMUS** (hom. lxxviii.)

Rursus ostendit Dominus quod expedit eum abire, cum dicit: *Et in illo die me non regabitis quidquam.* **AUGUSTINUS** (tract. ci.) Hoc verbum quod est *rogare*, non solum petere, verum & interrogare significat, & Græcum Evangelium, unde hoc translatum est, tale habet verbum quod utrumque possit intelligi. **CHRYSOSTOMUS** (hom. eadem.) Dicit ergo, *Et in illo die*, scilicet cum resurrexero, *me non regabitis quidquam*, idest non dicetis: *Ostende nobis Patrem*, & *Que vadis?* quoniam scietis per Spiritum sanctum. Vel *non regabitis me*; idest, non indigebitis mediatore ad impetrandum; sed sufficit nomen meum, quod invocantes, omnia accipietis: unde sequitur: *Amen amen dico vobis: si quid petieritis Patrem in nomine meo, dabit vobis.* Ostendit autem nominis virtutem, si non vilis, neque rogatus, sed nominatus solum apud Patrem facit mirabilia. Non ergo, ait, exstimetis, quia dereliquo non ero vobiscum, vos derelictos esse: nomen enim meum maiorem dabit vobis securitatem: unde sequitur: *Usque modo non petistis quidquam in nomine meo. Petite, & accipietis, ut gaudium vestrum sit plenum.* **THEOPHYLACTUS.** Alacritas enim vestra tunc erit integerrima, cum ad vota vobis petita succedat. **CHRYSOSTOMUS** (hom. eadem.) Quia (1) obumbrata erant quæ dicta sunt, subiunxit: *Hac in proverbis locutus sum vobis.* Venit hora cum iam non in proverbis loquar vobis; idest, erit tempus quando scietis omnia manifeste: dicit autem resurrectionis tempus: sed palam de Patre meo annuntiabo vobis: etenim quadraginta diebus disputavit cum eis congregatis, loquens de regno Dei. Et nunc, inquit, in timore existentes non attenditis his quæ dicuntur; tunc autem resuscitatum videntes, poteritis palam omnia dicere. **THEOPHYLACTUS.** Adhuc præbet illis fiduciam, quoniam recipient in tentationibus auxilium desuper, cum subdit: *In illo die in nomine meo petetis: adeo assero vobis Patrem favere quod neque intervenit meo ulterius indigebitis:* unde subdit: *Et non dico vobis, quia ego rogabo Patrem pro vobis: ipse enim Pater amat vos.* Porro ne resiliant a Domino, velut eo ulterius non egentes, subiungit: *Quia vos me amastis*; quasi dicat: Ois hoc diligit vos

Pa-

(1) Quia igitur obumbrata.

Pater, quia vos me dilexistis. Cum itaque excideritis ab amore meo, confestim & a paterno decideritis. AUGUSTINUS (tract. cxi.) Sed numquid ideo amat ille, quia nos amamus; an potius quia ille amat, ideo nos amamus? Hoc ipse Evangelista in Epistola sua I. cap. iv. dicit: „Nos diligamus, quia ipse prior dilexit nos.“ Amat ergo nos Pater, quia nos amamus Filium, cum a Patre, & Filio accepimus, ut Patrem amemus, & Filium. Amavit ipse quod fecit; sed non in nobis faceret quod amaret, nisi antequam id faceret nos amaret. HILARIUS VI. de Trin. (circamel.) Caret etiam apud Patrem intercessionis necessitate perfecta de Filio fides, quæ quod a Deo exierit, credit, atque amat, & per seipsam iam & audiri meretur, & amari, natum ex Deo Filium, missumque confessa; unde sequitur: *Et credidistis quia a Deo exivit.* Nativitas itaque eius, & adventus ostenditur cum subdit: *Exiit a Patre, & venit in mundum.* Alterum in dispensatione, alterum in natura est. A Patre enim venisse, & a Deo exisse, non est significationis eiusdem; cum aliud sit a Deo in substantiam nati vitaris exisse, aliud a Patre in hunc mundum ad consummanda salutis nostræ sacramenta venisse. Cum autem exire a Deo sit extrinsece subsistere, quid aliud quam Deus esse posset? CHRYSOSTOMUS (homil. lxxviii.) Quia vero resurrectionis sermo non modicum eos mitigabat, & cum hoc audire quod a Deo exivit, & illuc vadit, continue ea circumvolvitur; unde sequitur: *Iterum relinquo mundum, & vado ad Patrem.* Nam hoc quidem certificabat quoniam recte in ipsum credebant; hoc vero quoniam sub munitione eius futuri erant. AUGUSTINUS (tract. cxi.) Exiit enim a Patre, quia de Patre est; in mundum venit, quia mundum suum corpus ostendit. Mundum reliquit corporali discessione, perrexit ad Patrem hominibus ascensione; nec mundum deferuit præsentia gubernatione: quia sic in mundum venit exiens a Patre ut non desereret Patrem. Sed Dominum Iesum Christum postquam resurrexit, & interrogatum legitimus, & rogatum; nam interrogatus est a discipulis ascensus in cælum, quando regnum restitueret Israel; rogatus est a Stephano cum esset in cælo, ut spiritum eius susceperet. Et quis audeat dicere rogandum non esse immortalem, rogari debuisse mortalem? Puto ergo, quod di-

cit, *Io illa dicit me non rogabitur quinquam*, non ad illud tempus referendam esse quo resurrexit, sed ad illud quando videbimus eum sicuti est; quæ visio non temporalis vitæ est, sed æternæ, ubi iam (1) nihil rogamus, nihil interrogamus, quia nihil desiderandum remanebit, nihil quaerendum latet. ALCUINUS. Sic ergo dicit: In futuro me non rogabitur quinquam: sed interim, dum in peregrinatione huius miseriæ conversumini, si petieritis Patrem, dabit vobis; unde subdit: *Amen amen dico vobis: si quid petieritis Patrem in nomine meo, dabit vobis.* AUGUSTINUS (tract. cxi.) Hoc quod ait, *si quid*, non quodlibet intelligitur, sed aliquid quod non in beatæ vitæ comparatione sit nihil. Non autem petitur in nomine Salvatoris quid, quid petitur contra rationem salutis: non enim sonum lacerarum, aut syllabarum, sed quod sono recte, ac veraciter intelligitur, hic accipiendum est, cum dicit, *Io nomine meo.* Unde qui hoc sentit de Christo quod non est de unico Filio Dei sentiendum, non petit in eius nomine. Qui vero quod est de illo sentiendum sentit, ipse in eius nomine petit, & accipit quod petit, si non contra suam salutem sempiternam petit; accipit autem quando debet accipere: quædam enim non negantur, sed ut congruo dentur tempore differuntur. Ita sane intelligendum est quod ait, *Dabit vobis*, ut ea beneficia significata sciatur his verbis quæ ad eos qui petunt proprie pertinent. Exaudiuntur quippe omnes sancti pro seipsis, non autem pro omnibus: quia non (2) utcumque dictum est, *Dabit*; sed, *Dabit vobis.* (3) Quod autem sequitur, *Usque modo non petistis quinquam in nomine meo*, duobus modis intelligi potest: vel quia in nomine meo non petistis, quod nomen non sicut cognoscendum est cognovistis; vel non petistis quinquam, quoniam in comparatione rei quam petere debuistis, pro nihilo habendum est quod petistis. Ut igitur in nomine eius non nihil, sed gaudium plenum petant, subdit: *Petite, & accipietis, ut gaudium vestrum sit plenum.* Hoc quod dicit, *Gaudium plenum*, non carnale, sed spirituale gaudium est; & quando tantum erit ut aliquid ei iam non sit addendum, tunc erit plenum. AUGUSTINUS I. de Trin. (cap. 11.) Hoc est autem plenum gaudium vestrum quo amplius non est, frui Deo, (4) Trinitate, ad cuius imaginem facti sumus. AUGUSTINUS super

LIII 2

Ioan.

(1) *Al.* nihil rogamus, nihil interrogamus. (2) *Al.* unicuique. (3) *Al.* Quia. (4) *Nicolaï commente omisso legit in Trinitate.*

Ioan. (tract. cxi.) Quidquid ergo petitur quod pertinet ad hoc gaudium consequendum, hoc est in nomine Christi petendum. Isto enim bono in petendo perseverantes (1) sanctos suos nequaquam misericordia divina fraudabit. Quidquid autem aliud petitur, nihil petitur: non quia nulla res est, sed quia in tantæ rei comparatione quidquid aliud concupiscitur, nihil est. Sequitur: *Hac in proverbii locutus sum vobis: venit hora cum iam non in proverbii loquar vobis, sed palam de Patre meo annuntiabo vobis.* Possem dicere hanc de qua loquitur horam futurum sæculum intelligi, ubi videbimus palam quod Apostolus dicit I. Corinth. xiiii. „Faciæ ad faciæ:“ ut quod ait, *Hac in proverbii locutus sum vobis*, hoc sit quod ab Apostolo dictum est ibid. „Videmus nunc per speculum in ænigmate.“ Annuntiabo autem vobis, quia per Filium Patrem videbitur: neque enim, „Patrem quis cognoscit nisi Filius, & cui voluerit Filius“ revelare: „Matth. xi. GREGORIUS XXX. Mor. (cap. viii. in nov. codd. cap. v.) Palam quippe de Patre annuntiare se asserit: quia per patefactam tunc maiestatis suæ speciem, & quomodo ipse gignenti non impar oriatur, & quomodo utrorumque Spiritus utrique cœternus procedat ostendit. AUGUSTINUS (tract. cxi.) Sed istum sensum videtur impedire quod sequitur: *In illo die in nomine meo petitis*: in futuro enim sæculo quid petitur, sumus, quando satiabitur in bonis desiderium nostrum? Petitio namque alicuius est indigentia. Relinquitur itaque ut intelligatur Iesus discipulos suos de carnalibus, vel animalibus spirituales esse facturus. Homo autem animalis sic audit quæcumque audit de Dei natura ut aliud quam corpus cogitare non possit. Ideo proverbii illi sunt quæcumque dicta sapientia de incorporea, immutabili substantia: non quod tamquam proverbii deputet, sed quia sic cogitat quomodo qui proverbii solent audire, neque intelligere. Cum vero spiritualis cœperit omnia diiudicare, etiam si in hac vita velut per speculum, & ex parte perspicit, tamen nullo corporis sensu, nulla imaginaria cogitatione, sed mentis certissima intelligentia capit Deum non corpus esse, sed spiritum. Ita palam de Patre annuntiante Filio ut eiusdem substantia conficiatur & ipse qui annuntiat, (2) nunc in eius nomine petunt qui petunt: quia in sono eius nominis non aliud quam

res ipsa est quæ hoc nomine vocatur, intelligunt. Hi possunt cogitare Dominum nostrum Iesum Christum, inquantum homo est, pro nobis interpellare Patrem; inquantum Deus est, nos exaudire cum Patre: quod cum significasse arbitror, ubi ait: *Et non dico vobis, quia ego rogabo Patrem pro vobis.* Ad hoc quippe intendendum, quomodo non roget Patrem Filius, sed simul exaudiant rogantes Pater, & Filius, non nisi spiritualis oculus mentis ascendit.

(f) CHRYSOSTOMUS (hom. lxxviii.) Quia discipulos hoc maxime respirare fecit quod erant Patris amici, propterea dicunt se cognoscere quod omnia nosset: unde sequitur: *Dicunt ei discipuli eius: Ecce nunc palam loqueris, & proverbium nullum dicis.* AUGUSTINUS (tract. cxi.) Cum autem adhuc promittatur futura illa hora in qua sine proverbii locutus est; cur isti hoc dicunt, nisi quia illa quæ scit ipse non intelligentibus esse proverbii, usque adeo non intelligunt ut nec saltem non se intelligere intelligant? CHRYSOSTOMUS (hom. lxxviii.) Quoniam autem ad id quod in eorum mente erat respondit, subdunt: *Nunc scimus quoniam scis omnia.* Vides qualiter imperfecte se habebant, qui post tot & tanta demonstrata dicunt, *Nunc scimus*; & hoc dicunt tamquam ei quamdam gratiam tribuentes. *Et non est opus tibi ut quis te interroget*; hoc est, antequam audias, nosti ea quæ scandalizant nos, & quiescere nos fecisti dicens: *Quoniam Pater vos amat.* AUGUSTINUS (tract. cxi.) Quid ergo vult sibi quod ei quem sciebant nosse omnia, cum dicere debuisset videantur: Non est opus tibi ut quidquam interroges: dicendum potius putaverunt: *Non est opus tibi ut quis te interroget?* Quod utrumque legimus factum, & interrogasse scilicet Dominum, & interrogatum fuisse. Sed hoc cito solvitur: quia hoc non ei, sed illoscitius opus erat quos (3) interrogabat, vel a quibus interrogabat. Neque enim aliquos ille interrogabat, ut ab eis aliquid disceret, sed eos potius ut doceret; & qui interrogabant eum, volentes ab eo aliquid discere, illis profecto id opus erat ut scirent ab eo aliqua qui noverat omnia. Ille autem non opus habebat ut quod ab eo scire quisque vellet, per ipsum cognosceret interrogationem: quia priusquam interrogaretur, interrogatorum noverat voluntatem. Prævidere autem cogitationes hominum, magnum Domino non erat, sed magnum

par-

(1) *scilicet* sanctos. (2) *scilicet* tunc. (3) *scilicet* interrogat.

parvulis erat, qui subdunt: *In hoc credimus quia a Deo existi.* HILARIUS VI. de Trin. (post med.) Per id enim credunt quod a Deo exiit, quia ea quæ Dei sunt agit. Nam cum Dominus utrumque dixisset, *A Deo exivi, & A Patre veni in hunc mundum;* nihil admirationis in eo habuerint quod frequenter audierunt: unde non addunt: *A Patre venisti in hunc mundum;* sciebant enim a Deo missum, exisse tamen a Deo nesciebant. Inenarrabilem vero illam Filii navitatem per virtutem dicti illius intelligentes, tunc primum cœperunt advertere, cum illum sine proverbii proficeretur esse locutum. Non enim per consuetudinem humani partus Deus ex Deo nascitur, cuius a Deo exitio potius quam partus est. Est enim unus ex uno: non est portio, (1) non est defectio, non est diminutio, non derivatio; non est protensio, non passio, sed viventis naturæ ex vivente nativitas est. Deus ex Deo exiens est, non creatura in Dei nomine electa, non ut esset cœpit ex nihilo; sed exiit a manente, & exiisse significationem habet nativitatis, non inchoationis. AUGUSTINUS (tract. ciii.) Denique de ipsa eorum ætate adhuc secundum interiorum hominem parva, & infirma eos admonet: unde subditur: *Respondit eis Iesus, Modo creditis.* BEDA. Quod duobus modis pronuntiari potest, affirmando scilicet, & insultando. Si insultando, hic est sensus: Tardius ad credendum evigilastis: ecce enim venit hora ut dispergimini unusquisque in propria &c. Si affirmando, sensus est: Verum est quod creditis; sed ecce venit hora ut dispergimini unusquisque in propria, & me solum relinquantis. AUGUSTINUS (tract. ciii.) Non enim quando comprehensus est, tantummodo carne sua eius carnem, verum etiam mente reliquerunt fidem. CHRYSOSTOMUS (hom. lxxviii.) Dicit autem, *Dispergimini*, scilicet quando tradar: tantum enim vobis dominabitur timor ut neque simul possitis recedere. Sed ego ex hoc nullum patiar malum: unde subdit: *Et non sum solus, quia Pater me-*

cum est. AUGUSTINUS (tract. eod.) Ad hoc intelligendum eos volebat extendi, & crescere, ne sic a Patre Filium cogitent exisse ut putarent etiam recessisse. Deinde sermonem concludit dicens: *Hæc locutus sum vobis, ut in me pacem habeatis.* CHRYSOSTOMUS (ut supra.) Id est, ut non abiiciatis me a mente vestra. Non enim nunc solum quando comprehendar, sicut vobis adversa, sed donec eritis in mundo, presuram habebitis, id est tribulationem; & hoc est quod subdit: *In mundo pressuram habebitis.* GREGORIUS XXVI. Mor. (cap. xi. vel in nov. exemp. cap. xii.) Quasi dicat: Sit vobis de me interius quod consolando reficiat, quia erit de mundo exterioris quod lævando graviter premat. AUGUSTINUS (tract. ciii.) Illud initium habitura fuerat ista pressura de quo dicit: *Veniit hora ut dispergimini unusquisque in propria;* sed non eo modo erat perseveratura: quod enim adiunxit, *Et me solum relinquantis*, non vult eos tales esse in consequenti pressura, quam post eius ascensionem fuerant in mundo habituri, ut relinquant eum, sed ut in illo pacem habeant permanentes in eo: unde sequitur: *Sed confidite.* CHRYSOSTOMUS (hom. lxxviii.) Id est, refurgite mente: magistro enim superante inimicos, non oportet discipulos (2) anxii: unde subdit: *Quia ego vici mundum.* AUGUSTINUS (tract. ciii.) Dato autem Spiritu sancto considerunt, & vicerunt, non nisi in illo: non enim vicisset ille mundum, si membra eius vinceret mundus. (Tract. ciii.) Cum autem dicitur, *Hæc locutus sum vobis, ut in me pacem habeatis*, non recentiora paulo antea eo dicta, sed omnia debemus accipere, sive quæcumque illis locutus est ex quo eos cœpit habere discipulos, sive ex quo post cœnam exorsus est hunc mirabilem, prolixumque sermonem. Hanc enim causam commendavit sermonis sui, ut in illo pacem haberent. Hæc pax sinem temporis non habebit; sed omnis pax nostræ intentionis, actionisque finis ipsa erit.

(1) *M. amittitur* non est de'ctis. (2) *M. auxiliari.*

C A P U T XVII.

(a) **H**Æc locutus est Iesus; & sublevaris oculis in cælum dixit: Pater, venit hora, clarifica Filium tuum, ut Filius tuus clarificet te: sicut dedisti ei potestatem omnis carnis, ut omne quod dedisti ei, det eis vitam æternam. Hæc est autem vita æterna, ut cognoscat te solum Deum verum, & quem misisti Iesum Christum. Ego te clarificavi super terram, opus consummavi quod dedisti mihi ut facerem. Et nunc clarifica me tu Pater apud te metipsum claritate quam habui, priusquam mundus fieret, apud te.

(b) Manifestavi nomen tuum hominibus quos dedisti mihi de mundo. Tulerant, & mihi eos dedisti, & sermonem tuum servaverunt. Nunc cognoverunt quia omnia quæ dedisti mihi, abs te sunt: quia verba quæ dedisti mihi, dedi eis, & ipsi acceperunt, & cognoverunt vere quia a te exivi, & crediderunt quia tu misisti.

(c) Ego pro eis rogo, non pro mundo, sed pro his quos dedisti mihi, quia tui sunt. Et mea omnia tua sunt, & tua mea sunt, & clarificatus sum in eis. Etiam non sum in mundo, & hi in mundo sunt, & ego ad te venio. Pater sancte, serva eos in nomine tuo quos dedisti mihi, ut sint unum, sicut & nos. Cum essem cum eis ego servabam eos in nomine tuo: quos dedisti mihi ego custodivi, & nemo ex eis perivit, nisi filius perditionis, ut Scriptura impleatur. Nunc autem ad te venio, & hæc loquor in mundo, ut habeant gaudium meum impletum in semetipsis.

(d) Ego dedi eis sermonem tuum, & mundus eos odio habuit, quia non sunt de mundo, sicut & ego non sum de mundo. Non rogo ut tollas eos de mundo, sed ut serves eos a malo. De mundo non sunt, sicut & ego non sum de mundo. Sanctifica eos in veritate. Sermo tuus veritas est. Sicut tu me misisti in mundum, ita & ego misi eos in mundum: & pro eis ego sanctifico me ipsum, ut sint & ipsi sanctificati in veritate.

(e) Non pro eis autem rogo tantum, sed & pro eis qui credituri sunt per verbum eorum in me, ut omnes unum sint, sicut tu Pater in me, & ego in te, ut & ipsi in nobis unum sint, ut credat mundus quia tu me misisti. Ego claritatem quam tu dedisti mihi, dedi eis, ut sint unum, sicut & nos unum sumus. Ego in eis, & tu in me, ut sint consummati in unum, & cognoscat mundus quia tu me misisti, & dilexisti eos, sicut & me dilexisti.

(f) Pater, quos dedisti mihi, volo ut ubi sum ego, & illi sint mecum, ut videant claritatem meam quam dedisti mihi, quia dilexisti me ante constitutionem mundi. Pater iuste, mundus te non cognovit; ego autem te cognovi, & hi cognoverunt quia tu me misisti. Et notum feci eis nomen tuum, & notum faciam, ut dilectio qua dilexisti me, in ipsis sit, & ego in ipsis.

(a) **C**HRYSOSTOMUS (hom. lxxix.) Quia dixerat Dominus, *In mundo pressuram habebitis*, post admonitionem in orationem convertitur, erudiens nos in tribulationibus, omnia dimittentes, ad Deum refugere: unde dicitur: *Hæc locutus est Iesus*. BEDA. Illa intelligi debent quæ in cena locutus est, quædam quidem sedendo ulque ibi, *Surgite, eximus hinc*; deinde stando

ulque ad hymni finem, cuius hoc est initium: *Et sublevaris oculis in cælum dixit: Pater, venit hora; clarifica Filium tuum*. CHRYSTOMUS (ibidem.) Propter hoc in cælum oculos elevavit, ut nos doceret (1) extensionem quæ est in orationibus, ut stantes sursum aspiciamus, non oculis carnis solum, sed & mentis. AUGUSTINUS (tract. civ.) Poterat autem Do-

Dominus in forma servi, si hoc opus esset, orare silentio; sed ita se Patri exhiberi voluit peccatorem ut meminisset nostrum se esse doctorem. Proinde non solum ad ipsos sermone, sed etiam pro ipsis Patrem oratio, discipulorum est edificatio: profecto & nostrum, qui fueramus conscripta lecturi. Hoc autem quod ait, *Pater, venit hora*, offendit omne tempus, & quid quando faceret, vel fieri faceret, ab illo dispositum qui temporis subditus non est. Non autem credatur hæc hora fato urgente venisse, sed Deo potius ordinante: absit enim ut sidera mori cogenter siderum conditorem. HILARIUS III. de Trin. (post princ.) Non diem autem, non tempus, sed horam venisse dicit. In hora diei portio est: & que erat hæc hora? iam nunc conspuendus, flagellandus, cruciigendus erat; sed clarificat Pater Filium. Sol de cursu operis descendit, & interitum tuum cum eo reliqua mundi elementa iecerunt, ad omnes Domini in cruce pendentes terra tremuit, (1) & cum qui moriturus erat te contestata est non capere. Proclamat Centurio, Matth. xxvii. „ Vere Filius „ Dei erat iste: ” prædictioni consentit effectus. Dominus dixerat, *Clarifica Filium tuum*. Non solum nomine contestatus est esse te Filium, sed & proprietate qua dicitur, *Tuum*: multi enim nos filii Dei, sed non talis hic Filius: hic enim propius & verus est Filius origine, non adoptione; veritate, non nuncupatione; nativitate, non creatione. Ergo post clarificationem eius, veritatem confesio secuta est: nam verum Dei Filium Centurio confitebatur, ne quis crediturum ambigeret quod aliquis persequendum non negasset. AUGUSTINUS (tr. civ.) Sed si passione clarificatus dicitur, quanto magis resurrectione? Nam in passione (2) magis eius humilitas quam claritas commendatur. Quod ergo ait, *Pater, venit hora, clarifica Filium tuum*, sic intelligendum est tamquam dixerit: Venit hora seminandæ humilitatis: fructum non dilatas claritatis. HILARIUS III. de Trin. (ante med.) Sed forte infirmus reperietur Filius dum clarificationem potioris expectat, & quis non Patrem potius confitebitur, cum ipse dicat supra xiv. *Pater maior me est*? Sed cavendum est ne apud imperitos gloriam Filii honor Patris insinuet: nam sequitur: *Ut Filius tuus clarificet te*. Non ergo infirmus est Filius, vicem clarificatio-

nis ipse, cum clarificandus sit, redditurus. Ergo expositio clarificationis dandæ, vicissimque reddendæ eandem in utroque ostendit divinitatis virtutem. AUGUSTINUS (tr. cv.) Merito autem quæritur quomodo Patrem clarificaverit Filius, cum sempiterna claritas Patris nec diminuta fuerit in forma humana, nec augeri potuerit in sua perfectione divina. Sed apud homines (3) minor erat, quando in ludæa tantummodo Deus notus erat; quia vero per Evangelium Christi factum est ut Pater innotesceret Gentibus, Patrem clarificavit & Filius. Dicit ergo: *Clarifica Filium tuum, ut Filius tuus clarificet te*; ac si dicat: Resuscita me, ut innotescas toti orbi per me. Deinde magis pandens quomodo clarificet Patrem Filius, subiungit: *Sicut dedisti ei potestatem omnis carnis, ut omne quod dedisti ei, det eis vitam æternam*. Omnem carnem dixit omnem hominem, a parte totum significans. Hoc autem quod potestas Christo a Patre data est omnis carnis, secundum hominem intelligendum est. HILARIUS III. de Trin. (ubi supra.) Caro enim factus ipse vitæ æternitatem erat caducus, & corporeis, & mortalibus redditurus. HILARIUS IX. de Trin. (ante med.) Vcl acceptio potestatis sola est significatio nativitatis, in qua accepit id quod est. Non est infirmitas datio deputanda, cum in eo significetur Pater esse quod dederit, & in eo Filius Deus maneat quod vitæ æternæ dandæ sumpsit potestatem. CHRYSOSTOMUS (hom. lxxix.) Dicit autem: *Dedisti ei potestatem omnis carnis*: ut ostendat quod non ad Iudæos solos sua prædicatio, sed ad totum orbem terrarum extenditur. Sed quid est quod dicit, *Omnis carnis*? Non enim utique omnes crediderunt. Et quidem quantum ex eo est, omnes crediderunt; si vero non attendebant his que dicebantur, non eius qui dicebat, est criminatio, sed eorum qui non susceperunt. AUGUSTINUS (tr. cv.) Dicit ergo: *sicut dedisti ei potestatem omnis carnis, ita te glorificet Filius* id est notum te faciat omni carni quam dedisti ei: sic enim dedisti, *ut omne quod dedisti ei, det eis vitam æternam*. HILARIUS III. de Trin. (circ. med.) Sed in quo tandem æternitatis vita est, offendit cum subdit: *Hæc est autem vita æterna, ut cognoscant te solum verum Deum*. Vita est verum Deum nosse; sed solum hoc non facit vitam: quid ergo connectitur? Et quem

missi-

(1) *Al.* & in eam qui moriturus erat ecc. (2) *Al.* singulis & locis similibus. (3) *Al.* ma-

missi Iesum Christum. HILARIUS IV. de Trin. (post princ.) Dum autem Arriani intelligunt solum Patrem verum Deum, solum Iesum, solum sapientem, a communione horum, secundum hos, Filii separantur. Soli enim, ut aiunt, propria non participantur ab altero; quæ si in Patre solo, & non in Filio existimabuntur, necesse est ut Filius Deus falsus, & insipiens esse credatur. HILARIUS V. de Trin. (post princ.) Nulli autem dubium est veritatem ex natura, & ex virtute (1) naturæ esse: (2) verum enim triticum est quod spica stratum, & aristis vallatum, & folliculis excoctum, & in far comminutum, & in panem coctum, & in cibum sumptum reddit ex se & naturam panis, & munus. Quæro ergo in quo Filio veritas (3) Dei desit, cui non desit Dei nec natura, nec virtus. Naturæ enim suæ virtute usus est, ut essent quæ non erant, & herent quæ placeant. HILARIUS IX. de Trin. (ante med.) An forte quod ait, *Te solum*, communionem atque unitatem suam a Deo separat? Separat sane, si non ad id quod ait, *Te solum verum Deum*, continue subiecit, *Et quem missi Iesum Christum*. Per id enim Ecclesiæ fides Christum verum Deum confessa est, quod solum verum Deum confessa Patrem sit: non enim unigenito Deo naturæ demutationem naturalis nativitas intulit. AUGUSTINUS VI. de Trin. (cap. ix.) Videndum est ergo an intelligere cogamur, cum dictum est Patri, *Ut cognoscat te solum verum Deum*, tamquam hoc insinuare voluerit, quia & solus Pater Deus verus est, (4) ne non nisi ipsa tria simul, Patrem, & Filium, & Spiritum sanctum, intelligeremus esse Deum. Nunc ergo ex Domini testimonio & Patrem solum verum Deum dicimus, & Filium solum Deum verum, & Spiritum sanctum solum verum Deum; & si vel Patrem, & Filium, & Spiritum, id est simul ipsam Trinitatem, non tres veros Deos, sed unum verum Deum. AUGUSTINUS super Ioan. (tract. cv.) Vel ordo verborum est: *Ut te, & quem missi Iesum Christum cognoscat solum verum Deum*: consequenter enim & Spiritus sanctus in telligitur, quia Spiritus est Patris, & Filii tamquam caritas consubstantialis amborum. Sic igitur Filius glorificat te, ut omnibus quos dedisti ei, te cognitum faciat. Porro si cognitio Dei est vita æterna, tanto ma-

gis in vita æterna, quanto magis in hac cognitione proficimus. Non autem moriemur in vita æterna. Tunc ergo Dei cognitio perfecta erit quando nulla morserit: summa tunc Dei clarificatio, quia summa gloria. A veteribus autem gloria diffinita est frequens de aliquo fama cum laude. At si homo laudatur cum famæ creditur; quomodo Deus laudabitur (5) quando ipse videbitur? Propter quod scriptum est Psalm. lxxxii. „Beati qui habitant in domo tua, „ in sæcula sæculorum laudabunt te.“ Ibi erit Dei sine fine laudatio ubi erit Dei plena cognitio, & ideo clarificatio. AUGUSTINUS I. de Trin. (cap. viii.) Quod dixerit famulo suo Moysi Exod. iiii. „Ego „ sum qui sum,“ hoc contemplabimur cum vivemus in æternum. AUGUSTINUS III. de Trin. (cap. xviii.) Cum enim fides nostra videndo fiat veritas, tunc mortalitatem nostram commutatam tenebit æternitas. AUGUSTINUS super Ioan. (ubi supra.) Sed prius hic clarificatur Deus, cum annuntiatus hominibus innotescit, & per fidem credentibus prædicatur: propter quod dicit: *Ego te clarificavi super terram*. HILARIUS III. de Trin. (circa med.) Hæc quidem clarificationis vicissitudo non pertinet ad divinitatis profectum, sed ad honorem qui ex cognitione ignorantium suscipiebatur. CHRYSOSTOMUS (homil. lxxix.) Unde bene dixit, *Super terram*: in cælo enim glorificatus fuerat, & in natura gloriam habens, & ab Angelis adoratus. Non igitur de illa gloria ait quæ substantiæ eius est, sed de ea quæ ad culturam hominum pertinet: unde subdit: *Opus consummavi quod dedisti mihi ut facerem*. AUGUSTINUS (tract. cv.) Non ait, Iussisti, sed dedisti: ubi commendatur evidens gratia: quid enim habet quod non accipit, etiam in Unigenito, humana natura? Sed quomodo consummavit opus quod accepit ut faciat, cum resset adhuc passionis experimentum, nisi consummasse se dicat quod se consummaturum certissime novit? CHRYSOSTOMUS (homil. lxxix.) Vel dicit, *Consummavi*; quasi, ea quæ ex parte mea sunt omnia feci, aut quia cum id quod maximum est factum est, dici potest totum iam factum esse. Radix enim bonorum submissa erat, quam omnino debebat sequi fructus; & quia his quæ futura erant, ipsæ iam aderat, & copulabatur. HILARIUS IX. de

(1) *Al. deest naturæ.* (2) *Quædam sæpe clausa editiones legunt* verum enim triticum est quod in far comminutum &c. *intermeditæ omittit.* (3) *Al. emittitur Dei.* *Necesse autem legi.* Quæro ergo quomodo Filio veritas desit. (4) *Al. ne non ipsi ipsa tria.* (5) *Al. quoniam.*

IX. de Trin. (ante med.) Post quæ, ut meritum obedientiæ, & sacramentum totius dispensationis intelligeremus, adiecit: *Et nunc clarifica me tu Pater apud te ipsum.* AUGUSTINUS (tract. cv.) Supra dixerat: *Pater venit hora, clarifica Filium tuum, ut Filius tuus clarificet te*: in quo verborum ordine offenderat, prius a Patre clarificandum Filium, ut Patrem clarificaret Filius: modo autem dixit: *Ego te clarificavi, & nunc clarifica me*; tamquam prior ipse Patrem clarificaverit, a quo deinde ut clarificetur explicet. Ergo intelligendum est utroque verbo superius usum eo ordine quo futurum erat; modo vero usum fuisse verbo præteriti temporis de re futura, velut si dixisset: *Ego te clarificabo super terram, opus consummando quod dedisti mihi ut faciam; & nunc clarifica me tu Pater*; quæ est omnino eadem sententia, nisi quod hic additur clarificationis modus, cum subdit: *Claritate quam habui, pristinam mundus fieret, apud te.* Ordo verborum est: *Quam habui apud te, pristinam mundus esset.* Hoc quidam sic intelligendum putaverunt tamquam natura humana quæ suscepta est a Verbo, converteretur in Verbum, & homo mutaretur in Deum; immo, si diligentius cogitemus, homo periret in Deo. Non enim quisquam ex ista mutatione hominis, vel duplicari Dei Verbum dicturus est, vel augeri; sed quisquis Dei Filium prædestinationem negat, hunc eundem Filium hominis negat. Cum ergo videret illius prædestinationem suæ glorificationis venisse tempus, ut & nunc fieret in redditione quod fuerat in prædestinatione iam factum, oravit dicens: *Et nunc clarifica me tu Pater &c.* id est, illam claritatem quam habui apud te prædestinatione tua, tempus est ut apud te habeam etiam vivens in dextera tua. HILARIUS III. de Trin. (circ. med.) Vel orabat ut id quod ex tempore erat, gloriam eius quæ sine tempore est claritas acciperet, ut in Dei virtutem, & spiritus incorruptionem transformata carnis corruptio absorberetur.

(b) CHRYSOSTOMUS (homil. lxxx.) Quia dixerat, *Opus consummavi*, manifestat quale opus, ut scilicet nomen Dei manifestaret: unde dicitur: *Manifestavi nomen tuum hominibus quos dedisti mihi de mundo.* AUGUSTINUS (tract. cvi.) Quod si de his tantum dicit discipulis cum quibus cœnavit, non pertinet hoc ad illam clarificationem de qua superius loquebatur, qua Filius clarificat Patrem: quanta est enim glo-

ria duodecim, vel undecim innotescere potuisset mortalibus? Si autem quod ait, *Manifestavi nomen tuum hominibus quos dedisti mihi de mundo*, omnes intelligi voluit qui in eum fuerant credituri, est plane ista clarificatio qua Filius clarificat Patrem; & tale est quod ait, *Manifestavi nomen tuum*, quale illud quod supra dixerat, *Ego te clarificavi*, pro tempore futuro & illic, & hic præteritum ponens. Sed de his qui iam erant discipuli, non de omnibus qui in illum fuerant credituri, eum hoc dixisse, ea quæ sequuntur credibilis demonstrant. Ab ipso ergo orationis suæ exordio omnes suos Dominus volebat intelligi, quibus notum faciendo Patrem, clarificat eum. Cum enim dixisset, *Filius tuus clarificet te*, mox quemadmodum id fieri demonstravit dicens: *Sicut dedisti ei potestatem omnis carnis.* Iam nunc quid de illis a quibus tunc audiebatur discipulis suis dicat (1) audiamus: *Manifestavi nomen tuum hominibus quos dedisti mihi de mundo.* Non ergo Dei nomen noverant, cum essent iudei; & ubi est quod legitur Psal. lxxv. „Notus in iudæa Deus, & in israel magnum nomen eius?“ Ergo intelligendum est: *Manifestavi nomen tuum hominibus istis, quos dedisti mihi de mundo*, qui me audiant hæc dicentem, non illud nomen tuum quod vocaris Deus, sed illud quod vocaris Pater meus; quod nomen manifestari sine ipsis Filii manifestatione non possit: nam quod Deus dicitur universæ creaturæ, etiam omnibus gentibus antequam in Christum crederent non omnimode esse potuit hoc nomen incognitum. In hoc ergo quod fecit hunc mundum, & antequam imbuerentur in fide Christi, notus in omnibus (2) gentibus Deus; in hoc autem quod non est cum diis falsis colendus, notus in iudæa Deus; in hoc vero quod Pater est huius Christi, per quem tollit (3) peccatum mundi, hoc nomen eius prius occultum, nunc manifestavit eis quos dedit ei Pater ipse de mundo. Sed quomodo manifestavit, si nondum venit hora de qua superius dixerat, quod *veniet hora cum iam non in proverbis loquar vobis?* Proinde intelligendum est pro tempore futuro præteritum positum. CHRYSOSTOMUS (homil. lxxx.) Vel quod ipsum Christum Filium habeat, manifestaverat eis iam & verbis, & rebus. AUGUSTINUS (tract. cvi.) Per hoc autem quod dicit, *Dedisti mihi de mundo*, dictum est de illis quod non essent de mundo; sed

M m m m hoc

(1) *Al. amissit audiamus.* (2) *Al. desideratur gentibus.* (3) *Al. peccata.*

hoc eis regenerationi præstitit, non generatio. Quid est autem quod sequitur: *Tui erant, & mihi eos dedisti*? An aliquando habuit Pater aliquid sine Filio? Absit. Veruntamen habuit (1) aliquid aliquando Dei Filius quod nondum habuit idem ipse hominis Filius, qui nondum erat homo factus ex matre: quapropter quod dixit, *Tui erant*, non inde le separavit Dei Filius; sed solet ei tribuere omne quod potest a quo est ipse qui potest. Quod itaque ait, *Et mihi eos dedisti*, secundum hominem se accepisse hanc potestatem ut eos haberet ostendit; & etiam ipse sibi eos dedit, hoc est cum Patre Deus Christus homini Christo; quod cum Patre non est. Hoc autem dixit, ut ostendat eam quam ad Patrem unanimitatem, & quoniam placet Patri ut Filio credant: unde sequitur: *Et sermonem tuum servaverunt*. B. D. A. Sermonem Patris semetipsum appellat, quia per ipsam Patrem omnia condidit, & in se continet omnes sermones; ac si diceret: Memoriam me commendaverunt, ut nunquam obliviscantur. Vel dicit: *Et sermonem tuum servaverunt*, in eo scilicet quod mihi crediderunt: unde sequitur: *Et nunc cognoverunt quia omnia qua dedisti mihi, abs te sunt*. Quidam autem dicunt hanc esse litteram: *Nunc cognovi quia omnia qua dedisti mihi, abs te sunt*; sed hi non habent rationem. Quomodo enim poterat ignorare Filius quæ sunt Patris? Sed de discipulis dictum est; quaidicat: Didicerunt quid nihil est in me alienum extra te, & quod quæcumque doceo, tua sunt. AUGUSTINUS (tract. cvi.) Simul autem Pater dedit ei omnia cum genuit qui habet omnia. CHRYSOSTOMUS (homil. lxxx.) Et unde didicerunt? Ex verbis meis, quibus docebam eos quoniam a te exivi: hoc enim per totum studebat ostendere Evangelium: unde sequitur: *Quia verba qua dedisti mihi, dedi eis; & ipsi acceperunt*. AUGUSTINUS (ut supra.) Idem, intellexerunt, atque tenuerunt. Tunc enim verbum accipitur quando mente percipitur: unde sequitur: *Et cognoverunt vere quia a te exivi*. Et ne quiquam putaret istam cognitionem iam per speciem factam, non per fidem, exponendo addidit, *Et crediderunt*, ut subaptiamus vere, quia tu me misisti. Hoc itaque crediderunt vere, quod cognoverunt vere. Idem enim est, *A te ex-*

ivi, quod est, *Tu me misisti*. (2) Quod autem dicit *Crediderunt*, vere intelligendum est: non eo quo supra dixit modocrediderunt, sed vere, idest quomodo credendum est, inconcusse, firme, stabiliter; non iam ad propria redituri, & Christum reliquuri. Adhuc ergo discipuli non erant tales quales eos dicit verbis præteriti temporis, quasi iam esset præstantians quales futuri essent accepto Spiritu sancto. Quomodo autem Pater ea verba Filio dederit, facilius quæstio videtur, si secundum quod est Filius hominis accepisse a Patre credatur; si vero secundum id quod est a Patre genitus, accepisse a Patre ista verba cogitatur, nihil illi temporis cogitetur, quasi prius fuerit, & ea non haberit: quoniam quidquid Deus Pater Deo Filio dedit, gignendo dedit.

(c) CHRYSOSTOMUS (homil. lxxx.) Quia multas (3) a Domino consolationes discipuli audientes nondum persuasi erant, de reliquo Patri loquitur, dilectionem quam ad eos habebat ostendens: unde sequitur: *Ego pro eis rogo*; quasi dicat: Non solum quæ a me sunt tribuo eis, sed & alium pro hoc rogo; ut amplius ostendat amorem. AUGUSTINUS (tract. cvi.) Cum ergo addit, *Non pro mundo*, mundum vult intelligi eos qui vivunt secundum concupiscentiam mundi, & non sunt in ea sorte gratiæ ut ab illo eligantur ex mundo; quam sortem significat cum subdit: *Sed pro his quos dedisti mihi*. Per hoc enim quod eos illi Pater iam dedit, factum est ut non pertineant (4) ad mundum pro quo non rogat. Neque autem quia Pater eos Filio dedit, amittit ipse quos dedit: unde subdit: *Quia tui sunt*. CHRYSOSTOMUS (homil. lxxx.) Frequenter autem hoc ponit, *Dedisti mihi*, ut discant quoniam Patri hoc placet, & quoniam non ut alienus veniens eos seduxit, sed ut proprios acceperit. Deinde ne quis æstimet novum esse eius principatum, & nuper eos suscepisse a Patre, subiungit: *Et omnia mea tua sunt, & tua mea sunt*; ac si dicat: Neque audiens aliquis quoniam mihi eos dedisti, æstimet eos alienos esse a Patre, mea enim eius sunt; nec audiens quoniam tui erant, æstimet alienos eos fuisse a me: quæ enim sunt eius, mea sunt. AUGUSTINUS (ut supra.) Satis autem hic apparet, quoniam unigeniti Filii

(1) *Al. desit* aliquid. (2) *Nihilat hoc modo implet sensum ex Augustino*. Quod autem dicit, *Crediderunt* vere, intelligamus: id est esse non eo modo quo supra dixit: *Modo credidit*; verum ita ut unusquisque in propria dispergatur: Sed vere, idest quomodo credendum est, inconcusse, firme, stabiliter, fortiter; non iam ad propria redituri &c. (3) *Al. a Deo*. (4) *Al. ad eam mundum*.

Filii sunt omnia quæ sunt Patris; per hoc utique quod etiam ipse Deus est, & de Patre natus, Patri æqualis: non quomodo dictum est maiori ex duobus Filiis Luc. xv. „Omnia mea tua sunt:“ illud enim de omnibus dictum est creaturis quæ infra creaturam sanctam rationalem sunt; hoc autem ita dictum est, ut sit hæc etiam ipsa creatura rationalis quæ non nisi Deo subditur. Hoc ergo cum sit Dei Patris, non simul esset & Filius, nisi Patri esset æqualis. Nefas est enim ut sancti de quibus hæc locutus est, cuiusquam sint nisi eius a quo creati, & sanctificati sunt. Hoc autem quod ait, cum de Spiritu sancto loqueretur, supra xvi. *Omnia quæ habet Pater, mea sunt*, de his dicit quæ ad ipsam Patris pertinent divinitatem: neque enim Spiritus sanctus de creatura quæ Patri est subdita, & Filio, fuerat accepturus, cum dicit: *De meo accipit*. CHRYSOSTOMUS (homil. da.) Deinde demonstrationem prædictorum ponit dicens: *Et clarificatus sum in eis*. Ex quo patet quoniam potestatem super eos habeo, quoniam glorificant me, tibi credentes, & mihi: nullus enim in quibus non habet potestatem glorificatus est. AUGUSTINUS (tract. cvi.) Dicendo autem iam esse factum, ostendit iam fuisse prædestinatum, & certum haberi voluit quod esset futurum. Sed utrum ipsa sit clarificatio de qua dixerat, *Et nunc clarifica me tu Pater apud te metipsum*: (1) si enim apud te, quomodo in eis? an cum hoc ipsum innotelet eis, & per eos omnibus qui credunt eis, quasi testibus suis: unde subdit: *Et iam non sum in mundo, & hi in mundo sunt*. CHRYSOSTOMUS (ut supra.) Hoc est, & si non appaream secundum carnem, per hos glorificor qui pro me moriuntur sicut & pro Patre, & prædicant me sicut & Patrem. AUGUSTINUS (tract. cvi.) Sed si horam illam quæ loquebatur attendas, utrique in mundo adhuc erant. Non enim secundum profectum cordis, & vitæ, id accipere possumus, cum dicat: *Iam non sum in mundo*. Numquid ergo fas est ut eum credamus aliquando mundana sapuisse? Restat igitur ut secundum illud quod etiam ipse in mundo prius erat, in mundo se dixit iam non esse

se præsentia corporali. An non quodidie dicimus, iam non est hic, de aliquo quantocumque abitu, & maxime morituro? Unde exponens cur hoc dixerit, adiecit: *Et ego ad te venio*. Commendat igitur Patri eos quos corporali absentia relicurus est, dicens: *Pater sancte, serva eos in nomine tuo quos dediisti mihi*. (2) Sicut homo Deum rogat pro discipulis suis, quos (3) accepit a Deo. Sed attende quod lequitur: *Ut sint unum sicut & nos*. (4) Non ait: Ut simus unum ipsi & nos, sicut & nos unum sumus: ipsi utique in natura sua unum sunt, sicut nos in nostra unum sumus: quia enim una eademque persona est Deus & homo, intelligimus hominem in eo quod rogat, & Deum in eo quod unum sunt & ille, & ipse quem rogat. Poterat quidem dicere per id quod Ecclesiæ caput est, & corpus eius Ecclesia: Ego & ipsi, non unum, sed unus sumus, quia caput & corpus unus est Christus; sed divinitatem suam consubstantiali Patri ostendens, vult esse suos unum, sed in Christo, non tantum per eandem naturam qua omnes ex hominibus mortalibus æquales Angelis sunt, sed etiam per eandem in eandem (5) habitudinem conspirantem concordissimam voluntatem, in unum spiritum quodammodo caritatis igne conflati. Ad hoc enim valet quod ait: *Ut sint unum, sicut & nos unum sumus*: ut quemadmodum Pater, & Filius non tantum æqualitate substantiæ, sed etiam voluntate unum sunt; ita & hi inter quos & Deum mediator est Filius, non tantum per hoc quod eiusdem naturæ sunt, sed etiam per eandem dilectionis societatem unum sint. CHRYSOSTOMUS (hom. lxxx.) Rursus ut homo loquitur subdens: *Cum essem cum eis, ego servabam eos in nomine tuo*, hoc est per tuum adiutorium: humane enim loquitur, & ad eorum mentem æstimantem quod maiorem quamdam haberent utilitatem ab eius præsentia. AUGUSTINUS (tr. cxvi.) In nomine enim Patris servabat discipulos suos Filius homo, cum eis humana præsentia constitutus; sed & Pater in nomine Filii servabat quos in nomine Filii, tentes exaudivat. Neque hoc tam carnaliter debemus accipere velut vicissim nos servent Pater, & Filius: simul enim nos cu-

Mmm a

Ro-

(1) Supple cum Nicolao requirendum est. (2) Idem legit Nempse sicut. (3) Id. accipit. (4) Consule scriptum Augustini tract. cx. non cvi. ut hic. (5) Nicolai beatitudinem.

stodiant & Pater, & Filius, & Spiritus sanctus: sed Scriptura nos non levat nisi descendat ad nos. Intelligamus ergo cum ita Dominus loquitur, personas eum distinguere, non separare naturam. Quando ergo servabat discipulos suos Filius præsencia corporali, non expectabat Pater ad custodiendum succedere Filio discedenti; sed eos ambos servabant potentia spiritali, & quando ab eis abstulit Filius præsentiā corporealem, tenuit cum Patre custodiam spiritalem: quia & custodiendos quando Filius homo accepit, custodiā paternā non abstulit, & cum Patre Filio custodiendos dedit, non dedit sine ipso cui dedit; sed dedit homini Filio, non sine Deo eodem ipso Filio: sequitur enim: *Quos dediſti mihi, ego custodivi; & nemo ex iſtis periit, niſi filius perditionis, iſdeſt traditor Chriſti, perditioni prædeſtinatus, ut Scriptura impleatur*, qua ſcilicet de illo maxime in Psal. cviii. prophetatur. CHRYSOSTOMUS (hom. lxxx.) Et nimirum solus ille tunc periit, sed multi postea. Dicit autem: *Nemo ex eis periit, iſdeſt, quantum ex mea parte non perdam: quod manifestius alibi (supra vi.) dicit: Non erisiam foras.* Si vero per seipsos (i) exilient, non ex necessitate ad me traho. Sequitur: *Nunc autem ad te venio.* Sed quia posset aliquis querere: Numquid non potes eos conservare recedens? Potest quidem, sed cuius gratia hoc dicat, ostendit subdus: *Et hæc loquitur in mundo, ut habeant gaudium mentis implatum in semetipsis;* idest, ut non tumultuentur imperfectiores existentes per id quod indicavit quod propter eorum gaudium, & requiem omnia hæc infirma loquebatur. AUGUSTINUS (tract. cvii.) Vel aliter. Quod sit hoc gaudium, iam superius expressum est ubi ait: *Ut sint unum, sicut & nos unum sumus.* Hoc gaudium suum, idest a se in eos collatum, in eis dicit implendum: propter quod se locutum dixit in mundo. Hæc est pax, & beatitudo futuri sæculi. In mundo autem loqui se dicit, qui paulo ante dixerat: *Iam non sum in mundo:* quia enim nondum abierat, hic adhuc erat; & quia mox fuerat abiturus, hic quodammodo iam non erat.

(d) CHRYSOSTOMUS (hom. lxxxi.) Rursum Dominus assignat causam propter quam digni sunt discipuli multa diligentia potiri a Patre, dicens: *Ego dedi eis sermonem tuum, & mundus eis odio habuit; quasi dicat: Propter te odio habiti sunt, & propter sermonem tuum.* AUGUSTINUS

(tract. cviii.) Nondum autem id experti fuerant passionibus suis, quæ illos postea sunt secutæ; sed more suo dicit ista, verbis præteritæ temporis futura prænuntians. Deinde causam subicitur cur eos oderit mundus, dicens: *Quia non sunt de mundo.* Hoc eis regeneratione collatum est: nam generatione de mundo erant. Donatum est ergo eis ut sicut nec ipse, ita nec ipsi de mundo essent: unde sequitur: *Sicut & ego non sum de mundo.* Ipse de mundo numquam fuit: quia etiam secundum formam servide Spiritu sancto natus est, de quo illi renasce. Quamvis autem iam non essent de mundo, adhuc tamen necessarium erat eos esse in mundo: unde subdit: *Non ego ut tollas eos de mundo.* B. E. D. A. Quasi dicat: Iam imminet tempus ut tollar ego de mundo, ideoque necesse est ut illi nunc non tollantur de mundo, ut me, & te primum annuntient mundo. Quod vero subdit, *Sed ut servas eos a malo*, licet omne malum intelligi possit, maxime vult intelligi malum secessionis. AUGUSTINUS (tract. cviii.) Repetit autem eandem sententiam, dicens: *De mundo non sunt, sicut & ego non sum de mundo.* CHRYSOSTOMUS (hom. lxxxi.) Supra autem dixit: *Quos dediſti mihi de mundo:* illic naturam dicens, hic autem de actibus malis. Dicit autem: *Non sunt de mundo:* quia nihil commune cum terra est eis, sed cælestium facti sunt cives: in quomorem suum eis ostendit, dum Patri eos laudat. Hoc autem quod dicit, *Sicut, cum in ipso, & Patre ponitur, paritas ostenditur propter naturæ unitatem;* sed cum de nobis, & Christo dicitur, multa distantia intermedia inter utrumque existit. Cum autem prius dixit, *Servas eos a malo*, non de periculorum ereptione ait solum, sed de permanentia in fide: unde subdit: *Sanctifica eos in veritate.* AUGUSTINUS (tract. cviii.) Sic enim servantur a malo; quod superius oravit ut heret. Queritur autem potest quomodo de mundo iam non erant, si sanctificati in veritate nondum erant. An quia & sanctificati in eadem proficiunt sanctitate, neque hoc sine adiutorio gratiæ Dei? Sanctificantur autem in veritate heredes testamenti novi, cuius veritatis umbra fuerunt sanctificationes veteris testamenti; & cum sanctificantur (z) in veritate, sanctificantur in Christo, qui dixit supra xiv. *Ego sum via, veritas, & vita:* unde sequitur: *Sermo tuus veritas est.* Græcum Evangelium loquens habet, idest verbum, Sanctificavit ergo Pater

(1) Al. exierant. (2) Al. in virtute.

ter in veritate, idest in Verbo suo unigenito, suos heredes, cuiusque coheredes.

CHRYSOSTOMUS (hom. lxxx.) Vel aliter, *Sanctifica eos in veritate* idest. sanctos fac per sancti Spiritus donationem, & recta dogmata: recta enim dogmata de Deo docent, & sanctificant animam: & quia hic de dogmatibus ait, subiunxit: *Sermo tuus veritas est*: hoc est, nullum mendacium est in eo, & nihil typicum offendit, neque corporeum. Videatur autem mihi & aliud ostendere hoc quod dicit, *Sanctifica eos in veritate* idest, segrega eos sermoni, & prædicationi: unde subdit: *Sicut tunc missi in mundum*. GLOSSA. Pro quo enim Christus missus est, pro hoc & hi: unde Paulus II. Corinth. v. n. Deus erat in Christo, „ mundum reconcilians sibi, & posuit in „ nobis verbum reconciliationis. “ Hoc autem quod dicit, *Sicut*, non similiter de eo, & de Apostolis ponitur, sed ut erat possibile hominibus. Dicit autem se eos misisse in mundum, secundum quod erat ei consuetudo, futurum ut factum dicere. AUGUSTINUS (trach. cxi.) Manifestum est autem per hoc quod nunc adhuc de Apostolis loquitur: nam ipsum nomen Apostolorum quoniam Græcum est, missos significat in Latino; sed quoniam per hoc quod Christus factus est caput Ecclesie, illi membra sunt eius, ideo ait: *Er pro eis ego sanctifico meipsum*; idest, eos in meipso sanctifico, cum & ipsi sint ego. Et ut intelligeremus, cum dixit, *Pro eis sanctifico meipsum*, hoc eum dixisse quod eos ipse sanctificaret, mox addidit: *Ut sint & ipsi sanctificati in veritate*, idest in me, secundum quod Verbum veritas est, in quo & ipse Filius hominis sanctificatus est ab initio, quando *Verbum caro factum est*: supra 1. Tunc enim sanctificavit se in se, idest hominem se in Verbo se: quia unus Christus Verbum, & homo: propter suam vero membra dicit: *Er pro eis ego sanctifico meipsum*; hoc est, ipsos in me, quoniam in me etiam ipsi sunt, & ego. *Ut sint & ipsi sanctificati in veritate*. Quid est, *Er ipsi*, nisi quemadmodum ego, & in veritate, quod sum ego? CHRYSOSTOMUS (ut supra.) Vel aliter. *Pro eis sanctifico meipsum*; idest, meipsum offero tibi hostiam: hostiæ enim omnes sanctæ dicuntur, & quæcumque Deo dicantur. Quia vero antiquitus in figura sanctificatio erat, utpote in ove, nunc autem, est in ipsa ve-

ritate, ideo subdit: *Ut sint & ipsi sanctificati in veritate*: quia & eos tibi facio oblationem: quod propterea dicit, quia ipse qui offertur est caput eorum, aut quia & ipsi immolantur. „ Exhibere enim (ait A. „ postolus Rom. xi.) membra vestra hostiam „ viventem sanctam. “

(c) AUGUSTINUS (trach. cix.) Cum orasset Dominus pro discipulis suis, quos & Apostolos nominavit, adiunxit & ceteros qui in eum fuerant credituri, dicens: *Non pro eis autem rogo tantum, sed & pro eis qui credituri sunt per verbum eorum in me*.

CHRYSOSTOMUS (hom. lxxx.) Hinc rursus consolatur eos, ostendens aliorum salutis causam futuram, cum dicit: *Qui credituri sunt per verbum eorum in me*. AUGUSTINUS (trach. cix.) Ubi omnes suos intelligi voluit, non solum qui tunc erant in carne, sed etiam qui futuri erant; neque hi tantum qui ipsos, cum in carne viverent, Apostolos audierunt; sed & post obitum eorum, (1) & nos longe post nati, per verbum eorum credidimus in Christum: quoniam ipsi qui cum illo tunc fuerant, quod ab illo audierunt, ceteris prædicaverunt, atque ita verbum eorum ad nos ulque pervenit, & perveritum est ad polleros, quicumque credituri sunt. Potest autem videri in hac oratione non orasse pro quibusdam suis, pro illis scilicet qui neque tunc erant cum illo, neque per verbum eorum postea, sed in eum ante crederunt. Numquid etiam cum illo erat tunc Nathanael, Ioseph ab Arimathæa, & multi alii, de quibus Ioannes dicit quod crederunt in eum? Onitto dicere de Simone sene, de Anna Prophetissa, Zacharia, Elisabeth, Ioanne præcuratore: quoniam responderi potest, orandum pro talibus mortuis non fuisse, qui cum magis suis meritis hinc abierant: hoc enim & de antiquis iustis similiter respondetur. Intelligendum est igitur quod nondum ei sic crederant quomodo ipse in se credi volebat; sed post eius resurrectionem Spiritu sancto impartito edoctis, & confirmatis Apostolis, sic alios credidisse quemadmodum Christo credi oportebat. (2) Sed restat ad questionem Paulus Apostolus „ non ab hominibus, neque per eos hominem „ Galat. 1. & latro qui tunc credidit quando in ipsis doctoribus fides quæ fuerat qualicumque defecit. Proinde relinquitur ut sic intelligamus quod dictum est,

(1) A. & non longe post nati. (2) Implet sensum Nicolaus ex Augustini textu. Sed restat nobis ad questionem adhuc solvendam Paulus Apostolus, qui non ab hominibus, neque per hominem se Apostolum factum dicit, & latro etc.

est, *Per verbum eorum*, ut ipsum verbum fidei quod prædicaverunt in mundo, sic significatum esse credamus. Dicitur autem est verbum eorum, quoniam ab ipsis est primitus, ac præcipue prædicatum: nam quidem ab ipsis prædicabatur in terra, quando per revelationem Iesu Christi ipsum verbum eorum Paulus accepit; ac per hoc & ille latro in fide sua verbum eorum habebat. Ergo illa oratione pro omnibus quos redemit, live tunc in carne viventes, live postea futuros, Redemptor noster oravit. Quid autem, vel quare pro eis rogaret, continuo subiunxit dicens: *Ut omnes unum sint*. Hic (1) pro omnibus rogavit quod (2) & supra pro illis, ut omnes, hoc est ut nos, & illi, unum simus. CHRYSOSTOMUS (hom. lxxx.). Et sic in unanimitate sermonem concludit, unde incepit ibi finiens: nam incipiens dixit: *Mandatum novum do vobis, ut diligatis invicem*. HILARIUS VII. de Trinit. (post princ.). Tum demum unitatis profectus exemplo unitatis ostenditur cum ait: *Sicut tu Pater in me, & ego in te, ut & ipsi in nobis unum sint*: ut scilicet sicut Pater in Filio, & Filius in Patre est, ita per huius unitatis formam in Patre, & Filio unum omnes essent. CHRYSOSTOMUS (ut supra.). Rursus autem & hoc quod dicit, *Sicut*, non certissimæ paritatis in eis est, sed ut hominibus possibile est; sicut cum dicit Luc. vi. „Estote misericordes, sicut & Pater vester cælestis perfectus est.“ Quis est? AUGUSTINUS (tract. cx.). Est autem hic diligenter advertendum, non dixisse Dominum, *Ut omnes unum simus*; sed *ut omnes unum sint, sicut tu Pater in me, & ego in te*; subintelligitur, Unum sumus. Ita est enim Pater in Filio ut unum sint, quia unus substantiæ sunt; nos vero esse quidem possumus in eis unum, unum tamen cum eis esse non possumus, quia unus substantiæ nos, & ipsi non sumus. Sic autem sunt in nobis, vel nos in illis, ut illi unum sint in natura sua, nos unum in nostra. Sunt quippe & ipsi in nobis, sicut Deus in templo; sumus autem nos in illis, sicut creatura in creatore suo. Ideo ergo addidit, *In nobis*, ut quod unum efficiamur fidelissima caritate, gratie Dei tribuendum esset, non nobis. AUGUSTINUS III. de Trinit. (cap. ix.). Vel quia in seipsis unum esse non possunt, dissociati ab invicem per diversas voluptates, & cupiditates, & immunditiam peccatorum: unde mudentur

per mediatorem, ut sint in illo unum. HILARIUS VIII. de Trinit. (ante med. sparsim.). Laborantes autem hæretici fallere, ne per id quod dictum est, *Ego, & Pater unum sumus*, naturæ in his unitas, & indifferens divinitatis subsistentia crederetur; sed ex dilectione mutua, & voluntatum concordia unum essent; exemplum unitatis illustris ex his dictis dominicis protulerunt: *Ut omnes unum sint, sicut tu Pater in me, & ego in te*. Sed licet ipsum intelligentiæ suæ sensum impietas demutat, non tamen potest intelligentia non extare dictorum: si enim regenerati in unius vitæ, atque æternitatis natura sunt, cessat in his solus unitatis assensus qui unum sunt in eisdem regeneratione naturæ; soli autem Patri, & Filio ex natura proprium est ut unum sint, quia Deus ex Deo unigenitus, non potest nisi in originis suæ esse natura. AUGUSTINUS (tract. cx.). Quid est autem hoc quod subdit, *Ut mundus credat quia tu me misisti*? Numquid tunc credentius est mundus, (3) quando in Patre, & Filio omnes numeramus? Nonne ista est pax illa perpetua, potius fidei merces quam fides? Sed etiam in hac vita propter ipsam communem fidem omnes qui unum credimus, unum sumus: etiam sic, non ut credamus, sed quia credimus, unum sumus. Quid est ergo, *Omnes unum sint, ut mundus credat*? Ipsi quippe omnis mundus est credens, cum de his dicat de quibus dixerat: *Non pro his rogo tantum, sed pro his qui credentur sunt per verba eorum in me*. (4) Quomodo ergo intellecturi sumus nisi quia non in eo causam posuit ut credat mundus, quia illi unum sunt; sed orando dixit, *Ut mundus credat*, sicut orando dixerat, *Ut unum sint*. Denique si verbum quod ait, *Rogo*, ubique ponamus, erit huius expositio sententiæ manifestior. Rogo ut omnes unum sint; rogo ut & ipsi in nobis unum sint; rogo ut mundus credat quia tu me misisti. HILARIUS VIII. de Trinit. (ante med.). Vel per id mundus crediturus est, Filium a Patre missum esse, quod omnes qui credentur in illum sunt, unum in Patre, & Filio erunt. CHRYSOSTOMUS (homil. lxxx.). Nihil enim ita scandalizat omnes ut ab invicem dividi; sed quod credentes sint unum, hoc ædificat ad fidem, & hoc etiam a principio dixit: *In hoc consentientes omnes quia mei estis discipuli, si dilectionem habueritis ad invicem*. Si enim altercantur, non dicentur pacifici magistri esse discipuli. Me vero, inquit,

(1) *M.* pro nobis. (2) *M.* ut supras. (3) *M.* quoniam. (4) *M.* Quomodo rogo intellecturi

quit, non existente pacifico, non confitebuntur a te militum. AUGUSTINUS (tract. cx.) Deinde Saluator noster, qui rogando Patrem se hominem demonstrabat, nunc demonstrat, seipsum, quoniam cum Patre Deus esse, tacere quod rogat: unde subdit: *Et ego claritatem quam dedisti mihi, dedi illis.* Quam claritatem, nisi immortalitatem, quam natura humana in illo fuerat acceptura? Propter immutabilitatem enim prædestinationis præteriti temporis (1) verbis futura significat. Immortalitatis autem claritatem, quam sibi a Patre datam dicit, etiam se sibi dedisse intelligendum est. Cum enim tacet Filius in opere Patris operationem suam, humilitatem commendat; cum vero in opere suo tacet operationem Patris, paritatem commendat. Iste igitur modo, & hoc loco nec se facit alienum a Patris opere, quamvis dixerat: *Claritatem quam dedisti mihi: nec Patrem fecit alienum ab opere suo, quamvis dixerat, Dedi eis.* Sicut autem ex eo quod Patrem pro suis omnibus rogavit, hoc fieri voluit ut omnes unum sint; ita etiam suo beneficio id fieri voluit: unde adiunxit: *Ut unum sint in nobis, sicut & nos unum sumus.* CHRYSOSTOMUS (homil. lxxxi.) Vel claritatem dicit gloriam quæ est per signa, & dogmata, & ut unanimes sint: unde subdit: *Ut unum sint in nobis, sicut & nos unum sumus.* Hæc enim gloria, ut sint unum, etiam signis maior est. Universi enim qui per Apostolos crediderunt, unum sunt; & si quidam ex ipsis divisi sunt; hoc eorum desiderium fuit; quod tamen eum non latuit. HILARIUS (VIII. de Trinit. ante med.) Per acceptum igitur & datum honorem omnes unum sunt. Sed non dum apprehendo ratione, quoniam datus honor unum omnes esse perficiat. Sed Dominus gradum quemdam, atque ordinem consummandæ unitatis exposuit cum subdit: *Ut unum sint in nobis;* ut cum ille in Patre per naturam divinitatis esset, nos contra in eo per corporalem eius nativitatem, & ille iterum in nobis per sacramenti esse mysterium crederetur, perfecta per mediatoris unitas doceretur. CHRYSOSTOMUS (ut supra.) Alii vero (supra xiv.) ait de se, & Patre: *Veniemus, & mansionem apud eum faciemus:* illic quidem Sabellianorum obstruens ora, dum scilicet ponit duas personarum ora, dum suspicionem destruens, cum Patrem per se dicit discipulis advenire. AUGUSTINUS (tract. cx.) Neque tamen hoc ita didum est, tamquam Pater

non in nobis, aut nos in Patre non sumus; sed per mediatorem inter Deum & hominem se breviter intinavit. Quod vero addidit, *Ut sint consummati in unum,* ostendit eo perducere reconciliationem quæ fit per mediatorem ut perfecta beatitudine perficiamur. Unde id quod sequitur, *Ut cognoscas mundus quia tu me misisti,* non sic accipiendum puto tamquam iterum dixerit, *Ut credas mundus.* Quamdiu enim credimus quod non videmus, nondum sumus consummati, sicut erimus cum meruerimus videre quod credimus. Quando ergo de consummatione loquitur, talis est intelligenda cognitio qualis erit per speciem, non qualis nunc est per fidem. Ipse quippe credentes sunt mundus, non permanens inimicus, sed ex inimico amicus effectus: propterea sequitur: *Et dilexisti eos sicut me dilexisti.* In Filio quippe nos Pater diligit, quia in eo nos elegit: nec ideo pares sumus unigenito Filio: neque enim semper æqualitatem significat quod dicitur, Sicut illud, ita & istud; sed aliquando tantum, Quod illud est, est & illud. Ita in hoc loco nihil est aliud, *Dilexisti eos sicut me dilexisti,* quam dilexisti eos, quoniam & me dilexisti: non enim alia causa est diligendi membra eius, nisi quia diligit eum. Cum igitur eorum quæ fecerit, nihil oderit, quis digne possit eloqui quantum diligit membra unigeniti Filii sui, & quanto amplius ipsum Unigenitum?

(f) CHRYSOSTOMUS (hom. lxxxi.) Postquam dixerat, quia multi credent per eos, & multa gloria potientur, loquitur de reliquo de coronis eis repositis, dicens: *Pater, quos dedisti mihi, volo ut ubi ego sum, & illi sint mecum.* AUGUSTINUS (tract. cx. & cxl.) Ipsi sunt quos a Patre accepit, quos & ipse de mundo elegit: sicut enim ait in huius orationis exordio: *Dedit ei potestatem omnis carnis,* id est omnis hominis, ut dei esset vitam æternam: ubi ostendit potestatem se omnis hominis accepisse, ut liberaret quos voluerit, & damnavit quos voluerit. Quapropter omnibus membris suis promisit hoc præmium, ut ubi est ipse, & nos cum illo simus; nec poterat non fieri quod omnipotenti Patri se velle dixerit omnipotens Filius: una vero est Patris, & Filii voluntas, & si intelligere nondum permittit infirmitas, credat pietas. Quantum ergo attinet ad creaturam, in qua factus est ex semine David secundum carnem, eo modo dicere potuit, *Ubi ego sum,* ut iam ibi se esse diceret ubi fuerat mox futurus, in cælo ergo

nos

(1) scilicet verba,

nos futuros esse promittit: illo enim forma servi levata est, quam sumptis ex Virgine, & ad dexteram Patris collocata. GREGORIUS XXVII. Moralium (cap. 1.) Ubi est ergo quod rursus veritas dicit supra 121. *Nemo ascendit in calum nisi qui de calo descendit?* Quæ sibi in verbis suis non discrepat: quia enim membrorum suorum caput Dominus factus est, repulsa reproborum multitudine, solus etiam est nobilissimus; & sic dum nos cum illo unum iam facti sumus, unde solus venit in se, illuc etiam solus redit in nobis. AUGUSTINUS (tract. cxi.) Quod vero attinet ad formam Dei, in qua æqualis est Patri, si secundum eam velimus intelligere quod dictum est, *Ubi ego sum, & illi sum mecum*, abledat ab animo omnis imaginum corporalium cogitatio, & non inquiratur æqualis Patri Filius ubi sit: quoniam nemo invenit ubi non sit: propterea non ei satis fuit (1) dicere: *Volens ubi ego sum, & ipsi sum*, sed addidit *meum*. Esse enim cum illo magnum bonum est: nam & miseris possunt esse ubi est ille, sed beati soli sunt cum illo. Et ut de visibili, quamvis longe dissimili, qualemcumque sumamus exemplum; sicut cæcus etiam si ibi sit ubi lux est, non est tamen ipse cum luce, sed absens est a præsentia; ita non solum infidelis, sed etiam fidelis, etsi esse nunquam possit ubi non sit Christus, non est tamen ipse cum Christo per speciem: nam fidelem non est dubitandum esse cum Christo per fidem. Sed hic de specie illa dicebat in qua videbimus eum sicuti est: unde adiunxit: *Ut videant claritatem meam quam dedisti mihi.* *Ut videant* dixit, non *Ut credant*: fidei merces est ista, non fides. CHRYSOSTOMUS (homil. lxxx.) Non autem dixit, *Ut participant gloriam meam*, sed *ut videant*, hoc occulte insinuans quoniam omnis requies ibi est Filium Dei videre. Dedit autem ei Pater claritatem quando eum genuit. AUGUSTINUS (tract. cxi.) Cum ergo viderimus claritatem quam dedit Patri Filio; etiam si eam dici hoc loco intelligamus, non quam Pater æquali Filio, gignens eum, dedit, sed quam tado homini Filio dedit post mortem crucis: tunc fiet iudicium, tunc tolletur impius ne videat claritatem Domini: quam, nisi illam qua Deus est? Si ergo secundum id quod Filius Deus est, accipiamus hoc dictum, *Volens ubi ego sum, & ipsi sum mecum*, in Patre cum Christum erimus; qui cum dixisset, *Ut videant claritatem quam dedisti mihi*, con-

tinuo subiunxit: *Quia dilexisti me ante constitutionem mundi.* In illo enim dilexit & nos ante constitutionem mundi, & tunc prædestinavit quod in fine facturus est mundi. BEDA. Claritatem igitur vocat dilectionem qua ipse dilectus est a Patre ante mundi constitutionem: in illa claritate & nos dilexit ante constitutionem mundi. THEOPHYLACTUS. Postquam ergo pro fidelibus oravit, & tot illis prospera promittit, ponit quoddam pium, & propria mansuetudine dignum, dicens: *Pater iuste, mundus te non cognovit*: quasi dicat: Ego cuperem cunctos homines consequi dicta bona, quæ quidem pro fidelibus imploravi; sed quia ignoraverunt te, ideo non contingunt gloriam, & coronas. CHRYSOSTOMUS (hom. lxxx.) Videatur autem mihi hoc & anxius dicere, quoniam eum qui ita bonus, & iustus est cognoscere noluerunt. Non igitur hoc est quod Iudei dicunt, quoniam ipsi quidem te cognoscunt, ego vero ignoro; sed e contrario est: unde subdit: *Ipsi autem cognovi te, & hi cognoverunt quia tu me misisti: Et nomen feci eis nomen tuum, & nomen faciam*, per Spiritum sanctum eis perfectam cognitionem dando. Si autem didicerint quis es tu, scient quia ego non sum separatus a te, sed valde amatus, & proprius Filius, & coniunctus. Hoc vero suasi eis, ut ego maneam in eis; & sic fidem quæ est in me, (2) & amorem servabunt certissime; & hoc est quod subditur: *Ut dilectio qua dilexisti me, in ipsis sit, & ego in ipsis*; quasi dicat: Ipsi me amantibus, ego maneo in eis. AUGUSTINUS (tract. cxi.) Vel aliter. Quid est eum cognoscere, nisi vita æterna, quam mundo damnato non dedit, reconciliatio dedit? Propterea itaque mundus non cognovit quia iustus es. Hoc meritis eius, ut non cognosceret, retribuitur: & propterea mundus reconciliatus cognovit quia misericors es; & ut cognosceret, non ei merito, sed gratia subvenisti. Denique sequitur: *Ego autem cognovi te.* Ipse fons gratiæ est Deus natura, homo autem de Spiritu sancto, & Virgine ineffabili gratia. Denique quia gratia Dei per Iesum Christum est, dicitur: *Et hi cognoverunt*: ipse est mundus reconciliatus: sed ideo quia tu me misisti: ergo gratia cognoverunt. *Et nomen feci eis nomen tuum* per fidem, & *etiam faciam per* (3) speciem; *ut dilectio qua dilexisti me, in ipsis sit.* Qualis est ista locutio, tali & Apostolus usus est I. Tim. iv. „ Bonum certamen tamen certavi: „ non ait, Bono certamine,

(1) *Al.* dicens. (2) *Al.* & amatorem. (3) *Al.* spem.

mine, quod usitatus diceretur. Quomodo diligitur totus, idest caput, & corpus? autem dilectio qua Pater dilexit Filium, Et ideo subiunxit, Et ego in ipso: est enim esset in nobis, nisi quia membra eius sumus, in nobis tamquam in templo suo, nos autem in illo secundum quod caput nostrum est,

C A P U T XVIII.

(a) HÆc cum dixisset Iesus, egressus est cum discipulis suis trans torrentem Cedron; ubi erat hortus, in quem introivit ipse, & discipuli eius. Sciebat autem & Iudas, qui tradebat eum, locum: quia frequenter Iesus convenerat illuc cum discipulis suis.

(b) Iudas ergo cum accepisset cohortem, & pontificibus, & pharisæis ministros, venit illuc cum lanternis, & facibus, & armis. Iesus itaque sciens omnia quæ ventura erant super eum, processit, & dixit ad eos, Quem queritis? Responderunt ei, Iesum Nazarenum. Dicit eis Iesus, Ego sum. Stabat autem & Iudas, qui tradebat eum, cum ipsis. Ut ergo dixit eis, Ego sum, abierunt retrorsum, & ceciderunt in terram. Iterum ergo interrogavit eos, Quem queritis? Illi autem dixerunt, Iesum Nazarenum. Respondit Iesus: Dixi vobis, quia ego sum. Si ergo me queritis, finite hos abire. Ut impleteretur sermo quem dixit: Quia quos dedisti mihi, non perdi ex eis quemquam.

(c) Simon ergo Petrus habens gladium eduxit eum, & percussit pontificis servum, & abscidit auriculam eius dexteram. Erat autem nomen servo Malchus. Dicit ergo Iesus Petro: Mitte gladium tuum in vaginam. Calicem quem dedit mihi Pater, non vis ut bibam illum?

(d) Cohors autem, & tribunus, & ministri Iudæorum comprehenderunt Iesum, & ligaverunt eum, & adduxerunt eum ad Annam primum: erat enim socer Caiphæ, qui erat pontifex anni illius; Erat autem Caiphæ qui consilium dederat Iudæis, quia expedit unum hominem mori pro populo.

(e) Sequebatur autem Iesum Simon Petrus, & alius discipulus. Discipulus autem ille erat notus pontifici, & introivit cum Iesu in atrium pontificis; Petrus autem stabat ad ostium foris. Exivit ergo discipulus alius qui erat notus pontifici, & dixit ostiariæ, & introduxit Petrum. Dixit ergo Petro ancilla ostiaria: Numquid & tu ex discipulis es hominis istius? Dicit ille, Non sum. Stabant autem servi, & ministri ad prunas, quia frigus erat, & calefaciebant se. Erat autem, cum eis & Petrus stans, & calefaciens se.

(f) Pontifex ergo interrogavit Iesum de discipulis suis, & de doctrina eius. Respondit ei Iesus: Ego palam locutus sum mundo. Ego semper docui in synagoga, & in templo, quo omnes Iudæi conveniunt, & in occulto locutus sum nihil. Quid me interrogas? Interroga eos qui audierunt quid locutus sim ipsis: ecce hi sciunt quæ dixerim ego.

(g) Hæc autem cum dixisset, unus assistens ministrorum dedit alapam Iesu, dicens: Sic respondes pontifici? Respondit ei Iesus: Si male locutus sum, testimonium perhibe de malo; si autem bene, quid me cædis? Et misit eum Annas ligatum ad Caipham pontificem.

(h) Erat autem Simon Petrus stans, & calefaciens se. Dixerunt ergo ei: Numquid & tu ex discipulis eius es? Negavit ille, & dixit, Non sum. Dicit ei unus ex servis pontificis cognatus eius cuius abscidit Petrus auriculam: Nonne ego te vidi in horto cum illo? Iterum ergo negavit Petrus, & statim gallus cantavit.

S, Th. Oper. Tom. V.

Nnnn

(i) Ad.

1) M. & in illo diligimus eum? Ipse diligitur totus &c.

(i) Adducunt ergo Iesum ad Caipham in prætorium. Erat autem mane: & ipsi non introierunt in prætorium, ut non contaminarentur, sed ut manducarent pascha. Exiit ergo Pilatus ad eos foras, & dixit: Quam accusationem affertis adversus hominem hunc? Responderunt, & dixerunt ei: Si non esset hic malefactor, non tibi tradissemus eum. Dicit ergo eis Pilatus: Accipite eum vos, & secundum legem vestram iudicate eum. Dixerunt ergo ei Iudæi: Nobis non licet interficere quemquam. Ut sermo Iesu impleretur quem dixit, significans quia morte eligeret moriturus.

(k) Introivit ergo iterum in prætorium Pilatus, & vocavit Iesum, & dixit ei: Tu es Rex Iudæorum? Respondit Iesus: A temetipso hoc dicis, an alii dixerunt tibi de me? Respondit Pilatus: Numquid ego Iudæus sum? Gens tua, & pontifices tui tradiderunt te mihi: quid fecisti? Respondit Iesus: Regnum meum non est de hoc mundo. Si ex hoc mundo esset regnum meum, ministri mei utique decertarent ut non traderer Iudæis. Nunc autem regnum meum non est hinc. Dixit itaque ei Pilatus: Ergo Rex es tu? Respondit Iesus: Tu dicis, hinc sum ego. Ego in hoc natus sum, & ad hoc veni in mundum, ut testimonium perhibeam veritati. Omnis qui est ex veritate, audit vocem meam. Dicit ei Pilatus: Quid est veritas?

(l) Et cum hoc dixisset, iterum exiit ad Iudæos, & dixit eis: Ego nullam invenio in eo causam. Est autem consuetudo vobis ut unum dimittam vobis in pascha. Vultis ergo dimittam vobis Regem Iudæorum? Clamaverunt rursus omnes dicentes: Non hunc, sed Barabbam, Erat autem Barabbas latro.

(a) **AUGUSTINUS** (tract. cxii.) Terminato sermone quem post cenam Dominus ad discipulos habuit, adiuncta oratione quam dixerat ad Patrem, eius passionem Iohannes Evangelista sic exorsus est: *Hac cum dixisset Iesus, egressus est cum discipulis suis trans torrentem Cedron, ubi erat hortus, in quem introivit ipse, & discipuli eius.* Non autem continuo hoc factum est cum eius illa finita esset oratio: sed alia quædam sunt interposita, quæ ab isto prætermissa, apud alios Evangelistas leguntur. **AUGUSTINUS** de Concor. Evang. (Lib. III. cap. xii.) Facta est enim contentio inter eos, quis eorum videretur esse maior, sicut Lucas commemorat cap. xxxi. Dixit etiam ipse Petro, sicut ipse Lucas subiungit ibid., Ecce satanas expectavit vos, ut eridaret sicut triticum, & cetera quæ ibi sequuntur. Et „hymno dicto (sicut Matthæus cap. xxvi. & Marcus cap. xiv. commemorant) exierunt in montem Oliveti. „Contexit ergo narrationem Matthæus, & dixit: „Tunc venit Iesus cum illis in villam quæ dicitur, tur Gerusalem. „Iste locus est quem commemorat hic Iohannes: *ubi erat hortus, in quem introivit ipse, & discipuli eius.* **AUGUSTINUS** super Iohannem (tract. cxii.) Ad hoc ergo valet quod dictum est, *Hac*

cum dixisset, ut non cum ante opinemur ingressum quam illa verba finiret. **CHRYSOSTOMUS** (homil. lxxxii.) Sed propter quid non dixit: Cessans ab oratione venit illuc? Quoniam oratio illa fuit loquela propter discipulos facta. De nocte autem vadit, & flumen pertransit, & properat ad locum proditori cognitum, autens his qui (i) insidiabantur, laborem, & ostendens discipulis quoniam volens ad mortem venit. **ALCUINUS.** Dicit autem, *Trans torrentem Cedron*, id est cedrorum: genitivus enim est Græcus. Transiit torrentem, quia de torrente passionis bibit, *Ubi erat hortus*, ut peccatum quod in horto commillum fuerat, in horto deleteret: paradisus enim hortus deliciarum interpretatur. **CHRYSOSTOMUS** (homil. lxxxii.) Ne autem audiens hortum, eum occultari æthines, subiungit: *Scibat autem & Iudas, qui tradebat eum, locum: quia frequenter Iesus convenerat illuc cum discipulis suis.* **AUGUSTINUS** (tract. cxii.) Ibi ergo lupus ovina pelle contextus, & inter oves alto patrisfamilias consilio toleratus didicit, ubi ad tempus exiguum dispergeret gregem, insidiis appetendo pastorem. **CHRYSOSTOMUS** (homil. cit.) Multoties autem ibi cum discipulis Iesus singulariter convenerat, de necessariis loquens, & quæ non erat fas alios

(1) *Id. insidiatur.*

alios audire. Facit autem hoc in montibus, & in hortis, maxime purum a tumultibus inquirens semper locum, ne mens impediatur ab auditione. Ideo autem Iudas illuc venit, quoniam multoties Christus extra pernoctabat. Ivisset autem ad domum, si putasset eum ibi invenire dormientem. THEOPHYLACTUS. Noverat etiam Iudas Dominum festo tempore consuevisse semper docere discipulos aliquod sublime: erat autem solitus docere huiusmodi mystica in talibus locis: ac quoniam tunc dies erat sollemnis, arbitratus est illum esse illic, & discipulos docere quæ ad celebritatem spectabant.

(b) GLOSSA a. Ostenderat Evangelista quomodo Iudas ad locum ubi Christus erat, pervenire potuerit; nunc ostendit quomodo illuc pervenit, dicens: *Iudas ergo cum accepisset cohortem, & a pontificibus, & pharisæis ministres, venit illuc cum latronis, & facibus, & armis.* AUGUSTINUS (tract. cxii.). Cohors non Iudeorum, sed militum tuit. A præfide itaque intelligatur accepta, tamquam ad tenendum eum servato ordine legitimæ potestatis, ut nullus tenentibus auderet obfistere; quamquam & manus tanta fuerat congregata, & sic armata veniebat, ut vel terret, vel etiam repugnaret, si quisquam Christum defendere auderet. CHRYSOSTOMUS (homil. lxxxii.). Sed qualiter cohorti suaserunt? Quia milites erant, pecuniarum gratia omnia facere meditantes. THEOPHYLACTUS. Facies autem asserunt, & lateras, ne Christus latens in tenebris fugeret. CHRYSOSTOMUS (ut supra.). Multoties autem alias miserunt comprehendere eum, sed non valuerunt: unde manifestum est quod tunc sponte seipsum dedit: propter quod subditur: *Iesus autem sciens omnia quæ ventura erant super eum, processit, & dixit ad eos, Quem queritis?* THEOPHYLACTUS. Querit autem non ut volens scire: nam utique noverat omnia quæ ventura erant super eum: sed ostendere volens quoniam cum præsens esset, ab eis videri non poterat, vel discerni: nam sequitur: *Dixit ei Iesus, Ego sum.* CHRYSOSTOMUS (homil. lxxxii.). In medio enim eorum existens, excæcavit eorum oculos: quoniam enim non tenebræ causerant, indicavit Evangelista dicens, quoniam habuerunt lampades. Si vero lampades non

essent, a voce saltem debebant eum agnoscere. Si vero & illi ignorabant, qualiter Iudas ignoravit, qui cum eo fuerat continuus? Et ideo subdit: *Stabat autem & Iudas, qui tradebat eum, cum ipsis.* Fecit autem hoc Iesus, ostendens quoniam non solum comprehendere eum non possent, sed nec videre in medio existentem, nisi ipse concederet: unde subditur: *Ut ergo dixit eis, Ego sum, abierunt retrorsum, & ceciderunt in terram.* AUGUSTINUS (tract. cxii.). Ubi nunc militum cohors; ubi terror, & munimen armorum? Una vox turbam odii ferocem, armisque terribilissimè telo ullo percussit, repulit, stravit. Deus enim latebat in carne, & sempternus dies ita membris occultabatur humanis ut cum lateris, & facibus quereretur occidendus a tenebris. Quid iudicaturus faciet qui iudicandus hoc fecit? Et nunc utique per Evangelium, *Ego sum*, dicit Christus: & a Iudeis expectatur Antichristus, ut retro redeant, & in terram cadant: quoniam descenderes caelestia, terrena desiderant. GREGORIUS super Ezech. (homil. ix.). Quid autem hoc est quod electi in faciem, & reprobi retrorsum cadunt, nisi quod omnis qui post se cadit, ibi cadit ubi non videt; qui vero ante se ceciderit, ibi cadit ubi videt? Iniqui ergo quia in invisibilibus cadunt, post se cadere dicuntur, quia ibi corruunt ubi quod tunc eos sequitur, modo videre non possunt; iusti vero, quia in illis visibilibus semetipsos sponte deiciunt, ut in invisibilibus erigantur, quasi in faciem cadunt, quia timore compuncti videntes humiliantur. CHRYSOSTOMUS (homil. lxxxiii.). Denum ne quis dicat, quoniam ipse Iudas ad hoc induxit, ut eum occiderent, seipsum in manibus eorum tradens, manifeste ostendit eis omnia quæ sufficiebant eos revocare. Sed quia permanebant in malitia, & nullam habebant exultationem, tunc seipsum in manibus eorum tradidit: unde sequitur: *Iterum ergo interrogavit eos, Quem queritis? Illi ergo dixerunt, Iesum Nazarenum. Respondit Iesus: Dixi vobis quia ego sum.* AUGUSTINUS (tract. cxii.). Audierant primo, *Ego sum*; sed non comprehenderant: quia hoc noluit qui potuit quidquid voluit. Verum si nunquam se ab eis permitteret apprehendi, non quidem illi facerent propter quod venerant, sed nec ipse faceret pro-

Nunc a per

EX EDITIONE P. NICOLAI.

a Nihil tale in Glossa quæ nunc extat.

pter quod venerat: proinde quia tenere volentibus, & non valentibus offendit potestatem suam, iam tenebunt eum, ut faciat de nescientibus voluntatem suam: unde subditur: *Si ergo me queritis, sinite hos abire.* CHRYSOSTOMUS (homil. cit.) Quasi dicat: Si me queritis, nihil vobis ad hos commune est: ecce me ipsum trado: usque ad ultimam horam ad suos dilectionis conservantiam demonstrans. AUGUSTINUS (ut supra.) Inimicos iubet, & hoc faciunt quod iubet: sinunt scilicet nunc eos abire quos non vult perire. CHRYSOSTOMUS (homil. ead.) Unde Evangelista ostendens quod hoc non fuit eorum propositum, sed virtus eius qui comprehensus fuerat, subiungit: *Ut impleatur sermo quem dixit: Quia quos dedisti mihi, non peridi ex eis quemquam.* Perditionem autem non hanc dixerat quæ est mortis, sed illam æternam; Evangelista vero & de præsentis mortis id accepit. AUGUSTINUS (tract. cxii.) Numquid autem non erant postea morituri? Cur ergo si tunc morerentur, perderet eos, nisi quia nondum in eum sic credebant quomodo credunt quicumque non pereunt?

(c) CHRYSOSTOMUS (homil. lxxxii.) Petrus confidens in prædicta voce Domini, & in his quæ iam facta erant, armatur adversus eos qui superaverant: unde dicitur: *Simon ergo Petrus habens gladium, eduxit eum, & percussit pontificis servum.* Sed qualiter iussus non peram habere, neque duo vestimenta, gladium habet? Mihi videtur hunc formidans præparasse dudum. THEOPHYLACTUS. Vel ad opus agni illo indigens ferebat hunc etiam post cenam. CHRYSOSTOMUS (homil. ead.) Sed qualiter qui iussus erat non alapam dare, homicida fit? Quia maxime non se ulcisci iussus est; hic autem non se ulcisciebatur, sed magistrum. Demum nondum perfecti adhuc erant; sed videbis postea Petrum verberatum, & humiliter ferentem. Non sine causa autem subdit: *Et aliecidit eius auriculam dexteram.* Videtur mihi enim impetum Apostoli significare, quoniam ad ipsum caput impetum fecit. AUGUSTINUS (tract. cxii.) Solus autem hic Evangelista etiam nomen servi huius expressit, cum dicit: *Erat autem nomen servo Malchus:* sicut Lucas solus quod eius auriculam Dominus tetigerit, & sanaverit eum. CHRYSOSTOMUS (ut supra.) Tunc enim miraculum fecit, & erudiens nos, quoniam eis qui male faciunt benefacere oportet, & virtutem revelans suam.

Nomen autem propterea posuit Evangelista, ut his qui tunc legerent, liceret quærere si verum factum sit. Servum autem cum summi pontificis dicit: quia magnum est quod factum est, non solum quia curavit, sed quia curavit eum qui super eum venerat, & paulo post alapam daturus erat. AUGUSTINUS (tract. eodem.) Malchus autem interpretatur regnator. Quid ergo auris pro Domino amputata, & a Domino sanata significat, nisi auditum amputata vetustate renovatum, ut sit in novitate spiritus, & non in vetustate litteræ: quod cui prælitum fuerit a Christo, quis dubitet regnatum esse cum Christo? Quod autem servus inventus est, & hoc ad illam pertinet vetustatem, quæ in servitute generat; sed cum accessit sanitas, figurata est & libertas. THEOPHYLACTUS. Vel cæcis auris dexteræ servi principis sacerdotum signum erat sordiditatis eorum, quæ præcipue in principibus sacerdotum inoleverat; quod autem denuo restituta sit auris, significat ultimam reparationem intellectus in Israeliticis veniente Elia. AUGUSTINUS (ubi supra.) Factum autem Petri Dominus improbat, & progredi ultra prohibuit: unde sequitur: *Dixit ergo Iesus Petro: Mitte gladium tuum in vaginam.* Etenim ille ad patientiam commendendus fuit, & hoc ad intelligentiam consecrandum. CHRYSOSTOMUS (homil. lxxxii.) Non solum autem minis eum cohibuit, ut Matthæus refert, sed & aliter consolatur eum, dicens: *Calicem quem dedit mihi Pater, non vis ut bibam illum?* ostendens quoniam non illorum virtutis quæ fiebant erant, sed suæ confessio: nis; & quod non est Deo contrarius, sed obediens usque ad mortem. THEOPHYLACTUS. In eo autem quod ipsam calicem dicit, quam sibi grata, & acceptabilis pro salute mortalium mors videatur, edidit. AUGUSTINUS (tract. cxii.) Quod autem a Patre traditum sibi dicit calicem passionis, illud est quod ait Apostolus Rom. viii., *Filio proprio non peperit,* cit, sed pro nobis omnibus tradidit eum. Verum auctor calicis huius est etiam ipse qui bibit: unde idem Apostolus dicit Ephes. v., *Christus dilexit nos, & tradidit se ipsum pro nobis.*

(d) THEOPHYLACTUS. Peractis cunctis quæ sufficienter se habebant ad prohibendum ludæis, cum illi hoc nequaquam discernerent, tunc ducit se perterritus: unde dicitur: *Cobors ergo, & triumviri, & ministri Iudeorum comprehenderunt Iesum.* AUGUSTINUS

GUSTINUS (tract. cxii.) Comprenderunt ad quem non accesserunt: nec audierunt illud, „Accedite ad eum, & illumini, namini:“ Psal. xxxiii. Si enim sic accederent, non eum manibus occidendum, sed recipiendum corde comprehenderent. Nunc autem quando eum illo modo comprehenderunt, ab eo longius recesserunt. Sequitur: *Et ligaverunt eum*; a quo solvi potius vellet debuerat: & erant forte in eis qui postea liberati ab eo, dixerunt: „Dirupi.„ sui vincula mea:“ Psalm. cxv. Postea vero quam persecutores tradente Iuda Dominum ligaverunt, ut intelligatur Iudas non laudabilis utilitate traditionis huius, sed sceleris voluntate damnabilis, subditur: *Et adduxerunt eum ad Annam primum.*

CHRYSOSTOMUS (homil. lxxxii.) Præ delectatione enim gloriabantur in his quæ fiebant, quasi trophæum statuentes. AUGUSTINUS (tract. cxiii.) Nec tacet causam cur ita factum sit, subdens: *Erat enim sacer Caipha, qui erat pontifex anni illius.* Merito & Matthæus, cum id brevius narrare voluisset, eum ad Caipham ductum fuisse commemorat: quia & ad Annam prius id ductus est, quod sacer eius fuerit; ut intelligendum sit hoc eundem Caipham fieri voluisse. BEDA. Quatenus dum a consimili pontifice damneretur, ipse quoque minoris criminis reus haberetur. Vel fortassis sic domus eius sita erat ut præterire eam non possent. Sive divinitus actum est, ut qui erant affines sanguine, lociarentur in scelere. Sed quod dicitur, quod esset pontifex anni illius, sonat contrarium legi, in qua præceptum erat ut unus esset pontifex summus, quo mortuo succederet ei filius suus; sed iam pontificatus ambitione erat infectus. ALCUINUS. Refert enim Iosephus, istum Caipham, unius anni sacerdotum redemisse. Non ergo mirum si iniquus pontifex inique iudicaverit: sæpe qui per avaritiam ad sacerdotium accedit, per iniustitiam in eo servatur. CHRYSOSTOMUS (homil. lxxxii.) Ne autem audiens vincula auditor tumultuaret, recoluit prophetiæ, quoniam mors eius salus fuit orbis terrarum: unde sequitur: *Erat autem Caiphas qui consilium dederat Iudeis, quia expediret unum hominem mori pro populo: tanta enim est veritatis superabundantia ut & inimici eam perissent.*

(c) AUGUSTINUS de Con. Evang. (Lib. II. cap. vi.) De Petri tentatione, quæ

inter Domini contumelias facta est, non eodem ordine omnes narrat: nam ipsas primo commemorat Matthæus, & Marcus, deinde Petri tentationem: Lucas vero explicat prius tentationem Petri, demum Domini contumelias. Ioannes autem incipit Petri tentationem dicere, cum dicit: *Sequebatur autem Iesum Simon Petrus, & alius discipulus.* ALCUINUS. Ex devotione sequebatur magistrum, quamvis a longe propter timorem. AUGUSTINUS (tract. cxiii.) Quis sit autem ille alius discipulus, non temere affirmandum est, quia tacetur. Soler autem se idem Ioannes ita significare, & addere, *Quem (1) diligebat Iesus: fortassis ergo & hic ipse est.* CHRYSOSTOMUS (homil. lxxxii.) Se autem occultat humilitatis gratia: etenim hic magnam rectitudinem enarrat, quomodo omnibus fugientibus ipse sequitur. Sed præponit sibi Petrum, & sui ipsius coactus est meminisse, ut dicas quoniam certius aliis enarrat ea quæ facta sunt in atrio, quasi intus exiens. Succidit autem propriam laudem, subdens: *Discipulus autem ille erat notus pontifici, & introivit cum Iesu in atrium pontificis: non enim hoc ut magnum quid de seipso ponit; sed quia dixit quod intravit cum Iesu solus, ut non asserimus hoc excellere mentis esse, addit causam.* Igitur Petrum venisse illuc, amoris fuit; non intrasse autem intro, timoris: unde sequitur: *Petrus autem stabat ad ostium foris.* ALCUINUS. Foris stabat qui negaturus erat Dominum, nec erat in Christo qui Christum confiteri non erat ausus. CHRYSOSTOMUS (homil. ead.) Sed quoniam & Petrus intrasset utique domum, si ei concessum esset, indicavit subdens: *Exiit ergo discipulus alius, qui erat notus pontifici, & dixit ostiaria, & introduxit Petrum.* Ideo autem ipse eum non introduxit, quia Christo adhærebat, & sequebatur eum. Sequitur: *Dixit ergo ancilla ostiaria: Numquid & tu ex discipulis es hominis illius? Dicit ille, Non sum.* Quid dicis o Petre? Nonne prius dixisti, Matth. xxvi. „Et si oportuerit, animam meam pro te, ponam?“ Quid ergo factum est, quoniam nec ostiariæ fers interrogationem? Non erat miles qui interrogabat, sed ostiaria vilis; neque dixit, Seducitoris discipulus es, sed hominis illius; quod misericentis erat. Dicit autem, *Numquid & tu?* quia Ioannes intus erat. AUGUSTINUS (tract. cxiii.) Sed quid mirum si Deus vera præ-

dixit

(1) Al. diligu.

dixit, homo autem falsa præsumpsit? Sane in ista quæ iam corpa est negatione Petri debemus advertere, non solum ab eo negari Christum qui dicit eum non esse Christum, sed ab illo etiam qui negat se esse Christianum. Dominus enim non ait Petro, Discipulum meum te negabis; sed „me negabis.“ Luc. xxi. Negavit ergo ipsum cum se negavit esse discipulum. Quid autem aliud isto modo quam se negavit esse Christianum? Quam multi postea, etiam pueri, & puellæ, potuerunt mortem pro Christi confessione contemnere, & regnum cælorum fortiter introire, quod tunc ille non poruit, qui claves regni eius accepit! Ecce unde dictum est: *Sinite hos abire: quia quæ dedisti mihi, non perdimi ex eis quemquam.* Utrique enim Petrus, si negato Christo hinc irat, quid aliud quam periret? CHRYSOSTOMUS in sermone de Petro, & Elia. Idcirco autem divinæ providentiæ secretum permisit ut primus ipse laberetur Petrus, quo erga peccantes duriorem sententiam proprii casus intuitu temperaret. Petrus enim orbis terrarum doctor & magister peccavit, & veniam impetravit, ut hæc indulgentiæ norma & regula iudicantibus præberetur. Idcirco enim non Angelis arbitrator commissam sacerdotii potestatem, ne cum ipsi minime peccarent, in peccatoribus (1) sine misericordia vindicarent. Homo passibilis supra homines ordinatur, ut dum ipse in aliis suas recolit passiones, mitem apud eos se præbeat & benignum. THEOPHYLACTUS. Quidam tamen inanem quandam gratiam appropriantes Petro, dicunt, quod ideo negavit Petrus, quoniam volebat semper esse cum Christo, & sequi continue. Novit enim quod si faceretur se esse de Christi discipulis, divideretur ab eo, & non haberet ultra spatium sequendi, videlicet dilectum: uode simulabat se officium gerere ministrorum, ne vultus mæritia cognitus excluderetur: unde sequitur: *Strabant autem servi, & ministri ad prunas, quia frigus erat, & calefaciebant se.* Erat autem & Petrus stans cum eis, & calefaciens se. AUGUSTINUS (tract. cxiii.). Non hiems erat, & tamen frigus erat, quale solet etiam æquinoctio verno accidere. GREGORIUS II. Moral. (cap. ii.) Iam autem intus a caritatis calore Petrus corpuerat, & ad amorem præsentis vitæ, quasi ad persecutorum prunas, infirmitate æstuante recalcabatur.

(f) CHRYSOSTOMUS (hom. lxxxii.) Quia Christum nullum crimen inferre poterant, de discipulis interrogabant: unde dicitur: *Pontifex ergo interrogavit Iesum de discipulis suis: fortassis ubi erant, vel cuius gratia eos collegit.* Hoc autem dicebat quasi seducitum, & novarum rerum factorem eum redarguere volens, quasi nullo alio attendente eum eum discipulis. THEOPHYLACTUS. Explorat insuper de doctrina: unde sequitur: *Et de doctrina eius, cuiusmodi scilicet foret, utrum a lege discrepans, & adversa Moyli, ut exinde occasione concepta (1) ut Dei æmulum perdat.* ALCUINUS. Non enim cognoscendæ veritatis amore interrogat, sed ut causam inveniret qua eum accusare posuisset, & tradere Romano præsidii ad damnandum. Sed Dominus ita temperavit responsum ut nec veritatem taceret, nec se defendere videretur: sequitur enim: *Respondit ei Iesus: Ego palam locutus sum mundo; ego semper docui in synagoga, & in templo, quo omnes Iudæi conveniunt, & in occultis locutus sum nihil.* AUGUSTINUS (tract. cxiii.). Non prætereunda nascitur hic quæstio: si enim ipsis discipulis non loquebatur palam; sed horam promittebat quando palam fuerat locuturus, quomodo palam locutus est mundo? Deinde ipsis discipulis suis multo manifestius loquebatur quando cum eis erat remotus a turbis: tunc enim & parabolas aperiebat, quas clausas proferebat ad alios. Sed intelligendum est ita eum dixisse, *Palam locutus sum mundo*, ac si dixisset, Multi me audierunt. Et rursus non erat palam, quia non intelligebant: & quod secretum discipulis loquebatur, non in occulto utique loquebatur: quis namque in occulto loquitur qui coram tot hominibus loquitur? præsertim si hoc loquitur paucis, quod per eos velit innotescere multis. THEOPHYLACTUS. Reminiscitur autem hic prophetiæ quæ dicit Eia. xlv. „Non in occulto locutus sum, nec (3) „in loco terræ tenebroso.“ CHRYSOSTOMUS (homil. lxxxii.). Vel locutus est quidem in occulto, sed non, ut hi æstimabant, trepidans, & seditionem faciens; sed ubi multorum auditione superiora erant quæ dicebantur. Vultus autem ex superabundantia fide dignum constituit suum testimonium, subdit: *Quid me interrogas? Interroga eos qui audierunt quid locutus sum ipsis: ecce hi sciunt quæ dixerim ego; quæ dicat: Tu me de meis interrogas: interroga.*

(1) P. Nicolai ad h. peccatum. (2) A. deest ut. (3) A. in occultis.

oga inimicos meos, qui insidiantur mihi. Sunt autem hæc verba confidentis in eorum quæ dicta erant veritate: hæc est enim veritatis inalterabilis demonstratio, cum inimicos quis invocet testes. AUGUSTINUS (tract. cxiii.) Ipsa enim quæ audierant, & non intellexerant, talia erant ut non possent iussu, ac veraciter criminari: & quotiescumque interrogando tentarent, ut invenirent unde acculerent eum, sic eis respondit ut omnes eorum retunderentur doli, & calumniæ eorum frustrarentur.

(g) THEOPHYLACTUS. Cum Iesus astantium interpellasset testimonium, volens se minis excusare quod non esset de his qui admirabantur Iesum, percussit eum: unde dicitur: *Hæc autem cum dixisset, unus assistens ministrorum dedit alapam Iesu, dicens: Sic respondes pontifici?* AUGUSTINUS de Con. Evan. (Lib. III. cap. vi.) Hic sane ostenditur quod Annas pontifex erat, nondum enim erat missus ad Caipham cum hoc diceretur: & hos duos Annam, & Caipham pontifices commemorat etiam Lucas in initio Evangelii sui. ALCUINUS. Hic impletur prophetia Thren. III. „Dei, di maxillam meam percussit.” Sed Iesus iniussu percussus mansuete respondit: unde sequitur: *Respondit ei Iesus: Si male locutus sum, testimonium perhibe de malo; si autem bene, quid me cadis?* THEOPHYLACTUS. Quasi dicat: Si habes ex his quæ nunc a me prolata sunt reprehendere, ostende quod male dixerim; quod si nequis, quid furis? Vel etiam sic. Si perperam docui cum in synagogis docebam, certifica principem sacerdotum; quod si recte docui, ita ut etiam vos minis iri miraremini, quid me nunc cadis quem prius admirabaris? AUGUSTINUS (tract. cxiii.) Quid ista responsione verius, mansuetius, iustius? (1) Qui enim accepit alapam, numquid vellet eum qui percussit aut cælesti igne consumi, aut terra desiccante sorberi, aut corruptum dæmonio volutari, aut etiam alia huiusmodi qualibet poena, vel etiam graviori puniri? Quid horum per potentiam iubere non potuisset per quem factus est mundus, nisi patientiam nos docere maluisset, qua vincitur mundus? Hic dicit aliquis: Cur non fecit quod ipse præcepit? Percutienti scilicet non sic respondere, sed maxillam debuit alteram præbere. Quid quod & mansuete respondit, & non

solum maxillam alteram iterum percussuro, sed totum corpus hęgendum præparavit in ligno? Et hinc potius demonstravit sua illa præcepta patientiæ non ostentatione corporis, sed cordis præparatione fienda: fieri enim potest ut alteram maxillam visibiliter homo præbeat iratus. Quanto ergo melius & respondet vera placatus, & ad perferenda graviora tranquillo animo sit paratus? CHRYSOSTOMUS (hom. lxxxii.) Quid igitur consequens erat, nisi aut redarguere, aut acceptare quod dictum est? Sed hoc non fit: ea enim quæ fiebant, non erant iudicium, sed seditio, & tyrannis. Non inveniētes autem quid plus facerent, mittunt eum ligatum ad Caipham: unde sequitur: *Et misit eum Annas ligatum ad Caipham pontificem.* THEOPHYLACTUS. Sulpicantes hunc, cum altior esset, excogitare aliquid posse adversum Iesum dignum morte. AUGUSTINUS (tract. xiii.) Ad illum autem, sicut Mattheus dicit, ab initio ducebatur, quoniam ipse erat illius anni princeps sacerdotum. Alternis quippe intelligendi sunt solere annis agere pontificatum, & credendum est secundum voluntatem Caiphe id esse factum ut Iesum primo ad Annam ducerent: vel etiam domos eorum ita fuisse positas ut non deberet Annas a transiuntibus præteriri. BEDA. Quod autem dicit, *Ligatum*, non sic intelligendum quod tunc tantum fuerit ligatus; sed tunc ligatus est cum est captus: itaque ligatum ad Caipham misit sicut sibi fuerat presentatus. Sive fieri potuit ut ad horam solveretur, quatenus discuteretur, post hoc discussus iterum ligaretur, & sic ad Caipham mitteretur.

(h) AUGUSTINUS (tract. cxiii.) Cum dixisset Evangelista, quod Iesum ligatum miserat Annas ad Caipham, reversus est ad locum narrationis, ubi reliquerat Petrum, ut explicaret quod in domo Annæ de trina eius negatione contigerat: unde dicitur: *Erant autem Simon Petrus, Iacob & Iohannes frater eius.* Hic recapitulat quod ante iam dixerat. CHRYSOSTOMUS (hom. lxxxii.) Vel multo stupore detinebatur qui servidus erat, ut deducto Iesu de cetero non (2) moveretur. Sed hoc fit, ut discas quanta naturæ sit imbecillitas, cum Deus hominem dereliquerit. Et interrogatus rursus etiam negat: unde sequitur: *Dixerunt ergo ei: Numquid & tu ex discipulis eius es? Negavit ille, & dixit, Non sum.* A-

G U-

(1) *Aliter P. Nicolai.* Si cogitemus quis accepit alapam, nunne vellemus eum qui percussit &c.
(2) *Al. moveretur.*

GUSTINUS de Con. Evang. (Lib. III. cap. vi.) Hoc loco invenimus non ante ianuam, sed ad focum stantem, secundo negasse Petrum: quod fieri non posset nisi iam redisset poslea quam foras exierat, ut Matthæus dicit, Neque enim iam exierat, & foras vidit cum altera ancilla; sed (1) cum exiret, eum vidit; idest, cum surgeret, & exiret, animadverit cum, & dixit his qui erant ibi, idest qui simul erant ad ignem intus in atrio: *Et hic cum Iesu Nazareno erat.* Ille autem qui foras exierat, hoc audito rediens, iuravit illis contra nitentibus: „ Quia non novi hominem: “ *Matth. xxvi.* Deinde in eo quod Ioannes hic ait: *Dixerunt: Numquid & tu ex discipulis eius es?* quod redeunt, & stanti dictum intelligimus, hoc quoque confirmatur, non illam tantum alteram ancillam, quam commemorant in hac secunda negatione Matthæus, & Marcus, sed alium quemdam, quem commemorat Lucas, cum Petro illud egisse: unde Ioannes dicit: *Dixerunt ergo ei.* Ioannes autem secutus de tertia Petri negatione, ita explicat: *Dixit ei unus ex servis pontificis, cognatus eius cuius abscedit Petrus auriculam:* Nonne ego vidi te in horto cum illo? Quod Matthæus, & Marcus non singulari, sed plurali numero enuntiant eos qui cum Petro agebant, cum Lucas unum dicat; Ioannes quoque unum eundemque cognatum eius cuius abscedit Petrus auriculam: facile est intelligere aut pluralem numerum pro singulari usitata locutione usurpasse Matthæum, & Marcum; aut quod unus maxime tamquam sciens, & qui eum viderat affirmabat, ceteri autem secuti eius fidem Petrum simul urgebant. CHRYSOSTOMUS (homil. eadem.) Sed neque hortus in memoriam eius reduxit (2) ea quæ ibi dicta sunt, neque multa dilectio quam illic per verba multa ostendit: unde sequitur: *Iterum ergo negavit Petrus, & statim gallus cantavit.* AUGUSTINUS (tract. eod.) Ecce medicus completa est (3) prædicio, ægroti convicta præsumptio: non enim factum est quod ille dixerat supra xlii. *Animam meam pro te ponam;* sed factum est quod ille prædixerat, *Luc. xxii.* „ Ter me negabis. “ CHRYSOSTOMUS (homil. cit.) Evangelistæ vero concorditer negationem Petri scripserunt, non discipulum accusantes, sed nos erudire volentes quantum malum sit non Deo rectum con-

cedere, sed in semetipso considerare. BEDA. Mylice autem per primam Petri negationem illi designantur qui ante passionem ipsius negaverunt eum esse Deum; per secundam vero illi qui post resurrectionem eius in divinitate pariter, & humanitate offenderunt. Item per primum galli cantum ipsius designatur capitis resurrectio; per secundum illa quæ in fine celebrabitur totius corporis. Per primam autem ancillam, quæ Petrum negare coegit, designatur cupiditas; per secundam carnalis delectatio: per unum seu plures servos, dæmones, qui suadent Christum negare.

(1) AUGUSTINUS (tract. cxiv.) Rediit Evangelista ad locum narrationis suæ, ubi eam reliquerat, ut explicaret Petri negationem: unde dicitur: *Adducunt ergo Iesum (4) ad Caipham in prætorium:* ad Caipham quippe ab Anna collega, & socero eius dixerat missum. Sed si ad Caipham, cur ad prætorium, quod nihil aliud vult intelligi quam ubi præles Pilatus habitavit? BEDA. Prætorium enim dicitur sedes prætoris; prætores vero dicuntur præfecti, sive præceptores, eo quod civibus præcepta donent. AUGUSTINUS (ubi supra.) Aut igitur aliqua urgente causa de domo Annæ, quo ad audiendum ambo convenerant, Caiphas perrexerat ad prætorium Præfidis, & socero suo Iesum reliquerat audiendum; aut in domo Caiphas prætorium Pilatus acceperat, & tanta domus erat ut seorsum habitantem dominum suum, seorsum iudicem ferret. AUGUSTINUS de Con. Evang. (Lib. III. cap. vii.) Tamen ad ipsum Caipham ab initio ducebatur, ad quem in extremo perductus est; sed quia iam tamquam convictum reum adducebant, Caiphas (5) autem antea visum fuerat ut Iesus moreretur, nulla mora interposita est quin occidendus Pilato traderetur.

Sequitur: *Erat autem mane.* CHRYSOSTOMUS (homil. lxxii.) Antequam gallus cantaret, ad Caipham ducitur; mane vero ad Pilatum: per quæ demonstrat Evangelista quoniam per totum intermedium noctis a Caipha interrogatus in nullo redarguitur; & idcirco misit eum Pilato. Sed illa aliis dimittens enarranda, ipse quævisit quod deinceps est: sequitur enim: *Et ipsi non introierunt in prætorium.* AUGUSTINUS (tract. c. iv.) Hoc est in eam partem

(1) Al. cum exire eum vidit. (2) Al. eorum. (3) Al. perdicatio. (4) In Vulgata modo legitur a Caipha in prætorium; & sic scribit hic Nicetas; sed Augustini Commentarij congruus ad Caipham legit editio Romana cum aliis. (5) Al. iam.

tem domus quam Pilatus tenebat, si ipsa erat domus Caiphae. Cur autem non introierunt, exponit subdixit: *Utr non contaminarentur, sed manducarent pascha.* CHRYSOSTOMUS (hom. lxxxii.) Quoniam tunc Iudaei faciebant pascha; ipse vero ante unan diem tradidit pascha, reservans suam occisionem sextae serae quando vetus pascha fiebat: vel pascha dicit totum festum. AUGUSTINUS (tract. cxiv.) Dies enim agere coeperant azyorum, quibus diebus contaminatio illis erat in alienigenae habitaculum intrare. ALCUVINUS. Pascha enim proprie dicebatur dies illa qua agnus ad vespem quartadecima luna occidebatur; septem vero dies sequentes dies azyorum dicebantur, in quibus nihil fermentatum in domibus eorum debuit inveniri. Sed tamen dies paschalis invenitur inter dies azyorum, ut apud Matthaeum cap. xxvi. „Prima autem die azyorum accesserunt discipuli ad Iesum, dicentes: Ubi vis paremus tibi comedere pascha? “ Pascha etiam dies azyorum invenitur nominati, sicut hic: *Ut manducarent pascha*: pascha enim non immolationem agni hic notat, quae fiebat quartadecima luna ad vespem, sed magnam solemnitatem, quae quintadecima luna celebrabatur post agni immolationem: quartadecima enim luna Dominus, sicut & alii Iudaei, pascha celebravit; quintadecima luna, quando magna solemnitatis (1) celebrabatur, est crucifixus; quartadecima vero luna coepit esse immolatio ex quo captus est in orto. AUGUSTINUS (tract. cxiv.) O impia caecitas! Alienigenae iudicis praetoriorum contaminari timebant, & fratris innocentis sanguinem (2) fundere non timebant. Nam quod etiam Dominus erat, & vitae dator qui occidebatur, non eorum conscientiae, sed ne scientiae deputetur. THEOPHYLACTUS. Sed Pilatus utrumque procedens mitius, (3) ipse idem egreditur: unde sequitur. *Egrexit ergo Pilatus ad eos foras.* BEDA. Haec autem erat consuetudo Iudaeorum, ut quem mortis reum iudicaret, vinclum praedicti traderent, ut dum praeses vinclum corneret, intelligeret morti additum. CHRYSOSTOMUS (hom. lxxxii.) Sed videns eum ligatum, & a tot ductum, non aestimavit hoc argumentum esse inalterabile accusationis, sed interrogat: unde sequitur: *Et dixit eis: Quam accusationem assertis adversus hominem hunc?* Inconveniens enim di-

S. Tb. Oper. Tom. V.

cit esse, iudicium eos rapuisse, supplicium autem illi concedere. Sed illi renuentes ex directo accusationem, coniecturis quibuldam utuntur: unde sequitur: *Responderrunt, & dixerunt: Si non esset hic malefactor, non tibi tradidissimus eum.* AUGUSTINUS (ut supra.) Interrogentur, atque respondeant ab immundis spiritibus liberati, caeci videntes, mortui resurgentes, & quod omnia superat, stulti sapientes, utrum sit malefactor Iesus. Sed ista dicebant, de quibus per Prophetam iam ipse praedixerat Psalm. xxxix. „Retribuebant mihi mala pro bonis.“ AUGUSTINUS de Con. Evang. (Lib. III. cap. viii.) Sed videndum est ne contra sit quod Lucas dicit, certa in eum dicta esse crimina. „Coeperunt autem illum (inquit cap. xxi.) accusare, dicentes: Hunc invenimus subvertentem gentem nostram, & prohibentem tributa dari Caesari, & dicentem se Christum Regem esse.“ Sed secundum Iohannem videntur Iudaei noluisse dicere crimina, ut eorum auctoritatem secutus Pilatus, quid ei obicerent desinerent quaerere; (4) sed ob hoc tantum nocentem crederet, quod sibi ab eis tradi meruisset. Ergo intelligere debemus & hoc dictum esse, & illud quod Lucas commemoravit: multa enim dicta, & multa responsa sunt. Unde in narratione sua quisque posuit quod satis esse iudicavit: nam & ipse Iohannes dicit quaedam quae obiecta sunt, quae suis locis videbimus. Itaque sequitur: *Dixit ergo eis Pilatus: Accipite eum vos, & secundum legem vestram iudicate eum.* THEOPHYLACTUS. Quasi dicat: Quoniam ad votum iudicium polcitis, & superbitis, ac si nihil unquam profanum egeritis, accipite vos, & damnate; ego nequaquam talis iudex efficiar. ALCUVINUS. Vel hoc dicit, quasi dicat: Vos qui legem habetis, scitis quid lex de talibus iudicet; secundum quod iustum esse scitis, ita facite.

Sequitur: *Dixerunt ergo Iudaei: Nobis non licet interficere quemquam.* AUGUSTINUS (tract. cxiv.) Sed nonne lex praecipit, ne malefactoribus, praesertim seductoribus ad eo qualem istum putabant, parcant? Sed intelligendum est eos dixisse non sibi licere interficere quemquam propter festi diei sanctitatem, quam celebrare iam coeperant. Ita ne omnem sensum nimia malicia perdixisset, ut ideo vos a sanguine innocentis impollutos esse credatis, quia eum fundendum

O o o o al-

(1) Al. celebratur. (2) Al. amittere fundere. (3) Al. ipse inde egreditur. Legit Nicolaus ipse deinde egrediens. (4) Al. omittitur sed.

alteri traditis? CHRYSOSTOMUS (hom. lxxii.) Vel ideo ipsi eum non interfecerunt, quia multum de potestate eorum abfissum erat eis (1) Romanis Regibus subiacentibus. Vel aliter. Quia dixerat eis, *secundum legem vestram interficite eum*, volentes offendere quod peccatum eius non est Iudaicum, dicunt, *Non licet nobis*: non enim secundum legem nostram peccavit; sed crimen eius est publicum, quia se Regem dixit. Vel quia eum crucifigi cupiebant, ut etiam modo mortis eum diffament. Non autem licebat eis crucifigere. Sed quod alio modo interficiebant, monstrat Stephanus ab eis lapidatus: & ideo subditur: *Thermo Iesu impletur quem dixit significans quia mortis esset mortuorum*: quoniam scilicet Iudæis crucifigere non licebat. Aut dicit hoc Evangelista, quoniam non ab eis solum, sed & a Gentibus debebat interfici. AUGUSTINUS (tract. cxiv.) Sic enim legimus apud Marcum cap. x. ubi ait: „Ecce ascensurus Hierosolimam, & Filius hominis tradetur principibus sacerdotum, & scribis, & tradent eum Gentibus.“ Pilatus autem Romanus erat, eumque in Iudæam Romani præsidentem miserant. Ut ergo iste sermo Iesu impleteretur, id est ut eum sibi traditum Gentes interficerent, noluerunt eum accipere, dicentes: *Nobis non licet interficere quemquam.*

(k) CHRYSOSTOMUS (hom. lxxxii.) Pilatus ab odio Iudæorum eripi volens, iudicium (2) non protraxit in longum, unde dicitur: *Interroga ergo iterum in præteritum Pilatus, & vocavit Iesum.* (3) THEOPHYLACTUS. Scorsum, eo quod magnam habebat de eo suspicionem. Proponebat autem omnia exquisitè rimari amoto strepitu Iudæorum: unde sequitur: *Et dixit ei: Tu es Rex Iudæorum?* ALCUINUS. His verbis offendit Pilatus Iudæos obicisse hoc crimini, ut diceret se esse Regem Iudæorum. CHRYSOSTOMUS (hom. eadem.) Vel hoc Pilatus a multis audierat. Quia vero nihil illi habebat dicere, ut non multa feret investigatio, quod communiter dicebatur, hoc in medium ducere vult.

Sequitur: *Et respondit Iesus: A semetipso hoc dicis, an aliis tibi dixerunt de me?* THEOPHYLACTUS. Innuit ex hoc, Pilatum esse veordem, ac indiscrete iudicantem; ac si diceret: Si hoc ex te ipso loqueris, pande signa meæ rebellionis; ac si ab aliis percepisti, inquisitionem fac ordinariam.

AUGUSTINUS (tract. cxv.) Sciebat utique Dominus & quod ipse interrogavit, & quod ille responsum fuit; sed tamen dici voluit, non ut ipse sciret, sed ut confiteretur quod voluit ut sciretur. CHRYSOSTOMUS (hom. cit.) Non ergo ignorans interrogat, sed ab ipso accusari Iudæos volens: unde sequitur: *Respondit Pilatus: Numquid ego Iudæus sum?* AUGUSTINUS (tract. eod.) Abstulit a se suspicionem, qua posset putari a semetipso dixisse, id est a Iudæis audisse demonstrans: unde subdit: *Gens tua, & pontifices tui tradiderunt te mihi.* Deinde dicendo, *Quid fecisti?* satis ostendit illud ei pro crimine obiectum; tamquam diceret: Si te Regem negas, quid fecisti, ut tradereris mihi? quasi mirum non esset, si ponendus iudici traderetur qui se diceret Regem. CHRYSOSTOMUS (ho. lxxxii.) Reducit autem Pilatum non valde malum existentem, & vult ostendere quod non esset homo nudus, sed Deus, & Dei Filius; & quod formidaverat Pilatus, dissolvit tyrannidis suspicionem: unde sequitur: *Respondit Iesus: Regnum meum non est de hoc mundo.*

AUGUSTINUS (tract. cxv.) Hoc est quod bonus magister scire nos voluit. Sed prius nobis demonstranda fuerat vana hominum de regno eius opinio, sive Gentium, sive Iudæorum, a quibus id Pilatus audierat, quasi propterea fuisset morte plectendus, quod illicitum affectaverit regnum: (4) vel quoniam solent regnari invidere regnantes: & videlicet cavendum erat ne huius regnum sive Romani, sive Iudæi esset adversum. Quod si interrogante Pilato continue respondisset, non etiam Iudæis, sed solis Gentibus hoc de se opinantibus respondisset videretur. Sed post responsum Pilati, iam Iudæi, & Gentibus opportunus, aptiusque respondit; quasi dicat: Audite Iudæi, & Gentes, non impedio dominationem vestram in hoc mundo. Quid vultis amplius? Venite credendo ad regnum quod non est de hoc mundo. Quid est enim eius regnum, nisi credentes in eum? quibus dicit: *De hoc mundo non estis*; quamvis eos esse vellet in mundo. Unde & hic non ait: *Regnum meum non est in hoc mundo*; sed *non est de hoc mundo*. De mundo enim est quicquid hominum a Deo quidem creatum, sed ex Adam vitiatum stirpe generatum est; factum est autem regnum non iam de mundo quicquid inde (5) in Christogeneratum est. Sic enim nos Deus eruit de pot-

(1) Nicolaus habet qui Romanis legibus subiacent. (2) Al. desit non. (3) Hic index Theophylacti omittitur in ed. Hippolyti P. Nicolai. (4) Corrigit Nicolaus vel quoniam regnantes solent invidere regnantes. (5) Al. in Christum generatum est.

potestate tenebrarum, & transfudit in regnum Filii caritatis suæ. CHRYSOSTOMUS (hom. lxxxix.) Vel hoc dicit, quoniam non tenet regnum, ut hic Regesterreni tenent; sed quoniam desuper habet principatum, qui non est humanus, sed multo maior, & clarior; unde subdit: *Si ex hoc mundo esset regnum meum, ministri mei utique decertarent ut non traderer Iudæis.* Ostendit hic regni eius quod apud nos est imbecillitate, quoniam a ministris habet sortitudinem; superius vero regnum sufficiens est sibi ipsi, nullo indigens. Si igitur maius est illud regnum, volens capius est, se ipsum tradens. AUGUSTINUS (tract. cxv.) Cum autem probasset regnum suum non esse de hoc mundo, subdit: *Nunc autem regnum meum non est hic.* Non dixit, Non est hic: hic enim est regnum eius usque ad finem sæculi, habens intra se commixta zizania usque ad messiem; sed tamen non est hic, quia peregrinatur in mundo. THEOPHYLACTUS. Vel ideo non dicit, Non est hic, sed *non est hic*: nam regnat in mundo, & utitur eius provisione. & iuxta vocem eundem disponit; non est autem ab infimis constitutum regnum eius, sed æliis, & ante sæcula. CHRYSOSTOMUS (hom. cit.) Hinc autem hæretici accipientes occasionem, alienum eum esse a mundi conditione dicunt. Sed cum dicit, *Regnum meum non est hic*, non privat mundum a sua providentia, & prælatione; sed ostendit regnum suum non esse humanum, neque corruptibile.

Sequitur: *Dicit itaque ei Pilatus: Ergo Rex es tu?* Respondit Iesus: *Tu dicis, quia Rex sum ego.* AUGUSTINUS (ut supra.) Non quia Regem se timuit confiteri; sed ita dictum est, ut neque Regem se neget, neque Regem se talem esse fateatur cuius regnum putetur esse de hoc mundo. Dictum est enim, *Tu dicis*, ac fideretur: Carnalis carnaliter dicis. Deinde subiungit: *Ego in hoc natus sum, & ad hoc veni in mundum, ut testimonium perhibeam veritati.* Non est producenda huius pronominis syllaba quod ait, *In hoc natus sum*, tamquam dixerit, (1) *in hac renatus sum*; sed corripienda, tamquam dixerit, *Ad hoc natus sum*; sicut & ait: *Ad hoc veni in mundum.* Unde manifestum est eum temporalem nativitatem suam hic commemorare, qua incarnatus venit in mundum, non illam sine initio qua Deus erat. THEOPHYLACTUS. Vel aliter quæsit per Pilatum si Dominus es-

set Rex, Ego inquit, *in hoc natus sum*, id est ad hoc quia Rex sum: hoc enim ipso quod a Rege productus sum, me quoque testor fore Regem. CHRYSOSTOMUS (hom. lxxxix.) Si igitur Rex natus est, nihil nisi accipiens habet. *Ad hoc*, inquit, *veni, ut testimonium perhibeam veritati*; hoc est, ut hoc ipsum suadeam omnibus. Et notandum est, quod suam humilitatem ostendit dum dicentibus quoniam malefactor est, ferebat silens; quando vero interrogatus est de regno, tunc locutus est ad Pilatum, erudiens eum, & reducens ad altiora: & ostendit se nihil veritutum operatum esse per hoc quod dicit: *Ut testimonium perhibeam veritati.* AUGUSTINUS (ut supra.) Cum autem Christus testimonium perhibeat veritati, testimonium perhibet sibi: eius quippe est vox supra xiv. *Ego sum veritas.* Sed quia non omnium est fides, adiungit, atque ait: *Omnis qui est ex veritate, audit vocem meam.* Audit utique interioribus auribus; id est, obedit meæ voci; ac si diceret, Credit mihi. Quid vero ait, *Omnis qui est ex veritate, gratiam commendavit*, qua secundum propositum vocat. Nam si naturam cogitemus, in qua creati sumus, cum omnes veritas creaverit, quis non est ex veritate? Sed non omnes sunt, quibus ut obediatur veritati, ex ipsa veritate præstatur. Si enim dixisset, *Omnis qui audit vocem meam, ex veritate est*, ideo dictus ex veritate putaretur, quia obtemperat veritati. Non autem hoc dicit, sed ait: *Omnis qui est ex veritate, audit vocem meam.* Audit utique, ac per hoc non ideo est ex veritate, quia eius audit vocem; sed ideo audit, quia ex veritate est: quia hoc illi donum ex veritate collatum est. CHRYSOSTOMUS (hom. lxxxix.) Hæc autem dicens, attrahit, & suadet sericorum, quæ dicuntur, audire: (2) ita denique & eum cepit his brevibus verbis, ut quæreret, quid est veritas; sequitur enim: *Dixit ei Pilatus, Quid est veritas?* THEOPHYLACTUS. Nam fere ab hominibus evanuerat, & cunctis erat incognita, dum essent increduli.

(1) AUGUSTINUS (tract. cxv.) Cum dixisset Pilatus, *Quid est veritas?* credo in mentem illi venisse continuo consuetudinem Iudæorum, qua solet eis dimitti unus in pascha; & ideo non expectavit ut responderet ei Iesus, ne mora fieret, eum recollisset morem quo posset eis in pascha dimitti; quod eum valde voluisse mani-

Oooo 2 fe-

(1) *Al.* In hoc renatus sum. (2) *Al.* itaque denique & eum cepit his brevibus verbis &c.

festum est: unde dicit: *Et cum hoc dixisset, iterum exiit ad Iudaeos.* CHRYSOSTOMUS (hom. eadem.) Sciebat enim quidem quoniam hæc indigebat tempore interrogatio: oportebat autem eum eripere ab impetu Iudæorum, idcirco & exiit. ALCUINUS. Vel non expectabat audire responsum, quia forte indignus fuit audire.

Sequitur: *Et dixit eis: Ego nullam in eo invenio causam.* CHRYSOSTOMUS (ut supra.) Non dixit: Quia peccavit, & dignus est morte, donatæ eum festo: sed primum eum excusans tum rogat ex abundantia, ut si nollent eum ut innocentem dimittere, saltem obnoxium donarent temporis; ideoque induxit: *Est autem consuetudo vobis ut unum dimittam vobis in pascha.* BEDA. Hæc consuetudo non erat legis præceptum, sed ex antiqua Patrum traditione descendit, ut ob recordationem liberationis ex Aegypto unum etiam in die paschæ dimitterent vinctum. Deinde exhortative dicit: *Vultis ergo dimittam vobis Regem Iudæorum?* AUGUSTINUS (tract. eodem.) Avelli enim ex eius corde non potuit Iesum Regem Iudæorum esse; tamquam hoc ibi sic-

ut in titulo ipsa veritas (1) fixerit, de qua quid esset interrogavit. THEOPHYLACTUS. Pulchre autem Pilatus responderet per hoc quod in nullo Iesus erraverit; sed frustra inquietetur ab eis velut regnum desiderans. Non enim eum, qui se Regem assereret, ac æmulum Romanæ potestatis, Romanorum vicarius absolvisset. Quamobrem in hoc quod dixit, *Regem Iudæorum absolvam*, prorsus innoxium Iesum prodit, illudque Iudæos; quasi dicat: Quem vos criminamini ut Regem se putantem, hunc ego absolvi iubeo quasi talem non existentem. AUGUSTINUS (tract. eod.) Sed hoc audito clamaverunt: unde sequitur: *Clamaverunt omnes rursus dicentes: Non hunc, sed Barabbam. Erat autem Barabbas latro.* Non reprehendimus, o Iudæi, quod per pascha libertatis nocentem, sed quod occidistis innocentem; quod tamen nisi fieret, verum pascha non fieret. BEDA. Quia ergo reliquerunt Salvatorem, & petiverunt latronem, usque hodie diabolus sua latrocinia exercet in ipsos. ALCUINUS. Barabbas autem interpretatur Ille filius magistri (2) eorum, id est diaboli, qui huic latroni in suo scelere, Iudæis in sua perfidia magister fuit.



C A P U T XIX.

(a) **T**unc ergo apprehendit Pilatus Iesum, & flagellavit: Et milites plestentes coronam de spinis imposuerunt capiti eius, & veste purpurea circumdederunt eum: & veniebant ad eum, & dicebant, Ave Rex Iudæorum; & dabant ei alapas. Exiit iterum Pilatus foras, & dixit eis: Ecce adduco vobis eum foras, ut cognoscatis quia nullam invenio in eo causam. Exiit ergo Iesus portans spineam coronam, & purpureum vestimentum. Et dicit eis, Ecce homo.

(b) Cum ergo vidissent eum pontifices, & ministri, clamabant dicentes: Crucifige, crucifige eum: Dicit eis Pilatus: Accipite eum vos, & crucifigite: ego enim non invenio in eo causam. Responderunt ei Iudæi: Nos legem habemus, & secundum legem debet mori, quia Filium Dei se fecit. Cum ergo audisset Pilatus hunc sermonem, magis timuit.

(c) Et ingressus est prætorium iterum, & dicit ad Iesum, Unde es tu? Iesus autem responsum non dedit ei. Dicit ergo ei Pilatus: Mihi non loqueris? Nescis quia potestatem habeo crucifigere te, & potestatem habeo dimittere te? Respondit Iesus: Non haberes potestatem adversum me ullam, nisi tibi datum esset de super. Propterea qui me tradidit tibi, maius peccatum habet. Et exinde quærebat Pilatus dimittere eum.

(d) Iudæi autem clamabant dicentes: Si hunc dimittis, non es amicus Cæsaris. Omnis enim qui se Regem facit, contradicit Cæsari. Pilatus autem, cum audisset hos sermones, adduxit foras Iesum, & sedit pro tribunali in loco qui dicitur

Li-

(1) M. dixit. (2) M. dixit coronam.

Lithostratos, Hebraice autem Gabatha: erat autem parasceve paschæ, hora quasi sexta: & dicit Iudæis, Ecce Rex vester. Illi autem clamabant: Tolle, tolle, crucifige eum. Dicit eis Pilatus: Regem vestrum crucifigam? Responderunt pontifices: Non habemus Regem nisi Cæsarem. Tunc ergo tradidit eis illum, ut crucifigeretur.

(e) Susceperunt autem Iesum, & eduxerunt. Et baiulus sibi crucem exivit iu cum qui dicitur Calvariæ locum, Hebraice autem Golgotha: ubi crucifixerunt eum, & cum eo alios duos hinc & inde, medium autem Iesum.

(f) Scripsit autem & titulum Pilatus, & posuit super crucem. Erat autem scriptum: Iesus Nazarenus Rex Iudæorum. Hunc ergo titulum multi legerunt Iudæorum, quia prope civitatem erat locus ubi crucifixus est Iesus. Et erat scriptum Hebraice, Græce, & Latine. Dicebant ergo Pilato pontifices Iudæorum: Noli scribere, Rex Iudæorum; sed Quia ipse dixit, Rex sum Iudæorum. Respondit Pilatus: Quod scripsi scripsi.

(g) Milites ergo cum crucifixissent eum, acceperunt vestimenta eius, & fecerunt quatuor partes, unicuique militi partem, & tunicam. Erat autem tunica inconsutilis, desuper contexta per totum. Dixerunt ergo ad invicem: Non scindamus eam, sed fortiamur de illa cuius sit. Ut Scriptura impleteretur dicens: Partiti sunt vestimenta mea sibi, & in vestem meam miserunt sortem.

(h) Et milites quidem hæc fecerunt. Stabant autem iuxta crucem Iesu mater eius, & soror matris eius Maria Cleophae, & Maria Magdalene. Cum vidisset ergo Iesus matrem, & discipulum stantem quem diligebat, dicit matri suæ: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in suam.

(i) Postea sciens Iesus quia omnia consummata sunt, ut consummaretur Scriptura, dixit, Sitio. Vas autem erat positum aceto plenum. Illi ergo sponsia plenam aceto, hyssopo circumponentes, obtulerunt ori eius. Cum ergo accepisset Iesus acetum, dixit, Consummatum est; & inclinato capite tradidit spiritum.

(k) Iudæi ergo, quoniam parasceve erat, ut non remanerent in cruce corpora sabbato (erat enim magnus dies ille sabbati) rogaverunt Pilatum ut frangerentur eorum crura, & tollerentur. Venerunt ergo milites, & primi quidem fregerunt crura, & alterius qui crucifixus est cum eo; ad Iesum autem cum venissent, ut viderent eum iam mortuum, non frangerunt eius crura; sed unus militum lancea latus eius aperuit, & continuo exivit sanguis, & aqua. Et qui vidit testimonium perhibuit, & verum est testimonium eius; & ille scit quia vera dicit, ut & vos credatis. Facta sunt enim hæc ut Scriptura impleteretur: Os non comminuetis ex eo: & iterum alia Scriptura dicit: Videbant in quem transfixerunt.

(l) Post hæc autem rogavit Pilatum Ioseph ab Arimathæa, eo quod esset discipulus Iesu, occultus autem propter metum Iudæorum, ut tolleretur corpus Iesu. Et permisit Pilatus. Venit ergo, & tulit corpus Iesu. Venit autem & Nicodemus, qui venerat ad Iesum nocte primum, ferens mixturam myrrhæ, & aloes quasi libras centum. Acceperunt ergo corpus Iesu, & ligaverunt eum linteis cum aromatibus, sicut mos est Iudæis sepelire. Erat autem in loco ubi crucifixus est, hortus, & in horto monumentum novum, in quo nondum quisquam positus fuerat. Ibi ergo propter parasceven Iudæorum, quia iuxta erat monumentum, posuerunt locum.

(a) **AUGUSTINUS** (tracl. cxvi.) *Tunc ergo apprehendit Pilatus Iesum, & Agellavit.* Hoc Pilatus, non ob aliud fecisse sum sibi dimitti a Pilato velle propter pascha, sed Barabam latronem, subditur: | *trati, sufficere sibi æstimarent, & usque*
ad

ad eius mortem scire defilerent. Ad hoc pertinet quod idem præfectorum cohortem suam permisit facere quæ sequuntur; aut fortassis & iussit: dixit enim quid deinde fecerint milites, Pilatum tamen id iussisse non dixit: sequitur enim: *Et milites plesteres coronam de spinis imposuerunt capiti eius; & vestis purpurea circumdederunt eum; & veniebant ad eum; & dicebant, Ave Rex Iudeorum, & dabant ei alapas.* CHRYSOSTOMUS (hom. lxxxiii.) Quia enim Pilatus dixit eum Regem Iudeorum, schema ei contumelie de reliquo apponunt. BEDA. Nam pro diademate spinæ milii imposuerunt coronam, & pro purpureo vestimento, quo Reges veteres utebantur, vestem purpuream ei circumdant: ubi non debet videri contrarium quod Mattheus dicit circumdedit eum chlamidem coccineam, quia, ut Origenes refert, unius sunt materie coccus, & purpura: coccule enim induruntur, & ex his guttæ sanguinis fluunt, ex quibus utriusque generis tingitur vestimentum. Et quamvis hoc milites illudendo facerent, nobis tamen operabantur mysteria. Nam per spinæ coronam nostrorum designatur peccatorum susceptio, quæ sicut spinas terra nostri corporis germinat. In vestimento purpureo caro passionibus subiecta significatur. Purpura etiam vestitur, cum de triumphis sanctorum Martyrum gloriatur. CHRYSOSTOMUS (hom. ead.) Non autem iniunctum principis erat quod faciebant, sed ad gratiam Iudaicam hoc faciebant: quia neque circa initium ab illo iussi ierunt nocte; sed Iudæis pecuniarum gratia gratificantes omnia audebant: tunc autem & talibus factis ipse stabat silens. Tu vero audiens hæc, in mente habe continue; & Regem orbis terrarum, & Angelorum Dominum videns contumeliam patientem, & omnia ferentem silentio imitare. AUGUSTINUS (tract. cxvi.) Sic enim implebantur quæ de se dixerat Christus; sic Martyres informabantur ad omnia quæ persecutores libuit facere, perferenda; sic regnum quod de hoc mundo non erat, superbum mundum non atrocitate pugnandi, sed patiendi humilitate vincebat. CHRYSOSTOMUS (hom. lxxxiii.) Ut autem

convicium quod a militibus factum erat in eum, videntes respicerent a passione, enotatum Iesum adduxit ad eum: unde sequitur: *Exiit iterum Pilatus foras, & dixit eis: Ecce adduco vobis eum foras, ut cognoscatis quia nullum in eo causam invenio.* AUGUSTINUS (ubi supra.) Hinc apparet non ignorante Pilato hæc a militibus facta, sive iusserit ea, sive permiserit illa, scilicet causa quam supra diximus, ut hæc eius ludibria inimici libentissime viderent, & ulterius sanguinem non siterent: unde sequitur: *Exiit ergo Iesus portans spinæ coronam, & purpureum vestimentum: non clarus imperii, sed plenus opprobrio.* Sequitur: *Et dicit eis, Ecce homo; quasi dicat: Si Regi invidetis, iam parcite, quia abiectionem videtis: servet ignominia, frigateat invidia.*

(b) AUGUSTINUS (tract. cxvi.) Iudeorum invidia pro Christi ignominia non frigateat: inardescit potius, & inerefcit: unde dicitur: *Cum ergo viderent eum pontifices, & ministri, clamabant dicentes: Crucifige, crucifige eum.* CHRYSOSTOMUS (hom. lxxxiii.) Vidit ergo Pilatus omnia inaniter fieri: unde sequitur: *Dicit eis Pilatus: Accipite eum vos, & crucifige.* Excerantibus est hoc verbum, & ad rem non concessam eos impellentis: ipsi enim ducebant eum, ut cum præsidis iudicio hoc fieret. Contigit autem contrarium, iudicio præsidis eum magis abolveri: unde sequitur: *Ego enim non invenio in eo causam: continuo enim eum ab accusationibus eruit: unde manifestum est quoniam & prius propter illorum concessit insaniam. Sed Iudæis canes nil horum in verecundiam convertit: nam sequitur: Responderrunt Iudæi: Nos legem habemus, & secundum legem debet mori: quia Filium Dei se fecit.* AUGUSTINUS (ut supra.) Ecce alia maior invidia: parva quidem illa videbatur velut affectus illicito ausu regis potestatis: & tamen neutrum sibi Iesus mendaciter usurpavit; sed utrumque verum est, & nigenitus est Dei Filius, & Rex a Deo constitutus super Sion montem sanctum eius: & utrumque nunc demonstraret, nisi quanto erat potentior, tanto mallet esse patientior. CHRYSO-

STO-

EX EDITIONE P. NICOLAI.

* Quod ex Beda sequitur, apud illum his verbis non occurrit; sed aliquid simile spoliū tum ex Commentariis in quatuor Evangelia, tum etiam ex hom. de scia 112. post dominicam passionis colligi potest, ubi tamen Origenis auctio non libetur, ut nec occurrit apud eum quod hic interiecit ut ex sita.

SYOMUS (hom. cit.) Ad invicem enim ipsis disputantibus silebat, implens propheticum illud (Esaï. lxxi.) quod „non aperiuit os suum; (1) in humilitate sua iudicium ei sublatum est. „AUGUSTINUS de Con. Evang. (Lib. III. cap. viii.) Hoc autem potest congruere ei quod Lucas commemorat cap. xxii. in accusatione Iudeorum dictum: „Hunc invenimus subvertentem gentem nostram:“ ut adiungatur: *Quia Filium Dei se fecit.* CHRYSOSTOMUS (hom. lxxxiii.) Deinde Pilatus quidem timet ab ipsis auditis, & formidavit ne forte verum esset quod dicebatur, & videretur inique agere: unde sequitur: *Cum ergo audisset Pilatus hunc sermonem, magis timuit.* BEDA. Non timuit, quia legem audit, quia alienigena erat, sed magis timuit, ne Filium Dei occideret. CHRYSOSTOMUS (hom. ead.) Illi vero hoc dicentes non horruerunt; sed infeliciunt eum pro quibus oportuerat adorare.

(C) CHRYSOSTOMUS (hom. lxxxiii.) Pilatus timore confusus, rursus inquisitionem facit: unde dicitur: *Et ingressus est præteritum iterum, & dicit ad Iesum: Unde es tu?* Non autem ultra interrogat, *Quid fecisti?* Sequitur: *Iesus autem responsum non dedit.* Qui enim audivit, quoniam in hoc natus sum, & ad hoc veni, & quoniam regnum meum non est hinc, cum debuisset resistere, & eripere eum, hoc quidem non fecit, sed secutus est Iudaicum impetum. Propterea ergo nihil ei respondit, quoniam inaniter omnia interrogabat. Sed & aliter operibus testantibus ei, nolebat per sermones vincere, & excusationes componere, ostendens quoniam (2) ad hoc venit. AUGUSTINUS (tract. cxvi.) Hoc autem silentium Domini nostri Iesu Christi non semel factum, collatis omnium Evangelistarum narrationibus, reperitur, & apud principem Sacerdotum, & apud Herodem, & apud ipsum Pilatum, ut non frustra de illo prophetia (Esaï. lxxi.) processerit: „Sicut agnus coram tondente fuit sine voce, sic non aperuit os suum:“ tunc utique quando interrogantibus non respondit: quamvis enim quibusdam interrogantibus sæpe responderit, tamen proper illa in quibus noluit respondere, ad hoc data est de agno similitudo, ut in suo silentio non reus, sed innocens haberetur; idest, non sicut male sibi conscius, qui de peccatis convincebatur suis, sed sicut mancus qui pro peccatis

immolabatur alienis. CHRYSOSTOMUS (hom. ead.) Quia igitur sicut, sequitur: *Dicit ergo ei Pilatus: Tibi non loqueris? Nescis quia potestatem habeo crucifigere te, & potestatem habeo dimittere te?* Vide qualiter se ipsum condemnavit. Si enim in te totam positum est, cuius gratia nullam causam inveniens, non absolvis? Quia igitur adversus seipsum protulit, respondit Iesus: *Non haberes potestatem adversum me ullam, nisi datum esset tibi desuper: ostendens quoniam non simpliciter, & secundum aliorum consequentiam hoc fit, sed mystice consummatur.* Ne igitur hoc audiens æstimes eum ab omni erutum crimine, subdit: *Propterea qui tradidit me tibi, peccatum maius habet.* Et mirum si datum erat, neque hic, neque illi obnoxii sunt criminibus: inaniter dicit. Hoc enim datum est, idest concessum; ac si diceret, Permisisti hoc fieri; neque tamen propterea extra nequitiam sunt. AUGUSTINUS (tract. cxvi.) Ecce respondit. Proinde ubi non respondebat, non sicut reus, sive dolosus, sed sicut ovis silebat; ubi respondebat, sicut pastor docebat. Discamus ergo quod dixit, quod & per Apostolum docuit Rom. xiii. quia „non est potestas nisi a Deo:“ & quia plus peccat qui potestati innocentem occidendum livore tradit, quam potestas ipsa si eum timore alicuius maioris potestatis occidit. Talem quippe Deus dederat illi potestatem ut esset etiam sub Cæsaris potestate: quapropter, inquit: *Non haberes adversum me potestatem ullam, idest quantumcumque habes, nisi hoc ipsum, quidquid est, tibi est datum desuper.* Sed quia scio quantum sit, non enim tantum est ut tibi omni modo liberum sit, propterea qui tradidit me tibi, maius peccatum habet. Ille quippe me tunc potestati tradidit invidendo, tu vero eandem potestatem in me exerciturus es metuendo. Nec timendo quidem, præsertim innocentem hominem, homo debet occidere; sed id zelando facere multo maius malum est, quam timendo: & ideo non ait: *Qui me tibi tradidit, ipse habet peccatum,* tamquam ille non haberet; sed ait, *Maius peccatum habet,* ut etiam se habere intelligeret. THEOPHYLACTUS. Dicit autem, *Qui tradidit me tibi,* idest Iudas, vel etiam turba. Cum ergo patens responsum Iesus ediderit, quod nihil ego memetipsam præberem, & Pater concederet, non haberes potestatem in me; ex hoc potius ipsam ab-

sol-

(1) Nescius habet & in humilitate iudicium eius sublatum est; *Vulgata autem ibi legit: „De angustia, & de iudicio sublatum est.“* (2) Nescit interponit sponte.

solvere Pilatus satagebat : unde sequitur : *Est exinde quarebat Pilatus dimittere eum . AUGUSTINUS* (ut supra .) Lege superiora , & invenies iam dudum eum quarere dimittere Iesum . *Exinde* itaque intelligendum est , propter hoc , id est ex hac causa , ne haberet peccatum occidendo innocentem sibi traditum .

(d) *AUGUSTINUS* (tract. cxvi.) Maiorem timorem se ingerere putaverunt Iudei Pilato terrendo de Cesare , ut occideret Christum , quam superius ubi dixerunt : *Nos legem habemus , & secundum legem debet mori , quia Filium Dei se fecit* : unde dicitur : *Iudei autem clamabant dicentes : Si hunc dimittis , non es amicus Cesaris : omnis enim quisque Regem facit , contradicit Cesari . CHRYSOSTOMUS* (hom. lxxxiii.) Sed unde habetis hoc demonstrare ? A purpura , a diademate , a curru , a militibus ? Nonne solus semper cum duodecim discipulis incedebat , per omnia vilia transiens , & cibum , & stolum , & habitationem ? *AUGUSTINUS* (tract. cxvi.) Pilatus autem eorum legem non timuit , ut occideret ; sed magis Filium Dei timuit , ne occideret . Nunc vero non sic potuit contemnere Cæsarem autorem potestatis suæ , quemadmodum legem gentis alienæ : unde (subditur : *Pilatus autem cum antistes hoc sermone , adduxit foras Iesum , & sedit pro tribunali in loco qui dicitur Lithostrotos , Hebraice autem Gabbatha . CHRYSOSTOMUS* (hom. lxxxiii.) Exiit quidem , ut scrutatus rem : sedere enim pro tribunali , hoc ostendebat . *GLOSSA* . Sicut enim tribunal est iudicum , sic thronus , vel solium Regum , & cathedra doctorum . *BEDA* . Lithostrotos autem dicitur pavimentum quasi lapide stratum ; & erat locus sublimis .

Sequitur : *Erat autem parasceve pascha , hora quasi sexta . ALCIVINUS* . Parasceve , id est præparatio : hoc nomine dicebatur sexta sabbati , in qua præparabant necessaria sabbato , ut de manna dictum est Exod. xvi. , Sexta die colligetis duplum . "Quia enim sexta die homo est factus , & in septima requievit Deus ; ideo sexta die pro homine patitur , sabbato quiescit in sepulcro .

Hora autem erat quasi sexta . AUGUSTINUS (tract. cxvii.) Quid est ergo quod Marcus dicit cap. xv. "Erat hora tertia , quando crucifixerunt eum , " nisi quia hora tertia crucifixus est Dominus linguis Iudeorum , hora sexta manibus militum ? ut intelligamus horam quintam iam fuisse transactam , & aliquid de sexta cœptum , quando sedit pro tribunali Pilatus , quæ dicta est a Iohanne *hora quasi sexta* ; & cum duceretur , & crucifigeretur , & iuxta eius crucem gereretur quæ gesta narrantur , hora sexta integra compleretur : ex qua hora usque ad nonam sole obscurato , tenebras factas , trium Evangelistarum , Matthei , Marci , & Lucæ testatur (1) auditoras . Sed quoniam Iudei facinus interfecisti Christi a se in Romanos , id est Pilatum , & eius milites , transferre conati sunt ; propterea Marcus ea hora qua Christus a militibus crucifixus est prætermittit , tertiam potius horam recordatus expressit : ut non tantum milites reperiantur crucifixisse Iesum , verum etiam Iudei , qui ut crucifigeretur , hora tertia clamaverunt . Est & alia huius solutio questionis , ut non hic accipiat horam sextam diei , quia neque Iohannes ait : Erat hora diei quasi sexta ; sed ait : *Erat parasceve hora quasi sexta* . Parasceve autem Latine præparatio est : " pascha enim nostrum (ut dicit Apostolus I. Corinth. v.) immolatus est Christus : " cuius paschæ præparationem si ab hora noctis nona computemus , quando videntur principes sacerdotum pronuntiasse Domini immolationem , dicentes , Reus est mortis , usque ad horam diei tertiam , qua crucifixum esse Christum Marcus Evangelista testatur , sex horæ sunt , tres nocturnæ , & tres diurnæ . *THEOPHYLACTUS* . (2) Solvunt autem quidam , quod ex peccato scriptoris contigerit apud Græcos : nam quædam littera Græca nomine gamma , cuius talis est figura γ , tertiam horam importat : quædam autem figura , quæ ab eis vocatur epísemon , quæ talis est ε , sextam horam importat . Ex negligentia ergo scriptorum , præcedens figura cedere potuit in sequentem . *CHRYSOSTOMUS* (hom. lxxxiii.) Pila-

(1) *Α. antheoritate .* (2) *Paulo aliter legi Nicolai .* Solvunt autem quidam quod ex peccato scriptoris contigerit apud Græcos , apud quos litteræ alphabeti accipiuntur ut *επισημα* , sive indices numerorum , nam littera Græca nomine γάμμα , cuius talis est figura γ , tertiam horam importat : quædam autem αλφα , cuius figura talis est α , sextam horam importat .

EX EDITIONE P. NICOLAI.

4 Quod subiungitur ex Glossa , non est in ista quæ aunc erat .

Pilatus ergo, ut scrutaretur exieos, nullam tamen scrutationem faciens, tradit eum, æstimans movendus esset eos: unde sequitur: *Et dixit Iudæis: Ecce Rex vester.* THEOPHYLACTUS. Quasi dicat: Ecce qualem hominem fatemini quod imperium vestrum capesseret, humilis, ut nihil (1) tale possit tentare. CHRYSOSTOMUS (hom. ead.) Et nimirum quæ dicta sunt erant sufficientia ut faceret eos de cetero ab ira cessare; sed trepidabant, ne dimissus, rursus turbam ducat. Amor etenim principatus veritatem quid est, & animum sufficiens perdere: propterea magis insistent: unde sequitur: *Illi autem clamabant, Tolle, tolle.* Interficere enim eam conantur exprobratissima morte: unde subdunt, *Crucifige eum*, formidantes, ne aliqua eius post ipsum fiat memoria. AUGUSTINUS (tract. cxvi.) Adhuc autem Pilatus terrorem, quem de Cæsare ingererant, superare conatur: unde subditur: *Dixit eis Pilatus, Regem vestrum crucifigam?* de ignominia eorum volens eos frangere, quos de ignominia Christi mitigare non potuit.

Sequitur: *Respondenter pontifices: Non habemus Regem, nisi Cæsarem.* CHRYSOSTOMUS (ut supra.) Volentes seipso submisserunt supplicio, propterea & Deus tradidit eos: quia enim concorditer negaverunt regnum Dei, dimisit eos in suum iudicium incidere: regnum enim Christi resistentes, id quod Cælaris est super seipso vocabant. AUGUSTINUS (tract. cxvi.) Sed Pilatus timore mori vincitur: unde sequitur: *Tunc ergo tradidit eis illum, ut crucifigeretur.* Apertissime enim contra Cæsarem venire videretur, si Regem se non habere nisi Cæsarem protestentibus, alium Regem vellet ingerere, dimittendo impunitum quem propter hos ausus ei tradiderunt occideodum. Non autem dictum est: *Tradidit eis illum*, ut crucifigerent illum, sed *ut crucifigeretur*, scilicet iudicio, ac potestate præsidis. Sed ideo illi traditum dixit Evangelista, ut eos crimine implicatos, a quo alieni esse cobactor, ostenderet: non enim faceret hoc Pilatus, nisi ut id quod eos cupere cernebat, impletet.

(c) GLOSSA. Ad mandatum præfatis. *Th. Oper. Tom. V.*

dis, milites Christum susceperunt crucifigendum: unde dicitur: *Susceperunt autem Iesum, & eduxerunt.* AUGUSTINUS (tract. cxvi.) Potest enim hoc iam referri ad milites apparitores præsidis: nam postea evidentiùs dicitur: *Milites ergo eum crucifixerunt eum:* quamvis Evangelista, etiam si totum Iudæis tribuit, merito facit: ipsi enim fecerunt quiddam ut heret extorserunt, CHRYSOSTOMUS (hom. lxxxiv.) Sed quia lignum ut prosumum putabant, & vitabant, & neque tangere ipsum sustinebant; crucem Iesu ut condemnato imponunt: unde sequitur: *Et bini autem sibi crucem, exiit in eum qui dicitur Calvaria locum, Hebraice autem Golgotha: ubi eum crucifixerunt.* Ita & in typo factum est, Isaac etenim ligna portavit; sed tunc quidem usque ad patris benedictionem res processit, nunc autem in rebus effectum obtinuit, veritas enimerat, THEOPHYLACTUS. Sed (2) quodammodo, ut illic Isaac dimissus est, & mactatus est aries, sic & hic divina natura manet impassibilis, sed humanitas, secundum quam aries dicitur, tamquam errantibus arietis Adæ filius, hic mactata est. Sed qualiter alius Evangelista dicit, quod angariaverunt Simonem, ut crucem portaret? AUGUSTINUS de Con. Evang. (Lib. III. cap. x.) Utrumque factum invenimus: primo id quod Ioannes dicit, deinde quod ceteri tres: unde intelligitur quod ipse sibi portabat crucem, cum exiret in locum memoratum. AUGUSTINUS super Ioan. (tract. cxvii.) Grande spectaculum; sed si spectet impietas, grande ludibrium; si pietas, grande mysterium! Videt impietas Regem pro virga regni lignum sui portare supplicii: videt pietas Regem baiulantem lignum ad seipsum figendum, quod fixurus fuerat etiam in frontibus Regum: spernendum oculis impiorum, in quo erant (3) gloriatur corda sanctorum: ipsam crucem in suam gestans humero commendabat, & lucernæ arsuræ, quæ sub modio ponenda non erat, caudelabrum ferebat. CHRYSOSTOMUS (homil. lxxxiv.) Et sicut victores, ita & ipse in humeris portabat victoriæ signum. Quidam autem dicunt, quod in illo loco qui Calvarie dicebatur, Adam mortuus est, &

Pppp le-

(1) A. talis. (2) M. quemadmodum. (3) M. glorificata. *Legit autem Nicolaus: in eo spernendus oculis impiorum, in quo gloriatur &c.*

EX EDITIONE P. NICOLAI.

* Nihil tale in Glossa quæ nunc extat, sed interlinealis tantum habet, quod superscripsit Iesum facti Iudeorum, qui eum fecerunt quid fieri extorserunt; ut mox ex Augustino indicatur.

sepultus; ut in loco ubi mors regnavit, illic & Iesus triumphum statuerit. HIERONYMUS super Matth. (cap. xxvii.) Favorabilis interpretatio; & mulcens aurem populi, nec tamen vera. Extra urbem enim, & foris portam loca sunt in quibus truncantur capita damnatorum, & Calvariae, quasi decalatrunt, fumpere nomen. Adam vero sepultum iuxta Ebron, & Arbee in Iesu filii Nave volumine legimus. CHRYSOSTOMUS (hom. eadem.) Crucifigebant autem eum cum latronibus: unde sequitur: *Et cum eo alios duos hinc & inde; medium autem Iesum*: in hoc prophetiam implentes, quoniam „ cum iniquis reputatus est: „ *Elai. lxxi.* Quae enim conviciantes faciebant, hae veritati consuebant: valebat enim demon quod fiebat obumbrare, sed non valuit: tribus enim in cruce affixis, miracula quae fiebant, nulli ascriptis, nisi soli Iesu. Ita inanes diaboli artes iactantur. Nec solum non obfuit gloriae eius, sed contulit non parum: nam latronem in cruce convertere, & in paradysum inducere, non minus fuit quam concutere petras. (1) AUGUSTINUS a. Tamen & ipsa crux, si attendas, tribunal fuit: in medio enim iudice constituta, unus latro, qui credidit, liberatus; alter, qui insultavit, damnatus est: iam significabat quod facturus est de visis, & martiris, alios positurus ad dexteram, alios vero ad sinistram.

(f) CHRYSOSTOMUS (hom. lxxxiv.) Sicut in triumphum ponuntur victoriam ostendentes, ita Pilatus titulum crucis Christi inscripsit: unde dicitur: *Scriptum autem & titulum Pilatus, & posuit super crucem*: simul quidem pro Christo respondens, ut eum a communi latronum discerneret, simul autem & de Iudaeis ulciscens, ostendens scilicet ipsarum malitiam, dum in suum Regem insurrexerunt: unde sequitur: *Erat autem scriptum: Iesus Nazarenus Rex Iudaeorum.* BEDA. In quo monstrabatur iam tum regnum ipsius, non, ut ipsi putabant, destructum, sed potius augmentatum. AUGUSTINUS (tract. cxviii.) Sed Iudaeorum tantum Rex Christus est, an etiam Gentium? Immo & Gentium: cum enim dixisset Psal. xi. „ Ego autem sum consti-

„ titus Rex ab eo super Sion montem sanctum eius: „ subiecit: „ Postula a me, „ & dabo tibi. Gentis hereditatem tuam. „ Magnum ergo volumus intelligi in hoc titulo sacramentum, quia scilicet oleaster factus est particeps pinguedinis oleae, non olea particeps facta est amaritudinis oleastri. Rex ergo Iudaeorum Christus, secundum Iudaeorum circumcissionem, non carnis, sed cordis; non littera, sed spiritu.

Sequitur: *Hunc ergo titulum multi legebant Iudaeorum: quia prope civitatem erat locus ubi crucifixus est Iesus.* CHRYSOSTOMUS (hom. eadem.) Credibile autem est multos Gentiles simul cum Iudaeis propter festum convenisse; & ideo ut nullus ignoraret, non in una lingua, sed in tribus scriptis: unde subditur: *Erat scriptum Hebraice, Graece, & Latine.* AUGUSTINUS (tract. ut supra.) Hae quippe tres linguae tibi praeter ceteris eminebant. Hebraea propter Iudaeos in lege Dei gloriantes, Graeca propter Gentium sapientes, Latina propter Romanos multis & pene omnibus tunc gentibus imperantes. THEOPHYLACTUS. Significat autem superscriptio triplici sermone figurata, Dominum esse Regem praeciae, physicae, (2) nec non theologiae. Nam per Latinas litteras figuratur praecia, in quod Romanorum imperium potentissimum, satique officiosum in expeditionibus meruit. Per Graecas vero litteras physica figuratur: Graeci namque erga naturalium speculationem insudaverunt. Demum per Hebraicas theologia praetenditur, dum Iudaeis est credita rerum divinarum agnitione. CHRYSOSTOMUS (ut supra.) Iudaei autem crucifixo invidabant: unde sequitur: *Dicebant ergo Pilato pontifices Iudaeorum: Noli scribere, Rex Iudaeorum; sed Quia ipse dixit, Rex sum Iudaeorum.* Nam haec quidem enuntiatio est, & communis sententia. Si vero addiciatur, *Quoniam ipse dixit, ipseus petulantiae, & extollentiae ostenderetur crimen esse.* Sed Pilatus in primum stetit mente: unde sequitur: *Respondit Pilatus: Quod scripsi scripsi.* O ineffabilem vim divinae operationis etiam in cordibus ignorantium! Nonne occulta vox quaedam Pilato intus quondam, si dici potest, clamoso silentio personabat quod tanto ante

(1) M. ALCUINUS. (2) M. nec non theologiae. Nicolai autem legit Regem praeciae physicae, nec non theologiae.

EX EDITIONE P. NICOLAI.

• TRACT. XXXII IN ION. sub finem. • AUGUSTINUS.

ante in Psalmorum litteris prophetatum est: (1) » Ne corrumpas tituli inscriptionem. Sed quid loquimini infani pontifices? Numquid enim propterea non erit verum, quia Iesus ait, Rex sum Iudæorum? Si corrumpti non possent quod Pilatus scripsit, corrumpti potest quod veritas dixit? Ideo enim Pilatus quod scripsit scripsit, quia Dominus quod dixit dixit.

(g) AUGUSTINUS (tract. cxviii.) Iudicium Pilato, milites qui ei parebant crucifixerunt Iesum: unde dicitur: *Milites ergo, eum crucifixissent eum, acceperunt vestimenta eius: & tamen si voluntates, si clamores eorum cogitemus, Iudæi magis crucifixerunt.* Sed de partitione, sortitioneque vestimentorum eius, ceteri Evangelistæ brevius, & clausè; ille vero apertissime locutus est: nam sequitur: *Et fecerunt quatuor partes, unicuique militi partem:* unde apparet quatuor fuisse milites qui in eo crucifigendo prædii paruerunt. Sequitur, *Et tunicam:* subaudiendum est, acceperunt, ut ille sit sensus: Acceperunt autem & tunicam: & sic locutus est, ut de ceteris vestimentis nullam sortem missam esse videamus; sed de tunica, quam simul cum ceteris acceperunt, sed non similiter dividerunt: de hac enim sequitur exponens: *Erat autem tunica inconfutilis de super contexta per totum.* CHRYSOSTOMUS (hom. lxxxiv.) Ipsam speciem tunicæ Evangelista historice designat: quia enim in Palestina duos pannos connectentes subtexunt indumenta, ostendit Ioannes quod talis erat tunica Iesu, occulte vilitatem vestimentorum insinuans. THEOPHYLACTUS. Alii vero dicunt, quod apud Palestinam telas contextunt, non velut apud nos texuntur, (2) exiliente superius stamine, inferius vero textentibus; ut sic non versus partem supremam textura protendat, sed e contra. AUGUSTINUS (tract. cxviii.) Cui autem de illa sortem miserint narrat, dicens: *Dixerunt ergo ad invicem: Non sciamus eam, sed sortiamur de illa, cuius sit.* Apparet itaque in aliis vestimentis æquales se habuisse partes, ut sortiri necesse non fuerit; in illa vero una non eos habere potuisse singulas partes, nisi scinderetur, ut pannos eius inutiliter tollerent: quod ne fierent, ad unum eam pervenire sortitione

maluerunt. Huius Evangelistæ narrationi consonat & propheticum testimonium: unde subiungit: *Ut Scriptura impleteretur dicens: Partiti sunt vestimenta mea sibi, & in vestimentam miserunt sortem.* CHRYSOSTOMUS (hom. lxxxiv.) Intuere prophetiæ certitudinem: (3) non enim quæ partiti sunt solum, sed & quæ non partiti sunt, dixit Propheta: nam vestimenta quidem dividerunt, sed vestem sorti concesserunt. AUGUSTINUS (tract. cxviii.) Mathæus dicendo cap. xxvii. » Diviserunt vestimenta eius, sortem mittentes, » totam divisionem vestimentorum voluit intelligi & ad illam tunicam pertinere, de qua sortem miserunt. Tale est quod etiam ait Lucas cap. xxiii. » Dividentes vestimenta eius, » miserunt sortes. » Dividentes enim, venerunt ad tunicam, de qua est sortitio. Dicendo autem sortes, pluralem numerum pro singulari posuit. Marcus autem solus videtur intulisse aliquam quæstionem: dicendo enim cap. xv. » Mittentes sortem super eis, quis quid toleret, » tamquam super omnibus vestimentis, non super sola tunica fors missa sit, locus videatur. Sed hæc brevitas obscuritatem facit. Si enim dictum est, » Mittentes sortem super eis, » ac si diceretur, Mittentes sortem cum dividerentur. Cum autem dicit, » Quis quid toleret, » ret, » idest quis tunicam toleret, tamquam si totum ita diceretur: Mittentes sortem super eis, quis tunicam, quæ partibus æqualibus superfuera, toleret. Quadripartita autem vestis Domini nostri Iesu Christi, quadripartitam figuravit eius Ecclesiam, quatuor scilicet partibus in orbe diffusam, & in eisdem æqualiter, idest concorditer, distributam. Tunica vero illa sortita, omnium partium significat unitatem, quæ caritatis vinculo continetur. Si autem caritas & supereminentiorem habet viam, & supereminet scientiæ, & super omnia præcepta est, secundum illud Coloss. iii. » Super omnia autem hæc caritatem habete: » merito vestis, qua significatur, de super contexta perhibetur. Et addidit, *Per totum:* quia nemo eius est expertus qui pertinere (4) invenitur ad totum, a quo toto catholica vocatur Ecclesia. Inconfutilis autem, ne aliquando dissuatur: & ad unum

Pppp a pro-

f. (1) Grace, ut Niceolus notat, in Psal. lvi. lxxi. lxxii. talis est simul: Ne corrumpas Davidi in tituli inscriptionem. » Vulgata autem in prædictis Psalmis paulo aliter & Grace, & Latine legitur: Ne disperdas, David in tituli inscriptionem; in Psalmis autem lxxv. tantum habetur: Ne corrumpas. (2) Legit clarior Nicolai existente superius stamine, inferius voto textura panni, ut sic versus partem supremam textura procedat, sed contrariis modo. (3) Alii non enim quæ partiti sunt solum, sed & quæ partiti non sunt, dixit Igitur Propheta: Vestimenta quidem dividerunt, sed non vestem sorti concesserunt: item sed vestem sortiti concesserunt. (4) Alii. videtur.

provenit, quia in unum omnes colligit. In forte autem, Dei gratia commendata est: cum enim fors mittitur, non personæ cuiusque, vel meritis, sed occuitio iudicio Dei ceditur. **CHRYSOSTOMUS** (homil. lxxxiv.) Vel, sicut quidam dicunt, tunica inconfutibilis desuper contexta per totum, secundum allegoriam ostendit quoniam non simpliciter homo erat qui crucifixus est, sed & desuper deitatem habebat. **THEOPHYLACTUS**. Vel aliter. Vestis inconfutibilis denotat corpus Christi, quod a superiori parte contextum est: Spiritus enim sanctus supervenit, & virtus Altissimi Virgini obumbravit. Hoc ergo sacrosanctum Christi corpus indivisibile constat: nam & si dividatur per singulos, sanctificans uniuscuiusque animam simul & corpus, integre tamen & indivisibiliter consistit in omnibus. At quoniam ex quatuor elementis mundus consistit, intelligenda est per Christi vestimenta visibilis creatura, quam inter se dividunt dæmones, quoties morti tradunt verbum Dei quod habitat in nobis, ac fatagunt nos fuz partis effecere per mundanas illecebras. **AUGUSTINUS** (tract. cxviii.) Nec ideo ista non aliquid boni significasse quis dixerit, quia per malos facta sunt: quidem enim de ipsa cruce dicturi sumus, quæ similiter ab impiis facta est? Et tamen ea significari recte intelligitur quod ait Apostolus Ephes. iv. „ Quæ sit latitudo, longitudo, altitudo, & profundum. „ Lata est quippe in transverso ligno, quo extenduntur pendentes manus, & significat opera bona in latitudine caritatis: longa est a transversoligno ulque ad terram, & significat perseverantiam in longitudine temporis: alta est in cacumine, quo transversum lignum sursum versus excedit, & significat supernum finem, quo cuncta opera referuntur: profunda est in ea parte quæ in terra figitur; ibi quippe occulta est, sed cuncta eius apparentia inde consurgunt, sicut bona nostra de profunditate gratiæ Dei, quæ comprehendere non potest, universa procedunt. Sed et si crux Christi hoc solum significet quod ait Apostolus Galat. v. „ Qui Christi sunt, carnem suam crucifixerunt cum passionibus, & concupiscentiis: „ quam magnum bonum est!

Postremo quid est signum Christi nisi crux Christi? Quod signum nisi adhibeatur vivo frontibus credentium, sive ipsa quæ, ex qua regenerantur, sive oleo, quo chrismate unguntur, sive sacrificio, quo aluntur; nihil eorum vitæ proficitur.

(h) **THEOPHYLACTUS**. Cum milites quæ ad propriam spectabant socordiam prolequebantur, ipse de genitricis cura sollicitus est: unde dicitur: *Et milites quidem hæc fecerunt. Stabant autem iuxta crucem Iesæ mater eius, & soror matris eius, Maria Cleopha, & Maria Magdalene.* **AMEROSIUS** in epistolis a. Maria mater Domini ante crucem stabat filii. Nullus me hoc docuit nisi sanctus Ioannes Evangelista. Mundum alii concussum in passione Domini conscripserunt, cælum tenebris obducum, reijcisse solem, in paradysum latronem, sed post piæ confessionem, receptum. Ioannes docuit quod alii non docuerunt, quemadmodum in cruce positus matrem appellaverit. Pluris putavit quod victor suppliciorum, pietatis officia matri exhibebat, (1) quam quod regnum cælestis donabatur vitæ æternæ. Nam si religiosum est quod latroni donatur (2) vita, multo uberius pietatis est quod a filio mater tanto affectu honoratur. *Eccæ, inquit, filius tuus: ecce mater tua.* Testabatur de cruce Christus, & inter matrem atque discipulum dividebat pietatis officia. Condebatur Dominus non solum publicum, sed etiam domesticum testamentum. Et hoc eius testamentum (3) signabat Ioannes, dignus tanto testatore tellis. Bonum testamentum non pecuniæ, sed vitæ æternæ, quod non atramento scriptum est, sed spiritu Dei vivi. „ Lingua mea calamus „ scribæ velociter scribentis: „ Psal. xlii. Sed nec Maria minor quam matrem Christi decebat, fugientibus Apostolis, ante crucem stabat, & piis spectabat oculis filii vulnera: quia (4) spectabat non in pignoris mortem, sed in mundis salutem; aut fortasse quia cognoverat per filii mortem mundi redemptionem, aula regalis etiam sua morte putabat se aliquid publico (5) additurum muneri; sed Iesus non egebat adiutore ad redemptionem omnium, qui omnes (6) sine adiutore servavit: unde & dicit Psal.

(1) *Legit Nicolaus*: quoniam quod cælestis regnum donabat. (2) *Idem reposuit* venia. (3) *M.* significabat. (4) *M.* expectabat. (5) *M.* adiutorem. (6) *M.* sine adiutorio.

EX EDITIONE P. NICOLAI.

* Scilicet ea quæ insensibile ad Veracellensem Ecclesiam solatio passionis destinantur, ut & ad eos qui levant nomen Domini nostri Iesæ Christi. Habentur autem vestis hæc quæ hic notantur.

Pfal. lxxxvii. „Factus sum (1) homine adiutorio inter mortuos liber. “ Suscepit quidem affectum parentis, sed non quaesivit alterius auxilium. Hanc imitmini matres sanctae, quae in unico filio dilectissimo tantum maternae virtutis exemplum dedie: neque enim vos dulciores liberos habetis, neque illud Virgo quaerebat solatium, ut alium posset generare filium. **HIERONYMUS** contra Helvidium (post medium.) Maria illa, quae in Marco, & Matthaeo, Iacobi, & Ioseph mater dicitur, fuit uxor Alphaei, & soror Mariae matris Domini, quam Mariam Cleophae nunc Ioannes cognominat, a patre, live a gentilitate familiae, aut quacumque alia causa ei nomen imponens. Si autem inde tibi alia atque alia videtur, quod alibi dicatur Maria Iacobi minoris mater, & hic Maria Cleophae; discite Scripturae consuetudinem, eundem hominem diversis nominibus appellari. **CHRYSOSTOMUS** (homil. lxxxv.) Et considera, quod imbecillius genus, scilicet mulierum, virilius apparuit iuxta crucem stando, fugientibus discipulis. **AUGUSTINUS** de Con. Evan. (Lib. III. cap. xxi.) Nisi autem Matthaeus, & Lucas Mariam Magdalene nominassent, potuissimus dicere alias a longe, alias iuxta crucem fuisse: nullus enim eorum praeter Ioannem matrem Domini commemoravit. Nunc ergo quomodo intelligitur eadem Maria Magdalene & a longe stetit cum aliis mulieribus, sicut Matthaeus, & Lucas dicunt, & iuxta crucem fuisse, sicut Ioannes dicit; nisi quia in tanto intervallo erant ut iuxta dici possent, quia in conspectu eius praesto aderant, & a longe in conspectu turbae propinquius circumstantis cum Genturione, & militibus? Possimus etiam intelligere quod illae quae simul aderant cum matre Domini, postquam eam discipulo commendavit, abire iam coeperant, ut a densitate turbae se eruerent, & cetera quae facta sunt, longius intuerentur, ut ceteri Evangelistae, qui post mortem Domini eas commemoraverunt, iam longe stantes commemorarent. Quid autem interest ad veritatem quod quidam mulieres pariter (2) omnes, quasdam singuli nominaverunt? **CHRYSOSTOMUS** (hom. ead.) Et cum aliae mulieres astarent, nullius alterius meminit nisi matris, docens nos plus aliquid matris praebere. Sicut enim parentes circa spiritualia adversarialia neque nosse oportet;

ita quando nihil impediunt, omnia decet eis praebere, (3) & aliis praeferre: unde subditur: *Cum vidisset ergo Iesus matrem, & discipulum stantem quem diligebat, dicit matri suae: Mulier, ecce filius tuus.* **BEDA.** Dilectionis inditio Evangelistae suam demonstrat personam: non quod exceptis ceteris solus, sed praeter ceteris familiaris propter privilegium castitatis a Domino amabatur, quoniam virgo ab eo vocatus, virgo permansit in aeternum. **CHRYSOSTOMUS** (homil. eadem.) Papae! quanto discipulum honoravit honore! Sed ipse seipsum occultat, moderata sapiens: si enim vellet gloriari, & causam utique adicebat propter quam amabatur: etenim conveniens est magnam quamdam, & m. rabilum esse causam. Ideo autem nihil aliud Ioanni loquitur, neque consolatur tristitiam, quoniam tempus non erat (4) verborum consolatione. Sed neque parum erat honorari eum tali honore. Quia vero conveniens erat matrem existentem dolore oppressam procuracionem quaerere, quia ipse aberat; discipulo qui diligebatur tradidit diligentiam habituro: unde sequitur: *Deinde dicit discipulo: Ecce mater tua.* **AUGUSTINUS** (tract. cxix.) Haec nimirum est illa hora de qua Iesus aquam conversurus in vinum dixerat matri supra 11. *Quid mihi, & tibi est, mulier? Nondum venit hora mea.* Tunc enim divina facturus, non divinitatis, sed humanitatis, vel infirmitatis matrem velut incognitam repellebat; nunc autem humana iam patiens, ex qua factus fuerat homo, affectu commendabat humano. Moralis igitur insinuat locus, & exemplo suo instruit praceptor bonus, ut a filiis piis impendatur cura parentibus; tamquam lignum illud ubi erant fixa membra morientis, etiam cathedra fuerit magistri docentis. **CHRYSOSTOMUS** (homil. lxxxiv.) Itaque etiam Marcionis obstruit invectivam: si enim non genitus est secundum carnem, neque matrem habuit, cuius gratia tantam circa eam solam facit providentiam? Intuere autem qualiter cum crucifigeretur, universa imperturbate agebat, discipulo loquens de matre, prophetias implens, latroni bonam spem tribuens; antequam autem crucifigeretur, trepidans videtur: nam illic quidem naturae imbecillitas demonstrata est, hic autem virtutis superabundantia ostendebatur. Sed & nos per hoc erudit, si ante adversa conturbamur

(1) Hi sicut homo. (2) Alii desunt omnes. (3) Alii de de aliis praeferre; item & aliis praeferre.
4) Corrigit Nicetai verborum consolationali opportunitatem.

mur, non propterea desilire; (1) cum vero agonem ingressi fuerimus omnia sustinere ut facilia, & levia. AUGUSTINUS (tract. cxix.) Quia ergo matri, quam relinquebat, alterum pro se filium quodammodo providebat, cur hoc secerit ostendit in hoc quod subditur: *Et ex illa hora accepit eam discipulus in sua*. Sed in quæ sua Iohannes matrem Domini accepit? Neque enim non ex eis erat qui dixerant ei Matth. xix. „Ecce nos dimisimus omnia, & seculi sumus te.“ Suscepit ergo eam in sua, non prædica, quæ nulla propria possidebat, sed officia, quæ propria dispensatione exequenda curabat. BEDA. Alia littera habet: *Accipit eam discipulus in suam*: quidam volunt in suam matrem; sed congruentius subauditur in suam curam.

(i) AUGUSTINUS (tract. cxix.) Patiebatur hæc omnia qui apparebat homo, & ipse idem disponebat hæc omnia qui latebat Deus: unde dicitur: *Postea sciens quoniam omnia consummata sunt, ut consummaretur Scriptura*, idest quod Scriptura prædixerat Psal. lxxviii. „Et in siti urea potatus, veruat me aceto:“ *dixit, Sitio*; tamquam diceret: Hoc minus fecissis: date quod essis. Iudæi quippe ipsi erant acetum, degenerantes a vino Patriarcharum, & Prophetarum, *Uas ergo positum erat aceto plenum*: tamquam enim de pleno vase, de iniquitate mundi huius impletum cor habentes, velut spongia, cavernosis quodammodo, atque tortuosis latibulis fraudulentum: unde sequitur: *Illi autem spongiam plenam aceto, hyssopo circumponentes, absterunt ori eius*. CHRYSOSTOMUS (homil. lxxxiv.) Neque enim ex his quæ videbant facti sunt mansueti, sed sæviebant magis, & eum porabant, (2) condemnatorum pocula offerentes: propterea enim hyssopus appositus erat. AUGUSTINUS (ut supra.) Hyssopus autem, cui circumposuerunt spongiam aceto plenam, quoniam herba est humilis, & pectus purgat, Christi humilitatem congruenter accipimus; quam circumdederunt, & se circumveisse putaverunt: Christi namque humilitate mundamur. Nec moveat quomodo spongiam ori eius potuerunt admoveere qui in cruce fuerat exaltatus a terra: sicut enim apud alios Evangelistas legitur, quod hic prætermisit, in arundine factum est, ut in spongia talis potus ad crucis sublimia levaretur. THEOPHYLACTUS. Quidam vero hyssopum dicunt vocari arundinem: nam frondes habet arundini consimiles.

Sequitur: *Cum ergo accepisset Iesus acetum, dixit: Consummatum est*. AUGUSTINUS (tract. eod.) Quid nisi quod propheta tanto ante prædixerat? BEDA. Hic queri potest quomodo hic dicitur, *Cum accepisset acetum*, cum alius Evangelista dicat (Matth. xxvii.) „Noluit bibere.“ Sed hoc facile solvitur: quoniam non accepit ut biberet, sed ut quod scriptum erat impleteret. AUGUSTINUS (ubi supra.) Deinde quia nihil remanserat quod antequam moreretur fieri adhuc oporteret, sequitur: *Et inclinate capite tradidit spiritum*, peractis omnibus quæ ut peragerentur expellabat, tamquam ille qui potellatem habebat ponendi animam suam, & iterum sumendi eam. GREGORIUS XI. Moral. (cap. iiii.) Spiritus autem hic pro anima ponitur: si enim aliud spiritum quam animam Evangelista diceret, exente spiritu anima remansisset. CHRYSOSTOMUS (homil. lxxxiv.) Non autem quoniam expiravit, inclinavit caput, sed quia inclinavit caput, tunc expiravit: per quæ omnia indicavit Evangelista quoniam omnium Dominus ipse erat. AUGUSTINUS (tract. cxix.) Quis enim ita dormit quando voluerit, sicut Iesus mortuus est quando voluit? Quanta speranda, vel timenda potestas est iudicantis, si apparuit tanta morientis! THEOPHYLACTUS. Tradidit autem Dominus spiritum Deo Patri, ostendens quod nequaquam sanctorum animæ conversantur in tumulis; immo deveniunt ad manus Patris omnium, peccatoribus ad locum poenarum delatis, videlicet ad infernum.

(k) CHRYSOSTOMUS (hom. lxxxiv.) Iudæi qui camelum transglutiebant, culicem autem (3) collabant, cum tantam fuissent operati audaciam, de die diligenter ratiocinantur: unde dicitur: *Iudæi ergo, quoniam parasceve erat, ut non remaneret in cruce corpora sabbato*. BEDA. Parasceve, idest præparatio, dicta (4) est sexta feria, quia eo die duplices ubi cibos filii Israel præparabant. *Erat enim magnus dies ille sabbati*, scilicet propter solemnitatem paschalem.

Regaverunt Pilatum, ut frangeretur crux eorum. AUGUSTINUS (tract. cxix.) Non crura tollerentur, sed hi quibus ideo frangebantur ut morerentur, ausertur ex ligno, ne pendentes in crucibus magnum diem festum sui diurni cruciatus horrore fœderent. THEOPHYLACTUS. Sic enim iubeatur in lege, non occidere solem in hominis supplicio: vel quia noluerunt in die festo tortores, aut homicidæ censeri.

CHRYS-

(1) *M.* cum in agonem. (2) *M.* condemnationem. (3) *M.* colliquabant. (4) *M.* ex.

CHRYSOStOMUS (hom. ead.) Vide autem qualiter valida est veritas: per eorum enim studia prophetia completur: unde subditur: *Venerunt ergo milites, & primi quidem frangerunt crura, & alterius qui crucifixus est cum eo; ad Iesum autem cum venissent, ut viderent eum iam mortuum, non frangerunt eius crura; sed unus militum lancea latus eius aperuit.* THEOPHYLACTUS. Ut ludæis complacent, lanceant Christum, circa corpus exanime contumelias inferentes; sed contumelia in signum prodiit: sanguinem enim de corpore extincto manare miraculosum est. AUGUSTINUS (tract. cxx.) Vigilanti verbo Evangelista usus est, ut non diceret, *Latus eius percussit*, aut vulneravit, sed *aperuit*, ut illic quodammodo vitæ osium panderetur, unde sacramenta Ecclesiæ manaverunt, sine quibusad vitam quæ vere vita est, non Intratur: unde sequitur: *Et continuo exiit sanguis, & aqua.* Ille sanguis in remissionem sulcus est peccatorum, aqua illa salutare temperat poculum: hoc & lavacrum præstat, & potum. Hoc prænuntiabat quod Noe in latere arcæ osium facere iussus est, quo intrarent animalia quæ non erant diluvio peritura, quibus præfigurabatur Ecclesia. Propter hoc prima mulier facta est de viri latere dormientis; & hic secundus Adam inclinato capite in cruce dormivit, ut inde forma retur ei coniux per id quod de latere dormientis effluxit. O mors, unde mortui reviviscunt! Quid isto sanguine mundius, quid isto vulnere salubrius? CHRYSOStOMUS (homil. lxxxiv.) Et quia hinc suscipiunt principium sacra mysteria, cum accesseris ad tremendum calicem, ut ab ipsa bibiturus Christi costa, ita accedas. THEOPHYLACTUS. Erubescant igitur qui vinum in sacris non inhant mysteriis: videntur enim non credere quod aqua de latere fluxerit. Potest tamen qui calumniose dicere, quod aliqua virtus vitalis erat in corpore, & ideo sanguis effluxit; aqua vero manans inexpugnabile signum fuit; & ideo Evangelista subiungit: *Et qui vidit, testimonium perhibuit.* CHRYSOStOMUS (ibid.) Quasi dicat: Non ab aliis audivit, sed ipse præsens vidit. *Et verum est testimonium eius: quod convenienter subiungit, convicium*

Christi enarrans, non magnum aliquod, & admirabile signum, ut suspensus sermo redderetur; sed ipse hoc dixit, hæreticorum ora præcludens, & futura personarum mysteria, & eum qui latebat in eis insipientiens thesaurum.

Sequitur: *Et ille scit quia vera dicit, ut & vos credatis.* AUGUSTINUS (tract. cxx.) Scit enim qui vidit; cuius credat testimonio qui non vidit. Duo autem testimonia de Scripturis reddidit singulis rebus quas factas fuisse narravit. Nam quia dixerat: *Non frangerunt crura Iesu*; subdidit: *Facta sunt enim hæc, ut Scriptura impleatur: Os non communiatur ex eo*: quod præceptum est eis qui celebrare pascha iussi sunt ovis immolatione in veteri lege, quæ dominicæ passionis umbra præcesserat. Item quia subiunxerat: *Unus militum lancea latus eius aperuit*; ad hoc pertinet alterum testimonium quod subdit dicens: *Et iterum alia Scriptura dicit: Videbunt in quem transfixerunt*: ubi promissus est Christus in ea qua crucifixus est carne futurus. HIERONYMUS a. Hoc autem testimonium sumptum est de Zacharia.

(1) CHRYSOStOMUS (hom. lxxxiv.) Aestimans Ioseph extinctum esse Iudæorum furorem Christo crucifixo, cum fiducia accessit, ut deponendum funus procuraret: unde dicitur: *Post hæc autem rogavit Pilatum Ioseph ab Arimathæa.* BEDA. Arimathæa, ipsa est Ramatha civitas Helcanæ, & Samuelis. Cælitus autem provisum est ut esset dives, (1) ut ad præsidem posset accedere; & ut esset iustus, ut corpus Domini accipere mereretur: unde sequitur: *Ut tolleres corpus Iesu, eo quod esset discipulus Iesu.* CHRYSOStOMUS (hom. ead.) Non ex duodecim, sed ex septuaginta: (2) quoniam nullus ex duodecim accesserit. Et si timorem Iudæorum quis pro causa assumpserit, hic eodem detinebatur timore: unde dicitur: *Oculum autem propter matrem Iudæorum.* Sed valde insignis erat, & Pilato notus: unde & gratiam accepit; & hoc est quod subditur: *Et permisit Pilatus.* Et sepelit de reliquo, non ut condemnatum, sed ut magnum quemdam, & mirabilem: unde subditur: *Venit ergo, & tulit corpus Iesu.* AUGUSTINUS de Con.

(1) A. &. (2) *Leçit P. Nicolai.* Sed quomodo nullus ex duodecim accessit?

Con. I. ang. s. In extremo enim illo officio funeri exhibendo, minus curavit (1) de Iudæis, quamvis solum in Domino audiendo eorum inimicitias devitare. BEDA. Sedata enim utrumque eorum sævitia, eo quod se adversus Christum prævaluisse gaudebant, corpus Christi petiit: quoniam non videbatur causa discipulatus, sed pietatis venisse, ut funeri officium impenderet; quod homines non solum bonis, sed etiam malis solent impendere. Adiungitur autem ei & Nicodemus: unde sequitur: *Venit autem & Nicodemus, qui venerat ad Iesum nocte primum, ferens mixturam myrræ & alios quasi libras centum.* AUGUSTINUS (tr. cxx.) Non ita distinguendum est, ut dicamus, *Primum ferens mixturam myrræ*, sed ut quod dictum est *primum*, ad superiorem sensum pertineat. Venerat enim ad Iesum Nicodemus nocte primum, quod idem Ioannes narravit in prioribus Evangelii sui partibus. Hic ergo intelligendum est, ad Iesum non tunc solum, sed tunc primum venisse Nicodemum, venisse autem postea, ut fieret audiendo discipulus (2) Christi. b Ferunt autem pigmenta, quæ maxime corpus apta sunt quamplurimum conservare, & non permittere cito subiaci corruptioni: adhuc enim ut de nudo homine disponebant, sed tamen multam dilectionem demonstrabant. BEDA. Notandum est autem, quod simplex unguentum fuerit: quia ex diversis aromatibus licentiam conficiendi non habebat.

Sequitur: *Acceperunt ergo corpus Iesu, & ligaverunt eum lineis cum aromatibus, sicut mos est Iudæis sepelire.* AUGUSTINUS (tr. cxx.) In quo Evangelista admonuit in huiusmodi officiis quæ mortuis exhibentur, morem cuiusque gentis esse servandum. Erat autem illius gentis consuetudo ut mortuorum corpora variis aromatibus condicerentur, ut diutius servarentur illæsa. AUGUSTINUS de Con. Evang. (Lib. III. cap. xxxi.) Neque autem hic Ioannes aliis repugnat: neque enim illi qui Nicodemum tacuerunt, affirmaverunt a solo Ioseph Do-minam sepulchrum, quamvis solius commemorationem fecerint: aut quia illi una sindone a Ioseph involutum dixerunt, propter ea prohibuerunt intelligi, & alia lintea

potuisse afferri a Nicodemus, & superaddi, ut verum narret Ioannes, quod non uno linteo, sed linteis involutus sit: quamvis & propter sudarium quod capit adhibebatur, & insitas quibus corpus totum alligatum est, quia omnia de lino erant, etiam si una sindon ibi fuit, veracissime dici potuit: *Ligaverunt eum lineis*: lintea quippe generaliter dicuntur quæ lino texuntur. BEDA. Hinc Ecclesie consuetudo descendit, ut corpus Domini non in sericis, & auro textis consecratur, sed in sindone munda. CHRYSOSTOMUS (hom. lxxxiv.) Quia vero brevitate temporis urgebantur: non enim hora mortuo Christo, deinde accedentibus ad Pilatum, & deponentibus Christi corpus, vespere imminerebat: ideo ponunt eum in proximo monumento: unde subditur: *Erat autem in loco ubi crucifixus est, hortus, & in horto monumentum novum, in quo nondum quisquam positus fuerat*: quod dispensatione factum est, ne alterius alicuius, qui eum eo iaceret, æstimaretur resurrectio facta esse. AUGUSTINUS (tr. cxx.) Sicut etiam in Mariæ Virginis utero nemo ante illum, nemo post illum conceptus est: ita in hoc monumento nemo ante illum, nemo post illum sepultus est. THEOPHYLACTUS. Per hoc etiam quod novum fuit sepulchrum, mystice datur intelligi quod per Christi sepulchrum omnes innovamur, morte, & corruptione destructa. Attende etiam abundantiam pro nobis susceptæ paupertatis: nam qui domum in vita non habuit, post mortem quoque in alieno sepulchro reconditur, & nudus existens, a Ioseph operitur.

Sequitur: *Hi ergo propter parasceven Iudæorum, quia iuxta erat monumentum, posuerunt Iesum.* AUGUSTINUS (ut supra.) Acceleratam vult intelligi sepulchrum, ne ad vespersceret, quando iam propter parasceven, quam cœnam puram Iudæi Latine ultatius apud nos vocant, facere tale aliquid non licebat. CHRYSOSTOMUS (hom. lxxxiv.) Propinquum autem fuit sepulchrum, ut discipuli possent cum facilitate accedere, & consideratores heri eorum quæ eveniebant, prope existente loco, & ut sepulchri testes essent etiam inimici cultodientes sepulchrum, & ut falsus ostenderetur

(1) *Id.* a Iudæis. (2) *Id.* deß Christi.

tur is qui de furto sermo. **BEDA.** My-
stice autem Ioseph interpretatur aptus (1)
pro acceptione boni operis; ad quod mo-
nemur ut corpus Domini digne percipere
mereamur. **THEOPHYLACTUS.** Nunc
etiam quodammodo Christus apud avaros
mortificatur in paupere famem patiente.

Esse ergo Ioseph, & tege Christi nuditatem
non semel, sed (1) iugiter in tuo tumulto
spirituali considerando reconde, cooperi,
& misce myrrham, & aloem amaricantia,
considerando vocem illam Matth. xxv., Ite
maledicti in ignem æternum, quia nihil
amarius æstimo.

C A P U T XX.

(a) **U**Na autem sabbati Maria Magdalene venit mane, cum adhuc tenebræ essent,
ad monumentum, & vidit lapidem revolutum a monumento. Cucurrit
ergo, & venit ad Simonem Petrum, & ad alium discipulum quem amabat Iesus,
& dixit illis: Tulerunt Dominum de monumento, & nescimus ubi posuerunt eum.
Exiit ergo Petrus, & ille alius discipulus, & venerunt ad monumentum. Curre-
bant autem duo simul: & ille alius discipulus præcurrebat citius Petro, & venit
primus ad monumentum; & cum se inclinasset, vidit posita linteamina, non tamen
introivit. Venit ergo Simon Petrus sequens eum, & introivit in monumentum;
& vidit linteamina posita, & sudarium quod fuerat super caput eius, non cum
linteaminibus positum, sed separatim involutum in unum locum. Tunc ergo in-
troivit & ille discipulus qui venerat primus ad monumentum, & vidit, & credi-
dit. Nondum enim sciebat Scripturam, quia oportuit eum a mortuis resurgere.

(b) Abierunt ergo iterum discipuli ad semetipsos. Maria autem stabat ad mo-
numentum foris plorans. Dum ergo fletet, inclinavit se, & prospexit in monu-
mentum; & vidit duos Angelos in albis sedentes, unum ad caput, & unum ad
pedes, ubi positum erat corpus Iesu. Dicunt ei illi: Mulier, quid ploras? Dicit
eis: Quia tulerunt Dominum meum, & nescio ubi posuerunt eum. Hæc cum di-
xisset, conversa est retrorsum, & vidit Iesum stantem, & non sciebat quia Iesus
est. Dicit ei Iesus: Mulier, quid ploras? Quem quæris? Illa existimans quia hor-
tulanus esset, dicit ei: Domine, si tu fustulisti eum, dicito mihi ubi posuisti eum;
& ego eum tollam. Dicit ei Iesus, Maria. Conversa illa dicit ei, Rabboni, quod
dicitur Magister. Dicit ei Iesus: Noli me tangere: nondum enim ascendi ad Pa-
trem meum. Vade autem ad fratres meos, & dic eis: Ascendo ad Patrem meum,
& Patrem vestrum, Deum meum, & Deum vestrum. Venit Maria Magdalene,
annuntians discipulis: Quia vidi Dominum, & hæc dixit mihi.

(c) Cum ergo sero esset die illo una sabbatorum, & fores essent clausæ ubi
erant discipuli congregati propter metum Iudeorum, venit Iesus, & stetit in me-
dio, & dixit eis, Pax vobis; & cum hoc dixisset, ostendit eis manus, & latus.
Gavisi sunt ergo discipuli viso Domino. Dixit ergo eis iterum: Pax vobis. Sicut
misi me Pater, & ego mitto vos. Hæc cum dixisset, insufflavit, & dixit eis:
Accipite Spiritum sanctum. Quorum remisistis peccata, remittuntur eis; & quo-
rum retinueritis, retenta sunt. Thomas autem, unus ex duodecim, qui dicitur
Didymus, non erat cum eis quando venit Iesus. Dixerunt ergo ei alii discipuli,
Vidimus Dominum. Ille autem dixit eis: Nisi videro in manibus eius fixuram
clavorum, & mittam digitum meum in locum clavorum, & mittam manum meam
in latus eius, non credam.

(d) Et post dies octo iterum erant discipuli eius intus, & Thomas cum eis.
Venit Iesus ianuis clausis, & stetit in medio, & dixit eis, Pax vobis; deinde di-
xit

S. T. B. Oper. Tom. V.

Qqqq

cit

(1) *Al. per acceptionem boni operis. Legit autem Miralini interpretatur aptus per augmentum boni ope-
ris, (a) Al. deus iugiter.*

cit Thomæ: Infer digitum tuum huc, & vide manus meas; & affer manum tuam, & mitte in latus meum; & noli esse incredulus, sed fidelis. Respondit Thomas, & dixit ei: Dominus meus, & Deus meus. Dicit ei Iesus: Quia vidisti me, Thomas, credidisti: beati qui non viderunt, & crediderunt. Multa quidem & alia signa fecit Iesus in conspectu discipulorum suorum, quæ non sunt scripta in libro hoc. Hæc autem scripta sunt, ut credatis quia Iesus est Christus Filius Dei, & ut credentes vitam habeatis in nomine eius.

(1) **C**HRYSOSTOMUS (hom. lxxxiv.) Quia iam transierat sabbatum, in quo impediabatur a lege, non potuit Maria Magdalene quiescere, sed venit profundò diluculo, consolationem quamdam a loco sepulture invenire volens: unde dicitur: *Una autem sabbati Maria Magdalene venit mans, cum adhuc tenebra essent, ad monumentum.* AUGUSTINUS de Con. Evang. (Lib. III. cap. xxiv.) Venit quidem Maria Magdalene, sine dubio ceteris mulieribus quæ Domino ministraverant plurimum dilectione ferventior, ut non immerito Iohannes solam commemoraret, tacitis eis qui cum illa fuerant, sicut alii testantur. AUGUSTINUS super Iohannem (tract. cxx.) Una autem sabbati est quem iam diem dominicum propter Domini resurrectionem mos christianus appellat, quem Mattheus primam sabbati nominavit. BEDA. Dicitur ergo *una sabbati*, hoc est altera, sive prima die post sabbatum, THEOPHYLACTUS. Vel aliter. Hebdomadæ dies ludæi sabbatum nominabant, unam autem ex sabbati diebus primam. Futuri autem sæculi exemplar est hæc dies, quoniam futuri sæculi una dies est nequaquam nocte interpolata: Deus enim ibi sol est, qui nunquam occidit. In hac igitur die Dominus resurrexit incorruptibilitatem corporis assumens, sicut nos in futuro sæculo incorruptione induemur. AUGUSTINUS de Con. Evang. (Lib. III. cap. xxiv.) Quod autem Marcus dicit cap. xvi. „Valde magis, ne origine iam sole,“ non repugnat ei quod hic dicitur: *Cum adhuc tenebra essent*: die quippe surgente aliquæ reliquæ tenebrarum tanto magis extenuantur, quanto magis oritur lux. Nec sic accipiendum est quod ait Marcus, „Valde mane orto iam sole,“ tamquam sol ipse iam videretur super terram; sed potius, sicut dicere soleimus eis quibus volumus significare temporis aliquid faciendum, Orto iam sole, dicitur, id est de proximo adveniente in has

partes. GREGORIUS in homil. (xxix. in Evang.) Congruè autem dicitur: *Cum adhuc tenebra essent*: Maria enim audire omnium quem carne viderat, mortuum quærebatur in monumento; & quia hunc minime invenit, furatim credidit. Adhuc ergo erant tenebræ cum venit ad monumentum.

Sequitur: *Et vidit lapidem revolutum a monumento.* AUGUSTINUS de Con. Evang. (lib. III. cap. xxiv.) Iam ergo factum erat quod solus Mattheus commemorat de terræ motu, & lapide revolutò, conterritisque custodibus. CHRYSOSTOMUS (homil. lxxxiv.) Surrexit quidem Dominus, lapide, & signaculis (1) sepulcro iniacentibus. Quia vero oportebat & alios certificari, aperitur monumentum post resurrectionem, & ita creditur quod factum est. Hoc denique & Mariam movit: videns enim lapidem sublatum non intravit, neque prospexit, sed ad discipulos ex multo amore cum velocitate cucurrit. Nondum autem de resurrectione noverat aliquid manifestum, sed putabat translationem corporis esse factam. GLOSSA. Et ideo cucurrit nuntiare discipulis, ut aut secum quærent, aut secum dolerent; & hoc est quod sequitur: *Cucurrit ergo, & venit ad Simonem Petrum, & ad alium discipulum quem diligebat Iesus.* AUGUSTINUS (tract. cxx.) Ita se commemorare solet, quodcum diligebat Iesus, qui utique omnes, sed ipsum præ ceteris, & familiarius diligebat.

Sequitur: *Et dixit eis: Tulerunt Dominum de monumento, & nescimus ubi posuerunt eum.* GREGORIUS III. Moral. (cap. ix.) Hoc autem dicens totum pro parte insinuat: solum quippe corpus Domini quæstura venerat: & quasi totum Domini sublatum deplorat. AUGUSTINUS (tract. cxx.) Nonnulli autem codices (2) Græci habent, *Tulerunt Dominum meum*: quod videri dictum potest propensiore caritatis, vel famulatus affectu. Sed hoc in pluribus codicibus

(1) *Al. de sepulcro.* (2) *Al. Græci etiam habent; & sic legit P. Nodali.*

cibus quos in promptu habemus, non invenimus (1). CHRYSOSTOMUS (homil. lxxxiv.) Evangelista vero non privavit mulierem hac laude, nec verendum existimavit quod ab ea prius addicerent. Audientes ergo illi, cum multo studio monumento insistant. GREGORIUS (homil. xxi. in Evang.) Illi autem præceteris curaverunt qui præ ceteris amaverunt, videlicet Petrus, & Ioannes: unde sequitur: *Exiit ergo Petrus, & ille alius discipulus, & venerunt ad monumentum.* THEOPHYLACTUS. Sed si quæras quomodo astantibus custodibus venerunt ad monumentum, rudis quæstio: quoniam postquam Dominus resurrexit, & una cum terræ motu affuit Angelus in sepulcro, recesserunt custodes, annuntiantes pharisæis. AUGUSTINUS (trad. cxx.) Cum autem iam disisset, *Venerunt ad monumentum*, regressus est, ut narraret quomodo venerunt, atque ait: *Currebant autem duo simul, & ille alius discipulus præcurrens citius Petre, & venit prior ad monumentum: ubi offendit quod ipse prior venerit, sed tamquam de alio cuncta narrat.* CHRYSOSTOMUS (hom. lxxxiv.) Veniens autem considerat linteamina posita: unde sequitur: *Et cum se inclinasset, vidit posita linteamina.* Nihil tamen impleplus perscrutatur, sed desistit; & hoc est quod subdit: *Non tamen introivit.* Petrus vero ut fervidus introiens universa insepexit diligenter, & amplius vidit: unde sequitur: *Venit ergo Simen Petrus sequens eum, & introivit in monumentum, & vidit linteamina posita, & sudarium quod fuerat super caput eius, non cum linteaminibus positum, sed separatim involutum in unum locum: quod erat resurrectionis signum.* Neque enim, si quidem eum transulisent, corpus eius dedissent; neque si furati essent, huius rei fuissent solliciti, ut levarent sudarium, & involverent, & ponerent in unum locum seorsum a linteaminibus: sed simpliciter ut se habebat suscepissent corpus. Ideo enim Ioannes præmiserat quoniam sepultus est cum myrrha, quæ conglatinat corpori linteamina, ut non decipiaris ab his qui dicunt eum furto sublatum esse. Non enim ita insensatus esset qui furaretur, ut circa superfluum tantum studium consumeret. Post Petrum autem & Ioannes introivit:

unde sequitur: *Tunc ergo introivit & ille discipulus qui vaserat primus ad monumentum, & vidit, & credidit.* AUGUSTINUS (tr. cxxii.) Nonnulli putant hoc Ioannem credidisse quod Iesus resurrexerit; sed quod sequitur, hoc non indicat. Vidit ergo inane monumentum, & credidit quod dixerat mulier: nam sequitur: *Nondum enim sciebant Scripturam quia oportebat eum a mortuis resurgere.* Non ergo eum credidit resurrexisse, quem nesciebat oportere resurgere. Quando autem ab ipso Domino audiebant, quamvis apertissime diceretur, confusione tamen audiendi ab illo parabolas, non intelligebant, & aliquid aliud cum significare credebant. GREGORIUS (in hom. xxi. in Evang.) Hæc autem tam subtilis Evangelistæ descriptio a mysteriis vacare credenda non est. Per Ioannem iuniorē synagoga, per seniore v. Petrum Ecclesia Gentium designatur: quia etsi ad Dei cultum est prior synagoga quam Ecclesia Gentium, ad usum tamen sæculi prior est multitudo Gentium quam synagoga. Currerunt autem simul, quia ab ortu sui tempore usque ad occalum pari & communi via, etsi non pari, & communisensu, gentilitas cum synagoga decucurrit. Venit synagoga prior ad monumentum, sed minime intravit: quia legis quidem mandata percepit, prophetias de incarnatione, ac passionē dominica audivit; sed credere in mortuū non luit. *Venit autem Simen Petrus, & introivit in monumentum:* quia secuta posterior Ecclesia Gentium, Christum Iesum & cognovit carne mortuū, & viventē credidit Deum. Sudarium autem capitis Domini cum linteaminibus non invenitur: quia caput Christi Deus, & divinitatis incomprehensibilia sacramenta ab infirmitatibus nostræ cognitione (2) disuncta sunt, eiusque potentia creaturæ transcendit naturam. Non solum autem separatim, sed involutum inveniri dicitur: quia lintei quo involvitur, nec initium, nec finis aspicitur. Celsitudo autem divinitatis (3) nec cœpit esse, nec definit. Bene (4) autem additur, *in unum locum:* quia in scissura mentium Deus non est, & illi eius gratiam habere merentur quise ab invicem per sectarum scandala non dividunt. Sed quia solet per sudarium laborantium sudor detergi, potest & sudarii non

Qqqq 2 mi-

(1) In editis, præter ea quæ Nicolai curavit, hic superflue repetitur. Anthonii sententia de Ioanne superius expressa, sub his verbis. Discipulum autem quem diligebat Iesus, ipsum dicit: nam quippe ita commerciorum solet quod cum diligebat Iesus, sed ipse omnes, sed ipsum præ ceteris, & familiaris diligebat.
(2) Ad. divine disuncta sunt. (3) Ad. nec recipit esse. (4) Ad. amittitur autem.

mine intelligi labor Dei (1). Sudarium ergo quod super caput eius fuerat, seorsum invenitur, quia ipsa Redemptoris nostri passio longe a nostra passione disjuncta est: quoniam ipse sine culpa pertulit quod nos cum culpa toleramus; ipse sponte morti succumbere voluit, ad quam nos venimus inviti. Postquam autem intravit Petrus, ingressus est & Ioannes: quia in fine mundi ad Redemptoris fidem etiam Iudæa colligitur. THEOPHYLACTUS. Vel aliter. Intellige Petrum adivum, & promptum; Ioannem vero contemplativum, & docilem (2) rerum divinarum habuisse peritiam. Plerumque autem prævenit contemplativus notitia, & docilitate; sed adivus instantia fervoris, & sedulitate præcedit illius acumen, & prius inspicit divinum mysterium.

(b) GREGORIUS in hom. (xxv. in Evang.) Maria autem Magdalene, quæ fuerat in civitate peccatrix, amando veritatem laverat lacrymis maculas criminis, cuius mentem magna vis amoris accenderat, quæ a monumento Domini, etiam discipulis recedentibus, non recedebat: dicitur enim: *Abierunt ergo iterum discipuli ad semetipsos*. AUGUSTINUS (tract. cxxi.) Idem, ubi habitabant, & unde ad monumentum concurrerant. Viris autem redeuntibus infirmiore sexum in eodem loco sortiri figebat affectus: unde sequitur: *Maria autem stabat ad monumentum foris florans*. AUGUSTINUS de Con. Evang. (Lib. III. cap. xxiv.) Idem, ante illum faxem sepulcri locum; sed tamen intra illud spatium quoniam ingressæ fuerant: hortus quippe illic erat. CHRYSOSTOMUS (hom. lxxxv.) Ne mireris autem quod Maria amare flebat ad sepulcrum, Petrus vero nihil tale passus est: compatibile enim est muliebri genus, & natura flebile. AUGUSTINUS (tract. cxxi.) Oculi igitur qui Dominum quæsierant, & non invenerant, lacrymis vacabant, amplius dolentes, quod fuerat ablatum de monumento quam quod fuerat occisus in ligno: quoniam magistri tanti, cuius vita subtrahita fuerat, nec memoria remanebat. AUGUSTINUS de Con. Ev. (Lib. III. cap. xxiv.) Viderat autem cum aliis mulieribus Angelum sedentem a dextris super lapidem revolutum a monumento, ad cuius verba cum fieret, propexit in monumentum. CHRYS-

SOSTOMUS (hom. lxxxv.) Magnum enim ad mitigationem est monumentum apparens. Vide denique eam, ut plus requiesceret, & inclinantem se, & volentem locum videre ubi iacuit corpus: unde sequitur: *Dum ergo fleret inclinavit se, & propexit in monumentum*. GREGORIUS (hom. xxv. ut supra.) Amanti enim semel apfexisse non sufficit, quia vis amoris (3) intentionem multiplicat inquisitionis. AUGUSTINUS (tract. cxxi.) Nimium enim dolebat, nec suis, nec discipulorum oculis facile putabat esse credendum: an potius divino instinctu in animo eius effectum est ut prospiceret? GREGORIUS (hom. xxv. ubi supra.) Quæsit enim corpus, & minime invenit: perseveravit ut quæreret: unde & contigit ut inveniret, assumque est ut desideria (4) dilata crescerent, & crescentia (5) caperent quod invenissent. Sancta enim desideria dilatione crescent: si autem dilatione deficiunt, desideria non fiunt. Ista itaque, quæ se amat, quæ se ad monumentum quod prospexerat, iterum inclinavit: videamus quo fructu vis amoris in ea ingeminat opus inquisitionis: sequitur enim: *Et vidit duos Angelos in albis sedentes, unum ad caput, & unum ad pedes, ubi positum fuerat corpus Iesu*. CHRYSOSTOMUS (hom. lxxxv.) Quia enim non erat excelsa mulieris mens, ut ex sudariis perciperet resurrectionem, Angelos videt in læto habitu, ut & ipsa a passione mitigetur. AUGUSTINUS (tract. cxxi.) Quid est autem quod unus ad caput, & alter ad pedes sedebat? An, quoniam qui Græce Angelus dicuntur, Latine sunt munti, istomodo Chitisti Evangelium, velut a capite usque ad pedes, ab initio usque in finem signabant eius nuntiandum? GREGORIUS (hom. xxv. in Evang.) Vel ad caput sedet Angelus cum per Apostolos prædicatur, quia in principio erat Verbum; & quasi ad pedes sedet, cum dicitur: *Verbum caro factum est*: supra. Possumus etiam per duos Angelos duo testamenta agnoscere, quædam pari sensu incarnatum, & mortuum, ac resurrectis Dominum nuntiant, quasi testamentum prius ad caput, & testamentum posterius ad pedes sedet. CHRYSOSTOMUS (ut supra.) Angeli autem apparentes nihil de resurrectione dicunt; sed paulatim in eum qui de resurrectione est intrant sermonem. Quia enim

(1) *Ad. Nicæus ex Gregorio*: qui etsi semper quietus in se, atque immutabilis permanet, laborare se tamen denuntiat cum duos hominum pravitates portat. (2) *Ad. erga rerum divinarum peritiam: si quis habet Nicæus*. (3) *P. Nicæi leg. intentionem*. (4) *Ad. dilatata*. (5) *Ad. causas*.

enim mulier ultra consuetudinem præclarum habitum viderat, ne turbetur, audit compassionis vocem: unde sequitur: *Dixit ei illi: Mulier, quid ploras?* Angeli lacrymas prohibebant, & tutum quodammodo gaudium nuntiabant: ita enim dixerunt, *Quid ploras?* ac si dicerent, *Plorare noli.* GREGORIUS (hom. eadem.) Ipsa enim sacra eloquia, quæ nos in lacrymas amoris excitant, eadem lacrymas consolantur, dum nobis Redemptoris nostri speciem repromittunt. AUGUSTINUS (tract. cxxi.) At illa eos putans interrogasse nescientes, causas prodit lacrymarum: unde sequitur: *Dicit eis: Quia tolerant Dominum meum.* Dominum suum vocat Domini sui corpus exanime, a toto partem significans; sicut omnes confitemur Iesum Christum Filium Dei sepultum, cum sola eius sepulta sit caro. Sequitur: *Et nescio ubi posuerunt.* Hæc erat causa maioris doloris, quia nesciebat quod iret ad consolandum dolorem. CHRYSOSTOMUS (hom. lxxxv.) Nondum autem de resurrectione aliquid novebat, sed adhuc translationem imaginabatur. AUGUSTINUS de Con. Evang. (Lib. III. cap. xxiv.) Hic intelligendi sunt surrexisse Angeli, ut etiam stantes viderentur, sicut Lucas eos vivos esse commemorat. AUGUSTINUS super Ioan. (tract. cxxi.) Sed horam venerat qua id quod nuntiatur quodammodo fuerat ab Angelis flere prohibentibus, gaudium succederet flentibus: unde sequitur: *Hæc cum dixisset, conversa est retrorsum.* CHRYSOSTOMUS (hom. lxxxv.) Sed quare ab Angelos loquens, & nondum ab eis aliquid audiens convertitur retrorsum? Mihi videtur quod hæc ea dicente, Christus post eam apparuit, & Angeli considerantes Dominatorem, & figura, & inspectione, & motu consilium ostenderunt quoniam Dominum viderunt; & hoc est quod mulierem converti retrorsum fecit. GREGORIUS (hom. xxv. ut supra.) Notandum etiam, quod Maria, quæ adhuc de Domini resurrectione dubitabat, conversa retrorsum est, ut videret Iesum; quia videlicet per eandem dubitationem suam quatergum in Domini faciem miserat, quem resurrectione minime credebat. Sed quia amabat, & dubitabat; videbat, & non agnoscebat eum: unde sequitur: *Et vidit Iesum stantem, & non sciebat quia Iesus esset.* CHRYSOSTOMUS (hom. lxxxv.) Angelis enim ut dominator apparuit, mulieri vero non ita, ne eam ex prima visione superfecerit: non enim oportebat eam

repente ad excelsa reducere, sed paulatim.

Sequitur: *Dicit ei Iesus: Mulier quid ploras?* Quem quæris? GREGORIUS (ut supra.) Interrogatur doloris causa, ut augeatur desiderium, quatenus cum nominaret quem quæreret, in amorem eius ardentius æstuarer. CHRYSOSTOMUS (hom. cit.) Et quia in communi figura apparuit, æstimavit eum hortulanum esse: unde sequitur: *Ille æstimans quia hortulanus esset, dicit ei: Domine, si tu sustulisti eum, dicito mihi ubi posuisti eum, ut ego eum tollam;* hoc est, si propter timorem Iudeorum levasti eum, dicito mihi, & ego eum accipiam. THEOPHYLACTUS. Timebat enim ne Iudei etiam in corpus sævirent exanime, & id eo volebat in alio loco incognito illud transponere. GREGORIUS (loc. cit.) Forsitan autem nec errando hæc mulier erravit, quæ Iesum hortulanum credidit. An non ei spiritualiter hortulanus erat, qui in eius pectore per amoris sui vim semina virtutum virentia plantabat? Sed quid est quod visio eo quem hortulanum credidit, cui necdum dixerat quem quærebat, ait: *Domine, si tu sustulisti eum?* Sed vis amoris hoc agere solet in animo, ut quem ipse semper cogitat, nullum alium credat ignorare. Postquam autem eam Dominus communi vocabulo appellavit ex lexu, & agnitus non est, vocat ex nomine: unde sequitur: *Dicit ei Iesus, Maria;* ac si dicat: *Recognosce eum aquo recognoscetis.* Maria ergo, quia vocatur ex nomine, recognoscit auctorem: quia & ipse erat qui quærebat exteriori, & ipse qui eam interiori, ut quæreret, docebat: unde sequitur: *Conversa illa dicit ei, Rabbi, quod dicitur magister.* CHRYSOSTOMUS (hom. lxxxv.) Sicut enim Iudeis quandoque immunitus erat, & præstans; ita & loquens cum volebat seipsum notum faciebat. Qualiter autem conversam dicit, cum Christus ad eam loqueretur? Mihi videtur quod dicente ea, *Ubi posuisti eum,* conversa est ad Angelos, ut interrogaret cur suspensæ essent. Deinde Christus vocans eam, convertit eam ad seipsum, & per vocem manifestum seipsum fecit. AUGUSTINUS (tract. cxxi.) Vel quia prius conversa corpore, quod non erat putavit, nunc (i) corde conversa quod erat agnovit. Nemo autem calumniatur mulierem, quod hortulanum dixerit Dominum, & Iesum Magistram: ibi enim honorabat hominem a quo beneficium postulabat, hic recolebat doctorem, a quo discere humana, & divina discerebat.

bat. Aliter ergo (1) Dominum dixit, *su-*
stulerunt Dominum meum; aliter autem, *Do-*
mine, si tu sustulisti eum. GREGORIUS
 (ut supra.) Iam vero ab Evangelista non
 subditur quid mulier fecit, sed ex eo (2)
 innuitur quod audiuit: sequitur (3) enim:
Dixit ei Iesus, Noli me tangere: in his nam-
 que verbis ostenditur, quod Maria amplecti
 voluit eius vestigia quem recognovit. Sed
 cur tangi non debeat, ratio quoque additur
 cum subiungitur: *Nondum enim ascendi ad*
Patrem meum. AUGUSTINUS (tract.
 cxxi.) Sed si stans in terra non tangitur,
 sedens in cælo quomodo ab homine tange-
 tur? Qui certe antequam ascenderet disci-
 pulis suis se obulit tangendum dicens:
 „Palpate, & videte, quia spiritus carnem,
 „& ossa non habet;“ ut Lucas cap. xxiv.
 testatur. Quis autem tam sit absurdus ut
 dicat, eum a discipulis quidem, antequam
 ascendisset ad Patrem, se voluisse tangi, a
 mulieribus autem noluisset, nisi cum ascen-
 disset ad Patrem? Sed leguntur etiam se-
 minæ post resurrectionem, antequam ad Pa-
 trem ascenderet, tetigisse Iesum, in quibus
 erat etiam ipsa Maria Magdalena, narra-
 te Mattheo. Aut ergo hoc sic dictum est
 ut in illa femina figuraretur Ecclesia de
 Gentibus, quæ in Christum non credidit,
 nisi cum ascendisset ad Patrem; aut sic in
 se credi voluit Iesus, hoc est sic se spiri-
 tualiter tangi, quod ipse, & Pater unum
 sunt. Eins quippe intimis sensibus quo-
 dammodo ascendit ad Patrem qui sic in eo
 profecerit ut Patri agnoscat æqualem. Quo-
 modo autem hæc non carnaliter adhuc in
 eum credebatur quem sicut hominem flebat?
 AUGUSTINUS I. de Trin. (cap. ix.)
 Tactus autem tamquam finem facit notionis,
 ideoque nolebat in eo esse finem intenti
 cordis in se, ut hoc quod videbatur tan-
 tummodo putaretur. CHRYSOSTOMUS
 (hom. lxxv.) Vel aliter. Volebat hæc mulier
 adhuc cum Christo esse, sicut & ante passio-
 nem, & præ gaudio nihil magnum excogi-
 tabat; quamvis caro Christi multo melior
 facta fuerit resurgendo. Ab hac ergo in-
 telligentiæ eam adducens dixit, *Noli me tan-*
gere, ut cum multa reverentia ei loquatur:
 unde nec discipulis apparet de reliquo cum
 eis conversans, ut reverentius ei attendant.
 Dicens (4) autem, *Nondum enim ascendi*,
 ostendit quoniam illuc properat, & festi-
 nat. Eam autem qui illuc debet abire, &

non ultra cum hominibus conversari, non
 oportebat cum eadem videre mente qua &
 ante: & hoc manifestat consequenter di-
 cens: *Vade autem ad fratres meos, & dicis:*
Ascende ad Patrem meum, & Patrem vestrum;
Deum meum, & Deum vestrum. HILARIUS
 XI. de Trin. (ant. med.) Inter ceteras im-
 pietates suas etiam hoc dicto Domini uti
 solent hæretici, ut per id quod Pater eius
 Pater eorum est, & Deus eius, Deus eor-
 um est, in natura Dei non sit. Sed in for-
 ma Dei manens, formam servi assumpsit:
 & cum hoc ad homines in servi forma Chris-
 tus Iesus loquatur, non ambigitur quin Pa-
 ter sibi ut ceteris sit ex ea parte qua ho-
 mo est, & Deus sibi ut cunctis sit ex ea
 natura qua servus est. Denique hunc eum-
 dem sermonem cepit dicens: *Vade ad fra-*
tres meos. Fratres autem ex carne sunt Deo;
 ceterum unigenitus Deus (5) in unigeniti
 exceptione sine fratribus est. AUGUSTINUS
 (tr. cxxi.) Vel aliter. Non ait, *Patrem nostrum*,
 sed *Patrem meum, & Patrem vestrum*. Aliter
 ergo meum, aliter vestrum: natura meum,
 gratia vestrum. Neque dixit Deum nostrum,
 sed *Deum meum*, sub quo ego homo, & *Deum*
vestrum, inter quos & ipsum mediator sum.
 AUGUSTINUS de Con. Evang. (Lib. III.
 cap. xxiv.) Tunc ergo egressa est a monu-
 mento, hoc est ab illo loco ubi erat horti
 spatium ante lapidem effossum, & cum il-
 la aliæ quas secundum Marcum invaserat
 tremor, & pavor, & nemini, scilicet alio-
 rum, quidquam dicebant: unde & hic di-
 citur: *Venit Maria Magdalena annuntians di-*
scipulis: Quia vidi Dominum, & hæc dixit mi-
hi. GREGORIUS (ubi supra.) Ecce huma-
 ni generis culpa ibi absconditur unde
 processit: quia enim in paradiso mulie-
 vir propinavit mortem, & dicta sui vivifi-
 cator narrat quæ mortiferi serpentis verba
 narraverat. AUGUSTINUS de Con.
 Evang. (Lib. III. cap. xxiv.) Dum autem
 cum aliis veniret, tunc secundum Mat-
 theum occurrit illis Iesus dicens, „Ave-
 „te.“ Sic ergo colligamus Angelorum col-
 locutionem bis numero eas habuisse venien-
 tes ad monumentum, & etiam ipsius Do-
 mini: semel scilicet quando Maria hortula-
 num putavit, & iterum cum eis occurrit
 in via, ut eas repetitione firmaret: & sic
 venit Maria Magdalene annuntians discipu-
 lis, non solum ipsa, sed & aliæ quas Lu-

CAS

(1) *M.* dñm dixit. (2) *M.* invenit. (3) *M.* *audivit* enim. (4) *M.* *omittitur* autem. (5) *Quæ-*
ritur aliæ citæ additiones omittuntur in unigeniti exceptione.

cas commemorat. (1) BEDA. Mystice autem Maria, quæ interpretatur domina, illuminata, illuminatrix, seu stella maris, significat Ecclesiam, quæ Magdalena, idest turrensis dicitur: nam Magdalon Græce Latine turris dicitur, propter illud quod dicitur in Psalm. lx. „Factus est mihi turris fortitudinis.“ In eo autem quod hæc mulier discipulis Christum resurrexisse nuntiavit, omnes monentur, maxime quibus est commissum prædicandi officium, ut si quid ei cælitus revelatum fuit, studiose proximis propinent.

(c) CHRYSOSTOMUS (hom. lxxv.) Audientes discipuli quod Maria annuntiavit, consequens erat ut aut (1) discredere, aut credentes dolerent, quoniam eos non reputavit dignos sua visione. Hæc igitur recogitantes neque per unam diem dimisit pererrare; sed ex eo quod sciebant iam fuscitatem esse, videre sitientibus, & timidis existentibus, cum sero factum esset, ipsis altitit: unde dicitur: *Cum ergo sero esset die illo, una sabbatorum, & fores essent clausæ ubi erant discipuli congregati propter metum Iudeorum*: BEDA: in hoc infirmitas Apostolorum monstratur, qui foribus clausis intus congregati resident propter timorem Iudeorum, quorum metu fuerant prius dispersi: *Venit Iesus, & stetit in medio*. Ideo autem sero apparuit, quia consequens erat tunc maxime eos timidos esse. THEOPHYLACTUS. Vel quia præstolabatur ut omnes convenirent. Oñis vero clausis, ut ostendat quia eodem modo resurrexit adiacente lapide super monumentum. AUGU-

STINUS in ferm. pasch. „Nonnulli autem de hac re ita moventur, ut pene periclitentur, afferentes contra miracula divina, præiudicia ratiocinationum suarum: sic enim disputant: Si corpus erat, si hoc surrexit de sepulcro quod pendebat in ligno, quomodo per ostia clausa intrare potuit? Si comprehendis modum, non est miraculum: ubi deficit ratio, ibi est fidei ædificatio. AUGUSTINUS super Ioan. (tract. cxxx.) Moli quidem corporis, ubi divinitas erat, ostia clausa non obstituerunt: ille quippe non eis apertis intrare potuit quod nascente virginitas matris inviolata permansit. CHRYSOSTOMUS (ut supra.) Sed mirabile est qualiter phantasma eum non æstimaverunt. Sed hoc fuit quia mulier prævidens, in eis multam fidem operata est. Sed & ipse per visum manifestum se eis ostendit, & voce eorum fluctuantem mentem firmavit: unde sequitur: *Et dixit eis, Pax vobis*; idest, ne tumultuemini: in quo etiam commemorat verbum quod ante crucem dixerat, supra xiv: *Pacem meam do vobis*; & rursum, *In me pacem habebitis*. GREGORIUS b. Et quia ad illud corpus quod videri poterat, fides intuitum dubitabat, ostendit eis protinus manus, & latus: unde sequitur: *Et cum hoc dixisset, ostendit eis manus, & latus*. c. Clavi enim manus fixerat, lancea latus aperuerat: ibi ad dubitantium corda sananda, vulnere sunt servata vestigia. CHRYSOSTOMUS (homil. lxxxv.) Et quia ante crucem eis dixerat supra xvi. *Iterum videbo vos, & gaudebit cor vestrum*: hoc opere impletur: unde sequitur: *Gavisissimi discipu-*

(1) Sic habent omnes a nobis collata Editiones: alia tamen omnino sub nomine Bedæ exhibet P. Nicolai; hæc autem, aliis non paucis promissi, nomine Glossæ notat, & paulo aliter enuntiat quæ de nomine Magdalon dicitur, quod etiam a Beda (apud quem tamen nihil tale occurrit) inter nomina Hebræica poni observat. Post verba itaque Augustini, sequentia sublevis. BEDA (scilicet super Matth. xxvii.) Mystice autem, seu moraliter, occurrit Iesus cum salutatione omnibus viritum iter inchoantibus, præbendo auxilium ut ad salutem perpetuam pervenire queant. Dux porro unus nominis, eiusdemque devotianis & amoris femine (nempe Maria Magdalene, & altera Maria) quæ domum venetum invisere sepulcrum, duas fidelium plebes (Iudaicam scilicet, & Gentilium) designant, quæ uno ac simili studio passionem, & resurrectionem sui Redemptoris celebrare desiderant. Et Iuper Marcum. Recte mulier, quæ viris lugentibus lætitiæ domini cas resurrectionis prima nuntiavit, a septem dæmonibus curata esse memoratur (idest ab universis vitiis liberata) ne quis digne penitus de admissorum venia desperaret, videns eam subito in tantum culmen merito fidei ac dilectionis esse promotam ut Apostoli ipsi miraculum resurrectionis evangelizet. GLOSSA super Ioan. Per istam quæ per omnibus fuit sollicita, videre Christi sepulcrum, significatur quælibet persona de cognitione vestitiarum divinarum valde sollicita, quæ per hoc talem alique cognitionem promeretur. Et talis debet veritatem agnitam aliis nuntiare, sicut Maria discipulis nuntiavit, ne de abscondito talento debeat merito reprehendi. Et iam antea super Matth. Concessum vobis non est, hoc gaudium in oculis cordis tenere, sed similiter amantibus pandere. Item alibi. Mystice quoque Maria (quæ interpretatur domina, illuminata illuminatrix, stella maris) designat Ecclesiam, quæ Magdalena quoque, idest turrensis, dici potest: Magdal enim idem est Hebræice, quod Latine turris dicitur, unde autem nomen derivatum a turri, non immerito Ecclesie convenit, propter illud quod dicitur Psalm. lx. „Factus est mihi turris fortitudinis.“ In eo autem dicitur. (2) Al. discederent.

EX EDITIONE P. NICOLAI.

a Non occurrit expresse, sed aliquod simile (erm. cæ & cl. de tempore). b Hom. xxvii. in Evang. c AUGUSTINUS ut supra.

li *visu* Domino. AUGUSTINUS XXII. de Civit. Dei (cap. xix.) Claritas, qua iusti fulgebant sicut sol in regno Patris sui, in Christi corpore, cum resurrexit, ab oculis discipulorum potius abscondita fuisse quam desuisse credenda est (non enim eam ferret humanus atque infirmus aspectus) quando ille a suis ita deberet attendi ut posset agnoscī. CHRYSOSTOMUS (homil. eadem.) Univerſa autem hæc eos ad fidem certissimam inducebant. Quia veroprælium inexpugnabile habebant ad Iudæos, rurſus eis pacem annuntiat: unde sequitur: *Dixit eis iterum, Pax vobis.* BENA. Iteratio confirmatio est; siue ideo repetit, quia gemina est virtus caritatis; vel quia ipse est qui fecit utraque unum. CHRYSOSTOMUS (ut supra.) Simul quoque demonstrat crucis efficaciam, per quam solvit omnia tristitia, & contulit omnia bona; & hoc est pax. Mulleribus autem supra annuntiatum est gaudium, quia in tristitiis illud genus erat, & hanc suscepit maledictionem, dicente Domino Gen. iv. „ In dolore paries.“ Quia ergo universa prohibentia sunt destructa, & directa sunt omnia, de reliquo subdit: *Sicut misit me Pater, & ego mitto vos.* GREGORIUS a. Pater quidem Filium misit, qui hunc pro redemptione generis humani incarnari constituit. Itaque dicitur: *Sicut misit me Pater, & ego mitto vos;* idest, ea caritate vos diligo, cum inter scandalum persecutorum mitto, qua me caritate Pater diligit, quem venire ad tolerandas passionēs fecit. AUGUSTINUS (tract. cxxi.) AEquelem autem Patri Filium novimus; sed hic verba mediatoris agnoscimus. Medium quippe se ostendit dicendo: *Ille me, & ego vos.* CHRYSOSTOMUS (homil. cit.) Sic igitur elevavit eorum animum & ab his quæ facta sunt, & a dignitate mittentis; & non adhuc deprecio ad Patrem fit, sed sua auctoritate dat eis virtutem: unde sequitur: *Hæc cum dixisset, insufflavit, & dixit eis: Accipite Spiritum sanctum.* AUGUSTINUS IV. de Trinit. (cap. xx.) Flatus ergo ille corporeus substantia Spiritus sancti non fuit, sed demonstratio per congruam significationem non tantum a Patre, sed etiam a Filio procedere Spiritum sanctum. Quis enim dementissimus diceret alium fuisse Spiritum, quem sufflans dedit, & alium quem post ascensionem suam misit? GREGORIUS (hom. xxvi. in Evang.)

Cur autem prius in terra discipulis datur, postmodum de cælo mittitur? nisi quod duo sunt præcepta caritatis, dilectio videlicet Dei, & dilectio proximi. In terra datur Spiritus, ut diligatur proximus; ex cælo datur Spiritus, ut diligatur Deus. Sicut ergo una est caritas, & duo præcepta; ita unus est Spiritus, & duodata: prius a consistente Domino in terra, postmodum datur ex cælo, quia proximi amore discitur qualiter perveniri debeat ad amorem Dei. CHRYSOSTOMUS (ubi supra.) Quidam autem dicunt quoniam non Spiritum dedit, sed aptos eos ad susceptionem Spiritus per insufflationem construxit. Si enim Angelum videns Daniel excessum mentis passus est, quid ineffabilem illam gratiam suscipientes passi essent, nisi discipulos suos primitus instruxisset? Nequaquam autem quis peccabit, diens, tunc suscepisse eos quendam potestatem spiritalis gratiæ, non ut mortuos suscitent, & miracula faciant, sed ut dimittant peccata: unde sequitur: *Quorum remiseritis peccata, remittuntur eis, & quorum retinueritis, retenta sunt eis.* AUGUSTINUS (tract. cxxi.) Ecclesiæ caritas, quæ per Spiritum sanctum diffunditur in cordibus nostris, participum suorum peccata dimittit; eorum autem qui non sunt eius participes, tenet: ideo postquam dixit, *Accipite Spiritum sanctum*, continuo de peccatorum remissione, & retentione subiecit. GREGORIUS (hom. xxvi. ut supra.) Sciendum vero est, quod hi qui prius Spiritum sanctum habuerunt, ut & ipsi innocentius viverent, & in prædicatione quibusdam prodesse non paucis, sed pluribus possent. Libet ergo intueri, illi discipuli ad tanta onera humilitatis vocati, ad quantum culmen gloriæ sunt perducti. Ecce non solum de se ipsis securi sunt, sed etiam principatum superni iudicii sortiuntur, ut vice Dei quibusdam peccata retineant, quibusdam vero relaxent. Horum nunc in Ecclesia Episcopi locum tenent, & solvendi, ac ligandi auctoritatem suscipiunt qui gradum regiminis sortiuntur. Grandis honor, sed grave pondus istius est honoris. Durum quippe est ut qui nescit tenere moderamina vitæ suæ, iudex fiat vitæ alienæ. CHRYSOSTOMUS (hom. lxxv.) Sacerdos enim et si propriam bene dispensaverit vitam, aliorum vero

EX EDITIONE P. NICOLAI,

• Treou ut supra.

vero non cum diligencia curam habuerit, cum periculoſis in gehennam vadit. Scientes igitur periculi magnitudinem, multam tribuite eis devotionem, etiam ſi non valde nobiles fuerint. Non autem iuſtum eſt ab his qui in principatu ſubiiciuntur iudicari. Et ſi vita eorum fuerit valde detraſtabilis, in nullo læderis in his quæ ſunt eis commiſſa a Deo: non enim lædendus, ſed neque Angelus, aut Archangelus operari aliquid poteſt in his quæ ſunt data a Deo; ſed Pater, & Filius, & Spiritus ſanctus omnia diſpenſant; ſacerdos autem ſuam linguam, & manum tribuit: non enim iuſtum eſt, propter alterius malitiam circa ſymbola noſtræ ſalutis lædi eos qui ad fidem veniunt. Omnibus autem diſcipulis congregatis, ſolus Thomas deſiciebat a diſperſione quæ iam facta erat: unde dicitur: *Thomas autem unus ex duodecim, qui dicitur Didymus, non erat cum eis, quando venit Jeſus*. ALCUVINUS. Didymus Græcè, Latine geminus, (1) vel dubius, propter dubium cor in credendo; Thomas abyſſus, quia altitudinem divinitatis ſibi deſe penetravit. GREGORIUS (ut ſupra.) Non autem caſu geſtum eſt ut electus ille diſcipulus tunc deſceſſet: egit namque miro modo ſuperna clementia ut diſcipulus dubitans, dum in magiſtro ſuo vulnera palparet carnis, in nobis vulnera ſanaret inſidelitatis. Plus enim nobis inſidelitas Thomæ ad fidem quam fides credentium diſcipulorum profuit: quia dum ille ad fidem palſando reducit, noſtra mens omni dubitatione poſtpoſita in fide ſolidatur. BIDA. Quæri autem poteſt quare hic Evangeliſta tunc Thomam deſuiſſe dicat, cum Lucas ſcribat quod duo diſcipuli euntes in Emaus, reverſi in Hieruſalem invenerunt undecim congregatos. Sed datur intelligi quoddam fuiſſe intervallum, quo ad horam Thomas egreſſus ſit, & Jeſus veniens in medio eorum ſtetit. CHRYSOSTOMUS (hom. lxxxvi.) Sic autem ſimpliciter, & qualitercumque credere, facilitatis eſt; ita multum inveſtigare eſt (2) craſſiſſimæ mentis; & propter hoc Thomas accuſatur: Apoſtoli enim dicentibus, quoniam *vidimus Dominum*, non credit, non tantum illis diſcredens, quantum rem putans impoſſibilem eſſe: unde ſequitur. *S. Th. Oper. Tom. V.*

tur: *Dixerunt ergo ei alii diſcipuli, Vidimus Dominum. Ille autem dixit eis: Niſi videro in manibus eius fixuram clavorum, & mittam digitem meum in locum clavorum, & mittam manum meam in latus eius, non credam.* Aliis enim (3) craſſior exiſtens eamque eſt per ſenſum craſſiſſimum, ſcilicet tadum, quærebatur fidem, & neque oculis credebat: unde non ſufficit ei dicere, *Niſi videro*, ſed addidit: *Et mittam digitem meum in locum clavorum, & mittam manum meam in latus eius, non credam.*

(d) CHRYSOSTOMUS (hom. lxxxvi.) Conſidera dominatoris clementiam, qualiter & pro una anima offendit ſeipſum vulnera habentem, & accedit, ut ſalvet unum. Et nimirum diſcipuli annuntiantes, digni erant fide, & ipſe promittens; ſed tamen (4) quia ſolus Thomas quæſivit, neque hoc eum privavit Chriſtus. Non autem ſtatim ei appareat, ſed poſt dies octo, ut in medio a diſcipulis admonitus accendatur in maius deſiderium, & fidelior fieret in futurum: unde dicitur: *Et poſt dies octo iterum erant diſcipuli eius intus, & Thomas cum eis. Venit Jeſus ianuis clauſa, & ſtetit in medio, & dixit, Pax vobis.* AUGUSTINUS in ſerm. paſſio. 2. Quæris a me, & dicis: Si per oſtia clauſa intravit, ubi eſt corporis modus? Et ego reſpondeo: Si ſuper mare ambulavit, ubi eſt corporis pondus? Sed fecit illud Dominus ramquam Dominus: nunquid igitur, quia reſurrexit, deſtitit eſſe Dominus? CHRYSOSTOMUS (hom. lxxxvi.) Stat itaque Jeſus, et non expectat a Thoma interrogari; ſed ut oſtendat quoniam cum loquebatur ad conſcipulos, aderat, eiſdem verbis uſus eſt. Et primo quidem increpat, ſed improperat: unde ſequitur: *Deinde dicit Thomas: Deſer digitem tuum huc, & vide manus meas, & aſſer manum tuam, & mitte in latus meum.* Secundo autem erudit dicens: *Et noli eſſe incredulus, ſed fidelis.* Vide quoniam inſidelitatis erat ambiguitas, antequam Spiritum ſanctum acciperent; poſtea autem non, ſed firmi erant de reliquo. Dignum autem eſt quærere qualiter corpus incorruptibile typos habebat clavorum. Sed ne tumultueris: condeſcenſionis enim erat ut dicerent quoniam ipſe erat qui crucifixus fuerat. AUGUSTINUS

Rrrr

NUS

(1) In quatuor ſanctis exemplis omiſſetur vel dubius. (2) Al. groſſiſſimæ. (3) Al. groſſior, ſicm in ſer. groſſiſſimum. (4) Nicolai legit quia plus Thomas quæſivit.

EX EDITIONE P. NICOLAI.

a ſequi ſermonem, 112. in octava paſchæ, qui eſt clxx. de tempore.

NUS de Symbolo a. Pollēt autem, si vellet, de corpore fuscitato, & clarificato omnem maculam cuiuslibet cicatricis abstergere; sed sciebat quare cicatrices in suo corpore reserveret. Sicut enim demonstravit Thomæ non credenti, nisi tangeret, & videret; ita etiam inimicis suis vulnera demonstraturus est suam non quod eis dicat sicut Thomæ, *Quia vidisti, credidisti*; sed ut convincens eos veritas dicat: Ecce hominem quem crucifixistis; videtis vulnera, quæ infixistis, agnoscitis latius quod pupugistis, quoniam per vos, & propter vos apertum est, nec tamen intrare voluistis. AUGUSTINUS XXII. de Civ. Dei (cap. xk.) Nescio autem quomodo etiam sic afficimur amore martyrum beatorum, ut velimus in illo regno in eorum corporibus videre vulnerum cicatrices, quæ pro Christi nomino perculerunt; & fortasse videbimus: non enim deformitas in eis, sed dignitas erit, & quædam, quamvis in corpore, non corporis, sed virtutis pulchritudo fulgebit. Nec ideo tamen si aliqua martyribus amputata, & ablata sunt membra; sine ipsis membris in resurrectione erunt mortuorum, quibus dictum est Luc. xxi. „Capillus capitis vestri non peribit.“ Sed si hoc decebit in illo novo sæculo, ut indicia gloriosorum vulnerum in illa immortalis carne cernantur; ubi membra, ut præciderentur, percussa, vel secta sunt, ibi cicatrices, sed tamen eisdem membris redditæ, non perditæ, apparebunt. Quamvis igitur omnia quæ acciderant corpori vitia tunc non eruant, non sunt tamen appellanda vitia, sed virtutis indicia. GREGORIUS in hom. (xxvi. ut supra.) Palpandam autem carnem Dominus præbuit, quam clausis ianuis introduxit: qua in re duo mira, & iuxta humanam rationem valde sibi contraria ostendit, dum post resurrectionem corpus suum incorruptibile, & tamen palpabile demonstravit. Nam & corrumpi necesse est quod palpatur; & palpari non potest quod non corrumpitur. Et incorruptibilem se ergo, & palpabilem demonstravit, ut profecto post resurrectionem esse ostenderetur corpus suum & eiusdem naturæ; & alterius gloriæ. GREGORIUS XIV. Moral. (cap. xxxi. vel in nov. codd. xxxix.) Corpus etiam nostrum in illa resurrectionis gloria erit quidem subtile per effectum spiritalis potentie, sed palpabile per veritatem naturæ: non autem, sicut Eutichius scripsit, impalpabile, & ventis, aereque subti-

llus. AUGUSTINUS (trad. cxi.) Videbat autem Thomas, tangebatur hominem, & confitebatur Deum, quem non videbat, neque tangebatur; sed per hoc quod videbat, atque tangebatur, illud iam remota dubitatione credebatur: unde sequitur: *Respondit Thomas, & dixit ei: Dominus meus, & Deus meus.* THEOPHYLACTUS. Qui prius infidelis fuerat, post lateristatum, optimum se Theologum ostendit: nam duplicem naturam unicamque hypostasim Christi edisseruit: dicendo enim, *Dominus meus*, humanam naturam; dicendo vero, *Deus meus*, divinam confessus est, & unum & eundem Deum & Dominum.

Sequitur: *Dixit ei Iesus: Quia vidisti me, credidisti.* AUGUSTINUS (trad. cod.) Non ait, Tetigisti me, sed *vidisti me*: quoniam generalis quodammodo est sensus visus: nam & per quatuor alios sensus nominari solet, velut cum dicimus: Audi, & vide quam bene sonet; olfac, & vide quam bene oleat; gusta, & vide quam bene sapiat; tange, & vide quam bene caleat. Unde & hic Dominus dicit: *Infer digitum tuum huc, & vide manus meas.* Quid aliud ait quam tange, & vide? Nec tamē ille oculos habebat in digito. Ergo siue intendo, siue etiam tangendo, hoc ait: *Quia vidisti me, credidisti.* Quamvis dici possit non autem fuisse discipulum tangere, cum se offerret ille tangendum. GREGORIUS (hom. xxvi. in Evang.) Sed cum Apostolus dicat Hebr. xi. „Fides est substantia sperandarum rerum, argumentum non apparentium;“ profecto liquet quia quæ apparent, iam fidem non habent, sed agnitionem. Dum ergo vidit Thomam, dum palpavit, cur ei dicitur: *Quia vidisti me, credidisti?* Sed aliud vidit, aliud credidit: hominem vidit, & Deum confessus est. Legitificat autem valde quod sequitur: *Beati qui non viderunt, & crediderunt*: in qua sententia nos specialiter significati sumus, qui eum quem carne non vidimus, mente retinemus; si tamen fidem nostram operibus sequimur: ille enim vere credit qui exerceat operando quod credit. AUGUSTINUS (trad. cxi.) Præteriti autem temporis usus est verbis, tamquam ille qui id quod erat futurum, in sua noverat prædestinatione iam factum. CHRYSOSTOMUS (hom. lxxxvi.) Cum ergo aliquis nunc dixerit: Utinam in temporibus illis fuisset, & vidissem Christum miracula facientem;

EXCO.

EX EDITIONE P. NICOLAI.

excogitet: *Beati qui non viderunt, & crediderunt.* THEOPHYLACTUS. Exprimite autem & hic discipulos qui nec plagas eorum, nec latus palpantes crediderunt. CHALYSIOTOMUS (hom. cit.) Quia vero Ioannes pauciora aliis Evangelistis dixerat, subiungit: *Multa quidem & alia signa fecit Iesus in conspectu discipulorum suorum, quae non sunt scripta in libro hoc.* Sed nec alii omnia dixerunt, sed quae erant sufficientia attrahere ad fidem audientes. Mihi autem videtur hic dicere ea quae post resurrectionem sunt signa; & ideo dicit, *In conspectu discipulorum suorum*, cum quibus solis post resurrectionem conversatus est. Deinde ut ut discas quoniam non solum discipulorum gratia signa fiebant, induxit: *Hae autem scriptae sunt, ut credatis quia Iesus est Christus Filius Dei:* communiter ad humanam naturam loquens: & ut ostendat quoniam non illi cui creditur, sed nobis ipsi utile est credere, subdit: *Et ut credentes vitam habeatis in nomine eius, id est per Iesum; Ipse autem est vita.*

CAPUT XXI.

(a) POSTea manifestavit se iterum Iesus ad mare Tiberiadis. Manifestavit autem sic. Erant simul Simon Petrus, & Thomas, qui dicitur Didymus, & Nathanael, qui erat a Chana Galilaeae, & filii Zebedaei, & alii ex discipulis eius duo. Dicit eis Simon Petrus, Vado piscari. Dicunt ei, Venimus & nos tecum. Et exierunt, & ascenderunt in navim, & illa nocte nihil prendiderunt. Mane autem facto stetit Iesus in littore; non tamen cognoverunt discipuli quia Iesus est. Dicit ergo eis Iesus: Pueri, numquid pulmentarium habetis? Responderunt ei, Non. Dicit eis: Mittite in dexteram navigii rete, & invenientis. Miserunt ergo, & iam non valebant illud trahere prae multitudine piscium. Dicit ergo discipulus ille quem diligebat Iesus, Petro, Dominus est. Simon Petrus, cum audisset quia Dominus est, tunica succinxit se, erat enim nudus, & misit se in mare. Alii autem discipuli navigio venerunt. Non enim longe erant a terra, sed quasi cubitis ducentis, trahentes rete piscium. Ut ergo descenderunt in terram, viderunt prunas positas, & piscem superpositum, & panem. Dicit eis Iesus: Asserte de piscibus quos prendidistis nunc. Ascendit Simon Petrus, & traxit rete in terram plenum magnis piscibus centum quinquaginta tribus: & cum tanti essent, non est scissum rete.

(b) Dicit eis Iesus: Venite, prandete. Et nemo audebat discumbentium interrogare eum, Tu quis es? scientes quia Dominus est. Et venit Iesus, & accepit panem, & dabat eis, & piscem similiter. Hoc iam tertio manifestatus est Iesus discipulis suis cum resurrexisset a mortuis.

(c) Cum ergo prandissent, dixit Simoni Petro Iesus: Simon Ioannis, diligis me plus his? Dicit ei: Etiam Domine, tu scis quia amote. Dicit ei: Pasce agnos meos. Dicit ei iterum: Simon Ioannis, diligis me? Ait illi: Etiam Domine, tu scis quia amo te. Dicit ei iterum: Pasce, agnos meos. Dicit ei tertio: Simon Ioannis, amas me? Contristatus est Petrus, quia dixit ei tertio, Amas me? & dixit ei: Domine, tu omnia nosti, tu scis quia amo te. Dicit ei: Pasce oves meas.

(d) Amen amen dico tibi: cum eses iunior, cingebas te, & ambulabas ubi volebas. Cum autem senueris, extends manus tuas, & alius te cinget, & ducet quo tu non vis. Hoc autem dixit significans quia morte clarificaturus esset Deum.

(e) Et cum hoc dixisset, dicit ei, Sequere me. Conversus Petrus, vidit illum discipulum quem diligebat Iesus sequentem, qui & recubuit in caena super pectus eius, & dixit: Domine, quis est qui tradet te? Hunc ergo cum vidisset Petrus, dixit Iesu: Domine, hic autem quid? Dicit ei Iesus: Sic eum volo manere donec veniam: quid ad te? Tu me sequere. Exiit ergo sermo ille inter fratres, quia discipulus ille non moritur. Et non dixit ei Iesus, Non moritur; sed Sic eum volo manere donec veniam: quid ad te?

Rrrr 2

(f) Hic

(f) Hic est discipulus ille qui testimonium perhibet de his, & scripsit hæc. Ecce scimus quia verum est testimonium eius. Sunt autem & alia multa quæ fecit Iesus, quæ si scribantur per singula, nec ipsum arbitror mundum capere posse eos qui scribendi sunt libros.

(a) **AUGUSTINUS** (trac. cxxix.) Quod immediate Evan gelista premiserat, veluti huius libri indicat finem; sed narratur hic deinde quemadmodum se manifestaverit Dominus ad mare Tiberiadis: unde dicitur: *Postea manifestavit se Iesus iterum ad mare Tiberiadis.* **CHRYSOSTOMUS** (hom. lxxxvi.) Dicit autem, *Postea*, quia non continue cum eis ambulabat, ut antea. Dicit etiam, *Manifestavit se*, quia non videretur nisi condescenderet: quia incorruptibile erat corpus. Locum autem meminit, ostendens quoniam plurimum timoris eis Dominus abstulerat, (1) ut de reliquo ipsi longe a domo procedant, non ultra in domo concludi; sed in Galilæam irant, periculum declinantes Iudæum. **BEDA.** More autem solito Evangelista prius retulit causam, deinde quemadmodum res gesta sit enarrat: unde sequitur: *Manifestavit autem se.* **CHRYSOSTOMUS** [hom. ead.] Quia vero neque Dominus cum eis continue erat, neque Spiritus datus erat, neque aliquid tunc erat eis commissum, neque aliquid habebant agere, artem piscationis tractabant: unde sequitur: *Manifestavit autem se. Erant simul Simon Petrus, & Thomas, qui dicitur Didymus, & Nathanael, qui erat a Chana Galilæe, qui scilicet vocatus est a Philippo, & filii Zebedæi, scilicet Iacobus, & Ioannes, & alii ex discipulis eius duo. Dicit eis Simon Petrus, Vado piscari.* **GREGORIUS** in hom. [in Evang. xxiv.] Quæri potest cur Petrus, qui piscator ante conversionem fuit, post conversionem ad piscationem rediit; cum veritas dicat Luc. ix. „Nemo mittens manum ad aratrum, & respiciens retro, aptus est regno Dei“. **AUGUSTINUS** (trac. cxxix.) Quod si fecissent discipuli, defuncto Iesu, priusquam resurrexisset a mortuis, putaremus eos illa quæ animos eorum occupaverat desperatione fecisse. Nunc vero post eum sibi de sepulcro redditum vivum, post inspecta vulnerum loca, post acceptum eius insufflatione Spiritum sanctum, tubito sunt sicut fuerant, non hominum, sed piscium piscatores. Respondendum est ergo, non eos fuisse prohibitos ex arte sua licita victum necessarium quærere, sui Apostolatus integritate

servata, si quando unde viverent aliud non haberent. Si enim beatus Paulus ea potestate, quam profecto cum ceteris Evangelii prædicatoribus habebat, non cum ceteris uteretur, sed stipendio suo militaret, ne Gentēs a nomine Christi penitus alienas, doctrinæ eius quasi venalis offenderet, aliter educatus, artem quam non noverat didicit, ut dum suis manibus transfigitur doctor, nullus gravaretur auditor; quanto magis beatus Petrus, qui iam piscator fuerat, quod noverat fecit, si ad presens illud tempus, aliud unde viveret non invenit. Sed respondēbit quispiam: Et car non invenit, cum Dominus promiserit dicens Matth. vi. „Quærite primum regnum Dei, & iustitiam eius, & hæc omnia apponentur vobis?“ Proferat etiam Dominus quod promissit implevit: nam quis alius pisces qui caperentur apposuit, qui non ob aliud credendus est eis ingessisse penuriam, qua cogerentur ire piscatum, nisi dispositum volens exhibere miraculum? **GREGORIUS** in hom. [lxxxiv. ut supra.] Negotium ergo quod ante conversionem sine peccato extitit, hoc etiam post conversionem repetere culpa non fuit: unde post conversionem suam ad piscationem Petrus rediit; Matthæus vero ad telonit negotium non reledit. Sunt enim pleraque negotia quæ sine peccato exhiberi aut vix, aut nullatenus possunt. Quæ ergo ad peccatum implicant, ad hæc necesse est ut post conversionem animus non recurrat. **CHRYSOSTOMUS** (hom. lxxxvi.) Alii autem discipuli sequebantur Petrum: unde dicitur: *Dicunt ei: Venimus & nos tecum:* colligati enim de reliquo sibi invicem erant. Simul volebant piscationem videre. Sequitur: *Exierunt, & ascenderunt in navim.* In nocte autem piscabantur, quia adhuc formidolosi erant. **GREGORIUS** (ubi supra.) Facta est autem discipulis piscationis magna difficultas, ut veniente magistro fieret admirationis magna sublimitas: unde sequitur: *Et illa nocte nihil prendiderunt.* **CHRYSOSTOMUS** (hom. lxxxvi.) Laborantibus autem, & afflictis discipulis assistit Iesus: unde sequitur: *Mane factis stetit Iesus in littore; non*

laurum

(1) Repente Niclaus ex Græco testatur: ut de reliquo ipsi longe a domo procedant: non enim ultra in domo coaciliū erant, sed in Galilæam irant &c.

amen cognoverunt discipuli quia Iesus est. Non enim seipsum mox eis offendit, sed voluit & allocutionem cum eis inire: & primo loquitur eis humanius: nam sequitur: *Dixit eis Iesus: Pueri, numquid pulmentarium habetis?* Hoc autem dicit, quasi ab eis aliquid emere vellet. Ut autem timerent, eis signum ostendit, per quod cognoscerent: sequitur enim: *Dixit eis: Misite in dexteram navigii rete, & invenietis.* Multa autem consequenter facta sunt: quorum primum est, multos pisces esse comprehensos: unde sequitur: *Miserunt ergo, & iam non valebant illud trahere pro multitudine piscium.* Sed in Christi cognitione Petrus, & Ioannes suos proprios modos ostenderunt. Ioannes enim perspicacior erat, & ideo primo cognovit Christum: unde sequitur: *Dixit ergo discipulus ille quem diligebat Iesus, Petro, Dominus est.* BEDA. Hoc indicio sicut saepe, ita & hic suam demonstrat personam. Cognovit autem primus Dominum sive miraculo istius piscationis, sive sono præcognitæ vocis, sive primæ reminiscens piscationis. CHRYSTOSTOMUS (hom. cit.) Petrus autem serventior erat, & ideo promptius venit ad Christum: sequitur enim: *Simon Petrus cum audisset quia Dominus est, tunica succinxit se, erat enim nudus.* BEDA. Dicitur autem Petrus nudus fuisse ad comparationem ceterorum vestimentorum quibus uti solebat: sicut solemus dicere cum aliquem simplicis vestimento videmus indutum: Quare nudus incedis? Sive potest intelligi quod more piscatorum studio piscandi nudus incesse. THEOPHYLACTUS. Quod vero se præcinxit Petrus, pudoris est signum; præcinxit autem se lineo amictu, quem Fœnice, & Tyrii piscatores circumvolvunt sibi, cum nudi sunt, (τ) sive etiam ceteris indumentis apponunt. BEDA. Eodem autem ardore quo & multa alia fecerat, venit ad Iesum: unde sequitur: *Et misit se in mare; alii autem discipuli navigio venerunt.* Non tamen intelligendum est Petrum super fluctus venisse, sed aut natando, aut pedibus propriis, quia erant prope terram: sequitur enim: *Non longe enim erant a terra, sed quasi cubitis ducentis.* GLOSSA. Interpositio est: sequitur enim: *Trabentes rete piscium:* ut sit ordo litteræ: *Alii discipuli navigio venerunt trabentes rete piscium:*

non longe enim &c. CHRYSTOSTOMUS (hom. lxxxv.) Deinde aliud signum ponitur cum subditur: *Ut ergo descendissent in terram, viderant prunas positas, & piscem superpositum, & panem.* Non enim adhuc ex materia superposita operatur, sed ad id quod est mirabilius ducit signa, ostendens quoniam & ex subiecta materia ante crucem miracula faciebat propter quamdam dispensationem. AUGUSTINUS (tract. cxxii.) Non autem hic est intelligendum, & panem fuisse prunis superpositum; sed quasi diceret: Viderunt prunas positas, & piscem superpositum prunis, & viderunt panem. a CHRYSTOSTOMUS (hom. ead.) Ut autem ostenderet non esse phantasma quod factum est, iubet ex piscibus ab eis captis afferri: sequitur enim: *Dixit ei Iesus: Afferre ex piscibus, quas prendidisti nunc.* Deinde & aliud signum fuit quod ex multitudine piscium rete non est scissum: unde sequitur: *Ascendit Simon Petrus, & traxit rete ad terram plenum magnis piscibus centum quinquaginta tribus: & cum tanti essent, non est scissum rete.* AUGUSTINUS (tract. cxxii.) Mystice autem in captura piscium commendavit Ecclesiæ sacramentum, qualis futura est in ultima resurrectione mortuorum. Et ad hoc commendandum valet quod tamquam finis est interpositus libri, quod esset etiam securæ narrationis quasi præmium. Quod autem septem discipuli fuerint in illa piscatione, suo septenario numero finem significat temporis: universum quippe septem diebus volvit tempus. THEOPHYLACTUS. Cum autem nox erat, ante solis Christi præsentiam Prophetæ nihil ceperunt: quia etiam unam nationem Israel corrigere conarentur, illa tamen frequenter in idolatriam labebatur. GREGORIUS in hom. (xxiv. in Evang.) Querit autem potest cur discipulis in mare laborantibus, post resurrectionem suam in littore stetit qui ante resurrectionem suam coram discipulis in fluctibus maris ambulavit. Sed mare præsens sæculum significat, quod se causarum tumultibus, & undis vitæ corruptibilis illidit; per soliditatem autem littoris perpetuas quietis æternæ figuratur. Quia igitur discipuli adhuc fluctibus mortalis vitæ inerant, in mari laborabant; quia autem Redemptor noster iam corru-

Rrrr 3 ptio-

(1) *Al. omittitur* Sive. Nicolai legis sive vestiti, etiam &c.

EX EDITIONE P. NICOLAI.

• THEOPHYLACTUS.

prionem carnis exceſſerat, poſt reſurrectionem ſuam in littore ſtabat. AUGUSTINUS (tract. cxxii.). Littus etiam finis eſt maris, & idem finem ſignificat ſæculi. Sicut enim in hoc loco qualiter in fine ſæculi futura ſit, ita Dominus alia piſcatione ſignificavit Eccleſiam qualiter nunc ſit: unde ubi Ieſus non ſtabat in littore, ſed aſcendens in unam navim, quæ erat Simonis, rogavit eum a terra reducere puſillum. In alia piſcatione non mittuntur retia in dexteram, ne ſolos ſignificent bonos, nec in ſiniſtram, ne ſolos malos; ſed indiſcernerent. „Laxate,“ inquit Luc. v. „retia veſtra in capturam“, „ut permixtos intelligamus bonos, & malos; hic autem, *Mittite*, inquit, *in dexteram navigi rete*, ut ſignificaret eos qui ſtabant ad dexteram ſolos bonos. Illud ſecit initio prædicationis ſuæ, hoc poſt reſurrectionem ſuam: hinc oſtendens illam capturam piſcium bonos, & malos ſignificare, quos nunc habet Eccleſia; iſtam vero tantummodo bonos, quos habebit in æternum, completa in fine huius ſæculi reſurrectione mortuorum. Illi autem qui pertinent ad reſurrectionem vitæ, ideſt ad dexteram, & inter chriſtiani nominis retia deſiguntur, non niſi in littore, ideſt in fine ſæculi, cum reſurrexerint apparebunt; ideo non valuerunt ſic trahere retia ut in navem reſunderent quos ceperant piſces, ſicut de aliis (1) factum eſt. Habet autem iſtos dexteris Eccleſia poſt finem vitæ huius in ſomno pacis, velut in profundo latentis, donec ad littus rete perveniat. Quod (2) autem in prima piſcatione duobus naviculis, hoc iſto loco ducentis cubitis, (3) tamquam centum & centum, exiſtimo figuratum, propter utriusque generis electos, & circumciſionis, & præputii. BEATA. Vel per ducentos cubitos gemina caritatis virtus exprimitur: per dilectionem enim Dei, & proximi Chriſto appropinquamus. Piſcis autem aſſus, eſt Chriſtus paſſus: ipſe latere dignatus eſt in aquis generis humani, capi voluit laqueo noſtræ noſtiſ; & qui nobis factus eſt piſcis humanitate, extitit nobis panis, nos reſcians ſua divinitate. GREGORIUS (hom. xxiv. ut ſupra.) Petro autem ſancta Eccleſia eſt commiſſa; ipſi ſpecialiter dicitur: *Pasce ovem meam*. Quod ergo poſtmodum aperitur in voce, nunc ſignificatur in opere. Ipſe enim piſces ad ſoliditatem littoris pertrahit, quia ſtabilitatem æternæ patriæ fidelibus oſtendit. Hoc egit verbis, hoc epifolis, hoc agit

quotidie miraculorum ſignis. Sed cum rete magnis piſcibus plenum dicitur, additur & quantis; & hoc eſt quod ſubditur: *Plenum magnis piſcibus centum quinquaginta tribus*. AUGUSTINUS (tract. cxxii.). In alia piſcatione numerus piſcium non exprimitur, tamquam illud ibi fiat quod prædictum eſt per Prophetam. Pſal. 39. „Annuntiavi, & „locutus ſum; multiplicari ſunt ſuper numerum:“ hic vero certus eſt numerus: cuius reddenda eſt ratio. Numerus enim qui legem ſignificat decem eſt propter decalogum. Cum autem accedit ad legem gratiæ, ideſt ad litteram ſpiritus, quodammodo denario numero additur ſeptenarius: ſeptenario quippe numero ſignificatur Spiritus ſanctus, ad quem ſanctificatio proprie pertinet. Primum enim in lege ſonuit ſanctificatio in die ſeptima. Eſaias etiam Propheta eum commendat opere, vel munere ſeptenario. Cum itaque legis denario Spiritus ſanctus per ſeptenarium numerum accedit, ſunt decem & ſeptem, qui numerus ab uno uſque ad ſeipſum computatis omnibus creſcens ad centum quinquaginta tres pervenit. GREGORIUS (homil. xxiv. in Evang.). Ducimus etiam per trigonum decem & ſeptem, veniunt quinquaginta unum. In quinquageſimo autem anno cunctus populus ab omni operatione quieſcebat. Sed vera requies in unitate eſt: ubi enim ſciſſura diviſionis eſt, vera requies non eſt. AUGUSTINUS (ut ſupra.) Non ergo tantummodo centum quinquaginta tres ſancti ad vitam reſurrecturi ſignificantur æternam, ſed omnes ad gratiam Spiritus pertinentes hoc numero figurantur: qui etiam numerus ter habet quinquagenarium numerum, & inſuper ipſa tria propter myſterium Trinitaris. Quinquagenarius autem multiplicatis ſeptem per ſeptem, & unius adiectione complerur. Unus autem additur, ut eos ſignificet eſſe unum. Non autem fruſtra dictum eſt quod erant magni. Cum enim diſſiſſet Dominus Matth. 5. „Non veni ſolvere legem, ſed „implere,“ daturus Spiritum, utique per quem lex poſſet impleri, paucis verbis interpoſitis ait ibidem: „Qui fecerit, & „dixerit,“ magnus vocabitur in regno cælorum.“ In prima autem piſcatione rete propter ſignificanda ſchiſmata rumpebatur; (4) hic vero, quoniam in illa ſumma pace ſanctorum nulla erunt ſchiſmata, petiit ad Evangelicam conſequenter dicere: *Et cum tanti eſſent*, ideſt tam magni, non eſt

(1) *Id. dictum eſt.* (2) *Id. deſcriptum autem* (3) *Id. tantum.* (4) *Id. hic vero.*

q² scissum esse, tamquam illud respiceret ubi scissum est, & in illius mali comparatione commendaretur hoc bonum.

(b) AUGUSTINUS (tract. cxxiii.) Peracta pificatione Dominus eos ad prandium vocat: unde dicitur: *Dicit eis Iesus: Venite, prandete.* CHRYSOSTOMUS [hom. lxxxvi.] Hic quidem non dicit quod comedit cum eis; sed Lucas hoc dicit. Hoc autem fiebat, non ut natura indigente cibis de reliquo, sed condescensione ad demonstrationem resurrectionis facta. AUGUSTINUS XIII. de Civit. Dei [cap. xxii.] Corpora autem iustorum quæ in resurrectione futura sunt, neque ligno vitæ indigebunt, quo fiat ut nullo morbo, vel senectute inveterata moriantur, neque ullis aliis corporalibus nutrimentis, quibus esuriendi, atque sitiendi qualiscunque molestia devitetur: quoniam certo, & inviolabili munere immortalitatis induentur, ut non nisi vclint, possibilitate, non necessitate vescantur: non enim potestas, sed egestas edendi, & bibendi talibus corporibus auleatur; sicut & Salvator noster post resurrectionem iam quidem in spiritali carne, sed tamen vera, cibum, ac potum cum discipulis sumpsit, non alimentorum indigentia, sed ea qua & hoc poterat potestate.

Sequitur: *Et nemo audebat discumbentium interrogare eum, Tu quis es? scientes quia Dominus est;* ac si diceretur: AUGUSTINUS super Ioan. (tract. eodem) Nemo audebat dubitare veritate ipse esset: tanta enim erat evidentiæ veritatis ut eorum non solum negare, sed nec dubitare quidem ullus auderet: quoniam si quisquam dubitaret, utique interrogaret. CHRYSOSTOMUS (homil. cit.) Vel hoc dicit, quia de reliquo non similiter confidebant ei loqui ut prius; sed cum silentio, & reverentia multa sedebant attendentes in eum; & formam quidem alteratam videntes, & multa admiratione plenam, valde stupefacti volebant interrogare. Sed formido in hoc quod sciebant quod Dominus esset, detinebat interrogationem, & solum comedebat quæ eis dabat [1] cum priori potestate. Hic autem non respicit in calum, neque humana illa facit, ostendens quoniam condescensionis gratia fiebat: unde subditur: *Et venit Iesus, & accepit panem, & dabat eis, & pisces similiter.* AUGUSTINUS [tract. cxxiii.] Mystice autem piscis assus, Christus est passus: ipse est &

panis qui de celo descendit; [2] huic incorporatur Ecclesia ad participandum beatitudinem sempiternam: propter hoc dictum est: *Afferte de piscibus quot prændidistis mone:* ut omnes qui hanc spem gerimus, per illum septenarium numerum discipulorum, per quem potest in hoc loco nostra universitas intelligi figurata, tanto sacramento nos communicare nossemus, & eidem beatitudini sociari. GREGORIUS [hom. xxiv. in Evang.] Per hoc etiam quod [3] cum septem discipulis ultimum convivium celebrat, eos tantummodo qui septiformi gratia sancti Spiritus pleni sunt, futuros secum in æterna refectioe denuntiat: septem quoque diebus omne hoc tempus evolvitur, & sæpe septenario numero perfectio designatur. Illi ergo ultimo convivio de presentia veritatis epulantur qui nunc perfectionis studio terrena transcendunt. CHRYSOSTOMUS (hom. lxxxvi.) Quia vero non continuo cum eis conversabatur, neque similiter ut prius, subdit Evangelista dicens: *Hoc iam tertia manifestatur est Iesus discipulis suis cum resurrexisset a mortuis.* AUGUSTINUS [ut supra.] Quod non ad ipsas demonstrationes, sed ad dies referre debemus; idest, primo die cum resurrexisset, & post octo, quando Thomas vidit, & credidit, & hoc die quando hoc de piscibus fecit, & deinde quoties voluit, usque ad diem quadragesimum quo ascendit in calum. AUGUSTINUS de Con. Evang. (Lib. III. cap. xxvi.) Invenimus autem apud quatuor Evangelistas decies commemoratur Dominum visum esse post resurrectionem. Semel ad monumentum a mulieribus; iterum eisdem regredientibus a monumento in itinere; tertio Petro; quarto duobus euntibus in castellum; quinto pluribus in Hierusalem, ubi non erat Thomas; sexto ubi vidit eum Thomas; septimo ad mare Tiberiadis; octavo omnibus undecim in monte Galilee secundum Matthæum; nono, ut dicit Marcus, novissime recumbentibus, quia iam non erant in terra cum illo convivaturi; decimo ipso die ascensionis, non iam in terra, sed elevatum in nube.

(c) THEOPHYLACTUS. Finito prandio, commissionem ovium mundi Petro commendat, [4] non aliis: unde dicitur: *Cum ergo prændissent, dicit Simoni Petro Iesus: Simon Ioanni, diligis me plus his?* AUGUSTINUS [tract. cxxiii.] Sciens Dominus inter-

ro-

[1] Corrigit P. Nicolai cum pleniori potestate. (2) *Al. hic* (3) *Al. omittitur cum.* (4) *Al. non*

rogat : sciebat enim Dominus quod non solum eum diligere, verum etiam quod plus omnibus eum diligere Petrus. ALCUINUS. Dicitur autem Simon Ioannis, id est filius Ioannis carnalis patris, Mystice autem Simon obediens, (1) Ioannes gratia ; & merito hoc nomine vocatur, id est obediens gratiæ Dei, ut ostendatur, quod ardentiori eum caritate amplectitur, non meriti humani, sed divini esse muneris. AUGUSTINUS in serm. pas. 4 [serm. cxlxi. de temp.] Dum autem Dominus morderetur, timuit, & negavit ; resurgens autem Dominus amorem inferuit, timorem fugavit : nam quando negavit, mori timuit ; resurgente Domino quid timeret, in quo mortem mortuam reperiret ? unde sequitur : *Ait illi : Etiam Domine, tu scis quia amo te.* Confitentur autem amorem suum, oves suas commendavit : unde sequitur : *Dicit ei : Pasce agnos meos ;* tamquam non esset ubi ostenderet Petrus amorem suum in Christum nisi esset pastor fidelis sub principe omnium pastorum. CHRYSOSTOMUS [hom. lxxxvii.] Quod enim maxime omnium tribuit nobis eam quæ desuper est benevolentiam, est proximorum procuratio. Præteriens autem Dominus alios, Petro de talibus loquitur : eximius enim Apostolorum erat Petrus, & os discipulorum, & vertex collegii : unde & negatione deleta, committit ei prælationem fratrum. Et negationem quidem ei non exprimat, sed dicit : Si diligis me, [2] præfide fratribus, & ferventem amorem quem per omnia demonstrasti, nunc ostende ; & animam quam dixisti te esse positurum pro me, hanc da pro ovibus meis.

Sequitur : *Dicit ei iterum : Simon Ioannis, diligis me ? Ait illi : Etiam Domine, tu scis quia amo te.* AUGUSTINUS (tr. cxxii.) Merito dicitur Petro, *Diligis me*, & respondet, *Amo te*, eique dicitur : *Pasce agnos meos :* ubi etiam demonstratur unum atque idem esse amorem & dilectionem : nam etiam Dominus novissime non ait, *Diligis me*, sed *amas me*. Sequitur : *Dicit ei tertio : Simon Ioannis, amas me ?* Tertio, utrum Petrus eum diligat, Dominus interrogat. Redditur enim negationi trinæ trina confessio, ne minus amor lingua serviat quam timo-

ri, & plus vocis eliciuisse videatur mori imminens quam vita præfens. CHRYSOSTOMUS [hom. lxxxvii.] Tertio etiam interrogat : & tertio iniungit eadem, ostendens quantum appetat prælationem propriarum ovium, & quoniam hoc est maxime eius amoris signum. THEOPHYLACTUS (ut supra.) Ex tunc etiam inolevit consuetudo, ut ter confiteantur qui veniunt ad baptismum. CHRYSOSTOMUS [ut supra.] Deinde tertio interrogatus contritatus est : unde sequitur : *Contristatus est Petrus, quia dixit ei tertio, Amas me ?* Rursus formidans priora ; ne forte æstimans se diligere, si non diligat, corripatur, sicut & prius correptus est, multum se æstimans fortem : unde ad ipsum Christum refugit, unde sequitur : *Es dicis ei : Domine, tu omnia scis*, id est ineffabilia cordis, præsentia, & futura. AUGUSTINUS de Verb. Dom. 6 Inde ergo contristatus est quod sæpe interrogatus esset ab eo qui sciverat quod interrogabat, & donaverat quod audiebat. Veraciter ergo respondit, & de intimo cordis protulit amantis vocem, dicens : *Tu scis quia amo te.* AUGUSTINUS super Ioan. [tract. cxiv.] Non autem addit, plus his : hoc enim respondit quod de seipso sciebat : non enim quantum ab alio quolibet diligere, scire poterat qui cor alterius videre non poterat. Sequitur : *Dicit ei : Pasce oves meas ;* quasi dicat : Sit amoris officium pascere dominicum gregem, sicut fuit timoris indicium negare pastorem. THEOPHYLACTUS. Potest autem quis assignare differentiam inter agnos & oves. Agni sunt qui introducuntur, oves vero perfecti. ALCUINUS. Pascere autem oves est credentes in Christo, ne a fide deficiant, confortare, terrena subsidia, si necesse est, subditis providere, & exempla virtutum cum verbo prædicationis impendere, adversariis obistere, errantes subditos corrigere. AUGUSTINUS. E Qui hoc autem animo pascunt oves Christi ut suas velint esse, non Christi, se convincuntur amare, non Christum, vel gloriantur, vel domandi, vel acquirendi cupiditate, non obediendi, & subveniendi, & Deo placendi caritate. Non ergo nos, sed ipsam amemus, & in pascendis ovibus eius ea quæ sunt eius, non quæ

(1) M. Ioannes gratiæ merito hoc nomine vocatur ecc. (2) M. præfide. Nicolai autem persiste. & servatibus ferventem amorem ecc.

EX EDITIONE P. NICOLAI.

* Tale aliquando in serm. de pass. ser. 4. post dominicam palmarum, sive serm. 124. de tempore, sed non expresse sub his verbis, ut & serm. 50. de Verbis Domini. & serm. 50. & Tract. 129. in 1042.

nostra sunt queramus : quisquis enim seipsum , non Deum amat , non amat se : qui enim non potest vivere de se , moritur utique amando se : non ergo se amat qui ne vivat se amat . Cum vero ille diligitur de quo vivitur , non se diligendo magis se diligit qui propterea non se diligit ut eum diligit de quo vivit . AUGUSTINUS in ser. pass. Existerunt autem quidam servi infideles , qui diservitunt gregem Christi , & furtis suis peculia sibi fecerunt : & audis eos dicere : Oves meæ sunt illæ : quid queris ad oves meas ? non te inveniam ad oves meas . (1) Si sic & nos dicamus meas , & illi dicant suas ; perdidit Christus oves suas .

[d] CHRYSOSTOMUS (hom. lxxxvii.) Cum dixisset Petrus Dominus de amore quem habebat ad ipsum , prænnuntiat ei martyrium quod pro ipso debebat sustinere , erudire nos volens quomodo eum amare oportet : unde dicit : Amen amen dico tibi : cum esses junior , cingebas te , & ambulabas ubi volebas . Meminit prioris vitæ , quia in secularibus invenis quidem utiles est , qui vero senuerit , inutilis . In divinis autem non ita est ; sed cum supervenerit senectus , tunc virtus clarior , tunc virilitas industrius , in nullo ab ætate prohibita . Quia ergo Petrus semper volebat in periculis esse cum Christo , dicit ei : Confide , ita implebo tuum desiderium , ut quæ passus non es juvenis existens , oporteat te pati senem : unde sequitur : Cum autem senueris : per quod offenditur quod neque tunc juvenis erat , neque senex , sed vir perfectus . ORIGENES super Matth. Et attende quod non facile invenitur quis ex eis qui apti fuerint ad hoc opus , ut cito transiret de hac vita : unde nunc Petrus dicitur : Cum senueris , extendes manus tuas . AUGUSTINUS [traç. cxxiii.] . Hoc est , crucifigeris . Ad hoc autem ut venias , alius te cinget , & ducet quo non vis . Prius dixit quod fieret , & deinde quomodo fieret : non enim crucifixus , sed crucifigendus quo nollet est ductus . Solutus quippe a corpore esse volebat cum Christo ; sed si fieri posset , præter mortis molestiam vitam concupiscebat æternam : ad quam molestiam nolens venit ; sed volens eam vicit , & reliquit hunc infirmitatis affectum , quo nemo vult mori , usque adeo naturalem ut eum beato Petro nec senectus auferre potuerit . Sed molestia quantumcumque sit mortis , debet eam vincere vis amoris quo amatur ille qui , cum sit vita nostra , etiam mortem voluit ferre pro nobis . Nam

si nulla esset mortis , vel parva molestia , non esset tam magna martyrii gloria . CHRYSOSTOMUS [homil. lxxxvii.] Dicit ergo , Quo non vis , propter naturalem compassionem animæ , quæ invita separatur a corpore , Deo hoc utiliter dispensante , ut non multi sibi mortem inferant violentam . Deinde erigens audirentem Evangelistam induxit : Hoc autem dixit significans quæ morte clarificaturus esset Deum . Non dixit , Moriturus esset , ut discas quoniam pati pro Christo , gloria est patientis & honor . Nisi autem certificaretur animus quia verus Deus est , minime eius intuitu mortem toleraret : quo fit ut sanctorum mors divinæ sit gloriæ certitudo . AUGUSTINUS [traç. cxxiii.] Hunc invenit exitum ille negator , & amator , ut pro eius nomine perfecta dilectione moretetur cum quo se moriturus perverfa sèstinatione promiserat . Hoc enim oportebat , ut prius Christus pro Petri salute , deinde Petrus pro Christi prædicatione moretetur .

[e] AUGUSTINUS [traç. cxxiv.] Cum prænnuntiasset Dominus Petro quæ morte clarificaturus esset Deum , invitavit eum ad sui sequelam : unde dicitur : Et cum hoc dixisset , dicit ei , Sequere me . Cur dicitur Petro , Sequere me , nec dicitur ceteris qui simul adestant , qui eum sicut magistrum discipuli sequebantur ? Sed si ad passionem intelligendum est , numquid solus pro christiana veritate passus est Petrus ? Nonne ibi erat Iacobus , qui ab Herode manifestatur occisus ? Verum aliquis dixerit , quoniam non est Iacobus crucifixus , merito dictum esse Petro , Sequere me , qui non solum mortem , sed & mortem crucis sicut Christus expertus est . THEOPHYLACTUS . Audiens autem Petrus quia mortem pro Christo passurus est , querit de Ioanne an moriatur : unde sequitur : Convertens Petrus , vidit illum discipulum quem diligebat Iesus sequentem , qui & recubans in cæna super pectus eius : & dixit : Domine , quis est qui tradet te ? AUGUSTINUS [ubi supra .] Seipsum dicit discipulum quem diligebat Iesus , quia ipsum præ ceteris , & familiaris diligebat , ita ut in convivio super pectus suum discumbere faceret . Credo ut istius Evangelii quod per eum fuerat prædicaturus , divinam excellentiam hoc modo altius commendaret . Sunt qui senserint , & hi non contemptibiles sacri eloquii tractatores , a Christo Ioannem propterea plus amatum , quia ab ineunte pueritia castissimus vixerit .

Se-

(1) Al. amittitur . Si

Sequitur: *Hinc ergo cum vidisset Petrus, dixit Iesū Dominus, hic autem quid?* THEOPHYLACTUS. Idest, numquid non morietur & ipse? ut quidam exponunt.

Sequitur: *Dixit ei Iesús: Sic eum volo manere donec veniam: quid ad te?* AUGUSTINUS (tract. eod.) Et repetitum est, *Tu me sequere*, tamquam illo ideo non sequeretur, quoniam eum manere voluit donec veniat. Quis facile aliud esse credat quam quod fratres crediderunt qui tunc erant? Sequitur enim: *Exiit ergo sermo iste inter fratres, quia discipulus ille non moritur*. Sed hanc opinionem Ioannes ipse abstulit subdens: *Et non dixit Iesús, Non moritur; sed Sic eum volo manere donec veniam: quid ad te?* Sed cui placet adhuc resistat, & dicat, verum esse quod ait Ioannes, non dixisse Dominum quod discipulus ille non moritur, sed hoc tamen significatum esset talibus verbis qualia eum dixisse narravit. THEOPHYLACTUS. Vel dicat: Christus non negavit Ioannem moriturum, nam quidquid oritur moritur; sed dixit, *Volo eum manere*, idest vivere usque ad mundi finem, & tunc pro me patietur martyrium: & ideo fatetur adhuc illum vivere, ab Antichristo vero debere occidi, [1] & una cum Elia predicaturum nomen Christi. Sed & si assignetur (2) eius sepulcrum, vivens quidem illud intravit, postea discessit. AUGUSTINUS (tract. cxxiv.) Vel forte aliquis in illo sepulcro eius, quod est apud Ephesum, dormire potius eum quam mortuum iacere contendit: assumens argumentum, quod illic terra sensim scaturire, & quasi ebullire perhibetur; atque hoc eius anhelitu fieri pertinaciter [3] asseverans. Sed cur eius discipulo quem præ ceteris diligebat, pro magno munere longum in corpore donaverit somnum, cum beatum Petrum per ingentem martyrii gloriam ab onere corporis absolverit, eique concesserit quod Paulus se concupiscere dixit Philip. 1. „Cupio dissolvi, & esse cum Christo“? Si autem vere ibi [4] sit quod semper spar sit fama, aut ideo fit ut eo modo commendetur pretiosa eius mors, quoniam non eam commendat martyrium, aut propter aliquod aliud quod nos latet. Manet tamen questio cur dixerit Dominus de homine morituro: *Sic eum volo manere donec veniam*. Illud etiam movet ad querendum, cur Ioannem plus dilexerit Dominus, cum ipsū Dominum plus dilexerit Petrus. Quantum ipse sapio, [5] meliorem qui plus diligit Christum, felicior

rem vero quem plus diligit Christus, facile responderem, si iustitiam liberatoris nostri, quemadmodum defendere providerem. Aggrediar igitur de solvenda questione tam ingenti. Duas vitas sibi divinitus prædicatas novit Ecclesia; quarum una est in fide, altera (6) in specie. Ista significata est per Apostolum Petrum propter Apostolorum sui primum, illa per Ioannem; ideo huic dicitur, *Sequere me*, per imitationem scilicet perferendi temporalia mala; de illo vero dicitur: *Sic eum volo manere donec veniam*; quasi dicat: Tu me sequere per imitationem perferendi temporalia mala, ille maneat donec sempiterna venio redditurus bona: quod apertius dici potest: Perfecta me sequatur actio informata meæ passionis exemplo; inchoata vero contemplatio maneat [7] donec venio, perficienda cum venero: quod non sic intelligendum est, quasi dixerit remanere, vel permanere, sed expectare: quoniam quod per eum significatur, cum venerit Christus implebitur. In hac autem activa vita quanto magis Christum diligimus, tanto facilius liberamur a malo; at ipse nos minus diligit quales nos sumus; & hinc ideo liberat, ne semper tales simus; ibi vero amplius nos diligit, quoniam quod ei displicet, & quod a nobis auferat non habebimus. Amet ergo eum Petrus, ut ab ista mortalitate liberemur; ametur ab eo Ioannes, ut in illa immortalitate fervemur. Cur ergo Ioannes minus eum diligebat quam Petrus, si eam vitam significabat in qua est multo amplius diligendus, nisi quia propter ea dictum est: *Volo eum manere*, idest expectare, donec veniam; quando & ipsum amorem qui tunc multo amplior erit, nondum habemus, sed expectamus futurum, ut dum ipse venerit, habeamus. Hoc ergo per Petrum significatum est plus amantem, sed minus amatum, quia minus nos amat Christus miseris quam beatos: veritatis autem contemplationem qualis tunc futura est, minus amamus, quia nunc nondum novimus, nec habemus. Nemo tamen istos insignes Apostolos sepat: (8) & in eo quod significabat Petrus ambo erant, & in eo quod significabat Ioannes ambo futuri erant. GLOSSA. Vel aliter. *Sic eum volo manere*, idest, nolo eum per martyrium consummare, sed expectare eum in placidam absolutionem carnis suæ, quando ego veniens recipiam eum in æterna beatitudine. THEOPHYLACTUS. Vel aliter totum (9) hoc.

Quan-

(1) *Lectio Nivalis* & una cum Elia, & Enoch predicaturum. Sec. (2) *Al. ei*. (3) *Al. asseverant*. (4) *Al. moritur*. (5) *Al. meliorem* qui plus diligit Christum, felicior est vero quem plus diligit Christus facile responderem, si iustitia dec. (6) *Al. in spe*. (7) *Al. donec venies, immensum iussu*. (8) *Al. & nolo eo quod dec.* (9) *Al. in hoc*.

Quando dicit Dominus Petro, *Sequere me*, cunctorum fidelium praelaturam ei instituit. Simul autem & *sequi* intelligas hic imitationem in cunctis & verbis, & operibus. Ostendit etiam affectionem ad ipsum: quia qui nobis ascriptiores sunt, hos sequi nos volumus. CHRYSOSTOMUS (hom. lxxxvii.) Si vero dixerit quis: Qualiter igitur Iacobus thronum assumpsit Hierosolymorum? illud [1] utique dicam, quoniam Petrus orbis terrarum inthronizavit magistrum. Sequitur: *Conversus Petrus vidit illum discipulum quem diligebat Iesus, sequentem, qui & recubuit in caena super pectus eius*. Non sine causa recolit illam accubationem, sed ut ostendat quantum Petrus habebat fiduciam post negationem. Qui enim in cena non audebat interrogare, sed Ioanni interrogationem commisit, huic & praepositura fratrum credita est, & non solum non committit alteri interrogare quae ad ipsum pertinent, sed de reliquo ipse pro aliis magistrum interrogat. Quia igitur magna ei praedixerat Dominus, & orbem terrarum commiserat, & martyrium praenuntiaverat, & amore protestatus est amplioris; volens & Ioannem communicationem accipere, dixit: *Hic autem quid?* quasi diceret: Nonne eadem nobiscum (2) venit via? Valde enim Ioannem amabat Petrus; & per Evangelium ostenditur eorum colligatio, & in Actibus Apostolorum. Sic igitur nunc vicem reddit Petrus Ioanni. Aestimans autem cum velle interrogare de seipso, nec audere, ipse pro eo suscipit interrogationem. Quia vero debebant orbis terrarum procuratorem accipere, nec oportebat eos de reliquo sibi invicem esse coniunctos, quod esset damnum orbi terrarum, propterea Dominus dicit secundum litteram Graecam: *Si cum volo manere donec veniam, quid ad te? Tu me sequere*; quasi dicat: Opus tibi commissum attende, & perice; hunc vero si voluero manere hic, quid ad te? THEOPHYLACTUS. Quod vero dicitur: *[3] Dum venero*, quidam sic intellexerunt ac si diceret: Quousque contra Iudeos, qui me crucifixerunt, veniam, percutiens illos baculo Romanorum. Aiunt enim, hunc Apostolum usque ad Vespasiani tempus, cum Hierusalem capiendi erat, in locis illis conversatum. Vel dicit, *Dum venero*; idest, dum hunc volens dirigam ad praedicandum: te namque nunc dirigo ad orbis pontificatum; & in hoc sequere me; ipse vero maneat hic donec & eum educam sicut te. CHRYSOSTOMUS (hom. cit.) Deinde Evangelista discipulorum

opinionem ponit, & corrigit, ut supra dictum est.

(1) CHRYSOSTOMUS (hom. lxxxvii.) Quia ex multa certitudine scripsit Ioannes, non refutat sui ipsius testimonium in medium ferre: unde dicit: *Hic est discipulus ille qui testimonium perhibet de his*. Consuetudo enim est, cum valde vera dicamus, nostrum testimonium non denegare; & multo magis ille qui Spiritu sancto scribebat: unde & alii Apostoli dicebant Act. 11. „Nos sumus testes horum.“ Sequitur, *Et scripsit haec*; quod ipse solus dicit, quia posterior ad scribendum venit Christo monente: unde & frequentius ostendit Christi ad se amorem, occulte insinuans causam ex qua ad scribendum processit, & fide dignum faciens hunc sermonem ex sua dignitate. Sequitur: *Et scripsit quia verum est testimonium eius*. Omnibus enim aderat, & neque cum crucifigeretur desuit, & mater ei commissa est; quae sunt signa amoris, & quod cum certitudine sciat omnia. Et si aliqui non credant, inducantur ad credendum ex hoc quod subditur: *Sunt autem & alia multa quae fecit Iesus*. Unde manifestum est quod nequaquam scripsi ut Christo gratiam praestarem, cum tot existentibus non tot scripsissem quot ceteri; sed horum plura reliqui, contumelias, & convicia in medium proponens. Eum autem qui ad gloriam alterius scribit, oportet e contrario, ea quae sunt exprobrabiliora, tacere; quae vero sunt clara, proponere. AUGUSTINUS (tract. cxxiv.) Quod autem subdit: *Quae si scribantur per singula, nec ipsum arbitror mundum capere posse eos qui scribendi sunt libros*: non spatium locorum credendum est mundum capere non posse, sed capacitatem legentium comprehendere non posse; quamvis salva rerum fide plerumque verba excedere videantur fidem: quod non fit quando aliquid quod erat obscurum, vel dubium, exponitur; sed quando id quod apertum est vel augetur, vel extenuatur; nec tamen a tramite significande veritatis erratur: quoniam sic verba rem quae indicatur excedunt, ut voluntas loquentis, nec fallentis appareat. Hunc loquendi modum Graeco nomine hyperbolem vocant, qui modus sicut in hoc loco, ita in nonnullis aliis divinis litteris invenitur. CHRYSOSTOMUS (hom. eadem.) Vel hoc referendum est ad eius potentiam qui faciebat virtutem: sicut enim nobis facile est loqui, ita & illi, & multo facilius, facere quam volebat: quia ipse est super omnia Deus benedictus in saecula saeculorum. Amen.

[1] A. itaque [2] P. Nicolai habet veniam. [3] Idem Dmsr veniam.

Errores

Cor rige se.

Pag.	col.	lin.		
111	1	15	<i>Oservabant</i>	<i>Oservabant</i>
359	1	8	<i>omnes</i>	<i>omnis</i>
456	2	16	<i>nam qui præmiserit</i>	<i>nam qui non præmiserit</i>
460	1	1	<i>aderante</i>	<i>aderens</i>
		2		<i>dela figu-</i>
482	in textu	22	<i>dxisset</i>	<i>dixisset</i>
		23	<i>discebant</i>	<i>dicebant</i>
		26	<i>resuscitabo in eum</i>	<i>dela in</i>
649	2	1	<i>corpus;</i>	<i>corpus?</i>

Pagina autem 65. col. 1. lin. 7. post illa verba, simplicitatem enim lavacri requirit gratia, sic continuandum ex Ambrosii textu advertit Nicolaus: ut simus simplices sicut columbæ: pacem lavacri requirit gratia, quam in typo olivæ columba quondam ad illam arcam quæ sola fuit diluvii immunis, advexit. Quod in notis omisum est.

